

COMMENTARIA
IN
SCRIPTURAM SACRAM
R. P. CORNELII A LAPIDE

E SOCIETATE JESU,
SANCTÆ SCRIPTURÆ OLIM LOVANII, POSTEA ROMÆ PROFESSORIS,
ACCURATE RECOGNOVIT AC NOTIS ILLUSTRAVIT

JOS. MAX. PERONNE
CANON. DIOCESES SUSSIONENSIS, OLIM SCRIPTURÆ SACRÆ PROFESSOR



EDITIO NOVA

ACCURATE EXPURGATA MENDIS QUÆ IN PRIOREM IRREPSE RANT

TOMUS QUARTUS

IN LIBRUM IV REGUM, I ET II PARALIPOMENON
I ET II ESDRÆ, TOBIÆ, JUDITH, ESTHER
I ET II MACABÆORUM



PARISIIS
APUD LUDOVICUM VIVÈS, BIBLIOPOLAM EDITOREM
13, VIA VULGO DICTA DELAMBRE, 13

M DCCC LXXVII

COMMENTARIA

IN

LIBRUM QUARTUM REGUM.

ARGUMENTUM.

Hebræi hunc librum jungunt libro tertio, et cum eo unum efficiunt. Verum Latini aptius dividunt, et hic quartum inchoant. Hic enim cœpit prolapsum regni Juda, quod, sub Salomone cæterisque hucusque regibus, fuerat forte, amplum et opulentum. Porro libro primo Regum audivimus gesta Heli, Samuelis et Saulis per 80 annos; libro secundo gesta Davidis regis per 40 annos; libro tertio gesta Salomonis, Roboam, Abiæ, Asæ et Josaphat, per annos 126; jam vero hoc libro quarto audiemus gesta Joram, Ochozjæ, Athaliæ, Joas, Amasiæ, Oziæ, Joatham, Achaz, Ezechia, Manassis,

Amon, Josiæ, Joachaz, Joakim, Joachin et Sedecia per annos 304, ex Davide recta generationis serie successive descendantium; quibus in Israele sive in decem tribubus regnarunt Ochozias filius Achab, Joram, Jehu, Joachas, Joas, Jeroboam, Zacharias, Sellum, Manahem, Phaceia, Phacee et Osee, sub quo desit regnum Israel anno sexto Ezechiae, cum totus ejus populus a Salmanazar abductus est in Assyriam, ut audiemus cap. xviii, 10. Regnum vero Juda desit anno ultimo Sedecia, cum ejus populus abreptus fuit a Nabuchodonosor in captivitatem Babyloniam, ut audiemus capite ultimo.

CAPUT PRIMUM.

SYNOPSIS CAPITIS.

Ochoziæ ægrotanti, et de sanitate per nuntios consulenti Beelzebub, Elias per eosdem mortem denuntiat: mox, vers. 9, duos quinquagenarios ab eo ad se capiendum missos, igne cœlesti cum 50 militibus comburit; tertio vero sibi supplici parcit ac cum eo Ochoziam adit, eique necem intentat. Moritur ergo Ochozias, eique succedit frater Joram.

1. Prævaricatus est autem Moab in Israel, postquam mortuus est Achab. 2. Ceciditque Ochozias per cancellos cœnaculi sui, quod habebat in Samaria, et ægrotavit; misitque nuntios, dicens ad eos: Ite, consulite Beelzebub deum Accaron, utrum vivere queam de infirmitate mea hac. 3. Angelus autem Domini locutus est ad Eliam Thesbiten, dicens: Surge, et ascende in occursum nuntiorum regis Samariae, et dices ad eos: Numquid non est Deus in Israel, ut eatis ad consulendum Beelzebub deum Accaron? 4. Quam ob rem hæc dicit Dominus: De lectulo, super quem ascendisti, non descendes, sed morte morieris. Et abiit Elias. 5. Reversique sunt nuntii ad Ochoziam. Qui dixit eis: Quare reversi estis? 6. At illi responderunt ei: Vir occurrit nobis, et dixit ad nos: Ite, et revertimini ad regem, qui misit vos, et dicetis ei: Hæc dicit Dominus: Numquid, quia non erat Deus in Israel, mittis ut consulatur Beelzebub deus Accaron? Idcirco de lectulo, super quem ascendisti, non descendes, sed morte morieris. 7. Qui dixit eis: Cujus figuræ et habitus est vir ille, qui occurrit vobis, et locutus est verba hæc? 8. At illi dixerunt: Vir pilosus, et zona pellicea accinctus renibus. Qui ait: Elias Thesbites est. 9. Misitque ad eum quinquagenarium principem, et quinquaginta qui erant sub eo. Qui ascendit ad eum; sedentique in vertice montis, ait: Homo Dei, rex præcepit ut descendas. 10. Respondensque Elias, dixit quinquagenario: Si homo Dei sum, descendant ignis de cœlo, et devoret te, et quinquaginta tuos. Descendit itaque ignis de cœlo, et devoravit eum, et quinquaginta qui erant cum eo. 11. Rursumque misit ad eum principem quinquagenarium alterum, et quinquaginta cum eo. Qui locutus est illi: Homo Dei, hæc dicit rex: Festina, descende. 12. Respondens Elias ait: Si homo Dei ego sum, descendant ignis de cœlo, et devoret te, et quinquaginta tuos. Descendit ergo ignis de cœlo, et devoravit illum, et quinquaginta ejus. 13. Iterum misit principem quinquagenarium tertium, et quinquaginta qui erant cum eo. Qui cum venisset, curvavit genua contra Eliam, et precatus est eum, et ait: Homo Dei, noli despicere animam meam, et animas servorum tuorum qui mecum sunt. 14. Ecce descendit ignis de cœlo, et devoravit duos principes quinquagenarios primos, et quinquagenos qui cum eis erant; sed nunc obsecro ut miserearis animæ meæ. 15. Locutus est autem Angelus Domini ad Eliam, dicens: Descende cum eo, ne timeas. Surrexit igitur, et descendit cum eo ad regem, 16. et locutus est ei: Hæc dicit Dominus: Quia misisti nuntios ad consulendum Beelzebub deum Accaron, quasi non esset Deus in Israel, a quo posses interrogare sermonem, ideo de lectulo super quem ascendisti, non descendes, sed morte morieris. 17. Mortuus est ergo juxta sermonem Domini, quem locutus est Elias, et regnavit Joram frater ejus pro eo, anno secundo Joram filii Josaphat regis Judæ: non enim habebat filium. 18. Reliqua autem verborum Ochoziæ, quæ operatus est, nonne hæc scripta sunt in libro sermonum dierum regum Israel?

1. PRÆVARICATUS EST AUTEM MOAB IN ISRAEL,—id puta Ochoziæ filio Achab, qui regnabat in Israel. est, ut veitit Chaldæus, Moabitæ rebellarunt Israeli, Cum enim viderent Achab in prælio cæsum, et

exercitum ejus dissipatum, ac Ochoziam juvenem, animos sumpserunt, et ei, cui hucusque subjecti fuerant, rebellarunt, negando tributum, sibique proprium regem constituerunt: sicut sub idem tempus Idumæi a Davide subacti rebellarunt Ioram regi Juda, ut audiemus cap. viii. Ita Abu-lensis.

Prs. 2. 2. CECIDITQUE OCHOZIAS (filius Achab rex Israel)

PER CANCELLOS COENACULI SUI, — id est per fenes-tras cancellatas et reticulatas tabulati, inquit Pagninus, Vatablus et alii. Aut « cœnaculum » vocat solarium sive tectum, quod in Palestina erat planum, ut in eo ambulare, cœnare, dormire possent. Porro hoc tectum circumcirca cingebatur lorica sive muro, ne quis incaute ex eo laberetur juxta legem Deuteronomii xxii, 8. Murus hic reticulatus et cancellatus erat, ex quo, fatiscentibus vel ruptis cancellis, lapsus est Ochozias. Ita Sanchez.

Tropologice, Eucherius: « Ochozias, inquit, rex Samariæ, qui se a domo David separavit, et per cancellos decidit, hoc significare videtur: quod hæretici, sive schismatici, et si aliquam bonæ actionis arcem descendere videntur, quia tamen compagem Ecclesiæ unitatis non habent, quasi patentibus et non solidis laterum præsidiis, semper ad vitiorum infirma relabuntur, dum di-vino destituti auxilio suæ pertinaciæ fastu inter-eunt. »

CONSULITE BEELZEBUB DEUM ACCARON. — Septua-ginta, consulite Baal muscam, deum Accaron. Josephus, consulite Myodis (*id enim Deo nomen erat*) oraculum: μύων est musca, inde Myodes est deus muscarum, qui scilicet invocabatur ad abigendas muscas, quibus abundabant Accaronitæ ob so-lum humidum et calidum, ex maris vicinia. Idem dicebatur Jupiter ἀπόμυος, teste Pausania, lib. V, et Plinio, libro XXIX, cap. vi, ubi Myodem vocat Acharem, forte quia in Accarone, ut hic dicitur, colebatur. Simili modo colebatur deus Smintheus, ad abigendos mures; hos enim Cretenses vocant Sminthas; et Parnopius ad abigendas parnopes, id est culices, vel, ut alii volunt, locustas, teste Pausania in Atticis. Gentiles enim rebus omnibus deos præfiebant, adeoque colebant Febrim, Cloacinam, Pavorem et Pallorem quasi numina, teste S. Augustino, lib. IV De Civit. Dei, cap. xvi et xxiii. Sic Beelzebub Hebraice idem est quod Baal sive Beel et Bel בָּאֵל Zebub, id est musca, vel Baal Musca, ut vertunt Septuaginta; idolum enim hoc instar muscæ erat efformatum, ait Nazianzenus, lib. II Contra Julianum, et Theodoretus, Quæst. III. Hinc et Philastrius inter hæreses numerat « Myo-latras, » id est muscæ adoratores, sive « Muscaco-caronitas, » hæresi 13. Vide dicta Matth. x, 23. Quibus adde nonnullos cum Serario sentire, quod Beelzebub sive Myodes, id est Deus muscæ, fuerit libidinis deus, aut dea quæpiam, ob impudicitiam et libidinem quæ in muscis notatur; unde Lucianus in Encomio muscæ tradit olim fuisse meretri-

ces, quæ muscæ vocabantur. Insuper dii (dæmones) omnes propter multitudinem, insolentiam, impudicitiam, mordacitatem, sordes, fœtorem, muscæ vocari possunt: unde hoc sæculo dæmon specie magnæ muscæ vel crabronis involans in eum, qui relicta fide orthodoxa Anabaptismum profitebatur, illico eum quasi possidens, S. Scripturæ peritum efficiebat, eumdemque hac peritia privabat, si ab Anabaptismo ad fidem rediret, uti oculati testes narrant. Rursum dæmones « muscæ » vocantur, quia, ut ait, lib. De Sacrificiis, Lu-cianus, « victimarum sanguini muscarum instar inhiarent. Adde, in Gentilium vates, muscæ instar dæmones quandoque involasse, ut oracula ederent; quemadmodum Sacerdotale Romanum tradi-tit, eum interdum ad energumenos obsidendum accedere. Hinc igitur apud Judæos, qui contem-psus et detestabilis erat, vocatur Beelzebub, Matth. cap. x. Ipse dæmonum princeps, Matth. xii, tan-quam omnium salacissimus, impudentissimus, contemptissimus, » ait Serarius; aut quia Myodes erat Jupiter ἀπόμυος, ut dixi; Jupiter autem est deo-rum omnium primus et princeps.

Tropologice, colunt Beelzebub, id est deum muscam vel muscarum, impudentes, luxuriosi, insolentes, inquieti, litigiosi. Audi S. Gregorium lib. XVIII Moral. cap. xxv, explicantem quartam Ægypti plagam, quæ fuit muscarum, Exodi viii, 21: « Ægyptus, quæ hujus mundi speciem tenet, muscis percutitur. Musca enim nimis insolens et inquietum animal est. In qua, quid aliud, quam insolentes curæ desideriorum carnalium designantur? Unde alias dicitur: Muscæ morientes perdunt suavitatem unguenti; quia cogitationes superfluae, quæ assidue in animo carnalia cogitante et nascuntur et deficiunt; eam suavitatem qua unusquisque intrinsecus per spiritum est, perdunt; quoniam integritate ejus perfrui non per-mittunt. Ægyptus ergo muscis percutitur; quia eorum corda qui terrenam vitam diligunt, dum desideriorum suorum inquietudinibus feriuntur, turbis cogitationum carnalium ad ima depressa sunt, et ad quietis intimæ desiderium non levan-tur. Unde cum ope pietatis ad cor veritas venit, prius ab eo cogitationum carnalium æstus ejicit, et post in eo virtutum dona mira disponit. » Plura de muscarum symbolis dixi Eccles. x, 1, ad illa: « Muscæ morientes perdunt suavitatem unguenti. »

4. QUAMOBREM (quia scilicet relicto Deo consu-listi Beelzebub) etc., MORTE MORIERIS.—Elias intentat mortem Ochoziæ ob consultum dæmonem; quod notent ii qui consulunt divinos et magos; hos enim Deus plectet morte æterna et sæpe tem-porali. Sic enim Saul occisus est in prælio, eo quod consuluisset Pythonissam, I Reg. xxviii, 16. Sic Achab telo confossus est, quod a pseudoprophetis Baal eventum belli esset sciscitatus, lib. III Regum capite ultimo. Est enim hæc consultatio scelus grave, et Deo valde injurium; quia per il-lud præscientia futurorum et divinatio adimitur

ejus divinitati, cui propria est, ac traditur diabolus. Unde Deus ostendit quam acriter hanc sui contumeliam sentiat, dum eam tam atrociter castigat.

Vers. 8. 8. **VIR PILOSUS ET ZONA PELLICEA ACCINCTUS.** — Incedebat enim Elias intonsus, prolixia barba et capillis, hispido vestitu et piloso, puta melote, sive pelle ovina vel caprina intonsa circumdatus, et zona pellicea accinctus, id est corio non apparato, sed adhuc piloso et villoso, quasi eremita mundi contemptor, et paupertatis priscæg'ie simplicitatis amator. Vide Cassianum, libro I *Instit.* cap. i. Fabulatur R. Eliezer cap. xxxi, zonam hanc Eliæ fuisse ex pelle illius arietis, quem pro Isaac immolavit Abraham, *Genes.* xxii.

Vers. 9. 9. **HOMO DEI,** (ironice ita eum vocat. q. d. O Elia, qui te vocas jactasque virum Dei) **REX PRÆCEPIT UT DESCENDAS** — ex vertice montis Carmeli ad nos, ut te quasi captivum deducamus ad regem Ochoziam, cui mortem prænuntiasti, ut hujus funesti oraculi rationem reddas, et pœnas luas. Itaque quinquagenarius hic peccavit primo impietate, quia impietati Ochoziae volentis Eliam castigare consensit, ejusque fuit administer. Secundo, fastu, quia imperiose et superbe quasi regii mandati executor jussit eum descendere; ideoque ab Elia imo a Deo igne cœlesti sideratus occubuit.

Vers. 10. 10. **RESPONDENSQUE ELIAS DIXIT QUINQUAGENARIO:** Si homo Dei sum, descendat ignis de cœlo et devoret te et quinquaginta tuos. — Elias titulum ironicum sibi datum, serium efficit, eumque in caput dicentis per seriam vindictam retorquet. Unde nota: pro *Dei* Hebraice est, *Elohim*, quæ vox significat Deum qua judicem et vindicem, q. d. Si ego sum minister *Elohim*, id est summi judicis et vindicis, ut tu ironice dixisti, ipse *Elohim* me, ut suum ministrum, defendat, ac puniat tuam insolentiam et violentiam qua me ejus ministrum vis capere, et ad regem invitum pertrahere. Hæc enim violentia in Deum ipsum, qui meus est herus et Dominus, redundat. Quare hanc sui, imo Dei injuriam Elias ultus est, spiritu vehementi

ignem e cœlo devocans. Idem faciet in fine mundi cum Enoch decertans contra Antichristum ejusque asseclas; unde *Apocal.* xi, 5, de utroque dicitur: « Et si quis voluerit eos nocere, ignis exiet de ore (jussu) eorum, et devorabit inimicos eorum, » et *Eccli.* cap. xlvi, vers. 1: « Surrexit Elias propheta, quasi ignis et verbam ipsius quasi facula ardebat, » et vers. 3: « Dejecit ignem de cœlo ter. » Vide ibi dicta.

Symbolice, S. Ambrosius, lib. *De iis qui mysteriis initiantur*, ix, cum Elia comparat sacerdotem consecrante Eucharistiam. Sicut enim Elias igne cœlesti consumpsit quinquagenarium cum suis, sic sacerdos, vi divina verborum Christi, consumit substantiam panis et vini, illamque in Christi corpus convertit: nam, ut ait Lanfrancus *Contra Bereng.*: « Si tantum valuit sermo Eliæ, ut ignem de cœlo deponeret; non valebit Christi sermo, ut species mutet elementorum? »

11. FESTINA, DESCENDE. — Impudentior fuit hic secundus pentarchus priore; tum quia auditio ejus supplicio non resipuit, tum quia auxilium impudentiam, addendo: *festina*; ideoque eadem pœna plexus, ac igne cœlesti consumptus est.

14. OBSECRO UT MISEREARIS ANIMA MÆ. — Hic tertius duorum præcedentium supplicio territus, et sapientior factus, fit supplex Eliæ: unde non audet petere dicere que ut descendat, sed misericordiam postulat, ut scilicet sibi parcat, et dicat quid sibi facto sit opus: quid scilicet regi renuntiare debeat. Quare ei Elias non tantum pepercit, sed et monente Angelo ultiro se comitem ad regem adjunxit.

17. REGNAVIT (in Israel) JORAM FRATER EJUS PRO VERO, ANNO SECUNDO JORAM FILII JOSAPHAT REGIS JUDÆ, — qui scilicet cum patre Josaphat adhuc vivente, sed eunte cum Achab ad pugnam contra Syros, ideoque absente, regnabat in Jerusalem, de quo cap. iii, vers. 1. Cæso enim Achab in bello, illico successit ei in regnum filius Ochozias, et eo primo regni sui anno e morbo moriente, frater ejus Joram.

CAPUT SECUNDUM.

SYNOPSIS CAPITIS.

Elias curru igneo rapitur in cœlum; suclamat ei Eliseus: pater mi! curris Israel et auriga ejus. Mox, vers. 14, pallio Eliæ dividens Jordanem, sicco pede eum pertransit. Inde, vers. 19, aquas pessimas immiso sale persanat. Denique, vers. 23, pueros 42 sibi insultantes: Ascende, calve, immissis duobus ursis dilacerat.

1. Factum est autem, cum levare vellet Dominus Eliam per turbinem in cœlum, ibant Elias et Eliseus de Galgalis. 2. Dixitque Elias ad Eliseum: Sede hic, quia Dominus misit me asque in Bethel. Cui ait Eliseus: Vivit Dominus, et vivit anima tua, quia non derelinquam te. Cumque descendissent Bethel, 3. egressi sunt filii prophetarum, qui erant in Bethel, ad

Eliseum, et dixerunt ei : Numquid nosti quia hodie Dominus tollet dominum tuum a te ? Qui respondit : et ego novi, silete. 4. Dixit autem Elias ad Eliseum : Sede hic, quia Dominus misit me in Jericho. Et ille ait : Vivit Dominus, et vivit anima tua, quia non derelinquam te. Cumque venissent Jericho, 5. accesserunt filii prophetarum, qui erant in Jericho, ad Eliseum, et dixerunt ei : Numquid nosti quia Dominus hodie tollet dominum tuum a te ? Et ait : Et ego novi, silete. 6. Dixit autem ei Elias : Sede hic, quia Dominus misit me usque ad Jordanelm. Qui ait : Vivit Dominus, et vivit anima tua, quia non derelinquam te. Ierunt igitur ambo pariter, 7. et quinquaginta viri de filiis prophetarum secuti sunt eos, qui et steterunt econtra, longe : illi autem ambo stabant super Jordanem. 8. Tulitque Elias pallium suum, et involvit illud, et percussit aquas quæ divisæ sunt in utramque partem, et transierunt ambo per siccum. 9. Cumque transissent, Elias dixit ad Eliseum : Postula quod vis ut faciam tibi, antequam tollar a te. Dixitque Eliseus : Obsecro ut fiat in me duplex spiritus tuus. 10. Qui respondit : Rem difficilem postulasti ; attamen si videris me, quando tollar a te, erit tibi quod petisti : si autem non videris, non erit. 11. Cumque pergerent, et incedentes sermocinarentur : ecce currus igneus, et equi ignei divisorunt utrumque ; et ascendit Elias per turbinem in cœlum. 12. Eliseus autem videbat, et clamabat : Pater mi, pater mi ! currus Israel et auriga ejus. Et non vidit eum amplius : apprehenditque vestimenta sua, et scidit illa in duas partes. 13. Et levavit pallium Eliæ, quod ceciderat ei : reversusque stetit super ripam Jordanis, 14. et pallio Eliæ, quod ceciderat ei, percussit aquas, et non sunt divisæ, et dixit : Ubi est Deus Eliæ etiam nunc ? percussitque aquas, et divisæ sunt hoc atque illuc, et transiit Eliseus. 15. Videntes autem filii prophetarum, qui erant in Jericho econtra, dixerunt : Requievit spiritus Eliæ super Eliseum. Et venientes in occursum ejus, adoraverunt eum proni in terram, 16. dixeruntque illi : Ecce, cum servis tuis sunt quinquaginta viri fortes, qui possunt ire, et quærere dominum tuum, ne forte tulerit eum spiritus Domini, et projecerit eum in unum montium, aut in unam vallum. Qui ait : Nolite mittere. 17. Coegeruntque eum, donec acquiesceret, et diceret : Mittite. Et miserunt quinquaginta viros : qui cum quæsissent tribus diebus, non invenerunt. 18. Et reversi sunt ad eum ; at ille habitabat in Jericho, et dixit eis : Numquid non dixi vobis : Nolite mittere ? 19. Dixerunt quoque viri civitatis ad Eliseum : Ecce habitatio civitatis hujus, optima est, sicut tu ipse, domine, perspicis ; sed aquæ pessimæ sunt, et terra sterilis. 20. At ille ait : Afferte mihi vas novum, et mittite in illud sal. Quod cum attulissent, 21 egressus ad fontem aquarum, misit in illum sal, et ait : Hæc dicit Dominus : Sanavi aquas has, et non erit ultra in eis mors, neque sterilitas. 22. Sanatæ sunt ergo aquæ usque in diem hanc, juxta verbum Elisei, quod locutus est. 23. Ascendit autem inde in Bethel, cumque ascenderet per viam, pueri parvi egressi sunt de civitate, et illudebant ei, dicentes : Ascende, calve ; ascende, calve. 24. Qui cum respexisset, vidi eos, et maledixit eis in nomine Domini ; egressique sunt duo ursi de saltu, et laceraverunt ex eis quadraginta duos pueros. 25. Abiit autem inde in montem Carmeli, et inde reversus est in Samariam.

Vers. 2.

2. SEDE HIC. — Elias ex modestia et humilitate voluit occultare suum raptum, ideoque Eliseum a se dimittere. Dona enim Dei, quæ pertinent ad aliqualem, inquit Abulensis, personæ excellentiæ, occultari debent, ne homines videantur in eis gloriari ; quia Dei est ea manifestare, uti hic manifestavit raptum Eliæ per filios prophetarum. Quocirca Elias non tam præcipit, quam hortatur Eliseum, dicens « sede, » id est mane « hic ; » non est necesse ut me comiteris. Verum Eliseus sapienter ab Eliæ latere discedere noluit, ut ejus

benedictionis fieret particeps et zeli spiritusque hæres ; unde ait :

VIVIT DOMINUS, ET VIVIT ANIMA TUA (id est juro per vitam Dei et animæ tue), **QUIA** (quod) **NON DERELINUAM TE.** — Hinc liquet Deum Eliseo revealasse Eliam propediem rapiendum fore, illique suggestisse ut caveret, ne eum desereret.

3. EGRESSI SUNT FILII PROPHETARUM. — Erant hi Vers. 3. discipuli Eliæ, Elisei, aliorumque prophetarum, qui quasi viri religiosi totos se dabant Deo : quorum multa jam erant collegia in Galgalis, Bethel,

Jericho, Carmelo, etc., ab Elia et aliis instituta, ideoque Elias ante raptum ea hic visitavit, ut suos alumnos in vera fide, et aspero vitae eremiticæ instituto confirmaret, ultimaque salutis et perfectionis monita eis daret, et Eliseum successorem suum promulgaret. Exhortationem Eliæ ad eos graphicè hic repræsentat Salianus. Porro inter eos erant aliqui veri prophetæ, qui hic raptus Eliæ revelationem a Deo acceperunt, eamque Eliseo et aliis revelarunt, ut patet ex sequenti.

Vers. 7. 7. ILLI AUTEM (Elias et Eliseus) STABANT SUPER (id est juxta) JORDANEM, — ut eum Elias divideret, et sicco pede transiret.

Vers. 9. 9. OBSECRO UT FIAT IN ME DUPLEX SPIRITUS TUUS. — « Duplex, » id est duplo major, aiunt nonnulli cum Theodoreto, *Quæst. VII*, et Græcis. Accedit B. Petrus Damiani, serm. 2 *De Nativit. S. Joannis*

Duplex spiritus. Primo. *Baptistæ*: « In Eliseo, ait, fuit duplex Eliæ spiritus, non meritorum cumulo, sed exhibitione miraculorum ; quia 24 miracula fecit, cum Elias fecerit 12 duntaxat, » licet alii pauciora numerent. Unde Anastasius Nicænus, *Quæst. LV*, numerat Eliæ signa septem, Elisei vero 14. Accedit et S. Ambrosius, serm. 2 *De Eliseo*, qui exclamat : « O hæreditas pretiosa, in qua plus hæredi relinquatur quam habetur ; plus consequitur qui accipit, quam possideret qui largitur ! Pretiosa plane hæreditas, quæ, dum a patre transfertur ad filium, meritorum quodam fœnore duplicatur ! Igitur Elias, cum simplicem sanctitatis ipse haberet spiritum, Eliseo duplum dereliquit. Mirum ergo in modum plus Elias gratiæ dimisit in terris, quam secum portavit ad cœlos : et licet ipse ad altiora totus transfertur corpore, apud filium tamen ma-

Secundo. jore manet sanctitate. » Alii : « duplex, » inquiunt, respectu tertiae partis residuæ ; ita ut si spiritus Eliæ in tres divideretur partes, Eliseus postularet sibi duas, idque videtur innuere : *os duorum*, quod est in Hebræo. Unde Pagninus vertit : *Fiat mensura duarum partium de spiritu tuo super me*.

Tertio et optimè. *ut tuus spiritus duplex* tribuunt Eliæ, q. d. Oro, o Elia, *ut tuus spiritus duplex*, id est multiplex, validus et eximus, in me derivetur, ut, te abeunte, ego quasi filius tibi in spiritu tuo eximio, quasi in hæreditate spirituali succedam, eodemque zelo, quo tu, cultum veri Dei contra Baalitas propugnam. Unde Angelomus : « Spiritus duplex, inquit, est spiritus prophetæ et miraculorum. » Probatur id primo ex Hebræo qui habet : *Os duorum in spiritu tuo fiat mihi*; primogenitus enim duplum habebat portionem hæreditatis paternæ, cæteri vero filii simplicem et unam duntaxat, q. d. Peto ut ego quasi primogenitus tuus, o Elia, tibi in utroque tuo spiritu succedam. Secundo, quia *Ecli. XLVIII, 4*, dicitur de Elia : « Quis poterit gloriar ut Elias ? » Ergo ille majori fuit spiritu, quam Eliseus; tertio, quia ibidem vers. 13, dicitur : « Et in Eliseo completus est spiritus ejus. » Vide ibi dicta.

Vers. 10. 10. SI VIDERIS ME, QUANDO TOLLAR A TE, ERIT TIBI

QUOD PETISTI : SI AUTEM NON VIDERIS, NON ERIT. — Ratio hujus conditionis a Deo et Elia proposita Eliseo fuit, ut magis accenderet Elisei desiderium et studium, itaque eum præpararet ad tantum spiritus Eliæ duplicitis donum, utque ipsius Eliæ preces crescerent pro Eliseo, proque hoc spiritu ei impetrando, ad ipsius et totius Israelis bonum. Erat enim uterque incertus an Eliseo præsente raperetur Elias, ut ejusdem spiritus hæres et successor fieret. Ita S. Chrysostomus, hom. 1 in *Acta*; qui et addit Eliam hic præfigurasse Christum, qui non statim post resurrectionem misit Spiritum in Apostolos, sed voluit prius eos videre suam ascensionem in cœlum, indeque decimo die, puta in festo Pentecostes, misit in eos Spiritum Sanctum, ut ad eum per plures dies se compararent.

11. ECCÈ CURRUS IGNEUS, ET EQUI IGNEI DIVISERUNT UTRUMQUE. — Non erat hic currus vere igneus, sic enim adussisset Eliam ; sed habebat formam et speciem ignis, sicut habent meteora in aere formata. Erant enim revera Angeli, qui asserentes formam ignis, sursum vectabant Eliam, juxta illud : « Qui facis Angelos tuos spiritus, et ministros tuos ignem urentem, » *Psal. ciii, 4*. Fuit ergo hic ignis aer crassior, splendens, rubensque ut ignis, ait Abulensis, *Quæst. XVII*, Serarius et alii. Hic ergo currus igneus ab Angelis ex nubibus fuit formatus, quo Elias, quasi triumphator et civis cœli, raptus est in altum. « Igneus enim currus congruebat igneo Eliæ animo, ad eum vendendum in cœlum, » ait S. Chrysostomus, hom. 1 *De Elia*. Item officio ad quod Elias reservatur, videlicet ad præveniendum secundum Christi ad judicium adventum. Plures alias hujus currus raptusque causas litterales, allegoricas, tropologicas et anagogicas recensui *Ecli. XLVIII, 9*, ad illa : « Qui receptus es in turbine ignis, in curru equorum igneorum. » Porro Elias hoc curru igneo non tantum de Achab, Jezabele et idololatriis, sed et de morte, ipsoque igne triumphavit : fuit enim hic currus triumphi, ut fuit currus Cherubim *Ezechielis I*. Ait noster Prado ibidem, q. d. Par est ut tu, o Elia, qui in vita imperaveras igni in cœlo, jam ab igne quasi ejus imperator et triumphator, veharis in cœlum : unde patet quam inepte dicat R. Kimchi, Eliam in sphæra ignea ab igne fuisse consumptum. Audi S. Ambrosium, serm. 2 *De Eliseo* : « Elias magister Elisei nonne Angelis ducentibus raptus ad cœlum est, et quadriga ignea impositus quasi in quodam triumpho victor ascendit ? Victor enim existerat non gentium barbararum, sed secularium voluptatum. Siquidem graviores inimici sunt pravi mores, quam hostes infesti : ut facilius intelligamus hoc tempore malignitatem hostium vinci posse, quam morum. »

ET ASCENDIT ELIAS PER TURBINEM IN COELUM. — Septuaginta, et assumptus est Elias in commotione usque ad cœlum. Chaldæus, ad summitem cœlorum, *Ecli. cap. XLVIII, 9*, habetur : « Qui receptus es

Vers. 11
Gurr
igned
quis

in turbine ignis. » Græce ἐν λαίλαπι, id est procella ignea. Videtur ergo Deus emisso fulgetra, coruscationes et fulgura, similesque igneas procellas, quæ Eliam raperent et velerent in cœlum. Unde Vatablus ibidem vertit : *Qui procella ignea sublatus sis in curru equorum ardentium.* Sic ergo Elias turbine sive vento impellente, curru igneo vidente, et Angelo auriga utrumque moderante, vectus est in cœlum, ait Abulensis, Vatablus, Serarius, Salianus et alii. Audi S. Ambrosium in *Symb. Apost.* sub finem : « Enoch translatus est, inquit, ne videret mortem : similiter et Elias in corpore isto positus, curru igneo, id est Angelorum subvectione, qui sunt spiritus et flamma ignis, qui faciunt voluntatem Dei, in illa commotione usque ad cœlum assumptus est. » Auctor *mirabilium Scripturæ*, lib. II, cap. XXII : « Jam jamque Elias igneo curru receptus velut ad cœlum, considerante Eliseo, rapitur. » Rursum Ambrosius, lib. *De Nabu-the*, cap. XIV : « Cum reciperetur Elias, et curru quasi ad cœlum ferretur, clamavit ad eum Eliseus : Pater, pater, agitator Israel, et eques ejus, hoc est, qui populum Domini bono ductu regebas, constantiæ merito hos accepisti currus, hos equos ad divina currentes, quia moderatorem te humanarum mentium Dominus comprobavit. Ideo tanquam boni auriga certaminis, victor æterno præmio coronaris. »

IN CŒLUM.—Septuaginta, vers. 1, vertunt *quasi in cœlum*.

Hinc primo nonnulli censem Eliam vere raptum in cœlum, non aereum, sed æthereum, ibique quasi cœlitem degere. Ita Dorotheus in *synopsi*, cap. *De vita Eliæ*; S. Hieronymus in cap. IX *Amos*; S. Ambrosius, lib. *De Paradiso*, cap. III; Alcimus, lib. IV, et Serarius. Secundo alii censem Eliam raptum « in cœlum », id est in aerem, indeque traductum in paradisum terrestrem; in illum enim raptus fuit Enoch, *Eccli. XLVIII*, 7. Ita Irenæus, lib. V, cap. v, S. Justinus, *Quæst. LXXXV*, Isidorus, lib. *De ortu et obitu Sanctorum*, cap. v, S. Thomas, I part. *Quæst. CII*, art. 2. Tertio alii censem Eliam ductum in secretam aliquam terræ regionem. Ita S. Gregorius, hom. 29 in *Evang.* et Rupertus, lib. III *De Trinit.* cap. XXXIII. Quarto, certius alii dicunt incertum esse Eliæ et Enoch locum. Ita S. Chrysostomus, hom. 22 in *epist. ad Hebr.*, ibique Theophylactus et OEcumenius, S. Augustinus, *De gratia Christi*, cap. II et III, S. Cyprianus, *Demontibus Sion et Sina*, Theodoreetus, *Quæst. XLV in Genes.* sive ergo in terra, sive in aere sit Elias, vitam agit quietam et sanctam, in jugi Dei contemplatione, uti ex S. Augustino ostendi *Genes.* v, 22.

Ex hoc Eliæ raptu in cœlum, poetæ accepisse fabulas de solis quadriga asserit Beda, *Quæst. XXXVII*, et S. Chrysostomus, hom. 1 *De Elia*; ubi docet Eliam dici quasi ἥλιον, id est solem, imo ab Elia solem dictum esse ἥλιον.

Anagogice, raptus Eliæ fuit expressus typus ascensus Christi in cœlum, uti docet S. Bernardus,

serm. 3 et 6 *De Ascens.* ac S. Gregorius, hom. 29 in *Evang.* quem audi : « In cœlum aereum Elias sublevatus est, ut in secretam quamdam terræ regionem repente duceretur, ubi in magna jam carnis et spiritus quiete viveret, quoisque ad finem mundi redeat, et mortis debitum solvat. Ille etenim mortem distulit, non evasit. Redemptor autem noster, quia non distulit, superavit : eamque resurgendo consumpsit, et resurrectionis suæ gloriam ascendendo declaravit. » Deinde Christi ascensum præfert raptui Eliæ, subjiciens : « Notandum quoque est quod Elias in curru legitur ascendisse ; ut videlicet aperte demonstraret, quia homo purus adjutorio indigebat alieno. Per Angelos quippe facta illa et ostensa sunt adjumenta : quia nec in cœlum quidem aereum per se ascendere poterat, quem naturæ suæ infirmitas gravabat. Redemptor autem noster non curru, non Angelis sublevatus legitur : quia is qui fecerat omnia, nimis super omnia sua virtute ferebatur. Illo etenim revertebatur ubi erat : et inde redibat ubi remanebat; quia cum per humanitatem ascenderet in cœlum, per divinitatem suam et terram pariter continebat et cœlum. » Et nonnullis interjectis : « Nam Enoch translatus, Elias vero ad cœlum subvectus esse memoratur; ut veniret postmodum, qui nec translatus, nec subvectus cœlum æthereum sua virtute penetraret. »

Addit deinde in hisce tribus sensim creuisse castitatem et sanctimoniam usque ad summum : « Translatus namque est Enoch, inquit, et per coitum genitus, et per coitum generans. Raptus est Elias per coitum genitus, sed non per coitum generans. Assumptus vero est Dominus, neque per coitum generans, neque per coitum generatus. »

Denique Elias et Enoch jam sunt æternitatis candidati, et paradisi (sive illius primi, de quo *Genes. II*, sive alterius similis aut melioris) coloni, confirmati in gratia, ait Franciscus Suarez : ac licet non videant Deum, nec sint Beati, multa tamen a Deo lumina et solatia hauriunt; versantur enim quasi « in atrio domus Domini. » Unde cerebrius ab Angelis, quam cæteri mortales visitantur, cum eisque colloquuntur. Hinc et vivunt ex verbo Dei, sine cibo et potu corporeo. Deus enim eos conservat incorruptos (æque ac vestes eorum, uti servavit vestes Hebræorum per 40 annos in deserto) sanos, vegetos, alacres, et de suo gradu, statu et officio gaudentes et exultantes. Juges enim agunt gratias Deo, quod soli ipsi duo ex tot millibus hominum electi sint, qui in fine mundi pro Christo contra Antichristum certaturi sint, ac gentes et Judæos conversuri, tandemque martyrio gloriose coronandi, quique fidem et spem resurrectionis sua translatione, incorruptionem et longævitatem hominibus persuadeant, et re ipsa repræsentent.

An sint in statu merendi necne, problema est

Vita
Eliæ jam
qualis.

An mer-
aut?

Affirmant Abulensis, Quæst. XXIV, Viegas in cap. XI Apoc. com. 5, Malvenda, lib. IX De Antichristo, cap. v, Henriquez, lib. ult. De fine hominis, cap. XXIII, et alii. Ratio est, quia adhuc sunt viatores, ac cum differatur eorum beatitudo, quæ aliis eorum coævis jam pridem data est, videtur hujus dilationis vice eis concessa facultas augendi sua merita. Negant Franciscus Suarez, tom. II in III part. disp. LV, sect. 1, Pererius, lib. VII in Genes., disp. De Enoch, Quæst. V, Gabriel Vasquez, I II, disp. CCXVI, cap. I, et alii. Ratio est, quod raptus eis reputetur quasi mors, in qua cessat omne meritum: et quia alioqui ipsi continue augendo sua merita per tot annorum millia, omnes sanctos gratia et gloria superarent, excepta B. Virgine.

Vers. 12. 12. ELISEUS AUTEM VIDEBAT ET CLAMABAT: PATER MI, PATER MI! CURRUS ISRAEL ET AURIGA EJUS. — Hebraice, currus Israel et equites ejus; Septuaginta, et eques ejus, q. d. Vale, o Elia, pater mi, qui eras totum robur Israelis, ac magis Israelem juvabas tuo zelo et oratione, quam magna curruum et equitum multitudo. Ita Procopius, Vatablus, Cajetanus et alii.

Unde Chaldæus vertit: *Magister mi, magister mi, qui melior eras Israeli oratione tua curribus et equitibus.* Sic et Joas rex, visitans Eliseum morientem, ei succlamavit cap. XIII, 14: « Pater mi! currus Israel et auriga ejus. » Talis enim post Eliam fuit Eliseus.

Tropologice, Elias, id est doctor et prædicator mores populi corrigens, currus est: quia eum tolerando portat: auriga, quia eum exhortando agitat. Audi S. Gregorium, lib. II in Ezech. hom. 21: « Quid est, quod Elias currus Israel et auriga dicitur, nisi quia auriga agitat, currus portat? Doctor ergo qui mores populi et per patientiam sustinet, et sacri eloquii verbis docet, et currus dicitur et auriga. Currus, quia tolerando portat; auriga, quia exhortando agitat. Currus, quia mala sustinet; auriga, quia populum bonis admonitionibus exercet. » Hinc et S. Cyrillus in Collectan.: « Currus, inquit, significat excelsum et illuminatam vitæ rationem Eliæ. » Rursum S. Ambrosius, lib. De Isaac, cap. VIII: « Currus, inquit, est anima sancta, auriga et agitator est Christus; equi sunt quatuor, prudentia, temperantia, fortitudo, justitia; hi animam ad cœlum evehunt. Velociores, inquit, prudentia tardat, justitia admonet flagello proprio segniores; temperantia mansuetiores, fortitudo duriores reddit: novit copulare discordes, ne forte currum suum dissipent. Itaque licet intelligibili spectaculo videre unamquamque animam cum summo certamine ad cœlum rapi, festinantes equos, qui priores perveniant ad bravium Christi, quorum prius imponatur palma cervicibus. Isti sunt equi subjecti fidei jugo, stricti vinculo charitatis, justitiæ frenis, retinaculis sobrietatis. »

Politice: « currus Israel et auriga ejus, » est princeps, qui sustinet quasi currus onera Reipu-

blicæ et populi, ac dirigit, ut auriga, jugales: aurigatur, et præsidet, et simul bajulat et portat. Princeps et prælatus ergo sit ut mater, quæ regit et portat infantem. Hinc princeps Hebraice dicitur: **נֶשֶׁה nasha, q. d. portitor, bajulus, qui populi onera levat.** Sic Isaïæ IX, de Christo dicitur: « Cujus imperium super humerum ejus. »

Moraliter hic significat quod, si te totum divino imperio subdideris, facile a tuis subditis debita obsequia impetrabis. Elia per turbinem in cœlum abeunte, exclamat de terra Eliseus: « Pater mi, pater mi! currus Israel et auriga ejus. » Currum appellat simul et aurigam; currum, qui regitur; et aurigam, qui regit: ut ostenderet eum optimi principis munia explevisse, quod non solum alios prudenter regeret, sed etiam seipsum ab ipso Deo regi facile pateretur. Unde Lyranus in Commentario morali ad I lib. Reg. cap. IX: « Currus, inquit, qui ducitur, hic ponitur primo; et auriga, qui dicit, secundo: ad ostendendum quod ille bene dicit regendo, qui primo fuit ductilis in obediendo. »

Quæres quo anno, mense et die Elias sit raptus in cœlum. Respondeo, raptus est ante finem regni Josaphat: nam ejus gesta hucusque audivimus et audiemus cap. seq., ubi post Eliæ raptum, coram eo prophetavit Eliseus. Videtur ergo raptus paulo post mortem Ochoziæ regis Israel, quam ipse ei prædixerat cap. I: post illam enim statim ejus raptus hoc cap. II, subjungitur. Mortuus est autem Ochozias anno regni sui secundo, qui fuit regni Josaphat annus 18, et filii ejus Joram cum patre regnantis secundus, ut patet hoc libro, cap. III, vers. 17, et lib. III, cap. ult. vers. 52. Unde Salianus, Genebrardus et alii asserunt Eliam raptum sub annum 19 regni Josaphat, qui fuit a creato mundo, ait Salianus, annus 3139, post raptum Enoch 2162, ante Christi ortum 914. Hisce fere consentiunt Hebræi in Seder Olam, Josephus, Abulensis, Torniellus, Serarius et alii. Hoc ergo anno Christi 1638. Elias a raptu suo agit annum 2552. Inde Syri, cum longam et felicem alicui vitam precantur, optant ei Eliæ annos et vitam. Vivit enim adhuc Elias et vivet usque ad finem mundi, quando pro Christo certans contra Antichristum ab eo martyrio laureabitur. Raptus est Elias mense Julio, ac die ejus vigesima: illa enim die raptus ejus consignatur in Martyrologio Romanio et Menologio Græcorum: quin et Græci in honorem Eliæ templa erexerunt, ut docet Baronius in Martyrol. ad diem 20 juli. Quoto anno vitæ suæ raptus sit Elias præcise definiri nequit. Cœpit ipse prophetare paucio post initium regni Josaphat, ait Salianus, anno ejus tertio, vel quarto, ut vult Torniellus: raptus est anno ejus 19, quare per sedecim annos prophetavit. Adde his triginta annos, et plures quos habebat cum cœpit prophetare (nemini enim ante annum ætatis trigesimum apud Hebræos prophetare licebat), habebis ut minimum annos Eliæ ante raptum 46.

Elias
raptus
anno 19
Josa-
phat.

Die
juli.

Cœpit ipse prophetare paucio post initium regni Josaphat, ait Salianus, anno ejus tertio, vel quarto, ut vult Torniellus: raptus est anno ejus 19, quare per sedecim annos prophetavit. Adde his triginta annos, et plures quos habebat cum cœpit prophetare (nemini enim ante annum ætatis trigesimum apud Hebræos prophetare licebat), habebis ut minimum annos Eliæ ante raptum 46.

Denique Elias in multis fuit typus Christi, ut ostendunt Patres, præsertim S. Cyprianus, lib. *De Spiritu Sancto*, et S. Augustinus, serm. 201 *De Temp.*, atque ex iis exakte noster Salianus, anno mundi 3139, num. 33 et seq.

Successit Eliæ Eliseus dignus tanto magistro discipulus, annos natus 40, qui sub sex regibus Juda scilicet sub Josaphat, Joram, Ochozia, Athalia, Joas et Amasia (quibus synchroni et coevi fuerunt Jehu, Joachas et Joas regnantes in Israel) prophetavit per annos 66, mortuusque est anno ætatis 106, qui fuit annus Amasie regis octavus, mundi 3204, ante Christum 849, uti ex S. Cyrillo, lib. *Contra Julian.* et Clemente Alexandrino, lib. *I Strom.* docet Salianus anno mundi jam dicto, scholio 1. Porro S. Epiphanius in *Vita Elisei*, ait, eo die quo natus est Eliseus, vitulum aureum a Jero-boam conflatum, vocem edidisse tam sonoram, ut audiretur Jerosolymis, qua significabatur illo die natum esse infantem, qui vitulos aureos cæteraque idola everteret.

APPREHENDITQUE (Eliseus) **VESTIMENTA SUA, ET SCI-DIT ILLA IN DUAS PARTES**, — in signum luctus, quod tanto magistro, scilicet Elia, per ejus raptum foret orbatus. Hic enim raptus erat instar mortis Eliseo : privabat enim eum solita instructione, colloquio et consolatione Eliæ. Vestis scissione ergo Eliseus luxit Eliæ abitum, indeque suam orbitatem et solitudinem.

13. ET LEVAVIT PALLIUM ELIE, QUOD CECIDERAT EI, — quod scilicet Elias ascendens dimittebat Eliseo, ad sui memoriam, ac ad Elisei solarium et auxilium. Abulensis censem hoc pallium fuisse cilicinum ex pilis camelorum, uti fuit vestis S. Joannis Baptistæ. Verisimilius Serarius et alii censem fuisse meloten, id est vestem factam ex pelle ovina. Nam Septuaginta vertunt, *et tulit melotem Eliæ, quæ ceciderat super eum.*

ET NON SUNT DIVISÆ. — Sic et Septuaginta. Hæc tamen verba desunt in Hebræo et Chaldæo, sed sub-intelliguntur : ideo enim Eliseus secundo percussit aquas, quia prima percussione non fuerant divisæ. Noluit enim Deus in prima aquas dividi, ne novus propheta Eliseus ex patrato miraculo superbiret de novo suo spiritu, sed per preces ad Deum recurreret. Rursus ut sciret se hanc aquarum divisionem, cæteraque miracula secutura, non suis, sed Eliæ meritis obtinere. Ita Abulensis et Cajetanus.

14. UBI EST DEUS ELIE ETIAM NUNC? — Hebræa et Septuaginta, *etiam ipse*, qui scilicet semper idem est, fidelis, omnipotens, et servos suos se invocantes exaudiens : « Non quod Deum putaret absensem, sed quia præsentiam ejus in beneficiis requirerat, » ait S. Ambrosius in *Psal. xxxvii*. Unde Chaldæus vertit : *Suscipe petitionem meam, Domine Deus Eliæ etiam ipse.* Hoc est primum Elisei miraculum, scilicet quod pallio Eliæ percutiens Jordanem, eum divisorit et sicco pede transuerterit. Nota : pro *etiam ipse*, Hebræum est נָהָר aph hu,

quam vocem Hebræam retinent Septuaginta vertuntque ἄφω (quam proinde perperam Theodore-tus accipit ut Græcam vertitque *occultum*), quasi illud sit nomen proprium Dei. Dei enim nomen est illud : « *Ipse* est qui fecit nos, ipse fecit cœlum et terram, ipse est Dominus Deus noster, » נָהָר licet hu enim derivatur ab נָהָר *haia* : quare idem est *qui est*, quod *Jehova*, sive ὁ ὤν, id est *qui est*, *Exodi* III, 6.

19. AQUÆ PESSIMÆ SUNT ET TERRA STERILIS, — quia *vers. 19.* scilicet terra hæc juxta aquas pessimas est sita ; unde in Hebræo et Chaldæo est, *terra orbatrix*, sive *terra orbat*, vel perimit, scilicet semina in se jacta, per suam amaritatem vel putredinem. Quocirca sanatis ab Elisæo aquis, sanata et fecundata pariter fuit terra : alioqui enim ager Jerichuntis erat fertilis et dives ; tantum ergo aqua salsuginea terræ sibi vicinæ nocebat, eamque sterilem reddebat. Porro Aristoteles in *Polit.*, docet in fundandis urbibus et domibus duo maxime esse spectanda, scilicet an aer sit bonus, et aquæ salubres ; aqua enim in potu, et aer in respiratione penetrant intima hominis, itaque ea bene vel male afficiunt, ac sanitatem vel morbum mortemque conciliant.

20. AFFERTE MIHI VAS NOVUM, ET MITTITE IN ILLUD *vers. 20.* **SAL.** — Vasis novitas significabat per preces et merita Elisei deinceps fore novitatem aquarum et terræ, ut ex sterili fieret fertilis. Quare videtur Eliseus vas totum cum sale in fontem immersisse, ut asserit Josephus, S. Ambrosius, Beda, Angelomus et Eucherius.

21. EGRESSUS AD FONTEM AQUARUM, MISIT IN ILLUM *vers. 21.* **SAL, ET AIT : HÆC DICIT DOMINUS : SANAVI AQUAS ISTAS.** — Videntur enim aquæ istæ, si non salsæ, certe putres et olidæ fuisse, ideoque convenienter salem adhibuit, licet miraculo, aquarum tantum perpurgari, et perpurgatas tam diu conservarit, ut ait cap. *xxxiv* *Sacrae Philos.* Franciscus Valerius. Imitatur hoc Ecclesia in benedictione salis et aquæ, cum benedicitur aqua lustralis, dum orat ut aqua sic benedicta sit salus mentis et corporis. Ita Abulensis.

FONTEM. — Hinc patet non omnes aquas Jerichuntis fuisse pravas, sed hujus fontis duntaxat quem fuse describit Josephus multaque addit more suo amplificando et Romanorum auribus accommodando. Audi eum, lib. *V De bello*, iv : « Hunc fontem aliquando ferunt non solum terræ atque lignorum fructus, sed etiam feminarum partum, obtundere solitum, cunctaque pariter morbo ac peste corrumpere ; postea vero mansuevisse ; contraque saluberrimum ac feracissimum esse factum ab Eliseo quondam propheta, qui Eliæ notus fuerat atque successerat. Receptus enim hospitio ab Hierichuntinis habitatoribus, quod humaniores eos expertus erat, ipsos et omnem illam regionem perpetua gratia remuneratus est : progressusque ad fontem, lagenam fictilem salis plenam in profluentem aquam misit. Juxta deinde ad cœlum dextram tendens, fontique invergens

Ipse
nomen
Dei, sci-

blanda libamina, ipsum quidem precabatur ut fluenta leniret, ac dulciores aquarum venas aperiret. Deum vero, ut secundioribus auris flumina temperaret, orabat; tamque ubertatem fructuum quam successionem prolis daret indigenis, nec eos genitrix filiorum aqua deficeret, quo ad justi manerent. Ad has preces ex disciplina manibus quoque multa operatus, fontem immutavit: et qui antea causa erat his orbitatis ac famis, idem virtus ac fecunditatis auctor est effectus. » Et non nullis interjectis: « Optimos autem in ea paradisos ac densissimos educat, palmarumque irriguarum genera, tam sapore quam nominibus varia; quarum pinguissimæ calcibus pressæ plurimum mellis emittunt, non multum alio melle deterius: quanquam et mellis altrix est illa regio, et oportbalsami ferax, qui omnium carissimus est fructus ibi nascentium; itemque cyprum et mirobolanum gignit: ut qui divinum esse illum tractum dixerit, non erraverit, ubi et larga et optima generantur, quæ sunt carissima. Sed nec in aliis ei fructibus aliqua facile toto orbe regio certaverit: adeo multiplicatum quod satum est, reddit. Cujus rei causa mihi videtur esse aquarum vis læta et aeris calor. » Ubi ridicule, si non impie, Josephus asserit Eliseum precatum esse fontem et cœlum ut mansuesceret et dulcesceret; nimirum voluit se accommodare Romanis Gentilibus, qui superstitione fontes et cœlum precabantur, imo subinde ut numina adorabant. Porro quod ait aquas has steriles fecisse feminas, colligit ex textu Hebræo hic, qui habet terram fuisse משבלה mescacheleth, id est orbaticem, quod directe de terræ fructibus dicitur. Josephus autem idipsum extendit ad feminas; hæ enim proprie dicuntur orbæ, dum filii orbantur. Josephum secutus S. Ambrosius, serm. 2 De Eliseo: « Videte, ait, quanta Elisei sint merita, cuius prima in civitate hospitalitas, magna est filiorum fecunditas. Dum enim sterilitatem avertit aquarum, successionem largitur hæredum. » Censet ergo ipse cum Josepho Eliseum non tantum terræ, sed et feminis sterilibus fecunditatem dedisse. Pergit Ambrosius: « Non enim hoc facto unum Eliseus sanavit hominem, aut unius domus præstítit medicinam, sed totius civitatis populum reparavit. Si enim tardius hoc fecisset, interveniente sterilitate, senescentibus cunctis civitas sine habitatore remansisset. Igitur Eliseus, dum curavit aquam, curavit et plebem: et dum fontem benedixit undarum, fontem quemdam induxit animarum. Nam sicut sanctificatione ejus de occultis terræ venis aqua sana prodivit, ita de occultis vulvæ visceribus soboles sana processit. Non enim sola tantum fluente benedixit Eliseus, quæ fontium jam gremio tenebantur, sed et illa quæ humido terræ solo adhuc indiscreta, paulatim erant in posterum defluxura. »

Tropologice S. Ambrosius, serm. 87, qui est *De Eliseo*, per sal accipit Christum et Apostolos, qui suo sapientiæ sale condierunt et facundum effe-

runt totum orbem: « Sterilis civitas, ait, fuit Ecclesiæ ante Christi adventum; at ubi venit Christus velut vas fictile assumens corpus humanum, sanavit aquarum vitia, id est resecavit sacrilegia populorum; et statim Ecclesia, quæ erat sterilis, cœpit esse fecunda insperso sale, id est Apostolis de quibus dicitur: Vos estis sal terræ. » Sic et Beda in *Quæst.* qui per sal accipit sapientiam Christi: Eliseus enim fuit typus Christi tam factis quam nomine proprio; Eliseus enim Hebraice idem est quod *salus Dei*, vel *Deus Salvator*. Ita ex Beda Eucherius et Angelomus. Eliseus, inquit, vasi indidit sal, illudque in aquam immittens; itaque eam sanans et fecundans significabat quod omnes aquæ, id est, omnes populi, antea virtutibus steriles, per Christi incarnationem, fecunditatem et benedictionem accepturi essent. Hinc in nomine *Elisa*, id est Eliseus continetur nomen Jesu: Elisa enim idem est quod *El Jesua*, id est Deus, vel potens (omnipotens) Jesus. Paulo aliter S. Augustinus, lib. *Contra Fulgentium Donatistam*, non longe ante finem, per fontem Elisei accipit Jordanem, in quo baptizatus Christus aquas baptismi salutares effecit: « Eliseus, ait, est Christus Salvator, qui aquarum sterilitatem, id est gentium infecunditatem discussa morte sanavit. Accipit vas fictile, hoc est corpus fragilitatis humanae: sal misit, id est sapientia divina replevit. In aquam projectit, hoc est, in Jordanem descendit: aquas suo descensu sanavit, id est gentes suo adventu redemit, et maritante sermone, Ecclesiam ex gentibus congregavit, et in fœtus uberes longe lateque diffudit. »

23. ASCENDIT AUTEM INDE ELISEUS IN BETHEL, — Vers. 23
ubi Jeroboam rex alterum ex vitulis suis aureis quasi idolum constituerat, ut contra illud depugnaret.

PUERI PARVI EGESSI SUNT DE CIVITATE, ET ILLUDEBANT EI DICENTES: ASCENDE, CALVE. — Calvities est capitis depilatio, ideoque deformitas, sicut ejus pulchritudo et quasi corona est cæsaries et coma; præsertim apud Syros et Palæstinos, ubi, utpote in regione calida et sicca, plerique omnes comati sunt, densosque et duros habent capillos. Unde Ovidius:

Turpe pecus mutilum, turpis sine gramine campus
Et sine fronde frutex, et sine crine caput.

Et Aristoteles, lib. V *De gener. animal.*, asserit in homine idem esse calvescere, quod in avibus depumari, aut in arboribus frondes defluere. Hinc olim Romani servis caput radebant; et Caligula Imperator, ait Suetonius in ejus Vita, cap. xxxv, adolescentulos pulchros et comatos, quoties sibi occurrerent, occipitio raso deturpabat ad ludibrium. Ex adverso quantus capitis decor sit coma ostendit S. Ambrosius, lib. VI *Hexam.* cap. ix: « Ipse autem vertex, ait, capitis quam suavis et gratus! quam speciosa cæsaries, quam reverenda in senibus, quam veneranda in sacerdotibus,

quam terribilis in bellatoribus, quam decora in adolescentibus, quam compta in mulieribus, quam dulcis in pueris! » Deinde addit quod proxime Aristoteles : « Ex arboribus licet quæ humani sit gratia capitum aestimare. In capite arboris omnis est fructus; ibi omnis est pulchritudo: tolle arbori comam, tota arbor ingrata est. »

Hoc ergo puerorum in Eliseum probrum et convicium : « Ascende, calve, » partim physicum est, partim ethicum. Physicum, quia exprobrant ei vitium naturæ, puta calvitiem; ethicum, quia tacite exprobrant ei libidinem. Calvi enim a multis hauriosi. Unde illud Juvenalis, *Satyræ* IV de Domitiano Imperatore luxurioso et crudeli :

Cum jam semianimum laceraret Flavius orbem
Ultimus, et calvo serviret Roma Neroni.

Et illud Suetonii de Julio Cæsare : « Urbani, servate uxores, mœchum calvum deducimus. » Imo Plinius et Aristoteles propriam calvitie causam assignant libidinem : Plinius enim, libro XI, cap. XXXVII, sic ait : « Defluvium eorum (pilorum) in muliere rarum, in spadonibus non visum, nec in ullo ante Veneris usum. » Idem tamen ibidem ait : « Quædam animalia naturaliter calvent, sicut struthio, cameli, et servi aquatichi. » Aristoteles, lib. V *De gener. anim.* cap. III : « Nemo, inquit, antequam coire incipiat, calvescit; sed a venereo coitu potius evenit, scilicet iis qui sua natura sunt eo propensiores. » Causam subdit : « Cum enim cerebrum frigidissimum omnium corporis partium sit, tum rei venereæ usus refrigerat, quo fit ut calcer cerebro ad producendos in capite pilos deficiat, itaque fiat calvities. » Et mox : « Qui semen ferunt, ea ipsa ætate calvescunt, qua semen emitunt. » Verum hi auctores sic explicandi sunt, quod velint calvitiem in multis oriri ex nimia venere, non tamen in omnibus; rursus, quod proni in venerem citius calvescant quam alii; insuper quod nemo calvescat, antequam potens sit semen emittere, hoc est ante pubertatem. Sic Aristotelem explicat Cardanus, libro IV *De sanitate tuenda*, cap. xv. Nam etiam castos calvescere patet experientia, ut Eliseus fuit calvus, quem tamen S. Ignatius, epist. *ad Philadelph.* Virginibus annumerat. Alloquens enim virgines, sic ait : « Virgines, solum Christum præ oculis habete, et ejus Patrem in animabus vestris, illuminatæ a Spiritu Sancto. Memor sum sanctitatis vestræ sicut Eliæ, sicut Jesu Nave, sicut Melchisedech, sicut Elisei, sicut Jeremiæ, sicut Joannis Baptistæ, sicut dilectissimi discipuli (S. Joannis), sicut Timothei, sicut Titi, sicut Evodii, sicut Clementis, et eorum qui in castitate de vita exierunt; non detraho autem cæteris beatis qui nuptiis copulati fuerunt, quorum nunc non memini. » Avicenna docet calvitiem in nonnullis esse hæreditariam affectionem, idecque calvescere, quia a calvis progeniti sunt, sicut vice versa Æthiopes et ab eis progeniti ob magnum calorem vix calvescunt. Sic constat alios

senio, alios morbo, alios continuo intensoque studio, alios profunda meditatione, etc., hæc enim cerebrum desiccant et debilitant, calvescere. Variis enim ex causis potest caput infrigidari, cerebrum debilitari et contrahi, ac cranium capitum siccitate durari, quæ tres sunt calvitie causæ, ut docet Aristoteles, Galenus, XIV *Meth.* cap. XVIII, cæterique medici. Unde S. Thomas Aquinas ex parte fuit calvus ob continuum contentumque studium, qui tamen perpetim fuit virgo, imo virginitatis zona ab Angelis cinctus, ut habet ejus Vita. Porro alii prisci et moderni calvitiem æque ac canitiem non probrum, sed decus senectutis aestimant, imo calvos olim habitos fuisse pulchros, quasi lunæ splendenti similes, ideoque eos a luna adamari docet vetus ille versus :

Mavors imberbes et calvos, luna, adamasti.

Idem docet Lucianus cujus verba recitat Robertus Titius lib. III *Controvers.* capite XVII. Lucianus enim agens de hominibus, qui fabulose in luna habitare dicuntur : « Pulcher, inquit, apud illos habetur calvus, et sine coma: comatos autem abominantur. Apud eos vero, qui cometas inhabitant stellas, comati contra formosi habentur. » Unde etiam factum puto, ut calvi a Synesio lunulæ nuncupentur, nisi quis malit hujus appellationis causam ad splendorem cranii depilis referre, quod lucet instar lunæ: certe de Isocrate dicterium commemoratur, quod per calvam ejus cerebrum eluceret. Valerius quidem Maximus, de Æschylo poeta loquens, ait : « In Sicilia mœnibus urbis, in qua morabatur egressus, aprico in loco resestit; super quem aquila testudinem ferens, elusa splendore capitum (erat enim capillis vacuum), perinde atque lapidi eam illisit. » Itaque Petronius arbiter epigrammate quodam calvariam ridere dixit, id est splendescere; id enim interdum significat vox illa, sicut apud Horatium : « Ridet argento domus. » Denique Nicetas Choriales agens de Duca : « Cæterum Ducas, inquit, cuius ante meminimus, illi adstans, detracto capite pileo, orabat ut sibi diadema imponeretur, calvitio ostendo, quod instar plenæ lunæ relucebat. »

Denique nonnulli putant Eliseum non natura vel ætate et senio, sed pro religiosorum et Nazaræorum ritu caput rasicesse, idecque fuisse calvum, id est rasum. Sicut illius illorumque veterum exemplo in nova lege Pontifices, Sacerdotes et Monachi per tonsuram Ecclesiasticam orbiculariter raso, et quasi calvo sunt capite, tum ut Christi coronam spineam repræsentent, tum ut mundo valedicentes, totos se Deo dedicent, uti olim fecere Nazaræi: ab eis enim tonsuram hanc acceptam esse tradit S. Isidorus, lib. *De divinis officiis in Conc. Aquisgran.* cap. I, quem audi : « Tonsuræ Ecclesiasticae usus a Nazaræis, ni fallor, exortus est; qui prius crine servato, denuo post vitæ magnam continentiam, devotione completa, caput radebant, et capillos in ignem sacrificii po-

nere jubebantur; scilicet ut perfectionem devotionis suæ Domino consecrarent. Hujus ergo exempli usus ab Apostolis introductus est, ut qui divinis cultibus mancipati, Domino consecrantur, quasi Nazaræi, id est Sancti Dei, crine præciso innoventur. Hoc quoque et Ezechieli prophetæ jubetur, dicente Domino: *Tu, fili hominis, sum tibi gladium acutum, et duces super caput tuum et barbam.* Videlicet quia ipse Sacerdotali genere Deo in ministerio sacrificeationis serviebat. Hoc et Nazaræos Priscillam et Aquilam in actis Apostolorum primos fecisse legimus; Paulum quoque Apostolum, et quosdam discipulorum Christi, qui hujusmodi cultu imitandi exstiterunt. Est autem clericis tonsura signum quoddam quod in corpore figuratur, et in anima agitur: scilicet ut hoc signo et religione vitia resecentur, et criminibus carnis nostræ quasi crinibus exuamur, utque inde innovatis sensibus, ut comis rudibus, enitescamus; expoliantes nos, juxta Apostolum, veterem hominem cum actis suis, induentes novum, qui renovatur in agnitione Dei; quam renovationem in mente oportet fieri, sed in capite demonstrari, ubi ipsa mens noscitur habitare. Quod vero detonso capite superius, inferius circuli corona relinquitur, sacerdotium regnumque Ecclesiæ in eis figurari. »

Quare sicut hæretici jam Sacerdotes et Monachos irrident, vocantque rasos et calvos, juxta illud unius ex ipsis. « Turba Sacerdotum vertice rasa caput: » sic quoque hi pueri, a parentibus hæreticis et idololatris instructi, videntur Eliseum ejusque discipulos Nazaræos, indeque eremitas, ideoque capite tonsos et rasos, per ludibrium vocasse calvos. Hi enim pueri erant Bethelitarum idololatrarum, vitulum aureum colentium filii; teste S. Augustino cujus verba mox citabo. Eliseo ergo quasi viro religioso illudentes suclamarunt: « Ascende, calve, » scilicet in montem nostræ urbis Bethel, aut etiam, ascende in aerem, uti ascendit magister tuus Elias, q. d. Rapiat et auferat te malus aliquis genius in auras, uti abstulit Eliam magistrum tuum: sequere discipulus magistrum, ut nobis desinas esse molestus, nec amplius nos ob cultum vituli aurei castiges et objurges. Ita S. Justinus in Quæst. 80 ad Orthodoxos: « Proscindendæ, inquit, per detractionem Eliæ assumptionis gratia proferebant, perinde ac si dicerent: Abripiat te quoque spiritus, et in juga montium invia inaccessa abjiciat, quemadmodum illum adjecit, ut itidem a te liberemur, sicut ab illo liberati sumus. »

Porro vocantur hi pueri parvi, quia non erant adolescentes, sed pueri novem vel decem annorum, ideoque doli et culpæ capaces, ut patet tum ex ipsa petulanti et maledica irrisione, tum ex ejus acerrima punitione.

Allegorice, Judæi Christo a se depilato et corona spinea coronato illuserunt, dicentes: Ascende in crucem. Unde S. Bernardus, serm. 1 ad

milites templi, cap. 1, ait: « Ascendit itaque crucem calvus noster, mundo pro mundo expositus, et revelata facie ac discooperta fronte purgationem peccatorum faciens, probrosæ et austerae mortis tam non erubuit ignominiam, quam nec pœnam exhorruit, ut nos ab opprobrio sempiterno eriperet, restitueret gloriæ. Nec mirum; quid enim erubesceret, qui ita lavit nos a peccatis, non quidem ut aqua diluens, et retinens sordes, sed veluti solis radius desiccans et retinens puritatem? Est quippe Dei sapientia ubique attingens propter munditiam suam. »

22. **QUI CUM RESPEXISSET, VIDIT EOS, ET MALEDIXIT** Vers. 12.
EIS IN NOMINE DOMINI, — id est imprecatus est eis Eliseus a Deo justam punitionem et vindictam. Fecit hoc maledixit pue
Eliseus ex justo religionis zelo: *primo*, quia dum servis et prophetæ Dei irridentur, Deus ipse irri-
Cur? Causa
detur. Ita S. Thomas, II, II Quæst. CVIII, art. 1, prima.
ad 4. *Secundo*, magis parentes quam pueros punire voluit; parentes enim idololatræ pueris instilabunt suam idololatriam, et contemptum veri Deus ipse irri-
Dei, ejusque prophetarum. Nam ut ait S. Augustinus, serm. 204 *De Tempor.*: « Rem parentibus instigantibus fecisse pueri contumeliosi credendi sunt. Neque enim illi clamarent, si parentibus displiceret. » Et S. Justinus, Quæst. LXXX citata: « Deus, ait, puerorum clade parentes flagellavit, prima.
ac simul posteros monuit ut in vero Dei cultu, modestia et probitate filios suos educent, ne similiiter castigentur. » Unde S. Gregorius, lib. IV Tertii
Dial. cap. xviii, narrat parvulum quemdam blasphemare solitum e sinu patris a dæmonibus abrep-
tum. « Quatenus, inquit, reatum suum pater ejus agnosceret, qui parvuli filii animam negligens, non parvulum peccatorem gehennæ ignibus nutrisset. » Addit Auctor *Mirabil. S. Script.* lib. II, cap. xxii, forte pueros istos a parentibus vitulo aureo et idolis fuisse consecratos. *Tertio*, Eliseus bene consuluit pueris; effecit enim ne impunitate deteriores fierent, ait Theodoretus, Quæst. XIII. Si enim diutius vixissent, sceleratores et idololatræ parentum doctrina et exemplo evasissent, ideoque gravius damnandi.

EGRESSIQUE SUNT DUO URSI DE SALTU, ET LACERAVERUNT EX EIS QUADRAGINTA DUOS PUEROS. — Apposite ursos immisit Deus ad devorandos pueros ante ora patrum, ut quos ad informandos pueros imitari neglexerant, eosdem experirentur in illorum internecione lictores. Ostendit enim hosce parentes, qui in formandis filiis fuerant socrates, imo impii, ursis esse pejores. Ursi enim informes fetus suos lambendo formant et figurant, teste Plinio, lib. VIII, cap. xxxvi, et lib. X, cap. lxiii. Unde S. Ambrosius: « Ursa, ait, partus suos (lambendo) ad sui effingit similitudinem, tu filios tuos instruere similes tui non potes? »

Allegorice, Abulensis, Serarius et alii passim: Eliseus, inquiunt, ascendens in montem, est Christus montem Calvariæ ascendens, ibique crucifixus; illuserunt ei 42 pueri, id est Judæi dicentes:

Eliseus typus Christi crucifixi

« Si tu es Christus Dei Filius, descende de cruce.» Maledixit eis Christus ordinando eis in poenam, excidium Jerusalem, ut scilicet post quadraginta annos ab ascensu suo in « Bethel, » id est « in domum Dei, » puta in cœlum, de sylva gentium venirent duo ursi, scilicet Titus et Vespasianus, qui eos lacerarent et perderent. Ita Angelomus, Eucherius, Beda, Rupertus, et S. Hieronymus *in tit. Psalm. XLVI*: « Eliseus, ait, figuram Christi tenet; pueri, Judæorum qui dixerunt: Ave, rex Judæorum: ursi proprie dæmones intelliguntur; quia devoraverunt corda illorum, ideoque Psalmus ille inscribitur pro filiis Core, qui sunt filii Calvi. » Et S. Augustinus, lib. XII *Contra Faustum*, cap. xxxv: « Eliseo, ait, pueros insultantes et clamantes: Calve, calve, bestiæ comedunt; pueruli, stultitia deridentes Christum in loco Calvariæ crucifixum, invasi a dæmonibus pereunt. »

Tropologice Origenes, homil. 4 *in Ezech.*, per

duos ursos accipit dæmones et bestias vitiorum, quæ in animam peccatricem immittuntur. Denique Marcion hæresiarcha, ut probaret Moysen Christo, et vetus Testamentum novo contrarium, illudque a malo et crudeli Deo, hoc a bono et benigno editum: Christus, inquit, jubet nos esse ut parvulos; at vero Deus ille vetus immisit ursos in parvulos Eliseum irridentes: hic ergo illi est contrarius. Respondet Tertullanus, lib. IV *Contra Marc.* cap. xxiii: « Satis impudens antithesis, cum tam diversa committit, parvulos et pueros; innocentem adhuc ætatem, et judicii jam capacem, quæ conviciari poterat, ne dicam blasphemare. Quia ergo justus Deus, nec pueris impiis pepercit, exigens majori ætati honorem, et utique magis a minore. Quia vero bonus, adeo diligit parvulos, ut apud Ægyptum beneficerit obstetricibus protegentibus partus Hebræos, periclitantes edicto Pharaonis. Ita et hæc affectio Christi cum Creatore est. »

CAPUT TERTIUM.

SYNOPSIS CAPITIS.

Eliseus exercitui regis Israel siti laboranti dat aquam, et victoriam contra Maab. Unde versu 26, rex Moab undique circumcessus filium suum immolat; quare rex Israel indignans ab eo recedit.

1. Joram vero filius Achab regnavit super Israel in Samaria anno decimo octavo Josaphat regis Judæ, regnavitque duodecim annis. 2. Et fecit malum coram Domino, sed non sicut pater suus et mater: tulit enim statuas Baal, quas fecerat pater ejus. 3. Verumtamen in peccatis Jeroboam filii Nabath, qui peccare fecit Israel, adhæsit, nec recessit ab eis. 4. Porro Mesa rex Moab nutriebat pecora multa, et solvebat regi Israel centum millia agnorum, et centum millia arietum, cum velleribus suis. 5. Cumque mortuus fuisse Achab, prævaricatus est fœdus quod habebat cum rege Israel. 6. Egressus est igitur rex Joram in die illa de Samaria, et recensuit universum Israel. 7. Misitque ad Josaphat regem Juda, dicens: Rex Moab recessit a me, veni tecum contra eum ad prælium. Qui respondit: Ascendam; qui meus est, tuus est: populus meus, populus tuus; et equi mei, equi tui. 8. Dixitque: Per quam viam ascendemus? At ille respondit: Per desertum Idumææ. 9. Perreverunt igitur rex Israel, et rex Juda, et rex Edom, et circuierunt per viam septem dierum, nec erat aqua exercitui, et juventis quæ sequebantur eos. 10. Dixitque rex Israel: Heu, heu, heu, congregavit nos Dominus tres reges, ut traderet in manus Moab. 11. Et ait Josaphat: Estne hic propheta Domini, ut deprecemur Dominum per eum? Et respondit unus de servis regis Israel: Est hic Eliseus filius Saphat, qui fundebat aquam super manus Eliæ. 12. Et ait Josaphat: Est apud eum sermo Domini. Descenditque ad eum rex Israel, et Josaphat rex Juda, et rex Edom. 13. Dixit autem Eliseus ad regem Israel: Quid mihi et tibi est? vade ad prophetas patris tui, et matris tuæ. Et ait illi rex Israel: Quare congregavit Dominus tres reges hos, ut traderet eos in manus Moab? 14. Dixitque ad eum Eliseus: Vivit Dominus exercituum, in cuius conspectu sto, quod si non vultum Josaphat regis Judæ erubescerem, non attendissem quidem te, nec resperxissem. 15. Nunc autem adducite mihi psalmem. Cumque caneret psaltes, facta est super eum manus Domini, et ait: 16. Hæc dicit Dominus: Facite alveum torrentis hujus fossas et fossas. 17. Hæc enim dicit Dominus: Non videbitis ventum, neque pluviam, et alveus iste

replebitur aquis, et bibetis vos, et familiæ vestræ, et jumenta vestra. 18. Parumque est hoc in conspectu Domini : insuper tradet etiam Moab in manus vestras. 19. Et percutietis omnem civitatem munitam, et omnem urbem electam, et universum lignum fructiferum succidetis, cunctosque fontes aquarum obturabitis, et omnem agrum egregium operietis lapidibus. 20. Factum est igitur mane, quando sacrificium offerri solet, et ecce aquæ veniebant per viam Edom, et repleta est terra aquis. 21. Universi autem Moabitæ audientes quod ascendissent reges, ut pugnarent adversum eos, convocaverunt omnes qui accincti erant balteo desuper, et steterunt in terminis. 22. Primoque mane surgentes, et orto jam sole ex adverso aquarum, viderunt Moabitæ econtra aquas rubras quasi sanguinem. 23. Dixeruntque : Sanguis gladii est ; pugnaverunt reges contra se, et cæsi sunt mutuo ; nunc perge ad prædam Moab. 24. Perrexeruntque in castra Israel : porro consurgens Israel, percussit Moab ; at illi fugerunt coram eis. Venerunt igitur qui vicerant, et percusserunt Moab. 25. Et civitates destruxerunt, et omnem agrum optimum, mittentes singuli lapides, repleverunt : et universos fontes aquarum obturaverunt ; et omnia ligna fructifera succiderunt, ita ut muri tantum fictiles remanerent : et circumdata est civitas a fundibulariis, et magna ex parte percussa. 26. Quod cum vidisset rex Moab, prævaluisse scilicet hostes, tulit secum septingentos viros eduentes gladium, ut irrumperent ad regem Edom, et non potuerunt. 27. Arripiensque filium suum primogenitum, qui regnaturus erat pro eo, obtulit holocaustum super murum : et facta est indignatio magna in Israel, statimque recesserunt ab eo, et reversi sunt in terram suam.

Vers. 1. 1. JORAM VERO FILIUS ACHAB REGNAVIT SUPER ISRAEL IN SAMARIA ANNO DECIMO OCTAVO JOSAPHAT REGIS JUDA. — Dices : Hic versus pugnare videtur cum versu 17, cap. i, ubi dicitur Joram rex Israel cœpisse regnare anno secundo Joram filii Josaphat, qui utique post patrem Josaphat regnavit : quomodo ergo hic dicitur cœpisse regnare anno 18 Josaphat ? Respondeo, Joram in Juda regnare cœpisse cum patre Josaphat anno 17 regni ejus : quare annus 18 Josaphat fuit annus secundus regni Joram filii ejus, quo Joram filius Achab cœpit regnare in Israel. Josaphat enim pergens ad bellum cum Achab contra Syros, ut dictum est capite ultimo, lib. III, surrogavit sibi filium Joram, eumque constituit regem in Juda, tum ne se absente regnum destitueretur rege, tum ne careret successore, si contigisset ipsum in bello mori, uti saepe fit. Ita Abulensis, Cajetanus, Salianus et alii.

Disputat hic Abulensis, *Quæst. XXI*, an deceat religiosos, qualis erat Eliseus, in aulis Principum versari, ac respondet decere, si sint magnæ solidæque prudentiae et virtutis, uti erant Elias et Eliseus quos Deus ad reges mittebat, ut eos in Dei cultu erudirent, vitia castigarent, sana consilia suggererent. Sic Plutarchus scripsit libellum hoc titulo : « Maxime cum principibus viris philosopho esse disputandum. » Unde Pericles usus est Anaxagora, Dionysius Tyrannus Siciliæ Platone, Pythagora Principes Italiæ, Cato Athenodoro, Scipio Panætio. Cæterum ad eastra magis religiosos probatae virtutis mitti expedit, ut milites instruant, coercent, sacramenta ministrent; unde multi militum per eos salvantur, qui sine eis damnaren-

tur, ut patet ex missionibus castrensis in Belgio, Germania, Italia, Gallia, etc. Adde religiosorum exempla sanctitatis, preces et sacrificia multum prodesse exercitibus, uti profuit hic Eliseus. Cæterum Religiosi, qui honoris, libertatis vel vanitatis causa aulas ambiunt, tam aulas quam seipso perdunt, ac religionum Superioribus magnas creant molestias, ut satius esset eos esse sæculares, quam religiosos, ut experientia docet.

2. TULIT ENIM STATUAS BAAL, — scilicet abstulit Vers. 2. et amovit e Samaria et regno Israel idola et cultum Baal; quia viderat patrem suum Achab ob ejus cultum in prælio cæsum.

3. VERUMTAMEN IN PECCATIS JEROBOAM, etc., AD- Vers. 3. HESIT, — colendo vitulos aureos a Jeroboam erectos, et populum ad eorum cultum impellendo, ne a se deficeret ad Josaphat regem Juda, si Jerosolymam ejus metropolim ad colendum verum Deum in templo adiret. Magna fuit regum Israel judicii perversitas, cæcitas et obstinatio in sustentandis hisce vitulorum idolis, ideoque omnes perierunt et excisi sunt.

5. CUMQUE MORTUUS FUISSET ACHAB, PRÆVARICATUS Vers. 5. EST FOEDUS, — hoc est, rex Moab rebellavit, ut vertit Chaldæus, Joram regi Israel, eique solitum tributum negavit; quia eum ob juventutem, et ob cæsum in prælio Achab patrem contempsit.

8. PER DESERTUM IDUMÆA. — Imprudens fuit hoc Vers. 8. responsum et consilium. « Desertum » enim est locus aridus, ubi desunt aquæ pro tantis copiis, quantæ erant in tribus exercitibus, scilicet regis Juda, regis Israel, et regis Edom : unde milites mox siti laborarunt et defecerunt, ut sequitur.

Permitit id Deus, ut puniret Joram regem Israel idololatram, utque viam sterneret ad miraculum abundantiae aquarum dandae per se et Eliseum; ut ex eo rex agnosceret se esse verum Deum, ac idola vitulorum abdicaret.

Vers. 11. 11. EST HIC ELISEUS, etc., QUI FUNDEBAT AQUAM SUPER MANUS ELIE, — id est qui Eliæ quasi minister serviebat: ministrorum enim est fundere aquas super manus dominorum, cum eas mane vel ante prandium abluunt.

Vers. 13. 13. QUID MIHI ET TIBI EST, — quasi dicat: Quæ mihi societas vel communio est tecum? Tu enim colis vitulos aureos, ego vero verum Deum: « Vade ergo ad prophætas patris tui, » puta sacerdotes et cultores vitulorum, quos hucusque in consilium adhibuisti: illos etiam nunc consule, cum tibi oraculum et consilium in rebus naturaliter desperatis dare non poterunt; unde in iis configis ad me et ad Deum verum, quem hucusque sprevesti. Mira fuit hic dicendi et regem arguendi libertas in Eliseo, digna tanto propheta, et viris Apostolicis imitanda, cum ab hereticis principibus ad temporalia commoda evocantur. Vide hac de re exempla Mosis, Eliæ, Pauli aliorumque, quæ recenset S. Gregorius, VII Moral. xv.

Vers. 14. 14. VIVIT DOMINUS (id est juro per Dominum) IN CUJUS CONPECTU STO (quem ut mihi præsentem semper in mente habeo, revereor, colo et amo, æque ac magister meus Elias, a quo hoc didici) QUOD SI NON VULTUM JOSAPHAT REGIS JUDA (qui mecum Deum verum colit) ERUBESCEREM, NON ATTENDISSEM QUIDEM TE, NEC RESPEXISSEM, — sed despexissem, nec te dignatus essem responso, multo minus oraculo, quia tu Deum meum negligis et despicias. Qui enim Deum habet præsentem nullius præsentiam timet aut curat. Quocirca Sextus Philosophus in *Sententiis*, (quæ falso Sixti Pontifici nomine impressæ exstant) num. 293: « Ad omnia quæ agis, inquit, Deum invoca testem. » Et numer. 278: « Exordium in agendo a Deo sume. Ore autem prius Deum habeto et mente quam respires. » Et num. 277: « Sapientum animæ insatiabiles sunt in amore Dei. » Et num. 304: « Particeps Dei est vir sapiens. » Et num. 430: « Sapiens mens speculum est Dei. » Et numer. 368: « Optime honorat Deum, qui mentem quoad potest, similem Deo facit. »

Vers. 15. 15. NUNC AUTEM (in honorem et auxilium fidelis piisque regis Josaphat) ADDUCITE MIHI PSALTEM, — qui instrumentum musicum manu pulset (hunc enim significat Hebraice מִנְגָּגָה menaggen); unde Chaldaeus vertit, adducite mihi virum, qui norit psallere cithara. Jussit Eliseus psaltem psallere, ut sono suavi et harmonia musices, animum nonnihil indignatione in regem Israel commotum colligeret, sedaret, eumque in Deum orando sustolleret, et ad recipiendam a Deo prophetiam disponeret. Fuit enim hic psaltes Levita, ait Theodoreetus, qui Psalms pios a Davide compositos psallere solebat. Ita Rupertus, Abulensis et alii.

Audi S. Gregorium, hom. 1 in Ezech.: « Cum eum (Eliseum) Josaphat de futuris requireret, et prophetæ ei spiritus deesset, psalmem fecit applicari, ut prophetæ ad hunc spiritus per laudem psalmodiæ descenderet, atque ejus animum de venturis repleret. Vox enim psalmodiæ, cum per intentionem cordis agitur, per hanc omnipotenti Domino ad cor iter paratur, ut intentæ menti, vel prophetæ mysteria, vel compunctionis gratiam infundat. » Sic S. Franciscus audiens harmoniam lyræ, mente in Deum sustollebatur. Idem de se fatetur S. Augustinus in *Confession.* dum audiret psalmodiam.

CUMQUE CANERET PSALTES, FACTA EST SUPER EUM MANUS (id est operatio et illustratio) DOMINI, — q. d. Canente et personante psalte, Deus Elisei mentem illustravit, eique futura revelavit, ac aquam victoriæ promisit. Sic sæpe de Ezechiel et aliis prophetis, dum prophetant, dicitur: « Facta est super eum manus Domini, » hoc est Deus ei lumen propheticum indidit.

Vers. 16. 16. FACITE ALVEUM TORRENTIS HUJUS FOSSAS ET FOSSAS, — quasi dicat: Facite multas et profundas fossas in alveo hujus torrentis, ut iis excipiatis copiam aquarum, quam Deus mox daturus est vobis.

Vers. 20. 20. FACTUM EST IGITUR MANE, QUANDO SACRIFICIUM OFFERRI SOLET, — ut intelligamus, ait Cajetanus, virtutem sacrificii matutini, quod jugiter ex lege mane Deo offerebat Josaphat in templo, cooperatum esse ad hoc miraculum.

ET ECCE AQUE (adductæ per Angelos) VENIEBANT PER VIAM EDOM, — in castra Josaphat et regum socrorum, ut ex iis sitim restinguarent.

Vers. 22. 22. PRIMOQUE MANE SURGENTES, ET ORTO JAM SOLE EX ADVERSO AQUARUM, VIDERUNT MOABITÆ E CONTRA AQUAS RUBRAS, QUASI SANGUINEM, — ex reflexione radiorum solis matutini, qui ob vapores nocturnos, per quos transparebant, rubri videbantur, sicut iidem rubri videntur, cum transeunt per vitrum rubrum; rubri quoque nobis apparent, cum e nube vel terra ad oculum reperciuntur. Hæc enim est ratio optica, ut patet ex perspectiva et ex quotidiana experientia. Unde Hebraice est, sol illuminavit super aquas et viderunt aquas rubras. Et Josephus, « aquæ, inquit, videbantur rubræ, eo quod illo tempore (mane) maxime aqua radiis solis icta rutilat. » Non ergo vere rubræ erant aquæ, sed ob radiorum reflexionem rubræ apparebant. Ita Abulensis et alii. Porro hac aquarum rubedine decepti Moabitæ, putarunt illas sanguine hostium inter se dimicantium rubricari, ideoque in eos irruentes ab eis cæsi sunt ad interencionem.

Vers. 23. 25. ITA UT MURI TANTUM FICTILES REMANERENT. — Hebraice est, donec dimitterent lateres ejus in pariete chareseth, id est fictili, sive lateritio, scilicet ex lateribus fabricato (1). Ita Septuaginta, Pag-

(1) Ad verbum juxta hebraicum textum: Donec, vel

ninus et alii. Secundo, Rabbini et Vatablus vertunt, duntaxat in Kir Haresch reliquos fecerunt lapides ejus, quasi Kir Haresch fuerit primaria civitas Moab, quæque lateritios habebat muros, ad quam proinde cæteris omnibus ab Hebræis vastatis, rex Moab cum suis profugerat; unde de ea mox subdit: «Et circumdata est civitas a fundibulariis (1);» utraque ergo versio consonat, utraque vera est, ut dixi Isaiae XVI, 7, et Jerem. XLVIII, 31.

Vers. 27. 27. ARRIPENSQUE FILIUM SUUM PRIMOGENITUM, etc., OBTULIT HOLOCAUSTUM SUPER MURUM, — tum ut Dii placati hoc tam dilecto et insigni holocausto tarentur murum, tum ut Israelitis murum obsidentibus commiserationem moveret, dum videbant regem, ad tantas angustias redactum, ut filium suum primogenitum immolarebant, itaque eum obsidere, et persequi desinerent, eoque relicto domum redirent, uti et fecerunt. Hoc etiam in extremis angustiis facere solitos reges Phœnicum, ut rem dilectissimam, scilicet filium, Deo suo sacrificarent, tradit Porphyrus apud Eusebium, libro IV *De Præpar.* cap. vii: «Phœnices, inquit, ubi gravius sive bello, sive fame, sive etiam æstu laborarent, necessariorum suorum aliquem Saturno communibus addictum suffragiis immolabant: cujusmodi exemplorum plena est Phœnicum historia, quam Phœnicia lingua Sanchoniatho conscripsit,» etc. Ita Josephus, Theodoretus, Procopius, Abulensis et alii.

Porro R. Salomon et cum eo alii nonnulli כָּבֵנו, id est filium suum, vertentes: filium ejus, regis Edom scilicet, fabulantur regem Moab erumpentem ex urbe cum 700 viris filium ejus Edom cepisse, eumque in urbem captivum duxisse; quare regem Edom, ut filium liberaret, obsidionem deseruisse, ac indignatum regi Israel obsidionem pertinacius urgenti ab eo recessisse; eo vero abeunte, regem Moab filium ejus captivum super murum mactasse et immolasse. Verum hoc non habet speciem verisimilitudinis.

ET FACTA EST INDIGNATIO MAGNA IN ISRAEL, STAMQUE RECESSERUNT AB EO, — q. d. Israelitæ indignati sunt ob tam crudele et indignum facinus, quod scilicet rex Moab filium suum immolasset, ideoque miseri sunt ejus, cum viderent eum ad tantam necessitatem et miseriam redactam, ut filium suum immolarebant. Ita Josephus: «Reges vero, inquit, hoc viso, tantam necessitatem miserati, et humanarum vicissitudinum memores, soluta obsidione, domum quisque suam reversi sunt.» Eum secutus Theodoretus: «Cum Moabitæ, inquit, funditus de medio tollerentur, tentavit quidem fugere rex eorum. Postquam autem valida et strenua cohors ei non permisit, filium primogenitum et regni successorem, in quadam turre

ita ut relinquerent in Kirhareseth (erat urbs celeberrima Moabitarum) lapides ejus, id est muros ejus tantum.

(1) Hæc vox non solum significat eos qui funda lapides jaciunt, sed qui etiam tormentis contorquent ingentia saxa in muros.

obtulit in holocaustum. Hæc cum conspexisset multitudo hostium, miserata est casum illum, et solvit obsidionem.» Ita quoque Abulensis, Serarius, Vatablus, Salianus et alii. Quocirca Moabitæ postmodum ossa regis Idumææ exhumarunt et incenderunt (eo quod ipse regem eorum ad immolandum filium suum compulisset), ut ait Amos, cap. II, vers. 1. Vide ibi dicta. Audi nunc aliorum sententias. Primo, R. Salomon et ex eo Lyranus censem regem Moab Deum verum in tanta necessitate invocasse eique sacrificasse, eo quod nec homines nec Dii eum ex illa eripere possent, ad illudque impulsum fuisse exemplo Abrahæ, qui immolare volens Isaac filium Deo, mire illi placuit magna ab eo dona recepit. Verum Abraham id fecit jussu Dei, sine quo id fuisse illicitum, imo homicidium et parricidium. Ita Abulensis et Burgensis. Adde: rex Moab non colebat Deum verum, sed idola, id est dæmonem qui eum impellebat ad hoc scelus; dæmon enim humano sanguine sibi litato delectatur, eumque a suis cultoribus exigit, ideoque eis persuadet se, cum offensus est, talibus hostiis placari, et inductas calamitates avertere, ac optata bona largiri.

Secundo, Burgensis ait regem Moab consuluisse suos sacerdotes, cur Hebræi adeo fortes forent et felices, illosque respondisse, eo quod ipsi colebant Deum Moloch, illique suos filios immolarent et concremarent; regem ergo voluisse eos imitari, et Deum simili filii victima in tantis angustiis sibi conciliare. Verum Moloch erat Deus Ammonitarum, Moabitarum vero erat Chamos, quem sacerdotes regi Moab, ut proprium et domesticum commendasse, non est dubium. Addit Burgensis indignationem magnam, cujus hic fit mentio, non fuisse hominum, puta Israelitarum, sed Dei: Deus enim, inquit, indignabatur Israelitis, quod ipsi immolando filios idolo Moloch, Moabitis dedit exemplum idem faciendi. Sic et Lyranus indignationem Dei accipit, non Israelitarum. Ait enim Deum indignatum Hebræis, eo quod Angelus ei repræsentaret peccata Hebræorum, eaque graviora esse ostenderet sceleribus Moabitarum; idcirco Deum immisisse pestem in castra Hebræorum, ut coacti fuerint deserere obsidionem urbis Moab.

Tertio, Cajetanus et ex eo Pererius in cap. xxii Genes. num. 10⁵, indignationem Israelitarum contra se invicem intelligit, et ejus causam et modum sic explicat: Quia, inquit, causa iræ narratur holocaustum primogeniti regis, et effectus illius, narratur recessus ab oppugnatione regis Moab; intelligere licet Israelitas idololatras, viso illo holocausto, cooperante diabolo, magni pendisse illud, et desperasse de victoria adversus regem, munitum præsidio tanti holocausti. Quocirca comoti sunt ad iram contra Israelitas volentes persistere in bello: denique magnitudo iræ vicit, et fecit recessum a bello. Intellige tamen recessum

hunc esse factum, renovato fœdere cum rege Moab de tributo dando regi Israel; ita ut finem suscepti belli recessus non abstulerit.

Hæc sententia duabus prioribus est verisimilior; sed prima, quam initio assignavi, est verissimilla.

Denique sacrilegum et execrabilem hunc filios in gravi calamitate immolandi ritum imitati sunt Carthaginenses, utpote a Phœnicibus (quorum hic ritus fuit proprius, ut paulo ante dixi) oriundi. Carthago enim fuit Tyriorum colonia. Audi Q. Curtium, lib. IV : « Sacrum multis sæculis intermissum repetendi auctores quidam erant, ut ingenuus puer Saturno immolaretur : quod sacrilegium verius quam sacrum Carthaginenses a conditoribus traditum, usque ad excidium urbis suæ fecisse dicuntur. » Et Diodorus, lib. XX *Historiæ*, de Carthaginensibus loquens, sic ait : « Dicebant

autem Saturnum illis iratum fuisse, quoniam prius ipsi excellentiores ex filiis suis sacrificabant. Postea vero clam emptis infantibus, atque educatis, liberorum loco immolabant. » Unde Imilce Annibal is uxor, cum Aspar filius ejus esset mactandus, apud Silium Italicum in calce lib. IV *Punorum*, sic lamentatur :

Si satis ante aras cæsos vidisse juvencos;
Aut si velle nefas superis fixumque sedetque;
Me me, quæ genui vestris absumite votis,
Cur spoliare juvat Lybicas hac indole gentes?

Porro in sacrilegum et parricidale hoc sacrificium detonant Patres, ut Tertullianus, *Apolog. cap. ix*, Cyrillus, lib. IV *Contra Julian.*, Lactantius, lib. I *De falsa religione*, cap. I, S. Augustinus, lib. VII *De Civitat. cap. xix*, Theodoretus, lib. VII *De Providentia*.

CAPUT QUARTUM.

SYNOPSIS CAPITIS.

Eliseus primo viduæ pauperi oleum multiplicat, cap. II, vers. 8. Sunamitidi hospitæ sue sterili filium impetrat, eumque mortuum ad vitam revocat, cap. III, vers. 38. Ollam colocynthidarum amarissimam injecta farina dulcorat, cap. IV, vers. 42. Panes per miraculum multiplicat, ut centum viris sufficient.

1. Mulier autem quædam de uxoribus prophetarum clamabat ad Eliseum, dicens : Servus tuus vir meus mortuus est ; et tu nosti quia servus tuus fuit timens Dominum ; et ecce creditor venit ut tollat duos filios meos ad serviendum sibi. 2. Cui dixit Eliseus : Quid vis ut faciam tibi ? Dic mihi, quid habes in domo tua ? At illa respondit : Non habeo ancilla tua quidquam in domo mea, nisi parum olei, quo ungar. 3. Cui ait : Vade, pete mutuo ab omnibus vicinis tuis vasa vacua non pauca. 4. Et ingredere, et claude ostium tuum, cum intrinsecus fueris tu, et filii tui : et mitte inde in omnia vasa hæc ; et cum plena fuerint, tolles. 5. Ivit itaque mulier, et clausit ostium super se, et super filios suos : illi offerebant vasa, et illa infundebat. 6. Cumque plena fuissent vasa, dixit ad filium suum : Affer mihi adhuc vas. Et ille respondit : Non habeo. Stetitque oleum. 7. Venit autem illa, et indicavit homini Dei. Et ille : Vade, inquit, vende oleum, et redde creditori tuo ; tu autem, et filii tui, vivite de reliquo. 8. Facta est autem quædam dies, et transibat Eliseus per Sunam : erat autem ibi mulier magna, quæ tenuit eum ut comederet panem ; cumque frequenter inde transiret, divertebat ad eam ut colexeret panem. 9. Quæ dixit ad virum suum : Animadverto quod vir Dei sanctus est iste, qui transit per nos frequenter. 10. Faciamus ergo ei cœnaculum parvum, et ponamus ei in eo lectulum, et mensam, et sellam et candelabrum, ut, cum venerit ad nos, maneat ibi. 11. Facta est ergo dies quædam, et veniens divertit in cœnaculum, et requievit ibi. 12. Dixitque ad Giezi puerum suum : Voca Sunam itidem istam. Qui cum vocasset eam, et illa stetisset coram eo, 13. dixit ad puerum suum : Loquere ad eam : Ecce, sedule in omnibus ministrasti nobis, quid vis ut faciam tibi ? num quid habes negotium, et vis ut loquar regi, sive principi militiæ ? Quæ respondit : In medi populi mei habito. 14. Et ait : Quid ergo vult ut faciam ei ? Dixitque Giesi : Ne quæras ; filius enim non habet, et vir ejus senex est. 15. Præcepit itaque ut vocaret eam : quæ cum vocata fuisset, et stetisset ante ostium, 16. dixit ad

eam : In tempore isto, et in hac eadem hora, si vita comes fuerit, habebis in utero filium. At illa respondit : Noli quæso, domine mi, vir Dei, noli mentiri ancillæ tuæ. 17. Et concepit mulier, et peperit filium in tempore, et in hora eadem qua dixerat Eliseus. 18. Crevit autem puer. Et cum esset quædam dies, et egressusisset ad patrem suum, ad messores, 19. ait patri suo : Caput meum doleo, caput meum doleo. At ille dixit pueru : Tolle, et duc eum ad matrem suam. 20. Qui cum tulisset, et duxisset eum ad matrem suam, posuit eum illa super genua sua usque ad meridiem, et mortuus est. 21. Ascendit autem et collocavit eum super lectulum hominis Dei, et clausit ostium ; et egressa, 22. vocavit virum suum, et ait : Mitte mecum, obsecro, unum de pueris, et asinam, ut excurram usque ad hominem Dei, et revertar. 23. Qui ait illi : Quam ob causam vadis ad eum ? hodie non sunt Calendæ, neque Sabbathum. Quæ respondit : Vadam. 24. Stravitque asinam, et præcepit pueru. Mina, et propera, ne mihi moram facias in eundo : et hoc age quod præcipio tibi. 25. Profecta est igitur, et venit ad virum Dei in montem Carmeli ; cumque vidisset eam vir Dei econtra, ait ad Giezi puerum suum : Ecce Sunamitis illa. 26. Vade ergo in occursum ejus, et dic ei : Rectene agitur circa te, et circa virum tuum, et circa filium tuum ? Quæ respondit : Recte. 27. Cumque venisset ad virum Dei in montem, apprehendit pedes ejus, et accessit Giezi ut amoveret eam. Et ait homo Dei : Dimitte illam ; anima enim ejus in amaritudine est, et Dominus celavit a me, et non indicavit mihi. 28. Quæ dixit illi : Numquid petivi filium a domino meo ? numquid non dixi tibi : Ne illudas me ? 29. Et ille ait ad Giezi : Accinge lumbos tuos, et tolle baculum meum in manu tua, et vade : Si occurrerit tibi homo, non salutes eum : et si salutaverit te quispiam, non respondeas illi, et pones baculum meum super faciem pueri. 30. Porro mater pueri ait : Vivit Dominus, et vivit anima tua, non dimittam te. Surrexit ergo, et secutus est eam. 31. Giezi autem præcesserat ante eos, et posuerat baculum super faciem pueri, et non erat vox, neque sensus : reversusque est in occursum ejus, et nuntiavit ei, dicens : Non surrexit puer. 32. Ingressus est ergo Eliseus domum, et ecce puer mortuus jacebat in lectulo ejus : 33. ingressusque clausit ostium super se, et super puerum ; et oravit ad Dominum. 34. Et ascendit, et incubuit super puerum : posuitque os suum super os ejus, et oculos suos super oculos ejus, et manus suas super manus ejus ; et incurvavit se super eum, et calefacta est caro pueri. 35. At ille reversus, deambulavit in domo, semel huc atque illuc : et ascendit, et incubuit super eum ; et oscitavit puer septies, aperuitque oculos. 36. At ille vocavit Giezi, et dixit ei : Voca Sunamitidem hanc. Quæ vocata, ingressa est ad eum. Qui ait : Tolle filium tuum. 37. Venit illa, et corruit ad pedes ejus, et adoravit super terram : tulitque filium suum, et egressa est, 38. et Eliseus reversus est in Galgala. Erat autem famæ in terra, et filii prophetarum habitabant coram eo, dixitque uni de pueris suis : Pone ollam grandem, et coque pulmentum filiis prophetarum. 39. Et egressus est unus in agrum ut colligeret herbas agrestes : invenitque quasi vitæ silvestrem, et collegit ex ea colocynthidas agri, et implevit pallium suum, et reversus concidit in ollam pulmenti : nesciebat enim quid esset. 40. Infuerunt ergo sociis, ut comederent ; cumque gustassent de coctione, clamaverunt, dicentes : Tors in olla, vir Dei. Et non potuerunt comedere. 41. At ille : Afferte, inquit, farinam. Cumque tulissent, misit in ollam, et ait : Infunde turbæ, ut comedant ; et non fuit amplius quidquam amaritudinis in olla. 42. Vir autem quidam venit de Baalsalisa deferens viro Dei panes primitiarum, viginti panes hordeaceos, et frumentum novum in pera sua. At ille dixit : Da populo, ut comedat, 43. reponditque ei minister ejus : Quantum est hoc, ut apponam centum viris ? Rursum ille ait : Da populo, ut comedat ; hæc enim dicit Dominus : Come dent, et supererit. 44. Posuit itaque coram eis : qui comedenterunt, et superfuit verbum Domini.

Fin de l'aperçu

La suite du livre est en qualité visuelle diminuée. Le livre est toutefois complet.

Il est possible de se procurer à prix abordable une édition papier du livre en visitant le site suivant :

canadienfrancais.org

Ce PDF peut être distribué librement. Plus de détails à la dernière page.

Vers. 4. **1. MULIER AUTEM QUÆDAM.** — Josephus, lib. IX, cap. II, quem sequuntur Hebræi, Theodoreetus, Lyranus, Abulensis et alii, asserit hanc mulierem fuisse uxorem Abdiæ dispensatoris Achab, III Reg. cap. XVIII, vers. 3, illamque hoc beneficium et miraculum multiplicati olei obtinuisse ab Eliseo, ob merita et eleemosynas mariti sui, qui in persecutio[n]e Jezabelis absconderat et aluerat centum prophetas Domini. Deus enim liberalitatem liberalitate remunerat, ac in misericordes summe misericors est, juxta illud : « Beati misericordes, quoniam ipsi misericordiam consequentur, » Matth. cap. V.

Vers. 5. **2. ET ECCE CREDITOR VENIT.** — Hebræi tradunt hunc creditorem fuisse Joram regem Israel, qui pecunias dederit Abdiæ, quas ille erogarit in alienis secreto centum prophetis, ideoque illas ab uxore ejus jam a rege repeti. Verum id confutat Abulensis, Quæst. IV.

UT TOLLAT DUOS FILIOS MEOS AD SERVIENDUM SIBI. — Solebant Hebræi filios vendere aut servos abducere pro debitis parentum, ut patet Matth. cap. XVIII, vers. 25, et Isaiae L, 1. Idem olim fecere Romani, teste Dionysio Halicarnassio, libro II, et Athenienses, teste Plutarcho in Solone : quin et Christiani, ut patet ex lege 2 de patribus qui filios distraxerunt, lib. IV Cod. tit. 43. Quod et suo tempore factum graviter queritur et deplorat S. Ambrosius, lib. De Job cap. VIII.

NISI PARUM OLEI QUO UNGAR. — Sic et Septuaginta, Hebraice est, nisi lecythus olei. Noster et Septuaginta addunt : quo ungar, id est quo semel duntaxat ungi possim, ut significant modicum esse vas, et modicum esse olei. Olei enim usus proprie est ad unctionem, quæ apud Hebræos erat usitata et frequens. Alii cum Sanchez, quo ungar, scilicet post mortem illico, quæ mihi ob famem imminet. Moris enim Hebræis æque ac gentibus erat mortuos ungere ante sepulturam.

Vers. 3. **3. PETE MUTUO AB OMNIBUS VICINIS TUIS VASA VACUA NON PAUCA.** — Ego enim efficiam ut omnia oleo impleantur; et quo plura vacua attuleris, eo plura oleo plena recipies. Tropologice significatur cor vacuandum esse a cupiditatibus terrenis, ut Deus illud oleo gratiæ suæ implete. Audi S. Bernardum, serm. 6 De Ascens. : « Unde spiritualis gratiæ inopia tanta quibusdam, cum aliis copia tanta exuberet? Profecto nec avarus, nec inops est gratiæ distributor; sed ubi vasa vacua desunt, stare oleum necesse est. Undique se ingerit amor mundi cum consolationibus, imo desolationibus suis, observat aditus; per fenestras irruit, mentem occupat; sed non ejus qui dixit : Renuit consolari anima mea; memor fui Dei, et delectatus sum. Praeoccupatum nempe sacerularibus desideriis animum delectatio sancta declinat : nec miseri poterunt vera vanis, æterna caducis, spiritualia corporalibus, summa imis, ut pariter sapias quæ sursum sunt, et quæ super terram. » S. Gregorius vero, hom. 3 in Ezech., per oleum accipit doctrinæ

nam quæ per doctores in vacuas hominum mentes effunditur. « Quia dum, inquit, ab unius ore doctoris, parvum quid de amore divinitatis multorum vacuae mentes audiunt, exuberante gratia, unguento divini amoris usque ad summum repletur. Etiam multorum nunc corda, quæ prius fuerant vacua vascula, unguento spiritus plena sunt quæ ex paucitate olei solummodo infusa videbantur. » Unde S. Augustinus, serm. 206 De Temp., docet viro Apostolico querenda esse « vasa vacua, » id est homines instructione indigentes, in quos oleum doctrinæ infundat : sic enim illa crescentibus hominibus crescat.

Vers. 4. **4. ET CLAUDE OSTIUM TUUM,** — tum ne quis superveniens tuam infusionem olei in vasa interturbet, vel remoretur et sistat; tum ut miraculum hoc et beneficium sit secretum, utque videoas solum Deum illud operari, nec ullum hominem ei cooperari; tum ut sola oleo fruaris, ne quis quippiam ex eo postulet aut decerpatur. Mystice S. Augustinus, serm. 206 De Temp. : « Significatur, inquit, ut unusquisque eleemosynam clauso ostio faciat, id est pro solo Dei amore, non ideo ut laudetur ab hominibus, sed ut apud Deum invenire gratiam mereatur. Qui enim pro laude humana eleemosynam facit, aperto ostio facit, quia aperatum omnibus patet. Qui vero pro sola vita æterna, et pro remissione peccatorum bona opera fecerit, etiamsi publice faciat, clauso ostio fecit; quia de illa eleemosyna non hoc querit quod videtur, sed quod non videtur : laus enim humana videtur, æternum præmium non videtur. »

Vers. 5. **5. ILLI OFFEREBANT VASA, ETILLA INFUNDEBAT;** — infundendo ergo crescebat oleum. Angeli enim continuo aliud et aliud oleum lecytho suggerebant et indebant, donec omnia vasa implerentur, quo facto stetit oleum, subducente se Angelo. Allegorice S. Augustinus, serm. 206 De Temp. : « In oleo, ait, misericordia intelligitur. Ergo viduisse illi ideo debitum creverat, quia oleum misericordiæ peccando perdiderat. Considerate, fratres : Defecit oleum et debitum crevit. Crevit oleum, et periit debitum. Creverat cupiditas, et periit charitas; redit charitas, et periit iniquitas. Veniente vero Eliseo Christo Domino vidua, hoc est Ecclesia, per augmentum olei, id est donum gratiæ et misericordiæ, vel charitatis pinguedine de peccatorum debito liberatur. »

Tropologice, fdem S. Augustinus ibidem per oleum accipit charitatem, quæ erogando non minuitur, sed sui diffusione semper accrescit. « Considerate, inquit, fratres charissimi, quamdiu vidua illa oleum in vasculo proprio habuit, nec sibi sufficiebat, nec debitum reddere poterat. Verum est, charissimi. Qui se solum diligit, nec sibi sufficit, nec peccatorum suorum debitum reddit. Cum vero in alienis vasculis, id est omnibus vicinis et propinquis, et omnibus omnino hominibus cœperit oleum charitatis infundere, tunc et sibi sufficere, et ab omnibus se debitibus poterit li-

berare. Et vere, fratres, talis est natura sancti amoris, et veræ charitatis, ut erogando crescat, et quantum in aliis plus expenditur, tantum in se abundantius cumuletur. » Idem confirmat ex antithesi cibi et olei, sive charitatis: « Cibum corporis si volueris egenti tribuere, ad præsens, quod illi dederis, tu habere non poteris. Panem charitatis si dederis centum hominibus, integer manet. Si universo mundo largiri volueris, tibi nihil deficit, imo non solum non deficit, sed omnium illorum quibus largitus fueris, lucrum tibi multipliciter crescit. Verbi gratia: Unum panem charitatis habebas; si nemini dedisses, ipsum solum haberet. Mille hominibus dedisti, mille panes acquisisti. » Rationem a priori subjicit: « Quia tanta est possessio charitatis, ut et singulis tota sit, et omnibus integra esse possit. Ergo et aliis dedisti, et tu nihil penitus perdidisti; imo non solum non perdidisti, sed sicut jam dixi, quidquid aliis a te collatum est, tu centupliciter acquisisti. » Unde subdit quærendos esse homines pane corporali vel spirituali egentes, ut eis charitatem exhibentes, faciamus eam tam in nobis, quam in ipsis continuo crescere. Eadem habent et ex S. Augustino transcripsere Eucherius, Angelomus, Beda, Rupertus et alii.

Vers. 8. 8. TRANSIBAT ELISEUS PER SUNAM: ERAT AUTEM IBI MULIER MAGNA, — tum opibus et fama, scilicet opulenta, honorata, celebris; tum probitate et pietate, Unde Chaldaeus vertit, *ibi erat mulier timens peccata*. Fabulatur R. Salomon Sunamitidem hanc fuisse sororem Abisag Sunamitidis, quæ Davidi seni data est uxor, ad eum calefaciendum, III Reg. I: nam a morte Davidis usque ad Eliseum, fluxere plusquam 80 anni. Quare hæc mulier debuisse excedere annum ætatis centesimum.

Vers. 9. 9. ANIMADVERTO QUOD VIR DEI SANCTUS EST ISTE. — Id advertebat ex Elisei modestia, abstinentia, gravitate, sermone, precatione assidua, aliisque virtutibus heroicis. Quare fabulatur R. Salomon id illam cognovisse, ex eo quod mensæ quam toties straverat Elisæo, nunquam musca insedisset, vel quid sordidum inhæsisset.

Vers. 10. 10. FACIAMUS ERGO EI COENACULUM PARVUM, — Hebræus et Chaldaeus, *cœnaculum muri parvi; muri*, id est ex muro et solida fabrica, non vero ex levibus asseribus: vel ut Vatablus, *muri*, id est muro conclusum et septum, ac semotum ab aliis domus partibus, ut quiete et secreto ibi solus degat, oret et meditetur Eliseus.

ET PONAMUS EI IN EO LECTULUM ET MENSAM ET SELIAM ET CANDELABRUM, — scilicet nil nisi præcise necessarium: sciebat enim Eliseum paupertatis studiosum pulvinaria, tapetes, aliaque ornamenta, quasi superflua non admissurum.

Vers. 13. 13. IN MEDIO POPULI MEI HABITO, — q. d. Ego pacifice inter meos cives et vicinos vivo, omnes amo, et ab omnibus amor: quare nulla mihi cum quopiam lis est, ut pro ea regis vel principis opem implorare debeam; imo si ea egerem, cives mei

me juvarent, et pro me regem interpellarent: omnibus enim nota et chara sum.

16. IN TEMPORE ISTO (q. d. proximo anno sub Vers. 16. hoc idem tempus) HABEBIS IN UTERO FILIUM.

NOLI MENTIRI ANCILLÆ TUÆ. — « Mentiri, » non formaliter: sciebat enim Eliseum virum sanctum nolle illam fallere et contra mentem loqui, ut falso ei promitteret filium; sed materialiter, q. d. Utinam verus, non falsus reipsa accidat sermo tuus! utinam sermo tuus non sit tantum appreciatio benevola, sed et efficax prophetia, ut revera sequente anno nascatur mihi filius!

17. ET CONCEPIT MULIER, ET PEPERIT FILIUM. — Vers. 17.

Tropologice, audi ex Vitis Patrum, lib. VI, cap. I, *De contemplatione*: « Dixit aliquando senex: Sunamitis Eliseum suscepit, eo quod non haberet affectum cum aliquo homine. Dicitur Sunamitis personam habere animæ, Eliseus Spiritus Sancti: quacumque ergo hora recedit anima a sæculari confusione et perturbatione, adveniet ei spiritus Dei, et tunc poterit parere, cum sit sterilis. »

23. QUAM OB CAUSAM VADIS AD EUM? HODIE NON Vers. 23

SUNT CALENDÆ (scilicet Neomenia, quæ erat prima dies lunæ et mensis, ideoque quasi festa Hebræis) NEQUE SABBATUM. — Hinc liquet, ait Abulensis, Quæst. XXX, Vatablus, Serarius et alii, solere Hebræos festis diebus Eliseum aliosque sanctos prophetas adire, ut ejus exhortationes et pia monita exciperent, utque ejus preces et benedictionem poscerent.

QUÆ RESPONDIT: VADAM, — q. d. Omnino ire ad Eliseum cupio, opto et destino. Causam subticet, ne maritus, audiens filium unicum mortuum, dolore exanimetur.

24. MINA. — Due asinum, et me in asino ad Eli- Vers. 24 seum.

26. RECTENE AGITUR CIRCA TE? etc., QUÆ RESPON- Vers. 26
DIT: RECTE. — « Recte, » licet enim filius meus sit mortuus magno dolore, tamen scio eum mortuum ex voluntate et decreto Dei quæ rectissima et sanctissima est. Aut quia mox « recte » mecum agetur: omnino enim confido eum a te resuscitandum. Sic de puella mortua ait Christus: « Non est mortua, sed dormit, » quia scilicet ego eam mox a morte suscitabo, ut non tam esse mortua, quam dormire videatur, Luccæ VIII. Sunamitis autem hoc prætexit apud Giezi, ut per eum patet sibi accessus ad Eliseum, qui virgo et castus vitans consortia feminarum, si audisset ejus filium jam mortuum, ad eum suscitandum misisset suum servum Giezi, uti et reipsa postmodum fecit.

27. APPREHENDIT PEDES EJUS, ET ACCÉSSIT GIEZI, UT AMOVERET EAM. — Sciebat enim Giezi Elisei humilitatem, religionem et castitatem, ut nollet tangi et hoc pedum tactu honorari, et quasi adorari a femina.

29. TOLLE BACULUM MEUM. — Hinc Eliseum ges- Vers. 29
tasse baculum, ideoque priscos monachos eum gestasse docet Cassianus, lib. I Instit. cap. ix,

additque mysticam ejus significationem, dicens :
« Cujus gestatio spiritualiter monet, nunquam debere eos inter tot oblatrantes vitiorum canes, et invisibles nequitiarum spiritualium bestias, inermes incedere; de quibus Beatus David liberari postulans dicit : Ne tradas, Domine, bestiam animam confidentem tibi; sed irruentes eas retundere crucis signaculo, ac longius propulsare, atque adversus se sœvientes, jugi memoria Dominicæ passionis, et imitatione illius mortificationis exstinguere. »

SI OCCURRERIT TIBI HOMO, NON SALUTES EUM. —

Causa fuit *prima*, ne Giezi salutando obvios, cum eisque colloquendo moras in via necteret, sed illico puerum apposito baculo susciterebat, antequam maritus eum esse mortuum rescisceret, q. d. ait S. Augustinus, serm. 106 *De Temp.*: « Ita velociter ambula, ut nullis fabulis occupari aut retardari præsumas. » *Secunda*, ut res maneret secreta. *Tertia*, quia Giezi, ait Theodoretus et Procopius, erat laudis avidus, unde obviis gloriando dixisset : Meus herus Eliseus misit me ut suscitem mortuum, ideoque id facturus ad eum pergo; quare hac jactatione offendisset Deum, itaque impeditivisset miraculum, nec Deus per eum puerum suscitasset. *Quarta*, ut Giezi vitaret omnem oculorum auriumque distractionem, totumque se disposeret per preces ad tanti miraculi patrationem. Ita Cajetanus, Abulensis et S. Ambrosius in cap. x *Lucæ*, lib. VII ad illa : « Neminem salutaveritis : Festinato enim, inquit, jubebat eum contendere, ut celebrandæ resurrectionis exsequeretur officium, ne, confabulatione alicujus obvii, mandato deflecteretur a munere. Ergo et hic non salutationis officium aufertur, sed obstaculum impediendæ devotionis aboletur : ut, quando divina mandantur, paulisper sequestrentur humana. »

Vers. 31. 31. POSUERAT BACULUM SUPER FACIEM PUERI, ET NON ERAT VOX NEQUE SENSUS. — Allegorica causam dat S. Augustinus, serm. 106 *De Temp.* dicens : « Puer iste (Giezi) typum habuit beati Moysi. Misit enim eum Deus cum baculo in Ægyptum; sed baculus sine Christo flagellare Ægyptum potuit, de originali vel actuali peccato liberare, vel resuscitare non potuit. Nihil enim, dicente Apostolo, ad perfectum adduxit lex. Opus erat ut qui baculum miserat, ipse descenderet. Baculus sine Eliseo nihil valebat, quia crux sine Christo nihil poterat. » S. Petrus per baculum a se missum e morte suscitavit S. Maternum suum discipulum, et primum Trevirensim Episcopum, ut habeat ejus Vita, et S. Macedonius per baculum suum suscitavit Theodoretum pene exanimem, ut ipse refert in *Philotheo*, cap. III.

PUER NON SURREXIT. — Cur? Rationem reddit Rabbi Salomon apud Lyranum : « Hoc, inquit, fuit propter demeritum Giezi, qui non servavit præceptum Elisei, sed occurrentibus sibi hominibus jactanter dicebat se missum ad suscitandum mortuum. » Indignus enim est qui miracula fa-

ciat, qui de illis faciendis gloriatur. Hoc profecto et prævidit et præcavit Elisæus dicens ad puerum quem mittebat : « Si occurrit tibi homo, non salutes eum; et si salutaverit te quispiam, non respondeas illi. » Nam ut recte Theodoretus, *Quæst.* XVII : « Sciebat, inquit, eum esse honoris cupidum et causam dicturum; inanem autem gloriam fore impedimento ne faciat miraculum. » Aliam causam dat R. Eliezer, cap. XXXIII : « Ridebat, inquit, Giezi dicendo obviis : Credisne baculum istum vitam restituere? »

34. ET INCUBUIT SUPER PUERUM, POSUITQUE OS VERS. 34.
SUUM SUPER OS EJUS, etc. — Franciscus Valesius, *Sacræ Philosoph.* cap. XXXV, Si liceret dicere, inquit, puerum non fuisse omnino mortuum, sed syncopen passum, naturalis fuisset hæc Elisæi curatio : nam syncope correpti, extinctione naturalis caloris periclitantur mori, solentque fotu et calefactione (maxime anhelitus humani; is enim calor congener est et vitalis) revocari. Rursum discurrebat Eliseus, ut suum calorem puero infundendum excitaret : is enim maxime exercitio excitatur; unde mox per eum sibi incumbentem excipiens, cœpit oscitare, calore jam incipiente flatum agitare et discutere, et crescente vigore et spiritibus animalibus moveri, aperti sunt oculi, et deinde aliorum sensuum instrumenta, et puer ad officia vitæ revocatus est. Verum ex narratione S. Scripturæ clare liquet puerum vere fuisse mortuum, non syncopen passum : incubuit ergo puero Eliseus easdem ob causas, ob quas Elias magister suus simili mortuo incubuerat, quas recensui III *Reg. XVII*, 24.

Allegorica et præcipua causa fuit, ut Eliseus ut nomine, ita et facto repræsentaret Filii Dei incarnationem, in qua ipse carnem nostram induit, et quasi os ori, manus manibus, pedes pedibus accommodavit. Ita S. Augustinus, serm. 11 *De verbis Apostoli* : « Quid, inquit, significavit mortuus puer, nisi Adam (et peccatorem Adæ filium per peccata mortuum)? posuit baculum supra mortuum, non surrexit. Si enim data esset lex quæ posset vivificare, omnino ex lege esset justitia. Non ergo potuit lex vivificare. Venit ipse grandis ad parvulum, Salvator ad salvandum, vivus ad mortuum, venit ipse. Et quid fecit? Juvenilia membra contraxit, tanquam seipsum exinanient, ut formam servi susciperet. Juvenilia ergo membra contraxit, parvum se parvo coaptavit; ut efficeret corpus humilitatis nostræ conforme corpori gloriæ suæ. Itaque in ipso typo Christo propheticæ expresso suscitatus est mortuus, tanquam justificatus est impius. » Rursum idem S. Augustinus, serm. 106 *De Temp.* : « Venit, inquit, Eliseus et ascendit in cœnaculum, quia venturus erat Christus, et ascensus crucis patibulum. Inclinavit se Eliseus, ut puerum resuscitaret; humiliavit se Christus, ut mundum in peccatis jacentem erigeret. Misit Eliseus oculos super oculos, manus super manus. Videte, fratres, quantum se vir ille

Nem-
rem sa-
Intat
Giezi,
eur?
Causa
prima.

Secunda.

Tertia.

Quarta.

perfectæ ætatis contraxit, ut parvulo mortuo et jacenti congrueret. Quod enim Eliseus in puerō præfiguravit, hoc in toto genere humano Christus implevit. Audi Apostolum dicentem : Humiliavit semetipsum, factus obediens usque ad mortem. Quia parvuli eramus, parvulum se fecit. Quia mortui jacebamus, prius se medicus inclinavit; quia et revera fratrem nemo potest jacentem erigere, si se noluerit inclinare. Quod autem puer oscitavit septies, septiformis gratia Sancti Spiritus ostenditur, quæ humano generi, ut resuscitetur in adventu Christi, tribuitur. » Eadem ex S. Augustino habent Eucherius, Angelomus, Beda, Rupertus et alii. Audi quoque S. Ambrosium, tom. II in cap. iv *Ecclesiastæ Exhortat. ad Clericos*, qui hæc de Christo in cruce se nobis commensurante, calefaciente et vivificante explicat : « Christus nobis commortuus est, ut nos calefaceret, qui ait : Ignem veni mittere in terram. Mortuus eram; sed quia in baptismate commortuus Christo sum, accepi lumen vitæ a Christo. Et qui in Christo moritur, per Christum calefactus vitæ et resurrectio- nis vaporem accipit. Frigidus erat puer, calefacit eum Eliseus spiritu suo, dedit ei vitæ calorem. Condormivit ei, ut eum calor quietis ejus, qui in symbolo conseptus ei fuerat, excitaret. Frigidus itaque est, qui non moritur in Christo. Calefieri non potest, cui ignis ardens non appropinquat. Invalescere non potest alteri, qui secum non habet Christum. » Audi denique S. Bernardum, serm. 16 in *Cant.* : « Oculis suis tetigit meos, interioris hominis frontem claris luminaribus ornans, fide et intellectu. Ori meo junxit suum, et mortuo si- gnum pacis impressit; quoniam, cum adhuc peccatores essemus, reconciliavit nos Deo, justitiæ mortuos. Os ori applicuit, iterato inspirans in faciem meam spiraculum vitæ; sed sanctioris, quam primo. Nam primo quidem in animam viventem creavit me; secundo, in spiritum vivificantem re- formavit me. Manus suas meis superposuit, exem- plum præbens bonorum operum, formam obe- dientiæ; aut certe manus suas misit ad fortia, ut doceret manus meas ad prælium, et digitos meos ad bellum. Et oscitavit puer septies, quia septies in die laudem dicere consuevit, » *Psal. cxviii.*

Elyseus
typus
Eucha- ristia.

Symbolice B. Petrus Damianus, lib. *De contemptu sæculi*, cap. xxviii : « Is, inquit, quem terroris virga suscitare non poterat, per amoris spiritum ad vitam redit, dumque se parvulo accommodavit et composuit, facile erexit et suscitavit. » Rursum Eliseus hic symbolum dedit Eucharistiæ, in qua Christus, ut ait S. Cyrillus, totum se nobis com- miscet, ac quasi oculos oculis, os ori, manus ma- nibus, animam animæ nostræ applicat; id quod pulchra specie per visum repræsentatum fuit Ru- perto Abbati Tuitensi : cum enim ipse a Superiore juberetur capessere sacerdotium, putaretque se tanto gradu indignum, per visum vidit Christum crucifixum se ad amplexum invitantem. Quare Rupertus, Christum arctissime amplexus et oscu-

latus; narrat Christum, quo profundius oscula admitteret, divinum os suum apertum, et hians præbuisse : simul etiam factum esse ut, inter eos amplexus, tum divino amore majorem in modum inflammaretur, tum etiam sacerdotii, quod antea fugiebat, desiderium sibi inspirari senserit; quod, simul ac illuxit, cum suo Abbatii indicasset, paulo post cum omnium gaudio exsecutum esse. Ad- jungit etiam aliud, quo post eum ordinem sus- ceptum, non minus sit confirmatus. Nam jacenti in lectulo, hominis species apparuit de cœlo labens, capite obvoluto, quasi agnosci nollet, ea- que se ita in eum tota dimisit, ut caput capit, pedes pedibus, reliqua membra cum omnibus membris intime commisceret : quin etiam ipsam animæ substantiam modo quodam, qui verbis exprimi non posset, ita pervaderet, atque imprimere, et quidem citius et profundius, quam mol- lissima cera signo imprimatur. Addit vero, quod facile credi possit, secutam esse tantam tamque incredibilem jucunditatem ac suavitatem, ut nisi ea celeriter a Deo inhibita esset, is quasi torrens voluptatis sine dubitatione animam de corpore abstracturus fuerit. Hoc, uti narravi, de seipso refert ipse Rupertus, lib. XII in *Matth.* pag. 162, et ex eo Hieronymus Platus, libro I *De bono status relig.* cap. xxxvii.

Tropologice, qui vult proximos peccato mor- tuos ad vitam gratiæ revocare, eorum infirmitati se accommodet oportet, ac per excessum charita- tis os ori, manus manibus, linguam linguae quasi applicet. Idem faciat religiosus, ut tam aliis reli- giosis, quam sæcularibus, quoad licet, per omnia se accommodet, ut faciebat Apostolus, dic- ens: « Omnibus omnia factus sum, ut omnes lu- erifacerem. » Est enim in religione summa om- nium unio, concordia, familiaritas, opitulatio, uti ex S. Basilio, Chrysostomo et aliis docet Pla- tus, lib. I *De bono status religosi*, cap. xxvii et xxviii.

34. ET INCURVAVIT SE SUPER EUM, — contrahendo Vers. 34 membra sua magna, ut ea quasi adæquaret par- vis membris pueri. Addunt Septuaginta, et infla- vit super eum, id est halitu suo afflando calefecit puerum. Unde sequitur :

ET CALEFACTA EST CARO PUERI, — ut videlicet per calorem disponeretur ad animationem et vi- tam : sicut ergo mater disponit embryonem in utero, calefaciendo, ad animam illi a Deo infun- dendarum, sic fecit et Eliseus hic. Voluit enim Deus eum miraculum hoc operari eo modo, qui na- turæ esset conformis. Simili modo Deus, Adamum efformans in hominem viventem, « inspiravit in faciem ejus spiraculum vitæ, » *Genesis II.*

35. AT ILLE REVERSUS DEAMBULABAT IN DOMO SE- MEL HUC ATQUE ILLUC, — ut ambulando excitat- Vers. 35 tum majorem calorem, quem puerο deinde in- cumbendo aspiraret, tum majorem fervorem orandi pro pueri resuscitatione. Allegorice, Eli- seus ambulans repræsentabat Christum ambulan-

Visi- Ru- perti.

tem per Judæam, et ubique semina Evangelii spargentem. Ita Eucherius.

ET OSCITAVIT PUER SEPTIES, APERUITQUE OCULOS. — Vatablus et alii, *sternutavit*; Septuaginta, *confortatus est*. Cum enim puer capite laborasset, ut dictum est vers. 19, videtur caput habuisse opatum humoribus, qui spirituum vitalium meatus occupantes, eum suffocarunt. Quare jam per Eliseum calore, vita et vigore ei redditis, caput confortatum, sternutando expulit humores se gravantes: ita cerebrum purgavit, puerumque perfectæ sanitati reddidit.

Vers. 39. **ET COLLEGIT EX EA COLOCYNTHIDAS.** — « Colocynthis » est cucurbita agrestis, qua medici utuntur, ut pituitam vehementer expurgent; estque amarissima, unde vocatur « fel terræ », ait Vallesius, *S. Philos. cap. xxxvi*, additque: non tantum amara est, sed et perniciosa; adeo ut si supra quatuor obolos etiam emendata sumatur, possit super purgationes et exulcerationes ventris et mortem afferre, atque adeo admota exterius enecet foetus. Hinc disce studium paupertatis. Audi Theodoretum: « Quod autem vita prophetarum, inquit, nullas habuerit possessiones docet historia. Nam qui erat eorum primus (Eliseus), nunc quidem eos exceptit convivio olerum agrestium: nunc autem panes hordeaceos viginti apposuit centum viris, eosque ab aliis allatos. Eis autem tantam benedictionem impertit, ut et illos centum sataret, et post satietatem superessent permulti. »

Vers. 40. **MORS IN OLLA,** — q. d. Pulmentum hujus ollæ amarissimum est et pessimum, ut videatur esse venenum mortiferum. Tropologice, « mors est in olla » deliciarum mundi, quæ gulam et venerem provocant, ideoque varios morbos ac mortem præsentem et æternam accersunt; amaræ sunt ergo, ut colocynthides. Aliter S. Bernardus, uti mox dicam.

41. **AFFERTE, INQUIT, FARINAM.** — Farina enim, Vers. 41.
quia glutinosa et leniens instar amyli, ait Vallesius, colocynthidarum mordacitatem et acrimoniam temperat; unde prudenter adhibita hic fuit ab Eliseo, licet potissima causa correctionis pulmenti fuerit virtus divina et miraculosa. Simil modo in lepra Naaman curanda, aliquid juvit aqua Jordanis, cap. v, et in ulcere Ezechiæ sanando, aliquid juverunt Isaiæ ficus, cap. xi, 7; quia extergunt et discutiunt tumores, si fiat cataplasma ex eis et farina hordeacea vel triticea. Ita Vallesius et Serarius, licet contrarium sentiant Angelomus et alii, scilicet hæc non juvisse, sed potius obfuisse, ut ostenderetur curationem hanc fieri non vi naturali, sed supernaturali et divina.

INFUNDE TURBÆ. — Notat Theodoretus, *Ques. XIX*, filios prophetarum nil proprii possedissem, sed vixisse in communi, ut jam faciunt religiosi.

Tropologice S. Bernardus, serm. 65 *inter parvos*: « Prælatus ex debito officii sui apponit subiectis ollam grandem herbas agrestes continentem, id est admonitionem de gravibus disserentem, acerbitate refertam, sed tamen igne Sancti Spiritus succensam. Subditi ergo perhorrescentes sermonum austoritatem, clamant: Mors in olla, et non possunt gustare. Sapiens igitur dispensator non affert, imo afferri jubet farinam; quoniam non præbet, sed hortatur habere caritatem, cuius condimento reddantur dulcia, quæ prius videbantur amara. Potest namque prædictor monita salutis auribus circumstantium insonare; sed nemini solus Deus valet saporem caritatis palato cordis infundere. »

43. **UT APPONAM CORAM VIRIS CENTUM.** — Eliseus Vers. 43.
hic miraculose multiplicans panes repræsentat Christum, qui bis paucis panibus pavit plura hominum millia. Mystice singula hæc adaptantem prædictoribus, vide Angelomum.

CAPUT QUINTUM.

SYNOPSIS CAPITIS.

Eliseus liberat Naaman a lepra, eamque immittit avaro et Simoniaco Giezi.

1. Naaman, princeps militiae regis Syriæ, erat vir magnus apud dominum suum, et honoratus: per illum enim dedit Dominus salutem Syriæ; erat autem vir fortis et dives, sed leprosus. 2. Porro de Syria egressi fuerant latrunculi, et captivam duxerant de terra Israel puellam parvulam, quæ erat in obsequio uxoris Naaman. 3. Quæ ait ad dominam suam: Utinam fuisset dominus meus ad prophetam, qui est in Samaria! profecto curasset eum a lepra quam habet. 4. Ingressus est itaque Naaman ad dominum suum, et nuntiavit ei, dicens: Sic et sic locuta est puella de terra Israel. 5. Dixitque ei rex Syriæ: Vade, et mittam litteras ad regem Israel. Qui cum profectus esset, et tulisset secum decem talenta argenti, et sex millia aureos, et decem mutatoria vestimentorum, 6. detulit litteras ad regem Israel, in hæc verba: Cum acceperis epistolam hanc, scito quod miserim ad te Naaman servum meum, ut

cures eum a lepra sua. 7. Cumque legisset rex Israel litteras, scidit vestimenta sua, et ait : Numquid Deus ego sum, ut occidere possim, et vivificare ; quia iste misit ad me, ut curem hominem a lepra sua ? animadvertisse, et videte quod occasiones querat adversum me. 8. Quod cum audisset Eliseus vir Dei, scidisse videlicet regem Israel vestimenta sua, misit ad eum, dicens : Quare scidisti vestimenta tua ? veniat ad me, et sciat esse prophetam in Israel. 9. Venit ergo Naaman cum equis et curribus, et stetit ad ostium domus Elisei ; 10. misitque ad eum Eliseus nuntium, dicens : Vade, et lavare septies in Jordane, et recipiet sanitatem caro tua, atque mundaberis. 11. Iratus Naaman recedebat, dicens : Putabam quod egredieretur ad me, et stans invocaret nomen Domini Dei sui, et tangeret manu sua locum lepræ, et curaret me. 12. Numquid non meliores sunt Abana et Pharpar, fluvii Damasci, omnibus aquis Israel, ut laver in eis, et munder ? Cum ergo vertisset se, et abiret indignans, 13. accesserunt ad eum servi sui, et locuti sunt ei : Pater, et si rem grandem dixisset tibi propheta, certe facere debueras ; quanto magis quia nunc dixit tibi : Lavare, et mundaberis ? 14. Descendit, et lavit in Jordane septies juxta sermonem viri Dei, et restituta est caro ejus, sicut caro pueri parvuli, et mundatus est. 15. Reversusque ad virum Dei cum universo comitatu suo, venit, et stetit coram eo, et ait : Vere scio quod non sit alius Deus in universa terra, nisi tantum in Israel. Obsecro itaque ut accipias benedictionem a servo tuo. 16. At ille respondit : Vivit Dominus, ante quem sto, quia non accipiam. Cumque vim faceret, penitus non acquievit. 17. Dixitque Naaman : Ut vis, sed, obsecro, concede mihi servo tuo, ut tollam onus duorum burdonum de terra ; non enim faciet ultra servus tuus holocaustum aut victimam diis alienis, nisi Domino. 18. Hoc autem solum est, de quo depreceris Dominum pro servo tuo, quando ingredietur dominus meus templum Remmon, ut adoret, et illo innitente super manum meam, si adoravero in templo Remmon, adorante eo in eodem loco, ut ignoscat mihi Dominus servo tuo pro hac re. 19. Qui dixit ei : Vade in pace. Abiit ergo ab eo electo terræ tempore. 20. Dixitque Giezi puer viri Dei : Pepercit dominus meus Naaman Syro isti, ut non acciperet ab eo, quæ attulit ; vivit Dominus, quia curram post eum, et accipiam ab eo aliquid. 21. Et secutus est Giezi post tergum Naaman ; quem cum vidisset ille currentem ad se, desiliit de curru in occursum ejus, et ait : Rectene sunt omnia ? 22. Et ille ait : Recte, dominus meus misit me ad te, dicens : Modo venerunt ad me duo adolescentes de monte Ephraim, ex filiis prophetarum ; da eis talentum argenti, et vestes mutatorias duplices. 23. Dixitque Naaman : Melius est ut accipias duo talenta. Et coegit eum, ligavitque duo talenta argenti in duabus saccis, et duplia vestimenta, et imposuit duobus pueris suis, qui et portaverunt coram eo. 24. Cumque venisset jam vesperi, tulit de manu eorum, et reposuit in domo, dimisitque viros, et abierunt ; 25. ipse autem ingressus, stetit coram domino suo. Et dixit Eliseus : Unde venis, Giezi ? Qui respondit : Non ivit servus tuus quoquam. 26. At ille ait : Nonne cor meum in praesenti erat, quando reversus est homo de curru suo in occursum tui ? Nunc igitur accepisti argentum, et accepisti vestes, ut emas oliveta, et vineas, et oves et boves, et servos, et ancillas. 27. Sed et lepra Naaman adhærebit tibi, et semini tuo usque in sempiternum. Et egressus est ab eo leprosus quasi nix.

Vers. 2. **2. DE SYRIA EGRESSI FUERANT LATRUNCULI**, — id est milites ad prædandum hostilem terram Israel : sic milites olim vocabantur « latrones », ob causas quas superius dedi ; nunc sœpe non tantum vocantur, sed re ipsa sunt latrones.

CAPTIVAM DUXERANT PUELLAM PARVULAM, — per quam Deus Naaman principem Syriæ sanavit tum corpore, tum mente, ut fieret fidelis et Dei cultor. Sic sub Constantino Imperatore femina Christiana

captiva assiduis suis precibus, jejuniis et pietatis exercitiis Iberos ad Christi fidem traduxit, teste Nicephoro, lib. VIII, cap. XXXIV.

5. **ET DECEM MUTATORIA VESTIMENTORUM**, — ut ea offerret Eliseo, qui iis uteretur, cum vestem quotidianam mutare vellet. Vestos elegantiores et pretiosiores intelligit, quibus utimur in publico et diebus solemnibus, inquit Vatablus.

6. **UT CURES EUM A LEPROSA**, — ut cures eum a leprosa.

pra liberari per prophetam, quem audio apud te esse thaumaturgum. Nec enim rex noverat Eliseum, ideoque non ad eum, sed ad regem Israel sibi notum scribit, ut per Eliseum curet Naaman sanari.

Vers. 7. **7. NUMQUID EGO SUM DEUS?** — Rex Israel crude accipit verba regis Syriæ : nec enim sciebat quid puella regi Syriæ de Eliseo dixisset, quodque rex non per se, sed per Eliseum peteret curari Naaman a lepra. Unde suspicatus est regem sibi insidiari, bellumque meditari, et hanc belli occasionem prætexere.

Vers. 10. **10. MISITQUE AD EUM ELISEUS NUNTIUM.** — Cur ipse Eliseus non ivit ad Naaman, ut eum quasi principem honorifice exciperet? Respondent primo Theodoreetus et Procopius quod legis adeo studiosus esset Eliseus, ut ne immundi quidem hominis aspectum, multo minus contactum ferre vellet, ut scilicet intelligeremus quam eorum mores et consuetudinem defugere oporteat, quos graviorum scelerum infidelitatis et hæreseos lepra inquinat.

Secundo, et verius, ut ostenderet se ab aula et gulicis abstractum, Deo soli quasi religiosum vacare, ideoque parvi facere principum præsentiam, famulos, equos et pompam, quæ mundus admiratur. Non ergo id fecit ex superbia, utpote qui, « non solum se conspici, sed teneri etiam a muliere permisit, » cap. iv, ait S. Gregorius, lib. VII *Moral.* cap. xv, qui et sub initium capitum celsitudinem animi in Eliseo similibusque sanctis prædicans ait : « Cuncta quippe quæ foris eminent, occultis eorum obtutibus per despectum jacent. Nam super se interius rapti in alio animum figunt, et quæque in hac vita patiuntur, quasi longe infra labentia atque a se aliena conspiciunt; atque, ut ita dixerim, dum mente extra carnem fieri decertant, pene ipsa quæ tolerant, ignorant. In horum profecto oculis quid temporaliter eminet, altum non est. Nam velut in magni vertice montis siti, præsentis vitæ gaudia plene despiciunt : seque ipsos per spiritalem celsitudinem transcendentes, subjecta sibimet intus vident, quæcumque per carnalem gloriam foris tument. Unde et nullis contra veritatem potestatibus parcunt : sed quos attolli per elationem conspiciunt, per spiritus auctoritatem premunt. »

Sic S. Antonius, salutatus a Constantino Magno per litteras, vix voluit respondere; respondit tamen coactus pene a discipulis, eique monita salutis dedit, teste S. Athanasio.

Tertio, voluit Eliseus miraculi et sanitatis futuræ magnitudinem augere, dum per famulum internuntium illud peragit, ait Abulensis; idque non contactu, sed solo verbo, ait Auctor *Mirabil. S. Scripturæ*, lib. II, cap. XXVIII.

¶ 11. **11. PUTABAM QUOD EGREDERETUR AD ME, ET STANS INVOCARET NOMEN DOMINI DEI SUI, ET TANGERET MANU SUA LOCUM LEPRÆ, ET CURARET ME.** — Loquitur Naaman ex sensu orincipum gentilium superbo-

rum, qui ex suo judicio præfigunt sibi modum patrandi miraculi; sed Deus, volens eos humiliare, alium ejus modum præscribit, ut discant Deo se suumque judicium submittere, ac a Deo legem accipere, non dare, illique simpliciter per omnia obedire.

12. NUMQUID NON MELIORES SUNT ABANA ET PHAR- **Vers. 12.** **PHAR FLUVII DAMASCI?** — Audi Benjamin in *Itinario*: « Urbs ipsa Damascus maxima, atque pulcherrima est, muris cincta; regio vero tota hortis et paradisis instructissima, ex singulis lateribus quindena continens milliaria. Nusquam alias in tota terra fructifera urbis huic similis visitur, quam duo flumina ex Hermone monte delapsa beant, Amma et Pharphar : sita est enim urbs sub Hermone monte, Amma urbem ipsam influit, cuius aquæ per tubos in omnes magnatum domos, atque etiam in fora et plateas deducuntur; estque regio ipsa negotii omnium terrarum frequens. Pharphar vero urbem ipsam præterfluens, hortos et paradisos omnes irrigat. »

13. PATER, ETSI REM GRANDEM DIXISSET TIBI PRO- **Vers. 13.** **PHETA, CERTE FACERE DEBUERAS; QUANDO MAGIS QUA** (quod) **NUNC DIXIT TIBI: LAVARE ET MUNDABERIS.** — Benignus in famulos instar patris erat Naaman, adeo ut ab eis « pater » vocaretur, et ut pater amaretur, qui proinde benevole consilium salutare illi suggesserunt, quod ipse placide audivit et acceptavit. Sic et Eliseus Eliam magistrum suum vocabat patrem, dicens : « Pater mi, currus Israel et auriga ejus. » Sic etiamnum Hollandi natura sua benigni suos heros et dominos vocant : Baer, id est pater.

14. DESCENDIT ET LAVIT SEPTIES IN JORDANE. — **Vers. 14.** Cur septies? ut septenarius numerus, qui universitatis numerus censetur, demonstraret omnia scelerata capitalia, quæ septem numerantur; et in omne tempus, quod septem hebdomadæ diebus circumfertur, penitus ex animis eradica. Tertullianus, lib. IV *contra Marc.* cap. ix, nationum, ait : « Quæ septem maculis capitalium delictorum inhorrent. Quapropter septies, quasi per singulos titulos, in Jordane lavit; simul et ut totius hebdomadis caneret expiationem, quia unius lavacri vis et plenitudo Christo soli dicabatur, facturo in terris sicut sermonem compendiatum, ita et lavacrum. »

Secundo septies, ut significetur perfecta corporis et animi ablutio et sanitas : illa enim constat elementis quatuor, eorumque justa temperie producitur; hæc vero invocato S. Trinitatis nomine in baptismo peragitur. Ita Theodoreetus et Procopius.

Tertio, septena lotio septem Ecclesiæ Christi Sacramenta adumbrat, quibus omnis peccati lepra abstergitur; hæc ergo sunt quasi septem baptisata et ablutiones animæ.

ET MUNDATUS EST. — Ecce hic est fructus simplicis obedientiæ. Sic Constantinus Magnus a lepra purgatus est aqua baptismi collati a S. Sylvestro,

non vi aquæ, nec etiam vi baptismi præcise (Baptismi enim effectus est ablucere peccata animæ, non lepram corporis), sed quia aqua hæc « divinæ voluntatis et propheticæ jussionis instrumentum fuit, » ut ait S. Ambrosius.

Allegorice, lotio Naaman in Jordane significat *primo* baptismum, qui lavat lepram animæ. *Hic enim* in Jordane, dum Christus in eo baptizatus est, ad hoc quasi consecratus fuit. *Secundo*, pœnitentiæ; Jordanis enim Hebraice idem est quod « fluvius judicii, » quod in Sacramento pœnitentiæ peragitur. Ita Angelomus, Prosper et alii. Audi S. Ambrosium, lib. IV cap. iv *Lucæ*: « Disce spiritualia Sacraenta signari. Corporis remedium petitur, mentis acquiritur. Abluitur caro, affectus diluitur. Non enim magis corporis, quam mentis lepram video fuisse mundatam: quando post baptismum veteris erroris colluvione detersa, negat se diis alienis hostias, quas spoponderat Domino, litaturum. »

Vers. 15. 15. OBSECRO ITAQUE UT ACCIPIAS BENEDICTIONEM A SERVO TUO, — scilicet munera quæ tibi attuli vers. 5. Hæc enim ab Hebreis vocantur « benedictio, » quia signa sunt amoris et benevolentiae. Adde: hæc « benedictio » est realis, idemque quod « benefactio. » Sic benedicere Dei est efficax, idemque quod benefacere.

Vers. 16. 16. VIVIT DOMINUS ANTE QUEM STO, QUIA NON AC SANCTI CIPIAM, — q. d. Esto sim cum meis discipulis in refutant munera. Cur? summa egestate et paupertate, tamen juro me tua munera non accepturum, ut ostendam hoc miraculum non esse meum, sed Dei; utque illud me pure ex amore Dei, non ob munera patrasse demonstrem; utque tu discas servos Dei, non munera hominum, sed Dei ambire.

Idem fecit S. Hilarion. Audi quid de Orione a legione dæmonum per eum liberato in ejus vita scribat S. Hieronymus: « Curatus, ait, cum uxore et liberis, venit ad monasterium, plurima, quasi gratiam redditurus, dona afferens. Cui sanctus: Non legisti, inquit, quid Giezi, quid Simon passi sint; quorum alter accepit pretium, alter obtulit: ut ille venderet gratiam Spiritus Sancti, hic mercaretur? Cumque Orionus flens diceret: Accipe, et da pauperibus, repondit: Tu melius potes tua distribuere, qui per urbes ambulas, et nosti pauperes; ego, qui mea reliqui, cur aliena appetam? »

Perfecta ergo sanctitas munera quælibet et quantalibet refutat, ut fecit Abraham, *Gen. xiv, 22*; de quo S. Ambrosius, lib. I *De Abraham*, cap. III: « Quantum, inquit, est illud, quod de præda victoriae nihil voluit contingere, nec oblatum sumere? Minuit enim fructum triumphi mercedis susceptio, et beneficii arrodit gratiam. Plurimum enim refert utrum pecuniaæ, an gloriæ dimicaveris. »

Hinc a Deo audire meruit: « Ego protector tuus sum et merces tua magna nimis, » *Gen. xv*, vers. 1. Ubi S. Ambrosius citatus: « Quoniam, inquit, sibi mercedem ab homine non quæsivit, a Deo acce-

pit. » Hinc Eliseus hic fuit typus Christi jubentis Apostolis: « Gratis accepistis, gratis date, » ait S. Augustinus, sermone 208 *De Temp.*

17. OBSECRO, CONCEDE MIHI SERVO TUO, UT TOL- Vers. LAM ONUS BURDONUM DUORUM DE TERRA — Israel. « Burdonum, » id est *mularum*, ut vertit Chaldæus, Septuaginta, Vatablus, Pagninus et alii. Hebraice enim פֶּרֶד Pered est *mulus*, ac forte a Pered dictus est burdo, litteram P in vicinam labiale B commutando. Fit in *Digest.* lib. XXXII, titul. 49, mentio « Burdonum, » ubi male Accursius baculos intelligit, qui Gallice *bourdons* vocantur. Unde Cujacius, lib. XI *Observat.* cap. XVI, « burdones » asserit esse mulos, qui manni et burici vocantur, geniti ex asino et equa, vel equo et asina; ideoque Hebraice dicuntur *peradim*, id est divisi, separati, quod divisæ et diversæ a suis genitoribus sint speciei: פֶּרֶד parad enim est dividere, separare. Sensus est, q. d. Concede ut possim tollere de terra tua tantum quantum possunt ferre duo « burdones, » id est muli, ut ex ea quasi sancta erigam in patria mea altare Deo Israel, quem solum verum esse Deum ex hoc miraculo sanationis meæ agnosco, veneror et amo. Unde verisimile est Naaman circum altare erexisse templum vel sacellum, in eoque cum tota familia sua Deum coluisse, ac multos alios ad illum ibi colendum induxisse. Potuisset Naaman ex terra Syriæ altare erigere, Israeliticam tamen optavit, quod eam, uti monet Theodoreetus, *Quæst. XIX*, Abulensis, *Quæst. XXII*, sanctam crederet, quam præ cæteris Deus elegisset, in qua populum templumque suum collocasset, quæ tot sanctissimorum virorum domiciliis et virtutibus celebraretur.

Nota hunc locum pro cultu reliquiarum Sanctorum, nam votum Naaman probavit Eliseus propheta Dei.

NON ENIM FACIET SERVUS TUUS HOLOCAUSTUM AUT VICTIMAM DIIS ALIENIS NISI (sed tantum) DOMINO.—Hebraice *Jehova*, qui verus et unicus est Moysis et Israelis Deus. Huc ecce Naamanum perduxit Elisei sanctitas, et munera despiciencia. Unde sanctiorem, ait Mendoza in lib. I *Reg. XII*, 4, iudicavit terram illam, in qua munera cupiditas sepelitur, quam illam aquam in qua corporum lepra expiatur. Ob eam rationem sananti lepram Eliseo obtulit aurum, tanquam medico: repudiandi aurum obtulit preces, tanquam Deo: neque propria auctoritate, sed illius obtenta prius facultate, terræ portionem ausus est exportare.

18. HOC AUTEM SOLUM EST, DE QUO DEPRECERIS Vers. DOMINUM PRO SERVO TUO, QUANDO INGREDIETUR DOMINUS MEUS (rex Syriæ) TEMPLUM REMMON, UT ADORET, ET ILLO INNITENTE SUPER MANUM MEAM, SI ADORAVERO IN TEMPLO REMMON, ADORANTE EO IN EODEM LOCO, UT IGNOSCAT MIHI DOMINUS SERVO TUO PRO HAC RE.

19. QUI DIXIT EI: VADE IN PACE. — Gregorius de Valentia, tract. *De fide et fidei professione*, disp. I, *Quæst. III*, puncto 2, ad 3, censem hanc petitionem

Naaman continere rem illicitam, scilicet professionem idolatriæ; Naaman enim cooperatum fuisse idolatriæ regis in adoratione idoli Remmon, ideoque Eliseum non annuere nec directe responderet, sed permittere, id est negative se habere, quia videbat eum hoc tempore incapacem correctionis, ad deponendam hanc idolatriæ simulationem, ideoque illam in aliud tempus distulisse, ac pro hac vice suffecisse ei, quod Naamanum ad veri Dei cognitionem perduxisset. Verum si Naaman cooperabatur idolatriæ, debuisset Eliseus eum hac de re docere nec dissimulare. Nam ex eo quod ait: «Vade in pace,» omnino colligebat Naaman Eliseum suæ petitioni annuere, et concedere ut, rege adorante, adoraret et ipse in templo Remmon; quare Eliseus fovisset et confirmasset Naaman in sua idolatria, quod absit.

Pejus Priscillianistæ, quos sequitur Machiavellus, dicebant licitum esse simulare exterius hæresim vel idolatriam, dummodo in animo veram fidem retineas; unde aiebant: «Jura, perjura, secretum prodere noli.» Mitius, perperam tamen Adrianus in IV, Quæst. I *De Baptismo*, resp. ad 5, asserit licitum esse extrinsecus simulare idolatriam, si absit scandalum, nec instet præceptum confitendi fidem.

Adoratio Naaman fuit curatio politica. Nota ergo adorationem hanc Naaman non fuisse proprie dictam: sic enim fuisse impia et idolatrica, sed impropriam, scilicet incurvationem corporis, vel genuflexionem obsequii causa, ut scilicet regem ex officio sibi commisso fulciret et sustentaret in templo, ut et alibi facere consueverat; quod facere non poterat, nisi, rege genuflexente, ipse pariter genuflexeret. Est catasthesis. Id patet ex Hebræo נָשָׁא *shaca*, quod proprie significat, curvare vel incurvare se, ut vertit hic Arias. Alia ergo fuit adoratio regis, alia Naaman; rex enim proprie adorabat idolum suum Remmon: Naaman vero adorabat improprie, id est curvabat se, ut regi suo se curvanti accommodaret, eumque sustentaret et honoraret. Erat ergo haec ejus adoratio non religiosa, sed politica et civilis; sicut «Abraham adoravit,» id est reverentiam exhibuit, «filios Heth,» Gen. xxiii, 7, et Jacob «adoravit,» id est veneratus est filium suum Joseph principem Aegypti, Hebr. xi, 21.

Solebat enim rex Syriæ, cum incederet, aut se quacumque de causa prosterneret, inniti aut manibus, aut humeris Naaman: quare necesse erat ut sese Naaman ad regis motum, atque habitum accommodaret. Ex quo fiebat ut cum stante staret, cum incidente incederet, et procedente ipse quoque procederet. Hoc enim si omisisset, incivilis et rusticus, imo infidelis habitus fuisse.

Dices: Naaman cooperabatur regi adoranti Remmon; ergo cooperabatur ejus idolatriæ. Respondeo negando consequentiam. Cooperabatur enim regi ad actionem naturalem, scilicet ad curvationem corporis duntaxat, non autem ad moralem, vel ad intentionem regis, quæ erat cur-

vando se adorare Remmon. Sic nobiles, ait Cajetanus, comitantes suum regem euntem ad concubinam, non peccant; quia non comitantur eum, ut vadat ad fornicandum et peccandum, sed absolute ut vadat quocumque libuerit: comitantur enim eum duntaxat honoris et obsequii causa, et famuli dominum suum.

Sensus ergo Naaman fuit, q. d. Peto, o Elisee, facultatem ut, curvante se rege in templo Remmon ad eum adorandum, liceat et mihi regem sustentanti curvare me, non ad adorandum Remmon, sed ut hoc obsequium et servitium regi meo præstem, ad quod ex officio meo teneor, tam in templo quam alibi, ne gradu et dignitate apud regem excidam. Rex enim innititur super me; quare quocumque ipse se flectit, et vertit, ego pariter me vertere et flectere debeo. Erat ergo actus hic curvandi adiaphorus et indifferens, eratque cultus non sacer, sed civilis et politicus. Nam sustentare regem sive stantem, sive ambulantem, sive genuflectentem per se est actus observantiae; per accidens vero est, quod contingat eum sustentari, dum ille coram idolo incurvatur. Id enim non est idolo, sed regi reverentiam exhibere.

Dices secundo: Naaman dabat scandalum aulicis; putabant enim ipsi eum adorare cum rege idolum Remmon. Respondeo nullum fuit scandalum, tum quia sciebant Naaman ex officio teneri ad sustinendum regem in hæ corporis curvatione, nec aliud prætendere; tum quia Naaman publice abdicarat idola, et profitebatur cultum veri Dei Israelis, eique altare et sacellum erexerat, in quo totam suam familiam Deum verum secum adorare compellebat. Ita Abulensis, Lyranus, Burgensis, Cajetanus, Serarius, Sanchez, Sallianus hic, et Suarez, *De fide*, tract. I, disp. xiv, sect. 4, num. 8.

Quin et Tertullianus, lib. *De Idolatria*, cap. xv, in fine: «Sed quoniam, inquit, ita malis circumdedit sæculum idolatria, licebit adesse in quibusdam, quæ nos homini, non idolo officiosos habent. Plane ad sacerdotium et sacrificium vocatus non ibo (proprium enim idoli officium est), sed neque consilio, neque sumptu aliave opera in hujusmodi fungar. Si propter sacrificium vocatus assistam, ero particeps idolatriæ: si me alia causa conjungit sacrificanti, ero tantum spectator sacrificii.»

Porro hac in re circumspecte agendum est: una enim circumstantia subinde speciem facti mutat, et quod erat licitum, facit illicitum; ut si rex velit suos famulos cogere ad idolatriam, ideoque eos compellat secum ire ad templum, ut secum idolum adorent, ut fecit Julianus apostata. Unde Valentinianus dux militiæ postea imperator Julianum quidem euntem ad idolorum fanum, honoris causa comitatus est; sed cum ibidem sacrificus idololatra roscidis quibusdam frondibus eum aspersisset, ipse illi alapam impegit conviisque eum proscidit, ac partem vestis in quam

aspergini illius gutta ceciderat, abscidit. Quocirca ipse ob Christianam fidem a Juliano militia exutus, et in exilium actus hac sua in fide constantia meruit Julianus post Jovianum in imperio succedere. « Qui ergo omnia pietati posthabuit, omnia consecutus est munere pietatis, » ait Baronius anno Christi 364.

Sic S. Sergius et Bacchus primicerii Maximiani Imperatoris comitati sunt eum sacrificaturum Jovi usque ad januas templi; sed illud ingredi noluerunt. Causam rogati, dixerunt se religione prohiberi; se enim Christianos esse, nec Jovem, sed Deum verum colere. Qua de causa excruciat gloriosum obiere martyrii agonem die 7 octobris: quia nimurum tunc assecræ imperatoris solebant injicere thus thuribulo in honorem idoli, et idolo acclamare, aliisque signis et modis cooperari idolatriæ imperatoris. Adde, tunc flagrante imperatorum in Christianos persecutione, signum idolorum cultus erat astare sacrificiis. Denique sub decem primis imperatoribus fideles consequentibus, Christiani ferventes erant, et quamlibet idolatriæ speciem et umbram horrebant et cavebant.

Porro Naaman hic factus est veri Dei cultor, non tamen Judeus vel proselytus, quia non fuit circumcisus; quare legem Moysis servare non tenebatur, uti ad eam æque ac ad circumcisionem obligabantur omnes Judæi, tanquam Abraham, Isaac et Jacob posteri: mansit ergo Naaman gentilis, et Deum verum colebat, uti colebant patres omnes ante diluvium in statu legis naturæ. Vide S. Augustinum, sermone 207 *De Temp.* cui est de Naaman Syro.

REMNON. — Nonnulli cœsent Remmon esse Jovem summum deorum, itaque dici quasi *ram*, id est *excelsum*, utpote altitonantem. Melius Ser-

est Ve- rius, Sanchez et alii cœsent esse Venerem, tum

dus.

quia Venus erat dea Syriæ, tum quia Syri Venerem faciebant tam deum quam deam, teste Macrobius; tum quia « Remnon » Hebraice significat *malum punicum*. Veneri autem poma præsertim aurea et punica, ob pulchritudinem et seminum fecunditatem, sacra fuisse testantur Theocritus, Virgilius, Lucianus et Ovidius, lib. X *Metamorph.* Vide Pererium, *Hieroglyph.* lib. LIV. Sic Romani colebant Pomonam, quasi deam pomorum, teste S. Augustino, lib. III *De Civit. cap. xxiv.*

ABIT ERGO AB EO ELECTO TERRÆ TEMPORE. — Chaldaeus et Pagninus, *abiit ab eo milliare terræ*; Septuaginta, *in spatio terræ*; Isidorus, *quasi per stadium terræ*; Vatablus, *jugerum agri*; Cajetanus ex R. David, *prandio terræ*, id est tanto spatio Naaman abierat ab Elisæo, cum ad eum venit Giezi petens munera, quantum durante prandio confici potest scilicet milliare. Et huic expositioni vulgariam versionem accommodat Sanchez, ut *electum tempus* vocetur milliare; milliare enim est communis et electa honinum mensura, quam scilicet omnes communi consensu elegerunt ad demetiendum locorum spatia et distantias.

Verum Noster, Genes. XXXV, 16, vertit, *verno tempore*; alibi vertit, *tempus viridationis*. Ergo *tempus electum* est tempus vernum quo omnia virent. Ita Rupertus: addit hoc Scriptura, ut significet Eliseum prudenter Naamano præscripsisse lotionem in Jordane, ex eo quod erat tempus vernum; tunc enim, tepente aura, lotiones corpori salutares sunt, cum in hyeme ob frigus sint noxiæ. Rursum, ut significet laetiorum hanc a lepra curationem accidisse Naamano, ex tempore, utpote qui acciderit in vere, cum omnia florent et laetiam homini aspirant, lætissimum ergo ipsum rediisse domum. Vide dicta Genes. XXXV, 16.

20. VIVIT DOMINUS, QUIA CURRAM POST EUM, ET ACCIPIAM AB EO ALIQUID, — q. d. Juro per Deum quod petam a Naaman aliquod antidoton, sive munus pro sanitatem ei data a meo magistro Eliseo. Hinc patet Giezi proprie non fuisse Simoniacum, quia miraculosam sanitatem Naamano non vendidit pretio, nec de eo cum ipso pactus est; sed post gratis ei datam ab Eliseo sanitatem, munus aliquod ab eo petiit: Simoniacus vero primus fuit Simon magus, qui a sancto Petro emere voluit pretio Spiritum Sanctum, *Actorum VIII*; unde ab eo hoc peccatum nomen Simoniacum accepit. Peccavit tamen graviter Giezi: *Primo*, quod inscio et invito Eliseo hoc munus a Naaman petierit et acceperit; *secundo*, quod mentitus sit Eliseum id petere; *tertio*, quod Eliseo hanc notam cupiditatis inusserit, quæ multum ejus sanctitati et honori derogabat. Ipse enim respuens munera Naaman ab eo habitus fuit ut vir divinus, et propheta cœlestis: jam vero petens munera videri ei potuit homo egens et cupidus, ac similis pseudoprophetis, qui pro suis vaticiniis accipiebant munera. Quare poterat Naaman deficere a fide quam conceperat de Deo vero, ex sanctitate et integritate Elisei. Unde valde verisimile est Eliseum effecisse, ut Naaman resciret Giezi se inscio munera hæc ab eo petiisse, ideoque a se lepra punitum, ut hac ratione integritas sua in munera contemptu Naamano constaret; itaque ille in opinione quam de eo conceperat, ac vera in Deum fide confirmaretur. *Quarto*, Giezi peccavit furto, quia Naaman munera hæc mittebat Eliseo, pro quo ea Giezi petebat; Giezi autem illa in suos usus convertere destinabat. Unde ea abscondit versu 24, ne quid Eliseus de iis sciret. Quocirca mox Eliseus illi exprobrat, vers. 16: « Accepisti argentum, inquit, ut emas oliveta et vineas. » *Quinto*, Quintus peccavit simonia mentali; animum enim habuit simoniacum: petiit enim munera a Naaman intuitu sanitatis miraculose illi ab Eliseo collatæ, quasi hæc merces et hoc pretium Eliseo pro sanitatem deberetur. Unde S. Ambrosius, lib. *De Dignitate sacerdotali*, cap. iv, ait simoniacos esse sectatores Giezi et Simonis Magi, ideoque lepram simoniæ adhærere eorum non corporibus, sed mentibus.

26. NONNE COR MEUM IN PRÆSENTI (præsens) ERAT, Vers. ■

Pecca
Giezi
Primo

Secun
Terti

Quarti

QUANDO REVERSUS EST HOMO (Naaman) **DE CURRU SUO**
IN OCCURSUM TIBI. — « Cor, » id est mens et oculi
 mentis meæ a Deo supernaturaliter elevati et ad-
 juti fuere, ut absentem et remotam tuam mune-
 rum a Naaman acceptancem, quasi præsentem
 cognoscerent et cernerent, q. d. Putabas me ab-
 sentem, cum munera petiisti : at ego spiritu tibi
 præsens eram; mentis enim intuitu vidi omnia
 quæ fecisti. Multo ergo magis, ait S. Augustinus,
 lib. XXII *De Civit. cap. xix*, Sancti in cœlis absen-
 tia et remota quæ in terra fiunt, cernere possunt.

Simili modo S. Benedictus vidit absentia multa,
 uti narrat S. Gregorius, II *Dialog. cap. XIII*, vers.
 18, 19. Unde addit S. Gregorius eum habuisse spi-
 ritum Elisei.

Vers. 26. 26. **ACCEPISTI ARGENTUM, etc. UT EMAS OLIVETA ET VINEAS, ET OVES, ET BOVES, ET SERVOS, ET ANCILLAS.** — Talentum argenti continebat sex millia siclo-
 rum argenti, hoc est, sex millia florenorum Bra-
 banticorum sive Francorum, ut vocant Galli :
 quare duo talenta quæ accepit Giezi valebant
 duodecim millibus Francorum, quæ faciunt qua-
 tuor millia coronatorum Francicorum : quorum
 quisque continet duodecim Julios sive Regales ;
 hac summa autem illo ævo, cum omnia essent
 vili pretio, ac rarum foret argentum, poterant
 emi hæc omnia. Alii disjunctive explicant, q. d.
 Ut emas, vel oliveta, vel vineas, vel oves et boves.
 Hinc videtur quod Eliseus munera hæc sibi a Na-
 man per Giezi missa, ipsi Giezi concesserit et dede-
 rit, ne ipse injuste ea possidens continue peccaret.

27. **SED ET LEPRO NAAMAN ADHÆREBIT TIBI ET SE- VERS. 27.**
MINI TUO USQUE IN SEMPITERNUM, — non absolute,
 ut patet, sed q. d. ad longissimum et immemo-
 rabile tempus, v. g. per trecentos annos, sive in
 tertiam et quartam generationem, *Exodi xxxiv*, 7.
 Ita Serarius, Abulensis, Sanchez et alii.

Argentum ergo quod inique accepit Giezi fuit
 veneno infectum et pestiferum, instar vestium
 nummorumque quibus in domo peste infecta pes-
 tis adhærescit, ut ea accipientem invadat et infi-
 ciat. Sic enim lepra Naaman quasi adhæsisset ar-
 gento, infecit Giezi illud recipientem, eumque le-
 prosum effecit.

Quare deinceps Giezi cum Eliseo versatus non
 est, sed ut leprosus hominum consortium ex lege
Levitica 13 et *14*, vitare debuit : nec enim eum
 Eliseus legis studiosissimus ad se admisisset. Ita
 Abulensis, *Quæst. X*, quod ergo Giezi cap. VIII,
 cum rege Joram collocutus dicitur, eique mira-
 cula Elisei narrasse, id videtur contigisse ante-
 quam percussus esset lepra; unde Abulensis, Se-
 rarius, Salianus et alii censem hic esse hysterolo-
 giam, ac Giezi lepram, et consequenter Naamani
 ad Eliseum adventum et sanationem, posterius
 contigisse, scilicet anno ultimo regni Joram, cum
 paulo post ipse occisus est a Jehu : si quis tamen
 ordinem S. Scripturæ retinere velit, dicat oportet
 Giezi pœnitentiam egisse, sicut Deum et Eliseum
 placasse, lepramque a se, si non a posteris om-
 nibus repulisse, ait Serarius, itaque jam munda-
 tum collocutum esse cum rege Joram.

CAPUT SEXTUM.

SYNOPSIS CAPITIS.

*Eliseus ferrum securis in aqua mersum ad lignum, quasi ad suum manubrium, enatare facit : inde, vers. 8, consilia secreta regis Syriæ revelat regi Israel. Mox, vers. 14, milites Syros ad se capiendum missos excœ-
 cat, ducitque ad regem Israel, eosque vetat percuti, imo cibo refici jubet. Denique, vers. 24, rex Syriæ obsidet Samariam, eamque ad extremam famem redigit. Quare rex Israel Eliseum ad necem depositit, sed ille legatis regis ostium occludi præcipit.*

1. Dixerunt autem filii prophetarum ad Eliseum : Ecce locus in quo habitamus coram te angustus est nobis. 2. Eamus usque ad Jordanem, et tollant singuli de sylva materias singu-
 las, ut ædificemus nobis ibi locum ad habitandum. Qui dixit : Ite. 3. Et ait unus ex illis : Veni ergo et tu cum servis tuis. Respondit : Ego veniam. 4. Et abiit cum eis. Cumque venis-
 sent ad Jordanem, cædebant ligna. 5. Accidit autem ut cum unus materiam succidisset, cade-
 ret ferrum securis in aquam ; exclamavitque ille , et ait : Heu, heu , heu, domine mi , et hoc
 ipsum mutuo acceperam. 6. Dixit autem homo Dei : Ubi cecidit ? At ille monstravit ei locum.
 Præcidit ergo lignum, et misit illuc ; natavitque ferrum , 7. et ait : Tolle. Qui extendit ma-
 nūm, et tulit illud. 8. Rex autem Syriæ pugnabat contra Israel , consiliumque iniit cum ser-
 vis suis, dicens : In loco illo et illo ponamus insidias. 9. Misit itaque vir Deiad regem Israel,
 dicens : Cave ne transeas in locum illum , quia ibi Syri in insidiis sunt. 10. Misit itaque rex

Israel ad locum quem dixerat ei vir Dei, et praecupavat eum, et observavit se ibi non semel neque bis. 11. Conturbatumque est cor regis Syriæ pro hac re; et convocatis servis suis, ait: Quare non indicatis mihi quis proditor mei sit apud regem Israel? 12. Dixitque unus servorum ejus: Nequaquam, domine mi rex, sed Eliseus propheta, qui est in Israel, indicat regi Israel omnia verba quæcumque locutus fueris in conclavi tuo. 13. Dixitque eis: Ite, et videte ubi sit, ut mittam, et capiam eum. Annuntiaveruntque ei dicentes: Ecce in Dothan. 14. Misit ergo illuc equos, et currus, et robur exercitus: qui cum venissent nocte, circumdederunt civitatem. 15. Consurgens autem diluculo minister viri Dei, egressus, vidi exercitum in circuitu civitatis, et equos, et currus; nuntiavitque ei, dicens: Heu, heu, heu, domine mi, quid faciemus? 16. At ille respondit: Noli timere; plures enim nobiscum sunt quam cum illis. 17. Cumque orasset Eliseus, ait: Domine, aperi oculos hujus, ut videat. Et aperuit Dominus oculos pueri, et vidit: et ecce mons plenus equorum, et curruum igneorum, in circuitu Elisei. 18. Hostes vero descenderunt ad eum; porro Eliseus oravit ad Dominum, dicens: Percute, obsecro, gentem hanc cæcitate. Percussitque eos Dominus, ne viderent, juxta verbum Elisei. 19. Dixit autem ad eos Eliseus: Non est hæc via, neque ista est civitas; sequimini me, et ostendam vobis virum quem quæritis. Duxit ergo eos in Samariam; 20. cumque ingressi fuissent in Samariam, dixit Eliseus: Domine, aperi oculos istorum, ut videant. Aperuitque Dominus oculos eorum, et viderunt se esse in medio Samariæ. 21. Dixitque rex Israel ad Eliseum, cum vidisset eos: Numquid percutiam eos, pater mi? 22. At ille ait: Non percuties; neque enim cepisti eos gladio et arcu tuo, ut percutias: sed pone panem et aquam coram eis, ut comedant et bibant, et vadant ad dominum suum. 23. Appositaque est eis ciborum magna præparatio, et comedenterunt, et biberunt, et dimisit eos, abieruntque ad dominum suum, et ultra non venerunt latrones Syriæ in terram Israel. 24. Factum est autem post hæc, congregavit Benadad rex Syriæ universum exercitum suum, et ascendit, et obsidebat Samariam. 25. Factaque est famæ magna in Samaria: et tamdiu obsessa est, donec venundaretur caput asini octoginta argenteis, et quarta pars cabi stercoris columbarum quinque argenteis. 26. Cumque rex Israel transiret per murum, mulier quædam exclamavit ad eum, dicens: Salva me, domine mi rex. 27. Qui ait: Non te salvat Dominus; unde te possum salvare? de area, vel de torculari? Dixitque ad eam rex: Quid tibi vis? Quæ respondit: 28. Mulier ista dixit mihi: Da filium tuum, ut comedamus eum hodie, et filium meum eomedemus cras. 29. Coximus ergo filium meum, et comedimus. Dixique ei die altera: Da filium tuum ut comedamus eum. Quæ abscondit filium suum. 30. Quod cum audisset rex, scidit vestimenta sua, et transibat per murum. Veditque omnis populus cilicum quo vestitus erat ad carnem intrinsecus. 31. Et ait rex: Hæc mihi faciat Deus, et hæc addat, si steterit caput Elisei filii Saphat super ipsum hodie. 32. Eliseus autem sedebat in domo sua, et senes sedebant cum eo. Præmisit itaque virum; et antequam veniret nuntius, ille dixit ad senes: Numquid scitis quod miserit filius homicidæ hic ut præcidatur caput meum? vide ergo, cum venerit nuntius, claudite ostium, et non sinatis eum introire: ecce enim sonitus pedum domini ejus post eum est. 33. Adhuc illo loquente eis, apparuit nuntius qui veniebat ad eum. Et ait: Ecce, tantum malum a Domino est; quid amplius exspectabo a Domino?

Vers. 1.

1. DIXERUNT AUTEM FILII PROPHETARUM AD ELISEUM:
ECCÉ LOCUS IN QUO HABITAMUS CORAM TE (nos regente, docente et dirigente, quasi nostro duce et magistro) ANGUSTUS EST NOBIS, — quia in dies crescebat discipulorum ad eos et ad Eliseum confluentum, ac religiosam vitam ambientium numerus, ob eorum vitæ sanctitatem et famam virtutis.

2. EAMUS USQUE AD JORDANEM, ET TOLLANT SIN- Vets. 1.
GULI DE SYLVA MATERIAS SINGULAS, UT AEDIFICEMUS, —
tuguria in quibus tanta multitudo religiosorum habitat. Vide hic priscorum religiosorum paupertatem, laborem et unanimitatem. Audi Theodoretum: « Chorus prophetarum extremam amplectebatur (ultra et voluntarie) paupertatem, non

enim habebant domos, sed utebantur tuguriis. Quamobrem a magno illo propheta supplices petierunt, ut abiret cum ipsis ligna secantibus ad ea construeuda. Tanta autem utebantur paupertate, ut ne securim quidem sustinerent possidere. » Et S. Hieronymum, epist. 4 ad Rusticum : « Filii prophetarum, ait, quos monachos in veteri Testamento legimus, ædificabant sibi casulas prope fluenta Jordanis, et turbis urbium derelictis, polenta et herbis agrestibus vicitabant. » Idem prorsus fecere monachi et eremitæ post Christum, tempore S. Antonii, S. Basillii, S. Hieronymi : unde juxta Jordanem ædificabant sibi casulas et tuguria, ut patet ex Vitis Patrum. Hinc et ipse S. Hieronymus per S. Paulam quinque ædificavit monasteria, ad quæ Romanam nobilitatem evocavit, atque uni eorum ipse præferat. Quocirca Franciscus Suarez, tomo III *De Religione*, lib. III, cap. I, num. 6 et seq. ex S. Ignatio, Hieronymo, Ambrosio et Damasceno, docet hos filios, id est discipulos prophetarum fuisse typum et præludium Religiosorum novi Testamenti, ac instar eorum coluisse castitatem, paupertatem et obedientiam, sed sine voto.

Vers. 5. 5. HEU, HEU, HEU, DOMINE MI. — Tropologice, Eucherius : « Recete, inquit, is qui ferrum amiserat, clamabat : Heu, heu, heu, Domine mi, et hoc ipsum mutuo acceperam. Habent enim hoc electi proprium, si quando in eis sua scientia furtiva vanæ gloriæ culpa subripitur, ad cor velociter redeunt, et quidquid in se ante districti judicis oculos damnable inveniunt, lacrymis insequantur. Qui flentes non solum caute inspiciunt quæ male commiserunt, sed ex accepto munere, quæ reddere etiam bona debuerant. »

Vers. 6. 6. DIXIT AUTEM HOMO DEI (Eliseus Dei servus) : UBI CECIDIT (ferrum)? AT ILLE MONSTRAVIT EI LOCUM; PRÆCIDIT ERGO LIGNUM ET MISIT ILLUC, NATAVITQUE FERRUM. — Idem prorsus Gotho cuidam pauperi præstitit S. Benedictus, qui, ut ait S. Gregorius, II *Dialog.* cap. vi, « accessit ad locum (ad lacum in quem ceciderat ferrum ex falce), tulit de manu Gothi manubrium, et misit in lacum : et mox ferrum de profundo rediit, atque in manubrium intravit. Qui statim ferramentum Gotho reddidit, dicens : Ecce, labora, et noli contristari. »

Quæres an verum hic fuerit miraculum. Aserit Vallesius, S. Phil. cap. xxxvii, dicens Deum ferro gravitatem detraxisse et indidisse levitatem, ut e fundo enatando ferretur in altum. Verum dico non fuisse hic proprie dictum miraculum, quod omnem naturæ et naturalium causarum vim excedat oportet, ut a solo Deo patrari possit. Omnia enim hæc facta sunt per Angelum, qui lignum ab Eliseo præcisum et in manubrium adaptatum apprehendit, in fundum aquæ detulit, ferro inseruit, in altum extulit, et securim ibi fluitantem sustentavit, donec eam lignator apprehenderet. Ita Abulensis.

Allegorice, Tertullianus, libro *Contra Judæos*,

cap. xiii, per aquas Jordanis accipit baptismum ; per lignum, crucem Christi ; per ferrum, dura peccatorum corda. « Quid, inquit, manifestius hujus ligni Sacramento ? quod duritia hujus seculi mersa in profundo erroris, et a ligno Christi, id est passionis ejus in baptismo liberatur ; ut quod perierat olim per lignum in Adam, id restitueretur per lignum Christi. » Sic et S. Ambrosius, lib. II *de Sacrament.* cap. II : « Ecce, inquit, aliud genus baptismatis. Quare ? Quia omnis homo ante baptismum quasi ferrum premitur atque demergitur. Ubi baptizatus fuerit, non tanquam ferrum, sed tanquam jam levior fructuosi ligni species levatur. » Et mox : « Vides ergo quod in cruce Christi omnium hominum levatur infirmitas. » Et Thedoretus, *Quæst.* XIX : « Hoc, inquit, præfiguravit Servatoris nostri dispensationem ; quomodo enim lignum quidem, quod est levissimum, fuit demersum, quod est autem gravissimum, nempe ferrum, supernatavit ; ita divinæ naturæ descensus effecit, ut humana natura ascenderet. »

S. Augustinus vero, serm. 210 *De Tempore*, per fluvium accipit fluentes voluptatés et concupiscentias, ex quibus nos mersos liberat Eliseus, id est Christus per lignum crucis. « Securis illa, inquit, in profundo jacebat, quia genus humanum in omnium criminum abyssum infelici ruina corruerat, sicut scriptum est : Infixus sum in limo profundi. Et iterum : Deveni in altitudinem maris, et tempestas demersit me. Fluvius enim ille, ubi securis cecidit, significat præterfluentem et fugitivam, et in abyssum descendenter voluptatem, vel luxuriam sœculi hujus. Fluvius enim a fluendo nomen accepit. Et quia omnes peccatores transitoriis voluptatibus inhærentes, fluere dicuntur, ideo securis illa in fluvio et in limo jacebat oppressa. » Pergit deinde ad Eliseum, id est Christum Salvatorem : « Veniens vero Eliseus misit lignum, et natavit ferrum. Quid est lignum mittere, et ferrum in medium producere, nisi patibulum crucis ascendere, et de profundo inferni humanum genus erigere, ac de omnium peccatorum limo per crucis mysterium liberare ? post quam vero natavit ferrum, misit manum Propheta, et recepit illud, et rediit ad utiles usus domini sui. Ita et de nobis factum est, dilectissimi fratres, qui de manu Domini superbiendo cecideramus, per crucis lignum iterum ad manum vel ad potestatem Domini redire meruimus. El ideo quantum possumus, cum ipsius adjutorio laboremus, ne iterum superbiendo de manu Domini corruamus. »

S. Ireneaus autem, lib. V, cap. xvii, per ferrum accipit firmum Dei verbum, quod per lignum (comedendo ex ligno scientiæ boni et mali a Deo vetito, Genes. III) negligenter amiseramus, nec inventiebamus, sed per lignum crucis Christi recepiimus. « Quod autem securis similis sit verbo Dei, inquit, docet Joannes Baptista dicens : Jam autem securis ad radicem arborum posita est, » Matth. III.

Tropologice, Angelomus : « Ferrum in manu-

brio, inquit, donum intellectus in corde est; ligna vero per hoc cædere, est prave agentes increpare; quod nonnunquam dum fluxe agitur, dum lapsus vanæ gloriæ in accepta eadem scientia non vitatur, ferrum in aqua perditur, quia ex dissoluto opere intelligentia fatuatur. Quam profecto intelligentiam ad hoc novimus dari, ut ante dantis oculos ex bona actione debeat restitui. Unde recte is, qui ferrum amiserat, clamabat: Heu, heu, heu, Domine mi, et hoc ipsum mutuum acceperam. » Idem iisdem verbis habet Eucherius ac pene Rupertus.

Anago-
gice.

Anagogice Beda: Sicut ferrum aquis mersum Eliseus reduxit ad manubrium, sic Christus corpus suum aquis passionis et mortis demersum revocavit ad vitam. Idem faciet nobis in communi omnium resurrectione. Corpus enim nostrum instar ferri est durum, grave, frigidum, ferruginosum, et pronum ut in abyssum ruat; sed Christus ferro huic contrarias dotes corporis gloriosi inseret, illudque quasi ignet, ut sit clarum, agile, leve, subtile, impassibile, gloriosum.

Vers. 12. 12. DIXITQUE UNUS SERVORUM EJUS. — Abulensis putat hunc fuisse Naaman, quem Eliseus a lepra curarat; sed videtur incredibile quod ipse Eliseum sibi tam beneficium regi prodiderit, uti sub initium cap. VIII fatetur Abulensis.

ELISEUS PROPHETA QUI EST IN ISRAEL, INDICAT REGI ISRAEL OMNIA VERBA QUÆCUMQUE LOCUTUS FUERIS IN CONCLAVI TUO. — Spiritus enim prophetæ est cognoscere tam arcana, absentia et remota, quam futura prædicere. Utrumque enim eamdem virtutem requirit, scilicet opem et revelationem diuinam.

Vers. 16. 16. NOLI TIMERE: PLURES ENIM NOBISCUM SUNT QUAM CUM ILLIS. — « Plures, » nimirum Angeli, qui pro Deo et sanctis ejus, quasi cœlestes acies innumeræ et fortissime militant, ob quas ipse vocatur « Deus Sabaoth, id est exercitum, » juxta illud Psalm xxxiii: « Immittet (Hebraice חַנְנָה chone, id est castrametabitur) Angelus Domini in circuitu timentium eum. » Sic de Jacob fugiente Esau dicitur, Genes. xxxii, 1: « Fueruntque ei obviam Angeli Dei, quos cum vidisset, ait: Castra Dei sunt hæc. » Sic Angeli pugnarunt pro Mose et Hebræis contra castra Pharaonis in mari Rubro, Exodi xiv. Unde S. Ambrosius, sermone 4 De Eliseo: « Divinus timor, inquit, terrorem a nobis expellit hostilem. Arma autem hæc nostra sunt, quibus nos Salvator instruxit: oratio, misericordia atque jejunium. Jejunium enim melius quam murus tuetur; misericordia facilius liberat quam rapina, oratio longius vulnerat quam sagitta. Sagitta enim non nisi proxime conspectum percutit adversarium, oratio autem etiam longius positum vulnerat inimicum. » Et paulo post: « Mira res! plures e cœlo defensores meretur sanctitas, quam in terris oppugnatores adduxit improbitas. » Causam subdit: « Scire enim debet quod adversarii meritis magis quam virtute vincuntur, et non tam virtute quam

sanctitate superantur; sicut S. Eliseus hostes suos non armis superabat, sed oratione vincebat. »

17. ET APERUIT DOMINUS OCULOS PUERI. — « Non mirum, ait S. Ambrosius, serm. De Eliseo, si oratio aperuit oculos, ut videret exercitus, non mirum, inquam, si novos inserit oculos, qui nova promeretur auxilia. Aut cur non aciei producat obtutum, qui acies instruxerat Angelorum? Cur, inquam, non oratione sua hebetudinem pupillarum detergeret, qui meritis suis caliginem nubium penetravit? Necessario ergo S. Eliseus hoc facto ministro formidoloso præstítit securitatem, cui jam refuderat claritatem. »

ET ECCE MONS PLENS EQUORUM, ET CURRUUM IGNORUM, IN CIRCUITU ELISEI. — Angeli hos equos et currus specie ignis ex aere et nubibus ac radiis solis, apposite ad ignis colorem exhibendum per eas transparentibus efformarunt, ut Eliseo suam cœlestem naturam igneamque celeritatem, fortitudinem, vim et efficaciam repræsentarent, uti repræsentarant Eliæ in ejus raptu. Spiritus enim Eliæ successor et hæres fuit Eliseus; in eo ergo impletum fuit illud Dei promissum: « Ego ero ei, ait Dominus, murus ignis in circuitu, et in gloria ero in medio ejus, » Zachar. II, 5. Vide ibi dicta. Causam dat S. Ambrosius, serm. 2 De Eliseo: « Quid mirum, ait, si is auxilia meretur e cœlo cujus animus semper in cœlo est, sicut ait Apostolus: Nostra autem conversatio in cœlis est. Ergo si nostra conversatio in cœlis est, et cœlestium conversatio potest esse nobiscum, hoc est, ut qui vita vivimus, Angelorum recte consortium mereamur. Est ergo sancte viventibus quædam inter se cognatio, conjunctio atque societas, nec interest utrum in cœlis maneant, an in terris; Angelici sint habitus vel humani, dummodo in iis sit eadem vita vel sanctitas. Conversatio enim connectit, quos separat elementum, et diversis licet corporibus dividantur, iisdem tamen actibus conjunguntur. Atque ideo fit ut sancti sibi quodam consortio cohærentes, a se invicem non discedant, et modo Angeli ad terras veniant, modo homines ad cœlestia transferantur, ac profectu meliore quibus vita communis est, incipiunt illis vivendi etiam elementa esse communia. »

18. PERCUTE, OBSECRO, GENTEM HANC CÆCITATE. — Septuaginta ἀρπαγή, id est avidentia, ut scilicet videntes non videant, nec advertant. Hinc ea percussi hic Syri Eliseum quidem et civitatem videbant, sed non agnoscebant nec advertebant. Simili cœcitate et aorasia percussi sunt cives Sodomæ, invadentes domum Lot, Genes. xix. Audi S. Ambrosium, sermone De Eliseo: « Tunc igitur oravit Eliseus, et omnem hostilem exercitum cœcitatè percussit. Non mirum si adversariis cœcitatè intulit, qui famulo largitus est claritatem; et si hostibus aufert visum, qui ministro præstat aspersum. Ubi sunt qui dicunt, plus quam preces sanctorum, hominum arma posse? Ecce una oratio Elisei totum exercitum vulneravit, et unius pro-

phetæ meritis omnis est hostium numerus capti-
vatus. Quæ catervæ regum, quæ turba militum
talem victoriam perpetrarunt, ut ita hostes pro-
sternerent, ut de illis nullus occumberet? Hæc est
vera, hæc incruenta victoria, ubi sic adversarius
vincitur, ut de vincentibus nemo lædatur. »

Vers. 19. 19. DIXIT AUTEM AD EOS ELISEUS: NON EST HÆC VIA,
NEQUE EST ISTA CIVITAS. — Abulensis putat Eliseum
hic officiose mentitum. Videbant enim Syri civi-
tatem Dothain in qua, vel juxta quam tunc dege-
bat Eliseus quem quærebant: hoc autem videtur
negare Eliseus dicens: « Neque ista est civitas, »
quam quæreritis. Excusat Eliseum Lyranus, dicens
eum locutum esse non de civitate Dothain, in qua
tunc degebat, sed de Samaria ubi habebat domum
et fixerat sedem, ut patet vers. 32. Non enim
respondebat hic Eliseus ad quæsita Syrorum, utpote
quæ nihil interrogarant, sed ad mentem eorum,
quasi dicat: Quæreritis Eliseum, o Syri! venite me-
cum, ego ostendam vobis viam in Samariam, in
qua ipse habitat, ibique ego eum vobis ostendam
faciamque ut agnoscatis quem modo præsentem
quidem habetis, sed tamen percussi aorasia non
cognoscitis. Nolebat enim ab eis agnoscere in Do-
thain, sed in Samaria, ut eos ad regem deducere-
ret, et convivio exciperet. In hisce autem verbis
nullum fuit mendacium, sed celatio veritatis dun-
taxat, quæ licita est, et saepè necessaria; si enim
veritatem aperuisset, dixissetque: « Ego sum Eli-
seus quem quæreritis, » non potuisset eos tradere
regi Israel, nec suam in eos potentiam æque ac
beneficentiam ostendere. Quod si Syri rogarint
Eliseum: Quæ est via in Dothain, ubi est Eli-
seus? uti nonnulli censem, idque responsio Eli-
sei subindicat, non tenebatur Eliseus ad eorum,
utpote hostium, mentem respondere, sed ad pro-
priam et suam, scilicet hanc non esse Samariam
patriam suam, ubi Eliseum, quem quærebant,
erant agniti, ut dixi.

Vers. 22. 22. NON PERCUTIES, — id est non occides Syros
quos ad te perduxisti: « Si enim occiduntur, ait
Theodoreetus, non cognoscetur magnitudo miraculi;
sin autem revertantur ad eum qui misit,
ille quoque discet Dei nostri potentiam. »

SED PONE PANEM ET AQUAM CORAM EIS, UT COME-
DANT ET BIBANT. — Noluit Eliseus Syros, licet hos-
tes, occidi a rege Israel, sed benigne et laute trac-
tari, ut eos charitate superaret et ex inimicis ami-
cos faceret, ut deinceps terram Israel non inva-
derent nec prædarentur; quod et fecerunt victi
ab Eliseo, tum potentia, tum potius amore. Vide
S. Chrysostomum (vel quisquis est auctor: stylis
enim elegantia arguit fuisse Latinum non Græ-
cum), hom. *De Eliseo et Syrorum insidiis detectis*,
tomo I, ubi inter cætera ait de Syris: « Mirantur
et stupent sibi pro morte victimum, pro interitu ci-
bum, convivium pro pœna parari. » Et inferius:
« Fittunc propheta sanctissimus gloriosus in suis,
gloriosior in alienis. Exhibit suis signa virtutum,
et alienis causas exhibet gloriarum. Docuit prior

inimicos foveri, docuit primus debere hostibus
parci, docuit adversariis pro pœna epulas exhiberi. » Deinde docet Eliseum fuisse typum Christi;
unde subjicit: « O Dominum Christum, et in ve-
teribus novum, et in novis exemplis veterem
figuratum! Eliseus sanctissimus claudit visum, et
reserat; cæcos efficit, et illuminat; aspectum adi-
mit, et condonat; consequentibus adimit, et se
sequentibus tribuit; cæcos efficit alienos, et vi-
dentes efficit in civitate inclusos. Qui captivare
prophetam venerant, excæcantur; et qui capti
jam fuerant, oculantur. Hujus utriusque veritas
completur, ut et figura Christi, et exemplum fu-
turi populi monstrarentur; ut jam fierent ex alienis
proprii, ex inimicis amici, et ex hostibus sui.
Dimittit Eliseus exercitus istos ad suos: dimittit
inquam, tot prædicatores, quot habuit hostes, tot
relatores virtutum, quot homines hostium. » Deni-
que concludit, dicens: quod tunc temporis defuit,
postmodum completum esse per Apostolos in Pen-
tecoste et deinceps, dicente Scriptura, *Psal. xviii*:
« In omnem terram exivit sonus eorum, et in
fines orbis terræ verba eorum. »

23. ET ULTRA NON VENERUNT LATRONES SYRIÆ IN Vers. 23.
ISRAEL, — scilicet vivente Eliseo, sive ad longum
tempus; nam postea rursum venisse liquet ex se-
quenti. Hic fuit fructus beneficentiae Elisei in præ-
dones Syros, uti jam dixi. Ita S. Chrysostomus,
hom. 1 *De Eliseo*.

25. DONEC VENUNDARETUR CAPUT ASINI OCTOGINTA Vers. 25.
ARGENTEIS, — hoc est 80 siclis, puta 80 florenis
Brabanticis, sive 80 Francis. Argenteus enim erat
siclus, licet nonnulli putent fuisse dimidium si-
cli duntaxat, et sic 80 argentei essent 40 Franci.
Aliqui per « caput asini » accipiunt totum asinum,
ut sit synecdoche, qua caput significat totum
corpus vel animal, ut cum dicimus: Quid sibi
vult istud caput hominis, vel istud insanum ca-
put? id est, iste homo. Simplicius alii accipiunt
solum caput asini; hoc enim arguit ingentem
fuisse famem, et asinus magno præ cæteris ani-
malibus est capite, si proportio ad reliquum cor-
pus spectetur. Sic cum Annibal Casilinum obsi-
deret, mus unus vendebatur ducentis denariis,
teste Valerio Maximo, lib. VII, cap. vi.

ET QUARTA PARS CABI STERCORIS COLUMBINI QUIN-
QUE ARGENTEIS. — Cabus sive chœnix erat mensura
victus diurni, continens quatuor libras et quinque
uncias, ut dixi in fine Pentateuchi: quarta pars cabi
ergo erat libra cum uncia, puta tredecim unciae.
Lyranus, Hugo et Dionysius per stercus intelli-
gunt grana frumenti, quæ in columbarum gurgu-
lione vel ventriculo inveniuntur. Verum alii sim-
pliciter stercus ut sonat accipiunt. Unde Josephus
et Theodoreetus censem stercus hoc columbinum
fuisse pro sale; habentem vim acrem et causticam,
teste Galeno. Planius alii stercus columbae censem
fuisse pro edulio, tum quia fit ex granis aliisque
cibis purioribus, tum quia humidius est, et rebus
integrioribus constat; unde homini est edule. Ad-

dit Plinius, lib. XXIX, cap. vi, fimum columbarum ex aceto valere ad curandas agilopas, albugines et cicatrices, ac lib. XXX, cap. iv, ad faucium asperitates et distillationes leniendas. Insuper, margaritas, quae contra cardiacos et melancholicos affectus celebrantur, et quarum siccitate innata, corporum redundantiae consumuntur, puriores reddit. Ita enim scribit lib. De Gemmis, cap. xiii, Franciscus Ruæus. Est apud Vogesum in Lotharingia montem, amnis margaritarum ferax; verum non usque adeo splendidæ sunt: mirum tamen, quod quæ per genesis gratia in eis desideratur, per columbas resarcitur; quæ scilicet devoratas, puriores tandem eas cum facibus reddunt, restituuntque, ait Serarius et ipse Lotharingus.

Vers 27. 27. QUI AIT: NON TE SALVAT DOMINUS; UNDE TE POSSUM SALVARE? DE AREA VEL TORCULARI? — hoc est, ut Vatablus vertit: *Quandoquidem Dominus tibi non fert opem; unde ego tibi ferrem opem? de horreone an de torculari?* q. d. Cum Dominus famem hanc toti urbi immiserit, nisi ipse tibi in ea succurrerit, ego tibi succurrere nequeo; quia non habeo frumentum in horreo, nec vinum in torculari, q. d. Mihi ipsi deest panis et vinum ad victum. Unde Chaldaeus vertit, *ni salvet te Dominus, unde salvabo te?* Hinc et Regia in Vulgata editione sic legunt: *Non, salvet te Dominus,* q. d. Non ego, sed Dominus te salvet et pascat, quia ego non habeo cibum quem tibi dem.

Aliter Josephus, Abulensis et Sanchez: Rex, inquit, ob famem et ob importunam interpellationem mulieris iratus, indignanter respondit: «Non te salvet Deus,» q. d. Deus te affligat. Sic Gentiles irati mala imprecantes dicebant: «Dii te perdant! Dii tibi male faxint!» Unde Vatablus sic quoque vertit: *Dispereas, quare queris a me cibum, cum me scias omni cibo carere?*

Vers 29. 29. COXIMUS ERGO FILIUM MEUM, ET COMEDIMUS. — Barbarum fuit hoc epulum quod matri extrema fames extorsit, ut matrem se oblita fieret mactatrix et voratrix filii. Simile accidit in obsidione Jerosolymæ sub Tito, teste Josepho; ac ultimis hisce annis, Sueco Germaniam populante, multi fame adacti carnes humanae vorarunt. Permisit Deus Samaritas ad hæc extrema adigi, primo, ad puniendum eorum schisma et idololatriam; secundo, ut illustrior fieret sua ex iis liberatio, et Elisei illam promittentis prophetia. Sic Deus permittit homines subinde ad ipsa mortis limina pervenire, ut eo ferventius Deum invocent, ac Deus eos exaudiens majorem ab eis gratiarum actionem et laudem referat. Quare in rebus naturaliter desperatis maxime sperandum est in Deo, qui illis solet succurrere juxta illud: «Deus ex machina.» Audi S. Augustinum, serm. 211 *De Temp.:* «Natum convertit in eibum, quem Deus condidit in solarium. Sed postquam ad funestas epulas ventum esget, altera mulier alteram exhortatur: Recipe, inquit, recipe, miseranda mater, in viscera filium nuper visceribus procreatum; esto tui

nati sepulcrum, esto ejus corporis diversorum; esto ejus, ut ita dixerim, monumentum; intra te paululum comestus infans redeat, qui per famem vivere jam jamque non poterat; recipiat nunc comedum uterus, quem vivum ediderat partus; repeat habitaculum mortuus, unde nuper exierat vivus.»

30. VIDITQUE OMNIS POPULUS CILICUM QUO VESTITUS ERAT (rex) AD CARNEM INTRINSECUS. — Vers. 30. Rex hic, licet impius et idololatra, censuit poenitentia et cilicio placandum esse Deum: pientior ergo fuit nostris haereticis, qui cuticulam curantes, respuunt cilicia, eaque superstitioni addicunt. Vide hic quam antiquus sit usus cilicij in poenitentia. Sic rex Ninives cum toto populo vestivit se sacco (cilicio) seditque in cinere, *Jonæ* iii, 6. Itaque excidium sibi a Deo per Jonam comminatum poenitendo evasit. Sic rex Arianus cilicum induit, eoque et precibus Deum placavit, teste Salviano, lib. VII. Porro longe antiquior est usus cilicij: primus enim eo usus legitur Jacob Patriarcha, audiens filium suum Joseph a bestia devoratum, *Genes.* cap. xxxvii, vers. 34, ubi multa de usu cilicij dixi.

31. ET AIT REX: HÆC MIHI FACIAT DEUS; ET HÆC ADDAT: SI STETERIT CAPUT ELISEI FILII SAPHAT SUPER IPSUM HODIE, — q. d. Hodie amputabo caput Eliseo, eo quod ipse suaserit nobis sustinere hanc in Samaria obsidionem, promittendo Dei in ea solvenda auxilium, cum in ea extremam famem patiamur, simusque desperati: sine eo enim tempestive composuissemus cum rege Syriæ nos obsidente, itaque famem hanc evasissemus, quam Eliseus videt et dissimulat, nec suis precibus avertere satagit. Ita Theodoreetus,

32. NUMQUID SCITIS QUOD MISERIT FILIUS HOMICIDA? (scilicet Joram rex Israel, qui «filius» est Achabi «homicida,» Achab enim occidit Naboth) HUC UT PRÆCIDATUR CAPUT MEUM, — q. d. Joram patrissat et imitatur patrem suum; sicut enim Achab pater ejus occidit Naboth, sic ipse me vult occidere, eaque ac ipse occidit sex fratres suos, ut dicitur II *Paral.* xxi, 3 et seq.

VIDETE ERGO CUM VENERIT NUNTIUS, CLAUDITE OS-
TIUM, ET NON SINATIS EUM INTRARE. ECCE ENIM SON-
TUS PEDUM DOMINI EJUS POST EUM EST, — q. d. Rex ipse nuntium a se missum ad me occidendum illico subsequitur, mandati sui poenitens, illudque revocans. Ita Josephus, q. d. Ne timeatis resistere nuntio regis, quia rex eumdem statim revocabit; adeo enim festinus eum sequitur, ut videat sonitum pedum ejus festinantis audire. Hinc patet Eliseum suasisse regi ne Samariam dederet Syris, sed a Domino speraret auxilium et subsidium. Fuit hic rex Joram filius Achab, qui ei successit; ejus enim acta hio describuntur usque ad cap. viii, vers. 24, ubi mors ejus narratur. Igitur Joram præcipitanter ex cholera miserat nuntium ad occidendum Eliseum; sed mox subsidente cholera ad se reversus poenituit; quare metuens

ne nuntius Eliseum occideret, ut jusserat, illico nuntium secutus accurrit, ut cædem inhiberet. Sciebat enim Eliseum esse prophetam, virum sanotum et beneficium Samariæ, atque alias sœpe ejus oracula fidelia et verissima esse expertus erat: ut de hoc quoque, de obsidione inquam solvenda, vix dubitare posset. Ita diserte Josephus, Theodoretus et Abulensis.

CAPUT SEPTIMUM.

SYNOPSIS CAPITIS.

Prædictit Eliseus Samariam obsidione et fame crastino die liberandam: ita fit. Deus enim, terrorem per spectra hostium immittens Syris, eos in fugam agit. Unde Hebræi eorum castra prædantur, et annone fit copia.

1. Dixit autem Eliseus: Audite verbum Domini: Hæc dixit Dominus: In tempore hoc cras modius similæ uno statere erit, et duo modii hordei statere uno in porta Samariæ. 2. Respondens unus de ducibus super cuius manum rex incumbebat, homini Dei, ait: Si Dominus fecerit etiam cataractas in cœlo, numquid poterit esse quod loqueris? Qui ait: Videbis oculis tuis, et inde non comedes. 3. Quatuor ergo viri erant leprosi juxta introitum portæ: qui dixerunt ad invicem: Quid hic esse volumus donec moriamur? 4. Sive ingredi voluerimus civitatem, fame moriemur: sive manserimus hic, moriendum nobis est; venite ergo, et transfugiamus ad castra Syriæ: si pepercernet nobis, vivemus; si autem occidere voluerint, nihilominus moriemur. 5. Surrexerunt ergo vesperi, ut venirent ad castra Syriæ. Cumque venissent ad principium castrorum Syriæ, nullum ibidem repererunt. 6. Siquidem Dominus sonitum audiri fecerat in castris Syriæ, curruum et equorum et exercitus plurimi; dixeruntque ad invicem: Ecce mercede conduxit adversum nos rex Israel reges Hethæorum et Aegyptiorum, et venerunt super nos. 7. Surrexerunt ergo, et fugerunt in tenebris et dereliquerunt tentoria sua, et equos et asinos in castris; fugeruntque, animas tantum suas salvare cupientes. 8. Igitur cum venissent leprosi illi ad principium castrorum, ingressi sunt unum tabernaculum, et comederunt et biberunt: tuleruntque inde argentum, et aurum, et vestes, et abierunt, et absconderunt; et rursum reversi sunt ad aliud tabernaculum, et inde similiter auferentes absconderunt. 9. Dixeruntque ad invicem: Non recte facimus; hæc enim dies boni nuntii est. Si tacuerimus et noluerimus nuntiare usque mane, sceleris arguemur: venite, eamus et nuntiemus in aula regis. 10. Cumque venissent ad portam civitatis, narraverunt eis, dicentes: Ivimus ad castra Syriæ, et nullum ibidem reperimus hominem, nisi equos et asinos alligatos, et fixa tentoria. 11. Iterunt ergo portarii, et nuntiaverunt in palatio regis intrinsecus. 12. Qui surrexit nocte, et ait ad servos suos: Dico vobis quid fecerint nobis Syri; sciunt quia fame laboramus, et idcirco egressi sunt de castris, et latitant in agris, dicentes: Cum egressi fuerint de civitate, capiemus eos vivos, et tunc civitatem ingredi poterimus. 13. Respondit autem unus servorum ejus: Tollamus quinque equos, qui remanserunt in urbe (quia ipsi tantum sunt in universa multitudine Israel, alii enim consumpti sunt), et mittentes explorare poterimus. 14. Adduxerunt ergo duos equos, misitque rex in castra Syrorum, dicens: Ite et videte. 15. Qui abierunt post eos usque ad Jordanem; ecce autem omnis via plena erat vestibus et vasis, quæ projecerant Syri cum turbarentur: reversique nuntii indicaverunt regi. 16. Et egressus populus diripuit castra Syriæ; factusque est modius similæ statere uno, et duo modii hordei statere uno, juxta verbum Domini. 17. Porro rex ducem illum, in cuius manu incumbebat, constituit ad portam: quem conculcavit turba in introitu portæ, et mortuus est juxta quod locutus fuerat vir Dei, quando descenderat rex ad eum. 18. Factumque est secundum sermonem viri Dei, quem dixerat regi, quando ait: Duo modii hordei statere

uno erunt, et modius similæ statere uno, hoc eodem tempore cras in porta Samariæ ; 19. quando responderat dux ille viro Dei, et dixerat : Etiamsi Dominus fecerit cataractas in cœlo, numquid poterit fieri quod loqueris ? Et dixit ei : Videbis oculis tuis, et inde non comedes. 20. Evenit ergo ei sicut prædictum fuerat, et conculcavit eum populus in porta, et mortuus est.

Vers. 1. 4. IN TEMPORE HOC (hac hora) CRAS MODIUS SIMILÆ UNO STATERE ERIT, — id est vendetur uno siclo, hoc est uno Franco Gallico , puta quatuor Juliis, sive Regalibus, q. d. Cras summa erit frumenti abundantia, per quam omnis Samariæ inopia et famæ tolletur , omniaque vili pretio comparabuntur.

Allegorice, « Benadad » est diabolus, qui obsidebat Samariam, id est Ecclesiam veterem, faciebatque ut esset magna famæ spiritualis verbi Dei, ac salutis rerumque cœlestium. Venit Eliseus, id est Christus, qui per se et Apostolos ubique prædicando, hanc famem sustulit, fecitque ut ubique sint doctores, qui prædicent verbum Dei, quiq; doceant viam salutis, virtutis et perfectionis. Ita Eucherius et Angelomus.

Vers. 2. 2. SI DOMINUS FECERIT ETIAM CATARACTAS IN COELO, — ut per eas depluat triticum, sicut depluerunt aquæ in diluvio Noe, et manna in deserto, Exodi cap. XVI : « Numquid poterit esse quod loqueris ? » q. d. Impossible est ut in tanta rerum inopia tanta fiat subito copia, ut tam vili pretio vendatur triticum, unusque modius comparetur uno statere.

VIDEBIS OCULIS TUIS, ET INDE NON COMEDES, — quia a turba populi opprimeris in porta : idque fiet justo Dei iudicio ob tuam incredulitatem, qua hoc meo ex Deo oraculo non credis ; quia videris putare hoc factum esse impossibile etiam Deo, cui omnia sunt possibilia. Quare negas Deo suam omnipotentiam. Ita Abulensis.

Vers. 6. 6. SQUIDEM DOMINUS SONITUM AUDIRI FECERAT IN CASTRIS SYRIÆ CURRUUM ET EQUORUM — hostilium se invadentium : itaque Syros terrefecit, ut consternati fugerent et Samariam relinquerent libe-

ram. Ita Josephus. Vide hic ut ludat in humanis divina potentia rebus. Poterat enim in Syros immittere Angelos, qui illico omnes trucidarent; poterat fulgetris eos siderare; poterat igne cœlesti, milleque aliis modis eos perdere. Sed noluit, voluitque eorum superbiam deprimere per inanem sonitum, per falsam imaginationem, per ridiculum metum, quo percuti timebant, ubi non erat timor, ac projectis rebus omnibus fugiebant, ut vitam duntaxat servarent. Similem timorem panicum hostium plurimorum contra se venientium, immisit Deus in castra Madian, quando Gedeon cum trecentis militibus lagenas flammantes complicantibus et tubis concrepantibus, ea invasit, Judic. VII, 19.

13. TOLLAMUS QUINQUE EQUOS QUI REMANSERUNT IN URBE, QUA IPSI TANTUM SUNT IN UNIVERSA MULTITUDEINE ISRAEL, — puta in tota Samaria, quæ est caput et metropolis regni Israel, sive decem tribuum. Legit Interpres בְּכָל bechal, id est *iu universa*; jam pro בְּכָל legunt affine בְּכָל kechal, id est *sicut universa*. Unde Chaldæus, Pagninus, Vatablus vertunt, *ecce illi sunt sicut universa multitudine Israel*, q. d. Sicut totus populus in Samaria macer et fame confectus est, sic et hi qui residu sunt in ea quinque equi, macilenti et fame confecti sunt.

17. QUEM CONCULCAVIT TURBA IN INTROITU PORTÆ, — quia porta erat angusta et turba ingens : quæ fame rabida quasi furebat ad cibum, qui erat in castris Syrorum; unde ipse dux portæ volens hanc turbam moderari, et in partes dividere, ne se multo comprimeret, ab eadem violenter irrumpente oppressus et contritus est : ita Elisei oraculum per omnia verum certumque fuit.

CAPUT OCTAVUM.

SYNOPSIS CAPITIS.

Eliseus prædictit famem septennem, et vers. 7. Benadad regi Syriæ mortem. Hazaeli vero regnum ejus : inde vers. 17, describuntur gesta Joram filii Josaphat regis Juda, ac vers. 25, gesta Ochozia filii Joram.

1. Eliseus autem locutus est ad mulierem, cuius vivere fecerat filium, dicens : Surge, vade tu et domus tua, et peregrinare ubicumque repereris; vocavit enim Dominus famem, et veniet super terram septem annis. 2. Quæ surrexit, et fecit juxta verbum hominis Dei ; et vadens cum domo sua, peregrinata est in terra Philistium diebus multis. 3. Cumque finiti essent anni septem, reversa est mulier de terra Philistium, et egressa est ut interpellaret re-

gem pro domo sua, et pro agris suis. 4. Rex autem loquebatur cum Giezi puero viri Dei, dicens : Narra mihi omnia magnalia quæ fecit Eliseus. 5. Cumque ille narraret regi quo modo mortuum suscitasset, apparuit mulier, cuius vivificaverat filium, clamans ad regem pro domo sua, et pro agris suis. Dixitque Giezi ; Domine mi rex, hæc est mulier, et hic est filius ejus, quem suscitavit Eliseus. 6. Et interrogavit rex mulierem : quæ narravit ei. Deditque ei rex eunuchum unum, dicens : Restitue ei omnia quæ sua sunt, et universos redditus agrorum, a die qua reliquit terram usque ad præsens. 7. Venit quoque Eliseus Damascum, et Benadad rex Syriæ ægrotabat ; nuntiaveruntque ei, dicentes : Venit vir Dei huc. 8. Et ait rex ad Hazael : Tolle tecum munera, et vade in occursum viri Dei, et consule Dominum per eum, dicens : Si evadere potero de infirmitate mea hac ? 9. Ivit igitur Hazael in occursum ejus, habens secum munera, et omnia bona Damasci, onera quadraginta camelorum. Cumque stetisset coram eo, ait : Filius tuus Benadad rex Syriæ misit me ad te, dicens : Si sanari potero de infirmitate mea hac ? 10. Dixitque ei Eliseus : Vade, dic ei : Sanaberis ; porro ostendit mihi Dominus quia morte morietur. 11. Stetitque cum eo, et conturbatus est usque ad suffusionem vultus ; flevitque vir Dei. 12. Cui Hazael ait : Quare dominus meus flet ? At ille dixit : Quia scio quæ facturus sis filiis Israel mala. Civitates eorum munitas igne succedes, et juvenes eorum interficies gladio, et parvulos eorum elides, et prægnantes divides. 13. Dixitque Hazael : Quid enim sum servus tuus canis, ut faciam rem istam magnam ? Et ait Eliseus : Osten-dit mihi Dominus te regem Syriæ fore. 14. Qui cum recessisset ab Eliseo venit ad dominum suum. Qui ait ei : Quid dixit tibi Eliseus ? At ille respondit : Dixit mihi : Recipies sanitatem. 15. Cumque venisset dies altera, tulit stragulum, et infudit aquam, et expandit super faciem ejus : quo mortuo, regnavit Hazael pro eo. 16. Anno quinto Joram filii Achab regis Israel, et Josaphat regis Juda, regnavit Joram filius Josaphat rex Juda. 17. Triginta duorum annorum erat, cum regnare cœpisset, et octo annis regnavit in Jerusalem. 18. Ambulavitque in viis regum Israel, sicut ambulaverat domus Achab : filia enim Achab erat uxor ejus, et fecit quod malum est in conspectu Domini. 19. Noluit autem Dominus disperdere Judam, propter David servum suum, sicut promiserat ei, ut daret illi lucernam, et filiis ejus cunctis diebus. 20. In diebus ejus recessit Edom, ne esset sub Juda, et constituit sibi regem. 21. Venitque Joram Seira, et omnes currus cum eo ; et surrexit nocte, percussitque Idumæos, qui eum circumde-derant, et principes curruum, populus autem fugit in tabernacula sua. 22. Recessit ergo Edom ne esset sub Juda, usque ad diem hanc. Tunc recessit et Lobna in tempore illo. 23. Reliqua autem sermonum Joram, et universa quæ fecit, nonne hæc scripta sunt in Libro verborum dierum regum Juda ? 24. Et dormivit Joram cum patribus suis, sepultusque est cum eis in Civitate David, et regnavit Ochozias filius ejus pro eo. 25. Anno duodecimo Joram filii Achab regis Israel, regnavit Ochozias, filius Joram regis Judæ. 26. Viginti duorum annorum erat Ochozias, cum regnare cœpisset, et uno anno regnavit in Jerusalem : no-men matris ejus Athalia filia Amri regis Israel. 27. Et ambulavit in viis domus Achab, et fecit quod malum est coram Domino, sicut domus Achab : gener enim domus Achab fuit. 28. Abiit quoque cum Joram filio Achab, ad præliandum contra Hazael regem Syriæ in Ramoth Galaad, et vulneraverunt Syri Joram : 29. qui reversus est, ut curaretur, in Jezrahel ; quia vulneraverant eum Syri in Ramoth, præliantem contra Hazael regem Syriæ. Porro Ochozias filius Joram, rex Juda, descendit invisere Joram filium Achab in Jezrahel, quia ægrotabat ibi.

Vers. 1. 1. VOCAVIT (voce, id est jussu suo adducet) ENIM DOMINUS FAMEM, ET VENIET SUPER TERRAM SEPTEM AN-NIS. — Est hysterologia ; hæc enim prophetia Eli-sei de fame septennii, anterius facta est, scilicet ante quinque vel sex annos ; hic autem recense-

tur, eo quod mulieri hospitæ suæ, cui hanc famem prædixerat Eliseus, post famis septennium in terram suam revertenti contigerint ea quæ hic vers. 5 et sequent. narrantur. Idem confirmatur ex eo quod Giezi hic vers. 4, colloquatur cum

rege. Ergo needum erat leprosus; leprosi enim arcebantur hominum commercio. Ergo hec con-
tigerunt ante adventum et sanationem Naaman; tunc enim Giesi pereussus est lepra, uti superius dixi. Ita Torniellus, Salianus et alii.

Vers. 7. 7. VENIT QUOQUE ELISEUS DAMASCUM (quae erat métropolis Benadad regis Syriæ), ET BENADAD REX SYRIÆ AGROTABAT — in Damasco. Benadad paulo post solutam obsidionem Samariæ, ex terrore et mœrore hunc morbum, in quo mortuus est, incurrit. Audi Josephum, lib. IX, cap. II : « Rex autem Syrorum Damascum reversus incolumis, ubi cognovit divinitus immisso terrore, se una cum exercitu in fugam conjectum, et vanum fuisse, quod de adventu hostium crediderant, ratus omnino adversum se habere Numen per animi aegritudinem in morbum etiam corporis incidit. » Nimirum voluit Deus Benadad, qui tot clades Israeli intulerat, morbo et morte punire, ideoque Eliseum misit Damascum, qui Hazaeli ejus mortem prædiceret, eumque regni successorem declararet.

Vers. 9. 9. HABENS SECUM MUNERA ET OMNIA BONA DAMSCI, ONERA QUADRAGINTA CAMBORUM. — Obtulit tot tan-
taque munera Hazaël Eliseo pro salute Benadad regis sui; sed certum est Eliseum ea non accep-
tasse; tum quia ipse Benadad non sanavit, sed ejus mortem prædictit: tum quia ipse constanter refutavit, cap. V, munera Naaman quem a lepra curarat, ac Giezi ea acceptantem lepra punivit. Ita Abulensis et alii.

Vers. 10. 10. VADE, DIC ET: SANABERIS. PORRO OSTENDIT MINI DOMINUS, QUIA MORTE MORIETUR. — Est hic locus difficilis; nam videtur Eliseus jubere Hazaeli mendacium, ut scilicet dicat Benadad regi eum sanandum, cum mox esset moriturus. Primo, Rabbini et ex eis Abulensis legunt contrarie, scilicet, non sanaberis; nam pro יְהוָה, per vau, hoc est, ei, legunt נַבְנֵה, per aleph, hoc est, non. Verum Chaldeus, Septuaginta et Latini omnes Codices legunt affirmative: sanaberis. Secundo, alii respondent Eliseum ironice locutum, quasi dicat, scilicet sanaberis, speras te sanandum; sed erras: nam non sanaberis, sed morieris.

Tertio et genuine « sanaberis, » scilicet quantum ex parte morbi, q. d. morbus tuus non est lethalis, ex morbo hoc non morieris, quod erat verum; nam non morbus, sed via Hazaeli occidit et suffocavit Benadad. Ita Cajetanus, Serarius, Salianus et alii.

Vers. 13. 13. QUID ENIM SUM SERVUS TUUS CANIS, UT FACIAM REM ISTAM MAGNAM? — Hazaël negat se esse canem, non tantum quoad vilitatem, sed etiam et potius, quoad impudentiam et feritatem caninam, quasi dicat, ego non sum tam impudens, barbarus et ferus, ut instar canis sœviam in viscera humana, eaque devorem. Cur ergo tu, o Elisee, asseris, mihi dicis: « Parvulos eorum elidas, et prægnantes divides? » Ita tum quidem sentiebat Hazaël; sed factus rex Syriæ sensum mutavit, fe-

citque quod hic prædictit Eliseus, quodque ipse hic abominatur. Honores enim mutant mores, sed raro in meliores. Causam subdit:

OSTENDIT MINI DOMINUS TE REGEM SYRIÆ FÔRE, — q. d. tu fies rex Syriæ, ideoque factus rex innatum Syrorum in Israelitas odium indues ut « eorum parvulos elidas et prægnantes dividias, » uti prædicti. Odium hoc cœpit ab Adad, dum Salomon rebellavit, fecitque se regem Syriæ, illudque ex eo quasi patre suxit filius Benadad, ac ex eo cæteri reges Syriæ. Vide dicta III Reg. XI, 14. Hac regni prædictione audacior factus Hazaël regem Benadad suffocavit, ejusque regnum occupavit, ut sequitur: ac immemor et ingratius Eliseo, hostem se fecit Israeli, in eumque sœviit, implevitque barbariem ab Eliseo sibi prædictam.

Vers. 13. 15. TULIT STRAGULUM, ET INFUDIT AQUAM, ET EXPANDIT SUPER FACIEM EJUS. — Addunt Hebræus, Chaldeus et Septuaginta, et mortuus est, quod Noster expressit, subdens: Quo mortuo regnabit Hazaël. Videtur Benadad æstu febrili æstuans petuisse aquam ad se refrigerandum: porrexit illam ei in stragulo aqua madefacto Hazaël, itaque vel per imprudentiam, vel potius per dolum distillante continuo ex stragulo aqua in os et fauces Benadad, eum suffocavit, ut ei in regno succederet. Addit Serarius, aquam hanc et stragulum fortasse venenato quopiam humore fuisse infectum: sicut de Herculis Dejaniræa veste tradunt veteres, ac de Othonis III Imperatoris Ladislai Hungarorum regis, et Solymanni tunica. Josephus ait simpli-
citer strangulatum fuisse: ita nimirum Deus punivit Benadad ob sœvitlam in Israelitas exercitam. Porro Benadad videtur regnasse 56 annos; tot enim intercedunt ab anno 17, Asa regis Juda, quo Benadad regnare cœpit, ut patet III Reg. XV, vers. 18, usque ad primum annum regni Hazaelis. Ita Salianus. Nonnulli tamen putant plures reges in Syria intercessisse, omnesque dictos fuisse « Benadad, » id est filios et successores Adad, primi regis Syriæ. Unde Hebræi tradunt, Benadad fuisse nomen commune regum Syriæ. Denique Josephus, lib. XI Antiq. cap. II, asserit tam Benadad quam Hazaël apud Syros in summa esse veneratione, imo « utrumque divinis honoribus coli, » et utriusque effigiem quotidianis pompis honorari, tum propter aliam beneficentiam, tum quia magnifice templis exstructis Damascum ornatiorem reddiderint.

Vers. 16. 16. ANNO QUINTO JORAM FILII ACHAB REGIS ISRAEL, REGNAVIT JORAM FILIUS JOSAPHAT REX JUDA, — scilicet solus post mortem patris Josaphat. Objicies, id videtur factum anno septimo Joram, non quinto; nam cap. III, 1, dictum est quod Joram rex Israel cœperit regnare anno 18 Josaphat regis Juda; Josaphat autem regnavit annis 25: ab anno autem 18 ad 25, sunt septem anni, post quos moriente Josaphat successit ei filius Joram. Respondent Lyranus et Cajetanus Joram filium Achab regnasse post mortem Achab cum Ochozia fratre

primogenito per biennium : scilicet ab anno 18 Josaphat, usque ad annum ejus vigesimum, quo mortuus est Ochozias, tumque solus regnare cœpit Joram ejus frater junior. Ergo quod hic dicitur : « anno quinto Joram, » intellige a tempore, quo Joram solus post fratris mortem regnare cœpit, quod fuit anno Josaphat vigesimo; verum obstat quod dicitur III Reg. cap. ultimo, vers. 32, scilicet Ochoziam in Israel regnare cœpisse anno 17 Josaphat, ac mortuum anno 18 ejusdem, nam per biennium duntaxat regnavit : quare cum Ochozias sit mortuus anno Josaphat 18, eique statim frater Joram successerit, hinc sequitur Joram cœpisse regnare anno 18 Josaphat, non vigesimo. Melius Abulensis respondet non esse numerandum annum 18 Josaphat, eo quod illo expleto cœperit regnare Joram, nec 19, eo quod sub finem ejus cœperit regnare, nec 25, eo quod is fuerit imperfectus : ablatis autem his tribus annis manent ab anno 18 Josaphat, ad annum ejusdem 25 duntaxat anni quinque integri, de quibus hic dicitur : « Anno quinto Joram filii Achab, etc. regnavit Joram filius Josaphat, » scilicet post mortem Josaphat, qui anno 25 regni sui mortuus est; tunc enim successit ei filius Joram.

Optime Richardus de S. Victore in conciliatione lib. Reg. et *Paralipom.* Arias in *Daniele*, Salianus, Torniellus, Sanchez et Serarius hic respondent Joram regem Juda, bis a patre nuncupatum fuisse regem, ob duo ejus bella, scilicet primo, anno 17 Josaphat, quo ipse cum Achab iturus erat ad bellum contra Syros, III Reg. xxii, tumque videtur Joram a Josaphat patre duntaxat regis titulum accepisse, ut si quid mali in bello accidisset, sibi succederet Joram. Secundo, post sex annos, scilicet anno 23, Josaphat quo ipse in bellum contra Moabitias profectus est, ut dictum est hoc lib. cap. iii, tunc enim Josaphat rursum Joram filium declaravit regem, et regni administrationem se absente eidem tradidit, indeque numerandi sunt anni octo, quibus dicitur regnasse Joram; ita scilicet ut tribus annis Joram regnarit cum Josaphat patre vivente, quatuor vero cæteris post mortem patris : octavus vero et ultimus fuerit imperfectus, ideoque non numeretur. Quare licet nonnulli censeant Joram post mortem patris Josaphat regnasse octo annis, tamen verius est quod dixi, nimirum ipsum quatuor integris annis duntaxat, et quinto incompleto regnasse post mortem Josaphat, cum eo vero vivente tribus ultimis ejus annis regnasse, id patet ex cap. ix, 29, ubi Ochozias filius Joram regis Juda, mortuo Joram patre, dicitur cœpisse regnare anno undecimo Joram regis Israel : jam computa annos ab anno quinto Joram regis Israel, usque ad annum ejus undecimum, habebis annos duntaxat quinque integros, quibus solis alter Joram post mortem patris Josaphat regnavit in Juda.

Vice versa cum cap. i, 17, dicitur Joram rex

Israel regnare cœpisse anno secundo Jeram filii Josaphat regis Juda, intellige annum secundum ab eo tempore, quo Joram primum a patre Josaphat ituro contra Syros titulum regis accepit, quod fuit anno Josaphat 17. Unde secundus Joram filii Josaphat annus ineedit in annum 18 Josaphat, quo cœpit regnare Joram filius Achab in Israel.

18. AMBULAVITQUE (Joram filius Josaphat rex Vers. 18. Juda) IN VIIS REGUM ISRAEL (colendo idola eorum) SICUT AMBULAYERAT DOMUS ACHAB. FILIA ENIM ACHAB ERAT UXOR EJUS, — nomine Athalia; haec enim fuit uxor Joram, et mater Ochoziæ, ut patet vers. 26.

19. UT DARET ILLI LUCERNAM, — id est stirpem et Vers. 19. prosapiam regiam, scilicet nepotum sibi invicem continuo in regno Juda succendentium.

21. VENITQUE JORAM SEIRA, — id est, in Idumæam. Hæc enim sicut ab Esau fundatore, qui alio nomine vocatus est Edom, dicta fuit Idumæa, sic ab eodem qui pariter vocatus est Seir, id est pilosus, hirsutus, dicta est Seira.

23. RELIQUA AUTEM SERMONUM (id est rerum et Vers. 23. gestorum) JORAM, ET UNIVERSA QUÆ FECIT, NONNE HÆC SCRIPTA SUNT IN LIBRO VERBORUM DIERUM REGUM JUDA, — puta in Diariis et annalibus regum Juda? Nota, hic tacentur multa de Joram, quæ proinde supplentur in lib. II *Paralipom.* cap. xxi, ubi vers. 3 Josaphat rex dicitur filii suis, qui erant fratres Joram, dedisse « pensationes » (male nonnulli legunt, *pensationes*), id est annuos redditus. Rursum, quod Joram omnes fratres suos numero sex occiderit, ut solus secure regnaret. Insuper, quod Elias jam raptus (ante novem annos) ad eum miserit litteras ex paradiso, quibus ei ob hæc fratricidia et ob idolatriam minatus est Dei vindictam, quæ mox ei obvenit; nam Deus percussit eum morbo insanibili, ita ut viscera egereret : filios quoque ejus omnes occidit per Philistæos et Arabes, unico excepto Ochoziæ, qui licet minimus natu, ei successit, idque in poenam talionis, ut siue fratres suos occiderat, sic et filii ejus occiderentur. Addit Josephus, uxores ejus fuisse occasas. Ita barbari isti justo Dei judicio cæde filiorum regis, regiorum fratrum manibus parentarunt : nec tamen dixit rex insipiens in corde suo : « Justus es, Domine, et rectum iudicium tuum. »

25. ANNO DUODECIMO JORAM FILII ACHAB REGIS Israel, regnavit Ochozias filius Joram regis Judeæ. — Dices, cap. seq. vers. 29, dicitur Ochozias regnare cœpisse anno undecimo Joram, non duodecimo. Respondeo, cœpit anno undecimo regnare cum patre Joram, qui erat in tormentis sui morbi; sequenti autem anno, qui est duodecimus, mortuo patre solus regnavit in Juda. Ita Abulensis, Sanchez, Salianus et alii.

26. VIGINTI DUORUM ANNORUM ERAT OCHOZIAS, CUM Vers. 26. REGNARE COEPISSET. — Dicit II *Paralipomen* cap. xxii, vers. 3, dicitur fuisse 42 annorum? Respondeo

hæc antilogia est perdifficilis et quasi irreconciliabilis, quam discutiam suo loco in lib. *Paradipomen.*

NOMEN MATRIS EJUS ATHALIA, FILIA AMRI, — id est neptis Amri; erat enim Athalia filia Achab, ut dictum est vers. 18. Achab autem erat filius Amri. Sic *Matth. 1, 8*, Ozias dicitur filius Joram, cum ejus fuerit nepos, imo trinepos; omittuntur enim ibi tres generationes, et tres filii intermedii, scilicet Ochozias, Joas et Amasias, eo quod Joram miscuissest se stirpi impiae Achab, et cum sua uxore Athalia filia Jezabelis, idololatriam invexisset in regnum Juda.

Aliter respondent Hebrei apud S. Hieronymum in *Tradition.*, et Cajetanus scilicet, Athaliam vere fuisse filiam Amri, dici tamen filiam Achab, vel

imitatione, vel nutritione, quod ab Achab sit educata, ideoque ejus idololatriam imitata.

27. GENER ENIM DOMUS ACHAB FUIT. — Ochozias Vers. 27. ergo videtur duxisse filiam Joram filii Achab, sicut Joram pater Ochoziæ duxerat Athaliam filiam Achab, aut certe duxisse filiam fratris, aut sororis Joram; ideo enim dicitur, «gener domus Achab,» quia scilicet sacer ejus fuit Joram, vel frater Joram: nimirum tota hæc impietatis et idololatriæ propago inventa fuit in regnum Juda per impiam Jezabel; hujus enim filia fuit Athalia, ac neptis ejus fuit uxor Ochoziæ, quarum utraque a Jezebele, quæ unius erat mater, alterius avia, educata ejus impietatem et mores gentilitios imbibit. Vide hic quam periculosum et noxiū sit ducere uxores infideles vel hæreticas.

CAPUT NONUM.

SYNOPSIS CAPITIS.

Eliseus mittit unum e suis, qui ungat Jehu in regem Israel, ut familiam Achab deleat; ungit ille Jehu: id ex Jehu intelligentes principes eum regem creant, Jehu ergo rex factus pergit in Jezrahel, ibique occidit Joram regem Israel, et Ochoziam regem Juda, ac Jezebelam ex domo præcipitari jubet, quam deinde canes devorant juxta oraculum Eliae.

1. Eliseus autem Prophetes vocavit unum de filiis prophetarum, et ait illi: Accinge lumbos tuos, et tolle lenticulam olei hanc in manu tua, et vade in Ramoth Galaad. 2. Cumque veneris illuc, videbis Jehu filium Josaphat filii Namsi: et ingressus suscitabis eum de medio fratribus suorum, et introduces in interius cubiculum. 3. Tenensque lenticulam olei, fundes super caput ejus, et dices: Hæc dicit Dominus: Unxi te regem super Israel. Aperiesque ostium, et fugies, et non ibi subsistes. 4. Abiit ergo adolescens puer prophetæ in Ramoth Galaad, 5. et ingressus est illuc: ecce autem principes exercitus sedebant, et ait: Verbum mihi ad te, o princeps. Dixitque Jehu: Ad quem ex omnibus nobis? At ille dixit: Ad te, o princeps. 6. Et surrexit et ingressus est cubiculum: at ille fudit oleum super caput ejus, et ait: Hæc dicit Dominus Deus Israel: Unxi te regem super populum Domini Israel, 7. et percuties domum Achab domini tui, et ulciscar sanguinem servorum meorum prophetarum, et sanguinem omnium servorum Domini, de manu Jezabel. 8. Perdamque omnem domum Achab: et interficiam de Achab mingentem ad parietem, et clausum et novissimum in Israel. 9. Et dabo domum Achab, sicut domum Jeroboam filii Nabath; et sicut domum Baasa filii Ahia. 10. Jezabel quoque comedent canes in agro Jezrahel, nec erit qui sepeliat eam. Apperuitque ostium et fugit. 11. Jehu autem egressus est ad servos domini sui: qui dixerunt ei: Rectene sunt omnia? quid venit insanus iste ad te? Qui ait eis: Nostis hominem, et quid locutus sit. 12. At illi responderunt: Falsum est, sed magis narra nobis. Qui ait eis: Hæc et hæc locutus est mihi, et ait: Hæc dicit Dominus: Unxi te regem super Israel. 13. Festinaverunt itaque, et unusquisque tollens pallium suum posuerunt sub pedibus ejus, in similitudinem tribunalis, et cecinerunt tuba, atque dixerunt: Regnavit Jehu. 14. Conjuravit ergo Jehu filius Josaphat filii Namsi contra Joram: porro Joram obsederat Ramoth Galaad, ipse et omnis Israel, contra Hazael regem Syriæ: 15. et reversus fuerat ut curaretur in Jezrahel propter vulnera, quia percusserant eum Syri, præliantem contra Hazael regem Syriæ. Dixitque

Jehu : Si placet vobis, nemo egrediatur profugus de civitate, ne vadat, et nuntiet in Jezrahel. 16. Et ascendit, et profectus est in Jezrahel : Joram enim ægrotabat ibi : et Ochozias rex Juda descenderat ad visitandum Joram. 17. Igitur speculator qui stabat super turrim Jezrahel, vidit globum Jehu venientis, et ait : Video ego globum. Dixitque Joram : Tolle currum, et mitte in occursum eorum, et dicat vadens : Rectene sunt omnia ? 18. Abiit ergo qui ascenderat currum, in occursum ejus, et ait : Hæc dicit rex : Pacatane sunt omnia ? Dixitque Jehu : Quid tibi et paci ? transi, et sequere me. Nuntiavit quoque speculator, dicens : Venit nuntius ad eos, et non revertitur. 19. Misit etiam currum equorum secundum ; venitque ad eos, et ait : Hæc dicit rex : Numquid pax est ? Et ait Jehu : Quid tibi et paci ? transi, et sequere me. 20. Nuntiavit autem speculator, dicens : Venit usque ad eos, et non revertitur : est autem incessus quasi incessus Jehu filii Namsi, præceps enim graditur. 21. Et ait Joram : Junge currum. Junxeruntque currum ejus ; et egressus est Joram rex Israel, et Ochozias rex Juda, singuli in curribus suis, egressique sunt in occursum Jehu, et invenerunt eum in agro Naboth Jezrahelite. 22. Cumque vidisset Joram Jehu, dixit : Pax est Jehu ? At ille respondit : Quæ pax ? adhuc fornicationes Jezabel matris tuæ, et beneficia ejus multa vigent. 23. Convertit autem Joram manum suam, et fugiens ait ad Ochoziam : Insidiæ, Ochozia. 24. Porro Jehu tetendit arcum manu, et percussit Joram inter scapulas ; et egressa est sagitta per cor ejus, statimque corruit in curru suo. 25. Dixitque Jehu ad Badacer ducem : Tolle, projice eum in agro Naboth Jezrahelite : memini enim quando ego et tu sedentes in curru sequebamur Achab patrem hujus, quod Dominus onus hoc levaverit super eum, dicens : 26. Si non pro sanguine Naboth, et pro sanguine filiorum ejus, quem vidi heri, ait Dominus, reddam tibi in agro isto, dicit Dominus. Nunc ergo tolle, et projice eum in agrum, juxta verbum Domini. 27. Ochozias autem rex Juda videns hoc, fugit per viam domus horti : persecutusque est eum Jehu, et ait : Etiam hunc percutite in curru suo : et percutserunt eum in ascensu Gaver, qui est iuxta Jeblaam : qui fugit in Mageddo, et mortuus est ibi. 28. Et imposuerunt eum servi ejus super currum suum, et tulerunt in Jerusalem ; sepelieruntque eum in sepulcro cum patribus suis in civitate David. 29. Anno undecimo Joram filii Achab, regnavit Ochozias super Judam, 30. venitque Jehu in Jezrahel. Porro Jezabel introitu ejus audito, depinxit oculos suos stibio, et ornavit caput suum, et respexit per fenestram 31. ingredientem Jehu per portam, et ait : Numquid pax potest esse Zambri, qui interfecit dominum suum ? 32. Levavitque Jehu faciem suam ad fenestram, et ait : Quæ est ista ? et inclinaverunt se ad eum duo vel tres eunuchi. 33. At ille dixit eis : Præcipitate eam deorsum ; et præcipitaverunt eam, aspersusque est sanguine paries, et equorum ungulæ conculcaverunt eam. 34. Cumque intrgressus esset, ut comedaret, biberetque, ait : Ite, et videte maledictam illam, et sepelite eam : quia filia regis est. 35. Cumque issent ut sepelirent eam, non invenerunt nisi calvariam, et pedes, et summas manus. 36. Reversique nuntiaverunt ei. Et ait Jehu : Sermo Domini est, quem locutus est per servum suum Eliam Thesbiten, dicens : In agro Jezrahel comedent canes carnes Jezabel, 37. et erunt carnes Jezabel sicut sterlus super faciem terræ in agro Jezrahel ; ita ut prætereuntes dicant : Hæccine est illa Jezabel ?

Vers. 1. 1. VADE IN RAMOTH GALAAD. — Jam enim urbs illa post regis Joram eam obsidentis vulnus capta erat vel tota, vel ejus pars, ait Abulensis, Sanchez et Serarius, idque patet ex vers. 15.

Vers. 2. 2. SUSCITABIS EUM DE MEDIO FRATRUM SUORUM, — id est ut Vatablus, *jube ut surgat e medio fratrum,* id est principum collegarum suorum ; qui enim hic fratres, paulo post vocantur principes.

ET INTRODUCES IN INTERIUS CUBICULUM, — ut se-

creto eum ungas in regem : ne si publice id facias, seditio concitetur a Jorami regis asseclis et fautoribus, ideoque ubi eum secreto unixeris, statim « fugies, et non ibi subsistes. »

6. UNXI TE. — Hæc videtur fuisse secunda unc- Vers. 6.
tio Jehu : nam prima facta videtur ab Elia ; hoc enim ei jusserrat Deus, III Reg. xix, 15, ideoque eum ire jusserrat in Damascum, ut ibi ungeret Hazael in regem Syriæ, ac deinde in Samariam, ut unge-

ret Jehu in regem Israel: sed prima illa Eliæ uncio fuit prævia et prognostica regni; hæc vero secunda facta ab Eliseo fuit regni collatio, ejusque in regem creatio. Ita Gajetanus *Histor. Scholast.* Sanchez et alii.

Vers. 11. 11. QUID VENIT ISTE INSANUS AD TE? — Vide hic ut principes idololatræ, hominesque militares prophetam rideant, vocentque « insanum » et fanaticum. Vita enim prophetarum aspera, vestitus horridus, sermo propheticus eis videbatur esse insanum, ac prophetæ videbantur eis insanire; erant enim quasi emotæ mentis, et altiori numinis spiritu afflati. Unde Plato in *Phædone*: « Quidam, ait, divino beneficio sunt insanii, ut prophetæ et Sibyllæ, » et Cicero, lib. II *De divinit.*: « Quid habet auctoritatis furor iste, quem divinum vocatis, ut quæ sapientis non videt, ea videat insanum, et is qui humatiō sensus amiserit, divinos assecutus sit, et vaticinari idem sit quod insanire. » « Animalis enim homo non percipit ea quæ sunt spiritus Dei, » I Cor. II et III. Idem et magis faciebant prophetæ diaboli, qui gestus inconditos edebant, et furere videbantur: unde de Sibylla ab Aenea consulta ita canit Virgilius, lib. VI *Aeneid.*:

Non *vultus*, non *color unus*,
Non *comptæ mansere comæ*: sed *pectus anhelum*,
Et *rabie fera corda tument*, majorque *videri*
Nec mortale sonans, *afflata est numine quando*
Jam propiore Dei.

NOSTIS HOMINEM, ET QUID LOCUTUS SIT, — q. d. nōstis eum insanum esse, ac proinde insana locutum, ideoque nō credenda, nec a me enarranda. Id dicit Jehu, ne si se revera ab eo unctum dieat in regem, sibi creet periculum: ne scilicet aliquis vel pro Joram pugnans, vel Jehu regnum invidens, eum invadat et occidat. « Per cunctantibus autem illis, inquit Josephus, quā de causa venisset juvenis, et insanum videri dicentibus: Recte, inquit, conjecturam facitis, nam insani verba locutus est. Illis vero magis etiam sibi exponi quid esset orantibus, regnum populi sibi a Deo delatum, ait illum dixisse. »

Vers. 12. 12. AT ILLI DIXERUNT: FALSUM EST, SED MAGIS NARRANOBIIS, — q. d. non insana, sed seria et magni momenti locutus est propheta, cupimusque omnino ut ea nobis enarres. Unde Chaldaeus vertit, *falsum tu dicas, indica nunc nobis*. Suspicati sunt Dei instinetu, id quod res erat, scilicet Jehu a propheta accepisse regni oraculum, illudque ab eo extorquere satagunt, unde sequitur.

Vers. 13. 13. FESTINAVERUNT ITAQUE, ET UNUSQUISQUE TOLLENS PALLIUM SUUM (vestem extimam) POSUERUNT SUB PEDIBUS EJUS IN SIMILITUDINEM TRIBUNALIS. — Septuaginta, *super ascensum graduum*; Vatablus, *in fastigio graduum*, id est in supremo gradu, nimurum summo et eminentissimo loco, q. d. loco excelsa vestibus suis erexerunt ei quasi thronum regium, ut in eo velut rex sederet: hoc enim ritu eum regem crearunt.

Nimirum ad vocem Prophetæ, quam a Jehu au-

dierant principes, hi et milites divinitus excitati regnum ei detulerunt, ideoque gradus aliquos opere tumultuario construxerunt, quos palliis suis quasi auleis constraverunt, et in summo eorum Jehu collocarunt, eique acclamarunt: « Regnavit Jehu, » q. d. rex noster est Jehu, vivat ergo et regnet prosperè per multos annos. Sic Plutarchus scribit de Catone Uticensi in ejus vita, stratas esse a militibus vestes per ea loca, quæ ipse pedibus calcaturus erat: quod honoris genus refert Imperatoribus impendi solere. Et in Deorum suorum quibusdam sacris, dum illos festa pompa traducerent, vestes sterni solitas esse scribit idem Plutarchus in *Alcibiade*.

Idem de sacrī Junonis tradit Athenaeus, libro XII, cap. ix. Sic et Christo quasi Messiae regi, solemnī pompa ingredienti Jerusalem in die Palmarum, turba viam stravit et palmis et vestibus, Matthæi XXI.

Vers. 14. 18. QUID TIBI ET PACI, — q. d. non pacem veho, sed bellum; conjuravi enim contra tuum regem Joram, ut eum occidam regnumque ejus occupem.

Vers. 21. 21. ET EGREGIUS EST JORAM REX ISRAEL, ET OCHOBIAS REX JUDA, etc., IN OCCURSUM JEHU; ET INVENERUNT EUM IN AGRO NABOTH JESRAELITÆ. — Justum congruumque fuit hoc Dei judicium, qui eos congregavit in agrum Naboth ut in eo cæderentur, in quo Achab pater eorum, Naboth vinea sua spoliarat et occiderat, ut ipse per Eliam eidem prædixerat, III Reg. XXI, 23.

Vers. 22. 22. ADHUC FORNICATIONES JEZABEL MATRIS TUÆ, ET VENEFICIA EJUS MULTA VIGENT, — puta idolatria et magia Jezabelis; idolatria enim est fornicatio mystica, qua quis relichto Deo sposo, adhæret idolis, quasi adulteris. Eadem est magia, quia sacerdotes idolorum sunt magi; consulunt enim dæmonem, et ab eo oracula accipiunt. Dicit hoc Jehu, q. d. Ego ex parte Dei judicis venio, ut puniam idolatriam et magiam tuam, tuæque matris Jezabelis.

Vers. 23. 23. QUOD DOMINUS ONUS HOC LEVAVERIT SUPER EUM. — « Onus » vocatur prophétia minax et onerosa, qua Deus per Eliam prædixerat posteros Achab ob ejus scelera occidendos, III Reg. XXI, 23.

Vers. 27. 27. ETIAM HUNC PERCUTITE, — ad exterminium domus Achab a Deo prædictum et decretum. Erat enim Ochozias rex Jūda, ex parte matris Athalæ, nepos Achab, ejusque scelera et idolatriam imitabatur.

Dices, II *Paral.* cap. xxii, 9, dicitur Ochozias fugisse et latuisse in Samaria? Respondeo, hac vice fugit et latuit in Samaria, sed ut ibidem additur, in Samaria postea deprehensus, deductus est ad Jehu in Gaber, ibique percussus fugit in Mageddo, ibique mortuus est. Ita Lyranus.

Vers. 28. 29. ANNO UNDECIMO JORAM FILII ACHAB REGIS ISRAEL REGNAVIT OCHOZIAS SUPER JUDAM. — « Regnavit, » id est regnare cœpit, et vix uno anno regnavit; nam anno duodecimo Joram una cum eo occisus est a Jehu.

Vers. 30. 30. PORRÒ JEZABEL INTROITU EJUS (Jehu regicidæ) AUDITÒ, DEPINXIT OCULOS SUOS STIBIÒ, — non ad illucientium Jehu in sui amorem; erat enim vetula, et sciebat Jehu esse juratum suum hostem, sed ad animositatem ostentandam, quasi quæ non timeret nec curaret Jehu; unde eum increpuit vocavitque domini sui (Joram regis) interfectorum, ut eum percelleret: putabat enim quod Jehu in se, utpote feminam et reginam, non auderet manus injicere, nec ejus in sanguine se cruentare. Quod si auderet, volebat animose et nobiliter mori, quasi mortem contemnens. Hæc est vanitas sæculi et sæcularium, æque ac mulierum vanitas est stibium et purpurissa, quam proinde Magdalena, dum penituit, despexit; nam ut ait S. Hieronymus, epist. ad Furiam: « Non habuit crispanates mitras, nec stridentes calceolos, nec orbes stibio fuliginatos. » Unde S. Cypriantus, tract. De Operæ et Eleemosyna: « Unge oculos tuos, inquit, non stibio diabolico, sed collyrio Christi. »

Vers. 31. 31. NUMQUID PAX POTEST ESSE ZAMBRI, QUI INTERFERAT DOMINUM SUUM, — quasi dicat, quæ pax et societas potest esse cum Jehu, qui est quasi alter Zambri tyrannus. Sieut enim Zambri occidit Ela regem suum, III Reg. XVI, 10, ejusque regnum invasit, sic Jehu occidit Joram regem suum, ejusque regnum invadit.

Vers. 37. 37. ET ERUNT GARNES JEZABEL SICUT STERCUS. — Jezabel Alludit ad Etymon nominis Jezabel. Jezabel enim Hebriacē idem est quod זְבֵל zebel, id est ubi stercus? Zebel enim Chaldaice, Syriace et Arabice idem est quod stercus. Aut Jezabel idem est quod זְבֵל zebel, id est insula sterquilini, vel vae sterquilino, ait Pagninus, unde nonnulli putant a zebel, id est stercus diabolum per contemptum vocari zebulum, id est stercorarium, ac Græcos Beelzebub vocare Beelzebub, quasi Deum stercoris; stercori enim insidet zebub, id est musca. Porro S. Ambrosius, Exhortat. ad virgin. : « Jezabel, inquit, idem

est quod vanitatis profluviū, vel vana et vacua redundantia, qualis est in avaritia, ambitione, omnique concupiscentia, cuius idea est Jezabel. »

HÆCCINE ESTILLA JEZABEL, — q. d. Itane fortunæ commutans Jezabelem ex summo gloriæ in imum ignominiae prostravit? Erat illa decor et pulchritudo orbis: jam putet ut sordidum sterlus. Erat illa regum uxor et mater, imo domina et rectrix: en tibi jam a canibus laniatur. Erat illa terror Eliæ et prophetarum, imo totius Israelis: ecce jam illa unguis equorum calcatur.

Notat S. Chrysostomus, hom. 25 in epist. ad Roman., Jezabelem gravius punitam esse, quam Achab, qui in bello sagitta confixus decore occubuit, eo quod Jezabel fuerit ei omnis mali occasio, imo suggestrix et incentrix: « Jezabel, ait, maiores pœnas dedit, quam Achab vineæ raptor: ipsa quippe universum istud negotium texuerat, regique lapsus occasionem dederat. »

Sic B. Franciscus Borgia, nuper Dux Gaudiæ, cum Isabellæ uxoris Caroli V defunctæ corpus ad regium sepulcrum Granatam deferret, illud adeo deformè, fœdum et horridum conspexit, ut non agnosceret, nec auderet jurare, hoc esse corpus imperatricis. Quare illud contentis oculis intuens et admirans: « Hæccine, inquit, est Isabella mundi Imperatrix? » Hæccine sapiens et sancta illa Isabella gaudium Hispaniæ, decus imperii, spes orbis? ubi nuperus ille vultus decor, ubi oculorum splendor, ubi coronæ regiæ majestas? Itane caro ejus versa est in putredinem, decor in fœtorem, splendor in horrorem? Quare Deo mentem illuminante, attente considerans quanta esset regum regnorumque et omnium bonorum mundi vanitas, eis valedicere, et soli Deo servire decrevit, ac Societatem Jesu ingressus, rarum virtutum omnium, tam religiosis, quam sæcularibus, quin et principibus ac regibus dedit exemplar, ut patet ex ejus Vita.

CAPUT DECIMUM.

SYNOPSIS CAPITIS.

Jehu occidit septuaginta filios Achab, et quadraginta duos fratres Ochozæ, ac per dolum omnes cultores Baal, unde meruit progeniem in regno usque in quartam generationem. Idem tamen coluit vitulos aureos Jeroboam, ideoque domus ejus tandem excisa est.

1. Erant autem Achab septuaginta filii in Samaria: scripsit ergo Jehu litteras, et misit in Samariam, ad optimates civitatis, et ad maiores natu, et ad nutritios Achab, dicens: 2. Statim ut acceperitis litteras has, qui habetis filios domini vestri, et currus, et equos, et civitates firmas, et arma, 3. eligit meliorem, et eum qui vobis placuerit de filiis domini vestri, et eum ponite super solium patris sui, et pugnate pro domo domini vestri. 4. Timuerunt illi vehementer, et dixerunt: Ecce duo reges non potuerunt stare coram eo, et quomodo nos valebimus resistere? 5. Miserunt ergo præpositi domus, et præfecti civitatis, et maiores natu,

et nutritii ad Jehu, dicentes : Servi tui sumus, quæcumque jussesis faciemus, nec constituemus nobis regem : quæcumque tibi placent, fac. 6. Rescripsit autem eis litteras secundo, dicens : Si mei estis, et obeditis mihi, tollite capita filiorum domini vestri, et venite ad me hac eadem hora cras in Jezrahel. Porro filii regis, septuaginta viri, apud optimates civitatis nutriebantur. 7. Cumque venissent litteræ ad eos, tulerunt filios regis, et occiderunt septuaginta viros et posuerunt capita eorum in cophinis, et miserunt ad eum in Jezrahel. 8. Venit autem nuntius, et indicavit ei, dicens : Attulerunt capita filiorum regis. Qui respondit : Ponite ea ad duos acervos juxta introitum portæ usque mane. 9. Cumque diluxisset, egressus est, et stans dixit ad omnem populum : Justi estis : si ego conjuravi contra dominum meum, et interfeci eum, quis percussit omnes hos ? 10. Videte ergo nunc quoniam non cecidit de sermonibus Domini in terram, quos locutus est Dominus super domum Achab, et Dominus fecit quod locutus est in manu servi sui Eliæ. 11. Percussit igitur Jehu omnes, qui reliqui erant de domo Achab in Jezrahel, et universos optimates ejus, et notos, et sacerdotes, donec non remanerent ex eo reliquiæ. 12. Et surrexit, et venit in Samariam : cumque venisset ad Cameram pastorum in via, 13. invenit fratres Ochoziæ regis Juda, dixitque ad eos : Quinam estis vos ? Qui responderunt : Fratres Ochoziæ sumus, et descendimus ad salutandos filios regis, et filios reginæ. 14. Qui ait : Comprehendite eos vivos. Quos cum comprehendissent vivos, jugulaverunt eos in cisterna juxta Cameram, quadraginta duos viros, et non reliquit ex eis quemquam. 15. Cumque abiisset inde, invenit Jonadab filium Rechab in occursum sibi, et benedixit ei. Et ait ad eum : Numquid est cor tuum rectum sicut cor meum cum corde tuo ? Et ait Jonadab : Est. Si est, inquit, da manum tuam. Qui dedit ei manum suam. At ille levavit eum ad se in currum : 16. dixitque ad eum : Veni tecum, et vide zelum meum pro Domino. Et impositum in curru suo, 17. duxit in Samariam. Et percussit omnes, qui reliqui fuerant de Achab in Samaria usque ad unum, juxta verbum Domini, quod locutus est per Eliam. 18. Congregavit ergo Jehu omnem populum, et dixit ad eos : Achab coluit Baal parum, ego autem colam eum amplius. 19. Nunc igitur omnes prophetas Baal, et universos servos ejus, et cunctos sacerdotes ipsius, vocate ad me : nullus sit qui non veniat, sacrificium enim grande est mihi Baal : quicumque defuerit, non vivet. Porro Jehu faciebat hoc insidiose, ut disperderet cultores Baal. 20. Et dixit : Sanctificate diem solemnem Baal. Vocavisse, 21. et misit in universos terminos Israel, et venerunt cuncti servi Baal, non fuit residuus ne unus quidem qui non veniret. Et ingressi sunt templum Baal : et repleta est domus Baal, a summo usque ad summum. 22. Dixitque his qui erant super vestes : Proferte vestimenta universis servis Baal. Et protulerunt eis vestes. 23. Ingressusque Jehu, et Jonadab filius Rechab, templum Baal, ait cultoribus Baal : Perquirite et videte, ne quis forte vobis cum sit de servis Domini, sed ut sint servi Baal soli. 24. Ingressi sunt igitur ut facerent victimas et holocausta : Jehu autem præparaverat sibi foris octoginta viros, et dixerat eis : Quicumque fugerit de hominibus his, quos ego adduxero in manus vestras, anima ejus erit pro anima illius. 25. Factum est autem, cum completum esset holocaustum, præcepit Jehu militibus et ducibus suis : Ingredimini, et percutite eos, nullus evadat. Percusseruntque eos in ore gladii, et projecerunt milites et duces : et ierunt in civitatem templi Baal, 26. et protulerunt statuam de fano Baal, et combusserunt. 27. Et comminuerunt eam. Destruerunt quoque ædem Baal, et fecerunt pro ea latrinas usque in diem hanc. 28. Delevit itaque Jehu Baal de Israel. 29. Verumtamen a peccatis Jeroboam filii Nabath, qui peccare fecit Israel, non recessit, nec dereliquit vitulos aureos, qui erant in Bethel, et in Dan. 30. Dixit autem Dominus ad Jehu : Quia studiose egisti quod rectum erat, et placebat in oculis meis, et omnia quæ erant in corde meo fecisti contra domum Achab : filii tui usque ad quartam generationem sedebunt super thronum Israel. 31. Porro Jehu non custodivit ut ambularet

in lege Domini Dei Israel in toto corde suo : non enim recessit a peccatis Jeroboam, qui peccare fecerat Israel. 32. In diebus illis cepit Dominus tædere super Israel : percussitque eos Hazael in universis finibus Israel, 33. a Jordane contra Orientalem plagam, omnem Terram Galaad, et Gad, et Ruben, et Manasse, ab Aroer, quæ est super Torrentem Arnon, et Galaad, et Basan. 34. Reliqua autem verborum Jehu, et universa quæ fecit, et fortitudo ejus, nonne hæc scripta sunt in Libro verborum dierum regum Israel? 35. Et dormivit Jehu cum patribus suis, sepelieruntque eum in Samaria : et regnavit Joachaz filius ejus pro eo. 36. Dies autem, quos regnavit Jehu super Israel, viginti et octo anni sunt, in Samaria.

Vers. 1. **1. ERANT AUTEM ACHAB SEPTUAGINTA FILII,** — non ex sola Jezabele, sed ex aliis multis uxoribus ab eo procreati.

AD NUTRITIOS ACHAB, — id est ut Septuaginta, *ad nutritios filiorum Achab*, scilicet ad primates, qui septuaginta filios Achab enutrierant.

Vers. 4. **4. ECCE DUO REGES** (Joram rex Israel, et Ochozias rex Juda, utrumque enim occidit Jehu) **NON POTUERUNT STARE CORAM EO,** — id est resistere illi, unde sequitur :

ET QUOMODO NOS (privati et plebeii) **VALEBIMUS RESISTERE?**

Vers. 5. **5. MISERUNT ERGO PRÆPOSITI DOMUS,** — qui scilicet præerant palatio regio, quod Amri ædificarat in Samaria, in quo habitarat Achab, ejusque filius Joram, occisus a Jehu.

Vers. 7. **7. OCCIDERUNT SEPTUAGINTA VIROS.** — Non peccavit Jehu jubendo occidi septuaginta filios Achab, quia id fecit jussu Dei, qui summus vitæ tam non centum quam innocentum est Dominus, eo quod essent filii nocentis Achab, cuius utopte nequisimi semen omne, omnemque stirpem funditus delere volebat Dominus : verisimile enim est inter hos septuaginta aliquos fuisse minores et innocentes, nec idololatriæ Achab capaces vel participes. Peccarunt tamen Samaritæ, quod hoc mandatum Jehu de eis occidendi executi sint, non ut ministri judicis, sed timore Jehu, quem nesciebant esse regem a Deo electum, et ab Eliseo unctionum, ideoque nesciebant eum esse Judicem Israëlis, ac habere a Deo potestatem occidendi hos filios Achab. Forte etiam peccavit Jehu jubendo eis hoc facinus, si prius non satis eis probavit suam auctoritatem, et jus regni sibi a Deo datum, nisi ipsi illud aliunde facile scire potuerint. Ita Abulensis.

ET POSUERUNT CAPITA EORUM IN COPHINIS. — Apposite ad culpam Achab qui in cophinis collegebat uvas ex vinea Naboth a se occisi : idcirco igitur in pœnam peccati filiorum ejus capita in cophinis deferuntur ad Jehu. In eo ergo punitur tum ipse, tum filii, in quo peccarant.

Vers. 8. **8. PONITE EA AD** (*Chaldaice in*) **DUOS ACERVOS JUXTA INTROITUM PORTÆ USQUE MANE,** — ut totus populus ingrediens et exiens per portam, videat hoc justum Dei judicium contra domum Achab, itaque ab ejus idololatria et cultu Baal recedat.

Vers. 9. **9. JUSTI ESTIS,** — id est justam Dei vindictam implestis, licet inscii et non cogitantes. Cogitant enim implere jussum Jehu de eis occidendis, non autem jussum Dei.

SI EGO CONJURAVI CONTRA DOMINUM MEUM (Joram regem Israel), **ET INTERFICI EUM,** **QUIS PERCUSSIT OMNES HOS?** — q. d. non ego, sed vos, esto meo jussu meique metu, q. d. Ex hac ultione patet manifeste vindicta Dei contra domum impiam Achab; quod scilicet Deus tam me quam vobis usus sit ad illam peragendam. Nam ego licet occiderim Joram, non tamen potuisse occidere septuaginta ejus fratres, nisi Deus immisisset vobis mei metum, ut me jubente eos occideretis. Alioqui enim potuissetis meo jussui resistere, aut vi, aut honesta excusatione, aut filios hos Achab, quos occidistis, abscondendo, vel alio amandando. Deus ergo vobis mentem eripuit, ne id faceretis, sed eos occideretis.

Vers. 11. **11. PERCUSSIT IGITUR JEHU OMNES QUI RELIQUI ERANT DE DOMO ACHAB.** — « Omnes, » id est fere omnes, quia pauci iisque fere pauperes, abjecti et imbellies fuere relictæ. Remansere quoque fratres Ochoziæ regis Juda, prognati ex Athalia filia Achab, quos paulo post occidit vers. 14. Remansit quoque Joas qui Ochosiaæ patri in regno Judæ successit. Simili modo dixit Scriptura nullum relinquendum ex domo Jeroboam, Baasa, Ela, etc., quia digniores omnes sublati, et pauci vilesque relictæ fuere.

Vers. 13. **13. FRATRES OCHOZIAE,** — id est filii fratribus Ochoziæ, ut explicatur II Paral. cap. xxii, vers. 9; nam fratres Ochoziæ fuere occisi ab Arabibus, II Paral. cap. xxi, vers. 17.

DESCENDIMUS AD SALUTANDOS FILIOS REGIS, — scilicet Ochoziæ regis Israel, ejusque uxoris et reginæ.

Vers. 14. **14. JUGULAYERUNT EOS,** — quasi posteros impii Achab, ex impia matre Athalia. Fecit id Jehu instinctu Dei, unde ait ad Jonadab : « Vide zelum meum pro Domino. » Ita Abulensis.

JUXTA CAMERAM — « pastorum, » ut dictum est vers. 12. Chaldaice, *ad domum congregationis pastorum*, Hebraice, *ad domum ligationis*, in qua scilicet oves ligabantur ad tondendum, q. d. in tonsurina ovium. Ita Pagninus. Forte tondebantur tum ibidem oves, ideoque de more læta instruebantur convivia, *ad quæ invitati fuere hi filii fratribus*

Ochoziæ, ibique inter epulas occisi, uti in similibus occisus fuit Amnon a fratre suo Absalom, II Reg. XIII.

Vers. 15. 15. INVENIT JONADAB FILIUM RECHAB IN OCCURSUM SIBI, ET BENEDIXIT EI, — scilicet bene precatus est ei, salutavit eum dicendo more Hebreæ : « pax tibi. » Hic « Jonadab » est ille qui laudatur, Jeremiah cap. xxxv, vers. 6, ubi Jeremias propinans vinum Rechabitum, posteris et discipulis Jonadab, audit ab eis : « Non bibemus vinum, quia Jonadab filius Rechab pater noster præcepit nobis dicens : Non bibetis vinum vos, et filii vestri usque in sempiternum, et domum non ædificabitis, et sementem non seretis, et vineas non plantabitis, nec habebitis, sed in tabernaculis habitabitis cunctis diebus vestris, ut vivatis diebus multis super faciem terræ, in qua vos peregrinamini. »

Jonadab pater Rechabitum.
Joannes Jerosolymitanus, lib. De Institut. monach. cap. xxv, asserit hunc « Jonadab » fuisse Elisei discipulum, ejusque vitæ religiosæ vestigia, excepta continentia, sectatum esse cum suis filiis et nepotibus. Rechabitæ hi fuere Cinei, posteri Jethro Madianitæ, socii Mosis. Vide dicta Jeremiah cap. xxxv, vers. 6.

NUMQUID EST COR TUUM RECTUM SICUT COR MEUM CUM CORDE TUO, — q. d. amasne me sincere et ex animo, sicut ego amo te. Hinc videtur Jehu ante regnum fuisse probus, utpote amicus et familiaris Jonadabo viro probo et religioso. Amicitia enim non coalescit inter probos et improbos, poscit enim sibi similes.

ET IMPOSITUM IN CURRU SUO DUXIT IN SAMARIAM, — ut auctoritatem sibi apud Samaritas nomenque probitatis conciliaret per Jonadabum sibi socium, quem omnes habebant pro viro integro et sancto, ut hac ratione facilius perageret cædem Baalitum, quam moliebatur, nec aliquis resistere auderet.

Vers. 18. 18. ACHAB COLUIT BAAL PARUM, EGO AUTEM COLAM EUM AMPLIUS. — Mentitur Jehu, sed officiose, et ad se cultu- rum Baal. — Bonum finem, ut omnes cultores Baal in unum colligat et mactet, quod Deus ei jusserat, quodque alia ratione perfici vix poterat. Unde ipse putabat hoc mendacium sibi esse licitum, imo necessarium, honestum et pium. Ita Theodoreetus et Procopius.

An pec-
carit?
Licet enim hoc ejus mendacium ex genere suo esset perniciosum quia erat simulatio imo professio idololatriæ, ideoque scandalum publicum, uti docet S. Thomas, II Quæst. CXI, art. 1, ad 2, Franciscus Suarez, tract. I De fide, disp. XIV, sect. 4, num. 9, Gregorius de Valentia, tract. De fide, disp. 1, Quæst. III, puncto 2, imo S. Augustinus, lib. Contra mendacium, cap. II, hoc Jehu mendacium vocat impium, ideoque eum non pro illa simulatione, sed pro obedientia, quia jussu Dei occidit posteros Achab, a Deo fuisse laudatum et remuneratum asserit, additque : « Visum est quibusdam catholicis Priscillianistas se debere simulare, ut eorum latebras penetrarent; quod ego

prohibens, ait Augustinus, scripsi librum contra mendacium, »

Tamen multa sunt quæ Jehu excusat, et hoc ejus mendacium potius officiosum quam perniciosum fuisse ostendant. Primum est, intentio loquentis, nimurum quod illud dixerit non serio, non enim intendebat colere Baal, sed fiete et simulate ut omnes cultores Baal in unum colligeret et collectos omnes quasi victimas divinæ iustitiae mactaret, ut Deus ei jusserat; quod alias facere nequivisset. Unde S. Hieronymus in cap. II epist. ad Galat., omnino excusat Jehu, docetque utilem esse simulationem et quandoque exhibendum, dummodo caveatur mendacium : « Utilem, ait Hieronymus, simulationem assumendam esse in tempore, Jehu regis nos docet exemplum. » Idem censem Abulensis, Cajetanus et alii, imo Adrianus in IV, Quæst. I De Baptismo, in resp. ad 5, ait licere celare fidem per professionem falsæ religionis, si justa subsit causa : quod tamen alii passim improbant et refellunt, ac merito.

Secundum, quod simulatio et fictio hæc Jehu brevissimo tempore durarit; unde exiguum fuit scandalum : nam mox visuri erant universi animum loquentis plane contrarium : moram ergo modici temporis Jehu pro nihilo reputavit.

Tertium, quod non jusserrit vel exhortatus sit Tertium, Baalitas ad sacrificandum Baal, sed tantum dixerit : « Ego colam eum amplius : » qua voce tantum intendit occasionem dare Baalitis, ut animum suum aperirent, et malitiam idololatriæ mente conclusam proderent, ut illam deinde ipse succideret. Sic medici dant pharmaca, quæ humores pravos commoveant, ut eos deinde emicantes expellant, itaque homini sanitatem restituant. Sic principes mittunt exploratores ad hostes, qui se eorum amicos simulent, ut eorum consilia resciscant, et principibus renuntient; uti fecit Chusai transfugiens ad Absalom, ibique dissipans consilia Achitophelis, II Reg. cap. xv, vers. 14. Sic heri explorant fidem servorum et ancillarum, hinc inde ponendo nummos, ut videant an ipsi eos auferant et furentur, an vero fideliter ad herum referant. Hi ergo dant quidem occasionem furti; non tamen ad illud incitant vel invitant.

Dices, Jehu implicitè suo exemplo invitavit Baalitas ad sacrificandum Baal. Respondeo, Jehu non invitavit, sed occasionem tantum eis dedit sacrificandi (uti jam dixi de heris) quam sciebat illos arrepturos, idque permisit, ut quod ipsi quotidie faciebant privatim, hoc jam facerent publice, itaque se detegerent, ut ab eo puniri plectique possent. Satius enim erat unum actum sacrificii publicum permittere ad redimenda tot privata eorum sacrilegia. Satius erat sinere eos publice semel idola colere, quam privatim millies et milles, ut hac permissione idololatriam Baal funditus exscinderet.

Quartum, quia magna tunc erat rerum et religionis perturbatio; alii enim colebant Baal, alii

Multa
eum ex-
cusant.
Primum,

Secun-
dum.

vitulos aureos, alli Melchom, alii Chamos, alii Deum verum : quare exiguum fuit hoc Jehu scandalum : quisque enim libere colebat quod volebat. Addunt nonnulli Jehu ambigue fuisse locutum, et per Baal intellexisse Deum verum : hic enim verus est « Baal, » id est omnium Dominus; aut potius per Baal intellexisse dæmonem, q. d. Achab coluit Baal, id est dæmonem, victimis animalium : ego amplius eum colam, sed materialiter tantum, victimis hominum, quia Baalitas macabro et offeram illi non quasi Deo, sed quasi Dei archicarnifici, qui mere delectatur sanguine et morte hominum impiorum, ut animas eorum abripiat in tartara : magnum enim festum egit dæmon in mactatione idololatrarum, quam fecit Jehu, eosque quasi victimas sua latissime accep-
tavit.

Quin- **Quintum**, quia Jehu erat homo militaris; mili-
tum. tari ergo sensu et astu hoc militare stratagema ad-
invenit, ad perdendos simul et semel omnes Baal-
itas, Dei æque ac suos hostes : quare non stu-
duerat casibus conscientiæ, sed quod zelus hono-
ris Dei et militaris industria ad detegendos hos-
tes, ut ex inopinato eos opprimeret, illi suggere-
bat, hoc bona fide peregit, idque præsente, ju-
vante, et ut videtur probante Jonadab viro probo,
prudente et religioso.

Denique Jehu a Domino laudatus et renumera-
tus fuit vers. 30.

Simili modo Constantius Imperator Constantini Magni pater, ut agnosceret quinam in familia sua essent veri et cordati Christiani, qui ficti vel ti-
midi et inconstantes, edixit ut qui deos colere vel-
lent, in aula manerent, pristinisque honoribus fruerentur; qui vero id facere nollent, aula exce-
derent. Mox omnes eos qui se deos colere velle dicebant, aula ejecit; cæteros in ea retinuit, cau-
samque dedit : « Quomodo, inquit, mihi fidi-
erunt, qui Deo perfidi fuerunt? » Ita refert Euse-
bius, lib. I *De Vita Constantini*, cap. ix et x, et So-
zomenes, lib. I, cap. vi.

Vers. 19. **19. SACRIFICIUM ENIM GRANDE EST MIHI BAAL**, —
q. d. Volo grande et solemnne sacrificium offerre Baal, ideoque volo Baalitas omnes esse præsentes. Hoc simulabat Jehu, sed vere intendebat ipsos met Baalitas quasi victimas mactare Deo, eosque offerre dæmoni, quasi Dei carnifici, qui eorum ut-
pote sui cultorum erat dominus et possessor, ideoque eos secum abrepturus erat in gehennam.

Vers. 20. **20. SANCTIFICATE DIEM SOLEMNEM BAAL**, — hoc est, indicite diem festum et sanctum, quo solem-
niter colamus Baal : sed vos, o Baalites, coletis eum formaliter victimis boum, ego vero eum colam materialiter duntaxat mactando et tradendo vos ipsos quasi victimas dæmoni, cui vosmetip-
sos dicastis, et quasi servos addixistis. Et vere so-
lemne festum egit tum dæmon, cum tot idolola-
trarum quasi servorum suorum a Jehu cæsorum animas et corpora rapuit. Vocati ergo venerunt
ad festum solemnne non epuli, sed macelli sui. Sic

diabolus in morte Lutheri indixit solemnne festum dæmonibus sibi subditis, adeoque omnes circum-
quaque convocabit ad ejus animam cum trium-
pho deducendam ad tartara. Id fassi sunt dæmo-
nes, qui energumenos possidebant Geilæ, quæ ci-
vitas est in Brabantia inter Antverpiam et Lova-
nium; ubi sancta Dymphna, virgo et martyr, a suo patre rege Hyberniæ pro virginitate occisa requies-
cit, et multis miraculis præsertim in energumenis a dæmonie liberandis resplendet, uti oculis meis olim conspexi, cum sanctæ hujus virginis lipsana sacra visitarem. Geilæ, inquam, eo die quo mortuus est Lutherus, omnes energumeni a dæmonibus fuere liberi: sed postero die rursus ab iisdem possessi et exagitati. Rogati dæmones causam, dixerunt se pridie convocatos ad magni amici sui Martini Lutheri funus, illi interfuisse ac festum agitasse : principem enim ipsorum et ar-
chidæmonem præcepisse, ut universi spiritus maligni ad sui prophetæ et fidelis cooperarii Lutheri exequias confluenter : congruere enim ut qui quamplurimos ad inferos deduxisset, a quampluri-
mis ad eosdem solemniter deduceretur. Ut inter alios narrat Tilmanus Bredenbachius, lib. VII *Collat. sacr. cap. xxxix*, qui et addit innumerabilem corvorum horrendum in modum crocitanum copiam (erant illi dæmones) cadaver Lu-
theri supervolitasse, illudque Islebio Wittenber-
gam ad sepulcrum usquecomita tam fuisse. Simile festum egerunt dæmones in morte Udonis Magde-
burgensis præsul, ut idem Bredenbachius, lib. VIII, cap. XIV, ex Nauclero, Fulgosio, P. Canisio, fuse enarrat.

21. ET VENERUNT CUNCTI SERVI BAAL. — « Servos » Vers. 21.
vocat devotos Baal, præsertim sacerdotes, ut pa-
tet vers. 19, unde et vers. seq. jussit eis dari ves-
tes, scilicet sacerdotales et sacras : nec enim vi-
dentur omnes omnino, qui Baal adorabant, ve-
nisce, aut templo uno capi potuisse. Sic Acto. cap.
xvii, vers. 4, « colentes » vocantur viri pii et reli-
giosi Deum pie colentes, Abulensis tamen censem
omnes omnino profitentes cultum Baal vocatos
venisse ad diem solemnem Baal : licet enim tem-
pore Achab fuerint illi in magno numero, tame-
n paulo post agente Josaphat rege pio, multi ex eis
ad cultum unius veri Dei redierunt.

ET REPLETA EST DOMUS BAAL, A SUMMO USQUE AD
SUMMUM, — scilicet ab extremo in extreum. Sep-
tuaginta, et repleta est domus super os ; Chaldæus,
ex angulo in angulum.

22. PROFERTE VESTIMENTA UNIVERSIS SERVIS BAAL, — Vers. 22
scilicet sacerdotalia vel sacra, qualibus utebantur Levitæ et Nathinæ, sive ministri sacerdotum : non ergo dedit eis vestes laicas in præmium. Hæc enim magna multis fuissest idolatriæ et peccati illece-
bra, ut pro vestibus se cultores Baal esse menti-
rentur. Addit Abulensis, Jehu eis victimas ad sa-
crificium suppeditasse et invitasse ad sacrificandum, idque sine culpa. Verum id dici nequit: in-
vitare enim ad sacrificandum idolo, culpa est et

Festum
dæmo-
num in
parte
Lutheri.

scelus, quocumque fine id fiat. Suffecit ergo Jehu, quod eis paratos ad sacrificandum permitteret sacrificare.

Vers. 23. 23. SED UT SINT SERVI BAAL SOLI. — « Nolle se dicens, ait Josephus, ut sacris eorum alienus ac profanus nullus se ingerat. » Prudenter id providit Jehu, ne quis innocens Deique cultor, sed soli nocentes Baalitae mactarentur.

Vers. 24. 24. ANIMA EJUS ERIT PRO ANIMA ILLIUS. — « Intermittatus, ait Josephus, quicumque aliquem eorum elabi permiserit, vicarium pro illo moritum. »

Vers. 25. 25. FACTUM EST AUTEM CUM COMPLETUM ESSET HOLOCAUSTUM. — Hebræus, Chaldæus et Septuaginta Romana habent in singulari: *Cum consummasset*, scilicet summus sacerdos Baal. Septuaginta Regia et Complutensia habent in plurali: *Et factum est ut compleverunt facientes holocaustum*: utrumque verum; plures enim in pluribus altaribus plura offerebant holocausta.

ET PROJECERUNT (cadavera eorum) MILITES ET DUCES — Jehu.

Vers. 26. 26. ET IERUNT IN CIVITATEM TEMPLI BAAL, ET PROTULERUNT STATUAM DE FANO BAAL, ET COMBUSSE RUNT. — Videtur civitas quædam proprie fuisse dicata Baal, e cuius templo statuam Baal eduxerunt et combusserunt. Vatablus et Salianus per « civitatem » intelligunt civitates, ut sit enallage numeri, quasi dicat: Jussu missuque Jehu iverunt in quilibet civitates Israel, ex eisque eduxerunt idola Baal et combusserunt; idque eos fecisse valde est probabile; nam ut sequitur: « Delevit itaque Jehu Baal de Israel: » quod non fecisset si in una tantum civitate eum delevisset. Denique posset esse hypallage: « Ierunt in civitatem templi, » id est ierunt in templum civitatis: templum enim hoc ab Achab in Samaria ædificatum erat vastum et amplum, habens varia domicilia annexa instar parvæ civitatis, quasi dicat: Postquam in templo cœsi sunt omnes et soli cultores Baal, Jehu cum suis ingressus est ipsum templum, ac statuam Baal eduxit et combussit. Unde Septuaginta Regia et Complutensia non habent *in civitatem*, sed tantum *ierunt usque ad templum Baal*, idque valde huic loco est appositum et congruum.

Vers. 29. 29. VERUMTAMEN A PECCATIS (a vitulis aureis adorandis) JEROBOAM, etc., NON RECESSIT. — Mira fuit hæc Jehu et cæterorum regum Israel vel cæcitas vel fatuitas, quod cum viderent se jussu Dei delere domos Achab, aliorumque regum ob idolorum culturam, ipsi tamen eadem si non numero, certe specie coluerint; ideoque eamdem Dei manum vindicem senserunt, ac cum posteris

excisi sunt. Causa fuit politica, quod metuerent, ne si rediret populus ad Deum adorandum in Jerusalem, rediret pariter ad stirpem Davidis et reges regnantes in Juda. Sed vanus fuit hic eorum metus: Deum enim vadem habebant: ille enim promiserat, si se solum colerent, regnum eis fore stabile, et propagandum in posteros per multa sæcula.

30. QUIA STUDIOSE EGISTI, etc., FILII TUI USQUE AD QUARTAM GENERATIONEM SEDEBUNT SUPER THRONUM ISRAEL: — promisso Dei respondit eventus: nam Jehu regnavit 28 annis, huic successit filius Joachaz per 17 annos, huic filius Joas per sedecim, huic filius Jeroboam per 41, huic filius Zacharias per sex menses.

Porro Hebræi censem prophetam hæc promittentem Jehu fuisse Jonam prophetam quartum e minoribus. Verum Jonas non floruit sub Jehu, sed sub Jeroboam abnepote Jehu. Quare melius Nicephorus in *Chron.* et Salianus censem prophetam hunc fuisse Eliseum, qui primitus unixerat Jehu in regem, ut dictum est cap. ix, vers. 1 et 2.

Videtur Jehu statim post cæsos Baalitas et eversum Baal, hanc promissionem a Deo in præmium accepisse, licet Abulensis censeat id factum postquam Jehu cœpit colere vitulos, ideoque a Deo limitari hanc promissionem ad quartam generationem. Sed cultum vitulorum punivit mox Deus per Hazaël regem Syriæ invadentem terram Israel, ut illico subditur: tunc ergo non præmii, sed punitionis fuit tempus.

Denique contra idola et vitulos Jehu misit Deus prophetas, qui sua oracula et minas in eum, et Israelem illi in scelere applaudentem dictarent et scriberent; quorum primus fuit Osee, qui cœpit prophetare sub Jehu, vel paulo post Jehu. Unde cap. i, vers. 4, ait: « Adhuc modicum, et visitabo sanguinem Jezrahel super domum Jehu, » et cap. vii, vers. 1: « Cum sanare vellem Israel, revelata est iniquitas Ephraim, » puta Jehu et decem tribuum, quarum caput erat Ephraim. Causam subdit populi in idola pronitatem consuetudine firmatam, quæ Jehu idolatriam fovit et promovit. Unde cap. ult. vers. 3: « In malitia sua lætificaverunt regem, etc., quievit paululum civitas a commixtione fermenti, donec fermentaretur totum, etc. Quia applicaverunt quasi clibanus cor suum, cum insidiaretur eis. » Vide ibi dicta.

32. PERCUSSITQUE EOS HAZAEL IN UNIVERSIS FINIBUS ISRAEL, — urbes cremando, juvenes occidendo, parvulos elidendo, prægnantes dissecando, uti eis prædixerat Eliseus, cap. viii, vers. 12.

CAPUT UNDECIMUM.

SYNOPSIS CAPITIS.

Athalia, exstincto semine regio, regnat : occidit eam Joiada Pontifex, ac regem constituit Joas Ochoziæ filium.

1. Athalia vero mater Ochoziæ, videns mortuum filium suum, surrexit, et interfecit omne semen regium. 2. Toltens autem Josaba filia regis Joram, soror Ochoziæ, Joas filium Ochoziæ, furata est eum de medio filiorum regis, qui interficiebantur, et nutricem ejus, de triclinio : et abscondit eum & facie Athaliæ, ut non interficeretur. 3. Eratque cum ea sex annis clam in domo Domini : porro Athalia regnavit super terram. 4. Anno autem septimo misit Joiada, et assumens centuriones et milites, introduxit ad se in templum Domini, pepigitque cum eis fœdus : et adjurans eos in domo Domini ostendit eis filium regis : 5. et præcepit illis, dicens : Iste est sermo, quem facere debetis : 6. Tertia pars vestrum introeat sabbato, et observet excubias domus regis. Tertia autem pars sit ad portam Sur : et tertia pars sit ad portam, quæ est post habitaculum scutariorum : et custodietis excubias domus Messa. 7. Duæ vero partes e vobis, omnes egredientes sabbato, custodiant excubias domus Domini circa regem. 8. Et vallabitis eum, habentes arma in manibus vestris : si quis autem ingressus fuerit septum templi, interficiatur : eritisque cum rege introeunte et egrediente. 9. Et fecerunt centuriones juxta omnia, quæ præceperat eis Joiada sacerdos : et assumentes singuli viros suos, qui ingrediebantur sabbatum, cum his qui egrediebantur sabbato, venerunt ad Joiam sacerdotem. 10. Qui dedit eis hastas, et arma regis David, quæ erant in domo Domini. 11. Et steterunt singuli habentes arma in manu sua, a parte templi dextera, usque ad partem sinistram altaris et ædis, circum regem. 12. Produxitque filium regis, et posuit super eum diadema, et testimonium : feceruntque eum regem, et unixerunt : et plaudentes manu, dixerunt : Vivat rex. 13. Audivit autem Athalia vocem populi currentis : et ingressa ad turbas in templum Domini, 14. vidit regem stantem super tribunal juxta morem, et cantores, et tubas prope eum, omnemque populum terræ lætantem, et canentem tubis : et scidit vestimenta sua, clamavitque : Conjuratio, conjuratio. 15. Præcepit autem Joiada centurionibus, qui erant super exercitum, et ait eis : Educite eam extra septa templi, et quicumque eam secutus fuerit, feriatur gladio. Dixerat enim sacerdos : Non occidatur in templo Domini. 16. Imposueruntque ei manus, et impegerunt eam per viam introitus equorum, juxta palatium, et imperfecta est ibi. 17. Pepigit ergo Joiada fœdus inter Dominum, et inter regem, et inter populum, ut esset populus Domini, et inter regem et populum. 18. Ingressusque est omnis populus terræ templum Baal, et destruxerunt aras ejus, et imagines contriverunt valide : Mathan quoque sacerdotem Baal occiderunt coram altari. Et posuit sacerdos custodias in domo Domini. 19. Tulitque centuriones, et Cerethi et Pheleti legiones, et omnem populum terræ, deduxeruntque regem de domo Domini : et venerunt per viam portæ scutariorum in palatium, et sedid super thronum regum. 20. Lætatusque est omnis populus terræ, et civitas conquievit : Athalia autem occisa est gladio in domo regis. 21. Septemque annorum erat Joas, cum regnare cœpisset.

Vers. 1. 1. ATHALIA VERO MATER OCHOZIA, VIDENS MOR-TUUM FILIUM SUUM (Ochoziam occisum a Jehu, cap. IV, vers. 27,) SURREXIT (erexit se), ET INTERFECIT OMNE SEMEN REGIUM, — scilicet omnes Ochoziæ re-

gis filiique sui filios, ideoque nepotes suos cæ-terosque ex regibus prognatos. « Athalia » impia filia fuit impii Achab et Jezabelis, nupta Joram filio Josaphat regi Juda, ex eoque genuit Ocho-

ziam : quare videns Ochoziam filium suum occisum a Jehu , invasit regnum , et omnes filios regis, quorum ipsa erat avia, interfecit. Mira fuit et barbara haec ejus feritas et impietas , qua quasi altera Medea (cujus tragediam vide apud Senecam) suos filios , id est nepotes jugulavit. Fecit hoc partim ex rabie et furia, partim ambitione, ut sola nomine proprio, non quasi avia et tutrix nepotum , libere regnaret; partim ex invidia , ut eversa familia Achab et Jezabelis, quorum ipsa erat filia , everteret pariter domum Davidis , cui ipsa posteritatem et propagationem regni invidebat. Ita Josephus. Addit Theodoretus : « Athalia, inquit, impia et tyrannica voluit omne genus Davidis , tanquam pium, radicibus extinguere, ut arrepto imperio populum suum impietatem diceret. » Addunt alii , ut se totis regni viribus armaret contra Jehu, qui domum Achab everterat, ejusque eversionem , bellum vel necem Jehu inferendo, ulcisceretur. Athaliae similis fuit Drahomira impia et idololatra mater S. Wenceslai regis Bohemiæ et martyris, quæ fratrem ejus Boleslaum in Wenceslai necem impulit; sed castigavit eam Deus : nam vivam terra absorpsit, uti fusius ex Ænea Sylvio et aliis enarravi, Gen. cap. iv.

Sub Athalia floruit Lycurgus, qui paulo post ex Minois legibus, quas ille Cretensibus dederat, aliisque, leges dedit Lacedæmoniis ; floruit enim Lycurgus ante Solonem et Draconem circa annum a capta Troja 290, ante Romam conditam anno 150, ante Olympiades anno 125, ante Christum anno 900, ait ex Clemente et Eusebio Salianus anno mundi 3153.

Vera. 2. 2. TOLLENS AUTEM JOSABA FILIA REGIS JORAM, SOROR OCHOZIÆ, JOAS FILIUM OCHOZIÆ, FURATA EST EUM, etc., ET ABSCONDIT EUM A FACIE ATHALIÆ, UT NON INTERFICERETUR. — Josephus, lib. IX *Antiq.* cap. vii, asserit Josabam fuisse uxorem Joiadæ Pontificis, ideoque Joiadam quasi avunculum Joas, et quasi Pontificem eum in regnum restituisse. Errat ergo Philo, vel potius Pseudo-Philo in breviorio temporum, quem secuti sunt Joannes Annius et Joannes Lucidus , dicens, in Ochozia defecisse stirpem Salomonis, quotquot enim eum sequuntur, descendere ex Nathan non ex Salomone; nam diserte Joas hic vocatur filius Ochoziæ, qui ex Salomone, non ex Nathan descendit. Frivolum ergo est quod iidem addunt, idcirco Joas, Amasiam et Ochoziam omitti in genealogia Christi, *Matth. I*, quod in Ochozia defecerit stirps Salomonis.

Vera. 3. 6. TERTIA PARS VESTRUM INTROEAT SABBATO (domum Domini sive templum), ET OBSERVET CUSTODIAS DOMUS REGIS, — id est custodiat portam templi vergentem ad regiam. Ita Abulensis, Cajetanus et alii. Divisit Joiada milites in tres partes, ut tria loca necessaria ad novi regis tutelam , et ad Athaliam comprehensionem custodirent. Porro militum horum majorem partem Joiada assumpsit ex Levitis, quibus ipse præferat quasi Pontifex, ut

conjuratio foret secretior et tutior; si enim sacerdetales assumpsisset, utique id statim rescivisset Athalia, eosque oppressisset. Hinc et sabbato detinuit Levitas, qui vice sua hebdomadaria perfuncti, de more domum suam erant reddituri, ut majorem ex eis militum numerum conflaret. Hinc quoque Centuriones quinque assumpsit ex Levitis, qui reliquos Levitas per urbes Juda sparsos ad se congregarent, nimirum Azariam filium Jeroham, Ismael filium Johanan, Azariam filium Obed, Maasiam filium Adaiæ, et Elisaphat filium Zechri, ut dicitur II *Paral. xxiii*, 1. Porro Levitæ hi sine armis veniebant ad templum, quasi in eo ministraturi : sed Joiada Pontifex ibidem dabat eis hastas, lanceas, clypeos et peltas, ut ibidem dicitur vers. 9 et hic 10.

6. ET TERTIA PARS SIT AD PORTAM, QUÆ EST POST HABITACULUM SCUTARIORUM. — Hæc est porta, qua a domo Domini sive a templo descendebatur in regiam, ut patet, vers. 3, quæ II *Paral. xxiii*, 20, vocatur « superior. »

7. DUE VERO PARTES E VOBIS, OMNES EGREDIENTES SABBATO, CUSTODIANT EXCUBIAS DOMUS DOMINI CIRCA REGEM. — Nota, singulis sabbatis ministros, puta sacerdotes et Levitas, in templo ad ministrandum mutari solitos, ut per hebdomadas successive singuli sua vice ministrarent, juxta ordinem a Davide præscriptum I *Paral. xxiv*, 3 et seq., utrosque ergo, hoc est utriusque septimanæ, scilicet unius finientis, et alterius inchoantis ministros detinuit Joiada, et novos quidem ingredientes ad ministerium templi, in tres partes sive classes divisit, singulisque portam unam custodiendam demandavit, veteres vero sive egredientes, in duas partes distribuit, quæ novum regem Joas puerum custodirent, ut hoc versu dicitur. Ita Abulensis.

8. SI QUIS AUTEM INGRESSUS FUERIT SEPTUM TEMPLI, INTERFICIATUR. — Arctissime enim hic servanda erat disciplina militaris custodiæ, ne vel ordines turba affluente turbarentur, vel Athalia milites sive ministros suos immitteret, qui puerum regem interciperent, aut occiderent.

12. PRODUXITQUE FILIUM REGIS, ET POSUIT SUPER EUM DIADEMA (coronavit enim in regem), ET TESTIMONIUM. — Pro diadema Hebraice est נֶזֶר nezer, pro quo Septuaginta vertunt ἀγέρας, id est sanctificationem , per quam Theodoretus intelligit chrisma; verum de chrismate et unctione Joas paulo post sequitur, ac nezer significat diadema, sive coronam regiam, quam Septuaginta vocant sanctificationem , quia illa in sancto templo asseverabatur, ut regi fideli Israelis, quasi a Deo electo et sanctificato imponeretur. Ita Abulensis. Per testimonium Pagninus et Vatablus intelligunt vestem regiam, puta purpuram sive paludamentum purpureum. Melius alii accipiunt Deuteronomium : hoc enim regi novo dari jusserrat Deus Deuteronom. xvii, 18 et 19, ut rex ex eo disceret officii sui esse et Deum pie colere, et subditos benevole instar parentis regere. Ita Abulensis, Cajetanus et alii,

ac S. Hieronymus in lib. II *Paral.* Id ita esse patet ex II *Paral.* xxiii, 11, ubi sic clare explicatur : « Dederunt, inquit, in manu ejus tenendam legem. » Hæc enim cæremonia in auguratione regis erat præscripta a Deo *Deuter.* xvii. Lex enim, sive Deuteronomium (id est secunda lex, hoc est legis repetitio facta a Moyse in Deuteronomium), vocatur « testimonium », scilicet voluntatis divinæ, quia in ea edicebat et protestabatur Deus, quid ab Hebræis vellet fieri. Hæc omnia jure egit Joiada, tum quia avunculus erat pueri Joas cui regnum debebatur, ideoque quasi ejus tutor, curare debebat ut illud ab Athalia, quæ invaserat, auferretur, et Joas regi restitueretur, ac vice Joas sui pupilli illud administrare tenebatur; tum quia erat Pontifex, ad quem deficiente rege vel principe spectabat cura uti Synagogæ, sic et Reipublicæ. Itaque illius erat curare, ut Athalia hostis Israelis, quæ Rempublicam simul et religionem evertet, a regno amoveretur, et alias princeps sive rex, cui illud jure competebat, crearetur, qui utramque conservaret et promoveret.

Vers. 14. 14. POPULUM TERRÆ, — id est plebem, hæc enim vilis est, et « in terram » quasi abjecta, ac in terrena projecta.

Vers. 16. 16. ET IMPEGERUNT EAM, — id est impactis manibus vi extraxerunt eam extra templum, ut foris eam occiderent, ne templum cæde et sanguinem impiæ mulieris polluerent.

Vers. 19. 19. CERETHI ET PHELETHI; — quinam hi fuerint

dixi lib. II, cap. viii. Hebraice est *duces et cursores*, id est milites expeditos, uti sunt velites. Noster nominavit, *Cerethi et Phelethi*, quia hi erant prætoriani et fortissimi milites, qui in hoc facinore maxime erant necessarii.

20. OCCISA EST GLADIO IN DOMO REGIS, — id est Vers. 20. juxta domum, sive palatum regis, ut dictum est vers. 16. Congrue ibi cæditur, ubi peccarat; invaserat enim palatum et regnum. Quare verum non est quod ait Josephus, lib. IX, cap. vii, Athaliam protractam fuisse ad torrentem Cedron, ibique occisam; fieri tamen potuit, ut cadaver occisæ in torrentem Cedron projiceretur.

Athalie et Jezabeli similis in impietate æque ac Numinis vindicta tempore S. Gregorii Magni Pontificis fuit Brunichildis multorum regum Franciæ mater et avia. Hæc enim ut perpetuo regnaret, ac regina moreretur, Theodoricum regem, cuius ipsa erat avia, concubinarum amoribus implexum detinebat, ideoque S. Columbanum eum redarguentem Gallia expulit ac Desiderium Viennensem et Delfinum Lugdunensem Episcopos occidit, atque decem reges sua opera et consilio extinxit; sed tandem a Clothario rege capta, ac camelo primo imposita et circumducta ludibrium fuit toti populo, deinde indomiti equi caudæ per capillos alligata, raptataque, calcibus equi dispersum fuit ejus cerebrum, reliqua vero membra per aspera saxa, sentes et rupes protracta, diserpta fuere, uti ex Aimoino narrat Baronius anno Christi 614.

Brunt-
childis
similis
Athalia.

CAPUT DUODECIMUM.

SYNOPSIS CAPITIS.

Joas rex restaurat templum, mox, vers. 18, redimit bellum et excidium Jerosolymæ auro tam sacro quam profano misso ad Hazael bellum molientem. Denique, vers. 20, a servis suis occiditur.

1. Anno septimo Jehu, regnavit Joas : et quadraginta annis regnavit in Jerusalem, nomen matris ejus Sebia de Bersabee. 2. Fecitque Joas rectum coram Domino cunctis diebus, quibus docuit eum Joiada sacerdos. 3. Verumtamen excelsa non abstulit : adhuc enim populus immolabat, et adolebat in excelsis incensum. 4. Dixitque Joas ad sacerdotes : Omnem pecuniam sanctorum, quæ illata fuerit in templum Domini a prætereuntibus, quæ offertur pro pretio animæ, et quam sponte et arbitrio cordis sui inferunt in templum Domini : 5. accipiant illam sacerdotes juxta ordinem suum, et instaurent sartatecta domus, si quid necessarium viderint instauratione. 6. Igitur usque ad vigesimum tertium annum regis Joas non instauraverunt sacerdotes sartatecta templi. 7. Vocavitque rex Joas Joiadam pontificem et sacerdotes, dicens eis : Quare sartatecta non instauratis templi? nolite ergo amplius accipere pecuniam juxta ordinem vestrum, sed ad instaurationem templi reddite eam. 8. Prohibitique sunt sacerdotes ultra accipere pecuniam a populo, et instaurare sartatecta domus. 9. Et tulit Joiada pontifex gazophylacium unum, aperuitque foramen desuper, et posuit illud juxta altare ad dexteram ingredientium domum Domini, mittebantque in eo sacerdotes, qui custodiebant ostia, omnem pecuniam, quæ deferebatur ad templum Domini. 10. Cumque viderent

nimiam pecuniam esse in gazophylacio, ascendebat scriba regis, et pontifex, effundebantque, et numerabant pecuniam, quæ inveniebatur in domo Domini : 11. et dabant eam juxta numerum atque mensuram, in manu eorum qui præerant cæmentariis domus Domini : qui impendebant eam in fabris lignorum, et in cæmentariis iis, qui operabantur in domo Domini, 12. et sartatecta faciebant : et in iis, qui cædebant saxa, et ut emerent ligna, et lapides, qui excidebantur, ita ut impleretur instauratio domus Domini, in universis quæ indigebant expensa ad muniendam domum. 13. Verumtamen non fiebant ex eadem pecunia hydriæ templi Domini, et fuscinulæ, et thuribula, et tubæ, et omne vas aureum et argenteum, de pecunia quæ inferebatur in templum Domini, 14. iis enim qui faciebant opus, dabatur ut instauraretur templum Domini : 15. et non fiebat ratio iis hominibus, qui accipiebant pecuniam ut distribuerent eam artificibus, sed in fide tractabant eam. 16. Pecuniam vero pro delicto, et pecuniam pro peccatis, non inferebant in templum Domini, quia sacerdotum erat. 17. Tunc ascendiit Hazaël rex Syriæ, et pugnabat contra Geth, cepitque eam : et direxerit aciem suam ut ascenderet in Jerusalem. 18. Quam ob rem tulit Joas rex Juda omnia sanctificata, quæ consecraverant Josaphat et Joram et Ochozias, patres ejus reges Juda, et quæ ipse obtulerat : et universum argentum, quod inveniri potuit in thesauris templi Domini, et in palatio regis : misitque Hazaeli regi Syriæ, et recessit ab Jerusalem. 19. Reliqua autem sermonum Joas, et universa quæ fecit, nonne hæc scripta sunt in Libro verborum dierum regum Juda ? 20. Surrexerunt autem servi ejus, et conjuraverunt inter se, percusseruntque Joas in domo Mello in descensu Sella. 21. Josachar namque filius Semaath, et Jozabad filius Somer, servi ejus, percusserunt eum, et mortuus est : et sepelierunt eum cum patribus suis in Civitate David, regnavitque Amasias filius ejus pro eo.

Vers. 3.

3. VERUMTAMEN EXCELSA NON ABSTULIT, — timore populi in illa propensi, ne ille seditionem moveret. Vide quæ de excelsis dixi superius, III Reg. III, 2.

Vers. 4.

4. OMNEM PECUNIAM SANCTORUM, — id est sanctificatorum, sive consecratorum; q. d. omnem pecuniam Deo oblatam et consecratam accipient sacerdotes, etc.

A PRÆTEREUNTIBUS. — Hebraice, *a transeunte*, scilicet in numerum et censem, id est ab omni qui numeratur, solvitque censem. Ad hunc enim tenebantur soli illi qui attigerant vel excesserant annum vigesimum, Exodi xxx, 14.

QUÆ OFFERTUR PRO PRETIO ANIMÆ, — id est pro censu suo. Jusserat enim Deus, ut quisque Hebræus in censu pro capite suo solveret dimidium siclum, id est duos Julios sive duos regales. Hoc « pretium » vocatur « animæ », id est vitæ sive hominis viventis, tum quia Hebræi qui toti erant Deo dieati, hoc pretio quasi vitam ab eo redimebant; tum quia solvendo hoc pretium, a Deo tacite postulabant et impetrabant, ut Deus eis vitam prorogaret, eamque faceret longam, sanam et prosperam, ut dixi Exodi xxx, 12.

Vers. 5.

5. ET INSTAURENT SARTATECTA DOMUS. — Dei, scilicet templi, ut scilicet restaurent quæ longitudo temporis vetustate consumpta, corrosa et ruinosa sunt, quæque Athalia demolita est et abstulit. Nam ut dicitur II Paral. xxiv, 7 : « Athalia impiissima, et filii ejus destruxerunt domum Dei, et de universis quæ sanctificata fuerant in templo Dci ornaverunt fanum Baalim. »

7. QUARE SARTATECTA NON INSTAURATIS TEMPLI? Vers. 7

— Dupliciter peccabant sacerdotes : primo, quod negligentes essent in exigenda pecunia pro censu debita templo ex lege Exodi xxx, 12; secundo, quod eam non in sartatecta templi, sed in alias ac subinde in privatos et proprios usus expenderent. Quare jure cum eis expostulavit rex Joas, eisque hoc colligendæ et servandæ pecuniae pro templi fabrica officium abstulit, eosque pecuniam in gazophylacium inferre præcepit, vers. 9.

8. PROHIBITIQUE SUNT SACERDOTES, — non inviti sed volentes et consentientes. Unde pro « prohibiti sunt » Hebraice est יְנַחֵן *ieantu*, id est consenserunt, voluerunt, annuerunt. Chaldaice, *contenti fuerunt*; quia, ut ait Josephus, sciebant multos e populo esse difficiles ad solvendum censem, ac neminem libenter argentum erogare.

13. VERUMTAMEN NON FIEBANT EX EADEM PECUNIA HYDRIÆ TEMPLI DOMINI, ET FUSCINULÆ, ET THURIBULA, etc., — quamdiu scilicet durabat restauratio templi : hæc enim utpote magis necessaria præire debebat; qua peracta reliquum pecuniae expensum est in hydrias, aliaque vasa templi, ut patet II Paral. xxiv. Ita Abulensis, Cajetanus et alii.

15. ET NON FIEBAT RATIO; etc. (q. d. non exigebatur ratio et computus a receptoribus pecuniae, quia sciebant omnes quod) **IN FIDE TRACTABANT EAM,** — quod scilicet omnia expenderent in fabricam templi, et nihil in proprios usus decerperent. Ita Chaldaeus, Vatablus et alii.

16. PECUNIAM VERO PRO DELICTO, ET PECUNIA V. rs. 11

PRO PECCATIS, NON INFEREBANT IN TEMPLUM DOMINI, QUIA SACERDOTUM ERAT. — Vatablus, *pecunia quæ supererat empta victima pro delicto vel peccatis, non inferebatur in cædem Domini, quod sacerdotum esset.* Qui enim longe a templo habitabant, non victimam, sed pecuniam mittebant ad unum e sacerdotibus, qui victimam emebat, et quod reliquum erat pecunia empta victimæ, id cedebat in utilitatem sacerdotum. Ita Vatablus. Abulensis vero sic explicat, quasi hic agatur de delicto et peccato contra sacerdotem admissum, ut si quis abstulisset id quod de victimis ad sacerdotem pertineret; tunc enim præter illatum damnum. et victimam pro illo peccato, quintam etiam partem insuper in pecunia debuit offerre sacerdoti. Audi legem *Levit. v, 15*: « *Anima si prävaricans cærimonias, per errorem, in his quæ Domino sunt sanctificata peccaverit, offeret pro delicto sue arictem immaculatum de gregibus, qui emi potest duobus silvis, juxta pondus sanctuarii. ipsumque quod intulit damnum restituet. et quintam partem ponet supra, tradens sacerdoti.* » Idem de delicto sancitur *Num. v, 6*. Quid intersit inter « *delictum* » et « *peccatum* » dixi *Levit. vii, 1*.

Vers. 17. **17. TUNC ASCENDIT HAZAEL REX SYRIÆ, etc., ET DIREXIT FACIEM SUAM, UT ASCENDERET IN JERUSALEM.** — Quia Deus per Hazaël castigare volebat Joas regem, qui post mortem Joiadæ depravatus a consiliaris Athaliae, deflexit ad idola, ideoque occidit Zachariam filium Joiadæ, eo quod eum de idolatria argueret. Atque ob hanc cædem sacrilegam Joas ipse cæsus est a famulis suis, et regia sepultura caruit; quæ omnia fuse narrantur in

Paral. xxiv. Porro ad hanc idololatrarum castigationem peragendam, jusserset Deus Eliæ, ut Hazaël ungeret in regem Syriæ, *III Reg. cap. xix, vers. 16.*

18. QUAM OB REM TULIT JOAS REX JUDA OMNIA SANCTIFICATA, QUAE CONSECRÄVERANT JOSAPHAT, etc. ET UNIVERSUM AURUM, QUOD INVENIRI POTUIT IN THESAURIS TEMPLI DOMINI, ET IN PALATIO REGIS : MISITQUE HAZAEL REGI SYRIÆ, ET RECESSIT AB JERUSALEM. — Ab hoc exemplo colligi ait Cajetanus, quod pecunia et thesauri Ecclesiarum licite impenduntur pro redimenda vexatione populi, qualis erat hic obsidio Jerusalem; simul tamen cum toto thesauro regio. Iniquum enim esset inchoare lytrum ab expilatione Ecclesiarum: sed ubi publicus regiusque thesaurus non sufficit, Ecclesiarum opes subvenire et supplere debent. *Hæc Cajetanus. Audi S. Ambrosium, lib. II Offic. cap. xxviii*, tres casus recensentem, in quibus licet vasa sacra in laicos usus convertere: « *Sane si quis in sua derivat emolumenta, crimen est; sin vero pauper erogat, captivum redimit, misericordia est. Nemo enim potest dicere, cur pauper vivit? nemo potest queri, quia captivi redempti sunt; nemo potest accusare, quia templum Dei ædificatum est; nemo potest indignari, quia humandis fidelium reliquiis spatia laxata sunt; nemo potest dolere, quia in sepulturis Christianorum requies defunctorum est. In his tribus generibus vasa Ecclesiæ etiam iniuncta confringere, conflare, vendere licet.* » Quæ S. Ambrosii verba transcripta sunt in jus Canonicum, exstantque XII, *Quæst. II, cap. aurum*, § *nemo potest*.

CAPUT DECIMUM TERTIUM.

SYNOPSIS CAPITIS.

Reuant in Israel successive Joachaz, Joas et Jeroboam, vers. 14, moriens Eliseus victoriam triplicem contra Syros regi Joas promittit, ac vers. 21, jam mortuus mortuum contactu ossium suorum suscitat. Denique, vers. 24. moritur Hazaël, cui succedit Benadad filius, quem tertio pugnando vincit Joas juxta oraculum Elisei.

1. Anno vigesimo tertio Joas filii Ochoziæ regis Iuda regnavit Joachaz filius Jehu super Israel in Samaria decem et septem annis. **2.** Et fecit malum coram Domino, secutusque est peccata Jeroboam filii Nabath, qui peccare fecit Israel, et non declinavit ab eis. **3.** Iratusque est furor Domini contra Israel, et tradidit eos in manu Hazaël regis Syriæ, et in manu Benadad filii Hazaël cunctis diebus. **4.** Deprecatus est autem Joachaz faciem Domini, et audivit eum Dominus: vidit enim angustiam Israel, quia attriverat eos rex Syriæ: **5.** et dedit Dominus salvatorem Israeli, et liberatus est de manu regis Syriæ, habitaveruntque filii Israel in tabernaculis suis sicut heri et nudiustertius. **6.** Verumtamen non recesserunt a peccatis domus Jeroboam, qui peccare fecit Israel, sed in ipsis ambulaverunt: siquidem et Iucus permansit in Samaria. **7.** Et non sunt derelicti Joachaz de populo nisi quinquaginta equites, et decem currus, et decem millia peditum: interfecerat enim eos rex Syriæ, et redegerat quasi

pulverem in tritura areæ. 8. Reliqua autem sermonum Joachaz, et universa quæ fecit, et fortitudo ejus, nonne hæc scripta sunt in Libro sermonum dierum regum Israel? 9. Dormivitque Joachaz cum patribus suis, et sepelierunt eum in Samaria : regnavitque Joas filius ejus pro eo. 10. Anno trigesimo septimo Joas regis Juda, regnavit Joas filius Joachaz super Israel in Samaria sedecim annis, 11. et fecit quod malum est in conspectu Domini, non declinavit ab omnibus peccatis Jeroboam filii Nabath, qui peccare fecit Israel, sed in ipsis ambulavit. 12. Reliqua autem sermonum Joas, et universa quæ fecit, et fortitudo ejus, quomodo pugnaverit contra Amasiam regem Juda, nonne hæc scripta sunt in Libro sermonum dierum regum Israel? 13. Et dormivit Joas cum patribus suis : Jeroboam autem sedit super solium ejus. Porro Joas sepultus est in Samaria cum regibus Israel. 14. Eliseus autem ægrotabat infirmitate, qua et mortuus est : descenditque ad eum Joas rex Israel, et flebat coram eo, dicebatque : Pater mi, pater mi, currus Israel, et auriga ejus. 15. Et ait illi Eliseus : Affer arcum, et sagittas. Cumque attulisset ad eum arcum, et sagittas, 16. dixit ad regem Israel : Pone manum tuam super arcum. Et cum posuisset ille manum suam, superposuit Eliseus manus suas manibus regis, 17. Et ait : Aperi fenestram orientalem. Cumque aperuisset, dixit Eliseus : Jace sagittam. Et jecit. Et ait Eliseus : Sagitta salutis Domini, et sagitta salutis contra Syriam : percutesque Syriam in Aphec, donec consumas eam. 18. Et ait : Tolle sagittas. Qui cum tulisset, rursum dixit ei : Percute jaculo terram. Et cum percussisset tribus vicibus, et stetisset, 19. iratus est vir Dei contra eum, et ait : Si percussisses quinquies, aut sexies, sive septies, percussisses Syriam usque ad consumptionem : nunc autem tribus vicibus percutes eam. 20. Mortuus est ergo Eliseus, et sepelierunt eum. Latrunculi autem de Moab venerunt in terram in ipso anno. 21. Quidam autem sepelientes hominem, viderunt latrunculos, et proce- runt cadaver in sepulchro Elisei. Quod cum tetigisset ossa Elisei, revixit homo, et stetit super pedes suos. 22. Igitur Hazaël rex Syriæ afflixit Israel cunctis diebus Joachaz, 23. et misertus est Dominus eorum, et reversus est ad eos propter pactum suum, quod habebat cum Abraham, et Isaac, et Jacob : et noluit disperdere eos, neque projicere penitus, usque in præsens tempus. 24. Mortuus est autem Hazaël rex Syriæ, et regnavit Benadad filius ejus pro eo. 25. Porro Joas filius Joachaz tulit urbes de manu Benadad filii Hazaël, quas tulerat de manu Joachaz patris sui jure prælia, tribus vicibus percussit eum Joas, et reddidit civitates Israel.

Vers. 1.

1. ANNO VIGESIMO TERTIO JOAS FILII OCHOZIE REGIS JUDA, REGNAVIT JOACHAZ FILIUS JEHU SUPER ISRAEL. — Tempore Joas regis Juda, scilicet anno regni ejus decimo conditam esse Carthaginem Romæ semulam a Didone, quæ ex Tyro, regnante Pygmalione, navigavit in Africam, eamque condidit, tradit Josephus ex Tyriorum annalibus libro I *Contra Appionem*, quem sequuntur Torniellus, Gordonus, Salianus, Scaliger, licet alii alio tempore conditam velint. Sunt enim ea de re variæ variorum sententiarum. Juxta hanc sententiam Carthago condita est centum et triginta annis ante Romanum. Rursus anno decimo quarto Joas, Lycurgus leges dedit Spartanis, quæ Gentiles celebrant, sed Christianis legibus longe sunt inferiores; nam et mulieribus luxuriose vivere, et adulterari, atque pueris et adolescentibus furari permittunt, ut scilicet fiant callidi, utque quisque rem suam diligentius custodiat. Quare eas improbat, culpatur Aristoteles, lib. II *De Repub.* cap. ix. Eodem anno 14 Joas, cœperunt certamina Olympiæ,

pica, indeque nominatae et computatae Olympiades, institutæ vel potius instauratae ab Iphito rege Elidis, qui Lycurgo fuit coævus; uti ex Plutarcho in Lycurgo, Aristotele et Pausania docet Salianus. Nomina tamen victorum in Olympicis cœpta fuere describi post 27 Olympiades, nimurum Olympiade 28, in qua primus victor describitur Coræbus: quare communiter ab hac Olympiadenumerantur Olympiades, ac vigesima vocatur prima, quæ juxta computum Saliani incidit in annum Joatham regis Juda primum, qui fuit annus mundi 3278, ante Christum 775, licet alii aliter hos annos assignent; nusquam enim major sententiarum diversitas, quam in chronologia.

5. ET DEDIT DOMINUS SALVATOREM ISRAEL. — Quis hic salvator? Aliqui censem fuisse Angelum præsidem et tutelarem Israelis, qui pro eo contra Syros pugnarit et vicerit, uti pugnavit Angelus pro Ezechia contra Sennacherib, occidens 185 millia Assyriorum. Alii volunt fuisse hominem et ducem certum a Deo missum, sed in Scriptura innomi-

natum, ideoque nobis incognitum et incertum. Melius alii censem fuisse Eliseum. Ita Cajetanus. Aut certe Joas regem Israel ab Eliseo confortatum, qui tertio Syros superavit, ut sequitur. Quare toto tempore Joachaz afflictus fuit Israel a Syris, ut dicitur vers. 22. Post Joachaz vero succedens Joas Syros depresso, et Israeli libertatem restituit. Unde Joachaz orans Deum pro salute Israelis, eam impetravit pro tempore regni, non sui sed filii sui Joas. Ita Abulensis.

Vers. 7.

7. ET NON SUNT DERELICTI JOACHAZ DE POPULO NISI QUINQUAGINTA EQUITES. — Hic versus confirmat id quod jam dixi: quare connectendus est cum vers. 3, et ponendus ante versum 4, ubi per hyperbaton interjicitur deprecatio Joachaz, ejusque exauditio, ac promissio liberationis facienda per Joas. Ita Sanchez.

ET REDEGERAT QUASI PULVEREM IN TRITURA AREÆ, — id est Hazael comminuit et contrivit Israelitas, sicut comminui et conteri solet gluma et pulvis in area. Ita Abulensis.

Vers. 8.

8. ET FORTITUDO EJUS, — Joachaz licet victus ab Hazaele, utpote potentiore, fortiter tamen in præliis se gessit, et defendit se quoad potuit.

Vers. 14.

14. ELISEUS AUTEM AGROTABAT INFIRMITATE QUA ET MORTUUS EST: DESCENDITQUE AD EUM REX ISRAEL (Joas), ET FLEBAT CORAM EO, DICEBATQUE: PATER MI, CURRUS ISRAEL ET AURIGA EJUS: — q. d. Tu, o Elisee, meus et Israelis es pater, utpote qui me meumque regnum magis defendebas, quam magna equitum et curruum multitudo; tu ergo vivens quasi auriga, aurigabas et regebas regnum Israel; nunc te moriente, quis me meosque contra Hazael et Syros defendet? Idem suclamabat Elianus Eliæ dum in cœlum raperetur, cap. II, vers. 12; vide ibi dicta.

Vers. 16.

16. DIXIT AD REGEM ISRAEL: PONE MANUM TUAM SUPER ARCUM. ET CUM POSUisset ille manum suam, SUPERPOSUIT (perperam Regia legunt supposuit) ELISEUS MANUS SUAS MANIBUS REGIS, — ut significaret suum illi auxilium affuturum, etiamsi absentis, imo vita functi; Deum enim propter merita sua ei daturum victoriam; ac se in limbo pro ea Deum oraturum certoque impetraturum. Post mortem ergo viva erat vis et virtus Elisei, ac mira quæ solebat dum viveret, etiam mortuus operabatur. Ita Abulensis, Cajetanus et alii. Unde discant hæretici Sanctos, præsertim post Christum in cœlo regnantes per Deum esse potentes, ut nobis eos invocantibus opitulari possint et velint.

Discant hic principes et cæteri hominum, quantum sanctorum virorum oratio et merita prosint, ac nisi ipsi manus suas manibus et operibus nostris apponant, frustra nos laborare.

Tropologice, Doctor ori prædicationis admoveat manum operationis bonæ, ut quod docet verbo, doceat primus exemplo. Sic efficax erit prædicatione, et auditoribus persuadebit quod prædicat. Ita Angelomus et Eucherius.

Vers. 17.

17. APERI FENESTRAM ORIENTALEM (ut jacias sa-

gittam victricem contra Syros, qui Israeli sunt ad Orientem). CUMQUE APERUSET, DIXIT ELISEUS: JACE SAGITTAM; ET JECIT, ET AIT ELISEUS: SAGITTA SALUTIS DOMINI, ET SAGITTA SALUTIS CONTRA SYRIAM, — q. d. Oro Deum ut tuas tuorumque militum sagittas (quas hac mea sagitta ejusque jactu represento) et arma, pugna et prælia secundet, dirigat et roboret, ut Syros feriant, mactent et subjiciant; nec tantum id oro, sed idipsum ut propheta ex ore Dei tibi prænuntio, et de Syris victoriam promitto, unde subdit :

PERCUTIESQUE SYRIAM IN APHEC. — Alludit ad veterum ritum, qui bellum hostibus denuntiabant, et prælium inchoabant jacta in terram hostilem sagitta vel telo, uti fecerunt Romani, teste Servio in illud Turni apud Virgilium, IX Æneidos :

En, ait, et jaculum intorquens emittit in auras
Principium pugnæ.

Idem fecere Græci; unde mox ut Persidem attigit « primus Alexander (Magnus), jaculum velut in terram hostilem jecit, » ait Justinus, lib. II. Vide Gellium, lib. XVI, cap. XIV, et Alexandrum ab Alexandria, lib. IV Genial. cap. III.

Tropologice Angelomus : « Cum exemplis suis, inquit, Dominus actiones Doctorum dirigit et confortat, orientalem fenestram aperi mandat, et jacere sagittam, quia lumine scientiae et veræ doctrinæ, suos hortatur primum illustrari, et sicut jacula verborum mittere. » Et paulo post : « Sagitta salutis Domini, et sagitta salutis contra Syriam; percutesque Syriam in Aphec, donec consumas eam. Sagitta ergo salutis Domini, est prædicatio sancta, cum decenter exhibetur et spiritualium hostium certissima interfactio, si perseveranter agitur. Nec fas est ut aliquando dispensator verbis Dei segniter torpeat, cui jussum est ut gregis Domini curam habeat; quia multum obest devotis auditoribus, si inertia prævalet Doctoribus. Dicit enim Propheta : Clama, ne cesses. » Sic et Eucherius.

IN APHEC. — Aphec urbs erat in tribu Issachar hostium clade celebris; nam regem Aphec Josue occidit : « In hac Philistæi posuerunt castra, pugnaturi contra Israel, postea contra Saul, ibidem etiam Syri pugnaverunt contra Achab regem Israel, quando dixerunt : Dii montium sunt dii eorum, pugnemus contra eos in vallibus et campestribus, et obtinebimus eos; ubi et Benadad rex Syriea victus est, » ait Adrichomius.

DONEC CONSUMAS EAM, — subaudi nisi tu impediias, ut factum est. Nam Joas, ter tantum percussiens terram, ter tantum percussit Syros, qui utique sæpius et ad consumptionem eos delivisset, si sæpius terram percussisset, ut patet versu 19.

19. SI PERCUSSISETE QUINQUIES, AUT SEXIES, AUT SEPTIES, PERCUSSISETE SYRIAM USQUE AD CONSUMPTIONEM. — Illa erat voluntas et decretum Dei qui ita libere disposuerat et decreverat, ut Joas toties

percuteret Syriam, quoties percussisset terram; quod decretum Dei sciebat Eliseus, sed jussu Dei noluit indicare regi Joas, ut illius permitteretur arbitrio toties percutere quoties vellet, terram. Si enim Joas scivisset decretum Dei, utique saepius terram sagitta percussisset.

Simili modo victoriam Josue contra Amalec Deus allegavit extensioni manuum et orationi Moysis, *Exodi xvii, 11*; et ejusdem Josue victoriam contra Chananæos allegavit elevationi clypei Josue, cap. viii, 18. Porro quod Joas ter tantum percusserit terram, ideoque ter tantum Syros percusserit, ejus peccatis et culturæ vitulorum attribuit Abulensis. Mirum enim fuit et indignum regem, toties monitum ab Eliseo, ejusque miracula cernentem, imo Victorias contra Syros Dei ope nanciscentem, non reliquisse cultum vitulorum, ac ad veri Dei sibi tam benefici venerationem se totum transtulisse. Verisimile est eum coluisse Deum verum, quem per Eliseum agnoverat, et simul Deos patrios, scilicet vitulos aureos Jeroboam. Utrosque enim coluit pater ejus Joachas, ut patet vers. 4 et 6. Hinc in eum eique similes reges Israel detonans Deus per Osee cap. x, 2, ait: « Divisum est cor eorum, nunc interibunt. »

Vers. 20. 20. MORTUUS EST ERGO ELISEUS, ET SEPELIERUNT EUM. — Morienti affuisse Joas regem, ac filios prophetarum discipulos suos jam per totum Israelem propagatos, ultimaque ab eo sanctitatis et religiosæ vitae monita accepisse non est dubium. Affuisse quoque Amos prophetam, Amasie regis fratrem et Isaiæ patrem, asserunt Hebraei in *Seder Olam*. Prophetavit Eliseus circiter 66 annos sub sex regibus Israel, scilicet sub Achab, Ochozia, Joram, Jehu, Joachaz et Joas. Vixit centum annis et amplius, in religiosa disciplina octoginta, mortuusque est anno mundi 2304, ait Salianus, Ama-

siae regis Juda anno octavo, Joas regis Israel anno decimo, ante Christum anno 849. Ascriptus est catalogo Sanctorum in Martyrologio Romano die 14 junii, ubi sic legimus: « Samariae in Palæstina S. Elisei prophetæ, cuius sepulcrum dæmones perhorrescere scribit S. Hieronymus. » Audi S. Hieronymum scribentem in principium Abdæ prophetæ: « Abdæ sepulcrum cum Mausoleo Elisei, et Joannis Baptistæ in Sebaste venerationi habetur, quæ olim Samaria. » Idem in epitaphio Paulæ addit; illic variis dæmones rugire cruciatibus, et ante sepultra sanctorum ululare homines more luporum, fremere more leonum, sibilare instar serpentum, mugire boatu taurorum. Refert Cedrenus in Leone magno Imperatore Elisei reliquias Alexandriam translatas fuisse.

Hinc Julianus apostata, ossa Elisei et Baptistæ cum brutorum ossibus commiscens, exurere voluit, ut habeat S. Artemii vita apud Lipomanum.

Elogia Elisei vide *Ecclesi. XLVIII, 13*: « In Eliseo, ait, completus est spiritus ejus (Eliæ), in diebus suis non pertinuit principem, et in potentia nemo vicit illum; » vide ibi dicta. Denique Eliseo in prophetia mox successit Osee, qui sub Ozia filio Amasie regis Juda prophetavit, Isaias, Amos, Jonas, cæterique prophetæ majores et minores.

21. QUOD CUM TETIGISSET OSSA ELISEI, REVIXIT Vers. 21
HOMO: — Mira Elisei virtus et sanctitas quod mortuus mortuum ad vitam suscitarit. Fuit ipse hac in re typus Christi, cuius in cruce mortui gratia et meritorum contactu omnes resurgemus. Ita Angelomus, Eucherius et alii. Hinc Eliseo Ecclesiasticus hoc dat elogium, cap. XLVIII, 14: « Et mortuum prophetavit corpus ejus. Prophetavit, » id est miraculum fecit suscitando mortuum. Miracula enim erant opera Prophetarum, id est, virorum et Doctorum sanctorum Israelis.

CAPUT DECIMUM QUARTUM.

SYNOPSIS CAPITIS.

Gesta Amasie filii Joas regis Juda, ac bellum ejus cum Joas rege Israel in quo Amasias vinctus captusque est, ac Jerusalem spoliata: qui tandem a suis occisus filium reliquit successorem Azariam, sicut Joas regi Israel successit filius Jeroboam, et huic filius Zacharias.

1. In anno secundo Joas filii Joachaz regis Israel, regnavit Amasias filius Joas regis Juda.
2. Viginti quinque annorum erat, cum regnare cœpisset: viginti autem et novem annis regnavit in Jerusalem, nomen matris ejus Joadan de Jerusalem. 3. Et fecit rectum coram Domino, verumtamen non ut David pater ejus. Juxta omnia, quæ fecit Joas pater suus, fecit: 4. nisi hoc tantum, quod excelsa non abstulit; adhuc enim populus immolabat, et adolebat incensum in excelsis. 5. Cumque obtinuisset regnum, percussit servos suos, qui interfecerant regem patrem suum. 6. Filios autem eorum qui occiderant, non occidit, juxta quod scriptum

est in libro legis Moysi, sicut præcepit Dominus, dicentes: Non morientur patres pro filiis, neque filii morientur pro patribus; sed unusquisque in peccato suo morietur. 7. Ipse percussit Edom in valle Salinarum decem millia, et apprehendit petram in prælio, vocavitque nomen ejus Jectehel usque in præsentem diem. 8. Tunc misit Amasias nuntios ad Joas filium Joachaz, filii Jehu regis Israel, dicens: Veni, et videamus nos. 9. Remisitque Joas rex Israel ad Amasiam regem Juda, dicens: Carduus Libani misit ad cedrum quæ est in Libano, dicens: Da filiam tuam filio meo uxorem. Transieruntque bestiæ saltus quæ sunt in Libano, et conculcaverunt carduum. 10. Percutiens invaluisti super Edom, et sublevavit te cor tuum; contentus esto gloria, et sede in domo tua; quare provocas malum, ut cadas tu et Judas tecum? 11. Et non acquievit Amasias: ascenditque Joas rex Israel, et viderunt se, ipse et Amasias rex Juda, in Bethsames oppido Judæ. 12. Percussusque est Juda coram Israel, et fugerunt unusquisque in tabernacula sua: 13. Amasiam vero regem Juda, filium Joas filii Ochoziæ, cepit Joas rex Israel in Bethsames, et adduxit eum in Jerusalem; et interruptum Jerusalem, a porta Ephraim usque ad portam anguli, quadringentis cubitis. 14. Tulitque omne aurum et argentum, et universa vasa quæ inventa sunt in domo Domini, et in thesauris regis, et obsides, et reversus est in Samariam. 15. Reliqua autem verborum Joas quæ fecit, et fortitudo ejus qua pugnavit contra Amasiam regem Juda, nonne hæc scripta sunt in Libro sermonum dierum regum Israel? 16. Dormivitque Joas cum patribus suis, et sepultus est in Samaria cum regibus Israel: et regnavit Jeroboam filius ejus pro eo. 17. Vixit autem Amasias, filius Joas, rex Juda, postquam mortuus est Joas filius Joachaz regis Israel, quindecim annis. 18. Reliqua autem sermonum Amasiæ, nonne hæc scripta sunt in Libro sermonum dierum regum Juda? 19. Factaque est contra eum conjuratio in Jerusalem: at ille fugit in Lachis. Miseruntque post eum in Lachis, et interfecerunt eum ibi. 20. Et asportaverunt in equis, sepultusque est in Jerusalem cum patribus suis in Civitate David. 21. Tulit autem universus populus Judæ Azariam annos natum sedecim, et constituerunt eum regem pro patre ejus Amasia. 22. Ipse ædificavit Ælath, et restituit eam Judæ, postquam dormivit rex cum patribus suis. 23. Anno quinto decimo Amasiæ filii Joas regis Juda, regnavit Jeroboam filius Joas regis Israel in Samaria, quadraginta et uno anno: 24. et fecit quod malum est coram Domino. Non recessit ab omnibus peccatis Jeroboam filii Nabath, qui peccare fecit Israel. 25. Ipse restituit terminos Israel ab introitu Emath, usque ad mare Solitudinis, juxta sermonem Domini Dei Israel, quem locutus est per servum suum Jonam filium Amathi prophetam qui erat in Geth, quæ est in Opher. 26. Vedit enim Dominus afflictionem Israel amaram nimis, et quod consumpti essent usque ad clausos carcere, et extremos, et non esset qui auxiliaretur Israeli. 27. Nec locutus est Dominus ut deleret nomen Israel de sub cœlo, sed salvavit eos in manu Jeroboam filii Joas. 28. Reliqua autem sermonum Jeroboam, et universa quæ fecit, et fortitudo ejus qua præliatus est, et quomodo restituit Damascum et Emath, Judæ in Israel, nonne hæc scripta sunt in Libro sermonum dierum regum Israel? 29. Dormivitque Jeroboam cum patribus suis regibus Israel, et regnavit Zacharias filius ejus pro eo.

Vers. 1.

1. IN ANNO SECUNDO JOAS FILII JOACHAZ REGIS ISRAEL REGNAVIT AMASIAS. — Dices: Hoc videtur repugnare capiti præcedenti, versu 10, ubi dicitur Joas rex Israel regnare cœpisse anno 37 Joas regis Juda qui 40 annis regnavit, cui mortuo demum successit filius Amasias; ergo Amasias non secundo, sed quarto anno Joas regis Israel regnare cœpit. Respondeo, Joas rex Israel regnare cœpit anno 37 Joas regis Juda, sed cum patre suo Joachaz; ac post biennium mortuo patre solus regnare cœpit anno 39 Joas regis Juda, ab eoque

anno hic anni ejus numerantur. Quare moriente Joas rege Juda anno sequente, puta 40 regni sui, qui erat annus secundus Joas regis Israel, quo solus post patrem Joachaz regnavit, Amasias patri Joas in Juda succedens ibidem regnare cœpit solus anno secundo Joas regis Israel.

2. NOMEN MATRIS EJUS JOADAN. — Multas rationes hic congerit Abulensis cur in lib. *Regum* regibus Juda semper addantur nomina matrum, nunquam autem regibus Israel; potissima est, quod regnum Juda potius erat, et celebrius templo vero

Vers. 2.

que Dei cultu, et Messia ex eo nascituro. Adde regnum Israel fuisse schismaticum et idololatricum, Juda vero legitimum et divinum.

Vers. 3. 3. ET FECIT RECTUM CORAM DOMINO, — quia scilicet Amasias initio regni solum Deum verum coluit.

VERUMTAMEN NON UT DAVID PATER EJUS, — qui non tantum idola non coluit, sed nec ea subditos colere permisit; quod tamen fecit Amasias, permittens populum immolare in excelsis, quod libro II Paral. cap. xxv, vers. 2, dicitur: « Fecitque bonum in conspectu Domini, verumtamen non in corde perfecto. »

JUSTA OMNIA QUÆ FECIT JOAS PATER SUUS FECIT, — quia sicut Joas vivente Joiada Pontifice solum Deum coluit, eo vero mortuo deflexit ad idola; sic fecit et Amasias ejus filius, qui sub finem declinavit ad Deos Idumæorum, ut patet II Paralip. xxv, 14.

Vers. 4. 4. NISI TANTUM QUOD EXCELSA NON ABSTULIT, — hæc verba non ad proxime præcedentia: « Juxta omnia quæ fecit Joas pater ejus, » quia Joas quoque excelsa non abstulit; sed ad superiora: « Et fecit rectum coram Domino, » referenda sunt, q. d. Amasias recte Deum coluit, sed non recte permisit populum in excelsis immolare. Quare illa verba (« juxta omnia quæ fecit Joas pater suus fecit ») parenthesin continent, ut advertit Sanchez et quasi parenthesi inclusa a sequentibus sejungenda sunt.

Vers. 7. 7. IPSE PERCUSSIT EDOM IN VALLE SALINARUM. — Idumæi enim rebellabant Judæis ante sexaginta annos, scilicet a sexto anno Joram regis Juda, usque ad duodecimum Amasiæ (aiunt Hebræi in Seder Olam), qui eos rursum debellavit et Judæ servire coegit. Vide II Paral. XXI, 8 et cap. XXV, 11. Porro post hanc victoriam Amasias lapsus est in idololatriam, coluitque Deos Idumæorum, ideoque cæsus captusque est a Joas rege Israel, ut dicitur II Paral. XXV, 20.

Er APPREHENDIT PETRAM IN PRÆLIO, — id est cepit rupem hostium celsam et munitam, ex qua præcipitavit alia decem millia Idumæorum, ut dicitur II Paral. XXV, 12. Ita Cajetanus. Sic Gabatæ cæsi fugerunt ad petram Remmon, Judic. cap. XX, vers. 4.

Alii per « petram » accipiunt « Petram, » Arabiæ urbem, quæ postea a Ptolomeo Philadelpho restaurata dicta est « Philadelphia. »

VOCAVITQUE NOMEN EJUS JECTEHEL, — id est « obedientia » vel « expectatio Dei, » ut Noster vertit, Genes. XLIX, 10, ut nossent omnes quod Amasias ex Dei mandato æque ac auxilio vicerat et punierat rebelles Idumæos. Ita Cajetanus. Aliter Vatablus. Vocavit eam Jectehel, inquit, quia sic vocabatur is qui eam expugnavit. Pagninus Jectehel vertit, congregatio Dei.

Vers. 8. 8. TUNC (cum gestiens et exultans, imo se exaltans de victoria Idumæorum putaret se pari modo dominatum Israelitas) MISIT AMASIAS NUNTIOS

AD JOAS (regem Israel) DICENS: VENI ET VIDEAMUS NOS, — in prælio, id est duellemus et præliemur ut videamus uter sit fortior: ita Chaldæus, Veni, inquit, excipiamus ad invicem facies in bello, id est veni et statuto die configamus. Vatablus, age, spectemus nos mutuo coram.

Hebræi, teste Vatablo, censem causam belli fuisse, quod, ut narratur II Paralip. XXV, Amasias conductos a se milites ex Israel contra Idumæos jussu prophetæ dimiserit; illi dimissi, indignantes spoliarunt regnum Judæ; spolia ergo hæc a Joas et Israelitis bello repetere voluisse Amasiæ. Verum nil tale indicat Scriptura; quin potius Joas Amasiæ objicit, quod victoria de Idumæis elatus, ex fastu se provocet ad prælium. Audi Josephum, lib. IX, cap. x: « Amasias felicitatem suam, cuius tamen auctorem Deum non agnoscebat, non capiens, sed fastu inflatus, scripsit Joas regi Israëlitarum, ut ipsius imperata faceret cum populo suo, sicut antehac idem populus majoribus ejus Davidi et Salomoni paruit; quod si nolit ultro facere officium, bello esse decernendum de Imperii juribus. » Sic et Abulensis, Histor. Scholast., Sallianus et alii. Sperabat Amasias se victorem fore, eo quod propheta sibi dixisset, II Paral. XXV, Deum non esse cum Israele: sed idem cogitare debebat de se, utsiote jam apostata et colente Deos Idumæorum, præsertim quia Deus voluerat regnum Israel dividiri a regno Juda, ut audivimus lib. III, cap. XII et seq. Quare Amasias, volens rursum illud sibi unire et subjicere, faciebat contra voluntatem Dei, ideoque in bello succubuit.

9. CARDUUS LIBANI MISIT AD CEDRUM QUÆ EST IN LIBANO, DICENS: DA FILIAM TUAM FILIO MEO UXOREM. TRANSIERUNTQUE BESTIÆ SALTUS QUÆ SUNT IN LIBANO, ET CONCULCAVERUNT CARDUUM. — Hoc apolojo Joas retundit fastum Amasiæ provocantis se ad bellum. Contemptum enim Amasiæ vocat « carduum » humilem, vilem et aculeatum. « Libani » tamen, quia ipse ex Judæa et semine regio erat oriundus; se vero vocat « cedrum » excelsam, nobilem et pretiosam, quam humilis « carduus, » id est Amasias, vix queat aspicere, multo minus ei se viribus æquare, ut dicere audeat: « Da filiam tuam filio meo uxorem, » q. d. Regnum tuum Israel junge et subde regno meo Juda, ut olim sub Davide ei junctum et quasi conjugio copulatum fuit.

TRANSIERUNTQUE BESTIÆ SALTUS QUÆ SUNT IN LIBANO (Ita vocat milites suos Israelitas; per « Libanum » enim intelligit totam Palæstinam, scilicet tam Israel quam Judam, fortes et ferores quasi leones,) ET CONCULCAVERUNT CARDUUM, — scilicet conculebunt te, o Amasia, capient et spoliabunt. Ita factum est, ut hic minatus et ominatus est Joas; quia Deus per eum volebat castigare superbiæ, æque ac idololatriam Amasiæ, ut dicitur II Paral. XXV, 12.

Unde apolojo huic hoc epimythium addit Josephus, lib. IX, cap. x: « Hoc exemplum, ait, te

moneat ne majora quam par est appetas; neve propter recentem ex Amalecitis (potius Idumæis) victoriam elatus, et te et regnum tuum incertæ committas aleæ.»

Similis apolodus est *Judic.* ix, 10, ubi Joatham filius Gedeonis Abimelech tyrannum comparat rhamno, bonos vero principes sicui, viti et oleæ. Vide ibi dicta.

Vers. 13. 13. AMASIAM VERO REGEM JUDA, etc., CEPIT JOAS REX ISRAEL. — Ecce hic impletur apolodus Joas: sic enim merentur puniri, qui alias bello lacesunt. Sic videmus non raro eos, qui alias provocant ad duellum, in eo succumbere et occidi, Deo eorum audaciam et superbiam castigante.

Vers. 17. 17. VIXIT AUTEM AMASIAS, etc., POSTQUAM MORTUUS EST JOAS VIGINTI QUINQUE ANNIS. — Corrigendum Romanis, Chaldæo et Septuaginta 15 annis, uti habetur II *Paral.* xxv, 25.

Vers. 19. 19. ET INTERFECERUNT EUM. — Justum hoc fuit Dei iudicium, ut sicut Joas pater deflectens ad idola occisus fuit a suis, sic et Amasias filius ejus ad eadem declinans a suis conjuratis necaretur, ut patet II *Paral.* cap. xxv, vers. 27. Probabiliter tamen Salianus et alii opinantur eum ante mortem pœnituisse, et pie in unius veri Dei cultu obiisse.

Vers. 25. 25. IPSE RESTITUIT TERMINOS ISRAEL AB INTROITU EMATH USQUE AD MARE SOLITUDINIS, JUXTA SERMONEM DOMINI DEI ISRAEL, QUEM LOCUTUS EST PER SERVUM SUUM JONAM FILIUM AMATHI. — Hinc patet Jonam prædictissime Jeroboam regi, quod ipse restituturus esset Israeli urbes illas, quas Syri ei ademerant ab Emath usque ad mare Mortuum, etsi hoc oraculum in prophetia Jonæ non exstet. Est autem «Emath» in tribu Nephtalim, configua Syris, non longe a Damasco, quæ Syriæ erat caput. «Emath» erat ingressus et quasi porta in terram sanctam. Eadem postea ab Antiocho Epiphane in ea regnante dicta est «Epiphania», vide dicta *Amos* vi, 2. Audi nunc Josephum, lib. IX, cap. xi: «Jeroboamo propheta Jonas prædictix, quod devictis Syris ditionem suam esset amplificaturus, prolatis ejus terminis ad Septentrionem usque ad Amatham urbem: ad Meridiem vero

usque ad Asphaltitem lacum; his enim olim terminis Chananaæ terra finiebatur, juxta Josue imperatoris definitionem. Quo oraculo excitatus Jeroboam totos eos tractus ademptos Syris ad suum regnum addidit, nihil fallente Jonæ vaticinio.»

Hinc patet Jonam prophetam prophetasse sub Jeroboam rege Israel, et Azaria, sive Ozia rege Juda, ac proinde coævum fuisse Isaïæ (quem Hebræi Amasiæ regis fratrem, vel fratris filium fuisse tradunt, teste S. Hieronymo) Osee, Joel, Amos et Nahum. Quare non recte Abulensis censem Jonam hunc esse diversum a Jona qui est quartus inter minores Prophetas.

Vers. 28. 28. QUOMODO RESTITUIT DAMASCUM ET EMATH JUDÆ IN ISRAEL. — Quomodo erant hæ civitates Judæ in Israel? aliud enim erat regnum Judæ, aliud Israel. Omissis Abulensis et aliorum sententiis, dico breviter Davidem has urbes cepisse et attribuisse suæ tribui Judæ; quia ipse ex ea erat oriundus, indeque hæ urbes, licet extra sortem Judæ sitæ, vocabantur tamen Judæ. Diviso autem regno Israel a regno Judæ, urbes hæ utpote vicinæ cesserunt Israeli; sensus ergo est, q. d. Jeroboam fecit ut Damascus et Emath a Davide subjugatae, et tribui Judæ attributæ, sed deinde a Syris occupatae restituerentur Israeli, cujus ipse erat rex, ac aliis civitatibus Judæ, quæ erant in ditione Israeli, rursum annumerarentur, ut a Davide annumeratae fuerant, q. d. Jeroboam fecit ut Damascus et Emath olim subactæ et tributariæ Davidi, jam sibi et Israeli forent tributariæ. Ita Salianus et Sanchez.

29. DORMIVITQUE (naturali morte defunctus est) JEROBOAM CUM PATRIBUS SUIS. — Dices: Amos cap. vii, vers. 11, dicitur: «In gladio morietur Jeroboam.» Respondeo hæc verba non esse Amos, sed Amasiæ pseudoprophetæ qui, ut Amos prophetam traduceret apud Jeroboam, mentitur et fingit Amos id dixisse. Non enim dixerat Amos: «In gladio morietur Jeroboam,» sed, «consurgam super domum Jeroboam in gladio,» scilicet occidendo non ipsum Jeroboam, sed filium ejus Zachariam.

CAPUT DECIMUM QUINTUM.

SYNOPSIS CAPITIS:

Regnat Azarias in Juda, succedit ei filius Joathan. In Israel regnant successive Jeroboam, Zacharias, Sellem, Manahem, Phaceia, Phacee, et ultimus Osee. Nam Phul et Theglathphalasar reges Assyriorum invadunt Israelem, et partem ejus transferunt in Assyriam.

1. Anno vigesimo septimo Jeroboam regis Israel, regnavit Azarias filius Amasiæ regis Juda. 2. Sedecim annorum erat cum regnare cœpisset, et quinquaginta duobus annis regnavit in Jerusalem: nomen matris ejus Jechelia de Jerusalem. 3. Fecitque quod erat placitum

coram Domino, juxta omnia quæ fecit Amasias pater ejus. 4. Verumtamen excelsa non est demolitus : adhuc populus sacrificabat, et adolebat incensum in excelsis. 5. Percussit autem Dominus regem, et fuit leprosus usque in diem mortis suæ, et habitabat in domo libera seorsum : Joatham vero filius regis gubernabat palatum, et judicabat populum terræ. 6. Reliqua autem sermonum Asariæ, et universa quæ fecit, nonne hæc scripta sunt in Libro verborum dierum regum Juda? 7. Et dormivit Azarias cum patribus suis ; sepelieruntque eum cum majoribus suis in civitate David, et regnavit Jonathan filius ejus pro eo. 8. Anno trigesimo octavo Azariæ regis Juda, regnavit Zacharias filius Jeroboam super Israel in Samaria sex mensibus ; 9. et fecit quod malum est coram Domino, sicut fecerant patres ejus : non recessit a peccatis Jeroboam filii Nabath, qui peccare fecit Israel. 10. Conjuravit autem contra eum Sellum filius Jabel : percussitque eum palam, et interfecit, regnavitque pro eo. 11. Reliqua autem verborum Zachariæ, nonne hæc scripta sunt in Libro sermonum dierum regum Israel? 12. Iste est sermo Domini, quem locutus est ad Jehu, dicens : Filii tui usque ad quartam generationem sedebant super thronum Israel. factumque est ita. 13. Sellum filius Jabel regnavit trigesimo nono anno Azariæ regis Juda : regnavit autem uno mense in Samaria. 14. Et ascendit Manahem filius Gadi de Thersa : venitque in Samariam, et percussit Sellum filium Jabel in Samaria, et interfecit eum regnavitque pro eo. 15. Reliqua autem verborum Sellum, et conjuratio ejus per quam tetendit insidias, nonne hæc scripta sunt in Libro sermonum dierum regum Israel? 16. Tunc percussit Manahem Thapsam et omnes qui erant in ea, et terminos ejus de Thersa : noluerant enim aperire ei : et interfecit omnes prægnantes ejus, et scidit eas. 17. Anno trigesimo nono Azariæ regis Juda, regnavit Manahem filius Gadi super Israel decem annis in Samaria. 18. Fecitque quod erat malum coram Domino : non recessit a peccatis Jeroboam filii Nabath, qui peccare fecit Israëli cunctis diebus ejus. 19. Veniebat Phul rex Assyriorum in terram, et dabat Manahem Phul mille talenta argenti, ut esset ei in auxilium, et firmaret regnum ejus. 20. Indixitque Manahem argentum super Israel cunctis potentibus et divitibus, ut daret regi Assyriorum quinquaginta siclos argenti per singulos : reversusque est rex Assyriorum, et non est moratus in terra. 21. Reliqua autem sermonum Manahem, et universa quæ fecit, nonne hæc scripta sunt in Libro sermonum dierum regum Israel? 22. Et dormivit Manahem, cum patribus suis, regnavitque Phaceia filius ejus pro eo. 23. Anno quinquagesimo Azariæ regis Juda, regnavit Phaceia filius Manahem super Israel in Samaria biennio ; 24. et fecit quod erat malum coram Domino : non recessit a peccatis Jeroboam filii Nabath, qui peccare fecit Israel. 25. Conjuravit autem adversus eum Phacee filius Romeliæ, dux ejus, et percussit eum in Samaria in turre domus regiae, juxta Argob, et juxta Arie, et cum eo quinquaginta viros de filiis Galaaditarum, et interfecit eum, regnavitque pro eo. 25. Reliqua autem sermonum Phaceia, et universa quæ fecit, nonne hæc scripta sunt in Libro sermonum dierum regum Israel? 27. Anno quinquagesimo secundo Azariæ regis Juda, regnavit Phacee filius Romeliæ super Israel in Samaria viginti annis. 28. Et fecit quod erat malum coram Domino : non recessit a peccatis Jeroboam filii Nabath, qui peccare fecit Israel. 29. In diebus Phacee regis Israel venit Theglathphalasar rex Assur, et cepit Aion, et Abel Domum, Maacha et Janoe, et Cedes, et Asor, et Galaad, et Galilæam, et universam terram Nephtali : et transtulit eos in Assyrios. 30. Conjuravit autem, et tetendit insidias Osee filius Ela contra Phacee filium Romeliæ, et percussit eum, et interfecit : regnavitque pro eo vigesimo anno Joatham filii Oziæ. 31. Reliqua autem sermonum Phacee, et universa quæ fecit, nonne hæc scripta sunt in Libro sermonum dierum regum Israel? 32. Anno secundo Phacee, filii Romeliæ regis Israel, regnavit Joatham filius Oziæ regis Juda. 33. Viginti quinque annorum erat, cum regnare coepisset, et sedecim annis regnavit in Jerusalem : nomen matris ejus Jerusa, filia Sadoc. 34. Fecitque quod erat placitum coram Domino : juxta

omnia quæ fecerat Ozias pater suus, operatus est. 35. Verumtamen excelsa non abstulit; adhuc populus immolabat, et adolebat incensum in excelsis: ipse ædificavit portam domus Domini sublimissimam. 36. Reliqua autem sermonum Joatham, et universa quæ fecit, nonne hæc scripta sunt in Libro verborum dierum regum Juda? 37. In diebus illis cœpit Dominus mittere in Judam, Rasin regem Syriæ et Phacee filium Romeliæ. 38. Et dormivit Joatham cum patribus suis, sepultusque est cum eis in Civitate David patris sui, et regnavit Achaz filius ejus pro eo.

Vers. 1. 1. ANNO VIGESIMO SEPTIMO JEROBOAM REGIS ISRAEL,
REGNAVIT (regnare cœpit) AZARIAS AMASIE FILIUS
REGIS JUDA. — Azarias hic alio nomine dictus est Ozias. Azarias enim hebraice idem est quod *auxilium Dei*; Ozias, idem quod *fortitudo Dei*; ubi autem est auxilium Dei, ibi est fortitudo. Deus enim est fortissimus et potentissimus. Unde II Paralip. cap. xxvi, vers. 7, de eo dicitur: « Et adjuravit eum Deus contra Philistium, et contra Arabes, et contra Ammonitas, » etc. Ex hoc loco Franciscus Ribera in *Amos*, cap. 1, vers. 1, censem interregnum fuisse tredecim annorum inter Amasiam et Azariam, eo quod Azarias trimulus esset moriente patre Amazia. Id probat, quod anno decimo quinto Amasiæ, uti dictum est cap. præc. vers. 23, cœpit regnare Jeroboam, cujus anno vigesimo septimo, uti hic dicitur, cœpit regnare Azarias. Amazias autem regnavit annis viginti novem. Ergo 29 ejus annus fuit decimus quartus Jeroboami. Ergo vacavit regnum Juda ab anno 14 Jeroboami usque ad 27 ejusdem, puta per spatiū tredecim annorum. Verum respondeo annum hunc 27 Jeroboam esse annum 27 ab eo tempore quo Jeroboam simul cum patre Joas regnare cœpit; nam regni, quo ipse post patrem solus regnavit, erat hic annus decimus quartus duntaxat, quo Amazias moriens anno regni sui vigesimo nono, successorem reliquit Azariam filium. Id ita esse liquet ex II Paral. cap. xxv, vers. 25, ubi Amasias, post mortem Joas, dicitur vixisse quindecim annis. Mortuus est ergo anno 14 finiente, et 15 inchoante Jeroboami, qui Joas patri immediate successit. Ita Salianus, Cajetanus et alii. Fugienda enim hic sunt interregna, ne chronologiæ series continua turbetur, et incerta dubiaque reddatur. Unde Eusebius, Josephus et alii passim regno et annis Amasiæ immediate subjiciunt, et connectunt regnum et annos Azariæ.

Vers. 2. 2. ET QUINQUAGINTA DUOBUS ANNIS REGNAVIT. — Tempore Azariæ vixit Sardanapalus, quem Gentiles Historici ultimum collocant regem Assyriorum, aiuntque eum utpote effeminatum ab Arbace Mediæ præfecto obsessum in Ninive, ibi se ipsum cum gaza regia conceremasse. Quare Arbaecum se fecisse regem Mediæ sub annum Azariæ decimum, regnante apud Latinos Proca Sylvio, apud Corinthios Agemone, apud Spartanos legislatore Lycurgo. Ita Eusebius, Diodorus, Justinus, Ptolemæus, Strabo, et ex eis Torniellus, Salianus, Gordonus, Samerius et alii.

Verum paulo post restituta est Ninive, ejusque regnum; nam, ut mox audiemus, paulo post sub eodem Azaria regnavit Phul rex Assyriorum, cui successit Theglathphasar, huic Salmanasar, huic Sennacherib, huic Asarrhaddon, sub quo ob cæsos paulo ante Assyrios, Ezechiam et Jerusalem obsidentes, ab Angelo, Ben Merodach Babylonius caput erexit, seque regem Babylonis effecit, qui fuit avus Nabuchodonosoris primi monarchæ Babyloniorum. Omnes enim hi reges jam nominati vocantur reges Assyriorum, non Babyloniorum, nec ante Baladan quispiam in Scriptura rex Babylonis nuncupatur.

Videtur ergo Phul Assyrius cum Arbace præfecto divisisse Sardanapali imperium, ut Arbaces Mediæ et Persidi, Phul vero Assyriæ et Babylonie dominetur: ita ex Metasthene Annii Genebrardus, Torniellus, Samerius, Gordonus, Salianus et alii.

Hic chronologiæ consentit tempus prophetiæ Jonæ, qui, ut audivimus cap. præcedenti vers. 25, prophetavit sub Jeroboam, cui coævus fuit Azarias. Jonas ergo missus a Deo Sardanapali et Ninivitarum luxum et luxuriam castigavit. Pocenituit Sardanapalus cum Ninivitis, sed non multo post in solita vitia relapsi, ab Arbace Medo obcessi et vastati fuere, ut dixi in Jona.

5. PERCUSSIT AUTEM DOMINUS RÈGEM (Azariam) ET **Vers. 3.** FUIT LEPROSUS, — quia scilicet ipse usurpabat munus Pontificis,adolendo incensum super altare thymiamatis, quod erat in Sancto, ut dicitur II Paral. cap. xxvi, vers. 16, de quo ibidem plura.

8. ANNO TRIGESIMO OCTAVO AZARIÆ REGIS JUDÆ REGNAVIT ZACHARIAS FILIUS JEROBOAM SUPER ISRAEL. — **Vers. 8.**

Hic fuit abnepos Jehu; unde Jehu stirps regia finita fuit in Zacharia, quasi in quarta generatione, uti ei promiserat Deus, cap. x, vers. 30: « Anno trigesimo octavo Azariæ, » scilicet ex eo tempore quo ipse regnare cœpit cum patre Amasia; nam ex eo tempore quo post patrem solus regnavit Azarias, erat hic annus 26 vel 27. Si ergo annos 38 Azariæ numeres ab anno 18 Amasiæ patris ejus, quo ipse eum in regnum socium ascivit, annus hic Azariæ 38 erit 41 Jeroboami regis Israel, quippe qui anno 15 Amasiæ patris Azariæ solus regnare cœperit. Hic enim annus quadragesimus primus fuit ultimus Jeroboam: unde, eo moriente, successit ei filius Zacharias per sex menses. Verum quia Azarias post patrem Amasium solus regnavit 52 annis qui hic sigillatim consignantur: nam vers. 37, numeratur annus Azariæ 39, et vers. 23,

annus 50, et vers. 27, annus 52 et ultimus, ut sic consequens certaque chronologia temporum per annos regum Juda contexatur: hinc melius cum Richardo a S. Victore, Lyrano, Abulense et aliis dicemus, Jeroboam regem Israel mortuum esse anno vigesimo septimo Azariæ regis Judæ: inde per undecim annos, scilicet usque ad annum 38 Azariæ fuisse interregnum, et regnum Israel caruisse rege; eo quod Zacharias filius Jeroboam, vel propter ætatem teneriorem, vel propter rebellionem subditorum, vel aliam ob causam prævalere et regnum patris obtinere non posset. Ratio est, quod 41 anni Jeroboami computandi sint ab anno decimo quinto Amasiæ, ita ut cum Amasia qui 29 annis regnavit Jeroboam regnarit annis quatuordecim; quare reliquos 27 annos (regnavit enim Jeroboam 41 annis) regnare debuit cum Azaria filio Amasiæ, ita ut mortuus sit anno vigesimo septimo Azariæ, tumque successerit ei filius Zacharias. Itaque cum hic dicitur de aliquo regum Juda, quod tot annis regnarit, intellige solus post patrem; quia per reges Juda chronologia hic texitur, quæ alioqui foret incerta et ambigua; verum alias cum dicitur: tali anno regnavit talis rex, præsertim in Israel, accipi potest non de regno, sed de corregno, quo scilicet non solus, sed cum patre regnavit.

Olympiadum initium. Nota: Sub Azaria cœpere computari Olympiades, sed quoto ejus anno id factum variant Chronologi. Eusebius, lib. III *De Præparat.* et in chronicō initium Olympiadum collocat anno 50 Azariæ ac consequenter urbis Romæ initium; cum eam Romulus condidit anno Achaz quarto vel quinto: nam initium Olympiadum antecedit initium Romæ 23 annis, uti omnes Historici et Chronologi consentiunt. Jam adde duos annos Azariæ (regnavit enim 52 annis) et sedecim filii ejus Joatham, ac quinque Achaz habebis annos 23 quos quærimus.

Alii Olympiades cœpisse censem anno quarto vel quinto Azariæ; Serarius anno 47 ejusdem. Perrierius, libro XI *in Danielem*, quasi anno octavo Achaz. Torniellus, Salianus et alii anno 52 Azariæ, vel potius anno primo Joatham, quia Azariæ patri successit. Exigua enim est hæc paucorum annorum in tanta temporum priscorum intercedine differentia. Juxta tabulam chronologicam quam præfixi Pentateucho, cœperunt Olympiades anno quadragesimo Azariæ; Roma vero condita est anno decimo vel undecimo Joatham, de quo vers. 33.

Porro ante Olympiades nihil apud Historicos profanos Græcos et Latinos est certum, sed omnia incerta et confusa: unde hoc sæculum ipsi vocant μυθικόν, id est fabulosum: post eas vero, æque ac post conditam Romanam, omnia suis annis inde deductis assignari cœperunt, uti testatur Eusebius, lib. X *De Præpar. cap. III*, et Censorinus, lib. X *De die natali*, cap. xxi. Olympias autem spatium erat quatuor annorum, quod inten-

reraut inter duos ludos Olympicos, qui Jovi Olympio totius Græcie concursu, quarto quolibet anno, apud Pisam et Elidem ob memoriam diei intercalaris celebrabantur sub initium æstatis, sive solstitii æstivi, a luna undecima usque ad decimam sextam, teste Livio, Censorino et aliis. Audi Solynum Polyhistoricum, cap. II: «Ceramen Olympicum (quod olim Hercules in honorem atavi sui materni Pelopis ediderat, in omni genere certaminum victor) jam pridem intermissum Iphitus Elidensis instauravit post excidium Trojæ anno 408. Roma deinde condita, incipiente Olympiade 7 post excidium Trojæ anno 433. » Idem scribunt Diodorus Siculus, Dionysius Halicarnassus, Eratosthenes apud Clementem Alexandrinum, et ex his alii.

ET ASCENDIT MANAHEM DE THERSA, — quam nomine regis sui Zachariæ obsidebat, ait Josephus, et occiso in Samaria Sellum, qui occiderat Zachariam regem, rapuit imperium, cumque Thersam rediisset, nec Thersenses eum ut regem admittent, in eos sæviit, et maxime in Thapsenses dissimilando prægnantes in ea, ut dicitur vers. 16.

16. ET TERMINOS EJUS DE THERSA, — nam ager Vers. 16. urbis Thapsæ pertingebat usque ad Thersam, ait Vatablus.

Et scidit eas, — hoc est, dissecuit prægnantes, ut fœtum educeret, ait Abulensis. Magna fuit hæc crudelitas et barbaries.

19. VENIEBAT PHUL REX ASSYRIORUM. — Hic est Vers. 19. «Phul,» qui alio nomine «Belochus» dicitur, qui cum Arbace Medo Sardanapalum in Ninive per biennium obsedit, coegitque ut exstructa in regia pyra altissima, in eam se cum uxoribus et filiis ac mille myriadibus auri et decem mille myriadibus argenti injiceret et concremaret. Duravit incendium ad quindecim dies. In eo desit monarchia Assyriorum, quæ a Belo usque ad Sardanapalum stetit annis mille trecentis. Porro Phul cum Arbace divisit monarchiam, ac sibi servavit Assyriam et Babyloniam; Arbaci concessit Medianam et Persiam. Porro Phul hebraice idem est quod *faba*, ait Pagninus, sicut Romæ a faba cognominati sunt Fabii, inter quos eminuit Fabius Maximus Romæ liberator, et Annibal is dominator. Notat Scaliger regum Assyriorum et Babyloniorum nomina alia esse simplicia, ut Phul, Asar, Theglath; alia composita, ut Theglathphalasar componitur ex tribus, scilicet ex Theglath, Phul et Asar. Salmanasar componitur ex Salman et Asar, et Asarhaddon conflatur ex Asar et Haddon. Nabuchodonosor ex Nabo, qui erat Deus Babyloniorum, Chad, et Netser. Vide ibi dicta Isaiae XLVI, 1.

ET DABAT MANAHEM PHUL MILLE TALENTA ARGENTI, UT ESSET EI IN AUXILIUM, — contra rebelles Thersæ, Thapsæ, etc., ut dictum est versu 14. Hæc fuit occasio cur Theglathphalasar successor Phulis invaserit Israelem, eumque abduxerit in Assyriam, ut dicetur vers. 29. Phul ergo vocatus in auxilium

fuit a Manahem, non a Thersensibus, ut scribit Josephus.

Vers. 29. 29. IN DIEBUS PHACEE VENIT THEGLATHPHALASAR REX ASSUR. — Qui fuit filius Phulis de quo vers. 19, ideoque dictus est Phul, Assar, vel Theglath Phul-Assar. Hic ecce vastavit Israelem, ac ex eo quinque tribus in Assyriam abduxit, nimirum incolas «Galaad,» scilicet Rubenitas, Gadditas, et dimidiā tribum Manasse; et «Galilee,» puta Zabulonitas et Nephtalitas, de quibus Isaías, cap. ix, vers. 1, cum paulo ante vocatus in auxilium ab Achaz rege Juda, contra Rasin regem Syriæ, et Phacee regem Israel, venisset Damascum, et occisis illis regibus, ut dicitur cap. seq. 6 et 7, ipsum quoque Achaz, a quo vocatus fuerat, oppressit, ejusque ditionem expilavit, II Paral. xxviii, 8. Hoc ipsum paulo ante Isaías, vii, 17, ipsi Achaz prædixerat. Hæc ergo fuit prima Israelis, id est decem tribuum captivitas. Hinc apposite *Theglathphalasar* Hebraice (cui affinis est lingua Assyriaca et Chaldaica) idem est quod *captivitas mirabilis ligationis*, ait Pagninus in *Nomin. Hebr.*

Vers. 30. 30. REGNAVIT PRO EO (puta Osee pro Phacee) VIGESIMO ANNO JOATHAM FILII OZIAE. — Dices: Joatham tantum sedecim annis regnavit, ut dicitur vers. 33; quis est ergo hic annus ejus vicesimus? Respondeo: Fuit vicesimus ab eo tempore quo Joatham regnare cœpit cum patre Azaria: hic enim a Deo percussus lepra, ideoque a contubernio hominum separatus, regni regimen permisit Joatham filio suo, ut dictum est versu 5. Ita Cajetanus et alii. Dices: Osee non potuit regnare cum Joatham; nam Phacee cui successit Osee fuit superstes Joathamo per tres annos, ut patet hic versu 27 collato cum versu 1. cap. seq. Respondeo, Osee cœpisse regnare et invadere regnum Phacee, vivente Joatham, tandemque eo mortuo, post aliquot annos eum omnino superasse, et occidisse anno quarto Achaz regis Juda, tumque solum plene regnasse. Ita Cajetanus. Secundo, melius Hebrei in Seder Olam, Abulensis, Genebrardus, Torniellus, Salianus, sic exponunt: «vicesimo anno Joatham,» id est qui vicesimus futurus erat Joatham solius post patrem regnantis, si ipse adhuc vixisset, qui ante quadriennium erat mortuus. Erat ergo hic annus vigesimus ex quo Joatham regnare cœpit; sed quia ipse sedecim tantum annis regnavit, hinc revera hic erat annus quartus Achaz, qui successit Joatham; sed maluit Scriptura nominare Joatham quam Achaz, quia needum Achazi mentionem fecerat. Porro Scriptura annos Osee bifariam numerat; primo, ab hoc anno quarto Achaz, uti hic fit; secundo, ab hoc anno Achaz duodecimo, uti fit IV Reg. cap. xvii, versu 1. Ratio est, quod prioribus octo annis Osee non fuerit rex pacificus, sed cum familia Phacee adhuc luctans, aut Assyriorum potius servus quam rex, aut aliis de causis a regno impeditus. Itaque ab anno quarto Achaz precario magis quam pleno jure regnabat. Ita Abulensis, Serarius, Salianus

et alii jam citati. Denique hic annus vigesimus tam erat regni Phacee (hic enim 20 annis regnavit) finientis quam Joathami inchoantis. Joatham enim, si vixisset illo anno, inchoasset annum regni 20; ipse enim cœpit regnare anno secundo Phacee, ut sequitur.

32. ANNO SECUNDO PHACEE, etc., REGNAVIT JOATHAM FILIUS OSIAE REGIS JUDA; — Phacee enim cœpit regnare anno 52 et ultimo Osiae: quare hic primus fuit regni Phacee annus; secundus fuit quo mortuo Ozia successit ei Joatham, qui sexdecim annis regnavit: quare 17 anno Phacee, mortuo Joatham, successit ei filius Achaz, ut dicitur cap. seq. 4; quia nimirum ultimus annus Joatham non fuit integer, sed dimidiatus, ita ut 17 Phacee fuerit simul ultimus Joathami morientis, et Achazi ei succendentis. Quocirca unus annus additus vel demptus in chronologia nullam facit differentiam; quia anni dimidiati nunc numerantur, nunc non numerantur.

Porro, «Joatham,» ait Auctor Imperfecti, hom. 1 in Matth., interpretatur perfectus vel dominus, immaculatus. Et vere perfectus fuit hic Joatham, et quantum ad reges se præcedentes dominus immaculatus; quia fecit quod placitum erat Deo, et nulla reprehensio ejus legitur in scriptura regnum.

33. SEDECIM ANNIS REGNAVIT — probe et pie; unde præ aliis laudatur a Scriptura et a Josepho. Tempore Joatham prophetavit Isaías et Michæas, ut patet ex ejus titulo. Anno undecimo Joatham, Romulus agens annum ætatis 18 urbis Romæ fundamenta jecit 21 die aprilis (unde hic dies deinceps quasi Romæ natalis quotannis celebratus est) ipsis scilicet Palilibus, hoc est, festo Palis Deæ pastorum, quæ pro felici pecorum partu illa die ab eis colebatur. Hinc enim vocatum est Palilia vel Parilia. Factum id est Olympiadis sextæ anno tertio, ut vult Varro; vel quarto, ut vult Cato, et eum secuti Cicero, Plinius, Tacitus, Gellius, Censorinus, Eusebius, S. Augustinus, Orosius, et Cardinalis Baronius. Quare Olympiades antecedunt Romam 23 annis, ut dixi: tot enim annos conficiunt sex Olympiades jam dictæ; quælibet enim qualuor continet annos. Hoc computu Olympiadum initium assignandum est anno 40 Azariæ, uti dixi, et juxta eumdem Roma condita est anno 751 ante nativitatem Christi.

Alii, quia paulo tardius vel serius hoc initium Olympiadum assignant, hinc consequenter tardius vel serius assignant fabricam Romæ. Unde Torniellus et Salianus, quia initium Olympiadum combinant cum primo anno Joatham, hinc Romæ initium combinant cum anno octavo vel nono Achaz. Sed in re tam antiqua post tot sæcula exigua est hæc temporis differentia.

Hic illud Propertii:

Urbi festus erat, dixere Palilia patres.
Hic primus cœpit mœnibus esse dies.

Hinc quoque S. Hieronymus in cap. i Isaie, Vers.

Vera. 32

Roma condita anno 751 Joatham.

1, ait Ezechiam regnare cœpisse anno duodecimo Romuli : primus ergo Romuli annus incidit in quartum annum Achaz, cum scilicet ipse Romæ fundamenta jaciens anno undecimo Joatham, ejusdem fabricam per septem vel octo annos se-

quentes perfecisset, ac solium regale in ea erexit. anno quarto Achaz. Sic et S. Augustinus, lib. XVIII *De Civit. cap. xxii* : « Quem (Ezechiam), inquit, constat optimum et piissimum regem Romuli regnasse temporibus. »

CAPUT DECIMUM SEXTUM.

SYNOPSIS CAPITIS.

Regnat Achaz filius Joatham : contra eum conspirant reges Syriæ et Israel. Ille invocat Theglathphalasar ipsique ingens pondus auri et argenti mittit : qui invocatus Syriam et Israelem vastat. Interim Achaz idola colit, et templum profanat.

1. Anno decimo septimo Phacee filii Romeliae, regnavit Achaz filius Joatham regis Juda.
2. Viginti annorum erat Achaz, cum regnare cœpisset ; et sedecim annis regnavit in Jerusalem : non fecit quod erat placitum in conspectu Domini Dei sui, sicut David pater ejus. 3. Sed ambulavit in via regum Israel ; insuper et filium suum consecravit, transferens per ignem secundum idola Gentium : quæ dissipavit Dominus coram filiis Israel. 4. Immolabat quoque victimas, et adolebat incensum in excelsis, et in collibus, et sub omni ligno frondoso. 5. Tunc ascendit Rasin rex Syriæ, et Phacee filius Romeliae rex Israel, in Jerusalem ad præliandum : cumque obsiderent Achaz, non valuerunt superare eum. 6. In tempore illo restituit Rasin rex Syriæ, Ailam Syriæ, et ejecit Judæos de Aila; et Idumæi venerunt in Ailam, et habitaverunt ibi usque in diem hanc. 7. Misit autem Achaz nuntios ad Theglathphalasar regem Assyriorum, dicens : Servus tuus, et filius tuus ego sum ; ascende, et salvum me fac de manu regis Syriæ, et de manu regis Israel, qui consurrexerunt adversum me. 8. Et cum collegisset argentum et aurum, quod inveniri potuit in domo Domini, et in thesauris regis, misit regi Assyriorum munera. 9. Qui et acquievit voluntati ejus : ascendit enim rex Assyriorum in Damascum, et vastavit eam, et transtulit habitatores ejus Cyrenen, Rasin autem interficit. 10. Perrexitque rex Achaz in occursum Theglathphalasar regi Assyriorum in Damascum, cumque vidisset altare Damasci, misit rex Achaz ad Uriam sacerdotem exemplar ejus, et similitudinem juxta omne opus ejus. 11. Exstruxitque Urias sacerdos altare : juxta omnia quæ præceperat rex Achaz de Damasco, ita fecit sacerdos Urias, donec veniret rex Achaz de Damasco. 12. Cumque venisset rex de Damasco, vidi altare, et veneratus est illud : ascenditque et immolavit holocausta, et sacrificium suum ; 13. et libavit libamina, et fudit sanguinem pacificorum, quæ obtulerat super altare. 14. Porro altare æreum, quod erat coram Domino, transtulit de facie templi, et de loco altaris, et de loco templi Domini ; posuitque illud ex latere altaris ad Aquilonem. 15. Præcepit quoque rex Achaz Uriæ sacerdoti, dicens : Super altare majus offer holocaustum matutinum, et sacrificium vespertinum, et holocaustum regis, et sacrificium ejus, et holocaustum universi populi terræ, et sacrificia eorum, et libamina eorum : et omnem sanguinem holocausti, et universum sanguinem victimæ super illud effundes ; altare vero æreum erit paratum ad voluntatem meam. 16. Fecit igitur Urias sacerdos, juxta omnia quæ præceperat rex Achaz. 17. Tulit autem rex Achaz cælatas bases, et luterem qui erat desuper ; et mare depositum de bobus æreis qui sustentabant illud, et posuit super pavimentum stratum lapide. 18. Musach quoque sabbati, quod ædificaverat in templo, et ingressum regis exterius convertit in templum Domini, propter regem Assyriorum. 19. Reliqua autem verborum Achaz, quæ fecit, nonne hæc scripta sunt in Libro sermonum dierum regum Juda? 20. Dor-

mivitque Achaz cum patribus suis, et sepultus est cum eis in Civitate David, et regnavit Ezechias filius ejus pro eo.

3. FILIUM SUUM CONSECRAVIT (idolo Meloch) TRANSFERENS PER IGNEM. — Nota dupliciter : Ammonitæ et Hebræi filios suos consecrabant idolo Moloch, *primo*, eos igne comburendo : ritum modumque recensui *Levit.* cap. XVIII, vers. 21; *secundo*, traducendo eos per ignem, tum ut eos igne expiarent a peccatis et immunditiis, tum ut hoc ritu eos idolo Moloch initiarent et dedicarent. Ritum describit Theodoretus : « Vidi, inquit, in aliquibus civitatibus semel in anno accendi rogos, et trans eos saltare aliquos, non solum pueros, sed etiam viros; infantes autem per flamمام ferri a matribus. Videbatur autem istud quedam esse expiatio, et purgatio. Existimo autem hoc quoque fuisse Achazi peccatum. » Quare Theodoretus et ex eo Salianus censem Achaz filium non combustisse, sed traduxisse tantum per ignem, itaque eum lustrasse, et dicasse idolo. Unde II *Paralip.* cap. XXVIII, vers. 3, dicitur : « Et lustravit filios suos in igne. » Ex quo loco liquet Achaz non unum, sed plures, et forte omnes filios hoc ritu lustrasse; nec enim verisimile est eum plures vel omnes combussisse; successit enim ei in regno filius Ezechias.

Josephus tamen et ex eo Abulensis et Adrichomius censem eum filium suum immolasse et cremasse idolo Moloch. Lyranus censem eum utrumque fecisse, scilicet unum e filiis cremasse, alias traducendo per ignem lustrasse. Porro non dubium est plures Judæos hoc exemplo Achaz regis sui excitatos filios suos consecrasse Moloch.

7. MISIT AUTEM ACHAZ NUNTIOS AD THEGLATHPHALASAR, — ut se adjuvaret contra Rasin regem Syriæ, et Phacee regem Israel, ideoque misit omne aurum et argentum tam templi, quam palati sui. Peccavit hac in re Achaz, eo quod Deus per Isaiam, cap. VII, vers. 4, ipsi opem promisisset contra Rasin et Phacee; sed ipse diffisus Deo, fisis est regi Theglathphalasar, ideoque ab eodem spoliatus et oppressus est. Audi II *Paralip.* cap. XXVIII, vers. 19 : « Humiliaverat enim Dominus Judam propter Achaz regem Juda, eo quod nudasset eum auxilio, et contemptui habuisset Dominum. Adduxitque contra eum Theglathphalasar regem Assyriorum, qui et afflixit eum, et nullo resistente vastavit. Igitur Achaz, spoliata domo Domini et domo regum ac principum, dedit regi Assyriorum munera, et tamen nihil ei profuit. Insuper et tempore angustiæ suæ auxit contemptum in Dominum, ipse per se rex Achaz, immolavit diis Damasci victimas percussoribus suis, et dixit : Dii regum Syriæ auxiliantur eis, quos ego placabo hostiis, et aderunt mihi, cum e contrario ipsi fuerint ruinæ ei, et universo Israel. »

9. TRANSTULIT HABITATORES EJUS (Damasci) CYRENEN, — non illam quæ est in Æthiopia, nec illam

quæ est in Africa, sed in Cyrenen quæ est in Media. Unde Josephus ait Damascenos translatos in Medium.

10. CUMQUE VIDISSET ALTARE DAMASCI — egregia *Vera* .10. forma, materia et arte elaboratum, placuit ei; unde jussit Uriæ Pontifici, ut ad ejus ideam simile fieri curaret Hierosolymis in templo, loco altaris a Salomone fabricati. An altare hoc idolis (uti Damasceni) erexerit, iisque sacrificarit Achaz, an vero Deo vero, Scriptura non exprimit; verisimile tamen est cum idolis illud erexisse; quia illa colebat ipse æque ac Damasceni, eisque ubique aras erigi jubebat, ut iniret gratiam Theglathphalasar, eumque sibi devinciret colendo ejus deos et idola, sed frustra : idcirco enim ab eo expilatus et subactus est, uti dixi. Ita Abulensis et alii.

11. EXTRUXITQUE URIAS SACERDOS ALTARE. — Pec- *Vera* .11. cavit Urias Pontifex, impium hoc altare erigens, malens placere regi Achaz quam Deo : secus fecit S. Ambrosius; nam ut ipse refert lib. V, epist. 32 : « Cum esset impositum ut Ecclesiae vasa jam traderemus Imperatori, hoc responsi reddidi : me, si de meis aliquid posceretur, aut fundus, aut domus, aut aurum, aut argentum ; id quod mei juris esset, libenter offerre, templo Dei nihil posse decerpere, nec tradere illud, quod custodiendum, non tradendum acceperim. Deinde consulere me etiam Imperatoris saluti, quia nec mihi expedit tradere, nec illi accipere. Accipiat enim vocem liberi sacerdotis, si vult sibi esse consultum, recedat a Christi injuria, et absit a me ut tradam Christi hæreditatem, et hæreditatem Dionysii, qui in exilio, fidei causa, defunctus est, hæreditatem Eustorgii confessoris, hæreditatem Miroclis atque omnium retro fidelium Episcoporum. »

14. PORRO ALTARE ÆREUM (a Salomone fabricatum) **QUOD ERAT CORAM DOMINO** (id est coram Sancto, et Sancto sanctorum, in quo residebat Deus dans oracula) **TRANSTULIT** — per contemptum, ut dicitur II *Paralip.* XXVIII, 19 et 22; quia Achaz fuit impiissimus, ideoque contemptor Dei, ejusque altaris et templi. Idcirco enim altare Dei suo loco movit, illique suum Damascenum substituit, ac altare Dei ad latus sui altaris, quasi vicarium et precarium in angulo collocavit.

15. SUPER ALTARE MAJUS (quod ego amoto Salomonico, instar altaris Damasceni erigi curavi) **OFFER HOLOCAUSTUM.** *Vera* .15.

17. ET POSUIT SUPER PAVIMENTUM. — Fecit Achaz hæc omnia ad contemptum, ut dixi, altaris (huic enim luteris et mare æneum subserviebant), utque illud ad usus suos, puta ad sacrificia foret inutile; itaque Judæi non in eo, Deo vero, sed in idolis sacrificare cogerentur.

18. MUSACH QUOQUE SABBATI QUOD EDIFICAYERAT IN TEMPLO. — Repete ex vers. præced. « tulit, » et

sabbati
quid?

« depositum, » hoc est sustulit et defecit. Quid fuerit « Musach » variae sunt sententiae; sed duae probabiliores; prior, *Musach* hebraice idem est quod *opertorium* sive *tectum*; significat ergo vel solium *opertum*, in quo sabbato aliisque festis diebus sedebant reges, ut sacrificiis interessent ac legem Dei audirent; unde cap. xxiii, vers. 3, « gradus » vocatur, ut vult R. Salomon. Hinc Septuaginta vertunt, *fundamentum cathedrae sabbatorum*, per quod videntur accipere basin cui imponebatur *cathedra regis*, cum veniret sabbato ad templum oratus et legem auditurus, *Ezech. xlvi*, 1 : « *Musach sabbati* » ergo hebraice significat tentorium *sabbatinum conopæo splendido coopertum*, quod erat *juxta atrium sacerdotum*, sed extra illud, in quo rex sabbato et festis sedebat spectans sacrificia. Et hoc est tribunal in quo sedit Joas, cum creatus est rex a Joiada Pontifice, IV Regum cap. XI, vers. 14; aut certe, « *Musach* » significat *pulpitum*, ut vertit Vatablus, sive suggestum *opertum* et *tectum*, in quo sedebant Levitæ et sacerdotes, dum legem et prophetas populo interpretabantur, ut vult Vilalpandus, ut fecit Esdras, *Nehem.* cap. viii, vers. 4. Posterior sententia est, quod « *Musach* » erat *tegmen*, puta velum vel tabulatum paratum pro Levitis aliisque templi custodibus, qui singulis sabbatis per vices munia sacra obibant in templo, ait Vatablus. Aut « *Musach* » erat locus contextus in atrio populi, ut sub illo tuti ab aestu, pluvia et ventis degerent homines, qui ad templum oraturi vel legem audituri confluabant. Unde Marinus in Lexico « *Musach* » vertit *porticum*. Omnes hi sensus probabiles sunt; impius enim Achaz videtur haec sustulisse. Unde II Paralip. cap. xx, vers. 24, dicitur clausisse templum Domini. Verum, quia « *Musach sabbati* » pertinere videtur ad egressum « *regis* », qui hoc eodem versu continetur; hinc alias sensus quem mox subjiciam videtur probabilius.

ET INGRESSUM REGIS EXTERIUS CONVERTIT IN TEMPLUM DOMINI PROPTER REGEM ASSYRIORUM. — Primo, nonnulli sic explicant, q. d. Achaz profanavit templum, cum illud fecit esse quasi vestibulum regii sui palatii, ut in illud non pateret aditus nisi per templum, ut scilicet ipse esset tutior a rege Assyriorum, qui templum prius expugnare debuisse, antequam pergeret ad expugnationem palatii. Verum alia ex parte quæ templo non adiacebat, poterat oppugnari palatum, et facilius expugnari quam templum.

Secundo, Theodoreus et Lyranus censent Achaz obstruxisse iter quo e palatio ibatur ad templum, hoc fine ut rex Assyriorum intelligeret ipsum plane deseruisse Deum verum Deique cultum, ut ejus deos sequeretur et coleret. Favet Chaldæus qui pro convertit, vertit, avertit (convertere enim est alio vel in contrariam partem vertere). Hebraice est חסב *heseb*, id est circuire fecit, ut nimur si quis e regia in templum ire vellet, magno circuitu descendere cogeretur ex monte Sion,

et trajicere totum Ophel, ut veniret ad radices montis Moria, indeque in templum 900 gradibus ascenderet, ut haec molestia tam longi circuitus et molesti ascensus, eos qui erant regis familiae, a templo adeundo avocaret, ait Salianus. Verum non convertit in templum, non avertere, sed vertere in templum, significat. Unde tertio planius sic nonnulli exponunt, q. d. Achaz vestibulum palatii sui, per quod ibatur in templum, quodque erat extra templum, adjecit templo, fecitque ut quod prius erat exterius templo, jam esset intra templum, ut sic imitaretur regem Assyriorum, qui palatium habebat ita innexum templo ut pars templi esse videretur; quæ erat quædam templi vilitas et profanatio. Sic enim fiebat ut in palatium ingredi nemo posset nisi per templum. Ita Vatablus.

Denique, hic videtur maxime obvius et congruus totius hujus versiculi esse sensus, ut per « *Musach sabbati* » accipiamus tentorium et *conopæum* in quo rex sedebat in sabbatis et festis in atrio laicorum, sed primo loco vicinissimus atrio sacerdotum, ut proxime spectaret sacrificia et audiret hymnos quos canebant sacerdotes et Levitæ in suo atrio, ut patet *Ezechiel. xlvi*, 1. Nemini enim laico, ne regi quidem, atrium sacerdotum ingredi fas erat, sed solis sacerdotibus et Leyitis. Achaz vero in gratiam regis Assyriorum, qui vile et indecorum sibi esse existimabat foris stare cum vili plebe, « *Musach* » hoc, sive tentorium, « convertit in templum Domini, » id est diruto muro intermedio, junxit atrio sacerdotum, ut vicinum esset Sancto et Sancto sanctorum, ut jam non inter laicos et plebem, sed inter sacerdotes rex uterque consistere vel considerare posset, quasi separatus a vulgo et sacerdotibus annumeratus, ut proxime omnia sacra quæ sacerdotes peragebant tam in atrio, quam in Sancto, cerneret et audiret. Porro, quia ad hoc regis « *Musach* », sive tentorium et tribunal ingressus patebat ex ipsa domo regia per intermedia atria, hinc Achaz hunc quoque ingressum qui domus sue regiae pars erat, qua rex e regia ad « *Musach* » descendebat, quæ idcirco hic vocatur « *ingressus regis* », templo conjunxit; ut quæ quasi domus laica antea erat extra atrium sacerdotum, jam dejecto septo intermedio intra ipsum atrium sacerdotum concluderetur, cum eoque pertingeret usque ad Sanctum et Sanctum sanctorum. Hunc sensum exigit non convertit in templum Domini, quod tam ad ingressum regis, quam ad *Musach sabbati* pertinet. Ita Gaspar Sanchez ex Rabbino Salomone, Iyranus et alii; nec improbat Abulensis qui tamen aliam expositionem adjicit, dicens duas fuisse e regia vias ad templum, unam patentem et publicam, per quam spectante populo rex ibat ad templum, alteram occultam et clausam, per quam rex secreto, cum videri nollet, adibat templum: publicam viam clausit Achaz, ut regi Assyriorum (cuius gratiam ambiebat) videretur patriæ religionis.

desertor, et idolorum ejus cultor; occultam vero servavit, ut per eam occulte templum ingredi posset, nec regem Assyriorum, utsote id ignorantem offenderet, ideoque de eo hic dici quod « ingressum regis exterius converterit in templum Domini propter regem Assyriorum. » Ita Abulensis. Verum obstat quod ingressus hic ad templum jam ante erat; quare nequit dici

quod Achaz eum converterit in templum Domini. Minus vere quoque Glossa, quem sequuntur Dionysius et Hugo, censet « Musach sabbati » fuisse ædificium in templi vestibulo, in quod reges sabbatis ad templum venientes eleemosynas conicerent: « Musach » ergo fuisse gazophylacium regum, sicut « Corbona » erat gazophylacium laicorum.

CAPUT DECIMUM SEPTIMUM.

SYNOPSIS CAPITIS.

Osee ultimus regnat in Israel: illo enim negante tributum Salmanasar reliquas quinque tribus Israelis transfert in Assyriam, ac Assyrios colonos mittit in Samariam, qui in ea tam Deo Israelis, quam suis diis et idolis serviunt.

1. Anno duodecim Achaz regis Juda, regnavit Osee filius Ela in Samaria super Israel novem annis. 2. Fecitque malum coram Domino; sed non sicut reges Israel, qui ante eum fuerant. 3. Contra hunc ascendit Salmanasar rex Assyriorum, et factus est ei Osee servus, reddebatque illi tributa. 4. Cumque deprehendisset rex Assyriorum Osee, quod rebellare nitens misisset nuntios ad Sua regem Aegypti, ne præstaret tributa regi Assyriorum sicut singulis annis solitus erat, obsedit eum, et vincitum misit in carcerem. 5. Pervagatusque est omnem terram: et ascendens Samariam, obsedit eam tribus annis. 6. Anno autem nono Osee, cepit rex Assyriorum Samariam, et transtulit Israel in Assyrios: posuitque eos in Hala, et in Habor, juxta fluvium Gozan, in civitatibus Medorum. 7. Factum est enim, cum peccassent filii Israel Domino Deo suo, qui eduxerat eos de terra Aegypti, de manu Pharaonis regis Aegypti, coluerunt deos alienos. 8. Et ambulaverunt juxta ritum Gentium, quas consumperat Dominus in conspectu filiorum Israel, et regum Israel, quia similiter fecerant. 9. Et offenderunt filii Israel verbis non rectis Dominum Deum suum: et ædificaverunt sibi excelsa in cunctis urbibus suis, a Turre custodum usque ad Civitatem munitam. 10. Feceruntque sibi statuas et lucos in omni colle sublimi, et subter omne lignum nemorosum: 11. et adolebant ibi incensum super aras in morem Gentium, quas transtulerat Dominus a facie eorum; feceruntque verba pessima irritantes Dominum. 12. Et coluerunt immundicias, de quibus præcepit eis Dominus ne facerent verbum hoc. 13. Et testificatus est Dominus in Israel et in Juda, per manum omnium Prophetarum et Videntium, dicens: Revertimini a viis vestris pessimis, et custodite præcepta mea, et cæremonias, juxta omnem legem quam præcepi patribus vestris, et sicut misi ad vos in manu servorum meorum Prophetarum. 14. Qui non audierunt, sed induraverunt cervicem suam juxta cervicem patrum suorum, qui noluerunt obedire Domino Deo suo. 15. Et abjecerunt legitima ejus, et pactum quod pepigit cum patribus eorum, et testificationes quibus contestatus est eos: secutique sunt vanitates, et vane eggerunt; et secuti sunt Gentes, quæ erant per circuitum eorum, super quibus præceperat Dominus eis, ut non facerent sicut et illæ faciebant. 16. Et dereliquerunt omnia præcepta Domini Dei sui: feceruntque sibi conflatiles duos vitulos et lucos, et adoraverunt universam militiam cœli; servieruntque Baal, 17. et consecraverunt filios suos, et filias suas, per ignem: et divinationibus inserviebant et auguriis, et tradiderunt se ut facerent malum coram Domino, ut irritarent eum. 18. Iratusque est Dominus vehementer Israeli, et abstulit eos a conspectu suo, et non remansit nisi tribus Juda tantummodo. 19. Sed nec ipse Juda custodivit man-

data Domini Dei sui : verum ambulavit in erroribus Israel , quos operatus fuerat. 20. Projetque Dominus omne semen Israel , et afflixit eos, et tradidit eos in manu diripientium, donec projiceret eos a facie sua : 21. ex eo jam tempore, quo scissus est Israel a domo David, et constituerunt sibi regem Jeroboam filium Nabath : separavit enim Jeroboam Israel a Domino, et peccare eos fecit peccatum magnum. 22. Et ambulaverunt filii Israel in universis peccatis Jeroboam quæ fecerat : et non recesserunt ab eis , 23. usquequo Dominus auferret Israel a facie sua, sicut locutus fuerat in manu omnium servorum suorum Prophetarum : translatusque est Israel de terra sua in Assyrios, usque in diem hanc. 24. Adduxit autem rex Assyriorum de Babylone, et de Cutha, et de Avah, et de Emath, et de Sepharvaim : et collocavit eos in civitatibus Samariæ pro filiis Israel, qui possederunt Samariam, et habitaverunt in urbibus ejus. 25. Cumque ibi habitare cœpissent, non timebant Dominum : et immisit in eos Dominus leones, qui interficiebant eos. 26. Nuntiatumque est regi Assyriorum, et dictum : Gentes, quas transtulisti , et habitare fecisti in civitatibus Samariæ, ignorant legitima Dei terræ ; et immisit in eos Dominus leones, et ecce interficiunt eos, eo quod ignorent ritum Dei terræ. 27. Præcepit autem rex Assyriorum, dicens : Duce illuc unum de sacerdotibus, quos inde captivos adduxistis, et vadat, et habitet cum eis ; et doceat eos legitima Dei terræ. 28. Igitur cum venisset unus de sacerdotibus his, qui captivi ducti fuerant de Samaria, habitavit in Bethel, et docebat eos quomodo colerent Dominum. 29. Et unaquæque Gens fabricata est deum suum : posueruntque eos in fanis excelsis , quæ fecerant Samaritæ , Gens et Gens in urbibus suis, in quibus habitabat. 30. Viri enim Babylonii fecerunt Sochothbenoth : viri autem Chutæi fecerunt Nergel, et viri de Emath fecerunt Asima. 31. Porro Hevæi fecerunt Nebahaz et Tharthac. Hi autem qui erant de Sepharvaim comburebant filios suos igni, Adramelech et Anamelech diis Sepharvaim, 32. et nihilominus colebant Dominum. Fecerunt autem sibi de novissimis sacerdotes excelsorum, et ponebant eos in fanis sublimibus. 33. Et cum Dominum colerent, diis quoque suis serviebant juxta consuetudinem Gentium, de quibus translati fuerant Samariam ; 34. usque in præsentem diem morem sequuntur antiquam : non timent Dominum ; neque custodiunt cæremonias ejus, judicia, et legem, et mandatum quod præceperat Dominus filii Jacob, quem cognominavit Israel. 35. Et percusserat cum eis pactum, et mandaverat eis, dicens : Nolite timere deos alienos, et non adoretis eos, neque colatis eos, et non immoletis eis ; 36. sed Dominum Deum vestrum, qui eduxit vos de terra Ægypti in fortitudine magna, et in brachio extento, ipsum timete, et illum adorate, et ipsi immolate. 37. Cæremonias quoque, et judicia, et legem, et mandatum quod scripsit vobis , custodite ut faciatis cunctis diebus, et non timeatis deos alienos. 38. Et pactum, quod percussit vobiscum, nolite oblivisci : nec colatis deos alienos , 39. Sed Dominum Deum vestrum timete, et ipse eruet vos de manu omnium inimicorum vestrorum. 40. Illi vero non audierunt, sed juxta consuetudinem suam pristinam perpetrabant. 41. Fuerunt igitur Gentes istæ timentes quidem Dominum; sed nihilominus et idolis suis servientes : nam et filii eorum, et nepotes, sicut fecerunt patres sui, ita faciunt usque in præsentem diem.

Vers. 1. 1. ANNO DUODECIMO ACHAZ REGIS JUDA RÉGNAVIT OSEE FILIUS ELA IN SAMARIA. — Hic annus 12 Achaz erat octavus post mortem Phacee ; Phacee enim regnavit 20 annis, et mortuus est anno quarto Achaz, ut patet ex dictis cap. xvi, vers. 1. Quare fuit hic interregnum 8 annorum in Israel, scilicet ab anno quarto Achaz, quo mortuus est Phacee, usque ad annum duodecimum Achaz, quo Phacee successit Osee. Videtur ergo regnum Osee in Israel interruptum armis vel Syrorum, vel æmulæ

familiae Phacee, ait Abulensis, *Quæst. XVII*, per octo annos, donec octavo anno Osee iterum viribus resumptis cœpit regnare anno 12 Achaz. Ita Richardus de S. Victore in concordia annorum regum Israel et Juda, Cajetanus et alii. Vide dicta cap. xv, 30.

2. FECITQUE MALUM (Israeli solitum, scilicet collendo vitulos aureos a Jeroboam ibidem erectos, quasi deos penates sive Israeli proprios et patricios) CORAM DOMINO, SED NON SICUT REGES QUI ANTE

EUM FUERANT; — quia, ut tradunt Hebræi in *Seder-Olam* cap. **xxii**, Osee licet ipse coleret vitulos aureos, permisit tamen suis qui vellent ire in Jerusalem, ibique adorare Deum Judæorum in templo, quod cæteri reges Israel non permiserant, imo per dispositos a se custodes, euntes intercipiebant. Hinc Osee permisit Israelitas ab Ezechia invitatos Jerosolymam ad celebrandum Pascha, eodem pergere, ut patet II *Paralip.* **xxx, 11 et 18.**

Vers. 3. **3. CONTRA HUNC ASCENDIT SALMANASAR** — filius Theglathphasar filii Phulensis. Genebrardus putat Salmanasar esse eum qui a Ptolemæo Nabonassar vocatur. Verum Salmanasar fuit Assyrius, Nabonassar vero Chaldæus, ut nomina ipsa indicant. Ita Serarius. Quare Nabonassar fuit Baladan, de quo cap. **xx, 12.**

ET FACTUS EST EI OSEE SERVUS, REDDEBATQUE ILLI TRIBUTA — per quinque vel sex annos, quibus exactis negavit tributum, fretus ope regis Ægypti. Quare Salmanasar invasit Israelem, ac Osee vinxit, et Samariam per tres annos obsedit, ac anno tertio cepit; qui fuit annus nonus et ultimus Osee, quo Salmanasar reliquias quinque tribus Israelis abduxit in Assyriam et Medium, sicut Theglathphasar pater ejus ante quatuordecim annos quinque viciniores tribus eodem abduxerat. Fuit hæc secunda plenaque captivitas Israelis, sive decem tribuum, ex qua nunquam redierunt, facta anno sexto Ezechiae regis Juda, idque ut testimonium esset Christum exspectatum esse Messiam sibi jam olim ex libris veteris Testamenti, ait Caijanus; nulla enim spes eis restat restituendi regni terreni, cum plane sint dissipati et dispersi, sed tantum spes regni spiritualis, et salutis æternæ quam attulit Christus omnibus gentibus quæ in eum credere volunt. Porro tunc ex Israel in Assyriam abductus fuit Tobias; erat enim ipse ex tribu Nephtali: quare ejus historia hic subnectenda est; hoc enim tempore sub Salmanasar contigit.

Vers. 6. **6. POSUITQUÉ EOS IN HALA ET HABOR JUXTA FLUVIUM GOZAN, IN CIVITATIBUS MEDORUM.** — Josephus ait abductos in Medium et Persidem. Scaliger censet translatos ad Colchos et Iberos. Ego vero, ait Genebrardus, puto veterem Tartariam esse ad desertum Belgiam in Orientis Septentrionalis angulo, e qua illi sub annum Christi 1200, duce Cignis erumpentes, cum antea ignoti essent, et loco et nomine, imperium Cham Tartarorum, quod hodie memoratur, constituerunt. Nam in Hebræorum annalibus apud R. Salomonem in **xxvii Isaïe**, decem tribus in Oriente fuerunt perdite, ibique facile amplexæ sunt Mahometismum: quod jam ab ævo circumcidenterunt, et corrupta iudicad Moysaicæ religionis specie tintæ essent. Confirmat id Genebrardus, ex eo quod hordæ quædam apud Tartaros nomina Dan, et Nephtalim et Zabulon retinuisse dicuntur, aliaque apud eos extare legis et rerum Hebraicarum monumenta: ut non mirum sit Russiam, Sarmatiam,

Livoniam et Moscoviam Judæis abundare, qui etiam nunc, sicut et in Europa, patriæ superstitionis retinentissimi sunt. Addit Genebrardus plerosque in Americam penetrasse; nam ibi sepultra subterranea cum litterarum Hebraicarum inscriptionibus esse reperta (1), et eam profactionem indicari IV *Esdræ* **xiii, 40**: « Hæ sunt decem tribus, inquit, quæ captivæ factæ sunt de terra sua in diebus Osee regis, quem captivum duxit Salmanasar rex Assyriorum, et transtulit eos trans flumen, et translati sunt in terram aliam, etc. » Denique censet Genebrardus hanc Israelitarum per Orientem et Septentrionem dispersionem et quasi infusionem Judæorum, fabulæ quod Caspiis montibus clausi teneantur, occasionem dedisse. Hic ergo finitur regnum Israel sive decem tribuum, quod a primo eorum rege Jeroboam, qui fecit schisma a Roboam rege Juda, stetit per annos 256, hæcque est Assyriaca captivitas, quæ Babyloniam in qua abducta est tribus Juda, et excisa Jerusalem sub Sedecia rege, præcessit annis 134.

Porro multi hanc captivitatem prævidentes fugerant in alias provincias, multi etiam veri Dei cultores migrarunt in tribum Juda, eique se junxerunt, ut patet ex sequenti.

Vers. 9. **9. ET IRRITAVERUNT FILII ISRAEL VERBIS NON RECITIS DOMINUM.** — « Verbis, » id est, rebus et operibus, puta idolatriis et superstitionibus. « Verbum » enim saepè in Scriptura significat rem verbo significatam per metonymiam, ut hic vers. **11.**

A TURRE CUSTODUM USQUE AD CIVITATĒM MUNITAM. — « Turrim custodum, » vocat turrim rusticam, quæ erigitur in agris et vineis, ut in ea degant custodes, qui uvas, fructus et segetes custodian, q. d. Israelitæ statuerunt idola in locis et municipiis tam parvis quam magnis, scilicet tam in pagis et villis, quam in oppidis et urbibus munitis. Ita Vatablus.

11. FECERUNTQUE VERBA (id est opera) PESSIMA, — Vers. 11. uti jam dixi.

Vers. 12. **13. ET TESTIFICATUS (protestatus) EST DOMINUS IN ISRAEL ET IN JUDA PER MANU OMNIVM PROPHETARVM;** — tunc enim Deus misit prophetas, scilicet Osee, Isaiam, Joelem, Amos, Abdiam et Michæam, ut patet ex eorum procemo. Nam sub Azaria, sive Ozia rege cœpit prophetare Osee et Isaias, qui ex parte Dei protestati sunt Israeli et Judæ de injuria et impietate in Deum commissa, quod scilicet relicto Deo colerent idola, ac de ejus castigatione, quod scilicet Deus eos per Assyrios vastaret, et captivos abduceret; hanc enim eis comminati et vaticinati sunt.

Vers. 13. **15. ET SECUTI SUNT GENTES QUÆ ERANT PER CIR-** Vers. 15.

(1) Quin et multas traditiones S. Scripturis consenserentes, D. de Humboldt in America reperit, quas videre est in opere cui titulus: *Monumenta populorum indigenorum Americæ* (2 in 8 Parisiis 1816).

CUITUM. — Ecce hæc fuit Israelitis occasio et causa idololatriæ, quod scilicet per commercium, con-nubia, et familiaritatem cum gentibus vicinis, earum mores et superstitiones didicerint et imbi-berint. Sic nostro sæculo Germania, Gallia, Suecia, Dania, Anglia, Scotia, etc., a vicina Saxonia Saxonis Lutheri hæresim imbiberunt per mutua com-mercia, præsertim mercatorum hæreticorum.

Vers. 16. **16. ET ADORAVERUNT UNIVERSAM MILITIAM COELI,** — puta solem, lunam, luciferum cæteraque astra, quæ sunt quasi « militia » et ordinata acies Dei, quæ semper circumit, et stationes suas obit, mi-litatque Deo ac ejus jussu in infideles et impios vibrat procellas, tonitrua et fulmina.

Vers. 20. **20. PROJECITQUE DOMINUS OMNE SEMEN ISRAEL** (sci-licet tam decem tribum, quam tribus Juda, de qua sermo præcessit), **DONEC PROJICERET EOS A FA-CIE SUA**, — id est donec plene et irrevocabiliter eos a se abjiceret. Notent hic Judæi, scilicet se plane a Deo abjectos et projectos esse, ut suæ gentis e captivitate, quam per 1600 annos patiun-tur, liberationem, et Synagogæ restitutionem spe-rare non debeant, sed cæteris gentibus immixti et permixti, cum eis in Christum credere debeant, si a servitute tam temporali quam æterna libe-rari velint.

Vers. 24. **24. ADDUXIT AUTEM REX ASSYRIORUM VIROS DE BABYLONE.** — Hinc patet Salmanasar dominatum fuisse non tantum Assyriæ, sed et Babylonii : nam inde colonos transtulit in Samariam.

ET DE CUTHA. — Hinc coloni hi translati in Sa-mariam dicti sunt Cuthæi, sicut a Samaria dicti sunt Samaritani. Quare ipsi fuere Babylonii et Assyrii, non vero Judæi vel Israelitæ.

Vers. 26. **26. IGNORANT LEGITIMA DEI TERRE,** — id est ig-norant ritum et cæremonias, quibus legitime coli-vult Deus Samariæ : idcirco enim ipse iratus im-misit in eos leones, ut præcessit.

Vers. 30. **30. VIRI ENIM BABYLONII FECERUNT SOCHOTH BE-NOTH** — quasi suum simulacrum et idolum. Notat Vatablus voces has esse Syriacas et Chaldaicas, atque hæc significare : *Succoth Benoth* idem est quod *gallinæ cum pullis suis*. *Nergel* est *gallus gallinaceus*. *Asima* est *hircus sylvestris*. *Nebahaz* est *canis*, eo quod latrare soleat, aut iratus exerat dentes. *Tharthac* est *asinus*. *Adramelech* et *Anamelech* est *mulus et asinus*. Vide et mirare hic stoliditatem Cuthæorum sive Samaritarum, qui stolidissima animalia, uti sunt mulus, equus et asinus, pro diis coluerunt : permisit hoc Deus, ut ostenderet in quæ absurdâ numina incident illi qui verum Dei numen deserunt.

33. ET CUM DOMINUM COLERENT, DIIS QUOQUE SUIS Vers. 32. **SERVIEBANT.** — Nova fuit hæc Cuthæorum stultitia, quod Deum cum idolis suis colerent, quasi Deus esset Dominus terræ Israel, quam ipsi incolebant; idola vero essent dii patrii suarum terrarum, ex quibus abducti erant in Samariam.

41. FUERUNT IGITUR GENTES ISTÆ TIMENTES (ado-rantes, sacrificantes, colentes) **QUIDEM DOMINUM, NIHILominus ET IDOLIS SUIS SERVIENTES.** NAM FILII EORUM ET NEPOTES, SICUT FECERUNT PATRES EORUM, ITA FACIUNT USQUE IN PRÆSENTEM DIEM. — Hi ergo sunt Cuthæi sive Samaritæ vel Samaritani, qui si-mul colebant Deum Israel cum idolis gentium, ideoque Judæis Deum solum colentibus fuere exosi quasi anathemata, ut patet ex Samaritana cum Christo colloquente, *Joannis* iv. Ex tota enim gentium deorum et religionum colluvie et per-mixtione, religionem quamdam ex multis compactam, quasi centonem monstrosum effecere. Quare errores varios habuere, quos recenset S. Epiphanius, Philastrius et alii in eorum hæresi. A Judæis mutuati sunt circumcisionem, sabbati cultum, cæremonias a Moyse præscriptas. Solum enim Moysis Pentateuchum admittebant, cæteros vero prophetas et hagiographas spernebant. Ab aliis gentibus mutuati sunt eorum idola, ritus gentilitios, superstitiones, etc. Addit Philastrius, et ex eo Gabriel Prateolus in hæresi Samaritanorum, eos primo, judicium futurum non exspec-tare; secundo, resurrectionem mortuorum negare; tertio, animæ immortalitatem inficiari; quarto, JESUM esse Christum Dei Filium a prophetis promissum non credere; quinto, S. Epiphanius, *hæ-resi* 9 sub medium : « Habent, inquit, alias quasdam dementiæ consuetudines antiquas, quod videlicet urina se proluunt, ubi ab externis vene-rint, polluti nimirum. Et quod in aquam se una cum vestibus immergunt, ubi configerint alium ex alia gente. » De aliis Samaritanorum erroribus vide Epiphanium, *hæresi* 10, 11, 12, 13. Porro Samaritæ, cum Judæis omnia prospere succede-rent, volebant esse Judæi, cum sinistre eos aver-sabantur, instar vespertilionis Æsopici, qui cum avibus volebat esse avis propter alas quas habet, cum muribus mus; corpore enim est mus, sed alis avis. Unde Josephus, lib. XI *Antiq.* cap. viii, et lib. XII, cap. vii, scribit Samaritas, cum vide-rent Alexandrum Magnum Judæis amicum, jac-tasse se esse Judæos, et eamdem cum eis religio-nem colere: cum vero Antiochum Epiphanem eis infensem et infestum consiperent, negasse se esse Judæos, eosque aversatos esse.

CAPUT DECIMUM OCTAVUM.

SYNOPSIS CAPITIS.

Regnat Ezechias, idola subvertit, rebellat regi Sennacherib, qui vers. 17, mittit Rabsacen. Hic Deum blasphemat, et Ezechiae insultat, suadetque Iudeis ut se dedant Sennacherib.

1. Anno tertio Osee filii Ela regis Israel, regnavit Ezechias filius Achaz regis Juda. 2. Vinti quinque annorum erat, cum regnare cœpisset; et viginti novem annis regnavit in Jerusalem: nomen matris ejus Abi filia Zachariæ, 3. Fecitque quod erat bonum coram Domino, juxta omnia quæ fecerat David pater ejus. 4. Ipse dissipavit excelsa, et contrivit statuas, et succidit lucos, confregitque serpentem æneum quem fecerat Moyses: siquidem usque ad illud tempus filii Israel adolebant ei incensum; vocavitque nomen ejus Nohestan. 5. In Domino Deo Israel speravit: itaque post eum non fuit similis ei de cunctis regibus Juda, sed neque in his qui ante eum fuerunt; 6. et adhæsit Domino, et non recessit a vestigiis ejus, fecitque mandata ejus, quæ præceperat Dominus Moysi. 7. Unde et erat Dominus cum eo, et in cunctis, ad quæ procedebat, sapienter se agebat. Rebellavit quoque contra regem Assyriorum, et non servivit ei. 8. Ipse percussit Philistæos usque ad Gazam, et omnes terminos eorum, a Turre custodum usque ad Civitatem munitam. 9. Anno quarto regis Ezechiae, qui erat annus septimus Osee filii Ela regis Israel, ascendit Salmanasar rex Assyriorum in Samariam, et oppugnavit eam, 10. et cepit. Nam post annos tres, anno sexto Ezechiae, id est nono anno Osee regis Israel, capta est Samaria: 11. et transtulit rex Assyriorum Israel in Assyrios, collocavitque eos in Hala et in Habor flaviis Gozan in civitatibus Medorum; 12. quia non audierunt vocem Domini Dei sui, sed prætergressi sunt pactum ejus: omnia, quæ præceperat Moyses servus Domini, non audierunt, neque fecerunt. 13. Anno quartodecimo regis Ezechiae, ascendit Sennacherib rex Assyriorum ad universas civitates Juda munitas, et cepit eas. 14. Tunc misit Ezechias rex Juda nuntios ad regem Assyriorum in Lachis, dicens: Peccavi, recede a me; et omne quod imposueris mihi feram. Indixit itaque rex Assyriorum Ezechiae regi Judæ trecenta talenta argenti, et triginta talenta auri. 15. Deditque Ezechias omne argentum quod repertum fuerat in domo Domini, et in thesauris regis; 16. in tempore illo confregit Ezechias valvas templi Domini, et laminas auri, quas ipse affixerat, et dedit eas regi Assyriorum. 17. Misit autem rex Assyriorum Tharthan, et Rabsaris, et Rabsacen, de Lachis ad regem Ezechiam, cum manu valida, Jerusalem: qui cum ascendissent, venerunt Jerusalem, et steterunt juxta aqueductum piscinæ superioris, quæ est in via Agrifullonis. 18. Vocaveruntque regem: egressus est autem ad eos Eliacim filius Helciæ, præpositus domus, et Sobna scriba, et Joahe filius Asaph a commentariis. 19. Dixitque ad eos Rabsaces: Loquimini Ezechiae: Hæc dicit rex magnus, rex Assyriorum: Quæ est ista fiducia, qua niteris? 20. Forsitan inisti consilium, ut præpares te ad prælium. In quo confidis, ut audeas rebellare? 21. an speras in baculo arundineo atque confracto Ægypto, super quem, si incubuerit homo, comminutus ingredietur manum ejus, et perforabit eam? sic est Pharaon rex Ægypti omnibus qui confidunt in se. 22. Quod si dixeritis mihi: In Domino Deo nostro habemus fiduciam; nonne iste est cuius abstulit Ezechias excelsa et altaria, et præcepit Judæ et Jerusalem: Ante altare hoc adorabitis in Jerusalem? 23. Nunc igitur transite ad Dominum meum regem Assyriorum, et dabo vobis duo millia equorum, et videte an habere valeatis ascensores eorum? 24. Et quomodo potestis resistere ante unum satrapam de servis domini mei minimis? An fiduciam habes in Ægypto propter currus et equites? 25. Numquid sine Domini voluntate ascendi ad

locum istum, ut demolirer eum ? Dominus dixit mihi : Ascende ad terram hanc, et demolire eam. 26. Dixerunt autem Eliacim filius Helciæ, et Sobna, et Joahe, Rabsaci : Precamur ut loquaris nobis servis tuis Syriace, siquidem intelligimus hanc linguam; et non loquaris nobis Judaice, audiente populo, qui est super murum. 27. Responditque eis Rabsaces, dicens : Numquid ad dominum tuum, et ad te misit me dominus meus, ut loquerer sermones hos, et non potius ad viros, qui sedent super murum, ut comedant stercora sua, et bibant urinam suam vobiscum ? 28. Stetit itaque Rabsaces, et exclamavit voce magna Judaice, et ait : Audite verba regis magni, regis Assyriorum. 29. Hæc dicit rex : Non vos seducat Ezechias; non enim poterit eruere vos de manu mea. 30. Neque fiduciam vobis tribuat super dominum, dicens : Eruens liberavit nos Dominus, et non tradetur civitas hæc in manu regis Assyriorum. 31. Nolite audire Ezechiam. Hæc enim dicit rex Assyriorum : Facite mecum quod vobis est utile, et egredimini ad me; et comedet unusquisque de vinea sua, et de ficu sua, et bibet aquas de cisternis vestris : 32. donec veniam, et transferam vos in terram quæ similis est terræ vestræ, in terram fructiferam, et fertilem vini, terram panis et vinearum, terram olivarum, et olei ac mellis, et vivetis, et non moriemini. Nolite audire Ezechiam qui vos decipit, dicens : Dominus liberabit nos. 33. Numquid liberaverunt dii Gentium terram suam de manu regis Assyriorum ? 34. Ubi est deus Emath, et Arphad ? ubi est deus Sepharvaim, Ana et Ava ? numquid liberaverunt Samariam de manu mea ? 35. Quinam illi sunt in universis diis terrarum, qui eruerunt regionem suam de manu mea, ut possit eruere Dominus Jerusalem de manu mea ? 36. Tacuit itaque populus, et non respondit ei quidquam : siquidem præceptum regis acceperant, ut non responderent ei. 37. Venitque Eliacim filius Elciæ, præpositus domus, et Sobna scriba, et Joahe filius Asaph a commentariis, ad Ezechiam, scisis vestibus, et nuntiaverunt ei verba Rabsacis.

Vers. 2. **2. VIGINTI QUINQUE ANNORUM ERAT, CUM REGNARE COEPISSET.** — Dices : Ex capite præcedenti liquet quod Achaz vixerit duntaxat triginta sex annis; ergo Achaz genuit Ezechiam anno ætatis undecimo : nam cum ipse mortuus est anno ætatis trigesimo sexto, succedens ei Ezechias erat 25 annorum; tolle enim 25 a 36, remanent anni undecim. Consequentiam admittit Cajetanus, Sanchez et S. Hieronymus, epistola 432 ad Vitalem, ubi pluribus exemplis id fieri posse probat. Abulensis tamen censem Achaz fuisse quatuordecim annorum, cum genuit Ezechiam; quia, inquit, in Scriptura tacentur anni ejus incompleti. Erat enim Achaz, inquit Abulensis, cum cœpit regnare, viginti annorum scilicet completorum, et unius incompleti, quem Scriptura non numerat. Rursum sedecim annis regnavit, scilicet completis, insuper decimo septimo incompleto : quare mortuus est anno ætatis trigesimo octavo. Ezechias quoque erat tantum 24 annorum completorum, cum regnare cœpit; sed inchoarat annum 25.

Vers. 4. **4. CONFREGITQUE SERPENTEM AENEUM QUEM FECERAT MOYES** (ad sanandum eos qui a serpentibus morsi erant, *Numer. xxi, 8*); **SIQUIDEM USQUE AD ILLUD TEMPUS FILII ISRAEL ADOLEBANT EI INCENSUM** — tanquam numini benefico, utpote qui patres eorum curasset a morsu serpentum. Addit Philastrius Episcopus Brixensis, coævus S. Ambrosio, lib. *De hæresibus*, cap. xxi, Ezechiam jussisse deleri et ferro radi; penitusque excendi impressiones sive

insculptiones quasdam quas Judæorum populus faciebat in lapide quodam magno, velut obelisco, qui in templo, loco columnæ erector erat : ex quo tollentes diversas formulas velut quarumdam litterarum, et in lamina ponentes in collo bajulabant, quibus incantationes quasdam et maleficia exercebant, atque percolebant ea velut tutamina quædam, in pectore suo illa portantes, quæ Dominus in lege passim fieri vetuerat, quod paganae cæcitatibus hæc esset impietas.

VOCAVITQUE NOMEN EJUS NOHESTAN, — id est *aenulum*, scilicet ex parvo, vili et tinnulo ære conflatum. « Nohestan » enim est nomen diminutivum, quo utitur Ezechias ad simulaci contemplum, q. d. Quid putatis, o Judæi, parum æris viliis sordidique habere divinitatem? Erratis, nil in eo est numinis, nil magni, nam non est aliud quam modica objecti nigrique æris portio. Addit Anastasius Nicænus ex Eusebio : « Libros, inquit, Salomonis qui scripti erant de Proverbiis, et odis in quibus tractabatur de natura plantarum et omni genere animalium, et de curatione omnium morborum, de medio sustulit Ezechias; propterea quod morborum medelas inde acciperet populus, et nihil facerent a Deo petere curationes. »

5. IN DOMINO DEO ISRAEL SPERAVIT, — ideoque dicitur vers. 7 : « Unde et erat Dominus cum eo, et in cunctis, ad quæ procedebat, sapienter se agebat. » Unde et apposite vocatus est « Ezechias » hebraice חִזְקִיָּה Chiakiah, id est *fortitudo mea*

Dominus, ait Pagninus, quasi hoc ejus fuerit lemma et symbolum.

NON FUIT SIMILIS EI, — Ezechiæ, quoad hoc scilicet, quod abstulerit excelsa et serpentem æneum confregerit, quæ alii reges omnes ante eum permiserant. Nam alioqui David videtur religiosior et sanctior fuisse Ezechias : David enim vir fuit secundum cor Dei, cui proinde a Deo facta est promissio de Christo ex se nascituro ; adeoque David a Deo statutus est in exemplar quod imitarentur, regibus omnibus ex eo nascituris. Ita Abulensis. Vel certe est hyperbole, q. d. Adeo pius et zelosus in Dei cultu tuendo fuit Ezechias, ut vix videatur habuisse parem vel similem. Idem dicitur de Abraham, *Ecli. XLIV, 20* : « Non est, inquit, inventus similis illi in gloria, qui conservavit legem Excelsi. » Vide ibi dicta.

Vers. 7.

7. REBELLAVIT QUOQUE CONTRA REGEM ASSYRIORUM, — cui se pater ejus Achaz subjicerat penderbatque tributum, quod negavit Ezechias, indignum reputans regem Juda fidelem servire regi infideli, confidensque in Deo, quod ipse se ab hac servitute liberaret, uti et fecit, per miraculosam victoriam.

Vers. 8.

8. A TURRE CUSTODUM — rusticana, ut dixi cap. XVII, vers. 9.

Vers. 11.

11. COLLOCAVITQUE EOS IN HALA ET IN HABOR FLUVIIS GOZAN IN CIVITATIBUS MEDORUM — Pro fluviiis, Serarius et alii censem legendum fluvii. Unde Vatablus vertit, *juxta fluvium Gozan*, et sic vertit Noster, cap. XVII, 6. Hebraice enim est נְהָר, id est fluvii, in singulari; aut certe fluvii vocantur urbes adjacentes fluiis per metonymiam, nam in urbibus habitant homines, non in fluiis, nisi apud Sinas, ubi tanta est hominum copia, ut terra eos non capiat : quare multi in pontibus et navibus fluminum habitare coguntur, teste nostro Nicolao Trigaultio in historia Chinensi.

Vers. 13.

13. ANNO QUARTODECIMO REGIS EZECHIAE ASCENDIT SENNACHERIB, — qui jam Salmanasar patri vita

functo, in regno Assyriorum successerat. Ascendit autem contra Judam, eo quod Ezechias rebellasset et tributum negasset, vers. 7. Id factum est ex Dei providentia, qui, non obstante pietate Ezechiæ, volebat punire tribum Juda, ob idolatriam et scelera ab ea commissa.

17. MISIT AUTEM REX ASSYRIORUM. — Nota hic per fidiam Sennacherib qui, acceptis ab Ezechia trecentis argenti talentis, et triginta auri, nihilominus mittit contra eum exercitum, qui proinde ab Angelo cæsus est, ac dum aliena invasit, sua domini amisit. Vers. 17.

QUÆ EST IN VIA AGRIFULLONIS. — Ita dictus est ager, quod in eo fullones aqua piscinæ pannos abluerent.

25. DOMINUS DIXIT MIHI: ASCENDE AD TERRAM HANC, ET DEMOLIRE EAM. — Mentitur Rabsaces se Dei jussu invadere Judeos, ut eos terreat, et ad deditonem compellat. Ita Abulensis. Vers. 25.

Reliqua hujus capitinis transcripta sunt ex *Isaiæ* cap. XXXVI, ubi ea explicui : Isaias enim fuit internuntius inter Deum et Ezechiam, eique victoriæ contra Sennacherib prædictæ et promisit.

36. PRÆCEPTUM REGIS (Ezechiæ) ACCEPERANT, UT NON RESPONDERENT EI. — Cur? Respondet primo S. Cyrillus Alexandrinus in cap. *Isaiæ* citatum : « Quia, inquit, imperitis sermonibus, et fastui barbarico, linguæque contra Deum petulantí illacrymari potius, quam reclamare oportuit. » Respondet secundo Procopius ad locum citatum Regum : « Nihil, inquit, ad blasphemias istas responderi passus est pius rex, ne ad majores provocaret. » Respondet tertio Abulensis, ibidem *Quæst. XLIV* : « Quia ad honorem, inquit, regis pertinebat, quod negotia fierent prudenter, ordinate, et cum maturatione; si autem quilibet de populo posset respondere Rabsaci, sicut vellet, esset quædam deordinatio magna, et posset irridere Rabsaces deordinationem quam habebat Ezechias in subditis et negotiis suis. » Vers. 36.

CAPUT DECIMUM NONUM.

SYNOPSIS CAPITIS.

Isaras prædictit Ezechiæ victoriam de Sennacherib: quare Angelus ex ejus castris cædit 185 milia.

1. Quæ cum audisset Ezechias rex, scidit vestimenta sua, et opertus est sacco, ingressusque est domum Domini.
2. Et misit Eliacim præpositum domus, et Sobnam scribam, et senes de sacerdotibus, opertos saccis, ad Isaiam prophetam filium Amos.
3. Qui dixerunt : Hæc dicit Ezechias : Dies tribulationis, et increpationis, et blasphemie, dies iste : venerunt filii usque ad partum, et vires non habet parturiens.
4. Si forte audiat Dominus Deus tuus universa verba Rabsacis, quem misit rex Assyriorum dominus suus, ut exprobraret Deum viventem, et argueret verbis, quæ audivit Dominus Deus tuus : et fac orationem pro reliquiis, quæ repertæ sunt.
5. Venerunt ergo servi regis Ezechiæ ad Isaiam.
6. Dixitque eis Isaias : Hæc di-

etis domino vestro : Hæc dicit Dominus : Noli timere a facie sermonum, quos audisti, quibus blasphemaverunt pueri regis Assyriorum me. 7. Ecce, ego immittam ei spiritum, et audiatur nuntium, et revertetur in terram suam, et dejiciam eum gladio in terra sua. 8. Reversus est ergo Rabsaces, et invenit regem Assyriorum expugnatorem Lobnam : audierat enim quod recessisset de Lachis. 9. Cumque audisset de Tharaca rege Æthiopiæ, dicentes : Ecce, egredens est ut pugnet adversum te : et iret contra eum, misit nuntios ad Ezechiam, dicens : 10. Hæc dicite Ezechiae regi Juda : Non te seducat Deus tuus in quo habes fiduciam : neque dicas : Non tradetur Jerusalem in manus regis Assyriorum. 11. Tu enim ipse audisti quæ fecerunt reges Assyriorum universis terris, quomodo vastaverunt eas : num ergo solus poteris liberari ? 12. Numquid liberaverunt dii Gentium singulos, quos vastaverunt patres mei, Gozan videlicet, et Haran, et Reseph, et filios Eden, qui erant in Thelassar ? 13. Ubi est rex Emath, et rex Arphad, et rex civitatis Sepharvaim, Ana, et Ava ? 14. Itaque cum accepisset Ezechias litteras de manu nuntiorum, et legisset eas, ascendit in domum Domini, et expandit eas coram Domino. 15. Et oravit in conspectu ejus, dicens : Domine Deus Israel, qui sedes super Cherubim, tu es Deus solus regum omnium terræ, tu fecisti cœlum et terram. 16. Inclina aurem tuam, et audi : aperi, Domine, oculos tuos, et vide : audi omnia verba Sennacherib, qui misit ut exprobraret nobis Deum viventem. 17. Vere, Domine, dissipaverunt reges Assyriorum Gentes, et terras omnium. 18. Et miserunt deos eorum in ignem : non enim erant dii, sed opera manuum hominum ex ligno et lapide, et perdidérunt eos. 19. Nunc igitur, Domine Deus noster, salvos nos fac de manu ejus, ut sciant omnia regna terræ, quia tu es Dominus Deus solus. 20. Misit autem Isaias filius Amos ad Ezechiam, dicens : Hæc dicit Dominus Deus Israel : Quæ deprecatus es me super Sennacherib rege Assyriorum, audivi. 21. Iste est sermo, quem locutus est Dominus de eo : Sprevit te, et subsannavit te, virgo filia Sion : post tergum tuum caput movit, filia Jerusalem. 22. Cui exprobrasti et quem blasphemasti ? contra quem exaltasti vocem tuam, et elevasti in excelsum oculos tuos ? contra sanctum Israel. 23. Per manum servorum tuorum exprobrasti Domino, et dixisti : In multitudine curruum meorum ascendi excelsa montium in summitate Libani, et succidi sublimes cedros ejus, et electas abietes illius. Et ingressus sum usque ad terminos ejus, et saltum carmelij ejus. 24. ego succidi. Et bibi aquas alienas, et siccavi vestigiis pedum meorum omnes aquas clausas. 26. Numquid non audisti quid ab initio fecerim ? Ex diebus antiquis plasmavi illud, et nunc adduxi : eruntque in ruinam collum pugnantium civitates munitæ. 26. Et qui sedent in eis, humiles manu, contremuerent et confusi sunt, facti sunt velut fœnum agri, et virens herba tectorum, quæ arefacta est antequam veniret ad maturitatem. 27. Habitaculum tuum, et egressum tuum, et introitum tuum, et viam tuam ego præscivi, et furorem tuum contra me. 28. Insanisti in me, et superbia tua ascendit in aures meas : ponam itaque circulum in naribus tuis, et camum in labiis tuis, et reducam te in viam, per quam venisti. 29. Tibi autem, Ezechia, hoc erit signum : Comede hoc anno quæ repereris : in secundo autem anno, quæ sponte nascentur : porro in tertio anno seminate et metite : plantate vineas, et comedite fructum earum. 30. Et quodcumque reliquum fuerit de domo Juda, mittet radicem deorsum, et faciet fructum sursum. 31. De Jerusalem quippe egredientur reliquiæ, et quod salvetur de monte Sion : zelus Domini exercituum faciet hoc. 32. Quam ob rem hæc dicit Dominus de rege Assyriorum : Non ingredietur urbem hanc, nec mittet in eam sagittam, nec occupabit eam clypeus, nec circumdabit eam munitio. 33. Per viam, qua venit, revertetur : et civitatem hanc non ingredietur, dicit Dominus. 34. Protegamque urbem hanc, et salvabo eam propter me, et propter David servum meum. 35. Factum est igitur in nocte illa, venit Angelus Domini, et percussit in castris Assyriorum centum octoginta quinque millia. Cumque diluculo surrexisset, vidi omnia corpora mortuorum : et

recedens abiit, 36. Et reversus est Sennacherib rex Assyriorum, et mansit in Ninive. 37. Cumque adoraret in templo Nesroch deum suum, Adramelech et Sarasar filii ejus percuesserunt eum gladio, fugeruntque in terram Armeniorum, et regnavit Asarhaddon filius ejus pro eo.

Hoc caput pariter transcriptum est ex Isaiae cap. xxxviii, ubi illud explicui.

Vers. 34. 34. PROPTER DAVID. — Quæres : Cur non dixit : « Propter Ezechiam et Isaiam, » quorum sine dubio preces Deo gratissimæ extiterunt? Optime Glycas, II parte *Annalium*, citatus in *Glossa* : « Hæc verba, inquit, ita divinitus prolatæ sunt; ne putaret Ezechias orationem suam, justitiae causa, qua prædictus erat, exauditam esse. »

Vers. 37. 37. ET REGNAVIT ASARHADDON FILIUS EJUS PRO EO, — Genebrardus in *Chronol.*, Pererius, Arias Montanus, et Serarius in cap. i *Judith*, vers. 1, censem Asarhaddon esse Sardanapalum, primo, quia sicut sit Sar- danapalus a gentilibus Historicis ponitur ultimus rex et monarca Assyriorum, sic et a Scriptura ultimus Assyriorum rex ponitur Asarhaddon: post eum enim nominantur Baladan Merodach, Nabuchodonosor, Evelmerodach et Baltasar, qui omnes fuere principes et reges Babyloniorum. Secundo, quia Sardanapali nomen videtur conflatum ex Asar et Don vel Haddon addito nomine Phul; ergo est idem cum Asarhaddon. Tertio, quia

quæ de eversione Ninives futura per eluvionem Tigris fluvii prædicant Jonas et Nahum, ea sub Sardanapalo contigisse testatur Diodorus (1).

Verum Eusebius, Torniellus, Salianus, cæterique Chronologi Sardanapalum anterius collocant, scilicet sub Azaria rege Juda: tunc enim prophetauit Jonas, et Sardanapalo excidium Ninives prædictit, ut dixi cap. xv, vers. 2, et *Jonas* cap. iii, 6 et seq.

(1) Alii e contra putant Asarrhadon esse alium a Sardanapalo. D. de Saulcy, in opere cui titulus : *Exquisitiones de Chronologia imperiorum Ninives, Babylonie et Ecbatanae*, satis firmis argumentis probat, Sardanapalum esse eundem ac Kiniladan regem Ninives, qui a Nabopala-atzer, Babylonie Satrapa, et a Cyaxare Medorum rege profligatus, se una cum uxoribus et thesauris combussit, ante Christum 625, prioris Sardanapali exemplum secutus. Juxta eundem auctorem, Asarrhadon ille est qui a Ptolemæo vocatur Asaridinos vel Isarindinos, et qui patri suo Sennacherib successit, postquam ille a duobus filiis natu majoribus, Adramelech et Sarasar, occisus est. Deinde aliquot annis elapsis, Babyloniorum imperium, post interregnum octo circiter annorum, occupavit, et super Ninivitas simul et Babylonios, ab anno 680 ad annum 667, regnavit. *Annal. philos. christ.* tom. XXXVIII.

CAPUT VIGESIMUM.

SYNOPSIS CAPITIS.

Ezechias æger invocans Deum per Isaiae ficus sanatur, signumque accipit, reversionem umbræ in horologio: mox, vers. 12, Merodach rex Babylonis mittit legatos ad Ezechiam, quibus ipse omnes suos thesauros ostendit, ideoque ab Isaia audit illos omnes a Babylonis diripiendos.

1. In diebus illis ægrototavit Ezechias usque ad mortem: et venit ad eum Isaias filius Amos, propheta, dixitque ei: Hæc dicit Dominus Deus: Præcipe domui tuæ: morieris enim tu, et non vives. 2. Qui convertit faciem suam ad parietem, et oravit Dominum, dicens: 3. Obsecro, Domine, memento, quæso, quomodo ambulaverim coram te in veritate, et in corde perfecto, et quod placitum est coram te fecerim. Flevit itaque Ezechias fletu magno. 4. Et antequam egredetur Isaias medium partem atrii, factus est sermo Domini ad eum, dicens: 5. Reverttere, et dic Ezechiae duci populi mei: Hæc dicit Dominus Deus David patris tui: Audivi orationem tuam, et vidi lacrymas tuas: et ecce sanavi te, die tertio ascendes templum Domini. 6. Et addam diebus tuis quindecim annos: sed et de manu regis Assyriorum liberabo te, et civitatem hanc, et protegam urbem istam propter me, et propter David servum meum. 7. Dixitque Isaias: Afferte massam fícorum. Quam cum attulissent, et posuissent super ulcus ejus, curatus est. 8. Dixerat autem Ezechias ad Isaiam: Quod erit signum, quia Dominus me sanabit, et quia ascensurus sum die tertia templum Domini? 9. Cui ait Isaias: Hoc erit signum a Domino, quod facturus sit Dominus sermonem, quem locutus est: Vis ut ascendat umbra decem lineis, an ut revertatur totidem gradibus? 10. Et ait Ezechias: Facile est,

umbram crescere decem lineis : nec hoc volo ut fiat, sed ut revertatur retrorsum decem gradibus. 11. Invocavit itaque Isaias propheta Dominum, et reduxit umbram per lineas, quibus jam descenderat in horologio Achaz retrorsum decem gradibus. 12. In tempore illo misit Berodach Baladan, filius Baladan, rex Babyloniorum, litteras et munera ad Ezechiam : audierat enim quod ægrotasset Ezechias. 13. Lætatus est autem in adventu eorum Ezechias, et ostendit eis domum aromatum, et aurum et argentum, et pigmenta varia, unguenta quoque et domum vasorum suorum, et omnia quæ habere poterat in thesauris suis. Non fuit quod non monstraret eis Ezechias in domo sua, et in omni potestate sua. 14. Venit autem Isaias propheta ad regem Ezechiam, dixitque ei : Quid dixerunt viri isti ? aut unde venerunt ad te ? Cui ait Ezechias : De terra longinqua venerunt ad me, de Babylone. 15. At ille respondit : Quid viderunt in domo tua : Ait Ezechias : Omnia quæcumque sunt in domo mea, videbunt : nihil est quod non monstraverim eis in thesauris meis. 16. Dixit itaque Isaias Ezechiae : Audi sermonem Domini ; 17. Ecce dies venient, et auferentur omnia, quæ sunt in domo tua, et quæ considerunt patres tui usque in diem hanc, in Babylonem : non remanabit quidquam, ait Dominus. 18. Sed et de filiis tuis qui egredientur ex te, quos generabis, tollentur, et erunt eunuchi in palatio regis Babylonis. 19. Dixit Ezechias ad Isaiam : Bonus sermo Domini, quem locutus es : sit pax et veritas in diebus meis. 20. Reliqua autem sermonum Ezechiae, et omnis fortitudo ejus, et quomodo fecerit piscinam, et aqueductum, et introduxit aquas in civitatem, nonne hæc scripta sunt in Libro sermonum dierum regum Juda ? 21. Dormivitque Ezechias cum patribus suis, et regnavit Manasses filius ejus pro eo.

Hoc caput transcriptum quoque est ex *Isaiæ* cap. xxxviii et xxxix, ubi illud explicui. Multa de Ezechiae pietate et zelo religionis adduntur II *Paral.* cap. xxix, xxx et xxxi. Unde meruit ipse a Deo obtinere victoriam contra Sennacherib, et sanitatem miraculosam, in qua Deus ei adjecit 15 annos vitæ.

Vers. 12. IN TEMPORE ILLI MISIT BERODACH BALADAN, Baladan FILIUS BALADAN. — «Baladan» fuit primus princi quis ?

ceps Babyloniorum : eorum enim nomen hucusque non audivimus, sed Assyriorum dantaxat. Quare videtur quod Baladan praefectus Babylonie, vel potius filius ejus Merodach Baladan videns Sennacherib (cui ipse erat subditus et vec-tigalis) et Assyriorum copias ab Angelo cæsas in Judæa, ejusque vires attritas, jugum excusserit, seque principem absolutum et regem Babyloniorum effecerit, imo Asarhaddonem regno et vita privarit sub annum Ezechiae vigesimum sextum, ut vult Salianus ; tuncque defecit regnum Assyriorum : unde deinceps in Scriptura nulli reges Assyriorum nominantur, sed omnes Babyloniorum, quorum primus fuit Baladan. Unde «Baladan» Hebraice idem est quod *sine Domino*, ait Pagninus. Porro Baladan patrem non esse Salmanasar regem Assyriorum, ut vult Genebrardus, sed Nabonassar, qui a Ptolemæo in *Almagesto* ponitur primus princeps Babyloniorum, censem ex Eusebio, Berozo, Josepho, Scaliger, Serarius, Bellarminus, Torniellus, Salianus in *Chronol.* unde ab eo constituta fuit æra Nabonassarea, a qua Babylonii cæterique annos suos computant deinceps.

ceps, sicut Persæ a Cyro, Græci ab Alexandro, Romani ab Augusto. Hinc Chaldaice dictus est *Baladan a Bal et Haddon*. Bal enim sive Bel et Baal, erat Nemrod sive Jupiter, Belus, primus post diluvium turris Babel conditor, ut dixi *Genes.* x, qui (vel cuius socius) alio nomine dictus est Nabo, id est prophetia vel divinatio, uti dixi *Isaiæ* cap. xlvi, 1, ad illa : « confractus est Bel, contritus est Nabo. » Nam ut ait Tertullianus, *Apolog.* cap. xx : « Testimonium divinitatis est veritas divinationis. » Dei enim proprium est divinare, præscire, et prædicere futura, juxta illud *Isaiæ* cap. xli, vers. 23 : « Annuntiate quæ ventura sunt..., et sciemus quia dii estis vos. » Hinc a Nabo Deo et Assar conflatus est dictusque Nabonassar. Rursum filius Baladan, sive Nabonassar fuit hic « Merodach » sive Berodach, qui primus se regem Babylonis nuncupavit misitque legatos ad Ezechiam. Merodach successit filius Ben Merodach, uti asserunt Eusebius, lib. IX *De Præparat.*, Berosus apud Josephum, Methasthenes Annii, Josephus, Scaliger, lib. V *De Emendat. tempor.*, Torniellus, Salianus et alii, qui Baladan tribuunt 27 annos, Merodach 52, Ben Merodach 44, qui in unum conflati faciunt 123; unde Chronologi a Nabonassar usque ad Nabopolassar, quem Berosus vocat Nabolassar, qui Ben Merodach successit, fuitque Nabuchodonosor senior, uti asserunt Eusebius, Berosus, Scaliger, Bellarminus, Torniellus, Salianus et alii, numerant annos 123. Nabuchodonosori seniori post annos regni 19 defuncto successit Nabuchodonosor junior, cognomento Magnus, qui Jerusalem cepit,

et Judæos in Babylonem abduxit, ac monarchiam ab Assyriis ad Babylonios transtulit, regnavitque annis 45, cui successit filius Evel Merodach, alio nomine dictus Baltasar, per 34 annos, ut dixi *Daniel. v. 1.* Hæc chronologia virorum eruditorum est probabilis, licet alii aliam assignent in nonnullis a jam dicta differentem. Nil enim certi de temporibus tam antiquis, et historia certa carentibus potest. Vide dicta *Ezechielis cap. 1*, sub initium. Denique qui privatus dictus est Baladan, assumpto imperio, vocatus est Nabonassar Baladan; filius vero ejus vocatus est Merodach Baladan. Porro primum annum Nabonassar multi cum Ptolemæo assignant anno primo vel secundo octavæ Olympiadis, sive anno trigesimo ab initio Olympiadum, quem Torniellus contendit esse annum regis Achaz 13; conditæ vero Romæ sextum, Scaliger et Serarius volunt esse annum Achaz nonum, Salianus Achaz decimum quartum; alii malunt esse annum Joatham nonum. Nil enim certi in re tam incerta statui potest. Rursum Ptolemæus ab anno primo Nabonassar numerat annos 123, usque ad annum primum Nabopolassar, quem Eusebius, Berosus, Josephus, Scaliger, Salianus et alii censem esse Nabuchodonosorem seniorem. Alii vero censem esse juniorem, qui cognominatus est Magnus, et Judæos in Babylonem abduxit. Nec enim monarcham tam potentem videtur omisisse Ptolemæus. Difficile enim est et subinde impossibile historicos profanos adaptare, et per omnia adæquare historiæ sacræ Scripturæ, mox tamen eam illi adæquabo.

Porro Merodach inchoans regnum Babylonis misit legatos ad Ezechiam, quia audierat eum idem jugum regis Assyriorum excussisse, quod ipse excusserat, ut cum eo fœdus iniret, junctisque viribus Assyrio resisterent.

Ad extremum hos chronologiæ limites, et quasi canones ex Ptolemæo et aliis statuunt, figuntque Scaliger, Serarius, Salianus et alii.

Primus
Canones
chronolo-
giae.

Primus
Ad extre-
mum hos
chronologiæ
limites, et
quasi
canones ex
Ptolemæo et
aliis statuunt,
figuntque
Scaliger,
Serarius,
Salianus et
alii.

Primo, Nabonassari annus primus incidit in annum primum octavæ Olympiadis, sive in annum vigesimum nonum ab initio Olympiadum. Id patet ex eo quod Ptolemæus asserat Alexandrum Magnum mortuum esse anno 424 Nabonassaris. Constat autem Alexandrum mortuum esse anno pri-

mo Olympiadis 114, a quo anno ad superiora regrediendo, primus Nabonassaris in primum octavæ Olympiadis necessario incidit. Nam 113 Olympiades faciunt annos 432, a quibus si demas septem Olympiades jam devolutas, id est annos 28, reliqui erunt 424, qui a primo Nabonassaris usque ad mortem Alexandri fluxere.

Secundo, hinc sequitur annum primum Nabonassari esse sextum a Roma condita: hæc enim condita est in fine Olympiadis sextæ, sive anno 23 ab initio Olympiadum; ab hoc autem initio annus primus Nabonassari est 29; jam 29 annus posterior est 23 sex annis, ut liquet.

Tertio, annus 151 ab initio Olympiadum est **Tertius**. annus primus Nabopolassar, hoc est Nabuchodonosoris senioris, qui fuit pater Nabuchodonosoris Magni, sive primi monarchæ Chaldæorum.

Quarto, Annus Nabonassar 122 est annus pri- **Quartus** mus Nabopolassar: ita Scaliger et Serarius; ne-gantnamen hoc Salianus et Torniellus, qui annum primum Nabonassaris consignant anno 13 vel 14 Achaz, annum vero primum Nabopolassar anno 13 Josiæ; jam a 14 Achaz ad 13 Josiæ fluxere anni centum et unus duntaxat, non centum viginti duo.

Juxta hos canones ita horum omnium anni annis regum Juda assignandi et combinandi videntur, ut initium Olympiadum assignemus anno 40 Azariæ; Romæ conditionem, anno 10 vel 11 Joatham, annum primum Nabonassaris, anno 15 Joatham, annum primum Nabopolassaris sive Nabuchodonosoris senioris, anno 18 Josiæ. Nam ab anno 40 Oziæ usque ad decimum Joatham sunt 23 anni. Inde ad 15 Joatham sunt anni sex, inde ad 18 Josiæ fluxere anni 122, inde ad annum quintum a captivitate Joachim, sunt anni triginta, quando cœpit prophetare Ezechiel, ut ipse ait cap. 1, vers. 1. Videtur enim Nabuchodonosor senior cœpisse quidem regnum in Babylone mōliri anno 13 Josiæ, sed anno 18 Josiæ absolute regnasse, tumque cum Cyaxare rege Medorum ob-sedisse Niniven, ad evertendam monarchiam Assyriorum, quam paulo post re ipsa cepit et everit Nabuchodonosor junior senioris filius, itaque monarchiam ab Assyriis ad se et Chaldæos trans-tulit, uti ostendi *Nahum ii. 1.*

CAPUT VIGESIMUM PRIMUM.

SYNOPSIS CAPITIS.

Manasses impius regnat et idola restituit, ac prophetas occidit. Succedit ei, vers. 18, impius filius Amon, qui post biennium a suis occiditur, succedente sibi filio pio Josia.

1. Duodecim annorum erat Manasses cum regnare cœpisset, et quinquaginta quinque annis regnavit in Jerusalem: nomen matris ejus Haphsiba. 2. Fecitque malum in conspectu

Domini, juxta idola Gentium quas delevit Dominus a facie filiorum Israel. 3. Conversusque est, et ædificavit excelsa, quæ dissipaverat Ezechias pater ejus : et erexit aras Baal, et fecit lucos sicut fecerat Achab rex Israel, et adoravit omnem militiam cœli, et coluit eam. 4. Exstruxitque aras in domo Domini, de qua dixit Dominus : In Jerusalem ponam nomen meum. 5. Et exstruxit altaria universæ militiae cœli in duobus atriis templi Domini. 6. Et traduxit filium suum per ignem : et ariolatus est, et observavit auguria, et fecit pythones, et aruspices multiplicavit, ut faceret malum coram Domino, et irritaret eum. 7. Posuit quoque idolum luci, quem fecerat, in templo Domini, super quod locutus est Dominus ad David, et ad Salomonem filium ejus : In templo hoc, et in Jerusalem, quam elegi de cunctis tribubus Israel, ponam nomen meum in sempiternum. 8. Et ultra non faciam commoveri pedem Israel de terra, quam dedi patribus eorum : si tamen custodierint opera omnia quæ præcepi eis, et universam legem quam mandavit eis servus meus Moyses. 9. Illi vero non audierunt : sed seducti sunt a Manasse, ut facerent malum super Gentes, quas contrivit Dominus a facie filiorum Israel. 10. Locutusque est Dominus in manu servorum suorum Prophetarum, dicens : 11. Quia fecit Manasses rex Juda abominationes istas pessimas super omnia quæ fecerunt Amorrhæi ante eum, et peccare fecit etiam Judam in immunditiis suis; 12. propterea hæc dicit Dominus Deus Israel : Ecce ego inducam mala super Jerusalem et Judam, ut quicumque audierit, tinniant ambæ aures ejus. 13. Et extendam super Jerusalem funiculum Samariæ et pondus domus Achab : et delebo Jerusalem, sicut deleri solent tabulæ et delens vertam, et ducam crebrius stylum super faciem ejus. 14. Dimittam vero reliquias hæreditatis meæ, et tradam eas in manus inimicorum ejus : eruntque in vastitatem, et in rapinam cunctis adversariis suis : 15. eo quod fecerint malum coram me, et perseveraverint irritantes me, ex die qua egressi sunt patres eorum ex Ægypto, usque ad hanc diem. 16. Insuper et sanguinem innoxium fudit Manasses multum nimis, donec impleret Jerusalem usque ad os : absque peccatis suis, quibus peccare fecit Judam, ut faceret malum coram Domino. 17. Reliqua autem sermonum Manasse, et universa quæ fecit, et peccatum ejus quod peccavit, nonne hæc scripta sunt in Libro sermonum dierum regum Juda? 18. Dormivitque Manasses cum patribus suis, et sepultus est in horto domus suæ, in horto Oza : et regnavit Amon filius ejus pro eo. 19. Viginti duorum annorum erat Amon cum regnare cœpisset : duobus quoque annis regnavit in Jerusalem ; nomen matris ejus Messalemeth filia Harus de Jeteba. 20. Fecitque malum in conspectu Domini, sicut fecerat Manasses pater ejus. 21. Et ambulavit in omni via, per quam ambulaverat pater ejus : servivitque immunditiis, quibus servierat pater ejus, et adoravit eas, 22. et dereliquit Dominum Deum patrum suorum, et non ambulavit in via Domini. 23. Teteruntque ei insidias servi sui, et interfecerunt regem in domo sua. 24. Percussit autem populus terræ omnes qui conjuraverant contra regem Amon : et constituerunt sibi regem Josiam filium ejus pro eo. 25. Reliqua autem sermonum Amon quæ fecit, nonne hæc scripta sunt in Libro sermonum dierum regum Juda? 26. Sepelieruntque eum in sepulcro suo in horto Oza ; et regnavit Josias filius ejus pro eo.

Vers. 7.

7. Posuit quoque IDOLUM LUCI, QUEM FECERAT, (idolum in luco ante a se constructo positum, jam luco sculptili circumdatum, posuit) IN TEMPLO, — q. d. Manasses prius construxerat, lucum sive sylvam diis sacram, in eoque collocarat idolum, quod deinde ex luco transtulit in templum; sed quia lucum cum idolo transferre non poterat, hinc loco luci, fecit simulacrum sive similitudinem luci ex auro, argento vel ære, in eoque posuit idolum, illudque cum luco transtulit in templum, ut ibidem jam non Deus in templo, sed

dæmon in luco coleretur. Unde utrumque postea destruxit Josias Manassis nepos, cap. xxiii, vers. 6 et 7.

10. LOCUTUSQUE EST DOMINUS IN MANU SERVORUM SUORUM PROPHETARUM, — scilicet per Osee, Amos, Joelem, Nahum, Jonam, Abdiam, ac maxime Isaiam Manassis socerum, qui proinde a Manasse serra lignea dissecatus Christi in ligno crucifixi fuit typus, ut dixi proœmio in Isaiam, ac plures alios prophetas, adeo ut Josephus, lib. X, cap. iv, asserat, « ex eorum numero per singulos dies

Vers. 10.

aliquem suppicio a Manasse affectum fuisse.»
 Vers. 13. **13. EXTENDAM SUPER JERUSALEM FUNICULUM SAMARIE.** — « Funiculus » mensorius metaphorice significat eamdem pœnæ mensuram, q. d. Qua mensura punivi, vastavi et abduxii e Samaria Israelitas in Assyriam, eadem puniam, vastabo et abducam Judæos e Jerusalem in Babylonem : sicut enim fuerunt pares in culpa et idololatria, sic pares erunt in pœna et captititate. Est metaphora a fabris, qui utuntur ferro sive funiculo, quem extendunt plumbi massa, ut juxta illud ad perpendicularum fabricam construant, vel construam diruant et destruant, q. d. Ego Jerusalem destruam, et quasi funiculo ad solum coæquabo, sicut solet faber domos diruere, et per funiculum mensorium terræ coæquare et complanare; unde explicans idipsum per aliam similitudinem ceræ declarat, dicens : « Delebo Jerusalem, sicut deleri solent tabulæ; et delens vertam, et ducam cebrius stylum super faciem terræ, » q. d. Delebo Jerusalem sicut deleri solent litteræ in tabula ex cera exaratæ. Solebant enim olim, ante inventionem chartæ, scribere in tabulis cera obductis, et in ea stylo quasi calamo litteras efformare. Quare stylus hic inferne acutus erat : superne vero obtusus, ut eodem litteras in cera scriptas cum vellet obducerent, et cera complanata alias in illa litteras pingentes; si ergo una vox vel littera duntaxat delenda foret, id faciebant uno altero stylus per ceram ductu; sin plures, pluribus ductibus; sin omnes, omnibus ductibus, donec erasis litteris pura et complanata restitueretur cera. Ita fecit hic Deus in excidio Judææ et Jerosolymæ. Nam primo induxit in eam stylum hostilem regis Babylonis, cum ex ea Manassen, et primores regni in Babylonem captivos abduxerit, II Paral. xxxiii, 11. Secundo, cum Pharao Necho Josiam, qui tota erat Judæorum spes, occidit, ejusque filium Joachaz in Ægyptum abripuit, cap. xxii, 33. Tertio, cum Nabuchodonosor Joakim fratrem Joachaz cepit et vinxit. Quarto, cum idem Joachim filium Joakim cum magno nobilium et populi numero in Babylonem transmisit. Quinto et ultimo, cum idem Sedeciam ultimum regem cum reliquis abduxerit, urbemque et templum concremavit.

Sensus ergo est : « Extendam super Jerusalem funiculum, » q. d. Non tantum urbem demoliar, sed fundamenta refodiam, eaque terræ quasi per funiculum admetiens coæquabo, ut nullum sit reliquum ejus vestigium, neque delineatio prima illius; non secus ac fieri solet, cum tabellæ ceratæ, lineæ vel characteres delentur.

Pro tabulæ Hebraice est **תַּלְלָחַת** tsallachat, quod passim vertunt scutella, frixorium, lebes, caldaria. Unde Vatablus sic verit: *Detergam Jerusalem, sicut quis patinam detergit et eam vertit.* Sicque explicat, q. d. Repurgabo Jerusalem ab hominibus sceleratis, quos ubi fugavero, invertam illam, ut inverti solet a rusticis scutella expurgata. Noster vero Hieronymus Prado in Ezech. cap. v, vers. 11,

sic vertit, et exponit: « Abstergam Jerusalem, ut mundari solet caldarium abstersione et verti super faciem suam. » Id est, ut solet, cum probe extersum est, converti dorsum in faciem, ut nil lustramenti fiat reliquum, sed ad ultimam guttam distillet in terram : sic mundabo Jerusalem abstergens ex ea omnes incolas et domos, eamque a fundamentis evertens.

16. INSUPER ET SANGUINEM INNOXIUM FUDIT MANASSES MULTUM NIMIS. — præsertim eorum qui suæ impietati resistebant, illumque de ea arguebant, uti erant Isaias cæterique Prophetæ; ita ut quotidie aliquem e Prophetis occideret, ait Josephus. Hinc apposite vocatus est « Manasses, » id est « ab insurgente vel ex oblitione, » ait Auctor Imperf. hom. 1 in Matth.: « Providentia enim Dei sic eum dispensavit vocari, quia obliturus fuerat omnem conversationem patris sui sanctam, et omnia beneficia Dei pro merito ejus collata in ipsum, et stimulatus ab insurgente diabolo, qui solet surgere super genus humanum ad evertendum, gesturus omnia quæ Deum ad iracundiam provocarent. » Addit idem Auctor de Manasse quid novi et miri, aitque : « Denique cum ægrotasset Ezechias in tempore quodam, et venisset ad eum Isaias Propheta visitandum, vocavit Ezechias filium suum Manassen, et cepit ei mandare, quod debeat Deum timere, quomodo regere regnum, et alia multa. Et dixit ad eum Isaias : Vere quia non descendunt verba tua in cor ejus, sed et meipsum oportet par manum ejus interfici. Quod audiens Ezechias volebat filium suum interficere, dicens : Quia melius est me sine filio mori, quam talem filium relinquere, qui et Deum exasperet, et sanctos ejus persecutatur. Tenuit autem eum vix Isaias propheta, dicens : Irritum faciat Deus consilium tuum hoc, videns Ezechiae religionem, quia plus amabat Deum, quam filium suum. » Verum hæc videtur Rabbinorum fabella. Nam ægrotante Ezechia necdum natus erat Manasses, quia post morbum Ezechias supervixit 15 annos, eique deinde morienti succedens Manasses erat duodecim annorum. Natus est ergo Manasses tertio a morbo et sanitate recuperata Ezechie patris sui anno.

18. DORMIVITQUE (somno mortis) CUM PATRIBUS SUIS. — Nota II Paral. xxxiii, 11, narratur pœna a Deo inflicta Manassi, scilicet captivitas in Babylone, indeque seria ejus pœnitentia et conversio ad Deum.

Porro Manasses in Babylonem abductus videtur a Merodach Baladan : hic enim tunc in Babylone regnabat : unde huic Ezechias pater Manassis opes suas ostenderat, ideoque eum iflexerat ad eas abripiendas; quod et futurum ei prædictit Deus, cap. xx, 17, atque idipsum paulo post præstitit, dum effecit ut Manasses ob sua scelera, per eumdem Baladan cum gaza regia in Babylonem vincitus abduceretur. Ita Bellarminus, Salianus et alii. Dicitur tamen Manasses captus a rege Assyriorum, vel quia Babylonii vocantur Assyrii, vel quia Me-

rodach vectigalis fuit Asarhaddon regi Assyriorum, cuius postea jugum excussit.

ET SEPULTUS EST IN HORTO DOMUS SUE, IN HORTO OZA, — ubi scilicet Oza occisus est a Deo, eo quod temere tetigisset arcam titubantem, *II Reg. vi.* 8. Hic hortus erat prope Jerusalem, et regiis hortis copulatus, in quo Manasses Babylone rediens regium sibi mausoleum construxit, atque in eo ipse et filius ejus Amon sepulti sunt.

Vers. 20. **20. FECITQUE MALUM.** — Ita Scriptura vocat idolatriam, quasi malum malorum summum; nam ut ait Sapiens, cap. xiv, vers. 27: « Infandorum idolorum cultura, omnis mali causa est, et initium, et finis. » Imitatus est Amon patrem Manassen peccantem, sed non pœnitentem. Addit Glycas eum dixisse: « Pater meus a puero multa scelera fecit, ac in senecta pœnitentiam egit; quare et ego in hac ætate pro animi libidine me geram, et deinceps ad Dominum me convertam. » Quocirca Deus hanc ejus præfidentiam cita morte pu-

nivit: nam post biennium a suis servis occisus est. Audi S. Clementem, libro II *Constit. Apost.* cap. xxiii: « Talis, inquit, exstitit Amon filius Manassis de qua ait Scriptura: Decepit se Amon mala cogitatione transgressionis, et dixit: Pater meus multa peccata ab adolescentia commisit, et cum senex esset, commisso pœnituit; et nunc ego ambulabo, ut expetit anima mea, et postea convertam me ad Dominum: et egit improbe coram Domino super omnes natos ante se, et delevit eum Deus celeriter ex terra ejus bona, et servi impetum in eum fecerunt, et domi ejus interfecerunt, et regnavit duobus tantum annis. »

Notent hoc juvenes, qui in juventute voluptuantur et luxuriantur, eamque dicant diabolo, promittentes se senectam dicaturos Deo: nam plerique talium variis humanæ vitæ casibus intercipiuntur et moriuntur, justoque Dei judicio ad senectam indeque ad vitæ emendationem et salutem æternam non pertingunt.

CAPUT VIGESIMUM SECUNDUM.

SYNOPSIS CAPITIS.

Pius Josias pie regnat, ac repertum Deuteronomium studiose perlegit, auditque ab Holda prophetissa supplicia, quæ in eo Deus impiis comminatur non sibi, sed filii suis obventura.

1. Octo annorum erat Josias cum regnare cœpisset, triginta et uno anno regnavit in Jerusalem: nomen matris ejus Idida, filia Hadaia de Besecath. 2. Fecitque quod placitum erat coram Domino, et ambulavit per omnes vias David patris sui: non declinavit ad dexteram, sive ad sinistram. 3. Anno autem octavo decimo regis Josiæ, misit rex Saphan filium Aslia, filii Messulam, scribam templi Domini, dicens ei: 4. Vade ad Helciam sacerdotem magnum, ut confletur pecunia, quæ illata est in templo Domini, quam collegerunt janitores templi a populo, 5. deturque fabris per præpositos domus domini; qui et distribuant eam his qui operantur in templo Domini, ad instauranda sartatecta templi, 6. tignariis videlicet et cæmentariis, et iis qui interrupta componunt: et ut emanentur ligna, et lapides de lapicidinis, ad instaurandum templum Domini. 7. Verumtamen non suppetetur eis argentum quod accipiunt, sed in potestate habeant, et in fide. 8. Dixit autem Helcias Pontifex ad Saphan scribam: Librum Legis reperi in domo Domini: deditque Helcias volumen Saphan, qui et legit illud. 9. Venit quoque Saphan scriba ad regem, et renuntiavit ei quod præceperat, et ait: Conflaverunt servi tui pecuniam, quæ reperta est in domo Domini: et dederunt ut distribueretur fabris a præfectis operum templi Domini. 10. Narravit quoque Saphan scriba regi, dicens: Librum dedit mihi Helcias sacerdos. Quem cum legisset Saphan coram rege, 11. et audisset rex verba Libri Legis Domini, scidit vestimenta sua. 12. Et præcepit Helciæ sacerdoti, et Abicam filio Saphan, et Achobor filio Micha, et Saphan scribæ, et Asaiæ 'servo regis, dicens: 13. Ite et consulite Dominum super me, et super populo, et super omni Juda, de verbis voluminis istius quod inventum est: magna enim ira Domini succensa est contra nos: quia non audierunt patres nostri verba Libri hujus, ut facerent omne quod scriptum est nobis. 14. Ierunt itaque Helcias sacerdos, et Ahicam, et Achobor, et Saphan, et Asaia, ad Holdam prophetidem, uxorem Sellum, filii Thecuæ, filii Araas custodis vestium, quæ habitabat in Jerusalem in Secunda:

locutique sunt ad eam. 15. Et illa respondit eis : Hæc dicit Dominus Deus Israel : Dicite viro, qui misit vos ad me : 16. Hæc dicit Dominus : Ecce, ego adducam mala super locum istum, et super habitatores ejus, omnia verba Legis, quæ legit rex Juda : 17. quia dereliquerunt me, et sacrificaverunt diis alienis, irritantes me in cunctis operibus manuum suarum : et succendetur indignatio mea in loco hoc, et non extinguetur. 18. Regi autem Juda, qui misit vos ut consuleretis Dominum, sic dicetis : Hæc dicit Dominus Deus Israel : Pro eo quod audisti verba voluminis, 19. et perterritum est cor tuum, et humiliatus es coram Domino, auditis sermonibus contra locum istum et habitatores ejus, quod videlicet fierent in stuporem et in malodictum : et scidisti vestimenta tua, et flevisti coram me, et ego audivi, ait Dominus : 20. Idcirco colligam te ad patres tuos, et colligeris ad sepulcrum tuum in pace, ut non videant oculi tui omnia mala, quæ inducturus sum super locum istum.

Vers. 4.

1. OCTO ANNORUM ERAT JOSIAS, CUM REGNARE COEPISSET. — Hoc nomen ei impositum fuit a Deo prædictumque ante 327 annos; tot enim fluxere a Roboam et Jeroboam usque ad Josiam, III Reg. XIII, 2. Josias enim Hebraice dicitur quasi יְהוָה שָׁׁכַי, id est *Dei munus vel oblatio*, aut quasi יְהוָה אֵשׁ, id est *Dei ignis*, ob ejus zelum et ignita sacrificia, et quia idololatras igne combussit. Audi Auctorem operis imperfecti apud Chrysostomum, hom. 1 in *Matth.* : « Josias interpretatur hostia Domino, vel salus Domino. Providentia autem Dei, secundum quod futurus fuerat Josias, dispensavit ei nomen imponi, ubi est hostia Domino, aut salus Domini : quoniam vere in illo fuit hostia Domini. Tale enim sacrificium obtulit Domino Deo, quale nec ante eum aliquis regum, nec post eum. Et ipse fuit hostia Deo secundum quod mandat Apostolus : Ut exhibeatis corpora vestra hostiam vivam, sanctam, Deo placentem. Et ipse fuit populi sui in tempore suo a Deo salus. » Et inferius : « Tertius enim Josias est, cuius nomen prophetatum est priusquam nasceretur. Hi tres sunt : Samson, Josias, Joannes. »

Vers. 5.

5. AD INSTAURANDA SARTATECTA TEMPLI. — Josias in templi instaurazione imitatus est suum proavum Joas regem Juda, ejusque methodum in instaurazione secutus est.

Vers. 7.

7. NON SUPPUTETUR EIS ARGENTUM, — id est non exigatur ab eis ratio et computus, sed fidei eorum omnis pecunia et sumptus credatur, quod Joas alia phrasi jussérat cap. XII, vers. 15, dicens : « Non fiebat ratio iis hominibus, qui accipiebant pecuniam ut distribuerent eam artificibus, sed in fide tractabant eam. »

Vers. 8.

8. LIBRUM LEGIS REPERI IN TEMPOLO DOMINI, — puta Deuteronomium, ut ait Chrysostomus, homil. 9 in cap. II *Matth.*, S. Athanasius, epist. ad *Marcel.*, et Abulensis ; vel totum Pentateuchum, ut ait Josephus, qui adjungit illud repertum in gazophylacio, dum ex eo acciperent aurum pro sartis templi tectis. Nimirum tempore impii Manassis, qui 55 annis regnavit, per tot annorum spatia adeo neglecta fuit lex, et profanatus Dei cultus,

ut « liber legis, » tanquam res noviter inventa, scribatur, ait Cajetanus. Addit Lyranus ex R. Salomone impium Achaz, qui Manassis erat avus, combussisse libros legis, ne ab eis violatae legis et idololatriæ argueretur. Quare sacerdotes clam librum legis abscondisse in muro templi a se perfosso et occluso : clementarios autem, dum jussu Josiae sartatecta templi instaurarent, invenisse librum, eumque detulisse ad Pontificem, et hunc ad regem Josiam.

14. IERUNT ITAQUE HELCIAS SACERDOS, etc., AD VERS. 15 HOLDAM PROPHETIDEM, UXOREM (Septuaginta Sixtini habent, matrem) SELLUM. — Hunc « Sellum » Hebrei tradunt fuisse avunculum patris Jeremiæ. Cur non ierunt ad Jeremiam, qui tum prophetabat ? Forte quia ab urbe aberat. Addit S. Hieronymus, lib. II *Contra Pelagianos*, in eo quod consulitur mulier, occultam regis, sacerdotum et omnium virorum reprehensionem esse, quod nullus virorum sanctus potuerit reperiri, qui posset futura prædicere. Denique « Holda » hæc et senio, et prudentia, et sanctitate, et oraculis apud omnes erat celebris et venerabilis, æque ac Debora, *Judic.* cap. IV, et Anna mater Samuelis, I Reg. cap. II.

QUE HABITABAT IN JERUSALEM IN SECUNDA, — scilicet in ea urbis parte quæ vocabatur « Secunda civitas, » juxta secundum (erant enim universim tres muri) urbis murum, ac juxta portam secundam, sive medium, quæ vocabatur « piscium, » per quam ibatur in templum, unde per eam Chaldaei invaserunt Jerosolymam et templum. Ita S. Hieronymus, loco jam citato, Vilapandus, Ribera, Salianus, Serarius et alii. Vide Adrichomium in *Descript. Jerusalem*. Chaldaeus pro « Secunda » vertit, *domum doctrinæ*, id est scholam; Vatablus, *locum dignitatis secundæ a templo*, quo loco dabatur opera eruditioni et doctrinæ. In eo enim habitabant prophetæ et doctores, ac inter eos Rechabitæ. Hinc et Thalmud dividitur in Misnam et Gemaram. *Misna* enim secundam significat, quasi prima sit lex Moysis, secunda sit legis Thalmudica repetitio et explicatio.

CAPUT VIGESIMUM TERTIUM.

SYNOPSIS CAPITIS.

Josias sancit fideliis inter Deum et populum, ideoque abolet idola, fana, aruspices, equos solis, excelsa, vitulos aureos Jeroboam, ac vers. 21, solenne Pascha celebrat. Denique, vers. 29, occiditur in prælio a Pharaone Necho, qui Josiæ Joachaz filium, deinde eo abducto Joakim ejus fratrem regem substituit.

1. Et renuntiaverunt regi quod dixerat. Qui misit : et congregati sunt ad eum omnes senes Juda et Jerusalem. 2. Ascenditque rex templum Domini, et omnes viri Juda, universique qui habitabant in Jerusalem cum eo sacerdotes et prophetæ, et omnis populus a parvo usque ad magistrum : legitque cunctis audientibus omnia verba libri fœderis, qui inventus est in domo Domini. 3. Stetitque rex super gradum : et fœdus percussit coram Domino, ut ambularent post Dominum, et custodirent præcepta ejus, et testimonia, et cæremonias, in omni corde, et in tota anima, et suscitarent verba fœderis hujus, quæ scripta erant in libro illo : acquiescuerunt populus pacto. 4. Et præcepit rex Hœlœ pontifici, et sacerdotibus secundi ordinis, et janitoribus, ut projicerent de templo Domini omnia vasa, quæ facta fuerant Baal, et in luco, et universæ militiæ cœli; et combussit ea foris Jerusalem in Convalle Cedron, et tulit pulvrem eorum in Bethel. 5. Et delevit aruspices, quos posuerant reges Juda ad sacrificandum in excelsis per civitates Juda, et in circuitu Jerusalem : et eos, qui adolebant incensum Baal, et Soli, et Lunæ, et duodecim signis, et omni militiæ cœli. 6. Et efferri fecit lucum de domo Domini foras Jerusalem in Convalle Cedron, et combussit eum ibi, et rededit in pulverem, et projecit super sepulcra vulgi. 7. Destruxit quoque ædificulas effeminatorum, quæ erant in domo Domini, pro quibus mulieres texebant quasi domunculas luci. 8. Congregavitque omnes sacerdotes de civitatibus Juda : et contaminavit excelsa, ubi sacrificabant sacerdotes, de Gabaa usque Bersabée ; et destruxit aras portarum in introitu ostii Josue principis civitatis, quod erat ad sinistram portæ civitatis. 9. Verumtamen non ascendebant sacerdotes excelsorum ad altare Domini in Jerusalem : sed tantum comedebant azyma in medio fratribus suorum. 10. Contaminavit quoque Tophet, quod est in Convalle filii Ennom : ut nemo consecraret filium suum aut filiam per ignem, Moloch. 11. Abstulit quoque equos, quos dederant reges Juda, Soli, in introitu templi Domini juxta exedram Nathanmelech eunuchi, qui erat in Phœnix : currus autem solis combussit igni. 12. Altaria quoque, quæ erant super tecta cenaculi Achaz, quæ fecerant reges Juda, et altaria quæ fecerat Matasses in duobus atriis templi Domini, destruxit rex, et cucurrit inde, et dispersit cinerem eorum in Torrentem Cedron. 13. Excelsa quoque, quæ erant in Jerusalem ad dexteram partem Montis offensionis, quæ ædifieaverat Salomon rex Israel Astaroth idolo Sidoniorum, et Chamis offensioni Moab, et Melchom abominationi filiorum Attimon, polluit rex. 14. Et contrivit statuas, et succidit lucos : replevitque loca eorum ossibus mortuorum. 15. Insuper et altare, quod erat in Bethel, et excelsum quod fecerat Jeroboam filius Nabath, qui peccare fecit Israel : et altare illud, et excelsum destruxit, atque combussit, et comminuit in pulverem, succenditque etiam lucum. 16. Et conversus Josias, vidit ibi sepulcra, quæ erant in monte : misitque et tulit ossa de sepulcris, et combussit ea super altare, et polluit illud juxta verbum Domini, quod locutus est vir Dei, qui prædixerat verba hæc. 17. Et ait : Quis est titulus ille, quem video ? Responde runtque ei cives urbis illius : Sepulcrum est hominis Dei, qui venit de Juda, et prædictit verba hæc, quæ fecisti super altare Bethel. 18. Et ait : Dimitte eum, nemo commoveat ossa ejus. Et intacta manserunt ossa illius, cum ossibus prophetæ, qui venerat de Samaria. 19. Insuper

et omnia fana excelsorum, quæ erant in civitatibus Samariæ, quæ fecerant reges Israel ad irritandum Dominum, abstulit Josias: et fecit eis, secundum omnia opera quæ fecerat in Bethel. 20. Et occidit universos sacerdotes excelsorum, qui erant ibi super altaria: et combussit ossa humana super ea: reversusque est Jerusalem. 21. Et præcepit omni populo, dicens: Facite Phase Domino Deo vestro, secundum quod scriptum est in libro fœderis hujus. 22. Nec enim factum est Phase tale a diebus judicūm, qui judicaverunt Israel, et omnium dierum regum Israel, et regum Juda, 23. sicut in octavo decimo anno regis Josiæ factum est Phase istud Domino in Jerusalem. 24. Sed et pythones, et ariolos, et figuræ idolorum, et immunditias, et abominationes, quæ fuerant in terra Juda et Jerusalem, abstulit Josias: ut statueret verba legis, quæ scripta sunt in Libro quem invenit Helcias sacerdos in templo Domini. 25. Similis illi non fuit ante eum rex, qui reverteretur ad Dominum in omni corde suo, et in tota anima sua, et in universa virtute sua, juxta omnem legem Moysi: neque post eum surrexit similis illi. 26. Verumtamen non est aversus Dominus ab ira furoris sui magni, quo iratus est furor ejus contra Judam: propter irritationes, quibus provocaverat eum Manasses. 27. Dixit itaque Dominus: Etiam Judam auferam a facie mea, sicut abstuli Israel: et projiciam civitatem hanc, quam elegi, Jerusalem, et domum de qua dixi: Erit nomen meum ibi. 28. Reliqua autem sermonum Josiæ, et universa quæ fecit, nonne hæc scripta sunt in Libro verborum dierum regum Juda? 29. In diebus ejus ascendit Pharaon Necho rex Ægypti, contra regem Assyriorum, ad flumen Euphraten, et abiit Josias rex in occursum ejus: et occisus est in Mageddo, cum vidisset eum. 30. Et portaverunt eum servi sui mortuum de Mageddo: et pertulerunt in Jerusalem, et sepelierunt eum in sepulcro suo. Tulitque populus terræ Joachaz filium Josiæ: et unixerunt eum, et constituerunt eum regem pro patre suo. 31. Viginti trium annorum erat Joachaz cum regnare cœpisset, et tribus mensibus regnavit in Jerusalem: nomen matris ejus Amital, filia Jeremiæ de Lobna. 32. Et fecit malum coram Domino, juxta omnia quæ fecerant patres ejus. 33. Vinxitque eum Pharaon Necho in Rebla, quæ est in terra Emath, ne regnaret in Jerusalem: et imposuit multam terræ centum talentis argenti, et talento auri. 34. Regemque constituit Pharaon Necho Eliacim filium Josiæ pro Josia patre ejus: vertitque nomen ejus Joakim. Porro Joachaz tulit, et duxit in Ægyptum, et mortuus est ibi. 35. Argentum autem et aurum dedit Joakim Pharaoni cum indixisset terræ per singulos, ut conferretur juxta præceptum Pharaonis: et unumquemque juxta vires suas exegit, tam argentum quam aurum de populo terræ, ut daret Pharaoni Necho. 36. Viginti quinque annorum erat Joakim cum regnare cœpisset: et undecim annis regnavit in Jerusalem: nomen matris ejus Zebida filia Phadaia de Ruma. 37. Et fecit malum coram Domino, juxta omnia quæ fecerant patres ejus.

Vers. 3.

3. STETITQUE REX SUPER GRADUS, — super quos erectum erat sedile regium quasi solium; unde II Paralip. xxxiv, 31, vocatur « tribunal, » in quo et Joas ante Josiam simile fœdus inter Deum et populum pepigit, IV Reg. cap. xi, vers. 14, æque ac Salomon, II Paral. cap. vi, vers. 12. Et hoc videtur esse « Musach sabbati; » ut dixi, cap. xvi, vers. 18. Porro Josias adjuravit populum, ut fœdus hoc exacte servaret, ut dicitur II Paralip. cap. xxxiv, vers. 32. Simili modo primum populi cum Deo fœdus sancivit Moyses, Exodi xxiv, cum variis cæremoniis quæ illud populo magis inculcauerent.

ET SUSCITARENT VERBA FOEDERIS. — « Suscitare » est a morte ad vitam excitare; verba autem legis et fœderis divini jam per idola Manassis a multis

erant oblivioni tradita, et quasi mortua; quare Josias ea populo prælegens et inculcans, videtur ea quasi a morte ad vitam, vel certe e somno quasi dormientia ad vigiliam suscitasse.

4. ET PRÆCEPIT REX HELCIÆ PONTIFICI ET SACERDOTIBUS SECUNDI ORDINIS, — id est minoribus, qui maximo sacerdoti, puta Helciæ Pontifici suberant. Ita Abulensis, Vatablus, Sanchez et alii, licet alii per secundum ordinem intelligent secundam classem. Erant enim sacerdotes a Davide juxta familiias in varias classes distributi.

ET TULIT PULVEREM EORUM (idolorum et vasorum eis dicatorum, ideoque a se combustorum) IN BETHEL, — ut scilicet nec pulvis tam impius remaneret in terra Juda, quæ erat sancta: « Bethel » enim erat locus profanatus ab idolatria Jero-

Vers. 7.

boam, qui fuit primus rex Israel. Ita Cajetanus.

7. DESTRUXIT QUOQUE AEDICULAS EFFEMINATORUM, — scilicet scortorum masculorum Veneri et Priapo dicitorum, uti easdem dextruxit Aza, lib. III, cap. xv, vers. 12 et 13.

PRO QUIBUS MULIERES TEXEBANT (e liciis, filis vel ramis) QUASI DOMUNCULAS LUCI, — ut iis quasi cortinis et peristromatis suam obcenitatem velarent et tegerent effeminati, in luco quem exerant in templo, ad infandas libidines.

Vers. 8.

8. ET CONTAMINAVIT EXELSA, — scilicet templa et fana profana in locis excelsis erecta, profanando, destruendo, sordibus et ossibus mortuorum, ut dicitur versu 14, implendo; unde explicans subdit :

ET DESTRUXT ARAS. — Quæ et qualia fuerint « excelsa » dixi lib. III, cap. III, vers. 2.

vers. 9.

9. VERUMTAMEN NON ASCENDEBANT SACERDOTES EXCELSORUM AD ALTARE DONINI IN JERUSALEM, SED TANTUM COMEDEBANT AZYMA IN MEDIO FRATRUM SUORUM, — q. d. Josias non permisit sacerdotes illcs, qui impie vel illicite in excelsis sacrificarant, ire in Jerusalem ac ministrare in templo, utpote impuris idolorum vel superstitionum victimis pollutos: sed tamen permisit eos ali azymis aliisque cibis quibus cæteri sacerdotes et Levitæ sibi a populo oblatis vescebantur. Ita Abulensis et alii.

Vers. 10.

10. CONTAMINAVIT QUOQUE TOPHETH. — Locus erat in « Gehennom, » id est in valle filiorum Ennom, juxta Jerusalem, in quo parentes filios suos cremabant idolo Moloch, ac ne eorum vagitus audiarentur, pulsabant ἡπ toph, id est tympanum; unde locus dictus est Topheth. Vide dicta Isaiæ xxx, 33, et Jerem. VII, 31. Hunc ergo locum cum idolo Moloch, cui sacer erat, Josias « contaminavit, » id est profanavit, destruxit et ossibus implevit finoque.

Vers. 11.

Equi so-
lis qui?

11. ABSTULIT QUOQUE EQUOS, QUOS DEDERANT REGES JUDA SOLI. — Qui et quales erant hi Solis equi? Respondeo Persæ aliæque gentes Solem ob eximium fulgorem, pulchritudinem et utilitatem colebant ut Deum, eumque vocabant Mithram et Apollinem, eique dicabant equos, partim pietos et sculptos, partim veros et vivos, eo quod equus animalium velocissimus repræsentet Solis motum velocissimum. Testis est Xenophon, lib. VIII Cyropædia; Herodotus, libro I, in fine; Justinus, lib. I et alii. Unde Ovidius, I Fastor. :

Placat equo Persis radiis Hyperiona cinctum,
Ne detur celeri victima tarda Deo.

Hinc Poetæ fabulantur Solem quadriga vehi, quam trahant quatuor equi celerrimi, nimirum, ut ait Ovidius, II Metamorph. :

Pirois, Eous et Aethon,
Solis equi, quartusque Phlegon.

Per quos Abulensis significari putat quatuor anni et diei partes.

Solis simulacrum et idolum ita pingit Macrobius, lib. I Saturn. cap. xxx : « Nunc vero, inquit, eumdem Jovem Solemque esse, tum ex ipso sa-

cerorum ritu, tum ex habitu dignoscitur. Simulacrum enim aureum specie imberbi instat dextra elevata cum flagro in aurigæ modum, laeva tenet fulmen et spicas. Quæ cuncta Jovis Solisque potentiam consociatam demonstrant. Hujus templi religio etiam divinatione præpollet, quæ ad Apollinis potestatem refertur, qui idem atque Sol est. Vehitur enim simulacrum Dei Heliopolitani ferculo veluti vehuntur in pompa ludorum Circensium deorum simulacra, et subeunt plerumque provinciæ proceres, raso capite, longi temporis castimonia puri, ferunturque divino spiritu non suo arbitrio, sed quo Deus propellit vehentes. » Subdit Macrobius hinc Deum a Syris vocari « Adad » id est « unum, » quia unus est Sol æque ac Deus in mundo. Idem, lib. I in Somn. Scipion. : « Cicero, inquit, asserit quod Sol sit dux, et princeps, et moderator luminum reliquorum, quem Heraclitus fontem cœlestis lucis appellat. Dux ergo est, quia omnes luminis majestate præcedit. Princeps, quia ita eminet, ut propterea quod talis solus appareat, sol vocetur. Moderator reliquorum dicitur, quia ipse cursus eorum recursusque certa definitione spatii moderatur. » Et mox : « Mens mundi appellatur, ut Physici eum cor cœli vocaverunt, eo quod Sol diem et noctem dein, veris clementem temperiem, torridum cancri ac leonis aestum, mollitiem autumnalis auræ, vim frigoris inter utramque temperiem, omnia hæc Solis cursus et ratio dispensat. Jure ergo cor cœli dicitur, per quem fiunt omnia quæ divina ratione fieri videmus. » Quæres secundo, quo ritu colebant Solem per equos? Primo, Historici Scholastici censem Judæos hisce equis et currus repræsentasse currum et equos igneos, quibus Elias quasi ἦλιος, id est Sol, raptus est in cœlum, ut audivimus, cap. II. Sic Eucherius et Angelomus, qui et addunt : « Audientes Græci ab Israelitis quod Elias currus igneo, et equis sit igneis ad cœlestia translatus, vel certe hoc ipsum inter alia depictum in pariete videntes crediderunt, vicinia decepti nominis, Solis hic transitum per cœlos esse designatum; et miraculum divinitus factum Dei, mutarunt in argumentum erroris, humana stultitia commentatum. Quos imitati ipsi Judæi sategerunt, ne in aliquo gentilium stultissimis minus stulti apparerent. » Secundo, melius Rabbi Salomon : Summo mane, inquit, orienti Soli obviam ducebant equos, ut eum salutarent, eique reverentiam exhiberent. Carpit hoc Abulensis, sed immerito; nam equos Cyri ante Solis ortum ei ad pompam sacrificii obviam prodiisse testatur Xenophon, cuius verba mox recitabo. Sic et Romani Solem orientem salutabant, quos redarguit S. Leo, serm. De Epiphani., et id ipsum facere solitum Socratem testatur Plato et Plutarchus, qui inde natum proverbium asserit : « Plures adorant Solem orientem quam occidentem. » Unde nonnulli putant equos hos Solis fuisse illos, quibus vehebantur ii qui Solem orientem salutabant et colebant.

Ritus co-
lendi So-
lem.
Primo.

Secondo.

Tertio.

Tertio, Abulensis vult equos hos pictos vel sculpts cum curru ante Solis statuam suspensos fuisse, vel eam currui impositam ab equis tractam fuisse.

Quarto.

Quarto, ipsos equos vivos Soli mactabant et sacrificabant. Causam dat Herodotus, lib. I, quod Deorum pernicissimo vellent mortalium etiam omnium perniciissimum immolare. Audi Xenophonem, lib. VIII, ubi Cyri e Babylone capta triumphantem egressum describit: « Cum palatii portae aperte fuissent, primo agebantur ipsi Jovi tauri pulcherrimi quaterni, et aliis quibusdam diis, quos Magi delegissent. Post boves vero equi, ut Soli sacrificium existerent. Post hos autem currus educebatur candidus jugum habens aureum, coronatus Jovi sacer. Post hunc educebatur Solis currus, candidus et coronatus similiter uti superior. Post hunc etiam alius tertius currus educebatur, cujus equi strati erant puniceis amictibus, et post eum viri sequebantur, qui in magno quodam foco ignem portarent. » Hinc Cyrus Persice idem est quod Sol, ait Plutarchus, in *Artaxerxe Mnemone*. Sic Philostratus in *Heroicis*, scribit Palamedem Græcis jussisse, ut orienti Soli equum candidum mactarent.

Hunc ergo Solis quasi Dei cultum a gentibus vicinis hausere Judæi. Porro equos hos vivos fuisse liquet ex eo quod Josias dicitur eos abstulisse non combussisse; currum vero Solis combussisse, non abstulisse; si enim equi ex ligno, ære vel auro picti sculptique fuissent, utique eos cum curru combussisset. Porro hi Solis equi erant « *juxta exedram Nathanmelech Eunuchi*. » « *Nathanmelech* » Hebraice idem est quod *donum regis*. Sic ergo vocabatur hic Eunuchus, ut significaretur quanti ab illis fieret esse Solis cultorem et auri-gam. Cum enim ipse esset horum equorum stabularius duntaxat et stabuli præfectus, vocabatur tamen augusto nomine: *Nathan melech*, id est *donum regis*. Septuaginta vertunt, *juxta gazophylacium Nathan Ennuchi regis*. Alii vertunt: *De exedra Nathan melech Eunuchi*; sicque explicant, q. d. *De exedra sive curru Solis*, qui dicitur *Nathan melech*, id est donans rex; Sol enim est rex qui omnia donat; idem est *Eunuchus*, qui imberbis, utpote juvenis semper fortis et agilis. Hinc et custodem hujus simulacri Solis voluerunt esse *Eunuchum*, id est imberbem; quia talis est Sol. Ita Vilalpandus, lib. III, cap. XXXII, in cap. XL *Ezech.* pag. 221. Porro « *exedra* » erat locus, versu 3, cubiculum in quo sunt sedes, ut fiat hominum consessus, qualia multa erant *juxta templum pro sacerdotibus, levitis et aliis*.

Tropologice, docet nos Josias, quod idola et equos Solis, id est effrenos impetus animi, domare et destruere debeamus.

Allegorice et anagogice, Josias repræsentat Christum, qui in die judicii omnem impietatem destruet; nil enim coquinatum sinet ingredi in cœlum. Ita Angelomus.

13. AD DEXTERAM PARTEM MONTIS DEFENSIONIS, — Vers. 13. id est montis Oliveti, qui ab idolis et fanis in eo a Salomone erectis, dictus est « *offensionis*. » Idola enim et idolorum cultus sunt summa Dei injuria et offensio. Unde mox additur:

ET CHAMOS OFFENSIONI (id est idolo Deum offendenti) MOAB. — Hinc idolum in Scriptura vocatur « *offensio*. » Ita Eucherius et Angelomus.

14. REPLEVITQUE LOCA OSSIBUS MORTUORUM. — Hisce Vers. 14 enim locus idolis sacer profanabatur, contaminabatur, fiebatque vilis, immundus et horridus, præsertim apud Judæos, qui ex ossium et cadaverum contactu immunditiam legalem contrahebant. Sic et Gentiles ossa et cadavera insepulta horribant. Audi Virgilium, VI *Eneid.* :

Præterea jacet exanimum tibi corpus amici,
Heu! nescis, totamque incestat funere classem.

15. INSUPER ET ALTARE QUOD ERAT IN BETHEL, ET Vers. 15. **EXCELSUM QUOD FECERAT JEROBOAM** (scilicet fanum in quo collocarat idola sua, puta vitulos aureos, ut a toto Israele colerentur) **DESTRUXT**. — Licet enim Bethel esset in Israel, non in Juda ubi regnabat Josias, tamen Israelitis jam a Salmanasar ex Israele in Assyriam abductis, regeque et regno eorum everso videbatur terra Israel ad pristinum dominum, puta ad Davidis familiam et Josiam regem Juda redire; præsertim quia Deus id Josiam in Bethel facturum ante trecentos annos prædicterat et promiserat, lib. III, cap. XIII, vers. 2, atque hoc ipso jus et potestatem id faciendi Josiæ derat, imo ordinaverat et jusserset, ut id faceret.

17. QVIS EST TITULUS ILLE, QUEM VIDEO? — « *Ti-* Vers. 17. *tulus* » erat sepulcrum prophetæ contra Jeroboam et vitulos aureos in Bethel collocatos vaticinantis, et eorum hoc excidium per Josiam futurum prædicentis. Vocatur « *titulus* », quia erat aliquo signo insignitum, ut Josias sciret ibi sepultum esse prophetam veri Dei cultorem, ideoque illi parceret. Quale hoc signum fuerit Scriptura non explicat. Fabulatur Rabbi Salomon ex ossibus prophetæ succrevisse herbas visu elegantes, odore fragrantes, usu salubres, ex quibus Josias collegerit illa ossa esse viri sancti et prophetæ. Melius alii suspicantur fuisse signum crucis, aut nomen *Iehova*, aut quid simile.

20. ET OCCIDIT SACERDOTES EXCELSORUM, QUI ERANT Vers. 20. **IBI SUPER ALTARIA.** — Abeuntibus enim Assyriis Samariam vastantibus, multi Israelitæ profugi et exules ad suas sedes redierunt, ibique, ut ante, sua idola in excelsis coluerunt; ideoque sacerdotes ad iis sacrificandum constituerunt, quos proinde Josias zelator honoris divini occidit, et quasi victimas in illis ipsis altaribus justitiæ divinas mactavit et consecravit.

ET COMBUSSIT OSSA HUMANA SUPER EA. — Ossa tum sacerdotum a se occisorum, tum priorum, quæ e sepulcris extraxit, et in altari combussit, sicque altare contaminavit et polluit. Hoc enim prædictum erat a propheta illo, qui a leone occisus est,

lib. III, cap. XIII, vers. 10 : « Exclamavit, inquit, vir Dei contra altare in sermone Domini, et ait : Altare, altare, haec dicit Dominus : Ecce filius nascetur domui David Josias nomine, et immolabit super te sacerdotes excelsorum, qui nunc in te thura succendent, et ossa hominum super te incendet. » Hinc patet mortuos ob scelera posse plecti cadaverum exustione, publica infamia et ignominia. Unde cum in quinta Synodo universali quæsitum esset an liceret olim defunctos anathemate ferire? Eutychius Episcopi Amaseni a responsis, neque concilio, neque deliberatione ulla eam rem egere dixit : propterea quod et Josias rex non tantum viventes daemonum sacerdotes olim jugularit, sed et eorum, qui longo ante tempore sepulti fuerant, sepulcra effoderit. Ita Nicéphorus, lib. XVII *Histor.* cap. xxvii.

Vers. 24. 21. FACITE PHASE, — id est immolate agnum Paschalem, cæterasque victimas Paschales, quæ per septem dies azymorum in lege offerri jubentur, *Num. xxviii, 16 et seq.*

Allegorice, Josias instituens « Phase, » solemnissimum, typus fuit Jesu Christi, qui instituit Eucharistiam, imo seipsum fecit « Phase, » id est agnum Paschalem, juxta illud Pauli, II *Corinth.* v: « Pascha nostrum immolatus est Christus. Itaque epulemur in azymis sinceritatis et veritatis. »

Vers. 25. 23. SIMILISILLE NON FUIT ANTE EUM REX, — nimirum quoad omnimodam idolatriæ tam in Israele quam in Juda excisionem, ac religionis reformationem, qua in re Josias omnes antecessores suos, etiam Ezechiam, superavit; nam alioqui absolute Josia melior et sanctior videtur fuisse David, ait Abulensis.

Vers. 29. 29. IN DIEBUS EJUS ASCENDIT PHARAO NECHAO (id est claudus) REX AEGYPTI CONTRA REGEM ASSYRIORUM, — ut ulcisceretur injurias Aegypto a Sennacherib illatas, et spolia ab eo ablata repeteret, præser-tim quia videbat a clade castris Sennacherib ab Angelo in Judæa illata, res Assyriorum in pejus ire, eisque rebellasse Medos et Babylonios. Perrexit ergo Pharao cum castris ad Euphratem et Nîniven, spe illius potiundæ; sed quia transeundum erat per Judæam, occurrerit illi Josias, metuens ne Judæam invaderet et spoliaret; ac licet Pharao assereret se nil contra Josiam et Judæam moliri, tamen Josias ei non credens, instruxit contra eum aciem, in qua dum audacius et incautius prælia-tur, a sagittariis confixus occubuit. Porro Abulensis omnino a culpa excusat Josiam, quod vereretur Pharaonem, si ingrediceretur Judæam, ali-quit contra eam machinaturum, imo eam occu-paturum, ut expelli non posset. Scriptura tamen, II *Paral.* xxxv, 22, innuit eum aliqua temeritate peccasse : licet enim non teneretur Pharaoni dicenti verum, scilicet se a Deo alio mitti, credere, tamen prius dehebat Deum consulere, antequam bellum tam anceps et periculosem aggredieretur; ita Cajetanus, ideoque permisit Deus eum succum-bere et occidi.

Et occisus est in Mageddo. — Licet enim Mageddo esset in sorte Manasse et Israel, non Juda, cui præerat Josias, tamen Josias illam quoque terram habuit sibi subjectam, ob causam quam dedi, versu 15. Cui aliam adjungit Abulensis, scilicet quod Israelitæ reliqui a captivitate Salmanasar junixerint se regno Judæ, ac Josiam pro rege suo acceptarint, ut juncti Judæis fortiores essent, ac facilius Syris, Aegyptiis aliisque hos-tibus circumiacentibus resisterent.

CUM VIDISSET EUM, — scilicet in prælio, hoc est cum eum præliando cepisset. Sic videre per catechesin sumitur pro præliari, cap. xiv, 8 : « Veni et videamus nos, » id est veni et pugnemus.

Porro mirabile fuit judicium Dei, quod per-miserit regem tam pium in justa piaque Israelis defensione occidi : nam occiso Josia interiit tota Israelis spes, ac regnum Davidis et Judæ excisum est. Nimirum « Judicia Dei abyssus multa. » Voluit Deus tollere Josiam, ne videret mala gentis suæ, scilicet excidium regni et templi ob peccata Judæorum jam a Deo decretum. Causam aliam afferit S. Justinus, *Quæst. LXXIX ad Orthod.*, nimirum, quod Josias « jusso prophetæ non paruerit, qui ei ex mandato Dei dixerat, ut ne progredie-retur ad obviandum regi Aegypti in bellum, sicut ait Jeremias. Quapropter ut eum prout a peccatis ex hac vita reciperet Dominus Deus, ideo permisit illum inobedientiæ ejus ferro Aegyptio poenas exsolvere : ad posterorum hominum do-cumentum, ut prophetis immorigeri non essent, tum autem ut illud discerent : Si justus vix sal-vatur, impius et peccator ubi comparebit? » Huc usque Justinus.

Verum hæc prophetia Jeremiæ nusquam ex-stat, quod sciam. Allegorice Josias in flore ætatis pro suis pugnans, fuit typus Jesu Christi pro hominum salute a Judæis occisi anno ætatis suæ 34. Plura de pietate et zelo Josiae audiemus II *Paral.* xxxiv et seq. Elogium Josiae habet *Ecclesi. cap. XLIX, 1 et seq.* Simili modo permisit Deus S. Ludovicum conantem terram sanctam Saracenis eri-pere, ab eis capi, ac secundo redeuntem pesti mori, ut discamus regna terræ parvi pendere, ac ambire regnum cœlestis, gloriosum et æternum, uti aiebat S. Ludovicus, in omni sua infelicitate Deum laudans, eique gratias agens; unde moriens, in cœlum suspiciens canebat illud *Psalm. v:* « Introibo in domum tuam, Domine, adorabo ad templum sanctum tuum, et confitebor nomini tuo. » Ita habet ejus Vita apud Surium, die 25 Augusti.

30. TULITQUE POPULUS TERRE JOACHAZ FILIUM Jo-
siaz : ET UNXERUNT EUM. — Joachaz licet ætate junior, erat enim 23 annorum, et tribus tantum mensibus regnavit, cum mox successit ei frater senior Joakim, qui 25 erat annorum, prælatus tamen in regno est seniori Joakim, sive quod animosior et bellicosior foret; unde Pharao timens eum de-posuit et substituit Joakim; sive quod Joakim

timens Pharaonem regnum detractarit. Pharaon enim vito cæsoque Josia, arrogabat sibi jus constitueri reges in Judæa, ut patet ex seq.

Vers. 33. 33. **VINXITQUE EUM PHARAO.** — Pharaon cæso Josia perrexit contra Assyrios, ac re bene gesta victor rediens Judæam reliquam subjugavit, ideoque amoto Joachaz quem populus constituerat regem, constituit Joakim, ac multam centum talentorum argenti Judææ quasi a se subactæ imposuit; bellum enim hoc cruentum fuit, utpote in quo Joachaz et Judæi multos Aegyptios vulnerarint et occiderint, ut indicat Ezechiel, cap. xix, 4; vide ibi dicta, æque ac Jeremias, cap. xxii, 10 et seq., ac timebat Pharaon Joachaz, ne rursum rebellaret.

34. **VERTITQUE NOMEN EJUS JOAKIM.** — Moris erat Vers. 34.
regibus et principibus bello subactis nomen mutare, novumque indere in signum subjectionis, ut patet Daniel. 1. Adde Joakim idem esse quod Eliakim; utrumque enim Hebraice significat Deus firmabit: Dei enim nomen tam est El, id est fortis, quam ia, quod est abbreviatum Jehovah.

37. **ET FECIT MALUM CORAM DOMINO,** id est coluit Vers. 37.
idola, insuper avare expilavit subditos, fuitque superbus et ambitiosus, ideoque occisus a Chaldaeis, « sepultura asini sepultus est; » hoc est insepultus est, in sterquilinum projectus est instar asini, uti docet Jeremias, cap. xxii, 13 et seq. Vide ibi dicta.

CAPUT VIGESIMUM QUARTUM.

SYNOPSIS CAPITIS.

Regnat Joakim, et post eum filius Joachin, vers. 6, quem Nabuchodonosor abduxit in Babylonem, eique substituit Sedeciam patruum, vers. 17.

1. In diebus ejus ascendit Nabuchodonosor rex Babylonis, et factus est ei Joakim servus tribus annis: et rursum rebellavit contra eum. 2. Immisitque ei Dominus latrunculos Chaldaeorum, et latrunculos Syriæ, et latrunculos Moab, et latrunculos filiorum Ammon: et immisit eos in Judam, ut disperderent eum, juxta verbum Domini, quod locutus fuerat per servos suos prophetas. 3. Factum est autem hoc per verbum Domini contra Judam, ut auferret eum coram se propter peccata Manasse universa quæ fecit, 4. et propter sanguinem innocentium, quem effudit, et implevit Jerusalem cruore innocentium; et ob hanc rem noluit Dominus propitiari. 5. Reliqua autem sermonum Joakim, et universa quæ fecit, nonne hæc scripta sunt in Libro sermonum dierum regum Juda, et dormivit Joakim cum patribus suis: 6. et regnavit Joachin filius ejus pro eo. 7. Et ultra non addidit rex Aegypti, ut egredetur de terra sua: tulerat enim rex Babylonis a rivo Aegypti usque ad fluvium Euphraten, omnia quæ fuerant regis Aegypti. 8. Decem et octo annorum erat Joachin cum regnare cœpisset, et tribus mensibus regnavit in Jerusalem: nomen matris ejus Nohesta filia Elnathan de Jerusalem. 9. Et fecit malum coram Domino, juxta omnia quæ fecerat pater ejus. 10. In tempore illo ascenderunt servi Nabuchodonosor regis Babylonis in Jerusalem, et circumdata est urbs munitionibus. 11. Venitque Nabuchodonosor rex Babylonis ad civitatem cum servis suis, ut opugnarent eam. 12. Egressusque est Joachin rex Juda ad regem Babylonis, ipse et mater ejus, et servi ejus, et principes ejus, et eunuchi ejus, et suscepit eum rex Babylonis anno octavo regni sui. 13. Et protulit inde omnes thesauros domus Domini, et thesauros domus regiae; et concidit universa vasa aurea, quæ fecerat Salomon rex Israel in templo Domini juxta verbum Domini. 14. Et transtulit omnem Jerusalem, et universos principes, et omnes fortes exercitus decem millia, in captivitatem; et omnem artificem, et clusorem: nihilque relictum est, exceptis pauperibus populi terræ. 15. Transtulit quoque Joachin in Babylonem et matrem regis, et uxores regis, et eunuchos ejus, et judices terræ duxit in captivitatem de Jerusalem in Babylonem. 16. Et omnes viros robustos septem millia, et artifices, et clusores mille, omnes viros fortes et bellatores: duxitque eos rex Babylonis captivos in Babylonem. 17. Et constituit Matthiam patruum ejus pro eo: imposuitque nomen ei Sedeciam. 18. Vi-

gesimum et primum annum ætatis habebat Sedecias cum regnare cœpisset, et undecim annis regnavit in Jerusalem : nomen matris ejus erat Amital, filia Jeremiæ de Lobna. 19. Et fecit malum coram Domino, juxta omnia quæ fecerat Joakim. 20. Irascebatur enim Dominus contra Jerusalem et contra Judam, donec projiceret eos a facie sua : recessitque Sedecias a rege Babylonis.

VERB. 4.

1. IN DIEBUS EJUS ASCENDIT NABUCHODONOSOR REX BABYLONIS, ET FACTUS EST EI JOAKIM SERVUS (subiectus et tributarius) **TRIBUS ANNIS, ET RURSUM REBELLAVIT**, — anno quarto regni sui. Fusius hæc narrat Josephus, lib. X, cap. vii et sequent., ubi recenset quomodo Ægypti cum Babylonis, de victis Assyriis, de imperio decertarint. Primo enim Ægyptii, occiso Josia, subjugarunt Syriam; deinde revertentes in Judeam, amoto Joachaz, regem constituerunt Joakim, qui spe Ægyptii auxilii tributum, quod Babylonis tribus annis dederat, quarto anno dare recusavit. Quare contra eum venit Nabuchodonosor eodem anno, eumque in Babylonem abduxit, ubi eumdem promittentem tributum in Jerusalem remisit. Stetit Joakim in fide septem annis; sed octavo anno, qui fuit regni sui undecimus, rursum rebellavit. Quare a militibus Nabuchodonosoris intercepta Jerusalem in ea captus et occisus est, suffecto ei filio Joachin. Verum cum Nabuchodonosor metueret ne Joachin filius patrem Joakim in rebellione imitaretur, ejusque necem ulcisceretur, eum cepit duxitque in Babylonem, eique in regnum substituit Sedeciam patrum, qui etiam nutavit in fide et subjectione Nabuchodonosori promissa, fretus inani spe auxillii Ægyptiaci; qua de causa sæpius a Jeremia admonitus et increpatus fuit, tandemque rebellans a Nabuchodonosore in Jerusalem obsessus fuit; cumque Ægyptii ei vellent succurrere, a Nabuchodonosore prohibiti et fugati sunt. Cepit Nabuchodonosor ergo Jerusalem, et in ipsa Sedeciam, eumque excæcavit et filios ejus occidit, ac quinto post anno Ægyptum invasit et subegit, et Pharaonem ejus regem trucidavit. Vide etiam Jeremiam, cap. xxii, 13 et seq. et Auctorem *De Mirab. S. Scripturæ*, apud S. Augustinum, tom. III, lib. II, cap. ix.

Porro hic quartus annus Joakim fuit primus regni Nabuchodonosoris, quo ipse Joakim cum Daniele et aliis nobilibus abduxit in Babylonem. Post octo deinde annos, puta anno regni Joakim undecimo et ultimo, eo occiso abduxit ejus filium Joachin cum omnibus principibus, militibus et civibus Jerosolymæ, ut dicitur cap. xxiv, 14, unde ab hoc anno undecimo Joakim, qui fuit octavus Nabuchodonosoris, numerandi sunt anni 70 captivitatis Babylonice; nam Nabuchodonosor post abductum Joachin regnavit annis 36, deinde ejus filius Evilmerodach, sive Baltasar, annis 34 qui simul juncti faciunt 70. Baltasari successit Cyrus rex Persidis, qui expletis jam 70 captivitatis annis, Babylonem capiens et Baltasarem occidens,

Judeos e Babylone liberavit. Vide dicta *Jeremie* xxix, 10.

2. IMMISITQUE EI DOMINUS LATRUNCULOS CHALDÆO- Vers. 8.
RUM. — « Latrunculi » vocantur milites qui grasantur, et prædatum excurrunt quasi latrunculi. Hos misit Nabuchodonosor, ut cum Syris, Moabitis et Ammonitis junci interciperent Jerusalem, ac Joakim rebellantem caperent et occiderent; quod et fecerunt, uti jam dixi.

ET REGNAVIT JOACHIN FILIUS EJUS PRO EO. — Nota : Differunt Joakim pater, et Joachin filius, sive Jeconias et Jechonias, *Matth.* i. Pater enim Joakim scribitur Hebraice per litteram *Coph* et *Mem*; filius vero Joachin scribitur per *Caph* et *Nun*. Joakim Hebraice idem est quod *Deus firmabit*; Joachin vero, quod *Deus præparabit vel diriget*. Joachin sive Jechonias a Jeremias, cap. xxii, vers. 24, in Hebreo decurtatur, vocatur *Conias*, id est *præparatus*, scilicet ad interitum.

8. DECEM ET OCTO ANNORUM ERAT JOACHIN', CUM Vers. 8.
REGNARE COEPISSET. — Dices : *Il Paralip.* cap. ult., vers. 9, dicitur anno octavo regnasse. Respondeo : Anno 18 solus post patrem regnavit, anno vero octavo cœpit cum patre Joakim regnare. Videtur enim Joachin anno tertio vel quarto Joakim patris sui declaratus Rex, cum scilicet Nabuchodonosor patrem cepit, et abduxit in Babylonem. Ita Abulensis.

ET TRIBUS MENSIBUS REGNAVIT. — Quomodo ergo *Il Paral.* cap. ult., vers. 10, dicitur post annum abductus a Nabuchodonosore? Respondet Cajetanus fluxisse aliquot menses interregni inter Joakim et Joachin antequam Joachin assumeret regnum. Aliam responsonem afferam *Il Paralip.* cap. ult., vers. 10.

12. EGRESSUSQUE EST JOACHIN, — suadente *Jerem.*, ut se traderet Nabuchodonosori, ut patet *Jerem.* xxxviii, 2 et seq., ideoque ductus est quidem in Babylonem, sed post Nabuchodonosoris mortem ab ejus filio Evilmerodach e carcere liberatus fuit, et summo honore affectus anno post hunc trigesimo septimo, ut habetur cap. sequent., vers. 27.

14. ET TRANSTULIT OMNEM JERUSALEM, — id est omnes cives et incolas Jerusalem. Fuit hæc secunda captivitas. *Prima enim facta* est ante octo annos, anno quarto Joakim, cum ipse rebellans abductus est cum primis in Babylonem, uti dixi vers. 1; *secunda* fuit hæc, qua Joachin cum suis principibus et militibus, ac cum Ezechiele Propheta abductus fuit; *tertia* et extrema facta est post undecim annos, scilicet *ultimo* anno Sede-

Vers. 12.

Vers. 14.

ciae, quo Jerusalem cum templo a Nabuchodonosore capta et eversa est, ut dicetur cap. sequent.

ET OMNEM ARTIFICEM ET CLUSOREM, — id est « inclusorem, » ut vertit Noster, *Jerem. xxiv, 1*, per quem S. Hieronymus ibidem accipit eum qui gemmas pretiosis metallis includit, et palis annularum aureorum illigat. Melius alii intelligunt eos qui castra metandi sunt periti, noruntque ea vallis quasi claustris suis includere, æque ac urbes vallare et munire. Ita Vatablus, Sanchez et alii. Unde Chaldæus vertit *janitores*, id est urbium custodes et clausores portarum. Agitur enim hic de militibus et fortibus, quos Chaldae abstulerunt Judæis, ne iterum rebellarent, æque ac fecere Philistæi, *I Reg. cap. xiii, 19*. Ita Angelomus. Sic per « artificem » intellige « fabrum » uti vertit Noster, *Jerem. cap. xxiv, vers. 1*, eum scilicet qui enses aliaque arma fabricat. Eadem arte utitur diabolus, dum viros zelosos a Republica amovere sa-

tagit, ut eam præsidio destitutam pessumdet.

17. ET CONSTITUIT MATTIANIAM PATRUM EJUS (sci-
licet Joachin, ideoque fratrem Joakim), **IMPOSUIT-**
QUE EI NOMEN SEDECIAM, — ut scilicet ipse nomine
suo semper admoneretur fidem et subjectionem
quam promiserat Nabuchodonosori servare; « Se-
decias » enim Hebraice idem est quod *justitia mea*
Deus. Ita Cajetanus. Josias pius rex filiis suis pia
nomina imposuit, quæ eos admonerent pietatis in
Deum. Unde unum appellavit « Joachaz, » id est
Dei apprehensio vel possessio, ut quoties audiret se
nominari, cogitaret se a Deo apprehendi et possi-
deri; alterum vocavit « Heliakim, » id est *Dei fir-
mitas*, ut cogitaret se non nisi a Deo firmari; ter-
tium vocavit « Matthianam, » id est *donum Dei*, vel
juxta Syrum *exspectatio*, ut in omnibus adversis
ad Dominum quasi ad asylum confugeret; sed
omnes oblii Dei æque ac nominis sui, ad idola
confugerunt, ideoque Deo vindicante perierunt.

Vers. 17.

CAPUT VIGESIMUM QUINTUM.

SYNOPSIS CAPITIS.

*Nabuchodonosor capit Jerusalem ; Sedeciam excæcatum cum populo in Babylonem abducit,
tempulum succedit.*

1. Factum est autem anno nono regni ejus, mense decimo, decima die mensis, venit Nabuchodonosor rex Babylonis, ipse et omnis exercitus ejus in Jerusalem, et circumdederunt eam; et extruxerunt in circuitu ejus munitiones. **2.** Et clausa est civitas atque vallata, usque ad undecimum annum regis Sedeciæ, **3.** nona die mensis; prævaluitque famæ in civitate, nec erat panis populo terræ. **4.** Et interrupta est civitas; et omnes viri bellatores nocte fuge-
runt, per viam portæ, quæ est inter duplice murum ad hortum regis (porro Chaldae obsi-
debant in circuitu civitatem), fugit itaque Sedecias per viam quæ ducit ad campestria solitu-
dinis. **5.** Et persecutus est exercitus Chaldaeorum regem, comprehenditque eum in planicie
Jericho; et omnes bellatores, qui erant cum eo, dispersi sunt, et reliquerunt eum. **6.** Appre-
hensum ergo regem duxerunt ad regem Babylonis in Reblatha; qui locutus est cum eo judi-
cium. **7.** Filios autem Sedeciæ occidit coram eo, et oculos ejus effodit, vinxitque eum cate-
nis, et adduxit in Babylonem. **8.** Mense quinto, septima die mensis, ipse est annus nonus
decimus regis Babylonis: venit Nabuzardan princeps exercitus, servus regis Babylonis, in
Jerusalem. **9.** Et succedit domum Domini, et domum regis, et domos Jerusalem, omnem-
que domum combussit igni. **10.** Et muros Jerusalem in circuitu destruxit omnis exercitus
Chaldaeorum, qui erat cum principe militum. **11.** Reliquam autem populi partem, quæ re-
mancerat in civitate, et perfugas qui transfugerant ad regem Babylonis, et reliquum vulgus
transtulit Nabuzardan princeps militiae. **12.** Et de pauperibus terræ reliquit vinitores et agri-
colas. **13.** Columnas autem æreas, quæ erant in templo Domini, et bases, et mare æreum,
quod erat in domo Domini, confregerunt Chaldae, et transtulerunt æs omne in Babylonem.
14. Ollas quoque æreas, et trullas, et tridentes, et scyphos, et mortariola, et omnia vasa
ærea, in quibus ministrabant, tulerunt. **15.** Nec non et thuribula et phyalas; quæ aurea,
aurea, et quæ argentea, argentea, tulit princeps militiae: **16.** id est columnas duas, mare

unum, et bases quas fecerat Salomon in templo Domini : non erat pondus aeris omnium vasorum. 17. Decem et octo cubitos altitudinis habebat columnna una ; et capitellum aereum super se altitudinis trium cubitorum; et retiaculum, et malogranata super capitellum columnæ, omnia aerea; similem et columnam secundam habebat ornatum. 18. Tulit quoque princeps militiae Saraiam sacerdotem primum, et Sophoniam sacerdotem secundum, et tres janitores. 19. Et de civitate eunuchum unum, qui erat praefectus super bellatores viros; et quinque viros de his, qui steterant coram rege, quos reperit in civitate; et Sopher principem exercitus, qui probabat tyrones de populo terræ; et sexaginta viros e vulgo, qui inventi fuerant in civitate. 20. Quos tollens Nabuzardan princeps militum, duxit ad regem Babylonis in Reblatha. 21. Percussitque eos rex Babylonis, et interfecit eos in Reblatha in terra Emath, et translatus est Juda de terra sua. 22. Populo autem qui relictus erat in terra Juda, quem dimiserat Nabuchodonosor rex Babylonis, praefecit Godoliam filium Ahicam filii Saphan. 23. Quod cum audissent omnes duces militum, ipsi et viri qui erant cum eis, videlicet quod constituisset rex Babylonis Godoliam, venerunt ad Godoliam in Masphe, Ismahel filius Nathaniæ, et Johanan filius Caree, et Saraia filius Thanehumeth Netophathites, et Jezonias filius Maachati, ipsi et socii eorum. 24. Juravitque Godolias ipsis et sociis eorum, dicens : Nolite timere servire Chaldaeos : manete in terra, et servite regi Babylonis, et bene erit vobis. 25. Factum est autem in mense septimo, venit Ismahel filius Nathaniæ, filii Elisama de semine regio, et decem viri cum eo; percusseruntque Godoliam, qui et mortuus est; sed et Judæos et Chaldaeos, qui erant cum eo in Masphe. 26. Consurgensque omnis populus a parvo usque ad magnum, et principes militum, venerunt in Aegyptum, timentes Chaldaeos. 27. Factum est vero in anno trigesimo septimo transmigrationis Joachin regis Juda, mense duodecimo, vigesima septima die mensis; sublevavit Evilmerodach rex Babylonis, anno quo regnare coepérat, caput Joachin regis Juda de carcere. 28. Et locutus est ei benigne; et posuit thronum ejus super thronum regum, qui erant cum eo in Babylone. 29. Et mutavit vestes ejus, quas habuerat in carcere, et comedebat panem semper in conspectu ejus cunctis diebus vitæ suæ. 30. Annonam quoque constituit ei sine intermissione, quæ et dabatur ei a rege per singulos dies, omnibus diebus vitæ suæ.

Hoc caput idem prorsus est cum cap. ultimo Jeremiæ, ubi illud explicui : Jeremias enim toti huic cladi interfuit, et eam impedire conatus fuit, ut patet ex ejus prophetiis, sed frustra. Vide Abulensem hic, *Quæst. ult.*, seriem singularem Jeremiæ prophetiarum cum serie gestorum Regum horum combinantem. Vide et chronotaxim quam Jeremiæ praefixa.

Vers. 4.

4. INTERRUPTA EST CIVITAS, — crebris scilicet ictibus arietum hostilium, unde ex ea fugerunt ci-
vies per occultam viam et exitum. Ita Abulensis et Vatablus, licet Cajetanus velit murum ruptum fuisse ab ipsis civibus, ut per rupturam effugerent.

Vers. 6.

6. LOCUTUS EST CUM EO JUDICIUM, — id est judicio cum eo disceptavit, justeque eum condemnavit dicendo : Tu fidem mihi datam fregisti et rebelasti, juste ergo mereris a me excæcari. Alia ad-
dit R. Salomon, sed more suo fabulatur.

Vers. 8.

8. SEPTIMA DIE MENSIS.—Jeremias cap. ult. habet « decima die : » utrumque sic concilia, quod die septima venerit Jerusalem, sed decima combusserit templum. Ita Cajetanus. Aut potius die sep-
tima discessit ex Reblatha, ubi erat Nabuchodo-

nosor, et die decima (tridui enim est iter), per-
venit in Jerusalem.

11. RELIQUUM VULGUS TRANSTULIT NABUZARDAN Vers. 11.
PRINCEPS MILITIAE. — Septuaginta vertunt *archimagirus*, id est *princeps coquorum*, *Hebreus*, *princeps mactantium*; *Chaldaeus*, *magister homicidarum*; unde per eum S. Gregorius mystice accipit gulam, quæ templum animæ nostræ evertit, Audi eum III part. *Pastor. Admonit. xx* : « Princeps cocorum destruxit muros Jerusalem. Princeps namque co-
corum venter est, cui magna cura obsequium a
cocis impenditur, ut ipse delectabiliter cibis im-
pleteatur. Muri autem Jerusalem virtutes sunt animæ, ad desiderium supernæ pacis elevatae. Coco-
rum igitur princeps muros Jerusalem dejicit; quia
dum venter ingluvie extenditur, virtutes animæ per luxuriam destruuntur. » Quocirca Abbas Po-
men in *Vitis Patr.* : « Nisi, ait, Nabuzardan prin-
ceps coquorum venisset, templum Dei non arsis-
set; hoc est, nisi desiderium gastrimargiæ irrep-
sisset, anima libidine non conflagrasset. » Angelo-
mus vero per « Nabuzardan » intelligit diabolum,
qui omnia fidelium bona diripere satagit.

¶ 14. TRULLAS. — non cæmentarias, sed «trullas,» id est opercula ollarum, dicta trulla, ait Abulensis a trudendo, quia trudit, id est claudit ollam, ut trullis sit quasi trusilis : «trullas» enim Noster jungit ollis. Nam in Hebreo, Chaldæo et Septuaginta nulla vox trullis respondet.

Verum prisci auctores per trullam accipiunt vas fundens aquam. Ita Nonius Marcellus : «Trullæum, inquit, quo manus perluntur.» Titinius Setina : «Sapientia, inquit, gubernator forquet navem, haud valentia : cocus, magnum ahenum quando fervet, paulula confutat trua.» Varro, libro IV : «Trulla, ait, a similitudine truae, quæ quod magna, et hæc pusilla ut trulla. Hinc Graece τρυγλίον, nos trullam. Trulla, quæ a culina in lavatrinam aquam fundunt. Trua, quod travolat ea aqua, ab eodem est appellatum.» Varro ergo trullam dictam putat a travolando, Nonius Marcellus vero a terendo quasi terulam. Isidorus autem a trudendo. Audi eum, libro XIX Orig. cap. xviii : «Trullæ nomen factum, eo quod trudit et defrudit, id est includit calce vel luto lapides.»

Allegoria et tropologia hic est facilis et apposita. Jerusalem enim est Ecclesia, aequæ ac anima

fidelis per fidem contemplans Deum; idola sunt res create et vanæ, quas contra Dei legem ambit, v. g. idolum avari est aurum, luxuriosi libido, superbi honor. Nabuchodonosor est diabolus, qui capta Jerusalem, id est anima, ejus regem Sedeciam, id est mentem (Sedecias enim Hebraice idem est quod *justitia Dei*, quam mens cogitare, timere et imitari debet), excœcat : inde eam gratiis bonisque omnibus dispoliat, templumque, id est, omnem Dei timorem cultumque exurit, ac deinde captivam libertate sua privat, vincitamque deducit in Babylonem, id est in extremam rerum omnium confusionem, qualis est in anima cupiditatibus suis subdita, præsertim dum in gehennam conjicitur. Verum antequam id fiat, multas ex hac captivitate liberat Cyrus, id est Christus. Ita Angelomus et Eucherius.

27. FACTUM EST VERO IN ANNO TRIGESIMO SEPTIMO TRANSMIGRATIONIS JOACHIN. — Fuit ergo Joachin in carcere Babylonio quamdiu superstes fuit Nabuchodonosor per 37 annos : eo vero mortuo, Evilmerodach patri succedens Joachin liberavit et exaltavit. Causam dedi *Jeremias* lvi, sub finem capitisi.

SYNCHRONISMUS REGUM JUDA, PROPHETARUM, REGUM ET HEROUM GENTILIUM.

Salomoni synchronos, sive coævus fuit Nathan propheta, Hiram rex Tyri, Hesiodus, et Homerus Græcorum Salomon.

Roboamo coævus fuit Ahias propheta, ac Jerobeam primus rex Israel, et Laosthenes rex Assyriorum.

Asæ coævus fuit Jehu propheta, ac Baasa rex Israel, et Ophratæus rex Assyriorum.

Tempore Josaphat floruit Elias propheta, qui curru igneo raptus est in cœlum.

Sub Joram prophetavit Eliseus per sexaginta sex annos, mortuusque est sub Amasia rege.

Sub Joas vixit Joiada Pontifex, ejusque filius Zacharias martyr. In Israel successive regnarunt Jehu, qui domum Achab succidit, Joachaz et Joas.

Amasiæ regis frater fuit Amos, pater Isaiae prophetæ. Isaías ergo avum habuit Joas regem, patruum vero Amasiam : hoc tempore Lycurgus leges dedit Spartanis.

Tempore Azariæ sive Oziae cœpit prophetare Isaías, ac prophetavit per sexaginta annos sub Ozia, Joatham, Achaz, Ezechia et Manasse regibus; prophetarunt tunc quoque Osee, Joel, Amos, Jonas et Abdias. Sub annum 40 Azariæ cœperunt computari Olympiades, sive anni Iphyti regis, qui eas instituit. Olympiades antecedunt Romæ conditionem annis 23. Quare sub annum decimum Joatham Roma condita est a Romulo, qui primus

in ea regnavit annis 36. Huic successit Numa Pompilius per annos 44; huic Tullus Hostilius per annos 32; huic Ancus Martius per annos 24; huic Tarquinius Priscus per annos 38; huic Servius Tullius per annos 44; huic Tarquinius Superbus per annos 25.

Sub Joatham prophetarunt Nahum et Michæas. Sub idem tempus Sardanapalus, obsessus in Nîne ab Arbace Mediæ præfecto, seipsum cum regia totaque gaza combussit. Quare Arbaces Mediæ se regem fecit; Baladan vero, qui alio nomine dictus est Nabonassar, Babyloniam occupavit, a quo constituta est Æra Nabonassaræa, quæ incipit ab anno 15 Joatham.

Sub Achaz capta est Damascus ab Assyrini, ac Teglathphalasar eorum rex dimidiā partem decem tribuum Israel in Assyriam abduxit.

Ezechiæ coævus fuit Merodach filius Baladan, sive Nabonassaris primi regis Babylonis, et Salmanasar rex Assyriorum, qui Israelem, id est decem tribuum reliquias, ac inter eas Tobiam in Assyriam abduxit. Item filius ejus Sennacherib, qui obsidens Jerosolymam ab Angelo fugatus est cæsis 185 millibus.

Tunc quoque floruit Sibylla Erythræa, teste S. Augustino, libro XVIII *De Civitate Dei*, cap. xxiii. Manasses Isaiam prophetam sibi consanguineum lignea serra disseccuit. Tunc floruit apud Lydos Gyges, qui Candaule occiso regnum obti-

nuit : ejus pronepos fuit Croesus , quem Cyrus prælio vicit et subjugavit. Tunc quoque in Ægypto regnavit Psammetichus, cuius filius Necho et Josiam superavit et occidit. Tunc quoque claruit Thales Milesius, unus e septem Græciæ sapientibus , ac successive cæteri sex sapientes. Sub Manasse quoque Romæ regnavit Numa Pompilius , floruit Sybylla Samia. Tunc pariter historiam Judith contingisse multi opinantur.

Sub Josia cœpit prophetare Jeremias , ac tempore Joakim, Joachin et Sedecia prophetavit per 45 annos , tandemque in Ægypto a Judæis lapidibus obrutus, martyr occubuit. Sub eodem prophetavit Baruch, Sophonias et Holda prophetissa. Romæ regnarunt Tullus Hostilius et Ancus Martius. Floruere Aristomenes, Phalaris tyrannus , Zeleucus legislator, Terpander musicus , Sappho et Stesichorus poetæ. Anno quarto Joakim cœpit regnare Nabuchodonosor , qui monarchiam ab Assyriis ad Chaldæos transtulit, ac Jerusalem cum templo evertit et Judæos in Babylonem abduxit, ac Ægyptum subjugavit, et Pharaonem Necho, qui Pharaonum fuit ultimus , trucidavit, ut dixi *Jerem. XLIV, 30.*

Sub Joachin et Sedecia prophetavit in Babylone Ezechiel per annos 22 , cui successit Daniel , qui usque ad centesimum annum vixit et prophetavit. Vide dicta in proœmio *Jeremiæ, Ezechielis et Danielis.*

Hoc tempore in Media regnabat Cyaxares , cui successit filius Astyages, et huic nepos ex filia Cyrus , qui Babylonem cum Dario Medo avunculo suo cepit, et monarchiam a Chaldæis ad Persas

transtulit, ac Judæos ex Babylone liberos in Ju-dæam remisit.

Tunc quoque floruere Draco Atheniensium legislator, æque ac Solon, Epimenides philosophus, qui teste Laertio Athenis aram erexit « Ignoto Deo, » de qua Paulus, *Actor. xvii.* Ita Anaximenes, Xenophanes, Anacharsis philosophus, Arion musicus, Æsopus Fabularum dictator, Sibylla Cumæa, quæ Tarquinio regi Romanorum novem libros oraculorum obtulit pretio 300 aureorum , cumque is illud abnueret, Sibylla magnam eorum partem combussit ac pro paucis reliquis tantumdem exegit et obtinuit, uti narrat Plinius, Solinus, Gellius, Servius et alii. Hæc Eusebius, Torniellus, Gordonus, Salianus cæterique Chronologi.

Audi S. Augustinum , libro XVIII *De Civitate Dei*, cap. xxv : « Regnante apud Hebræos Sedecia, et apud Romanos Tarquinio Prisco, qui successe-rat Anco Martio , ductus est captivus in Babylo-niam populus Judæorum , eversa Jerusalem, et tempore Pittacus Mitylenæus unus de septem sapientibu-fuisse perhibetur : et quinque cæteros, qui ut sep-tem numerantur, Thaleti quem supra commemo-ravimus , et huic Pittaco adduntur , eo tempore fuisse scribit Eusebius, quo captivus Dei populus in Babylonia tenebatur. Hi sunt autem Solon Athe-niensis, Chido Lacedæmonius, Periander Corinthius, Cleobulus Lyndus, Bias Prienæus. Eo capti-vitatis Judaicæ tempore et Anaximander, et Anaxi-menes, et Xenophanes physici claruerunt. Tum et Pythagoras, ex quo cœperunt appellari philo-sophi. »

COMMENTARIA

IN LIBRUM PRIMUM

PARALIPOMENON.

S. Hieronymus, epist. ad Paulinum, quæ Bibliis præfigitur : « Paralipomenon liber, inquit, id est, Instrumenti veteris ἑπιτομὴ, tantus ac talis est, ut absque illo si quis scientiam Scripturarum sibi voluerit arrogare, seipsum irrideat. Per singula quippe nomina, juncturasque verborum, et prætermissæ in Regum libris tanguntur historiæ, et innumerabiles explicantur Evangelii quæstiones.»

Ergo hic liber est epitome sive compendium gestorum Regum Juda, non vero Regum Israel, utpote schismaticorum et idololatrarum. Hebraice inscribitur דְבָרֵי חִימַנִּים *dibre Haiamin*, id est *verba dierum*, q. d. Diarium, sive Chronicon breviter gesta Davidis et posteriorum Regum Juda, quasi per singulos dies, id est per singula tempora et sæcula enarrans. A Septuaginta inscribitur hic liber παραλιπομένων, id est *relictorum* sive *residuorum*, ut ait S. Hieronymus, epist. ad Domnionem, quod ea quæ in Libris Regum omissa sunt, suppleat et historice recenseat. Multa tamen repetit, quæ in Libris Regum audivimus. Quare iis omissis, paucis quæ huic libro relecta et propria sunt, explicabo. Nonnulla enim quæ ibi strictim dicta sunt, hic fusius pertractantur; quædam etiam ibi obscurius scripta, hic clarius explicantur.

Auctor sive compendiator, ut censem Rabbini, Lyranus, Sextus Senensis, Driedo et alii, fuit Esdras, qui ex publicis Annalibus sive Diariis eum conscripsit. Id ita esse colligunt ex eo, quod ultima verba Libri Paralipomenon eadem plane sint cum primis libri Esdræ. Vide dicta in præfatione

in Libros Regum. Sic et quæ cap. ix, vers. 2 et seq. dicuntur eadem sunt cum iis quæ habet Esdras, lib. II, cap. xi. Similia plura in ipso libri decursu notabo. Denique Catalogi genealogiarum et personarum, qui decem primis capitibus fuse hic texuntur, similes sunt Catalogis Esdræ, cap. ii, viii, xii et seq. (1).

(1) In tres partes dividi possunt facta quæ in libris Paralipomenon narrantur, omissis quæ in libris Regum jam vidiimus. Prima pars, a cap. i usque ad cap. ix, non nisi genealogias continet, cum quibusdam factis quæ alibi non leguntur. In secunda parte, a cap. x, I lib. ad cap. ix, II lib., multa reperiuntur de regno tum Davidis, tum Salomonis, quæ in libris Regum non invenias. Tertia pars, a cap. x, II lib., historiam narrat tum schismatis decem tribuum, tum regum Juda, eodem fere sed breviori modo ac libri Regum.

Scopus saltem praecipuus auctoris libri Paralipomenon fuisse videtur demonstrare quis fuerit familiarum status ante captivitatem, et quæ debuerit esse post redditum portio vel hereditas cuique tribui vel familiæ assignanda. Ideo genealogias diligenter pertexit, ut etiam Judæi facilis dignoscere possent ex qua tribu esset oriundus Messias, simulque docet Judæos quæ ad restituendum cultum divinum pertinebant, et fusius enarrat Sacerdotum et Levitarum officia et genealogias.

Juxta opinionem Rabbinorum et interpretum vel catholicorum vel protestantium, Esdras vulgo habetur ut auctor libri Paralipom. (vide argumentum lib. Regum), licet ista opinio firmissimis et palmaribus argumentis non nitatur. Pro certo saltem tenendum est, auctorem libri Paralipom. non esse eumdem qui libros Regum scripsit, cum sæpe eadem facta utrinque rememorentur, iisdem terminis; et aliunde multæ inveniantur quoad tempora, nomina et genealogias discrepantiæ.

CAPUT PRIMUM.

SYNOPSIS CAPITIS.

Recensetur genealogia Adæ usque ad Abraham ejusque posteros, præsertim Idumæos, quorum reges et duces enarrantur vers. 35 et seq.

1. Adam, Seth, Enos, 2. Cainan, Malaleel, Jared, 3. Henoch, Mathusale, Lamech, 4. Noe, Sem, Cham et Japheth. 5. Filii Japheth : Gomer, et Magog, et Madai, et Javan, Thubal, Mosoch, Thiras. 6. Porro filii Gomer : Ascenez et Riphath, et Thogorma. 7. Filii autem Javan : Elisa et Tharsis, Cethim et Dodanim. 8. Filii Cham : Chus, et Mesraim, et Phut, et Chanaan. 9. Filii autem Chus : Saba, et Hevila, Sabatha, et Regma, et Sabathacha. Porro filii Regma : Saba, et Dadan. 10. Chus autem genuit Nemrod : iste cœpit esse potens in terra. 11. Mesraim vero genuit Ludim, et Anamim, et Laabim, et Nephthuim, 12. Phetrusim quoque et Casluim : de quibus egressi sunt Philistiim, et Caphtorim. 13. Chanaan vero genuit Sidonem primogenitum suum, Hethæum quoque, 14. et Jebusæum, et Amorræum, et Gergesæum; 15. Hevæumque et Aracæum, et Cinæum; 16. Aradium quoque, et Samaraeum, et Hamathæum. 17. Filii Sem : Ælam, et Assur, et Arphaxad, et Lud, et Aram, et Hus, et Hul, et Gether, et Mosoch; 18. Arphaxad autem genuit Sale, qui et ipse genuit Heber. 19. Porro Heber nati sunt duo filii, nomen uni Phaleg, quia in diebus ejus divisa est terræ, et nomen fratris ejus Jectan. 20. Jectan autem genuit Elmodad, et Saleph, et Asarmoth, et Jare. 21. Adoram quoque, et Huzal, et Decla, 22. Hebal etiam, et Abimael, et Saba, necnon, 23. et Ophir, et Hevila, et Jobab : omnes isti filii Jectan. 24. Sem, Arphaxad, Sale, 25. Heber, Phaleg, Ragau, 26. Serug, Nachor, Thare, 27. Abram, iste est Abraham. 28. Filii autem Abraham, Isaac et Ismael. 29. Et hæ generationes eorum. Primogenitus Ismaelis, Nabaioth, et Cedar, et Adbeel, et Mabsam, 30. et Masma, et Duma, Massa, Hadad, et Thema, 31. Jetur, Naphis, Cedma : hi sunt filii Ismaelis. 32. Filii autem Ceturæ concubinæ Abraham; quos genuit : Zamran, Jecsan, Madan, Madian, Jesboc, et Sue. Porro filii Jecsan : Saba et Dadan. Filii autem Dadan : Assurim, et Latussim, et Laomim. 33. Filii autem Madian : Ephra et Epher, et Henoch, et Abida, et Eldaa : omnes hi, filii Ceturæ. 34. Genuit autem Abraham Isaac : cuius fuerunt filii, Esau et Israel. 35. Filii Esau : Eliphaz, Rahuel, Jehus, Ilhelom, et Core. 36. Filii Eliphaz : Theman, Omar, Sephi, Gathan, Cenez, Thamna, Ama-lic. 37. Filii Rahuel, Nahath, Zara, Samma, Meza. 38. Filii Seir ; Lotan, Sobal, Sebeon, Ana, Dison, Eser, Disan. 39. Filii Lotan : Hori, Homan. Soror autem Lotan fuit Thamna. 40. Filii Sobal : Alian, et Manahath, et Ebal, Sephi, et Onam. Filii Sebeon : Aia et Ana. Filii Ana : Dison. 41. Filii Dison : Hamram, et Eseban, et Jethran, et Charan. 42. Filii Eser : Balaan, et Zavan, et Jacan. Filii Disan : Hus et Aran. 43. Isti sunt reges, qui imperaverunt in terra Edom, antequam esset rex super filios Israel : Bale filius Beor, et nomen civitatis ejus Denaba. 44. Mortuus est autem Bale, et regnavit pro eo Jobab filius Zare de Bosra. 45. Cumque et Jobab fuisset mortuus, regnavit pro eo Husam de terra Themanorum. 46. Obiit quoque et Husam, et regnavit pro eo Adad, filius Badad, qui percussit Madian in terr. Moab : et nomen civitatis ejus Avith. 47. Cumque et Adad fuisset mortuus, regnavit pro eo Semla de Masreca. 48. Sed et Semla mortuus est, et regnavit pro eo Saul de Rohoboth, quæ juxta amnem sita est. 49. Mortuo quoque Saul, regnavit pro ea Balanan filius Achobor.

50. Sed et hic mortuus est, et regnavit pro eo Adad : cuius urbis nomen fuit Phau, et appellata est uxor ejus Meetabel filia Matred filiae Mezaab. **51.** Adad autem mortuo, duces pro regibus in Edom esse cœperunt : dux Thamna, dux Alva, dux Jetheth, **52.** dux Oolibama, dux Ela, dux Phinon, **53.** dux Genez, dux Theman, dux Mabsar, **54.** dux Magdiel, dux Hiram, hi duces Edom.

Prima decem capita non nisi genealogias continent, quia in eis exacti erant Hebrei, tum ad 12 tribuum distinctionem, tum propter Christum, ut constaret eum ex Abraham, Davide, et tribu Juda natum. Verum quia haec decem capita parvum habent usum, nec nisi nominata geritorum recensent, hinc ea paucis expediam. Ubi nota notina propria virorum et feminarum in hoc libro saepe esse alia et diversa a nominibus, quae iisdem personis dantur in Genesi, cæterisque libris. Ratio est quod Hebrei erant polyonomi, et plurima habebant nomina. Exempli instar sit, quod filii Benjamin, Gen. cap. XLVI, vers. 21, nominentur, «Bela, et Bechor, et Asbel, et Gera, et Naaman, et Echi, et Ros, et Mophim, et Ophim, et Ared :» hic vero cap. VIII, vers. 1, nominantur «Bale, Asbel, Ahara, Nohaa, Rapha;» ac cæteri tacentur : quandoque etiam idem nomen aliter et aliter mutatione unius alteriusve litteræ inflectitur et pronuntiatur. Rursum hic non omnes filii recensentur, sed magis celebres et clari (1). Multi ergo hisce decem capitibus reticentur. Sic cap. VII, vers. 6, tres tantum recenset filios Benjamin, cum Genes. XLVI, 21, decem numerentur.

Vers. 1. **1. ADAM, SETH, ENOS, CAINAN, etc., — q. d.** Adam genuit Seth, Seth genuit Enos, Enos genuit Cainan, et ita consequenter de cæteris quos subnecit; studio enim brevitatis omittit *à genuit*, ne illud in singulis repetere cogatur; quare nomina tantum generantium et genitorum assignat.

Vers. 3. **3. NOE (subatudi gerit) SEM, CHAM ET JAPHETH,** — ut dictum est Genes. cap. VI et seqq., ubi haec omnia explicui.

Vers. 32. **32. CETURÆ CONCUBINÆ ABRAHAM.** — Concubina hic vocatur non pellex, sed secundaria uxor, quæ non erat mater familias: unde ejus filii non succedebant in hereditatem patris.

(1) Adde quod quedam nominæ mendose transcripsi potuerunt, quodque aliqua nomina, licet diversum solum, saepe sunt eadem quoad significationem.

36. THAMNA, AMALEC. — Putant nonnulli *à Thamna* esse genitivi castus, quia Genes. cap. XXXVI, vers. 12, dicitur Esau ex Thamna concubina genuisse Amalec. Verum alia vel alias est Thamna, a Thamna Geneseos; illa enim fuit concubina Esau, haec vero ejus filia vel filius, ut patet *ex* Hebreo et Septuaginta qui habent, *et Thamna, et Amalec.*

38. FILII SEIR. — Alius est hic Seir ab Esau, qui pariter cognominatus est «Seir,» id est pilosus, quia erat hirsutus: ille enim fuit filius Abraham et Isaac, ejusque filii ab hisce Seir diversi, recensiti sunt vers. 35. Hic vero non fuit ex posteris Abraham et Isaac, sed gente fuit Horraeus, qui ante Esau Idumæam occupavit, cuius genealogia texitur *Genes. xxxvi, 20.* Hoc loco vero ad hoc tantum inducitur, ut cognoscatur prosapia Thamna, *ex* qua genitus est Amalec.

43. ISTI (qui sequuntur) SUNT REGES QUI IMPERA- Vers. 43. **VERUNT IN TERRA EDOM,** — cum sceptro, diademate et potestate regia. Nota: Sicut Hebrei primo habuere judices quasi duces a Josue usque ad Saul, deinde reges a Saule usque ad Sedeciam et captivitatem Babyloniam, ac post eam rursum duces a Zorobabele usque ad Machabæos; sic et Idumæi primo habuere duces usque ad Bale, deinde reges a Bale usque ad mortem secundi Adadæ, mox rursum duces a Thamna usque ad Hiram, ut patet vers. 51 et 52.

44. MORTUUS EST AUTEM BALE PRIMUS REX EDOM, Vers. 44. **ET REGNAVIT PRO EO JOBAB FILIUS ZARE.** — Tunc ergo regnum non erat hereditarium, nec in eo patri succedebat filius, sed is qui erat dignior. Bale enim primo regi Idumææ successit Jobab, qui erat filius Zare, non Bale. Hic «Jobab» est «Job» speculum patientie, ut dixi Genes. XXXVI, 31. Job ergo fuit secundus rex Idumææ, ejus abavus Esau tantum dux ejusdem fuerat; Esau enim genuit Raguel, Raguel genuit Zare, Zare genuit Jobab, sive Job.

CAPUT SECUNDUM.

SYNOPSIS CAPITIS.

Genealogia Judæ Patriarchæ usque ad Isai sive Jesse, qui fuit pater Davidis ejusque fratribus et sororum.

1. Filii autem Israel: Ruben, Simeon, Levi, Juda, Issachar, et Zabulon, **2.** Dan, Joseph, Benjamin, Nephtali, Gad, et Aser. **3.** Filii Juda: Her, Onam, et Sela. Hi tres nati sunt ei de filia Sue Chananiæ. Fuit autem Her primogenitus Juda, malus coram Domino, et occidit

eum. 4. Thamar autem nurus ejus peperit ei Phares et Zara. Omnes ergo filii Juda, quinque. 5. Filii autem Phares : Hesron et Hamul. 6. Filii quoque Zaræ : Zamri, et Ethan, et Eman; Chalchal quoque, et Dara, simul quinque. 7. Filii Charmi : Achar, qui turbavit Israel, et peccavat in furto anathematis. 8. Filii Ethan : Azarias. 9. Filii autem Hesron qui nati sunt ei : Jerameel, et Ram, et Calubi. 10. Porro Ram genuit Aminadab, Aminadab autem genuit Nahasson, principem filiorum Juda. 11. Nahasson quoque genuit Salma, de quo ortus est Booz. 12. Booz vero genuit Obed, qui et ipse genuit Isai. 13. Isai autem genuit primogenitum Eliab, secundum Abinadab, tertium Simmaa, 14. quartum Nathanael, quintum Raddai, 15. sextum Asom, septimum David, 16. quorum sorores fuerunt, Sarvia, et Abigail. Filii Sarviræ : Abisai, Joab, et Asael, tres. 17. Abigail autem genuit Amasa, cuius pater fuit Jether Ismahelites. 18. Caleb vero filius Hesron accepit uxorem nomine Azuba, de qua genuit Jerioth : fueruntque filii ejus Jaser, et Sobab et Ardon. 19. Cumque mortua fuisset Azuba, accepit uxorem Caleb, Ephrata : quæ peperit ei Hur. 20. Porro Hur genuit Uri : et Uri genuit Bezeleel. 21. Post hæc ingressus est Hesron ad filiam Machir patris Galaad, et accepit eam cum esset annorum sexaginta : quæ peperit ei Segub. 22. Sed et Segub genuit Jair, et possedit viginti tres civitates in terra Galaad. 23. Cepitque Gessur et Aram, oppida Jair; et Canath, et viculos ejus sexaginta civitatum : omnes isti, filii Machir patris Galaad. 24. Cum autem mortuus esset Hesron, ingressus est Caleb ad Ephrata. Habuit quoque Hesron uxorem Abia, quæ peperit ei Ashur patrem Thecuæ. 25. Nati sunt autem filii Jerameel primogeniti Hesron, Ram primogenitus ejus, et Buna, et Aram, et Asom, et Achia. 26. Duxit quoque uxorem alteram Jerameel, nomine Atara, quæ fuit mater Onam, 27. Sed et filii Ram primogeniti Jerameel, fuerunt Moos, Jamin, et Achar. 28. Onam autem habuit filios, Semei, et Jada. Filii autem Semei : Nadab, et Abisur. 29. Nomen vero uxoris Abisur, Abihail, quæ peperit ei Ahobban, et Molid. 30. Filii autem Nadab fuerunt, Saled, et Apphaim. Mortuus est autem Saled absque liberis. 31. Filius vero Apphaim Jesi : qui Jesi genuit Sesan. Porro Sesan genuit Oholai. 32. Filii autem Jada fratris Semei : Jether, et Jonathan. Sed et Jether mortuus est absque liberis. 33. Porro Jonathan genuit Phaleth et Ziza. Isti fuerunt filii Jerameel. 34. Sesan autem non habuit filios, sed filias et servum Ægyptium nomine Jeraa. 35. Deditque ei filiam suam uxorem : quæ peperit ei Ethei. 36. Ethei autem genuit Nathan, et Nathan genuit Zabad. 37. Zabad quoque genuit Ophlal, et Ophlal genuit Obed. 38. Obed genuit Jehu, Jehu genuit Azariam, 39. Azarias genuit Helles, et Helles genuit Elasa. 40. Elasa genuit Sisamoi, Sisamoi genuit Sellum, 41. Sellum genuit Icamiam, Icamia autem genuit Elisama. 42. Filii autem Caleb fratris Jerameel : Mesa primogenitus ejus, ipse est pater Ziph : et filii Maresa patris Hebron. 43. Porro filii Hebron, Core, et Taphua, et Recem, et Samma. 44. Samma autem genuit Raham, patrem Jercaam, et Recem genuit Sammai. 45. Filius Sammai, Maon : et Maon pater Bethsur. 46. Ephah autem concubina Caleb peperit Haran, et Mosa, et Gevez. Porro Haran genuit Gevez. 47. Filii autem Jahaddai, Regom, et Joathan, et Gesan, et Phaleth, et Ephah, et Saaph. 48. Concubina Caleb Maacha, peperit Saber, et Tharana. 49. Genuit autem Saaph pater Madmena, Sue patrem Machbena, et patrem Gabaa. Filia vero Caleb, fuit Achsa. 50. Hi erant filii Caleb, filii Hur, primogeniti Ephrata, Sobal pater Cariathiarim. 51. Salma pater Bethlehem, Hariph pater Bethgader. 52. Fuerunt autem filii Sobal patris Cariathiarim, qui videbat dimidium requietionum. 53. Et de cognatione Cariathiarim, Jethrei, et Aphuthei, et Sematheui, et Maserei. Ex his egressi sunt Saraitæ et Esthaolitæ. 54. Filii Salma, Bethlehem et Netophathi, Coronæ domus Joab, et dimidium requietonis Sarai. 55. Cognationes quoque scribarum habitantium in Jabes, canentes atque resonantes, et in tabernaculis commorantes. Hi sunt Cinæi, qui venerunt de Calore patris

Vers. 3. 3. FUIT HER PRIMOGENITUS JUDA, — quem ob sce-
lus mollitiae et pollutionis occidit Deus, ut dixi
Gen. xxxviii, 7.

Vers. 7. 7. ACHAR. — Hic est Achan, qui furto suo turba-
vit castra Hebræorum, ideoque dictus est « Achar, »
id est « turbator. » Vide dicta *Josue vii.*

Vers. 9. 9. RAM. — Hic est « Aram » pater Aminadab,
Matth. i, qui per aphæresim vocatur « Ram. »

Vers. 15. 15. SEPTIMUM DAVID. — Quomodo *I Reg. xvi, 10*,
non septem, sed octo numerantur filii Jesse, ibi-
dem explicui.

Vers. 16. 16. FILII SARVIE, ABISAI, JOAB ET ASAEL. — Hinc
videtur quod Abisai fuerit senior Joab fratre suo
duce exercitus Davidis.

Vers. 31. 31. SESAN AUTEM GENUIT OHOLAI, — filiam non
filium, ut patet vers. 34.

Vers. 52. 52. QUI VIDEBAT DIMIDIUM REQUIETIONUM. — Quis
hic? *Primo* S. Hieronymus, lib. I *Contra Pelag.* ait
fuisse prophetam: prophetæ enim vocabantur
« Videntes, » id est prævidentes et prædicentes
futura, q. d. Sobal erat « videns, » id est propheta-
bat; sed ex dimidio duntaxat, id est non plane
et perfecte videbat cœlestia, ubi est locus requie-
tionis, hoc est perfectæ quietis.

Secundo. Secundo, Vatablus, quasi dicat: Sobal videbat
et contemplabatur, id est curam gerebat vel prin-
ceps erat dimidii loci, qui Hebraice vocabatur
Hammenuchoth, id est *requietionum*; forte a fertili-
tate agri et amoenitate loci: *videre* enim est esse
principem; principis enim est suos circumspicere,
lustrare et contemplari, ut iis de omnibus pro-
spiciat. Princeps ergo est « videns, » ut quasi Ar-
gus centoculus omnia inspiciat.

Tertio. Tertio, alii per « requietionem » accipiunt se-
pulcrum; in ea enim post mortem requiescit cor-
pus usque ad resurrectionem communem futu-
ram in die judicii. Unde Benedictus in suis *Bibliis*
vers. 54, ubi nos habemus: « Dimidium requie-
tionis Sarai, » vertit, vel potius explicat, *qui pos-
sidebat dimidium sepulcri Saræ* (uxoris Abrahæ),
et quatuor Patriarcharum, scilicet Adæ, Abrahæ,
Isaac et Jacob; quod sepulcrum erat in Hebron.

Quarto. Quarto, noster Sanchez per « requietionem »
accipit regionem in qua quis habitat, quamque
quiete quasi dominus possidet: unde de Italia
sic ait *Aeneas apud Virgilium*, lib. VIII *Aeneid.* :

Hic locus urbis erit, requies et certa laborum.

Nam « videre » sive cernere hæreditatem dicimur,
cum eam adimus, occupamus et possidemus; ut
sensus sit, quasi dicat: Sobal « videbat, » id est
quasi propriam possidebat, et tam « oculis » quam
manibus usurpabat dimidiam partem regionis in
qua requieverant, seu quiete habitabant parentes
ejus: et hanc dimidiam partem hæreditatis So-
bal transcripsit filiis suis. Eadem phrasis recur-
rit iterum post duos versus; et eadem phrasa di-
citur de Issachar, *Genes. cap. xl ix, 13*: « Vedit re-
quiem, quod esset bona, » id est (ut per epexe-
gesim mox additur), vedit « terram » requietioni

seu inhabitacioni suæ assignatam, « quod esset
optima. » *Psalm.* quoque cap. cxxxi, vers. 8 :
« Surge, Domine, in requiem tuam. » Et vers.
14: « Hæc requies mea in sæculum sæculi, hic ha-
bitabo. »

Quinto et genuine, τὸ Qui videbat dimidium re-
quietionum est nomen proprium filii Sobal, quasi
dicat: Filii Sobal quasi patris fuere hi duo, sci-
licet « Cariathiarim » (itaque forte vocatus, quod
in sylvis: ἡενικής εἰσαγόμενος οὐρίας ιεαρίου: quasi in urbe habitaret, venationi dedi-
tus), id est *videns dimidium requietionum*; ita vocatus,
quod dimidiā Sobal patris « requietionem, » id
est habitationem sive regionem et hæreditatem
possideret; alteram enim dimidiā possidebat
ejus frater Cariathiarim. Id ita esse patet *primo*,
quia Septuaginta nomina Hebraica (licet vitio
scriptorum corrupta) retinent quasi propria. *Se-
cundo*, quia Romani codices τὸ Qui videbat scri-
bunt per majusculum Q; quasi nomen proprium.
Tertio, quia simili modo fere omnia sequentia,
scilicet « Coronæ domus, Canentes, Resonantes,
in tabernaculis commorantes. Qui venerunt de
Calore, » sunt nomina propria, uti *mox* patebit.
Quarto, quia eadem prorsus ratione vers. 54, unus
Salmæ filius vocatur « Dimidium requietionis Sa-
rai, » de quo *mox*.

54. FILII SALMA, BETHLEHEM ET NETOPHATHI, CORO-
NÆ DOMUS JOAB, ET DIMIDIUM REQUIETIONIS SARAI. —
Benedictus vertit, qui possidebat dimidium sepul-
cri Saræ et quatuor Patriarcharum. Verum « Sa-
rai » hic non est « Sara » uxor Abrahæ; nam Sa-
rai hic in Hebreo scribitur per litteras *Tsade* et
Ain, Sara vero scribitur per *Schin* et *He*. Sensus
ergo est, q. d. Salma quatuor genuit filios, scilicet
primum, Bethlehem, *secundum*, Netophathi, *tertium*,
qui vocabatur Hebraice *Aterot beth Joab*, id est
« Coronæ domus Joab, » *quartum*, cui nomen « Di-
midium requietionis Sarai. » Hæc enim omnia
esse nomina propria patet ex Septuaginta qui no-
mina hebræa ut propria retinent, et quia hic no-
mina filiorum Salma recensentur. Cur duo ultimi
ita vocati sint, incertum est: forte quia pater
Salma optabat ut tertius fieret corona, id est de-
cus et gloria domus Joab, ac quartus occuparet
« dimidium requietionum, » id est regionum et
possessionum Sarai.

55. COGNATIONES QUOQUE SCRIBARUM (Legis peri-
torum) HABITANTUM IN JABES, CANENTES ATQUE RR-
SONANTES, ET IN TABERNACULIS COMMORANTES. —
Hæc quoque esse nomina propria liquet ex He-
breo et ex Romanis qui omnia hæc majusculis
litteris prænotant, et ex Septuaginta qui nomina
Hebræa ut propria retinent, vertuntque, et populi
Sopherim (id est scribarum) *habitantium Jabis, Ta-*
rathim, Samathim, Sachathim. Sensus ergo est, q. d.
Cognationes, Hebraice *פָוָתְשָׁׂׂמָחָׂם misphachoth*, id est
familie scribarum (puta Cinæorum, ut sequitur)
ex *Salma* descendentiū erant tres, scilicet *Taru-*

thim, id est Canentes; Samathim, id est Resonantes; et Sachatim, id est in tabernaculis habitantes; quia vere Cinæl Dei laudes canebant et resonabant; nec in urbibus, sed in tabernaculis habitabant, ut dixi Jerem. cap. xxxv, 2.

Hi sunt CINÆL (pluta posteri Jethro saceri Moysis ex quibus prognati sunt Rechabites, ut dixi *Judic.* cap. I, 16; *Exod.* cap. xviii, 1 et seqq.), qui VENERANTUR DE CALORE PATRIS DOMUS RECHAB. — Hinc patet Rechabitas fuisse Cinæos, eosdem quoque fuisse Scribas, Psaltes et Cantores, qui psalmos et hymnos Deo canerent. Sed quid est r^e de Calore? Primo Dionysius Carthusianus, *de Calore*, inquit, hoc est de semine quod est calidum. Verum dico r^e Calore esse nomen proprium, quare Romani id scribunt per majusculum C, ac Septuaginta retinunt nomen Hebraeum Hemath. Unde secundo, Vatablus vertit: *Qui venerunt de Hemath patre domus Rechab, q. d.* Cinæl prognati sunt de Hemath, qui fuit pater familias Rechabitarum. Verum quia Noster vertit: «patris» in genitivo, non «patre» in ablativo, hinc tertio, melius per «Hemath» accipias urbem hoc nomine celebrem in Scriptura, scilicet «Epiphaniam», ita dicta ab Antiocho Epiphane. Et favet quod non dicat, «qui

nati sunt, » sed « qui venerunt de Hemath, » q. d. Cinæl venerunt de « Emath, » id est « Epiphania, » quæ urbs fuit sedes et patria domus, id est familiæ « Rechab, » sive Rechabitarum. Dices: Cur ergo Noster nomen « Emath » non retinet, sed vertit « Calore? » Respondeo: Id facit more suo, ut significet etymon « Emath » congruere huic loco: Emath enim Hebraice significat calorem. Significat ergo Cinæos hosce apposite venisse de « Emath, » quæ urbs nomine suo significat « calorem, » ut innuat Cinæos hosce imitatos fuisse « calorem, » id est zelum et fervorem devotionis, qui fuerat in patre eorum « Rechab. » Ita Lyranus et Hugo. Sic Roma olim dicta fuit Valentia, teste Solino in *Polyhist.* Graece enim θερμὸν idem est quod robur, valor et valentia. Romani enim erant valentes et Valentini, utpote qui orbem sibi subjugarunt. Similes allusiones sunt *Michææ*, cap. I, 10: « In domo pulveris (Hebraice in Aphra urbe Benjamin; Aphra enim significat pulvarem) pulvere vos conspergite. » Et vers. 11: « Et transite vobis Habitatio pulchra. » Hebraice *habitatrix Sappir*, id est pulchræ Samariæ; et vers. 12: « Quæ habitat in amaritudinibus. » Hebraice *in Maroth* urbe. Vide ibi dicta.

CAPUT TERTIUM.

SYNOPSIS CAPITIS.

Retensentur filii Davidis, ejusque nepotes Reges Iuda cum suis filiis et filiabus.

1. David vero hos habuit filios, qui ei nati sunt in Hebron, primogenitum Amnon ex Achinoam Jezrahelitide, secundum Daniel de Abigail Carmelitide, 2. tertium Absalom filium Maacha filiæ Tholmai regis Gessur, quartum Adoniam filium Aggith, 3. quintum Saphatiam ex Abital, sextum Jethraham de Egla uxore sua. 4. Sex ergo nati sunt ei in Hebron, ubi regnavit septem annis, et sex mensibus. Triginta autem et tribus annis regnavit in Jerusalem. 5. Porro in Jerusalem nati sunt ei filii, Simmaa, et Sobab, et Nathan, et Salomon, quatuor de Bethsabee filia Ammiel, 6. Jebaar quoque, et Elisama, 7. et Eliphaleth, et Noge, et Nepheg, et Japhia, 8. nec non Elisama, et Eliada, et Elipheleth, novem: 9. omnes hi, filii David, absque filiis concubinarum: habueruntque sororem Thamar. 10. Filius autem Salomonis, Roboam: cuius Abia filius genuit Asa. De hoc quoque natus est Josaphat. 11. Pater Joram: qui Joram genuit Ochoziam, ex quo ortus est Joas: 12. et hujus Amasias filius genuit Azariam. Porro Azariæ filius Joathan 13. procreavit Achaz patrem Ezechiae, de quo natus est Manasses. 14. Sed et Manasses genuit Amon patrem Josiæ. 15. Filii autem Josiæ fuerunt, primogenitus Johanan, secundus Joakim, tertius Sedecias, quartus Sellum: 16. de Joakimi natus est Jechonias et Sedecias: 17. Filii Jechoniæ fuerunt, Asir, Salathiel, 18. Melchiram, Phadaia, Sennacherib, et Jecemias, Sama, et Nadabia. 19. De Phadaia orti sunt Zorobabel et Semei. Zorobabel genuit Mosollam, Hananiam, et Salomith sororem eorum: 20. Hasaban quoque, et Ohol, et Barachian, et Hasadian, Josabhesed, quinque. 21. Filius autem Hananiæ, Phaltias pater Jeschiæ, cuius filius Raphaia, hujus quoque filius, Arnan, de quo natus est Obdia, cuius filius fuit Sechenias. 22. Filius Secheniæ, Semeia: cuius filii, Hattus,

et Jegaal, et Baria, et Naaria, et Saphat, sex numero. 23. Filius Naariæ, Elioenai, et Ezechias, et Ezricam, tres. 24, Filii Elioenai, Oduia, et Eliasub, et Pheleia, et Accub, et Johanan, et Dalaia, et Anani, septem.

Vers. 4. 1. DAVID VERO HOS HABUIT FILIOS. — Hæc et sequentia explicui II Reg. III, 2 et seq.

Vers. 5. 5. QUATUOR DE BETHSABEE, — nonnulli censent tres priores, scilicet « Simmaa, Sobab et Nathan, » fuisse Uriæ filios, quos postea David sibi adoptavit, ut injuriam adulterii et homicidii Uriæ factam compensaret : quartum vero, scilicet Salomonem, fuisse unicum Davidis ex Bethsabee filium, eo quod Salomon, Proverb. cap. IV, 3, dicat se fuisse « unigenitum coram matre sua. » Verum melius alii censent hos omnes fuisse Davidis filios, Salomonem vero dici « unigenitum, » id est unice dilectum a matre, uti dixi Proverb. cap. IV, 3.

FILIA AMMIEL. — « Ammiel » alio nomine dictus est « Eliam, » qui fuit filius Achitophel et unus e triginta fortibus, sive heroibus Davidis, II Regum cap. XXIII, 24.

Vers. 15. 15. PRIMOGENITUS (Josiae) JOHANAN, SECUNDUS JOAKIM, TERTIUS SEDECIAS, QUARTUS SELLUM. — « Johanan » citæ morte defunctus est, et forte cum Josia patre in prælio occisus : unde Josiae in regno successit Joachaz, deinde Joakim, tertio Sedecias. Joachaz hic fuit binomius : alio enim nomine vocatus est « Sellum, » fuitque tertio loco a Josia genitus. Cum enim Joachaz regnare incipiens esset 18 annorum, Joakim post tres menses ei succedens erat 25 annorum, cui post undecim regni annos succedens Sedecias erat 21 annorum dum-

taxat. Dices : Cur ergo ultimus hic ponitur « Sellum, » id est « Joachaz, » cum revera junior omnium fuerit Sedecias? Respondeo : Causa est, quod Joachaz tribus tantum mensibus regnarit, post quos a Pharaone captus, abductus est in Egyptum; Joakim vero regnavit undecim annis, et totidem Sedecias, vide dicta Jerem. cap. XXII, 11. Joachaz ergo quartus fuit non ætate, sed regni dignitate, vel potius indignitate, et brevitate. Nam ætate primus Josiae filius fuit Johanan, secundus, Joakim, tertius, Joachaz, sive Sellum, quartus, Sedecias.

17. FILII JECHONIAE FUERUNT AZIR. — Octo hic filii Vers. 17. Jechoniae recensentur : ipse tamen vocatur steriles, Jerem. XXII, 30, quia nullus ei in regno successit, ut ibidem explicat Jeremias.

19. DE PHADAIA ORTI SUNT ZOROBABEL ET SEMEI. — Vers. 19. Alius est his Zorobabel a Zorobabele atavo Christi, Matth. cap. I. Ejus tamen fuit patruelis; nam iste, Matth. cap. I, fuit filius Salathielis. Nonnulli tamen censent unum eumdemque esse Zorobabel, qui natura fuerit filius Phadaiae, adoptione vero Salathielis. Sed hi consequenter dicere debent aliquem filiorum Zorobabel qui hic recensentur, alio nomine vocatum fuisse Abiud : nam, Matth. I, Zorobabel dicitur genuisse Abiud. Unde Mariana opinatur Hananiam qui hic sequitur, alio nomine vocatum fuisse Abiud.

CAPUT QUARTUM.

SYNOPSIS CAPITIS.

Posteri Judæ et Simeonis, eorumque victoriæ et facinora heroica.

1. Filii Juda : Phares, Hesron, et Charmi, et Hur, et Sobal. 2. Raia vero filius Sobal genuit Jahath, de quo nati sunt Ahumai, et Laad : hæ cognationes Sarathi. 3. Ista quoque stirps Etam : Jezrahel, et Jesema, et Jedebos. Nomen quoque sororis eorum, Asalelphuni. 4. Phanuel autem pater Gedor, et Ezer pater Hosa. Isti sunt Filii Hur primogeniti Ephrata patris Bethlehem. 5. Assur vero patri Thecuæ erant duæ uxores, Halaa, et Naara. 6. Peperit autem ei Naara, Oozam, et Hepher, et Themani, et Ahastari. Isti sunt filii Naara. 7. Porro filii Halaa, Sereth, Isaar, et Ethnan. 8. Cos autem genuit Anob, et Soboba, et cognationem Aharrehel filii Arum. 9. Fuit autem Jabel inclitus præ fratribus suis, et mater ejus vocavit nomen illius Jabel, dicens : Quia peperi eum in dolore. 10. Invocavit vero Jabel Deum Israel, dicens : Si benedicens benixeris mihi, et dilataveris terminos meos, et fuerit manus tua mecum, et feceris me a malitia non opprimi. Et præstitit Deus quæ precatus est. 11. Caleb autem frater Sua genuit Mahir, qui fuit pater Esthon. 12. Porro Esthon genuit Bethrapha, et Phesse, et Tehinna patrem urbis Naas : hi sunt viri Recha. 13. Filii autem Cenez, Otho-

niel, et Saraia. Porro filii Othoniel, Hatath, et Maonathi. 14. Maonathi genuit Ophra, Saraia autem genuit Joab patrem Vallis artificum : ibi quippe artifices erant. 15. Filii vero Caleb, filii Jephone, Hir, et Ela, et Naham. Filii quoque Ela : Cenez. 16. Filii quoque Jaleleel : Ziph, et Zipha, Tiria, et Asrael. 17. Et filii Ezra, Jether, et Mered, et Epher, et Jalon, genuitque Mariam, et Sammai, et Jesba patrem Esthamo. 18. Uxor quoque ejus Judaia, peperit Jared patrem Gedor, et Heber patrem Socho ; et Icuthiel patrem Zanoe. Hi autem filii Bethiae filiae Pharaonis, quam accepit Mered. 19. Et filii uxoris Odaiæ sororis Naham patris Ceila, Garmi, et Esthamo, qui fuit de Machathi. 20. Filii quoque Simon, Amnon, et Rinna filius Hanan, et Thilon. Et filii Jesi, Zoheth, et Benzoheth. 21. Filii Sela, filii Juda : Her pater Lecha, et Laada pater Maresa, et cognationes domus operantium byssum in domo juramenti. 22. Et qui stare fecit Solem, virique Mendacii, et Securus, et Incendens, qui principes fuerunt in Moab, et qui reversi sunt in Lahem : hæc autem verba vetera. 23. Hi sunt figuli habitantes in Plantationibus, et in Sepibus, apud regem in operibus ejus, commoratique sunt ibi. 24. Filii Simeon : Namuel et Jamin, Jarib, Zara, Saul. 25. Sellum filius ejus, Mapsam filius ejus, Masma filius ejus. 26. Filii Masma : Hamuel filius ejus, Zachur filius ejus, Semei filius ejus. 27. Filii Semei sedecim, et filiae sex : fratres autem ejus non habuerunt filios multos, et universa cognatio non potuit adæquare summam filiorum Juda. 28. Habitaverunt autem in Bersabee, et Molada, et Hasarsuhal, 29. et in Bala, et in Asom, et in Tholad, 30. et in Bathuel, et in Horma, et in Siceleg, 31. et in Bethmarchaboth, et in Hasarsusim, et in Bethberai, et in Saarim : hæc civitates eorum usque ad regem David. 32. Villæ quoque eorum : Etam, et Aen, Remmon, et Thochen, et Asan, civitates quinque. 33. Et universi viculi eorum per circuitum civitatum istarum usque ad Baal : hæc est habitatio eorum, et sedium distributio. 34. Mosobab quoque et Jemlech : et Josa filius Amasiæ, 35. et Joel, et Jehu filius Josabiæ filii Saraiæ filii Asiel, 36. et Elioenai, et Jacoba, et Isuhaia, et Asaia, et Adiel, et Ismiel, et Banaia, 37. Ziza quoque filius Sephei filii Allon filii Idaia filii Semri filii Samaia. 38. Isti sunt nominati principes in cognitionibus suis, et in domo affinitatum suarum multiplicati sunt vehementer. 39. Et profecti sunt ut ingredierentur in Gador usque ad Orientem vallis, et ut quærerent pascua gregibus suis. 40. Inveneruntque pascuas uberes et valde bonas, et terram latissimam et quietam et fertilem, in qua ante habitaverant de stirpe Cham. 41. Hi ergo venerunt, quos supra descriptsimus nominatim, in diebus Ezechiae regis Juda : et percusserunt tabernacula eorum, et habitatores qui inventi fuerant ibi, et deleverunt eos usque in præsentem diem : habitaveruntque pro eis, quoniam uberrimas pascuas ibidem repererunt. 42. De filiis quoque Simeon abierunt in montem Seir viri quingenti, habentes principes Phaltiam et Naarium et Raphaim et Oziel filios Jesi : 43. et percusserunt reliquias, quæ evadere potuerant, Amalecitarum, et habitaverunt ibi pro eis usque ad diem hanc.

Vers. 1. 1. FILII JUDA : PHARES, HESRON ET CHARMI, etc. — « Filii » id est posteri : nam Judas genuit Phares, Phares genuit Hesron, Hesron genuit Charmi, etc. « Filii » ergo hic vocantur nepotes et pronepotes, qui longa serie a Juda descendunt. Scopus enim auctoris hoc libro fuit, nominare viros virtute vel familia ampla celebres, qui a Juda vel alio quopiam Patriarcha prognati sunt.

Vers. 4 4. EPHRATHA PATRIS BETHLEHEM. « Patris, » id est principis, ait Vatablus, sic enim servi Naaman eum vocant patrem, IV Reg. v. Alii tamen censem Bethlehem esse nomen filii « Ephratæ, » non urbis ita dictæ. Sic enim cap. II, vers. 54, « Bethlehem » vocatur « filius Salma. »

5. ASSUR VERO PATRI (id est principi) THECUÆ, — Vers. 5. ait Vatablus. Alii tamen censem « Assur » proprie fuisse patrem filii, cui nomen erat « Thecua. »

9. VOCAVIT NOMEN ILLIUS JABES, DICENS : QUA PEPERI EUM CUM DOLORE. — « Jabes » enim Hebraice dolorem significat. Videtur hic Jabes fuisse filius Aram qui præcessit, frater Aharelis, vers. 8, et Othonielis, vers. 13. Est metathesis sive transpositio litterarum; dicitur enim « Jabes. » Hebraice Jaabes pro Jaaseb : nam בָּעֵז otseb est dolor, ut sequitur. Ita Pagninus. Sic pro kebes, id est agnus, dicitur keseb, scilicet pro כְּבָשׂ dicitur כְּבָשׂ.

14. SARAIA AUTEM GENUIT JOAB PATREM (id est principem) VALLIS ARTIFICUM. — « Ideo, ait S. Hie-

ronymus, dicitur pater Vallis artificum, quia de filiis ejus fuere architecti ad ædificandam domum Domini. »

Vers. 21. 21. IN DOMO JURAMENTI. — Hebraice *Esbaa* est nomen proprium significans *juramentum*; unde Septuaginta vertunt, *In domo Aseba*. Noster his decem capitibus saepe nomina Hebræa propria non retinet, sed vertit eorum significata, quia in significatis putat latere aliquod mysterium, vel allusionem rei vel personæ congruam. Adde saepe Latinos nomina propria Græcorum vel Hebræorum vertere in Latina idem significantia. Sic pro *Theodosius* vel *Theodorus*, dicunt, *Adeodatus*; pro *Chrysostomus*, *aureum os*; pro *Anna*, *Gratia*; pro *Salomon*, *Pacificus*; pro *Jesus*, *Salvator*; pro *Gregorius*, *Vigilantius*; pro *Macarius*, *Felix*; pro *Nicon*, *Victor*.

Vers. 22. 22. ET QUI STARE FECIT SOLEM, VIRIQUE MENDACII, SECURUS ET INCENDENS. — Omnia hæc sunt nomina propria, quorum significata Noster vertendo redidit. Septuaginta vero, *Pagninus*, *Vatablus* et ali nomina Hebræa ut propria retinent, vertuntque: *Joacim quoque et viri Chozeba et Joas et Saraph*, qui dominati sunt in Moab. *Joacim* enim, vel ut Hebraice est *Jokim*, idem est quod *qui stare fecit*, scilicet *solem*. *Chozeba* idem est quod *mendacium*; *Joas* est *securus*; *Saraph* est *incendens*, q. d. Omnes hi jam nominati, sunt filii et nepotes qui descendunt a Juda per Selam, licet Hebræi velint eos per Phares descendere.

Qui stare
fecit so-
lem.
Quis?

Historia
Hebræo-
rum.

Audi eos apud S. Hieronymum *in Tradit.*: « Qui stare fecit solem, redit ad progeniem Phares de quo ortus est David, opportunum judicans progeniem Juda, de qua tribus regia orta est, in David terminare. Tradunt enim Hebræi hunc fuisse Elimelech, virum Noemi, patrem Mahalon et Chelion, in cuius tempore sol steterit; propter prævaricatores legis, ut tanto miraculo viso converterentur ad Dominum Deum suum. Quod quia facere contempserunt, idcirco fames invaluit, et ille qui in tribu Juda prior videbatur, famis inopia cum uxore et filiis, non solum patria pellebatur, sed etiam in eadem peregrinatione cum filiis moreretur. Viros autem mendacii esse Mahalon et Chelion, qui hic Securus et Incendens appellantur, et de quibus dicitur, quod principes fuerint in Moab, eo quod uxores Moabitidas duxerint; in Hebræo expressius ponitur, et ab eruditis illius linguae didicimus, ut non principes, sed mariti dicantur. Quod vero sequitur: Quæ reversæ sunt in Lehem, Noemi et Ruth demonstrat, quæ in לְהֵם Lehem, id est panem, post inopiam famis audita ubertate panis, in Bethlehem reversæ sunt. Et quia hæc historia in Libro Ruth scribitur, idcirco subsequitur: Hæc autem verba vetera. »

Fabula
esse pro-
batur
septem
Primo.

Hebræos sequuntur Lyranus, Glossa, Abulensis, Hugo, Dionysius, Fevardentius in cap. i Ruth, Baradius in Matth. cap. i, qui dicunt « Elimelech » fuisse virum sanctissimum, ideoque dum videret

suos cives ad idola deflectere, rogasse Deum ut secundo. sisteret solem, eoque portento terneret idololatras, et ad se compelleret.

Verum hanc esse Rabbinorum fabulam liquet: primo, quia hic agitur de posteris Selæ, « Elimelech » autem fuit ex posteris Phares. Secundo, quia Joacim, vel ut Hebraice est יָקִים Jokim, tantum significat sistens, stare faciens, confirmans; unde nonnulli ex Rabbinorum fabula adjecerunt in margine τὸν solem, quod postea in textum irrepsit, ait Serarius in *Josue* cap. x, *Ques. XXV*. Aut potius, quia Josue eo quod stiterit solem, ab Hebræis cognominatus est Jokim, id est stare faciens et sistens, scilicet solem: hinc Jokim ex vulgi usu significabat idem quod « qui stare fecit solem, » ut vertit Noster. Omnia enim exemplaria habent τὸν solem. Hic enim « Jokim » ponitur inter filios, id est posteros Selæ; unde potuit post Josue vivisse: si autem vixit ante, certe Esdras qui hæc scripsit, vixit post Josue, a quo « Jokim » significat eum « qui stare fecit solem. » Tertio, quia Tertio. Biblia Romæ correcta pro, « quæ reversæ sunt, » corrigit, « qui reversi sunt in Lechem. » Jam autem Chelion et Mahalon non sunt reversi in Bethlehem, sed in Moab mortui. Quarto, quia « viri Quarto. Mendacii, » alii sunt a « Securus et Incendens, » ut patet ex copula « et, » quæ inter utrumque interjicitur, et diversa jungit. Quinto, quia « Elimelech » non est Joacim vel Jokim, nec significat, qui stare fecit solem, sed Deus rex vel Dei mei rex: nec Mahalon significat securum sed infirmum et ægrum, aut qui chorum agit fistulamque inflat: Chelion vero non significat incendentem sed confessum et perfectum, et eum qui totus columbinus est. Sexto, Mahalon et Chelion non fuerunt principes in Moab, utpote externi et peregrini, pauperes et famelici. Septimo, rem tantam non tacuiset liber Ruth, qui famem et vitam Elimelech, Mahalon et Chelion enarrat. Denique res tota insulsa Rabbinorum traditione nititur, quam S. Hieronymus (vel quisquis est auctor) nude more suo retulit, sed non approbavit. Ita Cajetanus, Serarius, Salianus, Sanchez et alii passim. Nulla ergo miraculosa solis statio inducenda est, præter illam quæ enarratur facta sub Josue, cap. x, et sub Ezechia, *Isaiæ xxxviii*. Quare hic Jokim videtur fuisse vir insignis, qui heroica fortitudinis opera ediderit, ut videretur esse quasi alter Josue, qui solem stitit, ideoque æque ac Josue vocatus est Jokim, id est *Stator solis*; et si revera ipse solem non stiterit, uti stitit Josue. Sic hodie vocantur Hercules, Samsones, Julii, Alexandri, Pompeii, Scipiones, ut priscos illos heroes sic nominatos imitentur, etsi heroica eorum facta non patrarint. Porro quod Jokim Hebræis ex usu vulgi significaret statorem solis, liquet ex Rabbinis jam citatis apud S. Hieronymum qui putantes Jokim esse Elimelech, inde commenti sunt ipsum stitisse solem.

Simili modo Jupiter a Romanis nuncupatus est Jokim sive stator, scilicet aciei fugientis, eo quod

stare fecisset Romanos in fugam a Samnitibus versos. Audi Ciceronem, Orat. *Antequam iret in exilium*: « Jupiter stator, quem vere hujus imperii statorem majores nostri nominaverunt; cuius in templo hostilem impetum Catilinae repuli a muris, cuius templum a Romulo victis Sabinis in Palatii radice cum victoria est collocatum. » Et Ovidius, lib. IV *Fastorum*:

Tempus idem statoris erit quod Romulus olim
Ante palatini condidit ora jugi.

Sic *Jokim* vel *Joahim*, ait Pagninus, componi potest ex *Jehova* abbreviato, et יְהוָה Jakim, ut significet Deus statuat, vel Deus stator, scilicet solis ad preces Josue.

ET QUI REVERSI SUNT IN LAHEM, — hoc est « in Bethlehem », quæ per aphæresim vocatur « Lahem », vel « Lehem », sicut I *Paral.* xx, « Adeodatus » in Hebræo vocatur *Lehemites*, id est *Bethlehemites*, ut vertit Noster; sic cap. II, 9, *Aram* vocatur *Ram*, et *Jechonias* vocatur *Chonias*, *Jerem.* cap. XXII, vers. 24.

HÆC AUTEM VÉRBA VETERA, — q. d. Hæc sunt nomina prisca priscorum Heroum. Ita Vatablus.

23. HI SUNT FIGULI (male nonnulli legunt sin-

guli) HABITANTES IN PLANTATIONIBUS ET IN SEPIBUS APUD REGEM IN OPERIBUS EJUS. — Vatablus: *Isti sunt figuli illi habitantes in Nathaim et Gedera cum rege in opere ejus.* Locorum sunt nomina ab hortis et sepibus, q. d. *Isti sunt figuli illi clari qui habitabant in Nathaim et Gedera, scilicet inter plantas et sepes, » nimirum qui versabantur in hortis apud regem Davidem, ut opera ejus regia adjuvarent, ideoque apud eum magno fuere in pretio. Hæc Vatablus, sic et Pagninus.*

40. IN QUA ANTE HABITAVERANT DE STIRPE CHAM, — Vers. 40. id est Chananæi; hi enim prognati sunt ex Chanaan filio Cham filii Noe. Sensus est, q. d. Simeonitæ crescente numero filiorum suæ tribus, cum arcte habitarent, præsertim in medio tribus Juda, quæ in schismate facto sub Roboam suas urbes a Simeonitis recepit; hac de causa Chananæos vicinos, qui post Josue in terra Sancta restiterant, nec ab Hebræis expelli potuerant, invaserunt, eorumque urbes, agros et pascua occupaverunt initio regni Ezechiae: sed modico tempore iis gavisi sunt, nam anno sexto Ezechiae cum reliquis novem tribubus a Salmanasar captivi abducti sunt in Assyriam, IV *Reg.* xvii, 6, et cap. XVIII, vers. 10.

CAPUT QUINTUM.

SYNOPSIS CAPITIS.

Fili, id est posteri tribus Ruben, Gad et dimidiæ Manasse recensentur, qui pariter vicinos Chananæos suis regionibus ejecerunt sub Joatham rege; sed mox sub Ezechia ob idololatriam primi abducti sunt in Assyriam.

1. Filii quoque Ruben primogeniti Israel (ipse quippe fuit primogenitus ejus: sed cum violasset thorum patris sui, data sunt primogenita ejus filiis Joseph, filii Israel; et non est ille reputatus in primogenitum. 2. Porro Judas, qui erat fortissimus inter fratres suos, de stirpe ejus principes germinati sunt: primogenita autem reputata sunt Joseph), 3. filii ergo Ruben primogeniti Israel: Enoch, et Phallu, Esron, et Carmi. 4. Filii Joel: Samia filius ejus, Gog filius ejus, Semei filius ejus, 5. Micha filius ejus, Reia filius ejus, Baal filius ejus, 6. Beera filius ejus, quem captivum duxit Telgathphalnasar rex Assyriorum, et fuit princeps in tribu Ruben. 7. Fratres autem ejus, et universa cognatio ejus, quando numerabantur per familias suas, habuerunt principes, Jehiel et Zachariam. 8. Porro Bala filius Azaz, filii Samma, filii Joel, ipse habitavit in Aroer usque ad Nebo et Beelmeon. 9. Contra Orientalem quoque plagam habitavit usque ad introitum eremi, et flumen Euphraten. Multum quippe jumentorum numerum possidebant in terra Galaad. 10. In diebus autem Saul præliati sunt contra Agareos, et interfecerunt illos, habitaveruntque pro eis in tabernaculis eorum, in omni plaga, quæ respicit ad Orientem Galaad. 11. Filii vero Gad e regione eorum habitarerunt in terra Basan usque Selcha: 12. Joel in capite, et Saphan secundus: Janai autem, et Saphat, in Basan. 13. Fratres vero eorum secundum domos cognitionum suarum, Michael, et Mosollam, et Sebe, et Jorai, et Jachan, et Zie, et Heber, septem. 14. Hi filii Abihail, filii Huri, filii Jara, filii Galaad, filii Michael, filii Jesesi, filii Jeddo, filii Buz. 15. Fratres quoque

filii Abdiel, filii Guni, princeps domus in familiis suis. 16. Et habitaverunt in Galaad, et in Basan, et in viculis ejus, et in cunctis suburbanis Saron, usque ad terminos. 17. Omnes hi numerati sunt in diebus Joathan regis Juda, et in diebus Jeroboam regis Israel. 18. Filii Ruben, et Gad, et dimidiæ tribus Manasse, viri bellatores, scuta portantes et gladios, et tendentes arcum, eruditique ad prælia quadraginta quatuor millia et septingenti sexaginta, procedentes ad pugnam. 19. Dimicaverunt contra Agareos : Ituræi vero, et Naphis, et Nodab, 20. præbuerunt eis auxilium. Traditique sunt in manus eorum Agarei, et universi qui fuerant cum eis, quia Deum invocaverunt cum præliarentur : et exaudivit eos, eo quod credidissent in eum. 21. Ceperuntque omnia quæ possederant, camelorum quinquaginta millia, et ovium ducenta quinquaginta millia, et asinos duo millia, et animas hominum centum millia. 22. Vulnerati autem multi corruerunt, fuit enim bellum Domini. Habitaveruntque pro eis usque ad transmigrationem. 23. Filii quoque dimidiæ tribus Manasse, possederunt terram a finibus Basan usque Baal, Hermon, et Sanir, et montem Hermon, ingens quippe numerus erat. 24. Et hi fuerunt principes domus cognationis eorum, Epher, et Jesi, et Eliel, et Ezriel, et Jeremia, et Odoia, et Jediael, viri fortissimi et potentes, et nominati duces in familiis suis. 25. Reliquerunt autem Deum patrum suorum, et fornicati sunt post deos populorum terræ, quos abstulit Deus coram eis, 26: et suscitavit Deus Israel spiritum Phul regis Assyriorum, et spiritum Telgathphalnasar regis Assur : et transtulit Ruben, et Gad, et dimidiæ tribum Manasse, et adduxit eos in Lachish et in Habor et Ara, et fluvium Gozan, usque ad diem hanc.

Vers. 1. 1. DATA SUNT PRIMOGENITA EJUS (Ruben) FILII JOSEPH, — scilicet « Ephraim et Manasse. » Primo-
genitus enim habebat duplē portionem hæreditatis paternæ (cum cæteri fratres singuli habe-
rent singulas), ut sancitur *Deuter.* cap. xxi, 16,
et hanc debebat habere Ruben, utpote primogenitus Jacob; sed ob ejus incestum illa translata
est ad Joseph, qui per duos filios jam dictos du-
plē sanctæ portionem obtinuit. Rursum
primogenito competit jus sacerdotii, et hoc a
Ruben translatum est ad Levi : ad hæc jus pri-
matus et regni, et hoc delatum est Judæ. Vide
dicta *Gen. XLIX.*

Vers. 12. 12. JOEL IN CAPITE, — hoc est « Joel » fuit « ca-
put » et princeps tribus Gad, ut patet ex Hebræo et

Græco ; secundus post Joel fuit Saphan, tertius Ja-
nai et Saphat, qui Basanitidem occuparunt. Fuere
hi non filii, sed nepotes Gad, ut patet *Gen. XLVI.* 16.

17. IN DIEBUS JEROBOAM REGIS ISRAEL. — Hic « Je- Vers. 17.
roboam » non fuit primus ille rex Israel, qui
schisma fecit a Roboam, sed longe posterior, sci-
licet ab nepos Jehu ; hic enim coævus fuit Joatham
regi Juda.

19. DIMICÄVERUNT CONTRA AGAREOS, — id est con- Vers. 19.
tra Saracenos, qui ab Agar ancilla Abraham dicti
sunt « Agarei. » Porro Agareis præbuerent auxilium
Ituræi, Nephissæi et Nodabæi (ut habent Hebreus
et Septuaginta) contra Rubenitas; sed turpiter ab
eis, utpote Deum invocantibus cæsi, bonisque
et agris spoliati sunt, ut sequitur.

CAPUT SEXTUM.

SYNOPSIS CAPITIS.

*Ulii, id est posteri Levi, atque ex iis cantores et ministri templi a Davide constituti. Nominatim vero
enumerantur posteri Aaronis sacerdotes, urbesque sacerdotiales et refugii.*

17. Filii Levi : Gerson, Caath, et Merari. 2. Filii Caath : Amram, Isaar, Hebron, et Oziel.
3. Filii Amram : Aaron, Moyses, et Maria : filii Aaron : Nadab et Abiu, Eleazar et Ithamar.
4. Eleazar genuit Phinees, et Phinees genuit Abisue. 5. Abisue vero genuit Bocci, et Bocci
genuit Ozi. 6. Ozi genuit Zaraiam, et Zaraias genuit Meraioth. 7. Porro Meraioth genuit
Amariam, et Amarias genuit Achitob. 8. Achitob genuit Sadoc, et Sadoc genuit Achimaas.
9. Achimaas genuit Azariam, Azarias genuit Johanan. 10. Johanan genuit Azariam : ipse

est qui sacerdotio functus est, in domo quam ædificavit Salomon in Jerusalem. 11. Genuit autem Azarias Amariam, et Amarias genuit Achitob. 12. Achitob genuit Sadoc, et Sadoc genuit Sellum. 13. Sellum genuit Helciam, et Helcias genuit Azariam. 14. Azarias genuit Saraiam, et Saraias genuit Josedec. 15. Porro Josedec egressus est, quando transtulit Dominus Judam et Jerusalem per manus Nabuchodonosor. 16. Filii ergo Levi : Gerson, Caath, et Merari. 17. Et hæc nomina filiorum Gerson : Lobni et Semei. 18. Filii Caath : Amram, et Isaar, et Hebron, et Oziel. 19. Filii Merari : Moholi et Musi. Hæc autem cognationes Levi secundum familias eorum. 20. Gersom, Lobni filius ejus, Jahath filius ejus, Zamma filius ejus, 21. Joah filius ejus, Addo filius ejus, Zara filius ejus, Jethrai filius ejus. 22. Filii Caath, Aminadab filius ejus, Core filius ejus, Asir filius ejus, 23. Elcana filius ejus, Abiasaph filius ejus, Asir filius ejus, 24. Thahath filius ejus, Uriel filius ejus, Ozias filius ejus, Saul filius ejus. 25. Filii Elcana : Amasai et Achimoth 26. et Elcana : Filii Elcana : Sophai filius ejus, Nahath filius ejus, 27. Eliab filius ejus, Jeroham filius ejus, Elcana filius ejus. 28. Filii Samuel, primogenitus Vasseni, et Abia. 29. Filii autem Merari, Moholi ; Lobni filius ejus, Semei filius ejus, Oza filius ejus, 30. Sammaa filius ejus, Haggia filius ejus, Asaia filius ejus. 31. Isti sunt, quos constituit David super cantores domus Domini, ex quo collocata est arca : 32. et ministrabant coram tabernaculo testimonii, canentes donec ædificaret Salomon domum Domini in Jerusalem : stabant autem juxta ordinem suum in ministerio. 33. Hi vero sunt qui assistebant cum filiis suis, de filiis Caath, Heman cantor filius Johel, filii Samuel, 34. filii Elcana, filii Jeroham, filii Eliel, filii Thohu, 35. filii Suph, filii Elcana, filii Mahath, filii Amasai, 36. filii Elcana, filii Johel, filii Azariæ, filii Sophoniæ, 37. filii Thahath, filii Asir, filii Abiasaph, filii Core, 38. filii Isaar, filii Caath, filii Levi, filii Israel. 39. Et frater ejus Asaph, qui stabat a dextris ejus, Asaph filius Barachiaæ, filii Samaa, 40. filii Michael, filii Basaiæ, filii Melchiæ, 41. filii Athanai, filii Zara, filii Adaia, 42. filii Ethan, filii Zamma, filii Semei, 43. filii Jeth, filii Gersom, filii Levi. 44. Filii autem Merari fratres eorum, ad sinistram, Ethan filius Cusi, filii Abdi, filii Maloch, 45. filii Hasabiæ, filii Amasiæ, filii Heliæ, 46. filii Amasai, filii Boni, filii Somer, 47. filii Moholi, filii Musi, filii Merari, filii Levi. 48. Fratres quoque eorum Levitæ, qui ordinati sunt in cunctum ministerium tabernaculi domus Domini. 49. Aaron vero, et filii ejus adolebant incensum super altare holocausti et super altare thymiamatis, in omne opus Sancti sanctorum : et ut precarentur pro Israel, juxta omnia quæ præceperat Moyses servus Dei. 50. Hi sunt autem filii Aaron : Eleazar filius ejus, Phinees filius ejus, Abisue filius ejus, 51. Bocci filius ejus, Ozi filius ejus, Zarahia filius ejus, 52. Meraioth filius ejus, Amarias filius ejus, Achitob filius ejus, 53. Sadoc filius ejus, Achimaas filius ejus. 54. Et hæc habitacula eorum per vicos atque confinia, filiorum scilicet Aaron, juxta cognationes Caathitarum : ipsis enim sorte contigerant. 55. Dederunt igitur eis Hebron in terra Juda, et suburbana ejus per circuitum ; 56. agros autem civitatis, et villas, Caleb filio Jephone. 57. Porro filiis Aaron dederunt civitates ad confugiendum, Hebron, et Lobna et suburbana ejus, 58. Jether quoque et Esthemo cum suburbanis suis, sed et Helon et Dabir cum suburbanis suis, 59. Asan quoque et Betsemes et suburbana earum. 60. De tribu autem Benjamin, Gabee et suburbana ejus, et Almath cum suburbanis suis, Anathoth quoque cum suburbanis suis : omnes civitates, tredecim, per cognationes suas. 61. Filiis autem Caath residuis de cognitione sua, dederunt ex dimidia tribu Manasse in possessionem urbes decem. 62. Porro filiis Gersom per cognationes suas, de tribu Issachar, et de tribu Aser, et de tribu Nephtali, et de tribu Manasse in Basan, urbes tredecim. 63. Filius autem Merari per cognationes suas, de tribu Ruben, et de tribu Gad, et de tribu Zabulon, dederunt sorte civitates duodecim. 64. Dederunt quoque filii Israel Levitis civitates, et suburbana earum : 65. dederuntque per sortem, ex tribu filiorum Juda, et ex tribu filiorum Simeon, et

ex tribu filiorum Benjamin, urbes has quas vocaverunt nominibus suis, 66, et his qui erant de cognatione filiorum Caath, fueruntque civitates in terminis eorum de tribu Ephraim. 67. Dederunt ergo eis urbes ad confugiendum, Sichem cum suburbanis suis in monte Ephraim, et Gazer cum suburbanis suis, 68. Jecmaan quoque cum suburbanis suis, et Bethoron similiter, 69. necnon et Helon cum suburbanis suis, et Gethremmon in eundem modum. 70. Porro ex dimidia tribu Manasse, Aner et suburbana ejus, Baalam et suburbana ejus : his videlicet, qui de cognatione filiorum Caath reliqui erant. 71. Filiis autem Gersom, de cognatione dimidiæ tribus Manasse, Gaulon in Basan et suburbana ejus, et Astharoth cum suburbanis suis. 72. De tribu Issachar, Cedes et suburbana ejus, et Dabereth cum suburbanis suis, 73. Ramoth quoque et suburbana ejus, et Anem cum suburbanis suis. 74. De tribu vero Aser : Masal cum suburbanis suis, et Abdon similiter, 75. Hucac quoque et suburbana ejus, et Rohob cum suburbanis suis. 76. Porro de tribu Nephthali, Cedes in Galilæa et suburbana ejus, Hamon cum suburbanis suis, et Cariathaim et suburbana ejus. 77. Filiis autem Merari residuis, de tribu Zabulon, Remmono et suburbana ejus, et Thabor cum suburbanis suis : 78. trans Jordanem quoque ex adverso Jericho contra Orientem Jordanis, de tribu Ruben, Bosor in solitudine cum suburbanis suis, et Jassa cum suburbanis suis. 79. Cademoth quoque et suburbana ejus, et Mephaat cum suburbanis suis. 80. Necnon et de tribu Gad, Ramoth in Galaad et suburbana ejus, et Manaim cum suburbanis suis, 81. sed et Hesebon cum suburbanis suis, et Jezer cum suburbanis suis.

Vers. 3. 3. FILII AARON : NADAB ET ABIU, — qui adolentes ignem alienum a Deo occisi sunt, *Levit. x*, vers. 2, superfuere ergo soli duo *Eleazar* et *Ithamar*; Eleazar fuit senior ideoque Araoni successit in pontificatu, ejusque posteri usque ad Ozi, de quo mox.

Vers. 5. 5. BOCCI GENUIT OZI. — Post hunc Ozi, Pontifex factus est Heli, qui erat abnepos Ithamar, non Eleazar : Heli successere quatuor ejus posteri, quorum ultimus fuit Abiathar, qui a Salomone ob conjurationem cum Adonia contra se factam pontificatu privatus fuit, suffecto in ejus locum Sadoc, qui erat ex posteris Eleazar : unde pontificatus mansit in ejus posteris usque ad captivitatem Babylonicam. Quare quatuor medii, qui hic nominantur ab Ozi usque ad Sadoc, scilicet Zaraias, Meraioth, Amarias et Achitob, non fuere pontifices; cæteri vero post Sadoc fuere.

Vers. 14. 14. AZARIAS AUTEM GENUIT ZARAIAM. — « Azarias » hic fuit animosus ille Pontifex, qui restitit Oziæ, sive Azariæ regi volenti offerre incensum, eumque e templo ejecit, ut dicitur lib. II, cap. xxvi. Filius Azariæ fuit Zaraias, qui Pontifex fuit post patrem usque ad excidium Jerosolymæ et templi, ac cum septuaginta primoribus Judæorum a Nabuchodonosore occisus est, ut dictum est lib. IV Reg. cap. ult. 18. Filius Saraiæ fuit Josedeo, qui abductus in Babylonem ex ea Judæos cap-

tivos abduxit cum Zorobabele duce anno primo Cyri; filius Josedec fuit Josue sive Jesus Pontifex, qui cum Zorobabele templum instauravit, ut dicitur I Esdræ v, 2, ut eidem jusserrat Deus per Zachariam, cap. III.

22. CORE FILIUS EJUS. — Hic est Core, qui Moysi Vers. 22. rebellans vivus a terra dehiscente cum suo absorptus fuit; sed filii ejus innocentes a Deo per miraculum illæsi servati sunt, qui proinde hic recensentur. Ex quibus fuit Elcana pater Samuelis Prophetæ, ut patet vers. 27, 34 et 37.

28. FILII SAMUEL, — qui fuit filius Elcana proxime vers. 27, nominati. Ideo enim proxime post eum nominatur, ut indicaretur ejus fuisse filius. Ita Vatablus.

PRIMOGENITUS VASSENI ET ABIA. — Dices : I Reg. viii, 2, dicitur « nomen filii ejus (Samuelis) primum geniti, Joel; et nomen secundi, Abia; » respondeo, Joel fuisse binomium, et alio nomine vocabulum Vasseni. Aut certe Joel hic excidit, et Vasseni, Hebraice יְהוָנֵן id est et secundus Abia; unde Septuaginta clare vertunt, et filii Samuel primogenitus ejus Joel et secundus Abia. Hi sunt qui degeneres a Samuele occasionem dederunt populo petendire regem, unde Samuel regem eis dedit Saulem, I Reg. VIII. Vers. 54

54. HÆC HABITACULA, — q. d. Hæc sunt sacerdotum urbes eis a Josue assignatae, cap. xxi, ubi fere eodem ordine recensentur quo hic.

CAPUT SEPTIMUM.

SYNOPSIS CAPITIS.

Fili, id est posteri Issachar, Benjamin, Nephthali, Manasse, Ephraim et Aser.

1. Porro filii Issachar : Thola, et Phua, Jasub, et Simeron, quatuor. 2. Filii Thola : Ozi et Raphaia, et Jeriel, et Jemai, et Jebsem, et Samuel, principes per domos cognationum suarum. De stirpe Thola viri fortissimi numerati sunt in diebus David, viginti duo millia sexcenti. 3. Filii Ozi : Izrahia, de quo nati sunt Michael, et Obadia, et Johel, et Jesia, quinque omnes principes. 4. Cumque eis per familias et populos suos accincti ad prælium, viri fortissimi, triginta sex millia : multas enim habuerunt uxores, et filios. 5. Fratres quoque eorum per omnem cognitionem Issachar, robustissimi ad pugnandum, octoginta septem millia numerati sunt. 6. Filii Benjamin : Bela, et Bechor, et Jadiel, tres. 7. Filii Bela : Esbon, et Ozi, et Oziel, et Jerimoth, et Urai, quinque principes familiarum, et ad pugnandum robustissimi : numerus autem eorum, viginti duo millia et triginta quatuor. 8. Porro filii Bechor : Zamira, et Joas, et Eliezer, et Elioenai, et Amri, et Jerimoth, et Abia, et Anathoth, et Almath : omnes hi, filii Bechor. 9. Numerati sunt autem per familias suas principes cognitionum suarum, ad bella fortissimi, viginti millia et ducenti. 10. Porro filii Jadihel : Balan. Filii autem Balan : Jehus, et Benjamin, et Aod, et Chanana, et Zethan, et Tharsis, et Ahishahar : 11. omnes hi filii Jadihel, principes cognitionum suarum, viri fortissimi : decem et septem millia et ducenti, ad prælium procedentes. 12. Sepham quoque et Hapham filii Hir : et Hasin filii Aher. 13. Filii autem Nephtali : Jasiel, et Guni, et Jeser, et Sellum, filii Bala. 14. Porro filius Manasse, Esriel : concubinaque ejus Syra peperit Machir patrem Galaad. 15. Machir autem accepit uxores filiis suis Happhim et Saphan : et habuit sororem nomine Maacha : nomen autem secundi, Salphaad, natæque sunt Salphaad filiæ, 16. et peperit Maacha uxor Machir filium, vocavitque nomen ejus Phares : porro nomen fratribus ejus, Sares; et filii ejus Ulam, et Recen. 17. Filius autem Ulam, Badan. Hi sunt filii Galaad, filii Machir, filii Manasse. 18. Soror autem ejus Regina peperit Virum decorum, et Abiezer, et Mohola. 19. Erant autem filii Semida, Ahin, et Sechem, et Leci, et Aniam. 20. Filii autem Ephraim : Suthala, Bared filius ejus, Thahath filius ejus, Elada filius ejus, Thahath filius ejus, hujus filius Zabad, 21. et hujus filius Suthala, et hujus filius Ezer et Elad : occiderunt autem eos viri Geth indigenæ, quia descendenter ut invaderent possessiones eorum. 22. Luxit igitur Ephraim pater eorum multis diebus, et venerunt fratres ejus ut consolarentur eum. 23. Ingressusque est ad uxorem suam; quæ concepit, et peperit filium, et vocavit nomen ejus Beria, eo quod in malis domus ejus ortus esset : 24. filia autem ejus fuit Sara, quæ ædificavit Bethoron inferiorem et superiorem, et Ozensara. 25. Porro filius ejus Rapha, et Reseph, et Thale, de quo natus est Thaan, 26. qui genuit Laadan : hujus quoque filius Ammiud, qui genuit Elizama, 27. de quo ortus est Nun, qui habuit filium Josue. 28. Possessio autem eorum et habitatio Bethel cum filiabus suis et contra Orientem Noran, ac Occidentalem plagam Gazer et filiæ ejus, Sichem quoque cum filiabus suis, usque ad Aza cum filiabus ejus. 29. Juxta filios quoque Manasse, Bethsan et filias ejus, Thanach et filias ejus, Mageddo et filias ejus, Dor et filias ejus : in his habitaverunt filii Joseph, filii Israel. 30. Filii Aser : Jemna, et Jesua, et Jessui, et Baria, et Sara soror eorum. 31. Filii autem Baria : Heber, et Melchiel : ipse est pater Barsaith. 32. Heber autem genuit Jephlat, et Somer, et Hotham, et Sua sororem eorum. 33. Filii Jephlat : Phosech, et Chamaal, et Asot : hi filii Jephlat. 34. Porro filii So-

mer : Ahi, et Roaga, et Aaba, et Aram. 35. Filii autem Helem fratris ejus : Supha, et Jemna, et Selles, et Amal. 36. Filii Supha : Sue, Harnapher, et Sual, et Beri, et Jamra, 37. Bosor, et Hod, et Samma, et Salusa, et Jethran, et Bera. 38. Filii Jether ; Jephone, et Phaspha, et Ara. 39. Filii autem Olla : Aree, et Haniel, et Resia. 40. Omnes hi filii Aser, principes cognationum, electi atque fortissimi duces ducum : numerus autem eorum ætatis quæ apta esset ad bellum, viginti sex millia.

Vers. 3. 3. FILII OZI. — « Filii, » id est filius; unus enim tantum nominatur, scilicet Izrahia, eo quod ejus solius, velut eximii, prosapiam deinceps pertexere voluerit Esdras : verisimile enim est Ozi plures habuisse filios, sed minus claros. Certum enim est hisce decem capitibus multorum posteriorum Patriarcharum nomina reticeri ; prolixum enim et quasi infinitum fuisse omnes enumérare. Quare aliqui tantum illustiores hic recensentur, cæteri reticentur. Sic *Genes. XLVI*, 23, dicitur : « Filii Dan, Husim. » « Filii, » id est filius; unum enim duntaxat habuit, a quo tota Tribus Dan propagata est. Est enallage numeri. Recenset enim omnes Patriarcharum filios, quorum unum duntaxat habuit Dan.

Vers. 6. 6. FILII BENJAMIN : BELA ET BECHOR ET JADIEL TRES. — Tres hi fuere illustriores : nam universim fuere decem, qui recensentur *Genes. XLVI*, 21.

Vers. 18. 18. SOROR AUTEM EJUS REGINA PEPERIT VIRUM DECORUM. — *Hebræus*, et soror ejus Molechet peperit Isehod. Ita Septuaginta, Pagninus, Vatablus et alii; sed Noster nomina propria per significata more

suo transtulit : *Molechet* enim significat *reginam*, *Isehod* vero *virum decorum*. Vide dicta cap. IV, vers. 22 et 23.

Vers. 21. 21. OCCIDERUNT AUTEM EOS (filios Ephraim primogeniti Joseph) VIRI GETH INDIGENÆ, QUIA DESCENDERANT UT INVADERENT POSSESSIONES EORUM. — Verisimile est Pharaonem Josepho, quem ob famem depulsam Ægypto præfecerat, in ea possessiones alias donasse, præsertim in ejus finibus, et terra Gessen quam fratribus ejus ad pecora alenda assignaverat. Joseph vero moriens has possessiones reliquit filio suo Ephraim ; Ephraim autem illas tradidit filiis suis; sed eos occiderunt Ægypto vicini Gethæ, et possessiones eorum occuparunt, et hoc est quod hic dicitur. Meminit hujus cædis Chaldæus Paraphrastes, *Cant. II*, 7, sed veris multa fabulosa more suo admiscet.

Vers. 24. 24. FILIA AUTEM EJUS FUIT SARA, QUÆ AEDIFICAVIT BETHORON. — « Filia, » id est neptis vel potius proneptis : nec enim filia Ephraim habitans cum eo in Ægypto potuit aedificare Bethoron et duas alias urbes, quæ erant in Chanaan.

CAPUT OCTAVUM.

SYNOPSIS CAPITIS.

Posteri Benjamin plenius recensentur, ut deinde pertexatur genealogia Saulis, vers. 33.

1. Benjamin autem genuit Bale primogenitum suum, Asbel secundum, Ahara tertium,
2. Nohaa quartum, et Rapha quintum. 3. Fueruntque filii Bale Addar, et Gera, et Abiud,
4. Abisue quoque et Naaman, et Ahoe, 5. sed et Gera, et Sephuphan, et Huram. 6. Hi sunt filii Ahod, principes cognationum habitantium in Gabaa, qui translati sunt in Manahath.
7. Naaman autem, et Achia, et Gera ipse transtulit eos, et genuit Oza, et Ahiud. 8. Porro Saharaim genuit in regione Moab, postquam dimisit Husim et Bara uxores suas. 9. Genuit autem de Hodes uxore sua Jobab, et Sebia, et Mosa, et Molchom, 10. Jehus quoque, et Sechia, et Marma. Hi sunt filii ejus, principes in familiis suis. 11. Mehusim vero genuit Abitob, et Elphaal. 12. Porro filii Elphaal, Heber, et Misaam, et Samad : hic aedificavit Ono, et Lod, et filias ejus. 13. Baria autem et Sama principes cognationum habitantium in Aialon : hi fugaverunt habitatores Geth. 14. Et Ahio, et Sesac, et Jerimoth, 15. et Zabadia, et Arod, et Heder, 16. Michael quoque, et Jespha, et Joha, filii Baria. 17. Et Zabadia, et Mosollam, et Hezeci, et Heber, 18. et Jezamari, et Jezlia, et Jobab, filii Elphaal, 19. et Jacim, et Zechri, et Zahdi, 20. et Elioenai, et Selethai, et Eliel, 21. et Adaia, et Baraia, et Samarath, filii Semeni. 22. Et Jespham, et Heber, et Eliel, 23. et Abdon, et Zechri, et Hanan, 24. et Hana-

nia, et *Ælam*, et *Anathothia*, 25. et *Jephdaia*, et *Phanuel*, filii *Sesac*, 26. et *Samsari*, et *Sohoria*, et *Otholia*, 27. et *Jersia*, et *Elia*, et *Zechri*, filii *Jeroham*. 28. Hi patriarchæ, et cognationum principes, qui habitaverunt in *Jerusalem*. 29. In *Gabaon* autem habitaverunt *Abiga-
baon*, et nomen uxoris ejus *Maacha* : 30. filiusque ejus primogenitus *Abdon*, et *Sur*, et *Cis*, et *Baal*, et *Nadab*, 31. *Gedor* quoque, et *Ahio*, et *Zacher*, et *Macelloth* : 32. et *Macelloth* genuit *Samaa* : habitaveruntque ex adverso fratrum suorum in *Jerusalem* cum fratribus suis. 33. *Ner* autem genuit *Cis*, et *Cis* genuit *Saul*. Porro *Saul* genuit *Jonathan*, et *Melchisua*, et *Abinadab*, et *Esbaal*. 34. Filius autem *Jonathan*, *Meribbaal* : et *Meribbaal* genuit *Micha*. 35. Filii *Micha*, *Phithon*, et *Melech*, et *Tharaa*, et *Ahaz*, 36. et *Ahaz* genuit *Joada* : et *Joada* genuit *Alamath*, et *Azmoth*, et *Zamri* : porro *Zamri* genuit *Mosa*, 37. et *Mosa* genuit *Banaa*, cuius filius fuit *Rapha*, de quo ortus est *Elasa*, qui genuit *Asel*. 38. Porro *Asel* sex filii fuerunt his nominibus, *Ezricam*, *Bocru*, *Ismael*, *Saria*, *Obdia*, et *Hanan* : omnes hi filii *Asel*. 39. Filii autem *Esec* fratris ejus, *Ulam* primogenitus, et *Jehus* secundus, et *Eliphilet* tertius. 40. Fueruntque filii *Ulam* viri robustissimi, et magno robore tendentes arcum : et multos habentes filios, ac nepotes, usque ad centum quinquaginta. Omnes hi, filii *Benjamin*.

Vers. 7. **7. NAAMAN AUTEM, ET ACHIA, ET GERA** (supple, sunt filii *Abod*, quos vers. præcedenti me recensitum promisi) IPSE (scilicet « *Gera* » qui proxime præcessit) TRANSTULIT EOS, — scilicet *Ahoditas* ex *Gabaa* in *Manahath*, ut dictum est vers. 6. Idemque *Gera* « genuit *Oza* et *Ahiud* », ac tertium « *Saharaim* » existens « in regione *Moab* », ut sequitur vers. 8, ad quam *Gera* migravit forte cum *Eli-melech* famis causa, *Ruth* I.

Vers. 28. **28. QUI HABITAVERUNT IN JERUSALEM.** — *Jerusalem* enim spectabat ad tribum *Benjamin*, quæ eamdem cessit *Iudeæ*, ut ex illa ejiceret *Jebusæos*, ut dixi *Josue* XVIII, et *Judic.* I.

Vers. 29. **29. IN GABAON AUTEM HABITAVERUNT ABIGABAON, etc.**, — id est pater *Gabaon*, scilicet princeps *Gabaon*, cuius nomen proprium erat *Jehiel*, ut dicitur capite sequenti, vers. 35, qui fuit pater *Cis* patris *Saulis*, ut sequitur. Dices: Quomodo ergo vers. 33, dicitur *Ner* fuisse pater *Cis* et avus *Saulis*? Respondeo *Jehiel* alio nomine dictum fuisse *Ner*, id est *lucerna*, eo quod ipse ut *lucerna* toti familiæ præfulgeret. Ita *Emmanuel Sa* et *Mariana*, licet alii putent *Jehiel* fuisse patrem *Ner*, cuius filius fuit *Cis*, nepos *Saul*, idque colligunt ex cap. seq., vers. 36, ubi *Jehiel* dicitur genuisse *Ner*, sed ibidem dicitur *Jehiel* genuisse *Cis*; quare *Ner* ibi-

dem non fuit pater, sed frater *Cis*, cui *Ner* pater suum nomen imposuit.

33. ESBAAL. — Hic alio nomine dictus est *Isbo-* Vers. 33 *seth*, qui fuit quartus *Saulis* filius, et Davidis antagonista II Reg. II, 8.

34. FILIUS AUTEM JONATHAN, MERIBBAAL. — « *Me- Vers. 34
ribbaal* » est *Miphiboseth*; hic enim unicus fuit filius *Jonathæ*, ac pater *Michæ*, ut sequitur. Porro *Miphiboseth* vocatur *Meribbaal*, id est litigans cum domino, vel *Meribaal*, id est rebellans domino: qua de causa ita vocatus sit nescitur. *Hebraei* apud S. *Hieronymum in Tradition.* causam dant, quod murmuravit contra Dominum, qui Davidem in regnum reduxerat, eo quod David sibi bona ademisset, eaque *Sibæ* servo suo se calumnianti dedisset, II Reg. xix, 29. Verum hoc plane incertum est. Alii ita dictum volunt, quod idola *Baal* destruxerit: hac enim de causa *Gedeon* vocatus est « *Jerobaal* », id est *ligator cum Baal*, *Judic.* vi, 32. Verisimilius est eum vocatum *Meribbaal*, eo quod cum servo suo *Siba*, falso se de affectato regno apud Davidem accusante, non quasi cum servo, sed quasi cum hero et domino litigare, imo hæreditatem suam (ita *jubente Davide*) dividere coactus sit. Hæc enim insignis ei fuit injuria et vilipensio.

CAPUT NONUM.

SYNOPSIS CAPITIS.

*Recensentur primores *Judeorum*, qui e *Babylone* redierunt in *Jerusalem* cum sacerdotibus, Levitis et *Nathinæis*: item *Benjaminitæ*, ac parentes et posteri *Saulis*.*

1. Universus ergo *Israel* dinumeratus est, et summa eorum scripta est in *Libro Regum Israe-
rael*, et *Juda*: translaticque sunt in *Babylonem* propter delictum suum. 2. Qui autem habita-

verunt primi in possessionibus et in urbibus suis : Israel, et Sacerdotes, et Levitæ, et Nathinæ. 3. Commorati sunt in Jerusalem de filiis Juda, et de filiis Benjamin, de filiis quoque Ephraim, et Manasse. 4. Othei filius Ammiud, filii Amri, filii Omrai, filii Bonni, de filiis Phares filii Juda. 5. Et de Siloni : Asaia primogenitus, et filii ejus. 6. De filiis autem Zara : Jehuel, et fratres eorum, sexcenti nonaginta. 7. Porro de filiis Benjamin : Salo filius Mosollam, filii Oduia, filii Asana : 8. et Johania filius Jeroham : et Ela filius Ozi, filii Mochori : et Mosollam filius Saphatiæ, filii Rahuel, filii Jebaniæ, 9. et fratres eorum per familias suas, nongenti quinquaginta sex. Omnes hi, principes cognitionum per domos patrum suorum. 10. De sacerdotibus autem : Jedaia, Joiarib, et Jachin. 11. Azarias quoque filius Helciæ, filii Mosollam filii Sadoc, filii Maraioth, filii Achitob, pontifex domus Dei. 12. Porro Adaias filius Jeroham, filii Phassur, filii Melchiæ : et Maasai filius Adiel, filii Jezra, filii Mosollam, filii Mosollamith, filii Emmer, 13. fratres quoque eorum principes per familias suas, mille septingenti sexaginta, fortissimi robore ad faciendum opus ministerii in domo Dei. 14. De Levitis autem : Semeia filius Hassub, filii Ezricam, filii Hasebia, de filiis Merari. 15. Bacbacar quoque carpentarius, et Galal, et Mathania filius Micha, filii Zechri, filii Asaph : 16. et Obdia filius Semiae, filii Galal, filii Idithun : et Barachia filius Asa, filii Elcana, qui habitavit in atriis Netophati. 17. Janitores autem : Sellum, et Accub, et Telmon, et Ahimam, et frater eorum Sellum princeps, 18. usque ad illud tempus, in porta regis ad Orientem, observabant per vices suas de filiis Levi. 19. Sellum vero filius Core, filii Abiasaph, filii Core, cum fratribus suis, et domo patris sui, hi sunt Coritæ super opera ministerii, custodes vestibulorum tabernaculi : et familiæ eorum per vices castrorum Domini custodientes introitum. 20. Phinees autem filius Eleazari, erat dux eorum coram Domino. 21. Porro Zacharias filius Mosollamia, janitor portæ tabernaculi testimonii. 22. Omnes hi electi in ostiarios per portas, ducenti duodecim : et descripti in villis propriis : quos constituerunt David, et Samuel Videns, in fide sua, 23. tam ipsos, quam filios eorum, in ostiis domus Domini, et in tabernaculo, vicibus suis. 24. Per quatuor ventos erant ostiarii, id est, ad Orientem, et ad Occidentem, et ad Aquilonem, et ad Austrum. 25. Fratres autem eorum in viculis morabantur, et veniebant in sabbatis suis de tempore usque ad tempus. 26. His quatuor Levitis creditus erat omnis numerus janitorum, et erant super exedras, et thesauros domus Domini. 27. Per gyrum quoque templi Domini morabantur in custodiis suis : ut cum tempus fuisset, ipsi mane aperirent fores. 28. De horum genere erant et super vasa ministerii : ad numerum enim et inferebantur vasa, et efferebantur. 29. De ipsis, et qui credita habebant utensilia sanctuarii, præerant similæ, et vino, et oleo, et thuri, et aromatibus. 30. Filii autem sacerdotum unguenta ex aromatibus conficiebant. 31. Et Mathathias Levites, primogenitus Sellum Coritæ, præfectus erat eorum quæ in sartagine frigebantur. 32. Porro de filiis Caath fratribus eorum, super panes erant propositionis, ut semper novos per singula sabbata præpararent. 33. Hi sunt principes cantorum per familias Levitarum, qui in exedris morabantur, ut die ac nocte jugiter suo ministerio deservirent. 34. Capita Levitarum, per familias suas principes, manserunt in Jerusalem. 35. In Gabaon autem commorati sunt pater Gabaon Jehiel, et nomen uxoris ejus Maacha. 36. Filius primogenitus ejus Abdon, et Sur, et Cis, et Baal, et Ner, et Nadab, 37. Gedor quoque, et Ahio, et Zacharias, et Macelloth. 38. Porro Macelloth genuit Samaan : isti habitaverunt e regione fratrum suorum in Jerusalem, cum fratribus suis. 39. Ner autem genuit Cis : et Cis genuit Saul : et Saul genuit Jonathan, et Melchisua, et Abinadab, et Esbaal. 40. Filius autem Jonathan, Meribbaal : et Meribbaal genuit Micha. 41. Porro filii Micha, Phiton, et Melech, et Tharaa, et Ahaz. 42. Ahaz autem genuit Jara, et Jara genuit Alamath, et Azmoth, et Zamri. Zamri autem genuit Mosa. 43. Mosa vero genuit Banaa : cuius filius Raphaia genuit Elasa, de quo ortus est Asel. 44. Porro Asel sex

filios habuit his nominibus, Ezricam, Bechu, Ismahel, Saria, Obdia, Hanan. Hi sunt filii Asel.

Vers. 1. 1. UNIVERSUS ERGO ISRAEL DINUMERATUS EST — a Davide, II Reg. xxiv.

TRANSLATIQUE SUNT IN BABYLONEM. — Hucusque ergo Esdras recensuit Hebræos, qui captivitatem Babyloniam antecesserunt: deinceps vero recensabit eos qui ex ea redierunt, et post eam vixerunt; ubi nota multos ex Israel, id est decem tribubus post schisma transmigrasse in Jerusalem: tum quia horrebant schismà factum a Jero-boam, volebantque priscam Judeorum religionem sequi, et colere Deum in templo; tum quia cum decem tribus a Theglathphalasar et Salmanasar abductæ sunt in Assyriam, multi ex eis fugerunt in Jerusalem, et Judæis sese assöciarunt. Hi cum Judæis postea abducti sunt in Babylonem, indeque post 70 annos cum eisdem redierunt in Jerusalem; et hoc est quod hic dicitur. Unde subdit:

2. QUI AUTEM HABITAYERUNT PRIMI (prius) IN POSSESSIONIBUS ET URBIBUS SUIS: (nimirum) ISRAEL (id est Israelitæ), ET SACERDOTES, ET LEVITE, ET NATHINAI, — habitantes scilicet cum Judæis in Judæa, indeque cum eis translati in Babylonem; soluta-deinde captivitate cum eis pariter in Jerusalem et Judæam ad pristinas suas possessio-nes et tibes redierunt, in eisque habitarunt, ut ante fecerant. Quocirca,

3. COMMORATI SUNT IN JERUSALEM DE FILIIS JUDA, ET DE FILIIS BENJAMIN, DE FILIIS QUOQUE EPHRAIM ET MANASSE. — Hos deinde enumerat, dicens:

4. OTHEI FILIUS AMMIUD, etc. — Porro Nathinai, id est donati, et oblati templo, fuere Gabaonitæ, qui ob fraudem admissam a Josue deputati sunt templo, damnati scilicet, ut ad illud aquam et ligna comportarent. Vide dicta Josue ix, 23, et II Esdræ xi, vers. 1 et seq., ubi iidem recensentur.

5. ET DE SILONI: — subaudi, filiis. Siloni erat vir celebris, oriundus ex tribu Juda, verum non ex Phares vel Zare, ut ex hoc loco patet, sed ex Sela descendens. Nam hi tres soli fuere Judæ filii superstites, quia Her et Onan a Deo occisi sunt, Genes. xxxviii.

16. IN ATRIIS (Hebraice, in villis, quæ nuncupabantur) NETOPHATI.

18. USQUE AD ILLUD TEMPUS (scilicet a prima ostiariorum templi institutione, usque ad ever-sionem templi per Chaldæos) OBSERVABANT, (Hebraice, excubabant, hi Levitæ,) PER VICES SUAS: (tum in aliis templi portis, tum maxime) IN PORTA REGIS AD ORIENTEM, — id est in porta orientali templi, quæ vicina erat palatio regis, per quam prolixe rex templum introire solebat, quæ exinde dicebatur: « Porta regis. »

22. OMNES HI ELECTI IN OSTIARIOS, etc. DESCRIPTI IN VILLIS PROPRIIS: (Habitabant enim Levitæ aliqui in Jerusalem; alii vero per alias urbes, vicos et villas erant distributi. Unde vers. 25, dicitur: « in viculis morabantur; » certis tamen temporibus, quibus per vices ministrare debebant in templo, veniebant in Jerusalem. Has autem eorum ministrandi vices et ordines) CONSTITUERUNT DAVID, (et ante eum,) SAMUEL, VIDENS (sive Prophetæ, idque) IN FIDE SUA, — hoc est in potestate et auctoritate sibi a Deo et Republica ad id faciendum credita et commissa. Secundo, « in fide sua, » Vatablus, propter fidem ipsorum; fidem, id est fidelitatem; quia scilicet sciebat eos fideles esse et fore, ac fideliter hoc munus obituros. Tertio, per fidem, accipias officium fidele, id est firmum, stabile, perpetuum et irrevocabile, q. d. David et Samuel constituere hosce ostiarios « in fide, » hoc est fideles, id est firmos, stabiles; ut scilicet officium ostiariorum fideliter, id est stabiliter et perpetim exercerent. Ita Vatablus. Hoc enim significat Hebraice בְּמִנְחָת beemunatham, id est in fide, sive in stabilitate ipsorum.

33. QUI IN EXEDRIS (id est cubiculis et aulis tem- Vers. 33. pli annexis) MORABANTUR, — ut jugiter canendis Dei laudibus, hymnis et psalmis vacarent, utque populum in lege Dei erudirent. Unde et Synagogæ sunt appellatae.

35. IN GABAON AUTEM. — Transit a Levitis ad Ben-jaminitas, ut ad Saulem primum regem Israelis, deinde eo amoto ad Davidem descendat; Davidis enim causâ haec omnia scribuntur, quia ejus familia regia perduravit usque ad captivitatem Babyloniam, imo usque ad Machabæos; sed tum non regia, sed ducali auctoritate præfuit populo.

CAPUT DECIMUM.

SYNOPSIS CAPITIS.

Rex Saul, ob peccata a Deo rejectus, una cum filiis a Philistæis occiditur. Ejus caput in templo Dagon suspenditur, reliquum corpus a Jabesitis sepelitur.

1. Philistiim autem pugnabant contra Israel, fugeruntque viri Israel Palæstinos; et ceciderunt vulnerati in monte Gelboe. 2. Cumque appropinquassent Philistæi persequentes Saul, et filios ejus, percusserunt Jonathan, et Abinadab, et Melchisua, filios Saul. 3. Et aggravatum est prælium contra Saul, inveneruntque eum sagittarii, et vulneraverunt jaculis. 4. Et dixit Saul ad armigerum suum: Evagina gladium tuum, et interfice me; ne forte veniant incircumcisi isti, et illudant mihi. Noluit autem armiger ejus hoc facere, timore perterritus: arripuit ergo Saul ensem, et irruit in eum. 5. Quod cum vidisset armiger ejus, videlicet mortuum esse Saul, irruit etiam ipse in gladium suum, et mortuus est. 6. Interiit ergo Saul, et tres filii ejus, et omnis domus illius pariter concidit. 7. Quod cum vidissent viri Israel, qui habitabant in campestribus, fugerunt: et Saul ac filiis ejus mortuis, dereliquerunt urbes suas, et huc illucque dispersi sunt; veneruntque Philisthiim, et habitaverunt in eis. 8. Die igitur altero detrahentes Philistiim spolia cæsorum, invenerunt Saul, et filios ejus jacentes in monte Gelboe. 9. Cumque spoliassent eum, et amputassent caput, armisque nudassent, miserunt in terram suam, ut circumferretur, et ostenderetur idolorum templis, et populis: 10. arma autem ejus consecraverunt in fano dei sui, et caput affixerunt in templo Dagon. 11. Hoc cum audissent viri Jabel Galaad, omnia scilicet quæ Philistiim fecerant super Saul, 12. consurrexerunt singuli virorum fortium, et tulerunt cadavera Saul et filiorum ejus: attuleruntque ea in Jabel, et sepelierunt ossa eorum subter quercum quæ erat in Jabel, et jejunaverunt septem diebus. 13. Mortuus est ergo Saul propter iniquitates suas, eo quod prævaricatus sit mandatum Domini quod præceperat, et non custodierit illud; sed insuper etiam pythonissam consuluerit, 14. nec speraverit in Domino: propter quod interfecit eum, et transstulit regnum ejus ad David filium Isai.

Gesta hujus capitatis audivimus I Reg. ult., ubi ea explicui.

Vers. 10. 10. ARMA AUTEM EJUS CONSECRAYERUNT IN FANO DEI SUI. — Astaroth, ut dicitur I Reg. ult. 31. « Astaroth » erat Venus, quæ nunc ut Dea, nunc ut Deus colebatur.

CAPUT AFFIXERUNT IN TEMPLO DAGON. — quasi sic

Dagoni adscribentes victoriam, ideoque caput cæsi Saulis regis, velut nobilissimum spolium eidem offerentes.

14. NEC SPERAVIT IN DOMINO. — Hæc fuit prima Vers. 14. peccati Saulis causa, quod nimis diffusus Deo, utpote quem per inobedientiam offenderat, fuisse fuerit diabolo, eumque per Pythonissam ad vocari.

CAPUT UNDECIMUM.

SYNOPSIS CAPITIS.

David ungitur in regem Israelis, ac Jebusæos ex arce Sion expellit Mox, vers. 10, ad finem nomina et heroica facta fortium ejus recensentur.

1. Congregatus est igitur omnis Israel ad David in Hebron, dicens : Os tuum sumus, et caro tua. 2. Heri quoque, et nudiustertius cum adhuc regnaret Saul, tu eras qui educebas, et introducebas Israel ; tibi enim dixit Dominus Deus tuus : Tu pasces populum meum Israel, et tu eris princeps super super eum. 3. Venerunt ergo omnes majores natu Israel ad regem in Hebron, et iniit David cum eis fœdus coram Domino : unixeruntque eum regem super Israel, juxta sermonem Domini, quem locutus est in manu Samuel. 4. Abiit quoque David, et omnis Israel, in Jerusalem. Hæc est Jebus, ubi erant Jebusæi habitatores terræ. 5. Dixeruntque qui habitabant in Jebus ad David : Non ingredieris huc. Porro David cepit arcem Sion, quæ est Civitas David, 6. dixitque : Omnis qui percusserit Jebusæum in primis, erit princeps et dux. Ascendit igitur primus Joab filius Sarviæ, et factus est princeps. 7. Habitauit autem David in arce, et idcirco appellata est Civitas David. 8. Ædificavitque urbem in circuitu a Mello usque ad gyrum, Joab autem reliqua urbis exstruxit. 9. Proficiebatque David vadens et crescens, et Dominus exercitum erat cum eo. 10. Hi principes virorum fortium David, qui adjuverunt eum ut rex fieret super omnem Israel, juxta verbum Domini, quod locutus est ad Israel. 11. Et iste numerus robustorum David : Jesbaam filius Hachamoni princeps inter triginta : iste levavit hastam suam super trecentos vulneratos una vice. 12. Et post eum Eleazar filius patrui ejus Ahohites, qui erat inter tres potentes. 13. Iste fuit cum David in Phesdomim, quando Philistiim congregati sunt ad locum illum in prælium ; et erat ager regionis illius plenus hordeo, fuger atque populus afacie Philistinorum. 14. Hi steterunt in medio agri, et defenderunt eum : cumque percussissent Philistæos, dedit Dominus salutem magnam populo suo. 15. Descenderunt autem tres de triginta principibus ad petram, in qua erat David, ad speluncam Odollam, quando Philistiim fuerant castrametati in valle Raphaim. 16. Porro David erat in præsidio, et statio Philistinorum in Bethlehem. 16. Desideravit igitur David, et dixit : O si quis daret mihi aquam de cisterna Bethlehem, quæ est in porta ! 18. Tres ergo isti per media castra Philistinorum perrexerunt, et hauserunt aquam de cisterna Bethlehem, quæ erat in porta, et attulerunt ad David ut biberet : qui noluit, sed magis libavit illam Domino, 19. dicens : Absit ut in conspectu Dei mei hoc faciam, et sanguinem istorum virorum bibam ; quia in periculo animarum suarum attulerunt mihi aquam. Et ob hanc causam noluit bibere : hæc fecerunt tres robustissimi. 20. Abisai quoque frater Joab ipse erat princeps trium, et ipse levavit hastam suam contra trecentos vulneratos, et ipse erat inter tres nominatissimus, 21. et inter tres secundos inclytus et princeps eorum : verumtamen usque ad tres primos non pervenerat. 22. Banaias filius Joiadæ viri robustissimi, qui multa opera perpetrarat, de Cabseel : ipse percussit duos Ariel Moab ; et ipse descendit, et interfecit leonem in media cisterna tempore nivis. 23. Et ipse percussit virum Ægyptium, cuius statura erat quinque cubitorum, et habebat lanceam ut liciatorium texentium : descendit igitur ad eum cum virga, et rapuit hastam, quam tenebat manu, et interfecit eum hasta sua. 24. Hæc fecit Banaias filius Joiadæ, qui erat inter tres robustos nominatissimus, 25. inter triginta primus, verumtamen ad tres usque non pervenerat : posuit autem eum David ad auriculam suam. 26. Porro fortissimi viri in exercitu, Asahel frater Joab, et Elchanan filius patrui ejus

de Bethlehem. 27 Sammoth Arorites, Helles Phalonites. 28. Ira filius Acces Thecuites, Abiezzer Anathothites. 29. Sobbochai Husathites, Irai, Ahohites. 30. Maharai Netophathites, Heled filius Baana Netophathites. 31. Ethai filius Ribai de Gabaath filiorum Benjamin, Banaia Pharrathonites. 32. Hurai de Torrente Gaas, Abiel Arbathites, Azmoth Bauramites, Eliaba Salabonites. 33. Filii Assem Gezonites, Jonathan filius Sage, Ararites, 34. Ahiam filius Sachar, Ararites, 35. Eliphal filius Ur. 36. Hepher Mecherathites, Ahia Phelonites. 37. Hesro Carmelites, Naarai filius Asbai. 38. Joel frater Nathan, Mibahar filius Agarai. 39. Selec Ammonites, Naarai Berothites armiger Joab filii Sarviæ. 40. Ira Jethræus, Gareb Jethræus. 41. Urias Hethæus, Zabad filius Oholi. 42. Adina filius Siza Rubenites princeps Rubenitarum, et cum eo triginta : 43. Hanan filius Maacha, et Josaphat Mathanites. 44. Ozia Astarothites, Samma et Jehiel filii Hotam Arorites. 45. Jedihel filius Samri, et Joha frater ejus Thosaites, 46. Eliel Mahumites, et Jeribai et Josaia filii Elnaem, et Jethma Moabites, Eliel, et Obed, et Jasiel de Masobia.

Priorem partem audivimus II Reg. III, 9, et toto cap. v, posteriorem eodem lib. cap. xxiii, vers. 8 et seq. ubi ea explicui.

Vers. 2. 2. Tu PASCES, — id est, tu reges. Rex enim est pastor populorum, ut de Agamemnone ait Homer.

Vers. 22. 22. IPSE (Banaias) PERCUSSIT DUOS ARIEL MOAB, — id est duos leones Moab, ut dicitur II Reg. xxiii, 20. Vocantur hi Ariel, id est leones Dei, hoc est maximi et robustissimi. Hebræi, Josephus, Lyra-

nus, Glossa et Cajetanus censem hos duos fuisse duces Moabitarum fortissimos, et sævissimos instar leonum. Verum alii simpliciter leones, ut sonant, accipiunt. Vide dicta II Reg. xxiii, 20.

25. POSUIT AUTEM EUM DAVID AD AURICULAM SUAM, Vers. 25. — id est fecit eum sibi secretarium, intimumque consiliarium et monitorem, qui eum de agendis commoneret, omniaque quæ ei facienda erant, suggereret, ut faciunt Romæ Cardinalibus Auditores, quos vocant.

CAPUT DUODECIMUM.

SYNOPSIS CAPITIS.

Recensentur ii qui Davidem, cum fugeret Saulem, secuti sunt; et ii qui primi venerunt ad eum in Hebron, ut eum ungerent in regem.

1. Hi quoque venerunt ad David in Siceleg, cum adhuc fugeret Saul filium Cis, qui erant fortissimi et egregii pugnatores, 2. tendentes arcum, et utraque manu fundis saxa jacientes, et dirigentes sagittas : de fratribus Saul ex Benjamin. 3. Princeps Ahiezer, et Joas, filii Samma, Gabaathites, et Jaziel, et Phallet filii Azmoth, et Baracha, et Jehu Anathothites. 4. Samaias quoque Gabaonites fortissimus inter triginta et super triginta. Jeremias, et Jeheziel, et Johanan, et Jezabad Gaderothites, 5. Et Eluzai et Jerimuth, et Baalia, et Samaria, et Saphatia Haruphites. 6. Elcana, et Jesia, et Azareel, et Joezer, et Jesbaam de Carehim : 7. Joela quoque, et Zabadia, filii Jeroham de Gedor. 8. Sed et de Gaddi transfugerunt ad David, cum lateret in deserto, viri robustissimi, et pugnatores optimi, tenentes clypeum et hastam : facies eorum quasi facies leonis, et veloces quasi capreæ in montibus : 9. Ezer princeps, Obdias secundus, Eliab tertius, 10. Masmana quartus, Jeremias quintus, 11. Ehi sextus, Eliel septimus, 12. Johanan octavus, Elzebad nonus, 13. Jeremias decimus, Machbanai undecimus. 14. Hi de filiis Gad principes exercitus : novissimus centum militibus præerat, et maximus, mille. 15. Isti sunt qui transierunt Jordanem mense primo, quando inundare consuevit super ripas suas; et omnes fugaverunt qui morabantur in vallibus ad Orientalem plagam, et Occidentalem. 16. Venerunt autem et de Benjamin, et de Juda, ad præsidium in quo morabatur David, 17. egressusque est David obviam eis, et ait : Si pacifice venistis ad me ut auxilimini mihi, cor meum jungatur vobis : si autem insidiamenti mihi pro adversariis meis, cum

ego iniquitatem in manibus non habeam, videat Deus patrum nostrorum, et judicet. 18. Spiritus vero induit Amasai principem inter triginta, et ait : Tui sumus, o David, et tecum, filii Isai, pax, pax tibi, et pax adjutoribus tuis : te enim adjuvat Deus tuus. Suscepit ergo eos David, et constituit principes turmæ. 19. Porro de Manasse transfugerunt ad David, quando veniebat cum Philistium adversus Saul, ut pugnaret : et non dimicavit cum eis ; quia inito consilio remiserunt eum principes Philistinorum, dicentes : Periculo capitinis nostri revertetur ad dominum suum Saul. 20. Quando igitur reversus est in Siceleg, transfugerunt ad eum de Manasse, Ednas, et Jozabad, et Jedihel, et Michael, et Ednas, et Jozabad, et Eliu, et Salathi, principes millium in Manasse. 21. Hi præbuerunt auxilium David adversus latrunculos : omnes enim erant viri fortissimi, et facti sunt principes in exercitu. 22. Sed et per singulos dies veniebant ad David ad auxiliandum ei, usque dum fieret grandis numerus, quasi exercitus Dei. 23. Iste quoque est numerus principum exercitus, qui venerunt ad David, cum esset in Hebron, ut transferrent regnum Saul ad eum, juxta verbum Domini. 24. Filii Juda portantes clypeum et hastam, sex millia octingenti expediti ad prælium. 25. De filiis Simeon, virorum fortissimorum ad pugnandum, septem millia centum. 26. De filiis Levi, quatuor millia sexcenti. 27. Joiada quoque princeps de stirpe Aaron, et cum eo tria millia septingenti. 28. Sadoc etiam puer egregiae indolis, et domus patris ejus, principes viginti duo. 29. De filiis autem Benjamin fratribus Saul, tria millia : magna enim pars eorum adhuc sequebatur domum Saul. 30. Porro de filiis Ephraim viginti millia octingenti, fortissimi robore, viri nominati in cognationibus suis. 31. Et ex dimidia tribu Manasse, decem et octo millia, singuli per nomina sua venerunt ut constituerent regem David. 32. De filiis quoque Issachar viri eruditæ, qui noverant singula tempora ad præcipiendum quid facere deberet Israel, principes ducenti : omnis autem reliqua tribus, eorum concilium sequebatur. 33. Porro de Zabulon qui egrediebantur ad prælium, et stabant in acie instructi armis bellicis, quinquaginta millia venerunt in auxilium, non in corde duplice. 34. Et de Nephtali, principes mille : et cum eis instructi clypeo et hasta, triginta et septem millia. 35. De Dan etiam præparati ad prælium, viginti octo millia sexcenti. 36. Et de Aser egredientes ad pugnam, et in acie provocantes, quadraginta millia. 37. Trans Jordanem autem de filiis Ruben, et de Gad, et dimidia parte tribus Manasse, instructi armis bellicis, centum viginti millia. 38. Omnes isti viri bellatores expediti ad pugnandum, corde perfecto venerunt in Hebron, ut constituerent regem David super universum Israel : sed et omnes reliqui ex Israel uno corde erant, ut rex fieret David. 39. Fueruntque ibi apud David tribus diebus comedentes et bibentes; præparaverant enim eis fratres sui. 40. Sed et qui juxta eos erant, usque ad Issachar, et Zabulon, et Nephtali, afferebant panes in asinis, et camelis, et mulis, et boibus, ad vescendum : farnam, palathas, uvam passam, vinum, oleum, boves, arietes, ad omnem copiam ; gaudium quippe erat in Israel.

Vers. 2. **2. DE FRATRIBUS SAUL EX BENJAMIN,** — puta de cognatis Saul et Benjaminitis; Saul enim erat ex tribu Benjamin. Mirum hoc fuit, et quasi miraculum, quo Deus honestavit Davidem exulem et profugum, ut multi ex tribu Benjamin et cognati Saulis, eum quam Saulem regem eum persequenter, sequi maluerint : nimirum Deus pugnabat pro Davide contra Saulem, ac Davidis innocentia, modestia et sanctitas omnes ad se alliciebat, quos Saul sua superbia, insolentia et pravitate a se avertiebat. Hinc et tria millia Benjaminitarum maluerunt sequi Davidem, quam Isbōseth Saulis filium, ut dicitur versu 29.

6. DE CAREHIM, — id est, ut habent Hebrei et Septuaginta, de Coritis, sive de posteris Core. Vers. 6

8. DE GADDI, — id est de tribu Gad, sive de Gad- ditis. Vers. 8.

13. ISTI SUNT QUI TRANSIERUNT JORDANEM MENSE PRIMO (Nisan sive Paschali, qui nostro partim martio, partim aprilii respondet), **QUANDO INUNDARE CONSUEVIT SUPER RIPAS SUAS :** ET OMNES FUGAVERUNT, — q. d. Isti sunt Gadditæ, qui heroico animo et virtute Jordanem a Josue divisum primi ingredi ausi sunt, ac Chananæos ex adversa ripa consistentes, et transitum Hebræorum prohibere conantes invaserunt, et in fugam compulerunt. Vers. 13.

Vers. 22. **22. QUASI EXERCITUS DEI.** — id est quasi exercitus maximus ; Dei enim maximi omnia sunt maxima.

Vers. 28. **28. SADOC ETIAM PUER EGREGIE INDOLIS.** — Hic videtur esse Sadoc Pontifex, quem Saul occiso Abimelech, qui erat ex Heli et Ithamar, Pontificem constituit. Vocatur « puer, » quia illo tempore erat junior; unde postea vixit toto tempore Davidis, et pontificatu simul cum Abiathar functus est. Deinde a Salomone amoto Abiathar, solus Sadoc Pontifex ab eodem auctoratus mansit. Licet enim Joiada versu præcedenti vocetur « princeps, » ipse tamen non erat Pontifex, sed « princeps, » id est dux agminis militaris, quod e sacerdotibus et Levitis ad Davidem deducebat.

Vers. 32. **32. DE FILIIS QUOQUE ISSACHAR VIRI ERUDITI, QUI NOVERANT SINGULA TEMPORA AD PRECIPIENDUM QUID FACERE DEBERET ISRAEL, PRINCIPES DUCENTI.** — Vata-

Primo. blus, *principes gnari occasionum*, id est scientes quo tempore quidve gerendum esset captatis occasionibus, v. g. quod hoc tempore, quo a Philistæis cæsus erat Saul cum totis castris, rex creandus esset David, utpote bello assuetus et victoriosus, ideoque terror Philistinorum ad compescendam eorum ex recenti victoria superbiam et audaciam, quodque jam tempus advenisset quo promissio regni facta a Deo Davidi implenda foret. Nullus enim erat aliis, qui rebus Israelis jam adeo prolapsis et afflictis succurrere, easque restaurare posset, nisi David : quare hi principes suaserunt populo non tantum suæ tribus, sed et aliarum, ut Davidem crearent regem. Erant ergo hi eruditi in scientia, sive intelligentia temporum, id est occasionum, ut habent Hebræi, quæ est scientia practica ad vitam humanam utilissima, adeoque in ea consistit vera et perfecta prudentia, tum ethica, tum cœconomica, tum politica, ut docet Salomon, *Eccles.* III, 2 et seq : « Omnia tempus habent : Tempus, inquit, nascendi, et tempus moriendi. Tempus occidendi, et tempus sanandi. Tempus flendi, et tempus ridendi. Tempus custodiendi, et tempus abjiciendi. Tempus belli, et tempus pacis, » etc. Et cap. VIII, vers. 6 : « Omni negotio tempus est, et opportunitas. » Secundo, « scientia temporum » hic accipi potest physica et astrologica. Erant enim Issachariani agricolæ, ideoque observabant temporum mutationes, aerisque et ventorum commoditates, ut scirent quando foret tempus seminandi, quando metendi, quando plantandi, quando navigandi. Hæc enim scientia agricolis est necessaria, teste Virgilio

in *Georgic.* Hanc autem scientiam temporum partim continua observatione et usu, scilicet, ex prognosticis ventorum, siderum, etc., continue obser-vatis didicerant Issachariani, ait Abulensis et Sanchez ; partim ex vicinis Phœnicibus, puta Tyriis et Sidoniis (ad quos illi suas segetes, vinum et oleum deferebant, ut illi per mare eas ad vicinas insulas deveherent et divenderent) hauserant. Phœnices enim, quia accolæ maris, vacabant navigationi et mercioniis, ideoque observabant astrorum et temporum vicissitudines, ut scirent quando, quomodo et ubi foret navigandum. Unde Plinius, lib. VIII, cap. LVI, Phœnicibus quasi proprium inventum tribuit siderum observationem in navigando, et Aratus in *Phœnom.*

Phœnicas, inquit, Cynosura regit sulcantibus æquor.

Et ex eo Cicero, lib. II *Academ.* : « Ego, inquit, et magnus quidem sum opinior, et meas cogitationes sic dirigo, non ad illam parvulam Cynosuram, qua fidunt duce nocturna Phœnices in altum, ut ait Aratus, eoque directus gubernant, quod eam tenent,

Quæ cursu inferiore brevi convertitur orbe.

Sed ad Helicen et clarissimos Septentriones, id est rationes has latiore specie, non ad tenue eli-matas ; eo fit ut errem, et vager latius. » Hinc Tibullus :

Prima ratem ventis tradere docta Tyrus.

Tertio. S. Hieronymus per « scientiam temporum, » accipit scientiam computus Ecclesiastici, v. g. quando celebrandum sit Pascha, Pentecoste, cæteraque festa, quid quolibet festo faciendum et offerendum sit. Erant enim Issachariani, in quieta suæ agriculturæ vita, studio sapientiæ et religio-nis dediti. Unde Moyses, *Deuteron.* xxxiii, 18, hanc eis benedictionem impertit : « Et Issachar in ta-bernaculis suis, » scilicet quiete agriculturæ et mercaturæ vacabit. « Populos vocabunt ad mon-tem, » puta ad templum in monte Sion, ut in eo Deum pie colat. « Erant enim ipsi, ait S. Hieronymus, doctores, computatores et magistri, sive ad festivitates, sive ad cætera. » Refutat hoc Abulen-sis quod agricolæ non soleant vacare studiis, sed immerito : nam contrarium sæpe fieri videmus, et olim ita fiebat. Certe agricolæ multi filios ha-bent doctos et doctores, ego quoque filius agri-colæ sum.

CAPUT DECIMUM TERTIUM.

SYNOPSIS CAPITIS.

*David arcam e Cariathiarim reducens, coram ea psallit et salit. Oza arcam tangens occiditur.
Arca divertens in domum Obededom, eam benedicit.*

1. Init autem consilium David cum tribunis, et centurionibus, et universis principibus, 2. et ait ad omnem cœtum Israel : Si placet vobis, et a Domino Deo nostro egreditur sermo quem loquor, mittamus ad fratres nostros reliquos in universas regiones Israel, et ad sacerdotes, et Levitas, qui habitant in suburbanis urbium, ut congregentur ad nos, 3. et reducamus arcam Dei nostri ad nos : non enim requisivimus eam in diebus Saul. 4. Et respondit universa multitudo ut ita fieret : placuerat enim sermo omni populo. 5. Congregavit ergo David cunctum Israel, a Sihor Ægypti, usque dum ingrediaris Emath, ut adduceret arcam Dei de Cariathiarim. 6. Et ascendit David, et omnis vir Israel, ad collem Cariathiarim, qui est in Juda, ut afferret inde arcam Domini Dei sedentis super cherubim⁵, ubi invocatum est nomen ejus. 7. Imposueruntque arcam Dei super plaustrum novum, de domo Abinadah : Oza autem, et frater ejus, minabant plaustrum. 8. Porro David, et universus Israel, ludebant coram Deo omni virtute in canticis, et in citharis, et psalteriis, et tympanis, et cymbalis, et tubis. 9. Cum autem pervenissent ad Aream Chidon, tetendit Oza manum suam ut sustentaret arcam : bos quippe lasciviens paululum inclinaverat eam. 10. Iratus est itaque Dominus contra Ozam, et percussit eum, eo quod tetigisset arcam : et mortuus est ibi coram Domino. 11. Contristatusque est David, eo quod divisisset Dominus Ozam : vocavitque locum illum : Divisio Ozæ, usque in præsentem diem. 12. Et timuit Deum tunc temporis, dicens : Quomodo possum ad me introducere arcam Dei ? 13. Et ob hanc causam non adduxit eam ad se, hoc est, in Civitatem David ; sed avertit in domum Obededom Gethæi. 14. Mansit ergo arca Dei in domo Obededom tribus mensibus : et benedixit Dominus domui ejus, et omnibus quæ habebat.

vers. 5.

5. A SIHOR ÆGYPTI. — Sihor Hebraice שִׁירָה Sichor, id est *niger*, vocatur Nilus, quod aqua ejus, quia limosa et turbida, videatur esse nigra. Unde a Græcis vocatur μέλας, id est *niger*; verum, quia Nilus longe abest a Judæa, melius per Sihor accipias rivum juxta Rhinocoluram, qui est terminus Australis Judææ, et alibi « torrens Ægypti » vo-

catur, de quo dixi *Num.* cap. xxxiv, vers. 5.

7. OZA AUTEM ET FRATER EJUS. — II Reg. vi, 3, habetur : « Oza et Ahio, » sed Ahio Hebraice idem est quod *frater ejus*, vereque hic Ahio erat frater Ozæ : uterque enim erat filius Abinadab, ut ibi dicitur.

CHIDON — alio nomine vocabatur Nachon, ut patet II Reg. vi, 6.

CAPUT DECIMUM QUARTUM.

SYNOPSIS CAPITIS.

Hiram mittit ad Davidem ligna et artifices, qui ei domum ædificant. David multiplicat uxores et filios, ac, vers. 9, cedit Philistæos in valle Raphaim, et iterum, vers. 14, cum Deus veniret ei in auxilium ex adverso pyrorum.

1. Misit quoque Hiram rex Tyri nuntios ad David, et ligna cedrina, et artifices, parietum lignorumque, ut ædificarent ei domum. 2. Cognovitque David quod confirmasset eum Domi-

nus in regem super Israel, et sublevatum esset regnum suum super populum ejus Israel. 3. Accepit quoque David alias uxores in Jerusalem : genuitque filios, et filias. 4. Et haec nomina eorum, qui nati sunt ei in Jerusalem : Samua, et Sobad, Nathan, et Salomon, 5. Jebahar, et Elisua, et Eliphaleth. 6. Noga quoque, et Naphegh, et Japhia. 7. Elisama, et Baaliada, et Eliphaleth. 8. Audientes autem Philistium eo quod unctus esset David in regem super universum Israel, ascenderunt omnes ut quererent eum : quod cum audisset David, egressus est obviam eis. 9. Porro Philistium venientes diffusi sunt in valle Raphaim. 10. Consuluitque David Dominum, dicens : Si ascendam ad Philistaeos, et si trades eos in manu mea ? Et dixit ei Dominus : Ascende, et tradam eos in manu tua. 11. Cumque illi ascendissent in Baalpharam, percussit eos ibi David, et dixit : Divisit Deus inimicos meos per manum meam, sicut dividuntur aquæ ; et idcirco vocatum est nomen illius loci Baalpharasim. 12. Dereliqueruntque ibi deos suos, quos David jussit exuri. 13. Alia etiam vice Philistium irruerunt, et diffusi sunt in valle. 14. Consuluitque rursum David Deum, et dixit ei Deus : Non ascendas post eos, recede ab eis, et venies contra illos ex adverso pyrorum. 15. Cumque audieris sonitum gradientis in cacumine pyrorum, tunc egredieris ad bellum. Egressus est enim Deus ante te, ut percutiat castra Philistii. 16. Fecit ergo David sicut præceperat ei Deus, et percussit castra Philistinorum, de Gabaon usque Gazera. 17. Divulgatumque est nomen David in universis regionibus, et Dominus dedit pavorem ejus super omnes gentes.

Hoc caput explicui II Reg. v.

Vers. 2. **2. COGNOVITQUE DAVID, QUOD CONFIRMASSET EUM DOMINUS IN REGEM ISRAEL,** — ex eo quod videret omnes Israelitas ultro et communis consensu eum in regem acceptasse, seque illi subjecisse, ac suam opem et operam ei liberaliter obtulisse ; Hiram quoque et vicinos reges, se ut regem Israel honoreare, amare et timere.

Vers. 14. **14. VENIESQUE CONTRA EOS** (non directe, sed castra eorum circumeundo, a tergo scilicet) EX AD-

VERSO PYRORUM. — Cur hoc ? Respondent Hebrei apud S. Hieronymum, Angelomus et Historia Scholastica, eo quod ibi Philistæi collocassent sua idola, idque putarent eum locum esse futissimum et munitissimum : Deus ergo, ut ostenderet idola nihil esse et nihil posse, jubet Davidem ex ea parte quasi infirmissima, et expugnat facillima, castra hostium invadere, promittens ei certam tam de idolis, quam de idololatria victoriariam.

CAPUT DECIMUM QUINTUM.

SYNOPSIS CAPITIS.

David arcam cum pompa deducit in Sion, ac coram ea saltando exultat. Idcirco despicit eum uxor Michol, sed a Deo sterilitate castigatur.

1. Fecit quoque sibi domos in Civitate David ; et ædificavit locum arcæ Dei, tetenditque ei tabernaculum. 2. Tunc dixit David : Illicitum est ut a quocumque portetur arca Dei nisi a Levitis, quos elegit Dominus ad portandum eam, et ad ministrandum sibi usque in æternum. 3. Congregavitque universum Israel in Jerusalem, ut afferretur arca Dei in locum suum, quem præparaverat ei ; 4. necnon et filios Aaron, et Levitas. 5. De filiis Caath, Uriel princeps fuit, et fratres ejus centum viginti. 6. De filiis Merari, Asaia princeps ; et fratres ejus ducenti viginti. 7. De filiis Gersom, Joel princeps ; et fratres ejus centum triginta. 8. De filiis Eliphas, Semeias princeps ; et fratres ejus ducenti. 9. De filiis Hebron, Eliel princeps ; et fratres ejus octoginta. 10. De filiis Oziel, Aminadab princeps ; et fratres ejus centum duodecim. 11. Vocavitque David Sadoc et Abiathar sacerdotes, et Levitas, Uriel, Asaiam, Joel, Semeiam, Eliel, et Aminadab ; 12. et dixit ad eos : Vos qui estis principes familiarum Leviticarum, sanctificamini cum fratribus vestris ; et afferte arcam Domini Dei Israel ad locum qui ei

præparatus est : 13. ne ut a principio, quia non eratis præsentes, percussit nos Dominus, sic et nunc fiat, illicitum quid nobis agentibus. 14. Sanctificati sunt ergo Sacerdotes, et Levitæ, ut portarent arcam Domini Dei Israel. 15. Et tulerunt filii Levi arcam Dei, sicut præceperat Moyses juxta verbum Domini, humeris suis, in vectibus. 16. Dixitque David principibus Levitarum, ut constituerent de fratribus suis cantores in organis musicorum, nablis videlicet, et lyris, et cymbalis, ut resonaret in excelsis sonitus lætitiae. 17. Constitueruntque Levitas : Heman filium Joel, et de fratribus ejus, Asaph filium Barachiae; de filiis vero Merari, fratribus eorum, Ethan filium Casaiæ. 18. Et cum eis fratres eorum : in secundo ordine, Zachariam, et Ben, et Jaziel, et Semiramoth, et Jahiel, et Ani, Eliab, et Banaiam, et Maasiam, et Mathathiam, et Eliphalu et Maceniam, et Obededom, et Jehiel, janitores. 19. Porro cantores, Heman, Asaph, et Ethan, in cymbalis æneis concrepantes. 20. Zacharias autem, et Oziel, et Semiramoth, et Jahiel, et Ani, et Eliab, et Maasias, et Banaias, in nablis arcana cantabant. 21. Porro Mathathias, et Eliphalu, et Macenias, et Obededom, et Jehiel, et Ozziu, in citharis pro octava canebant epinicion. 22. Chonenias autem princeps Levitarum prophetiæ præerat, ad præcinendam melodiam; erat quippe valde sapiens. 23. Et Barachias, et Elcana, janitores arcæ. 24. Porro Sebenias, et Josaphat, et Nathanael, et Amasai, et Zacharias, et Banaias, et Eliezer, sacerdotes, clangebant tubis coram arca Dei : et Obededom, et Jehias, erant janitores arcæ. 25. Igitur David, et omnes majores natu Israel, et tribuni, ierunt ad deportandam arcam fœderis Domini de domo Obededom, cum lætitia. 26. Cumque adjuvisset Deus Levitas, qui portabant arcam fœderis Domini, immolabantur septem tauri, et septem arietes. 27. Porro David erat indutus stola byssina, et universi Levitæ qui portabant arcam, cantoresque, et Chonenias princeps prophetiæ inter cantores : David autem etiam indutus erat ephod lineo. 28. Universusque Israel deducebant arcam fœderis Domini in jubilo, et sonitu buccinæ, et tubis, et cymbalis, et nablis, et citharis concrepantes. 29. Cumque pervenisset arca fœderis Domini usque ad Civitatem David, Michol filia Saul prospiciens per fenestram vidi regem David saltantem atque ludentem, et despexit eum in corde suo.

Vers. 13. 13. **QUIA NON ERATIS PRÆSENTES.** — Hinc colligunt nonnulli Ozam percussum a Deo, quod ipse, cum non esset sacerdos, tetigerit arcam. Sacerdotum enim erat eam tangere et humeris portare. Vide dicta II Reg. vi. Alii, ex τὸ sanctificamini, colligunt Ozam percussum eo quod maculam aliquam contraxisset, nec ab ea se ante arcae contactum expiasset et sanctificasset. Verum τὸ sanctificamini, ad sacerdotes pertinet, qui arcam tangere non poterant, nisi prius ab omni immundicie legali se purgassent et sanctificassent, alioqui percutiendi a Deo perinde ac Oza, et tantum hoc vult hic David.

Jers. 20. 20. **IN NABLIS ARCANA CANTABANT,** — puta psalmos, qui Hebraice inscribuntur Olamoth, id est arcana et occulta, qualis est Psalm. IX et XLV. Qui duo psalmi ita huic loco sunt appositi, ut de hac arcae translatione videantur esse a Davide compositi. Porro Nablum erat instrumentum musicum, quod ventriculo, quasi utriculo (**נֶבֶל** nebel enim est uter) excipiebat aerem, et eundem per fistulam cuius harmonia emittebat, sine inflatu cujusquam. Unde eo utens vocabatur Utricularius et Ascaules; ἀσκός enim est uter.

Vers. 21. 21. **IN CITHARIS PRO OCTAVA CANEBANT EPINICION,** q. d. Canebant psalmos qui inscribuntur Hebraice

לְעַל sceminith, id est super octava vel pro octava, sive quod octo vocibus, sive quod octachordo, v. g. cithara octo chordis instructa (aliae enim erant tetrachordæ, aliae heptachordæ, aliae decachordæ) canendi forent, scemina enim sunt octo; vide dicta II Reg. vi, 13.

Pro «epinicion,» Hebraice est נְסָח netsach, quod Vatablus vertit, ad prævalendum, id est ad elevandum vocem, ita ut vincantur alii cantores, qualis nunc est in Alto sive Superiore; canens enim Altum elevatione vocis superat Tenorem, Contratenorem et Bassum. Melius Noster vertit: «Epinicion,» id est carmen triumphale, sive pro victoria. Vide dicta II Reg. vi, 13.

22. CHONENIAS AUTEM, PRINCEPS LEVITARUM, PRO- PHETIÆ PRÆERAT AD PRÆCINENDAM MELODIAM. — Pro «prophetiæ» Hebraice est נְשָׁבֵת massa, id est elevatio, assumptio, indeque onus elevatum, et in humeros assumptum, indeque prophetia tristis et onerosa per metaphoram; unde primo, aliqui hic vertunt: Chonenias præerat oneri et oneratis; eo quod ipsi incumberet munus erudiendi arcae baulos, qua ratione progredi deberent, interquiescere, vices mutare, etc.

Secundo, alii vertunt. «Præerat prophetiæ,» id est præscribebat cantoribus prophetias quas ca-

nerent. Cantores enim subinde vocantur Prophætæ, et prophetare idem est quod canere, et laudare Deum. Sic Saul « prophetabat, » id est canebat Dei laudes, *I Reg. x.*, 5.

Tertio, Hebræi apud S. Hieronymum in *Tradit.* « præerat prophetæ, » hoc est, inquiunt, prophetæ melodias et verba cantoribus ad memoriam revocabat.

Quarto, optime Septuaginta vertunt : *Erat princeps in elevatione; Vatablus, in exaltatione vocis, q. d. Chonenias erat præcentor*, et altiore voce intonabat, præbatque melodiam psalmi cantandi, quam inde cæteri cantores prosequabantur, ut faciunt Cantores et Præfecti musices in choro. Id ita esse patet ex eo quod Noster explicans, subdit : « ad præcinendam melodiam, » ubi Hebraice est idem nomen Μέλος *massa* quod paulo ante Noster vertit : « prophetæ, » hæc ergo non aliud erat quam melodia (1).

ERAT QUIPPE VALDE SAPIENS. — Hebraice מִלְבָנִין, id est *intelligens*, hoc est musices, et canendi

(1) Reddi potest Hebræus : *Et Chonenias princeps Levitarum, præerat elevationi et corrigebat elevationem.* Porro præesse elevationi vocum, est dirigere modos musicos, et dissonas voces reducere in ordinem ; dici etiam potest quod præerat Chonenias in cantu illo superiore dicto gallice *contre-alto*.

peritissimus. Tales enim decet esse præcentores.

26. CUMQUE ADJUVISSET DEUS LEVITAS, — ut nullum in portanda arca sentirent onus, aiunt Rabbinii. Verum hoc est fabula. Audi Lyranum ex Hebræis apte ad rem præsentem : « Dicunt, inquit, Hebræi quod istud adjutorium intelligitur per hoc, quod arca portabat seipsam, hoc est, quod divina virtute sic portabatur, quod Levitæ portatores nullum pondus sentiebant; et pro illo miraculo facta fuit immolatio. » Verum dico : Deus adjuvit eos animando, vires et præsertim amorem suggestendo, ut libenter bajularent arcam, ideoque onus vix sentirent. Quare illud miraculum non tam fuit potestatis, quam charitatis. Hæc enim efficiebat ut illud onus, alioqui gravissimum, amantibus levissimum videretur. Addit Josephus illos qui cantando, et saltando, et pulsando musica instrumenta præibant arcam, quamvis totam diem in eo labore extraherent, nullam tamen ex suo labore defatigationem sensisse. Amor enim quo illi divino oraculo famulabantur, non sinebat ut minuerentur vires, sed potius ut in singulas horas vegetiores redderentur.

27. PORRO DAVID ERAT INDUTUS STOLA BYSSINA, — scilicet ephod lineo, quod alibi byssinum vocatur; byssus enim est linum subtilius et delicatus.

CAPUT DECIMUM SEXTUM.

SYNOPSIS CAPITIS.

David, collocata arca in tabernaculo Sionis, victimas offert; inde populo benedixit, eique epulum largitur. Mox Levitis sua circa arcam ministeria distribuit, ac versu 8, cantico Deum laudat.

1. Attuleruntque igitur arcam Dei, et constituerunt eam in medio tabernaculi quod tenebberat ei David : et obtulerunt holocausta et pacifica coram Deo. 2. Cumque complesset David offerens holocausta et pacifica, benedixit populo in nomine Domini. 3. Et divisit universis per singulos, a viro usque ad mulierem, tortam panis, et partem assæ carnis bubalæ, et frixam oleo similam. 4. Constituitque coram arca Domini de Levitis qui ministrarent, et recordarentur operum ejus, et glorificarent atque laudarent Dominum Deum Israel : 5. Asaph principem, et secundum ejus Zachariam ; porro Jahiel, et Semiramoth, et Jehiel, et Mathathiam, et Eliab, et Banaiam ; et Obededom : Jehiel super organa psalterii et lyras : Asaph autem ut cymbalis personaret : 6. Banaiam vero et Jaziel sacerdotes, canere tuba jugiter coram arca foederis Domini. 7. In illo die fecit David principem ad confitendum Domino Asaph, et fratres ejus.

8. Confitemini Domino, et invocate nomen ejus : notas facite in populis ad inventiones ejus.

9. Cantate ei, et psallite ei : et narrate omnia mirabilia ejus.

10. Laudate nomen sanctum ejus : lætetur cor quærentium Dominum.

11. Quærite Dominum, et virtutem ejus : quærite faciem ejus semper.

12. Recordamini mirabilium ejus, quæ fecit : signorum illius, et judiciorum oris ejus.

13. Semen Israel servi ejus : filii Jacob electi ejus.
14. Ipse Dominus Deus noster : in universa terra judicia ejus.
15. Recordamini in sempiternum pacti ejus , sermonis quem præcepit in mille generationes ,
16. Quem pepigit cum Abraham, et juramenti illius cum Isaac.
17. Et constituit illud Jacob in præceptum : et Israel in pactum sempiternum.
18. Dicens : Tibi dabo terram Chanaan, funiculum hæreditatis vestræ.
19. Cum essent pauci numero, parvi et coloni ejus.
20. Et transierunt de gente in gentem, et de regno ad populum alterum.
21. Non dimisit quemquam calumniari eos, sed increpavit pro eis reges.
22. Nolite tangere christos meos : et in prophetis meis nolite malignari.
23. Cantate Domino, omnis terra : annuntiate ex die in diem salutare ejus.
24. Narrate in gentibus gloriam ejus, in cunctis populis mirabilia ejus.
25. Quia magnus Dominus, et laudabilis nimis : et horribilis super omnes deos.
26. Omnes enim dii populorum , idola : Dominus autem cœlos fecit.
27. Confessio et magnificentia coram eo : fortitudo et gaudium in loco ejus.
28. Afferte Domino, familiæ populorum, afferte Domino gloriam et imperium.
29. Date Domino gloriam nomini ejus, levate sacrificium , et venite in conspectu ejus : et adorate Dominum in decore sancto.
30. Commoveatur a facie ejus omnis terra : ipse enim fundavit orbem immobilem.
31. Lætentur cœli, et exsultet terra, et dicant in nationibus : Dominus regnavit.
32. Tonet mare, et plenitudo ejus : exsultent agri, et omnia quæ in eis sunt.
33. Tunc laudabunt ligna saltus coram Domino : quia venit judicare terram.
34. Confitemini Domino, quoniam bonus : quoniam in æternum misericordia ejus.
35. Et dicite : Salva nos , Deus salvator noster : et congrega nos, et erue de gentibus, ut confiteamur nomini sancto tuo, et exultemus in carminibus tuis.
36. Benedictus Dominus Deus Israel ab æterno usque in æternum ; et dicat omnis populus: Amen, et hymnum Domino.
37. Reliquit itaque ibi coram arca fœderis Domini, Asaph et fratres ejus , ut ministrarent in conspectu arcæ jugiter, per singulos dies , et vices suas. 38. Porro Obededom , et fratres ejus sexaginta octo : et Obededom filium Idithun , et Hosa , constituit janitores ; 39. Sadoc autem sacerdotem, et fratres ejus sacerdotes, coram tabernaculo Domini in excelsø, quod erat in Gabaon, 40. ut offerrent holocausta Domino super altare holocaustatis jugiter, mane et vespere, juxta omnia quæ scripta sunt in lege Domini , quam præcepit Israeli. 41. Et post eum Heman , et Idithun , et reliquos electos, unumquemque vocabulo suo ad confitendum Domino : quoniam in æternum misericordia ejus. 42. Heman quoque et Idithun canentes tuba, et quatientes cymbala , et omnia musicornm organa, ad canendum Deo ; filios autem Idithun fecit esse portarios. 43. Reversusque est omnis populus in domum suam ; et David , ut benediceret etiam domui suæ.

Vers. 8.

8. CONFITEMINI DOMINO. — David jussit Asaph et socios canere hunc hymnum Deo in gratiarum actionem, quod arcam (et in ea Deum residentem) transtulisset in suam arcem Sion, ut Deum in ea quasi semper præsentem, protegentem, dirigentem et roborantem, penes se haberet. Porro hic hymnus conflatus est ex Psalmo civ usque ad versum 23, ubi deinceps conflatur ex Psalmo xcvi. Porro paulo aliter hic recensetur, quam illis

psalmis contineatur, quia David videtur eum primo hic rudi forma dictasse; deinde eum in Psalterio magis expolivisse et elimasse. Psalmus est, et ad Psalterium pertinet; quare ibidem, quasi loco sibi proprio eum explicabo. Interim paucis hic annotabo ea, in quibus a psalmis citatis differt.

11. QUARITE DOMINUM ET VIRTUTEM EJUS. — Legit Vers. 11. Interpres ῥυπαzzo, id est virtutem sive fortitudi-

nem ejus, id est arcum in qua Deus suam potentiam ostendit, per eam debellando Jericho et Chananeos. Invitat enim David omnes, ut ad arcum veniant, et coram ea Deum adorent. Septuaginta vero, aliis punctis legentes יְהוָה azu in imperativo Cal, vertunt Psalm. civ, 5 : Confirmmini, id est confirmabimini. [Deus] enim vos confirmabit et roborabit, ut nullus hostis, nulla adversitas, nulla tentatio vobis prævalere valeat.

Vers. 21. **21. NON DIMISIT QUEMQUAM CALUMNIARI EOS.** — Vatablus, vim facere eis ; Hebraice enim יְהוָה azar, et calumniari et vim facere significat. Unde Septuaginta, Psalm. civ, 15, vertunt : Non reliquit hominem nocere eis.

Vers. 27. **27. CONFESSIO (Septuaginta laus) ET MAGNIFICENTIA CORAM EO : FORTITUDO ET GAUDIUM IN LOCO EJUS.** — Vatablus : *Celebritas et magnificentia est coram ipso, potentia et hilaritas in loco ejus.* At Psalm. xcv, vers. 6, Septuaginta vertunt : *Confessio et pulchritudo in conspectu ejus; sanctimonia et magnificentia in sanctificatione ejus.* Hebraice, *in sanctuario ejus, puta in arca, et tabernaculo arcæ a Davide erecto.*

Vers. 28. **28. AFFERTE DOMINO GLORIAM ET IMPERIUM.** — Hebreus, et fortitudinem. Sensus horum duorum versuum est, q. d. Exhibete Deo in tabernaculo hoc coram arca confessionem, id est laudem et magnificentiam, id est magnificam magnificorum ejus operum prædicationem; quæ Deum magnificat, id est magnum, imo maximum esse demonstrat; item fortitudinem et gaudium, ut sci-

licet celebretis fortia ejus facta, quibus pro Israele pugnavit; itaque nobis gaudendi et triumphandi materiam dedit.

29. ADORATE DOMINUM IN DÉCORE SANCTO. — Hebreus, *in decore sanctitatis*, id est sanctæ arcæ. Vatablus, *in splendido et magnifico sanctuario*; at Psal. xcv, 9 : « Adorate, inquit, Dominum in atrio sancto ejus. »

32. TONET MARE ET PLENITUDO EJUS. — Vatablus : Reboet mare, et quidquid in eo est, puta omnes pisces, gemmæ, margaritæ, etc.; fluctus enim maris in tempestate inter se collisi boatum et quasi tonitruum edunt. At Psal. xcv, 12, habetur : « Commoveatur (contremiscat coram Dei majestate et omnipotencia) mare et plenitudo ejus. » Rursum, tonat mare cum vapores in altum emitit, qui in nubibus conclusi et collisi, dum vi erumpunt, tonitrua et fulmina concitant. Tonet ergo mare, ut Dei Creatoris sui potentiam ostendat, impiosque ejus metu percellat.

39. SADOC AUTEM SACERDOTEM (Pontificem) ET FRATRES EJUS SACERDOTES (minores) CORAM TABERNACULO DOMINI QUOD ERAT IN GABAON. — Sadoc functus erat pontificatu coram Saule, postquam ille occidisset Achimelech Pontificem. Tunc enim filius Achimelech, scilicet Abiathar fugit ad Davidem. Quare Pontifex apud Saulem erat Sadoc; apud Davidem vero Abiathar. Mortuo vero Saule, David noluit abrogare pontificatum Sadoc, sed ita inter eos divisit ut Abiathar pontificatu fungeretur in Jerusalem ubi erat arca; Sadoc vero in Gabaon, ubi erat tabernaculum a Moyse fabricatum.

CAPUT DECIMUM SEPTIMUM.

SYNOPSIS CAPITIS.

David, volens ædificare templum, audit a Nathan fabricam hanc Salomonis ejus filio a Deo reservari, ac sibi idecirco longam in regno posteritatem promitti. Quare amplas Deo agit gratias.

1. Cum autem habitaret David in domo sua, dixit ad Nathan prophetam : Ecce ego habito in domo cedrina; arca autem fœderis Domini sub pellibus est. 2. Et ait Nathan ad David : Omnia, quæ in corde tuo sunt, fac; Deus enim tecum est. 3. Igitur nocte illa factus est sermo Dei ad Nathan, dicens : 4. Vade, et loquere David servo meo : Hæc dicit Dominus : Non ædificabis tu mihi domum ad habitandum. 5. Neque enim mansi in domo ex eo tempore quo eduxi Israel, usque ad diem hanc; sed fui semper mutans loca tabernaculi, et in tentorio 6. manens cum omni Israel. Numquid locutus sum saltem uni judicum Israel, quibus præcepérāt ut pascerent populum meum, et dixi : Quare non ædificastis mihi domum cedrinam ? 7. Nunc itaque sic loqueris ad servum meum David : Hæc dicit Dominus exercituum : Ego tuli te, cum in pascuis sequereris gregem, ut esses dux populi mei Israel. 8. Et fui tecum quocumque perrexi; et interfeci omnes inimicos tuos coram te, fecique tibi nomen quasi unius magnorum, qui celebrantur in terra. 9. Et dedi locum populo meo Israel : plantabitur, et habitabit in eo, et ultra non commovebitur : nec filii iniquitatis atterent eos, sicut a

principio, 10. ex diebus quibus dedi judices populo meo Israel, et humiliavi universos inimicos tuos. Annuntio ergo tibi quod ædificaturus sit tibi Dominus domum. 11. Cumque impleveris dies tuos ut vadas ad patres tuos, suscitabo semen tuum post te, quod erit de filiis tuis: et stabiliam regnum ejus. 12. Ipse ædificabit mihi domum; et firmabo solium ejus usque in æternum. 13. Ego ero ei in patrem, et ipse erit mihi in filium: et misericordiam meam non auferam ab eo, sicut abstuli ab eo qui ante te fuit. 14. Et statuam eum in domo mea, et in regno meo, usque in sempiternum: et thronus ejus erit firmissimus in perpetuum, 15. juxta omnia verba hæc, et juxta universam visionem istam, sic locutus est Nathan ad David. 16. Cumque venisset rex David, et sedisset coram Domino, dixit: Quis ego sum, Domine Deus, et quæ domus mea, ut præstares mihi talia? 17. Sed et hoc parum visum est in conspectu tuo, ideoque locutus es super domum servi tui etiam in futurum: et fecisti me spectabilem super omnes homines, Domine Deus. 18. Quid ultra addere potest David, cum ita glorificaveris servum tuum, et cognoveris eum? 19. Domine, propter famulum tuum juxta cor tuum fecisti omnem magnificantiam hanc, et nota esse voluisti universa magnalia. 20. Domine, non est similis tui, et non est aliud Deus absque te, ex omnibus quos audivimus auribus nostris. 21. Quis enim est aliud, ut populus tuus Israel, gens una in terra, ad quam perrexit Deus, ut liberaret, et faceret populum sibi, et magnitudine sua atque terroribus ejiceret nationes a facie ejus, quem de Ægypto liberarat? 22. Et posuisti populum tuum Israel tibi in populum usque in æternum, et tu, Domine, factus es Deus ejus. 23. Nunc igitur, Domine, sermo quem locutus es famulo tuo, et super domum ejus, confirmetur in perpetuum, et fac sicut locutus es. 24. Permaneatque et magnificetur nomen tuum usque in sempiternum, et dicatur: Dominus exercituum Deus Israel, et domus David servi ejus permanens coram eo. 25. Tu enim, Domine Deus meus, revelasti auriculam servi tui, ut ædificares ei domum: et idcirco invenit servus tuus fiduciam, ut oret coram te. 26. Nunc ergo, Domine, tu es Deus: et locutus es ad servum tuum tanta beneficia. 27. Et cœpisti benedicere domui servi tui, ut sit semper coram te: te enim, Domine, benedicente, benedicta erit in perpetuum.

Hoc caput explicui II Reg. VII.

Vers. 9.

9. **ER DEDI LOCUM POPULO MEO ISRAEL;** (in Chananæa, expulsis prioribus ejus incolis, scilicet impiis Chananæis, in qua) **PLANTABITUR,** — id est firmiter habitabit instar plantæ et arboris solide in terra sua radicatae, ut ab ea non divellatur, nec in servitutem redigatur a Madianitis, Ammonitis; Moabitis, Syris, Philistæis, uti redactus fuit sepius tempore Judicum, ut sequitur; intellige

et subaudi conditionem solitam, si videlicet Israel me ut Deum suum colat, nec ad idola vitiaque deflectat; unde quia post Davidem ab ea deflexit, hinc merito a Deo tandem traditus fuit in prædam Gentibus, præsertim Assyriis et Babylonii.

25. **REVELASTI AURICULAM SERVI TUI,** — id est Vers. 25. benevole et secreto mihi, utpote amico tuo, revelasti, et quasi in aurem dixisti magnifica bona quæ mihi promisisti, quæque hic subtexo.

CAPUT DECIMUM OCTAVUM.

SYNOPSIS CAPITIS.

Recensentur Davidis bella et victoriae de Philistæis, Moabitis, Syris, Idumæis, Ammonitis et Amaleoitis, ac, vers. 15, officiales ejusdem.

1. Factum est autem post hæc ut percuteret David Philistium, et humiliaret eos, et tollet Geth, et filias ejus, de manu Philistium, 2. percuteretque Moab, et fierent Moabitæ servi David, offerentes ei munera. 3. Eo tempore percussit David etiam Adarezer regem Soba regionis Hemath, quando perrexit ut dilataret imperium suum usque ac flumen Euphraten.

4. Cepit ergo David mille quadrigas ejus, et septem millia equitum, ac viginti millia virorum peditum, subnervavitque omnes equos curruum, exceptis centum quadrigis quas reservavit sibi. 5. Supervenit autem et Syrus Damascenus, ut auxilium præberet Adarezer regi Soba; sed et hujus percussit David viginti duo millia virorum. 6. Et posuit milites in Damasco, ut Syria quoque serviret sibi, et offerret munera. Adjuvitque eum Dominus in cunctis ad quæ perrexerat. 7. Tulit quoque David pharetras aureas, quas habuerant servi Adarezer, et attulit eas in Jerusalem. 8. Necnon de Thebath et Chun, urbibus Adarezer, æris plurimum, de quo fecit Salomon mare æneum, et columnas, et vasa ænea. 9. Quod cum audisset Thou rex Hemath, percussisse videlicet David omnem exercitum Adarezer regis Soba, 10. misit Adoram filium suum ad regem David, ut postularet ab eo pacem et congratularetur ei, quod percussisset et expugnasset Adarezer: adversarius quippe erat Thou Adarezer. 11. Sed et omnia vasa aurea, et argentea, et ænea, consecravit David rex Domino, cum argento et auro quod tulerat ex universis gentibus, tam de Idumea, et Moab, et filiis Ammon, quam de Philistiim et Amalech. 12. Abisai vero filius Sarviæ percussit Edom in valle Salinarum, decem et octo millia: 13. et constituit in Edom præsidium, ut serviret Idumæa David; salvavitque Dominus David in cunctis, ad quæ perrexerat. 14. Regnavit ergo David super universum Israel, et faciebat judicium atque justitiam cuncto populo suo. 15. Porro Joab filius Sarviæ erat super exercitum, et Josaphat filius Ahilud a commentariis. 16. Sadoc autem filius Achitob, et Achimelech filius Abiathar, sacerdotes: et Susa, scriba. 17. Banaias quoque filius Joiadæ super legiones Cerethi, et Phelethi: porro filii David, primi ad manum regis.

Hoc caput idem est cum capite viii, lib. II Reg., ubi illud exposui.

Vers. 12. 12. IN VALLE SALINARUM, — ubi erant salinæ in quibus conficiebatur sal. Audi Adrichomium in descript. tribus Judæ, num. 211: « Vallis Salinarum seu salis, hebraice Gemela, alias Mela dicta; in qua David percussit octodecim millia Idumæorum, et rediens erexit sibi fornicem triumphalem. Ibidem et Joab duodecim millia delevit; et Amarias decem vel viginti Idumæorum millia, atque alia decem millia præcipitavit de rupe et petra Jecteel. » Vide II Reg. viii; Psal. lviii, lxx; I Paral. xviii; 2 Paral. xxv; IV Reg. xiv; Hieronymus in Genes. xiv in loca Hebræa; in II Reg. viii, et I Paral.

xviii. Fuit ergo hæc vallis Idumæis exitialis et, ut ita dicam, fatalis.

Vers. 16. 16. AHIMELECH FILIUS ABIATHAR — hebraice est Abimelech; Septuaginta, Achimelech. Affines enim et vicinæ sunt Hebraicæ litteræ א et ח. Porro Ahimelech hic est genitivi casus: nam Abiathar filius Ahimelech erat sacerdos, id est Pontifex Davidis una cum Sadoc; nisi malis hunc Ahimelech fuisse filium Abiatharis, qui pro parente sene vel aliis occupato, subinde cum Sadoc pontificatu functus sit, uti fecere filii Heli et Samuelis, I Reg. ii, 42, et cap. viii, 1. Idque ita factum esse satis colligitur ex capite xxiv, 6.

CAPUT DECIMUM NONUM.

SYNOPSIS CAPITIS.

Hanon rex Ammon, legatos Davidis deturpans, illudit: quare David bello eum invadit, ac cum Syris et auxiliantibus prosternit.

- Accidit autem ut moreretur Naas rex filiorum Ammon, et regnaret filius ejus pro eo.
- Dixitque David: Faciam misericordiam cum Hanon filio Naas; præstítit enim mihi pater ejus gratiam. Misitque David nuntios ad consolandum eum super morte patris sui. Qui cum pervenissent in terram filiorum Ammon, ut consolarentur Hanon, 3. dixerunt principes filiorum Ammon ad Hanon: Tu forsitan putas quod David honoris causa in patrem tuum miserit qui consolentur te, nec animadvertis quod, ut explorent, et investigent, et scrutentur ter-

ram tuam, venerint ad te servi ejus. 4. Igitur Hanon pueros David decalvavit, et rasit, et præcidit tunicas eorum a natibus usque ad pedes, et dimisit eos. 5. Qui cum abiissent, et hoc mandassent David, misit in occursum eorum (grandem enim contumeliam sustinuerant) et præcepit ut manerent in Jericho, donec cresceret barba eorum, et tunc reverterentur. 6. Videntes autem filii Ammon, quod injuriam fecissent David, tam Hanon, quam reliquus populus, miserunt mille talenta argenti ut conducerent sibi de Mesopotamia, et de Syria Maacha, et de Soba, currus et equites. 7. Conduxeruntque triginta duo millia curruum, et regem Maacha cum populo ejus. Qui cum venissent, castrametati sunt e regione Medaba. Filii quoque Ammon, congregati de urbibus suis, venerunt ad bellum. 8. Quod cum audisset David, misit Joab et omnem exercitum virorum fortium : 9. egressique filii Ammon, direxerunt aciem juxta portam civitatis ; reges autem, qui ad auxilium ejus venerant, separatim in agro steterunt. 10. Igitur Joab, intelligens bellum ex adverso et post tergum contra se fieri, elegit viros fortissimos de universo Israel, et perrexit contra Syrum. 11. Reliquam autem partem populi dedit sub manu Abisai fratris sui, et perrexit contra filios Ammon. 12. Dixitque : Si vicerit me Syrus, auxilio eris mihi ; si autem superaverint te filii Ammon, ero tibi in præsidium. 13. Confortare et agamus viriliter pro populo nostro, et pro urbibus Dei nostri : Dominus autem quod in conspectu suo bonum est, faciet. 14. Perrexit ergo Joab, et populus qui cum eo erat, contra Syrum ad prælium ; et fugavit eos. 15. Porro filii Ammon videntes quod fugisset Syrus, ipsi quoque fugerunt Abisai fratrem ejus, et ingressi sunt civitatem : reversusque est etiam Joab in Jerusalem. 16. Videns autem Syrus quod cecidisset coram Israel, misit nuntios, et adduxit Syrum, qui erat trans fluvium : Sophach autem, princeps militiæ Adarezer, erat dux eorum. 17. Quod cum nuntiatum esset David, congregavit universum Israel, et transivit Jordanem, irruitque in eos, et direxit ex adverso aciem, illis contra pugnantibus. 18. Fugit autem Syrus Israel ; et interfecit David de Syris septem millia curruum, et quadraginta millia peditum, et Sophach exercitus principem. 19. Videntes autem servi Adarezer se ab Israel esse superatos, transfugerunt ad David, et servierunt ei : noluitque ultra Syria auxilium præbere filiis Ammon.

Vers. 4. **4. DECALVAVIT.** — Hebraice נְלַגָּלֶךְ, id est *rasit*, scilicet dimidiā capitīs comam et barbam, ut dicitur II Reg. x, 4.

Vers. 7. **7. CONDUXERUNTQUE TRIGINTA DUO MILLIA CURRUUM;** id est, equitum ex curribus falcatis depugnantium. Est metonymia; ponitur enim continens pro contento, puta currus pro milite curuli. At-

que olim sœpe singuli milites potentiores suum habebant currum, sicut equites suum habent equum ex quo depugnant : patet ex vers. 10.

18. INTERFECIT DAVID DE SYRIS SEPTEM MILLIA CURRUUM, — id est militum ex curribus depugnantium, vel certe equorum currus trahentium : nam currus ipsi comburi queunt, at non interfici.

CAPUT VIGESIMUM.

SYNOPSIS CAPITIS.

David Ammonitas tribulis et serris comminuit, mox, vers. 4, tribus præliis Philistæos superat, et tres gigantes occidit.

1. Factum est autem post anni circulum eo tempore quo solent reges ad bella procedere, congregavit Joab exercitum et robur militiæ, et vastavit terram filiorum Ammon ; perrexitque et obsedit Rabba : porro David manebat in Jerusalem, quando Joab percussit Rabba, et dextruxit eam. 2. Tulit autem David coronam Melchom de capite ejus, et invenit in ea auri pondo talentum, et pretiosissimas gemmas, fecitque sibi inde diadema : manubias quoque

urbis plurimas tulit ; 3. populum autem, qui erat in ea, eduxit : et fecit super eos tribulas, et trahas, et ferrata carpenta transire , ita ut dissecarentur et contererentur ; sic fecit David cunctis urbibus filiorum Ammon, et reversus est cum omni populo suo in Jerusalem. 4. Post hæc initum est bellum in Gazer adversum Philistæos, in quo percussit Sobochai Husathites, Saphai de genere Raphaim, et humiliavit eos. 5. Aliud quoque bellum gestum est adversus Philistæos, in quo percussit Adeodatus filius saltus Bethlehemites fratrem Goliath Gethæi, cuius hastæ lignum erat quasi licatorium texentium. 6. Sed et aliud bellum accidit in Geth, in quo fuit homo longissimus, senos habens digitos, id est, simul viginti quatuor : qui et ipse de Rapha fuerat stirpe generatus. 7. Hic blasphemavit Israel, et percussit eum Jonathan filius Samaa fratris David. Hi sunt filii Raspha in Geth, qui ceciderunt in manu David et servorum ejus.

vers. 2.

2. Hoc caput idem est cum cap. x et xi, lib. II Reg. ubi illud explicui.

TULIT AUTEM DAVID CORONAM MELCHOM. — Hebræi *Malcham מֶלֶךְ*, id est *regis eorum*, scilicet Am-

monitarum. Ita et Septuaginta ; nam corona idolorum, qualis erat Melchom, comburenda erat cum ipsis idolis, uti jubetur *Deut. vii*; quare ex ea coronam regalem sibi fabricare nequibat David.

CAPUT VIGESIMUM PRIMUM.

SYNOPSIS CAPITIS.

David, numerans populum, Deum ad iram provocat, ac ex tribus pœnis a Deo oblatis pestem eligit : quæ proinde immissa multos ē medio tollit; sed tandem David, oratione et sacrificio Deum placando, eam sopit.

1. Consurrexit autem Satan contra Israel, et concitavit David, ut numeraret Israel. **2.** Dixitque David ad Joab et ad principes populi : Ite, et numerate Israel a Bersabee usque Dan, et afferte mihi numerum ut sciam. **3.** Responditque Joab : Augeat Dominus populum suum centuplum, quam sunt; nonne, domine mi rex, omnes servi tui sunt? quare hoc quærerit dominus meus, quod in peccatum reputetur Israeli? **4.** Sed sermo regis magis prævaluit, egressusque est Joab, et circuivit universum Israel; et reversus est Jerusalem. **5.** Deditque Davidi numerum eorum quos circuierat; et inventus est omnis numerus Israel, mille millia et centum millia virorum eduentium gladium; de Juda autem quadringenta septuaginta millia bellatorum. **6.** Nam Levi et Benjamin non numeravit, eo quod Joab invitus exsequeretur regis imperium. **7.** Displicuit autem Deo quod jussum erat, et percussit Israel. **8.** Dixitque David ad Deum : Peccavi nimis ut hoc facerem; obsecro, aufer iniquitatem servi tui, quia insipienter egi. **9.** Et locutus est Dominus ad Gad Videntem Davidis, dicens : **10.** Vade, et loquere ad David, et dic ei : Hæc dicit Dominus : Trium tibi optionem do; unum, quod volueris, elige, et faciam tibi. **11.** Cumque venisset Gad ad David, dixit ei : Hæc dicit Dominus : Elige quod volueris : **12.** aut tribus annis famem, aut tribus mensibus te fugere hostes tuos, et gladium eorum non posse evadere; aut tribus diebus gladium Domini, et pestilentiam versari in terra, et angelum Domini interficere in universis finibus Israel: nunc igitur vide quid respondeam ei, qui misit me. **13.** Et dixit David ad Gad : Ex omni parte me angustiæ premunt; sed melius mihi est, ut incidam in manus Domini, quia multæ sunt miserations ejus, quam in manus hominum. **14.** Misit ergo Dominus pestilentiam in Israel, et ceciderunt de Israel septuaginta millia virorum. **15.** Misit quoque angelum in Jerusalem, ut percuteret eam; cumque percuteretur, vidi Dominus, et misertus est super magnitudine mali; et imperavit angelo, qui percutiebat : Sufficit, jam cesset manus tua. Porro angelus

Domini stabat juxta aream Ornan Jebusæi. 16. Levansque David oculos suos, vidi angelum Domini stantem inter cœlum et terram, et evaginatum gladium in manu ejus, et versum contra Jerusalem; et ceciderunt, tam ipse quam majores natu vestiti ciliciis, proni in terram. 17. Dixitque David ad Deum: Nonne ego sum, qui jussi ut numeraretur populus; ego, qui peccavi; ego qui malum feci: iste grex quid commeruit? Domine Deus meus, vertatur, obsecro, manus tua in me, et in domum patris mei; populus autem tuus non percutiatur. 18. Angelus autem Domini præcepit Gad, ut diceret Davidi ut ascenderet, extruereturque altare Domino Deo in area Ornan Jebusæi. 19. Ascendit ergo David juxta sermonem Gad, quem locutus ei fuerat ex nomine Domini. 20. Porro Ornan cum suspexisset, et vidisset angelum, quatuorque filii ejus cum eo, absconderunt se; nam eo tempore terebat in area triticum. 21. Igitur cum veniret David ad Ornan, conspexit eum Ornan, et processit ei obviam de area, et adoravit eum pronus in terram. 22. Dixitque ei David: Da mihi locum areæ tuæ, ut ædificem in ea altare Domino; ita ut quantum valet argenti accipias, et cesset plaga a populo. 23. Dixit autem Ornan ad David: Tolle, et faciat dominus meus rex quodcumque ei placet; sed et boves do in holocaustum, et tribulas in ligna, et triticum in sacrificium: omnia libens præbebo. 24. Dixitque ei rex David: Nequaquam ita fiet, sed argentum dabo quantum valet; neque enim tibi auferre debedo, et sic offerre Domino holocausta gratuita. 25. Dedit ergo David Ornan pro loco siclos auri justissimi ponderis sexcentos. 26. Et ædificavit ibi altare Domino; obtulitque holocausta, et pacifica, et invocavit Dominum, et exaudivit eum in igne de cœlo super altare holocausti. 27. Præcepitque Dominus angelo, et convertit gladium suum in vaginam. 28. Protinus ergo David, videntis quod exaudisset eum Dominus in area Ornan Jebusæi, immolavit ibi victimas. 29. Tabernaculum autem Domini, quod fecerat Moyses in deserto, et altare holocaustorum, ea tempestate erat in excelso Gabaon. 30. Et non prævaluit David ire ad altare, ut ibi obsecraret Deum; nimio enim fuerat in timore perterritus, videntis gladium angeli Domini.

Vers. 12. 12. AUT TRIBUS ANNIS FAMEM. — II Reg. xxiv, vers. 13, dicitur: «Aut septem annis famem, nimirum prima oblatio Dei facta Davidi fuit septem annorum; sed Davide tantam moram deprecante Deus pacem moderatus est, et ad tres annos rededit. Sic Genes. xviii. Deus a quinquaginta justis des-

cendit ad decem, quos si invenisset in Sodoma, ei pepercisset; ac Ezechieli, cap. iv, deprecanti pro fimo humano, concedit bovinum in cibum.

18. ORNAN. — II Reg. xxiv, 23, paululum inflexo nomine vocatur «Areuna,» idemque rex, id est regulus sive princeps inter Jebuseos.

Vers. 18.

CAPUT VIGESIMUM SECUNDUM.

SYNOPSIS CAPITIS.

David omnem materiam præparat ad fabricam templi, ejusque idæam a Deo acceptam tradit Salomonis; ac illum hortatur ut Deum semper religiose colat, atque monet principes ut eum in fabrica adjuvent.

1. Dixitque David: Hæc est domus Dei, et hoc altare in holocaustum Israel. 2. Et præcepit ut congregarentur omnes proselyti de terra Israel, et constituit ex eis latomos ad cædendos lapides et poliendos, ut ædificaretur domus Dei. 3. Ferrum quoque plurimum ad clavos januarum, et ad commissuras atque juncturas præparavit David: et æris pondus innumerable. 4. Ligna quoque cedrina non poterant æstimari, quæ Sidonii et Tyrii deportaverant ad David. 5. Et dixit David: Salomon filius meus puer parvulus est et delicatus; domus autem, quam ædificari volo Domino, talis esse debet ut in cunctis regionibus nominetur: præparabo ergo ei necessaria. Et ob hanc causam ante mortem suam omnes præparavit impensas. 6. Vo-

cavitque Salomonem filium suum : et præcepit ei ut ædificaret domum Domino Deo Israel. **7.** Dixitque David ad Salomonem : Fili mi, voluntatis meæ fuit ut ædificarem domum nomini Domini Dei mei; **8.** sed factus est sermo Domini ad me, dicens : Multum sanguinem effudisti, et plurima bella bellasti ; non poteris ædificare domum nomini meo, tanto effuso sanguine coram me ; **9.** filius qui nascetur tibi, erit vir quietissimus : faciam enim eum requiescere ab omnibus inimicis suis per circuitum ; et ob hanc causam Pacificus vocabitur ; et pacem et otium dabo in Israel cunctis diebus ejus. **16.** Ipse ædificabit domum nomini meo, et ipse erit mihi in filium, et ego ero illi in patrem, firmaboque solium regni ejus super Israel in æternum. **11.** Nunc ergo , fili mi, sit Dominus tecum , et prosperare, et ædifica domum Domino Deo tuo, sicut locutus est de te. **12.** Det quoque tibi Dominus prudentiam et sensum, ut regere possis Israel, et custodire legem Domini Dei tui. **13.** Tunc enim proficere poteris, si custodieris mandata et judicia, quæ præcepit Dominus Moysi ut doceret Israel : confortare et viriliter age, ne timeas neque paveas. **14.** Ecce ego in paupertate mea præparavi impensas domus Domini, auri talenta centum millia , et argenti mille millia talentorum : æris vero et ferri non est pondus, vincitur enim numerus magnitudine : ligna et lapides præparavi ad universa impendia. **15.** Habes quoque plurimos artifices, latomos , et cæmentarios, artificesque lignorum, et omnium artium ad faciendum opus prudentissimos. **16.** In auro et argento et ære et ferro, cujus non est numerus. Surge igitur, et fac, et erit Dominus tecum. **17.** Præcepit quoque David cunctis principibus Israel, ut adjuvarent Salomonem filium suum. **18.** Cernitis, inquiens, quod Dominus Deus vester vobiscum sit, et dederit vobis requiem per circuitum, et tradiderit omnes inimicos vestros in manus vestras , et subjecta sit terra coram Domino, et coram populo ejus. **19.** Præbete igitur corda vestra et animas vestras , ut quæratis Dominum Deum vestrum, et consurgite , et ædificate sanctuarium Domino Deo, ut introducatur arca fœderis Domini , et vasa Domino consecrata , in domum , quæ ædificatur nomini Domini.

Vers. 4. **1. HEC EST DOMUS DEI,** — q. d. Hoc loco, puta in area Ornan, quæ est in monte Moria, jubet Deus condi templum.

Vers. 5. **5. SALOMON PUPER PARVULUS EST,** — q. d. Salomon respectu tantæ tamque magnificæ fabricæ templi, est instar pueri parvuli : nam alioqui erat ipse jam viginti annorum (1).

Vers. 14. **14. AURI TALENTA CENTUM MILLIA ,** (hoc est duodecim cum dimidio milliones librarum auri, quæ faciunt mille et ducentos milliones aureorum Francicorum; tantumdem reliquit ei in argento, scilicet) **MILLE MILLIA TALENTA ARGENTI ,** — quæ

(1) Vers. 8. *Multum sanguinem effudisti et plurima bella bellasti : non poteris ædificare domum nomini meo.* — S. Hieronymus, lib. I *Contra Jovin.*, cum Hebreis censuit sanguinem hunc quo David impar reddebat ad erigendum templum Domino, sanguinem fuisse innocentis Uriæ: « Quia erat vir sanguinarius, non ut plerique existimant, propter bella, sed propter homicidium. » At singularis est S. Hieronymo et Rabbinis opinio. Veteres recentioresque unicam hanc agnoscunt causam, qua Dominus Davidi Salomonem prætulit ad ædificationem templi, bella nempe quibus implicatus fuit. Id non semel repetit Scriptura, conceptisque verbis hic exprimit: « Plurima bella bellasti. » Sed quod validius censemus, ordo temporis persuadet, Davidem consilium cepisse ædificandi templi ante necem Uriæ, II Reg. vii, 1; ideo innocui hominis sanguinis effusio, ejus rei honore privare Davidem non poterat. (Ex D. Calmeto.)

faciunt totidem, scilicet mille et ducentos milliones aureorum Francicorum; olim enim una libra auri valebat decem libras argenti : universim ergo reliquit ei bis mille et quadringentos milliones aureorum. Vide dicta de monetis et mensuris in fine Pentateuchi. Immensa et pene incredibilis videtur hæc auri et argenti summa, sed Deo nihil est impossibile, nihil difficile; quare ei facile fuit omnem hanc copiam Davidi suggerere ad fabricam tam magnifici templi; unde ipse volens templum hoc a Chaldaeis exustum restaurari per Zorobabel et Judeos, pauperes eos ad fabricam animat dicens: « Meum est argentum, et meum est aurum, » Aggæi II, 9. Sic S. Franciscus Assias, et alter de Paula , ille Minorum, hic Minorum fundator, uterque pauper jussi a Deo templum ædificare, illud ædificarunt Deo, ad illud sumptus per eleemosynas piorum spondente et præstante. Multo magis si a Deo vocemur, ut templum mysticum perfectionis in anima nostra vel proximorum fabricemus, alacriter de ejus ope confisi idipsum præstemus. Deus enim aderit, viresque et animos dabit: « Domini enim est terra et plenitudo ejus, » atque, ut ait S. Leo: « Juste instat præcepto, qui prævenit auxilio. »

Porro noster Vilalpandus sub finem tomii II in *Exechielem* per plura capita censet Davidem tantas

opes collegisse partim ex vectigalibus, partim ex Ophir, partim ex hostium spoliis et tributo, partim ex annuo Israelis censu, quo quisque pendebat quotannis templo dimidium siculum juxta legem, *Exodi xxx, 13.* Quocirca Israelitae etiam extra Judæam degentes, per totum orbem dispersi, hanc capitationem quotannis mittebant Jerosolymam; cumque eorum ingens esset numerus, ingentem conflabant auri summam.

Addit Vilalpandus Davidem et Salomonem annuo reditu et opibus superasse tributa et opes Romanorum, Chaldæorum, Persarum, omniumque regum et monarcharum.

Dices : Quomodo ergo David hoc versu ait hæc

se collegisse «in paupertate?» Respondeo : *Primo*, quia hæc omnia præ Dei dignitate et majestate erant parva et pauca. *Secundo*, «in paupertate», id est in multo labore et afflictione. *Tertio* et maxime, quia, ut sequitur, hæc omnia erant Dei; quare Davidis non erant, quia ipse ex se pauper erat, et nihil habebat nisi quod a Deo acceperat.

AD UNIVERSA IMPENDIA. — Hebraeus et Chaldæus habent, et super hæc adde. Septuaginta, et appone in his. Vatablus, quibus tu adjicere poteris. Unde Salomon et populus his que reliquit David, multa donaria addidere ad fabricam templi tam magnificentius instruendam et adornandam.

CAPUT VIGESIMUM TERTIUM.

SYNOPSIS CAPITIS.

David sub mortem Salomonem regem designat, ac Levitas in suas classes distribuit, eisque sua officia partitur; Levitis quoque filios, id est posteros Moysis, annumerat.

1. Igitur David senex et plenus dierum, regem constituit Salomonem filium suum super Israel. 2. Et congregavit omnes principes Israel, et Sacerdotes atque Levitas. 3. Numeratique sunt Levitæ a triginta annis, et supra, et inventa sunt triginta octo millia virorum. 4. Ex his electi sunt, et distributi in ministerium domus Domini, viginti quatuor millia; præpositorum autem et judicum sex millia. 5. Porro quatuor millia janitores; et totidem psaltæ canentes Domino in organis, quæ fecerat ad canendum. 6. Et distribuit eos David per vices filiorum Levi, Gerson videlicet, et Caath: et Merari. 7. Filii Gerson: Leedan, et Semei. 8. Filii Leedan: princeps Jahiel, et Zethan, et Joel, tres. 9. Filii Semei: Salomith, et Hosiel, et Aran, tres: isti principes familiarum Leedan. 10. Porro filii Semei, Leheth, et Ziza, et Jaus, et Baria: isti filii Semei, quatuor. 11. Erat autem Leheth prior, Ziza secundus: porro Jaus et Baria non habuerunt plurimos filios, et idcirco in una familia, unaque domo, computati sunt. 12. Filii Caath: Amram, et Isaar, Hebron, et Oziel, quatuor. 13. Filii Amram: Aaron, et Moyses. Separatusque est Aaron ut ministraret in Sancto sanctorum, ipse et filii ejus in semipiternum, et adoleret incensum Domino secundum ritum suum, ac benediceret nomini ejus in perpetuum. 14. Moysi quoque hominis Dei filii annumerati sunt in tribu Levi. 15. Filii Moysi: Gersom, et Eliezer. 16. Filii Gersom: Subuel primus. 17. Fuerunt autem filii Eliezer: Rohobia primus; et non erant Eliezer filii alii. Porro filii Rohobia multiplicati sunt nimis. 18. Filii Isaar: Salomith primus. 19. Filii Hebron: Jeriau primus, Amarias secundus, Jahaziel tertius, Jecmaam quartus. 20. Filii Oziel: Micha primus, Jesia secundus. 21. Filii Merari: Moholi, et Musi. Filii Moholi: Eleazar, et Cis. 22. Mortuus est autem Eleazar, et non habuit filios, sed filias; acceperuntque eas filii Cis fratres earum. 23. Filii Musi: Moholi, et Eder, et Jerimoth, tres. 24. Hi filii Levi in cognationibus et familiis suis, principes per vices, et numerum capitum singulorum, qui faciebant opera ministerii domus Domini, a viginti annis et supra. 25. Dixit enim David: Requiem dedit Dominus Deus Israel populo suo, et habitationem Jerusalem usque in æternum. 26. Nec erit officii Levitarum ut ultra portent tabernaculum, et omnia vasa ejus ad ministrandum. 27. Juxta præcepta quoque David novissima, supputabitur numerus filiorum Levi a viginti annis et supra. 28. Et erunt sub manu filiorum Aaron in cultum domus Domini, in vestibulis, et in exedris, et in loco

purificationis, et in sanctuario, et in universis operibus ministerii templi Domini. 29. Sacerdotes autem, super panes propositionis, et ad similae sacrificium, et ad lagana azyma, et sartaginem, et ad torrendum et super omne pondus atque mensuram. 30. Levitæ vero, ut stent mane ad confitendum et canendum Domino : similiterque ad vesperam 31. tam in oblatione holocaustorum Domini, quam in sabbatis et calendis et solemnitatibus reliquis, juxta numerum, et cæremonias uniuscujusque rei, jugiter coram Domino. 32. Et custodiant observationes tabernaculi fœderis, et ritum sanctuarii, et observationem filiorum Aaron fratrum suorum, ut ministrent in domo Domini.

Nota : David Levitas ita distribuit. Erat numerus Levitarum 38 millium ; ex eis David 24 millia deputavit ministerio templi, sex alia millia fecit præpositos et judices, vers. 4 ; unde patet Levitas hosce fuisse judices, et quasi senatores ac Patres conscriptos ; quatuor millia janitores. Deinde alia quatuor millia constituit cantores et musicos : confia hos omnes numeros in unum, & invenies 38 millia jam dicta.

Nota secundo : David insuper constituit 24 ordines sacerdotum, qui sibi per vices succederent ad ministrandum in templo ; quisque enim ordo per septimanam ministrabat. Unde *Lucæ* 1, 9, dicitur de Zacharia : « Sorte exiit ut poneret in censum ; » erat enim Zacharias « de vice Abia, » quæ ordine erat octava. Hæ vices et ordines sacerdotum recensentur capite sequenti. Porro David cuique ordini sacerdotum attribuit ordinem unum Levitarum qui eis ministrarent, et per omnia subservirent ; unde tot erant ordines Levitarum, quot sacerdotum ministrantium templo, scilicet 24. Totidem (scilicet 24) ordines constituit Levitarum psallentium tam voce quam instrumentis musicis, quorum quisque sua vice et sub suo sacerdotum ordine psallebat, ut patet cap. xxv ; psallebant autem non tantum in sabbatis, Calendis, omnique alia festivitate, sed et quotidie in omni sacrificio holocaustorum, ut patet vers. 31. Hinc sequitur quemlibet sacerdotem æque ac Levitam bis tantum in anno ministrasse in templo ; nam erant eorum 24 classes, quarum quælibet per hebdomadam in templo serviebat. Quare in 24 hebdomadis quisque una tantum hebdomada ministrabat ; iis vero duplicatis bis : ergo in 48 hebdomadibus (quot complectitur annus additis quatuor) bis, hoc est, duabus hebdomadis duntaxat quisque ministrabat.

Porro fecit hæc David non tam ut rex (hic enim non habet jus in sacerdotes et sacra) quam ut propheta. Rursum, non fecit haec per se, sed per Pontifices Sadoc et Ahimelech, ut audiemus capite sequenti, vers. 3, idque jacta sorte, ut ibidem dicitur, vers. 3 et 32.

11. JAUS ET BARIA NON HABUERUNT PLURIMOS FILIOS, — q. d. Hi duo simul non habuerunt plures filios quam unus solus ex jam recensitis ; quare hi duo unam tantum classem constituerunt, cum aliis singuli singulas constituerent.

13. SEPARATUSQUE EST AARON, — q. d. A Deo Vers. 13. per Moysen electus est Aaron, ut ipse ejusque posteri primogeniti essent summi Sacerdotes sive Pontifices ; cæteri vero non primogeniti essent minores sacerdotes. Unde Pontifices soli ingrediebantur Sanctum sanctorum ; cæteri vero sacerdotes adolebant thymiam in altari thymiamatis, quod erat in Sancto ante Sanctum sanctorum.

14. MOYSI QUOQUE HOMINIS (amici) DEI, FILII AN- Vers. 14. NUMERATI SUNT IN TRIBU LEVI. — Mira fuit Moysis resignatio et humilitas, qua se submisit ordinationi Dei statuentis, ut principatum populi transferret in Josue, filios vero suos non sacerdotibus sed Levitis annumeraret. Nam sacerdotium a Deo addictum erat posteris Aaronis, qui erat frater senior Moysis (1).

24. FILII LEVI A VIGINTI ANNIS ET SUPRA. — David Vers. 24. bis numeravit Levitas, scilicet primo, vers. 3 : « a tringinta annis et supra ; » secundo, hic « a viginti annis et supra. » Ratio fuit, quia primitus a Deo per Moysen statutum erat, ut Levitæ a trigesimo ætatis anno et deinceps servirent tabernaculo, eo quod eorum officium esset portare supellectilem Tabernaculi per desertum, in quo continue peregrinabantur, ad quod ætas valida et robusta, qualis est tringinta annorum, requirebatur. David vero cessante hoc onere, ædificato jam templo, et Israele quiescente in terra sancta, statuit hoc versu ut a vigesimo anno numerentur, et servire incipient ; nimirum ut prioribus senioribus jam recensitis, et in suas ministrantium, janitorum, præpositorum, judicum, cantorum, classes distributis in rebus minoribus subservant. Hanc rationem dat hic David vers. 26.

29. SACERDOTES AUTEM. — Hæc verba non sunt Vers. 29. in Hebraeo nec in Græco ; quare officia quæ hic subnectuntur, competit tam Levitis quam sacerdotibus, quia scilicet Levitarum erat illa parare, sacerdotum vero parata jam Deo offerre in sacrificium.

ET SUPER OMNE PONDUS ET MENSURAM, — tum quia Sacerdotum et Levitarum erat omnia Deo offrenda mensurare, an scilicet justum pondus a

(1) vers. 22. *Mortuus est autem Eleazar, et non habuit filios, sed filias, accepéruntque eas filii Cis fratres earum.* — « Fratres, » id est cognatos, germanos, filios fratri Eleazar, ex lege imperante ut puellæ hæredes necessario propinquiori nuberent. *Numer. xxvii, 3, 6, et xxxvi. 7.*

lege præscriptum haberent, tum quia eortum erat asservare justas rerum mensuras et pondera in templo, ut si per fraudem aliquorum in populo

illa vitiaretur et iniuerentur, vel augerentur, ad mensuras et pondera templi restituerentur et corrigerentur.

CAPUT VIGESIMUM QUARTUM.

SYNOPSIS CAPITIS.

Distribuantur sacerdotes in 24 classes, de cuique sua Levitarum classis ad subserviendum in sacrificio assignatur.

1. Porro filiis Aaron hæ partitiones erant : filii Aaron : Nadab, et Abiu, et Eleazar, et Ithamar. 2. Mortui sunt autem Nadab et Abiu ante patrem suum absque liberis : sacerdotioque functus est Eleazar, et Ithamar. 3. Et divisit eos David, id est, Sadoc de filiis Eleazari, et Ahimelech de filiis Ithamar, secundum vices suas et ministerium. 4. Inventique sunt multo plures filii Eleazar in principibus viris, quam filii Ithamar. Divisit autem eis, hoc est filiis Eleazar, principes per familias sedecim : et filiis Ithamar per familias et domos suas octo. 5. Porro divisit utrasque inter se familias sortibus ; erant enim principes sanctuarii, et principes Dei, tam de filiis Eleazar, quam de filiis Ithamar. 6. Descripsitque eos Semeias filius Nathanael scriba Levites, coram rege et principibus, et Sadoc sacerdote, et Ahimelech filio Abiathar, principibus quoque familiarum sacerdotalium et Leviticarum : unam domum, quæ cæteris præerat, Eleazar : et alteram domum, quæ sub se habebat cæteros, Ithamar. 7. Exivit autem sors prima Joiarib, secunda Jedei, 8. tertia Harim, quarta Seorim, 9. quinta Melchia, sexta Maiman, 10. septima Accos, octava Abia, 11. nona Jesua, decima Sechenia, 12. undecima Eliasib, duodecima Jacim, 13. tertia decima Hoppa, decima quarta Isbaab, 14. decima quinta Belga, decima sexta Emmer, 15. decima septima Hezir, decima octava Aphses, 16. decima nona Pheteia, vigesima prima Hezechiel, 17. vigesima prima Jachin, vigesima secunda Gamul, 18. vigesima tertia Dalaiau, vigesima quarta Maaziau. 19. Hæ vices eorum secundum ministeria sua, ut ingrediantur domum domini, et juxta ritum suum sub manu Aaron patris eorum : sicut præceperat Dominus Deus Israel. 20. Porro filiorum Levi, qui reliqui fuerant, de filiis Amram erat Subael, et de filiis Subael, Jehedeia. 21. De filiis quoque Rohobiæ princeps Jesias. 22. Isaari vero filius Salemoth, filiusque Salemoth Jahath : 23. filiusque ejus Jeriau primus, Amarias secundus, Jahaziel tertius, Jecmaan quartus. 24. Filius Oziel, Micha ; filius Micha, Samir. 25. Frater Micha, Jesia ; filiusque Jesiae, Zacharias. 26. Filii Merari : Moholi et Musi. Filius Oziau : Benno. 27. Filius quoque Merari : Oziau, et Soam, et Zachur, et Hebri. 28. Porro Moholi filius Eleazar, qui non habebat liberos. 29. Filius vero Cis, Jerameel. 30. Filii Musi : Moholi, Eder, et Jerimoth, isti filii Levi secundum domos familiarum suarum. 31. Miseruntque et ipsi sortes contra fratres suos filios Aaron, coram David rege, et Sadoc, et Ahimelech, et principibus familiarum Sacerdotalium et Leviticarum, tam maiores, quam minores : omnes sors æqualiter dividebat.

Vers. 3. 3. ET DIVISIT EOS DAVID, ID EST SADOC DE FILIIS ELEAZARI, ET AHIMELECH DE FILIIS ITHAMAR, SECUNDUM VICES SUAS, — scilicet divisit omnes sacerdotes posteriores Eleazar et Ithamar in 24 classes. Divisit, inquam, David non per se, sed per duos Pontifices, scilicet per Sadoc qui erat ex posteris

Eleazar, et per Ahimelech qui erat ex posteris Ithamar. Ad Pontificem enim spectabat hæc sacerdotum distributio, non ad regem.

5. PORRO DIVISIT UTRASQUE INTER SE FAMILIAS SOR- Vers. 5.
TIBUS, — ne quis queri posset se inique postpositum, et alterum ex favore antepositum, sed

omnes pari jure et conditione censerentur : quare sorte res acta est , et sors cuique suum ordinem et vicetti assignavit.

ERANT ENIM PRINCIPES SANCTUARII. — Erant 24 familiae sacerdotales, et quæque suum habebat principem, puta primogenitum, qui in vice sua omnibus præerat, omniaque in templo dirigebat; quare erat ipse summus classis suæ Sacerdos, ideoque vocabatur Pontifex. Erant ergo 24 Pontifices sive principes Sacerdotum, de quibus in Evangelii crebra est mentio ; sed his omnibus eminebat et præerat summus Pontifex ; scilicet Sadoc.

Vers. 6. **6. AHIMELECH FILIO ABIATHAR.** — Hinc videtur quod Abiathar Pontifex ægrotans, aut aliis occupatus vices suas demandarit filio Ahimelech, ut ipse cum Sadoc Pontifice assisteret, et distribueret has 24 sacerdotum classes.

Vers. 10. **10. OCTAVA ABIA.** — Ex hac fuit Zacharias pater Joannis Baptistæ; quare certum est eum non fuisse summum Pontificem. Pontifex enim non habebat vicem, sed omnibus præerat. An Zacharias fuerit Pontifex, id est princeps et primogenitus suæ familie Abia, ut vult S. Dionysius, *Cælestis Hierarchiæ cap. iv*, item an fuerit ex posteris Elea-

zar, an vero ex posteris Ithamar, incertum est.

26. FILIUS OZIAU BENNO; — et cæteri qui recensentur vers. 26. vers. 27, uti jam dicam.

27. FILIUS MERARI, OZIAU. — Hæc verba parenthesi intercipienda videntur; nam sequentes, scilicet : « Soam et Zachur et Hebri, sunt filii Oziau. » Id patet ex Hebreo et Chaldaeo qui sic habent : *Fili Morari de Oziau, vel per Oziau, Benno et Soam et Zachuret Hebri.* Quia enim dixerat : « Filius Oziau Benno, » et non dixerat cuius filius esset « Oziau ; » hinc idipsum explicat subdens : « Filius Merari Oziau, » deinde reliquos præter Bennonem jam nominatum, Oziau filios prosecutur, dicens :

ET SOAM ET ZACHUR ET HEBRI. — Nam Merari filios, scilicet *Moholi et Musi*, jam recensuit vers. 26. Ita Vatablus, Pagninus et alii.

31. MISERUNTQUE ET IPSI SORTES CONTRA FRATRES Vers. 31. **STOS,** — scilicet ex opposito vel contraposito *fratrum*, id est cognatorum suorum : et, ut verit Vatablus, *e regione fratrum suorum. Septuaginta, sicut frates eorum, q. d.* Sic sacerdotes posteri Aaronis divisi in 24 classes sortem jecerant; quo quisque ordine in tabernaculo ministraret; sic etiam Levites vices ministrandi jacta sorte acceperunt.

CAPUT VIGESIMUM QUINTUM.

SYNOPSIS CAPITIS.

Numerantur 24 classes Levitarum ad canendum, psallendum et citharisandum deputatorum.

1. Igitur David et magistratus exercitus, segregaverunt in ministerium filios Asaph, et Heman, et Idithun; qui prophetarent in citharis, et psalteriis, et cymbalis, secundum numerum suum dedicato sibi officio servientes.
2. De filiis Asaph : Zachur, et Joseph, et Nathania, et Asarela, filii Asaph : sub manu Asaph prophetantis juxta regem.
3. Porro Idithun : filii Idithun, Godolias, Sori, Jeseias, et Hasabias, et Mathathias, sex, sub manu patris sui Idithun, qui in cithara prophetabat super confitentes et laudantes Dominum.
4. Heman quoque : filii Heman, Bocciau, Mathaniau, Oziel, Subuel, et Jerimoth, Hananias, Hanani, Eliatha, Geddelthi, et Romemthiezer, et Jesbacassa, Mellothi, Othir, Mahazioth;
5. omnes isti filii Heman Videntis regis in sermonibus Dei, ut exaltaret cornu : deditque Deus Heman filios quatuordecim, et filias tres.
6. Universi sub manu patris sui ad cantandum in templo Domini distributi erant, in cymbalis, et psalteriis, et citharis, in ministeria domus Domini juxta regem : Asaph videlicet, et Idithun, et Heman.
7. Fuit autem numerus eorum cum fratribus suis, qui erudiebant canticum Domini cuncti doctores, ducenti octoginta octo.
8. Miseruntque sortes per vices suas ex æquo tam major quam minor, doctus pariter, et indoctus.
9. Egressaque est sors prima Joseph, qui erat de Asaph. Secunda Godoliæ, ipsi et filiis ejus, et fratribus ejus duodecim.
10. Tertia Zachur, filiis et fratribus ejus duodecim.
11. Quarta Isari, filiis et fratribus ejus duodecim.
12. Quinta Nathaniæ, filiis et fratribus ejus duodecim.
13. Sexta Bocciau, filiis et fratribus ejus duodecim.
14. Septima Isreela, filiis et fratribus ejus duodecim.
15. Octava Jesaiæ, filiis et fratribus ejus duodecim.
16. Nona Mathaniæ, filiis et fratribus ejus duodecim.
17. Decima Semeiæ, filiis et fratribus ejus duodecim.
18. Unde-

cima Azareel, filiis et fratribus ejus duodecim. 19. Duodecima Hasabiae, filiis et fratribus ejus duodecim. 20. Tertia decima Subael, filiis et fratribus ejus duodecim. 21. Quarta decima Mathathiæ, filiis et fratribus ejus duodecim. 22. Quinta decima Jerimoth, filiis et fratribus ejus duodecim. 23. Sexta decima Hananiæ, filiis et fratribus ejus duodecim. 24. Septima decima Jesbacassæ, filiis et fratribus ejus duodecim. 25. Octava decima Hanani, filiis et fratribus ejus duodecim. 26. Nona decima Mellothi, filiis et fratribus ejus duodecim. 27. Vigesima Eliatha, filiis et fratribus ejus duodecim. 28. Vigesima prima Othir, filiis et fratribus ejus duodecim. 29. Vigesima secunda Geddelthi, filiis et fratribus ejus duodecim. 30. Vigesima tertia Mahazioth, filiis et fratribus ejus duodecim. 31. Vigesima quarta Romemthiezer, filiis et fratribus ejus duodecim.

Vers. 1. 1. MAGISTRATUS EXERCITUS, — id est principes tam politici quam ecclesiastici; exercitus enim vocatur totus populus tam laicorum quam Levitarum ob multitudinem; erant enim multi et constipati, iisque per ordines quasi acies dispositi, ut sunt milites in exercitu. Magistratus Levitarum, cap. xxiv, 6, vocantur « principes Sanctuarii. »

QUI PROPHETARENT (id est qui canerent laudarentque Deum) IN CITHARIS, SECUNDUM NUMERUM SUUM DEDICATO SIBI OFFICIO SERVIENTES, — q. d. quilibet in sua vice tanto numero canebat, quanto ad canendum destinati erant; una enim familia numerosior unum cantorum ordinem constituens plures habebat cantores, quam illa que pauciores in se domesticos continebat. Hebraice est viri operis in ministerio suo, id est viri diligentes, et scite fungentes munere suo, q. d. Isti omnes fuere musici peritissimi, inquit Vatablus.

SUB MANU (sub regimine et directione) ASAPH PROPHETANTIS (canentis Dei laudes) JUXTA REGEM, — scilicet in arce Sion coram arca, juxta sedem Davidis, ubi nimirum ipsi sedere, et Dei laudibus interesse solebat. Nam verisimile est alios cantores fuisse deputatos ad canendum in Tabernaculo Moysis, quod erat in Gabaon; unde aliqui, ut utrosque comprehendant, explicant rō juxta regem, q. d. Juxta regis præscriptum et distributionem, ut hi in Sion, illi in Gabaon canerent.

Vers. 3. 3. FILII IDITHUN GODOLIAS, SORI, SESEIAS, ET HASABIAS, ET MATHATHIAS, SEX. — Recensiti hic sunt quinque duntaxat, ut patet eos numeranti. Deest ergo sextus, quem verisimile est esse « Semeiam, » qui nominatur vers. 17 in decima sorte; Semeias enim non nominatur inter filios Asaph nec inter filios Heman. Fuit ergo filius Idithun; horum trium enim filii hic describuntur, ut patet vers. 1.

Vers. 5. 5. OMNES ISTI FILII HEMAN VIDENTIS REGIS IN SERMONIBUS DEI. — Heman vocatur Videns, id est propheta, hoc est cantor divinarum laudum apud Davidem. « In sermonibus Dei, » id est cum Dei

sermones, id est res et laudes canerentur, q. d. David in aula et mensa habebat suos symphonicos, qui profana canebat ad regis honestam recreationem; hic vero Heman curabat duntaxat sacra cani in Tabernaculo, cum David divinis officiis vacaret. « Sermones ergo Dei » erant psalmi, hymni et cantica divinarum laudum.

UT EXALTARET CORNU, — id est ut canendo exaltaret magnitudinem, magnificentiam, et immensam majestatem, sapientiam, misericordiam, potentiam, clementiam et beneficentiam Dei. Ita Abulensis. Secundo, et magis præcise, q. d. Heman curabat cani psalmos, in quibus David orat, et prædictit exaltandum « cornu, » id est regnum, potentiam, et gloriam tam imperii sui, quam antitypi Christi. Hoc enim audire Davidi erat gratissimum et desideratissimum. Unde crebro in psalmis de hac cornu exaltatione, agit. Hinc Vatablus sic vertit: *Qui erat regis videns in verbis divinis ut erigeretur cornu;* idque sic explicat, q. d. Heman prophetavit de Davide quod assequeretur magnam famam et gloriam. « Cornu » enim significat dignitatem et gloriam, item robur et vires, ac si dicatur, ad exaltandam dignitatem et potentiam regiam. Asaph enim et Idithun canebat alios psalmos, qui ad populum erudiendum et consolandum spectabant, eumque ad pietatem et ad Deum secum laudandum excitabant.

7. QUI ERUDIEBANT CANTICUM, — id est « doctores, » ut sequitur, qui docebant reliquos scite canere et psallere tam voce, quam instrumentis musicis.

8. DOCTUS PARITER ET INDOCTUS, — q. d. Aequo peritus canendi ac imperitus, æque doctor ac discipulus, q. d. David distribuit cantores in 24 classes, et cuique classi dedit duodecim magistros musices peritos, qui cæteros docerent canere, eosque in cantu dirigerent et perficerent. Quocirca magistri hi universim fuere 288, ut dictum est vers. 7. Multiplica enim 24 per 12, resultabit numerus 288.

CAPUT VIGESIMUM SEXTUM.

SYNOPSIS CAPITIS.

Recensentur ordines et classes Levitarum, qui erant janitores templi; ad hæc custodum th̄saurorum tam templi quam Regis.

1. Divisiones autem janitorum : de Coritis Meselemia , filius Core, de filiis Asaph. 2. Filii Meselemiae : Zacharias primogenitus, Jadihel secundus, Zabadias tertius , Jathanael quartus, 3. Elam quintus, Johanan sextus , Elioenai septimus. 4. Filii autem Obededom : Semeias primogenitus, Jozabad secundus , Joaha tertius , Sachar quartus, Nathanael quintus, 5. Am-miel sextus , Issachar septimus , Phollathi octavus : quia benedixit illi Dominus. 6. Semei autem filio ejus nati sunt filii, præfecti familiarum suarum : erant enim viri fortissimi. 7. Filii ergo Semeiae : Othni, et Raphael, et Obed, Elzabad, fratres ejus viri fortissimi : Eliu quoque, et Samachias. 8. Omnes hi, de filiis Obededom : ipsi, et filii, et fratres eorum fortissimi ad ministrandum, sexaginta duo de Obededom. 9. Porro Meselemiae filii, et fratres eorum robustissimi, decem et octo. 10. De Hosa autem, id est, de filiis Merari : Semri princeps (non enim habuerat primogenitum, et idcirco posuerat eum pater ejus in principem), 11. Helcias secundus, Tabelias tertius, Zacharias quartus, omnes hi filii, et fratres Hosa, tredecim .12. Hi divisi sunt in janitores, ut semper principes custodiarum , sicut et fratres eorum, ministrarent in domo Domini. 13. Missæ sunt ergo sortes ex æquo, et parvis, et magnis, per familias suas, in unamquamque portarum. 14. Cecidit ergo sors Orientalis, Selemiae. Porro Zachariae filio ejus, viro prudentissimo, et erudito, sortito obtigit plaga Septentrionalis. 15. Obededom vero et filiis ejus ad Austrum : in qua parte domus erat seniorum concilium. 16. Sephim et Hosa ad Occidentem juxta portam, quæ dicit ad viam ascensionis ; custodia contra custodiam. 17. Ad Orientem vero Levitæ sex , et ad Aquilonem quatuor per diem : atque ad Meridiem similiter in die quatuor : et ubi erat concilium, bini et bini. 18. In cellulis quoque janitorum ad Occidentem quatuor in via, binique per cellulas. 19. Hæ sunt divisiones janitorum, filiorum Core et Merari. 20. Porro Achias erat super thesauros domus Dei, et vasa sanctorum. 21. Filii Ledan , filii Gersonni : de Ledan principes familiarum, Ledan et Gersonni, Jehieli. 22. Filii Jehieli : Zathan et Joel fratres ejus , super thesauros domus Domini. 23. Amrami-tis, et Isaaritis, et Hebronitis, et Ozihelitis. 24. Subael autem filius Gersom , filii Moysi, præ-positus thesauris. 25. Fratres quoque ejus Eliezer, cuius filius Rahabia, et hujus filius Isaias, et hujus filius Joram, hujus quoque filius Zechri, et hujus filius Selemith. 26. Ipse Selemith, et fratres ejus, super thesauros sanctorum, quæ sanctificavit David rex, et principes familia-rum, et tribuni, et centuriones, et duces exercitus, 27. de bellis, et manubiis præliorum, quæ consecraverant ad instaurationem et supellectilem templi Domini. 28. Hæc autem universa sanctificavit Samuel Videns, et Saul filius Cis, et Abner filius Ner, et Joab filius Sarviæ : om-nes qui sanctificaverant ea per manum Selemith, et fratribus ejus. 29. Isaaritis vero præerat Chonenias , et filii ejus , ad opera forinsecus super Israel ad docendum et judicandum eos. 30. Porro de Hebronitis Hasabias, et fratres ejus viri fortissimi, mille septingenti, præerant Israeli trans Jordanem contra Occidentem, in cunctis operibus Domini, et in ministerium regis. 31. Hebronitarum autem princeps fuit Jeria, secundum familias et cognationes eorum. Quadragesimo anno regni David recensiti sunt, et inventi sunt viri fortissimi in Jazer Galaad, 32. fratresque ejus robustioris ætatis, duo millia septingenti principes familiarum. Præposuit

autem eos David rex Rubenitis, et Gadditis, et dimidiæ tribui Manasse, in omne ministerium Dei et regis.

Vers. 5. 5. **QUI BENEDIXIT ILLI (Obededom) DOMINUS — ob arcam quam domi suæ religiose habuit, et sedulo custodivit,** II Reg. cap. vi. Hac de causa ipse cæteros Levitas filiorum numero, æque ac robore tum corporis tum animi superavit, unde vers. 8, dicitur : « Omnes hi de filiis Obededom : ipsi et filii et fratres eorum fortissimi ad ministrandum 62 de Obededom. »

Vers. 10. 10. **NON ENIM HABUERAT PRIMOGENITUM, — q. d.** Hosa tunc temporis non habebat primogenitum, quia is jam erat mortuus; quare ejus loco constituit principem familiæ suæ Semri, qui erat secundo genitus.

Vers. 12. 12. **Hi DIVISI SUNT IN JANITORES, UT SEMPER PRINCIPES CUSTODIARUM, etc., MINISTRARENT IN DOMO DOMINI.** — Erat ergo magna Janitorum horum dignitas; primo, quia ipsi erant « principes custodiarum, » q. d. Sicut prætoriani milites præsunt custodiæ regis et domus regiæ, sic hi janitores præerant custodiæ et custodibus omnibus domus Dei, scilicet templi. Secundo, quia iidem præerant custodiæ thesauri tam templi quam regis, ut patet vers. 20, 26 et 30. Item sartis tectis templi, vers. 27. Tertio, quia ex iis creabantur populi doctores, præfecti, et judices in causis tam sacris quam profanis, ut patet vers. 29, 30 et 32.

Vers. 14. 14. **SELEMIAE.** — Hic est ille qui vers. 1 et seq. vocatur « Meselemias. » Ille enim decuritate ad brevitatem vocatur « Selemias, » sicut Jechonias a Ieremia cap. xxii, vocatur « Chonias. »

Vers. 15. 15. **IN QUA PARTE DOMUS ERAT SENIORUM CONCILIUM, — q. d.** In parte Australi templi erat locus summi concilii, quod « Sanhedrim » dicebatur, et 72 primoribus, quasi senatoribus constabat, vide dicta Num. XI.

Vers. 16. 16. **QUÆ DUCIT AD VIAM ASCENSIONIS — qua ascensione debatur in montem Sion, et in tabernaculum ibidem erectum; ac deinde in templum in eodem a Salomone fabricatum.**

CUSTOPIA CONTRA CUSTODIAM. — Vatablus, custodia e regione custodiæ, q. d. Una excubiarum custodia respondebat alteri ex adverso positæ. Videatur enim hæc porta templi Occidentalis præ cæteris duplicem habuisse custodiam, ob majorem in ea populi frequentiam, ideoque majus in ea tumultus periculum. Id ita esset liquet ex vers. 18.

Vers. 18. 18. **IN CELLULIS QUOQUE JANITORUM AD OCCIDENTEM QUATUOR IN VIA, BINIQUE PER CELLULAS, — q. d.** Ad portam templi Occidentalem, « in cellulis janitorum, » excubabant « quatuor » Levitæ janitorum principes, « in via » ascensionis, de qua dictum est vers. 16, ac insuper « bini alii » principes « per cellulas » statas excubitorum distributi agebant excubias cum Levitis minoribus sibi subditis. Hinc vides plures et maiores fuisse excubias ad portam Occidentalem, quam ad cæteras templi, ut dixi.

Vers. 19. 29. **AD OPERA FORINSECUS, — puta ad ligna et lapides cædendos et poliendos, ad vineas, prata, et agros templi colendos, etc.**

CAPUT VIGESIMUM SEPTIMUM.

SYNOPSIS CAPITIS.

Recensentur 12 Principes, qui vicissim per 12 anni menses præcrant 24 millibus militum. Insuper Principes singularum tribuum, ac Officiales Davidis, tum qui domi rebus domesticis, tum qui foris ejus vineis, agris, bobus, camelis, ovibus præerant.

1. Filii autem Israel secundum numerum suum, principes familiarum, tribuni, et centuriones, et præfecti, qui ministrabant regi juxta turmas suas, ingredientes et egredientes per singulos menses in anno, viginti quatuor millibus singuli præerant. 2. Primæ turmæ in primo mense Jeshoam præerat filius Zabdiel, et sub eo viginti quatuor millia. 3. De filiis Phares, princeps cunctorum principum in exercitu mense primo, 4. Secundi mensis habebat turmam Dudia Ahohites, et post se alter nomine Macelloth, qui regebat partem exercitus viginti quatuor millium. 5. Dux quoque turmæ tertiae in mense tertio, erat Banaias filius Joiadæ sacerdos : et in divisione sua viginti quatuor millia. 6. Ipse est Banaias fortissimus inter triginta, et super triginta, præerat autem turmæ ipsius Amizabad filius ejus. 7. Quartus, mense quarto, Azahel frater Joab, et Zabadias filius ejus post eum : et in turma ejus viginti quatuor millia. 8. Quintus, mense quinto, princeps Samaoth Jezerites : et in turma ejus viginti quatuor mil-

lia. 9. Sextus, mense sexto, Hira filius Acces Thecuites : et in turma ejus viginti quatuor millia. **10.** Septimus, mense septimo, Helles Phallonites de filiis Ephraim : et in turma ejus viginti quatuor millia. **11.** Octavus, mense octavo, Sobochai Husathites de stirpe Zarahi : et in turma ejus viginti quatuor millia. **12.** Nonus, mense nono, Abiezer Anathothites de filiis Jemini : et in turma ejus viginti quatuor millia. **13.** Decimus, mense decimo, Marai, et ipse Netophathites de stirpe Zarai : et in turma ejus viginti quatuor millia. **14.** Undecimus, mense undecimo, Banaias Pharathonites de filiis Ephraim : et in turma ejus viginti quatuor millia. **15.** Duodecimus, mense duodecimo, Holdai Netophathites, de stirpe Gothoniel : et in turma ejus viginti quatuor millia. **16.** Porro tribubus praeerant Israel, Rubenitis, dux Eliezer filius Zechri : Simeonitis, dux Saphatias filius Maacha : **17.** Levitis, Hasabias filius Samuel : Aarónitis, Sadoc : **18.** Juda, Eliu frater David : Issachar, Amri filius Michael : **19.** Zabulonitis, Jesmaiias filius Abdiæ : Nephthalitibus, Jerimoth filius Ozriel : **20.** filius Ephraim, Osee filius Ozaziū ; dimidiæ tribui Manasse, Joel filius Phadaïæ : **21.** et dimidiæ tribui Manasse in Gallaad, Jaddo filius Zachariæ ; Benjamin autem, Jasiel filius Abner. **22.** Dan vero, Ezrihel filius Jeroham : hi principes filiorum Israel. **23.** Noluit autem David numerare eos a viginti annis inferius : quia dixerat Dominus ut multiplicaret Israel quasi stellas cœli. **24.** Joab filius Sarviæ cœperat numerare, nec complevit : quia super hoc ira irruerat in Israel : et idcirco numerus eorum qui fuerant recensiti, non est relatus in fastos regis David. **25.** Super thesauros autem regis fuit Azmoth filius Adiel. His autem thesauris, qui erant in urbibus, et in vicis, et in turribus, præsidebat Jonathan filius Oziae. **26.** Operi autem rustico, et agricolis qui exercebant terram, præerat Ezri filius Chelub : **27.** vinearumque cultoribus Semeias Romathites : cellis autem vinariis, Zabdias Aphonites. **28.** Nam super oliveta et fiæta, quæ erant in campestribus, Balanan Gederites : super apothecas autem olei, Joas. **29.** Porro armentis, quæ pascebantur in Saron, præpositus fuit Setrai Saronites : et super boves in vallibus, Saphat filius Adli : **30.** super camelos vero, Ubil Ismahelites : et super asinos, Jadias Meronathites. **31.** Super oves quoque, Jaziz Agareus. Omnes hi, principes substantia regis David. **32.** Jonathan autem patruus David, consiliarius, vir prudens et litteratus : ipse et Jahiel filius Hachamoni erant cum filiis regis. **33.** Achitophel etiam consiliarius regis, et Chusai Arachites amicus regis. **34.** Post Achitophel fuit Joiada filius Banaiæ, et Abiathar. Princeps autem exercitus regis erat Joab.

Nota: Sicut David duobus capitibus præced. Sacerdotes æque ac Levitas, in 24 classes distribuit, quæ vicissim Deo in templo hebdomadatim deservirent; sic hic reliquum populum, puta Israelitas ad bellum idoneos, in 12 classes distribuit, et cuique classi suum præficit principem, ut singulæ classes vicissim semel in anno per mensem Regi et Reipublicæ ad bellum deserviant, ut scilicet vicissim 24 millia armatorum cum suo duce sibi sint præsto ad omnem bellicam expeditionem. Fuit hæc politica et prudens Davidis sanctio; tum ut hac ratione omnes subditos exerceret in armis, ut discerent belligerare; tum ad sui regnique tutelam. Cum enim Israelitæ pauci undique hostibus cingerentur, scilicet Philistæis, Idumæis, Ammonitis, Arabibus, Ægyptis, necessum fuit eis semper paratos esse ad bellum. Ne ergo subita hostium irruptione opprimerentur, statuit David, ut 24 millia semper in armis pro regis regnique custodia excubarent, et hostibus irruentibus illic occurserent. Hoc autem subditis non erat grave,

quia uno tantum mense in anno quisque cum armis in aciem prodire debebat, reliquis vero mensibus domi res suas curabat. Rursum, hac ratione parcebatur exactiōibus pecuniarum, quæ ingentes pro exercitu conscribendo et alendo indici solent. Nam quisque suo mense, quo in exercitu armatus comparere debebat, seipsum alebat. Hac ratione effecit, ut semper ad manum haberet numerosum militem, eumque recentem et veteratum, ut quibusvis et quantisvis hostibus resistere posset: quia pro numero hostium poterat tot millia ex singulis classibus evocare quos opus erat. Denique totus Israelis populus distributus in duodecim classes bellatorum, constabat quasi totidem exercitus validos: quæque enīm classis constabat 24 millibus armatorum, suumque habebat ducem sive principem, quorum quilibet hic ordine suo recensetur. Dux autem quilibet suum habebat vicarium, qui ei ægrotanti vel aliis occupato succederet, et classem ejus in aciem duceret regeretque ut patet vers. 4 et 7. Sic Romani olim rerum do-

mini multas semper legiones in armis habebant, easque per provincias distribuebant, ut eas in officio et obedientia continerent, ac provinciarum sumptibus alebant. Sic Chinenses semper in armis habent centum millia militum, qui contra Tartaros excubant, ne Chinam invadant.

Vers. 4. 4. ET POST SE ALTER NOMINE MACELLOTH, — q. d. Dudiæ, qui dux erat secundæ turmæ, absenti vel impedito datus fuit vicarius Macelloth, qui ejus vice turmam duceret, uti jam dixi.

Vers. 7. 7. ET ZABADIAS FILIUS EJUS POST EUM, — q. d. Asaheli principi quartæ turmæ datus fuit vicarius ejus filius Zabadias.

Vers. 16. 16. PORRO TRIBUBUS PRÆERANT. — Hic recensem-

tur singularum duodecim tribuum principes, qui erant earum primogeniti. At vero militiae principes non erant hi primogeniti, sed viri animo, robore et scientia militari præstantes, ideoque a Davide selecti.

31. QUIA SUPER HOC IRA (Dei) IRRUERAT SUPER ISRAEL. — Deus enim ob numeratum a Davide populum, immisit pestem quæ 70 millia absumpsit. Vide dicta II Reg. ult.

34. POST ACHITOPHEL FUIT JOIADA FILIUS BANAIÆ, ET ABIATHAR. — q. d. Achitopheli consiliario Davidis vita per laqueum functo successit Joiada et Abiathar Pontifex, qui Davidi fuere ab intimis consiliis.

CAPUT VIGESIMUM OCTAVUM.

SYNOPSIS CAPITIS.

David convocatos regni Principes æque ac Salomonem hortatur, ut Dei leges exacte custodiant : inde, vers. 11, Salomoni dat ideam templi, omniumque ejus partium et vasorum, quam cœlitus a Deo accepserat.

1. Convocavit igitur David omnes principes Israel, duces tribuum, et præpositos turmarum, qui ministrabant regi : tribunos quoque et centuriones, et qui præerant substantiæ et possessionibus regis, filiosque suos cum eunuchis, et potentes, et robustissimos quosque in exercitu Jerusalem. 2. Cumque surrexisset rex, et stetisset, ait : Audite me, fratres mei et populus meus : Cogitavi ut ædificarem domum, in qua requiesceret arca fœderis Domini, et scabelum pedum Dei nostri : et ad ædificandum omnia præparavi. 3. Deus autem dixit mihi : Non ædificabis domum nomini meo, eo quod sis vir bellator, et sanguinem fuderis. 4. Sed elegit Dominus Deus Israel me de universa domo patris mei, ut essem rex super Israel in sempiternum : de Juda enim elegit principes : porro de domo Juda, domum patris mei; et de filiis patris mei, placuit ei ut me eligeret regem super cunctum Israel. 5. Sed et de filiis meis (filios enim mihi multos dedit Dominus) elegit Salomonem filium meum, ut sederet in throno regni Domini super Israel, 6. dixitque mihi : Salomon filius tuus ædificabit domum meam, et atria mea : ipsum enim elegi mihi in filium, et ego ero ei in patrem. 7. Et firmabo regnum ejus usque in æternum, si perseveraverit facere præcepta mea, et judicia, sicut et hodie. 8. Nunc ergo coram universo cœtu Israel, audiente Deo nostro, custodite, et perquirite cuncta mandata Domini Dei nostri, ut possideatis terram bonam, et relinquatis eam filiis vestris post vos usque in sempiternum. 9. Tu autem Salomon fili mi, scito Deum patris tui, et servito ei corde perfecto, et animo voluntario : omnia enim corda scrutatur Dominus, et universas mentium cogitationes intelligit. Si quæsieris eum, invenies : si autem dereliqueris eum, projiciet te in æternum. 10. Nunc ergo quia elegit te Dominus ut ædificares domum Sanctuarii, confortare, et perfice. 11. Dedit autem David Salomoni filio suo descriptionem porticus, et templi, et celalariorum, et cœnaculi, et cubiculorum in adyts, et domus propitiationis, 12. nec non et omnium quæ cogitaverat atriorum, et exedrarum per circuitum in thesauros domus Domini, et in thesauros sanctorum, 13. divisionumque Sacerdotalium et Leviticarum, in omnia opera domus Domini, et in universa vasa ministerii templi Domini. 14. Aurum in pondere per singula vasa ministerii. Argenti quoque pondus pro vasorum et operum diversitate. 15. Sed et in candelabra aurea, et ad lucernas eorum, aurum pro mensura uniuscujusque candelabri et

lucernarum. Similiter et in candelabra argentea, et in lucernas eorum, pro diversitate mensuræ, pondus argenti tradidit. 16. Aurum quoque dedit in mensas propositionis pro diversitate mensarum : similiter et argentum in alias mensas argenteas. 17. Ad fuscinulas quoque, et phialas, et thuribula, ex auro purissimo, et leunculos aureos, pro qualitate mensuræ pondus distribuit in leunculum et leunculum. Similiter et in leones argenteos diversum argenti pondus separavit. 18. Altari autem, in quo adoletur incensum, aurum purissimum dedit : ut ex ipso fieret similitudo quadrigæ cherubim extendentium alas, et velantium arcum foederis Domini. 19. Omnia, inquit, venerunt scripta manu Domini ad me, ut intelligerem universa opera exemplaris. 20. Dixit quoque David Salomoni filio suo : Viriliter age, et confortare, et fac : ne timeas, et ne paveas : Dominus enim Deus meus tecum erit, et non dimittet te ; nec derelinquet, donec perficias omne opus ministerii domus Domini. 21. Ecce divisiones Sacerdotum et Levitarum, in omne ministerium domus Domini assistunt tibi, et parati sunt, et neverunt tam principes quam populus facere omnia præcepta tua.

Vers. 1. 1. CUM EUNUCHIS. — Eunuchi olim præerant aulæ regieæ, ac præsertim gynecæo ; hinc quilibet præfecti aulæ sive palatini vocantur eunuchi, ut dixi *Genes.* XXXVII, 36.

Vers. 2. 2. ET SCABELLUM DEI NOSTRI. — Ita vocatur arca foederis, quia super arcam extantes Cherubini junctis alis sedem quasi Deo exhibebant, ita ut area subjecta esset quasi scabellum pedum ejus, ut dixi *Exodi* XXV.

Vers. 4. 4. DE JUDA ENIM ELEGIT PRINCEPS. — Hebræus, Chaldæus et Septuaginta habent in singulari, *principem*; sed *principem*, hoc est *principes* sibi continua serie succedentes, juxta illud *Genes.* XLIX, 10: « Non auferetur sceptrum de Juda, et dux de femore ejus, donec veniat qui mittendus est, » nimurum Messias, sive Christus de Juda et Davide nasciturus.

Vers. 9. 9. TU AUTEM SALOMON FILI MI, SCITO DRUM. — « Scito, » id est cognosce Deum, ut scilicet firmiter credas, saeppe cogites et aestimes immensam Dei majestatem, potentiam, justitiam, bonitatem; ut haec cognitio crebraque cogitatio et meditatio impellat ad jugiter eum colendum, timendum et amandum.

Vers. 11. 11. DOMUS PROPITIATIONIS, — id est Sancti sanctorum; in eo enim erat propitiatorium supra arcam, ex quo Deus propitius Pontifici oracula, et populo beneficia præstabat.

Vers. 12. 12. THESAUROS SANCTORUM. — Intelligit gazophylacia, sive æraria in quibus pecunia Deo oblata et sanctificata, id est consecrata, asservabatur.

Vers. 13. 13. DIVISIONUMQUE SACERDOTALIUM ET LEVITICARUM. — Ita vocat 24 classes in quas divisi erant Sacerdotes et Levitæ, de quibus dixit cap. XXIII et XXIV.

Vers. 17. 17. LEUNCULOS AUREOS, etc., ET IN LEONES ARGENTEOS. — Horum leunculorum et leonum nulla facta est mentio in descriptione templi, III Reg. cap. VII et VIII, quare incertum est quo loco et ad quem usum collocati sint. Porro Septuaginta, Vatablus, Pagninus et Abulensis, pro כְּפִיר Kephîr, id est leunculus, legentes כְּפֹר caphor, vertunt, crateres aut cyathos.

Vers. 18. 18. ALTARI AUTEM IN QUO ADOLETUR INCENSUM (puta altari thymiamatis, quod erat in Sancto obversum Sancto sanctorum) AURUM PURISSIMUM DEDIT, UT (Hebræus, Septuaginta et Latina Regia habent : et ut) EX EO FIERET SIMILITUDO QUADRIGÆ CHERUBIM EXTENDENTIUM ALAS, ET VELANTIUM ARCAM FOEDERIS DOMINI. — Quæres : Quæ et qualis fuit hæc « quadriga Cherubim? » an eadem cum Cherubinis Moysaicis et Salomonicis, qui recensentur III Reg. cap. VII et VIII. Noster Hieronymus Prado in caput i *Ezech.* pag. 35, censem esse eosdem. Ait enim Salomonem ex biga Cherubinorum a Mose factorum, fecisse quadrigam, quia duobus Cherubinis Moysis adjecit duos alios; itaque ex biga fecit quadrigam. Addidit enim plaustrum cum rotis, cui arca imponeretur. Ita Prado.

Verum dico aliam prorsus esse hanc quadrigam aliosque Cherubinos ab iis duobus quos Moyses fabricavit, et aliis duobus quos iisdem adjecit Salomon, III Reg. cap. VII et VIII. Patet id primo, quia illi erant juxta arcam in Sancto sanctorum; hi vero facti sunt in Sancto super altare thymiamatis, uti hic dicitur.

Secundo, quia hic Scriptura ait Salomonem eos fecisse in similitudinem; ergo non erant iidem, sed similes Cherubinis arcæ.

Tertio, quia Cherubini Salomonis additi Moysaicis non faciebant quadrigam, nec unum quid; sed ab eis prorsus erant disparati. Nam Moysaicis supra arcam positi vultus sibi obvertebant, seque mutuo alis quasi manibus expansis completebantur; Salomonici vero positi erant ad latus arcæ, ut eam cum Cherubinis Moysaicis velarent et tegerent: ac uterque eorum erat ex eodem late-re, expandendo alas per totam Sancti sanctorum longitudinem, ita ut unus Cherub ala sua extima tangeret parietem Meridionalem, alter vero ala sua extima tangeret parietem Septentrionalem Sancti sanctorum. Ergo non poterant facere quadrigam, sed tantum unum latus quadrigæ, sive currus.

Quarto, de plaustro cum rotis cui insisteret arca,

Quadriga
Cheru-
bim
qua?

quod astruit Prado, nihil uspiam habet Scriptura.

Dico ergo Cherubinos non tantum circa arcam, sed etiam in altari thymiamatis fuisse fabricatos, de iisque hic agi. Erant illi similes Cherubinis arcæ. Sicut enim isti alis expansis junctisque velabant arcam, ita hi alis expansis junctisque velabant altare thymiamatis, ut sedem sive solium quasi præberent Deo, ac Deus iis insidens videtur excipere fumum thymiamatis qui ei adolebat in altari.

Dicitur « quadriga » Hebraice מְרֻכָּה *merkaba*, id est *currus*, non quod essent quatuor Cherubini; erant enim bini duntaxat, quorum uterque sesè invicem vultu obverso respicientes, duabus alis expansis, et cum alis alterius ex adverso positi conjunctis, faciebant quadrum sive quadratum, itaque quasi « quadrigam, » id est currum quadratum. Ita Abulensis.

Sensus ergo est, q. d. David dedit « aurum purissimum, » ut ex eo fabricaretur altare thymiamatis, et in eodem currus Cherubim, similis currui Cherubim velantium arcam foederis, quem fabricarat Moyses. Hunc sepsum exigunt Hebræa, que pro *ut*, habent : *et ut*.

Quid Cherubini ad litteram et mystice signifi-

carent, fuse dixi *Exodi* cap. xxv, *Ezech.* cap. i, et *Apocal.* cap. iv.

19. OMNIA, INQUIT, VENERUNT SCRIPTA MANU DOMINI Vers. 19
AD ME, UT INTELLIGEREM UNIVERSA OPERA EXEMPLARIS. — Deus ergo in tabula descriptis totam ideam templi illamque per manus Angeli tradidit David, ut is eamdem traderet Salomoni, qui juxta eam templum ædificaret. Similem ideam tabernaculi Deus tradidit Moysi, *Exodi* cap. xxv, vers. 40: « Inspice, inquit, et fac secundum exemplar quod tibi in monte (Sipai) monstratum est. » « Exemplar » enim sive *paradigma*, ut vertunt Septuaginta, vocat ideam, sive delineationem tabernaculi templi, tum exemplarem, tum litteralem et verbalem, ut scilicet litteris et verbis scriptis explicaret ipsam ideam delineationem, que aliqui cum esset obscura et involuta, ex solo intuitu vix a Davide intelligi potuisset. Quare ut ipse et Salomon eam intelligerent Deus verbis eamdem explicuit, scribendo litteris expressis: ita facies Sanctum, ita Sanctum sanctorum, ita atrium, ita altare utrumque, ita candelabrum, ita mensam panum propositionis, idque ex tali materia, tali forma, tanfa altitudine. Et hoc est, quod hic ait David: « Venerunt scripta manu Domini ad me, ut intelligerem universa opera exemplaris. » Ita Abulensis.

CAPUT Vigesimum Nonum.

SYNOPSIS CAPITIS.

Recensentur impensa a Davide præparate ad fabricam templi: item ea que illis adjecere principes et populus. Mox, vers. 22, Salomon secundo publice ungitur in regem, ac David plenus dierum et meritorum moritur.

1. Locutusque est David Rex ad omnem ecclesiam: Salomonem filium meum unum elegit Deus, adhuc puerum et tenellum: opus numque grande est, neque enim homini præparatur habitatio, sed Deo. 2. Ego autem totis viribus meis præparavi impensas domus Dei mei. Aurum ad vasa aurea, et argentum in argentea, æs in ænea, ferrum in ferrea, ligna ad lignea: et lapides onychinos, et quasi stibinos, et diversorum colorum, omnemque pretiosum lapidem, et marmor Parium abundantissime: 3. et super hæc quæ obtuli in domum Dei mei, de peculio meo aurum et argentum do in templum Dei mei, exceptis his quæ præparavi in ædem sanctam. 4. Tria millia talenta auri de auro Ophir: et septem millia talentorum argenti probatissimi, ad deaurandos parietes templi. 5. Et, ubicumque opus est aurum de auro, et ubicumque opus est argentum de argento, opera fiant per manus artificum: et si quis sponte offert, impleat manum suam hodie, et offerat quod voluerit Domino. 6. Polliciti sunt itaque principes familiarum, et proceres tribuum Israel, tribuni quoque et centuriones, et principes possessionum regis. 7. Dederuntque in opera domus Dei auri talenta quinque milia, et solidos decem milia: argenti talenta decem milia, et æris talenta decem et octo milia: ferri quoque centum milia talentorum. 8. Et apud quemcumque inventi sunt lapides, dederunt in thesauros domus Domini, per manum Jahiel Gersonitis. 9. Lætatusque est populus, cum vota sponte promitterent, quia corde toto offerebant ea Domino: sed et David rex

Iætatus est gaudio magno. 10. Et benedixit Domino coram universa multitudine, et ait : **B**enedictus es, Domine Deus Israel, patris nostri ab æterno in æternum. 11. Tua est, Domine, magnificencia, et potentia, et gloria, atque victoria : et tibi laus : cuncta enim quæ in cœlo sunt, et in terra, tua sunt : tuum, Domine, regnum, et tu es super omnes principes. 12. Tuæ divitiæ, et tua est gloria : tu dominaris omnium, in manu tua virtus et potentia : in manu tua magnitudo, et imperium omnipium. 13. Nunc igitur, Deus noster, confitemur tibi, et laudamus nomen tuum inclytum. 14. Quis ergo, et quis populus meus, ut possimus hæc tibi universa promittere? tua sunt omnia : et quæ de manu tua accepimus, dedimus tibi. 15. Perigrini enim sumus coram te, et advenæ, sicut omnes patres nostri. Dies nostri quasi umbra super terram, et nulla est mora. 16. Domine Deus noster, omnis hæc copia, quam paravimus ut ædificaretur domus nomini sancto tuo, de manu tua est, et tua sunt omnia. 17. Scio, Deus meus, quod probes corda, et simplicitatem diligas, unde et ego in simplicitate cordis mei lætus obtuli universa hæc : et populum tuum, qui hic repertus est, vidi cum ingenti gaudio tibi offerre donaria. 18. Domine Deus Abraham, et Isaac, et Israel, patrum nostrorum, custodi in æternum hanc voluntatem cordis eorum; et semper in venerationem tui mens ista permaneat. 19. Salomoni quoque filio meo da cor perfectum, ut custodiat mandata tua, testimonia tua, et cæremonias tuas, et faciat universa : et ædificet ædem, cuius impensas paravi. 20. Præcepit autem David universæ ecclesiæ : Benedicite Domino Deo nostro. Et benedixit omnis ecclesia Domino Deo patrum suorum : et inclinaverunt se, et adoraverunt Deum, et deinde regem. 21. Immolaveruntque victimas Domino : et obtulerunt holocausta die sequenti, tauros mille, arietes mille, agnos mille, cum libaminibus suis, et universo ritu abundantissime in omnem Israel. 22. Et comedenter et biberunt coram Domino in die illo cum grandi lætitia. Et unxerunt secundo Salomonem filium David. Unxerunt autem eum Domino in principem, et Sadoc in pontificem. 23. Seditque Salomon super solium Domini in regem pro David patre suo, et cunctis placuit, et paruit illi omnis Israel. 24. Sed et universi principes, et potentes, et cuncti filii regis David dederunt manum, et subjecti fuerunt Salomoni regi. 25. Magnificavit ergo Dominus Salomonem super omnem Israel : et dedit illi gloriam regni, quale nullus habuit ante eum rex Israel. 26. Igitur David filius Isai regnavit super universum Israel. 27. Et dies, quibus regnavit super Israel, fuerunt quadraginta anni : in Hebron regnavit septem annis, et in Jerusalem annis triginta tribus. 28. Et mortuus est in senectute bona, plenus diem, et divitiis, et gloria, et regnavit Salomon filius ejus pro eo. 29. Gesta autem David regis priora, et novissima, scripta sunt in Libro Samuelis Videntis, et in Libro Nathan prophetae, atque in volumine Gad Videntis : 30. universique regni ejus, et fortitudinis, et temporum, quæ transierunt sub eo, sive in Israel, sive in cunctis regnis terrarum.

Vers. 2. **2. QUASI STIBINOS,** — id est similes stibio, quo mulieres faciei fucum inducunt, ut videantur esse formosiores quam sint. Unde Hebraice est *lapides fuci*, qui scilicet intuentibus facerent fucum, ut in iis apparerent miræ et elegantes variarum rerum formæ, quæ tamen revera in eis non erant, quales sunt quos appellant *Agates*, in quibus arborum, avium, insularum natantium, et quarumlibet rerum effigies quasi expictæ apparent, quæ oculatissimos etiam decipiunt, ut vere putent illas ibidem existere; hi ergo sunt lapides stibini sive fuci, qui fucum faciunt oculis, eosque suis imaginibus quas repræsentant, deludunt.

ET MARMOR PARIUM, — ex Paro insula una ex Cycladibus, quod est album et præstantissimum.

Tò *parium* non est in Hebræo, sed in Septuaginta et Nostro, quia marmor hoc a Davide ad Dei templum paratum, fuit selectum et optimum, quale est Parium.

ECEPTIS HIS QUÆ PRÆPARAVI IN ÆDEM SANCTAM, — q. d. Præter illa quæ ex spoliis hostium et regnis subactis præparavi et congregavi ad fabricam templi, quæ summam faciunt centum millium talentorum auri, et mille millium talentorum argenti, ut dictum est cap. xxii, vers. 14, insuper in eamdem domus Dei mei fabricam ex meo peculio do ea, quæ jam pridem obtuli et promisi, nimirum tria millia talentorum auri ex Ophir alati, ideoque præstantissimi, etc.

5. **I**MPLÉAT MANUM SUAM, — auro et donis quæ Vers. 5.

liberaliter vult offerre Deo pro fabrica templi.

Vers. 6. 6. PRINCIPES POSSESSIONUM REGIS, — scilicet præfeti vineis, agris, armentis, ovibus, cæterisque opibus Davidis.

Vers. 17. 17. IN SIMPLICITATE CORDIS MEI LÆTUS OBTULI. —

Hebræus, *in rectitudine cordis*. Septuaginta, *in justitia*, q. d. Obtuli hæc simplici, id est sincero, recto et candido corde, et purissima intentione, non aliud spectans vel intendens quam Dei honorem et gloriam. Hoc enim omnino dignum et justum est.

Vers. 21. 21. IMMOLAVERUNTQUE VICTIMAS, — tum holocausta, tum pacificas &c quibus comedere et epulari poterant laici; unde ex his omnes epulati sunt. Subdit enim.

ABUNDANTISSIME IN OMNEM ISRAEL, — q. d. Tot victimæ abunde suffecerunt, ut ex iis omnes Israëlitæ tunc præsentes laute epularentur.

ET UNXERUNT SECUNDO SALOMONEM, — prius enim

privatum coram paucis unctus fuerat, lib. III Reg. cap. i, vers. 39, hic ergo secundo ungitur publice, ut omnes sciant eum esse regem Israelis, ac ut talem revereantur et colant. Hac de causa David convocavit totum populum, ut Salomon iterum præsente universo Israele et approbante ungatur.

ET SADOC IN PONTIFICEM, — Quia Sadoc fuerat Pontifex a Saule designatus, Abiathar vero succedens Achitob et Heli pontificibus apud Davidem functus fuerat pontificatu; hinc nonnulli Saulis hostes et Davidis asseclæ, nolebant Sadoc recipere ut Pontificem: quare David jubet eum ungi in Pontificem, ut omnes eum ut talem acceptent et honorent. Noluit enim David Sadoc privare suo gradu, quem apud Saulem per tot annos habuerat, quicque ei jure debebatur, eo quod esset ex posteris Eleazar, qui erat primogenitus Aaronis, ideoque ei in pontificatu successor.

COMMENTARIA

IN LIBRUM SECUNDUM

PARALIPOMENON.

CAPUT PRIMUM.

SYNOPSIS CAPITIS.

Salomon oblatis victimis in Gabaon, petit a Deo sapientiam, et impetrat cum maximis opibus et gloria, pompaque equitum et curruum.

1. Confortatus est ergo Salomon filius David in regno suo, et Dominus Deus ejus erat cum eo, et magnificavit eum in excelsum. 2. præcepitque Salomon universo Israeli, tribunis, et centurionibus, et ducibus, et judicibus omnis Israel, et principibus familiarum, 3. et abiit cum universa multitudine in Excelsum Gabaon, ubi erat tabernaculum fœderis Dei, quod fecit Moyses famulus Dei in solitudine. 4. Arcam autem Dei adduxerat David de Cariathiarim, in locum quem præparaverat ei, et ubi fixerat illi tabernaculum, hoc est in Jerusalem. 5. Altare quoque æneum, quod fabricatus fuerat Beseleel filius Uri filii Ur, ibi erat coram tabernaculo Domini : quod et requisivit Salomon, et omnis ecclesia. 6. Ascenditque Salomon ad altare æneum, coram tabernaculo fœderis Domini, et obtulit in eo mille hostias. 7. Ecce autem in ipsa nocte apparuit ei Deus, dicens : Postula quod vis, ut dem tibi. 8. Dixitque Salomon Deo : Tu fecisti cum David patre meo misericordiam magnam ; et constituisti me regem pro eo. 9. Nunc ergo, Domine Deus, impleatur sermo tuus, quem pollicitus es David patri meo ; tu enim me fecisti regem super populum tuum multum, qui tam innumerabilis est, quam pulvis terræ. 10. Da mihi sapientiam et intelligentiam, ut ingrediar et egrediar coram populo tuo : quis enim potest hunc populum tuum digne, qui tam grandis est, judicare ? 11. Dixit autem Deus ad Salomonem : Quia hoc magis placuit cordi tuo, et non postulasti divitias, et substantiam, et gloriam, neque animas eorum qui te oderant, sed nec dies vitæ plurimos ; petisti autem sapientiam et scientiam, ut judicare possis populum meum, super quem constitui te regem, 12. sapientia et scientia data sunt tibi : divitias autem et substantiam et gloriam dabo tibi, ita ut nullus in regibus nec ante te, nec post te fuerit similis tui. 13. Venit ergo Salomon ab excenso Gabaon in Jerusalem coram tabernaculo fœderis, et regnavit super Israel. 14. Congregavitque sibi currus et equites, et facti sunt ei mille quadringenti currus, et duodecim millia equitum : et fecit eos esse in urbibus quadrigarum, et cum rege in Jerusalem. 15. Præbuitque rex argentum et aurum in Jerusalem quasi lapides, et cedros quasi sycomoros, quæ nascuntur in campestribus multitudine magna. 16. Adducebantur autem ei equi de Ægypto, et de Coa, a negotiatoribus regis, qui ibant, et emebant pretio. 17. quadrigam equorum sexcentis argenteis, et equum centum quinquaginta : similiter de universis regnis Hethæorum, et a regibus Syriæ, emptio celebrabatur.

Hoc caput usque ad vers. 13 explicui, libro III Reg. cap. III, cætera vero cap. x, vers. 26.

Vers. 5. 5. ALTARE QUOQUE AENEUM,— id est altare holocaustorum, in quo cremabantur victimæ, quod proinde erat æneum; alterum enim altare thymiamatis, in quo Deo adolebatur incensum, erat aureum.

REQUISIVIT,— proficiscendo in Gabaon, ubi erat altare æneum, ut in eo offerret mille victimas.

10. UT INGREDIAR ET EGREDIAR CORAM POPULO, — VERS. 10.
ut quasi rex populum ducam et reducam, quo-
cumque opus est, sicut pastor oves ad pascua
educit, et vespere ad caulam reducit.

11. CORAM TABERNACULO FOEDERIS.— Hebreus, de Vers. 11,
coram tabernaculo; Septuaginta, a facie tabernaculi,
hoc enim erat in Gabaon, a quo discedens Salo-
mon redibat in Jerusalem.

CAPUT SECUNDUM.

SYNOPSIS CAPITIS.

Salomon ad templi fabricam destinat 70 millia bajulorum, et 80 millia latomorum : paciscitur cum Hiram de insigni architecto lignisque transmittendis.

1. Decrevit autem Salomon ædificare domum nomini Domini, et palatium sibi. 2. Et numeravit septuaginta millia virorum portantium humeris, et octoginta millia qui cæderent lapides in montibus, præpositosque eorum tria millia sexcentos. 3. Misit quoque ad Hiram regem Tyri, dicens : Sicut egisti cum David patre meo et misisti ei ligna cedrina ut ædificaret sibi domum; in qua et habitavit : 4. sic fac tecum, ut ædificem domum nomini Domini Dei mei, ut consecrem eam ad adolendum incensum coram illo, et fumiganda aromata, et ad propositionem pallium sempiternam, et ad holocaustom mane, et vespere, sabbatis quoque, et neomeniis, et solemnitatibus Domini Dei nostri in sempiternum, quæ mandata sunt Israeli. 5. Domus enim, quam ædificare cupio, magna est : magnus est enim Deus noster super omnes deos. 6. Quis ergo poterit prævalere, ut ædificet ei dignam domum? si cœlum, et cœli cœlorum capere eum nequeunt : quantus ego sum, ut possim ædificare ei domum? sed ad hoc tantum, ut adoleatur incensum coram illo. 7. Mitte ergo mihi virum eruditum, qui noverit operari in auro, et argento, ære, et ferro, purpura, coccino, et hyacintho, et qui sciat sculpere cœlaturas, cum his artificibus, quos tecum habeo in Judæa et Jerusalem, quos præparavit David pater meus. 8. Sed et ligna cedrina mitte mihi, et arceuthina, et pinea, de Libano : scio enim quod servi tui noverint cædere ligna de Libano, et erunt servi mei cum servis tuis, 9. ut parentur mihi ligna plurima. Domus enim, quam cupio ædificare magna est nimis, et inclita. 10. Præterea operariis, qui cœsuri sunt ligna, servis tuis dabo in cibaria tritici coros viginti millia, et hordei coros totidem, et vini viginti millia metretas, olei quoque sata viginti millia. 11. Dixit autem Hiram rex Tyri per litteras, quas miserat Salomon : Quia dilexit Dominus populum tuum, idcirco te regnare fecit super eum. 12. Et addidit, dicens : Benedictus Dominus Deus Israel, qui fecit cœlum et terram, qui dedit David regi filium sapientem et eruditum et sensatum atque prudentem, ut ædificaret domum Domino, et palatium sibi. 13. Misi ergo tibi virum prudentem et scientissimum Hiram, patrem meum, 14. filium mulieris de filiabus Dan, cuius pater fuit Tyrius, qui novit operari in auro et argento, ære, et ferro, et marmore, et lignis, in purpura quoque et hyacintho, et byssso, et coccino : et qui scit cœlare omnem sculpturam et adinvenire prudenter quodcumque in opere necessarium est, cum artificibus tuis, et cum artificibus domini mei David patris tui. 15. Triticum ergo, et hordeum, et oleum, et vinum, quæ pollicitus es, domine mi, mitte servis tuis. 16. Nos autem cœdemus ligna de Libano, quot necessaria habueris, et applicabimus ea ratibus per mare in Joppe : tuum autem erit transferre ea in Jerusalem. 17. Numeravit igitur Salo-

non omnes viros proselytos, qui erant in terra Israel, post dinumerationem, quam di-
numeravit David pater ejus, et inventi sunt centum quinquaginta millia, et tria millia
sexcenti. 18. Fecitque ex eis septuaginta millia, qui humeris onera portarent, et octoginta
millia, qui lapides in montibus cæderent : **tria autem millia et sexcentos præpositos operum**
populi

Hoc caput exposui lib. III Reg. cap. V.

Vers. 2. 2. NUMERAVIT SEPTUAGINTA MILLIA VIORUM. — Hi
non erant Israelitæ, sed proselyti, ut patet vers. 17.
Præpositos, — qui dirigerent, et simul urgerent
operarios ad fabricam templi accelerandam, et
concinitæ adornandam : hoc enim significat He-
braice *natsach*.

13. **HIRAM PATREM MEUM**, — quem scilicet ego ob Vers. 11
virtutem, sapientiam et industriam, veneror ut
patrem. Vide dicta libro III Reg. capite VII, vers.
13. — Hebræus, Septuaginta et Chaldaeus habent,
Hiram patris mei, subaudi, architectum et famu-
lum.

CAPUT TERTIUM.

SYNOPSIS CAPITIS.

Salomon magnificum extruit templum et ante illud duas collocat columnas, Jachin et Booz.

1. Et cœpit Salomon ædificare domum Domini in Ierusalem in monte Moria, qui demons-
tratus fuerat David patri ejus, in loco quem paraverat David in area Ornan Jebusæi. 2. Cœpit
autem ædificare mense secundo, anno quarto regni sui. 3. Et hæc sunt fundamenta, quæ
jecit Salomon, ut ædificaret domum Dei, longitudinis cubitos in mensura prima sexaginta,
latitudinis enbitos viginti. 4. Porticum vero ante frontem, quæ tendebatur in longum juxta
mensuram latitudinis domus, cubitorum viginti : porro altitudo centum viginti cubitorum
erat : et deauravit eam intrinsecus auro mundissimo. 5. Domum quoque majorem texit ta-
bulis ligneis abiegnis, et laminas auri obrizi affixit per totum ; sculpsitque in ea palmas, et
quasi catenulas se invicem complectentes. 6. Stravit quoque pavimentum templi pretiosissi-
mo marmore, decore multo. 7. Porro aurum erat probatissimum, de cuius laminis texit
domum, et trabes ejus, et postes ; et parietes, et ostia : et cœlavit cherubim in parietibus.
8. Fecit quoque domum Sancti sanctorum : longitudinem juxta latitudinem domus cubi-
torum viginti : et latitudinem similiter viginti cubitorum : et laminis aureis texit eam, quasi
talantis sexcentis. 9. Sed et clavos fecit aureos, ita ut singuli clavi siclos quinquagenos
appenderent : caenacula quoque texit auro. 10. Fecit etiam in domo Sancti sanctorum che-
rubim duos, opere statuario : et texit eos auro. 11. Alæ cherubim viginti cubitis extende-
bantur, ita ut una ala haberet cubitos quinque, et tangeret parietem domus : et altera quin-
que cubitos habens, alam tangeret alterius cherub. 12. Similiter cherub alterius ala, quin-
que habebat cubitos, et tangebat parietem : et ala ejus altera quinque cubitorum, alam
cherub alterius contingebat. 13. Igitur alæ utriusque cherubim expansæ erant, et extende-
bantur per cubitos viginti : ipsi autem stabant erectis pedibus, et facies eorum erant versæ
ad exteriorem domum. 14. Fecit quoque velum ex hyacintho, purpura, coco, et byssso :
et intexuit ei cherubim. 15. Ante fores etiam templi duas columnas, quæ triginta et quin-
que cubitos habebant altitudinis : porro capita earum, quinque cubitorum. 16. Nec non et
quasi catenulas in oraculo, et superposuit eas capitibus columnarum : malograñata etiam
centum ; quæ catenulis interposuit. 17. Ipsas quoque columnas posuit in vestibulo templi,
unam a dextris, et alteram a sinistris : eam, quæ a dextris erat, vocavit Jachin ; et quæ ad
laevam, Booz.

Vers. 1. Hoc caput explicui III Reg. vi.

1. IN MONTE MORIA, — in quo olim Abraham filium suum Isaac Deo obtulerat, Genes. xxii, 14, unde in eodem Christus antitypus se in eodem holocaustum Deo obtulit pro mundi salute. Calvariæ enim mons pars est, vel appendix montis Moria.

Vers. 3. 3. LONGITUDINIS CUBITOS IN MENSURA PRIMA,—quia secunda mensura fuit, qua hi 60 cubiti divisi et dimensi sunt in duas sectiones, scilicet ut ex eis Sanctum haberet 40 cubitos, reliquos vero 20 haberet Sanctum sanctorum. Vide dicta lib. III Reg. cap. vi, vers. 1, sub finem.

Vers. 5. 5. DOMUM MAJOREM (ita vocat *Sanctum*, quod erat majus Sancto sanctorum) TEXIT TABULIS ABIEGNIS, —ex abiete, sed immixtis «laquearibus cedrinis», ut dicitur III Reg. vi, 9.

Vers. 7. 7. PORRO AURUM ERAT PROBATISSIMUM,—Hebraice, erat aurum *Paruaim*, scilicet effossum ex loco dicto *Ophir*, et per aphæresim *Paruaim*, vel ut Septuaginta vertunt *aurum ex Pharuaim*. Sic et Pagninus, Vatablus, Arias, Marinus, et alii qui putant *Paruaim* esse *Peru*. Videtur enim utrobique esse eadem vox eædemque litteræ. Dici vera *Paruaim* in duali, quia regio *Peru* est duplex, major scilicet et minor. Verum nomen *Peru* tunc erat incogni-

tum, et etiamnum indigenis *Peru* est ignotum. Inditum est enim isti regioni nuper ab Hispanis, a flumine vicino quodam ita dicto, uti testatur Josephus Acosta, qui in *Peru* vixit quindecim annis, lib. I *De novo orbe*, cap. XIV.

Marinus in *Lexico* scribit nonnullos *Paruaim* deducere a *par*, id est *juvencus*, eo quod aurum *Paruaim* rubeat ut sanguis *juvenci*.

Melius dicas *Ophir* et *Paruaim* esse in India Orientali, esseque Sumatram, Taprobanam, Pegu, et alias ibidem auriferas regiones, quæ a Salomone et Hebreis nuncupatae sint *Ophir*, et *Paruaim* a radice פָּרָה *phara*, id est *fructificavit*, eo quod summe sint frugiferæ et auri feracissimæ. Hæc voces quoque alludunt ad פְּרָה *Epher*, id est *cinis*, eo quod massæ terreæ, e quibus liquatur aurum, habeant colorem cinereum; sicut rubrica, e qua liquatur ferrum, habet colorem terræ rubræ. Alludit quoque ad פְּאָרָה *pear*, id est *decus*, splendor, q. d. Sub *Epher*, id est *cinere*, latet *pear*, id est *aurum decorum*, fulgidum et splendidum. Vide dicta III Reg. cap. IX, vers. ult.

Vers. 10. 10. IN ORACULO,— id est sicut in oraculo. Erant Vers. 10, enim hæ catenulae in columnis, similes catenulis oraculi, sive Sancti sanctorum.

CAPUT QUARTUM.

SYNOPSIS CAPITIS.

Salomon fabricat altare holocaustorum, mare fusile, duas conchas aureas, decem candelabra aurea, mensas, phialas, ceteraque vasa templi.

1. Fecit quoque altare æneum viginti cubitorum longitudinis, et viginti cubitorum latitudinis, et decem cubitorum altitudinis. 2. Mare etiam fusile decem cubitis a labio usque ad labium, rotundum per circuitum: quinque cubitos habebat altitudinis, et funiculus triginta cubitorum ambiebat gyrum ejus. 3. Similitudo quoque boum erat subter illud, et decem cubitis quædam extrinsecus cælaturæ, quasi duobus versibus alvum maris circuibant. Boves autem erant fusiles; 4. et ipsum mare super duodecim boves impositum erat, quorum tres respiciebant ad Aquilonem, et alii tres ad Occidentem: porro tres alii Meridiem, et tres qui reliqui erant Orientem, habentes mare superpositum: posteriora autem boum erant intrinsecus sub mari. 5. Porro vastitas ejus habebat mensuram palmi, et labium illius erat quasi labium calicis, vel repandi lili: capiebatque tria millia metretas. 6. Fecit quoque conchas decem: et posuit quinque a dextris, et quinque a sinistris, ut lavarent in eis omnia quæ in holocaustum oblaturi erant: porro in mari sacerdotes lavabantur. 7. Fecit autem et candelabra aurea decem, secundum speciem qua jussa erant fieri: et posuit ea in templo, quinque a dextris, et quinque a sinistris. 8. Nec non et mensas decem: et posuit eas in templo, quinque a dextris, et quinque a sinistris: phialas quoque aureas centum. 9. Fecit etiam atrium sacerdotum, et basilicam grandem: et ostia in basilica, quæ texit aere. 10. Porro mare posuit in latere dextro contra Orientem ad Meridiem. 11. Fecit autem Hiram lebetes, et creagras, et phialas: et complevit omne opus regis in domo Dei; 12. hoc est, columnas duas, et epistilia, et ca-

pita, et quasi quædam retiacula, quæ capita tegerent super epistylia. 13. Malogranata quoque quadraginta, et retiacula duo, ita ut bini ordines malogranatorum singulis retiaculis jungenrentur, quæ protegerent epistylia, et capita columnarum. 14. Bases etiam fecit, et conchas, quas superposuit basibus : 15. mare unum, boves quoque duodecim sub mari, 16. et lebentes, et creagras, et phialas. Omnia vasa fecit Salomoni Hiram pater ejus in domo Domini ex ære mundissimo. 17. In regione Jordanis fudit ea rex in argilosa terra, inter Sochot et Saredatha. 18. Erat autem multitudo vasorum innumerabilis, ita ut ignoraretur pondus æris. 19. Fecitque Salomon omnia vasa domus Dei, et altare aureum, et mensas, et super eas panes propositionis : 20. candelabra quoque cum lucernis suis, ut lucerent ante oraculum juxta ritum ex auro purissimo : 21. et florentia quædam, et lucernas, et forcipes aureos : omnia de auro mundissimo facta sunt. 22. Thymiateria quoque, et thuribula, et phialas, et mortariola, ex auro purissimo. Et ostia cælavit templi interioris, id est, in Sancta sanctorum : et ostia templi forinsecus aurea. Sicque completum est omne opus quod fecit Salomon in domo Domini.

Hoc caput explicui III Reg. VII.

Vers. 2.

2. FUNICULUS TRIGINTA CUBITORUM. — Funiculum vocat circulum, sive peripheriam maris ænei, quæ erat 30 cubitorum, scilicet triplo major diametro ejusdem.

Vers. 3.

3. SIMILITUDO QUOQUE BOUM ERAT SUBTER ILLUD, etc., — q. d. Præter duodecim boves æneos, quibus mare fusile incumbebat, erant in anteriore maris parte per spatium decem cubitorum (quæ erat tercia peripheræ pars : tota enim erat triginta cubitorum) alia boum capita eminentia ad elegantiam; forte etiam ut per illa quasi epistomia aqua educeretur. Porro hæc capita erant, « duobus versibus. » Hebraice, *duobus ordinibus* distincta; unus enim ordo erat infra labium, alter versus fundum. Erantque *fusilia*, Hebraice, *fusa in fusuras ejus*, scilicet maris, q. d. Hæc capita non erant forinsecus adjecta et appacta mari, sed cum ipso mari primitus fusorio opere fusa.

Vers. 9.

9. FECIT ATRIUM SACERDOTUM ET BASILICAM GRANDEM, — id est, ut habent Hebræus et Septuaginta, *atrium magnum*, in quo populus orabat, quæ erat subdialis area undique porticibus cincta, ut tempore pluvio iis tegeretur populus, eo se recipiens : quæ porticus triplici columnarum ordine, et triplici contignatione distinguebantur. Porro hoc atrium populi cingebat et ambiebat a tribus la-

teribus atrium sacerdotum, eratque quasi templum populi. Hinc Hebraice dicitur *azara*, id est *adjutorium*, quia Deum ibi orans populus ejus auxilium sentiebat; in hujus divini adjutorii exemplum, in eo Deus, quin et gentiles asylum constituerunt; et forte ex *azer azirum*, et inde *asylum* dictum est. Testis est Strabo, libro XIV, et Cicero, oratio III in *Verrem*, Ephesi Dianaë templum id juris habuisse, ut ad illud confugientes mancipia vinculis et servitute solverentur. Quin et Ælianus, libro XI *De animal. cap. vi*, et Gyraldus syntag. xv, *De diis gentium*, memorant in Parthenio monte delubrum fuisse Panis, ibique locum nomine Aulam omnibus animalibus fuisse velut asylum, quem leones et lupi, dum feras insectabantur, adire non auderent, sed repente subsisterent feris relictis. Sicut ferunt in Dianaë Ætoliae loco canes, dum feras insequuntur, ubi ad locum confugerint, ab insectatione quiescere. Quæ omnia, ait Vilalpandus in *Ezech. tom. II*, pag. 202, dæmonis figura, ad æmulandam Deo opem in templis sibi dicatis demonstrata excogitata sunt, Sic Barbari quasi a Deo territi, templis abstinerunt, ait S. Augustinus, lib. I *De Civit. II, III, IV, VI.*

21. ET FLORENTIA QUÆDAM. — Hebraice, *et flores*, Vers. 23. v. g. *rosarum*, *liliorum*, *gariophyllorum*, etc. ; erant hi flores ex auro fabrefacti.

CAPUT QUINTUM.

SYNOPSIS CAPITIS.

Salomon vasa sacra cum donariis in templum, ac arcam fæderis in Sanctum sanctorum inducit : Deus per nebulam in eodem gloriam suam ostendit.

1. Initulit igitur Salomon omnia quæ voverat David pater suus, argentum, et aurum, et universa vasa posuit in thesauris domus Dei. **2.** Post quæ congregavit majores natu Israel,

et cunctos principes tribuum, et capita familiarum de filiis Israel in Jerusalem, ut adducerent arcam fœderis Domini de Civitate David, quæ est Sion. 3. Venerunt itaque ad regem omnes viri Israel in die solemnis mensis septimi. 4. Cumque venissent cuncti seniorum Israel, portaverunt Levitæ arcam, 5. et intulerunt eam, et omnem paraturam tabernaculi. Porro vasa sanctuarii quæ erant in tabernaculo, portaverunt Sacerdotes cum Levitis. 6. Rex autem Solomon, et universus cœtus Israel, et omnes qui fuerunt congregati ante arcam, immolabant victimas, et boves absque ullo numero; tanta enim erat multitudo victimarum. 7. Et intulerunt Sacerdotes arcam fœderis Domini in locum suum, id est ad oraculum templi in Sancta sanctorum subter alas cherubim: 8. ita ut cherubim expanderent alas suas super locum, in quo posita erat arca, et ipsam arcam tegerent cum vectibus suis. 9. Vectum autem, quibus portabatur arca, quia paululum longiores erant, capita parebant ante oraculum: si vero quis paululum fuisse extrinsecus, eos videre non poterat. Fuit itaque arca ibi usque in præsentem diem. 10. Nihilque erat aliud in arca, nisi duæ tabulæ, quas posuerat Moyses in Horeb, quando legem dedit Dominus filiis Israel egredientibus ex Ægypto. 11. Egressis autem Sacerdotibus de sanctuario (omnes enim Sacerdotes, qui ibi potuerant inveniri, sanctificati sunt: nec adhuc in illo tempore vices, et ministeriorum ordo inter eos divisus erat), 12. tam Levitæ quam cantores, id est, et qui sub Asaph erant, et qui sub Eman, et qui sub Idithun, filii, et fratres eorum, vestiti byssinis, cymbalis, et psalteriis, et citharis concrepabant, stantes ad Orientalem plagam altaris: et cum eis Sacerdotes centum viginti canentes tubis. 13. Igitur cunctis pariter, et tubis, et voce, et cymbalis, et organis, et diversi generis musicorum concinibus, et vocem in sublime tollentibus, longe sonitus audiebatur; ita ut cum Dominum laudare cœpissent et dicere: Confitemini Domino quoniam bonus, quoniam in æternum misericordia ejus; impleretur dominus Dei nube, 14. nec possent Sacerdotes stare et ministrare propter caliginem. Compleverat enim gloria Domini domum Dei.

CAPUT hoc exposui III Reg. VIII.

Vers. 9. 9. VECTUM AUTEM, etc. (Sensus est, q. d. Vectes quibus portabatur arca, longiores erant, non oraculo, sed ipsa arca; quare apparebant sacerdotibus qui stabant in Sancto, ad fores Oraculi, sive Sancti sanctorum; si quis vero) EXTRINSECUS,— id est extra fores Oraculi remotius constitisset, eos videre non poterat.

FUIT ITAQUE ARCA IBI USQUE IN PRÆSENTEM DIEM, quo scilicet hæc scripsit ille, qui Diaria sive Chronica Regum Juda conscripsit, ex quibus hos Libros *Paralipomenon* conscripsit et concinnavit Esdras. Nam tempore ipsius Esdræ arca non erat in templo, utpote jam a Chaldæis exusto, sed ante urbis templique excidium arca a Jeremia translata fuit in locum incognitum, ut dicitur libro II *Machab.* cap. II, vers. 4.

10. NIHILQUE ERAT IN ARCA, NISI DUÆ TABULÆ. — Vers. 10. Quomodo urna cum manna, et Deuteronomium dicantur fuisse in arca, explicui *Hebr.* cap. IX, vers. 4.

11. NEC ADHUC IN ILLO TEMPORE (dedicationis templi) VICES ET ORDO INTER SACERDOTES DIVISUS ERAT.— Hebraice, non observabatur, sicut exacte observatus fuit post templi dedicationem (1). Ad hanc enim ob victimas plurimas in ea sacrificandas non sufficiebant Sacerdotes et Levitæ, quorum vices ministrandi erant ista hebdomade; sed convocati omnes confluxere ex toto Israele quotquot venire potuerunt.

(1) Decreverat quidem David, lib. I *Paralipom.* xxiv, ordinem ministrorum templi, sed hujus decreti executio usque post conditum templum dilata fuit.

CAPUT SEXTUM.

SYNOPSIS CAPITIS.

Salomon populo benedicit, ac Deo gratias agit, quod promissa Davidi de fabrica templi in se complesset, eumque obsecrat ut vota orantium in templo exaudiat.

1. Tunc Salomon ait : Dominus pollicitus est ut habitaret in caligine : 2. ego autem ædificavi domum nomini ejus, ut habitaret ibi in perpetuum. 3. Et convertit rex faciem suam, et benedixit universæ multitudini Israel (nam omnis turba stabat intenta) et ait : 4. Benedic-tus Dominus Deus Israel, qui quod locutus est David patri meo, opere complevit dicens : 5. A die, qua eduxi populum meum de terra Ægypti, non elegi civitatem de cunctis tribubus Israel, ut ædificaretur in ea domus nomini meo ; neque elegi quemquam alium virum, ut esset dux in populo meo Israel, 6. sed elegi Jerusalem, ut sit nomen meum in ea, et elegi David, ut constituerem eum super populum meum Israel. 7. Cumque fuisse voluntatis David patris mei, ut ædificaret domum nomini Domini Dei Israel, 8. dixit Dominus ad eum : Quia hæc fuit voluntas tua, ut ædificares domum nomini meo, bene quidem fecisti hujuscemodi habere voluntatem : 9. sed non tu ædificabis domum, verum filius tuus, qui egredietur de lumbis tuis, ipse ædificabit domum nomini meo. 10. Complevit ergo Dominus sermonem suum, quem locutus fuerat : et ego surrexi pro David patre meo, et sedi super thronum Israel, sicut locutus est Dominus : et ædificavi domum nomini Domini Dei Israel. 11. Et posui in ea arcam, in qua est pactum Domini, quod pepigit cum filiis Israel. 12. Stetit ergo coram altari Domini ex adverso universæ multitudinis Israel, et extendit manus suas. 13. Siquidem fecerat Salomon basim æneam, et posuerat eam in medio basilicæ, habentem quinque cubitos longitudinis, et quinque cubitos latitudinis, et tres cubitos altitudinis : stetitque super eam : et deinceps flexis genibus contra universam multitudinem Israel, et palmis in cœlum levatis. 14. ait : Domine Deus Israel, non est similis tui. Deus in cœlo et in terra : qui custodis pac-tum et misericordiam cum servis tuis, qui ambulant coram te in toto corde suo : 15. qui præstitisti servo tuo David patri meo quæcumque locutus fueras ei : et quæ ore promiseras, opere complesti, sicut et præsens tempus probat. 16. Nunc ergo, Domine Deus Israel, imple servo tuo patri meo David quæcumque locutus es, dicens : Non deficiet ex te vir coram me, qui sedeat super thronum Israel : ita tamen si custodierint filii tui vias suas, et ambulaverint in lege mea, sicut et tu ambulasti coram me. 17. Et nunc, Domine Deus Israel, firmetur sermo tuus, quem locutus es servo tuo David. 18. Ergone credibile est ut habitet Deus cum homini-bus super terram ? Si cœlum et cœli cœlorum non te capiunt, quanto magis domus ista, quam ædificavi ? 19. Sed ad hoc tantum facta est, ut respicias orationem servi tui, et obsecrationem ejus, Domine Deus meus, et audias preces quas fundit famulus tuus coram te ; 20. ut aperias oculos tuos super domum istam diebus ac noctibus, super locum, in quo pollicitus es ut in-vocaretur nomen tuum, 21. et exaudires orationem quam servus tuus orat in eo : et exaudias preces famuli tui, et populi tui Israel. Quicumque oraverit in loco isto, exaudi de habitaculo tuo, id est de cœlis, et propitiare. 22. Si peccaverit quispiam in proximum suum, et jurare contra eum paratus venerit, seque maledicto constrinxerit coram altari in domo ista : 23. tu audies de cœlo, et facies judicium servorum tuorum, ita ut reddas iniquo viam suam in caput proprium, et ulciscaris justum, retribuens ei secundum justitiam suam. 24. Si superatus fuerit populus tuus Israel ab inimicis (peccabunt enim tibi) et conversi egerint pœnitentiam, et obsecraverint nomen tuum, et fuerint deprecati in loco isto, 25. tu exaudies de cœlo, et

propitiare peccato populi tui Israel, et reduc eos in terram quam dedisti eis, et patribus eorum. 26. Si clauso cœlo, pluvia non fluxerit propter peccata populi, et deprecati te fuerint in loco isto, et confessi nomini tuo, et conversi a peccatis suis, cum eos affixeris, 27. exaudi de cœlo, Domine, et dimitte peccata servis tuis et populi tui Israel, et doce eos viam bonam, per quam ingrediantur : et da pluviam terræ, quam dedisti populo tuo ad possidendum. 28. Fames si orta fuerit in terra, et pestilentia, ærugo, et aurugo, et locusta, et bruchus, et hostes vastatis regionibus portas obsederint civitatis, omnisque plaga et infirmitas presserit : 29. si quis de populo tuo Israel fuerit deprecatus, cognoscens plagam et infirmitatem suam, et expanderit manus suas in domo hac, 30. tu exaudies de cœlo, de sublimi scilicet habitaculo tuo, et propitiare, et redde unicuique secundum vias suas, quas nosti eum habere in corde suo (tu enim solus nosti corda filiorum hominum) : 31. ut timeant te, et ambulent in viis tuis cunctis diebus, quibus vivunt super faciem terræ quam dedisti patribus nostris. 32. Externum quoque, qui non est de populo tuo Israel, si venerit de terra longinqua, propter nomen tuum magnum, et propter manum tuam robustam, et brachium tuum extentum, et adoraverit in loco isto, 33. tu exaudies de cœlo firmissimo habitaculo tuo, et facies cuncta, pro quibus invocaverit te ille peregrinus, ut sciant omnes populi terræ nomen tuum, et timeant te sicut populus tuus Israel : et cognoseant, quia nomen tuum invocatum est super domum hanc, quam ædificavi. 34. Si egressus fuerit populus tuus ad bellum contra adversarios suos per viam in qua miseris eos, adorabunt te contra viam, in qua civitas hæc est, quam elegisti, et domus, quam ædificavi nomini tuo : 35. tu exaudies de cœlo preces eorum, et obsecrationem, et ulciscaris. 36. Si autem peccaverint tibi (neque enim est homo qui non peccet) et iratus fueris eis, et tradideris hostibus, et captivos duxerint eos in terram longinquam, vel certe quæ juxta est, 37. et conversi in corde suo, in terra, ad quam captivi ducti fuerant, egerint pœnitentiam, et deprecati te fuerint in terra captivitatis suæ, dicentes : Peccavimus, inique fecimus, injuste egimus; 38. et reversi fuerint ad te in toto corde suo, et in tota anima sua, in terra captivitatis suæ, ad quam ducti sunt, adorabunt te contra viam terræ suæ, quam dedisti patribus eorum, et urbis, quam elegisti, et domus, quam ædificavi nomini tuo : 39. tu exaudies de cœlo, hoc est, de firme habitaculo tuo, preces eorum, et facias judicium, et dimittas populo tuo, quamvis peccatori : 40. tu es enim Deus meus : aperiantur, quæso, oculi tui, et aures tuæ intentæ sint ad orationem quæ fit in loco isto. 41. Nunc igitur consurge, Domine Deus, in requiem tuam, tu et arca fortitudinis tuæ : Sacerdotes tui, Domine Deus, induantur salutem, et sancti tui lætentur in bonis. 42. Domine Deus, ne averteris faciem christi tui : memento misericordiarum David servi tui.

Hoc caput explicui III Reg. VIII, 12.

Vers. 13. 13. FECERAT SALOMON BASIM ÆNEAM, per modum suggestus altioris, in quo sedens docensque, vel genuflectens et orans audiretur a toto populo circumstante. Unde addit :

IN MEDIO BASILICE, — id est in medio atrii populi, ut dixi cap. IV, 9.

Vers. 28. 28. ÆRUGO ET AURUGO, — vitia sunt segetum, cum illæ instar æris et auri rubiginem et quasi icterum, ictericumque colorem contrahunt, ut contabescant et exinaniantur.

Vers. 41. 41. CONSURGE, DOMINE, IN REQUIEM TUAM, — ut in templo hoc, quod a me fieri jussisti, nobiscum et inter nos quiescas, habitesque jugiter. Requies ergo Dei est templum; ibi enim colitur ipse precibus, votis, sacrificiis, &c.

TU ET ARCA FORTITUDINIS TUÆ; — in arca enim Deus ostendere solebat suam potentiam et fortitudinem, cum ad ejus præsentiam Jordanem divisit, Jerichuntis muros prostravit, Chananæos, Philistæos, aliosque hostes Israelis debellavit.

SACERDOTES TUI, DOMINE DEUS, INDUANTUR SALUTEM, — ut plane pleneque sint sani et salvi, ut et laicos salvare queant. « Salutem » intelligit tum corporalem, tum potius spiritualem, nimurum justitiam et sanctitatem. Alludit enim ad Psalm. cxxxi, 9 : « Sacerdotes tui induantur justitiam, » id est justitia et vitæ sanctitate ita abundant, ut ea quasi ueste undique ambiri cingue videantur.

42. NE AVERTAS FACIEM CHRISTI TUI, — id est mei ipsius, qui a te factus sum christus, id est unctus

in regem, q. d. Ne me a te creatum regem et fa- pellas; ne me meamque faciem et ~~et~~ ^{et} spem sper-
cie supplici in cœlum ad te intenta orantem re- nas, et pudore suffundas.

CAPUT SEPTIMUM.

SYNOPSIS CAPITIS.

Deus igne e cœlo misso victimas Salomonis inflamat, eique revelat se ejus preces exaudisse, ut orantes in templo pro qualibet necessitate exaudiatur.

1. Cumque complessset Salomon fundens preces, ignis descendit de cœlo, et devoravit holocausta et victimas : et majestas Domini implevit domum. 2. Nec poterant sacerdotes ingredi templum Domini, eo quod implessset majestas Domini templum Domini. 3. Sed et omnes filii Israel videbant descendenter ignem, et gloriam Domini super domum : et corruentes proni in terram super pavimentum stratum lapide, adoraverunt, et laudaverunt Dominum : Quoniam bonus, quoniam in sæculum misericordia ejus. 4. Rex autem, et omnis populus, immolabant victimas coram Domino. 5. Mactavit igitur rex Salomon hostias, boum viginti duo millia, arietum centum viginti millia : et dedicavit domum Dei rex, et universus populus. 6. Sacerdotes autem stabant in officiis suis; et Levitæ in organis carminum Domini, quæ fecit David rex ad laudandum Dominum : Quoniam in æternum misericordia ejus, hymnos David canentes per manus suas : porro Sacerdotes canebant tubis ante eos, cunctusque Israel stabat. 7. Sanctificavit quoque Salomon medium atrii ante templum Domini; obtulerat enim ibi holocausta et adipes pacificorum : quia altare æneum, quod fecerat, non poterat sustinere holocausta, et sacrificia, et adipes. 8. Fecit ergo Salomon solemnitatem in tempore illo septem diebus, et omnis Israel cum eo, ecclesia magna valde, ab introitu Emath usque ad Torrentem Ægypti. 9. Fecitque die octavo collectam, eo quod dedicasset altare septem diebus, et solemnitatem celebrasset diebus septem. 10. Igitur in die vigesimo tertio mensis septimi dimisit populos ad tabernacula sua, lætantes atque gaudentes super bono, quod fecerat Dominus Davidi, et Salomoni, et Israeli populo suo. 11. Complevitque Salomon domum Domini, et domum regis, et omnia quæ disposuerat in corde suo, ut faceret in domo Domini, et in domo sua, et prosperatus est. 12. Apparuit autem ei Dominus nocte, et ait : Audivi orationem tuam, et elegi locum istum mihi in domum sacrificii. 13. Si clausero cœlum, et pluvia non fluxerit, et mandavero et præceptero locustæ, ut devoret terram, et misero pestilentiam in populum meum : 14. conversus autem populus meus, super quos invocatum est nomen meum, deprecatus me fuerit, et exquisierit faciem meam, et egerit pœnitentiam a viis suis pessimis : et ego exaudiam de cœlo, et propitius ero peccatis eorum, et sanabo terram eorum. 15. Oculi quoque mei erunt aperti, et aures meæ erectæ ad orationem ejus, qui in loco isto oraverit. 16. Elegi enim, et sanctificavi locum istum, ut sit nomen meum ibi in sempiternum, et permaneant oculi mei, et cor meum, ibi cunctis diebus. 17. Tu quoque si ambulaveris coram me, sicut ambulavit David pater tuus, et feceris juxta omnia quæ præcepi tibi, et justicias meas judiciaque servaveris : 18. suscitabo thronum regni tui, sicut pollicitus sum David patri tuo, dicens : Non auferetur de stirpe tua vir, qui sit princeps in Israel. 19. Si autem aversi fueritis, et dereliqueritis justicias meas, et præcepta mea, quæ proposui vobis, et abeuntes servieritis diis alienis, et adoraveritis eos, 20. evellam vos de terra mea, qnam dedi vobis : et domum hanc, quam sanctificavi nomini meo, projiciam a facie mea, et tradam eam in parabolam, et in exemplum cunctis populis. 21. Et domus ista erit in proverbium universis transeuntibus, et dicent stupentes : Quare fecit Dominus sic terræ huic, et domui

huic? 22. Respondebuntque : Quia dereliquerunt Dominum Deum patrum suorum qui eduxit eos de terra Ægypti, et apprehenderunt deos alienos, et adoraverunt eos, et coluerunt : idcirco venerunt super eos universa hæc mala.

Hoc caput explicui III Reg. viii et ix.

Vers. 2. 2. MAJESTAS.— Hebraice כְּבוֹד cabod, id est gloria, puta caligo sive nubes splendida et gloriosa, Dei invisibilis majestatem et gloriam repræsentans.

Vers. 6. 6. SACERDOTES AUTEM STABANT IN OFFICIIS SUIS; (Hebraice per custodiias suas, scilicet divisi in suas

turmas, per officia singulis a Davide imposita. Sic et stabant Levitæ) IN ORGANIS CARMINUM, (hoc est cum instrumentis musicis, etc., hymnos) CANENTES PER MANUS SUAS — manibus scilicet pulsando instrumenta musica, quibus psallebant hymnos et carmina, puta psalmos a Davide ad Deum laudandum compositos.

CAPUT OCTAVUM.

SYNOPSIS CAPITIS.

Salomon suum palatium multasque urbes ædificat; reliquias Chananeorum subjugat; sancti victimas statas impensis regis sacrificandas; sacerdotum et Levitarum officia juxta Davidis descriptionem distribuit; missa classe in Ophir, inde recipit 450 auri talenta.

1. Expletis autem viginti annis, postquam ædificavit Salomon domum Domini et domum suam : 2. civitates, quas dederat Hiram Salomoni, ædificavit, et habitare ibi fecit filios Israel. 3. Abiit quoque in Emath Suba, et obtinuit eam. 4. Et ædificavit Palmiram in deserto, et alias civitates munitissimas ædificavit in Emath. 5. Exstruxitque Bethoron superiorem, et Bethoron inferiorem, civitates muratas habentes portas et vectes et seras : 6. Balaath etiam et omnes urbes firmissimas, quæ fuerunt Salomonis, cunctasque urbes quadrigarum, et urbes equitum, omnia quæcumque voluit Salomon atque disposuit, ædificavit in Jerusalem et in Libano, et in universa terra potestatis suæ. 7. Omnem populum, qui derelictus fuerat de Hethæis, et Amorrhæis, et Pherezæis et Hevæis, et Jebusæis, qui non erant de stirpe Israel : 8. de filiis eorum, et de posteris, quos non interfecerant filii Israel, subjugavit Salomon in tributarios, usque in diem hanc. 9. Porro de filiis Israel non posuit ut servirent operibus regis : ipsi enim erant viri bellatores et duces primi, et principes quadrigarum et equitum ejus. 10. Omnes autem principes exercitus regis Salomonis fuerunt ducenti quinquaginta, qui erudiebant populum. 11. Filiam vero Pharaonis transtulit de Civitate David, in domum quam ædificaverat ei. Dixit enim rex : Non habitabit uxor mea in domo David regis Israel, eo quod sanctificate sit : quia ingressa est in eam arca Domini. 12. Tunc obtulit Salomon holocausta Domino super altare Domini, quod exstruxerat ante porticum, 13. ut per singulos dies offerretur in eo juxta præceptum Moysi in sabbatis et in calendis, et in festis diebus, ter per annum, id est in solemnitate azymorum, et in solemnitate hebdomadarum, et in solemnitate tabernaculorum. 14. Et constituit juxta dispositionem David patris sui, officia Sacerdotum in ministeriis suis : et Levitas in ordine suo, ut laudarent, et ministrarent coram Sacerdotibus, juxta ritum uniuscujusque diei : et janitores in divisionibus suis per portam et portam : sic enim præceperat David homo Dei. 15. Nec prætergressi sunt de mandatis regis, tam Sacerdotes quam Levitæ, ex omnibus quæ præceperat, et in custodiis thesaurorum. 16. Omnes impensas præparatas habuit Salomon, ex eo die quo fundavit domum Domini usque in diem quo perfecit eam. 17. Tunc abiit Salomon in Asiongaber, et in Ailath ad oram maris Rubri, quæ est in terra Edom. 18. Misit autem ei Hiram per manus servorum suorum

naves, et nautas gharos maris, et abierunt cum servis Salomonis in Ophir, tuleruntque inde quadringenta quinquaginta talenta auri, et attulerunt ad regem Salomonem.

Hoc caput explicui III Reg. ix, 10 et seq.

Vera. 2. 2. CIVITATES QUAS DEBERAT (id est reddiderat)
HIRAM SALOMONI.

Vera. 47. 17. ABIIT SALOMON (vel in persona vel per suos ministros et officiales) IN ASIONGABER. — Hic portus est maris Rubri, ex quo in Indianam Orientalem facilis et vicinus est trajectus; unde colligas

Ophir fuisse in India Orientali, non Occidentali, scilicet in Pegu, non in Peru. Nec enim in Peru, sed in Pegu inveniuntur simiae, pavones, ebur, gemmæ, aromata, ligna thyina, quæ classis hæc Ophirina detulit ad Salomonem. Portus hic a Josepho, lib. III Antiq. cap. vi, appellatur Berenice, a S. Hieronymo Effia, hodie Suez vocatur.

CAPUT NONUM.

SYNOPSIS CAPITIS.

Regina Saba venit ad Salomonem. Redditus annui Salomonis, hastæ, scuta, ceteraque supellex aurea, solium ex ebore intertextum auro, mors et sepultura.

1. Regina quoque Saba, cum audisset famam Salomonis, venit ut tentaret eum in ænigmatibus in Jerusalem, cum magnis opibus, et camelis qui portabant aromata, et auri plurimum, gemmasque pretiosas. Cumque venisset ad Salomonem, locuta est ei quæcumque erant in corde suo. 2. Et exposuit ei Salomon omnia quæ proposuerat: nec quidquam fuit, quod non perspicuum ei fecerit. 3. Quæ postquam vidi, sapientiam scilicet Salomonis, et domum quam ædificaverat, 4. nec non et cibaria mensæ ejus, et habitacula servorum, et officia ministrorum ejus, et vestimenta eorum, pincernas quoque et vestes eorum, et victimas quas immolabat in domo Domini: non erat præ stupore ultra in ea spiritus. 5. Dixitque ad regem: Verus est sermo, quem audieram in terra mea de virtutibus et sapientia tua. 6. Non credebam narrantibus, donec ipsa venissem, et vidissent oculi mei, et probassem vix medietatem sapientiæ tuæ mihi fuisse narratam: vicisti famam virtutibus tuis. 7. Beati viri tui, et beati servi tui, qui assistunt coram te omni tempore, et audiunt sapientiam tuam. 8. Sit Dominus Deus tuus benedictus, qui voluit te ordinare super thronum suum, regem Domini Dei tui. Quia diligit Deus Israel, et vult servare eum in æternum, idcirco posuit te super eum regem ut facias judicia atque justitiam. 9. Dedit autem regi centum viginti talenta auri, et aromata multa nimis, et gemmas pretiosissimas: non fuerunt aromata talia ut hæc, quæ dedit regina Saba regi Salomoni. 10. Sed et servi Hiram cum servis Salomonis attulerunt aurum de Ophir, et ligna thyina et gemmas pretiosissimas: 11. de quibus fecit rex, de lignis scilicet thyinis gradus in domo Domini, et in domo regia, citharas quoque et psalteria cantoribus: nunquam visa sunt in terra Iuda ligna talia. 12. Rex autem Salomon dedit reginæ Saba cuncta quæ voluit, et quæ postulavit, et multo plura quam attulerat ad eum: quæ reversa, abiit in terram suam cum servis suis. 13. Erat autem pondus auri, quod afferebatur Salomoni per singulos annos, sexcenta sexaginta sex talenta auri: 14. excepta ea summa, quam legati diversarum gentium, et negotiatores afferre consueverant, omnesque reges Arabiae, et satrapæ terrarum, qui comportabant aurum et argentum Salomoni. 15. Fecit igitur rex Salomon ducentas hastas aureas de summa sexcentorum aureorum, qui in singulis hastis expendebantur: 16. trecenta quoque scuta aurea trecentorum aureorum, quibus tegebantur singula scuta; posuitque ea rex in armamentario, quod erat consitum nemore. 17. Fecit quoque rex solium eburneum grande, et vestivit illud auro mundissimo. 18. Sex quoque gradus, quibus ascendebatur ad solium, et scabellum aureum, et brachiola duo altrinsecus, et duos leones stantes

juxta brachiola, 19. sed et alios duodecim leunculos stantes super sex gradus ex utraque parte : non fuit tale solium in universis regnis. 20. Omnia quoque vasa convivii regis erant aurea, et vasa domus saltus Libani ex auro purissimo. Argentum enim in diebus illis pro nihilo reputabatur : 21. siquidem naves regis ibant in Tharsis cum servis Hiram, semel in annis tribus; et deferebant inde aurum et argentum, et ebur, et simias, et pavos. 22. Magnificatus est igitur Salomon super omnes reges terræ præ divitiis et gloria. 23. Omnesque reges terrarum desiderabant videre faciem Salomonis, ut audirent sapientiam quam dederat Deus in corde ejus, 24. et deferebant ei munera, vasa argentea, et aurea, et vestes, et arma, et aromata, equos et mulos, per singulos annos. 25. Habuit quoque Salomon quadraginta millia equorum in stabulis, et curruum equitumque duodecim millia, constituitque eos in urbibus quadrigarum, et ubi erat rex in Jerusalem. 26. Exercuit etiam potestatem super cunctos reges, a flumine Euphrate usque ad terram Philistinorum, et usque ad terminos Aegypti. 27. Tantamque copiam præbuit argenti in Jerusalem quasi lapidum : et cedrorum tantam multitudinem velut sycomororum, quæ gignuntur in campestribus. 28. Adducebantur autem ei equi de Aegypto, cunctisque regionibus. 28. Reliqua autem operum Salomonis priorum et novissimorum scripta sunt in verbis Nathan Prophetæ et in libris Ahiae Silonitis, in visione quoque Addo Videntis, contra Jeroboam filium Nabat. 30. Regnavit autem Salomon in Jerusalem super omnem Israel quadraginta annis. 31. Dormivitque cum patribus suis, et sepeliebant eum in Civitate David : regnavitque Roboam filius ejus pro eo.

Hoc caput explicui III Reg. x.

Vers. 5. 5. DE VIRTUTIBUS TUIS. — Hebreus, Septuaginta et Chaldeus, *de verbis tuis*, id est, de tuis rebus a te patratis, vel ad te spectantibus.

Vers. 16. 16. IN ARMAMENTARIO QUOD ERAT CONSITUM (circumdatum) NEMORE, — id est *in domo saltus Libani*, ut vertunt Septuaginta. Porro trecenti et sexcenti aurei scutorum et hastarum fuere sicli. quorum

versus pendebat et valebat quatuor drachmas, id est quatuor coronatos, uti ostendi III Reg. cap. x, vers. 16.

Vers. 21. 21. IN THARSIS. — Hebrei mare indeque transmarinas regiones vocabant *Tharsis*; præsertim longinquas, sibique ignotas, uti erat Ophir et India. Vide dicta III Reg. cap. ix, vers. 28, et Jonæ cap. i, vers. 3.

CAPUT DECIMUM.

SYNOPSIS CAPITIS.

Roboam sua duritie populum a se avertit; unde sola tribus Juda ei adhæsit, cæteræ vero decem tribus regem sibi crearunt Jeroboam.

1. Profectus est autem Roboam in Sichem : illuc enim cunctus Israel convenerat, ut constituerent eum regem. 2. Quod cum audisset Jeroboam filius Nabat, qui erat in Aegypto (fugerat quippe illuc ante Salomonem), statim reversus est. 3. Vocaveruntque eum, et venit cum universo Israel, et locuti sunt ad Roboam, dicentes : 4. Pater tuus durissimo jugo nos presisit, tu leviora impera patre tuo, qui nobis imposuit gravem servitutem, et paululum de onere subleva, ut serviamus tibi. 5. Qui ait : Post tres dies revertimini ad me. Cumque abiisset populus, 6. init consilium cum senibus, qui steterant coram patre ejus Salomone, dum adhuc viveret, dicens : Quid datis consilii ut respondeam populo? 7. Qui dixerunt ei : Si placueris populo huic, et leniveris eos verbis clementibus, servient tibi omni tempore. 8. At ille reliquit consilium senum, et cum juvenibus tractare cœpit, qui cum eo nutriti fuerant, et erant in comitatu illius. 9. Dixitque ad eos : Quid vobis videtur? vel respondere quid debeo populo huic, qui dixit mihi : Subleva jugum quod imposuit nobis pater tuus? 10. At illi res-

ponderunt ut juvenes, et nutriti cum eo in deliciis, atque dixerunt : Sic loqueris populo, qui dixit tibi : Pater tuus aggravavit jugum nostrum, tu subleva; et sic respondebis eis : Minimus digitus meus grossior est lumbis patris mei. 11. Pater meus imposuit vobis grave jugum, et ego majus pondus apponam : pater meus cecidit vos flagellis; ego vero cædam vos scorpionibus. 12. Venit ergo Jeroboam, et universus populus ad Roboam die tertio, sicut præceperat eis. 13. Responditque rex dura, derelicto consilio seniorum; 14. locutusque est juxta juvenum voluntatem : Pater meus grave vobis imposuit jugum, quod ego gravius faciam : pater meus cecidit vos flagellis, ego vero cædam vos scorpionibus. 15. Et non acquievit populi precibus : erat enim voluntatis Dei, ut completeretur sermo ejus, quem locutus fuerat per manum Ahiæ Silonitis ad Jeroboam filium Nabat. 16. Populus autem universus, rege duriora dicente, sic locutus est ad eum : Non est nobis pars in David, neque hæreditas in filio Isai. Revertere in tabernacula tua, Israel; tu autem pasce domum tuam, David. Et abiit Israel in tabernacula sua. 17. Super filios autem Israel, qui habitabant in civitatibus Juda, regnavit Roboam. 18. Misitque rex Roboam Aduram, qui præerat tributis, et lapidaverunt eum filii Israel, et mortuus est : porro rex Roboam currum festinavit ascendere, et fugit in Jerusalem. 19. Recessitque Israel a domo David, usque ad diem hanc.

Hoc caput audivimus III Reg. cap. XI. Vide ibi dicta.

fer. 15. 15. ERAT ENIM VOLUNTATIS DEI. — Hebraice, *erat causatum a Deo.* Volebat Deus dividere Israelem decemque tribus adimere Salomoni, ad castigan-

dam illius idolatriam, easque dare Jeroboam, ideoque permisit Roboam tam dure et stulte populo respondere ; unde sciebat futurum ut populus se a Roboam subduceret, et ad Jeroboam con-fugeret, quod ipse intendebat.

CAPUT UNDECIMUM.

SYNOPSIS CAPITIS.

Roboam, volens armis subjugare decem Tribus, prohibetur a Semeia propheta. Multi sacerdotes, Levitæ et fideles, relicto Jeroboam idololatra, in Jerusalem transmigrant. Roboam ex multis uxoribus multas procreat proles.

1. Venit autem Roboam in Jerusalem, et convocavit universam domum Juda et Benjamin, centum octoginta millia electorum atque bellantium, ut dimicaret contra Israel, et converte-ret ad se regnum suum. 2. Factusque est sermo Domini ad Semeiam hominem Dei, dicens : 3. Loquere ad Roboam filium Salomonis regem Juda, et ad universum Israel, qui est in Juda et Benjamin. 4. Hæc dicit Dominus : Non ascendetis, neque pugnabitis contra fratres vestros : revertatur unusquisque in domum suam, quia mea hoc gestum est voluntate. Qui cum au-dissent sermonem Domini, reversi sunt, nec perrexerunt contra Jeroboam. 5. Habitavit au-tem Roboam in Jerusalem, et ædificavit civitates muratas in Juda. 6. Exstruxitque Bethlehem, et Etam, et Thecue. 7. Bethsur quoque, et Socho, et Odollam, 8. necnon et Geth, et Maresa, et Ziph, 9. sed et Aduram, et Lachis, et Azeca, 10. Saraa quoque, et Aialon, et Hebron, quæ erant in Juda et Benjamin, civitates munitissimas. 11. Cumque clausisset eas muris, posuit in eis principes, ciborumque horrea, hoc est, olei et vini. 12. Sed et in singulis urbibus fecit armamentarium scutorum et hastarum ; firmavitque ea summa diligentia, et imperavit super Judam et Benjamin. 13. Sacerdotes autem et Levitæ, qui erant in universo Israel, vene-runt ad eum de cunctis sedibus suis, 14. relinquentes suburbana et possessiones suas, et transeuntes ad Judam et Jerusalem : eo quod abjecisset eos Jeroboam, et posteri ejus, ne sacerdotio Domini fungerentur. 15. Qui constituit sibi sacerdotes excelsorum, et dæmoniorum,

vitulorumque quos feterat. 16. Sed et de cunctis tribubus Israel, quicumque dederant cor
suum ut quærerent Dominum Deum Israel, venerunt in Jerusalem ad immolandum victimas
suas coram Domino Deo patrum suorum. 17. Et roboraverunt regnum Juda, et confirmave-
runt Roboam filium Salomonis per tres annos; ambulaverunt enim in viis David et Salomonis,
annis tantum tribus. 18. Duxit autem Roboam uxorem Mahalath, filiam Jerimoth, filii David:
Abihail quoque filiam Eliab filii Isai, 19. quae peperit ei filios, Jehus, et Somoriam, et Zoom.
20. Post hanc quoque accepit Maacha filiam Absalom, quae peperit ei Abia, et Ethai, et Ziza,
et Salomith: 21. amavit autem Roboam Maacha filiam Absalom, super omnes uxores suas,
et concubinas: nam uxores decem et octo duxerat, concubinas autem sexaginta, et genuit
viginti octo filios, et sexaginta filias. 22. Constituit vero in capite, Abiam filium Maacha, du-
cem super omnes fratres suos: ipsum enim regem facere cogitabat, 23. quia sapientior fuit,
et potentior super omnes filios ejus, et in cunctis finibus Juda et Benjamin, et in universis
civitatibus muratis: præbuitque eis escas plurimas, et multas petivit uxores.

Vers. 1.

1. ELECTORUM ATQUE BELLANTUM, — id est, elec-
torum bellatorum. Est hendiadys. Hebr. בְּחֹרִים
bachurim, et electos, et juvenes significat. Ju-
venum enim sunt bella, senum consilia, ut ait
ille.

Vers. 11.

11. POSUIT IN EIS PRINCIPES, — id est, belli du-
ces, cum commeatu sufficienti, ut vicini hostis;
scilicet Jeroboami antagonistæ sui insultus susti-
nere possent. Erat enim civitates limitaneæ in
confinio Judæ et Israelis.

Vers. 14.

14. EO QUOD ABJECISSET EOS JEROBOAM, — id est
privasset eos officio sacerdotali et Levitico, eo
quod nollent suis vitulis quasi idolis, sed Deo vero
deservire.

Vers. 17.

17. AMBULÄVERUNT ENIM IN VIIS DAVID ET SALOMO-
NIS; — intellige, antequam Salomon in senio a
Deo ad idola apostataret.

Vers. 22.

22. CONSTITUIT ABIAM IN CAPITE, — id est ca-
put et principem cæterorum fratum, qui erant
28, eo quod ipse, licet ætate esset junior, pru-
dentia tamen, vigore et industria omnes supe-
raret.

Vers. 23.

23. ET POTENTIOR SUPER OMNES FILIOS EJUS, ET IN
CUNCTIS FINIBUS JUDA ET BENJAMIN, ET IN UNIVERSIS
CIVITATIBUS MURATIS; — repete, « potentior » fuit
Abia, q. d. Abia occupavit cunctos limites regni,
omnesque civitates muratas et munitas, itaque se
omnium dominum effecit ac potentem, utpote

cui omnes limites regni omnesque urbæ munitæ
parerent.

PRÆBUITQUE EIS (civitatibus muratis et regni fini-
bus) ESCAS PLURIMAS (ne hostes eas obsidere, et
fame ad deditonem cogere possent), ET MULTAS
PETIVIT UXORES, — scilicet Abia sibi ipsi, ut ex
eis multos gigneret filios, quibus suum regnum
stabiliret et roboret, ne a fratribus suis invadi-
posset. Hunc sensum exigit nostra versio, æque
ac Septuaginta qui pro, « potentior super omnes
filios, » vertunt, proficit super omnes filios ejus, et
in cunctis finibus Juda, etc.

Porro, ex Hebræo aliter verti potest cum Pa-
gnino, Vatablo, Marino et aliis, nimirum sic: Dis-
persit (Roboam) omnes filios suos super omnes fines
Juda et Benjamin, et per omnes civitates munitas;
ut scilicet ipsi separati forent ab invicem, nec ca-
pita conferre possent; ut simul contra Abiam ju-
niorem, quem omnibus prætulerat, conspirare
possent, juxta illud politicum et tyrannicum Ma-
chiavelli præceptum: « Si vis regnare, divide. »
Atque ut sorte sua contenti viverent, nec de regno
cogitarent, præbuit eis escas plurimas, et dedit eis
multitudinem uxorum, ut ventri et veneri vacantes,
in delicioso otio torperent et consernescerent. Idem
facit Turcarum Imperator fratribus suis, donec
prolem habeat; quia habita, fratres occidit, ne im-
perium invadant

CAPUT DUODECIMUM.

SYNOPSIS CAPITIS.

Roboam et Judæi post tres annos a Deo ad idola desciscunt. Quare a Sesac rege Ægypti spoliabantur et subjungantur. Morienti Roboam succedit Abia.

1. Cumque roboratum fuisset regnum Roboam et confortatum, dereliquit legem Domini,
et omnis Israel cum eo. 2. Anno autem quinto regni Roboam, ascendit Sesac rex Ægypti in
Jerusalem (quia peccaverant Domino) 3. cum mille ducentis curribus, et sexaginta millibus

equitum : nec erat numerus vulgi quod venerat cum eo ex Ægypto, Libyes scilicet, et Troglodytæ et Æthiopes. 4. Cepitque civitales munitissimas in Juda, et venit usque in Jerusalem. 5. Semeias autem propheta ingressus est ad Roboam, et principes Juda, qui congregati fuerant in Jerusalem, fugientes Sesac, dixitque ad eos : Hec dicit Dominus : Vos reliquistis me, et ego reliqui vos in manu Sesac. 6. Conternatique principes Israel et rex dixerunt : Justus est Dominus. 7. Cumque vidisset Dominus quod humiliati essent, factus est sermo Domini ad Semeiam, dicens : Quia humiliati sunt, non disperdam eos, daboque eis pauxillum auxillii, et non stillabit furor meus super Jerusalem per manum Sesac : 8. verumtamen servient ei, ut sciant distantiam servitutis meæ, et servitutis regni terrarum. 9. Recessit itaque Sesac rex Ægypti ab Jerusalem, sublatis thesauris domus Domini, et domus regis, omniaque secum tulit, et clypeos aureos quos fecerat Salomon, 10. pro quibus fecit rex æneos, et tradidit illos principibus scutariorum, qui custodiebant vestibulum palatii. 11. Cumque introiret rex dominum Domini, veniebant scutarii, et tollebant eos, iterumque referebant eos ad armamentarium suum. 12. Verumtamen quia humiliati sunt, aversa est ab eis ira Domini, nec deleti runt penitus : siquidem et in Juda inventa sunt opera bona. 13. Confortatus est ergo rex Roboam in Jerusalem, atque regnavit : quadraginta autem et unius anni erat cum regnare coepisset, et decem et septem annis regnavit in Jerusalem, urbe quam elegit Dominus, ut confirmaret nomen suum ibi, de cunctis tribubus Israel : nomen autem matris ejus Naama Ammanitis. 14. Fecit autem malum, et non præparavit cor suum ut quæreret Dominum. 15. Opera vero Roboam prima et novissima scripta sunt in Libris Semeiae prophetæ, et Addo Videntis, et diligenter exposita, pugnaveruntque adversum se Roboam et Jeroboam cunctis diebus. 16. Et dormivit Roboam cum patribus suis, sepultusque est in Civitate David. Et regnavit Abia filius ejus pro eo.

Vers. 2.

2. SESAC REX ÆGYPTI, — qui Sesostris ab Herodoto lib. II, et Diodoro, lib. II (quos citat Josephus lib. VIII, cap. iv), nuncupatur (1), qui, ut iidem referunt quando imbellies et mulierosos vicerat, trophyum mulierorum erigebat, ac reges a se victos solebat currui suo triumphali jungere, ut se super reges esse, imo super omnes homines ostenderet. Causam belli hanc fuisse suspicantur noster Samerius et Salianus, quod Jeroboam, qui Salomonis iram fugiens in Ægypto duxerat cognatam vel filiam Sesac, post mortem Salomonis rediens, rexque Israelis creatus, sollicitarit cognatum vel socerum suum Sesac, ut imbellem, mulierorum et pavidum Roboam invaderet, ne ipse Jeroboam a Roboam invaderetur, et regno novo spoliaretur, sed potius ejus regnum suo adjiceret, et Sesaci socii sui dono possideret. Certiore causam dat Scriptura, scilicet apostasiam et idolatriam Roboami et Judæorum : hanc enim Deus per Sesac punire destinabat. Addunt Herodotus et Diodorus Sesac e Jerusalem victa perrexisse ad reliquam Asiam eamque sibi subjugasse, ac terra marique tam multa occupasse, ut Alexandrum Magnum superarit.

Vers. 3.

3. TROGLODYTÆ — populi sunt Æthiopæ, quæ adjacet Ægypto, cuius rex erat Sesac, « nullarum

opum domini, ait Mela, lib. I, strident magis quam loquantur, specus subeunt, alunturque serpentibus. » Hebraice vocantur סְכִים suckym, id est latibula, et antra habitantes : Graece τρωγλόδυται, id est cavernas subeuntes et incolentes, τρώγλη enim est foramen, nidus ; caverna. Audi Aristotelem, lib. VIII De Histor. anim. cap. xii : « Grues ex Scythicis campis ad paludes Ægypto superiores, unde Nilus profluit, veniunt ; quo in loco pugnare cum Pygmæis dicuntur : non enim id fabula est, sed certe, genus tum hominum, tum etiam equorum pusillum, ut dicitur, est, deguntque in cavernis ; unde nomen Troglodytæ a subeundis cavernis accepere. » Verum hæc de Pygmæis cum gruibus pugnantibus communis olim fuit opinio per traditionem accepta, sed fabulosa, uti ostendi Ezechielis, cap. xxvii, vers. 11. Quare minus recte nonnulli Troglodytas putant esse Arabes in tabernaculis habitantes, ideoque vagabundos qui Nomades vocantur. Constat enim eos fuisse Æthiopæ.

7. NON STILLABIT FUROR MEUS SUPER JERUSALEM, — Vers. 7. scilicet ulterius per continuas cædes, rapinas et strages, quas parat Sesac. Vide hic quam cito placatur Deus ad poenitentiam qualem qualem Roboami et Judæorum. Nam vel non veram et seriam, vel non firmam et stabilem fuisse poenitentiam patet, ex eo quod instinctu matris suæ Naamæ Ammonitis, ideoque idololatræ, reversus sit ad idola, ut dicitur versibus 13 et 14.

(1) Lib. III Reg., in annotatione ad cap. xxiv, parum probabile diximus Sesac esse Sesostrim.

CAPUT DECIMUM TERTIUM.

SYNOPSIS CAPITIS.

Abia rex Juda pius de impio Jeroboam triumphat, cæsis quingentis milibus Israelitarum, ac ex 14 uxoribus 38 filiis generat.

1. Anno octavo decimo regis Jeroboam 1. Abia super Judam. 2. Tribus annis regnabit in Jerusalem, nomenque matris ejus Michaia, filia Uriel de Gabaa : et erat bellum inter Abiam et Jeroboam. 3. Cumque iniisset Abia certamen, et haberet bellicosissimos viros, et electorum quadringenta millia : Jeroboam instruxit econtra aciem octingenta millia virorum, qui et ipsi electi erant, et ad bella fortissimi. 4. Stetit ergo Abia super montem Semeron, qui erat in Ephraim, et ait : Audi, Jeroboam, et omnis Israel : 5. Num ignoratis quod Dominus Deus Israel dederit regnum David super Israel in sempiternum, ipsi et filiis ejus in pactum salis? 6. Et surrexit Jeroboam filius Nabat, servus Salomonis filii David, et rebellavit contra dominum suum. 7. Congregatique sunt ad eum viri vanissimi, et filii Belial; et præevaluerunt contra Roboam filium Salomonis : porro Roboam erat rudis, et corde pavido, nec potuit resistere eis. 8. Nunc ergo vos dicitis quod resistere possitis regno Domini, quod possidet per filios David, habetisque grandem populi multitudinem, atque vitulos aureos quos fecit vobis Jeroboam in deos. 9. Et ejecistis Sacerdotes Domini, filios Aaron, atque Levitas; et fecistis vobis Sacerdotes sicut omnes populi terrarum : quicumque venerit, et initiaverit manum suam in tauro de bobus, et in arietibus septem, fit sacerdos eorum qui non sunt dii. 10. Noster autem Dominus, Deus est, quem non relinquimus, Sacerdotesque ministrant Domino de filiis Aaron, et Levitæ sunt in ordine suo. 11. Holocasta quoque offerunt Domino per singulos dies mane et vespere, et thymiama juxta legis præcepta confectum, et proponuntur panes in mensa mundissima, estque apud nos candelabrum aureum, et lucernæ ejus, ut accendantur semper ad vesperam : nos quippe custodimus præcepta Domini Dei nostri, quem vos reliquistis. 12. Ergo in exercitu nostro dux Deus est, et Sacerdotes ejus, qui clangunt tubis, et resonant contra vos : filii Israel, nolite pugnare contra Dominum Deum patrum vestrorum, quia non vobis expedit. 13. Hæc illo loquente, Jeroboam retro moliebatur insidias. Cumque ex adverso hostium staret, ignorantem Judam suo ambiebat exercitu. 14. Respiciensque Judas vidit instare bellum ex adverso et post tergum, et clamavit ad Dominum : ac Sacerdotes tubis canere cœperunt. 15. Omnesque viri Juda vociferati sunt : et ecce illis clamantibus, perterritus Deus Jeroboam, et omnem Israel qui stabat ex adverso Abia et Juda. 16. Fugeruntque filii Israel Judam : et tradidit eos Deus in manu eorum. 17. Percussit ergo eos Abia et populus ejus, plaga magna : et corruerunt vulnerati ex Israel quingenta millia virorum fortium. 18. Humiliatique sunt filii Israel in tempore illo, et vehementissime confortati filii Juda, eo quod sperassent in Domino Deo patrum suorum. 19. Persecutus est autem Abia fugientem Jeroboam, et cepit civitates ejus, Bethel et filias ejus, et Jesana cum filiabus suis, Ephron quoque et filias ejus : 20. nec valuit ultra resistere Jeroboam in diebus Abia, quem percussit Dominus, et mortuus est. 21. Igitur Abia, confortato imperio suo, accepit uxores quatuordecim : procreavitque viginti duos filios, et sedecim filias. 22. Reliqua autem sermonum Abia, viarumque et operum ejus, scripta sunt diligentissime in Libro Addo Prophetæ.

bus audiri posset. Est autem hæc ejus oratio pia et efficax, qua multis rationibus eis persuadere conatur, ut relicta novitia religione et rege, ad avitum Deum regnumque David in Jerusalem redeant: ac præsertim quod ipse habeat Deum pugnantem pro se, quem ipsi, utpote idololatræ, habent adversum, q. d. Insane agitis, si contra Deum pugnare vultis. Lege eam et expende.

5. IN PACTUM SALIS, — id est in pactum firmum, stabile et æternum. Sal enim res a putredine integras salvasque conservat: hinc sal est symbolum æternitatis, ut dixi *Levit.* cap. II, vers. 12. Adit noster Sanchez, aitque: Constat hoc pactum de regno in Davidis familia perpetuo esse conditionatum, nempe si Davidis progenies pactum servet, *Psalm. LXXXVIII*, 30. Dedit itaque Deus regnum Davidis domui cum grano salis, nempe si a fide, quam integrum servare debuit, non deficiat, aut si ipsa Davidis progenies salem adhibeat, neque percussum fœdus corrumpi atque tabescere permittat.

9. QUICUMQUE INITIAVERIT (Hebræus et Septuaginta *impleverit*) MANUM SUAM IN TAURO DE BOBUS (Hebræus, *in juvenco filio bovis*) ET IN ARIETIBUS SEPTEM, FIT SACERDOS EORUM QUI NON SUNT DII, — q. d. Sicut falsos habetis Deos, sic et falsos sacerdotes; non enim Deus elegit eos, ut elegit Aaronem et posteros ejus; sed quicumque, licet vilis et sceleratus, manibus suis offerendo taurum et septem

arietes consecrariit suas manus, hoc ipso fit sacerdos idolorum, puta vitulorum aureorum. Nota: *implere manum*, Hebraice idem est quod, *consecrare sacerdotem*. Nam manus implendo victimis, easque manibus suis offerendo consecrabat se sacerdotem. Hoc enim ritu fiebat sacerdotis consecratio, ut patet *Levit.* VIII.

11. PROPONUNTUR PANES IN MENSA MUNDISSIMA, etc. Vers. 18

— Ex hoc loco et seq. ubi non nisi unius mensæ et unius candelabri fit mentio, colligit Torniellus Sesacum regem Ægypti, cum expilaret thesauros templi, ex « denis mensis et denis candelabris, » quæ rex Salomon collocarat in templo, non reliquisse nisi unam mensam unumque candelabrum eoque Judæos deinceps contentos fuisse, sicut fuerant antequam templum a Salomone excitatuerunt.

20. QUEM PERCUSSIT DOMINUS, ET MORTUUS EST. — Vers. 20.

Quem, scilicet Jeroboam, de eo enim sermo proxime præcessit; Jeroboam enim post duos tresve annos misere interiit. Hebræi vero in Seder Olam non Jeroboam, sed ipsum Abiam intelligunt, quem aiuntingratum fuisse Deo, nec dignas egisse gratias pro tanta victoria, ideoque paulo post obiisse, nec nisi triennium regnasse, ac biennio ante Jeroboam esse vita functum. Verum hoc non satis consentit cum eo quod proxime subditur: « Igitur Abia confortato imperio suo, accepit uxores 14, » etc.

CAPUT DECIMUM QUARTUM.

SYNOPSIS CAPITIS.

Abia succedit filius Asa, qui excisa idololatria confortatus a Deo Zaram regem Æthiopum cum mille milibus milibus profigat.

1. Dormivit autem Abia cum patribus suis, et sepelierunt eum in Civitate David: regnabitque Asa filius ejus pro eo, in cuius diebus quievit terra annis decem. 2. Fecit autem Asa quod bonum et placitum erat in conspectu Dei sui, et subvertit altaria peregrini cultus, et excelsa, 3. et confregit statuas, lucosque succidit: 4. et præcepit Judæ ut quæreret Dominum Deum patrum suorum, et faceret legem, et universa mandata; 5. et abstulit de cunctis urbis aras, et fana, et regnavit in pace. 6. Ædificavit quoque urbes munitas in Juda, quia quietus erat, et nulla temporibus ejus bella surrexerant, pacem Domino largiente. 7. Dixit autem Judæ: Ædificemus civitates istas, et vallemus muris, et roboremus turribus, et portis, et seris, donec a bellis quieta sunt omnia; eo quod quæsierimus Dominum Deum patrum nostrorum, et dederit nobis pacem per gyrum. Ædificaverunt igitur, et nullum in exstruendo impedimentum fuit. 8. Habuit autem Asa in exercitu suo portantium scuta et hastas de Juda trecenta millia, de Benjamin vero scutariorum et sagittariorum ducenta octoginta millia, omnes isti viri fortissimi. 9. Egressus est autem contra eos Zara Æthiops cum exercitu suo, decies centena millia, et curribus trecentis; et venit usque Maresa. 10. Porro Asa perrexit obviam ei, et instruxit aciem ad bellum in valle Sephata, quæ est juxta Maresa; 11. et invocavit Dominum Deum, et ait: Domine, non est apud te ulla distantia, utrum de paucis auxilieris,

an in pluribus; adjuva nos, Domine Deus noster: in te enim, et in tuo nomine habentes fiduciam, venimus contra hanc multitudinem. Domine, Deus noster tu es, non prævaleat contra te homo. 12. Exterruit itaque Dominus Æthiopes coram Asa et Juda: fugeruntque Æthiopes. 13. Et persecutus est eos Asa et populus qui cum eo erat, usque Gerara: et ruerunt Æthiopes usque ad internectionem, quia Domino cædente contriti sunt, et exercitu illius præliante. Tulerunt ergo spolia multa, 14. et percussrunt civitates omnes per circuitum Geraræ: grandis quippe cunctos terror invaserat; et diripuerunt urbes, et multam prædam asportaverunt. 15. Sed et caulas ovium destruentes, tulerunt pecorum infinitam multitudinem et camelorum, reversique sunt in Jerusalem.

Vers. 2. 2. REX ASA SUBVERTIT ALTARIA PEREGRINI CULTUS (quo gentiles colebant suos deos et idola) ET EXCELSA. — Dices: III Reg. xv, 14, de Asa dicitur: « Non abstulit excelsa. » Respondeo excelsa alia erant idolis, alia Deo vero dicata: illa sustulit Asa, haec non. Rursum, « excelsa, » scilicet altaria, simulacra et lucos idolorum sustulit Asa, non vero templo omnia eisdem a Salomone dicata; haec enim postea sustulit Josias, lib. IV Reg. cap. xxiii, vers. 13.

Vers. 3. 3. ET ABSTULIT, etc., FANA, — scilicet Baal, Astaroth, cæterorumque Deorum. Hebraice est חַמּוֹנִים Chamonim vel Hammonim, quod proprio significat solaria, id est delubra, vel altaria Solis, sive Ammonis. Inde enim punice dictus est Ammon, sive Jupiter Ammonius, id est Sol, ab Hebreo חַמָּה chamma vel hamma, id est Sol, ita dictus a calore: חַמָּה chamam enim significat calefacere. Vide dicta Ezech. vi, 6.

Vers. 9. 9. EGRESSUS EST AUTEM (sub annum decimum quintum regni Asa, ut colligitur ex cap. seq., vers. 10; ita Salianus) CONTRA EOS ZARA ÆTHIOPS CUM EXERCITU SUO (continente) DECIES CENTENA MILIA. — « Æthiops. » Torniellus et alii apud Ge-

nebrardum per Æthiopiam hic accipiunt Madianitidem, ex qua oriunda uxor Moysis vocatur « Æthiopissa, » Num. xii. Ratio eorum est quod Æthiopes proprie dicti longe absint a Judea. Verum melius Serarius, Sanchez, Salianus et alii, veram Æthiopiam, quæ sub Egypto est, accipiunt. Hæc enim adjacet Egypto, ideoque Judææ vicina est: et forte Zara tam fuit rex Egypti, quam Æthiopæ; idque probatur primo, quia cap. xvi, vers. 8, hi ipsi vocantur Æthiopes et Libyes; erant ergo vere Æthiopes, qui sunt in Africa et Libya, non vero Madianitæ, qui sunt in Asia. Secundo, quia Asa hoc prælio ab hostibus recuperavit omnia spolia, quæ Sesac rex Egypti ante 26 annos sub Roboam ex Judæa abstulerat. Ergo hostes hi fuere Egyptii, eisque vicini Æthiopes. Unde Septuaginta sub finem cap. xiv, eos vocant Alimazones, vel ut alii volunt, Amazones, quos ex Lybia esse docet hic Theodoretus, lib. III.

13. ET RUERUNT ÆTHIOPES USQUE AD INTERNECTIONEM, QUA DOMINO CÆDENTE CONTRITI SUNT, ET EXERCITU ILLIUS (Asæ regis, vel Dei puta Angelorum exercitu) PRÆLIANTE, — pro Asa et Juda Deum et sanctos Angelos invocante. Vers. 13.

CAPUT DECIMUM QUINTUM.

SYNOPSIS CAPITIS.

Azarias propheta vaticinatur Israelem multo tempore privandum veri Dei cultu, lege et sacerdotio. Cujus oraculo commotus Asa rex idola funditus extirpat, et matrem suam sacerdotio Priapi abdicat.

1. Azarias autem filius Oded, facto in se spiritu Dei, 2. egressus est in occursum Asa, et dixit ei: Audite me, Asa et omnis Juda et Benjamin: Dominus vobiscum, quia fuistis cum eo. Si quæsieritis eum, invenietis; si autem dereliqueritis eum, derelinquet vos. 3. Transibunt autem multi dies in Israel absque Deo vero, et absque sacerdote, doctore, et absque lege. 4. Cumque reversi fuerint in angustia sua ad Dominum Deum Israel, et quæsierint eum, reperient eum. 5. In tempore illo non erit pax egredienti, et ingredienti, sed terrores undique in cunctis habitatoribus terrarum; 6. pugnabit enim gens contra gentem, et civitas contra civitatem, quia Dominus conturbabit eos in omni angustia. 7. Vos ergo confortamini, et non dissolvantur manus vestrae: erit enim merces operi vestro. 8. Quod cum audisset Asa, verba

scilicet et prophetiam Azariæ filii Oded prophetæ, confortatus est, et abstulit idola de omni terra Juda, et de Benjamin, et ex urbibus quas ceperat, montis Ephraim, et dedicavit altare Domini quod erat ante porticum Domini. 9. Congregavitque universum Judam et Benjamin, et advenas cum eis de Ephraim, et de Manasse, et de Simeon : plures enim ad eum confugerant ex Israel, videntes quod Dominus Deus illius esset cum eo. 10. Cumque venissent in Jerusalem mense tertio, anno decimo quinto regni Asa, 11. immolaverunt Domino in die illa de manubiis et præda quam adduxerant, boves septingentos, et arietes septem millia. 12. Et intravit ex more ad corroborandum fœdus, ut quærerent Dominum Deum patrum suorum in toto corde, et in tota anima sua. 13. Si quis autem, inquit, non quæsierit Dominum Deum Israel, moriatur, a minimo usque ad maximum, a viro usque ad mulierem. 14. Juraveruntque Domino voce magna in jubilo, et in clangore tubæ, et in sonitu buccinarum, 15. omnes qui erant in Juda cum exsecratione : in omni enim corde suo juraverunt, et in tota voluntate quæsierunt eum, et invenerunt ; præstititque eis Dominus requiem per circuitum. 16. Sed et Maacham matrem Asa regis ex augusto depositus imperio, eo quod fecisset in luco simulacrum Priapi : quod omne contrivit, et in frusta comminuens combussit in torrente Cedron. 17. Excelsa autem derelicta sunt in Israel : attamen cor Asa erat perfectum cunctis diebus ejus. 18. Eaque quæ voverat pater suus, et ipse, intulit in domum Domini argentum, et aurum, vasorumque diversam supellectilem. 19. Bellum vero non fuit usque ad trigesimum quintum annum regni Asa.

Vers. 3. 3. TRANSIBUNT MULTI DIIS IN ISRAEL ABSQUE DEO DOCTORE ET LEGE, — id est absque cura et cultu veri Dei, doctoris et legis divinæ. Tangit præsens tempus, quo Jeroboam cultum vitulorum aureorum in Israelem induxit; nam eum in hoc vitulorum cultu secuti sunt omnes posteri ejus, omnesque ad unum reges Israel, quos ex regibus Juda imitati sunt Joram, Ochozias, Athalia, Achaz, Manasse, Joakim et Sedecias, idola pro Deo avito et vero colentes (1).

Vers. 4. 4. CUMQUE REVERSI FUERINT IN ANGUSTIA SUA AD DOMINUM ISRAEL, etc., INVENIENT EUM. — Sic Deum invenit penitens Achab, et Joas cui Eliseus trinam de Syris victoriam prædictit, ac penitens Manasse, item pius Ezechias, Josias et similes.

Vers. 10. 10. MENSE TERTIO, — Sivan, quo celebrabant

(1) Propheta prospicere etiam potuit tempus quo Israëlitæ manebat plurium annorum captivitas, exercitio religionis extincto, donec tandem a Cyro vel alio e regibus ejus successoribus pristina illis libertas restituenda esset. Alii hæc verba intelligunt etiam de præsenti Judeorum statu, quo eversis Romanorum armis templo et urbe, redacti sunt. Referri huc potest vaticinium *Osee* III, 4, 5. iisdem fere verbis ac præsens. Malunt tamen communiter interpres accipere de captivitate tribuum Juda, Levi et Benjamin, quas Nabuchodonosor in Babyloniam duxit.

Pentecosten, ut indicet hoc festo ipsos Deum invocantes, ejus ope tantam victoriam adeptos esse ideoque ei in gratiarum actionem manubias hostium obtulisse. Sic vice versa Constantinopolis a Turca expugnata est in Pentecoste, eo quod Græci impie sentirent de Spiritu Sancto, cujus hoc est festum, docerentque eum non procedere a Patre et Filio.

17. COR AUTEM ASÆ ERAT PERFECTUM CUM DOMINO Vers. 17. CUNCTIS DIEBUS EJUS, — quoad verum Dei cultum, q. d. Asa per omnem vitam coluit Deum verum; nunquam vero ad idola deflexit, ut deflexerunt alii. Nam alioqui Asa in aliis peccavit, et Deum graviter offendit, ut patebit cap. seq., 7, 10 et 12.

19. USQUE AD TRIGESIMUM QUINTUM (ita legendum Vers. IV. est cum Hebræis, Septuaginta Romanis; non, « usque ad trigesimum, » ut legunt aliqui) ANNUM REGNI ASA, — hoc est regni Juda, quod in morte Salomonis a regno Israelis per schisma Jeroboam direptum, tunc proprie cœpit, ut scilicet primus annus Roboam fuerit primus annus regni Juda, prout regnum Juda proprium fuit et distinctum a regno Israelis, quod tum pariter coepit sub primo rege Jeroboam. Ita Hebrei, Sanchez, Salianus, Torniellus et alii; id magis patebit cap. sequent., vers. 1.

CAPUT DECIMUM SEXTUM.

SYNOPSIS CAPITIS.

Rex Asa, percusus exercitu Baasæ regis Israel, opem poscit a Benadad rege Syriæ. Qua de causa increpitus ab Hanani popheta, eum incarcerat : mox podagra moritur anno regni 41.

1. Anno autem trigesimo sexto regni ejus ascendit Baasa rex Israel in Judam, et muro circumdabat Rama, ut nullus tute posset egredi et ingredi de regno Asa. 2. Protulit ergo Asa argentum et aurum de thesauris domus Domini, et de thesauris regis, misitque ad Benadad regem Syriæ, qui habitabat in Damasco, dicens : 3. Fœdus inter me et te est, pater quoque meus et pater tuus habuere concordiam ; quam ob rem misi tibi argentum et aurum, ut, rupto fœdere quod habes cum Baasa rege Israel, facias eum a me recedere. 4. Quo comperto, Benadad misit principes exercituum suorum ad urbes Israel : qui percutserunt Ahion, et Dan, et Abelmaim, et universas urbes Nephtali muratas. 5. Quod cum audisset Baasa, desiit ædificare Rama, et intermisit opus suum. 6. Porro Asa rex assumpsit universum Judam, et tulerunt lapides de Rama, et ligna quæ ædificationi præparaverat Baasa, ædificavitque ex eis Gabaa et Maspera. 7. In tempore illo venit Hanani propheta ad Asa regem Juda, et dixit ei : Quia habuisti fiduciam in rege Syriæ, et non in Domino Deo tuo, idcirco evasis Syriæ regis exercitus de manu tua. 8. Nonne Æthiopes et Libyes multo plures erant, quadrigis et equitibus, et multitudine nimia : quos, cum Domino credidisses, tradidit in manu tua ? 9. Oculi enim Domini contemplantur universam terram, et præbent fortitudinem his qui corde perfecto credunt in eum. Stulte igitur egisti, et propter hoc ex præsenti tempore adversum te bella consurgent. 10. Iratusque Asa adversus Videntem, jussit eum mitti in nervum : valde quippe super hoc fuerat indignatus, et interfecit de populo in tempore illo plurimos. 11. Opera autem Asa, prima et novissima, scripta sunt in Libro Regum Juda et Israel. 12. Ægrotavit etiam Asa, anno trigesimo nono regni sui, dolore pedum vehementissimo, et nec in infirmitate sua quæsivit Dominum, sed magis in medicorum arte confisus est. 13. Dormivitque cum patribus suis; et mortuus est anno quadragesimo primo regni sui. 14. Et sepelierunt eum in sepulcro suo quod foderat sibi in Civitate David : posueruntque eum super lectum suum, plenum aromatibus et unguentis meretriciis, quæ erant pigmentariorum arte confecta, et combusserunt super eum ambitione nimia.

Vers. 1. **1. ANNO AUTEM TRIGESIMO SEXTO EJUS (Asæ) ASCENDIT BAASA.** — Dices : Baasa jam erat mortuus a decennio, scilicet anno 25 regni Asæ, ut patet *Reg. vii*, 8; nam anno 36 Asæ regnabat in Israel Amri, *Reg. vii*, 22. Respondet *primo* Cajetanus, Joannes Lucidus, Adrichomius in *Chronol.*, Joannes Annus cum suo pseudophilone, et Melchior Canus, lib. XI *De locis*, cap. v, ad 12 arg., hic mendum irrepisse, et pro 36 legendum 26, vel potius 16. Nec hoc mirum, quia hæc res non spectat ad fidem, nec ad bonos mores. Verum omnes Codices Hebræi, Chaldae, Græci, Latini constanter habent 36, non 26. Atqui in omnibus Codicibus esse mendum, est dicere in *Scriptura* esse mendum, quod absit. *Secundo*, Lyranus, Vatablus et Genebrardus respondent an-

nos Asæ dupliciter numerari : *primo*, ab inito regno : *secundo*, ab illo memorabili bello et victoria Æthiopica. Hinc ergo 36 anni regni Asæ esse 26 ejusdem a bello Æthiopico, quo Baasa morienti dicitur successisse filius Ela, *Reg. vii*, 8. Verum hoc est turbare totam S. Scripturæ chronologiam : sic enim pariter anni sequentium regum, scilicet Zambri, Amri, Achab, qui regnarunt cum Asa, etc., numerandi forent a bello Æthiopico, quod nemo dixerit. *Tertio*, alii dicunt hos annos 36 esse annos vitæ Asæ, non regni. Verum obstat quod expresse dicatur : « Anno autem 36 regni, » non vitæ; unde Abulensis respondet aliam hic quærendam esse solutionem, quam ipse se nescire profitetur. *Quarto* et verius dicas hos 36 annos esse regni Judæ; quare com-

putandos esse a primo anno Roboam, qui primus fuit rex Juda, cum Israel, id est decem tribus, regem sibi creavere Jeroboam. Tunc enim facta est nova *Aera*, ac multi annos computare cœperunt ab hoc insigni schismate. Tunc enim institutum est regnum Juda, æque ac regnum Israei; unde hic passim anni regum Israel numerantur juxta annos regum Juda sibi conregnantium. Igitur, Roboam primus rex Juda regnavit 17 annis, mox Abia tribus annis, denique Asa sedecim adde hos omnes, habebis 36 quos quærimus. Quare hic annus 36 regni Juda præcise fuit decimus sextus regni Asæ. Instabis: Hi 36 anni hic vocantur non regni Juda, sed regni Asæ. Respondeo, idem est regnum Asæ quod regnum Juda, nam Asa aliud non habuit regnum quam Juda. Quare dum computas annos regni Juda, computas annos Asæ, qui illi præerat, et cuius erat hoc regnum. Ita Seder Olam sive *Chron. Hebræorum*, Torniellus, Salianus et Azor, tom. I *Instit. mor.* lib. VI, cap. LV, *Quæst. III*. Sic Absalom dicitur anno 40 petiisse a David veniam eundi in Hebron, II *Reg. xv*, 7, non utique anno 40 Davidis (nam trigesimus ejus tantum agebatur), sed 40 ab institutione regni in Israel, puta anno primo Saulis regis; cum publice unctus est a Samuele, qui regnum Davidis decem annis antecesserat. Initium enim alicujus regni nota est *insignis*, ut inde chronologia ducatur.

CIRCUMDABAT RAMA, (quæ erat in faucibus confinium regni Juda, ut proinde) NULLUS TUTE POSSET EGREDI ET INGREDI DE REGNO ASA.

Vers. 7.

7. IDCIRCO EVASIT SYRIÆ REGIS EXERCITUS, — q. d. Si confisus in Deo ejus opem invocasses, non autem Benadad regis Syriæ; eum, utpote perpetuum Judæ hostem, æque ac Baasa regem Israel vicisses, sicut vicisti Zaram regem *Aethiopie* qui multo numerosiore milite Judæam invadebat.

Vers. 10.

10. INTERFECIT DE POPULO PLURIMOS, — qui Hannani prophetæ innocentiam injuste ab Asa in carcere affligi dolebant, ideoque ejus tyrannidem liberius incusabant.

Vers. 12.

12. DOLORE PEDUM VEHEMENTISSIMO. — Hebraice et Græce additur usque ad supra: cum enim podagræ humor dolorque caput invadit, est vehementissimus, et celerem mortem affert. Unde Pagninus vertit, usque ad verticem fuit ægrotatio ejus.

SED MAGIS IN MEDICORUM ARTE CONFISUS EST. — Notant Procopius et Theodoretus, *Quæst. XLV*, « medicos » vel accipi hic pro incantatoribus et magicis impostoribus, vel pro veris medicis. Si priore modo, patet cur peccarit. Quemadmodum, lib. XXX, cap. i, docet Plinius Magiam et Medicinam una fere copulari; et lib. XXIX, cap. i: « Quid, ait, venenorum fertilius, aut unde testamentorum plures insidiæ? jam vero et adulteria, etc., quam e medicina? » Sicque, apud Latinos, medicamenta pro venenis interdum sumuntur, ut

apud Græcos pharmaca, Nonio teste; videatur et idem Plinius, lib. XXVI, cap. iv. Si posteriore modo, dupliciter peccare potuit; primo, nimiam spem in iis ponendo, prætermissa Domini Dei ope. Nam et ideo Salomonis de remediiis librum revulsum ab Ezechia referunt Cedrenus et Suidas, quod populus, Deo non invocato et neglecto, malorum inde sanationem peteret; secundo, præpostere ipsorum opem querendo, ante scilicet placationem, et auxilium quæsitum a Deo, prout explicat Eccli. cap. xxxviii, vers 9 et seq., ac jubet Innocentius III de pœnitentiis et remissionibus, cap. *Cum infirmitas*. Ita Serarius.

14. PLENUM AROMATIBUS ET UNGUENTIS MERETRICIIS. — Vers. 16. Græce *myrepiscis*, id est *aromatariis*; unde Serarius pro *meretriciis* suspicatur legendum *myrepiscis*. Verum meretriciis habent omnia Hebrææ et Latina: « meretriciis » ergo idem est quod suauissimis, et ut Vatablus vertit, *delicatissimis*; quibus utuntur meretrices, ut fætorem corporis, ac præsertim halitus, quem stupris confectæ quasi putida cadavera exhalant, iis obducant et contagent, juxta illud :

Posthume non bene olet, qui bene semper olet.

Vox « meretriciis » notat nimias odorum et aromatum hic fuisse delicias, nimiumque luxum et pompam; unde subdit dicens: « ambitione nimia. »

ET COMBUSERUNT SUPER EUM, — ut cadaveri regi honorem et cultum civilem exhiberent, et ab eo fætorem putredinemque depellerent. Non enim cadaver ipsum cum aromatibus, ut vult Vatablus, sed aromata juxta cadaver combusserunt, ut multis ostendit Sanchez.

Notant Hebræi apud S. Hieronymum in *Tradit.* hæc aromata super, vel ad tumulum ipsius combusta fuisse; imo et vestes, idque reverentiae et honoris causa; quemadmodum apud Virgilium VI *Eneid.*: « Congesta cremantur Thurea dona; » et apud Plinium, lib. XIII, capite i, Homerum et alios. Sic in morte Aristobuli a se submersi adhibet etiam unguenta et aromata plura Herodes apud Josephum, et in Herodis ipsius funere Archelaus apud eundem. Ipsum adhuc viventem Asam inglevisse sepulcrum suum unguentis, Azarias, lib. III, cap. ult., fol. 183, ac Rabbini quidam alii scribunt. Quin et unguenta a fidelibus offerri solita ad sepulera martyrum docet S. Paulinus, *Natali 6 S. Felicis*, dum ita canit :

Ut vibrant tremulas funeralia pendula flamas.
Martyris hi tumulum storieant profundere nardo,
Et medicata pio referant unguenta sepulcro.

Idem testatur Prudentius, *Hymno 11 in Hippolyto*, dicens :

Oscula perspicuo figunt impressa metallo :
Balsama diffundunt, fletibus ora rigant.

Et S. Gregorius, lib. VII, *Indict. II*, epist. 53, scri-

bens ad Secundinum : « Aloem vero, inquit, thy-
miana, styracem et balsamum sanctorum mar- tyrum corporibus offerenda, latore præsentium
deferente, transmisimus. »

CAPUT DECIMUM SEPTIMUM.

SYNOPSIS CAPITIS.

Asæ succedit pius Josaphat, ideoque dives et armis potens : hic, vers. 7, mittit doctores per totum regnum, qui populum legem Dei doceant ; vers. 11, vectigales ei fiunt Philistæ et Arabes ; vers. 14, milites et duces ejusdem recensentur.

1. Regnavit autem Josaphat filius ejus pro eo, et invaluit contra Israel. 2. Constituitque militum numeros in cunctis urbibus Juda, quæ erant vallatae muris. Præsidiaque dispositi in terra Juda, et in civitatibus Ephraim, quas ceperat Asa pater ejus. 3. Et fuit Dominus cum Josaphat quia ambulavit in viis David patris sui primis : et non speravit in Baalim, 4. sed in Deo patris sui, et perrexit in præceptis illius, et non juxta peccata Israel. 5. Confirmavitque Dominus regnum in manu ejus, et dedit omnis Juda munera Josaphat factæque sunt ei infinitæ divitiæ, et multa gloria. 6. Cumque sumpisset cor ejus audaciam propter vias Domini, etiam excelsa et lucos de Juda abstulit. 7. Tertio autem anno regni sui, misit de principibus suis Benhail, et Obdiam, et Zachariam, et Nathanael, et Michæam, ut docerent in civitatibus Juda : 8. et cum eis Levitas, Semeiam, et Nathaniam, et Zabadiam, Asael quoque et Semiramoth, et Jonathan, Adoniamque et Thobiam, et Thobadoniam, Levitas, et cum eis Elisama et Joram sacerdotes ; 9. docebantque populum in Juda, habentes librum legis Domini, et circuibant cunctas urbes Juda, atque erudiebant populum. 10. Itaque factus est pavor Domini super omnia regna terrarum, quæ erant per gyrum Juda, nec audebant bellare contra Josaphat. 11. Sed et Philistæ Josaphat munera deferebant, et vectigal argenti ; Arabes quoque adducebant pecora arietum septem millia septingenta, et hircorum totidem. 12. Crevit ergo Josaphat, et magnificatus est usque in sublime : atque ædificavit in Juda domos ad instar turrii, urbesque muratas. 13. Et multa opera paravit in urbibus Juda : viri quoque bellatores, et robusti erant in Jerusalem. 14. Quorumiste numerus per domos atque familias singulorum : In Juda principes exercitus, Ednas dux, et cum eo robustissimi viri trecenta millia. 15. Post hunc Johanan princeps, et cum eo ducenta octoginta millia. 16. Post istum quoque Amasias filius Zechri, consecratus Domino, et cum eo ducenta millia virorum fortium. 17. Hunc sequebatur robustus ad prælia Eliada, et cum eo tenentium arcum et clypeum ducenta millia. 18. Post istum etiam Jozabad, et cum eo centum octoginta millia expeditorum militum. 19. Hi omnes erant ad manum regis, exceptis aliis quos posuerat in urbibus muratis, in universo Juda.

6. **CUMQUE SUMPSISSET COR EJUS AUDACIAM PROPTER VIAS DOMINI, — q. d.** Josaphat audacem faciebat pietas, religio et custodia legis divinæ, ut neminem subditorum vel hostium timeret, sed fisis Deo audacter excelsa et lucos succideret, quæ alii pii reges, timentes populi offensam vel rebellionem, tolerarant et permiserant. Hebræus et Septuaginta habent, et exaltatum est cor ejus in viis Domini, q. d. Nihil habuit potius, quam ut observaret mandata Domini, ait Vatablus, vel potius, q. d. Josaphat magnos et excelsos ex Deo Deique cultu

concepit animos, adeo ut neminem veritus et impetratus excelsa aboleret, aliaque heroica opera pro promovendo Dei honore et gloria animo destinaret. Vide hic quid faciat pietas piaque intentio, quæ nil timet, et omnia audet Deo secundante. Talis fuit hoc ævo Pius V Pontifex, qui Deo nixus reges non timuit, sed regum, imo et Turcarum fuit terror et flagellum. Sanctitas enim omnibus est terror, æque ac veneratio.

7. **MISIT DE PRINCIPIBUS SUIS, — scilicet principes aulæ suaæ, qui suo jussu abolitis idolis, verum**

unius Dei cultum et custodiam legis Mosaicæ restituerent. Quocirca misit cum eis Levitas ac Sacerdotes, ut docerent populum leges Domini. In signis hic fuit zelus regis Josaphat, quem olim imitati sunt S. Stephanus Hungarorum primus rex, S. Ludovicus Francorum, S. Wenceslaus dux Bohemorum, et nostro ævo reges Hispaniæ et Lusitaniae, qui magnis impensis Indias utrasque subjugarunt, ut earum incolas ad veri Dei cognitionem et cultum per viros religiosos traducerent.

Vers. 12. **12. AEDIFICAVIT** (per urbes et castella) **IN JUDEA DOMOS AD INSTAR TURRIUM.** — Hebraice *palatia* tam excelsa et munita ut turres viderentur. Fecit hoc ad Judææ tum ornatum, tum munimen. Sicut Burgundiones contra incursum Wandalorum, Alanorum, Gothorum, etc., ædificarunt πυργοὺς, id est *burgos* et *turres*; indeque Burgundiones sunt appellati.

16. AMASIAS CONSECRATUS DOMINO. — Hebraice **המְתַנְדֵב hammitnaddab**, id est, ut Vatablus, qui sponte se obtulit Domino, hoc est, militiæ sacræ se devovit, ut pugnaret pro Deo Deique cultu contra idola et idololatras, ac pro fidei et pio rege suo Josaphat. Similes olim fuere milites Templi sive Templarii, qui militiæ sacræ se devoverunt pro tutela terræ sanctæ et templi Jerosolymitani. Vide S. Bernardum in sermone *ad milites Templs*.

18. ET CUM EO CENTUM OCTOGINTA MILLIA. — Uni-versim Josaphat sub signis habuit undecies centena et sexaginta bellatorum millia, Deo eum prosperante: quia præter tribus Judæ et Benjamin potentes et numerosas sibi subditas, multi ex decem tribubus avitæ religionis studiosi et prospexitate Josaphat illecti ad Jerusalem transfugerunt, ut dictum est cap. xv, 9.

CAPUT DECIMUM OCTAVUM.

SYNOPSIS CAPITIS.

Josaphat filio suo Joram uxorem dat filiam impii regis Achab, cum eoque pergit ad prælium, in quoque juxta oraculum Michææ Achab occiditur.

1. Fuit ergo Josaphat dives et inclytus multum, et affinitate conjunctus est Achab. **2.** Descenditque post annos ad eum in Samariam: ad cuius adventum mactavit Achab arietes et boves plurimos, ipsi et populo qui venerat cum eo; persuasitque illi ut ascenderet in Ramoth Galaad. **3.** Dixitque Achab rex Israel ad Josaphat regem Juda: *Veni mecum in Ramoth Galaad.* Cui ille respondit: *ut ego, et tu: sicut populus tuus, sic et populus meus: tecumque erimus in bello.* **4.** Dixitque Josaphat ad regem Israel: *Consule, obsecro, impræsentiarum sermonem Domini.* **5.** Congregavit igitur rex Israel prophetarum quadringentos viros, et dixit ad eos: *In Ramoth Galaad ad bellandum ire debemus an quiescere?* At illi: *Ascende, inquiunt, et tradet Deus in manu regis.* **6.** Dixitque Josaphat: *Numquid non est hic prophetes Domini, ut ab illo etiam requiramus?* **7.** Et ait rex Israel ad Josaphat: *Est vir unus a quo possumus querere Domini voluntatem; sed ego odi eum, quia non prophetat mihi bonum, sed malum omni tempore: est autem Michæas filius Jemla.* Dixitque Josaphat: *Ne loquaris, rex, hoc modo.* **8.** Vocavit ergo rex Israel unum de eunuchis, et dixit ei: *Voca cito Michæam filium Jemla.* **9.** Porro rex Israel, et Josaphat rex Juda, uterque sedebant in solio suo, vestiti cultu regio: sedebant autem in area juxta portam Samariæ, omnesque prophetæ vaticinabantur coram eis, **10.** Sedecias vero filius Chanaana fecit sibi cornua ferrea, et ait: *Hæc dicit Dominus: His ventilabis Syriam, donec conteras eam.* **11.** Omnesque prophetæ similiter prophetabant atque dicebant: *Ascende in Ramoth Galaad et prosperaberis, et tradet eos Dominus in manu regis.* **12.** Nuntius autem, qui ierat ad vocandum Michæam, ait illi: *En verba omnium prophetarum uno ore bona regi annuntiant; quæso ergo te ut et sermo tuus ab eis non dissentiat, loquarisque prospera.* **13.** Cui respondit Michæas: *Vivit Dominus, quia quodcumque dixerit mihi Deus meus, hoc loquar.* **14.** Venit ergo ad regem. Cui rex ait: *Michæa, ire debemus in Ramoth Galaad ad bellandum, an quiescere?* Cui ille respondit: *Ascendite; cuncta enim prospera evenient, et tradentur hostes in manus vestras.* **15.** Dixitque rex: *Ite-*

rum atque iterum te adjuro, ut mihi non loquaris, nisi quod verum est, in nomine Domini. 16. At ille ait: Vidi universum Israel dispersum in montibus, sicut oves absque pastore; et dixit Dominus: Non habent isti dominos; revertatur unusquisque in domum suam in pace. 17. Et ait rex Israel ad Josaphat: Nonne dixi tibi quod non prophetaret iste mihi quidquam boni, sed ea quae mala sunt? 18. At ille: Idcirco, ait, audite verbum Domini: Vidi Dominum sedentem in solio suo, et omnem exercitum cœli assistentem ei a dextris et a sinistris. 19. Et dixit Dominus: Quis decipiet Achab regem Israel, ut ascendat et corruat in Ramoth Galaad? Cumque diceret unus hoc modo et alter alio, 20. processit spiritus, et stetit coram Domino, et ait: Ego decipiā eum. Cui Dominus: In quo, inquit, decipies? 21. At ille respondit: Egrediar, et eo spiritus mendax in ore omnium prophetarum ejus. Dixitque Dominus: Decipies, et prævalebis; egredere, et fac ita. 22. Nunc igitur, ecce Dominus dedit spiritum mendacii in ore omnium prophetarum tuorum, et Dominus locutus est de te mala. 23. Accessit autem Sedecias filius Chanaana, et percussit Michæas maxillam, et ait: Per quam viam transivit Spiritus Domini a me, ut loqueretur tibi? 24. Dixitque Michæas: Tu ipse videbis in die illo, quando ingressus fueris cubiculum de cubiculo ut abscondaris. 25. Præcepit autem rex Israel, dicens: Tollite Michæam, et ducite eum ad Amon principem civitatis, et ad Joas filium Amalech. 26. Et dicetis: Hæc dicit rex: Mittite hunc in carcerem, et date ei panis modicum, et aquæ pauxillum, donec revertar in pace. 27. Dixitque Michæas: Si reversus fueris in pace, non est locutus Dominus in me. Et ait: Audite, omnes populi. 28. Igitur ascenderunt rex Israel et Josaphat rex Juda in Ramoth Galaad. 29. Dixitque rex Israel ad Josaphat: Mutabo habitum, et sic ad pugnam vadā, tu autem induere vestibus tuis. Mutatoque rex Israel habitu, venit ad bellum. 30. Rex autem Syriæ præceperat ducibus equitatus sui, dicens: Ne pugnetis contra minimum, aut contra maximum, nisi contra solum regem Israel. 31. Itaque cum vidissent principes equitatus Josaphat, dixerunt: Rex Israel est iste. Et circumdederunt eum dimicantes; at ille clamavit ad Dominum, et auxiliatus est ei, atque avertit eos ab illo. 32. Cum enim vidissent duces equitatus, quod non esset rex Israel, reliquerunt eum. 33. Accidit autem ut unus e populo sagittam in incertum jaceret, et percuteret regem Israel inter cervicem et scapulas; at ille aurigæ suo ait: Converte manum tuam, et educ me de acie, quia vulneratus sum. 34. Et finita est pugna in die illo; porro rex Israel stabat in curru suo contra Syros usque ad vesperam, et mortuus est occidente sole.

Vers. 4.

1. Hoc caput explicui lib. III Reg. cap. ult.

AFFINITATE CONJUNCTUS EST ACHAB, — ejus filiam Athaliam dando uxorem filio suo Joram, ut patet cap. XXI, vers. 6. Hoc unicum fuit peccatum Josaphat, quod societatem et connubium miscerit cum impio Achab. Athalia enim filia Achab idolatriam in Judæam invexit, adeoque occisis omnibus regis filiis, seipsam reginam effecit.

Vers. 20.

20. PROCESSIT SPIRITUS — nequam, scilicet diabolus. Fabulantur Rabbini hunc spiritum fuisse animam Naboth injuste a Jezabele lapidati, quasi illa hic se vindicarit, curaritque Achab a pseudoprophetis seduci, ut iret ad prælium in quo erat occidendum.

Vers. 25.

25. ET AD JOAS FILIUM AMELECH: sic et Pagninus. Hebraice est בֶן הַמְלָךְ ben hammelech, quod Septua-

ginta proprie vertunt, *filiū regis*. Unde videtur hic Joas fuisse filius Achab, qui, proficiscens in bellum contra Syros, huic filio suo custodiā Samariæ commiserit.

27. AUDITE, OMNES POPULI, — ac notate singula oraculi mei verba, ut cum paulo post videritis singula impleri, sciatis me a Deo missum hæc prædictisse; ideoque Achabo necem non casu, sed Deo vindice obtigisse; ut ab ejus idolis et sceleribus caveatis, et ad Deum Juda redeatis.

34. REX ISRAEL STABAT IN CURRU SUO CONTRA SYROS USQUE AD VESPERAM, — licet enim Achab esset vulneratus, persistit tamen in curru, ut suis in pugna contra Syros animos adderet, donec vespere eum cum sanguine spiritus et vita defecit.

CAPUT DECIMUM NONUM.

SYNOPSIS CAPITIS.

Jehu propheta arguit Josaphat, quod cum impio Achab sedus inierit; unde Josaphat zelum cultus divini adauget, ac judices de servanda justitia, Sacerdotes et Levitas de populo pie erudiendo admonet.

1. Reversus est autem Josaphat rex Juda in domum suam pacifice in Jerusalem. 2. Cui occurrit Jehu filius Hanani Videns, et ait ad eum : Impio præbes auxilium, et his qui oderunt Dominum amicitia jungeris, et idcirco iram quidem Domini merebaris ; 3. sed bona opera inventa sunt in te, eo quod abstuleris lucos de terra Juda, et præparaveris cor tuum ut requireres Dominum Deum patrum tuorum. 4. Habitavit ergo Josaphat in Jerusalem : rursumque egressus est ad populum de Bersabee usque ad montem Ephraim, et revocavit eos ad Dominum Deum patrum suorum. 5. Constituitque judices terræ in cunctis civitatibus Juda munitis per singula loca, 6. et præcipiens judicibus : Videte, ait, quid faciatis; non enim hominis exercetis judicium, sed Domini : et quodcumque judicaveritis, in vos redundabit. 7. Sit timor Domini vobiscum, et cum diligentia cuncta facite : non est enim apud Dominum Deum nostrum iniquitas, nec personarum acceptio, nec cupidus munera. 8. In Jerusalem quoque constituit Josaphat Levitas, et sacerdotes, et principes familiarum ex Israel, ut judicium et causam Domini judicarent habitatoribus ejus. 9. Præcepitque eis, dicens : Sic agetis in timore Domini fideliter, et corde perfecto. 10. Omnem causam quæ venerit ad vos fratrum vestrum, qui habitant in urbibus suis inter cognitionem et cognitionem, ubicumque quæstio est de lege, de mandato, de cæremoniis, de justificationibus : ostendite eis, ut non peccent in Dominum, et ne veniat ira super vos, et super fratres vestros : sic ergo agentes non peccabitis. 11. Amarias autem sacerdos et pontifex vester in his, quæ ad Deum pertinent, præsidebit : porro Zabadias filius Ismahel, qui est dux in domo Juda, super ea opera erit, quæ ad regis officium pertinent : habetisque magistros Levitas coram vobis, confortamini, et agite diligenter, et erit Dominus vobiscum in bonis.

Vers. 2. 2. IMPIO PRÆBES AUXILIUM, ET HIS QUI ODERUNT DOMINUM AMICITIA JUNGERIS, — et affinitate, dando filiam impii Achab, scilicet Athaliam, uxorem filio tuo Joram. Hoc enim indignum est, ut scilicet eos faciamus nobis amicos, qui Dei sunt hostes, et quorum Deus est hostis; nisi necessitas aut magna utilitas cogat, æque ac periculum, ut patuit ex eventu. Athalia enim pervertit Joram et Judæos. Unde David, Psalm. cxxxviii, 21, profitetur se hostem hostium Dei : « Nonne, inquit, qui oderunt te, Domine, oderam, et super inimicos tuos tabescerem? Perfecto odio oderam illos, et inimici facili sunt mihi. » Quocirca subjungit Deus per Jehu prophetam :

ET IDCIRCO IRAM (castigationem et vindictam acrem) QUIDEM DOMINI MEREBARIS; SED BONA OPERA INVENTA SUNT IN TE, — scilicet pietatis, et zeli in evertenda idolatria, et tuendo promovendoque Dei cultu, ob quæ Deus tibi omnem culpam, æque ac poenam condonat.

6. NON ENIM HOMINIS EXERCETIS JUDICIUM, SED DOMINI, — q. d. Non tam mei, quam Dei estis vicarii, a Deo scilicet per me constituti estis judices populi sui, ut eum juste sancteque judicetis; quare ipse a vobis rationem justitiae vel præstitæ, vel neglectæ severam exiget, ac pro meritis præmiabit, vel puniet. Cogitent hoc sæpeque ruminent principes et judices; scilicet se Dei judicium exercere, ac proinde coram Deo ita vere et sincere judicent, sicut Deus ipse judicaret, et sicut judicandum esse ipse eis ostendet in die judicii. Qui hoc cogitat, nec favore, nec amicitia, nec donis, nec minis a recto justitiae tramite inflecti se sinit. Nam ut subdit :

NON EST ENIM APUD DOMINUM DEUM NOSTRUM INIQUITAS, — id est ut Septuaginta *injustitia*; Hebreus ἀληγονία aula, id est *perversitas*, sive *perversio* et *evercio* *justitiae*, ut vel *personas*, vel *munera accipiat*, ut sequitur. Ita Vatablus.

CAPUT VIGESIMUM.

SYNOPSIS CAPITIS.

Josaphat Moabitas, Ammonitas et Syros non tam armis, quam oratione et jejunio superat et spoliat. Denique, vers. 35, Eleazar propheta arguit Josaphat ob fædus cum Ochosia impio rege Israel initum, ideoque naves utriusque ituras in Tharsis conftractas esse asserit.

1. Post hæc congregati sunt filii Moab, et filii Ammon, et cum eis de Ammonitis ad Josaphat, ut pugnarent contra eum. 2. Veneruntque nuntii et indicaverunt Josaphat, dicentes : Venit contra te multitudo magna, de his locis quæ trans mare sunt, et de Syria ; et ecce consistunt in Asasonthamar, quæ est Engaddi. 3. Josaphat autem, timore perterritus, totum se contulit ad rogandum Dominum, et prædicavit jejunium universo Juda. 4. Congregatusque est Judas ad deprecandum Dominum : sed et omnes de urbibus suis venerunt ad obsecrandum eum. 5. Cumque stetisset Josaphat in medio cœtu Juda, et Jerusalem, in domo Domini ante atrium novum, 6. ait : Domine Deus patrum nostrorum, tu es Deus in cœlo, et dominaris cunctis regnis Gentium ; in manu tua est fortitudo, et potentia, nec quisquam tibi potest resistere. 7. Nonne tu Deus noster interfecisti omnes habitatores terræ hujus coram populo tuo Israel, et dedisti eam semini Abraham amici tui in sempiternum ? 8. Habitaveruntque in ea, et exstruxerunt in illa sanctuarium nomini tuo, dicentes : 9. Si irruerint super nos mala, gladius judicii, pestilentia, et fames, stabimus coram domo hac in conspectu tuo, in qua invocatum est nomen tuum, et clamabimus ad te in tribulationis nostris ; et exaudies salvosque facies. 10. Nunc igitur ecce filii Ammon, et Moab, et mons Seir, per quos non concessisti Israel ut transirent, quando egrediebantur de Ægypto, sed declinaverunt ab eis, et non interfecerunt illos : 11. e contrario agunt, et nituntur ejicere nos de possessione quam tradidisti nobis. 12. Deus noster, ergo non judicabis eos ? In nobis quidem non est tanta fortitudo, ut possimus huic multitudini resistere, quæ irruit super nos. Sed cum ignoremus quid agere debeamus, hoc solum habemus residui, ut oculos nostros dirigamus ad te. 13. Omnis vero Juda stebat coram Domino, cum parvulis, et uxoribus, et liberis suis. 14. Erat autem Jahaziel filius Zachariæ, filii Banaiæ, filii Jehiel, filii Mathaniæ, Levites de filiis Asaph, super quem factus est Spiritus Domini in medio turbæ, 15. et ait : Attendite, omnis Juda, et qui habitatis Jerusalem, et tu rex Josaphat : Hæc dicit Dominus vobis : Nolite timere, nec paveatis hanc multitudinem ; non est enim vestra pugna, sed Dei. 16. Cras descendetis contra eos : ascensuri enim sunt per clivum nomine Sis, et invenietis illos in summitate torrentis, qui est contra solitudinem Jeruel. 17. Non eritis vos qui dimicabitis, sed tantummodo confidenter state, et videbitis auxilium Domini super vos, o Juda et Jerusalem : Nolite timere, nec paveatis ; cras egrediemini contra eos, et Dominus erit vobiscum. 18. Josaphat ergo et Juda, et omnes habitatores Jerusalem, ceciderunt proni in terram coram Domino, et adoraverunt eum. 19. Porro Levitæ de filiis Caath et de filiis Core laudabant Dominum Deum Israel voce magna in excelsum. 20. Cumque mane surrexisserent, egressi sunt per desertum Thecue ; profectisque eis, stans Josaphat in medio eorum, dixit : Audite me, viri Juda, et omnes habitatores Jerusalem : credite in Domino Deo vestro, et securi eritis ; credite prophetis ejus, et cuncta evenient prospera. 21. Deditque consilium populo, et statuit cantores Domini, ut laudarent eum in turmis suis, et antecederent exercitum, ac voce consona dicerent : Confitemini Dominum, quoniam in æternum misericordia ejus. 22. Cumque cœpissent laudes canere, vertit Dominus insidias eorum in semetipsos, filiorum scilicet Ammon, et Moab, et montis Seir,

qui egressi fuerant ut pugnarent contra Judam, et percussi sunt. 23. Namque filii Ammon et Moab consurrexerunt adversum habitatores montis Seir, ut interficerunt et delerent eos ; cumque hoc opere perpetrassent, etiam in semetipsos versi, mutuis concidere vulneribus. 24. Porro Juda, cum venisset ad speculam quæ respicit solitudinem, vidi procul omnem late regionem plenam cadaveribus, nec superesse quemquam, qui necem potuisse evadere. 25. Venit ergo Josaphat, et omnis populus cum eo, ad detrahenda spolia mortuorum : inveneruntque inter cadavera variam supellectilem, vestes quoque, et vasa pretiosissima, et diripuerunt, ita ut omnia portare non possent, nec per tres dies spolia auferre præ prædæ magnitudine. 26. Die autem quarto congregati sunt in Valle benedictionis : etenim quoniam ibi benedixerunt Domino, vocaverunt locum illum Vallis benedictionis usque in præsentem diem. 27. Reversusque est omnis vir Juda, et habitatores Jerusalem, et Josaphat ante eos, in Jerusalem cum lætitia magna, eo quod dedisset eis Dominus gaudium de inimicis suis. 28. Ingressique sunt in Jerusalem cum psalteriis, et citharis, et tubis in domum Domini. 29. Irruit autem pavor Domini super universa regna terrarum, cum audissent quod pugnasset Dominus contra inimicos Israel. 30. Quievitque regnum Josaphat, et præbuit ei Deus pacem per circuitum. 31. Regnavit igitur Josaphat super Judam, et erat triginta quinque annorum, cum regnare cœpisset : viginti autem et quinque annis regnavit in Jerusalem, et nomen matris ejus Azuba filia Selahi. 32. Et ambulavit in via patris sui Asa, nec declinavit ab ea, faciens quæ placita erant coram Domino. 33. Verumtamen excelsa non abstulit, et adhuc populus non direxerat corpus ad Dominum Deum patrum suorum. 34. Reliqua autem gestorum Josaphat priorum et novissimorum scripta sunt in verbis Jehu filii Hanani, quæ digessit in Libros regum Israel. 35. Post hæc iniit amicitias Josaphat rex Juda cum Ochozia rege Israel, cuius opera fuerunt impiissima. 36. Et particeps fuit ut facerent naves, quæ irent in Tharsis : feceruntque classem in Asiongaber. 37. Prophetavit autem Eliezer filius Dodan de Maresa ad Josaphat, dicens : Quia habuisti fœdus cum Ochozia, percussit Dominus opera tua, contritæque sunt naves, nec potuerunt ire in Tharsis.

Vers. 1.

1. FILII AMMON ET CUM EIS DE AMMONITIS, — hoc est de Idumæis; hi enim, ne viderentur contra Judæos fratres suos pugnare, vocabant se Ammonitas. Ita Auctor *Tradit.* apud S. Hieronymum hic : « Ammonitas, ait, Idumæos vult intelligi, qui ob reverentiam paterni nominis (Esau, qui erat frater Jacob patris Idumæorum), nolebant in pristino habitu arma movere contra Israel; sed transfigurabant se in habitum Ammonitarum. »

Vers. 2.

2. DE HIS LOCIS QUÆ SUNT TRANS MARE (scilicet Mortuum, sive lacum Asphaltidem, illoque trajecto castra metantur in) ENGADDI, — puta in limitibus regni Juda; Syria enim separabatur a Juda mari Mortuo, ait Vatablus (1).

(1) Quod hic asserit Cornelius a Lapide, Vatablum auctorem sequens, scilicet Syriam a Juda separari mari Mortuo, pace tam docti viri dixerim, a veritate geographica paululum peregrinatur. Nam semel terræ sanctæ descriptionem insipienti, statim patet nec tribum, nec regnum Juda a Syria esse proxime separata mari Mortuo, quod ad Orientem regni Juda adjacet, dum Syria magis ad Septentrionem regni Juda posita est, et toto regno Israel a regno Juda dissita. Cæterum ex progressu hujus historiæ nullibi venisse videmus in societatem armorum cum Moabitis et Ammonitis Syros, quorum est regio a locis hic descriptis plurimum distans. Legendum ergo cum Calmeto maluerim מִן־אַדָּם de Edom, pro אַדָּם

5. ATRIUM NOVUM, — scilicet innovatum, vel de Vers. 5. novo templo adjectum : cum enim Salomon amplissima fecisset templi atria, ut totum populum 12 tribuum caperet; deinde vero decem tribubus fecissent schisma a Roboam et templo, hinc multæ atrii partes, utpote vacuae fuere occlusæ, vel ad alios usus deputatæ. At vero sub Josaphat crescente multitudine fidelium, et populi tam Juda, quam eorum qui e decem tribubus transfugerant ad Juda, necessum fuit earum aliquas rursum aperiri et innovari, ut tantum populum caperent; et hoc est : « Atrium novum, » id est innovatum, et de novo usibus templi et populi accommodatum.

12. SED CUM IGNOREMUS QUOD AGERE DEBEAMUS, HOC Vers. 12. SOLUM HABEMUS RESIDUI, UT OCULOS NOSTROS DIRIGAMUS AD TE. — Nota hoc Josaphat consilium piissimum et utilissimum : « Cum ergo omni humano auxilio destitueris, vicinum est divinum, » ut aie-

de Aram, vel de Syria, quod est in textu. Porro similitudine litterarum inter *Edom* et *Aram* decipi Amanuenses nunc primum non contigit, et vers. 10, 22, 23, qui huic respondere videntur, correctionem hanc plane exigunt. Constat utique non defuisse in exercitu hostium Idumæos, vel incolas montis Seir, nec infimum ibi locum tenuisse ut recenserit inter ceteros mererentur.

bat Philo legatus ad Caium, si illud invoces; Dei enim proprium est in arctis succurrere, ac desperata restituere: ibi enim maxime suam clementiam et potentiam ostendit. Hoc ergo opus, uti divinitati est congruum, sic et Deo proprium.

Vera. 13. 13. OMNIS JUDA STABAT QORAM DOMINO CUM PARVULIS, ET UXORIBUS, ET LIBERIS SUIS. — Ecce hic patet antiquitas Litaniae sive Orationis publicae et communis, qua in publica calamitate publice omnes cuiusvis sexus et aetatis conveniunt; ut unanimi voce, et quasi una omnium comploratione Dei misericordiam et opem implorent, Deoque quasi vim faciant: «*Hæc, enim, vis grata est Deo,*» ait Tertullianus in *Apologetico*. Idem fecere Nini-vitæ, *Jonæ* III, 5, et Machabæi, II *Machab.* III, 18 et seq., ac Judæi tempore Judith, cap. IV, vers. 9. Et hoc est quod faciendum monet Joel, cap. XVI: «*Coadunate senes, congregate parvulos et sugentes ubera.*» Idem fecit S. Gregorius in peste quæ Romam et Italianam populabatur. Indixit enim publicas omnium ordinum Litanias, easque in variis classes distribuit, ac omnibus Dei opem in clamantibus, Deus pestem stitit, ut habet ejus Vita.

33. VERUMTAMEN EXCELSA NON ABSTULIT. — «*Ex- Vers. 33
celsa* » Deo vero dicata intellige; nam excelsa idolorum abstulit, ut dictum est. Causam subdit:

Et ADHUC POPULUS NON DIREXERAT COR SUUM AD DOMINUM, — scilicet perfecte et totaliter; nam adhuc immolabat Deo in excelsis, cum Deus jussisset ut in solo templo Jerosolymæ sibi sacrificaretur.

34. SCRIPTA SUNT IN VERBIS JEHU FILII HANANI, QUÆ Vers. 14
DIGESSIT IN LIBROS REGUM ISRAEL, — puta in libros Chronicorum sive Diariorum, quibus conscripsit gesta regum Israel. Hinc patet Jehu esse auctorem, saltem ex parte, libri toties citati, scilicet chronicorum regum Israel, eumque diversum esse ab hoc libro Paralipomenon, cum in eo hic citetur.

36. NAVES QUÆ IRENT IN THARSIS. — Vide dicta Vers. 36
cap. IX, vers. 21. Nota ex hoc loco, Deum sæpe piorum principum conatus frustrari, eo quod impiorum regum vel militum ope utantur. Ideo enim contrivit naves pii Josaphat, quod junctæ essent navibus Ochoziæ impii regis Israel. Simili modo Deus per prophetam jussit Amasie, impios Israelitas, licet centum talentis argenti jam conductos, ab exercitu domum remittere, cap. XXV, 6.

CAPUT VIGESIMUM PRIMUM.

SYNOPSIS CAPITIS.

Pio Josaphat succedit inpius filius Joram qui fratres suos et nonnullos principum occidit. Quare Elias ad eum litteras e paradiſo mittit, quibus ei gravem morbum mortemque, ac toti regno cladem denuntiat; quæ omnia re ipsa evenerunt.

1. Dormivit autem Josaphat cum patribus suis, et sepultus est cum eis in Civitate David: regnavitque Joram filius ejus pro eo. 2. Qui habuit fratres, filios Josaphat, Azariam, et Janiel, et Zachariam, et Azariam, et Michael, et Saphatiam, omnes hi, filii Josaphat regis Juda. 3. Deditque eis pater suus multa munera argenti, et auri, et pensitationes, cum civitatibus munitissimis in Juda: regnum autem tradidit Joram, eo quod esset primogenitus. 4. Surrexit ergo Joram super regnum patris sui: cumque se confirmasset, occidit omnes fratres suos gladio, et quosdam de principibus Israel. 5. Triginta duorum annorum erat Joram cum regnare coepisset: et octo annis regnavit in Jerusalem. 6. Ambulavitque in viis regum Israel, sicut egerat domus Achab: filia quippe Achab erat uxor ejus, et fecit malum in conspectu Domini. 7. Noluit autem Dominus disperdere domum David, propter pactum quod inierat cum eo: et quia promiserat ut daret ei lucernam, et filiis ejus omni tempore. 8. In diebus illis rebellavit Edom, ne esset subditus Judæ, et constituit sibi regem. 9. Cumque transisset Joram cum principibus suis, et cuncto equitatu qui erat secum, surrexit nocte, et percussit Edom qui se circumdederat, et omnes duces equitatus ejus. 10. Attamen rebellavit Edom, ne esset subditus Juda, usque ad hanc diem: eo tempore et Lobna recessit ne esset sub manu illius. Dereliquerat enim Dominum Deum patrum suorum: 11. insuper et excelsa fabricatus est in urbibus Juda, et fornicari fecit habitatores Jerusalem, et prævaricari Judam. 12. Allatæ sunt autem ei litteræ ab Elia propheta, in quibus scriptum erat: *Hæc dicit Dominus Deus David patris tui: Quoniam non ambulasti in viis Josaphat patris tui, et in viis Asa*

regis Juda, 13. sed incessisti per iter regum Israel, et fornicari fecisti Judam, et habitatores Jerusalem, imitatus fornicationem domus Achab, insuper et fratres tuos, domum patris tui, meliores te, occidisti : 14. ecce Dominus percutiet te plaga magna, cum populo tuo, et filiis, et uxoribus tuis, universaque substantia tua ; 15. tu autem ægrotabis pessimo languore uteri tui, donec egrediantur vitalia tua paulatim per singulos dies. 16. Suscitavit ergo Dominus contra Joram spiritum Philistinorum, et Arabum, qui confines sunt Æthiopibus, 17. et ascenderunt in terram Juda, et vastaverunt eam, diripueruntque cunctam substantiam, quæ inventa est in domo regis, insuper et filios ejus, et uxores : nec remansit ei filius, nisi Joachaz, qui minimus natu erat. 18. Et super hæc omnia percussit eum Dominus alvi languore insanabili. 19. Cumque diei succederet dies, et temporum spatia volverentur, duorum annorum expletus est circulus : et sic longa consumptus tabe, ita ut egereret etiam viscera sua, languore pariter et vita caruit. Mortuusque est in infirmitate pessima, et non fecit ei populus secundum morem combustionis, exsequias, sicut fecerat majoribus ejus. 20. Triginta duorum annorum fuit, cum regnare cœpisset, et octo annis regnavit in Jerusalem. Ambulavitque non recte, et sepelierunt eum in Civitate David : verumtamen non in sepulcro regum.

4. OCCIDIT OMNES FRATRES SUOS GLADIO, ET QUOS-DAM DE PRINCIPIBUS, — forte eo quod ipsi se ejus novæ religioni et idolatriæ opponerent. Quod si ita est, ipsi revera occubuerunt ut martyres.

Vers. 7. **7. LUCERNAM**, — id est successionem stirpis regiae et splendidæ. Vide *Psal. cxxxii*, 17.

Vers. 10. **10. ATTAMEN REBELLAVIT EDOM.** — Idumæa scilicet excussit jugum impii Joram regis Juda; tuncque impleta est prophetia Jacob, *Genes. xxvii*, 40, prædicentis quod Esau excuteret jugum Jacob, puta quod Idumæi excuterent jugum Judæorum.

Eo TEMPORE ET LOBNA RECESSIT. — Urbs erat prisca in tribu Juda, q. d. Non tantum exteri Idumæi, sed et subditi Lobnenses impio Joram licet regi suo, rebellarunt. Audi Adrichomium in *Descriptione tribus Juda*, num. 176: « Lebna quæ et Lobna et Labana, urbs Levitarum fortis et munita, non longe a Lachis dissita, habuerat priscis temporibus regem; quo imperfecto, Josue etiam ipsam expugnavit. Postquam ad Monarchiam devenisset status Judæorum, propter impietatem regis Joram filii Josaphat defecit ab eo Lebna; tandem obsessa fuit a Sennacherib rege Assyriorum. Nunc villa est in regione Eleutheropolitana, quæ appellatur Lobna, de qua scribit Isaias, ut auctor Hieronymus. Quidam hanc ponunt in tribu Dan. »

Vers. 12. **12. ALLATÆ AUTEM SUNT EI LITTERÆ AB ELIA PRO-PHETA.** — Quæres : Quænam, quales, quando et quomodo ab Elia scriptæ et missæ sunt hæ litteræ? Nota Eliam jam pridem e terra raptum fuisse curru igneo in cælum. Nam tempore Josaphat, qui fuit pater hujus Joram, florebat et prophetabat Eliseus, qui Eliæ jam rapto successit, ut patet IV *Reg. iii*, 11. Quod enim Cajetanus censem alium hunc esse Eliam, et diversum a Thesbite, non habet speciem verisimilitudinis, et nove sine fundamento dicitur. Tale quoque est, quod ait Vatablus, per Eliam hic intelligi Eliseum, eo quod

ipsi spiritus Eliæ insedisset. Alii ut Emmanuel Sa opinantur Eliam ante raptum has litteras scripsisse, et dedisse Eliseo vel alicui simili, ut eas post raptum suum traderet regi Joram. Verum ali censent Eliam ex paradiso, vel loco in quo ipse post raptum degit cum Enoch, has litteras misisse, sive per Angelum formam humana induitum, sive per Eliseum aliumve prophetam, vel virum fidelem, ad regem Joram. Itaque sicut in Transfiguratione Christi apparuit Petro, Jacobo et Joanni Elias cum Moyse, sic et idem apparuit hic alicui viro, eique litteras a se scriptas ad Joram preferendas dedit. Ita Hebrei in *Seder-Olam*, cap. xvii, Lyranus, Serarius, Sanchez, Bellarminus, et Salianus, qui censent has litteras datas ab Elia nono anno post raptum; raptum enim fuisse anno 19 Josaphat qui deinde adhuc sex annos regnavit, scilicet usque ad annum 25; litteras vero has fuisse datas anno tertio vel quarto Joram, quod scilicet ipse solus post patrem Josaphat vita functum regnabat. Scripsit autem ex paradiso, ut magis percelleret impium Joram et converteret, utque ostenderet quantam ipse et Sancti, etiam post hanc vitam, hominum fidelium præsertim, habeant curam. Idem censent Genebrardus, lib. I *Chronol.*, Josephus Acosta, lib. III *De Noviss. Temp.* cap. vii, Aben Ezra et Petrus Figuerius in cap. iv *Malachie*, Thomas Malvenda, lib. IX *De Antichristo*, cap. ii. Porro hisce litteris Elias graviter increpat Joram, quod a Deo æque ac religione patris sui Josaphat desciverit, quodque fratres suos quasi parricida occiderit, ac eidem minatur triplicem plagam : scilicet primo, publicam bonorum tam ipsius regis quam regni populique expilationem, æque ac uxorum et filiorum ejus rapinam, quam mox intulerunt Philistæ, Arabes et Æthiopes, ut dicitur vers. 16. Secundo, gravem morbum et longam duorum annorum tabem, ita ut viscera ege-

rat, itaque in doloribus et fœtoribus infelicem animam exhalet, vers. 18. *Tertio*, quod carebit honore regiae sepulturæ. Hanc tertiam poenam non exprimit Elias, sed hæc e duabus prioribus, atque ex infami ejus vita et morte consequuta est, ut patet vers. 19.

Vers. 17. 17. *NISI JOACHAZ.* — Hic est qui inverso nomine dictus est Ochozias. Hic enim solus superstes Joram patri in regno successit, ut patet cap. seq. vers. 1. Ita Beda.

19. ET NON FECIT EI POPULUS SECUNDUM MOREM VERS. 19. COMBUSTIONIS, EXSEQUIAS, SICUT FEGERAT MAJORIBUS EJUS, — comburendo, non cadaver regis (illud enim sepeliebatur in sepulcro David et Salomonis, vel proprio ad hoc magnifice quasi mausoleo erecto), sed juxta cadaver, aromata et unguenta pretiosa; idque «ambitione» et pompa «magna» factum est Asæ avo Joram, cap. xvi, vers. 14. Vide dicta *Jerem.* cap. xxxiv, vers. 5.

CAPUT VIGESIMUM SECUNDUM.

SYNOPSIS CAPITIS.

Impio Joram succedit filius impius Ochosias, quem cum Joram rege Israel occidit Jehu. Athalia uxor Joram omnes filios Ochoziæ occidit, unico Joas parvulo excepto, quem Josabeth amita furtim neci substraxit. Sola ergo regnat Athalia.

1. Constituerunt autem habitatores Jerusalem Ochoziam filium ejus minimum, regem pro eo : omnes enim majores natu, qui ante eum fuerant, interfecerant latrones Arabum, qui irruerant in castra : regnavitque Ochozias filius Joram regis Juda. 2. Quadraginta duorum annorum erat Ochozias cum regnare coepisset, et uno anno regnavit in Jerusalem, et nomen matris ejus Athalia filia Amri. 3. Sed et ipse ingressus est per vias domus Achab : mater enim ejus impulit eum ut impie ageret. 4. Fecit igitur malum in conspectu Domini, sicut domus Achab : ipsi enim fuerunt ei consiliarii post mortem patris sui, in interitum ejus. 5. Ambulavitque in consiliis eorum. Et perrexit cum Joram filio Achab rege Israel, in bellum contra Hazael regem Syriæ in Ramoth Galaad : vulneraveruntque Syri Joram. 6. Qui reversus est ut curaretur in Jezrahel : multas enim plagas acceperat in supradicto certamine. Igitur Ochozias filius Joram rex Juda, descendit ut inviseret Joram filium Achab in Jezrahel ægrotantem. 7. Voluntatis quippe fuit Dei adversus Ochoziam, ut veniret ad Joram : et cum venisset et egredetur cum eo adversum Jehu filium Namsi, quem unxit Dominus ut deleret domum Achab. 8. Cum ergo everteret Jehu domum Achab, invenit principes Juda, et filios fratrum Ochoziæ, qui ministrabant ei, et interfecit illos. 9. Ipsum quoque perquirens Ochoziam, comprehendit latitantem in Samaria : adductumque ad se occidit, et sepelierunt eum ; eo quod esset filius Josaphat qui quæsierat Dominum in toto corde suo, nec erat ultra spes aliqua, ut de stirpe quis regnaret Ochoziæ. 10. Siquidem Athalia mater ejus, videns quod mortuus esset filius suus, surrexit, et interfecit omnem stirpem regiam domus Joram. 11. Porro Josabeth filia regis tulit Joas filium Ochoziæ, et furata est eum de medio filiorum regis, cum interficerentur : absconditque eum cum nutrice sua in cubiculo lectulorum : Josabeth autem, quæ absconderat eum, erat filia regis Joram, uxor Joidæ Pontificis, soror Ochoziæ, et idcirco Athalia non interfecit eum. 12. Fuit ergo cum eis in domo Dei absconditus sex annis, quibus regnavit Athalia super terram.

Vers. 1. 1. *OCHOZIAM.* — Hic est qui inverse vocatus est Joachaz, cap. precedenti, vers. 17.

Vers. 2. 2. *QUADRAGINTA DUORUM ANNORUM ERAT OCHOZIAS, CUM REGNARE COEPISSET.* — Grandis est hic quæstio et antilogia; nam IV Regum cap. viii, vers. 26, dicitur : «Viginti duorum annorum erat Ochozias

cum regnare coepisset; » quia, ut præcessit, Joram cœpit regnare cum 32 esset annorum, regnavitque 8 annis, mortuusque est anno ætatis 40, ait Josephus; mox successit ei filius Ochozias, ergo is non potuit esse 42 annorum, alioqui enim bennio fuisset senior patre suo Joram, qui mortuus

Concilia-
tur.
est anno ætatis quadragesimo ; fuit igitur tum
Ochozias 22 annorum.

Primo, Hebræi in *Seder-Olam*, cap. xvii, quos
sequitur Genebrardus et Serarius, respondent hos
42 annos computandos esse ab anno sexto Amri,
qui fuit avus maternus Ochoziæ, cuius mores et
idola ipse secutus est ; Amri enim in Samaria a
se condita , et in metropolim regni Israel erecta,
solus regnare cœpit anno sexto regni sui, regna-
vitque in ea octo annis; successit ei Achab filius,
qui cum Ochozia filio regnavit 22 annis; huic suc-
cessit Joram pariter filius per 12 annos; anno au-
tem ejus duodecimo et ultimo cœpit regnare in
Juda hic Ochozias filius Joram , eodemque anno
cum Joram rege Israel occisus est a Jehu : jam
adde annos 8 Amri, 22 Achab, 12 Joram, habebis
42 quos quærimus. Videntur enim Israelitæ Æram
constituisse ab initio regni Samariæ, ab eoque
annos numerasse, uti numerant Historici a Roma
condita. Sic Absalom dicitur post 40 annos, sci-
licet a prima unctione Davidis in regem compu-
tandos, rebellasse Davidi, II Reg. cap. xv, vers. 7.
Verum obstat, quod hi 42 anni dicantur esse Ocho-
ziæ, non regni Samariæ. Unde Hebræi clare ha-
bent : *Filius 42 annorum erat Ochozias, cum regnare*
cœpisset. Adde : Ochozias erat rex Juda, cur ergo
annos ejus computaret Scriptura a regno Samariæ
diverso, imo ei adverso?

Secundo. Secundo, S. Hieronymus in *Tradit.*, *Glossa*, Ly-
ranus, Hugo, Dionysius, Gordonus, Mendoza, Va-
tablus et Franciscus Suarez, III part. tom. I, disp.
vi, sect. 1, respondent Joram cœpisse regnare
anno ætatis 32, cum Josaphat patre, ac cum eo
regnasse viginti annis; deinde eo mortuo solum
regnasse octo annis, qui octo solum numerantur,
quia pertinent ad chronologiæ computationem;
quare mortuum esse anno ætatis non 40, ut ait
Josephus, sed 60; ita ut Ochozias filius ei suc-
cendens fuerit 42 annorum, qui tamen, III Reg. cap.
viii, vers. 26, dicitur fuisse 22 annorum, quia sci-
licet ipse cum patre Joram 20 annis regnavit; quare
quando cum eo regnare cœpit, erat 22; patre vero
post 20 annos mortuo , cum Ochozias solus reg-
navit, fuit 42 annorum.

Verum sic Josaphat debuisset generare Joram
anno ætatis suæ octavo ; Josaphat enim cœpit re-
gnare anno ætatis 35, ac regnavit 25 annis mor-
tuusque est sexagenarius; adde quinque , vel ut
alii octo annos, quibus post ejus mortem regna-
vit Joram , fient anni Josaphat 68, ex quibus 42
tribuendi sunt Ochoziæ, ac octodecim circiter Jo-
ram patri ejus, cum eum genuit, qui juncti faciunt
60; quare octo tantum anni supererunt Josaphato,
quos ipse habuerit cum genuit Joram , quod est
impossibile. Omitto quod isti auctores dicunt sim-
mul tres reges regnasse, scilicet avum Josaphat,
filium Joram, et nepotem Ochoziam per 20 annos;
quod novum est et insolitus.

Tertio, Sanchez et alii, ut hoc argumentum evi-
dit, dicunt Joram cum patre Josaphato regnasse

octo annis, post ejus mortem vero regnasse 20
annis; sed infeliciter, utpote morbo insanabili a
Deo percutsum ideoque Ochoziam filium regnum
pro patre ægro et tabido administrasse, ideoque
hos viginti annos includi hic in 42 annis Ochoziæ.
Itaque Ochoziam, quando cum patre Joram reg-
nare cœpit, fuisse 22 annorum; quando vero eo
post 20 annos mortuo , solus regnavit, fuisse 42
annorum.

Verum obstat *primo*, quod Joram pater bien-
nio tantum hoc morbo laborarit, ut dicitur II Pa-
rat. cap. xi, vers. 19. *Secundo*, quod sic viginti
anni jam dicti debuissent dici regni Ochoziæ, non
vitæ, ut chronologia annorum regni, quibus quis-
que rex in Juda regnavit, continua serie pertexe-
retur ; alioqui enim hi viginti anni chronologiæ
regni Juda deerunt : quocirca nemo Chronologo-
rum eos enumerat, quod signum est eos non ex-
stisset. *Tertio* et maxime, quod anni Joram regis
Juda ejusque filii Ochoziæ , includantur in annis
Joram regis Israel, ut patet IV Reg. viii, 16 et 25,
et cap. ix, vers. 27 et 29. Joram autem rex Israel
cœpit regnare anno 18 Josaphat, regnavitque duo-
decim annis, ut dicitur IV Reg. cap. iii, vers. 1;
regnavit ergo septem annos post mortem Josa-
phat; hic enim regnavit 25 annis. Mortuus est igitur
tam Joram rex Israel, quam Joram rex Juda,
ejusque filius Ochozias , anno septimo post mor-
tem Josaphat. Ergo nullus eorum potuit regnare
viginti annis post mortem Josaphat: quare Ocho-
zias non potuit tunc esse quadraginta duorum
annorum. Ita Cajetanus, Salianus et alii.

Quarto ergo Cajetanus, Bellarminus in manu-
scripta concordia annorum regum Israel et Juda,
quam penes me habeo, Torniellus, Salianus, Ma-
riana, Scaliger et alii censem hic esse mendum,
pro 42 substituendos 22 annos. Sic enim clare di-
citur IV Reg. cap. viii, vers. 26 : « 22 annorum erat
Ochozias cum regnare cœpisset, » et sic habent
hoc loco Septuaginta Romæ correcti. *Viginti*, in-
quiunt, *annorum erat Ochozias*; et in Notis additur
alios codices habere : *Viginti duorum annorum*.
Ac facile in Hebreo pro כִּי־שָׁרֵץ Esrim, id est vi-
ginti, irrepsisse potuit arbaim , id est 40 : facilius
in ciphris irrepsit error, ut pro כִּי id est 22, po-
situm sit מְבַשֵּׂר id est 42 , ait Mariana ; nam בְּ et מְ charactere sunt affines. Atque hæc videtur origo
fuisse mendi. Fateor omnes Codices Hebreos et
Latinos hoc loco habere 42 , non 22 ; sed argu-
menta cogunt ut pro 42 reponatur 22. Nulla enim
alia solutio solida hic afferri potest; neque Inter-
pretes, sed ipsa S. Scriptura corrigit seipsam a
descriptoribus vitiatam, scilicet Liber Regum cor-
rigit Librum Paralipomenon in annis jam dictis,
scriptorum vitio corruptis. Plura in editione vul-
gata a Romanis correcta sunt et plura corrigi pos-
sent, uti ipsi correctores in præfatione fatentur,
atque error in numeris facile contingit, nec spec-
tat ad fidem vel bonos mores. Sic multi demunt
Cainan a serie generationum in genealogia Christi,

cum tamen constanter habeant omnia exemplaria Græca, Latina, Syra, Arabica, etc., *Lucæ* cap. III, vers. 36. Denique hoc loco pro 42 annorum, *Syriæ* habet : 22 annorum erat Ochozias. Sic quoque habet Arabicus uterque, scilicet Antiochenus, sive montis Sinai, et Alexandrinus, sive Cophticus, uti mihi Romæ asseveravit Illustrissimus Dominus Sergius Risius Maronita, Archiepiscopus Damascenus.

ATHALIA FILIA AMRI. — « *Filia,* » id est neptis. Erat enim filia Achab qui erat filius Amri, ut patet cap. præcedenti, vers. 6, et IV Reg. cap. VIII, vers. 18.

Vers. 10. 18. **INTERFECIT OMNEM STIRPEM REGIAM,** — scilicet omnes filios filii sui Ochoziæ regis, quos ipse multos ex multis uxoribus (uti tum regibus mos erat) suscepserat. Occidit ergo omnes suos ex filio Ochozia nepotes, ut iis quasi hæredibus regni subla-

tis, ipsa sola quasi avia libere et impune regnaret. Vide ad quanta parricidia feminam adegerit regnandi cupidio et libido.

11. **PORRO JOZABETH FILIA REGIS JORAM** (non ex Vers. 11 Athalia, sed ex alia uxore) **FURATA EST EUM** (*Joas*) **DE MEDIO FILIORUM REGIS CUM INTERFICERENTUR**, — « quem inter cæsorum fratrum cadavera, ait Josephus, opinione Athaliæ mortuum nutricis opera ablatum furtim domi sue abdidit, et solo marito (*Joiada Pontifice*) conscientia sex annis abscondit in templo in cubiculo lectulorum, » id est in una exedra, sive cubiculo, ubi erat triclinium in quo vescebantur Sacerdotes et Levitæ, qui vice sua illa hebdomade deserviebant templo. Tales enim exedræ plurimæ erant circa templum, ideoque et ipse templum, id est templi appendices vocantur.

Reliqua hujus capitinis exposui IV Reg. IX.

CAPUT VIGESIMUM TERTIUM.

SYNOPSIS CAPITIS.

Joiada Pontifex Joas septennem in regem ungit, Athaliam ejus aviam regnarem occidit, Dei cultum restituit, aras et delubra Baal evertit.

1. Anno autem septimo confortatus Joiada, assumpsit centuriones, Azariam videlicet filium Jeroham, et Ismahel filium Johanan, Azariam quoque filium Obed, et Maasiam filium Adaiæ, et Elisaphat filium Zechri : et iniit cum eis fœdus. 2. Qui circumeuntes Judam, congregaverunt Levitas de cunctis urbibus Juda, et principes familiarum Israel, veneruntque in Jerusalem. 3. Iniit ergo omnis multitudo pactum in domo Dei cum rege : dixitque ad eos Joiada : Ecce filius regis regnabit, sicut locutus est Dominus super filios David. 4. Iste est ergo sermo quem facietis : 5. Tertia pars vestrum qui veniunt ad sabbatum, Sacerdotum, et Levitarum, et janitorum, erit in portis : tertia vero pars ad domum regis : et tertia ad portam, quæ appellatur Fundamenti : omne vero reliquum vulgus sit in atriis domus Domini. 6. Nec quispiam aliis ingrediatur domum Domini, nisi Sacerdotes et qui ministrant de Levitis : ipsi tantummodo ingrediantur, quia sanctificati sunt : et omne reliquum vulgus observet custodias Domini. 7. Levitæ autem circumdant regem, habentes singuli arma sua : (et si quis aliis ingressus fuerit templum, interficiatur) sintque cum rege et intrante et egrediente. 8. Feerunt ergo Levitæ, et universus Juda, juxta omnia quæ præceperat Joiada Pontifex, et assumperunt singuli viros qui sub se erant, et veniebant per ordinem sabbati, cum his qui impleverant sabbatum, et egressuri erant : siquidem Joiada Pontifex non dimiserat abire turmas, quæ sibi per singulas hebdomas succedere consueverant. 9. Deditque Joiada Sacerdos centurionibus lanceas, clypeosque et peltas regis David, quas consecraverat in domo Domini. 10. Constituitque omnem populum tenentium pugiones, a parte templi dextra, usque ad partem templi sinistram coram altari, et templo, per circuitum regis. 11. Et eduxerunt filium regis, et imposuerunt ei diadema, et testimonium, dederuntque in manu ejus tenendam legem, et constituerunt eum regem : unxit quoque illum Joiada Pontifex, et filii ejus : imprecatique sunt ei, atque dixerunt : Vivat rex. 12. Quod cum audisset Athalia vocem scilicet currentium atque laudantium regem, ingressa est ad populum in templum Domini.

13. Cumque vidisset regem stantem super gradum in introitu, et principes, turmasque circa eum, omnemque populum terræ gaudentem, atque clangentem tubis, et diversi generis organis concinatem, vocemque laudantium, scidit vestimenta sua, et ait: Insidiæ, insidiæ. 14. Egressus autem Joiada Pontifex ad centuriones, et principes exercitus, dixit eis: Educite illam extra septa templi, et interficiatur foris gladio. Præcepitque Sacerdos ne occideretur in domo Domini. 15. Et imposuerunt cervicibus ejus manus: cumque intrasset portam equorum domus regis, interfecerunt eam ibi. 16. Pepigit autem Joiada fœdus inter se, universumque populum, et regem, ut esset populus Domini. 17. Itaque ingressus est omnis populus domum Baal, et destruxerunt eum: et altaria ac simulacra illius confregerunt: Mathan quoque sacerdotem Baal interfecerunt ante aras. 18. Constituit autem Joiada præpositos in domo Domini, sub manibus Sacerdotum et Levitarum, quos distribuit David in domo Domini ut offerrent holocausta Domino, sicut scriptum est in lege Moysi, in gaudio et canticis juxta dispositionem David. 19. Constituit quoque janitores in portis domus Domini, ut non ingredieretur eam immundus in omni re. 20. Assumpsitque centuriones, et fortissimos viros ac principes populi, et omne vulgus terræ, et fecerunt descendere regem de domo Domini, et introire per medium portæ superioris in domum regis, et collocaverunt eum in solio regali. 21. Lætatusque est omnis populus terræ, et urbs quievit: porro Athalia imperfecta est gladio.

Hoc caput explicui IV Reg. XI.

Vers. 1. **1. ANNO AUTEM SEPTIMO CONFORTATUS (a Deo) JOIADA.** — Fuit hic Pontifex magni animi et virtutis, qui regiam stirpem in regnum restituit, vixitque 130 annos, II Paralipomen. xxiv, 15. Non nulli cum nostro Henrico Samerio in Chronol. putant eum non fuisse summum Pontificem, sed principem Sacerdotum in tribu Juda, scilicet eorum qui dispersi erant per tribum Juda, ejusque curam gerebant. Ratio eorum est, quod in Catalogo summorum Pontificum, qui exstat I Paral. cap. vi, et I Esdræ VII, 1, et apud Josephum, lib. X Antiq. cap. xi, non nominetur Joiada. Verum chronicon Hebræorum Joiada collocat in numero summorum Pontificum. Rursum Josephus eum vocat ἄρχοντα, et Scriptura eum vocat Pontificem et « principem Sacerdotum, » ac in Hebræo, *pri-mum sacerdotem, et caput sacerdotum*, idest summum Pontificem. Accedit ratio quod ipse regem Joas in regnum restituerit et regem unixerit: hoc autem erat munus summi Pontificis. Rursum, mandata et imperia quæ ipse hic dat omnibus Sacerdotibus, Levitis, totique populo in custodiendo rege et templo, arguunt eum fuisse summum omnium Pontificem. Porro nec Josephus, nec Scriptura, I Paralip. VI, et I Esdræ VII, 1, omnes recenset Pontifices, sed aliquos omittit; nam a rege Josaphat usque ad Josiam, quod fuit spatium 238 annorum, numerant tantum quatuor Pontifices, scilicet Achitob, Meraioth, Sadoc et Sellum; quorum quisque debuisset 59 annos fungi Pontificatu, quod est incredibile. Joiada ergo et alii nonnulli omissi sunt, eo quod non esset ex Eleazaro primo Aaronis filio, cui jure primogeniturae debebatur Pontificatus progenitoris. Forte etiam Joiada, ut et multi alii, aliud habuit nomen. Unde non-

nulli putant eum qui a Josepho inter Pontifices ponitur, vocaturque Sedeas, esse Joiadam, et sequentem Iulum esse Zachariam filium Joiadæ. Zachariam enim patri Joiadæ in Pontificatu successisse censem Abulensis, Torniellus et alii, licet chronicon Hebræorum quod sequitur Genebrardus et Salianus asserat Joiadæ successisse Pedaiam. Joiada ergo restituit religionem æque ac regnum Judæ, ideoque a Joas rege post mortem sepultus est in sepulcro regum. Unde chronicon Hebræorum hoc Joiadæ dat epitaphium et elogium: « Senuit Joiada plenus dierum, et mortuus est cum esset 130 annorum. Nempe oriente in diebus Salomonis labi (idolatriæ) et ruina natus est simul Joiada qui eam corrigeret. » Natus est enim Joiada sub annum regni Salomonis 35, mortuus vero anno 28 Joas regis Juda. Ita Salianus.

Vers. 5. **5. QUI VENIUNT AD SABBATUM,** — ut sabbato vi-cem hebdomadæ suæ ad serviendum in templo inchoent; Judæi enim a sabbato hebdomadam inchoabant, sicut nos a Dominica, et eodem re-currente illam finiebant.

Vers. 6. **6. RELIQUUM VULGUS (tum Levitarum, tum po-puli fidelis) OBSERVET CUSTODIAS DOMINI,** — id est, fungatur officio suo in atrio domus Domini, sive templi; scilicet ut si quis tumultus oriatur ex militibus quos Athalia submiserit ad occidendum Joas, ipsi eos sistant, impedian et repellant. Idcirco enim jusserrat vers. 5, dicens: « Reliquum vulgus sit in atris domus Domini; » puta in atrio, quod erat quasi templum laicorum, ac in varia minora atria erat divisum. Voluit enim Joiada novellum regem puerum, non tantum Levitarum, sed et populi fidelis præsidio communiri, ne quæ ei vis aut fraus fieret ab Athalia avia impia.

Jers 20. 20. PORTÆ SUPERIORIS. — Hæc erat porta templi, quæ ducebat ad regis palatum. Dicitur « superior, » quia altior erat regia, ex qua in inferiori loco constituta per hanc portam in templum as- vendebatur, patet IV Reg. XI, 6 et 19. Eadem

porta vers. 5, vocatur, « fundamenti, » quia in ipsis fundamentis templi, id est in Mello erecta; ita Vilalpandus, pag. 219; hæc præ cæteris jussa fuit custodiri, quia per hanc Athalia ex regia ven- tura erat in templum cum suo milite et satellite.

CAPUT VIGESIMUM QUARTUM.

SYNOPSIS CAPITIS.

Joas rex sub Joiada Pontifice rite Deum colit; at eo mortuo deflectens ad idola, ideoque reprehensus a Zacharia filio Joiadæ, eum in atrio templi lapidat et necat. Quare anno sequenti Deus Judæam Syris spoliandam tradit, et Joas regem per ejus famulos occidit.

1. Septem annorum erat Joas cum regnare cœpisset: et quadraginta annis regnavit in Jerusalem, nomen matris ejus Sebia de Bersabee. 2. Fecitque quod bonum est coram Domino cunctis diebus Joiadæ Sacerdotis. 3. Accepit autem ei Joiada uxores duas, e quibus genuit filios et filias. 4. Post quæ placuit Joas ut instauraret domum Domini. 5. Congregavitque Sacerdotes, et Levitas, et dixit eis: Egredimini ad civitates Juda, et colligite de universo Israel pecuniam ad sarta tecta templi Dei vestri, per singulos annos, festinatoque hoc facite. Porro Levitæ egere negligentius. 6. Vocavitque rex Joiadam principem, et dixit ei: Quare tibi non fuit curæ, ut cogeres Levitas inferre de Juda et de Jerusalem pecuniam, quæ cons- tituta est a Moyse servo Domini, ut inferret eam omnis multitudo Israel in tabernaculum tes- timonii? 7. Athalia enim impiissima, et filii ejus destruxerunt domum Dei; et de universis, quæ sanctificata fuerant in templo Domini, ornaverunt fanum Baalim. 8. Præcepit ergo rex, et fecerunt arcam, posueruntque eam juxta portam domus Domini forinsecus. 9. Et prædi- catum est in Juda et Jerusalem, ut deferrent singuli pretium Domino, quod constituit Moyses servus Dei super omnem Israel in deserto. 10. Lætatique sunt cuncti principes, et omnis populus: et ingressi contulerunt in arcam Domini, atque miserunt ita ut impleretur. 11. Cum- que tempus esset ut deferrent arcam coram rege per manus Levitarum (videbant enim multam pecuniam), ingrediebatur scriba regis, et quem primus Sacerdos constituerat: effunde- bantque pecuniam quæ erat in arca: porro arcam reportabant ad locum suum: sicque fa- ciebant per singulos dies, et congregata est infinita pecunia, 12. quam dederunt rex et Joiada his qui præerant operibus domus Domini: at illi conducebant ex ea cæsores lapidum, et artifices operum singulorum, ut instaurarent domum Domini: fabros quoque ferri et æris; ut quod cadere cœperat, fulciretur. 13. Egeruntque hi qui operabantur industrie, et obduce- batur parietum cicatrix per manus eorum, ac suscitaverunt domum Domini in statum pristi- num, et firmiter eam stare fecerunt. 14. Cumque complessent omnia opera, detulerunt coram rege et Joiada reliquam partem pecuniae: de qua facta sunt vasa templi in ministerium, et ad holocausta, phialæ quoque, et cætera vasa aurea et argentea: et offerebantur holocausta in domo Domini jugiter cunctis diebus Joiadæ. 15. Senuit autem Joiada plenus dierum, et mortuus est cum esset centum triginta annorum, 16. sepelieruntque eum in Civitate David cum regibus, eo quod fecisset bonum cum Israel, et cum domo ejus. 17. Postquam autem obiit Joiada, ingressi sunt principes Juda, et adoraverunt regem; qui delinitus obsequiis eo- rum, acquievit eis. 18. Et dereliquerunt templum Domini Dei patrum suorum, servieruntque lucis et sculptilibus, et facta est ira contra Judam et Jerusalem propter hoc peccatum. 19. Mit- tebatque eis prophetas ut revertentur ad Dominum, quos protestantes, illi audire nolebant. 20. Spiritus itaque Dei induit Zachariam filium Joiadæ Sacerdotem, et stetit in conspectu

populi, et dixit eis : Hæc dicit Dominus Deus : Quare transgredimini præceptum Domini, quod vobis non proderit, et dereliquistis Dominum ut derelinqueret vos? 21. Qui congregati adversus eum, miserunt lapides juxta regis imperium in atrio domus Domini. 22. Et non est recordatus Joas rex misericordiæ, quam fecerat Joiada pater illius secum, sed interfecit filium ejus. Qui cum moreretur, ait : Videat Dominus, et requirat. 23. Cumque evolutus esset annus, ascendit contra eum exercitus Syriæ : venitque in Judam et Jerusalem, et interfecit cunctos principes populi, atque universam prædam miserunt regi in Damascum. 24. Et certe cum permodicus venisset numerus Syrorum, tradidit Dominus in manibus eorum infinitam multitudinem, eo quod dereliquerent Dominum Deum patrum suorum : in Joas quoque ignominiosa exercuere judicia. 25. Et abeuntes dimiserunt eum in languoribus magnis : surrexerunt autem contra eum servi sui, in ultionem sanguinis filii Joiadæ Sacerdotis, et occiderunt eum in lectulo suo, et mortuus est : sepelieruntque eum in Civitate David, sed non in sepulcris regum. 26. Insidiati vero sunt ei, Zabad filius Semmaath Ammanitidis, et Jozabad filius Semarith Moabitidis. 27. Porro filii ejus, ac summa pecuniæ quæ adunata fuerat sub eo, et instauratio domus Dei, scripta sunt diligentius in Libro Regum : regnavit autem Amasias filius ejus pro eo.

Hoc caput explicui IV Reg. XII.

Vers. 22. **Qui (Zacharias) CUM MORERETUR, AIT :** VIDEAT DOMINUS ET REQUIRAT. — « Videat, » scilicet meam innocentiam et probitatem, qua ex officio meo (erat enim Pontifex) regem idola colentem reprehendo. « Videat » pariter regis impietatem et ingratitudinem, qua me filium Joiadæ Pontificis, et avunculi sui, cui vitam et regnum debet, ingrate, injuste et impie interficit. « Et requirat, » ut meam necem tantaque scelera justo judicio puniat et ulciscatur. Dixit hoc Zacharias ex zelo justitiae, qui fuit spiritus Eliæ et veteris Testamenti. At in novo Christus et Apostoli a Judæis occisi non vindictam, sed veniam a Deo occisoribus precabantur. Unde Christus in cruce : « Pater, inquit, ignosce illis, quia nesciunt quid faciunt, » Matth. cap. xxvii, et Stephanus cum lapidaretur, ut hic Zacharias : « Domine, inquit, ne statuas illis hoc peccatum, » Actorum cap. vii.

Exaudivit Deus orationem Zachariæ; unde Joas et Judæos multiplicitate punivit; nam primo, ut sequitur, anno proxime sequenti Hazael rex Syriæ cum paucis copiis immensam Judæorum multitudinem cecidit, ac thesauros templi æque ac palatii regii in Syrium abripuit.

Secundo, in Joas regem ignominiosa exercuit

judicia, ut dicitur vers. 24, exprobrans illi suam ingratitudinem et perfidiam, ac probris variisque ignominiis, atque ut videtur, plagis eum afficiens, qualibus Sedeciam perfidum affecit Nambuchodonosor, IV Reg. xxv.

Tertio, ex hisce probris et plagis, ac ex nova Dei castigatione Joas incidit in morbum gravem, qui ei dolores et languores magnos creavit, vers. 25.

Quarto, servi ejus contra eum conjurarunt, eumque decubentem in lecto mactarunt in domo Mello, quæ vicina erat palatio. Addit Josephus hos conjuratos fuisse amicos Zachariæ, unde vers. 25, hic dicuntur eum occidisse « in ultionem sanguinis Zachariæ, filii Joiadæ. » Denique S. Hieronymus, S. Thomas, Abulensis, Jansenius, Maldonatus, Barradius et alii censem hunc esse Zachariam, cuius necem Judæis exprobrat Christus, eisque excidium minatur dicens : « Ut veniat super vos omnis sanguis, etc., a sanguine Abel justi usque ad sanguinem Zachariæ filii Barachiæ, quem occidistis inter templum et altare, » Matth. xxiii; vide ibi dicta. Denique ob templum cœde et sanguine hujus Zachariæ pollutum, deinceps defecisse in templo oracula et responsa divina tradit S. Epiphanius in Vita Zachariæ, et ex eo Genebrardus in Chronol.

CAPUT VIGESIMUM QUINTUM.

SYNOPSIS CAPITIS.

Amasias rex ulciscitur necem patris sui Joas, ac Idumæos prælio superat; sed in idolatriam prolapsus a Joas rege Israel profligatur, capitur et spoliatur, atque a suis in Lachis trucidatur.

1. Viginti quinque annorum erat Amasias cum regnare cœpisset, et viginti novem annis regnavit in Jerusalem, nomen matris ejus Joadan de Jerusalem. 2. Fecitque bonum in conspectu Domini : verumtamen non in corde perfecto. 3. Cumque roboratum sibi videret imperium, jugulavit servos, qui occiderant regem patrem suum, 4. sed filios eorum non interfecit, sicut scriptum est in Libro legis Moysi, ubi præcepit Dominus dicens : Non occidentur patres pro filiis neque filii pro patribus suis, sed unusquisque in suo peccato morietur. 5. Congregavit igitur Amasias Judam, et constituit eos per familias, tribunosque et centuriones in universo Juda et Benjamin : et recensuit a viginti annis supra, invenitque trecenta millia juvenum, qui egredierentur ad pugnam, et tenerent hastam et clypeum. 6. Mercede quoque conduxit de Israel centum millia robustorum, centum talentis argenti. 7. Venit autem homo Dei ad illum, et ait : O rex, ne egrediatur tecum exercitus Israel : non est enim Dominus cum Israel, et cunctis filiis Ephraim : 8. quod si putas in robore exercitus bella consistere, superari te faciet Deus ab hostibus : Dei quippe est adjuvare et in fugam convertere. 9. Dixitque Amasias ad hominem Dei : Quid ergo fiet de centum talentis, quæ dedi militibus Israel ? Et respondit ei homo Dei : Habet Dominus unde tibi dare possit multo his plura. 10. Seperavit itaque Amasias exercitum, qui venerat ad eum ex Ephraim, ut reverteretur in locum suum ; at illi contra Judam vehementer irati reversi sunt in regionem suam. 11. Porro Amasias confidenter eduxit populum suum, et abiit in Vallem salinarum, percussitque filios Seir decem millia. 12. Et alia decem millia virorum ceperunt filii Juda, et adduxerunt ad præruptum cuiusdam petræ, præcipitaveruntque eos de summo in præceps, qui universi crepuerunt. 13. At ille exercitus, quem remiserat Amasias ne secum iret ad prælium, diffusus est in civitatibus Juda, a Samaria usque ad Bethoron, et imperfectis tribus milibus, diripuit prædam magnam. 14. Amasias vero post cædem Idumæorum, et allatos deos filiorum Seir, statuit illos in deos sibi, et adorabat eos, et illis adolebat incensum. 15. Quamobrem iratus Dominus contra Amasiam, misit ad illum prophetam, qui diceret ei : Cur adorasti deos qui non liberaverunt populum suum de manu tua ? 16. Cumque hæc ille loqueretur : respondit ei : Num consiliarius regis es ? quiesce ne interficiam te. Discedensque propheta, Scio, inquit, quod cogitaverit Deus occidere te, quia fecisti hoc malum, et insuper non acquievisti consilio meo. 17. Igitur Amasias rex Juda, inito pessimo consilio, misit ad Joas filium Joachaz filii Jehu, regem Israel, dicens : Veni, videamus nos mutuo. 18. At ille remisit nuntios, dicens : Carduus, qui est in Libano, misit ad cedrum Libani, dicens : Da filiam tuam filio meo uxorem ; et ecce bestiæ, quæ erant in silva Libani, transierunt, et conculcaverunt carduum. 19. Dixisti : Percussi Edom, et idcirco erigitur cor tuum in superbiam ; sede in domo tua, cur malum adversum te provocas, ut cadas et tu, et Juda tecum ? 20. Noluit audire Amasias, eo quod Domini esset voluntas ut traderetur in manus hostium propter deos Edom. 21. Ascendit igitur Joas rex Israel, et mutuos sibi præbuere conspectus : Amasias autem rex Juda erat in Bethsames Juda ; 22. corruitque Juda coram Israel, et fugit in tabernacula sua. 23. Porro Amasiam regem Juda filium Joas filii Joachas cepit Joas rex Israel in Bethsames, et adduxit in Jerusalem, destruxitque murum ejus a porta Ephraim usque ad portam anguli, quadrin-

gentis cubitis. 24. Omne quoque aurum et argentum, et universa vasa quæ repererat in domo Dei, et apud Obededom, in thesauris etiam domus regiæ, necnon et filios obsidum, reduxit in Samariam. 25. Vixit autem Amasias filius Joas rex Juda, postquam mortuus est Joas filius Joachaz rex Israel, quindecim annis. 26. Reliqua autem sermonum Amasiæ priorum et novissimorum scripta sunt in Libro regum Juda et Israel. 27. Qui, postquam recessit a Domino, tetenderunt ei insidias in Jerusalem. Cumque fugisset in Lachis, miserunt, et interfecerunt eum ibi. 28. Reportantesque super equos, sepelierunt eum cum patribus suis in Civitate David.

Hoc caput explicui IV Reg. XIV.

Vers. 6. 6. MERcede quoque conduxit de ISRAEL CENTUM MILLIA ROBUSTORUM, CENTUM TALENTIS ARGENTI. — Talentum argenti continebat tria millia siclorum argenteorum, id est, tria millia florenorum Brabantiorum, quorum quisque continet quatuor Julios Romanos, sive quatuor Regales Hispanicos. Quare centum talenta argenti faciunt trecenta millia florenorum Brabantiorum quæ, si in centum millia Israelitarum hoc pretio conductorum æqualiter distribuas, cuique militi obvenient tres floreni Brabantici, sive duodecim Julii, quod illo ævo, cum rara esset pecunia, et annona vili pretio, ingens erat et magnæ estimationis. Quare immerito nonnulli censem hæc talenta fuisse auri, cum Scriptura expresse dicat ea fuisse argenti.

Vers. 7. 7. VENIT AUTEM HOMO DEI, — propheta a Deo missus. Hebræi in *Seder-Olam* tradunt prophetam hunc fuisse Amos, qui erat frater Amasiæ regis et pater Isaiæ prophetæ, idque probat ex *Isaiæ xxxvii*, 2, ubi S. Hieronymus legit : « Ad Isaiam filium Amos prophetæ, » sicque olim legebatur; licet jam Hebræus, Septuaginta et Romana constanter legant : « Ad Isaiam filium Amos prophetam. »

O REX, NE EGREDIATUR TECUM EXERCITUS ISRAEL : NON ENIM EST DOMINUS CUM ISRAEL, — utpote hostibus suis, et idola, puta vitulos aureos colentibus. Discant hic reges et principes Christiani non quærere auxilia principum vel militum hæreticorum, Turcarum, aliorumque infidelium; quia, si id faciant, Deum habebunt hostem, eumque vindicem sentient, uti sensit Josaphat, cuius naves confregit Deus, eo quod junctæ essent navibus impii Ochoziæ regis Israel, cap. xx, 37.

Causam dat noster Salianus anno mundi 3208, numer. 6. Nolebat, inquit, Dominus impios et infideles conjungi cum fidelibus. Itaque licet utrisque seorsim pro mirabili sua providentia faveret, daretque victoriam; conjunctos tamen non raro perculit, victosque reddidit. Erat Josaphat cum Achabo, III Reg. xxii, cum hic occisus est, et ille ingens adiit vitæ discriminem. Erat item cum Jo-

ramo, cum exercitus siti pene enecti, tantum non Moabitum præda facti sunt, IV Reg. iii. Ochozias aderat Joram in Ramoth Galaad, cum Joram multis vulneribus a Syris affectus est, moxque rex uterque a Jehu interfactus est, IV Regum viii, versu 28. Ergo ne nunc quidem conjunctis se affuturum ait, imo cladem et interitum utrisque minatur; separatis autem victoriam dedit. Nam mox Amasias vicit contra Idumæos, et Joas contra Amasiam, et Jeroboam contra Syros. Denique maluit Deus, et ex Deo Amasias rex perdere centum talenta argenti, imo ab Israelitis dimissis spoliari Judæam, ut patet versu 13, quam eos in societatem belli admittere.

Vers. 15. 15. CUR ADORASTI DEOS? — Audi Josephum pleniū rem gestam enarrantem : « Quamobrem a propheta convertus est mirari se dicente, si hos Deos crederet qui cultoribus suis nihil opis offerre valuerint; neque eos ab Hebræorum vi tutos præstiterint, sed tanquam ad se non pertinentes cœdi, et captivos trahi passi sint. Quin et ipsos bellī jure abductos inter reliquam captivorum turbam, Hierosolymam pervenisse. Rex, his verbis ad iram percitus, jussit illum hac de re esse quietum, minatus supplicium, si negotiis alienis miscere se pergeret. Tum ille, si quidem quietum dixit, Deum tamen ultorem hujusmodi novitatibus non defore. »

Vers. 16. 16. NON ACQUIEVISTI CONSILIO MEO. — « Consilio autem ejus acquiesceret, ait S. Hieronymus in Tradit., si eos igne combureret, vestimenta disrumperet, cinerem super caput spargeret, et totum se pœnitentia daret. Hoc enim consilium illi prophetæ dederat; » sed quia non acquievit, hinc propheta libere et audacter illi denuntiat :

Scio quod cogitaverit Deus occidere te, — ac revera occidit, ut patet vers. 27. Auctor enim librorum *Paralipom.* hoc fine eos conscripsit, ut ex felici piorum regum, et infelici impiorum exitu, ostendat felicitatem regum et regnorum consistere in vera religione, veroque Dei cultu, infelicitatem vero in ejus neglectu.

CAPUT VIGESIMUM SEXTUM.

SYNOPSIS CAPITIS.

Ozias sive Azarias Deum colens superat Philistæos, Arabes et Ammonitas : unde superbiens volensque thymiamam adolere in templo, a Deo lepra percutitur, ideoque regnum administrat filius ejus Joatham.

1. Omnis autem populus Juda, filium ejus Oziam annorum sedecim, constituit regem pro Amasia patre suo. 2. Ipse ædificavit Ailath, et restituit eam ditioni Juda, postquam dormivit rex cum patribus suis. 3. Sedecim annorum erat Ozias, cum regnare cœpisset, et quinquaginta duobus annis regnavit in Jerusalem : nomen matris ejus Jechelia de Jerusalem. 4. Fecitque quod erat rectum in oculis Domini, juxta omnia quæ fecerat Amasias pater ejus. 5. Et exquisivit Dominum in diebus Zachariæ intelligentis et videntis Deum : cumque requireret Dominum, direxit eum in omnibus. 6. Denique egressus est et pugnavit contra Philistiim, et destruxit murura Geth, et murum Jabniæ, murumque Azoti : ædificavit quoque oppida in Azoto, et in Philistiim. 7. Et adjuvit eum Deus contra Philistiim, et contra Arabes, qui habitabant in Gurbaal, et contra Ammonitas. 8. Appendebantque Ammonitæ munera Oziæ ; et divulgatum est nomen ejus usque ad introitum Ægypti propter crebras victorias. 9. Ædificavitque Ozias turres in Jerusalem super portam anguli, et super portam vallis, et reliquas in eodem muri latere, firmavitque eas. 10. Extruxit etiam turres in solitudine, et effodit cisternas plurimas, eo quod haberet multa pecora, tam in campestribus, quam in eremi vastitate : vineas quoque habuit et vinitores in montibus, et in carmelo : erat quippe homo agriculturæ deditus. 11. Fuit autem exercitus bellatorum ejus, qui procedebant ad prælia sub manu Jehiel scribæ, Maasiæque doctoris, et sub manu Hananiæ, qui erat de ducibus regis. 12. Omnisque numerus principum per familias virorum fortium, duorum millium sexcentorum. 13. Et sub eis universus exercitus, trecentorum et septem millium quingentorum : qui erant apti ad bella et pro rege contra adversarios dimicabant. 14. Præparavit quoque eis Ozias, id est, cuncto exercitu, clypeos, et hastas, et galeas, et loricas, arcusque et fundas ad jaciendos lapides. 15. Et fecit in Jerusalem diversi generis machinas quas in turribus collacavit, et in angulis murorum, ut mittent sagittas, et saxa grandia : egressumque est nomen ejus procul, eo quod auxiliaretur ei Dominus, et corroborasset illum. 16. Sed cum roboratus esset, elevatum est cor ejus in interitum suum, et neglexit Dominum Deum suum : ingressusque templum Domini, adolere voluit incensum super altare thymiamatis. 17. Statimque ingressus post eum Azarias sacerdos, et cum eo Sacerdotes Domini octoginta viri fortissimi, 18. restiterunt regi, atque dixerunt : Non est tui officii, Ozia, ut adoleas incensum Domino, sed Sacerdotum, hoc est, filiorum Aaron, qui consecrati sunt ad hujuscemodi ministerium ; egredere de sanctuario, ne contempseris : quia non reputabitur tibi in gloriam hoc a Domino Deo. 19. Iratusque Ozias, tenens in manu thuribulum, ut adoleret incensum, minabatur Sacerdotibus. Statimque orta est lepra in fronte ejus coram Sacerdotibus, in domo Domini super altare thymiamatis. 20. Cumque respexisset eum Azarias pontifex, et omnes reliqui Sacerdotes, viderunt lepram in fronte ejus, et festinato expulerunt eum. Sed et ipse perterritus, acceleravit egredi, eo quod sensisset illico plagam Domini. 21. Fuit igitur Ozias rex leprosus usque ad diem mortis suæ, et habitavit in domo separata plenus lepra, ob quam ejectus fuerat de domo Domini. Porro Joatham filius ejus rexit domum regis, et iudicabat populum terræ. 22. Reliqua autem sermonum Oziæ priorum et novissimorum scrip-

sit Isaias filius Amos propheta. 23. Dormivitque Ozias cum patribus suis, et sepelierunt eum in agro regalium sepulcrorum, eo quod esset leprosus : regnayitque Joatham filius ejus pro eo.

Vers. 8.

B. ZACHARIÆ VIDENTIS ET INTELLIGENTIS. — Hic Zacharias propheta fuit quasi paedagogus Oziæ regis, eumque religiose Deum colere docuit. At quis fuit hic Zacharias? Audi S. Hieronymum hic in Tradit.: « Zacharias, filius Zachariæ filii Joiadæ, qui post mortem patris natus posthumus, patris nomen sortitus est, intelligens et videns dicebatur : intelligens propter sacerdotium, videns propter prophetiam. » Sic ipse, Hebrei tamen et Græci legunt : *intelligentis in visionibus Dei*. Si igitur post mortem patris natus est Zacharias, potuit hoc tempore annum agere supra trigesimum, natus scilicet 36 regni Joas. Habuisse videtur hic Zacharias filiam nomine Abiam, quæ nupsit regi Achaz, qui ex ea genuit Ezechiam regem, quod etiam in eum locum affirmat Hieronymus, nec repugnat ætas. Nullum porro propheticum ejus scriptum exstat : nam qui legitur penultimus in minoribus prophetis, facile trecentis abhinc annis distat. Ita Salianus anno mundi 3227, num. 3, Cajetanus, Dionysius et alii.

Vers. 10.

10. TURRIS IN SOLITUDINE, — ita vocantur villæ et domus rusticæ, turribus ad custodiam frumentorum fructuumque et agrorum instructæ : in quibus reponuntur agrorum fructus, et pecora stabulantur, quæ alibi « castella » dicuntur. Sic Christus discurrebat per vicos et « castella », id est, per rusticorum villas et pagos, prædicans regnum Dei.

Vers. 16.

16. CUM ROBORATUS ESSET, ELEVATUM EST COR EJUS IN INTERITUM SUUM, ET NEGLEXIT DOMINUM DEUM SUUM. — Hæc verba D. Chrysostomus, homilia 3 *De verbis Isaiae*, expendens, notat in iis non solum Oziæ superbiam, sed etiam superbiam causam indicari. « Cum, inquit, roboratus esset, » seu ut legit ipse ; « Cum potens esset, elevatum est cor ejus ; » ut nimia potentia nimiam genuisse superbiam ostenderetur. « Non ferebat, inquit, (nempe rex Oziæ) principatus magnitudinem ; sed quemadmodum ex edacitate nascitur inflatio, ex inflatione gignitur febris ; deinde ex febri plerumque mors : itidem et hic ex actionum eminentia nata est superbiam, mox ex superbiam nata est appetentia rerum ipsi non congruentium. » Sicut ergo Amasias pater ex devicta Idumæa amicos sumpsit insolentes et fatuos provocando ad bellum regem Israelis, ideoque victus, captus et spoliatus est; sic et Azarias filius ejus ex victoriis tot hostium intumescens, sacerdotale munus sibi arrogare præsumpsit, voluitque Deo adolere thymiam ; sed illico a Deo humiliatus, regno et regia pulsus, ob lepram infelicem usque ad mortem traxit spiritum.

Vers. 18.

18. NON EST TUI OFFICII, OZIA. — Audi S. Chrysostomum, homil. 4 *De verbis Isaiae* : « Vide, in-

quit, libertatem ; vide mentem servire nesciam ; vide linguam cœlos attingentem ; vide libertatem incoercibilem ; vide hominis corpus et Angeli mentem ; vide humi ingredientem, et in cœlo versantem, » etc.

19. STATIMQUE ORTA EST LEPROA IN FRONTE EJUS; — Vers. 19. lepra enim erat supplicium sacrilegorum, et eorum qui Pontifici et sacerdotibus resistebant et rebellabant, uti fecit hic Azarias.

Addit Josephus, lib IX, cap. xi, duas alias prodigiosas Dei plagas Oziæ et Judææ inflictas : « Et ecce tibi, inquit, ibi terra vehementer concutitur, fissaque superne templo, radius solis os regis ferit, quod e vestigio lepra contactum est : accessit huic et aliud prodigium, quod eodem terræ motu, ante urbem in loco qui dicitur Eroge, dimidium montis ad Occidentem vergentis revulsum, per quatuor stadia volutum, objectu demum Orientalis montis constitut, obstructa via publica, et oppressis ruina hortis regiis. »

Tertiam plagam addunt S. Hieronymus, Cyrillus, Origenes et Chrysostomus in *Isaiae* cap. vi, 1, ad illa verba : « In anno quo mortuus est Ozias, vidi Dominum ; » scilicet Deum ob peccatum Oziæ, cui nonnulli primores consenserant, privasse Iudeos suis oraculis, prophetiis et spiritu, usque ad mortem Oziæ. Vide ibi dicta.

Denique Hebrei in *Seder-Olam* putant Oziam lepra percussum anno 27 regni sui, quo et contigit terræ motus, de quo Amos cap. i, vers. 4. Verum id dici nequit ; nam tune necdum natus erat Joatham qui, patre Oziâ lepra percusso, gubernavit regnum. Nam Joatham natus est anno 28 Oziæ ; id patet ex eo quod, patre moriente anno regni 52, Joatham erat 2^o annorum, ut dicitur IV Reg. xv, 33. Igitur probabiliter Salianus Ozias leputat Oziam lepra percussum anno regni sui 49, quo natus est Joathamo filius Achaz, et eodem Manahen rex Israel mortuus est. Favet Abulensis qui Oziam quatuor vel quinque annos leprosum vixisse censem. Porro S. Hieronymus in II Paral.

xxix, asserit Oziam lepra percussum eo anno quo mortuus est, qui fuit regni ejus 52. Peccavit Ozias dupliciter : primo, quod ausus sit ingredi Sanctum, quo solis sacerdotibus ingredi licet ; secundo, quod adoleverit thymiam quasi sacerdos, cum esset laicus, ac Pontifici obsistenti communiatus sit mortem, ut ait Josephus, quia ergo invasit sacerdotium, idcirco amisit regnum per lepram : prima tamen sententia (quod scilicet lepra percussus sit anno 27 regni sui) probabilis est, ut ostendi Amos 1, 1; potuit enim regnum administrari per optimates, donec Joatham nasceretur et adolesceret.

Discant hic reges non invadere jura Pontificum

Ozias le-
pra per-
cussus
anno 49
regni
sui.

et sacerdotum, ne a Deo percutiantur, uti percussus est Ozias : qua de re passim exempla funesta suggerit Baronius in suis *Annalibus*.

Vers. 22. **22. RELIQUA AUTEM SERMONUM OZIAE**, etc. SCRIPSIT ISAIAS. — Historia hæc Isaiae temporum injuria interiit. Nam in prophetia bis tantum Oziae meminit, scilicet cap. vi, 1, jam citato, et cap. xiv, 28, ubi Philistæos ob mortem Oziae domitoris sui exultantes compescens : « Ne, inquit, læteris Philistæa omnis tu, quoniam comminuta est virga percussoris tui (Oziae) ; de radice enim co-

lubri egredietur regulus, » scilicet Ezechias Oziae pronepos, qui tanto acrius vos cruciabit, quanto acrius cruciat morsus reguli, quam colubri.

23. SEPELIERUNT EUM IN AGRO REGALIUM SEPULCRORUM, EO QUOD ESSET LEPROSUS. — Leprosi enim, uti in vita, sic et in morte a consortio cæterorum separantur : lepra enim etiam cadavera inficit et consumit. Hæc est quinta Oziae sacerdotium, invadentis poena, quod extra sepulcra regum, juxta tamen illa, sepultus sit, sive extra urbem, sive in urbe, puta in Sion civitate David.

Vers. 23.

CAPUT VIGESIMUM SEPTIMUM.

SYNOPSIS CAPITIS.

Joatham pius de Ammonitis triumphat, eisque annum vectigal indicit : succedit ei impius filius Achaz.

1. Viginti quinque annorum erat Joatham, cum regnare cœpisset, et sedecim annis regnavit in Jerusalem : nomen matris ejus Jerusa filia Sadoc. 2. Fecitque quod rectum erat coram Domino, juxta omnia quæ fecerat Ozias pater suus, excepto quod non est ingressus templum Domini, et adhuc populus delinquebat. 3. Ipse ædificavit portam domus Domini excelsam, et in muro Ophel multa construxit. 4. Urbes quoque ædificavit in montibus Juda, et in saltibus castella et turres. 5. Ipse pugnavit contra regem filiorum Ammon, et vicit eos, dederuntque ei filii Ammon in tempore illo centum talenta argenti, et decem millia coros tritici, ac totidem coros hordei : hæc ei præbuerunt filii Ammon, in anno secundo et tertio. 6. Corroboratusque est Joatham, eo quod direxisset vias suas coram Domino Deo suo. 7. Reliqua autem sermonum Joatham, et omnes pugnæ ejus, et opera, scripta sunt in Libro regum Israel et Juda. 8. Viginti quinque annorum erat, cum regnare cœpisset, et sedecim annis regnavit in Jerusalem. 9. Dormivitque Joatham cum patribus suis, et sepelierunt eum in Civitate David : et regnavit Achaz filius ejus pro eo.

Vers. 2. **2. EXCEPTO QUOD NON EST INGRESSUS TEMPLUM DOMINI**, — adadolendum thymiana, uti fecerat pater ejus Ozias, q. d. Joatham imitatus est patris pietatem, at non temeritatem qua adolevit incensum, quod erat munus sacerdotum.

ET ADHUC POPULUS DELINQUEBAT, — more solito sacrificando in excelsis. Inveteratum fuit hoc malum et commune populi; quare Joatham veritus ejus offensam et rebellionem illud auferre ausus non fuit. Josephus, lib. IX, cap. xi, hoc Joathamo dat elogium : « Nulla ei virtus defuit erga Deum pio, justo erga homines, et reipublicæ studioso. »

Vers. 3. **3. IPSÆ ÆDIFICAVIT** (instauravit, auxit, ornavit) **PORТАM DOMUS DOMINI EXCELSAM**, — scilicet Orientalem per quam a fronte erat introitus

in templum, quæ erat primaria et celsissima.

ET IN MURO OPHEL : — erat hæc turris in Jerusalem adeo excelsa, ut in culmine ejus aspiciendo caligarent oculi. « Ophel » enim Hebraice significat caliginem. Vide dicta Isaiae xxxii, 14. Audi Adrichomium *in descript. Jerusalem*, num. 55, Ophel, quam Josephus Ophlam nominat, erat turris enormi altitudine, quasi nubi caput inserens, atque arx munita, firmo muro cincta, templo propinqua, extra murum tamen, qui habitacionem sacerdotum claudebat. In hujus muro Joatham rex multa construxit. Atque Manasses eiusque urbis muros reparavit. In hac habitabant Nethinæ. In hanc fugiens Manahemus tyrannus captus est et occidus. Hanc eamdem Titi milites combusserunt.

CAPUT VIGESIMUM OCTAVUM.

SYNOPSIS CAPITIS.

Ob idola et scelera Achaz Deus Iudeam diripiendam tradit 1º Syris; 2º Israelitis, qui ex Juda ceciderunt 120 millia bellatorum: sed prædam, monente propheta, remiserunt; 3º Idumæis; 4º Philistæis. Impio Achaz succedit pius filius Ezechias.

1. Viginti annorum erat Achaz, cum regnare cœpisset; et sedecim annis regnavit in Jerusalem: non fecit rectum in conspectu Domini sicut David pater ejus; 2. sed ambulavit in viis regum Israel, insuper et statuas fudit Baalim. 3. Ipse est, qui adolevit incensum in Valle Benennom, et lustravit filios suos in igne juxta ritum gentium, quas interfecit Dominus in adventu filiorum Israel. 4. Sacrificabat quoque, et thymiama succendebat in excelsis et in collibus, et sub omni ligno frondoso. 5. Tradiditque eum Dominus Deus ejus in manu regis Syriæ, qui percussit eum, magnamque prædam cepit de ejus imperio, et adduxit in Damascum: manibus quoque regis Israel traditus est, et percussus plaga grandi. 6. Occiditque Phacee, filius Romeliæ, de Juda centum viginti millia in die uno, omnes viros bellatores: eo quod reliquissent Dominum Deum patrum suorum. 7. Eodem tempore occidit Zechri, vir potens ex Ephraim, Maasiam filium regis, et Ezricam ducem domus ejus, Elcanam quoque secundum a rege. 8. Ceperuntque filii Israel de fratribus suis ducenta millia mulierum, puerorum, et puellarum, et infinitam prædam: pertuleruntque eam in Samariam. 9. Ea tempestate erat ibi propheta Domini, nomine Oded, qui egressus obviam exercitui venienti in Samariam, dixit eis: Ecce iratus Dominus Deus patrum vestrorum contra Juda, tradidit eos in manibus vestris, et occidistis eos atrociter, ita ut ad celum pertingeret vestra crudelitas. 10. Insuper filios Juda et Jerusalem vultis vobis subjicere in servos et ancillas, quod nequaquam facto opus est: peccatis enim super hoc Domino Deo vestro. 11. Sed audite consilium meum, et reducite captivos quos adduxistis de fratribus vestris, quia magnus furor Domini imminet vobis. 12. Steterunt itaque viri de principibus filiorum Ephraim, Azarias filius Johanan, Barachias filius Mosollamoth, Ezechias filius Sellum, et Amasa filius Adali, contra eos qui veniebant de prælio, 13. et dixerunt eis. Non introducetis huc captivos, ne peccemus Domino. Quare vultis adjicere super peccata nostra, et vetera cumulare delicta? grande quippe peccatum est, et ira furoris Domini imminet super Israel. 14. Dimiseruntque viri bellatores prædam, et universa quæ ceperant coram principibus et omni multitudine. 15. Steteruntque viri quos supra memoravimus, et apprehendentes captivos, omnesque qui nudi erant, vestierunt de spoliis: cumque vestiissent eos, et calceassent, et refecissent cibo ac potu, unxissentque propter laborem, et adhibuisserent eis curam: quicumque ambulare non poterant, et erant imbecillo corpore, imposuerunt eos jumentis, et adduxerunt Jericho civitatem palmarum ad fratres eorum, ipsique reversi sunt in Samariam. 16. Tempore illo misit rex Achaz ad regem Assyriorum, postulans auxilium. 17. Veneruntque Idumæi, et percutserunt multos ex Juda, et ceperunt prædam magnam. 18. Philistiæ quoque diffusi sunt per urbes campestres, et ad meridiem Juda: ceperuntque Bethsames, et Aialon, et Gaderoth, Socho quoque, et Thamnan, et Gamzo, cum viculis suis, et habitaverunt in eis. 19. Humiliaverat enim Dominus Judam propter Achaz regem Juda, eo quod nudasset eum auxilio, et contemptui habuisset Dominum. 20. Adduxitque contra eum Thelgathphalnasar regem Assyriorum, qui et afflixit eum, et nullo resistente vastavit. 21. Igitur Achaz, spoliata domo Domini, et domo regum ac principum, dedit regi Assyriorum munera, et tamen nihil ei profuit. 22. Insuper et tempore angustiæ suæ

auxit contemptum in Dominum, ipse per se rex Achaz, 23. immolavit diis Damasci victimas percussoribus suis , et dixit : Dii regum Syriæ auxiliantur eis , quos ego placabo hostiis, et aderunt mihi , cum e contrario ipsi fuerint ruinæ ei , et universo Israel. 24. Direptis itaque Achaz omnibus vasiſ domus Dei, atque confractis , clausit januas templi Dei, et fecit sibi altaria in universis angulis Jerusalem. 25. In omnibus quoque urbibus Juda exstruxit aras ad cremandum thus, atque ad iracundiam provocavit Dominum Deum patrum suorum. 26. Reliqua autem sermonum ejus , et omnium operum suorum priorum et novissimorum scripta sunt in Libro regum Juda et Israel. 27. Dormivitque Achaz cum patribus suis , et sepelierunt eum in civitate Jerusalem : neque enim receperunt eum in sepulera regum Israel. Regnavitque Ezechias filius ejus pro eo.

Hoc caput explicui IV Reg. XVI.

Vers. 5. 5. REGIS SYRIÆ. — Fuit hic Rasin , qui a Deo creatus est rex, ut esset flagellum regni Juda, ejusque idola et scelera castigaret.

Vers. 15. 15. CUMQUE VESTISSENT EOS ET CALCEASSENT ET REFECISSENT CIBO. — Vide hie insignem Israelitarum in Judæorum, licet hostium suorum, captivos humanitatem et misericordiam , omnibus Christianorum principibus et ducibus propositam, ut eam imitentur. Sic enim viciissim Dei misericordiam in se provocabunt, si in hostes a se captos sint clementes; nimirum, « clementia plus potest, quam violentia, » ut aiebat Antigonus rex Macedoniae apud Plutarchum in *Apophthegmatibus*, adeo ut Darius optarit Alexandri Magni clemenciam , utque is, licet hostis, sibi in regno succederet. Sic in hostes clementes fuere Julius

Cæsar, Augustus, Vespasianus, Titus, Aurelianus.

23. IMMOLAVIT DIIS DAMACSI VICTIMAS PERCUSSORIBUS SUIS , ET DIXIT : DII REGUM SYRIÆ AUXILIANTUR EIS , QUOS EGÓ PLACABO INOSTRIS , ET ADERUNT MIHI , CUM E CONTRARIO IPSI FUERINT RUINÆ EI , ET UNIVERSO ISRAEL.— Dii enim hi erant dæmones, qui non nisi nocere student Israeli, id est populo fideli. Similis fuit stultitia Romanorum Gentilium, qui hostium suorum Deos invocabant, ut evocati a terra hostili Romanum comigrarent, ac Romanis victoriam de hostibus darent, ut refert S. Augustinus, IV *De Civ.*

24. CLAUSIT JANUAS TEMPLI , — ut nemo in eo Deum adorare, eique sacrificare posset; sed omnes cogerentur ire ad fana idolorum et Deorum suorum, ad eos invocandum. Fuit hæc malitia et nequitia Achaz insignis , quam nemo alias partasse legitur.

CAPUT VIGESIMUM NONUM.

SYNOPSIS CAPITIS.

Ezechias Dei cultum à patre Achaz sublatum restituit, und cum Sacerdotibus, Levitis et canoriis, at plurimi victimis Deum honorat.

1. Igitur Ezechias regnare cœpit, cum viginti quinque esset annorum, et viginti novem annis regnavit in Jerusalem : nomen matris ejus Abia , filia Zachariæ. 2. Fecitque quod erat placitum in conspectu Domini , juxta omnia quæ fecerat David pater ejus. 3. Ipse anno et mense primo regni sui, aperuit valvas domus Domini, et instauravit eas : 4. adduxitque Sacerdotes atque Levitas, et congregavit eos in plateam Orientalem. 5. Dixitque ad eos : Audite me, Levitæ, et sanctificamini, mundate domum Domini Dei patrum vestrorum; et auferte omnem immunditiam de sanctuario. 6. Peccaverunt patres nostri, et fecerunt malum in conspectu Domini Dei nostri, derelinquentes eum : averterunt facies suas a tabernaculo Domini, et præbuerunt dorsum. 7. Clauerunt ostia quæ erant in porticu , et extinxerunt lucernas, incensumque non adoleverunt, et holocausta non obtulerunt in sanctuario Deo Israel. 8. Concitatus est itaque furor Domini super Judam et Jerusalem, tradiditque eos in commotionem, et in interitum, et in sibilum , sicut ipsi cernitis oculis vestris. 9. En, corruerunt patres nostri gladiis ; filii nostri, et filiae nostræ, et conjuges captivæ ductæ sunt, propter hoc scelus. 10. Nunc ergo placet mihi ut ineamus fœdus cum Domino Deo Israel : et avertet à nobis fuorem iræ suæ. 11. Filii mei, nolite negligere : vos elegit Dominus ut stetis coram eo, et

ministretis illi, colatisque eum et cremetis ei incensum. 12. Surrexerunt ergo Levitæ : Mahath filius Amasai, et Joel filius Azariæ, de filiis Caath; porro de filiis Merari, Cis filius Abdi, et Azarias filius Jalaleel. De filiis autem Gersom, Joha filius Zemma, et Eden filius Joha. 13. At vero de filiis Elisaphan, Samri et Jahiel. De filiis quoque Asaph, Zacharias et Mathanias : 14. necnon de filiis Heman, Jahiel, et Semei; sed et de filiis Idithut, Semieias et Oziel. 15. Congregaveruntque fratres suos, et sanctificati sunt; et ingressi sunt juxta mandatum regis et imperium Domini, ut expiarent domum Dei. 16. Sacerdotes quoque ingressi templum Domini ut sanctificarent illud, extulerunt omnem immunditiam, quam intro repererant in vestibulo domus Domini, quam tulerunt Levitæ, et asportaverunt ad torrentem Cedron foras. 17. Cœperunt autem prima die mënsis primi mundare, et in die octavo ejusdem mensis ingressi sunt porticum templi Domini, expiaveruntque templum diebus octo, et in die sexta decima mensis ejusdem, quod cœperant impleverunt. 18. Ingressi quoque sunt ad Ezechiam regem, et dixerunt ei : Sanctificavimus omnem domum Domini, et altare holocausti, vasaque ejus, necnon et mensam propositionis cum omnibus vasis suis. 19. Cunctamque templi supellec-tilem, quam polluerat rex Achaz in regno suo, postquam prævaricatus est : et ecce exposita sunt omnia coram altare Domini. 20. Consurgensque diluculo Ezechias rex, adunavit omnes principes civitatis, et ascendit in domum Domini : 21. obtuleruntque simul tauros septem, et arietes septem, agnos septem, et hircos septem pro peccato, pro regno, pro sanctuario, pro Juda, dixitque sacerdotibus filiis Aaron ut offerrent super altare Domini. 22. Mactaverunt igitur tauros, et suscepserunt sanguinem sacerdotes, et fuderunt illum super altare; mactaverunt etiam arietes, et illorum sanguinem super altare fuderunt, immolaveruntque agnos, et fudernent super altare sanguinem. 23. Applicuerunt hircos pro peccato, coram rege et uni-versa multitudine, imposueruntque manus suas super eos ; 24. et immolaverunt illos Sacer-dotes, et asperserunt sanguinem eorum coram altare pro piaculo universi Israelis : pro omni quippe Israel præceperat rex ut holocaustum fleret, et pro peccato. 25. Constituit quoque Levitas in domo Domini, cum cymbalis, et psalteriis, et citharis, secundum dispositionem David regis, et Gad Videntis, et Nathan Prophetæ : siquidem Domini præceptum fuit, per manum prophetarum ejus. 26. Steteruntque Levitæ tenentes organa David, et Sacerdotes tubas. 27. Et jussit Ezechias ut offerrent holocausta super altare : cumque offerrentur holocausta, cœperunt laudes canere Domino, et clangere tubis, atque in diversis organis, quæ David rex Israel præparaverat, concrepare. 28. Omni autem turba adorante, cantores et ii qui tenebant tubas, erant in officio suo, donec completeretur holocaustum. 29. Cumque finita esset oblatio, incurvatus est rex, et omnes qui erant cum eo, et adoraverunt. 30. Præcepitque Ezechias et principes Levitis, ut laudarent Dominum sermonibus David, et Asaph Videntis : qui laudaverunt eum magna lætitia, et incurvato genu adoraverunt. 31. Ezechias autem etiam hæc addidit : Implesis manus vestras Domino, accedite, et offerte victimas, et laudes in domo Domini. Obtulit ergo universa multitudo hostias, et laudes et holocausta, mente devota. 32. Porro numerus holocaustorum, quæ obtulit multitudo, hic fuit : Tauros septua-ginta, arietes centum, agnos ducentos. 33. Sanctificaveruntque Domino boves sexcentos, et oves tria millia. 34. Sacerdotes vero pauci erant, nec poterant sufficere ut pelles holocaustorum detraherent: unde et Levitæ fratres eorum adjuverunt eos, donec impletetur opus, et sanctificarentur, antistites : Levitæ quippe facilitiori ritu sanctificantur, quam Sacerdotes. 35. Fuerunt ergo holocausta plurima, adipes pacificorum et libamina holocaustorum : et completus est cultus domus Domini. 36. Lætatusque est Ezechias, et omnis populus, eo quod ministerium Domini esset expletum. Derepente quippe hoc fieri placuerat.

riæ, qui Oziam regem in veri Dei cultu continuit, de quo cap. xxvi, vers. 5, fuit uxor Achaz et mater Ezechiae, quæ eum in omni pietate et Dei timore erudivit, ideoque hic nominatur, ut indicetur Ezechiam suam virtutem et zelum cum lacte suxisse a matre. Ita S. Hieronymus in *Tradit.*, Salianus et alii.

Vers. 4. 4. PLATEA ORIENTALIS, — ita dicta, quod obversa esset portæ Orientali templi.

Vers. 15. 15. UT EXPIARENT DOMUM DOMINI, — puta atrium sacerdotum, quod eorum erat templum; nam in Sanctum nemini ingredi fas erat nisi sacerdoti, sicut in Sanctum sanctorum soli Pontifici. Unde et hic soli sacerdotes asseruntur « ingressi templum et sanctificasse, » id est, expurgasse illud ab idolis, eorumque superstitione; sordes hasce exportantes « in vestibulo. » Septuaginta in *vestibulum*, ex quo deinde Levitæ illas efferebant, et projiciebant in torrentem Cedron.

Vers. 17. 17. COOPERUNT AUTEM PRIMA DIE MENSIS PRIMI (Nisan, id est in martio) MUNDARE, — q. d. Primis octo diebus mensis Nisan expurgarunt atria et cubicula sacerdotum et Levitarum, quæ eis erant annexa, deinde posterioribus octo diebus expurgarunt ipsum templum, sive Sanctum.

24. ET PRO PECCATO, — ut scilicet offerretur hostia pro peccato, iuxta ritum præscriptum Levit. cap. iv.

30. SERMONIBUS DAVID ET ASAPH VIDENTIS, — id est prophetæ: « sermones » vocat Psalms, quos hinc liquet partim a Davide, partim ab Asaph esse compositos, uti sunt duodecim illi qui Asaph inscribuntur.

31. IMPLESTIS (id est consecratis) MANUS VESTRAS DOMINO, — id est consecratis vos sacerdotes, implendo manum oleo et victimis.

33. SANCTIFICAVERUNTQUE DOMINO BOVES SEXCENTOS, — q. d. Dicarunt, obtulerunt et donarunt Deo et templo boves sexcentos, et oves ter mille; ut ex illis aliæ offerrentur in holocaustum, aliæ pro peccato, aliæ in victimas pacificas.

34. ANTISTITES, — id est sacerdotes: hi enim Levitis imperabant quasi Antistites. De ritu consecrandi sacerdotes, vide *Levit.* viii. Ex hoc versu colligitur sacerdotum fuisse victimam jugulare, excoriare, dividere, altari imponere, cremare. In necessitate vero excoriationem et cætera sequentia communicata fuisse et permissa Levitis. Ita Caijanus, ac prior pars satis liquet ex *Levit.* cap. i, vers. 5.

CAPUT TRIGESIMUM.

SYNOPSIS CAPITIS.

Ezechias per totam Judæam, ac per decem Tribus mittit nuntios, qui omnes invitent ad solemne Phase celebrandum, idque factum summa celebritate per 14 dies.

1. Misit quoque Ezechias ad omnem Israel et Judam: scripsitque epistolas ad Ephraim et Manassen, ut venirent ad domum Domini in Jerusalem, et facerent Phase Domino Deo Israel.
2. Initio ergo consilio regis et principum, et universi cœtus Jerusalem, decreverunt ut facerent Phase mense secundo.
3. Non enim potuerant facere in tempore suo, quia sacerdotes, qui possent sufficere, sanctificati non fuerant, et populus nondum congregatus fuerat in Jerusalem.
4. Placuitque sermo regi et omni multitudini.
5. Et decreverunt ut mitterent nuntios in universum Israel, de Bersabee usque Dan, ut venirent, et facerent Phase Domino Deo Israel in Jerusalem: multi enim non fecerant sicut lege præscriptum est.
6. Perrexeruntque cursores cum epistolis ex regis imperio, et principum ejus, in universum Israel et Judam, juxta id quod rex jusserrat, prædicantes: Filii Israel, revertimini ad Dominum Deum Abraham, et Isaac, et Israel: et revertetur ad reliquias quæ effugerunt manum regis Assyriorum.
7. Nolite fieri sicut patres vestri et fratres, qui recesserunt a Domino Deo patrum suorum, qui tradidit eos in interitum, ut ipsi cernitis.
8. Nolite indurare cervices vestras, sicut patres vestri: tradite manus Dominum, et venite ad sanctuarium ejus, quod sanctificavit in æternum: servite Domino Deo patrum vestrorum, et avertetur a vobis ira furoris ejus.
9. Si enim vos reversi fueritis ad Dominum, fratres vestri et filii habebunt misericordiam coram dominis suis, qui illos duxerunt captivos, et revertentur in terram hanc; pius enim et clemens est Dominus Deus vester, et non avertet faciem suam a vobis, si reversi fueritis ad eum.
10. Igitur cursores pergebant velociter de civitate in civitatem, per terram Ephraim et Manasse

usque ad Zabulon, illis irridentibus et subsannantibus eos. 11. Attamen quidam viri ex Aser, et Manasse, et Zabulon, acquiescentes consilio, venerunt Jerusalem. 12. In Juda vero facta est manus Domini, ut daret eis cor unum, ut facerent juxta præceptum regis et principum, verbum Domini. 13. Congregatique sunt in Jerusalem populi multi, ut facerent solemnitatem azymorum, in mense secundo: 14. et surgentes destruxerunt altaria, quæ erant in Jerusalem, atque universa, in quibus idolis adolebatur incensum, subvertentes, projecerunt in torrentem Cedron. 15. Immolaverunt autem Phase quarta decima die mensis secundi. Sacerdotes quoque atque Levitæ, tandem sanctificati, obtulerunt holocausta in domo Domini: 16. Steteruntque in ordine suo, juxta dispositionem et legem Moysi hominis Dei: sacerdotes vero suscipiebant effundendum sanguinem de manibus Levitarum, 17. eo quod multa turba sanctificata non esset: et idcirco immolarent Levitæ Phase, his qui non occurserant sanctificari Domino. 18. Magna etiam pars populi de Ephraim, et Manasse, et Issachar, et Zabulon, quæ sanctificata non fuerat, comedit Phase, non juxta quod scriptum est: et oravit pro eis Ezechias, dicens: Dominus bonus propitiabitur 19. cunctis, qui in toto corde requirunt Dominum Deum patrum suorum; et non imputabit eis quod minus sanctificati sunt. 20. Quem exaudivit Dominus, et placatus est populo. 21. Feceruntque filii Israel, qui inventi sunt in Jerusalem, solemnitatem azymorum septem diebus in lætitia magna, laudantes Dominum per singulos dies: Levitæ quoque et Sacerdotes, per organa, quæ suo officio congruebant. 22. Et locutus est Ezechias ad cor omnium Levitarum, qui habebant intelligentiam bonam super Domino, et comederunt septem diebus solemnitatis, immolantes victimas pacificorum, et laudantes Dominum Deum patrum suorum. 23. Placuitque universæ multitudini ut celebrent etiam alios dies septem: quod et fecerunt cum ingenti gaudio. 24. Ezechias enim rex Juda præbuerat multitudini mille tauros, et septem millia ovium: principes vero dederant populo tauros mille, et oves decem millia: sanctificata est ergo Sacerdotum plurima multitudo. 25. Et hilaritate perfusa omnis turba Juda, tam Sacerdotum et Levitarum, quam universæ frequentiæ, quæ venerat ex Israel; proselytorum quoque de terra Israel, et habitantium in Juda. 26. Factaque est grandis celebritas in Jerusalem, qualis a diebus Salomonis filii David regis Israel in ea urbe non fuerat. 27. Surrexerunt autem Sacerdotes atque Levitæ benedicentes populo: et exaudita est vox eorum: pervenitque oratio in habitaculum sanctum cœli.

Vers. 2. 2. MENSE SECUNDO. — Hoc enim jubetur *Num. ix*, 10, ut scilicet qui mense primo, ob immundiciem aliudve impedimentum non potuerunt celebrare Phase, illud celebrent mense secundo.

Vers. 3. 3. SACERDOTES QUI POSSENT SUFFICERE SANCTIFICATI (id est consecrati) NON FUERANT; — ut enim essent Sacerdotes, possentque sacrificare, debebant prius consecrari Sacerdotes eo ritu qui præscribitur *Levit. viii.*

Vers. 15. 15. TANDEM SANCTIFICATI. — Hebreus, pudore suffusi sunt; quod in tanta populi alacritate tardius fuissent in sua sanctificatione et purificatione, unde illico se sanctificarunt et mundarunt.

Vers. 16. 16. SACERDOTES VERO SUSCIPIEBANT EFFUNDENDUM SANGUINEM DE MANIBUS LEVITARUM, — omnis enim sanguis victimæ a Sacerdote in terram effundi debebat Deo, ut significaretur ipsum esse dominum necis et vitæ omnium. «De manibus Levitarum,» qui tum ex dispensatione sacrificabant, eo quod Sacerdotes consecrati, qui forent mundi, pauciores essent, quam ut possent tot victimas sacrifici-

care: juvabant ergo eos Levitæ, ac victimas macabant, et sanguinem effluentem dabant Sacerdotibus, ut ii juxta altare eum effunderent.

17. EO QUOD MULTA TURBA (Sacerdotum) SANCTIFICATA (ab irregularitate et immunditia legali per illustrationem lege præscriptam *Num. xix*, expurgata) NON ESSET: ET IDCIRCO IMMOLARENT LEVITÆ PHASE HIS, QUI NON OCCURREBANT SANCTIFICARI DOMINO. — Septuaginta, qui non poterant purificari Domino; qui scilicet aliis occupati tarde veniebant ut sanctificantur, hoc est, ab immunditia legali expiantur. Nota: «Phase» significat primo, agnum Paschalem, qui in paschate Deo sacrificabatur; secundo, victimas Paschales, quæ per septem dies paschatis Deo immolabantur: quæ immolatio competebat solis Sacerdotibus. Agni vero Paschalis immolatio competebat cuique patri familias, qui quoad hoc retinebat primævum jus sacerdotale, primitus annexum primogenituræ, et cuilibet patri familias in sua familia, si tamen is mundus esset; quod si is immundus et pollu-

tus foret, tunc Levitæ ejus loco agnum immolabant, ut hic dicitur, æque ac I Esdræ, vi, 10. immolandi quocumque non poterant comedentes de agno Paschali aliisque victimis; sed quia hic erat publica solemnitas, et religionis lapsæ restauratio, ac magnus immundorum numerus, hinc cum eis pariter dispensatum fuit ut ex eis comedenterent, Ezechia pro eis Deum deprecante, ut sequitur. Vide dicta Exodi xii, 6. Ob necessitatem ergo quam pariebat paucitas Sacerdotum qui mundi erant, et ob multitudinem et devotionem populi ex toto Israele concurrentis, ac ob copiam victimarum immolatidarum, dispensatum videtur cum Levitis, ut non tantum Agnum Paschalem, sed et alias victimas sacrificarent: hoc est enim quod disertus dicitur vers. 15: «Sacerdotes quoque atque Levitæ tandem sanctificati obtulerunt holocausta in domo Domini.» Crediderint tamen Sacerdotes solos maetasse victimas, non est eas in Dei honorem jugulasse, occidisse, et sanguinem effusisse; in quo proprie consistebat ratio sacrificii, quodque facile erat et parvæ opere; deinde a se occisæ victimæ tradidisse Levitis, ut ipsi eis pellebant detraherent, abluerent, in frusta coeiderent, et concisas in altari rite disponerent, ac subiecto igne concremarent. Ad omnia enim haec non sufficiebat Sacerdos immolans, quare Levitarum opera et opera uti cogebatur, uti dixi Levit. 1, 3. Unde pro «obtulerunt holocausta», Hebraice est יְבָאֵי iabu, id est intulerunt, ut vertunt Septuaginta, Vatablus, Pagninus, holocausta in domum Domini, et sic factum est in solemini Phase, quod post aliquot annos celebravit Josias, cap. xxxv, vers. 11, ubi dicitur: «Et immolatum est Phase, asperseruntque Sacerdotes manu sua sanguinem (in altari ut mortis erat), et Levitæ deträxerunt pelles holocaustorum.»

Denique patresfamilias qui erant immundi, edebant Levitis immolationem agni Paschalis; ipsi tamen ex eodem quoque comedebant ob festi lætissimam solemnitatem. Major enim requirebatur munditia in immolatione agni, quam in ejus comeditione; sicut nunc major requiritur puritas in Sacerdote celebrante, quam in laico communicante; præsertim quia hi immutidi tam cito non poterant perficiari, atque accedebat ad sacram agni epulum magna devotione interna; quam Deus magis requirit et respicit, quam externam lustrationem?

MAGNA PARS POPULI QUA SANCTIFICATA (id est ab immunditia legali expiata et mundata) NON FERAT, COMEDIT PHASE. — Hebrei apud S. Hieronymum tradunt multos ex eis qui immundi comedebant Phase, a Deo plaga cælitus immissa fuisse occisos; sed otatite Ezechia et populi ignorantiam ac piam intentionem allegante, Detin reliquis percuisse, et idecirco vers. 20 asserit Deum eum exaudivisse, et populo placatum esse.

QUEM EXAUDIVIT DOMINUS, — per signum aliquod sensibile, v. g. mittebas ignem e cælo, qui victimas Ezechiæ combureret, ut fecit Abelo, Genes. cap. iv; Aaroni, Levit. cap. viii et ix, ac Salomonis, libro III Reg. cap. viii, nisi enim fuisse hic sensibile signum, immundi nec securæ, nec tanta lætitia ex Phase comedissent. Ita Cajetanus.

22. ET LOCUTUS EST EZECHIAS AD COR OMNIUM LEVITARUM (eis blandiendo eosque laudando, eo quod haberent...) INTELLIGENTIAM BONAM SUPER DOMINUM, — id est eo quod periti essent sui offici, puta in oanendis Deo psalmis intelligentes et accurati. Aliter Cajetanus. Locutus est eis, inquit, verba penetrantia ad cor, ut curram populi instruendi susciperent et continuarent:

CAPUT TRIGESIMUM PRIMUM.

SYNOPSIS CAPITIS.

Judæi in tota Judæa et in reliquis quinque Israelis tribubus idola, aras et lucos evertunt; Ezechias templo officia et ordines restituit.

1. Cumque haec fuissent rite celebrata, egressus est omnis Israel, qui inventus fuerat in urbibus Iuda, et fregerunt simulacra, succideruntque lucos, demoliti sunt excelsa et altaria destruxerunt, non solum de universo Juda et Benjamin, sed et de Ephraim quoque et Manasse, donec penitus everterent: reversique sunt omnes filii Israel in possessiones et civitates suas. 2. Ezechias autem constituit turmas Sacerdotales et Leviticas per divisiones suas, unumquemque in officio proprio, tam Sacerdotum videlicet quam Levitarum ad holocausta et pacifica, ut ministrarent et confiterentur, canerentque in portis castrorum Domini. 3. Pars autem regis erat, ut de propria ejus substantia offerretur holocaustum, mane semper et vespero. Sabbatis quoque, et Calendis, et solemnitatibus cæteris, sicut scriptum est in lege

Moysi. 4. Præcepit etiam populo habitantium Jerusalem, ut darent partes Sacerdotibus et Levitis, ut possent vacare legi Domini. 5. Quod cum percrebruisset in auribus multitudinis, plurimas obtulere primitias filii Israel frumenti, vini, et olei, mellis quoque, et omnium, quæ gignit huinus, decimas obtulerunt. 6. Sed et filii Israel et Juda, qui habitabant in urbibus Juda, obtulerunt decimas boum et ovitum, decimasque sanctorum, quæ voverant Domino Deo suo: atque universa portantes, fecerunt acervos plurimos. 7. Mense tertio cœperunt acervorum jacere fundamenta, et mense septimo compleverunt eos. 8. Cumque ingressi fuissent Ezechias et principes ejus, viderunt acervos, et benedixerunt Domino ac populo Israel. 9. Interrogavitque Ezechias Sacerdotes et Levitas, cur ita jacerent acervi. 10. Respondit illi Azarias Sacerdos primus de stirpe Sadoc, dicens: Ex quo cœperunt offerri primitiae in domo Domini, comedimus, et saturati sumus, et remanserunt plurima, eo quod benedixerit Dominus populo suo: reliquarum autem copia est ista quam cernis. 11. Præcepit igitur Ezechias ut præpararent horrea in domo Domini. Quod cum fecissent, 12. intulerunt tam primitias quam decimas, et quæcumque voverant, fideliter. Fuit autem præfectus eorum Chonenias Levita, et Semei frater ejus, secundus, 13. post quem Jahiel, et Azarias, et Nahath, et Azael, et Jerimoth, Jozabad quoque, et Eliel, et Jesmachias, et Mahath, et Banaias, præpositi sub manibus Choneniae, et Semei fratris ejus, ex imperio Ezechiae regis et Azariæ Pontificis domus Dei, ad quos omnia pertinebant. 14. Core vero filius Jemna Levites et janitor Orientalis portæ, præpositus erat iis quæ sponte offerebantur Domino, primitisque et consecratis in Sancta sanctorum. 15. Et sub cura ejus Eden, et Benjamin, Jesue, et Semeias, Amarias quoque et Sechenias, in civitatibus Sacerdotum, ut fideliter distribuerent fratribus suis partes, minoribus atque majoribus: 16. exceptis maribus ab annis tribus et supra, cunctis qui ingrediebantur templum Domini, et quidquid per singulos dies conducebat in ministerio, atque observationibus juxta divisiones suas, 17. Sacerdotibus per familias, et Levitis a vigesimo anno et supra, per ordines et turmas suas, 18. universæque multitudini, tam uxoribus, quam liberis eorum utriusque sexus, fideliter cibi, de his quæ sanctificata fuerant præbebantur. 19. Sed et filiorum Aaron per agros, et suburbana urbium singularum dispositi erant viri, qui partes distribuerent universo sexui masculino de Sacerdotibus et Levitis. 20. Fecit ergo Ezechias universa quæ diximus in omni Juda: operatusque est bonum et rectum et verum coram Domino Deo suo, 21. in universa cultura ministerii domus Domini, juxta legem et cæremonias, volens requirere Deum suum in toto corde suo: fecitque et prosperatus est.

Vers. 2. 2. IN PORTIS CASTRORUM DOMINI, — id est in portis templi; in templo enim erant turmæ Sacerdotum et Levitarum in suos ordines, quasi acies militares distributi, ut ibi viderentur esse castra, acies et exercitus Dei, ut patet Num. iv et seq., ubi Levitæ dicuntur egredi et ingredi ad militiam templi. Unde Ecclesia vocatur « castrorum acies ordinata, » Cant. vi, 9.

Vers. 3. 3. PARS AUTEM RÉGIS ERAT, — q. d. Ezechias rex has partes, hæc munia circa templi ministeria sibi assumpsit, ut ipse suppeditaret sumptus pro jugi sacrificio, aliisque victimis, populus vero aleret Sacerdotes et Levitas (eorum enim reditus ab Achaz et aliis impiis regibus erant dispersi et dissipati) « ut possent vacare legi Domini, » ut scilicet expediti a cura procurandi alimenta, toti va- carent suo officio et templi ministerio.

6. DECIMAS SANCTORUM QUÆ VOVERANT DOMINO.—

Hebræus, *decimas sanctitatum* (id est rerum sanc- tarum) quæ erant sanctificatae Deo, q. d. Obtulerunt omnium suarum rerum decimas, quæ ex lege ju- bentur « Deo sanctificari, » id est consecrari et offerri, Num. cap. xviii, vers. 8 et seq., insuper decimas alias lege non præceptas, sed quasi ipsi ultro Deo sanctificaran, id est « voverant, » dicarant et destinaran, ut vertit Noster, q. d. Præter decimas lege præscriptas, ipsi insuper ex de- votione et liberalitate alias addiderunt, quas Deo dicarant et voverant, Numerorum cap. xviii, vers. 14.

7. COEPERUNT ACERVORUM JACERE FUNDAMENTA, — Vers. 7. id est cœperunt colligere primos acervos; quæ enim prima sunt, quasi sequentium sunt funda- menta. Ita Vatablus.

11. UT PRÆPARARENT HORREA. — Septuaginta, Vers. 11. *pastophoria*, id est exedras sive cubicula, in qui-

bus quasi horreis servarentur primitiæ, decimæ, aliæque res templo oblatæ.

Vers. 14. 14. CONSECRATIS IN SANCTA SANCTORUM, — ut scilicet sint sanctissima, quia eas templo et Deo sanctissimo dedicasti; primitiæ enim non offerebantur in Sancto sanctorum, sed ante atrium Sacerdotum. Simili phrasi vers. 6, vocavit « decimas sanctorum, » id est decimas Deo sanctificatas, hoc est consecratas et oblatas.

Vers. 16. 16. EXCEPTIS MARIBUS AB ANNIS TRIBUS ET SUPRA, — hoc est, præter pueros trium annorum, quibus quoque sicut et aliis omnibus, usque ad annum vigesimum præbebantur alimenta, q. d. Non tan-

tum majoribus, qui templo deserviebant, sed et pueris triennibus, imo anniculis et in cunis jacentibus; quin et feminis et puellis parvulis necessaria vitæ liberaliter a Præfectis subministrabantur; ut Sacerdotes et Levitæ eos alendi cura non distraherentur, sed toti vacarent Deo et templo: tanta erant rerum oblatarum abundantia, tanta populi offerentis liberalitas, tanta Ezechiae regis providentia, pietas et devotio.

10. PER AGROS, — q. d. Ezechias sicut providit **Vers. 16.** Levitis in Jerusalem agentibus, sic et providit de annona iis qui extra Jerusalem per agros et alias urbes dispersi erant.

CAPUT TRIGESIMUM SECUNDUM.

SYNOPSIS CAPITIS.

Sennacherib invadit Judæam; Ezechias cum Isaia Deum invocat; ille mittit Angelum, qui cædit 180 millia Assyriorum. Quare fugit Sennacherib, et a filiis occiditur. Inde intumescens Ezechias v. 24, morbo percutitur, sed ab Isaia curatur, ac post multa præclare gesta moritur, et successorem relinquunt filium impium Manassen.

1. Post quæ et hujuscemodi veritatem, venit Sennacherib rex Assyriorum, et ingressus Judam, obsedit civitates munitas, volens eas capere. 2. Quod cum vidisset Ezechias, venisse scilicet Sennacherib, et totum belli impetum verti contra Jerusalem, 3. inito cum principibus consilio, virisque fortissimis, ut obturarent capita fontium, quæ erant extra urbem: et hoc omnium decernente sententia, 4. congregavit plurimam multitudinem, et obturaverunt cunctos fontes, et rivum qui fluebat in medio terræ, dicentes: Ne veniant reges Assyriorum, et inveniant aquarum abundantiam. 5. Ædificavit quoque, agens industrie, omnem murum, qui fuerat dissipatus, et exstruxit turres desuper, et forinsecus alterum murum: instauravitque Mello in Civitate David, et fecit universi generis armaturam et clypeos, 6. constituitque principes bellatorum in exercitu: et convocavit universos in platea portæ civitatis, ac locutus est ad cor eorum dicens: 7. Viriliter agite, et confortamini: nolite timere: nec paveatis regem Assyriorum, et universam multitudinem, quæ est cum eo: multo enim plures nobiscum sunt, quam cum illo. 8. Cum illo enim est brachium carneum: nobiscum Dominus Deus noster, qui auxiliator est noster, pugnatque pro nobis. Confortatusque est populus hujuscemodi verbis Ezechiae regis Juda. 9. Quæ postquam gesta sunt, misit Sennacherib rex Assyriorum servos suos in Jerusalem (ipse enim cum universo exercitu obsidebat Lachis) ad Ezechiam regem Juda, et ad omnem populum qui erat in urbe, dicens: 10. Hæc dicit Sennacherib rex Assyriorum: In quo habentes fiduciam sedetis obseSSI in Jerusalem? 11. Num Ezechias decipit vos, ut tradat morti in fame et siti, affirmans quod Dominus Deus vester liberet vos de manu regis Assyriorum? 12. Numquid non iste est Ezechias, qui destruxit excelsa illius, et altaria, et præcepit Juda et Jerusalem, dicens: Coram altari uno adorabis, et in ipso comburetis incensum? 13. An ignoratis quæ ego fecerim, et patres mei, cunctis terrarum populis? Numquid prævaluerunt dii gentium, omniumque terrarum, liberare regionem suam de manu mea? Quis est de universis diis gentium quas vastaverunt patres mei, qui potuerit eruere populum suum de manu mea, ut possit etiam Deus vester eruere vos de hac manu? 15. Non vos ergo

decipiat Ezechias, nec vana persuasione deludat, neque credatis ei. Si enim nullus potuit Deus cunctarum gentium atque regnorum liberare populum suum de manu mea, et de manu patrum meorum, consequenter nec Deus vester poterit eruere vos de manu mea. 16. Sed et alia multa locuti servi ejus contra Dominum Deum, et contra Ezechiam servum ejus. 17. Epistolas quoque scripsit plenas blasphemiae in Dominum Deum Israel, et locutus est adversus eum : Sicut dii gentium cæterarum non potuerunt liberare populum suum de manu mea : sic et Deus Ezechiæ eruere non poterit populum suum de manu ista. 18. Insuper et clamore magno, lingua Judaica, contra populum qui sedebat in muris Jerusalem, personabat, ut terreret eos, et caperet civitatem. 19. Locutusque est contra Deum Jerusalem sicut adversum deos populorum terræ, opera manuum hominum. 20. Oraverunt igitur, Ezechias rex, et Isaias filius Amos prophetæ, adversum hanc blasphemiam, ac vociferati sunt usque in cœlum. 21. Et misit Dominus Angelum, qui percussit omnem virum robustum et bellatorem, et principem exercitus regis Assyriorum : reversusque est cum ignominia in terram suam. Cumque ingressus esset domum dei sui, filii qui egressi fuerant de utero ejus, interfecerunt eum gladio. 22. Salvavitque Dominus Ezechiam et habitatores Jerusalem de manu Sennacherib regis Assyriorum, et de manu omnium, et præstitit eis quietem per circuitum. 23. Multi etiam deferebant hostias et sacrificia Domino in Jerusalem, et munera Ezechiæ regi Juda : qui exaltatus est post hæc coram cunctis gentibus. 24. In diebus illis ægrotavit Ezechias usque ad mortem, et oravit Dominum : exaudivitque eum, et dedit ei signum. 25. Sed non juxta beneficia, quæ acceperat, retribuit, quia elevatum est cor ejus : et facta est contra eum ira, et contra Judam et Jerusalem. 26. Humiliatusque est postea, eo quod exaltatum fuisse cor ejus, tam ipse, quam habitatores Jerusalem : et idcirco non venit super eos ira Domini in diebus Ezechiæ. 27. Fuit autem Ezechias dives, et inclitus valde, et thesauros sibi plurimos congregavit argenti, et auri, et lapidis pretiosi, aromatum, et armorum universi generis, et vasorum magni pretii. 28. Apothecas quoque frumenti, vini, et olei, et præsepio omnium jumentorum, caulasque pecorum, 29. et urbes aedificavit sibi : habebat quippe greges ovium et armentorum innumerabiles, eo quod dedisset ei Dominus substantiam multam nimis. 30. Ipse est Ezechias, qui obturavit superiorem fontem aquarum Gihon, et avertit eas subter ad Occidentem Urbis David : in omnibus operibus suis fecit prospere quæ voluit. 31. Attamen in legatione principum Babylonis, qui missi fuerant ad eum, ut interrogarent de portento, quod acciderat super terram, dereliquit eum Deus ut tentaretur, et nota fierent omnia quæ erant in corde ejus. 32. Reliqua autem sermonum Ezechiæ, et misericordiarum ejus, scripta sunt in visione Isaïæ filii Amos prophetæ, et in Libro regum Juda et Israel. 33. Dormivitque Ezechias cum patribus suis, et sepelierunt eum super sepulcra filiorum David : et celebravit ejus exequias universus Juda, et omnes habitatores Jerusalem : regnavitque Manasses filius ejus pro eo.

Hoc caput explicui Isaïæ cap. xxxvi, xxxvii et xxxviii.

Vers. 1. 1. POST QUÆ ET HUJUSMODI VERITATEM VENIT SENNACHERIB, — q. d. Post hæc ab Ezechia vere gesta, et a me vere enarrata, Deus volens probare, exercere et perficere pietatem, virtutem et confidentiam Ezechiæ, quam habebat in Deum, permisit ut venirent Sennacherib, ac Judæam invaderet.

Vers. 4. 4. RIVUM (fontem Gihon, ut patet vers. 30), qui FLUEBAT IN MEDIO TERRÆ, — scilicet illius quæ adiacebat Jerosolymæ, q. d. Ezechias aquas, ac præsertim fontem Gihon partim obturavit, ut castra

Sennacherib siti conficeret; partim perfodiendo rupem, in puteos urbis avertit, ut obsessi Judæi haberent aquam ad potum et cæteros usus. Vide dicta Eccli. xlvi, 19.

Vers. 21. 21. MISIT DOMINUS ANGELUM. — Hanc historiam Herodotus in Euterpe depravavit, dicens Sennacherib Aegyptum invasisse, sed a sacerdote Vulcani fugatum per inductos mures, qui arcus et arma Assyriorum corrodebant; nam pro Judæa supponit Aegyptum, pro Ezechia sacerdotem, pro Deo Vulcanum, pro Angelo mures. Porro Sennacherib ipse in tanta suorum clade solus pene, & idcirco servatus est, ait S. Hieronymus in cap.

xxx Isaiæ, ut sciret potentiam Dei et blasphemantium ora comprimeret, fieretque testis illius majestatis, quam paulo ante contempserat. Pharao quoque in decem Ægypti servatur plagis, ut novissimus pereat; quod et iste passus est. » Oportebat hominem pupiri gravissima jactura maximi florentissimique exercitus, et divitiarum maximarum; quam jacturam non sensisset, si momento cum suis periisset. Oportebat incredibilem apud suos subire ignominiam, cuius aut culpa, aut imperitia, tanta strages regnum potentissimum perculisset. Oportebat denique longe illum acerbiore morte, et modis omnibus exercenda consumi: multis quippe, ut appareat, gladiorum ictibus confodiendus erat, et a filiis, et in loco divinitati consecrato. Ita Salianus. Non dubium in hac clade ab Angelo cæsum, et magis excruciatum fuisse Rabsacem, utpote in Deum blasphemum, et in Ezechiam maledicuum: porro opinis tot cæsorum Assyriorum spoliis ditati sunt Ezechias et Judæi,

FILII (Adramelech et Sarazar) INTERFECERUNT EUM GLADIO. — Causam dat R. Salomon et ex eo Lyranus, quod Sennacherib ad placandos deos tantæ stragis auctores, voluerit eis immolare hosce duos filios; sed illi id subodorati patrem prævenierunt et necarunt. Porro Sennacherib, accepta clade in Judæa, fugit rediitque in suam Niniven,

ubi seviit in Judæos, multosque occidit; adeo ut Tobias eos sepeliens, bonis omnibus exutus mortem fugiendo evaserit, a qua fuga post dies 45 Sennacherib a filiis occisus est: quæ omnia narrantur Tobiæ, cap. i, vers. 21, et sequent. Eamdem R. Salomonis causam tradit S. Hieronymus in *Tradit.* Eamdemque ex textu Hebræo Tobiæ, cap. i, refert Serarius, ac Genebrardus in *Chronol.*

Aliam eausam afferunt Lyranus et Abulensis in lib. IV Reg. cap. xv, Quæst. XXXI, scilicet Sennacherib occisum esse a duobus filiis senioribus, quoniam pater eis postpositis, Assarhaddonem minorem natu successorem regni esse velle. Cujus electionis causam refert Historia Scholastica in amorem, quo Sennacherib matrem Assarhadonis prosequebatur. Quæ fuisse putatur causa, cur pridem Roboam, Abiam filium Maacha reliquis filiis suis antetulerit, ut patet II Paralipomenon, xi, 21.

Verior certiorque causa est, quam affert Theodoreetus in lib. IV Reg. dicens: « Quoniam adversus Deum, qui ipsum fecerat, rabie fuerat percitus, ab iis qui ex ipso procreati fuerant, fuit interfectus. »

31. DE PORTENTO, — retrocessionis solis et umbrae in Horologio Achaz, de quo fuse egi Isaiæ cap. xxxviii.

Vers. 81

CAPUT TRIGESIMUM TERTIUM.

SYNOPSIS CAPITIS.

Manasses ob idolatriam et scelerz vincitus in Babylonem traducitur, ubi pœnitens regno restituitur, et Dei cultum restaurat. Succedit ei impius filius Amon, ac huic pius filius Josias.

1. Duodecim annorum erat Manasses cum regnare cœpisset, et quinguaginta quinque annis regnavit in Jerusalem. 2. Fecit autem malum coram Domino, juxta abominationes gentium, quas subvertit Dominus coram filiis Israel: 3. et conversus instauravit excelsa, quæ demolitus fuerat Ezechias pater ejus: construxitque aras Baalim, et fecit lucos, et adoravit omnem militiam cœli, et coluit eam. 4. Ædificavit quoque altaria in domo Domini, de qua dixerat Dominus: in Jerusalem erit nomen meum in æternum. 5. Ædificavit autem ea cuncto exercitui cœli, in duobus atriis domus Domini. 6. Transireque fecit filios suos per ignem in Valle Benennom: observabat somnia, sectabatur auguria, maleficiis artibus inseriebat, habebat secum magos, et incantatores: multaque mala operatus est coram Domino, ut irritaret eum. 7. Sculptile quoque et conflatile signum posuit in domo Dei, de qua locutus est Deus ad David et ad Salomonem filium ejus, dicens: In domo hac et in Jerusalem, quam elegi de cunctis tribubus Israel, ponam nomen meum in sempiternum. 8. Et moveri non faciam pedem Israel de terra, quam tradidi patribus eorum; ita duntaxat si custodierint facere quæ præcepí eis, eunctamque legem et cæremonias, atque judicia per manum Moysi. 9. Igitur Manasses seduxit Judam, et habitatores Jerusalem, ut facerent malum super omnes gentes, quas subverterat Dominus a facie filiorum Israel. 10. Locutusque est Dominus ad eum, et ad populum illius, et attendere poluerunt. 11. Idcirco superinduxit eis principes

exercitus regis Assyriorum : ceperuntque Manassen, et vincitum catenis atque compedibus duxerunt in Babylonem. 12. Qui postquam coangustatus est, oravit Dominum Deum suum : et egit pœnitentiam valde coram Deo patrum suorum 13. Deprecatusque est eum, et obsecravit intente : et exaudivit orationem ejus, reduxitque eum Jerusalem in regnum suum : et cognovit Manasses quod Dominus ipse esset Deus. 14. Post hæc ædificavit murum extra civitatem David, ad Occidentem Gihon in convalle, ab introitu portæ piscium per circuitum usque ad Ophel, et exaltavit illum vehementer ; constituitque principes exercitus in cunctis civitatibus Juda munitis : 15. et abstulit deos alienos et simulacrum de domo Domini, aras quoque, quas fecerat in monte domus Domini, et in Jerusalem, et projectit omnia extra urbem. 16. Porro instauravit altare Domini, et immolavit super illud victimas, et pacifica, et laudem : præcepitque Judæ ut serviret Domino Deo Israel. 17. Attamen adhuc populus immolabat in excelsis Domino Deo suo. 18. Reliqua autem gestorum Manasse : et obsecratio ejus ad Deum suum : verba quoque Videntium, qui loquebantur ad eum in nomine Domini Dei Israel, continentur in sermonibus regum Israel. 19. Oratio quoque ejus et exauditio, et cuncta peccata atque contemptus, loca etiam in quibus ædificavit excelsa, et fecit lucos et statuas, antequam ageret pœnitentiam, scripta sunt in sermonibus Hozai. 20. Dormiyit ergo Manasses cum patribus suis, et sepelierunt eum in domo sua : regnavitque pro eo filius ejus Amon, 21. Viginti duorum annorum erat Amon cum regnare cœpisset, et duobus annis regnayit in Jerusalem, 22. Fecitque malum in conspectu Domini, sicut fecerat Manasses pater ejus, et cunctis idolis, quæ Manasses fuerat fabricatus, immolavit atque servivit. 23. Et non est reveritus faciem Domini, sicut reveritus est Manasses pater ejus : et multo majora deliquit, 24. Cumque conjurassent adversus eum servi sui, interfecerunt eum in domo sua. 25. Porro reliqua populi multitudo, cæsis iis qui Amon percusserant, constituit regem Josiam filium ejus pro eo.

Vers. 3. 3. APORAVIT OMNEM MILITIAM COELI, — puta Solēm, Lunam, cæteraque sidera que quasi milites Dei ordinata acie incedunt, ac pro Deo, cum opus est, pugnant, vibrantque in hostes tonitrua et fulmina. Ita S. Hieronymus.

Vers. 10. 10. LOCUTUSQUE EST DOMINUS AD EUM, — non perse, sed per Isaiam, alias Prophetas, IV Reg. cap. XXI, vers. 10.

Vers. 11. 11. VINCTUM CATENIS DUXERUNT IN BABYLONEM. — Manassi in carcere dabatur paryus panis ex furfuribus, parvo pondere, et parva mensura aquæ cum aceto, ut viveret, aiunt quidam Codices Græci hic, et Auctor imperfecti, hom. 4 in Matth. et S. Clemens, lib. II Constit. cap. XXII.

Vers. 16. 16. IMMOLAVIT SUPER ILLUD VICTIMAS (holocausta

et hostias pro peccato) ET PACIFICA (id est hostias pro pace, id est salute tum sua, tum populi) ET LAUDEM. — Hebraice יְתִין toda, id est hostias eucharisticas, in Dei laudem, et gratiarum actionem pro libertate recepta, ait Cajetanus et Vatablus.

19. ORATIO QUOQUE EJUS. — Exstat oratio Manassis pœnitentis pia et proba, sed non habet auctoritatem Canonicæ Scripturæ ideoque in calcem Bibliorum rejecta est.

SCRIPTA SUNT IN SERMONIBUS HOZAI. — Hebræi apud S. Hieronymum censem Hozai esse Isaiam prophetam. Septuaginta Hosai accipiunt ut nomen non proprium, sed appellativum, vertuntque, *videntium*, id est prophetarum. Sic et Vatablus.

Vers. 19.

CAPUT TRIGESIMUM QUARTUM.

SYNOPSIS CAPITIS.

Josias omnem idolatriam succidit, Dei templum cultumque instaurat, ac fædus novum inter Deum et populum sancit.

1. Octo annorum erat Josias cum regnare cœpisset, et triginta et uno anno regnavit in Jerusalem. 2. Fecitque quod erat rectum in conspectu Domini, et ambulavit in viis David

patris sui : non declinavit neque ad dextram, neque ad sinistram. 3. Octavo autem anno regni sui, cum adhuc esset puer, cœpit quærere Deum patris sui David : et duodecim anno postquam regnare cœperat, mundavit Judam et Jerusalem ab excelsis, et lucis, simulacrisque et sculptilibus. 4. Destruxeruntque coram eo aras Baalim : et simulacra, quæ superposita fuerant, demoliti sunt : lucos etiam, et sculptilia succidit atque comminuit, et super tumulos eorum, qui eis immolare consueverant, fragmenta dispersit. 5. Ossa præterea Sacerdotum combussit in altaribus idolorum, mundavitque Judam et Jerusalem. 6. Sed et in urbibus Manasse, et Ephraim, et Simeon, usque Nephtali, cuncta subvertit. 7. Cumque altaria dissipasset, et lucos, et sculptilia contrivisset in frusta, cunctaque delubra demolitus esset de universa terra Israel, reversus est in Jerusalem. 8. Igitur anno octavo decimo regni sui, mundata jam terra, et templo Domini, misit Saphan filium Eseliae, et Maasiam principem civitatis, et Joha filium Joachaz a commentariis, ut instaurarent domum Domini Dei sui. 9. Qui venerunt ad Helciam Sacerdotem magnum : acceptamque ab eo pecuniam, quæ illata fuerat in domum Domini, et quam congregaverant Levitæ, et janitores, de Manasse, et Ephraim, et universis reliquiis Israel, ab omni quoque Juda, et Benjamin, et habitatoribus Jerusalem, 10. tradiderunt in manibus eorum qui præerant operariis in domo Domini, ut instaurarent templum, et infirma quæque sarcirent. 11. At illi dederunt eam artificibus, et cæmentariis, ut emerent lapides de lapicidinis, et ligna ad commissuras ædificii, et contignationem dormorum, quas destruxerant reges Juda. 12. Qui fideliter cuncta faciebant. Erant autem præpositi operantium, Jahath et Abdias de filius Merari, Zacharias et Mosellam de filiis Caath, qui urgebant opus : omnes Levitæ scientes organis canere. 13. Super eos vero, qui ad diversos usus onera portabant, erant scribæ, et magistri de Levitis janitores. 14. Cumque efferrent pecuniam, quæ illata fuerat in templum Domini, reperit Helcias Sacerdos Librum legis Domini per manum Moysi. 15. Et ait ad Saphan scribam : Librum legis inveni in domo Domini : Et tradidit ei. 16. At ille intulit volumen ad regem, et nuntiavit ei dicens : Omnia quæ dedisti in manu servorum tuorum, ecce complentur. 17. Argentum, quod repertum est in domo Domini, conflaverunt : datumque est præfectis artificum, et diversa opera fabricantium. 18. Præterea tradidit mihi Helcias Sacerdos hunc librum. Quem cum rege præsente recitasset. 19. audissetque ille verba legis, scidit vestimenta sua : 20. et præcepit Helciæ, et Ahicam filio Saphan, et Abdon filio Micha, Saphan quoque scribæ, et Asaæ servo regis, dicens : 21. Ite, et orate Dominum pro me, et pro reliquiis Israel et Juda, super universis sermonibus Libri istius, qui repertus est : magnus enim furor Domini stillavit super nos, eo quod non custodierint patres nostri verba Domini, ut facerent omnia quæ scripta sunt in isto volumine. 22. Abiit ergo Helcias, et hi qui simul a rege missi fuerant, ad Oldam prophetidem, uxorem Sellum filii Thecuath, filii Hasra custodis vestium : quæ habitabat in Jerusalem in secunda : et locuti sunt ei verba quæ supra narravimus. 23. At illa respondit eis : Hæc dicit Dominus Deus Israel : Dicite viro, qui misit vos ad me : 24. Hæc dicit Dominus : Ecce ego inducam mala super locum istum, et super habitatores ejus cunctaque maledicta quæ scripta sunt in Libro hoc, quem legerunt coram rege Juda. 25. Quia dereliquerunt me, et sacrificaverunt diis alienis, ut me ad iracundiam provocarent in cunctis operibus manuum suarum, idcirco stillabit furor meus super locum istum, et non extinguetur. 26. Ad regem autem Juda, qui misit vos pro Domino deprecando, sic loquimini : Hæc dicit Dominus Deus Israel : Quoniam audisti verba voluminis, 27. atque emollitum est cor tuum, et humiliatus es in conspectu Dei, super his quæ dicta sunt contra locum hunc, et habitatores Jerusalem, reveritusque faciem meam, scidisti vestimenta tua, et flevisti coram me : ego quoque exaudivi te, dicit Dominus. 28. Jam enim colligam te ad patres tuos, et infereris in sepulcrum tuum in pace : nec videbunt oculi tui omne malum, quod ego inducturus sum super locum istum, et super

habitatores ejus. Retulerunt itaque regi cuncta quæ dixerat. 29. At ille convocatis universis majoribus natu Juda et Jerusalem, 30. ascendit in domum Domini, unaque omnes viri Juda et habitatores Jerusalem, Sacerdotes et Levitæ, et cunctus populus a minimo usque ad maximum. Quibus audientibus in domo Domini, legit rex omnia verba voluminis : 31. et stans in tribunal suu, percussit fœdus coram Domino, ut ambularet post eum, et custodiret præcepta, et testimonia, et justificationes ejus in toto corde suo, et in tota anima sua, faceret que quæ scripta sunt in volumine illo, quod legerat. 32. Adjuravit quoque super hoc omnes, qui reperti fuerant in Jerusalem et Benjamin : et fecerunt habitatores Jerusalem juxta pactum Domini Dei patrum suorum. 33. Abstulit ergo Josias cunctas abominationes de universis regionibus filiorum Israel : et fecit omnes, qui residui erant in Israel, servire Domino Deo suo. Cunctis diebus ejus non recesserunt a Domino Deo patrum suorum.

vers. 3. 3. DUODECIMO ANNO, etc., MUNDAVIT JUDA, — id est mundare cœpit; nam mundationem hanc perfecit post sex annos, anno regni sui 18, ut dicitur vers. 8.

Vers. 5. 5. OSSA PRÆTEREA SACERDOTUM (idolorum, v. g., vitulorum aureorum) COMBUSSIT IN ALTARIBUS IDOLORUM, — scilicet ut contactu et combustione cadaverum hominum tam impiorum altaria ipsa contaminarentur, infamarentur, et horrore forent, ne quis deinceps in iis victimas idolis immolare.

Vers. 15. 15. INVENI LIBRUM LEGIS IN DOMO DOMINI. — Genebrardus in *Chronol.* censem fuisse hoc exemplar, quod a Moyse vel ab alio eo vivo scriptum fuerat, et in sanctuario positum ante 800 annos, ut præterea majori devotione acceptum et majori fructu lectum fuerit. Porro non est dubium alibi in Ju-

dæa, et in aliis provinciis apud Judæos pios et doctos exstilisse plures libros legis : incredibile ergo videtur quod nonnulli aiunt, omnes libros S. Scripturæ cum templo a Chaldaeis fuisse combustos, ac ab Esdra ex memoria restitutos.

28. INFERERIS IN SEPULCRUM TUUM IN PACE. — Di- Vers. 28 ces : Josias in prælio occisus est a Pharaone Nechao; ergo non pacifice, sed violenta morte occubuit. Respondeo, pacem non privatam Josiæ, sed publicam Reipublicæ hic intelligi; vivente enim Josia et moriente, Judæa gaudebat pace et rerum abundantia; at post mortem ejus invasa fuit a variis gentibus, præsertim Babyloniis, qui illam sub Sedecia filio Josiæ funditus everterunt. Hunc esse sensum liquet ex sequentibus, ubi sic se Scriptura explicat.

CAPUT TRIGESIMUM QUINTUM.

SYNOPSIS CAPITIS.

Josias celebrat Phase solemne; idem Pharaoni occurrens, in prælio occiditur summo omnium luctu, sed præcipue Jeremie.

1. Fecit autem Josias in Jerusalem Phase Domino, quod immolatum est quarta decima die mensis primi : 2. et constituit Sacerdotes in officiis suis, hortatusque est eos ut ministrent in domo Domini. 3. Levitis quoque, ad quorum eruditionem omnis Israel sanctificabatur Domino, locutus est : Ponite arcam in sanctuario templi, quod ædificavit Salomon filius David rex Israel ; nequaquam enim eam ultra portabitis : nunc autem ministrate Domino Deo vestro, et populo ejus Israel. 4. Et præparate vos per domos et cognationes vestras, in divisionibus singulorum, sicut præcepit David rex Israel, et descripsit Salomon filius ejus. 5. Et ministrate in sanctuario per familias turmasque Leviticas, 6. et sanctificati immolate Phase : fratres etiam vestros, ut possint juxta verba quæ locutus est Dominus in manu Moysi facere, præparate. 7. Dedit præterea Josias omni populo, qui ibi fuerat inventus in solemnitate Phase, agnos et hædos de gregibus et reliqui pecoris triginta millia, boum quoque tria millia, hæc de regis universa substantia. 8. Duces quoque ejus, sponte quod voverant, obtulerunt, tam populo, quam Sacerdotibus et Levitis. Porro Helcias, et Zacharias, et Jahiel,

principes domus Domini, dederunt Sacerdotibus ad faciendum Phase pecora commixtim duo millia sexcenta, et boves trecentos. 9. Chonenias autem, et Semeias, etiam Nathanael, fratres ejus, necnon Hasabias, et Jehiel, et Jozabad, principes Levitarum, dederunt cæteris Levitis ad celebrandum Phase quinque millia pecorum, et boves quingentos. 10. Præparatumque est ministerium, et steterunt sacerdotes in officio suo : Levitæ quoque in turmis, juxta regis imperium. 11. Et immolatum est Phase : asperseruntque Sacerdotes manu sua sanguinem, et Levitæ detraxerunt pelles holocaustorum, 12. et separaverunt ea ut darent per domos, et familias singulorum, et offerrentur Domino, sicut scriptum est in Libro Moysi : de bobus quoque fecerunt similiter, 13. et assaverunt Phase super ignem, juxta quod in lege scriptum est; pacificas vero hostias coxerunt in lebetibus: et cacabis, et ollis, et festinato distribuerunt universæ plebi : 14. sibi autem et Sacerdotibus postea paraverunt; nam in oblatione holocaustorum et adipum usque ad noctem Sacerdotes fuerunt occupati : unde Levitæ sibi et sacerdotibus filiis Aaron paraverunt novissimis. 15. Porro cantores filii Asaph stabant in ordine suo, juxta præceptum David, et Asaph, et Heman, et Idithun, prophetarum regis; janitores vero per portas singulas observabant, ita ut nec puncto quidem discederent a ministerio : quam ob rem et fratres eorum Levitæ paraverunt eis cibos. 16. Omnis igitur cultura Domini rite completa est in die illa, ut facerent Phase, et offerrent holocausta super altare Domini, juxta præceptum regis Josiæ. 17. Feceruntque filii Israel, qui reperti fuerant ibi, Phase in tempore illo, et solemnitatem azymorum septem diebus. 18. Non fuit Phase simile huic in Israel a diebus Samuelis Prophetæ : sed nec quisquam de cunctis regibus Israel fecit Phase sicut Josias, Sacerdotibus, et Levitis, et omni Judæ, et Israel qui repertus fuerat, et habitantibus in Jerusalem. 19. Octavo decimo anno regni Josiæ hoc Phase celebratum est. 20. Postquam instauraverat Josias templum, ascendit Necho rex Ægypti ad pugnandum in Charamis juxta Euphratem : et processit in occursum ejus Josias. 21. At ille, missis ad eum nuntiis, ait : Quid mihi et tibi est, rex Juda? non adversum te hodie venio, sed contra aliam pugno domum, ad quam me Deus festinato præcepit : desine adversum Deum facere, qui mecum est, ne interficiat te. 22. Noluit Josias reverti, sed præparavit contra eum bellum, nec acquievit sermonibus Necho ex ore Dei: verum perrexit ut dimicaret in campo Mageddo. 23. Ibique vulneratus a sagittariis, dixit pueris suis : Educite me de prælio, quia oppido vulneratus sum. 24. Qui transtulerunt eum de curru in alterum currum, qui sequebatur eum more regio, et asportaverunt eum in Jerusalem, mortuusque est, et sepultus in mausoleo patrum suorum : et universus Juda et Jerusalem luxerunt eum : 25. Jeremias maxime, cuius omnes cantores atque cantatrices, usque in præsentem diem, lamentationes super Josiam replicant, et quasi lex obtinuit in Israel : Ecce scriptum fertur in lamentationibus. 26. Reliqua autem sermonum Josiæ et misericordiarum ejus, quæ lege præcepta sunt Domini, 27. opera quoque illius prima et novissima, scripta sunt in Libro regum Juda et Israel.

Vers. 3.

3. PONITE ARCAM IN SANCTUARIÒ TEMPLI. — Trādunt Hebrei apud S. Hieronymum arcam e Sancto sanctorum ablatam esse tempore Manassis vel Amon, ne simul cum eorum idolis consisteret in templo. Quare translatam esse in domum Sel-lum, qui erat avunculus Jeremiæ, et maritus Ol-iae prophetissæ, cap. xxxiv, versu 22; nunc vero idolis ablatis a Josia arcam templo locoque suo fuisse restitutam. Quo facto Josias ait Levitis : « Nequaquam eam ultra portabitis, » id est, arcam amplius e templo non exportabitis; quare deinceps vos coram arca « ministrate Domino, »

ac simul, « populo ejus Israel, » ut populum in lege cultuque Dei instruatis et dirigatis.

AD FACIENDUM PHASE, etc., BOVES TRECENTOS. — Hinc patet « Phase » significare non tantum Agnum Paschalem, sed et boves, cæterasque victimas quæ in paschate Deo immolabantur.

11. ASPERSERUNTQUE SACERDOTES MANU SANGUI- Vers. 11
NEM, — in altari holocaustorum, uti lege erat præscriptum. Omnis enim sanguis Deo debebat-
ur, ideoque effundebatur in altari vel juxta al-tare. Altare enim repræsentabat Deum.

ET LEVITÆ DETRAXERUNT PELLES HOLOCAUSTORUM.

— ut deinde sacerdotes carnes in frusta concisas altari imponerent, et subjecto igne Deo crement.

Vers. 12. 12. ET SEPARAVERUNT EA, — scilicet holocausta (ut habent Hebræi) jam dicta; ut illa integre « offerrentur Domino, » et tota cremarentur. « Separaverunt, » inquam, holocausta a cæteris victimis, ut eas « darent » (id est distribuerent) « per domos et familias singulorum; » ut scilicet singuli eas offerrent Deo in victimas pacificas, ac deinde ex eisdem epulum sacrum instruerent, et convivia celebrarent. Patet ex dictis vers. 7 et seq.

Vers. 15. 15. ASAPH ET HEMAN ET IDITHUN PROPHETARUM REGIS, — id est, Cantorum Davidis. Prophetæ enim vocantur Cantores, qui Deo laudes et Psalmos canebant. Ita Hebræi apud S. Hieronymum. Erant tamen aliqui ex eis veri prophetæ, uti Asaph, qui instinctu Dei plures Psalmos composuit et dictavit.

Vers. 21. 21. CONTRA ALIAM PUGNO DOMUM, — scilicet contra regem Assyriorum (1), ut patet IV Reg. xxiii, 29, Abulensis in IV Reg. cap. xxiii, Quæst. XLI et XLII, censem « aliam domum, » sive aliam familiam, aliumque regem, contra quem se pergere dicit Pharao, fuisse Adadremmon regem Syriæ, Josiæ fœderatum, ideoque Josiam prohibuisse Pharaonem transitu per Judæam, ut suo amico regno consuleret. Id hausit Abulensis ex Herodoto, lib. II sub finem, qui ait regem Agypti nomine Necum filium Psammitichi conflixisse cum Syris, et in Magdalo victoria potitus: ubi videntur nomina esse corrupta, ut Necum ponatur pro Necho, Syri pro Assyriis, Magdalo pro Mageddo. Verum hæc sententia est improbabilis: tum quia nemo hujus Adadremmon regis Syriæ meminit; tum quia Pharao pergebat contra Assyrios habitantes juxta Euphratem, non contra Syros habitantes juxta Libanum.

Alii censem Pharaonem perrexisse proprie contra regem Assyriorum: verum nec hoc dici potest; nam Asarhaddon filius Sennacherib, post cladem

(1) Charcamis, de qua in vers. 20 agitur, et quam regem quemdam esse aliqui interpretes falso arbitrati sunt, erat urbs in Assyria, quæ videtur esse ea urbs Mesopotamiæ, quæ vocatur Κρηνίς, apud Evagrium, lib. V, cap. ix, quæ Euphrate et Abora flaviis circumdata est, et ab eis dem velut insula facta. Vide *Isaiam*, x, 9. Ex quo autem armorum vi Assyrii potiti sunt Babylone, Charcamis ad regnum Babylonicum pertinuit, et Babylonis reges indiscriminatim modo Assyriæ, modo Babylonis reges appellati sunt, quippe qui utrumque imperium in se conciliabant.

patris ab Angelo acceptam in Judæa, tantum decem annis regnavit, ac cum eo et in eo quasi ultimo rege desiit regnum Assyriorum sub anno Ezechiæ regis Juda 23, qui hunc annum 31 et ultimum Josiæ antecessit nonaginta annis. Quare deficiente Asarhaddon et regno Assyriorum (unde post Asarhaddon in Scriptura nulli nominantur reges Assyriorum, sed Babyloniorum duntaxat), surrexit regnum Chaldæorum per Merodach, cui successit Ben-Merodach, huic Nabopolassar, qui alio nomine dictus est Nabuchodonosor senior, qui dominabatur Assyriis eque ac Babylonii; unde nunc Assyriorum, nunc Babyloniorum rex vocatur. Atque hic est contra quem pugnavit Pharao Necho, cum occidit Josiam, ac videtur eum superasse. Unde hanc patris sui cladem ulturus ejus filius Nabuchodonosor junior cognomento Magnus, qui Judæam, Asiam, multaque alia subegit, seseque fecit Monarcham, invasit Agyptum, conflixit cum Necho, eumque occidit, ac Agyptum occupavit, ut eidem prædixerat Jeremias cap. xlvi, et Ezechiel cap. xxix. Vide ibi dicta. Ita Salianus et alii. Plura hac de re dixi IV Reg. xxiv, 1.

AD QUAM ME DEUS FESTINATO IRE PRÆCEPIT, — per oraculum Jeremiæ non scriptum, sed viva voce editum, quod ipse Jeremias per nuntium Pharaoni significavit, ut tradunt Hebræi apud S. Hieronymum. Unde et S. Justinus, Quæst. LXXXIX ad *Orthodoxos*, docet Josiam ideo occisum, eo quod monitis Jeremiæ, ut Pharaoni sese non oponeret, minime paruerit.

Vers. 24. 24. MORTUUSQUE EST, — non in Jerusalem, ut vult Josephus, sed in Mageddo occisus; unde eum mortuum transtulerunt in Jerusalem, ut in sepulcro regum sepelirent.

Vers. 25. 25. ET QUASI LEX OBTINUIT IN ISRAEL, — q. d. Mos apud Israelitas obtinuit adeo fixus et certus, ut instar legis esse videretur; ut scilicet cantores et cantatrices, dum ob lugubrem aliquem casum funebre vel triste carmen vel næniam canere volunt, usurpent canantque lamentationem Jeremiæ de morte Josiæ, quam si nosse cupis: « Ecce scriptum fertur in lamentationibus » Jeremiæ: Jeremias enim in *Theris* sub finem videtur lugere mortem Josiæ, ut censem Chaldæus, Josephus, Hebræi apud S. Hieronymum, Lyranus, Abulensis et Hugo; quamvis, ut ibi dixi; verius sit Threnos Jeremiæ de morte Josiæ alios fuisse ab ejus Threnis qui exstant in S. Scriptura: quare Threni de morte Josiæ injuria temporum intercederunt.

CAPUT TRIGESIMUM SEXTUM.

SYNOPSIS CAPITIS.

Patri Josice succedit filius Joachaz, quem Necho abducit. Huic succedit frater Joakim, huic filius Joachin, huic patruus Sedecias, qui omnes cum majore populi parte in Babylonem abducuntur a Nabuchodonosor. Hic enim Jerusalem cum templo succedit, ut Judæa manserit desolata usque ad annum primam Cyri primi Persarum Monarchæ.

1. Tulit ergo populus terræ Joachaz filium Josiæ, et constituit regem pro patre suo in Jerusalem. 2. Viginti trium annorum erat Joachaz, cum regnare cœpisset, et tribus mensibus regnavit in Jerusalem. 3. Amovit autem eum rex Ægypti, cum venisset in Jerusalem, et condemnavit terram centum talentis argenti, et talento auri. 4. Constituitque pro eo regem, Eliakim fratrem ejus, super Judam et Jerusalem : et vertit nomen ejus Joakim ; ipsum vero Joachaz tulit secum, et abduxit in Ægyptum. 5. Viginti quinque annorum erat Joakim, cum regnare cœpisset, et undecim annis regnavit in Jerusalem : fecitque malum coram Domino Deo suo. 6. Contra hunc ascendit Nabuchodonosor rex Chaldæorum, et vinctum catenis duxit in Babylonem. 7. Ad quam et vasa Domini transtulit, et posuit ea in templo suo. 8. Reliqua autem verborum Joakim, et abominationum ejus, quas operatus est, et quæ inventa sunt in eo, continentur in Libro regum Juda et Israel. Regnavit autem Joachin filius ejus pro eo. 9. Octo annorum erat Joachin, cum regnare cœpisset, et tribus mensibus, ac decem diebus regnavit in Jerusalem, fecitque malum in conspectu Domini. 10. Cumque anni circulus volveret, misit Nabuchodonosor rex, qui adduxerunt eum in Babylonem, asportatis simul pretiosissimis vasis domus Domini. Regem vero constituit Sedeciam patrum ejus super Judam et Jerusalem. 11. Viginti et unius anni erat Sedecias, cum regnare cœpisset, et undecim annis regnavit in Jerusalem. 12. Fecitque malum in oculis Domini Dei sui, nec erubuit faciem Jeremiæ Prophetæ, loquentis ad se ex ore Domini. 13. A rege quoque Nabuchodonosor recessit, qui adjuraverat eum per Deum : et induravit cervicem suam et cor, ut non revertetur ad Dominum Deum Israel. 14. Sed et universi principes sacerdotum, et populus prævatici sunt inique juxta universas abominationes Gentium, et polluerunt domum Domini quam sanctificaverat sibi in Jerusalem. 15. Mittebat autem Dominus Deus patrum suorum ad illos per manum nuntiorum suorum, de nocte consurgens, et quotidie commonens : eo quod parceret populo et habitaculo suo. 16. At illi subsannabant nuntios Dei, et parvipendebant sermones ejus, illudebantque Prophetis, donec ascenderet furor Domini in populum ejus, et esset nulla curatio. 17. Adduxit enim super eos regem Chaldæorum, et interfecit juvenes eorum gladio in domo Sanctuarii sui : non est misertus adolescentis, et virginis, et senis, nec decrepiti quidem, sed omnes tradidit in manibus ejus. 18. Universaque vasa domus Domini, tam majora quam minora : et thesauros templi, et regis, et principum transtulit in Babylonem. 19. Incenderunt hostes domum Dei, destruxeruntque murum Jerusalem, universas turres combusserunt, et quidquid pretiosum fuerat demoliti sunt. 20. Si quis evaserat gladium, ductus in Babylonem servivit regi et filiis ejus, donec imperaret rex Persarum, 21. et completeretur sermo Domini ex ore Jeremiæ, et celebraret terra sabbata sua : cunctis enim diebus desolationis egit sabbatum, usque dum completerentur septuaginta anni. 22. Anno autem primo Cyri regis Persarum, ad explendum sermonem Domini, quem locutus fuerat per os Jeremiæ, suscitavit Dominus spiritum Cyri regis Persarum, qui jussit prædicari in universo regno suo, etiam per Scripturam, dicens : 23. Hæc dicit Cyrus rex Persarum : Omnia

regna terræ dedit mihi Dominus Deus cœli, et ipse præcepit mihi ut ædificarem ei domum in Jerusalem, quæ est in Judæa : quis ex vobis est in omni populo ejus ? sit Dominus Deus suus cum eo, et ascendat.

Vers. 6. 6. ET VINCTUM (Joakim) CATENIS DUXIT IN BABYLONEM, — scilicet anno tertio regni Joakim in Babylonie res suas componens, et fœdus cum eo renovans, solitumque tributum promittens, ab eo liber dimissus est in Jerusalem, ubi anno undecimo regni sui rursum rebellans, a Chaldaeis occisus est, ut dixi *Jerem. xxii, 19.*

Vers. 8. 8. ET QVÆ INVENTA SUNT IN EO. — Lyranus, Abulensis, Quæs. XXXIX in cap. xxv lib. IV Reg., Vatablus, Magister historiæ Scholasticæ, Pererius, lib. I in *Danielem*, sub initium, et alii ex Hebræis referunt in cadavere hujus regis inventas fuisse quasdam notas impressas, et quedam stigmata iniusta in honorcm Deorum suorum, quorum ipse adhuc vivens se stigmaticum servum profitebatur. Quid miserius et infelicius, quam regem diaclamate coronatum eo se abjecisse, ut stigmatum diaboli mancipium redderetur? Contra vero Divus Paulus : « De cætero, inquit, nemo mihi molestus sit ; ego enim stigmata Domini Jesu in corpore meo porto, » *Galat. vi, 17.*

Vers. 9. 9. OCTO ANNORUM ERAT JOACHIN, CUM REGNARE COEPISSET, — scilicet cum patre Joakim qui anno secundo regni sui filium Joachin octennum regem creavit, et regni socium adscivit, adeoque cum eo decem annis regnavit. Causa fuit, quod vereretur, si quid humanitus sibi accidisset, Sedeciam excluso puero Joachin invasurum regnum. Jam tum enim videbatur meditari rebellionem, ut iugum Chaldaeorum se eximeret; quo fecit anno tertio regni, ideoque eodem anno a Chaldaeis abducens est in Babylonem; unde tunc successit ei filius Joachin novem vel decem annorum : sed pater Joakim, rebus in Babylonie compositis, illico rediit, ac alios octo annis cum filio regnavit : quibus exactis anno undecimo regni sui rursus rebellans, interemptus est a Chaldaeis : unde tunc solus plano et pleno jure regnans successit ejus filius Joachin, qui jam octodecim erat annorum, ac tribus tantum mensibus regnavit, quibus exactis abductus est et ipse in Babylonem a Chaldaeis, qui ei substituerunt Sedeciam patrum. Ita Abulensis, Salianus, Torniellus et alii.

Vers. 10. 10. CUM ANNI CIRCULUS VOLVERETUR. — Hebraice, in revolutione anni; cum scilicet, anno currente finiente vel finito, novus annus inchoaretur a mense Nisan, q. d. cum annus currens tenderet ad finem, sive in fine anni abductus est Joachin in Babylonem, quod fuit tertio mense regni sui : cœpit enim ipse regnare non in initio anni, sed tribus mensibus ante finem anni, v. g. in novembri vel decembri. Nam Hebrei annum inchoabant a Nisan, id est martio.

Vers. 13. 13. QUI ADJURAVERAT EUM PER DEUM, — ut sibi fidem datam et subjectionem promissam servaret,

minans ei Dei judicis vindictam, si illam violaret; ideoque pro « Matthania, » vocavit eum, « Sedeciam, » id est, justitiam Dei, ut hujus semper eum memorem redderet, IV Reg. xxiv, 17.

15. DE NOCTE CONSURGENS. — Hebraice, *manicando*, Vers. 13. id est mane, tempestive, sollicite eos admonuit, instar boni patrisfamilias, qui mane suos famulos instruit, et dirigit ad opus diurnum.

Eo QUOD PARCERET (id est quod parcere cuperet et summe optaret) POPULO; — sed cum is monita Dei sperneret, ei non pepercit, et Chaldaeis vastandum tradidit.

16. ET ESSET NULLA CURATIO, — q. d. Et nulla es- Vers. 14. set spes curationis et emendationis vitæ, eo quod Judæi in idolatria et sceleribus suis essent obfirmati.

21. ET CELEBRARET TERRA SABBATA SUA, — id est Vers. 21. feriaretur et quiesceret ab oratione, qua sulcatur, occatur, seritur, metitur, etc. quibus terra agitari, et quasi vexari solet.

CUNCTIS ENIM DIEBUS DESOLATIONIS EGIT SABBATUM, — id est inulta quievit, agens quasi sabbati otium. Notant Hebrei Judæos violasse festum sabbati, illudque profanasse operibus servilibus et illicitis, ideoque Deum in pœnam eos e Judæa abduxisse, ut ipsa ageret sabbatum sibi a Judæis negatum per 70 annos.

USQUE DUM COMPLERENTUR SEPTUAGINTA ANNI. — Cur fuere captivitatis Judæorum in Babylonie anni 70, non 80, non 90, non centum? Causam dat Theodoreetus, *Levit. cap. xxvi, 34*, ad illa : « Plane- Anni captivi- tatis cur- 70? Resp. Primo.

bunt terræ sabbata sua cunctis diebus solitudinis sua, eo quod non requieverit in sabbatis vestris, quando habitabatis in ea. » Sic enim ait : « Septuaginta annos servierunt in Babylonie; atqui a regno Saulis usque ad captivitatem numerantur anni 490, quorum septimam partem faciunt septuaginta. Hoc ergo vult dicere : Septuaginta annos terra manebit inulta, et non seminata, vobis terram alienam incolentibus, propterea quod una cum reliquis etiam sabbatis præceptum transgressi estis, » q. d. Terra Judææ juxta legem septimo anno arari non poterat, sed quiescebat et suum agebat « sabbatum, » id est otium et quietem, quam quia vos (multi vestrum), o Judæi, ei abstulisti ex avaritia, septimo anno eam arantes ut fructus meteretis, idcirco Deus quietem ei debitam restituet in 70 annis captivitatis vestræ, quibus illa colonis suis destituta quiescat : 70 enim sabbata ei ademistis, totidem ergo ei reddet Deus. Nam in 490 annis qui ab initio regni Saulis (si ei demus annos viginti, ac alios viginti Samueli, qui juncti faciunt 40, de quibus *Actor. xiii, 21*), usque ad ultimum annum Sedeciæ duxerunt, pariter fluxerunt 70 sabbata terræ : haec enim septimo

quolibet anno suum ex lege exigebat sabbatum. Septimus enim annus in 490 annis recurrerit septuages : multiplica enim 70 per 7, invenies 490. Eadem causa hic insinuatur dum dicitur : « Et celebraret terra sabbata sua : cunctis enim diebus desolationis egit sabbatum usque dum comple- rentur 70 anni. »

Secundo. Rursum, Hebrei per sua scelera varia et multa contaminarunt Judæam, quæ erat terra sancta per 490 annos : unde Deus totidem annos pœnitentiae et captivitatis potuisset eis injungere ; sed noluit, et pœnam imminuit ; ut e septem annis unum tantum pœnitentiae eis assignaret, quo pariter terra sabbatizaret : quare dedit eis annos 70 captivitatis : hi enim septies in 490 continentur, ut his 70 annis terra quiescens et quasi sabbatum agens, a sceleribus 490 annorum in ea a Judæis commissis expiaretur, et præsertim ab idolatria, quæ in ea diu, sed per 70 annos acrius et ardentius viguit.

Tertio. Alia causa litteralis fuit, quod Chaldaeorum monarchia durarit per 70 annos; Chaldaeï autem Judeorum fuere hostes et flagella Dei qui eos in Babylonem abduxerunt, ibique toto tempore monarchæ suæ detinuerunt : quo finito in anno 70, surrexit Cyrus Chaldaeorum hostis et Judeorum amicus, qui Chaldaeos evertit, et monarchiam ad Persas transtulit, ideoque Judæos e Babylone liberavit. Rursum hi 70 anni desolationis respondent 70 hebdomadibus Danielis cap. IX, quibus exactis venturus erat Christus, cuius typus fuerat Cyrus, qui eos a servitute peccati et diaboli liberraret, ac Jerusalem cœlesti restitueret.

Quarto potissimum. Prima et potissima causa fuit Dei ita decernentis voluntas, et judiciorum ejus profundorum abyssus. Hanc causam dat Esdras, lib. IV, cap. III, ubi narrat se anno trigesimo desolationis Jerusalem in Babylone coram Deo questum esse, quare tamdiu Judeos fideles suos in Babylone captivos detineret, et inter alia se Deo dixisse vers. 27 : « Tradidisti civitatem tuam in manibus inimico-

rum tuorum. Numquid meliora faciunt qui habitant Babylonem, et propter hoc dominabitur Sion. » Et rursum : « Factum est cum venissem huc, et vidi sem impietas quarum non est numerus, et delinquentes multos vidi anima mea hoc 30 anno. » Ac Uriel Angelum ei respondisse cap. iv, dixisseque : « Vade, pondera mihi ignis pondus, ac mensura mihi flatum venti, aut revoca mihi diem quem præteriit. » Quod cum Esdras fieri non posse diceret, urget Angelus : « Si, inquit, interrogarem te quantæ sunt habitationes in corde maris, aut venæ in principio abyssi, » unde scilicet aquæ indesinenter scaturiunt, vel venæ pluviarum in cœlo, « aut qui sunt exitus paradisi, dæceres mihi fortassis : In abyssum non descendit, neque in infernum adhuc, neque in cœlum unquam ascendi. Nunc autem non interrogavi te nisi de igne, et vento et die per quem transisti, et a quibus separari non potes, et non respondisti mihi de eis, et quomodo poteris capere Altissimi vias? »

Tropologica causa fuit, quam dat S. Hieronymus, *Jerem. xxix, 10*, quod septuagenarius numerus sit symbolum pœnitentiae, quam tota hac vita agere debemus, ut ad cœlestem gloriam perveniamus. Nam, ut dicitur *Psalm. lxxxix* : « Dies annorum nostrorum in ipsis 70, anni. » Hinc et Ecclesia a Septuagesima commemorando lapsum Adami et posteriorum, inchoat tempus luctus et pœnitentiae. Denique voluit Deus per 70 annos, omnes senes Judeorum vitiis suis assuetos et in iis inveteratos emori, ac novam sobolem succrescere, quam per Esdram, Danielem, Jesum, Zorobabel, et alios in pietate et vero Dei cultu efformatam in terram sanctam reduceret, ut dixi *Jerem. xxix, 10*.

22. ANNO AUTEM PRIMO CYRI. — Hæc ad verbum Vers. 22. repetuntur libro sequenti Esdræ initio primi capititis, ubi ea quasi suo loco explicabo. Hinc colligunt Interpretes Esdram esse lib. *Paralipomenon* auctorem. Ejus enim finis idem plane est cum principio Esdræ.

PROEMIUM

IN SECUNDUM

HISTORIALIUM SACRÆ SCRIPTURÆ TOMUM.

Post libros Josue, Judicum, Ruth, Regum, et Paralipomenon priore opere expositos, pergo ad alteram Historialium Sacræ Scripturæ Codicum tomum, qui complectitur libros Esdræ, Nehemiae, Tobiæ, Judith, Esther et Machabæorum.

Esdras sacerdos, propheta, scriba et doctor, totiusque Scripturæ sacræ vel deperditæ in vastitate Babylonica ex memoria dictator et restaurator, ut multi sentiunt; vel ut verius alii, vitiatae corrector, et elegantiori charactere Hebræo, quo nunc utimur, descriptor, cum Nehemia sacerdote, Helciæ filio, et Artaxerxis Persarum regis pincer- na, reducem e captivitate populum numerans et templi et murorum restorationem consignans et perficiens: « Omnisque illa turba populi redeun- tis in patriam (ait S. Hieronymus) et descriptio Sacerdotum, Levitarum Israelis, Proselytorum aliud in cortice proferunt, aliud in medulla reti- nent; » scilicet allegorice significant institutionem Ecclesiæ novæ, veteri Synagoga abolita; tropolo- gice mysticæ Ecclesiæ, et templi in anima per peccatum violati et disjecti, per gratiam, pœnitenti- iam, omnisque virtutis officia, reparationem, anagogice constructionem novæ illius et cœlestis Jerusalem, quam vivis coloribus depingit S. Joannes, Apoc. xv.

Tobias vite conjugalis speculum, maritum, con- jugem, filium, sui quemque muneric admonet et erudit. Ad hæc quomodo in exilio et adversis re- tinenda sit pietas et charitas, quæ Angelorum na- tura, quæ species, quæ partes, quæ vita et solli- cita custodia edocet.

Judith viduarum typus, viduis castitatis pocu- lum propinat, quæ sapientissima fortitudine pu- dicitiæ gratiam, et ab hostibus victoriam velut

abstinentiæ præmium tulit: quæ, ut ait Ambrosius de viduis, nec cibo maculata, nec adulterio, non minus servatæ continentiæ ex hostibus revexit trophæum, quam patriæ liberatæ: et ex sobrie- tate casta, manu quidem solum Holopernem vicit, sed consilio omnium aliorum ebriorum ejus stravit exercitum. Tanti dux femina facti.

Esther uxoris castæ, modestæ, religiosæ et sa- pientis erga infidelem maritum et regem, piæ vero et industriæ in suos cives omnes numeros explet, et in Ecclesiæ typo (verbis utor S. Hiero- nymi) populum liberat de periculo, et interfecto Aman, qui interpretatur iniquitas, partes convi- vii, et diem celebrem mittit in posteros.

Machabæi fortitudine bellica, æque ac pietate et zelo excellunt, atque pauci numero ardenti prece Deum invocantes, ingentes hostium profligant exercitus, et divinæ victoriæ trophæa fi- gunt æternitati.

Hæc singulorum argumenta in principio obiter quasi in synopsi collecta, o lector, accipe quæ fusijs suis quibusque locis explicabo.

Porro ex hisce libris protocanonici sunt Esdras et Nehemias, utpote qui semper tam ab Hebræis quam a Christianis habiti sint Canonici: Tobias vero, Judith, Esther et Machabæorum libri duo sunt Deuterocanonici, sive secundi ordinis et gra- dus, utpote de quorum auctoritate olim a non nullis fuit dubitatum, postea tamen ab Ecclesia in Canonem librorum S. Scripturæ sunt relati.



COMMENTARIA

IN

ESDRAM ET NEHEMIAM.

PROLOGUS ET ARGUMENTUM.

Esdras et Nehemias, ait S. Hieronymus epist. *ad Paulinum*, quæ Bibliis præfigitur, adjutor videlicet et consolator à Domino in unum volumen coarctantur; instaurant templum, muros extruant civitatis, omnisque illa turba populi redeuntis in patriam, et descriptio Sacerdotum, Levitarum Israelis, Proselytorum, ac per singulas familias murorum ac turrium opera divisa, aliud in cortice præferunt, aliud retinent in medulla.

Ubi nota : duplex fuit captivitas Hebræorum. Prior Israelis sive decem tribuum, quæ a Salmanasar abductæ sunt in Assyriam, fuitque perpetua, de qua IV Reg. xvii, et Tobiæ 1, vers. 1. Altera, quæ priore fuit posterior annis 134, qua reliquæ duæ tribus Juda et Benjamin a Nabuchodonosor ductæ sunt in Babylonem, IV Reg. ult. De hujus secundæ ex Babylone post 70 captivitatis annos in Jerusalem reductione hic agitur, ut ita pertexatur continuo quasi filo historia gentis Judaicæ æque ac Synagogæ, sive Ecclesiæ Dei.

Primus et secundus *Esdræ* sunt Scriptura canonica, nec de eorum fide dubitavit quisquam. Exstant enim Hebraice, suntque in canone Hebræorum; tertius vero et quartus sunt apocryphi, ut suo loco dicam (1).

Auctor libri primi est Esdras, secundi Nehemias, ut patet ex utriusque titulo, æque ac narrationis decursu (2). Dicitur tamen Liber Nehemias, Esdræ secundus, partim quod contineat ea quæ simul ab Esdra et Nehemia gesta sunt; partim quod olim apud Hebræos et Græcos Nehemias et Esdras unus tantum erant liber. Ita Sixtus Senensis et Bellarminus, *De Script. Eccles. in Nehemias*.

(1) Inter manuscripta maximi pretii quæ doctissimus viator Ruppel e Germania oriundus, nuper ex Abyssinia retulit (1834), duo novi libri Esdræ dicti inveniuntur.

(2) Esdram esse auctorem libri primi probari adhuc potest, tum omnium fere interpretum sive antiquorum, sive recentiorum consensu; tum scribendi ratione quæ optime congruit tempori quo vixit Esdras; et revera dicendi forma longe dissimilis Pentateuchi stylo, multo tamen expurgatione quam in Ezechiele, quod non potest supponi in auctore qui, ut volunt Spinosa, de Wette et Berthold vixisset tempore quo veteri lingua hebraica absolute relicta, Judæi fere omnes utebantur sermone Chaldaico, valde incorrecto et locutionibus obsoletis referto.

mia, et S. Hieronymus, epist. citata, Lyranus, Dionysius et alii; licet S. Athanasius in *Synopsi*, et Isidorus, lib. VI *Etymol.* cap. II, tam secundum, quam primum librum censeant scriptum ab Esdra.

Quæres primo : Quis fuit Esdras ? Respondeo, fuisse filium Saraiæ summi Pontificis, qui in excidio Jerusalem cum aliis primoribus occisus est a Nabuchodonosor, anno undecimo Sedeciæ, IV Reg. xxv, 18 et 21. Id ita esse patet ex cap. vii, vers. 1, ubi Esdras suam genealogiam recensens ait : « Esdras filius Saraiæ, filii Azariæ (qui fuit Pontifex sub Ozia rege Juda, ut patet II *Paral.* xxvi, 20,) filii Helcia, filii Sellum, filii Sadoc, » etc. Qui omnes recensentur in catalogo Pontificum II *Paral.* vi, 12 et 14, ubi et additur : « Saraias genuit Josedec. Porro Josedec egressus est, quando transtulit Dominus Judam et Jerusalem per manus Nabuchodonosor. » Unde sequitur Esdram, ex eodem patre Saraia genitum, fuisse fratrem Josedec, qui fuit Pontifex in captivitate, cui successit filius Jesus Pontifex pariter, qui cum Zorobabel duce Judæos e Babylone reduxit in Jerusalem. Imo Hebræi apud S. Hieronymum in *Tradit.* in lib. *Paralip.* et *Sixtus*, lib. I *Biblioth.* in *Esdra*, putant Esdram eumdem esse cum Josedec (habuisse enim duo nomina) ideoque fuisse Pontificem. Unde et lib. III *Esdræ*, cap. ultim. pleno et absoluto jure Pontificio in dirimendis matrimoniis Israelitarum, etiam Sacerdotum cum uxoribus alienigenis, uti videtur. Verum hoc dici nequit; nam si Esdras fuit Josedec Pontifex, ergo Jesus filius Josedec in Babylone non fuit Pontifex :

vivebat enim tum Esdras. Dicendum ergo Josedec fuisse fratrem seniorem Esdræ, ideoque Pontificem, cui in Babylone mortuo successit filius Jesus, qui proinde quasi Pontifex cum Zorobabel populum e Babylone reduxit. Hoc enim non fe-

cisset Jesus, sed Esdras, si ipse fuisse Josedec Pontifex.

Esdras non fuit Malachias. Rupertus et alii opinantur Esdram fuisse Mala- chiam Prophetam, quorum rationes fuisse re- censui et confutavi proœmio in *Malachiam*. Vixit tamen Esdras cum Malachia, et idem pene cum eo argumentum tractat: quæ fuit occasio suspi- candi fuisse unum eundemque.

Quæres secundo an Esdras fuerit propheta? Vi- detur negare S. Augustinus, lib. XVIII *De Civit.* cap. xxxvi, dicens: « Esdras magis rerum gestarum scriptor est habitus, quam propheta. »

Fuit propheta. Verum dico Esdram non tantum fuisse histo- riographum, æque ac scribam, sive legis doc- torem, sed et prophetam. Patet, quia instinctu divino scripsit hunc librum quasi Canonicam Scripturam, ac, ut multi volunt, libros *Paralipomenon*, et cap. xxxvi *Geneseos*, ac caput ultimum *Deuteronomii*; hoc enim continet mortem Mosis, quam ipse Moses, utpote jam mortuus, scribere non potuit, imo S. Augustinus, lib. XVIII *De Civit.* cap. xxxvi, etc., S. Isidorus, libro VI *Etym.* cap. II, censent Esdram quoque auctorem esse libri *Es- ther*. Porro non minus, imo majus prophetæ donum est, libros sacros ex Deo conscribere, quam futura prædicere. Denique Esdras toto hoc libro narrat Judæos jussu Cyri e Babylone in Je- rusalem redeentes coepisse restaurare urbem cum templo, sed adversariorum calumniis impeditos, coactos desistere.

An Esdras S. Scripturam restaurari? Afferunt multi. Quæres tertio, an Esdras restaurarit S. Scrip- turam? Multi censent libros omnes Veteris Testa- menti a Chaldæis cum Templo fuisse exustos: ac ab Esdra ex memoria potius divina, quam humana restauratos. Id enim fuisse narrare videtur lib. IV *Esdrae* cap. XIV, qui liber a S. Augustino, Cypriano, Athanasio, Clemente Alexandrino et aliis subinde citatur quasi canonicus. Unde ex libro hoc hanc sententiam hausere Tertullianus, lib. *De habitu muliebri*, cap. VIII: « Jerosolymis, inquit, Babylonica expugnatione deletis omne instrumen- tum Judaicæ litteraturæ per Esdram constat re- stauratum. » D. Irenæus, lib. III, cap. XXV, ubi de miraculo consensu Septuaginta interpretum: « Non est mirabile, inquit, Deum hoc in eis ope- ratum, quando in ea captivitate populi, quæ facta est a Nabuchodonosor, corruptis Scripturis, et post 70 annos Judæis descendantibus in regio- nem suam, deinde temporibus Artaxerxis regis Persarum inspiravit Esdræ sacerdoti tribus Levi præteriorum Prophetarum omnes rememorare sermones, et restituere populo eam legem quæ data esset per Moysem. » Idem iisdem verbis asserit Eusebius, lib. V *Histor.* cap. VIII, S. Hieronymus, *Contra Helvidium*: « Sive, inquit, Moysem dicere volueris auctorem Pentateuchi, sive Es- dram ejusdem instauratorem operis, non recuso. » Clemens Alexandrinus, lib. I *Strom.*: « Zoro- babel, ait, cum adversarios viciisset sapientia, emit a Dario renovationem Jerusalem, et cum Esdra

redit in patriam, per quem facta est populi re- demptio: et divinitus inspiratorum eloquiorum recensio et renovatio. »

S. Basilus, epist. ad *Chilonem*: « Esdras, ait, omnes divinos libros ex mandato Dei eructavit. » Idem habet Theodoreetus, præfat. in *Psalmos*, Isi- dorus, libro VI *Etymol.* cap. III, Rabanus, libro *De Instit. Cler.* cap. LIV, Leontius, qui clarius id narrat lib. *Contra sectas*, actione 2, in fine (exstat tom. IV *Biblioth. SS. Patrum*). « Hunc reditum, in- quit, descripsit Esdras, qui cum Jerosolymam venisset, omnesque libros id temporis, quo in captivitatem abducti fuerant, reperiisset exustos, ex memoria depromptos illos 22 libros, quos su- pra recensuimus, in litteras retulisse perhibetur. »

Idem probat Leo Castrius præfat in *Isaiam*, IV, scilicet Esdram libros legis ex memoria restau- rasse. Nec hoc mirum. Mirabilis est quod de S. Antonio Patavino legimus, eum totam S. Scrip- turam calluisse, adeo ut a Pontifice « Arca Testa- menti » sit cognominatus. « Ita enim utriusque in- strumenti paginas memoria plane affixas habebat, ut instar Esdræ potuerit, si sic res postulasset, omnes integras divinas litteras in integrum de sua memoria, etiam codicibus omnibus prorsus abolitis, restituere, » ait Auctor vitæ ejus.

Verum etsi hæc sententia ob tantam Patrum auctoritatem videatur probabilis, longe tamen Negant plures. probabilius, et ex ratione certa est sententia con- traria, scilicet nec libros omnes sacros a Chaldæis exustos, nec ab Esdra ex memoria restitutos.

Probatur primo, quia Chaldæos exussisse hos Prob. Primo. libros nusquam legimus: et esto exussissent om- nes qui erant Jerosolymæ (quod est incredibile), tamen exurere non potuerunt eos qui per totam Judæam, imo per totum orbem manibus Judæo- rum, præsertim scribarum et Rabbinorum, assi- due terebantur, ac in Synagogis legebantur.

Secundo, quia Daniel, cap. IX, ait se anno primo Secundo. Darii intellexisse numerum septuaginta annorum, de quibus scripserat Jeremias Propheta. Habebat ergo Prophetiam *Jeremie* ac cæterorum Prophetarum, eamque lectitabat.

Tertio, quia Prophetiam *Isaiæ*, cap. XLV, de Cyro Tertio. ostensam fuisse a Judæis, ideoque illum sibi be- nevolum reddidisse, testis est Josephus, lib. XI, cap. I: « Hoc, inquit, Cyrus cognovit ex lectione libri, qui Isaiæ Prophetias continet, ducentis et decem annis ante ipsius ætatem conscriptas. »

Ad librum IV *Esdrae* respondeo illum esse apo- cryphum. Adde quod illo libro nihil dicitur de sacris libris Mosis aut Prophetarum restauratis, sed tantum per 40 dies a quinque viris ducentos et quatuor libros fuisse descriptos, quorum sep- tuaginta servandi essent et tradendi sapientibus, reliqui autem palam proponendi, ut a dignis et indignis legerentur; quæ cum libris de quibus agimus nihil habent commune. Plura vide apud Bellarminum, tomo I, lib. II, cap. I, et Pererium, præfatione in *Genesim*, cap. VII.

Esdras Ad Patres respondeo, plerosque non aliud vodigessit luisse, quam Esdram libros sacros indigestos et correxit S. in rectum ordinem digessisse, et in lectiones Scripturam. (quae Hebraice פֶּרְשָׁׂׂוֹת Perashoth vocant, et successive in Synagogis legunt) divisisse: Ad hæc, errata, quæ vitio descriptorum multa irrepserant, correxisse, librosque pristinæ puritati et nitori restituisse, idque scientia non tam acquisita, quam cœlitus infusa. Unde Esdræ cap. viii, 8, Septuaginta aiunt Esdram legisse ea quæ in illis libris scripta erant, *in scientia Domini*, id est, per scientiam a Deo infusam.

Denique Esdras, quæ in libris singulis deerant, supplevit. Unde multi censem eum assistente Spiritu Sancto Mosi addidisse cap. xxxiv *Deuter.* eoque Mosis mortem et sepulturam descriptsisse; idem fecisse *Josue*, cap. ult., ac *Jeremie*, cap. ult., ubi regnum Evilmerodach et exaltatio Jechonie narratur: hanc enim scribere nequivit Jeremias, utpote jam mortuus. Simili modo videtur supplevisse finem *Tobiae* et *Judith*: liber enim *Judith* scriptus putatur a Joachim Pontifice qui ante *Judith* vita functus est. Sic Esdras addidisse videtur, τὸ « usque ad præsentem diem, » ubicumque id dicitur, quod toties inseritur et iteratur; ita Salianus anno mundi 3621, num. 10, et Beda, lib. II *Alleg. in Esdram.*

Addunt S. Hieronymus in *Prologo Galeato*; et Eusebius in *Chron.* anno mundi 4740, Esdram invenisse novas litteras Hebraicas, quibus etiamnum utimur, et priscas reliquise Samaritanis, ut Judæi nullum cum eis, ne litterarum quidem, haberent commercium.

Addunt alii, puncta (quæ Hebræis sunt loco vocalium) ab Esdra fuisse inventa, sed errant: hæc enim non fuere tempore Septuaginta Interpretum, qui Esdra ducentis annis fuere posteriores, nec tempore S. Hieronymi qui nongentis; sed paulo post eum a Rabbinis adinventa sunt in Tiberiade urbe Galilææ, post Christum natum anno 476, ut ex *Elia* in Massareth docet Genebrardus sub annum mundi 4573.

Quæres quarto, quo tempore historia Esdræ et Nehemiæ contigerit? Respondeo, eo tempore quo, finitis 70 annis captivitatis, Judæi e Babylone per Cyrus liberati fuere. Liber Esdræ ergo continet ea quæ circa hanc liberationem contigere ab anno primo monarchiæ Cyri usque ad annum septimum Artaxerxis regis, quo Esdras e Babylone cum aliis Sacerdotibus et Levitis rediit in Jerusalem, ut patet cap. vii, quod est spatium 73 annorum. Liber vero Nehemiæ reædificationem urbis Jerosolymæ ab anno 7 usque ad annum 32 ejusdem Artaxerxis, ut patet cap. XIII, 6, quod

est spatium 25 annorum. Hinc duo hi libri scripti sunt Hebraice, sed immixtis multis vocibus Chaldaicis. Hebræi enim in Babylone linguam Hebraicam corruperunt, et cum Chaldaea commiscuerunt. Epistolas quoque regum Babylonis eadem lingua qua ab eis scriptæ fuere, scilicet Chaldaea, recenset cap. iv, v, vi, vii; qua de causa Daniel queque suum librum partim Hebraice, partim Chaldaice conscripsit.

Hinc liquet Esdram valde longævum fuisse, et vitam prorogasse ad 132 annos. Vixit enim usque ad annum septimum Artaxerxis, ut patet cap. vii, vers. 8. Nam cum pater ejus Saraias occisus sit anno undecimo Sedeciæ, necesse est ut ipse eodem saltem anno jam fuerit natus, vel posthumerus. Porro ab undecimo Sedeciæ ad primum Cyri fluere 60 anni. His adde tres annos Cyri, sex Cambysis, 36 Darii Hystaspis, 27 Artaxerxis, habebis annos 132, quot necesse est vixisse Esdram, ac forte pluribus vixit. Nescimus enim quoisque postea vitam prorogarit, nescimus etiam quanto anno ante mortem patris sit natus.

Esdræ et Nehemiæ synchroni et coævi fuere e Prophetis Jeremias, Baruch, Daniel, Aggæus, Zcharias, Malachias; e stirpe regia, Jechonias, Salathiel et Zorobabel; e Pontificibus Saraias pater Esdræ, Josedec ejusdem frater, et Jesus nepos. Hoc tempore collecta fuit Synagoga sive Syndus magna, in qua editus fuit Canon librorum sacræ Scripturæ, cui præsederunt Esdras, Nehemias, Daniel, Mardochæus, Zorobabel et Jesus filius Josedec, in qua pariter actum est de libris sacræ Scripturæ emendandis, ac in suas sectiones et capita dividendis, cujus rei cura data fuit Esdræ. Ita tradunt Hebræi.

Tempore Esdræ floruit monarchia Chaldaeorum sub Nabuchodonosor, Evilmerodach, Baltassar: in Media regnarunt Cyriaxares et Astyages; in Perside Cyrus, Cambyses, Darius, Xerxes et Artaxerxes. Romæ, expulsis regibus, surrogati sunt primi consules, Junius Brutus et Lucius Collatinus. In Græcia floruerunt Historici, Poetæ et Philosophi, Herodotus, Pindarus, Simonides, Anacreon, Aristoxenes, Archilocus, Alcæus, Sappho, Arion, Sophocles, Euripides, Parmenides, Empedocles, Socrates, atque e Sybillis Cumana et Hellespontica. Ita Eusebius, Torniellus, Genebrardus, Salianus et alii.

Porro quia crebra in hisce libris, æque ac in lib. *Judith et Esther*, mentio facienda est regum Persarum, ad quos monarchia a Cyro, capta Babylone, translata fuit; hinc eorum seriem et annos hic subjungam: magnam enim lucem libris his affert.

SERIES PRISCORUM REGUM PERSARUM.

Primus fuit Cyrus, Astyagis regis Medorum ex filia Mandane nepos, ac filius Cambysis regis Persarum, ait Xenophon: qui triginta annos regna-

vit, sed tribus ultimis tantum fuit monarcha, quibus Judæos Babylone liberavit, ut monarcha ergo regnavit 3 annis.

Secundus, Cambyses Cyri filius, qui patre Cyro contra Scythas (ubi et periit) proficiscente, in Perside imperavit per biennum; mortuo vero patre regnavit 6 annis.

Hunc Esdras cap. iv, vocat Assuerum, ac vers. 7 et 8, Artaxerxes. Hic fabricam templi a Cyro permissam impedivit, cap. iv, vers. 23.

Tertius, Smerdes magus, regnavit 7 mensibus.

Quartus, Darius filius Hystaspis, hinnitu equi creatus rex, regnavit 36 annis.

Hic dedit Judæis facultatem perficiendi templi, *Esdrae* vi, 7. Nonnulli putant Darium hunc fuisse maritum Esther, quare historiam Mardochæi et Aman suspensi sub eo contigisse; sed in proemio Esther idipsum examinabo.

Quintus fuit Xerxes, filius Darii, qui regnavit 20 annis.

Sub hoc multi putant contigisse historiam Judæorum: de quo ibidem agam.

Sextus fuit Artaxerxes manu una longiore cognominatus Longimanus, filius Xerxes, qui anno septimo regni Esdram, et anno 20 Nehemiam remisit ad restaurandam Jerusalem: unde ab eo incipiunt 70 hebdomades Danielis, cap. ix, quæ finiuntur in Christo. Hic regnavit 40 annis.

Septimus fuit Darius, filius Nothus Artaxerxis jam dicti. Hic regnavit 19 annis.

Octavus, Xerxes secundus, qui regnavit 2 mensibus.

Nonus, Sogdianus, qui regnavit 8 mensibus.

Decimus, Artaxerxes, cognomento Mnemon, id est memor, a memoriae præstantia. Fuit hic Darii Nothi filius, et regnavit 43 annis.

Undecimus, Artaxerxes Ochus, 23 annis.

Duodecimus, Arses vel Arsames Ochi filius, 3 annis.

Decimus tertius, Darius Arsis filius, cognomento Codomannus, 6 annis.

Septimo enim anno regno et vita spoliatus fuit ab Alexandro Magno, qui monarchiam a Persis ad Græcos transtulit.

Regnarunt ergo hi reges in Perside per 227 annos, sed a monarchia Cyri ducentos duntaxat. Cyrus enim factus est monarcha anno 27 regni sui.

Allegorice in hac Judæorum liberatione per Cyrum significata fuit liberatio humani generis e captivitate diaboli facta per Christum; tropologicæ liberatio Christianorum ab Ethnicis oppressorum facta a Constantino, Theodosio, Carolo Magno, etc.; item liberatio animæ fidelis et penitentis, quæ in dies fit a viris Apostolicis. Vide Bedam tomo tertio, qui allegoriam tam in Esdram, quam in Nehemiam conscripsit.

Accipe nunc seriem Pontificum Judæorum, qui regibus jam dictis fuere coævi et synchroni.

SERIES PONTIFICUM JUDÆORUM A CAPTIVITATE BABYLONICA AD ALEXANDRUM MAGNUM ET PTOLOMÆUM PHILADELPHIUM.

1. Saraias, vel ut Josephus, Sareas, filius Azarias Pontificis. Hunc, capta Jerosolyma, Nabuchodonosor occidit cum 70 Primoribus, lib. IV *Reg.* cap. ultim., vers. 18.

2. Josedec Saraiæ filius, translatus in Babylonem, illic Pontificem egit toto tempore captivitatis usque ad Cyrum, I *Paral.* vi, 15.

3. Josue vel Jesus, filius Josedec. Hic cum Zorobabele Judæos e Babylone in Jerusalem sub Cyro reduxit, et templum reædificavit, *Esdrae* iii, 2.

4. Joacim, filius Josue, Pontificatum gessit sub Dario Hystaspis et Xerxe, *Nehem.* xii, 10.

5. Eliasib, filius Joacim, Pontifex fuit sub Artaxerxe Longimano, *Nehem.* iii, 1, et cap. ult., vers. 4 et 6.

6. Joiada, filius Eliasib, Pontifex sub Dario Notho Longimani filio, *Nehem.* xii, 10.

7. Jonathan, filius Joiadæ, Pontifex sub Artaxerxe Mnemone Darii Nothi filio, *Nehem.* xii, 11.

8. Jeddoa vel Jaddo, filius Jonathan, *Nehem.* xii, 11. Hic occurrit Alexandro Magno, eumque Judæis offensum reconciliavit, teste Josepho, libro XI *Antiq.* in fine. Jaddi frater fuit Manasse, primus Pontifex Samaritanorum in monte Garizim. Vide Josephum, lib. XI *Antiq.* cap. vii.

9. Onias primus filius Jaddi, Pontifex sub Ptolomæo Lagi, primo post Alexandrum regem Ægypti, teste Josepho, Eusebio et aliis.

10. Simon Oniæ filius, cognomento justus, cuius elogia describit *Eccli.* cap. L.

11. Eleazarus Simonis frater et Oniæ filius. Hic misit 70 Interpretes ad Ptolomæum Philadelphum secundum Ægypti regem: qui sacram Scripturam ex Hebræo in Græcum converterunt, teste Josepho, Aristæa, Eusebio et aliis.

CAPUT PRIMUM.

SYNOPSIS CAPITIS.

Cyrus Deum Israelis agnoscit, raeoque Judæis e Babylone in Judeam remigrandi dat facultatem, ac præfectis mandat ut eos in reædificanda urbe et templo, sua ope et opibus adjuvent; sacra vasa e templo a Chaldæis ablata restituit. Quare Judæi læti cum Levitis in patriam redeunt.

1. In anno primo Cyri regis Persarum, ut compleretur verbum Domini ex ore Jeremias, suscitavit Dominus spiritum Cyri regis Persarum; et traduxit vocem in omni regno suo, etiam per Scripturam, dicens: 2. Hæc dicit Cyrus rex Persarum: Omnia regna terræ dedit mihi Dominus Deus cœli, et ipse præcepit mihi ut ædificarem ei domum in Jerusalem, quæ est in Judæa. 3. Quis est in vobis de universo populo ejus? Sit Deus illius cum ipso. Ascendat in Jerusalem, quæ est in Judæa, et ædificet domum Domini Dei Israel, ipse est Deus qui est in Jerusalem. 4. Et omnes reliqui in cunctis locis ubicumque habitant, adjuvent eum viri de loco suo, argento et auro, et substantia, et pecoribus, excepto quod voluntarie offerunt templo Dei, quod est in Jerusalem. 5. Et surrexerunt principes patrum de Juda et Benjamin et Sacerdotes, et Levitæ, et omnis cuius Deus suscitavit spiritum, ut ascenderent ad ædificandum templum Domini quod erat in Jerusalem. 6. Universique qui erant in circuitu, adjuverunt manus eorum in vasis argenteis et aureis, in substantia et jumentis, in supelletili, exceptis his quæ sponte obtulerant. 7. Rex quoque Cyrus protulit vasa templi Domini, quæ tulerat Nabuchodonosor de Jerusalem, et posuerat ea in templo Dei sui. Protulit autem ea Cyrus rex Persarum per manum Mithridatis filii Gazabar, et annumeravit ea Sassabasar principi Juda. 9. Et hic est numerus eorum: phialæ aureæ triginta, phialæ argenteæ mille, cultri viginti novem, scyphi aurei triginta. 10. Scyphi argentei secundi quadringenti decem: vasa alia mille. 11. Omnia vasa aurea et argentea, quinque millia quadringenta: universa tulit Sassabasar, cum his qui ascendeant de transmigratione Babylonis in Jerusalem.

Vers. 4.

1. IN ANNO PRIMO CYRI REGIS PERSARUM, — quo scilicet Cyrus monarchiam a Chaldæis ad Persas transtulit. Fuit ergo hic Cyri annus primus non regni Persici, sive quo ipse primo creatus rex coepit regnare in Perside, indeque triginta totos annos regnavit, uti volunt Eusebius et Africanus in Chronico, S. Hieronymus in cap. i Zachar. Pererius in Daniel. cap. v, et alii; sed fuit annus hic Cyri primus monarchiae et regni Babylonici, quo scilicet ipse superato Baltasare, et capta eversaque Babylonie, monarchiam a Chaldæis ad se et Persas transtulit. Non potuit enim Judæos eripere e Babylonie, et Chaldeorum manibus, nisi iis superatis et victis. Patet id clare ex verbis Cyri, vers. 2, dicentis: « Omnia regna terræ dedit mihi Dominus. » Unde illi Esdræ vi, 17, dicitur: « In primo anno, regnante Cyro rege Babylonie, scripsit Cyrus rex domum hanc ædificare, » etc., licet enim Darius Medus, Cyri avunculus, dicatur capta Babylonie successisse in ejus regnum, Daniel. cap. v, vers. ult., tamen Darius, utpote senex, totum regimen concessit nepoti suo Cyro, juveni animoso,

ac eodem anno vita functus eidem totum cessit imperium. Quare Cyrus eodem anno primo monarchiæ suæ, qui fuit septuagesimus et ultimus captivitatis Judeorum in Babylonie, inde eosdem liberavit.

Nota ex Herodoto, Justino, Eusebio, Josepho et aliis, Cyrum cœpisse regnare in Perside sola Olympiade 55; et inde universi regni ejus anni numerantur triginta: sensim vero ultra Persidem propagasse imperium, tandemque Babylonem expugnasse, et Chaldeorum monarchiam evertisse, seque fecisse monarcham; ac tum solvit captivitatem Judeorum in Babylonie, cum jam expleti essent 70 anni captivitatis de quibus vaticinatus erat Jerem. xxv et xxix. Fecit hoc autem Cyrus anno 27 Persici sui regni, adeoque verisimilius est eum deinceps tres duntaxat annos, capta Babylonie, monarcham regnasse; id enim docet Sefer Olam, sive Chronicon Hebræorum, ac passim Hebræi, ac Lyranus in Daniel, Vatablus in cap. i Daniel. et alii, quin et Josephus, lib. XI Antiq. cap. ii. Unde Daniel, summatim annos Cyri per ejus

gesta pertexens, ultra tertium non progreditur.

Nec obstat Xenophon, lib. VIII *Cyropaedia*, ubi septem annos tribuit principatui Cyri. Unde Belarminus, Torniellus, Salianus et Ribera in *Zachar.* I, num. 33, putant Cyrusum septem annos regnasse ut monarcham; quia illi libri a Xenophonte scripti sunt, non tam ad fidem historiæ, quam ad efformandam in Cyro veri principis effigiem. Rursum ille principatus Cyri septennis accipi posset a subjugata per eum non Babylone, sed Asia. Denique magis credendum est lib. III *Esdrae* cap. v, vers. ult., quam Xenophonti. Ibi enim sat expresse dicitur Cyrusum per biennium tantum regnasse a cœpta reædificatione templi, quæ, ut patet hoc capite, facta est statim a soluta captivitate, scilicet anno secundo monarchiae Cyri: hoc enim secundo anno cœpisse Judæos reædificare templum diserte docet Esdras hic, cap. III, vers. 8; ac cap. IV, vers. 6, narrat templi fabricam illico a Cuthæis fuisse impeditam omnibus diebus Cyri. Idem clarus docet Josephus, lib. XI, cap. II, ubi ait Cuthæos eam impedivisse, Cyro nesciente, utpote in aliis negotiis occupato, ac præsertim bello Massagetico, in quo et interiit. Unde et cap. III, narrat Esdras templi fabricam, a Cyro primo sueæ monarchiae anno concessam, per novem annos fuisse suspensam, scilicet per duos annos reliquos Cyri; et per sex quibus regnavit Cambyses ejus filius, cui sucessit Darius Hystaspis, qui anno secundo regni sui eamdem redintegravit. Non ergo septem annis supervixit Cyrus, uti opinantur nonnulli. Quomodo enim Cyrus, Judæis ita benevolus, per septem annos Cuthæorum objecta in templi fabrica impedimenta nescisset aut tulisset? Quomodo Judæi, ac præsertim Daniel, Cyrusum per se aut per legatos de tota re non informassent? Denique Herodotus, Justinus, Berosus et alii scribunt Cyrusum, post captam Babylonem, postremum bellum contra Lydos, qui rebellaverant, gessisse, ac demum Massagetico prælio occubuisse. Quæ omnia triennio fecisse Cyrusum credibile est: erat enim ipse bellicosissimus, et quietis impatiens.

**Cyri ety-
ma.
Primum.
Secun-
dum.** Quæres: Unde nomen suum accepit Cyrus? quidque significat? **Primo**, Strabo, lib. XV, Cyrusum nomen accepisse putat a flumine *Cyro*. **Secundo**, Vidalpandus, part. I *Appar.*, lib. III, cap. II, pag. 137, censem崔rum dictum a *Cyno*, id est cane, qui eum fingitur nutriversse, ut sit Cyrus quasi κύως, id est *caninus*. Nam, ut narrat Herodotus in *Clio*, Astyages Cyri avus Cyrusum infantem tradidit Harpagos, ut eum exponeret et perderet, eo quod ex oraculo audisset ab eo sibi auferendum regnum. Harpagus tradidit eum Mithridati bubulco Astyagis, cuius uxor vocabatur Græca lingua *Cyno* (κύων), id est canis, Medica, Spaco. Nam canem Medi spaca appellant. Unde Cyrus crescens commemorabat se ab uxore bubulci fuisse educatum, semper eam laudibus prosequens, ita ut in omni ejus sermone esset *Cyno*. Quod nomen accipientes ejus parentes, ut divinitus videretur Persis filius fuisse

servatus, divulgarunt a cane Cyrusum, cum esset expositus, fuisse educatum. Unde hæc fabula emanavit. Hæc Herodotus. Hinc et Trogus Cyrus a cane educatum tradit. Verum non ait Herodotus a *Cyno* dictum esse Cyrus: et Cyrus Persicum videtur nomen, non Græcum. Unde Justinus, lib. I: « Nutrici, inquit, sparcon postea nomen fuit, quia canem Persæ sic vocant (eo quod in sylvis Cyrus a cane lactatum alendum sibi assumpsisset); puer deinde cum esset, inter pastores Cyri nomen accepit: » ubi nullam *Cyno*, quasi inde dictus sit Cyrus, mentionem facit. **Tertio**, Suidas in voce *Cyrus*: « Cyrus, ait, Græce est κύρος, id est Princeps, Rex, quod per lusum inter adolescentes regni auctoritatem (quod Græcis est κύρος) adeptus est. Darium Persæ vocarunt cauponem, ob tributa imposita; Cambyses, dominum; Cyrus, patrem. Nam ille quidem vendebat omnia: Cambyses sævus erat et temerarius; Cyrus clemens et populi commodorum studiosus. » Hæc Suidas, sed rursus ipse græcum Cyro dat etymon, non persicum. **Quarto** ergo et verius Plutarchus in Vita Artaxerxis Mnemonis: « Cyrus, inquit, Persice idem est quod sol; » hunc enim ut numen colebant Persæ, æque ac Cyrus monarcham suum: unde Jeremias Cyrus vocat liberatorem quasi sollem Judeorum.

Cur Cyrus sive rex comparetur soli, apposite per octodecim analogias ostendi *Isaiæ* cap. XLI, vers. 1. Hinc ferunt Cyrusum in somnis vidisse solem apud pedes suos adstantem, cumque eum Cyrus vellet apprehendere, solem aufugisse, idque tertio: rogati divini quidnam hoc portenderet, responderunt portendi Cyrusum per triginta annos regnaturum. Cyrus ergo inter reges gentium interque Persas effulsit quasi sol, tum sapientia, tum justitia, tum temperantia, tum magnanimitate, tum liberalitate, adeoque « omnium regiarum virtutum fuit exemplum, » inquit Xenophon. Audi Ciceronem, lib. I *De Divin.* ex Dionysio Persico: « Cum dormienti ei (Cyro) sol ad pedes visus esset, ter eum scribit frustra appetivisse manibus, cum se convolvens sol elaberetur et abiaret, ei magos dixisse (quod genus sapientum et doctorum habebatur in Persis) ex triplici appetitione solis, triginta annos Cyrus regnaturum esse, portendi; quod ita contigit, nam ad septuagesimum pervenit, cum quadraginta natus annos regnare cœpisset. »

Porro *Cyrus* Hebraice idem est quod *tanguam* **Hebræa.** *hæres* regnorum et opum Babylonis et mundi, a radice *חַרְבָּה* *iaras*, id est *hereditavit*; *Caph* enim initiale est nota similitudinis, significans: *sicut*, *tanguam*. Aut *Cyrus* idem est quod, *quasi pauper*, a radice *חַרְבָּה* *ras*, id est *pauper*; quia ex se erat pauper, sed a Deo factus est dives. Rursum in morte occisus a Tomyri, factus est pauper. Tunc enim Cyrus factus est Irus, *imo* Iro pauperior. Ita *Pagninus* *In nom.* *Hebr.*

Græce vero *Cyrus* idem est quod *auctoritate pol-* *Græce.*

lens, dominus, imperans, legislator; κύρος enim est auctoritas principatus, potestas, arbitrium, dominium; et κύρως est authentico, ratum facio, firmo, confirmo, obtineo, vim et pondus addo, constituo, decerno.

Denique, Cyrus ducentis annis prior fuit Alessandro Magno, Socrate, Platone, Aristotele; nam « sub Cyro floruit Thales præceptor Anaximandri, hic Anaximenis, hic Anaxagoræ, hic Periclis; Anaxagoræ vero temporibus Xenophanes et Pythagoras fuerunt, » ait Eusebius, lib. X *De Præpar.* in fine.

Quar-
tum ge-
nuinum. Genuinum ergo Cyri etymon est persicum, significans solem, ait Brissonius, lib. I *De regno Persarum*, quem alii sequuntur.

Idem asserit Ctesias; scribens enim de uxore Darii Nothi : « Peperit, inquit, ei alterum filium regina, et impositum est ei nomen a sole Cyrus. » Refellit hoc Scaliger, lib. VI *De Emend. temp.*, quia, ait, Cyrus Hebraice scribitur *Cores*; ac sol Persice vocatur *C. ed. Cores* vero Persice significat cibum et alimoniam. Verum magis credendum est priscis Plutarcho et Ctesiae, qui a primis Persis id acceperunt, quam uni moderno Scaligero, præsertim quia *Cores* Persicum videtur acceptum ab Hebraeo Cheres, id est *sol*. Adde *Cores* idem esse quod *Coresed*, dempta ultima littera *D*. Adde quoque quod κύρος idem est quod princeps, caput; *ros* enim Hebraice et Chaldaice est *caput ku*, Persice est *princeps*; unde vocatur κυαξάρης *Cyaxares*, q. d. *princeps Ares*. Ita Scaliger, lib. VI. Sic *Mithri* (unde *Mithridates*) dicitur a *Mithra*, comparativo gradu, hoc est μέγιστος, sive *major* (Hebraice enim מֶלֶךְ *iatar* significat superesse, excellere, esse *majorem*), et sumitur pro *Dynasta* sive *Domino*. Hinc solem vocarunt *Mithra*, id est *Dominum*, *Principem*. Ita Scaliger ibidem.

Allego-
ricæ. Allegorice Cyrus fuit typus Christi, qui est sol justitiae. Tropologicæ Cyrus est rex, antistes, doctor, et quilibet sapiens et sanctus, qui quasi sol sapientiae et virtutis toto orbe resplendet.

SUSCITAVIT DOMINUS SPiritum (id est cor, mentem, voluntatem) CYRI REGIS, ET TRADUXIT (Cyrus) VOCEM (præconis) IN OMNI REGNO SUO ETIAM PER SCRIP-TURAM, — puta per epistolas scriptas quaquaver-sum missas : q. d. Excitavit Deus affectum et vol-untatem Cyri ad Judæorum liberationem, ac Je-rusalem et templi restaurationem, objiciendo ejus menti regna et beneficia sibi a Deo Hebræorum collata, oracula de eo pronuntiata, aliaque divi-nitatis signa, e quibus Cyrus agnovit verum Deum Hebræorum, ac immittendo ejus voluntatis pias affectiones ad opus hoc fabricæ moraliter bonum et pium re ipsa exsequendum, ut hac ratione per eum vera Dei Ecclesia in Israele conservaretur, et juxta morem pristinum publico Dei in templo ejus cultu coalesceret. Hæc Deus operatus est interius in mente Cyri, sed exterius valde eum exci-tavit per oraculum ab Isaia de Cyro editum, ca-pite XLIV, ultim. etc.; capite XLV, versu 1; ubi et

Cyri nomen enuntiat, et eum vocat suum Chris-tum, eidemque promittit se subjugaturum gen-tes, ac divitem potentemque effecturum. Audi Isaiam : « Qui dico Cyro : Pastor meus es, et vo-luntatem meam complebis. Qui dico Jerusalem : AEdificaberis, et templo fundaberis. » Et rursum cap. XLV, vers. 1 : « Hæc dicit Dominus Christo meo Cyro, cuius apprehendi dexteram, ut subji-ciam ante faciem ejus gentes, et dorsa regum vertam. Ego ante te ibo, et gloriosos terre humiliabo. Et dabo thesauros tibi absconditos, etc., ut scias quia ego Dominus, qui voco nomen tuum, Deus Israel, propter servum meum Jacob, et Is-rael electum meum, » ut scilicet tu, o Cyre, Ju-dæis et Israelitis posteris Jacobi meis fidelibus benefacias, et templum ædifices. Hanc prophe-tiam Judæi, præsertim Daniel propheta, qui fami-liaris, imo conviva fuit tam Cyro, quam Dario Medo, ostendit Cyro; itaque eumdem ad Deum Israelis agnoscendum venerandumque ac ad Israeli benefaciendum allexit, uti docet Josephus, lib. XI, cap. 1, et Theodoreetus in cap. I *Danielis*, præsertim quia Isaias hæc de Cyro prædixerat du-centis annis ante Cyri ortum. Id ipsum esse patet ex epistola Cyri, quam subdit hic Esdras.

Danie
Cyri con-
viva.

Cyrus
Deum ve-
rum ag-
novit.

Vers. 2.

2. OMNIA REGNA TERRÆ DEDIT MIHI DOMINUS. — Cyrus hac epistola confitetur se agnoscere Deum verum Israelis, eique omnia sua regna accepta refert. Ad hæc asserit eumdem Deum sibi man-dasse, ut templum Jerosolymæ reædificet; quare id reædificari præcipit, cunctosque tam Israelitas, quam alios sibi subditos, ad ejus fabricam pro-movendam exhortatur et impellit. Vide hic in Cyro impleri illud *Prov. xxi*, 1 : « Cor regis in manu Domini, quo cumque voluerit, inclinabit illud. »

OMNIA REGNA. — Intellige accommode « omnia, » id est, pleraque omnia, plurima; aut « omnia, » scilicet quæ subjecta fuere monarchiæ Chal-dæorum : q. d. Deus me fecit monarcham, ideoque omnia regna subjecta Chaldais cum monar-chia ad me transtulit. Sic *Lucæ* cap. II, vers. 1, di-citur : « Exiit edictum a Cæsare Augusto, ut de-scriberetur universus orbis, » nimirum Augusto et Romano imperio subjectus. Nam Indi multique alii non subjecti, non fuere descripti. Porro Xe-nophon, lib. I, ait Cyrum subjugasse Syros, Assyrios, Arabes, Cappadoces, Phryges, Lydos, Cares, Phœnices, Babylonios, Bactrianos, Cilices, Indos, Paphlagones, Sacos, Mariandynos, Cyprios, Ægyptios, et alias plurimas gentes quas formidine no-minis sui et terrore concutiebat, et simul benevo-lentia sapientiaque alliciebat, ut ab eo gubernari optarent. Audi Cyrum ducibus et militibus præ-cipientem apud Xenophontem, lib. I: « Dux, ait, nunquam cesseret aut prodesse sibi, aut nocere hos-tibus: difficile est enim vel unum hominem alere otiosum, difficilius totam domum, sed omnium difficultimum universum exercitum otiosum alere; itaque exercitum cessare nunquam decet. Impe-

Cyrus la-
borem
suadet.

rator sedulus et non cessator efficiet ut et milites commeatu abundant, et eorum corpora valetudine sint firmissima. » Hinc et Cyrus cibum non sumebat, nisi prius corpus exercuisset et sudasset. Aiebat enim tum cibum suavissime sapere ac corpus exercitio roborari, et ad labores quosvis assuefieri. Ita Xenophon.

IPSE PRÆCEPIT MIHI UT AEDIFICAREM EI DOMUM (templum) IN JERUSALEM. — « Praecepit, » id est præordinavit, decrevit, et hoc ipso tacite « praecepit » per Isaiam, cap. XLIV, vers. ult. cuius verba paulo ante recitavi. Inde enim Cyrus intellexit voluntatem Dei esse, ut ipse restauraret templum a Chaldaeis combustum, quam voluntatem ipse hic vocat præceptum.

Vers. 3. **3. QUIS EST IN VOBIS DE UNIVERSO POPULO EJUS** (qui scilicet cupit e Babylone redire in Jerusalem)? **SIT DEUS ILLIUS CUM IPSO. ASCENDAT IN JERUSALEM, ET AEDIFICET DOMUM DOMINI DEI,** (q. d. Quicumque Judæi vel Israelitæ sunt in regno meo, qui cupiunt remigrare in suam Judæam, age, congregentur in unum, ut simul e captivitate in patriam redeant : ego enim eis plenam do facultatem redeundi, urbemque et templum reædificandi : imo eis appreco Dei sui favorem et opem ad id perficiendum.) **NAM IPSE EST DEUS, QUI EST IN JERUSALEM,** — Vatablus, *qui est verus ille ac solus Deus, q. d.* Non est alius Deus verus, quam Deus, quem Israelitæ coluerunt et colunt in Jerusalem. Cyrus ergo hic profitetur se agnoscere Deum Juðæorum esse verum Deum, cæteros Gentium Deos non esse veros, vel certe esse minoris dignitatis et potestatis, ac Deo Hebræorum subjectos, quos Plato et Philosophi vocabant semideos. Unde Xenophon, libro VIII *Cyrop.*, asserit Cyrum quoque Deos gentium coluisse, ac jam moriturum habuisse somnium, quo invitabatur ut ad Deos ascenderet : quare eum adorasse invocasseque Jovem et Solem, ac multa de animi immortalitate, quod post mortem ad Deos esset transiturus, locutum expirasse.

Vers. 4. **4. ET OMNES RELIQUI IN CUNCTIS LOCIS UBICUMQUE HABINT, ADJUVENT EUM VIRI DE LOCO SUO, ARGENTO ET AURO,** — q. d. Reliqui Juðæorum, qui in Babylone aliis locis sedes fixerunt, uxores duxerunt, liberos procrearunt, agros coemerunt, ut non possint vel nolint illis dimissis redire in Jerusalem, hi adjuvent eos, qui redire cupiunt argento et auro, tum ad viaticum tam longi itineris, tum ad urbis templique restauracionem.

VIRI DE LOCO SUO, — id est, quisque in loco et de loco suo, puta de agris et domibus suis suppeditet id quod habet. Cyrus ergo hic Judeos in Babylone remanentes, redeuntibus in Jerusalem quasi vectigales constituit. Rursum « omnes reliqui » non solum Juðæi, sed et cæteri populi meæ ditioni subjecti similiter adjuvent redeuentes in Jerusalem, præsertim Præfecti provinciarum, quos Josephus « amicos regios » vocat. Unde hi ex hoc

Cyri edicto juverunt Judeos regredientes, ut patet vers. 6, cap. III, vers. 7.

EXCEPTO QUOD VOLUNTARIE OFFERUNT TEMPLO DEI. — Tò « excepto, » vox est augmentis et confirmantis, q. d. Scio multos jam mente designasse, et animo destinasse certa dona, quæ ipsi cupiunt offerre templo : illa ergo non veto, sed laudo et confirmo, cupioque offerri; sed præter hoc volo ut quisque insuper alia adjungat, quæ redeuntibus serviant pro viatico, et urbis domorumque reædificatione, atque ad alias multiplices necessitates et usus. Unde nonnulli censem Cyrum taxasse pretium, quod quisque ad eos conferre deberet, sicut postea fecere Darius et Artaxerxes Cyri successores; imo Cyrum decrevisse ut templum ex regio ærario suoque sumptu ædificaretur, patet cap. VI, vers. 4. Unde pro « excepto quod voluntarie offerunt, » Hebraice est, *cum munere spontaneo, q. d. cum oblatione quam sponte offerunt templo, dabunt etiam alia pro viatico, etc.* Ita Vatablus, Pagninus et alii.

Vers. 5. **5. ET SURREXERUNT PRINCIPES PATRUM DE JUDA ET BENJAMIN.** — « Principes patrum » sunt principes familiarum; quæque enim familia suum habebat caput et patrem : sed diversæ familiæ ab uno capite descendentes suum habebant principem et quasi Patriarcham.

Vers. 6. **7. REX QUOQUE CYRUS PROTULIT VASA TEMPLI DOMINI, QUÆ TULERAT NABUCHODONOSOR.** — Fuere ea numero 5400, ut dicitur vers. 11; quæ omnia a Chaldaeis sacrilege ablata, et dicata suo idolo Belo, Cyrus restituit Deo et templo.

Vers. 8. **8. PER MANUM MITHRIDATIS FILII GAZABAR.** — Tò « filii, » non est in Hebræo nec in Græco. Unde Vatablus, Pagninus, Marinus, Cajetanus et alii vertunt, *per manum Mithridatis thesaurarii; Josephus, per Mithridatem ærarii regii præfectum. Agaza enim dicitur gazabar, id est thesaurarius, ut patet cap. VII, vers. 21, ubi Noster vertit, « arcæ custodibus.» Nisi dicas Nostrum subaudisse בֶן ben, id est filii, et τὸ Gazabar fuisse nomen commune, sed officio proprium, sicut vulgo eum, qui gazæ principis præest, vocamus thesaurarium, quasi hoc nomen sit ei non ex baptismo, sed ex officio proprium, in quo saepe filii parentibus succedunt. Porro « Mithridates » componitur ex Mithri, id est major, dynasta, princeps, et δαθ dath, id est legis, q. d. dynasta legem ferens, et jus dictans.*

Vers. 9. **ET ANNUMERAVIT EA SASSADASAR PRINCIPI JUDA.** — Sassadar est Zorobabeli, nepoti Jechoniae regis ex patre Salathiel. Ita Josephus, Lyranus, Dionysius, Vatablus, Mariana, Torniellus, Salianus et alii. Quare tam pater Salathiel, quam avus Jechonias, hoc anno primo Cyri videntur vita fuisse functi : nam deinceps eorum nulla fit mentio, sed semper Zorobabelis, quasi ducis Juda. Porro Salathiel filio nascenti indidit nomen « Zorobabel, » id est *peregrinus in Babylone*, eo quod in Babylonica captivitate eum genuerit, sed cum Evilmerodach e carcere eduxit avum ejus Jechoniam, eumque

mensæ suæ regiæ convivam effecit, Zorobabeli mutatum est nomen, ut vocaretur « Sessabas, » id est *gaudens in tribulatione*. Ita Eusebius, lib. XI *De Præpar.* cap. III et IV, sas enim est *gaudens*, *ba* significat *in*, *shar* significat *tribulatione*. Rursum Pagninus *in Nomin. Hebr.* *Sessabas* interpretatur, *sex in tribulatione*; ses enim significat *sex*, vel *byssum*. Hebræi enim tradunt eum sic appellatum quod in sex tribulationibus steterit fortis et constans, ut in eo impletum sit illud *Job v, 19*: « In sex tribulationibus liberabit te, et in septima non tanget te malum. »

Ubi nota olim Hebræis, Chaldæis, Persis, Phœnicibus aliisque gentibus Orientalibus familiare fuisse peregrinis mutare nomina, illisque dare patria et propria gentis suæ cui inserebantur; patria, inquam, certum quid et personæ appositorum significantia, ut fecit Adam indens rebus nomina

naturæ earum apposita, *Gens. ii, 19*, ut nomina essent quasi omina rei naturam, virtutem aut proprietatem aliquam præsentem aut futuram significantia. Sic *Daniel.* cap. i, Hebræa nomina Ananias, Azarias, Misael in Babylone a Chaldaeis commutata sunt in Chaldaea Sidrach, Misach, Abdenago. Sic cap. ii, vers. 63, Hebræus Nehemias a Chaldaeis Chaldaice nuncupatus est Athersata. Idem de Græcis docet Plato in *Cratyllo*. Quocirca Eusebius, lib. XI *De Præpar.* cap. III et IV, ex hoc argumentum sumit pro exquisita Hebræorum sapientia, quod scilicet sacra Scriptura hominum propriorum significatione et vi utatur.

10. SCYPHI ARGENTEI SECUNDI, — « secundi » scilicet ordinis et generis, qui nimirum censebantur secundo loco, tam pretio quam pulchritudine: primi enim ordinis erant scyphi aurei; secundi vero argentei.

CAPUT SECUNDUM.

SYNOPSIS CAPITIS.

Catalogus redeuntium cum Zorobabel in Jerusalem, item munerum et donorum ad templi fabricam oblatorum.

1. Hi sunt autem provinciæ filii, qui ascenderunt de captivitate, quam transiulerat Nabuchodonosor rex Babylonis in Babylonem, et reversi sunt in Jerusalem et Judam, unusquisque in civitatem suam.
2. Qui venerunt cum Zorobabel, Josue, Nehemia, Sarahia, et Rahelaia, Mardochai, Belsan, Mesphar, Beguai, Rehum, Baana, numerus virorum populi Israel.
3. Filii Pharos, duo millia centum septuaginta duo.
4. Filii Sephatia, trecenti septuaginta duo.
5. Filii Area, septingenti septuaginta quinque.
6. Filii Phahath Moab, filiorum Josue: Joab, duo millia octingenti duodecim.
7. Filii Ælam, mille ducenti quinquaginta quatuor.
8. Filii Zethua, nongenti quadraginta quinque.
9. Filii Zachai, septingenti sexaginta.
10. Filii Bani, sexcenti quadraginta duo.
11. Filii Bebai sexcenti viginti tres.
12. Filii Azgad, mille ducenti viginti duo.
13. Filii Adonicam, sexcenti sexaginta sex.
14. Filii Beguai, duo millia quinquaginta sex.
15. Filii Adin, quadrincenti quinquaginta quatuor.
16. Filii Ather, qui erant ex Ezechia, nonaginta octo.
17. Filii Besai, trecenti viginti tres.
18. Filii Jora, centum duodecim.
19. Filii Hasum, ducenti viginti tres.
20. Filii Gebbar, nonaginta quinque.
21. Filii Bethlehem, centum viginti tres.
22. Viri Netupha, quinquaginta sex.
23. Viri Anathoth, centum viginti octo.
24. Filii Azmaveth, quadraginta duo.
25. Filii Cariathiarim, Cephita, et Beroth, septingenti quadraginta tres.
26. Filii Rama et Gabaa, sexcenti viginti unus.
27. Viri Machmas, centum viginti duo.
28. Viri Bethel et Hai, ducenti viginti tres.
29. Filii Nebo, quinquaginta duo.
30. Filii Megbis, centum quinquaginta sex.
31. Filii Ælam alterius, mille ducenti quinquaginta quatuor.
32. Filii Harim, trecenti viginti.
33. Filii Lod, Hadid, et Ono, septingenti viginti quinque.
34. Filii Jericho, trecenti quadraginta quinque.
35. Filii Senaa, tria millia sexcenti triginta.
36. Sacerdotes: Filii Jadaia in domo Josue, nongenti septuaginta tres.
37. Filii Emmer, mille quinquaginta duo.
38. Filii Pheshur, mille ducenti quadraginta septem.
39. Filii Harim mille decem et septem.
40. Levitæ: Filii Josue et Gedmihel filiorum Odoviae, septuaginta quatuor.
41. Cantores: Filii Asaph, centum viginti octo.

42. Filii Janitorum : filii Sellum, filii Ater, filii Telmon, filii Accub, filii Hatita, filii Sobai : universi centum triginta novem. 43. Nathinæi : filii Siha, filii Hasupha, filii Tabbaoth. 44. Filii Ceros, filii Siaa, filii Phadon, 45. filii Lebana, filii Hagaba, filii Accub. 46. Filii Hagab, filii Semlai, filii Hanan, 47. filii Gaddel, filii Gaher, filii Raia. 48. Filii Rasin, filii Necoda, filii Gazam. 49. Filii Aza, filii Phasea, filii Besee. 50. Filii Asena, filii Munim, filii Nephusim. 51. Filii Bacbuc, filii Hacupha, filii Harhur. 52. Filii Besluth, filii Magida, filii Harsa. 53. Filii Bercos, filii Sisara, filii Thema. 54. Filii Nasia, filii Hatipha. 55. Filii servorum Salomonis, filii Sotai, filii Sopheret, filii Pharuda. 56. Fili Jala, filii Dercon, filii Geddel. 57. Filii Saphatia, filii Hatil, filii Phochereth, qui erant de Asebaim, filii Ami. 58. Omnes Nathinæi, et filii servorum Salomonis, trecenti nonaginta duo. 59. Et hi qui ascenderunt de Thelmala, Telharsa, Cherub, et Adon, et Emer ; et non potuerunt indicare domum patrum suorum et semen suum, utrum ex Israel essent. 60. Filii Dalaia, filii Tobia, filii Necoda, sexcenti quinquaginta duo. 61. Et de filiis Sacerdotum, filii Hobia, filii Accos, filii Berzellai, qui accepit de filiabus Berzellai Galaaditis uxorem, et vocatus est nomine eorum. 62. Hi quæsierunt scripturam genealogiae suæ, et non invenerunt, et ejecti sunt de sacerdotio. 63. Et dixit Athersatha eis, ut non comederent de Sancto Sanctorum, donec surgeret sacerdos doctus atque perfectus. 64. Omnis multitudo quasi unus quadraginta duo millia trecenti sexaginta, 65. exceptis servis eorum, et ancillis, qui erant septem millia trecenti triginta septem : et in ipsis cantores atque cantatrices, ducenti. 66. Equi eorum septingenti triginta sex, muli eorum ducenti quadraginta quinque ; 67. cameli eorum quadrangenti triginta quinque, asini eorum, sex millia septingenti viginti. 68. Et de principibus patrum, cum ingredierentur templum Domini, quod est in Jerusalem, sponte obtulerunt in domum Dei ad exstruendam eam in loco suo. 69. Secundum vires suas dederunt impensas operis, auri solidos sexaginta millia, et mille, argenti mnas quinque millia, et vestes sacerdotaes centum. 70. Habitaverunt ergo Sacerdotes, et Levitæ, et de populo, et cantores et janitores, et Nathinæi, in urbibus suis, universusque Israel in civitatibus suis.

Vers. 1. **1. HI SUNT AUTEM PROVINCIÆ FILII,** — q. d. Hi sunt Judæi, qui in provincia Babylonis nati vel educati, ex ea remigrarunt in pristinam patrum sedem, puta in Jerusalem. Filii enim Provinciæ vocantur, qui in ea ex advenis nati, vel educati diu habitavere. Hæc enim phrasis significat nativitatem vel incolatum, ait Vatablus. Unde alii per filios intelligunt incolas. Sic vocantur « filii Sion, filii Orientis, filii Jerusalem, etc., filii, » id est « incolæ. » Porro Provincia intelligitur Babyloniam potens et dominans, sicut per Urbem nunc omnes intelligunt Romanum : licet Beda per Provinciam hic intelligat Judæam ; ad hanc enim pertinebant, inquit, Judæi e Babylone in eam redeuntes, quasi filii Ecclesiæ.

ET REVERSI SUNT IN JERUSALEM, — ita tamen ut manerent Cyro et Persis quasi servi dominis subditi, et tributarii, ut liquet cap. IV, 13, et lib. II Esdræ VI, 36. Unde reges Persarum eis constituebant principes, uti Zorobabelem hic vers. 2, et cap. V, vers. 14, ac Esdram, et Nehemiam, cap. VII, vers. 14, et lib. II, cap. V, vers. 14.

Vers. 2. **2. QUI VENERUNT CUM ZOROBABEL,** — Duce et Josue Pontifice, qui alio nomine dictus est « Jesus filius Josedec, » ut patet Zachar.

MARDOCHEI. — Multi censem hunc esse Mardo-

chæum patruum Esther, qui redierit in Judæam, ut possessiones paternas recuperaret, ac deinde reversus sit in Persidem, ubi sedem figere destinarat.

NUMERUS VIRORUM POPULI ISRAEL, — scilicet revertentis e Babylone in Jerusalem, est iste quem subjicio. Israel hic ponitur pro Juda et Benjamin, soli enim Judæi et Benjaminitæ redeuntes hic numerantur. Alibi, cum Israel opponitur Judæ, significat decem tribus, quæ a Juda et Benjamin schisma facientes, regem sibi crearunt Jeroboam; illis enim abductis in Assyriam, ibique plane dispersis et quasi eversis. Israelis nomen et decus rediit et remansit in Juda; hæc enim duodecim tribuum fuit nobilissima, imo regia. Sic dicitur Psalm. cxiii, 2: « Facta est Judæa sanctificatio ejus: Israel potestas ejus. » « Israel, » id est « Judæa, » in Psalmis enim crebro posterius hemistichium explicat ac confirmat prius, ut cum dicitur: « Deus, in adjutorium meum intende; Domine, ad adjuvandum me festina. » Et Isaïæ XLVIII : « Audite, ait, hæc domus Jacob, qui vocamini nomine Israel, et de aquis Juda existis, » id est qui de fonte ac stirpe Juda propagati estis.

6. FILII PHAHATH MOAB (est nomen proprium Vers. 6. viri. Vatablus vertit, filii Ducis (Chaldæus enim

מִתְבָּחַת *pachat* significat *ducem*) *Moab*. Ita cognominatus est, quod in Moab victoriam aliquam sit adeptus, aut quid præclare gesserit.) FILIORUM JOSUE, JOAB,—*q. d.* Hi filii Phahath Moab, descendentes et progeniti ex filiis Josue et Joab (hi enim duo erant viri illo ævo celebres et charissimi) fuere 2812. Unde Vatablus vertit, *filiorum Ducis Moab de filiis Josue et Joab 2812.*

- 20. FILII GEBBAR NONAGINTA QUINQUE, — ita legendum cum Hebræo, Septuaginta et Romanis, male ergo nonnulli legunt, *nongenti*.

21. FILII BETHLEHEM CENTUM VIGINTI TRES. — Filii, id est cives et incolæ, ut dixi vers. 1, sive ex ci-
vibus et incolis *Bethlehem* oriundi. Hucusque enim
per patresfamilias distinxit capita; deinceps vero
usque ad vers. 31, per urbes distinguit, forte
quia patres erant ignoti vel obscuri.

Dices : Judæi jam per 70 annos fuerant in Babylonie, unde plerique qui ex Bethlehem aliisque urbibus erant abducti, jam erant mortui, filii vero eorum erant nati in Babylone, etc. Respondeo ita esse, sed tamen iidem vocantur filii Bethlehem; quia a Bethlehemitis, qui ex Bethlehem venerant, erant progeniti. Aut certe Judæi in Babylone in suos vicos et pagos distributi, eis nomina Bethlehem aliarumque Judææ urbium indiderunt, ut se in exilio memoria patriæ suæ solumarentur, ut jam Hispani in Peru et Mexico urbibus suis indunt nomina urbium Hispaniæ; ut vocantur Granata, Corduba, Vallisoletum, etc. Simili modo Helenus Priami filius, Troja eversa fugiens, urbem novam condens, nuncupavit eam Trojam. Audi Virgilium, lib. III Æneid. :

**Procedo, et parvam Trojam simulataque magnis
Pergama, et arentem Xanthi cognomine rivum
Agnosco, Scæaque amplector limina portæ.**

Ita Sanchez.

- 31. FILII ÆLAM. — Alius est hic Ælam ab illo vers. 7; sed mirum utrumque pares numerasse filios nepotes, scilicet 1254.

3. 36. SACERDOTES (Hucusque laicos e tribu Iuda et Benjamin recensuit, nunc recenset Sacerdotes, et vers. 40, Levitas, et vers. 43, Nathinaeos templi servos. Ait ergo:) SACERDOTES : FILII JADAIA IN DOMO JOSUE, — id est qui erant de domo et familia Josue, puta filii, et nepotes Jesu filii Josedec Pontificis, erant num. 973; Jadaia enim fuit ex posteris Jesu et Josedec, ut patet I Paral. IX. 10.

43. NATHINÆI, — id est *donati*, scilicet templi ministerio a Josue; erant enim hi Gabaonitæ (ideoque Chananæi, non Judæi) qui ob fraudem suam ad hoc opus damnati fuere. Vide dicta *Josue* IX.

3. 58. OMNES NATHINÆI, ET FILII SERVORUM SALOMONIS; — sicut Josue Gabaonitas, sic Salomon alios bello captos vel proselytos templo donavit. Hi vocantur « servi Salomonis : » unde ex eis multi ab aliis addicti fuere fabri et templi. II. Prosp. — 47.

59. HI QUI ASCENDERUNT DE THELMALA , THELHAR-
SA , CHERUB , ET APON . ET EMER . — Nomina sunt

urbium Chaldææ, e quibus multi emigrarunt in Judæam. Hi non potuerunt probare se oriundos esse ex Judæis, ut sequitur :

61. FILII BERZELLAI, QUI (Berzellai) ACCEPIT DE Vers. 61.
FILIABUS BERZELLAI GALAADITIS (Sacerdotis) UXO-
REM, ET VOCATUS EST NOMINE EORUM, (scilicet Sacer-
dotum,) — q. d. Hic Berzellai duxit uxorem filiam
Berzellai sacerdotis, et per illam vocatus est Sa-
cerdos, id est ortus ex genere sacerdotali; sed
cum id ex publicis Genealogiarum libris probare
non posset, tam ipse quam filii ejus a sacerdotio
rejecti fuere, donec Deus consuleretur.

63. ET DIXIT ATHERSATHA. — Hic est Nehemias, Vera. 63. inquit Lyranus, Cajetanus et Vatablus, idque liquet ex *Nehem. vii*, 64. Ubi idem narratur, quod hic. Unde videtur hæc historia contigisse posterius sub Nehemia, et *Nehem. viii*, 9, ubi dicitur: « Dixit autem Nehemias (ipse est Athersatha,) id est pincerna Regis; » ita a Chaldæis vocatus a verbo Chaldæo, *tersa*, id est *aluit*, et *scata*, id est *bibit*, q. d. *alens potu regem*, hoc est pincerna regis: loquitur hic Nehemias de se in tertia persona, æque ac cap. xii, 26; sed in libro Nehemias, ipse de se loquitur semper in prima persona. Unde nonnulli putarunt alium esse Nehemiam, qui fuit Esdræ socius, a Nehemia, qui inducitur lib. II *Esdræ*, ejusque est auctor. De Athersatha rursum dicam, *Nehem. viii*, 9.

UT NON COMEDERENT DE SANCTO (cibo) **SANCTORUM**,
id est victimarum Deo sanctificatarum, id est ob-
latarum et sacrificatarum, hoc est ut non come-
derent de sacrificiis pro peccato oblatis, aut ar-
mum dextrum e victimis pacificis : hæ enim ce-
debant solis sacerdotibus ; quales se esse hi pro-
bare non poterant.

DONEC SURGERET SACERDOS DOCTUS ATQUE PERFECTUS. — Hebraice, *sacerdos cum Urim et Thummim*, q. d. Donec sacerdos aliquis summus vestibus Pontificalibus, in quibus erant Urim et Thummim, indutus, consulens Deum, ab eo perfecte doceretur an hi essent ex genere sacerdotali, an non. Est ergo metonymia.

Nota : « Urim et Tummim » inscripta vel intexta erant Rationali Pontificis. « Urim » Hebraice significat *illuminationes*; « Thummim, » *perfectiones*: quia sacerdos summus, Pontificalibus indutus, perfecte illuminatur a Deo circa ea, de quibus eum consulebat, ut patet *Num. xxvii, 21*. Allegorice significabatur Christus Pontifex, per quem lux et veritas facta est, *Joan. i*. Tropologice per hæc duo admonebatur tum Pontifex, tum populus, studere veritati doctrinæ, et perfectioni vitæ: atque per hæc duo anagogice aspirare ad lumen gloriæ, et perfectam Dei fruitionem et amorem.

64. OMNIS MULTITUDINO QUASI UNUS 42360. — Hæc Vera. 64 summa eorum, qui cum Jesu et Zorobabel in Ju-
dæam redierunt, quam tamen non invenies, si
sigillatim numeros singularum familiarum hic
assignatos per additionem computes: invenies
nihil duntaxat 29848; quare ut summam hic po-

Vers. 65. sitam expleas, addendi sunt 12542 : quam conflant illi, qui ex decem tribibus cum tribu Juda et Benjamin redierunt in Jerusalem ; sed hic non recensentur. Porro hi ipsi eodem fere modo, demptis pauculis, numerantur *Nehem. vii, 6*, et alii.

65. ET IN IPSIS CANTORES ATQUE CANTATRICES DUCENTI. — « Cantores » templo adhibebantur ad canendos Psalms, « cantatrices » ad laicas cantiones, v. g. ad canendum in funeribus, nuptiis, conviviis, etc., significatur lætissimus fuisse Hebreorum a Babylone reditus, ut præ gaudio canerent et jubilarent; juxta oraculum *Isaiae lxvi* : « Adducent omnes fratres vestros de cunctis gentibus donum Domino in equis, et in quadrigis, et in lecticis et in mulis, et in carrucis ad montem sanctum Jerusalem. » Et *Psalm. cxxv* : « In convertendo Dominus captivitatem Sion, facti sumus sicut consolati. » (Hebraice *sicut somniantes*, id est ita exultantes, ut videremur somniare redditum, non autem vere redire in patriam.) Tunc

repletum est gaudio os nostrum, et lingua nostra exultatione. »

66. EQUI EORUM 736, — Ita Hebreus et Romani. Vers. 68. Male ergo aliqui legunt, *sexcenti*.

68. CUM INGREDERENTUR TEMPLUM DOMINI. — Templum jam erat a Chaldæis exustum. Templum ergo hic vocatur locus, in quo steterat templum, quia is sacer erat, ae sacrificiis et divino cultui a Deo destinatus. Unde Judæi mox in eo altare erexit, in eoque sacrificarunt, ut patet *Jerem. xli*, vers. 5; *Baruch i, 10*.

69. AURI SOLIDOS SEXAGINTA MILLIA ET MILLE, — Vers. 69. hoc est sexaginta et unum millia : ita legunt Hebreus et Romani. Alii, pro « sexaginta millia, » legunt : « quadraginta millia; » tot enim numerantur *Nehem. vii, 5*, de quo ibidem plura. Diversitas hæc orta videtur ex transpositione cipherum obvia et facili : nam **ix** sunt 60; **xl** vero sunt 40. Vide Franciscum Lucam fuse hac de re disserentem in *Notat. 79*.

CAPUT TERTIUM.

SYNOPSIS CAPITIS.

Jesus Pontifex, et Zorobabel Dux cum populo redeuntes in Jerusalem exstruunt altare, in eo sacrificant, celebrant festum Tabernaculorum, et novi templi fundamenta jaciunt.

1. Jamque venerat mensis septimus, et erant filii Israel in civitatibus suis : congregatus est ergo populus quasi vir unus in Jerusalem. 2. Et surrexit Josue filius Josedec et fratres ejus Sacerdotes, et Zorobabel filius Salathiel, et fratres ejus, et ædificaverunt altare Dei Israel, ut offerrent in eo holocausta, sicut scriptum est in lege Moysi viri Dei. 3. Collocaverunt autem altare Dei super bases suas, deterrentibus eos per circuitum populis terrarum, et obtulerunt super illud holocaustum Domino mane et vespere. 4. Feceruntque solemnitatem Tabernaculorum, sicut scriptum est : et holocaustum diebus singulis per ordinem secundum præceptum, opus diei in die suo. 5. Et post hæc holocaustum juge, tam in calendis, quam in universis solemnitatibus Domini, quæ erant consecratæ, et in omnibus in quibus ultra offerebatur munus Domino. 6. A primo die mensis septimi cœperunt offerre holocaustum Domino : porro templum Dei nondum fundatum erat. 7. Dederunt autem pecunias latomis et cæmentariis : cibum quoque, et potum, et oleum Sidoniis Tyriisque, ut deferrent ligna cedarina de Libano ad mare Joppe, juxta quod præceperat Cyrus rex Persarum eis. 8. Anno autem secundo adventus eorum ad templum Dei in Jerusalem, mense secundo, cœperunt Zorobabel filius Salathiel, et Josue filius Josedec, et reliqui de fratribus eorum Sacerdotes, et Levitæ, et omnes qui venerunt de captivitate in Jerusalem, et constituerunt Levitas a viginti annis et supra, ut urgerent opus Domini. 9. Stetitque Josue et filii ejus, et fratres ejus, Cedmihel et filii ejus, et filii Juda, quasi vir unus ; ut instanter super eos qui faciebant opus in templo Dei : filii Henadad, et filii eorum, et fratres eorum Levitæ. 10. Fundato igitur a cæmentariis templo Domini, steterunt Sacerdotes in ornatu suo cum tubis : et Levitæ filii Asaph in cymbalis, ut laudarent Deum per manus David regis Israel. 11. Et concinebant in hymnis et confessione Domino : Quoniam bonus, quoniam in æternum misericordia ejus super Israel. Omnis quoque populus vociferabatur clamore magno in laudando Dominum, eo

quod fundatum esset templum Domini. 12. Plurimi etiam de Sacerdotibus et Levitis, et Principes patrum, et Seniores, qui viderant templum prius cum fundatum esset, et hoc templum in oculis eorum, flebant voce magna : et multi vociferantes in lætitia, elevabant vocem. 13. Nec poterat quisquam agnoscere vocem clamoris lætantium, et vocem fletus populi; commixtim enim populus vociferabatur clamore magno, et vox audiebatur procul.

Vers. 1. 1. **JAMQUE VENERAT MENSIS SEPTIMUS.** — Hebraice vocatus *Tisri*, qui nostro partim septembri, partim octobri respondet. Hebrei enim utebantur mensibus lunaribus, quos singulæ lunæ luna- tiones efficiunt. Hinc videtur quod Judæi Babylone discesserint initio veris, anno primo Cyri, et post quatuor menses itineris pervenerint in Jerusalem mense Julio, ac mox erexerint altare, seque præpararint ad festum Tabernaculorum, cæteraque mense septimo celebranda. Simili modo Esdras septimo anno Artaxerxis primo die mensis primi discessit Babylone, et primo die mensis quinti pervenit in Jerusalem, ut audie- mus capite VII, vers. 1.

Vers. 2. 2. **ET SURREXIT JOSUE** (sive Jesus) **FILIUS JOSEDEC** (qui mortuo patre Josedec, ei in Pontificatu suc- cesserat, eratque Esdræ ex fratre nepos; Esdras enim erat frater Josedec), **ET ZOROBABEL FILIUS SALATHIEL**, — filii Jechoniæ, qui mortuo avo et patre, successit in ducatum populi. Hi duo ergo duces fuere populi reducis in Jerusalem : Jesus in Ecclesiasticis, Zorobabel in Politicis.

Vers. 4. 4. **FECERUNTQUE SOLEMNITATEM** (id est celebrarunt festum « Tabernaculorum, » sive « Scenopegiæ, » die 15 mensis septimi per septem dies) **ET HOLO- CAUSTUM DIEBUS SINGULIS PER ORDINEM SECUNDUM PRÆCEPTUM, OPUS DIEI IN DIE SUO, — q. d.** Obtule- runt tot quotidie per totam festi octavam victi-

mas, quot et quales, qualique ritu eas offerri præceperat Deus, *Num. xxix.*

5. **ET POST HÆC HOLOCAUSTUM JUGE,** — de quo dixi *Vers. 1.* *Num. xxviii*, 3.

8. **ANNO AUTEM SECUNDO ADVENTUS EORUM AD TEM- PLUM** (ad locum in quo steterat templum jam a Chaldeis exustum) **DEI IN JERUSALEM, MENSE SE- CUNDO COEPERUNT** — reædificare templum.

10. **FUNDATO Igitur a cæmentariis templo** (id *Vers. 10.* est jactis jam templi fundamentis) **UT LAUDARENT DEUM PER MANUS DAVID**, — id est, per opera Davidis, puta per Psalmos a Davide compositos, et per musica instrumenta ab eo concinne instituta ad Dei laudes in templo concinendas.

11. **Eo quod FUNDATUM ESSET TEMPLUM**, — id *Vers. 11.* est, eo quod fundamenta templi jam essent jac- ta, sed necdum parietes erecti, ut patet ex se- quent.

12. **FLEBANT VOCE MAGNA;** — quod templi novi *Vers. 12.* fundamenta non responderent magnitudini et majestati prioris templi, quodque ejus ruinas circumquaque conspicerent: vicissim tamen gau- debant de novi templi reædificatione, deque suo in patriam reditu, ac Cyri benevolentia, sed præ- sertim de Deo prius irato jam sibi reconciliato : quare fletus hic gaudio miscebatur, ac voces flen- tium et exsultantium commixtæ harmoniam effi- ciebant mixtam planctu et jubilo.

CAPUT QUARTUM.

SYNOPSIS CAPITIS.

Samaritani per præfectos Persarum impetrato a Cambyse Cyri successore rescripto, impedivunt fabricam urbis et templi.

1. Audierunt autem hostes Judæ et Benjamin, quia filii captivitatis ædificarent templum Domino Deo Israel : 2. et accedentes ad Zorobabel, et ad principes patrum, dixerunt eis : Ædificemus vobiscum, quia ita ut vos quærimus Deum vestrum : ecce nos immolavimus vic- timas a diebus Asor Haddan regis Assur, qui adduxit nos huc. 3. Et dixit eis Zorobabel, et Josue, et reliqui principes patrum Israel : Non est vobis et nobis ut ædificemus domum Deo nostro, sed nos ipsi soli ædificabimus Domino Deo nostro, sicut præcepit nobis Cyrus rex Persarum. 4. Factum est igitur, ut populus terræ impediret manus populi Judæ, et turbaret eos in ædificando. 5. Conduxerunt autem adversus eos consiliatores, ut destruerent consilium eorum omnibus diebus Cyri regis Persarum, et usque ad regnum Darii regis Persarum. 6. In regno autem Assueri, in principio regni ejus, scripserunt accusationem adversus habitatores

Judæ et Jerusalem. 7. Et in diebus Artaxerxis scripsit Beselam Mithridates, et Thabeel, et reliqui, qui erant in consilio eorum; ad Artaxerxem regem Persarum: epistola autem accusationis scripta erat Syriace, et legebatur sermone Syro. 8. Reum Beelteem, et Samsai scriba, scripserunt epistolam unam de Jerusalem Artaxerxi regi, hujuscemodi: 9. Reum Beelteem, et Samsai scriba et reliqui consiliatores eorum, Dinæi, et Apharsathachæi, Terphalæi, Apharsæi, Erchuæi, Babylonii, Susanechæi, Dievi, et Ælamitæ, 10. et cæteri de Gentibus, quas transtulit Asenaphar magnus et glriosus: et habitare eas fecit in civitatibus Samariæ, et in reliquis regionibus trans Flumen in pace: 11. (Hoc est exemplar epistolæ, quam miserunt ad eum) Artaxerxi regi, servi tui, viri qui sunt trans Fluvium, salutem dicunt. 12. Notum sit regi, quia Judæi, qui ascenderunt a te ad nos, venerunt in Jerusalem civitatem rebellem et pessimam, quam ædificant, exstruentes muros ejus, et parietes componentes. 13. Nunc igitur notum sit regi quia, si civitas illa ædificata fuerit, et muri ejus instaurati, tributum, et vectigal, et annuos reditus non dabunt; et usque ad reges hæc noxa perveniet. 14. Nos autem memores salis, quod in palatio comedimus, et quia læsiones regis videre nefas ducimus, idcirco misimus et nuntiavimus regi, 15. ut recenseas in libris historiarum patrum tuorum, et invenies scriptum in commentariis: et scies quoniam urbs illa, urbs rebellis est, et nocens regibus et provinciis, et bella concitantur in ea ex diebus antiquis: quam ob rem et civitas ipsa destructa est. 16. Nuntiamus nos regi, quoniam si civitas illa ædificata fuerit, et muri ipsius instaurati, possessionem trans Fluvium non habebis. 17. Verbum misit rex ad Reum Beelteem, et Samsai scribam, et ad reliquos qui erant in concilio eorum habitatores Samariæ, et cæteris trans Fluvium, salutem dicens et pacem. 18. Accusatio, quam misistis ad nos, manifeste lecta est coram me, 19. et a me præceptum est: et recensuerunt, inveneruntque, quoniam civitas illa a diebus antiquis adversum reges rebellat, et seditiones, et prælia concitantur in ea: 20. nam et reges fortissimi fuerunt in Jerusalem, qui et dominati sunt omni regioni quæ trans Fluvium est: tributum quoque et vectigal et reditus accipiebant. 21. Nunc ergo audite sententiam: Prohibeatis viros illos, ut urbs illa non ædificetur, donec si forte a me jussum fuerit. 22. Videte ne negligenter hoc impleatis, et paulatim crescat malum contra reges. 23. Itaque exemplum edicti Artaxerxis regis lectum est coram Reum Beelteem, et Samsai scriba, et consiliariis eorum: et abierunt festini in Jerusalem ad Judæos, et prohibuerunt eos in brachio et robore. 24. Tunc intermissum est opus domus Domini in Jerusalem, et non fiebat usque ad annum secundum regni Darii regis Persarum.

1. HOSTES JUDÆ, — scilicet Samaritani, sive incolæ Samariæ perpetui Judæorum inimici, ut patet vers. 2 et 10. De his dixi IV Reg. xvii, 24.

FILII CAPTIVITATIS, — id est Judæi nuper captivi, et jam ex captivitate reversi.

Vers. 2. 2. ASOR ADDAN. — Hic est Asor Haddan filius Sennacherib, ultimus rex Assyriorum, de quo IV Reg. xix, vers. ult.

Vers. 3. 3. NON EST VOBIS ET NOBIS (societas et communio in hac templi fabrica ut vobiscum conjuncti) **ÆDIFICEMUS DOMUM DEO NOSTRO,** — quia vos estis schismatici, imo hæretici et idololatræ: nam cum Deo nostro et vero colitis idola, quæ coluistis in Assyria, ex qua traducti estis in Samariam. Noluerunt ergo Judæi Samaritans habere in fabrica socios. **Primo**, quia ipsi erant hæretici: unde disce quam communionem cum hæreticis fugere debeamus, præsertim in rebus sacris et

Sacramentis. **Secundo**, quia ipsi erant hostes Ju- **secunda**, dæorum; unde fraudem in fabrica committere potuissent, ut pro templo idolum fabricarent. **Tertio**, ne Samaritæ templum quasi a se fabricatum sibi vindicarent, aut certe ejus partem habere vellent, in eoque suas superstitiones et idolorum cultus celebrarent. **Quarto**, ne malo dolo **quarto**. arenam pro calce, ac terram pro lapidibus fabricæ immiscerent, itaque fabrica templi ruinas ageret, ac tandem rueret.

4. POPULUS TERRÆ. — Samaritani jam dicti, ac- **vers. 4.** colæ et incolæ terræ vicinæ, p'la Samariæ.

5. CONDUXERUNT (pretio et donis) **CONSENSIATO-** **vers. 5.** **RES,** — id est consiliarios, puta Persarum in Samaria, Syria et Judæa præfectos ac quæstores, ut vivente Cyro, quem sciebant favere fabricæ urbis et templi, tarde et parce suppeditarent sumptus, aliisque dolis et malis artibus opus

impedirent. Mortuo autem anno sequente Cyro, Cambyses ejus filium aggressi, ad eum scripserunt litteras quibus Judeos ut pacis turbatores, et seditiosos accusabant; itaque ab eo rescriptum impetrarunt, quo jubebantur Judæi a fabrica supersedere. Ubi nota epistolas tam Regum quam Praefectorum hoc cap. et cap. seq. vers. 6 et 7 in textu Hebræo, proprio ipsorum idiomate scilicet Chaldaeo scribi, non Hebræo. Idem fit in Daniele. Præsertim quia Hebræi nuper in Babylone captivi ibidem linguam Chaldaeam didicabant, ac inde redeentes, in illam declinarunt, atque avitam linguam Hebræam cum Chaldaea commiscuerunt: ex qua commixtione orta est lingua Syro-Hebræa, vel Chaldaeo-Hebræa, quam alii Jerosolymitanam vocant. Sic lingua latina a Gothis cum Gothicâ commixta peperit nobis lingua Hispâniam, Italicam, Francicam.

Dices: Cur Judæi non recurrerunt ad Cyrus sibi faventem, eique fraudes et dolos Samaritarum et Praefectorum detexerunt? Respondeo: Quia teste Josepho Cyrus domo abierat, profectus in bellum contra Lydos rebellantes, ac deinde contra Schytas, ubi et anno sequenti interiit. Cyro ergo absente, domi regebat Cambyses; cuius consiliarios muneribus corruerunt Samaritæ, ut templi fabricam impedirent. Fuit autem hoc per biennium, ut habet liber III Esdræ, cap. v, vers. ultim., ex quo liquet octo annos, qui vulgo dantur regno Cambysis, inchoando esse ab eo tempore, quo patre Cyro apud Lydos et Massagetas occupato, ipse rebus imperii domi præerat. Nam post biennium occiso Cyro, solus Cambyses regnavit sex annos duntaxat. Vide Josephum.

Vers. 6. **6. IN REGNO AUTEM ASSUERI,** — id est Cambysis. **Assuerus** nomen commune re-gum. Ita Josephus, et patet ex præced., hic enim patri Cyro in regno successit. Nota: Assuerus Chaldaice, Persice Artaxerxes, erat commune nomen regum Persarum et Babyloniorum, sicut Ægyptiorum regum commune nomen erat Pharaon, et postea Ptolemæus, ac Romanorum Cæsar. Id ita esse patet ex hoc capite, ac ex *Esther* I, 1, collato cum cap. XIII, 1, et cap. XVI, 1. Assuerus vel, ut Chaldaice dicitur, Achasueros deducitur ab *achas*, id est *magnus*, et *ros*, id est *caput*, hoc est *magnum caput*, scilicet magnus rex et princeps. Unde iisdem fere litteris in aliam linguam transumptis, mutatis tamen vocalibus Græce vocatur Οξύαρες, id est *acer Mars*, martius, bellicosus: et Xerxes, quæ vox Græce, ait Herodotus lib. VI, significat bellatorem; Artaxerxes autem, *magnum bellatorem*. Unde Scaliger, sect. VI, part. II, aliquie linguarum periti asserunt hæc nomina fere idem esse, idemque significare, scilicet Oxyares, Ochosoærces, Ochsoarses, Xerxes, Assuerus, Arxaxes, Artaxerxes, vel ut Persæ pronuntiant Xestes, Artaxestes, vel Artaxata: ita enim sic est in Hebræo, vers. 3.

Vera. 7. **7. IN DIEBUS ARTAXERXIS.** — Est idem Cambyses, qui Chaldaice dictus est Assuerus, Persice Arta-

xerxes, uti jam dixi ex Septuaginta. Unde *Artaxerxes* non est in Hebræo. Id ita esse patet ex Septuaginta. Quæ enim hic dicuntur scripta ad Assuerum, ibi leguntur ad Artaxerxem data: imo nonnulli Codices hic vers. 6, sic habent: « In regno autem Assueri, ipse est Artaxerxes (ita Complutensia, idque patet ex fine capitinis, vers. ult.) » usque ad Darium; » solus enim Cambyses post Cyrus legitimus rex usque ad Darium intercessit. Idem patet ex Josepho: Esdras enim descripturus, ait Cajetanus, modum quo præfecti ad regem scripserunt, more Hebræo resumit tempus quo scripserunt, nominando eundem alio nomine, scilicet Persico, quod ipse epistolis suis præfigere solebat. Videtur enim Esdras ex publicis chronicis et diariis Persarum, epistolam Samaritanorum descripsisse cum suo titulo qui erat: « Et in diebus Artaxerxis, » ita ut quem Esdras vocat « Assuerum, » chronica Persica vocarent nomine Persico « Artaxerxem. » Aliter Christophorus a Castro in cap. I *Agæi*, sub initium, qui censem Assuerum esse Cambysem, Artaxerxem vero esse Smerdem magum, qui Cambysi successit, et se per fraudem in regnum intrusit. Pejus Scaliger censem Assuerum esse Xerxem; Artaxerxem vero esse Longimanum Xerxis filium, de quo plura vers. 24. Similis resumptio sermonis est *Marci* xv, 8 et 9, et sæpe alibi.

Cambyses fuit Judæorum hostis, unde ab eis vocabatur secundus Nabuchodonosor, teste Eusebio in *Chronico*: erat enim Cambyses deorum contemptor, sacrilegus et parricida: nam fratrem proprium interfecit, ait Justinus; sororem vero duxit in uxorem, quam deinde interemit. Unde justa numinis vindicta seipsum occidit; insilienti enim in equum vagina gladii excidit, unde nudatus gladius in ejus femur infixus est, ex quo vulnere paulo post obiit, ait Herodotus et Justinus.

Notat Cajetanus, quod licet Samaritæ sub Cyro per consiliarios impediunt ædificationem templi ex sumptibus publicis et regiis, non tamen Judæos a fabrica cessasse; sed in illa perrexisse ex privatis propriisque sumptibus: unde hoc quoque impediuerunt litteris ad Cambysem datis.

8. BEELTEEM; — est nomen officii significans **Vers. 8.** *præfectum rationis*, vel *magistrum sapientiae*, ait Lyranus. Arias vero vult esse nomen proprium, et significare possessorem *saporis*, vel *gustus*, vel *rationis*, vel *eloquii*; Βαλταᾱm enim Hebraice et Chaldaice *teem* est *sapor*, *gustus*, et metaphorice *sapientia*; Hebraice *Baal* et Chaldaice *beel* est *Dominus*, *præfector*, *præses*; igitur « Beelteem, » vel ut Hebræi pronuntiant *Baaltaam*, idem est quod *præses rationis et consilii*; quod agitabatur in senatu et concilio, hoc est *Cancellarius*: hujus enim erat ad regem facta omnia referre, eaque scripto tabulis publicis consignare, et sua manu, sigilloque obsignare. Ita Josephus.

10. ASENAPHAR. — Hic est Asarhaddon, vel **Vers. 10.** Sen-

nacherib, vel quis alias ex ejus cognatis, vel agnatis.

Vers. 13. 13. SI MURI (civitatis Jerusalem, quam Judæi ædificant) INSTAURATI FUERINT, TRIBUTUM, etc. NON DABUNT, — quia confisi suis muris rebellabunt, et in libertatem (cujus sunt avidissimi) se asserent. Hinc patet Judæos, licet e Babylone liberos, mansisse tamen Cyro et Persis vectigales et tributarios. Rursum Cyrum Judæis facultatem dedisse non tantum templi, sed et urbis reædificandæ.

Vers. 14. 14. NOS AUTEM MEMORES SALIS, QUOD IN PALATIO COMEDIMUS, — q. d. Nos memores sumus alimoniæ et salarii (hoc enim a sale est dictum) quod nobis in aula dedisti, ut gratum erga te nos alienum animum ostendamus, monemus te de periculo, quod tibi a fabrica urbis Jerusalem imminet, ut eam impediias. Sic Pythagoras hoc symbolo : « Salem et mensam ne prætereas, » suos gratitudinis admonebat, quasi dicat : In rebus prosperis ne memoria excidat gratitudo debita amicis, qui sui salis et mensæ participem te fecerunt. Sal enim notat convivium, quia in eo omnia sale conditum notatur, ut sapient. Hebraice est, quoniam sale palatii convivium. saliti sumus. Ita Septuaginta, id est quoniam in palatio tuo educati sumus. Potest quoque verti : Sale templum salvimus, id est omnino illud destruximus; olim enim cum locum aliquem desolare vellent, seminabant in eo sal.

Vers. 24. 24. TUNC INTERMISSUM EST OPUS DOMUS DOMINI (fabrica templi) IN JERUSALEM, ET NON FIEBAT USQUE AD ANNUM SECUNDUM REGNI DARII REGIS PERSARUM.

Quis hic Darius. Quæres : Quis fuit hic Darius ? Scaliger et Severus Sulpitius, lib. II Histor., censent esse Darium Nothus, qui fuit filius nothus sive spurius Artaxerxis Longimani, ac post eum regnavit 19 annis.

Respon- det Scali- ger fuisse Nothus. facta est vers. 6, esse Xerxem ; Artaxerxem vero de quo vers. 7, esse Longimanum Xerxis filium ; Darium de quo hoc vers. esse Nothus ; Artaxerxem, qui cap. VII, 1, misit Esdram et Nehemiam in Jerusalem, esse Artaxerxem cognomento Mnemonem, Darii Nothi filium et successorem. Quare sub Dario Notho ædificatum fuisse templum, urbem vero Jerusalem sub Artaxerxe Mnemone, atque ab anno secundo Darii Nothi inchoandas esse 70 hebdomades, quæ fluxere usque ad ortum Christi, de quibus Daniel. cap. IX. Ita Scaliger, qui dum unus ipse acrem omnium Chronologorum agit Aristarchum, omnes vicissim

Refuta- tur. in se aciores provocat Aristarchos. Nam sub Dario non Notho, sed Hystaspis filio, qui Cambysis successit, ædificatum esse templum et urbem, patet ex communi Chronologorum, Interpretum et Doctorum consensu. Secundo, ex Josepho, qui id expresse docet. Tertio, ex lib. III Esdræ, cap. IV, vers. 43, ubi Darius hic vovit ædificare templum, si rex fieret, de quo mox plura. Quarto, quia juxta Scaligerum a Cyro, et a soluta captivitate Babylonica usque ad instaurata mœnia Jerusalem, fluxissent

anni 144; tot enim sunt a Cyro usque ad Darium Nothus : quod licet admittat Scaliger, repugnat tamen Aggæus, cap. II, 4, ubi illi qui primitus e Jerusalem in Babylonem captivi abducti fuerant, adhuc superstites, videntes novam novi Zorobabelis templi fabricam, eam præ templo priori Salomonis, quasi parvi vel nullius pretii habuerunt. A combusto autem templo Salomonis per Chaldaeos, usque ad Darium Nothus fluxere anni 176, ait ipse Scaliger. Quis, quæso, illo ævo vitam prorogabat ad annum 176 ? Rursum, si Esdras missus fuit ab Artaxerxe Mnemone in Jerusalem, ergo Esdras vixit ducentos fere annos : genitus est enim a Saraia Pontifice, qui occisus est a Chaldaeis anno primo captivitatis Babylonicae. Insuper Zorobabel, et Jesus filius Josedec, qui sub Cyro præfuerunt reductioni captivitatis, et postea interfuerunt huic reædificationi templi sub Dario, fuissent 130 aut 140 annorum, cum tamen libro III Esdræ cap. III, 4. Zorobabel vocetur « adolescens unus e custodibus Darii. » Fuit ergo hic Darius non Nothus, sed Hystaspis. Ita Josephus, lib. XI Antiq. cap. IV, Eusebius in Chron., S. Hieronymus in cap. IX Daniel. Bellarminus, Genebrardus, Torniellus, Salianus, et passim recentiores. Argumenta Scaligeri solvam Nehemiac cap. XII, 10, et cap. XIII, 28; vult enim ipse Sanaballat, de quo ibi agitur, fuisse coævum Jaddo Pontifici et Alexandro Magno, sed falso. Anno ergo secundo Darii Hystaspis resumpta est templi fabrica per annos novem intermissa, ac sexto ejusdem anno fuit absoluta, scilicet fabrica Sancti et Sancti sanctorum ; nam atrium sive exterior pars templi, et per consequens totum templum quoad omnia consummatum fuit anno 6 Darii, ut habet Josephus, lib. XI, cap. IV, 46. Porro, causa quæ Darium movit ad reædificandum templum, fuit Zorobabel, qui Dario fuit aulicus gratissimus et in deliciis, eique adhuc principi sugessit, ut votum faceret de ædificando templo si crearetur rex : creatus proposita quæstione : « Quid esset omnium fortissimum ? » cum unus dixisset esse vinum, aliis esse mulieres, tertius esse regem, Zorobabel dixit esse veritatem, de eaque re tam sapienter et eleganter disseruit, ut Darius jussit eum petere quicquid vellet : quo auditio Zorobabel ita orsus est lib. III Esdræ cap. IV, 43 : « Memor esto voti tui, quod vovisti, ædificare Jerusalem in die qua regnum accepisti, et omnia vasa quæ accepta sunt ex Jerusalem remittere, quæ separavit Cyrus, quando mactavit Babyloniam, et voluit remittere ea ibi. Et tu vovisti ædificare templum quod incenderunt Idumæi, quando exterminata est Iudea a Chaldaeis. Et nunc hoc est quod postulo, Domine, et quod peto : hoc est, majestas, quod a te postulo, ut facias votum quod vovisti regi cœli ex ore tuo. Tunc surgens Darius rex osculatus est illum, et scripsit epistolas ad omnes dispensatores et prefectos et purpuratos, ut deducerent eum, et eos qui cum illo erant omnes

Fuit Da- rius Hys- taspis.

Darius vovit fa- bricare tem- plum.

ascendentes ædificare Jerusalem. Et omnibus Praefectis qui erant in Syria, et Phœnicio, et Libano scripsit epistolas, ut traherent ligna cedrina a Libano in Jerusalem, ut ædificarent cum eis Civitatem. »

Denique « Darius » Persice significat φρόνιμον, id est prudentem, ait Hesychius. Prudentia enim et providentia est prima dos regis, ad rite gubernandum; unde Herodotus, lib. I, sub finem, hoc de eo Cyri contra Schytas (ubi et periit) tendentis somnum recenset: « Videbatur Cyrus in somniis cernere maximum natu filiorum Hystaspis habentem in humeris alas, quarum altera Asiam, altera Europam inumbraret. Erat ex Hystaspi Achæmenidæ Arsamenis filio, ex liberis natu maximus Darius, unc ferme vigesimum ætatis annum agens, in Perside relictus, quod non maturus militiæ esset. Experrectus Cyrus visum suum intra se retractabat. Quod cum ei magni momenti videtur, vocato Hystaspi, remotis arbitris, inquit: Fi-

lius tuus Hystaspe mihi atque regno meo insidiari deprehensus est. »

Addidit deinde se id rescivisse ex somnio jam dicto, quod Hystaspi enarravit.

« Quapropter tu, ait, celerrime in Persidem revertere, facitoque ut cum ego subactis Massageticis illuc rediero; filium tuum mihi sistas ad causam dicendam. »

Sed occisus Cyrus successorem reliquit Cambysesem, cui successit Darius. Hinc « Darius » Graece idem est quod coercitor. ait Herodotus lib. VI, δαρνηται enim idem est quod vapulabit, a δέρω, id est cædo, verbero, excorio. Hebraice vero « Darius » idem est quod investigator; a rad. שָׁרַד daras, id est, quæsivit, investigavit: hoc est opus prudentis, qualis erat « Darius », qui Persice idem est quod prudens: aut « Darius » idem est quod generatio et duratio: גָּדוֹן enim est generatio et duratio. Apte: Darii enim stirps duravit in imperio Persico usque ad Darium Ochum.

Darii
etymon.

CAPUT QUINTUM.

SYNOPSIS CAPITIS.

Aggæus et Zacharias prophetæ hortantur Judæos ut fabricam templi resumant; qua de re Darium regem consulunt ejus præferti, an id ei placeat.

1. Prophetaverunt autem Aggæus Propheta et Zacharias filius Addo, prophetantes ad Judæos, qui erant in Judæa et Jerusalem, in nomine Dei Israel. 2. Tunc surrexerunt Zorobabel filius Salathiel, et Josue filius Josedec, et cœperunt ædificare templum Dei in Jerusalem, et cum eis prophetæ Dei adjuvantes eos. 3. In ipso autem tempore venit ad eos Thathanai, qui erat dux trans flumen, et Stharbzanaï, et consiliarii eorum: sicque dixerunt eis: Quis dedit vobis consilium ut domum hanc ædificaretis, et muros ejus instauraretis? 4. Ad quod respondimus eis, quæ essent nomina hominum auctorum ædificationis illius. 5. Oculus autem Dei eorum factus est super senes Judæorum, et non potuerunt inhibere eos. Placuitque ut res ad Darium referretur, et tunc satisfacerent adversus accusationem illam. 6. Exemplar epistolæ, quam misit Thathanai dux regionis trans flumen, et Stharbzanaï, et consiliatores ejus Arphasachæi, qui erant trans flumen, ad Darium regem. 7. Sermo, quem miserant ei, sic scriptus erat: Dario regi pax omnis. 8. Notum sit regi isse nos ad Judæam provinciam, ad domum Dei magni, quæ ædificatur lapide impolito, et ligna ponuntur in parietibus, opusque illud diligenter exstruitur, et crescit in manibus eorum. 9. Interrogavimus ergo senes illos, et ita diximus eis: Quis dedit vobis potestatem ut domum hanc ædificaretis, et muros hos instauraretis? 10. Sed et nomina eorum quæsivimus ab eis, ut nuntiaremus tibi: scripsimusque nomina eorum virorum, qui sunt principes in eis. 11. Hujuscemodi autem sermonem responderunt nobis, dicentes: Nos sumus servi Dei cœli et terræ, et ædificamus templum, quod erat exstructum ante hos annos multos, quodque rex Israel magnus ædificaverat et exstruxerat. 12. Postquam autem ad iracundiam provocaverunt patres nostri Deum cœli, tradidit eos in manus Nabuchodonosor regis Babylonis Chaldæi, domum quoque hanc destruxit, et populum ejus transtulit in Babylonem. 13. Anno autem primo Cyri regis Babylonis, Cyrus

rex poposuit edictum ut domus Dei hæc ædificaretur. 14. Nam et vasa templi Dei aurea et argentea, quæ Nabuchodonosor tulerat de templo, quod erat in Jerusalem, et asportaverat ea in templum Babylonis, protulit Cyrus rex de templo Babylonis, et data sunt Sassabasar vocabulo, quem et principem constituit, 15. dixitque ei : Hæc vasa tolle, et vade, et pone ea in templo, quod est in Jerusalem, et domus Dei ædificetur in loco suo. 15. Tunc itaque Sassabasar ille venit et posuit fundamenta templi Dei in Jerusalem, et ex eo tempore usque nunc ædificatur, et necdum completum est. 17. Nunc ergo, si videtur regi bonum, recenseat in bibliotheca regis, quæ est in Babylone, utrumnam a Cyro rege jussum fuerit ut ædificaretur domus Dei in Jerusalem, et voluntatem regis super hac re mittat ad nos.

Vers. 1. 1. ZACHARIAS FILIUS ADDO. — « Filius, » id est nepos, ut patet *Zachar.* I, 1. Hebræi enim nepotes quoslibet vocant filios, ut patet *Matth.* I, 1; *Iudith* VIII, 1, et alibi.

Vers. 5. 5. OCULUS AUTEM DEI, — q. d. Divinæ providentiae, gratiæ et favoris (hujus enim signum et symbolum est oculus benignus, quo Deus Judæos respexit) erga Judæos opus fuit, quod ipse Thathanai Præfecto hanc mentem injecerit, ut non impediret templi urbisque fabricam, licet necdum consuluisset Darium, imo ut scriberet apposite Dario ad utilitatem Judæorum, ac Darius lectis ejus litteris concederet templum restaurari. Nullus enim hostium Judæis se opponebat, ac Darius in Judæos fuit benevolus opera Zorobabelis, qui erat aulicus Darii, ut dixi. Similis phrasis est VII, 6, et *Exodi* XIII, 36, et *Numer.* VI, 25.

Nota : S. Scriptura Deo dat oculos, aures, brachia, pedes, non vere et proprie, ut voluerunt Anthropomorphitæ censemtes Deum habere corpus (quod etiam sensisse videtur Tertullianus, licet eum excusat Pamelius), teste S. Epiphanio et S. Augustino in eorum hæresi; sed metaphorice, ut humano captui se accommodet, ac per humanas actiones et membra Dei attributa significet,

scilicet per oculos, quod omnia videat; per aures, quod omnia audiat; per brachia, quod omnia possit; per pedes, quod sit summe stabilis, constans et æternus. Ita S. Eucherius, *De formulis spirituali.* cap. II.

11. REX ISRAEL MAGNUS, — sapientia, opibus, imperio, fama et gloria, puta Salomon.

15. HÆC VASA TOLLE, ET VADE, ET PONE EA IN TEMPIO, QUOD EST IN JERUSALEM, ET DOMUS DEI ÆDIFICETUR. — Est hysteronproteron, sive ordo præposterus : prius enim erat ædificanda domus Dei sive templum, antequam in ea vasa a Chaldæis ablata reponi possent : ita Cajetanus. Aut certe per templum intellige locum, et gazophylacium vicinum templo jam exusto : in hoc enim inserebantur et servabantur vasa et dona templi.

17. IN BIBLIOTHECA REGIS. — Chaldæus Vers. 17. *בְּבֵית בִּינָ�* bebet quinzaia, id est, ut Septuaginta, *in domo thesaurorum*, vel gazæ regiæ ubi erat Bibliotheca non philosophorum, sed librorum, et scripturarum archivum maxime ad opes, expensas (v. g. quas Cyrus fecerat in templum, cap. VI, 8), census et ad rem nummariam pertinentium. Ita Vatablus. Ita pariter servabantur authentica exemplaria legum et decretorum regiorum.

CAPUT SEXTUM.

SYNOPSIS CAPITIS.

Darius suis sumptibus juxta decretum Cyri perficit templum, quod anno sexto, magna populi lætitia, multis victimis consecratur : mox celebratur Phase per septem dies.

1. Tunc Darius rex præcepit : et recensuerunt in bibliotheca librorum, qui erant repositi in Babylone, 2. et inventum est in Ecbatanis, quod est castrum in Medena provincia, volumen unum, talisque scriptus erat in eo commentarius : 3. Anno primo Cyri regis : Cyrus rex decrevit ut domus Dei ædificaretur, quæ est in Jerusalem, in loco ubi immolent hostias, et ut ponant fundamenta supportantia altitudinem cubitorum sexaginta, et latitudinem cubitorum sexaginta, 4. ordines de lapidibus impolitis tres, et sic ordines de lignis novis : sumptus autem de domo regis dabuntur. 5. Sed et vasa templi Dei aurea et argentea, quæ Nabuchodonosor tulerat de templo Jerusalem, et attulerat ea in Babylonem, reddantur et

referantur in templum in Jerusalem in locum suum, quæ et posita sunt in templo Dei. 6. Nunc ergo Thathanai dux regionis, quæ est trans flumen, Stharuzanai, et consiliarii vestri Apharsachæi, qui estis trans flumen, procul recedite ab illis, 7. et dimittite fieri templo Dei illud a duce Judæorum, et a senioribus eorum, ut domum Dei illam ædificant in loco suo. 8. Sed et a me præceptum est, quid oporteat fieri a presbyteris Judæorum illis, ut ædificetur domus Dei, scilicet ut de arca regis, id est de tributis quæ dantur de regione trans flumen, studiose sumptus dantur viris illis, ne impediatur opus. 9. Quod si necesse fuerit, et vitulos, et agnos, et hædos in holocaustum Deo cœli, frumentum, sal, vinum, et oleum, secundum ritum Sacerdotum, qui sunt in Jerusalem, detur eis per singulos dies, ne sit in aliquo querimonia. 10. Et offerant oblationes Deo cœli, orentque pro vita regis et filiorum ejus. 11. A me ergo positum est decretum: Ut omnis homo qui hanc mutaverit jussionem, tollatur lignum de domo ipsius, et erigatur, et configatur in eo; domus autem ejus publicetur. 12. Deus autem, qui habitare fecit nomen suum ibi, dissipet omnia regna, et populum qui extenderit manum suam, ut repugnet et dissipet domum Dei illam, quæ est in Jerusalem. Ego Darius statui decretum, quod studiose impleri volo. 13. Igitur Thathanai dux regionis trans flumen, et Stharuzanai, et consiliarii ejus, secundum quod præceperat Darius rex, sic diligenter exsecuti sunt. 14. Seniores autem Judæorum ædificabant, et prosperabantur juxta prophetiam Aggæi prophetæ, et Zachariæ filii Addo, et ædificaverunt et construxerunt, jubente Deo Israel, et jubente Cyro, et Dario, et Artaxerxe, regibus Persarum: 15. et compleverunt domum Dei istam, usque ad diem tertium mensis Adar, qui est annus sextus regni Darii regis. 16. Fecerunt autem filii Israel, Sacerdotes et Levitæ, et reliqui filiorum transmigrationis dedicationem domus Dei in gaudio. 17. Et obtulerunt in dedicationem domus Dei, vitulos centum, arietes ducentos, agnos quadringentos, hircos caprarum pro peccato totius Israel duodecim, juxta numerum tribuum Israel. 18. Et statuerunt Sacerdotes in ordinibus suis, et Levitas in vicibus suis, super opera Dei in Jerusalem, sicut scriptum est in libro Moysi. 19. Fecerunt autem filii Israel transmigrationis Pascha, quartadecima die mensis primi. 20. Purificati enim fuerant Sacerdotes et Levitæ quasi unus: omnes mundi ad immolandum Pascha universis filiis transmigrationis, et fratribus suis Sacerdotibus, et sibi. 21. Et comedenterunt filii Israel, qui reversi fuerant de transmigratione, et omnes qui se separaverant a coquinatione Gentium terræ ad eos, ut quærerent Dominum Deum Israel. 22. Et fecerunt solemnitatem azymorum septem diebus in lætitia, quoniam lætificaverat eos Dominus, et converterat cor regis Assur ad eos, ut adjuvaret manus eorum in opere domus Domini Dei Israel.

Vers. 2. 2. IN ECBATANIS. — Hebraice, *in Achmata*; litteræ enim *beth* et *mem* sunt labiales, ideoque sæpe commutantur, et una pro alia substituitur.

IN MEDENA. — Hebraice, *Madal*, id est *Media*; sive regno Medorum, quod a Persis jam erat subjugatum, et in provinciam redactum.

Vers. 3. 3. ALTITUDINEM CUBITOVM SEXAGINTA. — Prius templum Salomonis era^t duplo altius, erat enim altum 120 cubitis; sed ^{et} post Cyrus novum hoc tam alte estrui, ne Ju^ræi ex eo arcem facerent et rebellarent.

ET LATITUDINEM CUBITORVM 60. — Per latitudinem hic accipit extensionem, sive ea fiat in longum, sive in latum. Ita Chaldæus; vetat enim templum extendi quaquam versum ultra 60 cubitos. Inde Lyranus: *Latitudinem*, inquit, hoc est *longitudinem*; longitudo enim templi, id est Sancti

et Sancti sanctorum, erat cubitorum 60; latitudo vero viginti. Ita Ribera, lib. I *De Templo*, capitè XXVIII.

5. POSITA SUNT IN TEMPOLO, — id est ponenda sunt in templo ædificando. Septuaginta, *ut ponantur*. Melius, proprie « posita sunt in templo », id est in gazophylacio templi, ut dixi, cap. V, vers. 15. Narrat enim Darius edictum Cyri jam esse expletum. Cyrus enim præceperat vasa reponi in templo: Darius jam narrat esse reposita, juxta ejus præceptum.

14. ÆDIFICAVERUNT, etc., JUBENTE CYRO, ET DARIO, ET ARTAXERXE. — Hoc refer non ad ædificationem templi in se, puta Sancti et Sancti sanctorum; hæc enim perfecta est anno sexto Darii, versu 15, sed ad consummationem atriorum et ornamentorum templi, et ad prosperitatem oblationum, donorum

et celebritatum templi : hæc enim perfecta est sub Artaxerxe. Rursum templi fabrica consummata fuit sub Dario, urbis vero Jerusalem sub Artaxerxe.

Quæres : Quis fuit hic Artaxerxes, de quo hic et cap. vii et seq.? Nonnulli putant esse Xerxem; hic enim fuit Darii Hystapsis filius eique in regno successit. Neque enim appetat ratio cur Esdras omiserit Xerxem, et per saltum a Dario ayo transiliat ad nepotem Artaxerxem Longimanum; præsertim cum celeberrimus fuerit hic Xerxes, utpote qui undecies centena millia militum duxit in aciem contra Græcos, ac copiis suis terras, classibus maria stravit, ideoque prius fuit terror Græciæ, sed mox ludibrium, cum victus pene solus fugere coactus est. Unde Xerxem speciatim descripsit Daniel, cap. xi, vers. 1. Adde: Xerxes optime in Judæos fuit affectus, ut narrat Josephus, lib. XI *Antiq.* cap. v, quare videtur ipse fabricam templi promovisse. Denique Esdras jam plane grandævus et senex, non videtur post tempora Xerxis idoneus fuisse tam arduæ legationi in Jerusalem, de qua cap. vii, vers. 6. Unde Josephus ait Esdram senem sub Xerxe vita functum non multo post reformatam Rempublicam. Quocirca in hac reformatione clauditur hic liber gestorum Esdræ.

Verum alii passim probabilius censem Artaxerxem hunc esse Longimanum Xerxis filium : primo, quia non Xerxes, sed Longimanus proprie ab omnibus historicis vocatur Artaxerxes; **secundo,** idem liquet ex continuatione hujus historiæ cum historia Nehemiæ, quæ olim unus erat liber cum hoc Esdræ. Nam qui hic dicitur Artaxerxes, et qui cap. vii, anno septimo regni sui misit Esdram in Jerusalem, idem Nehemiæ, cap. ii, vers. 5, dicitur eodem misisse Nehemiam anno regni sui vigesimo : ille autem qui misit Nehemiam, fuit Longimanus, ut ibi patebit. Causa cur Esdras Xerxem omiserit, est quod ille totus occupatus bello Græco,

non cogitarit de Judæis et templo, neo quid opis ad hoc eis contulerit. Porro Josephus confundit Xerxem cum Artaxerxe, nam Xerxi dat 28 annos, cum constet eum nonnisi viginti annos regnasse; quare caeteri octo anni dandi sunt Artaxerxi. De nomine « Artaxerxis » dixi cap. II, vers. 6, quibus adde, quod « Artaxerxes, » Hebraice et Chaldaice dicitur *Artachsasta*, quod Hebraice idem est quod *fervor gaudi*, ait Pagninus a *רָאשׁוֹת rātach*, id est *fervere et bullire*, et *בְּשָׂר b'sar* quod *gaudere*. Aut idem est quod « lumen festinans ponere, » et sic derivatur ab *לֹא or*, id est *lux*, et *chas*, id est *festinare*, et *בְּשָׂר sach*, id est *ponere*. Denique causa cur Artaxerxes tam benevolus fuerit Judæis, fuit Esther, quam multi putant ejus fuisse uxorem; ideoque ab eo suspensus fuit Aman, Mardochæus vero exaltatus. Sed hoc examinabo proœmio in *Esther*.

15. MENSIS ADAR. — *Hic est mensis duodecimus Vers. 15.* et ultimus Hebræorum, qui nostro partim februario, partim martio respondet.

QUI EST ANNUS SEXTUS DARII REGIS. — *Igitur anno sexto Darii pars interior templi, quæ proprie vocabatur « templum, » in quod solis Sacerdotibus ingredi fas erat, perfecta est; sed anno nono Darii omnes templi partes tam interiores quam exteriores, puta atria, porticus, aliaque templi ornamenta perfecta fuere.* Ita Josephus, Ribera, Perrierius, et alii.

20. QUASI UNUS, — *scilicet unanimi consensu, Vers. 20.* quasi omnes fuissent vir unus, unum idemque habentes cor et animum.

21. QUI SE SEPARAVERANT A COINQUINATIONE GENITIUM. — *Vers. 21* Qui relicto Gentilismo facti proselyti, per circumcisionem initiati erant Judaismo.

22. ET CONVERTERAT COR REGIS ASSUR AD EOS. — *Vers. 22.* Hic est Darius rex Persarum, qui dicitur « rex Assur, » quia Assyri olim rerum domini et monarchæ, æque ac Babylonii a Cyro subacti, jam suberant monarchiæ Persarum ac Dario.

CAPUT SEPTIMUM.

SYNOPSIS CAPITIS.

Artaxerxes mittit Esdram in Jerusalem, ut Judæos visitet, instruat, dirigat et regat.

1. Post hæc autem verba, in regno Artaxerxis regis Persarum, Esdras filius Saraiæ, filii Azairæ, filii Helciæ, 2. filii Sellum, filii Sadoc, filii Achitob, 3. filii Amariæ, filii Azariæ, filii Maraioth, 4. filii Zaraiæ, filii Ozi, filii Bocci, 5. filii Abisue, filii Phinees, filii Eleazar, filii Aaron Sacerdotis ab initio. 6. Ipse Esdras ascendit de Babylone, et ipse scriba velox in lege Moysi, quam Dominus Deus dedit Israel : et dedit ei rex, secundum manum Domini Dei ejus super eum, omnem petitionem ejus. 7. Et ascenderunt de filiis Israel, et de filiis Sacerdotum, et de filiis Levitarum, et de cantoribus, et de janitoribus, et de Nathinæis, in Jerusalem, anno septimo Artaxerxis regis. 8. Et venerunt in Jerusalem mense quinto, ipse est annus

septimus regis. 9. Quia in primo die mensis primi cœpit ascendere de Babylone, et in primo die mensis quinti venit in Jerusalem, juxta manum Dei sui bonam super se. 10. Esdras enim paravit cor suum, ut investigaret legem Domini, et faceret et doceret in Israel præceptum et judicium. 11. Hoc est autem exemplar epistolæ edicti, quod dedit rex Artaxerxes Esdræ Sacerdoti, scribæ eruditio in sermonibus et præceptis Domini, et cæremoniis ejus in Israel. 12. Artaxerxes rex regum Esdræ Sacerdoti, scribæ legis Dei cœli doctissimo, salutem. 13. A me decretum est, ut cuicunque placuerit in regno meo de populo Israel, et de Sacerdotibus ejus, et de Levitis, ire in Jerusalem, tecum vadat. 14. A facie enim regis, et septem consiliatorum ejus, missus es, ut visites Judæam et Jerusalem in lege Dei tui, quæ est in manu tua : 15. et ut feras argentum et aurum, quod rex et consiliatores ejus sponte obtulerunt Deo Israel, cuius in Jerusalem tabernaculum est. 16. Et omne argentum et aurum quodcumque inveneris in universa provincia Babylonis, et populus offerre voluerit, et de Sacerdotibus quæ sponte obtulerint domui Dei sui, quæ est in Jerusalem, 17. libere accipe, et studiose eme de hac pecunia vitulos, arietes, agnos, et sacrificia, et libamina eorum, et offer ea super altare templi Dei vestri, quod est in Jerusalem. 18. Sed et si quid tibi et fratribus tuis placuerit, de reliquo argento et auro ut faciatis juxta voluntatem Dei vestri facite. 19. Vasa quoque, quæ dantur tibi in ministerium domus Dei tui, trade in conspectu Dei in Jerusalem. 20. Sed et cætera, quibus opus fuerit in domum Dei tui, quantumcumque necessesse est ut expendas, dabitur de thesauro, et de fisco regis, 21. et a me. Ego Artaxerxes rex, statui atque decrevi omnibus custodibus arcæ publicæ, qui sunt trans flumen, ut quodcumque petierit a vobis Esdras Sacerdos, scriba legis Dei cœli, absque mora detis, 22. usque ad argenti talenta centum, et usque ad frumenti coros centum, et usque ad vini batos centum, et usque ad batos olei centum, sal vero absque mensura. 23. Omne, quod ad ritum Dei cœli pertinet, tribuatur diligenter in domo Dei cœli : ne forte irascatur contra regnum regis, et filiorum ejus. 24. Vobis quoque notum facimus de universis Sacerdotibus, et Levitis, et cantoribus, et janitoribus, Nathinæis, et ministris domus Dei hujus, ut vectigal, et tributum, et annonas, non habeatis potestatem imponendi super eos. 25. Tu autem Esdra, secundum sapientiam Dei tui, quæ est in manu tua, constitue judices et præsides, ut judicent omni populo qui est trans Flumen, his videlicet qui noverunt legem Dei tui, sed et imperitos docete libere. 26. Et omnis qui non fecerit legem Dei tui, et legem regis diligenter, judicium erit de eo, sive in mortem, sive in exsilium, sive in condemnationem substantiæ ejus, vel certe in carcerem. 27. Benedictus Dominus Deus patrum nostrorum, qui dedit hoc in corde regis, ut glorificaret domum Domini, quæ est in Jerusalem, 28. et in me inclinavit misericordiam suam coram rege et consiliatoribus ejus, et universis principibus regis potentibus : et ego confortatus manu Domini Dei mei, quæ erat in me, congregavi de Israel principes qui ascenderent mecum.

Vers. 1. 1. POST HÆC VERBA, — post hæc acta et gesta.

ESDRAS (scriptor hujus libri) FILIUS SARAIÆ, — Pontificis occisi a Chaldæis, et frater Josedec, ac patruus Jesu Pontificis.

Vers. 6. 6. IPSE SCRIBA VELOX IN LEGE MOYSI, — q. d.

Esdras legis Mosaicæ erat peritisimus, in eaque docenda et explicanda promptissimus ; « scriba » ergo idem est quod « legis peritus » vel « legis doctor. » Nota : Sicut Græci olim suos sapientes vocabant Philosophos, Chaldæi Magos, Galli Druydas, Indi Brachmanes, Gymnosophistas ; ita Juðæi suos Doctores vocabant סופרים Sopherim, quod Septuaginta vertunt γραμματεὺς; Noster « scri-

bas » a ספר sepher, id est littera vel scriptura, q. d. Litterati, aut scribæ, eo quod circa S. Litteras describendas, docendas, explicandas versarentur. Scribarum enim officium erat S. Scripturam incorruptam servare, correctæ ejus descriptioni invigilare, illam interpretari tum scripto, tum viva voce : inde responsa conscribere, tractatus confidere, variis modis eam enarrare, etc.; ita S. Epiphanius, *Hæresi* 15. Unde sepher, id est « scriba », derivari potest a ספר saphar, id est enarrare, recensere, ut sopher sit idem quod enarrator legis ; sed Noster et Septuaginta ad etymon sepher respexerunt, ut dixi : sic Grammatici olim

nuncupati sunt qui γράμματα, id est litteras, versabant, et obscuras dubiasque poetarum sententias explicabant. Omne enim Judæorum studium erat in sacris litteris; nam profanas et gentiles vix norant. Ita Jansenius, Toletus, Maldonatus et alii, ubi agunt de legisperitis cum quibus Christus crebro disseruit. Inter hos scribas eminuit Esdras, ut dixi in *Proœmio*. Hinc Elias Germanus, in *Thisbi*: « Scribæ, ait, sunt sapientes, qui alio nomine vocantur magistri: » Sopher ergo idem est quod *Rabbi*, *Rab*, *Rabban*. Idem innuit S. Hieronymus, *epist. 152*.

ASCENDIT DE BABYLONE, — in Jerusalem.

ET DEDIT EI REX (Artaxerxes) SECUNDUM MANUM DOMINI DEI EJUS SUPER EUM, OMNEM PETITIONEM EJUS. — « Manus » significat favorem et operationem, qua Deus faciebat Esdram gratiosum regi, ait Cajetanus, ut rex ei concederet quicquid peteret. Non dubium autem Esdram petuisse a rege, ut Jerusalem restauraretur, et muris cingeretur, ideoque illud impetrasse. Unde ab hoc anno septimo Artaxerxis, et ab hac regis concessione, multi inchoant septuaginta hebdomades, usque ad Christum, ut dixi *Daniel. ix.*

Vers. 7. 7. ANNO SEPTIMO ARTAXERXIS. — A sexto anno Darii, quo absolutum et dedicatum fuit templum usque ad annum septimum Artaxerxis, qui Darii ex filio Xerxe fuit nepos, fluxere anni 57. Quare Esdras tunc erat grandævus et plusquam centenarius, sed fortis adhuc et vegetus, Deo eum sustentante ad commodum populi, ut eum in lege Domini erudiret et expoliret. Unde sequitur:

Vers. 9. 9. ESDRAS ENIM PRÆPARAVIT COR SUUM, UT INVESTIGARET LEGEM DOMINI, (ut scilicet eam cognosceret, et plane perspectam haberet,) ET (deinde) FACERET, (id est opere adimpleret,) ET (denique) DOCERET IN ISRAEL PRÆCEPTUM ET JUDICIUM, — quid scilicet lex fieri, vel non fieri præcipiat, quidque per eam sit justum, vel injustum (hoc enim discernere, est « judicium »), licitum, vel illicitum. Disce hic ab Esdra ordinem docendi esse hunc, primo ut plene discas; secundo, ut quod didi-

cisti, prior ipse facias et opere impleas; tertio, ut idem alios doceas. Sic Christus « cœpit » primo « facere, » deinde « docere, » *Act. i. 1.*

13. A FACIE (id est, jussu et auctoritate), REGIS VERS. 15. ET SEPTEM CONSILIATORUM EJUS. — Persarum enim reges habebant septem summos principes et consiliarios. Unde congrue ad hunc numerum deinceps in Scriptura similiter nominantur septem Angeli primarii quasi principes Dei: « Septem viri aulæ cœlestis. » Nam, ut ait Aristoteles, (vel quisquis est Auctor, lib. *De mundo*, post medium), « majestas et gubernatio regum Persarum fuit imago divinæ majestatis et providentiæ. » Vide dicta *Apoc. i. 4*, ad illa: « Et a septem Spiritibus. »

UT VISITES JUDEAM IN LEGE DEI TUI. — Rex ergo hic constituit Esdram visitatorem Judæorum sibi subjectorum, ut videat an ipsi observent legem Dei, et sicubi ab ea aberrent, eos erudiat, corrigit et castiget.

20. DABITUR DE THESAURO REGIS. — Vide hic pie- VERS. 26. tatem regum Gentilium, scilicet Artaxerxis, qui æque ut Cyrus et Darius, ex suo ærario præstitit sumptus necessarios ad templi ministeria.

24. UT VECTIGAL, etc., NON HABEATIS POTESTATEM VERS. 24. IMPONENDI SUPER EOS. — Hinc patet Judæos fuisse servos et tributarios Persarum; sed rex eorum hic ab omni tributo similive onere publico immunes facit Sacerdotes, Levitas, cæterosque templi ministros. Quod notent Principes Christiani.

25. TU AUTEM ESDRA, etc., CONSTITUE JUDICES ET VERS. 25. PRÆSIDES UT JUDICENT OMNI POPULO, — ut lites dissidentium in populo juridice definiant, et judicialiter decident.

26. ET OMNIS QUI NON FECERIT LEGEM, etc., JUDICIUM ERIT DE EO SIVE IN MORTEM. — Ecce hic rex dat Esdræ, et judicibus ab eo e populo constituendis, potestatem necis in prævaricatores, quam Judæis negarunt Romani: illam enim duntaxat Pilato, cæterisque suis præsidibus concesserunt. Unde Judæi, dicente Pilato, ut ipsi Christum secundum legem judicarent, responderunt: « Nobis non licet interficere quemquam, » *Matth. xxvii.*

CAPUT OCTAVUM.

SYNOPSIS CAPITIS.

Recensentur per familias Judæi, qui cum Esdra e Babylone redierunt in Judæam. Item vasa, munera, hostiæ quas Deo obtulerunt.

1. Hi sunt ergo principes familiarum, et genealogia eorum, qui ascenderunt mecum in regno Artaxerxis regis de Babylone. 2. De filiis Phinees, Gersom. De filiis Ithamar, Daniel. De filiis David, Hattus. 3. De filiis Secheniæ, filiis Pharos, Zacharias: et cum eo numerati sunt viri centum quinquaginta. 4. De filiis Phahath Moab, Elioenai filius Zarehe, et cum eo ducenti viri. 5. De filiis Secheniæ, filius Ezechiel, et cum eo trecenti viri. 6. De filiis Adan, Abed filius Jonathan, et cum eo quinquaginta viri. 7. De filiis Alam, Isaias filius Athaliæ, et

cum eo septuaginta viri. 8. De filiis Saphatiæ, Zebedia filius Michael, et cum eo octoginta viri. 9. De filiis Joab, Obedia filius Jahiel, et cum eo ducenti decem et octo viri. 10. De filiis Selomith, filius Josphiæ, et cum eo centum sexaginta viri. 11. De filiis Bebai, Zacharias filius Bebai, et cum eo viginti octo viri. 12. De filiis Azgad, Johanan filius Eccetan, et cum eo centum et decem viri. 13. De filiis Adonicam, qui erant novissimi : et hæc nomina eorum : Elipheleth, et Jehiel, et Samaias, et cum eis sexaginta viri. 14. De filiis Begui, Uthai et Zashur, et cum eis septuaginta viri. 15. Congregavi autem eos ad fluvium, qui decurrit ad Ahava, et mansimus ibi tribus diebus, quæsivique in populo, et in Sacerdotibus de filiis Levi, et non inveni ibi. 16. Itaque misi Eliezer, et Ariel, et Semeiam, et Elnathan, et Jarib, et alterum Elnathan, et Nathan, et Zachariam, et Mosollam principes : et Joarib, et Elnathan sapientes. 17. Et misi eos ad Eddo, qui est primus in Chasphiæ loco, et posui in ore eorum verba, quæ loquerentur ad Eddo, et fratres ejus Nathinæos, in loco Chasphiæ, ut adducerent nobis ministros domus Dei nostri. 18. Et adduxerunt nobis per manum Dei nostri bonam super nos, virum doctissimum de filiis Moholi, filii Levi filii Israel, et Sarabiam et filios ejus et fratres ejus decem et octo, 19. et Hazabiam, et cum eo Isaiam de filiis Merari, fratresque ejus et filios ejus viginti. 20. Et de Nathinæis, quos dederat David et principes ad ministeria Levitarum, Nathinæos ducentos viginti : omnes hi suis nominibus vocabantur. 21. Et prædicavi ibi jejunium juxta fluvium Ahava, ut affligeremur coram Domino Deo nostro, et peteremus ab eo viam rectam nobis et filiis nostris, universæque substantiæ nostræ. 22. Erubui enim petere a rege auxilium et equites, qui defenderent nos ab inimico in via, quia dixeramus regi : Manus Dei nostri est super omnes qui quærunt eum in bonitate : et imperium ejus, et fortitudo ejus, et furor super omnes qui derelinquunt eum. 23. Jejunavimus autem, et rogavimus Deum nostrum per hoc : et evenit nobis prospere. 24. Et separavi de principibus Sacerdotum duodecim, Sarabiam, et Hasabiam, et cum eis de fratribus eorum decem. 25. Appendique eis argentum, et aurum, et vasa consecrata domus Dei nostri, quæ obtulerat rex et consiliatores ejus, et principes ejus, universusque Israel eorum qui inventi fuerant : 26. et appendi in manibus eorum argenti talenta sexcenta quinquaginta, et vasa argentea centum, auri centum talenta : 27. et crateres aureos viginti, qui habebant solidos milenos, et vasa æris fulgentis optimi duo, pulchra ut aurum. 28. Et dixi eis : Vos sancti Domini, et vasa sancta, et argentum et aurum quod sponte oblatum est Domino Deo patrum nostrorum, 29, vigilate et custodite, donec appendati scoram principibus Sacerdotum, et Levitarum, et ducibus familiarum Israel in Jerusalem, in thesaurum domus Domini. 30. Suscepérunt autem Sacerdotes et Levitæ pondus argenti, et auri, et vasorum, ut deferrent Jerusalem in domum Dei nostri. 31. Promovimus ergo a fumine Ahava, duodecimo die mensis primi, ut pergeremus Jerusalem : et manus Dei nostri fuit super nos, et liberavit nos de manu inimici, et insidiatoris in via. 32. Et venimus Jerusalem, et mansimus ibi tribus diebus. 33. Die autem quarta appensum est argentum, et aurum, et vasa in domo Dei nostri, per manum Meremoth filii Uriæ Sacerdotis, et cum eo Eleazar filius Phinees, cumque eis Jozabed filius Josue, et Noadaia filius Bennoi Levitæ, 34. juxta numerum et pondus omnium : descriptumque est omne pondus in tempore illo. 35. Sed et qui venerant de captivitate filii transmigrationis, obtulerunt holocausta Deo Israel, vitulos duodecim pro omni populo Israel, arietes nonaginta sex, agnos septuaginta septem, hircos pro peccato duodecim : omnia in holocaustum Dominum. 36. Dederunt autem edicta regis satrapis, qui erant de conspectu regis, et ducibus trans Flumen et elevaverunt populum et domum Dei.

Vers. 17. **17.** ET MISI EOS AD EDDO, QUI EST PRIMUS (princeps) IN CHASPHIA LOCO. — « Chasphia » erat pagus, vel vicus in Babylone, in quo habitabant Ju-dæi separati a Chaldæis, cujus pagi vel vici princeps erat « Eddo. »

Vers. 21. **21.** ET PRÆDICAVI (id est indixi et promulgavi commune) JEJUNIUM, etc., UT PETEREMUS AB EO VIAM RECTAM, — ut scilicet Deus via recta nos salvos et incolumes per tot hostes, pericula et anfractus dederet in Jerusalem, omniaque nostra prosperaret.

Vers. 23. **23.** ROGAVIMUS DEUM NOSTRUM PER HOC, (Hebræus et Septuaginta : *Pro hoc*, vel *propter hoc*, ut scilicet propter hoc jejunium dirigeret et prosperaret iter nostrum ; quod et fecit : nam) EVENIT NOBIS PROSPERÆ. — Vide hic quam apud Deum potens

sit oratio armata jejunio, ut videatur Deo vim inferre ad concedendum id quod petitur.

27. ET CRATERES AUREOS 20 QUI HABEBANT (pon-
dus, id est ponderabant) SOLIDOS MILLENOS. — He-
braeus et Septuaginta, *drachmas mille*.

35. OBTULERUNT HOLOCAUTOMATA. — Holocaustum Vers. 35
proprie erat sacrificium, quo tota victima in honorem Dei cremabatur ; sed hic latius sumitur pro qualibet hostia, etiam pro peccato oblata, ut se-
quitur. Vide dicta *Levit. i* et seq.

36. ET ELEVAVERUNT POPULUM, — q. d. Satrapæ Vers. 36
et præfecti Persarum *exaltarunt* Judæos suo pa-
trocino, favore, ope et opibus, promovendo fa-
briac templi, animando, adjuvando, annonam
præbendo, munera offerendo, uti eis præceperat
Artaxerxes cap. præcedenti.

CAPUT NONUM.

SYNOPSIS CAPITIS.

Esdras delictum populi (quod gentilitias duxissent uxores), vestes lacerando, et crines vellendo deplorat : Deumque obsecrat, ut iram a populo avertat.

1. Postquam autem hæc completa sunt, accesserunt ad me principes, dicentes : Non est separatus populus Israel, Sacerdotes et Levitæ, a populis terrarum, et abominationibus eorum, Chananei videlicet, et Hethæi, et Pherezæi, et Jebuzæi, et Ammonitarum, et Moabitarum, et Ægyptiorum, et Amorrhæorum : **2.** tulerunt enim de filiabus eorum sibi et filiis suis, et commiscuerunt semen sanctum cum populis terrarum : manus etiam principum et magistratum fuit in transgressione hac prima. **3.** Cumque audissem sermonem istum, scidi pallium meum et tunicam, et evelli capillos capitis mei et barbæ, et sedi moerens. **4.** Convenerunt autem ad me omnes, qui timebant verbum Dei Israel, pro transgressione eorum qui de captivitate venerant; et ego sedebam tristis usque ad sacrificium vespertinum : **5.** et in sacrificio vespertino surrexi de afflictione mea, et scisso pallio et tunica, curvavi genua mea, et expandi manus meas ad Dominum Deum meum, **6.** et dixi : Deus meus, confundor et eru-besco levare faciem meam ad te : quoniam iniquitates nostræ multiplicatæ sunt super caput nostrum, et delicta nostra creverunt usque ad cœlum, **7.** a diebus patrum nostrorum : sed et nos ipsi peccavimus graviter usque ad diem hanc, et in iniquitatibus nostris traditi sumus ipsi, et reges nostri, et Sacerdotes nostri, in manum regum terrarum, et in gladium, et in captivitatem, et in rapinam, et in confusione vultus sicut et die hac. **8.** Et nunc quasi parum et ad momentum facta est deprecatio nostra apud Dominum Deum nostrum, ut di-mitterentur nobis reliquiæ, ut daretur nobis paxillus in loco sancto ejus, et illuminaret oculos nostros Deus noster, et daret nobis vitam modicam in servitute nostra, **9.** quia servi sumus, et in servitute nostra non dereliquit nos Deus noster, sed inclinavit super nos miseri-cordiam coram rege Persarum, ut daret nobis vitam et sublimaret domum Dei nostri, et exstrueret solitudines ejus, et daret nobis sepem in Juda et Jerusalem. **10.** Et nunc quid dicemus, Deus noster, post hæc? quia dereliquimus mandata tua, **11.** quæ præcepisti in manu servorum tuorum prophetarum, dicens : Terra, ad quam vos ingredimini ut possideatis eam, terra immunda est, juxta immunditiam populorum, cæterarumque terrarum, abomi-nationibus eorum qui repleverunt eam ab ore usque ad os in coinquatione sua. **12.** Nunc

ergo filias vestras ne detis filiis eorum, et filias eorum ne accipiatis filiis vestris, et non quæ ratis pacem eorum, et prosperitatem eorum, usque in æternum : ut confortemini, et comedatis quæ bona sunt terræ, et hæredes habeatis filios vestros usque in sæculum. 13. Et post omnia quæ venerunt super nos in operibus nostris pessimis, et in delicto nostro magno, quia tu, Deus noster, liberasti nos de iniuritate nostra, et dedisti nobis salutem sicut est hodie, 14. ut non converteremur, et irrita faceremus mandata tua, neque matrimonia jungeremus cum populis abominationum istarum. Numquid iratus es nobis usque ad consummationem ne dimitteres nobis reliquias ad salutem ? 15. Domine Deus Israel, justus es tu : quoniam derelicti sumus, qui salvaremus sicut die hac. Ecce coram te sumus in delicto nostro, non enim stari potest coram te super hoc.

2. TULERUNT ENIM DE FILIABUS EORUM SIBI — uxores. Nota : Deus, *Exodi xxxiv*, et *Deuter. vii*, 3, præceperat Judæis ne uxores ducerent Chananæas quæ incolebant terram sanctam a Judæis occupandam, idque ob periculum perversionis; ne scilicet ab idololatris uxoribus pellicerentur ad colendum idola, ut insinuat Nehemias, cap. ult., vers. 24 et 26. Idem judicium erat de Ammonitis, Moabitis, Ægyptiis, etc.: intellige nisi uxores prius abjectis idolis ad Deum verum et Judaismum se converterent; tunc enim licebat eas ducere, uti Salomon duxit Rahab, et Booz duxit Ruth.

Causam peccati Lyranus et Glossa assignant hanc, quod Judæi venientes in Jerusalem, videntes uxores suas ex labore et ærumnis itineris macilentas, rugosas et deformes, eas contempserint, ideoque duxerint e vicinis gentibus juvenculas, vegetas et speciosas.

MANUS ETIAM PRINCIPUM ET MAGISTRATUUM FUIT IN TRANSGRESSIONE HAC PRIMA, — quasi dicat : In hoc opere ducendi uxores gentiles, primi fuere principes, qui alias ab hoc scelere avertere et compescere debuissent. Manus enim adhibetur operi ut illud operemur; atque manu juncta manui sollet dari fides mutua mariti et uxoris.

Vera. 7. 7. SICUT ET DIE HAC, — cernimus, experimur et sentimus plagas jam dictas, quibus Deus dorsa nostra assidue verberat, et peccata nostra flagellat.

Vera. 8. 8. ET NUNC QUASI PARUM ET AD MOMENTUM FACTA EST (grata et exaudita) **DEPRECATIO NOSTRA APUD DOMINUM,** — q. d. Parvum quiddam et parvo, ut verendum est, tempore duraturum deprecatione nostra obtinuimus a Deo, ut scilicet liceret nobis e Babylone redire in patriam. Unde Septuaginta vertunt : *Et nunc ut parum mansuetus est nobis Dominus.* Timebat enim Esdras ne ob conjugia hæc cum Gentilibus inita, Deus rursum iratus reditum in Jerusalem revocaret, impediret, et aliis ærumnis involveret.

ET DARETUR NOBIS PAXILLUS IN LOCO SANCTO EJUS, (ita lege cum Hebræo, Septuaginta, Romanis, non, « pax illius, » q. d. « Et daretur nobis paxillus, » id est modica firmitas (paxillis enim et clavis figebant tabernacula, trabes et ligna, ut firma cōsisterent) habitationis nostræ in Jerusalem.

Unde Septuaginta pro « paxillus, » vertunt *firmamentum.* Ita Cajetanus, Vatablus et alii. Symbolice, « paxillus » significat principes et magistratus e gente Judaica : ab his enim pendebat populus, sicut vas vel trabs pendet a paxillo, ut dixi *Isaiæ xxii*, 23, ad illa Dei de Eliacim Pontifice : « Et figam illum paxillum in loco fidei, et erunt in solium gloriæ domui patris ejus. » Esdras ergo pro magno beneficio computat, quod Artaxerxes Judæis dederit gente sua principes et magistratus, qui eos secundum leges et instituta patria regerent, et in vero Dei cultu promoverent; si enim Persas deditisset, parum illi Dei cultum conservare curassent. Et hoc beneficio) **ILLUMINARET** (id est recrearet, læticaret (sicut enim tenebræ tristitiae, sic lux lætitiae est symbolum et causa) **OCULOS NOSTROS DEUS NOSTER : ET DARET NOBIS VITAM MODICAM IN SERVITUTE NOSTRA.** — « Vitam, » intellige jucundam, liberam et lætam; nam vivere in mœrore et servitute, mors potius est quam vita. Adde quod tradit Xenophon, lib. VII *Cyropaediae*, Cyrus, cum capta Babylone Persæ sœvrent in cives, præcepisse ut parcerent et vitam darent eis qui loquerentur lingua Syriaca, id est Judaice : hanc enim mentem ei indidit Deus in gratiam Judæorum.

9. ET EXSTRUERET SOLITUDINES, (ita vocat ruinas et domos desolatas in Jerusalem, quæ jam restaurabantur :) **ET DARET NOBIS SEPEM** — (ita lege cum Romanis non « spem, » ut legunt alii,) id est munimen, tutelam et securitatem a Samaritis, aliisque hostibus qui nunc sub Cambyses fabricam urbis et templi impediverunt; idque factum est per favorem Artaxerxis, tam benevoli tamque potentis monarchæ.

11. QUI REPLEVERUNT EAM AB ORE USQUE AD OS IN COINQUINATIONE SUA, — id est impleverunt eam ab omni parte, sicut vas impletur ab ore ad os, id est, ab una extremitate usque ad aliam aceto, aliave liquore. Addit Sanchez : « Os, ait, mensuram denotat, quia mensura omnis maxime liquidorum orificium habet, quod est in vase sumnum, et ubi magna est alicujus liquoris abundantia, ex uno vase jam pleno in aliud per canalem transfunditur, et inde rursus in aliud, donec omnia vasa ad summum expleantur. » Quo dicendi modo

multæ provinciæ significantur plenæ abominatione gentilitia.

Vers. 12. 12. NUNC ERGO, — sunt verba Dei prohibentis, ne quis ducat uxorem gentilem.

ET NON QUÆRATIS PACEM EORUM ET PROSPERITATEM EORUM, — q. d. Ne curetis, ametis, quæratis prosperitatem Gentium vicinarum, quæ pace fruentes abundant opibus et deliciis, ut propterea cupiatis cum eis fœdus et matrimonia inire; sed potius Deo vestro servite in terra vestra, ab eo que prospera omnia petite et exspectate. Secundo, q. d. Non sitis solliciti de Gentium vicinarum pace et prosperitate, ut de ea gaudeatis; et si illa eis auferatur, doleatis; nolo enim vos cum eis amicificiam inire, et matrimonia jungere, sed potius cupio vos ab eis esse aversos et inimicos, ut eos conculeatis, evertatis et excindatis, ut jussit Deus, Exodi xxiii, 32.

Vers. 13. 13. ET POST OMNIA QUÆ VENERUNT SUPER NOS IN OPERIBUS (id est propter opera: est enim יְהוָה pretii sive meriti) NOSTRIS PESSIMIS, ET IN DELICTO NOSTRO, (magno idololatriæ, quo sub Salomone, Manasse, Jechonia, etc., relicto Deo coluimus idola gentium;) QUIA TU DEUS NOSTER LIBERASTI NOS (e captivitate Babylonica, in quam ob peccata nostra incideramus,) ET DEDISTI NOBIS SALUTEM (liberatem, ut salvi rediremus in Jerusalem) SICUT EST HODIE, — id est sicut hodie factum cernimus, gaudemus et gratulamur; idque, Domine, fecisti hoc fine, ut tanto beneficio tuo illecti,

Vers. 14. 14. Non CONVERTEREMUR — ad pristina idola et vitia. Nota: Tō ki, id est quia, hic non sumitur propriæ ut significet causam, sed improprie idque dupliciter; primo ut sit particula nil significans,

Quia ali- quando sumitur ut sit pant ṫō ki, præsertim cum rem gravem vel ex-particula redundans. sed per pleonasmum redundans et ornatus causa duntaxat addita: sic enim Hebrei saepè usurpat sit pant ṫō ki, præsertim cum rem gravem vel ex-particula miam, vel valde desideratam aut gratam significare volunt, ut Joan. IV, ubi Christus ait Samari-tanæ: « Bene dixisti, quia non habeo virum; » id est me non habere virum. Et Osee, cap. x, vers. 35: « Quia luxit super eum populus. » Et cap. eodem, vers. 3: « Quia nunc dicent: Non est rex nobis. » Et Psalm. xvii, quater particula יְהוָה Hebraice ad ornatum ponitur, et quoniam latine, quæ illi respondet, quæ idem valet quod quia, vers. 31, 32, 33, 35. Quare sensus erit: Post hæc omnia, quæ propter nostra opera scelerata pertulimus, tu Deus noster liberasti nos. Ita Sanchez.

Quia p. tamen. Secundo, magis nervose Vatablus pro quia vertit tamen. Hebraice enim ki, id est quia, saepè est adversarium et sumitur pro sed, tamen, verumtamen, ut Isaiae xxxvi: « Numquid parturiet terra in una die? quia parturivit et peperit Sion; » id est non poterit parere uno die terra; verumtamen poterit Sion. Psalm. xxxvi, cum dixisset David de justis: « Non confundentur in tempore malo; » subjicit de impiis: « Quia peccatores peribunt; » id est, verumtamen peccatores peribunt. Et Psal. xlii, cum dixisset de peccatoribus: « Trepidave-

runt timore, ubi non erat timor; » de justis statim subjicit: « Quoniam Dominus in generatione justa est, » id est verumtamen Deus cum justis erit et ideo non timebunt.

Sic et hic: unde Vatablus vertit: Posteaquam vero omnia hæc venerunt super nos propter opera nostra mala, et propter ingentia delicta nostra; tamen, o Deus noster, pepercisti, ne nos deprimeres ob iniquitates nostras. Admiratur enim Esdras immensam Dei in Judæos clementiam, quod eos ob tanta scelera in Babylone non dereliquerit, nec plane disperdiderit, sed pepercit; quin et novis magnisque donis auxerit, nimirum libertate, reditu in patriam, restauratione urbis et templi; adeo ut beneficiis suis cum ipsorum ingratitudine et maleficiis certasse videatur. Hæc est divina clementia omnem humanam superans, et Deo soli propria.

NUMQUID IRATUS ES NOBIS USQUE AD CONSUMMATIONEM (ut nos plane disperderes et consumeres) NE DIMITTERES NOBIS RELIQUIAS AD SALUTEM? — ne scilicet ex tot millibus Judæorum salvares paucos aliquos, quasi populi reliquias? q. d. Minime gentium: licet enim tu id optimo jure nobis facere potuisses ob nostra scelera, tamen noluisti. Vicit enim tua clementia tuam justitiam, ut non tantum paucas reliquias, sed multa millia Judæorum tam in Judæa quam in Babylone salvaris, et in vita conservaris, quæ pristinum Israelis ac Reipublicæ et Ecclesiæ tue decus et splendorem quasi emortuum suscitabunt, et redivivum gloriosumque exhibebunt.

15. DOMINE DEUS ISRAEL, JUSTUS ES TU: QUONIAM Vers. 15. DERELICTI SUMUS QUI SALVAREMUR SICUT DIE HAC, — appetet et ab omnibus cernitur, q. d. Multi quidem e nobis perierunt ob peccata, quia justo tuo judicio eos condemnasti; non pauci tamen in vita superstites derelicti sunt qui salvarentur: qua in re excessum quemdam justitiae fecisti, ut justissimus sis et dicaris, eo quod non omnes perdideris, uti juste poteras; sed multos salvaris, ut justitiam tuam clementia magna temperares; imo justitia tua sineret se vinci a tua clementia, aut potius ipsa se converteret in clementiam, faceretque ut clementia justitiae locum occuparet. Hic enim est excessus justitiae, cum justitia locum suum cedit clementiae, imo in eam se commutat et transformat.

ECCE CORAM TE SUMUS IN DELICTO NOSTRO, — q. d. Reos nos tibi sistimus gravissimi delicti, scilicet quod uxores gentilitias duxerimus.

NON ENIM STARI POTEST CORAM TE SUPER HOC, — q. d. Non potest hoc ulla ratione negari, excusari, velari, vel defendi; Hebreus: Non enim est stare coram te super hoc; quin in judicio causa cedamus, judicemurque peccatores, ingrati, et rei læsæ divinae majestatis. Quare præ pudore vultum velamus, imo in terram projicimus, flagitantes gratiam et misericordiam tuam. Talis debet esse pœnitentium sensus et oratio, pudor et contritio.

CAPUT DECIMUM.

SYNOPSIS CAPITIS.

Esdras mandat dimitti uxores gentilicias ; designantur praefecti qui hoc mandatum exsequantur ; recensentur ii qui gentilicias duxerant.

1. Sic ergo orante Esdra, et implorante eo, et flente, et jacente ante templum Dei, collectus est ad eum de Israel cœtus grandis nimis virorum, et mulierum, et puerorum, et flevit populus fletu multo. 2. Et respondit Sechenias filius Jehiel de filiis Aélam, et dixit Esdræ : Nos prævaricati sumus in Deum nostrum, et duximus uxores alienigenas de populis terræ : et nunc, si est pœnitentia in Israel super hoc, 3. percutiamus foedus cum Domino Deo nostro, ut projiciamus universas uxores, et eos qui de his nati sunt, juxta voluntatem Domini, et eorum qui timent præceptum Domini Dei nostri : secundum legem fiat. 4. Surge, tuum est decernere, nosque erimus tecum : confortare, et fac. 5. Surrexit ergo Esdras, et adjuravit principes Sacerdotum et Levitarum, et omnem Israel, ut facerent secundum verbum hoc, et juraverunt. 6. Et surrexit Esdras ante domum Dei, et abiit ad cubiculum Johanan filii Eliasib, et ingressus est illuc, panem non comedit, et aquam non bibit : lugebat enim transgressionem eorum qui venerant de captivitate ; 7. et missa est vox in Juda et in Jerusalem omnibus filiis transmigrationis, ut congregarentur in Jerusalem : 8. et omnis qui non venerit in tribus diebus juxta consilium principum et seniorum, auferetur universa substantia ejus, et ipse abjicietur de cœtu transmigrationis. 9. Convenerunt igitur omnes viri Juda et Benjamin in Jerusalem tribus diebus, ipse est mensis nonus, vigesimo die mensis : et sedit omnis populus in platea domus Dei, trementes pro peccato, et pluviis. 10. Et surrexit Esdras Sacerdos, et dixit ad eos : Vos transgressi estis, et duxistis uxores alienigenas, ut adderetis super delictum Israel. 11. Et nunc date confessionem Domino Deo patrum vestrorum et facite placitum ejus, et separamini a populis terræ, et ab uxoriibus alienigenis. 12. Et respondit universa multitudo, dixitque voce magna : Juxta verbum tuum ad nos, sic fiat. 13. Verumtamen quia populus multus est, et tempus pluviae, et non sustinemus stare foris, et opus non est diei unius vel duorum (vehementer quippe peccavimus in sermone isto), 14. constituantur principes in universa multitudine : et omnes in civitatibus nostris qui duxerunt uxores alienigenas, veniant in temporibus statutis, et cum his seniores per civitatem et civitatem, et judices ejus, donec avertatur ira Dei nostri a nobis super peccato hoc. 15. Igitur Jonathan filius Azahel, et Jaasia filius Thecue, steterunt super hoc, et Mesollam, et Sebethai Levites adjuverunt eos : 16. feceruntque sic filii transmigrationis. Et abierunt Esdras Sacerdos, et viri principes familiarum, in domos patrum suorum, et omnes per nomina sua, et sederunt in die primo mensis decimi ut quererent rem. 17. Et consummati sunt omnes viri, qui duxerant uxores alienigenas, usque ad diem primam mensis primi. 18. Et inventi sunt de filiis Sacerdotum qui duxerant uxores alienigenas. De filiis Josue filii Josedec, et fratres ejus, Maasia, et Eliezer, et Jarib, et Godolia. 19. Et dederunt manus suas ut ejicerent uxores suas, et pro delicto suo arietem de ovibus offerrent. 20. Et de filiis Emmer, Hanani, et Zebedia. 21. Et de filiis Harim, Maasia, et Elia, et Semeia, et Jehiel, et Ozias. 22. Et de filiis Pheshr, Elioenai, Maasia, Ismael, Nathanael, Jozabed, et Elasa. 23. Et de filiis Levitarum, Josabed et Semei, et Celaia, ipse est Calita, Phataia, Juda, et Eliezer. 24. Et de cantoribus, Eliasib. Et de jamitoribus, Sellum, et Telem, et Uri. 25. Et ex Israel, de filiis Pharos, Remeia, et Jezia, et Melchia, et Miamin, et Eliezer, et Melchia, et Banea. 26. Et de filiis Aélam, Mathania,

Zacharias, et Jehiel, et Abdi, et Jerimoth, et Elia. 27. Et de filiis Zethua, Elioenai, Eliasib, Mathania, et Jerimuth, et Zabad, et Aziza. 28. Et de filiis Bebai, Johanan, Hanania, Zabbai, Athalai. 29. Et de filiis Bani, Mosollam, et Melluch, et Adaia, Jasub, et Saal, et Ramoth. 30. Et de filiis Phahath, Moab, Edna, et Chalal, Banaias, et Maasias, Mathanias, Beseleel, Bennui, et Manasse. 31. Et de filiis Herem, Eliezer, Josue, Melchias, Semeias, Simeon, 32. Benjamin, Maloch, Samarias. 33. Et de filiis Hasom, Mathanai, Mathatha, Zabad, Eliphelet, Jermai, Manasse, Semei. 34. De filiis Bani, Maaddi, Amram, et Vel, 35. Baneas, et Badaias, Cheliau, 36. Vania, Marimuth, et Eliasib, 37. Mathanias, Mathanai, et Jasi, 38. et Bani, et Bennui, Semei, 39. et Salmias, et Nathan, et Adaia, 40. et Mechnedebai, Sisai, Sarai, 41. Ezrel, et Selemiau, Semeria, 42. Sellum, Amaria, Joseph. 43. De filiis Nebo, Jehiel, Mathathias, Zabad, Zabina, Jeddus, et Joel, et Banaia. 44. Omnes hi acceperant uxores alienigenas; et fuerunt ex eis mulieres quæ pepererant filios.

Vers. 1. 1. **SIC PAGO ORANTE ESDRA ET IMPLORANTE** (Dei misericordiam), **ET ELENTE, ET JACENTE ANTE TEMPLUM.** — Fecit hoc Esdras, ut populum ad poenitentiam inveterati abusus ducendi alienigenas, sua oratione et fletu impelleret; ipse enim confitetur et deflet hic peccatum non suum, sed populi, ejusque personam et peccatum in se suscipit (æque ac fecit Christus, cuius Esdras hic est typus), ideoque publicam orationem instituit, cum gemitu et lacrymis prostratus in terram, et jacens ante templum, quasi indignum se existimans qui templum ingredieretur, ibique oraret; utque ante templum orans et plorans, ut habent Septuaginta, a toto populo circumfuso audiretur.

Vers. 2. 2. **ET NUNC SI EST POENITENTIA IN ISRAEL SUPER HOC.** — Hebræus et Septuaginta: *Si est spes, scilicet Deum per poenitentiam placandi.* « Poenitentia » enim est dolor de peccatis cum spe veniae impetrandæ. Qui enim non habet spem veniae non poenitet, sed desperat instar Judæ. Quare poenitentia includit spem remissionis peccati.

Vers. 3. 3. **PERCUTIAMUS FOEDUS CUM DOMINO DEO NOSTRO, UT PROJICIAMUS UNIVERSAS UXORES** (alienigenas), **ET EOS QUI DE HIS NATI** (ne natorum intuitus et amor nos sollicitet ad revocandas eorum matres alienigenas. Verum cum hi sint filii nostri, impium et inhumanum foret eos omnino abjicere: quare abjiciamus eos non plane et absolute, sed) **JUSTA VOLUNTATEM DOMINI, ET PRÆCEPTUM EORUM QUI TIMENT DOMINUM,** — ut scilicet modum abjiciendi, quem viri sapientes et timentes Deum nobis præscripserint, exsequamur.

Vers. 5. 5. **ET JURAVERUNT,** — se uxores alienigenas absolute et omnino dimissuros; filios vero ex eis procreatos non absolute, sed juxta consilium Esdræ et sapientum Deum timentium a se ablegaturos. Sapientes autem hunc modum præscripserunt, ut filios a se et domo sua amandarent ad collegia et paedagogia ad hoc instituta et instituenda, ut in iis a viris prudentibus erudirentur in vera Dei fide, timore et cultu, ac in bonis moribus. Ita Cajetanus.

Magna fuit hæc resolutio Judæorum, plane se-

ria poenitentia, et juramentum valde arduum. Jurant enim se uxores suas, quibus ardore magno tot annos agglutinati fuerant, quasque amabant ut viscera sua, abjecturos, ut Dei voluntati legi que satisfiant; idem facturos de prolibus, quos ut sua membra, imo ut vivas sui imagines, ac ut alteros se, utpote in quibus post mortem superstites futuri, et in hominum memoria continue victuri erant, abjecturos et spem posteritatis quasi succisuros, q. d. Malumus placere Deo, quam uxoribus et filiis nostris; malumus gratiam Dei, quam uxorum. Deum enim amamus supra omne amabile: quare ut ejus amori, religioni et legi obsequamur, illos a Deo nobis dilectos abdicabimus, et quasi membra nostra a nobis dissecabimus. Imitabimur Abraham patrem nostrum, qui unicum suum Isaac Deo immolare voluit.

Nota: Nonnulli cum Bellarmino, lib. I *De Matrim.* cap. xxiii, censem hæc matrimonia Judæorum cum alienigenis fuisse irrita et nulla, eo quod lex *Exod.* xxiii, et *Deut.* vii, vetans illa, videatur eadem pariter irritare et annullare. Probabilius Cajetanus et alii censem illa lege fuisse duntaxat vetita, non autem irrita. Lex enim nil tale exprimit, quo significet illa esse nulla. Dissolvit tamen ea Esdras, quia in lege connubia solvi poterant per libellum repudii Judæis permisum, ac proinde hoc casu debebant solvi, utpote contra legem inita, et vetita ob periculum idolatriæ.

6. **ET SURREXIT ESDRAS ANTE DOMUM DEI, ET ABIIT** Vers. 6
AD CUBICULUM JOHANAN FILII ELIASIB. — Hic « *Eliasib* » fuit Pontifex, ac filius Joacim. Hæc enim fuit series Pontificum illius ævi: Saraia occiso a Chaldæis successit filius Josedec, huic Jesus, huic Joacim, huic Eliasib, ut patet *Nehem.* XII, 22, videtur ergo Joacim jam fuisse mortuus, ut ei successerit Eliasib, uti asserit Josephus, lib. XI, cap. v, et Eusebius in *Chron.* Certe anno Artaxerxis viigesimo Eliasib fuisse Pontificem, liquet *Nehem.* cap. III, vers. 1.

7. **ET MISSA EST VOX IN JUDA,** — q. d. Missus est Vers. 7
præco qui sua voce omnes Judæos citaret, et convocaret in Jerusalem sub poena excommunicatio-

Matri-
monia
Judæo-
rum cum
alienige-
nis irri-
ta.

nis et confiscationis bonorum, ut audirent mandatum Esdræ et principum de dimittendis uxori bus gentiliis. Porro sub Juda et Benjamin intellige caeteros Israelitas, qui se tribui Judæ aggregarant sub Duce Zorobabele et Jesu Pontifice.

Vers. 9.

9. IPSE EST MENSIS NONUS, VIGESIMO DIE MENSIS.—
Nota : Hebræi utebantur mensibus non solaribus ut nos, sed lunaribus. Una enim lunatio sive unus lunæ per Zodiacum cursus, unum constituebat mensem. Porro primus mensis erat is cuius novilunium proximius erat æquinoctio verno, quod modo incidit sub diem 21 martii : tunc enim liberati fuerunt Hebræi ex Ægypto per primam celebrationem Paschæ et Agni Paschalis in mense primo. Primus hic mensis vocabatur Nisan, qui respondebat nostro partim martio, partim aprilii. Vide dicta *Exodi* xii. Nonus ergo mensis, de quo hic, vocabatur Casleu, qui respondebat nostro partim novembri, partim decembri. Ordo enim mensium Hebræorum est hic : Nisan, Jiar, Sivan, Tammuz, Ab, Elul, Tisri, Merchesvan, Casleu, Tevet, Sabat, Adar. Ita Genebrardus in *Calendario Hebraeorum*.

ET SEDIT OMNIS POPULUS IN PLATEA DOMUS DEI, TREMENTES PRO PECCATO ET PLUVIIS,—q. d. Tremebant interius ex conscientia sceleris eos exigitante, quod scilicet uxores gentilitias duxissent, contra legem Dei : tremebant pariter exterius ob pluvias et frigora ; erat enim november.

Vers. 11.

11. ET NUNC DATE CONFESSIONEM DOMINO DEO.—
Hebræus, Date תְּהִלָּה todhah, id est confessionem, laudem, gloriam, q. d. Pœniteat vos, ac confitemini Domino reatum peccati vestri, cum serio et efficaci satisfactionis et emendationis proposito, repudiandi scilicet uxores alienigenas. Hæc enim confessio et pœnitentia vestra valde Deum laudabit et glorificabit. Nam primo testabitur ipsum esse justum, vos vero peccatores ; secundo, subdet vos Deo Deique voluntati et legi ; tertio, abdicabit a vobis periculum idolatriæ ; quarto, separabit vos quasi fideles et sanctos a contactu et contaminatione infidelium et immundorum. Vide dicta *Josue* vii, 19, ubi Josue ait ad Achan : « Fili, da gloriam Deo. »

Vers. 14.

14. CONSTITUANTUR PRINCIPES,—qui exsequantur edictum jam editum, ac carent, ut singuli, qui uxo-

res alienigenas duxerunt, eas dimittant. Hinc videtur edictum hoc exsecutioni mandatum fuisse, ac singulos partim sponte, partim coactos a principibus dimisisse uxores gentilitias ; id enim factum esse expresse narrat Josephus, lib. XI, cap. v, ac lib. III *Esdre* cap. ix, 36. Negat tamen hoc Cajetanus, aitque Esdram non prævaluuisse, ut id posset exequi ob multitudinem resistantium, qui uxoris suis agglutinati erant, sed id perfecisse post decem annos Nehemiam, cap. XIII, 23 : « In diebus, inquit, illis vidi Judæos ducentes uxores Azotidas, Ammonitidas, Moabitidas ; et filii eorum ex media parte loquebantur Azotice, et nesciebant loqui Judaice, et loquebantur juxta linguam populi et populi. »

Verum hic locus non convincit. Dicit enim potest, estque valde probabile, Judæos post tot promissiones, juramenta, lacrymas et gemitus rediisse ad vomitum, ac easdem uxores alienigenas revocasse, vel alias similes duxisse. Nam diserte totus populus hoc loco consensit Esdræ in alienigenarum repudium, ut patet versu 12, ubi dicitur : « Et respondit universa populi multitudo, dixitque voce magna : Juxta verbum tuum ad nos (sicut locutus es et edixisti nobis) sic fiat. »

17. ET CONSUMMATI SUNT (plane et plene numerati, annotati, et in catalogum redacti sunt) **OMNES VIRI, QUI DUXERUNT UXORES ALIENIGENAS.** — Unde eorum nomina deinceps fuse recensentur etiam sacerdotum ; quæ res indicat magnam fuisse tunc morum corruptionem, ut sacerdotes quoque perversit. Porro, « sicut populus, sic sacerdos, » ait Isaias cap. xxiv, vers .2.

44. OMNES HI ACCEPERUNT UXORES ALIENIGENAS, ET FUERUNT EX ILLIS MULIERES QUÆ PEPPERANT FILIOS. — Pro « pepererant, » Hebraice est יָשִׁים iasimu, id est posuerunt; quod nonnulli sic explicant, q. d. Mulieres nonnullæ alienigenæ filios suos, quos ex Judæis conceperant, exposuerunt arbitrio et voluntati judicum, ut ejicerent eos, aut retinarent. Verum hæc res non spectabat ad mulieres, sed ad maritos, et ad judices, qui hic cum viris, non cum uxoris, rem et causam egerunt. Igitur mulieres ponere filios idem est quod parere filios, ut vertit Noster, Septuaginta, Vatablus et alii.

LIBER NEHEMIAE.

ARGUMENTUM.

Nehemias primitus, ut patet *Esdræ* I, 23, ante Esdram (qui sub Artaxerxe rediit), sub Cyro cum Zorobabele et populo, Babylone reversus fuerat in Jerusalem, ut eam cum templo reædificaret. Unde eum ibi invenit Esdras, ut patet *Esdræ* I, cap. viii, 9; verum cum Samaritani sub Cambyse Cyri filio fabricam urbis et templi impedirent per novem annos, Nehemias regressus est cum Zorobabele Babylonem, fuitque pincerna Artaxerxis; unde anno ejus vigesimo facultate ab eo impestrata restaurandæ urbis, rediit secundo in Jerusalem, eamque instauravit, et muris undique cinxit, spatio duodecim annorum, scilicet ab anno 20 Artaxerxis usque ad annum 32 ejusdem, ut patet cap. xiii, 6; quo facto, tertio rediit Babylonem, indeque tertio reversus est in Jerusalem, ibique paulo post mortuus. Audi Josephum, libro XI, capite v in fine: « Post hæc, inquit, et alia multa honesta et laude digna opera, Nehemias jam senex defunctus est. Vir ad virtutem et justitiam natus, et in populares suos beneficentissimus, relicto sempiterno sui monumento in Hierosolymitanis mœnibus. »

Zorobabel autem in Babylone mansit; ibique mortuus est, ut tradunt Hebræi in *Seder-Olam*, et lib. III *Esdræ* cap. III, IV et VI.

Quæres: Quis et qualis fuit Nehemias? Severus Sulpitius, S. Isidorus et Sextus Senensis in *Nehemias* censem eum fuisse de tribu Juda. Verum sacerdotem eum fuisse ideoque oriundum ex tribu Levi, liquet II *Machab.* II, 21. Porro fuit ipse auxilius Artaxerxis, imo pincerna; unde ab eo obtinuit facultatem urbem reædificandi, idque fecit magno labore, magna fortitudine assidue certando cum hostibus fabricam impedientibus. Artaxerxes hic fuit Longimanus Xerxis filius, sub quo Pontifex Judeorum erat Eliasib filium Joacim, nepos Jesu Nehemias familiaris et adjutor. Porro, Nehemias præter hunc librum scripsit alium de rebus quæ Judæis post redditum in Jerusalem contigerunt, cuius fit mentio II *Machab.* II, 13: « Inferebantur autem in descriptionibus et commentariis Nehemias hæc eadem; et ut construens Bibliothecam congregavit de regionibus libros et Prophetarum, et David, et Epistolas Regum, et de donariis.

An unus Nehemias. Quæres secundo an hic Nehemias sit idem cum Nehemias, cuius meminit Esdras, cap. II et seq. Nonnulli censem esse diversum: probant primo,

quia ille Esdras fuit unus e ducibus redeuntium e captivitate sub Cyro; quare tunc erat viginti annorum ut minimum. A primo autem anno Cyri usque ad annum 32 Artaxerxis Longimani, ad quem Nehemias hic noster pervenit, ut patebit cap. xiii, 6, fluxere 96. Quare tunc Nehemias erat ut minimum centum et sedecim annorum, ac proinde ineptus ad officium pincernæ Artaxerxis, multo ineptior ad laboriosam istam legationem, et profectionem e Jerusalem in Persidem ad Artaxerxem, de qua cap. XIII, 6; secundo, quia Nehemias hic passim de se loquitur in prima persona: de Nehemia autem Esdræ socio loquitur Scriptura in tertia persona, ut patet cap. VII, 63, et cap. viii, 9; tertio, quia Nehemias hic vidit Jaddum qui fuit Pontifex, et occurrit Alexandro Magno, ut innuitur cap. XII, 11; debuisset ergo Nehemiasesse ducentorum annorum (tot enim sunt ab Esdra et Cyro usque ad Alexandrum) et amplius.

Verum plures censem unum eumdemque esse Nehemiam, non duos, idque videtur verius. Nam Nehemias tam in hoc libro, quam in libro Esdræ, vocatur Athersatha. Audi lib. I, cap. viii, 9: « Dixit autem Nehemias (ipse est Athersatha) et Esdras sacerdos; » secundo, quia quod de Athersatha, id est Nehemia, dicitur I *Esdræ* cap. II, 63, scilicet eum præcepisse ut sacerdotes incerti et dubii non comedenter de victimis sanctificatis, donec oraculo pontificis constaret ipsos esse veros sacerdotes; idem prorsus de eodem dicitur Nehemias cap. VII, 63; tertio, quia hic Nehemias cap. VII, 7, dicitur cum Zorobabel et Josue, sive Jesu filio Josedec, sub Cyro, venisse in Jerusalem; quarto, quia cap. viii, 9, Nehemias cum Esdra interpretatus est legem populo. Ergo unus fuit Nehemias idemque Esdræ socius, eo tamen junior. Ita Salianus, Sanchez et alii.

Ad primum respondeo, Nehemiam fuisse longævum, adeoque fortem et vegetum a Deo in multam senectam conservatum, in commodum populi, ut Jerusalem reædificaret, et civium causam apud Artaxerxem ageret. Sic et Esdras fuit 132 annorum et amplius, ut in procœmio *Esdræ* ostendi.

Ad secundum respondeo, Nehemias hujus libri est auctor, ideoque hic subinde loquitur de se in prima persona, et non semper; nam in tertia persona de se loquitur, VII, 7 et 70, ac VIII, 9.

Ad tertium respondebo, cap. XII, vers. 11.

Nehemias fuit typus Christi tam nomine quam re: Nehemias enim Hebraice idem est quod consolator Dei; quia ipse a Deo missus est ad solatium populi, ut eum roboraret in reædificanda Jerusalem. Sic Christus a Patre missus est in carnem, ut consolaretur lugentes in Sion, ait Isaías cap. LXII, utque Ecclesiam veterem labantem restauraret, et in novam sanctamque transformaret, adeoque ut singulorum Christianorum animas ficeret urbes, imo templa Dei: ita Beda, Glossa, alii atque S. Hieronymus, epist. ad Paulinum, cujus verba recitavi procœmio in Esdram.

Rursum Nehemias fuit uti genere et stirpe, sic et vitæ sanctitate magnisque animi dotibus illustris, ideoque Artaxerxi percarus, imo pincerna; sic et Christus ex Davide, Salomone, cæterisque regibus Judæ oriundus fuit sanctus sanctorum et sapiens sapientium, imo « plenus gratiæ et veritatis, » Joan. I, Luc. II.

Tertio, Nehemias ingenti labore et zelo Jerusalem reædificavit, ac Rempublicam fidelium optimis legibus communivit, atque pro ea contra Samaritanos assidue certavit, nec ullum pro ea periculum defugit, nullam fatigationem recusavit, adeoque ter Babylonem vel Persidem adiit, ter in Jerusalem rediit, licet jam grandævus et senex. Sic Christus divino zelo accensus ædifica-

vit Ecclesiam tam militantem, quam triumphantem, eamque sanctissimis præceptis et consiliis Evangelicis ornavit et stabilivit; ac pro ea et animalium salute nullum laborem aut periculum detrectavit, sed totam vitam omnesque vires pro ejus salute impendit, ac tandem infamem et atrocem crucis mortem subiit. Idem imitentur Praælati, Principes, Pastores, Sacerdotes, Religiosi et Fideles zelosi. Simili modo Esdras pro Israëlis bono bis Babylonem adiit, bis in Jerusalem rediit. Carolus Magnus quater, ait Eginhardus in ejus Vita, Romam venit, ut Pontifici et Ecclesiæ Romanæ contra Longobardos aliosque hostes auxiliaretur. Unde Imperator, anno Domini 800, creari, et a Leone III Pontifice coronari meruit Romæ in Basilica S. Petri ipso festo Nativitatis Christi, ait Anastasius Bibliotheca et ex eo Baronius, anno Christi 800. S. Ludovicus bis expeditionem in Terram sanctam suscepit: ac licet in priore captus maleque acceptus fuisset, secundo tamen reversus peste exercitum invadente vitam in eadem posuit, ac moriens filiis posterisque ultimum hoc dedit monitum ut pro Dei gloria et Ecclesiæ salute ac tutela nullum discrimen reformidarent, nullum laborem detrectarent; sed, si opus sit, sanguinem vitamque in tam glorioso opere profunderent, ideoque se eis exemplo prævisse, ac lætum alacremque in causa tam pia mori. Lege ejus Vitam.

Carolus
Magnus
quater
adiit Roma-

S. Ludo-
vicius bis
castra
movit in
terram
sauctam.

CAPUT PRIMUM.

SYNOPSIS CAPITIS.

Nehemias, auditis Judeorum in Judæa aerumnis, luget et gemit, ac jejuniis et precibus Dei opem implorat.

1. Verba Nehemiæ filii Helchiæ. Et factum est in mense Casleu, anno vigesimo, et ego eram in Susis castro. 2. Et venit Hanani unus de fratribus meis, ipse et viri ex Juda: et interrogavi eos de Judæis qui remanserant et supererant de captivitate, et Jerusalem. 3. Et dixerunt mihi: Qui remanserunt, et relieti sunt de captivitate ibi in provincia, in afflictione magna sunt, et in opprobrio: et murus Jerusalem dissipatus est, et portæ ejus combustæ sunt igni. 4. Cumque audissem verba hujuscemodi, sedi, et fleyi, et luxi diebus multis: jejunabam, et orabam ante faciem Dei cœli. 5. Et dixi: Queso, Domine Deus cœli fortis, magne atque terribilis, qui custodis pactum et misericordiam cum his qui te diligunt, et custodiunt mandata tua: 6. fiant aures tuæ auscultantes, et oculi tui aperti, ut audias orationem servi tui, quam ego oro coram te hodie, nocte et die, pro filiis Israel servis tuis; et confiteor pro peccatis filiorum Israel, quibus peccaverunt tibi: ego et domus patris mei peccavimus, 7. vanitate seducti sumus, et non custodivimus mandatum tuum, et ceremonias et judicia quæ præcepisti Moysi famulo tuo. 8. Memento verbi quod mandasti Moysi servo tuo, dicens: Cum transgressi fueritis, ego dispergam vos in populos; 9. et si revertamini ad me, et custodiatis præcepta mea, et faciatis ea, etiamsi abducti fueritis ad extrema cœli, inde congregabo vos, et reducam in locum quem elegi, ut habitaret nomen meum ibi. 10. Et ipsi servi tui, et po-

pulus tuus, quos redemisti in fortitudine tua magna, et in manu tua valida. 11. Obsecro, Domine, sit auris tua attendens ad orationem servi tui, et ad orationem servorum tuorum, qui volunt timere nomen tuum : et dirige servum tuum hodie, et da ei misericordiam ante virum hunc ; ego enim eram pincerna regis.

Vers. 1. **1. VERBA NEHEMIÆ.** — Loquitur enim hic Nehemias, suaquæ facta pro Judæis enarrat et enarrando conscribit. Unde liquet eum hujus libri esse auctorem. Nota : Nehemias sub Cyro cum Zorobabele Judeos e Babilone reduxerat in Jerusalém : mox cum Cambyses Cyri filius urbis templique fabricam impediret, rediit in Babylonem, ac sua industria, sanctitate et obsequio Artaxerxem regem sibi et Judæis devinxit.

IN MENSE CASLEU (qui nostro partim novembri, partim decembri respondet) ANNO VIGESIMO — Artaxerxis, non Mhemonis, ut vult Scaliger et Pererius, sed Longimani, ut passim docent Interpretes.

ET EGO ERAV IN SUSIS CASTRO. — Susa erant sedes et regia Artaxerxis regumque Persarum, ita dicta a liliis, et litorum fertilitate. Susan enim est lilium. Vide dieta Daniel. VIII, 2. Hæc urbs erat munitionissima, ideoque vocatur castrum.

Vers. 2. **2. ET VENIT HANANI UNUS DE FRATRIBUS MEIS,** — id est, contribulibus meis, puta oriundus ex tribu Levi, e qua ego descendeo.

Vers. 3. **3. ET MURUS JERUSALEM DISSIPATUS EST, ET PORTÆ** ejus combustæ sunt igni — a Chaldeis, IV Reg. cap. ult., 10. Verum hoc jam pridem sciebat, imo viderat Nehemias, cum sub Cyro rediit in Jerusalém. Quare videntur Judæi sub Dario Hystaspis ædificantes templum, simul urbem, muros et portas levè opere instaurasse. Ubi enim habitassent tuta et secura tot millia Levitarum, et sacerdotum templo servientium, et civium e Babilone reducum, nisi in Jerusalém muris cincta et portis clausa ? Hic apparet quod, post redditum Nehemiae e Jerusalém in Babylonem, Samaritæ aliisque hos-

tes Judæorum Jerusalém invaserint, muros dissipant, et portas combusserint, idque Hanaani hic nuntiat Nehemiae, qui id audiens ingemuit, et patriæ suæ, cuius erat amantissimus, calamitatem deploravit. Videntur enim multi Judæorum, qui e Babilone in Jerusalem redierant, cum viderent urbis desolationem et hostium crebros insultus, rediisse in Babylonem, ideoque hostibus facile fuit muros urbis dissipare, et portas comburere : templum non item, quia hoc erat instar arcis et a paucis Judæis pro aris et focis pugnantibus strenue defendebatur.

Vers. 9. **9. EXTREMA COELI,** id est extremas terræ regiones : quæ enim in horizonte nostro extremæ sunt, videntur contingere coeli curvi et rotundi extremitatem. Ita judicat vulgi oculus, cuius sensui subinde S. Scriptura se conformat. Septuaginta vertunt, *in summitate fundamenti cœli*, id est ab ea parte, ubi videtur cœlum fundari, ac quasi inniti et incumbere extremitati terræ. Sic dicitur Deuter. XXX, 4: « Si ad cardines cœli, » id est ad extrema terræ, quæ videntur esse quasi cardines sustinentes cœlum, « fueris dissipatus, inde te retrahet. »

Vers. 10. **10. QUOS REDEMISTI,** — ex Ægyptia servitute, ac deinceps sœpe e jugo Philistinorum, Ammonitarum, Madianitarum, etc., ut patet ex libro Iudicum et Regum.

Vers. 11. **11. ET DA EI** (mihi Nehemiae) **MISERICORDIAM ANTE VIRUM HUNC** — Artaxerxem regem, cuius ego pincerna sum, ut ab eo impetrem quod data occasione postulare desidero, scilicet restorationem Jerosolymæ.

CAPUT SECUNDUM.

SYNOPSIS CAPITIS.

Nehemias ab Artaxerxe impetrat facultatem redeundi in Jerusalem, ejusque muros instaurandi : cui res strenue insistit, frustra hostibus eum impedire conantibus.

1. Factum est autem in mense Nisan, anno vigesimo Artaxerxis regis : et vinum erat ante eum et levavi vinum, et dedi regi; et eram quasi languidus ante faciem ejus. 2. Dixitque mihi rex : Quare vultus tuus tristis est, cum te ægrotum non videam? non est hoc frustra, sed malum nescio quod in corde tuo est. Et timui valde, ac nimis; 3. et dixi regi : Rex, in æternum vive; quare non mœreat vultus meus, quia civitas domus sepulcrorum patris mei deserta est, et portæ ejus combustæ sunt igni? 4. Et ait mihi rex : Pro qua re postulas? Et oravi Deum cœli, 5. et dixi ad regem : Si videtur regi bonum, et si placet servus tuus

ante faciem tuam, ut mittas me in Judæam, ad civitatem sepulcri patris mei, et ædificabo eam. 6. Dixitque mihi rex, et regina quæ sedebat juxta eum: usque ad quod tempus erit iter tuum, et quando reverteris? Et placuit ante vultum regis, et misit me: et constitui ei tempus. 7. Et dixi regi: Si regi videtur bonum, epistolas det mihi ad duces regionis trans Flumen, ut traducant me, donec veniam in Judæam: 8. et epistolam ad Asaph custodem saltus regis, ut det mihi ligna, ut tegere possim portas turris domus, et muros civitatis, et domum quam ingressus fuero. Et dedit mihi rex juxta manum Dei mei bonam mecum. 9. Et veni ad duces regionis trans flumen, dedique eis epistolas regis. Miserat autem rex mecum principes militum, et equites. 10. Et audierunt, Sanaballat Horonites, et Tobias servus Ammanites: et contristati sunt afflictione magna, quod venisset homo, qui quereret prosperitatem filiorum Israel. 11. Et veni Jerusalem, et eram ibi tribus diebus, 12. et surrexi nocte ego, et viri pauci mecum, et non indicavi cuiquam quid Deus dedisset in corde meo ut facerem in Jerusalem, et jumentum non erat mecum, nisi animal cui sedebam. 13. Et egressus sum per portam vallis nocte, et ante fontem draconis, et ad portam stercoris, et considerabam murum Jerusalem dissipatum, et portas ejus consumptas igni. 14. Et transivi ad portam fontis, et ad aqueductum regis, et non erat locus jumento cui sedebam, ut transiret. 15. Et ascendi per torrentem nocte, et considerabam murum, et reversus veni ad portam vallis, et redii. 16. Magistratus autem nesciebant quo abiissem, aut quid ego facerem: sed et Judæis et sacerdotibus, et optimatibus, et magistratibus, et reliquis qui faciebant opus, usque ad id loci nihil indicaveram. 17. Et dixi eis: Vos nostis afflictionem in qua sumus, quia Jerusalem deserta est, et portæ ejus consumptæ sunt igni; venite, et ædificemus muros Jerusalem, et non simus ultra opprobrium. 18. Et indicavi eis manum Dei mei quod esset bona mecum, et verba regis, quæ locutus esset mihi, et aio: Surgamus, et ædificemus. Et confortatæ sunt manus eorum in bono. 19. Audierunt autem, Sanaballat Horonites, et Tobias servus Ammanites, et Gossem Arabs, et subsannaverunt nos, et despexerunt, dixeruntque: Quæ est hæc res quam facitis? numquid contra regem vos rebellatis? 20. Et reddidi eis sermonem, dixique ad eos: Deus cœli ipse nos juvat, et nos servi ejus sumus; surgamus et ædificemus: vobis autem non est pars, et justitia, et memoria in Jerusalem.

Vers. 4. 1. FACTUM EST AUTEM IN MENSE NISAN ANNO VIGESIMO ARTAXERXIS — Longimani; hic enim (non vero Xerxes pater ejus, cui proinde perperam hoc ascribit Josephus) 32 annis et amplius regnavit, ut dicitur cap. XIII, 6. Ita Julius Africanus, S. Hieronymus, Augustinus, Eusebius, Chrysostomus, Theodoretus, Beda, Rupertus et alii quos citat Pererius, lib. XI in Daniel. qui proinde passim ab hoc anno vigesimo Artaxerxis, quo ipse Nehemias facultatem dedit Jerosolymæ reædificandæ, inchoant 70 hebdomades Danielis, cap. IX, 25. Vide ibi dicta. Fusa enim ibidem hunc locum pertractavi. Quare ea hic non repetam.

Causa cur Nehemias regi charus. Prima. Secunda.

Et LEVAVI VINUM (de mensa) ET DEDI REGI, — in manus, ut biberet, quasi ejus pincerna. Quæres quomodo Nehemias adeo evectus sit, ut Artaxerxi monarchæ fuerit familiaris, imo a poculis, quod officium in aula est primarium, nec nisi magnis et fidelissimis committitur. Respondeo: Prima causa fuit sapientia, virtus et gratia Nehemias, ut dixi, qua se insinuabat in animos Principum, ut eos sibi suæque genti Judaicæ conciliaret.

fuisse uxorem hujus Artaxerxis, quæ illum sibi, Nehemias et Judæis astrinxit. Sed hoc examinandum in libro Esther.

Tertia causa magis particularis exstitit, quod Tertii reges Persarum biberent vinum Syriacum sive e Syria advectum, teste Suida, lib. XV, et Athenæo; Syriæ autem pars vel appendix est Judæa. Quare Nehemias Judæum voluit Artaxerxes esse suum pincernam, ut is velut vinorum patriæ suæ apprime peritus, meliora vina e Judæa vel Syria sibi devehí curaret, eaque accurate conservaret et regeret ea arte et modo; quo in Syria conservari et regi solebant, ne acorem aliudve vitium contraherent.

Audi Athenæum, lib. I, cap. XXIX: « Persarum reges, inquit, vinum Chalibonium tantum bibebant. Possidonius in Damasco Syriæ gigni tradit, illicque satas a Persis vites. » Porro de eorum aqua, quam potabant, ita scribit idem Athenæus, lib. II, cap. VI: « Herodotus, ait lib. I, scribit regi Persarum aquam vehi ex Choaspe fluvio Susa præterlabente, ex quo tantum et alio nullo bibit. » Fuit hæc mira regum superstitione, ut dignitate re-

Reges Persarum bibebant vinum à Syria.

gia indignum ducerent aliam aquam bibere. Audi Elianum, lib. XII: Cum alii commeatus magnificientia et ostentatione pleni sequebantur Xerxem, tum etiam aqua ex Choaspe simul vehebatur. Cum vero in loco deserto sitirent, neque siti remedium ullum inveniretur, proclamatum in exercitu est, si quis aquam ex Choaspe haberet, ut regi eam daret bibendam, et inventus est quidam qui auxilium haberet, idque putridum. Bibit igitur illam Xerxes, et eum qui dederat in benefactoris loco habuit; quoniam, nisi illa fuisse inventa, periisset. »

ET ERA M QUASI LANGUIDUS ANTE FACIEM EJUS. — Hebræus, et antea non fueram malus (hoc est tristis) coram eo. Ita Vatablus et Pagninus. Verum Noster pro רַל lo per נְ, id est non, legit נְל lo per ל, id est ei; unde vertit: *Et eram quasi malus, id est tristis, macilentus, exhaustus, languidus coram eo; nimirum mœror, vigiliae, jejunia faciem ejus pallentem, macilentam et languidam effecerant.* Porro Septuaginta pro γῆ ra, id est malus, legentes aliis punctis γῆ rea, id est socius, vertunt: *Et non erat alter (id est socius), coram eo, q. d. Ego solus eram cum rege.*

2. DIXITQUE MIHI REX: QUARE VULTUS TUUS TRISTIS EST, CUM TE ÄGROTUM NON VIDEAM? NON EST HOC FRUSTRA, SED MALUM NESCHIO QUOD EST IN CORDE TUO.

— Suspicatus est rex ex vultu dejecto Nehemias illum habere aliquid quod eum valde affligeret, aut certe eum facinus aliquid machinari, et forte insidias alias contra se moliri. Unde causam tristitiae ab eo exquirit, et ambigue loquitur, ut Nehemias causam sincere expromat, aitque: « Malum nescio quod est in corde tuo; » « malum, » id est afflictio, dolor, mœror, q. d. Mœstus est vultus tuus; ergo mœstitia aliqua est in corde tuo: haec enim mœsto vultu se ostendit et pandit; aut « malum, » id est malitia, maligna machinatio, ut forte contra me quid mali mediteris; unde Septuaginta vertunt: *Non est hoc nisi πονία, id est pravitas cordis.* Hebraice enim γῆ ra, id est malum, tam pravitatem et malitiam, quam tristitiam et afflictionem significat, ut Matth. vi: « sufficit diei malitia, » id est afflictio « sua; » sicut ex adverso « bonum » significat tam bonitatem et honestatem virtutis, quam jucunditatem et felicitatem, juxta illud: « Ecce quam bonum et quam jucundum habitare fratres in unum, » Psal. XIII, 2. Videtur metuisse rex ne Nehemias sibi in vino venenum propinaret. Reges enim, qui sibi quoque apici formidant multosque habent æmulos, omnia tuta timent, ac præsertim venena in cibo et potu; nam, ut ait Seneca in *Thyeste*: « Venenum in auro bibitur; » præsertim si Nehemias idipsum a rege oblatum ex mœrore bibere noluit, quod non est incredibile.

3. REX, IN ÄTERNUM VIVE, — q. d. Opto ut diutissime et in æternum, si fieri potest, vivas. Dicit hoc, ut timorem regi eximat, sciatque se nihil contra ejus vitam moliri.

QUIA CIVITAS DOMUS SEPULCRORUM PATRIS MEI DE-

SERTA EST, — q. d. Ego mœstus sum, quia Jerusalem, in qua sepulti sunt patres mei, exstantque eorum sepulcra, deserta est. Sepulcra vocat domus, quia domus Hebræis significat quemvis locum, antrum, thecam, loculum, qui aliquod corpus ambit et continet: sic nidi vocantur domus avium, flumen et mare vocantur domus piscium.

Porro magna fuit priscis cura et religio sepulcri patrum et avorum, ne ossa eorum exhumerentur, et abjicerentur, aut profanarentur, et rebus profanis vel immundis miscerentur. Unde Baruch, cap. II, 24, idipsum a Chaldæis factum luget et deplorat dicens: « Statuisti verba tua quæ locutus es in manibus puerorum tuorum Prophetarum, ut transferrentur ossa regum nostrorum et ossa patrum nostrorum de loco suo, et ecce projecta sunt in calore solis et in gelu noctis. Hoc enim eis comminatus erat Deus per Jeremiam, cap. VIII, 1. « Ejicient, inquit, ossa regum Juda, et ossa sacerdotum, et ossa prophetarum, et ossa eorum qui habitaverunt Jerusalem de sepulcris suis. » Apud omnes gentes enim valde gravis injuria et infamia habita fuit violatio sepulcrorum. Unde Horatius in *Epodo*, Ode 16, id metuens ita luget:

Barbarus, heu, cineres insistet victor, et urbem
Eques sonante verberabit ungula.
Quæque carent ventis, et solibus ossa Quirini
(Nefas videre) dissipabit insolens.

Quocirca Artaxerxes hanc justam gravemque Nehemias querelam æquis auribus accepit, memor quid Scythæ Dario avo suo respondissent. Rem gestam narrat Valerius Maximus, lib. V, cap. IV: « Dario, inquit, totius regni sui viribus in eorum regiones subinde impetum facienti; paulatim cedentes ad ultimas Asiæ solitudines pervenerant. Interrogati deinde ab eo per legatos quem fugiendi finem, aut quod initium pugnandi facturi essent, responderunt se neque urbes illas, neque agros cultos, pro quibus dimicarent, habere. Cæterum, cum ad parentum suorum monumenta venisset, scitum quemadmodum Scythæ præliari solebant. »

Sic etiamnum Arabes, licet feri et barbari, sepulcra suorum ducum et patrum tuentur, pro iisque quasi pro aris et focis depugnant, ut mihi Romæ narrarunt eorum vicini Maronitæ.

4. ORAVI DEUM, — brevi oratione jaculatoria, sed ardenti, ut sicut ipse cœperat regem mihi meisque facere benevolum, sic et pergeret, ut postulationi mee quam ei propositurus eram de reædificanda Jerusalem, annueret.

6. DIXITQUE MIHI REX ET REGINA, (scilicet Esther, vers. 6. inquit Torniellus, Gordonus, Serarius, Salianus, Sanchez et Bellarminus, tom. I, lib. I, cap. VII, de quo plura in procœmio *Esther*:) **USQUE AD QUOD TEMPUS ERIT ITER TUUM?** q. d. Quantum temporis in itum et redditum insumes? optamus enim te quam citissime redire, ut in tuo pincernæ officio,

quo tam egregie perfungeris, nobis inservire pergas; nolumus enim diu tua tam grata nobis carere praesentia. Quid ad haec responderit Nehemias non narrat; certum tamen est ipsum respondisse et tempus aliquod assignasse, idque breve, quamvis forte postea dicto et opinione sua diutius detentus fuerit Jerosolymæ; illi enim ut dux præfuit per duodecim annos, scilicet ab anno 20 Artæxris usque ad 32, ut patet cap. vi, 1, et cap. xiii, 6. Unde nonnulli putant eum toto hoc tempore abfuisse a rege per duodecim annos, sed regis et reginæ desiderium non videtur tulisse tam longam absentiam; quare verisimile est Nehemiam paulo post 52 dies, quibus murorum fabricam perfecit, ad regem redisse, ut patebit cap. vi, vers. 14.

Vers. 7.

7. TRANS FLUMEN (Euphraten) UT TRADUCANT ME, DONEC VENIAM IN JUDÆAM. — Cis Euphraten enim omnes fere gentes usque ad Judæam erant æmulæ et inimicæ Judæorum, ut nollent Jerusalem urbem olim tam potentem et celebrem sibique formidabilem restaurari. Deus enim omnes regiones a Jerusalem usque ad Euphraten dederat Judæis, et Euphraten eis dederat limitem. Unde et David victoria sua arma protulit usque ad Euphraten. Hinc et Josephus, lib. XI, cap. v, ait has gentes tempore Nehemias diu noctuque grassatas fuisse in agros Judæorum, omnia cædibus, rapienis et cladibus miscendo. Quare id sciens Nehemias merito a rege petuit, ut curaret salvum se conduci usque in Jerusalem; rex vero hoc et amplius ei indulxit; addidit enim ei ad tutelam militum præsidium.

Vers. 8.

8. ET EPISTOLAM AD ASAPH CUSTODEM SALTUS REGIS, — qui erat in monte Libano, ut inde darentur mihi ligna, ac per mare in Joppen mitterentur ad fabricam urbis Jerusalem. Ita Sanchez et Vilalpandus, tom. III, lib. III.

UT TEGERE POSSIM PORTAS TURRIS DOMUS — Dei, puta templi, ut habent Complutentia. Licet enim templum jam esset exstructum, appendices tamen templi needum erant exstructæ. Ita Vatablus. Unde Hebraice est: *Ut tegere possim portas palatii regii, quod erat domui, scilicet Dei, id est templo annexum.*

Vers. 11.

11. ET ERAM IBI TRIBUS DIEBUS, — latens et absconditus, ut noctu lustrarem ruinas urbis, videremque quid statim resarciri oporteret, ne Sanaballat et socii consilia mea rescirent et impedirent.

Vers. 12.

12. ET JUMENTUM NON ERAT MECUM, NISI ANIMAL QUI SEDEBAM, q. d. Ego solus ob senium et fatigacionem vehebar equo vel asino; socii vero mei pedites incedebant, ne ex equorum equitumque numero et strepitu hostes nostri excitarentur ad nos infestandum.

Vers. 13.

13. EGRESSUS SUM PER PORTAM VALLIS. (Porta haec non erat illa orientalis, quæ ducebat in vallem Josaphat, sed altera occidentalis, quæ respiciebat valles cadaverum et Calvariæ. Ita Septuaginta.) ET ANTE FONTEM DRAGONIS, (ex quo scilicet

aquaæ saliebant et vomebantur per os senei vel lapidei draconis :) ET PORTAM STERCORIS, — per quam stercora evehebantur. Ita Borchardus, Vilalpandus, Adrichomius, Salianus.

ET CONSIDERABAM MURUM JERUSALEM DISSIPATUM. — Hebr. כָּרְצֹנִים hem parutsim, id est ipsi, scilicet muri dissipati, ubi in hem mem finale, quod solet esse clausum, est apertum, ut indicetur murus urbis fuisse hians et apertus, quia disjectus et dissipatus.

14. ET TRANSIVI AD PORTAM FONTIS (Siloe) ET AD AQUÆDUCTUM REGIS — Ezechiae; Ezechias enim aquas fontis Siloe per aquæductum, perfossa rupi, derivavit in puteos urbis Jerusalem, ut cives obsessi a Sennacherib haberent aquam ad potum, et Assyrii obsidentes, aquarum inopia laborantes siti conficerentur. Id patet ex libro II Paralip. cap. xxxii, vers. 30: « ipse est Ezechias, qui obturavit superiorem portam aquarum Gihon, et avertit eas subter ab occidente urbis David. » Et clarius Eccl. cap. XLVIII, vers. 19: « Ezechias munivit civitatem suam, et induxit in medium ipsius aquam, et fodit ferro rupem, et ædificavit ad aquam puteum. » Vide ibi dicta.

ET NON ERAVIT LOCUS JUMENTO, UT TRANSIRET, — quia hinc erant rupes præruptæ, inde rudera murorum disectorum, atque aquæ omnia opplentes; quare iter reflectere coactus sum.

15. ET ASCENDI PER TORRENTEM (Cedron) NOCTE, ET CONSIDERABAM MURUM, — ut viderem quid primo in eo restaurandum foret, et cui parti statim manus adhibere deberem: ET REVERSUS VENI AD PORTAM VALLIS cadaverum et Calvariæ, de qua vers. 12.

16. ET RELIQUIS QUI FACIEBANT OPUS, — id est opificibus et præfectis operum, qui scilicet destinati erant ad fabricam murorum, sed ob hostium incursus et vexationes opus intermisserant, vel tarde et remisso illud exercebant.

18. ET INDICAVI EIS MANUM DE MEI, QUOD ESSET BONA MECUM. — Manus symbolum est opis et auxiliis, item directionis et protectionis; hanc enim a Deo senserat Nehemias, tum quod regem Artæxrem tam sibi benevolum et liberalem effecisset, tum quod suum iter per tot hostes et difficultates, iis superatis prosperasset. Igitur Nehemias significans Judæis partim Dei, partim regis erga se et ipsos benevolentiam, animavit eos ut fabricam murorum urbis ob Samaritarum insultus omissam, vel negligenter curatam generose et ferventer resumerent.

19. AUDIERUNT AUTEM SANABALLAT HORONITES. — Alius est hic a Sanaballat socero Manassis, primi Pontificis Samaritanorum in monte Garizim. Ille enim Horonites hunc Manassis socerum antecessit 109 annis, ait Salianus, de quo plura inferius.

Et TOBIAS SERVUS AMMONITES, — qui ex servo et mancípio evectus, ac Ammonitidis Præfectoris a rege Persarum erat constitutus, æque ac Sanaballat Samariæ, et Gosem Arabiæ. Hi ergo tres Præ-

*fecti vicinarum regionum Nehemias et Iudeis
fuere intensi et in fabrica adversarii.*

Vers. 20. 20. VOBIS AUTEM NON EST PARS ET JUSTITIA, ET MEMORIA IN JERUSALEM.— « Justitia, » id est jus, q. d. Vos quasi Samaritani estis (olim ab Assyriis traducti ad incolendam Samariam, in Reg. xvii). Ammonitæ et Arabes, a Persis jus accepistis ad administrandam Samariam, Ammonitidem et Arabiam, non autem ad Iudeam et Jerusalem, nee hacte-

nus in Jerusalem habitastis; nulla enim in ea vestri est memoria. Quare agite res vestras apud vestros vobis commissos, nostris autem rebus nolite vos immiscere; ego enim a rege Persarum potestatem reædificandæ Jerusalem pleno jure accepi: quare cavete ne vos mihi opponatis; alioquin enim regi Persarum vos opponetis, eumque vindicem experiemini. Ita Cajetanus, Sanchez et alii.

CAPUT TERTIUM.

SYNOPSIS CAPITIS.

Nehemias recenset quam quisque muri partem, quas terres et portas reædificari.

1. Et surrexit Eliasib sacerdos magnus, et fratres ejus sacerdotes, et ædificaverunt portam gregis; ipsi sanctificaverunt eam, et statuerunt valvas ejus, et usque ad turrim centum cubitorum sanctificaverunt eam usque ad turrim Hananeel. 2. Et juxta eum ædificaverunt viri Jericho: et juxta eum ædificavit Zachur filius Amri. 3. Portam autem piæcium ædificaverunt filii Asnaa: ipsi texerunt eam, et statuerunt valvas ejus, et seras, et vectes, et juxta eos ædificavit Marimuth filius Uriæ, filii Accus. 4. Et juxta eum ædificavit Mosollam filius Basachiæ, filii Mesezebel; et juxta eos ædificavit Sadoc filius Baana: 5. et juxta eos ædificaverunt Thecueni; optimates autem eorum non supposuerunt colla sua in opere Domini sui. 6. Et portam veterem ædificaverunt Joiada filius Phasea, et Mosollam filius Besodia: ipsi texerunt eam, et statuerunt valvas ejus, et seras, et vectes; 7. et juxta eos ædificaverunt Meltias Gabaonites, et Jadon Meronathites, viri de Gabaon et Maspha, pro duce qui erat in regione trans flumen. 8. Et juxta eum ædificavit Eziel filius Araia aurifex: et juxta eum ædificavit Ananias filius pigmentarii; et dimiserunt Jerusalem usque ad murum plateæ latioris. 9. Et juxta eum ædificavit Raphaia filius Hur, princeps vici Jerusalem. 10. Et juxta eum ædificavit Jedaia filius Haromaph contra domum suam: et juxta eum ædificavit Hattus filius Haseboniæ. 11. Mediæ partem vici ædificavit Melchias filius Herem, et Hasub filius Phahath Moab, et turrim furnorum. 12. Et juxta eum ædificavit Sellum filius Alohes, princeps mediæ partis vici Jerusalem, ipse et filiæ ejus. 13. Et portam vallis ædificavit Hanum, et habitatore Zanoe: ipsi ædificaverunt eam, et statuerunt valvas ejus, et seras, et vectes, et mille cubitos in muro usque ad portam sterquilinii. 14. Et portam sterquilinii ædificavit Melchias filius Rechab, princeps vici Bethacharam: ipse ædificavit eam, et statuit valvas ejus, et seras, et vectes. 15. Et portam fontis ædificavit Sellum filius Cholhoza, princeps pagi Maspha: ipse ædificavit eam, et texit, et statuit valvas ejus, et seras, et vectes, et muros piscinæ Siloe in hortum regis, et usque ad gradus qui descendunt de civitate David. 16. Post eum ædificavit Nehemias filius Azboc, princeps dimidiæ partis vici Bethsur, usque contra sepulcrum David, et usque ad piscinam, quæ grandi opere constructa est, et usque ad domum fortium. 17. Post eum ædificaverunt Levitæ, Rehum filius Bennui: post eum ædificavit Hasebias princeps dimidiæ partis vici Ceilæ in vico suo. 18. Post eum ædificaverunt fratres eorum, Bavai filius Endad, princeps dimidiæ partis Ceilæ. 19. Et ædificavit juxta eum Azer filius Josue, princeps Maspha, mensuram secundam, contra ascensum firmissimi anguli. 20. Post eum in monte ædificavit Baruch filius Zachai mensuram secundam, ab angulo usque ad portam domus Eliasib sacerdotis magni. 21. Post eum ædificavit Merimuth filius Uriæ filii Haccus mensuram

secundam, a porta domus Eliasib, donec extenderetur domus Eliasib. 22. Et post eum ædificaverunt sacerdotes, viri de campestribus Jordanis. 23. Post eum ædificavit Benjamin et Hasub contra domum suam : et post eum ædificavit Azarias filius Maasiæ filii Ananiæ contra domum suam. 24. Post eum ædificavit Bennui filius Henadad mensuram secundam, a domo Azariæ usque ad flexuram, et usque ad angulum. 25. Phalel filius Ozi contra flexuram, et turrim, quæ eminet de domo regis excelsa, id est, in atrio carceris : post eum Phadaia filius Pharos. 26. Nathinæi autem habitabant in Ophel usque contra portam aquarum ad Orientem, et turrim quæ prominebat. 27. Post eum ædificaverunt Thecueni mensuram secundam e regione, a turre magna et eminenti usque ad murum templi. 28. Sursum autem a porta equorum ædificaverunt sacerdotes, unusquisque contra domum suam. 29. Post eos ædificavit Sadoc filius Emmer contra domum suam. Et post eum ædificavit Semaia filius Seheniæ custos portæ Orientalis. 30. Post eum ædificavit Hanania filius Selemiæ, et Hanun filius Seleph sextus, mensuram secundam : post eum ædificavit Mosollam filius Barachiæ , contra gazophylacium suum. Post eum ædificavit Melchias filius aurificis usque ad domum Nathinæorum, et scruta vendentium contra portam judiciale, et usque ad cœnaculum anguli. 31. Et inter cœnaculum anguli in porta gregis ædificaverunt aurifices et negotiatores.

Vers. 4.

1. ELIASIB SACERDOS MAGNUS, — hoc est Pontifex. Erat hic filius et successor Joacim filii Josedec. Philo Annianus tradit Jesum pontificatu et vita defunctum anno 20 Darii Hystaspis, eique successisse Joacim usque ad annum 12 Artaxerxis : quo mortuus Joacim successorem reliquit filium Eliasib , qui pontificatu functus est usque ad annum 33 Artaxerxis. Hæc Philo ille, penes quem sit fides.

ÆDIFICARUNT PORTAM GREGIS, — per quam oves et boves immolandi inducebantur in urbem, ut abluti in probatica piscina inferrentur in templum.

IPSI SANCTIFICAVERUNT EAM, — hoc est mundarunt portam gregis a ruinis, ruderibus et profanatione incendii, erigendo illam uti fuerat prius, ac pristino decori eam restituendo, ait Vatablus, Cajetanus et Vilalpandus. Sic Exodi xix, Deus ait Mosi : « Sanctifica populum , » id est jube ut se purifiet et mundet lavando vestes, et abstinendo ab uxoribus. Secundo , « Sanctificaverunt eam, » id est dedicarunt eam Domino ; quia hæc erat porta gregis, per quam victimæ Deo sanctifican-

Benedictio prisca urbium.

dæ et per immolationem consecrandæ inducebantur in templum, ideoque portam hanc ipse pontifex et sacerdotes ædificarunt et consecrarunt Deo ac per eam reliquas portas, totamque urbem. Erat enim et vocabatur Jerusalem urbs sancta, utpote separata a profano Gentilium ritu, Deique veri cultui dicata , Deique quasi speculum, maxime per templum a Salomone Deo tam magnifice erectum. Unde Mariana, Salianus, Emmanuel Sa , et Sanchez censem Eliasib pontificem hanc portam gregis urbemque totam solemnri prece, vel sacrificio, vel aqua lustrali similiue benedictione Deo (cui propria erat) dedicasse et consecrasse; idque satis colligitur ex eo quod de eis dicunt Samariæ , cap. sequenti , vers. 2 : « Num sacrificabunt et complebunt in una die? » Et cap. xii, vers. 27,

ubi dicitur : « In dedicatione autem muri Jerusalem requisierunt Levitas. » Et vers. 30 : « Et mundati sunt Sacerdotes et Levitæ , et mundaverunt populum, et portas et murum. » Idem imitati sunt Gentiles. Unde Servius in lib. III Æneid., tradit eos in fundatione urbis sacrificasse Libero patri, ut libera esset civitas. Audi Æneam e Troja profugum in Thracia novam molientem urbem , Æneid. III, paulo post initium :

Mœnia prima loco fatis ingressus inquis,
Æneadasque meo nomen de nomine fingo.
Sacra Dionææ matri divisque ferebam
Auspicio coæptorum operum ; superoque nitentem
Cœlicolum regni mactabam in littore taurum.

Porro apud Gentiles portæ et muri sacri erant, uti docet Alexander ab Alexandria, lib. VI Genial. cap. xiv, et ibi Tiraquellus.

USQUE AD TURRIM CENTUM CUBITORUM. — Hebræus usque ad turrim Meah, quæ scilicet vocabatur Meah, id est centum , eo quod centum esset cubitorum.

6. ET PORTAM VETEREM ÆDIFICAVERUNT JOIADA, etc. — Nota ex Vilalpando, tomo III, lib. III, cap. xxvi, præcipuas Jerosolymæ portas fuisse duodecim , quæ sitæ erant ad tria urbis latera, tres mundi partes respicientia ; quodlibet enim latus habebat quatuor portas; nam ad quartum latus respiciens meridiem, in quo præruptæ rupes montis Sion urbem cladebant, exitumque et introitum negabant, nulla erat porta. Orientale latus ergo habebat primo portam « gregis » jam dictam ; secundo portam « equorum , » per quam equi ducebantur aquatum ad torrentem Cedron; tertio portam « aquarum , » ita dictam a collectione aquarum fontis Siloe , quam ibidem fecit Ezechias ; quarto « fictilem , » eo quod juxta eam figuli suam figulinam artem exercerent, et fictilia vasa formarent.

Vera. 6.
Jerusalem
habebat
portasAD
riparia
quaest.

*Ad Aqui-
tonem
quatuor.* Septentrionale urbis latus habebat primo por-
tam tam « Benjamin, » quia per eam ibatur in sortem
tribus Benjamin; secundo portam « piscium, »
per quam pisces in urbem et forum piscium in-
vehebantur; tertio portam « judiciariam, in qua
sedebant judges, et judicia tam advenarum quam
civium exercebant, quæ erat vicina templo et
portæ « gregis. » Eadem hoc versu vocatur « ve-
tus, » eo quod in ea veteris fabricæ Jebusæorum
et Melchisedech vestigia exstarent; quarto portam
« Ephraim, » per quam scilicet ibatur ad tribum
Ephraim. Quarta hæc æque ac sequens porta
« anguli » hic non nominantur, eo quod restau-
ratione non indigerent, ut insinuatur vers. 8.

*Ad Oc-
ciden-
tem qua-
tuor.* Occidentale latus habebat primo portam « an-
guli, » ita dictam quod in angulo urbis occiden-
tali et aquilonari consisteret; secundo portam
« vallis » cadaverum et Calvariæ; tertio portam
sterquilinii, » quarto portam « fontis, » de qui-
bus dixi capite præcedenti, vers. 13.

Ad has duodecim portas Jerusalem allusit
S. Joannes, *Apocal.* cap. xxii, vers. 12, ubi toti-
dem Jerusalem coelestis portas recenset.

Vers. 8. 8. DIMISERUNT JERUSALEM USQUE AD MURUM PLA-
TÆ LATIORIS, — id est intermisserunt ædificatio-

nem muri per spatum 400 cubitorum, quod erat
inter portam Ephraim et portam anguli jam dic-
tas; eo quod non ita pridem Azarias rex hoc la-
tus egregie repararat et munierat, ut a Chaldæis
dirui non potuerit.

16. USQUE AD DOMUM FORTIUM, — in qua habita-
rant triginta fortissimi heroes Davidis ac postea
eorum successores. Videtur enim hæc domus fuisse
quasi seminarium vel collegium virorum fortium,
qui arma tractarent et bellis præsenter docerent-
que milites præliari. Vide dicta *II Reg.* cap. xxiii,
vers. 8 et seq.

17. POST EUM ÆDIFICAVIT HASEBIAS PRINCEPS DIMIT-
DIE PARTIS VICI CÆLÆ IN VICO SUO. — Erat Jerusa-
lem in suos vicos distributa, et cuique vico suus
prærerat dux et præfectus, qui hic vocatur prin-
ceps. Idem etiamnum fit Romæ. Roma enim ab
olim in suos vicos sive regiones distributa fuit,
quorum quisque suum habebat præfectum, qui
Italice vocantur *Caporioni*, id est capita regionum
urbis, quorum sede vacante, magna est auctoritas;
ipsorum enim est urbem tueri et tumultus
compescere, ideoque reos plectere.

30. USQUE AD DOMUM NATHINÆORUM. — Hi erant Vers. 30.
Gabaonitæ, de quibus dixi *Josue* ix.

CAPUT QUARTUM.

SYNOPSIS CAPITIS.

*Judæi una manu fabricant, altera gladium tenent, ut Samaritas incursantes repellant: quare Nehemia
instante et orante, fabrica murorum et portarum absolvitur.*

1. Factum est autem, cum audisset Sanaballat quod cœdificaremus murum, iratus est
valde: et motus nimis subsannavit Judeos, 2. et dixit coram fratribus suis, et frequentia
Samaritanorum: Quid Judæi faciunt imbecilles? Num dimittent eos gentes? Num sacrificabunt,
et complebunt in una die? Numquid ædificare poterunt lapides de acervis pulveris, qui
combusti sunt? 3. Sed et Tobias Ammanites proximus ejus, ait: Ædificant: si ascenderit
vulpes, transiliet murum eorum lapideum. 4. Audi, Deus noster, quia facti sumus despec-
ui: converte opprobrium super caput eorum, et da eos in despectionem in terra captitatis.
5. Ne operias iniquitatem eorum, et peccatum eorum coram facie tua non deleatur, quia
irriserunt ædificantes. 6. Itaque ædificavimus murum, et coniunximus totum usque ad par-
tem dimidiæ: et provocatum est cor populi ad operandum. 7. Factum est autem, cum au-
disset Sanaballat, et Tobias, et Arabes, et Ammanitæ, et Azotii, quod obducta esset cicatrix
muri Jerusalem, et quod cœpissent interrupta concludi, irati sunt nimis. 8. Et congregati
sunt omnes pariter, ut venirent, et pugnarent contra Jerusalem, et molirentur insidias. 9. Et
oravimus Deum nostrum, et posuimus custodes super murum die ac nocte contra eos.
10. Dixit autem Judas: Debilitata est fortitudo portantis, et humus nimia est, et nos non po-
terimus ædificare murum. 11. Et dixerunt hostes nostri: Nesciant, et ignorent, donec venia-
mus in medium eorum, et interficiamus eos, et cessare faciamus opus. 12. Factum est autem,
venientibus Judæis, qui habitabant juxta eos, et dicentibus nobis per decem vices, ex omnibus
locis quibus venerant ad nos, 13. statui in loco post murum per circuitum *populum* in

ordinem cum gladiis suis, et lanceis, et arcubus. 14. Et perspexi atque surrexi : et aio ad optimates et magistratus, et ad reliquam partem vulgi : Nolite timere a facie eorum. Domini magni et terribilis mementote, et pugnate pro fratribus vestris, filiis vestris, et filiabus vestris, et uxoribus vestris, et domibus vestris. 15. Factum est autem , cum audissent inimici nostri nuntiatum esse nobis, dissipavit Deus consilium eorum. Et reversi sumus omnes ad muros, unusquisque ad opus suum. 16. Et factum est a die illa, media pars juvenum eorum faciebat opus, et media parata erat ad bellum , et lanceæ , et scuta ; et arcus, et loricæ, et principes post eos in omni domo Juda , 17. ædificantum in muro , et portantum onera , et imponentium ; una manu sua faciebat opus, et altera tenebat gladium. 18. Ædificantum enim unusquisque gladio erat accinctus renes. Et ædificabant, et clangebant buccina juxta me. 19. Et dixi ad optimates, et ad magistratus, et ad reliquam partem vulgi : Opus grande est et latum, et nos separati sumus in muro procul alter ab altero : 20. in loco quocumque audieritis clangorem tubæ, illuc concurrete ad nos : Deus noster pugnabit pro nobis. 21. Et nos ipsi faciamus opus ; et media pars nostrum teneat lanceas, ab ascensu auroræ donec egrediantur astra. 22. In tempore quoque illo dixi populo : Unusquisque cum puerō sūto māneat in medio Ierusalem, et sint nobis vices per noctem, et diem, ad operandum. 23. Ego autem et fratres mei, et pueri mei, et custodes, qui erant post me, non deponebamus vestimenta nostra : unusquisque tantum nudabatur ad baptismum.

Vers. 2. 2. NUM DIMITTENT EOS GENTES ? — q. d. Num nos Judæorum vicini , qui sumus gentes tot et tam validæ, sinemus ut Judæi suam Jerusalem ædificant, ex qua deinde nos invadant et vexent uti olim fecerunt? q. d. Minime gentium; nullo modo id nos permittere oportet, ut arcem hanc condant et nostris humeris imponant.

NUM SACRIFICABUNT ET COMPLEBUNT UNA DIE ? — q. d. Putantne se una die, id est brevissimo tempore, posse inchoare fabricam tantæ urbis (quod siebat sacrificando et muros dedicando, indeque lœte epulando) et simul complere? q. d. Neutiquam; nam tempestive occurremus, eosque inturbabimus, et per vim a fabrica cessare cogemus.

NUMQUID ÆDIFICARE POTERUNT LAPIDES DE ACERVIS PULVERIS, QUI COMBUSTI SUNT ? — Hebraice pro « ædificare » est vivificare, Septuaginta, sanare, q. d. Numquid lateres et lapides a Chaldæis combustos, et in cinerem redactos, Judæi poterunt reformare, et in pristinam lapidum laterumque soliditatem, robur et usum restituere, ut ex illis muros reædificant? q. d. Judæi tentant rem perdifficilem, imo fabricam impossibilem.

Vers. 3. 3. SI ASCENDERIT VULPES, TRANSILIERET MURUM EORUM. — Hebræus, *vulpes ascendet et dirumpet murum lapideum eorum*. Est sarcasmus sive hostilis iñrisio, q. d. Agant, laborent, sudent Judei quantum volunt, tam fragilis et humili erit murus quem erigunt, ut a vulpe transiliri, imo dirui possit. Ita Cajetanus.

Vers. 5. 5. NE OPERIAS INIQUITATEM EORUM — oblivione et impunitate, q. d. Recordare, Domine , harum injuriarum et sannarum quibus nos injuste agitant hostes nostri , eosque compesce et puni. Nam Deus cum parcit, dicitur tegere peccata; cum non

pareit, sed punit, ea aperire, aspicere et ante octilos suos statuere. Unde S. Stephanus orans pro Judæis : « Domine, ait, ne statuas illis hoc peccatum, » *Actorum cap. vii.* Igitur Nehemias non supplicat ut Deus non ignoscat culpam penitentibus ; hoc enim petere esset impium et diabolicum, sed ne pœnam impenitentibus et in culpa persistentibus condonet.

Vers. 10. 10. DIXIT AUTEM JUDAS,—id est dixere Judæi, qui fessi labore et territi minis hostium cœperunt in opere languere , et obmurmurare Nehemias opus fabricamque urgenti.

DEBILITATA EST FORTITUDO PORTANTIS, — id est operariorum et bajulorum lapides, ligna, aquam calcemque portantium humeri manusque tanto tamque assiduo, longoque labore debilitati sunt, ut amplius vix ea portare queant.

ET HUMUS NIMIA EST, — q. d. Opus est nimia calce, humo, vel, ut Hebraice et Græce est, pulvere, intrita et commixta. Aut simplicius, q. d. : « humus, » id est in effodienda humo ac jacendis murorum fundamentis , rudera terræ et lapidum nimis multa exhaustienda restant, quam ut a paucis operariis bajulisque eruderari et exportari queant. Vicit tamen hanc quoque suorum querelam Nehemias in patiendo lenitas, et in animando eos constantia.

Vers. 12. 12. DICENTIBUS NOBIS PER DECEM VICES, — id est pluries dicebant et indicabant nobis hostium insidias, et instantes occultos eorum insultus) : EX OMNIBUS LOCIS, — q. d. Undique veniebant indices idem indicantes, scilicet hostes cogitare per insidias nos aggredi. Quocirca Nehemias suos armans et in acie collocans hostium insidias prævertit, discussit et avertit.

17. ÆDIFICANTUM, etc. { subaudi unusquisque } Vers. 17

UNA MANU SUA FACIEBAT OPUS ET ALTERA TENEBAT GLADIUM, — ut hostes repente ex insidiis incurrentes repelleret. Nota hic prudentiam æque ac constantiam et ardorem populi in fabricando. Sic olim Hispani assidue cum Saracenis Hispaniam occupantibus confligentes, cum orarent, aut quid aliud agerent, gladium ad manus habebant, ut eos incursantes propellerent; unde mos adhuc viget, ut nunc quoque rustici in Hispania gladiati incedant, imo non arent nisi gladio accineti. Sic etiamnum Hungari ab aratro prosiliunt ad arma, cum vicini Turcæ repente eos invadunt.

Allegoriam et tropologiam vide apud Bedam qui ait: « Edificantes namque gladio accinguntur renes, cum hi qui bonis insistunt operibus, et commissos sibi regulari curant ratione disponere (hoc enim est vivos lapides in ædificio Ecclesiæ ordine competenti locare), fluxo in se luxuriæ acumine verbi Dei restringere satagunt. » Igitur dum rationi, operi charitatis, prædicationi, aliisque piis virtutum actibus, quibus fabricam spiritalem meritorum in anima construimus, insistimus, altera manu teneamus gladium mortificationis, quo carnis tentationes et diaboli mundique suggestiones vanæ gloriæ, superbiæ, invidiæ, gulæ, libidinis, etc., fortiter repellamus, imo a nobis amputemus. Hæc sunt « arma justitiae, » quibus quemlibet fidelem « a dextris et sinistris » communis Apostolus, II Cor. vi, 7, et fusius Ephes. vi, 13: « Induite, inquit, armaturam Dei, ut possitis resistere in die malo, et in omnibus perfecti stare. » Deinde panopliam, qua militem Christi a capite ad talos obarmat, assignat, nimirum cingulum veritatis, loricam justitiae, calceum præparationis Evangelii, scutum fidei, galeam salutis et gladium spiritus, quod est verbum Dei. Vide ibi dicta.

Vers. 21. 21. DONEC EGREDIANTUR ASTRA, — scilicet usque ad noctem, quando astra videntur quasi prodire e suis antris vel thalamis, in quibus tota die fulgente sole latuerunt, ut nocturnas agant excubias. Loquitur Scriptura ad sensum vulgi, quod censet astra per diem in suis latibulis abscondi, e quibus per noctem prodeant, ut stationem suam quasi castrensem peragant usque ad auroram, cum suas latebras repetunt, et Lucifer « statione novissimus exit. » Ita Vatablus.

Vers. 22. 22. UNUSQUISQUE CUM PUERO (puta cum famulo suo) MANEAT (noctu quoque) IN MEDIO JERUSALEM, — nec alio abeat, ut si noctu hostes nos invadant, omnes simul juncti eis occurramus et resistamus.

ET SINT NOBIS VICES PER NOCTEM ET DIEM AD OPERANDUM. — Hebræus et Septuaginta, *Et sit nobis nox custodia et dies opus.* Clare Vatablus: *Quisque cum pueru suo pernoctet in medio Jerosolymæ, ut noctu sint nobis excubiae, interdiu autem in opus,* ut scilicet noctu custodianos nos, et interdiu operentur in muro. Jubet ergo Nehemias ut omnes in urbe pernoctent cum famulis, atque ex eis aliqui designentur, qui noctu per vices excubent, cæteri vero dormiant, sed fere vestiti, ut si excubitores signum adventantis hostis dederint, illico armis correptis iis occurrant; per diem vero ita munia partiantur, ut pars una operetur, altera cum lanceis armata operantibus ad tutelam assistat.

23. EGO AUTEM ET FRATES MEI, ET PUERI MEI, ET **Vers. 23.** CUSTODES QUI ERANT POST ME NON DEPONEBAMUS VESTIMENTA, — ut ego quasi dux cæteros cives et milites idem facere docerem, non tam verbo et jussu, quam facto et exemplo, ut scilicet vestes et arma noctu non deponerent, juxta illud ducis illius apud Livium, lib. VII: « Facta non dicta mea vos milites sequi volo: nec disciplinam modo, sed exemplum etiam a me petere. » Quod fecit Cato, de quo Lucanus, lib. IX:

Ipse manu sua pila gerens præcedit anheli
Militis ora, pedes: monstrat tolerare labores,
Non docet.

Simili modo cum in Belgio degerem, Marchio Spinola biennio obsidens Ostendam, per septem integros menses dormiens vestes nunquam exuit, atque hac sua vigilancia tandem urbem in maris fauibus sitam, ideoque quasi inexpugnabilem, cepit, magnaque nominis sui gloria de ea triumphavit.

UNUSQUISQUE TANTUM NUDABATUR AD BAPTISMUM, — Hebræus, *cujusque dimissio vel depositio ejus* ($\tauὸ\ ejus$ redundant, more Hebræo) intellige vestium de quibus sermo præcessit, *ad aquas*, scilicet baptismales, id est purificatorias, cum nimirum vellet corpus ablueret, seque mundare. Judæi enim tum ob immundiciem legalem, quam contactu rei legaliter immundæ, v. g. ex conversatione cum Gentilibus, facile contrahebant; tum ob calorem indeque sudorem et fœtorem, tum ob sordes aliunde contractos (unde Ammianus, lib. II, et Martialis, lib. IV Epigram. iv, Judæos appellant fœtentes) crebro totum corpus abluebant, imo vestes quoque et lectos. Vide dicta Marci cap. viii, vers. 3.

CAPUT QUINTUM.

SYNOPSIS CAPITIS.

In pauperum copia et clamore Nehemias opulentos avaros objurgat, usuras vetat, sua in pauperes effundit.

1. Et factus est clamor populi et uxorum ejus magnus, adversus fratres suos Judæos. 2. Et erant qui dicerent : Filii nostri, et filiae nostræ multæ sunt nimis : accipiamus pro pretio eorum frumentum, et comedamus, et vivamus. 3. Et erant qui dicerent : Agros nostros, et vineas, et domos nostras opponamus, et accipiamus frumentum in fame. 4. Et alii dicebant : Mutuo sumamus pecunias in tributa regis, demusque agros nostros et vineas : 5. et nunc sicut carnes fratrum nostrorum, sic carnes nostræ sunt : et sicut filii eorum, ita et filii nostri. Ecce nos subjugamus filios nostros et filias nostras in servitutem, et de filiabus nostris sunt famulæ, nec habemus unde possint redimi, et agros nostros, et vineas nostras alii possident. 6. Et iratus sum nimis, cum audissem clamorem eorum secundum verba hæc : 7. cogitavitque cor meum tecum : et increpavi optimates et magistratus, et dixi eis : Usurasne singuli a fratribus vestris exigitis ? Et congregavi adversum eos concionem magnam, 8. et dixi eis : Nos, ut scitis, redemimus fratres Judæos, qui venditi fuerant gentibus, secundum possibilitatem nostram : et vos igitur vendetis fratres vestros, et redimemus eos ? Et siluerunt, nec invenerunt quid responderent. 9. Dixique ad eos : Non est bona res, quam facitis : quare non in timore Dei nostri ambulatis, ne exprobretur nobis a gentibus inimicis nostris ? 10. Et ego, et fratres mei, et pueri mei, commodavimus plurimis pecuniam et frumentum : non repetamus in commune istud, æs alienum concedamus, quod debetur nobis. 11. Reddite eis hodie agros suos, et vineas suas, et oliveta sua, et domos suas : quin potius et centesimam pecuniæ, frumenti, vini et olei, quam exigere soletis ab eis, date pro illis. 12. Et dixerunt : Reddemus, et ab eis nihil quæremus : sicque faciemus ut loqueris. Et vocavi Sacerdotes, et adjuravi eos, ut facerent juxta quod dixeram. 13. Insuper excussi sinum meum, et dixi : Sic excutiat Deus omnem virum, qui non compleverit verbum istud, de domo sua, et de laboribus suis : sic excutiatur, et vacuus fiat. Et dixit universa multitudo : Amen. Et laudaverunt Deum. Fecit ergo populus, sicut erat dictum. 14. A die autem illa, qua præceperat rex mihi ut essem dux in terra Juda, ab anno vigesimo usque ad annum trigesimum secundum Artaxerxis regis, per annos duodecim, ego et fratres mei annonas, quæ ducibus debebantur non comedimus : 15. Duces autem primi, qui fuerant ante me, gravaverunt populum, et acceperunt ab eis, in pane, et vino, et pecunia, quotidie siclos quadraginta ; sed et ministri eorum depresserunt populum. Ego autem non feci ita propter timorem Dei : 16. quin potius in opere muri ædificavi, et agrum non emi, et omnes pueri mei congregati ad opus erant. 17. Judgei quoque et magistratus, centum quinquaginta viri, et qui veniebant ad nos de gentibus quæ in circuitu nostro sunt, in mensa meis erant. 18. Parabatur autem mihi per dies singulos bos unus, arietes sex electi, exceptis volatilibus, et inter dies decem vina diversa, et alia multa tribuebam : insuper et annonas ducatus mei non quæsivi : valde enim attenuatus erat populus. 19. Memento mei, Deus meus, in bonum, secundum omnia quæ feci populo huic.

Vera 3. 3. DOMOS NOSTRAS OPPONAMUS,— id est oppigno- Babylone, omniaque sua in viatico et in fabrica remus fœnectoribus. Recenter enim redierant urbis consumpserant. Quare magna paupertate

laborabant, ad quam levandam sua oppignorare, imo filios et filias suas vendere vers. 2, cogitabant.

Vers. 4. 4. IN TRIBUTA REGIS, — ut scilicet comparemus id quod loco tributi regi Persarum quotannis solvere debemus.

Vers. 5. 5. ET NUNC (subaudi valde dure et inique a diutoribus exhaudimur, nam) SIC CARNES FRATRUM NOSTRORUM, SIC CARNES NOSTRÆ SUNT; ET SIC FILII EORUM, ITA ET FILII NOSTRI.— q. d. Nos et filii nostri hic duram servimus servitutem similem illi, quam serviunt fratres, id est contribules nostri, qui in Babylone et Perside remanserunt, idque diutorum Judæorum iniquitate et injuria, qui nos fratres suos pauperes usuris et filiorum emptione opprimunt, ut sequitur. Quare pejori loco sumus quam fratres nostri in Perside: illi enim a Persis exteris et idololatriis; nos vero a contribulibus nostris, qui sanguine et religione fratres nostri sunt, affligimur. Acerbius enim est ab amico et fratre, quam ab inimico et extero cruciari. Nam cum lex Deut. xxxiii, 19, jubeat ut fratribus mutuum detur gratis, ipsi a nobis pro mutuo magnas usuras exigunt: quare cogimur filios et filias nostras vendere vel tradere in servitutem, ut usuras has solvamus. Ita Cajetanus, Vatablus, et alii.

Vers. 7. 7. CONGREGAVI ADVERSUM EOS (divites usurarios) CONCIONEM MAGNAM, — id est, cœtum magnum totius populi, ut coram eo a me reprehensi et confusi usuras suas dimitterent.

Vers. 11. 11. CENTESIMAM PECUNIÆ, FRUMENTI, VINI ET OLEI. — « Centesimam, » scilicet usuram, qua nimirum singulis mensibus pro usu mutui sive usura exigebant unum pro centum; hoc est annuatim duodecim pro centum. Hinc patet hanc usoram frequentem fuisse apud Judæos, ut postea fuit apud Romanos; eratque gravis ute pote in qua singulis annis octava pars summæ capitalis mutuo acceptæ solveretur, nam duodecim v. g. aurei sunt octava pars centum aureorum, quia octies duodecim faciunt 96, quibus adde quatuor, habebis centum. Quare octavo anno usura æquabat pene ipsum capitale, ideoque illud duplicabat, ut pro mutuo centum aureorum solvendi essent pene ducenti aurei, scilicet præcise 196, ac post alias octo annos idem triplicabat, et post alias octo quadruplicabat. Cum vero dimidium hujus usurae, sex pro centum quotannis solverentur, vocabantur usurae semisses, sive dimidiæ; cum quatuor pro centum penderentur, dicebantur trientariæ; cum unum duntaxat, nominabantur unciales, quæ erat usura minima, sicut illa duodenaria erat maxima.

DATE PRO ILLIS, — id est illis condonate, quin et acceptam reddite, et restituete, uti præcessit: unde hæc non exstant in Hebreo, quia ex præcedenti repetenda subintelliguntur. Usura cum sit contra justitiam commutativam, non transit in dominium usurarii; unde ab eo restituenda est illi, qui eamdem pro mutuo dedit.

12. ET DIXERUNT (partim pudore, partim auctoritate et exemplo Nehemie, partim boni publici amore, partim pauperum commiseratione permoti): REDDEMUS (agros, vineas et oliveta, quæ pauperes pro mutuo accepto nobis oppignorarunt, et quasi pignora tradiderunt, donec mutuum redderent): ET AB EIS (deinceps) NIHIL QUÆREMUS, — id est, nihil pro usura exigemus.

Et VOCAVI SACERDOTES (hujus usurae reos), ET (secreto ob reverentiam sacerdotii, ne eos coram populo pudefacerem) ADJURAVI EOS, — ut usuras remitterent, hacque in re laicis usurariisque exemplo justitiae et charitatis præirent.

13. SIC EXCUTIAT DEUS OMNEM VIRUM QUI NON COM- Vers. 13. PLEVERIT VERBUM ISTUD DE DOMO SUA (ut domo sua spoliatus, exsul et vagus oberrare cogatur) ET DE LABORIBUS SUIS, — ut fructu et mercede laborum suorum privetur, ut ego sinum meum excussi. Qui enim alios per usuras excutiunt, merentur et ipsi a domibus et opibus suis excuti, exsulare et depauperari, ut sæpe justo Dei judicio fit.

14. A DIE AUTEMILLA, QUA PRÆCEPERAT MIHI REX Vers. 14. UT ESSEM DUX IN TERRA JUDA, AB ANNO VIGESIMO USQUE AD ANNUM 32 ARTAXERXIS, EGO ET FRATRES MEI ANNONAS, QUÆ DUCIBUS DEBEBANTUR, NON COMEDIMUS.

— Solebant duces a civibus Jerosolymæ, quibus præerant, accipere annonas, id est, necessaria ad Annona victum, verbi gratia, certam mensuram frumenti, que? vini, olei, pecunia, etc.; sed Nehemias noluit ea accipere, tum ne populum pauperem hac contributione gravaret, tum ut divitibus daret exemplum remittendi usuras: idque fecit per duodecim annos, quibus præfuit Jerosolymæ quasi dux: unde multi putant eum continue per duodecim annos commoratum fuisse Jerosolymæ. Verum hoc non satis respondet desiderio regis et reginæ optantium, ut illico Nehemias ad se rediret, ac tempore modico ab eo constituto, ut dictum est cap. II, 6. Quamobrem videtur Nehemias paulo post fabricam murorum absolutam, puta post 52 dies, ut dicitur cap. VI, 15, ad regem rediisse, ac vicarium loco sui sive vicecomitem Jerosolymæ reliquisse, qui populo præcesset. Artaxerxes enim eum Jerosolymæ ducem constituerat per 12 annos, sive absens foret sive præsens. Quare absens jure suo poterat has annonas quasi stipendia ducatus sui a populo exigere, præsertim qui absens erat ob evocationem et obsequium regis; sed noluit ea accipere ob causas jam dictas. Ita Salianus et Sanchez. Hæc magis patebunt vers. 17 et cap. XIII, 6, ubi Nehemias anno 32 Artaxerxis rediens in Jerusalem correxit multos abusus, qui per duodecim annos quibus ipse abfuerat, in Jerusalem irreperserant.

15. DUCES AUTEM PRIMI QUI FUERANT ANTE ME (ab Vers. 15. Esdra jussu regis constituti, ut dictum est Esdræ VII, 25), GRAVAKERUNT POPULUM, ET ACCEPERUNT AB EIS IN PANE ET VINO (certam mensuram panis et vini), ET PECUNIA QUOTIDIE SICLOS 40.— Ex Hebreo liquet eos præter panem et vinum in pecunia ac-

Centesi-
ma usura
qua?

Semisses
usura.
Trienta-
ria.

cepisse siclos 40; sic enim habet: *Aggravaverunt populum in pane et vino post argenti siclos 40, qui faciunt quadraginta florenos Brabanticos, sive 40 Francos Gallicos, quæ immanis erat summa et plebi adeo pauperi insolubilis.*

Vers. 16. 16. QUIN POTIUS IN OPERE MURI AEDIFICAVI cap. III, nullum audivimus locum particularem Nehemias ad fabricandum assignatum, sed ipse quasi dux omnibus in loco sibi determinato fabricantibus aderat, et praeerat omnes dirigendo, incitando, et opera per se et suos adjuvando; ET AGRUM NON EMI, — q. d. Rem meam et prædia non auxi, sed potius me meaque omnia expendi pro urbis

Varia
versio
ne-

Nehemias et civium commodis. Fuit hæc mira continentia Nehemias, eque ac charitas et liberalitas in cives suos. Multi enim duces et præsides subditos expilant, ut se ditent; unde paucis præfecturæ suæ annis opibus onusti, domum redeunt. Non ita fecit Nehemias, cuius proinde memoria in benedictione est. Idem fecit Thomas Morus, qui cum plures annos Cancellarium Anglie egisset, rem tamen suam et annum censem non auxit ad aureos ducentos, uti narrat Stapletus in ejus Vita.

Vers. 17. 17. JUDÆI QUOQUE ET MAGISTRATUS (quos per Judæam jussu regis contiueram) 150 VIRI, ET QUI VENIEBANT AD NOS DE GENTIBUS (legati gentium vicinarum) QUÆ IN CIRCUITU NOSTRO SUNT, IN MENSA MEA ERANT. — q. d. Omnes hos alebam sumptu meo sive ex meis opibus, quas mihi rex dona verat..... Hinc liquet Nehemiam non mansisse duodecim annos in Jerusalem. Nam tantos sumptus quotidie tot convivis per tot annos præ-

stare non potuisset, imo regias opes exhausisset.

18. INTER DIES DECEM VINA DIVERSA. — Locus hic Vers. 18. obscurus est: unde primo Pagninus sic vertit et explicat, q. d. Tantum vini absumebant hi convivæ uno die, quantum mihi meaque familiæ suffecisset ad decem dies. Secundo, Vatablus, aptius ad Hebræa et Græca vertit: Decimo quoque die dabatur omnibus vinum affatim; cæteris vero novem diebus dabatur certa mensura. Tertio Sanchez: Porrigebantur, inquit, decem vinorum genera, singula diebus singulis, ita ut exacto decem dierum curriculo, decem illa vina jam essent propinata, et iterum atque iterum idem vinorum genus et series eodem ordine recurreret.

Hæc sententia vulgatae versioni conformior est, si τὸ δεκατημένον ad vina (inusitatum enim est εἰνσολεῖν in uno convivio decem generum vīnōn convivis propinare, quod ne reges quidem summique gulones fecerunt), sed ad dies referas, q. d. Singulis diebus dabantur varia vina, idque per decem dies, quibus exactis exhauriabantur dolia, ac alia vina pariter diversi generis suggerere oportebat. Magnus ergo et magnificus dux fuit Nehemias, ac in omnibus se eximum ostendit. Vere Bias: « Magistratus, inquit, virum ostendit. » Et Cicero, lib. De Senectute, de magno illo Catone Censorio ait: « Bonus est senator, bonus imperator, bonus agricola. » Idem et plura dicas de Nehemias.

19. MEMENTO MEI, etc., — q. d. Præsta mihi, o Domine, talia qualia ego præstisti populo tuo et meo, ut tam sis liberalis in me quam ego fui in eum.

CAPUT SEXTUM.

SYNOPSIS CAPITIS.

Hostes Judæorum Nehemias tendunt insidias; mox minantur accusationem affectati ab eo regni; tertio pseudoprophetas contra eum submittunt; quarto proditores subornant: sed omnia hæc dissipavit Nehemias prudentia et animi magnitudo.

1. Factum est autem, cum audisset Sanaballat, et Tobias, et Gossem Arabs, et cæteri inimici nostri, quod ædificassem ego murum, et non esset in ipso residua interruptio (usque ad tempus autem illud valvas non posueram in portis), 2. miserunt Sanaballat et Gossem ad me, dicentes: Veni, et percutiamus fœdus pariter in viculis in Campo Ono. Ipsi autem cogitabant ut facerent mihi malum. 3. Misi ergo ad eos nuntios, dicens: Opus grande ego facio, et non possum descendere, ne forte negligatur, cum venero et descendero ad vos. 4. Miserunt autem ad me secundum verbum hoc per quatuor vices: et respondi eis juxta sermonem priorem. 5. Et misit ad me Sanaballat juxta verbum prius quinta vice puerum suum, et epistolam habebat in manu sua scriptam hoc modo: 6. IN GENTIBUS auditum est, et Gossem dixit quod tu et Judæi cogitatis rebellare, et propterea ædifices murum, et levare te velis super eos regem: propter quam causam, 7. et prophetas posueris, qui prædicent de te in Jerusalem, dicentes: Rex in Judæa est. Auditurus est rex verba hæc: idcirco nunc veni, ut ineamus consilium pariter. 8. Et misi ad eos, dicens: Non est factum secundum verba hæc quæ

tu loqueris : de corde enim tuo tu componis hæc. 9. Omnes enim hi terrebant nos, cogitantes quod cessarent manus nostræ ab opere, et quiesceremus. Quam ob causam magis confortavi manus meas : 10. et ingressus sum domum Semaiæ filii Dalaiæ filii Metabeel secreto. Qui ait : Tractemus nobiscum in domo Dei in medio templi, et claudamus portas ædis : quia venturi sunt ut interficiant te, et nocte venturi sunt ad occidendum te. 11. Et dixi : Num quisquam similis mei fugit? et quis ut ego ingredietur templum, et vivet? Non ingrediar. 12. Et intellexi quod Deus non misisset eum, sed quasi vaticinans locutus esset ad me, et Tobias et Sanaballat conduxisserent eum. 13. Acceperat enim pretium, ut territus facerem, et peccarem, et haberent malum, quod exprobrarent mihi. 14. Memento mei, Domine, pro Tobia et Sanaballat, juxta opera eorum talia : sed et Noadiæ prophetæ, et cæterorum prophetarum, qui terrebant me. 15. Completus est autem murus vigesimo quinto die mensis Elul, quinquaginta duobus diebus. 16. Factum est ergo cum audissent omnes inimici nostri, ut timerent universæ gentes, quæ erant in circuitu nostro, et conciderent intra semetipsos, et scirent quod a Deo factum esset opus hoc. 17. Sed et in diebus illis, multæ optimatum Judæorum epistolæ mittebantur ad Tobiam, et a Tobia veniebant ad eos. 18. Multi enim erant in Judæa habentes juramentum ejus, quia gener erat Secheniæ filii Area, et Johanan filius ejus acceperat filiam Mosollam filii Barachiæ; 19. sed et laudabant eum coram me, et verba mea nuntiabant ei : et Tobias mittebat epistolas ut terreret me.

Vers. 2. 2. PERCUTIAMUS FOEDUS PARITER IN VICULIS. — Sic et Septuaginta et Vatablus. Verum Pagninus retinet nomen Hebraeum quasi proprium, vertitque in *Kephirim*. Utrumque verum, quia *Kephirim* erat nomen loci ita dicti a copia villarum et viculorum.

IN CAMPO ONO. — Campus hic erat juxta Jordaniem in tribu Benjamin, vulgoque dicebatur « Vallis artificum. » Ita Adrichomius, idque sat liquet ex cap. xi, vers. 31 et 35.

UT FACERENT MIHI MALUM, — ut me caperent, vel occiderent.

6. ET LEVARE TE VELIS SUPER EOS REGEM, — scilicet quod tu, o Nehemia, velis te super eos exaltare et regem constituere. Hæc erat eorum accusatio et calumnia.

7. ET PROPHETAS POSUERIS QUI PRÆDICENT DE TE IN JERUSALEM, DICENTES : REX IN JUDEA EST. — Prophetas proprie accipe. Criminantur enim Nehemiam, quod is se velit regem facere, ideoque prophetas subornet, qui populo vaticinentur id ipsum velle Deum, ut scilicet Judææ, quæ tot annis regibus caruit, jam suus rex restituatur. Ita Sanchez. Alii tamen per « prophetas » intelligunt præcones, qui per plateas Nehemiam regem proclamant.

10. ET INGRESSUS SUM DOMUM SEMAIÆ FILII DALAIÆ FILII METABEEL SECRETO. — Semaia erat Sacerdos de vico Dalaiæ, quæ ordine erat vigesima tertia, ut liquet I Paral. xxiv, 18, atque domi manebat quasi studio et orationi deditus. Unde Sanaballat eum pecunia corrupit, ut quasi vir religiosus, imo propheta, ut patet vers. 12, Nehemiam ad se evocaret, eique quasi vaticinans metum hostium injiceret, ideoque fugam suaderet, idque hoc fine ut Nehemiam probro timiditatis afficeret, et po-

pulo contemptibilem redderet; imo ut Nehemiam timente et fugiente, timeret pariter et fugeret populus. Patet ex seqq.

11. ET DIXI : NUM QUISQUAM SIMILIS MEI (magni animi et dux populi) FUGIT? — q. d. Non decet ^{Nehemias magnanimitatem nec dignitatem turpis hæc fuga.} Duce enim fugiente, fugiet totus populus.

ET QUIS UT EGO (mei similis, magnanimus et princeps) INGREDIETUR TEMPLUM ET VIVET? — Vatablus, ut vivat, q. d. Ne quidem vitæ servandæ causa me ad templum fugere decet; satius enim est generose mori quam turpiter fugere, et inferre crimen gloriæ suæ, ut aiebat Judas Machabæus. Aut et vivat, q. d. Si fugiam ad templum, non vivam, sed occidar a populo quasi timidus et fugitivus, qui eos in hoc periculum hostium temere conjecterim, et quasi sceleris alicujus conscius. Ita Sanchez.

12. ET INTELLEXI, — vel Deo revelante, vel so- Vers. 12. lertia et sagacitate ingenii mei ex verbis et gestibus Semaiae, ipsum venditare se esse prophetam, ac ut talem vaticinare minas hostium, cum revera esset pseudopropheta pretio subornatus a Sanaballat, ut me terendo, populo redderet vilem et exosum.

13. UT TERRITUS (oraculo ficto periculi instantis) Vers. 13 FACEREM (quod ipse suadebat, scilicet fugerem in templum quasi timidus; aut quasi sceleris alicujus conscius configerem ad templum quasi ad asylum) ET PECCAREM, — tum in Deum per diffidentiam, tum in me per pusillanimem fugam, tum in populum, eum mea fuga percellendo et in fugam agendo.

14. MEMENTO MEI, DOMINE, PRO TOBIA ET SANABALLAT JUXTA OPERA EORUM TALIA, — ut me ab eis liberet ac illos castiges, ut vel ipsi, vel alii ipso-

rum exemplo et castigatione sapiant, discantque viros probos non vexare, nec eis insidiari.

SED ET NOADIR PROPHETÆ. — Hebraice *prophetissæ* (erat enim femina), hoc est pseudoprophetissæ pretio corruptæ a Sanaballat, quæ similes minas et metus mihi injiciebat. Repete : « Memento, Domine, ut eam pro meritis castiges et castigando emendes, vel ipsam vel alios ipsius exemplo. Dixit hæc Nehemias ex justo dolore et zelo non vindictæ privatæ, sed justitiæ publicæ.

Vers. 15. 15. COMPLETUS EST AUTEM MURUS 25 DIE MENSIS ELUL (sexti qui nostro partim augusto, partim septembri respondet) 52 DIEBUS. — Nonnulli hos 52 dies inchoant non ab initio fabricæ, sed a minis et insidiis hisce Sanaballat Nehemiac intentatis : unde Josephus asserit murorum fabricam perfectam fuisse duobus annis et tribus mensibus, anno 28 Xerxis, id est Artaxerxis. Josephum sequuntur Historici Scholastici, Cajetanus, Vatablus et Mariana. Verius est hoc 52 dies inchoandos ab initio fabricæ, ut censem Lyranus, Dionysius, Vilalpandus et Sanchez. Si enim fabrica murorum per biennium durasset, utique Sanaballat sollicitando vicinas gentes, conflato exercitu eam impedivisset. Instabat ergo Nehemias; urgebatque opus ut illico absolveretur. Idque fieri potuit 52 diebus, tum quia omnes operi strenue et ardenter incumbeant, et opus in singulos, nemine excepto, ordinate erat distributum; tum quia fundamenta murorum, quæ Chaldæi diruere non potuerant, supererant, imo multis in locis muri integri. Chaldæi enim muros dumtaxat variis in locis destruxerant, hoc est, interrupebant, ut patet IV Reg. cap. ult., vers. 4 et 10. Portæ quoque non erant dirutæ, sed eorum valvæ combustæ, ut patet Esdræ 1, 3, valvas ergo tantum restaurari oportuit. Ad hæc fabricabant ex lapide non cæso et polito, sed rudi et impolito, imo ex lapidibus quos inveniebant in ruinis et ruderibus veterum murorum. Denique Deus eos secundavit, ut spatio 52 dierum muros perficerent. Sic Alexan-

der Magnus muros novæ Alexandriæ ad Tanaim per longitudinem stadiorum sexaginta erexit spatio 17 dierum, ut vult Q. Curtius; vel viginti; ut narrat Arianus. Sic hodie Hollandi urbes vastas obsidentes, easdem spatio viginti dierum circumquaque ita vallo cingunt, ut eis succurri nequeat. Nam more Romano milites singuli cum armis ligones vel trullas deferunt ad fodendum vel fabricandum. Tot autem manus junctæ illico opus ingens perficiunt.

16. UT TIMERENT UNIVERSÆ GENTES, — nos, nos- **Vers. 16** tramque fabricam, quam tam cito videbant esse perfectam, ut ipsæ faterentur hoc esse opus Dei potius quam hominum.

17. MULTÆ OPTIMATUM JUDÆORUM EPISTOLÆ MIT- Vers. 17. **TEBANTUR AD TOBIAM.** — Erant hi patriæ proditores, qui contra Nehemiam cum hostibus consipraran, eisque gesta et consilia Nehemiac perscribebant, ut ea disturbarent. Causam subdit :

18. MULTI ENIM ERANT IN JUDÆA HABENTES JURA- Vers. 18. **MENTUM EJUS,** — q. d. Multi Judæorum jurarant Tobiæ, eique per juramentum fidem suam addixerant, se scilicet illi fore amicos et fideles, et proinde cum eo contra me et patriam suam coujuraran.

QUIA (Tobias) GENER ERAT SECHENIÆ, q. d. Causa cur multi Judæorum faverent Tobiæ hosti Judæorum, erat quod cum eo ejusque foederatis affinitatem per matrimonia mutua contraxerant. Nam **ET JOHANAN FILIUS EJUS (Tobiæ) ACCEPERAT FILIAM MOSOLLAM FILII BARACHIÆ,** — qui erant Judæi et Judæorum optimates.

19. SED ET LAUDABANT EUM (Tobiam) CORAM ME. **Vers. 19.** — Hebraeus, *quin et bonitatem* (vel benefacta sive munificentias) *eius prædicabant coram me.* Alludunt ad nomen *Tobiæ*, quod Hebraice significat *bonitatem Dei*, q. d. Ipse vere est Tobias juxta nomen suum, qui in omnes existit bonus et beneficus. Ita Vatablus. Hæc fuit summa Judæorum iniquitas, et summa Nehemiac injuria et afflictio, scilicet ci-vium suorum proditio, quam tamen ipse dissimulando, patientia, consilio et constantia superavit.

CAPUT SEPTIMUM.

SYNOPSIS CAPITIS.

Jerosolymæ jam muris cinctæ Nehemias custodes apponit. Inde, vers. 6, numerantur ii qui cum Zorobabele Babylone redierant, ac vers. 70, dona auri et vasorum in fabricam sponte a variis oblata.

1. Postquam autem ædificatus est murus, et posui valvas, et recensui janitores, et cantores, et Levitas : **2.** prœcepi Hanani fratri meo, et Hananiæ principi domus de Jerusalem (ipse enim quasi vir verax et timens Deum plus cæteris videbatur) **3.** et dixi eis : Non aperiantur portæ Jerusalem usque ad calorem solis. Cumque adhuc assisterent, clausæ portæ sunt, et oppilatæ : et posui custodes de habitatoribus Jerusalem, singulos per vices suas, et unumquemque contra domum suam. **4.** Civitas autem erat lata nimis et grandis, et populus parvus

in medio ejus, et non erant domus ædificatæ. 5. Deus autem dedit in corde meo, et congregavi optimates, et magistratus, et vulgus, ut recenserem eos, et inveni librum census eorum, qui ascenderant primum, et inventum est scriptum in eo. 6. Isti filii provinciæ, qui ascenderunt de captivitate migrantium, quos transtulerat Nabuchodonosor rex Babylonis, et reversi sunt in Jerusalem, et in Judæam, unusquisque in civitatem suam. 7. Qui venerunt cum Zorobabel, Josue, Nehemias, Azarias, Raamias, Nahamani, Mardochæus, Belsam, Mespharath, Begoai, Nahum, Baana. Numerus virorum populi Israel : 8. filii Pharos, duo millia centum septuaginta duo : 9. filii Saphatia, trecenti septuaginta duo : 10. filii Area, sexcenti quinquaginta duo : 11. filii Phahathmoab filiorum Josue et Joab, duo millia octingenti decem et octo : 12. filii Ælam, mille ducenti quinquaginta quatuor : 13. filii Zethua, octingenti quadraginta quinque : 14. Filii Zachai, septingenti sexaginta : 15. Filii Bannui, sexcenti quadraginta octo : 16. filii Bebai, sexcenti viginti octo : 17. filii Azgad, duo millia trecenti viginti duo : 18. filii Adonicam, sexcenti sexaginta septem : 19. filii Beguai, duo millia sexaginta septem : 20. filii Adin, sexcenti quinquaginta quinque : 21. filii Ater, filii Hezeciæ, nonaginta octo : 22. filii Hasem, trecenti viginti octo : 23. filii Besai, trecenti viginti quatuor : 24. filii Hareph, centum duodecim : 25. filii Gabaon, nonaginta quinque : 26. filii Bethlehem et Netupha, centum octoginta octo. 27. Viri Anathoth, centum viginti octo. 28. Viri Bethazmoth, quadraginta duo. 29. Viri Cariathiarim, Cephira et Beroth, septingenti quadraginta tres. 30. Viri Rama et Geba, sexcenti viginti unus. 31. Viri Machmas, centum viginti duo. 32. Viri Bethel et Hai, centum viginti tres. 33. Viri Nebo alterius, quinquaginta duo. 34. Viri Ælam alterius, mille ducenti quinquaginta quatuor. 35. Filii Harem, trecenti viginti. 36. Filii Jericho, trecenti quadraginta quinque. 37. Filii Lod, Hadid et Ono, septingenti viginti unus. 38. Filii Senaa, tria millia nongenti triginta. 39. Sacerdotes : Filii Idaia in domo Josue, nongenti septuaginta tres. 40. Filii Emmer, mille quinquaginta duo. 41. Filii Phashur, mille ducenti quadraginta septem. 42. Filii Arem, mille decem et septem. Levitæ : 43. Filii Josue et Cedmihel filiorum. 44. Oduiæ, septuaginta quatuor. Cantores : 45. Filii Asaph, centum quadraginta octo. 46. Janitores : Filii Sellum, filii Ater, filii Telmon, filii Accub, filii Hatita, filii Sobai, centum triginta octo. 47. Nathinæi : filii Soha, filii Hasupha, filii Thebbaoth, 48. filii Ceros, filii Siaa, filii Phadon, filii Lebana, filii Hagaba, filii Selmai, 49. filii Hanan, filii Geddel, filii Gaher, 50. filii Raaia, filii Rasin, filii Necoda, 51. filii Gezem, filii Aza, filii Phasea, 52. filii Besai, filii Munim, filii Nephussim, 53. filii Bacbuc, filii Hacupha, filii Harhur, 54. filii Besloth, filii Mahida, filii Harsa, 55. filii Bercos, filii Sisara, filii Thema. 56. filii Nasia, filii Hatipha, 57. filii servorum Salomonis, filii Sothai, filii Sophereth, filii Pharida, 58. filii Jahala, filii Darcon, filii Jeddæus, 59. filii Saphatia, filii Hatil, filii Phochereth, qui erat ortus ex Sabaim, filio Amon. 60. Omnes Nathinæi, et filii servorum Salomonis, trecenti nonaginta duo. 61. Hi sunt autem qui ascenderunt de Thelmela, Thelharsa, Cherub, Addon et Emmer : et non potuerunt indicare domum patrum suorum, et semen suum, utrum ex Israel essent. 62. Filii Dalaia, filii Tobia, filii Necoda, sexcenti quadraginta duo. 63. Et de Sacerdotibus, filii Habia, filii Accos, filii Berzellai, qui accepit de filiabus Berzellai Galaaditis uxorem : et vocatus est nomine eorum. 64. Hi quæsierunt scripturam suam in censu, et non invenerunt : et ejecti sunt de sacerdotio. 65. Dixitque Athersatha eis, ut non manducarent de Sanctis sanctorum, donec staret Sacerdos doctus et eruditus. 66. Omnis multitudo quasi vir unus, quadraginta duo millia trecenti sexaginta, 67. absque servis et ancillis eorum, qui erant septem millia trecenti triginta septem, et inter eos cantores, et cantatrices, ducenti quadraginta quinque : 68. Equi eorum, septingenti triginta sex : muli eorum, ducenti quadraginta quinque. 69. Cameli eorum, quadringenti triginta quinque : asini, sex millia septingenti viginti.

Hucusque refertur quid in commentario scriptum fuerit, exin Nehemiac historiæ texitur.

70. Nonnulli autem de principibus familiarum dederunt in opus. Athersatha dedit in thesaurum auri drachmas mille, phialas quinquaginta, tunicas sacerdotaes quingentas triginta.

71. Et de principibus familiarum dederunt in thesaurum operis, auri drachmas viginti millia, et argenti mnas duo millia ducentas. **72.** Et quod dedit reliquus populus, auri drachmas viginti millia, et argenti mnas duo millia, et tunicas sacerdotaes sexaginta septem. **73.** Habitaverunt autem Sacerdotes, et Levitæ, et janitores, et cantores, et reliquum vulgus, et Nathinæi, et omnis Israel, in civitatibus suis.

Vers. 2. **2.** PREECEPI HANANI FRATRI (cognato) MEO. (Hic est ille Hanani, qui nuntium desolationis Jerusalem ad Nehemiam in Persidem detulit, cap. I, vers. 2,) ET HANANIAE PRINCIPI (id est præfecto) DOMUS, — scilicet palatii regii, ut habent Hebrei in monte Sion. Hos duos, utpote præ cæteris viros veraces, id est sinceros et integros, ac timentes Deum, Nehemias posuit custodes urbis Jerusalem.

Vers. 3. **3.** CUMQUE ADHUC ASSISTERENT, — q. d. Non nisi his duobus custodibus, scilicet Hanani et Hana-nia præsentibus et assistantibus vespere claudabantur portæ, ne qua fieret fraus ex hostium insidiis. Rursum mane non aperiebantur « ante calorem solis, » id est, ante clarum diem, cum omnes vigilant.

Vers. 4. **4.** ET POPULUS PARVUS, — qui pauci Babylone redierant, et ex his paucis nonnulli videntes desolationem urbis et hostium minas, ad alias Judææ urbes et vicos se contulerant, alii in Babylonem vel Persidem reversi erant, inter quos fuit Dux Zorobabel.

Vers. 5. **5.** DEUS AUTEM DEDIT IN CORDE MEO, — q. d. Deus mihi suggestit consilium modumque supplendi paucitatem incolarum Jerosolymæ, nimirum recensendo catalogum eorum qui primitus cum Esdra e Babylone redierant, ac juxta eum, illos invitando et evocando ad incolendam Jerusalem, quod re ipsa per sortem factum esse audiemus cap. XI. Unde mox catalogum continentem censem populi, qui redierat, recenset.

Vers. 6. **6.** ISTI (sunt) FILII PROVINCIÆ, QUI ASCENDERUNT DE CAPTIVITATE MIGRANTÍUM, — id est qui redierunt e transmigratione Babylonis, puta e Babylone in Jerusalem cum Zorobabel sub Cyro. Hic est catalogus, sive census populi, quem recensuit Esdras, cap. II, sed aliis subinde verbis et numeris fere diversis, presertim in medio; nam

initium et finis utrobique est idem. Ratio est quod census hic populi, sive catalogus saepius sit initus et descriptus; scilicet primo in Babylone, cum inde egressi sunt Judæi: secundo in Jerusalem, cum primum eo appulerunt; tertio cum templo reædificato, illud solemni populi concursu dedicatum fuit. Hi autem census inter se variabant; quia aliis morientibus alii nascebantur, aliis abeuntibus alii adventabant. Quare ex uno censu catalogum suum descripsit Esdras, ex alio Nehemias; ideoque variant. Vide Franciscum Lucam in Notat. 79.

65. DIXITQUE ATHERSATHA, — hoc est Nehemias, Vers. 65. ut patet cap. VIII, vers. 9.

Hucusque catalogus. Annotatio hæc sequestris non exstat in Hebræo, Græco et quibusdam Latinis. Unde Græcus Epanorthotes, aliquique eam omit-tendam censem, imo rejiciunt, ut Lyranus et Carthusianus. Sane diversus character sat arguit hæc inserta verba, neque de textu esse, neque de fide, ait Sanchez. Habent tamen annotationem hanc Biblia Romæ correcta. Videtur ergo addita ab Interprete, ut multa similia addita sunt in libro Esther, vel a paraphraste, aut commentatore aliquo: ita Franciscus Lucas, Notat. 79.

70. NONNULLI AUTEM DE PRINCIPIBUS, — Hic est Vers. 70. catalogus donariorum ad fabricam oblatorum, estque idem cum eo quem recensuit Esdras, cap. II, sed ut dixi, in numeris diversus; forte, quod Esdras plurimum dona complexus sit, nempe eorum etiam omnium qui ex regno Cyri, sive Judæi sive Persæ, hortante Cyro, de opibus suis ali- quid ad fabricam contulerunt aut postea in Jerusalem submiserunt: Nehemias autem Judeorum tantum e captivitate redeuntium dona, ea que precipua duntaxat, ideoque pauciora quam Esdras recenseat, ait Franciscus Lucas loco citato.

CAPUT OCTAVUM.

SYNOPSIS CAPITIS.

Esdras, convocato omni populo die prima mensis septimi, illi legem Dei prælegit explicatque. Idem facit die 15 mensis per octo dies festi Tabernaculorum, quod ab omnibus magna solemnitate celebratur.

1. Et venerat mensis septimus : filii autem Israel erant in civitatibus suis. Congregatusque est omnis populus, quasi vir unus , ad plateam quæ est ante portam aquarum : et dixerunt Esdræ scribæ ut afferret librum legis Moysi, quam præceperat Dominus Israeli. 2. Attulit ergo Esdras sacerdos legem coram multitudine virorum et mulierum, cunctisque qui poterant intelligere, in die prima mensis septimi. 3. Et legit in eo aperte in platea quæ erat ante portam aquarum , de mane usque ad medium diem , in conspectu virorum et mulierum et sapientium , et aures omnis populi erant erectæ ad Librum. 4. Stetit autem Esdras scriba super gradum ligneum , quem fecerat ad loquendum : et steterunt juxta eum Mathathias, et Semeia, et Ania, et Uria, et Helcia , et Maasia, ad dexteram ejus; et ad sinistram , Phadaia, Misael, et Melchia , et Hasum , et Hasbadana , Zacharia , et Mosollam. 5. Et aperuit Esdras librum coram omni populo : super universum quippe populum eminebat; et cum aperuisset eum, stetit omnis populus. 6. Et benedixit Esdras Domino Deo magno, et respondit omnis populus : Amen, Amen, elevans manus suas ; et incurvati sunt , et adoraverunt Deum proni in terram. 7. Porro Josue, et Bani, et Serebia, Jamin, Accub, Septhai, Odia, Maasia, Celita, Azzarias, Josabed, Hanan, Phalaia, Levitæ, silentium faciebant in populo ad audiendam legem : populus autem stabat in gradu suo. 8. Et legerunt in Libro legis Dei distinete, et aperte ad intelligendum : et intellexerunt, cum legeretur. 9. Dixit autem Nehemias (ipse est Athersatha) et Esdras sacerdos et scriba, et Levitæ interpretantes universo populo : Dies sanctificatus est Domino Deo nostro, nolite lugere, et nolite flere. Flebat enim omnis populus, cum audiret verba legis. 10. Et dixit eis : Ite, comedite pingua , et bibite mulsum , et mittite partes his qui non præparaverunt sibi; quia sanctus dies Domini est, et nolite contristari : gaudium etenim Domini est fortitudo nostra. 11. Levitæ autem silentium faciebant in omni populo, dicentes : Tacete, quia dies sanctus est, et nolite dolere. 12. Abiit itaque omnis populus, ut comederet et biberet, et mitteret partes, et faceret lætitiam magnam : quia intellexerant verba quæ docuerat eos. 13. Et in die secundo congregati sunt principes familiarum universi populi, Sacerdotes et Levitæ, ad Esdram scribam, ut interpretaretur eis verba Legis. 14. Et invenerunt scriptum in Lege, præcepisse Dominum in manu Moysi, ut habitent filii Israel in tabernaculis , in die solemni, mense septimo : 15. et ut prædicent, et divulgent vocem in universis urbibus suis, et in Jerusalem, dicentes : Egredimini in montem, et afferte frondes olivæ, et frondes ligni pulcherrimi, frondes myrti, et ramos palmarum, et frondes ligni nemorosi, ut fiant tabernacula, sicut scriptum est. 16. Et egressus est populus , et attulerunt. Feceruntque sibi tabernacula unusquisque in domate suo, et in atriis suis, et in atriis domus Dei, et in platea portæ aquarum, et in platea portæ Ephraim. 17. Fecit ergo universa ecclesia eorum qui redierant de captivitate , tabernacula, et habitarerunt in tabernaculis : non enim fecerant a diebus Josue filii Nun taliter filii Israel usque ad diem illum. Et fuit lætitia magna nimis. 18. Legit autem in Libro legis Dei per dies singulos , a die primo usque ad diem novissimum , et fecerunt solemnitatem septem diebus , et in die octavo , collectam juxta ritum.

Vers. 1. 1. ET VENERAT MENSIS SEPTIMUS. — Videntur haec gesta anno septimo Artaxerxis sub Esdra, qui ab eo missus rediit in Jerusalem. Unde sicut catalogus cap. præcedentis *Nehemias* idem est cum catalogo *Esdræ* cap. ii; sic et quæ hoc cap. viii dicuntur, videntur esse eadem cum iis quæ narravit Esdras cap. iii, ut patet utrumque conferenti. Utroque enim nominatur mensis septimus, Esdras, festum Tabernaculorum, etc. Nec dubium est Esdram scribam officio et zelo suo perfunctum, mox ut anno septimo Artaxerxis rediit in Jerusalem, ut populum in captivitate legis oblitum legem doceret. Ad hoc enim ipse missus erat ab Artaxerxe dicente, « ut libere doceat imperitos » *Esdræ* cap. vii, vers. 15, sicut Zorobabel et Jesus missi sunt ad reædificandum templum, Nehemias vero ad restaurandos muros et urbem. Adde: Non videtur Esdras vixisse usque ad annum vigesimum Artaxerxis, quo Nehemias muros instauravit; sic enim fuisse annorum 147 (quod illo ævo erat insolens): tot enim fluxere ab anno ultimo Sedeciae, quo occisus est Saraias pater Esdræ, usque ad annum vigesimum Artaxerxis. Verum haec ratio non est solida: nam Esdram anno 20 Artaxerxis vixisse patet cap. xii, vers. 33 et 35, ubi dicitur interfuisse Esdras scriba dedicationi urbis factæ a Nehemia; licet Cajetanus putet ibi alium esse Esdram ab hoc nostro diversum. Quocirca nonnulli censem hæc contigisse sub Nehemia anno 20 Artaxerxis, ut Esdras cum eo tertio redierit in Jerusalem, fueritque grandævus, nimis annorum 147 annorum.

Vers. 4. 4. STETIT ESDRAS SUPER GRADUM LIGNEUM, — Hebræus, *super turrim ligneam*, id est super suggestum, quod instar turriculæ e terra assurgebat in altum.

Vers. 5. 5. STETIT OMNIS POPULUS, — tum ut reverentiam Dei legi stando deferret, tum ut arrectis auribus stans facilius lectionem Esdræ perciperet. Hinc et Christiani ad Evangelium assurgunt reverentiae causa.

Vers. 8. 8. ET LEGERUNT (tum Esdras, tum ejus socii, qui Esdræ seni et fesso in lectione succedebant; sed ubi quid difficultatis occurebat, explicabat illud Esdras) IN LIBRO LEGIS (in Pentateucho, ac præser-tim in Deuteronomio ubi lex tota repetitur et iteratur) DISTINCTE (ut omnes singula perfecte audire possent. Septuaginta vertunt: *et distinxit in scien-tia Domini*, id est distincte legem legit et explicuit per scientiam a Domino acceptam. Perperam ergo nonnulli hoc torquent ad restaurationem librorum a Chaldaïs combustorum, quasi illos Esdras restaurarit ex memoria per scientiam a Deo infusam): ET APERTE AD INTELLIGENDUM. — Hebræus, ponendo (id est dando) intellectum: q. d. Esdras inter legendum explicabat ubi opus erat Syriace vel Chaldaice, quæ Hebraice scripta ex Deuteronomio legebantur; atque insuper sententias quæ occurabant paraphrastice interpretabatur, ut dicitur vers. 13. Populus enim in Babylone linguam

suam Hebræam corruperat, et cum Chaldaea mis-cuerat: quare pure Hebraeam non satis capiebat. Esdras ergo Hebraice dicta interpretabatur lin-gua Syriaca, quæ populo redeunti erat jam pro-pria et nativa.

DIXIT AUTEM NEHEMIAS (IPSE EST ATHERSATHA). — **Vers. 9.** Nehemias dictus est *Athersatha* a radice שָׁרֵת *taras*, id est hæreditavit, q. d. *Athersatha*, id est אַתְּהַתְּשָׁרֵת *atta irrasta*, hoc est secundo a שִׁירֹוֹת *heredi-tasti tu*, quia tu solus præ omnibus hæreditatem patrum possedisti, qui urbem destructam restau-rasti, muris cinxisti, tutamque posteris tuis pos-sidendam tradidisti. Ita Vilalpandus: vel *tiros*, id est mustum, et שְׂחָנָה *scata*, id est bibit; q. d. prælibator vini regis; erat enim pincerna. Ita Mar-inus in Lexico. Tertio, *Athersatha* valde convenit cum *Artacsatha*, id est Artaxerxe. Videtur enim rex sui nominis potestatem Nehemias fecisse, aut certe ipse, utpote regi charissimus, ipsius regis nomine compellatus fuit ab aulicis. Ita Vilalpan-dus, part. I *De templo*, lib. III, cap. iv.

Porro fabulosum videtur quod Lyranus ait, « *Athersatha* » Hebraice idem esse quod *relaxa-tus*: sicque Nehemiam vocari, eo quod per sa-pientes Hebræorum relaxatus sit, cum eoque dis-pensatum ut biberet vinum regis Gentilis, puta Artaxerxis, cuius pincerna erat *Athersatha*; quia *Athersatha* non est nomen Hebræum, sed Chal-dæum et a Chaldaëis inditum.

FLEBAT ENIM OMNIS POPULUS, CUM AUDIRET VERBA LEGIS; — quia videbat legis minas, puta clades omnis generis sibi accidisse ob ejus prævarica-tionem in iisque adhuc se magna ex parte per-durare ab initio captivitatis Babylonicae usque ad annum 20 Artaxerxis, quod erat spatium 147 an-norum.

Vers. 10. 10. IRE, COMEDITE PINGUIA. — Sic Christiana lex Sic Christiana lex vers. 10 vetat jejunium in Dominica, ob Festi lætitiam. Ita S. Thomas, II II, Quæst. CXLVII, art. v, ad 3.

NOLITE CONTRISTARI, — quia licet jure lugeatur et fleatur, tamen hoc die festo Neomeniæ, quo re-colimus beneficia Dei tum antiqua, tum nova et continua in nos collata, gaudendum est, non lu-gendum.

GAUDIUM ETENIM DOMINI EST FORTITUDO NOSTRA. — Gaudium Domini duplice accipi potest. Pri-mo active, quod est gaudium, quo gaudet Domi-nus, cum videt nos in adversis esse forti magno-que animo, non parvo et abjecto. Hic enim stim-ulus valde pungit animos pios, ut in quantali-bet adversitate et tribulatione animum non di-mittant, sed roborent, ut in ea gaudeant, et exul-tent, si cogitent id Deo gratum esse, Deumque gaudere et delectari nostra fortitudine et gaudio in adversis: ita Sanchez; secundo passive gaudium Domini est, quod de Domino vel ex Domini amore, reverentia, imitatione et obedientia concipitur; q. d. Gaudet Deus diebus festis, eo quod illis a fidelibus magis colatur, adoretur, invocetur: quare ipse pariter cupit ut fideles hoc suum gau-

dium imitentur, et induant, gaudeantque die festo, at gaudentes illi sacrificent victimas pacificas ex quibus hilariter comedant, ac cum Deo ipso quasi epulentur. Hoc enim gaudio acquiritur fortitudo mentis et corporis, tum ad legem Dei implendam, tum ad adversa (quibus jam opprimimur) quælibet fortiter ferenda; imo per gaudium hoc lenienda et discutienda, ac per Deum amovenda. Deus enim si nos lætos et gaudentes, indeque fortes et constantes viderit in lege festorumque suorum cultu, amovebit a nobis plaga, quas ob tristem et pusillanimem eorum neglectum nobis immisit. Sicut enim tristitia facit mœstos, pusillanimes, tardos: ita lætitia ex adverso facit hilares, magnanimos et celeres Deicultores legisque custodes; unde Vatablus vertit: *Gaudium Domini est robur vestrum*: seque explicat: divino gaudio efficiemini fortiores animis et alacriores. Gaudium enim spiritus vitales et animales multiplicat, excitat, acuit, et per totum corpus diffundit, ut illud vegetent, excitent et ad opus alacres efficiant; tristitia vero eosdem attenuat, arctat, gravat, avocat, ut totus homo sit mœstus, gravis, contractus et ineptus ad omne bonum. Quocirca Apostolus ad hoc gaudium perenne fideles adhortatur dicens: «Gaudete in Domino semper; iterum dico, gaudete; » *Philipp. IV*. Vide ibi dicta. Adde quod Deus in se et de se gaudentibus novam gratiam, novas vires, novum robur assidue suggerat, quibus ad omnia licet tristia et ardua, fiant generosi, fortes et alacres. Deus enim, cum sit summus et liberalissimus lætissimusque Dominus, vult a nobis famulis suis sibi serviri in lætitia, exultatione et jubilo, juxta illud: «Servite Domino in

lætitia. » Et illud: «Lætamini in Domino, et exultate justi. » cap. XXXI, vers. 11.

13. UT INTERPRETARETUR (Esdras) **EIS VERBA LEGIS**, — ut solveret dubia quæ ex pridiana legi lectione eis suborta erant, præsertim circa ritus celebrandi instans festum Scenopegiæ, sive Tabernaculorum, quos lex præscribit *Levit. XXIII*, ubi de iis fuse egi.

15. DIVULGENT VOCEM, — id est voce præconis **Vers. 13.** ubique promulgant, ut omnes conveniant in Jerusalem ad festum Tabernaculorum imminens, juxta legem per octo dies celebrandum.

AFFERTE FRONDES LIGNI PULCHERRIMI. — Hebræus *ligni olei*, id est pinguis et oleati, quod Septuaginta interpretantur *cypressum*; Pagninus, *pinum*; melius alii *cedrum*. Vide dicta *Levit. XXIII*, 36.

16. FECERUNTQUE TABERNACULA IN DOMINA SUA, — **Vers. 16.** id est in tecto domus sua. Ita Hebræi; tecta enim apud Hebræos erant plana, ut in illis sub dio ambulare, stare, sedere, pernoctare, dormire possent. Clima enim Judææ est calidum et siccum; unde ejus incolæ noctu in tectis frigidum aerem sudumque captant.

17. A DIEBUS JOSUE (id est ab ingressu Hebræorum in Chananæam eis a Deo promissam) **Vers. 17.** **NON FECERUNT TALITER FILII ISRAEL**, — non celebrarant tale festum Tabernaculorum tanta lætitia, tanta devotione legendio legem publice, ejusque explicacionem faciendo tanto populi undique confluentis concursu, ut etiam in tectis Tabernacula construere debuerint: ita Cajetanus et alii.

18. ET IN DIE OCTAVO COLLECTAM, — **Vers. 18.** id est festum cœtus populis, quod quale fuerit explicui *Levit. XXIII*, 40.

CAPUT NONUM.

SYNOPSIS CAPITIS.

Judæi in jejunio et sacco confitentur peccata Deo. Levitæ celebrant prisca beneficia, quibus Deus cum malefactis populi certavit: ac fædus inter Deum et populum renovavit.

1. In die autem vigesimo quarto mensis hujus, convenerunt filii Israel in jejunio et in saccis, et humus super eos. 2. Et separatum est semen filiorum Israel ab omni filio alienigena: et steterunt, et confitebantur peccata sua, et iniquitates patrum suorum. 3. Et consurrexerunt ad standum: et legerunt in volumine legis Domini Dei sui, quater in die, et quater confitebantur, et adorabant Dominum Deum suum. 4. Surrexerunt autem super gradum Levitarum, Josue, et Bani, et Cedmihel, Sabania, Bonni Sarebias, Bani et Chanani: et clamaverunt voce magna ad Dominum Deum suum. 5. Et dixerunt Levitæ, Josue, et Cedmihel, Bonni, Hasebnia, Serebia, Odaia, Sebnia, Phathathia: Surgite, benedicite Domino Deo vestro ab æterno usque in æternum; et benedicant nomini gloriæ tuæ excenso in omni benedictione et laude. 6. Tu ipse, Domine, solus, tu fecisti cœlum, et cœlum cœlorum, et omnem exercitum eorum: terram, et universa quæ in ea sunt: maria, et omnia quæ in eis sunt; et tu vivificas omnia haec, et exercitus cœli te adorat. 7. Tu ipse, Domine Deus, qui elegisti Abram, et eduxisti

eum de igne Chaldæorum, et posuisti nomen ejus Abraham. 8. Et invenisti cor ejus fidele coram te : et percussisti cum eo fœdus, ut dares ei terram Chananæi, Hethæi, et Amorhæi, et Pherezæi, et Jebusæi, et Gergesæi, ut dares semini ejus : et implesti verba tua , quoniam justus es. 9. Et vidisti afflictionem patrum nostrorum in Ægypto, clamoremque eorum audiasti super mare Rubrum. 10. Et dedisti signa atque portenta in Pharaone, et in universis servis ejus, et in omni populo terræ illius : cognovisti enim quia superbe egerant contra eos ; et fecisti tibi nomen, sicut et in hac die. 11. Et mare divisisti ante eos , et transierunt per medium maris in sicco : persecutores autem eorum projecisti in profundum, quasi lapidem in aquas validas. 12. Et in columna nubis ductor eorum fuisti per diem, et in columna ignis per noctem, ut appareret eis via per quam ingrediebantur. 13. Ad montem quoque Sinai descendisti, et locutus es cum eis de cœlo, et dedisti eis judicia recta, et legem veritatis, cæremonias, et præcepta bona; 24. et sabbatum sanctificatum tuum ostendisti eis, et mandata, et cæremonias, et legem præcepisti eis in manu Moysi servi tui. 15. Panem quoque de cœlo dedisti eis in fame eorum , et aquam de petra eduxisti eis sitientibus, et dixisti eis ut ingrederentur et possiderent terram, super quam levasti manum tuam , ut traderes eis. 16. Ipsivero et patres nostri superbe egerunt, et induraverunt cervices suas, et non audierunt mandata tua. 17. Et noluerunt audire, et non sunt recordati mirabilium tuorum quæ feceras eis. Et induraverunt cervices suas, et dederunt caput ut converterentur ad servitutem suam, quasi per contentionem. Tu autem Deus propitius, clemens et misericors, longanimis et multæ miserationis, non dereliquisti eos, 18. et quidem cum fecissent sibi vitulum conflatilem, et dixissent : Iste est Deus tuus, qui eduxit te de Ægypto : feceruntque blasphemias magnas. 19. Tu autem in misericordiis tuis multis non dimisisti eos in deserto : columna nubis non recessit ab eis per diem, ut duceret eos in viam ; et columna ignis per noctem, ut ostenderet eis iter per quod ingrederentur. 20. Et spiritum tuum bonum dedisti qui doceret eos, et manna tuum non prohibuisti ab ore eorum , et aquam dedisti eis in siti. 21. Quadragesima annis pavisti eos in deserto, nihilque eis defuit : vestimenta eorum non inveteraverunt, et pedes eorum non sunt attriti. 22. Et dedisti eis regna, et populos, et partitus es eis sortes : et possederunt terram Sehon , et terram regis Hesebon , et terram Og regis Basan. 23. Et multiplicasti filios eorum sicut stellas cœli, et adduxisti eos, ad terram, de qua dixeras patribus eorum ut ingrederentur et possiderent. 24. Et venerunt filii , et possederunt terram, et humiliasti coram eis habitatores terræ Chananæos, et dedisti eos in manu eorum, et reges eorum et populos terræ, ut facerent eis sicut placebat illis. 25. Ceperunt itaque urbes munitas, et humum pinguem, et possederunt domos plenas cunctis bonis; cisternas ab aliis fabricatas, vineas et oliveta , et ligna pomifera multa : et comedenterunt, et saturati sunt, et impinguati sunt; et abundaverunt deliciis in bonitate tua magna. 26. Provocaverunt autem te ad iracundiam, et recesserunt a te, et projecerunt legem tuam post terga sua : et prophetas tuos occiderunt, qui contestabantur eos ut reverterentur ad te; feceruntque blasphemias grandes. 27. Et dedisti eos in manu hostium suorum, et afflixerunt eos. Et in tempore tribulationis suæ clamaverunt ad te, et tu de cœlo audisti, et secundum miserations tuas multas dedisti eis salvatores, qui salvarent eos de manu hostium suorum. 28. Cumque requievissent, reversi sunt ut facerent malum in conspectu tuo : et dereliquisti eos in manu inimicorum suorum, et possederunt eos. Conversique sunt, et clamaverunt ad te : tu autem de cœlo exaudisti, et liberasti eos in misericordiis tuis, multis temporibus. 29. Et contestatus es eos ut reverterentur ad Legem tuam. Ipsi vero superbe egerunt, et non audierunt mandata tua, et in judiciis tuis peccaverunt, quæ faciet homo, et vivet in eis : et dederunt humerum recedentem, et cervicem suam induraverunt, nec audierunt. 30. Et protraxisti super eos annos multos, et contestatus es eos in spiritu tuo per manum prophetarum tuorum : et

non audierunt, et tradidisti eos in manu popolorum terrarum. 31. In misericordiis autem tuis plurimis non fecisti eos in consumptionem, nec dereliquisti eos : quoniam Deus miserationum, et clemens es tu. 32. Nunc itaque Deus noster magne, fortis, et terribilis, custodiens pactum et misericordiam, ne avertas a facie tua omnem laborem qui invenit nos, reges nostros, et principes nostros, et sacerdotes nostros, et prophetas nostros, et patres nostros, et omnem populum tuum, a diebus regis Assur usque in diem hanc. 33. Et tu justus es in omnibus quæ venerunt super nos : quia veritatem fecisti, nos autem impie egimus. 34. Reges nostri, principes nostri, sacerdotes nostri et patres nostri non fecerunt legem tuam, et non attenderunt mandata tua, et testimonia tua quæ testificatus es in eis. 35. Et ipsi in regnis suis, et in bonitate tua multa quam dederas eis, et in terra latissima et pingui quam tradideras in conspectu eorum, non servierunt tibi, nec reversi sunt a studiis suis pessimis. 36. Ecce nos ipsi hodie servi sumus, et terra quam dedisti patribus nostris ut comedenter panem ejus, et quæ bona sunt ejus, et nos ipsi servi sumus in ea. 37. Et fruges ejus multiplicantur regibus, quos posuisti super nos propter peccata nostra, et corporibus nostris dominantur, et jumentis secundum voluntatem suam, et in tribulatione magna sumus. 38. Super omnibus ergo his nos ipsi percutimus fœdus, et scribimus, et signant principes nostri, Levitæ nostri et Sacerdotes nostri.

Vers. 1. 1. **Er ḡsumus** (id est pulvis et cinis) **SUPER EOS.** — **Nota** hic tria pœnitentiæ officia, æque ac Symbola. **Pœnitentiæ tria Symbola.** **Primum** est, caput aspergere cinere, quasi confitendo quod viles et cinerei sumus, utpote ex cinere formati et in cinerem reddituri, juxta illud Genes. III, 19 : « Pulvis es et in pulverem revertaris. » **Secundum** est publicum et solemne jejunium. **Tertium**, saccus, sive cilicium.

Vers. 2. 2. **SEPARATUM EST SEMEN FILIORUM ISRAEL AB OMNI FILIO ALIENIGENA,** — q. d. Separarunt se ab uxori-bus gentiliis, ac filios, quos ex eis procrearant, separarunt a filiis, quos ex uxoribus Israeliticis genuerant eo modo quem dixi I Esdræ x, 3.

Vers. 3. 3. **ER CONSURREXERUNT** (Levitæ) **AD STANDUM,** — in loco editiore, e quo a populo videri et audiri possent.

ET QUATER CONFITEBANTUR, — q. d. Ad singulas lectiones canebant Deo psalmos et hymnos, quibus Dei beneficentiam celebrarent, ac populi ingrati malefacta confitebantur, supplicesque veniam eorum a Deo postulabant.

Vers. 6. 6. **COELUM COELORUM,** (id est cœlum altissimum, vastissimum et præstantissimum, scilicet empyreum;) **ET OMNEM EXERCITUM EORUM,** — puta omnes angelos et omnia astra.

Vers. 7. 7. **ELEGISTI ABRAM, ET EDUXISTI EUM DE IGNE CHALDÆORUM.** — Dices : Hebræus et Septuaginta habent, de Ur Chaldaeorum, et sic vertit Noster Genes. XI, 31, et alibi.

Respondeo : *Ur* sive *Ura*, ut habet Josephus, est nomen proprium urbis Chaldaeorum, ex qua Deus eduxit Abraham, quam Eupolemus apud Eusebium, lib. IX *Præpar. cap. iv*, vocat Camirinem. Dicta videtur a cultu agri (hunc enim Hebraice significat *ur*) quem teste S. Hieronymo, Quæst. in Genesim, ut Deum coluerunt Chaldæi. Sicut Heliopolis in Ægypto dicta est a cultu solis : « *He-*

liopolis » enim idem est quod ; *ἥλιος πόλις*, id est *solis urbs*; ideoque Noster ut interpretetur nomen Hebraicum *ur*, vertit *ignis*. Unde et quædam Biblia τὸ *ignis* hoc loco scribunt per majusculam I, quasi nomen proprium urbis; omnino enim hic alluditur ad Genes. XI, 31, ubi dicitur : « Eduxi eos de Ur Chaldaeorum; » sic enim et alibi saepè Noster interpretatur etyma nominum proprietum Hebraeorum, quia in eis latet aliquod mysterium, aut vis et energia, ut Judic. XV, 19, Genes. XXVI, 20 et 22.

Hinc secundo, τὸ *ur* potest accipi quasi nomen non proprium, sed appellativum, ut significet ignem, id est pressuram et afflictionem: sicut et Psalm. XVI, 3, et Psalm. LXV, 12; multis enim afflictiones passum esse Abraham a Chaldeis, eo quod nollet adorare ignem, quem ipsi æque ac Persæ ut Deum colebant, testatur Josephus, libro I *Antiq. viii*, et S. Augustinus libro XVI *De Civit. Dei*, cap. XIII. Imo Hebraeorum traditio est hac de causa Abrahamum in ignem fuisse conjectum, sed a Deo miraculose liberatum, quam approbat S. Hieronymus, Quæst. in Genesim. Nec mirum hujus rei non meminisse Josephum, nec Philonem, nec S. Paulum, *Hebr. xi*, (quod objicit Pererius), quia illi fere ea tantum referunt, quæ exstant in Scripturis, ut saepè de se profitetur Josephus. Vide dicta Genes. XI, 31.

Vers. 10. 10. **ET DEDISTI SIGNA ATQUE PORTENTA IN PHARAONE,** — puta decem plagas, quibus Deus percussit Pharaonem, ut cogeret eum dimittere Hebræos in Chanaan. Celebrant hic Levitæ magnificantiam et beneficentiam Dei, recensendo omnia quæ Deus pro Hebræis gessit in Ægypto et Chanaan; scilicet quod pro eis afflixerit Ægyptum decem plagiis, quod dederit eis columnam ignis quasi ducem viæ, item manna, legem, aquam de petra, terram

Chanaan. Unde confitentur pariter ingratitudinem populi Deo inobedientis. Itaque haec eorum confessio et oratio est quasi compendium librorum Pentateuchi, Judicum et Regum.

Vers. 15. 15. PANEM QUOQUE DE COELO DEDISTI EIS, — scilicet manna, de quo *Exodi* xvi.

LEVASTI MANUM TUAM, — id est jurasti. Juramus enim manu elevata, quasi Deum invocantes in testem.

Vers. 17. 17. ET DEDERUNT CAPUT. — Vatablus, *ut eleverunt*, id est eligere voluerunt *ducem*, qui eos reduceret in Aegyptum ad pristinam servitutem, *Num. XIV.* Secundo simplicius, « dederunt caput ut converterentur, » id est obfirmata cervice, ut praecessit, ac obdurato capite resolute voluerunt reverti in Aegyptum. Sic versu 29, dicitur : « Dederunt humerum recedentem et cervicem suam induraverunt. »

Vers. 32. 32. NE AVERTAS A FACIE TUA (sed assidue aspice benignis oculis, ut nobis compatiaris et misera-

ris) OMNEM LABOREM (omnes ærumnas nostras), A DIEBUS REGIS ASSUR, — qui decem tribus anno sexto Ezechiæ captivas abduxit in Assyriam.

33. VERITATEM FECISTI, — id est vere implesti, Vers. 33. vere exhibuisti præmia quæ promiseras, et pœnas quas transgressoribus comminatus fueras.

37. FRUGES MULTIPLICANTUR REGIBUS, — q. d. Ju- Vers. 37. dæa multas quidem profert fruges, at non nobis, sed regibus Persarum, quibus eas pro tributo solvere cogimur.

38. SUPER OMNIBUS ERGO HIS, — q. d. Propter omnia ergo hæc, ut nostri miserearis, ecce nova promissione et foedere pollicemur nos, abdicatis idolis et sceleribus, deinceps tibi soli fideliter et constanter perpetim servituros.

ET SCRIBIMUS — litteras hujus foederis quod tecum inimus, illudque nomine omnium subscribi et obsignari faciemus a Principibus nostris, quorum nomina sequenti capite referuntur.

CAPUT DECIMUM.

SYNOPSIS CAPITIIS.

Enumerantur hi qui fædus populi cum Deo initum subsignarunt, qui pollicentur 52 mandata Dei universa servaturos, ac nominatim Sabbatum, annumque septimum : item decimas, ac primitias a lege statutas persoluturos, utpote in quibus hucusque negligentes et prævaricatores existiterant.

1. Signatores autem fuerunt Nehemias, Athemias, Athersatha filius Hachelai et Sedecias,
2. Saraias, Azarias, Jeremias, 3. Pheshur, Amarias, Melchias, 4. Hattus, Sebenia, Melluch,
5. Harem, Merimuth, Obdias, 6. Daniel, Genthon, Baruch, 7. Mosollam, Abia, Miamin,
8. Maasia, Belgai, Semeia : hi Sacerdotes. 9. Porro Levitæ, Josue filius Azaniæ, Bennui de filiis Henadad, Cedmihel, 10. et fratres eorum, Sebenia, Odaia, Celita, Phalaia, Hanan, 11. Micha, Rohob, Hasebia, 12. Zachur, Serebia, Sabania, 13. Odaia, Bani, Baninu. 14. Capita populi, Pharos, Phahathmoab, Ælam, Zethu, Bani, 15. Bonni, Azgad, Bebai, 16. Adonia, Bergoai, Adin, 17. Ater, Hezecia, Azur, 18. Odaia, Hasum, Besai, 19. Hareph, Anathoth, Nebai,
20. Megphias, Mosallam, Hazir, 21. Mesizabel, Sadoc, Jeddua, 22. Pheltia, Aanan, Anaia,
23. Osee, Hanania, Hasub. 24. Alohes, Phalea, Sobec, 25. Rehum, Hasebna, Maasia,
26. Echaia, Hanan, Anan, 27. Melluch, Haran, Baana : 28. et reliqui de populo, Sacerdotes, Levitæ, janitores et cantores, Nathinæi, et omnes qui se separaverunt de populis terrarum ad legem Dei, uxores eorum, filii eorum et filiæ eorum, 29. omnes qui poterant sapere spondentes pro fratribus suis, optimates eorum, et qui veniebant ad pollicendum, et jurandum ut ambularent in lege Dei, quam dederat in manu Moysi servi Dei, ut facerent et custodirent universa mandata Domini Dei nostri, et judicia ejus, et cæremonias ejus, 30. et ut non daremus filias nostras populo terræ, et filias eorum non acciperemus filiis nostris. 31. Populi quoque terræ, qui important venalia, et omnia ad usum, per diem sabbati ut vendant, non accipiemus ab eis in sabbato, et in die sanctificato. Et dimittimus annum septimum, et exactionem universæ manus. 32. Et statuemus super nos præcepta ut demus tertiam partem sicli per annum ad opus domus Dei nostri. 33. Ad panes propositionis, et ad sacrificium sempiternum, et in holocaustum sempiternum in sabbatis, in calendis, in solemnitatibus, et in sanctificatis, et pro peccato : ut exoretur pro Israel, et in omnem usum domus Dei nostri. 34. Sortes

ergo misimus super oblationem lignorum, inter Sacerdotes, et Levitas, et populum, ut inferrentur in domum Dei nostri per domos patrum nostrorum, per tempora, a temporibus anni usque ad annum : ut arderent super altare Domini Dei nostri, sicut scriptum est in lege Moysi : 35. et ut afferremus primogenita terræ nostræ, et primitiva universi fructus omnis ligni, ab anno in annum in domo Domini. 36. Et primitiva filiorum nostrorum, et pecorum nostrorum, sicut scriptum est in lege, et primitiva boum nostrorum et ovium nostrarum, ut offerrentur in domo Dei nostri, Sacerdotibus qui ministrant in domo Dei nostri : 37. et primitias ciborum nostrorum, et libaminum nostrorum, et poma omnis ligni, vindemiæ quoque et olei, afferremus Sacerdotibus ad gazophylacium Dei nostri, et decimam partem terræ nostræ Levitis. Ipsi Levitæ decimas accipient ex omnibus civitatibus operum nostrorum. 38. Erit autem Sacerdos filius Aaron cum Levitis in decimis Levitarum, et Levitæ offerent decimam partem decimæ suæ in domo Dei nostri, ad gazophylacium in domum thesauri. 39. Ad gazophylacium enim deportabunt filii Israel, et filii Levi, primitias frumenti, vini et olei : et ibi erunt vasa sanctificata, et Sacerdotes, et cantores, et janitores, et ministri, et non dimittemus domum Dei nostri.

Vers. 1. 1. SIGNATORES (fœderis populi cum Deo initi;) FUERUNT NEHEMIAS (quasi dux), ATHERSATHA, FILIUS HACHELAI. — Alius est hic a Nehemia, qui Athersatha quoque nuncupabatur.

Vers. 28. 28. ET OMNES QUI SE SEPARAVERUNT DE POPULIS TERRARUM AD LEGEM DEI, — qui scilicet a gentilismo conversi sunt ad Judaismum, factique proselyti.

Vers. 29. 29. OMNES QUI POTERANT SAPERE. — Refer ad «filii;» q. d. Omnes filii proselytorum, qui non erant infantes, sed adulti et rationis compotes, signarunt quoque hoc fœdus.

SONDENTES (erant) PRO FRATRIBUS suis OPTIMATES EORUM, — q. d. In tanto numero non poterant omnes hoc fœdus signare: quare optimates soli jurarunt et obsignarunt pro cæteris contribulibus suis.

ET QUI (similes optimatibus erant in populo præcipui) VENIEBANT AD POLLICENDUM ET JURANDUM. — Hebraice additur cum execratione, dicentes: Deus nos puniat, si non servaverimus ejus mandata.

Vers. 31. 31. DIMITTEMUS ANNUM SEPTIMUM, — sive Sabbaticum, q. d. Sinemus terram anno septimo sabbatisare, ut agros non colamus, sed sponte in eis nata pauperibus relinquamus, juxta legem Exodi xxiii, 11.

ET EXACTIONEM UNIVERSÆ MANUS, — q. d. Dimittemus pariter debitoribus ea quæ per syngrapham manus eorum nobis sunt debita, ita scilicet ut anno septimo ea non exigamus. Hoc enim lex pariter jubebat, ut, cum terra non coleretur anno septimo, eodem quoque debita ex fructibus terræ solvenda non solverentur.

Vers. 33. 38. ET IN SANCTIFICATIS, — id est, in hostiis pacificis, quæ Deo offeruntur; has enim distinguit a victimis pro peccato, de quibus proxime sequitur.

34. A TEMPORIBUS ANNI USQUE AD ANNUM, — id est Vers. 34. quotannis, sive singulis annis.

37. DECIMAM PARTEM TERRÆ, — id est decimas Vers. 37. fructuum terræ. Nec enim Levitæ terram possidere poterant, sed tantum ex ea fructuum decimas accipere.

OPERUM NOSTRORUM. — Hinc patet Iudeos decimas solvisse non tantum agrorum, sed et laborum et operum suorum, ut ex lucro inde eis proveniente decimam partem darent Levitis.

38. ERIT AUTEM SACERDOS FILIUS AARON CUM LEVITIS IN DECIMIS LEVITARUM, (id est sacerdotes filii Aaronis habebunt partem decimarum cum Levitis, nimirum decimam decimæ. Nam ut sequitur:) LEVITÆ OFFERENT DECIMAM PARTEM DECIMÆ SUÆ IN DOMO DEI. — Igitur decimam decimarum suarum partem Levitæ dabant sacerdotibus, sacerdotes vicissim decimam decimæ suæ dabant Pontifici, qui proinde erat dives valde et opulentus, ut dixi Num. xviii.

39. ET IBI ERUNT VASA SANCTIFICATA, ET SACERDOTES, ET CANTORES, ET JANITORES, ET MINISTRI, — dum tempore vicis suæ in templo ministrant. Hi enim habitabant in cubiculis templo annexis, quæ exedræ et gazophylacia dicebantur, ibique alebantur; nam sumptu colonorum et Levitarum ad hæc gazophylacia deferri debebant primitiæ, quæ sacerdotibus cedebant. Spondent ergo Hebrei se omnia hæc diligenter curaturos, quæ antea neglexerant.

ET NON DIMITTEMUS DOMUM DEI, — q. d. Curabimus omnia quæ ad templi usus et Sacerdotum ac Levitarum sustentationem pertinent. Hæc ergo se facturos jurant, quia in eis hucusque negligenter extiterant.

Vers. 38. Decimas laborum solven-
da.

Vers. 39.

CAPUT UNDECIMUM.

SYNOPSIS CAPITIS.

Jerusalem jam muris cincta, e plebe decima pars per sortem deligitur, quæ eam incolat et ædificet; ceteri vero ad alias Judææ urbes et pagos excolendos mittuntur: unde mox tam Jerusalem, quam cæterarum urbium incolæ nominantur et numerantur.

1. Habitaverunt autem principes populi in Jerusalem: reliqua vero plebs misit sortem, ut tollerent unam partem de decem, qui habitaturi essent in Jerusalem civitate sancta, novem vero partes in civitatibus. 2. Benedixit autem populus omnibus viris qui se sponte obtulerant ut habitarent in Jerusalem. 3. Hi sunt itaque principes provinciæ, qui habitaverunt in Jerusalem, et in civitatibus Juda. Habitavit autem unusquisque in possessione sua, in urbibus suis, Israel, Sacerdotes, Levitæ, Nathinæi, et filii servorum Salomonis. 4. Et in Jerusalem habitaverunt de filiis Juda, et de filiis Benjamin: de filiis Juda, Athaias filius Asiam, filii Zachariæ, filii Amariæ, filii Saphatiæ, filii Malaleel: de filiis Phares, 5. Maasia filius Baruch, filius Cholhosa, filius Hazia, filius Adaia, filius Joarib, filius Zachariæ, filius Sionitis: 6. omnes hi filii Phares, qui habitaverunt in Jerusalem, quadringenti sexaginta octo viri fortes. 7. Hi sunt autem filii Benjamin: Sellum filius Mosollam, filius Joed, filius Phadaia, filius Colaia, filius Masia, filius Etheel, filius Isaia, 8. et post eum Gebbai, Sellai, nongenti viginti octo, 9. et Joel, filius Zechri præpositus eorum, et Judas filius Senua super civitatem secundus. 10. Et de Sacerdotibus, Idaia filius Joarib, Jachin. 11. Saraia filius Helciæ, filius Mosollam, filius Sadoc, filius Meraioth, filius Achitob princeps domus Dei, 12. et fratres eorum facientes opera templi: octingenti viginti duo. Et Adaia filius Jeroham, filius Phelelia, filius Amsi, filius Zachariæ, filius Pheshur, filius Melchiæ. 13. Et fratres ejus principes patrum, ducenti quadraginta duo. Et Amassai filius Azreel, filius Ahazi, filius Mosollamoth, filius Emmer, 14. et fratres eorum potentes nimis: centum viginti octo, et præpositus eorum Zabdiel filius potentium. 15. Et de Levitis Semeia filius Hasub, filius Azaricam, filius Hasabia, filius Boni, 16. et Sabbathai, et Josabed, super omnia opera quæ erant forinsecus in domo Dei, a principibus Levitarum. 17. Et Mathania filius Micha, filius Zebedei, filius Asaph, princeps ad laudandum et ad confitendum in oratione, et Bebecia secundus de fratribus ejus, et Abda filius Samua, filius Galal, filius Idithum: 18. Omnes Levitæ in civitate sancta ducenti octoginta quatuor. 19. Et janitores, Accub, Telmon, et fratres eorum qui custodiebant ostia: centum septuaginta duo. 20. Et reliqui ex Israel Sacerdotes et Levitæ in universis civitatibus Juda, unusquisque in possessione sua. 21. Et Nathinæi, qui habitabant in Ophel, et Siahæ, et Gaspha de Nathinæis. 22. Et episcopus Levitarum in Jerusalem, Azzi filius Bani, filius Hasabiæ, filius Mathaniæ, filius Michæ. De filiis Asaph, cantores in ministerio domus Dei. 23. Præceptum quippe regis super eos erat, et ordo in cantoribus per dies singulos. 24. Et Phathahia filius Mesezebel, de filiis Zara, filii Juda in manu regis, juxta omne verbum populi, 25. et in domibus per omnes regiones eorum. De filiis Juda habitaverunt in Cariatharbe et in filiabus ejus: et in Dibon, et in filiabus ejus: et in Cabseel, et in viculis ejus, 26. et in Jesue, et in Molada, et in Bethphaleth, 27. et in Hasersual, et in Bersabee, et in filiabus ejus, 28. et in Siceleg, et in Mochona, et in filiabus ejus, 29. et in Remmon, et in Saraa, et in Jerimuth, 30. Zanoa, Odollam, et in villis earum, Lachis, et regionibus ejus, et Azeca, et filiabus ejus. Et manserunt in Bersabee usque ad vallem Ennom. 31. Filii autem Benjamin, a Geba Mechmas, et Hai, et Bethel, et filiabus ejus: 32. Anathoth,

Nob, Anania, 33. Asor, Rama, Gethaim, 34. Hadid, Seboim, et Neballat, Lod, 35. et Ono valle artificum : 36. et de Levitis portiones Judæ et Benjamin.

Vers. 1. **1. HABITAVERUNT AUTEM PRINCIPES POPULI IN JERUSALEM,** — tanquam in metropoli, ac civitate sancta, et a Deo electa ad templum æque ac regnum, vel regimen.

RELIQUA VERO PLEBS MISIT SORTEM, UT TOLLERENT UNAM PARTEM DE DECEM, QUI HABITATURI ESSENT IN JERUSALEM CIVITATE SANCTA, NOVEM VERO PARTES IN CIVITATIBUS, — cæteris Judææ. Erat enim Jerusalem tam incolis, quam domibus destituta; quare decima pars plebis sorte delecta est ad eam incolendam, ac ad domos, fora, plateas in ea aëdificandum, quod duobus annis incolæ sorte delecti perfecerunt, teste Beda et Josepho, XI *Antiq.* cap. v. Sorte delectis accessere ii qui sponte se obtulerunt ad habitandum in Jerusalem, ut dicitur vers. 2.

Vers. 3. **3. ET FILII SERVORUM SALOMONIS.** — Quinam fuerint hi, dixi I *Esdrae* II, 43, et lib. *Paralip.* IX, 2.

Vers. 9. **9. ET JUDAS FILIUS SENUA SUPER CIVITATEM SECUNDUS,** — q. d. Primus civitatis Jerusalem præfectus sive præpositorus erat Joel, qui præcessit : secundus vero erat Judas.

Vers. 11. **11. SARAI, etc., PRINCEPS DOMUS DEI.** — Princeps, id est procurator: nam eum non fuisse Pontificem liquet ex cap. seq. vers. 10, ubi inter Pontifices non nominatur.

Vers. 14. **14. FILIUS POTENTIUM,** — id est unius e potentibus et primoribus.

Vers. 15. **15. SEMEIA FILIUS HASUB (qui Hasub erat) FILIUS AZARICAM (qui Azaricam erat) FILIUS HASABIA (qui Hasabia erat) FILIUS BONI.** — Unde Vatablus et alii vertunt : *Semeia filius Hasub, filii Azaricam, filii Hasabia, filii Boni.* Simili modo τὸς *filius* exponentendum est vers. 7, 9, 10 et omnibus sequentibus, subaudiendo « qui erat. » Unde clarius ubique pro « *filius* » cum Pagnino et Vatablo vertas *filiī*.

Vers. 16. **16. JOSABED SUPER OMNIA OPERA, QUAE ERANT FORINSECUS IN DOMO DEI A PRINCIPIBUS LEVITARUM,** — quasi dicat : Josabed præerat culturæ agrorum, item curæ vasorum ad templum pertinentium ; quorum adaptatio a principibus Levitarum facienda erat.

17. MATHANIA, etc., PRINCEPS AD LAUDANDUM, — Vers. 17. hoc est, præerat cantoribus et instrumentis musicis.

22. ET EPISCOPUS LEVITARUM, — id est præfectus Vers. 22. Levitarum : episcopus enim Græce idem est quod superintendens. Unde Cicero, lib. VII *Epistol. ad Atticum*, Campaniæ Præfectum vocat episcopum.

23. PRÆCEPTUM QUIPPE REGIS SUPER EOS ERAT, ET Vers. 23. ORDO IN CANTORIBUS PER SINGULOS DIES, — quasi dicas : Artaxerxes præcepit ut Levitæ quotidie per vices juxta ordinem a Davide et Salomone institutum Deo in templo psalmos et hymnos concinerent.

24. ET PHATHAHIA, etc., IN MANU REGIS JUXTA OMNE VERBUM POPULI. — Vers. 24. Hebræus, *Phathahia erat ad manum regis ad omne negotium populi*; q. d. Phathahias jurisperitus constitutus erat ab Artaxerxe, ut nomine ejus cum Nehemia duce omnes populi causas litesque decideret; sic etiamnum Prætribus et Judicibus adjungi solet assessor juris legumque peritus.

25. ET IN DOMIBUS PER OMNES REGIONES EORUM. — Vers. 25. Hebræus, *et in villis*, scilicet extra Jerusalem; quasi dicas : Hucusque recensui incolas Jerusalem, jam recensebo incolas villarum et urbium extra Jerusalem sitarum, per omnes Judææ et Judeorum regiones.

35. ET ONO VALLE ARTIFICUM, — quis fuerit hic Vers. 35. locus dixi cap. vi, vers. 2.

36. ET DE LEVITIS PORTIONES JUDA ET BENJAMIN, — Vers. 36. q. d. Levitæ non habitabant simul omnes in Jerusalem, sed sparsi erant per omnes urbes: quare portiones eorum erant distributæ per omnes regiones Judæ et Benjamin, ut quæque ex eis suum haberet numerum, qui incolas ea quæ ad Dei legem et cultum spectabant, doceret. Hoc enim sanxerat Deus per Mosen. Unde Vatablus clare vertit : *Levitæ vero possessionem habebant tam in Juda, quam in Benjamin.* Alii : *In confinio Juda et Benjamin.* Hebraice est : *Ex Levitis divisiones, vel partitiones erant Judæ et Benjamin;* q. d. Levitæ dividebantur per Juda et Benjamin. Septuaginta, *ex Levitis partes in Juda et Benjamin.*

CAPUT DUODECIMUM.

SYNOPSIS CAPITIS.

Recensentur Sacerdotes et Levitæ tempore Nehemiac. Unde, vers. 27, ipse eosdem convocat ad murorum dedicationem, quæ vers. 31, facta narratur eorumdem per muros solemni processione cum duobus choris canentium, populi plausu, et immolatione hostiarum. Denique, vers. 43, statuuntur qui præsint gazophylacis et templi sumptibus, ac Sacerdotibus et Levitis de alimentis prospiciant.

Hi sunt autem Sacerdotes et Levitæ, qui ascenderunt cum Zorobabel filio Salathiel, et Josue : Saraia, Jeremias, Esdras, 2. Amaria, Melluch, Hattus, 3. Sebenias, Rheum, Merimuth, 4. Addo, Genthon, Abia, 5. Miamin, Madia, Belga, 6. Semeia et Joiarib, Idaia, Sel-lum, Amoc, Helcias. 7. Idaia. Isti principes Sacerdotum, et fratres eorum, in diebus Josue. 8. Porro Levitæ, Jesua, Bennui, Cedmihel, Sarebia, Juda, Mathanias, super hymnos ipsi et fratres eorum : 9. et Beccacia atque Hanni, et fratres eorum, unusquisque in officio suo. 10. Josue autem genuit Joacim, et Joacim genuit Eliasib, et Eliasib genuit Joiada, 11. et Joiada genuit Jonathan, et Jonathan genuit Jeddoa. 12. In diebus autem Joacim erant Sacerdotes et principes familiarum : Saraiæ, Maraia : Jeremiæ, Hanania : 13. Esdræ, Mosallam : Amariæ, Johanan : 14. Milicho, Jonathan : Sebeniæ, Joseph : 15. Haram, Edna : Maraioth, Helci : 16. Adaiaæ, Zacharia : Genthon, Mosollam : 17. Abiæ, Zechri : Miamin et Moadiæ, Phelti : 18. Belgæ, Sammua : Semaiaæ, Jonathan : 19. Joiarib, Mathanai : Jodaiæ, Azzi : 20. Sellai, Celai : Amoc, Heber : 21. Helciæ, Hasebia : Idaiæ, Nathanael. 22. Levitæ in diebus Eliasib et Joiada, et Johanan, et Jeddoa, scripti principes familiarum, et Sacerdotes in regno Darii Persæ. 23. Filii Levi principes familiarum, scripti in Libro verborum dierum, et usque ad dies Jonathan, filii Eliasib. 24. Et principes Levitarum, Hasebia, Serebia, et Josue filius Cedmihel : et fratres eorum per vices suas, ut laudarent et confiterentur juxta præceptum David viri Dei, et observarent æque per ordinem. 25. Mathania, et Beccacia, Obedia, Mosollam, Telmon, Accub, custodes portarum et vestibulorum ante portas. 26. Hi in diebus Joacim filii Josue, filii Josedec, et in diebus Nehemiac ducis, et Esdræ Sacerdotis scribæque. 27. In dedicatione autem muri Jerusalem, requisierunt Levitas de omnibus locis suis, ut adducerent eos in Jerusalem, et facerent dedicationem, et lætitiam in actione gratiarum, et cantico, et in cymbalis, psalteriis, et citharis. 28. Congregati sunt autem filii cantorum de campestribus circa Jerusalem, et de villis Nethuphati, 29. et de domo Galgal, et de regionibus Geba et Azmaveth : quoniam villas ædificaverunt sibi cantores in circuitu Jerusalem. 30. Et mundati sunt sacerdotes et Levitæ, et mundaverunt populum, et portas, et murum. 31. Ascendere autem feci principes Juda super murum, et statui duos magnos choros laudantium. Et ierunt ad dexteram super murum ad portam sterquilinii. 32. Et ivit post eos Osaias, et media pars principum Juda, 33. et Azarias, Esdras, et Mosollam, Judas, et Benjamin, et Semeia, et Jeremias. 34. Et de filiis sacerdotum in tubis, Zacharias filius Jonathan, filius Semeiæ, filius Mathaniæ, filius Michaiæ, filius Zechur, filius Asaph, 35. et fratres ejus, Semeia, et Azareel, Malalai, Galalai, Maai, Nathanael, et Judas, et Hanani, in vasis canticis David viri Dei : et Esdras scriba ante eos in porta Fontis. 36. Et contra eos ascenderunt in gradibus Civitatis David, in ascensu muri super domum David, et usque ad portam Aquarum ad Orientem. 37. Et chorus secundus gratias referentium ibat ex adverso, et ego post eum, et media pars populi super murum et super turrim furnorum, et usque ad murum latissimum, 38. et super portam Ephraim, et super portam antiquam, et super portam piscium, et turrim

Hananeel, et turrim Emath, et usque ad portam gregis : et steterunt in porta custodiæ, 39. steteruntque duo chori laudantium in domo Dei, et ego, et dimidia pars magistratum mecum. 40. Et Sacerdotes, Eliachim, Maasia, Miamin, Michea, Elionai, Zacharia, Hanania, in tubis, 41. et Maasia, et Semeia, et Eleazar, et Azzi, et Johanan, et Melchia, et Ælam, et Ezer. Et clare cecinerunt cantores, et Jezraia præpositus. 42. Et immolaverunt in die illa victimas magnas, et lætati sunt : Deus enim læticaverat eos lætitia magna ; sed et uxores eorum et liberi gavisi sunt, et audita est lætitia Jerusalem procul. 43. Recensuerunt quoque in die illa viros super gazophylacia thesauri ad libamina, et ad primitias, et ad decimas, ut introferrent per eos principes civitatis in decore gratiarum actionis, Sacerdotes et Levitas : quia læticatus est Juda in Sacerdotibus et Levitis adstantibus. 44. Et custodierunt observationem Dei sui, et observationem expiationis, et cantores, et janitores juxta præceptum David, et Salomonis filii ejus, 45. quia in diebus David et Asaph ab exordio erant principes constituti cantorum, in carmine laudantium, et confitentium Deo. 46. Et omnis Israel, in diebus Zorobabel, et in diebus Nehemiæ, dabant partes cantoribus et janitoribus per dies singulos, et sanctificabant Levitas, et Levitæ sanctificabant filios Aaron.

Vers. 1.
Esdras
unus,
non duo.

1. ESDRAS. — Cajetanus putat hunc Esdram esse diversum ab Esdra de quo lib. I, quem ipse conscripsit. Probat, quia hic simpliciter vocatur Esdras, ille vero, lib. I, vocatur Sacerdos et scriba. Verum Sanchez et alii censem esse unum eundemque. Nam hic quoque vers. 35, vocatur « Esdras scriba, » diciturque præfuisse uni choro cantorum. Quare Esdras hoc anno 20 Artaxerxis superstes jam erat 147 annorum, ut superius dixi. Addit Historia Scholastica in Judith cap. x : *Dedicationis jam mænibus, defunctus est Esdras et Jerosolymæ sepultus.*

7. ISTI PRINCIPES SACERDOTUM, etc., IN DIEBUS JOSE, — hoc est Jesu filii Josedec Pontificis, qui anno primo Cyri cum Zorobabel Judæos e Babylone reduxit, et templum reædificavit.

Vers. 10. **10. JOSUE AUTEM GENUIT JOACIM, ET JOACIM GENUIT ELIASIB, ET ELIASIB GENUIT JOIADA.**

Vers. 11. 11. ET JOIADA GENUIT JONATHAN, ET JONATHAN GENUIT JEDDOA. — Jeddoa est Jaddo, qui pontificalibus induitus occurrit Alexandro magno, eumque Judæis offensum (eo quod ipsi Dario Codomanno regi Persarum, cui erant subditi, favissent, non sibi eum invadenti) placavit. Unde eum supplex veneratus est Alexander, teste Josepho, lib. XI Antiq. cap. VIII.

Dices : Nehemias non potuit Jaddum videre pontificem ; sic enim debuisset vivere ducentos annos : tot enim fluxere a Cyro ad Alexandrum, totque annis stetit monarchia Persarum, quam victo Dario Alexander transtulit ad Græcos. Vixit enim et gessit hæc Nehemias sub Artaxerxe Longimano, qui Alexandrum antecessit centum annis et amplius : quare non potuit ipse Jaddum sub Alexandro videre pontificem. Hoc argumento convictus Scaliger, *De Emendatione Temporum*, contendit Artaxerxem, qui misit Nehemiam in Judæam, non fuisse Longimanum, sed Mnemonem, qui paulo ante Alexandrum regnavit in Perside. Verum respondeo : Hæc omnia in argumento ob-

jecta vera esse ; ideoque hunc vers. 11, æque ac An Nehemias viderit Jaddum ?
vers. 22, non esse scriptum a Nehemias, sed post ejus mortem huic libro hoc loco insertum a Synagoga Judæorum, quæ tum regebatur a Spiritu Sancto, vel ab aliquo scriptore Hagiographo, ad ostendendam continuam Pontificum successionem toto tempore regni Persarum usque ad Alexandrum, a cuius gestis incipiunt libri Machabæorum, ut continuam Israelis, hoc est reipublicæ et Ecclesiæ Dei historiam pertexant per Machabæos Pontifices et Principes usque ad Christum. Primus enim Josue, sive Jesus, qui hic nominatur, fuit pontifex sub Cyro : ultimus vero Jeddoa, sive Jaddo, fuit Pontifex sub Dario Codomanno et Alexandro : intermedii vero fuere Pontifices successive sub Dario, Xerxe, Artaxerxe aliisque regibus Persarum pariter intermediis, uti ostendi in catalogo et serie horum Pontificum, quam præfixi Esdræ. Id ita esse colligitur ex vers. 23 et 26 ubi dicitur, tempore Nehemias fuisse Pontifices Joacim et Eliasib, « usque ad dies Jonathan filii Eliasib ; » Jonathan autem fuit pater Jeddoæ, sive Jaddi : quare eum Nehemias non vidi Pontificem. Simili modo libris Mosis ac Josue et aliorum, ab Esdra addita sunt ultima capita, quibus eorum mors describitur, ut dixi procœmio in Esdram.

Respondeo secundo, Nehemiam vidisse Jaddum puerum, sed non Pontificem. Id liquet ex cap. XIII, vers. 28, ubi dicitur aliquis filiorum Joiadæ Pontificis dedisse filiam suam uxorem Sanaballat Horonitæ : itaque eum sibi fecisse generum, « quem, inquit Nehemias, fugavi a me. » Nam hic filius Joiadæ fuit Jonathan pater Jaddi, vel certe fuit frater Jonathan. Quare si tunc Jonathan, vel frater ejus habebat filiam nubilem, utique poterat et filium habere Jaddum. Sicut ergo Esdras, Deo dante, fuit longævus vixitque 147 annos ; sic et longævus fuit Nehemias Esdræ coævus, æque ac longævi fuere Jesus filius Josedec, Daniel et similes illo ævo, idque hoc fine, ut Synagogam in

captivitate ex parte prolapsam, in fide, lege et cultu veri Dei, instaurarent, nimurum, ut ille ait: « Senium non sentit charitas. » Quare Jaddo pontifex, tempore Alexandri Magni, videtur fuisse grandævus, scilicet 94 circiter annorum; ita ut natus sit sub Artaxerxe, vel Dario Nothio ejus filio, visusque a Nehemia puer, vel juvenis, existens; nam ab ultimo anno Artaxerxis ad Alexandrum fluxere 94 anni. Et hac de causa Jeddoa hic non vocatur pontifex, sed simpliciter nominatur duntaxat, diciturque genitus a Jonathan.

Vers. 12. 42. IN DIEBUS AUTEM JOACIM ERANT SACERDOTES ET PRINCIPES FAMILIARUM (sacerdotalium tum recentium et præ ceteris florentium): SARAIÆ, MARAIA : JEREMIÆ, HANANIA : ESDRÆ, MOSOLLAM, etc., — q. d. In familia Saraiæ, quæ tempore Josue, sive Jesu pontificis inter sacerdotales familias erat celebris et prima, ut dictum est versu 1, jam tempore Joacim filii Jesu Pontificis primarius et princeps erat Maraia: in familia vero Jeremiae primus et princeps erat Hanania; in familia vero Esdrae caput et princeps erat Mosollam; et ita de ceteris qui sequuntur.

Vers. 22. 22. LEVITÆ IN DIEBUS ELIASIB ET JOIADA, ET JOHANNAN, ET JEDDOA, SCRIPTI PRINCIPES FAMILIARUM, ET SACERDOTES (supple, erant ii quos subjungo versu 24; hucusque enim recensuit principes Levitarum familiarum sacerdotalium: nunc simili modo recenset principes familiarum Leviticarum) IN REGNO (Hebræus, usque ad regnum, ut vertunt Pagninus et Vatablus) DARII PERSÆ, — scilicet Darii Codomanni ultimi Persarum regis, quem anno septimo regni vicit Alexander, itaque monarchiam à Persis ad Græcos transtulit. Hic versus videtur insertus Nehemiæ ab aliquo posteriore, ut dixi versu 11; nam Nehemias non vidit Darium Codomanum, nec Jaddum sub eo Pontificem: sic enim debuisset vivere annos ducentos. Nisi dicas Darium hic accipi non Codomanum, sed Nothum, qui fuit filius spurius Artaxerxis Longimanus, illique in regno successit. Hunc enim videre potuit Nehemias, adeoque si Jaddus natus est initio regni Darii Nothi, tempore Alexandri Magni erat 94 circiter annorum.

Vers. 23. 23. IN LIBRO VERBORUM DIERUM, — id est, in annalibus, sive diariis et chronicis Pontificum Iudaeorum. Hós enim annales exacte conscripsisse Judæos liquet ex libro *Paralip.* et ex Josepho, idque per seriem annorum Pontificum, utpote regibus jam extinctis. Unde pariter patet annales hos diversos esse a libro *Paralip.*, nam ab eo citantur.

Vers. 27. 27. IN DEDICATIONE AUTEM MURI JERUSALEM. — Hinc patet solemnem hanc dedicationem fuisse muri Jerusalem; ideoque paulo post 52 dies, quibus murus perfectus fuit, esse peractam, ut censem Salianus, Sanchez et alii: licet nonnulli putent hanc dedicationem fuisse non muri duntaxat, sed totius urbis, postquam in illa domus, foras, vici et plateas fuere aedificatae et perfectae

per spatiū biennii, teste Josepho, quare hanc dedicationem totius urbis factam aiunt anno 22 Artaxerxis. Unde ipsi ab hoc anno 22 quo dedicata est urbs, inchoant 70 hebdomades Danielis usque ad Christum.

Porro ritus hujus dedicationis describitur versu 30 et sequentibus. Hinc cœpit usus pius dedicandi novas urbes et domos, quem proinde etiamnum religiosiores studiosè observant. Idem fecere Gentiles, ut dixi superius. Hinc Justinus Imperator, lib. sacra loca IX, § Sanctæ, ff. de rerum divisione: « Sanctæ quoque res, inquit, velut muri et portæ civitatis quodam modo divini juris sunt, et ideo nullius in bonis sunt. » Sacros esse muros apud Romanos multis docet Servius ad illud Virgilii, lib. V *Aeneid.* :

Interea Aeneas urbem designat aratro.

Ubi certos ostendit ritus et sacrificia, quæ in murorum designationem et fabricam adhibebantur.

30. MUNDAVERUNT POPULUM, ET PORTAS, ET MURUM, — Nimurum aspergendo ea aqua lustrali: item orando et sacrificando pro eorum incolumitate. Rursum iisdem ritibus mundarunt muros et populum ab omni immundicie et irregularitate quam in illa lege facile et multis modis contrahebant.

31. ASCENDERE AUTEM FECI PRINCIPES JUDA SUPER MURUM. — Muri enim exiguum habebant latitudinem; unde paucos capiebant. Jussi ergo fuere soli principes, non omnes, sed aliqui eos descendere, utpote quorum erat eos contra hostes tueri. Porro hinc inde ad latus principum erant duo chori Sacerdotum et Levitarum pari cum eis passu procedentium, et Dei laudes canentium. Unichoro præerat Esdras, ut patet versu 35; alteri Nehemias cum suis asseclis, qui partim sacerdotes erant, partim laici, præsertim e principum numero, ut patet vers. 37 et 39.

42. ET IMMOLAVERUNT INILLA DIE VICTIMAS MAGNAS, — quas Deus sibi gratas ostendit, dum aquas quibus perfusæ erant victimæ, convertit in ignem, qui victimas concremavit: qua de causa Hebræi, ut tantum miraculum quotidianis recolerebant, instituerunt festum dati a Deo ignis, ut patet II Machab. I, 18.

43. RECENSUERUNT QUOQUE IN DIEILLA VIROS SUPER GAZOPHYLACIA THESAURI AD LIBAMINA, ET AD PRIMITIAS, ET AD DECIMAS, UT INTROFERENT PER EOS PRINCIPES CIVITATIS IN DECORE GRATIARUM ACTIONIS (in decoram gratiarum actionem, pro eortum meritis), SACERDOTES ET LEVITAS, (ut scilicet per viros gazophylaciis præfectos inducerent Sacerdotes et Levitas ad ipsa gazophylacia, ut ex eis acciperent decimas, libamina, et primitias sibi ex lege debitas, ut scilicet ex eis darent partes Sacerdotibus et Levitis, ut habeant Hebræus, Septuaginta, Sixtinus, Vatablus et alii; idque « in decorum gratiarum actionis, » ut scilicet per has oblationes decoras agerent gratias Sacerdotibus et Levitis, quod

Vers. 30.

Vers. 43.

in hac dedicatione et processione concinne canendo, et religiose sacrificando egregie munere suo perfuncti forent; hoc est enim quod subdit: QUIA LÆTIFICATUS EST IUDA IN SACERDOTIBUS, ET LEVITIS ADSTANTIBUS: — eo quod officium suum in dedicatione murorum tam præclare obivissent, ut dixi.

Vel rem
sanctam
ostende-
re.

Vers. 48. **46. SANCTIFICABANT LEVITAS,** (id est *Levitis*, ut habent *Hebræus* et *Septuaginta*, quasi dicat: *Rem sanctam*, puta decimas personis sacris, puta *Levitis* ex lege debitas deferebant. Et in his decimis) **LEVITE SANCTIFICABANT FILIOS AARON,** — id est, deferebant sacerdotibus suam decimam, de qua *Num. cap. xviii, 8.* Sanctificare ergo hic idem est, quod rem sanctam, puta decimam, offerre. Ex re sancta enim videtur quasi sanctificari persona, cui res sancta lege illi debita offertur; ita *Cajetanus, Vatablus* et alii. Sic vir infidelis dicitur sanctificari (per denominationem extrinsecam) a muliere fideli, ac vicissim mulier infidelis per virum fidem, *I Corinth. vii, 14.*

Rursum sanctificare, ait Sanchez, est ostendere aliqua actione religiosa et sancta aliquid esse sanctum. Quomodo dicimur sanctificare Sabbathum, aut templum, aut etiam Deum, non quia a nobis aliquid sanctitatis accipiant; sed quia, dum illa veneramur et colimus, eorum sanctitatis hominibus argumenta præbemus. Est autem non levius alicujus sanctitatis argumentum, si publicis aliquem Ordinem sumptibus alamus, maxime si illius obsequii, cum impenditur, causa reddatur, qualis hic a populo redditur liberali et grato.

Sic ergo populus sanctificabat Levitas; dando enim eis decimas ostendebat eos se esse maiores, quasi Dei ministros publicis decimis alendos; viçissim Levitæ, decimarum suarum decimam dando sacerdotibus, ostendebant eos esse se maiores et sanctiores. Unde Apostolus, *Hebr. vii, 4,* ex eo quod Abraham dedit decimas Melchisedecho, probat eum majorem fuisse Abrahamo. Decimæ enim a laicis dantur sacerdotibus quasi Dei ministris, ut pro ipsis Deo serviant et sacrificent.

CAPUT DECIMUM TERTIUM.

SYNOPSIS CAPITIS.

Nehemias anno 32 Artaxerxis, rediens in Jerusalem, corrigit varios abusus qui se absente, et mortuo jam Esdra, irrepserant: nimirum primo admissionem Moabitum et Ammonitarum in officia magistratus Israelis, vers. 1; secundo, Tobiae gazophylacium usibus templi restituit, vers. 4; tertio, Levitas profugos ob stipendia negata iis datis revocat, vers. 10; quarto, profanationem Sabbati per opera servilia resecat, vers. 15; quinto, conjugia cum alienigenis, indeque filios Azotice loquentes tollit, vers. 23.

1. In die autem illo lectum est in volumine Moysi, audiente populo; et inventum est scriptum in eo, quod non debeant introire Ammonites et Moabites in ecclesiam Dei usque in æternum: 2. eo quod non occurserint filii Israel cum pane et aqua, et conduixerint adversum eos Balaam, ad maledicendum eis: et convertit Deus noster maledictionem in benedictionem. 3. Factum est autem, cum audissent legem, separaverunt omnem alienigenam ab Israel. 4. Et super hoc erat Eliasib sacerdos, qui fuerat præpositus in gazophylacio domus Dei nostri, et proximus Tobiae. 5. Fecit ergo sibi gazophylacium grande, et ibi erant ante eum reponentes munera, et thus, et vasa, et decimam frumenti, vini, et olei, partes Levitarum, et cantorum, et janitorum, et primitias sacerdotales. 6. In omnibus autem his non fui in Jerusalem, quia anno trigesimo secundo Artaxerxis regis Babylonis veni ad regem, et in fine dierum rogavi regem. 7. Et veni in Jerusalem, et intellexi malum quod fecerat Eliasib Tobiae, ut faceret ei thesaurum in vestibulis domus Dei. 8. Et malum mihi visum est valde. Et projeci vasa domus Tobiae foras de gazophylacio: 9. præcepique, et emundaverunt gazophylacia: et retuli ibi vasa domus Dei, sacrificium, et thus. 10. Et cognovi quod partes Levitarum non fuissent datæ, et fugisset unusquisque in regionem suam de Levitis, et cantoribus, et de his qui ministrabant: 11. et egi causam adversus magistratus, et dixi: Quare dereliquimus domum Dei? Et congregavi eos, et feci stare in stationibus suis: 12. Et omnis Juda apportabat decimam frumenti, vini, et olei, in horrea. 13. Et constituimus super horrea Selemiam Sacerdotem, et Sadoc scribam, et Phadaiam de Levitis, et juxta eos Hanan filium

Zachur, filium Mathaniae : quoniam fideles comprobati sunt, et ipsis creditæ sunt partes fratrum suorum. 14. Memento mei, Deus meus, pro hoc, et ne deleas miserations meas, quas feci in domo Dei mei, et in cæremoniis ejus. 15. In diebus illis vidi in Juda calcantes torcularia in sabbato, portantes acervos, et onerantes super asinos vinum, et uvas, et ficus, et omne onus, et inferentes in Jerusalem die sabbati. Et contestatus sum ut, in die qua vendere liceret, venderent. 16. Et Tyrii habitaverunt in ea, inferentes pisces, et omnia venalia : et vendebant in sabbatis filiis Juda in Jerusalem ; 17. et objurgavi optimates Juda, et dixi eis : Quæ est hæc res mala, quam vos facitis, et profanatis diem Sabbati ? 18. Numquid non hæc fecerunt patres nostri, et adduxit Deus noster super nos omne malum hoc, et super civitatem hanc ? Et vos additis iracundiam super Israel, violando Sabbatum. 19. Factum est autem, cum quievissent portæ Jerusalem in die Sabbati, dixi : et cluserunt januas, et præcepi ut non aperirent eas usque post Sabbatum : et de pueris meis constitui super portas, ut nullus inferret onus in die Sabbati. 20. Et manserunt negotiatores, et vendentes universa venalia, foris Jerusalem semel et bis. 21. Et contestatus sum eos, et dixi eis : Quare manetis ex adverso muri ? si secundo hoc feceritis, manum mittam in vos. Itaque ex tempore illo non venerunt in Sabbatho. 22. Dixi quoque Levitis ut mundarentur, et venirent ad custodiendas portas, et sanctificandam diem Sabbati : et pro hoc ergo memento mei, Deus meus, et parce mihi secundum multitudinem miserationum tuarum. 23. Sed et in diebus illis vidi Judæos ducentes uxores Azotidas, Ammonitidas, et Moabitidas. 24. Et filii eorum ex media parte loquebantur Azotice, et nesciebant loqui Judaice, et loquebantur juxta linguam populi et populi. 25. Et objurgavi eos, et maledixi. Et cecidi ex eis viros, et decalvavi eos, et adjuravi in Deo, ut non darent filias suas filiis eorum, et non acciperent de filiabus eorum filii suis, et sibi metipsis, dicens : 26. Numquid non in hujuscemodi re peccavit Salomon rex Israel ? et certe in gentibus multis non erat rex similis ei, et dilectus Deo suo erat, et posuit eum Deus regem super omnem Israel : et ipsum ergo duxerunt ad peccatum mulieres alienigenæ. 27. Numquid et nos inobedientes faciemus omne malum grande hoc, ut prævaricemur in Deo nostro, et ducamus uxores peregrinas ? 28. De filiis autem Joiada filii Eliasib sacerdotis magni, gener erat Sanaballat Horonites, quem fugavi a me. 29. Recordare, Domine Deus meus, adversum eos qui polluunt sacerdotium, jusque Sacerdotale et Leviticum. 30. Igitur mundavi eos ab omnibus alienigenis, et constitui ordines Sacerdotum et Levitarum, unumquemque in ministerio suo : 31. et in oblatione lignorum in temporibus constitutis, et in primitivis : memento mei, Deus meus, in bonum. Amen.

Vers. 1. 1. **SCRIPTUM IN EO, QUOD NON DEBEANT INTROIRE AMMONITES ET MOABITES IN ECCLESIAM DEI.** — Scripta est hæc lex *Deuter.* cap. xxiii, vers. 3, ubi eam explicui, docuique quid per ecclesiam Dei intelligatur, nimirum intellige dignitatem, eminentiam et magistratum in cœtu populi Israelitici : ad hanc enim admitti non poterant Ammonitæ et Moabitæ; iidem tamen fieri poterant proselyti; itaque cum Judæis ingredi templum et sacris interesse, uti Ruth Moabitæ fecit nupsitque Booz Israelitæ. Sic et apud Hispanos Mauri possunt fieri Christiani, sed ad magistratus non admittuntur.

Vers. 4. 4. **ET SUPER HOC ERAT ELIASIB SACERDOS,** (q. d. Super custodiam legis jam citatae vers. 1, constitutus erat Eliasib Pontifex, cuius erat curare ne quis Ammonites ad officia publica in Israele admitteretur : sed ipse adeo id non curavit, ut To-

biam Ammonitam sibi affinem fecerit, ideoque gazophylacio præposuerit. Unde sequitur :) Qui (Eliasib) FUERAT PRÆPOSITUS IN GAZOPHYLACIO DOMUS DEI NOSTRI, ET PROXIMUS TOBIÆ, etc. — Tobias hic erat « servus Ammonites, » ut dictum est cap. ii, vers. 10. Ideoque infensus Judæorum hostis, sed dives et potens, ideoque cum eo affinitatem per connubium contraxerat Eliasib Pontifex : qua de causa eum ut sibi affinem præfecerat gazophylacio templi, quæ erat magna Tobie dignitas, æque ac utilitas, sed major Israelis indignitas et noxa, quod scilicet servus Ammonita ad tantam dignitatem in Israel eveheretur contra legem *Deuter.* xxiii, 3, citatam vers. 1. Erat et noxa, quia Tobias gazophylacium non ad usus sacerdotum et templi, ad quod institutum erat, sed ad sua commoda averterebat, reponens in eo omnem suam spolietilem. Quod indignissimum ratus Nehemias

eum e gazophylacio expulit, illudque Israeli restituit.

Vers. 5. 5. FECIT ERGO SIBI (Hebræus et Septuaginta, *fecit ei*, scilicet Tobiae, ut patet vers. 7,) GAZOPHYLACIUM GRANDE, ET ERANT IBI ANTE EUM REPONENTES MUNERA, ET THUS, ET VASA, etc. — *q. d.* Eliasib præfecit Tobiam Ammonitem toti gazæ templi, puta primitiis et decimis, cæterisque quæ Levitis et Sacerdotibus afferebantur.

Vers. 7. 7. UT FACERET EI THESAURUM, — scilicet gazophylacium jam dictum, ut habent Septuaginta, in quo thesauri templi asservabantur. Patet ex Hebræo.

Vers. 8. 8. PROJECI VASA, — id est supellectilem Tobiae.

Vers. 9. 9. ET RETULI IBI VASA DOMUS DEI ET SACRIFICIUM, — id est res ad sacrificium pertinentes, puta oleum, vinum, similam, sal, etc.

Vers. 11. 11. FECI STARE IN STATIONIBUS SUIS, — *q. d.* Suis locis et officiis restitui Levitas et cantores.

Vers. 19. 19. CUM QUIEVISSENT PORTÆ JERUSALEM IN DIE SABBATI, — a suo officio emitendi et admittendi ingredientes. Hebraeus, *cum obumbratæ essent portæ*, id est cum adesset vespera feriæ sextæ : tunc enim inchoabatur Sabbatum, uti jam dixi. Unde Septuaginta vertunt, *ante diem*, scilicet artificialem, *Sabbati*. Jussit ergo Nehemias claudi portas tota die naturali Sabbati per 24 horas, ne quis per illas onera portando violaret Sabbatum.

UT NULLUS INFERRET ONUS, — per portas. Hinc porta dicta est, quod per eam onera importentur et exportentur, ait Cato, et ex eo Isidorus, lib. XV *Etymol.* cap. II; licet Donatus portam dici *velif ab aratri portatione* : quia, inquit, in designatione urbiū, sub junctis vacca et tauro qui urbem designabat in porta, aratrum manu suspenderat, ne sulcum faceret, ubi aditus civitatis erant relinquendi.

Vers. 21. 21. MANUM MITTAM IN VOS, — id est comprehendam et puniam, et onera mercium quas inferetis confiscabo.

Vers. 24. 24. ET FILII EORUM EX MEDIA PARTE (Hebræus, *medietas, sive media pars filiorum*) LOQUEBANTUR AZOTICE (lingua autem Azotica olebat religionem exoticam et Azoticam. Alia enim medietas loquebatur Moabitice, vel Ammonitice, vel Madianitice,) JUXTA LINGUAM POPULI, ET POPULI, — id est singulo-

rum populorum, ex quibus matres erant orijundæ; filii enim, a matribus educati, earum lingua cum lacte imbibebant.

Vers. 25. 25. ET MALEDIXI, (id est anathematizavi et ex-communicavi talium filiorum parentes, imo eos) CECIDI (flagellis) ET DECALVAVI—(perperam Complutensia habent *decalcavī*), id est depilavi et capillos evulsi, quod magnæ est ignominia. Inter quos præcipius erat filius Joiadæ Pontificis, de quo vers. 28.

Vers. 28. 28. DE FILIIS AUTEM JOIADA FILII ELIASIB SACERDOTTIS MAGNI (Pontificis) GENER ERAT SANABALLAT HORONITES. — Ita Romana, licet Complutensia et prisca Biblia habeant *Horonitis* in genitivo; itaque legendum videtur; nam sic habent Hebræi, Septuaginta, Vatablus, Pagninus et alii, ut sensus sit: Unus e filiis Joiadæ duxerat filiam Sanaballat Horonitis, ideoque erat ejus gener.

QUEM FUGAVI A ME, — et a coetu Israel, indignum ratus Sanaballat Samaritam et infidelem connubia miscere cum Israele, imo cum Pontifice.

Porro aliis est hic Sanaballat a Sanaballat Praefecto Samariæ, qui teste Josepho, lib. XI, cap. VII et VIII, filiam suam dedit uxorem Manassi fratri Jaddi pontificis sub Alexandro Magno, ideoque Manassen pontificem templi schismatici a schismatis constructi in Samaria, in monte Garizim, de quo templo perpetua fuit lis inter Judæos et Samaritanos, etiam tempore Christi, ut patet Joan. cap. IV, vers. 24; alium fuisse liquet ex eo quod hic Sanaballat Horonites sacer erat filii Joiadæ : ille vero Josephi sacer erat Manassis fratribus Jaddi Pontificis; ergo hic ille non fuit: Joiada enim fuit avus Jaddi: Joiada enim genuit Jonathan; Jonathan vero genuit Jaddum; Jaddi autem frater Manasses, fuit gener hujus posterioris Sanaballat. Forte hic posterior prioris fuit filius, vel nepos.

QUEM FUGAVI A ME. — Per « quem » accipe non tam Sanaballat, quam generum Sanaballat filium scilicet Joiadæ pontificis, qui filiam Sanaballat uxorem duxerat; hunc enim Nehemias expulit, et sacerdotio privavit, ob ductam alienigenam. Ita Sanchez. Nec enim Sanaballat aderat, multo minus subjectus erat Nehemias; sed ipsi aderat et subjectus erat filius Joiadæ : unde et expulit eum.

DE LIBRO III ET IV ESDRÆ.

QUÆ ET QUANTA SIT EORUM AUCTORITAS.

Nota duos hos Esdræ libros non esse canonicos, ut Genebrardus notat in *Chronol.* pag. 90, sed esse apocryphos, id est occultæ auctoritatis; quia Ecclesiæ certum non est eos esse canonicos et partes sanctæ Scripturæ, ac proinde eos extra cata-

logum sacrorum librorum rejicit, locatque inter apocryphos: unde hi duo libri non exstant in textu Hebræo, nec Græco Septuaginta. Citant tamen eos multi veterum, vel ut sacros, vel ut probos: in multis enim Græcis codicibus liber ter-

tius *Esdrae*, ipse est primus *Esdrae*; quia liber hic tertius incipit a gestis Josiae regis, qui Esdram antecessit; qui vero in Latinis Bibliis vocantur primus et secundus *Esdrae*, hia Græcis nominantur secundus *Esdrae*. Ita citant hunc librum tertium *Esdrae*, Origenes, hom. 9 in *Josue*, sub finem, S. Athanasius, oratione 3 *Contra Arianos*, Clemens, lib. I *Strom*, pag. 64, Cyprianus, epist. ad *Pomp.*, Auctor operis imperfecti, hom. 4 in *Matt.*, Sulpius, lib. II *Hist.*, ubi eadem fere habet quæ apud nos Esdras, dempta illa insigni, cap. III, trium regiorum juvenum historia et disputatione de re fortissima, in qua primus dicit: Forte est vinum; secundus: Fortior est rex; sed tertius Zorobabel fortiores ait mulieres; sed fortissima est veritas, quam tamen citat Josephus, lib. XI *Antiq.* IV, et S. Augustinus, lib. XVIII *De Civit.* xxxvi, mystice adaptat Christo, qui est veritas vincens omnia. Nec habet hic liber quippiam de fabulis suspectum; itaque majoris est auctoritatis quam historia Livii, Sallustii, Curtii et aliorum scriptorum non hagiographorum. Denique hic liber tertius *Esdrae* narrat eadem quæ narrata sunt libro primo et secundo; sed quæ ibi breviter dicta sunt, fusius hic recensentur, ac nonnulla ibi omissa addit et supplet. Quare illis idem est, quod libri *Paralip.* sunt ad libros *Regum*.

Dices: Hic liber cap. I versu ultimo numerat 77 annos servitutis, cum tamen *Jerem.* cap. xxv, tantum numerantur 70. Respondeo, utrumque esse verum; nam 70 sunt usque ad annum primum Cyri; 77 sunt, si post Cyrum addas annos regni Cambysis hostis Judæorum, usque ad Darium Hystaspis, qui plenam et stabilem eis libertatem cum templi fabrica concessit. Quocirca Bellarminus, lib. I *De verbo Dei*, cap. XX, librum tertium *Esdrae* asserit esse canonicum tertii ordinis, cuius sunt liber tertius et quartus Machabæorum, ac liber Hermetis, sive Pastoris. Quartus vero liber *Esdrae* plus habet difficultatis. Nam S. Hieronymus, *Præfat.* in *Esdram*, ait eum continere somnia: atque a Sixto Senensi, lib. I *Biblioth.*, Pererio in *Danielem*, pag. 897, Bellarmino, loco jam citato, hic liber vocatur fabulosus, ac falsitatis et mendacii arguitur, videturque olere fabulas, maxime Thalmudicorum: sed revera nihil in eo reperi, quod apertæ falsitatis convinci possit, quodque non commodum et verum admittat sensum, si presse verba capias.

Nam quod *primo* objiciunt, cap. IV, vers. 35, 36, 41, dici animas sanctorum detineri in inferno in promptuariis, donec impleatur numerus electorum Dei, qui est error Vigilantii et Calvini: Respondeo, falso id ei impingi; nam vers. 35 et 36, tantum dicit animas esse in promptuariis, et expectare mercedem, scilicet plenam et perfectam, quæ eis obtinget in resurrectione communi, completo electorum numero. Rursum, vers. 41, dicit eas esse in promptuariis in inferno, scilicet limbo patrum, vel purgatorio, quorum utrumque verum

est: non enim dicit eas in inferno detinendas, donec compleatur electorum numerus. Quare locus hic citatur et probatur a S. Ambrosio, lib. *De Bono mortis*, cap. x, nec majorem habet difficultatem, quam ille *Apocal.* vi, de animabus sub altari; imo S. Joannes ibi huc et ad cap. xv, vers. 8, allusisse videtur.

Objicitur *secundo* et maxime quod cap. VI, vers. Secundo 49 et seq., dicitur Deus die quinto geneseos mundi conservasse duas animas, nomine uni Henoch, alteri Leviatan; et quia aquæ non poterant utrumque capere, ideo Deum dedisse Henoch aridam, quæ videtur fabula Thalmudica. Respondeo hinc *resp.* quidem Thalmudicos fabulæ suæ de piscibus, mare et femina, et bove immensæ magnitudinis mactandis in adventu Messiae ad epulum omnium Judæorum, occasionem sumere et detorquere potuisse; sed nil tale habet ille *Iesus*; et perinde rejiciendus esset *Psalm.* ciii, nam ejus vers. 26, ad eamdem fabellam abutintur, ut et passim alias Scripturas nugis suis contaminant. Possetque sic explicari vere hic locus, dicendo Deum die quinta mundi conservasse duas animas, quas illo die crearat, genericas scilicet, id est duo genera animalium, sive animalium, aves nimirum et pisces: aut si determinatam mavis speciem, struthionem aut gryphem avium maximam, et balænam maximum piscium: uni, avibus scilicet, dedit nomen Henoch, id est dedicatus, vel initiatus, quia aves fuerunt primum vivens animal creatum a Deo, earumque creatione ex aquis quasi dedicate sunt aquæ: et quia aqua piscium et avium matrix utrasque capere non poterat, ob disparem utrorumque complexionem, ideo Deus Henoch, id est avibus et grypho, terram assignavit. Deinde potest responderi aliud hic latere secretum, aut mysterium nobis occultum. Similia enim multa symbolica sunt in *Daniele* et *Apocalyps.*, et similis lis moveri posset de Behemoth et Leviatan, Job. XL.

Objicies *tertio*: Cap. VII, vers. 28, dicere videatur post annos 400 venturum Christum, et occidendum, cum tamen ab Esdra ad Christum sint fere 500 anni. Respondeo, verum dicere eum, qui post 400 annos aliquid futurum dicit, licet post 500 futurum sit: sæpe enim præcise tempus determinare nolumus; et forte alludit ad 70 hebdomadas Danielis (hæ enim cœperunt sub Artaxerxe, qui Esdram remisit in Judæam) id est 490 annos, voluntque solos centenarios, utpote plenos et perfectos, exprimere.

Objicies *quarto*: Cap. XIII, vers. 40 et seq., videatur fabulari de decem tribubus inter montes Caspios a Deo conclusis, eorumque locis inaccessis. Respondeo eum ne verbum quidem habere de *resp.* montibus Caspiis, sed tantum dicere tribus illas a Deo deductas sicco pede trans Euphraten: «Statuet, ait, venas fluminis (id est stare faciet, ita ut sicco pede transeantur), ut proficerentur in ulteriore regionem, ubi nunquam inhabitavit genus humanum, ut ibi servarent legitima sua.»

Quod ante tempora Esdræ verum esse potuit; indeque eas miraculo reduceturum, quod forte factum post tempora Esdræ, quando aliqui in Iudeam redierunt, aut futurum est in fine mundi. Certe ex Isaia cap. ix, colligitur multos in Iudea fuisse ex tribu Zabulon et Nephtalim, videlicet Apostolos, et alios tempore Christi. Similis difficultas moveri posset de loco paradisi, de transitu Jordanis et maris Rubri.

Quinto. Objicies *quinto*: Cap. xiv, partitur omne mundi saeculum in duodecim partes, atque decem cum dimidia praeterisse, et tantum unam cum dimidia restare: hoc autem falsum est, nam mundus ante Esdram non stetit 4000 annis, et tamen post eum jam stetit bis mille annis, quod dimidium est saeculi prioris. Respondeo, has partes non esse tempore aequali mensurandas, sed dividi ab eo, alio respectu, quomodo nos sex aut septem mundi aetates dividimus: quo autem respiciat nos latet, forte ad reges 12 de quibus cap. xii, vers. 14, item Apoc. xvii, 10.

Similis quæstio et lis moveri posset de 70 hebdomadibus Danielis, et mille annis qui post resurrectionem assignantur Apocal. xx, 4, qua de causa olim nonnullis etiam orthodoxis suspecta fuit Apocalypsis; quam tamen jam constat esse Scripturam canonicanam.

Sexto. Objicies *sesto*: Cap. iv, vers. 1 et 36, habet peregrina angelorum nomina, Uriel et Jeremiel; cum tamen Concilium Romanum sub Zacharia, ut refert Surius in vita S. Bonifacii, mense junio, pag. 494, dicat se non nisi tria Angelorum nomina agnoscere, scilicet Michael, Gabriel, Raphael: reliqua, ut Uriel, potius esse nomina dæmonum quam Angelorum. Respondeo, Ecclesiam haec tria Angelorum nomina sola agnoscere ex divina Scriptura, ut addit Concilium eaque sola publice celebrare et invocare, alia tamen non damnare, nisi ab haereticis vel magis sint commenta, vel commentis inserta; qualia et quales erant contra quos agit ibi Concilium. Quis enim neget angelos, sicut plurimi sunt, ita et plurima haberet nomina, perinde ac dæmones? Apte autem dicitur Uriel, id est ignis, aut lux Dei; Jeremiel, id est magnitudo Dei, iisque veteres usos patet ex Aretha in cap. ix Apoc.

Septimo. Objicies *ultimo*, librum hunc miras proferre visiones et somnia, quæ videntur ludicra et fabulosa. Respondeo, quia de iis eorumque sensu non constat, miras nobis videri, ideoque et S. Hieronymus, prolog. in Esdram, has dicit rejiciendas, scilicet extra canonom S. Scripturæ, sed tamen persimiles sunt eodem tempore ostensæ Ezechieli, ac postea S. Joanni in Apocal. imo multo magis stupendæ; quin etiam Apocal. ad hasce saepè alludere videtur, ut statim patebit; et tamen constat hæc non esse ludicra. Habet quidem hic liber prophetias quasdam et historias, quarum nemo aliis meminit: verum in hisce, si quis ea credere nolit, saltem suspendat cum Ecclesia judicium

suum. Non enim sequitur: Nemo aliis hoc scribit, ergo verum non est. Sic enim sacræ Scripturæ, Josepho, Livio, aliisque historicis in multis fides deroganda foret.

Dico ergo hunc librum non esse commentum Thalmudicorum. Patet primo, quia Hebræe non exstat, imo nec Græce, neque ejus meminit Josephus, nec Philo, nec Rabbini et Thalmudici.

**Liber 4.
non est
Thalmu-
dicus.**

Secundo, quia hie liber longe ætatem Thalmudicorum, qui S. Hieronymum secuti sunt, ut patet ex Genebrardi Chronologia, antecessit. Citatur enim et probatur a S. Ambrosio libro secundo in *Lucam*, et libro *De Bono mortis*, cap. x, et epist. 21 ad *Horontianum*, ubi ex hoc libro probat animæ immortalitatem. Item a S. Cypriano, epist. ad *Demetr.* Insuper ex hoc libro, cap. xiv, vers. 20 et seq., S. Basilius, epist. ad *Chilonem*; S. Hieronymus, *Contra Helvid.*; Irenæus, lib. III, cap. xxv; Tertullianus, lib. *De Habitu mulierum*; Isidorus, lib. VI *Etymol.* et alii docent Esdram spiritu Dei afflatum vetus testamentum a Chaldæis combustum, idem ut prius erat, restituisse, et de novo dictasse, hujus enim sententiae nullum alibi est inventire indicium. Quæ sententia probabilis est; neque ex ea sequitur omnes libros sacros per totum orbem cum incendio urbis et templi periisse, sed tantum periisse in Iudea et Jerosolymis. Esdras enim in captivitate hæc scripsit, ubi difficile putabat ex aliis orbis patribus exemplaria reliqua se posse nancisci: itaque ad Iudeorum in captivitate consolationem spiritu Dei plenus eadem ad verbum dictavit, ut opinantur Patres jam citati. Sed tamen nil cogit locum illum de libris sacris accipere; imo copia librorum et distinctio satis indicat eum de aliis loqui. Rursum ex cap. iv, vers. 28, et passim alibi patet hunc librum longe ante Christum, scilicet in captivitate Babylonica scriptum. **Tertio**, quia S. Joannes in Apoc. saepè ad hunc alludere videtur, ut patet conferenti cap. vi, eum iv hic, vers. 35, 36, et cum cap. xv, 8. Idem cap. xii Apoc. cum ix, hic vers. 8 et seqq. Ad hæc Apoc. cap. vii, cum cap. ii, hic vers. 38 et 42. Denique cap. xviii Apoc. cum cap. v et xvi hic.

Dico *secundo*: Cum hic liber a tot veteribus videatur receptus, et Ecclesia illo utatur in introitu Missæ feria tertia Pentecostes: « Accipite, inquit, jucunditatem glorie vestræ, gratias agentes Deo, qui vos ad cœlestia regna vocavit; » et: « Modo coronantur et accipiunt palmam, » in *Officio de Martyr.* quæ habentur hic cap. ii, cumque Ecclesia hactenus illum in sacris Bibliis excuderit, ac liber ipse habeat documenta docta, pia, gravia et illustria; denique nusquam non legentibus peccati horrorem, decrescentis mundi incrementum vanitatem et malitiam, judiciorum Dei terrorem et futuri saeculi memoriam incutiat; nihilque habeat quod non commode accipi possit; hisce, inquam, de causis, sua etiam illi concedenda videatur auctoritas. Neque mirum hanc hactenus latuisse, et etiamnum latere, an sacra sit. Id enim

DE LIBRO III ET IV ESDRÆ.

Deus permisit olim in omnibus libris Deuterocanonicis; imo permisit multos libros prophetarum intercidere, qui citantur in libris Regum. Sane Esdras, vel quisquis est libri Auctor, vir fuit doctus et pius, ut patet librum legenti. Unde noster Alcazar in cap. vii Apocal. pag. 489, littera A: Suspicor, inquit, librum quartum Esdræ scriptum post Apocalypsim, ejusque auctorem alludere voluisse ad Apocalypsim, sed ipsius seriem et contextum non probe tenuisse. Verum ex dictis liquet librum hunc scriptum ante Apocalypsim, ideoque S. Joannem in Apocalysi ad eum alludere. Audi elegantem piamque Esdræ visionem, quam ipse recenset hoc lib. cap. II, atque persimilem illi, quam narrat S. Joannes, Apoc. cap. VII: «Ego Esdras vidi in monte Sion turbam, quam numerare non potui, et omnes canticis collaudabant Dominum. Et in medio eorum erat juvenis statura celsus, eminentior omnibus illis, et singularis eorum capitibus imponebat coronas, et magis exaltabatur: ego autem miraculo tenebar. Tunc interrogavi Angelum et dixi: Qui sunt hi, Domine? Qui respondens dixit mihi: Hi sunt qui mortalem tunicam deposuerunt, et immortalem

sumpserunt, et confessi sunt nomen Dei: modo coronantur et accipiunt palmas. Et dixi Angelo: Ille juvenis quis est, qui eis coronas imponit, et palmas in manus tradit? Et respondens dixit mihi: Ipse est Filius Dei, quem in sæculo confessi sunt: ego autem magnificare eos cœpi, qui fortiter pro nomine Domini steterunt. »

Denique Auctor hujus lib. IV, cap. I, vers. 1, significat se eundem esse cum Esdra scriba et sacerdote, qui auctor fuit libri primi; nam vocat se filium Saraiæ Pontificis, eosdemque avos et atavos recenset, quos recensuit Esdras, lib. I, cap. VII; sed Esdras ibi quindecim duntaxat avos numerat, hic vero novemdecim. Unde liquet aliquos ex eis ab Esdra omissos cap. VII. Auctor ergo hujus libri, vel fuit Esdras, vel certe Esdræ personam assumit: semper enim in Esdræ persona loquitur (1).

(1) D. Calmetus in duabus de tertio et quarto libro Esdræ dissertationibus, minus favet istis libris, licet tamen quartum tertio anteponat. Porro tertii libri auctorem Judæum hellenistam vetustissimum esse, quarti vero scriptorem sævientibus primis adversus Christianos persecutionibus vixisse asserit,

COMMENTARIA IN TOBIAM.

ARGUMENTUM.

Libri Quæritur *primo* an hic Liber sit canonicus, ut auctori infallibilis, et divinæ sit veritatis? Respondeo, olim nonnullos Patres eum non habuisse pro canonico, eo quod non exstat in canone Hebræorum. Idem censem de libro *Judith*, *Sapientie*, *Ecclesiastici* et *Machabæorum*. Ita S. Hieronymus in *Prologo Galeato*, S. Athanasius in *Synopsi*, Nazianzenus in carm. *De libris Sacris*, Lyranus et Abu-lensis.

Verum jam de fide est, eum æque ac cæteros jam nominatos, esse canonicum; ita enim definit Concilium Carthaginense III, *Can. XLVII*, Concilium Florentinum et Tridentinum, sess. IV, et Gelasius primus in decreto de divinis libris, ac talem eum habuere S. Irenæus, S. Chrysostomus, S. Augustinus, Cyprianus, Ambrosius, Basilius, Clemens Alexander, Rabanus, Cassiodorus, Isidorus, et alii quos citat Bellarminus, lib. I *De verb. Dei*, cap. XI, Serarius hic, et Sixtus Senensis, lib. VIII *Biblioth. hæresi* 11 (1).

(1) Hujus libri canonicitas, præterquam nitatur Conciliorum et Patrum auctoritate, probari potest insuper: *Primo*, testimonio auctorum librorum qui vere divini et inspirati ab omnibus habentur. Auctor *Ecclesi. xxix*, 15, de libro *Tobiæ*, 4, 10, 11, sententiam de fructibus eleemosynæ mutuasse videtur. Descriptio novæ Jerusalem quæ in *Apocal.* legitur, cap. XXI, e libro *Tobiæ*, cap. XIII, haud dubie desumitur. Ipse Salvator apud *Matth.* VII, 12, hujus libri *Tobiæ* sententiæ videtur alludere: «Quod ab alio oderis fieri tibi, vide ne tu aliquando alteri facias,» IV, 16; nam addendo: «Hæc est enim lex et Prophetæ,» satis clare probat se aliquem e Scripturis locum innuere voluisse.

Secundo, ipsa libri natura; quippe qui nihil nisi vere inspirati auctoris dignum continet; a Deo jubente scriptus fuit, cap. XII, 20, et duas insuper prophetias ab ipso auctore factas exhibet, unam de Jerusalem et allegorice de Ecclesia, cap. XIII; alteram, quam Tobias jamjam moriens vaticinatur de eversione Ninives et Jerusalem, de dispersione et redditu Judæorum.

Tertio, imbecillitate rationum quæ divinitati hujus libri opponuntur. Nam quod liber *Tobiæ* in Hebræorum canone non coaptetur nihil mirum, cum dici possit non fuisse repertum nisi postquam Esdræ canon, qui libros solummodo hebraice scriptos continebat, clausus fuit. Hunc equidem librum Ecclesia statim inter sacra volumina non admisit, quia primum solum Hebræorum canone tenendum censuit; attamen illum semper ut vere divinum et honoravit et prædicavit, usque dum canonicis libris inseruit et annumeravit. Enimvero a principio,

Quæritur *secundo*, quodnam sit ejus Argumentum? Respondeo, describere vitam, gesta, et mores Tobiæ utriusque, patris scilicet, et filii, qui fuere speculum probitatis, ideoque a conjugibus omnibus imitandi. Liber hic enim totus est moralis et pius, ac exemplar vitae honestæ et sanctæ exhibet adolescentibus, præsertim sponsis, item vivum exemplum custodiæ Angelorum. Docet insuper quanta sit vis et virtus orationis, quis debeat esse usus et finis conjugii, ac qualis vita conjugatorum. Tobias ergo œconomicus est, ac longe superat œconomicos Aristotelis et Xenophontis. Denique quanta sit Dei erga suos fideles providentia, quantamque eorum curam gerat, ut per omnia eos dirigat ad optatum finem.

• Cavendus est hic error Pauli Fagii, qui in sua Est his versione Latina Tobiæ ex textu Hebræo, in præfatione asserit librum hunc non esse historiam, sed ^{comœdia} comœdiam comica ratione conscriptam, ut auctor boni patris familias in eo typum ob oculos poneret, ideoque apte ei Tobiæ nomen dederit. Tobias enim bonitatem et probitatem significat: unde alias Tobias filius patri similis editur et progignitur. Sic Xenophon scripsit Cyropædiam, ut in Cyro daret idæam boni principis, et œconomicum, ut in eo verum patrem familias describeret. Verum certum est hanc veram esse historiam, ut omnes orthodoxi censem; nam in ea nominantur tempora, personæ, anni, et acta tam Tobiæ utriusque, quam Angeli Raphaelis, Saræ, etc., quasi verae historiæ: si enim essent hæc omnia comica et ficta, non vera et facta, liber hic excusari non posset a fupo, sed nec a mendacio (2).

non alias Scripturas admisit Ecclesia Romana, nisi quæ in Biblia Judæorum Hellenistarum continebantur, inter quas liber *Tobiæ* recensebatur. Adde quod vetus Italica, quæ tempore Apostolorum obtinebat, hunc etiam librum comprehendebat, et quod eum Ecclesia græca semper ut vere canonicum retinuit. Tandem S. Augustinus, licet hunc librum a Judæis non receptum fateatur, «tamen, inquit, recipit ejusdem Salvatoris Ecclesia,» lib. XVIII *De Civit. Dei*, cap. XXXVI.

Difficultates, antilogiæ, mendacia etiam quæ in hoc libro reperiuntur, et probarent, juxta quosdam, Spiritus Sancti non esse fœtum, suo quæque loco enucleabuntur

(2) Doctor Iahn, in Universitate Viennensi S. Scripturæ olim professor, permultis difficultatibus quas in hoc libro

Chaldaea
conscripta.

Quæritur tertio, qua lingua hic liber sit conscriptus? Paulus Fagius, natione Germanus, secta Lutheranus, suum Lutherum secutus, putat primus Hebraice conscriptum, esseque illum, quem Constantinopoli ad se allatum asserit, quemque ipse ex Hebræo in Latinum traduxit, et typis vulgavit, idque arguere styli sinceritatem, soliditatem, et correspondentiam cum aliis libris Hebraicis; et ex Hebræo deinde translatum esse in idioma Græcum, et ex Græca in Chaldaicum, ex Chaldaeo denique a S. Hieronymo traductum in Latinum.

Verum Hebræus ille primogenitus Tobiæ textus, editus e Fagio, suppositius videtur. Mirum enim est eum non fuisse a S. Hieronymo visum, qui expresse testatur hic in præfatione hunc librum non Hebræo, sed Chaldaeo sermone conscriptum. Porro phasis textus Hebræi a Fagio editi plane videtur esse alicuius mimi Rabbini, qui pueriliter ad verbum ex Græco Tobiam in Hebræum traduxerit. Græco enim sæpe ad verbum respondet: unde ex eo traductus videtur, resæctis nonnullis quæ Fagio vel traductori displicebant. Addit nonnulla ridicula, ut quod Tobias, cum curari non posset, iverit in Alemaniā, sive Germaniam, quod dederit tertias decimas pro restauranda domo, secundum legem Domini. Harum enim decimorum nulla in lege est mentio.

Fixum ergo sit ex S. Hieronymo librum hunc primitus sermone non Hebræo, sed Chaldaeo fuisse conscriptum, ex quo deinde, seu fonte variae translationes, tam Græcae, quam Hebraicæ, et Syriacæ emanarunt, de quibus Serarius hic, *Prolegom. IV.*

Hinc videtur liber hic in captivitate Assyriaca conscriptus: ibi enim usus erat linguae Chaldaicæ; in Iudæa vero Hebraicæ. Addit Serarius, quod præter Hebræam, et Græcam illam, quæ nostræ huic Latinæ versioni respondet, alia exstat Hebræa, et Græca paulo amplior et fusior, in qua Tobias semper ἀντιπρόσωπος, seu in prima persona loquitur; unde merito putant aliqui Tobiam bis eamdem historiam conscripsisse, semel succincte, quam hic habemus; iterumque fusius, quæ Græce etiamnum exstat, ut dixi. Hæc posterior exstat apud S. Ambrosium et in Bibliis Complutensibus. Porro hæc versiones sæpe inter se dissentunt. Nobis ex decreto Concilio Tridentino, sess. IV. sequenda est Latina vulgata potius quam Hebræa, et Græca, cum ab ea dissentit.

Quæritur quarto, quis sit auctor libri? Respondeo: Sextus Senensis et Serarius censem esse Tobiam utrumque: priorem enim partem scripsisse Tobiam patrem, posteriorem vero Tobiam filium; narrat enim ea quæ post mortem patris

reperiuntur, valde affectus, nonnisi ut simplicem parabolam habendum esse censuit; sed contra Ecclesiæ fidem, contra omnium Pâtrum et interpretum sententiam, et contra ipsam libri veracitatem intrinsecam, ut melius unicuique difficultati respondendo, probabitur.

contigerunt. Probant ex cap. XII, vers. 23, ubi pro « narrate omnia, » Hebræa et Græca habent: *Scribete omnia haec, quæ contigerunt, in libro: videbit ergo Tobias pater librum hunc jussu Raphaellis Archangeli usque ad cap. XIII, scripsisse; filius vero id capit ad indicatum jam versum 16, perduxisse.* Nam et in illius principio Hebraice ita scriptum: *In isto tempore scripsit Tobias ultima verba haec in gaudio.* Tobias, inquam, filius; nam patrem, ut supra dictum, vocare solet Hebræus ille textus non Tobiam, sed Tobi, quemadmodum et statim, dum subjungit: *Et dixi Tobi: Benedic tus Dominus Deus.* Quis vero sit ille tertius qui extremos duos versus addidit, mihi haud comperturn, quemadmodum neque constat manum Deuteronomio ultimam quis imposuerit, etsi de Josue quorundam est opinio.

Alii censem aliquem istius ævi scribam, ac forte Esdram, ut opinatur Sanchez, librum Tobiæ scripsisse; nam in codice Græco citatur Jeremias, quem ætate diu antecessit Tobias uterque, nisi quis dicat Jeremiæ nomen e margine in textum irrepsisse.

Quæritur quinto, quis et qualis fuit Tobias? Respondeo fuisse Galilæum oriundum, ex tribu et civitate Nephtali, ut patet cap. I, vers. 1. Fuisse Prophetam liquet ex cap. XIV, vers. 6 et seq., ubi prophetat instans Ninives excidium, ac Jerosolymæ felicitatem et gloriam: unde Beda in cap. XIII: « Repletus, inquit, Tobias spiritu Prophe tico, de superna Jerusalem multa decantat. »

Idem docet S. Irenæus, lib. I, vers. 34, Hugo, Lyranus, Dionysius, Vatablus et alii. Porro fuit vir eximiæ patientiæ, charitatis et zeli: unde apte Tobias vocatur. Tobias enim Hebraice idem est quod *bonus Deus*, vel *bonus Dei*, vel *bonitas Dei*, ait Serarius: aut presse, *bonum meum Deus*, ait Pagninus in *Nomin. Hebr.* Tobias enim omnes res, et spes omnes, suasque opes in uno Deo deposita, ut diceret cum Psalmista: « Quid mihi est in celo, et a te quid volui super terram? Deus cordis mei, et pars mea Deus in æternum. » *Psalm. LXXII, 25,* et cum S. Francisco: « Deus meus, amor meus, et omnia. »

Tropologice scripsit S. Ambrosius librum de Tobia contra fœneratores et avaritiam. Rursum documenta ad bonos mores spectantia, ex hoc libro collegit Petrus Berchorius Pictaviensis, lib. XVII *Moralitatum. Allegoriam in Tobiam tradidit Beda, tom. IV.*

CHRONOTAXIS.

Tobias senior e Chaldaea captivus ductus est in series annorum Tobiae patriæ.

Assyriam a Salmanasar rege, agens annum ætatis 39, ut ex textu Hebræo Serarius et Salianus colligunt; vixit in captivitate annos 63; vixit ergo universim annos 102. Excæcatus fuit anno ætatis 56, vixit cæcus annos quatuor, visum recuperavit anno 60, deinde vixit adhuc annos 42. Hæc juxta textum Latinum vulgatae editionis, cap. XIV,

In Assyria

Auctor
Tobias
uterque.

vers 1, quæ nobis sequenda est. Nam juxta tex-
tum Græcum, Tobias venit in captivitatem anno
ætatis 37, vixit in ea annos 125, mortuus est anno
158. Exsecatus est anno ætatis 58, vixit cœcus an-
nos octo, visum recepit anno 66, deinde vixit
adhuc annos 92.

Et 1iii. Tobias junior, ait Serarius, sub finem libri, cum
esset duorum annorum, cum patre ductus est in
Assyriam. Ivit in Mediam, ibique Saram duxit
uxorem, anno ætatis 23 vel 24; vixit cum vivo
parente annos 65 vel 66, vixit post parentis mor-
tem annos 99; hoc est universim annos 164 vel
165. Hæc tria ultima vera sunt, juxta textum Græ-
cum, quem sequitur S. Ambrosius, non Laſinum
vulgatum, qui nobissequendus est, uti mox dicam.

Rursum Tobias uterque ductus est in Assyriam,
anno sexto Ezechiae regis Juda: illo enim Salma-
nasar, expugnata Samaria, decem tribus abduxit
in Assyriam, ubi ob virtutem et probitatem char-
rus fuit regi Salmanasar; sed a filio ejus Senna-
cherib post cladem in Judæa acceptam Judæos
prosequente quæsitus ad necem, fugiens sese abs-
condit, donec post 45 dies Sennacherib a filiis
occideretur, ut patet cap. i, vers. 24.

Paterna- Cum ergo Tobias senior, anno sexto Ezechiae,

quo ductus est in Assyriam, fuerit 39 annorum, tus anno
51 Ozia.
ut dictum est, hinc necessario sequitur eum natum
esse anno 51 Ozia regis Juda, cum anno sequente
Isajas, cap. vi, vidi visionem illam augustam
S. Trinitatis, et Seraphinorum illi acclamantium:
« Sanctus, Sanctus, Sanctus Dominus Deus Sa-
baoth. » Sub idem tempus cœpere Olympiades,
ac nati sunt Romulus et Remus Romæ conditores.
Mortuus vero est Tobias senior, anno 40 Manas- Mortuus
40. Ma-
nassis.
sis; nam si a 51 anno Ozia numeres 102 annos
(quot vixit Tobias), pervenies ad annum 40 Ma-
nassis. Ita Salianus, Serarius et Sanchez.

Tobias vero junior natus est anno 4 Ezechiae
regis Juda, sub initia urbis Romæ; mortuus vero
anno 16 Josiae regis Juda, cum esset 99 annorum,
tot enim annos ei dat vulgata editio Latina, cap.
xiv, vers. 16, nam ab anno 4 Ezechiae ad 16 Jo-
siae fluxere 99 anni. Ita Salianus et Sanchez. At
vero juxta editionem Græcam Tobias junior mor-
tuus est anno ætatis 127: quare hoc computu,
mortuus est initio regis Sedeciae ultimi regis Juda,
paulo ante excidium Jerusalem, et templi patra-
tum a Chaldæis. Ita Serarius. Verum nobis se-
quenda est Latina vulgata editio ex decreto Con-
cilii Tridentini.

Filius
natus
anno 4
Ezechiae,
mortuus
16 Josin.

CAPUT PRIMUM.

SYNOPSIS CAPITIS.

*Describitur Tobiae prosapia, patria, virtutes tam pueri et juvenis, quam viri, ac ob eas gratum fuisse
Salmanasar; sed a filio ejus Sennacherib fugere compulsum.*

1. Tobias ex tribu et civitate Nephtali (quæ est in superioribus Galilææ supra Naasson, post viam quæ dicit ad Occidentem, in sinistro habens civitatem Sephet), 2. cum captus esset in diebus Salmanasar regis Assyriorum, in captivitate tamen positus, viam veritatis non deseruit, 3. ita ut omnia, quæ habere poterat, quotidie concaptivis fratribus, qui erant ex ejus genere, impertiret. 4. Cumque esset junior omnibus in tribu Nephtali, nihil tamen puerile gessit in opere. 5. Denique cum irent omnes ad vitulos aureos, quos Jeroboam fecerat rex Israel, hic solus fugiebat consortia omnium, 6. sed pergebat in Jerusalem ad templum Domini, et ibi adorabat Dominum Deum Israel, omnia primitiva sua, et decimas suas fideliter offerens, 7. ita ut in tertio anno proselytis et advenis ministraret omnem decimationem. 8. Hæc et his similia secundum legem Dei puerulus observabat. 9. Cum vero factus esset vir, accepit uxorem Annam de tribu sua, genuitque ex ea filium, nomen suum imponens ei, 10. quem ab infantia timere Deum docuit, et abstinere ab omni peccato. 11. Igitur cum per captivitatem devenisset cum uxore sua, et filio, in civitate Niniven cum omni tribu sua (12. cum omnes ederent ex cibis Gentilium), iste custodivit animam suam, et nunquam contaminatus est in escis eorum. 13. Et quoniam memor fuit Domini in toto corde suo, dedit illi Deus gratiam in conspectu Salmanasar regis, 14. et dedit illi potestatem quocumque vellet ire, habens libertatem quæcumque facere voluisse. 15. Pergebat ergo ad omnes qui erant in captivitate, et monita salutis dabat eis. 16. Cum autem venisset in Rages civitatem Medorum, et ex his, quibus honoratus fuerat a rege, habuisset decem talenta argenti : 17. et cum in multa turba generis sui Gabelum egentem videret, qui erat ex tribu ejus, sub chirographo dedit illi memoratum pondus argenti. 18. Post multum vero temporis, mortuo Salmanasar rege, cum regnaret Sennacherib filius ejus pro eo, et filios Israel exosos haberet in conspectu suo : 19. Tobias quotidie pergebat per omnem cognitionem suam, et consolabatur eos, dividebatque unicuique, prout poterat, de facultatibus suis. 20. Esurientes alebat, nudisque vestimenta præbebat, et mortuis atque occisis sepulturam sollicitus exhibebat. 21. Denique cum reversus esset rex Sennacherib, fugiens a Judæa plagam, quam circa eum fecerat Deus propter blasphemiam suam, et iratus multos occideret ex filiis Israel, Tobias sepeliebat corpora eorum. 22. At ubi nuntiatum est regi, jussit eum occidi, et tulit omnem substantiam ejus. 23. Tobias vero cum filio suo et cum uxore fugiens, nudus latuit, quia multi diligebant eum. 24. Post dies vero quadraginta quinque occiderunt regem filii ipsius, 25. et reversus est Tobias in domum suam, omnisque facultas ejus restituta est ei.

Vers. 1. 1. TOBIAS EX TRIBU ET CIVITATE NEPHTALI. — In Græco additur Tobiae genealogia hoc modo : *Liber sermonum Tobiae, filii Tobiel, filii Ananiel, filii Adiel, filii Gabael de semine Asiel*, addit Hebræus Avi. To. filii Nenathiel ; ergo Tobiae pater fuit Tobiel, avus b.a. Ananiel, proavus Aduel, vel forte Adiel, abavus Gabael, trilavus Asiel, tetartavus Nenathiel. Avia

paterna fuit Debbara, sic enim vers. 8, in Hebræo et Græco legitur : *Sicut mandaverat mihi Debbara mater patris mei, propterea quod a patre meo relatus sum orphanus*. Hæc ergo avia probe et pie educavit Tobiam, ut ipse suam probitatem illi debeat. Sic Macrina discipula S. Gregorii Thaumaturgi, avia S. Basilii, eum cum fratribus et so-

rore Macrina educans in omni virtute insignem efformavit, magnumque effecit. Simili modo Ludmilla enutriens S. Wenceslaum ducem Bohemiæ, eum sanctum et martyrem reddidit.

Porro Tobias fratrem habuit Anaelem, cuius filii duo Achiacharus, et Nasbas, vel Nabac nominantur in Græco, vers. 8, de quo plura vers. ult. Denique ex rō liber sermonum Tobiæ liquet Tobiam hujus libri esse auctorem, ideoque Tobias hic in Græco et Hebræo deinceps semper loquitur in prima persona dicens : *Ego Tobias in viis veri'atis ambulavi*, etc. Rursum hinc patet librum hunc ab eodem bis fuisse conscriptum ; primo Chaldaice, sed breviter, ex quo S. Hieronymus nostram vulgatam Latinam traduxit ; secundo etiam Chaldaice (licet Serarius malit Hebraice, idque bis scilicet semel a patre Tobia, et secundo ab ejus filio), sed fusius, ex quo traducta est versio Græca, nisi malis initio fusius conscriptum, deinde ab ipso auctore, vel alio quopiam fuisse nonnihil abbreviatum.

EX TRIBU ET CIVITATE — quæ a tribu idem nomen accepit, ideoque κυρίως, ut habent Græca Complutensia (licet Romani habeant κυδίως, quæ vox quid significet, ignoratur), id est proprie, vocetur « Nephtali, » ex qua prognati fuere plures Christi discipuli et Apostoli, ut patet Isaiae ix, 1, quorum typus et forte parens fuit noster Tobias.

IN SUPERIORIBUS (regionibus) **GALILÆE**, — e quibus scilicet Jordanis exoriens, quasi e superiore loco in inferiorem defluit, ideoque una Galilæa superior, altera inferior dicitur. Sicut Germania superior dicitur ea quæ adjacet Rheno nascenti, indeque quasi e superiore in inferiorem locum (qui exinde Germania inferior dicitur) defluenti, ait Serarius.

Galilæa
superior
quæ?

Galilæa superior dicitur quoque Galilæa gentium, quia pars ejus a Salomone data fuit gentili regi Tyri Hiram, indeque a Tyriis et aliis gentibus incolebatur. Eadem dicitur quoque Samaria, quia reges Israel dominantes in Samaria, quasi metropoli, Galilæam sibi habebant subiectam; alioqui Samaria, proprie non erat Galilæa, sed inter Galilæam et Judeam erat interjecta.

Thesbe
Tobia et
Eli...

Porro urbs hæc Nephtali, in qua natus est Tobias, in Græco vocatur Thesbe, in qua natus est Elias, indeque dictus Thesbites. Ita Salianus, Serarius et alii, licet Adrichomius Thesbe collacet in tribu Gad non Nephtali.

2. CUM CAPTUS ESSET IN DIEBUS SALMANASAR. — Græce corrupte vocatur *Enemassar*. Captus est ergo Tobias anno sexto Ezechiae regis Juda, qui fuit nonus, et ultimus Osee regis Israel, quo Salmanasar decem tribus, ac inter eos Tobiam abduxerat in Assyriam, lib. IV Reg. xvii et xviii, licet enim pater Salmanasaris, puta Teglatphalasar multos ex decem tribus jam ante abduxisset, tamen multos pariter in Samaria et Nephtali rebuit, quos omnes tandem abduxerat Salmanasar.

VIAM VERITATIS (scilicet viam veræ fidei et religionis æque ac charitatis et virtutis) **NON DESE-
RUIT**, — q. d. inter idololatras solus fere Tobias mansit verus piusque Dei cultor. Magnæ hoc fuit constantiæ et virtutis, quam jam imitantur Catholici in Anglia, Scotia, Saxonia, etc., ideoque laurea cœlesti digni, utpote nobiles illustresque fidei athletæ. « Platonem non accepit nobilem philosophia, sed fecit, » ait Seneca, epist. 44. Hebræorum est proverbium : « Myrtus semper est myrtus, etiamsi inter urticas sit. » Vide S. Gregorium, lib. I Moral. cap. I : « Sicut, ait, gravioris culpæ inter bonos bonum non esse, ita immensi est præconii bonum etiam inter malos existisse. » D. Bernardus, serm. 48 in Cantica : « No mediocris, ait, titulus perfectæ virtutis, inter prævos vivere bonum et inter malignantes innocentiae refinere candorem. » Exempla sunt in Machabæis, Job, Loth, quem idcirco laudat S. Petrus, II Epistolæ, cap. ii in Noe et Abraham, et in Philip-pensisibus cap. ii, in Pergamenis, Apoc. ii.

Myrtus
est myrtus
inter urticas.

3. ITA UT OMNIA, QUE HABERE POTERAT, QUOTIDIE Vers. 3.
CONCAPTIVIS FRATRIBUS (Israelitis) **QUI ERANT EX EJUS GENERE, IMPERTIRET**, — tum ut eorum captivitatem solaretur, tum ut eorum fami et paupertati succurreret, tum ut eos in vera fide et religione conservaret, ne illi desciscerent ad idola Assyriorum, ut ab eis vitæ subsidia impetrarent. Laudatur hic Tobias ante conjugium a septem virtutibus : **primo**, a constantia in fide; **secundo**, a charitate in suos cives et contribules, vers. 3; **tertio**, quod fugerit malorum consortia vers. 5; **quarto**, ab observantia legis divinæ, vers. 6; **quinto**, a pietate in Deum, ibidem; **sesto**, quod fideliter Deo offerret omnes decimas et primitias, ibidem; **septimo**, quod a pueru cætera legis præcepta servaret, vers. 8.

7 Tobias
ante con-
jugiu-

4. CUMQUE ESSET JUNIOR OMNIBUS (omnium), **NIHIL** Vers. 4.
TAMEN PUERILE GESSIT IN OPERE. — Idem facit S. Mala-chias Hiberniæ Episcopus; nam ut in ejus Vita scribit S. Bernardus : « Agebat senem moribus, annis puer, expers lasciviæ puerilis. » Et unum quoddam subjungit : « Quod non modo bone, sed et magnæ cujusdam insigne spei in pueru dedisse indicat. Cum enim excitus opinione magistri cujusdam, ad eum litterarum discendarum causa venisset, eumque subula ludentem, et sulcos, nescio quos, in pariete facientem vidisset, eo, inquit, solo visu offensus puer serius, quod levitatem redoleret, resiluit ab eo. » Talem etiam describit Nazianzenus, orat. 20, S. Basilium.

Aureum est dogma S. Augustini in Psal. cxii : « Sit, inquit, senectus vestra puerilis, et sit pueritia senilis, id est, ut nec sapientia vestra sit cum superbia, nec humilitas sine sapientia, ut laudetis Dominum ex hoc nunc, et usque in sæculum. » Nam ut de nonnullis queritur Seneca, epist. 4 : « Auctoritatem habemus senum, vitia puerorum, nec puerorum tantum, sed infantium. Illi levia, hi falsa formidant, nos utraque. »

Senecta
puerilis
et pueri-
tia seni-
lis.

5. CUM IRENT OMNES AD VITULOS AUREOS (a Jero- Vers. 5.

boam primo rege Israelis deos erectos et evestos, lib. III Reg. XII, 28; HIC SOLUS PERGEBAT CONSORTIA OMNIUM, SED PERGEBAT IN JERUSALEM, — ad Deum verum adorandum in templo. « Solus, » hoc est pene solus, nam Hēbāeus et Græca addunt cum eo ivisse Anāiam et Jonathan. Tobias ergo fuit quasi sōl Israelis; sōl enim dictus est, eo quod sōlus itceat. S. Epiphanius, h̄erēst 30, Josephum a Constantino Magno cōmitētūm cōrātūm dilaudat, q̄tud Scytopoli « solus ipse orthodoxus esset, » cæteri vero omnes Ariani. S. Gregorius Nazianzenus, orat. 20, laudat S. Basiliūm quod secum corruptos Atheniensis Academiae mores devitarit. « Si quis, ait, fluvius per salsum mare dulcis fluere cōreditur, si quod in igne, quo omnia consumuntur, animal saltitare, id nos inter omnes adolescentes, pravos scilicet et corruptos eramus. » Et quia multorum risus et convicia sunt audienda, audiatur Epictetus, Enchirid. cap. xix: « Sa-
Vis esse pientiae, inquit, studium suscipere cupis? Ad hoc sapiens? para te te ipsum statim para, ut deridearis, quasi te sub-ut rideas. sannaturi sint multi, et quasi dicturi: Iste nobis repente philosophus advenit: et unde nobis hoc supercilium? » Addit loco citato Nazianzenus, « Cumi sodalibus versabantur, non petulantissimis, sed temperatissimis; non pugnatissimis; sed maxime pacificis, et quibuscum agere utilissimum, scientes faciliter esse militiam a sociis accipere, quam virtutem eis dare, cum et proclivius sit morbi participem fieri, quam sanitatem largiri. »

PERGEBAT IN JERUSALEM, — addit Græcus in festis scilicet tribus anni præcipuis, nimirum Paschæ, et Pentecostes, et Tabernaculorum, uti jubet lex, Exodi xxiii, 24.

Vers. 7. 7. IN TERTIO ANNO. — Erat hoc tertium decimorum gēnūs a lege præscriptum, Deut. XIV, 22. Vide quæ ibidem de tribus decimis annotavi.

Tobiae 7
virtutes
post con-
jugium.
Hæ fuere septem illustres Tobiae virtutes ante conjugium, sequuntur totidem post conjugium, nimirum *prima*, pia filii institutio, vers. 9; *seunda*, abstinentia a cibis gentiliis, vers. 12; *tertia*, quod memor fuerit Dei in toto corde suo, vers. 13; *quarta*, quod concavitas monita salutis daret, vers. 15; *quinta*, quod Gabelo egenti magnus argenti pondus mutuarit, vers. 17; *sexta*, quod in persecutione Sennacherib suos animarit, omnique ope et opera adjuverit, vers. 19; *septima*, quod esurientes aluerit, nudos vestiverit, et mortuos sepiuerit, vers. 20.

Vers. 9.
Virili a-
fati con-
gruiton-
gium.
9. CUM VERO FACTUS ESSET VIR, ACCEPIT UXOREM ANNAM, — virilem enim ætatem, et fortitudinem exigit conjugium, tum ad prolem validam generandam, tum ad labores, et onera conjugii et familiæ fortiter subeunda. Sapienter Pindarus, et ex eo Athenæus, lib. XI De canis Sapientum: « Ne, inquit, actionem aliquam prosequaris animi matuorem numero annorum tuorum, » hoc est, ne ante justam ætatem connubium ineras. Audi Aristotelem, lib. VII Polit. cap. XVI: « Est autem ado-

lescentum conjunctio improba ad filiorum procreationem, in cunctis enim animalibus juveniles partus imperfecti sunt, et feminæ crebrius quam mares, et parva corporis forma gignuntur: quo circa necesse est hoc idem in hominibus provenire. Hujus autem conjectura fuerit, quod in quibuscumque civitatibus consuetudo est adolescentes mares, puellasque conjugari, in eisdem inutilia, ac pusilla hominum corpora existunt, in partu quoque laborant magis puellæ, ac pereunt plures. » Et paulo post: « Ad continentiam quoque utile est nuptias fieri seriores; intemperatores enim esse videntur, cum puellæ Veneri assuecant. At masculorum corpora crescere impediuntur, si adhuc augescente semine consuetudinem ineant. » Verum ob ardores juventutis et periculum incontinentiae, multis salutarius est tantam ætatem non exspectare, sed citius uxorem ducere:

10. FILIUM (SUUM) AB INFANTIA DEUM TIMERE DO- Vers. 10.
CUIT, ET ABSTINERE AB OMNI PECCATO. — Idem filios suos docuit David, Psalm. xxxiii, 12, et Salomon, Prov. IV, 4, et Eccli. cap. XXX, vers. 1 et seq. Sic S. Blanca filio suo S. Ludovico, Franciæ regi, hoc crebro inculcabit: « Fuge peccatum: malo te videre agentem animam, quam peccatum lethale in Deum tuum admittentem. »

12. CUM OMNES EDERENT EX CIBIS GENTILIJUM (puta Vers. 12.) idolothyti, id est iis quæ idolis fuerant immolata, vel lege Mosaica vetitis, uti erat caro porcina, etc.; ISTE NUNQUAM CONTAMINATUS EST. — Idem fecit Daniel, cap. I, Eleazarus, et Machabæi, lib. II Machab. cap. VI et VII, qui maluerunt ab Antiocho excarnificari, et in sartagine frigi, quam suilam lege vetitam edere.

13. ET QUONIAM MEMOR FUIT DOMINI (et omnium Vers. 13.
præceptorum ejus) IN TOTO CORDE SUO, — ut totum cor applicaret, et daret ad cognoscendam et exsequendam in omnibus Dei legem et voluntatem, hinc Deus ei vicem, et gratiam rependit; nam, ut sequitur:

DEDIT ILLI DEUS GRATIAM IN CONSPPECTU SALMANA- Tria To-
SAR REGIS. — Ex hac gratia regis tria ab eo insig- bia pri-
nia accepit beneficia. Primum exprimitur, vers. 14: « Et dedit, inquit, illi potestatem quocumque velle ire, habens libertatem quæcumque facere voluisse, » qua libertate optime usus est Tobias, obeundo domos Hebræorum, eisque monita salutis dando, ut sequitur.

Secundum fuere ampla dona et munera, adeo ut ex eis decem talenta tradiderit Gabelo, ac copiosas in egentes Hebræos eleemosynas fecerit, ut patet vers. 19 et 20. Fuit ergo Tobias ex regiis donis et officio, de quo mox, dives et opulentus.

Tertium addunt Græca, quæ habent, et fui emp̄-
tor Regis, Græce ἄρχας, id est omnium, quæ ad regem spectarent, emptor et procurator, sive es-
set annona, sive vestes, sive equi, sive arma, sive prædia, etc.; fuit ergo Tobias dispersor domitis regiæ, uti fuit Joseph Pharaonis, Genes. XLV, unde Hebræa habent: Constitutus fuit super omniū quæ

habuit Salmanasar. Fuit igitur Tobias oeconomicus regis, quæ prima est in aula regia dignitas, ideoque honorata, et magni stipendii lucrative: ex quo proinde Tobias evasit locuples, ut omnibus Hebreis gentibus sua liberalitate succurreret.

Vers. 16. **16. ET EX HIS QUIBUS HONORATUS** (id est muneratus et ditatus) **FUERAT A REGE, HABUISSET DECEM TALENTA ARGENTI.** — Nonnulli, ait Serarius, decem haec talenta confecisse putant 3072 coronatos Francicos; alii sexies mille, eo quod uni talento dent coronatos sexcentos; alii, ut Cardanus, libro *De Libris suis*, uni talento dant ducatos quingentos, unde decem talenta facerent quinque millia duocatorum. Nil enim certi hic assignari potest, eo quod ignoremus an talentum hoc fuerit Babylonicum, an Persicum, an Hebræum: sed certum est ingentem fuisse summam plurium millium aureorum; unde patet Tobiae opulentia, æque ac charitas et liberalitas in Gabelum, aliasque Hebreos inopes.

Vers. 17. **17. ET CUM MULTA TURBA GENERIS SUI** (gentis suæ) **GABELUM EGENTEM VIDERET, QUI ERAT EX TRIBU EJUS** (Nephitali) **SUB CHIROGRAPHO** (prudenter, ut sibi cautum foret de debito) **DEDIT ILLI MEMORATUM PONDUS ARGENTI.** — Pro « dedit, » Græce ἤπειρον, id est depositum, quasi haec pecunia fuerit depositum datum Gabelo ut illud servaret, donec Tobias illud repeteret, et in egenos Judæos, in Rages et Media degentes, distribueret; ita tamen, ut Gabelo potestatem faceret eo utendi pro urgenti necessitate sua: quare depositum hoc fuit simul et mutuum; sed nullam mutui usuram exegit Tobias, imo nec quidpiam petuit pro lucro sibi cessante et damno emergente, ait S. Ambrosius, lib. *De Tobia*, cap. xxiv: « Non pignus quæsivit, non fidejussorem poposcit. » Et cap. ii: « Plus honestati quam necessitatì consulens cui sua deerant, alimoniam commodaverat proximo suo, quam toto vitæ suæ tempore in tanta indigentia non reposcit. Ubi se fessum vidiit, ut depositum senectute, insinuavit filio: non tam cupiens commodatum reposcere, quam sollicitus ne fraudaret hæredem. » Vide hic charitatem et liberalitatem Tobiae.

Vers. 18. **18. POST MULTUM VERO TEMPORIS, MORTUO SALMANASARE, CUM REGNARET SENNACHERIB FILIUS EJUS PRO EO, ET FILIOS ISRAEL EXOSOS HABERET,** — ab initio regni sui, sed maxime post acceptam cladem 185 millium cœsorum ab Angelo in Judæa, anno 14 Ezechiae regis Juda.

Vers. 19. **19. TOBIAS QUOTIDIE PERGEBAT PER OMNEM COGNATIONEM SUAM, ET CONSOLABATUR EOS, DIVIDEBATQUE UNICUIQUE, PROUT POTERAT, DE FACULTATIBUS SUIS.**

Vers. 20. **20. ESURIENTES ALEBAT, NUDISQUE VESTIMENTA PREBEBAT, ATQUE OCCISIS SEPULTURAM SOLlicitus EXHIBEBAT.** — Ecce haec sunt opera pietatis, et misericordia tam corporalis quam spiritualis, in quibus opes et vires suas pie sancteque exhausit Tobias, ob quæ martyrii spem, ac pene rem, et lauream consecutus est; uti S. Januarius, S. Marius et Mar-

tha cum filiis, pluresque alii visitantes, alentes et sepelientes martyrum corpora, martyrii coronam adepti sunt.

Tobiæ æmulator fuit S. Malachias Episcopus Hiberniæ, de quo ita scribit S. Bernardus in ejus Vita post initium: « Denique cura erat ei maxima in sepeliendis defunctis pauperibus, quod hoc sibi non minus humilitatem saperet, quam humanitatem. Nec defuit novo nostro Tobiae rediviva a muliere tentatio, imo a serpente per mulierem. Germana ejus indignitatem (ut sibi videbatur) officii exhorrens: Quid facis (inquit) o insane? Dimitte mortuos sepelire mortuos suos. Et hoc illi quotidie exprobrans ingerebat, sed respondebatur mulieri stultæ, juxta stultitiam suam. Misera, tu eloquii casti vocem tenes, sed virtutem ignoras. Ita ministerium ad quod coactus accesserat, devotus tenuit, indefessus exercuit. »

Vers. 22. **22. AT ubi NUNTIATUM EST REGI** (Sennacherib); **JUSSIT EUM OCCIDI, ET TULIT OMNEM SUBSTANTIAM EJUS.**

— Tobias ergo spolium bonorum omnium, ac fugam, et exilium, quin et sententiam mortis pro fide et charitate sua libens accepit, fuit igitur ipse confessor, et voto martyr. Audi S. Ambrosium, lib. *De Tobia*, cap. i: « Ob virtutes scilicet agendas quibus prædictus fuerat, subiit ærumpam captivitatis, quam ferebat humiliter ac patienter, communem magis injuriam, quam privatam dolens; nec sibi virtutum suffragia nihil prodesse deplorans, sed magis eam contumeliam minorem suorum peccatorum pretio arbitratus. »

Pie et sapienter S. Bernardus in *Sentent.*: « Martyrium sine sanguine, ait, triplex est: Parcitas in ubertate, quam habuit David et Job; largitas in paupertate, quam exercuit Tobias, et vidua in Evangelio; castitas in juventute, qua usus est Joseph in Ægypto. »

Vers. 23. **23. TOBIAS VERO CUM FILIO SUO ET CUM UXORE SUA FUGIENS, NUDUS LATUIT.** — Hebræa habent Tobiam delitusse per dies novemdecim.

Vers. 24. **24. POST DIES VERO 45 (a clade accepta, et fuga ex Judæa) OCCIDERUNT REGEM FILII IPSIUS.** — Vide dicta IV Reg. xxxii, 24.

Vers. 25. **25. ET REVERSUS EST TOBIAS IN DOMUM SUAM OMNISQUE FACULTAS (opum) RESTITUTA EST EI.** — Quæ nimurum adhuc supererat. Nam multa fuisse ab officialibus regis, satellitibus et militibus consumpta, direpta, distracta, dissipata, liquet ex eo quod Anna uxor Tobiae texendo quæsierit victimum, ut dicitur cap. ii, 49. Unde S. Ambrosius, cap. i: « Vix tandem, inquit, per amicum potuit, direpto patrimonio, egenus et exsul restituì suis. » Ubi nota τὸ per amicum; nam Hebræa et Græca addunt Tobiam bonis suis restitutum fuisse per Achiacharum, sive Akakarum, nepotem suum, qui in magna erat gratia et honore apud Asarhaddon (quem Græca vocant Sarchedon) filium et successorem Sennacherib. Achiacharus enim (quem Noster, cap. xi, vers. 20, vocat Achior) erat filius Anaelis, Achior qui erat frater Tobiae, quem Asarhaddon constituis.

tuit primo, suum pincernam; secundo, ab annulo regio, ut quasi sigillifer eo litteras regias obsignaret, qualis fuit Mardochæus apud Assuerum, *Esther*, cap. III; tertio, totius imperii Assyriorum

diocesantiv, id est gubernatorem; quarto, rationibus Quinque omnibus præfectum, seu Rationalem; quinto, se- Tobias cundum a se sive vicarium suum, ut habent He- honores. bræa et Græca.

CAPUT SECUNDUM.

SYNOPSIS CAPITIS.

Tobias ex sepultura fessus, et obdormiens stercore hirundinum excæcatur: unde ab uxore et amicis convictis affectus, omnia, quasi alter Job, mira excipit patientia.

1. Post hæc vero, cum esset dies festus Domini, et factum esset prandium bonum in domo Tobiæ, 2. dixit filio suo: Vade, et adduc aliquos de tribu nostra, timentes Deum, ut epulenter nobiscum. 3. Cumque abiisset, reversus nuntiavit ei unum ex filiis Israel jugulatum jacere in platea. Statimque exsiliens de accubitu suo, relinquens prandium, jejonus pervenit ad corpus: 4. tollensque illud portavit ad domum suam occulte, ut dum sol occubuisset, caute sepeliret eum. 5. Cumque occultasset corpus, manducavit panem cum luctu et tremore, 6. memorans illum sermonem, quem dixit Dominus per Amos prophetam: Dies festi vestri convertentur in lamentationem et luctum. 7. Cum vero sol occubuisset, abiit, et sepelivit eum. 8. Arguebant autem eum omnes proximi ejus, dicentes: Jam hujus rei causa interfici jussus es, et vix effugisti mortis imperium, et iterum sepelis mortuos; 9. sed Tobias, plus timens Deum quam regem, rapiebat corpora occisorum, et occultabat in domo sua, et mediis noctibus sepeliebat ea. 10. Contigit autem ut quadam die fatigatus a sepultura, veniens in domum suam, jactasset se juxta parietem, et obdormisset, 11. et ex nido hirundinum dormienti illi calida stercora inciderent super oculos ejus, fieretque cæcus. 12. Hanc autem tentationem ideo permisit Dominus evenire illi, ut posteris daretur exemplum patientiae ejus, sicut et sancti Job. 13. Nam cum ab infantia sua semper Deum timuerit, et mandata ejus custodierit, non est contristatus contra Deum quod plaga cæcitatis evenerit ei; 14. sed immobilis in Dei timore permansit, agens gratias Deo omnibus diebus vitæ suæ. 15. Nam sicut beato Job insultabant reges, ita isti parentes et cognati ejus irridebant vitam ejus, dicentes: 16. Ubi est spes tua, pro qua eleemosynas et sepulturas faciebas? 17. Tobias vero increpabat eos, dicens: Nolite ita loqui; 18. quoniam filii sanctorum sumus, et vitam illam exspectamus, quam Deus daturus est his qui fidem suam nunquam mutant ab eo. 19. Anna vero uxor ejus ibat ad opus textrinum quotidie, et de labore manuum suarum victum, quem consequi poterat, deferebat. 20. Unde factum est ut hædum caprarum accipiens detulisset domi: 21. cuius cum vocem balantis vir ejus audisset, dixit: Videte ne forte furtivus sit, reddite eum dominis suis; quia non livet nobis aut edere ex furto aliquid, aut contingere. 22. Ad hæc uxor ejus irata respondit: Manifeste vana facta est spes tua, et eleemosynæ tuæ modo apparuerunt. 23. Atque his et aliis hujuscemodi verbis exprobrabat ei.

Vers. 4. 1. CUM ESSET DIES FESTUS. — Pentecostes, ut habent Hebræa et Græca. Hoc enim die præcipue est vacandum operibus charitatis. Hæc enim sunt opera Spiritus Sancti, cuius festum celebratur in Pentecoste, *Act. II*, 1 et seq.

Vers. 4. 4. ET DUM SOL OCCUBUISSET, CAUTE (occulte, ne quis eum apud regem accusaret, itaque vitæ periculum adiret, uti fecerat cap. I, vers. 22), SEPE-

LIRET EUM. — « Interdicto, ait S. Ambrosius, cap. I, non revocabatur magis, quam incitabatur, ne deserere officium pietatis mortis metu videretur: erat misericordiae pretium mortis poena. » Idem lib. I *Offic.* cap. IV: « Tobias, ait, formam pietatis expressit evidentius, cum relicto convivio mortuos sepeliret, et ad cibos pauperis mensæ invitaret inopes. » Et S. Augustinus, lib. *De cura pro*

mortuis, cap. I et seq.: « Tobias, ait, sepeliendo mortuos Deum promeruisse, teste Angelo, commendatur. » Sepultura enim est ultimum misericordiae officium, naturae debitum, quasi honor defuncti et cognatorum solatium, ac naturae desiderium. Audi S. Ambrosium hic, cap. I et II: « Magnum hoc opus. Si viventes operire nudos præcipimur, quanto magis debemus operire defunctorum corpora? Si viantes ad longiora deducere solemus, quanto magis in illam æternam dominum profectos, unde jam non revertentur? Nihil hoc officio præstantius, ei conferre, qui tibi jam non potuit reddere, vindicare a volatilibus, vindicare a bestiis consortem naturæ. Feræ hanc humanitatem defunctis corporibus dedisse produntur, homines negabunt? » *

Adde fidelibus sanctis sepelienda esse corpora, ut per hoc protestemur fidem et spem resurrectionis, scilicet ea non abjici, ut cadavera equorum et canum, quorum animæ cum corpore intereunt, sed sepeliri, ut resurrectura in anima, et corpore ad vitam immortalem. Rursum per sepulturam virtuti sanctorum et martyrum magnus defertur honos: unde tanta Pontificibus primis sepeliendi martyres cura exstitit; imo S. Nicomedes sepeliendo corpus S. Feliculæ Martyris, et S. Justinus presbyter S. Laurentii, aliisque plures per sepulturam martyrum, martyrii lauream adepti sunt.

Sic Marcianus, postea cum in corpus recens occisi incidisset, illudque sepelire vellet, captus est quasi ille eum occidisset, ideoque damnatus ad mortem; sed Dei providentia factum, ut deprehenderetur cædis auctor, itaque Marcianus liberaretur, inquit Evagrius, lib. II, cap. I. Atque hoc opere meruit Marcianus evehi ad imperium, fierique maritus S. Pulcheriae sororis Theodosii Imperatoris, quo proinde nullus melior, nullus fortior, nullus pientior fuit Imperator: Ita Baronius anno Christi 450.

Vers. 10. 10. CONTIGIT AUTEM UT QUADAM DIE (Græce, *eadem illa nocte*, quæ scilicet diem Pentecostes, de qua vers. 1 subsecuta est), JACTASSET SE JUXTA PARIETEM. — Hebræus addit: *Nec statim ingressus sum domum meam, eo quod pollutus essem super mortuo* (ex contactu mortui quem sepelierat juxta legem Numer. xix, 11 et 16); *sed dormivi, apertis oculis, extra atrium juxta parietem sub dio, ubi hirundines nidificant, et stercora in humum egerunt, iisque omnia commaculant* (1).

11. ET EX NIDO HIRUNDINUM DORMIENTI ILLI CALIDA STERCORA INCIDERENT SUPRÆ OCULOS EJUS, FIERETQUE CÆCUS. — « Hirundinum: » Græca habent

(1) Nec mirum alicui videatur, si Tobias apertis oculis dormierit; nam quibusdam hoc in consuetudine est, ut leporibus, verbi gratia his apud quos palpebrarum musculus (orbicularius dictus) paralysi laborat, ex qua evenit ut palpebra superior sese retrahat, et oculi orbem aperatum et nudatum exhibeat; qui quidem morbus a medicis *lagophthalmia* vocatur.

çpouria, id est passeres; sed Septuaginta çpouria vertunt pro Hebræo יְנִפּוֹרִים sipporim, id est aves, ut Vatablus vertit. Has autem aves ex circumstantiis loci optime Noster intellexit fuisse hirundines; harum enim stercora oculos excæcant; unde et alter textus Hebræus hic habet דָּרוֹר deror, id est, avis libera, puta hirundo, quæ libere volat, et libere cum hominibus conversatur, et in tectis nidulatur, ait R. David. Unde illud Pythagoræ symbolum: « Hirundines sub eodem tecto ne habeas, » hoc est, cave a commercio garrulorum et susurronum, ut ex Aristotele explicat S. Hieronymus in *Apol. contra Ruffinum*, et Clemens Alexandrinus, lib. V *Strom. cap. III.* Sic et a Latinis subinde quelibet aves nominantur passeris, ut ostendit hic Serarius (2).

FIERETQUE CÆCUS, — quia hirundinum stercus est siccum, calidum et urens, ideoque humorem oculorum siccatur, itaque naturaliter excæcat (3). Ita Franciscus Valesius, *Sacrae Philos. cap. XLII.* Minus recte ergo Lyranus hanc excæandi vim negat stercori hirundinis. Probabilius Dionysius et Valesius censem Tobiam non fuisse excæcatum, sed albuginem et membranam duntaxat oculis ejus obductam fuisse: quam subinde chirurgi acu deducentes, oculos suæ libertati visuique restituunt, de qua re plura cap. VI, vers. 9. Porro hac de causa pulli hirundinum inter parentum stercora versantes excæcantur, sed a parentibus rursum visus eis redditur per herbam quæ dicitur chelidonia. Audi Tertullianum, lib. *Depœnitent.* cap. XIV: « Hirundo, si excæcaverit pullos, novit Pulli hirundinum oculum rursus de sua chelidonia. » Et Plinius, lib. VIII, cap. XXVII: « Chelidonium visui saluberrimam hirundines monstravere, vexatis pullorum oculis, illa medentes. » Et lib. XXV, cap. VIII: « Hac (chelidonia) hirundines oculis pullorum in nido restituerunt visum, ut quidam volunt, etiam erutis oculis. »

Mirum hoc est, æque ac illud, quod idem scri-

(2) Sive Tobias casu oculos aperuerit, sive ita dormire soleret, inquit Calmetus, sive clavis oculis resolutus fuerit in somnum, facile intelligitur hirundinis stercore ejus oculos vitiari potuisse. Res in expedito est si apertis oculis recubuit, neque major difficultas si clavis oculis stercus decidit. Nam lapsu super palpebras stercore, acris humor per angulos oculorum sese insinuavit, et afflictione manus, ut naturaliter fit, acutissimam inflammationem produxit; ex qua cæcitas evenit.

(3) Quomodo istam oculorum inflammationem subsequita est cæcitas, in promptu est dicere: Juxta opinionem probabiliorum salva remanserunt nervus opticus, pupilla et humor dictus aquosus vel vitreus, sed cornea tunicæ, superinducta est parvula membrana, quæ luminis radios intercludebat, qui morbus dicitur *albugo*, quia plerumque ipsam tunicam corneam albugines obducunt, et eam perluciditate orbant; sive concrescere dicantur ex humeribus eo coagulatis, sive sint membranulae ibi succrescentes et oculum excæcantibus. Non tamen casu id evenisse viro sancto putandum, maxime ut utroque simul oculo privaretur, sed singulari Dei providentia, ob fines qui versus sequenti explicantur.

bit Plinius, lib. X, cap. xxxvii, hirundinum oculos erutos renasci. Idem asserit Älianuſ, lib. III, cap. III; citatque Aristoteles, sed mutile. Verba enim Aristotelis, lib. VI *Histor. anim.* cap. v, sunt: « Pullorum hirundinis recentium oculi, si quis stimulo vexaverit, resanescunt, et cernendi vim postea plane recipiunt. » Jam aliud profecto, ait Aldrovandus in *Hirundine*, pag. 663, est visum vexatum recipere, aliud oculos erutos renasci, quod asserit Älianuſ et Plinius. Idem vero Aldrovandus, pag. 689, cinerem pulli hirundinis cum melle oculis inspersum earum caliginem allata claritate dispellere, ex Dioscoride et Avicenna asseverat, imo ad idem valere fel et stercus frigidum (calidum enim acre est et adurens, unde Tobiam excæcavit) hirundinum ex Alberto magno contendit.

Tropologice B. Petrus Damianus, lib. II *epistolarum*, epistola 12, et in ordine 33: « Quid, inquit, leviter volitantes hirundines, nisi leves adulantium et blanda loquentium significant mores? qui, dum blandiloquii sui suavitate demulcent, dum adulacionis oleo caput audientis impinguant, interiores oculos, ne soluta luce perfruantur, excæcant. »

Rursum Dionysius Carthusianus: Dormienti, ait, Ecclesiæ incidere nonnunquam ab hæreticarum hirundinum nidis stercora, et multos excæcari videntur. Porro lib. II, cap. LVI, Thomas Cantipratensis explicat quemadmodum apibus hirundines, et aves infestæ sint, id est piis, castisque animis dæmones. « Potest, ait, et aliud tentationum genus, hirundinum, quarum stercore Tobias cæcatus est, vel aliarum avium vexatio designare, ut sub virtutum specie, vitiorum tenebris involvamus; verbi gratia: captat quis dives fieri, et congregare divitias, ut in fine condat uberioris testamentum, faciatque hæredem Christum, qui copiarum suarum dereliquerit, vel dominos terræ, vel parentes, aut clientulos suos, vel raptore quolibet nequissimos possessores. Hoc maxime in clericis videmus, quorum tamen bona pauperum esse deberent, et quæ eis omni die superfluent, non in marsupio, vel in area, sed indigo ori famelici, et in ventribus esurientium deberent liberaliter erogari. »

12. HANC AUTEM TENTATIONEM IDEO PERMISIT DOMINUS EVENIRE ILLI, UT POSTERIS DARETUR EXEMPLUM PATIENTIÆ EJUS, SICUT ET SANCTI JOB.—Tobias ergo et Job sunt duo patientiæ exempla et specula omnibus cæcis, et afflictis assidue intuenda et imitanda; nil enim mali cuiquam fidi obvenit, nisi ex certa Dei præscientia et voluntate ad eum, vel a vitiis purgandum, vel in virtute, et patientia perficiendum, itaque ad ejus merita et præmia in celo augenda. Sic permisit Deus justum Abel impietate fraterna necari; Abrahamum charissimi filii holocausto tentari; Josephum a fratribus impie vendi; Mosen cum toto populo Israelitico crudeli Pharaonis tyrannide opprimi; Davidem implaca-

bili regis Saulis odio subjici; Susannam impudicorum calumniis exponi; Prophetam Isaiam medium sera serrari; Danielem objici leonibus. Vide decem rationes, ob quas Deus permittit Sanctos affligi recensem S. Chrysostomum, hom. 1 *ad populum*. Vere S. Augustinus, serm. 226 *De Temp.* qui est de Tobia: « Ad hoc, ait, cæcitatis incurrit exitum ut Angelum susciperet medicum. »

13. NON EST CONTRISTATUS CONTRA DEUM, — ut murmuraret, vel quereretur, diceretque: Domine, cur permisisti me in opere tuo, ob sepulturam scilicet mortuorum, ab hirundiae stercorari, et excæcari? Audi S. Ambrosium, lib. *De Tobia*, cap. II: « Tam sancto fessus officio propheta, dum requiescit juxta parietem aulæ, cadente de passerum nido stercore, albugine cæcitatem incidit, nec conquestus ingemuit, nec dixit: Hæc merces laborum meorum? Fraudari magis se doluit obsequiorum, quam oculorum munere: nec cæcitatem poenam, sed impedimentum putabat. »

Porro Græca et ex iis S. Ambrosius addunt: *Et factæ sunt albugines in oculis meis. Et abii ad medicos, et non profuerunt mihi; Achiacharus (meus de fratre nepos) autem nutriebat me, quo usque profectus sum in Elymaida*, periculi vitandi causa; de quo in fine cap. ultimi. Videtur enim Tobias post cæcitatem rursum ab aliquo apud regem accusatus et bonis spoliatus, sed ut habet Græcus et Hebræus, ab Achiacharo altus et sustentatus. Achiachar vero eam ob causam videtur et ipse calumniam passus, prout Graece cap. ultimo dicitur, tumque Tobias, vel relegatus esse, vel profugisse in Elymaidem, ut in Græco legimus. Ita Serarius et alii.

14. SED IMMOBILIS IN DEI TIMORE PERMANSIT, AGENS GRATIAS DEO OMNIBUS DIEBUS VITÆ SUÆ. — Hic est actus heroicæ patientiæ, hic status viri sancti et perfecti, qui terrena cuncta, tam adversa, quam prospera despiciens, mente in celis versatur, et jam inchoat prægustatque cœlestem felicitatem. Ita Job undique afflictus dicebat cap. I, vers. 21: « Dominus dedit, Dominus abstulit, sit nomen Domini benedictum. » In adversis ergo omnibus Deo gratias age, et sanctus, imo beatus eris. Porro Auctor Quæst. *ex utroque testamento* apud S. Augustinum, Quæst. CXIX: « Quam laudabilis, inquit, sit sanctus Tobias, Scriptura docemur, cuius devotionem, nec captivitas minuit, nec oculorum amissio, quominus Deo benediceret, persuasit: neque exhausta substantia a via justitiæ et veritatis avertit. Necessitas enim probat justum. In egestate æquitatem servare, vera et perfecta justitia est. Unde enim quorundam devotio minuitur, inde augmentum facit laude dignus Tobias. » Et paulo post: « Sancti Tobiae erector ad Deum animus, nec captivitate fractus, nec inopia humiliatus. »

Ita Sancti in cæcitatem Deo gratias cum Tobia Exempla egerunt, imo cæcitatem amarunt. Cæcus fuit cæcorum S. Pigmenius martyr, cui cum Julianus Apostata Deum

Iudan- cæcitatem exprobraret : « Ego vero , inquit Pig-
tum. menius, Deo optimo maximo æternas ago grates, quod non videam Julianum. » Tandem ob egre-
giam Christianæ legi operam navatam , et pag-
norum eversa idolorum monstra, in Tiberim pro-
jectus ex illo in cœlum migravit ; plus hic unus
vidit cæcus, quam omnes larvarum cultores oculati. Cæcus fuit Didymus S. Hieronymi præceptor, quem ipse suum videntem vocat. Cæcus per 4 annos fuit Spes Abbas, cuius morientis anima specie columbæ evolavit in cœlum , teste S. Gre-
gorio , lib. IV Dialog. cap. x. Plura vide apud nostrum Matthæum Raderum, parte III Viridarii, cap. iii. Cæcus fuit S. Audomarus Teruani epi-
scopus anno Domini 658, qui cum per S. Vedastum usum videndi dudum amissum recuperasset, fer-
tur ægro id animo tulisse, et votis impetrasse, ut reserata lumina rursum oborta cæcitate velaren-
tur, quam in salutem suam, a Deo immissam sibi dictitabat. Hic vidit quid commodi cæcitas afferret, quantorumque malorum occasiones præci-
deret. Sanctimonialis illa apud Joannem Moschum in Prato spir., cap. xcvi, oculos sibi erutos misit ad adolescentem specie oculorum suorum cap-
tum, itaque eum compunxit, ut monachum probatissimum efficerit. S. Aquilinus tempore Clo-
dovæi , pontifex Ebroicensis creatus , petivit ab æterna luce , ut sibi mortalia oculorum lumina clauderet, ut cœlestem contemplari firmioribus mentis oculis lucem posset : impetravit , nihilo minus munere Pontificatus egregie concionando perfunctus. Ita habet vita ejus apud Surium die 19 octobris.

Vers. 15. **15. NAM SICUT BEATO JOB INSULTABANT REGES.**—Hinc patet amicos Job, scilicet Eliphaz, Baldad et So-
phar fuisse reges, id est regulos et principes aliquot oppidorum, de quo plura Job cap. ii et ultimo. Hi venerant consolaturi Job, sed pro consolatione in-
gesserunt desolationem; arguerunt enim eum sce-
lerum gravium, quasi ob ea Deo tam dire castigare-
tur : unde insultasse eos Job liquet. Nonne cap. vi,
versu 23, referuntur « detraxisse sermonibus ve-
ritatis ? » versu 26 : « ad increpandum tantum eloquia concinnasse , et in ventum verba protu-
lisce, super pupillum irruisse, et amicum subver-
tere voluisse ? » Nonne cap. xiii, 4, vocantur « fa-
bricatores mendacii, et cultores perversorum dog-
matum ? » cap. xvi, 9 : « falsiloqui ? » et cap. xix,
2 : « Usquequo, ait Job, affligitis animam meam, et atteritis me sermonibus ? En decies confun-
ditis me, et non erubescitis opprimentes me. Vos contra me erigimini, et arguitis me opprobriis meis. » Tandem vero quis contra eos Deo ipso vel testis , vel judex gravior ? eorum certe uni , cap. xlvi, versu 7, Deus cœlitus occlamat : « Iratus est furor meus in te, et in duos amicos tuos ; quoniam non estis locuti contra me rectum , sicut servus meus Job. » Ita Serarius.

Porro Job adhuc vivens vocatur beatus, quia, ut ait S. Jacobus, cap. i, 12 : « Beatus vir qui suffert

tentationem; quoniam, cum probatus fuerit, acci-
pet coronam vitæ. » « Beatus fuit Job , ait, epist. II, cap. ix, S. Fulgentius, cum in divitiis juste vi-
veret; sed beator , cum in paupertate justior ex-
stitisset. Beatus fuit , cum decem circumdaretur filiis; sed beator, cum una cunctorum simul or-
bitate percussus, in Dei dilectione permansit im-
mobilis. Beatus etiam fuit in corporis sospitate ; sed beator est factus in vulnere. Beator etiam in acervo squaloribus pleno , quam in palatio marmoribus adornato. »

16. **UBI EST SPES TUA ? — q. d. Spes tua te fefel-** Vers. 16.
**lit, fuitque falsa et fallax ; sperabas enim per eleemosynas obtinere a Deo prospera omnia , et ecce Deus per sepulturam mortuorum te cæca-
vit, et oculis privavit. Quid enim infelicius et mi-
serius oculis orbato et cæco ?**

18. **FILII SANCTORUM SUMUS,**—puta Abrahæ, Isaac Vers. 18.
et Jacob , etc., eorum ergo fidem, spem, patientiam et constantiam in adversis imitemur. Idem dicat Christianus afflictus : Filius sum Christi ; ejus ergo passionem et crucem jugiter intuebor , ac patientiam imitabor. Filius sum SS. Apostolorum et Martyrum , ut S. Pauli , S. Laurentii , S. Stephani, S. Vincentii, etc., qui tot et tanta pro Christo pertulerunt : ergo eos sequar, et vel modicum meum malum Christi amore libenter et fortiter sustinebo. Sum enim filius Sanctorum , ideoque ipse sum sanctus , id est fidelis, Deo dicatus, et ab eo vocatus ad perfectam sanctitatem, quæ in patientia consistit. « Patientia enim opus perfectum habet, » Jacobi i, 4.

ET VITAM ILLAM EXSPECTAMUS, QUAM DEUS DATURUS
EST HIS QUI FIDEM SUAM NUNQUAM MUTANT AB EO. —
Respondet apposite Tobias insultantibus sibi : « Ubi est spes tua ? » q. d. Spes mea non refer-
tur ad bona præsentia , sed futura. Spero enim post hanc, aliam vitam beatam et æternam, quam Deus dabit iis qui in fide et spe illius constanter in quibusvis adversis persistunt. Hæc spes alterius et felicis vitæ excitavit septem fratres Macha-
bæos, ut sartagines, tympana, equuleos et omnia tormenta superarent , imo contemnerent ; unde ad Antiochum tyrannum intrepide dicebant : « Tu quidem scelestissime , in præsenti vita nos perdis, sed rex mundi defunctos nos pro suis legibus in æternæ vitæ resurrectione suscitabit , » II Mach. ix. Idem senserunt et dixerunt cæteri martyres fere ad unum omnes , qui, ut ait Apo-
stolus, Hebr. xi, 37: « Lapidati sunt, secti sunt, tentati sunt, in occisione gladii mortui sunt, etc., non suspicentes redemptionem, ut meliorem in-
venirent resurrectionem ; » quia et Christus ipse, ut ait idem ibidem , cap. xii, 2, « proposito sibi gaudio (mox futuræ resurrectionis et ascensionis gloriosæ) sustinuit crucem confusione contem-
pta. » Quem imitatur S. Franciscus : « Tanta , ait, est gloria quam exspecto, ut omnis mea poena de-
lectet. »

20. **UNDE FACTUM EST UT HÆDUM CAPRARUM ACCI-** Vers. 20.

Spes glo-
riæ est
stimulus
virtutis.

Tobie PIENS DETULISSET DOMI, — in domum. Græca admetus de hædum hunc dono additum Annæ supra furtivo mercedem texturæ suæ; cumque Annæ hoc di-justus. centi non crederet Tobias plane, illa irata eum irrigit dicens: « Vana facta est spes tua, etc. » Habebat Tobias occasionem dubitandi de furto, tum quia nunquam hædus talis domi suæ comparuerat, nec talis dari solet pro mercede textricibus, nec talem unquam acceperat, et attulerat Anna; tum quia Anna erat pauper: timebat ergo ne paupertas eam coegisset ad hædum errantem et perditum in domum inducendum; tum quia ipse erat justitiæ amantissimus, et furti osor acerrimus, æque ac tenerrimæ et delicatissimæ conscientiæ: « Bonarum autem mentium est timere culpam, ubi non est culpa, » ait S. Bernardus. Simili modo in summa rerum inopia, et fame oblatum divinitus panem, « timens ne forte alienus esset, et culpam velut ex pietate perpetraret, » suis apponere mercenariis formidabat S. Sanctulus apud D. Gregorium, *Dialogorum lib. III, cap. xxxvii.*

Vers. 22. 22. AD HÆC UXOR EJUS IRATA RESPONDIT: MANIFESTE VANA FACTA EST SPES TUA, ET ELEEMOSYNÆ TUÆ MODO APPARUERUNT ESSE VANÆ, — cum per eas te et me, totamque familiam in tantam egestatem,

Sancti cæcitatem et angustiam adduxeris. Disce hic a **Tobie** pro benefactis maledicta, imo maleficia etiam maleficia ab intimis amicis recipere, et constanter ferre. **recipienti** Hoc est præmium patientiæ, hæc ejus coronis, ab ami- ut ipsa novam passionem provocet, in eaque cis. nova majorique patientia coronetur. Audi S. Au-gustinum, serm. 18 in Matth.: « Quanta putatur infelicitas hominum, qui lucem istam corpoream non vident! Exæcatus est aliquis? continuo dicitur: Iratum Deum habuit; aliquid mali com-misit. Hoc uxor Tobiæ dicebat viro. Clamabat ille propter hædum, ne de furto esset: nolebat sonum furti audire in domo sua. Illa defendens factum suum, opprobrio percutiebat maritum; et cum ille diceret: Reddite, si de furto est; illa respondebat resultans: Ubi sunt justitiæ tuæ? Quam cæca erat, quæ furtum defendebat? et quam lucem videbat, qui furtum reddi imperaba! illa erat foris in luce solis, ille erat intus in luce justitiæ. Quis eorum erat in luce meliore? » Et S. Cyprianus, lib. *De mortalitate*: « Et Tobias post opera magnifica, post misericordiæ suæ multa et gloria præconia, cæcitatem luminum passus, timens et benedicens in adversis Deum, per ipsam corporis sui cladem, crevit ad laudem,

quem et ipsum uxor sua depravare tentavit, di-cens: Ubi sunt justitiæ tuæ? ecce quæ pateris. At ille circa timorem Dei stabilis et firmus, et ad omnem tolerantiam passionis fide religionis ar-matus, temptationi uxoris invalidæ in dolore non cessit, sed magis Deum patientia majore prome-ruit, quem postmodum Raphael angelus collau-dat. »

Simili modo S. Saturus procurator domus Hu-Exer-nerici regis Ariani, cum ab eo maximis minis, pla-Saturi. indeque ab uxore propria multis lacrymis solli-citaretur ad Arianismum, intrepide cum S. Job respondit: « Tanquam una ex insipientibus mul-lieribus loqueris. Formidarem, mulier, si sola eset hujus vitæ amaræ dulcedo; artificio, con-jux, diaboli ministraris. Si diligeres maritum, nunquam ad secundam mortem attraheres proprium virum. Distrahant filios, separant uxorem, auferant substantiam mei Domini, ego securus de promissis verba tenebo: Si quis non dimise-rit uxorem, filios, agros, aut domum, meus non poterit esse discipulus. Quid ultra? discedente muliere cum filiis refutata, confortatur Saturus, ad coronam discutitur, exscoliatur, pœnis conte-ritur, mendicus dimittitur. » Ita Victor Uticensis, lib. I *Persecutionis Vandalicæ*, sub finem.

Antistrophæ virtutes Job et Tobie.

Job et Tobias in multis fuere persimiles: primo, Job in profusis eleemosynis, et cujuslibet misericor-diæ officiis, qualia de se deprædicat Job, capite Primo. **Tobias** et Tobias hic, cap. I.

Secundo, in constanti rerum adversarum, præ- Secundo sertim paupertatis, cæcitatis, et morborum tole-rantia, imo gratiarum actione. Sunt enim ipsa Dei magna beneficia, utpote magnæ virtutis, magna præmii materia. Dicebat ergo Job patiens: « Dominus dedit, Dominus abstulit, sit nomen Domini benedictum. » Idem dicebat Tobias.

Tertio, Tobias hæc omnia sustinuit ob spem fu-Tertio, turæ vitæ beatæ, vers. 18. Sic et Job, cap. xix, 25: « Scio, ait, quod redemptor meus vivit, et in no-vissimo die de terra surrecturus sum. Et rursum circumdabor pelle mea, et in carne mea video Deum meum, etc., reposita est hæc spes mea in sinu meo. »

Quarto, Job irrisus fuit ab uxore et amicis, sed quarto. irridentes irrigit; sic et Tobias.

Quinto, Deus Tobiæ opes ablatas visumque re-quinto. stituit; sic et Jobo, cap. ultim. omnia reddidit du-plicia.

CAPUT TERTIUM.

SYNOPSIS CAPITIS.

Tobias irrisus ab uxore, Sara ab ancilla, gementes et orantes a Deo exaudiuntur, qui proinde mittit sanctum Raphaelem. ut utrumque curet.

1. Tunc Tobias ingemuit, et cœpit orare cum lacrymis; 2. dicens : Justus es, Domine, et omnia judicia tua justa sunt, et omnes viæ tuæ, misericordia, et veritas, et judicium. 3. Et nunc, Domine, memor esto mei, et ne vindictam sumas de peccatis meis ; neque reminiscaris delicta mea, vel parentum meorum. 4. Quoniam non obedivimus præceptis tuis, ideo traditi sumus in direptionem, et captivitatem, et mortem, et in fabulam, et improperium omnibus nationibus, in quibus dispersisti nos. 5. Et nunc, Domine, magna judicia tua, quia non egimus secundum præcepta tua, et non ambulavimus sinceriter coram te. 6. Et nunc, Domine, secundum voluntatem tuam fac mecum, et præcipe in pace recipi spiritum meum : expedit enim mihi mori magis quam vivere. 7. Eadem itaque die contigit ut Sara filia Raguelis in Rages civitate Medorum, et ipsa audiret improperium ab una ex ancillis patris sui, 8. quoniam tradita fuerat septem viris, et dæmonium nomine Asmodæus occiderat eos, mox ut ingressi fuissent ad eam. 9. Ergo cum pro culpa sua increparet puellam, respondit ei, dicens : Amplius ex te non videamus filium aut filiam super terram, interfectorum virorum tuorum. 10. Numquid et occidere me vis, sicut jam occidisti septem viros ? Ad hanc vocem perrexit in superius cubiculum domus suæ : et tribus diebus, et tribus noctibus non manducavit, neque babit; 11. sed in oratione persistens, cum lacrymis deprecabatur Deum, ut ab isto improperio liberaret eam. 12. Factum est autem die tertia, dum compleret orationem, benedicens Dominum, 13. dixit : Benedictum est nomen tuum, Deus patrum nostrorum : qui cum iratus fueris, misericordiam facies, et in tempore tribulationis peccata dimittis his, qui invocant te. 14. Ad te, Domine, faciem meam converto, ad te oculos meos dirigo. 15. Peto, Domine, ut de vinculo improperi hujus absolvias me, aut certe desuper terram eripias me. 16. Tu scis, Domine, quia nunquam concupivi virum, et mundam servavi animam meam ab omni concupiscentia. 17. Nunquam cum ludentibus miscui me : neque cum his qui in levitate ambulant, participem me præbui. 18. Virum autem cum timore tuo, non cum libidine mea consensi suspicere. 19. Et, aut ego indigna fui illis, aut illi forsitan me non fuerunt digni : quia forsitan viro alii conservasti me. 20. Non est enim in hominis potestate consilium tuum. 21. Hoc autem pro certo habet omnis qui te colit, quod vita ejus, si in probatione fuerit, coronabitur : si autem in tribulatione fuerit, liberabitur ; et si in correptione fuerit, ad misericordiam tuam venire licebit. 22. Non enim delectaris in perditionibus nostris : quia post tempestatem, tranquillum facis ; et post lacrymationem et fletum, exultationem infundis. 23. Sit nomen tuum, Deus Israel, benedictum in sæcula. 24. In illo tempore exauditæ sunt preces amborum in conspectu gloriæ summi Dei : 25. et missus est Angelus Domini sanctus Raphael, ut curaret eos ambos, quorum uno tempore sunt orationes in conspectu Domini recitatæ.

Vers. 1. **1. TUNC TOBIAS INGEMUIT, ET COEPIT ORARE CUM LACRYMIS.** — Græce, *cum gemitu et lacrymis*; Hebrew, *cum suscepto dolore magno, et quadam etiam corporis ægritudine*. Dolor enim animi creat dolorem corporis, et ægritudo mentis ægritudinem pa-

rit carnis. Passio enim, et affectio animi per sympathiam in corpus sese diffundit. Vide hic quam verum sit illud Eccles. VII, 8 : « Calumnia conturbat sapientem. » En tibi cæcitas non turbavit Tobiam, sed conturbavit eum calumnia uxoris. Cæ-

citatem enim sciebat sibi immissam a Deo ex ratione justa; at calumniam sentiebat sibi ab uxore fieri non ex ratione, sed ex passione injusta, quæ idcirco grave erat peccatum, quod proinde ipsum valde affligebat. Magis enim offensa Dei creatoris sui, quam injuria propria, eum cruciabat.

COREPIT ORARE CUM LACRYMIS. — ex intimo cordis sensu, devotione et compunctione: ideoque quasi vim intulit Deo, ut eum exaudiret et consolaretur. Audi S. Augustinum, serm. 226 *De Tempore*, qui est de Tobia: « Oratio justi, clavis est cœli. Ascendit precatio et descendit Dei miseratione. Licet alta sit terra, altum cœlum, audit tamen Deus hominis linguam, si mundam habeat conscientiam. Cum sensibus loquitur, si sit solus noster gemitus. Sufficit auribus imber oculorum, fletus citius audit, quam voces. » Audi et S. Bernardum, *De modo bene vivendi*, serm. 10: « Anna, mater Samuelis, per compunctionem et lacrymas meruit habere filium; insuper obtinuit apud Deum prophetæ donum. David per compunctionem et lacrymas obtinuit veniam perpetrati homicidii, atque adulterii. Sic enim audivit per prophetam: Non morieris, quia Dominus transtulit peccatum tuum. Pater Tobias per compunctionem et lacrymas meruit accipere curationem cœcitatis et consolationem paupertatis. Sic enim dixit ei Raphael angelus: Gaudium tibi semper sit; et adjecit: Forti animo esto, in proximo est ut a Deo cureris. Etiam Maria Magdalena per compunctionem et lacrymas meruit a Domino audire: Remittuntur tibi peccata tua. »

Vers. 2. 2. ET OMNES VITÆ TUÆ MISERICORDIA, ET VERITAS, VITÆ DEI ET JUDICIUM. — Vitæ Dei sunt ordinationes, consilia, decreta, gubernationes, actiones, opera. Hisce enim quasi viis utitur, et ad creaturas, hominesque regendos descendit; quasi dicat omnia Dei opera sunt misericordia, vera et justa; misericordia, quia mille nostris miseris, mille miserationibus succurrit. Rursum quia cum peccata nostra punit, punit citra condignum, et iustitiam misericordia temperat. Item punit levibus poenit in hac vita, ut per eas metientes, et metuentes atrocissima gehennæ supplicia, declinando a peccatis caveamus. Denique punit unum, vel paucos, ut cæteri omnes eorum exemplo sapiant. Eadem sunt vera, quia sapientiae et veritati primæ conformia; et quia verissime quod promisit, quodque minatus est, præstat. Est enim ipse in dictis factisque verissimus et constantissimus. Eadem sunt judicium, quia manuant ab æterna lege, quæ est in mente Dei, et a prima justitia, judicioque divino, ideoque justissimo.

Tropologice, Deus vult ut in hisce tribus ipsum imitemur. Cupit ergo in omnibus actionibus nostris « misericordiam » quamdam inesse, ut vel aliis subveniamus, vel certe nobis ipsis: « veritatem, » ut convenienter naturæ ac rationi, convenienter etiam fini nostro, et si quid ulli dixerimus, dictis ipsis convenienter agamus: « judi-

cium, » ut cuilibet, quod suum est, Deo, proximo, nobis ipsis tribuamus, prudenterque vivamus. Ita Serarius.

6. PRÆCIPERE IN PACE RECIPERE SPIRITUM MEUM. — Græca Vers. 6. addunt: *Quia audivi exprobationes immeritas;* unde patet quam graviter probra uxoris et aliorum pugnerint animum Tobiae, ut optaverit mori. Ait enim: « Expedit enim mihi mori magis, quam vivere. » Vita enim in assiduo magnoque moerore non est vita, sed mors, imo pejor morte; quare recta ratio dictat tunc satius esse mori, quam vivere, si nimis ita placeret Deo. Sic Job, cap. VII, vers. 15: « Suspendit, ait, elegit anima mea, et mortem ossa mea. » Et Elias, lib. III *Reg.* cap. XIX, vers. 4, persecutiones sustinens a Jezebel, « peitvit animæ suæ, ut moreretur, et ait: Sufficit mihi, Domine, tolle animam meam. » Et S. Paulus, II *Cor.* 1, 8: « Supra modum, ait, gravi sumus, supra virtutem, ita ut tæderet nos etiam vivere. » Fortioris tamen et generosioris animi est mortem non optare, sed adversa quælibet invicto animo tolerare et superare. Unde S. Augustinus a Vandals Hippone obsessus: « Noveritis, inquit, me hoc tempore nostræ calamitatis, id Deum rogare, ut aut hanc civitatem ab hostibus circumdatam liberare dignetur, aut, si aliud ei videtur, suos servos ad perferendam suam voluntatem fortes faciat; aut certe, ut me de hoc sæculo ad se accipiat. » Et hoc tertium obtinuit. Nam tribus mensibus antequam urbs caperetur, vita functus est.

7. EADEM ITAQUE DIE CONTIGIT UT SARA. — Nota Vers. 7. hic miram Dei erga suos fideles providentiam. Combinavit enim calumniam Tobiae cum calumnia Saræ, ac orationem et compunctionem Tobiae cum oratione et compunctione Saræ, ut utrumque consolaretur per mutuum conjugium. Et hoc significat *tæ itaque*, quod respicit futuram conjugii narrationem. Hoc est quod ait Salomon, *Proverb.* xix, 14: « Domus et divitiae dantur a parentibus: a Domino autem proprie uxor prudens. »

Similia sunt in vitis Sanctorum. Joannes Moschus in *Prato spirituali*, cap. cci, narrat filium eiusdem Constantinopolitani viri clarissimi, qui plura omnia erogarat in pauperes, ac moriens non nisi Christum filio curatorem reliquerat, cum filius jam depauperatus templum ingressus, devote Deum invocaret, visum a Patricio quodam ditissimo, qui pro hac pietate filiam suam cum ampla dote illi despondit.

IN RAGES CIVITATE MEDORUM. — Græca habent, in Ecbatanis; nam Rages civitas sita erat in monte Ecbatanis, ut dicitur cap. v, vers. 8, eratque metropolis et regia Medorum (1).

(1) Objicitur: Auctor hujus libri, 700 circiter annos ante Christum scribat, et tamen de civitate Rages in Media loquitur, quæ nonnisi 300 annos ante Christum, a Seleuco Nicatore juxta Strabonem ædificata est. Insuper Sara, filia Raguelis, cap. iii, 7, habitasse dicitur in Rages civitate Medorum, et nihilominus Tobias, cum ad

Vers. 8. **S. QUONIAM TRADITA FUERAT** (successive) **SEPTEM VIRIS, ET DÆMONIUM NOMINE ASMODÆUS OCCIDERAT EOS, MOX UT INGRESSI FUİSENT AD EAM.** — Causam necis a Raphaele audiemus cap. vi, vers. 17 : **Dæmonis etymon.** « **Dæmonium** » græce additur τὸ πονηρόν, id est **illud malum et nequam**, scilicet, pessimum et **nequis simum**, ut ait S. Prosper, parte II *Promis.* xxxix.

Plato in *Cratyllo* ait dæmones dici, quasi δαμωνες, id est scientes, quod plenam habeant naturæ, et rerum naturalium cognitionem, idque probat Lactantius, lib. II *Divin. Inst.* cap. xiv, et S. Augustinus, lib. IX *De Civit. Dei*, cap. xx. Secundo, alii dæmonis etymon derivant a δαμασθαι, id est regere, quod dæmones sint hominum gubernatores; unde Plutarchus scripsit librum de genio Socratis, qui eum dirigebat. Tertio, Eusebius, lib. IV *De præpar. Evang.* : **Dæmon**; inquit, dicitur a δειμαίνειν, id est terrere, quod hominesterrefaciat. Nam : « Si quod, ait apud S. Athanasium S. Antonius, dæmones in pectoribus malæ mentis et pavoris semen invenierint, quasi latrones qui deserta obtinent loca, cæptos cumulant timores, et crudeliter imminentes infelicem puniunt animam. » Addit S. Athanasius : Ad sanctum Antonium adductus est adolescentulus « principalem habens dæmonem, » quem ad discipulum suum ablegans dicebat : « Non est hoc meum opus. Nam contra hunc dæmonum ordinem, » principalem scilicet, « nondum sum donatus gratia; sed hæc est Pauli gratia simplicis, » prout Palladius cap. xxviii narrat.

Quarto, Eugubinus, libro VIII *De perenni phil.* cap. xix, Græcum δαίμων derivat ab Hebreo סְדִים, vel per crasim *sdaim*, id est perditores, vastatores; tales enim sunt, et talis maxime est Asmodæus.

locum pervenisset ubi erat Sara, rogavit Raphaelem ut iret ad Gabelum in Rages civitatem Medorum, » cap. ix, 3, 6. Respondetur primo, sœpe sæpius historicos scriptores ædificationem alicujus civitatis adjudicare principi vel duci qui solummodo hanc civitatem ampliavit et exornavit. Sic Nemrod Babylonis fundamenta posuerat anno 2860 ante Christum; hanc Belus auxerat anno 1993, et tamen Babylon a Semirami regina condita dicitur anno 1916 ante Christum; et hoc non obfuit quin Nabuchodonosor exclamaret : « Nonne hæc est Babylon magna, quam ego ædificavi? » *Daniel.* ix, 27; quia ambo, Semiramis scilicet et Nabuchodonosor, eam civitatem dilataverant, et magnificissime exornarant.

Respondetur secundo, vel duas in Media fuisse civitates quibus idem nomen Rages inditum, sicut duæ fuerunt Bethlehem in Palæstina; vel corrigendam esse Vulgatam ex græca versione, omnium *Tobie* interpretationum antiquissima, et in qua legitur : *In eadem die contigit filiæ Raguel Saræ in Ecbatanis Media*, et dicendum, ex Ecbataniis Raphaelem in Rages perrexisse; vel Rages totius provinciæ metro polim, ubi Ecbatana sita erat, illi civitati nomen suum indidisse, sicut in Europa videmus civitatem simul et regnum Neapolis dicta; vel Saram dici fuisse in Rages, non quod in ipsa civitate fuerit, sed in loco vicino, sicut Romæ habitare dicitur qui Tusculi seu alibi in agro Romano habitat; vel tandem Raguel et Saram non jam in Rages consedisse, cum Tobias in domum Raguelis pervenerit, et inde emigrasse, cum dæmon septem Saræ maritos interficerit.

Quæres quisnam sit Asmodæus: Rabbini apud Asmodæum in Thibsi ässerunt primo, Asmodæum natum e Noema, quæ fuit soror Tubalcain, et Schimonis uxoris, Genes. iv, 22. Quatuor enim dæmonum esse matres, scilicet, Noemia, sive ut ipsi nominant, Nahema, Lilith, Ogereth, et Machlath. Secundo, Asmodæum esse eum, qui in paraphrasi Chaldaica, Job xxviii, vocatur Samael, qui Evan tentavit et superavit, ac conjuges exagitat, auctorique est omnium rixarum. Cum illo Saræ certamen fuisse, quæ ab angelo Dei adjuta victrix abiit: unde ipsa a vincendo et prævalendo nomen accepit. Sara enim Hebraice idem est, quod dominans et domina. Hoc posterius aptum verumque est. Tertio, Eccles. i, 1 : « Ego Ecclesiastes fui Rex; » Chaldaeus vertit : *Aschmedai malca deschedim*, id est *Asmodæus rex dæmonum*. Addit Zohar Salomonem regno ejectum ab Asmodæo in deserto fuisse detentum; ipsumque Asmodæum interim speciem Salomonis assumpsisse, ac jus Hebræis in Jerusalem dixisse. Verum hæc Rabbinorum sunt commenta, ideoque figmenta.

Dico ergo Asmodæum esse dæmonem, qui homines ad libidinem exagitat, ac superatos a se plectit, maleque mulctat, ut male mulctavit septem Saræ sponsos ob impudicitiam. Id ita esse colligitur ex ea quæ Asmodæo, cap. vi, vers. 17, concessa potestas est : « Hi namque qui conjugium ita suscipiunt, ut Deum a se, et sua mente excludant, et suæ libidini ita vacent, sicut equus et mulus, quibus non est intellectus, habet dæmonium potestatem super eos. » Solent vero dæmones eorum ipsorum, quos deceperint, esse carnivores : « A quo enim quis superatus est, hujus et servus est, » II Pet. ii, 19. In eos ergo, quasi reos et mancipia sua suppliciis suis grassatur Asmodæus. Unde Asmodæus, vel Asmodæi socius, aut subditus fuit dæmon ille, quem Cyprianus primum magus, sed postea fidelis, et martyr suis incantationibus excivit, ut S. Justinam virginem et martyrem in adolescentis, qui eam amiebat, amorem infleteret, sed frustra. Vicit enim eum signo crucis, oratione et constantia S. Justina. Talis quoque fuit dæmon ille, qui puellam ab adolescenti mago incantatam obsidens, a S. Hilarione rogatus cur ipsum adolescentem magum potius non obsedisset, respondit : « Ut quid in eum intrarem, qui habebat collegam meum amoris dæmonem? » uti refert S. Hieronymus in Vita S. Hilarionis. Denique audi S. Athanasium in Vita S. Antonii : « Dæmon ille ad Antonii se genua provolvens, humana voce flebat, dicens : Multos reduxi, plurimos decepi; nunc autem, ut a cæteris Sanctis; ita et tuo sum labore superatus. Quem cum interrogaret Antonius, quisnam esset qui talia loqueretur, ait : Ego sum fornicationis amicus, ego multimoda adversum omnes adolescentes turpitudinis arma suscepi, hinc et spiritus fornicationis vocor. Quantos pudice vivere disponentes felli! quot tenuiter incipientes ad sordes pristinas

redire persuasi! ego sum propter quem propheta lapsos increpat dicens: Spiritu fornicationis seducti estis; et revera per me illi fuerant supplantati, ego sum qui te ipsum saepe tentavi, et semper repulsus sum. »

Asmodæi Quaeres secundo, cur vocetur Asmodæus? Respondeat primo Serarius: Asmodæus dicitur quasi **וְנֵס**, id est ignis Medai, id est Mediæ, quod esset rex dæmonum omnium, qui tum Medium (in qua erat Rages, ubi agebat Sara, ejusque septem sponsi occisi ab Asmodæo) vicinasque provincias incomitabant. Cum enim in Media versaretur, ubi regem nisi in ea ipsa regione ageret? ipse ergo omnes Medos ad libidinem suscitabat, ac superatos a se affligebat. Sunt enim dæmones Persici, Medici, Africi, Australes, Meridionales, sepulcrales, aerii, ignei, aquei, terrei, uti docet Rhodiginus, lib. II, cap. IV et V, Chaldæus, *Cant.* cap. IV, vers. 6, et Thomas Cantipratensis, lib. II *Apum*, cap. LVII, num. 9.

Secundo. Secundo, Asmodæus, vel ut Hebraice dicitur *Asmodai*, significat peccati abundantiam; **וְנֵס** *ascam*, enim est peccatum, **תָּאַדָּה** *dai* est abundantia; ubi enim ardet libido, ibi abundant peccata. Nam ut ait S. Gregorius in lib. I *Reg.* cap. XV: « More ignis libido succeditur, et si negligenter extinguitur, adjacens stipula velociter inflammatur. »

Tertio. Tertio, Asmodæus idem est quod **וְנֵס** *es*, id est ignem, vel **וְנֵס** *ascam*, id est peccatum, **תָּאַדָּה** *modad*, id est metiens et mensurans, ut quanta sit concupiscentia exploreat, tantamque pœnam culpa commensam irroget.

Quarto. Quarto, Asmodæus idem est quod disperditor, desolator, ab **וְנֵס** *ascam*, id est desolavit, vel a **תָּאַדָּה** *scamad*, id est disperdidit.

Quinto. Quinto et aptissime, Asmodæus dicitur quasi *es*, id est ignis, vel *ascam*, id est peccati, **תָּאַדָּה** *scomed*, id est disperditor. Ipse enim inducitur hic, ut libidinis ultius, et sponsorum impudicorum occisor.

Vers. 9. Mox ut ingressi fuissent ad eam. — Græce, *an*tequam essent ipsi cum ea, ut in uxoribus, id est antequam congrederentur. Non enim permisit Deus Sarah tam castam a tam incestis tangi, sed ante tactum eos per Asmodæum occidit, eo quod vellent eam effreni libidine invadere.

9. AMPLIUS (deinceps; nam nullum hucusque generat filium) EX TE NON VIDEAMUS FILIUM, AUT FILIAM SUPER TERRAM, INTERFECTRIX VIRORUM TUORUM. — Gravis fuit hæc contumelia jactata ab ancilla, vel ut græce est ab ancillis in Sarah, Græca magis eam exaggerant; sic enim habent: « Et dixerunt ad eam: Non intelligis suffocans tu viros? ecce septem habuisti, et unius eorum non es nominata. Quid nos flagellas? Si mortui sunt, vade cum eis: non videamus tuum filium, vel filiam in sæculum. »

Ubi nota tria convicia ab ancilla Saræ fuisse objecta; primo, quod septem sponsos occidisset, imo suffocasset, cum id non fecisset ipsa, sed As-

modæus. Quid enim turpius, quid atrocius sponsæ, quam dicere: Tu occidisti tuum sponsum? Secundo, quod nomen ejus depravet; pro « Sara » enim, id est domina, vocat eam **טָרַח tsaram**, id est tribulatam et miseram. Tertio, sterilitatem ei perpetuam imprecatur. Sic S. Monica, ab ancilla vocata meribibula, valde fuit afflita, ut refert S. Augustinus, lib. IX *Confess.* cap. VIII. Sic et Sara hic adeo fuit excruciatæ, ut vers. 15 oret: « Peto, Domine, ut de vinculo improperi hujus absolvias me, aut certe desuper terram eripias me. »

10. AD HANC VOCEM PERREXIT IN SUPERIUS CUBICULUM. — Græce est: *Tristata est*, ὡς τε ἀπάλλαξθαι. quod Vatablus vertit: *ut præfocare se cogitaret*; sed resiliens, seseque corrigens dixit: *Unica patri meo sum; illud si faciam, ipsi dedecus sempiternum erit, et præsentissima mortis occasio, quia ejus senectutem cum mœrore ad inferos deducam*, id est ad mortem, seu sepulcrum, ut cap. VI, vers. 7. Ita et Hebreus qui habet: *In tantum affigebatur, ut strangulare se cuperet; quod etiam fecisset, nisi cogitasset iterum, sic deducam canos patris et matris cum dolore ad sepulcrum*. Melius Interpres Græcorum Bibliorum Regiorum vertit: *Tristata est, ut suffocaretur, scilicet præ angustia doloris et mœroris.*

11. ET TRIBUS DIEBUS, ET TRIBUS NOCTIBUS NON MANDUCAVIT, NEQUE BIBIT; SED IN ORATIONE PERSISTENS. — Vide hic fructum contumelie; ipsa enim peperit compunctionem; hæc jejunium et orationem triduanam. Nam, ut ait Lyranus: « Fervor orationis, et prolixitas inducit oblivionem cibi et potus. » Et Glossa: « Sola, inquit, oratione pinguescit, quem macies corporis pascit. »

13. BENEDICTUM EST NOMEN TUUM, DEUS. — Græca Vers. 13. uberioris habent: *Benedictus es, Domine Deus meus, et benedictum nomen tuum sanctum, et gloriosum in sæcula. Benedicant te omnia opera tua in sæculum*. Hac oratione triduana impetravit Sara a Deo resignationem et tranquillitatem animi cum magna in Deum confidentia, ut novam orationem ordiens prorumperet in Dei benedictionem et laudem; nam, ut ait S. Ambrosius, capite II *Inst. Virg.*: « Bona oratio, quæ ordinem servat, ut primo a divinis inchoemus laudibus. Si enim, cum apud hominem agimus, benevolum volumus judicem facere, quanto magis cum dominum nostrum preciamur? Primo ergo immolemus Deo sacrificium laudis. »

ET IN TEMPORE TRIBULATIONIS PECCATA (ob quæ tribulantur, et consequenter tribulationem ipsam, dimissa enim culpa saepe dimittitur et poena) DIMITTIS HIS QUI INVOCANT TE; — nam ut ait Eccli. cap. II, vers. 13: « Pius et misericors est Deus, et remittet in die tribulationis peccata. » Rursumque cap. III, vers. 17: « In die tribulationis commemorabitur tui, et sicut in sereno glacies; solventur peccata tua. »

16. TU SCIS, DOMINE, QUA NUNQUAM CONCUPIVI VERS. 16. RUM, — ut eum ambirem ex concupiscentia et libidine, sed tantum eum accepi prolis causa, ut

parentibus obtemperarem, eisque nepotes et haeredes procrearem.

MUNDAM SERVAVI ANIMAM MEAM AB OMNI CONCUPISCENTIA, — non tantum libidinis, sed et gulae, superbitae, avaritiae, ceterarumque illecebrarum. Magna fuit haec puritas et continentia Saræ, ob quam meruit a Deo exaudiri, et bearri.

Vers. 17. 47. NUNQUAM CUM LUDENTIBUS MISCUI ME. — Primo Rabbini ludum impudicum accipiunt, qualem ludunt obscoeni fornicarii. Sicque explicant illud Exodi cap. XXXII, vers. 6 : « Sedit populus manducare et bibere, et surrexerunt ludere, » id est fornicari. Melius Hugo et alii ludum quemlibet accipiunt puellis familiarem, praesertim saltationem et choream, ait Hugo, quam vir sapiens et probus apud Cæsarium, lib. IV, cap. XI, vocat « ludum diaboli. » et Matthæus Clingius in Locis commun. cap. De tripudio et chorea : « Quid, ait, est chorea? Est circulus cuius centrum est diabolus, et circumferentia omnes Angeli ejus. » Quocirca B. Virgo, teste S. Gregorio, IV Dialog. cap. XVII, monebat Musam virginem, « ut nihil ultra leve aut puellare ageret, jocis ludisque abstineret. » Unde etiam Jeremias, cap. xv, vers. 17 : « Non sedi, ait, in concilio ludentium. » Quem in locum S. Hieronymus : « Utinam, ait, Dominus præstet et nobis non sedere in concilio ludentium, et eorum qui futura non cogitant! » Sic etiam Psal. XXV, David : « Non sedi cum concilio vanitatis. »

Vers. 21. 21. HOC AUTEM PRO CERTO HABET OMNIS QUI TE COLIT, QUOD VITA EJUS, SI IN PROBATIONE FUERIT, CORONABITUR, — si nimurum in tentatione et probatione manserit Deo fidelis et constans. Nam, ut ait S. Jacobus, cap. I, vers. 12 : « Beatus homo qui suffert temptationem; quoniam, cum probatus fuerit, accipiet coronam vitæ, quam repromisit Deus diligentibus se. »

ET SI IN CORREPTIONE (ita legendum cum Romanis et Graecis, non « corruptione, » uti legunt nonnulli) AD MISERICORDIAM TUAM VENIRE LICEBIT, — q. d. Si tuus cultor, o Domine, a te ob aliquod delictum corripiatur et castigetur, per poenitentiam veniam postulans, illam a te impetrabit. Hoc fine enim eum corripuisti et castigasti, ut eum ad delicti poenitentiam impelleres, et poenitenti parceres, tibique reconciliares.

Vers. 22. 22. QUA POST TEMPESTATEM TRANQUILLUM FACIS: ET POST LACRYMATIONEM ET FLETUM EXULTATIONEM INFUNDIS, — nimurum post nebula Phœbus, post noctem aurora, post hyemem aestas, post morbum sanitas, post desolationem consolatio, post crux gloriam, post mortem resurrectio, et ut ait Tertullianus in Apolog. Christus, post fel, favos et mella gustavit. Vere Salomon, Prov. XIV, 10 : « Cor, ait, quod novit amaritudinem animæ suæ, in gaudio ejus non miscebitur extraneus. » Vide ibi dicta. Et Psaltes, Psalm. XCIII, 19 : « Secundum multitudinem dolorum meorum in corde meo, consolationes tuæ lætificaverunt animam meam. »

Vers. 23. 25. ET MISSUS EST ANGELUS DOMINI SANCTUS RA-

PHÆL, UT CURARET EOS AMBOS, QUORUM UNO TEMPORE SUNT ORATIONES IN CONSPECTU DOMINI RECITATAE, — id est presentatae et oblatae per Angelos utriusque custodes, imo per S. Raphaëlem, ut ipse Tobiae asserit cap. XI, vers. 12 : « Quando, inquit, orabas cum lacrymis, ego obtuli orationem tuam Domino. » Hinc Apoc. VIII, 3, dicitur Angelus stetisse cum thuribulo aureo, eoque obtulisse Deo incensum, id est orationes sanctorum « Raphael » Hebraice dicitur quasi רָפָא אֵל rophe el, id est medicus Dei, aut medicina et curatio Dei. Ita S. Gregorius, hom. 34 in Evang., et S. Hieronymus in cap. VIII Danielis. Sic Deus ipse vocatur rophe, id est medicus; curator et salvator tuus, Græce ὁ ιώ-μενος σε, id est medens tibi, et sanans te. Exodi XV, 26, Psal. XXXIX, 5, et alibi saepe. Raphael ergo est Dei medentis vicarius, executor et operator sanitatis. Unde Ecclesia in officio Michaelis orat Christum :

Angelum nobis medicum salutis
Mitte de celis Raphael, ut omnes
Sanet ægrotos, pariterque nostros
Dirigat actus.

Apud S. Augustinum, serm. 226, ait ipse Raphael: « Ego sum minister curationis, Deus est auctor sanitatis. » D. Hieronymus, loco citato : « Ubicumque, ait, medicina et curatio necessaria est, Raphael mittitur, qui interpretatur curatio vel medicina Dei, hoc videlicet nominis interpretatione significante, quod in Deo sit medicina vera. » Hebraicus textus paulo infra : « Misit, ait, Dominus Angelum Raphaëlem, Principem curationibus præpositum, sive qui sanitatum præses est. » Unde in Romano Missali, quod anno 1520 Parisiis editum, Missa est de S. Raphaële, pro ægrotantibus et peregrinantibus.

Porro Hebreus hoc loco sic habet : In tempore illo exaudita est oratio amborum in conspectu ipsius Secenah, et in conspectu throni gloriae Jehovah; oratio quidem Tobiae pro cæcitate oculorum suorum; oratio vero Saræ pro humiliatione parentum suorum. Secena est Spiritus Sanctus, ait R. Elias, ita dictus, quod habitat in sanctis : σαχαν enim est habitare.

Græca Romana habent : Exaudita est oratio amborum in conspectu gloriae magni Raphaëlis, id est magni Dei, qui summus est Raphael, id est medicus et curator, uti jam dixi; aut, q. d. Exaudita est oratio in conspectu Dei, ut vertit Noster, qui est gloria magni Raphaëlis. Deus enim omnium Angelorum et hominum est decus et gloria; juxta illud Psal. III, 4 : « Tu, Domine, susceptor meus es, gloria mea, et exaltans caput meum. » Aut tertio et optime, q. d. Exaudita est oratio amborum a Deo, in conspectu gloriösi magnique Raphaëlis, qui eamdem divinæ majestati obtulerat. Esto enim Raphael Tobiae esset præsens, ideoque a Sara absens, tamen absensis preces ipse videbat et audiebat : imo poterat in ictu oculi a Tobia avolare ad Saram, indeque revolare ad Tobiam, adeoque ad

Raphael
quis et
qualis.

Deum in cœlum empyreum. Angeli enim sunt celerrimi, et instar fulguris e cœlo in terram dilabuntur.

Allegorice est Jesus Christus. Allegorice Glossa : « Mystice, ait, per Raphaëlem intelligi potest Dominus noster Jesus Christus, qui dieitur magni consilii Angelis secundum translationem 70, Isatæ IX. Et venit in mundum ad curandum in utroque sexu genus humanum.» In Græcis porro dicuntur paulo signatus nonnulla : *Missus est Raphael, ut ambobus medereretur; ipsius Tobiae albugines abstergeret, et Saram Rague-lis filiam daret Tobias, filio Tobit uxorem, et vinciret Asmodæum, malum dæmonium, quia ad Tobiam pertineret hæreditatem illam accipere*, id est Saram, quæ illi velut optima hæreditas debebatur, idque quia, ut ait Hebreus : *Tobias erat propinquitatis*, id est propinquitatis jure illam sibi vindicare poterat.

Raphael ex quo Angelorum ordinis. Quæres ex qua hierarchia sit Raphael : Dominicus Bannes in I part., Quæst. CXII, art. 4, putat esse ex infimo ordine Angelorum, quia ipse videtur fuisse Angelus custos Tobiae ; Angeli autem custodes sunt ex infimo ordine. Unde S. Thomas, I part. Quæst. CXIII, art. 3, ait Michaelem esse ex ordine Principatum, Gabrialem ex ordine Archangelorum, Raphaëlem ex ordine Angelorum.

Secundo. Secundo, Serarius hic, Quæst. II, putat esse ex ordine penultimo, qui est Archangelorum. Nam S. Isidorus, libro VII, Origenes, capite v, Prosper, part. II Promis. cap. xxix, et alii Raphaëlem vocant Archangulum.

Tertio. Tertio, alii apud Joannem Eckium, homilia 5 in festo S. Michaelis, censem Raphaëlem esse ex ordine Potestatum. Hi enim potestatis suæ imperium in dæmones exercent, ut fecit hic Raphael, ligando Asmodæum. Alii opinantur eum esse ex ordine Virtutum.

Quarto vere. Quarto et optime plures censem Raphaëlem esse ex primo ordine Seraphinorum, adeoque esse unum e septem primis Seraphinis. Hi enim proxime assistunt Deo, uti astare se ait Raphael, cap. XII, 13. Ita Gregorius de Valentia, I part. in Quæst. CXII D. Thomæ, Quæst. VI, Viegas, comment. II, sect. xviii, in cap. XII Apoc., Nazianzenus et Cyrius, quos citat et sequitur noster Ribadeneira in festo S. Michaelis. Hinc et Missa Aethiopica tam Raphaëlem quam Michaelem et Gabrialem unum e præstantioribus Angelis constituit. Unde Septuaginta Romana hoc vers. Raphaëlem vocant magnum : *Coram gloria, inquiunt, magni Raphaëlis.*

Raphael est præsagus regrum. Hebrei, ut est apud Lyranum, cap. xviii Genes., tres Angelos sub virili forma Abrahamo visos, Michaelem, Gabrialem, Raphaëlem appellant. Primum ad nuntiandum Isaac filii generationem; secundum ad impuras urbes flammis diruendas; tertium ad curandum Abraham a vulnere circumcisionis missos dixerunt : at refelluntur Hebrei a Tostato, cap. xviii Genes. Porro Raphael bonæ valetudini præsidet; et ideo missus est ad pellendam Tobiae cæcitatem; hinc nomen ejus

sonat, medicina Dei : Michael precibus oblationibusque fidelium, Gabriel hominum præliis præferti sunt. Toletus in cap. i Luc. annotat. 46, agit de Gabriele bellis præfecto, ut D. Hieronymus, cap. viii Dan., ac Rupertus in cap. viii Apoc.

Rursum Raphaëlem est præses itinerum, duxque Et Mine proficiscentium ; unde in Itinerario Ecclesiæ ab iis invocatur. Qua de re insigne exemplum cu-jusdam Aurelianensis peregrini ab hostibus invasi invocantis S. Raphaëlem, et ab eo liberati recenset Petrus de Natali, Episcopus Aquileiensis, lib. IV, cap. cxli.

Quæres secundo, an Raphael proprie fuerit An- An Ra-gelus custos Tobiae? Affirmat Dominicus Bannes phael custos loco citato. Probat quia Angeli custodis munus Tobiae est preces offerre Deo; hoc autem fecit Raphael. Rursum ipse Tobiam per totum iter comitatus custodivit, ac omnibus periculis eripuit. Fuit er- Resp. ne go ejus custos. Verum dico cum Serario et Gregorio de Valentia cum non fuisse proprie custodem Tobiae : primo, quia hic custos est ex nono et infimo ordine Angelorum; Raphael autem est ex primo ordine Seraphinorum; secundo, tutelares Angeli ab exordio vitæ a Deo hominibus tribuuntur, vel (ut placet nonnullis) a conceptu : at Raphael missus cœlitus fuit, cum Tobias adolescentiæ ageret annos; tertio, non fuit præcipue missus ad juniorem Tobiam regendum tuendumque; sed ad Tobiam patrem sanandum, Saramque a dæmonie liberandam, ut patet cap. XII. Hinc patet responsio ad argumentum; nam non solum Angeli, sed et Seraphini nostras preces Deo offerunt; « omnes enim sunt administratori spiritus in ministerium missi, » ut ait Apostolus, Hebr. i, vers. ult.

Denique sicut Asmodæus est rex dæmonum et præses luxuriæ, sic ejus antagonista S. Raphael est Rex Angelorum et præses castitatis et castorum tutelaris, uti fuit hic Tobiae et Saræ. Unde ipse vel ejus assecclæ S. Thomam Aquinatem cingulo castitatis cinxerunt, ut habet ejus vita, ac S. Equitum quasi castrando, castitatis dono præmiarunt, uti refert S. Gregorius, libro I Dialog. cap. iv.

Tropologice disce hic quanta sit animæ dignitas quantaque Dei et Angelorum, etiam Seraphinorum (qualis est Raphael) dignatio, qua dignantur hominum peccatorum, vilium et misericordiarum tantam, tamque particularem et providam curam gerere, quantam hic gessit Raphael Tobiae et Saræ. Lege S. Bernardum in Psal. xc, serm. 17, ubi inter cetera obtupescens ait : « Angelis suis mandavit de te, ut custodian te in omnibus viis tuis. Confiteantur Domino misericordie ejus, et mirabilia ejus filiis hominum. Confiteantur, et dicant inter gentes, quoniam magnificavit Dominus facere cum eis. Domine, quid est homo, quia innotuisti ei, aut quid apponis erga eum cor tuum? Apponis cor erga eum, geris pro eo sollicitudinem, curam illius habes. Denique ei mittis

unigenitum tuum, immittis spiritum tuum, promittis etiam vultum tuum. Et ne quid in cœlestibus vacet ab opera sollicitudinis nostræ, beatos illos spiritus propter nos mittis, in ministerium custodiæ nostræ deputas, nostros jubes fieri pædagogos. » Et nonnullis interjectis: « Mira dignatio, et vere magna dilectio charitatis, etc. Summa ergo majestas mandavit Angelis, et Angelis suis

mandavit: illis utique sublimibus, tam beatis, tam proximis sibi cohærentibus, tam familiariter adhærentibus, et vere domesticis Dei. Mandavit de te. Tu quis es, Domine? quid est homo, quod memor es ejus, aut filius hominis, quotiam reputas eum? quasi vero non sit homo putredo, et filius hominis vermis? Sed quid putas mandavit de te? » etc.

CAPUT QUARTUM.

SYNOPSIS CAPITIS.

Tobias moriturus, uti putabat, filio dat ultima virtutis salutisque monita.

1. Igitur cum Tobias putaret orationem suam exaudiri, ut mori potuisset, vocavit ad se Tobiam filium suum, 2. dixitque ei: Audi, fili mi, verba oris mei, et ea in corde tuo, quasi fundamentum, construe. 3. Cum acceperit Deus animam meam, corpus meum sepeli: et honorem habebis matri tuae omnibus diebus vitae ejus: 4. memor enim esse debes, quæ et quanta pericula passa sit propter te in utero suo. 5. Cum autem et ipsa compleverit tempus vitae suæ, sepelias eam circa me. 6. Omnibus autem diebus vitaे tuæ in mente habeto Deum: et cave ne aliquando peccato consentias, et prætermittas præcepta Domini Dei nostri. 7. Ex substantia tua fac eleemosynam, et noli avertere faciem tuam ab ullo paupere: ita enim fiet ut nec a te avertatur facies Domini. 8. Quomodo potueris, ita esto misericors. 9. Si multum tibi fuerit, abundanter tribue: si exiguum tibi fuerit, etiam exiguum libenter impertiri stude. 10. Præmium enim bonum tibi thesaurizas in die necessitatis. 11. Quoniam eleemosyna ab omni peccato et à morte liberat, et non patietur animam ire in tenebras. 12. Fiducia magna erit coram summo Deo eleemosyna, omnibus facientibus eam. 13. Attende tibi, fili mi, ab omni fornicatione, et præter uxorem tuam nunquam patiaris crimen scire. 14. Superbiā nunquam in tuo sensu, aut in tuo verbo, dominari permittas: in ipsa enim initium sumpsit omnis perditio. 15. Quicumque tibi aliquid operatus fuerit, statim ei mercedem restitue, et merces mercenarii tui apud te omnino non remaneat. 16. Quod ab alio oderis fieri tibi, vide ne tu aliquando alteri facias. 17. Panem tuum cum esurientibus et egenis comedere, et de vestimentis tuis nudos tege. 18. Panem tuum et vinum tuum super sepulturam justi constitue, et noli ex eo manducare et bibere cum peccatoribus. 19. Consilium semper a sapiente perquire. 20. Omni tempore benedic Deum, et pete ab eo ut vias tuas dirigat, et omnia consilia tua in ipso permaneant. 21. Indico etiam tibi, fili mi, dedisse me decem talenta argenti, dum adhuc infantulus esses, Gabelo, in Rages civitate Medorum, et chirographum ejus apud me habeo: 22. et ideo perquire quomodo ad eum pervenias, et recipias ab eo supra memoratum pondus argenti, et restituas ei chirographum suum. 23. Noli timere, fili mi: pauperem quidem vitam gerimus, sed multa bona habebimus, si timuerimus Deum, et recesserimus ab omni peccato, et fecerimus bene.

Monita Tobiae.

Monita
Tobiae
duodecim.

Sunt ea numero duodecim. *Primum* est de pietate patri et matri tam in vita quam post mortem exhibenda, vers. 3, 4 et 5; *secundum* de religione erga Deum, vers. 6 et 20; *tertium* de eleemosyna, vers. 7 et 17; *quartum* de fuga fornicationis, et

castitate, vers. 13; *quintum* de fuga superbiæ et humilitate, vers. 14; *sextum* de justitia et mercede operariis juste statim persolvenda, vers. 15; *septimum* de talione, ut nemini faciat id quod sibi fieri nolit, vers. 16; *octavum* de cura pro mortuis, vers. 18; *novenum* de prudentia, ut nil faciat sine consilio viri sapientis, vers. 19; *decimum*, de

assidua Dei memoria, laude et invocatione, vers. 20; *undecimum* de providentia alendæ familiæ, repetendo pecuniam Gabelo mutuo datam, vers. 22; *duodecimum* ut paupertatem suam soletur spe in Deum, qui sperantes in se ditat. Similia aurea monita, et documenta virtutum viri sancti morituri filiis, et posteris suis tradidere, ut S. Ludovicus filio suo Philippo: lege ea in vita S. Ludovici apud Surium die 25 Augusti; S. Ephrem, ut patet ex ejus testamento; S. Theodorus Studita, S. Dominicus, S. Franciscus, cuius testamentum exstat in fine tom. IV *Bibliothec. Sanctorum Patrum.*

Vers. 3. 2. HONOREM HABEBIS MATRI TUA, — juxta illud Dei in Decalogo: « Honora patrem et matrem, ut sis longævus super terram, » *Deut. v, 16.* Vide ibi dicta. Mirare hic Tobiae æquanimitatem, qui acri probro exceptus ab uxore, ejus tamen honorem et curam filio demandat, utque ipse memor sit dolorum, fastidiorum et periculorum quæ ipsa pro eo passa est in utero, et deinceps. Audi *Ecclesi. cap. III, 8 et 18:* « Qui timet Dominum, honorat parentes: et quasi dominis serviet his qui se genuerunt. Quam malæ famæ est, qui derelinquit Patrem: et est maledictus a Deo, qui exasperat matrem! »

Vers. 5. 5. SEPELIAS EAM JUXTA ME, — Hebræa et Graeca: *Sepeli eam juxta me honorifice in eodem sepulcro.* Vir enim et uxor sunt quasi una caro, id est, una persona civilis, *Gen. II, 24.* Sic Abraham cum Sara, Isaac cum Rebecca, Jacob cum Lia eodem sepulcro sepeliri voluere, *Gen. XLIX, 29.* Memorable est quod scribit S. Gregorius Turonensis, *De gloria Confess. cap. XXXII,* de duobus amantibus, viro scilicet et uxore, in continentia et castitate mutuo consensu viventibus. Cum enim uxor jam defuncta ferretur ad sepulturam, vir ejus expansis in cœlum manibus ait: « Gratias tibi rerum omnium artifex ago, quod sicut mihi eam commendare dignatus es, ita tibi reddidi ab omni voluptatis contagio impollutam. At illa subridens ait: Sile, sile, vir Dei, quia non est necesse proloqui nostrum, nemine interrogante, secretum. Posthæc obiecta opertorio recessit. Non post multum vero tempus et ipse migravit a sæculo, sepultusque est in loco suo. Erat autem in una quidem basilica, sed e diversis parietibus utrumque sepulcrum habebatur. Et unum quidem ad meridiem, alterum ad aquilonem. Mane autem facto inventa sunt pariter (id est conjuncta) esse sepulera, quæ usque hodie sic perdurant: idecirco nunc incolæ duos amantes vocitant, et summo venerantur honore. »

Vers. 6. 6. OMNIBUS AUTEM DIÆBUS VITÆ IN MENTE HABETO DEUM, — puta in memoria, ut illius semper sis memor in intellectu, et de illo crebro cogites et mediteris: in voluntate, ut illum jugiter reveraris, ames, laudes, invoces, obedias, glorifices, ideoque caveas ab omni ejus offensa et peccato, ut sequitur, studiose: juxta illud *Prov. III, 6:* « In

omnibus viis tuis cogita Dominum, et ipse diriget gressus tuos. » Sic Enoch ambulavit æque ac Noe, *Gen. v et vi.* Sic Abraham audivit a Deo: « Ambula coram me, et esto perfectus, » *Gen. XVII, 1.* Sic Elias: « Vivit, ait, Dominus, in cujus conspectu sto, » *III Reg. XVII, 1.* Et Eliseus: « Vivit Dominus exercituum, in cujus conspectu sto, » *IV Reg. III, 14.* Quin et Seneca, *epist. 19:* « Sic vive, ait, cum hominibus, tanquam Deus videat. »

7. FAC ELEEMOSYNAM, ET NOLI AVERTERE FACIEM TUAM (Hebræus, *ne excutias oculos tuos*) AB ULLO PAUPERE. — Sex hic eleemosynæ fructus et stimulos Tobias dat filio, *primus* est: « Ita enim fiet, ut nec a te avertatur facies Domini, » *q. d. Talionem* tibi reddet Deus, quia ipse est curator pauperum. Quare si ab eis faciem tuam averteris, negando eleemosynam, aut consolationem, quam eis dare potes, avertet pariter faciem suam a te Deus, negando gratiam et opem quam postulas.

8. QUOMODO POTUERIS, ITA ESTO MISERICORS, — ut si habeas aurum, panem, cibum, illa des; si non habeas, des consilium, verbo soleris pauperem, eique bene preceris, ostendens commiserationis affectum; commiseratio enim levat misero miseriam, ejusque partem in se suscipit.

10. PRÆMIUM ENIM BONUM TIBI THESAURIZAS IN DIE NECESSITATIS, — ac præsertim in hora mortis: quod illi dabit Deus, utpote a se misericordibus promissum. Pro « præmium, » Graece est *depositum;* quia quæ in pauperes conferuntur, non pereunt danti, sed quasi in sinum Dei custodienda depnuntur, ut is ea danti suo tempore reddat, tum in hac vita simplicia, tum duplia, imo centuplicia in cœlo. Hebræi hic addunt: *Possidebis autem divitias et thesauros argenti et auri in justitia. Nam thesauri nihil proderunt et eleemosyna liberabit a morte.* Et quicumque facit eleemosynam, is videbit faciem Dei, sicut scriptum est: *Ego in justitia contemplabor faciem tuam, et qui occupantur ea, de cœlis sunt.*

Est hic secundus eleemosynæ fructus et stimulus. Sequitur tertius.

11. QUONIAM ELEEMOSYNA AB OMNI PECCATO ET A MORTE (æterna, et sœpe a præsenti) LIBERAT. — Tertia, Qua ratione? *Primo* dispositive, quia eleemosynarii impetrat gratiam majorem, qua sensim eleemosynarii provehuntur ad remissionem culpæ, etiam mortalis, et ad illam disponit, si nimur fiat ex gratia Dei præveniente, ut ad eamdem disponunt fides, spes, timor; maxime si ipsa fiat ob motivum aliquod supernaturale, v. g. ut peccati veniam adipiscaris, ut Deo placeas, ut ejus gratiam impetres; *secundo*, quia si culpa jam sit remissa, eleemosyna meretur remissionem poenæ restantis; *tertio*, quia Deus ob eleemosynam, poenam præsentis vitæ aufert, vel differt, etiam non remissa culpa. Unde eleemosynarii etiam alias impii raro in hac vita a Deo castigantur. Quocirca Daniel, cap. IV, Nabuchodonosori sœvo et impio suasit dicens: « Peccata tua eleemosynis redi-

Eleemosyna est quasi baptismus. me : » imo S. Augustinus, lib. XXI *De Civit. Dei*, cap. xxvii, ait quosdam sine eleemosyna non posse salvare. Unde S. Ambrosius, serm. 30 et 31, eleemosynam comparat baptismu : « Ita, inquit, eleemosyna extinguit peccata, sicut aqua baptismi gehennæ extinguit incendium. Ergo eleemosyna quodammodo animarum aliud est lavacrum, ut si quis forte post baptismum humana fragilitate deliquerit, supersit ei, ut iterum eleemosyna mundetur. » Et S. Cyprianus, lib. *De oratione et eleemosyna* : « Sicut lavacro aquæ salutaris gehennæ ignis extinguitur, ita eleemosynis atque operibus justis, delictorum flamma sopitur. » S. Bernardus, serm. 1 post *Epiphaniam*, hydriam tertiam, qua peccatorum ablutio fiat, statuit eleemosynam. Sic et eamdem baptismu comparat D. Leo, homil. 2 *De Collectis*, et serm. 5 : « Eleemosynæ, inquit, peccata delent, mortem perimunt, et pœnam perpetui ignis extinguunt, » huncque Tobie locum subjungit. » Vide dicta *Ecclesiastici* III, 33, ad illa : « Ignem ardente extinguit aqua, et eleemosyna resistit peccatis. »

Quartus. ET NON PATIETUR ANIMAM IRE IN TENEBRAS, — gehennæ, quia ipsa quasi claudit et oppilat os gehennæ. Objicit S. Augustinus, serm. 18 *De verbis Domini secundum Matth.* cap. xvi, ac simul respondet : « Si, inquit, ei filius responderet miratus : Quid ergo pater, tu eleemosynas non fecisti, ut modo cæcus loquaris? tu nunc nonne in tenebris es, qui mihi dicis : eleemosynæ non sinunt ire in tenebras? Noverat ille, de qua luce doceret filium, noverat in interiore homine quod videbat. Filius patri porrigebat manum, ut ambularet per terram : et pater filio, ut habitaret in cœlo. » Idem, hom. 47, inter 50 : « Patrocinatur, ait, eleemosyna in die judicii homini, ut flamas eternas non timeat. » Hic est quartus eleemosynæ fructus; sequitur quintus et sextus.

Vers. 12. Quintus et Sextus. 12. FIDUCIA MAGNA ERIT CORAM SUMMO DEO ELEEMOSYNA OMNIBUS FACIENTIBUS EAM. — Hebræus, *mirus amplum et bonum rependet coram sancto. Vatablus, merces optima reddetur.* Hac de causa eleemosyna habitu Reginæ Virginis coronam in capite gestans ex ramis olivarum, in somnis apparuit S. Joanni Eleemosynario Archiepiscopo Alexandrino eique dixit : « Ego sum prima filiarum regis; si me possederis amicam, ego te ducam in conspectum imperatoris. Etenim nemo habet partem apud eum, sicut ego. Ego quippe feci eum in terris hominem fieri, et salvare homines. » Qua visione excitatus S. Joannes omnia sua dabat pauperibus, et quo plura erogabat, eo plura a Deo recipiebat, adeoque stannum in argentum convertebat: ita Leontius Episcopus Neapolis in Cypro, in ejus Vita.

Vera 13. 13. ATTENDE TIBI, FILI MI, AB OMNI FORNICATIONE, — quam multi gentilium putarunt esse licitam, ideoque ab Apostolis nominatum fuit vetita gentibus ad Christum conversis, *Act. xv, 29*, et Paulus scribens ad gentes identidem eam vetat sub

pœna gehennæ, ut *I Corinth. vi; Gal. v; Ephes. v; Hebr. XIII*, et S. Joannes, *Apoc. xxi, 8* : « Fornicatum, ait, pars erit in stagno ardenti, igne et sulphure, quod est mors secunda. »

ET PRÆTER UXOREM TUAM NUNQUAM PATIARIS CRIMEN SCIRE, — q. d. Præter uxorem nullam feminam cognoscas, ut cum ea crimen fornicationis admittas. Idem ex Mose didicit Plato, sanxitque, lib. VII *De legibus* : « Nemo, inquit, audeat ullam attingere, præter legitimam suam uxorem. »

14. SUPERBIAM NUNQUAM IN TUO SENSU (in tua Vers. 14. mente, in tua cogitatione, æstimatione, judicio et voluntate), AUT IN TUO VERBO DOMINARI PERMITTAS, (ut licet tentationes superbiæ sentias, tamen eis non consentias, ut ipsa tibi dominetur; sed tu generose eam reprime, eique dominare :) IN IPSA ENIM INITIUM SUMPSIT OMNIS PERDITIO, — tam Luciferi et Angelorum, quam Adami et hominum; imo, ut ait S. Prosper, lib. *De Vita contemp.* XXV : « nullum peccatum sine superbia potest, vel potuit esse, aut poterit, » quia omnis qui peccat, præponit se, suumque appetitum Deo, ejusque legi, quod utique est superbia. Audi S. Bernardum, serm. 1 *De Adventu* : « Si superbientibus Angelis Deus non pepercit, quanto minus tibi, putredo et vermis? Nihil ille fecit, nihil operatus est; tantum cogitavit superbiam : et in momento, in ictu oculi, irreparabiliter præcipitatus est, quia in veritate non stetit. Fugite superbiam, fratres mei, quæso, multum fugite. Initium omnis peccati superbia, quæ tam velociter ipsum quoque sideribus cunctis clarissimam aeterna caligine obtenebravit Luciferum; quæ non modo Angelum, sed Angelorum primum in diabolum commutavit. » Denique serm. 54 in *Cant.* : « Superbo Angelo horrenda et formidolosa maledictio intorquetur, quoniam in veritate non stetit. Si sic actum est cum Angelo, quid de te fiet, terra et cinere? Ille in cœlo intumuit: ego in sterquilinio. Quis non tolerabiliorem in divite superbiam, quam in paupere ducat? Væ mihi, si tam dure in potente illo animadversum est, pro eo quod elevatum est cor illius; nec profuit quod cognata potentibus superbia esse cognoscitur, quid de me exigendum et misero et superbo? » Et S. Chrysostomus, hom. 4 ad *Popul.* : « Sicut est principium modestiae jejuniū, id est fundamentum et constitutio: sic etiam peccati superbia, et ab ea omne peccatum inchoatur. Ex superbia nascitur pauperum despectus, pecuniarum concupiscentia, amor principatus, multæ desiderium gloriae. Elatus etiam neque a majoribus, nedum ab inferioribus contumeliam pati sustinet, » etc. Gregorius, lib. XXXIV *Moral.* cap. xvii : « Sicut inferius radix tegitur, sed ab illa rami extrinsecus expanduntur, ita se superbia intrinsecus celat, sed ab illa protinus aperta vitia pullulant. Nulla quippe mala ad publicum prodirent, nisi haec mentem in occulto constringeret. » Denique superbia hominem indecorum reddit et ignobilem, *Prov. xi, 2* : « Ubi

fuerit superbia, ibi erit et contumelia ; » et cap. xxix, 23 : « Superbum sequitur humilitas, et humiliem spiritum suscipiet gloria. »

Vers. 15. 15. QUICUMQUE TIBI ALIQUID OPERATUS FUERIT, STATTIM EI MERCEDEM RESTITUB, — scilicet « ante solis occasum, » si pauper sit, ut præcipitur Deut. xxiv, et Lev. xiii : « Non morabitur, ait, opus mercenarii tui apud te usque mane. »

Vers. 16. 16. QUOD AB ALIO ODERIS FIERI TIBI, VIDE NE TU ALIQUANDO ALTERI FACIAS. — Hoc est primum principium, ex quo omnes virtutes proximum concernentes, quasi conclusiones educuntur, omniaque via proximum laudentia resecantur. Audi S. Chrysostomum, hom. 13 ad Popul.: « Non opus est multis sermonibus, neque prolixis legibus, nec varia doctrina. Voluntas tua sit lex. Vis beneficia capere; confer beneficium alteri. Vis misericordiam consequi? miserere proximi. Vis laudari? lauda alium. Vis amari? ama. Vis primis partibus potiri? cede prius alteri. Tu sis judex. Tu sis vitæ tuæ legislator. » Et rursum: « Quod odisti, aliis ne facias. Per hoc quidem fugam a malo inducit, per illud autem virtutis operationem. Odisti contumeliam pati? neque tu alteri invideas. Odio habes falli? neque tu fallas alium. Et in omnibus generaliter, si duo hæc verba retineamus, alterius disciplinæ non indigebimus. »

Idem docet S. Augustinus, lib. II *De Ordine vitæ*, cap. viii, et lib. III *De Doctr. Christ.* cap. xiv, quin et Alexander Imperator, gentilis licet, teste Lampadio, « clamabat sæpius quod a quibusdam, sive Judæis, sive Christianis audierat et tenebat, idque per præconem, cum aliquem emendabat, dici jubebat: Quod tibi non vis fieri, alteri ne feceris: » quin et Christus ipse hanc virtutis normam sanxit, Matth. vii, 12: « Omnia, ait, quæcumque vultis ut faciant vobis homines, et vos facite illis. » Græca hic addunt: *Vinum ad ebrietatem ne bibas, et ne ambulet ebrietas tecum in via tua*, quia faciet te cespitare et ruere in fossas et præcipitia, indeque in gehennam. Hebræus, *cave tibi ipsi ab ebrietate; et nulla unquam vanitas tibi arrideat.*

Vers. 18. 18. PANEM TUUM ET VINUM TUUM SUPER SEPULTURAM JUSTI CONSTITUE. — Hebraice et Græce: *Ef-funde panes tuos et vinum tuum super sepulcra justorum.* Munsterus per sepulcra accipit ora. q. d. Accipe vinum tuum, et panem pone in ore justorum, ut non moriantur fame; sed nemo non videt hoc esse ineptum, alienum et contortum. Nota

Veteres impou- bant pa- nes se- pulchris, cur? martyres hoc quasi contactu sanctificatas, prælibabant ipsi et amici eorum, deinde eas erogabant in pauperes, qui in Ecclesia ad agapan in martyrum natalitiis convocabantur, idque in honorem martyrum, atque hoc solitam facere S. Monicam matrem suam narrat S. Augustinus, lib. VI Confess. cap. II.

Nota secundo idem eos fecisse in sepultura defunctorum suorum, quorum dubia erat salus, vel gloria, scilicet eleemosynas, aut convivium, seu agapen hanc instruxisse in cœmeteriis, aut templis; tum ad luctus solatum, tum ut animam defuncti, si poenis purgatorii detineretur, eleemosyna hac, et precibus pauperum expiarent. Verum quia ritus hic parentalis referebat mores gentilium, qui manibus suis (ita animas defunctorum, earumque genios, sive deos præsides vocabant) hoc modo parentabant, quasi animæ defunctorum illis epulis vescerentur, ut patet ex Virgilio, VI *Aeneid.*, Plinio, lib. VIII, cap. xii, Macrobius, Cicerone et aliis, quæ proinde a Festo feralia et inferiae, a Poetis Hecatæs cœna, a Livio viscerationes, a Plauto pollincturæ, a Nonio silicernia appellantur; quibus etiamnum utuntur Japones et Peruani, ut liquet ex epist. *Indicis.* Similiter propter abusus comessationum et compotationum S. Ambrosius Mediolani hunc ritum epulandi e templis sustulit, cuius exemplum, docente postea S. Augustino, Africana Ecclesia secuta est, ac eleemosynæ pro defunctis domi distribui cœperunt, ut etiamnum fit, etsi nonnullis in locis, uti in Hispania, panes in sepultura adhuc offerantur, qui sacerdotibus cedunt, ut orent pro anima defuncti, ait Sanchez. Hæc omnia patent ex S. Augustino, lib. VI *Conf.* cap. II, et epist. 64, et S. Paulino, epist. ad *Alethium*, et S. Chrysostomo, hom. 32 in *Matth.* Idem ergo innuit hic Tobias factitatum apud Judæos, et forte ab eis Christiani hunc ritum, uti et plures alios mutuati sunt. Sensus ergo est, q. d. Panem et vinum tuum distribue fideliibus pauperibus, ut ipsi orent pro defuncto jam sepulso. Hinc addit: ET NOLI EX EO MANDUCARE ET BIBERE CUM PECCATORIBUS, — scilicet, cum infidelibus, perversisque hominibus, tum quia eorum præces parum valent apud Deum, pro liberanda e poenis anima defuncti, tum ne ab eis discas potare et impie agere. Nam, ut ait Epictetus, « qui cum contaminatis versatur, contaminatus evadet; » et Theognis:

— Ne te conjungito pravis,
Sed conjugé bonis, et ab his bona plurima disces.
Cum pravis vivens, tu quoque pravus eris.

« Qui tetigerit picem, ait noster Siracides, cap. xiii, vers. 1, inquinabitur ab ea: et qui communicaverit superbo, induet superbiam. » Paulo ante vero dixerat, cap. XII, vers. 13: « Quis miserebitur incantatori a serpente percusso, et omnibus qui appropiant bestiis? Sic et qui comitatur cum viro iniquo, et obvolutus est in peccatis ejus. » Porro S. Gregorius, part. III *Past.* xxv, sic explicat: « Panem suum et vinum peccatoribus præbet, qui iniquis subsidia pro eo quod iniqui sunt, impedit. Unde et nonnulli hujus mundi divites, cum fame cruciantur Christi pauperes, effusis largitatibus nutrunt histriones. »

Hinc ergo liquet esse Purgatorium, ac piorum

eleemosynas et suffragia animabus in eo detentis prodesse. Vide Bellarminum, lib. I *De Purgat.* cap. III. Plura hac de re dixi *Ecli.* xxx, 18, ad illa: «Appositiones epularum circumpositae sepulcro. »

Vers. 19 **19. CONSILIUM SEMPER A SAPIENTE PERQUIRE, —** tum quia in propriis etiam sapientes cæcutiunt: affectus enim excæcat rationem. Unde *Proverb.* III, Sine con- 5, dicitur: « Ne innitaris prudentiae tuæ, » tum silio nil quia sapientes sapientia dant consilia, et a sa- facito. pientibus sapientiam disces; unde Græcus hic ha- bet: *Consilium ab omni prudente quereras, neque ultum utile consilium asperneris.* » Hebræus: « Audi et accipe a quolibet, qui tibi dederit consilium bonum. » Idem suadet Hesiodus, cuius versus citat laudatque Aristoteles, I *Ethic.* cap. IV:

Is rursus bonus est, paret qui recta monenti.
At qui ex se nescit, cuiquam nec porrigit aures:
Ut bona percipiat, demens et inutilis ille est.

« Fili, ait Ecclesiasticus, cap. xxxii, vers. 24, sine consilio nihil facias, et post factum non pœnitebis. » Et Salomon, cap. xix, vers. 20: « Audi consilium et suscipe disciplinam, ut sis sapiens in novissimis tuis. »

Vers. 20. **20. OMNI TEMPORE BENEDIC DEUM, ET PETE AB EO Semper bene die Deum.** UT VIAS TUAS DIRIGAT,—dicens cum Psalmista, *Psal. CXVIII*: « Utinam (Domine) dirigantur viæ meæ ad custodiendas justificationes tuas. » Et: « Vias tuas, Domine, demonstra mihi, et semitas tuas edoce me. » Hebrei uberioris hoc loco habent: « Omni tempore pete a Domino, ut ipse dirigat gressus tuos atque consilium tuum: quoniam non est in homini manu consilium aliquid, sed in manibus Dei, qui est benedictus: quia omnia, quæ voles, faciet, justumque humiliabit. Græcus vero: *Dominum Deum benedic omni tempore, et ab ipso pete ut recte fiant viæ tuæ, omnesque semitæ, et consilia tua bene procedant, seu secundentur. Neque enim est ulla gens, quæ consilium habeat: sed ipse Dominus bona omnia dat, et quemcumque voluerit, humiliat, prout vult.*

Quin et Isocrates ad Dæmonicum: « Bona, ait, deliberatio ab hominibus est, ejus prosperitas (prospera exsecutio, prosper effectus) a diis. »

23. **NOLI TIMERE, FILI MI: PAUPEREM QUIDEM VI-** TAM GERIMUS (Græce ἐπτοχέουσαμεν, id est mendica- mus, vel mendici sumus), **SED MULTA BONA HABEBIMUS, SI TIMUERIMUS DEUM.** — « Habebimus, » non solum in futura vita, sed etiam in præsentि, ac præsertim decus meritumque virtutis et pietatis. Vedit hoc per umbram Cicero, qui *Tuscul.* I et ult., ait: « Quis dubitet quin in virtute divitiæ positæ sint, quoniam nulla possessio, nulla vis auri et argenti pluris aestimanda quam virtus est? Etenim si callidi rerum aestimatores, prata et areas quasdam magni aestimant, quod ei generi possessionum minime quasi noceri potest: quanti est aestimanda virtus quæ nec eripi, nec surripi potest unquam; neque naufragio, neque incendio amittitur, nec temporum, nec tempestatum permutatione mutatur? Qua qui prædicti sunt, soli sunt divites; soli enim possident res et fructuosas et sempiternas. »

Hebræus habet: *Viriliter age, et esto robustus, quia Dominus erit tecum ut te adjuvet, et prosperum faciat, si requisieris eum in toto corde tuo, et tota anima tua.* Et postea: *Si timueris Dominum, et custodieris temetipsum ab omni peccato, ipse dabit tibi divitias magnas.* « Vobis dico, ait S. Augustinus, serm. 7 *De Tempore*, pauperes, qui mendicatis, qui de eleemosyna Christianorum vivitis: Consolamini, consolamini, tribulatio vestra convertetur in gaudium, et dolor vester in lætitiam. Non vobis sit ingratum, quod mendicatis, nec ideo in corde vestro aliquid contra Deum dicatis: quia ille justus et pius est in omnibus operibus suis. Et te ideo fecit pauperem, ut sufferendo brevem inopiam, æternam vitam acquireres. Et divitem ideo fecit, ut dum superflua daret, remedium peccatis suis acquireret. Et ideo patientes estote et exspectate Dominum. »

CAPUT QUINTUM.

SYNOPSIS CAPITIS.

Raphael Angelus se Tobiae ducem offert in Rages, spondetque Patri se eum incolorem ducturum et reducturum.

1. Tunc respondit Tobias patri suo, et dixit: Omnia quæcumque præcepisti mihi faciam, pater.
2. Quomodo autem pecuniam hanc requiram, ignoro. Ille me nescit, et ego eum ignoro: quod signum dabo ei? Sed neque viam, per quam pergatur illuc, aliquando cognovi.
3. Tunc pater suus respondit illi, et dixit: Chirographum quidem illius penes me habeo: quod dum illi ostenderis, statim restituet.
4. Sed perge nunc, et inquire tibi aliquem fidelem virum, qui eat tecum, salva mercede sua: ut, dum adhuc vivo, recipias eam.
5. Tunc egredens Tobias, invenit juvenem splendidum, stantem præcinctum, et quasi paratum ad ambu-

landum. 6. Et ignorans quod Angelus Dei esset, salutavit eum, et dixit: Unde te habemus, bone juvenis? 7. At ille respondit: Ex filiis Israel. Et Tobias dixit ei: Nostri viam quae ducit in regionem Medorum? 8. Cui respondit: Novi, et omnia itinera ejus frequenter ambulavi, et mansi apud Gabelum fratrem nostrum, qui moratur in Rages civitate Medorum, quae posita est in monte Ecbatanis. 9. Cui Tobias ait: Sustine me, obsecro, donec haec ipsa nuntiem patri meo. 10. Tunc ingressus Tobias, indicavit universa haec patri suo, super quae admiratus pater, rogavit ut introiret ad eum. 11. Ingressus itaque salutavit eum, et dixit: Gaudium tibi sit semper. 12. Et ait Tobias: Quale gaudium mihi erit, qui in tenebris sedeo, et lumen cœli non video? 13. Cui ait juvenis: Forti animo esto, in proximo est ut a Deo cureris. 14. Dixit itaque illi Tobias: Numquid poteris perducere filium meum ad Gabelum in Rages civitatem Medorum? et cum redieris, restituam tibi mercedem tuam. 15. Et dixit ei Angelus: Ego ducam et reducam eum ad te. 16. Cui Tobias respondit: Rogo te, indica mihi de qua domo aut de qua tribu es tu? 17. Cui Raphael Angelus dixit: Genus quæreris mercenarii, an ipsum mercenarium, qui cum filio tuo eat? 18. Sed ne forte sollicitum te reddam, ego sum Azarias Ananiæ magni filius. 19. Et Tobias respondit: Ex magno genere es tu. Sed petone irascaris quod voluerim cognoscere genus tuum. 20. Dixit autem illi Angelus: Ego sanum ducam, et sanum tibi reducam filium tuum. 21. Respondens autem Tobias, ait: Bene ambuletis, et sit Deus in itinere vestro, et Angelus ejus comitetur vobiscum. 22. Tunc paratis omnibus, quae erant in via portanda, fecit Tobias vale patri suo et matri sue, et ambulaverunt ambo simul. 23. Cumque profecti essent, cœpit mater ejus flere, et dicere: Baculum senectutis nostræ tulisti, et transmisisti a nobis. 24. Nunquam fuisset ipsa pecunia, pro qua misisti eum. 25. Sufficiebat enim nobis paupertas nostra, ut divitias computaremus hoc, quod videbamus filium nostrum. 25. Dixitque ei Tobias: Noli flere, salvus perveniet filius noster, et salvus revertetur ad nos, et oculi tui videbunt illum. 27. Credo enim quod Angelus Dei bonus comitetur ei, et bene disponat omnia, quae circa eum geruntur, ita ut cum gaudio revertatur ad nos. 28. Ad hanc vocem cessavit mater ejus flere, et tacuit.

Vers. 5.
Raphael
dux
via-
torum.

Exem-
pla

5. TUNC EGRESSUS TOBIAS INVENIT JUVENEM SPLENDIDUM, STANTEM PRÆCINCTUM, ET QUASI PARATUM AD AMBULANDUM. — Erat hic Raphael Angelus, qui apparuit Tobiae, ut « juvenis, » ob vigorem et robur, utpote immortalis, æternus, immutabilis, ideoque nunquam senescens aut deficiens; ut « splendidus, » ob splendorem, tum naturæ Angelicæ, quæ purus et lucidissimus est spiritus, tum gloriæ beatificæ, ut « stans præcinctus, » quasi dux viæ; est enim Raphael præses viarum et viatorum. Quocirca ipse Vasco Gamæ, misso ab Emmanuele rege Lusitaniae ad aperiendam viam in Indianm orientalem, eamdem ipsi et fidei Christianæ aperuit anno Domini 1496. Audi nostrum Maffæum, lib. I Histor. Indicæ: « Prætoriae (navi) inditum est nomen a S. Gabriele, ut quæ ex orbe nostro ad antipodas viam Evangelio muniebat, sub tutela præsidioque lateret Archangeli potissimum ejus, qui primus e coelo, terris olim attulit Evangelium: secundam Archangelo Raphaeli, viatorum duci ac tutori dicarunt. » Deinde superato Bonæ Spei promontorio appulerunt ad locum, cui, ut ait Maffæus, « Bona Signa nomen impositum, et amicitia cum Barbaris inita, subductæ naves, et multis in locis refectæ: ibidem

columna cum titulo Raphaelis Archangeli de more fixa. » Sic Theodosii Imperatoris exercitus ab Angelo (Raphaele, vel ejus assecla pastoris persona induito) per paludes viasque invias ductus, Ravennam se recepit, et Joannem tyrannum profligavit, anno Domini 425, ut narrat Socrates, lib. VII, cap. LXXXIII, et ex eo Baronius, tom. V.

Simili prorsus viatoris specie Raphael Angelus ducem viæ se obtulit S. Macario Romano; iisdemque pene verbis, quibus hic Tobiam eum compellavit, imo eum deduxit ad loca tormentorum, in quibus torquentur impii, et gaudiorum in quibus exsultant justi. Ita habet vita S. Macarii in *Vitis Patrum*, apud nostrum P. Heribium Rosweydem.

7. EX FILIIS ISRAEL. — Verum dicit Raphael, tum quia ipse veniebat ex urbibus filiorum Israel, utpote fidelium, quorum sanitatis et salutis causa sibi erat a Deo demandata. Unde Lyranus et Dionysius Carthusianus inquiunt: « Quæ ab Angelis inter homines dicuntur et fiunt, sunt figurativa: et locutio, qua dicit Raphael se ex Israelis filiis esse significat esse charitatis conjunctionem, qua S. Angeli devotis fidelibus conjunguntur: » tum quia « Israel » Hebraice idem est quod domina-

Vers. 7.
Raphael
est Israe-
lita, qu
sensu?

bitur Deus, sive dominans Deus, cuius ipse æque ut cæteri Angeli sunt creaturæ, et quasi filii, juxta illud Job, cap. XXXVIII : « Ubi eras cum me laudarent astra matutina, et jubilarent omnes filii Dei ? » puta SS. Angeli. Aliter Sanchez Israel, inquit, Hebraice idem est quod *vir videns Deum*. Raphael ergo est Israel et Israelita, quia videt Deum facie ad faciem, et hac visione beatur.

8. **QUÆ (Rages civitas) POSITA EST IN MONTE EC-BATANIS.** — Ecbatana, sive Ecbatanis est nomen indeclinabile urbis Medorum, quæ deinde toti monti et planitiei adjacenti, ubi sita erat Rages, nomen dedit suum. Unde Hebræi habent : *Est iter duorum dierum ab Ecbatanis usque Rages; et Rages quidem est in montanis, Ecbatanis autem in planicie campi.*

Vers. 12. 12. ET AIT TOBIAS : QUALE GAUDIUM MIHI ERIT, QUI IN TENEBRIS SEDEO, ET LUMEN COELI NON VIDEO ? — *Primo*, Hugo sic explicat, q. d. Apprecatus es mihi gaudium : videris ergo scire modum, quo visum recipere, ideoque gaudere queam, dic illum si nosti. *Secundo* Dionysius, q. d. Non cupio in hac vita gaudium, cum cæcus nunc vivam, et prope diem moriturus sim, futura gaudia desidero. *Tertio* et genuine, q. d. Eheu qua ratione gaudere queam, qui omni luce destitutus, in tenebris cæcitatibus obscuram, miseram et mœstam vitam ago ?

Vers. 17. 17. GENUS QUÆRIS MERCENARI. — Vide hic miram dignationem et demissionem magni S. Raphaelis, qui se vocat facitque quasi servum mercenarium Tobiæ; unde et servi formam speciemque induerat. Causam dat S. Augustinus, serm. 226 *De Temp.* qui est *De Tobia* : « Quid, inquit, meruistis, pater Tobit (sic enim Græca vocant patrem Tobit) filiusque Tobia, mercenarium habere cœlestem, et tanquam operarium locare terrestrem ? Celavit vobis Angelus nomen, Azarias sum, inquit, Ananiæ magni filius : et non dixit : Ego sum Raphael Angelus. Celavit in primo nomine dignitatem, ne faceret locatori terrorem. Si enim diceret : Ego sum Angelus, non esset Tobiæ mercenarius. Servata dignitas nominis, ut postremo magnitudo claresceret dignitatis. Unde recte hoc documentum morale colligit et subjungit : Videte, charissimi, quantum sit eleemosynæ meritum. Angelum meruit habere operarium. Videtis quantum proficit mortuos sepelire, ut oblatio ejus per Angelum Raphael ad cœlestem ascenderet majestatem. Videtis quia eleemosyna a morte liberat, et ipsa purgat peccata, facit purgationem oculorum, liberat a tenebris peccatorum. »

Disce ergo hic quod tantum viæ ducem, puta S. Raphaelem, meruerit eleemosyna, et pietas utriusque Tobiæ, patris scilicet et filii.

Vers. 18. 18. EGO SUM AZARIAS ANANIÆ MAGNI FILIUS. — Witakerus scribens contra P. Edmondum Campianum, p. 77, ait Raphael hic mentiri : sed apace impudens blasphemia. Dico ergo Angelum dicere verum : *primo*, quia, ut ait S. Athanasius in *Synopsi*, Raphael Tobiam comitatus assumpsit affi-

giem et formam Azariæ, ejusque personam præse ferebat : sic imaginem S. Petri per metonymiam vere vocamus S. Petrum. Sic Gen. XXXI, 13, Angelus vere ait : « Ego sum Deus Bethel, » quia loquebatur in persona Dei, quasi ejus legatus. Sic Exodi XX, Angelus, vice Dei promulgans Decalogum, ait : « Ego sum Deus, » quia loquitur in persona Dei. Addunt aliqui ex S. Thoma, I part. Quæst. LI, art. 2, Raphaelem dici Azariam, quia corpus Azariæ jam vita functi ex sepulcro assumptionerat et induerat. Verum hoc indecens fuisset, nec sufficeret, quia corpus Azariæ non est Azarias. Denique, male id colligunt ex S. Thoma, qui Angelis tribuit corpus aereum.

Secundo, quia, ut ait S. Gregorius, hom. 34, Angelis in se non habent nomina, cum invicem videant et colloquantur facie ad faciem, sed ea sortiuntur et assumunt, ratione ministerii quod apud homines obeunt. Sic Michael pugnans pro fidelibus cum dracone superbo assumit nomen humilitatis, seque vocat Michael, id est, « quis ut Deus ? » Apocal. XII. Gabriel vero idem est quod « fortitudo Dei, » quia præest præliis Dei. Raphael idem est quod « curatio Dei, » quia ipse cæcitatem Tobiæ curavit. Idem hic se vocat « Azariam, » id est auxilium vel adjutorium Dei, quia ipse æque ac omnes Angelis sunt « administratorii spiritus, » ut ait Apostolus, Hebr. cap. I, vers. ult., hoc est ministri et adjutores Dei. Porro Græca habent : *Ego sum de genere Azariæ et Ananiæ magni et fratri tui*, q. d. Ego sum junior, sive minor Azarias filius senioris Azariæ, qui fuit filius magni Ananiæ, sive parentis Ananiæ, ut habet Hebræus. Raphael enim cæterique Angeli sunt filii Azariæ senioris, id est filii Dei, qui est compar et adjutor magni Ananiæ, id est Dei patris.

Posset quoque Azarias significare *prohibitio*, vel *retentio Dei*, a radice *נַצֵּר atzar*, id est prohibuit, cohibuit, clausit, quia Raphael cohibuit Asmodæum, eumque in deserto conclusit.

Posset rursum « Azarias » significare *divitem*, vel *divitias Dei*, a radice *אָשָׁר ascar*, id est dives fuit : aut *thesaurus Dei*, a radice *אֲזֹבֶן otsar*, id est *thesaurus* : ipse etenim *thesauros sapientiae et beneficentiae Dei* in se continet, eorumque est minister et dispensator.

Posset denique « Azarias » verti *beatus*, vel *beatitudo Dei*, a radice *אָשָׁר asro*, id est *beatitudo*.

ANANIÆ MAGNI FILIUS. — Ananias si per *חָנָן chet* scribatur, ut Hebraice dicatur Chananias, idem est quod *gratia Dei*, ait Beda, sive ut Pagninus, *donum, miseratio et gratificatio Dei*, sive *Deus donans, miserans et gratificans*; hujus enim filii sunt Angelii, ipseque Raphael, quia gratis ab eo accepterunt angelicam suam naturam, gratiam et gloriam, idque ut vult Franciscus Suarez et alii, per merita Christi, qui proinde per Ananiam hic accipi potest, ut ipse sit pater, princeps et Dominus Raphael omniumque Angelorum, ut docet Apostolus, Ephes. I, et Hebr. I.

Si autem Ananias scribatur per *y ain*, idem est quod *נָנָי anan ia*, id est nubes Dei, quia scilicet Raphael et Angeli sunt filii Dei, qui est invisibilis, et per gloriam incomprehensibilis, cuius rei symbolum est nubes. Unde nubes in Scriptura dicitur latibulum, et quasi vestimentum Dei, quia Deus in nube se abscondebat et loquebatur, responsa dans ex propitiatorio, *Levit. XVI*, 2, ac per nubem passim apparebat Mosi et filiis Israel. Idem Dei imitatione fecit hic Raphael, qui per naturam suam Tobiæ erat invisibilis, ideoque corpore quasi nube se texit, et idcirco Tobiæ incognitus fuit in via. Hinc patet nomen Azariæ et Ananiæ hic magis esse appellativum quam proprium, de quo mox plura.

Allegorice Raphael fuit hic typus Christi. Ipse est « Azarias », id est *adjutor Dei*, ad illuminandum, redimendum et salvandum homines cæcos, ac magni Ananiæ, id est Dei patris, ejusque gratiæ et misericordiæ filius, quia in ipso sunt omnes thesauri sapientiæ et gratiæ Dei absconditi, in eoque « inhabitat omnis plenitudo divinitatis corporaliter », *ad Colos. II*, 9, ideoque ipse jure Ananiæ, id est charitum et gratiarum filius est et appellatur. Hoc est, quod ait Christus, *Isaiæ cap. I*, vers. 7 : « Dominus Deus auxiliator meus; » et *cap. LXIII*, vers. 7 : « Miserationum Domini recordabor. » Tropologicæ Azarias fuit S. Paulus et Apostoli, virique Apostolici; hi enim sunt Dei adjutores in salute hominum procuranda. Unde ipse ait *II Cor. V*, 19 : « Dedit nobis ministerium reconciliationis : pro Christo ergo legatione fungimur, tanquam Deo exhortante per nos : Obsecramus pro Christo, reconciliamini Deo. »

Porro Azariæ nomen apud Hebreos fuit illustre, ideoque magnorum Regum, Principum, Pontificum, Prophetarum, Cantorum. Rex enim Ozias filius Amaziæ dictus est Azarias; ac Pontifex, qui animose restitit Oziæ regi volenti offerre incensum, pariter dictus est Azarias, ut patet *II Paral. XXVI*, fuitque filius Johanan Pontificis, ut patet *I Par. VI*, 10. Johanan autem idem est quod Ananias : huic coævus fuit Tobias. Fuit rursum alias Azarias Pontifex filius Sadoc Pontificis tempore Salomonis, de quo *III Reg. IV*, 2, et *I Paral. VI*, 9. Fuit et tertius Azarias filius Helciæ et pater Saraiæ Pontificum, avusque Esdræ, qui Ezechiæ regis pietatem adjuvit, *II Paral. XXXI*, 10, et *I Esdræ VII*, 1. Fuit insuper Azarias filius Nathan præfectus auxiliariorum Salomonis, *III Reg. IV*, 5. Fuit Azarias filius Ethan, nepos Phares et abnepos Judæ Patriarchæ, *I Paral. II*, 8, 38, alias nominatur Azarias filius Jesus. Ad hæc fuit Azarias propheta, qui vaticinando animavit Aza regem Juda ad destruendum idola, *II Paral. XV*, 1 et seq. Rursum filius Josaphat regis Juda vecatus fuit Azarias, *II Paral. XXI*, 2. Fuit et Azarias, princeps Israelis, qui Israëlitæ prædam ex Juda abactam restituere generose coegit, *II Paral. XXVIII*, 12, tempore Achaz Regis Juda, cui pariter coævus fuit Tobias. Ac ut plu-

res alios taceam, Ananias, Azarias et Mizael fuerunt tres adolescentes regii, socii Danielis Prophete, qui ob Dei cultum in fornacem ardenter conjecti, in ea illæsi permaneserunt, *Daniel. III*, atque ex Azaria Levita prognatus est Samuel Propheta, ejusque nepos Heman Cantor in templo, tempore Davidis, *I Paral. VI*, 46. Ad omnes hos alludit hic *Ad quem alludit Raphael* Raphael, sed præsertim ad Azarium Pontificem filium Johanan, sive Ananiæ. Est enim Raphael rex Angelorum, sicut Asmodæus dæmonum, ut dixi. Idem quasi Pontifex obtulit incensum Deo, scilicet preces Tobiæ, *cap. XII*, vers. 12; idem ut cantor assidue canit Deo : « Sanctus, sanctus, sanctus Dominus Deus Sabaoth », *Isaiæ VI*, 3. Ipse enim est ex Seraphinis. Idem est Propheta, quia hic Tobiae curationem cæcitatis prædictit, imo præstítit. Quocirca recte notat Salianus, *tom. IV*, anno mundi 3226, num. 3. Azariæ nomen non tam esse proprium quam appellativum, utpote quod sibi honoris causa multi Pontifices, quasi agnomen asciverunt, quasi eo postulantes et sperantes auxilium Dei (hoc enim significat Azarias). Nam Septuaginta Sixtini filium Joiadæ, non Zachariam, sed Azarium vocant, *II Par. XXIV*. Et Rex ipse Ozias in libris Regum dicitur Azarias, et quidem cognomento, ut ait S. Hieronymus in *cap. I Amos*. Et Pontifex qui tempore Ezechiæ floruit, a Josepho et Chronologis Hebraeis vocatur Nerias, *II Paral. XXXI*, 10 et 13, Azarias nominatur.

19. ET TOBIAS RESPONDIT : EX MAGNO GENERE ES Vers. 10.
TU. — Addunt Græca eum subjunxisse : *Ananiam et Jonathan Magni illius Samiæ* (Hebreus, Semolth, id est pacifici, vel retribuentis) *filios ego novi jam tum, cum Jerosolymam una adorandi, et primogenita decimasque fructuum consecrandi causa proficisceremur; non enim in errorem cognitorum nostrorum ad ductifuerunt, ut adorarent vitulos aureos a Jeroboam in Israel erectos.* Ex hisce verbis liquet : *primo*, vere ævo Tobiae fuisse Azarium filium Ananiæ; *secundo*, Ananiam fuisse Israëlitam, non Judæum; *tertio*, fuisse virum fidelem et pius; *quarto*, Tobiae cognitum et amicum, ideoque Azariæ ejus filii speciem et nomen assumpsit Raphael.

21. ANGELUS EJUS COMITETUR VOBISCUUM. — Hinc *Vers. 21.* patet illo ævo Tobiam et fideles credidisse Angelos custodes singulis hominibus a Deo deputatos, eos comitari, dirigere, instruere, defendere, etc. Græca addunt Tobiam Angelo pro mercede sui ducatus promisisse drachmam per diem, et necessaria ad vitam et victimum, atque si sani rediissent, additurum se honorarium super mercedem. Drachma auri est coronatus Francicus, qui nimium erat Tobiae pauperi pretium; quare drachma argenti, quæ valet Regalem Hispanicum quinque stuferorum, sive decem bajocorum hic accipienda videtur.

23. CUMQUE PROFECTI ESSENT, — addunt Græca, *et canis pueri cum eis*, quod habet *cap. sequent.*, *vers. 1.*

27. COMITETUR EI, — id est, eum vel cum eo

Nec plites esse solcetismum, sic enim loquitur Cicero, *Tusculan. Quæstionibus*, cap. v, et sic latine dicimus : ipse mihi est comes; comitari enim est esse comitem.

CAPUT SEXTUM.

SYNOPSIS CAPITIS.

Raphael monet Tobiam, ut piscem se invadentem branchia ex aquis extrahat, exenteret, ac cor, fel, jecur ad pharmaca reservet; deinde, ut Saram sibi postulet uxorem a Raguele patre.

1. Profectus est autem Tobias, et canis secutus est eum, et mansit prima mansione juxta fluvium Tigris. 2. Et exivit ut lavaret pedes suos, et ecce piscis immanis exivit ad devorandum eum. 3. Quem expavescens Tobias clatnavit voce magna, dicens : Domine, invadit me. 4. Et dixit ei Angelus : Apprehende branchiam ejus, et trahe eum ad te. Quod cum fecisset, attraxit eum in siccum, et palpitare cœpit ante pedes ejus. 5. Tunc dixit ei Angelus : Exentera hunc pisces, et cor ejus, et fel, et jecur repone tibi; sunt enim haec necessaria ad medicamenta utiliter. 6. Quod cum fecisset, assavit carnes ejus, et secum tulerunt in via : cætera salierunt, quæ sufficerent eis, quoisque pervenirent in Rages civitatem Medorum. 7. Tunc interrogavit Tobias Angelum, et dixit ei : Obsecro te, Azaria frater, ut dicas mihi quod remedium habebunt ista quæ de pisce servare jussisti? 8. Et respondens Angelus, dixit ei : Cordis ejus particulam si super carbones ponas, fumus ejus extricat omne genus dæmoniorum, sive à viro, sive à muliere, ita ut ultra non accedat ad eos. 9. Et fel valet ad ungendos oculos, in quibus fuerit albugo, et sanabuntur. 10. Et dixit ei Tobias : Ubi vis ut maneamus? 11. Respondensque Angelus, ait : Est hic Raguel nomine, vir propinquius de tribu tua, et hic habet filiam nomine Saram; sed neque masculum, neque feminam ullam habet aliam præter eam. 12. Tibi debetur omnis substantia ejus, et oportet eam te accipere conjugem. 13. Pete ergo eam a patre ejus, et dabit tibi eam in uxorem. 14. Tunc respondit Tobias, et dixit : Audio quia tradita est septem viris, et mortui sunt; sed et hoc audivi, quia dæmonium occidit illos. 15. Timeo ergo ne forte et mihi haec eveniant : et cum sim unicus parentibus meis, deponam senectutem illorum cum tristitia ad inferos. 16. Tunc Angelus Raphael dixit ei : Audi me, et ostendam tibi quæ sunt, quibus prævalere potest dæmonium. 17. Hi namque, qui conjugium ita suscipiunt, ut Deum a se et a sua mente excludant, et suæ libidini ita vacent, sicut equus et mulus, quibus non est intellectus : habet potestatem dæmonium super eos. 18. Tu autem cum acceperis eam, ingressus cubiculum, per tres dies continens esto ab ea, et nihil aliud, nisi orationibus vacabis cum ea. 19. Ipsa autem nocte, incenso jecore pisces, fugabitur dæmonium. 20. Secunda vero nocte, in copulatione sanctorum patriarcharum admitteris. 21. Tertia autem nocte, benedictionem consequeris, ut filii ex vobis procreentur incolumes. 22. Transacta autem tertia nocte, accipies virginem cum timore Domini, amore filiorum magis quam libidine ductus, ut in semine Abrahæ benedictionem in filiis consequaris.

1. ET CANIS SECUTUS EST EUM, — ut canes familiares sequuntur heros, a quibus nutriuntur. Dicit hoc ad nexus historiæ : nam moesti parentes ex præcurrente cane cognoverunt redditum Tobiae, cap. XI, vers. 9.

ET MANSIT PRIMA MANSIONE JUXTA FLUVIUM TIGRIS, — puta in domo, vel hospitio Tigri adjacente. Exierat enim illo die e Ninive, quæ Tigri adjacet.

2. ET EXIVIT (ex hospitio ad flumen Tigrim), Vers. 24
UT LAVARET PEDES SUOS, — ex itinere fatigatos, ac pulvere et sudore sordidos et olidos.

ET ECCE PISCIS IMMANIS EXIVIT AD DEVORANDUM EUM. — Quæres : Quisnam fuit hic pisces? Primo aliqui censem fuisse cætum, sive balænam; haec enim homines vorat et glutit. Verum balænas, utpote vastissimas, non capit Tigris fluvius, sed

Piscis
Tobias,
sunt?
Resp.

vastum mare. Rursum balænam solus Tobias extrahere nequivisset.

Secundo. Dionysius Carthusianus putat fuisse crocodilum : hic enim ex Nilo egreditur et homines in terra insequitur, necat et devorat. Est enim amphibius, tamque in terra, quam in aquis degit et pascitur. Verum crocodilum extrahere nequivisset Tobias. Adde : Crocodilus in terra vivit; hic autem piscis, extractus in terram a Tobia, ecepit « ante pedes ejus palpitare, » deficere et mori, uti solent pisces extra aquam.

Tertio. Tertio, Rabbini, quos sequitur Georgius Venetus, tom. VI, *Problem. CLXXXV*, censem esse lucium piscem, qui vorax est, adeoque cæteros pisces devorat, ideoque dicitur lucius, Græce λύκος, id est lupinus, quasi lupus piscium. Verum lucii non sunt tam grandes et audaces, ut hominem invadere audeant.

Quarto. Quarto, ergo verisimilius Franciscus Valesius verius. *Sacræ Philos. cap. XLII*, ex Plinio, Menandro et Galliony- aliis censem hunc piscem fuisse callionymum, id mi piscis descrip- tio. est, pulchri nominis, qui maximus est, carnivorus et voracissimus, dentes habens serratos, ac oculos in vertice capitum fixos; unde et uranoscopos, id est, cœlum spectans vocatur, et os inter oculos situm, ideoque ab Italibus vocatur *bocca in capo*; unde ejus aspectu territus fuit Tobias. Abundat felle, quod valet ad albugines ex oculis extergendas. Ita Dioscorus, lib. I, cap. xcvi, Galenus et Plinius, lib. XXXII, cap. vii, sub initium, quem audi : « Callionymus fel cicatrices sanat, et carnes oculorum supervacuas consumit; nulli hoc piscium copiosius. Idem piscis et uranoscopos vocatur ab oculo, quem in capite habet. » Hic ergo « exxit » non in terram, sed extra aquam, caput et guttur erigens et extendens, « ad devorandum eum, » scilicet Tobiam. Adde : Oppianus, libro II, callionymum vocat ἡμερόστενη, eo quod interdiu indormiat, noctu vigilet prædæ quærendæ causa, uti fures interdiu dormiunt, noctu vigilant, ut furentur. Igitur potuit hic pisces e Tigri egredi in arenam vicinam, ibique Tobiam invadere. Subjungit Oppianus adeo voracem esse hunc piscem, ut ciborum copia nimis distento ventre disrumpatur et emoriatur, quo tristi exitu homines a luxu crapulaque deterret. Pisces hunc graphicè per omnia membra describit Guillelmus Rondeletius, lib. X *De Piscibus*, cap. ult., ubi et addit eum callionymum, id est, pulchri nominis dici, eo quod, licet in se sit fœdus et turpis, oculos tamen habeat in vertice, ut semper in cœlum suspiciat, quæ forma dignior est homine, quam pisce. Hominis enim proprium est sursum aspicere et mente cœlum contemplari, fragilia et caduca quæque falso in bonis a vulgo habentur, contemnere, et infra se posita despiciere : ergo hominis mens, æque ac nomen. sit uranoscopos iuxta illud Ovidii :

Os homini sublime dedit, cœlumque tueri
Jussit, et erectos ad sidera tollere vultus.

Dices : Callionymus, teste Plinio et Oppiano, est pisces marinus; hic autem erat ex Tigri fluvio. Respondeo : Pisces marini sæpe in magnis flaviis reperiuntur, præsertim in maris refluxu, quando fluvii exundant. Pisces enim amant aquam dulcem, qualis est in flaviis, sed mirum est callionymum, qui duorum pedum mensuram non excedit, teste Rondeletio et Aldrovando, ausum fuisse Tobiam invadere : verum pisces hic vorax est æque ac stolidus, ideoque Tobiam invasit.

8. CORDIS EJUS PARTICULAM SI SUPER CARBONES PO- Vers. 8.
NAS (asses), FUMUS EJUS EXTRICAT OMNE GENUS DÆ-
MONIORUM. — Quæres qua vi ac virtute pisces hu- Cor pis-
cis fugat
dæmones, qui
vi?
Resp.
Primo.
jus cor æque ac fel vers. 19, fuget dæmones : Valesius, *Sacræ Philos. cap. XXVIII*, dicit pisces huic virtutem supernaturalem a Deo fuisse tributam ad fugandum dæmones, sicut igni inferni eadem tributa est ad eos torquendos, atque aquæ benedictæ data est vis eosdem fugandi, et animam a culpis abluendi. Innuitur hæc virtus verbo « extricat! » Favent Guilielmus Parisiensis, lib. *De Universo*, Dionysius Carthusianus, Petrus Gregorius Tolosanus, *Syntagm. Juris*, lib. XXXIV, cap. xxii, Hieronymus Mengus in flagello dæmonum, dicentes dæmones ob superbiam a Deo subjici certis corporibus, ac herbis. Verum hæc virtus in hoc pisce est inaudita, nec unica ejus suffumigatio potuit habere vim perpetuo arcendi dæmonem, « ita ut ultra non accedat, » ut hic dicitur.

Secundo. noster Sanchez censem dæmonem fu- Secundo.
gari fumo cordis pisces hujus, ex eo quod hæc suffumigatio rei tam vilis fiat in dæmonis ignominiam et contemptum, quem ipse, utpote superbissimus non ferens, abit et refugit. Hinc exorcistæ energumenis colaphos impingunt, ridicula simulacra rerum turpissimarum e collo suspendunt, et probrosis verbis dæmonem exagitant, quæ ille ex superbia sustinere nequit, ideoque non raro abscedit, uti experientia constat : unde et in libro, qui inscribitur *flagellum dæmonum*, asseritur suffitus hosce adhibendos energumeno, et ignominiosa verba in dæmonem jacienda. Unde in eo exorcismo quarto ita ab exorcista appellatur dæmon : « Spiritus immunde, miserrime, tentator, fallax, pater mendacii, hæretice, fatue, bestialis, furiose, tui Creatoris inimice, luxuriose, insipiens, crudelis, inique, prædo, bestia, serpens et sus macra, famelica, et immundissima, bestia scabiosa, bestia truculentissima, bestia omnium bestiarum bestialissima, ejecta de paradyso, de gratia Dei, de loco inenarrabili, de consortio et societate Angelorum, creatura damnata, reprobata, et maledicta a Deo in aeternum ob superbiam et nequitiam tuam, scelerate et nefande, maledicte, et excommunicate, blasphemæ, damnate atque damnable. » Priscisque hujus moris index est etiam Prudentius *Contra Symmachum* :

Intonat antistes Domini : Fuge, callide serpens,
Exue te membris, et spiras solve latentes;
Mancipiū Christi, fur corruptissime, vexas.

Tertio
planius.

Tertio planius et plenius Lyranus, Serarius et Abulensis in *I Reg. XVI*, Quæst. XLVI, et Pererius in *Daniel*. pag. 272, censem fumum cordis piscis callionymi expulisse dæmonem inchoate vi naturali, ut insinuat hic Raphael, sed complete vi Angelica et cœlesti. Naturali, nimirum impediendo actionem dæmonis, per dispositionem contraria, quomodo musica Davidis impediebat agitationem Saulis per dæmonem. Dæmon enim agit per naturales causas et humores maxime melancholicos : quæ ergo humores hosce tollunt vel minuunt, dæmonis actionem et vexationem infringunt. Hinc id ipsum dicitur facere ruta, hypericon, cornua caprina, artemisia, cameleontis jecur, lapis Sandius, et Chrysolytus, etc. Quia (si tamen id verum est) nimirum discutiunt melancholiā, exhilarant animam, itaque mero-rem, perturbationem et anxietatem, ac desperationem, quam suggerit dæmon, dissipant. Vide Serarium et Delrio in *Magic.* lib. III, Quæst. XXVII, sect. II. Completa tamen causa, abigens dæmonem, fuit Raphael Angelus, qui ad suffitum jecoris propter merita et orationem Tobiæ fugabat dæmonem. Hoc autem tacuit Raphael, et suffitum prætexuit, ne se patefaceret, neve Tobias sciret eum esse Angelum, quem quasi hominem habebat viæ comitem et ducem ; sicut eadem de causa vocavit se Azariam, ac cum Tobia comedit et bibit. Id ita esse indicant Graeca, quæ hanc vim non tribuunt cordi piscis ; sed sic habent : *Fac fumigare cor et jecur coram viro, et non perturbabitur amplius* ; quia, scilicet, ad hoc signum ego ex condicto et promisso meo pellam, et fugabo dæmonem perturbationis auctorem. Unde et cap. VIII, vers. 2, dicitur : « Protulit (Tobias) de cassidili suo partem jecoris, posuitque eam super carbones vivos ; tunc Raphael Angelus apprehendit dæmonium, et religavit illud in deserto : » non ergo jecur piscis, sed Raphael apprehendit et fugavit dæmonem, non tantum ex domo Ragueolis, sed ex tota Media. Simili modo Magi et Sagæ per certas herbas et signa maleficii nocent, bestiasque et pueros occidunt, cum tamen illa per se ad hoc inefficacia sint, nullamque habeant vim physicam, sed tantum moralem, scilicet, ex pacto dæmonis. Dæmon enim, posito signo a se dato, damna hæc per se bestiis et infantibus infert.

Mystice Beda : « Piscis, inquit, qui Tobiam devorare cupiens, Angelo docente, occisus est, Diabolus significat, qui, dum in Redemptore nostro carnem appetit, captus est potentia divinitatis. » Ex adverso S. Augustinus, serm. 4 *De Petro et Paulo* : « Est, inquit, Christus piscis ille, qui ad Tobiam ascendit de flumine vivus ; cuius jecore per passionem assato, fugatus est diabolus : et per amaritudinem fellis afflatus est cæcus, et illuminatus est mundus. » Sic Optatus Milevitanus in III *Contra Parmen.* per piscem Tigris accipit Christum.

EXTRICAT. — Nota : Proprium est dæmonis intricare, Raphaelis vero et Angelorum, extricare : sicut enim piscator pisces hamo et venator feras laqueo, aves vero visco et reti implicare satagit, ut capiat ; sic dæmon corpus et animam variis doloribus, majoribus curis, angoribus, difficultibus, scrupulis, litibus, rixis, concupiscentiis, intricare contendit, ut se expedire nequeat, sed fiat ejus et gehennæ præda. Vide S. Gregorium, XXXII *Moral.* cap. XVII, ad illa Job XL, 12 : *Nervi testiculorum ejus perplexi sunt.* « Suggestionum, inquit, illius (dæmonis) argumenta implicatis inventionibus illigantur, ut plerosque ita peccare faciat, quatenus si forte peccatum fugere appetant, hac sine alio peccato evadant, et culpam faciunt, dum vitant ; » idque variis exemplis demonstrat, et tandem viam ex hoc labyrintho se extricandi, ostendit per hanc regulam, quasi per filum Ariadnes : « Dum mens inter minora et majora peccata constringitur, si omnino nullus sine peccato evadendi aditus patet, minora semper eligantur ; quia et qui murorum undique ambitu, ne fugiat, clauditur, ibi se in fugam præcipitat, ubi brevior murus invenitur. »

9. ET FEL VALET AD UNGENDOS OCULOS, IN QUIBUS FUERIT ALBUGO, ET SANABUNTUR. — Quæres an Tobias per fel hujus piscis naturali ejus vi et virtute visum receperit. Respondeo affirmative, Deo tamen vel Raphaele cooperante et supplente, quod causæ illi naturali, puta felli piscis deerat, si videlicet sterlus illud calidum hirundinum humorem crystallinum et vim visivam internam Tobiae non extinxerat, sed tantum albuginem et pelliculam oculis ejus obduxerat ; hanc enim erosit fel piscis, uti indicatur cap. XI, 13. Sic enim ibi dicitur : « Tunc sumens Tobias de felle piscis, livinit oculos patris sui. Et sustinuit quasi dimidiā fere horam ; et cœpit albugo ex oculis ejus, quasi membrana ovi, egredi. Quam apprehendens Tobias, traxit ab oculis ejus, statimque visum recepit. Quid clarissimum : clariora tamen ibidem sunt Graeca, quæ sic habent : *Inspersit fel super oculos patris sui*, dicens : *Confide, pater. Ut autem erosi sunt, detrivit oculos suos, et desquamatae sunt ab angulis oculorum albugines.* Et videns filium suum, procidit super collum ejus, et ploravit et dixit : *Benedictus es, Deus.*

Secundo, quia hanc virtutem felli callionymi tribuit Plinius, lib. XXXII, cap. VII, et Franciscus Valesius, S. Philos. cap. XLVII, quem audi : « Quia, cum ad extergendas albugines nihil magis a medicis omnibus celebratum sit, quam fel, inter omnia ejus genera, omnium maxime commendatu fel callionymi piscis, et mox hienæ. » Galenus quoque, libro X *De simplicium medicamentorum facultatibus*, capite XII : « Porro, inquit, quorumdam animalium bilis singulariter a medicis extollitur, tanquam aciem exacuat oculorum, et suffusionum initia digerat, veluti piscis, quem vocant callionymum, hienæ, et scorpii

Vers⁹ 6.
An fe
illumina
ritculos
Tobia?

marini, tum galli et perdicis. » Sic ille. Idem docet *Aelianus*, lib. XIII, cap. XIV, cæterique medici. Ita censent Lyranus, Dionysius, Serarius et alii.

Dices: Tobias erat excaecatus, planeque cæcus; ergo a felle piscis visum recipere non potuit. Respondeo, erat cæcus exterius ob pellēm oculis obductam, non interius, ut vis visiva fuerit extincta, ideoque erat cæcus actu, ac potentiam proximam videndi amiserat, non remotam et radicalem: si quis contendat eum omnino fuisse cæcum, et vim visivam amisisse, necesse est ut consequenter dicat eum non felle piscis, sed sola virtute divina supernaturali illuminatum fuisse, ut dixi de fugatione Asmodæi per cor piscis. Allegorice Tobias, per fel illuminans patrem, fuit typus Christi, qui cæcum a nativitate illuminavit sua saliva et luto, *Joan. cap. IX, vers. 6.*

Tropologice, fel est amarities perversitatis et tribulationis, quæ oculos mentis melle voluptatis terrenæ excaecatos, eo discusso aperit, ut videat peccati turpitudinem, gehennæ atrocitatem, virtutis pulchritudinem, Dei bonitatem, cœli gaudia, etc.

Mystice S. Prosper, parte II *Promis. cap. XXIX:* « *Mysticum*, ait, actionis hujus hoc est, quod ex interioribus piscis, et dæmon fugatus est, et Tobias illuminatus. Hoc agit piscis magnus ex passione sua Christus, purgans Mariam, ex qua expulit septem dæmonia. » Et postea: « *ἰχθὺς* namque, Latine piscem, sacris litteris majores nostri hoc interpretati sunt, ex *Sybillinis* versibus colligentes, quod est Jesus Christus Filius Dei salvator, piscis in sua passione decoctus, cuius ex interioribus remediis quotidie illuminamur et pascimur. »

Vers. 14 et 15. AUDIO QUIA TRADITA EST SEPTEM VIRIS, ET MORTUI SUNT: SED ET HOC AUDIVI, QUIA DÆMONIUM OCCIDIT ILLOS. TIMEO ERGO NE FORTE ET MIHI

An Sara habuerit Asmodæum in cubum. — Græca addunt: *Quoniam dæmonium amat ipsam, quod injuria non afficit quemquam præter accedentes ad eam, q. d.* Ipsa habet dæmonem incubum, qui, amans ipsam, cæteros ejus procos occidit. Nam dæmones in corpore assumpto excipere semen aliquis viri, illudque in feminam infundere, ac per illud prolem generare, ut aiunt Merlinum ac Arcturum esse progenitos, asserunt D. Thomas, Abulensis, Victoria, Molina, Cantipratensis, Cæsarius, Camperius, Hector, Boethius et alii quos citat et sequitur Serarius, *cap. VIII, Quæst. IV.* Audi S. Augustinum, *XV De Civ. xxiii*: « *Creberrima fama est, multique se expertos, vel ab eis qui experti essent, de quorum fide dubitandum non est, audisse affirmant Sylvanos et Faunos, quos vulgo incubos vocant, improbos exstitisse mulieribus, et earum appellese ac peregisse concubitum, et quosdam dæmones, quos Dusios Galli nuncupant, hanc assidue immunditiam et tentare, et efficere: plures, talesque asseverant, ut hoc negare impudentias videatur.* » Audi et exemplum quod refert Au-

tor *Vita S. Bernardi*, lib. II, versu 6: « *Mulier quædam in regione Nanneti a quodam petulante dæmonে sex annis, habitō ejus consensu, incredibili libidine vexata est. Apparuerat ei in specie pulchri militis, et sæpe abutebatur ea invisi- bilitate, marito ejus in eodem lecto cubante, lascivus ille spiritus. Que anno septimo timore correpta, veniente in prædictam civitatem S. Bernardo Clæravallis abbate, misera mulier ad pedes ejus corruit, passionem horribilem et ludificationem dia- bolicam multis cum lacrymis confessa, succurrī sibi flagitavit: a quo consolata, et quid facere deberet edocta, post confessionem diabolus ad illam accedere non potuit.* »

Verum dæmon propriæ non amat feminas libidinis suæ causa, cum carne careat, ideoque nullum habeat libidinis sensum, sed amorem simula, ut feminas in sui amorem et peccatum infandum pelliciat. Porro non est verisimile Asmodæum hic fuisse amasium et incubum Saræ, tum quia sciebat illam esse castissimam, ideoque ei gene- rose restitutram. Quare Tobias, dicens Asmodæum amare Saram, id dixit non ex suo, sed ex vulgi sensu et fama. « *Audio,* » inquit: *vulgus enim, videns septem sponsos Saræ esse occisos a dæmonio, suspicabatur id fieri ex ejus rivali amore et zelotypia; sic enim proci eamdem ambientes sponsam sæpe se mutuo interimunt.* Nam versu 17, Raphael Angelus non hanc, sed prorsus aliam, et quasi contrariam occasionis eorum afferat causam, scilicet eos cæsos ab Asmodæo, ob scelera et effrænem libidinem. Ita Serarius.

17. ET SUAE LIBIDINI ITA VACENT, SICUT EQUUS ET MULUS, — nam ut Aristoteles, lib. VI *Hist. anim.* cap. XXII: Salacissimus omnium tam feminarum, quam marium, equus est. » Unde illud *Jerem. v, 7 et 8:* « *In domo meretricis luxuriabantur. Equi amatores et admissarii facti sunt, unusquisque ad uxorem proximi sui hinniebat.* » Mulus quoque, licet sterilis, ardet libidine. Unde veteres luxuriosum designabant pingendo mulum, aut mulam, teste Pierio, *Hierogl. XII.* Adde certum genus mulorum a cæteris diversum esse in Cappadocia et Syria, quod parit et procreat instar equorum, teste Aristotele, lib. I *Histor. anim. cap. VI, et lib. VI, cap. XXIV.*

19. INCENSO JECORE PISCIS FUGABITUR DÆMONIUM. *Vera. 19* — non tam vi jecoris, quam mea, hoc est ange- lica et divina ob tuas, o Tobia, preces et merita, virtute. Vide dicta vers. 8. Mystice S. Augustinus, loco citato: « *Christus, inquit, est piscis iste qui ad Tobiam ascendit, hujus jecore per passionem (in ara crucis) assato fugatus est diabolus.* » Apte id fit per jecur, quia in jecore est sedes amoris et concupiscentiae quæ hic Christi passione ex- stinguitur.

20. SECUNDA VERO NOCTE IN COPULATIONE SANCTO- RUM PATRIARCHARUM ADMITTERIS; — *q. d.* Eris par- ticeps meritorum, seu sanctitatis S. Patriarcharum, puta Abraham, Isaac, Jacob, Joseph, etc., ut

sicut ipsi eāste utentes suis uxoribus insignes, sanetosque genuere filios, sic et tu facias ex Sara, ut sequitur versu 21. Jubet ergo Raphael Tobiæ, ut per tres primas a conjugio noctes vacet orationi cum Sara, antequam illud consummet; sic enim fugandū Asmodæum, qui libidinosos occidit, ac conjugium sancte initurum, ac sanctos a Deo adepturum filios. Utinam conjuges Christiani consilium hoc Raphaelis, et Tobiæ ei obediens, exemplum sequantur. In Tridentino Concilio Sess. XXIV, ita legitur *De Reform. Matrim.* cap. I: «Sancta synodus conjuges hortatur, ut, antequam contrahant, vel saltem triduo, ante matrimonii consummationem, sua peccata diligenter confiteantur, et ad SS. Eucharistię Sacramentum pie accedant. »

Vers. 22. AMORE FILIORUM MAGIS QUAM LIBIDINE DUCTUS.
— Finis enim copulæ debet esse desiderium prolium fidelium. «Haec enim sunt tria matrimonii bona, fides (conjugalis), proles, sacramentum,» ut ex S. Augustino docent Theologi.

Audi S. Augustinum, lib. *De bono conjug.* cap.

VI: «Conjugalis, ait, concubitus generandi gratia non habet culpam: concupiscentiae vero satiandæ, sed tamen cum conjugi, propter fidem thori, veniale habet culpam. Adulterium vero, sive fornicatio lethalem habet culpam; ac, per hoc, melior est quidem ab omni concubitu continentia, quam vel ipse matrimonialis concubitus, qui fit causa gignendi. » Et S. Fulgentius, *epist. I, cap. III:* «Conjugalis potestatis, ait, inculpabilis est usus, officio gignendi divinitus attributus, si justitia terminum transgredi libidinosus non permittatur excessus. Justitia vero utendi conjugii haec est, ut non explendæ libidinis, sed substituendæ prolis obtentu, sibi conjuges congruo tempore misceantur. Sic ergo quæri debet ex nuptiis fructus, ut cohibendus sit lubricæ voluptatis excessus. »

Quin et Philosophi idem sensere, ut Plato, lib. IV *De legibus*: «Oportet, inquit, parentes gignere et educare liberos, qui vitam tanquam lampadem posteris tradant, ut sint semper aliqui Deum contientes, juxta ipsius legem. »

CAPUT SEPTIMUM.

SYNOPSIS CAPITIS.

Tobias Saram uxorem a patre Raguele postulat, et impetrat; conjugii tabulae scribuntur, et nuptiae celebrantur.

1. Ingressi sunt autem ad Raguel, et suscepit eos Raguel cum gaudio. 2. Intuensque Tobiam Raguel, dixit Annę uxori suę: Quam similis est juvenis iste consobrinus meo! 3. Et eum haec dixisset, ait: Unde estis juvenes nostri? At illi dixerunt: Ex tribu Nephtali sumus, ex captivitate Nínive. 4. Dixitque illis Raguel: Nostis Tobiam fratrem meum? Qui dixerunt: Novimus. 5. Cumque multa bona loqueretur de eo, dixit Angelus ad Raguel: Tobias, de quo interrogas, pater istius est. 6. Et misit se Raguel, et cum lacrymis osculatus est eum, et plorans supra collum ejus, dixit: Benedictio sit tibi, fili mi, quia boni et optimi viri filius es. 8. Et Anna uxor ejus, et Sara ipsorum filia, lacrymatæ sunt. 9. Postquam autem locuti sunt, præcepit Raguel occidi arietem, et parari convivium. Cumque hortaretur eos discumbere ad prandium; 10. Tobias dixit: Hic ego hodie non manducabo, neque bibam, nisi prius petitionem meam confirmes, et promittas mihi dare Saram filiam tuam. 11. Quo auditu verbo Raguel expavit, sciens quid evenerit illis septem viris, qui ingressi sunt ad eam: et timere cœpit ne forte et huic similiter contingere; et cum nutaret, et non daret petenti illum responsum. 12. Dixit ei Angelus: Noli timere dare eam isti, quoniam huic timenti Deum debetur conjux filia tua; propterea aliis non potuit habere illam. 13. Tunc dixit Raguel: Non dubito quod Deus preces et lacrymas meas in conspectu suo admiserit. 14. Et credo quoniam ideo fecit vos venire ad me, ut ista conjungeretur cognationi suae secundum legem Moysi: et nunc noli dubium gerere quod tibi eam tradam. 15. Et apprehendens dexteram filiæ suę, dextræ Tobiæ tradidit dicens: Deus Abraham, et Deus Isaac, et Deus Jacob vobiscum sit, et ipse conjungat vos, impletatque benedictionem suam in vobis. 16. Et accepta charta, fecerunt conscriptionem conjugii. 17. Et post hæc epulati sunt, benedicentes Deum.

18. Vocavitque Raguel ad se Annam uxorem suam, et præcepit ei ut præpararet alterum cubiculum. **19.** Et introduxit illuc Saram filiam suam, et lacrymata est. **20.** Dixitque ei : Forti animo esto, filia mea, Dominus cœli det tibi gaudium pro tædio quod perpessa es.

Vers. 2. **2. QUAM SIMILIS EST JUVENIS CONSOBRINO MEO?** — puta Tobiae seniori, qui Raguelis erat patruelis. Tobias enim junior similis erat patri suo, uti saepe accidit.

Vers. 3. **3. EX TRIBU NEPHTALI SUMUS.** — Nota Tobiam hoc dixisse, non angelum Raphaelem. Tobias autem putabat Raphaelem non esse Angelum, sed contribulem suum : « Dixerunt » ergo, hoc est, dixit unus Tobias respondens pro utroque scilicet tam pro Angelo comite suo, quam pro se ipso : si tamen quis contendat hæc utriusque esse verba, ac Raphaelem asserere se esse tribus Nephtali non filium, sed Angelum custodem, vel tutelarem, quomodo Daniel. x, vocatur Angelus Persarum, Græcorum, Hebræorum. Atque hoc sensu Angeli nobis concives et contribules dici queunt. Ita Angelus Joannis Apostoli se conservum vocat Apoc. xix, 10. Denique Raphael hic sumpserat formam, personam et nomen Azariæ, ideoque recte se Nephtalitam vocare poterat; talis enim erat Azarias. Vide dicta, cap. v, vers. 18.

Vers. 4. **4. NOSTIS TOBIAM FRATREM MEUM?** — « Fratrem, » id est patruelam et cognatum, uti jam dixi.

Vers. 4. **6. ET MISIT SE RAGUEL** — in collum Tobiae, eum amplexans et osculans. Græce est : *Exiit Raguel præ laetitia.*

Vers. 5. **8. LACRYMATE SUNT.** — Addunt Græca, id fecisse postquam audierunt Tobiam amisisse visum oculorum.

Vers. 11. **11. QUID EVENERIT SEPTEM VIRIS QUI INGRESSI SUNT AD EAM,** — scilicet in thalamum nuptialem ante complexum maritalem. Nam Græca et Hebræa addunt : « Dæmonium occidit eos, antequam cum ea ipsi fuissent ut in uxoribus, » id est antequam uxoriā copulam cum ea habuissent.

Quæres : Cur tot sponsi ambierunt Saram, præsertim cum posteriores vidissent priorum necem ? Respondeo : *Prima illecebra fuit singularis Saræ forma et pulchritudo; secunda, quod unica esset hæres ingentium opum Raguelis patris sui; tertia, quod existimaverint fortasse jure propinquitatis sibi debitam; cum non adasset Tobias, cui, ut habetur vers. 14, debebatur tanquam propinquiori. Quarta, quia amor dementabat eos. Nam, ut ait S. Augustinus, « nimium præceps est, qui transire contenderit, ubi alium conspicerit cecidiisse. »*

Felix quem faciunt aliena pericula cautum.

Et, ut ait Plinius, lib. XXVIII, cap. v : « Optimum est aliena insania frui. »

Rursum disce hic quam omnis voluptas etiam conjugii sit anceps et instabilis. En tibi hi sponsi in ipsis sponsæ nuptiis occiduntur, ut pluribus similibus contigit, et saepe contingit; unde proverbium est Ben-Spira : « Sponsa ascendit in thalamum, neque quid sibi eventurum sit novit. » Nam ut ait Seneca, epist. 26 : « Incertum est quo loco te mors exspectet. Itaque tu illam omni loco expecta. »

Rursum discant hic conjuges caste uti coniugio, cæterique caste vivere, ne ab Asmodæo, aequo ac impudici hi sponsi occidentur. Ante paucos annos in Belgio existenti mihi narravit sacerdos gravis e Societate nostra, in missione castrensi, se militem quemdam ob concubinatum infamem saepius monuisse, ut vitam corrigeret, sed frustra : quare tandem zelo et entusiasmo actum minatum ei fuisse, edixisseque, nisi cito sese emendaret, experturum acrem Dei vindictam. Ita factum, nam paulo post, Deus tempestatem, tonitrua ac fulmina cum horrendo fragore, omniumque terrore emisit, ac unicum illum in turpi concubinæ complexu una cum illa, fulgere afflavit et sideravit; itaque in flagranti delicto corpus fulguri, animam gehennæ tradidit, omnibus succlamantibus : « Justus es, Domine, et rectum judicium tuum ! »

TIMERE COEPIT, NE ET HUIC FORTE SIMILITER CONTINGERET. — Laudat Raguel S. Ambrosius, libro III Offic. cap. xiv : « Raguel, inquit, præcipue formam honestatis expressit, qui contemplatione honestatis, cum rogaretur, ut filiam suam in coniugium daret, vitia quoque filiæ non tacebat, ne circumvenire petitorem tacendo videretur. » Et paulo post : « Justus vir plus alienis timebat, et malebat sibi innuptam manere filiam, quam properiter nuptias ejus extraneos periclitari. »

16. FECERUNT CONSCRIPTIONEM CONJUGII. — Fece- vers. xv
runt instrumentum authenticum, in quo conscripserunt conditiones et pacta conjugii, scilicet promissa tam sponsi, quam sponsæ, ejusque parentum. Non dubitarunt parentes, licet territi nece septem sponsorum, dare Saram filiam Tobiae; tum quia Raphael vultus verborumque gravitate, imo majestate id suadebat, et securitatem spondebat, tum quia Deus eos interius ad connubium hoc peragendum incitabat; ita Diopysius, Serarius et alii.

CAPUT OCTAVUM.

SYNOPSIS CAPITIS.

Tobias suffitu cordis et jecoris piscis fugat Asmodaeum, quem Raphael in deserto alligat. Tobiam, consummato matrimonio, Raguel omnium bonorum hæredem facit.

1. Postquam vero cœnaverunt, introduxerunt juvenem ad eam. 2. Recordatus itaque Tobias sermonum Angeli, protulit de cassidili suo partem jecoris, posuitque eam super carbones vivos. 3. Tunc Raphael Angelus apprehendit dæmonium, et religavit illud in deserto superioris Ægypti. 4. Tunc hortatus est virginem Tobias, dixitque ei : Sara, exsurge, et deprecemur Deum hodie, et cras, et secundum cras; quia his tribus noctibus Deo jungimur : tertia autem transacta nocte, in nostro erimus conjugio. 5. Filii quippe sanctorum sumus, et non possumus ita conjungi, sicut gentes quæ ignorant Deum. 6. Surgentes autem pariter, instanter orabant ambo simul, ut sanitas daretur eis. 7. Dixitque Tobias : Domine Deus patrum nostrorum, benedicant te cœli et terræ, mareque, et fontes, et flumina, et omnes creaturæ tuæ, quæ in eis sunt. 8. Tu fecisti Adam de limo terræ, dedistique ei adjutorium Hevam. 9. Et nunc, Domine, tu scis quia non luxuriæ causa accipio sororem meam conjugem, sed sola posteritatis dilectione, in qua benedicatur nomen tuum in sæcula sæculorum. 10. Dixit quoque Sara : Miserere nobis, Domine, miserere nobis, et consenescamus ambo pariter sani. 11. Et factum est circa pullorum cantum, accersiri jussit Raguel servos suos, et abierunt cum eo pariter ut foderent sepulcrum. 12. Dicebat enim : Ne forte simili modo evenerit ei, quo et cæteris illis septem viris, qui sunt ingressi ad eam. 13. Cumque parassent fossam, reversus Raguel ad uxorem suam, dixit ei : 14. Mitte unam ex ancillis tuis, et videat, si mortuus est, ut sepeliam eum antequam illucescat dies. 15. At illa misit unam ex ancillis suis. Quæ ingressa cubiculum, reperit eos salvos et incolumes, secum pariter dormientes. 16. Et reversa nuntiavit bonum nuntium : et benedixerunt Dominum, Raguel videlicet et Anna uxor ejus, 17. et dixerunt : Benedicimus te, Domine Deus Israel, quia non contigit quemadmodum putabamus. 18. Fecisti enim nobiscum misericordiam tuam, et exclusisti a nobis inimicum persequentem nos. 19. Misertus es autem duobus unicis. Fac eos, Domine, plenius benedicere te, et sacrificium tibi laudis tuæ et suæ sanitatis offerre, ut cognoscat universitas gentium, quia tu es Deus solus in universa terra. 20. Statimque præcepit servis suis Raguel, ut replerent fossam quam fecerant, priusquam elucesceret. 21. Uxori autem suæ dixit, ut instrueret convivium, et præpararet omnia quæ in cibos erant iter agentibus necessaria. 22. Duas quoque pingues vaccas, quatuor arietes occidi fecit, et parari epulas omnibus vicinis suis, cunctisque amicis. 23. Et adjuravit Raguel Tobiam ut duas hebdomadas moraretur apud se. 24. De omnibus autem quæ possidebat Raguel, dimidiam partem dedit Tobiæ, et fecit scripturam, ut pars dimidia quæ supererat, post obitum eorum, Tobiæ domino deveniret.

Vers. 2. 2. PROTULIT DE CASSIDILI, — id est de pera viatorum, instar cassis, sive retis confecta, quali auçupes et pescatores utuntur. Cassidilis enim est nomen diminutivum a cassis, q. d. parva cassis, vel parvum rete, puta sacculus reticulatus, in qua viatores suas reculas et alimenta reponunt. Ita Lyranus, Dionysius et Budæus. Aut cassidula di-

citur a casside, id est galea, quod galeæ similitudinem referat.

PARTEM JECORIS, POSUITQUE EAM SUPER CARBONES VIVOS, — id est ardentes et flammantes : ignis enim, perflammam sese agitans et quasi respirans videtur vivere. Græca uberioris sic habent :

et imposuit cor piscis, et hepar, fumumque fecit; et quando odoratus est dæmon odores, fugit ad Ægypti suprema. Hebræus autem: Percepit Asmodæus odorem et fugit. Ergo fumus hic jecoris et cordis aliquid physice efficiebat, quo fugabatur dæmon: quidnam hoc fuerit dixi cap. vi, vers. 8. Quibus adde sanctitatem, merita, benedictionem, et preces tam Raphaelis, quam Tobiæ, juncta fumo illi energiam dedisse ad abigendum Asmodæum: sicut pulsu campanarum ab Ecclesia benedictarum fugatur dæmon excitans procellas et tempestates, non vi pulsus, sed vi orationis Ecclesiae, per quam benedictæ sunt. Idem fit per aquam lustralem, per agnos et cereos benedictos, perque alias res consecratas. Sic olim S. Hieronymus, S. Antonius, aliqui Anachoretæ, dantes energumeno panem vel oleum a se benedictum, expellebant dæmonem.

Simile prorsus recenset Josephus, lib. VIII *Antiquitat.* cap. II, de radice dicta Baaras a Salomone ostensa, cuius odoratu fugabatur dæmon: « Vidi, inquit, ex popularibus meis quemdam Eleazarum in praesentia Vespasiani, et filiorum, et tribunorum, reliquorumque militum multos arreptitos percurantem. Modus vero curationis erat hic: Admoto naribus dæmoniaci annulo, sub cuius sigillo inclusa erat radicis species a Salomone indicata; ad cuius olfactum per nasum extrahebat dæmonium, et collapso mox homine, adjurabat id, ne amplius rediret: Salomonis interim mentionem faciens, et incantationes ab illo inventas recitans. » Hæc si vera sunt et proba, non magica, ut proba esse censem Jansenius et Franciscus Lucas in cap. XII *Math.*, Toletanus in cap. XI *Lucæ*, Salmeron, tom. VIII, tractat. 15, dicendum est quod a D. Thoma, Quæst. VI *De potentia*, art. 10, ad 3, dictum est, et a Victoria relectum de Magia usurpatum, potuisse quidem certam quamdam et piam formulam ejiciendi dæmones institui a Salomone, sancto adhuc, quam Deus peculiari sua auctoritate, ad dæmones fugandos confirmaret. In hac etiam nihil magicum, nihil ex amicitia et fœdere cum dæmons. At a Salomone idololatra et magicæ artis postea studioso, si unquam conscripti, traditive exorcismi, hos oportet magicos fuisse, et nulla divina aut angelica virtute fultos, ad abigendos dæmones, sed tantum pacto impio et nefaria magia. Hanc sane olet radix illa Josephi inclusa annulo, in qua nulla facultas supra spiritum, ait noster Pineda, libro III *De rebus Salom.* cap. XXIX. Nam et Serario hic Quæst. V, cap. VII, displicant hæc duo. Primum, quod lib. VII *Belli*, cap. v, asserat radicem Baaras e terra evelli non posse, nisi moriatur is qui evellit, sive homo sit, sive canis. Secundum, quod dæmones vocet maiorum hominum spiritus. Quin et Delrio in *Magic.* lib. VI, cap. II, Quæst. III, sect. 2, cum Pineda censem falso radices has et dæmonum exorcismos adscribi Salomoni. Illi ergo suspecti sunt, incertæque et dubiæ fidei. Judæi enim, qui eos jactant,

magis abundant, ac forte Eleazarus ille Josephi fuit magus. Sanctior, ideoque securior, et dæmoni formidabilior fuit virga S. Benedicti, de qua S. Gregorius, lib. II *Dialog.* cap. IV. Siquidem percussus Monachus, quem sæpe nigellus puer ab oratione abducebat, « deinceps ad orationis studium immobilis permanxit, sicque antiquus hostis dominari non ausus est ejus in cogitatione, ac si percussus fuisset ex verbere. »

3. ET RELIGAVIT ILLUD IN DESERTO. — Nota: Raphaël ligavit Asmodæum in deserto per decretum et potestatem divinam, eum detinendo in deserto, ut se loco movere, et inde egredi non posset. Hoc autem fieri potest tribus modis; primo, jubendo ex parte Dei ne se moveret, ac si secus faciat, minando ei acres pœnas et verbera: imo si egrediatur, vi et verberibus eum ad regressum compellendo. Sic lex ligat hominem, id est obligat hominem, ideoque lex a ligando dicitur, ut multi volunt juxta illud:

Vers. 3.

Raphael
Asmo-
dæum.
Primo.

Verba ligant homines, taurorum cornua funes.

Secundo, imprimendo dæmoni qualitatem ali- Secundo.
quam detentivam, v. g. impetum et vim permanentem, quæ eum in loco detineat. Sic enim vis fortis debilem brachiis suis detinet, et certo loco affigit. Cur idem facere nequeat Angelus diabolo.

Tertio et efficacissime orando Deum, ut subtra- Tertio.
hat dæmoni concursum suum, qui necessarius est ad motum localem, ut egredi possit. Sic dæmones ligantur in inferno, ut egredi nequeant. Sic Lucifer ibidem ligatus est per mille annos, Apoc. XX, 2. Sic quatuor Angeli ligati fuere in Euphrate, Apoc. IX, 14. Vide ibi dicta.

Porro, quamdiu Asmodæus ligatus fuerit a Raphaële non constat. Probabile est per totam vitam Tobiæ et Saræ fuisse ligatum, ne eis unquam nocere posset: propter eos enim alligatus fuit. Ita Sanchez et Serarius.

Multo magis dæmon ligatus est a Christo, ut ait S. Antonius apud S. Athanasium: « Hamo crucis ut draco aduncatus a Domino est, et capistro ligatus, ut jumentum, et quasi mancipium fugitivum vincitus circulo, et armilla labia perforatus, nullum omnino fidelium devorare permittitur. Nunc miserabilis, ut passer, ad ludendum irretitus a Christo est, calcaneo Christianorum subtractus gemit. Ille, qui universa maria a se deleta plaudebat, ille, qui orbem terrarum manu sua teneri pollicebatur, ecce a nobis vincitur, ecce me adversum se prohibere non potest disputantem. »

IN DESERTO SUPERIORIS ÆGYPTI, — puta in parte Australi Ægypti, quæ alta et montosa est, ex qua defluit Nilus, quæque Thebais vocatur, ait Johannes Leo, lib. VIII *De Africa*, cap. II. Causam dat S. Hieronymus in *Ezechielém*, cap. XXX: « Quod ibi Nilus innavigabilis est, et cataractarum fragor, et omnia invia plenaque serpentum et venenatorum animantium. » Talis enim locus decet dæmonem, ne cui homini nocere queat. Quocirca dæmones

coram SS. Antonio, Macario, aliisque Thebaidis eremitis graviter questi sunt, quod ipsi suum locum invasissent et suam Thebaidem Monachis implessent, uti refert S. Athanasius in Vita S. Antonii, Palladius in *Lausiacę*, cap. x, Cassianus, *Collat VII*, cap. xxiii.

Tropologice multis virtutibus, quasi funibus ligatur dæmon, ne ad nos accedat et noceat. *Prima* est, abstinentia et jejunium; *secunda*, oratio; *tertia*, castitas. Novi ego, ait Serarius, quemdam, qui, si quando Asmodæum irrepentem et blandientem sentiat, illico castitatis, e formula, votum iterat: ut, dum inferre dæmon plagam vult, luculentissimam ipse accipiat. Ita enim suo pene gladio jugulatur Goliath: et incidit in foveam impius, quam fecit. *Quarta*, passionis, crucisque Christi seria meditatio. *Quinta*, lectio et studium S. Scripturæ. *Sexta*, sacra synaxis et crebra communio: « Tanquam leones, inquit, serm. 61 ad Pop. S. Chrysostomus, ignem spirantes ab illa mensa recedamus, facti diabolo terribiles, et caput nostrum mente revolventes, et charitatem, quam nobis exhibuit. » Et paulo post: « Hic mysticus sanguis dæmones quidem expellit, et procul esse facit; ad nos autem Angelos vocat, et Angelorum Dominum. Ubi namque Dominicum viderint sanguinem, dæmones fugiunt; concurrunt autem Angeli. » Et S. Bernardus, serm. 1 in cœna Dom.: « Si quis vestrum, non tam sæpe modo,

Demon
ligatur
virtuti-
bus sep-
tem.

non tam acerbos sentit iracundiae motus, invidiae, luxuriæ, aut cæterorum hujusmodi, gratias agat corpori, et sanguini Domini, quoniam virtus Domini operatur in eo: et gaudeat, quod pessimum ulcus accedit ad sanitatem. » *Septima* est eleemosyna, et officia pia charitatis, quæ fuse hic prosequitur Serarius.

4. DEPRECEMUR DEUM HODIE, ET CRAS, ET SECUNDUM CRAS, — id est post crastinum, puta per tres noctes ante copulam, uti præceperat Raphael, cap. vi, vers. 18.

9. NON LUXURIA CAUSA ACCIPIO SOROREM MEAM CONJUGEM. — Saram vocat Tobias sororem, non quod proprie soror esset; sic enim non potuisset eam ducere uxorem, sed quod generice esset soror; quia scilicet ex eadem gente et tribu erat prognata. « Sororem » ergo, id est concivem et contribulem.

11. CIRCA PULLORUM (galli et gallinarum) CANTUM, — puta in aurora ante solis ortum, de quibus Plinius, lib. X, cap. xxi: « Nec solis ortum, inquit, incautis patiuntur obrepere, diemque venientem nuntiant, » *Cant. XI*.

UT FODERENT SEPULCRUM. — Licet enim Raguel confortatus a Raphaele sperarit Tobiam cum Sara in conjugio fore salvum, tamen alia ex parte metuebat ne occideretur ab Asmodeo, uti occisi sunt septem priores Saræ sponsi. Reliqua hujus capitinis plana sunt: unde alia explanatione non egerit.

CAPUT NONUM.

SYNOPSIS CAPITIS.

Tobias mittit Raphaelem in Rages, ut exigat depositum a Gabelo, cumque invitet ad nuptias. Venit Gabelus, ac sponsis omnia felicia apparetur.

1. Tunc vocavit Tobias Angelum ad se, quem quidem hominem existimabat, dixitque ei: Azaria frater, peto ut auscultes verba mea. 2. Si meipsum tradam tibi servum, non ero condignus providentiae tuæ. 3. Tamen obsecro te ut assumas tibi animalia sive servitia, et vadas ad Gabelum in Rages civitatem Medorum, reddasque ei chirographum suum, et recipias ab eo pecuniam, et roges eum venire ad nuptias meas. 4. Scis enim ipse quoniam numerat pater meus dies: et si tardavero una die plus, contristatur anima ejus. 5. Et certe vides quomodo adjuravit me Raguel, cuius adjuramentum spernere non possum. 6. Tunc Raphael assumens quatuor ex serviis Raguelis, et duos camelos, in Rages civitatem Medorum perrexit, et inveniens Gabelum, reddidit ei chirographum suum, et recepit ab eo omnem pecuniam. 7. Indicavitque ei de Tobia filio Tobiae omnia quæ gesta sunt: fecitque eum secum venire ad nuptias. 8. Cumque ingressus esset domum Raguelis, invenit Tobiam discubentem: et exiliens, osculati sunt se invicem; et flevit Gabelus, benedixitque Deum, 9. et dixit: Benedicat te Deus Israel, quia filius es optimi viri, et justi, et timentis Deum, et eleemosynas facientis; 10. et dicatur benedictio super uxorem tuam, et super parentes vestros: 11. et vi-deatis filios vestros, et filios filiorum vestrorum usque in tertiam et quartam generationem: et sit semen vestrum benedictum a Deo Israel, qui regnat in sæcula sæculorum. 12. Cumque

omnes dixissent : Amen , accesserunt ad convivium ; sed et cum timore Domini nuptiarum convivium exercebant.

Vers. 2. 2. SI ME IPSUM TRADAM TIBI SERVUM, NON ERO CON-DIGNUS PROVIDENTIA TUÆ, — hoc est, tuæ providæ erga me curæ non satisfecero, nec condignam ei mercedem rependero.

Vers. 3. 3. SERVITIA, — id est servos.

VADAS AD GABELUM IN RAGES MEDORUM. — Dices : Jam erant in Rages ; nam ibi dicitur habitasse Sara, cap. III, vers. 7. Respondeo : Erant in Rages, id est, in agro vel territorio Rages, sicut qui Tusculi habitat, Romæ habitare dicitur, etsi in ipsa urbe Roma non habitet. Aut potius dicendum est duas fuisse urbes habentes idem nomen Rages. Ita Lyranus, Bellarminus et alii. Causam dat Sanchez, quod Rages sit vox Meda a Græcis accepta. Græce enim $\sigma\alpha\gamma\alpha\zeta$, id est fissura, ruptura, sive fractura. Rages igitur significat locum scopolosum, scissum, interruptum ; quia ergo utraque hæc urbs sita erat in locis confragosis et asperis, hinc utraque dicta est Rages. Hebraice vero Rages, significat turbam, tumultum, strepitum, tremorem, fremitum.

Vers. 10. 10. ET DICATUR BENEDICTIO SUPER UXOREM TUAM, ET SUPER PARENTES VESTROS, — ut omnes videntes vestram virtutem, ideoque Dei benedictionem et prosperitatem, vobis benedicendo appresentur, et dicant : Benedicta sit Sara, quæ tam probi viri Tobiae est uxor ; benedicti sint parentes utriusque, qui tam ingenuos post se relinquunt filios et filias. Honor enim et laus filiorum est honor et laus parentum : nam dedecus, æque ac decus filiorum in parentes redundat. Quocirca Basilius Imperator hoc Leoni filio insigne dedit monitum, imo et virtutis paternæ æmulandæ stimulum : « Ne me, quæso, patrem amantem pudefas. Debent enim pictores corporum delineamenta, filii autem regum, quasi vivæ imagines patrum virtutes referre. » Sic et mulier illa, videns Christi virtutes et sapientiam, exclamavit : « Beatus venter qui te portavit, et ubera quæ suxisti, » *Lucæ XI, 27.*

12. SED ET CUM TIMORE DOMINI NUPTIARUM CONVI-VIUM EXERCEBANT, — Convivabantur hilariter, sed honeste, modeste, sobrie et caste, ne crapula, aut sermone lascivo, vel obsceno Deum offendarent, ut Asmodæum rursum in domum mitteret. Imitentur hoc conjuges et convivæ, ut a mensis arceant ebrietatem, jurgia, detractiones, spuriæ sermonum, quibus Deus offenditur, conjugibus et conviviis maledicat. Audiant Platonem, lib. VI *De Legibus* : « Impensa secundum divitias fiat ; bibere vero usque ad ebrietatem ne alibi quidem unquam decet ; neque vero tutum est ; maxime vero connubio conjuncti, sponsus et sponsa tunc mentis compotes esse debent, quando non parvam ineunt vitæ mutationem ; præsertim ut et quam maxime moderatis generatio fiat : ferme etiam incertum est quæ nox, aut dies, ipsum cum Deo peragat. Quare ut solidus, stabilis, et quietus conceptus fiat, non oportet, diffluentibus ebrietate corporibus, dare operam liberis. Qui autem vino refertus est, tam animæ quam corporis rabie concitatus, quavis et trahit, et trahitur. Idecirco ebrius, tanquam mente captus, ad serendum est inutilis. Nempe verisimile est eum foetus inæquales, instabiles, obliquos tam membris, quam corporibus procreare. Quamobrem per totam quidem vitam, et maxime quamdiu generationi vacat, abstinebit quisque, cavebitque ne faciat, vel quæ sua natura et sponte morbos inducunt, vel quæ ad petulantiam injuriamque declinant. Hæc enim in animos et corpora eorum, qui enascuntur, liberorum, necessario transferuntur, iisque imprimuntur, pejoresque inde nascuntur. Sed præcipue die illa (nuptiarum) ac nocte. » Græca hic addunt : *Benedixit Tobias uxorem suam* ; id est, bene precatus est ei, ut foret fecunda et probos gigneret, educaretque filios : sic Isaac « deprecatus est Dominum pro uxore sua » *Rebecca, Genes. XXV, 21.*

Ebræi
prævo
procreat
filios.

Atali
abstine
dum.

CAPUT DECIMUM.

SYNOPSIS CAPITIS.

Mater Tobias suspirat ad ejus redditum ; Raguel dimittit Tobiam cum Sara filia sua, iisque dimidiam bonorum partem tradit, ac Saræ monita dat, ut diligat maritum, soceros honoret, et probe familiam regat.

1. Cum vero moras faceret Tobias, causa nuptiarum, sollicitus erat pater ejus Tobias, dicens : Putas quare moratur filius meus, aut quare detentus est ibi ? 2. Putasne, Gabelus mortuus est, et nemo reddet illi pecuniam ? Cœpit autem contrastari nimis ipse, et Anna uxor ejus cum eo : et cœperunt ambo simul flere, eo quod die statuto minime reverteretur filius

eorum ad eos. 4. Flebat igitur mater ejus irremediabilibus lacrymis, atque dicebat ; Heu, heu me, fili mi, ut quid te misimus peregrinari lumen oculorum nostrorum, baculum senectutis nostræ, solatum vitæ nostræ, spem posteritatis nostræ ? 5. Omnia simul in te uno habentes, te non debuimus dimittere a nobis. 6. Cui dicebat Tobias : Tace, et noli turbari, sanus est filius noster ; satis fidelis est vir ille cum quo misimus eum. 7. Illa autem nullo modo consolari poterat, sed quotidie exiliens circumspiciebat, et circuibat vias omnes, per quas spes remeandi videbatur, ut procul videret eum, si fieri posset, venientem. 8. At vero Raguel dicebat ad generum suum : Mane hic, et ego mittam nuntium salutis de te ad Tobiam patrem tuum. 9. Cui Tobias ait : Ego novi quia pater meus et mater mea modo dies computant, et cruciatur spiritus eorum in ipsis. 10. Cumque verbis multis rogaret Raguel Tobiam, et ille eum nulla ratione vellet audire, tradidit ei Saram, et dimidiæ partem omnis substantiæ suæ, in pueris, in puellis, in pecudibus, in camelis, et in vaccis, et in pecunia multa, et salvum atque gaudentem dimisit eum a se, 11. dicens : Angelus Domini sanctus sit in itinere vestro, perducatque vos incolumes, et inveniatis omnia recte circa parentes vestros et videant oculi mei filios vestros priusquam moriar. 12. Et apprehendentes parentes filiam suam, osculati sunt eam, et dimiserunt ire : 13. monentes eam honorare soceros, diligere maritum, regere familiam, gubernare domum, et seipsam irreprehensibilem exhibere.

Vers. 4. 4. HEU HEU ME, FILI MI, UT QUID TE MISIMUS PEREGRINARI, LUMEN OCULORUM NOSTRORUM ? (Pater enim erat cæcus, mater præ senio cæcutebat : quare filius eis erat instar oculorum, ut per eum videarent, legerent, agerentque quæ videnda, legenda, agenda erant. Eundem vocat) BACULUM SENECTUTIS NOSTRAE. (Sic Scipio Romæ appellatus est, eo quod ipse patrem senem et cæcumentem, quasi Scipio, sive baculus sustentaret, et per viam duceret et dirigeret). ET SOLATIUM VITÆ NOSTRAE ; (filii enim solantur senectutem parentum, ejusque miseras et ærumnas). ET SPÆM POSTERITATIS NOSTRAE ; — erat enim unicus ille filius, a quo omnis familiæ propagatio pendebat. Optant enim parentes filios post se relinquere, ut in eis quasi maneant superstites, vivantque in memoria hominum, ut docet Eccli. cap. XXX, 4 et seq.

Vers. 10. 10. TRADIDIT EI SARAH, ET DIMIDIAM PARTEM OMNIS SUBSTANTIÆ SUÆ IN PUEBIS, etc. — Hebræi uberioris addunt : Dedit ei Raguel Sarah filiam suam, dimidiæ divitiarum suarum, et servos et servas, et greges, et boves, et asinos, et camelos, et vestes lineas et pretiosas, et vasa argentea et aurea. Græca habent : Dedit ei corpora, jumenta et argentum. Corpora, id est, servos sive mancipia, quæ cum libertate careant, non nisi videntur esse corpora, servitio heri mancipata. Ita Aristoteles, I Rhetor., Demosthenes, Philipp. III, Strabo, lib. I, σώματα, id est, corpora vocant mancipia.

Vers. 11. 11. ANGELUS DOMINI SANCTUS SIT IN ITINERE VESTRO, PERDUCATQUE VOS INCOLUMES. — Hinc rursum patet Gabelum et priscos Hebræos credidisse Angelum considerari ad custodiæ, qui eum in via dirigat.

Vers. 13. 13. MONENTES EAM HONORARE SOCEROS, — quasi Monita danda parentes; unde Græca addunt : Quia ipsi nunc pa-
næribus rentes tui sunt. Raguel hic Sarah filiæ suæ dat mo-

nita virtutis et salutis. **Primum** est, ut honoret so- Primum.
ceros, scilicet Tobiam seniorem, et Annam ; se-
cundum, ut diligit maritum, utpote cum quo facta
jam est una caro, ac consequenter una persona,
unum cor, una anima, una voluntas. Hæc dilectio
facit ut uxor mariti mores suis dissimiles, chole-
ram, vitia, infortunia, et quælibet adversa, quæ
multa in conjugio occurrunt, fortiter supereret.
Unde S. Monica uxores monebat ut per conju-
gium se maritorum ancillas factas existimarent,
ait S. Augustinus, libro IX Confessionum, cap. ix.
Tertium, ut regat familiam, puta filios, servos et Tertium.
ancillas, ut omnes in officio, concordia, pace et
charitate mutua contineat. **Quartum**, ut gubernet
domum in ea manendo, non hoc illuc vagando,
prandium et cœnam omnibus apparando, supel-
lectilem, annonam, vestes, cæteraque necessaria
procurando, uti fecit mulier illa fortis laudata a
Salomone, Proverbiorum XXXI. Vide ibi dicta.

Quintum, ut se irreprehensibilem exhibeat, non tantum in fide et castitate conjugali, sed et per linguæ continentiam, justitiam, prudentiam, comitatem in conversatione, tam cum domesticis, quam cum externis. Eadem monita dat uxoribus S. Paulus ad Titum, cap. II, vers. 4 et 5 : « Ut viros suos ament, filios suos diligant, prudentes sint, castæ, domus curam habentes, benignæ, subditæ viris suis. » Vide ibi dicta. Similia conjugibus præcepta tradit S. Petrus, epist. I, cap. III; quin et Plato, lib. VI De Legibus, Xenophon in Œconomica, et Plutarchus, De nuptialibus preceptis. Denique in Græco, et Edna (sic enim habent pro Anna), mater Sarah, sic Tobiam generum suum valedicendo alloquitur : Dominus cœli, frater dilecte, te tuis restituat, mihi que concedat ut filios tuos ex Saræ filia mea videam, et coram Dominis gaudeam. Ecce ego tibi filiam meam, quasi quoddam deposi-

tum, committo, ne ulla eam afficias molestia. Mox subditur: Ipse vero Tobias post hanc profectus est, Deo gratias agens, quod iter prosperum sibi dedit;

Raquelemque et Ednam ejus uxorem benedicebat (seu fausta eis omnia praecabatur) et pergebat, quoad Niniven appropinquarent;

CAPUT UNDECIMUM.

SYNOPSIS CAPITIS.

Raphael Tobiam domum ad parentes salvum reducit: qui felle piscis liniens oculos patris ei visum restituit. Unde omnes præ gaudio Deum benedicunt, et epulantur.

1. Cumque reverterentur, pervenerunt ad Charan, quæ est in medio itinere contra Niniven, undecimo die. 2. Dixitque Angelus: Tobia frater, scis quemadmodum reliquisti patrem tuum. 3. Si placet itaque tibi, præcedamus, et lento gradu sequantur iter nostrum familiæ, simul cum conjugé tua, et cum animalibus. 4. Cumque hoc placuisset ut irent, dixit Raphael ad Tobiam: Tolle tecum ex felle piscis, erit enim necessarium. Tulit itaque Tobias ex felle illo, et abierunt. 5. Anna autem sedebat secus viam, quotidie in supercilio montis, unde respicere poterat de longinquio. 6. Et dum ex eodem loco specularetur adventum ejus, vidit a longe, et illico agnovit venientem filium suum, eurrensque nuntiavit viro suo, dicens: Ecce venit filius tuus. 7. Dixitque Raphael ad Tobiam: At ubi introieris domum tuam, statim adora Dominum Deum tuum; et gratias agens ei, accede ad patrem tuum, et osculare eum. 8. Statimque lini super oculos ejus ex felle isto piscis, quod portas tecum: scias enim quoniam mox aperientur oculi ejus, et videbit pater tuus lumen cœli, et in aspectu tuo gaudiebit. 9. Tunc præcucurrit canis, qui simul fuerat in via; et quasi nuntius adveniens, blandimento suæ caudæ gaudebat. 10. Et consurgens cæcus pater ejus coepit offendens pedibus currere: et data manu puero, occurrit obviam filio suo. 11. Et suscipiens osculatus est eum cum uxore sua, et cœperunt ambo flere præ gaudio. 12. Cumque adorassent Deum, et gratias egissent, considerunt. 13. Tunc sumens Tobias de felle piscis, linivit oculos patris sui. 14. Et sustinuit quasi dimidiam fere horam; et cœpit albugo ex oculis ejus, quasi membrana ovi, egredi. 15. Quam apprehendens Tobias traxit ab oculis ejus, statimque visum recepit. 16. Et glorificabant Deum, ipse videlicet, et uxor ejus, et omnes qui sciebant eum. 17. Dicebatque Tobias: Benedico te, Domine Deus Israel, quia tu castigasti me, et tu salvasti me, et ecce ego video Tobiam filium meum. 18. Ingressus est etiam post septem dies Sara uxor filii ejus, et omnis familia sana, et pecora, et camelii, et pecunia multa uxor; sed et illa pecunia quam receperat a Gabelo: 19. et narravit parentibus suis omnia beneficia Dei, quæ fecisset circa eum per hominem qui eum duxerat. 20. Veneruntque Achior et Nabath conoscentes Tobiæ gaudentes ad Tobiam, et congratulantes ei de omnibus bonis quæ circa illum ostenderat Deus. 21. Et per septem dies epulantes, omnes cum gaudio magno gavisi sunt.

Vers. 1.

1. PERVENERUNT AD CHARAN, QUAE EST IN MEDIO ITINERE CONTRA NINVEN, UNDECIMO DIE. — Charan est Haran, e qua evocatus est Abraham a Deo in Chanaan(1), Gen. xi, 31 et seq., quæ postea Charra

(1) Hebraice dicitur *Arim*, unde non videtur esse illa Abrahami patria, de qua Genes. xi, 31, quæ erat in Mesopotamia cis Tigrim. Nam hac Tobiæ *Charan* sita erat trans Tigrim, inter Ecbatanas Mediæ et Niniven Assyriae urbem; et forte est *Chatram*, de qua Ptolomæus (Tirinus). Ex eo vero quod non nisi post undecimum diem in Charan pervenerunt, non concludendum est Charan ab Ecbatanis

dicta est, ubi cum exercitu Romano a Parthis cæsus est M. Crassus. Sita erat contra, id est versus « Niniven in medio itinere, » a Rages usque ad Niniven. Rages enim erat in Media, Ninive in Assyria, inter utrumque media erat Charan, sive Haran urbs sita in Mesopotamia. Hinc probabiliter Serarius, part. IV, colligit Tobiam in totum hoc

undecimis castris distantem fuisse, sed tum propter aetatem et valetudinem teneram Tobiæ et uxor ejus, tum propter multum comitatum servorum, pecudum, etc., tot in eundo dies consumptos fuisse.

iter eundo, scilicet in Rages, indeque redeundo in Niniven ad patrem, assumpsisse circiter sex septimanas, sive dies 47; Torniellus vero dies 38, Salianus dies 34.

Vers. 7. **7. DIXITQUE RAPHAEL AD TOBIAM:** AT (tò «at» significat hæc verba nectenda esse prioribus Angeli verbis vers. 4, ac vers. 5 et 6, per parenthesin quasi interjici) **UBI INTROIERIS DOMUM TUAM, STATIM ADORA DOMINUM DEUM TUUM, ET GRATIAS AGENS EI, ACCEDE AD PATREM TUUM, ET OSCULARE EUM.** — Disce hic, cum peregrinaris vel proficisceris quopiam, primo adire templum, Deumque invocare, ut viam tuam prosperet, et dirigat ad suam gloriam et tuam, aliorumque salutem. Deinde rediens, primo ad templum pariter redi, Deoque gratias age; ita faciunt viri religiosi et probi. Audi Pacatum in *Panegyricis*: «Magnas urbes ingressi, primum sacras ædes, et dicata summo Numini delubra visimus; tum fora atque gymnasia.» Et sua in *Regula S. Benedictus*: «Susepti, ait, hospites ad orationem ducantur.» Ita fecit S. Antonius visitans S. Paulum primum Eremitam, teste S. Hieronymo in ejus Vita, cæterique monachi et anachoretæ, teste Cassiano.

Vers. 9. **9. TUNC PRÆCUCURRIT CANIS.** — Audi Bedam: «Non est contemnenda figura canis hujus, quia viator et comes Angeli est; Doctores enim exprimit Ecclesiae, qui configendo cum hæreticis, lupos graves a Pastoris summi fugant ovili. Et pulchre dixit, quasi nuntius adveniens, quia nimis Doctor quispiam fidelis nuntius est veritatis: pulchre blandimento suæ caudæ gaudebat. Cauda, quæ quasi finis est corporis, finem bonæ operationis, id est perfectionem, vel certe mercedem, quæ sine fine tribuitur, insinuat.»

Vers. 10. **10. ET CONSURGENS CÆCUS PATER COEPIT OFFENDERE PEDIBUS.** — Mystice: «Tobias cæcus, ait Pineda, significat Judæorum populum e perfidie suo veterno surgentem et currentem ad Dominum, quamvis offenderet gressibus operum, donec plena fidei et operationis bonæ lucem reciperet, regeneratus in Christo et instructus.»

Vers. 11. **11. ET COOPERUNT AMBO FLERE PRÆ GAUDIO.** — Græca addunt dixisse matrem: *Vidi te, fili, jam moriar*, scilicet, contenta et læta. Sic Simeon, viso Christo, ait: «Nunc dimittis servum tuum, Domine, secundum verbum tuum in pace.»

Vers. 13. **13. TUNC SUMENS TOBIAS DE FELLE PISCIS (callonymi) LINIVIT OCULOS PATRIS SUI.**

Vers. 14. **14. ET SUSTINUIT QUASI DIMIDIAM FERE HORAM,** — donec fel sensim sua acrimonia albuginem et membranam oculis patris obductam eroderet, attenuaret et consumeret. Hinc patet hanc cæcitatis per fel curationem fuisse naturalem, ut ex Lyranio, Dionysio, Serario, Sanchez et aliis dixi cap. vi, 8. Unde Græca habent Raphaelem dixisse: *Tu, fel unge in oculos ejus, et ipse morsus deteret, abiecietque albugines*, et ipse te intuebitur. Et inferius: *Tobias sparsit in oculos ejus illud fel; ut vero*

morsi compuncti sunt oculi, eos confricuit, et ab eorum canthis, seu angulis albugines squamarum instar deciderunt. Pro quo Noster habet: «Et cœpit albugo ex oculis ejus, quasi membrana ovi, egredi. Quam apprehendens Tobias traxit ab oculis ejus, statimque visum recepit.» Porro Tobias fuit cæcus per 4 annos, scilicet ab anno ætatis 56 usque ad 60, quo visum recepit, ut patet cap. XIV, vers. 3, ubi tamen Græca habent eum octo annos vixisse cæcum, nimis ab anno ætatis 58 usque ad 66, quo illuminatus est. In vita S. Gregorii Turonensis Archiepiscopi narratur, quod pater ejus Florentius simil modo fuerit curatus; sic enim ait auctor Vitæ: «Florentius redivivo calore captatus est; acceditur febris, intumescunt pedes, dolor pessimus intorquet: perendinata pestis hominem contriverat, jam pene conclamatus jacebat. Inter ea puer (filius Gregorius Turonensis) vidit iterum in somno personam, sese, utrumque librum Tobiae cognitum haberet, interrogantem. Respondit: Nequaquam. Qui ait: Noveris hunc fuisse cæcum, atque per filium ex jecore piscis, Angelo comitate, curatum. Tu ergo fac similiter, et salvabitur genitor tuus. Hæc ille matri retulit, quæ confessim pueros ad amnem direxit; piscis capitur, quæ de extis jussa fuerant, prunis imponuntur. Non fecellit virum eventus; ut enim primo fumus odoris in naribus patris reflavit, protinus omnis ille tumor dolorque recessit. Hæc omnia pene ad verbum repetit ipse S. Gregorius Turonensis, libro *De Gloria Confessorum*, cap. XL.

Mystice Beda: Albugo, inquit, significat stultitiam placendi sibi ipsi, ovum spem et fiduciam, Tobias populum Judaicum; habet ergo in oculis suis albuginem, qui in oculis suis magnus, candidus et justus apparet, sibique nimis placet et arrogat; sed habet eam instar membranæ ovi, quia cæcitatem mentis sustinet sub spe stultissima nascituri Christi; hunc enim non natum credunt, sed nasciturum sperant, et vane exspectant Juddæi. Verum quibus a Raphaele medico, id est ab Angelo magni consilii Christo Domino ablata fuerit hæc omnis caligo, agnoscent Messiam jam venisse et redemisse mundum, eumque esse Jesum Christum.

Allegorice, piscis est Christus, uti jam dixi ex S. Augustino, Prospero et aliis. Caro hujus sacra-tissimi piscis, charitas hujus est, tot operibus in nostrum bonum factis testata, ac passionibus et doloribus ostensa. Fumus autem cordis ejus, est oratio nostra meritorum ejus valori subnixa. Ideo enim hæc aliquid potest apud Patrem, non quia nostra tantum est, sed quia a membro Christi filii naturalis fusa, et in ipsius meritis et charitate fundata. Hæc extricat omne genus dæmoniorum, quia diabolus vincit, et illius tentationes et dolos irridet. Ac proinde Chrysostomus sapienter castum nostrum absentia orationis et victoriam ipsius praesentiæ tribuit.

CAPUT DUODECIMUM.

SYNOPSIS CAPITIS.

Tobias multa et magna beneficia a Raphaele accepta patri enumerat : quare uterque offert ei dimidium bonorum allatorum. Mox Raphael se non hominem, sed Angelum esse manifestat, ac datis cœlestis vitae documentis evanescit et in cœlum redit.

1. Tunc vocavit ad se Tobias filium suum, dixitque ei : Quid possumus dare viro isti sancto, qui venit tecum ? 2. Respondens Tobias , dixit patri suo : Pater , quam mercedem dabimus ei ? aut quid dignum poterit esse beneficiis ejus ? 3. Me duxit et reduxit sanum , pecuniam a Gabelo ipse recepit, uxorem ipse me habere fecit, et dæmonium ab ea ipse compescuit, gaudium parentibus ejus fecit, meipsum a devoratione piscis eripuit, te quoque videre fecit lumen cœli, et bonis omnibus per eum repleti sumus. Quid illi ad hæc poterimus dignum dare ? 4. Sed peto te , pater mi , ut roges eum , si forte dignabitur medietatem de omnibus quæ alata sunt, sibi assumere. 5. Et vocantes eum, pater scilicet et filius, tulerunt eum in partem : et rogare cœperunt ut dignaretur dimidiā partem omnium , quæ attulerant , acceptam habere. 6. Tunc dixit eis occulte : Benedicite Deum cœli, et coram omnibus viventibus confitemini ei, quia fecit vobiscum misericordiam suam. 7. Etenim sacramentum regis abscondere bonum est : opera autem Dei revelare et confiteri honorificum est. 8. Bona est oratio cum jejunio et eleemosyna , magis quam thesauros auri recondere : 9. quoniam eleemosyna a morte liberat, et ipsa est quæ purgat peccata, et facit invenire misericordiam et vitam æternam. 10. Qui autem faciunt peccatum et iniquitatem , hostes sunt animæ suæ. 11. Manifesto ergo vobis veritatem , et non abscondam a vobis occultum sermonem. 12. Quando orabas cum lacrymis , et sepeliebas mortuos , et derelinquebas prandium tuum , et mortuos abscondebas per diem in domo tua , et nocte sepeliebas eos , ego obtuli orationem tuam Domino. 13. Et quia acceptus eras Deo , necesse fuit ut tentatio probaret te. 14. Et nunc misit me Dominus , ut curarem te , et Saram uxorem filii tui a dæmonio liberarem. 15. Ego enim sum Raphael Angelus, unus ex septem, qui adstamus ante Dominum. 16. Cumque hæc audissent, turbati sunt, et trementes ceciderunt super terram in faciem suam. 17. Dixitque eis Angelus : Pax vobis, nolite timere. 18. Etenim cum essem vobiscum, per voluntatem Dei eram : ipsum benedicite, et cantate illi. 19. Videbar quidem vobiscum manducare et bibere : sed ego cibo invisibili et potu, qui ab hominibus videri non potest, utor. 20. Tempus est ergo ut revertar ad eum qui me misit : vos autem benedicite Deum , et narrate omnia mirabilia ejus. 21. Et cum hæc dixisset, ab aspectu eorum ablatus est, et ultra eum videre non potuerunt. 22. Tunc prostrati per horas tres in faciem , benedixerunt Deum , et exsurgentes narraverunt omnia mirabilia ejus.

Vers. 3.
S. ptem
Raphael
lis bene-
ficia.

3. ME DUXIT ET REDUXIT SANUM. — Septem hic intentia Raphaelis beneficia recenseret Tobias. *Pri-*
mum est, quod eum in Medium duxerit et reduxerit in columem. *Secundum*, quod uxorem probam et divitem, scilicet Saram ei procurarit. *Tertium*, quod Asmodæum a se et Sara expulerit. *Quartum*, quod gaudium parentibus tam Tobiæ, quam Saræ attulerit. *Quintum*, quod se a devoratione piscis eripuerit. *Sextum*, quod patri cæco visum restituerit. *Septimum* quod bonis omnibus corpora-

libus et spiritualibus eum cumularit. Eadem cui libet homini præstat Angelus custos, cuius personam et officium hic in se suscepit et repræsentavit Raphael, uti ex Meditat. P. Vincentii Bruni falso hic ostendit Serarius, *Quæst. XX.*

5. TULERUNT IN PARTEM, — id est revocarunt eum seorsim in secretiorem domus partem, ut secretius, liberius et confidentius cum eo ageant. Ita Lyranus. Unde Raphael sevocatus « dixit eis occulte, » ut sequitur; volebat enim se-

Et Ange-
li custo-
dis.

vocari, ut seorsim se et secreta Dei eis panderet.

7. ETENIM SACRAMENTUM REGIS ABSCONDERE BONUM EST : OPERA AUTEM DEI REVELARE ET CONFITERI (laudare, celebrare et gratias agere), HONORIFICUM EST.

— « *Sacramentum*, » Graece μυστήριον, id est arcanum, sive secretum regis celare bonum est; quia a secreto pendet felix rei exsecutio, juxta illud Gellii, lib. X, cap. xxv : « Taciturnitas consiliorum thesaurus : »

Eximia est virtus præstare silentia rebus.

Tiberius Cæsar, rogatus cur sua consilia cum amicis non communicaret, respondit : Principis animum, aut nemini, aut paucis cognitum esse oportere; quia multi rimarum pleni sunt, et secreta quæ audierunt, effutiunt, ut Principem periclitari, aut prodi necesse sit. Ita Dionysius in Tiberio. Antigonus rex Macedoniæ Philippo filio roganti : « Quando castra movebimus? Quid, inquit? num metuis ne solus tubam non audias? » Ita Plutarchus in Apoph. regum. Metellus Macedonius amico cuidam roganti : « Quidnam aggredi animo destinasset? Tunicam, inquit, meam exurem, si eam consilium meum scire existimarem. » Ita Plinius, cap. LXI *De Viris illustribus*.

OPERA AUTEM DEI REVELARE ET CONFITERI HONORIFICUM EST,—ut ea cæteri audientes Dei clementiam, sapientiam et magnificentiam agnoscant, reverantur, colant et adorent. Unde S. Severus Episcopus Minoricæ, epist. *De Judaorum conversione* : « Cum Dei, inquit, opera revelare et confiteri honorificum esse Raphael Angelus moneat, profecto silere, vel celare opera Christi periculosum est. » Stephanus Pontifex apud Reginonem, anno Domini 753 : « Sicut, ait, nemo se debet jactare de suis meritis; sic nec debent opera Dei, quæ in illo per suos sanctos fiunt sine suis meritis sileri, sed prædicari, sicut Angelus monet Tobiam. »

Vers. 8. 8. BONA (melior) EST ORATIO CUM JEJUNIO ET ELEEMOSYNA, QUAM THESAUROS AURI RECONDERE. — Graeca etiam addunt : *Bonum est parum cum justitia, quam multum cum injustitia*. Hinc Patres et Theologi docent tria esse bonorum operum genera, scilicet orationem, jejunium et eleemosynam, ad quæ quasi capita cætera omnia reducantur. Oratio enim solvit debitum Deo, jejunium sibi, eleemosyna proximo. Rursum orationem solam invalidam esse, sed validam et efficacem fieri, si duabus aliis, quibus in cœlum ad Deum evolet, scilicet jejunio et eleemosyna armetur. Audi S. Cyprianum, tract. *De opere et eleemosyna*. Apud Salomonem legimus : « Conclude eleemosynam in corde pauperis, et hæc pro te exorabit ab omni malo. » Et iterum : « Qui obturat aures, ne audiatur imbecillum, et ipse invocabit Deum, et non erit qui exaudiatur eum. Neque enim promereri misericordiam Domini poterit, qui misericors ipse non fuerit, aut impetrabit de divina pietate aliquid in precibus, qui ad precem pauperis non fuerit humanus. Quod item in psalmis Spiritus

Sanctus declarat et probat, dicens : Beatus qui intelligit super egenum et pauperem, in die mala liberabit eum Dominus. Quorum præceptorum memor Daniel, cum rex Nabuchodonosor adverso somnio territus aestuaret pro avertendis malis, ad divinam opem impetrandam remedium dedit, dicens : Propterea, rex, consilium meum placeat tibi, et peccata tua eleemosynis redime, et injusticias tuas miserationibus pauperum, et erit Deus patiens peccatis tuis. Cui rex non obtuperans, aduersa quæ viderat et infesta perpassus est; quæ evadere et vitare potuisset, si peccata sua eleemosynis redemisset. » Idipsum confirmat, citans præsentem locum : « Raphael quoque Angelus paria testatur, et ut eleemosyna libenter ac largiter fiat, hortatur, dicens : Bona est oratio cum jejunio et eleemosyna; quia eleemosyna a morte liberat, et ipsa purgat peccata. Ostendit orationes nostras, ac jejunia minus posse, nisi eleemosynis adjuventur. Deprecationes solas parum ad impestrandum valere, nisi factorum et operum accessione sarcentur. Revelat Angelus et manifestat, et firmat eleemosynis petitiones nostras efficaces fieri, eleemosynis vitam de periculis redimi, eleemosynis a morte animas liberari. »

13. ET QUIA ACCEPTUS ERAS DEO, NECESSE FUIT UT *vera* TENTATIO PROBARET TE. — Tentatio enim et tribulatio patientiam et virtutem probat, conservat, auget, perficit. Dei enim gratia et amicitia indignus est, qui pro eo pati aduersa recusat, solumque in prosperis ei servit. Hinc externa Dei leges sancitum est illud Apostoli : « Omnes qui pie volunt vivere in Christo Jesu persecutionem patientur, » II Tim. III, 12. Vide dicta Jacobi I, 1 et seq. et Eccli. III. Videl id per umbram Seneca, lib. *De Providentia*, ubi causas assignat varias et graves, cur Deus viris probis afflictiones immittat, ac inter cætera aureas hasce dat gnomas, quasi gemmas, cap. I : « Deus virum bonum in deliciis non habet : experitur, indurat, sibi illum præparat, » cap. II : « Sicut tanta Mediterraneorum vis fontium non mutat saporem maris, neque remittit quidem; ita adversarum impetus rerum viri fortis non vertit animum. Manet in statu, et quidquid evenit, in suum colorem trahit. Est enim omnibus externis potentior; nec hoc dico, non sentit illa, sed vincit; et alioquin quietus, placidusque contra incurrentia attollitur. Omnia aduersa exercitationes putat. »

Et mox : « Athletæ gaudent cum fortissimis confligere, cedi, vexarique. Marcet sine adversario virtus. Non fert ullum ictum illæsa felicitas. Deus bonorum amantissimus, qui illos quam optimos et excellentissimos vult, fortunam illis, cum qua exerceantur, assignat. Ecce par Deo dignum, vir fortis cum mala fortuna compositus, utique si et provocavit. Non video, inquam, quid habeat in terris Jupiter pulchrius, si convertere animum velit, quam ut spectet Catonem; jam partibus non semel fractis, stantem nihilominus inter ruinas publicas erectum. »

Probi af-
fligun-
tur, cur?
Resp.
Gnoma.

Cap. III : « Nihil infelicius eo cui nihil unquam evenit adversi. Indignus visus est, a quo aliquando vinceretur fortuna, quæ ignavissimum quæcumque refugit, q. d. Quid ego istum mihi adversarium assumam? statim arma submittet. Igtem experitur in Mutio, paupertatem in Fabricio, exilium in Rutilio, tormenta in Regulo, venenum in Socrate, mortem in Catone. Magnum exemplum nisi mala fortuna non invenit. Infelix est Mutius, quod dextera ignes hostium premit; et ipse a se exigit erroris sui pœnas? quod regem quem armata manu non potuit, exusta fugat? » Et inferius : « Prospera in plebem, ac vilia ingenia deveniunt; ac calamitates terroresque mortalium sub jugum mittere, proprium magni viri est. Calamitas virtutis occasio est: gaudent magni viri aliquando rebus adversis, non aliter quam fortis milites belli triumpho. Avida est periculi virtus. Gubernatorem in tempestate, in acie militem intelligas. Nihil cogor, nihil patior invitus, nec servio Deo, sed assentio. Quare probi dura patientur, ut alios pati doceant. Nati sunt in exemplar. Aliis bona falsa circumdedi, et animos inanes velut longo fallacie somnio lusi. Auro illos, argento et ebore ornavi, intus boni nihil est. Vobis dedi bona certa, mansura; quanto magis versaverit aliquis, et undique inspexerit; tanto videbit meliora, majora, quæ permisi vobis, metuenda contemnere, cupienda fastidire. Non egere felicitate, felicitas vestra est. » Ac tandem concludens, ait : « Ferte fortiter, hoc est, quo Deum antecedatis. Ille extra patientiam malorum est, vos supra patientiam. Contemnite paupertatem. Nemo tam pauper vivit, quam natus est. Contemnite dolorem, quia aut solvetur, aut solvet. Contemnite mortem; aut finit, aut transfert vos. Contemnite fortunam; nullum illi telum quo feriret animum, dedi. »

Vers. 15.

15. EGO ENIM SUM RAPHAEL ANGELUS UNUS EX SEPTEM, QUI ADSTAMUS ANTE DOMINUM. — Hinc patet Raphaelem esse unum e primis Angelis, qui quasi principes aulæ cœlestis Deo proxime assistunt, de quibus fuse egit Apocal. I, 4. Græca addunt : *Ego sum unus de septem, qui offerunt orationes sanctorum, et ambulant ante majestatem sancti.* Hisce septem ergo incumbit cura generis humani. Alii exponunt : unus e septem, id est, unus e multis. Adstare ante Dominum multa significat, ut recte advertit Andreas Victor, lib. *De Custodia Angel.* pag. 43. Primo, adstant Angeli, quando loquuntur cum Deo postulantes divinum lumen, ut cognoscant quæ sit in aliqua re agenda ejus voluntas. Secundo, adstant Angeli, dum pia opera, sacrificia, eleemosynas, preces humanas offerunt Deo. Tertio, adstant, cum parati sunt ad obsequendum divinæ voluntati, quasi milites prompti parati ad bellum, si bellum ex divino nutu gerendum sit, et quasi servi parati ad munera obeunda ad quodcumque imperium Dei. Quarto, adstant Deo judici, hominum causas contra dæmonum accu-

sationes agentes, sententiamque exspectantes. Quinto, adstant, dum Deum laudant, uti Isaías cap. VI, Seraphim stantes aspexit, Deum miris iis vocibus laudantes : Sanctus, Sanctus, etc. Sexto, adstare, est divinum vultum intueri, et inde summæ felicitatis latices haurire, quod vel in empyreō accedit cœlo, ubi peculiari singulari modo thronus fulget divinus, vel in aliis quibuscumque locis, in quibus omnibus Deus est : et sic ubicumque sint boni Angeli, semper adstant Deo; quia semper Deo fruuntur. Hinc fit ut dicantur recedere et redire; quia ad ministeria missi recedunt quidem ab empyreis sedibus; sed summam felicitatem non amittunt, et illuc ad Dei nutum revertuntur. Septimo, adstare, stricte et presse ad eos Angelos attinet, qui ad ministeria externa mitti non solent; sed rationes rerum faciendarum in Deo contuentes, inferiores Angelos ea munera executuros docent atque illuminant; unde distinguuntur Angeli in assistentes et ministrantes. Assistunt Seraphin, Cherubin, Throni, Dominationes; ministrant quinque alii ordines, et de his alibi agentes probavimus etiam aliquando mitti. Hinc Raphael ait se adstare Deo. Nam adstare ante Deum non tantum significat esse in cœlis, quod commune est omnibus Angelis, sed indicat in ministerio quamdam principalitatem, ait Toletus in cap. I *Lucæ.*

16. CUNQUE HAEC AUDISSENT, TURBATI SUNT, ET Vers. 16.
TREMENTES CECIDERUNT SUPER TERRAM IN FACIEM SUAM — ex reverentia et sacro horrore. Nam, ut aiebat S. Antonius : « Metus non tantum ex pavore animi, quantum ex magnarum rerum sæpe incutitur aspectu. »

17. DIXITQUE EIS ANGELUS : PAX VOBIS, NOLITE Vers. 17.
TIMERE. — Hinc Patres docent Angelicæ apparitionis signum esse, si primo horror incutiat, deinde consolatio et lætitia ingeratur; nam contrarium facit dæmon. Audi Bedam in cap. I *Lucæ :*

Angeli
boni si-
gnum
est, si
post se re-
linquat
quietem;

« Sieut, ait, humanae fragilitatis est spiritalis creaturæ visione turbari, ita et Angelicæ benignitatis est, paventes de aspectu suo mortales mox blandiendo solari; ast contra dæmoniacæ est feritatis, quos sua præsentia territos senserint, ampliore semper horrore concutere. » Et S. Antonius, teste S. Athanasio, in ejus Vita : « Cum bonus Angelus, inquit, bonis hominibus appareat, etiamsi initio inusitato aspectu timorem injiciat, ad extremum, consolationem et animi tranquillitatem relinquit. » Et rursum : « Sanctorum Angelorum amabilis et tranquillus aspectus; quia non contendunt, neque clamant, neque audit aliquis vocem eorum. Verum tacite leniterque properantes, gaudium, exultationem, fiduciam pectoribus infundunt, siquidem cum illis est Dominus, qui est fons et origo lætitiae. Tunc mens nostra non turbida, sed lenis et placida Angelorum luce radiatur; tunc anima cœlestium præmiorum aviditate flagrans, effracto, si posset, humani corporis domicilio, et membris exone-

Angeli
adstant
Deo sep-
tupli-
ter.

rata mortalibus, cum his quos videt, abire festinat ad celum; horum tanta benignitas est, ut si quis pro conditione fragilitatis humanæ, intro fuerit eorum fulgore perterritus, omnem contineat, si nū ex corde auferant metum; » deinde dæmonum apparentium contraria hæc dat indicia: « pessimorum autem vultus truces, sonitus horridi, sordidi cogitatus, plausus, motusque indisciplinatorum adolescentum, vel latronum, e quibus confestim timor animæ, sensibus stupor induitur, odium Christianorum, monachorum moeror tediumque, suorum recordatio, metus mortis, cupidio nequitiae, lassitudo virtutis, cordis hebetatio. Si igitur post timorem horrore concepto successerit gaudium, et ad Deum fiducia, atque ineffabilis charitas, venisse sciamus auxilium; quia securitas animæ præsentis majestatis indicium est. »

19. VIDEBĀR QUIDEM VOBISCUM MĀNDUCĀRE. — Reversa enim Raphael non manducabat; quia manducatio est actio vitalis, qua anima cibum in ore vitaliter masticat, ac ex ore in stomachum, ut ab eo concoquatur, vitaliter trajicit. Raphael autem, cum non informaret corpus assumptum, vitaliter

in illud non trajiciebat cibum, sed in illud perinde ac in saccum quemdam cibum injiciebat, quem deinde in vaporem et aerem resolvebat.

SED EGO CIBO INVISIBILI, etc., UTOR, — nimirum Cibus Deus, Deique visio et fruitio est cibus Angelorum, quo deliciantur, et beantur jugiter.

Angelorum est Deus.

20. ET NARRATE OMNIA MIRABILIA EJUS. — Græcus Vers. 20. habet: *Scribite omnia quæ facta sunt in libro; unde liquet Tobiam Raphaeli obedientem hanc historiam conscripsisse, ac hujus libri esse auctorem, uti habent Græca, cap. seq., 1. Hebræa uberioris habent: Nunc ergo, ait, scribite vobis omnia hæc verba in libro, et erit in testimonium inter vos et Deum vestrum omnibus diebus vite vestræ. Et hoc verbum sit in signum, et in testimonium in omnem generationem et generationem. Et vos benedicite Dominum, et confitemini memorie sanctitatis ejus. Et nunc dimittite me, et revertar ad Deum, qui misit me ad vos.*

21. ET CUM HÆC DIXISSET, AB ASPECTU EORUM ABLATUS EST, — corpus a se assumptum dimittendo, ac in aerem, vel vaporem, ex quo condensato illud efformarat, per rarefactionem resolvendo, uti docent Scholastici cum Divo Thoma, I parte, Quæst. LI.

CAPUT DECIMUM TERTIUM.

SYNOPSIS CAPITIS.

Tobias laudat Deum, ac versu 11 de Jerusalem felicitate et gloria præclare vaticinatur.

1. Aperiens autem Tobias senior os suum, benedixit Dominum, et dixit: Magnus es, Domine in æternum, et in omnia sæcula regnum tuum; **2.** quoniam tu flagellas et salvas: deducis ad inferos, et reducis, et non est qui effugiat manum tuam. **3.** Confitemini Domino, filii Israel, et in conspectu gentium laudate eum; **4.** quoniam ideo dispersit vos inter gentes quæ ignorant eum, ut vos enarretis mirabilia ejus, et faciatis scire eos, quia non est alias Deus omnipotens præter eum. **5.** Ipse castigavit nos propter iniquitates nostras: et ipse salvabit nos propter misericordiam suam. **5.** Aspicite ergo quæ fecit nobiscum, et cum timore et tremore confitemini illi: regemque sæculorum exaltate in operibus vestris. **7.** Ego autem in terra captivitatis meæ confitebor illi: quoniam ostendit majestatem suam in gentem peccatricem. **8.** Convertimini itaque, peccatores, et facite justitiam coram Deo, credentes quod faciet vobiscum misericordiam suam. **9.** Ego autem, et anima mea, in eo lætabimur. **10.** Benedicite Dominum, omnes electi ejus: agite dies lætitiae, et confitemini illi. **11.** Jerusalem civitas Dei, castigavit te Dominus in operibus manuum tuarum. **12.** Confidere Domino in bonis tuis, et benedic Deum sæculorum, ut reædificet in te tabernaculum suum, et revocet ad te omnes captivos, et gaudeas in omnia sæcula sæculorum. **13.** Luce splendida fulgebis, et omnes fines terræ adorabunt te. **14.** Nationes ex longinquo ad te venient; et munera deferentes, adorabunt in te Dominum, et terram tuam in sanctificationem habebunt. **15.** Nomen enim magnum invocabunt in te. **16.** Maledicti erunt qui tempserint te, et condemnati erunt omnes qui blasphemaverint te; benedictique erunt qui ædificaverint te. **17.** Tu autem lætaberis in filiis tuis; quoniam omnes benedicentur, et con-

gregabuntur ad Dominum. 18. Beati omnes qui diligunt te, et qui gaudent super pace tua. 19. Anima mea, benedic Dominum, quoniam liberavit Jerusalem civitatem suam a cunctis tribulationibus ejus Dominus Deus noster. 20. Beatus ero, si fuerint reliquiae seminis mei ad videndam claritatem Jerusalem. 21. Portae Jerusalem ex sapphiro et smaragdo aedificabuntur: et ex lapide pretioso omnis circuitus murorum ejus. 22. Ex lapide candido et mundo omnes plateae ejus sternetur, et per vicos ejus alleluia cantabitur. 23. Benedictus Dominus, qui exaltavit eam, et sit regnum ejus in saecula saeculorum super eam. Amen.

Vers. 1. 1. BENEDIXIT DOMINUM. — Graece: *Scripsit orationem in exaltationem, et dixit.*

Vers. 5. 5. IPSE SALVABIT NOS PROPTER MISERICORDIAM SUAM. — Graeca addunt: *Et congregabit nos ex omnibus gentibus, ubi dispersit nos inter eas. Si conversi fueritis ad eum in toto corde vestro, et in tota anima vestra, ut faciatis ante eum veritatem (justitiam, id est opera justa et sancta), tunc convertetur ad vos, et non abscondet faciem suam a vobis.*

Vers. 7. 7. OSTENDIT MAJESTATEM SUAM IN GENTEM PECCATRICEM, — q. d. Ostendit Deus augustam et divinam suam potentiam, justitiam et vindictam in gentem Israeliticam, castigando ejus idololatriam per excidium et captivitatem Assiriacam, ac rursus magnificam suam in eum clementiam ostendit ejus miserendo, eumque ex captivitate in patriam reducendo.

Vers. 11. 11. JERUSALEM CIVITAS DEI, CASTIGAVIT TE DOMINUS; — tum quia multos Judaeos jam cum Manasse impio rege e Jerusalem captivos abduxerat in Babylonem; tum quia paulo post cum Joachim et Sedecia reliquos eodem abducet per Nabuchodonosor; loquitur enim de futuro, quasi de praeterito, ob prophetiae certitudinem.

Vaticinium Tobiae de Jerusalem terrestri et caelesti. Nota: Tobias ab hoc versu usque ad finem capitatis, et cap. seq. vers. 7, 8 et 9, prophetat de excidio Jerusalem faciendo per Nabuchodonosor, et de ejus templique restauratione post 70 captivitatis annos facienda per Cyrum; sed ita ut more propheticus a Jerusalem urbe Judaeae assurgat allegorice ad Ecclesiam Christianam in Jerusalem a Christo erigendam, et ab ea anagogice avolet ad Ecclesiam triumphantem in celis, cuius Jerusalem erat figura et typus. Idem facit Isaias, cap. LX, LXV et LXVI. Itaque hoc vers. et seq. sub typo Jerusalem, partim jam desolatae ob idola Manassis, ut colligitur ex IV Regum, cap. XXXIII, vers. 10 et 11; partim plane desolandae et evertendae sub Sedecia, iterum restaurandae et ad majorem gloriam evehendae per Esdram, Nehemiam, Zorobabel et Cyrum, prophetat Ecclesiæ veteris innovationem et restaurationem per Christum, maxime quia Ecclesia Christiana coepit Jerosolymis in Sion; et quia una omnium aetatum fuit Ecclesia, licet varios habens status; unde vers. 14, praedicit vocationem gentium et diffusionem Ecclesiæ per totum orbem: sed vers. 21, anagogice rapitur ad Ecclesiam caelestem, sive ad statum, quem Ecclesia militans habebit in celis, ubi erit triumphans. Unde alludit S. Joannes, Apocal. XXI, ubi

Ecclesiam triumphantem per Schema Jerusalem gloriose depingit, ut ibidem fuse explicui.

IN OPERIBUS, — id est propter opera, puta propter tua idola et scelera abduxerat, id est abducet et in Babylonem.

13. LUCE SPLENDIDA (Evangelii et prædicationis Vers. 13. Christi, ejusque Apostolorum) FULGEbis, ET OMNES FINES TERRÆ ADORABUNT TE. — Prædictit conversionem omnium gentium ad Christum, quæ Ecclesiam, quasi Christi sponsam adorarunt, id est humillime venerati sunt et coluerunt, ac venerantur et colunt. Idem prædictit Isaias, cap. XLIX, vers. 23: « Vultu, ait, in terram demisso adorabunt te, et pulverem pedum tuorum lingent. »

14. ET TERRAM TUAM IN SANCTIFICATIONEM (id est Vers. 14. ut sanctam, et a Christo ac Apostolis sanctificatam) HABEBUNT.

20. BEATUS ERO, SI FUERINT RELIQUIÆ SEMINIS MEI Vers. 20. (puta nepotes et posteri mei) AD VIDENDAM CLARI- TATEM JERUSALEM; — tum quam ei afferet Cyrus ad litteram, tum quam ei mystice afferet Christus in hac vita et magis in futura.

21. PORTÆ JERUSALEM. — Hæc omnia a vers. 19, Vers. 21; et deinceps spectant proprie ad Ecclesiam glorio- sam in celis; hanc enim ibidem dicit fabrican- dam ex sapphiro, smaragdo, omniisque lapide pre- cioso, per quæ figurate non aliud significatur quam pulchritudo, suavitas, majestas, claritas et æternitas beatitudinis celestis, utuse declaravi Apocal. XXI. Porro Graeca hoc loco sic habent: *Edificabitur Jerusalem Sapphiro et smaragdo, et la- pide pretioso muri tui, et turres, et propugnacula in auro mundo; et plateæ Hierusalem in beryllo et carbunculo, et lapide ex Sophr tessellabuntur.* Addit Hebreus: *Reges Tharsis et insulæ munera offerent, Reges Arabum et Saba dona adducent.*

22. PER VIROS EJUS ALLELUIA CANTABITUR. — « Al- Vers. 22. leluia » Hebraice idem est quod laudate Dominum. Alleluia ergo est vox laudis, exultationis et jubili, quam beati jugiter peragunt in celo. Unde S. Augustinus, serm. 151 De Temp., qui est de Paschate: « Tempus mœroris, inquit, quod significant dies quadragesimæ, et significamus et habemus. Tempus autem lætitiae, et quietis, et regni, quod significant dies isti, significamus per alleluia, sed nondum habemus laudes. Sed nunc inspiramus ad alleluia. Quid est alleluia? Laudate Deum. Sed nondum habemus laudes, in Ecclesia frequentan- tur laudes Dei post resurrectionem, quia nobis erit perpetua laus post resurrectionem nostram, »

CAPUT DECIMUM QUARTUM.

SYNOPSIS CAPITIS.

Tobias moriturus prædicit excidium Ninives æque ac Jerusalem, ejusque restorationem ac gloriam per vocationem gentium ad Christum et celestem felicitatem. Tobias ergo junior ē Ninive abit Ecbatana, ibique moritur et sepelitur.

1. Et consummati sunt sermones Tobiæ. Et postquam illuminatus est Tobias, vixit annis quadraginta duobus, et vidit filios nepotum suorum. 2. Completis itaque annis centum duabus, sepultus est honorifice in Ninive. 3. Quinquaginta namque et sex annorum lumen oculorum amisit, sexagenarius vero recepit. 4. Reliquum vero vitæ suæ in gaudio fuit, et cum bono profectu timoris Dei perrexit in pace. 5. In hora autem mortis suæ vocavit ad se Tobiam filium suum, et septem juvenes filios ejus nepotes suos, dixitque eis : 6. Prope erit interitus Ninive : non enim excidit verbum Domini : et fratres nostri, qui dispersi sunt a terra Israel, revertentur ad eam. 7. Omnis autem deserta terra ejus replebitur, et domus Dei, quæ in ea incensa est, iterum reædificabitur : ibique revertentur omnes timentes Deum, 8. et relinquent gentes idola sua, et venient in Jerusalem , et inhabitabunt in ea, 9. et gaudebunt in ea omnes reges terræ, adorantes regem Israel. 10. Audite ergo , filii mei, patrem vestrum : Servite Domino in veritate, et inquirite ut faciat quæ placita sunt illi : 11. et filiis vestris mandate ut faciant justias et eleemosynas, ut sint memores Dei, et benedicant eum in omni tempore in veritate et in tota virtute sua. 12. Nunc ergo , filii, audite me, et nolite manere hic : sed quacumque die sepelieritis matrem vestram circa me in uno sepulcro , ex eo dirigite gressus vestros ut exeatis hinc : 13. video enim quia iniquitas ejus finem dabit ei. 14. Factum est autem post obitum matris suæ, Tobias abscessit ex Ninive cum uxore sua, et filiis, et filiorum filiis, et reversus est ad soceros suos, 15. invenitque eos incolumes in senectute bona : et curam eorum gessit , et ipse clausit oculos eorum : et omnem hæreditatem domus Raguelis ipse percepit : vidiisque quintam generationem , filios filiorum suorum. 16. Et completis annis nonaginta novem in timore Domini , cum gaudio sepelierunt eum. 17. Omnis autem cognatio ejus , et omnis generatio ejus , in bona vita et in sancta conversatione permansit , ita ut accepti essent tam Deo quam hominibus , et cunctis habitantibus in terra.

Vers. 1. 1. ET POSTQUAM ILLUMINATUS EST TOBIAS, VIXIT ANNIS 42, — scilicet ab anno ætatis 60 usque ad 102, ut sequitur.

Vers. 2. 2. COMPLETIS ITAQUE ANNIS CENTUM DUOBUS SEPULTUS EST HONORIFICE IN NINIVE, — scilicet in loco exsilii. Huc enim translatus erat a Salmanasar rege Assyriorum, quorum metropolis erat Ninive. Discent hic sancti se in mundo tanquam in exsilio vivere et mori , ac perinde non curent in patria apud suos mori et sepeliri. Nam :

Omne solum fortis patria est, ceu piscibus æquor :

et ut ait Thomas Morus in *Utopia* : « Undique ad superos tantumdem est viæ. »

3. QUINQUAGINTA NAMQUE ET SEX ANNORUM LUMEN OCULORUM AMISIT (in Ninive) SEXAGENARIUS VERO RE-

CEPIT. — Tobias, ut dixi in procemio, anno sexto Ezechiae, quo cum reliquis Israelitis ductus est in Assyriam, erat 39 annorum; ergo anno 25 Ezechiae agens annum ætatis 46 excæcatus est; anno vero 27 Ezechiae agens annum 60 visum recepit, ac postea duobus adhuc annis sub Ezechia (n.c. enim regnavit 29 annis) vixit, deinde sub Manasse annis 40, ac quadragesimo Manassis anno obiit, ante excidium Jerosolymæ per Chaldæos anno 70.

Porro Græca plures annos Tobiæ tribuunt. Asserunt enim eum excæcatum anno ætatis 158. Verum ex decreto Concilii Tridentini, Sess. IV vulgata Latina ut canonica Scriptura nobis se- quenda est, non Græca.

5. IN HORA AUTEM MORTIS SUÆ VOCAVIT AD SE TOBIAM FILIUM SUUM , — ut ei ultima daret monita,

qui et oracula de excidio Ninives et gloria Jerusalem. Idem fecit Isaac Patriarcha moriturus, Gen. xxvii, 27, et Jacob, Gen. xl ix, et Moses, Deuter. xxxiii. Plato censuit animam in morte quasi e corpore elevari ad divina, ut futura subinde divinare subinde præsentiat et prænuntiet occulto quodam naturæ instinctu et signis prognosticis; sicut aves, oves et boves ex signis aeris immutati præsentient pluvias et tempestates. Unde Cicero, lib. I *De Divinatione*: « Appropinquante morte, ait, multo est animus divinior. Nam et id ipsum vident, qui sunt morbo gravi et mortifero affecti, instare mortem. Itaque his occurruunt plerumque imagines mortuorum; tumque vel maxime laudi student; eosque qui secus quam decuit, vixerunt, peccatorum suorum tum maxime pœnitent. Divinare autem morientes etiam illo exemplo confirmat Possidoniūs, quod affert: Rhodium quemdam sex æquales nominasse, et dixisse, qui primus eorum, qui secundus, qui deinceps moriturus esset. » E nostris vero Arnobius, lib. II *Contra gentes*: « Morti, ait, vicini maxime valeamus scientia, ita ut de futuris vaticinemur, ut proditum est a Platone in *Apologia Socratis* dixisse Socratem. » S. Gregorius, lib. IV *Dialog.* cap. xxv, hanc causam naturalem probat, et aliam supernaturalem adjungit. « Ipsa, inquit, aliquando animarum vis, subtilitate sua, aliquid prævidet. Aliquando autem exitura de corpore animæ, per revelationem futura cognoscunt. Aliquando vera jam dum juxta fit, ut corpus deserant divinitus afflatæ in secreta cœlestia incorporeum mentis oculum mittunt. »

Porro certum est Tobiam hic vi non naturali, sed divina afflatum prædixisse excidium Ninives æque ac Jerosolymæ, ejusque et templi restaurationem et gloriam; nulla enim signa prognostica habebat, ex quibus id ipsum colligere vel conjectare posset: unde a S. Ambrosio, libro *De Tobia*, ipse Propheta nuncupatur. Vide dicta proœmio in *Prophetas minores*, cap. xxi.

6. PROPE ERIT INTERITUS NINIVE. — Ninive saepius capta et vastata est; primo, ab Arbace Medo, qui Sardanapalum in Ninive regnante obsedit, et ad sui urbisque incendium adegit: id factum est ante Tobiam sub Ozia rege Juda, avo Ezechiae, teste Eusebio et aliis; secundo, sub finem regni Ezechiae; nam sub annum Ezechiae 14, ab Angelo in Iudea cæsus est Sennacherib, cui mox successit filius Asarhaddon, qui decem annis regnavit, in eoque desiere reges Ninives. Nam successit ei Merodach Baladan, qui subacta Ninive (ut videtur), imperium in Babylonem transtulit, ideoque in Scriptura post Asarhaddon nulli reges Assyriorum, sed tantum Babyloniorum nominantur. Hoc quoque Ninives excidium antecessit mortem Tobiæ, et consequenter hoc ipsius de eversione Ninives oraculum, quod ipse moriens edidit anno 4 Manassis, qui Ezechiae patri in regno successit. Tertio, multi putant Niniven reflorescentem rursum eversam esse a Cyaxare Medo et Nabuchodonosor seniore,

qui fuit pater Nabuchodonosoris Magni, sub anno 13 Josie regis Juda; et de hoc excidio hic loqui Tobiam. Ita S. Hieronymus, Eusebius et alii. Verum Nahum, cap. II, vers. 1, ostendit Niniven eversam esse a Nabuchodonosor juniore quinto anno post excidium Jerosolymæ.

Porro Graeca hic addunt: *Vade in Medium, fili, quia credidi, quaecumque locutus est Jonas propheta de Ninive, quod subvertetur. In Media autem magis erit Pax usque ad tempus.*

NON ENIM EXCIDIT VERBUM DOMINI, — editum a Jona propheta, ut habent Graeca de excidio Nineve, licet enim Ninivitæ ad prædicationem Jonæ pœnitentes excidium sibi ab eo comminatum evaserint, tamen mox in pristina scelera relabentes, idem incurrerunt, uti post Jonam eisdem prædixit Nahum, cap. II, sed de oraculo Nahum hic non agit Tobias, quia diu ante eum vita functus est.

ET FRATRES NOSTRI, QUI DISPERSI SUNT A TERRA ISRAEL, REVERTENTUR AD EAM. — Multi enim ex decem tribubus prævidentes, vel jam sentientes excidium Ninives, ex ea profugerunt, et non pauci ex eis redierunt in terram Israel. Alii veri Dei cultus studiosi junxerunt se tribui Judæ, et cum ea in unum Juda regnum coaluerunt, ut dixi in *Esdra et Paralip.*

7. OMNIS AUTEM DESERTA TERRA EJUS (Israel) REPLEBITUR (incolis ad eam postliminio revertentibus) **ET DOMUS DEI, QUAE IN EA INCENSA EST, ITERUM REÆDIFICABITUR.** — « Incensa est, » id est incendetur a Chaldæis; loquitur prophetice de futuro, quasi de præterito ob futuri certitudinem. Unde Graeca habent in futuro: *Fratres nostri dispergentur, et Jerusalem erit deserta, et domus Dei in ea comburetur, et deserta erit usque ad tempus: et iterum miserebitur eorum Deus, et convertet eos in terram. Et ædificabunt domum non qualis prior, usquequo compleantur tempora sæculi. Et post hæc revertentur de captivitatibus et ædificabunt Hierusalem honorifice, et domus Dei in ea ædificabitur. Et in omnes generationes sæculi, ædificatio gloria, sicut locuti sunt de ea prophetæ. Et omnes gentes convertentur vere ad timendum Dominum Deum, et confidient idola sua.*

9. ET GAUDEBUNT IN EA REGES OMNES TERRÆ ADORANTES REGEM ISRAEL, — id est adorantes Christum; nec enim post redditum e captivitate fuit alius rex Israel quem adorarint omnes reges terræ; Christo autem omnes gentes et reges servierunt.

10. SERVITE DOMINO IN VERITATE, — id est vere, sincere, scilicet vero, sincero, recto, integro, totoque corde, non ficto, non falso, non dimidiato, non diviso, ut dimidiata cordis animique partem Deo detis, alteram diabolo, puta idolis et cupiditatibus. Veritas ergo hic opponitur mendacio, superstitioni, hypocrisi, fictioni et simulationi. Ita Serarius.

11. UT FACIANT JUSTITIAS, — id est opera justa, pia et sancta. In Graeco additur insigne exemplum Achiachari, qui Tobiæ ex fratre fuit nepos, ut dixi

cap. i, ac Manassis ejusdam, quod scilicet ambo ab impio et ingratu Aman in famæ et vitæ discrimen fuerint conjecti, sed sua pietate et eleemosynis evaserint; Aman vero alitus ab Achiacharo in idem incidit, sic enim habet: *Et nunc, fili, abi ex Ninive, quoniam omnino erunt quæ locutus est propheta Jonas. Tu autem serva legem et præcepta, et esto amator eleemosynarum et justus, ut tibi bene sit; et sepeli me bene, et matrem tuam mecum; et non ultra maneatis in Ninive. Fili, vide quid fecit Aman Achiacharo, qui nutritivit eum ut e luce duxit eum in tenebras, et quanta retribuit ei. Et Achiacharus quidem salvatus est, illi vero retributio data est, et ipse descendit in tenebras. Manasses in eleemosyna erat, et salvatus est de laqueo mortis quem fixerunt ei; Aman autem incidit in laqueum, et periit. Et nunc, fili, vide quid eleemosyna facit, et quomodo justitia liberat.*

Quis fuerit hic Aman incertum est; certum est non fuisse Aman hostem Mardochæi et Esther: hic enim Tobia longo tempore fuit posterior. Quis etiam fuerit hic Manasses ignoratur. Aliqui putant fuisse maritum Judith; nam tempus consentit, sed locus dissentit, ait Salianus; vixit enim Judith tempore Tobiæ, inquit ipse, sed in Bethulia Judææ, non in Ninive et Assyria, ubi vixit hic Manasses, de quo agit Tobias.

Vers. 14. **14. TOBIAS ABSCESSIT EX NINIVE,** — fugiens ejus excidium. Ex Ninive profectus est in Mediam ad sacerum suum Raguel habitantem in Ecbatanis. Ubi nota miram Dei erga Tobiam providentiam, quæ primo sub annum Ezechiae 27 Tobiam per Raphaelem direxit in Mediam et Ecbatanam, ut inde educeret Saram, et pecuniam a Gabelo recipere, antequam Ecbatana vastaretur, itaque utrumque periculo ereptum in tuto poneret. Nam paulo post vastata est Ecbatana sub Manasse filio Ezechiae, ait Bellarminus et Salianus, de quo plura in procario Judith.

Secundo, cum postea Ecbatana reflorescente excidium imminaret Ninive et Assyriæ, jussit Tobiam inde excedere, et in Ecbatanam ad sacerum tendere, ut illi in senio adesset, morienti oculos clauderet, et hæreditatem totam adiret. Si tanta cura Deus providit amicis suis de bonis corporalibus, quanta providebit de spiritualibus, cœlestibus et æternis?

Vers. 16. **16. ET COMPLETIS ANNIS 99 IN TIMORE DOMINI (mortuorum) CUM GAUDIO SEPELIERUNT EUM.** — Esto enim filii ejus et nepotes dolerent de ejus morte, gaudebant tamen quod tam longam, fortunatam sanctamque vitam simili prorsus morte concluderet, cum deinceps illi jam prope centenario nil aliud in hac vita exspectandum esset, quam labor et dolor. Mori enim in senectute plena, honorata, pacifica et prospera æque ac pia et sancta, ingens, imo extremum est hujus vitæ bonum. Mortuus est ergo Tobias junior sub annum 16 Josiae regis Juda; in hunc enim annum incidit 99 vite ejus annus, et sepultus est in Ecbatana Me-

dorum urbe. Græca addunt: *Obiit autem et ipse annorum centum viginti septem, in Ecbatanis Mediae. Et audivit antequam moreretur ipse destructionem Ninives quam in captivitatem cepit Nabuchodonosor et Assuerus, et gavisus est, antequam moreretur, super Ninive.*

Assuerus hic a multis censemur esse Cyaxares pater Astyagis, quia fuit avus maternus Cyri primi Persarum monarchæ. Qui enim Hebraice vel Chaldaice vocatur Assuerus, Græce vocatur Axares, Oxyares et Axares, cui præponitur *Cy*, vel *Cu*, quod Persice principem significat. Salianus vero per Assuerum accipit Phraortem patrem Cyaxaris, qui Dejoci in regno Medorum successit. Assuerus enim commune fuit regum Medorum nomen.

Dices: Quomodo Tobias junior ante mortem potuit videre excidium Ninives, cum ipse juxta Latinum textum obierit anno ætatis 99, qui incidit in annum 16 Josiae; juxta Græcum vero obierit anno ætatis 127, qui incidit in annum secundum, cuius undecimo postea anno vastata est a Chaldæis Jerusalem, ac post quinque annos Ninive, ut dixi *Nahum* II, 5. Respondeo primo, hæc verba, quod Tobias viderit excidium Ninives, non esse in vulgata Latina, quam probavit Concilium Tridentinum, sed in textu Græco, in quo plura addita sunt, quæ discrepant, imo contrariantur Latinæ vulgatae, ac proinde non videntur certa, sed ab aliquo inserta, ut quod vers. 4 et 8, ait Tobiam seniorem octo annos fuisse cæcum, et *An Tobias videbit excidium Ninives?* vixisse annos 158, cum Vulgata asserat eum quatuor duntaxat annos fuisse cæcum, et vixisse annos 102. Tobiæ juniori hic dat annos 127, cum Vulgata tantum det 99. Quare nobis sequenda est Vulgata, non Græca. Ac proinde verius non *Responso.* videtur Tobiam non vidiisse excidium Ninives, præsertim cum Græca hic varient. Complutensia enim Tobiæ dant 127 annos; S. Athanasius vero in *Synopsi* 107 duntaxat; juxta Vulgatam mors Tobiæ antecessit excidium Ninives 47 annis; juxta Græcum vero 14 annis.

Secundo, S. Hieronymus, Eusebius et alii censemur Secundo. Niniven excisam anni 13 Josiae, ac sic Tobias id videre potuit: mortuus est enim anno 16 Josiae.

Tertio, licet verius sit Niniven excisam anno Tertio. quinto post excisam a Chaldæis Jerusalem, tamen sub annum 13 Josiae cœpit obsideri et vastari. Nam, ut ait Herodotus, lib. I, Cyaxares cœpit obsidere Niniven (sub Josia), sed invadentibus Mediam Scythis, obsidionem intermisit per 28 annos, post quos cum Nabuchodonosor juniore obsidionem resumens, et instaurans, Niniven cœpit et vastavit anno quinto post excidium Jerusalem, tumque Nabuchodonosor se fecit monarcham: quare hic fuit primus annus monarchiæ ejus. Unde Hebrei in *Seder Olam* dicunt id contigisse anno primo non regni, sed monarchiæ Nabuchodonosoris, qui regni ejusdem fuit annus 24; cœpit enim ipse regnare anno quarto Joakim regis Juda. Et

hoc videntur voluisse S. Hieronymus et Eusebius, scilicet quod Cyaxares, cum Nabuchodonosor seniore cœperit obsidere et vastare agros Ninives, sub annum 13 Josiæ, idque audierit Tobias ante mortem, sed post 28 annos, cum Nabuchodonosor juniore obsidionem resumens, Niniven expugnarit. Unde Graeca habent Tobiam audiisse, non excidium, sed ἀπόλλειαν, id est perditionem Ninives; quia scilicet audivit ipse ita eam obsideri et vastari, ut evadere non posset, sed necessario perdenda, id est capienda et evertenda foret, quare τὸ quam captivavit, idem est quod capere cœpit; significatur enim actus inchoatus, non perfectus.

Quarto. Quarto, Serarius, Salianus et alii respondent sœ-

pius captam et spoliatam esse Niniven, dum ipsa certans cum Babylonis et Medis de imperio, jam vincebat, jam ab eis vincebatur: quare incertum esse de qua Ninives perditione loquatur hic Tobias.

Denique Serarius 99 Tobiæ junioris annos computat a morte patris, scilicet senioris Tobiæ, quibus addens annos 68 quibus cum patre Tobias in captivitate vixit, ac faciens eum duorum annorum, quando in captivitatem venit, conficit eum universim vixisse 164 annos, ita ut perfigerit ad annum 24 Nabuchodonosoris, quo eversa est Nive, itaque eam eversam esse audire potuerit; sed haec ætas illo ævo nimia et plane paradoxa videtur.

COMMENTARIA

IN JUDITH.

ARGUMENTUM

Liber Ju-
dith est
Canoni-
cus. Hic liber apud Hebreos non exstat in Canone S. Scripturæ, sed apud Christianos. Concilium Ni- cænum I eum inter Canonicos S. Scripturæ libros recenset, uti refert S. Hieronymus in prologo. Idem fecit Concilium Carthaginense III, cap. XLVII, Concilium Florentinum et Tridentinum. Vide Bellarminus, lib. I *De verbo Dei*, cap. XII. Hinc Josephus, quia Hebreus, non meminit Judith, sicut nec Tobiae. Exstat Græce æque ac Latine. An Græcus textus hic, æque ac in Tobia, sit ex transla- tione Septuaginta interpretum ambigitur. Certe S. Hieronymus, nec ejus nec illorum meminit. Videtur primitus Chaldaeo sermone conscriptus, sicut et liber Tobiae. Unde S. Hieronymus in pro- logo asserit se eum e Chaldaeo transtulisse, addit- que : « Accipite Judith viduam, castitatis exem- plum, et triumphali laude perpetuis eam præco- niis declarate. Hanc enim non solum feminis, sed et viris imitabilem dedit, qui castitatis ejus remunerator, virtutem ei talem tribuit, ut invictum omnibus hominibus vinceret, et insuperabilem superaret. » Auctor videtur fuisse Joacim Pontifex coævus Judith, imo ejus director : uti censem Hebrei, et ex eis Sixtus Senensis, lib. VIII, *Hæresi xi*, licet nil certi hac de re asseverari possit, ut ait S. Isidorus, lib. VI *Originum*, cap. II.

Argu-
mentum. Argumentum libri est victoria Judith de Holo- ferne et Assyriis, per quam allegorice repræsen- tatur victoria B. Virginis de diabolo, ait ex Ful- berto Carnotensi noster Canisius, lib. I *Martialis*, cap. II; tropologice triumphus animæ fidelis de carne et vitiis, ait Rabanus. Denique tres libri sunt partes. Prima describitur Judæorum pericu- lum a cap. I usque ad VIII; secunda, eorum per Judith liberatio a capite VIII ad cap. XV, vers. 9; tertia, quæ deinde secuta sunt a cap. XV usque ad finem.

Quando contigit historia Judith. Multi probabiliter arbitrantur eam contigisse ante captivitatem Babyloniam, sub Manasse rege Juda: nimurum postquam Manasses cum suis Judæis e carcere Babylonio dimissus in Jerusalem et regnum rediit; tunc enim apud Medos potentissimus fuit Dejoces qui Ecbatana ædificavit. Ninive nondum erat diruta, nondum etiam Jerosolyma; at-

que a tempore Manassis perpetua fuit pax Judæis, usque ad finem regni Josiæ. Ita censem Bellarminus loco citato, Serarius, Salianus, Genebrardus, Pererius in cap. I *Danielis*, Cano, lib. XI *De Locis*, cap. VI, Christophorus a Castro in *Osee ii*, vers. 20. Nabuchodonosor ergo hic mittens Holofernem quem occidit Judith, fuit cognatus, vel filius, ut vult Serarius, vel gener Asarhaddonis filii Sennacherib, qui proinde Asarhaddoni in regno Ninive successit; aut certe fuit Merodach Baladan rex Babylonis, ait Bellarminus et Salianus, qui devicto Asarhaddone regnavit in Ninive, ac cum Arphaxad, id est Dejoce rege Medorum conligens, eum superavit, indeque ad monarchiam orbis aspirans, misit Holofernem qui cæteras gentes sibi subjugaret.

Resp.
Primo,
sub Ma-
nasse.

Alii ex adverso censem historiam Judith conti- gisse post redditum Judæorum e captivitate Baby- lonica, multasque ac validas pro hac sententia afferunt rationes : prima, quia in hac historia asseritur Pontifex tunc fuisse Joacim; nullus au- tem hoc nomine fuit Pontifex, nisi Joacim filius Jesu filii Josedec, post redditum ex Babylone; Je- sus enim fuit Pontifex sub Cyro, Cambyses et Da- rio, Joacim sub Xerxe, Eliasib sub Artaxerxe, ut patet *Nehem. XIII*, vers. 4, 6, 7, et *Ecli. XL*, 14, juncto cum *Aggæi I*, 1 et seq., et ex Josepho, lib. X *Antiq. cap. XI*, ubi ex tabulis publicis catalogum Pontificum texuit.

Secundo
et ve-
rius sub
Xerxe.
Prob.
prime.

Dices : libro IV *Regum*, cap. XVIII, vers. 17, et *Isaiæ XXII*, tempore Ezechiæ regis nominatur Eliacim (qui idem est cum Joacim) filius Helciæ præpositus domus, et inter præcipuos numeratur sa- credotes. Respondeo : Eliacim hic non fuit sum- mus Pontifex, uti nec Helcias pater ejus; sed fuit aliquis e primariis sacerdotibus, sive e principi- bus sacerdotum, cui templi et portarum ejus cura commissa fuit, ut patet ex Scriptura et ex Jose- pho, ex quibus liquet unum duntaxat Helciam fuisse Pontificem, non tempore Ezechiæ, sed multo post tempore Josiæ, de quo IV *Regum* xxiii, 4.

Secunda, quia temporibus Xerxes optime con- veniunt ea quæ cap. V, dicuntur de nupero Judæo- rum e captivitate redditu. Item quod cap. VI, Ju- dæi non dicuntur reges habere, sed duces populi

Partes.

Quando contigit
historia Judith.

Oziam et Charmi; si enim sub Manasse haec contigissent, utique Judith hoc suum facinus cum rege Manasse, non cum Pontifice Joacim, Ozia et Charmi tractasset, nec Joacim misisset milites qui occuparent fauces montium, sed Manasses. Rursum sub Manasse Bethulia erat deserta ab Israelitis abductis in Assyriam, et habitabatur a Cuthaeis. Adhæc ævo Xerxis congruit quod cap. v, vers. 27, magnates Holofernus dicunt de filiis Israel eos jam esse inermes, imbellies, et belli inexpertes, ideoque se montibus et præcipitiis defendere, ut dicitur cap. vii, 8, et quod cap. ult. additur de diuturna pace post hanc Judith victoriā consecuta. Ita censem Sanchez hic, Tornielius et Ribera in cap. ii *Nahum*, *Lyrapus*, Dionysius, Hugo hic, imo S. Augustinus, lib. XVIII *De Civit.* cap. xxvi, Eusebius in *Chron.* ad annum mundi 4674, Beda, *De sex Ætat. mundi*, Berosus Annianus, et communiter Hebrei, ut refert *Chron. Alexandr.* item Suidas verbo *Holofernes*, et Africinus apud Suidam.

Postquam enim Xerxes sæpe a Græcis victus fuit, ac præsertim turpissimam illam cladem apud Thermopylas a Leonida et trecentis sociis accepit anno imperii sui quinto, cœpit suis esse contemp-tui, ait Justinus, lib. III. Quare Arphaxad rex Medorum, qui hucusque Xerxi et Persis fuerat vectigalis et tributarius, hac occasione Xerxis et Persarum jugum excussit, ac fines regni sui propaga-gavit. Fecit idem Nabuchodonosor, cui vel ipse Xerxes, vel quod magis reor, Darius Hystaspis pater Xerxis regnum Ninives et Assyriorum cre-diderat, qui proinde configens cum Arphaxad, eumque superans, cœpit monarchiam ambire. Quare Nabuchodonosor hic non est ille magnus Chaldæorum monarca, auctor captivitatis Baby-lonicæ; sed longe posterior eo, Assyrius scilicet, vel Babylonius, unus e principibus Xerxis; Na-buchodonosor enim nomen est Babylonum sive Chaldæum, ac forte a Nabuchodonosor Magno noster hic nomen hoc suum, forte etiam genus et stirpem accepit.

Hinc conjectura est, causam cur Xerxes Judæis tantopere fuerit benevolus, ut scribit Josephus, lib. XI, cap. v, adeo ut filius ejus Artaxerxes anno septimo regni sui miserit Esdram, et anno 20 Ne-hemiam ad restaurandam Jerusalem cum libera-lissima et amplissima potestate; causam, inquam, hujus benevolentiae fuisse, quod videret Xerxes hunc Nabuchodonosor, hostem suum et æmulum imperii, jam recenter a Judæis fuisse profligatum.

Dices: Tempore Xerxis desolata erat Ninive: jam enim a Magno Nabuchodonosor excisa fuerat quinto anno post excisam Jerusalem, ut dixi *Tobiæ ultimo cap.* Respondeo Niniven paulo post excidium reædificatam fuisse; quia antiquissima et nobilissima erat civitas, idque permissu regum Babyloniorum vel Persarum, ut ex historiis fac-tum constat de Babylone, Jerusalem, Antiochia, Roma, etc.; alias objectiones solvam cap. IV, vers.

3, et cap. VIII, vers. 1, vel cap. IX, vers. 2. Deni-Sexta que hanc sententiam pene evincit id quod cap. v, 22 et seq. dicitur sub hoc tempus desertam fuisse Jerusalēm, ac templum eversum et solo æquatum. Hoc enim non contigit sub Manasse, sed sub Se-decia in captivitate Babylonica.

Ex dictis constat quod Nabuchodonosor, qui misit Holofernem, non fuerit Darius Hystaspis, ut vult Gerardus Mercator in sua chronologia; nec Artaxerxes Ochus, ut vult Severus Sulpitius; nec Cambyses filius Cyri, qui inchoatam sub Cyro fabricam templi impeditivit, I *Esdræ iv*, eo quod Judæi suum ducem Holofernem occidissent, ait Berosus Annianus, idque innuit S. Augustinus, lib. XVIII *De Civit. xxvi*, et Eusebius: nam Cambyses septem annis duntaxat regnavit: Nabuchodo-nosor autem anno 12 regni misit Holofernem; sed vel fuit Xerxes, ut opinatur Sanchez, qui dic-tus fuit Nabuchodonosor ob similem illi super-biam et fastum: unde Judith ejus victrici occi-nuerunt Judæi, cap. xvi, 12: « Horruerunt Persæ constantiam ejus, et Medi audaciam ejus. » Aut potius fuit præfector Principibus Xerxis, qui ejus vice gubernabat Niniven, ut dixi. Videtur enim fuisse origine Babylonius; hoc enim innuit nomen ejus Nabuchodonosor, quod est Babylonum. Ar-phaxad vero fuit præfector, vel rex Mediae Xerxi vectigalis; sed victo a Græcis Xerxe, uterque Xerxi rebellavit, et provinciæ suæ se regem absolutum fecit. Sic enim eidem Xerxi rebellavit Artabanus, ac forte ipse est Arphaxad. Audi Justinum, lib. III in *Princ.*: « Xerxes, ait, Rex Persarum, terror ante gentium, bello in Græcia infeliciter gesto, etiam suis contemptui esse cœpit. Quippe Arta-banus præfector ejus, deficiente quotidie regis majestate, in spem regni adductus est. »

Simili modo Arbaces constitutus a Sardanapalo Mediæ præfector, illi effeminato rebellavit, dicens se non posse parere illi, qui se feminam mallet esse quam virum: quare illum obsedit, et ad sui incendium coegit, ut superius dixi (1).

(1) Haud prætermittendum putamus hanc doctissimi Interpretis nostri opinionem, licet multis et validis, ut dicit, momentis stabilitam, nec tamen communiorem nec probabilem esse. Nam fere omnes SS. Patres et interpretes, ante captivitatem omnia hæc evenisse op-nantur, licet in tempore certe assignando valde inter se dissentiant. Et revera, nulli opinionum istarum quæ post captivitatem huic historiæ tempus quærunt assentiendum esse, probatur imprimis, ut asserit Serarius, quia vel Hierosolyma tunc temporis nulla erat, vel paulatim reædificabatur; quia templum etiam tum vel prostratum jacebat, vel nonnisi sensim excitabatur. Deinde sub extrema Persicæ monarchiæ tempora, licet aliquo jam modo et Hierosolyma et templum reslorescerent, nihilominus tamen nullus tum Eliacim erat pontifex; Assyriorum sceptrum conciderat; Medorum regnum satrapia jam erat; omnia denique una Persicorum monarchorum ditione atque dominatu tenebantur. At vero, ut videbi-mus infra, cap. IV, 2 et 6; XV, 9; XVI, 22, stat templum, viget Hierosolyma, pontificatum gerit Eliacim; et cap. I, Assyriorum rex adhuc est, Ninive triumphat, Media

Nabucho-donosor hic quis?

Porro Judith fuit ex tribu Simeon, uti ipsa asserit cap. ix, vers. 2; habitavit in Bethulia, quæ est in tribu Zabulon; vixit 105 annis, ut patet ex fine libri; fuit ipsa matrona et genere et forma nobilis, statu vidua, ætate florens, opibus locu-

regni adhuc dignitatem et quidem præpotentis obtinet, e contrario Babyloniorum hic regum nulla mentio.

Sententiae quæ ante captivitatem omnia hæc evenisse opinatur, apprime concordant historiæ profanæ documenta. Nam Arphaxad ille, de quo cap. i, ex communi consensu est ille qui ab historicis vocatur Aphra-ortes, vel Phra-orte, Dejocis regis Medorum filius. Nabuchodonosor vero sic dictus ex recepto Babyloniorum regum nomine, quia Babylonæ simul et Assyriæ thronum obtinebat, est Assarhadonis liberorum quispiam, qui Phraortem, vel Aphraortem, vel Arphaxad in Ragau debellavit. D. de Saucy in opere cui titulus : *Chronologia biblica imperiorum Ninives, Babylonis et Echatarum*, satis fausta probat contra auctores operis vulgo nuncupati : *Ars di-gnoscendi tempora et epochas*, illum Nabuchodonosorem sicut a Ptolomæo dictum, non esse Saoduschin, sed Khip-al-adan, qui ab anno ante Christum 647 ad annum 635, id est duodecim annos regnavit, et anno undecimo regni sui, ut dicitur cap. i, 5, « pugnavit contra Arphaxad et obtinuit eum. »

Cuinam vero tempori ante captivitatem hæc historia assignanda, difficile definiri potest. Huic omnes fere hujus sententiae fautores post profligatum Sennacherib exercitum locum dant; sed an Manasses, an Josiæ, an Se-deciæ temporibus non præsiniunt. Quidam recenter affirmavit totam hanc historiam per interregnū quod Amasiæ mortem subsecutum fuit, evenisse, et sic rationem dant quorumdam factorum quæ in alijs sententiis difficilius explanantur : verbi gratia, cur de rege qui tunc regnum Juda obtineret, absolute tacet auctor, et solummodo de sacerdote magno et presbyteris populi mentionem facit; cur Eliacim dum Judæis animos dat, victorias ex Amalec, Pharaone, etc., reportatas memorando, de Sennacherib nuper devicto nihil dicit; cur Holophernes diligenter exquirit de populo Hebræorum quis sit, quantæ sint civitates eorum, quæ sit virtus, quæ multitudo, vel quis rex militiæ eorum, etc., cap. v, 3 et 4. Quæ omnia post profligatum Sennacherib exercitum, Assyrios ignorare, haud facile concipitur, etc., etc.

plex, pietate præstans, cujus eximia forma cum pari virtute certabat, quam proinde Deus ad hoc heroicum facinus et Israelis liberationem elegit. Bellarminus censem eam, cum occidit Holofernem, fuisse 40 annorum, Serarius 45, Torniellus 53, Gretserus 40, Salianus 33. Audi S. Hieronymum, epist. 10 ad Furiam : « Legimus Judith viduam confectam jejuniis, et habitu lugubri sordidatam, quæ non lugebat mortuum virum, sed squalore corporis, sponsi quærebat adventum. Video armatam gladio manum, cruentam dexteram; recognosco caput Holofernisi, de mediis hostibus reportatum. Vincit viros femina, et castitas truncat libidinem; habituque repente mutato, ad victrices sordes reddit omnibus sæculi cultibus mundiores. »

Porro Patres Judithæ eximia dant elogia. Clemens Alexandrinus vocat eam « consummatam, sive perfectam in mulieribus, » lib. IV Stromatum, cap. vi. Origenes, homilia 9 in Judith : « Magnificam, et omnium seminarum nobilissimam. » Ambrosius, libro III De Offic. cap. xiii : « Mirabilem feminam. » S. Fulgentius, epist. II, cap. XIV : « sanctam viduam » sepius appellat, « præclaram natalibus, facultatibus divitem, ætate juvenem, specie mirabilem, divitiarum contemptricem, delicias respuentem, carnis incentivâ calcantem, et indutam virtute ex alto. » D. Ambrosius, lib. De Viduis : « Diuturnis mœroribus, et quotidianis roboratam jejuniis, sanctam Judith. » Divus Augustinus, serm. De Temp. 228 : « sanctissimam Judith, cujus precibus patuit cœlum, quæ orationis arte arma victricia fabricavit. » Et infra : « Ecce gloriosæ feminæ castitatem servavit oratio. » D. Chrysostomus, hom. 9 ex variis : sanctissimam Juditham, quæ dum lætitia vultus jejuniū texit, de hoste triumphum ac victoriam reportavit. » Tertullianus, lib. De Monach. cap. xvii : « Nec Judith, inquit, filia Meraris, nec tot alias sanctorum. »

CAPUT PRIMUM.

SYNOPSIS CAPITIS.

Arphaxad ædificat Ecbatana; vincitur a Nabuchodonosor rege Ninives, qui victoria superbis omnes gentes ad deditio[n]em sollicitat; sed iis repugnantibus, ipse omnes debellare destinat.

1. Arphaxad itaque rex Medorum subjugaverat multas gentes imperio suo, et ipse ædificavit civitatem potentissimam, quam appellavit Ecbatanis, 2. ex lapidibus quadratis et secundis : fecit muros ejus in latitudinem cubitorum septuaginta , et in altitudinem cubitorum triginta : turres vero ejus posuit in altitudinem cubitorum centum. 3. Per quadrum vero earum, latus utrumque vicenorum pedum spatio tendebatur, posuitque portas ejus in altitudinem turrim : 4. et gloriabatur quasi potens in potentia exercitus sui, et in gloria quadrigarum suarum. 5. Anno igitur duodecimo regni sui : Nabuchodonosor rex Assyriorum, qui regnabat in Ninive civitate magna, pugnavit contra Arphaxad, et obtinuit eum 6. in campo magno, qui appellatur Ragau, circa Euphraten, et Tigrin, et Jadason, in campo Erioch regis Elicorum. 7. Tunc exaltatum est regnum Nabuchodonosor, et cor ejus elevatum est : et misit ad omnes, qui habitabant in Cilicia, et Damasco, et Libano, 8. et ad gentes quæ sunt in Carmelo, et Cedar, et inhabitantes Galilæam in campo magno Esdrelon, 9. et ad omnes qui erant in Samaria, et trans flumen Jordanem usque ad Jerusalem, et omnem terram Jesse, quo usque perveniatur ad terminos Æthiopiæ. 10. Ad hos omnes misit nuntios Nabuchodonosor rex Assyriorum. 11. Qui omnes uno animo contradixerunt, et remiserunt eos vacuos, et sine honore abjecerunt. 12. Tunc indignatus Nabuchodonosor rex adversus omnem terram illam, juravit per thronum et regnum suum, quod defenderet se de omnibus regionibus his.

Vers. 1. 7. ARPHAXAD ITAQUE REX MEDORUM. — Tò itaque partim est nota exordii historiæ, sive libri ; hoc enim denotat Hebræum *vau*, id est, *et itaque*, ut dixi *Ezechielis I, 1*. Sic Cicero suas epistolas subinde orditum ita : « Tu igitur, tu vero, ego vero ; » partim significat hanc historiam acceptam et resectam esse ex priscis diariis, sive chronicis Hebræorum, in quibus hæc historia subnectebatur historiis priorum temporum, ac per tò itaque iis connectebatur. Ita Serarius.

Arphaxad hic, sive Areapad, idem est quod Arbaces. Unde Serarius et alii per Arphaxad intelligunt Arbacem, qui occiso Sardanapalo regem se Mediae fecit, de quo plura vers. 5.

Secundo. Alii cum Bellarmino et Saliano censem Arphaxad esse Dioclem sive Dejocem, qui tempore Manassis regis Juda Medis imperavit. Dejoci enim successit Phraortes, inquit Herodotus, Phraorti Cyaxares, Cyaxari Astyages avus Cyri, licet Ctesias apud Diodorum, alias pluresque Medorum reges assignet.

Porro Dejoces ædificavit Ecbatanam, teste Herodoto, Eusebio et aliis, licet Genebrardus per

Arphaxad hic accipiat Cyaxarem, Salianus Phraor- Tertio.

Tertio, alii qui sub Xerxe contigisse hanc historiam arbitrantur, putant Arbacem fuisse præfectum Mediæ, qui a Niniue, vel Dario, Hystaspis nomen et titulum regiæ dignitatis obtinuit ; omnes enim reges Mediæ a primo rege Arbace nomen acceperunt, et cognominati sunt Arbaces, sive Arbacidæ, sicut Romani Imperatores a Julio Cæsare dicti sunt Cæsares ; Ægyptii a primo Ptolemaeo Ptolemæi ; Græci a primo rege Seleuco dicti sunt Seleucidæ ; Parthi a primo Arsace dicti sunt Arsacidæ.

Porro « Arphaxad » Hebraice idem est quod *debilitans, quasi depopulationem*, ait Pagninus, idque apte. Ipse enim suis superbis fabricis et quadrigis debilitavit, exhausit, et quasi depopulatus est populum, ideoque spoliatus et subjugatus fuit a Nabuchodonosor.

IPSE ÆDIFICAVIT CIVITATEM POTENTISSIMAM QUAM APPELLAVIT ECBATANIS. — Usurpatur subinde nomen Ecbatanis vel Ecbatana, quasi indeclinabile. Hanc urbem jam ante fuisse constat. Unde Dio-

dorus, lib. II, asserit eam ante Semiramidem existisse, dum ait post ædificatam Babylonem huc illam venisse, magnifica ibi palatia excitasse, et cum etiam aquarum inopia laboraret urbs, in eam, Oronte monte, qui duodecim stadiis abest, perfosso, aquæ abundantiam derivasse.

Dicitur tamen hic Arphaxad eam ædificasse, quia eam novis palatiis, turribus, muris auxit et ornavit. Unde Graeca habent : *Edificavit in Ecbatanis muros circumcirca ex lapidibus sectis.*

Sic Nabuchodonosor ait se Babylonem condidisse, id est, ornasse et amplificasse, *Dan.* IV, 27. Nam primus turrim Babel et Babylonem condidit Nemrod cum sociis, *Genes.* cap. x. Sic Romulus dicitur condidisse Romam, cum tamen Virgilius dicat, *Eneid.* VIII :

Tum rex Evandrus Romanæ conditor arcis.

Vera. 2. **2. EX LAPIDIBUS QUADRATIS ET SECTIS.** — Græca addunt : *latis cubitos tres; longis vero sex.*

FECIT MUROS EJUS IN LATITUDINEM CUBITORUM 70 (immanis fuit hec murorum latitudo, in qua proinde multæ quadrigæ simul incedere et decurrere poterant), ET IN ALTITUDINEM CUBITORUM 30, — Græca habent 50.

Vera. 3. **3. PER QUADRUM VERO EARUM (turrium) LATUS UTRUMQUE VICENORUM PEDUM SPATIO TENDEBATUR,** — id est, quodlibet latus turrium cum altero sibi obverso et opposito, hoc est, singula quatuor latera turrium erant viginti pedum. Erat enim quadratum geometricum, cuius omnia latera sunt æqualia. Pro vicenorum pedum, Græca habent, *sexaginta cubitorum.*

Vera. 4. **4. ET GLORIABATUR QUASI POTENS.** — Hæc fuit causa belli, nimirum superbia et dominandi libido, qualis fuit priscorum monarcharum Assyriorum, Babyloniorum, Persarum, Græcorum et Romanorum : unde bellum civile inter Pompeium et Julium Cæsarem exortum est, quod Pompeius nollet Cæsarem sibi parem, Cæsar nollet Pompeium se superiorem. Similis est gloriatio Thrasonis illius apud Senecam ita jactantis :

Ac qualis astris grandior, et cunctos super
Altum superbo vertice attingens polum;
Dimitto superos; summa votorum attigi.
O me, cœlitum excelsissimum,
Regumque regem! vota transcendì mea.

Vera. 5. **5. ANNO IGITUR DUODECIMO (cœpit hoc bellum, sed finitum anno 17; si credimus textui Græco, qui ait bellum hoc sex annos durasse) REGNI SUI NABUCHODONOSOR.** — Quæres quis fuit hic Nabuchodonosor? Primo Zonaras et Genebrardus censem fuisse magnum illum Nabuchodonosor, qui Jerusalem cum templo evertit, et Judæos in Babylonem abduxit. Verum hic regnavit in Babylone, non in Ninive, ut hic dicitur, vicitque Judæos, cum hic ab eis per Judith victus sit.

Secundo, Bellarminus et Salianus censem esse Merodach Baladan (quem Ptolomæus in Alma-

gesto vocat Mardocempad) qui regnavit quidem in Babylone; sed victo Asarhaddone rege Ninives, regni sui sedem in eadem Ninive fixit, uti fecit Turca Constantinopoli, postquam eam cepit. Nabuchodonosor enim nomen fuit commune regibus Chaldæorum. Unde Nabonassar in tabulis Alphonsinis, et ab Albitegno semper vocatur Nabuchodonosor. Vide Serarium hic, *Quæst.* IV. Idem enim, vel fere idem est utrumque nomen : unde nonnulli putant hunc Nabuchodonosorem patrem fuisse Nabuchodonosoris illius qui pater fuit Nabuchodonosoris Magni, qui Judæos in Babylonem abduxit.

Tertio, Serarius inidem censet Nabuchodonosorem hunc fuisse filium Asarhaddonis, qui patri vita functo in regnum Ninives et Assyriorum successerit. Addit Serarius, cui astipulantur Genebrardus, Pererius et alii, Asarhaddon, sive Sarphedon, ut habent Septuaginta, esse Sardanapalum : quare hunc Nabuchodonosor fuisse filium Sardanapali, qui patris necem ulcisci volens, Arbacem Mediae præfectum, qui patrem ad necem et incendium coegerat, bello subegerit, regnoque et vita privarit. Quare Arbacem hic vocari Arphaxad, a Diodoro vero et Ctesia vocari Dioclen.

Favet Diodorus, lib. III, cap. i, dicens Sardanapalum, cum videret imminere sibi Ninivæque excidium ab Arbace, suos filios ex Ninive emisisse in Paphlagoniam ad ejus præfectum Cottum, ut Arbaci manus evaderent. Audi Diodorum : « Obsesso in urbe (Ninive) rege (Sardanapalo), multæ nationes, libertatis cupidine, ad Arbacem defecerunt. Rex magno in discrimine regnum versari videns, filios tres, duasque filias cum magna auri argenteique copia in Paphlagoniam ad Cottum præsidem misit. » Inter hos tres filios fuit hic Nabuchodonosor, qui adjutus a præfecto Paphlagoniæ armata manu Niniven, regnumque paternum recepit, ac Arbacem vicit et occidit. Sane si historiam Judith ante captivitatem Babyloniam sub Manasse contigisse dicamus, hæc sententia valde videtur verisimilis : tunc enim regnavit Asarhaddon, qui si fuit Sardanapalus, utique tunc quoque in Media regnavit Arbaces ; hic enim victo cæsoque Sardanapalo, regem se Mediæ effecit. Verum si dicamus historiam Judith (ut dixi in procemio) post captivitatem Babyloniam contigisse, consequenter asserendum est Nabuchodonosor hunc, vel fuisse Cambysem Cyri filium, ut opinatur S. Augustinus, Eusebius, Beda et alii ; unde chronica Alexandrina. « Aiunt, ait, Cambysem apud Hebræos secundum Nabuchodonosorem nuncupari, » quia ab utroque afflicti fuere ; vel Darium Hystaspis, ut vult Sanchez. Xerxes enim adeo suis copiis et viribus intumuit, ut putaret se non tantum terræ, sed et aquis marique imperare posse. Audi Herodotum, lib. VII : « Est ex Abydo ad ulteriorem continentem septem stadiorum trajectus, quem pontibus junctum ingens adorta tempestas ea omnia

dirupit atque dissolvit. Quod cum audisset Xerxes, indigne ferens, jussit trecenta Hellesponto verbera infligi, et in ejus pelagus par compedium dimitti. Jam audivi misisse quoque cum his, etiathⁱ qui stigmata Hellesponto infurerent, dicentes barbara verba : *Dominus tibi haec irrogat pœnam, quod eum læsisti.* » Idem refert Valerius Maximus, lib. III, cap. II; et addit ad hæc minatum esse cælo tenebras, quod sibi inimicum fuisse et injurium. Quid stultius, insolentius et arrogatius? Verum quia Xerxes regnavit in Perside, non in Ninive, ac Judæis fuit amicus et benevolus, teste Josepho, adeo ut filius ejus Artaxerxes Esdram et Nehemiam in Judeam remiserit ut Jerusalem reædificarent; quod utique non fecisset, si pater ejus Xerxes tam turpiter in suo ducē Holoferne a Judæis fuisse cæsus. Sañe verius videtur Nabuchodonosor hunc fuisse aliquem e principibus et præfectis Xerxis, cui ob merita, robur et potentiam Xerxes, vel potius pater Xerxis Darius Hystaspis, regnum Ninives et Assyriæ concesserit, sed sub vectigali et tributo: qui videns Xerxem cæsum a Græcis tributum hoc negavit, seque regem absolutum effecit, ac sensim crescens armis, viribus et gentibus, Arphaxad regem Mediæ invaserit et superarit. Origine et gente videtur fuisse Babylonius (hoc enim indicat nomen ejus Nabuchodonosor, quod est Chaldæum) ac forte fuit nepos, vel potius abnepos, aut cognatus Nabuchodonosoris Magni, ideoque nomen ejus usurpavit.

Porro « *Nabuchodonosor* » Hebraice idem est quod *coarctans generationem angustia*, ait Pagninus in *Nomin.* Hebr. idque apte. Ipse enim coarctavit Judæos cæterasque gentes, et ad extrema rededit, ut patet ex seq.

NABUCHODONOSOR REX ASSYRIORUM, QUI REGNABAT IN NINIVE. — Additur hoc, ut distinguatur a Nabuchodonosor magno, qui regnauit in Babylone, ideoque Monarchiam a Ninive et Assyriis ad Babylonem et Chaldæos transtulit: quanquam vicina erat Ninive Babyloni, et Assyrii Chaldæis, ideoque ex Assyriis orta est monarchia Chaldæorum: quare cum ea quasi una eademque censemur. Hinc et Nabuchodonosor nomen est partim Chaldæum, partim Assyrium. *Nabo* enim erat nomen idoli Chaldaeorum: *Asar* erat nomen regum Assyriorum, ut patet in Salmanasar, Teglatphasar, Asarhaddon, quæ ex Asar conflata sunt.

PUGNAVIT CONTRA ARPHAXAD, ET OBTINUIT EUM, — id est, cepit eum, et jaculis confudit. Græca enim sic habent: *In bello suo roboratus est Nabuchodonosor, et omnem Arphaxadi potentiam, et omnem equitatum ejus, et omnes currus ejus evertit; et ipsius urbium dominus factus est, et Ecbatanam usque pervenit, et potitus est ejus turribus, plateasque vastavit; et ipsius ornatum ad ejus opprobrium rededit.* Et cepit Arphaxadum in montibus Ragau, et jaculis eum suis confixit, eumque prouersus perdidit, et exterminavit usque ad diem illam. Meruit hanc

stragem superba gloriatio Arphaxad in suis copiis et quadrigis: nam, ut ait Seneca in *Hercule*:

Sequitur superbos ulti^o à tergo Deus.

Idem in Thyeste:

Vos, quibus rector maris atque terræ
Jus dedit magnum necis atque vitæ,
Ponite inflatos tumidosque vultus;

Et mox:

Quem dies vidit fugiens superbum;
Hunc dies vidit fugiens jacentem:
Nemo confidat nimium secundis.

Quocirca Artabanus rex Xerxi (sub quo hæc contigerunt, imo quem Sanchez censet fuisse Nabuchodonosor) hoc prudens dedit monitum: « Vides ut animalia prægrandia fulmine ferit, neque cogitationibus insolescere sinit Deus: quæ vero parvula sunt, ne tantillum quidem vellicat? Vides ut in maxima ædificia et arbores, ejusmodi semper tela contorquet? Amat enim Deus incidere, sive truncare, quæ eminent omnia. » Et causa subditur: « Neminem enim sinit magni quidpiam de seipso sentire, præter seipsum. »

Quid Nabuchodonosor, parta hac victoria, egredit, Græcus sic enarrat: *Reversus est ipse cum ipsis* (suis copiis Niniven) *et omnis qui ad eum sese aggregarat exercitus, virorum bellatorum multitudo ingens admodum, et erat illic otians, epulisque vacans, et tam ipse quam ejus exercitus, ad dies centum et viginti.*

7. TUNC EXALTATUM EST REGNUM NABUCHODONOSOR, Vers. 7. ET COR EJUS ELEVATUM EST, — ut omnibus se fortiorum existimans, ambiret monarchiam, et omnes gentes sibi subjugare decerneret. Vere Seneca in *Troad.* :

Regi frenis nequit
Et ira, et ardens hostis, et victoria,
Gladiusque felix, cuius infecti semel
Vecors libido est.

ET MISIT AD OMNES, — legatos, qui postularent, ut omnes gentes se Nabuchodonosori victori subjicerent. Hæc aliter narrantur in Græco, scilicet quod Nabuchodonosor ante victoriam de Arphaxad miserit nuntios ad omnes vicinas gentes opem contra Arphaxad flagitans: qua a gentibus negata, ipsum jurasse se illas excisurum; mox pugnasse cum Arphaxad, anno regni sui 17; eumque viciisse, et jaculis confixisse, ac Ecbatanam evertisse; deinde cum triumpho rediisse in Niniven, ibique otio et luxui se dedisse per 120 dies. Verum authentica nobis esse debet vulgata Latina editio, illique Græca vel concilianda est, si potest; si non potest, abjicienda: hoc loco potest conciliari. Potuit enim Nabuchodonosor bis misisse nuntios, scilicet primo ante pugnam, ut habet Græca; secundo post pugnam, ut habet Vulgata.

Vers. 8. **8. ET AD GENTES, QUÆ SUNT IN CARMELO ET CEDAR, ET INHABITANTES GALILÆAM.** — Græca plures gentes enumerant. Hinc liquet Nabuchodonosor non fuisse Xerxem. Huic enim ut monarchæ parebant pleræque gentes, ac in primis Galilei : nam ex Esdra et Nehemia constat Dārium patrem Xerxis et Artaxerxem filium Xerxis misisse in Judæam Nehemiam et alios duces, qui suo nomine Judæos gubernarent.

Vers. 11. **11. QUI OMNES UNO ANIMO CONTRADIXERUNT, ET REMISERUNT EOS VACUOS, ET SINE HONORE (imo cum ignominia, ut habet Græcus) ABJECERUNT.** — Hoc est plus merebatur fastus ex victoria insolecentis Nabuchodonosoris, ut sicut ipse straverat arrogiam Arphaxad, sic et ipsius insolentia

tia a Judith sterneretur, et a gentibus rideretur.

12. JURAVIT PER THRONUM ET REGNUM SUUM, QUOD DEFENDERET (id est, ulcisceretur) se. — Putabat enim ingentem injuriam et ignominiam sibi a gentibus esse illatam, ideoque ad suum honorem ab eis laesum recuperandum et defendendum, se debere hoc probrum et bello et excidio ulcisci : uti hodie multi censem se ad defensionem honoris sui, debere eos, qui illum contumelia aliqua læserunt, ulcisci et occidere. Sed hic est paralogismus mundi, et mendax spiritus diaboli. Sic defendere sumitur pro vindicare, cap. ix, vers. 2, et ab Apostolo, Rom. xii, 19 : « Non vos defendentes, » id est vindicantes, « charissimi. » Vide ibi dicta.

CAPUT SECUNDUM.

SYNOPSIS CAPITIS.

Nabuchodonosor, approbante bellico consilio, mittit Holofernem, ut gentes Occidentales armis sibi subjiciat.

1. Anno tertio decimo Nabuchodonosor regis, vigesima et secunda die mensis primi factum est verbum in domo Nabuchodonosor regis Assyriorum, ut defenderet se. 2. Vocavitque omnes majores natu, omnesque duces, et bellatores suos, et habuit cum eis mysterium consilii sui : 3. dixitque cogitationem suam in eo esse, ut omnem terram suo subjugaret imperio. 4. Quod dictum cum placuisset omnibus, vocavit Nabuchodonosor Rex Holofernem principem militiae suæ, 5. et dixit ei : Egredere adversus omne regnum Occidentis, et contra eos præcipue qui contempserunt imperium meum. 6. Non parcer oculus tuus ulli regno, omnemque urbem munitam subjugabis mihi. 7. Tunc Holofernes vocavit duces, et magistratus virtutis Assyriorum, et dinumeravit viros in expeditionem, sicut præcepit ei rex, centum viginti milia peditum pugnatorum, et equitum sagittariorum duodecim millia. 8. Omnemque expeditionem suam fecit præire in multitudine innumerabilium camelorum cum his quæ exercitibus sufficerent copiose, boum quoque armenta, gregesque ovium, quorum non erat numerus. 9. Frumentum ex omni Syria in transitu suo parari constituit. 10. Aurum vero, et argentum de domo regis assumpsit multum nimis. 11. Et profectus est ipse, et omnis exercitus cum quadrigis, et equitibus, et sagittariis, qui cooperuerunt faciem terræ, sicut locustæ. 12. Cumque pertransisset fines Assyriorum, venit ad magnos montes Ange, qui sunt a sinistro Ciliciæ, ascenditque omnia castella eorum, et obtinuit omnem munitionem. 13. Effregit autem civitatem opinatissimam Melothi, prædavitque omnes filios Tharsis, et filios Ismael, qui erant contra faciem deserti, et ad austrum terræ Cellon. 14. Et transivit Euphratem, et venit in Mesopotamiam : et fregit omnes civitates excelsas, quæ erant ibi, a torrente Mambre usquequo perveniat ad mare : 15. et occupavit terminos ejus a Cilicia usque ad fines Iaphet, qui sunt ad austrum. 16. Abduxitque omnes filios Madian, et prædavit omnem locupletationem eorum, omnesque resistentes sibi occidit in ore gladii. 17. Et post hæc descendit in campos Damasci in diebus messis, et succedit omnia sata, omnesque arbores et vineas fecit incidi : 18. et cecidit timor illius super omnes inhabitantes terram.

Vers. 4. **1. ANNO TERTIO DECIMO NABUCHODONOSOR.** — Græca

habent anno 18. Si vis hæc inter se conciliare, di-

cito annum 13 Nabuchodonosor fuisse 18 ab initio regni Arphaxad, æmuli et hostis sui.

Vers. 2. 2. HABUIT CUM EIS MYSTERIUM (id est secretum sive arcanum) CONSILII SUI. — Regum enim consilia, præsertim de subjugandis aliis regibus et gentibus, secreta et arcana sunt.

Vers. 4. 4. HOLOFERNEM PRINCIPREM MILITIE SUÆ. — Quæres : Quis, qualis et quantus fuit Holofernes ? Resp. Respondeo primo : Cedrenus ait eum fuisse Persam. Nomen enim videtur Persicum, perinde ut Persica nomina sunt Tisaphernes, Artaphernes, Intaphernes, quanquam et apud Assyrios, Armenos et Cappadoces, teste Serario in cap. I, Quæst. IV, et in cap. II, Quæst. I, inveniantur qui nominati sint Holofernes. Si Persa fuit, ideo Persam ducem elegit Nabuchodonosor, ut Persas a Xerxe, jam per cladem a Græcis acceptam contemptibiles effectos ad se alliceret, uti et fecit. Unde cap. ult. vers. 12, dicitur : « Horruerunt Persæ constantiam ejus, et Medi audaciam ejus, scilicet Judith : » nam subacto jam Arphaxad et Medis a Nabuchodonosor, multi Medi, et Persæ Medis vicini, nomen militie ipsius dederant.

Secundo, Holofernes fuit dux exercitus Nabuchodonosoris, ideoque secundus ab eo, ut habent Græca : sicut Joseph fuit secundus a Pharaone, Aman ab Assuero, Ephæstion ab Alessandro ; unde Zonaras vocat Holofernem Archisatram. Tertullianus vero, lib. I Contra Marcion. cap. VII, et S. Augustinus, in Appendix, serm. 66, eum vocant regem, quia potestatem habebat amplissimam, et opes quasi regias. Simili modo Josephus proximus a Pharaone, a Josepho et Philone apud Eusebium, lib. IX Præpar. Evang. vocatur οὐπτοῦχος, id est sceptriger, hoc est rex : regis enim insigne est sceptrum.

Tertio, Franciscus Maironis asserit Holofernem fuisse filium Assueri et Estheris ; sed hoc ut novum et inauditum omnes refutant.

Quarto, Pagninus in Nom. Hebr. Holofernes, inquit, juxta Græcam etymologiam dictus quasi « totus dos » : ὅλος enim est totus, φέρνει est dos ; sunt et qui compositum putant ex Hebræo et Chaldaeo, et interpretantur fortis dux. Nam parnas Chaldaeis est præfectus, sive dux. Hæc Pagninus. Unde ducum Persarum illustrium nomina sunt Phanaspes, Pharnuches, Pharnabas.

Quinto, quoad mores Holofernes superbia fastuque, æque ac fluxu et luxuria similis fuit Nabuchodonosori, ideoque a Judith victus cæsusque est, ut patebit ex seq. Græca addunt, Nabuchodonosor dixisse Holoferni, se cum totis copiis subsecuturum : Egrediar, ait, in furore meo super eos, et operiam omnem terram in pedibus virtutis mee, etc.

Vers. 5. 5. ET DIXIT EI : EGREDERE ADVERSUS OMNE REGNUM OCCIDENTIS. — Græca fusius hoc regis mandatum enarrant, aiuntque : « Hæc dicit magnus Rex, Dominus omnis terræ : Ecce tu egredieris a facie mea, et sumes tecum viros, qui suis ipsorum viribus confidant, peditum ad centum viginti milia, et multitudinem equorum cum eorum ascensoribus ; multitudinem, inquam, duodecim my-

riadum, seu centum et viginti millium, et exhibis in occursum, sive prælium contra omnem terram quæ ad occidentem est, quia oris mei verbo non obtemperarunt, et ipsis denuntiabis ut terram et aquam præparent, quia egrediar in furore meo contra ipsos, et operiam omnem faciem terræ pedibus mei exercitus, et dabo ipsos illis in direptionem, eorumque vulnerati valles atque torrentes implebunt ipsorum. Fluvius etiam mortuis eorum exundans, complebitur : ipsorumque tandem captivitatem agam, seu propellam in terræ omnis extrema. Tu vero egressus præoccupabis mihi omnes eorum fines, et ipsi seipsos tibi dent et tu mihi eos in diem redargutionis eorum reservabis. Contra eos vero, qui rebelles et immorigeri sunt, non parcet oculus tuus, quominus eos in omni terra tua, et in cædem et direptionem des ; quia vivo ego, et robur regni mei, quæ locutus sum, ea etiam faciam in manu mea. Tu vero non transgredieris, vel unicum verborum Domini tui, sed perficiens perficies sicut præcepi tibi : et nihil cunctabere, ut ea facias. »

Nota in his Regis verbis τὸ δενυτιαῖς εἰς υἱῷ Terram et aquam petebant Persæ in signum servitutis.

« denuntiabis eis ut mihi aquam et terram præparent, quibus significatur vetus Persarum mos, qui volentes gentem aliquam sibi subjugare, ac ab ea postulantes, ut illa se Persis dederet, ab ea petebant terram et aquam, quasi servitutis symbolum. Hæc enim ad vitam humanam sunt necessaria. Unde Aristoteles, libro II Rhet. : « Præbere terram et aquam, inquit, servire est. » Hinc cum Darius Hystaspis a Spartanis postularet terram et aquam in signum dedicationis, Spartani legatos ejus conjecerunt in puteum, dicentes, ut inde terram et aquam haurient, quam ad Darium deferrent, uti narrat Herodotus, lib. VII. Unde Xerxes Darii filius non est ausus mittere legatos ad Spartanos, qui ab eis terram et aquam poscerent, ait S. Hieronymus, lib. VIII, et Diodorus, lib. XI. Hinc Alexander Magnus apud Curtium, lib. III, cum Dario Codomano et Persis conflicturus, in oratione ad milites hanc Darii Hystaspis et Xerxis arrogantium insimulat, ut meminerint se cum Persis dimicare, qui terram et aquam postulare sunt soliti : itaque iis, qui se illis subjicerent, neque fontium haustum, neque cibos, terræ fruges relinquerent. Rursum Herodotus, lib. IV, narrat, Darium Hystaspis ab Indathyrso Scytharum Duce postulasse terram et aquam. Et cum ille misisset « avem, murem, ranam, et quinque sagittas, » Darii opinio erat « Seythas se sibi tradere, et terram et aquam, » quod « mus » quidem in terra dignatur, et eodem quo homines fructu vicitet ; « rana » autem in aquis nascatur ; « avis » vero sit equo assimilis ; at « sagittis » dandis suum ipsorum robur tradere. »

7. ET EQUITUM SAGITTARIORUM DUODECIM MILLIA. — Vers. 7. Græca habent 120 millia, ut jam audivimus : ubi videtur esse mendum in numero, et delenda esse ciphera 0, ut maneant 12 millia, ut nabet Noster. Quis enim tot millia equitum in aciem eduxit ?

Sane Darius contra Alexandrum eduxit equitum duntaxat 44 millia, peditum ducenta, ait Curtius, lib. IV, nisi quis dicat equitum sagittariorum hic fuisse 12; cæterorum vero equitum lanceis, sarissis, bipennibus, etc., armatorum fuisse 108 milia, ut utrisque junctis fierent 120 millia. Forte in Græcis dempto centum, legendum est 20, e quibus 12 millia fuerint sagittariorum, uti etiam habet Græcus; cæteri alterius armaturæ.

12. VENIT AD MAGNOS MONTES ANGE, QUI SUNT A SINISTRO CILICIAE. — Ange ergo tum montes vocabantur, qui erant a sinistro Ciliciæ, ex quibus ortus est *Philtæ Angæus*, de quo Curtius, libro III, apud Herodotum lib. VII, nominatur *Rangæus mons magnus*, et apud alios.

13. EFFREGIT (expugnavit) AUTEM CIVITATEM OPI-NATISSIMAM (famosissimam, opibusque et robore nominatissimam) **MELOTHI** (« Melothi » Hebraice idem est quod *plenitudo*, scilicet opum et hominum: talis enim erat in Melothi) **PRÆDAVITQUE**

(prædatus est) OMNES FILIOS THARSIS. — Hi sunt de quibus dicitur, lib. II *Mach.* iv, 30: « Contigit Tharsenses et Mallotas seditionem movere, eo quod Antiochidi Regis concubine dono essent dati. » Tharsis enim fuit nepos Japhet, *Gen.* x, a quo mare Mediterraneum, et Cilicia ejus terminus, indeque quodvis mare vocatum est Tharsis, uti dixi *Isaie* ii, 16.

14. MAMBRE. — Græca habent *Arbonai*.

Vers. 14.

15. USQUE AD FINES JAPHET, — significatur Joppe, ait Serarius, quæ et hodie vocatur *Japha*, ac Turcis *Zapha*: nam, ut ait Plinius, lib. V, cap. XIII: « Vicus Joppæ Phærucum antiquior terrarum inundatione, » ut ferunt.

Vers. 15.

16. ABDUXITQUE. — Græce ἐκυκλώσα, id est circum-
dedit, cinxit.

Vers. 16.

17. ET SUCCESTIT OMNIA SATA. — Græca habent: *Greges et armenta absumpsit, urbes diripuit, agros depopulatus est, juvenes ipsorum omnes in ore gladii percussit.*

Vers. 17.

CAPUT TERTIUM

SYNOPSIS CAPITIS.

Reges Syriæ et Mesopotamiæ ex metu se dedunt Holoferni, qui tamen ferociter eorum urbes lucosque et deos dextruxit, ut solus Nabuchodonosor quasi deus coleretur.

1. Tunc miserunt legatos suos universarum urbium ac provinciarum reges ac principes, Syriæ scilicet, Mesopotamiæ, et Syriæ Sobal, et Lybiæ, atque Ciliciæ, qui venientes ad Holofernem, dixerunt: **2.** Desinat indignatio tua circa nos: melius est enim ut viventes serviamus Nabuchodonosor regi magno, et subditi simus tibi, quam morientes cum interitu nostro ipsi servitutis nostræ damna patiamur. **3.** Omnis civitas nostra, omnisque possessio, omnes montes, et colles, et campi, et armenta boum, gregesque ovium, et caprarum, equorumque et camelorum, et universæ facultates nostræ, atque familiæ in conspectu tuo sunt: **4.** sint omnia nostra sub lege tua. **5.** Nos, et filii nostri, servi tui sumus. **6.** Veni nobis pacificus Dominus, et utere servitio nostro, sicut placuerit tibi. **7.** Tunc descendit de montibus cum equitibus in virtute magna, et obtinuit omnem civitatem et omnem inhabitantem terram. **8.** De universis autem urbibus assumpsit sibi auxiliarios viros fortes et electos ad bellum. **9.** Tantusque metus provinciis illis incubuit, ut universarum urbium habitatores principes, et honorati simul cum populis, exirent obviam venienti, **10.** excipientes eum cum coronis et lampadibus, ducentes choros in tympanis et tibiis. **11.** Nec ista tamen facientes, ferocitatem ejus pectoris mitigare potuerunt: **12.** nam et civitates eorum destruxit, et lucos eorum excidit. **13.** Præceperat enim illi Nabuchodonosor rex ut omnes deos terræ exterminaret, videlicet, ut ipse solus diceretur Deus ab his nationibus, quæ potuissent Holofernus potentia subjugari. **14.** Pertransiens autem Syriam Sobal, et omnem Apameam, omnemque Mesopotamiam, venit ad Idumæos in terram Gabaa, **15.** accepitque civitates eorum, et sedet ibi per triginta dies, in quibus diebus adunari præcepit universum exercitum virtutis suæ.

Vers. 1. **1. TUNC MISERUNT LEGATOS.** — Sic Alexander Magnus reverti voluit Babylonem, ait Curtius,

quia « nuntiabatur ei legatos ex diversis terrarum orbis partibus undique Babyloniam confluxisse,

ejusque adventum exspectare. Adeo totum orbem nominis ejus terror invaserat, ut cunctæ gentes velut destinato sibi regi adularentur. »

SYRIÆ. — stricte sumptæ, cuius caput est Damascus, quæ inde dicta est Damasina, cuius rex fuit Benadad, Rasin, Hazael, III Reg. cap. xx et seq. complectitur Antiochiam, Phœniciam, Judæam, Palæstinam, Mesopotamiam, Assyriam, teste Plinio, lib. V, cap. xii.

SOBAL, — est Syriæ pars quæ a Ptolomæo, Strabone et Plinio, Sophone dicitur, de qua in libris Regum.

LYBIA. — Nonnulli suspicantur legendum « Lyciæ, » eo quod Lybia sit in Africa, longeque absit a Syria. Verum terror Nabuchodonosoris fuit tantus, ut ad Lybiam pervadere potuerit, ut fama et terror Alexandri Magni penetravit ad Garamantes et Indos (1).

Vers. 2. 2. UT VIVENTES SERVIAMUS NABUCHODONOSOR REGI MAGNO. — Vere Alexander Magnus apud Plutarchum, lib. II *De fortuna Alexandri*, aiebat : « Multos nomine tenus esse magnos. »

7. TUNC DESCENDIT (Holofernes) DE MONTIBUS. — Syriæ, puta Casio, Libano, et Antilibano, inter quos sita est Damascus, cuius campos fertiles tempore messis occupavit Holofernes, ut dictum est cap. ii, vers. 17.

Vers. 10. 10. EXCIPIENTES EUM CUM CORONIS ET LAMPADIBUS, DUCENTES CHOROS IN TYMPANIS ET TIBIIS. — Corona enim est insigne regis, cui olim lampades accensæ, sive ignes præferebantur, ut docet Tertullianus *in Apol.* et Xiphilinus *in Nerone*. Audi Cur-

(1) Topographiæ tamen regionum quas Holophernes obtinuit, magis consentaneum est ut vel *Lyciæ*, quæ regio Cilicia vicina est, vel *Lydia*, quæ Holophernis arma jam experta fuerat, legamus.

tium, lib. V : « Bagistanes Babylonicæ arcis et regiae pécunia custos obviam victori Alexandro egressus, totum iter floribus coronisque constra- verat, argenteis altaribus ab utroque latere dispositis, quæ non thure modo, sed omnibus odo- ribus cumulaverat. » Vide dicta *Jerem. i, 13*, ad illa : « Ollam succensam ego video. »

12. ET LUCOS EORUM EXCIDIT, — cum diis et idolis, qui in lucis more gentium, tegentes suas obsecnitates, colebantur, ut dixi in lib. *Regum*.

13. UT OMNES DEOS EXTERMINARET, VIDELICET UT IPSE SOLUS DICERETUR DEUS. — Vide quo assurgat fastus hominis, qui oblitus se terram esse et pulverem, Deo et divinitati bellum indicit, ipseque vult haberi et coli ut Deus, imo solus Deus. Et hoc etiam, quia vicerat Arphaxad. Vere Darius apud Curtium lib. IV : « Fragilitas humana, inquit, nimia in prosperis rebus oblivio est. » Similis fuit status Luciferi, *Isaiæ* XIV, 15, et Pharaonis, *Ezech. xxix*, 3, et Regis Tyrii, *Ezech. xxviii*, ideoque omnes sterni, regnoque et vita dejici meruerunt. Superbia ergo mera est insania, quæ hominem facit quasi Titanem, non gigantochum tantum, sed et theomachum, ut Deum quasi ad duellum prævocare audeat, perinde ac si canis elephantem, mus leonem ad certamen provocet.

14. IN TERRAM GABAÆ, — id est in terram clivo- sam et montosam. Hanc enim Hebraice significat Gabaa. Græca habent : *Venit secundum faciem, vel in planitiem Esdrelon prope Dothæam quæ est e regione Serræ magnæ Judææ, et castra metatus est inter Gabaa et Schytopolim*. Unde Serarius pro « Idūmæos » suspicatur legendum « Dothæos. » « Serra, ait Arias, est tractus perpetuo clausus et divisus, sive instar dentium serræ strictus, ut sunt fauces et angustiæ montium. »

CAPUT QUARTUM.

SYNOPSIS CAPITIS.

Judæi metu Holofernisi se mumiunt, ac induiti cilicis et cinere, Dei opem inclamant. Consolatur eos Eliachim Pontifex, et Dei opem promittit, si in oratione perseverent.

1. Tunc audientes hæc filii Israel, qui habitabant in terra Juda, timuerunt valde a facie ejus. 2. Tremor et horror invasit sensus eorum, ne hoc faceret Jerusalem, et templo Domini, quod fecerat cæteris civitatibus et templis earum. 3. Et miserunt in omnem Samariam per circuitum usque Jericho, et præoccupaverunt omnes vertices montium : 4. et muris circumdederunt vicos suos, et congregaverunt frumenta in præparationem pugnæ. 5. Sacerdos etiam Eliachim scripsit ad universos qui erant contra Esdrelon quæ est contra faciem campi magni juxta Döthain, et universos, per quos viæ transitus esset poterat, 6. ut obtinerent ascensus montium, per quos via esse poterat ad Jerusalem, et illic custodirent, ubi angustum iter esse poterat inter montes. 7. Et fecerunt filii Israel secundum quod constituerat eis Sacerdos Domini Eliachim. 8. Et clamavit omnis populus ad Dominum instantia magna, et

humiliaverunt animas suas in jejuniis et orationibus, ipsi et mulieres eorum. 9. Et induerunt se Sacerdotes ciliciis, et infantes prostraverunt contra faciem templi Domini, et altare Domini operuerunt cilicio : 10. et clamaverunt ad Dominum Deum Israel unanimiter, ne darentur in prædam infantes eorum, et uxores eorum in divisionem, et civitates eorum in exterminium, et sancta eorum in pollutionem, et fierent opprobrium gentibus. 11. Tunc Eliachim, Sacerdos Domini magnus, circuivit omnem Israel, allocutusque est eos, 12. dicens : Scitote quoniam exaudiet Dominus preces vestras, si manentes permaneritis in jejuniis et orationibus in conspectu Domini. 13. Memores estote Moysi servi Domini, qui Amalec confidentem in virtute sua, et in potentia sua, et in exercitu suo, et in clypeis suis, et in curribus suis, et in equitibus suis, non ferro pugnando, sed precibus sanctis orando dejectit : 14. sic erunt universi hostes Israel, si perseveraveritis in hoc opere, quod cœpistis. 15. Ad hanc igitur exhortationem ejus deprecantes Dominum, permanebant in conspectu Domini, 16. ita ut etiam hi qui offerebant Domino holocausta præcincti ciliciis offerrent sacrificia Domino, et erat cinis super capita eorum. 17. Et ex toto corde suo omnes orabant Deum, ut visitaret populum suum Israel.

vers. 2.

2. TREMOR ET HORROR INVASIT SENSUS EORUM. — Græca uberioris habent : *Et timuerunt valde a facie ejus, et pro Jerusalem, et templo Domini Dei sui turbati sunt, quia recenter fuerant ascendentes de captivitate, et nuper omnis populus congregatus fuerat ex Iudæa, et vasa, et altare, et domus (Dei, id est templum) ex profanatione sanctificata erant.* Multi, ut dixi in procemio cum Bellarmino, Saliano et aliis, hæc referunt ad Manassen regem Juda, qui cum suis captus in Babylone, liber dismissus est in regnum, ac pœnitens templum a se per idola profanatum purgavit, verique Dei cultui restituit. Verum hæc etiam fuit captivitas, et liberatio Manassis regis, non totius populi. Adde quod Manassis regis nulla toto hoc libro fiat mentio, quod utique fieri debuisse, cum ad eum, utpote regem, potius quam Eliachim Pontificem pertineret Iudæam contra Holofernem munire, et fauces nondum immisso præsidio insidere. Quare melius alii ad tempora Xerxis hæc referunt, cum jam reædificatum esset templum a Chaldaeis profanatum et combustum.

Dices : Quomodo Iudei reversi recenter e captivitate tantas habuere vires et animos, ut castris tan^m numerosis et validis sese opponere audent? Respondeo id factum metu captivitatis, cuius acerbitudinem et ærumnas nuper in Babylone senserant, ac metu perdendæ vere religionis. Nabuchodonosor enim minabatur Deo, et templo excidium, quia solus ut Deus adorari volebat. Hoc autem Iudeis verum Deum colentibus videbatur intolerabile, ut malent mori quam id permettere. Denique innumerabilis fuit Iudeorum propago, et per generationem multiplicatio instar ranarum et piscium, ut fuit tempore Mosis, Exodi i. Nam Josephus, lib. XI Antiq. cap. iv, reversorum e captivitate Babylonica puberum anno secundo Darii Hystaspis numerat quater millena millia, et insuper 620 millia, idque ex tribu Juda et Benjamin duntaxat, quibus ex cæ-

teris decem tribubus plurimi se adjunxerunt. Itaque facile potuerunt conflare exercitum numerosum, qui se opponeret Holoferni, maxime in fauibus et præruptis montium, ubi unus valet decem hostibus resistere.

4. ET CONGREGAVERUNT FRUMENTA. — *Nam ipso- vers. 4 rum agri recenter demessi erant, ut addunt Græca : « Reliquis casibus, ait libro III, cap. iii, Vegetius, potest in tempore subveniri : pabulatio, et annonæ in necessitate non habent remedium, nisi ante condita.» Ideoque vetus Romanorum disciplina, « in plerisque oppidis ad usum anni totius, in aceto, frumento, larido, atque hordeo et paleis condita habebat, » inquit in Gordiano Capitolinus. Nam, ut ait Vegetius, lib. III, cap. iii, « sæpius penuria quarti pugna consumit exercitum, et ferro sævior famæ est. In omni expeditione unum et maximum consilium est, ut tibi sufficiat victus, hostes frangat inopia. Ante igitur quam inchoetur bellum, de copiis expensisque solers debet esse tractatus, ut pabula frumentum; cæteræque annonariæ species, quas a Provincialibus consuetudo depositit, matrius exigantur, et in opportunitis ad rem gerendam, ac munitissimis locis, amplior semper modus, quam proficit, aggregatetur.» Et cap. xxvi: « Qui frumentum necessarium quic commeatum non præparat, vincitur sine ferro. »*

5. SACERDOS ETIAM ELIACHIM. — *Græca Joachim, vers. 5 uti et a Nostro vocatur cap. xv, vers. 9. Idem enim hæc duo nomina significant, scilicet *Dei stator* aut *statorius*, qui scilicet stare fecit acies Iudeorum contra Holofernem. Deus enim tam dicitur *El*, quam *Nostra ia*, quod est abbreviatum Jehova. Hinc patet tempore Xerxis hæc contigisse. Tunc enim Pontifex fuit Joachim (1), ut*

(1) Nihil obstat, etiam ante captivitatem, vel Manassæ, vel Josiæ, vel Sedecizæ temporibus, exstitisse sacerdotem magnum nomine Eliacim; nam deest in Scripturis complectus sacerdotum catalogus, et per centum fere annos

dixi in proœmio, qui deficiente rege, rempublicam administrabat: nam, ut ait Josephus, lib. II *Contra Apion.* : « Judaicæ reipublicæ constitutio communiter sacerdotibus, ut maxima quæque administrent, committit. Omnium vero Pontifici, aliorum rursum sacerdotum principatum demandat. » Breviter vero : « Sacerdotes, inquit, sunt inspectores omnium, judices eorum quæ ambigua, vindices eorum quæ damnata. »

8. ET CLAMAVIT OMNIS POPULUS AD DOMINUM INSTANTIA MAGNA. — Nota hic usum, modum et vim publicæ orationis et pœnitentie in publica calamitate, Christianis imitandum, ut simili modo calamitates suas avertant. Nimirum *primo*, clamat omnis populus instantia magna; *secundo*, humiliaverunt animas suas in jejuniis et orationibus; *tertio*, induerunt se ciliciis; *quarto*, prostraverunt infantes coram Domino et templo; *quinto*, altare operuerunt cilicio, ut publico quasi religiosis, justitiæ, templique et altaris luctu Deum ad miserandum et succurrendum provocarent; ut quasi manu facta, vique illata, ut ait Tertullianus *in Apol.* cogerent. Idem fecerunt Ninivitæ, Jonæ II, et Machabæi, I Mach. III, 47, ideoque omnes a Deo exaudiri et liberari meruerunt.

Græca uberius habent : *Populus erat jejunans (et jejunando orans) complures dies in omni Iudea et Jerusalem ante faciem Sanctorum*, puta Sancti et Sancti sanctorum, hoc est templum. Qui enim erant in Jerusalem oraturi, adibant templum; qui vero foris erant, faciem vertebant versus templum.

Vere. 11. 11. TUNC ELIACHIM SACERDOS DOMINI MAGNUS CIRCUIVIT OMNEM ISRAEL, — ut omnes ad constan-

interruptus manet. Cæterum res in promptu est pro his qui cum Bellarmino illum pontificem fuisse docent Massæ temporibus, inter Jobnam qui fuit pontifex tempore Ezechiae, *Isai. xxii, 15*, et Helciam qui pontificatum exercuit tempore Josiæ, IV *Reg. xxiii, 6*.

tiam, confidentiam et perseverantiam in orationibus et jejunis hortaretur, promittens eis, si id facerent, victoriam. « Præcepta Christi, ait S. Ambrosius, serm. 86, arma sunt Christianis, et divinus timor terrorem a nobis expellit hostilem. Arma autem hæc nostra sunt, quibus nos Salvator instruxit, oratio, misericordia atque jejunium. Jejunium enim melius quam murus tuetur; misericordia facilis liberat quam rapina; oratio longius vulnerat quam sagitta. Sagitta enim non nisi proxime conspectum percutit adversarium; oratio autem longius positum vulnerat inimicum. » Graeca fusius hic habent : *Joachim summus Pontifex, atque omnes qui coram Domino stabant Sacerdotes, cæterique qui Domino ministrabant, sacris lumbos suos accincti offerebant juge illud holocaustum et vota; et voluntaria populi donaria, pulvisque super eorum cidares, seu mitras erat, et clamabant ad Dominum ex tota virtute sua, in bonum; sive ut ad beneficiendum et subveniendum visitaret omnem domum Israel.* Pontificem hunc imitentur Episcopi et Princes, populos sibi commissos circumueant, visitent, animent, instruant, corrigant.

13. MEMORES ESTOTE MOYSI SERVI DOMINI, QUI Vers. 18. AMALEC, etc. — Vide historiam *Exodi xvii*, ubi eam explicui. Nota : Eliachim æque ac Moyses duo hic ad bellum præcipit, *primum* ut Deum invocent, ab eoque victoriam postulent et exspectent, *secundum* ut urbes suas muniant, transitus occupent, omniaque humana praesidia ad resistendum conquirant. Deus enim non adjuvat desides, sed laborantes et pugnantes. Vedit hoc gentilis Cato apud *Sallustium in bello Catil.* dicens : « Non votis, neque suppliciis muliebribus auxilia deorum parantur; vigilando, agendo, bene consulendo, prospere omnia cedunt; » nimirum :

Altitonans adjuvat non tonantem, sed conantem.

CAPUT QUINTUM.

SYNOPSIS CAPITIS.

Achior dux Ammon Holoferni dat consilium ut inquirat an Judæi in Deum suum peccarint; sic enim ab eo expugnari facile posse; alioqui Deo suo eos protegente esse inexpugnabiles. Quare magnates Holofernisi destinant Achior morti.

2. Nuntiatumque est Holoferni principi militiæ Assyriorum, quod filii Israel præpararent se ad resistendum, ac montium itinera conclusissent, 2. et furore nimio exarsit in iracundia magna, vocavitque omnes principes Moab et duces Ammon, 3. et dixit eis : Dicite mihi quis sit populus iste qui montana obsidet : aut quæ, et quales, et quantæ sint civitates eorum : quæ etiam sit virtus eorum, aut quæ sit multitudo eorum, vel quis rex militiæ illorum, 4. et quare præ omnibus qui habitant in Oriente, isti contempserunt nos, et non exierunt obviam nobis, ut susciperent nos cum pace ? 5. Tunc Achior dux omnium filiorum Ammon respondens, ait : Si digneris audire, Domine mi, dicam veritatem in conspectu tuo, de populo isto

qui in montanis habitat, et non egredietur verbum falsum ex ore meo. 6. Populus iste ex progenie Chaldaeorum est. 7. Hic primum in Mesopotamia habitavit quoniam noluerunt sequi deos patrum suorum, qui erant in Terra Chaldaeorum. 8. Deserentes itaque cæremorias patrum suorum, quæ in multitudine deorum erant, 9. unum Deum cœli coluerunt, qui et præcepit eis ut exirent inde et habitarent in Charan. Cumque operuisset omnem terram fames, descenderunt in Ægyptum, illicque per quadringentos annos sic multiplicati sunt, ut dinumerari eorum non posset exercitus. 10. Cumque gravaret eos rex Ægypti, atque in ædificationibus urbium suarum in luto et latere subjugasset eos, clamaverunt ad Dominum suum, et percussit totam terram Ægypti plagis variis. 11. Cumque ejecissent eos Ægyptii a se, et cessasset plaga ab eis, et iterum eos vellent capere, et ad suum servitium revocare, 12. fugientibus his Deus cœli mare aperuit, ita ut hinc inde aquæ quasi murus solidarentur, et isti pede sicco fundum maris perambulando transirent. 13. In quo loco dum innumerabilis exercitus Ægyptiorum eos persequeretur, ita aquis coopertus est, ut non remaneret vel unus qui factum posteris nuntiaret. 14. Egressi vero mare Rubrum, deserta Sina montis occupaverunt, in quibus nunquam homo habitare potuit, vel filius hominis requievit. 15. Illic fontes amari obdulcati sunt eis ad bibendum, et per annos quadraginta annonam de cœlo consecuti sunt. 16. Ubi cumque ingressi sunt sine arcu et sagitta, et absque scuto et gladio, Deus eorum pugnavit pro eis, et vicit. 17. Et non fuit qui insultaret populo isti, nisi quando recessit a cultu Domini Dei sui. 18. Quotiescumque autem præter ipsum Deum suum, alterum coluerunt, dati sunt in prædam, et in gladium, et in opprobrium. 19. Quotiescumque autem pœnituerunt se recessisse a cultura Dei sui, dedit eis Deus cœli virtutem resistendi. 20. Denique Chananæum regem, et Jebusæum, et Pherezæum, et Hethæum, et Hevæum, et Amor-ræum, et omnes potentes in Hesebon prostraverunt, et terras eorum, et civitates eorum ipsi possederunt: 21. et usque dum non peccarent in conspectu Dei sui, erant cum illis bona: Deus enim illorum odit iniquitatem. 22. Nam et ante hos annos, cum recessissent a via, quam dederat illis Deus ut ambularent in ea, exterminati sunt præliis a multis nationibus, et plurimi eorum captivi abducti sunt in terram non suam. 23. Nuper autem reversi ad Dominum Deum suum, ex dispersione qua dispersi fuerant, adunati sunt, et ascenderunt montana hæc omnia, et iterum possident Jerusalem, ubi sunt sancta eorum. 24. Nunc ergo, mi domine, perquire: si est aliqua iniquitas eorum in conspectu Dei eorum, ascendamus ad illos, quoniam tradens tradet illos Deus eorum tibi, et subjugati erunt sub jugo potentiae tuæ. 25. Si vero non est offensio populi hujus coram Deo suo, non poterimus resistere illis: quoniam Deus eorum defendet illos: et erimus in opprobrium universæ terræ. 26. Et factum est cum cessasset loqui Achior verba hæc, irati sunt omnes magnates Holofernis, et cogitabant interficere eum, dicentes ad alterutrum: 27. Quis est iste qui filios Israel posse dicat resistere regi Nabuchodonosor et exercitibus ejus, homines inermes, et sine virtute, et sine peritia artis pugnæ? 28. Ut ergo agnoscat Achior quoniam fallit nos, ascendamus in montana: et cum capti fuerint potentes eorum, tunc cum eisdem gladio transverberabitur, 29. ut sciat omnis gens quoniam Nabuchodonosor Deus terræ est, et præter ipsum aliis non est.

1. FILII ISRAEL PRÆPARARENT SE AD RESISTENDUM.

— Addunt Græca: *Et in campis posuissent scandala, id est obstacula, v. g. fossas occultas, murices, et palos acutos, in quæ transeuntes incaute Assyrii corruerent, vel impingerent.*

3. ET DIXIT EIS: DICITE MIHI QUI SIT POPULUS ISTE?

— Hinc rursum colligitur hæc non sub Manasse, sed sub Xerxe contigisse. Nam sub Manasse et ex Manasse ac primoribus Judæorum

captivis sat cognorant Babylonii et Assyrii quis et qualis esset Judæorum populus. Unde qui sub Manasse hæc contigisse volunt, dicunt hanc Holophernis interrogationem non esse ignorantis, sed mirantis et indignantis, ac Judæos quasi viles contemnentis (1).

(1) Addi potest has Holophernis interrogaciones non esse omnino ignorantis, et de quibus nihil unquam audi-

- Vers. 4. 4. ET QUARE PRÆ OMNIBUS QUI HABITANT IN ORIENTE. — Græca habent : in Occidente.
- Vers. 5. 5. TUNC ACHIOR DUX OMNIVORUM FILIORUM AMMON. — Serarius sub filiis Ammon comprehendit quoque Idumæos. Hi enim cum essent fratres Judeorum (Jacob enim parentis Judæorum erat frater Esau, sive Edom parentis Idumæorum) cum eos invadere vellent, vocabant se Ammonitas, non Idumæos, ne palam male audirent, quod fratres suos oppugnarent. Hinc lib. II *Paralip.* xx, 1, dicitur : « Congregati sunt filii Moab, et filii Ammon, et cum eis de Ammonitis ad Josaphat. » Ubi vides a filiis Ammon Ammonitas distingui. Ubi liber ille traditionum : « Ammonitas Idumæos vult intelligi, qui ob reverentiam paterni nominis nolebant in pristino habitu arma movere contra Israel, sed transfigurabant se in habitum Ammonitarum. »
- Vers. 6. 6. POPULUS ISTE EX PROGENIE CHALDÆORUM EST, — quia Deus Abraham Hebræorum parentem eduxit de Ur urbe Chaldæorum, *Genes.* xi, 31.
- Vers. 9. 9. DESCENDERUNT IN ÆGYPTUM, ILLICQUE PER QUADRINGENTOS ANNOS SIC MULTPLICATI SUNT. — Hos 400 annos numera ab egressu Abrahæ ex Chaldæa et Haran : nam alioqui Hebræi in Ægypto habitarunt duntaxat 215 annis, uti ostendi *Exodi* xii, 40.
- Vers. 13. 13. AQUIS COOPERTUS EST, — Pharao cum omnibus suis. Recenset Achior miracula, quibus Deus Hebræos in Ægypto perduxit in Chanaan, quæ omnia explicui in Exodo.
- Vers. 17. 17. ET NON FUIT QUI INSULTARET POPULO ISTI, NISI QUANDO RECESSIT A CULTU DOMINI DEI SUI. — Disce hic servire Deo : sic enim Deus te faciet inexpugnabilem, et omnibus hostibus superiorem. Sin autem, sinet te a quibusvis subigi et conculeari. Idem discant urbes et regna, eorumque reges et principes. Audi graves hac de re duorum Patrum gnomas : unus est S. Hieronymus, *epist.* 13 : « Nostris, ait, peccatis barbari fortes sunt, nostris vitiis Romanus fugatur exercitus. » Alter D. Ambrosius, *serm.* 85 : « Civitati non nisi propter ci-vium peccata infertur excidium. Desine peccare; et civitas non peribit. » Gentibus ergo peccantibus timenda est Dei vindicta et excidium : non peccantibus vero speranda est securitas et felicitas. visset exquireris, sed esse interrogaciones ducis diligenter scire volentis, quomodo ipsi tantas copias ductant resistere auderent Hebrei.
22. NAM ET ANTE HOS ANNOS, CUM RECESSISSET A VERS. 22
VIA (religione et lege) QUAM DEDERAT ILLIS DEUS, etc.,
CAPTIVI ABDUCTI SUNT. — A Nabuchodonosor in Babyloniam, quæ celeberrima, universalis, et propria Judæorum fuit captivitas, e qua sub Cyro redierunt, talis vero non fuit illa quæ contigit sub Manasse ; nam illa non fuit universalis. Alia vero captivitas decem tribuum sub Ezechia facta a Salamanasar pariter non fuit universalis, quia non fuit omnium, puta 12 tribuum, sed decem duntaxat. Rursum illa fuit perpetua, quia ex illa nunquam redierunt Israeliteæ (1).
- Addit Græcus : *Et templum Dei ipsum factum est in pavimentum. Vatablus, solo æquatum, quia a Chaldeis combustum. Hinc patet post excidium Jerusalem hæc contigisse. Bellarminus vero, Serarius et alii, qui volunt ante excidium hæc accidisse, respondent verba hæc a quopiam inserta esse Græco textui, eo quod desint in Latino, ideoque parvi esse facienda. Alii respondent Manassen sua idolatria vilipendisse, abjecisse, et profanasse templum, imo multis in locis illud diruisse et quasi solo æquasse.*
25. NON POTERIMUS RESISTERE EIS, QUONIAM DEUS VERS. 23
EORUM DEFENDET ILLOS. — Jam « si Deus pro nobis, quis contra nos ? » *Rom. cap. VIII.* Hæc verba bilem moverunt Holoferni, ut Achior destinaret morti, eo quod nullum Deum agnosceret, nisi Nabuchodonosor.
- UT SCIAT OMNIS GENS, QUONIAM NABUCHODONOSOR DEUS TERRÆ EST. — Recte terræ, quia nihil juris vel virium habet in cœlum, nec ultra terram ejus potestas se porrigit. Quocirca falso vult esse Deus. Deus enim dominatur tam cœlo quam terræ. Cur ergo superbis et insanis, o vermicule terræ, et Deum cœli ad duellum provocas, ut eum divinitate sua prives et dejicias? Prudenter Tertullianus, *Apolog.* XIII : « Esto, inquit, religiosus in Deum, qui vis illum propitium Imperatori. Desine alium Deum credere vel colere, atque ita et hunc Deum dicere, cui Deo opus est. »

(1) Maluerim dicere cum Tirino, non hic agi de captivitate Babylonica. Nam tunc non plurimi, sed omnes abducti sunt, neque a multis, sed ab unica natione Chaldaica. Hic ergo respicit Achior ad Æthiopes, ad Ægyptios, ad Syros, ad Assyrios, qui plurimas clades vastitatesque intulerunt Israelitis, affligentes ac diripientes eos.

CAPUT SEXTUM.

SYNOPSIS CAPITIS.

Holofernes Achior ligatum mittit in Bethuliam, ut, ea capta, ipsum cum civibus occidat; benigne eum excipiunt et solantur Judæi.

- Factum est autem, cum cessassent loqui, indignatus Holofernes vehementer dixit ad Achior : 2. Quoniam prophetasti, nobis dicens quod gens Israel defendatur a Deo suo, ut os-

tendam tibi quoniam non est Deus, nisi Nabuchodonosor; 3. cum percuesserimus eos omnes, sicut hominem unum, tunc et ipse cum illis Assyriorum gladio interibis, et omnis Israel tecum perditione disperiet; 4. et probabis quoniam Nabuchodonosor dominus sit universæ terræ: tuncque gladius militiæ meæ transiet per latera tua, et confixus cades inter vulneratos Israel, et non respirabis ultra, donec extermineris cum illis. 5. Porro autem, si prophétiam tuam veram existimas, non concidat vultus tuus, et pallor, qui faciem tuam obtinet, abscedat a te, si verba mea hæc putas impleri non posse. 6. Ut autem noveris quia simul cum illis hæc experieris, ecce ex hac hora illorum populo sociaberis, ut, dum dignas mei gladii poenas exceperint, ipse simul ultioni subjaceas. 7. Tunc Holofernes præcepit servis suis, ut comprehendenderent Achior, et perducerent eum in Bethuliam, et traderent eum in manus filiorum Israel. 8. Et accipientes eum servi Holofernisi, profecti sunt per campestria; sed cum appropinquassent ad montana, exierunt contra eos fundibularii. 9. Illi autem divertentes a latere montis, ligaverunt Achior ad arborem manibus et pedibus, et sic vincutum restibus dimiserunt eum, et reversi sunt ad dominum suum. 10. Porro filii Israel, descendentes de Bethulia, venerunt ad eum. Quem solventes duxerunt ad Bethuliam, atque in medium populi illum statuentes, percunctati sunt quid rerum esset, quod illum vincutum Assyrii reliquissent. 11. In diebus illis erant illic principes, Ozias filius Micha de tribu Simeon, et Charmi, qui et Gothoniel. 12. In medio itaque seniorum, et in conspectu omnium, Achior dixit omnia quæ locutus ipse fuerat, ab Holoferne interrogatus: et qualiter populus Holofernisi voluerisset propter hoc verbum interficere eum, 13. et quemadmodum ipse Holofernes iratus jusserrit eum Israelitis hac de causa tradi: ut, dum vicerit filios Israel, tunc et ipsum Achior diversis jubeat interire suppliciis, propter hoc quod dixisset: Deus cœli defensor eorum est. 14. Cumque Achior universa hæc exposuisset, omnis populus cecidit in faciem, adorantes Dominum, et communi lamentatione et fletu unanimes preces suas Domino effuderunt, 15. dicentes: Domine Deus cœli et terræ, intuere superbiam eorum, et respice ad nostram humilitatem, et faciem sanctorum tuorum attende, et ostende quoniam non derelinquis præsumentes de te: et præsumentes de se, et de sua virtute gloriantes, humilias. 16. Finito itaque fletu, et per totam diem oratione populorum completa, consolati sunt Achior, 17. dicentes: Deus patrum nostrorum, cuius tu virtutem prædicasti, ipse tibi hanc dabit vicissitudinem, ut eorum magis tu interitum videas. 18. Cum vero Dominus Deus noster dederit hanc libertatem servis suis, sit et tecum Deus in medio nostri: ut sicut placuerit tibi, ita cum tuis omnibus converseris nobiscum. 19. Tunc Ozias, finito consilio, suscepit eum in domum suam, et fecit ei cœnam magnam. 20. Et vocatis omnibus presbyteris, simul expleto jejunio refecerunt. 21. Postea vero convocatus est omnis populus, et per totam noctem intra ecclesiam oraverunt, petentes auxilium a Deo Israel.

2. QUONIAM PROPHETASTI, — id est prædixisti, non ex oraculo a Deo accepto, sed ex humana prudentia, et priorum temporum experientia.

4. NON RESPIRABIS ULTRA, DONEC EXTERMINERIS. — Tò « donec » refer non ad « respirabis, » nam qui non respirat, jam est exterminatus et mortuus: sed superius ad « gladius transiet per latera tua, et confixus cades, » ita scilicet ut « non respire ultra, » hoc est, donec omnino exanimeris et « extermineris cum illis. »

6. ILLORUM POPULO SOCIABERIS, — q. d. Videris, o Achior, occultus Judæorum socius et fautor, ideoque mei proditor: quare vade ad illos quorum societatem meæ prætulisti, estoque apertus

mihi hostis, ut illi sunt, ut quorum in hostilitate es socius, eorumdem in internecione vindictæ meæ sis particeps.

10. PORRO FILII ISRAEL, DESCENDENTES DE BETHULIA, VENERUNT AD EUM. — Bethulia erat urbs Galileeæ in tribu Zabulon sita in monte, tribus leucis distans a Dothaim, ubi Joseph a fratribus captus, et tunica polymita spoliatus est. Addunt Brocardus et Adrichomius etiamnum hodie ibidem vestigia castrorum Holofernisi cerni. « Bethulia » Hebraice idem est quod « virginitas Dei. » Ipsa enim quasi virgo intacta est ab excidio Holofernisi per castam Judith.

Porro Bethulia propria erat tribus Zabulon,

ideoque ad regnum Israel, sive decem tribuum pertinens : sed iis in Assyriam abductis, tribus Juda eam ac plures alias Israelis urbes sibi vindicavit; tota enim Chananæa a Deo data erat posteris Jacob, quorum parte abducta, cæteri superstites, puta Judæi, quasi fratres in decem tribuum quasi fratum suorum hæreditatem jure propinquitatis et naturæ successerunt.

¶ 11. IN DIEBUS ILLIS ERANT ILLIC PRINCIPES OZIAS FILIUS MICHA DE TRIBU SIMEON, ET CHARMI, QUI ET GOTHONIEL. — Licet enim Bethulia esset in tribu Zabulon, tamen ex alia tribu, puta Simeon, habuit Ducem, uti toti Israeli præfuerere Judices ex variis tribubus oriundi. Hinc et Ozias hic cap. VIII, vers. 34, vocatur : « Princeps Juda, » et cap. XIII, vers. 23: « Princeps populi Israel. » Lyranus et Dionysius censem Oziam et Charmi fuisse sacerdotes seniores, quia in Græco vocantur presbyteri. Sed πρεσβύτερος, id est presbyter, vocatur senior et major natu; sive laicus sit, sive sacerdos. Hinc rursum hæc videntur non contigisse sub rege Manasse: sed post captivitatem sub ducibus Ozia et Charmi (1).

Vers. 15. 15. ET FACIEM SANCTORUM TUORUM. — Græce *sanc-tificatorum*, id est fidelium tuorum, qui sese per circumcisionem tibi dicarunt, et nunc rursum per jejinium, orationem, et supplices preces totos se tibi sanctificant, id est dicant et consecrant.

QUONIAM NON DERELINQUIS PRÆSUMENTES DE TE,— hoc est, confidentes in te; hi enim præ omnibus et ante omnia sumunt quasi Deum operum suorum ducem et belli ductorem, ac per eum certam sperant victoriam. Sic S. Germanus; ut grassans incendium æger evaderet, ab aliis se moveri « fidei præsumptione non est passus, » ait Beda libro I Hist. Angl. cap. xix.

PRÆSUMENTES DE SE, (id est sibi, suisque viribus præsidentes: unde explicans subdit,) ET DE SUA VIRTUTE GLORIANTES HUMILIAS. — Audi S. Bernardum, lib. De grad. humil., grad. 7: « Qui alios se præcellere putat, quomodo non plus de se, quam de aliis præsumat? Primus in conventibus resedit, in conciliis primus respondet, non vocatus accedit, non missus se intromittit, reordinat ordinata, reficit facta, quidquid ipse non fecerit aut ordinaverit, non recte factum, nec pulchre existimat ordinatum. Judicat judicantes, præjudicat judicaturis.

(1) Sed absoni quid esset si diceremus istos principes fuisse ex illis quos v. g. Manasses « constituit in cunctis civitatibus Juda munitis? » *Paralip.* xxxiii, 14, sive immediate sive mediate, ut scilicet constituendi potestatem dederit Eliacimo pontifici; quod ipse textus verisimile reddit, addendo eos fuisse « Bethuliæ principes (non absolute vel simpliciter, sed) in illis diebus, » quasi ob temporum istorum necessitatem tantum principes decreti fuissent.

16. CONSOLATI SUNT ACHIOR, — non tamen eum consiliis suis adhibuerunt, vel bello præfixerunt, quia transfugarum suspecta est fides; sic enim Judith fictè transfugiens ad Assyrios, Chusai ad Absalonem, II Reg. xvii, Sinon ad Trojanos, Zopyrus Darii Hystaspis dux ad Babylonios, eos hostibus suis tradiderunt.

21. POSTEA VERO (post refectionem et convivium frugale) CONVOCATUS EST OMNIS POPULUS, ET PER TOTAM NOCTEM INTRA ECCLESIAM ORAVERUNT PETENTES AUXILIUM A DEO ISRAEL. — Nam ut ait S. Hieronymus, epist. ad Eustochium: « Ita tibi semper comedendum est, ut cibum et oratio sequatur et lectio. » Et ad Lætam, de Institutione filie: « Sic comedas ut semper esurias, ut statim post cibum possis legere et psallere. » Tertullianus, Apol. cap. xxxix, refutans Gentilium de crapula Christianorum calumniam, qua in eos jactabant illud Diogenis: « Megarenses obsonant quasi crastino die morituri, ædificant quasi nunquam morituri, » Agapen, id est convivium omnibus Christianis post Eucharistiam commune charitatis, ita describit: « Non prius discumbitur, quam oratio ad Deum prægustetur, editur quantum esurientes cupiunt, bibitur quantum pudicis est utile; ita saturantur, ut qui meminerint etiam per noctem adorandum Deum sibi esse: ita fabulantur, ut qui sciant Dominum audire. Post aquam manualem et lumina, ut quisque de Scripturis sanctis, vel de proprio ingenio potest, provocatur in medium Deo canere: hinc probatur quomodo biberit. Atque oratio convivium dirimit: inde disceditur non in catervas cæsionum, neque in classes discursionum, nec in eruptiones lasciviarum, sed ad eamdem curam modestiæ, ut qui non tam cœnam cœnaverint, quam disciplinam. » Legant hæc fideles, et primorum Christianorum in conviviis frugalitatem et pietatem imitentur. Nota: τὸ « intra Ecclesiam, » id est intra Synagogam, hoc est, concionis et orationis locum, qui exinde Græce προσευχὴ dicitur: nam Judæi templum non habebant in Bethulia, sed tantum in Jerusalem; Synagogam vero loco templi habebant in singulis urbibus majoribus. Vide hic pariter antiquitatem nocturnarum vigiliarum, qua magnis festis, vel ob urgentes calamitates totus populus pervigilabat in templo Jerosolymis, et extra Jerosolymam in proseucha (ut habet Græcus hic) sive synagoga vacans orationi. Unde Josephus in vita sua: « Sequenti, inquit, die populus convenit in proseuchas, quam vocant precationis domum amplam. » Idem Philo De Vita Mosis, lib. III: « Apud Judæos, inquit, destinata oppidatim sacris precationibus loca, quæ proseuchas vulgus nominat. » De sacris hisce vigiliis vide S. Basilium, in Psal. cxiv, Eusebium, lib. VI, Histor. cap. vii, Tertullianum, lib. II ad uxorem, cap. iv.

CAPUT SEPTIMUM.

SYNOPSIS CAPITIS.

Holofernes obsidione cingit Bethuliam, aquæductum incidit, fontes occupat, itaque siti obcessos ad deditioñem flagitandam cogit; sed Ozias suadet ut ad quinos dies opem exspectent.

1. Holofernes autem altera die præcepit exercitibus suis, ut ascenderent contra Bethuliam.
2. Erant autem pedites bellatorum centum viginti millia, et equites viginti duo millia præter præparationes virorum illorum quos occupaverat captivitas, et adducti fuerant de provinciis et urbibus universæ juventutis.
3. Omnes paraverunt se pariter ad pugnam contra filios Israel, et venerunt per crepidinem montis usque ad apicem, qui respicit super Dothain, a loco qui dicitur Belma, usque ad Chelmon qui est contra Esdrelon.
4. Filii autem Israel, ut videbant multitudinem illorum, prostraverunt se super terram, mittentes cinerem super capita sua, unanimes orantes ut Deus Israel misericordiam suam ostenderet super populum suum.
5. Et assumentes arma sua bellica, sederunt per loca quæ ad angusti itineris tramitem dirigunt inter montosa, et erant custodientes ea tota die et nocte.
6. Porro Holofernes, dum circuit per gyrum, reperit quod fons, qui influebat, aquæductum illorum a parte australi extra civitatem dirigeret: et incidi præcepit aquæductum illorum.
7. Erant tamen non longe a muris fontes, ex quibus furtim videbantur haurire aquam, ad refocillandum potius quam ad potandum.
8. Sed filii Ammon et Moab accesserunt ad Holofernem, dicentes: Filii Israel non in lancea nec in sagitta confidunt; sed montes defendunt illos, et muniunt illos colles in præcipito constituti.
9. Ut ergo sine congreßione pugnæ possis superare eos, pone custodes fontium, ut non hauriant aquam ex eis, et sine gladio interficies eos, vel certe fatigati tradent civitatem suam, quam putant in montibus positam superari non posse.
10. Et placuerunt verba hæc coram Holoferne, et coram satellitibus ejus, et constituit per gyrum centenarios per singulos fontes.
11. Cumque ista custodia per dies viginti fuisse expleta, defecerunt cisternæ, et collectiones aquarum, omnibus habitantibus Bethuliam, ita ut non esset intra civitatem, unde satiarentur vel una die, quoniam ad mensuram dabatur populis aqua quotidie.
12. Tunc ad Oziam congregati omnes viri, feminæque, juvenes et parvuli, omnes simul una voce,
13. dixerunt: Judicet Deus inter nos et te, quoniam fecisti in nos mala, nolens loqui pacifice cum Assyriis, et propter hoc vendidit nos Deus in manibus eorum.
14. Et ideo non est qui adjuvet, cum prosternamus ante oculos eorum in siti, et perditione magna.
15. Et nunc congregate universos qui in civitate sunt, ut sponte tradamus nos omnes populo Holofernisi.
16. Melius est enim ut captivi benedicamus Dominum, viventes, quam moriamur, et simus opprobrium omni carni, cum viderimus uxores nostras et infantes nostros mori ante oculos nostros.
17. Contestamur hodie cœlum et terram, et Deum patrum nostrorum, qui ulciscitur nos secundum peccata nostra, ut jam tradatis civitatem in manu militiæ Holofernisi, et sit finis noster brevis in ore gladii, qui longior efficitur in ariditate sitis.
18. Et cum hæc dixissent, factus est fletus et ululatus magnus in ecclesia ab omnibus, et per multas horas una voce clamaverunt ad Deum, dicentes:
19. Peccavimus cum patribus nostris, injuste egimus, iniuriam fecimus.
20. Tu, quia pius es, miserere nostri, aut in tuo flagello vindica iniquitates nostras, et noli tradere confitentes te populo qui ignorat te,
21. ut non dicant inter Gentes: ubi est Deus eorum?
22. Et cum fatigati his clamoribus, et his fletibus lassati siluisserint,
23. exsurgens Ozias infusus lacrymis, dixit: Aequo animo estote, fratres, et hos quinque dies exspectemus a Domino misericordiam.
24. Forsitan enim indignationem suam abscondi-

det, et dabit gloriam nomini suo. 25. Si autem transactis quinque diebus non venerit adiutorium, faciemus hæc verba, quæ locuti estis.

2. CENTUM VIGINTI MILLIA (Græca habent : « 170 millia peditum »), **EQUITUM VIGINTI DUQ MILLIA.** — Accesserant ergo auxiliares copiæ, et novorum equitum decem millia; nam cap. II, vers. 7, tantum recensita sunt equitum decem millia. Hæc auxilia submittebat Nabuchodonosor, qui et ipse cum toto exercitus robore subsequi destinabat, ut habet Græcus, cap. II.

vers. 3.

3. A LOCO QUI DICITUR BELMA USQUE AD CHELMON. — Belma est urbs ad radices montis, in quo sita est Bethulia, quæ a Brocardo Abellina vocatur. Ibidem juxta Dothain est urbs « Chelmon », vel ut Græcus habet, *Cyamon* : in utraque castra metarus est Holofernes, ut habet Græcus, aciemque instruxit ad pugnam et urbis oppugnationem.

Vers. 6.

6. QUOD FONS, QUI INFLUEBAT, AQUÆDUCTUM, etc. DIRIGERET, — hoc est, aquam in urbem per aquæductum transfunderet, ideoque aquæductum incidens Holofernes aquam ab urbe avertit. Suscipitur Serarius pro « dirigeret » legendum « dirigaret », id est irrigaret; sed τὸ « dirigeret » sat plane huic loco convenit. Fons enim per canalem aquam dirigit et transmittit in urbem.

Vers. 8.

8. FILII AMMON ET MOAB ACCESERUNT AD HOLOFERNEM. — Græca habent : *Principes Idumæi et Moabitici*. Idumæi enim invadentes Judæos fingebant se esse Ammonitas, ut dixi cap. V, vers. 9. Hi ergo suaserunt Holoferni, ut fontes occuparet, itaque Judæos siti conficeret.

Mystice : « Tunc incidit diabolus aquæductum, cum facit interrumpere studia litterarum. Erant autem non longe a muris fontes, dogmata Philosophorum, qui scientiæ et honestatis aliquod conferunt solatium, ex quibus videbantur haurire aquam ad refocillandum potius quam ad potan-

dum; » ita Rabanus; sic et S. Augustinus in *Psalm. LXXXI*, et S. Gregorius in cap. IV *Cant.* Rursum incidit diabolus aquæductum, cum nos ab oratione avertit : per orationem enim quasi canalem omnis Dei gratia in nos influit; unde ea succisa diabolus nos superat et capit.

11. DEFECERUNT CISTERNAE ET COLLECTIONES AQUÆDUCTUM. — Addunt Græca : *Et consternati sunt infantes eorum, et juvenes defecerunt præ siti, et cadebant in plateis civitatis, et transitibus portarum, et non erat ultra robur in eis.*

12. TUNC AD OZIAM CONGREGATI, — siti confecti postulantes magnis vocibus, ut Bethuliam Holoferni dederet. Nihil enim atrocius obsessis accidit, quam siti; longe enim acrius cruciat siti, quam famæ : unde Duces, urbem quamquam ob-sidentes, solent avertere aquas, ut cives siti confiant, itaque ad deditio[n]em cogant, juxta illud : « Adhæsit lingua lactentis ad palatum ejus in siti, » *Thren. cap. IV.* Nota est Lysimachi regis Macedonum historia, qui, cum in Thracia aquæ penuria sitique laboraret, se cum castris tradidit hosti, sed hausta aqua, exclamavit : « O dii! quam parvæ voluptatis causa me ex rege servum effeci! » Idem dicant cupidi, qui pro puncto voluptatis se mancipia efficiunt infernalis Holofernisi, hoc est diaboli, qui eos in gehenna siti conficiet, ut clamant cum divite epulone : « Pater Abraham, miserere mei, et mitte Lazarum, ut intingat extre[m]um digiti sui in aquam, et refrigeret linguam meam, quia crucior in hac flamma, » *Lucæ XVI.*

18. FACTUS EST FLETUS ET ULULATUS MAGNUS IN ECCLESIA. — Græce ἐν προσευχῇ, id est in synagoga ubi erat locus orationis.

CAPUT OCTAVUM.

SYNOPSIS CAPITIS.

Recensentur Judithæ prosapia, solitudo, cilicium, jejunia, castitas. Ipsa principes timidos increpat, ac patrum exemplo in spem opis divinae erigit.

1. Et factum est, cum audisset hæc verba Judith vidua, quæ erat filia Merari, filii Idox, filii Joseph, filii Oziæ, filii Elai, filii Jamnor, filii Gedeon, filii Raphaim, filii Achitob, filii Melchiæ, filii Enan, filii Nathaniæ, filii Salathiel, filii Simeon, filii Ruben ; 2. et vir ejus fuit Manasses, qui mortuus est in diebus messis hordeaceæ ; 3. Instabat enim super alligantes manipulos in campo, et venit æstus super caput ejus, et mortuus est in Bethulia civitate sua, et sepultus est illuc cum patribus suis. 4. Erat autem Judith relicta ejus vidua jam annis tribus et mensibus sex. 5. Et in superioribus domus suæ fecit sibi secretum cubiculum, in quo cum puellis suis clausa morabatur, 6. et habens super lumbos suos cilicium, jejunabat om-

nibus diebus vitæ suæ, præter sabbata, et neomenias, et festa domus Israel. 7. Erat autem eleganti aspectu nimis, cui vir suus reliquerat divitias multas, et familiam copiosam, ac possessiones armentis boum et gregibus ovium plenas. 8. Et erat hæc in omnibus famosissima, quoniam timebat Dominum valde, nec erat qui loqueretur de illa verbum malum. 9. Hæc itaque cum audisset, quoniam Ozias promisisset quod transacto quinto die traderet civitatem, misit ad presbyteros Chabri et Charmi. 10. Et venerunt ad illam, et dixit illis : Quod est hoc verbum, in quo consensit Ozias, ut tradat civitatem Assyriis, si intra quinque dies non venerit yobis adjutorium? 11. Et qui estis vos, qui tentatis Dominum? 12. Non est iste sermo, qui misericordiam provocet, sed potius qui iram excitet, et furorem accendat. 13. Posuistis vos tempus miserationis Domini, et in arbitrium vestrum, diem constituitis ei. 14. Sed quia patiens Dominus est, in hoc ipso pœniteamus, et indulgentiam ejus fusis lacrimis postulemus; 15. non enim quasi homo, sic Deus comminabitur, neque sicut filius hominis ad iracundiam inflammabitur. 16. Et ideo humiliemus illi animas nostras, et in spiritu constituti humiliato, servientes illi. 17. Dicamus flentes Domino, ut secundum voluntatem suam sic faciat nobiscum misericordiam suam : ut sicut conturbatum est cor nostrum in superbia eorum, ita etiam de nostra humilitate gloriemur; 18. quoniam non sumus securi peccata patrum nostrorum, qui dereliquerunt Deum suum, et adoraverunt Deos alienos. 19. Pro quo scelere dati sunt in gladium, et in rapinam, et in confusionem inimicis suis; nos autem alterum Deum nescimus præter ipsum. 20. Exspectemus humiles consolationem ejus, et exquiret sanguinem nostrum de afflictionibus inimicorum nostrorum, et humiliabit omnes Gentes, quæcumque insurgunt contra nos, et faciet illas sine honore Dominus Deus noster. 21. Et nunc, fratres, quoniam vos estis presbyteri in populo Dei, et ex vobis pendet anima illorum, ad eloquium vestrum corda eorum erigite, ut memores sint, quia tentati sunt patres nostri ut probarentur, si vere colerent Deum suum. 22. Memores esse debent, quomodo pater noster Abraham tentatus est, et per multas tribulationes probatus, Dei amicus effectus est. 23. Sic Isaac, sic Jacob, sic Moyses, et omnes qui placuerunt Deo, per multas tribulationes transierunt fideles. 24. Illi autem qui tentationes non suscepserunt cum timore Domini, et impatientiam suam et improperiū murmurationis sue contra Dominum protulerunt; 25. exterminati sunt ab exterminatore, et a serpentibus perierunt. 26. Et nos ergo non ulciscamur nos pro his quæ patimur; 27. sed reputantes peccatis nostris hæc ipsa supplicia minora esse, flagella Domini, quibus quasi servi corripimur, ad emendationem, et non ad perditionem nostram evenisse credamus. 28. Et dixerunt illi Ozias et presbyteri : Omnia, quæ locuta es, vera sunt, et non est in sermonibus tuis ulla reprehensio. 29. Nunc ergo ora pro nobis, quoniam mulier sancta es, et timens Deum. 30. Et dixit illis Judith : Sicut quod potui loqui, Dei esse cognoscitis; 31. ita quod facere disposui, probate si ex Deo est, et orate ut firnum faciat Deus consilium meum. 32. Stabitis vos ad portam nocte ista, et ego examinabam abra mea; et orate, ut, sicut dixistis, in diebus quinque respiciat Dominus populum suum Israel. 33. Vos autem nolo ut scrutemini actum meum, et usque dum renuntiem vobis, nihil aliud fiat, nisi oratio pro me ad Dominum Deum nostrum. 34. Et dixit ad eam Ozias princeps Juda : Vade in pace, et Dominus sit tecum in ultionem inimicorum nostrorum. Et revertentes abierunt.

¶. 1. **JUDITH VIDUA.** — Nonnulli censent Judith esse nomen commune, sicut est Abra, sed huic heroinæ appropriatum : יהודִי Jehudi enim idem est quod Judæus; unde יהודִית Jehudit, et per erasin, Judith, idem est quod Judæa.

Verius est Judith esse nomen proprium, cuius etymon apte hic congruit. Judith enim Hebraice

idem est quod confitens, laudans, glorificans, scilicet Deum; הודה hoda enim significat confiteri, laudare, celebrare. Ad hoc enim Judith a turba secessit in suum oratorium, ut Deum assidue oraret et laudaret. Audi S. Fulgentium, epist.

¶ De statu viduali, citantem hec verba de Judith: « Ecce vidua præclara uatalibus, facultatibus

dives, ætate juvenis, specie amabilis, divitias contempsit, delicias respuit, carnis incentiva calcavit, et induita virtute ex alto non quæsivit secundo famulari connubio. Propterea testimonio tam præclari operis apparuit quantum Deo dilecta sit continentia viduælis. »

FILIA MERARI, FILII IBOX. — Nota : Sedecim duntaxat generationes et totidem avi Judith hic recensentur, cum tamen, a Jacob communi Juddæorum patriarcha usque ad captivitatem Babyloniam, quæ ævum Judith antecessit, numerantur 26 generationes, *Matth.* cap. I. Alterutrum ergo hic dicendum est, scilicet vel non omnes Judith avos hic recenseri, uti nec recensentur Elcanæ, *I Reg.* I, 1, nec Saulis ibidem, cap. IX, 1, sufficit enim S. Scripturæ genealogiam alicujus ad virum aliquem illustrem, v. g. in Saule ad Jemini perducere.

Aut certe avos et proavos Judith in senio generasse filios. Hac enim de causa ab Esdra usque ad Aaron numerantur generationes sedecim, lib. I *Esdræ* cap. VII, 2; cum tamen, *I Paral.* VI, 3, a Josedec qui fuit coævus, imo frater Esdræ usque ad Aaron numerantur generationes 22. Sic S. Matthæus, cap. I, a Christo ad Davidem numerat generationes et avos 28, cum S. Lucas, cap. III, numeret 43. Quare hi Lucæ citius, illi Matthæi tardius generarunt.

FILII SIMEON, FILII RUBEN. — Hinc aliqui putant Judith oriundum ex tribu Ruben. Verum illam prognatam fuisse ex tribu Simeon liquet ex ipsis ejus verbis, cap. IX, vers. 2. Quare Græca hic pro « filii Ruben » habent *filiis Israel*, id est Jacob, et ita legendum censem S. Fulgentius, *epist.* II, cap. XXIV, Bellarminus, lib. I *De Verbo Dei*, cap. XII, Serarius, Mariana et alii. Quia tamen Codices Romæ correcti, cæterique constanter habent « filii Ruben », dicendum est hunc Ruben non esse Patriarcham et primogenitum Jacob, sed esse virum illustrem ex tribu Simeon, ad quem proinde genus Judithæ hic producit, in eoque terminat, non progrediendo ad ejus patres et avos usque ad Simeon Patriarcham, et secundum Jacobi filium. Id ita esse liquet ex dictis, et ex eo quod Ruben primogenitus Jacob nullum habuerit filium, qui vocatus sit Simeon, ut patet *Genes.* XLVII, 9, et *I Paral.* V, 3. Ita Lyranus.

VIR EJUS MANASSES. — Græca addunt eum ex eadem cum Judith fuisse tribu et patria.

INSTABAT. — Græce ἐτένη, id est, supra stabat; unde putant nonnulli Manassen fuisse præfectum messis, non suæ, sed publicæ, sive totius campi Bethuli. Sic enim Romæ et alibi, publici sunt rei frumentariæ et annonæ præfecti. Sic Josephus in vita sua ait Arbutio magni campi præfecturam creditam fuisse.

2. MENSIBUS SEX. — Græca habent, *mensibus quatuor.*

3. ET IN SUPERIORIBUS DOMUS SUÆ (puta in tabulato, sive solario) **FECIT SIBI SECRETUM CUBICULUM,**

IN QUO CUM PUELLIS (ancillis) suis CLAUSA MORABATUR, — tum ut fugeret viros et turbas visitantum, itaque et castitati et famæ suæ consuleret; tum ut tota vacaret orationi et Deo. Hæc ergo prima est Judithæ viduæ dos, scilicet amor silentii et solitudinis. Hinc S. Hieronymus, epist. *ad Furiam viduam*, hoc ei dat monitum : « Juvenum fuge consortia, noli in publicum procedere, et spadonum exercitu præeunite, viduarum libertate circumferri : sanctarum virginum et viduarum societatem appete. Et si sermocinandi cum viris incubuerit necessitas, arbitros ne devites, tanta que confabulandi fiducia sit, ut intrante alio, nec paveas, nec erubescas. Speculum mentis est facies : et faciti oculi cordis fatentur arcana. » Et inferius : « Redime virgines quas in cubiculum Regis inducas; suscipe viduas quas inter virginum lilia, et martyrum rosas, quasi quasdam violas, misceas : pro corona spinea, in qua Christus mundi delicta portavit, talia serta compone. »

6. ET HABENS SUPER LUMBOS SUOS CILICUM. — Carnem assidue suis setis quasi aciculis stimulans et pungens, eoque dolore voluptatis turpis cum sanguine juvenili ebullientes stimulos comprimens et extingueens. Hos enim magis domat cilicum utpote assiduum et continuum quasi transentes flagellorum dolores et verbera. Itaque juvenes, præsertim feminæ viduæ obarmet se cilicio tanquam præsidio validissimo ad carnem domandam, et castitatem servandam. Vide nostrum Gretserum, lib. *De disciplinis*; nam, ut ait S. Hieronymus, epist. 2 *ad Ageruchiam viduam* : « Et certe multo laboriosius est non frui eo quod habeas, quam desiderare quod amiseris. Unde et virginitas in eo facilior est, quod carnis incentiva non novit; et viduitas in eo sollicitior est, quod præteritas animo recolit voluptates. » Et anterius exempla castitatis gentilium matronarum, quæ castitatem vitæ prætulerunt, proponens : « Stringam, inquit, breviter reginam Carthaginis, quæ magis ardere voluit, quam Hiarbæ regi nubere; et Hasdrubalis uxorem, quæ apprehensis utraque manu liberis in subjectum se præcipitavit incendium, ne pudicitiae damna sentiret; et Lucretiam quæ, amissa gloria castitatis, noluit pollutæ conscientiæ supervivere. »

JEJUNABAT OMNIBUS DIEBUS VITÆ SUÆ, PRÆTER SABBATUM. — Porro jejunabant Judæi a mane ad vesperam, nec ante conspectum Hesperi et stellarum cibum sumebant, uti etiamnum jejunant Turcæ.

Tertia fuit hæc dos Judithæ, perpetuum scilicet jejuniū, quod incendio luxuriæ fomenta deliciarum, imo ciborum necessariorum subtrahebat. Nota illud :

Subtrahē ligna foco, si vis restinguere flammam.

Audi S. Hieronymus, epist. 9 *ad Salvianum de viduitate servanda* : « Tu vero, quæ in tumulo

mariti sepelisti omnes pariter voluptates, quæ litam purpurisso et cerussa faciem super fereum ejus lacrymis diluisti, quæ pullam tunicam, nigrosque calceolos, candidæ vestis et aurati socci depositione, sumpsisti; nihil habes nécessse aliud, nisi perseverare in jejunio. Pallor et sordes gemmæ tuæ sint; plumarum mollities juvenilia membra non foveat; balnearum calor novum adolescentulæ sanguinem non incendat. Audi quid ex persona viduæ continentis ethnicus Poeta decantet :

Ille meos, primus qui me sibi junxit, amores
Abstulit; ille habeat secum, servetque sepulcro.

Si tanti vilissimum vitrum, quanti pretiosissimum margaritum? Si sic communi lege naturæ damnat omnes gentilis vidua voluptates; quid exspectandum est a vidua Christiana, quæ pudicitiam suam non solum ei debet, qui defunctus est, sed et ei cum quo regnatura est? » Et inferius : « Multo melius est stomachum te dolere, quam mentem; imperare corpori, quam servire; gressu vacillare, quam pudicitia. » Idem, epist. 10 ad viduam Furiam : « Ardentes, inquit, diaboli sagittæ jejuniorum et vigiliarum rigore retorquendæ sunt; cæterum vidua quæ in deliciis est, vivens mortua est, » I Tim. v. Et inferius : « Apostolus macerat corpus suum, et animæ subjicit imperio; ne quod alii præcipit, ipse non servet: et adolescentula fervente cibis corpore, de castitate secura est? Neque vero hæc dicens, condemnno cibos quos Deus creavit ad utendum cum gratiarum actione; sed juvenibus et puellis incentiva aufero voluptatum. Non Aethnæ ignes, non Vulcanea tellus, non Vesuvius et Olympus tantis ardoribus æstuant, ut juveniles medullæ vino plenæ, et dapibus inflamatæ. » Deinde eam exhortans ut vino carneque abstineat, addit : « Nihilque ita scias conducere Christianis adolescentibus, ut esum olerum. » Unde et in alio loco : « Qui infirmus est, ait, olera non manducet, ardorque corporum frigidioribus epulis temperandus est. » Et mox : « Quidquid facit seminarium voluptatum, venenum puta. Parcus cibus, et venter semper esuriens triduanis jejunis præfertur. Et multo melius est, quotidie parum, quam raro satis sumere. Pluvia illa optima est, quæ sensim descendit in terram. Subitus et nimius imber in præceps arva subvertit. Quando comedis, cogita quod statim tibi orandum, illico et legendum sit. » Et post nonnulla : « O si videres sororem tuam! jejunia pro ludo habet, orationem pro delicis. »

Vers. 7.

7. Cui vir suus reliquerat divitias multas, — quas ipsa non ad suum, sed ad egentium usum erogabat. Præclare S. Bernardus, serm. in festo omnium Sanctorum : « Quid, inquit, admirabilius, aut quod martyrium gravius, quam inter epulas esurire, inter vestes multas, et pretiosas algere, paupertate premi inter divitias quas of-

fert mundus, quas ostentat malignus, quas desiderat noster ipse appetitus? An non merito coronabitur qui sic certaverit, mundum abjiciens promittentem, irridens inimicum tentantem, et (quod gloriósius est) de semetipso triumphans, et crucifigens concupiscentiam prurientem? »

8. ET ERAT HÆC IN OMNIBUS FAMOSISSIMA (hoc est, famæ probatissimæ, sive fama probitatis et sanctitatis celeberrima), QUONIAM TIMEBAT DOMINUM VALDE.—Timor hic erat non servilis, sed filialis, quo Judith Deum quasi Dominum, imo patrem suum summe colebat et reverebatur; ideoque in omnibus illi placere satagebat, cavebatque ne qua in re, licet minima, eum offenderet. Atque hac sanctitate præparavit se ad tantum facinus, ut digna esset quæ eligeretur a Deo ad castra hostium everenda, et ad liberandum populum.

Vers. 8.

Allegorice Judith fuit typus B. Virginis, de qua S. Bonaventura in Speculo, cap. viii : « Dominus, inquit, nominatissimus et famosissimus famosissime est tecum; ideo et tu es famosissima et nominatissima, etc. : Maria ergo signata est per illam famosissimi nominis Judith, de qua scriptum est, quod nec erat qui de ea loqueretur verbum malum. »

11. ET QUI ESTIS VOS, QUI TENTATIS DOMINUM? — « Tentatis, » id est exacerbatis, irritatis, et ad iram provocatis, dum ei leges præscribitis, ut nisi intra quinque dies vobis succurrat, urbem hostibus tradere velitis, cum potius eum supplici prece invocare debeatis, ut vestri misereatur, et diem modumque liberationis vestram ipse vobis præscribat.

Vers. 11.

15. NON ENIM QUASI HOMO, SIC DEUS COMMUNABITUR, — q. d. Non timeamus minas Holofernisi, sed Dei; illius enim minæ superbæ sunt, inanes et vanæ, sicut sunt cæterorum hominum; sed Dei certæ sunt, fixæ et efficaces. Deus enim iratus certo et inevitabiliter irrogat quod comminatur.

Vers. 15.

16. ET IDEO HUMILIEMUS ILLI ANIMAS NOSTRAS. — Per humilem pœnitentiam, jejunium, orationem et obsecrationem, ut nobis peccata condonet, et ab Holoferne liberet.

Vers. 16.

21. AD ELOQUIUM VESTRUM (id est, eloquio vestro) CORDA EORUM ERIGITE, — ad magnanimitatem et firmam in Deum liberatorem confidentiam.

Vers. 21.

22. ABRAHAM TENTATUS EST, ET PER MULTAS TRIBULATIONES PROBATUS DEI AMICUS EFFECTUS EST, — præsertim cum a Deo jussus immolare unigenitum suum Isaac, eum immolare voluit, Gen. xxii. Vide ibi dicta.

Vers. 22.

23. OMNES QUI PLACUERUNT DEO, PER MULTAS TRIBULATIONES TRANSIERUNT FIDELES. — Fideliter scilicet adhærentes Deo, et ab eo liberationem e tribulatione poscentes, et exspectantes. Vide dicta Jacobi i, 1 et seq. et Eccli ii, 1 et seq.

Vers. 23.

26. ET NOS ERGO NON ULCISCAMUR NOS, — id est, non ulciscentium more indignemur et obmurmuremus Deo, quasi volentes nos de eo ulcisci ob clades et timores quos nobis immittit.

Vers. 26.

Vers. 30. 30. ET DIXIT ILLIS JUDITH : SICUT QUOD POTUI LOQUI, DEI (hoc est a Deo mihi suggestum et inspiratum) ESSE COGNOSCITIS :

Vers. 31. 31. ITA QUOD FACERE DISPOSUI (nimisrum astu occidere Holofernem), PROBATE SI EX DEO EST : — « si » non est dubitantis, sed affirmantis ; idemque est ac « quod » q. d. Sicut probasti meos sermones quasi ex Deo profectos, sic etiam probate propositum meum, quod ex Deo, sive Deo impellente, agere decrevi, ut scilicet vadam ad Holofernem, eumque occidam. Dicit tamen « si, » quasi dubitans, modestiae causa, quia res haec necdum erat facta, sed facienda ; esto ipsa de eventu felici ex Dei instinctu foret certa, q. d. « Probate, » id est, videte et attendite id quod actura sum, et ex eventu probate et judicate, « si ex Deo est ; » q. d. Utique cum rem feliciter confectam videbitis, probabitis illud, et ex Deo auctore susceptum judicabitis. Loquitur in genere, sed particulatim non explicat quid animo destinari : sciebat enim, si id faceret, rem non mansuram secretam, sed ad Holofernem perferendam. Sciebat pariter multos hoc ejus propositum ut temerarium däminaturos. Unde græca habent : *Faciam negotium quod perveniet in generationes generationum filii generis nostri.*

Vers. 32. 32. STABITIS VOS AD PORTAM NOCTE ISTA, ET EGO EXEAM CUM ABRA MEA, — q. d. Aperite mihi noctu portas metu hostium occlusas, ac sinite me cum mea ancilla egredi. Petit enim sibi noctu aperiri portas.

CUM ABRA MEA. — Multi putant τὸν « abra » esse nomen proprium ancillæ Judith; sed errant, nam est commune significans ancillam. Unde cap. x, 2 et seqq. ubi Noster vertit « ancilla, » in Græco est *abra*; ergo dicitur quasi ἀβρά *chabra*, id est socia, vel potius quasi עַבְרָה *abra*, id est transiens, pedissequa : ἀβρά *habar* enim significat *transivit*. Ita Pagninus. Porro non fuit haec vulgaris ancilla Judith, sed quæ omnibus ejus facultatibus esset præposita, ut habet Græcus. Hinc Græci ancillas honoratas (quas Itali vocant *Cameriere*) ἄβρα appellant, ut patet ex Menandro in pseudo-Hercule. Sic Genes. cap. xxiv, vers. 61, ancillæ Rebeccæ vocantur ἄβρα, æque ac ancilla filiæ Pharaonis,

Exodi cap. vii, vers. 4. Addunt nonnulli abram proprie dici ancillam, quæ commensalis est et amanuensis, præestque cellæ penarie; hanc enim Spartanis significat ἄβρα.

33. VOS AUTEM NOLO UT SCRUTEMINI ACTUM MEUM. Vers. 32 — utpote a Deo probatum et decretum. Prudenter celat suum secretum; tota enim energia hujus actionis consistebat in secreto.

ET USQUE DUM RENUNTIEM VOBIS, NIHIL ALIUD FIAT NISI ORATIO PRO ME AD DOMINUM.—Hic discé in publica gravique causa publicas et continuas poscere preces, ut Deus rem dirigat et secundet. Arma ergo Judith, quibus truncavit Holofernem, fuerunt publicæ litaniæ et preces totius populi. Nota hunc locum pro litaniis. Audi S. Augustinum serm. 228. *De Temp.* qui est de Judith : « Judith sanctissima, cujus precibus patuit cœlum, orationis arte arma victoria fabricavit, quibus adversa confligeret, et paventes viros femina vindicaret. Squalebat civitas obsidione barbaræ feritatis. Ita enim universæ languebant, ut in manibus hostium jam tradi commodius judicarent, quam perniciose fami populatione vexari. Ecce Judith post precem et saccum, post cinerem, post cultus puellares redit, spes omnium populorum procedit, sollicitos populos redditura securos, sua sapientia consolatur, quæ promittens victoriam, quam omnis natio miraretur, portam sibi paulum remotis obicibus postulat aperiri. Prodiit secura unius puellæ comitatu contenta, et hostium securis gressibus properavit in castra. Intra muros sollicita fuit, secura fit, dum ad timenda pervenit. » Et sub finem : « Orationis favore castitas proprium pudorem servavit intactum et quietum, decepitque alienum, etc. Ubi enim assiduis pulsatur orationibus cœlum, potentia semper calcatur armorum. Quæ glriosæ feminæ castitatem servavit oratio, et hostem servare non potuit multitudo. Lugentem civitatem una femina valuit vindicare, et tantus exercitus regem non potuit custodire. » Et serm. 229 : « Judith bellator animus alienum pectus obsedit. Illa, abjecta formidine seminarum, victoriam in periculis quærens, nec mortem in periculis timuit, nec ambiguitatem formidavit. »

CAPUT NONUM.

SYNOPSIS CAPITIS.

Judith in cinere et cilicio precatur Deum, ut sibi robur conferat ad Holofernem necandum, ut ejus obsidione patriam liberet.

1. Quibus abstinentibus, Judith ingressa est oratorium suum, et induens se cilicio, posuit cinerem super caput suum; et prosternens se Domino, clamabat ad Dominum, dicens : 2. Domine Deus patris mei Simeon, qui dedisti illi gladium in defensionem alienigenarum, qui

violatores extiterunt in coinquinatione sua, et denudaverunt femur virginis in confusionem; 3: et dedisti mulieres illorum in prædam, et filias illorum in captivitatem, et omnem prædam in divisionem servis tuis, qui zelaverunt zelum tuum; subveni, quæso te, Domine Deus meus, mihi viduæ. 4. Tu enim fecisti priora, et illa post illa cogitasti; et hoc factum est quod ipse voluisti, 5: omnes enim viæ tuae paratae sunt, et tua judicia in tua providentia posuisti. 6. Respice castra Assyriorum nunc, sicut tunc castra Ægyptiorum videre dignatus es, quando post servos tuos armati currebant, confidentes in quadrigis, et in equitatu suo, et in multitudine bellatorum. 7. Sed aspexisti super castra eorum, et tenebræ fatigaverunt eos. 8. Tenuit pedes eorum abyssus, et aquæ operuerunt eos. 9. Sic fiant et isti, Domine, qui confidunt in multitudine sua, et in curribus suis, et in contis, et in scutis, et in sagittis suis, et in lanceis gloriantur, 10. et nesciunt quia tu ipse es Deus noster, qui conteris bella ab initio, et Dominus nomen est tibi. 11. Erige brachium tuum sicut ab initio, et allide virtutem illorum in virtute tua; cadat virtus eorum in iracundia tua, qui promittunt se violare sancta tua, et polluere tabernaculum nominis tui, et dejicere gladio suo cornu altaris tui. 12. Fac, Domine, ut gladio proprio ejus superbia amputetur; 13. capiatur laqueo oculorum suorum in me, et percuties eum ex labiis charitatis meæ. 14. Da mihi in animo constantiam, ut contemnam illum; et virtutem, ut evertam illum. 15. Erit enim hoc memoriale nominis tui, cum manus feminæ dejecterit eum. 16. Non enim in multitudine est virtus tua, Domine, neque in equorum viribus voluntas tua est, nec superbi ab initio placuerunt tibi, sed humilium et mansuetorum semper tibi placuit deprecatione, 17. Deus cœlorum, creator aquarum, et Dominus totius creaturæ, exaudi me miseram deprecantem, et de tua misericordia præsumentem. 18. Memetito, Domine, testamenti tui, et da verbum in ore meo, et in corde meo consilium corrobora, ut domus tua in sanctificatione tua permaneat, 19. et omnes gentes agnoscant, quia tu es Deus, et non est aliud præter te.

Vers. 1. 1. **QUIBUS ABSCEDENTIBUS** (corrige cum Romanis et Græcis *abscedentibus*), **JUDITH INGRESSA EST ORATORIUM SUUM; ET INDUENS SE CILICIO.** — Græci ἐγνωσσεν, quod Complutensium et Regiorum interpres vertit: « Exuit quo induta erat saccum, » hoc est cilicium. Sed id contrariatur versioni Latinæ vulgatae ad verbum. Ergo sic verte cum Vatablo: « Nudavit saccum quo erat induta, » depositis scilicet extimis vêtibus, solo manens induta sacco, eumque nudum demonstrans: saccum vocat cilicium. Nudavit ergo coram Deo interius cilicium, ostendens illud Deo quasi signum pœnitentiae et pœnitentis, supplicisque obsecrationis. Cilicio igitur et cinere ornavit, imo armavit suam deprecationem, cuius rei symbolicam causam dabo vers. 14.

PROSTERNENS SE DOMINO. — Græca addunt id factum vespere, cum thymiana adoleretur Deo in Templo Jerosolymis, ut significet publicum in templo sacrificium, quod jugiter in vespere offerebatur, hisce Judithæ precibus cooperatum fuisse, ac Juditham illi preces suas junxisse, ut publicam clamam publica supplicatione converteret, utque vis sacrificii demonstraretur, illud scilicet parasse hanc Judithæ victoriam.

Vers. 2. 2. **DOMINE DEUS PATRIS MEI SIMEON** (hinc patet Judith fuisse e tribu Simeon), qui **DEDISTI ILLI GLADIUS**, — id est fortitudinem in defensionem (Græce

ἐκδικησον, ide st ultiōnem (**ALIENIGENARUM QUI VIOLATORES EXSTITERUNT**) — Dinæ sororis suæ. Nota: Deus dedit fortitudinem Simeoni ad vindicandum Dinæ stuprum, sed non tali modo peragendum, quo ipsi usi sunt. Licet enim ipsi fecerint ex zelo, ut sequitur; tamen zelus iste fuit contra pacta cum Sichimitis inita, et Jacobum cum suis omnibus exposuit periculo, ne a vicinis omnes occiderentur; unde Jacob eos redarguit. Permisit tamen Deus Sichem stupratorem, ejusque subditos Sichimitas a Simeone occidi, eorumque bona diripi in pœnali stupri a Sichem principe eorum commissi. Ita Lyranus. Vide dicta Genes. xxxiv. Sic Deus obstetricibus mentientibus dedit domos, non propter mendacium, sed propter affectum et beneficium Hebræorum infantibus, quos a morte servabant, impensum Exodi 1. Laudat ergo Judith zelum Simeonis in vindicando stupro Dinæ, sed non laudat modum vindicandi, quod scilicet propria auctoritate occiderit Sichimitas per dolum.

4. **ETILLA POSTILLA** (id est alia post alia tuae vesp. 4 vindictæ exempla) **COGITASTI**, — scilicet facere. Sternit enim Judith viam ad commemorandam vindictam de Pharaonesumptam a Deo in mari Rubro.

9. **ET IN CONTIS.** — Conti sunt lanceæ, et hastæ vesp. 9 oblongæ, venabula, etc.

11. **CORNU ALTARIS TUI.** — Vere altare habebat vesp. 11 cornua, sed per illa significabatur altaris et sacrifici-

ciorum in ea oblatorum majestas, robur et gloria.

13. Er PERCUTIES EUM EX LABIIS CHARITATIS MÆ. — id est feries Holofernem verbis meis eleganti- bus « charitatis, » id est amoribus illicibus; charitas enim hic, non divina, sed humana intelligitur per catachresin; amoris, inquam, casti; quo me ut conjugem amare et ambire potest. Licet enim Judith nolle Holofernem maritum, licite tamen poterat eum ad sui amorem castum et conjugalem illicere, ut sic haberet occasionem eum incautum astute occidendi. Esto enim Holofernes in turpem et fornicarium ejus amorem rapiendus foret, id tamen non intendit Judith, sed permisit duntaxat ad tegendum suum facinus, quo eum cædi destinabat, quod alia ratione peragere non poterat. Intendebat ergo Holofernem sua specie allucere ad amorem honestum et conjugalem, ut sic sui amantem et incautum occideret (1). Factum enim hoc Judith, cui Deus singulariter operatus est occidendo Holofernem, et Judeam liberando, potius excusandum, ac charitati in patriam, et peculiari Dei instinctui ascribendum est, quam de libidine, vel scandalo accusandum, uti excusat S. Scriptura Patres, et Interpretes, ac præser- tim S. Ambrosius lib. *De viduis*.

(1) Et licet probabilibus conjecturis præsciret illum non ad castum, sed ad turpem amorem pellectum iri, quia tamen id non ex natura facti Judith, sed virtus Holopernis futurum erat, et Judith justissimas haberet causas faciendi quod faciebat, puta ad liberandam patriam et hostes fugandos; poterat negative seu mere passive sese habere ad peccatum Holopernis, et eo non obstante, curare modis omnibus ut, ad sui amorem pertaheretur. Ita fere Ambrosius et doctores scholastici (ex Tirino). Cæterum ipsa non procuravit peccatum alienum, quia pulchritudo aut ornatus feminæ non proprie causa illiciti amoris, sed corrupta hominis natura, et concupiscentia latens.

14. DA MIHI IN ANIMO CONSTANTIAM. — Nota: Omnis virtus, sed maxime constantia petenda est a Deo, tum præsertim infirmis et debilibus, uti sunt feminæ, pueri, senes, ægri, cum aggrediuntur quid heroicum vires naturæ exsuperans, quale erat hoc opus Judith, idque tum quia homo ex peccato factus est totus fragilis et inconstans, tum quia Deus ait: « Ego sum qui sum, » id est per essentiam constans, fons et auctor omnis essen- tiæ. Sed adverte Judith eam petere indutam cilicio, et cinere aspersam, ac prostratam in terra, vers. 1; quia oratio ut constantiam obtineat, debet armari penitentia, labore et mortificatione carnis; qui enim mollis est, et deliciis carnis indulget, nequit esse fortis et constans. Cinis signum est mortis, quia constantiam valde excitat memoria mortis, brevitasque vitæ et laboris ac doloris in ea subeundi. Denique prostratio signum est humilitatis, qua quis agnoscens suam fragilitatem, implorat Dei opem, ab eoque constantiam impetrat.

16. NON ENIM IN MULTITUDINE EST VIRTUS TUA, — ut per multos validosque milites victoriam pares, sed per solam feminam imbecillem, et imbellem rem totam conficies. Sic Artabanus Xerxi in tot copiis suis exultanti aiebat: « Ingens exercitus ab exiguo profligatur; quoties Deus iis, quos de- testatur, aut metum aut tonitruum incutit. » Uti refert Heliodorus, lib. VII.

17. PRÆSUMENTEM, — id est valde confidentem. **Vers. 17.** Vide dicta cap. vi, vers. 15.

18. MEMENTO, DOMINE, TESTAMENTI TUI, — id est Vers. 18. pacti cum Hebræis per Mosen, Davidem, aliasque Principes initi.

Ut DOMUS TUA (templum tuum) IN SANCTIFICA- TIONE TUA, id est in sancta tui religione et cultu, quo vere sanctificatur, PERMANEAT.

CAPUT DECIMUM.

SYNOPSIS CAPITIS.

Judith se ornat, ac ornata pergit ad Holofernem; comprehenditur ab exploratoribus, et ad eum ducitur, qui ejus forma capitur.

1. Factum est autem cum cessasset clamare ad Dominum, surrexit de loco in quo jacuerat, prostrata ad Dominum. **2.** Vocavitque abram suam, et descendens in domum suam, abs- tulit a se cilicium, et exuit se vestimentis viduitatis suæ, **3.** et lavit corpus suum, et unxit se myro optimo, et discriminavit crinem capitis sui, et imposuit mitram super caput suum, et induit se vestimentis jucunditatis suæ, induitque sandalia pedibus suis, assumpsitque dextriola, et lilia, et inaures, et annulos, et omnibus ornamentis suis ornavit se. **4.** Cui etiam Dominus contulit splendorem; quoniam omnis ista compositio non ex libidine, sed ex virtute pendebat; et ideo Dominus hanc in illam pulchritudinem ampliavit, ut incomparabili decore omnium oculis apparearet. **5.** Imposuit itaque abræ suæ ascoperam vini, et vas olei. et polen-

tam, palathas, et panes, et caseum, et profecta est. 6. Cumque venissent ad portam civitatis, invenerunt exspectantem Oziam et presbyteros civitatis. 7. Qui cum vidissent eam, stupentes mirati sunt nimis pulchritudinem ejus. 8. Nihil tamen interrogantes eam, dimiserunt transire, dicentes : Deus patrum nostrorum det tibi gratiam, et omne consilium tui cordis sua virtute corroboret, ut glorietur super te Jerusalem, et sit nomen tuum in numero sanctorum et justorum. 9. Et dixerunt hi qui illic erant, omnes una voce : Fiat, fiat. 10. Judith vero, orans Dominum, transivit per portas ipsa, et abra ejus. 11. Factum est autem, cum descendenter montem, circa ortum diei, occurrerunt ei exploratores Assyriorum, et tenuerunt eam, dicentes : Unde venis ? aut quo vadis ? 12. Quæ respondit : Filia sum Hebræorum, ideo ego fugi a facie eorum, quoniam futurum agnovi, quod dentur vobis in deprædationem, pro eo quod contemnentes vos, noluerunt ultro tradere seipso, ut invenirent misericordiam in conspectu vestro. 13. Hac de causa cogitavi tecum, dicens : Vadam ad faciem principis Holofernis, ut indicem illi secreta illorum, et ostendam illi quo aditu possit obtinere eos, ita ut non cadat vir unus de exercitu ejus. 14. Et cum audissent viri illi verba ejus, considerabant faciem ejus, et erat in oculis eorum stupor, quoniam pulchritudinem ejus mirabantur nimis. 15. Et dixerunt ad eam : Conservasti animam tuam, eo quod tale reperisti consilium, ut descenderes ad Dominum nostrum. 16. Hoc autem scias quoniam, cum steteris in conspectu ejus, bene tibi faciet, et eris gratissima in corde ejus. Duxeruntque illam ad tabernaculum Holofernis, annuntiantes eam. 17. Cumque intrasset ante faciem ejus, statim captus est in suis oculis Holofernes. 18. Dixeruntque ad eum satellites ejus : Quis contemnat populum Hebræorum, qui tam decoras mulieres habent, ut non pro his merito pugnare contra eos debeamus ? 19. Videns itaque Judith Holofernem sedentem in conopeo, quod erat ex purpura, et auro, et smaragdo, et lapidibus pretiosis intextum ; 20. et cum in faciem ejus intendisset, adoravit eum prosternens se super terram. Et elevaverunt eam servi Holofernis, jubente Domino suo.

Vers. 2. 2. ABRAM (id est ancillam) SUAM, ut dixi cap. VIII, et cap. IX, in fine.

Vers. 3. 3. UNXIT SE MYRO (perperam aliqui legunt myrto), id est unguento (hoc enim Græcis est μύρον) OPTIMO, — ut miram ex se fragrantiam spargeret, illaque feriret nares Holofernis, æque ac forma oculos, et verbis speciosis aures ejusdem. Audi S. Augustinum vel potius S. Ambrosium, hujus enim stylum redolet, uti adverterunt Doctores Parisienses, serm. 229 *De Temp.* qui est *De Judith* : « Gentis suæ vindex sumpsit ornamentorum arma, non de bello nuptias subitura; sed de civitate bella-trix processit sponsa, nec fuit levitas ornatus, qui ad homicidium ~~capiti~~ capitis aptabatur. Pergit di-vino spiritu ducta, et singulari ancillæ solatio contenta. Species custodit quæ blanditur, et ne violenter pudicitia custodita lœdatur, Holofernem alloquitur, ut desiderium mane concipiatur, » copulæ scilicet matrimonii, quod Judith in mente concipiebat, quodque ipsa facile sua specie et blandiloquentia persuasisset Holoferni, si ad id connitti voluisset.

ET IMPOSUIT MITRAM SUPER CAPUT SUUM. — Mitra est fascia byssina gemmis et bracteolis aureis, tremulisque collucens. Hoc enim significat רעללה reala, ut dixi *Isaiæ* III.

Alludit « mitra » ad *mithra*, quæ vox Persice

solem significat ; sol enim purissimis et fulgentibus radiis suis quasi mitra coronatur. Virgines pariter et casti, ut Judith, sunt quasi soles quidam mithrati fulgoribus suæ castitatis circumcirca rariantes.

ET LILIA, — id est, armillas specie et forma liliorum. Græca est ψέλλια, id est armillas, brachialia, scilicet ornamenta manuum et brachiorum.

4. CUI ETIAM DOMINUS CONTULIT SPLENDOREM. — tum efficiendo ut ornatus ejus pulchrior et splendidior hominibus appareret, tum revera lucem et fulgorem quemdam cœlestem vultui ejus afflando, qualem afflavit Moysi *Exodi*, xxxiv, 29, ac S. Antonio, S. Ignatio, aliisque eximiis Sanctis, quibus radios lucis aspiravit, ut in facie sanctitas eorum resplenderet. Vide hic novam pugnandi artem, qua Judith se ornando suam castitatem et suorum civium vitam defendit; nam aliæ virgines suam pudicitiam tueri solent sese deturpando. Anno Domini 870, cum Dani invadentes Angliam accederent ad monasterium Collinghamense, Ebba Abbatissa, ut suam suarumque castitatem tueretur, sibi nasum et labrum superius præcidit, suisque ut idem facerent, suavit. Quare irruentes Dani monasterium cum virginibus concremaverunt. Ita refert Mathæus West-

monasteriensis in annalibus, anno jam dicto. Nimirum de instinctu secutæ sunt dictum et factum S. Pelagiæ virginis, quæ simili necessitate constricta, ne virginitatis dispendium pateretur: « Moriamur, inquit, vel si nolint, moriamur. Deus remedio non offenditur, et facinus fides abluit,» itaque se e tecto præcipitavit, ut refert S. Ambrosius, lib. III *Virgin.* et S. Chrysostomus hom. *De ejus laudibus.*

QUONIAM OMNIS ISTA COMPOSITIO NON EX LIBIDINE, SED EX VIRTUTE PENDEBAT. — Quia ex zelo liberandi patriam ab exitio et excidio tyranni proficiscicebatur. Audi S. Ambrosium, lib. *De viduis*: « Et bene conjugales pugnatura resumpsit ornatus, quia monimenta conjugii arma sunt castitatis. Neque enim vidua aliis aut placere posset aut vincere. Quid cætera persequamur, quod inter tot millia hostium casta permansit? Quid ejus sapientiam prædicemus, quod hujuscemodi est commenta consilium, ut, dum potentem elicit intemperantia, a se inferiores arceret, occasionem pararet victoriae, abstinentie meritum, pudicitiae gratiam reservaret?

Vers. 5. **5. IMPOSUIT ITAQUE ABRA (ancillæ) SUÆ ASCOPE-RAM VINI,** — id est, utrem vini. Ascopera enim est vox Græca conflata ex ἀσκος, id est uter; follis, et πίπα, id est pera, sacculus, ac significat marsupium, sive sacculum, in quo viatores suas vestes, annonam, aliaque utensilia reponunt, secumque portant. Suidas hac voce utitur, et Suetonius in *Nerone*, dicens: « Alterius collo est ascopera deligata, simulque titulus. Ego quid potui? sed tu culeum meruisti. » Alii legunt ἀσκοπα, vel ἀσκοπτήν; id est uter vini.

ET POLENTAM. — Polenta est farina hordeacea, puta hordeum madefactum, mox siccatum, et tostum, ac mola in farinam comminutum, de quo dixi I *Reg. XVII.*

ET PALATHAS, — hoc est, massas caricarum, seu ficuum aridarum, de quibus Plinius, lib. XIII, cap. vi. Male nonnulli, pro « palathas,» per metathesin legunt *lapathas*.

Vers. 12. Porro hanc annonam detulit secum Judith, ne cibis Holofernisi vesci cogeretur. Adeo enim Judæi religiosiores abhorrebat a consortio gentilium, ut nec cibos eorum comedere sustinerent, præsertim quia Gentiles sæpe cibos suos idolis suis offerebant, ut fierent idolothyta, de quibus dixi I *Cor. VIII.* Sic Daniel cum sociis, cap. i, 8, noluit cibis regiis vesci, sed leguminibus vicitavit.

12. IDEO EGO FUGI A FACIE EORUM. — Multi censem Judith hic et in seq. mentiri, sed officiose ad liberandum suum populum, at non peccasse, quia putabat tali casu in tanta necessitate mentiri esse licitum, imo honestum et pius, uti putavit Plato, imo Origenes, Cassianus aliquique Patres, quos citavi *Exod.* I. Ita Lyranus Abulensis, Mariana, Emmanuel Sa, et S. Thomas, II II, *Quæstione CX*, art. 3, ad 3.

Verum Judith a mendacio excusant Rabanus, Glossa, Hugo, Dionysius, Serarius, Salianus, Sanchez, S. Augustinus lib. *De mendacio*, quia Deus eam in toto hoc opere dirigebat, et a peccato conservabat, ut ipsa ait cap. XII, vers. 16. Celat ergo Judith veritatem et ambigue loquitur Assyriis hostibus suis injuste se invadentibus, ut eos perdat, at non mentitur. Ait igitur, « fugi,» id est celeriter abscessi; fugere enim sæpe idem est, quod celeriter abire, ac se ab aliquo abripere, « a facie eorum:» aut « fugi,» id est schema et speciem fugientis, sive transfugæ assumpsi, ac quasi fugitiva noctu in manus vestras incurri, meque vobis dedo. Ita Serarius, Sanchez, Salianus et alii (1).

QUONIAM FUTURUM AGNOVI QUOD DENTUR VOBIS IN DEPRADATIONEM; — ita enim revera futurum erat, si humanam rationem et providentiam spectes; nec enim humanitus humanisque viribus Hebrei poterant Assyriis resistere; sed Judith, altiori nixa consilio et oraculo, sciebat id non futurum nisi per cœlestem Dei providentiam et correctionem.

Vers. 12. **13. VADAM AD FACIEM PRINCIPIS HOLOERNIS, UT DICAM ILLI SECRETA EORUM.**

— Nimirum cives obssessos laborare extrema siti et fame, ideoque murmurare contra suos principes, eosque urgere, ut se dedant Holoferni, etc. Verum dicit: attamen hic finis non erat ultimus, sed mediatus. Hoc enim cogitabat devincire sibi Holofernem, ut sibi devinctum et securum data occasione trucidaret. Nam, ut recte advertit Salianus, notandum hic est in bello justo, quale fuit Judæorum contra Assyrios, non solum apertam vim, sed etiam occultam, et tectam, licitam et justam esse; et eos recte in fraudem induci posse, quos in mortem licet inducere. Dolus et stratagema natura sua indifferens est, et ex fine ad quem refertur, malitiam accipit, aut bonitatem. Cum ergo Judithæ finis bonus sit, erit ipse dolus etiam laudabilis; idemque de ornatu et cultu corporis ejus existimandum est.

14. ET ERAT IN OCULIS EORUM STUPOR, QUONIAM **Vers. 14.**

(1) Perdifficile est tamen a mendacio ex omni parte absolvere Judith, licet eam excusare possimus. Nonne equidem credere potuit errore invincibili mendacium, præ magnitudine rei quam aggrediebatur, contra hostes esse licitum? Nam si doctores christiani, et quidem non parvi ponderis, putarunt mendacium aliquando licitum esse, quid mirum si mulier Judæa eodem errore labaverit, et si Deus qui eam aliunde quasi manu ductabat, in illo errore versari permiserit?

« Quidam, ait S. Thomas loco supra citato, commendatur in Scripturis non propter perfectam virtutem, sed propter quamdam virtutis indolem, scilicet quia apparebat in eis aliquis laudabilis affectus, ex quo movebantur ad quædam indebita facienda. Ex hoc modo, Judith laudatur, non quia mentita est Holopherni, sed propter affectum quem habuit ad salutem populi, pro qua periculis se exposuit. Quamvis etiam dici possit quod verba ejus veritatem habent secundum aliquem mysticum intellectum. »

PULCHRITUDINEM EJUS MIRABANTUR NIMIS. — Tota ergo mentis eorum detentio abripietatur, et absorbeatur in contuenda et admiranda eximia ejus pulchritudine, adeo ut aliud videre vel cogitare non possent. Hoc sciebat Judith, ideoque tantum ornatum assumpsit, ut oculos mentesque eorum caperet, captasque falleret, et Holofernem trucidaret, itaque ejus castra dissiparet.

Audi S. Augustinum (vel potius S. Ambrosium aut certe S. Maximum; multi enim sermones S. Ambrosii ad verbum inveniuntur in S. Maximo Taurinensi Episcopo; nam utriusque stylus persimilis est) serm. 228. *De Temp.* qui est *De Judith*: « In qua femina insidiosæ pulchritudinis novitatem hostilis exercitus vehementer expavit, ut in ejus obsequio vires amitterent, arma projicerent, et colla curvarent. Deducitur ad prætorium subjectis ordinibus fraus Holofernisi, et lugentis Victoria civitatis.

Moraliter disce hic quam seminarum aspectus periculosus sit et perniciosus: cuius rei exempla sunt Samson, David, Salomon, et mille alii. Vere *Ecli*, XLII, 14: « Melior, inquit, est iniquitas viri, quam mulier benefaciens, et mulier confundens in opprobrium. » Vide ibi dicta.

Vers. 16. 16. DUXERUNTQUE ILLAM AD TABERNACULUM HOLOFERNIS. — Græca addunt: *cum ancilla sua junctoque curru et centum virorum præsidio*. Et mox: *Et exivit (Holofernes) in proscenium, id est, in tentorii vestibulum, et lampades argenteæ præcedebant eum*; tum quia erat nox, puta crepusculum auroræ, ut patet versu 11; tum quia ignis præferri solebat regibus et principibus Assyriorum, ut dixi *Jeremiæ* 1, versu 13.

17. STATIM CAPTUS EST IN SUIS OOCULIS HOLOFERNES. — Audi S. Augustinum, serm. 278 jam citato: « Quam cum videret Holofernes, solutus est sensibus, animam cum capite perditurus. Jacuit enim dedecus juvenum mulieris vultu captivus, licuit mulcri exarmare juvenes, et debellare victores; sollicitam defendere civitatem, et barbarum subvertere bellatorem. Decepit sincera corruptum, fefellit casta pollutum, pudica perimit adulterum, sobria jugulat ebriosum. Illa enim tam barbaros animos insidiosi sui vultus fraude confudrat, ut eum ligaret multarum arte fabularum, ut redderet inter exercitus victimum, et inter arma captivum. » Et paulo inferius: « Quamvis ille belator armorum tam castissimæ feminæ malesanus attenderet vultum, illa tamen, quare venerat, de ejus capite cogitabat, quo sublato defectis civibus subveniret, et multa capita tueretur, defenseret, vindicaret. »

18. UT NON PRO HIS MERITO CONTRA EOS PUGNARE DEBEAMUS. — Græca addunt: *Quoniam non est bonum remanere ex eis virum unum, qui dimissi poterunt decipere omnem terram*, per tam speciosas feminas, qualis est Judith. Ecce verum dicunt, sed inscii; ipsimet enim decepti, ab Hebræis per Judith cæsi fugatique fuere.

19. SEDENTEM IN CONOPEO: — ita vocatur cor- Vers. 19.
tina sursum in conum acutum desinens, et inferioris in rotundum expansa ad arcendum culices. Ita Lyranus; κώνωψ enim est culex, talesque cor-
tinæ lectis castrensis et portatilibus circumdari solent. Unde Græca habent Holofernem sedisse super lectum suum in conopeo. Itali et Galli vocant Padiglione.

CAPUT UNDECIMUM.

SYNOPSIS CAPITIS.

Judith causam adventus sui Holoferni enuntiat, et victoriam pollicetur. Assyrii eam laudant a forma et sapientia: Holofernes ingentia ei præmia promittit.

1. Tunc Holofernes dixit ei: *Æquo animo esto, et noli pavere in corde tuo; quoniam ego nunquam nocui viro, qui voluit servire Nabuchodonosor regi.* 2. Populus autem tuus, si non contempsisset me, non levassem lanceam meam super eum. 3. Nunc autem dic mihi: *Qua ex causa recessisti ab illis, et placuit tibi ut venires ad nos?* 4. Et dixit illi Judith: *Sume verba ancillæ tuæ, quoniam si secutus fueris verba ancillæ tuæ, perfectam rem faciet Dominus tecum.* 5. *Vivit enim Nabuchodonosor rex terræ, et vivit virtus ejus, quæ est in te, ad correptionem omnium animarum errantium: quoniam non solum homines serviunt illi per te, sed et bestiæ agri obtemperant illi.* 6. *Nuntiatur enim animi tui industria universis gentibus, et indicatum est omni sæculo, quoniam tu solus bonus et potens es in omni regno ejus, et disciplina tua omnibus provinciis prædicatur.* 7. *Nec hoc latet, quod locutus est Achior; nec illud ignoratur, quod ei jusserris evenire.* 8. *Constat enim Deum nostrum sic peccatis offensum, ut mandaverit per Prophetas suos ad populum, quod tradat eum pro pœ-*

catis suis. 9. Et quoniam sciunt se offendisse Deum suum filii Israel, tremor tuus super ipsos est. 10. Insuper etiam fames invasit eos : et ab ariditate aquæ jam inter mortuos computantur. 11. Denique hoc ordinant, ut interficiant pecora sua, et bibant sanguinem eorum : 12. et Sancta Domini Dei sui, quæ præcepit Deus non contingi, in frumento, vino et oleo, hæc cogitaverunt impendere, et volunt consumere, quæ nec manibus deberent contingere : ergo quoniam hæc faciunt, certum est quod in perditionem dabuntur. 13. Quod ego ancilla tua cognoscens, fugi ab illis, et misit me Dominus hæc ipsa nuntiare tibi. 14. Ego enim ancilla tua Deum colo, etiam nunc apud te : et exiet ancilla tua, et orabo Deum, 15. et dicet mihi quando eis reddat peccatum suum, et veniens nuntiabo tibi, ut ego adducam te per medium Jerusalem, et habebis omnem populum Israel, sicut oves quibus non est pastor, et non latrabit vel unus canis contra te : 16. quoniam hæc mihi dicta sunt per providentiam Dei. 17. Et quoniam iratus est illis Deus, hæc ipsa missa sum nuntiare tibi. 18. Placuerunt autem omnia verba hæc coram Holoferne, et coram pueris ejus, et mirabantur sapientiam ejus, et dicebant alter ad alterum : 19. Non est talis mulier super terram in aspectu, in pulchritudine, et in sensu verborum. 20. Et dixit ad illam Holofernes : Benefecit Deus, qui misit te ante populum, ut des illum tu in manibus nostris, 21. et quoniam bona est promissio tua, si fecerit mihi hoc Deus tuus, erit et Deus meus, et tu in domo Nabuchodonosor magna eris, et nomen tuum nominabitur in universa terra.

1. TUNC HOLOFERNES DIXIT EI : AEQO ANIMO ESTO. — Animadvertisit Holofernes Juditham timenter, tum quod femina solitudini assueta inter tot millia virorum armatorum et hostium consisteret, tum quod conscientia tanti facinoris ejus animum metu pulsabat, ne forte non succederet, sed res proderetur, et ipsa capitum periculum adiret. Esto enim, Deo illam animante, spiritus ejus esset intrepidus; caro tamen erat infirma, ac partem mentis inferiorem infirmabat. Ecquid mirum? cum Christus fortissimus passionem aggressurus de se dixerit : « Spiritus quidem promptus est, caro autem infirma; » *Matth. xxvi, 41.*

NUNQUAM NOGUI VIRO, — multo minus mulieri. Mentitur : nam, ut dictum est, cap. III, civitates eorum qui se illi in servos offerebant, destruxit, lucosque excidit.

4. PERFECTAM REM FACIET DOMINUS TECUM, — scilicet perfectam Deus dabit victoriam, non tibi, ut tu putas, o Holofernes, sed mihi et Judæis de te. Est stratagema bellicum, quo Judith Holofernem ambiguitate verborum ludit et illudit, itaque in fraudem et laqueum necis inducit. Nam, ut ait Poeta : « Dolus an virtus quis in hoste requirat? » Sic Apollo Delphicus illusit Pyrrho, eum de *victoria contra Romanos consulenti*, dicens :

Aio te Aæacida Romanos vincere posse.

Quod perperam sibi applicuit Pyrrhus; quasi ipse Romanos esset victurus, cum Apollo intelligeret de Romanis, quod ipsi vincerent Pyrrhum, ut re ipsa vicerunt.

5. VIVIT ENIM NABUCHONOSOR REX TERRÆ, ET VIVIT VIRTUS (robur, fortitudo) EJUS. — Jurat Judith per vitam et virtutem Nabuchodonosoris, sicut Joseph jurat per salutem Pharaonis, *Gen. XLII, 15.*

SED ET BESTIÆ AGRI (puta equi, cameli, boves, asini, oves, etc.,) OBTEMPERANT EI.

6. INDICATUM EST OMNI SÆCULO, — præsenti, id Vers. 6. est toti mundo. Ita Græca.

QUONIAM TU SOLUS BONUS, — benignus et beneficus, juxta illud Christi, *Lucæ xxii, 25* : « Reges gentium dominantur eorum, et qui potestatem habent super eos, benefici (Principes) vocantur. » Hinc Præsidum epitheton erat optimus, ut optime Felix, optime Feste. Vide dicta *Actorum* cap. XXIV, vers. 3.

Sensus ergo est, q. d. Tu solus es verus, magnusque princeps in regno Nabuchodonosoris, ut pote benignus et liberalis æque ac potens, ideoque Nabuchodonosor sua omnia tibi commisit. Aliqui « bonus » exponunt fortis.

8. UT MANDAVERIT PER PROPHETAS SUOS. — Vers. 8 Misit enim Deus Eliam, Eliseum, Isaiam, Osce, Jeremiam, cæterosque Prophetas, qui Israelis idola et scelera castigarent, eisque excidium per Assyrios, Chaldæos aliosque hostes comminarentur et prædicerent.

10. FAMES INVASIT EOS, — quia ubi laboratur siti, Vers. 10 ibi et fame; cibus enim sine potu a sitiensi humectari et comedи nequit.

11. ET BIBANT SANGUINEM EORUM, — pro aqua, Vers. 11. qua carent ad restinguendam extremam sitim; sanguinis autem esus et potus erat Judæis a Deo vetitus sub pena mortis, ut patet *Levit. xvii.*

12. ET SANCTA DOMINI (ea quæ Deo sanctificata, Vers. 12. id est dicta et consecrata sunt) HÆC COGITAVERUNT IMPENDERE, — ad extremam sitim famemque suam levandam.

ERGO QUONIAM HÆC FACIUNT CERTUM EST QUOD IN PERDITIONEM DABUNTUR. — Certum est, si causas naturales et cursum rerum ordinarium spe-

tes : fames enim et siti cogent eos ad interitum. Idem facient peccata eorum, quibus iram et vindictam Dei meruerunt, nisi quis sanctus iram Dei mitiget, ut ego eam meis precibus me mitigatram spero.

Vers. 13. **MISIT ME DOMINUS HÆC IPSA NUNTIARE TIBI.** — Miserat enim Deus Judith ad Holofernem, ut haec ei nuntiando gratiam ejus sibi conciliaret, qua habita eum incaute per plium dolum occideret.

Vers. 14
et 15. **ET ORABO DEUM, ET DICET MIHI QUANDO EIS REDDAT PECCATUM SUUM, ET VENIENS ANNUNTIABO TIBI, ITA UT EGO ADDUCAM TE PER MEDIAM JERUSALEM, ET HABEBIS OMNEM POPULUM ISRAEL, SICUT OVES, QUIBUS NON EST PASTOR, ET NON LATRABIT VEL UNUS CANIS CONTRA TE.** — Multi censem Judith hic non posse excusari a mendaciis. Verum excuso eam duplii modo et titulo. Prior est, quod ipsa loquitur secundum causas naturales, et communem naturæ cursum quo Judæis ad extrema redactis, et in offensa, iraque Dei constitutis, necessario erat pereundum, nisi Deus supernaturali vel extraordinario quodam modo eis succurreret. Sic Eliseus Hazaeli roganti de salute Benadad regis ægrotantis, respondit eum sanandum, sed tamen moriturum; quia scilicet quantum erat ex vi morbi, is non erat lethalis; quare ex eo sanandus erat, sed tamen moriturus, quia suffocandus ab Hazaele, IV Reg. VIII, 10.

Sic hic Judith asserit ab Holoferne perdendos Hebræos ob peccata sua, quia humanis viribus ejus manus evadere non poterant; erant tamen evasuri per preces Judith et sacerdotum, quibus opem Dei cœlestem poscebant et impetrabant.

Sensus ergo est, q. d. Hebræi, si causas naturales species, plane sunt perdendi, et a te subjungi ob peccata sua. Quare ego orabo Deum pro hoc negotio, et si quidem velit omnino eos perdere, idque, ut solet, indicet mihi, velitque ut idipsum tibi edicam, ut videtur futurum, si communem providentiae Dei cursum species; ego idipsum ex mente Dei annuntiabo tibi, ita ut adducam te per medium Jerusalem, totumque populum tibi subjiciam. Deo enim ita volenti et ordinanti me omnino parere oportet, etiam cum damno et interitu populi mei; si enim ipse me velit quasi virga uti ad castigandum eum, ego ut virga ei in hac castigatione subservire debeo et volo. Simili enim modo castigavit Deus Roboam et Judæos, creando per Ahiam Prophetam regem Jeroboam, eique tradendo regnum decem tribuum Israel. Sic Deus per Isaiam, cap. XLV, evocavit Cyrum ad castiganda crimina multarum gentium. Sic per Jeremiam evocavit Nabuchodonosor et Chaldeos ad excidium Jerusalem; quod proinde Jeremias crebro et assidue Judæis comminatus est, adeoque suasit ut Nabuchodonosori obsidenti se dederent, ipsos enim ejus manus evadere non posse, eo quod hæc sit justa Dei voluntas et scelerum castigatio. Unde Nabuchodonosor, resciens hæc Jeremiæ oracula, Jerusalem per 14

menses obsedit, donec eam caperet; qua capta, jussit Jeremiam benigne haberi, et ob hec sua de se oracula, libertate donari, ut patet Jerem. XXXIX, 11; imo Abulensis in lib. IV Reg. cap. XXIV, Qæst. VII, et Isaiae cap. V, vers. 25, et cap. X, vers. 5, probabile esse censem Nabuchodonosorem, Salmanasarem, et similes ex Dei revelatione et jussu subjugasse Judæos, qua de re plura dixi Proæmio in Isaiam, can. 36 et 37. Sic S. Lupus, Attilam Hunnorum regem Trecensem urbem (cujus ipse erat Episcopus) obsidentem, rogans quid esset et quid vellet, audiensque: « Ego sum Attila Rex Hunnorum flagellum Dei; veni ergo, inquit, Dei mei flagellum, illoque utere, ut Deus tibi concedit; itaque eum per medium urbem deduxit, sed quasi oculis et mente captum, ut nulli incolarum noceret, uti ex vita S. Lupi aliisque recenset Baronius, tom. VI, anno Christi 451. Idem ergo Judith facere poterat Holoferni, imo debebat, si id ei Deus jussisset. Sed sciebat Judith Deum hoc sibi non jussurum, imo contrarium facturum, ut per hanc simulationem proderet Holofernem. Verum hoc ipsa ei indicare non voluit, nec debuit.

Posterior modus excusandi Judith a mendacio est, dicendo quod ipsa ambiguis verbis usa sit, quæ sibi Holofernes attribuebat, cum ea Judith sibi et Judæis ascribebat. Ait ergo: **ORABO DEUM, ET DICET MIHI QUANDO EIS REDDAT PECCATUM SUUM,** (si nimirum eos pro meritis, ut videtur, punire decrevit. Scio autem ex Dei revelatione, quod hoc tempore eos non puniet; sed hoc nunc mihi silentum est, nec tibi indicare queo, mox tamen veniens nuntiabo tibi Dei voluntatem et decretum de differenda castigatione peccati Judæorum, et acceleranda castigatione tuæ tyrannidis, Judæos injuste invadentis; hoc enim nuntiabo tibi non verbo, sed facto, cum tibi lethale vulnus infligam, ait S. Augustinus) **ET ADDUCAM TE** (non vincentem et triumphantem, uti tu putas, sed victimum, occisum et triumphatum, cum caput tuum truncatum adducam in Bethuliam, indeque) **PER MEDIAM JERUSALEM;** — cæteramque Judæam victrix cum triumpho ad commune Judæorum gaudium circumducam.

ET HABEBIS OMNEM POPULUM ISRAELIS, SICUT OVES QUIBUS NON EST PASTOR, (cum te occiso Bethulienenses nullo servato ordine, sine pastore et duce erumpent, ut Assyrios persequantur ac castra diripiант. Quare) **TUNC NON LATRABIT VEL UNUS CANIS CONTRA TE**, — quia canes non allatrant mortuos (qualis tu eris), sed vivos. Sic ergo verba Judith, partim ironice, partim amphibologice, partim prophetice accepta, parent mendacio, utrumque habent sensum. Ita Serarius, Sanchez, Salianus et alii.

Sic Agathocles Syracusas obsidens, comminans obsessis se postridie in urbe cœnaturum, verus, sed contra mentem suam fuit vates; nam erumpentibus civibus, in urbem inductus, in ea cœnavit non ut vitor, sed ut victus et captivus. Hoc

est quod ait S. Augustinus, serm. 229 *De Temp.* qui est *De Judith*: « Non decuit pudicam mentiri; non intelligentibus dixit, actibus fecit quod promisit. »

Vers. 16. 16. QUONIAM HEC MIHI DIGTA SUNT PER PROVIDENTIAM DEI. — Hæc ergo rexit et direxit Judith, ut diceret et faceret omnia quæ dixit et fecit. Quare ipsa non est mentita: Deus enim mentiri nequit.

Vers. 19. 19. NON EST TALIS MULIER SUPER TERRAM. — Audi S. Augustinum, serm. 229 jam citato: « Dum regi alto sermone imaginariis verbis blanditur

bellator, animus lascivia solvitur in amore armorum, torpent vires innumerabiles militum luxuregifico, nuptiarum pompa nullo nubente construitur, cuncti ebrietate solvuntur. Non delicata matrona pugnavit, sed sopor tibi, quem ferias præparavit. »

21. Si FECERIT MIHI HOC DEUS TUUS (ut mihi sub- Vers. 21. juget Jerusalem et Judæos), ERIT ET DEUS MEUS,— q. d. Fiam proselytus et Judæus, colamque Deum verum Israelis. Ecce quam potens et efficax fuit peroratio Judith coram Holoferne.

CAPUT DUODECIMUM.

SYNOPSIS CAPITIS.

Holofernem sinit Judith per quatriduum vacare sibi, orationi, et jejunio, ac noctu egredi quoties velit; tandem quarto vespere Holofernes cum Judith convivatur, ac ejus amore se inebriat.

1. Tunc jussit eam introire ubi repositi erant thesauri ejus, et jussit illic manere eam, et constituit quid daretur illi de convivio suo. 2. Cui respondit Judith, et dixit: Nunc non potero manducare ex his quæ mihi præcipis tribui, ne veniat super me offensio: ex his autem, quæ mihi detuli, manducabo. 3. Cui Holofernes ait: Si defecerint tibi ista quæ tecum detulisti, quid faciemus tibi? 4. Et dixit Judith: Vivit anima tua, Domine meus, quoniam non expendet omnia hæc ancilla tua, donec faciat Deus in manu mea hæc quæ cogitavi. Et induxerunt illam servi ejus in tabernaculum quod præceperat. 5. Et petiit, dum introiret, ut daretur ei copia nocte, et ante lucem egrediendi foras ad orationem, et deprecandi Dominum. 6. Et præcepit cubiculariis suis, ut sicut placeret illi, exiret et introiret ad adorandum Deum suum, per triduum: 7. et exibat noctibus in vallem Bethuliæ, et baptizabat se in fonte aquæ. 8. Et ut ascendebat, orabat Dominum Deum Israel, ut dirigeret viam ejus ad liberationem populi sui. 9. Et introiens, munda manebat in tabernaculo, usque dum acciperet escam suam in vespere. 10. Et factum est, in quarto die Holofernes fecit cœnam servis suis, et dixit ad Vagao eunuchum suum: Vade, et suade Hebræam illam, ut sponte consentiat habitare mecum. 11. Fœdum est enim apud Assyrios, si femina irrideat virum, agendo ut immunis ab eo transeat. 12. Tunc introivit Vagao ad Judith, et dixit: Non vereatur bona puella introire ad Dominum meum, ut honorificetur ante faciem ejus, ut manducet cum eo, et bibat vinum in jucunditate. 13. Cui Judith respondit: Quæ ego sum, ut contradicam Domino meo? 14. Omne quod erit ante oculos ejus bonum et optimum faciam. Quidquid autem illi placuerit, hoc mihi erit optimum omnibus diebus vitæ meæ. 15. Et surrexit, et ornavit se vestimento suo, et ingressa stetit ante faciem ejus. 16. Cor autem Holofernisi concussum est: erat enim ardens in concupiscentia ejus. 17. Et dixit ad eam Holofernes: Bibe nunc, et accumbe in jucunditate, quoniam invenisti gratiam coram me. 18. Et dixit Judith: Bibam, Domine, quoniam magnificata est anima mea hodie præ omnibus diebus meis. 19. Et accepit, et manducavit, et bibit coram ipso, ea quæ paraverat illi ancilla ejus. 20. Et jucundus factus est Holofernes ad eam, babitque vinum multum nimis, quantum nunquam biberat in vita sua.

2. NE VENIAT SUPER ME OFFENSIO. — Græce scandalum, q. d. Ne, si comedam cibos Gentilium Ju-

dæis vetitos, Deum offendam; itaque pœnam acquiram et scandalum, id est tragulam et impedi-

Vers. 5. **mentum, ut Deus per me non efficiat id quod ad commune bonum facere decrevit.**

5. ET PETUIT, DUM INTROIRET, UT DARETUR EI COPIA NOCTE, ET ANTE LUCEM (quando vellet), EGREDIENDI FORAS AD ORATIONEM. — Petuit id Judith, tum ut oratione et jejunio præpararet et armaret se ad heroicam fortitudinem aggrediendi tantum facinus, quod mente destinarat : tum ut animos, modosque, et rationes illud exsequendi a Deo hauriret; tum denique ut peracto facinore libere sibi daretur regressus in Bethuliam, eo quod custodes cogitarent eam more solito egredi ad orationem.

Vers. 7. **7. ET BAPTIZABAT SE (abluebat manus et pedes) IN FONTE AQUE.** — Mos erat Judæis ante orationem abluere manus, pedes et quandoque totum corpus, tum ut puro corpore et animo ad Deum accederent; puritas enim corporis admonebat eos puritatis animi. Idem faciebant olim Christiani, ut dixi I Tim. II, 8, ad illa : « Levantes puras manus, » tum, ut si quid immundi tetigissent et irregularitatem legalem contraxissent, ab illa se per lotionem expiarent.

Porro fons hic juxta Bethuliam etiamnum exstat, et a peregrinis visitur, teste Adrichomio in Bethulia.

Vers. 9. **9. USQUE DUM ACCIPERET ESCAM SUAM IN VESPERE.** — Jejunabat ergo Judith a mane in vesperam; vespere sumebat cibum, ac post eum noctu egrediebatur ad orationem in ea pernoctans. His armis se ad heroicum suum opus obarmavit. Audi S. Ambrosium, lib. *De viduis* : « Quid sobrietatem loquar? Temperantia enim virtus est feminarum. Inebriatis vino viris, et somno sepultis abstulit vidua gladium, exeruit manum, bellatoris abscondit caput, per medias hostium acies intemerata processit. Advertitis igitur quantum mulieribus nocere possit ebrietas, quando viros vina sic solvunt, ut vincantur a feminis? Esto igitur vidua temperans; casta primum a vino, ut casta possis esse ab adultero: nequaquam te ille tentabit, si vina non tentent. Nam si Judith bibisset, dormisset cum adultero. Sed quia non bibit, haud difficile ebrios exercitus unius sobrietas, et vincere potuit et eludere. »

Vers. 10. **10. DIXIT AD VAGAO EUNUCHIUM SUUM.** — Vagao sive Bagao non tam est nomen proprium, ut vult Serarius, quam commune Persis significans Eunuchum. Unde Pagninus in *Nominibus Hebraicis*, Vagao, inquit, idem est quod interior vel intimus, scilicet eunuchus sive cubicularius; *ghava* enim Chaldæis est interius vel intestinum, vel Vagao idem est quod elatus sive elevatus a radice, *gaa*, id est elevare. Eunuchi enim erant primi in aula apud reges, imo eorum cubicularii et secretorum concii, ac lenocinii amasiarum administri; eorum enim libidini lenocinantes speciosas feminas eis adducebant, ut fecit hic Vagao.

Id ita esse docet Plinius, lib. XIII, cap. IV, ubi

ait spadones apud Persas vocari Bagou. Et Ovidius, lib. II *Am. Eleg.* :

Quem penes est Dominam servandi cura Bagoi,
Dum perago tecum pauca, sed apta, vaca.

Et Esther cap. II, vers. 3. Egeus (sive Vagao) fuit eunuchus Assueri regis, praefectus gynecæo. Sic, teste Curtio, lib. X, nequissimus Alexandri magni eunuchus fuit Bagoas, qui falsis criminationibus Orsinem Persarum satrapam Alexandro interficiendum dedit. Fuit quoque Bagoas Herodis eunuchus. Porro errat Severus Sulpitius, qui Judithæ historiam refert ad tempora Artaxerxis Ochi, eo quod ipse habuerit eunuchum nomine Bagao.

Vers. 11. **11. FOEDUM EST ENIM APUD ASSYRIOS, SI FEMINA IR-**

RIDEAT VIRUM, AGENDO UT IMMUNIS AB EO TRANSEAT. — Vide hic corruptissimos et impurissimos Assyriorum et Persarum mores, quibus libido adeo erat honesta, ut per omnes feminas grassaretur, adeo ut apud eos foedum haberetur aliquam intactam relinqu. O tempora! Audi Ammianum Marcellum lib. XXIII *de Persis*: « Effusius, inquit, plerique soliti solvi in Venerem, ægreque contenti multitudine pellicum puerilium stuprorum expertes pro opibus quisque adscere matrimonia plura, vel pauca. Unde apud eos per libidines varias charitas dispersa torpescit. » Idem tradit Strabo, lib. XV ad finem, et Cicero, actione V *in Verrem*. Audi scelera magis foeda. Theodoretus, *Quæstion. XXIV in Levit.* : « Persæ, ait, in hunc usque diem non sororibus solum, sed etiam matribus ac filiabus, nuptiarum lege permiscentur. » Idem de Medis, Indis et Æthiopibus tradit S. Hieronymus, lib. II *Contra Jovin.* Unde Euripides in Andromede :

Tale, ait, est omne barbarorum genus;
Pater cum filia, filius cum matre
Miscetur, soror cum fratre.

Mirum ergo non est quod Persæ plures habuerint uxores, ideoque Judith Holoferni hanc formosi conjugii escam objecerit, qua eum ut pisces hamo suo caperet et necaret.

Vers. 14. **14. QUIDQUID AUTEM ILLI PLACUERIT (intellige, si sit licitum, nec a Deo meo vetitum) HOC MIHI ERIT OPTIMUM,** — ut si me velit uxorem; non abnuam eum maritum, quem principem tantum esse scio, ut ex ejus thalamo evehenda sim in Ducissam et Principissam; dat spem conjugii, ut sui amantem fallat, et quasi hostem populi sui occidat (1).

Vers. 13. **18. BIBAM, DOMINE,** — ex vino non tuo, sed meo, **quod mecum ex Bethulia hac de causa tuli, ne**

(1) Judith, pro more Orientis, blandissimo et demissio verborum obsequio respondet, invitationem ad mensam eum Holoferne sedendi unice intendens. Cæterum ejusmodi sponsiones stricte non sunt accipiendæ, continentque semper occultum quemdam sensum et conditionem. « Omne, inquit, quod est ante oculos ejus bonum et optimum faciam, » scilicet ut permiserit officium meum, pudicitia, religio.

vino ciboque Gentilium polluerer. Unde sequitur : **MANDUCAVIT ET BIBIT CORAM IPSO EA QUÆ PARAVERAT ILLI ANCILLA EJUS.** — Unde videtur Judith in alia mensa accubuisse, quæ vicina esset mensæ Holofernisi, ita ut coram ipso manducaret et biberet ; non enim decebat ipsam in mensa tanti principis cum eo accumbere. Unde Græca habent : *Et accessit ancilla ejus, et stravit ei ante Holofernem humi pelles, quas acceperat a Bagoa, ad quotidianum usum suum, ut manducaret, accumbens super eas.* Sic etiamnum nonnullæ gentes, ac nuper Mulcasses rex Tumetanus coram Carolo V, humili sedens, prandebat. Bibit ergo coram Holoferne Judith, ut omnem cædis et odii suspicionem Holofernii eximeret, utque eum ad largius bibendum provocaret, itaque ex potu somno consopitum trucidaret, atque ut ex vino spiritus et animos, viresque hauriret ad aggrediendum tam arduum facinus. Erat enim jejuna, et ex jejunio debilis et languida.

BIBITQUE VINUM MULTUM NIMIS, QUANTUM NUNQUAM BIBERAT IN VITA SUA. — Græce, *ex quo natus erat. Dei providentia id factum, ut sopitus vino Juditham non tangeret, sed illa sobria et casta manens eum perimeret.* Vide hic quam gaudiis vicina sint tristia, quamque convivia et crapula in

funus mortemque desinant, ac « *Extrema gaudii luctus occupet.* » En tibi Holofernes deliciis adjatus, vino immersus, musicorum harmonia exultans, amoribus ebrius, mox a Judith truncatur, et ad inferos, ubi suam crapulam æterna siti in flammis perennantibus digerat, detruditur. Audi S. Ambrosium, lib. *De Elia et jejunio* : « *Bibebant vinum in ebrietate potentes, qui Holofernii principi militiæ regis Assyriorum se tradere gestiebant; sed non bibebat femina Judith jejunans omnibus diebus viduitatis suæ, præter festorum dierum solemnitates. His armis munita processit, et omnem Assyriorum circumvenit exercitum. Sobrii vigore consilii abstulit Holofernii caput, servavit pudicitiam, victoriam reportavit. Hæc enim succincta jejunio, in castris prætendebat alienis : ille vino sepultus jacebat ut ictum vulneris sentire non posset. Itaque unius mulieris jejunium, innumeros stravit exercitus Assyriorum.* »

Præclare S. Basilius, homilia 14 *De ebrietate* : « *Ebrietas, ait, dæmon est voluntarius ex voluptate animabus nostris inditus. Ebrietas malitiæ mater est, virtutis inimica, fortem virum reddit ignavum, ex temperato facit lascivum, justitiam ignorat, prudentiam extinguit.* »

CAPUT DECIMUM TERTIUM.

SYNOPSIS CAPITIS.

Judith orans capite truncat Holofernem, caput in Bethuliam defert. Quare Ozias princeps, Achior, caterique omnes Deum glorificant, et Judithæ hymnum canunt.

1. Ut autem sero factum est, festinaverunt servi illius ad hospitia sua, et conclusit Vagao ostia cubiculi, et abiit. 2. Erant autem omnes fatigati a vino : 3. eratque Judith sola in cubiculo. 4. Porro Holofernes jacebat in lecto, nimia ebrietate sopitus. 5. Dixitque Judith puellæ suæ, ut staret foris ante cubiculum, et observaret. 6. Stetitque Judith ante lectum, orans cum lacrymis, et labiorum motu in silentio, 7. dicens : *Confirma me, Domine Deus Israel, et respice in hac hora ad opera manuum mearum, ut, sicut promisisti, Jerusalem civitatem tuam eregas : et hoc quod credens per te posse fieri cogitavi, perficiam.* 8. Et cum hæc dixisset, accessit ad columnam quæ erat ad caput lectuli ejus, et pugionem ejus, qui in ea ligatus pendebat, exolvit. 9. Cumque evaginasset illum, apprehendit comam capitis ejus, et ait : *Confirma me, Domine Deus, in hac hora.* 10. Et percussit bis in cervicem ejus, et abscidit caput ejus, et abstulit conopeum ejus a columnis, et evolvit corpus ejus truncum. 11. Et post pusillum exivit, et tradidit caput Holofernisi ancillæ suæ, et jussit ut mitteret illud in peram suam. 12. Et exierunt duæ, secundum consuetudinem suam, quasi ad orationem, et transierunt castra, et gyrantes vallem, venerunt ad portam civitatis. 13. Et dixit Judith a longe custodibus murorum : *Aperite portas, quoniam nobiscum est Deus, qui fecit virtutem in Israel.* 14. Et factum est, cum audissent viri vocem ejus, vocaverunt presbyteros civitatis. 15. Et concurrerunt ad eam omnes, a minimo usque ad maximum : quoniam sperabant eam jam non esse venturam. 16. Et accendentes luminaria congyraverunt circa eam universi : illa autem ascendens in eminentiorem locum, jussit fieri silentium. Cumque omnes tacuis-

sent, 17. dixit Judith : Laudate Dominum Deum nostrum, qui non deseruit sperantes in se; 18. et in me ancilla sua adimplevit misericordiam suam, quam promisit domui Israel : et interfecit in manu mea hostem populi sui hac nocte. 19. Et proferens de pera caput Holofernis, ostendit illis, dicens : Ecce caput Holofernisi principis militiae Assyriorum, et ecce conopeum illius, in quo recumbebat in ebrietate sua, ubi per manum feminæ percussit illum Dominus Deus noster. 20. Vivit autem ipse Dominus, quoniam custodivit me Angelus ejus, et hinc euntem, et ibi commorantem, et inde huc revertentem, et non permisit me Dominus ancillam suam coinquinari, sed sine pollutione peccati revocavit me vobis, gaudentem in victoria sua, in evasione mea, et in liberatione vestra. 21. Confitemini illi omnes, quoniam bonus, quoniam in sæculum misericordia ejus. 22. Universi autem adorantes Dominum, dixerunt ad eam : Benedixit te Dominus in virtute sua, quia per te ad nihilum redegit inimicos nostros. 23. Porro Ozias princeps populi Israel, dixit ad eam : Benedicta es tu filia a Domino Deo excelso, præ omnibus mulieribus super terram. 24. Benedictus Dominus, qui creavit cœlum et terram, qui te direxit in vulnera capitis principis inimicorum nostrorum : 25. quia hodie nomen tuum ita magnificavit, ut non recedat laus tua de ore hominum, qui memores fuerint virtutis Domini in æternum, pro quibus non pepercisti animæ tuæ, propter angustias et tribulationem generis tui, sed subvenisti ruinæ ante conspectum Dei nostri. 26. Et dixit omnis populus : Fiat, fiat. 27. Porro Achior vocatus venit, et dixit ei Judith : Deus Israel, cui tu testimonium dedisti, quod ulciscatur se de inimicis suis, ipse caput omnium incredulorum incidit hac nocte in manu mea. 28. Et ut probes quia ita est, ecce caput Holofernisi, qui in contemptu superbiæ suæ Deum Israel contempsit, et tibi interitum minabatur, dicens : Cum captus fuerit populus Israel, gladio perforari præcipiam latera tua. 29. Videns autem Achior caput Holofernisi, angustiatus præ pavore, cecidit in faciem suam super terram, et aestuavit anima ejus. 30. Postea vero quam resumpto spiritu recreatus est, procedit ad pedes ejus, et adoravit eam, et dixit : 31. Benedicta tu a Deo tuo in omni tabernaculo Jacob, quoniam in omni gente, quæ audierit nomen tuum, magnificabitur super te Deus Israel.

1. FESTINAVERUNT SERVÌ ILLIUS AB HOSPITIA SUA, — ne ebrii et gressu vacillantes visi a populo irriterentur, sed domi in lecto dormientes vinum crapulamque digererent. « Erant enim omnes fatigati a vino, » vers. 3; Vatablus, *eo quod omnes defessi essent longa compotatione*. Egit hoc Dei prudenter, ut omnes vino consopiti abirent, et somnum captarent, ne quis vigilaret et audiret id quod Judith machinabatur. Vide hic rursum quam gula et crapula sit improvida, faciatque ut omnes sopiantur, ita ut nemo vigilum ante fores Holofernisi (uti fieri solet) excubet.

5. DIXITQUE JUDITH PUELLÆ SUÆ, UT STARET FORIS ANTE CUBICULUM, ET OBSERVARET, — ne quis proprius ad cubiculum accederet, et audiret ea quæ ipsa in cubiculo, mactando Holofernem, agebat. Græca uberioris habent : *Et dixit Judith servæ suæ stare extra cubiculum ipsius, et observare exitum ejus, sicut quotidie. Exire enim dixit ad orationem suam. Et Bagoo locuta est juxta verba hæc. Et abierunt omnes a facie Domini sui, et nemo remansit in cubiculo a parvo usque ad magnum.*

6. ORANS CUM LACRYMIS. — Rem enim inauditam plenam periculo, ac vires animosque feminæ superantem aggrediebatur : quare a Deo robur et

audaciam lacrymans poscebat, dicens : « Confirma me, Domine Deus. » Græca plenius habent : *Domine Deus omnis virtutis, respice in hora hac super opera manuum mearum in exaltationem Jerusalæm; quoniam nunc tempus suspicere hæreditatem tuam, et facere studium meum in quassationem hostium, qui insurrexerunt nobis.*

8. ET PUGIONEM EJUS. — Græce : *Et acinacem ejus,* Vers. 8. *hoc est gladium Persicum, brevem et recurvum, quales nunc sunt gladii Turcarum, vulgo simitaræ vocantur. Hinc liquet Holofernem fuisse Persam, ut tradit Cedrenus.*

9. APPREHENDIT COMAM CAPITIS EJUS, — ut certius Vers. 9. fortiusque eum feriret, ne ipse aliqua corporis agitatione et motu, qui in somnis dormientibus obvenit, ictum declinaret aut infringeret : manu ergo sinistra tenuit comam, ut caput retineret immotum ad ictum vibrantis dexteræ recipiendum. Porro Persas prolixam comam alere solitos docet Xenophon lib. I *Cyropædia*, et Herodotus lib. I, ubi Persas vocat κοπίτας, id est, crinitos et comatos.

10. ET PERCUSSIT BIS IN CERVICEM EJUS, — non Vers. 10. punctum, sed cæsim, ut caput jacentis, et altum stertentis amputaret : quare totis connisa viribus

acinacem in collum Holofernus impegit, ac secundo ictu caput ab humeris resecuit (1). Unde Graeca habent : *Et percussit in cervicem ejus bis in fortitudine sua. Mirum est S. Augustinum serm. 228, pro « bis » legere « ter, » Simili modo Attila rex Hunnorum superbissimus, qui se nominabat flagellum Dei, et in aciem educebat septingenta armatorum millia, adeoque Theodosium imperatorem sibi tributum pendere cogebat, ac spe totius orbis imperium devorabat, a Deo superbos humiliante per feminam occisus est. Audi Baronium anno Christi 454 : « Hoc anno Æthio adhuc vivente, Attila, inquit Marcellinus, Æthii hortatu, noctu mulieris manu cultro confoditur. » Ita terror orbis, qui viros omnes despiciebat, feminæ unius manu occidit. Sic et Abimelech rex, vel potius tyrannus Sichimorum, interfactus est a feminâ, quæ fragmine molæ ei cerebrum comminuit, *Judio. IX. 53.**

ET ABCIDIT CAPUT EJUS, — ut illud secum deferret, et in trophaeum muris Bethulie affigeret, itaque metu Assyrios percelleret, et in fugam compelleret, uti reipsa contigit : ita Judith sobria ebrium, casta incestum, fidelis infidelem, justa injustum, humilis superbū, pia impium truncavit; imo verius sobrietas ebrietatem, castitas libidinem, fides perfidiam, justitia injustitiam, humilitas superbiam, pietas impietatem mactavit. Ita S. Fulgentius, epist. 2 *De statu viduali* : « Denique, cum Holofernes in numero Bethuliam ob-sedisset exercitu, et omnis Israelitarum virtus perturbata languesceret, egreditur castitas oppugnatura lasciviam, et ad interitum superbæ humili-tas sancta procedit. Ille pugnabat armis, ista je-juniis; ille ebrietate, ista oratione. Igitur quod omnis Israelitarum populus facere non potuit, sancta vidua castitatis virtute perfecit. Obtruncavit una mulier tanti agminis ducem, et insperatam Dei populo reddidit libertatem. »

Audi S. Ambrosium lib. III *Offic. cap. xiii* : *Primus* triumphus ejus fuit, quod integrum pudorem de tabernaculo hostis revexit. *Secundus*, quod femina de vino reportavit victoriam, fugavit populos consilio suo. Horruerunt Persæ audaciam ejus. Utique (quod in illis Pythagoreis duobus mirantur), non expavit mortis periculum; sed nec pudoris, quod est gravius bonis feminis: non unius ictum carnificis, sed nec totius exercitus tela trepidavit. Stetit inter cuneos bellatorum femina,

(1) Grave nimium quibusdam videtur quod Judith Holofernem ebrium interficerit. Sed longe aliter sentient, si advertere velint: *primo*, peccatores istiusmodi omnes posse omni momento justissime a Deo sempiternis addici suppliciis; *secundo*, cum justum bellum divinisque legibus consentaneum est, licere hostem, ubi et quando sese offert occasio, necare, tumque quisquis necat, divinæ justitiae ministrum esse; *tertio*, quod hostis ille vel ebrietate vel alio peccato astrictus moriatur, et sic in æterna gehennæ tormenta miser abeat, hoc ad ipsius, non ad ejus qui eum dum interficit, jure suo utitur, culpam pertinere.

inter victoria arma, secura mortis. Quantum ad molem spectat periculi, moritura processit: quantum ad fidem, dimicatura. Honestatem igitur sequuta est Judith, et dum eam insequitur, utilitatem etiam invenit. » Gausas honestatis, sive virtutis multiplicitis in Judith subjicit, dicens : « Honestatis enim fuit prohibere ne populus Dei profanis se dederet, ne ritus patrios et sacramenta proderet, ne sacras virgines, viduas graves, pudicas matronas barbaricæ subjiceret impuritati, ne obsidionem ditione solveret. Honestatis fuit se malle pro omnibus periclitari, ut omnes eximeret periculo. Quanta honestatis auctoritas, ut consilium de summis rebus femina sibi vindicaret, nec principibus populi committeret! Quanta honestatis auctoritas, ut Deum adjutorem præsumeret! quanta gratia, ut inveniret! »

Tropologice tuus Holofernes est gula, superbia, luxuria, avaritia, ira, acedia. Hanc generose supera et macta, ac tuum Holofernem mactasti.

Allegorice Holofernes typus est Diaboli, cuius caput vera Judith, id est B. Virgo contrivit juxta oraculum a Deo editum, *Genes. III. Judith* Holofernem terrorem Orientis singulari certamine, quasi in duello, suo ipsis acinace sine vulnere velut ludibunda cecidit, et quod magis fuit arduum, pudicitiam e mediis impudicorum castris intactam, et opimis spoliis triumphantem reduxit. At B. Virgo innumeratas dæmonum phalanges duello singulari prostravit, et in dies prosternit, et castitatis triumphum non tantum in se, sed in omnibus virginibus castisque sui asseculis celebravit et celebrat: imo, quod omnia jura naturæ superat, Virgo simul est, et Mater Dei; ac una trino cognomine gaudet :

Una Dei pariter filia, sponsa, parens.

Judithæ acclamarunt Assyrii : « Non est talis mulier super terram. » Et : « Nomen tuum memorabitur in universa terra. » B. Virginis quotidie in ejus hymnis acclamat Ecclesia : « Beatum te dicent omnes generationes. » Judith forma fuit admirabili, ut ad eam omnes obstupescerent. B. Virginis accinit Ecclesia : « Diffusa est gratia in labiis tuis, speciosa et suavis facta es in delicis tuis, sancta Dei genitrix; » imo Christus ipse in *Cant.* : « Tota pulchra es, amica mea, formosa mea, columba mea. » Porro Judithæ pulchritudo Holofernem excitavit ad luxuriam: at B. Virginis forma intuentes excitabat ad castitatem. Audi S. Ambrosium lib. *De institutione virginum*, cap. VII : « Cujus (inquit loquens de Virgine) tanta erat gratia, ut non solum in se virginitatis gratiam servaret, sed etiam his quos viseret integratatis insigne conferret. Visitavit Joannem Baptistam, nec immerito mansit integer corpore, quem in tribus mensibus, oleo quodam suæ præsentiae et integratatis unguento Domini mater exercuit. » Ita S. Ambrosius et S. Thomas III *Sententiarum*, dist. III, *Quæst. II*, ad 4 : « Pulchritudo, inquit, B. Virginis

intuentes ad castitatem excitabat. » Idem enim docet Glossa, sermone *De Conceptione beatae Virginis*, quod quidem ex peculiari Dei dono concessum est.

Juditham timuerunt et fugerunt Assyrii : B. Virginem timent omnes dæmones et impii. Unde S. Bernardus citatus a S. Bonaventura in *Speculo B. Virginis*, cap. ix : « Non sic, inquit, timent hostes visibiles quasi cæterorum aciem copiosam, sicut aereæ potestates Mariæ vocabulum, patrocinium et exemplum : fluunt et pereunt sicut cera a facie ignis, ubicumque inveniunt crebram hujus nominis recordationem, devotam invocationem, sollicitam imitationem. »

Judith clausa in oratorio Deum suis jejuniis, ciliciis, precibus, lacrymis Israeli conciliavit : Beata Virgo clausa in cubiculo, ac jejuniis et gemmitibus inenarrabilibus obsecrans Deum pro mundi reconciliatione, meruit Angelum pacis paranymphum excipere, qui eam hujus pacis media-tricem per Verbi in ea incarnationem annuntiaret. Judithæ victrici acclamavit populus : « Tu gloria Jerusalem, tu lætitia Israel, tu honorificentia populi nostri ; quia fecisti viriliter, et confortatum est cor tuum. » Idem et longe majora B. Virginis accinunt Patres, Doctores et omnes Orthodoxi.

ET ABSTULIT CONOREM, — una cum capite, ut ex eo qui norant Holofernem, agnoscerent caput illud esse illius, non calonis, vel mancipii cujuspiam ; simul ut conopeum tot gemmis intextum victoriæ tantæ esset spolium simul et trophyum.

ET EVOLVIT CORPUS TRUNCUM. — Græce : *et revolvit corpus ejus e lecto, scilicet in pavimentum.* Unde postea veniens Vagao, vidi corpus suum in suo sanguine cruentum et saniosum jacere in terra. Fecit id Judith, ut Hebræis ex urbe erumpentibus Assyrii confugientes ad Holofernem eum in terra truncum videntes, metu obstupescerent, et obrigescerent, ut arma capere et Hebræis resistere non auderent.

Vers. 11. 11. ET POST PUSILLUM EXIVIT, — quia paulisper consedit ad respirandum : omnes enim vires et spiritus exeruerat in crassa Holofernisi cervice truncanda ; sed et metus periculi, ne facinus innotesceret, spiritum ei intercluserat, ut eum sedendo et respirando recolligere opus foret. Simul id fecit, ut si quid eruoris vesti suæ adhæsisset, illud abstergeret ; ac præsertim, ut statim Deo pro hoste tam feliciter cæso summas ageret gratias.

Vers. 15. 15. QUONIAM SPERABANT (id est timebant). Sic Poeta ait :

Et sperate (id est, timete) deos memores fandi atque nefandi.

EAM NON ESSE VENTURAM, — sed captivam ab Assyriis detineri. Insolito ergo nuntio redditus Judith, exciti omnes concurrerunt ; tum ut eam, de qua desperarant, viderent ; tum ut ab ea audirent quid ab ea gestum foret, quidve spei obsessis et ad extrema redactis affulgeret.

20. VIVIT AUTEM IPSE DOMINUS (id est juro per vitam Dei), **QUONIAM CUSTODIVIT ME ANGELUS EJUS ET HINC EUNTEM, ET IBI COMMORANTEM, ET INDE HUC REVERTENTEM, ET NON PERMISIT ME DOMINUS ANCILLAM SUAM COINQUINARI.** — Jurat Judith se per Angelum custoditam ab omni Assyriorum petulenta et libidine ; quia hoc Hebræis incredibile videbatur, ut femina tam speciosa tam impudicorum manus evaderet. Et certe humanitus id erat impossibile ; Deo autem et Angelis id fuit possibile et facile. Scivit Judith Angelum sibi tutaram affuisse, sive quod eum aspectabili forma viderit ; sive quod inspirationes ejus assidue audierit, quibus sentiebat se admoneri et dirigi per omnia, ut sciret quid qualibet hora et loco sibi agendum foret et dicendum ; sive quod alia præsentiae et directionis suæ signa Angelus ei dederit, ut tam heroicum facinus animose aggredetur, nec de felici ejus successu dubitaret. Sic Angelus visibiliter apparebat, dirigebatque S. Cæciliam cum S. Valeriano sponso ad castitatem et martyrium, æque ac S. Julianum, et Basiliam, S. Franciscam Romanam, similesque eximios sanctos, præsertim virgines.

Porro Serarius, Salianus et alii censem hunc Angelum fuisse unum e primis et primariis, propter negotii magnitudinem, in quo totius populi et Ecclesia Dei salus vertebatur. Unde nonnulli putant eum fuisse S. Michaelem. Hic enim olim erat protector Synagogæ, sicut nunc Ecclesie alii opinantur fuisse sanctum Gabrielem, qui sicut a fortitudine nomen habet (Gabriel enim hebraice idem est quod fortitudo Dei), sic operibus Heroum et Heroinarum generosis et fortibus (quale erat hoc Judith) adest et præest, ut patet *Daniel. x, 20*, ut ipse ait : « Nunc revertar ut prælier (pro Hebræis) adversum Principem Persarum. » Hinc Gabriel fuit nuntius incarnationis Verbi (quod divinæ potentiae et fortitudinis opus fuit maximum), ideoque custos B. Virginis Deiparæ. Audi beatum Petrum Damianum *serm. 1. de Nativitate B. Virginis*, ubi per thronum Salomonis duobus leonibus stipatum, mystice accipiens B. Virginem : « Duo leones, ait, sunt Gabriel Archangelus, et Joannes Evangelista, quorum alter dexteræ Virginis, alter sinistræ custos deputatus est. Gabriel enim mentem, Joannes carnem pervigili sollicitudine servaverunt. » Leæna pariter fuit hic Judith Holofernem lanians : leo ergo illi natus est Gabriel, qui fortissime et castitatem ejus tutaretur, et dextram ejus in cæde tyranni roboraret.

Alli hoc decus victoriæ Judith assignant sancto Raphaeli. Hic enim est præses sanctitatis ac dux viarum et viatorum æque ac castitatis tutor, ut dixi in *Tobia*. Ipse ergo Juditham castam, sanam et sanctam duxerit et reduxerit. Porro quod Angeli sanctis et castis heroica destinantibus adsint et præsint, patet ex illis quæ annotavi *Exodi cap. xxiii, vers. 20 et seq.* et *Danielis cap. x, vers. 20*.

21. CONFITEMINI ILLI OMNES. — Vide hic modes. **Vers. 21.**

tiam, gratitudinem, constantiam et pietatem Judithæ, qua totum decus suæ fortitudinis et victoriæ, non sibi, sed Deo adscribit. Porro solebant Hebræi, accepto aliquo insigni beneficio in gratiarum actionem concinere psalmum centesimum decimum septimum. « Confitemini Domino, quoniam bonus, quoniam in sæculum misericordia ejus, » ut nos concinimus : « Te Deum laudamus. »

Vers. 23. 23. PORRO OZIAS PRINCEPS POPULI ISRAEL DIXIT AD EAM : BENEDICTA ES TU FILIA A DOMINO DEO EXCELSO PRÆ OMNIBUS MULIERIBUS SUPER TERRAM. — Huc aliusit Gabriel Archangelus salutans B. Virginem : « Ave, gratia plena, benedicta tu in mulieribus. » Judith enim fuit umbra et typus B. Virginis; unde sequitur :

Vers. 25. 25. QUILA HODIE NOMEN TUUM ITA MAGNIFICAVIT, UT NON RECEDAT LAUS TUA (Græce est *spes tua*, id est memoria et laus spei tuæ, qua sperans in Deum, tantam victoriam Israeli peperisti) DE ORE HOMINUM. — Tale prorsus est nomen Beatæ Mariæ, de quo Beatus Petrus Chrysologus, Serm. 146 : « Nomen hoc, inquit, prophetæ germanum est, hoc renascentibus salutare, hoc virtutis insigne, hoc pudicitie decus, hoc indicium castitatis, hoc Dei sacrificium, hoc hospitalitatis virtus, hoc collegium sanctitatis : merito ergo matris Christi nomen hoc est maternum. » Hæc Chrysologus. Methodius, orat. *in hypapantem* : « Tuum, inquit, Dei genitrix, nomen divinis benedictionibus et gratis omni ex parte refertum. » Et S. Bernardus, hom. 2. *super missus est* : « Si insurgant, inquit, venti tentationum : si incurras scopulos tribulationum,

respice stellam, voca Mariam : si iracundia, aut avaritia, aut carnis illecebra naviculam concuserit mentis, respice ad Mariam ; si criminum immanitate turbatus, conscientiæ foeditate confusus, judicii terrore, barathro desperationis incipias turbari, vel absorberi, et tristari : in periculis, in angustiis, in rebus dubiis Mariam cogita, Mariam invoca, non recedat ab ore, non recedat a corde. » Ita Serarius, Sanchez et alii.

PRO QUIBUS (id est eo quod, est Hebraismus) NON PEPECISTI ANIMA (id est vitæ) TUÆ (offerens et exponens eam evidenti mortis periculo), PROPTER ANGUSTIAS ET TRIBULATIONEM GENERIS TUI (id est gentis tuæ, ut scilicet patriam et cives tuos obsidio et excidio liberares), SED SUBVENISTI RUINÆ, — eam præveniens et avertens, ne rueret civitas et respublica Israelis.

29. VIDENS AUTEM ACHIOR CAPUT HOLOFERNIS AN- Vers. 29 GUSTIATUS PAVORE (præ horrore capitis truncati Holofernisi undique cruenti et sanguinolenti), CECIDIT IN FACIEM SUAM SUPER TERRAM, ET ÆSTUAVIT ANIMA ILLIUS. — Græce : *defecit*, seu, *exsolutus est spiritus*, id est deliquium animi passus est, stupore scilicet tam insperatæ et inopinatæ rei attonitus variis perturbationum motibus in cor ejus confluentibus. Abibat enim imminentis sibi, et nominatim denuntiatæ mortis timor, succedebat confidentia; fugiebat tristitia, subintrabat gaudium : diffidentia locum cedebat admirationi, et simul cum hujus prodigii contemplatione fides, spes, charitas et dona Spiritus Sancti infidelitatem expellebant, ut mox dicetur. Ita Salianus.

CAPUT DECIMUM QUARTUM.

SYNOPSIS CAPITIS.

Judith jubet caput Holofernis e muris suspendi; Achior ad Judaismum convertitur : irruunt Hebrei in Assyrios; illi cæde Holofernis consternantur, et magno clamore complorant.

1. Dixit autem Judith ad omnem populum : Audite me, fratres, suspendite caput hoc super muros nostros ; 2. et erit, cum exierit sol, accipiat unusquisque arma sua, et exite cum impetu, non ut descendatis deorsum, sed quasi impetum facientes. 3. Tunc exploratores necesse erit ut fugiant ad principem suum excitandum ad pugnam. 4. Cumque duces eorum cucurrerint ad tabernaculum Holofernisi, et invenerint eum truncum in suo sanguine volutatum, decidet super eos timor. 5. Cumque cognoveritis fugere eos, ite post illos securi, quoniam Dominus conteret eos sub pedibus vestris. 6. Tunc Achior videns virtutem quam fecit Deus Israel, relicto gentilitatis ritu, credidit Deo, et circumcidit carnem præputii sui, et appositus est ad populum Israel, et omnis successio generis ejus usque in hodiernum diem. 7. Mox autem, ut ortus est dies, suspenderunt super muros caput Holofernis, accepitque unusquisque vir arma sua, et egressi sunt cum grandi strepitu et ululatu. 8. Quod videntes exploratores, ad tabernaculum Holofernisi cucurrerunt. 9. Porro hi qui in tabernaculo erant, venientes, et ante ingressum cubiculi perstrepentes, excitandi gratia, inquietudinem arte

moliebantur, ut non ab excitantibus, sed a sonantibus Holofernes evigilaret. 10. Nullus enim audebat cubiculum virtutis Assyriorum pulsando aut intrando aperire. 11. Sed cum venissent ejus duces ac tribuni, et universi majores exercitus regis Assyriorum, dixerunt cubiculariis: 12. Intrate, et excitate illum, quoniam egressi mures de cavernis suis, ausi sunt provocare nos ad prælium. 13. Tunc ingressus Vagao cubiculum ejus, stetit ante cortinam, et plausum fecit manibus suis: suspicabatur enim illum cum Judith dormire. 14. Sed cum nullum motum jacentis sensu aurium caperet, accessit proximans ad cortinam, et elevans eam, vidensque cadaver absque capite Holofernus in suo sanguine tabefactum jacere super terram, exclamavit voce magna cum fletu, et scidit vestimenta sua. 15. Et ingressus tabernaculum Judith, non invenit eam, et exiliit foras ad populum, 16. et dixit: Una mulier Hebræa fecit confusionem in domo regis Nabuchodonosor; ecce enim Holofernes jacet in terra, et caput ejus non est in illo. 17. Quod cum audissent principes virtutis Assyriorum, sciderunt omnes vestimenta sua, et intolerabilis timor et tremor cecidit super eos, turbati sunt animi eorum valde. 18. Et factus est clamor incomparabilis in medio casorum eorum.

Vers. 1. 1. DIXIT AUTEM JUDITH: SUSPENDITE CAPUT SUPER MUROS,— ut Assyrii videntes ducem suum cæsum percellantur et fugiant.

Vers. 2. 2. ET ERIT, CUM EXIERIT (ortus fuerit) SOL, ACCIPIAT UNUSQUISQUE ARMA SUA, ET EXITE CUM IMPETU, NON UT DESCENDATIS DEORSUM (ad verum et serium cum Assyriis longe posterioribus prælium), SED QUASI IMPETUM FACIENTES, — id est, quasi impressionem agentes in proximam hostium stationem, q. d. Nolite plena acie conligere, utpote pauci contra innumeros, sed simulate vos velle configere, ut scilicet Assyrii configiant ad Holofernem, ut aciem instruat, ac videntes eum cæsum consternentur et fugiant. Nolebat enim Judith Assyrios invadi, antequam mors Holofernus percrebisset, et Assyrios inopes animi et consilii reddidisset; sed eo facto jussit ut illico in pavidos et fugientes irruerent. Si enim tempus dedissent Assyriis, potuissent ipsi communi consilio alium ducem sibi deligere, qui obsidionem Bethuliæ prosequeretur; itaque urbem fame sitique confectam caperet. Sed Judith, prudenter id providens, jussit ut morte Holofernus vulgata subito in percusos totis viribus et agminibus involarent. Quo facto hostes stupefacti fugientes ab Hebræis victi cæsique fuere. Vide ergo hic prudentiam et soleritatem bellicam Judithæ, quæ ceptam victoriam ad finem usque prosecuta est; quare prudentior fuit Annibale, qui cum Romanos in Cannensi pugna plane concidisset, suaderetque Mahabal præfectus equitum, ut illico Romam pergeret; sine dubio enim eam percusam occupatum, ac die quinto in Capitolio cœnaturum, dum tardaret Annibal, diceretque maturius hac de re cogitandum, subjunxit Mahabal: «Vincere scis, Annibal, sed Victoria nescis uti.» Ita Livius, lib. XXII. Audi S. Ambrosium libro *De viduis*: «Nec dexteræ tantum hoc opus, sed majora trophyæ sapientiæ. Nam manu solum Holofernem vicit, consilio autem omnem hostium vicit exer-

citum. Suspenso enim Holofernus capite, quod virorum non potuit excogitari consilio, suorum erexit animos, hostium fregit: suos pudore excitans, hostes quoque terrore percussus, eoque cæsi sunt et fugati. Ita unius viduae temperantia atque sobrietas, non solum naturam suam vicit, sed quod est amplius, fecit viros etiam fortiores. »

Similo modo David, amputato capite Goliath, eoque Philisthæis ostendo, ipsos perculit, et in fugam egit, I Reg. XVII. Idem fecit Judas Machabæus, resecto et ex arce Sion suspenso capite Nicanoris, II Mach. xv, 35. Sic et M. Livius et Claudius Nero Consules Romani, cæso Asdrubale cum 36 millibus Carthaginiensibus, capiteque ejus ex inopinato ante castra Annibalis fratri projecto, eum ita perculerunt, ut diceret actum esse de fortuna Carthaginiensium; atque illico fugiens in angulum Italiæ ad Brutios se receperit, teste Livio in fine lib. XXVI.

6. TUNC ACHIOR VIDENS VIRTUTEM (potentiam et vers. 6. fortitudinem scilicet tam fortem, prodigiosam et divinam victoriam de cæso Holoferne), QUAM FECIT DEUS ISRAEL (Græce Israelis, id est populi Israelitici), RELICTO GENTILITATIS RITU (idololatria et gentilismo), CREDIDIT DEO, ET CIRCUMCIDIT (non sua, sed Levitæ alicujus manu) CARNEM PRÆPUTII SUI, — factus proselytus et Judæus; licet enim Ammonitæ, Arabes, Phœnices, Ægyptii, Æthiopæ circumcisionem jam olim ab Abraham et Judæis accepissent, tamen acceperant eam ut liberam, non ut obligantem et necessariam, uti eam a Deo jubente acceperant Hebræi. Unde multi se non circumcidabant ob pudorem et dolorem circumcisionis: quare paulatim circumcision apud eos quasi evanuit. Achior ergo, licet Ammonita, fuit incircumcisus, sed hoc facto Judith conversus ad Judaismum, se circumcidit. Circumcisio enim erat professio Judaismi et legis Mosaicæ, sicut baptismus jam est professio Christianismi et legis Evangelicæ.

ET APPONITUS EST AD POPULUM ISRAEL, — ut quasi civis Israelitarum jus civicum haberet ad omnia eorum privilegia, jura, dignitates etiam et magistratus. Licet enim Deus vetuisset *Deut. xxiii*, 3, Ammonitas et Moabitas admitti in cœtum Israel, tamen in hac lege permisit dispensari ob insignia alicujus in Israelem merita, qualia fuerunt Achior, qui coram Holoferne Dei erga Israelem providentiam et protectionem publice erat professus, et dignis encomiis celebrarat. Sic Ruth Moabitis admissa fuit in cœtum Israel, nubensque Booz, facta est avia Davidis indeque Christi. Hanc enim esse Dei mentem responderunt legisperiti, vel Prophetæ, vel Pontifices consulentes Deum per Urim et Thummim, de quibus dixi *Exodi cap. xxviii*, vers. 28.

Vers. 10. **10. NULLUS ENIM AUDEBAT CUBICULUM VIRTUTIS ASSYRIORUM PULSANDO AUT INTRANDO APERIRE.** — «Virtutis, » id est, potentiae et majestatis «Assyriorum, » ita vocant Holofernem suum ducem et principem. Sicut nos regem vel principem vocamus Regiam Majestatem, suam Celsitudinem, suam Excellentiam.

Vers. 12. **12. EGRESSI MURES DE CAVERNIS.** — Ita ex contemptu vocant etiam Judæos, quasi inermes et imbelles, sed mures hosce mox experti sunt evasisse leones, qui elephantes eorum prosternerent.

Vers. 13. **13. TUNC INGRESSUS VAGAO CUBICULUM EJUS STETIT**

ANTE CORTINAM. — Adeo enim principes Assyriorum et Persarum servabant suam gravitatem et majestatem, ut non nisi per cortinam loquerentur, darentque responsa, ut etiamnum faciunt reges Sinarum. Unde Athenæus, lib. IV, cap. vi, ex Heraclide tradit principes, invitatos a rege Persarum ad convivium, in eodem cubiculo cum eo cœnasse, sed interjecto velo, ita ut ab eis videri non posset, cum ipse eos facile videret.

14. CADAVER, etc., JACERE SUPER TERRAM, — Græca, super lectum, vel lectus hic erat terra prope lectum, ut habent Græca, vers. 16.

16. UNA MULIER HEBRÆA FECIT CONFUSIONEM IN DOMO REGIS, — dum principem occidendo tota castra confudit, perculit, turbavit. Vide hic prudentiam Judith, quæ caput ducis petiit : eo enim sublato castra tota sustulit. Castra enim sine duce, idem sunt quod populus sine rege, oves sine pastore, discipuli sine magistro, filii sine patre, cives sine consule. Unde Tarquinius rex Romanorum capita papaverum in horto demetens, hoc ipso filio, qui flecte ad Gabinos transfugerat, per nuntium significavit, capita principum Gabinorum esse tollenda : quo facto Gabini quasi acephali se dedidere Tarquinio, teste Livio. Hanc gnomen mystice doctores applicant D. Virgini, quæ caput Draconis infernalis conterens, tota ejus infernali spirituum agmina pessum dedi*

CAPUT DECIMUM QUINTUM.

SYNOPSIS CAPITIS.

Assyrii, audita cœde Holofernisi, fugientes cœduntur ab inseguientibus Hebræis, qui castra spoliis onusta per triginta dies diripiunt, seseque ditant : Judith a Joacim Pontifice totoque populo benedicitur, et omnibus quæ Holofernisi propria fuerant locupletatur.

1. Cumque omnis exercitus decollatum Holofernem audisset, fugit mens et consilium ab eis, et solo tremore et metu agitati, fugæ præsidium sumunt, 2. ita ut nullus loquetur cum proximo suo, sed inclinato capite, relicts omnibus, evadere festinabant Hebræos, quos armatos super se venire audiebant, fugientes per vias camporum, et semitas collium. 3. Videntes itaque filii Israel fugientes, secuti sunt illos. Descenderuntque clangentes tubis, et ululantibz post ipsos. 4. Et quoniam Assyrii non adunati, in fugam ibant præcipites : filii autem Israel, uno agmine persequentes, debilitabant omnes quos invenire potuissent. 5. Misit itaque Ozias nuntios per omnes civitates et regiones Israel. 6. Omnis itaque regio, omnisque urbs, electam juventutem armatam misit post eos, et persecuti sunt eos in ore gladii, quo usque pervenirent ad extremitatem finium suorum. 7. Reliqui autem qui erant in Bethulia, ingressi sunt castra Assyriorum, et prædam, quam fugientes Assyrii reliquerant, abstulerunt, et onustati sunt valde. 8. Hi vero qui victores reversi sunt ad Bethuliam, omnia quæ erant illorum, attulerunt secum, ita ut non esset numerus in pecoribus, et jumentis, et universis mobilibus eorum, ut a minimo usque ad maximum omnes divites fierent de prædatiis eorum. 9. Joacim autem summus pontifex de Jerusalem venit in Bethuliam cum universis presbyteris suis, ut videret Judith. 10. Quæ cum exisset ad illum, benedixerunt

eam omnes una voce, dicentes : Tu gloria Jerusalem , tu lætitia Israel , tu honorificantia populi nostri : 11. quia fecisti viriliter, et confortatum est cor tuum, eo quod castitatem amaveris, et post virum tuum , alterum nescieris : ideo et manus Domini confortavit te, et ideo eris benedicta in æternum. 12. Et dixit omnis populus : Fiat , fiat. 13. Per dies autem triginta , vix collecta sunt spolia Assyriorum a populo Israel. 14. Porro autem universa, quæ Holofernis pecularia fuisse probata sunt, dederunt Judith in auro , et argento et vestibus, et gemmis, et omni supellectili, et tradita sunt omnia illi a populo. 15. Et omnes populi gaudabant cum mulieribus, et virginibus, et juvenibus, in organis et cytharis.

Vers. 1.

1. FUGIT MENS ET CONSILIIUM AB EIS, ET SOLO TREMORE ET METU AGITATI, FUGÆ PRÆSIDIUM SUMUNT, — tum quia videbant ducem suum Holofernem capite truncatum; tum quia Deus ademit eis mentem et consilium, ut quasi mentis impotes nescirent quid sibi agendum foret. Alioqui enim , si fuissent mentis compotes, alium sibi ducem constituisserent, qui Bethulienses cives paucos ad dedicationem cogeret; tum quia Deus immisit eis terrorēm panicum, ut, cæso duce, putarent se pariter cædendos ab Hebræis. Quare præcipites se in fugam dederunt : itaque fugientes a paucis Hebræis insequentibus et clangentibus cæsi sunt, uti a trecentis Gedeonis militibus cæsa sunt centum millia Madianitarum, *Judicum VII.*

Vers. 4.

4. DEBILITABANT OMNES, — hos occidendo, illos vulnerando, alias mutilando, etc. Hebræum enim ψλῆ chalas hæc omnia significat.

Vers. 7.

7. ONUSTATI, — id est, onerati spoliis. Nonnulli censem legendum « honestati, » id est, *ditati sunt*, ut habent Græca : honestas enim in Scriptura sæpe significat divitias, et honestare idem est *quod ditare.*

Vers. 9.

9. JOACIM AUTEM SUMMUS PONTIFEX DE JERUSALEM VENIT IN BETHULIAM CUM UNIVERSIS PRESBYTERIS SUIS (Græce : *cum Jerosolymitano senatu*, forte cum *conilio Sanedrim*, quod erat summum , continens 70 Senatores eximios), **UT VIDERET JUDITH, —** eique benediceret, et de victoria tanta gratularetur.

Vers. 10.

10. QUÆ CUM EXISSET AD ILLUM, BENEDIXERUNT EAM OMNES UNA VOCE, DICENTES : TU GLORIA JERUSALEM, TU LÆTITIA ISRAEL, TU HONORIFICENTIA (honor et decus) **POPULI NOSTRI. —** Græce : *Tu sublimitas Israel, tu exultatio magna Israel, tu gloriatio magna generis nostri.* Vatablus : *Tu excellentia Jerosolymitarum, tu magna Israelitarum lætitia, tu præclara generis nostri gloriatio, q. d. Jerusalem liberans ab Holoferne magnam ei gloriam contulisti : tu ab eodem defendens Israelitas jam timore et mœrore confectos, ingentem eis lætitiam et novam quasi vitam indidisti : tu populo tuo universo ingens nomen et decus peperisti apud omnes gentes, quæ audientes hoc tuum facinus obstupescunt, dicentque : « Tanti dux femina facti. »*

Allegorice Judith fuit typus B. Virginis. Hæc enim exultatio est , decus et gloria , non tantum Jerusalem, sed totius orbis; non tantum Israelis, sed omnium gentium, non tantum Synagogæ, sed universæ Ecclesiæ. Unde B. Gregorius Nazianze-

nus in *Tragœdia, Christus patiens*, eam sic affatur :

Regina, Domina, generis humani bonum,
Amica semper esto tu mortalibus,
Maximaque quovis in loco mihi salus.

Cyrillus Alexandrinus, homil. *Contra Nestorium* : « Sit, inquit, tibi, sancta Dei mater laus; Tu enim es pretiosa margarita orbis terrarum , tu lampas inexstinguibilis, corona virginitatis, sceptrum orthodoxæ fidei. » S. Chrysostomus, homilia *De Deipara*, ita eam salutat : « Ave, mater, cœlum, thronus Ecclesiæ nostræ, decus, gloria, et firmamentum. » S. Ephrem, sermone *De laudibus Virginis*, eam vocat « unicam spem Patrum, gloriam Prophetarum, præconium Apostolorum, honorem Martyrum, lætitiam Sanctorum, et lumen probatissimorum Abraham, Isaac et Jacob, decus Aaron, splendorem Mosis, Gedeonis vellus et cœtus Hierarcharum, omniumque Sanctorum ac virginum coronam, ob immensum fulgorem, atque splendorem inaccessum. » Damascenus, orat. 1 *De Nativit. B. Virgin.* : « O Deo, inquit, digna filia, mulierum ornamentum, humani generis decus, tu Patriarchis sempiterna oblectatio, Prophetis perennis exultatio. »

11. QUA FECISTI VIRILITER (quasi virago , et feminæ super feminas, imo quasi vir viros omnes superans) **ET CONFORTATUM EST COR TUUM, EO QUOD CASTITATEM AMAVERIS.** — Castitas ergo fuit causa fortitudinis Judith, idque *primo*, quia castitas roborat corpus et animum. Unde olim athletæ in Olympicis certaturi castos plane se servabant, ut integras ad palæstram vires afferrent, I Cor., IX, 24. Luxuria enim spiritus nobilissimos, ideoque robur et vires effundit et exhaustit. Secundo, quia Deus hoc præmium fortitudinis dare solet castis, ac omnino dedit Judith , fortitudinem , inquam , tum corporis, tum animi ad magna audendum : Deus enim, qui spiritus est purissimus, singulariter amat puritatem et castitatem , ac puros et castos, quasi sibi similes ad magna destinat. Audi S. Hieronymum, præfatione in *Judith* : « Accipite Judith viduam castitatis exemplum, et triumphali laude perpetuis eam præconiis declarate. Hanc enim non solum feminis, sed et viris imitabilem dedit, qui castitatis ejus remunerator, virtutem ei talem tribuit, ut invictum omnibus hominibus vinceret, et insuperabilem superaret. »

Tertio, quia decebat luxuriosum Holofernem a casta Judith superari, ut castitas de luxuria triumpharet. Unde Prudentius in Psychomachia pudicitiam cum libidine duellantem eleganter per Judith de Holoferne triumphantem ita depingit :

Assyrium postquam thalamum, cervixque Holofernus
Cæsa, cupidino madefactum sanguine lavit;
Gemmatumque thorum mœchi ducis aspera Judith
Sprevit, et incertos compescuit ense furores:
Famosum mulier referens ex hoste trophyum
Nou trepidante manu, vindex mea cœlitus audax.

*Porro eximia fuit castitas Judith, ideoque exi-
nium hoc meruit præmium et trophyum. Ipsa
enim erat in flore juventutis vidua opulenta, ca-
rens liberis, ut patebit cap. sequenti, versu 28,
speciosa, honorata, gloriosa ob tantam victoriam:
quare omnes etiam duces et principes eam am-
biebant sponsam: verum ipsa castitatis amans
hæc omnia despexit, mansitque cælebs usque ad
mortem; quare nobilis et gloriósus de carne
et mundo, quam de Holoferne triumphavit. Audi
S. Ambrosium, lib. De Viruis: « Nec his tamen
elata successibus, cui utique gaudere et exultare
licebat, jure victoriæ viduitatis reliquit officium;
sed contemptis omnibus qui ejus nuptias ambie-
bant, vestem jucunditatis deposituit, viduitatis re-
sumpsit; nec triumphorum suorum amavit or-
natus, illos existimans esse meliores, quibus vitia
corporis, quam quibus hostium vincuntur. »*

14. ET OMNES POPULI GAUDEBANT CUM MULIERIBUS, ET VIRGINIBUS, ET JUVENIBUS, IN ORGANIS ET CITHARIS. — Græca uberioris habent: *Et concurrit omnis mulier Israel ad videndam eam, et fecerunt ei choru[m] ex se; et sumpsit thyrsos in manib[us] suis, et dedid mulieribus quæ secum aderant, et exornatæ sunt oliva, ipsa, et quæ cum ipsa. Et prævivit omnem popu-*

*lum in chorea, ducens omnes mulieres, et sequebatur omnis vir Israel armati cum coronis et hymnis in ore suo. Pro coronatæ sunt, Complutenses habent, corona runt eam corona olivæ, id est, oleagina. Thysri sunt rami palmarum, citriorum, etc. Audi Josephum XIII Antiq. cap. xxi: « Apud Judeos lex est quemlibet in scenopégia thyrsos (ramos) ex palmis et citriis gestare. Gentiles thyrsos dicabant Baccho. Erat autem apud eos θύρος; hasta frondibus, præsertim ex vite vestita, quam qua-
tiebant in sacris Bacchi, vel corona ex eisdem. Unde Virgilii Eclog.*

Instituit Daphnis thyrsos inducere Baccho,
Et foliis lentas intexere molibus hastas.

Ibi per lentas hastas intelligit thyrsos. Unde Proverbium:

Multos thyrsigeros, paucos est cernere Bacchos.

Bacchus enim erat thyrsigerus. Hinc et Tacitus: Messalina, inquit, crine fluxo thyrsum quatiens. Et Diodorus scribit Dionysium in exercitu ha-
buisse mulieres thyrsis armatas. Macrobius quoque ait Liberum patrem (Bacchum) tenere thyrum, quod est latens telum, vel hasta aculeata, cuius mucro hedera lambente protegitur.

Hoc recte adaptes Judithæ, quæ acinacem Holofernus in ipsummet distinxit; itaque eum ebrium quasi Bacchum occidit, ac de ebrietate et ebriis triumphavit. Coronam ergo thyrsiam merebatur, meritamque gestabat, quæ eamdem Baccho, id est, Holoferni ebrio eripuit.

Nota hanc solemnum triumphi processionem et pompam Judithæ quotannis datam et renovatam fuisse cum ingenti virorum et mulierum comitu, ut patebit capite sequenti, vers. 27.

CAPUT DECIMUM SEX TUM.

SYNOPSIS CAPITIS.

Judith præcincta, omnes succinunt Epinicion Deo. Populus holocausta in gratiarum actionem offert. Judith, longævam in castitate et gloria agens vitam, tandem gloriose moritur, ac dies victoriæ ejus deinceps quotannis celebrari præcipitur.

1. Tunc cantavit canticum hoc Domino Judith, dicens :
2. Incipite Domino in tympanis, cantate Domino in cymbalis, modulamini illi psalmum novum, exaltate, et invocate nomen ejus.
3. Dominus conterens bella, Dominus nomen est illi.
4. Qui posuit castra sua in medio populi sui, ut eriperet nos de manu omnium inimicorum nostrorum.
5. Venit Assur ex montibus ab Aquilone in multitudine fortitudinis suæ: cuius multitudo obturavit torrentes, et equi eorum cooperuerunt valles.
6. Dixit se incensurum fines meos, et juvenes meos occisurum gladio, infantes meos dare in prædam, et virginis in captivitatem.

7. Dominus autem omnipotens nocuit eum, et tradidit eum in manus feminæ, et confodit eum.

8. Non enim cecidit potens eorum a juvenibus, nec filii Titan percutserunt eum, nec excelsi gigantes opposuerunt se illi; sed Judith filia Merari in specie faciei suæ dissolvit eum.

9. Exuit enim se vestimento viduitatis, et induit se vestimento lætitiae in exultatione filiorum Israel.

10. Unxit faciem suam unguento, et colligavit cincinnos suos mitra, accepit stolam novam ad decipiendum illum.

11. Sandalia ejus rapuerunt oculos ejus, pulchritudo ejus captivam fecit animam ejus, amputavit pugione cervicem ejus.

12. Horruerunt Persæ constantiam ejus, et Medi audaciam ejus.

13. Tunc ululaverunt castra Assyriorum, quando apparuerunt humiles mei, arescentes in siti.

14. Filii puellarum compunxerunt eos, et sicut pueros fugientes occiderunt eos, perierunt in prælio a facie Domini Dei mei.

15. Hymnum cantemus Domino, hymnum novum cantemus Deo nostro.

16. Adonai Domine, magnus es tu et præclarus in virtute tua, et quem superare nemo potest.

17. Tibi serviat omnis creatura tua, quia dixisti, et facta sunt; misisti spiritum tuum et creata sunt, et non est qui resistat voci tuæ.

18. Montes a fundamentis movebuntur cum aquis: petræ, sicut cera, liquecent ante faciem tuam.

19. Qui autem timent te, magni erunt apud te per omnia.

28. Væ genti insurgenti super genus meum! Dominus enim omnipotens vindicabit in eis, in die judicii visitabit illos.

21. Dabit enim ignem, et vermes in carnes eorum, ut urantur, et sentiant usque in semipernum.

22. Et factum est post hæc, omnis populus post victoriam venit in Jerusalem adorare Dominum: et mox ut purificati sunt, obtulerunt omnes holocausta, et vota, et re-promissiones suas.

23. Porro Judith universa vasa bellica Holofernisi, quæ dedit illi populus, et conopeum, quod ipsa sustulerat de cubili ipsius, obtulit in anathema oblivionis.

24. Erat autem populus jucundus secundum faciem sanctorum, et per tres menses gaudium hujus victoriæ celebratum est cum Judith.

25. Post dies autem illos unusquisque rediit in domum suam, et Judith magna facta est in Bethulia, et præclarior erat universæ terræ Israel.

26. Erat etiam virtuti castitas adjuncta, ita ut non cognosceret virum omnibus diebus vitæ suæ, ex quo defunctus est Manasses vir ejus.

27. Erat autem diebus festis procedens cum magna gloria.

28. Mansit autem in domo viri sui annos ceutum quinque, et dimisit abram suam liberam, et defuncta est ac sepulta cum viro suo in Bethulia.

29. Luxitque illam omnis populus diebus septem.

30. In omni autem spatio vitæ ejus non fuit qui perturbaret Israel, et post mortem ejus annis multis.

31. Dies autem victoriæ hujus festivitatis ab Hebræis in numero sanctorum dierum accipitur, et colitur a Judæis ex illo tempore usque in præsentem diem.

vers. 1. 1. TUNC CANTAVIT CANTICUM DOMINO JUDITH, DICENS: INCIPITE (canite, psallite et jubilate) DOMINO. — Unde, ipsa præcinente, succinere cæteri: uti, præcinente Maria sorore Mosis, succinere cæteræ mulieres post transitum maris Rubri, Exodi xv, 20. Sic enim habent hoc loco Græca: Prævixit autem Judith hoc canticum gratulatorium in-

ter omnes Israelitas, et universus populus hanc laudem clara voce decantavit, capituloque Judith: Incipite Deo in tempanis, etc. Hinc patet Judith fuisse propheticam, imo scriptricem S. Scripturæ, hoc enim carmen quod est pars S. Scripturæ dictavit, inspirante Spiritu Sancto.

3. DOMINUS CONTERENS BELLA. ~ Alludit ad no-

~

vers. 2.

men *Jehova*; quod a radice יְהוָה hava deductum, idem est quod « conterens. » Citat illud ex Epinicio Mosis, *Exodi xv, 3*: « Dominus quasi vir pugnator omnipotens nomen ejus. » Vide ibi dicta.

5. VENIT ASSUR (id est, Assyrius exercitus missus a Nabuchodonosor rege Assyriorum, duce Holoferne) **EX MONTIBUS AB AQUILONE.** — Assyria enim Judææ partim est ad Orientem, partim et magis ad Septentrionem.

CUJUS MULTITUDO OBTURAVIT TORRENTES, ET EQUI EORUM COOPERUERUNT VALLES. — Sanchez per Nabuchodonosor, qui misit Holofernem, intelligens Xerxem, hæc ei commode adaptat. Xerxes enim tantas copias in Græciam induxit, ut vix ad potum flumina, ad ingressum terra, ad cursum maria satis fuisse dicantur. Ita Paulus Orosius, lib. II, cap. ix. Sane siccata fuisse ab illius exercitu flumina tradit Herodotus, lib. VII, et Justinus, lib. II; de quo item Juvenalis, *Satyr. x* : »

Credimus altos
Defecisse amnes, epotaque flumina Medo
Prandente.

Verum Xerxes fuit Persa, non Assur, id est Assyrius. Vide dicta in proœmio.

Vers. 7. **NOCUIT EUM**, — id est, i; olim enim nocere regebat accusativum, ut patet ex Plauto et aliis.

Vers. 8. **8. NEC FILII TITAN** (id est, « excelsi gigantes, » ut explicans subdit) **PERCUSSE RUM EUM.** — Quæres qui sint filii Titan, vel, ut Græce est, Titanum? Respondeo, Titan vel Titanus fingitur a Poëtis Cœli et Vestæ, id est, Terræ filius, ac Titanes eorumdem filii, de quibus Virgilius lib. VI *Aeneid.* :

Hic genus antiquum Terræ, Titania pubes,
Fulmine dejecti, fundo volvuntur in imo.

« Terra, inquit Servius, primitum Titanas contra Saturnum genuit, Gigantes postea contra Jovem, Et ferunt fabulæ Titanas ab irata contra Deos Terra, ad ejus ultionem creatos. Unde et Titanes dicti sunt» ἀπὸ τῆς τικεῖς, id est, ab ultione. Jupiter enim dejicit eos in Tartara. Tradunt Titanas sex fratres fuisse, et quinque sorores, a Titea matre dictos, ut auctor est Diodorus: ex quibus unus fuit Japethus pater Promethei. Hiperionque ex Titanum numero est, qui solis ac lunæ, stellarumque motus observasse, atque demonstrasse primus fertur; ideoque solis parens et astrorum fertur. Hinc Sol Titan, Luna Titania, Diana Titania a Poëtis dicuntur. Cicero in *Arato*, lib. VII :

Quem cum perpetuo vestivit lumine Titan.

Ovidius, lib. III *Metam.*, xxxv.

Dumque ibi perluitur solita Titania limpha.

Titan ergo est epitheton Solis. Sol enim vocatur cœli et terræ filius, quia mane ex terra et mari nasci et oriri videtur, idemque ut Jovis filius in cœlo quasi domo paternâ refulget. Hinc multi Ti-

tan derivant ab Hebr. תִּת tit, id est, lутum, limus, terra, ut a Tit dicta sit Tethys et Titea sex Titanum mater. Alii Titan a τίτανες deducunt, eo quod Titan, id est Sol, quaquaversum radios suos expandat. Porro Titiam esse terram, ex qua prodierit sol et luna fabulantur Poetæ. Terra enim varia habuit nomina. Nam ut ait M. Varro apud S. Augustinum libro VII *De Civitate Dei*, terra sive tellus dicta est ops, quod ope et cultura fiat melior: et mater, quod plurima pariat; et alma, quod cibum paret; et Proserpina, quod ex ea proserpant fruges; et Vesta, quod vesciatur herbis, vel, ut alii, quod vi sua stet. Unde exstat Hymnus Titanos apud Orpheum. Hinc secundo per filios Titan posset accipi Phaeton cum sua sobole, quem Poetæ dicunt esse filium solis; qui, dum equos currumque solis incaute regeret omnia in terris ardore solis combusserit, q. d. Holofernem non percussit sol aut Phaeton, sed femina Judith.

Tertio nonnulli per Titanes cœli et terræ filios significari putant spiritus et ventos (item procellas et fulmina), qui ex cœlo, id est ab aere in terram demissi, in ea occultantur, a verbo τίτανες, id est, extendo, eo quod venti extendentes manus suas et vi agentes, injuriam faciunt; unde terræ motus exoritur quo multi pereunt, q. d. Non venti, non procellæ, non fulmina, non terræ motus, sed unica mulier prostravit Holofernem. Huc facit quod Pausanias in *Corinth.* scribit in Titanis colle apud Sicyonios fuisse aram ventorum positam, in qua quotannis sacerdos sacrificabat ad mitigandam ventorum feritatem. Primus sensus uti communior, ita congruentior est: Titanes enim erant gigantes robustissimi, quibus nemo resistere poterat. Unde proverbia: « Titanicus aspectus, » id est, torvus, ferus et horrendus. « Titanibus et Crono (tempore et Saturno) antiquior, Titanas imploras. » Vide Appollodorum initio lib. I *De Origine deorum*, Hesiodum in *Theogonia*, Giraldum et alios.

Nota ex S. Hieronymo in cap. v *Amos*, vers. 8, et S. Gregorio, IX *Mor.* cap. vi, interpres tam Septuaginta quam Nostrum subinde Hebraea nomina, quæ apud eos aliter appellantur vocabulis fabularum Gentilium Græcorum et Latinorum in linguam græcam et latinam transferre, non quasi fabulas narrent aut probent; sed quia non bene nec plene intelligimus id quod dicitur, nisi per ea vocabula quæ usu didicimus, et quasi cum lacte combibimus, ait S. Hieronymus, maxime quando fabula ex S. Scriptura ortum ducunt, uti hic fit. Fabula enim Titanum ex historia gigantium, *Genes. vi, 4*, et cap. xi, 4, facta et ficta est. Sic Septuaginta *Job xlII, 14*, pro « cornistibii » vertunt cornu *Amaltheæ*, quam Poetæ finiunt esse capram, quæ lacte suo Jovem nutrit. Sic *Thren. iv, 3*. Noster vertit « lamias, » cum in Hebreo sit תַּנְיָנִים *Tannim*, quæ vox dracones vel inania est terrifica monstra significat, quales

sunt lamiæ. Idem est judicium de Arcturo, Orione et similibus. ait S. Hieronymus quorum mentio fit in Job et Prophetis; de quibus Poeta:

Arcturum, pluviasque Hyadas, geminosque Triones,
Armatumque auro circumspicit Oriona.

Fili ergo Titan vel Titanum sunt filii gigantum, id est, gigantes vastissimi, fortissimi et robustissimi, qui vocantur *Raphaim*, pro quo Septuaginta vertunt Titanes, II, Reg. v, 18. Est metonymia: nam per patrum indolem et fortitudinem significatur indoles et fortitudo filiorum. Ergo per Titanes ex communi vulgi usu non alii intelliguntur quam gigantes.

Posset quoque dici hanc vocem *Titan* pro gigantibus significandis in usu fuisse ex vulgatis toto orbe fabulis apud Assyrios, Chaldaeos, Hebreos aliasque gentes, ut significetur Holofernem et Assyrios sua fortitudine et copiis superbos comparasse se Titanibus, ac dixisse se pares esse Titanibus, aut nihil a Titanibus metuere vel præter Titanes: ita ut cerebro aliquid *Titanicum* in castris eorum audiretur, ad quod alludens Judith, ait: *Assyrii non cecidere manu Titanum suorum, sed manu mea, quæ sum imbellis et inermis femina.* Ita Sanchez.

Vers. 12. 12. HORRUERUNT PERSÆ CONSTANTIAM EJUS, ET MEDI AUDACIAM EJUS. — Hinc liquet in castris Holofernisi Assyriis mixtos fuisse Persas et Medos; præsertim, quia ipse dux Holofernes erat Persa, ait Cedrenus: ac Medi victo Arphaxad eorum principe, jam subacti erant a Nabuchodonosor, ad quem proinde multi quoque e vicinis Persis transfugerunt ob desidiam et turpem Xerxis regis sui cladem et fugam e Græcia, uti dixi in Proœmio.

Vers. 13. 13. TUNC ULULAVERUNT CASTRA ASSYRIORUM, QUANDO APPARUERUNT HUMILES MEI ARESCENTES SITI, — puta cives mei Bethulienses siti pene enecti, quando cæso a me Holoferne, ipsi ejus castra invaserunt, et Assyrios fugientes persecuti sunt.

Vers. 14. 14. FILII PUELLARUM, — id est parvi pueri, sive juvenculi: nec enim grandiores aut adultiores esse possunt, quorum matres adhuc sunt pueræ et juvenculæ: hinc patet juvenes et pueros cum viris irruisse in Assyrios fugientes.

Vers. 17. COMPUNXERUNT EOS — suis cultris et gladiolis. 17. MISISTI SPIRITUM TUUM ET CREATA SUNT. — « Spiritum » intellige oris, hoc est, dictum et iustum quo Deus, Gen. I, dixit jussitque: Fiat sol, luna, aves, pisces, etc., et illico facta sunt. Alludit ad Psalm. xxxii, 6: « Verbo Domini cœli firmati sunt, et spiritu oris ejus omnis virtus eorum. »

Vers. 18. 18. MONTES A FUNDAMENTIS MOVEBUNTUR, — cum Deus jusserit, q. d. Tanta est Dei potentia, ut solo nutu montes transferre, petras liqueare valeat: perinde jam Assyriorum castra, quæ instar altorum montium et durarum petrarum videbantur insuperabilia, per me feminam superavit, et instar ceræ liquando dissipavit.

21. DABIT ENIM IGNEM ET VERMEN IN CARNES EORUM Vers. 21.
UT URANTUR ET SENTIANT (crucientur) IN SEMPITERNUM. — Hinc S. Hieronymus, Chrysostomus, Augustinus, Theophilus, Haymo, Lyranus, Abulensis, Dionysius, Glossa, Ribera, Maldonatus, Serarius et alii probabiliter censem in inferno esse vermes corporeos, qui carnes damnatorum rodat, uti est verus ignis eos urens: vide dicta Eccl. vii, 19, et x, 13, et Isaïæ cap. ult. vers. 24.

22. MOX UT PURIFICATI SUNT — ab immunditia Vers. 2 et irregularitate legali ex cæde Assyriorum et contactu mortuorum contracta, lavando corpora et vestes, juxta legem Numer. xxxi, 24.

23. ANATHEMA OBLIVIONIS. — Hebraice חֶרְםָה che- Vers. 23.
rem significat anathema, id est donum ab usibus profanis avulsum, totumque Deo separatum et consecratum. Tò *oblivionis* non est in Græco: unde aliqui legendum putant *oblationis*, sed *oblivionis* habent omnia exemplaria Latina, idque apte huic loco congruit: anathema enim dicitur *oblivionis*, quia dicatum erat Deo ad arcendam tanti beneficii et victoriæ apud posteros *oblivionem*. Ita Serarius; aut quia *oblivionem* afferebat præteritæ famis, sitis et mille ærumnarum, quas ante ab Assyriis passi fuerant Hebræi: ita Sanchez. Sic Joseph filium suum vocavit « *Manassem* » id est *oblivionem*, dicens: « *Oblivisci me fecit Dominus omnium laborum meorum.* » Genes. xli, 51, et Isaïas, cap. lxv, vers. 16: « *Oblivioni traditæ sunt angustiæ priores.* » In quem locum optime Hieronymus: « *Obliviscentur pristina mala, non oblivione memorie, sed bonorum successione juxta id quod scriptum est: In die bona oblivio malorum.* »

24. SECUNDUM FACIEM SANCTORUM, — id est ante templum vel ante Synagogam: hæc enim extra Jerusalem habitantibus erat instar templi. In ea enim simul orabant, legemque Dei audiebant.

28. MANSIT (Græce consenuit) AUTEM IN DOMO VIRI SUI ANNOS CENTUM QUINQUE, — id est usque ad annos ætatis suæ centum et quinque. Simili phrasí Hebrei dicuntur habitasse in Ægypto annos 430, id est usque ad annum 430 ab egressu Abraham ex Chaldea: nam alioqui Hebræi in Ægypto tantum habitarunt annis 215, Exodi xii, 40. Vide ibi dicta.

Quare minus recte aliqui putant Judith, postquam facta est vidua, vixisse annos 105; sic enim moriens fuisset 140 annorum vel amplius, quod illo ævo erat insolitum.

Addit Græcus quod Judith, antequam moreretur, divisit substantiam suis et viri sui cognatis. Unde liquet eam caruisse filiis. Eo mirabilior fuit ejus castitas. Imitentur Juditham Christiani etiam principes, qui, ne familia deficiat, mutant propositi, imo votum cælibatus, ac uxores ducunt ut liberos habeant familie hæredes et propagatores. Non ita fuit Judith, imo cælibatum omnibus liberis anteposuit. Hisce enim omnibus nobilior est castitas. Nimirum memor erat illius pro-

missi divini ad eunuchos qui se castraverunt sua voluntate, ob amorem Dei et castitatis: « Dabo eis in domo mea, et in muris meis locum, et nomen melius a filiis et filiabus nomen sempiternum dabo eis quod non peribit. » *Isaiæ LVI, 5.*

29. LUXITQUE ILLAM OMNIS POPULUS DIEBUS SEPTEM.

— Sancta a Patribus habetur Judith. Verum dies mortis ejus in Martyrologio non assignatur, quia ignoratur. *Æthiopica* tamen Ecclesia Judithæ festum celebrat quarta die mensis sexti, qui dicitur Ebul, ait Serarius.

31. DIES AUTEM VICTORIE. — Judith in Calendario Hebræo assignatur 25 mensis noni qui Casleu dicitur, quo die pariter recolitur memoria dati ignis et Encæniorum Machabæi, teste Genebrardo, Torriello, Signonio et Saliano, qui et hoc elogium quasi epitaphium Judithæ assignat: « Hæc est illa Judith, quæ mellitam linguæ facundiam, quæ Angelicam faciei dignitatem, quæ fulgurantes oculos, quæ frontis hilaritatem, quæ genarum purpuram, quæ corallina labia, quæ totius orbis majestatem in arma et sagittas convertit, quibus barbarus caperetur furor, et irrita potentia sternetur. Hæc est illa Judith quæ, cum esset formæ prodigium, exstitit nihilominus miraculum castitatis, quam jejuniis, precibus, omnique corporis afflictione ita coluit, itaque adamavit, ut, cum æstate floreret, careret liberis, divitiis abundaret et gloria, ipsos septuaginta quinque annos cælebs atque intaminata fulgeret. Vixit a prostrata Holofernisi superbia, et concusso Babyloniorum imperio, annos duos et septuaginta, omnino autem pervenit ad centesimum quintum. »

Allegorice Judith est B. Virgo, quæ urbes et fideles sibi devotos ab hostiis obsidione liberat, ut liberavit Constantinopolim sibi dicatam et devotam, anno Domini 717, a triennali Saracenorum oppugnatione, cum illi præsideret S. Germanus Patriarcha Constantinopolitanus ad quem proinde scribens Gregorius II Pontifex, *epist. 4*, ita ait: « Pugnatricis illius sanctæ et omnium Christianorum Dominæ miranda facta, quæ in se declarata sunt, per quæ tu quoque inter hostes servatus es, non sunt reticenda. Illi enim, cum insania multa tumultuarentur, tantum invenerunt in se adversitatis hostilis, quantum eorum causa injustitiae habuit. Neque hoc tamen mirandum est: nam si Bethulia per manus Judith Israelitis servata est, cuius opus Holofernisi erat sublatio, et per ea tempora ob id salus Israelis vacata est: quomodo non oportebat et tuam sanctitatem hujusmodi pugnatrice utentem hostibus civitatis prævalere, ipsamque victoria coronare, etc. »

Maxime vero B. Virgo quasi vera Judith defendit Bethuliam, quæ Hebraice significat virginitatem. Ipsa enim, cum sit virgo virginum, virgines quasi clientes suos protegit, ut plurimis omni sæculo exemplis ostendit, et nominatim virgines olim a tyrannis ad lupanar damnatas (quod sumum eis erat tormentum: malebant enim ad leo-

nem quam ad lenonem damnari, ait Tertullianus in *Apolog.* intactas servavit per Angelos, vel leones; uti servavit S. Agnetem, S. Dariam, S. Luciam: adeoque vix ullam ex eis violatam fuisse reperies. Cum ergo sentis tentationes carnis, invoca B. Virginem, et victor evades.

Denique, quam Judith posteris et sæculis omnibus fuerit amabilis et admirabilis liquet, ex eo quod Judithæ nomen et cum nomine virtutis imitationem ambivere Heroinæ et Reginæ. Ita Ludovici Pii Imperatoris qui Caroli magni fuit filius et successor, uxor fuit Judith Augusta, quæ ab adversariis, ac præsertim a Pipino Ludovici ex Irmingarde priore uxore filio relegata in monasterium S. Radegundis, monasticum ipsa sibi velum imposuit, sed a Gregorio IV Pontifice in imperium una cum Ludovico marito fuit restituta, uti ex Mariano Scoto narrat Baronius anno Christi 834. Judith pariter appellata fuit Caroli Calvi Francorum regis filia, quæ Anglorum regi nubens in Angliam concessit anno Domini 855, teste Baronio.

Judith tertia fuit regina Poloniæ, de qua ita ex Longino scribit Baronius, tom. II, anno Christi 1007 in fine: « Hoc eodem anno Juditha Poloniæ regina, sanctissima femina, conjux Boleslai regis et adjutrix, ad pietatem propagandam ex hac vita, summo omnium dolore decessit, cum superis in perpetuum regnatura. » Hæc de tempore Longinus, qui et res ab ea præclare gestas recenset.

Judith quarta fuit filia Henrici Imperatoris et Hungariae regina anno Christi 1074, quam inique regno pulsam Gregorius VII Pontifex datis ad eam litteris consolatur, quibus heroicam ejus virtutem dilaudat. Litteræ exstant apud Baronium anno Christi 1074 in fine.

Judith quinta fuit uxor Hermanni Comitis, sanctæ conversationis femina, quæ ex hac vita ad cœlestem migravit anno Domini 1095, ut scribit Baronius.

Juditha, et per crasin Jutta, sexta fuit Saxonie ducis filia, quæ nupsit Erico Daciæ regis filio, ut patet ex epist. 112 Gregorii IX Pontificis.

Juditha, sive Jutta, septima fuit virgo famula S. Elisabethæ, quæ miraculis in vita et post mortem claruit.

Juditha, sive Jutta, octava fuit Parthena cujus virtutes et miracula ex Chronicis Poloniæ recentet Abrahamus Bzovius anno Domini 1260, quo diem obiit; ubi inter cætera ait: « Tandem appropinquante vitæ suæ fine, infirmitate correpta (in qua sæpius hæc verba repetebat: O quam multum prodest ad quævis a Deo impetranda adversa valetudo, et miseria, et pauperies, læta his qui confidunt in Domino!) tertio, Christum Dominum » cum multis Angelis et aliis Sanctis sibi apparentem vidit, qui eam his verbis: « Veniam, o famula mea, in regnum meum, » ad se invitavit.

COMMENTARIA

IN ESTHER.

ARGUMENTUM.

Esther, ait S. Hieronymus, epist. *ad Paulinum*, « in Ecclesiæ typo populum liberat de periculo, et interfecto Aman, qui interpretatur iniquitas, partes convivis, et diem celebrem mittit in posteros. » Argumentum ergo libri est humiliatio superborum, scilicet Vasthi et Aman, ac exaltatio humilium, scilicet Estheris et Mardochæi, ac liberatio Judæorum. Allegorice Assuerus designat Christum, Esther B. Virginem et Ecclesiam, Mardochæus animam fidelem et piam, Aman et Vasthi dæmonem, carnem et mundum repræsentant. Hunc librum esse Canonicum consentiunt Hebræi cum Græcis et Latinis. Exstat enim hebraice in Canone Hebræorum, saltem usque ad caput decimum. Vide Bellarminum, lib. I *De verbo Dei*, capite VII, Serarium hic *Proleg.* IV, Sextum Senensem, lib. I, sect. II in *Esther*. Primitus scriptus fuit hebraice; unde ex Hebræo S. Hieronymus eum transtulit in idioma latinum, Septuaginta in Græcum. Porro S. Hieronymus ea quæ non reperit in Hebræo, separavit a cæteris, et ad calcem libri collocavit, quæ antea suis locis in vulgata latina ordine temporis et historiæ erant inserta. Eadem eodem ordine exstant græce apud Septuaginta ex quibus ea in latinum transtulit S. Hieronymus, sed in finem libri rejicit, quasi lacinias textus hebraici, ex quo ipse cætera in latinum convertebat (1). Auctor libri est incertus: S. Augustinus, XVIII

(1) Capita priora decem, usque ad decimi versum quartum, sunt protocanonica: quod autem in eodem capite decimo a versu quarto residuum est, et quæ sequuntur capitula omnia, deuterocanonica dicuntur, quia ad prius canonem Hebræorum non pertinebant. Longe tamen rejicienda sententia eorum qui hæc additamenta apocryphis accensent, auctoritate fulti, ut dicunt, S. Hieronymi. Nam si S. Hieronymus in apocryphis releganda esse hæc additamenta censuit, ex Hebræorum magis sententia quam ex sua locutus est, ut studium laboremque suum commendaret, ac suæ ex Hebræo versionis utilitatem demonstraret. Etsi ex propria mente illa postrema capita fuisse ab interpretibus assuta dixisset, privatæ ipsius opinioni Ecclesiæ catholicae auctoritatem merito opponemus, quæ libros omnes Scripturæ sacræ prout in septuaginta Interpretum vulgata olim editione habentur, canonicos habuit ab Apostolorum temporibus; et in concilio Tridentino, sess. IV, libris canonicis recensitis, eos qui istos libros integros non receperint cuni omnibus suis

De Civit. vii; Eusebius in *Chronico*, anno mundi 4734; Isidorus, lib. VI; Origenes, cap. ii, censem Esdram fuisse; Philo Anianus Joacim Pontificem; R. David viros Synagogæ. Verisimilius Lyranus, Dionysius, Bellarminus, Sixtus Senensis, R. Abraham, Serarius, Sanchez et alii opinantur auctorem esse Mardochæum una cum Esther, idque videtur indicari cap. ix, vers. 20, et cap. XII, vers. 4, ubi dicitur: « Scripsit itaque Mardochæus omnia hæc, et litteris comprehensa misit ad Judæos; » et cap. XX, vers. 29: « Scripseruntque Esther regina filia Abihail et Mardochæus Judæus etiam secundam epistolam. » Quis autem dubitat in his litteris historiam totam fuisse contentam (2)?

Quæres quo tempore Estheris historia contigerit, sive quis fuerit Assuerus ejus maritus. Primo, Serarius et Gordonus censem fuisse Artaxerxes Ochum; sed sic Mardochæus vixisset ducentos annos et amplius; tot enim sunt ab initio captivitatis Babylonicæ, quando Mardochæus cum Jechonia rege translatus est in Babylonem, ut dicitur, cap. II, vers. 6, usque ad Ochum. Illa autem ætas illo ævo fuit insolens: nullus enim tunc tamdiu vixisse legitur.

Secundo, Josephus Scaliger, lib. VI *De Emendat.* temp. pag. 284, censem fuisse Xerxem; quia, inquit, uxor Xerxis vocabatur Amestris, teste Her-

Auctor
Mardo-
chæus.

Assuerus
quis?
Resp.
Primo.

Secundo.

partibus, prout in Ecclesia catholica legi consueverint, anathemate configit.

(2) Grotius Lutherum auctorem secutus, hunc Estheris librum censem esse rhetorica exercitia piorum Hellenistarum, qui ad ornandas veras historias ea scripsere, quæ illis temporibus probabiliter fieri, dici aut scribi potuerunt. Bauer et Seiler autem etiam substantiam libri esse veram historiam, quæ vagis traditionibus et ornamentis dictionis postea aucta fuisse. Wittakerus et alii, tum priores tum posteriores hujus libri partes oppugnant, præsertim quia sunt quædam in isto libro quæ parum vera et consona illis videntur. Singula suis locis explicare liceat, et hic sufficiat dicere veracitatem hujus historiæ, præter traditionem et judicium Ecclesiæ, probari ex solemnibus *Phurim* diebus, quos a Judæis per multa sæcula religiose observatos constat ex II *Machab.* xv, 37, et ex Codice Theodosiano, lib. *Judeos*, tit. *De Judeis*. Nemo autem sanæ mentis sibi persuaserit festi hujus religionem et anniversariam celebratatem ex figmento originem habuisse.

doto, lib. VII : quæ eadem videtur esse cum Esther. Verum Amestrem fuisse Persicam, non Hebræam, sat indicat Herodotus dum ait ejus patrem fuisse Otanem Persam. Adde mores crudelis Amestris alienos esse a moribus benignis et beneficis Estheris. Nam Herodotus, eodem libro VII, ait « Amestrem uxorem Xerxis jam proiectæ ætatis; bis septem illustrium Persarum liberos viros defodisse ad referendum pro se gratiam Deo, qui sub terra esse fertur. » Et lib. IX : « Amestris, inquit, accitis satellitibus, uxorem Masistæ (erat is frater Xerxis, et filius Darii) excarnificat, mammillas præcidit, easque canibus abjicit : præcidit nares, aures, labra, linguam, atque ita excarnificatam remittit domum. » Hæcine fecisset Esther?

Tertio. Hebræi in *Seder-Olam*, cap. XXIX, maritum Estheris censem fuisse Cambysem filium Cyri: hunc enim esse eum qui I Esdræ IV, 6 et 7, vocatur Assuerus, sive Artaxerxes. Adduntque Estherem esse matrem Darii Hystaspis, qui Cambysi in regno successit. Idem censem Vatablus et Genebrardus, sed hoc videtur improbabile; Cambyses enim fuit hostis Judæorum, et fabricam templi a Cyro patre inchoatam inhibuit, ut patet I Esdræ cap. IV, vers. 7; Assuerus autem maritus Estheris Judæis fuit benevolus et beneficus.

Quarto. Josephus, lib. XI, cap. VI, Nicephorus, Constantius in *chronol.* Cajetanus, Bellarminus, Salianus, Sanchez et alii multi censem Assuerum fuisse Artaxerxem Longimanum Xerxis filium, qui Esdram et Nehemiah in Jerusalem remisit, ut eam reædificarent; adeoque natura fuit mitis et clemens, ut de eo scribit Plutarchus in *Apophtheg.*: « Primus hic ducibus, qui delinquissent, has pœnas statuit, ut pro flagellandis corporibus detracta flagellarentur vestimenta; et pro evellenidis capillis, depilandoque capite deposita tiara depilaretur. »

Verum juxta hanc sententiam, Mardochæus fuisse 140 annorum et amplius, ac neptis ejus Esther fuisse vetula 70 annorum, ideoque inepta conjugio Assueri, ut patebit, cap. II, vers. 6.

Quinto. Fuisse Darium Hystaspis. Prob. Proximo. valde probabiliter Megasthenes, Annianus, Lyranus, R. Salomon, Aben-Ezra, Tevardeadius et alii censem Assuerum Estheris virum fuisse Darium Hystaspis, cuius rei multæ sunt conjecturæ :

Primo, quod Assuerus hic cap. I, vers. 1, asseratur instituisse solemne convivium, ac præfuisse 127 provinciis : idem enim expresse de Dario Hystaspis legimus, lib. III Esdræ III, 1 et 2, ubi sic dicitur : « Rex Darius fecit cœnam magnam omnibus vernaculis suis, et omnibus magistratibus Mediæ et Persidis, et omnibus purpuratis et prætoribus, et consulibus, et præfectis sub illo, ab India usque Æthiopiam centum viginti septem provinciis. » Quæ verba plane eadem sunt cum verbis primis hujus libri. Assuerus ergo fuit « Darius Hystaspis. » Hic etiam Indos subegit, teste Herodoto,

lib. IV, pag. 114, quod etiam pariter de Assuero hic asseritur, cap. I, vers. 1.

Secundo, quod versu 2, dicitur Susan civitas regni Assueri fuisse exordium; unde in ea convivium hoc regale instituit. Plinius enim, libro VI, cap. XXVII, scribit Susan regiam Persarum conditam a Dario Hystaspis, licet Ælianu et alii ab eodem auctam et illustratam velint. Unde Cassiodorus, lib. VII *Viarum* : « Hanc, ait, illigatis auro lapidibus ædificavit Memnon Tithoni filius. »

Tertio, quod capite II, vers. 6 : « Esther » Hebrew vocabatur *Hadasa* (Noster vertit *Edissa*), id est *myrtus* : Darii autem uxor, teste Herodoto, vocabatur *Atossa*, quæ eadem videtur esse cum *Hadasa*. Esto Herodotus in eo erret, quod *Atossa* vocet *Cyri* filiam, quia talis a Persis putabatur, vel jactabatur Esther : ipsa enim jussu Mardochæi prudenter siluit se esse Judæam. Adde Gentiles Judæorum res ignorasse, vel depravasse. Hinc et Angelus, anno secundo Darii Hystaspis, fuit *visus* Zacharie Prophetæ, capite I, vers. 8, stans inter myrteta, id est in aula Estheris, quæ vocata est *Hadasa*, id est *myrtus*, quasi promittens Judæis bona per opem ejus et umbram; vide ibi dicta.

Quarto, quia Assuerus hic cap. ultimo, vers. 16, agnoscit quod beneficio Dei Israelis traditum sibi suisque majoribus, et conservatum sit regnum. Hoc autem optime convenit cum voto quod Deo cœli fecit Darius Hystaspis, ut obtineret regnum Persarum, uti narratur III Esdræ III, 43, et a Josepho, lib. XI *Antiq.* cap. IV. Item cum edicto ejusdem Darii de templo Judæorum instaurando, libro I Esdræ VI et III Esdræ VI.

Quinto, quia bellum et historia Judith contigit sub Xerxe, uti ibi ostendi in procœmio. Judith autem, cum Holofernem occidit, puella vocatur, diciturque supervixisse ad annum ætatis 105, et nullum toto tempore vitae ejus, ac post mortem multis annis perturbasse Israelem, Judith cap. ultimo in fine. Ergo turbæ Aman de occidendis Judæis non contigere sub Artaxerxe, qui proxime Xerxi patri successit.

Sexto, id manifeste patebit ex ætate Mardochæi, capite II, vers. 6. Obstare videtur, capitibus ultimi, versus 16, ubi dicitur Assuerus ortus a regibus; Darius autem fuit filius Hystaspis principis, non regis. Respondeo Hystaspin oriundum fuisse a regibus, uti asserit Herodotus, Justinus et alii : de quo plura cap. ultimo (1).

(1) Addi potest *septimo* : Cum hunc Artaxerxem sive Assuerum Persarum regem fuisse pateat hic cap. ult., iis notis describitur in hac tota historia, quæ in nullum alium antegressorum regum cadunt. Dicitur enim « regnasse ab India usque ad Æthiopiam. » Et Æthiopiam quidem primus acquisierat Cambyses; at Indiam nullus ante Darium subegerat.

Octavo, huic Assuero anni plures quam duodecim assignantur a Scriptura, cum Cambyses ne octo quidem imperii annos impleverit, teste Herodoto.

Nono, Assuerus ille, eadem adhuc testante Scriptura, deo x, « cunctas insulas maris sibi fecit tributarias;

Eodem ævo, quo Esther et Mardochæus, flouere Esdras, Nehemias, Daniel, Ananias, Azariæs, Misael, Zorobabel, Jesus filius Josedec, Aggæus,

at Thucydide auctore, Darius iste insulas Phœnicum classe subegit, eisque, ut refert Plato in *Menexeno*, dominatus est. Id vero nec ad Xerxis filii tempora r*re*ferri potest, qui ex Græcia fugatus ante annum regni sui duodecimum, eas insulas amiserat; quibus post annos regni duodecim Assuerum illum nostrum et dominatum esse et tributum imposuisse, Scripturæ significant; nec item ad alium posteriorum regum, quorum nullus has insulas (si parvum Clazomenem et Cyprum excipias) sibi subjectas habuit, ut constat ex Antalcideæ pacis formula apud Xenophontem, *Hellen.* lib. V.

Decimo, cum Artaxerxes ille dicat, cap. xiii, 2, « se universum orbem subjecisse suæ ditioni, non a majoribus accépisse, » id vix alii cuiquam Persarum regum, quam Cyro et Dario convenire manifestum est. Non autem Cyro, ergo Dario. (Ex A. Vitræo.)

Malachias, et Zacharias prophetæ, qui sub Dario se prophetasse scribunt initio prophetiæ suæ. Ex Gentilibus floruere Pythagoras, Xenophanes et Heraclitus philosophi; Anacreon, Simonides, Aeschylus, et Euripides poetæ; Themistocles, Miltiades, Conon, Leonidas, Aristides belli duces; apud Romanos; Junius Brutus et L. Collatinus expulsi Tarquinio et regibus, primi Consules, Horatius Cocles, Mutius Scævola, Clælia virgo Vestalis, qui cum Porsena rege Hetruriæ dimicantes heroica fortitudinis Romanæ facinora ediderunt. Quare sæculum hoc virorum illustrium fuit ferax, ideoque celebre et gloriosum.

Scripsere in Esther, Lyranus, Hugo, Dionysius, Serarius, Sanchez, et Franciscus, Fevardentius qui totum hunc librum per moralia documenta explicat.

CAPUT PRIMUM.

SYNOPSIS CAPITIS.

Assuerus, ad potentiae suaz ostentationem, solemne et semestre instituit convivium. Ad illud vocat Vasthi uxorem; sed renuentem venire repudiat (1).

1. In diebus Assueri , qui regnavit ab India usque Aethiopiam super centum viginti septem provincias; 2. quando sedit in solio regni sui , Susan civitas regni ejus exordium fuit. 3. Tertio igitur anno imperii sui, fecit grande convivium cunctis principibus , et pueris suis fortissimis Persarum, et Medorum inclytis , et præfectis provinciarum coram se, 4. ut ostenderet divitias gloriæ regni sui, ac magnitudinem, atque jactantiam potentiae suæ, multo tempore, centum videlicet et octoginta diebus. 5. Cumque implerentur dies convivii , invitavit omnem populum, qui inventus est in Susan, a maximo usque ad minimum : et jussit septem diebus convivium præparari in vestibulo horti et nemoris , quod regio cultu et manu constitutum erat. 6. Et pendebant ex omni parte tentoria aerii coloris, et carbasini ac hyacinthini, sustentata funibus byssinis atque purpureis , qui eburneis circulis inserti erant, et columnis marmoreis fulciebantur. Lectuli quoque aurei et argentei, super pavimentum smaragdino et pario stratum lapide, dispositi erant : quod mira varietate pictura decorabat. 7. Bibeant autem qui invitati erant, aureis poculis, et aliis atque aliis vasis cibi inferebantur. Vinum quoque, ut magnificentia regia dignum erat, abundans, et præcipuum ponebatur. 8. Nec erat qui nolentes cogeret ad bibendum , sed sicut rex statuerat, præponens mensis singulos de principibus suis, ut sumeret unusquisque quod vellet. 9. Vasthi quoque regina fecit convivium feminarum in palatio , ubi rex Assuerus manere consueverat. 10. Itaque die septimo, cum rex esset hilarior, et post nimiam potationem incaluisset mero, præcepit Maumam, et Baza-tha, et Harbona, et Bagatha, et Abgatha, et Zethar, et Charchas , septem eunuchis, qui in conspectu ejus ministrabant, 11. ut introducerent reginam Vasthi coram rege, posito super caput ejus diadema, ut ostenderet cunctis populis et principibus pulchritudinem illius : erat enim pulchra valde. 12. Quæ renuit, et ad regis imperium, quod per eunuchos mandaverat, venire contempsit. Unde iratus rex , et nimio furore succensus , 13. interrogavit sapientes qui ex more regio semper ei aderant, et illorum faciebat cuncta consilio, scientium leges ac jura majorum (14. erant autem primi et proximi, Charsena , et Sethar, et Admatha, et Tharsis, et Mares , et Marsana , et Mamuchan , septem duces Persarum atque Medorum, qui videbant faciem regis, et primi post eum residere soliti erant), 15. Cui sententiæ Vasthi regina subjaceret, quæ Assueri regis imperium , quod per eunuchos mandaverat, facere noluisse. 16. Responditque Mamuchan , audiente rege, atque principibus : Non solum regem læsit regina Vasthi, sed et omnes populos, et principes qui sunt in cunctis provinciis regis Assueri. 17. Egredietur enim sermo reginæ ad omnes mulieres, ut contemnant viros suos, et dicant : Rex Assuerus jussit ut regina Vasthi intraret ad eum, et illa noluit. 18. Atque hoc exemplo omnes principum conjuges Persarum atque Medorum parvipendent imperia maritorum : unde regis justa est indignatio. 19. Si tibi placet, egrediatur edictum a facie

(1) Si legere velis Estheris historiam juxta seriem chronologicam factorum, eo ordine disponenda sunt capita : cap. xi, 2, 12 ; cap. ii, 4, 20 ; cap. xii, 1, 6 ; cap. ii, 21, 23 ; cap. xiii, 1, 7 ; cap. iii, 14, 15 ; cap. iv ; cap. xiii, 8, 18 ; cap. xiv, cap. xv ; cap. v, 1, 8 ; cap. v, 9, 14 ; cap. vi, 1, 14 ; cap. vii ; cap. viii, 1, 13 ; cap. xvi ; cap. viii, 14, 17 ; cap. ix, cap. x, cap. xi, 1. (Allioli.)

tua, et scribatur juxta legem Persarum atque Medorum, quam præteriri illicitum est, ut nequaquam ultra Vasthi ingrediatur ad regem, sed regnum illius altera, quæ melior est illa, accipiat. 20. Et hoc in omne (quod latissimum est), provinciarum tuarum divulgetur imperium, et cunctæ uxores tam majorum, quam minorum, deferant maritis suis honorem. 21. Placuit consilium ejus regi, et principibus; fecitque rex juxta consilium Mamuchan. 22. Et misit epistolas ad universas provincias regni sui, ut quæque gens audire et legere poterat diversis linguis et litteris, esse viros principes ac majores in domibus suis, et hoc per cunctos populos divulgari.

1. IN DIEBUS ASSUERI. — Septuaginta *Artaxerxis*; hoc est Darii Hystaspis, uti jam dixi : Assuerus enim erat nomen commune regum Medorum (unde Darius Medus, *Daniel.* IX, 1, vocatur filius Assueri, id est Astyagis ultimi regis Medorum) Artaxerxes vero Persarum; utrorumque autem rex erat Darius. Vide dicta I *Esdrae*, cap. IV. vers. 7. Adde Persice hæc tria nomina Darius, Xerxes, Artaxerxes fere idem significare. Darius enim idem est quod coercitor; Xerxes idem quod bellator, Artaxerxes idem quod magnus bellator, ait Herodotus, lib. VI, pag. 175, licet Hesychius in *Lexico* asserat Darius Persice idem esse quod φρόνιμος, id est prudens, sapiens.

2. SUSAN REGNI EJUS EXORDIUM FUIT. — Fuit hæc urbs regia Darii et regum Persarum, in qua Darius anno tertio regni sui in regem solemnissime coronari voluit, exhibito publico regali epulo,

Susan dicta à Choaspem fluvium loco amoenissimo, ita dicta a liliorum copia. liliorum feracitate et copia, teste Athæneo, lib. XII; Eustachio in *Dioniis*, et Etymologico magno : סְוָן Susan enim Hebraice est lily; inde Phœnices, Persæ, aliique lilym vocant Susan, vel Susanna: inde quoque dicitur unguentum Susinum, cuius præcipua materia erant lilia, uti testatur Hesychius in voce σούσιων, et Plinius, lib. III, cap. 1; licet Stephanus, lib. *De urbibus*, Susan dictam putet a copia fontium, qui Persice vocantur Susan. Simili modo a floribus variae nominatae sunt urbes; Rhodus a rosa: ρόδος enim est rosa, Florentia a floribus.

Porro Susan primus condidit Memnon Tironi filius, ait Herodotus, Ælianuſ, Strabo et Cassiodorus; unde Memnonea est cognominata: auxit vero eam novisque palatiis illustravit, ac regia sede decoravit Darius Hystaspis, teste Æliano. Sunt qui Susan putent esse Tauris, quæ hodie Sophi regis Persarum est Regia. Porro reges Persarum, ait Xenophon, lib. VIII, *Cyrop.* hyemem Babylone transigunt, quæ regio calidissima est; ver Susis, æstatem Ecbatanis, et ideo, inquit, neque hyemem sentiunt, neque æstatem; sed perpetuo illis cœlum ver nat et tempus. Ælianuſ vero et Athenæus, lib. XII, cap. III, aiunt reges Persarum hyemem agere in Susis, æstatem in Ecbatanis.

3. TERTIO IGITUR ANNO IMPERII SUI FECIT GRANDE

CONVIVIUM. — Fabulatur hic Chaldæus Assuerum voluisse sedere in solio Salomonis, quod Nabuchodonosor e Jerusalem transtulerat in Babylonem, et Cyrus e Babylone in Persidem, cumque solium non caperet Darium, eum jussisse aliud simile fabricari, atque in eo formando artifices per biennium laborasse; ideoque tertio anno in eo sedisse Darium, ac hoc convivium instruxisse. Putant nonnulli Darium hoc epulum apparasse, ut eo diem suum natalem publica gratulatione celebraret. Hoc enim moris fuisse Persis docet Athenæus, lib. IV, cap. VI, et Plato in *Alcibiade*.

ET MEDORUM INCLYTIS. — Hebraice *Parthenim*, quod aliqui vertunt *paratimi*, quasi hi iidem sint qui ὄμότημοι, apud Xenophontem; scilicet qui pari habent honore et conditione, q. d. Principes æquales. Verius est Parthenim non esse Græcum, sed Persicum Satraparum nomen.

5. QUOD REGIO CULTU ET MANU CONSITUM ERAT. — Nam Cicero, lib. *De Senectute*, testatur Cyri regem Persarum sua manu agros et hortos excoluisse. Ait enim: «Cum autem admiraretur Lysander et proceritatem arborum, et directos in quincuncem ordines, et humum subactam atque puram, et suavitatem odorum, qui afflarentur e floribus: tum eum dixisse mirari se in eo diligentiam, sed etiam solertiam ejus a quo essent illa dimensa atque descripta; et ei Cyrum respondisse: Atqui ego ista sum dimensus; mei sunt ordines, mea descriptio, multæ etiam istarum arborum mea manu sunt satæ. »

6. ET PENDEBANT EX OMNI PARTE TENTORIA Vers. 6. **AERII** (ita legendum, non « ærei, » vel « aurei ») **COLORIS AC CARBASINI ET HYACINTHINI.** — Per tentoria accipe tapetes, et aulæa ad palos et arbores in horto suspensa, tum ad ornatum, tum ut convivas a sole, imbre, et vento protegerent. Erant hæc « coloris aerii, id est, candidi, ut habent Hebræus, Pagninus et Vatablus. Aer enim pelucidus et luce splendidus appetit candidus.

Et CARBASINI, Hebraice כַּרְבָּסִין carpas, id est viridis. Unde multi legendum hic censem carpasini (ut littera b in affinem p commutata sit, ut sæpe fit) uti habent Septuaginta, hoc est viridis. Hic enim color mire oculos recreat. Ita Hebraei, Serarius, Sanchez, Pagninus, Vatablus, Marinus et alii. Nonnulli ex vocis similitudine suspicantur carbasinum esse coccinum, quod vulgo carmosi-

Darii et
Xerxes
etyma.

Vers. 2.

Susan
dicta à
liliorum
copia.

Susan
condidit
Memnon.

Carbasi-
nus color
est viri-
dis.

num vocant. Hebræum enim *carpas*, id est carbasinum, sive carpasimum, hoc loco tantum reperitur: unde genuina ejus significatio ignoratur. Verum priori expositioni, quod scilicet color carpasinus sit viridis, faveat, quod Arabes etiam num apium hortense (petroselinum) quod summe est viride, vocant *Carps*, quod per crasin idem est cum Hebræo *Carpas*, ut ex Aben-Esrâ scribit Matthiælus in *Diveser.* lib. III, cap. LXIX. Hinc et Petroselinum dictum est, quasi petrarum *σελίνων*, hoc est apium: nam inter petras melius nascitur, teste Plinio, lib. XX, cap. XII. Alius ergo est color carpasinus, scilicet viridis; alius carbasinus proprie dictus; hic enim est candidus, ita appellatus a carbaso, quod est linum miræ tenuitatis, ideoque candicans, teste Plinio, lib. XIX, cap. I. Est et *carphos* herba, quæ alio nominæ *buceras*, a similitudine cornuum bovis dicitur, de qua Plinius, lib. XXIV, cap. XIX, quæ pariter est viridis.

EBURNEIS. — Hebraice *argenteis*. Sic et Septuaginta et Chaldaei.

LECTULI QUOQUE AUREI ET ARGENTEI. — Nota priscos primo usos sellis, et assedisse ad mensam (uti modo assidemus), ut patet ex Gen. XLIII, versu 33, et ex Philone libro *De vita Joseph*, et Athenæo, libro primo. Unde apud Homerum in *Odyssaea* passim convivæ dicuntur assidere mensæ. Postea tamen Judæi, Persæ, Græci, Romani, et omnes fere gentes usæ sunt accubitu in cœna et prandio, ut non tam sedentes, quam jacentes in lectulis mollius cœnarent, ac sumpto cibo in iisdem quiescerent, vel etiam dormitarent: fatigatum enim ex labore corpus magis reficitur et quiescit jacendo quam sedendo. Accubitus autem hæc erat forma. Accumbebant convivæ reclinata supera parte corporis in cubitum sinistrum, infera vero in longum porrecta et jacente in lecto, capite leviter erecto, dorso a pulvillis modice suffulto. In singulis autem lectulis accumbebant terni aut quaterni hæc ratione, ut ejus qui supremo loco accumberet pedes juxta secundo loco accumbentem porrigerentur, et secundi pedes juxta tertio accumbentem, et ita deinceps. Rursum ejus qui secundo accumbebat occiput ad umbilicum aut pectus primo accumbentis obversum erat; ac eodem modo cæteri deinceps accumbebant. Hinc intelleximus quomodo S. Joannes in ultima cœna Christi, in ejus pectori, quasi in sinu recubuerit; et quomodo sancta Magdalena Christi ad mensam accumbentis pedes retro, sive post eum stans lavare potuerit. Hinc denique patet quid significet triclinium, scilicet locum refectionis, in quo communiter terni circa mensam erant leoti. Hinc pariter lectuli hi mensales vocati sunt thori, stibadia, thoralis, accubitalia, quæ passim obvia sunt apud Ciceronem, Plinium, Athenæum, Senecam, Virgilium et alios. Vide Ciaconium, Fulgentium, Ursinum et alios in Trichilio.

SUPER PAVIMENTUM: — in pavimento ergo humili prandebant et cœnabant Persæ, more Orientalium, æque ac fecit Judith, cap. XII, vers. 19, ut patet ex Græco. Nec enim alterius mense hic ulla fit mentio.

PARIO, — id est, candido marmore ex insula Paro, quod cæteris præstantius est et pretiosius.

PICTURA, — ex lapidiū varietate, opere quasi musivo intexta et contexta consurgens. Lapihi Hebraice vocantur *dar* et *socharet*; quinam h. fuerint, ignoratur.

7. BIBEBANT AUTEM QUI INVITATI ERANT AUREIS POCULIS; ET ALIIS ATQUE ALIIS VASIS CIBI INFERBANTUR. — Prisci Persæ sub Cyro et ante Cyrus in cibo et potu admodum fuere frugales; atque, ut ait Xenophon, libro I *Cyropædiae*, habebant « pro cibo panem, pro obsonio nasturtium, pro potu aquam fluminis. » Unde Cicero, *Tuscul.* I: « Persarum victus, ait, a Xenophonte exponitur, quos negat ad panem adhibere quicquam præter nasturtium. » Hinc duri fortisque evasere ad labores et bella, quibus regnum et monarchiam obtinuerunt, quam invalescente gula et luxu perdidierunt. De priscorum Persarum temperantia et posteriorum luxu, vide Xenophontem, lib. VIII; Stobæum, serm. 42 et 44; Herodotum, lib. IX; Athenæum, lib. IV.

Certe in Saturnalibus Macrobius ait mensam *Cyri fr. galitas.* priscorum fuisse sacram, ac veteres primum numeris meminisse, deinde bene precatos convivis, ac post precationem dapibus cum modestia usos. Serinus apud Stobæum ait reges Persarum ante cibum de modestia disputasse, et ante potum de temperantia. Quin et Augustum trinis tantum ferculis exhibuisse convivia, testis est Suetonius in ejus Vita, cap. XIV: « Convivia nunquam, inquit, et serius inibat et maturius relinquebat, gusti. cum convivæ et cœnare inciperent, priusquam ille discumberet, et permanerent digresso eo. Cœnam ternis ferculis; aut, cum abundantissime senis præbebat, ut non nimio sumptu, ita summa comitate. Nam et ad communionem sermonis tacentes, vel submissim fabulantes provocabat, et aut acroamata, et histriones, aut etiam triviales ex circu ludos interponebat, ac frequentissime aretalogos, id est, placide loquentes. Servius, in lib. I. *Aeneid.*, ait priscos duobus tantum ferculis usos.

Addé: Veteres in mensa sapientes et serios miscebant sermones, ut patet ex Athenæo de cœnis sapientium; erant ergo sobrii, ac cavebant ne ebri delirum quid dicerent. Unde M. Varro numerum convivarum hac lege definit: « Ut neque minor, quam gratiarum sit, neque quam musarum numerosior, » ait Macrobius, lib. I *Satur.*, cap. IV. Gratiae autem sunt tres, Musæ vero sunt 9. Idem Macrobius, lib. VII: « Sic, ait, apud mensam philosophandum est ut crateri liquoris ad lætitiam nati (vini) adhibeantur, non modo Nymphaeum, sed Musarum quoque admixtione tem-

péties, etc., cum non minus quam dulcedo vini, hilarient verba convivitum. »

8. NEC ERAT QUI NOLENTE COGERET AD BIBENDUM. — Non enim amici, sed inimici et hostis est cogere ad bibendum, etiam supra et contra naturam, quod nullae bestiae faciunt. Xenophon, lib. VIII *Cyropædæ*, ait apud veteres Persas legè cautum fuisse ne amphoræ ad convivia importarentur, quod existimarent minus tam corpora, quam mentes debilitari, si quis non nimium hauriat. Nunc vero has non importari, restat id quidem, sed tantum bibunt, ut non importent, sed ipsi viro sepulti exportentur, eo quod ipsi recto corpore consistere et exire nequeant. Sic etiam hodie apud nonnullos prisca temperantia in plus quam porcinam ingluviem abiit. Vide Fevardentium hic. Salica lex, teste B. Rhenano, lib. II *Rerum Germanicarum*, fuit : « Nemo militæ socium suum, aut quemlibet alium ad potandum invitato. » Qui enim cogit, tyrannus est. Tyrannicum enim est illud, quod e Græcorum pergræcacionibus citat Tullius, *Tusculanor.* V : « Aut bibat, aut abeat. » Tyrannus fuit Alexander Magnus qui, « meracum audacter propinans, etiam alios coegerit, » ait Athenæus, lib. II. Tyrannus fuit Heligabalus Imperator, qui, ut ait Lampridius : « Praefectum urbicum sæpe post cœnam ad potandum vocabat, adhibitis et Praefectis prætorio, ita ut, si recusarent, magistri eos cogerent. » Certe Empedocles convivio præfectus, cum convivas ad bibendum cogeret, postridie reus fuit in judicio. Cogere enim est libertatem convivæ adimere, vim injicere, naturam corrumpere, sanitatem lœdere, ut non Deo, sed Baccho stomachos et mentes suas immolare et mactare videantur. Sapienter Anacharsis apud Laertium quatuor pocula sive haustus assignans, ita eos distinguit. *Primum*, ait, quod bibitur pertinet ad restinguendam sitim, *secundum* ad hilaritatem, *tertium* ad voluptatem, *quartum* ad insaniam.

Bibere
ad sanitatem et
ad id cogere, Ty-
rannicum
est.
Porro S. Augustinus et Ambrosius graviter taxant eos qui cogunt convivas bibere ad sanitatem principis, vel amici, et ut ait S. Augustinus serm. 231 *De Temp.* : « Per inimicam amicitiam, adjuvare homines non erubescunt, ut potum amplius accipiant quam oportet. Qui enim alterum cogit, ut se plus quam opus est bibendo inebriet, minus malum ei erat, si carnem ejus vulneraret gladio, quam animam ejus per ebrietatem necaret. Certa bibendi lege contenditur, qui poterit vincere, laudem meretur ex criminе. » Et serm. 232 : « Excusatio falsa objicitur; persona potens me coegerit, ut amplius bibam. » Et hortatur ne obtemperent, martyres potius fiant, neque ad virorum, Angelorum, aut reliquorum sanctorum nomina bibendum monet.

Audi S. Ambrosium, lib. *De Elia et jejunio*, cap. VII : « Quid obtestationes potentium loquar? quid memorem sacramenta, quæ violari nefas arbitrantur? Bibamus, inquiunt, pro salute Imperato-

rum; et qui non biberit, sit reus in devotione: videtur enim non amare Imperatorem qui pro salute ejus non biberit. O piæ devotionis obsequium! bibamus pro salute exercituum, pro comitum virtute, pro filiorum. Et hæc vota ad Deum pertinere judicant, sicut illi qui calices ad sepulcrum martyrum deferunt, atque illic ad vesperam bibunt, atque aliter se exaudiri posse non credunt, O stultitiam hominum, qui ebrietatem sacrificium putant; qui existimant illos ebrietate placari, qui jejunio passiones sustinere didicerunt! »

An non insania est ita ad alterius sanitatem bibere, ut propriam lœdas et perdas? An non calicem remiges et bellunes sunt, qui ventrem dampibus vinoque saburrant quasi porci, imo plusquam porci? Nec enim porcus, quantumvis gulosus, plus comedit quam ut famem, plus bibit quam ut sitim satiet; neque ullis fustibus aut gladiis ut id faciat, adigi se sinit.

PRÆPONENS MENSIS SINGULOS DE PRINCIPIBUS suis, UT ACCIPERET UNUSQUISQUE QUOD VELLET. — Inter hos principes fuit Zorobabel, filius Salathiel, filii Jechonias regis Juda, qui cum sociis suis Hebræis regii corporis custodibus erat ex intimis aulicis Darii, ac post convivium disputans cum eis de fortissimo palmam retulit. Cum enim primus diceret : « Forte est vinum, » secundus : « Fortior est rex, » tertius Zorobabel dixit : « Fortiores sunt mulieres, super omnia autem vincit veritas. » Quocirca Darius annuens illi ait : « Pete quod vis, et tibi dabo, » tum Zorobabel : « Memor esto, inquit, voti tui quod vovisti ædificare Jerusalem in die qua regnum accepisti, et omnia vasa quæ accepta sunt ex Jerusalem remittere. Et tu vovisti ædificare templum quod incenderunt Idumæi, quando exterminata est Judæa a Chaldaëis. Hoc est quod postulo, ut facias votum quod vovisti Regi coeli ex ore tuo. » Quare, cum osculatus esset illum Darius, votum implevit, et templum instauravit, ac vasa cum muneribus in Jerusalem remisit, uti fuse narratur III *Esdrae* cap. III et IV.

Allegorice hoc Assueri convivium ad litteram fuit vanum vanæ voluptatis et gloriæ aucupium, sed mystice magnum S. Eucharistiae simulacrum. Primo enim Assuerus rex et monarcha repræsentat Christum Regem regum, et Dominum dominantium. Unde « Assuerus » Hebraice et Chaldaice idem est quod *magnus caput*, magnus rex, et princeps. Addit Lyranus : « Assuerus interpretatur beatus; Christus autem non solum beatus est, sed et sanctorum beatitudo. » Glossa vero interlinearis : « Assuerus, inquit, Christum Dominum ostendit nomine et dignitate; interpretatur enim ostium. Christus autem dicit : Ego sum ostium, per me si quis introierit, salvabitur. » Secundo, Assuerus hoc convivium celebravit in regia sua Susan, quæ vox Hebraice significat lily, puritatis et virginitatis symbolum. Sic Christus in Susan, id est in Ecclesia, quæ liliis castorum et virginum floret, instituit Eucharistiam, quæ proinde a cas-

Convivi-
vium As-
sueri ist
typus
Christi.

tis, et omni labe puris purissime suscipienda est; itaque suscepta puritatem et castitatem valde adauget. Ipsa enim est « frumentum electorum, et vinum germinans virgines, » *Zach. ix.* 17. Hinc Ecclesia vino hoc non ebria, sed sobria hilarescit et exultat, aitque: « Sicut lœtantium omnium habitatio est in te, » *Psalm. lxxxvi.* 7. » Et transibo in locum tabernaculi admirabilis usque ad domum Dei, in voce exultationis et confessionis, sonus epulantis, » *Psalm. xli.* 4. « Et justi exultent et delectentur in lœtitia. » *Psalm. lxvii.* 4. *Tertio*, Assuerus hoc convivium celebravit septem diebus, id est, toto tempore hujus vitæ, quod septem diebus agitur, ait Glossa interlinearis juxta illud Christi, *Matth. xxviii.* vers. ult.: « Ecce ego vobiscum sum omnibus diebus usque ad consummationem sæculi. » Ita Lyranus. *Quarto*, ob magnitudinem convivii. « Fecit, inquit, grande convivium. » Quid grandius Eucharistica mensa, « Cœna magna, » per excellentiam? Unde Glossa ordinaria: « Hujus, inquit, convivii historia pom-pam historiarum, et luxum Regis ostendit; sed Christi spirituales delicias, quas unicuique dispensat, allegorice significat. »

Quinto, Assuerus non tantum principes, sed et totum populum a minimo usque ad maximum invitavit: sic Christus ad Eucharistiam invitat omnes tam pauperes, quam divites; tam feminas, quam viros; tam senes, quam juvenes. *Sexto*, ob convivii magnificentiam; nam Lyranus et Glossa asserunt per hortum, in quo fit, significari Ecclesiam quæ est hortus conclusus, multis consitus arboribus, et fructiferis per sanctam vitam, et aromaticis per bonam famam. Per tentoria superne obumbrantia, et columnas inferne sustentantes, indicari Sanctorum suffragia, et divina præsidia quibus, qui ad hanc mensam accedunt, defenduntur. Per multiplices velaminum et funium colores, candidos, purpureos, hyacinthinos, intelligi virgines, martyres, doctores, qui hujus convivii dapibus saginantur. Per lectulos etiam aureos et argenteos, in quibus convivantes recumbebant, tranquillas et pacatas exprimi conscientias, quas habere debent, qui hoc divino pabulo perfruuntur. Per gemmas et picturas, quæ mira varietate decorabant pavimentum, insinuari virtutes et reliqua dona spiritualia, quibus rite communicantium mentes picturantur. *Septimo*, ob cibi et potus suavitatem et delicias: « Vnum, inquit Scriptura, ut magnificentia regia dignum erat, et præcipuum apponebatur. » In Eucharistia vero Christus ut cibus apponitur, in quo quasi in manna haurimus omne Angelorum delectamentum, et omnem spiritus suavitatem, juxta illud: « Panem coeli dedit eis; et panem Angelorum manducavit homo. » *Psal. lxxvii.* 24 et 25.

9. VASTHI QUOQUE REGINA FECIT CONVIVIUM FEMINARUM. — Hinc apposite Hebraice *Vasthi* idem est quod et *potatio*, vel et *stamen*; fila enim et stamina sunt opera seminarum. Pro *Vasthi* Græce est

Asti; Josephus *Scesti*, indeque composita sunt nomina Persica *Astaspes* et *Hystaspes*. Unde non nulli cum Serario suspieantur hanc *Vasthi* fuisse filiam *Hystaspis*, ac sororem Darii mariti sui. Favet Ctesius asserens fratrem *Assueri* fuisse *Oudiaspen*, quod nomen alludit ad *Vasthi*: quasi haec *Oudiaspis* fuerit soror. Persæ enim sorores ducebant in uxores, ut docet Herodotus in *Cambyses*, Curtius, lib. VIII, Plinius, lib. XXXVI, cap. VIII. Alii putant *Vasthi* fuisse filiam *Cyri*; hanc enim uxorem duxisse Darium ad confirmandum sibi regnum Persarum docet Justinus, lib. I, et Herodotus, lib. III, qui eam vocat *Artystonam*, quod nomen alludit ad *Vasthi*.

10. CUM REX ESSET HILARIO, ET POST NIMIAM POTATIONEM INCALUISSET MERO. — Leges Persarum permittebant regi Persarum semel in anno, scilicet in festo Solis, quem Persæ colebant ut Deum, inebriari; verum quod semel permiserat lex, sepius pro suo imperio usurpare poterat rex.

MAUMAM. — Græce est *Aman*, licet Hebræi *Aman* putent fuisse *Mamuchan*, de quo vers. 14.

11. UT INTRODUCERENT REGINAM VASTHI, etc. UT Vers. II.

OSTENDERET CUNCTIS POPULIS ET PRINCIPIBUS PULCHRITUDINEM ILLIUS. — Jussit hoc Assuerus partim ex temulentia, partim ex libidine; quare incauta, imprudens, superba, in honesta, et inverecunda fuit haec ejus jussio, cui proinde *Vasthi* non tenebatur obedire pudoris et castitatis causa, ne sua forma principum jam mero æstuantium oculos, animosque in sui concupiscentiam illiceret, uti *Candaules* rex *Sardorum* illexit *Gygem* amicum suum in amorem uxoris suæ, ostendens ei illam nudam: quocirca *Gyges*, per annulum magicum faciens se invisibilem, occidit *Candaulem*, et uxorem ejus sibi adscivit, ut narrat Herodotus, lib. I. Fabulantur Rabbini *Vasthi* pari modo ab *Assuero* jussam prodire nudam in convivium. Addunt ex *Balthasare* de quo *Danielis* cap. V, natam ipsam, quæ tyrannide importunissima, servas Hebræas die *Sabbati* laborare cogeret nudasque obambulare, hancque causam esse cur ejecta nuda sit, dieque *Sabbati*, qui septimus etiam vocatur, male perierit. Sed apage obscenitas ista obscenorum Rabbinorum.

ERAT ENIM PULCHRA VALDE. — Persicæ mulieres cæteras pulchritudine superabant. Unde Alexander Magnus noluit videre Darii jam a se cæsi uxorem et filias, dicens « Persicas feminas esse ocularum dolores, » ait Plutarchus et Curtius: « In Perside seminarum pulchritudo excellit, » ait Ammianus, lib. LXXXIII.

QUE RENUIT, ET AD REGIS IMPERIUM, etc. VENIRE CONTEMPSIT. — Videtur ergo peccasse superbia, inobedientia et mariti contemptu, quem si demas, honeste ipsa et pudice mariti temulentis in honestam et impudicam sui coram principibus ostentationem detrectavit; præsertim quia, ut ait Josephus, lib. XI, cap. vi, « Voluit ipsa Persarum leges custodire, quæ ab alienis uxores videri pro-

hibebant. » Quare Macrobius, lib. VII, cap. I, ait a Parthis non conjuges, sed concubinas duntaxat in convivia induci solitas. Idem tradit S. Ambrosius, lib. *De Elia*, cap. xv. Et Parthopersæ « feminis non convivia tantum, sed et virorum conspectum interdicunt. » Unde Severus Sulpitius de Vasthi : « Stulto, ait, rege consultior, pudens virorum oculis spectaculum corporis præbere jussa abnuit; » tanto ipso laudabilior, quanto in legum pudorisque constantia perseverantior; nam, ut prudenter monet S. Hieronymus, epist. *ad Furiam* : « Non Æthne ignes, non Vulcania tellus, non Vesuvius et Olympus tantis ardoribus æstuant, ut juveniles medullæ vino plenæ, dapi bus inflammatae. » Et Tertullianus, *De jejun. aduersus Psychicos*, cap. I : « Monstrum scilicet habetur libido sine gula; cum hæc duo tam unita atque concreta sint, ut si disjungi omnino potuissent, ipsi prius ventri pudenda non adhærent. Denique Plutarchus in Artaxerxe agens de Persis : « Sunt barbari, ait, maxime zelotypi, et in uxores feri. » In hunc locum commentans Lutherus, omnes pudoris leges, limitesque excussum, docens quod, si uxor ad opus conjugale sit difficultior, vocetur ancilla, eique dicatur a marito : « Si nolis tu, vult alia; si non vult uxor, veniat ancilla. » Dignum tali patella operculum; dignum tali propheta Priapi oraculum.

Utinam Vasthi imitentur feminæ Christianæ, quæ suam formam palam ostentant, imo fucant, ut juvenes in sui amorem illiciant! itaque eorum corpora et animas lenocinantur cum æterno tam sui, quam ipsorum exitio : « Nam oculi sunt in amore duces. » Et formosa illicique femina nihil illecebrosius.

UNDE IRATUS REX, ET NIMIO FURORE SUCCESSIONIS, — protulit contra Vasthi iracundam et iniquam repudii sententiam, quæ sequitur. Nam vir « omnis vinolentus est ira inferior et mentis vacuus, » ait Sophocles *apud Stobæum*, serm. 18.

Vers. 14. 14. SEPTEM DUCES PERSARUM, ATQUE MEDORUM, QUI VIDEBANT FACIEM REGIS, — hoc est, erant intimi et consiliarii, et familiarissimi regi. Nam, ut ait Justinus, lib. I in fine : « Apud Persas persona regis sub specie majestatis occulitur; » unde cap. VII, vers 8, Aman, qui in regis indignationem incidere, faciem operuerunt, quasi indigni qui videret

regem, quem adeo offenderat. Similem fastum usurparunt nonnulli reges, ac hodie usurpant reges Sinarum. Idipsum Persæ a Medis æque ac regnum acceperunt. Nam de Dejoce, rege Medorum, ait Herodotus, lib. I, pag. 21 : « Cavet, ut nec conspici regem a quopiam fas esset? Nam ut ait Valerius Maximus, lib. II, cap. vii : « Quidquid in excelso fastigio positum est, humili et trita consuetudine, quo sit venerabilius, vacuum esse convenit. »

19. **UT NEQUAQUAM VASTHI ULTRA INGREDIATUR, etc., REGNUM (reginæ titulum, dignitatem et magnificientiam) ILLIUS ALTERA, QM MELIOR EST ILLA, AC- CIPiat. —** Plutarchus in Artaxerxe agens de Persis : « Sunt barbari, ait, maxime zelotypi, et in uxores feri. » In hunc locum commentans Lutherus, omnes pudoris leges, limitesque excussum, docens quod, si uxor ad opus conjugale sit difficultior, vocetur ancilla, eique dicatur a marito : « Si nolis tu, vult alia; si non vult uxor, veniat ancilla. » Dignum tali patella operculum; dignum tali propheta Priapi oraculum.

Sanius S. Hieronymus, epist. *ad Rusticum* : « Philosophi hujus sæculi, inquit, solent amorem veterem amore novo quasi clavum clavo expellere. Quod et Assuero rege septem principes fecere Persarum, ut Vasthi reginæ desiderium, aliarum puellarum amore compescerent. Illi vitium vitio, peccatum peccato meditantur; nos amore virtutum vitia superemus. Declina, ait, a malo, et fac bonum. Quære pacem et persequere eam. Nisi oderimus malum, bonum amare non possumus. »

Tropologice. Vide hic ut convivium Assueri in mœrem desinat, et extrema gaudii luctus occupet, ac rex Vasthi reginam conjugemque suam pulcherrimam abdicet et repudiet. « Sic fluvii, inquit illa, in alveo suo dulces sunt; cum tamen ad mare decurrunt, fiunt amari. » Vide Chrysostomum, hom. 6 in epist. *ad Hebr. in Morali*. Sic primorum conviviorum et deliciarum postridianus est dies doloris et penitentiae.

22. **ESSE VIROS PRINCIPES, — q. d. viros, sive ma-** vers. 22. ritos in domibus suis debere esse principes, ac dominari suis uxoribus, filiis et famulis.

CAPUT SECUNDUM.

SYNOPSIS CAPITIS.

Assuerus repudiat Vasthi, ac pro ea reginam sibi adsciscit Esther, per quam Mardochæus Assuero revelat coniurationem duorum Palatinorum contra regem, quos Assuerus crucifigit, et Mardochæi fidem in Annales referri jubet.

1. His ita gestis, postquam regis Assueri indignatio deferuerat, recordatus est Vasthi et quæ fecisset, vel quæ passa esset; 2. dixeruntque pueri regis, ac ministri ejus : Quærantur regi puellæ virgines ac speciosæ, 3. et mittantur qui considerent per universas provincias

puellas speciosas et virgines, et adducant eas ad civitatem Susan, et tradant eas in domum seminarum sub manu Egei eunuchi, qui est præpositus et custos mulierum regiarum : et accipiunt mundum muliebrem, et cætera ad usus necessaria. 4. Et quæcumque inter omnes oculis regis placuerit, ipsa regnet pro Vasthi. Placuit sermo regi : et ita ut suggesserant, jussit fieri. 5. Erat vir Judæus in Susan civitate, vocabulo Mardochæus, filius Jair, filii Semei, filii Cis, de stirpe Jemini, 6. qui translatus fuerat de Jerusalem eo tempore, quo Jechoniam regem Juda Nabuchodonosor rex Babylonis transtulerat, 7. qui fuit nutritius filiæ fratris sui Edissæ, quæ altero nomine vocabatur Esther, et utrumque parentem amiserat : pulchra nimis, et decora facie. Mortuisque patre ejus ac matre, Mardochæus sibi eam adoptavit in filiam. 8. Cumque percrebruisset regis imperium, et juxta mandatum illius multæ pulchræ virgines adducerentur Susan, et Egeo traderentur eunicho, Esther quoque inter cæteras pueras ei tradita est, ut servaretur in numero seminarum. 9. Quæ placuit ei et invenit gratiam in conspectu illius. Et præcepit eunicho, ut acceleraret mundum muliebrem, et traderet ei partes suas, et septem pueras speciosissimas de domo regis, et tam ipsam, quam pedissequas ejus ornaret atque excoleret. 10. Quæ noluit indicare ei populum et patriam suam : Mardochæus enim præceperat ei ut de hac re omnino reticeret; 11. qui deambulabat quotidie ante vestibulum domus, in qua electæ virgines servabantur, curam agens salutis Esther, et scire volens quid ei accideret. 12. Cum autem venisset tempus singularum per ordinem puerarum, ut intrarent ad regem, expletis omnibus quæ ad cultum muliebrem pertinebant, mensis duodecimus vertebatur ; ita duntaxat ut sex mensibus oleo ungerentur myrrhino, et aliis sex quibusdam pigmentis et aromatibus uterentur. 13. Ingredientesque ad regem, quidquid postulassent ad ornatum pertinens, accipiebant, et ut eis placuerat, compositæ de triclinio seminarum ad regis cubiculum transibant. 14. Et quæ intraverat vespere, egrediebatur mane, atque inde in secundas ædes deducebatur, quæ sub manu Susagazi eunuchi erant, qui concubinis regis præsidebat : nec habebat potestatem ad regem ultra redeundi, nisi vnuisset rex, et eam venire jussisset ex nomine. 15. Evoluto autem tempore per ordinem, instabat dies quo Esther filia Abihail fratris Mardochæi, quam sibi adoptaverat in filiam, deberet intrare ad regem. Quæ non quæsivit muliebrem cultum, sed quæcumque voluit Egeus eunuchus custos virginum, hæc ei ad ornatum dedit. Erat enim formosa valde, et incredibili pulchritudine, omnium oculis gratiosa et amabilis videbatur. 16. Ducta est itaque ad cubiculum regis Assueri mense decimo, qui vocatur Thebel, septimo anno regni ejus. 17. Et adamavit eam rex plus quam omnes mulieres, habuitque gratiam et misericordiam coram eo super omnes mulieres, et posuit diadema regni in capite ejus, fecitque eam regnare in loco Vasthi. 18. Et jussit convivium præparari permagnificum cunctis principibus, et servis suis, pro conjunctione et nuptiis Esther. Et dedit requiem universis provinciis, ac dona largitus est juxta magnificentiam principalem. 19. Cumque secundo quererentur virgines et congregarentur, Mardochæus manebat ad januam regis : 20. nec dum prodiderat Esther patriam et populum suum, juxta mandatum ejus. Quidquid enim ille præcipiebat, observabat Esther : et ita cuncta faciebat, ut eo tempore solita erat, quo eam parvulam nutriebat. 21. Eo igitur tempore quo Mardochæus ad regis januam morabatur, irati sunt Bagathan et Thares duo eunuchi regis, qui janitores erant, et in primo palatii limine præsidebant, volueruntque insurgere in regem, et occidere eum. 22. Quod Mardochæum non latuit, statimque nuntiavit reginæ Esther ; et illa regi, ex nomine Mardochæi, qui ad se rem detulerat. 23. Quæsitum est, et inventum : et appensus est uterque eorum in patibulo. Mandatumque est historiis, et annalibus traditum coram rege.

1. RECORDATUS EST (ita Hebreus, Septuaginta, Chaldaeus, Romani. Male ergo nonnulli legunt : « recordata est, » scilicet Vasthi) VASTHI, — quod scilicet eam adeo speciosam et dilectam repudias-

set. Unde subiit animum regis dolor et mœstitia, tam sui, quam Vasthi quam deamabat, causa: quem mœrorem ut abstergant regis ministri, suggesterunt ei ut uxorem speciosiorem quæri curet per universum regnum, ne decretum repudii revocet; itaque aliquid de regia constantia et auctoritate desperdat, nimirum sicut clavus clavo truditur, sic amor amore pellitur.

QUAM PASSA ESSET, — id est ut Hebreus quæ sententia in eam lata esset, nimirum repudii et privationis regni.

Vers. 3.

3. EGEI EUNUCHI. — Tò « Egei » alludit ad *Vagao*, sive *Bagoüs*, quod Persice significat eunuchum. Vide dicta *Judith* XII, 10. Porro eunuchi olim erant intimi regi et principes aulæ, qui videbant faciem regis, illique erant familiarissimi, ut patet cap. I, vers. 10, ubi Chaldæus pro eunuchis vertit *satrapas*.

Vers. 5.

5. ERAT VIR JUDÆUS IN SUSAN CIVITATE, VOCABULO MARDÖCHÆUS. — Licet enim Mardochæus cum Zorobabel et Jesu Pontifice sub Cyro e Babylone rediisset in Jerusalem, imo unus e primoribus et ducibus redeuntium fuisse, ut patet lib. I *Esdra* cap. II, vers. 2; tamen ipse mox e Jerusalem rediit in Susan, eo quod esset « vir magnus, et inter primos aulæ regiæ, » ut dicitur cap. XI, vers. 4. Erat enim « ad januam regis, » quasi ejus ostiarus, cubicularius, et corporis regi custos. Ostarios enim regiæ fuisse regiæ custodes testatur Xenophon et Herodotus. Unde Josephus Ben Gorion ait Mardochæum unum fuisse e tribus *Parthenim*, id est aulæ principibus et palatinis, de quibus vers. 3. Sic Daniel ob suam probitatem et prophetiam a Nabuchodonosor præpositus fuit toti Babylonii, *Daniel*. II, 48. Et Tobias, licet Hebreus et captivus, ob suam fidelitatem fuit cœconomus Salamanasar, *Tobiae* cap. I, ita virtus extulit priscos Judæos, alias gentilibus invisos.

Porro « Mardochæus, » Hebraice idem est quod *Mardachat*, id est *myrrha*, vel *amaritudo contritionis*, vel *myrrha contrita*, vel *docens contritionem*, vel *myrrha purissima*. Ita Serarius. Item *myrrha contritionum mearum*, vel *paupertatum mearum*, vel *pauperum meorum* (dach enim est pauper) vel *myrrha puritatum mearum*, aut *justorum meorum*: *dacha* enim Syriace est mundare, purificare, justificare. Hæc omnia habet Pagninus in *Nom. Hebr.* omniaque apte competit Mardochæo qui, cum Hebreis per Amân destinatus ad necem, amara passus est; sed per Esther omne fel in mel, amaritudo in dulcedinem; mœstitia in lætitiam conversa est.

MARDÖCHÆUS FILIUS JAIR, FILII SEMI, FILII CIS, DE STIRPE JEMINI, — id est de tribu Benjamin, ait Chaldæus, Septuaginta et Josephus. Nam Jemini fuit vir nobilis ex hac tribu; vel certe *Benjamin* per aphæresim τὸν *Ben* idem est quod *Jamin*, vel *Jemini*. Hinc colligimus Mardochæum et Esther oriundos fuisse ex Benjamin, et de stirpe regia Saulis; idque asserit Josephus, Serarius et alii. CIS enim fuit pater Saulis, hic Jonathæ et Miphboseth, ex quo descendere videtur Mardochæus

et Esther. Multæ enim generationes intermediae subtilcentur hic, æque ac alibi. Addit Chaldæus: « Mardochæus erat vir pius, et orans ante Deum suum pro populo suo. » Quam id verum sit patet ex decursu historiæ. Hinc patet Esther fuisse filiam Cis, pro quo Herodotus, lib. III, habet, filia Cyri, quia ipse non norat Cis, sed Cyrum; putabatque Esther esse Persianam, non Judæam, Esther enim, sive Hadasa, videtur esse Atossa Herodoti.

6. QUI TRANSLATUS FUERAT DE JERUSALEM EO TEM-

VERS. 6

PORE, QUO JECHONIAM REGEM JUDA NABUCHODONOSOR REX BABYLONIS TRANSTULERAT — in Babylonem, IV Regum cap. ultimo. Tò « qui » Rupertus, lib. VIII, cap. v, Cajetanus, Scaliger et Serarius referunt ad « Cis, » quasi hic cum Jechonia translatus sit, non vero Mardochæus; sic enim, inquit, ipse vixisset ducentos circiter annos, quod illo ævo erat insolitus. Verum τὸ « qui » referre ad « Mardochæum, » non ad « Cis, » liquet; tum quia hoc sermonis nexus, et plana constructio, quæ tota est de Mardochæo, exigit; tum quia Mardochæum cum Jechonia translatum esse diserte dicitur, capite XI, versu 4; ex quo liquet ipsum in sua persona, non in suo patre, vel avo (uti nonnulli explicant) fuisse translatum. Unde colligo et concludo historiam hanc contigisse, non sub Artaxerxe Longimano, ut multi volunt, multo minus sub Artaxerxe Mnemone; quia tamdiu vivere non potuit Mardochæus: quod enim Scaliger ait eum vixisse ducentos annos, alii 165, alii 190, incredibile videtur, et confutatur ex eo quod Esther, quæ erat Mardochæi neptis ex fratre, vers. 8, vocetur puella, id est juvencula. Erat enim ipsa sine dubio in ætate florenti, cum, ob formam ceteris virginibus prælata, conjux data est Assuero; quomodo enim rex anum rugosam et deformem appetiisset, vel admisisset in uxorem? Quare Mardochæus patruus Esther non potuit tunc esse centum annorum. Concludo ergo et assero historiam hanc contigisse sub Dario Hystaspis, illumque fuisse Assuerum maritum Esther, uti ostendi in Procemio, cuius ætatem et annos sic subduco et calculo; Mardochæus, cum Jechonia translatus in Babylonem, erat puer circiter triennis. Adde 70 annos captivitatis Babylonicae, deinde tres annos Cyri, sex Cambysis, et tres Darii Hystaspis (tertio enim regni anno duxit Estherem, ut patet cap. I, vers. 3), conflabis annos vitæ et ætatis Mardochæi 85. Ita ut Esther a fratre juniore Mardochæi genita fuerit 30 circiter annorum, quæ ætas est juvenitis floride, aptæque conjugio. Hinc liquet unum et undemque fuisse Mardochæum (non duos, ut vult Serarius et alii), qui cum Esdra, Nehemia, Zorobabel, Jesu Pontifice vixit, fuitque unus e ducibus populi redeuntis e Babylone, I *Esdra* capite II, versu 2.

Ætas et
ævum
Mardochæi,

7. QUI FUIT NUTRITIUS FILIE FRATRIS — Hebreus, Vers. 7. Chaldæus et Septuaginta habent *fratris patris*, id est patru, quasi Esther fuerit patruelis, sive con-

Mardochæi ety-
mon.Tribus
et stirps
regia.

sobrina Mardochæi, non neptis) suæ EDISSE, QUÆ ALTERO NOMINE VOCABATUR ESTHER. — Hebraice ergo vocabatur *Hadasa* (Noster *Edissa* Persice); et cum ascita est in thorum Darii regis Persarum, dicta est Esther. Unde Xerxes filius Darii uxorem habuit, cui nomen Amester vel Amestris, teste Herodoto, lib. VII, q. d. altera Esther.

Esther
dicta Ha-
dasa, id
est myr-
tus.
Cur?

Porro *Hadasa*, sive *Edissa*, Hebraice idem est quod *myrtus*, vel *myrtea*; ita ergo fuit appellata ob eximiam pulchritudinem, probitatem, comitatem, et vénustatem tum corporis, tum morum, præsertim virginalis pudoris et pudicitiae, in qua fuit typus B. Virginis cœterarumque virginum e sanctorum, uti per multas analogias ostendi, *Zachariae* I, 8; ubi hac de causa anno secundo Darii Hystaspis Zacharias vidit Angelum stantem inter myrteta, id est in aula Esther, quæ dicta est *Hadasa*, id est *myrtus*, quæque jam destinabatur uxor Dario ad salutem populi sui, uti ibidem ostendi. Itaque vocata est *Hadasa*, id est *myrtus*, ob eminentem pulchritudinem; *myrtus* enim est herbarum pulcherrima: unde et Venus speciosissima cognominata est *myrtea*. Sic et Philippus rex Francie a forma eximia cognominatus est pulcher. Ita Sanchez, Serarius et alii. Hæc autem pulchritudo corporis, et magis animi in Esther, æque ac in myrto, fuit solida et constans, juxta illud: « *Myrtus semper est myrtus, etiamsi inter urticas sit,* » uti Esther fuit inter Persas.

Ipsa est
Atossa.

Porro *Hadasa*, sive *Edissa*, videtur esse *Atossa*, quam Herodotus, lib. III, uxorem Darii Hystaspis nuncupat; additque, lib. VII, sub initium, ejus filium primogenitum fuisse Xerxem, qui Dario patri in regno successit. Quare nonnulli censem Xerxem Estheris ex Dario fuisse filium. Audi Herodotum, lib. VII, ubi cum narrasset Darium, antequam rex crearetur, habuisse uxorem filiam Gobriæ, ex eaque genuisse Artabazanem, cum vero creatus fuit rex, duxisse Atossam, ex eaque genuisse Xerxem, cui Artabazani fratri de jure successionis in regnum litem movit, eique favens Demaratus Spartanus suggestit: « Ut ad cætera quæ dicebat, hoc adderet, se quidem genitum a Dario jam rege, et Persarum imperium obtinente; Artabazanem vero e Dario, cum erat privatus; proinde neque æquum; neque justum esse, alium quempiam potius quam se illam dignitatem adipisci. Quoniam Spartæ quoque sic usurparetur, ut, si cui, antequam regnet, filii nascantur; deinde regi jam aliis nascatur, hujus postea nati successio regni sit. Hac a Demarato subjecta ratione utentem Xerxem tanquam juste dicentem, Darius regem declaravit, quamquam etiam citra præceptum Demarati Xerxes (ut mea fert opinio) regnasset; quippe cum omnis potentia penes Atossam esset. » Hæc Herodotus qui et inferius addit Xerxem movisse bellum Græcis, ac numerasse in castris militum 170 myriades, hoc est decies septies centena millia, sed in tanto numero nullum fuisse, qui cum Xerxe, vel magnitudine, tum animi, tum

corporis, vel forma et specie tam augusta comparari posset; Xerxem vero ex alta specula tantas copias contemplantem illacrymasse; ac ab Artabanu rogatum causam dixisse: « Reputantem me quam brevis est humana vita, subiit horum miseratione, quorum cum tot sint, nemo ad centesimum annum supererit, » tum subjunxisse Artabanum: « Vita hæc tam misera est, totque ærumnus referta, ut nullus hominum sit, cujus animo non crebro subeat moriendi voluntas potius quam vivendi, cuique vita, licet brevis sit, non perlonga videatur; itaque mors optatissimum est ærumnæ vitæ perfugium, ac proinde non lugenda sed optanda potius et ambienda. »

ESTHER — ita dicta est a Persis, uti jam ostendi, quæ prius Hebraice vocabatur *Hadasa*, id est *myrtus*. Solebant enim Chaldaei et Persæ alienigenis, ac præsertim Hebreis, cum in urbem vel aulam adsciscerentur, mutare nomina, ac patria suæ gentis dare, uti Danieli dedere et sociis, cap. I.

Porro « *Esther* » Hebraice idem est quod *abscondam*, ait Pagninus a radice סתר Satar, id est abscondit. Addit Serarius initio Prolegom. *Esther* idem est quod *occulta demoliens*, vel *medicinae exploratio et contemplatio*, vel *medicina turturis*, vel *pullchra ut luna*, aut *Venus*. Unde ab Esther dici *אֶσתֶר*, id est *stella*, quæ inde a Germanis dicitur *sterre*. Esther enim fuit astrum lucidius cæteris virginibus regiis; imo sol Israelis æque ac Persidis. Hinc iterum nomen Esther alludit ad Astartem Deam Syrorum, quam Venerem fuisse pulcherrimam Dearum tradit Cicero, lib. III *De natura Deorum*; et ad Asterem filiam Cei, Titanis filii, ex qua Jupiter genuit Herculem, uti aiunt, et fingunt Poetæ. Rursum « *Esther* » Hebraice idem est quod ignis absconditus: שָׁר es enim est *ignis*, סָתָר *satar abscondere*; vel *ignis turturis*, vel *ignis investigans et scrutans*; es enim est *ignis*, טָר tor est *turtur*, vel *investigans et scrutans*.

Verum quia Esther est nomen Persicum, hinc et etymon ejus ab Arabibus et Persis (quorum lingua vicina est, et utraque ab Hebreæ descendens) arcendum est. « *Esther* » ergo Arabice et Persice idem est quod *receptatrix et protectrix*, scilicet Judentorum ab Aman neci destinatorum: *Satar* enim est recipere, celare, abscondere, et protegere. Unde *Satir* Arabice est protector; *satar* est receptator, qui servos fugientes recipit, et occultat. Rursum Chaldaice et Syriace *Satar* significat opponere, contradicere, destruere, qualis fuit Esther, quæ se opposuit Amano, eumque destruxit, et crucifixit. Denique Pagninus, Esther, inquit, Chaldaice idem est quod *hilaritas*; et sic « *Esther* » Persice idem est quod Hebreum *Hadasa*, id est *myrthus*: hæc enim est symbolum lætitiae et hilaritatis, quam Israeli attulit Esther eum liberando ab Amano et morte.

Allegorice Esther est B. Virgo, ipsa enim sub alis suis recipit et protegit peccatores, et justos afflictos ad se confugientes; ipsa est *hilaritas* san-

Estheris

etymou-

ester.

sterre.

sterre.

ester.

ctorum et fidelium. Hinc ejus ope S. Hilaria mater S. Afræ martyris, orans ad filiæ sepulcrum a Gentilibus in ignem conjectæ, hilariter martyrium obiit, æque ac S. Hilaria Claudi tribuni et martyris uxoris, quæ orans ad sepulcrum Jasonis et Mauri filiorum suorum martyrum, capta a Paganis, percepcta sancta synaxi, hilari emisit spiritum, uti refert Ado in *Martyrol.* ad diem 12 augusti, et ad diem 3 decembris. Quocirca Ecclesia quotidie ita B. Virginem compellat et invocat : « Salve, Regina, mater misericordiæ, vita, dulcedo, et spes nostra, salve. » Et alibi : « Maria mater gratiæ, mater misericordiæ, tu nos ab hoste protege, et in hora mortis suscipe. » Et : « Ave, maris stella, Dei mater alma, » etc. « Pulchra ut luna, electa ut sol, terribilis ut castrorum acies ordinata. » Audi S. Bernardum, serm. 4 *De Assumpt.* : « Sileat misericordiam tuam, Virgo beata, si quis est qui invocatam te in necessitatibus suis sibi meminerit defuisse; nos quidem servuli tui cæteris in virtutibus congaudemus tibi, sed in hoc potius nobis ipsis; laudamus virginitatem, humilitatem miramur, sed misericordia miseris sapit dulcissimam, misericordiam amplectimur carius, recordamur saepius, crebrius invocamus. »

MARDOCHÆUS SIBI EAM ADOPTAVIT IN FILIAM. — Hinc patet *primo* Esther fuisse e tribu Benjamin, et stirpe regali Saulis; ex illa enim erat Mardochæus ejus pater adoptivus; *secundo*, eam fuisse orphanam; *tertio*, pie et sancte educatam a pio et sancto Mardochæo, qui ei quasi filiæ suum virtutis et pietatis spiritum inhalavit. Unde S. Hieronymus, *epist. 140*: « Ruth, inquit, Esther et Judith tanta gloria fuit, ut sacris voluminibus nomina indiderint. » Porro litteræ nominis Judith, et nominis Esther acceptæ, ut notæ numerorum eundem numerum efficiunt, scilicet 161, ut ostendit Serarius initio *Prolegomenorum*.

Vers. 9. 9. QUÆ PLACUIT EI, — Egeo eunicho, conquirenti virgines speciosas Assuero.

ET PRÆCEPIT — Egeus præfector eunuchorum) EUNUCHO (se inferiori et subdito) UT ACCELERARET MUNDUM (id est ornatum) MULIEBREM, ET TRADERET EI PARTES, id est demensam, statutamque cibi et epularum portionem : מְנוֹת Manoth enim Hebraice vocantur fercula, quæ unicuique apponuntur sìgillatim, quales partes Elcana dedit Annæ uxori, I Reg. I; et Samuel Sauli Regi, I Reg. x. Porro non dubium Estherem feminam religiosam abstinuisse a cibis lege Mosis sibi velitis, uti ab idolothytis se abstinuisse ipsamet profitetur, cap. xi, vers. 17.

ET SEPTEM PUELAS SPECIOSISSIMAS, — quasi comites et pedissequas honorarias.

Vers. 12. 12. MENSIS DUODECIMUS. — Integro ergo anno singulæ virgines ornabantur et excolebantur, antequam Assuerum adirent; nimirum sex prioribus mensibus ungebantur oleo myrrhino, sive ex myrrha confecto, aliis sex pigmentis, et aromatis delicatis, et odoribus utebantur, ac præser-tim confectis ex Meliocallide : « Hac enim cum

adipe, inquit Plinius, lib. XXIV, cap. xvii, leonino decocta, addito croco et palmeo vino, perungi Magos, et Persarum reges, ut fiat corpus aspectu jucundum, ideoque eamdem Heliocallidem nominari. »

Causa fuit quod feminae Judææ, æque ac Persicæ, ob regionis calorem graviter oleant, et hircinum odorem sub axillis exhalent, qui unguentis sensim a corpore imbibitis abstergendus est, ut suavem, quo imbuti sunt, odorem exhalent. Unde Plinius, libro XIII, capite i, unguenti et ungendi usum et originem Persis adscribit : « Persarum, inquit, esse debet gentis unguentum; illi madent eo, et accersita commendatione ingluvie natum virus extinguunt. Primum, quod equidem inventiam, castris Darii regis expugnatis, in reliquo ejus apparatu Alexander cepit scrinium unguentorum; postea voluptas ejus a nostris quoque inter laudatissima atque honestissima vitæ bona admissa est. » Quin et Scriptura, Cant. iv, unguenta ex myrrha, croco, nardo, etc. eisdem assignat. Ita Lyranus, Sanchez et alii.

Si ita uncta et ornata est Esther, ut placeret homini mortali, quomodo gratia et virtutibus uncta et ornata fuit B. Virgo, ut fieret sponsa Dei et mater Christi? Porro feminae sunt philocosmæ, et ornatus studiosæ; unde Comicus : « Negotii, ait, quantum in muliere una est? quæ noctes diesque omni ætate semper ornantur, lavantur, poliuntur. » Et rursum : « Dum comantur, dum poliuntur, annus est. » Addit Athenæus, lib. I : « Persicae mulieres ornatus plus æquo studiosæ. »

16. DUCTA EST ITAQUE AD CUBICULUM REGIS AS- Vers. 16.
SUERI MENSE DECIMO (qui nostro partim decem-bri, partim januario respondet) SEPTIMO ANNO REGNI EJUS. — Ergo per quadriennium exspecta-vit Esther ob multitudinem virginum, quæ adducebantur, antequam ipsa duceretur ad Assuerum; nam ipse tertio anno regni sui repudiata Vasthi, curavit quæri alias feminas speciosas, inter quas erat Esther.

Porro hæ feminae, hoc ipso quod ducebantur ad Assuerum, fiebant ejus concubinæ, id est se-cundarie uxores; e quibus deinde unam primariam rex in Reginam eligebat, uti hic elegit Es-ther. Matrimonium enim fiebat per mutuum viri et feminae consensum in copulam maritalem. Unde Josephus, lib. XI, cap. vi : « Cum, inquit, venisset ad regem Esther, ipse illa delectatus, ejusque amore captus, eam legitime dicit uxorem, et nuptias cum ea peragit, duodecimo mense septimi anni regni ejus, qui mensis Adar vocatur. »

Quæres an Esther fidelis licite potuerit nubere An Es-ther rite Assuero infideli. Respondeo potuisse, quia Deut. vii, 3, tantum vetantur Judæis conjugia cum Chananaeis, non autem cum Persis aliisque Gen-tibus. Ita Bellarminus, Serarius, Sanchez et alii. Adde Estherem non potuisse recusare hoc Regis edictum, ne ejus in se cæterosque Judæos iram

provocaret; imo si ipsa restitisset, potuisset rex ea nolenti abuti, illique vim inferre. Denique sentiebant Esther et Mardochæus Dei instinctum ad conjugium cum rege ineundum, ut eum toti genti suæ conciliarent; itaque periculum necis ab Amano illi impendens discuterent.

Allegorice « Esther regina est B. Virgo Maria, de B. ait S. Bonaventura in *Speculo*, cap. vii, quæ ducta est in cubiculum Regis in Assumptione, in cubiculum quietis æternæ, gratiam veri Regis habens super omnes mulieres, id est super omnes intelligentias angelicas, et super omnes beatas animas, ut sit in Maria gratia super gratiam omnium beatorum; nam revera in capite ejus Rex regum diadema regni posuit tam imprestabile, tam delectabile, tam mirabile, quod hoc omni linguae inenarrabile, omni ingenio inscrutabile est. » Quocirca Methodius in *Hypapantem* docet sacrum Mariæ caput a Deo coronatum esse. Idcirco Robertus, lib. III in *Cant. iv*, de illa exponit: « Coronaberis de cubilibus leonum, de montibus pardorum: Coronaberis, ait, ut in cœlis Regina Sanctorum, et in terris Regina sis regnum. »

Anagogice B. Virgo in cœlum assumpta ibidem coronata est Regina cœlorum, hominum et Angelorum. Unde *Apoc. xii*, 1, ipsa vocatur « mulier amicta sole, et luna sub pedibus ejus et in capite ejus corona stellarum duodecim, » vide ibi dicta. Audi S. Bernardum *De Assumpt.*: « Tunc B. Virgo quasi altera Esther de triclinio seminarum, id est, de Ecclesia militante adducta, et per totam militiam cœlestis exercitus ad cubiculum Assueri, scilicet summi Dei, ita ut illi conveniat Propheticum illud: Tenuisti manum dexteram meam, et in voluntate tua deduxisti me, et cum gloria suscepisti me. Quod hodie vere fuit completum, quando omnes cœli cives viderunt eam ascendentem, et deliciis divinorum amplexum affluentem, innixam super dilectum suum. » Merito igitur canit Ecclesia, ut testatur S. Ildephonsum, serm. *De Assumpt.*: « Maria Virgo assumpta est ad æthereum thalamum, in quo Rex regum stellato, imo ineffabili, ut ait Ildephonsus, sedet solio. »

Vers. 17. 17. ET ADAMAVIT EAM REX PLUSQUAM OMNES MULIERES, — quia Esther et pulchritudine, et modestia, verecundia, puritate, gratia, ac sanctitate omnes superabat; unde fuit typus B. Virginis quam Angelus salutavit, dicens: « Ave, gratia plena, Dominus tecum, benedicta tu in mulieribus, » *Luce i.*

Vers. 18. 18. ET DEDIT REQUIEM UNIVERSIS PROVINCIIS — a vectigalibus aliisque oneribus, hoc est, tributa relaxavit, quæ prius ipse populo imposuerat. Darium enim plura imposuisse docet Herodotus lib. III: « Etenim sub Cyro, inquit, atque deinde sub Cambyse, nihil dum fuerat circa tributa institutum, sed munera afferebantur. Ob hanc tributi ordinationem, et alia hujusmodi, Persæ aiunt

Darium fuisse institutum, Cambyses autem dominum, Cyrus vero patrem: quoniam Darius res omnes quæstui habebat, Cambyses asper erat ac morosus; Cyrus autem mitem agens, et omni ratione de illis bene mereri studens. »

Alli « requiem » hanc intelligunt a laboribus, q. d. Jussit Darius omnes ab operibus quiescere, et dies festos agere in lætitia et conviviis, ob tam insignes nuptias cum Esthere initas.

AC DONA LARGITUS EST JUXTA MAGNIFICENTIAM PRINCIPALEM, — id est regiam; nam Hebraice est *juxta magnificentiam regis*, quæ scilicet tantum regem decebat, quantus erat Darius.

19. CUMQUE SECUNDO QUÆRERENTUR VIRGINES. — Vers. 19.

Hinc apparet bis quæsitas virgines Assuero, hoc enim verba sonant. Usitata enim erat tum polygamia, præsertim apud reges. Unde Salomon habuit 700 reginas et 300 concubinas, id est secundarias uxores. Sic etiamnum reges Turcarum, Arabum, Indorum, magnam habent turbam uxorum. Libido enim est insatiabilis, æque ac fastidiosa et curiosa; quam enim semel cognoverunt, mox fastidiunt, ac aliam quærunt, ut luxuriam non tam expleant, quam mutent, et experiantur num alibi voluptas sit major.

20. ITA CUNCTA FACIEBAT, UT EO TEMPORE SOLITA Vers. 20.

ERAT, QUO EAM PARVULAM NUTRIEBAT. — Vide hic raram Estheris obedientiam, qua jam regina, imo imperatrix effecta, ita tamen obedit Mardochæo, uti obediebat parvula, atque per hanc obedientiam Deus eam prudentissime per omnia direxit, ut Amanum supplantaret, et populum a nece liberaret.

21. IRATI SUNT BAGATHAN ET THARES DUO EU-

NUCHI (Palatini, et aulici Darii), etc., VOLUERUNT QUE INSURGERE IN REGEM, ET OCCIDERE EUM. — Qua de causa? Varii varias probabiliter assignant. Septuaginta hanc dant, quod rex ipsis prætulisset Mardochæum. Alii, quod Vasthi repudiasset, eique surrogasset Estherem. Alii, quod sua dignitate et gradu non essent contenti, sed majorem, imo regnum ambirent, sicut Smerdes Magus ante Darium per dolum regnum occuparat. Alii verisimilius, quod voluerint regnum ad Aman, qui erat primus a rege transferre; ideoque Aman coniurationis eorum fuisse conscientum, vel auctorem arbitrantur, idque colligunt ex eo quod cap. xii, vers. 6, dicitur Aman offensus fuisse Mardochæo, eo quod ipse causa exstiterit, quod hi duo eunuchi suspenderentur. Erant ergo illi amici, fautores et administrari Aman, ut cæso per eos rege, ipse illud quasi primus a rege occuparet; et eo quod, ait rex, cap. xvi, 12, de Aman:

« Qui in tantum arrogantiæ tumorem sublatu est, ut regno privare nos niteretur et spiritu, » id est vita. Ambitio enim regnandi nihil non molitur, et omnia subvertit. Favet quod scribit Josiphus filius Gorionis: « Cum sederet, inquit, Mardochæus in porta regis, advertit susurrum duorum eunuchorum regis, custodientium portam,

et consultantium quomodo levarent manum contra regem, et ablatum ejus caput deferrent ad regem Macedoniae, qui jam bellum indixerat regibus Persarum. Cum autem eunuchi suspensi essent in cruce, iratus est Aman valde, quod consiliarii sui sic acti essent in crucem, et conatus est exterminare omnes Judæos. » De bello hoc a rege Macedoniae Dario et Persis indicto, nil

alibi legimus; potuit tamen aliqua esse ejus suscipio; tum quia paulo post Xerxes filius Darii bellum gessit contra Macedones et Græcos; tum quia Alexander Magnus, qui fuit rex Macedoniae, post aliquot annos monarchiam a Dario Codomanno et Persis transtulit ad se et Macedones; tum quod Aman, qui erat Macedo, ambiret regnum, de quo plura cap. iii, vers. 1.

CAPUT TERTIUM.

SYNOPSIS CAPITIS.

Assuerus exaltat Aman, eumque ab omnibus adorari jubet. Renuit id facere Mardochæus. Unde Aman ab Assuero impetrat decretum, ut ipse et omnes Judæi stato die occidantur.

1. Post hæc rex Assuerus exaltavit Aman filium Amadathi, qui erat de stirpe Agag; et posuit solium ejus super omnes principes quos habebat. 2. Cunctique servi regis, qui in foribus palatii versabantur, flectebant genua, et adorabant Aman; sic enim præceperat eis imperator: solus Mardochæus non flectebat genu, neque adorabat eum. 3. Cui dixerunt pueri regis qui ad fores palatii præsidebant: Cur præter cæteros non observas mandatum regis? 4. Cumque hoc crebrius dicerent, et ille nollet audire, nuntiaverunt Aman, scire cipientes utrum perseveraret in sententia: dixerat enim eis se esse Judæum. 5. Quod cum audisset Aman, et experimento probasset quod Mardochæus non flecteret sibi genu, nec se adoraret, iratus est valde, 6. et pro nihilo duxit in unum Mardochæum mittere manus suas: audierat enim quod esset gentis Judææ, magisque voluit omnem Judæorum, qui erant in regno Assueri, perdere nationem. 7. Mense primo (cujus vocabulum est Nisan), anno duodecimo regni Assueri, missa est sors in urnam, quæ Hebraice dicitur phur, coram Aman, quo die et quo mense gens Judæorum deberet interfici: et exivit mensis duodecimus qui vocatur Adar. 8. Dixitque Aman regi Assuero: Est populus per omnes provincias regni tui dispersus, et a se mutuo separatus, novis utens legibus et cæremoniis, insuper et regis scita contempnens. Et optime nosti, quod non expediatur regno tuo ut insolecat per licentiam. 9. Si tibi placet, decerne ut pereat, et decem millia talentorum appendam arcariis gazæ tuæ. 10. Tulit ergo rex annulum quo utebatur de manu sua, et dedit eum Aman filio Amadathi de progenie Agag, hosti Judæorum, 11. dixitque ad eum: Argentum, quod tu polliceris, tuum sit, de populo age quod tibi placet. 12. Vocatique sunt scribæ regis mense primo Nisan, tertia decima die ejusdem mensis: et scriptum est, ut jusserat Aman, ad omnes satrapas regis, et judices provinciarum diversarumque gentium, ut quæque gens legere poterat, et audire pro varietate linguarum, ex nomine regis Assueri: et litteræ signatae ipsius annulo, 13. missæ sunt per cursores regis ad universas provincias, ut occiderent atque delerent omnes Judæos, a puero usque ad senem, parvulos et mulieres, uno die, hoc est tertio decimo mensis duodecimi, qui vocatur Adar, et bona eorum diriperent. 14. Summa autem epistolarum hæc fuit, ut omnes provinciæ scirent, et pararent se ad prædictam diem. 15. Festinabant cursores, qui missi erant, regis imperium explere. Statimque in Susan pependit edictum, rege et Aman celebrante convivium, et cunctis Judæis, qui in urbe erant, flentibus.

Vers. 1. 1. POST HÆC REX ASSUERUS EXALTAVIT AMAN FILIUM AMADATHI, QUI ERAT DE STIRPE AGAG. — Erat ergo Aman Amalecita ex stirpe regia; Agag enim

fuit rex Amalec, quem occidi jussit Samuel, I. Regum xv. Ita Josephus, Lyranus, Sanchez et alii. Dices: Cap. xvi, vers. 10 et 14, dicitur Aman

Aman animo et genere fuisse Macedo, ac alienus a sancta stirpe e-
rat Ama- guine Persarum, atque conatus regnum a Persis
lecia, transferre ad Macedones. Respondeo eum stirpe
patria fuisse Amalecitam, sed patria Macedonem; nimi-
Macedo. rum parentes ejus fuerunt Amalecitæ; sed Amalecitis partim per Saulem, partim per Nabuchodonosor cæsis, parentes Aman profugerunt ad alias gentes, et per errores casusque venerunt in Macedoniam, ibidemque sedem fixerunt ac genuerunt Aman.

Chaldaeus manuscriptus addit Aman fuisse mancipium, ideoque evectum ab Assuero intumuisse, et factum intolerabilem. Nam, ut dicitur Prov. xxx, 21: « Per tria movetur terra, et quartum non potest sustinere: per servum cum regnaverit, » etc. Addit Chaldaeus Aman fuisse illum qui cap. I, vers. 14, vocatus Mamucham, suaque Assuero repudiare Vasthi, ac in ejus locum surrogasse filiam suam; sed accidisse filiæ tantum tamque foedum ventris profluvium, ut suo foetore omnes abigeret. Insuper Aman ascendisse Jerosolymam, ut templi fabricam impediret, pluraque similia, quæ videntur Rabbinorum esse commentata et figmenta.

Vers. 2. 2. CUNCTIQUE SERVI REGIS, etc., FLECTEBANT GENUA, ET ADORABANT AMAN; SIC ENIM PRÆCEPERAT EIS IMPERATOR, — Vide hic quam Assuerus exaltat Aman, ut eum præceperit adorari quasi Deum aliquem et numen. Reges enim Persarum volebant adorari ut Dii et numina. Unde sicut Jupiter in cœlo dicitur creare minores Deos; sic Assuerus Aman creavit, quasi minorem Deum in terra, sibique proximum, ideoque ab omnibus adorandum: ita Serarius, de quo mox plura.

Mardo- chæus
noluit a-
dorare
Aman.
Cur?
Resp.
Primo.

SOLUS MARDOCHÆUS NON FLECTEBAT GENU, NEQUE ADORABAT EUM. — Cur Mardochæus noluit flectere genu coram Aman? Respondet primo Chaldaicum manuscriptum ob rei indignitatem, eo quod Aman fuisse servus Mardochæi; sed hoc incertum est et parum verisimile, nec sufficit; imo id refutat Mardochæus, dicens cap. XIII, vers. 13: « Vestigia pedum ejus deosculari paratus essem.»

Scundo. Secundo, Judæi causam dant, quod Aman in ueste pictas gestarit idolorum imagines; sed hoc æque incertum et improbabile.

Tertio. Tertio, Cajetanus aliam causam affert, quod scilicet Aman esset Amalecita de stirpe Agag: Amalecitas autem ab Hebreis deleri jusserset Deus, Deut. xxiv. Verum illud odium spectabat ad excidium gentis Amalec, non ad honorem uni Amano in Perside cum tanto Mardochæi et Hebraeorum pericolo negandum.

Quarto, idem Cajetanus: Judæi, inquit, unum genu flectebant principi, utrumque Deo; Aman autem voluit utrumque sibi flecti, ideoque detrectavit Mardochæus. Verum hoc falsum fictumque videtur; nam Abraham curvans utrumque genu, imo prostratus in terram; adoravit filios Heth, uti dixi Genes. xxiii, 7.

Quinto, Gabriel Vasquez, *De Adoratione*, lib. I, Quinto disp. 5, capite iii, censem Mardochæum noluisse genuflectere et adorare Aman, eo quod ipse quotidie genuflecteret et adoraret Deum; quia haec quotidiana genuflexio erat reservata ex more Juðæorum. Aman autem, quotidie ingrediens aulam regiam, quotidie a Mardochæo et palatinis exigebat hanc genuflexionem. Verum Mardochæus ne semel quidem voluit genuflectere et adorare Aman. Si enim semel hoc licuisset, utique et quotidie licuisset.

Dico ergo: Veram causam assignat ipse Mardochæus, cap. XIII, vers. 14, dicens: « Sed timui ne honorem Dei mei transferrem ad hominem, et ne quemquam adorarem, excepto Deo meo. » Idem docet Josephus lib. XI, cap. vi. Nam, ut recte ait Severus Sulpitius, lib. II, Assuerus Aman sibi æqualem constituerat, ideoque eum proprie ut Deum adorari jusserset. Reges enim Persarum a suis honorem divinum, et adorationem Deo debitam exigebant, ut patet ex Justino lib. VI, Herodoto, lib. VII, ubi ait Lacedæmones, licet jussos, noluisse adorare Xerxem, quia erat Persa. Apud Plutarchum in Artabano: « Nobis, inquit, pulcherrima lex honorare regem, et adorare imaginem Dei omnia servantis. » Q. Curtius de Dario: « Rex, ait, curru paulo ante vectus, et Deorum a suis honoribus cultus. » Hinc Æschylus dixit Persas Deorum loco habere reges. Idem de Persis asserit Xenophon, Orat. De Agesilao, et Aristoteles, lib. III Rhetor., Isocrates in Panegyr., Strabo, lib. X, Heliodorus, lib. VII et IX, Seneca, lib. III. De benef. cap. XII, Herodianus, lib. I, Lampridius in vita Alexandri Severi, ut nullum hac de re sit dubium. Hinc, teste Curtio, lib. VIII, cum Cleo Siculus Alexandro suaderet ut divinum sibi nomen assumeret, exemplum adduxit Persarum, quos ante ipse domuisset; dixit enim: « Persas non pie solum, sed etiam prudenter Reges suos inter Deos colere; majestatem enim imperii salutis esse tutelam. » Et cum Alexandri, qui jam Deorum esse in numero decreverat, Macedones non possent ferre superbiam, et illorum nonnulli in ejus cædem conjurassent, quidam illorum deprehensus ea excusatione usus est, quod illius superbia non videbatur toleranda. Is autem erat Hermolaus. « Persarum, inquit, te vestis et disciplina delectat, patrios mores exosus es; Persarum ergo, non Macedonum regem occidere voluimus, et te transfugam belli jure persequimur. Tu Macedones voluisti genua tibi ponere, venerarique te ut Deum. Tu Philippum patrem aversaris, et si quis Deorum ante Jovem habetur, fastidires etiam Jovem. Miraris si liberi homines superbiam tuam ferre non possumus? » Hæc Curtius. Simili modo Nabuchodonosor adorari ut Deus voluit in statua sua, quod recusantes tres socii Danielis in fornacem accensam ab eo projecti, illæsia Deo servati sunt, Dan. cap. II. Et alter Nabuchodonosor jussit Holofernem ubi-

que auferre omnes Deos, ut ipse solus quasi Deus coleretur, *Judith* III, 13.

Et Augustum Romani. Sic de Augusto Cæsare canit Virgilius, *Elogia prima*:

Namque erit ille mihi semper Deus; illius aram
Sæpe tener nostris ab ovilibus imbutet agnus.

Sic Caius Caligula adorari voluit ut Deus; et Domitianus, cui proinde Martialis adulans ait;

Edictum Domini, Deique nostri.

*Ritus a-
doratio-
nis Persi-
ca.* Hinc et adoratio Persica hoc fiebat ritu, qui divinitatem sapiebat. Nam adorantes genuflectebant, et proni procumbentes in terram fronte humum feriebant, ac terram osculabantur, teste Curtio, lib. V et VIII, et Valerio Maximo, lib. VII, cap. III. Josepho, XX *Antiq.* cap. III. Martiali, lib. X *Epigr.* LXXII, qui proinde eam ut nimis superbam et divinitatem redolentem, culpant et subsannant. Vide de ritu adorationis regum Persarum Brissonium, lib. I *De regno Persarum*, pag. 10 et seq. ubi et narrat Pelopidam aliosque Græcos noluisse hoc ritu Artaxerxem adorare; imo Athenienses capite multtasce Themagoram, eo quod hoc modo Darium adorasset, uti refert Valerius Maximus, VI.

*An Mar-
dochæus
dissimulare
potuerit
dissi-
mulari.* Dices: Mardochæus dissimulare poterat intentionem Aman, ac simpliciter eum adorare adoratoe civili et politica, nimirum flectere genu ei, seseque in terram prosternere ut principi, non ut Deo; hi enim gestus externi indifferentes sunt, et mente facientis discriminantur, ut si ille habeat intentionem vere adorantis, censeantur esse gestus adorationis et latræ: sin honorantis duntaxat, censeantur esse gestus reverentæ et honoris polici; ita Salianus, qui proinde putat Mardochæum, Esdras, Nehemiam, hos gestus adorationis aliquando exhibuisse regibus Persarum, non ut Diis, sed ut principibus. Respondeo id facere non potuisse, quia rex publice jusserset eum adorari ut Deum, ac ut talis adorari volebat Aman; idque expresse exigebat, ut colligitur ex cap. XIII et XIV. Quare si ei obsecutus fuissest Mardochæus, ab omnibus judicatus fuissest adorare Amanum ut Numen, uti cæteri adorabant. Adde, si id fecisset, grave dedisset scandalum Judæis omnibus, maxime illo tempore, quo Judæi inter idololatras versantes cavebant omnem idololatriæ speciem, etiam levissimam. Unde Esdras, Nehemias, Mardochæus, Zorobabel, Jesus, cæterique in aula Cyri, Darii et Artaxerxis versantes, nunquam leguntur adorasse; sed, ut ait Josephus, magnis beneficiis a regibus hisce acceptis, gratias eis agebant, et adorabant Deum primum beneficiorum horum auctorem. Secus fuit de Judith quæ cap. x, vers. 20, genu flexo politico cultu adoravit Holofernem ut principem, non ut Deum; quia Holofernes profitebatur se non esse Deum, sed solum Nabuchodonosor.

Addunt nonnulli Mardochæum fuisse delicatis, timidoris, arctioris conscientiæ, ut nec um-

bram aliquam idololatriæ admitteret, vel signum quodpiam quo vel minimum Dei cultus videretur lœdi et proximus offendì. Unde ipse ait cap. XIII, vers. 14: « Timui ne honorem Dei mei transferrem ad hominem. »

4. DIXERAT ENIM EIS SE ESSE JUDÆUM, ac proinde Judaica religione et lege prohiberi ut nullum hominem, sed solum Deum adoraret, cum Persæ, aliique gentiles etiam homines, puta reges suos quasi Deos adorarent. Verisimile est idem Cyro, Dario et Artaxerxi repondisse Esdras, Nehemiam, Estherem, Zorobabel, cæterosque Hebræos, qui in aulis eorum versabantur, imo officia honorata gerebant, nimirum se esse Judæos, quibus non licet alium quam Deum adorare, ac proinde reges ipsos ab istis, utpote Judæis, adorationem Persicam non exegisse, sed tantum adorationem politicam et civilem, quæ principibus ut hominibus deferri solet. Adde reges istos adorationem illam Persicam exegisse duntaxat in publico, cum se populo quasi numina venerandos ostenderent; privatim enim a suis aulicis et cubiculariis, quibuscum quotidie familiariter agebant, illam non postulabant, communi honore et reverentia contenti. Persicam enim adhibere ad singula eorum alloquia et obsequia fuissest onus intolerabile, et moraliter impossibile.

6. MAGISQUE VOLUIT OMNEM JUDÆORUM, QUI ERANT vers. 6.
IN REGNO ASSUERI, PERDERE NATIONEM. — To « magis » innuit jam ante voluisse Aman perdere Mardochæum et Judæos, quod ipse duos eunuchos amicos suos accusasset, ut in crucem agerentur, ut dixi cap. I. vers. 21. Jam autem accedente alia injuria, suoque contemptu, ut ipse censebat, in sua sententia confirmatus, magis voluit eosdem exterminare. Hinc liquet primo superbia et crudelitas Amani, qui propter unicum Mardochæum voluit occidere omnes Judæos plane innoxios: Solus Mardochæus, o Aman, te offendit; illum ergo solum persectere, si libet: cur iram in omnes Judæos, qui te non offenderunt, evomis? Secundo, magna dignitas Mardochæi, quod propter eum Aman decreverit totam Judeorum gentem interimere; quia scilicet Mardochæus erat eorum choragus, et quasi dux et princeps, ut ab eo regerentur, et quod ille faceret, cæteri facerent, ejusque exemplum sequerentur.

7. MISSA EST SORS IN URNAM, QUÆ HEBRAICE DI- vers. 7.
CITUR PHUR, CORAM AMAN, QUO DIE ET QUO MENSE GENUS JUDÆORUM DEBERET INTERFICI. — Pro « sors » Hebraice est נור goral. Unde Lyranus, Cajetanus, Marinus et alii putant phur, esse nomen Persicum, goral vero Hebræum: verum Hebræos a Persis hoc loco accepisse nomen phur, ideoque hanc sortem Persicam eorum nomine nuncupasse phur. Unde Hebræa sic habent: *Jacta est phur; ipsa est goral*, id est sors. Hinc et τὸ phur nusquam in Bibliis reperitur, nisi in hoc libro Esther. Nam in Psalmis, Proverbii cæterisque libris pro « sors » semper est Hebraice goral, non phur.

Nonnulli tamen censent *phur* quoque esse vocem Hebræorum, a radice *phur*, id est labi, eo quod sors cadat et labatur in urnam.

Porro a *phur*, id est sors, dies festus ab Hebræis dictus est *phurim*, quo scilicet gratias egerunt Deo, quod eos a sorte maligna internecionis ab Amano jacto liberasset. Aman autem sortem hic adhibuit ex superstitione gentilium, qui sorte quasi divinatione utebantur ad scrutanda occulta et periculosa, ut factum est Jonæ cap. I. Nam, ut ait S. Augustinus in *Psal. xxx.* « Sors est res in dubitatione humana, divinam indicans voluntatem. » Hinc Cicero, lib. I *De divin.* sortes vocat, quæ vaticinatione funduntur. Virgilius, lib. IV *Aeneid.*:

Itiam Lyciæ jussere capessere sortes,

Id est oracula. Ovidius, lib. I *Metamorph.* :

Placuit cœleste precari

Numen, et auxilium per sacras querere sortes.

Verum supersticio hæc Amanum decepit; prorogavit enim tempus cædis Judæorum, itaque spatiū dedit Estheri cædem deprecandi. Si enim statim accepta a rege facultate, rem exsecutus fuisset, Judæos omnes occidisset. Imprudens ergo fuit ejus dilatio et sortitio: nimirum Deus infatuavit crudele ejus consilium. Sensus ergo est, q. d. Aman misit sortem, ut ex ea quasi ex divinatione et oraculo cognosceret, quis dies cædi Judæorum foret accommodus, sibique felix et faustus, ne quod a Judæis et defendantibus vitæ suæ aut suorum periculum adiret.

Vers. 9. 9. SI TIBI PLACET, DECERNE UT PEREAT, ET DECEM MILLIA TALENTORUM (argenti, ut habet Hebræus, Chaldæus et Septuaginta) APPENDAM ARCAIIS GAZÆ TUE, — id est quinque milliones aureorum, si Attica, ut videtur, intelligentur hic talenta; sin Hebræa, duplo major erit summa, nimirum decem millionum aureorum. Immane est hoc pretium, sed Amano illud facile erat colligere ex Judæorum bonis jam prædæ et direptioni ab eo destinatis. Obtulit hoc Aman Dario, quia sciebat *U*num, auri cupidum, magna Persis et Judæis sibi

subditis tributa imposuisse, uti dixi cap. vii, vers. 18. Quare, ne rex causaretur per Judæorum cædem se tributa, quæ illi pendere solebant, perditurum, Aman ei spondet se hoc damnum per tot milliones sareiturum: quod si rex honeste hoc pretium refutaret, uti reipsa refutavit, cogitavit Aman se illud in rem propriam conversurum, ut toti regno, ipsique Dario formidabilis evaderet, ac data occasione exercitum conscriberet, illudque sibi adscisceret. Verum Deus iniqua et superba consilia antevertit, et in ipsius caput convertit, retorsitque.

10. TULITERGO REX ANNULUM QUO UTEBATUR (ad ob-signandum decreta sua et litteras regias), ET DEDIT EUM AMAN, — ut ipse decretum de Judæis perden-dis ea forma et ratione conscriberet, qua volebat, illudque regio annulo obsignaret, quasi a rege profectum, nimirum ut illud legentes statu die mactarent omnes Judæos, putantes regem hoc velle et jubere. Hinc Alexander Magnus victo Dario, cum ad Asiaticos scriberet, annulo, quem Dario, abstulerat, litteras signabat; eo significans se jam Asiae esse regem. Idem moriens, dans annu-lum Perdicæ, hoc ipso eum regem designavit, teste Curtio, libro VI et ultim., ac Justino, libro XVII.

13. A PUERO USQUE AD SENEM, PARVULOS ET MU-LIERES. — Barbara fuit hæc Amani crudelitas, qua omnes omnino Judæos, etiam feminas et pueros innoxios, neci destinavit, ne scilicet aliquis eorum in virum evadens, stragem hanc suæ gentis ulcisceretur, et Amani caput peteret. Idem faciunt Japones aliique Barbari.

15. FESTINABANT CURSORES, — quos, teste Herodoto, lib. VIII, Cyrus instituerat quasi veredarios, qui statim locis et horis defatigatos equos et sessores commutarent cum recentibus, itaque celerius litteras regias perferrent quam grues volent, ait Xenophon. Imo poterant hi rusticos cogere ad dan-dos meliores equos. Persice cursores hi Angari dicebantur. Inde angariare idem est quod cogere, Matth. v, 41. Unde ab Angeris dictos esse Angelos (littera r in l commutata, uti sæpe fit) id est nuntios, suspicatur Scaliger.

CAPUT QUARTUM.

SYNOPSIS CAPITIS.

Ob crudele necis Judæorum edictum luget Mardochæus cum suis, rogatque Estherem, ut regem pro eorum vita deprecetur. Illa, triduano sibi et Judæis omnibus indicto jejunio, id se facturam, licet cum vitæ periculo, pollicetur,

1. Quæ cum audisset Mardochæus, scidit vestimenta sua, et indutus est sacco, spargens cinerem capiti: et in platea mediæ civitatis voce magna clamabat, ostendens amaritudinem animi sui, 2. et hoc ejulatu usque ad fores palatii gradiens. Non enim erat licitum indutum

sacco aulam regis intrare. 3. In omnibus quoque provinciis, oppidis ac locis, ad quæ crudele regis dogma pervenerat, planctus ingens erat apud Judæos, jejunium, ululatus et fletus, sacco et cinere multis pro strato utentibus. 4. Ingressæ autem sunt puellæ Esther et eunuchi, nuntiaveruntque ei. Quod audiens consternata est; et vestem misit, ut ablato sacco induerent eum: quam accipere noluit. 5. Accitoque Athach eunicho, quem rex ministrum ei dederat, præcepit ei ut iret ad Mardochæum, et disceret ab eo cur hoc faceret. 6. Egressusque Athach, ivit ad Mardochæum stantem in platea civitatis, ante ostium palatii: 7. qui indicavit ei omnia quæ acciderant, quomodo Aman promisisset, ut in thesauros regis pro Judæorum nece inferret argentum. 8. Exemplar quoque edicti, quod pendebat in Susan, dedit ei, ut reginæ ostenderet, et moneret eam ut intraret ad regem, et deprecaretur eum pro populo suo. 9. Regressus Athach, nuntiavit Esther omnia quæ Mardochæus dixerat. 10. Quæ respondit ei, et jussit ut diceret Mardochæo: 11. Omnes servi regis, et cunctæ quæ sub ditione ejus sunt, norunt provinciæ, quod sive vir, sive mulier, non vocatus, interius atrium regis intraverit, absque ulla cunctatione statim interficiatur: nisi forte rex auream virgam ad eum tetenderit pro signo clementiæ, atque ita possit vivere. Ego igitur quomodo ad regem intrare potero, quæ triginta jam diebus non sum vocata ad eum? 12. Quod cum audisset Mardochæus, 13. rursum mandavit Esther, dicens: Ne putes quod animam tuam tantum liberes, quia in domo regis es præ cunctis Judæis; 14. si enim nunc silueris, per aliam occasionem liberabuntur Judæi: et tu, et domus patris tui, peribitis. Et quis novit utrum idcirco ad regnum veneris, ut in tali tempore parareris? 15. Rursumque Esther hæc Mardochæo verba mandavit: 16. Vade, et congrega omnes Judæos quos in Susan repereris, et orate pro me. Non comedatis et non bibatis tribus diebus et tribus noctibus: et ego cum ancillis meis similiter jejunabo, et tunc ingrediar ad regem, contra legem faciens, non vocata, tradensque me morti et periculo. 17. Ivit itaque Mardochæus, et fecit omnia quæ ei Esther præceperat.

Vers. 1. 1. IN PLATEA MEDIE CIVITATIS, — puta in foro, simili loco publico, quo omnes confluabant. Hac enim de causa forum statui solet in media civitate, ut a civibus circumcircœ habitantibus facile adiri possit ad vendendas et coemendas res necessarias.

VOCE MAGNA CLAMABAT. — Quid clamarit explicat Græcus, scilicet Judæos innocentes, qui nil peccarunt, damnari ad necem. Erat hic clamandimus in magnis calamitatibus apud Persas in usu et frequens, teste Curtio, lib. IV et V, et Herodoto, lib. III et VIII, ut sui commiserationem omnibus moverent, aliquemque excitarent, qui mali remedium afferre vel suggereret.

Vers. 3. 3. CRUDELE REGIS DOGMA, — id est edictum. Unde Hebraice est *Verbum Regis*; sic dogma pro decreto sumitur, *Act. cap. XVI*, vers. 4, ac a Josepho, Demosthene et aliis.

Vers. 11. 11. INTERIUS ATRIUM REGIS, — in quo rex in aureo throno considebat, auro gemmisque collucens, velut Deus quidam terrestris. Porro lex erat ut, si quis hoc atrium non vocatus ingrediatur, ABSQUE ULLA CUNCTATIONE STATIM INTERFICIATUR. — Legis causa erat, ait Rupertus, lib. VIII *De vict. verbi Dei*, cap. 10, « ut persona regis occultaretur sub specie majestatis, putareturque aliquid habere plus homine, ne vilior fieret ex usu publico visionis. » Hinc regi astabant circumcircœ

lectores cum securibus et hastis, ut, si quis non vocatus ingredieretur, eum occiderent, teste Josepho et Ammiano, lib. XIV, et Herodoto, lib. III et VIII. Addit Josephus, Rupertus et alii hanc legem ab Assuero latam, vel innovatam fuisse, instigante Amano, ut Estheri, Mardochæo, cæterisque omnibus aditum ad regem intercluderet, ne pro Judeis deprecarentur.

13. QUOD ANIMAM TUAM TANTUM LIBERES, — id est liberare debeas, et de facto liberabis, eo quod sis in « domo regis, » quasi regina, cui utique rex parcet; sed cogita tui officii esse, ut totius populi tui animam, id est vitam neci destinatam liberare debeas; et de facto liberabis, si regem tuum maritum quasi regina adeas et depreceris.

14. TU ET DOMUS PATRIS TUI PERIBITIS. — Deo punitente hunc populi tui neglectum et immisericordiam, vel vindicantibus ipsis Judæis, quos nunc despiciunt habetis, ait Josephus.

16. NON COMEDATIS ET NON BIBATIS TRIBUS DIEBUS ET TRIBUS NOCTIBUS, ET EGO CUM ANCILLIS MEIS SIMILITER JEJUNABO, ET TUNC INGREDIAR AD REGEM, CONTRA LEGEM FACIENS, NON VOCATA, TRADENSQUE ME MORTI ET PERICULO. — Nota hic fortitudinem, pie-tatem et charitatem Estheris, quæ se pro populo mortis periculo offert, confidens Deum affore: ideoque prudenter publicum omnium per tres

dies continuos jejunium exigit, ut eo Deum placent, ejusque gratiam sibi concilient. Porro S. Ambrosius, lib. *De Elia et jejunio*: « Esther, inquit, pulchrior facta est jejunio; Dominus enim gratiam sobriæ mentis augebat. » Unde sequitur cap. v, vers. 2: « Cumque vidisset Esther reginam stantem, placuit oculis ejus. » Jejunio ergo et oratione Esther sibi decorem, populo liberacionem, Amano crucem, Assuero lecticam, et Deo gloriam comparavit. Id ipsum ita prosequitur S. Ambrosius: « Omne genus suum, id est totum populum Judæorum a persecutionis acerbitate liberavit; ita ut regem sibi faceret esse subjectum, non libidinis amore flammatum, sed cœlesti commiseratione conversum; ita ut poena retorqueretur in impium, et honor sacris redderetur altaribus. Itaque illa quæ triduo jejunavit continuo, et corpus suum aqua lavit, plus placuit et vindictam retulit. Aman autem, dum se regali jactat convivio, inter ipsa vina poenam suæ ebrietatis exsolvit. Est ergo jejunium reconciliationis sacrificium,

virtutis incrementum, quod fecit etiam feminas fortiores augmentatione gratiæ. » Et Clemens Alexandrinus, lib. VI *Strom. cap. IV*: « Rursus, ait, perfecta illa fide Esther, Israelem a tyrannica potestate liberans, et a crudelitate Satrapæ, sola mulier afflita jejunis restitit armatis copiis innumerabilibus, tyrannicum per fidem solvens decretum; et tyrannum quidem mitigavit. Aman vero repressit, et Israelem perfecta ad Deum oratione illæsum conservavit. »

Esther
typus
Ecclesiæ.

Allegorice Esther representat Ecclesiam; unde S. Prosper, part. VII *Prædict. cap. XXXVIII*, recentis heroicis Estheris facinoribus subdit: « Sic Ecclesia Sancta Crucis perimit inimicos. Sic se pro suis periculis hujusmodi opponit. Sic datis in morte suis laboribus, vitam conferendo ministrat: utpote regina, quæ a suo rege sponso et Domino admonetur, eique dicitur: Libera eos qui ducuntur ad mortem, et redime eos qui occiduntur. Cujus beneficiorum refugia, ipsi quoque ejus appetunt inimici. »

CAPUT QUINTUM.

SYNOPSIS CAPITIS.

Esther non vocata ingreditur ad Assuerum, exponens se vitæ periculo, sed ab eo comiter excepta eundem cum Amano semel et iterum invitat ad convivium: interim Aman Mardochæo (verius sibi) parat crucem.

1. Die autem tertio induta est Esther regalibus vestimentis, et stetit in atrio domus regiæ, quod erat interius, contra basilicam regis: at ille sedebat super solium suum, in consistorio palatii contra ostium domus. 2. Cumque vidisset Esther reginam stantem, placuit oculis ejus, et extendit contra eam virgam auream, quam tenebat manu. Quæ accedens osculata est summitatem virgæ ejus. 3. Dixitque ad eam rex: Quid vis, Esther regina? quæ est petitio tua? etiamsi dimidiæ partem regni petieris, dabitur tibi. 4. At illa respondit: Si regi placet, obsecro ut venias ad me hodie, et Aman tecum, ad convivium quod paravi. 5. Statimque rex: Vocate, inquit, cito Aman, ut Esther obediat voluntati. Venerunt itaque rex et Aman ad convivium, quod eis regina paraverat. 6. Dixitque ei rex, postquam vinum biberat abundantiter: Quid petis ut detur tibi? et pro qua re postulas? etiamsi dimidiæ partem regni mei petieris, impetrabis. 7. Cui respondit Esther: Petitione mea et preces sunt istæ: 8. Si inveni in conspectu regis gratiam, et si regi placet ut det mihi quod postulo, et meam impletat petitionem; veniat rex et Aman ad convivium quod paravi eis, et cras aperiam regi voluntatem meam. 9. Egressus est itaque illo die Aman latus et alacer. Cumque vidisset Mardochæum sedentem ante fores palatii, et non solum non assurrexisse sibi, sed nec motum quidem de loco sessionis suæ, indignatus est valde; 10. et dissimulata ira, reversus in domum suam, convocavit ad se amicos suos, et Zares uxorem suam. 11. Et exposuit illis magnitudinem divitiarum suarum, filiorumque turbam, et quanta eum gloria super omnes principes et servos suos rex elevasset. 12. Et post hæc ait: Regina quoque Esther nullum alium vocavit ad convivium cum rege, præter me; apud quam etiam cras cum rege pransurus sum. 13. Et cum hæc omnia habeam, nihil me habere puto, quamdiu video Mardochæum Judæum sedentem ante fores regias. 14. Responderuntque ei Zares, uxor ejus, et cæteri amici: Jube

parari excelsam trabem, habentem altitudinis quinquaginta cubitos, et dic mane regi, ut appendatur super eam Mardochæus, et sic ibis cum rege latus ad convivium. Placuit ei consilium, et jussit excelsam parari crucem.

Vers. 1. **1. STETIT IN ATRIO DOMUS REGIÆ, QUOD ERAT INTERIUS, CONTRA BASILICAM REGIS.** — Basilica hic vocatur aula regia; puta intimum regis cubiculum aulæis pretiosis circumdata, ubi erat aureus thronus, in quo rex considebat, auro gemmisque coruscans, habens aureum in manu sceptrum; Basilica enim Graece est domus regis; βασιλεύς enim est rex. Eadem etiam vocatur « consistorium palatii; » ita ex Dione, Philostrato, Apuleio et Æschylo, Serario. In ea enim circa regem consistebant Principes et Palatini. Esther ergo non ingressa est hoc intimum regis cubiculum, sed atrium interius illi vicinum, ita ut a rege considente in intimo cubiculo per ostium videri posset. Sedebat enim rex « contra ostium domus. »

Vers. 2. **2. CUMQUE VIDISSET ESTHER REGINAM STANTEM, PLACUIT OOCULIS EJUS.** — Hic supplendum et anteponendum est ex cap. xv, vers. 9, regem primo aspectu furibundis et scintillantibus oculis aspexisse et terruisse Estherem, eo quod non vocata ad se accessisset: Estherem vero percussum semel et iterum deliquium animæ passam corruisse, mox regem accurrisse, et extenso in eam sceptro, illi blanditum fuisse, illamque sibi restituisse, de quibus dicendum cap. xv.

ET EXTENDIT CONTRA EAM VIRGAM AUREAM, — puta sceptrum aureum, quod manu gestabat, hac extensione significans suam erga ipsam clementiam et benevolentiam, ut tuto contra legem non vocata ad se accederet.

Allegorice virga aurea est B. Virgo, per quam Deus toti humano generi offensus, eidem reconciliatus est, de qua Balaam vaticinatus est, Num. cap. xxiv, sub fine dicens: « Orietur stella (B. Virgo, quæ vera Esther, et Ἀστρον) ex Jacob, et consurget virga de Israel, et percutiet duces Moab, vastabitque omnes filios Seth. » « Hæc est, inquit B. Petrus Damianus, serm. De Assumpt. virga illa, qua redundunt impetus adversantium dæmoniorum, virga Aaron per quam fiunt et mirabilia. Baculum autem Crucis intelligi, quo non solum verberatus est, sed occisus ille insatiabilis homicida, qui mortibus hominum pascitur et nutritur. In Virgine virga, et baculo cruce miserorum spes et consolatio continetur, sicut sublimis Propheta clara voce declarat: Virga, ait, tua et baculus tuus ipsa me consolata sunt. »

Vers. 6 **6. ETIAMSI DIMIDIAM PARTEM REGNI MEI PETIERIS, IMPETRABIS.** — Liberalior Assuero fuit Deus in B. Virginem, qui eidem totum regni sui, puta cœli imperium, concessit. Unde Angeli ei quasi reginæ suæ accinuerunt Romæ ad castellum S. Angeli: « Regina cœli, lætare, alleluia, » uti fusius alibi narravi. Illi enim quasi matri suæ Christus nihil negare potest: quare suum Dei in homines

post Verbum incarnatum beneficium est B. Virgo; hanc enim nobis dedit, ut per eam omnia ab ipso impetremus, ut ipsa nobis omnes clementiæ, omnipotentiæ et divinitatis thesauros aperiat omnesque gratias in eis reconditas elargiatur per filium suum.

8. VENIAT REX ET AMAN AD CONVIVIUM QUOD PARAVI EIS. — Graeca addunt Estherem causam invitationis addidisse, dicendo: « Dies mea insignis est hodie; » q. d. Hodie mihi festum est, ideoque lætandum et convivium instruendum; voco ergo regem, ut illud sua præsentia cohonestet. Prudenter Esther regem secundo invitavit ad convivium, ut in eo suam petitionem salutis Judæorum regi exponeret. **Primo**, ut sensim regem magis in sui amorem accenderet, adeo ut nihil ei negare posset. Erat enim res ardua et perdifficilis petere a rege, ut suum edictum de nece Judæorum jam latum et promulgatum, contra morem regum Persarum et Medorum, revocaret. **Secundo**, quia non audebat publice in tanta adstantium procerum turba id petere, eo quod ipsi dixissent legem latam ex more regum, revocari non posse. Secreto ergo in convivio a rege id ipsum petiit et impetravit; secreto indicans se esse Judæam, quod publice coram principibus facere fuisse periculosum. **Tertio**, solum Aman cum rege invitavit, ut eum in reliquorum Satraparum invidiam et odium induceret, ait Lyranus. **Quarto**, quia sciebat in convivio regem largiori potu exhilarandum, liberaliorem fore ad postulata concedenda. Sic etiamnum viri prudentes, cum quid ab aliquo duriore petunt, non mane, cum ex jejunio austerior est mens et vultus, sed post prandium et convivium, cum eum mero hilarem reddiderunt, flagitant et impetrant. Addunt aliqui, regibus Persarum in more fuisse, ut in convivio nil cuiquam negarent. Certe Herodotus libro nono scribit, apud Persas nefas esse regem quicquam abnuere in convivio, quot quotannis eo die quo rex creatus erat, instituere solebat.

9. CUMQUE VIDISSET MARDOCHÆUM SEDENTEM ANTE FORES PALATII, ET NON SOLUM NON ASSURREXISSE SIBI, SED NEC MOTUM QUIDEM DE LOCO SESSIONIS SUÆ, INDIGNATUS EST VALDE. — Magnæ hoc erat constantiæ Mardochæi, quod Amano hosti scelestissimo toti genti Judæorum exitium machinanti, ne quidem assurrexerit, ut suam in Deo fiduciam ostenderet, et Amano ipso facto superbiam suam et crudelitatem exprobraret.

Vers. 13 **13. ET CUM OMNIA HABEAM, NIHIL ME HABERE PUTO, QUAMDIU VIDERO MARDOCHÆUM,** — Magis ergo te, o Aman, cruciat Mardochæus, quam tu ipsum crucies: nihil igitur habes sine Mardochæo, quia Mardochæus habet omnia, ideoque tu nihil. Jure

exclamat S. Bernardus, lib. I *De consider.*: « Ambitio ambientium crux, quomodo omnes torquens, omnibus places? Nihil acerbius cruciat, nil molestius inquietat, nil tamen apud miseros mortales celebrius negotiis ejus, » et ser. IV *De Ascens.* « Iste est mons in quem ascendit Angelus, et diabolus factus. » Festive S. Anselmus, lib. *De similit.* cap. LXXVII, honorem comparat papilioni : « Sic, inquit, agunt illi, qui mundi hujus honores appetunt, quomodo pueri qui sequuntur papiloneum. Papilioes enim, cum volant, tramitem rectum nunquam tenent : sed huc illucque se agitant; cum alicubi residere videantur, nec ibi diu morantur. Hos autem sequentes dum pueri capere volunt, cito post eos currere satagunt, et quia non ad suos pedes, sed ad papilioes intendunt, aliquando in foveam cadunt. Plerumque cum caute accedunt, et eos apprehendere tentant, papilioes avolant : quando eos apprehenderint, exultant de nihilo, quasi magnum quid fuerint adepti. Similiter faciunt, qui mundi hujus honores appetunt. Honores enim hujus mundi nunquam certam tenent viam, sed incestis diverticulis de uno ad alium transvolant.

14. JUSSIT EXCELSAM PARARI CRUCEM. — Sed quam Vers. 14 Mardochæo parasti, o Aman, tibi ipsi fixisti. In illa enim mox suspenderis, juxta illud Eccli. capite xxvii, vers. 29 : « Qui foveam fodit, incidet in eam, et qui statuit lapidem proximo, offendet in eo ; at qui laqueum aliis ponit, peribit in illo. » Vide ibi dicta.

Porro crucem potius quam rogum, gladium, aliudve tormentum parari jussit, quia crux apud Persas erat usitata, eratque ignominiosissima. sAliam causam ex Rabbinis dat Chaldaeus Manuscriptus, quem audi : « Dixit (Zares uxor ad Aman maritum) : in ignem non poteris mittere Mardochæum, quia liberatus est Abraham pater ejus ab eo. In aquis non poteris suffocare eum, quoniam liberati sunt ab eo Moyses et filii Israel. In lacum leonis non poteris immittere eum, quia liberatus est ab eo Daniel Propheta. Verumtamen faciant patibulum in altitudinem quinquaginta cubitorum, et mane dic Regi, ut suspendatur Mardochæus super eum ; quia in hoc nunquam probatus est unus ex his, qui liberetur in patibulo ligni. » Verum hæc Rabbinici cerebri solita sunt figmenta.

CAPUT SEXTUM.

SYNOPSIS CAPITIS.

Assuerus, renovata detectæ conjurationis contra se per Mardochæum memoria, jubet eum regiis honoribus affici, idque per ipsum Amanum juratum ejus hostem.

1. Noctem illam duxit rex insomnem, jussitque sibi afferri historias et annales priorum temporum. Quæ cum illo præsente legerentur, 2. ventum est ad illum locum ibi scriptum erat, quomodo nuntiasset Mardochæus insidias Bagathan et Thares eunuchorum, regem Assuerum jugulare cupientium. 3. Quod cum audisset rex, ait : Quid pro hac fide honoris ac præmii Mardochæus consecutus est? Dixerunt ei servi illius ac ministri : Nihil omnino mercedis accepit. 4. Statimque rex : Quis est, inquit, in atrio? Aman quippe interius atrium domus regiæ intraverat, ut suggereret regi, et juberet Mardochæum affigi patibulo, quod ei fuerat præparatum. 5. Responderunt pueri : Aman stat in atrio. Dixitque rex : Ingrediatur. 6. Cumque esset ingressus, ait illi : Quid debet fieri viro, quem rex honorare desiderat? Cogitans autem in corde suo Aman, et reputans quod nullum alium rex, nisi se, vellet honoreare, 7. respondit : Homo, quem rex honorare cupit, 8. debet indui vestibus regiis, et imponi super equum, qui de sella regis est, et accipere regium diadema super caput suum, 9. et primus de regiis principibus ac tyrannis teneat equum ejus, et per plateam civitatis incedens clamet, et dicat : Sic honorabitur, quemcumque voluerit rex honorare. 10. Dixitque ei rex : Festina, et sumpta stola et equo, fac, ut locutus es, Mardochæo Judæo, qui sedet ante fores palatii. Cave ne quidquam de his, quæ locutus es, prætermittas. 11. Tulit itaque Aman stolam et equum, indutumque Mardochæum in platea civitatis, et impositum equo præcedebat, atque clamabat : Hoc honore condignus est, quemcumque rex voluerit honorare. 12. Reversusque est Mardochæus ad januam palatii; et Aman festinavit ire in domum suam, lugens et operto capite; 13. narravitque Zares uxori suæ, et amicis, omnia quæ evenissent sibi. Cui

responderunt sapientes, quos habebat in consilio, et uxor ejus : Si de semine Iudaæorum est Mardochæus, ante quem cadere cœpisti, non poteris ei resistere, sed cades in conspectu ejus. 14. Adhuc illis loquentibus venerunt eunuchi regis, et cito eum ad convivium, quod regina paraverat, pergere compulerunt.

Vers. 4. 1. NOCTEM ILLAM DUXIT REX INSOMNEM. — Deo per Angelum id procurante et dirigente, ut Assuerus legeret suos annales, indeque recordaretur beneficii sibi a Mardochæo præstiti, eumque honoraret : simul ut Assueri exemplo moraliter doceret reges et principes, noctes totas non stertere in lecto, sed publicis maximisque Reipublicæ negotiis invigilare, ac pro iis Deum obsecrare. Scitum est illud Homeri :

Gnoma. Οὐ δεῖ πανύκων βουληφόρον ανδρα καθεύδειν.
Non decet virum consiliarium totam noctem dormire.

« Illud vero, inquit, libro I *De Regno Persarum*, Brisonius, nunquam satis laudatum institutum apud Persas viguit, ut, quemadmodum refert libro ad imperitum principem Plutarchus, quotidie cubiculariorum unus eam ad rem constitutus, mane cubiculum regis intrans, clamaret : Surge, o Rex, et negotia cura, quæ te Mesoromasdes curare voluit. » Est autem «Mesoromasdes,» ut ait initio Laertius, *Sol*, qui ab illis dicebatur *Mithres*.

Constantinus Magnus, ait Eusebius, lib. IV vitæ ejus, cap. XIII, « suam ipsius mentem quodam quasi afflatu et instinctu divinarum rerum exagerans, totas sæpe noctes sine somno traduxit, et cum per otium liceret, orationes scribebat, idque ad summam usque senectutem.

Ferrandus Carthusianus, lib. *ad Reginum*, Duci hoc dogma commendat *Regula* v : « Sacerdotum postulationibus liber patescat aditus, frequenter oratio, lectionis studium, quamvis undique occupationibus inundantibus, igne desiderii spiritualis remota tepiditate fervescat. » Novi Prælatum insignem, qui diem negotiis et gubernationi, noctem orationi et studiis impendebat.

JUSSITQUE SIBI AFFERRI HISTORIAS ET ANNALES. — Digna haec rege laus, ut sua acta recognoscat et relegat, ac, si quid omissum est, præsertim in bene meritis præmiandis, suppleat. Ita Alexander Severus Imperator, teste Lampridio, ne quid irremuneratum maneret, quæcumque munera contulisset, scriptis diligenter mandabat. Si quis nihil aut minimum ab eo petisset, illum appellabat, dicens : « Quid est quod nihil petis? an me tibi vis fieri debitorem? pete, ne privatus de me queraris. » Porro accurata Annalium et Diariorum memoria consignata et custodita fuisse beneficia, quæ in reges Persarum conferrentur, testatur Herodotus, lib. IV, agens de Dario (qui est noster Assuerus) Hystapis Coem recognoscente. Et Thucydides, lib. I, narrat Xerxem Darii filium dixisse Pausaniae : « Tibi beneficium nostra in domo semper inscriptum erit. Enimvero Persarum reges, ut Xenophon, lib. VIII *Cyrop.* docet, ministros,

seu officiales quosdam habebant, qui regum aures, et oculi appellabantur. » Apuleius, lib. *De Mundo*, aule Persicæ fastum ex Aristotele describens : « Sed inter eos, ait, aures regiæ, et Imperatoris oculi, quidam homines vocabantur; per officiorum genera Rex ille ab hominibus Deus esse credebatur, cum omnia, quæ ubicumque gererentur, ille Otaseutarum delatione discebat. »

4. AMAN QUIPPE INTERIUS ATRIUM DOMUS REGIÆ INT. TRAVERAT. — Hebraice et Chaldaice est *exterius*; nam interius nisi a rege vocatis ingredi non licet. Interius ergo, id est intra palatium in atrio, quod respectu intimi cubiculi regiæ erat *exterius*, sed respectu extimi erat *interius*. Erant enim in Palatio atria varia, quorum alia aliis erant *interiora*, vel *exteriora*.

UT SUGGERERET REGI, ET JUBERET MARDOCHÆUM AFFIGI PATIBULO. — Festinabat Aman ac lucem præverterat, ut matutinus, primusque regem adiret, peteretque Mardochæum suspendi, antequam Rex aliis occuparetur, ut summum desiderium suum de vindicando sui contemptu, per necem crucis infamem Mardochæi contemptoris expleret. Superbia enim æque ac ira et indignatio non sinebant eum quiescere, donec vindictam hanc sumeret. Sed Deus, justus superbiæ et injustitiæ judex ac vindictam omnem Amani in ipsum retrorsit, idque per partes gradatim, donec ipsum in eadem ipsa cruce quam Mardochæi erexerat, suspenderet. In Amano ergo liquet quam verum sit illud : « Noxa caput sequitur. » Et :

Raro antecedentem scelestum
Deseruit pede pena claudio :

Superbos enim sternit et fulminat Altissimus.

7 et 8. HOMO, QUEM REX HONORARE CUPIT, DEBET VERS. INDUI VESTIBUS REGIIS, ET IMPONI SUPER EQUUM, QCI ET 8. DE SELLA REGIS EST (in quo sedere et equitare solet rex, ut habent Hebreus et Septuaginta). Sella enim est quasi sedile sedentis in equo), ET ACCIPERE REGIUM DIADEMA SUPER CAPUT SUUM. — Diadema erat fascia byssina, qua reges caput circumligabant. Diadema erat insigne purpureum alba fascia et lapidibus pretiosis distinctum, ait Curtius, lib. III et VI. Verisimile est cum diademate coronam quoque regiam impositam fuisse capiti Mardochæi; hæc enim erat proprium regis insigne, quod ambiebat, et quærebat sibi Aman, putans hæc non alteri, quam sibi a rege parari; atque hanc jussu regis gestasse Mardochæum, patet cap. VIII, vers. 15. Porro corona hæc apud Persas habebat radios instar mithræ, id est solis, quem ipsi ut Deum et regem colebant. Volebant enim reges apud Persas divinis honoribus coli, quasi mi-

thræ et soles quidam terrestres. Sed hæc omnia Aman ignorans, contra mentem suam præparavit hosti suo Mardochæo, quem postulabat ad crucem; idque eum valde cruciavit, quod scilicet ipse sententiam dictasset, juxta quam rex Mardochæum summo et regio afficeret honore; quem per ipsummet Aman quasi dictatorem juberet Mardochæo conferri. Sic David, Salomonem filium creans regem et successorem, ait: « Tollite vobiscum servos Domini vestri, et imponite Salomonem filium meum super mulam meam, » etc. Et: « Veniet, et sedebit super solium meum, et ipse regnabit pro me. »

Vers. 10. 10. FESTINA, ET SUMPTA STOLA ET EQUO FAC, UT LOCUTUS ES, MARDOCHÆO JUDEO. — « Stola, » id est veste regia, ut dixerat Aman versu 8, quam Septuaginta et Chaldæus vocant stolam byssinam. Unde et Xenophon, lib. VIII, Cyri regis tunicam purpuream semialbam vocat: « Aliis vero, inquit, semialbam gestare non licet. » Intellige regem misisse Amano, ut torquem quoque aureum, et acinacem aureum, et armillas aureas daret Mardochæo. Moris enim fuit his insignibus ornari eum, quem rex honorare voluisset, ut patet lib. III Esdræ cap. ix, et ex Josepho, lib. XI Antiq. cap. IV, et ex Emilio Probo in Artaxerxe.

QUI SEDET ANTE FORES. — Ibi tum sedebat Mardochæus quasi vilis et abjectus, sed post hunc honorem a rege sibi delatum, introductus est in aulam palatii, factusque regi familiaris et palatinus, ut patebit cap. xvi, vers. 13.

Vers. 11. 11. CLAMABAT (Aman): HOC HONORE CONDIGNUS EST, QUEMCUMQUE REX VOLGERIT HONORARE. — Vide hic subitam summamque rerum commutationem, qua Mardochæus neci destinatus in regiam dignitatem attollitur, fitque quasi alter rex, idque a suo hoste Amano; qui proinde hic habuit dolores et

angores plurimos et maximos. Primo enim torsit eum honor hic, quem speraverat, sibi ablatus. Secundo, quod is translatus esset in hostem suum capitalem Mardochæum. Tertio, quod ipse hoc honore eum deberet afficere. Quarto, quod ipse qui prius adorabatur ab omnibus ut Deus, jam esset equiso et præco Mardochæi vilis Judæi. Quinto, quod inopinato simul hæc omnia in eum ingruerent. Fabulantur Rabbini filiam Amani in caput patris transeuntis matulam effudisse, putantem se in caput Mardochæi illam effundere, ideoque Amanum dixisse: « Et tu quoque, filia mea, confundi me. »

Vers. 12. 12. LUGENS ET OPERTO CAPITE — ob pudorem, dolorem et angorem vehementem; pudebat enim eum faciem apertam ostendere, qui jam equisitionem Mardochæi egerat, cum antea coleretur ut Deus.

Vers. 13. 13. SI DE SEMINE JUDÆORUM EST MARDOCHÆUS, ANTE QUEM CADERE COEPISTI, NON POTERIS EI RESISTERE, SED CADES IN CONSPECTU EJUS. — Dixerunt hoc amici Amano, vel divino quodam etiam instinctu, ait Serarius instar Sibyllarum et Caiphæ, Joan. XI, vel humana quadam sapientia, solertia conjectura sumpta ex eo quod Judæos plures vidissent præfracto duroque ingenio, qui non quiescebant, donec hostes suos pessum dedissent, quodque Pharaonem, Chananaeos aliosque inimicos Judæorum ab ipsis per Mosen, Josue, Davidem, etc. contritos ex communī fama audissent. Addit Lyranus id eos dixisse ex Genes. cap. XIII, vers. 15 et seq. ubi Deus promittit Abrahæ et Jacobo posterorum constantiam, felicitatem, et de hostibus victoriam; Genesim enim et Pentateuchum ab Hebræis in Perside captivis fuisse in linguam Persicam conversum. Hoc incertum est, non tamen improbabile.

CAPUT SEPTIMUM.

SYNOPSIS CAPITIS.

Esther postulat sibi et Judæis vitam, et Amanum accusat, quem rex illico in patibulo, quod Mardochæo erexerat, jubet suspendi.

1. Intravit itaque rex et Aman, ut biberent cum regina. 2. Dixitque ei rex etiam secunda die, postquam vino incaluerat: Quæ est petitio tua, Esther, ut detur tibi? et quid vis fieri? etiamsi dimidiā partem regni mei petieris, impetrabis. 3. Ad quem illa respondit: Si inveni gratiam in oculis tuis, o rex, et si tibi placet, dona mihi animam meam, pro qua rogo, et populum meum, pro quo obsecro. 4. Traditi enim sumus, ego et populus meus, ut conterramur, jugulemur, et pereamus. Atque utinam in servos et famulas venderemur? esset tolerabile malum, et gemens tacerem; nunc autem hostis noster est, cuius crudelitas redundat in regem. 5. Respondensque rex Assuerus ait: Quis est iste, et cuius potentiae, ut hæc audeat facere? 6. Dixitque Esther: Hostis et inimicus noster pessimus iste est Aman. Quod ille audiens, illico obstupuit, vultum regis ac reginæ ferre non sustinens. 7. Rex autem ira-

tus surrexit, et de loco convivii intravit in hortum arboribus consitum. Aman quoque surrexit, ut rogaret Esther reginam pro anima sua; intellexit enim a rege sibi paratum malum. 8. Qui cum reversus esset de horto nemoribus consito, et intrasset convivii locum, reperit Aman super lectulum corruisse, in quo jacebat Esther, et ait: Etiam reginam vult opprimere, me præsente, in domo mea. Necdum verbum de ore regis exierat, et statim operuerunt faciem ejus. 9. Dixitque Harbona, unus de eunuchis, qui stabant in ministerio regis: En lignum quod paraverat Mardochæo, qui locutus est pro rege, stat in domo Aman, habens altitudinis quinquaginta cubitos. Cui dixit rex: Appendite eum in eo. 10. Suspensus est itaque Aman, in patibulo quod paraverat Mardochæo: et regis ira quievit.

Vers. 2. 2. POSTQUAM VINO INCALUERAT. — Darius enim fuit vini bibax. Unde ejus sepulcro inscriptum fuit hoc elogium: « Possum multum vini bibere, illudque recte ferre, » teste Athenæo, lib. X. Idem et de ipso Cyrus minor prædicabat, ut Plutarchus in Artaxerxe commemorat. « Cambysen regem, » quemadmodum Seneca, lib. III *De ira*, cap. xiv, scribit, « nimis deditum vino Præxaspes unus e carissimis monebat, ut parcus biberet, turpem esse dicens ebrietatem in Rege, quem oculi omnium auresque sequerentur. Ad hoc ille: Ut scias, inquit, quemadmodum nunquam excidam mihi, approbaboo jam, et oculos post vinum in officio esse et manus. Bibit deinde liberalius quam alias, et capacioribus scyphis; et jam gravis et vino-lentus, objurgatoris sui filium procedere ultra limen jubet, allevataque super caput sinistra manu stare. Tunc intendit arcum, et ipsum cor adolescentis (id enim se petere dixerat) figit, recisoque pectore, hærens in ipso corde, spiculum ostendit: ac respiciens patrem, an satis certam haberet manum, interrogavit. At ille negavit Apollinem potuisse certius mittere. Dii illum male perdant, animo, magisque conditione. » Hucusque Seneca.

Vers. 3. 3. DONA MIHI ANIMAM MEAM, — id est vitam meam. Acre fuit hoc telum, quo percussit Esther Assuerum, et magis Amanum, q. d. Aman iste fraude à te obtinuit, ut occideret omnes Judæos; quare et ego quæ sum Judæa ab eo occidenda sum, sicque tu privaberis me regina, meoque toro, quem tantopere ambivisti et ambis. Non tam ergo in me quam in te, o Assuere mi rex et marite, Aman iste injurius et violentus est, æque ac subdolus, ac fraudulentus.

Vers. 4 4. ATQUE UTINAM IN SERVOS ET FAMILIAS VENDEREMUR, — ut vita nobis condonata, saltem Regi et Persis famulari et ancillari possemus!

NUNC AUTEM HOSTIS NOSTER EST (qui me et Judæos et omnes vult spoliare vita), cuius proinde CRUDELITAS REDUNDAT IN REGEM, — tum quia per suum edictum necis Judæorum, qui ingentibus tributis ejus ærarium locupletant, quique plurimas operas regi præstant, et ex quibus multis validosque milites pro sui, regnique tutela conseribere valent; imo quos velut sapientes provinciis suis præficere potest, uti præfectus fuit Daniel cum tribus sociis. Hisce, inquam, et plurimis emolumentis,

quæ ex Judæis, tu Assuere, percipis, et majora percipere potes, privat te Aman. Idem gravem et perennem infamiam tibi conflat apud omnes gentes, quod gentem nostram innoxiam, imo bene de te meritam funditus extermines. In te ergo vel maxime crudelitas Amani Judæorum petens extermínium redundat.

6. DIXITQUE ESTHER: HOSTIS ET INIMICUS NOSTER Vers. 6.
PESSIMUS ISTE EST AMAN. — Nota hic magnanimitatem Estheris, qua non absentem Amanum secreto, uti faciunt timidæ et viles mulierculæ, sed præsentem palam coram Assuero accusat, ut ipse sciat accusationem esse sinceram et veram, quam Aman negare non possit: unde inopinata hac accusatione, quasi fulmine ictus Aman obstupuit et obmutuit. Discant ab Esthere principes magnorum potentiam et insolentiam non metuere, sed premere et calcare. Hoc regum est. Vere Seneca in Hercule furente:

Ars prima regni est posse et invidiam pati.

Et in Oedip.

Odia qui nimium timet,
Regnare nescit. *Et in Theb.*
Simul ista mundi conditor posuit Deus
Odium atque regnum.

8. REPERIT AMAN SUPER LECTUM (non nocturnum Vers. 8.
ad sommum, sed convivalem, in quo mensæ accumbabant) CORRUSSSE, IN QUO JACEBAT ESTHER, — ut supplex ad genua ejus provolutus ab ea postularet vitam sibi donari. Unde S. Athanasius in *Synopsi*: « Aman, inquit, cum regem mœrore affectum, et ira commotum propter indignum contra Judæos facinus vidisset, illo absente, reginæ supplicavit, ad genua illius procumbens. Rex cum ingressus videret Aman genua reginæ contingere, suspicatus quod id turpitudinis causa faceret, jussit eum in ligno, » etc. Idem tradit Severus Sulpitius: « Deinde, inquit, regressus rex vidit Aman Reginæ genua complexum. » Olim enim supplices tenebant genua ejus, cui supplocabant, quasi sedem misericordiæ, idque ob quatuor causas quas fuse recensui, *Exodi* IV, 15.

ET AIT (Rex): ETIAM REGINAM VULT OPPRIMERE, ME PRÆSENTE. — Dixit hoc rex, partim ex ira, partim ex zelotypia, qua deperibat Estherem; hæc

enim suspicax est mali et rivalium, etiam ubi re ipsa nil tale est, uti in Amano hic nihil crat. Suspiciatur ergo Amanum velle Estherem opprimere, id est non tam vitæ, quam pudicitiae ejus vim afferre, illectum eximia ejus forma, uti eadem illectum se sentiebat Assuerus (1).

ET STATIM OPERUERUNT FACIEM EJUS. — Ita faciebant illi, cui rex erat offensus, quasi qui indignus esset videre faciem regiam, et ne rex videns faciem sibi invisam ad majorem iram et indignationem commoveretur. Rursum operuerunt faciem Amani, quasi rei mortis et pene condemnati. Ita Lyranus; nam damnati ducebantur ad mortem oculis velatis, ne scilicet videntes patriam, cives, amicos, liberos, uxores non jam semel, sed septies morte obirent. Sic jam reis capite mulctandis velantur oculi, ne videant gladium in cervicem suam vibrari, itaque expavescant, et ictum gladii cadendo declinent ac frustrentur. Hinc illa priscorum Judicum Romanorum in reum feralis sententia apud Livium et Ciceronem : « I, lictor, colliga manus, caput obnubito, verberato, arbori infelici (cruci) suspendito. »

Vers. 9. 9. **DIXITQUE HARBONA : EN LIGNUM QUOD PARAVIT MARDOCHÆO, QUI LOCUTUS EST PRO REGE,** — puta pro regis salute, detegens ei conjuratorum insidias. Harbona erat eunuchus, qui a rege missus ad accersendum Aman, ut secum iret ad convivium Estheris, ingrediens domum Amani, vidit in ea patibulum, et a domesticis, ait Josephus, intellexit Amanum illud erexisse Mardochæo; unde id ipsum hic regi denuntiat, videns regem illi offensum, et Amano ob fastum, ut videtur, infensus, optansque eum e medio tolli et suspendi.

Vers. 10. 10. **SUSPENSUS EST ITAQUE AMAN,** — non in domo sua, sed in porta urbis Suscrum, ut dicitur cap. XVI, vers. 18. Eo enim patibulum ex domo Aman translatum fuit ad majorem ejus ignominiam, ut omnibus ingredientibus et egredientibus urbem jam suspensus esset spectaculo et ludibrio, qui paulo ante ab omnibus adorabatur ut Deus. Gretserus, lib. I *De cruce*, cap. XIX, suspicatur Amanum clavis fuisse cruci affixum; alii laqueo in collum injecto, uti jam fit; nil hac in re est certi. Illud certum, crucem hanc fuisse altam 50 cubitos, ut qui

(1) Tanta aliunde cura Persarum reges uxores et concubinas custodiebant, ut capite damnarent non solum qui illas violare attentassent, sed proprius in via ad lecticam accessissent, vel coram illis transissent in itinere.

altissima petierat, altissime suspenderetur, omnibusque fieret conspicuus. Vide hic *primo* quanæ efficaciæ fuerint jejunia et preces Estheris, Mardochæi et Judæorum; *secundo*, quam verum sit illud B. Virginis : « Deposuit potentes de sede, et exaltavit humiles; » *tertio*, quam mundana omnia sint instabilia et vana; ecce enim repente Aman summus fit imus, et Mardochæus imus fit summus, nimirum impii et superbi

Tolluntur in altum,
Ut lapsu graviore ruant.

Quarto et proprie, quam malum, quod quis alteri struit inique, in instruentem revolvatur, ac in aucto-
justo Dei judicio in ejus caput recidat. Crux enim rum reci-
parata Mardochæo data fuit paranti Amano. Sic exempla.
Phalaris Perillum sugerentem sibi, ut reos tor-
queret in bove æneo igne subjecto, ut eorum mu-
gitu aures suas oblectaret, primum in bovem con-
jecit, de quo Ovidius, lib. I *De arte amandi*.

Et Phalaris tauro violenti membra Perilli
Torruit : infelix imbuit auctor opus.

Addit exemplum Busiridis, qui Thrasum sugge-
rentem, ut hospites suos immolaret Jovi ad im-
petrandam pluviam, ipsummet Thrasum immo-
lavit :

Fies Jovis hostia primus,
Inquit, et Ægypto tu dabis hospes aquam.

Unde hoc epiphonemate concludit :

Neque enim lex justior ulla est;
Quam necis auctores arte perire sua.

Denique vide hic quanta sit mundi fallacia. Unde jure exclamat S. Bernardus, *epist. 107* : « O sæculum nequam, quod solos tuos sic soles beare amicos, ut Dei facias inimicos. Invenit Aman gratiam apud regem Assuerum; hæc illi gratia crucem perperit. Invenit gratiam apud Absalonem Achitophel; hæc illi suspendium attulit. » Et S. Augustinus, *epist. 144 ad Anastasium* : « Mundus iste, ait, periculosior est blandus, quam molestus, et magis cavendus cum se illum diligi, quam cum admonet cogitque contemni. » Ita videmus eos, qui magni sunt apud principes, sensim decidere, uti cecidit Sejanus, Achitophel, Aman, Joab, aliquique plurimi. Qui sapit ergo, ante casum tempestive se ab aula abducat.

CAPUT OCTAVUM.

SYNOPSIS CAPITIS.

Mardochæus succedit in dignitatem Amani. Esther a rege flagitat et impetrat ut litteræ Amani de mactandis Judæis revocentur, et novæ in Judæorum favorem scribantur. Unde exsultant Judæi.

1. Die illo dedit rex Assuerus Esther reginæ domum Aman adversarii Judæorum, et Mardochæus ingressus est ante faciem regis. Confessa est enim ei Esther quod esset patruus suus.
2. Tulitque rex annulum quem ab Aman recipi jussérat, et tradidit Mardochæo. Esther autem constituit Mardochæum super domum suam.
3. Nec his contenta procidit ad pedes regis, flevitque, et locuta ad eum oravit, ut malitiam Aman Agagitæ, et machinationes ejus pessimas, quas excogitaverat contra Judæos, juberet irritas fieri.
4. At ille ex more sceptrum aureum protendit manu, quo signum clementiae monstrabatur; illaque consurgens stetit ante eum,
5. et ait: Si placet regi, et si inveni gratiam in oculis ejus, et deprecatio mea non ei videtur esse contraria, obsecro ut novis epistolis veteres Aman litteræ, insidiatoris et hostis Judæorum, quibus eos in cunctis regis provinciis perire præceperat, corrigantur.
6. Quomodo enim potero sustinere necem et interfectionem populi mei?
7. Responditque rex Assuerus Esther reginæ et Mardochæo Judæo: Domum Aman concessi Esther, et ipsum jussi affigi cruci, quia ausus est manum mittere in Judæos.
8. Scribite ergo Judæis, sicut vobis placet, regis nomine, signantes litteras annulo meo. Hæc enim consuetudo erat, ut epistolis, quæ ex regis nomine mittebantur, et illius annulo signatæ erant, nemo auderet contradicere.
9. Accitisque scribis et librariis regis (erat autem tempus tertii mensis, qui appellatur Siban) vigesima et tertia die illius, scriptæ sunt epistolæ, ut Mardochæus voluerat, ad Judæos, et ad principes, procuratoresque et judices, qui centum viginti septem provinciis ab India usque ad Æthiopiam præsidebant; provinciæ atque provinciæ, populo et populo, juxta linguas et litteras suas, et Judæis, prout legere poterant, et audire.
10. Ipsæque epistolæ, quæ regis nomine mittebantur, annulo ipsius obsignatæ sunt, et missæ per veredarios: qui per omnes provincias discurrentes, veteres litteras novis nuntiis prævenirent.
11. Quibus imperavit rex, ut convenienter Judæos per singulas civitates, et in unum præciperent congregari, ut starent pro animabus suis, et omnes inimicos suos, cum conjugibus ac liberis et universis domibus, interficerent atque delerent, et spolia eorum diriperent.
12. Et constituta est per omnes provincias una ultiōis dies, id est, tertia decima mensis duodecimi Adar.
13. Summaque epistolæ hæc fuit, ut in omnibus terris ac populis, qui regis Assueri subjacebant imperio, notum fieret paratos esse Judæos ad capiendam vindictam de hostibus suis.
14. Egressique sunt veredarii celeres nuntia perferentes, et edictum regis pependit in Susan.
15. Mardochæus autem, de palatio et de conspectu regis egrediens, fulgebat vestibus regiis, hyacinthinis videlicet et aereis, coronam auream portans in capite, et amictus serico pallio atque purpureo. Omnisque civitas exultavit, atque lætata est.
16. Judæis autem nova lux oriri visa est, gaudium, honor et tripudium.
17. Apud omnes populos, urbes atque provincias, quocumque regis jussa veniebant, mira exultatio, epulæ atque convivia, et festus dies; in tantum ut plures alterius gentis et sectæ eorum religioni et cæremoniis jungerentur. Grandis enim cunctos Judaici nominis terror invaserat.

1. DIE ILLO DEDIT REX ASSUERUS (Græce Artaxerxes) ESTHER REGINÆ DOMUM AMAN, — omni pretiosa supellectile instructam, ac auro argentoque refertam, ut patet ex Septuaginta et Josepho. Bona

enim Amani quasi rei læsæ majestatis rex fisco addixit, deditque reginæ, juxta illud Cyri apud Josephum, lib. XI *Antiq.* cap. I : « Qui per inobedientiam hæc mandata nostra (nempe de ædificando templo) irrita habuerint, eos in crucem agi volo, et facultates ipsorum fisco nostro attribui. » Idem postea edixit Darius, libro I *Esdræ*, cap. VI, vers. 11 : « A me, inquit, positum est decretum, ut omnis homo qui hanc mutaverit iussumem tollatur lignum de domo ipsius, et erigatur, et configatur in eo, domus autem ejus publicetur. »

ET MARDOCHÆUS INGRESSUS EST ANTE FACIEM REGIS, — q. d. Factus est regi intimus, conjunctissimus, et familiarissimus quasi proximus a rege, uti fuerat Aman.

Vers. 2. **2. TULITQUE REX ANNULUM, QUEM AB AMAN RECIPI JUSSERAT, ET TRADIDIT MARDOCHÆO.** — Erat hic annulus regius, quo Aman litteras suas de Judæis interficiendis subsignaverat quasi sigillo regio. Itaque hic annulus erat summæ dignitatis et auctoritatis, fecitque Mardochæum regis vicarium et quasi alterum regem. Unde Alexander ab Alexandre, libro II *Genial.* cap. IX : « Apud Persas, inquit, donari annulo a rege amicitiae signum erat, eo argumento illos in intimam sodalitatem, et vinculum maximi fœderis admittere significantes. »

Hinc et Mardochæus vestibus regiis et corona aurea decoratus fuit, ac cap. IX, vers. 4, vocatus « princeps palati », ac cap. X, vers. 3 : « secundus a rege, » atque ut ait Josephus, lib. XI, cap. VI : « Simul cum rege gubernavit imperium. »

ESTHER AUTEM CONSTITUIT MARDOCHÆUM SUPER DOMUM SUAM, — ut ejus esset œconomus, imo rector, uti fuerat, antequam ipsa esset regina. Serarius censem Estherem dedisse Mardochæo domum Amani, sibi a rege donatam, idque tradit Joseph, lib. XI, cap. VI; verum hoc proprie his verbis non significatur.

Vers. 5. **5. OBSECRO UT NOVIS EPISTOLIS VETERES AMAN LITERÆ, etc., CORRIGANTUR.** — Hic erat nodus difficilis; nam Aman scripserat, et sigillaverat litteras de occidendis Judæis nomine regis; regis autem Persarum litteræ et decreta erant irrevocabilia (1), ut patet in Daniele damnato ad lacum leonum, *Daniel.* cap. VI, vers. 15. Quocirca Esther genuflexione, lacrymis, omnique arte connisa est ut regem flecteret ad irritandas hasce litteras. Ac prudenter hac ratione et methodo usa rem confecit, quod diceret has non esse regis, sed Amani litteras, quas ipse inscio rege subdole scripserat, et annulo regio obsignarat. Cum autem jam regi constaret Amanum fuisse insidiatorem et proditorem, æquum esse ut acta ejus scripta-

(1) Alii probabilius putant regis edicta ejus sigillo obsignata, et assensu optimatum regni confirmata, irreformabilia fuisse; dum e contra edicta quæ obsignata sollempmodo regis sigillo erant, revocari licet rarissime poterant.

que proditoria irritentur, utpote fraudulenter ignorantis regi supposita, ac in reges et regni totius damnum æque ac dedecus promulgata. Hac ratione persuasit regi ut litteras Amani quasi hostis et insidiatoris sui abrogaret, ac contrarias in Judæorum favorem dictaret, ut ipse rex asserit in iisdem, cap. XVI, 17. Sic enim rex noxam et infamiam omnem prioris edicti a se abstersit, et in Amanum transtulit, dum contrarium decretum pro Judæis edidit.

9. ACCITISQUE SCRIBIS ET LIBRARIIS. — Scribæ Vers. 9. erant primicerii, qui litteras dictabant, librarii qui a scribis dictata describebant, tum ut ad provincias mitterentur, tum ut in archivum et tabulas annalesque publicos referrentur.

11. QUIBUS (veredariis sive cursoribus) IMPERAVIT REX, UT CONVENIRENT JUDÆOS, — ut scilicet eis significanterent edictum regis in ipsorum favorem editum, ne magistratus Judæis offensi aliquo praetextu illud dissimulare, tardare, vel suppressere possent; sed ab ipsis Judæis cogerentur illud exequi; comminarenturque se, ni id facerent, eos apud regem accusaturos tanquam regli edicti contemptores. Addunt Septuaginta hic et Noster, cap. XVI, regem hoc edicto Judæis concessisse ut suis legibus ubique viverent (2).

15. MARDOCHÆUS AUTEM, etc., FULGEBAT VESTIBUS Vers. 15. **REGIIS, HYACINTHINIS VIDELICET ET AERIIS.** — id est candidis, ut habent Hebræus et Chaldæus. Vide dicta cap. I, vers. 6. Ab hoc colore nobiles dicti sunt כָּרְמִים horim, quasi candidi. Candidas quoque vestes olim induebant in diebus festis et lassis, quale hoc erat, juxta illud : « Omni tempore sint vestimenta tua candida, » *Ecclesi. ix*, 8. Vide ibi dicta.

CORONAM AUREAM PORTANS IN CAPITE, — more Persico radiatam, id est radios instar mithræ, sive solis (quem Persæ ut Deum colebant) vibrantem. En tibi Mardochæus quasi alter rex, qui paulo ante squalidus et luridus incedebat, et cruci destinatus : « Ad tantam dignitatem, ait S. Hieronymus in cap. I *Daniel.* sub finem : voluit Deus evehi Mardochæum, ut sicut olim in Josepho, et recenter in Daniele, hic nunc in Mardochæo haberent captivi et exules Judæi solatia, videntes hominem gentis suæ nunc Ægyptiorum esse principem, nunc Chaldæorum, nunc Persarum. » Unde Chal-

(2) Vers. 11 : *Et omnes inimicos suos cum conjugibus ac liberis et universis domibus interficerent atque deterent.* Quærenti quo jure Judæi poterant innocentes cum reis interficere, respondemus : Apud Persas ob patris crimen liberi, uxores, etc., plectebantur, et privilegium hoc ab Assuero Judæis concessum est se ulciscendi et privatas injurias per se puniendi. Attamen istarum legum instituta tueri non volumus, nec laudamus Judæos qui sub eorum imperio agentes, his legibus etiam in quibus sæva et iniqua continent, se subjiciebant. Hic vero in promptu est dicere ab hostibus suis poenam solummodo talionis auctoritate publica et regis jussu, Judæos exegisse, et aliunde innocentes non interfecisse, cum semper fere dicuntur « occisi viri, » cap. IX, 6, 12, 15.

dæus, *Cant. vii, 5*: *Pauperes*, ait, *e populo, qui ambulabant apud Principem hinc et inde, eo quod egeni sunt, futurum est, induantur purpura, sicut induitus est Daniel in civitate Babylonis, et Mardochæus in Susis propter meritum Abrahæ, quem regem constituit ab initio sæculi; et propter justitiam Isaac, quem ligavit pater ejus, ut offerret eum: et propter benignitatem Jacob, qui decorticavit virgas in canabis.*

Pers. 16. 16. **JUDÆIS AUTEM** (timore, mœrore et angore confectis, et quasi semimortuis) **NOVA LUX ORIRI VISA EST, GAUDIUM, HONOR ET TRIPUDIUM.** — Lætitia enim gestientes exultabant, choros agentes et tripludiantes.

Allegorice Esther est B. Virgo, de qua in sensu mystico dicitur *Eccli. l, 6*: « Quasi stella matutina in medio nebulæ; » quoniam velut fulgida stella processit effugans tenebras, de qua S. Bernardus, homil. 2 *Super missus est*: « Ipsi est nobilis stella Jacob, cuius radius universum mundum illuminat, cuius splendor præfulget in supernis, et inferos penetrat, terras etiam perlustrans, et calefaciens magis mentes, quam corpora, fovet virtutes, excoquit vitia.

Denique notat Serarius in hac Amani tragœdia septuplicem catastrophen :

Primo, exaltatus supra omnes Principes erat Aman : infra omnes postea dejectus est.

Secundo, alterum a rege thronum habebat : Mardochæo equum sternere postea debuit, ut ejus veluti strator, et a pedibus esset.

Tertio, minacissima in eum verba plurima jecerat : et eum laudare, præconis instar debuit.

Quarto, pater a rege vocabatur, et ab eodem

postea læsæ majestatis reus, perduellis, proditor, τριβαλτητίκος nominatus est.

Quinto, indignans, oculis quam infestissimis et torvissimis, Mardochæum intuebatur : et Regis postea vultum ferre non potuit.

Sexto, non contentus unius Mardochæi cæde, omnium Judæorum sanguinem haurire volebat ; et ipse non solus, sed tota cum domo, cum decem carissimis filiis in crucem actus est, plurimaque ejusdem cum ipso animi, gentilium millia contrucidata.

Septimo, quod lignum, quemque diem Mardochæo, Judæisque cæteris ad necem præscripserat, iis ipse, cum suis, miserrime perit.

17. **IN TANTUM UT PLURES ALTERIUS GENTIS ET** *Vers. 17.* **SECTÆ, EORUM (Judæorum) RELIGIONI ET CEREMONIIS JUNGERENTUR**, — id est circumciderentur, et ad Judaismum verumque Dei cultum converterentur. Videbant enim hanc mirabilem et insperatam Judæorum salutem et exaltationem sine speciali Dei, res populi sui curantis, providentia accidere non potuisse. Quare Dei potentiam, clementiam et providentiam erga Judæos agnoscentes, eum verum esse Deum profitebantur et venerabantur. Ad hoc etiam juvit non parum Estheris et Mardochæi religio et sanctitas, juncta cum tanta auctoritate et gloria; unde sequitur :

GRANDIS ENIM CUNCTOS JUDAICI NOMINIS TERROR INVASERAT, — ne sibi facerent quod Amano fecerant, quodque propediem cæteris hostibus suis ex regis edicto, vers. 13, facturi erant. Quare ne haberentur hostes Judæorum, ideoque occidentur, ostendebant alii vere, alii ficte se eorum esse amicos, fiebantque proselyti.

CAPUT NONUM.

SYNOPSIS CAPITIS.

Judæi hostes suos, eodem die quem illi neci ipsorum destinabant, occidunt, et decem Amani filios suspendunt; in hujus beneficii memoriam perenne festum 14 et 15 die mensis Adar a Mardochæo instituitur.

1. Igitur duodecimi mensis, quem Adar vocari ante jam diximus, tertia decima die, quando cunctis Judæis imperfectio parabatur, et hostes eorum inhabant sanguini, versa vice Judæi superiores esse cœperunt, et se de adversariis vindicare. 2. Congregatique sunt per singulas civitates, oppida, et loca, ut extenderent manum contra inimicos et persecutores suos. Nullusque ausus est resistere, eo quod omnes populos magnitudinis eorum formido penetrarat. 3. Nam et provinciarum judices, et duces, et procuratores, omnisque dignitas quæ singulis locis ac operibus præerat, extollebant Judæos timore Mardochæi; 4. quem principem esse palatii, et plurimum posse cognoverant; fama quoque nominis ejus crescebat quotidie, et per cunctorum ora volitabat. 5. Itaque percutserunt Judæi inimicos suos plaga magna, et occiderunt eos, reddentes eis quod sibi paraverant facere; 6. in tantum ut etiam in Susan quingentos viros interficerent, extra decem filios Aman Agagite hostis Judæorum; quorum ista sunt nomina : 7. Pharsandatha, et Delphon, et Esphatha, 8. et Phoratha, et

Adalia, et Aridatha, 9. et Phermestha, et Arisai, et Aridai, et Jezatha. 10. Quos cum occidissent, prædas de substantiis eorum tangere noluerunt. 11. Statimque numerus eorum, qui occisi erant in Susan, ad regem relatus est. 12. Qui dixit Reginæ : In urbe Susan interfecerunt Judæi quingentos viros, et alios decem filios Aman ; quantam putas eos exercere cædem in universis provinciis ? Quid ultra postulas, et quid vis ut fieri jubeam ? 13. Cui illa respondit : Si regi placet, detur potestas Judæis ut, sicut fecerunt hodie in Susan, sic et cras faciant, et decem filii Aman in patibulis suspendantur. 14. Præcepitque rex ut ita fieret. Statimque in Susan pependit edictum, et decem filii Aman suspensi sunt. 15. Congregatis Judæis quarta decima die mensis Adar, interfecti sunt in Susan trecenti viri : nec eorum ab illis direpta substantia est. 16. Sed et per omnes provincias, quæ ditioni regis subjacebant, pro animabus suis steterunt Judæi, interfectis hostibus ac persecutoribus suis ; in tantum ut septuaginta quinque millia occisorum implerentur, et nullus de substantiis eorum quidquam contingeret. 17. Dies autem tertius decimus mensis Adar, primus apud omnes interfectionis fuit, et quarta decima die cædere desierunt. Quem constituerunt esse solemnem, ut in eo omni tempore deinceps vacarent epulis, gaudio atque conviviis. 18. At hi qui in urbe Susan cædem exercuerant, tertio decimo et quarto decimo die ejusdem mensis in cæde versati sunt ; quinto decimo autem die percutere desierunt. Et idcirco eumdem diem constituerunt solemnem epularum atque lætitiae. 19. Hi vero Judæi, qui in oppidis non muratis ac villis morabantur, quartum decimum diem mensis Adar conviviorum et gaudii decreverunt, ita ut exultent in eo, et mittant sibi mutuo partes epularum et ciborum. 20. Scripsit itaque Mardochæus omnia hæc, et litteris comprehensa misit ad Judæos, qui in omnibus regis provinciis morabantur, tam in vicino positis, quam procul, 21. ut quartam decimam et quintam decimam diem mensis Adar pro festis susciperent, et revertente semper anno solemni celebrarent honore, 22. quia in ipsis diebus se ulti sunt Judæi de inimicis suis, et luctus atque tristitia in hilaritatem gaudiumque conversa sunt, essentque dies isti epularum atque lætitiae, et mitterent sibi invicem ciborum partes, et pauperibus munuscula largirentur. 23. Suscepseruntque Judæi in solemnem ritum cuncta quæ eo tempore facere cœperant, et quæ Mardochæus litteris facienda mandaverat. 24. Aman enim filius Amadathi stirpis Agag, hostis et adversarius Judæorum, cogitavit contra eos malum, ut occideret illos, atque deleret, et misit phur, quod nostra lingua vertitur in sortem. 25. Et postea ingressa est Esther ad regem, obsecrans ut conatus ejus litteris regis irriti fierent ; et malum, quod contra Judæos cogitaverat, reverteretur in caput ejus. Denique et ipsum et filios ejus affixerunt cruci, 26. atque ex illo tempore dies isti appellati sunt Phurim, id est sortium ; eo quod phur, id est sors, in unnam missa fuerit. Et cuncta quæ gesta sunt, epistolæ, id est libri hujus volumine continentur ; 27. quæque sustinuerunt, et quæ deinceps immutata sunt, suscepserunt Judæi super se et semen suum, et super cunctos qui religioni eorum voluerunt copulari, ut nulli liceat duos hos dies absque solemnitate transigere ; quos scriptura testatur, et certa expetunt tempora, annis sibi jugiter succendentibus. 28. Isti sunt dies quos nulla unquam delebit oblivio ; et per singulas generationes cunctæ in toto orbe provinciæ celerabunt ; nec est ulla civitas, in qua dies phurim, id est, sortium, non observentur a Judæis, et ab eorum progenie, quæ his cæremoniis obligata est. 29. Scripseruntque Esther regina filia Abihail, et Mardochæus Judæus, etiam secundam epistolam, ut omni studio dies ista solemnis sanciretur in posterum ; 30. et miserunt ad omnes Judeos, qui in centum viginti septem provinciis regis Assueri versabantur, ut haberent pacem, et susciperent veritatem, 31. observantes dies sortium, et suo tempore cum gaudio celebrarent ; sicut constituerant Mardochæus et Esther, et illi observanda suscepserunt a se, et a semine suo, jejunia et clamores, et Sortium dies, 32. et omnia quæ libri hujus, qui vecatur Esther, historia continentur.

Vers. 1. **1. Igitur duodecimi mensis, quem Adar vocari ante jam diximus, decima tertia die, quando cunctis Judæis imperfectio parabatur, et hostes eorum inhibabant sanguini, versa vice Judæi superiores esse coeperunt.** — Adar mensis duodecimus et anni ultimus respondet nostro februario. Primus enim Hebræorum mensis erat Nisan, id est martius, quia in eo celebrabant Pascha, *Exodi XII.* Porro Judæi utebantur mensibus lunaribus, non solaribus; quare neomenia, sive novilunium erat prima dies mensis; decima tertia vero dies erat proxime antecedens plenilunium; hoc enim incidebat in diem decimum quartum. Hic ergo dies pridianus plenilunii februarii destinatus fuerat cædi Judæorum, et mox vice versa cædi hostium Judæorum. Quocirca etiamnum Judæi illo die in synagogis suis quotannis legunt historiam Esther; et quoties fit mentio Amani, pugnis et malleis pulsant scamna, perinde ac si caput Amani ferirent, uti testantur Antonius Margarita, lib. *De ritibus Judæorum*, et Gregorius Tolosanus, *syntag.* lib. II, cap. XVI, numero 10. Porro Judas Machabæus aliud festum in eadem die 13 Adar instituit, ob insignem victoriam eadem die de Nicanore obtentam, de quo II *Machab.* cap. ult. vers. 37.

6. Ut etiam in Susan quingentos viros interficerent extra decem filios Aman, — quos primos publice in theatro, ut videtur, quasi reos a rege damnatos occiderent; cædem enim inchoarunt a filiis Aman hostis sui jurati, quasi a primitiis primisque justæ suæ vindictæ victimis; deinde eorum jam occisorum corpora postero die suspenderunt in patibulis, ut dicitur vers. 14, ad majorem Amani ignominiam et hostium terrorem. Igitur mense tertio rex tulit edictum, ut Judæi trucidarent filios Aman, cæterosque suos adversarios, ut dictum est cap. VIII, 9. Quare Judæi mox filios Aman, ne fuga elaberentur, incluserunt in carcerem, ac post novem menses, puta die 13 mensis duodecimi, quæ cædi erat destinata, eos jugularunt, et postero die jugulatos suspenderunt. Dices: cap. VI, 18, rex ferens hoc edictum ait Amanum et omnem cognitionem ejus ante portam Susan pendere in patibulis; ergo filii Aman cum eo occisi sunt mense tertio, non duodecimo. Respondeo per « cognitionem » ibi non intelligi filios (alioquin enim eos explicite nominasset), sed cognatos et affines Aman; hi enim ut ejus fautores cum eo suspensi sunt; filii vero ad communem omnium cædem, et ad diei 13 Adar publicum spectaculum justæ vindictæ reservati fuere.

Vers. 10. **10. Quos cum occidissent, prædas de substantiis eorum tangere noluerunt,** — tum ut ostenderent se non aliud, quam vitæ sue incolumentem quaerere; hanc enim perdere volebant ii qui occidebantur; quare se non inhiare opibus, nec propter opes innoxium aliquem divitem (uti saepe fit) inter noxios interficere; tum denique, quia Aman utpote Judæorum juratus hostis, erat quasi ana-

tema, ut nemo ejus et filiorum res attingere auderet. Idem fecere cæteris occisis, quorum facultates diripere noluerunt, ut dicitur vers. 16, etsi rex id eis concessisset, cap. VIII, 11. Utinam Christiani duces et milites eos imitentur, qui non tantum inimicos, sed etiam amicos saepe spoliant, imo spe prædæ mactant?

16. Ut Septuaginta quinque millia occisorum implerentur. — Ingens fuit hic hostium, ideoque et cæsorum numerus, quia Judæi de vita securi esse non poterant, nisi iis occisis. Et hoc est quod hic dicitur: « Pro animabus suis (pro vita sua tuenda constanter cæderentes hostes suos) steterunt Judæi imperfectis hostibus, » etc. Nisi enim ipsi imperfecti fuissent, timendum erat ne rursum Judæos invaderent, imo contra regem rebellarent. Porro jussit Mardochæus Judæis, ut diligenter inquirerent et annotarent, qui revera essent Judæorum hostes et noxios occideretur, ut factum est in Vesperis Siculis et Parisiensibus, ideoque per novem menses cædem differri jussit, scilicet a mense tertio usque ad duodecimum.

26. Atque ex illo tempore dies isti) 13 et 14 Vers. 26. Adar, quibus Judæi mactandi mactarunt suos hostes) **APPELLATI SUNT PHURIM, ID EST SORTIUM:** **EO QUOD PHUR, ID EST SORS, MISSA FUERIT IN URNAM.** — Sic hoc festum, ait Sanchez, « Phurim » appellatur, id est sortium, non a libertate, quam eo die consecuti sunt Judæi hostibus imperfectis, aut domitis; sed a sortibus quas consuluit Aman, et quæ in eundem decimum tertium diem mensis Adar Judæorum cædem destinarunt, ut, dum dies ille aniversario reditu recurrit, periculi illius renovetur memoria, in quo fuerunt, et qualem habuerunt animorum consternationem et angorem, cum de sortibus ac die nuntium accepere.

Perperam in Septuaginta Romanis pro « phurim » ut habent Septuaginta Complutensibus legitur *phurim*; unde et Joseph dies hos φρουρας, appellat. Nisi malis Septuaginta et Josephum voceem *phurim* addita littera *r* commutasse in φρουριη, ut alluderent ad Græcum etymon verbi φρουρεων, quod servare et custodire significat, q. d. Dies habet hostibus fuere vocati « Phurim, » id est sortium, item confraktionum, quibus scilicet genus nostrum confringerent (hoc enim significat hebreice et arabice *phur*); sed a Deo per Esther et Mardochæum ex phurim facti sunt φρουριη, id est custodes et conservatorii, quibus scilicet in vita incolumes conservaremur, hostibus vero facti sunt iidem dies « pharim, » id est confraktionum; quibus nimirum ipsimet a nobis confringentur et mactarentur.

Sic allegorice dies passionis Christi fuere dies « phurim, » id est sortium et confraktionum, quibus scilicet Judæi miserunt sortem de occidendo Christo pro Barabba; ac milites de dividenda Christi erucifixi tunica; tunc enim ipsi carnem Christi confregerunt clavis, flagellis, spinis; sed hi dies « phurim » per Christum facti sunt phru-

*rim, sive φρυγανοί, id est, custodes et conservato-
rii; quia omnes in Christum credentes, sperantes,
et diligentes liberarunt a peccato, morte et in-
ferno. Idem dies Judæis facti sunt «phurim» quia
illis ipsis, puta in Paschate post 38 annos Jeru-
salem a Tito capta, vastata, et funditus excisa est.*

*Idipsum præsignificavit sors in die expiationis
jaci solita in duos hircos, alterum emissarium,
alterum pro peccato immolandum, Levit. xvi,
8 et 9. Vide ibi dicta.*

*Tropologice festum «phurim» agunt sancti,
cum sortes adversæ in prosperas commutantur;
uti commutatæ fuere sancto Job, cap. ult. Jose-
pho, Gen. xli, 41; Mosi, Exodi iv et v; Davidi,
Tobiæ, aliisque sanctis, ac nominatim S. Eustac-
hio, ut liquet ex ejus vita apud Surium, die 20
septembbris.*

*Anagogice dies «phurim», id est sortium, erit
dies judicii, quo Christus sortes piorum in hac
vita afflictorum, et impiorum in hac vita exultan-
tium commutabit, ac piis perpetuam lætitiam,
impiis perennem gehennam assignabit, uti docet
Sapiens cap. v, 1, et Isaías cap. lxv, 12 et Chri-
stus ipse Lucæ vi, 21 et 25.*

**ET CUNCTA QUÆ GESTA SUNT, EPISTOLÆ, ID EST LI-
BRI HUJUS VOLUMINE CONTINENTUR.** — Hinc colligitur
Mardochæum libri hujus esse auctorem. Ipse
enim auctor fuit epistolæ hujus; epistola autem
idem continebat, quod continet hic liber; sed
quæ prius in epistola breviter scripserat Mardo-
chæus, eadem in librum hunc referens fusius
conscriptis, et accuratius elimavit.

Vers. 27. 27. QUÆQUE SUSTINUERUNT («Judæi» ab Aman
ejusque asseclis), **ET QUÆ DEINCEPS IMMUTATA
SUNT** sorte cædis Judæorum ab ipsis in hostes
conversa; repete, «libri hujus volumine conti-
nentur,» atque in horum memoriam, et gratia-
rum actionem) SUSCEPERUNT JUDÆI SUPER SE ET
SUPER SEMEN SUUM); hoc est, obligarunt se, suos-
que filios, et posteros, quin et proselytos qui RE-
LIGIONI EORUM VOLVERUNT COPULARI, (celebrare hoc
festum «phurim», id est sortium,) UT NULLI LI-
CEAT DUOS HOS DIES ABSQUE SOLEMNITATE TRANSI-
GERE, — non quod omnes utrumque diem de-
beant agere festum, sed quod alterum ex duobus,
vel certe tertium a cæde: nam Judæi habitantes
Suis, quia tam die 13 quam 14 ceciderant suos
hostes, hinc die 15 Adar quo cessarant a cæde,
festum «phurim» celebrarunt; cæteri autem qui
uno die citius, puta decima quarta a cæde absti-
nuerant, eadem die festum agebant.

Quos (dies) SCRIPTURA (id est epistola Mardochæi
postea a tota Synagoga confirmata) TESTATUR, —
id est, contestatur et mandat esse annua memoria
et gratitudine recolendos.

**ET CERTA EXPETUNT TEMPORA ANNIS SIBI JUGI-
TER SUCCEDENTIBUS,** — ut scilicet quotannis cele-
brentur certo statoque tempore, puta diebus 14
et 15 jam dictis, idque non solum ex Mardo-
chæi, sed et Assueri decreto, qui idipsum non

solum Judæis, sed et Persis, cæterisque gentibus
suo imperio subditis præcipit, cap. xvi, vers. 22
et 24 (1).

Anagogice festum sortium significat festum et
gaudium beatorum in cœlo de triumphato dæ-
mone, mundo, tyrannis, cæterisque persecutori-
bus, qui sortes miserant de eorum perditione;
sed per virum unum, et per unam mulierem li-
berati sunt, id est, per Christum et Mariam, et
inimicos suos gladiis punient, sicut scriptum est
*Psalm. cxlix, 6: «Et gladii ancipites in manibus
eorum, ad faciendam vindictam in nationibus,
increpationes in populis, ad alligandos reges eo-
rum in compedibus, et nobiles eorum in manicis
ferreis, ut faciant in eis judicium conscriptum:
gloria hæc est omnibus sanctis ejus.»* Hoc in fine
sæculi, id est in die judicii, continget; ideo duo-
decimo mense celebratur. Die decima quarta agi-
tur, id est in plenilunio, quoniam cum Sancti
cum Christo judicabunt nationes, et dominabun-
tur populis, jam ecclesia Sanctorum plenitudi-
nem decoris sui habebit.

Verum solemnitati additur dies decimus quin-
tus, ut significetur hoc secundo die gaudium,
quod Sancti capient videntes semper impiorum
persecutorum damnationem, sicut in Isaia scrip-
tum est: «Et egredientur et videbunt cadavera
virorum, qui prævaricati sunt in me. Vermis
eorum non morietur, et ignis eorum non extin-
guetur; et erunt usque ad satietatem visionis
omni carni.» Ita Ribera, lib. V *De Temp.*, cap. ult.

30. UT HABERENT PACEM ET SUSCIPERENT VERITA- *Vers. 30*
TEM. — Hebræus, *Miserunt epistolas verborum pacis
et veritatis*, id est, precantes eis pacem, hoc est
omnimodam prosperitatem, et exhortantes eos ad
veritatem, id est, fidelitatem et constantiam in
servandis promissis de festo «phurim» statis die-
bus celebrando.

31. ET ILLI OBSERVANDA SUSCEPERUNT A SE, ET A *Vers. 31.*
SEMINE SUO JEJUNIA ET CLAMORES. — Solebant enim
Judæi pridie festorum jejunare, uti et faciunt
Christianæ in vigiliis Sanctorum; solebant tunc
quoque clamores precibus miscere, ac in fortitudi-
ne clamare ad Dominum, præsertim in publica
calamitate, uti hic fecere Judæi ab Aman neci-
destinati; ideoque ejulantes et complorantes; in
quorum memoriam clamores hosce quotannis
eodem die renovabant cum strepitu et complo-
sione scannorum, uti dixi vers. 4; sicut Chris-
tiani in triduo passionis Christi crepitaculis et
complosionibus strepitus edunt: quod non-
nulli cum Serario ab hoc facto Hebræorum ma-
nassee suspicantur.

(1) Solent etiamnum hoc tempore Judæi has dies ce-
lebrare cum profusa hilaritate et immoderata in bibendo
intemperantia, quæ in licentiam et libidinem vergit.
Juxta Rabbinos his diebus vino se obruere licet, et qui-
vis Judæus bibere potest usque dum inter «maledictus
Aman» et «benedictus Aman» discernere non possit.
Alioli.)

Anagog
festum
sortium
est gau-
dium be-
atorum.

Adde S. Athanasium in *Synopsi*, eadem die 13 Adar, Judæos in memoriam et contumeliam Amani crucifixi crucem ligneam publice circumferre, eamque cum imagine Amani igne concremare. Verum quia multi Judæorum hac Amani tragædia Christi passionem et crucem repræsentabant et irridebant, quasi Christus esset personatus larva Amani, hac de causa Honorius et

Theodosius Imperatores hos eorum ritus et gestus inhibuere, ut patet Codice De Judæis et Cœlicolis L. Judæos, ubi sic dicitur: «Judæos quosdam festivitatis suæ solemnia ad pœnæ quondam sumptæ recordationem incendere, et sanctæ crucis assimulatam speciem in contemptum Christianæ fidei, sacrilega mente exurere provinciarum rectores prohibeant.

CAPUT DECIMUM.

SYNOPSIS CAPITIS.

Majestas et gloria æque ac virtus Mardochæi, qui vers. 4 somni sui explicationem de Judæorum in Perside afflictione, indeque liberatione et exaltatione enarrat.

1. Rex vero Assuerus omnem terram et cunctas maris insulas fecit tributarias : 2. cuius fortitudo et imperium , et dignitas atque sublimitas , qua exaltavit Mardochæum , scripta sunt in libris Medorum atque Persarum : 3. et quo modo Mardochæus Judaici generis secundus a rege Assuero fuerit; et magnus apud Judæos, et acceptabilis plebi fratrum suorum, quærens bona populo suo, et loquens ea quæ ad pacem seminis sui pertinerent.

Quæ habentur in Hebræo, plena fide expressi. Hæc autem quæ sequuntur, scripta reperi in editione vulgata, quæ Græcorum lingua et litteris continentur; et interim post finem libri hoc capitulum ferebatur: quod juxta consuetudinem nostram obelo, id est veru prænotavimus.

4. Dixitque Mardochæus : A Deo facta sunt ista. 5. Recordatus sum somnii, quod videram, hæc eadem significantis : nec eorum quidquam irritum fuit. 6. Parvus fons , qui crevit in fluvium, et in lucem solemque conversus est , et in aquas plurimas redundavit : Esther est, quam rex accepit uxorem, et voluit esse reginam. 7. Duo autem dracones : ego sum, et Aman. 8. Gentes, quæ convenerant : hi sunt, qui conati sunt delere nomen Judæorum. 9. Gens autem mea : Israel est, quæ clamavit ad Dominum, et salvum fecit Dominus populum suum ; liberavitque nos ab omnibus malis, et fecit signa magna atque portenta inter Gentes : 10. et duas sortes esse præcepit, unam populi Dei, et alteram cunctarum Gentium. 11. Venitque utraque sors in statutum ex illo jam tempore diem coram Deo universis gentibus : 12. et recordatus est Dominus populi sui , ac misertus est hæreditatis suæ. 13. Et observabuntur dies isti in mense Adar, quarta decima et quinta decima die ejusdem mensis , cum omni studio et gaudio in unum cœtum populi congregati, in cunctas deinceps generationes populi Israel.

1. REX VERO ASSUERUS OMNEM TERRAM ET CUNCTAS MARIS INSULAS (nimirum sibi suoque imperio subjectas) FECIT TRIBUTARIAS, — id est, novis tributis oneravit, tum quia ipse auri cupidior in tributa erat propensus ; tum quia magnis et magnificis suis in convivium tam amplum et continuum de quo cap. i, expensis ærarium exhauserat; tum quia Deus hoc tributo castigare volebat Persas, qui paulo ante cædi et spoliis innocentum Judæorum inhiarant.

3. MARDOCHÆUS JUDAICI GENERIS SECUNDUS A REGE ASSUERO. — Erat ergo quasi regis vicarius, et in

eius absentia rex; imo rege præsente Mardochæus rara sua prudentia et vigilantia gubernabat imperium, teste Josepho.

LOQUENS EA QUÆ AD PACEM SEMINIS SUI (id est, quæ ad commoda et prosperitatem Judæorum) PERTINERENT, — q. d. Mardochæus studebat commodis non propriis, sed populi sui. Res ejus præclare gestas omittit hic Scriptura, ac eas cipientem cognoscere remittit ad annales Medorum et Persarum.

Benjamin in Itinerario narrat Mardochæum et Estherem sepultos in urbe primaria Medorum,

dicta *Hamda magna*; sicutque suo tempore in ea fuisse 50 millia Judæorum. Nonnulli suspicantur a Mardochæo nominatam provinciam Mardochæam, quæ sita est inter Babyloniam et Sinum Persicum (1).

Hic in Hebræo finitur liber Esther: cætera quæ sequuntur ex Graeco in Latinum transtulit S. Hieronymus, ubi nota hæc ultima septem Estheris capita esse Scripturam Canonicam. Id patet tum ex definitione Concilii Tridentini, sessione IV, tum ex editione vulgata Latina et Græca Septuaginta. Quarum utraque hæc constanter legit, licet in Græca non habeantur seorsim, ut in Latina; sed quæque suis locis inserta sint ordine historico, ut olim quoque ante S. Hieronymum eadem suis locis inserta exstabant in editione Latina. Verum sanctus Hieronymus, quia Estherem ex Hebræo transtulit in Latinum, et ejus tempore hæc septem capita non exstabant in Hebræo, hinc ea ex Græco transtulit, ac seorsim posuit, et in calcem libri retulit post seriem totius historiæ. Exstisit autem olim illa ante S. Hieronymum Hebraice, patet ex Græca Septuaginta, et Latina vulgata prisca, atque ex Josepho, et Josippo filio Gorionis, qui hæc eadem habent, quæ Noster, utique non aliunde, quam ex prisco originali Hebræo. Verisimile est hunc librum æque ac Tobiæ bis Hebraice fuisse conscriptum, semel brevius, utijam Hebraicæ exstat, secundo fusius; indeque manasse translationem Græcam Septuaginta, et ex ea nostram, ideoque illam hasce attexere lacinias. Vide Fevardentium hic, et Bellarminum, lib. I De verbo Dei, cap. VII.

Vers. 4. 4. DIXITQUE MARDOCHÆUS: — cum jam suspenso Aman intelligeret somnii sui significationem.

Vers. 5. 5. RECORDATUS SUM SOMNII, QUOD VIDERAM, HAC EADEM SIGNIFICANTIS. — Somnium hoc ergo fuit a Deo immissum Mardochæo, ut per illud significaret futuram exaltationem sui et Estheris, ac collectationem cum Amano. Quocirca hoc somnium ordine historico collocandum est initio hujus libri, totiusque historiæ, ut ibidem collocatur in Græcis Romanis, Simile somnium a Deo immissum fuit Pharaoni, Genes. xli; et Nabuchodonosori, Daniel. II.

Vers. 6. 6. PARVUS FONS, QUI CREVIT IN FLUVIUM, ET IN LUCEM SOLEMQUE CONVERSUS EST, ET IN AQUAS PLURIMAS REDUNDAVIT, ESTHER EST, QUAM REX ACCEPIT UXOREM, ET VOLUIT ESSE REGINAM. — Somniarat ergo

(1) Etiamnum in Ecbatanis, hodie *Hamadan*, videtur Estheris et Mardochæi sepulcrum ex lateribus constructum, et cuius tholus supra pauperculas Judæorum domos eminet. Illud sepulcrum eodem loco reædificatum est quo situm erat vetus a Tamerlano eversum. Apud Judæos qui in Perside degunt, in magna veneratione adhuc habetur, et certis per annum diebus illud sepulcrum visitant eo penitentiæ animo quo in exilio contra Jerusalem sese vertebarant et orabant. Ejus sepulcri descriptionem videre est in *Excerptis ex itineribus* Sir Robert Ker Porter (Londini, 1821), et apud *Annales Philosophiae christianaæ*, tom. V, pag. 279.

Mardochæus, uti narratur cap. seq. versu 5, se videre parvum fontem, qui crevit in fluvium, in lucem solemque conversus est; ac postea intellexit hunc fontem esse Estherem, quæ antea abjecta et vilis, postea ita crevit, ut facta sit regina, et gentem Judæorum et numero, et robore, et gloria mire adauxerit, ideoque quasi sol in Perside totoque orbe radiis suæ virtutis et majestatis effulserit. Aptè Esther comparatur fonti: primo, quia sicut fons aquas continue eructans producit ingentem fluvium; sic Esther sua opera et studio ingentem produxit Judæorum populum, multosque Gentilium ad Deum et Judaismum convertit, ut dictum est cap. ix, vers. ult.; secundo, ipsa suis oculis et lacrymis quasi fontibus extinxit immane Amani incendium in Judæos conflatum, æque ac iram Dei; tertio, ipsa iisdem Tertia, quasi aquis torrentis ingentibus et vehementibus obruit, et demersit 75 millia Gentilium Judæis aduersantium; quarto, fons hic, qui ante erat in Quarto, tenebris cap. xi, 8, hoc est in summo mero et angore, IN LUCEM SOLEMQUE, id est, in lucidum solem (est hendyadis) CONVERSUS EST, — puta in summam lætitiam et felicitatem, cum Judæos morte liberavit, eosque de hostibus triumphare fecit.

Porro apposite fons hic dicitur conversus in Analogiam et solem, quia magna est affinitas et analogia fontis et solis: primo, quia sicut fons est origo et scaturigo fluminis, sic sol est luminis; sicut enim flumen manat a fonte, sic lumen a sole; similis enim est utriusque productio, profluxus, et emanatio; unde Hebraice נָהָר *nahr*, id est lux et lucerna, alludit ad נָהָר *nahar*, id est flumen, et ad שֶׁמֶן *or*, id est lumen, quia significat profluxum seu propagationem luminis seu fluminis, id est seminis et posteritatis; secundo, Secundo quia quod fons est in terra, hoc sol est in cœlo; sicut enim fons est quasi oculus terræ, sic sol est quasi oculus cœli, totum cœlum orbemque lustrans et ornans. Unde Hebr. יְמִין *ain* tam oculum quam fontem significat, quia quod oculus est in homine, hoc fons est in terra, et sol in cœlo; tertio, quia flumen ex fonte manans limpidum est, perspicuum, et clarum instar crystalli (imo crystallus non est aliud quam aqua fontis conglaciata), ac radiis solis illuminatum resplendet ut sol; quarto, quia ex fonte et aquis primigeniis creatus est sol et cœli. Unde et Hebraice Scamaim, q. d. ibi aquæ, vocantur, uti ostendi pluribus Gen. I, 7. Simili modo et analogia Esther hic quasi aquæ, id est pauper et abjecta, ab Assuero evecta ad solium regale quasi ad cœlum, facta est gloriosa et radians ut sol, ut jure fons solis, de quo Josue xv, 7, et cap. xviii, 17, vocari possit juxta id quod cap. xi, 11, de ea dicitur: « Lux et sol ortus est, et humiles exaltati sunt, et devoraverunt inclitos. »

Hinc S. Scriptura sæpe lumen et flumen combinat, ut Psalm. xxxv, 10: « Domine, apud te est

Esther
compara-
tur fonti.
Primo.

Analo-
gia fon-
tis et so-
lis.
Primo.

Secun-
do.

Terti-
o.

Quarto.

spons *vite*; et in lumine tuo videbimus lumen. » Et Apoc. xxii, 1, lumen gloriæ beatorum describitur per fluvium paradisi, cum ait : « Et ostendit mihi fluvium aquæ vite, splendidum tanquam crystallum procedentem de sede Dei et Agni. » Denique in fontibus subinde per reflexionem radiorum sol sui effigiem exprimit, facitque parelium, id est, alterum quasi solem, ut fons ipse videatur esse sol, uti dicam cap. seq. 10 et 11. Hoc est ergo paradoxum, hieroglyphicum Mardochæi somnium : « Ex aquis sol », id est, ex tribulatione oritur gaudium, ex adversitate prosperitas, ex desolatione consolatio, ex mœrore lætitia, ex humiliatione exultatio, ex mortificatione resurrectio. Fingunt Poetæ solem, cum occumbit ex labore diurno anhelum, se aquis et mari immergere, ut noctu se abluat et refrigret; quare mane ex iisdem rursus vegetum prodire et renasci; sic aquæ humiliationis refrigrant mentem operibus charitatis æstuantem, ut humilior et vegetior ex illis ad eadem resurgat et regrediat. Tunc fit istud, quod dicitur Job xi, 16 : « Miseriae quoque oblivisceris et quasi aquarum, quæ præterierunt, non recordaberis. Et quasi meridianus fulgor consurget tibi ad vesperam; et, cum te consumptum putaverit, orieris ut Lucifer. » Et illud Malac. iv, 2 : « Orietur vobis timentibus nomen meum sol justitiae, et sanitas in pennis ejus; et egrediemini, et salietis sicut vituli de armento. » Vide ibi dicta. Denique somnium hoc allusit ad morem Persarum, qui solem colebant quasi numen, ac reges suos vocabant soles. Unde Cyrus Persice idem est quod sol. Et Sapor Persarum rex, teste Ammiano, Mardonius, lib. XVII, scribens ad Constantium Imperatorem hunc sibi arrogat titulum : « Rex regum Sapor, particeps siderum, et frater solis et lunæ, Constantio fratri meo salutem. » Cum ergo Mardonius per visum vidit Estherem quasi solem, paulo post intellexit eam fore reginam Persarum, ac capite gestatarum coronam solarem, id est, radiis aureis quasi solaribus distinctam. Addit Josippus filius Gorionis, lib. II, cap. II, Mardonius Estherem in persecutione Amani afflictam consolatum fuisse refractione hujus sui somnnii, indeque spe certa liberationis secuturæ. Idem dicas de quadriennio toto, quo Esther quasi vilis, incognita, et oblivioni tradita latuit in domo Assueri; nam anno secundo Assueri in domum ejus inducta fuit; septimo vero demum anno ad eumdem introducta, ut patet cap. II, versu 16.

Nimirum haec est via et methodus, qua utitur Dei providentia, ut eos, quos vult exaltare et glorificare, prius humiliet, vilesque et ignobiles efficiat. Qui ergo id ipsum in se experitur, spe certa meliorum erigit animum, sciatque se esse in recta via, qua Deus suos deducit ad sublimitatem et gloriam; quia ut, ait Sapiens : « Gloriam præcedit humilitas. » Et : « Dominus primo mortificat, et deinde vivificat; primo deducit ad infe-

ros, et deinde reducit. » I. Reg. cap. II, vers. 6.

Allegorice hic fons in solem conversus similis- B. Virgo que fonti solis, de quo Josue, ad litteram signifi- est fons cians Estherem, mystice repræsentat B. Virginem, quæ Apoc. XII. 1. vocatur mulier amicta sole. Unde S. Fulgentius, serm. *De laud. Virg.* : « Facta, inquit, Maria fenestra cœli, quia per ipsam Deus verum fudit sæculi lumen. » B. Damascenus, Orat. 1 *De nativ. Virg.* vocat eam « Portam vite, Fontem lucis, » quo nomine eam vocant complures alii. Epiphanius serm. *De laud. Virginis*, his verbis : « O Virgo sancta, lucis æternæ mater; lucis, inquam, quæ in cœlis illuminat copias Angelorum: lucis, quæ illuminat ipsorum Seraphim incomprehensum oculum; lucis, quæ illuminat solem splendidis facibus; lucis, quæ fines terræ illuminat ad credendum Trinitati; lucis, quæ dixit : Ego sum lux mundi; lucis, quæ dixit : Ego lux in mundum veni; lucis, quæ assumpta est, et illuminavit cuncta quæ sunt in cœlis et in terra. » Et iterum : « O uterum habentem inextinguibile lumen septies lucentis gratiæ. » Chrysippus, Oratione *ad Deiparam*: « Ave, inquit, fons lucis omnem hominem illuminans; ave, solis ortus, qui nullum ferre potest occidit. » Ildephonsus serm. 1. *De Assumptione* : « Maria, inquit, secundum verbum Hebraicum interpretatur stella maris; mare præsens sæculum est, stella autem B. Virgo Maria, de qua ortus est ille per quem illuminatur omnis mundus. Hinc securius accedite ad laudem Virginis, et illuminamini, quoniam ipsa est per quam vera lux in mari hujus sæculi refulsit. » Ecclesia in Missa, in præfatione de B. Virgine, hac eadem metaphora utitur illis verbis : « Quæ virginitatis gloria permanente lumen æternum mundo effudit, Jesum Christum Dominum nostrum. » Ephrem, sermone *De laudibus Virginis* : « Ave, inquit, stella fulgidissima, ex qua Christus processit; ave, per quam clarissimus sol justitiae nobis illuxit. » Et iterum : « Virginem Luciferam » appellat; æque Cyrillus, lib. I *De recta fide ad Reginas* : « Maria, ait, vite genitrix, mater pulchritudinis, maximipara Luciferi. »

7. DUO AUTEM DRACONES, EGO SUM ET AMAN. — Hi duo dracones inter se præliaabantur, ut dicitur cap. seq. 6, ut significarent collectationem Mardonius cum Amano, ejusque supplationem. Dracones enim sunt insignia et stemmata militum et ducum: notant enim eorum dotes, quarum præcipue sunt tres, scilicet vigilancia, fortitudo, et celeritas in rebus conficiendis. Draco enim est vigil, et acutissime cernit; unde draco dictus est ἀπὸ τοῦ δέρκεων, id est a videndo. Idem fortissimus est et celerrimus; unde in Arabia volat, quare quid divinum præ se fert; qua de causa veteres draconis dotes et symbola. draconi assignarunt custodiam ædium, templorum, oraculorum, thesaurorum, ac infantiae herorum; uti de Hercule, imo de Nerone fabulati sunt Poetæ. Hinc rursum draco priscis fuit sym-

bolum prudentiae, sapientiae, imo et vaticinii, uti docet Carolus Paschalius, lib. IX *De Coronis*, cap. xv, in fine. Adde (quod huic appositum et proprium est) Parthos, sive Persas olim in prælio præmisisse leones et dracones in hostes ad eos consumendos, uti ex Luciano et Ennio docet Brissonius, lib. II *Deregno Persarum*, pag. 310. Simile somnium de draconе habuit Olympias mater Alexandri Magni, quo ei portendebatur imperium et monarchia, uti eamdem draco portendit Augusto, Aureliano, Severo, Scipioni et aliis, teste Pierio, *Hierog. xv.* Hinc et Pharaо vocatur draco magnus, *Ezech. xxix*, 3. Hinc quoque olim in bello vocabantur Draconarii, qui nunc vocantur vexilliferi. Denique sicut dracones Mosis devorarunt dracones Magorum, *Exodi vii.* 12, sic Mardochæus devoravit Amanum. Sic etiamnum vulgo dracones vocantur milites fortissimi, puta equites, qui a tergo accipiunt peditem, ut in prælio eum in terram deponentes tam equites, quam pedites in hostem pugnant.

Vers. 10. 10. ET DUAS SORTES ESSE PRECEPIT; UNAM POPULI DEI, ET ALTERAM CUNCTARUM GENTIUM. — Populo Dei, hoc est Judæis adversantium et inimicorum; Aman enim misit sortem pro Judæis occidendis;

Mardochæus vero dedit sortem pro gentibus Judæorum hostibus mactandis.

11. VENITQUE UTRAQUE SORS IN STATUTUM EX ILLO Vers. 11.
JAM TEMPORE DIEM CORAM DEO UNIVERSIS GENTIBUS,
— q. d. Utraque sors incidit in eamdem diem a Deo ab æterno statutam, scilicet in 13 et 14 Adar, sive februarii; sed dies hic fuit Judæis felix et lætus, gentibus vero Judæorum hostibus fuit infausus et exitialis, quia.

12. RECORDATUS EST DOMINUS HEREDITATIS SUÆ, V. s. 12.
— id est populi Israelitici, quem ut hereditatem, et peculium suum Deus singulariter diligit; ideoque protegit, salvat et propugnat.

Symbolice S. Prosper, lib. I *De Vocab. gentium*, cap. ii, duas sortes accipit fidelium et infidelium; Deus enim Judæos quasi fideles elegit ad gratiam et gloriam, a quibus gentes infideles exclusit, ita tamen ut communem providentiae suæ cursum et gratiam eis non denegarit, uti ibidem ostendit Prosper; sed pro Judæis sibi fidelibus magna fecit signa et portenta in Gentibus, ut cum per Moses Ægyptum decem plagis afflixit, cum per Josue Chananæos, per Davidem Philisthæos subjugavit, etc. Ad hæc enim portenta hic respicitur.

CAPUT UNDECIMUM

SYNOPSIS CAPITIS.

Mardochæus somnium ipsum enarrat, cuius significationem jam cap. 10, enarrabat.

1. Anno quarto, regnantibus Ptolemæo et Cleopatra, attulerunt Dosithæus, qui se Sacerdotem et Levitici generis ferebat, et Ptolemæus filius ejus, hanc epistolam phurim, quam dixerunt interpretatum esse Lysimachum Ptolemæi filium in Jerusalem.

Hoc quoque principium erat in editione vulgata, quod nec in Hebreo, nec apud ullum fertur interpretum.

2. Anno secundo, regnante Artaxerxe maximo, prima die mensis Nisan, vidi somnium Mardochæus filius Jairi, filii Semei, filii Cis, de tribu Benjamin : 3. homo Judæus, qui habitabat in urbe Susis, vir magnus, et inter primos aulæ regiæ. 4. (IV Reg. xxiv, 15. Sup. ii, 6.) Erat autem de eo numero captivorum, quos transtulerat Nabuchodonosor rex Babylonis de Jerusalem cum Jechonia rege Juda ; 5. et hoc ejus somnium fuit : Apparuerunt voces, et tumultus, et tonitrua, et terræ motus, et conturbatio super terram ; 6. et ecce duo dracones magni, paratiq[ue] contra se in prælium. 7. Ad quorum clamorem cunctæ concitatæ sunt nationes, ut pugnarent contra gentem justorum. 8. Fuitque dies illa tenebrarum et discriminis, tribulationis et angustiæ, et ingens formido super terram. 9. Conturbataque est gens justorum timentium mala sua, et preparata ad mortem. 10. Clamaveruntque ad Deum : et illis vociferantibus, fons parvus crevit in fluvium maximum, et in aquas plurimas redundavit. 11. Lux et sol ortus est, et humiles exaltati sunt, et devoraverunt inclitos. 12. Quod cum vidisset Mardochæus, et surrexisset de strato, cogitabat quid Deus facere vellet : et fixum habebat in animo, scire cupiens quid significaret somnium.

Hoc caput initio libri ordine historico ponendum est, uti ponunt Græca Romana.

Vers. 1. **1. ANNO QUARTO, REGNANTIBUS PTOLEMÆO ET CLEOPATRA** — in *Ægypto*. Illo enim ævo a primo Ptolemæo Lagi regi *Ægypti* cæteri omnes vocati sunt Ptolemæi; reginæ vero Cleopatræ. Hic Ptolemæus fuit is, qui cognominatus est Philometor sextus ab Alexandro Magno, ac Judæis impense favit, imo omne regnum suum gubernandum commisit, ac duces militiae suæ constituit Oniam et Dosithæum Judæos, teste Josepho, lib. II *Contra Appionem*. Incertum est an hic Dosithæus sit idem cum Dosithæo sacerdote, qui epistolam « phurim », id est sortium a Mardochæo Hebræam scriptam, et a Lysimacho in Græcum conversam, tulit in Jerusalem, uti hic dicitur. Porro hic versus non est Mardochæi, nec additus a Septuaginta; hi enim vixerunt ante Philometorem sub Ptolemæo Philadelpho, sed ab aliquo posteriore scriba hagiographo historiæ causa interjectus.

Vers. 2. **2. ANNO SECUNDO.** — Hic incipit epistola Mardochæi, quæ scripta fuit anno secundo Artaxerxis, id est Darii Hystaspis imperantis in Perside. Artaxerxes enim erat commune nomen regum Persarum, sicut Assuerus Medorum, ut dixi. Erat enim idem annus quo Darius concessit Judæis facultatem resumendi fabricam templi quam inchoarat Cyrus, sed inhibuerat ejus filius Cambyses, ut patet I *Esdrae* IV et VI.

Vers. 3. **5. ET HOC EJUS SOMNIUM FUIT : APPARUERUNT VOCES, ET TUMULTUS, ET TONITRUA, ET TERRÆ MOTUS, ET CONTURBATIO SUPER TERRAM.** — Hæc omnia significabant tumultus et conturbationes, quos Aman excitavit contra Judæos per edictum jubens omnes occidi. Erant enim multa centena Judæorum millia qui omnes erant necandi cum uxoribus, filiabus et ancillis. Cogita quanta in eis fuerit consternatio, tumultus et comploratio.

Vers. 6. **6. PARATIQUE CONTRA SE IN PRÆLIMUM.** — Græce : Processerunt præliari utrique, nimirum Mardochæus contra Aman.

7. UT PUGNARENT CONTRA GENTEM JUSTORUM, puta Vers. 7. contra Judæos qui erant populus fidelis Dei cultui dicatus.

10. FONS PARVUS CREVIT IN FLUVIUM MAXIMUM, etc. Vers. 10. **11. LUX ET SOL ORTUS EST ; ET HUMILES** (Judæi) Vers. 11. **EXALTATI SUNT, ET DEVORAVERUNT INCLYTOS**, — nimirum Aman cum ejus asseclis, cæterisque sibi adversantibus.

Fons parvus fuit Esther cum suis Judæis, quæ primo vilis et exilis crevit in fluvium, imo in lucem et solem conversa est, cum effecta regina Mardochæum et Judæos extulit, ut de Aman et hostibus suis eos mactando triumpharent. Alludit ad fonticulos, qui in profundis locis, ut putéis et antris, modice exiliunt, ideoque obscuri sunt et tenebrosi : sed, dum affluxu vicinarum aquarum crescunt, fiunt limpidi et lucidi, juxta illud :

Fons erat illimis nitidis argenteus undis.

Imo fiunt fulgidi instar solis, præsertim dum radiis solis ita verberantur, ut sol in eis vel iridem vel seipsum exprimat, ut fit in parelio, quando sol in nubibus aqueis rarefactis transparens alium quasi solem in eis spectandum exhibit. Simili enim modo Esther post adeptum regnum majestate et gloria refulsit quasi sol. Vide dicta cap. præced., vers. 7.

COGITABAT QUID DEUS FACERE VELLET, ET FIXUM HABEBAT IN ANIMO (investigare et scrutari somnii significationem), **SCIRE CUPIENS QUID SIGNIFICARET SOMNIUM.** — Hinc patet Mardochæum, cum primo vidi somnium, ejus significationem non intellexisse, sed sensim ex rerum eventu, et Dei instinctu eam cognovisse. Sentiebat tamen in genere sibi a Deo inspirari, aliquid magni in favorem Judæorum eo significari. Unde Josippus filius Gorionis, lib. II : « Cum Aman, ait Mardochæo, tam infensus esset, ait ad suam Esther : Impletur somnium quod narravi tibi in diebus juventutis tuæ. »

CAPUT DUODECIMUM:

SYNOPSIS CAPITIS.

Mardochæus Assuero per Estherem revelat conjurationem eunuchorum contra eum, de qua cap. II, 21; quare ordine historico eo loci hoc caput inserendum est : quæ enim ibi strictim dicta sunt, hic fusius enarrantur.

1. Morabatur autem eo tempore in aula regis, cum Bagatha et Thara eunuchis regis, qui janitores erant palatii. **2. Cumque intellexisset cogitationes eorum, et curas diligentius pervidisset, didicit quod conarentur in regem Artaxerxem manus mittere : et nuntiavit super eo regi.** **3. Qui, de utroque habita quæstione, confessos jussit duci ad mortem.** **4. Rex autem quod gestum erat scripsit in commentariis ; sed et Mardochæus rei memoriam litteris tradidit.**

5. Præcepitque ei rex ut in aula palatii moraretur, datis ei pro delatione muneribus. 6. Aman vero, filius Amadathi Bugæus, erat gloriissimus coram rege, et voluit nocere Mardochæo et populo ejus, pro duobus eunuchis regis qui fuerant interfici.

Hucusque Proæmium.

Quæ sequuntur, in eo loco posita erant, ubi scriptum est in volumine :

Et diripuerunt bona, vel substantias eorum.

Quæ in sola Vulgata editione reperimus.

Epiſtolas autem hoc exemplar fuit.

Vers. 5.

5. DATIS PRO DELATIONE MUNERIBUS — exiguis et parvi momenti; nam postea majora dedit, ut patet cap. vi, 3. Aut potius est prolepsis, sive anticipatio: munera enim hæc data videntur Mardochæo non statim a delatione, sed diu post, cum scilicet rex legens Annales intelligeret nihil mercedis Mardochæo pro delatione datum fuisse, uti narratur cap. vi, 3.

Vers. 6.

6. AMAN VERO FILIUS AMADATHI BUGÆUS ERAT GLORIISSIMUS. — Cur Aman vocatur Bugæus? Respondent aliqui: Vocatur Bugæus, id est, filius Bogis. Bogim enim magnifecit Xerxes, teste Herodoto, lib. VII et VIII; Bogem quoque fuisse Macedonem, uti erat Aman, liquet ex eo quod addit Herodotus eum fuisse oriundum ex urbe Sion, id est, Amphioli, quæ urbs et Macedonia, quam præterfuit Arymon fluvius. Verum hec contigerunt ante Xerxem sub Dario patre Xerxis, ut ostendi in Proæmio. Dico ergo: « Bugæus, » vel, ut

Secundo

Et vere.

aliqui legunt, « Ugæus, » idem est quod Agagæus, id est oriundus ex stirpe Agag regis Amalech. Id ita esse liquet, ex eo quod τὸ « Bugæus » non sit in Hebraeo, sed acceptum ex Septuaginta qui cap. III, 4, pro « ex stirpe Agag » vertunt: Bugæus. Nam ex Agag, dempto primo aleph per aphesis fit Gag, vel Gog, uti pro Agag vertunt Septuaginta, Num. xxiv, 7. Jam ex Gog fit Gogæus, et inde Bogæus vel Bugæus. Nam litera b subinde commutatur cum g, ut docet S. Hieronymus in locis Hebr. ubi Gobel, sive Gyblum, quod est apud

Ezechielem in Hebreo, ait esse Byblum, urbem celebrem Phœniciae. Plura similia exempla commutationis litteræ b in g affert Angelus Caninius in Hellenismo. Licet enim Aman stirpe proxima fuerit Macedo, ut dicitur cap. XVI, 10, tamen prisca prosapia et origine fuit Amalecita ex stirpe Agag, ut dixi cap. III, 4. Potest secundo τὸ « Bugæus, » esse nomen non proprium, nec patronymicum, sed appellativum; unde Romani illud scribunt per minusculum b, ut significet magnum jactatorem et gloriosum, qualis hic dicitur fuisse Aman, ut τὸ « Bugæus, » componatur ex βο, quæ particula Græcis auxesin affert a βω, id est bos, q. d. bovina magnitudine, et γαῖω, id est, gloriior, jacto, ut « Bugæus » sit idem quod bovine, hoc est, immaniter se jactans. Unde Plutarchus in quæstionibus Græcis: « Bubalam, inquit, ducunt pro magno, sicut Poeta (Homerus Agamemnonem) dicit βοῶπν, id est, bovinis, hoc est, magnis præditum oculis, et bugæum, qui se gloriose jactaret. » Hinc Homerus βουγαῖον vocat magnum jactatorem. Hinc et Italicum bugia, id est mendacium: gloriosi enim thrasones, qui magna de se jactant, uti Aman, multa mentiuntur; Itali enim multas voces accipiunt a Græcis, utpote in Italia habitantibus. Unde et Calabria, in quo docuit Pythagoras, dicta est magna Græcia.

PRO DUOBUS EUNUCHIS — suspensis per delationem Mardochæi. Nam hi erant amici et fœderati Aman, ut dixi cap. II, 24.

CAPUT DECIMUM TERTIUM.

SYNOPSIS CAPITIS.

Exemplar epistolæ Assueri missæ ab Aman ad communem Judæorum cædem, quæ ordine historico inserenda est, cap. III, 14, ut ibidem inserunt Græca romana. Deinde, vers. 8, subjicitur oratio Mardochæi pro hac cæde avertenda, quæ ordine historico collocanda est post cap. IV.

1. Rex maximus Artaxerxes ab India usque Aethiopiam, centum viginti septem provinciarum principibus et ducibus, qui ejus imperio subjecti sunt, salutem. 2. Cum plurimis gentibus imperarem, et universum orbem meæ ditioni subjugasse, volui nequaquam abutiri potentia magnitudine, sed clementia et lenitate gubernare subjectos, ut absque ullo terrore vitam silentio transigentes, optata cunctis mortalibus pace fruerentur. 3. Quærente autem

me a consiliariis meis quomodo posset hoc impleri, unus qui sapientia et fide cæteros præcellebat, et erat post regem secundus, Aman nomine, 4. indicavit mihi in toto orbe terrarum populum esse dispersum, qui novis uteretur legibus, et contra omnium Gentium consuetudinem faciens, regum jussa contemneret, et universarum concordiam nationum sua dissensione violaret. 5. Quod cum didicissemus, videntes unam gentem rebellem aduersus omne hominum genus perversis uti legibus, nostrisque jussionibus contraire, et turbare subjectarum nobis provinciarum pacem atque concordiam, 6. jussimus ut quoscumque Aman, qui omnibus provinciis præpositus est, et secundus a rege, et quem patris Iœco colimus, monstraverit, cum conjugibus ac liberis deleantur ab inimicis suis, nullusque eorum misereatur, quarta decima die duodecimi mensis Adar anni præsentis : 7. ut nefarii homines, uno die ad inferos descendentes, reddant imperio nostro pacem quam turbaverant.

Hucusque exemplar epistolæ.

*Quæ sequuntur, post eum locum scripta reperi ubi legitur
Pergensque Mardochæus, fecit omnia quæ ei mandaverat Esther,*

Nec tamen habentur in Hebraico, et apud nullum penitus feruntur interpretum.

8. Mardochæus autem deprecatus est Dominum, memor omnium operum ejus, 9. et dixit : Domine, Domine rex omnipotens, in ditione enim tua cuncta sunt posita, et non est qui possit tuæ resistere voluntati, si decreveris salvare Israel. 10. Tu fecisti cœlum et terram, et quidquid cœli ambitu continetur. 11. Dominus omnium es, nec est qui resistat majestati tuæ. 12. Cuncta nosti, et scis quia non pro superbia et contumelia, et aliqua gloriæ cupiditate, fecerim hoc, ut non adorarem Aman superbissimum, 13. (libenter enim pro salute Israel etiam vestigia pedum ejus deosculari paratus essem) ; 14. sed timui ne honorem Dei mei transferrem ad hominem, et ne quemquam adorarem, excepto Deo meo. 15. Et nunc, Domine rex Deus Abraham, miserere populi tui, quia volunt nos inimici nostri perdere, et hæreditatem tuam delere. 16. Ne despicias partem tuam, quam redemisti tibi de Ægypto. 17. Exaudi deprecationem meam, et propitius esto sorti et funiculo tuo, et converte luctum nostrum in gaudium, ut viventes laudemus nomen tuum, Domine, et ne claudas ora te canentium. 18. Omnis quoque Israel pari mente et obsecratione clamavit ad Dominum, eo quod eis certa mors impenderet.

Vers. 2. **2. VITAM SILENTIO** (id est quiete sine turbis et tumultibus) **TRANSIGENTES** — *in pace et tranquillitate*, ut habent Græca.

Vers. 6. **6. DELEANTUR QUARTA DECIMA DIE MENSIS DUODECIMI ADAR.** — Nam 13 die jussi sunt inchoare cædem, sed die 14 eamdem perficere, ut sorte commutata fecisse Judæos patet cap. ix, 17. Nil ergo hæc antilogia habet virium, ut suspectam faciat auctoritatem et fidem horum capitum, ut volunt Novantes.

Vers. 8. **8. Recitatur** hoc versu oratio Mardochæi, ante quam S. Hieronymus ita præfatur : *Hæc non habentur in Hebraico*, scilicet illo breviori quo usus fuit S. Hieronymus, *nec apud ullum feruntur interpretum*, nimirum Aquilam, Symmachum, Theodotionem, quintam et sextam editionem, et similis. Nam excipiendi sunt Septuaginta, quia ex eis hæc transtulit S. Hieronymus; nam ante eum versio Septuaginta erat Vulgata, qua utebatur Ecclesia; ex Vulgata autem hæc se transtulisse fatetur S. Hieronymus in Proæmio, cap. xv.

Porro hæc oratio Mardochæi pia est, nervosa et ardens, quam proinde usurpat Ecclesia in Missa feria quarta post Dominicam secundam Quadragesimæ, ex quo liquet illam, uti et cætera horum capitum, esse Scripturam Canonicam juxta decretum Concilii Tridentini, sess. IV.

13. **LIBENTER ENIM PRO SALUTE ISRAEL ETIAM VESTIGIA PEDUM EJUS DEOSCULARI PARATUS ESSEM.** — « Vestigia, » vel proprie accipe, quæ pede pulveri vel terræ imprimuntur; vel metonymice ipsos pedes pedumque plantas, quibus hæc vestigia terræ imprimuntur. Unde Josippus Gorionides habet : *Paratus fuisse lingere calceum, qui in ejus est pedibus, et pulverem quem ipse calcasset*. Alludit ad illud Isaiæ XLIX, 23 : « Vultu in terram demiso adorabunt te, et pulverem pedum tuorum ligent. » Et ad illud Psal. LXXI, 9 : « Coram illo procident Æthiopes, et inimici ejus terram ligent. » Ita Serarius et Sanchez qui multis exemplis ostendit vestigium sæpe sumi pro pede ves-

tigium imprimente terræ, id est, pro planta pedis, que terram premit et lutum sordesque colligit; hanc enim osculari actus est summæ demissionis et venerationis.

Vers. 14. 14. SED TIMUI NE HONOREM DEI MBI (puta cultum latriæ soli Deo debitum) TRANSFERREM AD HOMINEM. — Volebat enim Aman adorari ut Deus, ut ostendi cap. III, 2.

16. NE DESPICIAS PARTEM TUAM, — scilicet hæreditariam, id est populum Israel, quem tibi in hæreditatem et peculium, quasi proprium et peculiarem ex omnibus gentibus selegisti.

17. ET NE CLAUDAS (Graece ne perdas, id est ne claudi et perdi sinas) ORA TE CANENTIUM. — Sic enim amplius tibi canere non poterunt; itaque laus tua peribit et tibi et nobis.

CAPUT DECIMUM QUARTUM.

SYNOPSIS CAPITIS.

Estheris oratio et planctus, quæ orationi Mardochæi subnectenda est post cap. IV, uti in Graeco Romano subnectitur.

1. Esther quoque regina confugit ad Dominum, pavens periculum quod imminebat. 2. Cumque deposuisset vestes regias, fletibus et luctui apta indumenta suscepit, et pro unguentis variis, cinere et stercore implevit caput, et corpus suum humiliavit jejuniis: omniaque loca, in quibus antea lætari consueverat, crinium laceratione complevit. 3. Et deprecatatur Dominum Deum Israel, dicens: Domine mi, qui rex noster es solus, adjuva me solitariam, et cujus præter te nullus est auxiliator alius. 4. Periculum meum in manibus meis est. 5. (*Deut. iv, 3.*) Audivi a patre meo quod tu, Domine, tulisses Israel de cunctis gentibus, et patres nostros ex omnibus retro majoribus suis, ut possideres hæreditatem semperiternam, fecistique eis sicut locutus es. 6. Peccavimus in conspectu tuo, et idcirco tradidistis nos in manus inimicorum nostrorum: 7. colimus enim deos eorum. Justus es, Domine, 8. et nunc non eis sufficit, quod durissima nos opprimunt servitute, sed robur manuum suarum, idolorum potentiae deputantes, 9. volunt tua mutare promissa, et delere hæreditatem tuam, et claudere ora laudantium te, atque extinguere gloriam templi et altaris tui, 10. ut aperiant ora Gentium, et laudent idolorum fortitudinem, et prædicent carnalem regem in sempiternum. 11. Ne tradas, Domine, sceptrum tuum his qui non sunt, ne rideant ad ruinam nostram: sed converte consilium eorum super eos, et eum, qui in nos cœpit sœvire, disperde. 12. Memento, Domine, et ostende te nobis in tempore tribulationis nostræ, et da mihi fiduciam, Domine rex deorum, et universæ potestatis; 13. tribue sermonem compositum in ore meo in conspectu leonis, et transfer cor illius in odium hostis nostri, ut et ipse pereat, et cæteri qui ei consentiunt. 14. Nos autem libera manu tua, et adjuva me, nullum aliud auxilium habentem, nisi te, Domine, qui habes omnium scientiam, 15. et nosti quia oderim gloriam iniquorum, et detester cubile incircumcisorum, et omnis alienigenæ. 16. Tu scis necessitatem meam, quod abominer signum superbiæ et gloriæ meæ, quod est super caput meum in diebus ostentationis meæ, et detester illud quasi pannum menstruatæ, et non portem in diebus silentii mei; 17. et quod non comedelerim in mensa Aman, nec mihi placuerit convivium regis, et non biberim vinum libaminum: 18. et nunquam lætata sit ancilla tua, ex quo hue translata sum usque in præsentem diem, nisi in te, Domine Deus Abraham. 19. Deus fortis super omnes, exaudi vocem eorum qui nullam aliam spem habent, et libera nos de manu iniquorum, et erue me a timore meo.

carnem deprimit ac jejuniū : unde Hebrei jejuniū ab Esther indictum die 13 Adar appellant *taanith Esther*, id est humilationem, hoc est jejuniū Estheris. Sapienter S. Ambrosius, Epist. 88 : « Esther, inquit, regem superbū suis inclinavit jejuniis ; » qua de re plura dixi cap. iv in fine.

CRINUM LACERATIONE. — Solebant veteres in grandi calamitate et planctu manus complodere, pectus tundere, genas vellere, crines lacerare ex doloris vehementia, ut omnes ad commiserationem et complorationem commoverent, uti de se narrat Esdras, lib. I, cap. ix, et de Alexandra Hyrcani filia et socrū Herodis, ac Salome sorore Herodis refert Josephus, lib. XV, xi, et lib. XVI, xi.

Vers. 3. 3. **ADJUVA SOLITARIAM** : — tum quia in aula regis gentilis sola sum Judæa ; tum quia omni humano auxilio sum destituta, ut sequitur; tum quia nullius hominis, sed Dei solius alloquium et consolationem desidero. Josippus ait Estherem sic orasse : *Ego hic habito sola, ego in domo regis sola absque patre et absque matre sum. Sicut pupilla paupercula, que ostiatim mendicat, ita ego mendico miserationes tuas fenestratim*, id est, per singulas fenestras ab una in aliam pergens, ut in cœlum prospiciam, indeque auxilium tantæ afflictionis a Deo exspectem ; hac enim de causa solebant Judæi orantes solaria descendere, et per fenestras in cœlum prospicere, ut fecit Judith, cap. viii, vers. 5; Daniel, cap. vi, vers. 10; imo Christus hac de causa montes concendebat, ibique « erat pernoctans in oratione Dei, » *Lucæ vi, 12.*

Vers. 4. 4. **PERICULUM MEUM** (Josippus : *anima mea*) IN MANIBUS MEIS, — id est, præsentissimum et summum est; quod enim in manibus gestatur, facile effundi, vel a fure aut hoste eripi et auferri potest. Sic David, fugiens Saulem et hostes querentes eum occidere, ait, *Psal. cxviii, 109* : « Anima mea in manibus meis, » id est vita mea est in summo periculo, ut eam manu gestare videar, et cuivis eam auferre volenti offeram.

Vers. 7. 7. **COLUMUS ENIM DEOS EORUM**, — non ego, sed majores nostri in Jerusalem sub Manasse, aliisque regibus idololatris. Ita Josippus Gorionides.

Vers. 8. 8. **ROBUR MANUUM SUARUM IDOLORUM POTENTIÆ DEPUTANTES**, — hoc est, ut vertit Josippus : *Ecce ipsi (Aman ejusque asseclæ) non dicunt te (o Domine) nos in manus suas tradidisse, sed idolis suis (Mithræ, id est solis) id acceptum ferunt.*

Vers. 9. 9. **VOLUNT TUA MUTARE PROMISSA** (quibus tu patribus nostris Abrahæ, Isaac, Jacob, Moysi, etc. promisisti te fore Deum et protectorem nostrum) ET DELERE HÆREDITATEM TUAM (id est populum Israel, quæ quasi tuum peculium te solum ut Deum et Dominum suum agnoscit et colit) ATQUE EXTINGUERE GLORIAM TEMPLI ET ALTARIS TUI, — jam recenter in Jerusalem ab hoc Assuero, id est, Dario Hystaspis reædificati, I *Esdræ vi*. Si enim Dario persuasisset Aman perdere Judæos omnes in Perside, non stetisset hic ejus odium, sed et Jerusalem cum templo everti curasset.

10. **ET PRÆDICIENT CARNALEM REGEM**; — Darium Vers. 10. vel Aman, qui quasi rex et tyrannus nobis dominatur, ut « prædicent » eum nobis nostroque Deo potentiores nos omnes occidisse et exterminasse.

11. **NE TRADAS SCEPTRUM TUUM HIS QUI NON SUNT**, Vers. 11. — id est, falsis diis et idolis qui non sunt dii, ut eis adscribatur divinitas et omnipotencia tua, q. d. Ne sinas dæmonibus quasi diis attribui potentiam divinam, quasi per illam Aman eos colens nos perdiderit, ut dæmones de te, o Domine, triumphent, ac pro te ut dii colantur.

13. **TRIBUE SERMONEM COMPOSITUM IN ORE MEO IN** Vers. 13. **CONSPECTU LEONIS**, — q. d. Ita apposite compone et dispone verba mea in ore meo, ut Darii mariti mei qui terribilis est ut leo, animos mitigem, et ad me meorumque Judæorum misericordiam inflectam. Hinc S. Augustinus, libro I *de Doctrina Christiana*, cap. xv, docet concionatorem idem quod Esther hic ante concionem debere a Deo flagitare, ut nimis ita componat verba in ore suo, ut auditorum mentes penetrent, feriant et compungant. Ecce Esther accedens ad Darium, non vocata, tremit ut cappella coram leone, quasi ab eo devoranda, ideoque tota afficta et compuncta unius Dei opem ardentissime implorat et impetrat. Sic S. Paulus Neronem vocat leonem; dicens : « Liberatus sum de ore leonis, » II *Timothæi* IV, 17. Nam ut dicitur *Prov. xx, 2* : « Sicut rugitus leonis, ita et terror regis. » Id in Dario patet cap. seq.

15. **NOSTI QUA ODERIM GLORIAM INIQUORUM, ET DE-** Vers. 15. **TESTER CUBILE INCIRCUMCISORUM**, — q. d. Ego, quia sum fidelis et Dei cultrix, detestor conjugium et copulam cum Dario infideli et idololatra; sed tamen eam admitto et permitto necessitate adacta, ut eum mihi meisque Judæis placem et conciliem.

16. **TU SCIS NECESSITATEM MEAM**, — qua compel- Vers. 16. lor me ut reginam regaliter more Persico ornare, ut regi marito meo placeam, quod utique nolle; nec facerem, nisi necessitas hæc me cogeret. Hinc S. Augustinus, epist. 199 *ad Ecdiciam*, eam reprehendit quod uni Deo placere volens, indiscreto zelo habitum monachæ assumeret, et sua in pauperes distribuens, in scio marito, ei displiceret, ei que adulterandi occasionem daret.

QUOD ABOMINER SIGNUM SUPERBIÆ MÆ, QUOD EST SUPER CAPUT MEUM IN DIEBUS OSTENTATIONIS MÆ, — cum scilicet in publico vel coram rege compareo, meque ut reginam in habitu ornataque regali ostendo. Signum superbiæ vocat regiam cedarim sive coronam, quam celsam et auro gemmisque distinctam in capite quasi turrim gestabat, ut etiamnum nonnullæ caput ita ornant et attollunt, ut turritæ vel turrigeræ esse videantur, de quibus Juvenalis, *Satira x* :

Tot premit ordinibus, tot adhuc compagibus altum
Turrificat caput, Andromachen à fronte videbis,
Post minor est, aliam credas.

ET DETESTER ILLUD QUASI PANNUM MENSTRUATUM. — Græce *quasi pannum menstruorum*, id est pannum infectum sanguine menstruo, qui sordissimus, factidissimus, imo venenatus et plane abominabilis est, uti multis ostendit Plinius, lib. VII, cap. xix. Audi S. Augustinum, Epist. 199, jam citata : « Esther, illa regina Deum timens, Deum colens, Deo subdita, marito regi alienigenæ non eumdem secum colenti Deum, tamen subjecta serviebat, quæ cum extremo periculo, non suo tantum, sed etiam gentis suæ, qui tunc erat populus Dei, Domino prosterneretur orando, in ipsa oratione sua dixit ita sibi esse ornatum regium, sicut pannum menstrualem ; et ita orantem confessim exaudivit, qui cordis inspector eam verum dicere scivit. Et utique maritum habebat multarum mulierum virum, et deorum alienorum falsorumque cultorem.

ET NON PORTEM IN DIEBUS SILENTII MEI, — quibus scilicet domi in cubiculo meo ut privata persona quiesco et delitesco.

Vers. 17. 17. ET NON BIBERIM VINUM LIBAMINUM, — scilicet idolis oblatum et prælibatum.

Vers. 18. 18. ET NUNQUAM LÆTATA SIT ANCILLA TUA EX QUO HUC (in aulam et thronum regium) TRANSLATA SUM

USQUE IN PRÆSENTEM DIEM NISI IN TE, DEUS ABRAHAM, — q. d. Sicut Abraham uni Deo credidit, in eoque solo speravit, omniaque bona sua in eodem collocavit, ut de nullo alio gauderet, quam in Deo et de Deo suo ; sic et ego nunquam lœtata sum in honore et ornatu regio, nec in divitiis et deliciis regalibus, utpote exilibus, caducis et vanis, sed in te solo, Domine Deus ; tu enim mihi es omnis honor, omnis decor, omnis voluptas, omnis opulentia, omnis suavitas, omne bonum ; idque solidum, stabile, immensum et sempiternum. Magna fuit Estheris animæ puritas, sinceritas, charitas et sanctitas, ut ex his verbis liquet. Discamus ab ea in nulla re mundi lœtari, sed in solo Deo, uti David hortatur, dicens : « Lœtamini in Domino et exultate justi. » Et « Delectare in Domino, et dabit tibi petitiones cordis tui, » Psalm. xxxvi, 4. Et Paulus : « Gaudete in Domino semper ; iterum dico, gaudete. » Philipp. IV, 4. Vide ibi dicta ; Deus enim solus est verum cordis gaudium, imo mare et oceanus uti bonorum, ita et gaudiorum omnium. Ipse solus immensis gaudiis implet omnes sensus et sinus animæ nostræ. Jesus mel in ore, melos in aure, jubilus in corde, ait S. Bernardus.

CAPUT DECIMUM QUINTUM

SYNOPSIS CAPITIS.

Esther ornata regio sistit se Assuero, sed terribili ejus aspectu perculta, semel et iterum quasi exanimata corruit : unde Assuerus accurrens ei blanditur, eamque sibi restituit.

Hæc quoque addita reperi in editione Vulgata.

1. Et mandavit ei (haud dubium quin Esther Mardochæus) ut ingrederetur ad regem, et rogaret pro populo suo et pro patria sua. 2. Memorare (inquit) dierum humilitatis tuæ, quomodo nutrita sis in manu mea, quia Aman secundus a rege locutus est contra nos in mortem : 3. et tu invoca Dominum, et loquere regi pro nobis, et libera nos de morte.

Nec non et ista quæ subdita sunt.

4. Die autem tertio depositit vestimenta ornatus sui, et circumdata est gloria sua. 5. Cumque regio fulgeret habitu, et invocasset omnium rectorem et salvatorem Deum, assumpsit duas famulas, 6. et super unam quidem innitebatur, quasi præ deliciis et nimia teneritudine corpus suum ferre non sustinens : 7. altera autem familiarum sequebatur dominam, defluentia in humum indumenta sustentans. 8. Ipsa autem roseo colore vultum perfusa, et gratis ac nitentibus oculis, tristem celabat animum, et nimio timore contractum. 9. Ingressa igitur cuncta per ordinem ostia, stetit contra regem, ubi ille residebat super solium regni sui, indutus vestibus regiis, auroque fulgens, et pretiosis lapidibus, eratque terribilis aspectu. 10. Cumque elevasset faciem, et ardentibus oculis furem pectoris indicasset, regina corruit, et in pallorem colore mutato, lassum super ancillulam reclinavit caput. 11. Convertitque Deus spiritum regis in mansuetudinem, et festinus ac metuens exilivit de solio, et sustentans eam ulnis suis, donec rediret ad se, his verbis blandiebatur : 12. Quid habes, Esther? Ego sum frater tuus, noli metuere. 13. Non morieris : non enim

pro te, sed pro omnibus hæc lex constituta est. 14. Accede igitur, et tange septrum. 15. Cumque illa reticeret, tulit auream virgam, et posuit super collum ejus, et osculatus est eam, et ait : Cur mihi non loqueris ? 16. Quæ respondit : Vidi te, domine, quasi Angelum Dei; et conturbatum est cor meum præ timore gloriæ tuæ. 17. Valde enim mirabilis es, domine, et facies tua plena est gratiarum. 18. Cumque loqueretur, rursus corruit, et pene exanimata est. 19. Rex autem turbabatur, et omnes ministri ejus consolabantur eam.

Hoc caput inserendum est capitibus v, vers. 2; nam quæ ibi brevius dicta sunt, hic fusius recensentur.

Vers. 2. 2. NUTRITASIS IN MANU MEA, — per manum meam, id est per me, meamque operm et operam : quamquam et proprie infantes gestantur manu sinuque nutricum (qualis Estheri fuerat Mardochæus), ibique nutrituntur.

LOCUTUS EST CONTRA NOS IN MORTEM, — id est ad mortem, ut nos morti addixerit per regis edictum.

Vers. 4. 4. DEPOSUIT VESTIMENTA ORNATUS SUI — modesti et incerti, quo ad luctum et pœnitentiam induita et ornata erat. Unde Græce est : *depositus vestimenta luctus*.

CIRCUMDATA EST GLORIA SUA; — id est gloriosa corona regia, cæterisque vestibus aureis ei gemmeis, utpote regalibus se induit. Sic Job cap. xix, vers. 9, ait : « Spoliavit me gloria mea, » quam explicans subdit : « Et abstulit coronam de capite meo » ; Job enim erat rex, et corona regia coronabatur.

Vers. 6. 6. ET SUPER UNAM QUIDEM INNITEBATUR, QUASI PRÆ DELICIIS (Græce ἡ τρυφερογιάνη, id est quasi delicate agens, delicate se regens) ET NIMIA TENERITUDINE CORPUS SUUM FERRE NON SUSTINENS. — Assumpsit Esther speciem hanc teneritudinis, ut per eam Assuerum commoveret ad misericordiam. Et vere erat tenera et debilis, tum ex sexu, tum ex jejunio, tum ex metu ; unde et corruit.

Vers. 8. 8. TRISTEM CELABAT ANIMUM ET NIMIO TIMORE CONTRACTUM; — noverat enim Darium esse terribilem, ac edictum ejus de nece Judæorum jam latum et promulgatum, ex lege Persarum, non posse revocari; rursum capitale esse regem adire, nisi quis ab eo vocatus esset. Quare sciens certum se adire capitum periculum, plena erat timore et trepidatione, ne res male cederet, ac rex excandescens juberet illico edictum suum de Judæis macrandis executioni mandari. Unde sequitur.

Vers. 9. 9. INGRESSA IGITUR CUNCTA PER ORDINEM OSTIA, STETIT CONTRA REGEM. — Verisimile est Estherem trepidantem non prope accessisse ad regem, sed terribili ejus aspectu conterritam stetisse eminus ad ostium, quod erat ex adverso regis in solio residentis. Unde cap. v, vers. 1, dicitur stetisse « in atrio domus regiæ, quod erat exterius contra Basilikam regis. »

Vers. 10. 10. CUMQUE ELEVASSET FACIEM, ET ARDENTIBUS OCULIS FUOREM PECTORIS INDICASSET, — quem conceperat, ait Josippus æque ac Josephus, ex eo quod Esther non vocata contra legem ad se ingressa es-

set, putans se ab Esthere contemptum. Reges Persarum enim magnam, imo divinam majestatem præ se ferebant, et magnam reverentiam, imo latram a suis exigebant, volentes adorari ut dii. Accedebat quod Darius natura erat cholericus et ferox, ut patet ex eo quod de ipso narrat Seneca, lib. III *De Ira*, cap. xvi : « Cum bellum, inquit, Seythis indixisset Orientem cingentibus, rogatus ab Obazo nobili sene, ut ex tribus liberis unum in solarium patri relinqueret, duorum opera uteretur, plusquam rogatus pollicitus, omnes se dixit illi remissurum ; et occisos in conspicu parentis abjecit, crudelis futurus, si omnes abduxisset. » Subdit simile de Xerxe Darii filio : « Qui Phythio, inquit, quinque filiorum patri unius vocationem petenti, quem vellet eligere permisit. Deinde quem elegerat, in partes duas distractum ab utroque viæ latere posuit, et hac victima lustravit exercitum. »

REGINA CORRUPT. — Suspicantur aliqui illam simulasse deliquium animi, ut iram regis flecteret. Verum pallor, et ea quæ secuta sunt, indicat verum fuisse deliquium. Nam, ut præcessit, ipsa accessit nimio timore contracta; deinde videns regem in tanta majestate scintillantibus et furibundis oculis se intueri, tremore perculta, quasi exanimata corruit. Majestas enim regia mire percellit accidentes ad eam. Narrarunt viri graves, qui alias neminem metuebant, solebantque cum Principibus bibere et familiariter agere, cum ad Philippum II Hispaniæ regem aliquid petituri accederent, ac rex in eos oculos suos cum regia gravitate defigeret, consternatos obmutuisse, ac licet rex comiter eos invitaret ut sua proponerent, tamen ne verbum quidem effari potuisse.

11. CONVÉRTITQUE DEUS SPIRITUM REGIS IN MAN- Vers. 11.
SUETUDINEM. — « Convertit, » tum per miserabilem aspectum collabentis reginæ, tum per internum instinctum et impulsum quo eum flectebat ad commiserationem, ut iram commutaret in mansuetudinem et blanditias. « Cor regis in manu Domini, quocumque voluerit inclinabit illud, » Proverb. xxi, 2; præsertim quia videbat Assuerus Estherem ex contemptu non accessisse, ut putabat, sed summe se metuere et revereri (hoc enim reges querunt), adeoque ex reverentia et tremore correre et deliquium pati.

12. QUID HABES, ESTHER? EGO SUM FRATER TUUS. Frater,
« Frater, » id est maritus qui te amo non ut maritus et dominus, sed ut frater, socius et æqualis. id est ma-
ritus.
Nota conjuges subinde se mutuo compellare fra- Car?

tres et sorores, idque partim pudicitiae et castitatis, partim benevolentiae et arcti amoris conjugalis causa, præsertim quia prima mundi post Adam et Eevam connubia fuere fratrum et sororum. Sic sponsa in Canticis a sponso vocatur soror : sic sapientia vocatur sponsa sapientis, *Sap.* viii, 2. Eadem amica et soror nominatur, *Proverb.* vii, 4. Denique (quod huic loco proprium est.) Persæ solebant sorores accipere in uxores, teste S. Hieronymo, lib. II *Contra Jovin.* Idem ex Herodoto, Agathia, Clemente, Alexandrino, Diogene Laertio docet Brissonius, libro II *De Regno Persarum*, pag. 214.

Vers. 15. 15. ET OSCULATUS EST EAM, — quasi sponsam dilectam, ut hisce blanditiis eam quasi examinem sibi redderet. Esther hic repræsentat B. Virginem, quæ Assuerum, id est Deum iratum toti generi humano ob peccata Adæ et posterorum adiens cum duabus ancillis, hoc est, cum duplii creatura, angelica scilicet et humana, ait S. Bonaventura, in *Speculo*, cap. III. Mystice cum duplii virtute et vita, activa scilicet et contemplativa, eumque obsecrans præ sacro numinis metu et reverentia quasi in deliquium corruit; sed Deus ei blandiens et osculans concessit quod postulabat, nimirum salutem generis humani, ideoque Filium suum ei dedit, ut in ea carnem assumens fieret hostia piacularis et Redemptor mundi. Hoc

est quod ipsa petebat, *Cant.* i, 1 : « Osculetur me osculo oris sui. »

16. VIDI TE, DOMINE, QUASI ANGELUM DEI, — angelica majestate et splendore refulgentem, ideoque metum et terrorem mihi cæterisque incutientem. Hinc Cosrohas rex Persarum gentilis, quem superavit Heraclius Imperator, juxta se miram fabricari jussit sphæram, in qua angeli regem circumstabant. Audi Theophanem, et ex eo Baronium, tomo VIII, anno Christi 622 : « Heraclius, victo Cosroha, abominandum offendit Cosrohis simulacrum, et effigiem ejus in globi formam, referente palatii tholo, tanquam in cœlo sedentem. Circum erant sol, luna et astra, quibus ille superstiosus tanquam diis serviebat, circumstantibus sibi angelis sceptigeris. Machinas porro impius paraverat, quæ eo ex loco guttas pluviae instar emitterent, sonitumque tonitrii æmulum ederent. Hæc omnia, ipsamque ignis ædem totamque urbem combussit Heraclius.» Ecce ut Cosrohas affectarit divinitatem, repræsentando Angelos, tonitrua et fulmina quæ Deo sunt propria.

17. ET FACIES TUA PLENA EST GRATIARUM, — puta plena decoris, splendoris, magnificentiae, majestatis angelicæ et divinæ, potius quam humanæ. Hac reverentia et blandiloquentia Esther delinivit Assuerum, eumque plane sibi devinxit, ut concederet quidquid illa postularet.

CAPUT DECIMUM SEXTUM.

SYNOPSIS CAPITIS.

Epiſtola Assueri qua revocat prius decretum de Judæis cædendis, ac contrarium edit, scilicet ut Judæi suos hostes mactent, utque hujus diei memoria festo quotannis recurrente celebretur.

Exemplar epistolæ regis Artaxerxis, quam pro Judæis ad totas regni sui provincias misit : quod et ipsum in Hebraico volumine non habetur.

1. Rex magnus Artaxerxes ab India usque Aethiopiam, centum viginti septem provinciarum ducibus ac principibus, qui nostræ jussioni obediunt, salutem dicit (*Sup.* xi, 2). 2. Multi bonitate principum, et honore qui in eos collatus est, abusi sunt in superbiam ; 3. et non solum subjectos regibus nituntur opprimere, sed datam sibi gloriam non ferentes, in ipsos qui dederunt, moliuntur insidias ; 4. nec contenti sunt gratias non agere beneficiis, et humanitatis in se jura violare, sed Dei quoque cuncta cernentis arbitrantur se posse fugere sententiam. 5. Et in tantum vesaniae proruperunt, ut eos qui credita sibi officia diligenter observant, et ita cuncta agunt ut omnium laude digni sint, mendaciorum cuniculis conentur subvertere ; 6. dum aures principum simplices, et ex sua natura alios aestimantes, callida fraude decipiunt. 7. Quæ res et ex veteribus probatur historiis, et ex his quæ geruntur quotidie, quo modo malis quorumdam suggestionibus regum studia depraventur. 8. Unde providendum est paci omnium provinciarum. 9. Nec putare debetis, si diversa jubeamus, ex animi nostri venire levitate, sed pro qualitate et necessitate temporum, ut reipublicæ possit utilitas, ferre sententiam. 10. Et ut manifestius, quod dicimus, intelligatis (*Sup.* iii, 1) : Aman filius Amadathi, et animo et gente Macedo, alienusque a Persarum sanguine, et pie-

tatem nostram sua crudelitate commaculans, peregrinus a nobis susceptus est ; 11. et tantam in se expertus humanitatem, ut pater noster vocaretur, et adoraretur ab omnibus post regem secundus ; 12. qui in tantum arrogantiæ tumorem sublatus est, ut regno privare nos nitetur et spiritu. 13. Nam Mardochæum, cuius fide et beneficiis vivimus, et consortem regni nostri Esther, cum omni gente sua, novis quibusdam atque inauditis machinis expetivit in mortem ; 14. hoc cogitans ut, illis interfectis, insidiaretur nostræ solitudini, et regnum Persarum transferret in Macedonas. 15. Nos autem, a pessimo mortalium Judæos neci destinatos, in nulla penitus culpa reperimus, sed e contrario justis utentes legibus, 16. et filios altissimi et maximi, semperque viventis Dei, cuius beneficio et patribus nostris et nobis regnum est traditum, et usque hodie custoditur. 17. Unde eas litteras, quas sub nomine nostro ille direxerat, sciatis esse irritas. 18. Pro quo scelere ante portas hujus urbis, id est, Susan, et ipse qui machinatus est, et omnis cognatio ejus pendet in patibulis : non nobis, sed Deo reddente ei quod meruit. 19. Hoc autem edictum, quod nunc mittimus, in cunctis urbibus proponatur, ut liceat Judæis uti legibus suis. 20. Quibus debetis esse adminiculo, ut eos qui se ad necem eorum paraverant, possint interficere tertia decima die mensis duodecimi, qui vocatur Adar, 21. hanc enim diem, Deus omnipotens, mœroris et luctus, eis vertit in gaudium. 22. Unde et vos, inter cæteros festos dies, hanc habetote diem, et celebrate eam cum omni lætitia, ut et in posterum cognoscatur, 23. omnes qui fideliter Persis obediunt, dignam pro fide recipere mercedem ; qui autem insidiantur regno eorum, perire pro scelere. 24. Omnis autem provincia et civitas, quæ noluerit solemnitatis hujus esse particeps, gladio et igne pereat ; et sic deleatur, ut non solum hominibus, sed etiam bestiis invia sit in sempiternum, pro exemplo contemptus et inobedientiæ.

Vers. 6. **6. DUM AURES PRINCIPUM SIMPLICES, ET EX STA
NATURA ALIOS ÆSTIMANTES, CALLIDA FRAUDE DEC
PIUNT.** — Hinc discant Principes et quivis alii non facile accusationibus et accusatoribus credere, nec nimis uni consiliario confidere ; sed plures audiant, si veritatem scire volunt ; nam « qui cito credit levis est corde, et minorabitur. » Eccli. xix., 4.

Sic Josue et Hebræi decepti sunt a Gabaonitis, quia nimis facile eis mentientibus crediderunt. Sic Holofernes cæsus est a Judith, quia temere ei credidit. Sic Samson a Dalila sua proditus est, quia ei secretum fortitudinis suæ in capillis sitæ credidit. Credidit temere Putiphar uxori accusanti Josephum de stupro ; et Absalon Chusai ; et Roboam adolescentibus ; ideoque decepti sunt et in ruinam acti. Denique Aman affectavit regnum Asueri, eo quod ipse illud totum ipsi credidisset. Idem fecere alii olim, et hoc quoque ævo nostro, qui, cum regibus et principibus dominarentur, ipsorum ditionis et regna invaserunt.

Vers. 9. **9. NEC PUTARE DEBETIS, SI DIVERSA JUBEAMUS** (revocando Amani decretum de Judæis occidendis), **EX ANIMI NOSTRI VENIRE LEVITATE,** — ut legem Persarum, quæ jubet decreta Regum esse irrevocabilia, leviter violemus vel abrogemus ; nam decretum prius non fuit regis, sed Amani, qui illud a rege per fraudem et mendacium extorsit, ideoque subreptitium, injustum et impium, ac proinde cognita jam veritate, a rege hoc novo edicto revocandum et corrigendum.

10. AMAN GENTE MACEDO. — Licet enim natus ^{ve} esset in Perside, tamen stirpem et originem ducebatur a Macedonibus, ac proinde in Macedones quasi in suos cives erat propensus, ideoque alienus et adversus Persis, ab eis regnum ad suos Macedones subdole transferre nitebatur, ut sequitur.

12. ET SPIRITU, — id est vita. Vers. 12.
14. UT INTERFECTIS (Judæis ac præsertim Es- Vers. 14.
there et Mardochæo fidelissimis amicis meis, et vitæ meæ tutoribus) **INSIDIARETUR SOLITUDINI NOSTRÆ,** — ut me tam fidis custodibus orbatum, quasi solum et carentem fideli custodia per dolum et fraudem occideret, meumque regnum occuparet. Verum id esse liquet ex eo quod hæc epistola non tam a rege, quam ab Esthere et Mardochæo sit dictata, qui erant probi, veraces et Deum timentes, qui ex secretis Amani epistolis, atque ex complicibus habita quæstione et diligentí examine, fraudes et conjurationem Amani in regem detexerunt et demonstrarunt. Hic verum est illud Eccli. cap. xi, vers. 36: «Admitte ad te alienigenam, et subvertet te in turbine, et abalienabit te a tuis propriis. » Vide ibi dicta.

ET REGNUM PERSARUM TRANSFERRET IN MACEDONAS. — Hinc Scaliger et Serarius putant Assuerum maritum Estheris fuisse Artaxerxem, non Longimanum, sed Mnemonem, sub quo vixit Philippus pater Alexandri Magni, qui regnum Macedonum eousque exiguum et obscurum amplificare et illustrare cœpit.

Verum dico per Macedones hic intelligi omnes Græcos, quia inter eos eminebant Macedones: ii ergo præ cæteris omnibus Græcis hic pominantur, quia Aman erat Macedo, qui proinde pro Persisse vel alium quempiam Macedonum regnare maluisset, quam Atheniensem, Spartanum aut alium Græcum; Græcos autem sub Dario Hystaspis fuisse metuendos, et de Persis male meritos docet Herodotus, lib. VII, pag. 183. Et Diodorus Siculus, lib. XI, scribit Xerxem, Olympiade 75, movisse arma contra Græcos, assiduos jam tum infestissimosque Persici nominis hostes; unde Xerxes contra eos duxit undecies centena milla Persarum, quæ omnia a paucis Græcis cæsa, fusa fugataque fuere. Additque Xerxis patrem Darium, magnam materiam ad classis Xerxiæ contra Græcos mittendæ ædificationem, præparasse. Justinus etiam, lib. II, pag. 34 et 39, docet Darium Hystaspis bella gessisse contra Athenienses, in quo bello asserit jam tum emicuisse virtutem et gloriam Themistoclis adolescentis. Denique quarto anno ante mortem Darius hic cum Græcis dimicavit apud Marathonem, celeberrimo in Græcis Romanisque historiis prælio, ut notavit quoque Severus Sulpitius, lib. II, pag. 68.

Consentit Josippus Gorionides, qui et addit duos illos eunuchos contra Assuerum conjurantes, ideoque per Mardochæum delatos et suspensos, destinasse caput Assueri sive Artaxerxis deferre ad regem Græcorum, ut ei gratificantur: eunuchos autem hos fuisse propinquos Aman; quia enim tum adhuc (utpote diu ante Philippum

et Alexandrum) obscurissimum erat Macedonum imperium; hinc Aman Macedo illud illustrare voluit translato ad se et suos Macedones nobilissimo Darii et Persarum imperio, imo monarchia; ut postea transtulit Alexander Magnus.

16. CUJUS (Dei) BENEFICIO ET PATRIBUS NOSTRIS ET NOBIS REGNUM EST TRADITUM. — Patres intellige reges præcedentes, præsertim Cyrus, cui Deus per Isaiam, cap. XLV, vers. 1, prædictus et promisit regnum, idque Cyrus agnovit, ideoque Judæos e Babylone liberos dimisit, I Esdræ 1, 1. Idem agnovit noster hic Darius, ut patet ex hoc loco, et ex III Esdræ 4, 43 et seqq.

18. ET COGNATIO EJUS PENDET IN PATIBULIS. — Nota: τὸ «cognatio,» id est cognati; nam filii Aman nono mense post hoc edictum, puta mense ultimo Adar, occisi et suspensi fuere, ut dixi cap. IX, vers. 13; quia, ut ait Ammianus, lib. XXV, leges apud Persas impendio erant formidatæ, «utpote per quas ob noxam unius omnis propinquitas periret.»

22. INTER CATEROS FESTOS. — Habebant enim Persæ sua festa, præsertim Mithræ, id est Soli, quem ut Deum colebant, dicata. Tale quoque fuit festum ob cædem Magorum, quod hic Darius Magis in regno succedens perpetui celebrandum indixerat, teste Herodoto, lib. III. Porro non mirum Darium jussisse hoc festum victoriæ Judæorum etiam a Persis Orientalibus celebrari, tum quia ipse totus pendebat a sua Esthere et Mardochæo, tum quia ipse jam verum Deum Hebræorum agnoverat et colebat, ut patet vers. 16.

COMMENTARIA

IN LIBROS

MACHABÆORUM.

ARGUMENTUM.

Suppono duos hosce libros esse Canonicos, ut definit Concilium Tridentinum, sess. IV; Carthaginense III, Can. 47; Innocentius III, epist. 3, *ad Exuperium*; Gelasius et alii. Apud Hebræos non sunt Canonici, tum quia Hebraice non exstant: unde ab Hebræis ignorantur; tum quia scripti sunt post Canonem sacrorum librorum a Synagoga tempore Esdræ editum. Vide Bellarminum, lib. I, *De Verbo Dei*, cap. v; Sextum Senensem, lib. VIII *Biblioth.* et Serarium hic.

Exstat insuper liber tertius Machabæorum, et apud nonnullos quartus; sed hos intra Canonem Ecclesia non admisit. Quare hi duo similes sunt libro tertio et quarto Esdræ.

Argumentum libri primi et secundi Machabæorum est, conscribere gesta et prælia Judæ, Jonathæ et Simonis fratrum Machabæorum contra Antiochum aliasque hostes. Hi duo libri ergo continent historiam Synagogæ, sive Israelis et populi Dei; Esdras enim desinit in Jeddoa sive Jaddo Pontifice, qui occurrit Alexandro Magno, a quo liber primus Machabæorum incipit, et historiam Israelis prosequitur per successores Alexandri, puta reges Asiarum et reges Ægypti, qui cum Judæis nunc foederati fuere, nunc bella cruenta gesserunt, in quibus enituit mira Machabæorum fortitudo, et singularis Dei eis victoriam dantis directio et protectio. Obiter autem breviterque tangit gesta Alexandri Magni et successorum usque ad Antiochum Epiphanem, qui Judæos cœpit persecuti et bello laceссere: unde ejus et posteriorum acta fuse enarrat, nimirum Antiochi Eupatoris, qui Epiphanis fuit filius, Demetrii regis et Alexandri, et alterius Antiochi, qui fuit Demetrii filius, qui cum Juda, Jonatha et Simone Machabæis bella gesserunt. Complectitur ergo gesta annorum sexaginta circiter.

Quis fuerit auctor ignoratur. Verisimile est aliquem e sacerdotibus, vel Pontificibus fuisse; hisce enim data erat cura gentis suæ historiam pertexendi, teste Josepho, lib. II *Contra Appion.* Probabile est primum librum scriptum fuisse a Joanne Hyrcano, filio Simonisfratri Judæ Macha-

bæi. Hie enim patri Simoni in Principatum æque ^{nes Hir.} ac Pontificatum successit, et omnibus pene patris ^{canus.} et patrui gestis interfuit; unde ejus illustris fit mentio in fine libri I. Adde quod ipse quoque fuerit Propheta, ut asserit Josephus, lib. XIII, capite x, quem audi: «Hyrcanus moritur anno imperii 31; tribus maximis a Deo habitus dignus honoribus, principatu gentis Judeorum, et Pontificatu, et prophetia. Fruebatur enim divinis colloquiis; unde tantam nactus est futurorum præscientiam, ut prædixerit duos maiores natu e liberis suis non diu fore paterni principatus compotes. » Idem asserit eum prædixisse filiorum suorum longe pugnantium præsentem victoriam. Denique hic 31 annis Israeli præfuit, ac pacem cum vicinis coluit, ideoque otio ad hæc scriendum abundavit. Ita Sanchez. Hic ergo avi sui Matthiæ patris Simonis ac patruorum Judæ et Jonathæ, tanquam familie suæ heroica prælia, gestaque conscripsit, ideoque in morte Simonis patris sui desiit. Secundi libri historiæ fuse a Jasono Cyrenensi quinque libris conscriptæ fuere, quas in epitomen contraxit, et librum secundum confecit primarius sacerdos, idque jussu Synagogæ. Nam Synagogæ nomine totus liber secundus scriptus fuit, quasi epistola ad Judæos per Ægyptum dispersos, ut eos ex persecutione Antiochi et posteriorum afflictos rerum meliorum nuntio soletur, ut patet ex ejus initio: «Fratribus, inquit, qui sunt per Ægyptum Judæis salutem dicunt fratres qui sunt in Jerosolymis. » In his autem erat Judas, non Machabæus, ut vult Bellarminus et alii; nam hic jam erat vita functus, sed alius vel propheta, vel princeps populi et Senator, cuius nomine epistola scribebatur, de quo plura lib. II, cap. i, 10 et cap. II, 24. Unde Serarius putat Judam hunc esse auctorem epistolæ, eumque cognominat Essenum.

Primus liber Machabæorum hebraice exstabat tempore S. Hieronymi, uti ipse fatetur in prologo Galeato. Secundum quoque hebraice existit insinuat Eusebius in *Chron.* ad annum mundi 4800: «Machabæorum, inquit, historia Hebræa

Secundi
Judas
Essenus.

hic Græcorum supputat regnum; verum hi libri inter divinas Scripturas non reperiuntur; » intellige ab Hebræis. Et ratio id suadet. Scriptus est enim ad Judæos per Ægyptum sparsos: Ju-dæorum autem nativa et materna lingua erat Hebraica, imo multi eorum alias ignorabant.

Porro Græcæ editionis horum librorum auctores esse nequeunt Septuaginta Interpretes, quia hi floruerent sub Ptolemæo Philadelpho, qui centum annis præcessit Antiochum Epiphanem, cuius persecutions hic describuntur.

Unde dicitur Machabæi. Quæres primo: Qui et quales fuere Machabæi, undeque sic appellati? Josippus Bengorion scribit Judam fratrem Jonathæ primum vocatum Machabæum a fortitudine, patrem enim Mathathiam moriturum sic eum affatum fuisse: « O fili mi! Juda, qui ob robur vocaberis Machabæus, » nimirum a radice מַחְאָה macha, quæ significat extinguere, occidere, delere, ut Machabæus idem sit quod extinxitor et occisor hostium. Ita Eusebius lib. III *Hist. cap. x*, dicens: « Quem librum Machabæorum intitularunt, eo quod certamina ini-bi et agones pro pietate a Machabæis desudati contineantur. » Favet quod dicit Mathathias moriturus, cap. II, 66, exhortans omnes ad legis et gentis suæ tutelam et bellum: « Judas Machabæus, fortis viribus a juventute sua, sit vobis

Secunda. princeps militiæ.» Rursum Pagninus *in nom. Hebr.* deducit nomen *Maccabi* (sic enim scribendum ipse censem) a מַכְהָבָב maccabi, id est, *plaga per me*; nacha enim est ferire, percutere, occidere, ut *Maccabi* sit idem quod percussor, occisor, qualis fuit Judas Machabæus, ejusque socii.

Tertia. Hæc duo etyma apposita sunt, ut ad illa alludi vix sit dubium. Alii « Machabæus » derivant a verbo Græco μάχων. id est pugno, quasi dicas pugnator, athleta, certator. Isidorus Pelusiota

Quarta. lib. III, *epist. 4*: « Machabæus, inquit, lingua Persica dominum sonat. » Insuper alii Machabæus derivant a בָּבֶל caab, id est, dolere; unde Benoni Hiphil מַכְבֵּב macib, id est, dolere faciens, crucians

Quinta. hostes Israelis. Alii deducunt a בָּבֶל chabab, id est, amare, quasi ab amore ardente Dei Judas dictus sit Machabæus, id est amator, vel Amadeus.

Sexta. Alii a מַכְבָּה mackeba, id est malleus. Judas enim fuit malleus Gentium.

Septima. genuina. Verum Hebræi et Latini passim tradunt Judam dictum Machabæum, eo quod ipse belli sacri contra infideles Antiochi assecelas tesseram, accep-erat illud Mosis devicto Pharaone concinentis *Exodi xv, 11*, מִי כִּכְבֵּד mi camocha baelim Jehova, id est: « Quis similis tui in fortibus, Domine? » ideoque initiales verborum horum litteras brevitatis studio vexillis suis inscripsisse, nimirum quæ, suppositis punctis vocalibus in unam dictionem conflatæ, faciunt *maccabi*, id est Machabæus, ut *machabi* sit quasi idem quod Michael, id est, quis ut Deus; quod deinde nomen ad socios et successores transmisit. Id ita esse patet ex sequentibus Judæ gestis et præliis,

in quibus semper Judas omnem victoriæ spem in uno Deo collocat, ideoque eum invocans, quasi leo in hostes irruit, eosque prostrernit, idemque fecit ante patris mortem a juventute sua, uti ipse pater asserit, cap. II, 66, ubi eum hac de causa belli populique Ducem constituit. Quare ante patris mortem emblema illius erat: *Mi camocha baelim Jehova*, id est: « Quis similis tui in fortibus, Domine? » indeque per abbreviationem vocatus est *Machabi*, id est, « Machabæus. » Quocirca ipse cum Nicanore conflicturus hanc belli tesseram suis dedit, « Dei adjutorium, » ut patet lib. II, cap. VIII, 23. Ita Genebrardus *in Chron. Sixtus Senensis*, lib. I; Arias, *in Isaiae cap. x*; Baronius, *in Martyr. ad diem 1 Augusti*, Serarius, Salianus, Sanchez et alii. Simili scribendi compendio exaratum fuit illud: *Mane Tekel Phares, Danielis v.* Similes abbreviaturas passim invenire est in libris Rabbinorum, quibus per primam litteram totam dictionem significant, quas omnes in unum colligit et explicuit Mercerus.

Quæres secundo e qua Tribu fuerit Judas, cæterique ejus fratres et nepotes Machabæi. Nonnulli censem fuisse e tribu Juda. Ex hac enim sceptrum non defecturum usque ad Christum prædixerat Jacob, *Genes. XLIX, 10*. Unde et I *Machab.* v, dicitur: « Et viri Juda magnificati sunt. »

Verum dico eos fuisse e tribu Levi et sacerdotali. Fuere enim ipsi summi Pontifices et simul Principes populi. Id ita esse clare liquet lib. I, cap. II, ubi Mathathias vocatur sacerdos descendens ex Joarib; Joarib autem descendit ex Aaron et Levi, ut patet lib. I, *Paralip. xxiv, 7*. Unde Mathathias vocat Phinees filium Eleazari filii Aarons, patrem suum et suorum, lib. I, cap. II, 54. Ad locum *Genes. XLV, 10*, ibidem respondi: ad locum Machabæorum inferius respondebo. Porro Machabæi alio nomine vocati sunt Assamonæi ab Assamonæo, qui fuit avus, vel abavus Mathathia, teste Eusebio, Josepho, lib. XII *Antiq. cap. VIII* et aliis. Hinc Hebræum *Assamonæi*, idem est quod *Optimates* vel *Principes*. Tales enim fuere Machabæi.

Porro Judas, Jonathas, Simon, eorumque posteri Machabæi a populo electi et constituti sunt Reipublicæ duces, aut principes, non autem reges, ut patet lib. I, cap. IX et XIV. Regia enim stirps Davidis defecit in Jechonia in Babylonem abducto, qui proinde a Jeremia, cap. XXII, vocatur vir sterilis. « Neque enim, inquit, erit in semine ejus vir, qui sedeat super solium David, » id est, qui sit rex; unde Salathiel filius Jechoniac et Zorobabel filius Salathiel fuere duces populi, non reges. Dices: Aristobulus, Joannis Hyrcani filius, diadema et regis nomen accepit; nam, ut ait Josephus XIII *Antiq. xix*: « Defuncto patre, Aristobulus natu maximus volens principatum in regni formam vertere, diadema sibi primus imposuit post 481 annos et menses tres, ex quo de captivitate Babylonica liberatus populus ad pristinas sedes postliminio reversus est. » Respondeo Aristobu-

Judas
Macha-
bæus
fuit è tri-
bu Levi,
non Ju-
da.

Ium ejusque posteros regis nomen et coronam propria auctoritate usurpasse, non autem a Republica datam accepisse; quare non fuere veri nec legitimi reges. Ita S. Hieronymus in cap. **xxi** *Ezechielis*: « Hyrcanus, ait, Pontifex diadema capiti suo imposuit, frustra sibi et hoc et illud voluit vindicare, cum regnum ei non deberetur post Sedeciam, » *d. q.* Quia non erat ex stirpe regis Davidis, quæ defecit in ultimo rege Sedecia. A vulgo tamen adulante, indeque a Scriptoribus nonnullis ipse et posteri ejus vocantur reges, vera tamen non fuerunt reges. Secus est de Herode; hic enim a Senatu Romano et ab Augusto jam tum dominante Judæis regnum Judææ, regisque nomen accepit. Unde in eo sceptrum a Juda translatum est ad alienigenam, ideoque tune advenit Christus, cui sceptrum hoc debebatur, ut vaticinatus est Jacob, *Genesis* **xl ix**, 10.

Judæ, Jonathæ, Simoni Machabæis synchroni et coævi fuere Antiochus Magnus ejusque filius Antiochus Epiphanes, ac hujus filius Antiochus Eupator; cum his duobus enim bella gesserunt. Item Ptolemæus Philometor rex Ægypti. Ad hæc Scipio uterque, scilicet Africanus, qui vicit Annibalem, et Carthaginem everxit; ac Asiaticus, qui de Antiocho Magno triumphavit. Ad hæc Fabius Maximus Annibal is castigator. E Philosophis Posidonius et Panætius. E Poetis Cæcilius, Ennius, Nævius, Plautus. Porro Antiochus Magnus duos reliquit filios Seleucum et Antiochum Epiphanem; horum duorum filii et nepotes continua successione inter se certarunt, et dimicarunt de Asiae imperio per ducentos annos: ita Deus punivit impietatem et scelera Epiphanis in posterioris.

Quæres tertio, qui sint aræ i Græcorum, juxta quos singula Machabæorum acta hoc libro consignantur, et unde initium accipient. Respondeo eos inchoari ab anno tertio decimo a morte Alexandri Magni. Post Alexandrum enim anno tertio decimo Seleucus multis victoriis cognominatus Nicanor, devicto Antigono Asiae rege, fecit se regem Asiae, indeque anni Græcorum, sive Seleucidarum computari cœperunt. Porro

1. Seleucus rex Asiae regnavit annis 30.

2. Seleuco successit filius Antiochus Soter, cuius tempore Judæi insignem juxta Babylonem de Galatis obtinuere victoram, quæ recensetur libro *II Machab.* cap. **viii**, vers. 20. Soter hic regnavit annis 19.

3. Soteri successit filius Antiochus cognomento θεός, id est Deus, ita vocatus a Milesiis, quod Lymarchum eorum tyrannum ejecisset, ait Appianus in *Syriaco*. De hoc vaticinatus est Daniel, cap. **x**, vers. 5. Vixit bello primo Punico. Regnavit annis 15.

4. Antiocho huic successit Seleucus Callinicus, de quo Daniel cap. **x**, vers. 7. Regnavit annis 20.

5. Callinico successit filius Seleucus Ceraunius,

id est fulmineus, quod audacia et celeritate similis fulmini appareret, de quo Daniel cap. **xi**, vers. 10. Regnavit annis 3.

6. Ceraunio successit frater Antiochus Magnus, qui a L. Scipione ad Thermopylas victus filium juniores Antiochum Epiphanem Romanum pro se obsidem misit, de quo Daniel cap. **x**, vers. 10 et seq. usque ad 20. Regnavit annis 37.

7. Antiocho Magno successit filius senior Seleucus Philopator, qui initio sumptus templo Judæorum submisit, *II Mach.* cap. **iii**, vers. 3; sed postea versu 32, per Heliodorum illud expilare voluit, cum ille flagellatus ab Angelo rediens Seleucum occidit. Regnavit hic Seleucus annis 12.

8. Seleuco fratri seniori successit junior dictus Antiochus Epiphanes, id est illustris. Verius a nonnullis nominatus Epimanes, id est insanus, quia crudeliter et insane templum expilavit, et Judæos divexavit. Hic regnum fratris dolo invasit anno 137 Græcorum, qui eodem anno Oniam sanctum Pontificem expulit, eique substituit fratrem impium Jasonem, *II Machab.* **iv**, 7. Idem anno secundo regni primam expeditionem suscepit in Ægyptum, inde pacificus Jerosolymam intravit. Ibidem vers. 21, anno 5, Jasoni deposito Pontificem surrogavit Menelaum Benjamini, *II Machab.* **iv**, 23, et cap. **iii**, vers. 4. Anno sexto rursum Ægyptum ingrediens, a Romanis jussus fuit egredi. Quocirca indignans egressus est, et indignationem suam in Judæos vicinos effudit, *I Machab.* **i**, 21, et lib. **II**, cap. **iv**, vers. 11 et seq. ubi causam afferam. Quare tribus diebus interfecit 80 millia Judæorum, 84 millia vendidit, et totidem incarcерavit, *II Machab.* **v**, 14. Inde per Appollonium plures alios occidit, vers. 24, et alios per Philippum, cap. **vi**, 11; idolum Jovis posuit in templo, vers. 2; tune pariter Eleazarum vers. 18, et septem fratres cap. **vii**, illustri martyrio affecit, anno 9 regni sui, qui fuit Græcorum 143. Contra eum se suosque erexit Mathathias, lib. **I**, cap. **ii**, cui post paucos menses morienti successit, et bellum Antiocho movit Judas Machabæus ejus filius, cap. **III**, qui sequenti anno Apollonium, vers. 11, et Seronem, vers. 23, vicit et cecidit. Anno 11 regni sui, qui fuit Græcorum 147, Antiochus in Persidem perrexit, ut Elymaidem diriperet, sed a Persis fugatus fuit, cap. **iii**, vers. 37. Gorgias quoque ejus dux a Judæis repulsus fuit, cap. **iv**. Anno 12, Lysias pariter a Judæis prostratus, et templum ab Antiocho per idolum pollutum expurgatum fuit. Ibidem, vers. 52, ineunte anno 12, qui fuit Græcorum 149, e Perside reversus prætristitia mortuus est, cap. **vi**, vers. 16, cum regnasset annis 12.

9. Antiocho Epiphani successit filius novennis Antiochus Eupator, qui cum suo tutele Lysia occisus est a Demetrio Seleuci Philopatoris filio, *I Machab.* **vii**, 1, anno Græcorum 151, qui fuit urbis Romæ conditæ 593, quo pariter vita functus est L. Æmilius Paulus, qui Perseum regem Mace-

donum superavit, et Macedoniam Romanis subjecit. Regnavit Eupator annis 2.

10. Eupatóri per vim successit Demetrius Seleuci filius anno Græcorum 151, usque ad annum 160, qui interfectus est ab Alexandre Veles, altero Antiochi Epiphanis filio, et fratre Eupatoris. Regnavit ergo Demetrius annis 10.

Hæc patent I Machab. 1, 7, et cap. x, vers. 1 et 30. Porro Judas Machabæus anno secundo Demetrii ab ejus duce Bacchide interfectus est; cui illico Jonathas frater successit, I Machab. ix, 13, 18 et 30.

11. Alexander Veles Antiochi Epiphanis filius regnare cœpit anno Græcorum 160, usque ad annum 167, quo interemptus est a Ptolemæo Philometore rege Ægypti socero suo, lib. I Machab. cap. x, vers 1 et 67, et cap. xi, vers. 17. Regnavit ergo Veles annis 6.

12. Demetrius, cognomento Nicanor, filius Demetrii filii Seleuci, cœpit regnare anno Græcorum 167 usque ad 172 quo victus captusque est a rege Persiæ Arsace, I Machab. cap. xi, vers. 19, et cap. xiv, vers. 1 et 3. Regnavit annis 6.

13. Antiochus, Alexandri Velis filius, a Tryphone tute suo promotus ad regnum, ab eodem post quadriennium occisus est. Regnavit ab anno Græcorum 168, usque ad 172. Quare quatuor ejus anni in chronologia non sunt addendi, quia continentur in annis Demetrii Nicanoris, cum quo regnavit, I Machab. xi, 39 et 54. Sic et Josephus, lib. XIII, cap. 12.

14. Tryphon, occiso Antiocho pupillo, & que ac Jonatha fratre Judæ Machabæi, per dolum regnum invasit; sed post triennium occisus fuit ab Antiocho Sidete. I Mach. cap. xiii, vers. 12, 23 et 32, et cap. xii, in fine. Regnavit ergo annis 3.

15. Antiochus Sidetes, cognomento Pius, frater Demetrii Nicanoris, fratre ab Arsace rege Persarum capto, regnum occiso Triphone invasore occupavit, ac feedus cum Simone fratre Jonathæ iniit, sed fregit, I Machab. xv, vers. 1 et 27. Occisus, ut narrant historie profanæ, a fratre suo Demetrio a Persis redeunte, eo quod uxorem ejus Cleopatram cum regno sib vindicasset, sed verius a sacerdotibus Nanæ, II Machab. i, 16. Regnavit annis 7.

16. Demetrius Nicanor frater Sidetis, dimissus ab Arsace, occiso fratre Sidete, regnum recuperat, rursusque tenet per annos 3.

17. Alexander Sebina ope Ptolemæi Physconis, occiso Demetrio Nicanore, regnum occupat. Regnavit annis 2.

18. Antiochus Gryphus, ita dictus a nasi magnitudine, ait Justinus lib. XXXVIII et XXXIX, Demetrii Nicanoris et Cleopatræ filius, occiso Sebina,

ope matris regnum capessit; sed eamdem matrem deinde sibi parantem venenum illud ipsam per speciem officii et humanitatis bibere compulit, itaque eam interfecit. Regnavit annis 12.

19. Antiochus Cyzicenus, filius Antiochi Sideritis et Cleopatræ (hæc enim duobus fratribus, scilicet Demetrio Nicanori, deinde eo a Persis capto fratri ejus Sideri nupserat), interempto Antiocho Grypho fratre suo uterino, quem prius regno privarat, uno duntaxat anno illi supervixit; universim tamen cum eo vivo regnavit annis 18.

20. Seleucus Gryphi filius cum fratre suo Antiocho, occiso patruo Cyziceno, regnum obtinet; sed victus ab Antiocho Eusebe filio Cyziceni, cum domo regia concrematur. Regnavit cum fratre annis 7.

21. Antiochus Eusebes, id est Pius, Cyziceni filius, cæso Grypho regnum occupat; sed mox eodem a Philippo et Demetrio Gryphi filiis spoliatur. Philippus ergo et Demetrius primo simul regnant, deinde victo Demetrio solus Philippus imperat. Hi omnes simul juncti regnarunt annis 6.

22. Tigranes, rex Armeniæ, fratribus jam dictis inter se de regno certantibus, simulans se eos contra Eusebem adjuturum, regnum invasit, donec ab illo a Romanis per Lucullum expulsus est. Tenuit illud annis 14.

23. Antiochus Asiaticus (quia in Asia Minore educatus), filius Eusebis, dum cum Tigrane et Mithridate pugnat Lucullus, paternum Syriæ regnum recuperat, illudque concedente Lucullo tenet annis 4. Sed mox Pompeius illud ei adimit, ac cum Judæa Romanis subjicit, Cicerone et Antonio consulibus, anno urbis 691.

Regnum ergo Græcorum in Syria a victoria Seleuci regis, qua devicto Antigono Minoris Asiæ rege, totius Asiæ regno Seleucus potitus est, duravit annos omnino 248.

Ante devictum Antigonus regnaverat Seleucus, quamvis non annos integros 13. Alexander vero Magnus, qui primus devicto Dario monarchiam a Persis ad Græcos transtulit, a quo tempore multi numerant annos regni Græcorum, post ipsam victoriam vixit annos 6.

Regnum ergo Græcorum in Syria ab initio monarchiæ Alexandri Magni, usque ad illud eis ademptum per Pompeium et Romanos, duravit annis 267. Quibus, ut dixi, posteri duorum fratum Seleuci scilicet et Antiochi Epiphanis continuo de eo certarunt, ac successive omnes sibi fuere invicem carnifices. Omnia jam dicta liquent ex Appiano, Justino, Josepho, Eusebio, Orosio et alijs.

**CHRONOTAXIS PTOLEMÆORUM REGUM ÆGYPTI, QUI POST ALEXANDRUM MAGNUM EODEM TEMPORE,
QUO SELEUCIDÆ IN SYRIA, REGNARUNT IN ÆGYPTO.**

1. Ptolemæus Lagi post Alexandrum statim occupavit Ægyptum, ab eoque omnes posteri ejus nominati sunt Ptolemæi, uti ante Pharaones. Regnavit annis 40.
2. Ptolemæus Philadelphus, filius Ptolemæi Lagi, post ejus mortem regnavit annis 38. Hic 120 Judæorum millia, quæ pater captiva in Ægyptum abduxerat, libera dimisit, ac ab Eleazaro Pontifice petit et obtinuit 72 Interpretes, qui Biblia ex Hebræo in Græcum idioma traducerent.
3. Ptolemæus Evergetes frater Philadelphi Seleucum Callinicum, ejusque filium Geraunum prælio vicit. Regnavit annis 26.
4. Ptolemæus cognominatus Philopator, id est amans patris per antiphrasin, eo quod interfecisset patrem, matrem, fratrem, sororem et uxorem, inescatus illecebris Agathocleæ meretricis, regnavit annis 17.
5. Ptolemæus Epiphanes filius Ptolemæi Philopatoris, qui uxorem duxit Cleopatram filiam Antiochi Magni et sororem Antiochæ Epiphanis, a qua omnes deinde reginæ Ægypti vocatae sunt Cleopatrae, regnavit annis 23.
6. Ptolemæus Philometor, Ptolemæi Epiphanis filius senior, regnavit annis 35. Hoc regnante, ejus avunculus Antiochus Epiphanes ingressus est Ægyptum, ut litem ejus cum fratre juniore Ptolemæo Physcone dirimeret, sed revera ea mente, ut regnum occuparet. Unde Philometore opem Romanorum implorante, ab eis jussus fuit Antiochus Ægypto excedere; quare frendens ipse iram suam in Judæos evomuit, ut *adiemus* lib. II, cap. iv, et lib. I, cap. XII. Rursum Philometor anno regni sui 18 concessit Oniæ, qui erat filius Oniæ sancti Pontificis, ædificare templum Heliopolis in Ægypto, simile Jerosolymitano, quod ab eo dictum est Onion, stetitque annis 233, rursum tandem una cum templo Jerosolymitano a Tito et Vespasiano. Ita Josephus, Eusebius et alii. Tandem Philometor, subdole volens Alexandrum generum suum privare regno Asiæ, illico mortuus interiit anno Græcorum 167, I *Machab.* xi, 1 et 18.
7. Ptolemæus Physcon, sive Evergetes, Philometoris frater, post fratrem regnavit annis 29. Hic novo prodigo fuit frater, maritus, simul et gener Cleopatrae: nam ejus filiam in uxorem duxit. Porro cum Cleopatra, Physcone marito victo, sola regnaret, Physcon tam suum, quam ejus filium in frusta concisum, et arcæ inclusum in natalitio matris die ipsi inter epulas apponi curavit, teste Justino lib. XXXVIII et XXXIX.
8. Ptolemæus Lathuri filius Ptolemæi Evergetis, ab aliis cognominatus Soter, regnavit annis 16.
9. Ptolemæus Alexander frater Lathuri cum matre, quæ Lathurum ejecerat, regnavit annis 10.
10. Ptolemæus Lathuri, ob sævitiam matris regno restitutus, rursum regnavit aliis annis 8.
11. Ptolemæus dictus Auletes, eo quod choralam exercuisset, filius Lathuri, ait Salianus. Hic genuit Cleopatram, quæ ultima fuit Ægypti regina. Idem eum filia Berenice universim regnavit annis 30.
12. Ptolemæus Dionysius, filius Auletis, qui puer, rexit Ægyptum per Cleopatram sororem annis 5.
13. Cleopatra, subverso fratre Ptolemæo Dionysio, sola regnavit annis 17. Hæc est celebris illa concubina M. Antonii triumviri, qui ab Augusto Gæsare in prælio victus occubuit: Cleopatra, ne in manus Augusti veniret, aspidum mortuū seipsum interemit. Augustus mox totam Ægyptum sibi et Romanis subjugavit, tuncque cœpit esse monarca anno urbis conditæ 724, qui fuit Olympiadis 187 annus tertius.
- Omnia hæc trædunt Eusebius, Justinus, S. Epiphanius, Beda, Salianus, Torniellus et alii. Hæc magnam lucem afferent utriusque Machabæorum libro. Nam Antiochi et Demetri reges Asiæ diu cum Ptolemæis regibus Ægypti de Judæa, imo de imperio certarunt: nam inter utrosque media erat Judæa, quæ proinde erat utrisque pœnum discordiæ, ut de ea sibi arreganda utriusque contenderent.

**CHRONOTAXIS MACHABÆORUM, SIVE ASSAMONÆORUM, QUI POPULO PRÆFUERÈ NON TANTUM US
PONTIFICES, SED ET UT PRINCIPES.**

1. MATHATHIAS contra Antiochum Epiphanem insurgens anno Epiphanis nono, qui fuit annus Græcorum 145, Pontificatum et Principatum Israëlis gessit paucis mensibus; I *Machab.* ii, 1.
2. Judas Machabæus, Mathathia mortuo, quasi filius primogenitus in Pontificatu et Principatu patri successit: patriam et verum Dei cultum fortissime et felicissime propugnavit; teïplum ejecto Antiochi idolo expurgavit, anno Græcorum 146:
- occisus tandem acerrime pugnatè contra Bacchi: deth anno Græcorum 152, I *Machab.* ix, 9 et 18. Ergo Israëlem rexit et defendit annis 6.
3. Jonathaś fratri Judæ surrogatis est a populo, approbante postea Alexandro Véles Antiochii Epiphanis filio, I *Machab.* x, 8 et 20. Tandem per dolum interemptus fuit a Tryphone anno Græcorum 170, I *Machab.* XIII, 23 et 41, cum præfuisse annis 19.

4. Simon fratri Jonathæ in Ducatu et Pontificatu substitutus est, I Machab. XIII, 8 et 25. Per dolum interemptus est a Ptolemæo genero suo anno Græcorum 177, I Machab. cap. ult., vers. ult. cum gubernasset annis 7.

5. Joannes Hircanus Simonis filius præfuit ut Dux et Pontifex annis 31. Hujus fit mentio, I Machab. cap. ult. vers. ult., atque in eo finitur sacra Machabæorum, omnisque veteris Testamenti historia, et S. Scriptura.

6. Aristobulus Joannis Hircani filius. Hic primus regis nomen et coronam assumpsit, quod ejus exemplo cæteri ejus posteri assumpserunt. Hic fratrem Antigonom occidit, atque eodem anno Dei vindicta vomens sanguinem interiit. Regnavit annum 1.

7. Jannæus Aristobuli frater junior, qui, ut Græcis placeret, græcum nomen assumpsit, dictusque est Alexander. Hic duos reliquit filios, Hircanum et Aristobulum, qui inter se de regno usque ad Herodem contenderunt, eique prædæ fuerunt. Regnavit annis 27.

8. Alexandra uxor Jannæi, eo mortuo regnum usurpans, regnavit annis 9.

9. Aristobulus junior Jannæi filius, Hircano fratre seniore excluso, Pontificatum et regnum invasit; sed a Pompeio captus, Romam missus fuit cum duobus filiis Antigono et Alexandro, cum regnasset annis 3. Tunc Pompeius Jerusalem ce-

pit, totamque Judæam Romanis subjecit, et vectigalem effecit, Cicerone et Antonio consulibus.

10. Hircanus senior Jannæi filius Pontificatui restituitur a Pompeio, eumque variis jactatus casibus tenet per annos 22.

11. Alexander Aristobuli filius, Roma elapsus, Judæam occupare conatus est; sed post triennium a Gabinio captus, a Pompeio capite multatus fuit; pater quoque ipse Aristobulus cum altero filie Antigono, Roma fugiens, ope Parthorum Judæam et Pontificatum occupavit tribus annis cum dimidio. Verum Julius Cæsar Hircano Pontificatum adjudicavit, uti jam ante fecerat Pompeius, ac Antipatri Idumeæ, Judææ et Hircani tutelam, quasi procuratori commisit: deinde M. Antonius Herodem et Phasellum filios Antipatri tetrarchas constituit. Denique Antigonus ultimus Machabæorum, petente Herode, capite truncatus fuit post annos 4.

In Antigono defecit omnis stirps Assamonæorum, æque ac eorum regnum et Pontificatus, cum utrumque tenuissent per annos 126, ut vult Josephus, vel potius per annos 130, ut vult Salianus et alii. Tot enim fluxere ab anno nono Antiochi Epiphanis usque ad annum primum Herodis, quo ipse cæso Antigono pleno jure regnum occupavit, atque in eo defecit sceptrum Judææ, ideoque venit Christus juxta oraculum Jacobi, Genes. cap. XLIX, vers. 10. Hæc omnia patent ex Josepho, Eusebio, Saliano, Torniello, Pererio et aliis.

PONTIFICUM SERIES AB ALEXANDRO MAGNO USQUE AD CHRISTUM.

1. Jaddo. Hic occurrit Alexandro Magno, eumque Judæis infensem reconciliavit, teste Josepho; lib. XI et XIII, sub finem. Præfuit juxta Eusebium annis 17.

Jaddi frater junior fuit Manasses, qui templum simile Jerosolymitanum a Sanaballat socero suo fabricatum in monte Garizim adiit, ejusque fuit Pontifex, de quo Judæis cum Samaritanis perpetua fuit lis et contentio usque ad Christum, ut patet Joannis capite IV. Vide Josephum, libro XI, cap. VII.

2. Onias primus, Jaddi filius, cui nonnulli dant annos 23.

3. Simon Oniæ filius, cognomento Justus, cuius elogia describit Eccli. L, 1.

4. Eleazarus Simonis frater, qui 72 Interpretes misit ad Ptolemæum Philadelphum, ut vetus Testamentum ex Hebræo in Græcum converterent.

5. Manasses filius Oniæ primi, frater Simonis, et patruus Eleazari.

6. Onias secundus Simonis Justi filius, cognomento Avarus.

7. Simon secundus Oniæ secundi filius.

8. Onias tertius, cognomento Sanctus, filius Simonis secundi, qui orans pro Heliodoro flagellato ab Angelis illi vitam impetravit, II Machab. cap. III, et I Machab. XII, 7 et 8. Hujus Oniæ filius et ipse dictus Onias, sub Ptolemæo Philometore

templum erexit Heliopoli in Ægypto, quod ab eo vocatum est Onion.

9. Jesus, sive Jason frater Oniæ Sancti, qui excluso fratre Pontificatum emit ab Antiocho Epiphanie, II Machab. IV, 7, et V, 5.

10. Menelaus Onias, Simonis Benjaminitæ frater, Pontificatum emens ab eodem Epiphane deturbavit Jasonem, sicut ille deturbarat Oniam Sanctum; sed cum pecuniam Epiphani promissam præstare non posset, in ejus locum suffectus est Lysimachus ejus frater, II Machab. IV, 27. Mox, lapidato Lysimacho, Menelaus rursum novis pecuniis Pontificatum coemit. Ibidem versu ult. Hi ergo fuere invasores et pseudo-Pontifices.

11. Mathathias Judæ Machabæi pater: de quo et filiis jam dixi. Quare breviter eos duntaxat re-censebo, ut seriem Pontificum expleam.

12. Judas Machabæus.

13. Jonathas, frater Judæ.

14. Simon, frater Jonathæ.

15. Joannes Hircanus Simonis filius.

16. Aristobulus, filius Hircani.

17. Jannæus Alexander, frater Aristobuli.

18. Aristobulus, filius junior Jannæi.

19. Hircanus, senior filius Jannæi.

20. Antigonus, Aristobuli filius, in quo desit stirps Assamonæorum.

21. Ananclus ab Herode Pontifex constitutus.

22. Aristobulus.
23. Ananclus secundo.
24. Simon Phabetis.
25. Simon Boethi sacer Herodis, sub cuius vita finem natus est Christus, novus novi Testamenti Pontifex secundum ordinem Melchisedech, *Heb. vii.*
Ex dictis collige a morte Alexandri Magni us-

que ad annos Græcorum, sive usque ad initium regni Seleuci in Asia fluxisse annos 12; inde usque ad Machabæos annos 145; denique a Machabæis usque ad Christi nativitatem annos 165. Mors ergo Alexandri Christi ortum antecessit annis 322. Vide Chronologiæ tabulam, quam præposui Pentateucho.

ORDO ET CONNEXIO LIBRORUM MACHABÆORUM.

Moses in Genesi descriptis originem mundi et Ecclesiæ Dei, deinde ejus propagatio usque ad reges Israelis Saulem et Davidem narratur in libro Josue et Judicum. Mox in libro Regum ejus progressus recensetur, quem habuit sub regibus, puta Saule, Davide, Salomone, etc., item quæ passa est a regibus Assyriorum et Chaldæorum, quorum prima fuit monarchia. Deinde in Esdra, Nehemia, Tobia, Judith, Esther commemorantur ea quæ eidem Ecclesiæ, puta Israeli et populo Dei tam prospera quam adversa contigerunt in secunda monarchia, quæ fuit Cyri et regum Persarum. Nunc in hisce libris Machabæorum narrantur ea quæ eidem acciderunt commoda et incommoda in tertia monarchia, quæ fuit Alexandri Magni et Græcorum, puta ab Antiochis regibus Asiæ et Syriæ, et Ptolemaëis regibus Ægypti: inter utrosque enim media fluctuavit semper Judæa, nunc his, nunc illis, vel amica, vel inimica.

Porro quatuor reperiuntur libri Machabæorum, quorum hic est ordo historicus et chronologicus. *Primo* loco ordine temporum et rerum gestarum collocandus est liber tertius Machabæorum, quia recenset ea quæ Israeli et populo Dei contigerunt sub Ptolemaeo Philopatore rege Ægypti et Antiocho magno rege Asiæ. *Secundo* loco ponendus est is qui nunc in Bibliis ponitur secundus, quia complectitur gesta et bella Judæ Machabæi cum Antiocho Epiphane, qui fuit filius Antiochi Magni. *Tertium* locum poscit is qui in Bibliis est primus Machabæorum, quia ad acta Judæ addit gesta Jonathæ et Simonis, fratrum et successorum Judæ. *Quartum* locum vindicat liber quartus, quia conscribit facta Joannis Hircani, qui fuit filius Simonis fratris Judæ. Sed inter hos quatuor soli duo medii sunt canonici; cæteri vero duo, scili-

cet primus et ultimus, sunt ἀπόχρυφοι, id est occultæ et incertæ auctoritatis, non tamen falsi, aut damnati; quales pariter sunt liber tertius et quartus Esdræ.

Rursum liber primus Machabæorum qui in Bibliis exstat, quasi Canonicus, multum differt a secundo, et ab alio auctore conscriptus est: nam redolet phrasin Hebræam, secundus vero Græcam. Rursum primus sua consignat per annos Græcorum, numerando eos juxta computum Alexandrinum; secundus vero juxta computum Chaldaicum, qui ab Alexandrino distat integro anno cum medio, ut suo loco ostendam (1). Denique liber secundus narrat acta Judæe alio modo, quam narrata sint lib. primo, nec unquam libri primi meminit. Denique primus actis Judæe addit acta Jonathæ et Simonis, quæ omittit secundus.

(1) Hic annotare sufficiat hujus discrepantiæ rationem. Æra regni Græcorum non statim a morte Alexandri incœpit, sed anno post undecimo, cum Seleucus Nicanor, Susiana et Mediana devictis, regnare cœpisse dictus est, unde hæc æra Seleucidarum est appellata. Hujus initium epochæ ab illo anno deducere solemne est, qui ante æram christianam putatur 312, et est in periodo Juliana 4402, quo 117 Olympias initit. Verum triplicem hanc pro tripli diverso initio facit Scaliger, *Can. Isagog.* lib. III, idque jam apud doctos receptum est. *Prima* Judaica dicitur, quam Josephus et Auctor libri I *Machab.* sequuntur. Uterque « annos Græcorum » vocat, Josephus semel « annos Assyriorum » *Antiquit.* lib. XIII. Hæc autem a Nisan (qui nostro mensi Martio congruit), seu verno mense incipit. *Secunda* Antiochenæ seu Alexandræa vocatur, quæ ab autumno subsequente et mense Tisri (qui nostro septembri correspondet); Collector II lib. *Machab.* hac æra usus est, ita ut anni prioris libri, sex mensium intervallo posterioris antevertant initia. *Tertia* quoque additur, quæ Chaldaeorum est, quæque a vere sequente incipit. Ita fit ut ad minus anno integro hæc æra sit Judaica posterior, Antiochenæ vero intervallo tantum semestri. (Ex *Bibl. Vitræi.*)

CAPUT PRIMUM.

SYNOPSIS CAPITIS.

Alexander Magnus moriturus sua regna inter Principes partitur. Ex herum uno, scilicet, Seleuco prognatus est Antiochus Epiphanes. qui Iudeam vastavit, templum diripuit, in eoque Jovis idolum collocavit, plurimos occidit Iudeos, ceteros ad idolatriam compulit, ac resistentes per varia tormenta martyrio affecit.

1. Et factum est, postquam percussit Alexander Philippi Makedo, qui primus regnavit in Græcia, egressus de terra Cethim, Darium regem Persarum et Medorum ; 2. constituit prælia multa, et obtinuit omnium munitiones, et interfecit reges terræ ; 3. et pertransiit usque ad fines terræ ; et accepit spolia multitudinis Gentium ; et siluit terra in conspectu ejus. 4. Et congregavit virtutem, et exercitum fortem nimis ; et exaltatum est, et elevatum cor ejus ; 5. et obtinuit regiones Gentium, et tyrannos ; et facti sunt illi in tributum. 6. Et post hæc decidit in lectum ; et cognovit quia moreretur. 7. Et vocavit pueros suos nobiles, qui secum erant nutriti a juventute ; et divisit illis regnum suum, cum adhuc viveret. 8. Et regnavit Alexander annis duodecim, et mortuus est. 9. Et obtinuerunt pueri ejus regnum, unusquisque in loco suo ; 10. et imposuerunt omnes sibi diademata post mortem ejus, et filii eorum post eos annis multis, et multiplicata sunt mala in terra. 11. Et exiit ex eis radix peccatrix, Antiochus illustris, filius Antiochi regis, qui fuerat Romæ obses, et regnavit in anno centesimo trigesimo septimo regni Græcorum. 12. In diebus illis exierunt ex Israël filii iniqui, et suaserunt multis, dicentes : Eamus, et disponamus testamentum cum Gentibus, quæ circa nos sunt ; quia ex quo recessimus ab eis, invenerunt nos multa mala. 13. Et bonus visus est sermo in oculis eorum. 14. Et destinaverunt aliqui de populo, et abiérunt ad regem ; et dedit illis potestatem ut facerent iustitiam Gentium. 15. Et ædificaverunt gymnasium in Jerosolymis secundum leges Nationum ; 16. et fecerunt sibi præputia, et recesserunt a testamento sancto, et juncti sunt Nationibus, et venumdati sunt ut facerent malum. 17. Et paratum est regnum in conspectu Antiochi, et cœpit regnare in terra Ægypti, ut regnaret super duo regna. 18. Et intravit in Ægyptum in multitudine gravi, in curribus, et elephantis, et equitibus, et copiosa navium multitudine : 19. et constituit bellum adversus Ptolemæum regem Ægypti, et veritus est Ptolemæus a facie ejus, et fugit, et ceciderunt vulnerati multi. 20. Et comprehendit civitates munitas in terra Ægypti, et accepit spolia terræ Ægypti. 21. Et convertit Antiochus, postquam percussit Ægyptum in centesimo et quadragesimo tertio anno ; et ascendit ad Israël, 22. et ascendit Jerosolymam in multitudine gravi. 23. Et intravit in sanctificationem cum superbia, et accepit altare aureum, et candelabrum luminis, et universa vasa ejus, et mensam propositionis, et libatoria, et phialas et mortariola aurea, et velum, et coronas, et ornamentum aureum, quod in facie templi erat ; et comminuit omnia. 24. Et accepit argentum, et aurum, et vasa concupiscibilia ; et accepit thesauros occultos, quos invenit ; et sublatis omnibus abiit in terram suam. 25. Et fecit cædem hominum, et locutus est in superbia magna. 26. Et factus est planctus magnus in Israël, et in omni loco eorum ; 27. et ingemuerunt principes et seniores : virgines et juvenes infirmati sunt, et speciositas mulierum immutata est. 28. Omnis maritus sumpsit lamentum ; et quæ sedebant in thoro maritali, lugebant ; 29. et commota est terra super habitantes in ea, et universa domus Jacob induit confusio nem. 30. Et post duos annos dierum, misit Rex principem tributorum in civitates Iuda, et venit Jerusalem cum turba magna. 31. Et locutus est ad eos verba pacifica in dolo, et credi-

dérunt ei. 32. Et irruit super civitatem repente, et percussit eam plaga magna, et perdidit populum multum ex Israel. 33. Et accepit spolia civitatis: et succendit eam igni, et destruxit domos ejus, et muros ejus in circuitu; 34. et captivas duxerunt mulieres; et natos, et pecora possederunt. 35. Et ædificaverunt civitatem David muro magno et firmo, et turribus firmis, et facta est illis in arcem; 36. et posuerunt illic gentem peccatricem, viros iniquos, et convaluerunt in ea, et posuerunt arma, et escas, et congregaverunt spolia Jerusalem; 37. et reposuerunt illie; et facti sunt in laqueum magnum. 38. Et factum est hoc ad insidias sanctificationi, et in diabolum malum in Israel; 39. et effuderunt sanguinem innocentem per circuitum sanctificationis, et contaminaverunt sanctificationem. 40. Et fugerunt habitatores Jerusalem propter eos, et facta est habitatio exterorum, et facta est extera semini suo, et natii ejus reliquerunt eam. 41. Sanctificatio ejus desolata est sicut solitudo, dies festi ejus conversi sunt in luctum, sabbata ejus in opprobrium, honores ejus in nihilum. 42. Secundum gloriam ejus multiplicata est ignominia ejus; et sublimitas ejus conversa est in luctum. 43. Et scripsit rex Antiochus omni regno suo, ut esset omnis populus unus, et relinquere unusquisque legem suam. 44. Et consenserunt omnes Gentes secundum verbum regis Antiochi; 45. et multi ex Israel consenserunt servituti ejus, et sacrificaverunt idolis, et coquinaverunt sabbatum. 46. Et misit Rex libros per manus nuntiorum in Jerusalem, et in omnes civitates Juda, ut sequerentur leges Gentium terræ; 47. et prohiberent holocausta, et sacrificia, et placationes fieri in templo Dei; 48. et prohiberent celebrari sabbatum, et dies solemnes; 49. et jussit coquinari sancta, et sanctum populum Israel. 50. Et jussit ædificari aras, et templa, et idola, et immolari carnes suillas, et pecora communia; 51. et relinquere filios suos incircumcisos, et coquinari animas eorum in omnibus immundis, et abominationibus, ita ut obliterarentur legem, et immutarent omnes justificationes Dei. 52. Et qui cumque non fecissent secundum verbum regis Antiochi, morerentur. 53. Secundum omnia verba hæc scripsit omni regno suo; et præposuit principes populo, qui hæc fieri cogerent. 54. Et jusserunt civitatibus Juda sacrificare. 55. Et congregati sunt multi de populo, ad eos qui dere liquerant legem Domini, et fecerunt mala super terram; 56. et effugaverunt populum Israel in abditis, et in absconditis fugitorum locis. 57. Die quinta decima mensis Cas leu, quinto et quadragesimo et centesimo anno, ædificavit rex Antiochus abominandum idolum desolationis super altare Dei, et per universas civitates Juda in circuitu ædificaverunt aras; 58. et ante januas domorum, et in plateis incendebant thura, et sacrificabant; 59. et libros legis Dei combusserunt igni, scindentes eos; 60. et apud quemcumque inveniebantur libri testamenti Domini, et quicumque observabat legem Domini, secundum edictum regis, trucidabant eum. 61. In virtute sua faciebant hæc populo Israel, qui inveniebatur in omni mense et mense in civitatibus. 62. Et quinta et vigesima die mensis sacrificabant super aram, quæ erat contra altare. 63. Et mulieres, quæ circumcidebant filios suos, trucidabantur secundum jussum regis Antiochi, 64. et suspendebant pueros a cervicibus per universas domos eorum; et eos, qui circumciderant illos, trucidabant. 65. Et multi de populo Israel definierunt apud se, ut non manducarent immunda; et elegerunt magis mori, quam cibis coquiniari immundis; 66. et noluerunt infringere legem Dei sanctam, et trucidati sunt; 67. et facta est ira magna super populum valde.

Vers. 1. 1. ET FACTUM EST; POSTQUAM PERCUSSIT ALEXANDER (Magnus) PHILIPPI (filius) MACEDO, QUI PRIMUS (1) (Græce πρότερος, id est prius) REGNAVIT IN

GRÆCIA, (scilicet, tota, ait Serarius) : EGRESSUS DE TERRA CETHIM; — id est de regionibus Judææ transmarinis (has enim Judæi vocant Cethim) uti sunt

(1) Qui critici vocantur, de falso arguebant hanc assertionem: « Qui primus regnavit in Græcia. » Nam, inquietabant, ante Alexandrum plurimi fuere Macedoniae reges qui in Græcia regnarent. Respondebatur quidem

Alexandrum fuisse primum qui regnum fundaverit nomine Græcorum; sed scientia numismatica pleniores et clariorem solutionem invenit. Enimvero Erasmus Frolichus in celebribus Annalibus compendiariis regum et

Macedonia, Græcia, Cyprus, etc. sic hodie eos, qui trans Alpes habitant Itali vocant transmontanos. Rursum nonnulli per « Cethim accipiunt proprie Macedoniam (quæ hodie Albania dicitur), tum quia Philippus et Persæ vocantur reges Cethæorum, id est Macedonum, *I Mach. viii*, 5; tum quia Suidas verbo *Latini* et κέτην asserit Macedonia est Cyprus et κέτην et Attice μάκαρα; sic et S. Hieronymus, lib. V in *Isaiam* cap. xxiii et in cap. xxvii *Ezech.* et xi *Daniel.* per Cethim accipit insulas Macedoniae; et S. Epiphanius, *hæresi* 30, ait Alexandrum dici egressum ex Cethim, id est ex Macedonia, quia in ea erat genus Cypriorum, ac Rhodiorum, quibus proprie competit hoc nomen: Cethim enim, teste Josepho, lib. I *Ant.* cap. vii, proprie dicta est Cyprus, et inde quævis aliæ insulæ. Insulas autem vocant Hebræi omnes transmarinas regiones, uti sunt Italia, Græcia, Macedonia. Favet quod Livius, lib. V, *Decade* II, nominet in Macedonia Citium, quo totus exercitus Persei convenierat. Favet quoque vocis Macedoniae affinitas cum Cethim. Quare Dionysius de situ orbis et Hesychius in Lexico Macedonia vocant Macetam, et Macedones Macetas. Unde Ausonius, in *claris urb.* Epigr. II, « Macetumque attollere nomen. » Quin et Thucidides, lib. II, cap. II, ait Cyprios in Macedonia transmigrasse, ut eis suum nomen Cethim indere potuerint. Sic et Theodorus Annius, Pintus, Fererius in *Isiae* II, per Cethim accipiunt Macedoniam.

DARIUM REGEM PERSARUM — ultimum, cognomento Codomanum. Hunc percussit et occidit Alexander Magnus anno sexto regni sui, tumque monarchiam a Dario et Persis ad se et ad Græcos transtulit, factusque monarca regnavit alias sex annos: mortuus est enim anno regni sui duodecimo. Porro Darius prius vocatus est Codamus, et cauponam exercuit Susis, ait Dionysius, Chrysostomus, *orat.* 5; inde creatus est præfectus Armeniae, ac tandem rex: quare non erat ex stirpe regia, sed id simulavit assumendo nomen regale Darii, ideoque eum Alexander invasit, et regno sibi non debito privavit.

3. ET PERTRANSIIT USQUE AD FINES TERRÆ, — omnia sibi armis subjugans usque ad Gangem et Oceanum Indicum, ait Josephus, Livius et Justinus.

ET SILUIT TERRA IN CONSPPECTU EJUS — præ terrore fortitudinis et victiarum ejus continuarum, ut nemo ei auderet resistere, nec contra eum hiscere, sicut mures silent in conspectu felis, et canes coram leone.

terum Syriæ (secunda edit. Viennæ, 1734), ubi totam historiam biblicam cum numismatibus quæ supersunt, confert; omnia facta, omnes epochas S. Scripturæ cum numismatibus concordare manifeste probavit, et speciatim Alexandrum fuisse primum qui in numismatibus inscriptus fuerit rex, βασιλεὺς. Vide opus Cardinalis Wieseman, *Relationes inter scientias et religionem revelatas*, *orat.* 9.

4. ET CONGREGAVIT VIRTUTEM ET EXERCITUM, — id est exercitum non tam multitudine, quam virtute militum metuendum. Alexandri enim milites erant veterani, laboribus et præliis assueti, continuis victoriis animosi, ut omnia pervaderent et subjecerent. Est hendiadis. Unde Græce est: congregavit virtutem, id est exercitum **FORTEM**.

ET ELEVATUM EST COR EJUS, — adeo ut divinitatem affectaret, et ab ipso Jove satum se esse contenderet. Quam opinionem vanam ex ingentibus victoriis, et adulantium blandimentis, et rebus supra fidem prosperis imbiberat, ut Olympiadem teste Agellio, lib. XIII, cap. iv, Junonis pellicem faceret. Ad Græcos scripsit stolidus, et ut ipsum Deum facerent jussit, ut ait *Ælian*us, lib. II *variae historiæ*, cap. xix; sed a Lacedæmoniis derisus, vecordiæ et stuporis incusatur, ut idem *Ælian*us est auctor, lib. V, cap. ii. Adulatus est ei sacerdos Hammonis pro παιδίον, id est puer, *fili*, vocans eum παι δίος, id est *fili Jovis*.

6. POST HÆC, (anno regni sui 12, monarchiæ vero sexto, ætatis 33), **DECIDIT IN LECTUM**, — vel ex nimio potu, uti narrat Plutarchus in ejus vita, et Seneca, *epist.* 83, vel ex veneno, uti censem Curtius.

7. ET VOCAVIT PUEROS, id est duces, principes sibi intimos, uti fuere Ptolæmus Lagi filius, Seleucus, Antigonus, Aridæus, Perdiccas, Cassander et alii: **ET DIVISIT ILLIS REGNUM SUUM**. — Idem asserit Josephus Gorionides, lib. III, ac S. Cyrillus Jerosolymitanus, *Catechesi* 4 de S. Scriptura, et alii. Favet quod scribit Curtius, lib. X, cap. x: « Credidere, inquit, quidam testamento Alexandri distributas esse provincias; » idque a variis auctoribus traditum asserit, licet ipse contrarium sentiat. Porro Auctori nostro, cui quasi scriptori hagiographo Patres Græci et Latini, imo tota Ecclesia fidem sacram tribuit, magis credendum est, quam Diodoro, Justino, Curtio et Orosio asserentibus, Perdiccam post mortem Alexandri provincias inter Principes distribuisse: quod tamen fieri quoque potuit, nimirum ut Alexander Perdicæ dato anulo, quasi secreti sui conscio mandarit, ut imperium suum in duodecim Principes divideret. Id enim fecit Perdiccas, utique id non facturus, sed sibi plurima retenturus, nisi id ei Alexander mandasset. Rursum S. Thomas, *Glossa*, Dionysius, Josephus, Stephanus sic exponunt: « Divisit illis regnum, » id est dividendum reliquit, exposuit et obtulit, *q. d.* Alexander moriens nullum certum hæredem designavit, sed voluit ut principes inter se illud ex aequo dividerent. Audi nunc Justinum, lib. XII: « Cum deficere eum amici videbent, querunt quem imperii faciat hæredem. Respondit, dignissimum. Tanta illi magnitudo animi fuit, ut cum Herculem filium suum, cum fratrem Aridæum, et cum Roxanem uxorem prægnantem relinqueret, oblitus necessitudinem, dignissimum nuncuparet hæredem. Sexto die, præclusa voce, exemptum digito annulum Perdicæ tradidit. Quæ

Alexander
der vo-
luit ha-
beri Jo-
vis filium

An Ale-
xander
provin-
cias suis
diviserit

res gliscentem amicorum dissensionem sedavit. Nam etsi non voce nuncupatus haeres, indicio tamen electus esse videbatur. »

Porro inter hos duodecim Alexandri haeredes et successores primarii fuere quatuor, nimurum Ptolemæus, qui Egyptum; Antigonus, qui Asiam; Aridæus, qui Macedoniam; Seleucus, qui Syriam, Babyloniam et Persiam, ac victo Antigono Asiam occupavit.

Vers. 8. 8. ET MORTUUS EST — Babylone, ex veneno dolo Antipatri ei dato, ait Beda et Q. Curtius; vel ut alii ex crapula, vel ex utroque: plura de gestis Alexandri dixi *Daniel.* cap. viii. Vide hic vanitatem regum et regnorum mundi. En tibi Alexander, qui mundum subjugarat et novos mundos, quos subjugaret, quærebatur, sex tantum annis imperio suo gavisus est, ac sexto anno mortuus exiguo tumulo conditus, sepultusque jacet. Vere Juvenalis, *Satyræ* x :

Alexander speculum vanitatis.
Unus Pelæo juveni (*Alexandro*) non sufficit orbis,
Æstuat infelix angusto limite mundi, etc.
Sarcophago contentus erit: mors sola fatetur
Quantula sunt hominum corpuscula.

Hinc Apelles pinxit Alexandrum, quasi fulmen manu tenentem, eo quod instar fulminis omnia pervaserit, sed et illico disparuerit, ut fulmen. Narrat Petrus Alphonsus plures philosophos (forte Gymnosopistas, qui olim quæstiones ab Alexander propositas resoluerant) audita morte Alexandri ad funus accurrisse. Atque unus, inquit, dicebat: « Heri totius terræ spatirositas Alexandro non suffecit; nunc trium quatuorve ulnarum spatium illi ipsi sufficit. » Aiebat aliud: « Heri potuit Alexander a morte multos liberare; hodie seipsum non potest. » Alius, cum aureum ejus loculum videret: « Heri Alexander ex auro fecit thesaurum, hodie aurum ex ipso fecit thesaurum. » Alius: « Heri Alexander terram oppressit, hodie a terra opprimitur. »

Denique mater Alexandri Olympias ingemuit: « O fili, inquit, qui cœli particeps esse studebas, ne iis quidem potiri vales, quæ mortalium omnium communia sunt, terra et sepultura. » Mansit enim cadaver insepultum Alexandri ad triginta dies ob principum dissidia. Ite nunc, filii Adæ, terræ, ut talpæ inhiate, agros agris, urbes urbibus, regna regnis accumulate, cras moriunti.

O curas hominum! ò quantum est in rebus inane!

Pulcher fuit Alexander, nunc est putre cadaver: fuit Cyrus, nunc est Irus: fuit remex calicum, nunc est esca vermium; fuit terror gentium, nunc est præda dæmonum: fuit inclytus rex gloriæ, nunc est follis et fomentum gehennæ, eritque semper in omnem æternitatem. Hoc speculum intuere, o Lector, tibique dicio: « Hodie Alexander, cras mihi. »

Vers. 11. 11. ET EXIIT EX EIS RADIX PECCATRIX ANTIOCHUS

ILLISTRIS, — q. d. Ex uno ducum Alexandri, et post eius mortem regum, prognatus est Antiochus Epiphanes, puta ex Seleuco, qui victo Antigono sibi diadema Asiæ imposuit, anno 12 post mortem Alexandri; a Seleuco enim sexta generatione descendit Epiphanes, id est illustris. Verius ab aliis dictus Epiphanes, id est insanus; tum, quia multa stulta et insana factitavit, quæ ex Leonico recensui, *Daniel.* xi, 21; tum quia, quasi furiis infernalibus actus insanuit, et crudelissime sæviit in Judeos. Aliam causam dat Polybius, quod a Magis per magiam fuerit intoxicatus, et in mentis delirium vesaniamque actus.

Epiphanes vocatur « radix peccatrix, » quia sicut ex radice germinant poma et fructus, sic ex Epiphane germinarunt omnia peccata, superbiæ, avaritiæ, libidinis, crudelitatis, impietatis, sacrilegiorum, etc., quæ toto hoc capite et seq. audierimus. Hinc ipse fuit expressus typus et præcursor Antichristi, qui II *Thessal.* II, a Paulo vocatur « homo peccati, » quia erit impiissimus et scelestissimus.

FILIUS ANTIOCHI REGIS (cognomento Magni), qui FUERAT ROMÆ OBSES. — Antiochus enim Magnus cum Annibale victus a Scipione Asiatico fratre Scipionis Africani, eo quod Annibal consilia neglexisset) Scipioni et Romanis obsidem pacis et fœderis dedit filium suum juniores Antiochum Epiphanem. Sed Epiphanes, mortuo patre et fratre seniore Seleuco Philopatore per dolum ab Heliодoro interfecto, clam Roma elapsus in Syriam, ibi regnare cœpit anno 137 REGNI GRÆCORUM, id est post mortem Alexandri Magni anno 145. Nam anni Græcorum incipiunt a Seleuco, qui 12 anno a morte Alexandri regem Asiæ se fecit, regnumque ad posteros propagavit, ut dixi in Proœmio, *Quæst.* III.

12. IN DIEBUS ILLIS EXIERUNT EX ISRAEL FILII INITIQUI, — quorum dux fuit Jesus Oniæ Pontificis frater, qui gentilizans et græcizans Jasonem se vocavit, et Pontificatum, fratre Onia ejecto, invasit, de quo, lib. II, cap. iv, vers. 7. Item Menelaus, Simon et similes, de quibus, lib. II, cap. v. Hi videntes iniquitatem æque ac potentiam Antiochi Epiphanis Syriæ et Judeæ dominantis, ejus impietati se conformarunt, ut ab eo opes et honores consequerentur, ac cæteris Judeis præficerentur, fierentque Pontifices et gubernatores, imo Domini Judæorum, nimurum :

Regis ad exemplum totus componitur orbis.

Sicut ergo pius rex David Judeos fecit piros, sic impius Epiphanes eos fecit impios.

14. DEDIT (Epiphanes) ILLIS POTESTATEM, UT FACERENT JUSTITIAM GENTIUM, — ut scilicet Gentilium ritus et mores, ac præsertim falsam religionem et idololatriam, liberamque libidinem sequerentur, et in Judeam inducerent; unde sequitur :

15. ET AEDIFICAVERUNT GYMNASIUM IN JEROSOLYMIS *Gymna* SECUNDUM LEGES NATIONUM, — in quo scilicet ado-

suum
quid?

lescentes discerent non tantum Gentilium fabulas et litteras, uti censem S. Thomas et Lyranus, item digladiari, sagittare, certare cursu, saltu, diseo, ac luctari in palestra, etc., sed etiam decerentur omnem luxuriam, etiam contra naturam pederasticam et sodomiticam; unde *gymnasiis hisce adduntur ephebiæ sive lupanaria*, lib. II, cap. iv, vers. 12. Et talia erexere impii reges olim in Juda, quæ effeminatorum vocantur, quibus præerat quasi sacerdotissa et principissa mater Asæ regis Juda, III Reg. xv, 12; sed Asa aliquæ pii reges ea sustulerunt, restituit vero Herodes, teste Josepho, libro XIV, cap. ix et libro XV, cap. xi. Disce hic quod sicut veræ religionis comes est puritas ac castitas; sic falsæ, ac hæresis comes est impuritas et libido: certe virginum tam virorum, quam feminarum agmina, quæ votam Deo castitatem religiose per omnem vitam servant, non nisi in orthodoxa fide reperies.

Vers. 16. 16. ET FECERUNT SIBI PRÆPUTIA, — id est præputia sibi in circumcisione resecta certis instrumentis et medicamentis attraxerunt, et recrescere fecerunt, ut circumcisionem et Judaismum hoc facto evitarent, et Gentilismum profiterentur; hujus enim rei symbolum erat præputii reductio. Vide dicta I Corinth. vii, 18, ad illa: « Non adducat præputium. »

Vers. 17. 17. ET PARATUM EST REGNUM (Asiæ et Syriæ) IN CONSPECTU ANTIOCHI (Epiphanis); — Seleucus enim Philopator senior frater Epiphanis dolo Heliodori fuit occisus; quare Epiphantes, adjuvantibus Eumene et Attalo vicinis regibus, facile patris regnum solus occupavit. Nec hoc contentus: COEPIT REGNARE IN TERRA ÆGYPTI, — nam ut sequitur:

Vers. 18. 18. ET INTRAVIT IN ÆGYPTUM IN MULTITUDINE GRAVI, — id est copiosa, puta numero magnoque exercitu. Est enallage; ponitur enim quantitas continua, pro discreta, puta gravis, sive magna pro multa. Sic « musca gravissima » vocatur plurima, Exodi viii, 24. Vide ibi dicta. Porro Antiochus Epiphantes bis intravit in Ægyptum, simulans se velle adjuvare Ptolemæum Philometorem suum ex Cleopatra sorore nepotem et puerum, sed revera ea mente, ut excluso nepote ipse regnum Ægypti suo regno Asiæ adjiceret. Primo, intravit anno secundo regni sui, de quo agitur II Machab. iv, 21. Secundo, anno sexto regni sui, qui fuit Græcorum 142, de quo hic agitur; nam anno sequenti 143 ex Ægypto ascendit in Israel, ut dicitur vers. 21.

Vers. 25. 23. ET INGRESSUS EST SANCTIFICATIONEM, — id est sanctuarium, puta templum Judæis sanctissimum, indeque sacrilege abstulit ALTARE AUREUM, id est altare thymiamatis; ET MENSAM AUREAM, in qua 12 tribus Deo offerebant 12 panes PROPOSITIONIS, ET LIBATORIA, — id est cyathos, crateres, aliaque vasa, quibus vinum, oleum, sanguis victimarum Deo libabatur, id est ad cornu altaris effundebatur.

Vers. 25. 25. ET FECIT CÆDEM HOMINUM, nimirum, — ut dicitur II Mach. v, 12: « Fiebant cædes juvenum, ac

seniorum et mulierum, et natorum exterminia virginumque et parvolorum neces. Erant autem toto triduo 80 millia interficti, 40 millia vinciti, non minus autem venundati. » Causa fuit, quod Romani jussent Antiochum Epiphanem ex Ægypto excedere, ac Ptolemæo Philometori regi amico illam liberam relinquere; Publius enim Popilius Lenas Legatus Romanus qui Romæ Antiocho Epiphani familiaris fuerat, navibus appulsa Alexandriam, Antiochum virga circumscribens circulo in arena illi dixit: « Senatus populusque Romanus præcipiunt ut Ægypto recedas, nec pugnes in Ptolemæos, et isto in loco respondeas quid consilii geras: an pacem, an bellum cupias. » Quibus ille perterritus ait: « Si hoc placet Romanis, recedendum est. » Itaque statim movit exercitum. Ita Josephus, lib. XII Antiq. cap. vi. Livius, lib. V, decad. 5. Appianus in Syriaco, Justinus et alii. Quare tunc frendens Antiochus castra movit in vicinos Judæos, in eosque suam indignationem et furorem effudit.

ET LOCUTUS EST IN SUPERBIA MAGNA, — jactans se, quasi esset Deus quidam terrestris, cui omnes obediire deberent, et cui nemo resistere posset, ut faciet ejus antitypus Antichristus. Vide dicta Daniel. ii, 36.

Vers. 27. 27. ET SPECIOSITAS MULIERUM IMMUTATA EST, — tum quia ipsæ depositis vestibus speciosis in communi luctu lugubres, id est nigras et squalidas induerunt; tum quia timor, mœror et angor faciebat eas pallidas et luridas. Sic in Chaldaeorum clade ait Jeremias Thren. i, De virginibus: « Egressus est a filia Sion omnis decor ejus; » De adolescentibus, cap. iv, 2: « Filii Sion inclyti, et amicti auro primo, quomodo reputati sunt in vasa testea; » et vers. 7 De Nazaræis: « Candidores Nazaræi nive, nitidores lacte, rubicundiores ebore antiquo, sapphiro pulchriores; denigrata est super carbones facies eorum, et non sunt cogniti in plateis. »

Vers. 29. 29. ET COMMOTA EST TERRA, Judæa perculta et concussa fuit ingenti terrore, mœrore et angore, SUPER HABITANTES IN EA, — scilicet propter incolas Judæos ab Antiocho occisis, captos et venditos.

Vers. 30. 30. ET POST DUOS ANNOS DIERUM, id est, post duos integros annos omnibus suis diebus plane expletos, ita ut insuper aliquot dies excurrerent, Antiochus Epiphantes MISIT PRINCIPEM TRIBUTORUM, — quem ipse colligendis tributis præfecerat, nomine Apollonium ad Judæos non tantum spoliandos, sed et jugulandos, ut dicitur II Machab. v, 24, qui præterea.

Vers. 33. 33. SUCCENDIT EAM (Jerosolymam jam a se spoliatam) IGNI, ET DETRAXIT DOMOS ET MUROS EJUS IN CIRCUITU, — ne Antiocho rebellare posset.

Vers. 35. 35. ET EDIFICAVERUNT CIVITATEM DAVID, — scilicet arcem Sion, quæ toti urbi subjacenti quasi rupes, vel turris dominabatur, MURO MAGNO (alto) ET FIRMO.

Vers. 36. 36. ET POSUERUNT ILLIC GENTEM PECCATRICEM, —

scilicet milites rapaces, homicidas et sceleratos, qui Judæos deriperent, vincirent; mactarent.

Vers. 38. 38. ET FACTUM EST HOC AD INSIDIAS SANCTIFICATIONI, — id est sanctuario, sive templo, ut scilicet insidiarentur Judæis euntibus ad templum sacrificii, vel orationis causa, ac erumpentes ex arce in eos irruerent, eosque spoliarent, caperent, vulnerarent. Volebat enim Antiochus abolere Dei veri cultum, ac Judæos compellere ad adorandum sua idola, ideoque imaginem Jovis Olympii collocarat in templo.

ET IN DIABOLUM MALUM IN ISRAEL, — tum quia milites hi erant diaboli, id est calumniatores; calumniabantur enim euntes ad templum, quasi illud contra Antiochum munire vellent; tum quia ipsi quasi dæmones eos expilabant, verberabant, laniabant, adeo ut ipsum templum cæsorum sanguine implerent et polluerent; tum denique quia eos a cultu Dei ad cultum Jovis, id est diaboli compellebant, simulque ad scortandum in lupanaribus templo adjectis invitabant; quod erat opus plane diabolicum.

Vers. 43. 43. ET SCRIPSIT REX ANTOCHUS decretum, quo præcipiebat UT OMNIS POPULUS ESSET UNUS, id est uniformis in fide et religione, ut scilicet omnes sibi subditi unirentur sibi in eadem superstitione et idolatria, sicut uniebantur in eodem regno, ideoque UT RELINQUERET UNUSQUISQUE LEGEM SUAM, — nimirum ut Judæi relinquerent legem et cultum Dei sui datam per Mosen, et capesserent legem et cultum Antiochi.

Expedit ut in uno regno una sit religio, sed vera et orthodoxa. Nam si falsa sit, expedit esse plures, ut vera ex falsarum varietate emicet et agnoscatur, uti aiebat Cardinalis Hosius.

Vers. 45. 45. ET MULTI EX ISRAEL CONSENTERUNT SERVITUTI EJUS. — Græce τὴν λατρεῖαν, id est latriæ, sive sacræ ejus servituti, cultui et adorationi, ut scilicet non alium Deum colerent latria, nec alteri Deo servirent, quam Deo Antiochi regis sui, puta Jovi Olympio, ipsique Antiocho. Ipse enim una cum Jove volebat colli ut Deus.

Vers. 46. 46. ET MISIT REX LIBROS, — id est litteras et epistolas. Has enim significat Hebræum sepher, id est liber.

Vers. 49. 49. ET MISIT decreta, quibus jussit COINQUINARI SANCTA, id est violari et profanari sanctum templum, sancfaque ejus sacrificia, ritus, sabbata, festa, etc. ET SANCTUM POPULUM ISRAEL, — ut abjecta sancta fide et lege Dei polueret se sacrilegis victimis et superstitionibus gentium, et idolorum; unde explicans subdit:

Vers. 50. 50. IMMOLARI CARNES SUILLAS, id est sues et porcos lege Mosi immundos, ideoque comedeti et immolari vetitos; ET PECORA COMMUNIA, id est immunda; quæ enim immunda sunt, gentibus erant communia; quæ vero munda, Judæis peculiaria et propria Levit. II. Hinc Deus volens S. Petrum converttere Cornelium et gentes immundas ad Christum, per visum jussit ei immunda animalia

comedere, dicens: « Quod Deus purificavit, tu commune, id est immundum, ne dixeris. » Actor. x, 15.

51. ET IMMUTARENT OMNES JUSTIFICATIONES DEI, — Vers. id est violarent omnes Dei sanctiones et leges: hæ enim vocantur justitiae et justificationes, quia præscribunt id quod æquum et justum est.

53. ET CONGREGATI SUNT MULTI DE POPULO AD EOS Vers. QUI DERELIQUERUNT LEGEM DOMINI, — ad apostatas cum eis apostatando a lege Dei, puta ad Jasonem, Alcimum, Menelaum, cæterosque Apostasiæ duces.

56. ET EFFUGAVERUNT DE POPULO ISRAEL — eos qui Vers. apostatare nolebant; sed in vera Dei lege, cultu que constanter perseverabant, ut cogerentur fugere ad antra et speluncas, ibique se abdere.

57. DIE QUINTA DECIMA MENSIS CASLEU (qui nostro Vers. 57 novembri respondet) EDIFICAVIT (et collocavit) SUPER ALTARE DEI in templo Jerosolymitano, ABOMINANDUM IDOLUM DESOLATIONIS — Jovis Olympii, quod futurum erat causa omnis calamitatis et desolationis, uti prædicterat Daniel cap. II, 11.

61. IN VIRTUTE SUA (Græce εὐ τοχή, id est vi et robore suo, hoc est violenter) FACIEBANT satellites Antiochi HÆC POPULO ISRAEL, QUI INVENIEBATUR IN OMNI MENSE ET MENSE, id est quolibet mense, IN CIVITATIBUS, — per mensem intellige Neomeniam, sive primum diem mensis, qui Judæis erat solemnis et quasi sacer; unde tunc ex pagis et villis confluebant in urbem audituri Dei legem, sicut accolæ Romæ eodem die confluebant Romanum, indeque Calendæ sunt dictæ, ut ostendit Levit. xxviii, 11. Sensus est, q. d. Milites Antiochi observabant eos qui Neomeniam ex lege Mosis observabant, eosque male mulctabant, imo mactabant. Atque ut Neomeniam, id est solemnitatem primæ diei mensis abolerent, ipsi.

62. QUINTA ET VIGESIMA DIE MENSIS SACRIFICABANT Vers. 62. SUPER ARAM, a se Jovi Olympio erectam, QUAE ERAT CONTRA ALTARE — holocaustorum, Deo dicatum in templo Jerosolymitano. In hac ergo ara non tantum Jovi, sed et ipsi Antiocho, quasi Deo sacrificabant. Ipse enim voluit colli ut Deus, uti prædictit Daniel cap. XI, 36; ideoque typus fuit Antichristi. Nolebant idololatræ sacrificare in altari Dei, ne viderentur Deo Hebræorum sacrificare; et ut illud quasi profanum populo facerent abominabile, unde et in eodem collocarunt statuam Jovis Olympii, coram qua in ara vicina ab eisdem Jovi erecta sacrificabant.

63. ET ELEGERUNT MAGIS MORI, et varie excrucianti, quam cibis coinquinari immundis, — quam comedere carnem porcinam, similesque Levit. XI vetitas, uti idcirco excruciatuſ fuit Eleazarus et septem fratres Machabæi, II Machab. VII. Hi ergo omnes gloriosi fuere illo prisco rudique sæculo martyres. Audi Josephum, lib. XII, cap. VII: « Quamobrem quotidie necabantur excruciatuſ tormentis crudelissimis, flagris etiam cæsi et lacerati corpora, vivi adhuc et spirantes suffigebantur

crucibus; uxores autem eorum, et circumcisos liberos strangulabant juxta mandatum regium, et suspendebant a crucifixorum parentum cervibus. » Hoc est, quod prædictus Daniel. xi 33 et 45: «Et de eruditis ruent, ut conflentur, et eligan-

tur, et dealbentur usque ad tempus præfinitum. »

67. ET FACTA EST IRA MAGNA DEI SUPER POPULUM VALDE, — q. d. Deus, indignans Judæis ob eorum scelera, permisit eos tam atrociter affligi ab Antiocho.

CAPUT SECUNDUM.

SYNOPSIS CAPITIS.

Mathathias opponit se Antiocho; mox, vers. 23, Judæum idolis immolantem, æque ac præfectum Antiochi ad id cogentem occidit, exclamans: « Omnis qui habet zelum, exeat post me. » Fugit ergo cum se sequentibus in montes; qui vers. 37, sabbatis invasi sinunt se occidi; mox ne omnes intereant, armis se defendunt. Tertio, vers. 44, Mathathias colligit exercitum, et fidem patriamque propugnat; mox moriturus, filios cæterosque ad idem et ad zelum legis cohortatur, eisque Judam filium in belli Ducem assignat.

1. In diebus illis surrexit Mathathias filius Joannis, filii Simeonis, sacerdos ex filiis Joarib ab Jerusalem, et concedit in monte Modin; 2. et habebat filios quinque Joannem, qui cognominabatur Gaddis; 3. et Simonem, qui cognominabatur Thasi; 4. et Judam, qui vocabatur Machabæus: 5. et Eleazarum, qui cognominabatur Abaron; et Jonathan, qui cognominabatur Apphus. 6. Hi viderunt mala quæ fiebant in populo Juda, et in Jerusalem. 7. Et dixit Mathathias: Væ mihi! ut quid natus sum videre contritionem populi mei, et contritionem civitatis sanctæ, et sedere illic, cum datur in manibus inimicorum? 8. Sancta in manu extraneorum facta sunt; templum ejus sicut homo ignobilis. 9. Vasa gloriæ ejus captiva abducta sunt; trucidati sunt senes ejus in plateis, et juvenes ejus ceciderunt in gladio inimicorum. 10. Quæ gens non hæreditavit regnum ejus, et non obtinuit spolia ejus? 11. Omnis compositio ejus ablata est. Quæ erat libera, facta est ancilla. 12. Et ecce sancta nostra, et pulchritudo nostra, et claritas nostra, desolata est, et coinquinaverunt ea Gentes. 13. Quo ergo nobis adhuc vivere? 14. Et scidit vestimenta sua Mathathias, et filii ejus; et operuerunt se ciliciis, et planixerunt valde. 15. Et venerunt illuc qui missi erant a rege Antiocho, ut cogerent eos qui confugerant in civitatem Modin, immolare et accendere thura, et a lege Dei discedere. 16. Et multi de populo Israel consentientes accederunt ad eos; sed Mathathias, et filii ejus constanter steterunt. 17. Et respondentes qui missi erant ab Antiocho, dixerunt Mathathiæ: Princeps et clarissimus et magnus es in hac civitate, et ornatus filiis et fratribus. 18. Ergo accede prior, et fac jussum regis, sicut fecerunt omnes Gentes, et yiri Juda, et qui remanserunt in Jerusalem; et eris tu, et filii tui inter amicos regis, et amplificatus auro et argento, et muneribus multis. 19. Et respondit Mathathias, et dixit magna voce: Et si omnes Gentes regi Antiocho obediunt, ut discedat unusquisque a servitute legis patrum suorum, et consentiat mandatis ejus; 20. ego et filii mei, et fratres mei, obediemus legi patrum nostrorum. 21. Propitius sit nobis Deus: non est nobis utile relinquere legem et justitias Dei. 22. Non audiemus verba regis Antiochi, nec sacrificabimus transgredientes legis nostræ mandata, ut eamus altera via. 23. Et ut cessavit loqui verba hæc, accessit quidam Judæus in omnium oculis sacrificare idolis super aram in civitate Modin, secundum jussum regis, 24. et vidit Mathathias, et doluit, et contremuerunt renes ejus, et accensus est furor ejus secundum judicium legis, et insiliens trucidavit eum super aram; 25. sed et virum quem rex Antiochus miserat, qui cogebat immolare, occidit in ipso tempore, et aram destruxit. 26. Et zelatus est legem, sicut fecit Phinees Zamri filio Salomi. 27. Et exclamavit Mathathias voce magna in civitate, dicens: Omnis, qui zelum habet legis

statuens testamentum, exeat post me. 28. Et fugit ipse, et filii ejus in montes, et reliquerunt quæcumque habebant in civitate. 29. Tunc descenderunt multi quærentes judicium et justitiam, in desertum; 30. et sederunt ibi ipsi, et filii eorum, et mulieres eorum, et pecora eorum; quoniam inundaverunt super eos mala. 31. Et renuntiatum est viris regis, et exercitui qui erat in Jerusalem civitate David, quoniam discessissent viri quidam, qui dissipaverunt mandatum regis, in loca occulta in deserto, et abiissent post illos multi. 32. Et statim perrexerunt ad eos, et constituerunt adversus eos prælrium in die sabbatorum, 33. et dixerunt ad eos: Resistitis et nunc adhuc? exite, et facite secundum verbum regis Antiochi, et vivetis. 34. Et dixerunt: Non exhibimus, neque faciemus verbum regis, ut polluamus diem sabbatorum. 35. Et concitaverunt adversus eos prælrium. 36. Et non responderunt eis, nec lapidem miserunt in eos, nec oppilaverunt loca occulta, 37. dicentes: Moriamur omnes in simplicitate nostra; et testes erunt super nos cœlum et terra, quod injuste perditis nos. 38. Et intulerunt illis bellum sabbatis; et mortui sunt ipsi, et uxores eorum, et filii eorum, et peccatores eorum, usque ad mille animas hominum. 39. Et cognovit Mathathias, et amici ejus, et luctum habuerunt super eos valde. 40. Et dixit vir proximo suo: Si omnes fecerimus sicut fratres nostri fecerunt, et non pugnaverimus adversus gentes pro animabus nostris, et justificatiibus nostris, nunc citius disperdent nos a terra. 41. Et cogitaverunt in die illa, dicentes: Omnis homo quicumque venerit ad nos in bello die sabbatorum, pugnemus adversus eum; et non moriemur omnes, sicut mortui sunt fratres nostri in occultis. 42. Tunc congregata est ad eos synagoga Assidæorum fortis viribus ex Israel, omnis voluntarius in lege; 43. et omnes, qui fugiebant a malis, additi sunt ad eos, et facti sunt illis ad firmamentum. 44. et collegerunt exercitum, et percusserunt peccatores in ira sua, et viros iniquos in indignatione sua; et cæteri fugerunt ad nationes, ut evaderent. 45. Et circuivit Mathathias, et amici ejus, et destruxerunt aras; 46. et circumciderunt pueros incircumcisos quotquot invenerunt in finibus Israel, et in fortitudine. 47. Et persecuti sunt filios superbiæ, et prosperatum est opus in manibus eorum; 48. et obtinuerunt legem de manibus gentium, et de manibus regum; et non dederunt cornu peccatori. 49. Et appropinquaverunt dies Mathathiae, moriendi, et dixit filiis suis: Nunc confortata est superbia, et castigatio, et tempus eversionis, et ira indignationis. 50. Nunc ergo, o filii, æmulatores estote legis, et date animas vestras pro testamento patrum vestrorum, 51. et mementote operum patrum, quæ fecerunt in generationibus suis; et accipietis gloriam magnam, et nomen æternum. 52. Abraham nonne in tentatione inventus est fidelis, et reputatum est ei ad justitiam? 53. Joseph in tempore angustiæ suæ custodivit mandatum, et factus est Dominus Ægypti. 54. Phinees pater noster zelando zelum Dei accepit testamentum sacerdotii æterni. 55. Jesus, dum implevit verbum, factus est dux in Israel. 56. Caleb, dum testificatur in ecclesia, accepit hæreditatem. 57. David in sua misericordia consecutus est sedem regni in sæcula. 58. Elias, dum zelat zelum legis, receptus est in cœlum. 59. Ananias et Azarias et Misael credentes, liberati sunt de flamma. 60. Daniel in sua simplicitate liberatus est de ore leonum. 61. Et ita cogitate per generationem et generationem; quia omnes qui sperant in eum, non infirmantur. 62. Et a verbis viri peccatoris ne timeritis; quia gloria ejus sterlus et vermis est; 63. hodie extollitur, et cras non invenietur; quia conversus est in terram suam, et cogitatio ejus periit. 64. Vos ergo filii, confortamini et viriliter agite in lege; quia in ipsa gloriosi eritis. 65. Et ecce Simon frater vester, scio quod vir consilii est; ipsum audite semper, et ipse erit vobis pater. 66. Et Judas Machabæus, fortis viribus a juventute sua, sit vobis princeps militiæ, et ipse aget bellum populi. 67. Et adducetis ad vos omnes factores legis; et vindicate vindictam populi vestri. 68. Retribuite retributionem Gentibus, et intendite in præceptum legis. 69. Et benedixit eos, et appositus est ad patres suos. 70. Et defunctus est anno centesimo et quadragesimo sexto; et

sepultus est a filii suis in sepulcris patrum suorum in Modin, et planixerunt eum omnis Israel
planctu magno.

Avers. 1. **1. IN DIEBUS ILLIS SURREXIT MATHATHIAS,** — sive per crasin «Mathias,» uti eum vocat Josephus et Theodoretus : quod nomen Hebraice significat donum Dei, ac proinde idem est, quod Graece Theodosius, Theodorus, vel inverse Dorothæus, ac Latine Adeodatus ; magno enim dono hic vir a Deo datus fuit, dux Israeli ad resistendum Antiocho.

Qualis Mathathias, Resp. Primo. Quæres : Quis et qualis fuit Mathathias ? Respondeo fuisse ex tribu Levi sacerdotem primæ classis, puta ex stirpe Joarib, quæ inter familias sacerdotiales prima ponitur, *I Paral.* cap. xxiv. 7. Porro Mathathias hic a Deo eum eligente, impelleenteque et populo approbante, factus est Pontifex et Dux, vindexque populi contra communem hostem Antiochum ; nam post redditum e captivitate jussu Cyri, Darii et Artaxerxis iidem fuere Pontifices et Duces populi, teste Josepho, lib XI, cap. iv. Idem liquet *I Esdræ* cap. vii, 25 et 26, et *II Esdræ* ix, 36. Esto enim Mathathias non esset oriundus ex stirpe proxima Pontificum, tamen illa deficiente, ad eum quasi primæ classis sacerdotem devolvebatur Pontificatus. Nam Onias tertius, cognomento Sanctus, jam erat interfectus anno 5 Antiochi, qui erat 145 Graecorum. Onias vero filius, scilicet Onias junior, profugerat in Aegyptum, ac Heliopoli factus erat Pontifex novi templi, quod ab eo dictum est Onion. Jason autem frater Oniae, factus apostata, cæteros apostatare et ad Gentilismum transire cogebat. Quare ad Mathathiam spectabat capessere Pontificatum et Ducatum populi, ut religionem æque ac rempublicam in extremum periculum ab Antiocho adductam tueretur et propugnaret. Præsertim cum non esset alius, qui id auderet, sed omnes metu Antiochi vel laterent et tacerent, vel diffugerent. Ipsum ergo Deus excitavit, animosque illi addidit ad id audiendum, ut Dei fidem et cultum et patriæ salutem conservaret. Fecit hoc ipse anno Antiochi nono, qui fuit Graecorum 145. Quocirca Chaldaeus, *Cant.* xi, 6, Josephus et Josippus, Aben-Ezra et Hebræi Mathathiam vocant summum Sacerdotem, sive Pontificem, idque tum ex designatione Dei, tum ex electione populi, tum ex jure successionis et propinquitatis, uti dixi. Ita Abulensis in cap. xx *Exodi*, quæst. xxv, Serarius, Siganus, Severus Sulpitius, Tornillus, Genebrardus quos citat et sequitur Salianus. Hinc Mathathias Phinees Pontificem vocat patrem suum : ergo ex Pontifice prognatus, cæteris deficientibus, jus ei succedendi habebat. Paucis vero mensibus fuit Pontifex et dux, quia eodem anno mortuus, sibi successorem Pontificem et Ducem designavit filium suum Judam Machabæum.

Vers. 2. **2. ET HABEBAT FILIOS QUINQUE, JOANNEM, QUI CO-**

GNOMINABATUR GADDIS. — Gaddis, id est acervus, vel cumulus frugum, q. d. Abundius, vel Abundantius : quo nomine vocati sunt martyres duo sub Diocletiano, quorum sacra lipsana sub Gregorio XIII Pont. solemni pompa translata fuere ad domum professam Societatis Jesu Romæ.

3. ET SIMONEM QUI COGNOMINABATUR THASI, — id **Vers. 3.** est hircus : *וְיַעֲזֵב thais* enim est hircus, vel excisor, a radice *תָּזֵב tazaz*, id est exscindere.

4. ET JUDAM QUI VOCABATUR MACHABÆUS. — Ety-**Vers. 4.** mon Machabæi in Proœmio dedi. Hoc cognomen primo datum fuit Judæ, et ab eo cæteri fratres et socii vocati sunt Machabæi, ut ex hoc loco liquet. Est prolepsis, sive anticipatio ; Judæ enim hoc cognomen inditum est, non a puero, sed postea, cum ipse vexillis suis inscripsit nomen *Machabi*, ut dixi in Proœmio. Sic Antiochi postea a factis et victoriis cognominati sunt Soteres, Epiphanes, Ceraunii, Callinici, Nicanores ; et Ptolemæi vocati sunt Eupatores, Philadelpi, Philometores, Evergetes, etc.

5. ET ELEAZARUM QUI COGNOMINABATUR ABARON, — **Vers. 5.** id est fortis : *אֶבֶן abbir* enim est potens, fortis.

ET JONATHAM QUI COGNOMINABATUR APPHUS, — id est, *ira consilii*, vel *volans consilium* ; forte quod natura ardens et cholericus esset, ideoque celebris ingenii, velocisque consilii, quod in bellis utilissimum est. Ita Pagninus *in nom. Hebr.*

7. VÆ MIHI ! — Planctus hic Mathathiæ de vastatione templi et Jerosolymæ processit ex zelo religionis, quo ardebat. Similis fuit zelus et planc-**Vers. 7.** tus Jeremiæ ob exscisam Jerusalem *in Threnis*, et *Jeremiæ* xx.

8. TEMPLUM EJUS SICUT HOMO IGNobilis, — id est **Vers. 8.** vilis, pauper, rusticus, imo stultus, fatuus et morio, quem omnes impune irrident, calcant, vellunt, verberant. Ita Sanchez. Sic enim satellites Antiochi Epiphanis ridebant, calcabant, spoliabant, vellebant templum, Sacerdotes, Levitas, cæterosque Judeos, quos cogebant quasi ebrios et stultos in honorem Bacchi hædera coronari, saltare et bacchari, lib. II. cap. vi.

10. QUÆ GENs NON HEREDITAVIT REGNUM EJUS. — **Vers. 10.** Graecis enim Antiochi militibus permixti erant Chaldaei, Persæ, Medi, Assyrii, etc. ac Ammonitæ, Moabitæ, Philisthæi, Arabes, Idumæi, Olitani Judæorum hostes, qui dum viderent eos ab Antiocho adeo divexari, accurrebant, ut eum adjuvarent, et Judeos spoliarent, maleque multarent.

13. QUO ERGO NOBIS ADHUC VIVERE ; — vita enim **Vers. 13.** in tot æruginnis longa potius est mors, quam vita, ut ait S. Gregorius. Et ut ait Tragœdus : « Mortis habet vices, cum lentis trahitur vita gemitus. » Sic Anchises :

Et alii post Trojam captam infelices exclamant,
Aeneid. I :

O terque quaterque beati,
Queis ante ora patrum Trojæ sub mœnibus altis
Contingit oppelere! O Danaum fortissime gentis
Tydide, mene Iliacis occumbere campis
Non potuisse! uaque animam hanc effundere dextra?

Vers. 21. 21. PROPITIUS SIT NOBIS DEUS, — *q. d.* Deus nobis hanc faciat gratiam, ut tantum malum, tantumque nefas et scelus apostasiæ et idololatriæ a nobis avertat. Unde Septuaginta vertunt : « Ne permittat nobis Deus. » Alii : « Prohibeat hoc Deus; » hac enim phrasi utuntur Hebræi, cum aliquid valde abominantur et execrantur.

Vers. 24. 24. ET CONTREMUERUNT RENES EJUS. — Per renes synecdochice intellige cætera viscera; renes enim sunt sedes concupiscentiæ, cor animositatis et audaciæ, jecur amoris, fel iræ et furoris, *q. d.* viscera Mathathiæ commota sunt partim commiseratione et dolore legis violatæ, partim ardore et zelo eam propugnandi, partim ira et furore ejus violatores prosequendi et occidendi, uti re ipsa occidit Judæum idololatrantem, et Antiochi Legatum ad id cogentem. Unde sequitur :

ET ACCENSUS EST FUROR SECUNDUM JUDICIUM (id est decretum) LEGIS, — quæ *Deut.* XI, 6, jubet occidi eum qui alias a patria religione, Deique cultu abducit, uti faciebat hic Judæus Jovi sacrificans, quem proinde Mathathias occidit. Huc enim eum agebat zelus honoris Dei :

Et furiis agitatus amor, et conscientia virtus.

Moraliter disce hic quam etiæ sit zelus, ut instar ignis omnia supererit et consumat. Audi S. Ambrosium in *Ps. cxviii*, Octon. 18, ad illa : « Tabescere me fecit (pro quo S. Ambrosius legit exquisivit) zelus meus. Zelum habere debet sacerdos, qui incorruptam servare studet Ecclesiæ castitatem. Et ideo Princeps sacerdotum dicit : Zelus domus tuæ devoravit me. Et Phinees sacerdos erat et nepos sacerdotis et filius sacerdotis. Bonus zelus et utilis in sacerdote, præcipue ne negligens, ne remissus sit. Melius est ut unius aut duorum damnatione plurimi liberentur, quam duorum absolutione plures periclitentur. » Et paulo post : « Zelus Dei vita est, zelum habuit Elias, et ideo raptus ad cœlum est. Zelans, ait, zelavi Dominum. Zelum habuit Mathathias bar Joannis, qui adversus sacrilegia Antiochi excitatuit Dei plebem. Zelum qui habent, omnes sibi inimicos suos putant, qui sunt hostes Dei, quamvis patrem, fratres, sorores. Omnibus dicit : In hostes facti sunt mihi; sicut David ait. » Et nonnullis interjectis : « Zelus ergo charitas est. Denique valida est, sicut mors charitas, durus sicut inferi zelus. Durus zelus, quem vitæ hujus nulla vincit illecebra. Durus sicut inferi, per quem peccato morimur, ut vivamus Deo. Angeli quoque sine zelo nihil sunt, et substantiæ suæ amittunt prærogativam, nisi eam zeli ardore sustentent. »

Unde post pauca concludit : « Et quid miremur, si Angeli eum habent? Ipse Deus pater ait: Zelans zelabo Jerusalem zelo magno; quia Deus magnus, ideo et zelus ejus magnus est, et pro uniūscujusque potentiae qualitate, ita et zelus, aut mediocris, aut magnus est. Zelo vindicatur Jerusalem, zelo Ecclesia congregatur, zelo fides acquiritur, zelo pudicitia possidetur. Dominus quoque Jesus ait: Zelus domus tue comedit me; increpans Judæos, quod domum orationis fecerint speluncam latronum, fecerint et domum negotiationis.

25. SED ET VIRUM; QUEM REX ANTIUCHUS MISERAT. *Vers. 25.*

QUI COGEBAT IMMOLARE, OCCIDIT. — Josephus, lib. XII, cap. VIII, virum hunc vocat Apellem. Idem tamen, lib. I *De bello* cap. I, eum vocat Bacchidem, additque filios Mathathiæ patrem in hac cæde adjuvisse; cæsos enim esse cum Apelle milites ipsius. Jure hoc fecit Mathathias instigante Deo, tanquam judex et vindex Israelis, æque ac religionis, Deique cultus, adeoque hoc facto Pontificatum et duçatum suum iniit et consecravit, æque ac Elias, ducem fidei se fecit occidendo sacerdotes Baal, III *Reg. xviii*; et Moses cum Levitis occidendo adoratores vituli aurei, *Exodi xxxii*, quibus proinde ipse ait : « Consecratis manus vestras hodie Domino, unusquisque in filio, et in fratre suo, ut detur vobis benedictio. » Ac Phinees occidens Principem Priapo sacrificantem, *Num. xxv*; vide ibi dicta. Sic de blasphemante censuit, aitque S. Chrysostomus : « Si quempiam Deum blasphemantem audieris, accede, increpa; et si verbata infligere oporteat, non recuses, ipsius faciem alapa percute, contere os ipsius, percussione manum tuam sacrificata. » Nimirum « zelus purgat facinus, » imo illud sanctificat et sacrificat, facitque quasi holocaustum, quod offert justitiæ et vindictæ divine in odorem suavitatis.

Mira fuit Mathathiæ in hac cæde animositas, fortitudo, audacia, qua ipse pene solus regi potenti, superbo et crudeli sese opposuit, ac cæteros ad opponendum sese impulit, fortunas suas, familiam, liberos, famam et vitam generose pro Deo, pro fide, pro patria discrimini objiciens. Fuit ergo ipse Heros inclitus, ac quinque filios Heroes effecit, dum eos in aciem contra tyrannum eduxit : sed fides et spes in Deum eum animabat, et periculis omnibus superiori efficiebat, ut quasi leo cum quinque suis leunculis hostes omnes contereret.

27. ET EXCLAMAVIT, etc. : OMNIS QUI ZELUM HABET LEGIS, STATUENS TESTAMENTUM, — satagens ut in suo vigore stet testamentum, id est, foedus cum Deo initum, *q. d.* Qui salvam vult religionem et Rempublicam, « exeat post me, » me ducem sequatur. Classicum hic canit Mathathias, eoque omnes convocat ad bellum sacrum, ut in eo, vel fortiter vincant, vel generose pro Deo, fide et patria occubant. Sic Romæ C. Marius Syllæ Rempublicam invadenti se opponens exclamavit :

«Qui salvam vult Rempublicam me sequatur» (quæ verba etiamnum Romæ portæ Angelicæ, qua ipse egressus est superliminari lapideo uncialibus litteris insculpta legimus). Quo dicto in vicinum montem Marius exiens, copias collegit. Idem exclamavit Scipio post cladem apud Cannas acceptam; et Nasica ex Capitolio contra Gracchum, teste Livio, Paterculo et Valerio Maximo, lib. III, cap. 2; ac diu post, Narses sub Justino Imperatore Gallis se objiciens, teste Agathia, lib. II. Denique Servius in lib. VIII *Aeneid.*: «Si esset, ait, tumultus, id est, ex periculi vicinitate timor multus, quia singulos milites interrogare non vacabat, qui erat ducturus exercitum ibi ad Capitulum, et inde proferens duo vexilla, unum roseum, quod pedites evocabat, et alterum cœruleum, quod erat equitum insigne, dicebat: Qui rempublicam salvam esse vult, me sequatur.»

Vers. 28. 28. ET FUGIT IPSE ET FILII EJUS — ex Jerusalem, ubi quasi sacerdos degebat, ac Judæum in altari idolis sacrificantem ceciderat; «in montes interferas vitam agentes, et fœni cibo vescentes, ne participes essent coinquinationis,» ut dicitur lib. II, cap. v, 27. Victitabant ergo herbis, lacte pecorum, cibo a vicinis submisso et prædis hostium.

Vers. 29. 29. TUNC DESCENDERUNT MULTI QUÆRENTES JUDICIUM ET JUSTITIAM, — hoc est, quærentes a Mathathia id quod æquum et justum erat, quid, scilicet, tali articulo urgentis persecutionis facere oporteret, nimirum pati exilium, famem, frigus, nuditatem, vulnera et acerba quæque, ipsamque mortem, potius quam tyranno cedere, et a Deo ejusque lege et cultu ad idola apostatare.

Vers. 37. 37. MORIAMUR OMNES IN SIMPLICITATE NOSTRA, — in simplici observatione sabbati, ut eo die plenam observemus quietem a Deo præscriptam, adeo ut in eo non pugnemus, imo contra invadentes nos non defendamus, sed sinamus nos, quasi agnos simplices et innocentes occidi. Dixerunt hoc non ex superstitione, nec ex imprudentia, ut volunt Novantes, sed ex studio perfectæ religionis. Sabbati enim summa erat apud Judæos religio. Quare licet jure potuissent eo die pugnare et se defendere, tamen ex zelo religionis maluerunt se offerre morti, quam cultum et quietem sabbati per speciem et umbram duntaxat violare, quia hac ratione evadebant martyres: martyrium autem est actus nobilissimus, ideoque longe nobilior pugna et vita. Idem fecere Judæi invasi a Ptolemæo Lagi, et postea a Mithridate, ut narrat Josephus lib. XII, cap. i, et lib. XVIII, cap. ult. quos a pietate et religione laudat S. Ambrosius, lib. I Offic. cap. XL. Sic Legio Thebæorum, duce S. Mauritio, potuisse resistere Maximiano Imperatori; sed noluit, ac projectis armis permisit se instar ovium occidi, quia legionarii fideles malebant esse martyres, quam milites. Sic Carthusiani ex voto abstinent carnibus, ut malint mori, quam vesci carnibus, etiam ubi medicus

eas judicat necessarias ad sanitatem et vitam conservandam. Nam religio et observantia regularis potior est sanitatem et vitam.

39. ET COGNOVIT MATHATHIAS. — Hic quasi Pontifex interpretatus est legem sabbati tali casu, quo scilicet quis invaditur ab hoste non obligare, dixitque satius esse pugnare pro Deo et lege, ne omnis Dei populus interficeretur: itaque Ecclesia et Dei cultus periret. Unde hoc ejus responsum cæteri secuti, statuerunt die sabbati invadentes se armis repellere, ut patet versu 41.

42. TUNC CONGREGATA EST AD EOS SYNAGOGA ASSIDÆORUM (male nonnulli legunt «Judæorum»,) FORTIS VIRIBUS EX ISRAEL, OMNIS VOLUNTARIUS IN LEGE.

Quæres quinam sint Assidæi. Respondent primo Hugo, Lyranus, Dionysius, Glossa ac S. Thomas in cap. XIV, Assidæos dictos ab assiduitate, quasi Assidæi quid? Resp. Primo.

Assidæi Secundo, Serarius in cap. VII, Josephus, Stephanus hic in Procemio p. 5, Genebrardus, Torniellus, Salianus et Delrio in *Adagialibus*, cap. X. xxx, censem Assidæos esse Essenos, aut Essenorum affines, et ejusdem cum Essenis instituti et professionis. Verum obstat primo, quod tunc nec dum erant Esseni. Hi enim paulo ante Christum exorti sunt, uti docet Baronius. Secundo, quod Essenii non erant fortes viribus, quia abstinentia et jejuniis quotidianis vires enervabant. Tertio, quod Essenii soli Deo vacabant per orationem, lectionem et contemplationem. Unde: «Apud eos, ait Philo, lib. De Essenis, nemo tela, gladios, galeas, thoraces, scuta fabricat, nec machinas, nec aliud quidquam bello utile.» Assidæi autem his abundabant, utpote non choro, ut Essenii, sed bello addicti. Vide quæ de Essenis dixi *Actor.* IV, 2. Dico ergo Assidæos fuisse milites belli sacri, qui scilicet pro lege et Synagoga nomen dabant militiæ sacræ, quales postea fuere milites templi, ac nunc sunt Ordines militares equitum Melitensium, S. Joannis, S. Stephani, Teutonicorum et similium, qui pro Ecclesia Dei contra Turcas, Saracenos et hæreticos generose depugnant. Cum enim Antiochus satageret evertere Dei legem, templum et Synagogam, Deus excitavit Assidæos, qui se militiæ sacræ devoverent, ac pro templi legisque tutela pugnarent, seque omnibus belli periculis ultiro offerrent. Id ita esse patet primo ex voce «Synagoga,» id est ecclæsia, collectio, congregatio militum pro Synagoga tuenda. Secundo, ex voce «fortis viribus.» Tertio, ex voce «voluntarius in lege,» qui scilicet voluntarie ex zelo legem defenderet et propugnaret. Quare Assidæi junxerunt se Judæ Machabæo, quasi duci belli sacri, ac ejus præcipui fuere milites, per quos tot tantasque obtinuit victorias. Id patet ex lib. II, XIV, 6. «Ipsi, inquit, qui dicuntur Assidæi Judæorum, quibus præest Judas Machabæus, bella nutrunt et seditiones

vers. 39

vers. 42

et vere

movent, nec patiuntur regnum esse quietum. » Sunt hæc verba hostium, qui Assidæos quasi seditiones accusabant apud Demetrium regem. Et ex cap. vii, 12, ubi Assidæi, quasi primi cum congregatione scribarum tractant de pace communione cum Bacchide et Alcima ineunda. Unde liquet eos fuisse viros unos in Israel honoratos et primarios.

Etymon
Assidæo-
rum.
primo.

Secundo.

Farta.
et vere.

Vers. 44.

Quæres secundo unde vocentur Assidæi. Respondeo Hebraice vocantur חסידים chasidim, quod aliqui derivant a חסידת chasida, id est ciconia, vel milvus, eo quod quasi milvi in hostes insilient et prædas agerent. Alii chasidim interpretantur venatores a צדך sud, id est venari, eo quod venarentur hostes Israelis, sicut venator venatur cervos et lepores. Melius Pagninus, Sanchez, Serarius et alii chasidim interpretantur pios, misericordes, religiosos, sanctos, a חסד chesed, id est pietas, misericordia, eo quod pium bellum gererent pro Israelitis. Audi nunc S. Chrysostomum in Ps. XLIII: « Quando grave bellum ingruerat, nec quidquam Machabæi possent facere quod prodesset, se abscondebant; nam hoc quoque fecerunt Apostoli. Non enim semper apparentes in media irruerant pericula; sed nonnunquam et fugientes et latentes secedebant. Postquam autem parum respirarunt, tanquam generosi quidam catuli ex antris exilientes, et e latebris emergentes, statuerunt non se amplius solos servare, sed etiam alios quotcumque possent, et civitates, et omnem regionem obeuentes colegerunt quotquot invenerunt adhuc sanos, et integros, et multos etiam qui laborabant et corrupti erant, in statum pristinum redegerunt, eis persuadentes redire ad leges patrias.

44. ET PERCUSERUNT PECCATORES, — id est apostatas, qui a Judaismo ad Antiochum et gentilismum transfugerant. Hoc enim summum erat peccatum, summaque iniqitas, quo tota religio, fides et virtus probebatur et perdebatur.

Vers. 45. **46. ET IN FORTITUDINE;** — repete: « Circumciderunt pueros incircumcisos, quotquot invenerunt in finibus Israel, » q. d. Per vim circumcididerunt pueros, etiam invitatis parentibus, eo quod parentes essent Israelitæ, itaque obligarentur circumcidere filios, ideoque a Mathathia quasi Duce et Pontifice ad ipsum cogi possent; sicut nunc Ecclesia cogit fideles, ut filios suos offerant ad Baptismum. Quod si qui inter eos erant filii infidelium, eos quoque quasi jam suos et jure belli captos, ac a parentibus separatos circumcidabant. Et quamvis Lyranus dieat solum id fecisse in filiis Judæorum, tamen Scriptura absolute loquitur; et quamvis Dominicus Soto in IV tract. De Baptismo dicat: Si Mathathias id fecit in filiis gentium, fecit quidem secundum scientiam; hoc tamen de insigni et sanctissimo viro non recte dictum videtur: melius ergo asseritur eos, cum jam essent jure belli in servitatem redacti, et a parentibus separati, jure circumcidi potuisse, si-

cut nos etiam nunc jure baptizamus filios Saracenorum in bello captos, ait Suarez, III part. tom. III, Quæst. LXVII, art. x, disp. xxv, sect. 4.

48. OBTINUERUNT LEGEM DE MANU GENTIUM, — q. d. Vers. 49. Dei legem et cultum ab Antiocho et gentibus ablatum per arma, Israeli restituerunt feceruntque ut Dei lex et cultus pristinam suam dignitatem et venerationem obtineret.

ET NON DEDERUNT CORNU PECCATORI, — q. d. Non permiserunt cornua, id est superbiam, robur, et vires Antiocho crescere; sed hæc illi, si non amputarunt, certe resecuerunt et valde imminuerunt, ut more solito grassari et sœvire non posset, nec auderet. Disce hic cornua superbis, æque ac tauris cornupetis esse resecanda: qui enim illa superbo et feroci non demit, addit et auget; quare qui potest, debet ea demere, ne iis ferocientes multos feriant et prostrant.

49. CASTIGATIO, etc. ET IRA INDIGNATIONIS, — sci- Vers. 49. licet Dei, qua Deus iratus et indignans peccatis nostris, nos tam atrociter per Antiochum castigat, laxans ei habenas sœviendi et ferociendi contra nos. Sic Attila rex Hunnorum, vastans Galliam et Italiam, rogatus a S. Lupo Trecensi Episcopo, quis esset et quid vellet, respondit se esse flagellum Dei ad castigandum scelera fidelium: sic flagellum Dei fuit Tamerlanes, et nunc sunt Ottomanni. Sic Nabuchodonosor ostensus fuit Jeremiæ, cap. i, per speciem virgæ vigilantis.

50. ET DATE ANIMAS (id est vitas) VESTRAS PRO Vers. 50. TESTAMENTO, — id est foedare, puta pro lege Dei: lex enim fuit conditio foederis ab Abraham, Mose et populo cum Deo initi.

51. ET ACCIPIETIS GLORIAM MAGNAM, — non tan- Vers. 51. tum in hoc mundo apud homines, hæc enim vana est, brevis et exilis, sed et in cœlo coram Deo, Angelis et sanctis immensam, cœlestem et æternam.

52. ABRAHAM NONNE IN TENTATIONE, qua Deus ten- Vers. 52. tavit ejus fidem et obedientiam, jubendo ut sibi immolaret unigenitum suum Isaac, per quem ei promiserat copiosam posteritatem, imo Christum, INVENTUS EST FIDELIS, fideliter Deo offerens filium, certa fide sperans et credens quod Deus eum post immolationem a morte suscitaret: **ET REPUTATUM EST EI AD JUSTITIAM,** — q. d. Hic Abrahæ actus obedientiæ et oblationis Isaac, computatus et aestimatus est a Deo esse actus magnæ justitiæ, id est magnæ virtutis et sanctitatis; ac proinde Abraham, qui jam erat justus, per eum meruit magnum gratiæ et justitiæ augmentum, factusque est coram Deo multo justior et sanctior. Vide dicta Roman. cap. iv, vers. 3. et Genes. xv, 6.

53. JOSEPH IN TEMPORE ANGUSTIÆ SUÆ (quam pas- Vers. 53. sus est in carcere) CUSTODIVIT MANDATUM quintum Decalogi: « Non mœchaberis, » quia sollicitanti heræ sue noluit commisceri; **ET (idecirco) FACTUS EST DOMINUS AEGYPTI.** — Praeclare S. Cyprianus, tract. De mortalitate: « Adversa non sint tibi scandala, inquit, sed prælia; nec debilitent, aut fran-

gant Christiani fidem, sed potius ostendant in col-
luctatione virtutem, cum contemnenda sit omnis
injuria malorum præsentium, fiducia futurorum
bonorum. Nisi præcesserit pugna, non potest esse
victoria; cum fuerit in pugnae congreßione victo-
ria, tunc datur vincentibus et corona. Gubernator
in tempestate dignoscitur, in acie miles proba-
tur. » Et inferius: « Nos adversa non avocant a
virtutis et fidei veritate, sed corroborant in do-
lore. Quanta sublimitas inter ruinas generis hu-
mani stare erectum! » etc.

Vers. 54. 54. PHINEES PATER NOSTER (Hinc patet Mathathiam
et Machabæos prognatos esse ex tribu Levi et Phinees
Pontificis, ideoque deficientibus cæteris ad
eos Pontificatum jure successionis spectasse) ZE-
LANDO ZELUM DEI, (occidendo Principem sacrifican-
tem Beelphegor), ACCEPIT TESTAMENTUM, (id est
Dei promissionem et pactum) SACERDOTII ÆTERNI,
— quod scilicet Pontificatus in ejus posteris duraret
usque ad finem Synagogæ et Judaismi, puta
usque ad Christum. Vide dicta Num. xxv.

Vers. 55. 55. JESUS (Josue successor Mosis), DUM IMPLE-
VIT VERBUM, (id est mandatum, quo Deus per Mo-
sen jussit ei lustrare Chananæam, Num. xiv; de-
bellare Amalec, Exod. xvii; post Mosen capes-
sere curam populi, Josue i), FACTUS EST DUX IN IS-
RAEL — Mosi in ducatu populi succedens.

Vers. 56. 56. CALEB, DUM TESTIFICATUR IN ECCLESIA (con-
tra socios exploratores, dicentes Chananæam ob-
incolas gigantes et urbes munitas esse inexpug-
nabilem, illam Dei ope posse expugnari, et reip-
sa ab Hebræis expugnandam, uti Deus promise-
rat), ACCEPIT HEREDITATEM, — peculiarem in He-
bron, Num. xiv et Josue xiv, 12. Vide elogia Josue
et Caleb. Eccl. l.

Vers. 57. 57. DAVID IN SUA MISERICORDIA, (id est per meri-
tum suæ misericordiæ, qua tum in alios, tum in
Saulem se persequenter fuit pius et misericors,
nolens eum lædere, cum eum haberet in manu
sua), CONSECTUS EST SEDEM REGNI IN SECULA, — ut
solium regale obtineret, et ad posteros transmit-
teret, tamdiu eis duraturum, quamdiu duraret
regnum Israelis et Juda, scilicet usque ad capti-
vitatem Babylonicam. Æternum enim hic non ab-
solutam perpetuitatem, sed respectivam et limi-
tatam significat, scilicet durationem perpetuam
per totum statum, regnumque Judæ; ut quamdiu
hoc duraret, tamdiu in eo duraret regnum Da-
vidis.

Vers. 58. 58. ELIAS, DUM ZELAT ZELUM LEGIS, (occidendo
omnes prophetas et sacerdotes Baal, seque oppo-
nendo Achab, Jezabeli et Baalitis, III Reg. xviii)
RECEPTUS EST IN COELUM, — eo raptus curru igneo
IV Regum ii.

Vers. 59. 59. ANANIAS, AZARIAS ET MISÆL CREDENTES in
Deum verum, et pro hac fide se flammis offeren-
tes, credentes Deum posse ipsos ab iis eripere,
LIBERATI SUNT DE FLAMMA. — Daniel. iii.

60. DANIEL IN SUA SIMPLICITATE, id est integri-
tate, candore, constantia adorandi solum Deum

Verum persistens, ejus merito, LIBERATUS EST DE
ORE LEONUM. — Daniel. vi.

62. ET A VERBIS VIRI PECCATORIS (a minis impii Vers. 62.
Antiochi) NE TIMUERITIS, QUIA GLORIA EJUS STERCUS
ET VERMIS EST, — ut corruptatur, computrescat
et foeteat, dum paulo post per Dei vindictam om-
nis ejus gloria in ignominiam, omnis fama in in-
famiam vertitur, uti factum esse Antiocho liquet
lib. II, cap. ix.

64. VOS ERGO FILII, CONFORTAMINI ET VIRILITER Vers. 64.
AGITE IN LEGE (tuenda et propugnanda), QUIA IN
IPSA GLORIOSI ERITIS, — tum pugnando et vincendo;
tum pro ea gloriose occubendo, uti pro ea
omnes occubuerunt, nimirum Judas, Jonathas et
Simon. Quid enim gloriosius, quam pugnare et
mori pro lege, pro patria, pro Deo? Animat Ma-
thathias filios ad acria certamina, quæ eis cum
Antiocho imminebant, ideoque priscorum he-
roum exempla iis objicit, ut illa imitentur, et si-
milem illis gloriam consequantur; nil enim ita
in rebus arduis animat, ac majorum exempla.
Unde Ovidius lib. IV Trist. Eleg. 3:

Materiamque tuis tristem virtutibus imple,
Ardua per præceps gloria vadit iter.
Hectora quis nosset, felix si Troja fuisset?
Publica virtutis per mala facta via est.
Ars tua, Typhi, jacet, si non sit in æquore fluctus;
Si valeant homines, ars tua, Phœbe, jacet.
Quæ latet, inque bonis cessat, non cognita rebus,
Apparet virtus, arguiturque malis.
Uttere temporibus, quorum nunc munere freta es,
Et patet in laudes area lata tuas.

65. ET ECCE SIMON FRATER VESTER, SCIO QUOD VIR Vers. 65.
CONSILII SIT, IPSUM AUDITE SEMPER, ET IPSE ERIT VO-
BIS PATER, — ut suis consiliis vos dirigat, sicut
pater dirigit filios. Rursum ut domum et fami-
liam meam gubernet quasi pater. Hinc Josippus,
filius Gorion, et Annus Viterbiensis putant Simo-
nem fuisse primogenitum Mathathiæ. Sed Jose-
phus, Seder-Olam minor, et Hebræi tradunt Ju-
dam fuisse primogenitum; unde et illi patri in
Ducatu et Pontificatu successit; secundogenitum
fuisse Joannem; tertiogenitum fuisse Jonatham;
quartum denique fuisse Simonem.

66. ET JUDAS MACHABÆUS FORTIS VIRIBUS A JUVEN- Vers. 33.
TUTE SUA SIT VOBIS PRINCEPS MILITIA. — Hinc patet
Judam non tantum in senio patris, cum ipse vex-
illum paulo ante mortem contra Antiochum sus-
tulit, sed et in juventute sua præclara in bellis
edidisse facinora, Dei ope nixum, ideoque vexil-
lis suis inscripsisse: *Machabi, hoc est mi camocha-
baelim Jehova*, id est: « Quis similis tui in forti-
bus (Diis), Domine? » indeque Machabæum fuisse
cognominatum. Sic enim eum vocat hic pater
moriturus, ideoque eum belli ducem statuit. Vi-
de dicta in Procœmio.

70. ET DEFUNCTUS EST ANNO 146. — Nimirum eo- Vers. 70.
dem anno, quo se Antiocho opposuit, et Duca-
tum cum Pontificatu iniit. Opinantur nonnulli
eum ex vulnere in bello accepto obiisse, cum

Virtus
in adver-
sis res-
plendet.

enim paulo ante occiderit Judæum, et præfectum Antiochi, omnesque Judeos circumeundo excitarit, collegeritque in castra contra Antiochum, pluraque similia gesserit, quæ magnam corporis, æque ac animi fortitudinem requirunt, non videatur tam cito ex senio viribus deficere et mori potuisse, sed ex præliis continuis accepisse vulnus, indeque mortuus, vel certe ex laboribus assiduis, et fatigacione nimia exhaustus obiisse.

Mathathiam fuisse sacerdotem omnes consentiunt, sed Pontificem fuisse negant Josephus, Eusebius et Sigonius; verum Pontificem eum fuisse asserunt Hebræi et Chaldæi *Cantic. vi*, 6, multis que id probat Serarius. Sane in Pontificatu, æque

ac Ducatu patri successit Judas, deinde Jonathas, denique Simon, indeque Simonis filii usque ad Herodem et Christum. Porro Mathathias inclytus heros defunctus est anno 146 Græcorum, qui fuit 158 a morte Alexandri Magni, et 164 ante nativitatem Christi.

ET SEPULTUS EST IN SEPULCRIS PATRUM SUORUM IN MODIN.—Sepulcrum hoc postea magnifice exornavit Simon ejus filius, ut patet cap. xiii, 27; ac fate tur S. Hieronymus illud sua ætate adhuc extitisse.

PLANCTU MAGNO. — « Planctus magnus, non in exanimatione plangentium, sed in pompa funeris et exsequiarum frequentia intelligendus est, » ait S. Hieronymus, epist. 25 *ad Paulam*.

CAPUT TERTIUM.

SYNOPSIS CAPITIS.

Judas patri succedens contra Antiochum pugnat ut leo, ac duos ejus auces profligat, scilicet Apollonium vers. 10, et Seron vers. 13. Quare Antiochus tertium ducem mittit Lysiam, contra quem prælium instruxit Judas, Dei opem jejuniis et ardenti prece implorans.

1. Et surrexit Judas, qui vocabatur Machabæus, filius ejus pro eo; 2. et adjuvabant eum omnes fratres ejus, et universi qui se conjunxerant patri ejus, et præliabantur prælium Israel cum lætitia. 3. Et dilatavit gloriam populo suo, et induit se loricam sicut gigas, et succinxit se arma bellica sua in præliis, et protegebat castra gladio suo. 4. Similis factus est leoni in operibus suis, et sicut catulus leonis rugiens in venatione. 5. Et persecutus est iniquos, per scrutans eos; et qui conturbabant populum suum, eos succedit flammis; 6. et repulsi sunt inimici ejus præ timore ejus, et omnes operarii iniquitatis conturbati sunt; et directa est salus in manu ejus. 7. Et exacerbabat reges multos, et læticabat Jacob in operibus suis, et in seculum memoria ejus in benedictione. 8. Et perambulavit civitates Juda, et perdidit impios ex eis, et avertit iram ab Israel. 9. Et nominatus est usque ad novissimum terræ, et congregavit pereuntes. 10. Et congregavit Apollonius Gentes, et a Samaria virtutem multam et magnam, ad bellandum contra Israel. 11. Et cognovit Judas, et exiit obviam illi; et percussit, et occidit illum; et ceciderunt vulnerati multi, et reliqui fugerunt. 12. Et accepit spolia eorum; et gladium Apollonii abstulit Judas, et erat pugnans in eo omnibus diebus. 13. Et audivit Seron princeps exercitus Syriæ, quod congregavit Judas congregationem fidelium et ecclesiam secum, 14. et ait: Faciam mihi nomen, et glorificabor in regno, et debel labo Judam, et eos qui cum ipso sunt, qui spernebant verbum regis. 15. Et præparavit se; et ascenderunt cum eo castra impiorum, fortes auxiliarii, ut facerent vindictam in filios Israel. 16. Et appropinquaverunt usque ad Bethoron; et exiit Judas obviam illi cum paucis. 17. Ut autem viderunt exercitum venientem sibi obviam, dixerunt Judæ: Quomodo poterimus pauci pugnare contra multitudinem tantam, et tam fortem, et nos fatigati sumus jejuno hodie? 18. Et ait Judas: Facile est concludi multos in manus paucorum; et non est differentia in conspectu Dei cœli liberare in multis, et in paucis; 19. quoniam non in multitudine exercitus victoria belli, sed de cœlo fortitudo est. 20. Ipsi veniunt ad nos in multitudine contumaci et superbia, ut disperdant nos, et uxores nostras, et filios nostros, et ut spoli ent nos; 21. nos vero pugnabimus pro animabus nostris et legibus nostris; 22. et ipse Dominus conteret eos ante faciem nostram; vos autem ne timueritis eos. 23. Ut cessavit au-

tem loqui, insiluit in eos subito ; et contritus est Seron, et exercitus ejus in conspectu ipsius ; 24. et persecutus est eum in descensu Bethoron usque in campum, et ceciderunt ex eis octingenti viri, reliqui autem fugerunt in terram Philistium. 25. Et cecidit timor Judæ ac fratrum ejus, et formido super omnes gentes in circuitu eorum ; 26. et pervenit ad regem nomen ejus, et de præliis Judæ narrabant omnes gentes. 27. Ut audivit autem rex Antiochus sermones istos, iratus est animo ; et misit, et congregavit exercitum universi regni sui, castra fortia valde ; 28. et aperuit ærarium suum, et dedit stipendia exercitui in annum ; et mandavit illis ut essent parati ad omnia. 29. Et vidit quod defecit pecunia de thesauris suis, et tributa regionis modica propter dissensionem, et plagam quam fecit in terra, ut tolleret legitima quæ erant a primis diebus ; 30. et timuit ne non haberet ut semel et bis, in sumptus et donaria, quæ dederat ante larga manu ; et abundaverat super reges, qui ante eum fuerant. 31. Et consternatus erat animo valde, et cogitavit ire in Persidem, et accipere tributa regionum, et congregare argentum multum. 32. Et reliquit Lysiam hominem nobilem de genere regali, super negotia regia, a flumine Euphrate usque ad flumen Ægypti ; 33. et ut nutrire Antiochum filium suum, donec rediret. 34. Et tradidit ei medium exercitum, et elephantes ; et mandavit ei de omnibus quæ volebat, et de inhabitantibus Judæam et Jerusalem ; 35. et ut mitteret ad eos exercitum, ad conterendam et extirpandam virtutem Israel, et reliquias Jerusalem, et auferendam memoriam eorum de loco ; 36. et ut constitueret habitatores filios alienigenas in omnibus finibus eorum, et sorte distribueret terram eorum. 37. Et rex assumpsit partem exercitus residui, et exivit ab Antiochia civitate regni sui, anno centesimo et quadragesimo septimo ; et transfretavit Euphraten flumen, et perambulabat superiores regiones. 38. Et elegit Lysias Ptolemæum filium Dorymini, et Nicanorem, et Gorgiam, viros potentes ex amicis regis ; 39. et misit cum eis quadraginta millia virorum, et septem millia equitum, ut venirent in terram Juda, et disperderent eam secundum verbum regis. 40. Et processerunt cum universa virtute sua, et venerunt et applicuerunt Emmaum in terra campestri. 41. Et audierunt mercatores regionum nomen eorum ; et acceperunt argentum et aurum multum valde, et pueros ; et venerunt in castra, ut acciperent filios Israel in servos ; et additi sunt ad eos exercitus Syriæ, et terræ alienigenarum. 42. Et vidit Judas, et fratres ejus, quia multiplicata sunt mala, et exercitus applicabant ad fines eorum ; et cognoverunt verba regis, quæ mandavit populo facere in interitum et consummationem. 43. Et dixerunt unusquisque ad proximum suum : Erigamus dejectionem populi nostri, et pugnemus pro populo nostro, et sanctis nostris. 44. Et congregatus est conventus ut essent parati in prælium ; et ut orarent, et peterent misericordiam et miseraciones. 45. Et Jerusalem non habitabatur, sed erat sicut desertum ; non erat qui ingredieretur et egredieretur de natis ejus ; et sanctum concubabatur ; et filii alienigenarum erant in arce, ibi erat habitatio Gentium ; et ablata est voluptas a Jacob, et defecit ibi tibia et cithara. 46. Et congregati sunt, et venerunt in Maspera contra Jerusalem ; quia locus orationis erat in Maspera ante in Israel. 47. Et jejunaverunt illa die, et induerunt se ciliciis, et cinerem imposuerunt capiti suo, et disciderunt vestimenta sua. 48. Et expanderunt libros legis, de quibus scrutabantur Gentes similitudinem simulacrorum suorum ; 49. et attulerunt ornamenta sacerdotalia, et primitias, et decimas ; et suscitaverunt Nazaræos, qui impleverant dies ; 50. et clamaverunt voce magna in cœlum, dicentes : Quid faciemus istis, et quo eos ducemus ? 51. Et sancta tua concubata sunt, et contaminata sunt, et sacerdotes tui facti sunt in luctum et in humilitatem. 52. Et ecce Nationes convenerunt adversum nos ut nos disperdant ; tu scis quæ cogitant in nos. 53. Quomodo poterimus subsistere ante faciem eorum, nisi tu, Deus, adjuves nos ? 54. Et tubis exclamaverunt voce magna. 55. Et post hæc constituit Judas duces populi, tribunos, et centuriones, et pentacontarchos. et decuriones. 56. Et dixit his qui ædificabant domos, et spon-

sabant uxores, et plantabant vineas, et formidolosis, ut redirent unusquisque in domum suam secundum legem. 57. Et moverunt castra, et collocaverunt ad Austrum Emmaum. 58. Et ait Judas : Accingimini, et estote filii potentes, et estote parati in mane, ut pugnetis adversus Nationes has quæ convenerunt adversus nos, disperdere nos et sancta nostra; 59. quoniam melius est nos mori in bello, quam videre mala gentis nostræ, et sanctorum. 60. Sicut autem fuerit voluntas in cœlo, sic fiat.

Vers. 1. **1. ET SURREXIT JUDAS.** — Josippus ben Gorion asserit Judam a patre Mathathia oleo unctum in Ducem. Sic enim ait : « Protulit Mathathias cornu cum oleo, et effundens super caput ejus unxit eum ad prælia, vociferatusque est universus populus et dixerunt : Vivat unctus. » Addit Josephus eum unctum Jerosolymis in templo ; sed hoc videtur falsum ; nam Jerusalem cum templo obtinebant milites Antiochi, ut patet cap. i.

MACHABÆUS. — Gorionides asserit hoc nomen hic Judæ primo inditum fuisse a Mathathia patre, ac significare *extinctorem*, q. d. Tu, o Juda, esto Machabæus, id est extinxitor Antiochi, caeterorumque hostium Israelis. Melius alii censem id jam ante Judæ fuisse inditum ex *Machabi*, quod Judas vexillis suis inscribebat ; quare illud sic a Mathathia ei non indi, sed jam inditum confirmari, idque verba ipsa satis insinuant. Vide dicta in Procemio.

Vers. 3. **3. ET INDUIT SE LORICA SICUT GIGAS,** — tum quia Judas procero vastoque erat corpore, ac proinde illo ævo, quo non bombardis, sed brachiis et gladiis certabatur fortissimus ; unde explicans subdit) : **ET PROTEGEBAT CASTRA GLADIO SUO**, — tum quia eximio et giganteo erat robore, tam corporis quam animi ; hoc enim Deus illi, utpote in se solo speranti assidue et continue indebat ad Israelis tutelam. Sic Saul, David, Julius Cæsar, Constantinus, Heraclius, Carolus Magnus, Godefridus Bullonius, procero validoque fuere corpore, æque ac animo, ideoque eximii bellatores, suis manibus et gladiis multos hostium obtruncantes. Gigas enim symbolum est rari roboris et fortitudinis ; gigantes enim olim fuere vastissimi et robustissimi, ideoque omnibus terribiles, ut nemo eis se opponere auderet. Talis fuit Judas.

In lege veteri ergo sacerdotes et Pontifices saepe erant milites et belli duces, ac Judas et fratres ejus sacerdotes ; ad hoc proprie a Deo et populo electi sunt, ut Israelem jam pene prostratum, et ab omnibus desertum erigerent et fulcirent. Primo ergo electi fuere in belli duces ; additus vero fuit eis Pontificatus, ut ardenter pro religione, templo et Deo contra Antiochum dimicarent, et ob alias causas superius recensitas. Nec id mirum ; nam rude et carnale erat tunc sacerdotium ; sacerdotes enim erant quasi laniones in mactandis et laniandis ovibus, et bobus Deo immolandis : quare in iis discebant mactare hostes Israelis. Nulli enim milites sæviores sunt lanionibus, qui assidue in cæde et sanguine ver-

santur. Secus est in novo Testamento, ubi sacerdotium longe sublimius et sanctius est, ac sacerdotes circa corpus Christi in Eucharistia consecrandum et offerendum versantur : quare decet eos instar Christi esse mansuetos, pios, Deoque intentos, ac proinde procul abesse a pugnando et occidendo.

4. SIMILIS FACTUS EST LEONI, — juxta illud de Juda **Vers. 4.** filio a Jacobo Patriarcha prædictum, Genes. XLIX, ^{Judas} fuit leo 9 : « Catulus leonis Juda : ad prædam, fili mi, ascendisti; requiescens accubuisti ut leo, et quasi leæna, quis suscitavit eum ? » quia in locum hujus Judæ, cui Jacob attribuit principatum, successit noster hic Judas Machabæus, populi dux et princeps, licet non ex Juda, sed ex Levi oriundus, ac eo viribus, robore et victoriis fuit non inferior, sed superior. Tradunt Hebræi Judam pro insigni in vexillis suis gestasse leonem.

ET SICUT CATULUS LEONIS RUGIENS IN VENATIONE. — Græce εἰς θηραπείαν, id est *in venationem*, vel *in prædam*. Catuli enim leonum cum latrante stomacho esuriant, rugiunt, et rugiendo irruunt in oves et vacas, ut famem patient.

6. ET DIRECTA EST SALUS IN MANU EJUS, — q. d. Recte et directe salus Israeli obtigit per manum, robur et prælia Judæ ; Judas enim sua industria et fortitudine recte dirigebat Israelem ad salutem, faciebatque ut ad eam recto tramite, cursuque tenderet. Potest secundo per hypallagen sic exponi ; q. d. Directa est manus Judæ ad salutem Israeli afferendam. Deus enim Judæ manum directe obvenit. Pro « directa » Græce est ἐνώδιον, id est facili via incessit, prosperata est ; unde ἐνώδια, est prosperum iter, item prosperitas. Rursum salus hic accipi potest pro victoria ; in hac enim consistebat salus et incolumitas populi. Sic salus capitur pro victoria per metonymiam, *Judic. xv, 18. I Reg. xi, 9, et XLIV, 45, XVII, 47, et I Mach. iv, 25.*

7. EXACERBAVIT (irritabat, lacessebat, ad iram vers et indignationem provocabat) REGES MULTOS, — nimis Antiochum Epiphanem, et ejus filium Antiochum Eupatorem, et Demetrium, eorumque vicinos et amicos ; cum his enim multa prælia commisit semper vincens et triumphans.

10. VIRTUTEM MULTAM. — Græce δύναμιν, id est vim magnam militum.

11. ET COGNOVIT JUDAS ET EXIIT (cum paucis) vers. 11 OEVIAM ILLI, ET PERCUSSIT ET OCCIDIT ILLUM — Apollonium ducem hostium. Audi rem graphicæ nar-

rantem Josephum Gorionidem : « Cum videret Judas Apollonium stantem in medio exercitus sui, summo furore decurrit ad eum, ad medium usque castrorum, omnia penetrans ad dextram, ad sinistram fortissimos hostium prosternens, haud secus ac messor manipulos ac spicas messis suæ dejicit, pergensque ad Apollonium percutit eum sternitque suo gladio.

12. ET GLADIUS APOLLONII ABSTULIT JUDAS, ET ERAT PUGNANS IN EO OMNIBUS DIEBUS, — tum quia gladius hic, utpote tanti ducis erat insignis, magnus, fortis et acutus ; tum in signum victoriae et tropæi ; tum ut ejus intuitu se suosque excitaret Judas ad fortiter digladiandum et vincendum in cæteris præliis, sicut vicerant et occiderant Apollonium cum suis, cum ei hunc gladium extorse-
runt.

13. ET AUDIVIT SERON. — Hic est secundus Antiochi dux, quem cum magnis copiis se invadentem fortiter percussit et occidit Judas cum paucis, iisque jejunio exhaustis, ut dicitur vers. 17; eo quod tota nocte profecti, ait Gorionides, jejunii advenissent.

Vers. 18. **18. FACILE EST** (Deo duce quo nitimur) **CONCLUDI MULTOS IN MANU PAUCORUM, ET NON EST DIFFERENTIA IN CONSPECTU DEI COELI LIBERARE IN MULTIS ET IN PAUCIS,** — quia Deus tam facile potest suam potentiam, opem et victoriam applicare paucis, quam multis ; unus enim miles Dei robore instructus tam facile prosternet viginti, vel centum, quam facile idem facient ducenti Dei robore tanto destituti. Idcirco Deus, qui infirma mundi elitit, ut confundat fortia, saepè paucos seligit, ac per eos multos prosternit, ut ostendat paucos id facere virtute non sua, sed Dei, utque pauci cum multis pugnaturi Deum invocent, et ab eo sperent victoriam. Hinc Gedeoni jussit Deus cum trecentis inermibus procedere contra centum viginti millia Madianitarum, quæ omnia Gedeon per trecentos cecidit, *Judic.* VII. Quin et præstantes belli duces paucos milites, sed veteranos, validos, atque vel vincere, vel mori paratos seligunt ad res magnas ; inter multos enim multi sunt timidi, fugaces, inordinati, qui aeiem confundunt et turbant, ut a paucis validis bene ordinatis facile vincentur. Alexander Magnus 40 millibus veterano- rum prostravit Darium multis centenis millibus instructum, imo totum quasi orbem subegit. Leonidas cum trecentis innumeris Xerxis copias ad Thermopylas cecidit. Abraham cum trecentis ser- vis suis quatuor reges debellavit, *Genesis* XIV.

Vers. 19. **19. DE COELO FORTITUDO EST.** — Angeli pro populo Dei dimicare consueverunt. Hinc II *Machab.* x, 29 et 38. legimus e cœlo viros quinque in equis, frenis aureis decoros, ducatum Judæis præstitisse.

Angeli Et II *Machab.* XI, 8, Angelus equitis forma, veste pro pīi candida vestitus, hastam vibrans, Judæorum aguant. Exempla præcessit exercitum. Olim quoque existimabant veteres numina adversus hostes arma tulisse, et cum ipsis dimicasse, ut docuit Cicero, lib. I *De*

Divinatione. Apollinis enim templum cum a Brenno vastatum fuisset, Pythiam ex oraculo haec factam fuisse commemorat : Εγώ μελέων ταῦτα καὶ λευκαῖς κόραις, « Ego providebo rem istam, et virgines albae. » Spectra vero alba mox Gallorum exercitui oblata funditus illum deleverunt et obruerunt. At istud factum est. Vere tamen Constantium Dei auxilio et miraculis evidenter ostensis viciisse in bellis testatur Eusebius in vita Constantini, et lib. IX *Histor.* cap. ix. Cum Theodosio Imperatore I Joannem et S. Philippum Apostolos palam pugnasse contra hostes ipsius testatur Theodoreetus, lib. V *Histor.* cap. xxiv. Pro Theodosio juniore Imperatore pugnasse angelos contra Saracenos scribit Socrates, lib. VII, cap. xviii. Ac preces S. Martini Angelos armatos accessisse refert Presbyter Fortunatus, lib. I, cap. XVI :

Militæ Angelicæ coram duo protinus adsunt
Syderei proceres, hastas et scuta tenentes :
Comminus hi sanctum compellunt vocibus ultro :
Præsidiis, Martine, tuis dilabimur astris.

27. UT AUDIVIT AUTEM REX ANTIUCHUS SERMONES Vers. 27. **ISTOS** (nuntiantes a Juda cæsos esse duos suos duces Apollonium et Seron), **IRATUS EST ANIMO.** — Ira haec fecit eum præcipitem, ut totum exercitum suum colligeret, in eumque omnes suas vires et opes exhaustiret, itaque ipse seipsum consumeret.

28. ET APERUIT ÅERARIUM SUUM, ET DEDIT STIPENDIA EXERCITUI IN ANNUM. — Imprudenter id fecit ; tam quia exercitus hic erat totus totius regni, quare in annum ejus stipendium exhaustit totum åerarium ; tum quia miles abundans pecunia, illam comessando, potando, splendide se vestiendo, alea, similibusque lusibus prodigit : quare illico ad inopiam redactus, ut victum comparet, prædari cogitur, vel fame mori. Unde sequitur :

29. ET VIDIT QUOD DEFECIT PECUNIA, (præsertim Vers. 28. quia præter stipendia amplas militibus fecit lar- gitiones), **ET DONARIA,** vers. 30. Unde errorem suæ prodigalitatis sero agnoscens fugit IN PERSIDEM, — vers. 31, ut nova tributa colligeret et templa ex pilaret, II *Machab.* IX, 2. Porro Ulpianus, lege VII, *Digest.* de Verb. signific. « Stipendium, inquit, a stipendiis appellatum est, quod per stipes, id est per etymologiam modica æra colligatur. » Idem pene Varro, lib. XXI *De Vita populi Romani* : « Stipendium dicitur, ait, quod æs militi semestre, aut annuum dabatur ; dictum vero a stipe, quod æs non in arca, sed in aliqua cella stipabant, » id est compriment. Pediti autem pro stipendio quotidie dababantur olim duo oboli, ordinum ductori quatuor oboli, equiti drachma, ait Polybius, lib. VI.

ET TRIBUTA REGIONIS MODICA PROPTER DISSENSIO- NEM, — quia scilicet multæ gentes incipiebant murmurare et rebellare Antiocho, tum ob nova et immodica tributa ab eo imposta, tum quia videbant eum bis a paucis Judæis cæsum et pene contritum.

ET PLAGAM QUAM FECIT IN TERRA (in provinciis sibi subjectis) **UT TOLLERET LEGITIMA**, id est leges et ritus, ac religionem gentium eis a majoribus tradita, quæ erant **A PRIMIS DIEBUS**, quibus illarum gentium Republicæ fundatae fuerant. Nihil enim populos ita a rege avertit, et ad seditionem concitat, sicut legum patriarcharum et religionis avitæ eversio, ac novæ institutio, uti faciebat Antiochus, qui deos Gentium abolebat, ac non nisi se et Jovem Olympium coli volebat. Accedebat quod Asia Antiocho Epiphani subjecta a tempore patris ejus Antiochi Magni a Scipione devicti, Romanis quotannis pendere debebat pro vectigalibus mille talenta. Quare Asiani videntes se per Antiochos exauriri, et a Romanis affligi Antiocho Epiphani tributum negare, imo rebellare cogitant.

Vers. 32. 32. ET RELIQUIT LYSIAM — cum altera medietate exercitus et elephantis, ut Judam et Judeos invaderet, contereret, extiparet.

Vers. 33. 33. ET UT NUTRIRET ANTIOCHUM (cognomento Eupatorem) FILIUM SUUM — puerum, ea ratione et magnificentia, qua filium regis decebat, utque, si quid humanitus sibi in Perside contigisset, filium sibi in regno substitueret.

Vers. 38. 38. ET ELEGIT LYSIAS (vicarius Antiochi Epiphani) PTOLEMÆUM FILIUM DORYMINI (Græce «Dorymenis, Cœlesyriæ et Phœniciae prefectum, ut patet II, Machab. cap. viii, 8.) ET NICANOREM PATROCLI FILIUM. — Hic est ille Nicanor qui, a Lysia missus contra Judam et Judeos, præsidens, et quasi certus de victoria superbe jactabat se nonaginta Judeorum mancipia uno talento venditurum, II Machab. cap. viii, 11. Sed jactantiae suæ poenæ dedit, cum, victus a Juda, caput ei resectum fuit, et publice ad ludibrium appensum. Et GORGIA, in bellicis rebus experientissimum, ut ibidem dicitur, cum 40 millibus peditum, et septem milibus equitum, ut sequitur.

Vers. 40. 40. ET PROCESSERUNT CUM UNIVERSA VIRTUTE SUA. Græce δύναμει, id est, potentia et robore tot pedium, et equitum, simul et elephantorum.

ET APPLICERUNT EMMAUM, — ubi Christus duobus discipulis apparuit, et in fractione panis se aperuit, Lucæ cap. ultim. quæ postea a victoria Titi ob captam Jerusalem dicta est Nicopolis, a Jerusalem distans stadiis 60, id est, septem milliaribus Italicis cum dimidio. Alia est Emmaus juxta Tiberiadem. Ita S. Hieronymus *in locis*. Josephus, Adrichomus et alii.

Vers. 41. 41. ET AUDIERUNT MERCATORES — copias et minas Nicanoris contra Judeos, ideoque turmatim accurrerunt, ut Judeos ab eo vincendos, ut putabant, quasi servos ab illo emerent vilissimo pretio. Sic in excidio Jerusalem per Titum cæsa sunt undecies centena millia Judeorum, et 97 millia capta, venditaque vili pretio, quasi vilissima mancipia, uti narrat Josephus, libro ultimo *de Bello*.

Vers. 46. 46. ET CONGREGATI SUNT, ET VENERUNT MASPHA CONTRA JERUSALEM. — Maspha ergo hæc sita erat

in confinio tribus Benjamin et Juda, eoque convocabantur Judei ad publica comitia, et ad publicam orationem, uti Samuel eodem convocavit populum, ut fœdus populi cum Deo renovaret, I Reg. vii. 5.

Alia erat Maspera in tribu Gad, de qua *Jud. xi*, 29; alia pariter in tribu Ruben, de qua I *Machab.* v, 35.

47. ET JEJUNAVERUNT DIEILLA, (usque ad vesperam et ortum Hesperi more Judæorum, ET INDUERUNT SE CILICUS, ET CINEREM IMPOSUERUNT CAPITI SUO, ET DISCIDERUNT VESTIMENTA SUA. — Hi erant actus et signa poenitentiæ, humilitatis et supplicationis, quibus in tanto hostium numero et periculo sibi dissidentes, opem Dei ardentissime implorabant, ideoque eam impetrarunt. Talia quoque fuere ea quæ sequuntur vers. 48, 49, 50.

48. ET EXPANDERUNT LIBROS LEGIS, — ut ipsi libri re ipsa quasi muta voce clamarent ad Dominum id quod continebant, quodque toties iterant, præsertim in Psalmis: « Miserere nostri, Domine, miserere nostri; » utque Deum ostensione librorum ipsius commoverent, ne sineret eos a Gentilibus pollui, lacerari et comburi. Sic Ezechias instantे Sennacherib libros sacros expandit coram Deo, ut eos cum cultu suo tuentur, IV, Reg. xix.

DE QUIBUS SCRUTABANTUR GENTES SIMILITUDINEM SIMULACRORUM SUORUM, — q. d. Gentes quærebant S. Scripturæ libros, ut in eis sua simulacra et idola depingerent, itaque eos violarent, et Judeos irridenter. Unde Græca habent: « Scrutabantur inscribere in ipsis similitudinem idolorum suorum. »

Verum Noster non habet *ad inscribere*, nec *in ipsis*, sed *de ipsis*; quare juxta eum planior sensus est, q. d. Solent Gentiles nostris libris sacris abuti ad suas superstitiones et ritus gentilitios. Ex illis enim ac præsertim ex Levitico depromunt cæremonias et ritus sacrificandi et adorandi sua idola, consecrandi suos sacerdotes, purificandi immundos, etc. Ad hæc ipsi sacras historias profanant traducendo eas ad deorum suorum fabulas. Sic Mosen transformarunt in Minoen, gigantes in Titanes, Samsonem in Herculem, diluvium Noe in diluvium Ogygis, currum Eliæ in quadrigam solis, Jehova denique in Jovem. Ita Ruperthus, lib. VI *in Genes. cap. xv*, Serarius, Salianus, Sanchez et alii. Quare ne permittas, o Domine, nos tradi gentibus, quia si id facias, ipse libros tuos et nostros profanabunt, violabunt, conscendent, incendent, quæ magna erit tam tua, quam nostra ignominia et vilipendium.

49. ET ATTULERUNT ORNAMENTA SACERDOTALIA, (puta vestes sacras, ut cidarim, feminalia, tunicam hyacinthinam, Ephod, etc., q. d. Ne sinas, o Domine, illa capi a gentibus, quia ipsæ illas lacerabunt, aut iis vestient idolorum suorum sacerdotes; pariter ipsi rapient et vorabunt) TUAS PRIMITAS ET DECIMAS, — quas proinde

exponimus, Machabæi hic ostendunt se non res suas, sed Dei curare, ejusque religionis et cultus zelo moveri, ut Deum quasi cogant ad opem, non tam populo suo, quam sibi ipsi sueque religioni et cultui ferendam. Quare efficax fuit hæc eorum seria sinceraque oratio, ac Deum ad succurrendum inflexit. Simili modo oremus et nos, ac pariter Deum flectemus.

ET SUSCITAVERUNT NAZAREOS, QUI IMPLEVERANT DIES — sui voti Nazaræatus; diebus enim voti expletis Nazaræi debebant se sistere Deo in templo, ibique hostias offerre præscriptas a Deo, *Num. vi.* Vide ibi dicta. Porro Nazaræi erant quasi religiosi illius ævi, qui se Deo dicabant et consecrabant, ideoque comam alebant, ac vino et sicera abstinebant. Quare eos hic producunt, Deoque sistunt, ut Deus eos quasi suos sibique consecratos tueatur contra Antiochum et Lysiam.

Vers. 50. 50. **ET CLAMAVERUNT VOCE MAGNA IN COELUM DICENTES :** QUID FACIEMUS ISTIS, ET QUO EOS DUCEMUS? — si Lysias nos capiat et totam Judæam æque ac Jerusalem et templum sibi subjuget, et idolis ac idololatriis suis impleat, exscisa tui veneratione et cultu; nam ut sequitur:

Vers. 51. 51. **ET SANCTA TUA,** (altaria, vasa omniaque templi loca ab Antiochi satellitibus profanata), **CONCULCATA ET CONTAMINATA SUNT.**

ET SACERDOTES TUI FACTI SUNT IN LUCTUM, — tum activum; lugent enim sacerdotes se sacerdotio jam fungi non posse, sed in exilium actos ab Antiocho, suisque oblationibus, ex quibus vivebant, spoliatos: tum passivum, quia populus luget lugubrem sacerdotum suorum statum, seque iis destitui, ut per eos Deo sacrificare, et ab eis in lege Dei instrui nequeat.

ET IN HUMILITATEM, — ubi enim humilantur et vilipenduntur sacerdotes, ibi pariter vilipenduntur sacrificia, lex, pietas, Dei cultus, ipseque populus fidelis et pius.

Vers. 54. 54. **ET TUBIS EXCLAMAVERUNT VOCE MAGNA,** — ut tam voce, quam tubis in cœlum resonanti-

bus Dei opem summis clamoribus implorarent.

55. **ET POST HÆC** (quia post divina præsidia ad- **Vers. 55** hibenda quoque sunt humana; Deus enim non juvat nisi conantes et collaborantes, ac facientes omne id quod officium et prudentia requiri) **CONSTITUIT JUDAS DUCES POPULI,** — nimirum fratres suos Jonatham, Josephum et Simonem. Vide II *Mach. viii.*, 22, ubi Judas aciem instruens eam dividit in quatuor ordines, ac cuilibet unum e fratribus ducem præficit, ita ut quisque sub signis duceret 1400 milites, ac ipse Judas quartus totidem, hoc est, universim sex millia.

56. **ET DIXIT HIS QUI AEDIFICABANT DOMOS, etc., ET FORMIDOLOSIS UT REDIRENT DOMUM,** — ne sociis suis commilitonibus suam formidinem aspergerent; idque juxta legem *Deuteronom. cap. xx*, 4. Vide ibi dicta.

58. **ACCINGIMINI** (gladiis, armis cæteroque appa- **Vers. 58.** ratu bellico), **ET ESTOTE FILII POTENTES.** — Hebraice **לְנִזְמָן anse chail,** id est *viri virtutis*, id est strenui, animosi, fortes.

59. **QUONIAM MELIUS EST NOS MORI IN BELLO, QUAM VIDERE MALA GENTIS NOSTRÆ ET SANCTORUM,** — id est rerum sanctorum, ut templi, altarium, sacerdotum, etc. Gloriosa enim mors est præliando pro fide, lege et Deo occumbere, q. d. Pugnemus generose, quia aut vincemus, et sic de hoste triumphabimus; aut vincemur, et sic gloriosa morte honestabimus.

60. **SICUT AUTEM FUERIT VOLUNTAS IN COELO, SIC FIAT,** — ut vel vincamus, vel vincamur et gloriose occumbamus, prout Deus voluerit, q. d. Utcumque alea belli cadet, bene cadet, quia cadet ex voluntate Dei, qua nihil est melius. Sive ergo vincemus, sive vincemur, implebimus voluntatem Dei, qua nihil præstantius optari, aut desiderari potest. Nota hic Judæ fortitudinem, pietatem, resignationem in Dei voluntatem, qua Dei gratiam et victoriam sibi suisque conciliavit. Imitentur eum principes et belli duces, si simili Victoria potiri, et a Deo donari optent.

CAPUT QUARTUM.

SYNOPSIS CAPITIS.

Duas Gorgiae acies sternit Judas, ac deinde ipsum Lysiam Syriæ proregem, qui, dum bellum reparat, Judas templum repurgat, Deique sacra restituit.

4. Et assumpsit Gorgias quinque millia virorum, et mille equites electos; et moverunt castra nocte, 2. ut applicarent ad castra Judæorum, et percuterent eos subito; et filii, qui erant ex arce, erant illis duces. 3. Et audivit Judas, et surrexit ipse, et potentes, percutere virtutem exercituum regis, qui erant in Emmaum. 4. Adhuc enim dispersus erat exercitus a castris. 5. Et venit Gorgias in castra Judæ noctu, et neminem invenit, et quærebat eos in montibus; quoniam dixit: Fugiunt hi a nobis. 6. Et cum dies factus esset, apparuit Judas in campo cum

tribus millibus virorum tantum, qui tegumenta et gladios non habebant; 7. et viderunt castra Gentium valida, et loricatos, et equitatus in circuitu eorum, et hi docti ad prælium. 8. Et ait Judas viris qui secum erant: Ne timueritis multitudinem eorum, et impetum eorum ne formidetis. 9. Mementote qualiter salvi facti sunt patres nostri in mari Rubro, cum sequeretur eos Pharaon cum exercitu multo. 10. Et nunc clamemus in cœlum; et miserebitur nostri Dominus, et memor erit testamenti patrum nostrorum, et conteret exercitum istum ante faciem nostram hodie. 11. Et scient omnes gentes, quia est qui redimat et liberet Israel. 12. Et elevaverunt alienigenæ oculos suos, et viderunt eos venientes ex adverso. 13. Et exierunt de castris in prælium, et tuba cecinerunt hi qui erant cum Juda. 14. Et congressi sunt; et contritæ sunt Gentes, et fugerunt in campum. 15. Novissimi autem omnes ceciderunt in gladio, et persecuti sunt eos usque Gezeron, et usque in campos Idumææ, et Azoti, et Jamniæ; et ceciderunt ex illis usque ad tria millia virorum. 16. Et reversus est Judas, et exercitus ejus, sequens eum. 17. Dixitque ad populum: Non concupiscatis spolia; quia bellum contra nos est, 18. et Gorgias et exercitus ejus prope nos in monte; sed state nunc contra inimicos nostros, et expugnate eos, et sumetis postea spolia securi. 19. Et adhuc loquente Juda hæc, ecce apparuit pars quædam prospiciens de monte. 20. Et vidit Gorgias quod in fugam conversi sunt sui, et succenderunt castra; fumus enim, qui videbatur, declarabat quod factum est. 21. Quibus illi conspectis timuerunt valde, aspicientes simul et Judam, et exercitum in campo paratum ad prælium. 22. Et fugerunt omnes in campum alienigenarum; 23. et Judas reversus est ad spolia castrorum, et acceperunt aurum multum, et argentum, et hyacinthum, et purpuram marinam, et opes magnas. 24. Et conversi hymnum canebant, et benedicebant Deum in cœlum, quoniam bonus est, quoniam in sæculum misericordia ejus. 25. Et facta est salus magna in Israel in die illa. 26. Quicumque autem alienigenarum evaserunt, venerunt, et nuntiaverunt Lysiæ universa quæ acciderant. 27. Quibus ille auditis, consternatus animo deficiebat, quod non qualia voluit, talia contigerunt in Israel, et qualia mandavit rex. 28. Et sequenti anno congregavit Lysias virorum electorum sexaginta millia, et equitum quinque millia, ut debellaret eos. 29. Et venerunt in Judæam, et castra posuerunt in Bethoron, et occurrit illis Judas cum decem millibus viris. 30. Et viderunt exercitum fortē, et oravit et dixit: Benedictus es, salvator Israel, qui contrivisti impetum potentis in manu servi tui David, et tradidisti castra alienigenarum in manu Jonathæ filii Saul, et armigeri ejus. 31. Concluse exercitum istum in manu populi tui Israel, et confundantur in exercitu suo et equitibus. 32. Da illis formidinem, et tabefac audaciam virtutis eorum, et commoveantur contritione sua. 33. Dejice illos gladio diligentium te; et collaudent te omnes, qui noverunt nomen tuum, in hymnis. 34. Et commiserunt prælium, et ceciderunt de exercitu Lysiæ quinque millia virorum. 35. Videns autem Lysias fugam suorum, et Judæorum audaciam, et quod parati sunt aut vivere, aut mori fortiter, abiit Antiochiam, et elegit milites, ut multiplicati rursus venirent in Judæam. 36. Dixit autem Judas, et fratres ejus: Ecce contriti sunt inimici nostri; ascendamus nunc mundare sancta, et renovare. 37. Et congregatus est omnis exercitus, et ascenderunt in montem Sion. 38. Et viderunt sanctificationem desertam, et altare profanatum, et portas exustas, et in atriis virgulta nata sicut in saltu vel in montibus, et pastophoria diruta. 39. Et sciderunt vestimenta sua, et planxerunt planctu magno, et impo-suerunt cinerem super caput suum. 40. Et ceciderunt in faciem super terram, et exclamaverunt tubis signorum, et clamaverunt in cœlum. 41. Tunc ordinavit Judas viros, ut pugnarent adversus eos qui erant in arce, donec emundarent sancta. 42. Et elegit sacerdotes sine macula, voluntatem habentes in lege Dei; 43. et mundaverunt sancta, et tulerunt lapides contaminationis in locum immundum. 44. Et cogitavit de altari holocaustorum, quod profanatum erat, quid de eo faceret. 45. Et incidit illis consilium bonum ut destruerent illud; ne

forte illis esset in opprobrium, quia contaminaverunt illud Gentes, et demoliti sunt illud. 46. Et reposuerunt lapides in monte domus in loco apto, quoadusque veniret propheta, et responderet de eis. 47. Et acceperunt lapides integros secundum legem; et ædificaverunt altare novum, secundum illud quod fuit prius. 48. Et ædificaverunt sancta, et quæ intra domum erant intrinsecus; et ædem et atria sanctificaverunt. 49. Et fecerunt vasa sancta nova, et intulerunt candelabrum, et altare incensorum et mensam in templum. 50. Et incensum posuerunt super altare, et accenderunt lucernas, quæ super candelabrum erant, et lucebant in templo. 51. Et posuerunt super mensam panes, et appenderunt vela, et consummaverunt omnia opera quæ fecerant. 52. Et ante matutinum surrexerunt quinta et vigesima die mensis noni (hic est mensis Casleu) centesimi quadragesimi octavi anni; 53. et obtulerunt sacrificium secundum legem, super altare holocaustorum novum, quod fecerunt. 54. Secundum tempus et secundum diem, in qua contaminaverunt illud gentes, in ipsa renovatum est in canticis, et citharis, et cyniris, et in cymbalis. 55. Et cecidit omnis populus in faciem, et adoraverunt, et benedixerunt in cœlum eum, qui prosperavit eis. 56. Et fecerunt dedicacionem altaris diebus octo, et obtulerunt holocausta cum lætitia, et sacrificium salutaris et laudis. 57. Et ornaverunt faciem templi coronis aureis et scutulis; et dedicaverunt portas, et pastophoria, et imposuerunt eis januas. 58. Et facta est lætitia in populo magna valde, et aversum est opprobrium Gentium. 59. Et statuit Judas et fratres ejus, et universa ecclesia Israel, ut agatur dies dedicationis altaris in temporibus suis, ab anno in annum, per dies octo, a quinta et vigesima die mensis Casleu, cum lætitia et gaudio. 60. Et ædificaverunt in tempore illo montem Sion, et per circuitum muros altos, et turres firmas, ne quando venirent Gentes, et conculcarent eum, sicut antea fecerunt. 61. Et collocavit illic exercitum, ut servarent eum, et munivit eum ad custodiendam Bethsuram, ut haberet populus munitio- nem contra faciem Idumææ.

Vers. 1.

1. ET ASSUMPSIT GORGIAS QUINQUE MILLIA VIRORUM (peditum) **ET MILLE EQUITES ELECTOS, ET MOVERUNT CASTRA NOCTE.** — Gorgias erat unus ex tribus duabus Antiochi et Lysiæ belli experientissimus, quod et hic ostendit, dum cum militibus selectis noctu invadit castra Judæ, ut ex improviso eum dormientem cum suis opprimat. Hoc enim stratagema Annibal cecidit Romanos, et Romani Asdrubalem fratrem Annibalis, teste Livio.

Vers. 2.

2. ET FILII QUI ERANT EX ARCE ERANT ILLIS DUCES, — q. d. Milites Antiochi in arce Sion nati, vel educati, ideoque regionis et locorum gnari ducebant eos per vias obscuras (erat enim nox), anfractuosas et absconditas, quarum ipsi erant ignari, utpote exteri et alienigenæ.

Vers. 3.

3. ET AUDIVIT JUDAS, ET SURREXIT IPSE ET POTENTES (robusti duces et milites) **PERCUTERE VIRTUTEM EXERCITUUM REGIS,** — puta tota castra a Gorgia relicta. Græce tantum est δύναμις, id est vim, robur, potentiam, exercitum et copias regis. Sed quia in his castris erant variarum gentium exercitus, iisque validi et numerosi, hinc Noster vertit: « Virtutem exercituum regis. » Judas ergo per exploratores rescivit strategema et consilium Gorgiæ, illudque in ipsum retorsoit. Nam eadem nocte ipse reliqua castra Gorgiæ relicta in Emmaum, secura et dormientia invasit, et ex inopinato oppressit.

Vers. 4.

4. ADHUC ENIM DISPERSUS ERAT EXERCITUS A CAS-

TRIS, — q. d. Adhuc milites Gorgiæ non erant collecti, et in ordines aciesque suas distributi in castris, sed palabundi vagabantur, sensim colligebant ordinabantque se in castris. Judas, id sciens, dispersos et inordinatos agressus facile prostravit.

5. ET VENIT GORGIAS IN CASTRA JUDÆ, ET NEMINEM Vers. 5. **INVENIT,** — quia Judas cum suis eadem nocte iverat in Emmaum, ut relictos a Gorgia cæderet, ut dixi.

6. ET CUM DIES FACTUS ESSET, APPARUIT JUDAS IN Vers. 6. **CAMPO CUM TRIBUS MILLIBUS VIRORUM** (peditum) **TANTUM, QUI TEGUMENTA** (id est loricas, sive thoraces ferreos et scuta) **ET GLADIOS NON HABEBANT,** — scilicet, sicut volebant, ut addunt Græci multique Latin codices, q. d. Non habebant gladios politos, acutos, latos et longos, quales ipsi optabant, et quales habebant hostes; sed impolitos, rubigine obductos, hebetatos, strictos et breves; multi etiam non gladiis, sed peticis, fustibus, malleis, ligonibus, falcibus aliisque armis rusticis duntaxat, quæ domi, vel in agro repererant, armati incedebant. Eo major fuit Dei vir'us et militum fortitudo, ac victoria. Hoc est quod ait Josephus, lib. XII, cap. xi: « Dicens tria millia virorum non satis instructa armis propter inopiam. » Ita Dionysius Carthusianus et Josephus, Stephanus hic, qui et addit multos ex iis fuisse fundibularios, qui gladiis uti non solebant, ut liberi essent

in librandis lapidibus ex fundis. Minus probabilius Lyranus pro « qui » legens « quia » sic explicat, q. d. Ideo Judas tria duntaxat millia armatorum et gladiatorum eduxit in aciem, quia cæteri Judæi non habebant gladios et clypeos, ut pugnare possent. Porro eos habuisse gladios liquet ex vers. 15, ubi dicitur : « Novissimi autem eorum ceciderunt gladio, » et ex eo quod paulo ante Judæi spoliaverunt castra Apollonii; indeque tulerunt gladios et arma cætera.

Vers. 7.
Macha-
bei pedi-
tes pug-
nabant
quatuor
decausis.
Prima.

Secunda.

Tertia.

Quarta.

Vers. 10.

Vers. 10.

7. ET VIDERUNT CASTRA GENTIUM VALIDA, ET LORICATOS ET EQUITATUS. — Nota : Judas et Machabæi pugnabant pedites, nec habebant equites; nulla enim equorum fit mentio, cum hostes copiosum haberent equitatum æque ac peditatum. Causæ fuere variae. *Prima*, quia Deus, *Deuter. xvii*, 16, vetuerat Judæis copiam equorum, ne in eis, sed in ipso confiderent. Ita S. Basilius et alii, quos ibidem citavi, licet Abulensis id negare videatur. *Secunda*, quia Judæa est montosa et prærupta; unde equis et equitibus vix pervia et ad pugnam incommoda. *Tertia*, quia Judæa carebat equorum abundantia, ac eorum loco utebatur asinis et mullis, equos vero ex Ægypto (uti fecit Salomon) acersebat: ibi autem eos emere, indeque in Judæam deducere, Machabæis nimis erat onerosum et sumptuosum. *Quarta*, volebat id Deus, ut magis ostenderet suam potentiam, ac virtutem et robur Machabæorum, quod scilicet ipsi soli Deo nixi, ut fatetur hic Judas, ejus ope implorata, pauci cum multis, pedites cum equitibus, inermes fere cum armatis confligentes, eos tamen prosternerent juxta illud Davidis : « Hi in curribus et hi in equis; nos autem in nomine Domini Dei nostri invocabimus, » *Psal. xix*, 8.

10. ET NUNC CLAMEMUS IN COELUM, — dicentes : *Mi camocha baelim Jehova*, id est : « Quis similis tui in fortibus, Domine? » *Exodi xv*. Hoc enim erat emblema et tessera Judæ; unde ex versus illius litteris initialibus junctis, dictus est *Machabi*, id est Machabæus, ut satis ex hisce ejus verbis et similibus colligitur. Nam Judas ubique spem victoræ non in armis, nec in militibus, sed in Deo unico reposuit, eumque invocavit, atque hac confidentia et supplici prece semper victoriam obtinuit, excepto ultimo prælio, in quo vulneratus occubuit, eo quod non legatur ante prælium Deum invocasse, ut alias facere solebat.

ET MEMOR ERIT TESTAMENTI PATRUM NOSTRORUM, — q. d. Memor erit Deus pacti et fœderis cum patriis nostris initi, ut scilicet nos eum colamus, quasi Deum nostrum, et ipse vicissim noster sit Deus, id est protector, provisor, tutor et custos; deoque nos a tot tantisque hostibus liberet, eosque coram nobis prosternat.

15. NOVISSIMI AUTEM (fugientium) OMNES CECIDEANT — cæsi a Juda et sociis, qui fugientes persequabantur, et caudam hostium carpebant ultimosque cædebant.

17. DIXITQUE JUDAS : NON CONCUPISCATIS SPOLIA,

QUIA BELLUM CONTRA NOS EST. — Vide hic prudenteriam militarem Judæ, qua suos sub signis continuit, nec spolia hostium rapere permisit, ne hostes fugientes, id videntes, se rursum colligerent, ac Judæos palantes, et spoliis onustos invaderent et prosternerent. Sic enim hoc sæculo vidimus Germanos et Transylvanos, cum multa Turcarum millia cecidissent, ab iisdem fuisse cæsos, eo quod præpropere ad spolia dilapsi, Turcis se in montibus colligendi, et spoliis onustos invadendi macandique ansam dedissent. Ita Tomyris regina Scytharum, fugam simulans, castra epulis et vino referta, Cyro et Persis diripienda reliquit: at mox regrediens eosdem vino somnoque sepultos ad unum omnes obtruncavit, teste Justino, Herodoto et aliis. Fridericum, Bohemiæ regem, Boleslaus II triplici prælio fudit. Sed dum militi in diripienda præda locum dat, nec victoram prosequitur; Fridericus, collecto milite, triplici tumentem victoria vicit, et in exilium redire compulit. Ita Delrius, lib. XIII, plura exempla de Alexandro, Annibale, Tiberio. Vide apud Frontinum, lib. II, cap. v. Avaritia ergo, et prædæ aviditas decipit prudenteriam, ac victoribus victoram extorquet, eamque in viatos transfert, facitque ut fiat locus cædis, qui paulo ante fuerat victoriæ. Quare sapientes belli duces milites a præda cohibent, et in acie armatos continent, hostesque fugientes persequuntur, donec plena de iis sit victoria; tunc enim secura est prædatio et spoliatio. Hac de causa duces bello victi, ut hostem insequentem morentur, eumque effugiant, pecunias et res pretiosas post se spargunt, ut iis colligendis hostis occupatus persequi desistat. Ita Tryphon rex Syriæ victus, per totum iter fugiens, aurum et argentum dispersit, et hac ratione equites Antiochi sectantes moratus evasit, teste Julio Frontino, lib. II *De Stratagematis* cap. XIII, qui et addit idem fecisse Gallos cum Attalo pugnantes. Idem fecisse Mithridatem victum a Lucullo et Romanis, ac per gazam regiam Romanis objectam eorum insequentium manus effugisse tradit Plutarchus in *Lucullo*. Sic castor e venatorum manibus elabitur, resecta virilia eis objiciens; ob hæc enim eos se venari cognoscit, ut e suis virilibus castorium medicis assignent. Audi Polybiurn, libro X : « Et quoniam plurimi prædæ inhiant, atque victoram plenam obtinere nequeunt, fit ut de summa rerum periclitentur. Multis hoc accidit ut, licet facti sint voti compotes, et vel in castra hostium irruerint, vel civitatem ceperint, attamen non solum ejecti sint, sed et totius causæ periculum et detrimentum incurrerint. »

Tropologice nos cum dæmonibus assidue luctantes spolia terrena relinquere debemus, ne, si eis incubemus, ab illis occupemur et superemur : « Nudi ergo cum nudis luctemur, » ait S. Gregorius.

20. ET SUCCENDERUNT CASTRA. — Judas succendit Vers. 20. castra, id est tentoria hostium, ut Gorgias eminus e monte rem spectans sciret suos esse cæsos, ideo-

Juda
bru-
denta in
cohiben-
do milite
à spoliis.

Victi
spargunt
aurum ut
effugi-
ant.

que castra a Juda esse succensa, itaque metuens sibi et suis fugam capesseret. Quod et factum est.

Vers. 23. 23. HYACINTHUM (id est vestes hyacinthini, vel violacei coloris) ET PURPURAM MARINAM, — quæ fit ex succo conchyliorum marinorum, ac præsertim pisciculi, qui purpura vocatur, idque maxime in Tyro; unde vocatur purpura Tyria, et Sarranum (*Tyrus enim Hebraice dicitur Sor*) ostrum, teste Plinio, lib. IV, cap. xxxviii et xxxix; nam purpura, quæ fit ex violis aliisque herbis, pallit, nec cum Tyria comparari potest; hæc enim est ardens, et quasi ignea. Unde Virgilius, *Aeneid.* IV: « Tyrioque ardebat murice lana. »

Milites uteban-
tur pur-
purā ad
tegen-
dum vul-
nera.
Porro milites Chaldæi æque ac Persæ utebantur vestibus purpureis et coccineis tum ad ornatum. Unde Xenophon, lib. IV *Cyrop.*: « Erant, ait, milites armati omnes iisdem armis, quibus Cyrus, puniceis tunicis; » tum ut in prælio vulnerati sanguinem diffluentem, vulneraque tegerent per concolorem tunicam purpuream, ne socios consternerent et hostibus audaciam adderent, uti testatur Valerius Maximus, lib. II, cap. vi; et *Ælia-nus*, lib. VI, cap. vi.

Vers. 24. 24. ET CONVERSI HYMNUM CANEBANT, — puta epinicionum Deo, victoriam illius op̄i et virtuti non suæ assignantes; qua gratitudine Deum sibi devinciebant, ut novas eis daret victorias; victoria enim est donum Dei, qui illud gratis largitur, ingratias negat, vel datum aufert. Hinc Christiani, parta victoria, canunt: « Te Deum laudamus. »

Vers. 25. 25. ET FACTA EST SALUS, id est victoria, MAGNA IN ISRAEL; — victoria enim hæc salutem dedit Israeli. Metonymice ergo ponitur causa pro effectu. Vide dicta cap. III, 6. Adde: salus, sicut et pax Hebræis omne beneficium, omnem felicitatem, omne bonum significat. Unde illud Psalm. XVII: « Magnificans salutes, id est beneficia et dona regis ejus; r̄ hinc eas mox vocat « misericordiam, » sive gratiam.

Vers. 28. 28. ET SEQUENTI ANNO CONGREGAVIT LYSIAS VIRO-RUM (peditum) ELECTORUM SEXAGINTA MILLIA ET EQUITUM QUINQUE MILLIA, — quæ Judas cum paucis Deo nixus pari fortitudine et felicitate prostravit, vers. 34.

Vers. 32. 32. DA ILLIS FORMIDINEM, (immitte eis terrem panicum, ut putent contra se venire, vel militum, vel Angelorem formidabiles acies, itaque perculti fugiant, imo se invicem invadant, putantes commilitones suos esse hostes, itaque) COMMOVEANTUR CONTRITIONE SUA, — ut se mutuo conquassando conterant, se proterant et trucident, ut factum est Madianitis sub Gedeone, qui mutua se cæde truncabant. *Judicum* VII, 22.

ET TABEFAC (Græce τύπον, id est liquefac, sicut cera dissolvitur et liquefit coram igne) AUDACIAM VIRTUTIS EORUM.

Vers. 35. 35. QUOD PARATI (resoluti) SUNT AUT VIVERE (vincendo) AUT MORI FORTITER, — ut si vincantur, malint generose occumbere, quam turpiter fuge-re. Nam τὸ « fortiter » Græce γενναῖος, id est, ge-

nerose tam ad « vivere » quam ad « mori » referendum est; vivit autem fortiter in prælio is qui vincit; moritur vero fortiter qui vincitur a numero hostium, sed fortiter pugnando occiditur.

ABIT ANTIOCHIAM. — Prudenter abiit Lysias, quia cum resolutis et desperatis periculosisima est pugna, uti ostendi in libro *Judicum* et *Regum*. Quare Judas habens milites, quibus deliberatum erat aut vincere, aut mori, omnes hostium acies protrivit, et admirandas obtinuit victorias. Hæc enim militum resolutio facit eos imperterritos et animosos, quasi leones, ut per tela, per saxa, per ignes involvent in hostem, velut fulmina, eosque percellant, sternant et dissipent.

36. DIXIT AUTEM JUDAS ET FRATRES EJUS: ECCE Vers. 36 CONTRITI SUNT INIMICI NOSTRI, ASCENDAMUS NUNC MUNDARE SANCTA, — puta sanctum templum, sancta altaria et vasa, ut ea a Gentibus per idola et superstitiones profanata et polluta expiemus ac renovemus, id est, pristino nitori, honori et decori, Deique cultui restituamus. Vide hic pietatem æque ac soleritatem Judæ, qui otio a bellis sibi a Lysia concessso utitur ad negotium sanctum, ut templum expiet, in eoque Dei sacrificia, cultumque restauret. Imitantur Judam nostri duces et milites, ut cum fortitudine bellica, Dei timorem, cultum et pietatem conjungant: itaque a Deo victoriis, omnibusque bonis præsentibus et æternis cumulabuntur.

38. ET VIDERUNT SANCTIFICATIONEM (id est sanc-tuarium, sive templum; puta Sanctum et Sanctum sanctorum) DESERTAM ET PASTOPHORIA DIRU-TA. — Pastophoria erant cubicula sacerdotum annexa templo, in quibus vestes, opesque templi asservabantur; unde et *gazophylacia* vocabantur et *thalami*, *Ezech.* XL. θάλαμος enim est thalamus, et *exedræ*, quod in eis essent sedes ad sedendum et quiescendum.

40. ET EXCLAMAVERUNT TUBIS SIGNORUM; — vo-cantur tubæ « signorum, » quia per earum clangorem significabantur dies festi et populi convocatio, sive conventus, *Num.* x, 1 et 10. Verius tamen videtur has tubas non fuisse sacras templi; has enim jam abstulerant milites Antiochi, templum profanantes, sed profanas castrorum et belli. Hæ vocantur « signorum, » quia significabant militi, quid agendum foret, ac præsertim adesse hostem, ut ad prælium contra eum se pararet. Erant enim hæ tubæ Judæ ducis, ejusque militum, ut inter hostes constituti tubarum clangore convocarentur, et excitarentur ad vigilandum et ad præliandum eo tempore, quo sacerdotes et eorum asseclæ mundabant templum, ne Antiochi satellites arcem Sion insidentes, ex ea in templum decurrerent et mundantes obtruncarent. Ita Sanchez; unde explicans subdit:

41. TUNC ORDINAVIT JUDAS VIROS, UT PUGNARENT VERS. 41 ADVERSUS EOS QUI ERANT IN ARCE, DONEC EMUNDARENTE SANCTA — templi loca, atria et vasa. Arcem Sion enim obtinebant hostes, scilicet Antiochi mi-

lites, nec inde eos expellere potuit Judas hoc anno 148 Græcorum, sed post biennium anno 150 Græcorum arcem obsidere cœpit, ac per 23 annos eam obsedere Machabæi, quibus expletis eam tandem expugnarunt, anno 171 Græcorum, ut dicitur cap. XIII, 50.

Vers. 42. 42. VOLUNTATEM HABENTES IN LEGE DEI. — « Voluntatem, » id est pium affectum, desiderium, studium legis et cultus Dei promovendi.

Vers. 43. 43. ET TULERUNT LAPIDES CONTAMINATIONIS, — e quibus Gentiles idololatræ construxerant sua idola, aras, statuas, etc., quibus tam lapides, quam templum contaminarant et profanarant, cap. I, 50 et lib. II, cap. x.

IN LOCUM IMMUNDUM, — puta in Tophet, sive gehennam, ubi cremabant infantes idolo Moloch. Hic enim locus erat immundissimus et execrabilis, IV Reg. XXIII, 10. Sic olim aræ et templo idolorum a Christianis fuere plane diruta et eversa usque ad S. Gregerium, qui libro IX, Epist. 71 ad Mellitum decernit, ut illa non diruantur, sed expientur, et ab idolorum cultu ad Dei cultum transferantur.

Vers. 44. 44. ET COGITAVIT DE ALTARI HOLOCAUSTORUM (quod olim Esdras et sacerdotes in reædificato templo erexerant) QUOD PROFANATUM ERAT (per idolum Jovis Olympii, quod in eo collocarant Antiochistæ) QUID DE EO FACERET, — an illud emundaret ad usum, an vero amoveret, quasi indignum ad usum.

Vers. 45. 45. ET INCIDIT ILLIS CONSILIUM BONUM, UT DESTRUERENT ILLUD, NE FORTE ILLIS ESSET IN OPPROBRIUM, — ne idololatræ eis exprobrarent, quod in altari per idulum Jovis Olympii polluto sacrificarent, quodque non Deo, sed Jovi sacrificarent; Jovis enim idulum in ea fuerat collocatum.

Vers. 46. 46. ET REPOSUERUNT LAPIDES IN MONTE DOMUS (id est in monte Sion, in quo domus Dei, sive templum fabricatum erat) DONEC VENIRET PROPHETA — aliquis, præsertim Messias; hunc enim avide a multis sæculis exspectabant Judæi, et jam imminebat ejus adventus. Nam ab anno 148 Græcorum, quo hæc gesta sunt, usque ad ortum Christi fluxere anni 159 duntaxat. Hinc disce hoc tempore Machabæorum nullum fuisse prophetam in Israel; nam ultimi fuere prophetæ, Zacharias et Malachias. Dices: Cur Judas, cum esset Pontifex, non consuluit Deum per oraculum Ephod, sive per Urim et Thummim? Respondet Josephus oraculum hoc ducentis annis ante Christum siluisse et desiisse. Ita ipse, lib. III, cap. xi. Idem censent Abulensis et alii. Aut certe Ephod hoc dans oracula jam ablatum erat ab Antiochi ministris, ac præsertim a pseudopontifice Jasone, Menelao, Alcimo apostatis et proditoribus, ut Judas eo uti, et per illud Deum consulere non posset. Ita Sanchez.

48. ET AEDIFICAVERUNT (ab idololatræ diruta, vel disrupta restaurarunt) SANCTA, id est, priorem partem templi, quæ vocabatur « Sanctum vel

Sancta » in plurali; ut hic vocatur, ET QUA INTRADOMUM ERANT INTRINSECUS, — id est et quoque ea, quæ erant in posteriori et interiori parte templi quæ dicebatur « Sancta sanctorum, » id est sanctissima. In Sancto erat mensa panum propositonis, candelabrum aureum et altare thymiamatis, quæ ab Antiochi satellitibus ablata fuere; unde nova fabricavit Judas, ut dicitur vers. 49. In Sancto sanctorum tantum erat Arca cum Cherubim et Propitiatorio; sed hæc paulo ante excidium Jerusalem per Chaldaeos e templo extulit Jeremias et abscondit. Unde Hebræi asserunt in secundo templo, reædificato post reditum e Babylone per Zorobabel, non fuisse Arcam. Alii dicunt fuisse Arcam, non a Mose fabricatam, hanc enim extulit Jeremias, sed aliam Mosaicæ similem a Judæis post reditum efformatam, de quo plura lib. II.

ET AEDEM ET ATRIA SANCTIFICAVERUNT. — Aedes vocatur Sanctum sanctorum, quod præcessit; unde τὸ « ædem » non est in græco: « atria » erant vicina templo circumcirca, in quibus populus degbat et spectabat sacrificia; hæc omnia ab idololatria contaminata et polluta Judas sanctificavit, id est ab idolis et superstitione purgavit, aqua lustrali expiavit, ac Deo rursum solemni benedictione dedicavit.

52. QUINTA ET VIGESIMA DIE MENSIS NONI (HIC EST Vers. 52.

MENSIS CASLEU, — qui nostro partim novembri, partim decembri respondet. Hebræi enim ute-

bantur mensibus lunaribus, cum nos utamur solaribus. Quare hac eadem die 23 Casleu Judæi ce-

lebrabant quotannis festum Encæniorum, sive Encænio-

rūm.

Festum dedicationis templi, eadem die hoc loco factæ a Juda. Causa festi fuit beneficii, indeque lætitiae magnitudo, ideoque per octo dies celebrabatur. Audi II Machab. x, 5: « Qua die autem templum ab alienigenis pollutum fuerat, contigit eadem die purificationem fieri vigesima quinta mensis, qui fuit Casleu; et cum lætitia diebus octo egerunt in modum Tabernaculorum, recordantes quod ante modicum temporis diem solemnem Tabernaculorum in montibus et in speluncis more bestiarum egerant. Propter quod thyrso et ramos virides, et palmas præferebant ei qui prosperavit mundari locum suum, etc. » Et Josephus, lib. XII: « Tanta vero lætitia ob reductos ritus patrios et prisca religionem occupavit gentis animos, maxime quod ea felicitas ex insperato obtigerat, ut lex lata sit ad posteros, quæ juberet quotannis hoc festum reparati cum cæremoniis templi, per octo dies celebrari; et ex eo tempore mos hic apud nostros obtinuit, vocamusque hanc festivitatem luminum, opinor ideo, quod ex insperato nobis illuxerit tanta felicitas, » etc.

Tropologice festo Encæniorum significatur festum quod agunt Angeli et Sancti de peccatore gice. pœnitentiam agente, cum ipse templum animæ suæ, quod per peccatum profanarat, per contritionem expurgat, rursumque Deo dedicat. Vide Riberam, lib. V De Templo, cap. XVII.

Vers. 34. 54. SECUNDUM TEMPUS ET SECUNDUM DIBM, (id est, eodem plane die, scilicet 25 Casleu,) IN QUA CONTAMINAVERUNT ILLUD GENTES, — ante triennium, cap. i, 62. q. d. sicut anno 143 Græcorum, die 25 mensis Casleu, Antiochus profanavit templum, ut dictum est cap. i, 62. Ita Judas post triennium, puta anno 148 Græcorum, eadem die 25 mensis Casleu templum diserte repurgavit, rursumque Deo dedicavit, uti dicitur lib. I, cap. x, 5. Idem ergo dies fuit profanationis et dedicationis, desolationis et consolationis, luctus et gaudii. Porro Judas dedicavit templum anno 148 Græcorum, vivente adhuc Antiocho; nam hic mortuus est anno sequenti 149 Græcorum, ut dicitur cap. vi, 16.

ET CYTHARIS ET CINYRIS. — Hæc duo instrumenta musica vicina erant et sola magnitudine, ac forte fidium numero inter se distincta, uti apud Italos sunt *viole* vel *violini*. Unde Noster II *Paralip.* ix, 11, et alibi pro cinyris, ut habet Græcus, vertit « *citharas*, » cithara enim Hebraice vocatur כנור *kinnor*, id est cinya.

Vers. 59. 59. ET STATUIT JUDAS, etc. — q. d. Judas quasi Pontifex instituit festum Encæniorum quotannis celebrandum die 25 Casleu in memoriam purgationis et dedicationis templi, ab illo eodem die factæ. Hujus festi meminit S. Joannes *in Evang.*

Dignitas deles fuit festum dedicationis Ecclesiæ, ut patet ex homiliis, quas in ea habuerunt S. Augustinus, S. Gregorius, S. Chrysostomus, Beda, Bernardus Ecclesiæ.

Exempla. et alii. Sane Constantinus Magnus omnes Episcopos convocavit ad dedicationem templi Jerosolymitani. Quin et Michael Archangelus dedicavit Ecclesiam in monte Gargano; cuius rei memoriam quotannis celebamus die 29 septembbris. S. Petrus sibi Ecclesiam dedicavit Londini in Anglia, ut habet vita Eduardi regis Angliæ apud Surium. Denique Christus ipse dedicavit Ecclesiam S. Dionysii Parisiis. Rem gestam enarrat Robertus Gaquinus, lib. III *De gestis Francorum*.

Vers. 60. 60. ET EDIFICAYERUNT MONTEM SION. — q. d. In monte Sion construxerunt arcem oppositam arcii hostili, ut hostes cohiberent, ne templum sua excursione infestarent. Licet enim vers. 40, Judas constituerit milites, qui tutarentur eos qui purgabant templum, nequid tamén arcem eis construxerat; quare illam hic construit. Ex hoc loco originem habuisse videntur milites ad templi custodiæ deputati, eorumque præfecti, qui « magistratus templi » vocantur *Act. iv, 1*, et *Luc. xxii, 4*, quos Chrysostomus vocat « *Duces militum templi*; » Beda, « *Prætores templi*; » Syrus, « *Præfectos templi*; » Græce vero vocantur σπεῖτηρι τοῦ ιεροῦ, id est milites templi, *Luc. xxii, 51*. Videntur hi

fuisse Levitæ e tribu Levi, quorum immensus erat numerus: ad hos enim cura templi et sacrorum spectabat, ac proinde per arma et milites suos cavere debebant, ne quis tumultus fieret in templo: Levitæ enim et Sacerdotes quotidie manus cruentando mactatione et laniatione victimarum assuescebant sanguini, discebantque mactare homines templi inimicos. Ad horum similitudinem Jerosolymis a Christianis recuperatis, anno post Christum 1130, instituti sunt Jerosolymitani equites, dicti Templarii, sive milites templi, quorum munus erat itinera ad templum ab infidelium et prædonum incursu tuta servare, uti docet Guilielmus Tyrius, lib. XII *De bello sacro*, cap. vii. Exstat ad hos insignis sermo S. Bernardi qui illo saeculo vixit, ad milites templi, ubi, cap. ix, asserit eos habitasse juxta templum. Verum cum tandem ipsi imperium Patriarchæ Jerosolymitani, a quo instituti fuerant, detractarent, atque ob ingentes opes insolecerent, a Clemente V, instigante Philippo Pulchro Franciæ rege, extincti fuere anno Domini 1311, uti in ejus vita narrat Platina, Genebrardus et Volaterranus, lib. XXII *Anthr.* et patet ex Concilio Viennensi in quo sententia damnationis contra Templarios lata est una cum decreto extinctionis Ordinis ipsorum.

61. AD CUSTODIENDAM BETHSURAM. — Bethsura Vers. 61. fuit alia munitio constructa a Juda contra Idumæos, quinque stadiis distans ab arce Sion et a Jerosolymis (stadium continet 125 passus) intra montium fauces, instar Thermopylarum, ait Josephus: unde « *Bethsura*, » Hebraice idem est quod *domus rupis*. Audi Adrichomium *in Descrip. tribus Juda*, num. 61: « *Bethsur* vel *Bethsora* S. Hieronymi ætate erat oppidum, vel, ut alii, præsidium et castrum totius Judææ munitissimum; et quoniam erat undique circumvallatum montibus, ab eo nomen accepit. Interpretatur enim Bethsur *domus rupis*, *petræ*, aut *fortitudinis*. Impositum erat claustris montium ad vallem Raphaim, distans uno milliario a Jerusalem, sita super via publica, quæ a Jerusalem ducit Gazam, ut quidam volunt. Firmavit locum hunc ædificiis Roboam Rex Judææ, et iterum Judas Machabæus; Lysias oppugnavit; Antiochus Eupator deditione cepit per fraudem, Jonathas Machabæus recepit. Apud hoc castellum reges Syriæ cum vim Judæis intentarent, sæpe cæsi et profligati sunt. Ipse postremum Simon Machabæus occupatum, contra omnes hostium irruptiones fortissime communivit præsidiis. Erat tempore Hieronymi fons ad radices Bethsur, qui ab eadem, qua gignebat, humo sorbebatur, in quo fonte quidam putant Eunuchum Candacis reginæ a Philippo baptizatum, atque inde nomen accepisse Fons Æthiopis.

CAPUT QUINTUM.

SYNOPSIS CAPITIS.

Judas Ammonitas, Moabitas et Idumæos profligat, mox, vers. 9, Galilæis per Simonem fratrem, Galaaditis per se succurrit, ac vers. 28. Bosor, et vers. 35, Maspera, aliasque urbes Galaaditidis expugnat. Inde, vers. 37, integro prælio cœdit Timotheum, et vers. 46, expugnat Ephronem; sed vers. 56, cœduntur Josephus et Azarias Judææ armuli.

1. Et factum est, ut audierunt Gentes in circuitu, quia ædificatum est altare et sanctuarium sicut prius, iratæ sunt valde : 2. et cogitabant tollere genus Jacob, qui erant inter eos, et cœperunt occidere de populo, et persecui. 3. Et debellabat Judas filios Esau in Idumæa, et eos qui erant in Acrabathane, quia circumsedebant Israelitas, et percussit eos plaga magna. 4. Et recordatus est malitiam filiorum Bean, qui erant populo in laqueum et in scandalum, et insidiantes ei in via. 5. Et conclusi sunt ab eo in turribus, et applicuit ad eos, et anathematizavit eos, et incendit turres eorum igni, cum omnibus qui in eis erant. 6. Et transiit ad filios Ammon, et invenit manum fortem, et populum copiosum, et Timotheum ducem ipsorum : 7. et commisit cum eis prælia multa, et contriti sunt in conspectu eorum, et percussit eos : 8. et cepit Gazer civitatem, et filias ejus, et reversus est in Judæam. 9. Et congregatæ sunt gentes quæ sunt in Galaad, adversus Israelitas qui erant in finibus eorum, ut tollerent eos; et fugerunt in Datheman munitionem, 10. et miserunt litteras ad Judam et fratres ejus, dicentes : Congregatæ sunt adversum nos gentes per circuitum, ut nos auferant: 11. et parant venire, et occupare munitionem in quam confugimus; et Timotheus est dux exercitus eorum. 12. Nunc ergo veni, et eripe nos de manibus eorum, quia cecidit multitudine de nobis. 13. Et omnes fratres nostri, qui erant in locis Tubin, imperfecti sunt : et captivas duxerunt uxores eorum, et natos et spolia, et peremerunt illic fere mille viros. 14. Et adhuc epistolæ legebantur, et ecce alii nuntii venerunt de Galilæa concisis tunicis, nuntiantes secundum verba hæc : 15. Dicentes convenisse adversum se a Ptolemaida, et Tyro, et Sidone ; et repleta est omnis Galilæa alienigenis, ut nos consumant. 16. Ut audivit autem Judas, et populus, sermones istos, convenit ecclesia magna cogitare quid facerent fratribus suis qui in tribulatione erant, et expugnabantur ab eis. 17. Dixitque Judas Simoni fratri suo : Elige tibi viros, et vade, et libera fratres tuos in Galilæa ; ego autem et frater meus Jonathas ibimus in Galaaditum. 17. Et reliquit Josephum filium Zachariæ et Azariam, duces populi, cum residuo exercitu in Judæa ad custodiam : 19. et præcepit illis, dicens : Præestote populo huic ; et nolite bellum committere adversum gentes, donec revertamur. 20. Et partiti sunt Simoni viri tria millia, ut iret in Galilæam ; Judæ autem octo millia in Galaaditum. 21. Et abiit Simon in Galilæam, et commisit prælia multa cum gentibus; et contritæ sunt gentes a facie ejus, et persecutus est eos usque ad portam 22. Ptolemaidis ; et ceciderunt de gentibus fere tria millia virorum, et accepit spolia eorum. 23. Et assumpsit eos qui erant in Galilæa, et in Arbatis, cum uxoribus, et natib, et omnibus quæ erant illis, et adduxit in Judæam cum lætitia magna. 24. Et Judas Machabæus et Jonathas frater ejus transierunt Jordanem, et abierunt viam trium dierum per desertum. 25. Et occurserunt eis Nabuthæi, et suscepérunt eos pacifice, et narraverunt eis omnia quæ acciderunt fratribus eorum in Galaaditide, 26. et quia multi ex eis comprehensi sunt in Barasa, et Bosor, et in Alimis, et in Casphor, et Mageth, et Carnaim ; hæ omnes civitates munitæ et magnæ. 27. Sed et in cæteris civitatibus Galaaditis tenentur comprehensi, et in crastinum constituerunt admovere exercitum civitati-

bus his, et comprehendere, et tollere eos in una die. 28. Et convertit Judas, et exercitus ejus, viam in desertum Bosor repente, et occupavit civitatem; et occidit omnem masculum in ore gladii, et accepit omnia spolia eorum, et succendit eam igni. 29. Et surrexerunt inde nocte, et ibant usque ad munitionem. 30. Et factum est diluculo, cum elevassent oculos suos, ecce populus multus, cuius non erat numerus, portantes scalas et machinas, ut comprehenderent munitionem, et expugnarent eos. 31. Et vidit Judas quia cœpit bellum, et clamor belli ascendit ad cœlum sicut tuba, et clamor magnus de civitate: 32. et dixit exercitui suo: Pugnate hodie pro fratribus vestris. 33. Et venit tribus ordinibus post eos, et exclamaverunt tubis, et clamaverunt in oratione. 34. Et cognoverunt castra Timothæi quia Machabæus est, et refugerunt a facie ejus; et percutserunt eos plaga magna, et ceciderunt ex eis in die illa fere octo millia virorum. 35. Et divertit Judas in Masphe, et expugnavit et cepit eam; et occidit omnem masculum ejus, et sumpsit spolia ejus, et succendit eam igni. 36. Inde perrexit, et cepit Casbon, et Mageth, et Bosor, et reliquas civitates Galaaditidis. 37. Post hæc autem verba congregavit Timotheus exercitum alium, et castra posuit contra Raphon trans torrentem. 38. Et misit Judas speculari exercitum; et renuntiaverunt ei, dicentes: Quia convenerunt ad eum omnes gentes, quæ in circuitu nostro sunt, exercitus multus nimis: 39. et Arabas conduxerunt in auxilium sibi, et castra posuerunt trans torrentem, parati ad te venire in prælium. Et abiit Judas obviam illis. 40. Et ait Timotheus principibus exercitus sui: Cum appropinquaverit Judas, et exercitus ejus ad torrentem aquæ; si transierit ad nos prior, non poterimus sustinere eum, quia potens poterit adversum nos. 41. Si vero timuerit transire, et posuerit castra extra flumen, transfretemus ad eos, et poterimus adversus illum. 42. Ut autem appropinquavit Judas ad torrentem aquæ, statuit scribas populi secus torrentem, et mandavit eis dicens: Neminem hominum reliqueritis; sed veniant omnes in prælium. 43. Et transfretavit ad illos prior, et omnis populus post eum; et contritæ sunt omnes gentes a facie eorum, et projecerunt arma sua, et fugerunt ad fanum, quod erat in Carnaim. 44. Et occupavit ipsam civitatem, et fanum succendit igni, cum omnibus qui erant in ipso; et oppressa est Carnaim, et non potuit sustinere contra faciem Judæ. 45. Et congregavit Judas universos Israelitas, qui erant in Galaaditide, a minimo usque ad maximum, et uxores eorum, et natos, et exercitum magnum valde, ut venirent in terram Juda. 46. Et venerunt usque Ephron; et hæc civitas magna in ingressu posita, munita valde, et non erat declinare ab ea dextera vel sinistra, sed per mediam iter erat. 47. Et incluserunt se qui erant in civitate, et obstruxerunt portas lapidibus; et misit ad eos Judas verbis pacificis, 48. dicens: Transeamus per terram vestram, ut eamus in terram nostram; et nemo vobis nocebit; tantum pedibus transibimus. Et nolebant eis paerire. 49. Et præcepit Judas prædicare in castris, ut applicarent unusquisque in quo erat loco. 50. Et applicuerunt se viri virtutis, et oppugnavit civitatem illam tota die, et tota nocte, et tradita est civitas in manu ejus: 51. et peremerunt omnem masculum in ore gladii, et eradicavit eam, et accepit spolia ejus, et transivit per totam civitatem super interfectos. 52. Et transgressi sunt Jordanem in campo magno contra faciem Bethsan. 53. Et erat Judas congregans extremos, et exhortabatur populum per totam viam, donec venirent in terram Juda. 54. Et ascenderunt in montem Sion cum lætitia et gaudio, et obtulerunt holocausta, quod nemo ex eis cecidisset, donec reverterentur in pace. 55. Et in diebus, quibus erat Judas et Jonathas in terra Galaad, et Simon frater ejus in Galilæa contra faciem Ptolemaidis, 56. audiuit Josephus Zachariæ filius, et Azarias princeps virtutis, res bene gestas, et prælia quæ facta sunt, 57. et dixit: Faciamus et ipsi nobis nomen, et eamus pugnare adversus gentes quæ in circuitu nostro sunt. 58. Et præcepit his qui erant in exercitu suo, et abierunt Jamniam. 59. Et exivit Gorgias de civitate, et viri ejus obviam illis in pugnam. 60. Et fugati

sunt Josephus et Azarias usque in fines Judææ : et ceciderunt illo die de populo Israel ad duo millia viri, et facta est fuga magna in populo; 61. quia non audierunt Judam et fratres ejus, existimantes fortiter se facturos. 62. Ipsi autem non erant de semine virorum illorum per quos salus facta est in Israel. 63. Et viri Juda magnificati sunt valde in conspectu omnis Israël, et gentium omnium ubi audiebatur nomen eorum. 64. Et convenerunt ad eos fausta acclamantes. 65. Et exivit Judas, et fratres ejus, et expugnabant filios Esau, in terra quæ ad Austrum est, et percussit Chebron et filias ejus; et muros ejus et turres succendit igni in circuitu. 66. Et movit castra ut iret in terram alienigenarum, et perambulabat Samariam. 67. In die illa ceciderunt Sacerdotes in bello, dum volunt fortiter facere, dum sine consilio exeunt in prælium. 68. Et declinavit Judas in Azotum in terram alienigenarum, et diruit aras eorum, et sculptilia deorum ipsorum succendit igni; et cepit spolia civitatum, et reversus est in terram Juda.

Vers. 4. 4. MALITIAM FILIORUM BEAN.—«Bean, » ait S Hieronymus *in locis Hebr.* est « civitas Amorrhæorum, quæ et ipsa a filiis Ruben tenta est. » Sic et Eusebius.

Vers. 5. 5. ET ANATHEMATIZAVIT EOS, — id est omnino eos evertit et excidit. Hoc enim est Hebraice חֶרֶם, id est anathema; puta omnimoda cædes et excidium.

Vers. 8. 8. CEPIT GAZER. — Erat hæc urbs in regione Ammon.

Vers. 11. 11. ET TIMOTHEUS EST DUX EORUM. — Timotheus erat dux Ammonitarum, qui perpetui fuere et infensi Judæorum hostes.

Vers. 19. 19. ET PRÆCEPIT ILLIS : PRÆSTOTE POPULO HUIC, ET NOLITE BELLUM (prælium) COMMITTERE ADVERSUM GENTES DONEC REVERTAMUR. — Vide hic prudentiam Judæ, qua vetat relictis prælium; tum quia hostibus erant inferiores, tum quia ipsos omnes custodiæ populi deputarat : iis enim cæsis actum erat de toto populo. Hi violantes præceptum Judæ confluxerunt cum hoste, ideoque ab eo cæsi sunt, vers. 50.

Vers. 23. 23. ET ASSUMPSIT, (Judas Judæos paucos in Galilæa, periculose ob vicinos hostes in Galilæa et Philisthæa degentes, eosque) ADDUXIT IN JUDÆAM, — ut in ea inter suos tuti quietius habitarent.

Vers. 26. 26. ET QUA MULTI EX EIS COMPREHensi (id est, obsessi et quasi capti cinguntur undique ab inimicis) IN BARASA, — Græce *in Bosra*, aliisque civitatibus Galaad, ne possint egredi, vel manus eorum evadere.

Vers. 27. 27. SED ET IN CETERIS CIVITATIBUS GALAADITIDIS TENENTUR COMPREHensi (id est ab hoste vallati et conclusi, uti dixi vers. 26, unde sequitur) ET IN CRASTINUM CONSTITUERUNT ADMOVERE EXERCITUM CIVITATIBUS HIS, ET COMPREHENDERE (id est expugnare et capere,) ET TOLLERE EOS (id est occidere eorum incolas) IN UNA DIE, — unde Græce est, *In crastinum constituit castra ponere contra munitiones, et capere, et tollere omnes hos in una die.*

Vers. 28. 28. ET CONVERTIT JUDAS ET EXERCITUS EJUS VIAM IN DESERTUM BOSOR REPENTE, ET OCCUPAVIT RAM, — quia ex improviso cives non cogitantes et impares oppressit : Bosor erat urbs Moab ultra Jor-

danem, sita in tribu Ruben, quam Levitis ad habitandum dedit Josue, capite xx, vers. 8.

29. ET SURREXERUNT INDE NOCTE ET IBANT USQUE Vers. 29. AD MUNITIONEM, — in quam confugerant timidi Judæi, ut eos ab obsidentibus et invadentibus hostibus liberarent.

30. ET FACTUM EST DILUCULO, CUM ELEVASSENT Vers. 30. OCULOS SUOS, ECCE POPULUS MULTUS (hostium quorum dux erat Timotheus) PORTANTES SCALAS ET MA-CHINAS, UT CAPERENT MUNITIONEM, — in quam confugerant Judæi, ad quos liberandos pergebat Judas.

31. ET CLAMOR MAGNUS DE CIVITATE; — cives enim vers. 31. conclamabant, ut se mutuo acuerent ad repelendum hostes, munitionem invadentes, utque opem Dei et sociorum clamando in cœlum implorarent; hostes similiter vocibus et tubis conclamabant, ut se mutuo animarent ad insultum. Unde Judas utrinque hosce clamores audiens.

32. DIXIT EXERCITUI SUO : PUGNATE HODIE PRO FRA- Vers. 32. TRIBUS VESTRIS, — in munitione obsessis, contra hostes eam invadentes, ut ex eorum manibus ipsos liberetis.

33. ET VENIT TRIBUS ORDINIBUS POST EOS (ut ex vers. 33. tribus partibus eos cingeret et invaderet, ne evadere possent, cum ex altera parte obsisteret eis munitione Judæorum, ut elabi nequirent,) ET EX-CLAMAVERUNT TUBIS (ut hoc inopinato militum clangore suos animaret et hostes percelleret,) ET CLAMAVERUNT IN ORATIONE, — Dei opem et victoriæ flagitantes, quam et obtinuerunt. Nam Deus hostibus timorem Judæ incussit, eosque in fugam compulit; unde a Juda cæsa sunt eorum octo millia, ut dicitur vers. seq.

35. ET DIVERTIT JUDAS IN MASPHA. — Erat hæc vers. 35. urbs Moabitarum pariter in tribu Ruben, de qua I Reg. xxxii, 3.

36. ET CEPIT CASBON, — Græce Casphor, uti eam vers. 36. vocavit Noster, vers. 26.

37. POST HÆC AUTEM VERBA CONGREGAVIT TIMO- vers. 37. THEUS EXERCITUM ALIUM, ET CASTRA POSUIT CONTRA RAPHON TRANS TORRENTEM, — urbi vicinum, qui, vers. 41, flumen vocatur.

40. SI TRANSIERIT (Judas) AD NOS PRIOR, NON PO- vers. 40. TERIMUS SUSTINERE EUM.

41. 41. SI VERO TIMUERIT TRANSIRE, etc., TRANSFRETEMUS AD EOS ET POTERIMUS ADVERSUS EUM. — Putant aliqui Timotheum hoc quasi omen accepisse, ex eoque divinasse, an sua, an Judæ foret victoria; sicut Jonathas idem hoc omen victoriam de Philistæis accepit, dixitque: « Si dixerint: Ascendite ad nos, ascendamus, quia tradidit eos Dominus in manibus nostris, » I Reg. xiv, 12.

Hostes meticulo-
si facile
vincun-
tur.

Verius est Timotheum hoc dixisse ex bellica experientia et conjecturali præsagio. Duces enim belli periti explorant hostium animos, an sint meticulosi, an audaces et de victoria præfidentes.

Si enim sint meticulosi, colligunt eos esse infirmos et pusillanimes, ideoque facile prosterni posse; unde eos invadunt et sternunt: si vero videant eos esse audaces et præfidentes, conjiciunt eos esse se fortiores, itaque se subducunt et fugiunt ne ab eis cædantur. Multum enim valet ad victoriam militum fiducia et hostium diffidentia. Ita S. Thomas, Sanchez, Serarius et alii. Olim cum essem in Belgio, Neomagi dissidebant cives Catholici ab hæreticis, et utrinque acies parabantur in foro ad configendum; sed dux hæreticorum poposcit alloquium Consulis et ducis Catholicæ, ut de pace ageretur. Consul Catholicus ducis hæretici manum apprehendens, deprehendit eam tremulam: unde ad suos reversus: Agite, ait, cives, pugnemus, hostes timent et tremunt, nostra est victoria: pugnarunt, vicerunt, et hæreticos urbe expulerunt. Agesilaus, rex Spartæ bellissimus, rogatus quæ dos maxime ducem belli exornaret, respondit: « Audacia adversus hostes, et in oblate opportunitate ratio et consilium. » Ita Stobæus, serm. 52.

Vers. 42. 42. STATUIT (Judas) SCRIBAS, — qui militum nomina in catalogo inscribant, ut viderent ne quis cis torrentem remaneret, sed ut cogerent omnes transire, ut totis copiis animose in Timotheum irruens eum prosterneret, ut et fecit.

Vers. 43. 43. ET TRANSFRETAVIT AD ILLOS PRIOR. — Judas videns suos timere transitum fluminis ob hostium copiam, prior ipse flumen transmisit, ut reliqui eum quasi ducem suum generose sequerentur. Itaque factum est. Quare hac audacia hostes perculit, in fugam egit, cecidit, contrivit, ut sequitur. Idem fecere magni duces qui in rebus arduis pri-

Ducisan-
dacia
hostes
percellit.

Exem-
pla.

Primus arenas

Ingrediar, primusque gradus in pulvere ponam.

Et mox:

Itaque pericula vestra

Præteritote meo.

Idem fecere Alexander Magnus et Julius Cæsar, teste Suetonio in ejus vita, cap. LVIII et seq. Trium est illud Philippi patris Alexandri: « Formi-

dabilius est exercitus cervorum duce leone, quam leonum duce cervo. » Et illud Alberti ducis Austriæ apud Sylvium, lib. II De gestis Alphonsi: « Si alium quam me exercitus contra Boemos ductorem petitis, frustra me Austriæ Duce nominatis. Dux enim revera est, qui exercitum dicit, et quem acriter pugnantem exercitus sequitur. »

45. ET CONGREGAVIT UNIVERSOS ISRAELITAS, — ut Vers. 45.
ex Galaaditide, ubi hostibus cingebantur, secum venirent in terram Juda, ibique inter præsidia Judæorum securi degerent, ut dixi de Galilæis, vers. 23.

46. ET VENERUNT USQUE EPHRON, ET HÆC CIVITAS Vers. 46.
MAGNA IN INGRESSU, — id est, in aditu Galaaditidis posita. Erat ergo Ephron trans Jordanem in terra Galaad. Distinguuntur hæc tria nomina Ephraim, Ephrem et Ephron. Ephraim enim erat mons tribus Ephraim, Ephrem erat oppidum parvum quinque milliaribus distans a Bethel, respiciens ad Orientem, in quam Christus fugiens Pharisæos, cessit paulo ante mortem, Joannis XI, 54. Ephron erat civitas, quam Israeli bello eripuit Asa, II Paralip. XIII, 19, postea vicus magnus contra Septentrionem, viginti milliaribus distans a Jerusalem; ita Adrichomius et alii, licet S. Hieronymus, in locis Hebr. videatur dicere Ephron esse eamdem cum Ephrem. Rursum Ephron fuit triplex, una in tribu Ephraim, de qua jam dixi; altera in tribu Juda, ait S. Hieronymus et Adrichomius; tercias in tribu Manasse, de quahic agitur. Hæc enim, ait Adrichomius, in Descriptione tribus Manasse, num. 48, fuit urbs magna et munita valde, ac multis bellicis machinis, telorumque apparatu instructa, sita in via publica non procul a Jordane, et pene in regione civitatis Bethsan, sive Scytopolis: quam montes utrinque ita circumvallant, ut non nisi per civitatem iter pateat. Unde cum Judas Machabæus hac exercitum duceret, ac transitus illi per civitatem, quem per nuntios modeste petierat, negaretur, ferro sibi viam aperire coactus est.

52. ET ERAT JUDAS COLLIGENS EXTREMOS — agminis sui, scilicet infirmos, debiles, fatigatos, feminas, pueros, senes; ne quis in via deficeret; vel tardie sequens in hostium manus incideret. Fuit hæc insignis Judæ providentia et charitas, ut suos omnes salvos reduceret in Judæam.

ET EXHORTABATUR POPULUM PER TOTAM VIAM. — ut animose pergeret, ita tamen ut extremos agminis non desereret.

56. AUDIVIT JOSEPHUS ZACHARIE FILIUS ET AZARIAS Vers. 56.
PRINCEPS VIRTUTIS, — id est, exercitus a Juda relicta in Judæa, ut se absente eam custodiret, hac tamen lege; ut cum hoste non configeret ante suum redditum, ut dictum est vers. 18 et 19. Quare dum hi duo contra jussum Judæ eo absente configere voluerunt, cæsi fugatique fuere. Hæc nimur fuit justa poena inobedientiæ, æque ac superbiæ, qua ipsi sibi famam et gloriam prælian-do instar Judæ parere satergerunt.

62. IPSI AUTEM NON ERANT DE SEMINE VIRORUM IL- Vers. 62.

LORUM, PER QUOS SALUS FACTA EST IN ISRAEL, — id est non erant de semine Mathathiae et filiorum asseclarumque ejus, quos Deus elegerat in belli sacri duces; ideoque eis vires, robur et victorias tam illustres contulit. Quare cum ipsi a Juda se segregarunt, imo contra ejus jussum, quasi ejus gloriæ æmuli pugnarunt, a Deo deserti, vici, cæsique fuere. Discat hic quisque se præliis et officiis non ingerere, sed exspectare Dei vocationem, illamque sequi: sic enim prospere Deo dirigente omnia cedent; sin autem, Deo deserente, infelicitate. Porro Judam elegit Deus hoc fine, « ut defenderetur gens (fidelis Ecclesiæ) unde ventura esset salus mundi, » ait Rupertus lib. X, cap. xxv, ut scilicet ex Israele nasceretur Christus mundi Salvator.

Vers. 63. 63. ET VIRI JUDA MAGNIFICATI SUNT VALDE. — Viri Juda vocantur milites Judæ Machabæi, qui in Galaditide tam præclara gesserant, et tot victoriis gloriosi. Unde Græca clare habent: *Et vir Judas*

et fratres ipsius glorificati sunt. Perperam ergo nonnulli hinc colligunt Judam Machabæum fuisse oriundum e tribu Juda, cum constet eum fuisse e tribu Levi.

65. ET EXPUGNABAT FILIOS ESAU, — Judas nunquam quiescens instar fulminis circumibat debellando Idumæos, Samaritas, Philisthæos, cæterosque Judæorum hostes, ideoque assiduis de iis victoriis Deo dirigente triumphabat: Unde de iis ante aliquot sæcula vaticinati fuerunt Abdias, Sophonias, aliique prophetæ.

67. IN DIEILLA CECIDERUNT SACERDOTES IN BELLO, VERS. 67.
DUM VOLUNT FORTITER FACERE, ET SINE CONSILIO (ac directione Judæ ducis sui) EXEUNT IN PRÆLIMUM. — Hoc merebatur eorum temeritas, ambicio gloriæ et inobedientia. Mariana et Sanchez putant hos Sacerdotes esse Josephum et Azariam jam dictos vers. 56. Planius alii censem fuisse diversos, qui eorum instar avidi gloriæ et Judæ æmuli, inconsulte hostes invadentes ab eis fusi cæsique fuere.

CAPUT SEXTUM.

SYNOPSIS CAPITIS.

Antiochus Epiphanes a Persis repulsus, audiensque suos a Juda cæsos, ex macrōre ægrotat et moritur; mox, vers. 17, Lysias substituit ei filium Antiochum Eupatorem. Judas obsidet arcem Sion; contra eum ab apostatis concitatur Eupator, educitque in aciem centum millia peditum et viginti millia equitum cum 32 elephantis, cum quibus, vers. 42, Judas fortiter confligit, ac Eleazarus elephantum regium subiens, cædensque ab eo cadente opprimitur. Inde, vers. 49, Eupator obsidet Bethsuram, eamque fame capit, idem facturus arci a Juda erectæ in monte Sion, nisi avocatus Antiochiam perrexisset contra Philippum: quare cum Judæis pacem iniit, sed eam mox rumpit.

1. Et rex Antiochus perambulabat superiores regiones, et audivit esse civitatem Elymaidem in Perside nobilissimam, et copiosam in argento et auro, 2. templumque in ea locuples valde; et illic velamina aurea, et loricæ, et scuta, quæ reliquit Alexander Philippi rex Macedo, qui regnavit primus in Græcia. 3. Et venit, et quærebatur capere civitatem, et deprædarí eam; et non potuit, quoniam innotuit sermo his qui erant in civitate; 4. et insurrexerunt in prælimum, et fugit inde, et abiit cum tristitia magna, et reversus est in Babyloniam. 5. Et venit qui nuntiaret ei in Perside, quia fugata sunt castra, quæ erant in terra Juda: 6. et quia abiit Lysias cum virtute fortis in primis, et fugatus est a facie Judæorum, et invaluerunt armis et viribus, et spoliis multis quæ ceperunt de castris, quæ exciderunt: 7. et quia diruerunt abominationem, quam ædificaverat super altare, quod erat in Jerusalem, et sanctificationem, sicut prius, circumdederunt muris excelsis, sed et Bethsuram civitatem suam. 8. Et factum est ut audivit rex sermones istos, expavit, et commotus est valde; et decidit in lectum, et incidit in languorem præ tristitia, quia non factum est ei sicut cogitabat. 9. Et erat illic per dies multos, quia renovata est in eo tristitia magna, et arbitratus est se mori. 10. Et vocavit omnes amicos suos, et dixit illis: Recessit somnus ab oculis meis, et concidi, et corruí corde præ sollicitudine; 11. et dixi in corde meo: In quantam tribulationem deveni, et in quos fluctus tristitiae, in qua nunc sum, qui jucundus eram, et dilectus in potestate mea! 12. Nunc vero reminiscor malorum quæ feci in Jerusalem, unde et abstuli omnia spolia au-

rea et argentea quæ erant in ea, et misi auferre habitantes Judæam sine causa. 13. Cognovi ergo quia propterea invenerunt me mala ista, et ecce pereo tristitia magna in terra aliena. 14. Et vocavit Philippum, unum de amicis suis, et præposuit eum super universum regnum suum; 15. et dedit ei diadema, et stolam suam, et annulum, ut adduceret Antiochum filium suum, et nutriri eum, et regnaret. 16. Et mortuus est illic Antiochus rex anno centesimo quadragesimo nono. 17. Et cognovit Lysias quoniam mortuus est rex, et constituit regnare Antiochum filium ejus, quem nutritivit adolescentem; et vocavit nomen ejus Eupator. 18. Et hi qui erant in arce, concluserant Israel in circuitu sanctorum; et quærebant eis mala semper, et firmamentum Gentium. 19. Et cogitavit Judas disperdere eos; et convocavit universum populum, ut obsiderent eos. 20. Et convenerunt simul, et obsederunt eos, anno centesimo quinquagesimo, et fecerunt balistas et machinas. 21. Et exierunt quidam ex eis qui obsidebantur, et adjunxerunt se illis aliqui impii ex Israel, 22. et abierunt ad regem, et dixerunt: Quousque non facis judicium, et vindicas fratres nostros? 23. Nos decrevimus servire patri tuo, et ambulare in præceptis ejus, et obsequi edictis ejus: 24. et filii populi nostri propter hoc alienabant se a nobis, et quicumque inveniebantur ex nobis, interficiebantur, et hæreditates nostræ diripiebantur. 25. Et non ad nos tantum extenderunt manum, sed et in omnes fines nostros: 26. et ecce applicuerunt hodie ad arcem Jerusalem occupare eam, et munitionem Bethsuram munierunt: 27. et nisi præveneris eos velocius, majora quam hæc facient, et non poteris obtainere eos. 28. Et iratus est rex, ut hæc audivit; et convocavit omnes amicos suos, et principes exercitus sui, et eos qui super equites erant. 29. Sed et de regnis aliis, et de insulis maritimis, venerunt ad eum exercitus conductiti. 30. Et erat numerus exercitus ejus, centum millia peditum, et viginti millia equitum, et elephantri triginta duo, docti ad prælium. 31. Et venerunt per Idumæam, et applicuerunt ad Bethsuram, et pugnaverunt dies multos, et fecerunt machinas; et exierunt et succenderunt eas igni, et pugnaverunt viriliter. 32. Et recessit Judas ab arce, et movit castra ad Bethzacharam contra castra regis. 33. Et surrexit rex ante lucem, et concitavit exercitus in impetum contra viam Bethzacharam; et comparaverunt se exercitus in prælium, et tubis cecinerunt: 34. et elephantis ostenderunt sanguinem uvæ et mori, ad acuendos eos in prælium: 35. et divisorunt bestias per legiones: et astiterunt singulis elephantis mille viri in loricis concatenatis, et galeæ æreæ in capitibus eorum; et quingenti equites ordinati unicuique bestiæ electi erant. 36. Hi ante tempus ubicunque erat bestia, ibi erant; et quocumque ibat, ibant, et non discedebant ab ea. 37. Sed et turres ligneæ super eos firmæ protegentes super singulas bestias; et super eas machinæ: et super singulas viri virtutis triginta duo, qui pugnabant desuper, et Indus magister bestiæ. 38. Et residuum equitatum hinc et inde statuit in duas partes, tubis exercitum commovere, et perurgere constipatos in legionibus ejus. 39. Et ut refulsit sol in clypeos aureos, et æreos, resplenduerunt montes ab eis, et resplenduerunt sicut lampades ignis. 40. Et distincta est pars exercitus regis per montes excelsos, et alia per loca humilia; et ibant caute et ordinate. 41. Et commovebantur omnes inhabitantes terram a voce multitudinis, et incessu turbæ, et collisione armorum; erat enim exercitus magnus valde et fortis. 42. Et appropiavit Judas et exercitus ejus in prælium, et ceciderunt de exercitu regis sexcenti viri. 43. Et vidit Eleazar filius Saura unam de bestiis loricatam loricis regis: et erat eminens super cæteras bestias. Et visum est ei quod in ea esset rex: 44. et dedit se ut liberaret populum suum, et acquireret sibi nomen æternum. 45. Et cucurrit ad eam audacter in medio legionis, interficiens a dextris et a sinistris, et cadebant ab eo huc atque illuc. 46. Et ivit sub pedes elephantis, et supposuit se ei, et occidit eum; et cecidit in terram super ipsum, et mortuus est illic. 47. Et videntes virtutem regis, et impetum exercitus ejus, diverterunt se ab eis. 48. Castra autem regis ascenderunt contra eos in Jerusalem, et applicuerunt castra regis ad Judæam et mon-

tem Sion. 49. Et fecit pacem cum his qui erant in Bethsura ; et exierunt de civitate, quia non erant eis ibi alimenta conclusis, quia sabbata erant terræ. 50. Et comprehendit rex Bethsuram ; et constituit illic custodiam servare eam. 51. Et convertit castra ad locum sanctificationis dies multos ; et statuit illic balistas, et machinas, et ignis jacula, et tormenta ad lapides jactandos, et spicula, et scorpions ad mittendas sagittas, et fundibula. 52. Fecerunt autem et ipsi machinas adversus machinas eorum, et pugnaverunt dies multos. 53. Escæ autem non erant in civitate, eo quod septimus annus esset ; et qui remanserant in Judæa de Gentibus, consumpserant reliquias eorum quæ repositæ fuerant. 54. Et remanserunt in sanctis viri pauci, quoniam obtinuerat eos famæ ; et dispersi sunt unusquisque in locum suum. 55. Et audivit Lysias quod Philippus, quem constituerat rex Antiochus, cum adhuc viveret, ut nutritret Antiochum filium suum, et regnaret, 56. reversus esset a Perside, et Media, et exercitus qui abierat cum ipso, et quia quærebat suscipere regni negotia : 57. festinavit ire, et dicere ad regem et duces exercitus : Deficimus quotidie, et esca nobis modica est, et locus, quem obsidemus, est munitus, et incumbit nobis ordinare de regno. 58. Nunc itaque demus dextras hominibus istis, et faciamus cum illis pacem, et cum omni gente eorum : 59. et constituamus illis ut ambulent in legitimis suis sicut prius. Propter legitima enim ipsorum, quæ despeximus, irati sunt, et fecerunt omnia hæc. 60. Et placuit sermo in conspectu regis et principum : et misit ad eos pacem facere, et receperunt illam. 61. Et juravit illis rex et principes ; et exierunt de munitione. 62. Et intravit rex montem Sion, et vidit munitionem loci ; et rupit citius juramentum quod juravit ; et mandavit destruere murum in gyro. 63. Et decessit festinanter, et reversus est Antiocham, et invenit Philippum dominantem civitati ; et pugnavit adversus eum, et occupavit civitatem.

Vers. 1. 1. ET REX ANTIOCHUS (Epiphanes cum quo hucusque Judæ et Judæis fuit contentio et bellum. Hic ergo perrexit) ELYMAIDEM, (quæ alio nomine dicta est Persepolis, id est Persarum civitas, imo metropolis, II Machab. IX, ut expilaret) TEMPLUM IN EA LOCUPLES — Veneri dicatum ; sed a civibus fuit repulsus. Hebræi enim Persiam vocant Elam, unde Elamitas appellant Persas, et Elymaidam, quam Græci vocant Persepolim. Sic Hebraice Beth-sames a Græcis vocatur *Heliopolis*, a Latinis *Civitas Solis*. Sic Simon Hebraice vocatur *Chananœus*, Græce *Zelotes*, Latine *Emulator*. Porro « templum » hoc Veneri fuisse dicatum asserit Appianus, licet Josephus et S. Hieronymus in cap. VIII *Daniel*. putent fuisse Dianæ, Justinus vero, lib. XXXII, Jovis Dindymæi.

Vers. 4. 4. REVERSUS EST IN BABYLONIAM, — ibique mætore mortuus anno regni sui 12, qui fuit Græcorum annus 149 : fuse mors ejus describitur libro II, cap. IX.

Antiochus Epiphantes ubi mortuus. Nota : « Reversus est, » id est reverti cœpit, perrexit Babylonem, sed eo non pervenit, mortuus enim est in montibus Persidis et Mediæ juxta Ecbatanam, ut dicitur lib. II, cap. IX, 3 et 27, tñ ergo « reversus » significat actum inchoatum, non perfectum : unde pro ἀποστρέψαι, id est *reversus est*, Græca, Vaticana et Regia habent ἀποστρέψαι, id est *reverti*, sive *ut reverteretur*, hoc est, abscessit inde repetens Babyloniam, ut vertit Vatablus. Quocirca Pererius, in *Daniel*. cap. XI, et Salianus censem Antiochum defunctum in montibus Mediæ, licet

Serarius malit eum ibi graviter ægrotare cœpisse, sed Babylone esse defunctum.

7. ET QUID DIRUERUNT (Judas et Judæi) ABOMINATIONEM, (id est abominabile idolum Jovis Olympii, quod Antiochus super altare in templo colloccarat) : ET SANCTIFICATIONEM, (id est sanctuarium, sive sanctum templum) — CIRCUMDEDERUNT MURIS.

12. NUNC VERO REMINISCOR MALORUM.—Ecce conscientia scelestum arguit, ut agnoscat se ob sua scelera et sacrilegia contra Deum, templum et Judæos commissa cruciari et ad mortem adigi. En quam verum : « Conscientia mille testes ! » Id patet in Caino vago et profugo ob cœdem fratris Abelis, Genes. IV, in fratribus Josephum vendentibus, Genes. XLII, 21, in Juda proditore, Matth. XXVII, 4. Urgente enim pena, statim conscientia menti culpam, quasi pœnæ causam, in memoriā revocat, eamque sua increpatione castigat et pulsat.

15. ET DEDIT EI (Philippo sibi intimo) DIADEMA ET STOLAM SUAM, ET ANNULUM, — ut ea quasi regis insignia deferret ad filium suum Antiochum Eupatorem puerum, eumque educaret et dirigeret, quasi paedagogus, ac sibi in regno substitueret curando, ut ipse regnaret, ne Demetrius ejus consobrinus regnum invaderet, uti re ipsa fecit.

17. ET COGNOVIT LYSIAS, QUONIAM (quod) MORTUUS EST REX ANTIOCHUS (Epiphanes), ET CONSTITUIT REGNARE (ut regnaret, hoc est regem proclamavit) ANTIOCHUM FILIUM EJUS (novennem, ait Appianus in Syriaco), ET VOCAVIT NOMEN EJUS EUPATOR,—id

est bono et felici patre natus, magnis natalibus ortus; Epiphanis, id est illustris patris generosus et illustris filius. Sic εὐπατρία vocatur generosa filia. Et εὐπατρίδαι dicti sunt a Theseo nobiles Atheniensium, teste Plutarcho in *Theseo*, qui et in Publicola Patricios Romanorum vocat εὐπατρίδας, idemque nomen Budæus in epist. Doctor. Venetis attribuit. Alter Pagninus in nomin. *Hebraicis*: « Eupator, » inquit, idem est quod « bonus pater, » id est bonus Princeps. Hic enim subditos amat quasi filios, eisque se benignum et beneficium quasi patrem exhibit. Prius etymon videatur aptius et verius. Nam Syri, ait Appianus in *Syriaco*, Antiocho cognomen addiderunt Eupatori propter patris virtutem, quasi dicerent eum felicem, cui talis pater contigisset.

Vers. 18. 18. ET HI QUI ERANT IN ARCE, — q. d. Milites Antiochi occupantes arcem Sion, scientes Judam cum copiis abesse, excurrente continuo vexabant praesidiarios paucos, quos Judas in arce vicina priori objecta ad eos compescendum collocarat; quin et

CONCLUSERANT ISRAEL IN CIRCUITU SANCTORUM, (ut extra suam arcem et templum pedem efferre non auderent: atque hac ratione augebatur semper) FIRMAMENTUM GENTIUM, — hoc est, robur et fortitudo Antiochistarum. Quare Judas cum toto exercitu eos arcemque Sion obsedit anno 150 Græcorum, qui fuit annus secundus Eupatoris.

Vers. 21. 21. Et ADJUNXERUNT SE ILLIS ALIQUI IMPII EX ISRAEL, — invidentes gloriae Judæ, qui proinde regem Antiochum Eupatorem adierunt, excitantes eum ut Judam confereret, sperantes se in locum Judæ ab eo substituendos, ut Judæ forent praefecti et domini. Erant ergo hi apostatae et proditores Israelis.

Vers. 28. 28. ET IRATUS EST REX — Antiochus Eupator juvenis, imo puer excitatus a Lysia et suis consiliariis, qui proinde contra Judam collegit centum millia peditum et 20 millia equitum cum 32 elephantis qui erant DOCTI AD PRÆLIUM.

Vers. 31. 31. ET EXIERUNT (Judæi obsessi ex sua arce Bethsura), ET SUCCENDERUNT EAS (machinas ab Eupatore contra se erectas) ET PUGNAVERUNT VIRILITER, — fortiter se suamque Bethsuram propugnando.

Vers. 34. 34. ET ELEPHANTIS OSTENDERUNT SANGUINEM (succum sive liquorem, puta rubentem instar sanguinis) UVÆ ET MORI (ex arbore moro) AD ACUENDOS EOS IN PRÆLIUM, — ut viso quasi sanguine concitarentur et efferarentur ad sanguinem hostium fundendum. Licet enim elephantes, tauri, leones non egeant hac proritatione, cum dracones aliaque animalia sibi infesta cernunt, ea tamen indigent in prælio hominum: nam cum hominibus non habent antipathiam.

Porro elephantes hos fuisse enormes et robustissimos liquet ex eo quod erant Indici; nam Indum habebant magistrum: Indici autem sunt maximi et validissimi, longeque Lybios superant, teste Livio, lib. XXXVII. Rursum ex eo quod qui libet elephas dorso gestaret turrim celsam et va-

lidam in eaque 32 armatos cum telorum armorumque copia. Insuper ex eo quod cuilibet elephanti assisterent quingenti equites, ita ut 32 elephantis universim assisterent sedecim millia equitum cum elephantis et pro elephantis depugnantium. Eo major fuit virtus Judæ et Judæorum cum tantis monstribus generose dimicantium. Insuper cuique elephanto assistebant mille pedites, quare 32 elephantis assistebant 32 millia peditum. Nota primo priscos elephantis usos; et cur etiamnum Indos uti in præliis ob causas quas recenset Vegetius, lib. III *De re milit.* cap. XXIV: « Elephanti, inquit, in præliis magnitudine corporum, barritus horrore, formæ ipsius novitate, homines equosque conturbant. Hos contra Romanum exercitum primus in Lucania rex Pyrrhus eduxit. Postea Annibal in Africa, rex Antiochus in Oriente, Jugurtha in Numidia copiosos habuerunt adversus quos diversa excogitata sunt genera armorum: » his adde primo fœtorem, qui in elephantis tam gravis est ut equi hostium eum ferre non valentes aufugiant, nisi illi prius assuverint; secundo, elephantem præ aliis animalibus esse docilem, adeo ut proxime ad docilitatem, prudentiam et sagacitatem hominum accedat, ut docent Plinius, lib. VIII, cap. II, Aristoteles, lib. IX *Hist. anim.* cap. XLVI. Docetur ergo præliari, et quomodo in prælio se gerere, quæque munia obire debeat. Recenset ea Ælianus, lib. XII et XXII; tertio, elephantes æque ac tauros objectu sanguinis irritari, efferari et concitari, ut in hostem ruant, uti docet Valerius S. *Philos.* cap. LXXXII. Ex adverso noster Sanchez censem colorem sanguineum uvæ et mori elephantis fuisse ostensum, ut meminissent se hoc succo a vulneribus curatos, et rursum si in prælio vulnerentur fore curandos. Vulnera enim et morbos elephantis a rectoribus curari vino nigro tradit Ælianus, lib. XI, cap. VII, Arianus et Strabo. Id quod apte congruit tropologiæ. Si enim sanguis uvæ accendit elephantem, ut memor beneficii et curationis per illum ab hero acceptæ pro eo depugnet et in gladios hastasque proruat, quid nos facere oportet intuentes Christum qui pro nobis omnem suum sanguinem vitamque in cruce profudit? Addit Ælianus, lib. III *De animalibus*, vinum dari elephantis ad potandum, ut eo accensi, quasi ebrii in enses armaque ruant. Idem apud Judæos factum docet lib. III *Machab.* cap. V: « Jussit, inquit, Hermon elephantorum præfector, ut proxima die thus largis manipulis cum vino mero plurimo potui daretur elephantis omnibus numero quingenatis, ut potui affatim præbito efferati ad mortem Judæis afferendam introducerentur. » Thus enim vino immixtum sensus hebetat, eisque stuporem immittit. Sic vinum epotum a tauris aliisque animalibus eos facit animosos et audaces, imo feroces et furiosos, ut in obvios quosque irruant.

35. ET ASTITERUNT SINGULIS ELEPHANTIS MILLE VIRI IN LORICIS CONCATENATIS, — quæ scilicet ins-

Elephant.
ti in pra.
lio.

Primo.

Secunda.

Tertio.

far retis, annulis seu hamulis inter se connectebantur, unde et hamatae et squamate dicebantur, quali induitus erat Goliath duellans cum Davide, *I Reg. cap. xvii.*, 5.

Vers. 36. 36. **Hi ANTE TEMPUS UBICUMQUE ERAT BESTIA, IBI ERANT,** — q. d. Hi mille viri cum celeritatem gressus elephantis æquare non possent, præbant elephantem; quare ante tempus, quo bestia ad certum locum adveniebat, ipsi illam in eodem præveniebant: dum enim cernerent bestiam ad certum locum contendere, ipsi per semitas breviores et directas, eodem procurrebant, et bestiam prævertebant.

Vers. 37. 37. **SED ET TURRES LIGNEAE SUPER EOS FIRME,** — habentes sua valla et loricæ, quibus erant « protegentes » tum ipsos milites, tum eorum machinas.

ET SUPER SINGULAS (turres) VIRI VIRTUTIS (id est strenui et fortissimi), **TRIGINTA DUO QUI PUGNABANT DESUPER** (in subjectos hostes; unde eos facile sternebant): **ET INDUS MAGISTER (rector) BESTIE,** — unde liquet hos elephantes fuisse Indicos, qui longe grandiores et robustiores sunt Africanis; hi enim **vix sex**, vel septem armatos portant. Ita ex Livio, Plinio, Solino et aliis Gesnerus et Aldrovandus in elephante.

Vers. 39. 39. **ET UT REFULSIT SOL IN CLYPEOS AUREOS ET AREOS, RESPLENDUERUNT MONTES AB EIS,** (tum quia exercitus hic in suos ordines distributus, sole clypeos eorum reverberante, intuentibus totidem videbatur in se exhibere montes ære et auro splendentes; tum quia ordines hi erant *in vallibus*, ut habet Græcus; quare ex vallibus fulgor in clypeis radiis solis excitatus, reverberabatur in vicinos montes, ut illi toti fulgidi et splendentes apparent,) **SICUT LAMPADES IGNIS,** — id est accensæ et ignitæ, præsertim quia, ut sequitur, pars exercitus regii per montes, pars per valles incedebat. S. Ambrosius, lib. I *Offic. xli*, hæc ad elephantos refert: « Hi enim, inquit, ad ortum solis, velut montes quidam armorum corusco, tanquam lampadibus ardentibus refulgebant. »

Vers. 42. 42. **ET CECIDERUNT DE EXERCITU REGIS SEXCENTI VIRI.** — Judas ergo statim initio prælia prostravit sexcentos milites Antiochi, ac mox quatuor milia, ut dicitur, lib. II, cap. XIII, vers. 18.

43. **ET VIDIT ELEAZAR FILIUS SAURA UNAM DE BESTIAS.** — Hic Eleazar fuit frater Judæ Machabæi, ait Josephus, cap. II, vers. 5, cognominatus est Avaron vel Abaron, unde pro « Saura » Josephus legit *Auran*, Codex Basilii *Abaran*. Nam in Græco non est τὸ « filius », sed tantum *Eleazar Avaran*. Unde Vatablus vertit: *Eleazar, qui vocatur Avaran, id est fortis eorum*. Sic et Gorionides, Serarius, Salianus et alii. Addit Gorionides eum hortatu fratris sui Judæ aggressum esse elephantem. Hinc et Eleazari fratris Judæ nulla fit mentio, uti fit Jonthæ, et Simonis et Joannis fratrum Judæ. Videtur ergo hic Eleazar fuisse frater Judæ, qui hic generose sub elephante occubuit.

Dices: Quomodo ergo vulgata habent « filius Saura? » Respondeo, Eleazar erat filius Mathathiæ, qui cognominatus est « Saura », vel, ut Graeca habent, *Avaran*, vel *Abaran*, id est *fortis eorum*. Ipse enim vexillum fortitudinis contra Antiochum primus erexit. Porro cognomen hoc Abaron Mathathias ad filium suum Eleazarum transtulit ob egregiam ejus animi corporisque fortitudinem. Erant enim Hebræi polyonomi et plura a variis dotibus; vel eventis sortiebantur nomina, vel potius agnominata: forte ex שָׁאַבְּרִיּוֹן *seabbiron* vel *seavaran*, id est *cui est fortitudo*, per crasin factum est « Saura », sicut *Genes. xlxi* pro *Silo*, id est *Messias*, Septuaginta legerunt סֵלּוֹ *Selo*, id est *qua illi*, scilicet Christo reposita sunt, puta regnum æternum et gloria æterna. Simili enim modo plura nomina propria usu contracta, imo corrupta et detorta videmus; Sanchez tamen negat Eleazarum hunc fuisse fratrem Judæ.

44. **ET DEDIT SE** (in pugnam contra elephantem, ideoque in certam mortem hoc fine *primario*,) **UT LIBERARET POPULUM SUUM** ab invasione regis Antiochi Eupatoris; *secundario*, ut **ACQUIRERET SIBI NOMEN ÆTERNUM**, — tum in terra apud homines, ut eos suo exemplo incitaret ad similia heroica facinora, tum potius in celo apud Deum et S. Angelos. Atque utrumque consecutus est. Nam ut ait S. Ambrosius loco mox citando: « Rex territus unius fortitudine pacem rogavit. »

46. **ET IVIT SUB PEDES ELEPHANTIS,** — ut ventrem ejus perfoderet, itaque eum faceret ruere, ac ruina sua regem opprimere, qua tamen se quoque opprimendum sciebat. Intendebat ergo directe regem occidere, indirecte vero intendebat permettere se quoque eadem ruina opprimenti, sine qua regem occidere non poterat. Sic milites in acie primum locum ambiunt, ut primi in urbem, vel hostem insiliant, etiamsi scient plerosque eorum cadendos et occubituros, hancque mortem putant suam esse gloriam. Sic Samson concussis columnis domum evertit, ut satrapas Philistæorum ruina domus obrueret, etiamsi eadem se obruendum sciret, *Judic. xvi*, 29. Vide ibi dicta. Quocirca Eleazarum a robore et zelo laudant S. Ambrosius, S. Gregorius, Serarius, Salianus et alii passim. Simile facinus narrat Xenophon, lib. VII *Cyropæd.* de quodam, qui ventre equi Cyri transfixo Cyrus dejecit. Audi S. Ambrosium, libro I *Offic. cap. xl*: « Quanta igitur virtus, inquit, animi, primo ut mortem non timeret; deinde ut circumfusus legionibus inimicorum, in confertos raperetur hostes, medium penetraret agmen, et contempta morte ferocior, abjecto clypeo, utraque manu vulneratæ molem bestiæ subiret ac sustineret; post infra ipsam succederet, quo pleniori feriret ictu. Cujus ruina inclusus magis quam oppressus, suo est sepultus triumpho. Nec fefellit opinio virum, quamvis regius fefellerit habitus. Tanto enim virtutis spectaculo defixi hostes, inermem occupatum incursum non ausi post casum

ruentis bestiæ, sic trepidaverunt, ut impares se omnes unius virtuti arbitrarentur. » Et mox : « Itaque Eleazarus hæredem virtutis suæ pacem reliquit. »

ET CECIDIT (elephas) SUPER IPSUM (Eleazarum, qui se ei supposuerat), ET MORTUUS EST ILLIC. — Eleazarus, oppressus ab elephante supra se cadente. Symbolice S. Gregorius, lib. XIX *Moralium* cap. XIII : « Eleazar, ait, in prælio elephantem feriens stravit; sed sub ipso, quem extinxit, occubuit. Quos ergo iste significat, quem sua victoria oppressit, nisi eos, qui vitia superant, sed sub ipsa, quæ subjiciunt, superbiendo succumbunt? Quasi enim sub hoste, quem prosternit, moritur, qui de culpa quam superat, elevatur. »

Vers. 47. 47. ET VIDENTES (Judas et Judæi) VIRTUTEM RÉGIS, (id est exercitum regis tam validum et copiosum, ut ipsi pauci eum prostrernere non possent, prudenti consilio ad tempus) DIVERTERUNT SE AB EIS, — et perrexerunt ad obsidendum arcem in monte Sion ab Antiochistis occupatam. Similiter rex tot suorum a Juda cæsis territus se subduxit, nec ausus fuit Judam abeuntem insequi, sed Bethsuram obsedit. Nota : In hisce libris per « virtutem » intelligitur validus exercitus; hunc enim significat Græcum δύναμις.

Vers. 49. 49. ET FECIT PACEM CUM EIS, QUI ERANT IN BETHSURA, (cum pacto, ut eos fame morientes sineret egredi et alimenta quærere, ipse vero Bethsuram occuparet :) QUA SABBATA ERANT TERRÆ, — id est quia erat annus septimus, sive sabbaticus, quo nec serere, nec metere licebat, sed terræ danda erat sua quies juxta legem *Exodi* xxiii. Simili ratione Herodes fame cepit Jerosolymam in anno sabbatico, uti narrat Josephus, lib. XIV, cap. XXVIII.

Vers. 51. 51. ET CONVERTIT (rex Antiochus Eupator) CASTRA AD LOCUM SANCTIFICATIONIS, (ut templum et arcem, quam juxta illud ad tutelam erexerat Judas, cap. IV, vers. 60, expugnaret :) ET STATUIT ILLIC BALISTAS, etc., ET SCORPIOS, (quæ erant machinæ, sive catapultæ) AD MITTENDAS SAGITTAS ET FUNDIBULA, — Græce σφενδόνας, id est fundas, sive balistas miores, quæ lapides grandes fundebant et jaculabantur in urbem, de quibus vide Vegetium, Lypsum, Valtrinum et alios.

Vers. 55. 55. ET AUDIVIT LYSIAS QUOD PHILIPPUS, etc. —

Lysias, qui regebat Eupatorem regem, utpote puerum, timens Philippum, ne se suo loco graduque extruderet, eo quod Philippus a patre Antiocho Epiphane moriente constitutus fuisse gubernator regni æque ac filii Eupatoris, suasit Eupatori pacem facere cum Judæis, ac contra Philippum pergere, ne is regnum invaderet; itaque factum est: unde II *Mach.* XIII, 22, hæc supplentur et adduntur, quæ valde Judæ fortitudinem et victoriam commendant : « Iterum rex sermonem habuit ad eos qui erant in Bethsuris : dextram dedit, accepit : abiit, commisit cum Juda : superatus est. Ut autem cognovit rebellasse Philippum Antiochiæ, qui relictus erat super negotia, mente consternatus Judæos deprecans, subditusque eis jurat de omnibus quibus justum visum est : et reconciliatus obtulit sacrificium, honoravit templum, et munera posuit, Machabæum amplexatus est, et fecit eum a Ptolemaide usque ad Gerrenos ducem et principem. »

62. ET RUPIT CITIUS JURAMENTUM, (quia arcem Vers. 62 erectam a Juda ad templi tutelam curavit everti, dum, ut sequitur, MANDAVIT DESTRUERE MURUM (arciis) IN GYRO. Sed mox regem perfidiæ sue penituit, qui cupiens uti auxilio, et robore Judæ et Judæorum contra Philippum, cum eo foedus renovavit, Judamque amplexatus fecit eum ducem et principem, uti jam dixi ex II *Machabæorum* XIII.

63. ET PUGNAVIT ADVERSUM RUM (Philippum sibi Vers. 63 rebellantem, eumque captum occidit) ET OCCUPAVIT CIVITATEM — Antiochiam, adjutus valde auxiliis Judæ et Judæorum, uti narrat Josephus et Gorionides. Porro Antiochia est metropolis Syriæ, urbs celeberrima, quam Orontes fluvius interfluit, postea a Justiniano Imperatore dicta Theopolis, id est Dei civitas. In ea primum sedit Petrus Apostolus, ibique primum fideles appellati sunt Christiani. Dicta est Antiochia ab Antiocho, sicut Epiphania ab Epiphane, Alexandria ab Alexandro, Roma a Romulo, Constantinopolis a Constantino fundatore. Porro Antiochiam condidit Seleucus Nicanor, qui primus post Alexandrum Magnum in Asia et Syria regnavit, eamque ex nomine patris sui Antiochi Antiochiam nuncupavit, et Syriæ caput constituit, ait S. Isidorus, lib. XV *Origin.* cap. I.

CAPUT SEPTIMUM.

SYNOPSIS CAPITIS.

Demetrius Seleuci filius Roma fugiens, paternum Syriæ regnum occupat, ideoque Antiochum Eupatorem suum consobrinum illud occupantem cum Lysia tutore interficit. Mox falsis Alcimi accusationibus incitatus contra Judam mittit Bacchidem; sed Judas utrumque comprimit. Tandem, vers. 26, Demetrius mittit Nicanorem; sed hunc quoque vincit et occidit Judas, caputque ejus cum manu suspendit contra Jerusalem.

1. Anno centesimo quinquagesimo primo, exiit Demetrius Seleuci filius ab urbe Roma, et ascendit cum paucis viris in civitatem maritimam, et regnavit illic. 2. Et factum est, ut ingressus est domum regni patrum srorum, comprehendit exercitus Antiochum et Lysiam, ut adducerent eos ad eum. 3. Et res ei innotuit; et ait: Nolite mihi ostendere faciem eorum. 4. Et occidit eos exercitus. Et sedit Demetrius super sedem regni sui: 5. et venerunt ad eum viri iniqui et impii ex Israel: et Alcimus dux eorum, qui volebat fieri sacerdos. 6. Et accusaverunt populum apud regem, dicentes: Perdidit Judas, et fratres ejus, omnes amicos tuos, et nos dispersit de terra nostra. 7. Nunc ergo mitte virum, cui credis, ut eat, et videat exterminium omne quod fecit nobis, et regionibus regis: et puniat omnes amicos ejus, et adiutores eorum. 8. Et elegit rex ex amicis suis Bacchidem, qui dominabatur trans flumen, magnum in regno, et fidelem regi: et misit eum, 9. ut videret exterminium quod fecit Judas; sed et Alcimum impium constituit in sacerdotium, et mandavit ei facere ultiōnem in filios Israel. 10. Et surrexerunt, et venerunt cum exercitu magno in terram Juda: et miserunt nuntios, et locuti sunt ad Judam, et ad fratres ejus, verbis pacificis in dolo. 11. Et non intenderunt sermonibus eorum: viderunt enim quia venerunt cum exercitu magno. 12. Et convenerunt ad Alcimum et Bacchidem congregatio scribarum requirere quae justa sunt: 13. et primi, Assidæi qui erant in filiis Israel, et exquirebant ab eis pacem. 14. Dixerunt enim: Homo sacerdos de semine Aaron venit, non decipiet nos. 15. Et locutus est cum eis verba pacifica: et juravit illis, dicens: Non inferemus vobis malum, neque amicis vestris. 16. Et crediderunt ei: et comprehendit ex eis sexaginta viros, et occidit eos in una die, secundum verbum quod scriptum est: 17. Carnes sanctorum tuorum, et sanguinem ipsorum effuderunt in circuitu Jerusalem, et non erat qui sepeliret. 18. Et incubuit timor et tremor in omnem populum, quia dixerunt: Non est veritas et judicium in eis; transgressi sunt enim constitutum, et jusjurandum quod juraverunt. 19. Et movit Bacchides castra ab Jerusalem, et applicuit in Bethzecha: et misit, et comprehendit multos ex eis qui a se effugerant, et quosdam de populo mactavit, et in puteum magnum projecit. 20. Et commisit regionem Alcimo, et reliquit cum eo auxilium in adjutorium ipsi. Et abiit Bacchides ad regem: 21. et satis agebat Alcimus pro principatu sacerdotii sui, 22. et convenerunt ad eum omnes qui perturbabant populum suum, et obtinuerunt terram Juda, et fecerunt plagam magnam in Israel. 23. Et vidit Judas omnia mala quae fecit Alcimus, et qui cum eo erant, filiis Israel, multo plus quam Gentes. 24. Et exiit in omnes fines Judææ in circuitu, et fecit vindictam in viros desertores, et cessaverunt ultra exire in regionem. 25. Vedit autem Alcimus quod prævaluit Judas, et qui cum eo erant: et cognovit quia non potest sustinere eos, et regressus est ad regem, et accusavit eos multis criminibus. 26. Et misit rex Nicanorem unum ex principibus suis nobilioribus: qui erat inimicias exercens contra Israel: et mandavit ei evertere populum. 27. Et venit Nicanor in Jerusalem cum exercitu magno, et misit ad Judam et ad fratres ejus verbis pacificis cum dolo, 28. dicens: Non sit pugna inter me et vos: ve-

niam cum viris paucis, et videam facies vestras cum pace. 29. Et venit ad Judam, et salutaverunt se invicem pacifice : et hostes parati erant rapere Judam. 30. Et innotuit sermo Judæ, quoniam cum dolo venerat ad eum : et conterritus est ab eo, et amplius noluit videre faciem ejus. 31. Et cognovit Nicanor quoniam denudatum est consilium ejus : et exivit obviam Judæ in pugnam juxta Capharsalama. 32. Et ceciderunt de Nicanoris exercitu fere quinque millia viri, et fugerunt in civitatem David. 33. Et post hæc verba ascendit Nicanor in montem Sion : et exierunt de sacerdotibus populi salutare eum in pace ; et demonstrare ei holocaustomata quæ offerebantur pro rege. 34. Et irridens sprevit eos, et polluit : et locutus est superbe, 35. et juravit cum ira, dicens : Nisi traditus fuerit Judas et exercitus ejus in manus meas, continuo cum regressus fuero in pace, succendam domum istam. Et exiit cum ira magna. 36. Et intraverunt sacerdotes, et steterunt ante faciem altaris et templi : et flentes dixerunt : 37. Tu, Domine, elegisti domum istam ad invocandam nomen tuum in ea, ut esset domus orationis et obsecrationis populo tuo. 38. Fac vindictam in homine isto , et exercitu ejus, et cadant in gladio : memento blasphemias eorum , et ne dederis eis ut permaneant. 39. Et exiit Nicanor ab Jerusalem, et castra applicuit ad Bethoron : et occurrit illi exercitus Syriæ. 40. Et Judas applicuit in Adarsa cum tribus millibus viris ; et oravit Judas, et dixit : 41. Qui missi erant a rege Sennacherib, Domine, qui blasphemaverunt te, exiit angelus, et percussit ex eis centum octoginta quinque millia : 42. sic contere exercitum istum in conspectu nostro hodie, et sciant cæteri quia male locutus est super sancta tua : et judica illum secundum malitiam illius. 43. Et commiserunt exercitus prælium tertia decima die mensis Adar ; et contrita sunt castra Nicanoris, et cecidit ipse primus in prælio. 44. Ut autem vidi exercitus ejus quia cecidisset Nicanor , projecerunt arma sua , et fugerunt ; 45. et persecuti sunt eos viam unius diei, ab Adazer usquequo veniatur in Gazara, et tubis cecinerunt post eos cum significationibus : 46. et exierunt de omnibus castellis Judææ in circuitu, et ventilabant eos cornibus , et convertebantur iterum ad eos, et ceciderunt omnes gladio, et non est relictus ex eis nec unus. 47. Et acceperunt spolia eorum in prædam , et caput Nicanoris amputaverunt, et dexteram ejus, quam extenderat superbe, et attulerunt et suspenderunt contra Jerusalem. 48. Et lætatus est populus valde, et egerunt diem illam in lætitia magna. 49. Et constituit agi omnibus annis diem istam , tertia decima die mensis Adar. 50. Et siluit terra Juda dies paucos.

Vers. 4.
Historia
Antiochi
et Demetrii.

1. ANNO 151 (Græcorum) EXIIT DEMETRIUS SELEUCI FILIUS AB URBE ROMA. — Ut historiam hanc ab ovo intelligas, nota ex Appiano, Justino et aliis Antiochum Magnum cum Annibale devictum a L. Scipione , et Romanis pacem cum eo iniisse , ac obsidem pacis misisse Romam filium, juniores Antiochum Epiphanem, cap. i, 11. Mortuo Antiocho Magno successit filius senior Seleucus Philopator, qui fratrem suum Antiochum Epiphanem Roma revocavit ad se, ut ejus opera Syriam recuperaret et Aegyptum occuparet, ac ejus loco obsidem Romanis dedit filium suum Demetrium decennem, de quo hic agitur. Defuncto paulo post Seleuco successit frater Antiochus Epiphanes , qui 12 annis regnavit : quibus exactis moriens substituit sibi filium Antiochum Eupatorem puerum novensem. Demetrius Romæ id audiens petuit a Romanis missionem, ut regnum paternum, quod ei tanquam Seleuci senioris Epiphanis fratri filio jure debebatur, excluso Eupatore puerο consobrino suo, adiret. Negarunt Romani, faveruntque

Eupatori, a quo quasi puero nil metuebant. Videntis id Demetrius clam Roma fugit in Syriam : Syri id audientes turmatim ad eum, quasi legitimum regni successorem, confluxerunt; imo milites Eupatori ab eo ad Demetrium, quasi regem, defecerunt, ejusque jussu Eupatorem cum tutore Lysia occiderunt : Demetrius ergo Antiochiam occupans in ea cœpit regnare annum ætatis agens 23, nam decimo ætatis anno a Seleuco patre obesus missus fuit Romam, ibique mansit tota vita Antiochi Epiphanis patruī sui per tres annos; ac eo mortuo ætatis suæ anno 23, in Syriam rediit, et regnum avitum recepit. Audi Appianum in Syriaco : « Senatus lætus audiit Antiochum (Epiphanem) qui paucis annis generose regnaverat tam cito mortuum. Attamen Demetrium Seleuci filium nepotem Magni Antiochi, consobrinum hujus pueri (Eupatori) adhuc in urbe obsidem, ingressum jam annum vigesimum tertium, quamvis rogantem, et dicentem se propriorem hæredem, noluit in regnum deducere, existimans conducibilius

sibi regi Syriam a pueru quam a viro. » Et statim : « Demetrius rursum patres adiit rogans, ut saltem obses esse desineret, quandoquidem permutatus sit Antiocho, qui tunc defunctus erat. Et cum ne hoc quidem impetraret, clam aufugit navigio, exceptusque a Syris magna gratulatione regnum adeptus est, Lysia primum interfecto, mox et pueru, ejectoque Heraclida, et Tymarcho ut rebelli occiso, qui alioquin etiam Babylonis praefecturam male administraverat. Quamobrem Soter appellatus est, orto a Babylonii initio. » Hanc ergo ob causam Demetrius hic cognominatus fuit *Soter*, id est *salvator*, inquit Eusebius in *Chron.* et Appianus in *Syriaco*.

ASCENDIT CUM PAUCIS IN CIVITATEM MARITIMAM, — scilicet Tripolim, ut dicitur II *Mach.* xiv, 1, ibique a suis Syris ut legitimus rex agnitus cœpit regnare, donec exercitus Syriacus Eupatoris audiens ejus adventum, eum Antiochiam invitavit ad occupandum regni Syriæ metropolim. Unde sequitur :

Vers. 2. 2. ET FACTUM EST, UT INGRESSUS EST DOMUM REGNI PATRUM SUORUM (id est urbem regiam, regnique metropolim, puta Antiochiam), COMPREHENDIT EXERCITUS (Syriacus Eupatoris favens Demetrio, ad eumque quasi legitimum regem transiens) ANTIOCHUM (Eupatorem) ET LYSIAM (ejus tutorem), UT ADDUCERENT EOS AD EUM, — Demetrium.

Vers. 3. 3. ET RES EI INNOTUIT, ET AIT : NOLITE MIHI OS-TENDERE FACIEM EORUM, — q. d. Nolo eos videre, ne Eupatoris consobrini mei pueri aspectu ad misericordiam et vitam ei condonandam flectar, q. d. Malo eos aspicere mortuos quam vivos, ne si ego eos occidam, habear sœvus et crudelis : vos ergo, quasi inscio me, eos occidite, ut solus secure sine æmulo regnem ; unde sequitur :

Vers. 4. 4. ET OCCIDIT EOS EXERCITUS. — Hinc patet Eupatorem vix biennium regnasse; cœpit enim regnare post mortem patris Antiochi Epiphanis, quæ contigit anno 149 Græcorum, ut dictum est, desiit vero anno 151 Græcorum, quo Demetrius regnum adiit, et Eupatorem jam 11 annorum occidit, ut liquet ex vers. 1.

Porro Eupator tam cito regno et vita Deo vindice spoliatus est ; tum ob scelera patris Antiochi Epiphanis ; tum ob sua, præsertim ob perjurium quo fidem Judæ et Judæis datam violavit, ut dictum est cap. præced. vers. 62.

Vers. 5. 5. ET ALCIMUS DUX EORUM, QUI VOLEBAT FIERI SACERDOS — summus, id est Pontifex. Impius et ambitiosus Alcimus invidens Judæ Pontificatum et Principatum, eum ab Antiocho Eupatore obtinuit, eoque occiso eumdem sibi dari, vel potius datum confirmari petiit a Demetrio, et obtinuit. Fuit ergo ipse Pseudo-Pontifex, imo Apostata et proditor Israelis : nam omnes veri Israelitæ Judam Machabæum habebant pro vero Pontifice et Principe.

Vers. 6. 6. PERDIDIT JUDAS ET FRATRES EJUS, OMNES AMICOS TUOS, — puta duces et milites Syros, quos contra eos misit Antiochus Epiphanes, ejusque filius Eupator, quorum ille tuus fuit patruus, hic

consobrinus, q. d. Mitte ergo, o Demetri, mecum ducem cum copiis, qui Judam hostem tuum Pontificatu et Principatu privet, meque tibi amicum et fidum in ejus locum substituat. Credidit Demetrius scelesto Alcimo calumniatori, misitque cum eo Bacchidem contra Judam.

8. ET ELEGIT REX (Demetrius) EX AMICIS (aulicis) Vers. 8. suis BACCHIDEM, QUI DOMINABATUR (quasi praefectus et Vicerex), TRANS FLUMEN — Euphratem in Mesopotamia : hæc enim inter Tigrim et Euphratem interjacet, iisque undique ambitur, et cingitur, indeque vocatur Mesopotamia, q. d. in medio duorum fluminum sita.

13. ET PRIMI ASSIDÆI, — de quibus cap. II, vers. Vers. 13. 42, qui erant viri pii, religiosi, ac zelosi, ideoque cum Juda pro Israele fortissime depugnantes, qui nimis creduli Alcimo quasi sacerdoti Aaronico ab eo decepti, capti et cæsi sunt.

16. SECUNDUM QUOD SCRIPTUM EST, — Psalm. xviii, Vers. 16. vers. 2.

17. CARNES SANCTORUM TUORUM. — Hebraice חסידא chasidecha; unde nomen Assidæi, id est sancti, pii et misericordes. Ad litteram ergo de Assidæis hic ab Alcimo occisis, ante tot centenos annos illo Psalmo vaticinatus est David.

23. ET VIDIT JUDAS, — Judas se opposuit Alcimo, Vers. 23. cæterisque apostatis Israelis, eosque quasi leo lanivavit et discerpsit.

26. ET MISIT REX NICANOREM, — loco Bacchidis, Vers. 26. cum validioribus copiis, ut Judam et Judæos contereret, et Alcimum eveheret.

27. ET VENIT NICANOR. — Hic multa supplenda Vers. 27. et intexenda sunt, quæ narrantur II *Machab.* xiv, nimirum Nicanorem praefectum fuisse elephantonum, qui missu Demetrii veniens in Judæam, illico omnes Gentiles in ea reliquos, æque ac apostatas Judæorum ad se evocavit, ex eisque copias contra Judam et Judæos instruxit. Judas cum suis de more ad preces, et Dei opem implorandam confugit. Simon frater Judæ in aciem contra Nicanorem processit; sed videns tantas ejus copias, exterritus retrorsum abiit. Nicanor metuens Judæ vires et victorias, petiit cum eo colloqui, et de pace pacisci. Judas die dicta comparuit solus, sed juxta se in latebris milites armatos constituit, ut si quis dolus patesceret, illico ad se defendendum accurrerent. Verum nullus tum fuit dolus, sed serio rem egit Nicanor, ac cum Juda sincere pacem iniit. Videns hoc, dolensque Alcimus, Nicanorem apud regem Demetrium accusavit, quod infideliter res regis egisset, ac cum Juda hoste amicitiam contraxisset. Rex hac de re indignans acres ad Nicanorem dedit litteras, quibus jussit ut Judam caperet, et ad se Antiochiam perduceret. Nicanor acceptis litteris satagit regis jussa explere, ac Judam per dolum et pristinæ amicitiae simulationem capere, et ad regem mittere. Advertit id Judas, ac se ab eo subduxit, ut hic narratur. Quare Nicanor aperto marte Judam aggressus, ab eo cæsus capiteque truncatus fuit.

Vers. 31. 31. ET EXIVIT OBIAM JUDÆ IN PUGNAM JUXTA Ca-PHARSLAMA, — id est juxta Antipatridem; nam urbs hæc amcena et dives in tribu Manasse, pos-tea ab Herode Ascalonita instaurata, et aucta a patre suo Antipatro, dicta est Antipatris, vel Antipatrida, ad quam e Jerusalem captivus abduc-tus est S. Paulus stipatus 470 militibus, Act. xxiii. Hodie villa est quæ Assur dicitur. Ita Adrichomius et alii.

Vers. 32. 32. ET FUGERUNT (reliqui a Juda non occisi) IN CIVITATEM DAVID, — puta in arcem Sion, quam Antiochistæ obtinebant.

Vers. 34. 34. ET POLLUIT, — profanavit templum in Sion inferendo in illud Gentiles idololatras cum suis idolis et spurciis. Secundo et aptius « polluit » ipsos « sacerdotes, » uti addunt Græca, ipsos cogendo ut cibos immundos et pollutos comedere-rent, vel Deo offerrent.

LOCUTUS EST SUPERBE, — blasphemans templum, legem et Deum; ideoque quasi alter Sennacherib cæsus est, vers. 38 et 47. Cum enim quidam e Ju-dæis dixissent esse Deum vivum in cœlo, qui mandasset servari sabbatum, respondit Nicanor : « Et ego potens sum super terram, qui impero sumi arma (in sabbato), et jussa regis impleri, » II Machab. xv, ubi et additur lingua Nicanoris blasphemam, idcirco paulo post fuisse minutim concisam et avibus ad devorandum projectam.

Vers. 35. 35. ET JURAVIT CUM IRA DICENS : NISI TRADITUS FUERIT JUDAS, etc., SUCCENDAM DOMUM ISTAM, — id est succendam templum. Fusius hæc omnia nar-rantur, II Machab. cap. xiv et xv, vers. 5.

Vers. 43. 43. ET COMMISERUNT PRÆLIMUM TERTIA DECIMA MEN-SIS ADAR (februarii) ET CONTRITA SUNT CASTRA NI-CANORIS (cæsis 35 millibus), ET CECIDIT IPSE PRI-MUS, — ut qui primus et dux fuerat in blasphemia et culpa, primus pariter et dux cæterorum foret in pœna et vindicta. Addit Gorionides Judam pro-vocasse Nicanorem ad duellum, in eoque eum occidisse. Audi eum, cap. xxi : « Misit ad Nicanorem Judas, dicens : Quando accingis te, egressore in agrum, et ostendam solum virum quem etiam intra penetralia quæsisti. En is exspectat te in convalle et planicie. » Et paulo post : « Vedit Ju-das in pugna Nicanorem habentem in sua manu gladium evaginatum; clamansque ait : Contra te, o Nicanor; et cum curreret contra illum in fer-voris sui virtute, avertit Nicanor humerum suum, et fugit a facie Judæ. At Judas apprehendit eum, percussitque gladio suo, et dissecurit in duas par-tes. » Verum hæc conficta videntur. In tanto enim hostium numero totis aciebus præliandum erat,

non sigillatim duellandum. Additur II Mach. xv, Judam suis narrasse somnum, quo Onias osten-derat sibi Jeremiam porrigentem aureum gla-dium, dicentemque : « Accipe sanctum gladium munus a Deo, in quo dejicies adversarios populi mei Israel, » illoque eos animasse ad pugnam certamque victoriam.

45. ET TUBIS CECINERUNT POST EOS CUM SIGNIFI-CATIONIBUS, — nimirum certa tubarum modula-tione significantes hostes esse profligatos, ideo-que fugere, ut hoc signo Judæi undequaque ex-citi accurrerent, ac fugientes persequerentur et mactarent. Unde sequitur :

46. ET EXIERUNT DE OMNIBUS CASTELLIS (oppidis, pagis et vicis) JUDÆ IN CIRCUITU, ET VENTILABANT EOS CORNIBUS, — id est dejiciebant et repellebant eos suis armis et gladiis, sicut tauri suis cornibus dejiciunt agnos, vel segetes.

ET CONVERTEBANTUR ITERUM AD EOS, q. d. Hostes a Judæis undique concurrentibus repulsi, reverte-bantur ad Judam, et Judæos se insequentes, ibi-que ab eis profligati.

CECIDERUNT OMNES GLADIO, ET NON EST RELICTUS EX EIS NEC UNUS, — q. d. Omnes ad unum fuere mactati, ita ut ne unus quidem evaderet, foret que tantæ cladi superstes. Magna et insolita fuit hæc Judæa victoria, et Nicanoris strages, idque ob ejus superbiam et blasphemiam. Hoc ergo secundo Nicanoris prælio ceciderunt militum ejus 35 millia, sicut primo prælio vers. 52, ceciderant quinque millia.

47. ET CAPUT NICANORIS AMPUTAVERUNT, ET DEX-TERAM EJUS, QUAM EXTENDERAT SUPERBE (contra tem-plex minans, juransque se illud combusturum, vers. 35), ET SUSPENDERUNT CONTRA JERUSALEM, — in arce Sion, II Machab. xv, sic suspensum fuit caput Goliath a Davide cæsi, et Holofernis a Ju-dith, et Saulis a Philistæis, I Regum cap. ultim.

49. ET CONSTITUIT (Judas) AGI (quasi festum ce-lebrari) OMNIBUS ANNIS DIEM ISTUM TERTIA DECIMA DIE MENSIS ADAR, — qua pariter olim Judæi ab Aman destinati internecioni per Esther liberati fuerant. Unde dies hæc et festum vocatur *Pridie Mardochæi*; hoc enim festum liberationis per Es-ther et Mardochæum celebratur 14 die Adar, festum vero hoc ob cæsum Nicanorem 13 die Adar, II Machab. XIV, 37.

ET SILUIT TERRA JUDA DIES PAUCOS, — scilicet us-que ad annum sequentem, qui fuit Græcorum 152, quo Demetrius novum ducem novumque exercitum in Judæam immisit, cum quo Judas conligens occupabuit, ut audiemus cap. ix.

CAPUT OCTAVUM.

SYNOPSIS CAPITIS.

Recensentur fortia et fidelia facta Romanorum, ob quæ Judas cum eis fœdus init. Unde Romani jubens Demetrio ut cesseret ab infestatione Judæorum.

1. Et audivit Judas nomen Romanorum , quia sunt potentes viribus , et acquiescunt ad omnia quæ postulantur ab eis : et quicumque accesserunt ad eos, statuerunt cum eis amicitias, et quia sunt potentes viribus. 2. Et audierunt prælia eorum, et virtutes bonas quas fecerunt in Galatia, quia obtinuerunt eos, et duxerunt sub tributum : 3. et quanta fecerunt in regione Hispaniæ, et quod in potestatem redegerunt metalla argenti et auri, quæ illic sunt, et possederunt omnem locum consilio suo et patientia : 4. locaque quæ longe erant valde ab eis, et Reges qui supervenerant eis ab extremis terræ , contriverunt, et percosserunt eos plaga magna; cæteri autem dant eis tributum omnibus annis. 5. Et Philippum et Persen Cætorum regem, et cæteros qui adversum eos arma tulerant, contriverunt in bello, et obtinuerunt eos : 6. et Antiochum Magnum, regem Asiæ, qui eis pugnam intulerat, habens centum viginti elephantes, et equitatum, et currus, et exercitum magnum valde, contritum ab eis. 7. Et quia ceperunt eum vivum , et statuerunt ei ut daret ipse, et qui regnarent post ipsum, tributum magnum, et daret obsides, et constitutum, 8. et regionem Indorum, et Medos, et Lydos, de optimis regionibus eorum : et acceptas eas ab eis , dederunt Eumeni regi. 9. Et quia qui erant apud Helladam, voluerunt ire, et tollere eos : et innotuit sermo his, 10. et miserunt ad eos ducem unum , et pugnaverunt contra illos, et ceciderunt ex eis multi, et captivas duxerunt uxores eorum, et filios , et diripuerunt eos , et terram eorum possederunt, et destruxerunt muros eorum, et in servitutem illos redegerunt usque in hunc diem : 11. et residua regna, et insulas, quæ aliquando restiterant illis, exterminaverunt, et in potestatem redegerunt. 12. Cum amicis autem suis, et qui in ipsis requiem habebant, conservaverunt amicitiam, et obtinuerunt regna quæ erant proxima, et quæ erant longe : quia quicumque audiebant nomen eorum, timebant eos ; 13. quibus vero vellent auxilio esse ut regnarent, regnabant; quos autem vellent, regno deturbabant : et exaltati sunt valde. 14. Et in omnibus istis nemo portabat diadema, nec induebatur purpura, ut magnificaretur in ea. 15. Et quia curiam fecerunt sibi , et quotidie consulebant trecentos viginti, consilium agentes semper de multitudine, ut quæ digna sunt, gerant : 16. et committunt uni homini magistratum suum per singulos annos dominari universæ terræ suæ, et omnes obediunt uni, et non est invidia neque zelus inter eos. 17. Et elegit Judas Eupolemum, filium Joannis, filii Jacob, et Jasonem , filium Eleazari, et misit eos Romam constituere cum illis amicitiam et societatem : 18. et ut auferrent ab eis jugum Græcorum, quia viderunt quod in servitutem premerent regnum Israel. 19. Et abierunt Romam viam multam valde, et introierunt curiam et dixerunt : 20. Judas Machabæus , et fratres ejus, et populus Judæorum miserunt nos ad vos statuere vobiscum societatem et pacem , et conscribere nos socios et amicos vestros. 21. Et placuit sermo in conspectu eorum. 22. Et hoc rescriptum est, quod rescripserunt in tabulis æreis , et miserunt in Jerusalem, ut esset apud eos ibi memoriale pacis et societatis. 23. BENE SIT ROMANIS, et genti Judæorum, in mari et in terra, in æternum : gladiusque et hostis procul sit ab eis. 24. Quod si institerit bellum Romanis prius, aut omnibus sociis eorum in omni dominatione eorum : 25. auxilium feret gens Judæorum, prout tempus dictaverit, corde pleno : 26. et prælianibus non dabunt, neque subministrabunt tri-

ticum, arma, pecuniam, naves, sicut placuit Romanis : et custodient mandata eorum, nihil ab eis accipientes. 27. Similiter autem et si genti Judæorum prius acciderit bellum, adjuvabunt Romani ex animo, prout eis tempus permiserit : 28. et adjuvantibus non dabitur triticum, arma, pecunia, naves, sicut placuit Romanis : et custodient mandata eorum absque dolo ; 29. secundum hæc verba constituerunt Romani populo Judæorum. 30. Quod si post hæc verba hi aut illi addere aut demere ad hæc aliquid voluerint, facient ex proposito suo : et quæcumque addiderint vel Dempserint, rata erunt. 31. Sed et de malis, quæ Demetrius rex fecit in eos, scripsimus ei dicentes : quare gravasti jugum tuum super amicos nostros, et socios Judæos ? 32. Si ergo iterum adierint nos, adversum te faciemus illis judicium, et pugnabimus tecum mari terraque.

Vers. 1. 1. ET AUDIVIT JUDAS NOMEN (famam bellicæ fortitudinis et virtutum politicarum) ROMANORUM. — Nota : Tb « audivit, » significat heroica facta Romanorum, quæ deinceps narrantur auditu et fama fuisse perlata ad Judam et Judæos ; hinc tamen non sequitur omnia illa esse vera. Fama enim saepe major est veritate, ac rem supra veritatem adauget, vel detorquet, dum quisque famæ ex suo aliquid addit, vel demit, ut quotidie in narrationibus non tantum auditorum, sed et oculatorum testium experimur. Hoc responderi posset Novantibus, qui lib. Machabæorum e canone expungunt, objectantes eos hic majora tribuere Romanis quam eis tribuant Livius, Florus, Diodorus, Plutarchus. Ita Serarius, Salianus, Sanchez et alii. Verum si presse singula, quæ de eis hic dicuntur, examinentur, nihil est invenire quod falsi argui possit, quodque recte cum historicis profanis conciliari nequeat, ut sigillatim ostendam. Sic in Evangelii multa a Judæis dicuntur de Christo, ut, quod sit Samaritanus, potator vini, dæmoniacus, quæ fuere falsissima ; sed Judæos ea dixisse verissimum est, et hoc tantum vult Scriptura, uti docet S. Augustinus, Quæst. VI ad Orosium.

ACQUIESCUNT AD OMNIA QUÆ POSTULANTUR AB EIS, — si nimirum postulata sint æqua et justa, nec Romanorum commodis vel juribus contraria.

Vers. 2. 2. ET AUDIERUNT (Judas et Judæi) PRÆLIA EORUM ET VIRTUTES BONAS, — Græce ἀνδραγαθίας, id est virilitates, strenuitates, res fortiter gestas, fortitudines, præclare facta; nam ἀνδραγαθέω idem est quod viriliter ago, virum me gero, fortiter ago, fortem et bonum virum me præsto.

QUAS FECERUNT IN GALATIA, — hanc enim sub hoc tempus armis subegere Romani, ut patet ex Livio, Josepho, Justino et aliis. Per Galatas intellegit Gallo-Græcos, quos Romani bello appetivere, eo quod Antiochum Magnum contra Romanos pugnantem adjuvissent, unde contra eos miserunt Manlium Volsonem qui eos vicit, et post biennium de eis triumphavit, teste Livio, lib. XXXVIII.

Vers. 3. 3. ET QUANTA FECERUNT IN REGIONE HISPANIA (eam per multa et longa bella sibi subjungando); ET QUOD IN POTESTATEM REDEGERUNT METALLA ARGENTI ET AURI QUÆ ILLIC SUNT. — Nam auri et argenti fodinas feracissimas illo ævo fuisse in Hispania,

testantur Plinius, Strabo et alii. Argenti fodinas etiamnum ibi esse testatur Mariana aliisque chronographi et historici. Vide Pinedam, lib. IV *De rebus Salomonis*, cap. iv, num. 6.

ET POSSEDERUNT OMNEM LOCUM (omnes urbes et arces Hispaniæ) CONSILIO SUO ET PATIENTIA, — Græce μακροθυμία, id est longanimitate, quam maxime Romani ostenderunt in domanda Hispania: nam eam omnem non domuerunt, nisi post 230 annos quibus assidue, sed successive progrediendo, cum ejus incolis bella gesserunt; nam alias provincias longe citius occuparunt. Ita Livius, Diodorus, Justinus, Florus et alii. Porro in Hispania præclaras res gesserunt Scipio Africanus, ejusque pater et patruus.

Moraliter disce hic a Romanis omnes hostes, tam corporis quam animæ, adeoque omnes cupiditates et passiones animi, omniaque vitia superari consilio et patientia, id est longanimitate, longanimique constantia et perseverantia in illis debellandis ; nil enim tam insolitum, tam potens, tam efferum, quod consilium et constantia non edomet, uti docent S. Basilius, Cassianus et alii.

Mystice Hugo : Sancti, ait, possident cœlum consilio, dum scilicet sequuntur consilium Christi : « Beati pauperes spiritu, quoniam ipsorum est regnum cœlorum, » *Math. v*; terram vero possident patientia, juxta illud Christi ibidem : « Beati mites, quoniam ipsi possidebunt terram. » Rursum Martyres obtinent cœlum patientia, Confessores consilio.

4. LOCAQUE QUÆ LONGE ERANT VALDE AB EIS (tum **Vers. 4** in Asia, tum in Africa, ac præsertim Carthaginem, Romæ aemulam, etc.) CONTRIVERUNT. — Bella enim Romanorum cum Annibale et Carthaginensibus per Q. Fabium Maximum, et P. Scipionem Africanum hoc tempore gesta fuere, unde de iis hunc versum explicat Josephus.

5. ET PHILIPPUM, ET (ejus filium spurium) PERSEN (quem Livius aliisque vocant Perseum) CETERORUM (id est Macedonum, uti dixi cap. i, 1, et Epiri) REGEM, etc., CONTRIVERUNT, — per L. Æmilium Paulum, qui post bellum quatuor annorum Perseum captum Romanum in triumphum duxit, ac Macedoniam Epirumque Romanis subjecit, anno urbis conditæ 585.

Vers. 6. 6. ET ANTIOCHUM MAGNUM (patrem Seleuci et Antiochi Epiphanis, avum Demetrii seque ac Antiochi Eupatoris) CONTRITUM AB EIS, — puta a Romanis per Scipionem Asiaticum, fratrem Scipionis Africani. Nam, ut ait Livius, lib. XXXVII: « Ad 50 millia peditum eo die cæsa dicuntur, equitum quatuor millia, mille 400 capti, et quindecim cum rectoribus elephanti : » nec mirum Antiochum contra Romanos in aciem eduxisse 120 elephantes, cum idem contra Ptolomæum Epiphanem eduxerit centum et duos, teste Polybio, lib. V.

Vers. 7. 7. ET QUIA CEPERUNT EUM VIVUM. (Hoc non asserunt Appianus, Livius et Justinus, sed nec negant, imo subindicant, dum narrant Antiochum ita a Romanis fuisse constrictum et conclusum, ut quasi captus Scipioni victori manus dederit, concesseritque omnia quæ postulabat, ac præser-tim) TRIBUTUM MAGNUM, (bis mille talentorum quotannis, tam a se quam a suis posteris pendendum); ET DARET OBSESDES, — inter quos primarius fuit Antiochus Epiphanes junior ejus filius.

ET CONSTITUTUM, — Græce διαστολὴ, id est distinctionem et divisionem, ut scilicet, diviso ejus regno in duas partes, unam meliorem daret Eumeni regi Pergami, suo æmulo, et amico Romanorum; alteram vero viliorem sibi servaret, ac fere in Syria sola, locisque cis Taurum montem sitis regnaret: hoc enim quasi constitutum regnorum suorum pensum Romanis dare coactus fuit Antiochus unde explicans subdit:

Vers. 8. 8. ET REGIONEM JUDÆORUM, — ita vocat provincias ultra Taurum montem sitas, ab Antiocho occupatas, uti ex Procopio, Strabone et aliis demonstrat Serarius.

ET MEDOS, ET LYDOS DE OPTIMIS REGIONIBUS EORUM, (q. d. Antiochus coactus fuit cedere Romanis regiones ultra Taurum sitas, item Mediam et Lydiam, quæ erant optimæ regiones ipsius, ac patrum et posteriorum ejus, quas) AB EIS ACCEPTAS (Romani) DEDERUNT EUMENI REGI — Romanorum amico, sed Antiochi inimico. Id prædictum Daniel, cap. xi, vers. 8. Vide ibi dicta.

Vers. 9. 9. ET QUI ERANT APUD HELLADAM (Græce, « in Hellade, » id est in Græcia: nam Ἑλλάς, id est Græci), VOLUERUNT IRE ET TOLLERE EOS — furtim, et per insidias trucidare legiones Romanorum, in eorum vicinia degentes. Respicit quoque ad Ætoli, qui primi e Græcis cum Romanis bellarunt. Horum enim dux Damocritus T. Quintio Flaminio petenti responsum dixit, se id in Italia datum, cum Ætoli ad Tiberim castra posuissent.

Vers. 10. 10. ET INNOTUIT SERMO (res, sive cædis machinatio) HIS (scilicet Romanis.)

ET MISERUNT (Romani) AD EOS (Græcos) DUCEM UNUM, — Nabim, ac deinde alios, qui variis conflictibus paulatim domuere et subegere Græcos universos, uti narrat Livius et alii.

Vers. 12. 12. CUM AMICIS AUTEM, ET QUI IN EIS REQUIEM HABEBANT, (Græce, qui acquiscebant Romanis, illorum jussis vel postulatis sese accommodantes, fideliter)

CONSERVAYERUNT AMICITIAM, — eosque ad magnas opes et honores evexerunt, uti de Eumene jam dictum est. Idem contigit Geloni regi Syracusæ et Massinissæ regi Numidiæ, et Ptolomæis Philometori, et Physconi regibus Ægypti.

14. NEC INDUEBATUR PURPURA, — id est purpureo paludamento, quasi cæterorum rex, vel imperator. Nam alioqui Senatores Romani purpurea toga ornatabantur. Alia erat ergo purpura consularis, alia regia; imo consules proprie non habebant togas purpureas, sed purpura tantum prætextas, uti ex Livio docet Salianus.

Vers. 14. 15. ET QUIA (quod) CURIAM FECERUNT, — id est senatum virorum senum et sapientum, puta Patriciorum, eisque curiam ædificaverunt, ut in ea quotidie congregarentur de re publica consilia sua votaque collaturi.

Et QUOTIDIE CONSULEBANT (consultabant inter se) 320 VIRI, — senatores, sive patricii. Romulus primo statuit centum senatores; mox crescente Republica Romanorum auxit eorum numerum ad ducentos: inde Tarquinius Priscus, ait Halicarnasseus, ad trecentos, imo 320, ut hic dicitur, Graccho vero tumultuante excrevit ad sexcentos, inde ad 900 et 1000, uti narrat Livius, Florus et alii.

Vers. 15. 16. ET COMMITTUNT UNI HOMINI MAGISTRATUM SUUM, — nam in periculis Romani creabant unum dictatorem qui toti Reipublicæ præcesset. Alias duos creabant consules, sed ita ut unus foris bella gereret; alter domi solus Rempublicam administraret. Quod si plura ingruerent bella diversis in locis, unus uni exercitu et provinciæ, alter alteri præerat. Quin et si uterque consul in iisdem castris essent, alternis diebus eis præerant singuli, ut scilicet unus uno die haberet fasces et imperaret, alter altero, ut patet ex clade Cannensi, quæ sub hoc tempus contigit hac de causa, quod illo die præerat castris Varro Consul, qui non auditio socio consule Paulo cum Annibale conflixit infelicissime. Sic alternis diebus jus imperandi habebant Strategi in Græcia, Epistatae Athenis, et Decemviri Romæ: hi enim decimo die jus populo singuli reddebant, ait Livius, lib. III, Diodorus, Plutarchus et alii. Putat Emmanuel Sa Judam, narratione aliquorum deceptum, putasse Romæ unicum fuisse magistratum, cui opinioni Dictatura præbuerat occasionem, cum tamen illa, nec annua fuerit, nec ordinarius magistratus, uti fuit Consulatus.

ET NON EST INVIDIA, NEQUE ZELUS INTER EOS. — Non erat invidia apud Romanos primos, qui paucis contenti, opes et honores spernebant, uti fuere Camillus, Cincinnatus, Curius, Fabius; etc., sed posteri eorum inhiantes opibus et dignitatibus Reipublicæ, tempore Judæ Machabæi cœpere laborare ambitione et invidia, sed interna: non enim audebant exterius eam prodere, ne habentur superbi, avari, ideoque a gubernatione repellerentur: quare exterius non apparebat in

eis invidia, vel zelus, id est æmulatio et contentio ut ait hic Judas; sed paulo post interna ambitio et invidia in externam erupit, cum Marius contra Syllam bello civili contendit, Julius Cæsar contra Pompeium, Augustus contra Antonium; tuncque respublica eorum pessumdata est, ac aristocratiæ successit monarchia Augusti et sequentium imperatorum. Audi Catonem apud Sallustium, *De Bello Catilinario* cap. lii : « Nolite existimare majores nostros armis Rempublicam ex parva magnam fecisse. Si ita esset, multo pulcherrimam eam nos haberemus. Quippe sociorum, atque civium, præterea armorum, et equorum major copia nobis quam illis est; sed alia fuere, quæ illos magnos fecerunt, quæ nobis nulla sunt: domi industria, foris justum imperium, animus in consulendo liber, neque libidini, neque delicto obnoxius. Pro his nos habemus luxuriam, atque avaritiam, publice egestatem, privatim opulentiam; laudamus divitias, sequimur inertiam: inter bonos et malos discrimen nullum, omnia virtutis præmia ambitio possidet. Neque mirum, ubi vos separatim sibi quisque consilia capitis, ubi domi voluptatibus, hic pecuniae, aut gratiae servitis. Eo fit ut impetus fiat in vacuam Rempublicam. »

Vers. 17. 17. ET ELEGIT JUDAS EUPOLEMUM, etc., ET JASONEM, — id est Josue, vel Jesum; sic enim Hebraice vocabatur; sed quia Hebræi Græcis erant subditi a tempore Alexandri Magni, hinc pariter Graeca assumptere nomina, ut pro « Jesus, » id est « salvator, » vocarentur « Jason, » id est « sanator » ab ιω, id est sano. Sic Eupolemus, Menelaus, Alcimus græca sunt nomina, et talia amiebant Apostatae, ut Antiochi, Demetrii et Græcorum gratiam inirent.

FILIUM ELEAZARI. — Aliqui putant hunc Jasonem fuisse filium Eleazari fratris Judæ Machabæi, de quo cap. ii, 5, alii Eleazari senis nonagenarii, qui pro lege Mosis generosum obiit martyrium; II *Machab.* xviii; sed nil certi hic statui potest.

ET MISIT EOS ROMAM CONSTITUERE CUM ILLIS AMICITIAM. — Premebatur Judas hinc validis copiis Demetrii, inde dolis Menelai, Jasonis et Alcimi Pseudo-Ponticum, ideoque apostatarum) æmulorum et hostium suorum: ac videbat se cum paucis fidis Judæis diu eis resistere non posse. Prudenter ergo ad Romanos tunc rerum dominos configuit, eorumque opem fœdus ineundo imploravit: quod ex voto successit. Nam Romani scripserunt ad Demetrium, jusseruntque ei ut Judam et Judæos deinceps non infestaret. Nec erat in hoc fœdere periculum idololatriæ, aut alterius mali, quia Romani omnibus gentibus permittebant suos deos patriamque religionem. Erant enim politici, nec nisi politicum régimen suum servare, et propagare studebant, ad quod valde sibi utile fore sciebant, si gentium jura et numina non mutarent, sed eas patriis legibus et numinibus vivere sinerent. Secus fuit in Josaphat rege Juda, qui a

Propheta reprehensus fuit, II *Paral.* xix; quod cum idololatra Joram rege Israel fœdus et coniugium contraxisset: per hoc enim idololatria ingressa est, et pervasit regnum Juda. Sic David, persecutionem sustinens, a Saule confugit ad Achis regem Geth idololatram, I *Reg.* xvii. Idem cum Naas rege Ammon fœdus iniit, II *Reg.* x; et cum Tholmai rege Gessur, cuius filiam duxit uxorem, II *Reg.* iii, versu 3. Sic Abraham, Isaac et Jacob cum Palæstinis et Syris idololatris foedera sanxerunt, Gen. cap. xiv, et xxii et xxvi. Licite ergo, imo pie et sancte Judas cum Romanis pactum iniit, ut eorum ope patriam, rempublicam, Ecclesiam, veramque fidem et religionem, quam Antiochus et apostatae evertere conabantur, tueretur et propugnaret; esto Rupertus Blesensis et alii contrarium sentiant, ut dicam cap. seq. vers. 18.

Dices: Hoc fœdus cum Romanis fuit occasio cur Romani paulo post Judæam subegerint, et deinde rebellantem everterent. Respondeo. Causa hujus subactionis non fuit fœdus, sed Hyrcani et Aristobuli nepotum Simonis Machabæi contentio de Principatu. Hi enim arbitrum delegerunt Pompeium, qui Principatum recte adjudicavit Hyrcano, quasi seniori; sed cum Aristobulus repugnaret, ac Jerusalem caperet, Pompeius eum cum urbe expugnavit, et consentiente Hyrcano Judæam Romanis subjecit, ut fuse narrat Josephus.

21. IN TABULIS AEREIS. — Romani scribebant sua fœdera æque ac leges in tabulis aereis, quas publice appendebant ad eorum perpetuitatem, ac ne quis ea lacerare vel abolere posset.

23. BENE SIT ROMANIS ET GENTI JUDÆORUM. — Est Vers. 23. hoc initium et auspicium fœderis, quo fœderi bene ominantur, et felicitatem appræcantur, q. d. Quod felix faustumque sit Romanis, æque ac Judæis, fœdus utrumque inimus bene precantes, ut illud utrisque contra hostes salutare, æque ac perpetuum sit.

25. AUXILIUM FERET (Romanis bello appetitis) Vers. 25. GENS JUDÆORUM, PROUT TEMPUS DICTAVERIT CORDE PLENO, — id est sincero, integro, perfecto, q. d. Sincerissime, integerrime et promptissime Judæi juvabunt Romanos, si bellum eis ingrueret: unde pro « corde pleno, » versu 27, dicitur « ex animo. »

26. ET PRÆLIANTIBUS (Judæis, Romani) NON DABUNT, NEQUE SUBMINISTRABUNT TRITICUM, ARMA, PE-CUNIAM, NAVES. — Sed hæc omnia suo sumptu præstabunt Judæi, ut gratis succurrant Romanis; alioqui enim Romanorum non tam essent fœderati et amici, quam mercenarii pretio conducti. Amicitia enim gratuitam et liberalem opem amico agenti præstandam postulat.

ET CUSTODIENT MANDATA EORUM, — ut pro Romanis militantes Judæi Romanorum duci per omnia subsint, perinde ac si is Judæus esset, ejusque mandata plane exsequantur, ut faciunt cæteri milites Romani: alioqui enim frustraneum esset Judæorum auxilium, si ipsi sua consilia a Roma-

nis diversa; imo subinde adversa sequi vellent. Sic enim schisma facerent in exercitu, eumque hosti cædendum objicerent.

Vers. 27. 27. SIMILITER AUTEM, ETC. — q. d. Simile auxilium gratuitum plane, sincerum et liberale præstabunt Romani Judæis, si a quopiam bello lassessantur.

Vers. 30. 30. QUOD SI, POST HÆC VERBA, HI AUT ILLI (Romani, aut Judæi conditionibus fecederis jam dic-

tis) ADDERE, AUT DEMERE ADHÆC ALIQUID VOLUERINT, FACIENT EX PROPOSITO SUO, — scilicet ex communi utriusque partis voluntate et consensu.

31. SCRIPSIMUS EI, — Demetrio, ut Judæos ve- Vers. 31.
xare desistat. Sed antequam hæ litteræ ad Demetrium venirent, ille jam miserat Bacchidem, cum quo Judas confligens vicit quidem sed occubuit, ut audiemus cap. sequenti.

CAPUT NONUM.

SYNOPSIS CAPITIS.

Bacchides, a Demetrio remissus in Judeam, eam vastat: Judas, octingentos duntaxat in aciem educens, cum eo confligit et vincit; sed, dum fugientes inseguitur, a tergo Iesus gloriose cadit. Mox Judæi cum Bacchide paciscuntur, qui dum socios Judæ affigit, Judæi probi Judæ defuncto substituunt Jonatham ejus fratrem, vers. 28. Inde, vers. 35, filii Jambri capiunt, cœduntque Joannem fratrem Jonathæ, qui proinde Joannis necem ulciscitur: mox, vers. 44, cum Bacchide confligit, cœditque mille viros; Alcimus quoque a Deo percutitur, vers. 44. Bacchides, vers. 58. ab apostatis in Judeam revocatus, nunc dolo capere Jonatham, nunc vi satagit, sed ubique repulsus, tandem cæsis apostatis cum Jonatha stabile fædus init.

1. Interea, ut audivit Demetrius quia cecidit Nicanor et exercitus ejus in prælio, apposuit Bacchidem et Alcimum rursum mittere in Judeam, et dextrum cornu cum illis. 2. Et abierunt viam quæ ducit in Galgala, et castra posuerunt in Masaloth, quæ est in Arbellis: et occupaverunt eam, et peremerunt animas hominum multas. 3. In mense primo anni centesimi et quinquagesimi secundi, applicuerunt exercitum ad Jerusalem: 4. et surrexerunt, et abierunt in Beream viginti millia virorum, et duo millia equitum. 5. Et Judas posuerat castra in Laisa, et tria millia viri electi cum eo; 6. et viderunt multitudinem exercitus, quia multi sunt, et timuerunt valde: et multi subtraxerunt se de castris, et non remanserunt ex eis nisi octingenti viri. 7. Et vidit Judas quod defluxit exercitus suus, et bellum perurgebat eum, et confractus est corde, quia non habebat tempus congregandi eos, et dissolutus est. 8. Et dixit his qui residui erant: Surgamus, et eamus ad adversarios nostros, si poterimus pugnare adversus eos. 9. Et avertiebant eum, dicentes: Non poterimus, sed liberemus animas nostras modo, et revertamur ad fratres nostros, et tunc pugnabimus adversus eos; nos autem paucis sumus. 10. Et ait Judas: Absit istam rem facere ut fugiamus ab eis; et si appropriavit tempus nostrum, moriamur in virtute propter fratres nostros, et non inferamus crimen gloriae nostræ. 11. Et movit exercitus de castris, et steterunt illis obviam: et divisi sunt equites in duas partes, et fundibularii et sagittarii præibant exercitum, et primi certaminis omnes potentest. 12. Bacchides autem erat in dextro cornu, et proximavit legio ex duabus partibus, et clama- bant tubis. 13. Exclamaverunt autem et hi, qui erant ex parte Judæ, etiam ipsi, et commota est terra a voce exercituum: et commissum est prælium a mane usque ad vesperam. 14. Et vidit Judas quod firmior est pars exercitus Bacchidis in dextris, et convenerunt cum ipso omnes constantes corde: 15. et contrita est dextera pars ab eis, et persecutus est eos usque ad montem Azoti. 16. Et qui in sinistro cornu erant, viderunt quod contritum est dextrum cornu, et secuti sunt post Judam, et eos qui cum ipso erant, a tergo: 17. et ingratum est prælium, et ceciderunt vulnerati multi ex his et ex illis. 18. Et Judas cecidit, et cæteri fuge- runt. 19. Et Jonathas et Simon tulerunt Judam fratrem suum, et sepelierunt eum in sepulcro patrum suorum in civitate Modin. 20. Et fleverunt eum omnis populus Israel planctu magno, et lugebant dies multos, 21. et dixerunt: Quomodo cecidit potens, qui salvum facie-

bat populum Israel ? 22. Et cætera verba bellorum Judæ, et virtutum quas fecit, et magnitudinis ejus, non sunt descripta : multa enim erant valde. 23. Et factum est, post obitum Judæ emerserunt iniqui in omnibus finibus Isræl, et exorti sunt omnes qui operabantur iniquitatem. 24. In diebus illis facta est famæ magna valde, et tradidit se Bacchidi omnis regio eorum cum ipsis. 25. Et elegit Bacchides viros impios, et constituit eos dominos regionis : 26. et exquirebant, et perscrutabantur amicos Judæ, et adducebant eos ad Bacchidem, et vindicabat in illos, et illudebat. 27. Et facta est tribulatio magna in Israel, qualis non fuit ex die qua non est visus Propheta in Israel. 28. Et congregati sunt omnes amici Judæ, et dixerunt Jonathæ : 29. Ex quo frater tuus Judas defunctus est, vir similis ei non est, qui exeat contra inimicos nostros, Bacchidem, et eos qui inimici sunt gentis nostræ. 30. Nunc itaque te hodie elegimus esse pro eo nobis in principem, et ducem ad bellandum bellum nostrum. 31. Et suscepit Jonathas tempore illo principatum, et surrexit loco Judæ fratris sui. 32. Et cognovit Bacchides, et quærebatur eum occidere. 33. Et cognovit Jonathas, et Simon frater ejus, et omnes qui cum eo erant : et fugerunt in desertum Thecuæ, et conserderunt ad aquam lacus Asphar. 34. Et cognovit Bacchides, et die sabbatorum venit ipse, et omnis exercitus ejus, trans Jordanem. 35. Et Jonathas misit fratrem suum ducem populi, et rogavit Nabuthæos amicos suos, ut commodarent illis apparatum suum, qui erat copiosus. 36. Et exierunt filii Jambri ex Madaba, et comprehendenterunt Joannem, et omnia quæ habebat, et abierunt habentes ea. 37. Post hæc verba, renuntiatum est Jonathæ, et Simoni fratri ejus, quia filii Jambri faciunt nuptias magnas, et ducunt sponsam ex Madaba, filiam unius de magnis principibus Chanaan, cum ambitione magna. 38. Et recordati sunt sanguinis Joannis fratris sui : et ascenderunt, et absconderunt se sub tegumento montis. 39. Et elevaverunt oculos suos, et viderunt ; et ecce tumultus et apparatus multus : et sponsus processit, et amici ejus, et fratres ejus, obviamillis cum tympanis et musicis, et armis multis. 40. Et surrexerunt ad eos ex insidiis, et occiderunt eos, et ceciderunt vulnerati multi, et residui fugerunt in montes, et acceperunt omnia spolia eorum : 41. et conversæ sunt nuptiæ in luctum, et vox musicorum ipsorum in lamentum. 42. Et vindicaverunt vindictam sanguinis fratris sui, et reversi sunt ad ripam Jordanis. 43. Et audivit Bacchides, et venit diè sabbatorum usque ad oram Jordanis in virtute magna. 44. Et dixit ad suos Jonathas : Surgamus, et pugnemus contra inimicos nostros ; non est enim hodie sicut heri et nūdus tertius. 45. Ecce enim bellum ex adverso, aqua vero Jordanis hinc et inde, et ripæ, et paludes, et saltus : et non est locus divertendi. 46. Nunc ergo clamate in cœlum, ut liberemini de manu inimicorum vestrorum. Et commissum est bellum. 47. Et extendit Jonathas manum suam percutere Bacchidem, et divertit ab eo retro. 48. Et dissiliit Jonathas, et qui cum eo erant, in Jordanem, et transhataverunt ad eos Jordanem. 49. Et ceciderunt de parte Bacchidis die illa mille viri. Et reversi sunt in Jerusalem, 50. et ædificaverunt civitates munitas in Judæa, munitionem quæ erat in Jericho, et in Ammaum, et in Bethoron, et in Bethel, et Thamnata, et Phara, et Thopœ muris excelsis, et portis, et seris. 51. Et posuit custodiam in eis, ut inimicitias exercearent in Israel. 52. Et munivit civitatem Bethsuram, et Gazaram, et arcem, et posuit in eis auxilia, et apparatum escarum ; 53. et accepit filios principum regionis obsides, et posuit eos in arce in Jerusalem in custodiæ. 54. Et anno centesimo quinquagesimo tertio, mense secundo, præcepit Alcimus destrui muros domus sanctæ interioris, et destrui opera prophetarum : et cœpit destruere. 55. In tempore illo percussus est Alcimus : et impedita sunt opera illius, et occlusum est os ejus, et dissolutus est paralysi, nec ultra potuit loqui verbum, et mandare de domo sua. 56. Et mortuus est Alcimus in tempore illo cum tormento magno. 57. Et vidit Bacchides quoniam mortuus est Alcimus : et reversus est ad regem, et siluit terra annis duobus. 58. Et cogitaverunt omnes iniqui dicentes : Ecce Jonathas, et qui cum eo sunt, in silentio habitant

confidenter; nunc ergo adducamus Bacchidem, et comprehendet eos omnes una nocte. 59. Et abierunt, et consilium ei dederunt. 60. Et surrexit ut veniret cum exercitu multo : et misit occulte epistolas sociis suis, qui erant in Iudea, ut comprehenderent Jonathan, et eos qui cum eo erant; sed non potuerunt, quia innotuit eis consilium eorum. 61. Et apprehendit de viris regionis, qui principes erant malitiæ, quinquaginta viros, et occidit eos : 62. et secessit Jonathas, et Simon, et qui cum eo erant in Bethbessen, quæ est in deserto, et exstruxit diruta ejus, et firmaverunt eam. 63. Et cognovit Bacchides, et congregavit universam multitudinem suam : et his, qui de Iudea erant, denuntiavit. 64. Et venit, et castra posuit desuper Bethbessen : et oppugnavit eam dies multos; et fecit machinas. 65. Et reliquit Jonathas Simonem fratrem suum in civitate, et exiit in regionem, et venit cum numero, 66. et percussit Odaren, et fratres ejus, et filios Phaseron in tabernaculis ipsorum; et cœpit cædere et crescere in virtutibus. 67. Simon vero, et qui cum ipso erant, exierunt de civitate et succenderunt machinas, 68. et pugnaverunt contra Bacchidem, et contritus est ab eis: et afflixerunt eum valde, quoniam consilium ejus, et congressus ejus erat inanis. 69. Et iratus contra viros iniquos, qui ei consilium dederant ut veniret in regionem ipsorum, multos ex eis occidit : ipse autem cogitavit cum reliquis abire in regionem suam. 70. Et cognovit Jonathas, et misit ad eum legatos componere pacem cum ipso, et reddere ei captivitatem. 71. Et libenter accepit, et fecit secundum verba ejus, et juravit se nihil facturum ei mali omnibus diebus vitæ ejus. 72. Et reddidit ei captivitatem, quam prius erat prædatus de terra Juda : et conversus abiit in terram suam, et non apposuit amplius venire in fines ejus. 73. Et cessavit gladius ex Israel : et habitavit Jonathas in Machmas, et cœpit Jonathas ibi judicare populum, et exterminavit impios ex Israel.

Vers. 3. 3. IN MENSE PRIMO (Nisan, id est, Martio) ANNI 152 (Græcorum), APPLICERUNT EXERCITUM (Bacchides et Alcimus: fuisse triginta armatorum milia ait Gorionides, lib. III, cap. XXV,) AD JERUSALEM, — ut eam obsiderent et caperent; sed audientes Judam colligere suos, ut obsidionem solveret, ea relicta, abierunt, ut Iudea occurrerent.

Vers. 4. 4. ET ABIERUNT IN BEREAM VIGINTI MILLIA VIRO RUM, ET DUO MILLIA EQUITUM, — ut cum Juda dimicarent; reliqua enim ex triginta millibus octo millia Bacchides per præsidia distribuit, ita ut contra Judam eduxerit duntaxat viginti duo millia.

Vers. 6. 6. ET MULTI SUBTRAXERUNT SE DE CASTRIS, — nimurum bis mille et ducenti; nam ex tribus millibus cum Juda mansere tantum 800, quos ipse in aciem eduxit contra Bacchidem. Mirum eos immemores opis divinæ toties expertæ, et tot victiarum Judæ, tam turpiter eum deseruisse! sed hæc est hominum infirmitas, inconstantia, infidelitas, quam parit subitus metus et pavor. Præsertim accidente mala furorum, libidinum, aliorumque militarium scelerum conscientia: hæc enim milites facit timidos, ut in ea mori non au deant.

Vers. 7. 7. ET CONFRACTUS EST CORDE, — id est, « ut tæ dio affectus, ait S. Thomas, quia ingentem habebat zelum, nec eum exequi poterat, » uti Christus (cujus Judas fuit typus) in horto cœpit pavere et tædere, Matth. xxvi. Secundo et plenius, q. d. Perculsus et magna animi perturbatione cor

reptus pene concidit : nesciebat enim quid in re bus tam arctis consilii caperet, sed natura naturalique ope, et consilio deficiente erexit animum per solitam in Deo confidentiam, et magnanimitatem, constituens cum paucis configere cum tam numeroso hoste, et gloriose vel vincere, vel mori. Sic Julius Cæsar multos validosque hostes non fugiebat, sed ambiebat, ut in iis virtutem suam bellicam ostenderet, teste S. Augustino, lib. V De Civitate, cap. xiii; sed Julius par cum pari fere numero, Judas vero longe impar cum numerosissimis dimicabat, eosque sternebat.

10. ABSIT ISTAM REM FACERE, UT FUGIAMUS AB EIS; Vers. 10. (generoso enim duci turpe est fugere, et fugiendo victum se fateri, malleque vitam fugiendo con servare, quam pugnando gloriose mori: etsi ergo Judas licite et prudenter potuisset fugere, ac dicere cum Demosthene: « Vir fugiens denuo pugnabit, » tamen præ animi magnitudine, et quia nunquam hucusque fugerat, sed semper pug narat, et pugnando vicerat, fortius et gloriosius esse duxit non fugere, sed pugnare, præsertim quia fidebat Deo, cuius ope cum paucis toties hostes tam numerosos profligarat. Itaque, vel vincere voluit, vel generose mori; ait ergo:) ET SI APPROPIAVIT TEMPUS (occumbendi et moriendi) NOSTRUM (nobis a Deo statutum, et decretum ab æterno,) MORIAMUR IN VIRTUTE, (in fortitudine, nimirum for titer pugnantes, ne inulti, sed magna strage hosti illata pie cadamus) PROPTER FRATRES NOSTROS, pro aris et focis, pro patria, pro religione, pro Dec

dimicantes. Quæ enim gloriosior mors nobis obtingere potest?

ET NON INFERAMUS CRIMEN (notam, labem, decus) **GLORIÆ NOSTRAE**, — ut qui gloriose semper in acie stetimus, fronteque adamantina hosti resistimus, nunc timidi fugiendo ei terga obvertamus, ut ab eo insequente quasi oves fugientes ignavi cædamur et mactemur. Gloriam ergo hic non hominum vanam et inanem, sed Dei veram et solidam Judas captavit: decrevit enim pro Dei religione pugnare et vincere, vel mori. Ita S. Ambrosius, lib. I Offic. cap. xli: « Judas, ait, cum nongentis (Noster et Septuaginta habent octingentis) viris bellum adorsus, volentibus his cedere, ne multitudine opprimerentur, gloriosem magis mortem, quam turpem fugam suasit: Ne crimen nostræ relinquamus gloriae. Itaque commisso prælio, cum a prime diei ortu in vesperam dimicaretur, dextrum cornu, in quo validissimam manum advertit hostium, agressus facile avertit. Sed dum fugientes sequitur a tergo vulneri locum præbuit, ita gloriosem triumphis mortem invenit. »

Sic S. Antonius solus dæmonum plurimorum conflictum non fugiebat, sed omnes ad duelum provocabat, malens ab eis occidi, quam fugere. Nam cum ab eis cæsus fuisse usque ad mortem, a suis semimortuus domum relatus, jussit se ad locum palæstræ reportari, ibique dæmones provocans: « Ecce, inquit, ego hic sum Antonius, non fugio vestra certamina, etiamsi majora faciat, nullus me separabit a charitate Christi, psallebatque dicens: Si consistant adversum me castra, non timebit cor meum, quia Dominus illuminatio mea et salus mea, quem timebo? Dominus protector vitæ meæ, a quo trepidabo? Dominus mihi adjutor, et ego exultabo super inimicos meos. » Ita S. Athanasius in ejus vita.

Sic Judas hic instar leonis, qui nunquam fugit, quanticumque hostes eum invadant, fugere non luit, sed cum paucis plurimos invasit, et supervavit.

Vers. 15. 15. ET CONTRITA EST DEXTERA PARS AB EIS, ET PERSECUTUS EST EOS. — Victor ergo in hoc prælio exstitit Judas eo gloriose, quo cum paucis tam multos stravit.

In hac pugna error commisus est, quod cœteri milites Judæ non se opposuerint sinistro cornu Bacchidis, illudque præliando, vel potius prælium simulando distinuerint, ne Judam et cœteros a tergo sequeretur et cæderet. Hæc enim fuit causa cædis Judæ et fugæ sociorum. Unde Vegetius, lib. III, cap. xx, hunc modum, quo pauci multos vincere possint, prescribit: « Cum instructæ acies ad congressum veniunt, tune tu sinistram alam tuam a dextra adversarii longius separabis, ne vel missilia ad eam, vel sagittæ perveniant. Dextram autem alam tuam sinistræ alæ illius junge, et ibi primum inchoa prælium: ita

ut cum equitibus optimis, et probatissimis pedibus sinistram partem illius, ad quam te junxeris, aggrediaris, atque circumeas, et detrudendo atque supercurrendo ad hostium terga pervenias. Quod si semel adversarios exinde pellere cœperis, accedentibus tuis indubitatem victoriam consequeris, et pars exercitus tui, quam ab hoste submoveris, secura durabit. »

17. ET JUDAS CECIDIT, — non tam ex vulneribus **Vers. 18.** quam expugnandi cœdendique labore et lassitudine, ait Gorionides. Idem asserit Josephus, quem audi: « Id conspicati, qui sinistrum » cornu tenebant, a tergo adorti Judam circumveniunt: qui videns nullum superesse effugium, urgenter circumquaque hostibus, in vestigio cum suis constitit, et cæsis hostium plurimis, lassitudine magis quam vulneribus confectus, cecidit non inultus. Quo prostrato, non habentes amplius quem sequerentur milites orbati tanto imperatore, tum demum in fugam effusi sunt. Ita victoria Bacchidi cessit: non cruenta solum, sed etiam pudenda cum 22 millibus, octingenti viri non solum totum diem restiterint, sed robur ipsum exercitus contriverint, fuderint, fugarint, et cæsum ducem suum incolumes e prælio sui fratres abstulerint.

Allegorice Judas heros fuit typus Christi, qui in cruce cadens et moriens vicit ipsam mortem, peccata, diabolum et infernum, omnesque hostes fortissime debellavit.

Judæ fortitudinem imitati sunt primi Gentilium duces. Leonidas Spartanus cum trecentis Xerxi ducenti in aciem undecies centena militum milia ad Thermopylas se opponens, vincendo occubere maluit, quam fugiendo vitam servare; unde ad suos conversus sic ait: « Prandete, comilitones, tanquam apud inferos cœnaturi. » Ita Valerius Maximus, lib. IV, cap. vii.

Plutarchus in *Laconicis* sequentia affert. Idem Leonidas, ab Eporis rogatus num quid aliud facere statuisset, respondit: « Nihil aliud ago, quam verbotenus barbarorum transitum impediturus, sed revera pro Græcis moriturus. » Idem cum aruspex diceret ex extis exercitui portendi victoriæ, sed duci mortem, lætus navalem pugnam agressus vincendo occubuit, suaque morte patriæ victoriam peperit. Idem fecit Codrus rex Atheniensium mutato habitu hostem lacessens, a quo occisus Atheniensibus victoriæ sua morte juxta oraculum sancivit. Rursum Leonidas, rogatus cur fortis viri gloriosem mortem ingloriæ vitæ anteponant, respondit: « Quoniam alterum naturæ proprium, alterum peculiariter suum esse ducunt. Nam naturæ beneficio vivunt et ignavissimi, ac honeste mori non contingit, nisi virtute præditis, et fortibus. Fugere enim ignominiosum est et duci et patriæ contra manentem, aut mori, aut vincere utriusque honestissimum. »

Lacedæmonii, ait Plutarchus, juventutem nil aliud docebant, quam ut magistratui obtemperantes, omniaque contemnentes vitæ pericula,

aut in prælio vincerent, aut fortiter caderent.

Agesilaus, rogatus qua ratione duci pararetur gloria, respondit : « Si mortem contempserit, » nihil enim magnum geri potest ab eo qui vitæ suæ metuit et consulit.

Bias ab Iphicrate circumcessus, rogatus quid eo articulo faciendum foret, respondit : « Quid aliud, ait, nisi ut vos servemini, ego pugnando moriar? »

Lacæna clypeum imponens filio : « Fili, inquit, aut hunc, aut super hunc, » q. d. Sic rem gere in prælio, ut aut victor clypeum reportes, aut mortuus in eo domum reporteris.

Pelopydas iturus ad conflictum, cum uxor obsecraret ut vitæ suæ caveret, ait hoc dicendum esse privato, non duci. Ducis enim est pro patria fortiter pugnando occumbere. Hæc omnia Plutarchus *in Lacon.*

Epaminondas, ait Valerius Maximus, lib. III, cap. II, in prælio, « apud Leudram trajectus hasta, sanguine et spiritu deficiens, recreare se conantes, primum an clypeus suus salvus esset; deinde, an fusi hostes penitus forent, interrogavit. Quæ postquam ex animi sententia comperit : Non finis, inquit, commilitones, meæ vitæ, sed melius et altius initium advenit. Nunc enim vester Epaminondas nascitur, quia sic moritur. Thebas ductu et auspiciis meis caput Græciæ factas video, et fortis et animosa civitas Spartana jacet armis nostris abjecta, amara dominatione Græcia liberata est, orbus quoque non tantum sine liberis morior : quoniam mirificas filias Leuctram et Mantineam relinquo. E corpore deindo suo hastam educi jussit, eoque vulnere expiravit. Quod si eum Dii immortales victoriis suis perfrui passi essent, sospes gloriosior patriæ mœnia non intrasset. »

Hæc duces mundi : quid nunc faciat dux, et miles Christi non pro vana caducaque, ut illi, sed pro vera sempiternaque gloria dimicans et decertans?

ET CÆTERI FUGERUNT, — sicut fugiunt milites, cæso duce, et oves cæso pastore, et sicut Apostoli fugerunt, Christo crucifixo, cuius typus hic fuit Judas : in eo enim consistebat totum robur Israelis.

Quæres : Unde tanta clades Judæ et Judeorum tam fortium et invincibilium? Respondeo. Prima causa fuit militum metus et perfidia, quod bis mille et ducenti Judam ducem suum deseruerunt, et cum eo remanserunt tantum 800 qui humanis viribus non poterant diu resistere 22 millibus hostium. Adde militum rapinas, stupra aliaque sceleræ quæ Deus punire voluit.

Secunda causa fuit humana infirmitas et inconstantia, per quam fit ut etiam strenuissimi et peritissimi artis suæ in ea aliquando aberrent : ut ergo impossibile est ut sagittarius sagittandi peritissimus, adeo ut semper fere sagitta scopum configat, quin semel a scopo aberret, si sæpius v. g. centies in eum sagittet; sic impossibile est ut du-

ces et milites bellicosissimi ita semper pugnent et vincant, ut nunquam vincantur. Hinc sicut peritissimi natatores pereunt natando, sic optimi duces et milites pereunt pugnando.

Tertia, quod prælum sit res periculosissima ; volant enim tela et sagittæ hostium per aerem instar grandinis : quare nunc hunc, nunc illum tangunt, et occidunt. Nam ut ait Eccli. cap. III, vers. 27 : « Qui amat periculum in illo peribit; » et ut aiebat David de cæso Uria in prælio : « Nunc hunc, nunc illum consumit gladius, » II Reg. XI, 29. Novi in Belgio ducem audacissimum, cuius hoc erat axioma, generosum militem non posse diu vivere; quia cum se audacter assiduis exponat vitæ periculis, vix posse evadere, quin cito iictu aliquo lethali perimatur. Unde et Poeta :

Turpe senex miles : turpe senilis amor.

Deus enim permittit causas secundas suo cursui : et esto suos sæpe protegat, tamen tandem permittit eos cursui naturæ, præsertim quia omnibus semel moriendum est. Permittit ergo quemque mori in suo opere et exercitio, ut militem in bello, agricolam in agricultura, fabrum in fabricando, doctorem in studio, etc. Sic plerosque martyres Deus ab igne, leonibus, aquis, etc., servavit illatos; sed tandem permisit eos gladio perimi, ut martyrii laurea eos coronaret.

Quarta fuit quod Judas, suorum fuga se videns desertum, consternatus noluerit fugere, ut prudenter facere poterat, sed ex animi magnanimitate maluerit pugnando occumbere. Hoc enim duci decorum est, adeoque hæc mors ei est gloria : unde generosi milites non aliam optant mortem, quam mori præliando. Fuit ergo hæc mors Judæ gloria, utpote quam obiit in pugna, qua cum paucis hostium plurimorum dextrum cornu confregit, totque eorum millia cecidit, et fugientes insecurus vulnus lethale a tergo accepit, victorque occubuit. Quare mors hæc Judæ fuit instar triumphi, et tot victoriarum trophæi, ut fuit Samsoni, Jonathæ, Josiæ, cæterisque herobus, ait Serarius. Addunt Thalmudici : « In hoc sacro bello, plerique, dum viverent, filii erant diaboli et peccati. At post mortem, Dei filii, martyrio eorum peccata expiante; » et adjungit *in Psal. LXXVIII.* Genebrardus : « Audis quanta sit vis belli sacri contra Turcas et hæreticos, ut parum probos, sanctos et martyres efficiat : ubi vinci salutare, vincere gloriosum. » Commodo tamen hoc intelligendum docent, quæ imperatori Phocæ volenti, ut militibus omnibus contra fidei hostes cadentibus, martyrum nomen honosque impenderetur; ab Antistitibus responsa facere, ut quidem scribit *in Can. XIII* Balsamon, et Baronius tom. VIII *Annal.* anno Domini 610. Ita Serarius.

Quinta, quod Judas confractus animo, cum in tantis angustiis se constitutum videret, expresse non configuerit ad Deum, nec ejus opem implorarit, uti facere solebat, sed totum se et suos

ad confictum instantem et urgentem comparabit. Esto enim implicite, et virtualiter omnem suam fiduciam in Deo collocaret, tamen explicite et formaliter Deum non obsecravit: quare Deus eum sibi et naturæ permisit, juxta quam solus tot hostibus succubuit. Hinc disce homines in arctis constitutos ita angustiis suis sæpe absorberi, ut de Deo invocando non cogitent; quod tamen tunc maxime facere deberent, cum a nullo alio, nisi a Deo iis eripi possint. Quare Judæ exemplo sapiamus, ut in magnis periculis, vel temptationibus constituti illico Dei gratiam, opemque suppliciter magna cum fiducia imploremus; sic enim eam impetrabimus, et per eam salvabimur.

Sexta, Deus hoc casu voluit humiliare Judam, ne in suis viribus et victoriis superbiret. Sic Deus permittit viros sanctos in aliqua minora peccata labi, ut graviora, præsertim vanae gloriæ et superbiæ, effugiant.

Septima, Deus Judæ et cæteris ostendere volunt omnia in hoc mundo esse vana, fragilia et caduca, eumque ab iis per mortem transferre ad veram vitam, et beatam immortalitatem: ad hanc enim dicit mors, quasi via, illaque sæpe in speciem misera, abjecta, et ut hominibus videtur tantis viris indigna. Sic principes Apostolorum S. Petrum et Paulum permisit Deus a Nerone indigne occidi, ut per hoc majorem in celis patientiæ coronam accipere mererentur. Sic Jordannem, qui S. Dominico in generalatu ordinis Prædicatorum successit, permisit in mari submergi, cumque nonnulli indolerent, et pene murmurarent, quod vir tam sanctus tam vilem mortem subiisset, ipse nonnullis apparens eos reprehendit, asserens se per illam mortem ab omnibus culpis nævisque expiatum transiisse ad beatam immortalitatem. Justus enim, quacumque morte præoccupatus fuerit, in refrigerio erit, quia in justitia sua Deique gratia moritur. Sic S. Franciscus Xaverius, moliens Sinarum conversionem in ipso eorum aditu in extrema rerum omnium inopia desertus ab omnibus, miseram, ut hominibus videbatur, sed viro Apostolico dignam mortem obiit.

Aliam causam dat Rupertus, lib. X *De victor. verbi Dei* cap. ult. Petrus Blesensis, *Epist. CXLVI*, Emmanuel Sa et nonnulli alii, nimirum displacuisse Deo fœdus a Juda et Jonatha initum cum Romanis, quod non satis confisi sint soli Deo, ideoque post hoc fœdus omnia eis infeliciter cessisse, eosque cito occubuisse. Verum superius ostendi hoc fœdus prudenter ab eis fuisse initum; sic enim fidendum est Deo, ut humana adminicula non negligantur: ita Serarius sub finem libri, *Quæst. XXIII.*

Porro Judas sex duntaxat annis dux præfuit Israeli, quibus tot tantaque gessit, quanta vix ulli gesserunt, qui 50 annis Republicæ præfuerunt. Ducatum enim init anno 146 Græcorum, quo mortuus est pater ejus Mathathias, I Machab. II,

70; occubuit vero anno 152 Græcorum, ut patet hoc cap. III, qui fuit Demetrii regis Syriæ annus secundus, Ptolemæi Philometoris regis Ægypti vigesimus, ante Christi ortum annus 159. Ita Salianus et alii.

22. ET CÆTERA VERBA (id est gesta et facta verbis *Vers. 23* et historiis exprimenda) BELLORUM JUDÆ ET VIR-TUTUM (Græce ἀνδραγαθῶν, id est virilium operum, sive heroicorum facinorum) QUAS FECIT, ET MAGNITU-DINIS EJUS NON SUNT DESCRIPTA: MULTA ENIM ERANT VALDE, — *q. d.* Pauca e multis Judæ heroicæ gesta recensui, ut ex ungue agnoscas leonem: longe enim plura gessit, quæ nimis longum foret enarrare. Hinc patet incomparabilem belli ducem fuisse Judam, quo nullus fuerit superior, *vix* ullus æqualis et par; nullus enim cum tam paucis tantas hostium copias toties superavit, et prostravit; nullus pro patria, pro fide, pro templo, pro Dei cultu usque ad mortem per omnem vitam ita desudavit, ita præliatus est, ac tandem pugnando occubuit, ut Judas. Quare non dubium eum Sanctorum Ducum (si non martyrum, quod tamen nonnulli volunt) catalogo a Deo inscriptum, meritis per tot facinora coronis in cœlo decorari, etsi nomen ejus martyrologiis Christianorum inscriptum non legamus. Historia tamen scholastica, et Petrus de Natalibus Episcopus Esquilinus Judam vocant Sanctum, eumque catalogo Sanctorum adscribunt mense octobri. Vide eum lib. IX *Catalogi Sanctorum*, cap. II, ubi fuse Judæ, quasi sancti viri, vitam enarrat, ac cap. seq. fratrum ejus Jonathæ et Simonis, æque ac patris Mathathie, quos omnes sanctos nuncupat, virtutesque heroicas eorum, quasi Sanctorum recenset.

23. POST OBITUM JUDÆ EMERSERUNT INQUI, — *q. d. Vers. 23* apostatae, qui eo vivo hiscere non audebant, eo mortuo erexerunt cornua, ut regis Demetrii Gen-tilismum et idololatriam in Israelem inducerent. Hi ergo urserunt Judæos, ut se dederent Bacchidi duci Demetrii præsertim, quia ut sequitur:

24. IN DIEBUS ILLIS FACTA EST FAMES MAGNA VALDE, *Vers. 23* — tum ex Dei apostatas castigantis vindicta, tum quod Bacchides frumenta, vel absumpserat, vel perdiderat: hisce de causis TRADIDIT SE BACCHIDI OMNIS REGIO EORUM, — exceptis Jonatha et Simone, eorumque asseclis, quorum electione et rogatu.

31. SUSCEPIT JONATHAS IN TEMPORE ILLO PRINCI-PATUM, — tam civilem quam sacrum, puta tam Ducatum, quam Pontificatum.

33. ET FUGERUNT (quia pauci erant, nec tot hos-tibus et apostatis resistere poterant) IN DESERTUM THECUE, — ex qua prodiit mulier illa Thecuitis, quæ Absalonem Davidi reconciliavit, lib. II *Re-gum. XIV. 2.*

35. ET JONATHAS MISIT FRATREM SUUM (Joannem, *Vers. 23* de quo cap. II, 2, ducem populi a Jonatha crea-tum, ut ejus foret vicarius et belli dux:) ET RO-GAVIT NABUTHÆOS (incolas urbis Nabo nobilis et præclaræ, sitæ in tribu Ruben, *Numer. XXXII, 38.*) AMICOS SUOS, UT COMMODARENT ILLIS APPARATUM

SUUM — armorum et machinarum bellicarum ; quo carebat Jonathas et Judæi, qui pene inermes profugerant in desertum Thecue, ut dictum est vers. 33.

Vers. 36. 36. ET EXIERUNT FILII JAMBRI EX MADABA, — fuentes Bacchidi potius quam Jonathæ. Madaba erat in tribu Ruben non longe a Nabo, et Nabothæis. Audi Adrichomium : « Madaba, vel Madeba Hebraice idem est quod aquæ doloris, vel manantes, primaria quondam Ammonitarum urbs, sita in planicie, cui et nomen dedit postea Amorrhœorum, quia eam jure belli abstulerant, et muris cinxerant. Habet in circuitu montes, paludes et saltus. Hujus cives cum Joannem Machabæum interfecissent, in ejus ultionem multi eorum, a Jonatha occisi sunt. Quam postea Hyrcanus non sine labore, sexto demum mense cepit; permanuit usque ætatem Hieronymi, antiquum nomen retinens. »

COMPREHENDERUNT JOANNEM, — spoliaverunt et occiderunt; sed ejus necem egregie ultus est Jonathas, ut sequitur vers. 47.

Vers. 41. 41. ET CONVERSÆ SUNT NUPTIÆ IN LUCTUM, — cæso sponso cum asseclis, ac cæteris spoliatis. Sic sæpe in hoc mundo plausus vertitur in planctum, cantus in lamentum, et extrema gaudii luctus occupat. Qui sapit ergo, mundum contemnat, et cœlum ambiat.

Vers. 43. 43. IN VIRTUTE MAGNA, — id est, cum exercitu magno et valido; hunc enim significat δύναμις, id est virtus, robur, potentia, fortitudo.

Vers. 44. 44. SURGAMUS ET PUGNEMUS CONTRA INIMICOS NOSTROS : NON EST ENIM HODIE SICUT HERI ET NUDIUS TERTIUS, — ut possimus libere abire, vel pugnam declinare, vel fuga elabi. Sumus enim hostibus numerosis vicini, et ab eis pene cingimur; nam alia ex parte Jordane, paludibus et saltibus in viis concludimur, ut effugere nequeamus; quare necesse est cum Bacchide configere. Faciamus ergo ex inevitabili necessitate virtutem, et acerrime non tam pro vita, quam pro patria, templo et Deo dimicemus, ut vincamus, vel pugnando moriamur, ut fecit Judas frater meus, vers. 9. Hunc esse sensum liquet ex eo quod subdit :

Vers. 45. 45. ECCE ENIM BELLUM EX ADVERSO (a Bacchide instanti nobis imminet), AQUA VERO JORDANIS HINC ET INDE NOS — cingit et transitu prohibet. Acer hic est militi stimulus ad pugnandum, quem duces ei proponunt, ut generose pugnet cum aut vincere debet, aut mori. Simili modo Annibal, teste Livio lib. XXI : « Dextra lævaque duo maria claudunt, nullam ne ad effugium quidem navem habemus, etc., hic vobis vincendum aut moriendum, milites, est. » Idem lib. XXII, de Romanis in angustum redactis : « Ab lateribus montes et lacus; a fronte et a tergo hostium acies claudebat, apparuitque nullam nisi in dextra ferroque salutis spem esse. »

Vers. 47. 47. ET EXTENDIT JONATHAS MANUM SUAM PERCUTERE (ut occideret) BACCHIDEM, ET DIVERTIT AB EO

RETRO, — q. d. Bacchides vertendo se et retrorsum resilendo ictum Jonathæ declinavit.

48. ET DISSILIIT (Græca et Latina nonnulla manuscripta ac Hugo habent desiluit) JONATHAS ET QUI CUM EO ERANT IN JORDANEM, ET TRANSNATARUNT AD EOS JORDANEM, — q. d. Jonathas cum vim hostium repressisset, cæsis mille viris, ipsoque pene duce Bacchide, videretque se cum tam paucis in male armatis diu cum tot millibus hostium armatissimis configere non posse, habuit tempus toto se curti suis subducendi. Nam insiliit in Jordanem, eumque vestitus et armatus natando transmisit; nec hostes, utpote ab eo cæsi, regrescique eum insequi, aut transitum Jordanis impedire sunt ausi. Itaque Jonathas et Judæi secure « tranaverunt ad eos, » puta ad suos, qui paulo ante Jordanem transierant. « Tranaverunt, » inquam, « Jordanem; » unde Græca clarius et pleniū habent : Et insiliit Jonathas et qui cum eo erant Judæorum et transnataverunt in ulteriore ripam, et non transierunt (hostes, scilicet, Bacchidis milites) ad eos Jordanem. Et Josephus : « Cum, inquit, Bacchides caute ictum Jonathæ declinasset, Jonathas cum suis desilentes commiserunt se flumini, et in oppositam ripam enataverunt, hostibus non ausis tracicere. » Hinc Salianus suspicatur in Vulgata esse mendum, et pro « tranaverunt ad eos, » legendum « non tranaverunt ad eos; » q. d. Hostes non ausi sunt tranare Jordanem, sequique Jonatham et Judæos, qui eum tranarant, ne ab eis interimerentur, vel aquis suffocarentur. Sed omnia exemplaria latina legunt affirmative « tranaverunt ad eos, » juxta sensum initio dictum. Ita Sanchez.

49. ET CECIDERUNT DE PARTE BACCHIDIS DIEILLA MILLE VIRI. — Josephus auget more suo numeratque bis mille.

ET REVERSI SUNT IN JERUSALEM, — non Jonathas, sed Bacchides cum suis copiis. Hic enim tenebat urbem Jerusalem, imo arcem Sion, totamque fere Judæam. Ita Josephus, Salianus, Sanchez et alii idque patet ex sequentibus.

50. ET EDIFICAVERUNT (Bacchides, ejusque asseclæ missi a rege Demetrio ad occupandam Judæam) CIVITATES MUNITAS IN JUDEA, — ut per eas reliquam Judæam sibi subjectam detinerent, ne Jonathas superveniens ex ea ipsos expelleret.

51. ET POSUIT CUSTODIAM IN EIS. — Custodiam vocat præsidium militum, quos Bacchides in urbibus jam dictis collocavit, ut eas contra Jonathæ irruptiones custodirent et propugnarent.

52. ET POSUIT IN EIS AUXILIA (scilicet, præsidia militum jam dicta) ET APPARATUM ESCARUM, — hoc est annonam copiosam, ut obsidionem Jonathæ se absente diu sustinere possent, ne pressi fame cogerentur ditionem facere.

53. ET ACCEPIT (Bacchides) FILIOS PRINCIPUM REGIONIS OBSIDES, — ne Principes, sive primores Judææ sibi rebellarent, et cum Jonatha conspirarent, ideoque eorum filios, quasi obsides conclu-

sit in arce Sion, ut ibi custodirentur, ne ad suos profugerent.

54. ET ANNO 153 (Græcorum) MENSE SECUNDO PRÆCEPIT ALCIMUS, (Pseudo Pontifex ac scelestus apostata et proditor, qui Demetrium regem excitarat, ut Bacchidem contra Judam Machabæum, ejusque fratres mitteret, sibique Pontificatum excluso Juda conferret, cap. vii, 1 et seq.) **DESTRUI MUROS DOMUS SANCTÆ INTERIORIS,** — ut se Pontificem et templi dominum sese ostenderet. Græce: *Jussit dirui murum aulæ sanctorum interioris.* Nonnulli murum hunc accipiunt eum, quem Judas Machabæus, cap. iv, 60, templo obtendit ad ejus custodiā, ne in illud irruerent Demetriani occupantes arcem vicinam Sion. Verum hic murus erat aulæ exterioris, non interioris, nec erat opus prophetarum, ut sequitur, sed Judæ Machabæi. Quare murus hic intelligendus est templi, puta Sancti, et Sancti Sanctorum; vel potius atrii sacerdotum, templo sive Sancto adjacentis. Hoc enim atrium dicitur aula, sive domus interior respectu atrii laicorum, quod dicebatur aula, sive domus exterior. Nam inter utrumque hoc atrium interjectus erat murus altitudinis trium cubitorum, quem Josephus Gypsum vocat, ut sacerdotes a laicis distinaret, ne laici ad atrium sacerdotum, et altare holocaustorum, quod in eo erat, accedere possent. Alcimus ergo murum hunc intermedium cœpit destruere, tum ut sacerdotes et sacrificia profanaret, tum ut laici et gentiles ad altare holocaustorum accedere possent, in eoque æque ac sacerdotes sacrificare. Ita Salianus, Sanchez et alii.

ET DESTRUI OPERA PROPHETARUM, — nimirum murum atrii sacerdotum jam dictum: hunc enim æque ac reliquum templum jussu Dei exstrui jussérunt prophetæ Aggæus et Zacharias, qui et suis oraculis urgebant populum assidue ad inchoatam templi fabricam prosequendam et perficiendam, ita ut templum, operaque facta in templo ad ejus ornatum dici possint, debeantque horum prophetarum pariter, ac Ezechieli, qui et cap. xl templi fabricandi idéam descriptis, ut juxta eam ædificarent. Forte etiam peculiaria quædam fuere in atrio hoc monumenta horum, et aliorum prophetarum, quibus significaretur, tum eorum sanctitas et prophetia, tum eos fabricæ templi fuisse auctores et promotores.

55. IN TEMPORE ILLO (cum scilicet sacrilegas manus immitteret in muri sacri jam dicti demolitionem) **PERCUSSUS EST** (a Deo templi sui tutore, et sacrilegii vindice) **ALCIMUS** (sacrilegus), **ET IMPEDITA SUNT OPERA ILLIUS** (in demoliendo atrii templi muro), **ET OCCLUSUM EST OS EJUS** (blasphemum quo murum hunc, quasi Pontifex dirui præcepérat), **ET DISSOLUTUS EST PARALYSI**, NEC ULTRA POTUIT LOQUI VERBUM ET MANDARE DE DOMO SUA, — q. d. Non potuit condere testamentum, nec de rebus domus suæ disponere, qui inique de domo Dei disposuerat, illamque diruere voluerat. Justa er-

go et congrua sceleri et sacrilegio Alcimi a Deo inficta est hæc poena. Scelestus hic Judeus et apostata, ut Demetrio et Græcis placeret, pro Hebræo Joacim, quod ei erat proprium, Græcum nomen vicinum assumpsit, seque vocavit Alcimum, Græce ἄλκιμον, id est fortis, validum, strenuum, ferocem, ut Demetrius eo quasi duce ad debellandum Judam et Jonatham uteretur, qui et revera ipso usus est; sed Deus sacrilegum mox castigavit, eumque paralysi dissolvit; itaque debilitavit et prostravit, ut ne verbum quidem eloqui posset, nimirum:

Sequitur superbos ulti a tergo Deus,

ut ἀλκιμόν, id est robustum faciat, ἀλγετόν, id est molestissimum, tristissimum, doloribus et cruciatibus confectum.

**56. ET MORTUUS EST ALCIMUS IN TEMPORE ILLO CUM VERS. 55
TORMENTO MAGNO,** — nimirum anno 153 Græcorum, ut dictum est vers. 56, qui fuit annus secundus ducatus Jonathæ. Quare errat Josephus, dum scribit Alcimo morienti in Pontificatu successisse Judam Machabæum. Nam Judas jam anno precedenti, puta 152 Græcorum, ut dictum est cap. ix, 3 et seqq. occubuerat. Modico ergo tempore sua impietate et pseudo-Pontificatu gavisus est Alcimus, scilicet, per biennium duntaxat. Nam eum init anno 151 Græcorum, ut dictum est cap. vii, 1 et 5; finiit vero 153 Græcorum, mense secundo, ut hic dicitur. Tam breve est gaudium impiorum, tam brevis impietas, cui mox succedit longissima gehennæ æternitas.

57. ET SILUIT TERRA (quievit Judæa a bellis et VERS. 55
infestatione Bacchidis) **ANNIS DUOBUS**, quibus Jonathas se suosque erexit et armavit.

58. ET COGITAVERUNT OMNES INQUI, — Judei apostatæ, et Jonathæ æmulis, ac inimici et proditoris, qui vocarunt secreto Bacchidem, ut Jonatham nihil cogitantem mali, noctu caperet et opprimeret, sed frustra: Deo enim dirigente, innotuit Jonathæ eorum proditio.

61. ET APPREHENDIT (non Bacchides, ut vult Josephus, sed Jonathas suos proditores) **DE VIRIS REGIONIS, QUI ERANT PRINCIPES MALITIÆ** (prodigionis) **50 VIROS ET OCCIDIT EOS.**

**62. ET SECESSIT JONATHAS ET SIMON ET QUI CUM EO VERS. 55
ERANT IN BETHBESSEN, QUÆ ERAT IN DESERTO: ET EXSTRUxit DIRUTA EJUS, ET FIRMAVERUNT EAM.** — Jonathas fraude apostatarum et proditorum, ac validis copiis Bacchidis tota Judæa exclusus, cum fratre Simone, et paucis asseclis, secessit in urbem Bethbessen sitam in deserto Jericho in tribu Benjamin, non longe a Jordane, eamque munivit, ut in ea se suosque contra Bacchidem defenseret. Audivit id Bacchides, et collectis omnibus copiis Bethbessen obsedit, ut Jonatham cum omnibus suis ibidem collectis opprimeret, itaque bellum omne finiret. Quid ad hæc Jonathas et Simon?

63. ET RELIQUIT JONATHAS SIMONEM FRATREM SUUM VERS. 55

IN CIVITATE (ut eam contra Bacchidem propugnaret), **ET EXIIT IN REGIONEM** (vicinam colligere milites), **ET VENIT CUM NUMERO,** — cum numero ex exercitu.

Vers. 66. **66. ET PERCUSSIT ODAREN.** — Erat hic unus ex amicis et ducibus Bacchidis. Aliqui, pro « Odaren » legentes « Oduren », censem hoc nomen non esse proprium, sed appellativum, ut significet obsessorem viarum, sive prædonem et latronem; hunc enim significat Græcum ὁδούρης.

ET COEPIT CÆDERE (socios et amicos Bacchidis sparsos per campestria, ibique in tabernaculis se-cure degentes, ex opinato eos invadens) **ET CRES-CERE IN VIRTUTIBUS.** — Græce ἐν δυνάμεσι, id est in exercitibus, q. d. Jonathas collecta manu invasit Odaren cum suis, aliasque socios Bacchidis cecidit; inde pluribus ad se concurrentibus, auctisque copiis æque ac animis, invasit ipsa castra Bacchidis, quæ Bethbessen obsidebant, dato signo Simoni fratri, ut ex urbe erumpens hostes ob-sidentes a fronte invaderet, quos ipse a tergo invadet, ita factum ut hostes utrimque invasi tanta vi utrobique ab utroque cæderentur, itaque Si-mon machinas eorum, quibus urbem impetebant, combureret, ut sequitur. Ita Josephus, lib. XIII, cap. i, quem audi: « Relicto ad oppidi tutelam Si-mone fratre, clam egressus Jonathas, et collectis in vicina regione suæ factionis hominibus, noctu in Bacchidis castra irruit, et multis trucidatis, effecit ut frater adventum cognosceret. Quamprimum enim tumultum sensit in castris hostium, eruptione facta incendit eorum machinas, cæde etiam non mediocri edita. » Ita quoque Hugo, Salianus, Sanchez et alii. Addit Gorianides Bacchidem fugisse in desertum, ibique captum a Jonatha, supplicem ei factum jurasse se omnia quæ e Judæa ceperat redditurum; itaque pace firmata liberum dimissum in Syriam ad suos rediisse. Sed nil tale habet Scriptura, imo contrarium indicat, scilicet, Jonatham priorem pacem petuisse a Bacchide, id-

eoque parum æquas Judæis conditiones accepisse, ut patebit vers. 70.

69. **ET MULTOS EX EIS OCCIDIT.** — Bacchides, cæsus a Jonatha, iram vertit in apostatas Judæos, qui eum e Syria in Judæam contra Jonatham evo-carant, promittentes ei securam de ipso, utpote de bello non cogitante, victoriam; quare videns se ab eis in fraudem inductum, et a Jonatha cæsum, eos, quasi mali sui auctores, occidit. Vide hic ut malum consilium consultori sit pessimum, et in ejus jugulum redeat.

IPSE AUTEM COGITAVIT CUM RELIQUIS ABIRE IN RE-GIONEM SUAM. — Hoc unum cogitans, ait Josephus, quomodo ex sua et regis dignitate obsidione fine imposito, exercitum posset sine ignominia reducere Antiochiam ad regem Demetrium, ideoque conditions pacis a Jonatha oblata statim accep-tavit.

70. **ET COGNOVIT JONATHAS, ET MISIT AD EUM LEGA-TOS COMPONERE PACEM, ET REDDERE EI CAPTIVITATEM,** — id est captivos. Hæc enim fuit conditio pacis, ut utrumque captivi commutarentur et redderen-tur. Jonathas prior petiit pacem, quia res ejus et Judæorum erant afflictæ, ideoque nec Jerico lymam quam tenebat Bacchides, nec alias Judææ urbes ab eo petere est ausus.

73. **ET CESSAVIT GLADIUS IN ISRAEL,** — id est ces-savit bellum et prælia, in quibus multi gladio perimuntur, ac de facto multi hic in Israel perempti erant.

ET HABITAVIT JONATHAS IN MACHMAS. — Jonathæ Principis et Pontificis propria sedes erat Jerusa-lem et templum; sed hanc occupantibus Bacchi-dianis, Jonathas sedem sibi elegit in oppido Ma-chmas, quod situm erat in confinio tribuum Ben-jamin et Ephraim, ibique cœpit jus dicere po-pulo, ac apostatas ex Israel exterminare, totam-que Rempublicam Israelis componere, æque ac ibidem fecerat Samuel; judex et princeps, lib. I Reg. VII, 5.

CAPUT DECIMUM.

SYNOPSIS CAPITIS.

Demetrius et Alexander reges consobrini, de regno Asiae inter se dimicantes, magnis promissis ambiunt ami-citiam Jonathæ; sed eam obtinet Alexander, qui Jonathæ Pontificatum confirmat, additque purpuram et coronam auream. Mox, vers. 48, Alexander adjutus a Jonatha, cum Demetrio confligens, eum superat et occidit, indeque uxorem dicit Cleopatram filiam Ptolemaei Philometoris regis Ægypti, ac in nuptiis Jona-tham honorat, ducemque sui Principatus creat. Denique, vers. 67, Demetrius Demetrii occisi filius mittit Apollonium cum exercitu, quem Jonathas profligat, ideoque ab Alexandro dono accipit urbem Accaron, et fibulam auream.

1. Et anno centesimo sexagesimo ascendit Alexander Antiochi filius, qui cognominatus est Nobilis: et occupavit Ptolemaidam; et receperunt eum, et regnavit illic. 2. Et audivit Demetrius rex, et congregavit exercitum copiosum valde, et exivit obviam illi in prælium.

3. Et misit Demetrius epistolam ad Jonatham verbis pacificis, ut magnificaret eum. 4. Dixit enim : Anticipemus facere pacem cum eo, priusquam faciat cum Alexandro adversum nos : 5. recordabitur enim omnium malorum quæ fecimus in eum, et in fratrem ejus et in gentem ejus. 6. Et dedit ei potestatem congregandi exercitum, et fabricare arma, et esse ipsum socium ejus : et obsides, qui erant in arce, jussit tradi ei. 7. Et venit Jonathas in Jerusalem, et legit epistolas in auditu omnis populi, et eorum qui in arce erant. 8. Et timuerunt timore magno, quoniam audierunt quod dedit ei rex potestatem congregandi exercitum. 9. Et traditi sunt Jonathæ obsides, et reddidit eos parentibus suis : 10. et habitavit Jonathas in Jerusalem, et cœpit ædificare et innovare civitatem. 11. Et dixit facientibus opera, ut exstruerent muros, et montem Sion in circuitu lapidibus quadratis ad munitionem : et ita fecerunt. 12. Et fugerunt alienigenæ, qui erant in munitionibus, quas Bacchides ædificaverat, 13. et reliquit unusquisque locum suum, et abiit in terram suam : 14. tantum in Bethsura remanserunt aliqui ex his qui reliquerant legem et præcepta Dei ; erat enim hæc eis ad refugium. 15. Et audivit Alexander rex promissa quæ promisit Demetrius Jonathæ : et narraverunt ei prælia, et virtutes quas ipse fecit, et fratres ejus, et labores quos laboraverunt. 16. Et ait : Numquid inveniemus aliquem virum talem ? et nunc faciemus eum amicum et socium nostrum. 17. Et scripsit epistolam, et misit ei secundum hæc verba, dicens : 18. REX Alexander fratri Jonathæ salutem. 19. Audivimus de te, quod vir potens sis viribus, et aptus es ut sis amicus noster : 20. et nunc constituimus te hodie summum Sacerdotem gentis tuæ; et ut amicus voceris Regis (et misit ei purpuram et coronam auream), et quæ nostra sunt sentias nobiscum, et conserves amicitias ad nos. 21. Et induit se Jonathas stola sancta septimo mense, anno centesimo sexagesimo, in die solemnii scenopegiæ : et congregavit exercitum, et fecit arma copiosa. 22. Et audivit Demetrius verba ista, et contristatus est nimis, et ait : 23. Quid hoc fecimus, quod præoccupavit nos Alexander apprehendere amicitiam Judæorum ad munimentum sui? 24. Scribam et ego illis verba deprecatoria, et dignitates et dona, ut sint mecum in adjutorium. 25. Et scripsit eis in hæc verba : Rex Demetrius genti Judæorum salutem. 26. Quoniam servastis ad nos pactum, et mansistis in amicitia nostra, et non accessistis ad inimicos nostros, audivimus, et gavisi sumus. 27. Et nunc perseverate adhuc conservare ad nos fidem, et retribuemus vobis bona pro his quæ fecistis nobiscum : 28. et remittemus vobis præstationes multas, et dabimus vobis donationes. 29. Et nunc absolvo vos et omnes Judæos a tributis, et pretia salis indulgeo, et coronas remitto, et tertias seminis : 30. et dimidiem partem fructus ligni, quod est portionis meæ, relinquo vobis ex hodierno die, et deinceps, ne accipiatur a terra Juda, et a tribus civitatibus, quæ additæ sunt illi ex Samaria et Galilæa, ex hodierna die et in totum tempus ; 31. et Jerusalem sit sancta et libera cum finibus suis : et decimæ et tributa ipsius sint. 32. Remitto etiam potestatem arcis quæ est in Jerusalem ; et do eam summo Sacerdoti, ut constituat in ea viros quoscumque ipse elegerit, qui custodiant eam. 33. Et omnem animam Judæorum, quæ captivâ est a terra Juda in omni regno meo, relinquo liberam gratis, ut omnes a tributis solvantur, etiam pecorum suorum. 34. Et omnes dies solemnes, et sabbata, et neomeniæ, et dies decreti, et tres dies ante diem solemnum, et tres dies post diem solemnum, sint omnes immunitatis et remissionis omnibus Judæis, qui sunt in regno meo : 35. et nemo habebit potestatem agere aliquid, et movere negotia adversus aliquem illorum, in omni causa. 36. Et adscribantur ex Judæis in exercitu regis ad triginta millia virorum : et dabuntur illis copiae, ut oportet omnibus exercitibus regis, et ex eis ordinabuntur qui sint in munitionibus regis magni : 37. et ex his constituentur super negotia regni, quæ aguntur ex fide, et principes sint ex eis, et ambulent in legibus suis, sicut præcepit rex in terra Juda. 38. Et tres civitates, quæ additæ sunt Judææ ex regione Samariæ, cum Judæa reputentur : ut sint sub uno, et non obedient alii potestati,

nisi summi Sacerdotis. 39. Ptolemaida, et confines ejus quas dedi donum sanctis, qui sunt in Jerusalem, ad necessarios sumptus sanctorum. 40. Et ego do singulis annis quindecim millia siclorum argenti de rationibus regis, quæ me contingunt; 41. et omne quod reliquum fuerit, quod non reddiderant qui super negotia erant annis prioribus, ex hoc dabunt in opera domus. 42. Et super hæc quinque millia siclorum argenti, quæ accipiebant de sanctorum ratione per singulos annos: et hæc ad sacerdotes pertineant, qui ministerio funguntur. 43. Et qui cumque confugerint in templum, quod est Jerosolymis, et in omnibus finibus ejus, obnoxii regi inomni negotio dimittantur, et universa quæ sunt eis in regno meo, libera habeant. 44. Et ad ædificanda vel restauranda opera sanctorum, sumptus dabuntur de ratione regis, 45. et ad exstruendos muros Jerusalem, et communiendo in circuitu, sumptus dabuntur de ratione regis, et ad construendos muros in Judæa. 46. Ut audivit autem Jonathas et populus sermones istos, non crediderunt eis, nec receperunt eos: quia recordati sunt malitiæ magnæ quam fecerat in Israel, et tribulaverat eos valde. 47. Et complacuit eis in Alexandrum, quia ipse fuerat eis princeps sermonum pacis, et ipsi auxilium ferebant omnibus diebus. 48. Et congregavit rex Alexander exercitum magnum, et admovit castra contra Demetrium. 49. Et commiserunt prælium duo reges, et fugit exercitus Demetrii, et insecessus est eum Alexander, et incubuit super eos. 50. Et invaluit prælium nimis, donec occidit sol: et cecidit Demetrius in die illa. 51. Et misit Alexander ad Ptolemæum regem Aegypti legatos secundum hæc verba, dicens: 52. QUONIAM regressus sum in regnum meum, et sedi in sede patrum meorum, et obtinui principatum, et contrivi Demetrium, et possedi regionem nostram, 53. et commisi pugnam cum eo, et contritus est ipse et castra ejus a nobis, et sedimus in sede regni ejus; 54. et nunc statuamus ad invicem amicitiam, et da mihi filiam tuam uxorem; et ego ero gener tuus, et dabo tibi dona et ipsi, digna te. 55. Et respondit rex Ptolemæus, dicens: FELIX dies, in qua reversus es ad terram patrum tuorum, et sedisti in sede regni eorum. 56. Et nunc faciam tibi quod scripsisti; sed occurre mihi Ptolemaidam, ut videamus invicem nos, et spondeam tibi sicut dixisti. 57. Et exivit Ptolemæus de Aegypto, ipse et Cleopatra filia ejus, et venit Ptolemaidam, anno centesimo sexagesimo secundo. 58. Et occurrit ei Alexander rex, et dedit ei Cleopatram filiam suam: et fecit nuptias ejus Ptolemaidæ, sicut reges in magnagloria. 59. Et scripsit rex Alexander Jonathæ, ut veniret obviā sibi. 60. Et abiit cum gloria Ptolemaidam, et occurrit ibi duobus regibus, et dedit illis argentum multum, et aurum, et dona: et invenit gratiam in conspectu eorum. 61. Et convenerunt adversus eum viri pestilentes ex Israel, viri iniqui interpellantes adversus eum: et non intendit ad eos rex. 62. Et jussit spoliari Jonathan vestibus suis, et indui eum purpura, et ita fecerunt. Et collocavit eum rex sedere secum, 63. dixitque principibus suis: Exite cum eo in medium civitatis, et prædictate ut nemo adversus eum interpellet de ullo negotio, nec quisquam ei molestus sit de ulla ratione. 64. Et factum est, ut viderunt qui interpellabant gloriam ejus, quæ prædabatur, et opertum eum purpura, fugerunt omnes: 65. et magnificavit eum rex, et scripsit eum inter primos amicos, et posuit eum ducem, et participem principatus. 66. Et reversus est Jona has in Jerusalem cum pace et lætitia. 67. In anno centesimo sexagesimo quinto, venit Demetrius filius Demetrii a Creta in terram patrum suorum. 68. Et audivit Alexander rex, et contristatus est valde, et reversus est Antiochiam. 69. Et constituit Demetrius rex Apollonium ducem, qui præerat Cælesyriæ: et congregavit exercitum magnum, et accessit ad Jamniam; et misit ad Jonathan summum Sacerdotem, 70. dicens: Tu solus resistis nobis; ego autem factus sum in derisum et in opprobrium, propterea quia tu potestatem adversum nos exerces in montibus. 71. Nunc ergo si confidis in virtutibus tuis, descendere ad nos in campum, et comparemus illic invicem: quia mecum est virtus bellorum. 72. Interroga, et disce quis sum ego, et cæteri qui auxilio sunt mihi, qui et dicunt quia non potest stare pes vester

ante faciem nostram, quia bis in fugam conversi sunt patres tui in terra sua : 73. et nunc quomodo poteris sustinere equitatum et exercitum tantum in campo, ubi non est lapis, neque saxum, neque locus fugiendi ? 74. Ut audivit autem Jonathas sermones Apollonii, motus est animo : et elegit decem millia virorum, et exiit ab Jerusalem, et occurrit ei Simon frater ejus in adjutorium : 75. et applicuerunt castra in Joppen, et exclusit eum a civitate (quia custodia Apollonii Joppe erat) et oppugnavit eam. 76. Et exterriti qui erant in civitate, aperuerunt ei, et obtinuit Jonathas Joppen. 77. Et audivit Apollonius, et admovit tria millia equitum, et exercitum multum. 78. Et abiit Azotum tanquam iter faciens, et statim exiit in campum, eo quod haberet multitudinem equitum, et consideret in eis. Et insecutus est eum Jonathas in Azotum, et commiserunt prælium. 79. Et reliquit Apollonius in castris mille equites post eos occulte. 80. Et cognovit Jonathas quoniam insidiæ sunt post se, et circuierunt castra ejus, et jecerunt jacula in populum a mane usque ad vesperam. 81. Populus autem stabat, sicut præceperat Jonathas : et laboraverunt equi eorum. 82. Et ejecit Simon exercitum suum, et commisit contra legionem : equites enim fatigati erant; et contriti sunt ab eo, et fugerunt. 83. Et qui dispersi sunt per campum, fugerunt in Azotum, et intraverunt in Bethdagon idolum suum, ut ibi se liberarent. 84. Et succedit Jonathas Azotum et civitates, quæ erant in circuitu ejus, et accepit spolia eorum, et templum Dagon : et omnes, qui fugerunt in illud, succedit igni. 85. Et fuerunt qui ceciderunt gladio, cum his qui succensi sunt, fere octo millia virorum. 86. Et movit inde Jonathas castra, et applicuit ea Ascalonem : et exierunt de civitate obviam illi in magna gloria. 87. Et reversus est Jonathas in Jerusalem cum suis habentibus spolia multa. 88. Et factum est, ut audivit Alexander rex sermones istos, addidit adhuc glorificare Jonathan. 89. Et misit ei fibulam auream, sicut consuetudo est dari cognatis regum ; et dedit ei Accaron, et omnes fines ejus, in possessionem.

Vers. 1. 1. ET ANNO 160 ASCENDIT ALEXANDER ANTIOCHI FILIUS, QUI COGNOMINATUS EST (Epiphanes, id est illustris, vel) NOBILIS, ET OCCUPAVIT PTOLEMAIDAM. — Alexander hic cognomento Balles, sive Veles (uti nunc Valesia familia in Gallia est regia), fuit filius Antiochi Epiphanis, ideoque frater Antiochi Eupatoris occisi a Demetrio; quare fratris necem ulturus, ejusque regnum recepturus occupavit Ptolemaidam Phœniciae urbem, quæ nunc Aceon, vel Acee dicitur (1). « Unde errant Justinus, XXXV, Appianus, Florus, Sulpitius et Genebrardus, qui Alexandrum hunc ex plebeia familia oriundum, per mendacium et fraudem se stirpi Antiochi inseruisse scribunt, uti hoc eodem tempore pseudo-Philippus se inseruit stirpi regum Macedonie, ideoque tertium contra Romanos Macedonicum bellum suscitavit, in quo et victus cæsusque est, teste L. Floro et aliis. Nisi dicas eum Antiochi Epiphanis filium quidem fuisse, sed nothum ex Bala concubina genitum, indeque cognominatum Balas, uti ex Eusebio et Appiano docet Salianus. Magis errant Lyranus, Carthusianus et Adrichomius qui hunc Alexandrum faciunt filium Antiochi Eupatoris, cum ejus fuerit frater, filius vero Antiochi Epiphanis, præsertim quia Eupator occisus est anno ætatis duodecimo quo vix generare poterat (2).

(1) Hodie Acre, vel gallice, Saint-Jean d'Acre.

(2) Non satis constat Alexandrum hunc fuisse filium vel

ET RECEPERUNT EUM, — q. d. Incolæ et accolæ Ptolemaidis, exosum habentes Demetrium propter superbiam, luxum et desidiam, Alexandrum ejus consobrinum in regem suscepserunt et coronarunt.

6. ET DEDIT EI POTESTATEM CGNGREGANDI EXERCITUM, — ut eum suis copiis conjungeret, iisque simul junctis debellaret Alexandrum.

8. ET TIMUERUNT TIMORE MAGNO, — q. d. Deme- vers. 8. triani milites, occupantes arcem Sion, timuerunt Jonathan, ne jussu Demetrii exercitum conscriberet et arcem invaderet; non tamen ex arce fugerunt, ut aliqui putant ex vers. 12, sed eam retinuerunt : nam postea eam obsedit Jonathas, ut audiemus cap. xi, vers. 20.

10. ET HABITAVIT JONATHAS IN JERUSALEM, — tum Vers. 10. quia ipse erat summus Pontifex, ac Pontificatu fungi debebat in templo, ideoque residere in Jerusalem; tum quia ipse erat dux et princeps Israëlis, cuius metropolis erat Jerusalem.

18. REX ALEXANDER FRATRI JONATHÆ SALUTEM, — Vers. 18. Jonatham Alexander rex vocat fratrem, quod ejus amicitiam et auxilium ambiret, cuperetque eum

legitimum vel spurium Antiochi Epiphanis, et probabilius putatur eum ex Rhodo vel Cypro et obscura conditione natum, suum genus ementitum fuisse, se filium Antiochi Epiphanis dicendo. Porro Romanorum præsidio fretus, qui eum pro rege habuerunt, Romæ et Ephesi exercitum contra Demetrium congregavit, et Ptolemaidem occupavit.

habere socium , promittens quod eum habiturus esset eo honore et amore , quo frater habet fratre.

Vers. 20. 20. CONSTITUIMUS TE HODIE SUMMUM SACERDOTEM.

— Jonathas, ait Serarius, jam a populo electus et constitutus erat Dux et Pontifex; sed Pontificatum hic ei confirmat Alexander, quasi rex Asiae et Syrie, ad quem proinde jure regnorum politico pertinere videbatur creatio Pontificis, sicut olim Romanii Imperatores sibi arrogabant, et nominabant Romanum Pontificem; sed merito posteriores Pontifices hoc jus imperatoribus ademerunt, ac in clerum, puta in Episcopos et Cardinales transulerunt. Jam enim hoc officium usurparat Antiochus Epiphanes Alexandri pater, qui Jasonem, deinde Menelaum constituerat Pontificem, ac post eum Demetrius rex constituerat Alcimum Pontificem, a cuius morte anno octavo Alexander hic Pontificem creat Jonatham.

ET QUÆ NOSTRA SUNT SENTIAS NOBISCUM, — q. d. Nostræ causæ et parti faveas, non adversæ, ut scilicet me armis copiisque juves, non Demetrium antagonistam meum. Idque fecit Jonathas præferrens Alexandrum Demetrio ob bella et damna Israeli ab eo illata.

Vers. 21. 21. ET INDUIT SE JONATHAS STOLA SANCTA, — scilicet stola tunicaque Pontificali, in qua erat Rationale cum Ephod, Exodi xxviii. Nam hucusque Jonathas, licet Pontifex, Pontificalia non induerat, nec exercuerat, eo quod Jerusalem ab hostibus occuparetur. Jam autem recepta Jerusalem, Pontificalia vestimenta induit, et munia Pontificis exercuit.

26. QUONIAM SERVASTIS AD NOS PACTUM. — Demetrius hic fingit se nescire quod Jonathas et Judæi a se ad Alexandrum æmulum suum defecissent; unde eos quasi fideles amicos compellat,hortaturque ut in fide et amicitia sua persistant, magna, si id fecerint, promittens præmia.

Vers. 28. 18. ET REMITTEMUS VOBIS PRÆSTATIONES (id est exactiones et tributa, quæ mihi præstare solebatis; unde explicans subdit) : **ET NUNC ABSOLVO VOS ET OMNES JUDÆOS A TRIBUTIS.**

Vers. 29. 29. ET PRETIA SALIS INDULGEO, — id est tributa quæ pro sale conficiendo, devehendo, et dividendo mihi pendebatis, vobis condono, quæ utique magna sunt: nam omnes omnino homines indigent sale. Unde Salzburgi Princeps opes suas ingentes ex sale colligit. Id patet ex cap. seq., vers. 35.

ET CORONAS — aureas, ut patet cap. xiii, vers. 37, quas quotannis persolvebatis, remitto.

ET TERTIAM SEMINIS, — id est tertiam partem frumentum, ut habet Josephus, quæ ex semine in terram jacto germinare solent, remitto. Ita Lyranus. Verum cum hoc tributum videatur esse immane, unde cap. xi, vers. 35, decimæ tantum fit mentio, hinc melius Salianus præcise tertiam seminis accepit, ut si quis duodecim tritici modios seminasset, debuisset is in messe quatuor modios tritici

regi persolvere, non autem si collegisset in messe sexaginta modios, debuisset regi solvere viginti; quæ est tertia pars messis, non seminis, ut hic dicitur.

30. ET DIMIDIAM PARTEM FRUCTUS LIGNI, — id est omnium fructuum, qui ex lignis, id est arboribus produci solent, quorum dimidiā partem mihi pendebatis, nunc vobis condono.

31. ET JERUSALEM SIT SANCTA ET LIBERA; (primo, ut ipsa velut urbs sancta populo fideli et sancto, puta Judæis restituatur: quare milites mei, qui sunt in arce Sion, caveant ne eam profanent, imo ex arce excedant, eamque Jonathæ et Judæis tradant, ut patet versu seq.; secundo, ut ipsa velut urbs «sancta» sit libera, gaudeatque plena immunitate et libertate, quali gaudent templa, alia que loca sancta; tertio, ut in ea solus Deus sancte colatur, sanctæque victimæ ei immolentur, quare interdico ne mei milites, aliive idololatræ eam suis idololatricis hostiis ritibusque contaminent; quarto, ut) **DECIMÆ ET TRIBUTA IPSIUS SINT,** — ut scilicet decimæ deinceps non mihi, aut meis, sed templo et sacerdotibus, uti antea ex Dei sanctione fiebat, persolvantur.

32. REMITTO ETIAM POTESTATEM ARCIS; — q. d. dominium arcis in monte Sion, quod obtineo, remitto, illudque resigno, et trado Jonathæ, quasi summo Pontifici. Hoc promisit Demetrius Jonathæ, sed reipsa non præstitit, quia Jonathas foedus inuit cum Alexandro hoste Demetrii.

33. ET OMNEM ANIMAM JUDÆORUM QUÆ CAPTIVA EST, — q. d. Omnes Judæos, qui e Judæa captivi abducti sunt, sparsique per totum regnum meum, liberos dimitti volo, idque gratis et sine lytro, eosdemque absolvo ab omni tributo etiam pecorum suorum.

34. ET OMNES DIES SOLEMNES, ET SABBATA, ET NEO-MENIÆ, ET DIES DECRETI, — qui scilicet non a lege, sed a Judæis ipsis decreti, et deputati sunt ad aliquam festivitatem, uti a Juda decretum fuit festum Encæniorum ob templi purgationem; item festum victoriæ Judith ob cæsum Holofernem, et festum Esther ob cæsum Aman. Ita Salianus, q. d. Sancio et edico ut omnes Judæi, qui sunt in regno meo, libere celebrent sua sabbata, neomenias, et alios dies festos a lege, vel Synagoga statutos et decretos, imo ut tres dies ante, et tres dies post aliquam solemnitatem, Judæis sint dies immunitatis et remissionis, quibus nec in jus vocari, nec ad opera servilia capessenda a quopiam cogi possint, uti explicat versus sequens.

36. ET DABUNTUR ILLIS COPIÆ, — id est copiosa stipendia æque ac annona.

ET EX EIS ORDINABUNTUR, QUI SINT IN MUNITIONIBUS REGIS MAGNI, — scilicet Demetrii, q. d. Tradam Judæis arces meas, ut ipsi quasi mihi fidi eas custodiant. Pro «magni» Græce est magnis, q. d. magnas et primarias arces meas credam Judæis.

37. ET EX EIS CONSTITUENTUR SUPER NEGOTIA REGNI, QUÆ CONSTITUUNTUR EX FIDE, — id est quæ sum-

mam fidem, summumque silentium et secretum
requirunt.

ET PRINCIPES SINT EX EIS (qui tam provincias,
quam exercitus meos gubernent), ET AMBULENT
IN LEGIBUS SUIS, — ut juxta eas Judæos vivant in
regno meo, sicut vivunt in Judea.

Vers. 39. 39. PTOLEMAIDA (civitatem, quam invasit Alexander, meus consobrinus, et æmulus) ET CONFINES
EJUS, QUAS DEDÌ DONUM SANCTIS, QUI SUNT IN JERUSALEM, — puta sancto Pontifici sanctisque, id est
fidelibus Judæis; rursum etiam nunc do, donum-
que a me datum confirmo. Pro « qui » Græce est
quæ, q. d. Colonias has dedi sanctis, id est Sanctu-
ario, sive sancto templo, quod est in Jerusalem,
puta Sancto, et Sancto sanctorum, ut ex earum
proventibus emantur victimæ, aliaque necessaria
ad cultum Dei in sancto ejus templo.

Vers. 41. 41. ET OMNE QUOD RELIQUUM FUERIT, QUOD NON
REDDIDERANT, — q. d. Sancio ut mei quæstores
reddant, et restituant templo illa quæ ex censi-
bus aliisque rebus templo destinatis substraxerunt,
et in meum ærarium intulerunt. Aut ut Salianus,
q. d. Jubeo ut publicani Judæi, qui sunt obnoxii
reddendæ rationi, nec regiis quæstoribus adhuc
satisfecerint, ea non ærario regio, sed templo
persolvant Jerosolymitano. Nam de redditibus
templi subdit novum beneficium, vers. 42.

Vers. 42. 42. QUAE ACCIPIRBANT DE SANCTORUM RATIONE, — id
est ex sancti templi censu et ærario, ut in meum
ærarium inferrent: nunc jubeo illa templo resti-
tui, nimirum, « quinque millia siclorum, » id est
quinque millia Francorum, sive Florenorum Bra-
banticorum. Siclus enim pendit quatuor drach-
mas, valetque quatuor Julios, sive quatuor rega-
les Hispanicos.

Vers. 43. 43. ET QUICUMQUE (sive Judæi, sive Gentiles)
CONFUGERINT IN TEMPLUM, etc., DIMITTANTUR, — q. d.
Jubeo sancioque jus asyli, quod habuit templum,
imo illud augeo. Volo enim ut, dum quis confu-
git ad templum, quamdiu is in eo manet, nemo
possit invadere bona illius in regno meo, licet
alibi sita. Verum nimis ampla promittit hic Demetrius: quare Jonathas et Judæi ei non credide-
runt æstimantes ex necessitate fite hæc promit-
tere, sed postea non servaturum; præsertim,
quia ejus malevolentiam sæpius erant experti:
quare, Demetrio relicto, adhæserunt Alejandro.

Nota: hic Demetrius duodecim ingentia beneficia promittit Jonathæ, si suas partes contra Alexandrum sequi et tueri velit; unde colligas quanta fuerit fortitudo, et fama Jonathæ. *Primum* est im-
munitas tributorum; *secundum*, libertas Jerosolymæ, ut sit immunis a præsidio militum Demetrii; *tertium*, restitutio captivorum; *quartum*, permissio festivæ quietis; *quintum*, jus honoratæ militiae; *sextum*, jus gubernandi; *septimum*, jus servandi
fidem legemque patriam; *octavum*, amplificatio
domini Pontifici; *nonum*, donatio Ptolemaidis;
decimum, annius pro templo census quindecim
milliū siclorum; *undecimum*, jus asyli in tem-

plo; *duodecimum*, ædificatio murorum Jerusalem.

47. QUA IPSE FUERAT EIS PRINCEPS SERMONUM PACIS, Vers. 47.
— id est quia Alexander prior, et ante Demetrium,
pacem foedusque a Judæis postularat.

50. ET CECIDIT DEMETRIUS, — victus ab Alexan-
dro per auxilium Jonathæ et Judæorum. Cecidit
Demetrius, equo ipsius cädente et telis ipsum di-
ruentibus, ait Josephus, lib. XIII, cap. i. Porro li-
cet Demetrius potius jus haberet ad regnum Asiæ,
utpote filius Seleuci, qui senior erat Antiochi
Magni filius, ideoque in regno successor, quam
Alexander, utpote filius Antiochi Epiphanis, qui
Seleuci erat frater junior; tamen Jonathas licite
adjuvit Alexandrum contra Demetrium, tum quia
Demetrius hucusque hostis fuerat Judæorum eos-
que hostiliter invaserat, et vastarat; quare contra
eum Alexandri ope uti, imo eam implorare jure
suo poterat Jonathas; tum quia Alexander jus
belli habebat contra Demetrium, eo quod ipse
fratrem suum seniorem Antiochum Eupatorem
occidisset; voluit ergo necem fratris sui ulcisci,
præsertim quia populus, scelera et tyrannidem
Demetrii detestans, ei prætulerat Alexandrum,
illumque sibi regem crearat.

51. ET MISIT ALEXANDER AD PTOLEMÆUM (Philo- Vers. 51;
metorem) REGEM ÆGYPTI LEGATOS, — poscens ejus
filiam Cleopatram in uxorem, ut hac ratione fœ-
dus cum eo firmaret, seseque contra Demetrium
Demetrii a se occisi filium roboraret. Porro Cleo-
patra Græce idem est quod decus et gloria patris
et patriæ. Utinam hæc talis fuisset!

Nota: Multæ fuerunt Cleopatré, quarum hæc
fuit origo et series. *Prima* Cleopatra fuit Antiochi
Magni filia, et soror Antiochi Epiphanis, quæ nup-
sit Ptolemæo Epiphani, quinto post Alexandrum
Magnum regi Ægypti. Hæc fuit speciosissima.
ideoque a Daniele, cap. xi, vers. 17, vocatur « filia
feminarum, » hoc est formosissima, indeque dicta
Cleopatra, id est decus et gloria patris. Unde ab
ea cæteræ omnes reginæ Ægypti, utpote ab ea
prognatae, vocatæ sunt Cleopatré. Ipsa ergo ex
Ptolemæo Epiphanè genuit Ptolemæum Philome-
torem, Ptolemæum Physconem, et Cleopatram
filiam, quam licet sororem Philometor, ac deinde
Physcon in uxorem acceperunt.

Hæc est ergo secunda Cleopatra, quæ Physconis
fuit soror, uxor, et insuper quasi mater, aut po-
tius soerus. Nam Physcon post eam repudiatam,
duxit filiam ejus in uxorem.

Tertia Cleopatra fuit hujus secundæ ex Philo-
metore filia, quam Philometor pater primo des-
pondit Demetrio Nicanori, deinde eo capto ipsa
nupsit Antiocho Sideti, Demetrii fratri. Hæc ve-
nenum propinans filio suo Antiocho Grypho, ab
eodem coacta illud bibere, seipsam occidit. De
ea hic agitur.

Quarta Cleopatra fuit Ptolemæi Lathuri, qui
Ptolemæi Physconis fuit filius et successor, soror
et uxor, quæ ab eo repudiata nupsit Antiocho Cy-
ziceno regi Asiæ, et a Gryphina sorore in templo

Cleopa-
trarum
series et
origo.
Prima.

Quinta. amplexans simulacra, jussa est confodi et occidi, teste Justino, lib. XXXIX.

Quinta Cleopatra fuit Ptolemæi Auletis filia, et Ptolemæi Dionysii ultimi regis Ægypti soror et uxor, quam adamavit Antonius repudians sororem Augusti Cæsar, ideoque ab eo victus ad spontaneam necem adactus fuit: Cleopatra quoque seipsam admotis corpori serpentibus interficit. Ita Eusebius, Josephus Strabo, Beda et alii.

Vers. 56. 56 ET SPONDEAM TIBI, — id est sponsam tibi dem filiam meam. Spondere enim est parentis, despondere mariti, indeque sponsi et sponsæ, ac sponsaliorum et sponsandi voces einanarunt.

Vers. 59. 59. SCRIPSIT REX ALEXANDER JONATHÆ, UT VENIRET OBVIAM SIBI, — q. d. Invitavit Alexander Jonatham Ptolemaidam ad nuptias suas cum Cleopatra celebrandas.

Vers. 62. 62. INDUIT EUM PURPURA, — id est regio amictu: purpura enim regni et regum erat vestis. Alexander ergo hic Jonatham regiis insignibus ornat, ob opem et auxilia sibi ab eo contra Demetrium praestita, idque per principes suos jubet per totam civitatem praedicari et promulgari. Non tamen hoc ipso Jonatham creat regem, sed dynastam et principem, purpura enim erat amictus dynastarum, qui amici regis, et ex amictu purpureo purpurati vocabantur. Sic Mardochæus ab Assuero ornatus fuit corona aurea in capite et amictu purpureo: erat enim ex primariis regis dynastis et amicis, Esther VIII, 15.

Vers. 67. 67. IN ANNO 165 VENIT DEMETRIUS (junior) FILIUS DEMETRII — senioris ab Alexandro et Jonatha victi et occisi. Venit, inquam, e Creta, ubi latuerat in Syriam, ut necem patris ulcisceretur, et avitum ejus regnum, profligato Alexandro, reciperet. Factum hoc est quinto anno regni Alexandri, qui fuit tertius ab ejus nuptiis cum Cleopatra; has enim init anno 162 Græcorum, ut dictum est vers. 57; regnum vero occupavit anno 160 Græcorum, ut dictum est vers. 1.

Nota: Ex Justino, lib. XXXV, Demetrius senior, initio belli contra Alexandrum, duos filios suos, scilicet Demetrium Nicanorem et Antiochum Sidem, qui ambo successive postea regnarunt, apud hospitem suum Gnidiūm (Gnidus est in Asia extrema prope Halicarnassum et Rhodum, in extremitate promontorio, quod respicit Cretam) cum magna auri vi depositi, ut belli periculis eximarentur, et si ita sors tulisset, ultiōni paternæ necis servarentur. Ita factum; nam Demetrius Nicanor, Demetrio patre occiso, e Creta profugit in Syriam, regnumque invasit. Hoc eodem tempore mortuus est Cato senior, Marcellus consul Romanus bellum gessit in Hispania, Attilius Praetor in Lusitania, ac Carthago tertium bellum Punicum contra Romanos apparavit, quo victa et excisa est a Scipione Africano. Ita Salianus.

Vers. 56. 69. ET CONSTITUIT DEMETRIUS REX APOLLONIUM DUCEM, QUI PRÆERAT COELESYRIAM. — Hic Appollonius prius servierat Alexandro, sed ab eo defecit ad

Demetrium, illectus spe majorum honorum et opum, quas promittebat novus rex Demetrius. Aulici enim respiciunt semper ad solem Orientem, ut vulgo dicitur. Hic Appollonius, quem Josephus Daum cognominat, alias fuit ab Apollonio Tharseo filio, qui tempore Seleuci regis præfuit Cœlesyriæ, de quo II Machab. III, 5. Alius quoque fuit ab Apollonio Alnesthæi filio, quem Antiochus Epiphanes misit cum 22 milibus, ut Jerusalem et Ægyptum occuparet, II Machab. IV, 21. Alius quoque ab Apollonio Gennæi filio, qui Judæos sub Eupatore vexavit, de quo II Machab. XII, 2. Videtur hic Appollonius a Demetrio præfectus Cœlesyriæ constitutus, deinde veniente Alexandro ad eum a Demetrio defecisse; inde ab Alexandre ad Demetrium Demetrii filium cum aliis pluribus transiisse. Unde Justinus ait milites paternos ad filium Demetrium signa transtulisse.

Vers. 70. 70. QUIA TU POTESTATEM ADVERSUM NOS EXERCES IN MONTIBUS, — id est in Judæa, quæ montosa est, q. d. Tu, o Jonatha, inter montes Judææ te contines, ibique dominaris, mihique resistis. Ex ergo e Judæa in campum Syriæ, ibique aperto marte mecum conflige, si vir es, et viribus ad bellandum polles, uti jactas; nam in angustiis montium facile est homini imbelli cum paucis resistere multis.

TU SOLUS RESISTIS NOBIS. — Nam, ut ait Justinus, lib. XXXV, de hoc Demetrio: « Audita Alexandri luxuria, quem insperatae opes et alienæ felicitatis ornamenta, velut captivum inter scortorum greges, desidem in Regia tenebant, auxiliantibus Cretensibus, securum, ac nihil hostile metuentem aggreditur. Antiochenses quoque veterem patris offensam, novis meritis correcturi se ei tradunt; sed et milites paterni, favore juvenis accensi, prioris sacramenti religionem novi regis superbie præferentes, signa ad Demetrium transfrunt. »

Vers. 71. 71. NUNC ERGO SI CONFIDIS IN VIRTUTIBUS (Græce οὐντεσθει, id est viribus et exercitibus) TUIS, DESCENDE AD NOS IN CAMPUM, ET COMPAREMUS (Græce συγηρέθωμεν, id est comparemur, conferamur, componamur) ILLIC INVICEM, (ut pedem pedi, manum manui conserentes, ostendamus uter sit fortior, an tu, an ego :) QUIA MECUM EST VIRTUS BELLORUM. — Græce, quia mecum est exercitus potens urbium, q. d. Provoco te in campum, ubi armis pugnandum est, non saxis, et in quo nullum victo est refugium. Noster legit πολέμων, id est bellorum; alii legunt πόλεων, id est urbium, et sic quoque legit Josephus.

Vers. 72. 72. QUIA BIS IN FUGAM CONVERSI SUNT PATRES TUI, — nimirum semel, quando Mathathias fugit cum filiis suis, I Machab. II, 28; iterum in pugna cum Bacchide, in qua cæso Juda, cæteri Judæi fugebunt, I Machab. IX, 18.

Vers. 74. 74. UT AUDIVIT AUTEM JONATHAS SERMONES APOLLONII, MOTUS EST ANIMO, — ad iram excandescens, et ad pugnam exardescens, ut ipso facto reu-

taret exprobationem Apollonii, ac reipsa ostenderet se tam in campis quam in montibus esse bellipotentem, imo leonem.

Et EXCLUSIT (Apollonius) **EUM** (Jonatham) **A CIVITATE**: **QUIA CUSTODIA** (præsidium militum ad custodiendam urbem) **APOLLONII JOPPE** (Græce in Joppe) **ERAT**. Græce est ἀπέκτεσαν, id est excuserunt, scilicet milites præsidiarii Jonatham.

Vers. 80. **80. ET CIRCUIERUNT** — hostes, scilicet equites Apollonii) **CASTRA EJUS** (scilicet Jonathæ), **ET JECE-RUNT JACULA IN POPULUM**, scilicet in socios Jonathæ.

Vers. 81. **81. POPULUS AUTEM STABAT** (constant animo, pede et manu clypeis suis excipiens, et repellens jacula hostium), **ET LABORAVERUNT EQUI EORUM** : — q. d. Equi et equites Apollonii fatigati fuere, quia tota die laboraverunt currendo, et jaciendo tela in castra Jonathæ. Unde Simon eos fessos et lassos agressus fudit fugavitque.

Vers. 82. **82. ET EJECIT** (Græce ἀλλυσσειν, id est extraxit, eduxit, emisit, explicuit, expandit) **SIMON EXERCITUM SUUM** (alas militum) **ET COMMISIT** (prælium) **CONTRA LE-GIONEM** (Græce *contra phalangem*, puta contra aciem hostium); **EQUITES ENIM FATIGATI ERANT** (ob causam jam dictam), **ET CONTRITI SUNT AB EO** (a Simone fratre Jonathæ), **ET FUGERUNT**.

Vers. 83. **83. ET INTRAVERUNT IN BETHDAGON**, — id est in domum Dagon, puta in templum Dagon, qui erat Deus sive « idolum » eorum, Græce ἡις ἐιδωλεῖῶν, id est in idolum, sive fanum idoli sui, scilicet Dagon. Verum qui idolum suum e manibus Jonathæ liberare non poterat, quomodo ab eodem a strage Jonathæ liberaretur? Quare omnes cum suo idolo

et idolis a Jonatha succensi concrematique fuere.

86. **ET EXIERUNT** (Ascalonitæ) **DE CIVITATE OBVIAM** vers. 84 **ILLI** (Jonathæ) **IN MAGNA GLORIA**, — id est magno honore et pompa eum excipientes, illique se et urbem suam dedentes, ne ab eo cremarentur instar Bethdagon.

89. **ET MISIT** (Alexander rex hostis Demetrii et Appollonii) **ET** (Jonathæ ob contritum Apollonium) **FIBULAM AUREAM**. Græce πορπηνη, quod aliqui vertunt monile e collo, vel e cingulo dependens, quale est in Belgio vellus aureum. Melius Noster vertit « fibulam », qua longiores tunice et vestes subnecti solent, juxta illud *Aeneid.* IV :

Aurea purpuream subnectit fibula vestem.

Fuit hoc ornamentum militare, teste Livio, lib. VII et IX; non olim nisi regum cognatis, et summis amicis dari solitum, ut hic dicitur. Fibula ergo hæc vestes laxas et fluidas, vel in pectore, vel in cingulo stringebat, et confibulabat. Unde Virgilius, XII *Aeneid.* :

Laterum juncturas fibula mordet.

Et Ovidius, VIII *Metam.* :

Rasiliis hinc summam mordebat fibula vestem.

Et S. Hieronymus, epist. 49 : « Fibulam quæ chlamydis mordebat oras, in humum excussit. » Tertullianus, *De pallio*, cap. 1 : « In viris, inquit, pallii extrinsecus habitus, et ipse quadrangulus ab utroque laterum regestus, et cervicibus circumstrictus in fibula morsu humeris acquiescebat. »

CAPUT UNDECIMUM.

SYNOPSIS CAPITIS.

Ptolemaeus Philometor Alexandro filiam suam Cleopatram quam ei uxorem dederat, una cum regno aufert. Alexander fugit in Arabiam, ibique a Zabdite rege occiditur, qui caput occisi mittit ad Philometorem. Philometor, eo accepto, tertio die post moritur. Mox, vers. 19, Demetrius, firmato regno, fædus init cum Jonatha qui eum a nece liberat, cæsis centum hostium millibus; sed Demetrius jam de regno securus, vers. 53, fædus cum Jonatha initum perfide abrumpit. Quare Jonathas ad Antiochum Alexandri occisi filium se transfert, ab eoque magnis honoribus afficitur. Unde pro eo dimicans phures Demetrii urbes occupat, ejusque copias fundit fugatque.

1. Et rex Ægypti congregavit exercitum, sicut arena quæ est circa oram maris, et naves multas: et quærebat obtinere regnum Alexandri dolo, et addere illud regno suo. 2. Et exiit in Syriam verbis pacificis, et aperiebant ei civitates, et occurribant ei: quia mandaverat Alexander rex exire ei obviam, eo quod socer suus esset. 3. Cum autem introiret civitatem, Ptolemaeus ponebat custodias militum in singulis civitatibus. 4. Et ut appropiavit Azoto, ostenderunt ei templum Dagon succensum igni, et Azotum et cætera ejus demolita, et corpora projecta, et eorum qui cæsi erant in bello tumulos quos fecerant secus viam. 5. Et narraverunt regi quia hæc fecit Jonathas, ut invidiam facerent ei: et tacuit rex. 6. Et occurrit Jonathas regi in Joppen cum gloria, et invicem se salutaverunt, et dormierunt illic. 7. Et abiit

Jonathas cum rege usque ad fluvium, qui vocatur Eleuterus: et reversus est in Jerusalem. 8. Rex autem Ptolemæus obtinuit dominium civitatum usque Seleuciam maritimam, et cogitabat in Alexandrum consilia mala. 9. Et misit legatos ad Demetrium, dicens: VENI, componamus inter nos pactum, et dabo tibi filiam meam, quam habet Alexander, et regnabis in regno patris tui; 10. penitet enim me quod dederim illi filiam meam: quæsivit enim me occidere. 11. Et vituperavit eum, propterea quod concupierat regnum ejus. 12. Et abstulit filiam suam, et dedit eam Demetrio, et alienavit se ab Alexandro, et manifestatae sunt inimicitiae ejus. 13. Et intravit Ptolemæus Antiochiam, et imposuit duo diademata capiti suo, Ægypti et Asiæ. 14. Alexander autem rex erat in Cilicia illis temporibus: quia rebellabant qui erant in locis illis. 15. Et audivit Alexander, et venit ad eum in bellum: et produxit Ptolemæus rex exercitum, et occurrit ei in manu valida, et fugavit eum. 16. Et fugit Alexander in Arabiam, ut ibi protegeretur; rex autem Ptolemæus exaltatus est. 17. Et abstulit Zabdiel Arabs caput Alexandri, et misit Ptolemæo. 18. Et rex Ptolemæus mortuus est in die tertia: et qui erant in munitionibus, perierunt ab his qui erant intra castra. 19. Et regnavit Demetrius anno centesimo sexagesimo septimo. 20. In diebus illis congregavit Jonathas eos qui erant in Judæa, ut expugnarent arcem quæ est in Jerusalem: et fecerunt contra eam machinas multas. 21. Et abierunt quidam qui oderant gentem suam viri iniqui ad regem Demetrium, et renuntiaverunt ei quod Jonathas obsideret arcem. 22. Et ut audivit, iratus est; et statim venit ad Ptolemaidam, et scripsit Jonathæ ne obsideret arcem, sed occurreret sibi ad colloquium festinato. 23. Ut audivit autem Jonathas, jussit obsidere: et elegit de senioribus Israel et de sacerdotibus, et dedit se periculo. 24. Et accepit aurum, et argentum, et vestem, et alia xenia multa, et abiit ad regem Ptolemaidam, et invenit gratiam in conspectu ejus. 25. Et interpellabant adversus eum quidam iniqui ex gente sua. 26. Et fecit ei rex, sicut fecerant ei qui ante eum fuerant: et exaltavit eum in conspectu omnium amicorum suorum. 27. Et statuit ei principatum sacerdotii, et quæcumque alia habuit prius pretiosa, et fecit eum principem amicorum. 28. Et postulavit Jonathas a rege, ut immunem faceret Judæam, et tres toparchias, et Samariam, et confines ejus: et promisit ei talenta trecenta. 29. Et consensit rex; et scripsit Jonathæ epistolas de his omnibus, hunc modum continentes: 30. Rex Demetrius fratri Jonathæ salutem, et genti Judæorum. 31. Exemplum epistolæ quam scripsimus Lastheni parenti nostro de vobis misimus ad vos ut sciretis: 32. Rex Demetrius Lastheni parenti salutem. 33. Genti Judæorum, amicis nostris, et conservantibus quæ justa sunt apud nos, decrevimus benefacere, propter benignitatem ipsorum, quam erga nos habent. 34. Statuimus ergo illis omnes fines Judææ, et tres civitates, Lydan, et Ramathan, quæ additæ sunt Judææ ex Samaria, et omnes confines earum, sequestrari omnibus sacrificantibus in Jerosolymis, pro his quæ ab eis prius accipiebat rex per singulos annos, et pro fructibus terræ et pomorum. 35. Et alia quæ ad nos pertinebant decimarum et tributorum, ex hoc tempore remittimus eis: et areas salinarum, et coronas quæ nobis deferebantur, 36. omnia ipsis concedimus: et nihil horum irritum erit ex hoc, et in omne tempus. 37. Nunc ergo curate facere horum exemplum, et detur Jonathæ, et ponatur in monte sancto, in loco celebri. 38. Et videns Demetrius rex quod siluit terra in conspectu suo, et nihil ei resistit, dimisit totum exercitum suum, unumquemque in locum suum, excepto peregrino exercitu quem contraxit ab insulis Gentium; et inimici erant ei omnes exercitus patrum ejus. 39. Tryphon autem erat quidam partium Alexandri prius; et vidit quoniam omnis exercitus murmurabat contra Demetrium, et ivit ad Emalchuel Arabem, qui nutriebat Antiochum filium Alexandri: 40. et assidebat ei, ut traderet eum ipsi, ut regnaret loco patris sui; et enuntiavit ei quanta fecit Demetrius, et inimicitias exercituum ejus adversus illum; et mansit ibi diebus multis. 41. Et misit Jonathas ad Demetrium regem, ut ejiceret eos qui in arce erant in Jerusalem,

et qui in præsidii erant : quia impugnabant Israel. 42. Et misit Demetrius ad Jonathan, dicens : Non hæc tantum faciam tibi , et genti tuæ ; sed gloria illustrabo te et gentem tuam, cum fuerit opportunum. 43. Nunc ergo recte feceris, si miseris in auxilium mihi viros : quia discessit omnis exercitus meus. 44. Et misit ei Jonathas tria millia virorum fortium Antiochiam : et venerunt ad regem , et delectatus est rex in adventu eorum. 45. Et convenerunt qui erant de civitate, centum viginti millia virorum , et volebant interficere regem. 46. Et fugit rex in aulam : et occupaverunt qui erant de civitate itinera civitatis, et cœperunt pugnare. 47. Et vocavit rex Judæos in auxilium , et convenerunt omnes simul ad eum, et dispersi sunt omnes per civitatem : 48. et occiderunt in illa die centum millia hominum, et succederunt civitatem, et ceperunt spolia multa in die illa , et liberaverunt regem. 49. Et viderunt qui erant de civitate , quod obtinuissent Judæi civitatem sicut volebant : et infirmati sunt mente sua, et clamaverunt ad regem cum precibus , dicentes : 50. Da nobis dextras, et cessent Judæi oppugnare nos et civitatem. 51. Et projecerunt arma sua, et fecerunt pacem, et glorificati sunt Judæi in conspectu regis, et in conspectu omnium qui erant in regno ejus, et nominati sunt in regno : et regressi sunt in Jerusalem habentes spolia multa. 52. Et sedit Demetrius rex in sede regni sui, et siluit terra in conspectu ejus. 53. Et mentitus est omnia quæcumque dixit, et abalienavit se a Jonatha , et non retribuit ei secundum beneficia quæ sibi tribuerat, et vexabat eum valde. 54. Post hæc autem reversus est Tryphon, et Antiochus cum eo puer adolescens, et regnavit et imposuit sibi diadema. 55. Et congregati sunt ad eum omnes exercitus quos disperserat Demetrius, et pugnaverunt contra eum : et fugit, et terga vertit. 56. Et accepit Tryphon bestias, et obtinuit Antiochiam : 57. et scripsit Antiochus adolescens Jonathæ, dicens : Constituo tibi sacerdotium , et constituo te super quatuor civitates, ut sis de amicis regis. 58. Et misit illi vasa aurea in ministerium, et dedit ei potestatem bibendi in auro, et esse in purpura , et habere fibulam auream : 59. et Simonem fratrem ejus constituit ducem a terminis Tyri usque ad fines Ægypti. 60. Et exiit Jonathas, et perambulabat trans flumen civitates : et congregatus est ad eum omnis exercitus Syriæ in auxilium, et venit Ascalonem , et occurserunt ei honorifice de civitate. 61. Et abiit inde Gazam, et concluserunt se qui erant Gazæ : et obsedit eam, et succedit quæ erant in circuitu civitatis, et prædatus est ea. 62. Et rogaverunt Gazenses Jonathan, et dedit illis dexteram : et accepit filios eorum obsides , et misit illos in Jerusalem ; et perambulavit regionem usque Damascum. 63. Et audivit Jonathas quod prævaricati sunt principes Demetrii in Cades, quæ est in Galilæa , cum exercitu multo , volentes eum removere a negotio regni : 64. et occurrit illis ; fratrem autem suum Simonem reliquit intra provinciam. 65. Et applicuit Simon ad Bethsuram , et expugnabat eam diebus multis , et conclusit eos. 66. Et postulaverunt ab eo dextras accipere, et dedit illis : et ejecit eos inde, et cepit civitatem, et posuit in ea præsidium. 67. Et Jonathas et castra ejus applicuerunt ad aquam Genesar, et ante lucem vigilaverunt in campo Asor. 68. Et ecce castra alienigenarum occurribant in campo, et tendebant ei insidias in montibus ; ipse autem occurrit ex adverso. 69. Insidiæ vero exurrexerunt de loci suis , et commiserunt prælium. 70. Et fugerunt qui erant ex parte Jonathæ omnes, et nemo relictus est ex eis, nisi Mathathias filius Absalom, et Judas filius Calphi, princeps militiæ exercitus. 71. Et scidit Jonathas vestimenta sua , et posuit terram in capite suo , et oravit. 72. Et reversus est Jonathas ad eos in prælium, et convertit eos in fugam, et pugnaverunt. 73. Et viderunt qui fugiebant partis illius , et reversi sunt ad eum, et insequebantur cum eo omnes usque Cades ad castra sua , et pervenerunt usque illuc. 74. Et ceciderunt de alienigenis in die illa **tria millia virorum** : et reversus est Jonathas in Jerusalem.

Vers. 1. **1. ETREX AEGYPTI** (Ptolemaeus Philometor) CONGREGAVIT EXERCITUM (maximum et plurimum) SCUT ARENA QUÆ EST CIRCA ORAM MARIS,— ut Syriam Alexandro genero suo eriperet, eamque regno suo, puta Aegypto adjiceret. Vide hic quam ambito regnandi sit inhumana et crudelis, utpote quæ nec genero parcat.

Vers. 2. **2. VERBIS PACIFICIS**, — quasi generum suum Alexandrum invisurus, eumque in regno confirmatus, ac contra Demetrium aliosque hostes tanto suo exercitu defensurus.

Vers. 3. **3. PONEBAT CUSTODIAS MILITUM**, — id est, praesidium militare per quod civitates singulas sibi subjugabat, easque Alexandro genero suo adimbat.

Vers. 40. **10. QUÆSIVIT ENIM ME OCCIDERE**, — prætexit hoc Philometor suæ perfidiae causans, fingensque quod Alexander gener sibi socero necem per scarios, vel venena machinaretur. Vera autem causa odii et belli erat, quod regnum Syriæ Alejandro eripere, illudque suo Aegypti adjicere vellet: unde et utriusque regni sibi diadema imposuit, vers. 13. Quare licet ipse, vers. 9, promitteret regnum Demetrio æmulo Alexandri, tamen illud revera ei conferre non intendebat, sed eo tantum uti, quasi administro et præfecto, vel viceger. Josephus tamen asserit Alexandrum revera insidias struxisse Philometori. « Postquam, inquit, Ptolemaidam pervenit, minimum abfuit quin præter omnem exspectationem oppressus sit Ptolemaeus, Alexandri insidiis, per Ammonium ejus amicum, appetitus. Quibus detectis scripsit Alexandro, depositis Ammonium ad supplicium, quod meritum aiebat propter structas sibi insidias. Qui cum non dederetur, intellexit ipsum Alexandrum earum fuisse auctorem; et coepit eum magno odio prosequi. Antiochenos autem jam ante infenos habebat Alexander, propter eumdem Ammonium, a quo plurimis affecti fuerant incommodis. Non tamen effugit pœnam Ammonius, turpiter ut mulier cæsus, dum amictu femineo querit latebras ut in alio commentario diximus. »

Fides horum sit penes Josephum, qui sæpe a S. Scriptura dissentit, uti et hic facit, dum Philometorem ab ambitione regni Syriæ, quam ei Scriptura tribuit, purgare conatur, eo quod Philometor Judæorum foret amicus et fautor.

Vers. 11. **11. ET VITUPERAVIT EUM** — Magno probro et vituperio Philometor affecit Alexandrum generum suum, filiam suam ei uxorem eripiens, tradensque hosti Demetrio, ac simul regno eum spoliens.

Vers. 17. **17. ET ABSTULIT ZABDIEL ARABS** (rex vel dynasta Arabiæ) **CAPUT ALEXANDRI**, ET MISIT PTOLEMEO — Philometori, ut ejus gratiam iniret, ne ipse Arabiam sibi eriperet, uti Syriam eripuerat Alejandro. Jam enim videbat eum novo regno auctum et magnis copiis instructum sibi imminere, nec se posse ei resistere.

Vers. 18. **18. ET REX PTOLEMAEUS MORTUUS EST IN DIE TER-**

TIA. — Vide hic celerem in perfidum Philometorem vindictam Numinis. Regnum ille generi ambivit, invasit, occupavit; sed ad tres duntaxat dies a nece Alexandri illud possedit, illico tam vita quam regno, bonisque omnibus a justo judece et vindice Deo spoliatus. Justum enim fuit ut Philometor, invadens regnum alienum Syriæ, amitteret suum Aegypti, et qui de Alexandri hostis sui cæsi capite lætabatur, de suo ipsius quoque interitu lætos redderet hostes suos. Addit Josephus Philometorem ex vulneribus quæ in numero conflictu cum Alexandro acceperat obiisse anno regni sui circiter 35, qui fuit annus regni Græcorum 167. Audi eum lib. XIII, cap. xx: « Forte accidit ut equus Ptolemaei consternatus barritu elephanti eum excuteret, prostratumque aggressi hostes vulneribus in caput inflictis in periculum extremum adducerent, ni ereptus esset interventu satellitum. Attamen per integrum quadrupedum sopitis sensibus nec loqui potuit, nec loquentes intelligere. Alexandri vero caput Zabelus Arabum dynasta recisum misit ad Ptolemaeum, qui die quinta demum respirans a vulneribus, et ad se reversus jucundissimo sibi rumore, simul et spectaculo capitis ac mortis Alexandri pavit animum et oculos. Nec ita multo post satiatus gaudio percepto ex inimici interitu, et vitam ipse finivit. »

Et Livius: « Ptolemaeus, ait, in caput graviter vulneratus inter curationem, dum medici ossa terebrare contendunt, expiravit. »

Porro mortuo Philometore, milites ejus, qui ab eo collocati ERANT IN MUNITIONIBUS, (id est, arcibus et urbibus Syriæ,) PERIERUNT (et occisi sunt) AB HIS QUI ERANT INTRA CASTRA, — id est a militibus quos in castris suis habebat Demetrius, qui proinde occiso Alejandro consobrino et æmulo suo, mortuo quoque Philometore invasore, regnum Syriæ pacifice adiit, totumque quiete possedit anno regni Græcorum 167.

Denique Genebrardus, lib. II Chronol. : Philometor, id est amator matris, inquit, dictus est per antiphrasin, eo quod ipse occiderit matrem, si-
cut avus ejus dictus est Philopator, id est amator patris per antiphrasin, eo quod occiderit patrem Ptolemeum Evergetem. Hoc de Philopatore scribunt Appianus, Justinus et alii passim, sed de Philometore nullus veterum tale quid narrat; imo Pausanias in Atticis asserit matrem Philometoris occisam esse ab ejus fratre Alejandro, quem ipse excluso Philometore in regnum evexerat.

Vers. 20. **20. IN DIEBUS ILLIS CONGREGAVIT JONATHAS EOS QUI ERANT IN JUDÆA, UT EXPUGNARENT ARCEM QUÆ EST IN JERUSALEM;** — huc enim adhuc tenebatur a militibus Syris in ea jam pridem ab Antiocho collocatis. Licet enim Demetrius promisisset Jonathæ arcem Sionis tradere, si fœdus secum contra Alexandrum iniret, ut audivimus cap. x, 6 et 32; tamen suum hoc promissum non præstítit, eo quod Jonathas Demetrio prætulerit Alexandrum,

cum eoque fœdus inierit. Jonathas ergo, videns Demetrium bello contra Alexandrum implicitum, occasione hac usus arcem Sionis obsedit.

Vers. 23. 23. ET DEDIT SE PERICULO; — periculum enim erat ne rex Demetrius male exciperet Jonatham, eo quod suo mandato de solvenda obsidione arcis Sion non paruisse; sed Jonathas Deo confisus hoc periculum per magna dona quæ regi detulit, discussit: iis enim ejus gratiam iniit, adeo ut ab eo factus sit aulicorum et principum Princeps, ut patet vers. 26 et 27.

Vers. 28. 28. ET POSTULAVIT JONATHAS A REGE, UT IMMUNEM FACERET JUDEAM (a milite Syro et externo, a tributo et a quovis alio onere) ET TRES TOPARCHIAS, (id est præfecturas, sive ut Josephus vocat satrapias, quæ nominantur vers. 34 rursum immunes faceret, eo quod Judææ additæ subjectæque forent, promittens regi, si annueret,) TALENTA TRECENTA.

Vers. 29. 29. ET CONSENSIT REX, — tanto pretio illectus.

Vers. 31. 31. EXEMPLUM EPISTOLÆ QUAM SCRIPSIMUS LASTHENI PARENTI NOSTRO. — Lasthenes hic fuit hospes ille Gnidius, sive Cretensis, cui Demetrius senior conflicturus cum Alexandre Veles Demetrium hunc juniores filium suum commendavit, ut ex Justino dixi cap. x. Quare Demetrio seniore in prælio occiso, Lasthenes hic Demetrium ejus filium e Creta cum exercitu in Syriam reduxit, eique patris regnum restituit, teste Josepho, lib. XIII, cap. viii, et aliis. Quocirca Demetrius Lasthenem parentis loco coluit, eumque suum vicarium effecit, ac Syriæ aliisque provinciis præfecit. Ad eum ergo hic seribit Demetrius rex, ut Judæam a tributis et oneribus faciat immunem, quod petebat Jonathas, ac exemplum litterarum suarum ad Lasthenem datarum mittit ad Jonatham, ut a Lasthene beneficium regis executioni mandari postulet. Apte vocatus fuit « Lasthenes, » Græce *Laasthenes*, id est *lapidis robur*, ait Pagninus, vel potius Laosthenes, et per erasin Lasthenes: Laosthenes enim Græce idem est quod Demosthenes, id est populi robur et fortitudo. Talem enim decet esse Principem, qualis fuit hic Lasthenes, qui Demetrio regnum Syriæ, Syrisque suum regem fortitudine sua restituit.

Vers. 32. 32. REX DEMETRIUS LASTHENI. — Hoc est exemplum litterarum Demetrii ad Lasthenem.

Vers. 34. 34. ET TRES CIVITATES. — Græce νόμοι, quæ vox non tam ædificia, quam coetus civium iisdem juribus utentes significat. Ita Serarius, Salianus et alii. Concedit Demetrius Jonathæ immunitatem non tantum Judææ, sed et trium civitatum, sive toparchiarum Samariæ, quas Demetrius pater ejus Judææ addixerat, cap. x, 30; ideoque easdem a Demetrio filio poscerat Jonathas, vers. 28; ac Demetrius filius decretum patris secutus easdem Judæis concessit et attribuit. Sed quænam sunt hæ tres civitates? nam in Latino textu tantum nominantur duæ, scilicet Lyda, sive Diopolis, et Ramatha, quæ fuit Samuelis patria. Res-

pondet Sanchez esse ipsam urbem Samariam, quæ erat caput totius provinciæ Samariæ; nam in provincia Samariæ sitas fuisse hasce tres urbes liquet ex textu hoc versu, et cap. x, vers. 28.

Verum Septuaginta, Josephus, Pagninus, Vatablus et alii ex Græco tertiam civitatem assignant Aphæremam, quam Adrichomius in tribu Ephraim collocat juxta Lydam. Sic enim habent Septuaginta: *Statuimus ergo illis fines Judææ et tres civitates, Aphærema et Lydam et Ramatham, quæ additæ sunt Judææ ex Samaritide, et omnia pertinentia ad ipsas omnibus sacrificantibus in Hierosolymis pro Regalibus, quæ ab eis prius accipiebat Rex per singulos annos de fructibus terræ et de fructibus arborum.*

Noster vero interpres Græcum ἀνάρχη accepit ut nomen non proprium, sed appellativum, significans sequestrationem, sive separationem. Unde vertit « sequestrari. » Sensus ergo Vulgatae editionis est, q. d. trium civitatum jam dictarum, puta Lydæ, Ramathæ et Samariæ, atque confinium, id est locorum illorum, quæ sub earum jurisdictione sunt, anni proventus et redditus sequestrentur, id est segregentur a tributis regiis, et apud aliquem quæstorem Judæam deponantur, ut ad templi et sacerdotum sumptus applicentur, ut hac ratione compensentur damna quæ singulis annis rex regiique quæstores iis inferebant, dum ad suos, id est profanos usus transferebant, tam illarum civitatum tributa, quam arborum fructus, quæ prius templi sumptibus destinata erant, iisque serviebant.

Porro mirum est Josephum tribus hisce civitatibus, sive toparchiis tres alias addere, scilicet Gadæam, Joppen et Samariam.

35. ET AREAS SALINARUM. — Græce λαγυνοῦ, id est vers. 35. « stagna » salinarum, quæ vox, ait Sanchez, docet quomodo aqua salinosa sive ex mari derivata, sive ex puteis jugibus exhausta duretur et concrescat. Neque enim in suo duratur naturali loco, sed in arcis lacibusque collecta. Ibi enim evaporat, et calore solis in sal concrescit. Sane Romæ a sale via Salaria nomen accepit, quod adhuc perdurat, quoniam illa sal in Sabinos portari consueverat, ait Plinius, lib. XXXI, cap. vii; ac stipendium militare, mercesque quælibet dicta est salarium a sale, quod militibus et operariis pro mercede distribuebatur, teste Plinio ibidem.

38. ET VIDENS DEMETRIUS REX QUOD SILUIT TERRA IN CONSPECTU SUO. — Occiso enim Alexandre et Philometore mortuo, nullus erat qui Syriam invadere auderet; sed illa tota se subdidit Demetrio, quasi legitimo hæredi regique suo. Unde tunc ipse se dedit otio et voluptatibus. Quod videns Tryphon, Antiochum Alexandri filium suscitavit, qui Demetrium inertem et voluptuarium invasit et regno expulit, uti Annibalem enervarunt et perdidérunt Capuanæ deliciæ, ac Romanos Græcanicæ. Unde illud dictum vetus: Græcia victa suum victorem vicit. Audi Justinum, lib.

XXXVI: « Recuperato regno , Demetrius et ipse successu rerum corruptus vitiis adolescentiæ in segnitiem labitur ; tantumque contemptum apud omnes inertiae, quantum odium ex superbia pater habuerat, contraxit. »

DIMISIT TOTUM EXERCITUM SUUM (patrium , quem scilicet pater ejus Demetrius ex Syris et Asiaticis sibi subditis collegerat), **EXCEPTO PEREGRINO EXERCITU QUEM CONTRAXIT** — ab insulis gentium, puta ex Creta , Cypro , aliisque vicinis insulis. Fecit hoc, eo quod hi eum in regnum induxissent. Lasthenes enim ex Creta eum in regnum cum copiis Cretensibus revexerat. Verum hac ratione offendit milites patrios, suos scilicet Syros et Asiaticos, eo quod ægre ferrent se a rege suo militia et stipendiis militaribus spoliari : offendit quoque subditos suos, qui nolebant externum militem , ægreque ferebant quod ipse externis plus fideret quam suis subditis : quodque magnis sumptibus peregrinos aleret, cum parvo pretio domesticos et subjectos conducere posset. Quocirca **INIMICI ERANT EI OMNES EXERCITUS PATRUM EJUS**, qui proinde ad Antiochum ejus æmulum transierunt, ac pro eo pugnantes Demetrium regno expulerunt. Exosum enim habebant peregrinum militem, ideoque non raro insolentem.

Discant hic Principes subditos suos honorare, eisque fidere potius quam externis. Sic enim subditorum animos, amorem, fidem et obedientiam sibi conciliabunt. Ita fecit Alexander Magnus, qui ut Persas a se victos subactosque sibi conciliaret, Persicum habitum assumpsit; Persas in militiam conscripsit, suisque ducibus Persides dedit uxores, ac Darii matrem, uxorem et filias miris honoribus et beneficiis affectit, teste Curtio.

Vers. 39. **39. TRYPHON AUTEM ERAT QUIDAM PARTIUM ALEXANDRI PRIUS.** — Tryphon hic ab Appiano et aliis vocatur Diodorus , diciturque natione , vel educatione fuisse Apamæus, vir potens, astutus et ambitionis. Hic videns exercitum Syriacum et Asiaticum dimissum a Demetrio, eumdem sibi adscivit, ut per eum Antiocho filio Alexandri Velis, qui fuerat æmulus hostisque Demetrii occisus a Philometore, in speciem restitueret, sed revera ut ipse illud occuparet; itaque factum est. Porro Antiochum hunc Alexandri filium Appianus et alii pariter vocant Alexandrum. Denique Tryphon hic Antiochi « pupilli » (sic enim legendum est apud Justinum, lib. XXXVI, pro privigni), tutor paulo post ejusdem factus est tortor, ut ejus regnum occuparet, sed modico tempore eo gavisus est; nam et ipse tertio post anno occisus est ab Antiocho Sidete fratre et successore Demetrii. Ita Josephus.

Vers. 41. **41. ET MISIT JONATHAS AD DEMETRIUM REGEM**, ut ejiceret eos (milites Demetrianos) qui in arce erant in JERUSALEM, — qui occupabant arcem Sion. Hinc patet Jonatham needum occupasse arcem Sion, imo obsidionem ejus solvisse. Concessit tamen vel potius promisit Demetrius se traditurum

arcem Jonathæ, si ipse sibi milites suos ad suam tutelam mitteret. Subditi enim ejus Antiocheni in ipsum insurrexerunt ad 220 millia, ex quibus milites ter mille Judæi a Jonatha submissi occiderunt centum millia, ac Demetrium liberarunt, ut sequitur. Magna fuit haec fortitudo, fama et gloria Judæorum.

46. AULAM, — puta palatum , sive arcem in Vers. 46 quam Demetrius configuerat.

53. ET MENTITUS EST OMNIA QUÆCUMQUE DIXIT, — Vers. 53 q. d. Demetrius videns, vel potius putans se suaque esse in tuto, fidem datam Jonathæ fecellit, cœpitque eum vexare et persecuti. Magna fuit haec Demetrii ingratitudo et perfidia, ob quam paulo post a Tryphone paedagogo Antiochi prælio superatus et regno pulsus fuit, utpote desertus a Jonatha et Judæis, imo ab eis profligatus et cæsus, ut dicitur vers. 56. Antiochus enī fœdus iniit cum Jonatha contra Demetrium, eumque magnis honoribus auxit. Quare milites Syri, qui a Demetrio dimissi erant, ad Jonatham se contulerunt, quibus Jonathas instructus Ascalonem , Gazam aliasque urbes expugnavit.

56. ET ACCEPIT TRYPHON BESTIAS, — Vers. 56 puta elephantes quos Demetrius in aciem eduxerat cum cæteris ejus machinis bellicis , adeoque castris eum exuit, **ET OBTINUIT ANTIOCHIAM**, urbem regiam regnique metropolim. Id fecit ope Jonathæ quem proinde magnis honoribus auxit, ac ope exercitus Syriaci , qui a Demetrio dimissus ad Antiochum ejus æmulum transierat. Porro Jonathas pergens pro Antiocho pugnare, adjutus exercitu ejus Syriaco expugnavit Ascalonem , Gazam aliasque urbes.

58. DEDIT EI POTESTATEM BIBENDI IN AURO, — Vers. 58 puta ex aureo poculo, scypho, phiala, vel calice. Reges enim Persarum et Asiæ aurum voluerunt sibi esse proprium. Unde Xenophon, lib. I De exped. Cyri , magnum dicit a rege Persarum beneficium concedi, si per illum alicui liceat aureum collo gestare torquem, aureas armillas, aureum acinacem : idem iterum docet lib. I Cyrop. Procopius, lib. I De bello Persico , negat cuiquam liceare aureo uti annulo, aut fibula, aut zona, nisi regis concessu. Hinc et Esther cap. vi, concessum est Mardochæo ab Assuero rege, ut torquem gestaret aureum. Idem promisit Balthassar , Dan. cap. v, illi qui litteras in pariete descriptas explicaret, et lib. III Esdræ cap. iii, illi cujus sermo fuerit sapientior, concedendum dicitur a Dario rege ut induatur purpura, et ut in auro bibat, et super aurum dormiat, et currum aureo freno et torquem aureum gestet.

60. PERAMBULABAT TRANS FLUMEN (Judææ, puta Vers. 60 trans Jordanem) **CIVITATES**.

62. ET PERAMBULAVIT REGIONEM (Jonathas, quasi Vers. 62. victor et triumphator, omnia sibi et Antiocho subjugans, ac Demetrio adimens) **USQUE AD DAMASCUM**. — Hoc enim significat: τὸ « perambulavit, » ut dixi Zachar. vers. 11.

Vers. 63. 63. ET AUDIVIT JONATHAS QUOD PRÆVARICATI SUNT PRINCIPES DEMETRII IN CADES QUÆ EST IN GALILÆA, (quod scilicet Demetriani sollicitarent incolas Cades et Galilæos ad rebellandum Jonathæ et subiiciendum se Demetrio. Fecerunt hoc eo consilio, ut Jonatham e Syria et Damasco, ubi omnia subjugabat sibi et Antiocho, revocarent in Galilæam, ne aliena foris consecans sua domi perderet), VOLENTES EUM AMOVERE A NEGOTIO REGNI, — ne scilicet negotia regni Syriæ pro Antiocho curaret et promoveret, sed sua in Galilæa custodiret. Unde Josephus : « Cum vellent, inquit, abstrahere Jonatham a Syria, laturum opem Galilæis suæ ditionis hominibus. »

Nota, « prævaricari » in Scriptura est rebellare et rebellionem concitare : hoc enim est Hebr. מְרַאֲמָרָד. Sic IV Reg. 1, 1, dicitur rex et populus Moab prævaricatus in regem Israel, id est rebellasser illi, cui antea subditus fuerat, eique solitum negasse tributum. Porro Salianus opinatur pro « prævaricati sunt » legendum « præparati sunt : » hoc enim significat Græcum παρῆσαν, id est adstiterunt; sed videtur Noster legisse παρενόμησαν, vel παρέβησαν, id est prævaricati sunt.

Vers. 64. 64. ET OCCURRIT ILLIS (Jonathas, cum eisque conflixit, ut dicitur, vers. 62); FRATREM AUTEM SUUM RELIQUIT INTRA PROVINCIAM, — scilicet intra Iudæam, ut eam tutaretur; Simon autem expugnavit Bethsuram, quæ insignis erat munitio juxta Jerusalem, vers. 66.

Vers. 67. 67. ET JONATHAS ET CASTRA EJUS APPLICERUNT AD AQUAM GENEZAR, — scilicet ad stagnum Genezareth, quod et mare Galilææ, vel mare Tiberiadis dicitur.

Vers. 68. 68. ET ECCE CASTRA ALIENIGENARUM (hostium Demetrianorum suscitantium incolas Cades ad rebellandum Jonathæ, vers. 63), OCCURREBANT IN CAMPO, — Græce in campum.

Vers. 70. 70. ET FUGERUNT, QUI ERANT EX PARTE JONATHÆ, — utpote circumventi ab hostibus ex insidiis, quas non præviderant, prodeuntibus; hisce enim territi fugerunt, veriti ne intercepti in medio contrucidarentur, ait Josephus.

ET NEMO EX EIS RELICTUS EST NISI MATHATHIAS FILIUS ABSALOMI, ET JUDAS FILIUS CALPHI, PRINCEPS (Græce « principes : » ambo enim erant duces) MILITIAE EXERCITUS, — intellige cum aliquot sibi familiaribus generosioribus proximisque assecilis : unde Josephus ait cum eis mansisse 50 milites, qui a desperatione, inquit, sumpta audacia tanto impetu adversam hostium frontem impulerunt, ut territi, quasi furentibus cederent. Quomodo enim duo soli totam hostium vim sustinuissent? Ita Serarius.

Vers. 71. 71. ET SCIDIT JONATHAS VESTIMENTA SUA, ET POSUIT TERRAM IN CAPITE SUO, — pulverem inspersit capiti suo in signum doloris et pœnitentiae; itaque toto corde compunctus supplex oravit Deum, ut in re tam arcta, et quasi desperata solitam opem ferret. Quare cum paucis quasi leo irruens in hostes eos cecidit et fudit. Quod videntes ejus

socii e fuga ad eum reversi, hostes persecuti ex eis ceciderunt tria millia. Laudat S. Ambrosius, lib. I Officiorum, cap. xli, Jonathæ animum et fortitudinem, quod solus aciem inclinatam restituerit et victoriam deperditam recuperaverit. « Jonathas, ait, parva manu adversus exercitus regios pugnans, desertas a suis et cum duobus tantum relictus reparavit bellum, avertit hostem, fugitantes suos ad societatem revocavit triumphi. »

Moraliter disce hic quantum in bellis rebusque arduis valeat ducis constantia et magnanimitas, adeo ut milites suos jam victos faciat victores. Unde illud : Fortior est exercitus cervorum duce leone, quam leonum duce servo. Nam ut ait Vegetius, lib. III De re milit. cap. xxv : « Si pars exercitus fugerit, minime desperandum, cum in ejusmodi necessitate, ducis constantia totam sibi possit vindicare victoriam. Innumerabilibus hoc accidit bellis, et pro superioribus sunt habiti, qui minime desperarunt. Nam in simili conditione fortior creditur, quem adversa non frangunt. Prior ergo de cæsis hostibus spolia capiat, et quod ipsi dicunt, colligat campum, prior clamore ac buccinis exultare videatur. Hæc fiducia perterrebit inimicos, et suis fiduciam geminabit, quasi victor ex omni parte discesserit. »

Exempla dat Julius Frontinus, lib. II de Stratagematibus, cap. viii : « Furius Agrippa, inquit, consul, cedente cornu, signum militare ereptum signifero, in hostes Hernicos et in Æquos misit : quo facto ejus prælium restitutum est. Summa enim alacritate Romani ad recipiendum signum incubuerunt. T. Quintius Capitolinus Consul signum in hostes Phaliscos ejecit, militesque id repetere jussit. M. Furius Camillus Fr. Mil. consulari potestate, cunctante exercitu, arreptum manus signiferum in hostes Volscos et Latinos traxit, cæteros puduit non sequi. Salvius Pelignus bello Persico idem fecit. Q. Furius, averso exercitu, cum occurrisset, affirmavit non recepturum se in castra quemquam, nisi victorem, reductisque in aciem victoria potitus est. Scipio apud Numantium, cum aversum suum videret exercitum, pronuntiavit sibi pro hoste futurum, quisquis in castra redisset. » Ac mox his majora subjungens addit : « M. Attilius consul bello Samnitico ex acie refugientibus in castra militibus aciem suorum opposuit, affirmans secum et cum bonis civibus dimicatores eos, nisi cum hostibus maluissent; ea ratione universos in aciem reduxit. L. Sylla cedentibus jam legionibus exercitui Mithridatico, ductu Achelai, stricto gladio in primam aciem procurrit, appellansque milites, dixit : Si quis quæsisset ubi Imperatorem reliquist, responderent pugnantem in Bœotia, cuius rei pudore universi eum secuti sunt. Julius Cæsar ad Mundam suis referentibus pedem, equum suum abduci a conspectu suo jussit, et in primam aciem pedes prosiliit : milites, dum destituere Imperatorem erubescunt, redintegrarunt prælium. »

CAPUT DUODECIMUM.

SYNOPSIS CAPITIS.

Jonathas fœdus cum Romanis et Lacedæmoniis renovat. Mox, vers. 24, exercitum Demetrii profligat, Arabeque fugat. Inde, vers. 33, Simon Joppen aliasque urbes præsidiis communis. Denique, vers. 39, Tryphon perfide Jonatham quasi amicum invitans capit, carcerique mancipat.

1. Et vidit Jonathas quia tempus eum juvat, et elegit viros, et misit eos Romam, statuere et renovare cum eis amicitiam: 2. et ad Spartiatas, et ad alia loca misit epistolas secundum eamdem formam. 3. Et abierunt Romam, et intraverunt curiam, et dixerunt: Jonathas summus sacerdos et gens Judæorum miserunt nos, ut renovaremus amicitiam et societatem secundum pristinum. 4. Et dederunt illis epistolas ad ipsos per loca, ut deducerent eos in terram Juda cum pace. 5. Et hoc est exemplum epistolarum quas scripsit Jonathas Spartiatis: 6. JONATHAS summus sacerdos, et seniores gentis, et sacerdotes, et reliquus populus Judæorum, Spartiatis fratribus salutem. 7. Jampridem missæ erant epistolæ ad Oniam summum sacerdotem ab Ario, qui regnabat apud vos, quoniam estis fratres nostri, sicut rescriptum continet, quod subjectum est. 8. Et suscepit Onias virum, qui missus fuerat cum honore: et accepit epistolas, in quibus significabatur de societate et amicitia. 9. Nos, cum nullo horum indigeremus, habentes solatio sanctos libros, qui sunt in manibus nostris, 10. maluimus mittere ad vos renovare fraternitatem et amicitiam, ne forte alieni efficiamur a vobis: multa enim tempora transierunt, ex quo misistis ad nos. 11. Nos ergo in omni tempore sine intermissione in diebus solemnibus, et cæteris quibus oportet, memores sumus vestri in sacrificiis quæ offerimus, et in observationibus, sicut fas est et decet meminisse fratrum. 12. Lætamur itaque de gloria vestra. 13. Nos autem circumdederunt multæ tribulationes et multa prælia, et impugnaverunt nos reges, qui sunt in circuitu nostro. 14. Noluimus ergo vobis molesti esse, neque cæteris sociis et amicis nostris, in his præliis. 15. Habuimus enim de cœlo auxilium, et liberati sumus nos, et humiliati sunt inimici nostri. 16. Elegimus itaque Numenium Antiochi filium, et Antipatrem Jasonis filium, et misimus ad Romanos renovare cum eis amicitiam et societatem pristinam. 17. Mandavimus itaque eis ut veniant etiam ad vos, et salutent vos, et reddant vobis epistolas nostras de innovatione fraternitatis nostræ. 18. Et nunc benefacietis respondentes nobis ad hæc. 19. Et hoc est rescriptum epistolarum, quod miserat Oniæ: 20. ARIUS, rex Spartiatarum, Oniæ sacerdoti magno salutem. 21. Inventum est in scriptura de Spartiatis et Judæis, quoniam sunt fratres, et quod sunt de genere Abraham. 22. Et nunc ex quo hæc cognovimus, benefacietis scribentes nobis de pace vestra. 23. Sed et nos rescripsimus vobis: Pecora nostra et possessiones nostræ vestræ sunt, et vestræ nostræ; mandavimus itaque hæc nuntiari vobis. 24. Et audivit Jonathas, quoniam regressi sunt principes Demetrii cum exercitu multo supra quam prius, pugnare adversus eum. 25. Et exiit ab Jerusalem, et occurrit eis in Amathite regione: non enim dederat eis spatium ut ingredierentur regionem ejus. 26. Et misit speculatores in castra eorum, et reversi renuntiaverunt quod constituant supervenire illis nocte. 27. Cum occidisset autem sol, præcepit Jonathas suis vigilare, et esse in armis paratos ad pugnam tota nocte, et posuit custodes per circuitum castrorum. 28. Et audierunt adversarii quod paratus est Jonathas cum suis in bello: et timuerunt, et formidaverunt in corde suo: et accenderunt focos in castris suis. 29. Jonathas autem, et qui cum eo erant, non cognoverunt usque mane: videbant autem luminaria ardentia; 30. et secutus est eos Jonathas, et non comprehendit eos: transierant enim flu-

men Eleutherum. 31. Etdivertit Jonathas ad Arabas, qui vocantur Zabadæi, et percussit eos, et accepit spolia eorum. 32. Et junxit, et venit Damascum, et perambulabat omnem regionem illam. 33. Simon autem exiit, et venit usque ad Ascalonem, et ad proxima præsidia: et declinavit in Joppen, et occupavit eam (34. audivit enim quod vellent præsidium tradere partibus Demetrii); et posuit ibi custodes ut custodirent eam. 35. Et reversus est Jonathas, et convocavit seniores populi, et cogitavit cum eis aedificare præsidia in Judæa, 36. et aedificare muros in Jerusalem, et exaltare altitudinem magnam inter medium arcis et civitatis, ut separaret eam a civitate, ut esset ipsa singulariter, et neque emant, neque vendant. 37. Et convenerunt, ut aedificarent civitatem; et cecidit murus qui erat super torrentem ab ortu solis, et reparavit eum qui vocatur Caphetetha: 38. et Simon aedificavit Adiada in Sephela, et munivit eam, et imposuit portas et seras. 39. Et cum cogiasset Tryphon regnare Asiæ, et assumere diadema, et extenderet manum in Antiochum regem: 40. timens ne forte non permitteret eum Jonathas, sed pugnaret adversus eum, quærebat comprehendere eum et occidere. Et exsurgens abiit in Bethsan. 41. Et exivit Jonathas obviam illi cum quadraginta milibus virorum electorum in prælium, et venit Bethsan. 42. Et vidit Tryphon quia venit Jonathas cum exercitu multo ut extenderet in eum manus, et timuit; 43. et exceptit eum cum honore, et commendavit eum omnibus amicis suis, et dedit ei munera; et præcepit exercitibus suis ut obedirent ei, sicut sibi. 44. Et dixit Jonathæ: Utquid vexasti universum populum, cum bellum nobis non sit? 45. Et nunc remitte eos in domos suas: elige autem tibi viros paucos qui tecum sint, et veni mecum Ptolemaidam, et tradam eam tibi, et reliqua præsidia, et exercitum, et universos præpositos negotii, et conversus abibo: propterea enim veni. 46. Et credidit ei, et fecit sicut dixit; et dimisit exercitum, et abierunt in terram Juda. 47. Retinuit autem secum tria millia virorum, ex quibus remisit in Galilæam duo millia; mille autem venerunt cum eo. 48. Ut autem intravit Ptolemaidam Jonathas, clauerunt portas civitatis Ptolemenses, et comprehendenterunt eum; et omnes qui cum eo intraverant gladio interfecerunt. 49. Et misit Tryphon exercitum et equites in Galilæam et in campum magnum, ut perderent omnes socios Jonathæ. 50. At illi cum cognovissent quia comprehensus est Jonathas, et periit, et omnes qui cum eo erant, hortati sunt semetipsos, et exierunt parati in prælium. Et videntes hi, qui inservi fuerant, quia pro anima res est illis, reversi sunt; 52. illi autem venerunt omnes cum pace in terram Juda. Et planxerunt Jonathan, et eos qui cum ipso fuerant, valde: et luxit Israel luctu magno. 53. Et quæsierunt omnes gentes, quæ erant in circuitu eorum, conterere eos; dixerunt enim: 54. Non habent principem et adjuvantem; nunc ergo expugnemus illos, et tollamus de hominibus memoriam eorum.

Vers. 1. 1. ET VIDIT JONATHAS QUA TEMPUS EUM JUVAT, — quo, post heroica facta totque victorias, ingens nominis ejus fama percrebuerat apud Romanos et Spartiatas, ut ambirent cum eo inire amicitiam et fœdus.

Vers. 2. 2. ET AD SPARTIATAS, — incolas Spartæ, qui et Lacones sive Lacedæmonii sunt dicti, et fuere posteri Heraclidarum (sociorum Herculis) Agidæ nominati, quos Lycurgus suis legibus ad miram politiam, temperantiam et fortitudinem evexit, ideoque Lacones pro libertate Spartæ omnino acerrime certarunt, et etiamnum cum Turca certant. Licet enim ei tributum pendant, tamen urbem arcemque suam ab omni Turcarum præsidio liberam servant, et constantissime tuentur.

Vers. 7. 7. JAMPRIDEM MISSÆ ERANT EPISTOLE AD ONIAM SUMMUM SACERDOTEM (Pontificem) AB ARILO, QUI RE-

GNABAT APUD VOS. — Arius hic fuit inter Agidarum reges quartus a fine, qui multa contra Pyrrhum Epiri, et Antigonus Macedoniæ reges prælia commisit, atque ad Oniam Pontificem sociales et foederales dedit litteras quæ recitantur vers. 20.

9. NOS CUM NULLO HORUM INDIGEREMUS HABENTES VERS. SOLATIO SANCTOS LIBROS. — Posterior pars dat causam prioris, q. d. Ideo non indiguimus vestra ope, nec eam imploravimus; quia hanc præstiterunt nobis libri Mosis et Prophetarum qui nobis certo promittunt in rebus arctis et desperatis Dei auxilium, si ei fideliter serviamus eumque invocemus. Deum ergo invocantes, et adjutorem habentes, homines auxiliatores non quæsivimus.

11. IN OBSERVATIONIBUS — sacrorum rituum, festorum et orationum. Unde Græca clarius habent: in obsecrationibus.

Vers. 21. 21. INVENTUM EST IN SCRIPTURA (non sacra, licet id quoque velit Josephus, lib. XIII, cap. IX, sed profana, puta in historiis et Chronicis Spartiatarum) DE SPARTIATIS ET JUDÆIS, QUONIAM (quod) SUNT FRATRES, ET QUOD SUNT DE GENERE ABRAHAM. — Spartiatæ enim jactabant se prognatos ex Abraham per Ceturam, quæ fuit tertia Abrahæ uxor, Genes. xxv, 1. Ita Josephus, licet alii putent Spartiatas ab Abraham per Agar et Ismaelem descendere. Plures hujus cognitionis Spartiatarum cum Judæis conjecturas afferunt Serarius hic, pag. 753 in medio, quarum prima est magna similitudo utrorumque, tum in legibus, uti notavit Clemens Alexandrinus, I Strom., tum in institutis præser-timque in ablutionibus quotidianis et unctionibus, de quibus Strabo, lib. III, tum in constan-tia, robore et fortitudine bellica. Denique cum Nabuchodonosor obsedit Tyrum, multi incolarum profugerunt in Cyprum, Macedoniam Græciamque, ait S. Hieronymus in cap. xxiii Isaiae. Idem fecisse Judeos obsessa ab eodem vicina Je-rosolyma plane credibile est. Unde idem S. Hieronymus in epist. ad Ephesios Ephesum dictam asserit ab Hebræis ψῆφον « chephets, » id est vo-luntas, benevolentia. Atque hac de causa Spartæ multi degebant Judæi qui cum Spartiatis conjugia inibant.

Vers. 23. 23. POSSESSIONES NOSTRAE VESTRAE SUNT, ET VES-TRA NOSTRAE : — formula est loquendi significan-dique se esse amicos, q. d. Spartiatæ sunt amici Judæorum, ideoque possessiones suas eis offe-runt, et possessiones ipsorum suas aestimant; amicorum enim omnia sunt communia. Addit Jo-sephus litteras has Spartiatarum obsignatas fuisse proprio urbis eorum sigillo, quod erat signum aquilæ quæ unguibus tenebat draconem.

Vers. 24. 24. REGESSI SUNT PRINCIPES DEMETRII CUM EXER-CITU MULTO SUPRA QUAM PRIUS, — id est, multo ma-jore quam prius fuerat, ut dedecus fugæ præce-dentis abolerent, Jonathamque validius oppugnarent.

Vers. 25. 24. ET OCCURRIT EIS IN AMATHITE REGIONE. — Regio hæc est pars Syriæ et confinis, imo terminus Judææ, ut patet III Reg. VIII, 65; et lib. IV, cap. XIV, vers. 15, sita est juxta Libanum et Da-mascum. Tota ergo hæc regio dicitur Amath, vel Emath, aut Hamath, vel Hemath, indeque Ama-thites, vel Hemathites. Prudenter hoc fecit Jonatha, ut extra Judæam suam in Syria cum hosti-bus configeret. Militare enim præceptum est cum hoste configendum esse in terra non propria, sed hostili, ut illam, non tuam vastes. Sic Scipio sub idem hoc tempus noluit configere cum Annibale in Italia; sed trajecit in Africam, eoque avocavit Annibalem, ac tandem Carthaginem ipsam expugnavit.

Vers. 28. 28. ET ACCENDERUNT FOCOS IN CASTRIS SUIS, — ut simularent Demetriani se in castris degere et vi-gilare, non vero fugere, ne si Jonathas adverteret eos fugere, fugientes insequeretur. Idem fecit An-

nibal focorum excitatione fallens Romanos sua castra cingentes, et ex eorum manibus elabens.

36. COGITAVIT JONATHAS EXALTARE ALTITUDINEM Vers. 36 INTER MEDIUM ARCS ET CIVITATIS, UT SEPARARET EAM A CIVITATE, UT ESSET IPSA SINGULARITER, ET NEQUE EMANT, NEQUE VENDANT. — Jonathas, videns arcem Sion a Demetrianis insessam ob munitionem ægre a se posse expugnari, erexit murum altum inter arcem et urbem Jerusalem, eoque seclusit arcem ab urbe ut ipsa esset singularis, id est solitaria, nec ullum haberet cum urbe commercium, adeo-que potestatem sua vendendi et emendi in urbe eis ademit; qua ratione eos ad tantam famem adegit, ut cogerentur se dedere, ut patebit capite sequenti, vers. 49 et 50.

39. ET CUM COGITASSET TRYPHON REGNARE (domi-nari) ASIÆ, — nimirum facere se regem Asiæ, occiso Antiocho rege pupillo, cujus ipse erat tutor.

40. ET EXSURGENS ABIIT IN BETHSAN quæ postea Vers. 40. Scythopolis est dicta, sitaque juxta Tyberiadem.

43. VENI MECUM PTOLEMAIDAM, ET TRADAM EAM Vers. 43. TIBI. — Hæc enim civitas confinis erat Judææ, ideoque a Demetrio promissa fuerat Jonathæ, cap. x, vers. 39. Vide hic perfidiam, dolum et in-sidias Tryphonis.

46. ET CREDIDIT EI. — Nimis facile Jonathas vir Vers. 46. simplicis candidique animi credidit versipelli et perfido Tryphoni; quare temere dimisit exerci-tum, ideoque captus ab eo et occisus est.

51. VIDENTES HI QUI INSECUTI FUERANT (milites Vers. 51. Tryphonis), QUA PRO ANIMA RES EST ILLIS (id est quod Judæi pro vita sua pugnaturi sint usque ad mortem), REVERSI SUNT; — nam cum desperatis, aut animo resolutis, qui scilicet aut vincere, aut mori decreverunt, periculosissime pugnatur, nec nisi cum certo magnæ cladis accipiendæ discri-mine, uti docent Vegetius et Julius Frontinus, lib. II De Stratagematis, cap. VI, cuius titulus est: *De mittendo hoste, ne clausus prælum ex desperatione redintegret*, ubi idipsum multis exemplis confirmat. « L. Marius, inquit, cui, duobus Scipionibus occisis, exercitus imperium detulit, cum circumventi ab eo Poeni, ne inulti morerentur, acieris pugnarent, laxatis manipulis, et concesso fugæ spatio, dissipatos sine periculo suorum truci-davit. C. Cæsar Germanos inclusos, ex desperatione fortius pugnantes, emitti jussit, fugientes que aggressus est. Annibal, cum ad Trasimenum inclusi Germani acerrime pugnarent, deductis ordinibus fecit eis abunde potestatem, eunesque sine suorum sanguine stravit. Antigonus rex Ma-cedonum Ætolis, qui in obsidionem ab eo com-pulsi fame urgebantur, statuerantque eruptione facta commori, viam fugæ dedit, atque ita in-fracto impetu eorum, insecutos, aversos cecidit. Themistocles, victo Xerxe, volentes suos pontem rumpere prohibuit, cum docuisset potius esse eum expelli ex Europa, quam cogi ex desperatione pugnare. Idem misit ad eum, qui indicaret

in quo periculo esset, nisi fugam maturaret. Vide dicta II Reg. II, 26, ad illa : « An ignoras quod periculosa sit desperatio. »

Nota hæc omnia fusius narrari a Jósepho; Apiano et Justino, lib. XXXV et XXXVI; in quibus tamen nonnulla sunt quæ à narratione S. Scripturæ hos loco disseunt, in quibus proinde plane fidè vacillat. Atque ut videoas quam Gentiles Judæis infensi eorum res vel ignorarint, vel depravarint, Justinus citato libro XXXVI, ita de Judæis scribit : « Fuit Judæis origo Damascena, quæ Syriæ nobilissima civitas est; unde et Syriis a regibus genus ex regina Semiramide fuit. Nomen urbi a Damasco rege inditum; in cuius honore, Syrii sepulcrum Arathis uxoris ejus pro templo coluere, deamque exinde sanctissimæ religionis habent. Post Damascum Abraham, Moses, Israel reges fuere. Sed Israelem felix decem filiorum proventus majoribus suis clariorem fecit. Itaque populum in decem regna divisum filii tradidit omnesque ex nomine Judæ, qui post divisionem decesserat, Judæos appellavit, colique ejus memoriam ab omnibus jussit; » ubi plures

Vides errores et figmenta quam sententias, sed falsiora his subjicit dicens Joseph filium Jacob fuisse magnum, additque : « Filius ejus (Josephi) fuit Moses, quem etiam præter paternæ scientiæ hereditatem formæ pulchritudo commendabat. Sed cum scabiæ Ægyptii et pruriginem patrentur, responsò moniti entum cum ægris, ne pestis ad plures serperet, terminis Ægypti pellunt. Dux igitur exulum factus, sacra Ægyptiorum furto abstulit, quæ repetentes armis Ægyptii, domum redire tempestatibus compulsi sunt. »

Et non multis interjectis : « Et quoniam metu contagionis pulsos se ab Ægypto meminerant, ne eadem causa invisi apud incolas forent, caverunt ne cum peregrinis communicarent; quod ex causa factum, paulatim in disciplinam religionemque convertit. Post Mosen etiam ejus filius Aruas, sacerdos sacris Ægyptiis, mox rex creatus, semperque exinde hic mos apud Judæos fuit, ut eosdem etreges et sacerdotes haberent; quorum justitia religione permixta, incredibile quantum coaluere. »

Quid hisce mendaciis agglomeratis et condensatis falsius dici potest?

CAPUT DECIMUM TERTIUM.

SYNOPSIS CAPITIS.

Jonathæ capto succedit frater Simon, qui Tryphon pro Jonatha lytrum centum talentorum, et duos ejus filios obsides poscenti misit et persolvit; sed eis acceptis perfidus Tryphon Jonatham cum filiis occidit. Idem mox, vers. 31, interficit Antiochum pupillum sibi commissum, regnumque ejus occupat. Quare contra eum Simon Judææ urbes communis, fœdusque cum Demetrio Tryphonis æmulo sancit. Denique, vers. 43, Gazam et vers. 49, arcem Sion fame expugnat, ac Joannem filium suum exercitui præficit.

1. Et audivit Simon quod congregavit Tryphon exercitum copiosum, ut veniret in terram Juda, et attereret eam.
2. Videns quia in tremore populus est et in timore, ascendit Jerusalem, et congregavit populum;
3. et adhortans dixit : Vos scitis quanta ego, et fratres mei, et domus patris mei, fecimus pro legibus et pro sanctis prælia, et angustias quales vidimus;
4. horum gratia perierunt fratres mei omnes propter Israel, et relictus sum ego solus.
5. Et nunc non mihi contingat parcere animæ meæ in omni tempore tribulationis : non enim melior sum fratribus meis.
6. Vindicabo itaque gentem meam, et sancta, natos quoque nostros, et uxores : quia congregatae sunt universæ gentes conterere nos inimicitiae gratia.
7. Et accensus est spiritus populi, simul ut audivit sermones istos.
8. Et responderunt voce magna dicentes : Tu es dux noster loco Judæ et Jonathæ fratris tui;
9. pugna prælium nostrum, et omnia quæcumque dixeris nobis faciemus.
10. Et congregans omnes viros bellatores, acceleravit consummare universos muros Jerusalem, et munivit eam in gyro.
11. Et misit Jonathan filium Absalomi, et cum eo exercitum novum, in Joppen ; et ejectis his qui erant in ea, remansit illic ipse.
12. Et movit Tryphon a Ptolemaida cum exercitu multo, ut veniret in terram Juda, et Jonathas cum eo in custodia.
13. Simon autem applicuit in Addus contra faciem campi.
14. Et ut cognovit Tryphon quia surrexit Simon loco fratris sui Jonathæ, et quia commissurus esset cum eo prælium, misit ad eum legatos,
15. dicens : Pro argento quod debebat frater tuus Jonathas in ratione regis, propter negotia quæ habuit, detiriimus eum.

16. Et nunc mitte argenti talenta centum, et duos filios ejus obsides, ut non dimissus fugiat a nobis, et remitteremus eum. 17. Et cognovit Simon quia cum dolo loqueretur secum, jussit tamen dari argentum et pueros; ne inimicitiam magnam sumeret ad populum Israel, dicentem: 18. Quia non misit ei argentum et pueros, propterea periit. 19. Et misit pueros et centum talenta: et mentitus est, et non dimisit Jonathan. 20. Et post haec venit Tryphon intra regionem, ut contereret eam: et gyrauerunt per viam quae dicit Ador; et Simon et castra ejus ambulabant in omnem locum quocumque ibant. 21. Qui autem in arce erant, miserunt ad Tryphonem legatos, ut festinaret venire per desertum, et mitteret illis alimonias. 22. Et paravit Tryphon omnem equitatum, ut veniret illa nocte: erat autem nix multa valde, et non venit in Galaaditim. 23. Et cum appropinquasset Bascaman, occidit Jonathan et filios ejus illic. 24. Et convertit Tryphon, et abiit in terram suam. 25. Et misit Simon, et accepit ossa Jonathæ fratris sui, et sepelivit ea in Modin civitate patrum ejus. 26. Et planxerunt eum omnis Israel planetu magno, et luxerunt eum dies multos. 27. Et ædificavit Simon super sepulcrum patris sui et fratrum suorum ædificium altum visu, lapide polito retro et ante. 28. Et statuit septem pyramidas, unam contra unam patri et matri, et quatuor fratribus: 29. et his circumposuit columnas magnas; et super columnas arma, ad memoriam æternam; et juxta arma naves sculptas, quæ viderentur ab omnibus navigantibus mare. 30. Hoc est sepulcrum quod fecit in Modin, usque in hunc diem. 31. Tryphon autem, cum iter faceret cum Antiocho rege adolescente, dolo occidit eum. 32. Et regnavit loco ejus, et imposuit sibi diadema Asiæ, et fecit plagam magnam in terra. 33. Et ædificavit Simon præsidia Judææ, muniens ea turribus excelsis, et muris magnis, et portis, et seris: et posuit alimenta in munitionibus. 34. Et elegit Simon viros, et misit ad Demetrium regem, ut faceret remissionem regioni: quia actus omnes Tryphonis per direptionem fuerant gesti. 35. Et Demetrius rex ad verba ista respondit ei, et scripsit epistolam talem: 36. REX Demetrius Simoni summo sacerdoti, et amico regum, et senioribus et genti Judæorum, salutem. 37. Coronam auream, et bæhem quam misistis, suscepimus: et parati sumus facere vobiscum pacem magnam, et scribere præpositis regis remittere vobis quæ indulsimus. 38. Quæcumque enim constituimus vobis constant. Munitiones quas ædificastis vobis sint. 39. Remittimus quoque ignorantias et peccata usque in hodiernum diem, et coronam quam debebatis: et si quid aliud erat tributarium in Jerusalem, jam non sit tributarium. 40. Et si qui ex vobis apti sunt conscribi inter nostros, conscribantur, et sit inter nos pax. 41. Anno centesimo septuagesimo ablatum est jugum Gentium ab Israel. 42. Et cœpit populus Israel scribere in tabulis et gestis publicis, anno primo sub Simone summo sacerdote, magno duce, et principe Judæorum. 43. In diebus illis applicuit Simon ad Gazam, et circumdedit eam castris, et fecit machinas, et applicuit ad civitatem, et percussit turrem unam, et comprehendit eam. 44. Et eruperant qui erant intra machinam in civitatem, et factus est motus magnus in civitate. 45. Et ascenderunt qui erant in civitate cum uxoribus et filiis supra murum, scisis tunicis suis, et clamaverunt voce magna, postulantes a Simone dextras sibi dari, 46. et dixerunt: Non nobis reddas secundum malitias nostras, sed secundum misericordias tuas. 47. Et flexus Simon, non debellavit eos: ejecit tamen eos de civitate, et mundavit ædes in quibus fuerant simulacra, et tunc intravit in eam cum hymnis, benedicens Dominum: 48. et ejecta ab ea omni immunditia, collocavit in ea viros qui legem facerent; et munivit eam, et fecit sibi habitacionem. 49. Qui autem erant in arce Jerusalem prohibebantur egredi et ingredi regionem, et emere ac vendere: et esurierunt valde, et multi ex eis fame perierunt. 50. Et clamaverunt ad Simonem ut dextras acciperent; et dedit illis, et ejecit eos inde, et mundavit arcem a contaminationibus: 51. et intraverunt in eam tertia et vigesima die secundi mensis, anno centesimo septuagesimo primo, cum laude, et ramis palmarum, et cinyris, et cymbalis, et na-

blis, et hymnis, et canticis, quia contritus est inimicus magnus ex Israel. 52. Et constituit ut omnibus annis agerentur dies hi cum lætitia. 53. Et munivit montem templi, qui erat secus arcem, et habitavit ibi ipse, et qui cum eo erant. 54. Et vidit Simon Joannem filium suum, quod fortis prælii vir esset: et posuit eum ducem virtutum universarum, et habitavit in Gazaris.

Vers. 8. 8. TU ES DUX NOSTER LOCO JUDÆ ET JONATHÆ FRA-
TRIS TUI. — Hic populus Simonem crebat ducem et Pontificem anno 170 Græcorum, ut dicitur vers. 41 et 42. Simon ergo ducatum et Pontificatum gessit per septem annos, nimirum usque ad annum 177 Græcorum, quo perfide a genero suo occisus est, ut dicitur cap. xvi, 14.

Vers. 10. 10. ACCELERAVIT CONSUMMARE UNIVERSOS MUROS
JERUSALEM, — ne Demetriani ex arce Sion eam se absente et pergente contra Tryphonem invaderent et spoliarent.

Vers. 13. 13. SIMON AUTEM APPLICUIT IN ADDUS, — quam ipse cap. xii, 38, communierat, ubi tamen *Addus* vocatur *Adiada*, Græce *Adida*. Sita est in Palmyrena Phœniciae regione. Hic castra locavit Simon) CONTRA FACIEM CAMPY, — id est ex adverso campi magni et spatiosi, invitans et irritans hac ratione Tryphonem ad conflictum secum ineundum.

Vers. 14. 14. ET UT COGNOVIT TRYPHON. — Tryphon, metuens Simonis copias, pellem leoninam in vulpinam mutavit, doloseque finxit se amicum, itaque fraudulenter a Simone centum talenta, ac duos filios Jonathæ pro ejus lytro extorsit.

Vers. 15. 15. IN RATIONE REGIS, — q. d. in rationibus regis, sive in libris computuum invenimus Jonatham debere regi centum talenta: mitte ergo illa cum duobus filiis ejus obsidibus, et ego remittam tibi Jonatham. Centum talenta auri, si Attica fuerint, faciunt sexcenta millia aureorum; sin Hebræa, faciunt dupla amplius, nimirum millionem, et insuper ducenta millia aureorum; tantum ergo vim auri Simon misit Tryphonii pro fratre Jonatha redimendo.

Vers. 17. 17. ET COGNOVIT SIMON QUA CUM DOLO LOQUERETUR SECUM. — «Cognovit,» id est, subodoratus et probabiliter suspicatus est Tryphonem secum non sincere, sed dolose agere, ex eo quod expertus erat ejus ingenium vafrum et perfidum, præser-tim cum Jonatham per fraudem cepisset, et mille ejus socios occidisset; quia tamen non erat certus eum dolose agere, et quia intime amabat Jonatham, eumque sibi et Israeli omnibus modis restitui cupiebat, et ne populo occasionem daret murmurandi sibique rebellandi, quasi qui ex ambitione regnandi, et ex avaritia neglexisset liberare Jonatham, ut ipse ejus loco imperaret, quæ rebellio plane Rempublicam Israelis evertisset, utpote cum illam invaderat cum magnis copiis Tryphon; hisce de causis prudenter Simon) JUSSIT DARI ARGENTUM ET PUEROS, — præser-tim quia, ut ait S. Thomas, non putabat Tryphonem tam fore crudelem, ut eos occideret.

Vers. 20. 20. ET GYRAVERUNT PER VIAM QUA DUCIT ADOR,

quæ est urbs Phœniciae mari adjacens vicina Ptolemaidi, ac a Ptolemæo Dor vel Dora (unde Doris Græcos ortos dictosque opinantur nonnulli) vocatur. Josephus tamen, lib. XIII, cap. xiii, eam vocat urbem Idumææ, forte quod ab Idumæis es-set occupata eisque subjecta.

ET SIMON ET CASTRA EJUS AMBULABANT IN OMNEM LOCUM QUOCUMQUE IBANT — Tryphon et milites ejus, q. d. Simon ubique opponebat se Tryphoni, ne alicubi in fines Judææ irrumperet; circa illos gy-rabat et oberrabat Tryphon.

Vers. 21. 21. QUI AUTEM IN ARCE (Sion) ERANT, — præsi-diarii Tryphoniani, fame pressi miserunt ad Tryphonem ut alimenta eis per equites via deserti submitteret.

Vers. 22. 22. ERAT AUTEM NIX MULTA VALDE, (quæ impe-dit Tryphonem ne posset ingredi et inferre annonam in arcem Sion): ET NON VENIT IN GALAADITIM. — Videntur hic aliqua verba desiderari, quæ habent Græca hoc modo: *Et fuit nix multa valde, non venit propter nivem: Et movit castra, et venit in Galaaditim;* quomodo habet etiam Josephus. Et quomodo non venit in Galaaditim, cum vene-rit ad ejus oppidum, dictum Bascaman, ad quod occidit Jonathan et filios ejus, ut statim subditur: amanuensem a priore «venit» ad posterius imprudenter transiliisse existimat Emmanuel Sa et Salianus. Potest tamen Latinus textus cum Græco conciliari hoc modo: Tryphon non venit in Galaaditim, ut habet Latinus, nimirum eodem die prout destinarat, idque ob nivem quæ impedi-bat iter, uti præcessit: quare postero vel tertio die venit in Galaaditim, ut habet Græcus, ut in Syriam et Antiochiam unde venerat, rediret.

Vers. 23. 23. ET CUM APPROFINQUASSET BASCAMAN, OCCIDIT JONATHAN ET FILIOS EJUS ILLIC. — Cum Tryphon ob nivem progredi non posset, sed regredi cog-e-retur, iratus occidit Jonathan cum filiis, ut suum in eum odium expromeret, utque Judæis noceret quantum posset. Addit Josephus eum commis-sisse prælium cum Simone, eoque superatum ex indignatione et vindicta occidisse Jonathan. Sed hujus prælii non meminit Scriptura, illudque im-pediebat alta nix. Porro occisus est Jonathas anno 19 sui principatus et Pontificatus (non septimo, ut ait Josephus, nec 14 Pontificatus et 18 ducatus, ut vult Scaliger); tot enim annis præfuit Israeli ut dux et Pontifex, scilicet ab anno 152 Græcorum inchoante, quo cæso Judæ in prælio successit Jonathas usque ad annum 170 Græcorum, quo a Tryphone necatus est Jonathas; qui fuit ante natalem Christi annus 141. Ita Salianus et ali.

Vers. 27. 27. ET AEDIFICAVIT SIMON SUPER SEPULCRUM PATRIS SUI, etc. LAPIDE POLITICO. — Josephus : « Ex marmore candido et polito, »

Vers. 28. 28. ET STATUIT SEPTEM PYRAMIDAS, UNAM CONTRA UNAM, — id est unam alteri oppositam, sive unam ex adverso alterius, q. d. Binas et binas statuit columnas. Septem autem fuere, quia duas erexit patri et matri, quatuor totidem fratribus, scilicet Judæ, Jonathæ, Joanni et Eleazar, *I Machab.* II, 2; septimam vero sibi reservavit.

Vers. 29. 29. ET JUXTA ARMA, NAVES SCULPTAS, — ut per naves ostenderet eos tam mari quam terra fuisse potentes, et utrobique illustres obtinuisse victorias, etsi bellorum navalium ab eis gestorum nulla hoc libro facta sit mentio.

Vers. 30. 30. HOC EST SEPULCRUM QUOD FECIT IN MODIN USQUE IN HUNC DIEM. — Duravit hoc sepulcrum usque ad tempora Josephi, ut ipse testatur; imo usque ad tempora S. Hieronymi per 500 annos. Nam in locis *Hebr.* ita scribit S. Hieronymus : « Modin vicus juxta Diospolin unde fuerunt Machabæi, quorum hodieque ibidem sepulcra monstrantur. »

Vers. 31. 31. TRYPHON AUTEM, CUM ITER FACERET CUM ANTONIO REGE ADOLESCENTE, DOLO OCCIDIT EUM, — uti dolo ceperat et occiderat Jonathan cum filii. Modum necis enarrat Livii abbreviator, *Epist.* 55 : « Alexandri filius, inquit, rex Syriæ, decem annos admodum habens, a Diodoro, qui Tryphon cognominabatur, tutore suo, per fraudem occisus est, corruptis quidem medicis, qui eum calculi dolore consumi ad populum mentiti, dum secant illum, occiderunt. » Eademque videtur Josephi sententia, lib. XIII, cap. XII, ubi ait : χειρόμενος ἀπεθάνει, id est dum a chirurgis curaretur mortuus est : quod Josephi interpres perperam vertit, *inter exercendum se est extinctus*. Hic fuit genius perfidi Tryphonis tyranni; ideoque et ipse post biennium ab Antiocho Sidete pari modo occisus est. Porro vide hic justum Dei judicium, quo plane impiam stirpem et propaginem impiissimi Antiochi Epiphanis in Antiocho hoc ejus nepote sustulit. Epiphani enim miserrime morienti successit filius Antiochus Eupator puer, quem Demetrius senior interemit. Eupatori successit frater Alexander Veles quem Ptolemæus Philometor in prælio interfecit; Alexandre successit hic Antiochus filius parvulus quem Tryphon necavit, ejusque regnum occupavit. Hic ergo impia Antiochi stirps funditus excisa est, et completum illud Psalmis : « Vidi impium superexaltatum, et elevatum super cedros Libani. Et transivi, et ecce non erat. »

Vers. 32. 32. ET FECIT PLAGAM MAGNAM, — occidens omnes qui sibi suæque regni Asiae invasioni adversabantur. Hic ergo Tryphon solus extitit, qui per dolum intrusus se in seriem Seleucidarum Asiae regum, ideoque per biennium tantum illud obtinuit; eo enim exacto Alexander Sidetes Demetrii senioris filius, et junioris frater, occiso Tryphone, regnum Asiae sibi et Seleucidis restituit.

Vers. 33. 33. ET AEDIFICAVIT (Simon contra Tryphonem; ne Judeam invaderet, uti invaserat regnum Asie), PRÆSIDIA JUDÆÆ, — id est arcæ in quibus milites præsidiarios ad eas tutandas collocavit.

Vers. 34. 34. ET MISIT AD DEMETRIUM REGEM UT FACERET REMISSIONEM — a tributis et a jugo Græcorum, sive Seleucidarum, ut scilicet Judæa non esset iis subjecta, sed libera, uti ante fuerat. Concessit id Demetrius; unde tunc nova Æra constituta est, a qua Judæi numerare cœperunt annos, scilicet ab anno primo Simonis, ut dicitur, vers. 42. Porro Demetrius hic junior filius fuit Demetrii senioris, cognomento Nicanor, qui paulo ante a Tryphone fuerat regno ejectus, cap. XI, vers. 55, ac ibidem vers. ult. a Jonatha bis fusus fugatusque; nunc vero Tryphonem metuens cum Simone fœdus init, ideoque Judææ suam libertatem postliminio restituit.

QUI ACTUS OMNES TRYPHONIS (quibus Judæis via tributa et onera imposuerat) PER DIREPTIONEM (id est per subreptionem et apertam injustitiam prædationemque) FUERUNT GESTI; — unde Græca habent : *Quia actus omnes Tryphonis erant rapinae, ideoque rescindendi; unde ea rescidit Demetrius.*

Vers. 37. 37. CORONAM AUREAM ET BAHEM QUAM MISISTIS, — quasi gratulantes mihi regnum recuperatum, optantesque victoram de Tryphone; cuius symbolum et omen est Bahes; Græce βάην, id est ramus palmæ, non ex arbore evulsus, sed ex auro fabrefactus. Sic enim vertit Noster, vers. 51. Bajon enim, sive βαῖον, est ramus palmæ, ita dictus παρὰ τὸ βαῖον τὸ λεπτόν, quod non facile revelli possit, eo quod natura sua sursum nitatur contra deprimentis manum. Hinc *Joan.* XII, rami palmarum vocantur βαῖα φοινίκων. Sic lib. II, cap. XIV, vers. 4, Alcimus obtulit alteri Demetrio coronam auream, et palmam, et thallos qui rami sunt : ex quo conjectari licet hæc Syriæ regibus a Judæis deferri solita. Hinc et βαῖα dicebantur dona, quæ Imperator Constantinus suis Palatinis, et Patriarcha suis clericis dabat ante diem Palmarum, quo Ecclesia ramos palmarum fidelibus distribuit. Noster Sanchez : Bahem, inquit, Hebraice בָּהֶם idem valet quod *in illis*, aut *inter illos*. Videtur autem Simon a Demetrio rege postulasse ut se reliquaque Judæos habeat cum illis qui amici sunt et federati, aut inter illos qui subditi sunt et vectigales, ut illos contra Tryphonem communem adversarium tueatur, qui ut præ se proxime tulerat, ad Judæorum cœdem toto animo et imperii viribus ferebatur.

Porro Isidorus in Glossario : « Baen, inquit, est lamina auri ab aure ad aurem qua familiares regum utebantur; ornamentum colli ex auro et gemmis, quod alio nomine torques dici potest; » unde gallicum *bague*, et Belgicum *bagghe*, id est *bacca*, bulla, monile nimirum baccatum, ut vocat Virgilius, *Aeneid.* I, hoc est *baccis*, id est gemmis ornatum.

Denique nonnulli *baben* suspicantur deductum

ab Hebreo בָּהֵן bohen, id est pollex, qui roboris et victoriæ est symbolum. Pollex enim dictus est, inquit D. Isidorus in *Etymol.* quod inter dgitos cæteros virtute polleat et potestate, et a Græcis ἀρισταρχος dictus, quod cum reliqua manu de virtute et robore certet; in cuius rei symbolum notat Pierius in *Hieroglyphicis*, Valerianus et Brixianus in *Symbolis* significari robur et fortitudinem, cum reliquis ad volam compressis digitis solus pollex surrigeretur, utpote qui solus cæterorum virtutem æquet.

Videntur ergo Judæi talem manum cum pollice surrecto ex auro misisse Demetrio, ut hoc symbolo repræsentarent ejus fortitudinem, æque ac victoriam; pollice enim olim victoria significabatur. Hinc apud priscos Latinos, qui in palestra succumbebat, pollicem elevabat (unde illud « tolle digitum ») ut se victimum fateretur. Et in gladiorum ludo solebat populus Romanus favere, et uni victoriam annuere presso pollice; alteri vero victoriam abnuere, et ad mortem damnare verso pollice. Vide dicta *Judicum* cap. I, vers. 6.

Hic sensus post primum cæteris duobus videatur accommodatior. Judæi enim coronam et bahem obtulerunt Demetrio alludentes et applaudentes ad ejus prælia et victorias ob quas ipse cognominatus est Nicanor, id est victor, q. d. Offerimus tibi Nicanori symbola νίκης, id est victoriæ, scilicet ramum palmæ vel manum exerentem pollicem. Porro Syrus bahem interpretatur *missionem*, hoc est munera et dona missa.

38. QUÆCUMQUE ENIM CONSTITUIMUS VOBIS (Græce *εργά των*, q. d. Privilegia quæ vobis concessi cap. XI, vers. 34), CONSTANT, — id est constantia, rata et firma esse decerno.

Vers. 39. 39. REMITTIMUS QUOQUE IGNORANTIAS ET PECCATA, — id est condono vobis quidquid contra me ignoranter vel scienter peccastis. Postquam enim Demetrius foedus initum cum Jonatha foede ruperat, Jonathas eum semel iterumque graviter cecidit, ac Judæi eum male tractarunt, ut patet cap. XI, vers. 63, et cap. XII, vers. 24. Quare Demetrius ea omnia eis remittit, ac præteritarum injuriarum inducit ἀμνησίαν et oblivionem.

Quocirca ex hac tam liberali gratia et privilegio Demetrii plena libertas data est Simoni et Judææ, ideoque

Vers. 41. 41. ANNO 170 ABLATUM EST JUGUM GRÆCORUM (Seleucidarum) AB ISRAEL.

42. ET COEPIT POPULUS SCRIBERE (novam Æram

ab hoc anno constituendo et inchoando) IN TABULIS ET GESTIS PUBLICIS: ANNO PRIMO SUB SIMONE SUMMO SACERDOTE. — Annus enim primus Simonis fuit 170 Græcorum quo Demetrius suo indulto libertatem hanc Judæis concessit.

43. APPLICUIT SIMON AD GAZAM. — Gazam sube- Vers. 43 gerat Jonathas, cap. XI, vers. 61; sed illo abeunte jugum excussit. Quare Simon hic eam rursus ob-sedit et ad prius jugum compulit.

48. COLLOCAVIT IN EA VIROS QUI LEGEM FACERENT, Vers. 48 — id est Judæos vel proselytos legis Mosaicæ sec-tatores, imo ipse Simon in ea domicilium fixit ut sequitur :

49. QUI AUTEM ERANT IN ARCE — montis Sion, hi Vers. 49 fame pressi arcem dediderunt Simoni, cum eam tenuissent per annos 26, scilicet ab anno 145 Græcorum, ut patet cap. I, vers. 21, 30 et 35, usque ad annum 171 Græcorum, ut hic dicitur, vers. 51. Addit Josephus Simonem arcem hanc plane di-ruisse et solo æquasse.

51. QUA CONTRITUS EST INIMICUS MAGNUS EX ISRAEL. Vers. 51 — Milites enim Seleucidarum Asie regum arcem Sionis insidentes infestissimi erant subjectæ Jerosolymæ templo, civibus omnibusque Judæis.

53. ET MUNIVIT MONTEM TEMPLI, — q. d. Arcem in Vers. 52 monte Sion juxta templum olim contra milites arcis jam dictæ a Juda Machabæo, cap. IV, vers. 60, exstructam, et ab impio Aleymo, cap. IX, vers. 54, destructam, iterumque a Jonatha, cap. X, vers. 11, reædificatam Simon novis operibus et fortalitiis communivit, in eaque habitavit, ut patet vers. 48, cum prius habitasset in Gazara, sed Gazaram misit Joannes filium suum, qui postea cognominatus est Hyrcanus, eumque utpote virum fortem exercitui præfecit. Hic est Joannes qui Simoni occiso in ducatu et Pontificatu successit, ut audiemus cap. ultimo.

54. ET POSUIT EUM (Joannem jam dictum) DUCEM VIRTUTUM (Græce δυνάμεων, id est exercituum sive copiarum) UNIVERSARUM; ET HABITAVIT (Joannes) IN GAZARIS. — Gazara sive Gadera, vel Gaser, av' Gezer, ait Adrichomius, erat urbs in tribu Ephraim, cuius regem occidit Josue, urbemque Levitis attribuit. Verum hic per Gazaram intelligitur Gaza urbs potens Philistinorum juxta Azotum, ut dicatur cap. XIV, vers. 34. Gazam enim ceperat Simon, ibique domicilium fixerat, ut dictum est vers. 48. Quare inde transiens, nunc in Jerusalem Gazam filio suo Joanni incolendam et custodien-dam commisit. Ita Salianus.

CAPUT DECIMUM QUARTUM

SYNOPSIS CAPITIS.

Demetrius, filius Demetrii, ab Arsace capit. Simon Judæam prudenter et feliciter gubernat, ac vers. 18, cum Romanis et Spartiatis fœdus renovat. Denique facta ejus heroica recensetur, et ab Israelitis in æreis tabulis templo appensis ad æternam memoriam inciduntur.

1. Anno centesimo septuagesimo secundo congregavit rex Demetrius exercitum suum, et abiit in Mediam ad contrahenda sibi auxilia, ut expugnaret Tryphonem. 2. Et audivit Arsaces rex Persidis et Mediae, quia intravit Demetrius confines suos, et misit unum de principibus suis ut comprehendenderet eum vivum, et adduceret eum ad se. 3. Et abiit, et percussit castra Demetrii; et comprehendit eum, et duxit eum ad Arsacem, et posuit eum in custodiā. 4. Et siluit omnis terra Juda omnibus diebus Simonis, et quæsivit bona genti suæ: et placuit illis potestas ejus, et gloria ejus, omnibus diebus. 5. Et cum omni gloria sua accepit Joppen in portum, et fecit introitum in insulis maris. 6. Et dilatavit fines gentis suæ, et obtinuit regionem. 7. Et congregavit captivitatē multam, et dominatus est Gazaræ, et Bethsuræ, et arci: et abstulit immunditias ex ea, et non erat qui resisteret ei. 8. Et unusquisque colebat terram suam cum pace: et terra Juda dabat fructus suos, et ligna camporum fructum suum. 9. Seniores in plateis sedebant omnes, et de bonis terræ tractabant, et juvenes induerant se gloriam et stolas belli. 10. Et civitatibus tribuebat alimonias, et constituebat eas ut essent vasa munitionis, quoadusque nominatum est nomen gloriæ ejus usque ad extremum terræ. 11. Fecit pacem super terram, et lætatus est Israel lætitia magna. 12. Et sedit unusquisque sub vite sua, et sub ferculina sua, et non erat qui eos terneret. 13. Defecit impugnans eos super terram: reges contriti sunt in diebus illis. 14. Et confirmavit omnes humiles populi sui, et legem exquisivit, et abstulit omnem iniquum et malum: 15. sancta glorificavit, et multiplicavit vasa sanctorum. 16. Et auditum est Romæ quia defunctus esset Jonathas, et usque in Spartiatas: et contrastati sunt valde. 17. Ut audierunt autem quod Simon frater ejus factus esset summus sacerdos loco ejus, et ipse obtineret omnem regionem et civitates in ea, 18. scripserunt ad eum in tabulis æreis, ut renovarent amicitias et societatem quam fecerant cum Juda et cum Jonatha fratribus ejus. 19. Et lectæ sunt in conspectu ecclesiæ in Jerusalem. Et hoc exemplum epistolarum, quas Spartiatæ miserunt: 20. SPARTIANORUM principes et civitates, Simoni sacerdoti magno, et senioribus, et sacerdotibus, et reliquo populo Judæorum, fratribus, salutem. 21. Legati, qui missi sunt ad populum nostrum, nuntiaverunt nobis de vestra gloria, et honore, ac lætitia: et gavisi sumus in introitu eorum. 22. Et scripsimus quæ ab eis erant dicta in conciliis populi, sic: Numenius Antiochi, et Antipater Jasonis filius, legati Judæorum, venerunt ad nos, renovantes nobiscum amicitiam pristinam. 23. Et placuit populo excipere viros gloriose, et ponere exemplum sermonum eorum in segregatis populi libris, ut sit ad memoriam populo Spartiatarum. Exemplum autem horum scripsimus Simoni magno sacerdoti. 24. Post hæc autem misit Simon Numenium Romanum, habentem clypeum aureum magnum, pondo mnarum mille, ad statuendam cum eis societatem. Cum autem audisset populus Romanus 25. sermones istos, dixerunt: Quam gratiarum actionem reddemus Simoni, et filiis ejus? 26. Restituit enim ipse fratres suos, et expugnavit inimicos Israel ab eis: et statuerunt ei libertatem, et descripserunt in tabulis æreis, et posuerunt in titulis in monte Sion. 27. Et hoc est exemplum scripturæ: OCTAVA decima dies mensis Elul, anno centesimo septuagesimo secundo, anno tertio sub Simone sacerdote ma-

gno in Asaramel, 28. in conventu magno sacerdotum, et populi, et principum gentis, et seniorum regionis, nota facta sunt hæc : Quoniam frequenter facta sunt prælia in regione nostra. 29. Simon autem Mathathiæ filius ex filiis Jarib, et fratres ejus dederunt se peritulo, et restiterunt adversariis gentis suæ, ut starent sancta ipsorum et lex : et gloria magna glorificaverunt gentem suam. 30. Et congregavit Jonathas gentem suam, et factus est illis sacerdos magnus, et appositus est ad populum suum. 31. Et voluerunt inimici eorum calcare et atterere regionem ipsorum, et extendere manus in sancta eorum. 32. Tunc restitit Simon, et pugnavit pro gente sua, et erogavit pecunias multas, et armavit viros virtutis gentis suæ, et dedit illis stipendia ; 33. et munivit civitates Judææ, et Bethsuram quæ erat in finibus Judææ, ubi erant arma hostium antea : et posuit illic præsidium viros Judæos. 34. Et Joppen munivit, quæ erat ad mare ; et Gazaram, quæ est in finibus Azoti, in qua hostes antea habitabant, et collocavit illic Judæos : et quæcumque apta erant ad correptionem eorum, posxit in eis. 35. Et vidit populus actum Simonis, et gloriam quam cogitabat facere genti suæ, et posuerunt eum ducem suum, et principem sacerdotum, eo quod ipse fecerat hæc omnia, et justitiam, et fidem quam conservavit genti suæ, et exquisivit omni modo exaltare populum suum. 36. Et in diebus ejus prosperatum est in manibus ejus, ut tollerentur gentes de regione ipsorum, et qui in civitate David erant in Jerusalem, in arce, de qua procedebant, et contaminabant omnia quæ in circuitu sanctorum sunt, et inferebant plagam magnam castitati : 37. et collocavit in ea viros Judæos ad tutamentum regionis et civitatis, et exaltavit muros Jerusalem. 38. Et rex Demetrius statuit illi summum sacerdotium. 39. Secundum hæc fecit eum amicum suum, et glorificavit eum gloria magna. 40. Audivit enim quod appellati sunt Judæi a Romanis amici, et socii, et fratres, et quia suscepserunt legatos Simonis gloriose : 41. et quia Judæi et sacerdotes eorum consenserunt eum esse ducem suum et summum sacerdotem in æternum, donec surgat propheta fidelis ; 42. et ut sit super eos dux, et ut cura esset illi pro sanctis, et ut constitueret præpositos super opera eorum, et super regionem, et super arma, et super præsidia : 43. et cura sit illi de sanctis : et ut audiatur ab omnibus, et scribantur in nomine ejus omnes conscriptiones in regione, et ut operiatur purpura et auro : 44. et ne liceat ulli ex populo et ex sacerdotibus irritum facere aliquid horum, et contradicere his quæ ab eo dicuntur, aut convocare conventum in regione sine ipso, et vestiri purpura, et uti fibula aurea. 45. Qui autem fecerit extra hæc, aut irritum fecerit aliquid horum, reus erit. 46. Et complacuit omni populo statuere Simonem, et facere secundum verba ista. 47. Et suscepit Simon, et placuit ei ut summo sacerdotio fungeretur, et esset dux et princeps gentis Judæorum, et sacerdotum, et præcesset omnibus. 48. Et scripturam istam dixerunt ponere in tabulis æreis, et ponere eas in peribolo sanctorum, in loco celebri : 49. exemplum autem eorum ponere in ærario, ut habeat Simon, et filii ejus.

Vers 2. **2. ET AUDIVIT ARSACES REX PERSIDIS ET MEDIE.**
QUIA (quod) INTRAVIT DEMETRIUS IN CONFINES SUOS.
 — Justinus, Appianus et alii Arsacem hunc vocant regem Parthorum, sed Parthi tunc dominabantur Persidi et Mediæ. Orosius, lib. V, cap. IV, Arsacem hunc proprio nomine vocat Mithridatem, eumque sextum facit a primo Arsace regni Parthorum fundatore; nam Arsacis nomen commune erat regibus Parthorum, teste Justino, lib. XLI, qui hunc Arsacem tertium vocat proprio nomine Pompatium, sive Priapatium, cuius filii duo Mithridates et Phrahates qui apud Parthos ambo postea regnarunt. Porro Demetrius a Tryphone

regno Syriæ exclusus, per vicinas regiones obrans, et auxilia undique conquirens, a Græcis, et Macedonibus illis in locis degentibus invitatus fuit, ut Arsaci bellum inferret, magna ei promittentes subsidia. Fecit id Demetrius, ac configens cum Arsace eum semel iterumque vicit; sed tandem victus captusque in Arsacis manus vivus venit. Audi Justinum, libro XXXVI, initio : « Demetrii adventum non inviti Orientis populi videre, et propter Arsacidæ regis Parthorum crudelitatem, et quod veteri Macedonum imperio, novi populi assueti, superbiam indigne ferebant. Itaque cum et Persarum, et Elimæorum, Bactrianorumque

auxiliis juvaretur, multis præliis Parthos fudit. Ad postremum tamen pacis simulatione deceptus, capit, traductusque per ora civitatum, populis qui desciverant, in ludibrium favoris ostenditur. Missus deinde in Hyrcaniam, benigne et juxta cultum pristinæ fortunæ habetur. »

Addit Justinus, lib. XXXVIII, Arsacem filiam suam Demetrio uxorem dedit. Appianus vero in Syriaco sub finem ait Demetrium commoratum in Phraatis regia, et Rhodogunam regis sororem in matrimonium duxisse.

Vers. 3. 3. ET POSUIT EUM IN CUSTODIAM. — Demetrio ab Arsace vito, vincito et incarceratedo, Cleopatra Ptolemæi Philometoris filia uxorque Demetrii jam capti fratrem ejus Antiochum Sidetem Seleucian accersivit, eique fratri regnum una cum suo coniugio obtulit. Sed e carcere liberatus Demetrius cum copiis reversus in Syriam, fratrem Sidetem tam regno quam vita spoliavit, teste Josepho, Justino, Appiano et aliis; sed de Sidete rursum agetur cap. xv.

Vers. 4. 4. ET SILUIT OMNIS TERRA (Judææ et vicinarum regionum Syriæ et Asiæ) OMNIBUS DIEBUS SIMONIS— ob ejus regimen prudens, suave et forte, adeo ut nemo eum invadere auderet. Quare deinceps mira Simonis elogia et facinora recensentur.

Vers. 5. 5. ET CUM OMNI GLORIA SUA ACCEPIT JOPPEN IN PORTUM, — q. d. Simon magnam sibi ac toti Israeli conciliavit gloriam æque ac utilitatem et opes, cum expugnavit Joppen, ibique portum constituit, e quo naves mitteret ad vicinas insulas, imo per totum mare, quæ omnis generis merces invehement et evehement. Portus enim Joppe totius Judææ est commodissimus; unde etiamnum perdurat, adeoque omnes eunes Jerosolymam primo appellunt ad Joppen, quæ nunc Jafo dicitur (1.) Porro urbes per portum opportunum mercatoribus et mercibus fiunt opulentissimæ, ut patet in Antuerpia, Venetiis, Lisbona, etc.

Vers. 7. 7. ET CONGREGAVIT CAPTIVITATEM MULTAM, — q. d. Simon multos hostium captivos abduxit; Judæos vero multos ab hostibus captos e captivitate liberavit.

Vers. 9. 9. JUVENES INDUEBANT SE GLORIAM, (id est gloriose et pretiosas induebant vestes quasi victores et de hostibus suis triumphantes, adeoque induebant) STOLAS BELLI, — id est vestes elegantiores quas bello acquisierant.

Vers. 10. 10. ET CONSTITUEBAT EAS, UT ESSENT VASA MUNITIONIS, — q. d. Simon urbes Judææ ita muris et arcibus communivit, ut essent « vasa, » id est receptacula, et valla contra hostes munitissima.

Vers. 14. 14. ET CONFIRMAVIT OMNES HUMILES POPULI SUI, — q. d. Simon Judæos sive ab hostibus, sive ab æmulis, sive alia quapiam causa et modo afflictos solatus est, erexit et confirmavit, afflictionem eorum, vel tollendo, vel minuendo, vel per media et subsidia toleratu facilem reddendo.

15. ET SANCTA GLORIFICAVIT, (id est magnum vers. 15. ornatum, splendorem et gloriam addidit sanctuario sive templo, ejusque sacrificiis sacrisque ritibus; et) VASA (quibus opus erat ad sacrificandum, thurificandum, aliisque modis Deum colendum,) MULTIPLICAVIT. — Fuere ergo sub Simone duce et Pontifice aurea Israelis sæcula, ut aurea Salomonis pax et opulentia sub eo et per eum rediisse videatur.

20. SPARTIANORUM PRINCIPES. — Recensentur hic Vers. 20. Epistolæ foederis, quod Spartiate cum Simone inierunt, æque ac inierant cum Juda et Jonatha.

22. ET SCRIPSIMUS QUÆ AB EIS ERANT DICTA IN CONCILIIS POPULI, — scilicet in publicis actis, et libris in quibus populi nostri gesta, historiæ, foedera cæteræque res omnes describuntur.

24. CLYFEUM AUREUM MAGNUM, PONDO MNARUM MILLE, — hoc est centum millium aureorum. Mna enim est quasi libra auri, quæ valet centum aureos; mille ergo mnæ faciunt centies mille aureos, hoc est centum millia aureorum.

CUM AUDISSET AUTEM POPULUS ROMANUS SERMONES ISTOS, DIXERUNT :

25. QUAM GRATIARUM ACTIONEM REDDEMUS SIMONI, Vers. 25. ET FILIIS EJUS. — Vox « Romanus, » inquit Salianus, abest a Græcis omnibus et Latinis, præterquam Vulgata; et improbat a Vatablo et Serario, et omnino videtur ex margine, ubi ea vox explicandi causa ab homine minime malo posita fuerat, in textum irrepsisse. Porro sequentem orationem non esse Romanorum, sed Judæorum ex eo patet, quod responsio Romanorum, in qua de hoc dono agitur, habetur cap. seq., vers. 16. Deinde tota oratio Hebraici ritus est, et nihil sapit Romanum morem. Nec enim Romani rerum domini solebant agere gratias populis minorum gentium, multo minus Judæis. Sic ergo sensus erit, q. d. Cum populus Judaicus de pace Judææ a Simone redditæ exultans audiret litteras Spartatarum, excitus spiritu gratitudinis ait: « Quam gratiarum actionem reddemus Simoni, et filiis ejus? Restituit enim ipse fratres suos. »

Verum quia Biblia Latina Romæ correcta ac Complutensia et Regia, item Pagninus, Lyranus et alii constanter legant « Romanus, » hocque apte respondeat legationi Simonis ad Romanos quæ immediate præcessit: hinc apte sic exponas, ut auctor hujus libri legationi Simonis ad Romanos voluerit breviter subjungere responsionem et gratulationem Romanorum, fusius deinde eam enarratur cap. seq., vers. 16. Nam quod sequitur: « Restituit enim ipse fratres suos, » et cætera quæ deinceps sequuntur, non populi Romani, ut patet intuenti, sed auctoris libri hujus sunt verba. Voluit enim auctor causas subjungere cur populus Romanus gratias egerit Simoni; nimirum propter heroica ejus facta et ingentia in Jerusalem cæterosque vicinos Romanis subditos merita, ut pote quibus Simon sua prudentia, fortitudine pacem et tranquillitatem communem crearat, itaque

(1) Vel Jaffa.

tam se et vicinos quam Romanos bellis liberarant. Ita Lyranus, Sanchez, Torniellus et alii.

Vers. 26. 26. RESTITUIT ENIM IPSE FRATRES SUOS, — q. d. Simon Israelitas et contribules suos animis viribusque collapsos et in servitatem quasi redactos ob Tryphonem, Demetrium aliasque hostes eos invadentes, restituit pristinæ magnanimitati, fortitudini, opulentiae et libertati. Unde Græca habent: *Firmavit vel stabilivit ipse, et fratres ejus, et domus patris ejus (Israelem) et expugnaverunt inimicos Israël ab eis*: scilicet ab Israelitis inimicos eorum expellendo et propulsando.

ET STATUERUNT EI LIBERTATEM, — q. d. Israelitæ statuerunt ut Simon ob sua merita liber esset ab omni tributo, onere, subjectione, utque cæteri omnes ei quasi Principi suo essent subjecti. Græci nonnulli legunt in singulari: « Statuit ei libertatem, » ac de Simone sic explicant, q. d. Simon sua sapientia, fortitudine et victoriis libertatem peperit, eumque a jugo Græcorum exemit, ut dictum est cap. XIII, vers. 41.

Vers. 27. 27. ET HOC EST EXEMPLUM SCRIPTURE (quam populus, non Romanus, sed Judaicus, ut patet, pro elogio Simonis in tabulis æreis templo appensis descriptis) OCTAVA DECIMA DIE MENSIS ELUL, (qui est sextus, et respondet nostro augusto), ANNO 172 (Græcorum) ANNO TERTIO SUR SIMONE SACERDOTE MAGNO (summo Pontifice) IN ASARAMEL. — Nam primus annus Simonis fuit 170 Græcorum; quare tertius annus Simonis fuit 172 Græcorum. Illud autem « in Asaramel, » vel, ut habent Græca, *Saramel*, Vatablus vocem corruptam putat, et legendum: in Jerusalem. Serarius ait retentam vocem Hebræam, qua significetur in principe Deo, ut Simon dicatur sacerdos magnus in Domino Deo, sive Domini Dei. Syrus pro « Asaramel » vertit *Israel*, et per eum non locum, sed majores natu, sive seniores et senatores Israelitæ intelligit, qui hoc elogium Simoni dederunt et scripserunt. Forte « Asaramel » vocatus est locus synedrii, sive aula magni concilii, in qua hoc decretum editum fuit.

Vers. 28. 29. UT STARENT SANCTA IPSORUM, — puta sanctum templum, sancta religio, sanctæ victimæ, sanctusque Dei cultus, quæ ab impio Antiocho Epiphane, ejusque sequacibus prostrata fuerant, hæc Simon et fratres ejus erexerunt.

Vers. 31. 31. CALCARE. — Græce *ἀρέτευσαι*, id est invadere, penetrare, pervadere, pessum dare.

34. ET QUÆCUMQUE APTA ERANT AD CORREPTIONEM. — Videtur legendum ad « correctionem, » id est instaurationem; hanc enim significat Græcum *ἐπανόρθωσιν*. Ita Vatablus, Sa, Salianus et alii.

Vers. 30. 36. ET INFEREBANT PLAGAM MAGNAM CASTITATI, — id est munditiæ et puritati templi, illud suis idolis, spuretiis et libidinibus profanando, polluendo, violando. Loquitur de arce Sion, ex qua milites Seleucidarum excurrebant in Jerosolymam et Judæos, eos deprædantes, verberantes, vulnerantes, occidentes, ac feminas eorum violantes; nam gymnasium luxuriæ sub arce jam sublatum

erat a Juda templum expurgante, ut dictum est cap. IV et lib. II, cap. X, vers. 2.

41. DONEC SURGAT PROPHETA FIDELIS, — scilicet Vers. 41. Christus summus Israelitæ Dux et Pontifex. Decernunt ergo Simonem ejusque posteros continua successione esse Israelitæ Duces et Pontifices, usque ad Christum, idque ita fere factum est. Nam Simonis progenies præfuit Israeli usque ad Herodem sub quo natus est Christus.

42. ET UT SIT SUPER EOS DUX, ET UT CURA ESSET Vers. 42. ILLI PRO SANCTIS. — Declaratur hic summa potestas data Simoni a populo, eaque duplex, nimis ut in civilibus et bellicis sit populi Dux, atque in sacris et ecclesiasticis sit Pontifex; huic enim « cura » incumbit « pro sanctis, » scilicet pro Sancto et Sancto sanctorum, proque sanctis sancti Dei victimis, ritibus, cæremoniis, etc.

Quæres cur Auctor totò hoc capite tam impense et magnifice laudet Simonem, cum non ita laudarit Judam et Jonatham, qui Simone fuerunt priores, et ut videtur fortiores? Respondeo, prima causa est quod Simon sua prudentia et valore pacem plenam Judeæ contulerit, quam Judas et Jonathas præstare non potuerunt, ideoque Simon aureum quasi sæculum, indeque novam Eram apud Judæos induxit.

Secunda, quod Simon diutius laborarit: nam Judam et Jonatham assidue adjuvit, iisque mortuis solus ipse superstes pondus belli et Reipublicæ sustinuit, ac præliis omnibus per optatam omnibus pacem finem imposuit.

Tertia, quod sub Simone et cum Simone laudet Judam et Jonatham, qui hujus felicitatis et pacis principium per assidua bella dederunt, quorum virtute Simon tam felicem eis per publicam quietem finem imposuit. Unde Græca, vers. 26, habent: *Firmavit enim ipse, et fratres ejus, et domus patris ejus (Israelitas), et debellavit inimicos Israelitarum.*

Quarta, quod Auctor hujus libri, ut dixi in Proœmio, videatur fuisse Jonathas Hyrcanus Simonis filius, qui proinde filiali affectu patri suo merito hanc elogiorum coronidem pertexit, itaque ei parentat, eo quod ipse sibi suisque posteris usque ad Christum Principatum et Pontificatum Israelitæ consignarit.

43. ET UT SCRIBANTUR IN NOMINE EJUS OMNES CON- Vers. 43.SCRIPTIONES IN REGIONE. — Græce *omnes syngraphæ*, puta omnia instrumenta, edictorum, pactorum, contractuum, fœderum, conjugiorum et actorum omnium, ut scilicet singula hæc consignentur, juxta annos Principatus et Pontificatus Simonis, uti re ipsa hic inchoatum est vers. 27 et cap. XIII, vers. 42.

48. ET SCRIPTURAM ISTAM (puta decreta populi Vers. 48. de Ducatu et Pontificatu Simonis propagando in posteris usque ad Christum in tabulis æreis conscripta) DIXERUNT (id est jussérunt Israelitæ,) RONERE (insculpere) IN TABULIS ÆREIS (ut sit indelebilis et æterna:) ET PONERE EAS (tabulas æreas cum hac Scriptura) IN PERIBOLO SANCTORUM, — id est in

porticu templi, quæ templum circumquaque am-
biebat.

49. EXEMPLUM AUTEM EORUM PONERE IN AERARIO,
(id est in Gazophylacio templi, in quo inter gazam

opesque templi servabantur publica instrumenta
quasi in Archivio), UT HABEAT SIMON ET FILII EJUS,
— ut si quando eo indiguerint, illud inde acci-
pere queant.

CAPUT DECIMUM QUINTUM.

SYNOPSIS CAPITIS.

Antiochus Sidetes, Demetrii ab Arsace capti frater, magnis premiis capitat amicitiam Simonis; mox vincit Tryphonem, eumque obsidet in urbe Dora. Inde, vers. 15, legati Simonis Roma redeunt cum amplis promissis. Denique, vers. 27, Antiochus fædus cum Simone perfide rumpit, et Cendibæum cum magno exercitu in Judæam immittit.

1. Et misit rex Antiochus filius Demetrii epistolas ab insulis maris Simoni sacerdoti, et principi gentis Judæorum, et universæ genti; 2. et erant continentes hunc modum : Rex Antiochus Simoni Sacerdoti magno, et genti Judæorum, salutem. 3. Quoniam quidem pestilentes obtinuerunt regnum patrum nostrorum, volo autem vindicare regnum, et restituere illud sicut erat antea : et electam feci multitudinem exercitus, et feci naves bellicas. 4. Volo autem procedere per regionem, ut ulciscar in eos qui corruerunt regionem nostram, et qui desolaverunt civitates multas in regno meo. 5. Nunc ergo statuo tibi omnes oblationes quas remiserunt tibi ante me omnes reges, et quæcumque alia dona remiserunt tibi; 6. et permitto tibi facere percussuram proprii numismatis in regione tua : 7. Jerusalem autem sanctam esse et liberam; et omnia arma quæ fabricata sunt, et præsidia quæ construxisti, quæ tenes, maneant tibi. 8. Et omne debitum regis, et quæ futura sunt regi, ex hoc et in totum tempus remittuntur tibi. 9. Cum autem obtinuerimus regnum nostrum, glorificabimus te et gentem tuam, et templum gloria magna, ita ut manifestetur gloria vestra in universa terra. 10. Anno centesimo septuagesimo quarto exiit Antiochus in terram patrum suorum, et convegerunt ad eum omnes exercitus, ita ut pauci relicti essent cum Tryphone. 11. Et insecurus est eum Antiochus rex, et venit Doram fugiens per maritimam. 12. Sciebat enim quod congregata sunt mala in eum, et reliquit eum exercitus. 13. Et applicuit Antiochus super Doram cum centum viginti millibus virorum belligatorum, et octo millibus equitum. 14. Et circuivit civitatem, et naves a mari accesserunt : et vexabant civitatem a terra et mari, et neminem sinebant ingredi vel egredi. 15. Venit autem Numenius, et qui cum eo fuerant, ab urbe Roma, habentes epistolas regibus et regionibus scriptas, in quibus continebantur hæc : 16. Lucius, consul Romanorum, Ptolemæo regi salutem. 17. Legati Judæorum venerunt ad nos amici nostri, renovantes pristinam amicitiam et societatem, missi a Simone principe Sacerdotum, et populo Judæorum. 18. Attulerunt autem et clypeum aureum mnarum mille. 19. Placuit itaque nobis scribere regibus et regionibus, ut non inferant illis mala, neque impugnant eos, et civitates eorum, et regiones eorum ; et ut non ferant auxilium pugnantibus adversus eos. 20. Visum autem est nobis accipere ab eis clypeum. 21. Si qui ergo pestilentes refugerunt de regione ipsorum ad vos, tradite eos Simoni principi sacerdotum, ut vindicet in eos secundum legem suam. 22. Hæc eadem scripta sunt Demetrio regi, et Attalo, et Ariarathi, et Arsaci, 23. et in omnes regiones : et Lampsaco, et Spartiatis, et in Delum, et in Myndum, et in Sycionem, et in Cariam, et in Samum, et in Pamphyliam, et in Lyciam, et in Alicarnassum, et in Coo, et in Siden, et in Aradon, et in Rhodium, et in Phaselidem, et in Gortynam, et Gnidum, et Cyprum, et Cyrenen. 24. Exemplum autem eorum scripserunt Simoni principi sacerdotum, et populo Judæorum. 25. Antiochus autem rex applicuit castra

in Doram secundo, admovens ei semper manus, et machinas faciens: et conclusit Tryphonem, ne procederet. 26. Et misit ad eum Simon duo millia virorum electorum in auxilium, et argentum, et aurum, et vasa copiosa: 27. et noluit ea accipere, sed rupit omnia quæ pactus est cum eo antea, et alienavit se ab eo. 28. Et misit ad eum Athenobium unum de amicis suis, ut tractaret cum ipso, dicens: Vos tenetis Joppen, et Gazaram, et arcem quæ sit in Jerusalem, civitates regni mei. 29. Fines eorum desolasti, et fecistis plagam magnam in terra, et dominati estis per loca multa in regno meo. 30. Nunc ergo tradite civitates quas occupastis, et tributa locorum in quibus dominati estis extra fines Judææ. 31. Sin autem, date pro illis, quingenta talenta argenti, et exterminii quod exterminasti, et tributorum civitatum alia talenta quingenta: sin autem, veniemus et expugnabimus vos. 32. Et venit Athenobius amicus regis in Jerusalem, et vidi gloriam Simonis, et claritatem in auro et argento, et apparatum copiosum: et obstupuit, et retulit ei verba Regis. 33. Et respondit ei Simon, et dixit ei: Neque alienam terram sumpsimus, neque aliena detinemus; sed hæreditatem patrum nostrorum, quæ injuste ab inimicis nostris aliquo tempore possessa est. 34. Nos vero tempus habentes, vindicamus hæreditatem patrum nostrorum. 35. Nam de Joppe et Gazara quæ expostulas, ipsi faciebant in populo plagam magnam, et in regione nostra: horum damus talenta centum. Et non respondit ei Athenobius verbum. 36. Reversus autem cum ira ad regem, renuntiavit ei verba ista, et gloriam Simonis, et universa quæ vidit: et iratus est rex ira magna. 37. Tryphon autem fugit navi in Orthosiada. 38. Et constituit rex Cendebæum ducem maritimum, et exercitum peditum et equitum dedit illi. 39. Et mandavit illi movere castra contra faciem Judææ; et mandavit ei ædificare Gedorem, et obstruere portas civitatis, et debellare populum. Rex autem persequebatur Tryphonem. 40. Et pervenit Cendebæus Jamniam, et cœpit irritare plebem, et conculcare Judæam, et captivare populum, et interficere, et ædificare Gedorem. 41. Et collocavit illic equites et exercitum, ut egressi perambularent viam Judææ, sicut constituit ei rex.

Vers. 1. **1. ET MISIT REX ANTIOCHUS FILIUS DEMETRII** (senioris cui cognomen Soter, frater vero Demetrii junioris cui cognomen Nicanor) **EPISTOLAS AB INSULIS MARIS** (ex Rhodo, ait Appianus) **SIMONI SACERDOTI**, — summo, id est Pontifici, et principi Judææ. Ut historiam hanc ab ovo intelligas, nota, cum Demetrius a Thryphone fugatus exul et captivus detineretur ab Arsace, Tryphon tyranus magnam Syriæ partem occupavit, Cleopatra Demetrii uxor cum paucis copiis Seleuciam profugit, ad quam plures Tryphonis tyrannidem testantes in dies transfugiebant. Hæc ut se magis in regno corroboraret, Antiochum Demetrii mariti sui capti fratrem juniorem ad regnum et conjugium suum invitavit. Audi Josephum, lib. XIII, cap. xii: «Quamprimum Tryphon rex declaratus est absque persona Tryphonem agere cœpit; id quod adversariorum partibus non mediocriter profuit. Milites enim pertæsi ejus mores defecerunt ad Cleopatram uxorem Demetrii, quæ tum in Seleuciam cum liberis se incluserat. Et cum Demetrii frater Antiochus cognomine Soter oberraret, nec ab ulla urbe reciperetur metu Tryphonis, misit ad eum Cleopatra, conjugium suum et regnum ei offerens; fecit autem hoc partim amicorum suasu, partim quod timeret ne qui-

dam Seleucienses urbem Tryphoni traderent. »

Porro Antiochum hunc Josephus Soterem, id est salvatorem, cognominat; Eusebius vero et alii Sidetem, vel Sedetem a Sida urbe, vel Ciliæ, ut vult Eusebius, vel illi vicinæ Pamphyliæ, ut habet Ptolemaeus, Strabo, Plinius et alii, eo quod in Sida Antiochus hic sit natus vel educatus. Eudem Appianus Pium cognominat. Cleopatra ergo Antiochum levirum suum fecit maritum et regem, adeoque simul duos fratres viventes habuit maritos, scilicet Demetrium captum apud Parthos, et Antiochum Sidetem regnantem in Asia et Syria: cum ante utrumque a Philometore patre desponsa fuisse Alexandro Velis regi Syriæ, qui erat patruelis Demetrii; sed vide justam Numinis in incestos vindictam. Antiochus enim in Perside, II Machab. i, 16, occisus fuit; Cleopatra vero Antiocho Grypho filio suo, quem ex Demetrio suscepserat, et in regnum evexerat, tandem offensa eidem propinavit venenum; sed filius, id advertens, illud ipsum matrem specie officiositatis eibere coegit. Illa itaque seipsam veneno suo, quod filio pararat, occidit. Ita Eusebius et alii. Porro Antiochum Gryphum ejus ex Demetrio filium occidit Antiochus Cyzicenus ejusdem Cleopatræ ex Antiocho Sidete filius. Rursum

Seleucus Antiochi Gryphi filius, patris mortem ulciscens, Antiochum Cyzicenum patrum suum necavit; Seleucum vero vice versa ultio divina persecuta est; nam ipse superatus ab Antiocho Eusebe filio Cyziceni in domo regia a Mopseatis in Cilicia, ubi residebat, concrematus fuit. Ita Josephus, Justinus, Appianus et alii. Vide hic quod parricidiorum causa fuerit incestus Cleopatrae et Antiochi Sидетис. Ipsa enim trium Syriæ regum fuit uxor, nimirum primo Alexandri Venis, qui erat filius Antiochi Epiphanis: deinde duorum fratrum Demetrii senioris filiorum, et nepotum Seleuci, qui Epiphanis fuerat frater senior, nimirum Demetrii junioris et Antiochi Sидетис, ut dixi.

Vers. 2. **2. REX ANTIOCHUS SIMONI, etc., SALUTEM.** — Antiochus hic fuit hostis Judæorum infestissimus, ut patet vers. 27 et seq. sed hic necessitate et tyrannde Tryphonis inimici sui foedus cum Simone ambit, ejusque opem implorat, ampla ei et Judæis concedens privilegia.

Vers. 3. **5. NUNC ERGO STATUO TIBI OMNES OBLATIONES.** — Graece ἀφαιρέματα, id est ablationes, scilicet onerum, puta immunitates a prioribus regibus Judæis indultas; unde ait: QUAS REMISERUNT TIBI ANTE ME OMNES REGES.

Vers. 6. **6. ET PERMITTO TIBI FACERE PERCUSSURAM PROPRII NUMISMATIS,** — hoc signum erat supremi dominii quod hic Judæis restituit Antiochus, cum prius id eis abstulisset Nabuchodonosor capiens Jerusalēm, subjugansque Judæam, ac cæteri Persarum et Græcorum reges, qui Nabuchodonosoris regna successive ad se transtulerunt. Quare Judæi tunc numismate nunc a Chaldæis, nunc a Persis, nunc a Græcis cuso utebantur. Cudere enim monetam summæ est potestatis, qualis est regalis, imperialis, et ducalis absoluta.

Vers. 7. **7. JERUSALEM AUTEM SANCTAM ESSE ET LIBERAM.** — Graece et sancta esse libera, id est sanctum templum, sanctumque ejus cultum, ac sanctas ejus victimas, vasa et ritus jubeo esse libera, ut libere a Simone et Judæis exerceri valeant, nec ab aliquo Gentilium impediri, aut idolorum victimis et superstitionibus inquinari queant.

Vers. 8. **8. ET QUA FUTURA SUNT REGI.** — Legendum videtur «regia», Graece enim est βασιλεία, quæ vulgo regalia, scilicet jura appellantur. Hæc Antiochus condonat Judæis. Quid Antiocho responderit Simon facet Scriptura, sed Josephus asserit, Simonem induita et postulata Antiochi libenter acceptasse.

Vers. 11. **11. ET VENIT (Tryphon) DORAM FUGIENS PER MARITIMAM,** — scilicet regionem. Graece fugiens per mare; Vatablus fugiens in Doram maritimam. Modum fugæ narrat Frontinus, lib. II Srataq. XIII: « Tryphon, inquit, Syriæ rex victus per totum iter fugiens pecuniam sparsit, eaque sectantes Antiochi equites moratus effugit. »

Vers. 15. **15. VENIT AUTEM NUMENIUS,** quem Simon miserrat ad Romanos, ut cum eis foedus renovaret.

Hic attulit litteras Romanorum, tum fœderales ad Simonem, tum inhibitorias ad Ptolemæum et vicinos reges, ne Judæos infestarent.

16. LUCIUS CONSUL ROMANORUM. — Serarius pro Vers. 16. « Lucius » censem legendum « Lepidus » qui consul fuit anno sequenti. Verum omnes Codices habent « Lucius. » Quare multi hic accipiunt L. Furium Philum qui cum Attilio Serrano consul fuit anno urbis Romæ conditæ 617. Sed hi ægre annos urbis cum annis Græcorum adæquant. Alii L. Cæcilium Metellum intelligunt, qui consul fuit anno Græcorum 170; sed hi non advertunt Numenium a Simone missum fuisse Romam anno 172 Græcorum, ideoque biennio post Metelli consulatum. Quocirca Salianus censem Lucium hunc esse Calphurnium Pisonem, qui anno præcedenti Romæ fuerat consul cum collega Popilio, quo finiente ipse legatos Simonis Roma dimiserat, qui proinde anno sequenti ineunte Jerosolymam ad Simonem pervenerunt. Hunc enim Calphurnium Valerius Maximus, lib. I, cap. ix, Lucium prænominat.

PTOLEMEO REGI SALUTEM. — Hic est Ptolemæus cognomento Physcon vel Evergetes, qui Ptolemæo Philometori fratri suo jam mortuo, ut dictum est cap. XI, 18, in regno successit, fuitque crudelis et incestus. Nam ut de eo ait Justinus, lib. XXXVIII: « Post quod non mitior in populares, qui eum in regnum vocaverunt, fuit. Siquidem, peregrinis militibus licentia cædis data, omnia sanguine quotidie manabant, ipsamque sororem, filia ejus virgine per vim stuprata, et in matrimonium adscita, repudiavit. » Mox vero ejus formam et figuram ita describit: « Erat enim et vultu deformis, et statura brevis, et sagina ventris non homini, sed belluae similis, quam fœditatem nimia subtilitas, et pellucida vestis augebat; prorsus quasi astu inspicienda præberentur, quæ omni studio occultanda pudibundo viro erant. » Idem Ptolemæus Physcon ipso die nuptiarum cum Cleopatra, filiolum ejus quem ex Ptolemeo Philometore fratre suo suscepserat, ideoque regni hæredem, in ipso matris complexu occidit, teste Justino, lib. XXXVIII. Hic ergo Ptolemæus Physcon frater junior Philometoris dicebatur frater et maritus et gener Cleopatræ; nam ipse filiæ Cleopatræ vim intulit, deinde repudiata matre filiam in uxorem duxit, mox populus eum ob nimiam crudelitatem expulit, ac regnum detulit Cleopatræ priori ejus uxori, matri et sorori, ac statuas et imagines ejus detraxit ac dejecit; quod ille factum studio sororis existimans, filium quem ex ea suscepserat, in Cypro interfecit, corpusque in membra divisum, et in cista impositum, matri die natali ejus, inter epulas afferri curat. Ita Justinus, lib. XXXVIII et XXXIX. Merito ergo ad hoc crudelitatis et incestus monstrum scribunt Romani, ne illam in Judæos sibi vicinos exerat.

22. HEC EADEM SCRIPTA SUNT DEMETRIO REGI, Vers. 22 (qui jam ab Arsace captus detinebatur; sed Ro-

mani vel needum audierant eum esse captum, ut vult Serarius, vel putabant eum pace cum Arsace inita brevi liberandum), ET ATTALO, (qui fuit Eumenis filius et Pergami rex, ac moriens populum Romanum scripsit hæredem), ET ARIARATHI. (Hic fuit rex Cappadociæ frater Orofernus, pater Demetrii, teste Polybio, Justino, et Appiano), ET ARSACI. — Hic fuit rex Parthorum, qui Demetrium captivum detinebat.

Vers. 23. 23. ET IN OMNES REGIONES (vicinas nimirum) ET LAMPSACO, ET SPARTIATIS, ET IN DELUM. — Nominauntur hic novemdecim partim insulæ, partim urbes et regiones, ad quas Romani easdem dedere litteras pro Judæis, ne eis essent molesti, sed benevoli, eo quod nonnullæ ex eis nuntiis litteras ad regem jam nominatos deferentibus in ipso navigationis cursu adeundæ erant; aliae Romanis valde erant addictæ, aliæ Judæis multum nocere vel commodare poterant. Apud omnes autem Romanorum nomen erat venerabile et formidabile. Hæc Romanorum litteræ eorum potentiam arguunt, sed Judæis non profuere; imo eis odium gentium conciliarunt, et Antiocho majorem iram concitarunt, ut patet versu 27.

Vers. 25. 25. ANTIOCHUS (Sidetes) AUTEM REX APPLICUIT CASTRA IN DORAM SECUNDO, (quia ob hiemem similemve causam obsidionem primam solverat; in vere ergo rediit, et secundo Tryphonem in Dora obsedit, ait Lyranus. Sed obstat quod sequitur,) ADMOVENS EI SEMPER MANUS, — id est continuo urgens obsidionem, premensque Tryphonem. Alii ex Graeco vertunt *in secunda*, scilicet die, q. d. Secunda die a positis castris Antiochus coepit oppugnare Doram. Salianus vero « secundo, » inquit, quia una parte urbis occupata Antiochus alteram partem nova et quasi secunda obsidione cinxit. Planius dicas secundam hanc obsidionem vocari; quia Antiochus novo conatu, novis viribus et copiis, novis machinis Doram e vicino, arcte presque obsedit et concussit, ut nova et secunda videretur esse hæc ejus obsidio.

ET CONCLUSIT TRYPHONEM NE PROCEDERET, — ne scilicet e Dora egredi posset; patet ex Graeco.

Vers. 27. 27. ET NOLUIT (Antiochus rex) EA, (scilicet milites et dona a Simone Pontifice missa) ACCIPERE. — Errat ergo Josephus, qui ait Antiochum ea accepisse, ob eaque Simonem inter intimos amicos habuisse; SED RUPIT OMNIA QUÆ PACTUS EST CUM EO: quia videbat se tot copiis terra marique instratum, Tryphonem ad extrema redegisse, nec Simonis opera indigere; et quia Judæam quasi Syriæ partem regno suo Asiæ et Syriæ adjungere volebat; indignabatur enim unum Judææ angulum velle se subducere ab amplio suo Asiæ et Syriæ imperio.

Vers. 28. 28. VOS TENETIS JOPPEN ET GAZARAM, — id est, Gazam urbem Philistinorum; hanc enim expugnavit Simon, cum Gaza ad Judæam et Simonem non pertineret, ideoque eam a Simone repetit hic Antiochus.

31. ET EXTERMINII QUOD EXTERMINASTIS, ET TRIBU- Vers. TORUM CIVITATUM ALIA TALENTA QUINGENTA, — q. d. Pro damnis et cladibus quas locis mihi subditis intulisti, et pro tributis quæ mihi eripuitis, solvite alia talenta 500.

32. ET VIDIT GLORIAM SIMONIS. — Videtur interpres legisse κυδωσίον a κύδος, id est gloria; jam legunt καλυκεῖον, id est abacum, in quo reponuntur pateræ, pocula, cæteraque vasa aurea et argentea.

ET APPARATUM COPIOSUM, — tum famulorum, tum armorum, tum militum, tum supellectilium.

33. ET RESPONDIT EI SIMON — cordate, aequæ ac animose, scilicet se non aliena, sed sua occupare: Joppen tamen et Gazam, licet aliena, occupasse jure belli, eo quod ipsæ prius Judæos infestassent.

34. NOS VERO TEMPUS HABENTES, — id est, occisionem commodam nacti.

35. NAM DE JOPPE ET GAZARA QUÆ EXPOSTULAS IPSI FACIEBANT IN POPULO PLAGAM MAGNAM; — Joppenenses enim ducentos Judæos in mari submerserant, ut patet lib. II, cap. XII. Gazarenses, id est Gazenæ, utpote Philistini, olitani erant Judæorum hostes infestissimi. Hinc patet per Gazaram non intelligi Gazer, quæ erat in tribu Ephraim, ideoque ad Judæos spectans, sed Gazam; hæc enim ad Philistinos spectabat, non ad Judæos, ideoque quasi Judæis infesta a Simone fuit expugnata, et jure belli occupata.

HORUM DAMUS TALENTA 100, — q. d. Etsi jure belli juste occupem Gazaram, tamen ad redimendam vexationem, et ut regibus Syriæ nil demam, sed abunde satisfaciam pro eo et Joppe, offero iisdem centum talenta, id est 120 millia aureorum.

36. REVERSUS EST AUTEM (Athenobius) CUM IRA AD REGEM, puta ad Antiochum Sidetem, eo quod Simon negasset ei quæ postulabat, ac pro millione aureorum, quem petierat rex, Simon tantum obtulisset decimam circiter partem, scilicet 120 milia aureorum. Rex vero magis iratus fuit indigne ferens se a Simone negligi, sibique ab eo resisti. Hinc apte vocatus fuit Cendebæus, quæ vox Hebraice idem est quod zelus, vel possessio doloris, ait Pagninus *in Nom. Hebr.*

37. TRYPHON AUTEM FUGIT NAVI IN ORTHOSIADA. — Orthosias, teste Ptolemæo, lib. V, cap. xv, est urbs Phœniciaæ in promontorio quod proxime abest a Cypro; est ergo urbs maritima. Quare non est Antaradus, ut aliqui putant, quia hæc est mediterranea; multo minus est Apamia, ut vult Josephus. Audi Adrichomium *in Descriptione terræ sanctæ*, parte 187, num. 20: Orthosia et Orthosias, hodie Tortosia vocata, maritima Phœniciaæ urbs est, inter Tripolim et Archim sita: quæ post Christi tempora Episcopali sede inclyta fuit. In hanc urbem Tryphon e Dora (in qua ab Antiocho Syriæ rege obsidebatur) elapsus, navi a fugit, I Machab. xv, Tyrinus, XIII Belli sacri, ii et XIV Belli sacri, XII, Ptolemæi.

Porro Sidetes Orthosiadem cepit, et Tryphonem captum interfecit, teste Strabone, lib. XIV, Justino, Appiano, Josepho et aliis. Josephus ait Tryphonem per triennium regnasse; Salianus vero per septennium, occisum enim esse anno principatus Simonis septimo. Vide hic justum Dei in homicidam et tyrannum judicium. Tryphon enim, qui Jonatham et Antiochum regem pupillum sibi creditum occiderat, tertio vel septimo anno post hanc cædem simili modo a Sidete occisus fuit, justa utique talionis pœna.

Vers. 38. **38. ET CONSTITUIT REX CENDEBÆUM DUCEM MARITIMUM,** — id est, præfectum classis sive archithalassum. Hunc misit Sidetes, ut invaderet Judæam.

Vers. 39. **39. ET MANDAVIT AEDIFICARE GEDOREM,** — Græce

Cedronem. Erat urbs hæc in ingressu Judææ. Audi Adrichomium in tribu Dan, num. 28: Gedor quæ et Gador civitas tribu Juda in sorte Dan, sita ad Orientem vallis in terra pascuali, et uberrima. Hanc tempore Ezechiae regis occupaverunt Simeonitæ, pulsis inde quibusdam Chananæis, quod terra hæc aptissima esset gregibus, quibus Simeonitæ abundabant. Postea hæc civitas vocata est Cedro, quam ædificiis munivit Cendebæus dux Antiochi adversus Judæos, juxta quam et devictus est a Machabæis.

ET OBSTRUERE. — Græce ὅγειρωσαι, id est munire portas, ut Gedor sibi suisque loco arcis et munitionis, ad quem a Judæis pressi se reciperent, et in quem rapinas et spolia Judæorum conveherent.

CAPUT DECIMUM SEXTUM.

SYNOPSIS CAPITIS.

Simon per Judam et Joannem filios suos profligat Cendebæum. Inde, vers. 11, Ptolemæus, gener Simonis, eum invitans dolose interficit cum duobus filiis, ut Judææ se Principem constituat. Denique, vers. 19, Joannes superstes Simonis filius, a Ptolemæo quæsusitus ad necem, præmonitus ejus conatus elusit, ac patri in Ducatu et Pontificatu successit.

1. Et ascendit Joannes de Gazaris, et nuntiavit Simoni patri suo quæ fecit Cendebæus in populo ipsorum.
2. Et vocavit Simon duos filios seniores, Judam et Joannem, et ait illis: Ego et fratres mei, et domus patris mei, expugnavimus hostes Israel ab adolescentia usque in hunc diem; et prosperatum est in manibus nostris liberare Israel aliquoties.
3. Nunc autem senui; sed estote loco meo, et fratres mei, et egressi pugnate pro gente nostra: auxilium vero de cœlo vobiscum sit.
4. Et elegit de regione viginti millia virorum belligatorum, et equites; et profecti sunt ad Cendebæum, et dormierunt in Modin.
5. Et surrexerunt mane, et abierunt in campum: et ecce exercitus copiosus in obviam illis peditum et equitum, et fluvius torrens erat inter medium ipsorum.
6. Et admovit castra contra faciem eorum ipse et populus ejus, et vidit populum trepidantem ad transfretandum torrentem, et transfretavit primus: et viderunt eum viri, et transierunt post eum.
7. Et divisit populum, et equites in medio peditum: erat autem equitatus adversariorum copiosus nimis.
8. Et exclamaverunt sacris tubis, et in fugam conversus est Cendebæus, et castra ejus: et ceciderunt ex eis multi vulnerati: residui autem in munitionem fugerunt.
9. Tunc vulneratus est Judas frater Joannis; Joannes autem insecurus est eos, donec venit Cedronem quam ædificavit.
10. Et fugerunt usque ad turres quæ erant in agris Azoti, et succendit easigni. Et ceciderunt ex illis duo millia virorum, et reversus est in Judæam in pace.
11. Et Ptolemæus filius Abobi constitutus erat dux in campo Jericho, et habebat argentum et aurum multum.
12. Erat enim gener summi sacerdotis.
13. Et exaltatum est cor ejus, et volebat obtinere regionem, et cogitabat dolum adversus Simonem et filios ejus, ut tolleret eos.
14. Simon autem, perambulans civitates quæ erant in regione Judææ, et sollicitudinem gerens earum, descendit in Jericho ipse, et Mathathias filius ejus, et Judas, anno centesimo septuagesimo septimo, mense undecimo: hic est mensis Sabath.
15. Et suscepit eos filius Abobi in munitiunculam, quæ vocatur Doch, cum dolo, quam ædificavit: et fecit eis convivium magnum, et abscondit illic viros.
16. Et cum ineptius esset Simon, et filii ejus, surrexit Ptolemæus cum suis, et sump-

serunt arma sua, et intraverunt in convivium, et occiderunt eum, et duos filios ejus, et quodam pueros ejus. 17. Et fecit deceptionem magnam in Israel, et reddidit mala pro bonis. 18. Et scripsit hæc Ptolemæus, et misit regi ut mitteret ei exercitum in auxilium, et traderet ei regionem, et civitates eorum, et tributa. 19. Et misit alios in Gazaram tollere Joannem : et tribunis misit epistolas, ut venirent ad se, et daret eis argentum et aurum, et dona. 20. Et alios misit occupare Jerusalem, et montem templi. 21. Et præcurrrens quidam nuntiavit Joanni in Gazara, quia periit pater ejus, et fratres ejus, et quia misit quoque interfici. 22. Ut audivit autem, vehementer expavit ; et comprehendit viros qui venerant perdere eum, et occidit eos ; cognovit enim quia quærebant eum perdere. 23. Et cætera sermonum Joannis, et bellorum ejus, et bonarum virtutum quibus fortiter gessit, et ædificii murorum quos exstruxit, et rerum gestarum ejus. 24. Ecce hæc scripta sunt in libro dierum sacerdotii ejus, ex quo factus est princeps sacerdotum post patrem suum.

Vers. 1. 1. ET ASCENDIT JOANNES DE GAZARIS, — id est, de Gaza ubi eum loco suo quasi exercitus ducem reliquerat et constituerat Simon pater.

Vers. 3. 3. NUNC AUTEM SENUI ; SED ESTOTE LOCO MEO , ET FRATRES MEI. — Græca et Latina Complutensia habent : *et fratris mei*, scilicet Jonathæ et Judæ, ut nobis in ducatu et bellis pro Israele succedatis. Græca addunt : *Vos autem in misericordia idonæi estis ætate*, id est, vos autem beneficio ætatis estis idonei ad bellandum.

Vers. 4. 4. ET ELEGIT DE REGIONE VIGINTI MILLIA VIROBVM BELLIGERATORVM (bellatorum), ET EQUITES. — Hic duntaxat invenio equites in castris Joannis et Judæorum, cum in castris Judæ, Jonathæ et Simonis hucusque non nisi pedites legerimus, eo quod Deus Deuter. XVII, multiplicationem equorum Judæis vetuisset.

Vers. 6. 6. ET TRANSFRETAVIT PRIMUS,—scilicet ipse Joannes Simonis filius, et exercitus dux, cuius exemplum cæteri, qui prius trepidaverant, illico secuti sunt ; quare animose invadentes Cendebæum eum ceciderunt, et in fugam compulerunt.

Vers. 9. RESIDUI AUTEM IN MUNITIONEM FUGERUNT, — puta in Gedorem quam munierant, cap. præc. vers. 39.

9. DONEC VENIT CEDRONEM (puta Gedorem, hæc enim Græce vocatur Cedron; hanc ergo hostibus fugientibus insistens Joannes extorsit) QUAM ÆDIFICAVIT, — id est, quam ædificaverat et munierat Cendebæus, cap. præced. vers. 39.

Hoc fuit principium victoriarum et heroicorum facinorum Joannis quibus ipse fortiter et feliciter auspicatus est principatum loco Simonis patris sui, cui jam mors dolo Ptolemæi parabatur. Vide hic Dei providentiam quæ Israeli consuluit per Joannem, dum Simon pater ejus et dux per fraudem generi interimitur.

Porro Josephus hoc prælium more suo phalera, ideoque multa falsa admiscet, scilicet quod Simon ipse huic prælio interfuerit, quod per insidias Cendebæum aggressus sit ; quod saepius cum eo conflixerit, et semper vixit extiterit.

Vers. 11. 11. ET PTOLEMÆUS FILIUS ABOBI CONSTITUTUS ERAT DUX IN CAMPO JERICHO, — scilicet a Simone Duce

et Pontifice socero suo, ut sequitur. Hic Ptolemæus erat opulentus, ac per opes suas destinabat obtinere ducatum Judææ; ideoque Simonem cum filiis totamque Assamonæorum stirpem delere cogitabat. Vide hic immane Ptolemæi paricidium et sacrilegium, quo summum Pontificem, cuius filiam ipse duxerat uxorem, per fraudem interfecit. Quid non audet ambitio et regnandi libido ?

16. ET CUM INEBRIATUS (id est largiore potu ex-hilaratus) ESSET SIMON, — citra ebrietatem tamen. Unde Vatablus vertit : *Cum potu satiati essent.* Nam ut ait Nonnius Marcellus : « Ebrii dicuntur non solum vinolenti, sed et qualibet re expleti. » Sic fratres Joseph dicuntur inebriati, id est incalescere mero, Gen. XLIII; et Psalm. LXIII : « Visitasti terram, inquit, et inebriasti eam ; » et Cant. v, 1 : « Bibite et inebriamini, » id est exhilaramini, « charissimi. »

Et OCCIDERUNT EUM ET DUOS FILIOS EJUS. — Addit Josephus et ex eo Hegesippus uxorem Simonis fuisse captam cum filiis, excepto Joanne ; Joannem vero ultum necem patris et fratribus, et obsedit Ptolemæum, sed obsidionem solvisse, eo quod Ptolemæus matri ejus captæ flagella aliaque tormenta intentaret, similiaque plura quæ parum videntur probabilia, imo S. Scripturæ dissona, ut ostendit Salianus et Sanchez.

Præfuit Simon Israeli septem integros annos ; cœpit enim anno Græcorum 170, quo occisus est Jonathas ejus antecessor, I Machab. XIII, 8. Desuit vero anno 177 Græcorum, ut dicitur vers. 14. Quocirca errat Josippus, dum Simoni tribuit 18 annos, eumque occisum dicit a Ptolemæo rege Ægypti, idque justa Dei vindicta, eo quod cum Spartiatis et Romanis gentilibus foedus iniisset. Denique occisus est Simon anno 134 ante Christi nativitatem.

21. ET PRÆCURRENS QUIDEM NUNTIAVIT JOANNI IN GAZARA, — id est Gaza urbe, ut dixi. Joannes hic fuit filius Simonis primarius, vir animosus et bellicosus, qui Simoni in Ducatu et Pontificatu successit ; cognominatus fuit Hyrcanus, eo quod

Hyrcanos bello superasset, ait Eusebius et S. Thomas. Hujus Hyrcani heroica facta describuntur. lib. IV *Machab.* Ipse enim cum Antiocho Sidete rege Syriae fœdus iniit, rege complures auratis cornibus tauros ad templi sacrificia submittente. Eumdem regem ab bellum Parthicum comitatus est; Syriae plurimas urbes cepit, Samaritas vicit, Garizitanum templum evertit, Idumæos domuit, ad innovandam societatem legatos Romanam misit. Tandem post 31 annos principatus et sacerdotii sui satis concessit, relieto successore filio suo Aristobulo, qui loco «ducis» nomen «regis» cum

diadematè primus Assamonæorum assumpsit, et Pontificatui adnexuit, et adnexum reliquit fratri suo Alexandro, et Alexandri filio Aristobulo secundo: quo regnante capta a Pompeio Jerosolyma, et Judæa in provinciam redacta, et dignitas regia a Pontificali prorsus avulsa est.

Tumque desit Ducatus, et stirps Assamonæorum, cum stetisset 130 annos, ut dixi in Proœmio; Romani enim Herodem alienigenam constituerunt regem Judææ, tumque deficiente sceptro de Juda, venit natusque est Christus juxta oraculum Jacobi, Genes. XLIX, 9 et 10.

COMMENTARIA
IN LIBRUM SECUNDUM
MACHABÆORUM.

ARGUMENTUM.

Hic secundus liber est quasi continua Epistola circularis, qua Judæi in Judæa degentes ad Ju- dæos in Ægypto habitantes perscribunt clades et calamitates quas ipsi perpessi fuere ab Antiocho Epiphane, ejusque filio Eupatore: item, victorias quas Judas cœlitus ab Angelis, atque ab Onia et Jeremias adjutus, de iisdem retulit, ideoque omnes ad Dei laudem et gratiarum actionem excitant. Totus ergo hic liber in gestis Judæ Machabæi et Martyrum fusius quam lib. I enarrandis

consumitur. Similes circulares epistolas scripsere Christiani Smyrnenses, Viennenses et Lugdunenses quibus suorum fidelium martyria et afflictiones a tyrannis perpessas recensent, quæ exstant apud Eusebium, IV *Hist.* xv, et lib. lib. V, 1.

De auctore et auctoritate hujus libri, cæterisque eum concernentibus dixi in Procemio lib. I. Causa scribendi hanc epistolam fuit ut tolleretur schisma inter Judæos in Judæa, et in Ægypto degentes, uti dicam cap. I, vers. 1.

CAPUT PRIMUM.

SYNOPSIS CAPITIS.

A vers. 1, usque ad 10, recensetur pars epistolæ scriptæ a Jerosolymitis ad Judæos in Ægypto degentes anno Græcorum 169, ut patet vers. 7, qua eos hortantur ut ipsi quoque celebrent festum Scenopegiæ. **M**ox, a vers. 10 usque ad 20, cap. II, recensetur alia epistola, vel potius alia ejusdem epistolæ pars a Jerosolymitis scripta anno Græcorum 188, ut patet vers. 10, qua enarrant historiam dati cœlitus ignis, ideoque eosdem hortantur ut festum dati a Deo ignis celebrent. A vers. autem 20, cap. II, usque ad finem libri enarrant gesta Judæ Machabæi contra Antiochum Epiphanem et Eupatorem, eorumque duces Bacchidem, Timotheum, Nicanorem, etc., ac martyrium septem fratrum una cum matre, Eleazari et aliorum martyrum.

1. Fratribus qui sunt per Ægyptum, Judæis, salutem dicunt fratres qui sunt in Jerosolymis, Judæi, et qui in regione Judææ, et pacem bonam. 2. Beneficiat vobis Deus, et meminerit testamenti sui quod locutus est ad Abraham, et Isaac, et Jacob, servorum suorum fidelium : 3. et det vobis cor omnibus, ut colatis eum, et faciat eis voluntatem corde magno, et animo volenti. 4. Adaperiat cor vestrum in lege sua et in præceptis suis, et faciat pacem. 5. Exaudiat orationes vestras, et reconcilietur vobis, nec vos deserat in tempore malo. 6. Et nunc hic sumus orantes pro vobis. 7. Regnante Demetrio anno centesimo sexagesimo nono, nos Judæi scripsimus vobis in tribulatione, et impetu qui supervenit nobis in istis annis, ex quo recessit Jason a sancta terra et a regno. 8. Portam succenderunt, et effuderunt sanguinem innocentem : et oravimus ad Dominum, et exauditi sumus, et obtulimus sacrificium et similaginem, et accendimus lucernas, et proposuimus panes. 9. Et nunc frequentate dies scenopegiæ mensis Casleu. 10. Anno centesimo octogesimo octavo, populus, qui est Jerosolymis et in Judæa, Senatusque et Judas, Aristobolo magistro Ptolemæi regis, qui est de genere christorum sacerdotum, et his qui in Ægypto sunt, Judæis, salutem et sanitatem. 11. De magnis periculis a Deo liberati, magnifice gratias agimus ipsi, utpote qui adversus talem regem dimicavimus. 12. Ipse enim ebullire fecit de Perside eos qui pugnaverunt contra nos et sanctam civitatem. 13. Nam cum in Perside esset dux ipse, et cum ipso immensus exercitus, cecidit in templo Naneæ, consilio deceptus sacerdotum Naneæ. 14. Etenim cum ea habitaturus venit ad locum Antiochus, et amici ejus, et ut acciperet pecunias multas dotis nomine. 15. Cumque proposuissent eas sacerdotes Naneæ, et ipse cum paucis ingressus esset intra ambitum fani, clauerunt templum. 16. Cum intrasset Antiochus, apertoque occulto aditu templi, mittentes lapides percusserunt ducem et eos qui cum eo erant, et diviserunt membratim, et capitibus amputatis foras projecerunt. 17. Per omnia benedictus Deus, qui tradidit impios. 18. Facturi igitur quinta et vigesima die mensis Casleu purificationem templi, necessarium duximus significare vobis : ut et vos quoque agatis diem scenopegiæ, et diem ignis qui datus est, quando Nehemias ædificato templo et altari obtulit sacrificia. 19. Nam cum in Persidem ducerentur patres nostri, sacerdotes, qui tunc cultores Dei erant, acceptum ignem de altari occulte absconderunt in valle, ubi erat puteus altus et siccus, et in eo contutati sunt eum, ita ut omnibus ignotus esset locus. 20. Cum autem præterissent anni multi, et placuit Deo ut mitteretur Nehemias a rege Persidis, nepotes sacerdotum illorum, qui absconderant, misit ad requirendum ignem : et sicut narraverunt nobis, non invenerunt ignem, sed aquam crassam. 21. Et jussit eos haurire, et afferre sibi ; et sacrificia, quæ impos-

sita erant, jussit sacerdos Nehemias aspergi ipsa aqua, et ligna, et quæ erant superposita. 22. Utque hoc factum est, et tempus affuit, quo sol refulsit, qui prius erat in nubilo, accensus est ignis magnus, ita ut omnes mirarentur. 23. Orationem autem faciebant omnes sacerdotes, dum consummaretur sacrificium, Jonatha inchoante, cæteris autem respondentibus. 24. Et Nehemiacæ erat oratio hunc habens modum : DOMINE Deus omnium creator, terribilis et fortis, justus et misericors, qui solus es bonus rex, 25. solus præstans, solus justus et omnipotens, et æternus, qui liberas Israel de omni malo, qui fecisti patres electos, et sanctificasti eos : 26. accipe sacrificium pro universo populo tuo Israel, et custodi partem tuam, et sanctifica. 27. Congrega dispersionem nostram, libera eos qui serviunt Gentibus, et contemptos et abominatos respice ; ut sciant Gentes quia tu es Deus noster. 28. Afflige opprimentes nos, et contumeliam facientes in superbìa. 29. Constitue populum tuum in loco sancto tuo, sicut dixit Moyses. 30. Sacerdotes autem psallebant hymnos, usquequo consumptum esset sacrificium. 31. Cum autem consumptum esset sacrificium, ex residua aqua Nehemias jussit lapides maiores perfundi. 32. Quod ut factum est, ex eis flamma accensa est; sed ex lumine, quod refulsit ab altari, consumpta est. 33. Ut vero manifestata est res, renuntiatum est regi Persarum, quod in loco, in quo ignem absconderant hi qui translatifuerant sacerdotes, aqua apparuit, de qua Nehemias, et qui cum eo erant, purificaverunt sacrificia. 34. Considerans autem rex, et rem diligenter examinans, fecit ei templum ut probaret quod factum erat. 35. Et cum probasset, sacerdotibus donavit multa bona, et alia atque alia munera, et accipiens manu sua, tribuebat eis. 36. Appellavit autem Nehemias hunc locum Nephtar, quod interpretatur purificatio. Vocatur autem apud plures Nephī.

Hinc patet hanc epistolam, utpote scriptam anno 188 Græcorum, datam fuisse post gesta Judæ, Jonathæ et Simonis, lib. I descripta, ideoque apte subnecti fini libri primi. Liber primus enim finitur in morte Simonis, quæ contigit anno Græcorum 177. Quare undecim annis post Simonis mortem scripta fuit hæc epistola, sive liber hic secundus Machab. Prior vero epistolæ pars scripta anno 169 Græcorum, scripta fuit paulo ante captivitatem et cædem Jonathæ ; hæc enim facta est a Tryphone anno 170 Græcorum, ut dictum. Jonathæ successit Simon, ut dictum est libro I, cap. XIII, vers. 41. Quare pars hæc epistolæ hoc ordine temporis collocanda foret, libro I, cap. XII, ante vers. 39.

^{Vers. 1.} 1. FRATRIBUS QUI SUNT PER AEGYPTUM JUDÆIS SALUTEM DICUNT FRATRES, QUI SUNT IN JEROSOLYMIS JUDÆI. — Aegyptus enim abundabat Judæis, tum quia eis erat vicina, tum quia Ptolemæus Lagi primus post Alexandrum magnum Aegypti rex 220 millia Judæorum captiva in Aegyptum duxerat, tum quia jam recenter sub Ptolemaeo Philometore Onias filius Oniæ tertii Pontificis templum magnificum Heliopoli in Aegypto construxerat simile Jerosolymitano, ibique Pontificem agebat, ad quod proinde multi Judæorum confluabant, præsertim quia in Aegypto tuti erant a Seleucidis, puta ab Antiochis et Demetriis, qui continue Judæam infestabant. Scribunt ergo Judæi e Jerosolymis ad Judæos, qui erant in Aegypto, quasi ad fratres, id est cognatos et contribules suos, amicas et fraternalis litteras, tum

ut eos in vera fide, religione et unione cum Synagoga sive Ecclesia contineant, ne scilicet a Jerosolymis et templo faciant schisma ob templum suum Heliopolitanum, sicut eodem tempore Judæi in Samaria degentes erigendo templum in monte Garizim schisma fecerunt a Judæis, et templo Jerosolymitano, ut patet Joan. cap. IV. Vide de templo Heliopolitan Josephum, lib. XII, cap. I et VI, et libro XIII; cap. VI. Ad schisma ergo hoc tollendum, Judæi e Jerosolymis, ac Judas hanc epistolam scripserunt ad Judæos in Aegypte comorantes.

4. ADAPERIAT COR VESTRUM IN LEGE SUA, — q. d. Deus luce cœlesti per gratiam suam vos illuminet et inflammet ut legem ejus plene cognoscatis, et cognitam adimpleatis, præsertim vero ut a templo vestro Heliopolitan, Pontifice proprio, et sacrificiis a Deo vetitis ibidem ad Jerusalem nostrumque templum et Pontificem Jonatham postliminio redeatis. Deus enim vetuerat alibi quam in templo Jerosolymitano sibi sacrificari, Deuter. cap. XII, 11 et Levit. VII, 3.

ET FACIAT PACEM, — tum a bellis, tum potius a templi divisione et schismate, ut nobiscum in unum synagogam coalescatis, et ad unum nobiscum templum conveniatis, ibique festum Scenopegiae, ut sequitur, celebretis.

7. REGNANTE DEMETRIO (juniore dicto Nicanore, ^{Vers. 7.} Demetrii Soteris filio) ANNO CENTESIMO SEXAGESIMO PRIMO — Græcorum, hic enim fuit annus tertius regni Demetrii, qui post triennium, anno scilicet 172 Græcorum, captus fuit ab Arrace rege Par-

torum, ut dictum est I Machab. XIV, vers. 1 et 3.

Ex quo recessit Jason,—de quo cap. IV, vers. 7.

Vers. 8. 8. PORTAM SUCCENDERUNT, q. d. (Instigante impio Jasone Antiochus per suos satellites portas Jerusalem et templi ac reliquarum Judææ civitatum succedit. Verum) ORAVIMUS AD DOMINUM, ET EXAUDITI SUMUS, (ut per virtutum Judæ Machabæi templi profanati fieret purgatio, novaque dedicatio, in quo proinde jam nove dedicato) OBTULIMUS SACRIFICIUM, (reliquaque in pristinum statum restituimus, nimirum) ACCENDIMUS LUCERNAS (septem in candelabro aureo septicipi,) ET PROPOSUIMUS PANES 12, — juxta 12 tribus Israel in mensa panum propositionis.

Vers. 9. 9. Er (id est idcirco) NUNC FREQUENTATE (et frequentando celebrate) DIES SCENOPEGIÆ, — id est, festum Encæniorum institutum a Juda Machabæo in memoriam purgationis et novæ dedicationis templi ab eo factæ, idque die 25 mensis Casleu, qui nostro novembri respondet. Nota, festum Scenopegiæ proprie erat festum Tabernaculorum, quod per octo dies celebrabatur in mense Tisri, id est in septembri; hic vero per catachresin festum Encæniorum vocant festum Scenopegiæ, quia hoc erat simile: utrumque enim celebrabatur magna totius populi lætitia cum ramis, thyrsis, tubis et tympanis per octo dies, ut patet I Machab. IV, 54 et II Machab. X, 6, ubi dicitur festum Encæniorum institutum et celebratum fuisse « in modum festi Tabernaculorum; » unde vocatur « Scenopegia Casleu, » non Tisri. Hortantur ergo ut Judæi in Ægypto celebrent festum Encæniorum per viridium ramorum gestationem, per clangorem tubarum, similiaque signa lætitiae, non autem ut in templo Heliopolitano victimas Deo offerant: hoc enim lege Dei erat vetitum. Sic Machabæi profugi in montibus celebrarunt Scenopegiæ cum thyrsis sine sacrificiis, ut patet cap. X, vers. 6.

Vers. 10. 10. ANNO 188 (Gracorum), POPULUS QUI EST JEROSOLYMIS ET IN JUDÆA, SENATUSQUE ET JUDAS.—Hic Judas, ait Rupertus, lib. X De victor verbi Dei, cap. xv, Serarius, Salianus, Mariana et alii, videunt esse auctor hujus posterioris epistolæ, adeoque totius hujus libri secundi Machab. nimirum Judas Essenus, qui, ut ait Josephus lib. XIII, cap. xix, hoc tempore ob donum prophetæ magnæ apud omnes erat existimationis, et post 20 annos Antigono Joannis Hyrcani filio mortem prædictit, quæ et paulo post secuta est. Additque Josephus ejus prædictiones nunquam fefellisse, sed reipsa semper evenisse.

Sanchez tamen putat hunc Judam fuisse Joannis Hyrcani ducis et Pontificis filium, qui hoc tempore patri successerat, eratque dux et Pontifex Israelis, teste Josepho, lib. XX Antiq. cap. viii. Ubi addit Judam hunc alio nomine dictum fuisse Aristobulum, ac per unum annum duntaxat regnasse; quare mortuum sine filio, regnum et Pontificatum reliquisse fratri suo Alexandro, qui

alio nomine dictus est Jannæus. Verum obstat quod hic Judas sive Aristobulus primus sibi diametra imposuerit, seque regem Judææ nominarit, ac matrem suam fame necarit in vinculis: fratrem vero suum Antigonum jam nominatum occiderit; reliquos autem fratres in vinculis habuerit, quoad vixit, teste Josepho, lib. XIII Antiq. cap. xix et xx, quæ omnia Scriptore hagiographo videntur indigna. Adde Aristobulum hunc regnasse anno non 188, ut hic dicitur, sed 209 Græcorum, uti ostendit Salianus et alii. Quare hoc anno 188, adhuc Israeli præerat pater Aristobuli Joannes Hyrcanus, cuius proinde potius quam Aristobuli filii, erat scribere hanc epistolam. Denique Bellarminus, lib. I De Verbo Dei, cap. xv, putat hunc Judam esse Judam Machabæum. Verum is jam ante 36 annos in prælio occubuerat.

Porro hic incipit posterior epistola, hicque ejus est titulus. Duas enim hic jungi epistolas censem Rupertus, lib. X, cap. xv, Glossa, Lyranus, Bellarminus, Melchior Canus, lib. II De Locis, cap. xi, Medina, lib. VI De Fide, cap. xiii. Sed verius videatur non duas, sed unam duntaxat esse epistolam scriptam anno 188 Græcorum, in qua tamen refricent et renovent epistolam a se scriptam anno 169G ræcorum, q. d. Hæc quidem illo anno scriptissimus, hoc autem anno scribimus vobis quæ sequuntur: sed pro ea locutione repetunt salutationem, cum appositione propriorum nominum, eorum qui litteras mittunt, et eorum ad quosmittuntur, quæ initio fuerant prætermissa. Ita Salianus et Sanchez.

ARISTOBULO MAGISTRO PTOLEMÆI REGIS, QUI EST DE GENERE CHRISTORUM (id est, unctorum oleo sancto) SACERDOTUM. — Aristobulus hic, ait Rabanus, fuit natione Judæus, sed peripateticus philosophus esse agnoscitur, qui ad Philometorem Ptolemæum explanationum in Moysen commentarios scripsit, ut chronographi produnt. Ita Rabanus. Intelligit autem Eusebium, cuius illa sunt verba in Chron. sub initium regni Philometoris: « Aristobulus, inquit, cuius secundus Machabæorum liber initio meminit, quemque Aristotelicæ peritum fuisse philosophiæ constat: similiter manus et cætera membra, quando de Deo dicuntur, intelligenda esse in libro quem ad Ptolemæum scripsit, declarat, etc. » Idem asserit Clemens Alexandrinus, lib. V Strom. Addit Eusebius eum oriundum fuisse ex Pareadi, ubi Jordanis est origo: « Videtur autem, ait Salianus, nomen magistri regis adeptus, vel ex illo scripto libro, in quo regem Philometorem docebat, vel quod eum de rebus Mosaicæ legis doceret, quæ deinde libro illo sit complexus. » Alii tamen censem eum fuisse magistrum Ptolemæi Lathuri, qui fuit filius Ptolemæi Physconis: hoc enim verba sonare videntur. Nam ut ait Rupertus loco citato: « Consueverant Ægypti reges iam inde a temporibus Ptolemæi Philadelphi (qui legem per 72 sibi fecit interpretari) magistros habere Judeos. » Ubi nota: Phys-

con erat frater junior Philometoris; unde ei illi-
beri defuncto in regno successit, isque hoc tem-
pore regnabat: unde filio suo Lathuri Aristobu-
lum sacerdotem Judæum videtur dedit magis-
trum.

Vers. ii. 11. GRATIAS AGIMUS ipsi, ut pote qui ADVERSUS
TALEM REGEM DIMICAVIMUS, — qui postea in Per-
side occisus fuit a sacerdotibus deæ Naneæ, ut se-
quitur.

Quæres quisnam fuerit hic rex. Primo aliqui
censem fuisse Antiochum magnum, qui pater
fuit Antiochi Epiphanis ac cum Annibale contra
Romanos pugnans, victus est à Scipione, qui inde
cognomen Asiatici accepit. Verum hic Antiochus
ante annos 58 erat defunctus, nimis rū anno 124
Græcorum. Adde: hic Judæorum non fuit hostis;
sed amicus, teste Josepho, lib. XII, cap. III.

Secundo, alii accipiunt Antiochum Epiphanem,
qui Judæorum et templi fuit hostis acerrimus. Ita
Torniellus, Bellarminus, loco citato, et Pererius,
lib. IX in Danieliem. Verum Epiphanes non fuit
occisus in templo Naneæ, ut hic dicitur; sed in
Babylone percussus à Dœo expiravit, ut audiemus
cap. ix. Responde Emmanuel Sæ epistolam hanc
non habere auctoritatem S. Scripturæ sicut nec
alias epistolas Spartiatarum, Romanorum et alio-
rum hisce libris citatas, ac proinde falli posse et
errare, sed S. Scripturam solum narrare ita illos
scripsisse. Verum hoc durum est dicere. Sic enim
idem de toto hoc libro, qui est Epistola Judæ, et
Jerosolymitarum ad Judæos Ægyptios dici pos-
set: quod absit.

Tertio, et verisimillime Serarius et Salianus hic,
ac Rupertus, lib. X De victor. verbi Dei, cap. XVI,
Michael Medina, lib. VI De recta in Deum Fide, cap.
XIII. Sigonius, in lib. II Sulpiti, censem hunc esse
Antiochum Sidetem filium Demetrii Soteris, et
fratrem Demetrii Nicanoris, qui Nicanore ab Ar-
sace capto regnum Asiae et Syrie occupavit: hic
enim, ut audivimus lib. I, cap. xv, sub Simone
Pontifice, et sub Joanne Hyrcano Simonis filio
Judæos affixit et Jerosolymam, in eaque Joa-
nem, teste Josepho, obsedit; sed urgente bello
Parthico cum Joatine et Judæis pacem iniit, eos
que secum contra Parthos duxit, ubi et periiit.
Sidetes enim hoc tempore regnabat, cum Epipha-
nes, ejusque pater, iam pridem erat vita func-
tus (1).

(1) Quis fuerit hic Antiochus qui miserabiliter in Per-
side occubuit, interfectus in templo Naneæ, ubi eum
sacerdotes introduxerant ut Deam uxorem duceret, mul-
tum semper inter Interpretes controversum est. Porro,
si testimonia ex historia de prompta serio discutantur,
satendum est illum Antiochum nec Antiochum Soterem
esse dicendum, cum ille Antiochi interierit; nec ejus suc-
cessorem Antiochum, cognomento Θεον, qui a Laodice
veneno sublatis fuit; nec Antiochum Magnum, qui Ju-
dæis amicus fuit, et, ut asserit Cornelius, anno 124 de-
functus erat; nec Antiochum Epiphanem, qui longe di-
verso modo vita functus est, II Machab. ix, 5; nec ejus
filium Antiochum Eupatorem, qui post duos annos a

12. IPSE (Deus) ENIM EBULLIRE FECIT DE PERSIDE Vers. 12
EOS QUI PUGNAVERUNT CONTRA NOS ET SANCTAM CIVI-
TATEM, — puta Jerosolymam quam Sidetes obse-
dit, teste Josepho. Hic versus difficilis est; nam
et « de Perside » non est in Græco hoc loco, sed
in fine versus hoc modo: *Ipse enim ebullire fecit*
eos qui pugnaverunt contra nos, et sanctam civita-
tem in Persidem. Unde Salianus pro « de Perside »
censet legendum in Persidem, ut sensus sit, q. d.
Deus fecit ut Sidetes hostis noster magnis copiis
et ardoribus quasi ebulliens et aestuans irrueret
in Persidem, ibique periret. Verum omnia exem-
plaria habent: « de Perside. » Quare nonnulli
hunc sensum dant, q. d. Deus fecit ut Sidetes non
solum ex Syria, sed etiam ex Perside magnas
colligeret copias ex reliquijs, quas ibi frater ejus
Demetrius Nicanor victus et captus ab Arsace re-
liquebat. Unde et factum est ut instar fratris sui
ibidem a Persis cæderetur. Verum hic sensus non
recte cohæret cum eo quod sequitur: « Nam cum
in Perside, » etc., ubi ejus cædes narratur.

Dico ergo: pro « ebullire fecit » Græce est ἔβ-
ψατι, id est ejecit, expulit, evomuit; ἐξβάζει enim
significat ejicere, ebullire, exæstuare, exundare,
expellere, ac tribuitur mari quod, in aëstu effe-
vescens, conchylia et cadavera in littus ejicit;
item ollæ bullienti quæ exundans spumas aquas
que evomit: unde ἐξβάζεται vocantur reliquiae
navis e naufragio in littus rejectæ: item papulæ,
quæ post morbum in labiis erumpunt. Sensus
ergo est, q. d. Deus fecit Antiochum Sidetem hos-
tem nostrum cum suis copiis ferventibus ebullire
de Perside, id est, eum quasi morticinum sive
cadaver ejecit, expulit, evomuit de Perside; nam
fecit ut in Perside in templo Naneæ volens illud
expilare, a sacerdotibus occideretur, ut sequitur.

Demetrio interfectus est; nec Antiochum VI a Tryphone
interfectum; nullus igitur alius superest Antiochus cuius
regnum tempori quo hæc epistola scripta fuit, optime
congruat, nisi Antiochus cognomento Sidetes. Attamen
quædam difficultas eum sicut alios excludere videtur.
Antiochus Sidetes regnare cœpit anno 174, illumque no-
vem annos regnasse, et in bello versus annum 182 occu-
buisse, Porphyrius et Eusebius asserunt. Quomodo igitur
Judæi, anno 188, mortem hujus principis sicut factum
nuperime gestum in epistola exhibere potuerunt? Quam
quidem difficultatem cum alter resolvere non poterat
Prideaux, opinionem Porphyrii et Eusebii, ut solam ve-
ritati consentaneam, contra auctorem libri II Machab.
probare et sequi non dubitavit. (*Concordantia veteris et*
novi Testamenti. — *Tabula chronolog.*, in fine). Sed doc-
tissimus Erasmus Frohlich, jam antea a nobis citatus,
in *Annalibus regum et gestorum Syrie*, Porphyrium et
Eusebium in errore manifesto versatos fuisse demonstra-
vit; et in probationem duo numismata Antiochi effigiem
gestantia produxit, unam anno 183, alteram anno 184
cusam, quæ Antiochum Sidetem ultra tempus a duobus
historicis auctoriis assignatum regnasse ostendunt. Una
ex duobus numismatibus sic inscribitur:

ΒΑΣΙΛΕΩΣ ΑΝΤΙΟΧου ΤΥΡ: ΙΕΡ: ΑΣΤ ΔΙΠ:

Regis Antiochi Tyri sacrum asylum 184.
(Vide opus Cardinalis Wiseman, cui titulus.; *Relationes*
inter scientias et religionem revelatam, orat. 9.)

Ergo τὸ « ebullire » tria significat. *Primo* magnam copiam et ardorem militum Sидетис, scilicet quod quasi muscae, vel ranæ numerosissimæ ex aqua, id est ex Syria et Perside ebullierint, et invaserint Persidem omnibus undique ad eam prædandam confluentibus. *Secundo*, quod in Perside magno numero sint occisi et mortui, sicut muscae et ranæ, paulo postquam nate sunt ex aqua, in eadem suffocantur et moriuntur. *Tertio*, quod Persia eos jam cadavera factos a se in sepulcra et abyssum expulerit, et ejecerit, sicut mare cadavera expuit, et in littus evomit.

Vers. 13. 13. NAM CUM IN PERSIDE ESSET DUX IPSE, (q. d. cum Antiochus Sидетес, rex et dux exercitus, Persidem invaderet,) ET CUM IPSO IMMENSUS (Græce ἀνυπόστατος, id est *irresistibilis*, cui resisti vix poterat) EXERCITUS, CECIDIT (Græce καταχρήσαν, id est, percussi sunt) IN TEMPLO NANÆ, — dissentunt a Scriptura et inter se historici profani (ideoque non eis, sed S. Scripturæ hic credendum est) de modo necis et mortis Antiochi Sидетис. Nam Josephus et Justinus, lib. XXXVIII, asserunt eum in prælio a Parthis sive Persis occisum. Appianus in Syriacis asserit eum a Parthis victimum seipsum interemisse. Aelianus, lib. X *De Anim.* cap. xxxiv, eum se præcipitem dejecisse. Eusebius : « Arsaces Parthus, inquit, Antiochum interfecit. » Alii putant eum a fratre suo Demetrio ab Arsace dimisso, ac regnum suum repetente fuisse occisum. Verum hæc dissensio arguit eos nil certi hac de re habuisse, ac variis falsisque vulgi rumoribus fidem habuisse. Quare credendum est S. Scripturæ quæ hic asserit eum in templo Nanæ cum illud expilare vellet, a sacerdotibus lapidatum et occisum.

Porro Nanæ erat dea Gentilium, quæ vel fuit Diana, ut opinatur S. Thomas, Lyranus, Pererius et Pagninus, in *Nom. Hebr.* « Nanæ, ait, lingua persica est Diana, » vel potius Venus, ut ex Agathia Berozo, Clemente, Athenodo, Symmacho, Gyraldo et alijs ostendit Serarius et Salianus; Persæ enim tam Venerem quam Dianam colebant; sed quæ sequuntur magis congruunt Veneri.

Vers. 14. 14. ETENIM CUM EA HABITATUS VENIT AD LOCUM (templum Nanæ) ANTIOCHUS, ET AMICI EJUS, ET UT ACCIPERET PECUNIAS MULTAS DOTIS NOMINE. — Pro « habitatus » Græce est οὐούσια, id est habitatus cum illa quasi cum conjugé sua. Finxit ergo Antiochus se cum dea Nanæ velle conjugium inire, ut hoc honesto prætextu templum ejus expilaret, quasi omnia ejus donaria loco dotis accepturus foret; sed sacerdotes fraudem et spolium subodorati, dotem non gemmarum, sed lapidum derunt, id est lapidaverunt et occiderunt.

Porro prisci reges nonnulli olim volebant haberi quasi dii quidam terrestres, ac proinde cum deabus conjugia se inire jactabant. Audi Senecam lib. I *suasoriarum* : « Desponderunt Athenienses Antonio in matrimonium Minervam; Antonius ait se ducturum, sed dotis nomine imponere se

illis mille talenta. » Sic Antiochus Gryphus Lutæ se maritum jactavit, Numa Egeriae, Anchises Veneris (ex qua fingitur Æneam genuisse), Heliogabalus Uraniæ, Peleus Thetidis; unde nonnulli putant a Peleo ritum illum manasse, quo Veneri Thetidem; id est mare quotannis in festo Ascensionis solemni ritu jacto in mare annulo sponsalitio sibi despondent. Porro horum cum deabus regalium connubiorum luculentí testes sunt Josephus, Plutarchus; in vita Marcii Crassi, Xiphilinus, Herodotus, Isocrates et Suetonius, qui in vita C. Caligule, cap. XXI, scribit eum se Veneris maritum vindicasse.

15. CUMQUE PROPOSUSSENT (promisissent Antiocho Sидети se illi pro dote daturos) EAS (pecunias) SACERDOTES NANÆ, ET IPSE CUM PAUCIS INGRESSUS ESSET INTRA AMBITUM FANI (quasi sacros nuptiarum ritus celebraturi), CLAUSERUNT TEMPLUM.

Vers. 15.

16. CUM INTRASSET ANTIOCHUS, APERTOQUE OCCULTO ADITU TEMPLI (in superiori laqueari, vel in parietibus templi, inde) MITTENTES LAPIDES (Græce: *lapidibus fulminantes*) PERCUSSENTE DUCEM (regem Antiochum Sидетем), ET DIVISERUNT MEMBRATIM, ET CAPITIBUS AMPUTATIS FORAS PROJEGERUNT, — in ejus milites et vulgus spargeentes Sидетем cum suis ab aliquo Deo Antiochi rivali, qui deam Nanæ sibi ambiebat sponsam, cæsum et fulminatum esse, ne ipsi quasi necis autores a militibus Sидетis cæderentur. Atque hinc tam variae in vulgus de morte Sидетis, utpote occulta, emanarunt sententias quas ex Justino, Apiano et aliis recensui versu 13.

Vers. 16

Itaque Judæi hic pro cæso Sидете tanto tyranno et hoste suo Deo gratiæ agunt. Quare ridicule Scaliger et nonnulli alii scribunt Antiochum in templo Nanæ non cæstum, sed fuga elapsum salvum Antiochiam rediisse.

18. FACTURÍ IGITUR QUINTA ET VIGESIMA DIE MENSIS CASLEU PURIFICATIONEM TEMPLI, — hoc est celebratur die 25 Casleu, festum Encæniorum in memoriam purificationis et novæ dedicationis templi factæ a Juda Machabæo, I *Machab.* IV, vers. 52.

Vers. 18

NECESSARIUM DUXIMUS SIGNIFICARE VOBIS, UT ET VOS QUOQUE AGATIS DIEM SCENOPEGIS (id est festum Encæniorum simile Scenopegiæ, ut dixi versu 9), ET DIEM IGNIS. — Eadem enim die 25 Casleu, cum in Encæniis jam dictis offerrent sacrificia, ignis a Deo cœlitus in illa missus fuit ad ea comburendum, ideoque institutum est festum dati ignis, quod eodem die 25 Casleu, vel certe postero die (ut festum ignis proprium sibi haberet diem), celebrabatur: cuius rei historia fuse in sequentibus enarratur.

19. NAM CUM IN PERSIDEM (id est in Chaldaem sive in Babylonem a Nabuchodonosor) DUCERENT PATRES NOSTRI. — Chaldaea hic vocatur Persia tum quia multi Jūdæi abducti in Chaldaem sparsi fuere per Persiam, Medianam, aliasque regiones Chaldaeis subditas: tum quia tempore Nehemias, quo datus fuit ignis, monarchia Chaldaeorum

translata erat ad Persas ; tunc enim Artaxerxes , rex Persarum, dominabatur tam Chaldaëis quam Persis : quare omnes regiones tunc Persis subjectæ, inter quas erat Chaldaea , vocantur Persia, uti ex S. Chrysostomo, Lucano et aliis probat Serarius.

ACCEPTUM IGNEM DE ALTARI OCCULTI ABSCONDERUNT IN VALLE UBI ERAT PUTEUS ALTUS ET SICCUS, — id est ignem in puteo, qui erat in valle, absconderunt. Ignis hic, ut patet *Levit. ix*, 24, primitus a Deo datus fuit Aaroni, cum is primo in altari a Mose fabricato sacrificium obtulit : hoc enim igne cœlesti concrematum fuit, ut scilicet Deus illud approbaret, sibique gratum ostenderet : unde et jussit illum ignem additis lignis et fomentis deinceps semper conservari, ut non nisi illo igne di-vino posteriorum sacrificia Deo comburerentur, *Levit. vi*, 12, unde cap. x, 1, 2, Deus occidit Nadab et Abiu, eo quod igne profano thurificassent. Exciso vero a Chaldaëis cum urbe, altari et templo, ignem hunc ne periret sacerdotes extulerunt et absconderunt in valle et puteo jam dicto, sperantes Deum ignem hunc post suum e Babylone redditum resuscitaturum. Ita Rupertus, lib. X *De victor. verbi Dei*, cap. xviii : « Ignem, ait, morientem, qui nutriti non poterat, qui ubi nutritur non habebat, illi resuscitandum commiserunt, in quo est spes resurrectionis mortuorum, nec eos fecellit spes. Quomodo? » quia hanc eorum spem Deus hic per Nehemiam explicuit. Simili modo horum sacerdotum fidem, spem et pietatem laudat S. Ambrosius, lib. I *Offic.* cap. xiv : « Non illis, inquit, studio fuit aurum defodere, argentum abscondere, quod servarent posteris suis, sed inter extrema sua honestatis curam habentes sacrum ignem servandum putarunt : ne eum vel impurum contaminaret, vel defunctorum sanguis extingueret, vel deformium ruinarum acervus aboleret. Abierunt itaque in Persidem sola religione liberi, quoniam sola illis per captivitatem extorqueri nequivit. Post plurimum vero temporis, quando placuit Deo, dedit hanc mentem regi Persarum, ut instaurari in Iudea templum, et legitimos reparari Hierosolymis usus juberet. Cujus gratia muneric Nehemiam sacerdotem rex Persarum direxit. At ille secum direxit illorum sacerdotum nepotes, qui profecturi de patrio solo, sacrum ne periret ignem absconderant. »

Vers. 20. **20. UT MITTERETUR NEHEMIAS A REGE PERSIDIS.** — Nehemias ter missus fuit a rege Persidis in Iudeam , primo , a Cyro anno primo monarchiæ ejus : tunc enim Nehemias cum Zorobabel, Esdras et Jesu Pontifice e captivitate Babylonica rediit in Jerusalem , adeoque unus fuit e redeuntium primoribus et ducibus, ut patet I *Esdrae* II, 2, et *Nehemiæ* VII, 7 et 65. Secundo, missus fuit ab Artaxerxe Longimano anno regni ejus 20, *Nehem.* II, 1. Tertio, ab eodem missus fuit anno regni sui 32, ut patet *Nehem.* cap. ult. 6. Quæritur ergo de

qua missione hic sit sermo, et consequenter quando contigerit hæc missio ignis de cœlo facta Nehemias. Franciscus Ribera, lib. V *De Templo*, cap. xvii, verisimiliter hæc de secunda missione accipit ; hæc enim propria fuit missio solius Nehemias. Quare hæc contigisse anno 20 Artaxerxis in festo Tabernaculorum , quod primum solemniter celebravit Nehemias post suum e Perside reditum, ut patet *Nehem.* VII, ideoque illo festo, cum ipse juxta legem sacrificia statuta offerret ignem e cœlo a Deo missum , sacrificia inflammasse et consumpsisse. Quocirca in memoriam hujus beneficii Judæos deinceps festum dati ignis celebrasse ipso festo Tabernaculorum , quo primitus erat datus , atque hac de causa hic dici vers. 9 : « Et nunc frequentate dies scenopegiæ. »

Verum probabilius est datum a Deo fuisse ignem paulo post primam Nehemias missionem factam a Cyro , nimirum anno sexto Darii Hystaspis die tertio mensis Adar , id est februarii. Tunc enim perfecta fuit fabrica novi templi , ejusque facta est solemnis dedicatio cum oblatione plurimarum victimarum, ut patet *Esdrae* VI, 15 et 16. Ergo tunc datus fuit cœlitus ignis sacer quo victimæ comburendæ erant juxta *Levit. vi*, 12, ubi vetatur ne igne communi et profano victimæ crementur, ideoque jubetur ut sacerdotes ignem sacram e cœlo missum *Levit. VIII*, semper foveant et conservent. Alioqui enim Hebræi per annos 70 (tot enim fluxerunt ab anno sexto Darii, quo dedicatum est per sacrificia templum usque ad annum 20 Artaxerxis , qui Nehemiam secundo misit in Iudeam), caruissent in templo igne sacro, omnesque suas victimas per ignem laicum et profanum immolassent, quod Deus lege sua veterat.

Dices : Anno sexto Darii Nehemias erat juvenis, ac digniores eo erant Zorobabel, Esdras et Jesus Pontifex ; quare iis potius tribuenda foret hæc ignis missio , quam Nehemias. Respondeo omnes hi erant coœvi Nehemias , ideoque cum eo æstate pares vel suppares. Nehemias autem hæc potius tribuuntur, quam aliis : primo, ob zelum religionis qua præcellebat ; secundo, ob ejus nobilitatem et dignitatem : fuit enim ipse unus e primis Iudeorum e Babylone redeuntium ducibus. Tertio, quia ipse in magno honore fuit apud Artaxerxem, adeoque ejus pincerna ; unde ab eo creatus fuit gubernator et princeps Iudeæ , ac Jerosolymæ muros et domos reædificavit, urbemque optimis legibus imbuit et stabilivit, quæ omnia patent ex libro Nehemias.

Dices secundo : Ex dictis sequitur die tertia Adar, id est februarii quo datus fuit ignis, celebrandum esse festum ignis, non autem die 25 Casleu, ut hic dicitur. Respondeo ante Antiochum Epiphanem et Judam Machabæum festum ignis celebratum fuisse eo die quo datus erat, scilicet die tertio Adar. Verum quia Antiochus Epiphanes templum profanans , ignem sacrum quoque

cœlitus datum extinxit, vel sustulit; hinc Judas Machabæus templum purificans, ac altare et victimas restituens die 25 Casleu eodem die ignem hunc sacrum a Deo rursum accepit; ideoque eodem, vel certe postero die quasi proprio festum dati, vel potius redditi ignis celebrandum sanxit. Judas enim, extincto igne sacro, non poterat sacrificare igne profano: hoc enim lege erat vetatum; quare necesse fuit ut Deus ignem hunc restitueret. Id fecit cum e lapidibus templi et altaris olim sub Nehemia ignitis, rursum sub Juda Dei jussu ignis hic sacer emicuit, ut diserte asseritur cap. x, 3, ubi de Juda dicitur: « Et purgato templo aliud altare fecerunt, et de ignitis (olim sub Nehemia) lapidibus igne concepto sacrificia obtulerunt. » Hoc autem contigit in purificatione et nova dedicatione templi, quæ a Juda facta est die 25 Casleu, ut ibidem dicitur vers. 5. Ita Sanchez: Lapidès, inquit, ignitos illos intelligo, quos Nehemias aqua crassa perfudit, quam imbibèrent primum, deinde igne, qui ex aqua illa exarsit, combusti sunt; quare in lapidibus hisce videntur sacri ignis semina in posterum esse servata: nam ex illis tempore Judæ eadem flamma emicuit. Ita quoque Serarius, *Quæst. XIII.* Unde Gorionides: « Cum, inquit, composuissent ligna, non invenerunt ignem sanctum; sed clamarunt ad Dominum, et exiit ignis a lapide, qui erat altari suppositus adjicientes ei ligna; duravit ille ignis usque ad captivitatem tertiam, » quæ vide licet accidit Vespasiani tempore. Errant ergo Hebræ dicentes ignem sacrum et cœlestem defuisse in secundo templo, quod post redditum e Babylone ædificatum est.

Vers. 21. **21. ET SACRIFICIA, QUÆ IMPOSITA ERANT, JUSSIT SACERDOS NEHEMIAS ASPERGI IPSA AQUA,** — idque bis, semel ad victimas concremandas, secundo ad lapides igniendos, eisque vim igniendi inserendum, de quo versibus 31 et 32. Ita Sanchez.

Vers. 22. **22. TEMPUS AFFUIT, QUO SOL REFULSIT, QUI PRIUS ERAT IN NUBILO, ACCENSUS EST IGNIS MAGNUS.** — Videtur Deus hic sole usus, ejusque radiis ex aqua crassa eduxisse vapores crassos, illosque assidue radiis ipsius siderando inflammasse, itaque ignem produxisse, uti producuntur in aere ex vaporibus vi solis cometæ, stellæ errantes, ignes fatui, halones, dracones igniti, etc.

Tropologice ignis hic repræsentat Spiritum Sanctum qui in specie ignis sed sit super Apostolos in die Pentecostes, eisque igneas mentes et linguas indidit, ut totum orbem igne amoris divini accenderent, adeoque homines instar aquæ crassæ frigidos et torpidos efficerent igneos et flammeos. Ita S. Ambrosius, lib. I *Offic.* XIV: « Ille, inquit, ignis typus Spiritus Sancti fuit, qui descensurus erat post Domini ascensionem, et remissurus peccata omnium; qui quasi ignis inflamat animum ac mentem fidelem. » Vide Riberam, lib. V *De Templo*, cap. xvii. Vide quoque ea quæ de hoc igne fuse annotavi *Levit. ix*, 13, ubi 17 analo-

gias hujus ignis et charitatis recensui. Audi S. Chrysostomum, hom. 11 *ad Hebr.* « Nonne, ait, admiramur ignem olim descendenter omnia consumpsisse? Potest fieri ut ignis quoque nunc descendat illo longe admirabilior; et omnia quæ sunt proposita consumat, imo vero non consumat, sed in cœlum tollat. Is enim ea, quæ offeruntur, non in cinerem redit; sed dona a Deo offert. Tales erant Cornelii orationes, *Actor. x.* »

23. JONATHA INCHOANTE, — Jonathas hic non fuit **Vers. 22.** summus Sacerdos, ut aliqui putant, sed Levita et cantor, imo cantorum præfector, cujus tunc erant vices. Ita Lyranus et Serarius.

31. CUM AUTEM CONSUMPTUM ESSET SACRIFICIUM (sci- Vers. 31. licet igne ex aqua lapidum emicante concrematum) EX RESIDUA AQUA NEHEMIAS JUSSIT LAPIDES MA- JORES PERFUNDI.

32. QUOD UT FACTUM EST, EX EIS FLAMMA ACCENSA Vers. 32. EST; SED EX LUMINE QUOD REFULSIT AB ALTARI CON- SUMPTA EST, — q. d. Ignis et flamma lucida ardens que quæ combusserat victimas in altari, ex eo exsiliens, absumpsit flammarum ex aqua in lapidibus majoribus accensam, idque *primo*, quia lumen majus altaris offuscabat et absumebat lumen minus lapidum; *secundo*, quia ignis hic ex lege *Levit. vi, 12*, in solo altari restare debebat, quasi ignis sacer eique proprius ad victimas comburendas; quare in lapidibus restare non poterat, ne quis eo ad superstitionem abuteretur. *Tertio*, ut significaretur ignis hic non vi solis, sed Dei (cujus symbolum erat altare) sole quasi instrumento addentis illique majorem vim ad ignem ex aqua producendum indentis in lucem produisse. *Quarto*, ut ignis hic lapides igniret, eisque vim, non physicam, sed moralem inderet ad ignem in necessitate producendum, uti eum produxerunt in purificatione et dedicatione templi facta a Juda Machabæo. Ita Sanchez.

33. RENUNTIATUM EST REGI PERSARUM, — puta Da- **Vers. 33.** rio Hystraspis, cuius anno sexto hæc contigerunt, ut dixi; vel ut alii volunt Artaxerxi Longimano Darii nepoti, cuius pincerna erat Nehemias.

34. CONSIDERANS AUTEM REX. — Serarius pro « con- **Vers. 34.** siderans » censet legendum *conserans vel obserans*. Græce enim est *τεριφάξας*, id est *circumsepiens fe- cit ei templum*, q. d. rex igni templum statuit, il ludque septo circumdedit ad loci reverentiam.

FECIT EI TEMPLUM. — Primo, S. Ambrosius, lib. I *Offic.* XIV, ait regem in loco ubi inventa fuerat aqua crassa, postea versa in ignem, ædificasset templum. Persæ enim colebant ignem ut Deum, teste Brissonio, lib. II *De regno Persarum*. Secundo, Genebrardus in *Notat. chronicis*, et Beda in cap. II *Esdræ* quos citat et laudat Serarius, *Quæst. XIV*, censem regem eodem loci sacrum aliquod ædificium, qualis erat probatica piscina, construxisse; Græcum enim *ἴρην* significat locum illum, qui antea profanus erat, factum esse sacrum, ut jam in eo quædam Dei esset veneratio ac numinis religio: unde eum rex circumsepsit, ut habet Græcus.

Tertio, Lyranus explicat, q. d. Darius rex jussit reædificari templum Jerosolymitanum. Verum hoc jam erat reædificatum: in eo enim aqua crassa versa fuit in ignem. **Quarto**, q. d. Artaxerxes rex templum jam a Dario ayo suo fabricatum fecit, id est luculenter ornavit, et magnifice locupletavit. Sic Nabuchodonosor, ait Daniel IV: « Nonne hæc est Babylon quam ego ædificavi in domum regni, » id est auxi, ornavi, et regiam Monarchiæ Babyloniorum constitui? Nam ante eum ædificata fuit Babylon a Nèmrod, Genes. x. Sic Romulus dicitur Romanæ ædificasse, id est ornassee et amplificasse; nam ut ait Virgilius: Ante Romulum fuit « rex Evander Romanæ conditor arcis. » Ita S. Thomas, Lyranus, Dionysius, Hugo et Sanchez. Primus S. Ambrosii sensus uti primo obvius, ita plannissimus est. Persæ enim templo plura igni exstruxerunt, quæ inde ^{רְאֵשׁ} dicta sunt (an tamen eodem loci, quo inventa fuit aqua, hoc templum a rege erectum sit, uti vult S. Ambrosius, S. Scriptura non exprimit). Ignis enim elementorum nobilissimum suo splendore, calore, activitate, etc. expressum est symbolum Dei et divinitatis, juxta illud: « Deus noster ignis consumens est, » *Hebr. XII, 29.* Vide dicta ibidem, et *Exodi III, 2.*

UT PROBARET QUOD FACTUM ERAT, — ut hoc miraculum ignis ex aqua enati laudaret, celebraret, et ad perpetuam rei memoriam templo decoraret.

Vers. 36. **36. APPELLAVIT AUTEM NEHEMIAS HUNC LOCUM NEPHAR, QUOD INTERPRETATUR PURIFICATIO**, — a radice ^{תָּבָח} *Pathar* quæ Hebraice aut Chaldaice, Syriace, Persice et Arabice significat liberare, emittere, dimittere, ac tribuitur capto, qui e squalore et sordibus carceris liber et purus dimittitur, sicut hic templum a Chaldeis profanatum, squalidum et in sordes cineresque versum a Nehemia per

dedicationem et sacri ignis e cœlo descensum purificabatur, sanctificabatur, et Deo consecrabatur. Hinc *Phatir* Arabice vocatur *panis purus*, et *azymus*; et Chaldeus, *Exodi xxiii, 15*, festum Azymorum vocat *chagga de pattiraia* ^{דָּפִתְרַיָּה}.

Ad Nephcr alludit *naphtha*, quod est genus « bituminis, » ait Plinius, lib. II, cap. ccv, « liquido huic magna cognatio ignium, transiliuntque protinus in eam undecumque visam, » sicut hic ignes transilierunt in aquam crassam ad templi purificationem et sanctificationem. Porro apud veteres Iustitio et purificatio tiebat per sulphur et ignem. Unde Plinius, lib. XXXV, cap. xv: « Habet, inquit, sulphur in regionibus locum ad expandas suffitu domos. » Videlicet putabant igni isti sulphureo et bituminoso cœlestis et divini quid inesse, quod quæ apud ipsos sacra erant fulmina et fulgura, sulphuris odorem haberent, et eorum ipsa lux sulphurea esset, ut ibidem a Plinio scriptum est. Hinc enim et ^{θεῖον} Græci sulphur appellant, et quæ fulmine tacta essent loca, studiose procurarunt Romani, arisque excitatis et bidentibus cæsis, *bidentalia* nominarunt. Ita Gyraldus, *syntag. 17.* et ex eo Serarius. Denique Syriacus textus hoc loco sic habet: *Vocaverunt eum (locum) qui sunt domus Nehemie* (Nehemite) *Genephar*, *quod interpretatur mundities* (vel purificatio); *vocatur autem a multis Nephi*. Arabicus vero sic: *Qui sunt Nehemiee* *vocarunt hunc locum Techeptha*, *quod interpretatur puritas*. *Vocatur autem apud plures Nephi* (Syrus) *Nephi* a radice *nuph*, quæ multa significat, scilicet lavare, aspergere, agitare, cibrare: inde ^{נֶפֶת} *nophet* est favus et ^{נֶפֶת} *naphat* est regio, provincia. *Nephi* ergo est locus mundatus, elevatus, honoratus, sacratus et dilatatus. *Aphiti* enim syriace significat dilatare.

CAPUT SECUNDUM

SYNOPSIS CAPITIS.

Narrat Jeremiam in captivitate Babylonica abscondisse arcam, tabernaculum et altare thymiamatis in monte Nebo. Inde, vers. 20, præfatur auctor hujus libri secundi se gesta Antiochi Epiphanis et Eupatoris, ac Judæ Machabæi, et fratrum ejus fuse a Jasone et aliis conscripta breviter enarraturum.

1. Invenitur autem in descriptionibus Jeremiæ prophetæ, quod jussit eos ignem accipere qui transmigrabant, ut significatum est, et ut mandavit transmigratis. 2. Et dedit illis legem ne obliviscerentur præcepta Domini, et ut non exerrarent mentibus, videntes simulacra aurea et argentea, et ornamenta eorum. 3. Et alia hujusmodi dicens, hortabatur ne legem amoverent a corde suo. 4. Erat autem in ipsa scriptura, quomodo tabernaculum et arcam jussit propheta divino responso ad se facto comitari secum, usquequo exiit in montem, in quo Moyses ascendit, et vidit Dei hæreditatem. 5. Et ventiens ibi Jeremias invenit locum speluncæ: et tabernaculum, et arcam, et altare incensi intulit illuc, et ostium obstruxit. 6. Et accesserunt quidam simul, qui sequebantur, ut notarent sibi locum; et non potuerunt invenire. 7. Ut autem cognovit Jeremias, culpans illos, dixit: Quod ignotus erit locus, donec

congreget Deus congregationem populi, et propitius fiat; 8. et tunc Dominus ostendet haec, et apparebit majestas Domini, et nubes erit, sicut et Moysi manifestabatur, et sicut cum Salomon petiit ut locus sanctificaretur magno Deo, manifestabat haec. 9. Magnifice etenim sapientiam tractabat: et ut sapientiam habens, obtulit sacrificium dedicationis et consummationis templi. 10. Sicut et Moyses orabat ad Dominum, et descendit ignis de celo, et consumpsit holocaustum, sic et Salomon oravit, et descendit ignis de celo, et consumpsit holocaustum. 11. Et dixit Moyses, eo quod non sit comedum quod erat pro peccato, consumptum est. 12. Similiter et Salomon octo diebus celebravit dedicationem. 13. Inferebantur autem in descriptionibus et commentariis Nehemias haec eadem: et ut construens bibliothecam congregavit de regionibus libros et Prophetarum, et David, et epistolas Regum, et de donariis. 14. Similiter autem et Judas ea quae deciderant per bellum, quod nobis acciderat, congregavit omnia, et sunt apud nos. 15. Si ergo desideratis haec, mittite qui perferant vobis. 16. Acturi itaque purificationem scripsimus vobis; bene ergo facietis, si egeritis hos dies. 17. Deus autem, qui liberavit populum suum, et reddit hæreditatem omnibus, et regnum, et sacerdotium, et sanctificationem, 18. sicut promisit in lege, speramus quod cito nostri miserebitur, et congregabit de sub celo in locum sanctum. 19. Eripuit enim nos de magnis periculis, et locum purgavit. 20. De Juda vero Machabæo, et fratribus ejus, et de templi magni purificatione, et de aræ dedicatione; 21. sed et de præliis quæ pertinent ad Antiochum Nobilem, et filium ejus Eupatorem: 22. et de illuminationibus quæ de celo factæ sunt ad eos qui pro Judæis fortiter fecerunt, ita ut universam regionem, cum pauci essent, vindicarent, et barbare multitudinem fugarent, 23. et famosissimum in toto orbe templum recuperarent, et civitatem liberarent, et leges, quæ abolitæ erant, restituerentur, Domino cum omni tranquillitate propitio facto illis; 24. itemque ab Jason Cyrenæo quinque libris comprehensa, tentavimus nos uno yolumine breviare. 25. Considerantes enim multitudinem librorum, et difficultatem volentibus aggredi narrationes historiarum propter multitudinem rerum, 26. curavimus volentibus quidem legere, ut esset animi oblectatio; studiosis vero, ut facilius possint memoriae commendare; omnibus autem legentibus utilitas conferatur. 27. Et nobis quidem ipsis, qui hoc opus breviandi causa suscepimus, non facilem laborem, imo vero negotium plenum vigiliarum et sudoris assumpsimus. 28. Sicut hi qui præparant convivium, et quærunt aliorum voluntati parere propter multorum gratiam, libenter laborem sustinemus. 29. Veritatem quidem de singulis auctoribus concedentes, ipsi autem secundum datam formam brevitati studentes. 30. Sicut enim novæ domus architecto de universa structura curandum est: ei vero qui pingere curat, quæ apta sunt ad ornatum, exquirenda sunt; ita aestimandum est et in nobis. 31. Etenim intellectum colligere, et ordinare sermonem, et curiosius partes singulas quasque disquirere, historiæ congruit auctori: 32. brevitatem vero dictionis sectari, et executiones rerum vitare, brevianti concedendum est. 33. Hinc ergo narrationem incipiems: de præfatione tantum dixisse sufficiat; stultum etenim est ante historiam effluere, in ipsa autem historia succingi.

Vers. 1.

1. INVENITUR AUTEM IN DESCRIPTIONIBUS JEREMIAS PROPHETÆ, QUOD JUSSIT EOS IGNEM ACCIPERE QUI TRANSMIGRABANT, — e Judea capti a Chaldaeis in Babylonem. Confirmat id quod dixit de igne abscondito ex ipsis Jeremias scriptis. Descriptiones vocat Scripturam Jeremias, ut explicat vers. 4, hoc est codicem, vel pugillarem, aut commentarium, ut vocatur vers. 13, in quo Jeremias descriperat ea quæ dixit et gessit, cum Jerusalem capta fuit a Chaldaeis, nimirum, primo, quod jusserit ignem templi abscondi in puteo; secundo,

quod exhortatus sit Judæos, qui captivi in Babylonem abducebantur, ne ibi videntes idola aurea ad ea colendum se pellici sinerent, sed constanter solum Deum suum adorarent. Unde dedit eis volumen legis divinæ, puta Deuteronomium, vel Pentateuchum, ut illud crebro legerent in Babylone, illoque se et suam captivitatem solarentur, seseque in vero Dei cultu confirmarent; tertio, quod arcam, tabernaculum et altare incensi detulerit, et absconderit in speluncam montis Nebo.

Porro incertum est an liber hic fuerit canonicus, et a Synagoga probatus, habitusque ut S. Scriptura, qualis est prophetia Jeremiæ. Certum tamen est librum hunc fuisse magnæ auctoritatis, upote qui scriptus sit a Jeremia propheta, atque hic citetur ut testis indubitatus ignis sacri absconditi.

Denique injuria temporum periit hic liber, uti et plures alii a Jeremia conscripti, nimirum ejus carmen lugubre de morte Josiæ regis, de quo *II Paral. xxxv.* Item liber ejusdem de eversione urbis, et populi captivitate. Ad hæc liber de Babyloniæ excidio, quem alligatum saxo jussit in Euphratem projici, *Jeremiæ li, 60;* et alii plures de quibus egi Prologo in *Jeremiam.*

Vers. 2.

2. ET DEDIT ILLIS LEGEM, (puta exemplar Deuteronomii, in quo tota lex a Mose repetita continetur : vel exemplar totius Pentateuchi, ut illud assidue in Babylone captivi legerent. Rursum « dedit eis legem, » id est dedit eis mandatum, illudque iterum gravi obtestatione eis inculcavit), NE (scilicet) OBLIVISCERENTUR PRÆCEPTA DOMINI; (sed continuo ea ante oculos mentis et corporis ponebant). **ET NON EXERRARENT MENTIBUS,** — ne scilicet ex fulgore auri in idolis resplendentis inducerentur in errorem, quod in idolis foret aliquid augustæ divinitatis.

Vers. 4.

4. ERAT AUTEM IN IPSA SCRIPTURA, QUOMODO TABERNACULUM ET ARCAM JUSSIT PROPHETA DIVINO RESPONSO (oraculo) **AD SE FACTO COMITARI SECUM;** usquequo EXIIT IN MONTEM (Nebo) IN QUO MOYES (moriturus) ASCENDIT, ET VIDIT DEI HÆREDITATEM, — id est vidit eminus terram Chanaan, quam Deus Abrahæ ejusque posteris quasi hæreditatem possidendam promiserat, *Genes. xiii.* « Comitari, » id est secum deferri, et portari a suis sociis sacerdotibus, vel Levitis : hisce enim jubere poterat Jeremias, non Angelis; ita Lyranus. Serarius tamen putat Angelos detulisse arcam post Jeremiam (sicut iidem ædem B. Virginis, in qua ipsa nuntiante Gabriele filium Dei concepit, ex Palæstina transtulerunt in Italiam puta Lauretum), ita tamen ut arca visa sit a nonnullis, qui proinde eam secuti notarunt locum in quo a Jeremia fuit deposita.

IN QUO MOYES. — Arca ergo et tabernaculum condita fuere eodem loco, quo Moyses mortuus et sepultus fuit, qui arcæ et tabernaculi fuerat conditor. Porro modum depositionis arcæ recenset S. Epiphanius et ex eo S. Thomas quos audi : « Dicit Epiphanius : Hic est Jeremias, qui templum subvertendum prænoscens, arcam testamenti cum his quæ in eadem erant, tulit; et precibus eum absorberi fecit in petram : petram vero digito designans, nomen Dei impressit, et factum est sigillum in similitudinem Scripturæ, quæ ferro cavarunt, et ipsum Domini nomen nubis operimento ita celatum est, ut ex tunc nec locum quis cognoscere queat, nec nomen legere usque in hunc diem, et usque in finem, et pristinæ figuræ instar ignis, et nubes sæpe illic fit nocturno tempore, eo quod

gloria Domini ab ejus lege non desinat. Est autem petra illa in eremi terra, inter duos montes, inter quos jacent sepulti Moyses et Aaron, dixitque Jeremias præsentibus : Dominus de Sion ascendit ad cœlos, inde cum virtute reversurus, et erit signum præsentiae ejus, quando omnes gentes adoraverint lignum, dixitque quod arcam hanc nemo poterit producere, præter Moysen electum Dei prophetam. Et tabulas, quæ in ea sunt, nullus aperiet sacerdotum, nullusque Prophetarum nisi electus Dei Aaron. Et in prima resurrectione resurget hæc arca, et exhibit de petra, et ponetur in monte Sina, et omnes Sancti congregabuntur ad ipsam, regressum Domini exspectantes, et ut vitent adversarium, qui eos fugientes est quæsturus interimere. » Hæc ille.

Eadem habet Dorotheus in vita Jeremiæ. Horum fides sit penes ipsos auctores.

Porro Jeremias hæc gerere potuit, et de facto gessit vel ante captam Jerusalem regnante non Sedecia (tunc enim fuit in carcere), sed Joachim; huic enim Jeremias erat in veneratione, unde ipse suasu Jeremiæ dedidit se Chaldæis, aut capta jam Jerusalem a Chaldæis, antequam templum ab eis incenderetur. Jeremias enim in magna sanctitatis opinione erat apud Nabuchodonosorem, eo quod ab eo capiendam Jerusalem prædixisset; unde ab eo obtinuit quæcumque voluit, ut patet *Jeremiæ xxxix, 12.* Nil ergo habent hic Novantes ut fidem huic libro derogent.

7. QUOD IGNOTUS ERIT LOCUS (arcæ, tabernaculi *Vers. 7.* et altaris incensi), **DONEC CONGREGET DEUS CONGREGATIONEM POPULI.** — Quæres an et quando hoc factum vel adhuc faciendum sit. Nonnulli id factum putant sub Nehemia et Dario Hystaspis, quando populus Judaicus in Babylone dispersus inde rediit, et congregatus fuit in Jerusalem et templo, ibique ignem a Jeremia reconditum per aquam crassam in ignem conversam recuperavit; tunc enim simili modo videntur circa tabernaculum et altare ab eo abscondita Deo revelante rursum apparuisse in novo templo. Hæc enim erant vasa propria, per quæ Deus in eo coli volebat, ideoque per Moysen ea fabricari, et in templo reponi jusserat. Ita Melchior Canus, lib. II *de Locis*, cap. *xli*, Torniellus ad annum mundi 3601, Sanchez hic, et Ribera in cap. i *Aggæi*, num. 15, qui tamen in fine magis in contrariam sententiam inclinat.

Verum contraria sententia uti communior, ita et verior est, scilicet arcam, tabernaculum et altare incensi non fuisse reperta cum igne sacro sub Nehemia et Dario, sed revelanda fore sub finem mundi quando Deus per Eliam et Enoch populum suum, id est Judæos ad Christum convertet, eosque in unam Ecclesiam cum gentibus congregabit : tunc enim Elias, ut eos in fide Christi confirmet, ostendet eis arcam hic a Jeremia in illud ævum promissam. Probatur primo, quia si hæc inventa fuissent cum igne, utique

auctor hic id ipsum hic narraret, uti narravit de igne : hoc enim ad rem præsentem plane pertinebat. Jam autem nil tale hic narrat. Secundo, quia sub Nehemia non est facta *integra congregatio populi*, ut patet vers. 18, et cap. II, vers. 37. Multi enim Judæorum manserunt in Babylone; alii in alias regiones fuere dispersi. Tertio, si reperta fuissent, tum in templi secundi exspoliatione, quæ per Titum facta est, arca in spoliis poneretur. At non ponitur apud Josephum, lib. VII *De bello*, cap. xvii et xix. Imo idem, lib. VI, cap. vi, expresse docet tunc in Sancto sanctorum nihil omnino fuisse. Cum in idem Sanctum sanctorum ingressus est Pompeius, quid in templo viderit enumerat idem Josephus diligenter, lib. XIV *Antiq.* cap. VIII; de arca tamen semper mutus. Quocirca Romæ in arcu triumphali Titi cernimus effigiem candelabri aurei et mensæ panum propositionis, non autem arcam depictam. Quarto, quia hæc est communis Hebræorum sententia, qui constanter asserunt hæc vasa defuisse in secundo templo. Idem asserunt Latini et Græci, ut S. Epiphanius et Dorotheus jam citati in vita Jeremiæ, S. Thomas, Lyranus et Dionysius hic, Petrus Galatinus, lib. IV, cap. IX, Genebrardus, lib. II *Chronol.* anno mundi 3730, Bellarminus, lib. I *De verbo Dei*, cap. XV, Abulensis in cap. XV *Exodi*, Quæst. IV, ubi asserit hæc vasa in eodem loco abscondita in quo corpus Moysis conditum fuit, ac tunc apparitura quando Moysis corpus resurget, et apparebit, quod erit in fine mundi. Sic et Dorotheus in vita Jeremiæ ait eum abscondisse arcum in sepulcro Moysis et Aaronis. Idem censem Cosmas Magalianes, præfat. in *Josue*, sectione VI.

Nonnulli addunt Hebræos, deficiente arca, tabernaculo et altari incensi a Moyse fabricatis, similia fabricasse, illaque in secundo templo (hunc enim ornatum sibi proprium exigebat templum) reposuisse; idque sat colligitur ex lib. I *Machab.* cap. I, vers. 23, ubi dicitur Antiochum Epiphanem e templo accepisse altare aureum et candelabrum luminis, et mensam panum propositionis; et ex Hegesippo, lib. I, cap. XVII, ubi ait Pompeium tabulas testamenti et cherubinos (non Mosaicos, sed Mosaicis similes) in templo vidisse.

Porro defuit in templo secundo arca feederis, quia in ipso apparitus et docturus erat Christus per arcum figuratus. Unde mystice S. Ambrosius, lib. I *Offic.* capite XIV, Rupertus, cap. XXIV, hoc vaticinium Jeremiæ impletum censem, cum in templo congregato toto populo videndum se exhibuit Christus, qui est vera arca novi Testamenti, continens tabulas legis Evangelicæ et manna Eucharistiae. Vide dicta *Exodi* XXV, 10.

8. ET APPAREBIT MAJESTAS DOMINI, ET NUBES ERIT, — q. d. Cum Deus revelabit arcam, tunc pariter ostendet gloriam suam in nube splendida, sicut eamdem manifestavit Mosi et Salomoni in dedicatione altaris et templi, ut dicitur vers. 10.

MANIFESTABAT HAC, — scilicet majestatem suam

in nube splendida. Græca hæc referunt ad sequentia hoc modo: ut locus sanctificaretur magnifice; deinde punctum. *Manifestabatur enim hoc, sive manifestum fiebat, quod velut sapientiam habens obtulit sacrificium.*

9. MAGNIFICE ENIM SAPIENTIAM TRACTABAT (Salomon mortalium sapientissimus), ET UT SAPIENTIAM HABENS OBTULIT SACRIFICIUM DEDICATIONIS ET CONSUMMATIONIS TEMPLI, — q. d. Salomon uti erat sapientissimus, sic sapientissime imitatus est Moses, ac orando impetravit ut Deus suam majestatem in templo a se ædificato, et jam dedicato per nubem gloriosam ostenderet III *Reg.* VIII, 10; unde explicans subdit:

10. SICUT ET MOYES ORABAT AD DOMINUM, ET IGNIS DESCENDIT DE COELO ET CONSUMPSIT HOLOCAUSTUM (*Levit.* IX, 2), SIC ET SALOMON ORAVIT, ET DESCENDIT IGNIS DE COELO, ET CONSUMPSIT HOLOCAUSTUM, — q. d. Simili ergo modo ignis coelestis in dedicatione templi facta a Nehemia, et postea a Juda Machabæo descendit de celo, eorumque victimas consumpsit, ideoque institutum est festum Encæniorum æque ac dati ignis, ad quod vos, o Ægyptii Judæi, hortamur, nos Jerosolymitæ, ut illud nobiscum ad Dei laudem et gratiarum actionem celebretis.

11. ET DIXIT MOYES EO QUOD NON SIT COMESTUM, QUOD ERAT PRO PECCATO CONSUMPTUM EST, — q. d. Cum sacrificium Moysis esset pro peccato, ideoque immundum videretur, sicut et peccatum ipsum, ideoque nec consumptum a sacerdotibus esset, hinc id ipsum a flamma consumptum est. Sumpta sunt hæc verba ex *Levit.* X, 16, videnturque continuata esse cum superioribus, ut sicut ignis cæteras victimas cremavit, sic et hostias pro peccato consumpserit; ita Serarius, Sanchez et alii.

13. INFEREBANTUR AUTEM IN DESCRIPTIONIBUS ET COMMENTARIIS NEHEMIA HÆC EADEM, — q. d. Hæc quæ dixi de igne sacro ex aquis crassis emicante scripta sunt a Nehemia, non lib. II *Esdre*, sed alio Nehemiæ commentario, qui jam injuria temporum intercidit.

ET UT CONSTRUENS BIBLIOTHECAM.—Prima est hæc Judæorum solemnis bibliotheca quam construxit Nehemias. Ipse enim antecessit centum et amplius annis Alexandrum Magnum, et Aristotelem quem Strabo, lib. XIII, scribit fuisse primum qui bibliothecam extruxerit. Pluribus annis Nehemias antecessit Ptolemaëum Philadelphum, qui secundus post Alexandrum regnavit in Ægypto, ibique celeberrimam bibliothecam erexit, ideoque e Iudea 72 Interpretes evocavit qui S. Scripturam ex Hebræo in Græcum traducerent. Sic ante Ptolemaëum et Alexandrum tempore Darii Hystaspis exstabat bibliotheca in Babylone, ut patet I *Esdre* VI, 1. Videntur Jerosolymitæ hic adeo celebrire bibliothecam Nehemiæ, ut eam apponant, vel componant, vel opponant bibliothecæ Philadelphi, de qua gloriabantur Judæi in Ægypto de-

gentes, q. d. Vos in Ægypto plures forsitan habetis Gentilium libros profanos; at nos soli habemus libros sacros et historias gentis nostræ quibus caret bibliotheca Philadelphi.

Vers. 14.

14. SIMILITER AUTEM ET JUDAS EA QUA DECIDERANT PER BELLUM CONGREGAVIT OMNIA, (q. d. Simili cura et diligentia Judas sacros Codices per bella Antiochi Epiphanis dissipatos) CONGREGAVIT ET SUNT APUD NOS.—Per Judam nonnulli accipiunt Judam Machabæum. Verum quia Judam hunc a Machabæo distinguit, dicens, vers. 20: « De Juda vero Machabæo; » hunc enim solet vocare Machabæum; et quia Judas Machabæus in assiduis fuit bellis, ideoque illi potius cura fuit armamentarii quam bibliothecæ, ut cuderet gladios, non libros: hinc verius alii accipiunt per Judam, Judam Essenum, qui, ut dixi cap. I, vers. 10, fuit auctor hujus epistolæ et libri; sed quia ipse eam scripsit nomine totius Senatus et populi Judæi, ut ibidem dicitur, hinc de se hic loquitur in tertia persona. Induit enim personam populi et Senatus, quorum nomine scripsit epistolam, eosque hic de Juda, id est de se, quasi de tertio aliquo loquentes inducit.

Vers. 17.

17. DEUS AUTEM QUI LIBERAVIT POPULUM SUUM, — (ab Antiocho Epiphane, Eupatore, Sidete, Demetrio, ceterisque hostibus, et reddidit hereditatem omnibus et regnum, q. d. Deus effecit ut omnes Judæi regnum Judææ non titulo regni, ut prius, sed provinciæ sibi a Deo datæ, quasi hereditate possiderent, ac singuli in ea partem suam hereditariam sibi ab Antiochis eruptam, rursum quiete obtinerent); ET SACERDOTIOM, (ut scilicet Ierosolymæ restituere suum Pontificem et sacerdotes); ET SANCTIFICATIONEM, — id est sanctum templum cum sancto Dei cultu. Templum enim ab Antiocho pollutum Judas Machabæus expians pristinæ puritati et sanctitati, sanctoque unius veri Dei cultui restituit, lib. I, cap. IV, vers. 52.

Vers. 20.

20. DE JUDA VERO MACHABÆO ET FRATRIBUS EJUS. — Sententia hujus versus et quatuor sequentium pendet et expletur illo vers. 24: « Tentavimus nos uno volumine breviare, » q. d. Quæ Jason et alii fuse dixerunt et scripserunt multis volumini bus de gestis et præliis Judæ Machabæi et fratrum ejus, haec nos breviter hoc libro II Machab. enarrabimus.

Finita ergo, vers. 19, epistola, Judas Essenus hic orditur historiam libri II Machab. eique hunc titulum et prefationem de libri argumento, methodo, stylo, etc. præmittit: quare idem est argumentum libri secundi; quod fuit primi, nimirum gesta Judæ Machabæi et fratrum ejus: haec enim breviter conscripta, lib. I, hic fusius enarrantur: multa etiam adduntur, quæ libro primo omissa fuerunt.

21. ANTIOCHUM NOBILEM, — id est Antiochum Epiphanem: — enim Graece idem est quod illustris, nobilis; ita vocatus fuit a Gentilibus ob illustria facta, licet verius a Polybio et aliis cog-

nominetur ἐπιφανής, id est stultus et insanus, ut dixi lib. I.

22. ET DE ILLUMINATIONIBUS QUADE DE COELO FACTA Vers. 22
SUNT AD EOS QUI PRO JUDEIS FORTITER FECERUNT. — Illuminationes de cœlo vocat signa cœlitus edita pro Juda et sociis, qui ope Angelorum adjuti, pro Judæis fortiter dimicantes, magnos Antiochi exercitus prostrarunt. Unde Angeli apparuerunt Judæ, ejusque castra, quasi duces belli præiverunt, ut audiemus in sequenti.

23. DOMINO CUM OMNI TRANQUILLITATE PROPITIO Vers. 23
FACTO ILLIS, — q. d. Domino tranquillante et sedante turbations, tumultus et prælia ab Antiocho intentata Judæis, eisque pacem pristinam redente: « Tranquillus enim Deus tranquillat omnia, et tranquille aspicere, quiescere est, » ait quidam Sanctorum.

24. ITEMQUE AB JASONE CYRENÆO QUINQUE LIBRIS Vers. 24
COMPREHENDSA TENTAVIMUS NOS UNO VOLUMINE BREVIARE, — id est in breve hoc volumen redigere. Objicit Calvinus et Novantes Jasonem hunc fuisse Cyrenæum, ideoque Gentilem, ac proinde librum hunc, qui est compendium Jasonis, non esse sacram et Canonicum. Respondeo Jasonem hunc fuisse Judæum, non Gentilem: Judæi enim erant sparsi per totum orbem; ideoque in Cyrene quoque degebant, ut patet Act. II et VI. Gentiles enim hostes erant Judæorum, eorumque legem, ritus et gesta irridebant, extenuabant, depravabant. Hic autem Jason haec omnia extollit et celebrat, ut patet ex seq. Quare fuit ipse verus Dei cultor, ac vir probus et pius, Deique cultus zelotes.

Sed esto Jason fuisse gentilis, Judas tamen, qui Jasonis scripta selegit, digessit, disposuit, concinnavit, suaque effecit, et in hunc librum redegit assistente sibi semper Spiritu Sancto necubi erraret, hunc librum Canonicum effecit. Quare idem effecit ut si quid falsi, impii, vel obsceni esset in libris Jasonis, illud Judas omitteret vel castigaret. Ubi nota Canonem: Cum auctor Canonicus citat probatque dicta alicujus profani auctoris, hoc ipso facit ea Canonica. Sic S. Paulus ad Titum I, 12, citans illud Epimenidis: « Cretenses semper mendaces, maleæ bestiæ, ventres pigri, » addensque: « Testimonium hoc verum est, » hoc ipso illi tribuit fidem Canonicam et infallibilem. Sic illud Job v, 13: « Qui apprehendit sapientes in astutia eorum, » prout dictum est ab Epiphari gentili, non habet auctoritatem Canonicam; eam tamen adeptum est, cum citatum et laudatum est a Paulo, I Cor. III, 13. Simili modo Judas hic auctor Canonicus dicta a Jasone citans laudansque, ea fecit Canonica. Sic rursum Paulus, Act. XVII, 28, citans probansque illa Arati: « Ipsi enim et genus sumus, » eis tribuit auctoritatem Canonicam. Ita Sanchez, Serarius, Bellarminus et alii.

27. NEGOTIUM PLENUM VIGILIARUM ET SUDORIS AS- Vers. 27
SUMPSIMUS: — Magni enim laboris et industriæ est plurima legere, eaque omnia methodice, concinne, clare, et plene paucis verbis constringere

Vers. 21.

et complecti. Sic laboravit, qui Iliadem Homeris ita minutis litteris descripsit, ut totam cortici nuncias includeret, teste Plinio, lib. VII, cap. XXI, et Archimedes, qui, ut ait Cicero, *Tuscul.* I : « lunæ, solis et quinque stellarum errantium motus in sphæram alligavit, idque divino ingenio. » Et quia pauci id facere norunt, hinc saepe compendia et dispendia. Paucis ergo multa cōmplecti magni viri est, profundique ingenii, quod punc-
tum veritatis multiplicis uno mentis cernit et strin-
git in ictu. Hic laconismus, id est breviloquentia indicium est animi silentis, meditabundi et sa-
pientis, ideoque illa usi sunt septem Græciae Sa-
pientes quorum dicta sunt haec : « Nosce te ipsum. Ne quid nimis. Sponde, noxa præsto est, etc. » Atdi Plutarchum tract. *De Garrulitate* : « Semper audiendæ sunt taciturnitatis ac silentii laudes, eo-
rumque majestas, sanctimonia, ac cum sacris ar-
canis similitudo, et quod majori sunt in admiratione, magis cari sapientesque habentur, quam effrænes isti et concitati ii, qui rotundi sunt, ac breviloquentes, et quorum in exigua dictione multis inest sensus. Nam et Plato hos laudat, si-
miles esse docens peritorum jåculatorum, dum crispa ac densa inter seque convoluta verba emit-
tunt. Et Lycurgus cives statim a puero suos si-
lentio compescens, ad hujusmodi contracte ac presse loquendi peritiam condocefecit. Etenim si-
cūt Celtibères ferro aciem soliditatēmque parant, eo in terram defosso, crassas terréstresque partes expurgando : ita Laconica oratio cortice carebat, et supervacaneorum remotione in efficacitatem coacta acuebatur : quippe illa scite dicendi bre-
vitas, et versatile in responsionibus acumen, multi erat silentii fructus. »

Vrs. 29. 29. VERITATEM QUIDEM DE SINGULIS AUCTORIBUS (Græce *auctori*, puta Jasoni Cyrenæo) CONCEDENTES IPSI AUTEM SECUNDUM DATAM (dictam jam) FORMAM BREVITATI STUDENTES, *q. d.* Ego Judas hujus libri scriptor hoc tantum egī, ut Jasonis scripta breviarem. quare nolui curiose scrutari veritatem singularum rerum etiam minutissimarum ab eo conscriptarum, sed veritatis hujus laudem tribuo Jasoni, utpote scriptori probō, veraci et exacto, qui haec omnia diligenter prius investigavit, nec nisi certo comperta conscripsit. Ita modeste de se sentit, et loquitur Judas, sed Spiritus

Sanctus qui eo quasi organo et calamo usus est, ita eum direxit, ut nil nisi verum, pium sanctum que conserveret, et si quid secus in Jasone invenisset, illud vel omitteret, vel mutaret.

30. SICUT ENIM NOVÆ DOMUS ARCHITECTO. — Ex Vers. 30. eadem modestia Judas hic Jasonem comparat architecto magnæ fabricæ, cui incumbit totius fabricæ dispositio et constructio : se vero pictori qui fabricam jam perfectam pictura sua exornat, *q. d.* Historici est fabricam historiæ construere; abbreviatoris vero est eam suo brevi et concinno stylo exornare.

31. ETENIM INTELLECTUM COLLIGERE.—Intellectum Vers. 31. vocat argumentum, sive materiam quam historicus colligit, et lectori legendam intelligendamque proponit.

32. EXECUTIONES RERUM VITARE BREVIANTI CONCE-
DENDUM EST. — Græce : *Curiositatem negotii omittere abbreviationem facienti concedendum est. q. d.* Auctoris historici est curiose singula minutum investigare et enarrare; at abbreviatoris est plura ex his circumcidere et paucis multa complecti. Græce enim ἔξεργασία significat opus quod fit magna diligentia et cura, hoc est, quod curiose, exacte, plene et perfecte pertractatur. Et hoc Noster vocat « executiones : » nec hanc vocem illatinam existimes. Exsequi enim significat aliquid absolvere et perficere, ideoque accurate illud agere; unde illud Tullii in *Oratore* : « Divine ut omnia exsequitur. » Et illud ejusdem *De Universit.* : « Non igitur dubium quin æternitatem maluerit exsequi, quandoquidem neque mundo quidquam pulchrius, neque ejus ædificatore præstantius. » Et illud ejusdem, lib. *De Senectute* : « Exsequi omnia regis officia et munia. » Rursum, et magis ad rem propositam exsequi significat rem minutum et ample exponere ac narrando prosequi. Ita Livius, lib. V : « Exsequebatur deinde, inquit, quæ solemnis derivatio esset. » Et Cicero, *Mario*, lib. XXVII : « Habebo, inquit, multa occultiora quæ vix verbis exsequi possum. » Et Plinius, lib. XXXV, cap. VIII : « Nunc celebres in ea arte quam maxima brevitate percurram; neque enim instituti operis est talis executio, » id est prolixior et plenior enarratio. Sic hic executiones opponuntur abbreviationi quam sibi sectandam proposuit noster hic Auctor.

CAPUT TERTIUM.

SYNOPSIS CAPITIS.

Recensetur prosper Jerosolymæ status sub Onia Pontifice quem Simonis præpositi ambitio et proditio turbavit : prodidit enim ipse thesauros templi Seleuco regi, qui ad eos expilando misit Heliodorum; sed hic ab Angelis acriter flagellatus, et orationibus Omia sibi restitutus, caput Dei potentiam templique sanctitatem ubique celebrare.

1. Igitur cum sancta civitas habitaretur in omni pace, leges etiam adhuc optime custodientur, propter Oniæ pontificis pietatem, et animos odio habentes mala, 2. fiebat ut et ipsi reges et principes locum summo honore dignum ducerent, et templum maximis munieribus illustrarent : 3. ita ut Seleucus Asiæ rex de redditibus suis prestatet omnes sumptus ad ministerium sacrificiorum pertinentes. 4. Simon autem de tribu Benjamin, præpositus templi constitutus, contendebat, obstante sibi principe sacerdotum, iniquum aliquid in civitate moliri. 5. Sed cum vincere Oniam non posset, venit ad Appollonium Tharseæ filium, qui eo tempore erat dux Cœlesyriæ et Phœnicis : 6. et nuntiavit ei pecuniis innumerabilibus plenum esse ærarium Jerosolymis, et communes copias immensas esse, quæ non pertinent ad rationem sacrificiorum ; esse autem possibile sub potestate regis cadere universa. 7. Cumque retulisset ad regem Apollonius de pecuniis quæ delatae erant, ille accitum Heliodorum, qui erat super negotia ejus, misit cum mandatis, ut prædictam pecuniam transportaret. 8. Statimque Heliodorus iter est agressus, specie quidem quasi per Cœlesyriam et Phœnicen civitates esset peragraturus, revera autem regis propositum perfecturus. 9. Sed cum venisset Jerosolymam, et benigne a summo sacerdote in civitate esset exceptus, narravit de dato indicio pecuniarum : et cuius rei gratia adesset, aperuit ; interrogabat autem si vere hæc ita essent. 10. Tunc summus sacerdos ostendit deposita esse hæc, et virtualia viduarum et pupillorum : 11. quædam vero esse Hircani Tobiæ viri valde eminentis, in his quæ detulerat impius Simon ; universa autem argenti talenta esse quadringenta, et auri ducenta ; 12. decipi vero eos, qui credidissent loco et templo, quod per universum mundum honoratur, pro sui veneratione et sanctitate omnino impossibile esse. 13. At ille pro his quæ habebat in mandatis a rege, dicebat omni genere regi ea esse deferenda. 14. Constituta autem die intrabat de his Heliodorus ordinaturus. Non modica vero per universam civitatem erat trepidatio. 15. Sacerdotes autem ante altare cum stolis sacerdotalibus jactaverunt se, et invocabant de cœlo eum qui de depositis legem posuit, ut his qui deposuerant ea salva custodiret. 16. Jam vero qui videbat summi sacerdotis vultum, mente vulnerabatur : facies enim et color immutatus declarabat internum animi dolorem ; 17. circumfusa enim erat mœstitia quaedam viro, et horror corporis, per quem manifestus aspicientibus dolor cordis ejus efficiebatur. 18. Alii etiam gregatim de domibus confluebant, publica supplicatione obsecrantes, pro eo quod in contemptum locus esset venturus. 19. Accinctæque mulieres ciliciis pectus, per plateas confluabant; sed et virginis, quæ conclusæ erant, procurrebant ad Oniam, aliæ autem ad muros, Judæam vero per fenestras aspiciebant : 20. universæ autem protendentes manus in cœlum deprecabantur. 21. Erat enim misera commixtae multitudinis, et magni sacerdotis in agone constituti exspectatio. 22. Et hi quidem invocabant omnipotentem Deum, ut credita sibi, his qui crediderant, cum omni integritate conservarentur. 23. Heliodorus autem, quod decreverat, perficiebat eodem loco cum satellitibus circa ærarium præsens. 24. Sed spiritus omnipotentis Dei magna fecit suæ ostensionis evidentiam, ita ut omnes qui ausi

fuerant parere et, ruentes Dei virtute, in dissolutionem et formidinem converterentur. 25. Apparuit enim illis quidam equus terribilem habens sessorem, optimis experimentis adornatus : isque cum impetu Heliodoro priores calces elisit ; qui autem ei sedebat , videbatur arma habere aurea. 26. Alii etiam apparuerunt duo juvenes virtute decori , optimi gloria , speciosique amictu : qui circumsteterunt eum, et ex utraque parte flagellabant, sine intermissione multis plagiis verberantes. 27. Subito autem Heliodorus concidit in terram , eumque multa caligine circumfusum rapuerunt, atque in sella gestatoria positum ejecerunt. 28. Et is qui cum multis cursoribus et satellitibus praedictum ingressus est ærarium , portabatur nullo sibi auxilium ferente, manifesta Dei cognita virtute ; 29. et ille quidem per divinam virtutem jacebat mutus, atque omni spe et salute privatus. 30. Hi autem Dominum benedicebant, quia magnificabat locum suum : et templum , quod paulo ante timore ac tumultu erat plenum, apparente omnipotente Domino, gaudio et lætitia impletum est. 31. Tunc vero ex amicis Heliodori quidam rogabant confestim Oniam, ut invocaret Altissimum, ut vitam donaret ei qui in supremo spiritu erat constitutus. 32. Considerans autem summus sacerdos los , ne forte rex suspicaretur malitiam aliquam ex Judæis circa Heliodorum consummatam, obtulit pro salute viri hostiam salutarem. 33. Cumque summus sacerdos exoraret, iidem juvenes eisdem vestibus amicti, adstantes Heliodoro dixerunt : Oniæ sacerdetti gratias age ; nam propter eum Dominus tibi vitam donavit. 34. Tu autem a Deo flagellatus , nuntia omnibus magnalia Dei et potestatem. Et his dictis, non comparuerunt. 35. Heliodorus autem, hostia Deo oblata, et votis magnis promissis ei qui vivere illi concessit, et Oniæ gratias agens , recepto exercitu, repedabat ad regem. 36. Testabatur autem omnibus ea quæ sub oculis suis viderat opera magni Dei. 37. Cum autem rex interrogasset Heliodorum, quis esset aptus adhuc semel Jerosolymam mitti, ait : 38. Si quem habes hostem, aut regni tui insidiatorem , mitte illuc , et flagellatum eum recipies, si tamen evaserit; eo quod in loco sit vere Dei quædam virtus. 39. Nam ipse, qui habet in cœlis habitationem , visitator et adjutor est loci illius , et venientes ad malefaciendum percutit ac perdit. 40. Igitur de Heliodoro et ærarii custodia itares se habet.

ORDINE temporis, hoc caput et principium sequentis usque ad vers. 7 collocandum esset libro I Machab. cap. i, ante vers. 12, ut patebit ex vers. 3.

Vers. 1. 1. **IGITUR CUM SANCTA CIVITAS** (Jerusalem in qua vigebat sanctus Dei cultus in sancto templo per sanctos Pontifices , sacerdotes et fideles quotidie exercitus) **HABITARETUR IN OMNI PACE**, etc., **PROPTER ONIA PONTIFICIS PIETATEM**. — Onias hic fuit hoc nomine tertius, cognomento Sanctus, qui immediate ante Mathathiam patrem Judæ Machabæi Pontificatum gessit: cuius filius Ónias pariter dictus Heliopoli in Ægypto templum erexit, permittente Ptolemæo Philometore rege, ejusque Pontificem se constituit. Porro Onias hic Sanctus a fratre suo Jesu, sive Jasone Apostata , Pontificatu privatus est : hunc enim pecunia Jason emit ab Antiocho Epiphane, ideoque pseudopontifex existit, ut patebit cap. iv, vers. 7; sed justo Dei iudicio simili prorsus modo Jason Pontificatu extrusus fuit a Menelao, et Menelaus a Lysimacho; et hic ab Alcimo, postquam Mathathias pater Judæ Machabæi, electus a populo, legitimate Pontificatum et Principatum adiit.

Vers. 3. 3. **ITA UT SELEUCUS REX ASIE DE REDDITIBUS SUIS**

PRÆSTARET OMNES SUMPTUS AD MINISTERIUM SACRIFICIORUM PERTINENTES. — Seleucus hic, cognomento Philopator, fuit frater senior Antiochi Epiphanis; uterque enim fuit filius Antiochi Magni qui, a Scipione Asiatico superatus, cum Romanis pacem iniit. Seleucus ergo hic initio regni sumptus præbuit templo, sed postea audiens ingentes in eo esse thesauros, victus avaritia, misit Heliodorum, qui eos expilaret; unde justo Dei iudicio ab eodem Heliodoro occisus regnum reliquit fratri juniori Antiocho Epiphani. Ita Appianus, Justinus, Josephus et alii. Simili modo in templum Judæorum propensi et munifici fuere Cyrus, Darius, Artaxerxes reges Persarum, ut patet *Esdræ* cap. i et vi, et *Nehemiac* ii. Idem fecit Antiochus Magnus, teste Josepho, lib. XII, cap. iii.

4. SIMON AUTEM DE TRIBU BENJAMIN, PRÆPOSITUS TEMPLI CONSTITUTUS, CONTENDEBAT, OBSISTENTE SIBI PRINCIPE SACERDOTUM (Onia sancto Pontifice ut sequitur), **INIQUM ALIQUID IN CIVITATE MOLIRI.** — Simon hic non erat de tribu Levi, ac proinde non erat sacerdos; soli autem sacerdotes præerant in templo rebus sacris. Simon ergo hic e tribu Benjamin fuit constitutus præpositus templi in rebus politicis, v. g. ut præasset templi prædiis, agris,

redditibus, vel militibus ad templi custodiam deputatis, I Mach. cap. IV, vers. ult.

INQUUM ALIQUID. — Videtur hic Simon ambivisse Principatum vel Pontificatum Jerosolymæ, ut ambivit postea ejus frater Menelaus, de quo dicam infra.

Vers. 5. **5. VENIT AD APOLLONIUM, etc., QUI EO TEMPORE ERAT DUX COELESYRIÆ ET PHOENICIS :** — Dux, id est præses et præfectus constitutus a Seleuco regé Asiae et Syriæ. Jason ergo per Apollonium nuntiavit, et prodidit Seleuco regi thesauros templi, qui propter minus ad eos auferendos misit Heliodorum. Hic est Apollonius, qui postea cum Jonatha confilgens ab eo superatus est, I Machab. x, vers. 69 et seq.

Vers. 10. **10. TUNC SUMMUS SACERDOS (Onias sanctus) OSTENDIT DEPOSITA ESSE HÆC.** — Solebant enim non tantum apud Judæos et Christianos, sed etiam apud Ethnicos res pretiosæ, ac nominatim dotes viduarum et pupillorum deponi et asservari in templo; quasi in asylo inviolabili, ideoque certo et securò teste Josepho, XIV Ant. viii; Suetonio in Vita Julii Cæsaris, ubi ait de ejus testamento; Cicero, lib. II De legibus sub medium, quem audi: « Sacrilego pœna esto, neque ei soli qui sacrum abstulerit, sed etiam ei qui sacro commendatum. Quod et nunc multis fit in fanis. Alexander in Cilicia depositus apud solem in delubro pecuniam dicitur, et Atheniensis Clisthenes Junoni Samiæ civis egrelius, cum rebus timeret suis, filiarum dotes credidit. » Idem jure Canonico sancitum est cap. Gra, vis, extra de deposito. Sic S. Ambrosius, lib. II Offic. cap. XXIX, scripsit se suassisse Ticinensi ecclesiæ, ut viduae depositum contra Imperatoris rescriptum conservaret, eique minatur Heliodori flagellationem et ultiōnem divinam.

Hinc Pompeius, capta Jerosolyma, invenit in templo deposita bis mille talenta; nec tamen quicquam abstulit, teste Josepho loco citato; secus fecit M. Crassus qui, ut Josephus ait cap. XII, trahem auream e templo sustulit.

Vers. 11. **11. QUEDAM VERO ESSE HIRCANI TOBIE VIRI VALDE EMINENTIS** — dignitate et auctoritate; addit S. Ambrosius et sanctitate. Hic enim Tobias sororem Simonis secundi (qui erat pater Oniae Sancti) Pontificis in uxorem duxerat, ut ait Josephus libro XII, cap. iv; qui et addit hujus Tobie filios ad Antiochum Epiphanem, qui Seleuco fratri successit, se transtulisse.

UNIVERSA AUTEM ARGENTI TALENTA ESSE QUADRINGERITA, — quæ si Attica fuerunt, faciunt ducenta millia aureorum: sin Hebræa, 400 millia aureorum.

ET AURI DUCENTA, — quæ si Attica fuerunt, faciunt millionem et insuper ducenta millia aureorum: sin Hebræa, duos millions et 400 millia aureorum.

Vers. 12. **12. DECIPÍ** (Græce ἀδικεῖν, id est injuria affici, fraudari, spoliari) **VERO EOS QUI CREDIDISSENT LOCO ET TEMPLO QUOD PÉR UNIVERSUM MUNDUM HONORATUR PRO SUI VENERATIONE ET SANCTITATE OMNINO IMPOS-**

SIBILE ESSE, — q. d. omnino illicitum, indignum et sacrilegum, ideoque ethice impossibile est ut tradamus et proclamus regi ea quæ viduæ, pupilli aliquique deposuerunt in templo, credentes illa ibidem ob loci sacri venerationem et sanctitatem tutâ et secura fore: sic enim ipsi decipientur, suisque pecuniis fraudabuntur contra omne fas et contra omnia jura divina et humana: hac enim rapina fieret gravis injuria templo, et injustitia depositariis, ac vilipendium mihi pontifici, et sacerdotibus, quod fidem depositariis datam non servaverimus, sed contra eam violaverimus sanctitatem templi, jus asyli, et fortunas viduarum et pupillorum raptori prodiderimus. Quare moraliter impossibile est ut hoc fiat.

19. SED ET VIRGINES QUÆ CONCLUSÆ ERANT PROCUR- Vers. 10. **REBANT AD ONIAM.** — Virgines aliae in templo erant conclusæ, inter quas B. Virgo presentata in templo angelice vixit, donec nupsit Josepho; aliae domi a parentibus pudoris et pudicitiae causa recludebantur, ut etiamnum Romæ et alibi a viris honoratis fit. Ego cum Serario ultrasque hic accipio: utræque enim ob tam sacrilegam publicamque templi profanationem accurrebant ad Oniam Pontificem ut ab eo consilium et auxilium peterent, præsertim quia multæ ex his dotem suam, ex qua vivebant, habebant in templo depositam, quam si cum cæteris auferebat Heliodorus, victimum et vitam eis auferebat.

25. APPARUIT ENIM ILLIS QUIDAM EQUUS, TERRIBILI Vers. 25. **LEM (vultu gestuque sævo et minaci) HABENS SÈSOREM.** (Hic erat Angelus qui equi et equitis speciem assumpsit, ut Heliodoro equiti se opponeret, ac quasi in duello eum prostreret; isque cum IMPETU HELIODORO PRIORES CALCES ELISIT, — id est illisit, impegit; equi enim calcitrando pugnant. Græce: *Invectus autem cum impetu concussit in Heliodorum priores ungulas;* ungulæ enim priores equis sunt loco manuum armatarum: has ergo impegit equus hic Heliodoro; itaque eum prostravit, afflixit, et pene exanimavit. Sic Angeli præliaentes apparuerunt Zacharie, cap. i, specie equorum et equitum, et S. Joanni, Apoc. cap. v, vers. 2. Vide ibi dicta. Simili modo Castorem et Pollucem in candidis equis pro Romanis pugnasse scribit Livius, Decade i, de quibus multa finxere Gentiles.

Porro non fuit hæc imaginaria visio soli Heliodoro apparenſ, sed realis actio, prostratio, et flagellatio Heliodori coram toto populo. Ait enim «apparuit» (Græce ἦρθε, id est visus est) «illis», scilicet omnibus præsentibus. Unde sequitur:

26. ALII ETIAM APPARUERUNT DUO JUVENES VIRTUTE Vers. 26. **DECORI (quia decorum virtutum et indolem coelestem præ se ferebant: erant enim Angeli) QUI CIRCUMSTETERUNT EUM (Heliodorum) ET EX UTRAQUE PARTE FLAGELLABANT (habentes scuticas sive flagella in manibus, ait Gorionides) SINE INTERMISSIONE MULTIS PLAGIS VERBERANTES.** — Prior Angelus eques erat quasi prætor; hi vero duo Angeli erant

quasi ejus apparitores, et sententiae exsecutores, qui proinde Heliodorum sacrilegum acerrime flagellabant. Hinc patet Deum peccata et peccatores non semper per dæmones, sed subinde etiam per Angelos bonos castigare. Addit Josephus filius Gorionidis, lib. III, cap. I, aitque: « Ingressus Heliodorus cum omnibus satellitibus suis deambulansque in medio sanctuarii, et intrans in Sancta sanctorum, Dominus fecit illum, et eos quos seum habuit, audire voces strepitus, et vehementissimæ commotionis quæ etiam montes frangebat, et dissecabat petras; ut cuncti satellites ejus fugere inciperent, abderenturque in quibus possent locis, et relinquenter Heliodorus solus; qui cum levasset oculos suos, vidit virum habentem aspectum valde horribilem indutum veste aurea, unde micabant gemmæ pretiosæ, incidentem atque impedientem, saltantem, atque currentem contra Heliodorum, etc. » Si ita Deus castigavit Heliodorum deposita solum e templo auferre conantem, quomodo castigabit eos qui templorum, monasteriorum et pitorum locorum res proprias diripiunt, et in profanos laicosque usus convertunt? Cogitent ipsi quomodo Deus castigavit Antiochum Epiphanem templum expilantem; legant horrendam ejus mortem cap. IX recensitam. Meminerint quoque vindictæ sacrilego Alcimo a Deo inflicte, lib. I, cap. IX, vers. 5. Denique similium exemplorum plenæ sunt omnes historiæ. Porro flagelatio hæc Angelorum utpote fortissimorum et Dei sui templique injurias acerrime vindicantium, longe acrior dirlorque fuit omni flagellatione hominum; præsertim quia ipsi in Heliodoro voluerent

exemplum acris vindictæ divinæ in sacrilegos statuere, quo alii a simili templi expilatione deterrentur; unde ipse rogatus a Seleucio rege dixit: « Si quem habes hostem, mitte illuc, et flagellatum recipies. »

32. OBTULIT PRO SALUTE VIRI (Heliodori) HOSTIAM SALUTAREM, — id est victimam pacificam, quæ ex lege pro pace et salute cuiuspiam offerebatur, juxta legem Levit. III.

35. ET ONIAS GRATIAS AGENS; — id enim jusserant ipsi Angeli, vers. 33. Addit Gorionides Heliodorum Angelorum monitu accidisse ad pedes Onias, itaque suppliciter gratias egisse. Huc enim eum stimulabat salus per Oniam recepta et vita donata: vitam enim suam Heliodorus debebat Onia.

36. TESTABATUR AUTEM OMNIBUS. — Hinc videtur Heliodorus verum Israelis Deum agnoscere, ac relictis idolis eum solum coluisse. Idque non tantum eum, sed et omnes ejus milites et asseclas fecisse, ait Gorionides, qui asserit eos fuisse Macedones. Hinc et ipse victimas Deo obtulit, magna que promisit et Deo vovit, ut dictum est vers. 35.

Porro hic Heliodorus, postea ambieris regnum; Seleucum regem per insidias occidit, ac regem se fecit. Sed Antiochus Epiphanes Seleuci frater junior, adjutus ab Attalo et Eumene regibus vicinis, eum expulit, et regnum sibi vindicavit. Ita Appianus, Justinus, Josephus et alii: indeque dictus est Epiphanes, id est illustris et nobilis, « eo quod alienis regnum usurpatibus ipse avitæ ditionis assertor exortus suis illuxerit, » ait Appianus in Syriacis.

CAPUT QUARTUM.

SYNOPSIS CAPITIS.

Onias apud Seleucum regem purgat se a calumniis sibi a Simone objectis. Mor, vers. 7, Seleuco defuncto, Jason Onias Pontificis frater eo excluso Pontificatum ab Antiocho Epiphane Seleuci fratre et successore emit 360 talentis. Idemque Judæos a Judaismo ad Gentilismum traducit. Inde, vers. 23, Jason, qui Oniam fratre per datam regi pecuniam extruserat e Pontificatu, simili modo eodem fraudulenter extrusus fuit a Menelao fratre Simonis; Menelaum vero simili ratione extrusit frater ejus Lysimachus. Deinde, vers. 34, Onias Pontifex rogatu Menelai ab Andromeo occiditur; sed Andronicum, instante populo, eodem loco occidi jussit Antiochus Epiphanes. Denique, vers. 39, sacrilegus Lysimachus a populo seditionem movente interficitur; Menelaus vero, corrupto pecunis Ptolemaeo, injustam absolutionis sententiam extorquet.

1. Simon autem prædictus pecuniarum et patriæ delator male loquebatur de Onia, tanquam ipse Heliodorum instigasset ad hæc, et ipse fuisset inventor malorum; 2. provisoremque civitatis, ac defensorem gentis suæ, et ærculatorem legis Dei, audebat insidiatorem regni dicere. 3. Sed, cum inimicitiae in tantum procederent, ut etiam per quosdam Simonis necessarios homicidia flerent: 4. consideratis Onias periculum contentionis, et Apollonium insanire, utpote ducem Cœlesyriæ et Phœnicis, ad augendam malitiam Simonis, ad regem se contulit, 5. non ut civium accusator, sed communem utilitatem apud semetipsum universæ

multitudinis considerans. 6. Videbat enim sine regali providentia impossibile esse pacem rebus dari, nec Simonem posse cessare a stultitia sua. 7. Sed post Seleuci vitæ excessum, cum suscepisset regnum Antiochus, qui Nobilis appellabatur, ambiebat Jason frater Onias summum sacerdotium : 8. adito rege, promittens ei argenti talenta trecenta sexaginta, et ex redditibus aliis talenta octoginta, 9. super hæc promittebat et alia centum quinquaginta, si potestati ejus concederetur gymnasium et ephebiam sibi constituere, et eos, qui in Jerosolymis erant, Antiochenos scribere. 10. Quod cum rex annuisset, et obtinuisse principatum, statim ad gentilem ritum contribules suos transferre coepit. 11. Et amotis his, quæ humanitatis causa Judæis a regibus fuerant constituta, per Joannem patrem Eupolemi, qui apud Romanos de amicitia et societate functus est legatione legitima, civium jura destituens, prava instituta sanciebat. 12. Etenim ausus est sub ipsa arce gymnasium constituere, et optimos quoque epheborum in lupanaribus ponere. 13. Erat autem hoc non initium, sed incrementum quoddam, et profectus gentilis et alienigenæ conversationis, propter impii et non sacerdotis Jasonis nefarium et inauditum scelus : 14. ita ut sacerdotes jam non circa altaris officia dediti essent, sed contempto templo, et sacrificiis neglectis festinarent participes fieri palæstræ, et præbitionis ejus injustæ, et in exercitiis disci. 15. Et patrios quidem honores nihil habentes, Græcas glorias optimas arbitrabantur : 16. quarum gratia periculosa eos contentio habebat, et eorum instituta æmulabantur, ac per omnia his consimiles esse cupiebant quos hostes et peremptores habuerant. 17. In leges enim divinas impie agere impune non cedit; sed hoc tempus sequens declarabit. 18. Cum autem quinquennalis agon Tyri celebraretur, et rex præsens esset, 19. misit Jason facinorosus ab Jerosolymis viros peccatores, portantes argenti didrachmas trecentas in sacrificium Herculis: quas postulaverunt hi qui asportaverant ne in sacrificiis erogarentur, quia non oporteret, sed in alios sumptus eas deputari. 20. Sed hæ oblatæ sunt quidem ab eo, qui miserat, in sacrificium Herculis: propter præsentes autem datae sunt in fabricam navium triremium. 21. Misso autem in Ægyptum Apollonio Mnestheifilio, propter primates Ptolemæi Philometoris regis, cum cognovisset Antiochus alienum se a negotiis regni effectum, propriis utilitatibus consulens, profectus inde venit Joppen, et inde Jerosolymam. 22. Et magnifice ab Jasone et civitate susceptus, cum facularum luminibus et laudibus ingressus est: et inde in Phœnicen exercitum convertit. 23. Et post triennii tempus misit Jason Menelaum, supradicti Simonis fratrem, portantem pecunias regi, et de negotiis necessariis responsa perlaturum. 24. At ille commendatus regi, cum magnificasset faciem potestatis ejus, in semetipsum retorsit summum sacerdotium, superponens Jasoni talenta argenti trecenta. 25. Acceptisque a rege mandatis, venit, nihil quidem habens dignum sacerdotio, animos vero crudelis tyranni et ferae belluae iram gerens. 26. Et Jason quidem, qui proprium fratrem captivaverat, ipse deceptus profugus in Ammanitem expulsus est regionem. 27. Menelaus autem principatum quidem obtinuit: de pecuniis vero regi promissis nihil agebat, cum exactionem faceret Sostratus, qui arcis erat præpositus; 28. (nam ad hunc exactio vectigalium pertinebat) quam ob causam utrique ad regem sunt evocati. 29. Et Menelaus amotus est a sacerdotio, succedente Lysimacho fratre suo: Sostratus autem prælatus est Cypriis. 30. Et cum haec agerentur, contigit Tharsenses et Mallotas seditionem movere, eo quod Antiochidi regis concubinæ dono essent dati. 31. Festinanter itaque rex venit sedare illos, relicto suffecto uno ex comitibus suis Andronico. 32. Ratus autem Menelaus accepisse se tempus opportunum, aurea quædam vasa e templo furatus donavit Andronico, et alia vendiderat Tyri, et per vicinas civitates. 33. Quod cum certissime cognovisset Onias, arguebat eum, ipse in loco tuto se continens Antiochiæ secus Daphnem. 34. Unde Menelaus accedens ad Andronicum, rogabat ut Oniam interficeret. Qui cum venisset ad Oniam, et datis dextris cum jurejurando (quamvis esset ei suspectus) suassisset de asylo

procedere, statim eum peremisit, non veritus justitiam. 35. Ob quam causam non solum Judæi, sed aliæ quoque nationes indignabantur, et moleste ferebant de nece tanti viri injusta. 36. Sed regressum regem de Ciliciæ locis, adierunt Judæi apud Antiochiam, simul et Græci, conquerentes de iniqua nece Oniæ. 37. Contristatus itaque animo Antiochus propter Oniam, et flexus ad misericordiam, lacrymas fudit, recordatus defuncti sobrietatem et modestiam. 38. Accensisque animis, Andronicum purpura exutum per totam civitatem jubet circumduci; et in eodem loco, in quo in Oniam impietatem commiserat, sacrilegum vita privari, Domino illi condignam retribuente pœnam. 39. Multis autem sacrilegiis in templo a Lysimacho commissis Menelai consilio, et divulgata fama, congregata est multitudo adversum Lysimachum, multo jam auro exportato. 40. Turbis autem insurgentibus, et animis ira repletis, Lysimachus armatis fere tribus millibus inquis manibus uti cœpit, duce quodam tyranno, ætate pariter, et dementia proiecto. 41. Sed, ut intellexerunt conatum Lysimachi, alii lapides, alii fustes validos arripiuere: quidam vero cinerem in Lysimachum jecere. 42. Et multi quidem vulnerati, quidam autem et prostrati, omnes vero in fugam conversi sunt: ipsum etiam sacrilegum secus ærarium interfecerunt. 43. De his ergo cœpit judicium adversus Menelaum agitari. 44. Et cum venisset rex Tyrum, ad ipsum negotium detulerunt missi tres viri a senioribus. 45. Et cum superaretur Menelaus, promisit Ptolemæo multas pecunias dare ad suadendum regi. 46. Itaque Ptolemæus in quodam atrio positum quasi refrigerandi gratia regem adiit, et deduxit a sententia: 47. et Menelaum quidem universæ malitiæ reum criminibus absolvit: miseros autem qui, etiamsi apud Scythas causam dixissent, innocentes judicarentur, hos morte damnavit. 48. Cito ergo injustam pœnam dederunt, qui pro civitate, et populo, et sacris vasis causam prosecuti sunt. 49. Quam ob rem Tyri quoque indignati, erga sepulturam eorum liberalissimi extiterunt. 50. Menelaus autem, propter eorum qui in potentia erant avaritiam, permanebat in potestate, crescens in malitia ad insidias civium.

PRIOR pars a vers. 1 ad 7 ordine temporis collocanda est post vers. 16, cap. I, lib. I; posterior vero pars a vers. 21 usque ad vers. 41, cap. V, collocanda est post vers. 20, cap. I, lib. I.

Vers. 1.

1. TANQUAM IPSE (Onias Sanctus Pontifex) HELIODORUM INSTIGASSET (id est magicis artibus impulisset) AD HÆC — flagella jam dicta sufferenda. Sic enim impii miracula Dei adscribunt magiæ et dæmonis invocationi.

Vers. 4.

4. ONIAS, etc., AD REGEM (Seleucum) SE CONTULIT, — ac Simonis calumnias diluit, et Simoni silentium per regem imposuit.

Vers. 7.

7. SED POST SELUCI VITÆ EXCESSUM (necem ei irrogatam per insidias ab Heliodoro) CUM SUSCEPISSET REGNUM ANTIOCHUS, QUI NOBILIS (puta Epiphanes) APPELLABATUR (eratque frater Seleuci occisi) AMBIEBAT JASON (Hebraice vocabatur Jesus, sed græcizans ethicum nomen assumpsit, dictusque est Jason) FRATER ONIE SUMMUM SACERDOTIUM, — scilicet Pontificatum.

Vers. 8.

8. ADITO REGE PROMITTENS EI ARGENTI TALENTA 360. — Quanta fuerit hæc summa, calcula ex eis quæ dixi cap. preceed., vers. 41.

Vers. 9.

9. SUPER HÆC PROMITTEBAT ET ALIA 140, SI POTESTATI EJUS CONCEDERETUR GYMNASIUM ET EPHEBIAM SIBI CONSTITUERE — in urbe Jerosolymitana. Quid hæc fuerint dixi lib. I, cap. I, vers. 15; et de his

fuse agit Petrus Faber, lib. III *Agonist.* cap. xxvii et xxviii, ubi inter cætera ait: Ephebiam Lyranus optime exposuit prostibulum pulcherrimorum juvenum; et Athenæus, lib. XI *Dipnos.* Ephebi, ait, sunt prostituti pueri, qui IV *Reg.* xxiv, Hebraice vocantur *Kadesim בְּשִׂירָה*, id est spurci et scelerati. Noster vertit effeminatos; Lyranus prostibula mascula. Iidem vocantur *τετελεσμένοι*, id est initiati et consecrati, scilicet Astartæ, sive Veneri, aut Priapo. Syrorum enim Dea erat Astarte sive Venus. Iidem utebantur galero lato, qui inde petasus dicebatur a πετέμοι, id est extendo. Aut petasus erat cortina, quæ lupanari obducebatur ad tegendas earum spuncitias. Rursum idem Faber per ephebiam accipit ganeas et popinas ad comessandum et compotandum; voluerunt enim imitari suum regem Antiochum Epiphanem, qui cum populibus, quos in tabernis reperisset, helluari ac compotare, et cum juvenibus nepotari saltareque solebat; unde a nonnullis pro Epiphanie dictus est Epimanes, id est insanus, teste Athenæo, lib. V *Dipnos.* pag. 57. Hinc lupanaria cauponis erant conjuncta: venter enim cibo vinoque saturatus in Venerem profluit; et, ut ait S. Hieronymus, despumat. Causam subjicit Faber dicens: « In Syria, cum ob regionis fertilitatem plerisque apud alias gentes necessariis laboribus exempti essent, agi-

tata identidem ab incolis convivia lavationibus, ludicrorum certaminum exercitationibus, et sumptuosissimis ex oleo pretioso unctionibus adhibitis; adeo ut in grammateis quoque (sic enim publica epularum loca honestiore scilicet, ac turpitudinem rei velante vocabulo nuncupabant) non secus ac privatus quisque domibus maximam diei partem, farciendo dapibus vinoque ventri non sine aurum voluptate (quas vel ipse demulcebat multisonæ testudinis fragor) impenderent, secumque postea obsoniorum partes domum auferrent; Athenæus me docuit, » libro V *Diplos.* pag. 66.

ET EOS, QUI IN JEROSOLYMIS ERANT, ANTIOCHENOS SCRIBERE. — Antiochia erat caput regni Syriæ; quare Antiocheni ampla a suis regibus obtinuerunt privilegia, qualia pariter habuere Alexandrini et Romani. Unde S. Paulus dicens: « *Civis romanus sum,* » flagellationis jam paratae se exemit, *Actor.* XXII, 25.

Vers. 11. **11. ET AMOTIS HIS** (patriis institutis, scilicet Juðæorum legibus, moribus et ritibus) **QUE HUMANITATIS** (benevolentiae) **CAUSA** **JUÐÆIS A REGIBUS** (Persarum et Græcorum, licet ethnicorum et idololatrarum) **FUERANT CONSTITUTA.** (Hi enim reges indulserant Juðæis suis legibus vivere, vetuerantque eos ad Gentilium religionem et mores cogi: his, inquam, amotis, impius et apostata Jason Gentilitios ritus induxit; idque fecit) **PER JOANNEM PATREM EUPOLEMI**, qui (Eupolemus postea tempore Juðæ Machabæi) **APUD ROMANOS DE AMICITIA ET SOCIETATE** (cum Juda et Juðæis ineunda) **FUNCTIONES EST LEGATIONE LEGITIMA** (*I Machab.* VIII, 17) **CRIVIUM JURA DESTITUENS** (abrogans, abolens, destruens) **PRAVA INSTITUTA** (Gentilium et Gentilismi) **SANCIEBAT.**

Vers. 12. **12. ETERNIM AUSUS EST SUA IPSA ARCE** (Sion) **GYMNASIUM**, (in quo juvenes gymnasticen exercerent, discerentque luctari, currere, saltare, equitare, digladiari, etc.) **CONSTITUERE ET OPTIMOS QUOSQUE EPHEBORUM** (id est adolescentum) **IN LUPANARIBUS PONERE**, — ad infandam et præpostaram libidinem. Ephebi græce vocantur puberes, adolescentes: ἔφεβος enim est pubertas, adolescentia quæ in maribus fit anno ætatis 14; ἔφη enim est juventus: unde Hebraice dicta est uxor Herculis, ac Dea pubertatis et juventutis prognata ex Jove et Junone, ait Hesiodus in *Theogn.* Græce est: *Optimos epheborum substituens sub petasum duxit.* Petasus erat galerus latus, qui erat insigne catamitorum, aut potius petasus erat velum, et cortina tegens lupanar, ut eo tecti impudenter pudendas et nefarias suas libidines exercerent.

ITA UT SACERDOTES, etc., **FESTINARENT PARTICIPES FIERI PALÆSTRA**, (ut scilicet athletas in palæstra, lucta, eursu, gladiis, hastis certantes spectarent, quin et ipsimet iisdem certarent, et præmium victori constitutum adipiscerentur: unde explicans subdit) **EX PRÆBITIONIS EJUS INJUSTÆ**, — præmiorum quæ vincentibus præberi solebant, qualia

erantaurum, argentum, coronæ, vestes, arma, etc., quæ vocat injusta, id est iniqua, quia sacerdotibus indigna erant, utpote laica, juvenilia, immoderata et lasciva.

ET IN EXERCITIIS DISCI. — Qualia hæc fuerint dixi lib. I, cap. I, vers. 15. Græca habent: *post disci provocationem*: solebat enim discus per palæstram circumferri, ac præmium vincenti propositum disco imponi, ut per hoc plures ad disci certamen invitarent et provocarent, uti docet Petrus Faber, lib. II *Agonist.* cap. xxii.

15. GRÆCAS GLORIAS. — Ita vocat ludos Græco-
rum, Olympicos et Isthmios, qui Corinthi cele-
brabantur, aliosque similes Gentilium ritus, de
quibus gloriabantur Græci, id est Gentiles, præ-
sertim qui in iis viatores palmam et præmium
tulerant.

**16. QUARUM GRATIA PERICULOSA EOS CONTENTIO HA-
BEBAT.** — id est periculose contendebant æmulari ludos ritusque Græcorum et Gentilium, ac alter alterum in iis superare conabatur, de quoque glo-
riabatur. Nota τὸ « periculosa; » periculum enim erat tum rixarum et pugnarum, ne iis se mutuo invaderent et conficerent: tum ne a Græcis, puta Antiochis Asiæ regibus quasi Græci plane subjugarentur; tum maxime periculum erat a Deo, ne ipse apostasiam eorum a se et Judaismo ad Gentilismum et dæmones acriter puniret.

QUOS HOSTES ET PEREMPTORES HABUERANT, — tum ante sub Ptolemæo Philopatore, qui acriter Juðæos persecutus est, ut patet ex libro II *Mach.* tum paulo post sub hoc Antiocho Epiphane, idque in poenam hujus apostasie ipsorum; unde sequitur:

17. IN LEGÈS ENIM DIVINAS IMPIE AGERE IMPUNE **NON CREDIT.** — Deus enim suas injurias lente sed acriter punit. Nam ut ait ille: « *Dii laneos habent pedes, sed ferreas manus;* » et ut ait Valerius Maximus, lib. I, cap. II: « *Lento gradu ad vindictam sui divina procedit ira, tarditatemque supplicii gravitate compensat.* »

**18. CUM AUTEM QUINQUENNALIS AGON TYRI CELE-
BRARETUR.** — Agon significat ludos agonisticos jam dictos similes ludis et agonibus Olympicis, qui post quartum quemlibet annum celebrabantur, ideoque « quinquennalis agon » vocatur. Quare hic Agon diversus erat ab agone Olympico, qui quarto quolibet anno celebrabatur, nec in præsentem annum cadebat, uti ostendit Salianus.

19. MISIT JASON (Simoniacus pseudopontifex) **VIROS PECCATORES**, — utpote impietatis et idolatriæ Jasonis legatos, ministros et executores. Serarius pro « peccatores » censem legendum precatores: hos enim significat Græcum θεωροί, quod tam Complutensia vertunt *procuratores sacrorum*; alii, *oraculorum suscitatores*; Vatablus, *spectatores*, et ita pro « peccatores » legendum censem Salianus. De quibus Suidas et Siganus, *De Rep. Athen.* θεωροί erant, inquit, qui ad spectacula, festa, oracula, rerumque divinarum curationem mittebantur. Ita

Diodorus Siculus eos vocat, quos Dionysius ty-
rannus ad ludos Olympicos cum suis carminibus
miserat. Hinc Stratodes adulator Athenis rogatio-
nem promulgavit, ut qui ex plebiscito publice ad
Antigonus et Demetrium mitterentur, non legati,
sed theori dicerentur, sicut qui Delphis et Olym-
piæ solemnibus Græcorum conventibus victimas
pro civitatibus agunt, ut inquit Plutarchus in De-
metrio. Græca addunt: *ut qui Antiochenses essent,*
id est jure Antiochenium donati ab Antiocho.

PORTANTES ARGENTI DIDRACHMAS (Græce est drach-
mas) TRECENTAS IN SACRIFICIUM HERCULIS. — Drach-
ma argenti est Julius sive regalis Hispanicus; di-
drachma ergo sunt duo Julii, sive duo regales:
quare trecentæ didrachmæ faciunt Julios, sive re-
gales sexcentos, hoc est sexaginta aureos Roma-
nos, quibus multæ victimæ, puta oves et capri
coemi poterant ad sacrificium Herculis. Nonnulli
tamen, putantes hanc summam nimis esse vilem
et exilem in Pontifice ad captandam Antiochi re-
gis benevolentiam, putant has didrachmas fuisse
aureas; eas tamen vocari «argenti», id est pecu-
niæ, q. d. Misit Jason argenti, id est pecuniæ di-
drachmas aureas trecentas, quæ faciunt sexcentos
aureos Romanos. Ita Sanchez; drachma enim auri
est unus aureus: didrachma ergo sunt duo aurei;
quare trecentæ didrachmæ auri sunt sexcentia aurei.

IN SACRIFICIUM HERCULIS, — qui quasi Deus forti-
tudinis, et bellorum, ac certaminum celebratur
in Syria et Tyro, eratque proprius Tyriorum Deus,
ideoque Hercules Tyrius dicebatur, vide Gyral-
dum *De diis gentium in Hercule*. Unde multi pu-
tant Herculem non alium fuisse quam Samsonem,
qui juxta Tyrum in Palæstina rarae fortitudinis
suæ edidit exempla, ut dixi in libro *Judicum*.
Hinc ibidem celebrabatur agon quinquennalis in
honorem Herculis, quo athletæ profitebantur se
imitari Herculem, ideoque ibidem in gymnasiis
proponebantur Herculis statuæ et sacella, uti ex
Galen, Pausania, Athenæo et aliis docet Serarius.

QUAS POSTULAVERUNT HI, etc. — q. d. Jason mi-
sit trecentas didrachmas pro sacrificio Herculis;
sed ejus legati licet impii, minus tamen scelerati
quam Jason, eas portantes cum essent Judæi,
Deumque verum colerent, et idola detestarentur,
rogarunt ne in Herculis dei gentium sacrificia, sed
in alias usus expenderentur. Quare Antiochus Epi-
phanes easdem expendit in fabricam triremium,
quas ipse adornabat pro prima sua expeditione
in Ægyptum, de qua sequitur.

21. PROPTER PRIMATES PTOLEMAI PHILOMETORIS
REGIS, (qui a Philometore rege suo defecerant,
ejusque fratrem juniores Ptolemaeum Evergeten,
qui et Physcon dictus est, sibi regem creare vole-
bant. Igitur Antiochus Epiphanes videns dissi-
dium duorum fratrum, scilicet Philometoris et
Physconi de regno Ægypti litigantium, ipse quasi
avunculus utriusque (Cleopatra enim soror Epi-
phanis erat mater utriusque) finxit se velle esse
litis arbitrum et mediatorem, ac inter fratres rem

componere; sed revera intendebat regnum utri-
que nepoti eripere, et sibi arrogare. Id subodo-
rati primates Ægypti et tutores regis noluerunt ut
ipse rebus Ægypti se immisceret. Et hoc est quod
hic dicitur:) CUM COGNOSSET ANTIODUS ALIENUM
SE A NEGOTIIS REGNI EFFECTUM, PROPRIIS UTILITATI-
BUS (regni sui in Syria) CONSULENS, PROFECTUS INDE
(scilicet ex Tyro) VENIT JOPPEN, ET INDE JEROSOLY-
MAM, — ubi eum, quasi regem, imo quasi Deum
quemdam terrestrem (talis enim volebat haberi
et adorari Antiochus) exceptit Jason: «cum facu-
larum luminibus et laudibus, » ut sequitur. Pro
«utilitatibus» Noster legit in Græco ὁφέλειας; jam
legunt ἀσφάλειας, id est «securitatibus», sed eodem
redit sensus.

23. ET POST TRIENNII TEMPUS MISIT JASON MENE- Vers. 23.
LAUM SUPRADICTI SIMONIS (proditoris et delatoris
pecuniarum, de quo vers. 1) FRATREM PORTANTEM
PECUNIAS REGI — Antiocho Epiphani, quasi tribu-
tum in signum subjectionis.

24. AT ILLE COMMENDATUS (a Jasone) REGI, CUM Vers. 24.
MAGNIFICASSET FACIEM POTESTATIS EJUS, — id est
cum amplis verbis exaltasset regiam Antiochi po-
testatem, majestatem et splendorem, quod scilicet
ipse per eam quidlibet in Syria efficere posset non
solum in profanis et politicis, sed etiam in ecclæ-
siasticis et sacris, ideoque posset Jerosolymæ Pon-
tificem constituere, quem vellet, adeoque Ponti-
ficatum a Jasone in se transferre: qua arte et
fraude Menelaus a Jasone) IN SEMETIPSUM RETORSIT
SUMMUM SACERDOTIUM (Pontificatum) SUPERPONENS
JASONI TALENTA ARGENTI TRECENTA, — tantumdem
scilicet amplius Antiocho offerens, quam Jason
obtulerat. Sicut ergo Jason, oblatis Antiocho Epi-
phani 360 talentis, emit Pontificatum, eoque ex-
frusit fratrem suum Oniam Sanctum: sic pariter
Menelaus missus a Jasone ipsum Jasonem dolose
supplantavit, et extrusit, promittens regi alia tre-
centa talenta præter 360 a Jasone eidem promissa.
Unde Grace est: superans Jasonem talentis trecentis,
q. d. Jason promiserat regi pro Pontificatu 360
talenta; at Menelaus summam hanc auxit, et pene
duplicavit: sicut enim cum res in auctione ven-
ditur, singuli augent pretium, et qui summum
offert pretium, illi res cedit: sic hic Menelaus
addens trecenta, promittensque regi universim 660
talenta, Pontificatum obtinuit, herumque suum
Jasonem callide exclusit.

25. ACCEPTISQUE A REGE MANDATIS (ut Judæi eum Vers. 25.
quasi Pontificem loco Jasonis susciperent) VENIT,
NIHIL QUIDEM HABENS DIGNUM SACERDOTIO, (tum quia
Menelaus erat e tribu Benjamin, quæ inhabilis
erat ad sacerdotium, cum Jason esset ex tribu
Levi, ideoque ad eum habilis; tum quia impius
erat, ac per simoniam Pontificatum sibi compa-
rabat:) ANIMOS VERO CRUDELIS TYRANNI, — unde
vers. 34, jussit Oniam verum sanctumque Ponti-
ficem per Andronicum crudeliter occidi.

26. ET JASON QUIDEM QUI PROPRIMUM FRATREM Vers. 26.
(Oniam Pontificem) CAPTIVAPERAT, IPSE DECEPTUS

(a famulo suo Menelao) PROFUGUS IN AMMANITNE EXPULSUS EST REGIONEM. — Justum hoc fuit Dei iudicium, et justa talionis pena, ut qui fratrem supplantaverat, a famulo supplantaretur, et qui Pontificatum emerat, a majori emptore exploderetur; et qui Oniam Sanctum Pontificem in exilium egredit, exsul apud Ammonitas misere viveret. Hic vide quam verum sit illud Eccli. cap. xxvii, vers. 28 : « Qui in altum mittit lapidem, super caput ejus cadet, et plaga dolosa dolosi dividet vulnera; et qui foveam fodit, incidet in eam; et qui statuit lapidem proximo, offendet in eo; et qui laqueum alii ponit, peribit in illo. »

Vers. 29. 29. ET MENELAUS AMOTUS EST A SACERDOTIO, — a Pontificatu ab Antiocho Epiphane, eo quod 360 talenta sibi promissa non præstaret. Quare Epiphanes loco Menelai pontificem creavit ejus fratrem Lysimachum eadem sibi, ut videtur, promittentem. Ita impius Menelaus impium Jasonem exturbavit, et ab impio fratre Lysimacho pariter exturbatus est. Cum enim agitur de honore et ambitu, frater fratrem non agnoscit, sed odit et supplantat. Quisque enim dignitatem sibi optat potius quam fratri; imo non raro fratri eamdem eripit. Tanta est vis ambitionis et cupiditatis in homine per peccatum corrupto.

Vers. 30. 30. CONTIGIT THARSENSES ET MALLOTAS SEDITIONEM MOVERE, EO QUOD ANTIOCHIDI REGIS CONCUBINÆ DONO ESSENT DATI — ab Epiphane, ut ex eorum redditibus sibi vestes pretiosas, monilia, ancillas, famulos et rhedas compararet. Audi Ciceronem, Act. V in Verrem : « Solere aiunt barbaros reges Persarum et Syrorum plures uxores habere; his autem uxoribus civitates attribuere hoc modo : hæc civitas mulieri redimiculum præbeat, hæc in collum, hæc in crines; ita populos habent universos non solum consciens libidinis suæ, verum etiam administros. » Idem tradit Plato in Alcibide, Plutarchus in Themistocle, et Athenæo, lib. I, Strabo, lib. XIV. Porro Tharsus et Mallus erant nobiles Siciliæ civitates, quæ proinde indignatae sunt se datas meretrici, quæ ab Antiocho amasio suo se vocabat Antiochidem, ideoque tumultuæ sunt. Quocirca illico occurrit Antiochus, ut tumultum sedaret relicto Antiochiæ prorege Andronico, ut sequitur.

Vers. 33. 33. ONIAS (sanctus Pontifex) ARGUEBAT EUM — Menelaum de sacrilegio, quod vasa aurea furatus e templo dedit Andronico proregi, ut sibi Pontificatum restitueret. Licet enim Onias injuste spoliatus esset Pontificatu, et exularet Antiochiæ; tamen quia vere ipse erat Pontifex, ex zelo Pontificio redarguit sacrilegum, etsi probabiliter sciret se hac ratione necem sibi accersere; sciebat enim per eam se Martyrii lauream quam optabat adeturum.

IN LOCO TUTO SE CONTINENS ANTIOCHIÆ SECUS DAPHNEM; — locus hic erat quinque passuum millibus distans Antiochia : unde a Dione, lib. LI, nuncupatur *suburbium*, ita dictus a copia laurorum, q. d.

lauretum; δάφνη enim est laurus : quare in eo erat fanum celebre Apollinis, ideoque erat asylum omnibus tutum et inviolabile. Hic sepultus fuit S. Babylas martyr, qui Appolini silentium indixit, ideoque a Juliano apostata exhumatus fuit. Vide ejus acta. Juxta hunc locum sepultus quoque fuit S. Ignatius Antiochiæ Episcopus et Martyr; sed inde translatus fuit Romam. Huc ergo quasi ad asylum confugit Onias Pontifex; sed per dolum ex eo eductus ab Andronico perfide et scelerate contra fidem ei datam et juratam occisus fuit. Quare Judæi et Gentiles indigne sancti Pontificis cædem ferentes Andronicum apud Antiochum Epiphanem accusarunt, qui eum purpura exutum circumduci jussit per urbem, et in eodem loco occidi, in quo ipse occiderat Oniam, ut sequitur. Ita occisus est Onias sanctus et zelosus Pontifex, postquam 36 annis Judæorum Synagogam æque ac Rempublicam magno animi robore contra impios sustentasset. Qualis autem quantusque fuerit liquet, tum ex eo quod omnes Judæi et Gentiles mortem ejus luxerint, adeoque impius rex Epiphanes lacrymas fuderit; tum ex elogio quod ei dat Scriptura, cap. xv, vers. 12, ubi Judas Machabæus pugnaturus contra Epiphanem vidit in somnis Oniam, qui fuerat summus sacerdos, virum bonum et benignum, verecundum visu, modestum moribus, et eloquio decorum, et qui a puero in virtutibus exercitatus fuerat, manus protendentem, orare pro omni populo Judæorum. Erat autem illi socius orationis Jeremias, qui ipse quoque a suis desertoribus peremptus fuerat in Ægypto.

40. DUCR QUODAM TYRANNO. — Græce *Orano quodam, q. d.* Cum populus ob Lysimachi scelera et sacrilegia tumultuaretur, Lysimachus populo opposuit tria millia armatorum, duce Tyranno; sed populus undique concurrens, furensque, lapidis et fustibus eos fugavit, et Lysimachum juxta ærarium sive gazophylacium templi occidit. Hæc est summa eorum quæ fuse in sequentibus narrantur.

43. DE HIS ERGO COEPIT JUDICIUM ADVERSUS MENE- LAUM AGITARI, — q. d. Judæi Menelaum quasi omnis malitiæ auctorem, qui fratri suo Lysimacho pseudopontifici tot scelera et sacrilegia suasisset, accusarunt apud Antiochum Epiphanem, qui rem litemque jussit judicialiter contra Menelaum agi.

45. ET CUM SUPERARETUR (multitudine testium et evidentia gravissimorum criminum reus convinceretur) PROMISIT PTOLEMEO (Dorymenis filio, ut addunt Græca, qui auctoritate et gratia valebat apud Antiochum Epiphanem) MULTAS PECUNIAS DARE AD SUADENDUM REGI, — ut Menelaum quasi innocentem absolveret; Judæos vero accusatores quasi calumniatores poena talionis ad mortem damnaret, cum ipsi prorsus essent innocentes. Itaque factum est, ut sequitur :

50. MENELAUS AUTEM PROPTER EORUM QUI IN POTENTIA ERANT AVARITIAM (qua se pecuniis a Mene-

Iao corrumpi sinebant) PERMANEBAT IN POTESSTATE — Pontificia, q. d. Menelaus, occiso a populo fratre suo Lysimacho pseudopontifice, per aulicos pecunia corruptos intrusit se rursum in Pontificatum, cum non esset de tribu Levi, sed Benjamin, ut dictum est vers. 23. Menelaus ergo Pontificatum gessit non legitime, sed ut intrusus per quatuor annos, scilicet ab anno 140 Græcorum, quo ipse curavit occidi Oniam sanctum Pontificem, usque ad annum 145 Græcorum, quo Mathathias contra eum et regem Epiphanem insurrexit, ac a populo Dux et Pontifex fuit creatus.

Licet enim Onias sanctus filium haberet Oniam, cui jure successoris hæreditariæ Pontificatus illo ævo debebatur; tamen is jam fugerat in Ægyptum, ac Heliopoli aliud templum erexerat; ejusque se Pontificem constituerat. Jason autem frater Oniae plane indignus erat Pontificatu, utpote simoniacus et apostata, qui Judæos ad gentilismum traducere satagebat, ut audivimus initio capit. Deficientibus ergo legitimis hæredibus, Pontificatus devolutus est ad Mathathiam ejusque filios Judam, Jonatham et Simonem Machabœos.

CAPUT QUINTUM.

SYNOPSIS CAPITIS.

Judæi, videntes in cælo acies militum confligentes, ex eis accipiunt omen instantium bellorum et cædium Antiochi Epiphanis. Jason ex Ammonitide reversus Jerosolymam occupat, et per cædes in cives grassatur. Mox, vers. 11, Antiochus Epiphanes Ægypto exclusus iram suam in vicinos Judæos evomit; quare Jerosolymam capit, in eoque 80 millia trucidat, 40 millia incarcerauit, et totidem divendit; templum violat et spoliat, ablatis ex eo 1800 talentis; inde rediens Antiochiam in Judæa reliquit præfectos, qui gravius quam ipse Judæos affligunt. Quare Judas Machabæus cum suis fugit in desertum.

1. Eodem tempore Antiochus secundam profectionem paravit in Ægyptum. 2. Contigit autem per universam Jerosolymorum civitatem videri diebus quadraginta per aera equites discurrentes, auratas stolas habentes, et hastis, quasi cohortes, armatos, 3. et cursus equorum per ordines digestos, et congressiones fieri cominus, et scutorum motus, et galeatorum multitudinem gladiis districtis, et telorum jactus, et aureorum armorum splendorem, omnisque generis loricarum. 4. Quapropter omnes rogabant in bonum monstra converti. 5. Sed cum falsus rumor exisset, tanquam vita excessisset Antiochus, assumptis Jason non minus mille viris, repente aggressus est civitatem; et civibus ad murum convolantibus, ad ultimum apprehensa civitate, Menelaus fugit in arcem: 6. Jason vero non parcebat in cæde civibus suis, nec cogitabat prosperitatem adversum cognatos malum esse maximum, arbitrans hostium et non civium se trophæa capturum. 7. Et principatum quidem non obtinuit, finem vero insidiarum suarum confusionem accepit, et profugus iterum abiit in Ammaniten. 8. Ad ultimum, in exitium sui conclusus ab Areta Arabum tyranno, fugiens de civitate in civitatem, omnibus odiosus, ut refuga legum et execrabilis, ut patriæ et civium hostis, in Ægyptum extrusus est. 9. Et qui multos de patria sua expulerat, peregre periit, Lacedæmonias profectus, quasi pro cognatione ibi refugium habiturus; 10. et qui insepultos multos abjecerat, ipse et illamentatus et insepultus abjicitur, sepultura neque peregrina usus, neque patro sepulcro participans. 11. His itaque gestis, suspicatus est rex societatem deserturos Judæos; et ob hoc profectus ex Ægypto efferatis animis, civitatem quidem armis cepit. 12. Jussit autem militibus interficere, nec parcere occursantibus, et per domos ascendentibus trucidare. 13. Fiebant ergo cædes juvenum ac seniorum, et mulierum et natorum exterminia, virginumque et parvulorum neces. 14. Erant autem toto triduo octoginta millia interfici, quadraginta millia vinci, non minus autem venumdati. 15. Sed nec ista sufficiunt; ausus est etiam intrare templum universa terra sanctius, Menelao ductore, qui legum et patriæ fuit proditor; 16. et scelestis manibus sumens sancta vasa, quæ ab aliis regibus et

civitatibus erant posita ad ornatum loci et gloriam, contrectabat indigne, et contaminabat. 17. Ita alienatus mente Antiochus non considerabat quod, propter peccata habitantium civitatem, modicum Deus fuerat iratus; propter quod et accidit circa locum despicio; 18. alioquin nisi contigisset eos multis peccatis esse involutos; sicut Heliodorus, qui missus est a Seleuco rege ad exspoliandum ærarium, etiam hic statim adveniens flagellatus et repulsus utique fuisse ab audacia. 19. Verum non propter locum, gentem; sed propter gentem, locum Deus elegit. 20. Ideoque et ipse locus particeps factus est populi malorum; postea autem fiet socius bonorum, et qui derelictus in ira Dei omnipotens est, iterum in magni Domini reconciliatione cum summa gloria exaltabitur. 21. Igitur Antiochus, mille et octingentis ablatis de templo talentis, velociter Antiochiam regressus est, existimans se præ superbia terram ad navigandum, pelagus vero ad iter agendum deducturum propter mentis elationem. 22. Reliquit autem et præpositos ad affligendam gentem: Jerosolymis quidem Philippum genere Phrygem, moribus crudeliorem eo ipso, a quo constitutus est; 23. in Garizim autem Andronicum et Menelaum, qui gravius quam cæteri imminebant civibus. 24. Cumque appositus esset contra Judæos, misit odiosum principem Apollonium cum exercitu viginti et duobus millibus, præcipiens ei omnes perfectæ ætatis interficere, mulieres ac juvenes vendere. 25. Qui cum venisset Jerosolymam, pacem simulans, quievit usque ad diem sanctum sabbati; et tunc feriatis Judæis, arma capere suis præcepit. 26. Omnesque qui ad spectaculum processerant, trucidavit; et civitatem cum armatis discurrens, ingentem multitudinem peremit. 27. Judas autem Machabæus, qui decimus fuerat, secesserat in desertum locum, ibique inter feras vitam in montibus cum suis, agebat; et feni cibo vescentes, demorabantur, ne participes essent coinquationis.

Hoc caput, a vers. 11, ad finem æque ac caput vi et vii, ordine temporis quo gesta sunt, collandum est in fine cap. i, lib. I, ante initium capit. II.

Vers. 1. 1. EODEM TEMPORE ANTIOCHUS (Epiphanes) SECUNDAM PROFECTIONEM PARAVIT IN AEGYPTUM, — ut eam armis subjugaret; sed a Romanis prohibitus, rediens in Judæam vicinam, indignationem suam effudit. Id ipsum ante trecentos et plures annos Gabriel prænuntiarat Danieli, cap. xi, 23 et seq. Vide ibi dicta.

Vers. 2. 2. CONTIGIT AUTEM PER UNIVERSAM JEROSOLYMO-RUM CIVITATEM VIDERI DIEBUS 40 PER AERA EQUITES DISCURRENTES, — inter se gladiis districtis, et telorum jactibus confligentes, ut verbis sequentibus valde efficacibus auctor exaggerat; quæ omnia fuerunt prognostica ingentis cladis Judææ imminentis, ut sequitur.

Porro hæc portenta fuere ab Angelis jussu Dei in aere effecta per vaporum et exhalationum certam dispositionem, motum et concursum, quæ speciem acierum confligentium præ se ferret, ut per ea Deus Judæis præsignificaret stragam eis mox ab Antiocho Epiphane inferendam, ac prælia quæ cum eo gesturus erat Judas Machabæus. Sic antequam Titus et Romani obsiderent et caperent Jerosolymam 21 die mensis maii, ait Josephus, lib. VII *De Bello*, cap. xii: « Post dies festos ante solis occasum visi sunt per inane ferri currus totis regionibus, et armatae acies tranantes nubila, et civitati circumfusæ. » Idem accidit

tempore S. Gregorii, cum Longobardi invaderent Italiam. Audi eum, hom. i in *Evangelium*: « Priusquam Italia Gentili gladio ferienda traderetur, igneas in cælo acies vidimus, ipsum qui postea humani generis fusus est sanguinem coruscantes. » Julius Obsequens, lib. *De Prodigis ad Aug. Cæarem*, cap. vi et vii, refert L. Opimio et Q. Posthumio Consulibus, Consæ arma in cælo volare visa; et C. Mario et Horo Consulibus, Arimini canem locutum, arma cœlestia ab ortu et occasu visa pugnare, et ab occasu vinci. Lucio Scipione et Caio Norbano Consulibus per Syllana tempora, inter capuam et Vulturnum, ingens signorum sonus, armorumque horrendo clamore auditus, ita ut viderentur duæ acies concurrere per plures dies. Pansa item et Hirtio Consulibus cum adversus Antonium dimicaretur, armorum telorumque species a terra visa cum fragore ad cœlum ferri. Eutropius, lib. VI *historiæ*, cum Cæsar adversus Pompeium dimicaret, refert tantum in aere armorum strepitum fuisse, ut Antiochiae quasi adventu hostium in muris concurreretur.

Audi et Plinium, lib. II, cap. LVII: « Armorum crepus et tubæ sonitus auditos e cœlo Cimbricis bellis accepimus, crebroque et prius et postea. Tertio vero consulatu Marii ab Amerinis et Tudertibus spectata arma cœlestia, ab ortu occasuque inter se concurrentia, qui ab occasu erant. » Similia Cæsaris cædem præcessere signa, de quibus Appianus, lib. IV *Civilium*: « Hominum, inquit, immanes voces, armorum strepitum, equorum

cursus inspectante nemine audiebantur. » De eodem tempore Ovidius, lib. XV *Metamorph.* :

Signa tamen luctus dant non incerta futuri,
Arma ferunt inter nigras crepitantia nubes,
Terribilesque tubas auditaque cornua cœlo
Præmonuisse nefas.

Similia portenta recenset Seneca in *Quæst. natural.* Augustus Niphus in *Meteorologicis*, Cornelius Gemma Frisius in *Cosmocriticis*, Conrardus Lycosthenes licet in fide heterodoxus, lib. *De Prodigis*, pag. 189, 210 et 228. Memini mihi in Belgio, cum puer essem, similia in cœlo ostenta fuisse ostensa sub initium bellorum Belgicorum, quæ proinde Belgio instare ex hisce signis viri sapientes jam tum prænuntiabant, et eventus docuit docetque adhuc prænuntiationem fuisse verissimam. Denique astrologi, ac nominatim Ptolemæus in *Centiloquio*, cap. ix, censet hæc fieri naturaliter vi astrorum, ac præsertim vi astri Persei; sic et Augustus Niphus, lib. I *Meteor.* fol. 31, pag. 4; sed verius est hæc fieri a providentia speciali Dei per Angelos, qui tamen astris, ventis et vaporibus ad hæc spectra producenda utuntur, ut figuræ clavis præsignificant. Vide *Christophorum a Castro*, lib. I *Prolegom. in Minores Prophetas*, cap. xvii.

Vers. 4.

4. QUAPROPTER OMNES ROGABANT IN BONUM MONSTRA (Græce ἐνθάδεται, id est apparitionem, visa, ostenta acierum in aere confligentium, quæ conflictus in Judæa fore acres præmonstrabant) CONVERTI, — ut scilicet Judæi in hisce conflictibus forent superiores, neque vincerentur, sed vincenter, uti de facto Antiochum Epiphanem vicerunt Judas ejusque fratres Machabæi.

Vers. 5.

5. SED CUM FALSUS RUMOR EXISSET TANQUAM VITA EXCESSISSET ANTIOPHUS (Epiphanes), ASSUMPTIS JASON NON MINUS MILLE VIRIS, REPENTE AGGRESSUS EST CIVITATEM, (puta Jerosolymam.) Jason hic frater Onias sancti Pontificis data pecunia emerat Pontificatum ad Epiphanem; itaque Pontificatu extruserat fratrem Oniam; sed Menelao plus pecuniæ offerenti Epiphanes Pontificatum tradidit, excluso Jasone. Jason ergo audiens rumorem de morte Epiphanis, cum jam ejus offensam et potentiam non metueret, ex Ammonitide, ubi exsulabat, armatis mille viris rediens, Jerosolymam invasit et occupavit, ut Pontificatum recuperaret. Quocirca) MELLAUS, (qui Jasonem extruserat, ex urbe) FUGIT IN ARCEM — montis Sion.

Vers. 7.

7. ET PRINCIPATUM (sacrum; puta Pontificatum, eique annexum Principatum politicum quem maxime ambiebat Jason; tunc enim Pontifex simul erat dux et princeps populi) QUIDEM NON OBTINUIT, (quia a confluente civium multitudine ipse quasi hostis et tyrannus cum suis urbe expulsus fuit. Quid enim poterant mille ejus viri, et insidiæ contra centena et plura civium millia? Unde) PROFUGUS ITERUM ABIIT IN AMMANITEN, — indeque errans et vagus instar Caini profugit in Arabiam; sed cum ibi Arethæ regi de proditione, vel regni

ambitione esset suspectus, captusque fugiens abiit in Ægyptum; quia Ptolemæus rex Ægypti hostis erat Epiphanis, sed pace inter utrumque conciliata, Jason, ne Epiphanes eum a Ptolemæo ad necem deposceret, ex Ægypto profugit ad Spartanos, quasi veteres Judeorum amicos et cognatos; ibique misere in exilio vitam finiit, mortuusque humana caruit sepultura, sepultusque est sepultura asini in sterquilinio.

8. UT REFUGA LEGUM, — Græce ut « legum » ἀπο- Vers. 8.
cῆρις, id est transgressor et apostata, utpote qui a Judaismo ad Gentilismum apostatasset, et ceteros apostatare compelleret.

11. SUSPICATUS EST REX (Epiphanes) SOCIETATEM Vers. 11.

DESERTUROS (secum initam) JUDÆOS. — Causæ suspicandi erant: *prima*, quia sciebat eos sibi infenos, eo quod ipse ademisset Oniam Pontificem sanctum, eique surrogasset impios et sacrilegos pseudopontifices, Jasonem, Menelaum et Lysimachum, qui eos a Judaismo ad Gentilismum traducere satagebant. *Secunda*, quia Antiochus a Romanis ex Ægypto cum infamia expulsus putabat se jam Judæis fore contemptui, illosque vicinorum Ægyptiorum et sociorum Romanorum ope fretos jugum suum excussuros, uti excusserant Ægyptii. *Tertia*, quia ipse sciebat se ob avaritiam et crudelitatem Judæis exosum. *Quarta*, quia Judæi Lysimachum a se Pontificem constitutum lapidarant. *Quinta*, quia ipsi sparserant falsum rumorem de ejus morte, vers. 5. Addit Gorionides ipsos de ea exultasse: « Venerunt, inquit, e gente nostra impii ad regem, et dixerunt: Ecce visa sunt Jerosolymis ostenta quædam, et dixerunt cives: Mortuus est Antiochus, iidemque de domini nostri regis exitio gavisi sunt. » *Sexta*, quia redeunti Antiocho ex Ægypto Jerosolymitæ parabant se ad illi resistendum; unde mox adventanti portas occluserunt. Hæc omnia resciebat Epiphanes per suos exploratores et amicos, et præsertim per Menelaum, cui post lapidatum Lysimachum ejus fratrem ipse Pontificatum restituerat. Hic omnia Judæorum contra Epiphanem consilia, acta dictaque ipsi prodebat, vers. 15. Atque his de causis Epiphanes, portas urbis sibi occlusas vi perfringens, tanta crudelitate et barbarie in Judæos sæviit, ut spatio trium dierum occideret 80 millia, 40 venderet, et totidem capti vinciret, ut sequitur.

17. ITA ALIENATUS MENTE (Græce elatus animo) Vers. 17.
ANTIOPHUS — putabat se Judæos supplantasse, ut eis quasi mancipiis uteretur, eorumque templum sacrilege violaret et spoliaret, ablatis ex eo 1800 talentis, vers. 21.

19. VERUM NON PROPTER LOCUM, GENTEM; SED Vers. 19.
PROPTER GENTEM, LOCUM DEUS ELEGIT, — q. d. Deus non propter locum Judææ gentem Judeorum elegit, sed propter gentem ipsorum olim sub Davide et Salomone fidelem et sanctam, locum Judææ elegit, ut in eo sibi conderet domum, puta templum, in quo quasi sanctissimus inter sanc-

tos cives, servos et filios suos habitaret. At jam ob peccata grandia Judeorum Deus templum deseruit, illudque prædæ dedit Antiocho, sed ut speramus eodem rursus redibit, cum Judæi pœnitentes ad Deum suum conversi fuerint, illique pie et sancte servierint, uti ante fecerunt.

Vers. 22.

22. RELIQUIT AUTEM ET PRÆPOSITOS AD AFFLIGENDAM GENTEM, — q. d. Antiochus rediens Antiochiam, quasi ad regni sui sedem regiam, reliquit in Judæa homines sævos et feros, qui magis quam ipse Judæos afflixerunt, nimirum Philipum, Andronicum et Menelaum pseudopontificem omnis malitiae suggestorem et incentorem.

Vers. 24.

24. CUMQUE APPPOSITUS (nonnulli legendum putant « oppositus », unde Græca habent : ἀπεχθῆ, id est, *inimicam contra Judæos habens intentiōnem*) **ESSET CONTRA JUDÆOS**, q. d. Cum Antiochus cor suum apposuisset, id est statuisse, stabilivisset et obfirmasset contra Judæos, ut eos perderet et annihilaret, si posset, MISIT ODIOSUM (Judæis exosum) PRINCIPEM APOLLONIUM CUM EXERCITU, (nimirum cum 22 MILLIBUS, PRÆCIPIENS EI OMNES PÆFECTÆ ETATIS INTERFICERE. — Hic est ille Appollonius qui, Antiocho Magno contra Romanos pugnante, dextrum ejus cornu ducebat, cum sinistrum duceret Annibal, teste Livio, lib. XXXVII. Idem paucis post annis ab Epiphane missus contra Judam Machabæum ab eodem victus est et occisus, I Mach. III, 11.

Vers. 26.

26. OMNESQUE QUI AD SPECTACULUM (ad spectanda sacrificia, sacraque officia festo sabbati a Judæis celebrari solita) **PROCESSERANT, TRUCIDAVIT.**

Vers. 27.

27. JUDAS AUTEM MACHABÆUS, QUI DECIMUS FUERAT,

— id est futurus erat decimus Pontifex computando a Jaddo, qui Pontifex fuerat tempore Alexandri Magni. Ita Sa et Mariana, Lyranus et Dionysius. Simplicius alii censem Judam vocari decimum, quia tum in ordine sacerdotum erat decimus. Aut potius fuerat Judas decimus, id est decemvir, sive unus e decem primoribus et principibus sacerdotum, qui populum regebant. Porro ex Græco simpliciter veritas : *Judas autem decimus factus*, hoc est, Judas aggregavit sibi novem socios paris fidei et virtutis, quorum ipse erat decimus, cum quibus ipse in montes secessit, vivens herbis inter feras. Sic sanctus Bruno cum sex sociis secessit in asperos Carthusiæ montes, ibique Carthusianorum ordinem instituit. Sic noster S. Ignafius aggregavit sibi novem socios, quorum ipse erat decimus, cum quibus secedens Societatem Jesu instituit. Ita Judas cum novem Assidæis illius ævi religiosis, de quibus libro I, cap. vii, vers. 13, in montes recessit, ibique herbis victimans austera egit vitam. Ita Salianus et alii. Judas ergo cum suis parentibus, fratribus et ascelis fugiens tantam persecutorum rabiem.

SECESSERAT IN DESERTUM LOCUM, IBIQUE INTER FERAS VITAM IN MONTIBUS CUM SUIS AGEBAT; ET FENI (id est olerum, herbarum radicumque) **CIBO VESCENTES DEMORABANTUR, NE PARTICIPES ESSENT COINQUINATIONIS**, — ne se contaminarent convictu, alloquio, familiaritate Apollonii, ejusque militum Gentilium, qui accerrime Judæos persecabantur, cogebantque eos vesci suis cibis idolo immolatis, imo idolis suis sacrificare, ut patebit capitibus vi et vii

CAPUT SEXTUM.

SYNOPSIS CAPITIS.

Antiochus Epiphanes mittit senatorem, qui cogat Judæos ad gentilismum, ac templum Jerosolymitanum consecrat Jovi Olympio, Garizitanum vero Jovi Hospitali. Quare resistentes illi mactantur, præcipitantur, concremantur. Inter quos, vers. 18, recensetur gloria mors, et martyrium Eleazari qui maluit excarnificari, quam carne porcina contra legem vesci.

1. Sed non post multum temporis, misit rex senem quemdam Antiochenum, qui compellebat Judæos ut se transferrent a patriis et Dei legibus;
2. contaminare etiam quod in Jerosolymis erat templum, et cognominare Jovis Olympii; et in Garizim, prout erant hi qui locum inhabitabant, Jovis Hospitalis.
3. Pessima autem et universis gravis erat malorum incursio;
4. nam templum luxuria et commensationibus Gentium erat plenum, et scortantium cum meretricibus, sacratisque aëdibus mulieres se ultro ingerebant, intro ferentes ea quæ non licebat.
5. Altare etiam plenum erat illicitis, quæ legibus prohibebantur.
6. Neque autem sabbata custodiebantur, neque dies solemnes patrii servabantur, nec simpliciter Judæum esse quisquam confitebatur.
7. Ducebantur autem cum amara necessitate in die natalis regis ad sacrificia; et, cum Liberi sacra celebrarentur, cogebantur hedera coronati Libero circuire.
8. Decretum autem exiit in proximas Gentilium civitates, suggestibus Ptolemæis, ut pari

modo et ipsi adversus Judæos agerent, ut sacrificarent; 9. eos autem, qui nollent transire ad instituta Gentium, interficerent; erat ergo videre miseriam. 10. Duæ enim mulieres delatae sunt natos suos circumcidisse; quas, infantibus ad ubera suspensis, cum publice per civitatem circumduxissent, per muros præcipitaverunt. 11. Alii vero, ad proximas coeuntes speluncas, et latenter sabbati diem celebrantes, cum indicati essent Philippo, flammis succensi sunt, eo quod verebantur, propter religionem et observantiam, manu sibimet auxilium ferre. 12. Obsecro autem eos, qui hunc librum lecturi sunt, ne abhorrescant propter adversos causas, sed reputent ea quæ acciderunt, non ad interitum, sed ad correptionem esse generis nostri. 13. Etenim multo tempore non sinere peccatoribus ex sententia agere, sed statim ultiones adhibere, magni beneficii est indicium. 14. Non enim, sicut in aliis nationibus, Dominus patienter exspectat, ut eas, cum judicii dies advenerit, in plenitudine peccatorum puniat; 15. ita et in nobis statuit ut, peccatis nostris in finem devolutis, ita demum in nos vindicet. 16. Propter quod nunquam quidem a nobis misericordiam suam amovet; corripiens vero in adversis, populum suum non derelinquit. 17. Sed hæc nobis ad commonitionem legentium dicta sint paucis. Jam autem veniendum est ad narrationem. 18. Igitur Eleazarus unus de primoribus Scribarum, vir ætate proiectus, et vultu decorus, aperto ore hians compellebatur carnem porcinam manducare. 19. At ille gloriosissimam mortem magis quam odibilem vitam complectens, voluntarie præebat ad supplicium. 20. Intuens autem quemadmodum oporteret accedere, patienter sustinens, destinavit non admittere illicita propter vitæ amorem. 21. Hi autem qui astabant, iniqua miseratione commoti, propter antiquam viri amicitiam, tollentes eum secreto roghant afferri carnes, quibus vesci ei licebat, ut simularetur manducasse, sicut rex imperaverat, de sacrificii carnibus; 22. ut, hoc facto, a morte liberaretur; et propter veterem viri amicitiam, hanc in eo faciebant humanitatem. 23. At ille cogitare cœpit ætatis ac senectutis suæ eminentiam dignam, et ingenitæ nobilitatis canitatem, atque a puero optimæ conversationis actus; et secundum sanctæ et a Deo conditæ legis constituta, respondit cito, dicens præmitti se velle in infernum. 24. Non enim ætati nostræ dignum est, inquit, fingere, ut multi adolescentium, arbitrantes Eleazarum nonaginta annorum transisse ad vitam alienigenarum; 25. et ipsi propter meam simulationem, et propter modicum corruptibilis vitæ tempus decipientur, et per hoc maculam atque execrationem meæ senectuti conquiram. 26. Nam, etsi in præsenti tempore suppliciis hominum eripiar, sed manum Omnipotentis nec vivus, nec defunctus effugiam. 27. Quamobrem fortiter vita excedendo, senectute quidem dignus apparebo; 28. adolescentibus autem exemplum forte relinquam, si prompto animo ac fortiter pro gravissimis ac sanctissimis legibus honesta morte perfungar. His dictis, confestim ad supplicium trahebatur. 29. Hi autem qui eum ducebant, et paulo ante fuerant mitiores, in iram conversi sunt propter sermones ab eo dictos, quos illi per arrogantiam prolatos arbitrabantur. 30. Sed cum plagis perimeretur, ingemuit, et dixit: Domine, qui habes sanctam scientiam, manifeste tu scis quia, cum a morte possem liberari, duros corporis sustineo dolores; secundum animam vero propter timorem tuum libenter hæc patior. 31. Et iste quidem hoc modo vita decessit, non solum juvenibus, sed et universæ genti memoriam mortis suæ ad exemplum virtutis et fortitudinis derelinquens.

Vers. 1.

1. MISIT REX (Antiochus Epiphanes) SENEM (senatorem; senatus enim erat concilium senum; senum enim est sapientia et prudentia) QUEMDAM ANTIOCHENUM. — Græce ἀθηναῖον, id est Atheniensem, forte quia Athenis erat oriundus, sed Antiochiæ factus civis habitabat; aut quod nomen proprium ei sonet Athenæus. Noster Mariana censet illum

fuisse Bacchidem, quem cogentem Judæos idolis sacrificare Mathathias ex zelo occidit, ut dictum est lib. I, cap. II, vers. 25.

2. CONTAMINARE, etc., TEMPLUM ET COGNOMINARE Vers. 2 JOVIS OLYMPI. — Jussit Antiochus ergo Jovis idolum in templo collocari et adorari, ac templum solemni ritu dedicari, indeque templum Jovis

nuncupari. Ecce hæc est « abominatio desolationis, » hoc est, abominandum idolum omnia desolans, prædicta ante trecentos annos a Daniele, cap. ii, vers. 31.

ET IN GARIZIM PROUT ERANT HI QUI LOCUM INHABITABANT JOVIS HOSPITALIS, — q. d. Templum Garizitanum Samaritanorum, de quo *Joannis* iv, 20. Antiochus jussit dedicari Jovi Hospitali, eo quod incolæ Garizitani et Samaritani essent hospites et advenæ. **Ex Assyria enim in Samariam quasi hospites et peregrini traducti erant a Salmanasar, III Reg. XVII.** Unde et Samaritani in epistola ad Antiochum scripta quam recenset Josephus lib. XII, cap. ix, vocant se « hospites, » id est advenas et peregrinos. Jupiter enim Hospitalis dictus est, eo quod ei quasi Deo hospitum cura et tutela incumbet; ne quis eos impune fraudaret vel laderet. Unde eum invocat *Aeneas* peregre in Italiam pergens. Sic enim ait, *Aeneid.* I :

Jupiter (hospitibus nam te dare jura loquuntur)
Hunc lætum Tyriisque diem, Trojaque profectis
Esse velis.

Vers. 7. **7. DUCEBANTUR AUTEM (Judæi turmatim magno numero) CUM AMARA NECESSITATE (puta violenta coactione) IN DIE NATALIS REGIS (Antiochi Epiphanis) AD SACRIFICIA,** — quæ offerebantur idolis, ut iis assisterent et cooperarentur ex iisque manducarent quasi consentientes idolis et idololatriæ.

ET CUM LIBERI (Bacchi) SACRA CELEBRARENTUR, CO- GEBANTUR HEDERA CORONATI LIBERO CIRCUIRE, — q. d. Cum Bacchanalia, id est festa Bacchi celebrarentur potando, saltando, ludendo, scortando, etc., in omni carnis licentia ac concupiscentiæ libertate (unde Bacchus vocabatur Liber, quod omnem carnis libertatem cuilibet in festis et sacris suis daret) cogebantur Judæi in honorem Liberi sive Bacchi coronari hedera, itaque templum vel urbem circuire. Erat enim hedera dicata Baccho, eo quod sua frigiditate resistat vino et ebrietati, cuius Deus erat Bacchus, teste Plinio, lib. XVI, cap. xxxiv, Tertulliano, I de Corona mil. cap. vii, et Cœlio Rodigino, lib. XIV, cap. xlix. Græci enim suis pergræcationibus, id est compotationibus indulgentes (ac maxime Antiochus Epiphanes) colebant Bacchum; unde et fingebant Bacchum apud se ex femore Jovis natum, ait Dionysius. Bacchus ergo dictus est Liber, quasi Deus libertatis, vel eo quod vinum curas solvat, et mentem ab illis liberet, et audaciorem in omnes conatus faciat. Varro a labendo deducit, quod lubrica mens quo lubet prolabatur. S. Augustinus, lib. VI *De Civit. cap. ix*, docet Liberum vocari, « quod mares in coeundo per ejus beneficium emissis seminibus liberentur. Hoc idem in feminis agere Liberam, quam etiam Venerem putant. » Porro quanta fuerit turpitudo sacrorum Liberi idem Augustinus describit, lib. VII *De Civitate*, cap. xxi.

Vers. 8. **8. DECRETUM (cogendi Judæos ad colendum Bacchum) AUTEM EXIIT IN PROXIMAS GENTILIUM CIVI-**

TATES SUGGERENTIBUS PTOLEMÆIS, — duobus fratribus, scilicet Ptolemæo Philometore, et Ptolemæo Physcone, qui regnabant in Ægypto. Verum quia hi hoc tempore pene pueri erant, nec vicinas Jerosolymæ civitates in Syria occupabant, iidemque in Judeos erant benevoli; hinc melius per Ptolemæos hic accipias eos qui erant ex familia Ptolemæorum jam dictorum, ac pro Antiocho Epiphane præerant Ciliciæ et Phœnici, præsertim Tyro et Sidoni, qualis fuit Ptolemæus, cuius mentio fit cap. iv, 45. et cap. viii, 8. Quia enim Antiochus Epiphanes erat avunculus Ptolemæi Philometoris et Physconis; hinc ex eorum cognatis et familiaribus nonnullos in stiam aulam adscivit, eosque suis provinciis in Syria præfecit.

11. CUM INDICATI ESSENT PHILIPPO, FLAMMIS SUG- Vers. 11. CENSI SUNT, — eo quod Sabbatum colerent, et iudaizarent, ideoque Sabbatho invasi nollent se defendere ob honorem Sabbati, quo lex ab opere quiescere jubebat, sed permetterent illo die se occidi, ut sequitur. Hic est Philippus ille quem Antiochus ad exagitandos Judeos misit, cap. v, vers. 22.

18. IGITUR ELEAZARUS (Eleazarus Hebraice idem Vers. 18) est quod *Dei adjutorium*, quod huic glorioso athletæ et martyri ad tentationes et tormenta validum affuit) **UNUS DE PRIMORIBUS SCRIBARUM** — (id est Doctorum et Legisperitorum). Josephus, filius Gorionis, lib. III, cap. II et IV, eum vocat « sacerdotem, « imo principem sacerdotum, » scilicet suæ viciis et classis. Erant enim 24 classes sacerdotum, quarum quæque suum habebat principem. Addit eum fuisse e 72 Interpretibus qui sub Ptolemeo Philadelpho S. Scripturam ex Hebræo in Græcum converterunt. Verum sic debuisse esse 120 annorum, non 90 duntaxat, ut ipse ait vers. 14. S. Gregorius Nazianzenus, orat. 22 *De Machabæis*, et S. Ambrosius, lib. II *De Jacob et vita beata*, cap. x et xi, eum vocant « patrem, » id est doctorem, et magistrum septem fratrum Machabæorum martyrum, de quibus cap. seq.; unde ipsi Antiocho dixerunt, ait Nazianzenus, « Eleazari discipuli sumus, pater prius decertavit, filii postea certabunt. » Et S. Ambrosius : « Sequimur patrem filii discipuli doctorem. »

VULTU DECORUS (Græce *aspectu faciei καλλιτος*, id est *pulcherrimus*) **VOLUNTARIE** (Græce *sponte*) **PRÆ-IBAT AD SUPPLICIUM.** — Græce *ad tympanum*. Porro *tympanum* erat genus tormenti, quo homines fortiter et rigide distendebantur, vel in mensa aut scammo, vel ad palum alligati quasi in equuleo, ibique fustibus pulsabantur, uti pelles distentæ in tympano pulsantur, uti ex Polybio, Suida et Aristophane docet Serarius. Nonnulli quoque ibidem flagris cædebantur vel vivi excoriabantur, vel carentibus laminis ustulabantur, uti Eleazarus huic factum narrat Josephus; vel axis maleisque tundebantur, et quasi *tympanum* omnium verberibus cruciatibusque objiciebantur.

Huc alludens Apostolus, *Hebr. xi, 34*, ait : « Alii

autem distenti sunt, » Græce ἐποπτάθησαν, id est tympanizati sunt; Suidas, fustibus contusi sunt; S. Chrysostomus, decollati sunt. Eleazarus ergo distentus pulsatusque in tympano typus fuit Christi in cruce distenti, malleisque pulsati et confixi.

Vers. 20. 20. INTUENS (legit Noster προπτόμενος, jam legunt προπτύσας, id est expuens, scilicet carnem sibi violenter in os ingestam) AUTEM QUEMADMODUM OPOTERET ACCEDERE, (q. d. prospiciens, præcogitans, præmeditans quomodo oporteret ad certamen hoc acre accedere, nimurum tanquam pugilem athletam, et martyrem Dei, qui primus agonem hunc fidei erat obiturus, cæterisque exemplum invictæ constantiæ et fortitudinis daturus firmo mentis proposito, ac voluntate prorsus obfirmata, DESTINAVIT NON ADMITTERE ILLICITA PROPTER VITÆ AMOREM, — puta non comedere carnem porcinam Juðæis Levit. xi vetitam, præsertim quia eam comedere jubebatur ab Antiocho tyranno in legis contemptum, ut hac manducatione significaret se a Judaismo ad Gentilismum apostatare. Quocirca maluit Eleazarus excarnificari, quam porcinam comedere et Antiocho consentire.

Addit Josephus, lib. *De Machabæis*, cap. v, Antiochum suasisse variis rationibus Eleazaro, ut porcinam ederet, ac imprimis illa, quod Deus daturus esset illi veniam, eo quod non sponte, sed vi coactus comedisset porcinam ; Eleazarum vero regi respondisse : « Nos, Antioche, quibus ex divina lege vivendum esse persuasum est, nullam necessitatem violentiorem eis esse existimamus, quam legi nostræ parere ; quo fit ut nullo pacto violandum esse censeamus. » Causam subdit : « Temperantiam enim docet nos, ita ut omnibus voluptatibus et cupiditatibus imperemus, et fortitudinem sic exerceamus, ut labores omnes ultrateramus. Justitiam quoque sic docet, ut eum qui solus Deus est magnifice veneremur. » Et paulo post : « Verum non committam, ut tu me sic derideas ; neque sacrum majorum nostrorum de lege servanda jusjurandum violabo, non si mihi et oculos effoderis, et viscera torrueris. Non ego sic sum senex et effeminatus, ut mihi non vigeat pietate ratio. Tu et rotas compone, et ignem affla vehementius : non sic me miseret senectutis meæ, ut ejus causa patriam legem violem. Non tibi mentiar, præceptrix lex ; neque te abjurabo, cara temperantia : neque te dedecorabo, sapientiae studiosa ratio ; neque te abnegabo, venerabile sacerdotium, legumque scientia : castum me majores recipient, non veritum mortiferam istam tuam violentiam. » Subdit deinde cap. vi : « Hoc pacto contra tyranni exhortationem locutum Eleazarum, qui aderant satellites crudeliter ad tormenta trahunt, ac primum nudatum, brachia utrimque tenentes, flagris cædunt, præcone interea vociferante, ut regis mandatis obediret. At magnanimus ille Eleazarus, perinde ac si in somnio cruciaretur, nihil prorsum movebatur ; sed intentis oculis cœlum intuebatur ille senex, cum interea

ipsius caro verberibus laniaretur, et defluente sanguine latera vulnerarentur. Cumque corpore dolores non ferente ad terram cecidisset, rectam tamen immotamque rationem habebat. Hic crudelis quidam satelles in jacentis ilia insilit, eumque pedibus pulsat, ut surgeret. At ille dolores ferebat, et vim illam contemnens cruciatus tolerabat, et verberantes vincebat senex carnifices, adeo ut ipsis quoque ejus animi præstantia esset admirationi. » Plura hic addit Josephus quæ non habet Scriptura, quorum proinde penes ipsum sit fides. Ad Josephi verba alludens S. Ambrosius, lib. II *De Jacobo*, cap. xi, asserit Eleazarum dixisse : « Nos non intentione ducimur, sed reverentia legis tenemur, quæ suilla carne abstinentia præcipit. Quod si hoc leve putas, ut carne vescamur suilla, qui in minimis legem contempserit, quomodo in magnis tenebit ? Abstinentia nostra disciplina est castimonie. Non sum ita senex, ut non juvenescat animi fortitudo. Senectus portus esse debet, non naufragium vitæ superioris. Non te negabo, lex patria ; non abjurabo vos, sancta instituta majorum ; non decolorabo vos, infulæ sacerdotales : non te perfidiæ pulvere turpabo, canities. » Itaque simulare ne quidem voluit, cum aliae carnes proponerentur ; et sic, ait Ambrosius, « immoriendo tormentis, factus est cæteris magisterium perseverantiæ, qui electus erat ad infirmitatis exemplum. »

23. DICENS PRÆMITTI SE VELLE IN INFERNUM, — id Vers. 23. est velle se mori, mittique in limbum patrum potius quam contra legem porcinam edere. Eleazarum imitantur Carthusiani, qui carnem, licet a medico præscriptam ut necessariam ad ægroti vitam, constanter respuant, maluntque potius mori ut votum suum de non vescendo carnibus illibatum inviolatumque conservent. Licet enim religioni et voto postponere vitam : ut S. Casimirus ægrotans maluit mori, ut votum virginitatis servaret, cum medici assererent eum a morbo quo laborabat curari non posse, nisi uxorem duceret ; hisce omnibus enim hoc unum respondit : « Eligio virgo mori, » nimurum :

Et vivam et moriar ; vivam cum virgine Jesu,
Cujus amore lubens eligo virgo mori.

Hi sunt Heroum actus castitatis, temperantiae, fortitudinis, heroici.

26. NAM ETSI IN PRÆSENTI TEMPORE SUPPLICIS HOMINUM ERIPIAS, SED MANUM (vindictam acerrimam) OMNIPOTENTIS NEC VIVUS NEC DEFUNCTUS EFFUGIAM. — Peccasset enim mortaliter Eleazarus in Deum, si porcinam jussu Antiochi comedisset ; quia is eam comedì jubebat in contemptum legis et Dei, ut eo quasi signo testaretur se a lege et Deo ad Antiochum ejusque Deos apostatare.

28. AD SUPPLICIUM (Græce ad tympanum, de quo Vers. 28. vers. 19) TRAHEBATUR. — Addit Josephus, lib. *De Machab.* cap. vi : « Hanc ejus magnanimitatem videntes illi, qui ne ipsorum quidem misericor-

dia flecteretur igni eum admovent, et diris instrumentis subjectum cremant, tetrosque odores ejus naribus infundunt. Ille jam usque ad ossa ustulatus, et animam acturus, contentis ad Deum oculis dixit : Tu scis, Deus, me, cum evadere liceret, ignis cruciatibus propter legem emori. Quare propitius esto genti tuæ, nostro pro ipsis suppicio contentus. Fac ut eorum expiatorius sit sanguis meus, et pro eorum vita accipe meam. Hæc locutus vir sanctus, generose mortuus est. » Hæc Josephus : quæ cum tympano non adeo conveniunt, nisi dicamus reos in tympano non tantum fustibus, sed et ignibus, et quovis suppicio excruciai solitos, quod verum esse liquet ex Auctoribus et Martyrum actis. Unde Lipsius, lib. *De cruciat.* : « Tympanum, ait, omnia hæc cruciamentorum genera complectitur. »

Vers. 30. 30. Duros corporis sustineo dolores : secundum animam vero propter timorem tuum libenter hæc patior. — Illustrè ergo et gloriosum fuit hoc Eleazari martyrium, qui quasi dux septem fratribus cæterisque ad illud idem prævivit. Quocirca ipse a Nazianzeno vocatur « primitiæ Martyrum veteris Testamenti, » sicut Stephanus novi. Esto enim ante Eleazarum passi sint martyrium Abel, Isaias, Zacharias, Jeremias, cæterique prophetæ; tamen Eleazarus primus fuit, qui expresse pro vera in Deum fide et religione publice contra Antiochum eam subvertere

volentem, solemnem martyrii agonem obiit. Audi Nazianzenum : « Hic Eleazarus primitiæ eorum qui ante Christum passi sunt, quemadmodum Stephanus eorum qui post Christum, vir sacerdos et natu grandis, tum capillis, tum prudenter canus, prius quidem pro populo sacrificia et preces adhibens, nunc autem seipsum quoque Deo offerens, perfectissimam hostiam, ac totius populi expiatrixem, faustum certaminis præludium, loquens pariter, ac tacens exhortatio : septemque insuper filios offerens, institutionis suæ fructum, hostiam viventem, sanctam, Deo placentem, omni legali sacrificio clariorem et puriorum. Filiorum enim virtutes parentibus adscribere æquissimum ac justissimum est. » Audi et elogia quæ Eleazaro merito dat Josephus, lib. *De Machab.* cap. vi : « O digne sacerdotio sacerdos ! non polluisti sacros istos dentes, neque religionis hospitem ventrem immundorum esu contamnasti. O legis concensor, divinique sermonis studiouse ! tales esse decet eos, qui legis sacrum ministerium proprio sanguine obeunt, et generoso sudore lethi doloribus resistunt. Tu pater legum nostrarum bonitatem tua patientia gloriose sanguisti, et sanctimoniam gravitate verborum stabiliisti, factisque tuis fidem conciliasti dictis divinæ disciplinæ. O cruciatu vehementior senex, et igne acrior vetule, et affectionibus major Eleazare ! O felix senecta, quam fidele mortis sigillum absolvit ! »

CAPUT SEPTIMUM.

SYNOPSIS CAPITIS.

Septem fratres Machabæi, hortante matre dignissima, Antiochi tormenta constantissime superant, ac martyria lauream capessunt.

1. Contigit autem et septem fratres una cum matre sua apprehensos, compelli a rege edere contra fas carnes porcinas, flagris et taureis cruciatos. 2. Unus autem ex illis, qui erat primus, sic ait : Quid quæris, et quid vis discere a nobis ? parati sumus mori, magis quam patrias Dei leges prævaricari. 3. Iratus itaque rex jussit sartagine et ollas æneas succendi : quibus statim succensis, 4. jussit ei qui prior fuerat locutus amputari linguam ; et, cute capitis abstracta, summas quoque manus et pedes ei præscindi, cæteris ejus fratribus et matre insipientibus. 5. Et, cum jam per omnia inutilis factus esset, jussit ignem admoveri, et adhuc spirantem torrii in sartagine ; in qua cum diu cruciaretur, cæteri una cum matre invicem se hortabantur mori fortiter, 6. dicentes : Dominus Deus aspiciet veritatem, et consolabitur in nobis, quemadmodum in protestatione cantici declaravit Moyses : Et in servis suis consolabitur. 7. Mortuo itaque illo primo, hoc modo, sequentem deducebant ad illudendum ; et, cute capitis ejus cum capillis abstracta, interrogabant si manducaret prius, quam toto corpore per membra singula puniretur. 8. At ille, respondens patria voce, dixit : Non faciam. Propter quod et iste, sequenti loco, primi tormenta suscepit ; 9. et in ultimo spiritu constitutus, sic ait : Tu quidem, scelestissime, in præsenti vita nos perdis ; sed Rex mundi defunctos nos pro suis legibus in aeternæ vitæ resurrectione suscitabit. 10. Post hunc tertius

illuditur, et linguam postulatus cito protulit, et manus constanter extendit; 11. et cum fiducia ait: E cœlo ista possideo, sed propter Dei leges nunc hæc ipsa despicio, quoniam ab ipso me ea receptum spero; 12. ita ut rex, et qui cum ipso erant, mirarentur adolescentis animum, quod tanquam nihilum duceret cruciatus. 13. Et hoc ita defuncto, quartum vexabant similiter torquentes. 14. Et, cum jam esset ad mortem, sic ait: Potius est ab hominibus morti datos spem exspectare a Deo, iterum ab ipso resuscitandos; tibi enim resurrectio ad vitam non erit. 15. Et cum admovissent quintum, vexabant eum. At ille, respiciens in eum, dixit: 16. Potestatem inter homines habens, cum sis corruptibilis, facis quod vis; noli autem putare genus nostrum a Deo esse derelictum. 17. Tu autem patienter sustine, et videbis magnam potestatem ipsius, qualiter te et semen tuum torquebit. 18. Post hunc ducebant sextum, et is, mori incipiens, sic ait: Noli frustra errare; nos enim propter nosmetipsos hæc patimur, peccantes in Deum nostrum, et digna admiratione facta sunt in nobis; 19. tu autem ne existimes tibi impune futurum, quod contra Deum pugnare tentaveris. 20. Supradictum autem mater mirabilis, et bonorum memoria digna, quæ pereuntes septem filios sub unius diei tempore conspiciens, bono animo ferebat, propter spem quam in Deum habebat; 21. singulos illorum hortabatur voce patria fortiter, repleta sapientia; et femineæ cogitationi masculinum animum inserens, 22. dixit ad eos: Nescio qualiter in utero meo apparuistis; neque enim ego spiritum et animam donavi vobis et vitam, et singulorum membra non ego ipsa compegi: 23. sed enim mundi Creator, qui formavit hominis nativitatem, quiue omnium invenit originem, et spiritum vobis iterum cum misericordia reddet et vitam, sicut nunc vosmetipsos despicatis propter leges ejus. 24. Antiochus autem, contemni se arbitratus, simul et exprobrantis voce despecta, cum adhuc adolescentior superesset, non solum verbis hortabatur, sed et cum juramento affirmabat se divitem et beatum facturum, et translatum a patriis legibus amicum habiturum, et res necessarias ei præbiturum. 25. Sed ad hæc cum adolescens nequaquam inclinaretur, vocavit rex matrem, et suadebat ei ut adolescenti fierit in salutem. 26. Cum autem multis eam verbis esset hortatus, promisit suasuram se filio suo. 27. Itaque inclinata ad illum, irridens crudelem tyrannum, ait patria voce: Fili mi, miserere mei, quæ te in utero novem mensibus portavi, et lac triennio dedi et alui, et in ætatem istam perdux. 28. Peto, nate, ut aspicias ad coelum et terram, et ad omnia quæ in eis sunt; et intelligas quia ex nihilo fecit illa Deus, et hominum genus; 29. ita fiet ut non timeas carnificem istum; sed dignus fratribus tuis effectus particeps, suscipe mortem, ut in illa miseratione cum fratribus tuis te recipiam. 30. Cum hæc illa adhuc diceret, ait adolescens: Quem sustinetis? non obedio præcepto regis, sed præcepto legis quæ data est nobis per Moysen. 31. Tu vero, qui inventor omnis malitiæ factus es in Hebræos, non effugies manum Dei. 32. Nos enim pro peccatis nostris hæc patimur. 33. Et si nobis propter increpationem et correptionem Dominus Deus noster modicum iratus est; sed iterum reconciliabitur servis suis. 34. Tu autem, o scelestæ, et omnium hominum flagitosissime, noli frustra extolli vanis speibus in servos ejus inflammatus. 35. Nondum enim omnipotens Dei, et omnia insipientis, judicium effugisti. 36. Nam fratres mei, modico nunc dolore sustentato, sub testamento æternæ vitæ effecti sunt; tu vero judicio Dei justas superbiæ tuæ pœnas exsolves. 37. Ego autem, sicut et fratres mei, animam et corpus meum trado pro patriis legibus; invocans Deum maturius genti nostræ propitium fieri, teque cum tormentis et verberibus confiteri quod ipse est Deus solus. 38. In me vero et in fratribus meis desinet Omnipotentis ira, quæ super omne genus nostrum justæ superducta est. 39. Tunc rex accensus ira, in hunc super omnes crudelius desævit, indigne ferens se derisum. 40. Et hic itaque mundus obiit, per omnia in Domino confidens. 41. Novissime autem post filios et mater consumpta est. 42. Igitur de sacrificiis et de nimiis crudelitatibus satis dictum est.

CONTIGIT hæc historia uno anno ante Mathathiæ et Judæ Machabæi Pontificatum, et bella cum Antiocho Epiphane, nimirum anno 145 Græcorum, qui fuit Antiochi Epiphanis nonus, Ptolomæi Philometoris 13, urbis Romæ 586, ante Christi natalem 166. Ita Salianus et alii.

Vers. 4.

1. CONTIGIT AUTEM ET SEPTEM FRATRES UNA CUM MATRE SUA APPREHENSOS COMPELLI A REGE (Antiocho Epiphane) CONTRA FAS CARNES PORCINAS EDERE. — In veteri (nam in moderna non exstant) Josephi editione Græca horum septem fratrum nomina assignantur hæc. Primus vocabatur *Machabæus*, secundus *Aber*, tertius *Machir*, quartus *Judas*, quintus *Achas*, sextus *Areth*, septimus *Jacob*, mater vero *Machabæa*, a qua filii omnes dicti sunt Machabæi (1), ait S. Thomas, licet Serarius ita dictos putet a fratre primo, cui nomen erat Machabæus; Scaliger vero a labore et fortitudine animi, sicut ex eodem dictus est Judas Machabæus: verius est eam vocatam fuisse *Salomen*, ut dicam versu 20. Erant omnes, inquit Josephus, genere illustres, corpore venustissimi; sed animo formosiores, statu cælibes plerique, vel omnes. Passi sunt Antiochiae, eo enim redierat Antiochus Epiphanes; ubi postea sub S. Petro primo Christi discipuli vocati sunt Christiani. Unde S. Augustinus, serm. 109 *De Temp. cap. vi*: « Sanctorum, inquit, Machabæorum basilica etiam in Antiochia prædicitur. In illa scilicet civitate, quæ regis ipsius persecutoris nomine vocitatur. Antiochum quippe regem persecutorem impium pertulerunt, et memoria martyrii eorum in Antiochia celebratur, ut simul sonet et nomen persecutoris, et memoria coronatoris. Hæc basilica a Christianis tenetur, et a Christianis ædificata est. »

Porro qua ætate hi septem fratres fuerint docet S. Chrysostomus, hom. *De Machabæis*: « Agonem, ait, proponens Christus non juvenes exercitatos ad certamina athletas, sed primæcos adolescentulos et cum ipsis senem Eleazarum, simulque mulierem anum, matrem septem adolescentium vult considerari. » Et Prudentius, hymno *De S. Romano*:

Narravit illud nobile ac memorabile
Certamen, una matre quod septem editi
Gessere pueri, sed tamen factis viri.

Et infra :

Linguam tyrannus amputari jussérat.
Uni ex ephebis.

Et D. Ambrosius, in libro *De Jacob et vita beata*, cap. xi: « Insultare, ait, licet tyranno qui, dum callide a sene incipiendum putat, magistrum eli-

(1) Septem isti fratres Machabæi verisimiliter dicti sunt, nou quod cum Juda Machabæo cognitione devincti erant, sed quia pro defensione sue fidei mortem tanquam martyres oppetierunt, eo tempore quo Judas et fratres ejus pro libertate religionis et patriæ fortiter decertabant. (Allioli.)

git, qui discipulos faceret fortiores: quorum velut puerilem ætatem præmiis provocabat ad culpam, arguebat terroribus ad formidinem. At illi non degeneres tanto duci respondent: Quid contemptis vel circumscribis ut pueros? sed fides cana est, sed valida disciplina. Experire, certa, subjice quibus placet pœnis puerilia viscera, non invenies corda puerilia. » Et mox: « Quam vicit seunctus, superabit æmula senectutis pueritia. »

FLAGRIS ET TAUREIS (Græce νεύρη, id est nervis taurorum) CRUCIATOS — et flagellatos.

2. UNUS AUTEM EX ILLIS, QUI ERAT PRIMUS (nomine Vers. 5 *Machabæus*, ut dixi), SIC AIT: QUID QUÆRIS ET QUID VIS DISCERE A NOBIS? (vide hic animositatem Machabæi, qui regem alloquitur quasi puerum et discipulum) PARATI SUMUS MORI MAGIS QUAM PATRIAS DEI LEGES PREVARICARI. — Hic erat natu maximus et primogenitus; unde ipse unus pro omnibus respondet: ipsius enim os sensusque, erat os, sensusque cæterorum, qui in fide obfirmati pro ea optabant mortem et martyrium. Josephus, libro *De Machab. cap. viii*, addit Antiochum multis verbis et rationibus exhortatum fuisse hosce septem fratres ad comedendam porcinam, ac ni sibi obdiren, omnes cruciatus minitatum esse; ideoque eis ostendisse omnium tormentorum instrumenta, quæ ad illos excruciantos paraverat, nimirum fidiculas, rotas, equuleos, catapultas, lebetes, sartagines, digitos et manus ferreas, cuneos, ignes, etc., ac subjecisse: « Adolescentes, timete, et quod veneramini Numen id vobis per vim delinquentibus ignoscet; » mox omnes una mente et voce respondisse: « Parati sumus mori potius quam patria violare præcepta. Terres nos mortem nobis per tormenta minitando; quasi qui non paulo ante quale hoc sit didiceris ab Eleazaro. Quod si series Hebræi etiam in tormentis pietatem retinuerunt, justius moriemur nos juvenes, contempta tormentorum tuorum violentia, quam et præceptor noster vicit. Quapropter tenta, tyranne, num animas quoque nostras pro pietate pugnantes necare possis. Ne puta te nobis nocere cruciendo; nos enim malis patienter ferendis virtutis præmia consequemur. At tu ob nostri cædem nefariam ab ultione divina æterno afficiere cruciatu. »

3. IRATUS ITAQUE REX JUSSIT SARTAGINES ET OLLAS Vers. 3. ÆNEAS SUCCESSI. — Plenæ erant, inquit Theophilus Alexandrinus, *Epist. 3 paschali*, ferventis olei sartagines, et ad frigenda sanctorum corpora terrore incredibili personabant; et tamen inter hæc omnia paradisum animo deambulantes, non sentiebant quod patiebantur, sed quod videre cupiebant. Porro « sartago, inquit Antonius Gallonius, lib. *De Martyrum cruciat.*, pag. 221, erat patella ovalis, vel rotunda, amplaque oleo, pice, resina ac sulphure referta, igni applicabatur; cumque ebullire atque effervescente inciperet, injiciebantur in eam utriusque sexus Christiani, qui constanter fortiterque in Christi fidei confessione per-

stitissent, ut instar piscium in oleum fervens con-
jectorum, torrerentur ac suffrigerentur. » Additque
martyres aliquando toto corpore in sartagine
ampla fricos fuisse, uti contigit S. Euphemie;
aliquando vero non toto corpore, sed per mem-
bra singula; quamobrem haec ibi litteris consignata
habentur: « Mandavit priscus Proconsul eam,
id est sanctam virginem, serris membratim di-
vidi, et in sartagine divisa membra torri, etc. »
Sartago ergo erat ad frigidum; olla ad elixan-
dum carnes martyrum. « Erat enim olla, inquit
Gallonius, vas amplissimum ex aere factum, in
quo martyres ignominiae gratia elixabantur; fa-
bricatum (ut quædam pervetustæ ostendunt, quæ
ex hujusce urbis ruinis erui nonnunquam solent)
ad ollarum, quibus utimur ad cibaria coquenda,
similitudinem, absque oris, cum duabus ansis,
quæ vel partim quadratae erant, partimque ro-
tundæ; quadratae ab imo ad medium, rotundæ a
medio ad extremum. » Ad haec conjiciebantur
etiam in ollam sic prælo pressi atque plicati, ut
caput eorum ad genua pelleretur. Hujus alte-
rius modi testis est Josephus, loco citato, his
verbis: « Carnificum manibus ollæ æneæ impo-
nitur (hoc pœnali suppicio nomen est) prælo gy-
rato, hoc est versato, sanctum caput ad genua
impellitur, sicque corpore deorsum redacto, pu-
gil in eam, quam diximus, ollam miserrime deli-
tuit. » Haec ibi.

Advertat hic lector Josephum per prælum de-
notasse quoddam instrumenti pressorii genus:
prælum quippe non tantum trabem illam signi-
ficat, per quam in torculari, uva vel oliva calcata
premitur, sed etiam Budæo teste, instrumentum
pressorium, quo potissimum pannarii, chartarii
et librorum impressores utuntur.

Vers. 4. **4. ET CUTE CAPITIS ABSTRACTA, SUMMAS QUOQUE
MANUS ET PEDES** (extremitates manuum et pedum)
EI PRÆSCINDI. — Addit Josephus, cap. ix: « Itaque
eorum natu maximum jussi in medium adduxere
satellites, et dilacerata ejus tunica, manus et bra-
chia loris utrimque constrinxerunt. Deinde post-
quam eum flagris ad lassitudinem usque verberarunt, cum nihil proficerent, rotæ circumposuerunt: circa quam distentus juvenis, exarticulatus, omnibusque membris fractus, illi maledicebat in
hunc modum: Sceleratissime tyranne, colestis-
que justitiæ inimice et crudelis, nullum tu me ob
homicidium aut impium facinus hoc pacto tor-
ques, sed ob divinæ legis defensionem. Cumque
monerent eum satellites, ut se comesurum pro-
mitteret, quo cruciatibus liberaretur, dixit: Non
ita valida est rota vestra, o impuri ministri, ut
meam rationem juguletis. Secate membra mea,
carnemque comburite, et artus torqueat; nam per
omnia tormenta vobis persuadebo, solos Hebræos
pro virtute esse invictos. Haec dicenti ignem illi
subjiciunt, et rotam insuper magis magisque dis-
tendunt, ita ut tota sanguine cruentaretur, et py-
ræ acervus, cruoris guttis extingueretur, machi-

næque axes carne circumfluerent. Sed magnani-
mus ille, et Abramæus adolescens, quamvis spo-
liata jam ossium compagine non ingemiscebatur,
sed perinde ac si in igne transformaretur in im-
mortalitatem, cruciatus fortiter ferebat. Imitamini
me, fratres, inquit, neve meæ vitæ ordinem de-
serueritis, neve meam vestri fratris alacritatem
abjuraveritis. Sacram nobilemque militiam mili-
tate pro pietate: qua fiat ut justa illa et patria
nostræ Numinis providentia genti propitiata, sce-
lesto tyranno pœnas irroget. Haec fatus, sacer ille
juvenis animam egit. »

**5. CÆTERI UNA CUM MATRE INVICEM SE HORTABAN- Vers. 5
TUR MORI FORTITER,** — sibi mutuo dicentes, ait Jo-
sephus, lib. De Machab. cap. xiii: « Fraterne, fra-
tres, pro lege moriamur; imitemur tres illos in
Assyria juvenes, qui vastam illam fornacem con-
tempserunt: nolimus in pietate ostendenda re-
mollescere. Bono es animo, frater, dicebat aliquis.
Et aliis: Generose perdurato. Alius item cæteros
præteriorum commonefaciens: Recordamini, in-
quit, unde sitis, et cujus patris manu immolari
se ob pietatem passus fuerit Isaacus. Denique uni-
versi inter se intuentes læti, et admodum alacres,
sic dicebant: Consecremus nos ipsos toto corde
Deo, qui nobis dedit animas, et impendamus in
legis custodiam corpora. » Et paulo post: « Sie
enim mortuos nos excipient Abrahamus, Isaacus
et Jacobus, cunctique patres laudabunt. Deinde
eorum qui restabant singuli fratrum, a quo di-
vellebantur, sic cohortari: Ne nos, frater, dede-
coraveris, neve a fratribus nostris, qui jam oppe-
tierunt, degeneraveris. »

6. DEUS ASPICET VERITATEM, (id est justitiam, Vers. 6.
q. d. Deus expendet et præstabit id quod justum
est, nos scilicet innocentes et justos esse, ac a te,
o tyranne, injuste excruciali, ideoque martyrii
laurea coronabit: quare) **CONSOLABITUR IN NOBIS**, —
id est nobis auxilio erit et solatio, nobis suas con-
solationes ingeret et immittet, ut te tuaque tor-
menta generose superemus, quemadmodum
Moyses in Cantico, Deut. xxxii, 36, cecinit, et pro-
misit Deum esse facturum.

8. AT ILLE RESPONDENS PATRIA (id est virili) VOCE, Vers. 8.
— q. d. respondebat, non ut puer voce gracili,
sed forti et crassa ut pater et vir, de quo vers. 21.

DIXIT (secundus nomine Aber): **NON FACIAM**, —
non comedam porcinam. Hoc firmum meum est
propositum, haec obfirmata mea voluntas. Audi
Josephum multa addentem, et martyrem sua fa-
cundia exornantem, forte etiam nonnulla, uti so-
let, ex suo adjungentem, et phalerantem: « Ad-
ducunt satellites aestate secundum, injectisque fer-
reis manibus, acutis unguibus, eum catapultæ
(quæ machina est) alligant. Deinde percontati,
priusquam eum torquerent, num effugere vellet,
postquam generosam ejus sententiam audiverunt,
ab imis pedibus exorsi, omnem ejus carnem fer-
reis illis manibus, usque ad mentum dilaniant,
et capitis pellem admotis pardis dilacerant. Quem

ille gravissimum dolorem tolerans, sic dicebat : Suave est mortis quodlibet genus ob patriam religionem nostram. Non putas te, o omnium crudelissime tyranne, magis quam me nunc torqueri, cum videoas crudelem istam tyrannidis rationem nostra pro pietate patientia vinci? Etenim ego virtutis voluptatibus dolorem levo : tu in impietatis minis excruciaris. Neque vero effugies, impurissime tyranne, pœnas iræ divinæ. » Josephum secutus S. Ambrosius, lib. *De Jacob et vita beata*, lib. II, cap. xi, ait : « Secundus accessit, nec degener fratri munia piæ confessionis implevit. Et cum detraheretur membrana capitis, respondit : Aufertis quidem membranam, sed habeo galeam spiritualem, quam non potestis auferre. Et vere hanc galeam nemo auferre potest : sicut postea Apostolus docuit in Ecclesia Domini, quia caput viri Christus est, et ejus sumus membra. Recte puer istam divino spiritu doctrinam Apostolicam prævidebat : Exuebant immanes bestiæ corium capitis, et pardaliciis feritatibus sæviebant. At ille deficiens : Quam dulce est, inquit, mori pro religione! quam suavis omnis acerbitas mortis pro pietate! quia manet horum remuneratio laborum. Tua sunt rex graviora tormenta, tu tuis vehementer torqueris suppliciis, quia vides vinci in potestate. »

Vers. 10. 10. POST HUNC TERTIUS ILLUDITUR, ET LINGUAM POSTULATUS CITO PROTULIT, ET MANUS CONSTANTER EXTENDIT, — ut cum lingua, quæ regem despexerat, amputarentur et in sartagine frigerentur. S. Cyprianus, *De exhort. martyr.*, urget rō « manus extendit, » aitque : « Manus amputandas constanter extendit multum beatus genere isto supplicii, cui contigit extensis ad pœnam manibus passionis Dominicæ instar imitari. »

Vers. 11. 11. ET CUM FIDUCIA AIT : E COELO ISTA POSSIDEO, SED PROPTER DEI LEGES NUNC HÆC IPSA DESPICIO, QUONIAM AB IPSO ME EA RECEPTURUM SPERO. — Addit Josephus, cap. x : « At ille exclamans : Ignoratis, inquit, eodem me quo mortuos hos et patre satum et matre editum esse, iisdemque nos in ædibus educatos? non abjurabo tam nobilem fraternitatis cognitionem. Tum illi hominis libertatem graviter ferentes, laceratoriis machinis manus ejus et pedes exarticulant, laxatisque commissuris, membratim dilacerant et digitos et brachia, et crura, et cubitos confringunt. Cumque eum extinguere nullo pacto possent, detractam cum summis digitorum capitibus pellem dilaniant. Deinde eum protinus ad rotam ducunt : cui circumjectus, cum vertebratim exarticularetur, cernebat carnem suam discerpi, et ex visceribus distillantes guttas sanguinis, jamque moriturus dixit : Nos quidem, o impurissime tyranne, ob Dei disciplinam, virtutemque hæc patimur; at tu ob impietatem cædesque nefarias immensos feres cruciatus. » Josephum secutus S. Ambrosius *De Jacob et vita beata*, cap. xi, ait tertium hunc dum cruciaretur dixisse : « Non faciam voluntatem

tuam, non succumbam imperio tuo. Per beatam illam fratrum passionem et nobilem vitam non negabo piam germanitatem. Quæ vis adhibeto supplicia, quibus magis urgeas : hoc proficies asperitate pœnarum, ut majora testimonia nostræ germanitatis accipias. Jussit itaque ei linguam amputari. Et ille exclamans : Victor es, inquit, Antioche, qui organum vocis abscindi jubes. Confessus es te respondere non posse rationi, majoraque probas linguæ nostræ flagella, quam tua verbera. Nos enim tua verbera non timemus, tu nostræ vocis flagella non potes sustinere. Sed hæc pietatis flagella sunt, tua flagella perfidiae. Sed etiam sublata, gravius te suo cadens murmure flagellabit. Evadere tu putas, Antioche, si vocem eripias? Et tacentes Deus audit, et magis audit. Ecce aperui os meum, laxavi linguam meam, abscinde linguam; sed non abscondes constantiam, non virtutem auferes, non rationem oblitterabis, non eripies testimonium veritatis, non eripies cordis clamorem. Si lingua amputatur, sanguis clamabit, et dicetur tibi : Vox sanguinis fratris tui clamat ad me. » Et paulo post : « Loquaciora sunt vulnera, etsi vulnera teguntur, etsi abscondatur cicatrix, non absconditur fides; nec tamen plaudas, quod auferendo linguam, confessionem laudis eripias. Satis enim Deum sermone laudavi, nunc passione laudemus. »

13. ET HOC ITA DEFUNCTO QUARTUM VEXABANT. — Vers. 13. Hi posteriores plus passi sunt quam priores : Primo, quia acrius in eos ira regis efferbuit ob tot acres priorum in regem exprobrationes. Secundo, quia hi ætate erant juniores, ideoque viribus, et animo infirmiores. Tertio, quia hi compatiendo fratribus ita excruciatibus per compassionem patiebantur eadem quæ ipsi. Quarto, quia eadem passuros se mox cernebant. Itaque acri fratrum tortura, et longa sue torturæ repræsentatione, æque ac expectatione gravius torquebantur. Unde S. Leo, sermone *in nativit. septem Machab.* : « Regis impietas, inquit, id ex cogitavit, ut victoriam sibi, et de primis promitteret, quos sine tolerantiae cruciaret exemplo et de postremis, quos in supplicio torqueret alieno, multiplicatæ sunt martyrum palmaræ; et dum singuli in omnibus vincunt, præter coronas proprias, omnes acquisivere septenas. » Addit S. Ambrosius, lib. *De Jacob.* : « Et hoc perempto, ait, jussit quartum vinciri ad rotam, ut ejus vertigine membris omnibus solveretur, » etc. an forte quia torquere, etiam versare est poetis atque oratoribus? an potius quia initium cruciatum erat in equuleo, sive in rota distendi, ad fusarium et nervorum diverberationem? Ita Salianus.

14. ET CUM JAM ESSET AD MORTEM, SIC AIT : POTIUS Vers. 14. (satus) EST AB HOMINIBUS MORTI DATOS SPEM (resurrectionis vitæ et gloriæ æternæ : hanc enim vivam habuere hi septem fratres; ideoque illa animati regi et tormentis resultarunt, imo insultarunt : porro spem vocant rem speratam, puta vitam et gloriam æternam per metonymiam) EXSPECTARE

A DEO, ITERUM AB IPSO RESUSCITANDOS; TIBI ENIM RESURRECTIO AD VITAM NON ERIT, — sed ad gehennam et mortem immortalem. Addit Josephus, cap. x, eum dixisse : « Non sic urentem habetis ignem adversum me, ut ego remollescam ; » cumque Antiochus ei linguam præscindi juberet, subiecisse : « Etiamsi vocis instrumentum auferas, etiam silentes exaudit Deus; nam divinarum laudum cantatricem linguam amputas. » Josephum paraphrasten paraphrastice explicans illustransque S. Ambrosius, lib. *De Jacob*, cap. xi : « Et nec perempto, inquit, jussit quartum vinciri ad rotam, ut ejus vertigine membris omnibus solvereatur. At ille cum torqueretur immaniter : Dissolvitur, inquit, corporis membra, sed adjungis gratiam passioni, nec eripis solatium morti. Est enim vox tonitrui in rota, quia in bono et inoffenso vitæ istius cursu cœleste resultat oraculum, sicut in Joanne et Jacob filiis tonitrui resultabat. Itaque illud quod legi, nunc manifestius recognosco, quia rota intra rotam currit, nec impeditur. Teres enim vita sine ulla offensione in quavis passione versatur, et intra hanc quoque rota currit. »

Vers. 15. **15. ET CUM ADMOVISSENT QUINTUM, VEXABANT EUM**

— cruciando, ut cæteros priores. Addit Josephus cap. xi : « Satellites eum constringunt, et ad catapultam trahunt, eoque catapultæ in genua alligato, genibus ferreis pedicis astrictis, ejus lumbos circum orbicularem cuneum inflectunt, ita ut totus circum rotam, scorpii instar, inflexus exarticularetur. Hoc pacto cum et spiritus ejus opprimeretur, et corpus angeretur, dixit : Praeclaratu quidem nolens, o tyranne, confers in nos beneficia, dum efficis ut tanto generosioribus doloribus nostram pro lege tolerantiam exeramus. » S. Ambrosius vero loco citato de hoc sic ait : « Quintus cum sisteretur, cæso prius, eidem jussit ignes admoveri, subjici, incendi. Manabat e vulneribus crux, et effossis ulceribus sanguis effusus ipsos flamarum extinguebat globos. At ille inter flamarum crepitus audiebatur dicens : Gratias tibi, Domine, quod dedisti nobis dicere : Transibimus per ignem. Et sicut alibi idem tuus dicit Propheta : Ignis nos examinasti, sicut igne examinatur argentum. Adstabo tibi sicut aurum purgatus incendio : et si quid fuit culpæ, ignis exussit. Itaque et iste transfiguratus e corruptela ad incorruptionem, vitam exhalavit. » Porro Gorianides ait quintum dixisse : « Noli in corde tuo cogitare quasi me Deus reliquerit, quia ex suo in me amore ad istam me gloriam duxit. Tu vero impius, blasphemus et rabidus es, ideoque te odio prosequens, te excitat ad omnia ista in nos facienda, quasi ipse paratus ad vindictam de te tuoque semine sumendum, et suum contra te totamque domum tuam furorem accendet. »

Vers. 18. **18. POST HUNC DUCEBANT SEXTUM, ET IS MORI INCIPiens SIC AIT: NOLI FRUSTRÄ ERRARE; NOS ENIM PROPTER NOSMETIPSOS HÆC PATIMUR PECCANTES IN DRUM**

NOSTRUM. — Major in hoc sexto elucet humilitas, contrito, et compunctio de peccatis, non tam suis, quam totius gentis; par tamen cum cæteris in eodem emicuit animi magnitudo. Unde S. Ambrosius loco citato paraphrastice ejus dicta sic illustrat : « Nostrorum hoc delictorum est pretium, ut peccantes puniamur. Et gratias Domino, quod hic a nobis duplia peccata exiguntur, ut ibi nobis consolatio deferatur. Gratias autem et tibi, quod tam durus et immittis es, ut talibus nostris suppliciis, Dominus in quem peccavimus genti nostræ propitius fiat. Nos quoque ablevamus ærumnam, dum fidei passionibus delectamur. Et iste duris et asperis laceratus suppliciis appositus est ad fratres suos. » Addit Josephus, cap. xi, sextum adolescentiorem dixisse : « Ego ætate fratribus junior, animo sum æqualis; ad eadem enim et geniti, et educati, pro iisdem similiter mori debemus. Itaque, si tibi videtur abstinentem ab immundorum esu torquere, torque. Hæc locutum ducunt ad rotam, et ab ea ille membratim distenditur, discriptisque membris succenditur; et acuta ferra igne candardia ejus tergo admoveuntur, ac perforata ejus latera, et viscera comburuntur. Ac ille inter tormenta : O sacrum certamen, inquit, ad quod ob pietatem exercendi doloribus tot fratres vocati, non victi sumus. Est enim invicta, o tyranne, pia scientia virtute armata. Moriar ego quoque cum fratribus meis, et tibi ipse quoque magnas addam furias. O novorum tormentorum excogitator, et vere piorum hostis! sex adolescentes tyrannidem tuam abolevimus. Nam quod rationem nostram de sententia dimovere non potuisti, neque ad immundorum esum cogere, an non est tui abolitio? Frigidus est nobis ignis tuus, et nullius doloris efficientes catapultæ. Non enim tyranni, sed divinæ legis satellites nos stipant : ideoque invictam habemus rationem. »

Nota : Acre ideoque illustre fuit martyrium horum septem Machabæorum; ideoque Ecclesia eorum celebrat festum præ aliis sanctis veteris Testamenti prima die augusti, præsertim Romæ, ubi sacra eorum lipsana requiescunt in templo S. Petri ad vincula, ut testatur S. Augustinus, *serm. 109, cap. vi*, ac magno populi concursu et devotione frequentantur. Causæ sunt multæ : *prima*, quod hi primi expresse et publice certarint pro vera Dei fide et cultu; *secunda*, quod in veteri Testamento id fecerint, cum obscura esset fides, et cognitio tam Dei et Christi, quam futuræ vitæ et resurrectionis; *tertia*, quod passi sint in ætate tenera et juvenili, cum vita summe est jucunda, et mors summe acerba; *quarta*, quod persecutores et tortorem habuerunt Antiochum Epiphænum tyrannum sævissimum et crudelissimum; *quinta*, quod fortissime ei restiterint, imo singuli eum acriter increparint, et scelerissimum nuncuparint; *sexta*, quod omnis generis tormenta subierint, ut flagra et nervos taurinos, vers. 1, lin-

guae amputationem æque ac manuum et pedum, item excoriationem capitis et forte totius corporis, vers. 4, ollas et sartagines in quibus igne, pice, sulphure cremabantur et torrebantur, vers. 3. A Judæis his disce, Christiane, quid tibi facendum sit in qualibet tentatione, persecutione, afflictione, quæ longe est minor, quamque generose eam superare debeas: « Nondum enim usque ad sanguinem restitistis. » *Hebr. xii.* Quis te in tympano distendit et pulsavit? Quis in olla bullivit? Quis in sartagine frxit? uti septem his fratribus contigit, qui tamen omnia forti alacrique animo sustinuerunt, ut tu in tuis modicis idem facias spe beatæ æternitatis. « Quod enim in praesenti momentaneum est, et leve tribulationis nostra supra modum in sublimitate æternum glorie pondus operatur in nobis. » *II Cor. iv.* Porro stimuli ad hæc omnia generose sustinenda et superanda Machabæis fuere: *primo* fides et spes in Christum mox futurum, ex cuius meritis prævisis Deus dedit eis copiosam gratiam, fortitudinem et constantiam; *secundo*, spes melioris vitæ et beatæ resurrectionis, quod scilicet membra, quæ tormentis exponebant a Deo illis reddenda forent in resurrectione, eaque splendida et gloriosa; *tertio*, quod cruciatus futurus esset modicus et brevis; præmium vero in cœlo immensum et æternum. Hoc enim omnes martyres animavit in tormentis etiam acerrimis; unde S. Sebastianus S. Marcum et Marcellianum ob parentum complorationem vacillantes corroboravit hoc dilemmate: Cruciatus vobis inferendi, aut erunt graves, aut leves. Si graves, cito mortem inferent, et vos ad cœlum transmittent. Si leves, erunt toleratu faciles. Utroslibet ergo fortiter sustinete, quia dolor brevis æternum vobis pariet gaudium. Momentum enim quod cruciat; æternum est quod delectat. *Quarto*, quod mater singulos animose hortaretur et acriter stimularet ad persistendum in patria religione; *quinto*, Eleazari senis de quo, cap. præced., in diris tympani cruciatibus verum patientiæ exemplum.

Vera. 20. 20. SUPRA MODUM AUTEM MATER MIRABILIS, — quæ in Græcorum Calendario nuncupatur *Salome*; a Josepho *Salomona*; a Gorionide et Genebrardo *Anna*, id est gratia; a S. Thoma *Machabæa*, quia Machabæorum mater. Rursum a Josepho cap. xv, *Abraa*; quia, inquit, « piæ Abrahami tolerantiae filia recordata est; » ac sicut Abraham suum Isaac, sic ipsa septem filios Deo immolavit. Miris elogiis eamdem celebrat Joseph. « Non ita luna, inquit, in cœlo cum astris venusta stat, sicut tu, quæ septem stellas, scilicet septem filios ad pietatem illuminasti, gloriosa coram Deo stas, et in cœlo una cum illis infixæ es. » Unde cap. xv, ejus robur admirans exclamat: « O mater gentis, vindex legis, pietatis propugnatrix, victrixque certaminis quod per viscera gestum est! O maribus continentia generosior, et viris patientia fortior. Sicut enim arca Noe in universo illo totius mundi dilu-

vio mundum ferens, fluctus constanter sustinuit; sic et tu custos illa legis, cum affectionum diluvio obruereris undique, vehementibusque quasi tormentorum ventis tundereris, susceptum pro pietate certamen egregie pertulisti. » Quocirca S. Cyprianus, lib. *De exhort. ad martyrium*: « Tam grande; inquit, martyrium Deo præbuit virtute oculorum suorum, quam præbuerunt filii ejus tormentis et passione membrorum. » Et D. Chrysostomus, hom. 4 *De verbis Isaiae*: « Mater, inquit, martyrum septies ipsa martyrium præstitit; dum enim illi torquebantur, illa plagam accipiebat. » S. Ambrosius, lib. I *Offic. cap. xli*: « Spectabat, inquit, læta filiorum, quot funera, tot trophæa, et morientium vocibus plusquam psallentium cantibus delectabatur: pulcherrimam ventri sui cytharam (septem quodammodo fidibus instructam) in filiis suis cernens et pietatis harmoniam omni lyræ numero dulciorem. » Quam virtutem D. Gregorius Nazianzenus, *Orat. xxii*, incredibiliter admiratus: « O virilem, inquit, animum in muliebri corpore! O sacrificium, Abrahæ sacrificio majus ac præstantius! Nam ille unum alaci animo obtulit, hæc autem populum universum filiorum Deo consecravit. »

21. **SINGULOS ILLORUM** (dum singuli ordine ætas ab Antiocho evocati irent ad examen et tormenta, mater singulos ad constantiam) HORTABATUR VOCE PATRIA, (id est Hebraica, ait Josephus. Melius Salianus vocem patriam interpretatur generosam et virilem, qualis solet esse vox patris, q. d. Hortabatur vox non materna et feminea, sed patria et virili: unde τὸ «patrius» non a patria, sed a patre deducitur, idemque est quod « paternus: » hoc enim significat Græcum πατρίδος, q. d. loquebatur viriliter, ut pater, non feminee ut mater. Quocirca explicans subdit:) FORTITER (Græce generose) REPLETA SAPIENTIA, ET FEMINEA COGITATIONI MASCULINUM ANIMUM (vocemque) INSERENS. — Audi Nazianzenum, *Orat. xxii*, affectus et gestus hujus heroinæ graphice depingentem: « Strenua mater, et vere illorum tali virtute præditorum parens; illa, inquam, præclara et magnanima legis alumna, prius quam gaudio, simul ac timore afficiebatur, atque in duorum affectuum confinio posita erat: nam ut ex eorum fortitudine, iisque quæ videbat lætitiam capiebat; sic rursus cum incertum pugnæ eventum, incredibilemque tormentorum magnitudinem secum reputaret, timore angebatur: ac proinde illos non secus, atque avicula pullos suos arripiente angue, aut alia quapiam insidiosa fera, circumvolabat, stridebat, obsecrabat, una cum ipsis certabat, nihil denique non dicebat ac faciebat, quò illos ad victoriam paratores alacrioresque, redderet. Cruoris guttas rapiebat, fragmenta membrorum excipiebat, reliquias adorabat, hunc colligebat, illum porrigebat, alium parabat, omnibus acclamabat: Euge, filii mei, euge strenui mei milites, euge in corporibus ferme incorporei, euge legis,

canæque senectutis meæ, atque civitatis quæ vos aluit, et ad eam virtutis magnitudinem evexit, præsidium ac propugnaculum. Paulum adhuc et vicimus, defatigantur carnifices : hoc unum extimesco. Paulum adhuc, et ego inter mulieres beata, et vos inter adolescentes beati. At fortasse matris vos desiderium angit? nequaquam vos deseram. Hoc vobis polliceor, non tam liberos meos odi.

Vers. 24. 24. ANTIUCHUS AUTEM — cruciabatur rex constantia tanta martyrum, quod eos expugnare non posset, sed a singulis vinceretur; ideoque pudefactus et indignans se a pueris despici, septimum fortissime aggreditur, ut eum vincens cæteros viçisse videatur, sed ab eo magis quam ab aliis victus cum acrius præ aliis ipse regi insultaret, rex desperans actusque in furorem in eum præ cæteris desæviit: quare minimus hic natu frater cæteros fratres suos ætate maiores tam cruciati bus, quam animositate et tolerantia heroica superavit.

ET RES NECESSARIAS EI PRÆBITURUM. — Ex Græco verti potest se ei *crediturum negotia sua*, hoc est eum amicum intimum et secretum habiturum, cui regni sui negotia et regimen credat et committat, quemque provinciis suis quasi præsidem præficiat.

Vers. 25. 25. VOCAVIT REX MATREM, — ut mater filio suaderet obediare regi.

Vers. 27. 27. ITAQUE INCLINATA AD ILLUM (filium natu minium), IRRIDENS CRUDELEM TYRANNUM (nota animos plusquam masculos in femina), AIT PATRIA VOCE (loquens sermone Hebraico, non Græco, quali loquebatur Antiochus, ut secretius et intimius intimum filii cor pungeret et feriret. Ita Josephus aut potius « patria, » id est virili « voce. » Sic vers. 8, secundus patria, id est virili voce dixit: « Non faciam. » Vide dicta vers. 21, q. d. Loquebatur forti voce et generosa, non quasi femina et mater, sed quasi pater et vir :) FILI MI, MISERE MEI, — ne tu solus turpi apostasia me matrem tuam contristes et excrucies, sed potius sollicitam de te solo tua constantia lætifices; valde enim me affliget, si tu a fratribus tuis degener, tyranno consentias, animamque tuam perdas, ac me fratresque tuos æterno dedecore afficias. Audi S. Gregorium Nazianzenum, Orat. 22 *De Machabæis*: « Mater omnium matrum sacratissima effecta sum, nihil mundo reliqui feci; omnia Deo traxi; thesaurum meum, spes meas, senectutis altrices. Quam magnifice honorata sum! Quam excellenter senectus mea curata atque tractata est! Habeo educationis vestræ præmia, o filii, quoniam omnes virtutis causa decertantes vidi, omnes victores aspexi: mihi vero carissimi filii, nequaquam mortui atque extinti; sed Deo oblati estis, nec lacerati, sed compacti et coagmentati, non fera vos abripuit, non fluctus obruit, non latro jugulavit, non hostis oppressit, non vis belli sustulit, non denique ullus humanus casus. »

ET LAC TRIENNIO DEDI. — Hoc multæ matres fecerunt per triennium, idque medicis rationibus probat et laudat Franciscus Valesius *Sacrae philos.* cap. LXXXIII. Si quis infans ultra triennium matris lac sugat vulgari scommate Manotreptus vocatur, ait S. Augustinus in *Psal.* XXX.

28. PETO, NATE, UT ASPICIAS AD COELOM ET TERRAM, ET AD OMNIA QUÆ IN EIS SUNT, ET INTELLIGAS QUA EX NIHIL FECITILLA DEUS, — ac proinde cogites te quoque ex nihilo a Deo creatum, et eum solum quasi creatorem timeas, ames, colas, eique obedias; nec timeas tyrannum, quem pariter Deus creavit, eique limites sœviendi præfixit, ut non plura nec majora tibi possit inferre tormenta, quam Deus permiserit, qui scit quantum com mode pati possis, quamque copiosam gratiam et robur ad ea sustinendum sit tibi datus ut te in terra victorem, in cœlo triumphantem præmiet, et corpus a tyranno laceratum, sanum et glorio sum tibi in resurrectione restituat. Audi S. Ambrosium, lib. II *De Jacob*, cap. xi et xii, paraphrastice hæc illustrantem: « Miserere mei, quæ te in utero tot mensium curriculo portavi, ne uno momento confundas senectutem meam, ne decolor es tot fratum tuorum trophæa, ne sacrum eorum comitatum relinquas, ne consortium deseras. Te adhuc isti exspectant triumphi. Aspice in cœlum, unde hausisti spiritum, ad Patrem omnium: aspice in terram, quæ tibi ante alimoniam ministravit; aspice ad fratres, qui collegam requirunt: aspice ad matrem, quæ tibi lac dedit: redde mercedem pii sanguinis, noli a fratribus, noli a matre divelli. Temporales opes sunt, quas promittit Antiochus, temporales honores: perpetua corona quæ a Deo omnipotente defertur. Vos mihi septem dierum lumina dedit Dominus, sextum jam diem clausi, et omnium opera bona valde. Debes mihi, fili, ut quæ in illis sex laboravi, in te requiescam septimo, tanquam a sœculi operibus jam feriata. »

Simili robore et ardore S. Symphorosa e capillis suspensa filios ad sui imitationem et martyrii æmulationem incitabat, teste Usuardo, Beda et aliis. « Eia, inquit, o mea non tam pignora, quam viscera! Attendite ad petram unde excisi estis. Patrem habuistis Getulium Christi martyrem: matrem habetis Symphorosam ad martyrium festinantem, et exultantem. Quid dubitatis vestros sequi, o boni filii, parentes, et quæ vobis pro Christo infligentur, non tormenta, sed blandimenta reputare? Hos patior femina imbecilla cruciatus: patimini et vos constantes viri. Meo nutriti lacte, vestro me sanguine recreate. Porrexii ubera, redite vulnera. Hoc beneficio maternum obsequium rependite. Nullum mihi charius vestræ in me charitatis argumentum. Vivam, si vos pro Christo mori sensero. Felicissima erit vita vestra, si felicissima pro Christo morte coronetur. »

Pari fortitudine mater S. Melitonis qui junior erat 40 Martyrum (quorum festum Ecclesia cele

brat die 9 martii), cum ei adhuc spiranti carnifex parcere vellet, tum impulit ad martyrium : « Nam ut vidi, inquit Nyssenus, Orat. De 40 Martyr., humanitatem carnificis erga virum fortē, contumeliam non tulit; sed illum quidem increpabat, quod a commilitonibus et collegis Athletam segregasset. » Et mox ad filium conversa : « Non meus, inquit, filius es tu; non mei partus germen? quoniam Deum recepisti, secundum Deum natus es. Accepisti potestatem, ut filius fieres : curre ad Patrem tuum; ne relinquaris a tuis coævis; ne secundus ad coronam venias; ne irritum facias votum maternum : non offendes matrem, si vicitor, si triumphator evaseris. » Et S. Basilius, hom. De iisdem 40 Mart.: « Non enim, inquit, lacrymam indecoram effundere, aut aliquid humile loqui, vel indignum agere visa est. Sed, o nate, inquit, perfice cum tuis contubernalibus iter beatum, ne a chorea deseraris, neve inferior aliis appareas. » Et statim ad matris laudem regressus : « O matrem, ait, felicem! o bonæ radicis bonum germen! ostendit generosa parens quemadmodum pietatis institutis eum, magis quam lacte, educaverat. » Quocirca ipsa, Melitone in humeros sublato, vehicula martyrum corporibus onusta strenue prosequebatur, in cuius amplexu Meliton spiritum Deo reddidit, ejusque corpus in eumdem illum cæterorum martyrum rogum pia mater injecit, ut qui fide et virtute fuerant conjunctissimi, funeris etiam societate copulati, una in cœlum evolarent.

Suppar hisce exstitit mater S. Symphoriani martyris, qui, dum ad supplicium duceretur, matrem clamantem audiens : « Nata, nata, memento æternæ vitæ, cœlum suspice et ibi regnantem intuere; tibi enim vita non eripitur, sed mutatur in melius, » fortiter Jesu Christi causa collum carnifici præbuit, cuius triumphum recolit Ecclesia die 22 augusti.

Æmula harum nuper in Japone exstitit heroina Thecla, quæ ut Phœnix inter odores, sic inter filios flagravit : « Ite, o filii, ait, ad rogum quasi ad regnum. Ambulabimus inter prunas, ut inter gemmas: recumbemus inter flamas, ut inter plumas; quiescemus inter accensas pyras, ut inter maternas ulnas: spiritus oris nostri Christus Dominus. Cum noster a nobis spiritus recesserit, Christus subbit. Ille reget melius nostras animas, quam ipsæ nostros artus animabant. Macte animo, o filii, pro Christo qui est vita vestra, vestram libentes vitam profundite. Hic rogus vobis uterus erit non maternus, sed divinus, ex quo non in hanc vitam morti similem, sed in veram et æternam exeat. Pergite, gaudium meum et corona mea. Vestra me tormenta exhilarant, vestra incendia coronant. Quidquid lactis ex me suxistis, mihi abunde compensabitis, si vestrum pro Christo sanguinem profundatis; generosam me appello vitem, quam tam generosi pampini circumdant. Pergite, filii, ad tormentum quasi ad trophæum. »

30. CUM HÆCILLA ADHUC DICERET, AIT ADOLESCENS: QUEM SUSTINETIS, — id est qualem me fore exspectatis? An ut Antiocho obediam? minime gentium: Deo enim et matri divina consilia sugerenti parebo, ac fratribus meis me similem experiemini, uti hactenus experti estis. Sic « sustine » vers. 17, sumitur pro « exspecta. » Porro Gorioides ait septimum dixisse: « Quid me tardas, et pergere non sinis una cum sanctis fratribus meis? mihi haud persuaseris ut vanitates tuas complectar. Non recedam a Domino et sancta ejus ac immaculata lege, quam Moysis servi sui opera dedit Israeli populo suo, et filiis servorum suorum. Et tu, o Belial pessime, malorum inventor, Antioche, homo injurioso, osor veritatis, quam blasphemas et calumniaris, quo ibis, et quo fugies a facie Domini nostri, cuius est terra, et plenitudo orbis, et qui habitant in ea? Adhuc vivificabit nos et exaltabit, et magnificabit præ omnibus, vel super omnem gentem. »

36. NAM FRATRES MEI MODICO NUNC DOLORE SUS- Vers. 36.
TENTATO (fortiter tolerato) SUB TESTAMENTO ÆTERNAE VITÆ EFFECTI SUNT, — id est vita æterna fruuntur in limbo, exspectantes beatam Dei visionem in cœlis post mortem Christi, quæ vita eis a Deo promissa est per testamentum, id est foedus et pactum quod cum Hebreis iniit, et per Mosen, Exodi xxiv, et passim in Deut. conscripsit. Audi S. Ambrosium: « Itaque proripiens se juvenis, ait: Quid sustinetis? Et multa vociferans, quod nequaquam divelli posset a fratribus consortiis, quorum multo beatiora essent funera quam regis imperia; dum argueret conviciis regem, et ipse acerbis excruciatu tormentorum generibus, vitæ hujus munus absolvit. » Porro Josephus, cap. xii, hæc aliter enarrat; sic enim ait: « Solvite me, inquit (erat enim septimus hic filius catenis vinctus quasi reus,) ut regem et ejus amicos omnes alloquar. Hoc illi pueri promisso supra modum gavisí protinus eum solvunt. Et ille, cum ad propinquam quamdam cucurisset sartaginem: O impie, inquit, et omnium improborum sceleratissime tyranne, non veritus es, cum a Deo tum bona cætera, tum regnum acceperis, et ejus servos interficere, et pietatis cultores excruciare, pro quibus te reservat Fas, et densiori et eidem æterno igni, atque tormentis nulla unquam sæculorum serie intermittendis. Non veritus es, homo belluine, ejusdem tecum generis hominum, et ex iisdem ortorum elementis linguas præcidere, eosque in hunc modum vexatos torquere. Enim vero illi fortiter occumbentes sua in Deum pietate perfecti sunt: at tu, misere, plorabis, qui virtutis propugnatores insontes interemeris. Itaque ipse moriturus a fratribus meorum virtute non aufugio. Hæc fatus seipsum in sartagines dejicit atque ita animam ponit. » At hoc non consentit cum eo quod subdit S. Scriptura, dicens:

38. IN ME VERO ET IN FRATRIBUS MEIS DESINET OM- Vers. 38.
NIPOTENTIS IRA — quasi in victima pro peccatis to-

tius Israelis. Id factum est anno sequenti, ut audiemus cap. viii; 1, fuit ergo hæc cygnea vox puri et innocentis Jacob, qua ipse quasi vetus propheta moriens promeruit, et prædictum salutem Israeli.

Vers. 39. 39. TUNC REX ACCENSUS IRA IN HUNC SUPER OMNES CRUDELIUS DESÆVIT, INDIGNE FERENS SE DERISUM — tam a matre quam a filio.

Vers. 40. 40. ET HIC ITAQUE MUNDUS (ab esu carnis porcinæ, ab apostasia, a violatione legis) OBIUIT PER OMNIA IN DOMINO CONFIDENS, — quod ab eo membra ejus amore laniata reciperet gloriosa in beata resurrectione. Porro horum septem Machabæorum martyria fuere totidem miracula, inter quæ uti atrocius, ita generosius et illustrius fuit hoc septimi, et omnium minimi. Nec enim puer tot tamque horrenda tormenta continuo viribus naturæ ferre et superare potuisse, multo minus tantam alacritatem et animositatem qua tyranno insultavit, ostendere. Hoc ergo fuit opus gratiæ Dei per merita prævisa Christi, cuius hi septem martyres fuere typi, ideoque plagis cœsi, ad palos distenti, et igni frixi fuere, ut Christus flagellatus, in cruce distentus, et igne tum doloris, tum amoris pro nobis assus frixusque fuit.

Sic post Christum pueri et puellæ, ut S. Agnes, S. Vitus, S. Celsus, S. Pancratius, tum tormentorum acerbitate et varietate, tum animi robore et alacritate superarunt martyres viros: nimurum:

Major in exiguo regnavit corpore virtus.

Et «virtus» divina «in infirmitate» humana «perficitur.» In parvis enim magnus vincit et triumphat Christus, ideoque ipse «infirma mundi elegit, ut confundat fortia,» ut «qui gloriatur» non in se, sed «in Domino gloriatur» I Corinth. I.

Vers. 41. 41. NOVISSIME AUTEM POST FILIOS ET MATER CONSUMPTA EST. — Græce ἐτελέσθη, id est mortua est. At quo genere mortis? Primo, alicui putant eam mortuam ex ingenti gaudio, quod videret omnes filios tam gloriose de tyranno triumphasse. Ita Marius Victorinus in carmine *De Machabæis*.

Dum puer, *inquit*, ista gerit, solverunt gaudia matrem.
Jamque ut erat laxata malis jam voce negata
Susppirans, interque manus collapsa suorum
Concidit exanimis, resolutaque membra querunt,
Sic ipsa et mater Sanctorum in parte recepta est.

Sic nonnullæ Romanæ matres gaudio exanimatae sunt, cum subito viderunt filios, quos in pugna contra Annibalem cecidisse audierant, teste Lívio, lib. XXII, et Valerio, lib. IX, cap. XII. Secundo, Gorionides ait eam a Deo postulasse mortem, et impetrasse. «Hæc, *inquit*, mulier fortis stans super eorum cadaveribus, palmas suas in cœlum expandit, et dixit: O Deus excelse, Deus sæculi, abeam, quæso, cum filiis meis, ego ancilla tua, in locum quem parasti eis. Et cum hæc dixisset, reddidit animam suam, et exiit spiritus ejus, et cecidit ipsa super filios, et cum ipsis obiit,

sicque fidelissimis filiis felicissima tandem mater adjuncta est. » *Tertio*, verisimilius est eam frixam fuisse in sartagine instar filiorum, hoc enim significat το «consumpta est:» et hoc exigebat, tum ejus magnanimitas et magnanima tyranni irrisio, tum ipsius tyranni in eam indignatio et furor. Addit Josephus eam seipsam in ignem sibi paratum injecisse, uti fecit S. Apollonia ex Dei instinctu. Audi Josephum ex Græco ejus textu: «Novissime filiis omnibus consumptis, admirabilis tantorum athletarum parens in cruenta pœnarum carnificina flexis repente genibus, corporis a Deo dissolutionem efflagitabat. Non enim vivendi cupiditate, sed filiorum causa tantum tempus protraxisse. Septem igitur triumphos mater pientissima suscepit. Antiochus fauibus stridet, matrem generosam affligere jubet, tyrannice rapitur, teneris nudatur artibus, in altum manus alligantur, sævius illuditur flagellis, læsis mœret uberibus, ac flammivomæ adjecta sartagini ambustos ultro filios concomitatur in pœnas. » Merito S. Ambrosius, lib. II *De Jacob*, cap. xi: «Quis, *inquit*, hanc beatam neget, quæ quasi septem vallata mœnibus, inter corpora filiorum nullum sensit mortis incursum? Quis, inquam, dubitet de ejus beatitudine, quæ septem turribus circumdata in paradisi sedem caput extulit; quæ septem filiis cincta, sacratissimum Deo chorum, non solum canorum vocibus, sed etiam passionibus ad concinendas Domini laudes celestibus invexit altaribus? Quam bonus fidei partus, quam tutus portus iste pietatis, quam splendida lucerna Ecclesiæ, septeno fulgens lumine, et octavo utero cunctis luminibus oleum subministrans! » Quocirca S. Augustinus de ea ait serm. 109 *De diversis*, cap. vi: «Discant feminæ de matris illius tanta patientia, ineffabili virtute, quæ noverat conservare filios suos. Habere noverat quæ perdere non timebat. Isti in se singuli sentiendo, illa vivendo in omnibus passa est. Facta mater septem martyrum, septies martyr, a filiis non separata spectando et filiis addita moriendo. » Et cap. vii, ait eam dixisse filio: «Ibi te mihi servabit Christus, unde non tollet Antiochus. » Rursum S. Ambrosius, lib. VII *De Jacob*, cap. xii: «Non sic luna, *inquit*, inter stellas refulget, ut inter filios mater: et cum eos ad martyrium illuminatura duceret, refulgebat, et cum amplexata victores in medio filiorum jaceret. O vere mater adamante fortior, melle dulcior, flore fragrantior! o indissolubile pietatis vinculum! o vere valida charitas sicut mors dura, sicut inferi zelus devotionis ac fidei! Nulla tantarum diluvia passionum tuam potuerunt charitatem excludere, nulla inundare eam flumina tantarum acerbatum. Sicut arca in illo mundi diluvio totius orbis spatiis innocua ferebatur, ita et tu adversus fluctus tam gravium passionum pietate immobilis restitisti, et cum posses salutem filiorum eligere, nolueristi. »

Similis prorsus huic septem Machabæorum matre fuit S. Felicitas septem filiorum totidemque martyrum mater, quæ eosdem peperit cœlo quos genuerat terræ. Cum enim sub Antonio Imperatore, Publius Præses ei diceret : « Miserere filiis tuis, juvenibus bonis, et flore primæ juventutis florentibus, » respondit Felicitas : « Misericordia tua impietas est, et exhortatio tua crudelitas est. » Et conversa ad filios suos dixit : « Videte, filii, cœlum, et sursum aspicite : ibi vos exspectat Christus cum sanctis suis. Pugnate pro animabus vestris, et fideles vos in amore Christi exhibete. » Nec tantum dixit, sed et fecit ; nam et ipsa gloriosum obiit martyrii agonem ; unde S. Augustinus, serm. 110 *De diversis*, de ea ait : « Fecundior virtutibus quam fortibus ; videns certantes in quibus et ipsa certabat, et in omnibus vincentibus etiam ipsa vincebat. » Et S. Gregorius, hom. 3 in *Evang.* : « Non ergo, inquit, hanc feminam martyrem dixerim, sed plus quam martyrem, quæ septem pignoribus ad regnum præmissis, toties ante se mortua ad poenas prima venit, sed pervenit octava. Aspexit mater, et cruciata, et imperterrita, filiorum mortem ; spe gaudium tribuit, adhibuit dolorem naturæ. Timuit viventibus, gavisa est morientibus. Optavit nullum post se relinquere, ne si quem haberet superstitem, non posset habere consortem. »

Similis eidem fuit S. Symphorosa, quæ septem filii uti magistra fidei, ita et dux ad martyrium exstitit; cuius triumphum septemplicem, imo octuplicem quotannis recolit Ecclesia die 18 juli.

Hic ergo glorus fuit septem Machabæorum duce matre martyrii triumphus, quem passim Patres miris encomiis celebrant, ut S. Gregorius Nazianzenus, *Orat.* 22, quæ tota est de Machabæis; S. Ambrosius, locis citatis; S. Augustinus, in *epist. I S. Joannis*, tract. 8, et serm. 109 *De diversis*; S. Cyprianus, lib. IV, *epist. 6*; S. Chrysostomus, hom. *De Nativit. septem Machab.*; Prudentius, hymno *De Romano mart.*; Gaudentius Brixiensis, tract. *De Machabæis*; S. Leo, serm. in *Nativit. 7. Machabæis*; S. Ephrem, serm. *De morte*; Victorinus Afer, in carmine *De Machabæis*; S. Prosper, part. II, *Præd. cap. xl*; S. Bernardus, *epist. 98*; Theophilus Alexandrinus, *epist. 3 Paschali*, quem audi : « Quid memorem insigneis Machabæorum victorias, qui ne illicitis carnibus vescentur, et communes tangerent cibos, corpora obtulere cruciatibus, totiusque orbis in Ecclesiis Christi laudibus prædicantur, fortiores poenis, ardentes, quibus comburebantur, ignibus? Victa sunt in eis omnia crudelitatis ingenia, et quidquid ira persecutoris invenerat, patientium fortitudo superavit; inter poenas, magis paternæ legis quam dolorum memores. Lacerabantur viscera, tabo et sanie artus diffuebant, et tamen sententia per severabat immobilis : liber erat animus, et mala præsentia futurorum spe despiciebant. Lassabantur tortores, et non lassabatur fides : frangeban-

tur ossa, et volubili rota omnis compago nervorum atque artuum solvebatur, et in immensum spirantia mortem incendia consurgebant : plenæ erant ferventis olei sartagines, et ad frigenda sancctorum corpora terrore incredibili personabant, et tamen inter hæc omnia paradisum animo deambulantes, non sentiebant quid patiebantur, sed quod videre cupiebant. Mens enim Dei timore vallata flamas superat, varios tormentorum sprevit dolores; cumque semel virtuti se tridderit, quidquid adversi evenerit, calcat et despicit. Qualis fuit Paulus scribens : In iis omnibus superamus per eum qui nos dilexit. » Audi rursum S. Ambrosium, lib. II *De Jacob et vita beata*, cap. xii : « Talis hæc pugna est, ut ille gloriosius vicerit, qui crudelius occisus fuerit. Itaque nemo timuit, nemo trepidavit, nullus ad mortem ex tot fratribus pigrior fuit, sed omnes tanquam ad immortalitatis viam, ita ad mortem per acerba supplicia cucurrerunt. Et mater consona cernens filiorum agmina tanquam pia anima sui membrorum corporis in filiis offerebat, et per artus proprios videbatur sibi subire tormenta. » Et lib. XI, *epist. 7* : « Haud deneger Abrahamicarum et Machabæorum concertatus puerorum, quorum alii super flamas canebeant, alii cum exurerentur, non rogarunt ut parceretur, sed invehebantur ut amplius persecutor inflammaretur. » Porro S. Cyprianus *De exhort. mart. ad Fortunatum*, Machabæorum fortitudinem exaggerat ex eo quod tam generose Antiocho tyranno insultarint. « Quale, inquit, illud levamentum fuit martyri, quam grande solarium ! in cruciatibus suis non tormenta propria cogitare, sed tortoris sui supplicia prædicare. » De matre vero ista subjungit : « Admirabilis quæ mater, quæ nec sexus infirmitate fracta, nec multiplice orbitate commota, morientes liberos spectavit libenter, nec poenas illas pignorum, sed et glorias computavit, tam grande martyrium Deo præbens virtute oculorum suorum, quam præbuerant filii ejus tormentis et passione membrorum.

Tropologicæ, S. Chrysostomus, hom. *de Machab.* docet nos imitari debere Machabæos in robore, ut cum aliqua tentatio nos invadit, cum eis dicimus resolute : « Non faciam, » non violabo legem, non offendam Deum meum : « Quantam illi, inquit, patientiam in periculis corporalibus ostenderunt, tantam nos in passionibus irrationalibus continentiam demonstremus : id est contra iram, et avaritiam, vel inanis gloriæ concupiscentiam divino timore moniti sensibus repugnantes, et consilia diaboli destruentes in nobis. Si enim cupiditatum ignes vicerimus, sicut illi tyrannidis ignem vicerunt, poterimus juxta ipsos et matrem eorum, pari gloria constituti similes haberi. »

Denique singuli hi Machabæi martyres minitantes et prædicentes imminens Antiocho Dei iudicium et supplicium, veri fuere vates. Nam Antiochus post triennium gravibus pudendisque morbis afflictus interiit, ut audiemus cap. ix, ac

filius ejus Eupator vix biennium regnavit interfectus a Demetrio cōsobrino suo, qui quasi Seleuci filius regnum jure sibi debitum occupavit; itaque omnis Antiochi familia extincta fuit.

Porro Machabæi hi Sanctorum catalogo adscripti sunt in Romano martyrologio ad diem primum augusti, ubi sic legimus : « Antiochiae passio Sanctorum septem fratrum Machabæorum cum matre sua, qui passi sunt sub Antiocho Epiphane rege ;

horum reliquiæ Romam translatæ in Ecclesia S. Petri ad vincula conditæ fuerunt. » Quare mirum est nonnullos apud Serarium contendere eas Coloniam Aggripinam esse translatas, ubi et horum Machabæorum Ecclesia exstat, quam cum ibi degerem sæpius vidi et visitavi, nisi quis dicat partem earum esse Romæ, partem Colonie; multorum enim Sanctorum facta est hæc reliquiarum distributio.

CAPUT OCTAVUM.

SYNOPSIS CAPITIS.

Judas Machabæus cum sex milibus invocato Deo gentiles mire exagitat. Mox, vers. 16, acri oratione suos paucos exhortatur, ut animose cum Nicanore configant, certamque a Deo victoriam sperent. Animati ergo configunt, et Nicanorem prosternunt, qui fugiens Antiochiam Dei Israelis fortitudinem ubique celebrat. Pari robo, vers. 30, sternit Timotheum, et Bacchidem impiumque Callisthenem concremat.

1. Judas vero Machabæus, et qui cum illo erant, introibant latenter in castella; et convocantes cognatos et amicos, et eos, qui permanerunt in Judaismo, assumentes, eduxerunt ad se sex millia vivorum. 2. Et invocabant Dominum, ut respiceret in populum, qui ab omnibus calcabatur; et misereretur templo, quod contaminabatur ab impiis; 3. misereretur etiam exterminio civitatis, quæ esset illico complananda, et vocem sanguinis ad se clamantis audiret; 4. memoraretur quoque iniquissimas mortes parvolorum innocentium, et blasphemias nomini suo illatas, et indignaretur super his. 5. At Machabæus, congregata multitudine, intolerabilis gentibus efficiebatur; ira enim Domini in misericordiam conversa est. 6. Et superveniens castellis et civitatibus improvisus, succendebat eas; et opportuna loca occupans, non paucas hostium strages dabat; 7. maxime autem noctibus ad hujuscemodi excursus ferebatur, et fama virtutis ejus ubique diffundebatur. 8. Videns autem Philippus paulatim virum ad profectum venire ac frequentius res eis cedere prospere, ad Ptolemæum ducem Cœlesyriæ et Phœnicis scripsit, ut auxilium ferret regis negotiis. 9. At ille velociter misit Nicanorem Patrocli de primoribus amicum, datis ei de permisitis gentibus, armatis non minus viginti millibus, ut universum Judæorum genus deleret, adjuncto ei et Gorgia viro militari, et in bellicis rebus experientissimo. 10. Constituit autem Nicanor ut regi tributum, quod Romanis erat dandum, duo millia talentorum, de captivitate Judæorum suppleret; 11. statimque ad maritimæ civitates misit, convocans ad coemptionem Judaicorum mancipiorum, promittens se nonaginta mancipia talento distracturum, non respiciens ad vindictam quæ eum ab Omnipotente esset consecutura. 12. Judas autem ubi comperit, indicavit his qui secum erant Juðæis, Nicanoris adventum. 13. Ex quibus quidam formidantes, et non credentes Dei justitiæ, in fugam vertebantur; 14. alii vero si quid ei supererat vendebant, simulque Dominum deprecabantur, ut eriperet eos ab impio Nicanore, qui eos, priusquam cominus veniret, venderat; 15. et si non propter eos, propter testamentum tamen quod erat ad patres eorum, et propter invocationem sancti et magnifici nominis ejus super ipsos. 16. Convocatis autem Machabæus septem millibus, qui cum ipso erant, rogabat ne hostibus reconciliarentur, neque metuerent inique venientium adversum se hostium multitudinem, sed fortiter contenderent, 17. ante oculos habentes contumeliam, quæ loco sancto ab his injuste esset illata, itemque et ludibrio habitæ civitatis injuriam, adhuc etiam veterum instituta convulsa. 18. Nam illi quidem armis confidunt, ait, simul et audacia; nos autem in omnipotente Domino qui potest

et venientes adversum nos, et universum mundum uno nutu delere, confidimus. 19. Admonuit autem eos et de auxiliis Dei, quæ facta sunt erga parentes; et quod sub Sennacherib centum octoginta quinque millia perierunt; 20. et de prælio quod eis adversus Galatas fuit in Babylonia, ut omnes, ubi ad rem ventum est, Macedonibus sociis hæsitantibus, ipsi sex millia soli peremerunt centum viginti millia, propter auxilium illis datum de cœlo, et beneficia pro his plurima consecuti sunt. 21. His verbis constantes effecti sunt, et pro legibus et patria mori parati. 22. Constituit itaque fratres suos duces utrius ordini, Simonem, et Josephum, et Jonathan, subjectis unicuique millenis et quingentenis. 23. Ad hoc etiam ab Esdra lecto illis sancto libro, et dato signo adjutorii Dei, in prima acie ipse dux commisit cum Nicanore. 24. Et facto sibi adjutore Omnipotente, interfecerunt super novem millia hominum; majorem autem partem exercitus Nicanoris vulneribus debilem factam fugere compulerunt. 25. Pecuniis vero eorum, qui ad emptionem ipsorum venerant, sublatis, ipsos usque quaque persecuti sunt, 26. sed reversi sunt hora conclusi; nam erat ante sabbatum: quam ob causam non perseveraverunt in sequentes. 27. Arma autem ipsorum et spolia congregantes, sabbatum agebant; benedicentes Dominum qui liberavit eos in isto die, misericordiæ initium stillans in eos. 28. Post sabbatum vero debilibus, et orphanis, et viduis diviserunt spolia; et residua ipsi cum suis habuere. 29. His itaque gestis, et communiter ab omnibus facta obsecratione, misericordem Dominum postulabant, ut in finem servis suis reconciliaretur. 30. Et ex his, qui cum Timotheo et Bacchide erant contra se contendentes, super viginti millia interfecerunt, et munitiones excelsas obtinuerunt; et plures prædas diviserunt, æquam portionem debilibus, pupillis et viduis, sed et senioribus, facientes. 31. Et cum arma eorum diligenter collegissent, omnia composuerunt in locis opportunis, residua vero spolia Jerosolymam detulerunt; 32. et Philarchen, qui cum Timotheo erat, interfecerunt, virum scelestum, qui in multis Judæos afflixerat. 33. Et cum epinicia agerent Jerosolymis, eum, qui sacras januas incenderat, id est Callisthenem, cum in quoddam domicilium refugisset, incenderunt, digna ei mercede pro impietatibus suis reddita. 34. Facinorosissimus autem Nicanor, qui mille negotiantes ad Judæorum venditionem adduxerat, 35. humiliatus auxilio Domini ab his quos nullos existimaverat, deposita veste gloriæ per mediterranea fugiens, solus venit Antiochiam, summam infelicitatem de interitu sui exercitus consecutus. 36. Et qui promiserat Romanis se tributum restituere de captivitate Jerosolymorum, prædicabat nunc protectorem Deum habere Judæos, et ob ipsum invulnerabiles esse, eo quod sequerentur leges ab ipso constitutas.

PRIORES septem hujus cap. versus ordine temporis et rei gestæ subjungendi sunt versui 1, cap. III, lib. I, cæteri deinde ad finem capitinis inferendi videntur inter vers. 37 et 38 ejusdem cap. III.

Hucusque audivimus fortitudinem passivam Judæorum martyrum, nunc usque ad finem libri audiemus fortitudinem activam Judæorum militum, puta Judæ Machabæi, et fratum ejus. « Romanum est, inquietabat ille, fortia agere; at Machabæum, æque ac Christianum est tam dura pati quam fortia agere. »

Vers. 1. 1. JUDAS VERO MACHABÆUS, etc., EDUXERUNT AD SE SEX MILLIA VIRORUM.—Hisce paucis copiis maximos Antiochi Epiphanis prostravit exercitus, tum quia hi erant quasi desperati, qui pro aris et focis pugnabant, tum quia magna in Deum spe et invocatione prælia inibant: quare Deus eis animos viresque addebat, hostibus vero adimebat.

3. ET VOCEM SANGUINIS (Judæorum innocentium ab Antiocho occisorum, uti audivimus cap. VII et præced.) AD SE (muta voce instar Abel contra parricidam Cainum) CLAMANTIS AUDIRET.

5. AT MACHABÆUS CONGREGATA MULTITUDINE, INTOLERABILIS (Græce ἀνυπόστατος, impabilis, intolerandus, quem nemo tolerare, cuius arma et vires nemo sufferre posset, sed omnes iis cederent et succumberent) GENTIBUS EFFICIEBATUR; IRA ENIM DOMINI (qua Judæorum peccatum hucusque per Antiochum castigarat) IN MISERICORDIAM CONVERSA EST — ut per Judam Judæos ante victos calcatosque ab Antiocho faceret ejus victores et calcatores. Hoc est quod anno præcedenti ultimus Machabæus excruciatu quasi vates prædixerat Antiocho, cap. VII, vers. 38: « In me, inquit, et in fratribus meis desinet Omnipotentis ira. » Hoc enim ut fieret, ipse cum fratribus sua tam heroica

martyrii tolerantia meruere, qua et Judeorum peccata apud Deum expiarunt, ejusque iram in misericordiam et gratiam converterunt; qua factum est ut Deus excitaret Judam Machabæum, ei- que animos et vires adderet, quibus Antiochi copias ubique profigaret.

Vers. 6. 6. ET SUPERVENIENS CASTELLIS ET CIVITATIBUS IMPROVISUS, SUCCENDEBAT EAS. — Hoc enim stratagma est insignium belli ducum, ut ex improviso, ideoque noctu in hostes inermes et imparatos, imo somno vinoque sepultos irruant, itaque eos quasi pecora mactent, uti fecit hic Judas. Idem Romanis faciebat Annibal, ac viceps Romanus Annibali, teste Livio, Justino, Plutarcho et aliis.

Vers. 8. 8. VIDENS AUTEM PHILIPPUS — qui ab Antiocho Jerosolymæ gubernator constitutus fuerat, cap. v, vers. 22. paulatim virum ad profectum venire; scilicet Judam in dies victoriis æque ac animis, viribus et copiis ad eum quasi victorem confluentibus augeri, et proficere, metuens sibi suisque, auxilium petiit a Ptolemaeo Præfecto Cælesyriæ.

Vers. 9. 9. AT ILLE (Ptolemaeus) VELOCITER MISIT NICANOREM PATROCLI (filium), etc., DATIS EI DE PERMIXTIS GENTIBUS, ARMATIS NON MINUS VIGINTI MILLIBUS; — sed postea ad hos longe plures accessere, ut patet, lib. I, cap. iii, vers. 38 et 42.

Vers. 10. 10. CONSTITUIT AUTEM NICANOR (tantis copiis elatus, et certa spe victoriae Judæos omnes quasi devorans) UT REGI (Antiocho) TRIBUTUM QUOD ROMANIS ERAT DANDUM (eo quod Romani ejus patrem Antiochum Magnum bello vicissent; et ad tributum damnassent; summa autem hujus tributi Romanis dandi erant), DUO MILLIA TALENTORUM (ut hoc tributum) DE CAPTIVITATE JUDEORUM SUPPLERET, — ut nimirum totam hanc summam magna ex parte conflaret ex venditione Judæorum a se captivandorum. Unde incolas Tyri, Sidonis, aliarumque vicinarum convocavit ad Judaica mancipia vilissimo pretio coemenda; nimirum.

Vers. 11. 11. PROMITTENS SE NONAGINTA MANCIPIA TALENTO (argenti) DISTRACTURUM, — hoc est 500 aureis venditum, ita ut quodque mancipium non staret nisi quinque aureis cum dimidio; cum alioqui paulo ante Hyrcanus unum juvenem talento, id est 500 aureis, vendisset, teste Josepho, lib. XII, cap. iv. Hæc indignitas et vilipendium pupugit Judæos, ut ad castra Judæ agminatim confluerent usque ad necem pro lege et libertate pugnaturi. Quare imprudenter id fecit Nicanor irritans Judæos, ut quasi desperati pugnarent, ideoque ab eis victus cæsusque est.

Vers. 13. 13. NON CREDENTES DEI JUSTITIA, — quod scilicet Deus patronus et vindicta foret justæ et innocentis Judæorum cause, et injustum Nicanorem per eos prosterneret.

Vers. 14. 14. ALII VERO SI QUID EIS SUPERERAT VENDEBANT, — indeque arma et annonam comparabant, ut ad Judæ castra accedentes, pro patria et fide usque ad mortem animose contra Nicanorem depugnarent.

15. ET SI NON PROPTER EOS, PROPTER TESTAMENTUM TAMEN, QUOD ERAT AD PATRES EORUM, — q. d. Dominum deprecabantur ut eos eriperet a Nicatore, non propter sua merita, sed Patrum, puta Abrahæ, Isaac, Jacob, etc., quibuscum Deus testamentum, id est pactum, inierat, promittens se eis eorumque posteris fore Deum, id est tutorem et protectorem, si ipsi eum vicissim ut Deum suum colerent.

16. CONVOCATIS AUTEM MACHABÆUS SEPTEM MILLIBUS, — Græce sex millibus; tot enim nominantur vers. 1 et 22, sed septimum millenarium ducebatur ipse Judas, reliqua sex mille ejus fratres quasi duces. Ita Salianus.

ROGABAT NE HOSTIBUS RECONCILIARENTR, — sed cum eis gererent ἀσπόνδρον πόλεμον, id est irreconciliabile bellum, ideoque hostibus metuendum et formidabile, quale cum Romanis gessit Annibal, qui cum admodum esset puer, ab Hamilcare patre sacrificante ad aras jurejurando obstrictus fuit se, cum primum per ætatem liceret, Romanorum fore inimicum, teste Plutarcho in ejus vita. Sic Numantini in Hispania a Romanis per 14 annos obsessi noluerunt eis reconciliari, ideoque 40 milia Romanorum deleverunt; sed tandem a Scipione fame pressi omnia sua et seipsos igne in foro excitato concremarunt. Ita Florus, libro II. Asdrubal Carthaginis a Scipione obsessæ Præfec-tus Romanos captivos in moenibus, oculis, vel linguis, vel digitis, vel plantis mutilavit, itaque vivos præcipitavit per rupes, ne Carthaginensis ullam spem veniæ a Romanis impetrandæ relinqueret, sed in solis armis salutem repone-rent, ait Appianus. Cum obstinatis enim durum et periculoso est bellum. Tale bellum fidelis quilibet per totam vitam gerere debet cum Lucifero, cum carne et mundo, cum superbia, ira, gula, luxuria, ut nullas pacis conditiones admit-tat, sed internecino prælio cum eis assidue con-fligat.

20. ET DE PRÆLIO, QUOD EIS ADVERSUS GALATAS FUIT IN BABYLONIA, UBI AD REM VENTUM EST, MACE-DONIBUS SOCIS HESITANTIBUS, IPSI SEX MILLIA SOLI PEREMERUNT 120 MILLIA. — Videtur hoc contigisse sub Antiocho primo, qui Seleuciprimi post Alexandrum Asiæ et Syriæ regis filius et successor cognominatus est Soter. Hic enim, ut narrat Appianus in *Syriacis*, Galatas ex Europa Asiam invadentes repulit, idque ope Judæorum, quibus proinde tam ipse quam ejus filius Antiochus cognomento θεὸς summas dignitates et privilegia in gratiarum actionem contulerunt, uti narrant Josephus, libro XII, cap. iii; Justinus, lib. XXIV et XXV; Plutarchus in *Demetrio*, et alii. Ita Serarius, Mariana et alii.

22. CONSTITUIT ITAQUE FRATRES SUOS DUCES UTRIQUE ORDINI SIMONEM ET JOSEPHUM. — Josephus hic alio nomine Joannes vocatus est libro I, cap. ii, vers. 2. Ita Serarius.

23. AD HOC ETIAM AB ESDRA LECTO ILLIS SANCTO

LIBRO. — Esdras hic non fuit verus celebrisque ille scriba qui librum Esdræ conscripsit, sed longe eo posterior, nimis sacerdos, vel legis doctor insignis, qui ut militibus ituris ad bellum animos, spemque victoriae adderet, legit eis ex *Deut.* cap. xxviii, vers. 7, ubi Deus Judæis se rite colentibus certum de hostibus promittit triumphum. Atque id ipsum fieri jussérat Deus ante pugnam, *Deut.* cap. xx, dicens : « Appropinquante prælio stabit sacerdos ante aciem, et sic loquetur : Audi, Israel, noli timere, quia Dominus Deus vester in medio vestri est. » Porro Græca habent : *Adhuc etiam Eleazarum*, scilicet quartum fratrem suum, *constituit Judas belli ducem attributis ei pariter 1500 militibus*; sic enim sex millia militum in quatuor fratres quasi duces distribuit, attributa cuique quarta parte, scilicet 1500 militibus. Deinde aliam sententiam subjungunt, quod scilicet Judas quasi Pontifex, et supremus belli dux, uti præcessit, legit militibus librum Deuteronomii.

ET DATO SIGNO, — id est tessera militari adjutorii Dei, q. d. Judas suis dedit hanc belli tesseram, quo socii ab hostibus dignoscerentur : « Adjutor suis est Deus. » Hoc fuit omen et causa victoriæ omnium, quod scilicet Judas non in suis, sed in Dei viribus omnem victoriæ spem reponebat : sic Gentiles sœpe hanc belli tesseram dabant : « Nobiscum Deus, » ait Vegetius, lib. III, cap. iii. Sic Cyri in bello tessera erat : « Jupiter belli socius et dux, » ait Xenophon, lib. III. Pompeii vero in acie Pharsalica hæc : « Hercules invictus; » Julii Cæsaris autem hæc : « Victrix Venus, » teste Appiano, lib. II *De bellis civilibus*. Ita Sanchez, Se-rarius, Salianus et alii.

IPSE DUX (Judas) COMMISIT (prælium) CUM NICANORE.

Vers. 24. **24. ET FACTO SIBI ADJUTORE OMNIPOTENTI, INTERFECERUNT SUPER NOVEM MILLIA HOMINUM, — reliquis in fugam actis vel captis.**

Vers. 26. **26. SED REVERSI SUNT HORA CONCLUSI, — q. d. Hora vespertina, quæ pœnit sabbatum, ingruente, arcata et prohibiti sunt insequi hostes fugientes, sabato enim ex lege eis indicta erat quies; Sabatum autem incipiebat a pridiana hora vespertina.**

Vers. 28. **28. DEBILIBUS, ET ORPHANIS, ET VIDUIS DIVISERUNT SPOLIA.** — Vide hic Judæi et militum charitatem et liberalitatem, qua in gratiarum actionem de victoria a Deo obtenta spolia in egenos distribuunt, ideoque novas a Deo, qui in gratos est gratior, et in liberales liberalior, victorias obtinuerunt: nam vers. 30, e castris Timothei « super viginti millia interfecerunt, et munitiones excelsas obtinuerunt, et plures prædas diviserunt. » Hoc Judæorum exemplum narrent ducibus et militi-

bus Christianis eorum confessarii et concionatores, ut illud imitantes simili modo a Deo benedici, et victoriis cumulari mereantur. Sane Turca cum insignem aliquam de hostibus victoriæ obtinuit, solet in gratiarum actionem erigere hospitale quodpiam ad alendos pauperes, illudque dotare.

29. ET COMMUNITER AB OMNIBUS FACTA OBSECRA- Vers. 29 TIONE (hanc quoque communem litaniam imitentur nostri milites), **MISERICORDEM DOMINUM POSTULABANT, UT IN FINEM SERVIS SUIS RECONCILIARETUR**, — ut scilicet hucusque peccatis Judeorum offensus, ideoque eos per Antiochum castigans tandem aliquando precibus communibus placatus flagellum hoc amoveret, eosque ab omni hostium incursu plene planeque liberaret.

30. AEQUAM PORTIONEM DEBILIBUS, PUPILLIS ET VI- Vers. 30 DUIS, SED ET SENIORIBUS FACIENTES. — Græce ἴσοις πορτιοναῖς, id est æquales portiones cum debilibus, pupillis et viduis, et sacerdotibus facientes, q. d. Spolia divisorunt in duas æquales portiones. Quarum unam milites sibi servarunt, alteram in debiles præser-tim, qui in prælio vulnerati, mutilati, debilitati fuerant, item in orphanos et viduas, quorum parentes et mariti in acie ceciderant, distribuerunt. Hoc enim pietas, ac parentum et maritorum me-rita exigebant. Adhæc sacerdotibus, utpote qui erant Deo consecrati, ac pro militibus pugnanti-bus Deum dep̄recati fuerant ut eis victoriæ lar-giretur.

32. ET PHILARCHEN QUI CUM TIMOTHEO ERAT INTER- Vers. 32 FECERUNT. — Philarches non est nomen proprium, sed nomen officii et dignitatis; φυλάρχος enim est tribunus tribuum præfectus, estque nomen ma-gistratus in exercitu: φύλη enim est tribus, familia, cohors; δραφεῖος est dræfetus, princeps. Ita Sa-lianus.

33. ET CUM EPINICIA AGERENT JEROSOLYMIS. — Epini-cia vocat publica festa, plausus et ovationes ob adeptam victoriæ. Tunc pariter in signum tri-umphi Callisthenem, qui valvas templi igne combus-serat, simili igne concremarunt. Justa fuit hæc talionis pœna.

36. PRÆDICABAT (Nicanor victus et cæsus a Juda) Vers. 36 PROTECTOREM DEUM HABERE JUDÆOS, ET OB IPSUM IN-VULNERABILES (Vatablus *invictos*) ESSE EO QUOD SE-QUERENTUR LEGES AB IPSO CONSTITUTAS. — Magnum est hoc ab hoste testimonium.

Disce hic, Christiane, te in quavis tentatione, persecutione, conflictu, ærumna invulnerabilem et invictum fore, si leges Dei custodias. Deus enim erit protector tuus, et te vel illa liberabit, vel per patientiam et magnanimitatem te eamdem fortiter sustinere et vincere efficiet, ut majorem tibi certanti et vincenti in ecclœ coronam paret.

CAPUT NONUM.

SYNOPSIS CAPITIS.

Describitur fuse morbus et mors Antiochi Epiphanis, que breviter descripta fuit, lib. I, cap. vi. Impius ergo a vernis corrosus cum fetore intolerabili in montibus expiravit.

1. Eodem tempore Antiochus inhoneste revertebatur de Perside. 2. Intraverat enim in eam, quæ dicitur Persepolis, et tentavit exscoliare templum et civitatem opprimere; sed multitudine ad arma concurrente, in fugam versi sunt: et ita contigit ut Antiochus post fugam turpiter rediret. 3. Et cum venisset circa Ecbatanam, recognovit quæ erga Nicanorem et Timotheum gesta sunt. 4. Elatus autem in ira, arbitrabatur se injuriam illorum qui se fugaverant, posse in Judæos retorquere; ideoque jussit agitari currum suum, sine intermissione agens iter, cœlesti eum judicio perurgente, eo quod ita superbe locutus est se venturum Jerusalem, et congeriem sepulcri Judeorum eam facturum. 5. Sed qui universa conspicit Dominus Deus Israel, percussit eum insanibili et invisibili plaga. Ut enim finivit hunc ipsum sermonem, apprehendit eum dolor dirus viscerum, et amara internorum tormenta; 6. et quidem satis juste, quippe qui multis et novis cruciatibus aliorum torserat viscera, licet ille nullo modo a sua malitia cessaret. 7. Super hoc autem superbia repletus, ignem spirans animo in Judæos, et præcipiens accelerari negotium, contigit illum impetu euntem de curru cadere, et gravi corporis collisione membra vexari. 8. Isque qui sibi videbatur etiam fluctibus maris imperare, supra humanum modum superbia repletus, et montium altitudines in statera appendere, nunc humiliatus ad terram in gestatorio portabatur, manifestam Dei virtutem in semetipso contestans; 9. ita ut de corpore impii vermes scaturirent, ac viventis in doloribus carnes ejus effluenter, odore etiam illius et fetore exercitus gravaretur. 10. Et qui paulo ante sidera cœli contingere se arbitrabatur, eum nemo poterat propter intolerantiam fetoris portare. 11. Hinc igitur cœpit ex gravi superbia deductus ad agnitionem sui venire, divina admonitus plaga, per momenta singula doloribus suis augmenta capientibus. 12. Et cuin nec ipse jam fetorem suum ferre posset, ita ait: *Justum est subditum esse Deo, et mortalem non paria Deo sentire.* 13. Orabat autem hic scelestus Dominum, a quo non esset misericordiam consecuturus. 14. Et civitatem, ad quam festinans veniebat ut eam ad solum deduceret, ac sepulcrum congestorum faceret, nunc optat liberam reddere; 15. et Judæos, quos nec sepultura quidem se dignos habiturum, sed avibus ac feris diripiendos traditurum, et cum parvulis exterminaturum dixerat, æquales nunc Atheniensibus facturum pollicetur; 16. templum etiam sanctum, quod prius exscoliaverat, optimis donis ornaturum, et sancta vasa multiplicaturum, et pertinentes ad sacrificia sumptus de redditibus suis præstaturum; 17. super hæc, et Judæum se futurum, et omnem locum terræ perambulaturum, et prædicaturum Dei potestatem. 18. Sed non cessantibus doloribus (supervenerat enim in eum justum Dei judicium) desperans scripsit ad Judæos in modum deprecationis epistolam hæc continentem: 19. *OPTIMIS civibus Judæis plurimam salutem, et bene valere, et esse felices, rex et princeps Antiochus.* 20. Si bene valetis, et filii vestri, et ex sententia vobis cuncta sunt, maximas agimus gratias. 21. Et ego in infirmitate constitutus, vestri autem memor benigne, reversus de Persidis locis, et infirmitate gravi apprehensus, necessarium duxi pro communi utilitate curam habere; 22. non desperans memetipsum, sed spem multam habens effugiendi infirmitatem. 23. Respiciens autem quod et pater meus, quibus temporibus in locis supe-

rioribus ducebat exercitum, ostendit qui post se susciperet principatum : 24. ut si quid contrarium accideret, aut difficile nuntiaretur, scientes hi qui in regionibus erant, cui esset rerum summa derelicta, non turbarentur. 25. Ad hæc considerans de proximo potentes quosque et vicinos temporibus insidiantes, et eventum exspectantes, designavi filium meum Antiochum regem, quem sæpe recurrens in superiora regna multis vestrum commendabam; et scripsi ad eum quæ subjecta sunt. 26. Oro itaque vos et peto, memores beneficiorum publice et privatim, ut unusquisque conservet fidem ad me et ad filium meum. 27. Confido enim eum modeste et humane acturum, et sequentem propositum meum, et communem vobis fore. 28. Igitur homicida et blasphemus pessime percussus, et ut ipse alios tractaverat, peregre in montibus miserabili obitu vita functus est. 29. Transferebat autem corpus Philippus collectaneus ejus, qui metuens filium Antiochi, ad Ptolemæum Philometorem in Ægyptum abiit.

MORS hæc Antiochi breviter narrata fuit lib. I, cap. vi, sed hic fusius recensetur ad Judæorum ab eo afflitorum consolationem, et ad perpetuum vindictæ divinæ in impios et sacrilegos exemplum.

Vers. 2. 2. INTRAYERAT ENIM IN EAM (provinciam sive regionem et ditionem Persidis) QUÆ (a primaria ejus urbe sive metropoli) DICITUR PERSEPOLIS (Græce; nam Hebraice dicitur Elam sive Elymais, ut patet cap. vi, lib. I, vers. 1, quam Pererius, lib. IX in Daniel. ad illa : « Et sine manu contetur, » arbitratur fuisse Susan.) q. d.—Antiochus ingressus est ditionem Persepolis cum exercitu, ipsamque primariam ejus urbem, quæ pariter Persepolis sive Elymais dicebatur, oppugnare aggressus est; sed a civibus ad mœnia concurrentibus repulsus fuit, imo magna suorum clade affectus : « Cives enim recedentem persecuti sunt, ita ut plurimis desideratis fugientis more Babylonen se reciperet, » ait Josephus, lib. XII, cap. XIII.

ET TENTAVIT EXSPOLIARE TEMPLUM — Diana, quod est illis regionibus augustissimum, ait Plinius, lib. VI, cap. xxvi, xxvii. Ita Josephus, Polybius, et S. Hieronymus in cap. xi Daniel. 36, ex Diodoro : licet Appianus in *Syriacis*, dicat fuisse templum Veneris.

Vers. 3. 3. ET CUM VENISSET CIRCA ECBATANAM (celeberrimam Persidis civitatem) RECOGNOVIT (ex nuntiis et litteris ad se missis) QUÆ ERGA NICANOREM ET TIMOTHEUM (duces suos) GESTA SUNT — a Juda Machabæo, quod scilicet ipse eos prostraverit, cederit et fugarit.

Vers. 4. 4. SE VENTURUM JEROSOLYMA ET CONGERIEM SEPULCRI JUDÆORUM EAM FACTURUM. — Græce quod eam faceret πολυάνδριον, id est coemeterium in quod multorum virorum cadavera congeri solent, q. d. Antiochus jactavit se suorum cladem a Judæis acceptam ulturum, ac Jerusalem ita funditus eversum, ut tota urbs futura sit funerum et cadaverum Judaicorum sepulcrum.

Vers. 5. 5. 6. DEUS ISRAEL PERCUSSIT EUM INSANABILI ET INVISIBILI PLAGA, (scilicet acerbissimis viscerum doloribus, eo quod) NOVIS CRUCIATIBUS ALIORUM (Machabæorum) TORSERAT VISCERA, — ut sequi-

tur, ac gravissima melancholia et cholera. Addit S. Hieronymus loco citato ex Diodoro, eum « qui busdam phantasiis et terroribus versum in amenniam. » Exterius autem percussit eum morbo pediculari, profluvio carnium, fetore intolerabili, ut dicitur vers. 9.

7. PRÆCIPIENS ACCELERARI NEGOTIUM (in agitando Vers. 7. curru ut cito perveniret Jerosolymam), CONTIGIT ILLUM IMPETU EUNTEM DE CURRU CADERE, ET GRAVI CORPORIS COLLISIONE MEMBRA VEXARI. — Rem fusius probabiliter narrat Gorionides, lib. III, cap. XXII : « Contigit autem, inquit, cum jam veheretur, et comitaretur exercitum suum, ut currus ejus transiret contra elephantem quemdam, et elephas vociferari inciperet, atque ex barritu ejus equi terrentur, calcitrarent et subverterent currum, caderetque Antiochus de curru, et confringentur omnia ossa ejus siquidem erat homo gravis et crassus.

9. ITA UT DE CORPORE IMPII VERMES (pediculi) Vers. 9. SCATURIRENT. — Hic morbus a medicis vocatur phtiriasis, id est morbus pedicularis, quo vermes hi e corpore ebulliunt, illudque foedo horrore et intoleranda prurigine erodunt et consumunt. Oritur subinde naturaliter ex delicata dulcique corporis complexione, vel nutritione, aut ex soribus et putredine, uti fit in pauperibus; sed sæpe supernaturaliter Deus eum infligit superbis, blasphemis, sacrilegis, ac persecutoribus et tortoribus fidelium et sanctorum, uti eum inflixit Herodi Ascalonitæ, qui fuit Christi persecutor et infanticida, teste Josepho, lib. XVII, cap. VIII, et ejus nepoti Herodi Agrippæ, eo quod populo sibi acclamanti « vox Dei et non hominis, » applausisset, ac Jacobum Apostolum occidisset, occisorus et Petrum ni Angelus eum liberasset, Actorum XII, 23, et Maximiano Imperatori acri Christianorum tortori, teste Eusebio, lib. VIII, cap. XVIII, et Julianu apostatae, teste Sozomeno, lib. V, cap. VIII, et Hunericu Wandalorum regi Ariano, cuius truculentam in Orthodoxos sævitiam, indeque Dei vindictam et phtiriasim fusc enarrat Victor Uticensis libris tribus, quos de Wandalica persecutione conscripsit; item Joanni Calvino,

ut pote hæresiarchæ in Deum, Christum et Santos blasphemæ, uti scribit Bolsecus, nec diffitetur Beza in ejus Vita, qui et plura majoraque addit: « Tam variis, inquit, eum et multiplicibus morbis cruciatum fuisse, ut plane sit incredibile; hemi-crana scilicet, haemoroidibus ulcerosis, sanguine excrementio, quartana, podagra, calculo et cœlica. » Ita

« Sequitur superbos ulti a tergo Deus, » ut canit Tragoedus, et saepè occinit S. Scriptura.

vers. 12. 12. ET CUM NEC IPSE JAM FOETOREM SUUM FERRE POSSET, ITA AIT: JUSTUM EST SUBDITUM ESSE DEO, ET MORTALEM NON PARIA DEO SENTIRE. — Morbis hisce excruciatus superbis Antiochus in se rediit, et seipsum agnovit, quod scilicet stulte se Deum æstimasset, ac Deo vero æquare voluisset, ut pote homo Deo, mortalis immortali, infirmus omnipotenti, temporarius æterno; ideoque Deus percussit eum phtiriasi, ut disceret diceretque cum Job, cap. XVII: « Putredini dixi: Pater meus es, mater mea, et soror mea vermibus. » Et cum Davide: « Ego autem sum vermis, et non homo, opprobrium hominum, et abjectio plebis, » Psal. XXI. Et illud alterius sancti: « Vermis vermem quærerit. » Sic ostendit Deus se exaudisse orationem septimi Machabæi martyris, cuius hæc ante triennium in cruciatibus ultima fuit vox, cap. VII, vers. 37: « Invocans Deum matrius genti nostræ propitium fieri, teque cum tormentis et verberibus confiteri, quod ipse est Deus solus. » Martyrium enim Machabæorum contigit anno Graecorum 145, Antiochi nono; mors vero ejusdem contigit anno Graecorum 149, ut dictum est lib. I, cap. VI, vers. 16, qui fuit Antiochi decimus tertius et ultimus.

13. ORABAT AUTEM HIC SCELESTUS DOMINUM A QUO NON ESSET MISERICORDIAM CONSECUTURUS; — quia hæc ejus confessio, pœnitentia et oratio fuit tormentis coacta et extorta, nec ex amore, sed ex servili timore procedebat. Tantum enim orabat Deum ad hoc, ut cruciatibus ab eo immissis liberaretur, non autem eo fine ut vitam mutaret, Deoque vere et sincere serviret. Similis fuit pœnitentia Pharaonis sentientis plagas a Mose inflictas, Exodi x, 16, et Saulis, I Reg. xv, 24 et 30, et Achab Regis Israel, III Reg. XXI, 29, et Nabuchodonosor, Daniel. IV, 31, licet de ultimo hoc dubitare liceat. Rursum esto Antiochum sincere pœnituisse, sed actum veræ contritionis ex amore Dei eliciisset, itaque animam suam salvasset; tamen misericordiam quam petebat, puta liberationem a cruciatibus, non fuisse consecutus. Jam enim fixum decretumque erat Deo ipsum ob immania scelera hisce cruciatibus usque ad mortem punire. Simili modo Esaü licet pœnitens, patris benedictionem et jus primogeniture deperditum recuperare non potuit; nam ut dicitur Hebr. XII, 17: « Postea cupiens hæreditare benedictionem, reprobatus est; non enim invenit pœnitentiae locum, quanquam cum lacrymis inquisisset eam. »

15. AEQUALES NUNC ATHENIENSIBUS FACTURUM POL- Vers. 15
LICETUR,—nimirum ἀντόνερους, ait Josephus, id est suis legibus propriisque institutis libere viventes, ut faciebant Athenienses, licet jam Antiocho et Antiochenis subjecti. Hoc enim summe optare Judæos sciebat Antiochus.

17. SUPER HÆC ET JUDÆUM SE FUTURUM, ET OMNEM Vers. 17
LOCUM TERRÆ PERAMBULATURUM, ET PRÆDICATURUM
DEI POTESTATEM. — Dixit hæc Antiochus ficte et simulate, quia coactus Dei flagellis: quare, si ea subduxisset Deus, ipse ad ingenium rediisset juxta illud vulgi:

Dæmon languebat, monachus tunc esse volebat.
Ast ubi convaluit, mansit ut ante fuit.

Illudere ergo voluit impius Deo, sed ab eo illusus fuit. Non enim intendebat illa præstare quæ hic dicit et promittit.

18. SED NON CESSANTIBUS DOLORIBUS (SUPERVENE- Vers. 18
RAT ENIM IN EUM JUSTUM DEI JUDICIUM,) q. d. Deus justo suo judicio plane decreverat eum ob sacri-legia cruciare usque ad mortem, DESPERANS (de dolorum levamine, et sanitate recuperanda æque ac de Dei gratia et salute æterna) SCRIPSIT AD JUDÆOS, ut iis viventibus filium suum unicum Antiochum Eupatorem sibi successorem relinquaret, eique regnum assecuraret. Sciebat enim se illud eripuisse Demetrio Seleuci senioris fratri sui filio, ac proinde Demetrium, qui loco sui obses Romæ detinebatur, auditæ sua morte illico in Asiam advolaturum, ut regnum jure sibi debitum occuparet, ac Eupatorem puerum, ad quem non pertinebat, ab eo excluderet, uti et factum est; nam Demetrius Eupatorem cum Lysia occidit, et regnum sibi vindicavit. Quocirca Antiochus hisce litteris id impedire volens nihil effecit, sed tam ipse quam filius justo Dei judicio regnum cum vita perdiderunt.

Vide hic magnificentiam, magnificentiamque potentiam Dei nostri, qua tumidum et indomabilem Antiochum, qui videbatur sibi, terræ, mari et cælo imperare, uno viscerum dolore ita sternit, ut non tantum sibi, sed et Judæis, quos plane despexerat, supplex fiat. Sic Pharaonem suppliæ fecit Mosi, Saulem Samueli, Nabuchodonosorem Danieli.

20. MAXIMAS AGIMUS GRATIAS. — Græca habent: Vers. 20
Deo ago maximas gratias in cælo spem habens, et ego languide jacens vestri honoris benevole recordatus sum.

23. RESPICIENS AUTEM QUOD ET PATER MEUS, etc.— Vers. 23
q. d. Sicut pater meus Antiochus Magnus rex prudentissimus, et in vos summe benevolus, teste Josepho, lib. XII, cap. III, peregre proficiscens, declaravit hæredem suum, ut si quid humanitus ei contigisset, ille ipsi succederet; sic ego patris exemplum secutus vobis declaro hæredem regni mei meum filium Antiochum Eupatorem, petoque ut in eo fovendo tuendoque vestrum auxilium conferatis.

Vers. 25. 25. CONSIDERANS POTENTES QUOSQUE, ET VICINOS TEMPORIBUS INSIDIANTES, — ut si videant regem mortuum putent tempus esse opportunum ad regnum occupandum. Notat suum ex fratre Seleuco nepotem Demetrium, cui jure regnum debebatur, ut dixi vers. 18.

Vers. 26. 26. MEMORES BENEFICIORUM. — Hic patet fictio et adulatio Antiochi. Splendide enim mentitur jacans sua in Judæos beneficia, cum in eos omne maleficii genus exercuerit.

Vers. 27. 27. SEQUENTEM PROPOSITUM MEUM, — ut in vos sit benevolus, sicut ego deinceps esse propono. Fingit et simulat benevolentiam, cum fuerit malevolus in Judæos, et hanc patris malevolentiam in Judæos secutus fuit filius Eupator.

ET COMMUNEM (id est comem, familiarem, affabilem, benignum, benevolum) VOBIS FORE.

Vers. 28. 28. PEREGRE IN MONTIBUS — circa Ecbatanam, ut dictum est vers. 3, in oppido Tabes, ait S. Hieronymus in cap. xi Danielis. Ibi ergo in montibus Persidis et Mediae mortuus est Antiochus. Licet enim ipse pergeret Babylonem, ut dictum est lib. I, cap. vi, vers. 4, tamen cruciatu crescente,

eo pervenire non potuit; sed in montibus obiit. Hic fuit funestissimus exitus Antiochi Epiphanis impii, blasphemii, sacrilegi, athei, et deorum omnium contemptoris, qui proinde expressus fuit Antichristi typus et prodromus.

Porro cavendus est hic error Josephi. Ipse enim, lib. XIV, cap. xvii, citans Polybium dicentem Antiochum ob hoc periisse, quod conatus sit Diana templum expilare, eum redarguit: « Voluisse enim tantum, inquit, ac non etiam perfecisse sacrilegium, non videtur res digna suppicio. » Eras, o Josephe; nam omnis virtus æque ac vitium, indeque meritum et demeritum in voluntate consistit: actus enim externus in se non est liber, id eoque omnem suam libertatem, ac bonitatem, vel malitiam trahit, et sugit ab interno voluntatis actu bono vel malo. Bonus autem actus quilibet dignus est laude et præmio, malus vero vituperio et suppicio. Verum, si Antiochus periit quod voluerit expilare templum Diana, multo magis periit eo quod reipsa exspoliarit templum Dei veri Jerosolymæ, ibique tot et tantas strages ediderit, quot et quantas hucusque audivimus.

CAPUT DECIMUM.

SYNOPSIS CAPITIS.

Judas Machabæus templum ab Antiocho polatum expurgat. Inde, vers. 9, Antiocho Epiphani vita functo succedit filius Antiochus Eupator, sub quo Ptolemaeus Macer justi tenax et Judæorum amicus veneno occiditur. Adhæc, vers. 14, Gorgias a Judæis profligatur æque ac Idumæi et proditores. Denique, vers. 24, Machabæus Angelorum ductu prosternit, occiditque Timotheum, Chæream, et Apollonium, Deoque Epinictum concinuit.

1. Machabæus autem, et qui cum eo erant, Domino se protegente, templum quidem et civitatem recepit;
2. aras autem, quas alienigenæ per plateas extruxerant, itemque delubra demolitus est;
3. et purgato templo, aliud altare fecerunt; et de ignitis lapidibus igne concepto sacrificia obtulerunt post biennium, et incensum, et lucernas, et panes propositionis posuerunt;
4. Quibus gestis, rogabant Dominum prostrati in terram, ne amplius talibus malis incidenterent; sed et, si quando peccassent, ut ab ipso mitius corriperentur, et non barbaris ac blasphemis hominibus traderentur.
5. Qua die autem templum ab alienigenis pollutum fuerat, contigit eadem die purificationem fieri, vigesima quinta mensis, qui fuit casleu.
6. Et cum lætitia diebus octo egerunt in modum tabernaculorum, recordantes quod ante modicum temporis, diem solemnem tabernaculorum in montibus et in speluncis more bestiarum egerant.
7. Propter quod thyrkos, et ramos virides, et palmas præferebant ei, qui prosperavit mundari locum suum.
8. Et decreverunt communi præcepto et decreto, universæ genti Judæorum, omnibus annis agere dies istos.
9. Et Antiochi quidem, qui appellatus est Nobilis, vitæ excessus ita se habuit.
10. Nunc autem de Eupatore Antiochi impii filio quæ gesta sunt narrabimus, breviantes mala quæ in bellis gesta sunt.
11. Hic enim suscepto regno, constituit super negotia regni Lysiam quemdam, Phœnicis et Syriæ militiae principem.
12. Nam Ptolemaeus, qui dicebatur Macer, justi tenax erga Judæos esse constituit, et præcipue propter iniquitatem quæ facta erat in eos, et pacifice agere cum eis.
13. Sed ob hoc accusatus ab

amicis apud Eupatorem, cum frequenter proditor audiret, eo quod Cyprum creditam sibi a Philometore deseruisset, et ad Antiochum Nobilem translatus etiam ab eo recessisset, veneno vitam finivit. 14. Gorgias autem, cum esset dux locorum, assumptis advenis frequenter Judæos debellabat. 15. Judæi vero, qui tenebant oportunas munitiones, fugatos ab Jerosolymis suscipiebant, et bellare tentabant. 16. Hi vero qui erant cum Machabæo, per orationes Dominum rogantes ut esset sibi adjutor, impetum fecerunt in munitiones Idumæorum, 17. multaque vi insistentes, loca obtinuerunt, occurrentes interemerunt, et omnes simul non minus viginti millibus trucidaverunt. 18. Quidam autem, cum configissent in duas turres valde munitas, omnem apparatum ad repugnandum habentes, 19. Machabæus ad eorum expugnationem, relicto Simone, et Josepho, itemque Zachæo, eisque qui cum ipsis erant satis multis, ipse ad eas, quæ amplius perurgebant, pugnas conversus est. 20. Hi vero qui cum Simone erant, cupiditate ducti, a quibusdam qui in turribus erant, suasi sunt pecunia; et septuaginta millibus didrachmis acceptis, dimiserunt quosdam effugere. 21. Cum autem Machabæo nuntiatum esset quod factum est, principibus populi congregatis, accusavit quod pecunia fratres vendidissent, adversariis eorum dimissis. 22. Hos igitur proditores factos interfecit, et confestim duas turres occupavit. 23. Armis autem ac manibus omnia prospere agendo, in duabus munitionibus plus quam viginti millia peremit. 24. At Timotheus, qui prius a Judæis fuerat superatus, convocato exercitu peregrinæ multitudinis, et congregato equitatu Asiano, advenit quasi armis Judæam capturus. 25. Machabæus autem, et qui cum ipso erant, appropinquante illo, deprecabantur Dominum, caput terra aspergentes, lumbosque cilicii præcincti, 26. ad altaris crepidinem provoluti, ut sibi propitius, inimicis autem eorum esset inimicus, et adversariis adversaretur, sicut lex dicit: 27. Et ita post orationem, sumptis armis, longius de civitate procedentes, et proximi hostibus effecti, resederunt. 28. Primo autem solis ortu utriusque commiserunt; isti quidem victoriæ et prosperitatis sponsorem cum virtute Dominum habentes; illi autem ducem belli animum habebant. 29. Sed, cum vehemens pugna esset, apparuerunt adversariis de cœlo viri quinque in equis, frenis aureis decori, ducatum Judæis præstantes; 30. ex quibns duo Machabæum medium habentes, armis suis circumseptum incolumem conservabant; in adversarios autem tela et fulmina jaciebant, ex quo et cæcitate confusi et repleti perturbatione cadebant. 31. Interfecti sunt autem viginti millia quingenti, et equites sexcenti. 32. Timotheus vero confugit in Gazaram præsidium munitum, cui præerat Chæreas. 33. Machabæus autem, et qui cum eo erant, lætantes obsederunt præsidium diebus quatuor. 34. At hi qui intus erant, loci firmitate confisi, supra modum maledicebant, et sermones nefandos jactabant. 35. Sed cum dies quinta illucesceret, viginti juvenes ex his qui cum Machabæo erant, accensi animis propter blasphemiam, viriliter accesserunt ad murum, et feroci animo incedentes ascendebant; 36. sed et alii similiter ascendentes, turres portasque succendere aggressi sunt, atque ipsos maledicos vivos concremare. 37. Per continuum autem biduum præsidio vastato Timotheum occultantem se, in quodam repertum loco peremerunt; et fratrem illius Chæream et Apollophanem occiderunt. 38. Quibus gestis, in hymnis et confessionibus benedicebant Dominum, qui magna fecit in Israel, et victoriam dedit illis.

PRIOR pars purgati templi, a versu 1 ad 9 ordine temporis collocanda est, lib. I, cap. iv, post vers. 35. Cætera hujus capititis, imo et capititis xi ac xii, inserenda sunt lib. I, cap. xvi, ante vers. 18. Purgatio enim templi facta a Juda, licet hic post mortem Antiochi Epiphanis narretur, tamen ante eam contigit, nimirum anno Græcorum 148, ut patet lib. I, cap. iv, vers. 52. Antiochus vero

mortuus est anno 149 Græcorum, ut dictum est lib. I, cap. xvi, vers. 16.

3. ET DE IGNITIS LAPIDIBUS IGNE CONCEPTO SACRIFICIA OBTULERUNT. — Per ignitos lapides Salianus et Mariana intelligunt silices et similes, ex quibus inter se collisis facile ignis excutitur in subiectum fomitem, exceptusque accenditur, ut natura rarer quotidie facimus. Verum Græce est *πυρό-*

σαντες λίθους, id est ignientes lapides, et ea iis ignem excipientes. Silices autem collisi non igniuntur, sed scintillas ignis duntaxat emitunt. Quare verius videtur precibus Judæ et sacerdotum ignem e cœlo evocatum ignivisse lapides; indeque sacerdotes ignem accepisse, quo sacrificia cremarentur. Sic enim ante Judam fecerat Nehemias et sic statuerat Deus Levit. vi, 12, ut igne non communi, sed cœlesti et divino hostiæ cremarentur, atque hac de causa Judas festum dati, vel potius redditi a Deo ignis instituit ut audivimus, cap. I. vers. 19 et sequent. Ita Serarius, Sanchez et alii. Sic et Gorionides, lib. III, cap. XIII: « Cum, inquit, composuissent ligna non invenerunt ignem sanctum, sed claimaverunt ad Dominum, et exsiliit ignis e lapide, qui erat altari suppositus, adjacentes ei ligna. Duravit ille ignis ad captivitatem tertiam, » quæ facta est a Tito et Vespasiano, cum templum fuit combustum.

POST BIENNIVM. — Inchoandum non a profanatione templi, ut volunt nonnulli (ab hac enim fluixerat triennium), sed a principatu Judæ, ut dixi lib. I, cap. IV, vers. 54. Ita Serarius, Salianus et alii. Mirum est nonnullos viros doctos hoc biennum computare a morte Antiochi; nam Antiochus post templi purgationem et sacrificeationem mortuus est, ut dixi in synopsi capit. 6.

6. ET CUM LÆTITIA DIEBUS OCTO EGERUNT IN MODUM TABERNACULORVM, — q. d. Celebrarunt festum Encæniorum per octo dies eodem ritu et plausu, quo juxta legem celebrant quotannis festum Tabernaculorum die 15 mensis Tisri, idque in gratiarum actionem, eo quod Deus eos urbi Jerosolymæ, suisque domibus restituisset, cum ipsi paulo ante fugientes persecutionem Antiochi in sylvis et montibus delituisserint, ibique sibi tuguria et tabernacula e ramis arborum construxissent.

7. PROPTER QUOD THYRSOS ET RAMOS. — Thyrsi erant frondes et virgulta, quibus milites pars Victoria, se suasque hastas et arma vestiebant. Hinc apud Gentiles thyrsus erat hasta aculeata hederae obtecta, quam in Orgiis (sacris) Bacchi quatiebant; unde Bacchus dictus est thyrsigerus.

11. HIC (Antiochus Eupator filius Epiphanis) etc. CONSTITUIT SUPER NEGOTIA REGNI (id est constituit suum in regimine vicarium et proregem, sive, ut Graeca habent, Protarchum) **LYSIAM.**

12. NAM PTOLEMÆUS, QUI DICEBATUR MACER. — Tò « nam » innuit Ptolemæum ante Lysiam negotia regni administrasse; sed per calumniam accusatum de proditione apud Eupatorem gradu suo excidisse. Hic Ptolemæus videtur esse ille idem qui, cap. VIII, vers. 8, vocatur dux Cœlesyriæ et Phœnicis, misitque Nicanorem contra Judam et Judæos; sed mox videns eorum innocentiam, Deumque pro eis pugnare, cœpit Judæis favere et patrocinari; ideoque accusatus fuit apud Eupatorem quasi proditor, quod ab eo ad Judæos defecisse videretur, eo quod eorum causam tueretur.

13. VENENO VITAM FINIVIT. — In quibusdam Græc. Vers. 13 additur Ptolemæum præ infirmitate animi ultimo ad venenum confugisse, sponteque illud hauisse, eo quod calumniam et infamiam proditoris sibi impactam audire et sustinere non posset. Non enim firmi magnique, sed infirmi pusillique est animi frangi hominum dieteris, ideoque se occidere; fortis enim est haec omnia viriliter sustinere et magnanimitate virili superare, juxta illud Martialis :

Fortiter ille facit qui miser esse potest.

Narrat hunc casum Ptolemæi S. Scriptura, ut significet Judæos tanto amico et patrono orbatos fuisse; ideoque novis cum Eupatore bellis implitos fuisse.

14. GORGIAS AUTEM, etc., ASSUMPTIS ADVENIS. — Vers. 14 Advenas vocat milites ex Thracia, Ægypto, Africa aliisque exteris regionibus conscriptos. Unde vers. 24, vocantur « exercitus peregrinæ multitudinis. » Indigenæ enim erant Asiatici et Syri.

15. JUDÆI VERO QUI TENEBANT OPPORTUNAS MUNITIONES FUGATOS AB JEROSOLYMIS SUSCIPIEBANT ET BELLARE TENTABANT, — q. d. Judæi aliquot munitiones Gorgiae et Antiochianis eripuerunt, in easque admittebant socios suos Judæos, qui Jerosolymæ e suis sedibus ab hoste pellebantur: ex quibus multi ad Judam confluentes ejus copias augebant, ut audacter Antiochianos invaderet, et feliciter sterneret, sicut paulo post viginti millia eorumdem prostravit. Ita Sanchez.

Verum pro « Judæi » legendum videtur Idumæi, uti legunt Codices græci: Idumæorum enim munitiones haec vocantur vers. seq.; vult enim significare duos Judæorum hostes, Gorgiam scilicet et Idumæos. Sensus ergo est, q. d. Idumæi perpetui Judæorum inimici occuparunt aliquot Judæorum munitiones, in quas suscipiebant Judæorum apostatas et transfugas, nimirum eos qui a Jerosolymis ob apostasiam et scelera ad se profugiebant, atque cum iis « bellare, » et bellum Jerosolymæ et Judæis inferre « tentabant. » Sed Judas Deo invocato in has Idumæorum munitiones armata manu irrupit et viginti millia interremit, ut sequitur. Ita Serarius, Salianus et alii.

17. VIGINTI MILLIBUS. — Græcus habet novem mil. Vers. 17 lla.

19. JOSEPHO. — Hic est Josephus Judæ, Jonathæ Vers. 19 et Simonis frater, de quo cap. VIII, vers. 22.

20. HI VERO QUI CUM SIMONE ERANT CUPIDITATE Vers. 20 (avaritia) **DUCTI, etc., 70 MILLIBUS DIDRACHMIS** (argenti, quæ si Atticæ fuerunt, faciunt aureos 5833; sin Hebraicæ, duplo plus) **ACCEPTIS DIMISERUNT** QUOSDAM (hostium in turribus conclusorum) **EFFUGERE.**

21. CUM AUTEM MACHABÆO NUNTIATUM ESSET, etc. Vers. 21 ACCUSAVIT QUOD PECUNIA FRATRES VENDIDISSENT ADVERSARIIS EORUM DIMISSIS. — Salutem enim civium prodit qui hostes eorum captos vel jamjam capiendos dimittit; dimissi enim rursum cives inva-

dent, spoliabunt et occident, præsertim ut lytrum, quod pro se solverunt recuperent.

Vers. 28. 28. PRIMO AUTEM SOLIS ORTU UTRIQUE COMMISERUNT (prælium) ISTI (qui erant cum Juda) QUIDEM VICTORIÆ, ET PROSPERITATIS SPONSOREM CUM VIRTUTE DOMINUM HABENTES. — Deus enim Judæ cum suis oranti indebat certam victoriæ spem, quam augebat virtus, id est probitas, fortitudo, et generositas Judæ et sociorum, qui parati erant pro Dei lege et cultu dimicare usque ad mortem, stauerantque non nisi victores e prælio discedere; sed vel vincere vel occumbere. Græce est: *Sponsorem victoriæ et prosperitatis cum virtute habentes refugium ad Dominum;* hæc enim duo, scilicet Dei invocatio et propria virtus, generosusque animi ad pugnam, aliamve rem perficiendam conatus sunt efficacissima remedia, quæ quasi spondent certam victoriam, et felicem Dei eventum.

ILLI (Timotheani Judæorum hostes) AUTEM DUCEM BELLÌ ANIMUM (Græce θυμὸν, id est animositatem, iram, superbiam) HABEBANT, — quia numero suorum militum præfisi despiciebant paucitatem Judæorum, putabantque se eos ut bolum panis devoratuos; sed Deus stravit eorum animositatem et superbiam, ostenditque victoriam non a numero, sed a favore Dei pendere ac dari.

Vers. 29. 29. APPARUERUNT ADVERSARIIS VIRI QUINQUE IN EQUIS, FRENIS AUREIS DECORI, DUCATUM JUDÆIS PRÆSTANTES.

Vers. 30. 30. EX QUIBUS DUO MACHABÆUM MEDIUM HABENTES, ARMIS SUIS CIRCUMSEPTUM INCOLUMEM CONSERVABANT; IN ADVERSARIOS AUTEM TELA, ET FULMINA JACIEBANT, EX QUO ET CÆCITATE CONFUSI, ET REPLETI PERTURBATIONE CADEBANT. — Erant hi quinque Angeli pro Juda et populo fidi jussu Dei dimicantes. Sic Angeli pugnarunt pro Theodosio contra Eugenium, dum militum ejus tela in ipsos met jacentes retorserunt, teste Theodoreto, lib. V, cap. xxiv. Sic pro S. Wenceslao, ut habet ejus Vita, duellante cum Radislao Duce Curimense pugnavit An-

gelus Ducemque perculit, ut prostratus veniam vitamque peteret. Sic pro Constantino Magno ceterarunt Angeli, qui, ut ait *Panegyrr. vi*, « flagrabant verendum nescio quid umbone corusci, et cœlestium armorum lux terribilis ardebat. Tales enim venerant ut tui crederentur. Hæc ipsum sermocinatio, hoc inter audientes ferebant: Constantimum petimus, Constantino imus auxilio. » Plura exempla recenset Serarius hic, pag. 676.

32. TIMOTHEUS VERO CONFIGUIT IN GAZARAM. — Go- Vers. 32 rionides censem esse « Gazam, » sed alii cum Se- rario hæc duo distinguunt. Vide hic assiduas Ju- dæe victorias illi a Deo concessas, præsertim qui- bus occidit 20 millia Timotheanorum, sicut paulo ante occiderat viginti millia Idumæorum, ac tan- dem ipsum Timotheum cum Chærea et Apollo- phane interemit.

35. VIGINTI JUVENES ACCENSI ANIMIS OB BLASPHE- Vers. 35. MIAM. — Vide hic quid efficiat juvenum animus et ardor. Vide rursum quam stultum et periculo- sum sit hostium animos et iras subsannando et blasphemando irritare et accendere.

Sic Alexander Magnus, uti narrat Curtius sub finem libri VII, obsidens petram abscissam et abruptam, quam Arimazes Sogdianus cum tri- ginta millibus armatorum insidebat, petensque ut se dederet ab eo irrisus fuit, rogatusque volarene posset? quo scommate ictus Alexander: Osten- dam, inquit, proxima nocte Macedones etiam vo- lare; quare trecentos juvenes maximis præmiis et promissis accedit, ut a tergo per leca inaccessa noctu in petram scanderent, cum ipse a fronte, qua via patebat, petram invaderet. Juvenes ac- censi in petram maximis laboribus penetrarunt memores istius dicti Alexandri: « Nihil tam alte natura constituit, quo virtus non possit eniti. » Quare percusus Arimazes se cum propinquis Alexandro dedidit, qui omnes verberibus affectos sub ipsis radicibus petræ crucibus jussit affigi.

37. IN QUODAM REPERTUM LOCO, — Græce lacu.

CAPUT UNDECIMUM.

SYNOPSIS CAPITIS.

Judas et Judæi duce Angelo sternunt ingentem Lysiae exercitum. Quare Lysias cum eis pacem init. Hinc vers. 16 et seq. recensentur am Lysiae quam Antiochi Eupatorisæ que ac Romanorum litteræ ad Judæos hac de re datae.

1. Sed parvo post tempore, Lysias procurator regis, et propinquius, ac negotiorum præ-
positus, graviter ferens de his quæ acciderant, 2. congregatis octoginta millibus, et equitatu
universo, veniebat adversus Judæos, existimans se civitatem quidem captam Gentibus habi-
taculum facturum, 3. templum vero in pecuniaæ quæstum, sicut cætera delubra Gentium, ha-
biturum, et per singulos annos venale sacerdotium : 4. nusquam recogitans Dei potestatem,

sed mente effrenatus, in multitudine peditum, et in millibus equitum, et in octoginta elephantis confidebat. 5. Ingressus autem Judæam, et appropians Bethsuræ, quæ erat in augusto loco, ab Jerosolyma intervallo quinque stadiorum, illud præsidium expugnabat. 6. Ut autem Machabæus, et qui cum eo erant, cognoverunt expugnari præsidia, cum fletu et lacrymis rogabant Dominum, et omnis turba simul, ut bonum angelum mitteret ad salutem Israel. 7. Et ipse primus Machabæus, sumptis armis, cæteros adhortatus est simul secum periculum subire, et ferre auxilium fratribus suis. 8. Cumque pariter prompto animo procederent, Jerosolymis apparuit præcedens eos eques in veste candida, armis aureis, hastam vibrans. 9. Tunc omnes simul benedixerunt misericordem Dominum, et convaluerunt animis: non solum homines, sed et bestias ferocissimas, et muros ferreos parati penetrare. 10. Ibant igitur prompti, de cœlo habentes adjutorem, et miserantem super eos Dominum. 11. Leonum autem more impetu irruentes in hostes, prostraverunt ex eis undecim millia peditum, et equitum mille sexcentos: 12. universos autem in fugam verterunt, plures autem ex eis vulnerati nudi evaserunt. Sed et ipse Lysias turpiter fugiens evasit. 13. Et quia non insensatus erat, secum ipse reputans factam erga se diminutionem, et intelligens invictos esse Hebræos, omnipotens Dei auxilio innitentes, misit ad eos: 14. promisitque se consensurum omnibus quæ justa sunt, et regem compulsurum amicum fieri. 15. Annuit autem Machabæus precibus Lysiæ, in omnibus utilitati consulens: et quæcumque Machabæus scripsit Lysiæ de Judæis, ea rex concessit. 16. Nam erant scriptæ Judæis epistolæ a Lysia quidem hunc modum continentes:

LYSIAS populo Judæorum salutem. 17. Joannes et Abesalom, qui missi fuerant a vobis, tradentes scripta, postulabant ut ea, quæ per illos significabantur, implerem. 18. Quæcumque igitur regi potuerunt perferriri, exposui: et quæ res permittebat, concessit. 19. Si igitur in negotiis fidem conservaveritis, et deinceps bonorum vobis causa esse tentabo. 20. De cæteris autem per singula verbo mandavi, et istis, et his qui a me missi sunt, colloqui vobis-
cum. 21. Bene valete. Anno centesimo quadragesimo octavo, mensis Dioscori die vigesima et quarta.

22. Regis autem epistola ista continebat: **Rex** Antiochus Lysiæ fratri salutem. 23. Patre nostro inter deos translato, nos volentes eos, qui sunt in regno nostro, sine tumultu agere, et rebus suis adhibere diligentiam, 24. audivimus Judæos non consensisse patri meo ut trans-
ferrentur ad ritum Græcorum, sed tenere velle suum institutum, ac propterea postulare a no-
bis concedi sibi legitima sua. 25. Volentes igitur hanc quoque gentem quietam esse, statuentes judicavimus templum restitui illis, ut agerent secundum suorum majorum consuetudinem. 26. Bene igitur feceris, si miseris ad eos, et dexteram dederis: ut cognita nostra voluntate, bono animo sint et utilitatibus propriis deserviant.

27. Ad Judæos vero regis epistola talis erat:

Rex Antiochus Senatui Judæorum, et cæteris Judæis salutem. 28. Si valetis, sic estis ut volumus: sed et ipsi bene valemus. 29. Adiit nos Menelaus, dicens velle vos descendere ad vestros, qui sunt apud nos. 30. His igitur, qui commeant usque ad diem trigesimum mensis Xanthici, damus dextras securitatis, 31. ut Judæi utantur cibis et legibus suis, sicut et prius: et nemo eorum ullo modo molestiam patiatur de his quæ per ignorantiam gesta sunt. 32. Mi-
simus autem et Menelaum, qui vos alloquatur. 33. Valete. Anno centesimo quadragesimo octavo, Xanthici mensis quinta decima die.

34. Miserunt autem etiam Romani epistolam, ita se habentem:

QUINTUS Mëmmius et Titus Manilius, legati Romanorum, populo Judæorum salutem. 35. De his, quæ Lysias cognatus regis concessit vobis et nos concessimus. 36. De quibus autem ad regem judicavit referendum, confessim aliquem mittite, diligentius inter vos conferentes, ut

decernamus sicut congruit vobis: nos enim Antiochiam accedimus. 37. Ideoque festinate rescribere, ut nos quoque sciamus cuius estis voluntatis. 38. Bene valete. *A*nno centesimo quadragesimo octavo, quinta decima die mensis Xanthici.

Vers. 1.

1. LYSIAS PROCURATOR REGIS (Antiochi Eupatoris, qui patri Antiocho Epiphani jam mortuo puer successerat, et a Lysia educabatur regebaturque), **ET PROPINQUUS**, — id est consanguineus sive « cognatus, » ut dicitur vers. 35. Lysias audiens a Iuda cæsa esse castra, tam Gorgiae quam Timothei, novum conscripsit exercitum 80 millium peditum cum equitatu universo et 80 elephantis, quibus se Judæos et Judæam devoraturum sperabat. Sed Judas Deum invocans Angelum impetravit, quo duce tota Lysiæ castra cecidit.

Vers. 3.

3. TEMPLUM VERO IN PECUNIA QUÆSTUM. — Destinabat Lysias magnum vectigal templo imponere, ac dona templo oblata, vel tota vel magna ex parte fisco regio addicere, et in suos usus convertere, uti delubris Gentilium a tyrannis fieri solet. Hæc autem, et plurima, et pretiosissima erant; templum enim erat opulentissimum.

VENALE SACERDOTIUM, — se scilicet Pontificatum quotannis magno pretio Judæis venditurum.

Vers. 6.

6. CUM FLETU ET LACRYMIS ROGABANT DOMINUM, etc., **UT BONUM ANGELUM MITTERET AD SALUTEM ISRAEL**, — uti miserat Mosi, Gedeoni, Manue. Hoc enim Mosi promiserat, *Exodi* xxiii, 20, dicens: « Ecce ego mitto Angelum meum, qui præcedat te, et custodiat. » Vide ibi dicta: ibi enim omnes Angelorum visiones et opitulationes Hebræis præstitas recensui.

Vers. 8.

8. APPARUIT PRÆCEDENS EOS EQUES IN VESTE CANDIDA, ARMIS AUREIS HASTAM VIBRANS. — Fuit hic S. Michael Israelis protector, aut certe Angelus inferioris ordinis a Michaele missus ad Judæorum auxilium, ut quasi dux castra præiret, ac Judæ et Judæis animos adderet, hostes vero metu et formidine percelleret, uti reipsa fecit. Hinc præcessit specie equitis cataphracti aureis armis hastam vibrans vestitus candidis. Candor enim Angelorum puritatem, splendorem, lætitiam, immortalitatem, victoriam et gloriam significat, ut dixi *Ecclesiast.* ix, 8, ad illa: « Omni tempore sint vestimenta tua candida. »

9. CONVALUERUNT ANIMIS (ingentes validosque sumpsere animos, videntes Angelum armatum quasi ducem suum præire. Sciebant enim Angelum esse invincibilem, et ab Angelo solo tota castra hostium posse prosterni, ut ab eo prostrata fuerunt 185 millia militum Sennacherib sub Ezechia. Quare ductu Angeli certi de victoria animose processerunt ad prælium), **NON SOLUM HOMINES, SED ET BESTIAS FEROCISSIMAS** (elephantes) **ET MUROS FERREOS** *F*ERATI PENETRARE. — Angelo enim nil est impenetrabile, nil invincibile, nil impossibile; imo nil arduum et difficile. Angelus ergo hos animos et ardores Judæ et Judæis injecit, quibus ipsi accens castra Lysiæ numerosissima, et fortissima

illico ut paleas disjecerunt et dissiparunt. Nil enim est tam arduum quod militum ardor non perfringat. Quocirca Vegetius docet duces debere vel maxime hos ardores in militibus excitare et accendere; inde enim certa existit spes omenque victoriæ. Additque duci solerter investigandum esse quid de prælii successu sentiant milites pugnaturi, ut si felicem fore augurentur, pugnet; si infelicem, cesset a pugna. Audi Vegetum, lib. III, cap. xii: « Ipsa die qua certaturi sunt milites, quid sentiant, diligenter convenit explorare. Nam fiducia vel formido ex vultu, verbis, incessu, motibusque cernitur. Nec confidas, si tyro prælium cupit; inexperto enim dulcis est pugna, et noviris te oportere differre si exercitati bellatores metuerint dimicare. Monitis tamen et oratione ducis exercitui virtus crescit et animus: præcipue si futuri certaminis talem acceperint rationem, qua sperent se facile ad victoriam perventuros. Tunc inimicorum ignavia, vel error ostendendus est: vel si ante a nobis superati sunt commemorandum. Dicendum etiam quibus militum mentes in odium adversariorum, ira et indignatione moveantur. »

11. LEONUM AUTEM MORE IMPETU IRRUENTES IN HOSTES PROSTRAYERUNT EX EIS UNDECIM MILLIA, ET EQUIUM 1600. — Prælium hoc aliud et diversum est ab eo quod narratum est, lib. I, cap. iv, unde ibidem alias cæsorum numerus recensetur. Leones enim sunt impavidi et terribiles: unde, teste Plinio clavis oculis in venabula, enses et hastas irruunt, omniaque disjiciunt et rumpunt. Tales fuere hic Judas et Judæi juxta illud Jacobi vaticinium, *Gen. XLIX*, 9: « Catulus leonis Juda; ad prædam, fili mi, ascendisti: requiescens accubisti ut leo, et quasi leæna quis suscitabit eum. » Licet enim Judas non esset de tribu Juda, cui a patre Jacobo hoc oraculum datum est, sed ex tribu Levi; tamen ipse loco Judæ erat dux omnium Judæorum, ad quos hoc oraculum pertinet.

Tropologice, cum te invadit Lysias, id est diabolus, suggestaque motus iræ, superbiæ, libidinis, etc., resistere et occurre illi ut leo, statimque eum fugabis. Diabolus enim coram animosis et resolutis est pavidus ut formica; timidus vero et hæsitantibus terribilis est leo. Unde S. Gregorius, lib. IV *Mor.* cap. xvii, illud Job. iv: « Tigris periit eo quod non haberet prædam, » explicans juxta Septuaginta qui pro « tigris » vertunt *Mirmiclion*, id est formica-leo, « quod, inquit, est animal adversum formicis, easque frumenta gestantes interficit, interfictasque consumit, » hoc ipsum mystice applicans diabolo: « Recte, inquit, mirmiclion, id est leo et formica dicitur: formicis enim, ut diximus, leo est; volatilibus formica;

Vers. 11.

quia nimirum antiquus hostis sicut contra consentientes fortis est, ita contra resistentes debilis. Si enim ejus suggestionibus assensus præbetur, quasi leo tolerari nequaquam potest; si autem resistitur, quasi formica atteritur. Aliis ergo leo est, aliis formica; quia crudelitatem illius carnales mentes vix tolerant, spiritales vero infirmitatem illius pede virtutis calcant. »

Vers. 13. 13. ET QUA NON INSENSATUS ERAT, — sed sensatus et prudens Lysias, hinc facile ex tanta clade suorum cognovit Deum per Angelum pro Judæis pugnare, ideoque eos esse insuperabiles. Quocirca ab eis pacem petiit et obtinuit.

Vers. 19. 19. SI FIDEM (id est fidelitatem tum hujus fœderis, tum subjectionis quam regibus Antiochis quasi regibus Asiæ et Syriæ promisistis, et aliis præstistis), CONSERVAVERITIS, ET DEINCEPS BONORUM VOBIS CAUSA ESSE TENTABO, — id est ego pariter vestris commodis studebo, vobisque multa bona et beneficia mea commendatione apud regem Eupatorem procurabo.

Vers. 20. 20. DE CETERIS AUTEM (articulis a vobis propositis) PER SINGULA VERBO MANDAVI, ET ISTIS (scilicet Joanni et Abesalomo a vobis missis) ET HIS QUI A ME MISSI SUNT (id est meis legatis, quos cum vestris ad vos mitto) COLLOQUI VOBISCUM, — ut vobiscum de singulis transigant, et per omnia satisfaciant.

Vers. 21. 21. ANNO 148. — Dices: Hoc anno 148 Græcorum vivebat et regnabat adhuc Antiochus Epiphanes; quomodo ergo haec litteræ ab Antiocho Eupatore ejus filio, quasi jam post mortem patris regnante, date scribuntur? mortuus est enim Epiphanes anno 149 Græcorum, ut dictum est lib. I, cap. vi, vers. 16.

Respondeo annos Græcorum dupliciter computari; primo ab anno duodecimo post mortem Alexandri Magni, idque a mense Martio, quia illo anno, qui fuit conditæ Romæ 442, et Olympiadis 117, teste Eusebio, Ptolemæo, S. Hieronymo, Josepho, Dione, Appiano et aliis, illoque mense Martio Seleucus victo Antigono minoris Asiæ rege, totius Asiæ sibi diadema imposuit.

Hoc computu annos Græcorum, sive Seleucidarum, numerant Judæi, ideoque liber primus Machabæorum eodem usus est æque ac Ægyptii, eaque de causa hi anni Græcorum vocantur, nunc *Judaici*, nunc *Macedonici*, nunc *Alexandrini*.

Secundo, anni Græcorum sesquianno tardius inchoantur, forte quod eo tempore Seleucus ex Asia minore triumphans redierit in Asiam majorem sive Syriam, unde hic annorum computus vocatur *Syriacus*, *Chaldaicus* et *Antiochenus*. Hoc ergo secundo computu incipiunt hi anni anno 13 a morte Alexandri mense septimo Tisri qui nostro septembri respondet, id est sesquianno serius quam priores *Judaici* sive *Alexandrini*. Hoc computu utitur liber II *Machab.* Unde hoc loco annum 149 Græcorum, quo lib. I, cap. vi, 16, dicitur obiisse Antiochus, vocat 148 Græcorum, quia annus, qui computu Judaico et *Alexandrino*

erat 149, idem ille computu Antiocheno, sive Chaldaico erat 148. Ita Salianus, Serarius et alii. Alter responderet Scaliger, scilicet fuisse annum 148. si annum inchoes a Nisan, id est martio: rursum eumdem annum fuisse 149 Græcorum, si annum inchoes a Tisri, id est septembri (1).

MENSIS DIOSCORI, — Græce Διος Κοπτιθεος, id est Jovis Corinthii. Hic mensis inter ordinarios Græcorum menses non reperitur, unde Scaliger et Salianus putant eum fuisse emboliænum, sive intercalarem. Verum id recte confutat Serarius, qui censem *Dioscorum* esse *Dysrium*, qui respondet nostro martio, quo solent reges ad bella procedere.

22. REX ANTIOCHUS LYSIÆ FRATRI SALUTEM. — Vers. 22. Lysias erat tutor regis. Mirum ergo quod rex, qui, ut ait Appianus, puer novennis erat, eum non vocat patrem potius quam fratrem; sed id studio fecit rex, vel potius regis scriba, ut apud Judæos regis pueritiam dissimularet, ne ob eam ab ipsis despiceretur: quasi ergo jam grandior et maturior Lysiam vocat fratrem, non patrem. Adde: Lysiam non vocat patrem, quia mox Antiochum Epiphanem vocat patrem suum, unde subdit:

23. PATRE NOSTRO INTER DEOS (Gorionides inter Angelos) TRANSLATO. — Fingebant Gentiles regum adulatores, eos post mortem in deorum numerum referri. Hinc in funere regum et imperatorum fiebat eorum apotheosis, sive inter deos relatio, quæ quibus cæremoniis apud Romanos fieret, eleganter describit Herodianus initio lib. IV, ubi inter alia, ait, aquilam ex rogo evolare solitam, quæ animam Cæsaris in cælum ad deos vheret. Verum impius Antiochus Epiphanes ob sua scelera et sacrilegia inter deos non celi, sed inferni, puta inter dæmones, translatus est.

24. JUDÆOS, etc., POSTULARE A NOBIS CONCEDI SIBI LEGITIMA SUA, — ut scilicet eis liceat vivere suis legibus et ritibus in sua fide, et cultu unius Dei, ne cogantur more gentium vivere et colere earumdem deos et idola. — Vers. 24.

25. JUDICAVIMUS TEMPLUM RESTITUI ILLIS. — Jam vers. 25. Judas et Judæi armis recuperarant templum, illudque expurgarant. Rex tamen illud sibi hic arrogat, ut suam in Judæos potestatem æque ac liberalitatem ostendat, cum revera templum iis non restituat, sed restitutionem jam factam probet et confirmet.

26. DEXTERAM DEDERIS, — id est, si data Judæis vers. 26. dextera (hic enim est ritus ineundi fœderis) cum eis foedus sanxeris. Porro aliud est hoc foedus ab eo quod cum iisdem Judæis iniit Lysias et Antiochus, cap. XIII, 23 et seq. et lib. I, cap. vi, ubi occasione Philippi rebellantis et Antiochiam occupantis, ut eum debellat, Lysias nomine regis pacem a Judæis petiit et obtinuit. Unde colligas hoc foedus non diu durasse, sed mox renovato

(1) Vide quæ diximus in procœmio libri *Machab.*

bello ruptum fuisse ut patebit cap. sequenti.

Sic Turca cum Christianis facile init pacem, dām urgetur bello Persico, aliove simili; at eo sepius, facile occasioneim pacis rumpendæ inventit, si bellum sibi pace utilius arbitretur.

^{Vers. 29.} 29. ADIIT NOS MENELAUS (non ille pseudo-pontifex et Judæorum proditor, de quo cap. iv., 34 et seq. ut volunt nonnulli, sed alias Judæorum ad regem et Lysiam legatus. Ita Salianus et alii) DICENS VELLE VOS DESCENDERE AD VESTROS QUI SUNT APUD NOS, — ut scilicet visitetis Judæos vestros cognatos et amicos, qui apud me in Syria degunt.

^{Vers. 30.} 30. HIS Igitur qui commeant usque ad diem 30 mensis XANTHICI (qui Dysrium proxime sequitur, et respondet nostro aprilii) DAMUS DEXTRAS SECURITATIS. — Dat ergo rex Judæis 15 dies securitatis (nam die 15 ejusdem Xanthici scriptæ sunt hæ regis litteræ, ut patet vers. 33,) quibus libere in Syriam descendant; quia necdum pax inter eum et Judæos erat conclusa, sed de ea per legatos cum Judæis tractabatur: ea vero conclusa, liberum erat Judæis quovis tempore in Syriam commeare.

^{Vers. 31.} 31. NEMO EORUM ULLO MODO MOLESTIAM PATIATUR DE HIS QUÆ PER IGNORANTIAM GESTA SUNT. — Δημονίας sancit rex eorum, quæ hucusque inter suos et Judæos hostiliter gesta fuerant, ut ea quasi per ignorantiam admissa excusata, imo oblitterata habeantur.

32. MISIMUS (id est remisimus) AUTEM ET MENE-LAUM (a vobis ad me missum,) QUI VOS ALLOQUA-TUR, — referatque ea, quæ mecum tractavit mea-que sensa et dicta vobis renuntiet.

MISERUNT AUTEM ETIAM ROMANI EPISTOLAM, — puta legati qui a Romanis ad Antiochum mittebantur, qui illi præciperent ut naves, quas supra numerum a Senatu Romano præscriptum habebat, succenderet et elephantes interficeret, ut Romanis novi belli metum vel suspicionem adimeret, ut narrat Appianus, et ex eo Siganus ad annum urbis 591. Hi ergo Romanorum legati miserunt pariter ad Judæos epistolam, qua significabant ut si quas alias justas pacis cum Antiocho conditio-nes cuperent, eas ad se perscriberent: se enim curaturos ut Antiochus eis subscribat. Romani enim, ut recte observat Salianus, facile supplicibus omnibus injuste vexatis aderant, quæ fuit prima origo potentiae ipsorum, et incrementi in Sicilia, in Hispania, in Græcia, in Asia, in Africa et ubique gentium, ut hactenus Romanæ Historiæ decursus ostendit. Cum ergo Judæi ad Romanorum legatos, qui per id tempus in Syria erant, se contulissent, et fortasse jam tum amicitiam eorum ac societatem ambire se ostendis-sent, petierunt, ut quæ a Lysia concedebantur, confirmarent, aliaque nonnulla in suæ gentis gratiam cum rege transigerent.

CAPUT DUODECIMUM.

SYNOPSIS CAPITIS.

Duces Antiochi Eupatoris non obstante pace Judæos exigitant; Joppenses ducentos in mare mergunt; Jamnienses similia destinant, sed Judas utrosque trucidat et succedit, Arabes superat, Timotheum profligat, urbes Casphin et Ephron expugnat, Gorgiam fugat, ac tandem, vers. 39, pro suis, qui in acie ceciderant, curat sacrificari offerendo duodecim millia drachmarum.

1. His factis pactionibus, Lysias pergebat ad regem, Judæi autem agriculturæ operam da-bant. 2. Sed hi qui resederant, Timotheus, et Apollonius Gennæi filius, sed et Hieronymus, et Demophon super hos, et Nicanor Cypriarches, non sinebant eos in silentio agere, et quiete. 3. Joppitæ vero tale quoddam flagitium perpetrarunt: rogaverunt Judæos, cum quibus habi-tabant, ascendere scaphas, quas paraverant, cum uxoribus et filiis, quasi nullis inimicitias inter eos subjacentibus. 4. Secundum commune itaque decretum civitatis, et ipsis acquies-centibus, pacisque causa nihil suspectum habentibus: cum in altum processissent, submer-serunt non minus ducentos. 5. Quam crudelitatem Judas in suæ gentis homines factam ut cognovit, præcepit viris, qui erant cum ipso: et invocato justo judice Deo, 6. venit adversus interfectorum fratrum, et portum quidem noctu succedit, scaphas exussit, eos autem, qui ab igne refugerant, gladio peremit. 7. Et cum hæc ita egisset, discessit quasi iterum reversurus, et universos Joppitas eradicaturus. 8. Sed cum cognovisset et eos, qui erant Jamniæ, velle pari modo facere habitantibus secum Judæis, 9. Jamnitæ quoque nocte supervenit, et portum cum navibus succedit: ita ut lumen ignis appareret Jerosolymis a stadiis ducentis quadra-ginta. 10. Jude cum jam abiissent novem stadiis, et iter facerent ad Timotheum, commise-

runt cum eo Arabes , quinque millia viri et equites quingenti . 11. Cumque pugna valida fieret , et auxilio Dei prospere cessisset , residui Arabes victi , petebant a Juda dextram sibi dari , promittentes se pascua daturos , et in cæteris profuturos . 12. Judas autem , arbitratus vere in multis eos utiles , promisit pacem : dextrisque acceptis , discessere ad tabernacula sua . 13. Aggressus est autem et civitatem quamdam firmam , pontibus murisque circumseptam , quæ a turbis habitabatur Gentium promiscuarum , cui nomen Casphin . 14. Hi vero qui intus erant , confidentes in stabilitate murorum , et apparatu alimoniarum , remissius agebant , mæ ledictis lassentes Judam , et blasphemantes , ac loquentes quæ fas non est . 15. Machabæus autem , invocato magno mundi Principe , qui sine arietibus et machinis temporibus Jesu præcipitavit Jericho , irruit ferociter muris : 16. et capta civitate per Domini voluntatem , innumerabiles cædes fecit , ita ut adjacens stagnum stadiorum duorum latitudinis , sanguine interactorum fluere videretur . 17. Inde discesserunt stadia septingenta quinquaginta , et venerunt in Characa ad eos , qui dicuntur Tubianæ , Judæos : 18. et Timotheum quidem in illis locis non comprehendenderunt , nulloque negotio perfecto regressus est , relicto in quodam loco firmissimo præsidio . 19. Dositheus autem et Sosipater , qui erant duces cum Machabæo , pemerunt a Timotheo relictos in præsidio , decem millia viros . 20. At Machabæus , ordinatis circum se sex millibus , et constitutis per cohortes , adversus Timotheum processit , habentem secum centum viginti millia peditum , equitumque duo millia quingentos . 21. Cognito autem Judæ adventu , Timotheus præmisit mulieres , et filios , et reliquum apparatum , in præsidium , quod Carnion dicitur : erat enim inexpugnabile , et accessu difficile propter locorum angustias . 22. Cumque cohors Judæ prima apparuisset , timor hostibus incussus est , ex præsentia Dei , qui universa conspicit , et in fugam versi sunt aliis ab alio , ita ut magi a suis dejicerentur , et gladiorum suorum ictibus debilitarentur . 23. Judas autem vehementer instabat puniens profanos , et prostravit ex eis triginta millia virorum . 24. Ipse vero Timotheus incidit in partes Dosihei et Sosipatris : et multis precibus postulabat ut vivus dimitteretur , eo quod multorum ex Judæis parentes haberet ac fratres , quos morte ejus decipi eveniret . 25. Et cum fidem dedisset restituturum se eos secundum constitutum , illæsum eum dimiserunt propter fratribus salutem . 26. Judas autem egressus est ad Carnion , interfectis viginti quinque millibus . 27. Post horum fugam et necem , movit exercitum ad Ephron civitatem munitam , in qua multitudo diversarum gentium habitabat ; et robusti juvenes pro muris consistentes fortiter repugnabant : in hac autem machinæ multæ , et telorum erat apparatus . 28. Sed , cum Omnipotentem invocasset , qui potestate sua vires hostium confringit , ceperunt civitatem : et ex eis qui intus erant , viginti quinque millia prostraverunt . 29. Inde ad civitatem Scytharum abierunt , quæ ab Jerosolymis sexcentis stadiis aberat . 30. Contestantibus autem his qui apud Scythopolitas erant , Judæis , quod benigne ab eis haberentur , etiam temporibus infelicitatis quod modeste secum egerint : 31. gratias agentes eis , et exhortati etiam de cætero erga genus suum benignos esse , venerunt Jerosolymam die solemnis septimanarum instanti . 32. Et post Pentecosten abierunt contra Gorgiam præpositum Idumææ . 33. Exivit autem cum peditibus tribus millibus , et equitibus quadringentis . 34. Quibus congressis , contigit paucos ruere Judæorum . 35. Dositheus vero quidam de Baenoris eques , vir fortis , Gorgiam tenebat : et , cum vellet illum capere vivum , eques quidam de Thracibus irruit in eum , humerumque ejus amputavit : atque ita Gorgias effugit in Maresa . 36. At illis , qui cum Esdrin erant , diutius pugnantibus et fatigatis , invocavit Judas Dominum adjutorem et ducem belli fieri : 37. incipiens voce patria , et cum hymnis clamorem extollens , fugam Gorgiæ militibus incussit . 38. Judas autem collecto exercitu venit in civitatem Odollam : et , cum septima dies superveniret , secundum consuetudinem purificati , in eodem loco sabbatum egerunt . 39. Et sequenti die venit cum suis Judas , ut

corpora prostratorum tolleret, et cum parentibus poneret in sepulcris paternis. 40. Invenerunt autem sub tunicis interfectorum de donariis idolorum, quæ apud Jamniam fuerunt, a quibus lex prohibet Judæos : omnibus ergo manifestum factum est ob hanc causam eos corruisse. 41. Omnes itaque benedixerunt justum judicium Domini, qui occulta fecerat manifesta. 42. Atque ita ad præces conversi, rogaverunt ut id quod factum erat delictum oblivioni traderetur. At vero fortissimus Judas hortabatur populum conservare se sine peccato, sub oculis videntes quæ facta sunt pro peccatis eorum qui prostrati sunt. 43. Et facta collatione, duodecim millia drachmas argenti misit Jerosolymam offerri pro peccatis mortuorum sacrificium, bene et religiose de resurrectione cogitans. (44. Nisi enim eos qui ceciderant resurrecturos speraret, superfluum videretur et vanum orare pro mortuis;) 45. et quia considerabat quod hi, qui cum pietate dormitionem acceperant, optimam haberent repositam gratiam. 46. Sancta ergo et salubris est cogitatio pro defunctis exorare, ut a peccatis solvantur.

Vers. t.

1. JUDÆI AUTEM AGRICULTURÆ OPERAM DABANT. — Addit Gorionides ; lib. III, cap. XVII, pacem et quietem Judæorum durasse per octo menses : interea Judam Machabæum in quosdam perduelles Judæos animadvertisse : Judæos et Macedonas in pluribus Judeæ urbibus, maxime ad littus maris, simul habitasse, et negotia exercuisse; sed « Joppitas et Jamnienses » ea occasione perfide usos, in exitium et excidium Judæorum.

Vers. 2.

2. SED HI QUI RESEDÉRANT (in Judæa) **TIMOTHEUS ET APPOLONIUS, SED ET HIERONYMUS ET DEMOPHON SUPER HOS** (ita legendum cum Romanis et Græcis, (non « superbus », ut legunt Dionysius et Emmanuel Sa), **ET NICANOR CYPRIARCHES NON SINEBANT EOS IN SILENTIO AGERE ET QUIETE.** — Quinque híduces Antiochi occupabant multas Judææ urbes, ut Joppen et Jamniam, de quibus vers. 3 et seq.; ac Judæos, non obstante pace cum Lysia jam inita, infestare pergebant : tum quia huic rei assuerant, et ad hoc ab Antiocho collocati jam pridem erant in Judæa, ut eam vel attererent, vel tutam sibi subjicerent, ideoque semper Judæis fuere infensi et infesti ; tum quia ex prædis Judæorum vivebant. Denique miles pacem non amat, utpote qui in bello spoliis et rapinis se ditet : quare cum post bellum initur pax, Duces summe laborare debent, ut militem contineant, aliove bello, vel labore occupent, ne in seditiōnem versus, præsertim si stipendia ei plene non sint persoluta, ipsas Ducis regiones expilet et vastet, aut ad hostem transfugiat, aut novum sibi principem creet, ut in historiis saepe factum legimus, et hoc ævo reipsa vidimus. Quocirca Vegetius, lib. II De Re mil. cap. XXIII, docet assiduo labore, vel dirnicandi, vel sagittas jaciendi, vel fodiendi, vel currendi, vel castra muniendi, etc., occupandum et exercitandum esse militem, ne murmuret, et rbellet, aut prædas agat, aut iners et imbellis fiat ; « atque ab hac exercitatione, inquit, exercitus nomen accepit. » Additque : « Juniores quidem et novi milites mane et post mediem ad omne genus exercebantur armorum.

Veteres autem et eruditi sine intermissione semel in die exercebantur in armis. Neque enim longitudo ætatis, aut annorum numerus artem bellicam tradit, sed continua exercitationis meditatio : post quanta volueris stipendia inexercitatus miles semper est tyro. » Causam subjicit : « Nam et velocitas usu ipso acquiritur corporis, et scientia feriendi hostem, seque protegendi, præsertim si gladiis cominus dimicatur. Illud vero majus est, ut servare ordines discant. » Subdit deinde alia militum exercitia : « Ad palum quoque, vel sudes juniores exerceri percommudum est, cum latera, vel pedes, aut caput petere punctum cæsimque condiscunt. Saltus quoque et ictus facere pariter assuescant, insurgere tripudiantes in clypeum, rursusque subsidere, nunc gestiendo provolare cum saltu, nunc sedentes in terga resilire. Missilibus etiam palos ipsos procul ferire meditentur, ut et ars dirigendi, et dextræ virtus possit accrescere. » Et sub finem hæc addit : « Cæteris autem diebus, si nives tantum pluviæque cessarent, exerceri cogebantur in campo ; ne intermissa consuetudine animi militum debilitarentur et corpora. Sylvam cædere, portare onera, transilire fossas, natare in mari sive fluminibus, gradu pleno ambulare, vel currere etiam armatos cum sarcinis suis, frequentissime convenit, ut quotidiani laboris usus in pace, difficilis non videatur in bello. Sive ergo legio, sive auxilia fuerint, exerceantur assidue. »

3. ASCENDERE SCAPHAS, — quasi in mare piscaturi, vel lusuri, vel in insulam aliquam vicinam recreationis ergo trajecturi. Vers. 3.

4. SECUNDUM COMMUNE ITAQUE DECRETUM CIVITATIS. Vers. 4. — Tota ergo civitas decreverat hac fraude mergere Judæos; quare tota ut rea a Juda Machabæo, vers. 7, exitio fuit addicta.

5. PRÆCEPIT VIRIS, — ut arma caperent, et fratum cædem ulciserentur. Vers. 5.

7. DISCESSIT QUASI ITERUM REVERSURUS ET UNIVERSOS JOPPITAS ERADICATURUS. — Graeca addunt Judam hoc repentina impetu urbem utpote muni-

tam occupare non potuisse; quare portum invasisse, scaphas exussisse, et quotquot aderant interfecisse; itaque abiisse cum voluntate redeundi cum arietibus et balistis, ad urbem expugnandam et exterminandam.

Vers. 9. 9. JAMNITIS QUOQUE NOCTE SUPERVENIT, ET PORTUM CUM NAVIBUS SUCCEDEBAT, ITA UT LUMEN IGNIS APPARERET JEROSOLYMIS A STADIIS DUCENTIS QUADRAGINTA.

— Jamnia enim distabat a Jerosolymis stadiis 240, id est decem leucis Gallicis, sive triginta milliaribus Italicis: stadium enim est octava pars milliaris italicici, sive mille passuum, nimirum continens 125 passus: haec enim est octava pars mille passuum.

Porro milites Judæ in vicinis Jamniæ locis delubra idolorum expilarunt, indeque donaria suffurati sunt, quod lege erat vetitum, ut audiemus vers. 30.

Vers. 10. 10. COMMISERUNT (prælium) CUM EO ARABES, — qui Græce vocantur *Nomades*, id est pascendis gregibus occupati: eorum enim opes sunt pecudes et pecora, quibus omnes provincias successive depascuntur: νέμετο enim est pascere.

Vers. 13. 13. CASPHIN — urbs est quam Adrichomius collocat in tribu Dan juxta Jamniam; sed hic locus indicat eam longe ulterius ad meridiem versus Arabiam sitam fuisse. Ita Salianus.

Vers. 14. 14. REMISSIUS AGEBANT. — Græce ἀναγωγότερον ἐπ-χῶντο quod Vatablus vertit, *Pervicatores se exhibebant*. Α'ναγωγος enim est contumax, pervicax, indomitus, intractabilis, indoctus, qui disciplina caruit, ac remisso et laxe educatus est; ideoque petulantior, dissolutior, intemperantior, procacior evasit. Remissa enim et mollis educatio facit contumaces, juxta illud *Ecclesi. xxx, 8*: « Equus indomitus evadit durus, et filius remissus evadit præceps. Remissius ergo agebant, id est, voluptatibus suis dediti negligebant et despiciebant Judam, eique petulanter insultabant, eo quod muris suis præsiderent, putarentque se esse inexpugnabiles.

Vers. 15. 15. IRRUIT FEROCITER MURIS, — eos quatiens, et sternens per incussum arietem, vel balistam. Gorianides tamen asserit Judam portas oblinivisse pice, ac spinas e deserto ad easdem agressisse, itaque incensa porta in urbem penetrasse, ac tandem in urbe stragem edidisse tantam, ut stagnum latum quoquo versus per duo stadia fluxerit sanguine, quasi aqua.

Vers. 17. 17. INDE DISCESSERUNT STADIA SEPTINGENTA QUINQUAGINTA, — quæ faciunt 93 millaria Italica cum sex stadiis, hoc est leucas Gallicas fere triginta.

ET VENERUNT IN CHARACA AD EOS, QUI DICUNTUR TUBIANÆ, JUDÆOS.— Salianus censem locum hunc Characa dictum, eo quod naturali, aut arte facto insigni vallo munitus esset: χάραξ enim est valum.

« Tubianæ » dicti sunt a loco *Tubin* quem incolebant, de quo lib. I, cap. v, vers. 12. Quare iuppertinens est quod scribit Rabanus, et ex eo

D. Thomas (si tamen hujus *Commentarii in Machab.* est auctor): « Andivi, inquit, quemdam Hebræum disserentem Tubianæos Judæos illos nuncupari, qui ex alienigenis convocati in adiutorium Judæ venerunt, et dictos Tubianæos, quasi alienis tubis conductos. » Tubianæi enim erant Hebræi, non Latini: quare non a *tubis*, sed a *Tubin* dicti, forte ab Hebræo Τύβω *tob*, id est bonus, quasi Timotheus Judæos, qui ab egregia honestate nomen acceperunt, sit persecutus; ideoque a Juda repressus. Ita Sanchez.

20. EQUITUMQUE DUO MILLIA QUINGENTIS.— Græca Vers. 20 habent 1500; sed viginti millia peditum facile requirebant 2500 equites. Ita Vatablus, Salianus et alii.

21. PRÆSIDIUM (arx sive locus munitus) QUOD Vers. 21 CARNION DICITUR, — ac proinde diversum ab urbe quæ Carnaim, id est duorum cornuum, sive bicornis dicitur, de qua lib. I, cap. v. Aliud ergo est prælium, quod hic; aliud, quod ibi narratur. Si quis tamen idem esse velit, contentiosum funem cum eo non traham, imo omnibus rite consideratis haec sententia mihi æque ac Saliano videtur probabilior.

22. TIMOR HOSTIBUS INCUSSUS EST EX PRESENTIA Vers. 22 DEI. — Ex iis quæ dicta sunt cap. x, vers. 29 et 30, et cap. xi, vers. 8, suspicari licet Michaelem Synagogæ, hoc est Judæ et Judæorum protectorem vel per se, vel per Angelos sibi subditos et Judæ, ac Judæorum custodes Timotheanis hostibus Judæorum visibiliter terribili et minaci vultu apparuisse: imo in eos horrifico impetu irruisse, itaque eis terorem, fugam, amentiam et interitum attulisse. Ita Salianus: unde mox Judas Angeli ope occidit 30 millia, ut dicitur vers. 23: ipsum vero Timotheum vivum cepit vers. 24.

24. IPSE VERO TIMOTHEUS INCIDIT IN PARTES DOSI- Vers. 24 THEI ET SOSIPATRIS (qui erant duces Judæ Machabæi cum eo et pro eo pugnantes), ET MULTIS PRECIBUS POSTULABAT UT VIVUS DIMITTERETUR, EO QUOD MULTORUM EX JUDEIS PARENTES HABERET AC FRATRES (captivos et in potestate sua), QUOS MORTE EJUS DECIPPI (forte legendum despici, Græce enim est ἀλογηθῆναι, id est negligi vertit Vatablus) EVENIRET, — q. d. Si me despiciatis et occiditis, mei pariter Judæos vestros, quos captivos detinent, despiciunt, et in mei sanguinis vindictam eos occident.

25. ET CUM FIDEM DEDISSET RESTITUTUR SE EOS Vers. 23 SECUNDUM CONSTITUTUM, — id est juxta promissum et pactum.

26. JUDAS AUTEM EGREGIUS EST AD CARNION. — Vers. 26 Græca addunt: και το ατεργατειον et *Atergateion* quod erat fanum Deæ Syrorum dictæ Atargate, ad quod proinde quasi ad asylum multi hostium profugerent; ideoque Judas eo contendit, ac fanum profanavit et profugos occidit ad 25 millia. Audi de hac Dea veteres. Plinius lib. V, cap. xxiii: « Hieropolis, inquit, Syris vocatur Magog, ibi prodigiosa Alargatis; Græcis autem Derceto dicta, colitur. »

Strabo, lib. XVI, in fine, ait Atargatam corrupto a barbaris vocabulo dici Atharam, quam Ctesias, inquit, Decreto vocavit. Athenagoras in *Apologia* ait hanc Decreto matrem fuisse Semiramidis, lascivam mulierem et homicidam, quæ, ut scribit Diodorus in lib. III, filiam ex lascivo adolescente suscepit; Venere matre sua lenocinante, filiam columbis nutriendam dederit, ipsa se pudore flagitiæ in stagnum abjecerit, ubi in piscem versa fuerit, et filia in columbam. Quare, inquit, Syri piscibus abstinent, et templum in stagni littore constituerunt; Derceto facie quidem formosæ mulieris, reliqua parte piscis simulacrum coluerunt.

Vers. 27. 27. MOVIT EXERCITUM AD EPHRON. — Græca addunt in qua habitabat (habitare solebat, nam jam erat absens) Lysias tutor Antiochi Eupatoris; ideoque ad eam magnus fuit variarum Gentium confluxus: qua de causa in eam sœvit Judas. Hanc primo expugnavit Judas anno Græc. 148, vivente adhuc Antiocho Epiphane, lib. I, cap. v; deinde vero eamdem reflorescentem cepit anno Græcorum 149, vel 150 sub Antiocho Eupatore; imo Salianus contendit eamdem esse expugnationem hanc hujus capitum cum illa quæ recensita est lib. I, cap. v. Nam ibi quoque contra Timotheum pugnatur contra Carnaim, a Carnaim pergitur ad Ephron, inde ad Bethsan, quæ a Græcis dicta est Scythopolis. Quare ea quæ, lib. I, cap. v, dicuntur usque ad vers. 8, gesta esse sub Antiocho Epiphane; quæ vero a vers. 8 ad finem narrantur, gesta esse sub Antiocho Eupatore, licet Scriptura brevitatis studio hæc non distinguat, nec tempora duorum regum assignet, idque satis est verisimile.

Vers. 29. 29. INDE AD CIVITATEM SCYTHARUM (quæ inde dicta est Scythopolis) QUÆ AB JEROSOLYMIS SEXCENTIS STADIIS ABERAT, — quæ faciunt 75 millaria Italica, quorum quodque continet mille passus; hujus enim milliaris octava pars est stadium, utpote continens 125 passus, ut dixi superius. Porro Scythæ hanc urbem restaurarunt et inhabitarunt. Sita est cis Jordanem in tribu Manasse, eratque Decapolis maxima. Vide Adrichomium.

31. VENERUNT JEROSOLYMAM DIE SOLEMNI SEPTIMANARUM INSTANTE. — Intelligit festum Pentecostes, quod dicitur « septimanarum, » quia post septem septimanas, sive post 49 dies a Paschate celebratur proximo die quinquagesimo, Lev. xxiii, vers. 18.

Vide hic celeritatem Judæ Machabæi, qui instar fulminis omnia pervasit. Nam unius circiter mensis spatio (scilicet a mense Xanthico, hoc est aprilii de quo cap. xi, vers. ult., usque ad finem maii, quo Pentecosten illo anno celebrabant), variis in locis cecidit supra centum millia hostium; nimis ex castris Timothei vers. 23, cecidit triginta millia, ex incolis Carnion vers. 26, millia 25, ex Ephron vers. 28, totidem. Adde inumeros Jopitas et Jamnienses ab eo cæsos vers. 6 et 9, et Arabes vers. 10, et incolas Casphin vers. 16, quos

ita trucidavit, ut stagnum duorum stadiorum sanguine fluere videretur.

33. EXIVIT AUTEM CUM PEDITIBUS TRIBUS MILLIBUS, Vers. ? ETEQUITIBUS IN QUADRINGINTIS.—« Exivit » nimis Judas contra Gorgiam: hujus enim longe numerosior erat exercitus. Ita Vatablus, Salianus et alii. Unde colligas subinde Judam præter pedites habuisse equites, sed paucos.

35. DOSITHEUS VERO QUIDAM DE BACENORIS, — sci- Vers licet castris; qui nimis ad Bacenoris militiæ Ducis castra pertinebat, eumque ut miles sequebatur. Patet ex Græco, licet Gorionides et ex ec Serarius censeant hunc Dositheum fuisse Duxem exercitus, de quo vers. 19, qui Bacenoris fuerit filius, vel nepos.

36. AT ILLIS QUI CUM ESDRIN ERANT DIUTIUS PUG- Vers. 36 NANTIBUS. — « Esdrin » fuit unus e Judæ ducibus, qui cum diurna pugna fatigarentur, Judas ardentissimi animo et voce invocans Deum, hostes fudit et pugnæ finem imposuit. Male ergo codex Basilius pro « Esdrin » ponit « Gorgiam » hostem Judæ.

37. INCIPiens VOCE PATRIA, (non quasi Judas Vers. 37 alias Græce sit locutus; hic vero Hebraice, quæ lingua ipsi erat patria, sed patria, id est animosa, confidenti, forti, excelsa, generosa, clamosa, utverum decebat Judam, et Judæum, invocans Deum, robur ab eo impetravit, quo hostes illico prosterneret; unde explicans subdit :) ET CUM HYMNIS CLAMOREM EXTOLLENS FUGAM GORGIAE MILITIBUS INCUSSIT. — Vide quæ de voce patria dixi, cap. vii, vers. 8 et 27.

38. PURIFICATI — a sanguinis hostium effusione Vers. 38. et cadaverum contactu.

39. SEQUENTI DIE (scilicet prima post sabbatum, Vers. 39. quæ nobis est Dominica) VENIT CUM SUIS JUDAS UT CORPORA PROSTRATORUM (inter quos erant nonnulli et fortissimi Assamoneis, ait Gorionides) TOLLERET, ET CUM PARENTIBUS PONERET IN SEPULCRIS PATERNIS. — Hic enim est honor, qui militibus cæsis debetur; hoc ultimum est pietatis officium, nimis ut corpora eorum religose sepeliantur, adeo ut apud Romanos aliosque Gentiles sepulturam negligere, vel negare etiam hosti ingens fuerit ignominia, inhumanitas et barbaries. Unde Q. Curtius, lib. V: « Vix ullum, inquit, tam solemne munus in bello, quam humandi suos. »

40. INVENERUNT AUTEM SUB TUNICIS (Græca ad- Vers. 43 dunt : ἐξαζων, id est uniuscujusque) INTERFECTORUM DE DONARIIS IDOLORUM, QUÆ APUD JAMNIAM FUERUNT (ut dixi, vers. 9) A QUIBUS LEX PROHIBET, — jubens ea comburi ad abominationem idolorum et idolatriæ. Sic enim sancit Deut. vii, 25: « Sculptilia eorum igne combures, non concupisces argentum et aurum, de quibus facta sunt; neque assumes ex eis tibi quidquam, ne offendas, propterea quod abominatione est Domini Dei tui. Nec inferes quidquam ex idolo in domum tuam, ne fias anathema, sicut et illud est; quasi spurcitudinem detestaberis, et velut inquinamentum ac sordes

abominationis habebis, quia anathema est. »

OMNIBUS ERGO MANIFESTUM FACTUM EST OB HANC CAUSAM EOS CORRUSSSE, — quia soli illi corruerant, qui hæc donaria abstulerant, ut patet ex Græco; cæteri vero illæsi et vivi erant. Hinc collige admirandas et cœlestes fuisse Judæe victorias, utpote incruentas, in quibus nemo suorum cœderetur nisi ipse per furtum, aliudve scelus culpam suæ cœdis dedisset, Deique offensi custodiam et protectionem a se avertisset. Unde hactenus non legimus Judam post prælium cæsorum corpora sepelivisse, quia scilicet nemo eorum occubuerat. Discant hic milites a rapinis et criminibus abstinere. Sic enim Deus eos conservabit, imo victores efficiet; victoriam enim subinde aufert unius vel paucorum scelus, uti abstulit furtum Achæ, *Josue cap. VII.*

Vers. 42. 42. ROGAVERUNT UT ID QUOD FACTUM ERAT DELICUTUM OBLIVIONI TRADERETUR. — Græce : *perfecte deleretur*. Supponebant ergo cæsos ante mortem de furto peccatum, ejusque partem præcipuam scilicet culpam per contritionem delevisse : quare alteram partem scilicet reatum poenæ post hanc vitam in Purgatorio luendæ tantum restare, qui per sacrificia expiandus erat, ut peccatum perfecte deleretur, itaque ipsorum animæ a poenis Purgatorii exemptæ ad limbum patrum sive ad sinum Abrahæ transferrentur.

Adde nonnullorum peccatum hic non fuisse mortale, sed veniale, tum quia aliqui, utpote rudes et milites, ignorabant legem vetantem hæc idolorum furta, aut certe putabant eam tantum obligare sub veniali ; tum quia nonnulli erant in gravi, vel extrema necessitate, in quibus sibi putabant licitum furari ad vitam servandam, tum quia aliqui parum admodum rapuerant, quos materiæ levitas a mortali excusabat. Nam expresse, vers. 45, ait eos « cum pietate » obdormitionem (id est mortem) accepisse. Erant ergo in statu gratiæ. Denique justum et pium erat ut Judas cum suis æstimaret, et speraret nonnullos ex iis, vel venialiter tantum peccasse, vel si mortaliter, poenituisse, antequam expirarent; ideoque preces et suffragia pro defunctis fieri solita eis adhibuisse, uti etiamnum peccatoribus ea adhibet Ecclesia. Omni enim ratione, et modo quo potest fidelium animas adjuvare, et poenis eximere satagit. Hoc enim exigit pietas, et charitas, ipsaque communio Sanctorum.

AT VERO FORTISSIMUS (Græce γενναῖος, id est generosus) JUDAS HORTABATUR POPULUM CONSERVARE SE SINE PECCATO, — eo quod fortitudo eorum consisteret in innocentia et justitia; Deus enim innocentes et justos conservabat in præliis, faciebatque victores; nocentes vero et rapaces sinebat vinci et occidi, uti hic factum esse ipsimet oculis suis videbant, ut sequitur.

Vers. 43. 43. DUODECIM MILLIA DRACHMAS ARGENTI (quæ faciunt mille aureos, si drachmæ fuerunt Atticæ; sin Hebraicæ, faciunt bis mille aureos, quibus multæ

hostiæ pro peccato coemi et offerri poterant) MISIT (Judas quasi Pontifex) JEROSOLYMA OFFERRI PRO PECCATIS MORTUORUM. — Hinc ergo liquet Judam Pontificem credidisse Purgatorium, in quo animæ post hanc vitam a culpis expientur. Hæc enim fuit fides Synagogæ et prisorum Judæorum æque ac modernorum, ut patet ex eorum Ritualibus, Commentariis et scriptis, quæ citant Serarius hic, Genebrardus, Bellarminus et alii scribentes de Purgatorio. Idipsum clare patet ex illo *Tobia iv, 18* : « Panem tuum et vinum tuum super sepulturam justi constitue. » Vide ibi dicta.

BENE ET RELIGIOSE (Græce ἀγαπῶς id est urbane, eleganter, pulchre, scite, probe) **DE RESURRECTIONE COGITANS.** — Urbanum enim, civile, honestum et probum est suos cives vita functos precibus juvare, ut ad beatam resurrectionem, quæ omnis elegantia, pulchritudinis et gloriæ plenisima est, resurgent.

44. NISI ENIM EOS QUI CECIDERANT RESURRECTUROS Vers. 44. **SPERARET, SUPERFLUUM VIDERETUR ET VANUM ORARE PRO MORTUIS.** — Dices : Non foret vanum hoc, quia anima, quæ est immortalis, a poenis liberaretur per preces; esto corpus non resurgeret. Respondeo, quia anima est immortalis, hinc exigit corporis resurrectionem. Anima enim naturaliter ad corpus propendet, sicut forma ad materiam. Quare violentus foret status animæ, si in æternum duraret sine corpore. Quocirca hæc duo, scilicet animæ immortalitas et corporis resurrectio, ita connexa sunt, ut qui ponit creditque unum, ponat creditque et alterum; ac qui tollit negatque unum, tollat negetque et alterum.

45. QUI CUM PIETATE (id est in statu gratiæ certantes, et dimicantes pro vera fide, pietate et cultu Dei) **DORMITIONEM ACCEPERANT,** — id est occubuerant. Mors enim in Scriptura vocatur somnus per analogiam et similitudinem; mors enim est quasi longus somnus, somnus vero est quasi brevis mors; sed maxime mors vocatur somnus ob spem resurrectionis, in qua quasi e somno evigilabimus ad vitam æternam.

46. SANCTA ERGO ET SALUBRIS (Græce ἀστερῖς, id est pia) **EST COGITATIO PRO DEFUNCTIS EXORARE UT A PECCATIS** (id est a poenis peccatorum) **SOLVANTUR.** — Hoc est epiphonema Scriptoris Canonici, quod finem Synagogæ prisæ de Purgatorio et suffragiis pro animabus in eo detentis clare astruit. Hæc ergo fuit fides Ecclesiæ ab omni ævo certa et indubitata.

Sanctum ergo est sacrificium pro defunctis, quia sancte Deo sancto immolatur. Idem est pium, tum in animas, quas horrendis Purgatorii cruciatis ignibusque liberat; tum in cœlites beatosque, quorum numerum, indeque lætitiam et gloriam adauget; tum in Ecclesiam, cui novos apud Deum patronos et advocates conciliat; tum in ipsummet sacrificantem, cui animæ ab ipso liberae vicariam gratiam rependent, orantes Deum assidue pro ejus salute. Quare valde pium et utile est crebro orare pro defunctis, idque oranti multa

conciliat bona : uti docte ostendit noster Martinus de Roa, libello hac de re edito.

Audi S. Augustinum, lib. I : « In Machabæorum, inquit, libris legimus oblatum pro mortuis sacrificium ; sed et si nusquam in Scripturis veteribus legeretur, non parva est universæ Ecclesiæ quæ in hac consuetudine claret auctoritas, ubi in precibus sacerdotis, quæ Domino Deo ad ejus altare funduntur, locum suum habet, etiam commendatio mortuorum. Et Damascenus, *Orat. pro defunctis* : « Animadvertisse, inquit, quid Scriptura sacra de Juda Machabæo memorie prodide-

rit, nimis eum, in Sion regis magni civitate, cum populum, cui præerat, ab exteris hostibus cæsum et truncatum vidisset, sinusque eorum executiens, condita in ipsis idola comperisset, statim expiandi hujusce sceleris causa, Domino ad misericordiam prompto atque propenso, pro unoquoque eorum munera obtulisse, in eaque re summæ pietatis et charitatis munere perfunctum esse. Unde etiam factum est ut divina Scriptura, quemadmodum omnibus aliis nominibus, ita hoc quoque nomine summis eum laudibus evexerit, ac mirifice commendarit. »

CAPUT DECIMUM TERTIUM.

SYNOPSIS CAPITIS.

Antiochus Eupator, duce Lysia, bellum contra Judam instaurat cum 110 millibus peditum et 5 millibus equitum, ac Menelaum pseudo-pontificem ex alto præcipitat. Eupatori, vers. 10, Judas sese opponit, ac invocato Deo noctu castra ejus ingressus multos cecidit. Inde, vers. 18, Eupator Bethsuram obsidet, et deditio occupat. Denique, vers. 22, confligens cum Juda victus est : unde audiens rebellare Philippum pacem a Juda poposcit et obtinuit.

1. Anno centesimo quadragesimo nono, cognovit Judas Antiochum Eupatorum venire cum multitudine adversus Judæam, 2. et cum eo Lysiam procuratorem et præpositum negotiorum, secum habentem peditum centum decem millia, et equitum quinque millia, et elephantes viginti duos, currus cum falcibus trecentos. 3. Commiscuit autem se illis et Menelaus : et cum multa fallacia deprecabatur Antiochum, non pro patriæ salute, sed sperans se constitui in principatum. 4. Sed Rex regum suscitavit animos Antiochi in peccatorem : et sugerente Lysia hunc esse causam omnium malorum, jussit (ut eis est consuetudo) apprehensum in eodem loco necari. 5. Erat autem in eodem loco turris quinquaginta cubitorum, aggestum undique habens cineris : hæc prospectum habebat in præcepſ. 6. Inde in cinerem dejici jussit sacrilegum, omnibus eum propellentibus ad interitum. 7. Et tali lege prævaricatorem legis contigit mori, nec terræ dari Menelaum. 8. Et quidem satis juste : nam quia multa erga aram Dei delicta commisit, cuius ignis et cinis erat sanctus, ipse in cineris morte damnatus est. 9. Sed rex mente effrenatus veniebat, nequiorem se patre suo Judæis ostensurus. 10. Quibus Judas cognitis, præcepit populo ut die ac nocte Dominum invocarent, quo, sicut semper et nunc, adjuvaret eos : 11. quippe qui lege, et jatria, sanctoque templo privariverentur; ac populum, qui nuper paululum, respirasset, ne sineret blasphemis rursus nationibus subdi. 12. Omnibus itaque simul id facientibus, et petentibus a Domino misericordiam, cum fletu et jejunii, per triduum continuum prostratis, hortatus est eos Judas ut se præpararent. 13. Ipse vero cum senioribus cogitavit, prius quam rex admoveret exercitum ad Judæam, et obtineret civitatem, exire, et Domini judicio committere exitum rei. 14. Dans itaque potestatem omnium Deo mundi creatori, et exhortatus suos ut fortiter dimicarent, et usque ad mortem pro legibus, templo, civitate, patria et civibus starent, circa Modin exercitum constituit. 15. Et dato signo suis Dei victoriæ, juvenibus fortissimis electis, nocte aggressus aulam regiam, in castris interfecit viros quatuor millia, et maximum elephantorum cum his qui superpositi fuerant : 16. summoque metu ac perturbatione hostium castra repletæ, rebus prospere gestis, abierunt. 17. Hoc autem factum est die illucescente, adjuvante

eum Domini protectione. 18. Sed rex, accepto gustu audaciæ Judæorum, arte difficultatem locorum tentabat : 19. et Bethsuræ, quæ erat Judæorum præsidium munitum, castra admovebat; sed fugabatur, impingebat, minorabatur. 20. His autem, qui intus erant, Judas necessaria mittebat. 21. Enuntiavit autem mysteria hostibus Rhodocus quidam de Judaico exercitu, qui requisitus comprehensus est et conclusus. 22. Iterum rex sermonem habuit ad eos qui erant in Bethsuris : dextram dedit, accepit, abiit ; 23. commisit cum Juda, superatus est. Ut autem cognovit rebellasse Philippum Antiochiae, qui relictus erat super negotia, mente consternatus, Judæos deprecans, subditusque eis, jurat de omnibus quibus justum visum est : et reconciliatus obtulit sacrificium, honoravit templum, et munera posuit. 24. Machabæum amplexatus est, et fecit eum a Ptolemaide usque ad Gerrenos ducem et principem. 25. Ut autem venit Ptolemaidam, graviter ferebant Ptolemenses amicitiae conventionem, indignantes ne forte fœdus irrumperent. 26. Tunc ascendit Lysias tribunal, et exposuit rationem, et populum sedavit, regressusque est Antiochiam ; et hoc modo regis profectio et redditus processit.

Hoc caput collocandum est lib. I, cap. vi, vers. 28; ibi enim usque ad finem capitinis fuse narratur eadem, quæ hic. Unde colligas alium hujus libri secundi alium libri primi fuisse auctorem, ut liquet ex diversitate narrandi.

Vers. 2. 2. PEDITUM CENTUM DECEM MILLIA, EQUITUM QUINQUE MILLIA, ET ELEPHANTOS VIGINTI DUOS. — Dices : lib. I, cap. vi, vers. 30, numerantur centum milia peditum et 20 equitum, ac 32 elephanti. Respondeo variis diebus varius fuit copiarum numerus; hunc enim aliæ accedebant, nunc veteres missæ alio abscedebant.

Vers. 3. 3. COMMISCUIT AUTEM SE ILLIS ET MENELAUS, — qui ab Antiocho Epiphane constitutus erat Judæorum pseudopontifex, petens ab Eupatore Epiphanis filio, ut hunc Pontificatum, et consequenter Principatum (tunc enim Pontifex simul erat princeps) sibi confirmaret. Vide dicta cap. IV, vers. 23 et ultimo.

Vers. 4. 4. SED REX REGUM (Deus) SUSCITAVIT ANIMOS ANTIOCHI IN PECCATOREM (id est in apostatam et patriæ proditorem Menelaum, ut indignans eum pro meritis castigaret) SUGGERENTE LYSIA HUNC ESSE CAUSAM OMNIUM MALORUM, — id est omnium seditiōnum et bellorum, quæ Judæi movebant Antiocho, eo quod Menelaum pseudopontificem insolentem et sacrilegum pati non possent. Ita Josephus.

JUSSIT (UT EIS EST CONSUETUDO) APPREHENSUM IN EODEM LOCO NECARI, — puta ex alta turri præcipitari. Sic enim Syri solebant proditores, sacrilegos et scelestos plectere, de quo plura vers. seq.

Vers. 5. 5. ERAT AUTEM IN EODEM LOCO TURRIS QUINQUAGINTA CUBITORUM AGGESTUM UNDIQUE HABENS CINERIS. — Videtur Interpres noster aliud habuisse Græcum exemplar; nam modernum sic habet : *Est autem eo in loco turris 50 cubitorum, plena cinere, aggestam habens in fundo cineris copiam. Hæc autem instrumentum habebat rotundum undique præceps in cinerem; hic sacrilegii reum, et quorundam aliorum malorum principem, sive excessum habentem, omnes protrudunt in interitum.* Tigurina sic : *Eo in loco*

plena pulvere 50 cubitorum turris erat, quæ machinam habebat circumversatilem, in pulvrem undique declivem. Ibi eum, qui damnatus esset sacrilegii, aut qui aliud quodcumque malum insigne patrasset, omnes protrudebant ad interitum.

Hoc supplicii genus adinvenit Darius Ochus rex Persarum, ut plecteret conjurationis auctores quos se ferro non occisurum juraverat. Nam ut ait Valerius Maximus, lib. IX, cap. II: « Septum altis parietibus locum cinere complevit, suppositoque ligno, prominente benigno cibo et potionē, exceptos in eo collocabat, ex qua somno sopiti in illam insidiosam congeriem decidebant. » Idem docet Ovidius in *Ibin*.

Utque necatorum Dareii fraude secundi,
Sic sua succendens devoret ossa cinis.

6. INDE IN CINEREM DEJICI JUSSIT SACRILEGUM. — Vers. 6. Vide hic justam congruamque talionis poenam a Deo vindice Menelao inflictam : facit enim eum cineribus profanis obrui et sepeliri, eo quod ipse cineres altaris Dei dispersisset, et suis sacrilegiis contaminasset, uti expresse dicitur, vers. 8.

9. SED REX (Antiochus Eupator) MENTE EFFRENATUS (indignans et furens in Judæos sibi rebellantes) VENIEBAT NEQUIOREM (truculentiorem) SE PATERE SUO (Antiocho Epiphane crudelissimo) JUDÆIS OSTENSURUS. — Vers. 9.

10. QUIBUS JUDAS COGNITIS PRÆCEPIT POPULO UT DIE AC NOCTE DOMINUM INVOCARENT; — per triduum ut sequitur. Ecce hic est præludium, et quasi origo litaniæ publicæ, sive orationis continuæ, tam noctu quam diu per 40, imo 72 horas. Hæc fuere arma spiritualia Judæ, quibus semper de hostibus triumphavit. — Vers. 10.

14. DANS ITAQUE POTESTATEM OMNIUM DEO, — q. d. Vers. 14; Judas se suosque committens, et resignans Dei quasi omnium Domini beneplacito, noctu invasit castra Antiochi, ut vel vinceret, vel pro Deo et patria occumberet, prout Deus voluisse.

15. ET DATO SIGNO SUIS DEI VICTORIAE, — q. d. Vers. 15,

Judas suis hoc dedit militare signum , sive tesseram, nimirum « Deus victor, » vel « Dei victoria, » vel « Deus adjutor. » Hoc enim signum quasi omen victoriae suis dare solebat, ut patet cap. VIII, vers. 23. Unde Judas Deo duce mox cecidit quatuor millia hostium , cæterosque perculit, ut de obitu cogitarent.

^{vers. 18.} 18. SED REX ACCEPTO GUSTU AUDACIÆ JUDÆORUM, (cum scilicet gustasset, id est sensisset, et reipsa expertus esset Judæ audaciam , qua cum paucis in castra sua irrumpere , et quatuor millia trucidare ausus fuerat, veritus ne plura et majora auderet, a vi conversus ad astum) ARTE DIFFICULTATEM LOCORUM TENTABAT, — id est per solertia, dolum et proditionem difficiliora ad expugnandum Judææ loca occupare tentabat. Quocirca,

^{vers. 19.} 19. BETHSURÆ, etc., CASTRA ADMOVEBAT, SED FUGABAT, IMPINGEBAT, MINORABAT. — Vatablus atterebatur, tum fame, tum morbis, tum ab armis obsessorum æque ac Judæ in eum ex improviso irruentium. Bethsura erat arx munitissima in petra et rupe sita (*Bethsur* enim Hebraice idem est quod *domus petræ*); unde Josephus, lib. XIII, cap. ix, Bethsuram ait fuisse locum totius Judææ munitissimum. Erat ad meridiem Jerosolymæ, ab ea distans quinque stadiis, hoc est 624 passibus, ut eam contra Idumæorum aliorumque hostium incursionses defenderet. Quare Antiochus Bethsuram vi expugnare non potuit, præsertim cum Judas adesset et obsassis assidue alimenta et subsidia submitteret, ut sequitur.

^{vers. 21.} 21. ENUNTIAVIT AUTEM MYSTERIA (hòc est arcana, sive secreta) HOSTIBUS RHODOCUS : — probabiliter Salianus opinatur mysteria hæc fuisse secretas quasdam vias, et modos quibus alimenta Bethsuræ suggerebantur, quæ perfidus Rhodocus hostibus patefecerit, transfugere ad eos destinans: sed re patefacta) inquisitus inventusque, in carcerem conjectus est. Id ita esse colligitur ex sequenti versu.

^{vers. 22.} 22. ITERUM REX SERMONEM HABUIT AD EOS QUI ERANT IN BETHSURIS : DEXTRAM DEDIT, ACCEPIT, ABIIT, — q. d. Rex primo allocutus milites Bethsuræ, ut se dederent, ab eis repulsus fuit, eo quod Judas per occultas vias obsassis alimenta subministraret. At ubi has vias per Rhodocum proditorem Antiochus agnovit, et obstruxit, iterum milites allocutus eos jam fame laborantes ad ditionem inflexit.

^{vers. 23.} 33. COMMISIT (prælium) CUM JUDA : SUPERATUS EST. — q. d. Antiochus, capta Bethsura, perrexit ad vicinam Jerosolymam; sed ibi a Juda repulsus et superatus est, vide dicta libro I, cap. vi, vers. 51. Ita Sanchez, licet Salianus hæc referat ad quatuor millia in castris Antiochi a Juda, vers. 45, cæsa, antequam caperetur Bethsura.

UT AUTEM COGNOVIT REBELLARE PHILIPPUM, — cui Antiochus Epiphanes moriens annulum et diade-

ma tradiderat, filiumque Eupatorem cum regno commiserat. Hic audiens Lysiam tutorem esse Eupatoris, et regnum administrare, utriusque rebellavit, et Antiochiam occupavit. Quare Lysias ut eum Antiochiæ obsideret, caperetque et occideret, pacem cum Juda et Judæis petiit, et impetravit. Vide dicta lib. I, cap. vi, vers. 14 et 55.

JUDÆOS DEPRECANS SUBDITUSQUE EIS. — Vatablus liberalius rem exaggerans sic vertit : « Perturbatus suppliciter se summisit Judæis, juravit in quas-cumque conditiones, pacem iniit, sacrificium fecit, honorem detulit templo, locum benignitate prosecutus est, et Machabæum amplexatus est, » etc.

^{Vers. 24.} 24. ET FECIT EUM (Judam) A PTOLEMAIDE USQUE AD GERRENOS (id est Gerrasenos) DUCEM ET PRINCIPEM. — Græce : *Reliquit Judam bellum ducem a Ptolemaide usque ad Gerrhenorum principatum*, ut nomine Antiochi quasi prorex illas regiones administraret.

^{Vers. 25.} 25. UT AUTEM VENIT PTOLEMAIDAM, GRAVITER FERBANT PTOLEMENSES AMICITIÆ CONJUNCTIONEM, INDIGNANTES NE FORTE FOEDUS IRRUMPERENT. — Græce, *Indignabantur pro eo quod irrita facere voluerant fædera;* quod nonnulli sic exponunt, q. d. Ptolemenses indigne ferebant quædam ab Antiocho concessa Judæis, ob quæ ipsi Ptolemenses voluerant fædera pacis irrita facere. Sed hic sensus non consentit cum Latina vulgata, quæ plane metum rumpendi fœderis Judæis attribuit, q. d. Ptolemenses indignabantur hoc fœdus ab Antiocho cum Judæis initum , ac præsertim Judæ Machabæo, quasi proregi se ab eo subjectos fuisse, eo quod metuerent ne Judas et Judæi jam potentiores facti insolecerent, ac fœdus cum rege initum abrumperent, atque sese quoque et vicinas regiones, utpote jam Judæ subditas, secum eidem rebellare compellerent. Erant enim Ptolemenses Judæorum hostes, ut patet ex eo quod ipsi Jonatham Judæ fratrem per proditionem captum cum suis occiderint, ut dictum est libro I, cap. xii, vers. 48 (1).

^{Vers. 26.} 26. TUNC ASCENDIT LYSIAS TRIBUNAL (quasi sug- gestum altum et elevatum, ex quo ab omnibus videri et audiri posset), ET EXPOSUIT RATIONEM (cur hoc fœdus initum esset, scilicet quod expediret, tam regi, quam ipsis, cum Juda et Judæis, utpote viris fortissimis, felicissimis, justissimis et fidelissimis pacem colere, itaque) POPULUM (tumultuantem) SEDAVIT.

(1) Talis esse hujusce versus interpretatio nobis videtur juxta textum græcum : *Graviter ferebant Ptolemenses propter pacta, id est, cum Antiochus venisset Ptolemaidem, reperit cives causa pactorum magna molestia indignationeque affectos, scilicet causa Ptolemensium molestiae indignationisque fuit pax cum Judæis constituta, qua conditiones pacis et conventionis quam rex cum ipsis fecerat violari videbantur; et sic Græcus cum Vulgata quoad sensum concordat.*

CAPUT DECIMUM QUARTUM.

SYNOPSIS CAPITIS.

Demetrius occiso Lysia et Antiocho Eupatore, suadente Alcimo proditore, mittit Nicanorem cum magno exercitu contra Judam et Judæos; sed is fadus cum Juda init: ægre id fert Demetrius, jubetque ut Judam vinctum ad se mittat. Judas id præsentiens in locum tutum sese recipit: mox Nicanor iram in Judam conceptam in Raziam magni nominis virum evomit. Sed Razias trina ratione mortem violentam sibi infert; ne in ejus manus incidat.

1. Sed post triennii tempus, cognovit Judas, et qui cum eo erant, Demetrium Seleuci cum multitudine valida, et navibus, per portum Tripolis ascendisse ad loca opportuna, 2. et tenuisse regiones adversus Antiochum, et ducem ejus Lysiam. 3. Alcimus autem quidam, qui summus sacerdos fuerat, sed voluntarie coinquinatus est temporibus commixtionis, considerans nullo modo sibi esse salutem, neque accessum ad altare, 4. venit ad regem Demetrium, centesimo quinquagesimo anno, offerens ei coronam auream et palmam, super hæc et thallos, qui templi esse videbantur. Et ipsa quidem die siluit. 5. Tempus autem opportunum dementiæ suæ nactus, convocatus a Demetrio ad consilium, et interrogatus quibus rebus et consiliis Judæi niterentur, 6. respondit: Ipsi qui dicuntur Assidæi Judæorum, quibus præest Judas Machabæus, bella nutriunt, et seditiones movent, nec patiuntur regnum esse quietum. 7. Nam et ego defraudatus parentum gloria (dico autem summo sacerdotio) huc veni: 8. primo quidem utilitatibus regis fidem servans, secundo autem etiam civibus consulens; nam illorum pravitate universum genus nostrum non minime vexatur. 9. Sed oro his singulis, o rex, cognitis, et regioni, et generi, secundum humanitatem tuam pervulgatam omnibus prospice. 10. Nam, quamdiu superest Judas, impossibile est pacem esse negotiis. 11. Talibus autem ab hoc dictis, et cæteri amici, hostiliter se habentes adversus Judam, inflammaverunt Demetrium. 12. Qui statim Nicanorem præpositum elephantorum ducem misit in Judæam. 13. Datis mandatis, ut ipsum quidem Judam caperet; eos vero, qui cum illo erant, dispergeret, et constitueret Alcimum maximi templi summum sacerdotem. 14. Tunc gentes, quæ de Judæa fugerant Judæam, gregatim se Nicanori miscebant; miserias et clades Judæorum, prosperitates rerum suarum existimantes. 15. Audito itaque Judæi Nicanoris adventu, et conventu nationum, conspersi terra rogabant eum, qui populum suum constituit, ut in æternum custodiret, quique suam portionem signis evidentibus protegit. 16. Imperante autem duce, statim inde moverunt, conveneruntque ad castellum Dessau. 17. Simon vero frater Judæ commiserat cum Nicanore: sed conterritus est repentino adventu adversiorum. 18. Nicanor tamen, audiens virtutem comitum Judæ, et animi magnitudinem, quam pro patriæ certaminibus habebant, sanguine judicium facere metuebat. 19. Quamobrem præmisit Posidonium et Theodotium, et Matthiam, ut darent dextras, atque acciperent. 20. Et cum diu de his consilium ageretur, et ipse dux ad multitudinem retulisset, omnium una fuit sententia amicitiis annuere. 21. Itaque diem constituerunt, qua secreto inter se agerent; et singulis sellæ prolatæ sunt et positæ. 22. Præcepit autem Judas armatos esse locis opportunis, ne forte ab hostibus repente mali aliquid oriretur: et congruum colloquium fecerunt. 23. Morabatur autem Nicanor Jerosolymis, nihilque inique agebat; gregesque turbarum, quæ congregatae fuerant, dimisit. 24. Habebat autem Judam semper charum ex animo, et erat viro inclinatus. 25. Rogavitque eum ducere uxorem, filiosque procreare. Nuptias fecit, quiete egit, communiterque vivebant. 26. Alcimus autem, videns charitatem illorum ad invicem et conven-

tiones, venit ad Demetrium, et dicebat Nicanorem rebus alienis assentire, Judamque regni insidiatorem successorem sibi destinasse. 27. Itaque rex exasperatus, et pessimis hujus criminationibus irritatus, scripsit Nicanori, dicens graviter quidem se ferre de amicitiae conventione, jubere tamen Machabæum citius vincum mittere Antiochiam. 28. Quibus cognitis Nicanor consternabatur, et graviter ferebat, si ea, quæ convenerant, irrita faceret, nihil læsus a viro : 29. sed, quia regi resistere non poterat, opportunitatem observabat, qua præceptum perficeret. 30. At Machabæus, videns secum austrius agere Nicanorem, et consuetum occursum ferocius exhibentem, intelligens non ex bono esse austeritatem istam, paucis suorum congregatis, occultavit se a Nicanore. 31. Quod cum ille cognovit fortiter se a viro præventum, venit ad maximum et sanctissimum templum : et sacerdotibus solitas hostias offerentibus, jussit sibi tradi virum, 32. quibus cum juramento dicentibus nescire se ubi esset qui quærebatur, extendens manum ad templum, 33. juravit, dicens : Nisi Judam mihi vincum tradideritis, istud Dei fanum in planitiem deducam, et altare effodiam, et templum hoc Libero patri consecrabo. 34. Et his dictis, abiit ; sacerdotes autem protendentes manus in cœlum, invocabant eum, qui semper propugnator esset gentis ipsorum, hæc dicentes : 35. Tu, Domine universorum, qui nullius indiges, voluisti templum habitationis tuae fieri in nobis. 36. Et nunc, Sancte sanctorum omnium Domine, conserva in æternum impollutam domum istam, quæ nuper mundata est. 37. Razias autem quidam de senioribus ab Jerosolymis delatus est Nicanori, vir amator civitatis, et bene audiens : qui pro affectu pater Judæorum appellatur. 38. Hic multis temporibus continentiae propositum tenuit in Judaismo, corpusque et animam tradere contentus pro perseverantia. 39. Volens autem Nicanor manifestare odium quod habebat in Judæos, misit milites quingentos, ut eum comprehenderent. 40. Putabat enim, si illum decepisset, se cladem Judæis maximam illaturum. 41. Turbis autem irruere in domum ejus, et januam disrumpere, atque ignem admovere cupientibus, cum jam comprehenderetur, gladio se petuit ; 42. eligens nobiliter mori potius, quam subditus fieri peccatoribus, et contra natales suos indignis injuriis agi. 43. Sed, cum per festinationem non certo ictu plagam dedisset, et turbæ intra ostia irrumperent, recurrens audacter ad murum, præcipitavit semetipsum viriliter in turbas : 44. quibus velociter locum dantibus casui ejus, venit per medianam cervicem ; 45. et cum adhuc spiraret, accensus animo, surrexit : et cum sanguis ejus magno fluxu deflueret, et gravissimis vulneribus esset saucius, cursu turbam pertransiit : 46. et stans supra quamdam petram præruptam, et jam exsanguis effectus, complexus intestina sua, utrisque manibus projecit super turbas, invocans dominatorem vitæ ac spiritus, ut hæc illi iterum redderet : atque ita vita defunctus est.

Hoc caput et sequens connexum est cum cap. VII libri I.

Vers. 1. SED POST TRIENNII TEMPUS, — id est, tertio anno a morte Antiochi Epiphanis, puta anno 150 Græcorum, ut dicitur vers. 4. Supponit enim Auctor hujus libri II Antiochum Epiphanem defunctionem esse anno 148 Græcorum; licet enim mortuus sit anno 149, juxta computum Judaicum, tamen annus hic 149 erat 148, juxta computum Antiochenum, ut dixi superius; ac consequenter annus hic 150 Græcorum juxta computum Antiochenum erat 151 juxta computum Judaicum.

DEMETRIUM SELEUCI. — Seleucus hic erat senior Antiochi Magni filius; junior vero filius ejusdem erat Antiochus Epiphanes. Quare Demetrio, ut pote senioris fratris filio, debebatur regnum Asiæ et Syriæ. Demetrius ergo Romæ obses, audiens

patrum suum Antiochum Epiphanem vita functum, petuit a Romanis licentiam redeundi ad suos, regnumque jure sibi debitum occupandi. Verum Romani illam ei negarunt, eo quod eum magis metuerent, quam Eupatorem Epiphanis filium, utpote puerum. Quare Demetrius clam Roma a fugiens venit in Syriam, ubi a suis in regem coronatus, occisis Eupatore et Lysia, regnum occupavit, uti dixi lib. I, cap. VII.

3. ALCIMUS AUTEM. (De hoc Alcimo pseudo-pontifice et proditore dixi lib. I, cap. VII, 7,) SED VOLUNTARIE COINQUINATUS EST TEMPORIEUS COMMIXTIONIS; (cum scilicet Antiochus Epiphanes juberet Judæos misceri Gentilibus, et a Judaismo ad Gentilismum apostatare, tunc apostatavit et Alcimus: quare) CONSIDERANS NULLO MODO SIBI ESSE SALUTEM, NEQUE ACCESSUM AD ALTARE, — tum quia Judæi

eum ut apostatam a templo exclusissent, tum quia Judas Machabæus jam fungens Pontificatu et principatu, nullo modo Alcimum quasi æmulum passus fuisse; quocirca Alcimus rogavit Demetrium ut Nicanorem contra Judam mitteret, itaque sibi Pontificatum conferret.

Vers. 4. 4. OFFERENS EI CORONAM AUREAM (qua novo regi Demetrio novum regnum gratulabatur) ET PALMAM, (qua eidem victoriam contra Judam cæterosque hostes appocabatur,) ET THALLOS, (id est, ramos ex olea arbore, quibus pacem flagitabat: olea enim symbolum est pacis, sed hæc sacrilegus abstulerat e templo. Unde sequitur:) QUI TEMPLI ESSE VIDEBANTUR. — Porro hi rami et palmæ, æque ac corona, erant ex auro fabrefactæ.

Vers. 6. 6. IPSI QUI DICUNTUR ASSIDÆI, (quinam hi fuerint dixi lib. I, cap. vii, 13,) QUIBUS PRÆEST JUDAS MACHABÆUS. — Hinc patet Judam religione et pietate fuisse Assidæum, imo Assidæorum primatem et principem.

Vers. 18. 18. NICANOR TAMEN AUDIENS VIRTUTEM COMITUM JUDÆ, etc., SANGUINE JUDICIUM FACERE METUEBAT, — id est prælio decertare, litemque armis definire metuebat; timebat enim a Juda vinci et cœdi; quare legatos ad eum pacis causa misit, pacemque cum eo iniit.

Vers. 24. 24. HABEBAT AUTEM JUDAM SEMPER CHARUM EX ANIMO. — Græce ἐν προσώπῳ, id est in facie, q. d. Nicanor semper habebat Judam præ oculis quasi sibi amicum et familiarem.

ET ERAT VIRO INCLINATUS, — id est propensus et benevolus in Judam. Aliqui contrarie explicant τὸ « in facie, » q. d. Nicanor exterius simulabat se amicum Judæ; sed interius eum ut ducem belli fortissimum, cui æquari non posset, oderat, ideoque suadebat ei uxorem ducere, ut per eam effeminaretur, et spiritus bellicos deponeret; sicut Samson per suam Dalilam effeminatus est, et fortitudine spoliatus. Verum hic sensus repugnat Vulgatæ, quæ ait: « Habebat Judam charum ex animo. »

Vers. 25. 25. ROGAVITQUE EUM (Judam) UXOREM DUCERE, FILIOSQUE PROCREARE, — ut prolem sibi similem procrearet, in eamque suam fortitudinem et virtutem bellicam transfunderet; nam ut ait Lyricus:

Fortes creantur fortibus et bonis.
Est in juvencis, est in equis patrum
Virtus, nec imbellem feroce
Progenerant aquilæ columbam.

Ita Horatius, lib. IV *carm. ode n.* Gorionides addit Judam ex uxore filium masculum genuisse; sed ille videtur mox interisse æque ac Judas, qui sequenti anno in prælio occubuit; nam nulla filii ejus in Scriptura fit mentio.

COMMUNITERQUE VIVEBANT, — scilicet Judas et Nicanor sibi mutuo erant familiares. Alter Serarius Græcum ἡγένετον, ἐνδιδόντες ἐκσινῶντος βίου vertit: *Communem egit vitam, sive communiter vivebat, scilicet Judas, q. d. Judas nil habebat proprium; sed*

quasi Assidæus, sive Essenus, cum sociis vivebat in communi, ut nunc vivunt religiosi.

26. ALCIMUS AUTEM, etc., q. d. (Alcimus Judæ Vers. 26: æmulus apud Demetrium regem accusavit Nicanorem, quod cum hoste suo Juda fœdus iniisset, eumque) REGNI INSIDIATOREM SUCCESSOREM (Græce διάδυσσον, id est vicarium) SIBI (qui scilicet loco suo castris præcesset) DESTINASSET; — unde iratus Demetrius jussit Nicanori ut Judam caperet, capturnque ad se mitteret; Judam enim regno suo insidiari.

31. FORTITER (Græce generose) SE A VIRO (Juda) Vers. 4. PRÆVENTUM. — Generosi enim est prudenter prævidere insidias futuras et pericula, eaque præcavere, ac se suaque in tuto collocare, ut fecit hic Judas.

37. RAZIAS AUTEM QUIDAM DE SENIORIBUS (id est, Vers. 37: unus e Senatoribus et Primoribus Jerosolymitanis,) QUI PRO AFFECTU (pro amore in suos cives et patriam) PATER JUDÆORUM APPELLABATUR:

38. HIC MULTIS TEMPORIBUS CONTINENTIÆ PROPOSITI- Vers. 38. TUM TENUIT IN JUDAISMO, — « continentiae, » scilicet ab uxore, id est castitatis, aut cælibatus: ita aliqui. Aut potius continentiae, scilicet in vera Dei fide et cultu, q. d. Razias semper etiam in persecutione continuit se in Judaismo et avita religione, nec se cum multis ab ea ad Gentilismum sub Epiphane apostantibus commiscuit: hoc enim significat Græcum ἀμφίσσας, id est incommixtionis; et hoc notat τὸ « propositum continentiae tenuit in Judaismo, » nimirum perseverantiam constantem usque ad mortem in Judaismo; unde idipsum mox explicans subdit: CORPUSQUE ET ANIMAM TRADERE CONTENTUS PRO PERSEVERANTIA in acuta Judæorum religione. Addit Gorionides Raziam professione fuisse Assidæum.

40. PUTABAT ENIM, SI ILLUM DECEPISSET. — Salianus censem legendum « cepisset; » Græce enim est οὐλλαβὼν, id est, « si illum comprehendisset. »

42. ELIGENS NOBILITER (Græce ἐνγενεῖς, id est generose) MORI POTIUS QUAM SUBDITUS FIÉRI PECCATORIBUS ET CONTRA NATALES SUOS (natus ergo fuit Razias nobilibus parentibus) INDIGNIS INJURIIS AGI. — Græce: *Et propria nobilitate indigne contumeliis affici.* Hic fuit sensus Raziæ, ut fuit aliorum nobilium hujus saeculi, qui generosum putant mori potius, quam ludibria indigna pati. Verum aliud est sensus fidelium et Christianorum, præsertim Apostolorum et martyrum, de quibus proinde dicitur Act. v: « Ibant Apostoli gaudentes a conspectu concilii, quoniam digni habiti sunt pro nomine Jesu contumeliam pati. »

44. VENIT PER MEDIAM CERVICEM. — Græce per medium ventrem, q. d. Cecidit in terram non prono capite, sed in ventrem, ita ut medium cervicem ad humum allideret. Razias ergo trina morte se confecit: primo enim gladio se confudit; secundo, ex muro se præcipitavit; tertio, ambabus manibus viscera in turbam projicit.

Quæres an Razias occidendo se peccarit. Sup-

pono ex communi sententia S. Augustini, Lactantii, S. Thomæ cæterorumque Ecclesiæ Doctorum non licere homini se occidere ad vitandam infamiam, violationem pudicitiæ, peccandi periculum, aliamve ob causam. Ratio a priori est quod Deus solus sit vitæ nostræ dominus, qui ut eam dedit, sic et repetit, recipitque quando ei libuerit. Quare injuriam Deo facit, qui se occidit; quia rem Deo propriam, puta vitam suam illi eripit. Vide S. Augustinum, lib. I *De Civitat. Dei* a cap. xx, usque ad xxiv.

Hoc quoad thesin, nunc ad hypothesis descendamus, et disquiramus an Razias hic et nunc se occidendo peccarit, an non.

Primo, S. Augustinus, lib. II *Contra epist. Gaudentii*, cap. xxiii, magis propendet eo, ut censeat eum peccasse, præsertim ob Circumcelliones, qui Raziæ exemplum imitantes se ipsos necabant, quasi hoc esset honestum; imo quoddam martyrium. Quare laudari quidem hic Raziam a probitate, continentia, auctoritate et amore patriæ, non tamen a sui occisione: « Humilitatem, inquit, inter manus inimicorum non valens ferre, non plane sapientiæ, sed insipientiæ dedit exemplum, non Christi martyribus, sed Donati Circumcellionibus imitandum. » Et inferius: « Unde illi tanquam homini subrepdit humilitatis impatientia, ut prius mori vellet, quam hostibus subjici. Dicatum est quod elegerit nobiliter mori; melius vellet humiliter, sic enim utiliter. Illis autem verbis historia gentium laudare consuevit, sed viros fortos hujus sæculi, non martyres Christi. Dictum est quod se viriliter de muro præcipitavit in turbas, nec nos dicimus eum hoc fecisse muliebriter, quanquam vos qui multum exemplo isto profecisti, etiam feminas vestras hoc facere docuisti. Sed fatemur etiam ipsas hoc non facere muliebriter, sed viriliter; non tamen salubriter, quia non fideliter. » *Secundo*, Franciscus de Victoria, *Select. de Homicidio*, et S. Thomas respondent Raziam non peccasse, eo quod ex Spiritu Sancti instinctu voluntariam sibi mortem conciverit. Sed hujus instinctus nulla hic appareat scintilla, præsertim quia non solet Spiritus Sanctus inspirare, ut quis se occidat ad vitandam ludibrii infamiam, uti fecit hic Razias; hoc enim in se dishonestum et illicitum est.

Tertio, ergo dico Raziam hic a peccato excusari per ignorantiam inculpatam, qua ignorabat sui occisionem tali casu esse illicitam, imo ipse eam licitam, honestam, nobilem et generosam esse arbitrabatur, ut dicitur vers. 42. Sicut enim olim multi veterum tam philosophorum, quam Doctorum Ecclesiæ, putarunt mendacium quandoque esse licitum, sic idem censuerunt de sui occisione. Hæc enim fuit sententia Stoicorum quam sæpius inculcat Seneca, *epist. 12, 17, 24, 58, 59, 71, 78*. Eamdem indicat Cicero, lib. I, *epist. 12 et 22*, ac Plinius. Eadem fuit sententia aliquorum Hebreorum apud Josephum, lib. XII, cap. v, et

lib. XV, cap. viii. Eadem fuit S. Hieronymi in cap. i. *Jonæ*, versus finem, ubi sic ait: « Unde in persecutionibus non licet propria perire manu absque eo ubi castitas periclitatur; » ubi plane indicat quod in periculo castitatis liceat seipsum occidere. Sic S. Ambrosius, lib. III *De Virgin.*, ante medium, et Eusebius, lib. VIII *Histor.* cap. XII et XVII, et Palladius in *Lausiaca*, cap. cl, laudant feminas, quæ se occiderunt ne violarentur. Neque id tribuunt divinæ inspirationi, sed laudant factum tanquam honestum ob talem finem. Simili modo D. Soto excusat S. Apolloniam, lib. V *De Justitia, Quæst. I*, art. 5, in fine: Nam se occidere ob patriæ salutem, aut pudicitiæ custodiad non est ita evidens esse malum quin inculpate possit ignorari, et putari esse licitum, uti putarunt viri doctissimi jam citati, quos secutus Cato Romanorum sapientissimus seipsum occidit, ne Cæsari victori se dedens foret ludibrio. Sic ergo et Razias per ignorantiam excusandus videtur a peccato, præsertim quia ipse erat quasi caput senatus, et princeps Israelis; unde ludibria illi ab Antiocho irroganda senatui et toti Israeli irrogata fuissent; maluit ergo mori, quam se totumque Israelem injuriis et ludibrio regis idololatriæ exponere. Adde, potuisse regem fingere Raziam a Judaismo apostatasse, et ad suam idololatriam apostatasse: quæ res multos Judæorum commovisset, ut ejus exemplum sequerentur, et apostarent. Insuper poterat metuere Razias ne acerbitate tormentorum victus cederet Antiocho, et vere a fide apostataret, quod ingens fuisset toti Israeli scandalum. Quare prudenter videbatur sibi facturus, si hæc omnia pericula et damna voluntaria morte abscederet. Sic in Historiis Indicis apud Hieronymum Osorium, lib. VIII *De Gestis Eman.*, post initium, legimus Joannem Machiadum Lusitanum virum fidelem duos filiolos suos ex pietate occidisse, ut eos periculo Mahometismi, indeque damnationis æternæ eriperet. Jam enim capiendi erant a Mahometanis, et ab eis in perfidia sua educandi. Ita Raziam per ignorantiam excusat Lessius, lib. II *De Justitia*, cap. ix, dubio 6, num. 23; idque confirmatur ex eo quod Razias hic a virtute et probitate eximia commendetur, qui utique non se occidisset, nisi id putasset esse licitum, imo honestum et generosum. Unde et expirans vers. 46, actum fidei et spei in Deum elicuit, « invocans dominatorem vitæ ac spiritus, ut hæc illi iterum redderet » in beata resurrectione.

Supposita hac Raziæ ignorantia heroicus fuit hic ejus actus fortitudinis, quo se pro honore patriæ, et avita religione conservanda occidit, ideoque, vers. 42, de eo dicitur: « Eligens nobiliter mori. » Longe enim difficilius est seipsum occidere, quam necem ab alio illatam sustinere; quare posita ignorantia quod eo casu liceat seipsum occidere, Razias summum fortitudinis actum se non semel, sed tertio feriendo et interimendo elicuit. Natura enim summe amat se suamque

vitam; quare generosissimæ fortitudinis est hunc naturæ affectum transcendere, ac sponte pro Deo vitam ponere.

Hinc discant fideles quam fortiter tormenta et mortem pro fide et pietate inficta sustinere debeant. Si enim Razias Judæus, obscuram habens resurrectionis fidem et spem, seipsum pro ea occidit, cur non Christianus post Christi aliorumque resurgentium exempla necem pro illo irrogatam ultro amplectatur, cum certus sit se per illam ad beatam et æternam vitam transmitti? Fixum enim est illud Christi oraculum, pariter et promissum: « Qui perdiderit animam (vitam) suam propter me, inveniet eam, » Matth. x, 39. Rursum cur non concupiscentiam et carnem suam mortificet, quam per mortificationem credit vivificantam et liberandam in cœlis? mortificatio enim est quasi viva quædam mors, qua homo carnales appetitus in se vivos per serium voluntatis contrariae propositum abdicat et resecat. Unde hanc resecationem ad vivum sentit, doletque perinde ac si dens sibi evelleretur. Audi S. Ambro-

sium, lib. III *De Virgin.*, miris elogiis celebrantem S. Pelagiam virginem quindecim annorum, quæ se cum matre et sororibus in flumen injectit, meritusque ne violaretur: « Consertis manibus, tanquam chorus ducerent, in medium progrediuntur alveum, ubi unda torrentior, ubi profundum abruptius illo vestigia dirigentes. Nulla pedem retulit, nulla suspendit incessum, nulla tentavit ubi gressum figeret; anxiæ cum terra occurreret, offendæ vado, lætæ profundo. Videres piam matrem stringentem nodo manus, gaudere de pignore, timere de casu; ne sibi filias vel fluctus auferret. Has tibi, inquit, hostias, Christe, immolo, præsules virginitatis, duces castitatis, comites passionis. » Porro Ecclesia has feminas, quæ se pro castitate tuenda occiderunt, colit ut martyres, quia ipsæ ad hoc quasi compulsa fuerant. Unde cum ipsæ in eo facto non peccaverint secundum moralem estimationem censentur ab ipsis persecutoribus occisæ, et sic sunt martyres. Si quis idem dicere velit de Razia, non repugnabo.

CAPUT DECIMUM QUINTUM.

SYNOPSIS CAPITIS.

Nicanor, superbe contemnens Deum, invadit Judam et Judæos: [Judas, visione Onice et Jeremie dantis sibi gladium, animatus, animat milites; quare Nicanorem prosternit, ejusque caput et manum muro ex adverso templi suspendit, ac linguam blasphemam dissectam avibus vorandam projicit. Denique Judæi Deo canunt opinionem, et festum quotannis pro gratiarum actione die 13 Adar celebrandum instituant.

1. Nicanor autem, ut comperit Judam esse in locis Samariæ, cogitavit cum omni impetu die sabbati committere bellum. 2. Judæis vero, qui illum per necessitatem sequebantur, dicentibus: Ne ita ferociter et barbare feceris, sed honorem tribue diei sanctificationis, et honora eum, qui universa conspicit: 3. ille infelix interrogavit si est potens in cœlo, qui imperavit agi diem sabbatorum. 4. Et respondentibus illis: Est Dominus vivus ipse in cœlo potens, qui jussit agi septimam diem. 5. At ille ait: Et ego potens sum super terram, qui impero sumi arma, et negotia regis impleri. Tamen non obtinuit ut consilium perficeret. 6. Et Nicanor quidem cum summa superbìa erectus, cogitaverat commune trophyum statuere de Juda. 7. Machabæus autem semper confidebat cum omni spe auxilium sibi a Deo affuturum; 8. et hortabatur suos ne formidarent ad adventum nationum, sed in mente haberent adjutoria sibi facta de cœlo, et nunc sperarent ab Omnipotente sibi affuturam victoriā. 9. Et allocutus eos de Lege et Prophetis, admonens etiam certamina quæ fecerant prius, promptiores constituit eos: 10. et ita animis eorum erectis, simul ostendebat Gentium fallaciā, et juramentorum prævaricationē. 11. Singulos autem illorum armavit, non clypei et hastæ munitione, sed sermonibus optimis et exhortationibus, exposito digno fide somnio, per quod universos lætificavit. 12. Erat autem hujuscemodi visus: Oniam, qui fuerat summus sacerdos, virum bonum et benignum, verecundum visu, modestum moribus, et eloquio decorum, et qui a puero in virtutibus exercitatus sit, manus protendentem, orare pro omni populo Judæorum; 13. post hoc apparuisse et alium virum, ætate et gloria mira-

bilem, et magni decoris habitudine circa illum; 14. respondentem vero Oniam dixisse: Hic est fratum amator, et populi Israel; hic est, qui multum orat pro populo et universa sancta civitate, Jeremias propheta Dei. 15. Extendisse autem Jeremiam dextram, et dedisse Judæ gladium aureum, dicentem: 16. Accipe sanctum gladium munus a Deo, in quo dejicies adversarios populi mei Israel. 17. Exhortati itaque Judæ sermonibus bonis valde, de quibus extolli posset impetus, et animi juvenum confortari, statuerunt dimicare et configere fortiter, ut virtus de negotiis judicaret; eo quod civitas sancta et templum periclitarentur. 18. Erat enim pro uxoribus et filiis, itemque pro fratribus et cognatis, minor sollicitudo: maximus vero et primus pro sanctitate timor erat templi. 19. Sed eos qui in civitate erant non minima sollicitudo habebat pro his qui congressuri erant. 20. Et, cum jam omnes sperarent judicium futurum, hostesque adessent, atque exercitus esset ordinatus, bestiæ equitesque opportuno in loco compositi, 21. considerans Machabæus adventum multitudinis, et apparatum varium armorum, et ferocitatem bestiarum, extendens manus in celum, prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. 22. Dixit autem invocans hoc modo: Tu, Domine, qui misisti angelum tuum sub Ezechia rege Juda, et interfecisti de castris Sennacherib centum octoginta quinque millia; 23. et nunc, Dominator cœlorum, mitte angelum tuum bonum ante nos, in timore et tremore magnitudinis brachii tui, 24. ut metuant qui cum blasphemia veniunt adversus sanctum populum tuum. Et hic quidem ita peroravit. 25. Nicanor autem, et qui cum ipso erant, cum tubis et canticis admovebant. 26. Judas vero, et qui cum eo erant, invocato Deo, per orationes congressi sunt: 27. manu quidem pugnantes, sed Dominum cordibus orantes, prostraverunt non minus triginta quinque millia, præsentia Dei magnifice delectati. 28. Cumque cessassent, et cum gaudio redirent, cognoverunt Nicanorem ruisse cum armis suis. 29. Facto itaque clamore, et perturbatione excitata, patria voce omnipotentem Dominum benedicebant. 30. Præcepit autem Judas, qui per omnia corpore et animo mori pro civibus paratus erat, caput Nicanoris, et manum cum humero abscessam, Jerosolymam perferri. 31. Quo cum pervenisset, convocatis contribulibus et sacerdotibus ad altare, accersit et eos qui in arce erant. 32. Et ostenso capite Nicanoris, et manu nefaria, quam extendens contra domum sanctam omnipotentis Dei, magnifice gloriatus est. 33. Linguam etiam impii Nicanoris præcisam jussit particulatim avibus dari: manum autem dementis contra templum suspendi. 34. Omnes igitur coeli benedixerunt Dominum, dicentes: Benedictus, qui locum suum incontaminatum servavit. 35. Suspendit autem Nicanoris caput in summa arce, ut evidens esset et manifestum signum auxilii Dei. 36. Itaque omnes communis consilio decreverunt nullo modo diem istum absque celebritate præterire: 37. habere autem celebritatem tertia die mensis Adar, quod dicitur voce Syriaca, pridie Mardochæi diei. 38. Igitur his erga Nicanorem gestis, et ex illis temporibus ab Hebræis civitate possessa, ego quoque in his faciam finem sermonis. 39. Et si quidem bene, et ut historiæ competit, hoc et ipse velim: sin autem minus digne, concedendum est mihi. 40. Sicut enim vinum semper bibere, aut semper aquam, contrarium est, alternis autem uti delectabile: ita legentibus, si semper exactus sit sermo, non erit gratus. Hic ergo erit consummatus.

Vers. 1. 1. NICONOR, etc., COGITAVIT CUM OMNI IMPETU DIE SABBATI COMMITTERE BELLUM, — quia præsumebat Judæos ob quietem religiosam sabbati a Deo præceptam eo die non pugnaturos, sed permissuros se occidi.

Vers. 5. 5. AT ILLE AIT: ET EGO POTENS SUM SUPER TERRAM, QUI IMPERO SUMI ARMA — in sabbato. Vide hic Nicanoris blasphemum factum, quo se Deo æquat,

g. d. Deus in suo cœlo imperet; sed ego impero in terra, jubeoque vos, o Judæi, quos ego coegi mea castra sequi, die sabbati pugnare contra Judam et Judæos contribules vestros; qua blasphema Judæorum se sequentium iram accentdit, ut illi obedire nollent, ac Dei indignationem in se concitatavit, ut a Juda cæderetur, truncatur et suspenderetur. Videbatur enim Deum e

*Athæi
Duces
sua ar-
ma fa-
ciunt nu-
mina.
Exem-
pla.* cœlo ad duellandum secum in terra provocasse. Simili fastu Mezentius Atheus apud Virgilium lib. X *Eneid.* detonat :

Dextra mihi Deus, et telum, quod missile libro,
Nunc adsint.

Quod de Capaneo Statius, lib. II *Thebaidos* :

Virtus mihi numen et ensis.

Et iterum de Capaneo lib. X :

Ades mihi dextera tantum :

Tu præses bellis, et inevitabile numen
Te voco, te solum superum contemptor adoro.

Cæneus hastam suam inter Deos numerari jussit, et per illam juramentum concipi; unde proverbium: « Cænei hasta, » et apud Plutarchum in *Pelopida*. Alexander tyrannus hastam, qua Poliphronem occidit, sacram esse voluit, ornavit et quasi Deum sacrificiis, id est divinis honoribus prosecutus est. Sic de Nabuchodonosore ait Habacuc cap. I, 16: « Propterea immolavit sagenæ suæ, et sacrificavit reti suo, » ubi sagenam et rete vocat ejus vires, arma et exercitus. Hæc enim ipse colebat ut sua numina, quasi quæ ipsi tot gentes subegerant.

TAMEN NON OBTINUIT, — eo quod Judæi ipsi resisterent, nollentque sabbato contra Judam et Judæos pugnare.

Vers. 9. 9. ET ALLOCUTUS EOS DE LEGE ET PROPHETIS, — q. d. Proferens sententias ex S. Scriptura quibus Deus Judæis rite se colentibus et invocantibus victoriæ promittit, *Deuter.* xxviii, et alibi.

Vers. 11. 11. SINGULOS AUTEM ILLORUM ARMAVIT NON CLYPEI ET HASTÆ MUNITIONE (utpote quibus jam erant armati et muniti), sed SERMONIBUS OPTIMIS ET EXHORTATIONIBUS. — Certum enim est eos non inermes, sed armatos prodiisse in prælium.

EXPOSITO DIGNO FIDE SOMNIO, PER QUOD UNIVERSOS LÆTIFICAVIT. — Pro ὅπερ τι, id est per quod, Romana habent ὑπαρτι, id est vera visio, quæ non tam somnium quam ipsa veritas erat. Sic Homerius, *Iliad.* p, ait: οὐδὲ ὄναρ, ἀλλ' ὑπαρ, id est non somnium inane et falsum, sed solidum et verum. Ex quo quis opinari posset vere Judam oculis suis vidisse Oniam et Jeremiam, ac ab eo realiter accepisse gladium aureum. Verius tamen est contrarium, scilicet hæc omnia per visionem tantum imaginariam objecta fuisse menti Judæ; hoc enim significat vox ὄνειρον, id est somnium. Deinde quia si vere accepisset gladium, utique eum commilitonibus suis ad eos animandos ostendisset; quod tamen fecisse non legitur. Ita Sanchez.

Vers. 12. 12. ONIAM QUI FUERAT SUMMUS SACERDOTS. — Onias hic, cognomento Sanctus, notus fuerat Judæ; unde eum ex facie et visu Judas agnovit. Nam Onias ante undecim annos pontifex fuerat, sed a fratre suo Jasone emente Pontificatum ab Antiocho Epiphane extrusus, ac deinde ab Andronico suasu Menelai occisus fuerat anno Græcorum 140,

ut dictum est cap. iv, 34. Visus est ergo Judas in somnio sibi videre Oniam sanctum, et zelosum Pontificem orantem pro se totoque Israele.

Quæres, an sicut animæ patrum in limbo, sic et animæ in Purgatorio orent pro nobis? Affirmant Richardus, in IV, dist. xlvi, art. 7, *Quæst. II*, ad 3; Gabriel, in *Canonem*, lectione lviii, circa finem; Joannes de Medina, *Cod. de Pœnit.* tract. de *Orat.* in quæst. speciali. Negant S. Thomas in IV, dist. xv, *Quæst. IV*, art. 5, *Quæst. II*, et in II II, *Quæst. LXXXIII*, art. 4, ad 3, et art. 9, ad 2, et art. 11, ad 3; Alensis, IV part. *Quæst. XCII*, mem. 1, art. 3; Abulensis, in *Matthæum* cap. vi, *Quæst. LXXXVII*; S. Antoninus, IV part. tit. V, cap. viii, § 2; Sylvester, verbo *Oratio*, § 3; Navarrus super cap. *Quando*. Ratio est, quod animæ illæ non cognoscant orationes nostras, quodque sint in carcere ad patiendum pro suis culpis, non ad orandum pro aliis; unde otiosum et inordinatum videtur eas invocare. Quare Franciscus Victoria, *Select. de Magia*, num. 17, improbat morem quorumdam, qui in angustiis invocant animas Purgatorii. Sed Alphonsus Mendoza, *Quæst. VI scholast.* pag. 846, censet sanctum ac utile esse eas invocare. Nam, inquit, sive quamdiu sunt in Purgatorio orare pro nobis valeant, sive non valeant, certe cum inde exeunt, et in cœlum perveniunt, tunc preces fundunt, ac orant pro iis qui se eis commendaverunt, ac eas suffragiis et precibus juverunt. Adde Angelos, qui animas in Purgatorio visitant et solantur, posse eis preces viventium nuntiare; nec passio poenæ eas ab oratione impedit, quia poenas has magna patientia, humilitate et resignatione sufferunt, Deumque assidue amat et laudant. Utilius tamen certiusque est invocare Sanctos in cœlo cum Deo regnantes, tum quia ipsi preces ad se fusas, Deo revealante, certo cognoscunt; hoc enim ad eorum statum pertinet; tum quia Deum vident, illique sunt in amore et honore; unde ab eo impetrant quæ volunt; tum quia sunt in statu beatitudinis, ac regno et gloria cœlesti triumphantes; unde ad eorum decus pertinet, ut a nobis invocentur nosrisque ærumnis opitulentur. Vide Franciscum Suarez, lib. I *De Orat. in communi*, cap. x, in fine, ubi ait probabile esse Angelos custodes preces nostras perferre ad animas Purgatorii. Quare si quis eas invocat, inquit, pie credens ab illis audiiri, nihil peccabit, quia operatur ex pia credulitate et affectione, et nulli periculo se expónit; quia licet fortasse non ita sit, neque animæ illæ hujusmodi orationes percipiant, nihilominus oratio ejus in sinum convertatur. Et fortasse etiam verum est animas illas, saltem cum beatæ flunt, cognoscere orationes omnes, toto illo tempore ad eas fusas, et eis moveri ad intercedendum in patria pro oratoribus suis. Quapropter, qui in hoc mundo orandi fructum et devotionem senserit, non videtur ab illo revocandus.

Vers. 13. 13. POST HOC APPARUISSE ET ALIUM VIRUM ASTATE ET GLORIA MIRABILEM, ET MAGNI DECORIS HABITUDINE CIRCA ILLUM, — legi etiam potest habitudinem, quia in Graeco est μεγαλοπρεπεστάτην ὑπεροχήν, excellenti magnificentia undique adornatum, quæ gloria index meritorum erat sanctissimi prophetæ, et gloriæ quæ illi in cœlo debebatur.

Vers. 14. 14. RESPONDENTEM VERO ONIAM (Hinc videtur quod Judas non agnoverit Jeremiam, utpote ante quadringentos annos vita functum; ideoque rogarit Oniam sibi notum quisnam esset ille vir adeo augustus et venerabilis, ac Oniam respondisse) : HIC EST FRATRUM AMATOR (Græce φιλάδελφος) ET POPULI : HIC EST QUI MULTUM ORAT PRO POPULO ET UNIVERSA SANCTA CIVITATE, JEREMIAS PROPHETA DEI. — Præ Isaia, Amos, Jona cæterisque Prophetis apparuit Judæ Jeremias, quia ipse ingenti zelo per 45 annos prophetans laboravit pro salute Israëlis ad impediendum gentis suæ excidium, quod tamen ob scelerum ejus enormitatem, et eo quod suis oraculis sanisque consiliis auscultare nollet, impedire non potuit quin Jerusalem cum templo a Chaldæis caperetur et cremaretur. Quocirca dura et acerba plurima a Judæis passus fuit Jeremias, quæ in ipsa ejus prophetia explicui.

Vers. 16. 16. ACCIPE SANCTUM GLADIUM (a sancto Deo, et a me benedictum ut pro sancta ejus Ecclesia, fide, religione, sancta fortitudine depugnes) MUNUS A DEO, IN QUO DÉJICIES ADVERSARIOS POPULI MEI ISRAEL. — Non vere et realiter Jeremias dedit Judæ gladium, ut dixi. Fuit enim hoc somnium, et symbolica visio in qua videbatur Judæ, quod a Jeremias acciperet gladium, ut per eam Judas cum sociis ad pugnam animarentur, et conciperent certam victoriæ spem, eo quod Deus cum illis et per illos pugnaret contra impium infidelem et blasphemum Nicanorem. Sic et gladius hic fuit non ferreus, quo in bello homines utuntur; sed aureus, utpote cœlestis et divinus. Quæ enim Dei sunt, aurea sunt; aurum enim pretiosissimum et splendidissimum repræsentat nobis Deum, Deique dona augustinissima.

Nota τὸ gladium sanctum, id est benedictum. Hic enim mos invaluit, ut duces et milites eurent ab episcopis et sacerdotibus sua vexilla et arma benedici, tum ut per Ecclesiæ preces et benedictionem efficaciora sint ad victoriam; tum ad abigendas magicas artes, quibus sæpe hostes ope dæmonis se faciunt invulnerabiles, uti nunc in bello Germanico experti sumus. Sic S. Ludovicus, castra ducturus in terram sanctam, vexillum ab episcopo Parisiensi benedictum accepit. Idem fecere cæteri duces illius expeditionis assecæ. Sic Italicus, equis curruque suo a S. Hilarione benedictis, in Circensi certamine vicit adversarium suum magicis Marnæ Dei sui artibus utentem. Audi S. Hieronymum in ejus Vita: « Rogatus (S. Hilario) a fratribus scyphum fictilem quo bibere consueverat, aqua jussit impleri, eique tradi; quem cum accepisset Italicus, et stabulum

et equos, et aurigas suos, rhedam carcerumque repagula aspersit. Mira vulgi exspectatio; nam et adversarius hoc ipsum irridens diffamaverat, et fautores Italici, sibi certam victoriam pollicentes, exultabant. Igitur dato signo hi advolant, isti præpediuntur; sub horum curru rotæ fervent, illi prætervolantium terga vix cernunt; clamor fit vulgi nimius, ita ut ethnici quoque ipsi concreparent, Marnas victus a Christo est.»

In Romano cæremoniali exstat benedictio ensis et militis. Habebant etiam Angli olim ritum consecrandi militem: cuius formam Ingulphus in sua Historia describens, ait: « Anglorum erat consuetudo, quod qui militiæ legitime consecratus esset, vespera præcedente diem suæ consecrationis, ad episcopum, vel abbatem, vel monachum, vel sacerdotem aliquem contritus et compunctus de omnibus suis peccatis confessio nem faceret, et absolutus orationibus, et devotionibus, et affectionibus deditus, in Ecclesia pernoctaret. In crastino quoque Missam auditurus, gladium super altare offerret, et post Evangelium sacerdos benedictum gladium collo militis cum benedictione imponeret, et communicatus ad eamdem Missam sacris Christi mysteriis denuo miles legitimus permaneret. »

Idem recenset noster Gretserus, lib. *De Benedictionibus*, cap. *XLIX*, ubi et ex Baronio recenset Alexandrum II Pontificem misisse vexilla bene dicta ad Hermibaldum et ad Wilhelmum comitem Aquitaniæ, quibus ipsi hæreticos et Heraldum Angliæ invasorem profligarunt. Vide eundem Gretserum, lib. *II De Cruce*, cap. *LVIII*, ubi ostendit olim integros exercitus in terram sanctam proficiscentes solere a Pontificibus benedici, et cruce signari, indeque expeditiones illas nuncupatas fuisse Cruciata sive Cruce signatorum. Multæ, inquit, olim expeditiones susceptæ sunt in Palæstinam pro asseranda terra sancta ex Mahometanorum tyrannide, hortatu potissimum et impulsu Summorum Pontificum, Urbani *II*, Paschalis *II*, Lucii *II*, Eugenii *III*, Clementis *III*, Cælestini *III*, Honorii *III*, Gregorii *IX*, ducibus Godefrido Bullonio, Conrado Caesare, S. Ludovico Galiliarum rege, Frederico imperatore, Philippo rege Franciæ, Richardo rege Angliæ, Andrea rege Hungariæ, aliisque fortissimis lectissimisque principibus et heroibus, qui instructissimos exercitus ducebant.

Omnis isti cruce insigniebantur, ut eo fidelius aduersus crucis hostes dimicarent, et ad omnia pericula crucis et crucifixi amore promptiores essent. Exstat in Romano Rituali precatio de benedictione crucis dari solitæ proficiscentibus in Palestinam defendendæ fidei Christianæ et terræ sanctæ recuperandæ gratia. Quin et Constantinus Magnus, signo crucis e cœlis accepto cum hoc lemmate: « In hoc signo vinces, » in labaro crucem insculpi, eamque totis castris præferri jussit, ut iis quasi cœlitus a Deo per crucem

benedictis certam daret spem omnemque victoriae, uti narrat Eusebius et alii in *Vita constantini*.

Tropologice, nota hic Deum, dum aliquem ad quodpiam officium seligit, eidem dare symbola et instrumenta ad officium illud necessaria et opportuna. Sic S. Paulus per visum apparuit S. Joanni Chrysostomo, eique tradidit librum Evangelii, ut hoc symbolo ipsum ejusdem praedicatorem post se eximium constitueret. Sic S. Johannes Apostolus, volumen oraculorum accipiens ab Angelo, creatus est propheta, ut futura sub Antichristo praediceret, *Apoc. x.*, 9. Sic Moses, *Exodi iv*, vers. 17, per virgam accepit a Deo potestatem faciendi miracula et decem plagas, quibus percussit Pharaonem et Ægyptios. Simili ratione et modo Deus hic Judæe tradidit gladium, ut Nicanorem et impios mactaret. Hinc et regibus, cum inaugurantur, datur gladius, ut Ecclesiam, religionem et justitiam propugnent, et sceleratos plectant. Hac de causa Josue invadenti Chanaeam, Angelus, ut eum animaret, apparuit evaginatum tenens gladium quasi illo Chananaeos occisuros, *Josue v*, 13. Sic Jeremias et Ezechiel saepe minantur Judæis gladium a Deo dandum Nabuchodonosori, ut eorum scelera plectat. Sic Christus Rex regum dicitur habere gladium utraque parte acutum, *Apocal. i*, 16. Quin et Trajanus Imperator praefecto urbis a se creato tradens gladium: « Hoc, inquit, utere pro me, si mea potestate rite fungar; sin autem, eodem utere contra me. »

Allegorice, Rabanus per Jeremiam accipit Christum, per gladium aureum S. Scripturam qua Christus diabolum, cum ab eo tentaretur in deserto, prostravit, ac etiamnum hæreticos ejus assellas per Ecclesiæ sternit et profligat. Rursum gladius sanctus est mortificatio, qua concupiscentias et vitia carnis, ac spiritus a nobis resecamus, juxta illud Christi: « Non veni pacem mittere, sed gladium, » *Matth. cap. x*, 34. Quocirca Jeremias, cap. XLVIII, vers. 10: « Maledictus, inquit, qui prohibet gladium suum a sanguine. » Jeremias ergo, id est Christus, cuique fidei porrigit hunc mortificationis gladium Dei amore aureum, ut eo trucidet omnes ejus hostes, id est passiones et appetitus naturæ corruptæ, Deo ejusque legi repugnantes.

^{Vers. 27.} 27. PROSTRAVERUNT NON MINUS TRIGINTA QUINQUE MILLIA. — Errat ergo Josephus, qui numerat tantum novem millia, ac Gorionides, qui 30 millia duntaxat assignat.

^{Vers. 28.} 28. COGNOVERUNT NICANOREM RUISSE. — Gorionides rem paulo aliter narrat lib. III, cap. xxii: « Vedit Judas, inquit, in ipsa pugna Nicanorem habentem in manu sua gladium evaginatum, clamansque, ait: Contra te, o Nicanor. Et cum curreret contra illum in fervoris sui virtute, avertit Nicanor humerum suum, et fugit a facie Judæ, et Judas apprehendit eum, percussitque gladio

suo, et dissecut in duas partes, dejiciens ipsum in terram. »

Porro Judas jussit caput Nicanoris, æque ac manum quam contra templum minabundus extenderat quasi tropæum, non ex arce Sion (quia hanc tenebant hostes), sed ex adverso templi suspendi; linguam vero ejus blasphemam minutum concisam avibus glutriendam objici.

29. FACTO ITAQUE CLAMORE ET PERTURBATIONE ^{Vers. 29.} (Græce ταραχή, id est strepitu, tumultu, plausu) EXCITATA, PATRIÀ VOCE, (id est Hebræa lingua canentes psalmos Davidicos epinicio et gratiarum actioni deputatos, aut « patria, » id est, generosa viris fortibus et victoribus congruente voce, ait Salianus,) DOMINUM BENEDICEBANT.

34. OMNES IGITUR COELI (id est cœlites, puta ^{Vers. 34.} An-geli et homines sancti cœlestem vitam in terra agentes) BENEDIXERUNT DOMINUM. — Potius rō cœli refer ad « Dominum, » q. d. Omnes Judæi benedixerunt Deum, qui cœli est Dominus; unde Græca habent: Benedixerunt Dominum in cœlum, scilicet alta voce clamantes in cœlum.

37. HABERE AUTEM CELEBRITATEM TERTIA DECIMA DIE ^{Vers. 37.} MENSIS ADAR (id est februarii). Illa ergo die quotannis celebratum est festum in gratiarum actionem ob cæsum Nicanorem), QUOD DICITUR VOCE SYRIACA PRIDIE MARDOCHÆI, — id est pridie festi sortium quod Mardochæus cum Esther instituit celebrandum die 14 et 15 Adar, ob memoriam liberati Israelis a nece ei ab Aman per sortes decreta, *Esther ix*, 17 et 31. Quare jejunium, quod pridie festi sortium Judæis indictum erat per hoc triumphale ob cæsum Nicanorem festum, vel abolitum fuit, vel in aliam diem translatum.

Porro locus hic, ait Ribera, lib. V *De Templo*, cap. xviii, depravatus est in Latinis; ita enim legendum est: « Habere autem celebritatem tertia decima die mensis (Adar dicitur voce Syriaca) pridie Mardochæi diei. » Hoc verum esse constat ex Græcis codicibus emendatissimis, atque inter eos ex Pontificio et ex varietate Latinorum; deinde ex sensu ipso, nullam enim vocem Syriacam posuit auctor hujus libri, nisi Adar, et propterea parenthesi usus dixit: « Adar dicitur voce Syriaca; » quod imitatus Josephus similiter addidit: « Mensis Adar, ut nostri nominant. » Non ergo nomen festi indicavit, cum dixit: « Pridie Mardochæi diei, » sed tempus. Sic et Salianus, Vatablus et alii.

38. EGO QUOQUE IN HIS FACIAM FINEM SERMONIS, — quia Judæ Esseno qui fuit auctor hujus libri propositum fuit scribere duntaxat gesta heroica Judæ Machabæi usque ad gloriosam ejus victoriam de Nicanore, et institutum hac de re festum, ut Judæi in Ægypto (ad quos hunc librum scripsit, ut patet ex ejus initio) idem festum ibidem celebrent. Hac de causa in eo librum suum hic finit. Ita S. Thomas.

SIN AUTEM MINUS DIGNE, CONCEDENDUM EST MIHI. — Tacite petit auctor libri veniam non alicujus lapa-

sus, erroris, vel mendacii (quod absit a scriptore hagiographo, qui fuit organum et instrumentum Spiritus Sancti), sed styli et phrasis, si ea cui-piam minus videatur elegans et concinna. Spiritus Sanctus enim ita scriptoribus hagiographis assistebat, itaque eos dirigebat ut nusquam a veritate aberrarent, utque veram omnino sententiam mente conciperent, sed tamen sinebat eos suis verbis, suaque phrasi et stylo eam conscribere. Quare elegantior et pulchrior est stylus Isaiae, quam sit cæterorum Prophetarum, quia ipse ut pote vir nobilis, doctus et elegans studendo elegantiorem stylum imbibet. Spiritus Sanctus enim in phrasi scriptori suo quasi instrumento sese accommodat. Auctor ergo hic, licet sit elegans et facundus, ex modestia tamen petit sibi ignosci, si «minus digne» (Græce *si exiliter et tenuiter*), id est minus digno, gravi et eleganti stylo, quam historiæ divinæ dignitas, aut eruditæ legentium aures desiderabunt, scripsérunt (sic S. Paulus vocat se «imperitum sermone, sed non scientia,» *I Corin. ii*), præsertim quia ipse se studio hoc stylo mediocri et mixto usum asserit ob causam quam subdit, dicens:

40. SICUT ENIM VINUM SEMPER BIBERE, AUT SEMPER AQUAM CONTRARIUM EST (appetitui stomacho et sanitati), **ALTERNIS AUTEM UTI DELECTABILE; ITA LEGENTIBUS, SI SEMPER EXACTUS SIT SERMO, NON ERIT GRATUS.** — Gaudet enim natura hominum varietate, juxta illud :

Amant alterna Camænæ.

Quare gaudent lectores scriptoris varietatem in stylo, ut subinde eum attollat, gravemque et cultum efficiat, subinde eum deprimat levemque et

minus cultum politumque exhibeat. Græce est : *Sicut enim vinum solum bibere, similiter autem et aquam rursum, contrarium est; vinum autem aquæ mixtum dulcem et delectabilem gratiam perficit* (id est gratam affert gustanti delectationem), *ita et preparatio sermonis* (ut grata quadam temperie et moderatione commixtus sit et concinnus) «delectat auditum legentium,» si ab alio legi auditatur, et oculos, si ab ipsomet legatur, *q. d.* Sicut vinum meracum semper bibere, aut semper aquam puram molestum est, et male sanum; vinum enim nimis calefacit, et inflamat caput et corpus; aqua vero nimis illud frigefacit et phlegmata creat: miscere autem aquam vino, mixtamque bibere suave est et delectabile, æque ac sanum et utile, quia aqua vini calorem et acrimoniam, et vicissim vinum aquæ frigus et cruditatem refrangit et temperat, ac ad gratam quamdam moderationem redigit: sic pariter sermo aut nimis gravis, aut nimis exilis lectoribus ingratus est, affertque tedium; ex utroque vero moderatus et ad temperiem congruam redactus gratus est et jucundus. Sic ego simili de causa in hoc libro mediocri stylo qui gravitatem lenitate temperet usus sum; varietas enim æque ac mediocritas in omnibus rebus cunctis est grata, sapida et delectabilis; alioquin enim omnium in mundo rerum obrepit satietas et fastidium, ut ait Cicero, et experientia quotidiana docet.

HIC ERGO ERIT CONSUMMATUS. — Græce, *erit finis sive consummatio tam hujus libri, quam totius veteris Testamenti, ut lampada tradamus Christo brevi successuro, qui est finis et scopus, ac perfectio et consummatio Legis et Prophetarum totiusque Testamenti utriusque tam novi, quam veteris.*

DE LIBRO TERTIO

MACHABÆORUM.

Hic liber non est Canonicus; suam tamen habet auctoritatem et veritatem parem, imo maiorem, quam habeant Livius, Curtius, Florus, Sallustius similesque historici. Exstat Græce in Bibliis Complutensibus et Regiis. Per catachresin vocatur III Machab., quia proprie non tractat gesta Machabæorum, puta Judæ, Jonathæ et Simonis fratrum, sed ea quæ triginta annis ante eos contigerunt: quare ordine chronologico temporis ante librum primum Machabæorum ponendus foret, adeoque ipse non tertius, sed primus vocandus esset.

Narrat enim gesta ab Antiocho Magno (qui fuit pater Antiochi Epiphanis, cum quo Machabæi decertarunt) et Ptolemæo Philopatore, qui post Alexandrum Magnum quartus fuit rex Ægypti, fuisse filius Ptolemæi Evergetis, fratris Ptolemæi Philadelphi. Dictus est Philopator, id est amator patris per antiphrasin; quia ipse occidit patrem, matrem, fratrem, sororem et uxorem, captus illecebris Agathocleæ meretricis; ideoque noctes in stupris, dies in conviviis absumebat, ait Justinus lib. XXIX et XXX. Hic Philopator fuit pater Ptolemæi Epiphanis, et avus Ptolemæi Philometoris.

Argumentum ergo hujus libri tertii est narrare gesta Ptolemæi Philopatoris cum Antiocho Magno et cum Judæis. Initio enim recenset famosum illud prælium Antiochi cum Philopatore apud Raphiam peractum anno tertio Olympiadis 140, nimirum eodem anno quo Annibal Romanos apud Trasimenum lacum memorabili victoria superavit. Cum enim Philopator intellexisset ademptam sibi esse ab Antiocho Syriam, coactis omnibus suis copiis tam equestribus, quam pedestribus, assumpta secum Arsinoe sorore, contendit ad vicinas usque Raphiæ regiones, ubi erant copiæ Antiochi. Commisso acri prælio, cum fortius pugnaretur ab Antiocho, Arsinoe copias obambulans, capillis solutis, cum lacrymis obsecrabat milites, ut sibi opem audacter ferrent, binas victoribus auri mñas daturam se singulis promittens. Itaque hostes prælio vinci, multosque capi contigit. Post hæc narratur quemadmodum rex venerit

Hierosolymam, cumque intrare Sancta sanctorum obsistentibus Judæis conaretur, ingenti divinae potentiae miraculo castigatus, ab ejus loci ingressu deterritus sit. Deus enim, inquit Auctor lib. III *Machab.*, « eum audacia elatum flagellavit hinc et inde vibrans eum, ut arundinem a vento, adeoque in solo inutilem, adhuc et membris solutum, nec loqui potentem justo implicatum iudicio afflixit; unde et amici timentes ne et vitam desereret, cito eum eduxerunt maximo percussione; ille autem nequaquam resipuit; cum minis autem acerbis recessit. Perveniens vero in Ægyptum non solum in infinitis libidinibus perseverans, sed et blasphemias in templum evomens, » Judæos miris modis exagitavit: nam primum ignominia notari Judæos in Alexandria curavit; deinde cunctos censeri, et in servitudinem redigi. Mox diro contra eos promulgato edicto, diligenter in tota Ægypto conquiri, mirisque modis vexatos in Alexandriam perduci, una die ab elephantis, ipsomet rege populoque inspectantibus, interficiendos. Verumtamen præsto eis affuit divina protectio, et non solum ab atrocissimo illo interitu mirabiliter a Deo erepta gens Judæorum est, sed etiam verso regis furore in benevolentiam ab eodem deinceps jucundata, et novo decreto ad favorem ipsorum edito in statum pristinum restituta fuit.

Hæc est summa rerum quæ toto libro III *Machabæorum* fuse enarrantur, eaque consentanea sunt iis quæ de iisdem narrat Josephus, Pausanias, Justinus, Appianus et alii, imo iis quæ de iisdem ante trecentos annos prædictis Daniel, cap. xi, vers. 10. Quocirca hujus libri meminit S. Athanasius in *Synopsi*, et Eusebius in *Chron.*, imo S. Clemens, in lib. *Apostol. Canonum*, canone 84, eum inter libros Canonicos numerat; sed large sumit nomen *Canonicus*, ut complectatur omnes libros qui in Bibliis continentur, quales sunt tertius et quartus Esdræ, ac Oratio Manassis.

Porro liber hic tertius sic orditur: « At Philopator cognoscens ex his qui redierant loca, quæ ipse tenuerat, Antiochum abstulisse. »

DE LIBRO QUARTO

MACHABÆORUM.

Quartus *Machabæorum*, inquit Sixtus Senensis lib. I *Biblioth.*, non longe a fine quem Synopsis S. Athanasii inter apocrypha scripta recenset, historiam continet unius ac trintia annorum, hoc est gesta Joannis Machabæi, qui a devicto Hyrcano cognomen Hyrcani accepit. Hic post Simonem patrem fraude Ptolemæi obtruncatum gentis suæ Pontificatum una cum principatu obtinuit, statimque adversus patris percussorem eduxit exercitum; deinde cum Antiocho rege Syriæ fœdus junxit: quo defuncto, multas Syriæ urbes vi cœpit. Primus omnium Judæorum ducum stipendiis suis militem externum conduxit; tria milia talenta ex Davidis sepulcro effodit: cum Romanis fœdus jam a patre initum renovavit; Antiochum Cyzigenum, Syriae regem, bello victum fugavit; Samariam Hierosolymitanæ urbis æmulam, post integrum oppugnationis annum capitam, solo æquavit, inauctisque in ea torrentibus, ipsas quoque deletæ urbis ruinas et vestigia cuncta aquarum alluvione sustulit, muros Hierosolymitanos vetustate collapsos instauravit. Quibus rebus feliciter exactis, moritur imperii sui anno

trigesimo primo, vir triplici nomine, hoc est sacerdotio, principatu et prophetia clarissimus, anno scilicet ante Christi ortum centesimo, in quo quartus et ultimus *Machabæorum* desinit liber. Huic libro suffragatur et consentit Josephus, lib. XIII *Antiq.*; unde nonnulli suspicati Josephum ejus esse auctorem. Sed repugnat stylus qui in Josepho est Græcanicus: in hoc autem, lib. IV *Machab.* est Hebraicus, et Hebraismis abundat. Verisimile est eum ab incerto auctore ex libro dierum sacerdotii Joannis, de quo in calce primi *Machabæorum* ita scriptum est: « Cætera sermonum Joannis et bellorum ejus, et bonarum virtutum, quibus fortiter gessit, et ædifici murorum quos exstruxit, et rerum gestarum ejus, ecce hæc scripta sunt in libro dierum sacerdotii ejus, ex quo factus est princeps sacerdotum post patrem suum. » Exstat Græce, indeque in Latinum traductus est; ejus initium est hoc: « Et postquam occisus est Simeon, factus est Joannis filius ejus summus sacerdos pro eo. » Hebræis hic liber quartus æque ac tertius inconnitus est.

INDEX

LOCORUM SACRÆ SCRIPTURÆ

QUE IN LIBRIS IV REGUM. I ET II PARALIPOMENON. ESDRÆ. TOBIE. JUDITH. ESTHER ET MACHABÆORUM EXPLICANTUR.

Prior numerus paginam, secundus columnam designat : si unicus tantum occurrat numerus, ad praecedentem referri indicio est : sicubi littera M numeri paginae loco ponatur, in libris Machabæorum quærendum esse signum est.

EX VETERE TESTAMENTO.

EX EXODO.

Cap. iii, vers. 14. Ego sum qui sum, 336, 2.
xxxii, 6. Sedit populus manducare et bibere, et surrexerunt ludere, 281, 1.

EX NUMERIS.

Cap. xxiv, vers. 17. Orietur stella ex Jacob, et consurget virga de Israel, et percutiet duces Moab, vastabitque omnes filios Seth, 377, 1.

EX DEUTERONOMIO.

Cap. xxx, vers. 4. Si ad cardines cœli fueris dissipatus, inde te retrahet, 231, 2.

EX JOB.

Cap. iv, vers. 11. Tigris pertit, eo quod non haberet prædam, M.
xix, 9. Spoliavit me gloria mea, et abstulit coronam de capite, 899, 1.

EX LIBRO PSALMORUM.

Psalm. xiii, vers. 5 et 6. Trepidaverunt timore, ubi non erat timor... Quoniam Dominus in generatione justa est, 225, 1, 2.
xxxii, 6. Verbo Domini cœli firmati sunt, et spiritu oris ejus omnis virtus eorum, 355, 1.
xxxvi, 19 et 20. Non confundentur in tempore malo... quia peccatores peribunt, 225, 1.
lxix, 1. Deus, in adjutorium meum intende : Domine, ad adjuvandum me festina, 209, 2.
cxi, 2. Facta est Iudea sanctificatio ejus, Israel potestas ejus, ibid.
cviii, 109. Anima mea in manibus meis, 397, 1.
cxxv, 4. In convertendo Dominus captivitatem Sion, facti sumus sicut consolati, 211, 1.

Psalm. cxxv, vers. 2. Tunc repletum est gaudio os nostrum : et lingua nostra exultatione, ibid.
cxxxii, 9. Sacerdotes tui induantur justitiam, 148, 2.
cxxxii, 1. Ecce quam bonum et quam jucundum habere fratres in unum, 233, 1.

EX ECCLESIASTE.

Cap. i, vers. 12. Ego Ecclesiastes fui rex, 279, 1.
vii, 8. Calumnia conturbat sapientem, 277, 1.

EX ECCLESIASTICO.

Cap. xxx, vers. 8. Equus indomitus evadit durus, et filius remissus evadet præcepis, M.

EX ISAIA.

Cap. xiv, vers. 29. De radice enim colubri egredietur regulus, 180, 1, 2.
xlviii, 1. Audite hæc, domus Jacob, qui vocamini nomine Israel, et de aquis Juda existis, 209, 2.
lxvi, 8. Numquid parturiet terra in die una?... quia parturivit et peperit Sion, 225, 1.

EX DANIELE.

Cap. xi, vers. 35. Et de eruditis ruent, ut conflentur, et elegantur, et dealbentur usque ad tempus præfinitum, M.

EX AMOS.

Cap. vii, vers. 11. In gladio morietur Jeroboam, 59, 2.

EX MICHAËA.

Cap. i, vers. 10. In domo pulveris, pulvere vos conspergite, 98, 2.

EX HABACUC.

Cap. i, vers. 16. Propterea immolabit sagene sus, et sacrificabit reti suo, M.

EX NOVO TESTAMENTO.

EX S. MATTHÆO.

Cap. vi, vers. 34. Sufficit diei malitia sua, 233, 1.

EX S. LUCA.

Cap. ii, vers. 4. Exiit edictum a Cæsare Augusto, ut describeretur universus orbis, 206, 2.
xxii, 25. Reges gentium dominantur eorum, et qui potestatem habent super eos, benefici vocantur, 240, 2.

EX S. JOANNE.

Cap. iv, vers. 17. Bene dixisti, quia non habeo virum, 225, 1.

EX EPISTOLA AD ROMANOS.

Cap. xii, vers. 10. Non vosmetipso defendentes, charissimi, 319, 2.

EX EPISTOLA AD HEBRAEOS.

Cap. xi, vers. 35. Alii autem distenti sunt,

INDEX

RERUM ET VERBORUM

MUE IN LIBRIS IV REGUM. I ET II PARALIPOMENON. ESDRÆ. TOBLÆ. JUDITH. ESTHER ET MACHABÆORUM EXPLICANTUR.

A.

- Abbir* idem est quod potens, fortis, 418, 4.
Abbreviatoris historiæ officium, 507, 2.
Aber vocabatur secundus septem fratrum Machabæorum, 526, 1. *Vide verb.* Fratrum Machabæorum.
Abimelech Sichimorum tyrannus a femina occisus, 346, 1.
Abra est nomen commune significans ancillam, non autem proprium ancillæ Judith, 334, 1. ejus etymon, *ibid.*
Abraham eo quod nollet adorare ignem multas afflictiones passus est a Chaldaëis, 251, 2. unde probatur fuisse minorem Melchisedecho, 259, 2. Abrahæ actus obedientiæ et oblationis Isaac æstimator est a Deo esse actus magnæ justitiae, 421, 2.
Abstinentia a carnibus servata, 523, 1. abstinentia est funis quo ligatur dæmon ne nobis noceat, 299, 1. *Vide Jejunium.*
Abundii et Abundantii (SS.) martyrum sacra lipsana sub Gregorio XII Pontifice, ad domum professam Societatis Jesu Romæ translata, 418, 2.
Accubitus veterum forma, 362, 1.
Accusatoribus et accusationibus non facile credendum, 401, 1.
Achabum (contra) sagitta casu jacta ab homine dirigetur a Deo ad eum feriendum, 164, 1, 2.
Achas, nomen quinti e fratribus Machabæis, 526, 1. *Vide verb.* Fratrum Machabæorum.
Achaz rex Juda omnes filios suos idolo Moloch consecravit, 65, 1. peccavit diffidens Deo et confidens in homine, *ibid.* idolis Damasis erexit altare in templo Hierosolymitano, *ibid.* 2. contemnit Deum et ejus altare, *ibid.* diruit septum quod dividebat laicos a sacerdotibus ex contemptu, 66, 2. anno 14 ætatis suæ genuit Ezechiam, 72, 1. combussit libros legis, 81, 1, 2. impius sine exemplo, 182, 2.
Achiacharus nepos Tobiæ senioris, 269, 1. ab Amano quodam in famæ et vita discrimen conjectus, 310, 2; 311, 1.
Achior quis, 271, 2. magnificans potentiam Dei Israel bilem movet Holoferni, ab eoque morti destinatur, 326, 1, 2. cur eum Hebræi non adhibuerint suis consiliis, 328, 2. ob factum Judith relicto Gentilismo fit Judæus, 349, 2.
Acies instructæ dum ad congressum veniunt quid observandum, 456, 1. acies in cœlo visæ imminentis belli prognosticæ, 518, 1, 2.
Acquiescentes Romanis ad magnos honores et opes evehabantur, 451, 1, 2.
Actus externus in se non est liber, sed libertatem suam trahit ab interno actu bono vel malo, 542, 2.
Adam cur rebus indiderit nomina naturæ earum apposita, 208, 1.
Adar mensis duodecimus et ultimus Hebreorum respondet nostro partim februario, partim martio, 219, 2; 387, 2.
Addus civitas ubi sita, 480, 1.
Admonitiones acerbæ charitate dulcorantur, 23, 2.
Adolescentum conjunctio licet improba ad filiorum procreationem, non tamen est differenda usque ad ætatem virilem, 270, 1. adolescentes sobrietati studeant, 332, 2.
Ador Phoenicie urbs a Ptolemæo Dor vel Dora dicta. 480, 1, 2.
Adorari pro diis multi reges voluerent, 372, 1, 2.
Adorationis Persicæ ritus, 373, 1.
Adrianus male permittit simulationem extrinsecam idolatriæ, 27, 1, 46, 2.
Adulatorum atque hirundinum comparatio, 274, 1.
Adversarii præcipui Judæorum in reædificanda Jerusalem, 234, 2.
Adversis (in) Deo gratias agere est actus heroicæ patientiæ et perfectionis, 274, 1, 2. adversa non movent virum fortè, 305, 2. ostendunt in collectatione virtutem, 421, 2.
Ædificare aliquando idem quod ornare, augere, amplificare, *ibid.* 502, 1.
Ægritudo mentis ægritudinem parit carnis, 277, 1, 2. agrorum præses est S. Raphael Archangelus, 282, 4.
Ægyptus olim abundabat Judeis, cur, 496, 1, 2.
Æmilius Paulus quando Macedoniam Epirumque Romanis subjecerit, 480, 2.
Æquanimitas Tobiæ senioris erga uxorem sibi multa improperantem, 284, 1.
Aer pellucidus et luce splendidus appareat candidus, 361, 2. in aere equites visi et armorum sonitus aliaque signa belli prognostica, 518, 1, 2.
Ætas virilis apta conjugio, 270, 1. sed ob certas rationes ea non est exspectanda, *ibid.* 2.
Æternum quandoque non absolutam perpetuitatem, sed respectivam et limitatam significat, 422, 1.
Ætolii primi e Græcis cum Romanis bellarunt, 451, 1.
Affectio animi per sympathiam in corpus sese diffundit, 277, 1, 2.
Affictus excæcat rationem, *ibid.* 278, 1.
Agapen instruendi ritus et rationi sepultura defunctorum, 286, 1, 2. ejus descriptio prout post Eucharistiam fieri solebat, 328, 2.
Agathocles Syracusæ obsidens quomodo in urbe cœnaverit, uti comminatus fuerat, 341, 2.
Agesilaus rex Spartæ rogatus quæ dos ducem belli maxime exornaret, quid responderit, 438, 1. item interrogatus qua ratione duci pararetur gloria, 457, 1.
Agnos (per) benedictos qua ratione fugetur dæmon, 298, 1.
Agon quinquennialis, quis, 514, 2. celebrabantur in honorem Herculis, *ibid.* 2.
Ain tam oculum quam fontem significat, 390, 2.
Alberti ducis Austriae de duce exercitus dictum, 438, 2.
Albugo oculorum Tobiæ senioris quid mystice significet, 303, 2. quis eam in oculis suis habere dicatur, *ibid.*
Alcimus pseudopontifex fuit apostata et proditor Israelis, 447, 1. hic invidens Judæ pontificatum, eumdem petiit et obtinuit a Demetrio, *ibid.* 1. accusat Nicanorem apud regem, *ibid.* 2. Jerusalem frustra obsidet, 455, 1. murum interiacentem inter atrium sacerdotum et laicorum cur destruxerit, 460, 1. et alia Prophetarum opera, *ibid.*

- sed Deus eum punivit paralysi, *ibid.* 2. cur mutaverit nomen suum, cum prius vocaretur Joacim, *ibid.* quo anno mortuus, *ibid.*
- Alexander II Pontifex vexilla benedicta misit ad Hermibaldum et Wilhelnum Comitem Aquitaniæ, 565, 2.
- Alexander Magnus anno sexto regni sui occiso Dario, monarchiam Persarum transtulit ad Græcos, 412, 1. cur Darium regno privaverit, *ibid.* voluit haberi Jovis filius, *ibid.* 2. An provincias suis distribuerit, *ibid.* fuit speculum vanitatis, 413, 1. cur Apelles eum pinxerit quasi fulmen manu tenentem, *ibid.* ejus cadaver mansit insepultum ad triginta dies, *ibid.* quadraginta millibus veteranorum prostravit Darium multis centenis millibus militum instructum, 426, 1. quantis beneficiis Persas a se victos affecerit, 473, 1. non inulte irrisus fuit ab Arimaze petram abscissam insidente, 545, 2. variae de eodem gnomæ Philosophorum ad funus ipsius accurrentium, 413, 1. Alexander Magnus muros novæ Alexandriæ ad Tanaïm per longitudinem stadiorum sexaginta erexit spatio septemdecim dierum, 244, 1, 2. cur noluerit videre uxorem Darii a se cæsi, 364, 2. ejus superbia, 372, 2.
- Alexander Severus ne quid remuneratum relinqueret, munera quæcumque contulisset scriptis diligenter mandabat, 379, 1.
- Alexander Veles fratri sui Antiochi Eupatoris necem ulturus Ptolemaidam occupat, 464, 1. cuius filius fuerit, *ibid.* regis insignibus ornat Jonatham ob auxilium ipsi præstitum, 467, 1.
- Alexandria ad Tanaïm spatio septemdecim dierum muro sexaginta stadiorum cincta, 244, 1, 2.
- Alienigenis cum in urbem vel aulam asciscerentur, solebant Hebræi, Chaldæi et Persæ mutare nomina, et patria suæ gentis indere, 208, 1, 2; 368, 1.
- Alleluia, vox laudis, exultationis et jubili, idem est quod laudate Dominum, 308, 2.
- Amalthea quænam fingatur a Poetis, 354, 2.
- Aman quidam in Achiarum et Manassem impius, de quo Græca in libro Tobiæ, quis, 311, 1. Aman et Vasthi dæmonem, carnem et mundum repræsentant, 357, 1.
- Aman erat stirpe Amalecita, patria Macedo, 371, 1, 2. eum quasi minorem Deum in terra ab omnibus voluit Assuerus adorari, 372, 1. ejus superbia et crudelitas, 373, 2. sortem adhibuit ex superstitione gentilium quæ eum decepit, 373, 2; 374, 1. cur crucem potius quam aliud tormentum parari jusserit, 378, 2. omnem ejus vindictam in ipsummet retrosit Deus, 379, 2. dolores maximos habuit in exaltatione Mardochæi, 380, 1, 2. cur operuerint faciem ejus, 382, 1. ubi suspensus sit, et quomodo, *ibid.* et 2. ejus septuplex catastrophe, 385, 1, 2. cur vocetur Burgæus, 394, 1. erat gente Macedo, 402, 2.
- Amantium duorum in continentia et castitate viventium exemplum, 284, 1.
- Amasias rex Juda bonus initio regni, 58, 1. permisit tamen subditis idolatriam, *ibid.* in senio in eamdem incidit, *ibid.* idque post victos Idumæos, *ibid.* vincit auxilio Dei Idumæos, *ibid.* quod non agnoscit, sed Victoria elatus provocat Joam regem Israel ad bellum, 58, 2. justæ a Deo punitus, probabiliter tamen post pœnitentiam,
- Amathites regio pars est Syriæ et confinis Judææ, 477, 1.
- Ambitio Alhaliae punita, 51, 2.
- Ambitione interna post in externam erupta respublica Romanorum pessumiit, 451, 2; 452, 1. ambitio punita in Timotheo et suis, 545, 2. ambitionis vis, 516, 1. ambitio regnandi nihil non molitur, 370, 2. ambitio est ambientium crux, 378, 2.
- Ambitiosorum cum pueris papilionem sequentibus comparatio, *ibid.*
- Ambrosius (S.) citat et probat librum quartum Esdræ, 263, 2. scripsit librum de Tobia contra fœneratores, 266, 2. cur sustulerit ritum veterem parentandi defunctis, 287, 2. S. Ambrosius jussit Ticinensi Ecclesiæ servare depositum contra Imperatoris rescriptum, 510, 1.
- Ambrosius Spinola Ostendam obsidens, per septem integros menses dormiens vestes nunquam exxit, 239, 2.
- Amestris uxor Xerxis, adeoque Persica, non fuit Esther, 357, 2; 358, 1. ejus crudelitas, *ibid.*
- Amicitia gratuitam opem amico egenti præstandam postulat, 452, 2.
- Amico (ab) cruciari et affligi durius est quam ab inimico, 241, 1. ab amicis etiam intimis maleficia et maledicta toleranda, 276, 1, 2. amicis etiam secreta consilia celanda, 305, 1.
- Ammonitæ et Moabitæ quomodo non possent introire in Ecclesiam Dei, 260, 1. et in cœtum populi Israel, nisi cum dispensatione, 350, 1.
- Amon mortuus est sine pœnitentia ob præfidentiam, 80, 1, 2.
- Amoris sedes est jecur, 419, 1.
- Amphoræ ne ad convivia importarentur apud veteres Persas lege cautum fuit, 363, 1.
- Anacharsis quatnor haustus assignans quomodo eos distinguat, *ibid.*
- Anael frater Tobiæ senioris quos filios habuerit, 269, 1.
- Analogiæ fontis et solis, 390, 2.
- Ananiam (per) cuius filium se nominat Raphael angelus, quid intelligatur: varia significat, 289, 1, 2. fuit vere unus ævo Tobiæ vir fidelis et plus Israëli Tobiæ cognitus, 290, 1.
- Anchises Veneris se maritum jactavit, 499, 2.
- Ancillarum convicia dominis objecta quantum has excrucient, 280, 1, 2. ancillas honoratas vocant Itali Cameriere, 334, 1. ancillæ quibus comitata Esther Darium iratum accessit, mystice quæ, 400, 1.
- Andronicus prorex Antiochiae circumductus per urbem, eodem in hoc loco occiditur ubi occisus fuerat Onias, 516, 2.
- Angari dicebantur Persici cursores, unde angariare, 374, 2.
- Auge montes, qui, 321, 1.
- Angeli milites Dei, 59, 1. angelorum nomina an sint plura quam illa tria Michael, Gabriel, Raphael, 263, 1. angeli sunt celerrimi, 281, 2. eorum variae hierarchiæ et ordines, 282, 1. angeli custodes sunt ex infimo ordine, *ibid.* mira eorum dignatio qua dignantur hominum curam gerere, *ibid.* 2. sunt creaturæ et quasi filii Dei, 290, 1. in se non habent nomina, sed ea sortiuntur ratione ministerii quod inter homines obeunt, 289, 2. angelos custodes esse singulis hominibus deputatos etiam creditum fuit ævo Tobiæ, 290, 1. angelorum proprium est extricare, 293, 2. quo sensu nobis concives et contribules dici queant, 296, 1. angelus custos cuilibet homini ea beneficia prestat quæ Raphael Tobiæ, 304, 1, 2. angeli astant Deo septupliciter, 306, 1. distinguuntur in assistentes et ministrantes, *ibid.* 2. angeli boni signum est si post se relinquat quietem; mali si horrorem, *ibid.* angelorum cibus est Deus, 307, 1, 2. Multis sanctis apparuere et eos direxere, præsertim virgines, 347, 2. quisnam angelus ille qui direxit Judith ad tantum facinus perpetrandum, *ibid.* præsunt et adsunt angeli sanctis et castis heroica destinantibus, *ibid.* accinuerunt B. Virginis Romæ: *Regina celi, tætare*, 377, 1. angeli pro populo Dei dimicare consueverunt, 426, 1. pro Theodosio Juniore contra Saracenos, *ibid.* 2. ædem B. Virginis ex Palæstina transtulerunt Lauretum, 504, 1. apparuerunt Judæ Machabæo, 506, 2. et sub specie equi et equitis, ac duorum juvenum Heliodoro, 510, 2. pro Juda et populo fidei dimicarunt, 545, 1. probabile est eos preces nostras perferre ad animas in purgatorio existentes, 564, 2. angelus est invin-

- cibilis, 547, 1. ei nil est impenetrabile, nil impossibile, etc., *ibid.*
- Angli olim ritum habebant consecrandi militem, 565, 1.
- Anguli porta urbis Jerusalem, quæ, 236, 2.
- Animas sanctorum detineri in inferno in promptuariis, donec impleatur numerus electorum Dei, est error Vigilantii et Calvini, falsoque impingitur libro quarto Esdræ, 262, 1, 2. animæ quanta sit dignitas, 282, 2. animas defunctorum vocabant gentiles præsides, 286, 2. quid de anima in morte senserit Plato, 310, 1. animæ exituræ de corpore aliquando futura cognoscunt, *ibid.* anima naturaliter ad corpus propendet, 554, 2. est immortalis: hinc exigit corporis resurrectionem, *ibid.* animæ in purgatorio an orent pro nobis, *ibid.* an sint invocandæ, *ibid.*
- Anna uxor Tobiae senioris maritum irridet, cur, 275, 1, 2.
- Annales suos exacte conscripsere Judæi, 258, 1. item Persæ, 379, 1, 2.
- Anni Græcorum juxta quos singula Machabæorum acta consignantur, unde initium sumant, 405, 1; 413, 2. duplicer computantur: ac proinde vocantur nunc Judaici, Macedonici, etc.; nunc Syriaci, Chaldaici, etc., 548, 1, 2; 559, 4. annus primus Cyri regis Persarum quis hic intelligendus, 204, 1, 2. anni septuaginta captivitatis Babylonicae diversimode computantur, 262, 1.
- Annona quæ, 241, 2.
- Annulo donari a rege apud Persas signum amicitiae erat, 384, 1.
- Ante annum trigesimum etatis nulli Hebræorum propheta licet, 8, 2.
- Anthropomorphitæ censuerunt Deum habere corpus, 217, 1, 2.
- Antichristi typus fuit Antiochus Epiphanes, 413, 2.
- Antigonus rex Macedoniæ filio roganti quando castra moverent, quid responderit, 305, 1.
- Antiochi a factis et victoriis cognominati sunt Soteres, Epiphanes, Ceraunii, etc., 418, 2. eorum successio et punitio, 481, 1; 488, 2.
- Antiochi Magni filii et nepotes per ducentos annos de Asiæ imperio inter se certarunt, 405, 1, 2. et 406, 1. is vicit a Scipione Asiatico, obsidem dedit filium suum Antiochum Epiphanem, 413, 2; 446, 1. contra Romanos in aciem eduxit centum viginti elephantes, 451, 1. factus est eis tributarius, *ibid.*
- Antiochia, metropolis Syriæ, a Justiniano, dicta Theopolis, sic appellata ab Antiocho, a quo condita, 444, 2. in ea primum sedit S. Petrus, ibique primum fideles appellati sunt Christiani, *ibid.*
- Antiochis meretrix Antiochi, cuius causa tumultus, 516, 1.
- Antiochistæ collocarunt idolum Jovis Olympii in altari holocaustorum, 433, 1.
- Antiochus Epiphanes, id est illustris, verius Epimanus, id est insanus, cur ita dictus, 413, 2; 506, 1, 2. fuit expressus typus et præcursor Antichristi, 413, 2; 542, 2. hic obses datus Romanis, clam Roma elapsus quando regnare cœperit, *ibid.* bis intravit Ægyptum, cur et quando, 414, 1. jussus est per Romanos ex Ægypto recedere, *ibid.* 2. quare in Judæos vicinos castra movit, *ibid.* voluit colli ut Deus, *ibid.* et 416, 1. quibus de causis Judæos sibi suspectos habuerit, et ex illis occiderit octoginta millia, 519, 2. morbis corripitur, 422, 2. sero pœnitit, sed simulate, 541, 1, 2. licet vere pœnitisset, non tamen fuisset exauditus, *ibid.* 2. ubi et quando mortuus, 441, 1; 542, 1, 2. totam ejus stirpem Deus suscitavit, 481, 1. cur vocet Lysiam tutorem suum fratrem, 548, 2. cur a Lysia vocetur pater, *ibid.*
- Antiochus Eupator pacem cum Judæis init, eamque cito ruptam iterum renovat, 444, 1, 2. vix biennium regnavit, 446, 1, 2. occisus est a Demetrio, *ibid.* Bethsuram ditione capit, 557, 1. superatus bello a Juda cum eo pacem init et honoribus auget, *ibid.* 2.
- Antiochus Gryphus Læne se maritum jactavit, 499, 2.
- Antiochus Sidetes unde ita cognominatus, 488, 2. pròpter incestum fuit punitus, *ibid.* pacem cum Simone et Judæis inire postulat, eisque ampla privilegia concedit, 489, 1, 2. secundo obsidet Tryphonem in Doram, 490, 1. multa Simoni Machabæo concessa repetit, 490, 2. quomodo Deus fecerit eum ebullire de Perside, 498, 2. de ejus nece varie sententiæ, *ibid.* et 499, 1. fuit occisus in templo Naneæ, *ibid.* quo prætextu templum expilare cogitaverit, *ibid.* 2.
- Antipatrida olim urbs in tribu Manasse, nunc illa est Assurdicta, 448, 1.
- Antistrophæ virtutes Tobiae et Job, 274, 1, 2. item beatæ Virginis Mariæ et Judith, 347, 1.
- Antonius (S.) Patavinus a Pontifice vocatus fuit Arca Testamenti, eo quod totam S. Scripturam calluerit, 201, 2.
- Antonius (S.) solus dæmonum conflictum non fugiebat, sed omnes ad duellum provocabat, 456, 1.
- Apollo Delphicus quomodo illuserit Pyrrho eum de Victoria consulenti, 340, 1. Apollinis fanum in Daphne, 516, 1, 2.
- Apollonius dux Cœlesyriæ a Demetrio constitutus, cognominatus est Deus, 467, 2. ejus nominis fuerunt variis, *ibid.* cæsus est a Jonatha et Simone, 468, 1, 2. prodidit Seleuco thesauros templi, 510, 1. Apollonius missus ab Antiocho Epiphane ad affligendum Judeos, quis, 520, 1.
- Apostolorum Principes cur permiserit Deus indigne a Neroni occidi, 458, 1.
- Apotheosis, sive inter deos relatio, fiebat olim in funere Regum et Imperatorum, 548, 2.
- Aqua saliginosa in areis lacubusque collecta durescit, 472, 2. aqua crassa tempore Nehemias in ignem versa, 501, 1. aquam vino mixtam bibere cur sanum, 567, 1, 2. aquarum porta urbis Jerusalem versus Orientem a collectione aquarum sic dicta, 237, 1. per aquam lustralem quomodo fugetur dæmon, 298, 1. per aquam significatur tribulatio, unde paradoxum illud ex aquis soi, 391, 1.
- Aquilinus (S.) pontifex Ebroicensis petivit ab æterna luce ut sibi mortalia oculorum lumina clauderet, 275, 1.
- Arabes, licet feri et barbari, tuentur sepultra patrum et ducum suorum, 233, 2. apium hortense vocant carfs, quod idem est cum Hebreo carpas, 362, 1. etiamnum reges ipsorum magnam turbam uxorum habent, 370, 2. Arabes græce vocantur Nomades, quare, 552, 1.
- Aræ et templa idolorum a Christianis usque ad tempora S. Gregorii diruebantur; post expiabantur, 438, 1.
- Arbaces Mediæ præfector cur rebellari Sardanapalo regi suo, 314, 2. ab Arbace primo Mediæ rege cæteri nomen suum acceperunt, et cognominati Arbacidæ, 316, 2.
- Arca non erat in templo tempore Esdræ, 146, 1, 2. translata sub Manasse vel Amon e templo domum Sellum propter idola, 194, 1. postea in locum restituta a Josia, *ibid.* arca Testamenti an fuerit in secundo templo reædificato post redditum e Babylone, 504, 2; 505, 1. hanc exempli abstulit et abscondit Jeremias, *ibid.* ejus depositio in monte Nebo, 504, 1, 2. an fuerit inventa cum igne sacro, *ibid.* apparebit in fine mundi, 505, 1.
- Architecti cum historico comparatio, 507, 2.
- Ardor in militibus a ducibus excitandus, 547, 1, 2.
- Areth dictus sextus fratum Machabæorum, 526, 1. Vide in verbo Fratrum Machabæorum.
- Argentifodinæ fuere olim in Hispania feracissimæ, et etiamnum esse testantur aliqui, 450, 1, 2.
- Argentum a bello victis per iter spargi solitum. cur, 431, 2.
- Argumentum libri primi et secundi Machabæorum, 403, 1. item tertii et quarti, 568, 1, 2. 569, 1, 2. argumenta omnia horum librorum quasi in synopsis collecta, 199, 1, 2. argumentum libri Tobiae, 265, 2. libri Judith, 312, 1.

- Ariarathes rex Cappadociae,** 490, 1.
Arimazes Sogdianus irridens Alexandrum Magnum quomo-
 dabo eo tractatus, 545, 2.
Aristobulus nomen regis primus assumpsit, 493, 1, 2;
 497, 2. matrem et fratrem occidit, *ibid.* Aristobulus ma-
 gister Ptolemai regis, quis, *ibid.*
Aristotelis sententia de Pygmæis rejicitur, 455, 1, 2.
Arma ab atheis ducibus inter deos relata, 564, 1. arma et
 vexilla benedicendi mos, 565, 1, 2.
Arma spiritualia Judith quibus obtruncavit Holofernem,
 334, 2.
Arphaxad rex Medorum qua occasione excusserit jugum
 Xerxis et Persarum, 316, 1, 2. ejus etymon, *ibid.* an
 ipso ædificaverit Ecbatanam, et quomodo, *ibid.* 317, 1.
 expugnatur et jaculis confoditur a Nabuchodonosore,
 318, 1, 2.
Arsaces rex Parthorum Demetrium cecidit et cepit, 484,
 1, 2.
Arsinoe sororis Philopatoris in pælio insigne factum,
 568, 1.
Artabanus monet Xerxem in tot copiis suis exultantem,
 318, 2.
Artaxerxes, de quo primi Esdræ, cap. vi, vers. 14, et
 cap. vii, quis, 219, 1, 2. Artaxerxes erat nomen commune
 regum Persarum, 393, 1. ejus etyma, 219, 2; 361, 1.
 ab Artaxerxe Longimano incipiunt septuaginta hebdo-
 mades Danielis, 203, 1; 221, 1; 232, 1. cur tamen be-
 nevolus fuerit Judæis, 232, 1, 2. cur voluerit Nehemias
 esse suum pincernam, *ibid.* quas poenas ducibus
 qui delinquent statuerit, 358, 1. sub eo non contigit
 historia Esther, 362, 2.
**Arx Sion quando a Juda Machabæo obsessa, quando cap-
 ta,** 432, 1, 2.
Asar erat nomen commune regum Assyriorum, 318, 1.
Asaramel (per) quid significetur, 486, 1.
Asarhaddon, quis, 318, 1.
Ascam idem est quod peccatum, 280, 1.
Ascopera, vox græca, quid significat et unde derivetur,
 338, 1.
**Asdrubalis pæfecti Carthaginis a Scipione obsessæ fac-
 tum,** 537, 2.
Asmodæus quis, 279, 1. est dæmon exagitans homines ad
 libidinem, et liberatos mulctans, *ibid.* cur vocetur As-
 modæus, 280, 1. est rex dæmonum et præses luxuriæ,
 282, 2. quibus modis et quamdiu religatus fuerit in de-
 serto, 298, 2; 299, 1.
Aspectus mulierum quam sit periculosus et perniciosus,
 339, 1. aspectus virorum mulieribus interdictus, 365,
 1, 2.
Aspicere tranquille est quiescere, 506, 2.
Assamonæo (ab) avo vel abavo Mathathiae, Machabæi dicti
 sunt Assamonæi, 404, 2. Assamonæi idem est quod
 Optimates, *ibid.* quando et in quo desierit Assamon eo-
 rum stirps, 493, 2.
**Assidæi qui, 420, 2. an ita dicti ab assiduitate, quasi assi-
 dui in Dei cultu, *ibid.* an sint iidem qui Esseni, *ibid.***
 fuere addicti bello, non choro, *ibid.* 2. fuerunt milites
 belli sacri, *ibid.* et præcipui sub Juda Machabæo, *ibid.*
 unde vocentur Assidæi, 421, 1. est vox Hebræa, *ibid.* 1.
 fuerunt viri honorati et primarii in Israel, *ibid.* cæsi
 sunt ab Alcimo pseudopontifice, 447, 2. de his vatici-
 natus est David, *Psalm. xviii, vers. 2,* *ibid.*
**Assuerus nomen commune regum Persarum et Babylonio-
 rum,** 214, 1. ejus etymon, *ibid.* Hebraice et Chaldaice
 idem est quod magnum caput, 363, 2. Assuerus qui
 cum Nabuchodonosor Niniven destruxit, quis, 314, 1.
Assuerus maritus Esther mystice designat Christum,
 356, 1; 363, 1. quis ille fuerit, 357, 1. probabiliter fuit
 Darius Hystaspis, 358, 1. suspicatur Amanum velle Es-
 therem opprimere, cur, 381, 2. erat in tributa propen-
 sus, 389, 1. ferox ac cholericus, 399, 2. sed mansuefac-
 tus ad aspectum collabentis reginæ, *ibid.* Vide Darius
 Hystaspis.
Assumptio B. Virginis in celum mystice representata
 per assumptionem Estheris ad cubiculum Assueri,
 370, 1.
Assyria quomodo sita respectu Judææ, 354, 1.
Assyriorum corruptissimi et impurissimi mores, 343, 2.
 eorum principes in quantum suam gravitatem servarent,
 350, 2. assyriorum regnum defecit, 761, 2.
Astare Deo septupliciter potest intelligi, 306, 1. non solum
 significat esse in cœlis, sed insuper in ministerio quam-
 dam principalitatem, *ibid.* 2.
Astarte sive Venus, dea Syrorum, 513, 2.
Astra quando et unde dicantur egredi, 239, 1.
Atergate fuit dea Syrorum, alio nomine Derceto vocata,
 552, 2.
Athalia nepotes suos ex ambitione occidit, 49, 1, 2. occi-
 ditur circa palatium, 51, 2. ei similis Brunichildis,
ibid.
Athei duces sua arma faciunt numina, 564, 1.
Athenienses capite multarunt Themagoram, cur, 373, 1.
Athersata idem est quod pincerna regis; ejus etymon,
 210, 2. ita vocatus est Nehemias, unde, 248, 2. non est
 nomen Hebræum, sed Chaldæum, *ibid.*
Athletæ in Olympicis certaturi castos se servabant, cur,
 351, 2.
Atossa uxor Darii Hystaspis eadem videtur cum Hadasa,
 quæ est Esther, 358, 2; 368, 1, 2.
**Atrium sacerdotum et atrium laicorum quomodo distin-
 guebantur,** 460, 1.
Attalus Pergami rex moriens populum Romanum scripsit
 hæredem, 490, 1.
**Attila rex Hunnorum S. Lupo quærenti quis esset, res-
 pondit se esse flagellum Dei, 341, 2; 421, 2. spe totius**
 orbis obtinendis devorabat imperium; sed tandem a
 Deo per feminam occisus est, 346, 2.
Auctor libri I et II Machabæorum, 403, 1, 2. alias est
 primi, aliis secundi, 486, 2; 506, 1, 2. auctor Canoni-
 cus citans dicta aliquujus auctoris profani facit ea cano-
 nica, 506, 2. auctor libri primi et secundi Esdræ quis,
 201, 1, 2. auctor libri Tobiae est ipse Tobias, 266, 2.
 libri Esther Mardochæus, 388, 1.
**Audacia adversus hostes dos maxime exornans bellum du-
 cem,** 438, 1, 2.
Audomarus (S.) ægre tulit sibi visum diu amissum per
 S. Vedastum esse restitutum, 275, 1.
Augusti Imperatoris frugalitas, 363, 2.
Augustini (S.) aureum dogma de senectute et pueritia,
 269, 2.
Aula (ab) se tempestive ante casum abducendum, 382, 2.
Aurifodina olim in Hispania fuere feracissimæ; et etiam-
 num esse multi testantur, 450, 1, 2.
Aurum per iter spargi solitum a bello victis, cur, 431, 2. au-
 rum reges Persarum voluerunt sibi esse proprium, 473,
 2. auri libra valet centum aureos, 485, 2. auro judices
 corrupti, 516, 2. aurum pretiosissimum repræsentat no-
 bis Deum, 565, 1.
Auxilia hæreticorum non querenda in bello, 177, 1, 2.
Avaritia judicum pecuniis se corrumpi sinentium, 516, 2.
Aves fuerunt primum vivens animal creatum a Deo, 262,
 2. quælibet aves subinde a Latinis nominantur passeræ,
 273, 1, 2.
Axioma ducis cuiusdam de generoso milite, 457, 2.
Azarias quem se vocat S. Raphael angelus, quis, 289, 1,
 2. variae nominis versiones, *ibid.* Azarias fuit Jesus
 Christus et Apostoli, 290, 1. apud Hebreos fuit nomen
 magnum, ideoque magnorum regum, principum, ponti-
 ficum, etc., *ibid.* est nomen non tam proprium quam
 appellativum, *ibid.* 2. vere vero Tobiae fuit Azarias filius
 Ananiæ, *ibid.*
Azyli origo, 445, 1, 2.

B.

- B littera subinde commutatur cum *G*, 394, 1.
 Baaras radix a Salomone ostensa an habeat virtutum expellendi dæmonem, et quomodo, 298, 1, 2. olet magiam, *ibid.* varia de ea commenta, *ibid.*
 Babylas (S.) martyr sepultus in Daphne, 316, 2.
 Babyloniorum regnum incipit a Baladan, 761, 1. Babylonica captivitas cur 70 annis duravit, 197, 2; 198, 1.
 Bacchanalia festa quomodo celebrari solita, 522, 1.
 Bacchides a Demetrio cum copiis missus contra Judam, 447, 2. Jerusalem frusta obsidet, 455, 1. ipsi contra Judam Machabæum victoria cessit, sed cruenta et pudentia, 456, 1, 2. caute ictum Jonathæ declinavit, 459, 1, 2. Bethbessen frusta obsedit cæso Odare duce suo, 460, 2; 461, 1. hinc iram vertit in apostatas Judeos, *ibid.* 2. pacem cum Jonatha facit, *ibid.*
 Bagao nomen commune Persis significans eunuchum, 343, 1.
 Bagaos eunuchus nequissimus Alexandri Magni, *ibid.* 2.
 Bahes symbolum et omen est victorii, 481, 2. ejus etymon, *ibid.*
 Balista quod genus armorum, 444, 1.
 Baptismus est professio Christianismi et legis Evangelicæ, 349, 2.
 Barbarorum omnium vitium commune misceri cum matre, filia, sorore, etc., 343, 2.
 Bascaman (ad) occiditur Jonathas cum filiis a Tryphone, 480, 2.
 Basilica Græca est domus regis, 377, 1.
 Basili Imperatoris ad Leonem filium insigne monitum, 300, 1.
 Basilius (S.) laudatus quod corruptos academiæ Atheniensis mores devitarit, 270, 1.
 Bean est civitas Amorrhæorum, 437, 1.
 Beatitudo coelestis per Ecclesiam triumphantem ex sapphiro et smaragdo fabricandam significata, 308, 2,
 Beelshebub Deus musca, 9, 1, 2.
 Beeletem an sit nomen officii significans præfectum rationis, 214, 2.
 Belgio (in) nuper portenta in celo ostensa, quid præsignificarent, 519, 1.
 Bellatores aliquot eximii, quia procero et valido corpore æque ac animo, 426, 1.
 Bello victi spargunt aurum ut effugiant, hostemque insequentem morentur, 431, 2. belli sacri contra Turcas et hæreticos quanta vis, 457, 2. belli ducum magnanimorum aliquot exempla, 474, 2. belli prognostica, 518, 1, 2. bellum irreconciliabile gesserunt aliqui, 537, 2. tale unusquisque gerat cum Lucifero, carne et mundo, *ibid.* belli causa, superbia et dominandi libido multis exstitit, 317, 2; 318, 1.
 Belma urbs ad radices montis in quo sita Bethulia, 330, 1.
 Benedicti (S.) virga formidabilis dæmoni, 298, 2. in Regula sua quid de hospitibus statuat, 303, 1.
 Benedictio portarum et murorum urbium a priscis fieri solita, 236, 1. benedictionis armorum et vexillorum mos et ritus, 563, 1, 2. item Crucis et exercituum, *ibid.* et militum, *ibid.*
 Beneficia ingentia duodecim promittit Demetrius Jonathæ, si suas partes sequi velit, 466, 1, 2. beneficiorum in reges collatorum memoria exacte servata, 379, 1, 2. beneficia septem a Raphaele Archangelo Tobiae filio præstata, 304, 1.
 Benjamin vocabatur una e portis urbis Jerusalem Aquilonem versus, 237, 1.
 Bernardus (S.) Clarævallensis mulierem dæmonie incubo liberat, 294, 2.
 Bersellai sacerdos cur a sacerdotio rejectus, 210, 2. prohibetur comedere de victimis oblatis, *ibid.*
 Beth littera hebraica sape commutatur cum *mem*, et contra, 218, 1.

- Bethbesse civitas tribus Benjamin frustra obsidetur a Bacchide, 460, 2.
 Bethdagon cùm omnibus idololatriæ concrematum, 468, 1, 2.
 Bethsan postea dicta est Scythopolis, 477, 2.
 Bethsura fuit munitio exstructa a Juda Machabæo contra Idumæos, 557, 1. Hebraice idem est quod domus rupis, *ibid.* capitul ab Antiocho, 444, 1. quantum distet a Jerusalem, 557, 1.
 Bethulia urbs Galilææ ubi sita : Hebraice idem est quod virginitas Dei, 327, 2; 356, 1. licet esset propria tribus Zabulon, tamen tribus Juda eam sibi vindicavit, 327, 2.
 Bias circumcessus ab Iphicrate, rogatus quid eo articulo agendum foret, quid responderit, 457, 1.
 Bibendum (ad) aliquem cogere est contra naturam, 363, 1, 2. bibere ad sanitatem et ad id cogere est tyrannicum, *ibid.*
 Bibliothecæ variæ erectæ, 305, 2.
 Bidentalia quæ nominarent Romani, 502, 2.
 Blanca (S.) quid filio suo S. Ludovico crebro inculcaret, 270, 2.
 Blasphemia Wittakeri dicentis Angelum Raphaelem fuisse mentitum, 289, 1, 2.
 Blasphemia punita in Nicanore, 448, 1.
 Boleslaus II triplici tumens Victoria a Frederico rege Bohemiæ vicit, 431, 2.
 Bonum significat tam bonitatem et honestatem virtutis, quam jucunditatem et felicitatem, 233, 1. bonum esse inter malos immensi est præconii, 269, 1. bona matrimonii tria, 295, 1, 2.
 Bosor erat urbs Moab ultra Jordanem sita in tribu Ruben, 437, 1, 2.
 Boum capita in mari Æneo fusa, præter boves quibus sustentabatur, 145, 1.
 Breiloquentia a multis commendata, 506, 2; 507, 1.
 Brunichildis peccata et poena, 51, 2.
 Bruno (S.) secessit in montes Carthusiæ, ibique Cartusianorum ordinem instituit, 520, 2.
 Bugæus nomen potest sumi vel ut proprium et patronymicum, 394, 1, 2. vel ut appellativum, *ibid.*
 Burgundines unde dicti, 163, 1.

C.

- Cadaver Alexandri Magni mansit insepultum ad triginta dies ob Principum dissidia, 413, 1.
 Cæciliam (S.) cum S. Valeriano sponso ad castitatem direxit angelus, 347, 2.
 Cæcilius Poeta coœvus Judæ, Jonathæ et Simoni Machabæis, 405, 1.
 Cæcitas a viris sanctis expedita et amata, 274, 2; 275, 1. illa non turbavit Tobiam seniorem, 276, 1, 2. fuit curata naturaliter per fel in Tobia, 303, 1, 2.
 Cæcorum Deum laudantium exempla, 274, 2; 275, 1.
 Cælibatus commendatur exemplo Judith, 355, 2.
 Cæneus hastam suam inter deos numerari jussit, 564, 1.
 Cæsar erat nomen commune regum Romanorum, 214, 1.
 Caius Caligula voluit coli ut deus, 373, 1.
 Cajetani sententia de duobus Eliis refutatur, 169, 2.
 Calabria dicta est magna Græcia, 394, 2.
 Calamitate (in) publica publice orandum ac pœnitendum, 324, 1. ob calamitates olim totus populus pervigilabat in templo, 328, 2. doloris signa varia in calamitate fieri solita, 397, 1.
 Calendæ unde dictæ, 415, 2.
 Callionymi piscis descriptio, 292, 1. abundat felle quod valet ad albugines ex oculis extergendas, alioque nomine vocatur uranoscopos, *ibid.* est vorax et stolidus, *ibid.* an cor ipsius fuget dæmones, et qua vi, *ibid.* 2.
 Calumnia uxoris turbavit Tobiam seniorem, 277, 2. et ancille Sarum filiam Raguelis, ac S. Monicam, 280, 1, 2.
 Calvi dicuntur lunulæ, 41, 2.

- C**alvities capitisi deformitas, 10, 2. libido ejus causa, 11, 1. Cambyses Cyri filius fabricam templi a patre permissam impedivit, 214, 2. patre apud Lydos et Massegetas occupato, domi rebus imperii praeerat, *ibid.* Chaldaice vocabatur Assuerus; Persice vero Artaxerxes, *ibid.* fuit Judæorum hostis et parricida; quomodo a Deo punitus, *ibid.* 2. monitus a Prexaspes uno e charissimis ut parcus biberet quam ingratus fuerit monitori, 381, 1. Campanæ ab Ecclesia benedictæ qua vi fugent dæmonem, procellas et tempestates excitantem, 298, 1. Candaules rex Sardorum quo pacto occisus a Gyge, 364, 2. Candelabri aurei effigies cernuntur Romæ in arcu triumphali Titi, 505, 1. Candidas vestes olim induebant in diebus festis et lœtis, 384, 2. Candor cum quo Angeli apparent quid significaret, 547, 1. Canis Tobiae præcurrens Doctores exprimit Ecclesiæ, 303, 1. Cannensis cladis Romanorum quæ causa, 451, 2. Canonicus auctor citans dicta alicujus profani facit ea canonica, 506, 2. Cantatrices adhibebantur templo ad laicas cantiones, 211, 1. Cantores templo adhibebantur ad canendos psalmos, *ibid.* Capaneus ensem suum numen fecit, 564, 1. Capillos alicui evellere magnæ est ignominia, 261, 2. hos sibi ipsis lacerabant veteres in calamitate constituti, 397, 1. Capite duci exercitus amputato percelluntur milites, probatur exemplis, 349, 2. caput nonnullæ hodie ita ornant et attollunt ut turrigeræ videantur, 397, 2. Caporiani qui sunt præfecti regionum urbis Romæ, quod munus et auctoritas, 237, 2. Captivitas prima quinque tribuum Israelis in Assyriam sub Teglatphasar, 63, 1. secunda reliqui Israelis sub Salmanasar, 69, 1. multi eam evaserunt, *ibid.* 2. prædicta fuit a Prophetis, *ibid.* captivitas Babylonica tribus Iudeæ a quo incipiat, 88, 1. secunda captivitas, *ibid.* tertia captivitas, *ibid.* captivitas Hebræorum duplex, 200, 1. de posteriori igitur hic in libro Esdræ, *ibid.* captivitas Babylonica fuit celeberrima et universalis, 326, 2. Capuanæ deliciae perdidunt Annibalem, 472, 2. Caput Nicanoris in prælio amputatum, uti et aliorum, contra Jerusalem suspensum, 448, 2. Carbasinus color est candidus a carbaso, 361, 2. carbasinus color est viridis, *ibid.* Carbasum est linum miræ tenuitatis et candicans, 362, 1. *Carpis* Arabice est idem quod Hebraicum *carpas*, sive apium bortense, *ibid.* Earnem porcinam qui comedere recusant excarnificantur, 523, 1. Eärnion locus munitus ad quem egressus est Judas, quis, 552, 2. Carolus Magnus quater Romam adiit, cur, 230, 2. quando creatus et coronatus sit Imperator, *ibid.* Carolus Magnus vasto validoque fuit corpore aequa ac animo, 425, 1. *Carpas* sonat idem quod viridis, 361, 2. Garthusiani ex voto abstinentes carnibus mori malunt quam iis vesci, 420, 1, 2; 523, 2. Gasimirus (S.) mori maluit quam virginitatem perdere, 523, 2. Casleu mensis Hebræorum respondebat nostro novembri, 415, 2; 433, 2. Casleu mensis Hebræorum respondet nostro partim novembri, partim decembri, 231, 1. Casphin urbs ubi sita, 552, 1. Cassidula est parva pera, vel parva cassis, 297, 1, 2. Castitas veræ religionis comes, 414, 1. ea exacte servata, 523, 2. castitatis præses est Raphael archangelus, 282, 2. castitatis conjugum reservatæ exemplum, 284, 1. castitas etiam in conjugio servanda, 296, 2. castitas est fuis quo ligatur dæmon ne nobis noceat, 299, 1. castitas morti prælata, 332, 2; 333, 1. est causa fortitudinis, 351, 2. castitas Judith quam fuerit eximia, *ibid.* Castor quo pacto e venatorum manibus elapsus, 431, 2. Castorum præses est S. Raphael archangelus, 272, 2. Castra sine duce quasi populus sine rege, 349, 1, 2. Catalogus populi redeuntis e Babylone descriptus ab Esdra quomodo diversus ab eo quem descriptis Nehemias, 246, 1, 2. et catalogus donariorum ad fabricam oblatrum, *ibid.* Catastrophe septuplex in tragœdia Amani, 385, 1, 2. Catholici in Anglia, Scotia et Saxonia in quo imitentur Tobiæ seniorem, 269, 2. Cato arenas Libycas primus ingrediens milites ad se sequendum animavit, 438, 1. Cato Romanorum sapientissimus quo pacto seipsum occiderit, 561, 2. Catuli leonum latrante stomacho rugiunt, 425, 2. Cauda canis Tobiae finem bonæ operationis insinuat, 303, 1. Celeritas dos una ducis, 391, 2. Cendebæus dux maritimus, 491, 1. cæditur a Joanne Simonis Machabæi filio, 492, 1. Centesima usura quæ, 241, 1. Cereos (per) benedictos quomodo fugetur dæmon, 298, 1. Cethim est Cyprus et Macedonia, 412, 1. Chaldæus paraphrastes fabulosus, 107, 2. Chaldæa cur hic vocetur Persia, 499, 2. Chaldæi milites utebant purpura ad tegendum vulnera, 432, 1. an omnes libros veteris Testamenti cum templo excuserint, 204, 1, 2. solebant alienigenis ac præsertim Hebræis cum in urbem vel aulam asciscerentur mutare nomina, 368, 2. Characa locus quidam in Judæa munitus, sic dictus a *χάραξ*, 552, 1. Charan sive Haran urbs sita in Mesopotamia, 302, 1. Charitas per catachresin subinde accipitur pro amore illibili, 336, 1. charitas Nebemæ aliorumque ducum et præsidum in cives suos, 242, 1. et Estheris in populum suum, 375, 2. charitas Christi in nos repræsentata per carnem piscis Tobiae, 303, 2. Chasida est ciconia vel milvus, 421, 1. Chasidim vocis interpretatio et significatio varia, *ibid.* Chasphia pagus vel vicus in Babylone, 223, 1. Chelidonia herba qua hirundines pullorum suorum oculis medentur, 273, 2. Chelmon urbs quæ, et ubi sita, 330, 1. Cherem interpretatio varia, 355, 2; 437, 1. Cherubim erant in altari thymiamatis, sed duo tantum, 137, 2. Chесед, id est pietas, misericordia, 421, 1. Cholerici quia celeris ingenii velocisque consilii bello utilles, 418, 2. Chorea quid sit, 281, 1. Christiana lex vetat jejunium in Dominica ob festi lœtitiam, 248, 2. Christiani nunquam sine armis incedant, 21, 1. in chronologia maxima sententiarum diversitas, 54, 1. chronologiae canones, 77, 1, 2. Christiani ad Evangelium assurgunt reverentiæ causa, 248, 1. quid eis imitandum in afflictione positis, 275, 2; 324, 1. primorum Christianorum frugalitas in conviviis, 328, 2. et puritas corporalis, 343, 1. accepto aliquo insigni beneficio in gratiarum actionem canunt: *Te Deum laudamus*, 348, 1. in triduo passionis Christi strepitus edunt, 388, 2. Christiani in angustiis et periculis constituti Dei opem implorent, 457, 2; 458, 1. spolia terrena relinquant, 431, 2. Christiano homini quid dicendum a septem fratribus Machabæis Judæis, 530, 1. mortem pro fide sustinere discant Christiani exemplo Eleazari, 443, 2. Christus. — *Vide Jesus Christus.* Chronotaxis Seleucidarum post Alexandrum Magnum in Syria regnantium, 405, 1, 2. Ptolemæorum in Ægypto,

- 407, 1, 2. item Machabæorum qui populo præfuerit ut Pontifices et ut Principes, 407, 1, 2; 408, 1, 2. item Pontificum ab Alexandro Magno usque ad Christum, *ibid.*; 409, 1, 2. chronotaxis Tobiæ senioris et junioris, 266, 2; 267, 1.
- Cibus Angelorum est Dens, 307, 2. cibus a sitiensi humectari nequit et comediri, 340, 2.
- Cidarim sive coronam quam gestabat Esther vocat signum superbiam, 397, 2.
- Cilicio usi pœnitentes, 34, 2. cilicium sive saccus tertium symbolum pœnitentis, 251, 1. domat stimulos voluptatis turpis, 332, 2.
- Cinere caput aspergere, symbolum est pœnitentis, 251, 1. cinis cum melle oculis inspersus eorum caliginem dissipavit, 274, 1. cinis est signum mortis, 336, 2. in cineres ex alta turri præcipitatio quod genus supplicii, 356, 2.
- Cinyra instrumentum musicum, quomodo distinguatur a cithara, 434, 1.
- Circumcisio erat professio Judaismi et legis Mosaicæ, 349, 2.
- Cithara sola magnitudine distinguitur a cinyra, 434, 1.
- Cives vita functos precibus juvare honestum et probum, 554, 2. civium salutem prodit qui hostes captos vel capiendos dimittit, 544, 2. civium commodis studeant duces et præsides exemplo Nehemiae et aliorum, 242, 1.
- Clamandi mos in magnis calamitatibus apud Persas, 375, 1. et apud Judæos precum tempore, 388, 2.
- Clemens V, instigante Philippo Pulchro Franciæ rege, Templarios extinguit, 434, 2.
- Clementia Dei in hostes captivos, 182, 1.
- Elementia Dei in Judæos legis prævaricatores, 225, 2. justitia temperata, *ibid.*
- Cleopatra, devicto M. Antonio ab Augusto Cæsare, ne in manus victoris veniret, aspidum morsu se necavit, 407, 2.
- Cleopatra Græce idem est quod decus et gloria patris et patriæ, 466, 2. Cleopatræ series et origo, *ibid.*
- Cleopatra Demetrii senioris uxor marito capto Antiochum ad regnum et conjugium suum invitata, 488, 1, 2, et 489, 1. habuit itaque simul duos fratres viventes maritos, *ibid.* veneno quod filio propinaret necata est, *ibid.* trium Syriæ regum fuit uxor, *ibid.*
- Coœvi quinam fuerint Esdræ et Nehemiæ, 202, 2. item Estheri et Mardochæo, 359, 1, 2. coœvi tam e Philosophis quam Poetis, aliisque qui fuerint Judæ, Jonathæ et Simoni Machabæis, 405, 1.
- Codrus rex sua morte Atheniensibus victoriam sancivit, 456, 2.
- Cœli extrema quænam dicantur, 231, 2.
- Cogere ad bibendum est contra naturam, 363, 1, 2. et tyrannicum, *ibid.* est libertatem adimere, sanitatem lædere, etc., *ibid.*
- Collinghamense monasterium a Danis concrematum, 337, 2.
- Colocynthus est cucurbita agrestis, 23, 1.
- Coloniæ Agrippinæ exstat ecclesia septem fratum Machabæorum, 535, 2. an etiam eorum reliquiae, *ibid.*
- Color ruber elephantes summopere proritat ad prælium, 442, 1. color viridis mire oculos recreat, 361, 2.
- Commiseratio levat misero miseriam, 284, 2.
- Communio hæreticorum fugienda exemplo Judæorum, 213, 1, 2.
- Compendia facere magni laboris est et industriæ, 507, 2.
- Compendialoris historiæ cum pictore fabricam constructam pingente comparatio, *ibid.*
- Compunctionem (per) et lacrymas a Deo exauditi, 278, 1.
- Computus annorum Græcorum dupliciter fit, 548, 1.
- Concionator opere et non sola voce præeat, 55, 1. sit illuminatus et perseverans, *ibid.* concionator ante concionem quid a Deo flagitare debeat, 397, 2.
- Conclusæ virgines ad Oniam sanctum concurrentes quæ, 510, 2.
- Concubinarius in complexu concubinæ fulgere sideratus, 296, 2.
- Concupiscentia extinguitur passione Christi, 294, 2. concupiscentiam carnis dum sentis, invoca B. Virginem, 356, 1, 2.
- Conditiones foederis Judæorum cum Romanis initi, 452, 1, 2.
- Conjuges in eodem sepulcro conditi, 284, 1. duorum in continentia et castitate viventium exemplum, *ibid.* Conjuges Christiani sequantur exemplum Tobiæ et Saræ, 295, 1, 2. quem finem intendere debeant in copula, *ibid.* caste vivant, 296, 2. a mensa ebrietatem, detractionem, etc., arceant, 300, 2. sobrii sint maxime cum generationi vacant, *ibid.* subinde se mutuo vocant fratres et sorores, cur, 399, 2; 400, 1.
- Conjugia cum Chananaeis, Judæis vetita, cur; quo pacto permissa, 224, 1. conjugium requirit virilem etatem, cur, 270, 1, 2.
- Conopeum quid, 339, 2.
- Conscientia urgente pœna menti culpam in memoriam revocat, 441, 2. conscientia militarium scelerum milites facit timidos, 455, 1.
- Consiliarii plures audiendi, 401, 1.
- Consilium et constantia omnia edomant, 450, 2. consilium malum consultori pessimum, 461, 2.
- Consilio (sine) sapientis nil faciendum, 287, 1.
- Constantia Nehemiae in amando, et populi in fabricando, 238, 1. constantia a Deo petenda est, 336, 2. constantia Mardochæi in resistendo Amano scelestissimo, 377, 2. constantia superandi hostes tam corporis quam animæ, 450, 2. constantia ducis quantum in bellis rebusque arduis valeat, 474, 2. constantiæ mirum exemplum in Eleazaro, 523, 1.
- Constantinopolis urbs sic dicta a fundatore Constantino, 444, 2. Constantinopolis a triennali Saracenorum obsidione per B. Virginem liberata, 356, 1.
- Constantinopolitanus cuiusdam viri clarissimi filius pauper divinitus uxorem divitem nactus est, 278, 2.
- Constantinus Imperator fuit vasto validoque corpore æque ac animo, 425, 1. Dei auxilio sæpe vicit in bellis, 426, 2. convocavit omnes Episcopos ad dedicationem templi Jerosolymitani, 434, 1. ab ipso nomen mutuavit Constantinopolis, 444, 2. cur in laboro crucem insculpi jussit, 565, 2. pro eo certarunt Angeli, 545, 2. Constantinus Magnus totassæpe noctes sine somni traduxit, 379, 1.
- Consulere diabolum gravissimum peccatum, 3, 2.
- Contentio de principatu causa fuit subactionis Judææ, 452, 2.
- Conti sunt lanceæ oblongæ et hastæ, 335, 1.
- Continentia et puritas Saræ Raguelis filiæ, 281, 1. ejusdem a duobus amantibus exacte servata exemplum, 284, 1. continentia per quid melior matrimoniali concubitu, 295, 1, 2.
- Conversio omnium gentium ad Christum prædicta a Tobias seniore, 308, 1, 2.
- Convicia etiam justis objecta eos excruciant, 280, 1, 2.
- Convivæ arceant a mensis ebrietatem, jurgia, detracções, etc., 300, 2. more veterum, 362, 2. olim in mensa sapientes miscebant sermones, *ibid.* non sunt cogendi ad bibendum, 363, 1.
- Convivia sint frugalia more primorum Christianorum, 328, 2. et more primorum Persarum aliarumque gentium, 362, 2. convivium Assueri ad litteram vanæ voluptatis aucupium mystice fuit Eucharistia simulacrum, 363, 2. conviviorum postridianus dies doloris et pœnitentiæ, 365, 2.
- Copulæ conjugalis finis, quis, 295, 1, 2.
- Cor est sedes animositatis et audaciæ, 419, 1. cor regis in manu Domini esse, impletum in Cyro, 206, 2. item in Assuero, 399, 2. cor piscis an fugat dæmones, et qua vi, 293, 2.

Cornelius (R. P.), auctor horum Commentariorum, filius agricultæ, 115, 2.
 Cornua (per) altaris quid significetur, 335, 2. cornua superbis æque ac tauris cornupetis resecanda, 421, 2.
 Corona est insigne proprium regis, 322, 1, 2; 379, 2. qualis esset regum Persarum, 379, 2.
 Corporis resurrectio cum immortalitate animæ necessario connexa, 554, 2. corpus labore fatigatum melius reficitur jacendo quam sedendo, 362, 1.
 Cosroe regis Persarum fastus et superbìa, 400, 2.
 Crapula quam sit improvida, 345, 1. et insana, 363, 1, 2.
 Crassus (M.) e templo trabeam auream sustulit, 510, 1.
 Credendum (non) temere neque facile, 401, 1.
 Crines solebant veteres lacerare in magna calamitate constituti, 397, 1.
 Cruce cur insignirentur proficiscentes Palæstinam pro recuperanda Terra sancta, 565, 2. crucis Christi hamo aduncatus est diabolus, 298, 2. ejus seria meditatio est funis quo dæmon ligetur, 299, 1. crux apud Persas erat usitata et ignominiosissima, 378, 2. crux parata Mardonchœ data fuit paranti Amano, 382, 1, 2.
 Crudelitas et superbìa Amani in Mardonchœum et Judæos, 373, 2. item Darii Hystaspis et Xerxis filii ipsius, 399, 1, 2.
 Crystallus quid sit, 390, 2.
 Cudere monetam est summæ potestatis, 489, 1.
 Culpa (de) superata non superbiendum, 444, 2.
 Cupidi pro puncto voluptatis se efficiunt mancipia diaboli, 330, 2.
 Cupiditatis in homine per peccatum corrupto quanta vis, 516, 1.
 Curatio tota Tobiæ cæci mystice explicata, 303, 2.
 Currum Eliæ transformarunt Gentiles in quadrigam solis, 427, 2.
 Cyprianus, primum magus, sed postea fidelis et martyr, suis incantationibus dæmonem excivit, cur, 279, 2.
 Cyrus rex Persarum a Tomyri cæsus, quo astu, 431, 2. ejus tessera belli, quæ, 538, 1. Cyrus primus rex Persarum Judæos Babylone liberavit, 204, 1, 2. quo anno factus sit monarcha, *ibid.* et 205, 1. quo anno cœperit regnare, et Babylonem expugnavit, *ibid.* an ut monarcha regnaverit septem annis, *ibid.* erat bellicosissimus et quietis impatiens, *ibid.* varia ejus etyma, *ibid.* unde emanaverit eum a cane esse educatum, *ibid.* et 2. eum ut numen suum colebant Persæ, *ibid.* exemplum fuit omnium regiarum virtutum, *ibid.* quid de sole sibi in somnis astante somniorit, *ibid.* ex se erat pauper, sed a Deo factus dives, *ibid.* quid significet Hebraice, *ibid.* quid græce, *ibid.* et 206, 1. etymon ejus genuinum est Persicum, *ibid.* fuit typus Christi, *ibid.* cur Deus excitaverit affectum ejus et voluntatem, *ibid.* de eo Isaïæ oraculum, *ibid.* 2. Deum verum agnovit, *ibid.* 2. laborem suadebat, nec cibum sumebat, nisi prius corpus exercuisset, *ibid.*; 207, 1. ejus somnium quo invitabatur ut ad deos ascenderet, *ibid.* ejus edictum ut Judæi se invicem juvent in reædificando templo, *ibid.* 1, 2. cur vetuerit secundum templum tam alte extrui, ut prius, 218, 1. sua manu agros et hortos excoluit, 361, 1. ejus frugalitas, 362, 2.

D.

Dacha Syriace est mundare, purificare, justificare, 367, 1.
 Dæmonis etyma, 279, 1. dæmones, eorum quos deceperint sunt carnifices, *ibid.* 2. dæmon obsidens pueram ab adolescenti mago incantatam interrogatus a S. Hilarione, quid responderit, *ibid.* item se provolvens ad genua S. Antonii, *ibid.* alii sunt Persici, Medici, Africi alii australes, meridionales, etc., 280, 1. dæmon an fuetur per fumum jecoris callionymi, et qua vi. 299, 2.

agit per causas naturales et humores melancholicos, 293, 2. Quomodo per magos et sagas noceat bestiis et pueris, *ibid.* fuit figuratus per pisces a Tobia occisum, *ibid.* dæmonis proprium est intricare corpus et animam variis doloribus, scrupulis, etc., *ibid.* 2. quomodo dæmon incubus prolem generet, 294, 1. proprio non amat feminas, sed amorem simulat, cur, *ibid.* 2. dæmones fugantur pulsu campanarum ab Ecclesia benedictarum, 298, 1. an etiam per radicem *barea* a Salomone ostensam, *ibid.* eis formidabilis est virga S. Benedicti, *ibid.* 2. quibus modis potuerit dæmon religari in deserto, *ibid.* quo pacto ligentur in inferno ut egredi nequeant, *ibid.* per Christum qualiter ligatus sit, *ibid.* 2. quibus virtutibus tanquam funibus ligetur, 299, 1. timent vocabulum, patrocinium et exemplum Mariæ, 346, 2. *Vide Diabolus.*
 Damascus urbs pulcherrima describitur, 25, 2.
 Damascus caput est Syriæ stricte sumptæ, 322, 1.
 Daniel cur librum suum conscripserit partim Hebraice, partim Chaldaice, 202, 2. fuit familiaris Cyro regi Persarum, ejusque conviva, 206, 2.
 Daphne locus a copia laurorum ita dictus, quis, 515, 1, 2. hic sepultus fuit S. Babylas, S. Ignatius Antiochenus et Onias sanctus occisus, *ibid.*
 Darii etyma, 216, 1; 361, 1. Darii stirps duravit ab imperio Persico usque ad Darium Ochum, 216, 2.
 Darius rex Persarum, prius dictus Codamus, exercuit cauponam Susis, 412, 1. non fuit ex stirpe regia, ideoque ab Alexandro regno privatus, *ibid.*
 Darius Ochus inventor certi supplicii, quo rei in cineres præcipitabantur, 556, 2.
 Darius Codomanus ultimus Persarum rex victus ab Alessandro, 258, 1. quot equitum et peditum millia in aciem eduxerit contra Alexandrum, 321, 1.
 Darius Hystaspis dedit Judæis facultatem perficiendi templi, 203, 1. vovit fabricare templum, 215, 1, 2. ad ejus annum secundum intermissa fuit fabrica templi, *ibid.* anno ejus sexto pars interior templi perfecta fuit; nono vero tam interiores quam exteriore, 219, 2. cur dicatur rex Assur, *ibid.* solebat aquam et terram petere ab iis quos sibi subigere satagebat, 320, 2. ipse fuit Assuerus maritus Esther, 358, 1. erat rex Persarum atque Medorum, 361, 1. fuit vini bibax, 380, 1, 2. ferox et crudelis, 399, 2. vocat se fratrem uxoris suæ Esther, *ibid.* voluit festum Phurim etiam a Persis gentilibus celebrari, 402, 2. — *Vide Assuerus.*
 Daus dux Cœlesyriæ. — *Vide Apollonius.*
 Davidi promissio facta de regno in ejus posteris continuando fuit conditionata, 122, 2. in aurem ei Deus loquitur uti amicus amico, *ibid.* summa quam pro fabrica templi reliquit, 2400 milliones, 127, 1, 2. David non ut rex, sed ut propheta constituit ordines sacerdotum et Levitarum, 129, 1. ejus prudens politia in re militari, 135, 1, 2. Davidis regia stirps defecit in Jechonia in Babylonem abducto, 404, 2.
 Decemviri Romæ habebant jus imperandi alternis diebus, 451, 2.
 Decimæ laborum et operum solvendæ, 253, 2. decimam decimaru[m] dabant Levitæ sacerdotibus, *ibid.* cur a laicis dentur sacerdotibus, 259, 2.
 Dedicatio solemnis muri Jerusalem quando et quo ritu peracta, 258, 1, 2. dedicationis Ecclesiæ dignitas et solemnitas, 434, 1.
Defendere sumitur pro vindicare, 319, 2.
 Defunctis (pro) orare, pium et honestum est, 554, 2.
 Dejoces Medorum rex potentissimus, 316, 1, 2. ipse ædificavit Ecbatanam, *ibid.*
 Deliciarum postridianus dies doloris et pœnitentiæ, 365, 2.
 Deliquium animi quod passa est Esther an fuerit verum vel fictum, 399, 2.
 Demetrius Seleuci filius Romanis obses datus, quomodo

- Roma fugiens regnum Syriæ adierit, 446, 1, 2. cognominatus fuit Soter, 447, 2. cur noluerit videre Eupatorrem et Lysiam, *ibid.* Judæis quæ et qualia indulserit, 465, 1, 2. occiditur ab Alexandro Veles per auxilium Jonathæ, 466, 2.
- Demetrius junior, pacifice in Syria regnans se otio dedit, et regno expulsus fuit, 472, 2. exosum eum habebant milites patrii, cur, 478, 1. fidem Jonathæ datam fecerit, *ibid.* 2. vincitur a Tryphone capta Antiochia, *ibid.* quo anno captus ab Arsace Parthorum rege fuerit, 498, 1.
- Depositio arcæ Tabernaculi in monte Nebo per Jeremiam, 504, 1.
- Depositum non solum Judæis et Christianis, sed etiam ethnicis familiare, 510, 1.
- Derceto dea Syrorum quæ et qualis, de eadem fabula, 552, 2.
- Deror* est avis libera, puta hirundo, 273, 2.
- Descriptiones Jeremiæ prophetæ quænam sint, et an fuerint canonicae, 503, 1, 2; 504, 1.
- Desperatis (cum) pugnare periculosisimum, 432, 2; 477, 2. Desperato humano auxilio adest divinum, 467, 2.
- Deus adest in desperatis, tam facile potest suam potentiam, opem et victoriæ applicare paucis quam multis militibus, 426, 1. cur sèpe paucos selegerit, ut multos prosternerent, *ibid.* non juvat nisi conantes et collaborantes, 428, 2. cur vetuerit Judæis copiam equorum, 431, 1. Dei vocatio est exspectanda et sequenda, 439, 1. permittit causas secundas suo cursui, 457, 2. et unumquemque mori in suo opere et exercitio, *ibid.* est invocandus in periculis, *ibid.* et 458, 1. quomodo ei fidendum, *ibid.* cur permittat viros sanctos in aliqua minora peccata labi, *ibid.* et occidi, *ibid.* 2. ejus symbolum est ignis, 502, 2. subinde castigat peccatores per angelos bonos, 511, 1. suas injurias lente, sed acriter punit, 514, 2. propter Judæos fideles et sanctos elegit locum Judææ, 519, 2. superbos humiliat et sternit, 458, 1. ejus invocatio remedium ad victoriæ obtainendam, 545, 1. Judæ Machabæo in angustiis præsto adsuit, *ibid.* justos conservabat in præliis, nocentes sinebat occidi, 554, 1. Dei quæ sunt, aurea sunt, 565, 1. Deus cum quempiam ad officium selegit, dat ei symbola ad illud necessaria, 566, 1. pro Deo coli voluit Alexander Magnus, 413, 2. et Antiochus Epiphanes, 414, 2. Deo se æquat Nicanor, 563, 1, 2. inter deos relatio fieri solita quando, 548, 2. Deus non vere et proprie, sed metaphorice habet oculos, aures, etc., 217, 1. cur præceperit Judæos ne ducerent uxores Chananeas, 224, 1. prohibet Judæos querere prosperitatem gentium vicinarum, 225, 1. ejus clementia in Judæos prævaricatorum, *ibid.* 2. est amandus super omne amabile, 227, 2. cum parcit peccatoribus, dicitur tegere peccata; cum punit, ea aperire et aspicere, 238, 1, 2. gaudet et delectatur nostra fortitudine in adversis, 248, 2. gaudet diebus festis, quod illis a fidelibus magis colatur, pariterque cupit ut fideles die festo gaudeant, *ibid.* vult a nobis sibi serviri in lætitia, 249, 1. aquas in ignem convertit, 258, 2. cur permittat justos affligi, 274, 1, 2; 305, 2. hominis audit linguam, si mundam habeat conscientiam, 278, 1. Dei opera sunt misericordia, vera ac justa, *ibid.* 2. Cupit in omnibus actionibus nostris inesse misericordiam, veritatem et judicium, *ibid.* Deus cur vocetur *rophe*, 281, 2. est decus et gloria omnium angelorum et hominum, *ibid.* 2. ejus erga homines dignatio mira, 282, 2; 283, 1. intellectu et voluntate habendus, 284, 1, 2. semper benedicendus, 287, 1. est invisibilis et per gloriam incomprehensibilis, 290, 1. Dei gratia indignus est qui solum in prosperis ei servit, 305, 2. Deus est cibus angelorum, 367, 2. Deo serviendum in veritate, 310, 2. ejus providentia erga Tobiam patrem, 311, 1. ei serviant urbes et regna, 326, 1. Deus dominatur tam cœlo quam terræ, *ibid.* 2. non adjuvat desides, sed laborante et pugnantes, 324, 2. ipse iratus certo irrogat quod comminatur, 333, 2. in publica et gravi causa est invocandus, 334, 2. Simeoni ad vindicandum Dinæ stuprum dedit fortitudinem, et obstetricibus mentientibus domos, cur, 335, 1, 2. est per essentiam constans, fons omnis essentiae, 336, 2. mentiri nequit, 342, 1. superbos humiliat, 346, 1. est spiritus purissimus, ideoque amator castitatis et castorum, 351, 2. quam liberalis fuerit erga B. Virginem, 377, 1, 2. est justus superbiæ ac injustitiæ judex et vindicta, 379, 2. quos vult exaltare prius humiliat, 391, 1. gentes infideles exclusit a gratia et gloria, sic tamen ut communem providentiam suæ cursum et gratiam denegarit, 392, 2. in eo solo, qui verum est cordis gaudium, lætandum, 398, 1, 2.
- Deuteronomium regi dabatur in inauguratione, 50, 2.
- Dexteram dare est ritus ineundi fœderis, 548, 2.
- Diabolus musca, 3, 1, 2. significatur per Benadad, 36, 1. per contemptum vocatur Beelsebub, 43, 1, 2. festum diaboli in exequis Lutheri, 47, 2.
- Diabolus coram animosis est pavidus ut formica; timidus vero terribilis est ut leo, 547, 2. recte myrmiclion dicitur, *ibid.* diabolos omnes ad duellum provocabat S. Antonius, 456, 1. cum diabolo irreconciliabile bellum gerendum, 537, 2. — *Vide Daemon.*
- Diadema quid, 379, 2.
- Diaria sua exacte conscripsere Judæi, 258, 1. item Persæ, 379, 1, 2.
- Dictator Romæ quando crearetur, 451, 2.
- Dictatura non erat annua, *ibid.*
- Dieteris hominum frangi pusilli est animi; fortis autem ea sustinere, 544, 2.
- Didrachma argenti sunt duo regales, 515, 1. didrachma auri sunt duo aurei, *ibid.*
- Didymus S. Hieronymi præceptor fuit cæcus, 275, 1.
- Dies sortium sive phurim Persis, fuere Judæis dies phurim, 387, 2. mystice dies phurim fuere dies passionis Christi, eritque dies judicii, *ibid.*
- Digitum elevandi mos unde profluxerit, 482, 1.
- Dignatio mira Dei et Angelorum erga genus humanum, 282, 2. et nominatim S. Raphaelis, 290, 1.
- Dignitatem quisque sibi optat potius quam fratri, 516, 1.
- Dilectio uxoris erga maritum quid præstet, 301, 1, 2.
- Diluvium Noe transformatum a gentilibus in diluvium Ogygis, 427, 2.
- Dionysii (S.) ecclesiam Parisiis dedicavit Christus ipse, 434, 1.
- Dioscorus mensis qurs, 548, 2.
- Disci exercitia quæ, 414, 1. discus solebat per palestram circumferri, 514, 2.
- Divinant subinde morituri, 310, 1.
- Divinitatis symbolum est ignis, 502, 2.
- Divitiæ sunt postponendæ virtuti, 287, 2.
- Docendo (in) quis ordo servandus, 221, 1, 2.
- Dolor animi creat dolorem corporis, 277, 1. doloris varia signa externa, 397, 1.
- Dolus ex natura sua est indifferens, et ex fine quem refertur, malitiam accipit aut bonitatem, 338, 2.
- Dominandi libido multis exstitit causa belli, 317, 1.
- Dominica (in) lex Christiana velat jejunium, cur, 248, 2.
- Domus Hebræis significat quemvis locum qui aliquod corpus ambit, 233, 2. domus fortium in urbe Jerosolymitana, quæ, 237, 2.
- Dona Dei occultanda, 5, 1, 2.
- Dor vel Dora Phœniciae urbs, 480, 2.
- Dotes viduarum et pupillorum etiam apud ethnicos deponi solitæ, 510, 1.
- Drachma argenti est julius sive regalis Hispanicus, 315, 1. drachma auri est unus aureus, *ibid.* drachmæ mille argenti ad quantum summam excrescant, 554, 1, 2. drachmæ auri et argenti valor, 290, 2.

Draconarii olim vocabantur qui nunc vocantur vexilliferi, 392, 1.
 Dracones sunt insignia et stemmata militum et ducum, 391, 1, 2. dicti sunt a videndo, *ibid.* eorum dotes et symbola, *ibid.* dracones etiamnum vocantur milites fortissimi, qui, etc., 392, 1.
 Ducem nunquam decet cessare aut prodesse sibi aut nocere hostibus, 206, 2. ejus vigilancia quantum prospicit, 339, 2. duces multi subditos expilant ut se dilent, 242, 1. duce fugiente fugiet totus populus, 243, 2. ad duces dogma insigne, 379, 1. ducum dotes praecipue tres, 391, 2. duces belli præstantes, paucos, sed veteranos milites seligunt ad res magnas, 426, 1. milites a præda cohibent, et in acie armatos continent, 431, 2. duces bello victi, aurum et argentum spargunt ut hostem ipsos insequenter morentur, *ibid.* cum fortitudine bellica Dei timorem, cultum et pietatem conjungant, 432, 2. explorant hostium animos an sint meticulosi, 438, 4. ducis audacia hostes percellit, *ibid.* et 2. quis sit verus exercitus dux, *ibid.* ducum mobedientia punita, *ibid.* duci generoso turpe est fugere, 455, 2. pulchrum pro patria fortiter pugnando occumbere, 456, 1, 2. talium aliquod exempla, *ibid.*; 457, 1. impossibile est ut ita semper pugnant et vincant, et nunquam vincantur, *ibid.* milites suos ad ardorem accedant, et eorum mentem explorent, 547, 2. pace inita, summe laborare debent ut militem contineant, 551, 1. duces Antiochi Judæam infestant, *ibid.* duces athei sua arma fecere numina, 564, 1. ducum constantia quantum in bellis rebusque arduis valeat, 474, 2. declaratur exemplis, *ibid.* ducum insignium stratagema ut ex improviso in hostes irruant, 537, 1. obtenta Victoria duces belli spolia in egenos distribuant, exemplo Judæ Machabæi, 538, 1, 2.

E.

Ebbæ Abbatissæ ut suam suarumque castitatem servaret factum egregium, 337, 2.
 Ebrietas a mensis arcenda, 300, 2. est mater malitiae virtutisque inimica, fortem virum reddit ignavum, etc., 344, 1, 2.
 Ebrii pravos procreant filios, 300, 2. a generatione abstinent, *ibid.* sunt quasi, imo plus quam porci, 363, 1. Ebullire de Perside quid sit, 498, 2. ebullire tria significat, 499, 1.
 Ecbatana, nomen indeclinabile urbis Medorum, 289, 1. quando vastata, 311, 1. a quo et quando ædificata, 313, 1.
 Ecclesia cur præ sanctis veteris Testamenti celebret festum septem fratrum Machabæorum, 529, 2. quomodo peccatoribus defunctis adhibeat suffragia, 554, 1. omni ratione satagit adjuvare animas fidelium defunctorum, *ibid.* ecclesiam veterem reædificavit Nehemias; novam ædificavit Christus, 230, 1, 2. pro hujus salute ac tutela nil reformidandum, *ibid.* 2. per Ecclesiam quid significetur dum dicitur Ammonitas non posse introire Ecclesiam, 260, 1. Ecclesia Catholica an nulla agnoscat nomina Angelorum præter tria, 263, 1. utilitur quarto libro Esdræ in introitu Missæ, et in officio de martyre, *ibid.* 2. Ecclesia Christiana coepit in Jerusalem in Sion, de qua vaticinatus est Tobias, 308, 1. repræsentatur per hortum in quo habitum fuit convivium ab Assuero, 364, 1. Ecclesiæ Catholicae typus fuit Esther, 376, 2.
 Ecdiciam reprehendit S. Augustinus, quod inscio marito habitum monachæ assumeret, 397, 2.
 Edictum Cyri regis Persarum ut Judæi se invicem juvent in reædificando templo, 207, 1.
 Edissa sive Madasa eadem est quæ Esther, 368, 1. — *Vide* Esther.
 Educatio mollis facit contumaces, 552, 1.
 Eleazar Abaron an fuerit frater Judæ Machabæi, 443, 1. cur sit vocatus filius Saura, *ibid.* 2. quo fine pugnavit

cum elephante, *ibid.* directe intendebat mortem regis, indirecte suam, *ibid.* ejus elogium, *ibid.* 2. sub elephante quem prostraverat occubuit, 444, 1.
 Eleazarus et septem fratres Machabæi quod carnem porcinam edere noluerint, excruciatæ, 415, 2. magister erat horum septem fratrum, 522, 1. ejus etymon, *ibid.* hic distentus in tympano typus fuit Christi in cruce distenti, 523, 1. ejus constantia pro observanda Dei lege, *ibid.* et fortitudo in tolerandis tormentis, *ibid.* 2. peccasset mortaliter si porcinam comedisset, *ibid.* quomodo fuerit primitæ martyrum veteris Testamenti, 524, 1, 2. ejus elogia, *ibid.*
 Eleemosynæ sex fructus, 284, 2. liberat a morte æterna et saepe a præsenti, qua ratione, *ibid.* est quasi baptismus, 285, 1. claudit et oppilat quasi os gehennæ, *ibid.* habitu reginæ in somnis apparuit S. Joanni Eleemosynario, *ibid.* eleemosynæ quomodo olim fieri solerent in sepultura defunctorum, et qua ratione, 286, 1, 2. et nunc, *ibid.* prosunt animabus in Purgatorio detentis, *ibid.* et 287, 1. eleemosyna quanti sit meriti, 289, 1. est funis quo ligatur dæmon, 299, 1. solvit debitum proximo, 305, 1, 2. liberat a morte, et purgat peccata, 284, 2; 285, 1.
 Eleemosynarius quæ in pauperes confert, in sinum Dei custodienda deponit, 284, 2. eleemosynarii, licet impii, raro in hac vita castigantur, *ibid.*
 Elephantes Indici sunt maximi et robustissimi, longeque Libycos superant, 442, 1, 2. cur iis ostendatur sanguis, vel liquor rubeus instar sanguinis, *ibid.* cur iis prisci usi in prælio, *ibid.* sunt fœtidi, *ibid.* præ cæteris animalibus sunt dociles, *ibid.* cur detur eis vinum ad potandum, *ibid.* elephantes Africani vix sex vel septem armatos portant, 443, 1.
 Eliachim et Joachim idem significant, scilicet *Dei slator* 323, 2.
 Elias morte punit Ochoziam ob consultum dæmonem, 8, 2. ejus habitus, 4, 1. ignem e cœlo evocat in vindictam injuriæ Deo et sibi illatae, 4, 1, 2. vult occultare suum raptum, 5, 1. ejus spiritus duplex, 6, 1. ejus triumphu, in curru igneo, 6, 2. quomodo in cœlum vectus, 7, 1. incertum ubi sit, *ibid.* ejus vita jam qualis, *ibid.* 2. an mereatur necne est problema, 7, 2; 8, 1. quo anno et die raptus, 8, 2. e paradiso scribit litteras ad Joram, 169, 1.
 Eliasib pontifex et filius Joachim, 227, 2; 236, 1. Tobiam Ammonitem contra legem gazophylacio præfecit, 260, 1, 2.
 Eliseus Propheta quomodo responderit Benadad regem ægrotantem fore sanandum et moriturum, 341, 1. Eliseus prophetavit per annos 66, mortuusque est anno ætatis 106, 9, 1. luget Eliam, *ibid.* pallium Eliæ ei relinquunt in solarium, aquæ Jordanis prima vice non divisæ ne superbiret, *ibid.* est typus Christi, 12, 2; 21, 2; 22, 2; 33, 1; 56, 2. fuit Nazareus, 11, 2. Nazareatum ei exprobrant pueri idololatæ in Bethel, 12, 1. ideo pueris maledixit, *ibid.* 2. ejus libertas, 15, 1. recolligit secundum psalmes psallit *ibid.* erat necessariis contentus et superflua spernebat, 20, 1. gestabat baculum, *ibid.* 2. ejus paupertas, *ibid.* 1. non communicat immundis, 25, 1. ab aula abstrahitur ut Deo vacet, *ibid.* contemptor terrenorum, *ibid.* contemnit munera, 26, 1. idque cum fructu, *ibid.* 2. absens videt peccata Giezi, 29, 1. Syros percutit cæcitate, 32, 1, 2. excusatur a mendacio, 33, 1. charitas ejus erga inimicos, *ibid.* consilium dedit de Samaria obsessa non tradenda, 34, 2. non acceptavit munera Benadad, 38, 1. pater Israelis, 55, 1. significat se vita functum etiam auxiliaturum Israel, *ibid.* orat et prædictus Joas victoriæ contra Syros, *ibid.* 2. fuit 80 annis religiosus, 56, 1. ejus sepulcrum horrent dæmones, *ibid.* 2. ejus ossa mixta ossibus brutorum per Julianum. *ibid.*

- Elogium Eleazari Abaron , 443, 1, 2. et Onias sancti , 516,
2. et Simonis Machabæi , 404, 1, 2; 422, 2.
Elul mensis sextus Hebræorum nostro partim augusto ,
partim septembri respondet , 244, 1.
Elymais alio nomine dicta est Persepolis . 441, 1.
Emmaus ubi Christus duobus discipulis apparuit , post-
modum dicta Nicopolis , quantum distet a Jerusalem ,
427, 1. alia est Emmaus juxta Tiberiadem , *ibid.*
Empedocles convivio præfectorus postridie reus fuit in ju-
dicio , cur , 363, 1.
Encæniorum festum quando et quomodo celebrent Judæi ,
433, 2; 497, 1; 544, 1. quid mystice per id significetur ,
433, 2. vocabantur Scenopegiæ Casieu , 497, 1.
Energumeni quomodo exorcizandi , 292, 2. eis olim ab
Anachoretis dabatur panis vel oleum a se benedictum ,
298, 1.
Ennius Poeta coævus Judæi , Jonathæ et Simoni Machabæis ,
405, 1.
Ensis. — *Vide* Gladius.
Epaminondæ in prælio hasta trajecti responsum , 457, 1.
Ephebi sunt prostituti pueri , 513, 1, 2.
Ephebia est prostibulum pulcherrimorum juvenum , item
ganea et popina ad comedendum , *ibid.*
Ephraim, porta una e duodecim urbis Jerusalem , cur sic
nominata , 237, 1.
Ephraim, Ephrem et Ephron quomodo distinguantur ,
438, 2.
Ephron fuit triplex , 438, 2. Ephron cur expugnata a Juda
Mac habæo et quando , *ibid.*
Epimanes idem est quod insanus , 413, 2,
Epinicia vocantur publica festa ob adeptam victoriam ,
538, 2.
Epiphanes cur vocetur radix peccatrix , 413, 1, 2. Græce
idem est quod illustris , 506, 1, 2. — *Vide* Antiochus
Epiphanes.
Episcopus Græce idem est quod superintendens , 255, 2.
circumeat, visitet et instruat populum sibi commissum ,
324, 1.
Epistatae Athenis habebant jus imperandi alternis diebus ,
451, 2.
Epistola Mardochæi quando scripta , 393, 1. epistola sive
liber secundus Machabæorum a Judæis in Judea , ad
alios in Ægypto degentes quando scripta , 496, 1. cur ,
ibid. et 2. quis ejus auctor , *ibid.*; 497, 1, 2. an fuerint
una vel duæ , *ibid.* an habeat auctoritatem S. Scripturæ ,
498, 1.
Epulandi mos ad sepulera et memorias Martyrum , 286, 2.
item in sepultura defunctorum quorum dubia erat salus
vel gloria , *ibid.* 2. sublatus per SS. Ambrosium et Au-
gustum , *ibid.*
Equites dracones hodie qui , 392, 2. equitis et equi speciem
assumpsit angelus , 510, 2. equites discurrentes per aera
cladem Judææ imminentem portenderunt , 518, 1, 2.
eques apprens Judæ et Judæis an fuerit S. Michael ,
547, 1. cur apparuerit in veste candida , *ibid.* equites
Jerosolymitani , quando et quare instituti , 434, 1, 2. equiti
olim pro stipendio dabatur drachma , 426, 2. equites ha-
buisse non leguntur Judæi , nisi tempore Joannis , Simo-
nis filii , 492, 1.
Equorum porta urbis Jersolymitanæ unde ita dicta , 236, 2.
Equus animal luxuriosum , 294, 2.
Error in numeris non spectat ad fidem vel ad bonos mo-
res , 171, 2.
Error Pauli Fagii, dicentis librum Tobiae non esse veram
historiam , 265, 2. et Lutheri docentis, quod si uxori se
difficiliorem præbeat ad opus conjugale, vocanda sit an-
cilla , 365, 2.
Esdras totius Scripturæ sacræ deperditæ in vastitate Baby-
lonica restaurator vel corrector cum omni turba populi
redeuntis in patriam , quid mystice significet , 200, 1.
cujus filius fuerit , 200, 2. non fuit Malachias propheta ,
- et quæ fuerit occasio hoc aliquibus suspicandi , 201, 1.
an fuerit propheta , *ibid.* instinctu divino scripsit librum
primum Esdræ et alia , *ibid.* 2. an sacram Scripturæ
restaurarit , *ibid.* eam digessit et correxit , et quæ in sin-
gulis libris deerant supplevit , 202, 1. inventor est litté-
rarum Hebraicarum , quibus etiamnum utimur , *ibid.* 2.
quamdiu vixerit , *ibid.* 2. Esdræ quinam Prophetæ coævi
fuerint , et quinam sub eodem floruerint tam ex Histori-
cis , Poetis quam Philosophis , *ibid.* legis Mosaicæ erat
peritissimus , et inter scribas eminebat , 220, 1, 2. con-
stitutus est visitator Judæorum , 221, 2. et potestatem ha-
buit necis in prævaricatores , *ibid.* admiratur immensam
Dei clementiam in Judæos , 225, 2. ejus pro iisdem ad
Deum oratio , *ibid.* confitetur et deslet peccatum populi ,
ejusque personam et peccatum in se suscipit : in quo fuit
typus Christi , 227, 1. pro Israelis bono bis Babylonem
adiit , bis in Jerusalem rediit , 230, 2. interpretatur le-
gem populo , 248, 1, 2. an Esdras auctor libri primi sit
idem cum eo de quo lib. II, cap. xii , 257, 1.
Esdrin unus e Judæ ducibus , 553, 2.
Esseui. — *Vide* Assidæi.
Esther quid mystice significet , 199, 2; 357, 1. quo tem-
pore ejus historia contigerit , 357, 2; 358, 1. est oriunda
ex tribu Benjamin et stirpe regia Saulis , 367, 1, 2. dicta
est Hadasa , id est myrtle , cur , 368, 1. fuit typus B. Vir-
ginis , *ibid.* et 369, 1. Estheris etyma , *ibid.* 2. an rite
nupserit regi infideli , 369, 2. rara ejus jam reginæ obe-
dientia , 370, 2. item fortitudo , pietas et charitas , 275, 2.
est typus Ecclesiæ , 376, 2. ex primo aspectu regis deli-
quium animæ passa corruit , 377, 1. prudenter regem
secundo vocavit ad convivium , *ibid.* 2. ejus magnanimitas
in accusando Amanum præsentem , 381, 2. qua me-
thodo usa ut flecteret regem ad irritandas literas de
Judæis occidendis scriptas , 384, 1, 2. apte comparatur
fonti , 390, 2; 391, 1. et soli , *ibid.* magna ejus animæ
puritas , sanctitas , sinceritas , etc. , 398, 2. an vere sit deli-
quium animi passa , 399, 2. ipsa audiens cum duabus
ancillis iratum Assuerum repræsentat B. Virginem ,
400, 1.
Ethnici etiam sua in templo quasi in asylo deponebant ,
Eucharistia tanquam fune ligatur diabolus ne nobis noceat ,
299, 1. minuit acerbos iracundia , invidiæ , luxuriæ , etc. ,
motus , *ibid.* Eucharistia typus fuit convivium ab As-
suero institutum , 363, 2. hac suscepta puritatem et cas-
titatem valde adauget , 364, 1. in ea Christus ut cibus
apponitur , *ibid.* Eucharistia (in) substantia panis et vini
consumitur , 4, 2. Eucharistia symbolum dedit Eli-
seus , 22, 1.
Evangeliis (in) multa dicuntur de Christo quæ fuere falsis-
sima , 450, 1.
Evangelium (ad) assurgunt Christiani reverentiæ causa ,
248, 1.
Ἐνθάρπια significat ejicere , ebullire , etc. , 498, 2.
Eumeni regi Pergami optimæ regiones Antiochi per Ro-
manos datae , 451, 1.
Eunuchi sunt aulæ præfecti , 137, 1. eunuchi olim erant
primi in aula apud reges , imo eorum cubicularii et se-
cretorum consciæ , 343, 1, 2; 367, 1. cur duo voluerint
insurgere in regem Assuerum , 370, 2; 371, 1.
Eupator dicitur bono et felici patre natus , 441, 2; 442, 1.
vel idem est quod bonus pater , *ibid.* — *Vide* Antiochus
Eupator.
Ἐυπάτρια vocatur generosa filia , 442, 1.
Ἐυπάτριδαι quinam dicti , *ibid.*
Euphemia (S.) toto corpore frixa fuit in sartagine , 527, 1.
Euphratem (cis) usque ad Judeam omnes fere gentes erant
æmulæ Judæorum , 234, 1. hunc olim Deus dederat Ju-
dæis limitem , *ibid.*
Exaltatio humili Mardochæi , 880, 1, 2.
Excæatio Jehu , 48, 1, 2. et Josiæ regis , 55, 2; 56, 1.
Excedere clementiam quando dicatur justitia , 228, 2.

Excidium urbis Jerusalem prædictum a Tobia seniore, 308, 1. et Ninives, 310, 1. quando hoc posterius acciderit, 311, 2.
 Excitare proprium est Angelorum, uti intricare dæmonum, 293, 2.
 Exempla majorum animant in rebus arduis, 422, 2. exempla aliquot seminarum martyrum, filios ad martyrium incitantium, 532, 1. et multorum Gentilium pro gloria dimicantium, 456, 2; 457, 1. et militum ex desperatione pugnantium, 477, 2.
 Exercitatio militibus necessaria, 551, 1, 2.
 Exercitus ab exercitatione nomen accepit, *ibid.* exercitus cervorum duce leone est fortior exercitu leonum duceervo, 474, 2. exercitus in Terram sanctam missi olim a Pontifice benedici soliti, *ibid.* exercitus Theodosii Imperatoris ab Angelo Raphaële Ravennam ductus Joannem tyrannum profligavit, 388, 2.
 Exhortationes aliquot matrum filios ad martyrium incitantium, 522, 1.
 Exorcistæ cur energumenis colaphos impingant, ridiculaque simulacra e collo suspendant, 292, 2.
 Expeditions pro Terra sancta recuperanda Christianis cur cruciatæ dicerentur, 565, 2.
 Expiatio templi facta per Judam Machabæum, 433, 1, 2.
 Expilatores templi puniti, 510, 2; 511, 1.
 Exsequi, pro absolvere et perficere aliquid, adeoque illud accurate agere, 507, 1.
 Extrema cœli quæ dicantur, 231, 2. extrema gaudii quomodo luctus occupet, ostenditur in Holoferne, 344, 2. item in convivio Assueri, 365, 2.
 Ezechias tollit materiam superstitionis, 72, 1, 2. contemptum serpentem æneum appellat Nohestan, id est æmulum, *ibid.* secundum Anastasium Nicænum abstulit libros Salomonis de plantis, *ibid.* nullus rex Juda ei similis in quo, 73, 1. fisis Deo rebellat contra Assyriam, *ibid.* cur vetuerit responderi Rabsaci, *ibid.* 2. Ezechias rex cur aqua fontis Silœ derivavit in puteos urbis Jerusalæm, 234, 2.

F.

Fabrica templi per novem annos intermissa, quando resumpta, 215, 1, 2. ea perfecta est sub Dario; urbis vero Jerusalem sub Artaxerxe, 218, 2; 219, 1. fabrica spiritalis meritorum in anima ex quibus construatur, 239, 2.

Fabula Rabbinica de Josia Eliæ, 4; 1. alia de Ezechia volente occidere filium Manassem, 79, 1. alia de floribus natis in sepulcro Prophetæ Dei in Bethel, 85, 2. alia de Elimelech sistente solem, 101, 1, 2. alia de portibus arcum, 119, 2. alia de anima Naboth, 164. Fabula Talmudicorum de piscibus, mare et femina, ac bove mactandis in adventu Messiæ, 262, 2. item Poetarum de Titanibus, 354, 1, 2. hæc facta et ficta est ex historia gigantum Genesis vi, *ibid.* 2. fabularum vocabula Hebræa cur subinde ab Interpretibus in linguam Græcam et Latinam transferuntur in S. Scriptura, *ibid.* fabula de solio Salomonis, 361, 2. item Rabbinorum de regina Vasthi, 364, 2.

Facies illius cui olim rex offensus erat cur velaretur, 382, 1. item reorum ad mortem damnatorum ac hodie capite multandorum, *ibid.*

Fama sæpe major est veritate, 450, 1.

Fames est sævior ferro, 323, 2.

Fæstus hominis quo aliquando assurgat, 322, 2. — *Vide Superbia.*

Fel valet ad disspellendam caliginem oculorum, 274, 1. et nominatim piscis callionymi qui eo abundat, 292, 2. an illud illuminarit oculos Tobiae, 293, 2. fel mystice est amarities tribulationis, quæ oculos mentis melle volup-

tatis excæcatas aperit, 294, 1. curavit Tobiam a cæciitate naturaliter, 303, 1, 2. fel est sedes iræ et furoris, 419, 1.

Felicitas (S.) septem filiorum martyrum mater similis matri septem fratrum Machabæorum, 534, 1. ejusdem præconia, *ibid.*

Feminarum martyrum filios ad sui imitationem incitantium exempla, 523, 1. feminarum aspectus quam sit periculosus et perniciosus, 339, 1. per feminas multi superbi occisi, 346, 1. ipsis Parthopersæ convivia et viorum aspectum interdicebant, 365, 1. femina formosa, illicisque nihil illecebrosius, *ibid.* feminæ Judæ et Persicæ cur ungi solitæ, 369, 2. feminæ sunt philocosmæ, *ibid.* — *Vide Mulier.*

Festis diebus gaudet Deus et fideles, cur, 248, 2; 249, 1. festum dati Ignis cur instituerint Judæi, 258, 2. festum Phurim quod, et unde sic appellatum, 387, 2. festum illud mystice agunt Sancti, quando, 388, 2. festum *Pridie Mardochæi*, quod, 448, 2. festum Scenopegiæ et Encæniorum quomodo et quando celebrandum, 433, 2.

Fibula aurea fuit ornamentum militare, 468, 2. Fictilis porta urbis Jerusalem ab arte figulina quam circa eam exercebant sic dicta, 236, 2.

Fideles zelosi pro salute animarum nullum laborem detrent, exemplo Christi, 230, 1, 2. fidelis nil mali obvenit, nisi ex certa Dei præscientia et voluntate, 274, 1. quid ei in angustiis posito imitandum, 276, 2. olim sepulcris martyrum panes imponebant, cur, 286, 1, 2. Fidendum est Deo, sic tamen ut humana auxilia non negligantur, 458, 2.

Filiæ provinciæ quinam dicantur, 209, 1. filii sunt viva imago parentum, 227, 2. quo pacto illos abjecerint Judæi quos ex uxoribus alienigenis suscepérant, *ibid.* filiorum decus ac dedecus redundat in parentes, 300, 1. filii sunt baculus senectutis parentum, 301, 1. filii Titan qui, 354, 1, 2. quid Scriptura sacra per eos intelligat, *ibid.*

Flagellatio per angelos Heliodoro deposita e templo auferre conanti facta, acrior fuit omni flagellatione hominum, 510, 2; 511, 1.

Flagellum Dei fuit Attila Hunnorum rex, et alii, 421, 2. Florentius pater S. Gregorii Turonensis simili modo fuit curatus quo Tobias senior, 303, 2.

Flumina ab exercitu Xerxis fuere siccata, 354, 1.

Fœdus a Juda Machabæo cum Romanis initum an causa subactionis Judææ, 452, 2. fuit prudenter initum, 458, 1. fœdus init Jonathas cum Bacchide, 461, 2. illud inire cum idololatris quando licitum, quando non, 452, 1, 2. — *Vide Pax.*

Fœtor in elephantis quam gravis, 442, 2. Fons draconis in urbe Jerusalem cur ita dictus, 234, 1, 2. fontis porta ejusdem quæ, *ibid.* 236, 1. fons juxta Bethuliam in quo se lavit Judith, adhuc exstat, 343, 1. fontis et solis analogiæ, 390, 2. fons est quasi oculus terræ, *ibid.* fons solis mystice repræsentat B. Virginem, 391, 2.

Fornicatio cur nominatim vetita ab Apostolis, gentibus ad Christum conversis, 285, 1, 2.

Fortitudine (cum) bellica timor Dei, cultus et pietas conjungenda, 432, 2. fortitudo Judæ Machabæi, 455, 2; 456, 1. eam imitati sunt primi gentilium duces, 456, 2; 457, 1. fortitudo passiva fratrum Machabæorum, 526, 1, 2 et seq. et Eleazari, 224, 1, 2. fortitudo est una ex præcipuis dotibus ducis, 391, 2. fortitudo militum consistit in innocentia et justitia, 554, 1.

Forum statui solet in media civitate, cur, 375, 1.

Franciscus (S.) Xaverius moliens Sinarum conversionem mortem obiit, 458, 1.

Franciscus (S.) spe gloriæ future omni pœna delectabatur, 275, 2.

Frater fratrem odit et supplantat dum agitur de honore et ambitu, 516, 1. fratres pro imperio certantes, 405, 1, a fratre affligi durius est quam ab extero, 241, 1. frater subinde usurpat pro marito, 399, 2.

Fratrum septem Machabæorum historia quando contigerit; singulorum nomina et genus, 526, 1. undedicti sint Machabæi, *ibid.*; 404, 1, 2. qua ætate passi, 526, 1. excitant sese mutuo ad constanter et fortiter patiendum, 527, 2. habuerunt spem vivam resurrectionis et gloriae æternæ, 528, 1, 2. acre et illustre fuit horum martyrium, ideoque præ aliis sanctis veteris Testamenti eorum festum celebratur, 529, 2. ad similia toleranda quæ eos stimularint, 530, 1. fuere typus Christi, 533, 1. horum triumphum miris encomiis celebrant multi Patres, 534, 1. 2. quomodo imitandi, *ibid.* singuli fuere veri vates ascripti SS. catalogo, 535, 1, 2. exstat eorum ecclesia Colonæ Agrippinæ, *ibid.* primus fratum Machabæorum nomine *Machabeus* constanter Antiocho respondet, ejusque minas parvipendet, 526, 2; 527, 1. duriter cruciatus Antiocho maledicit, *ibid.* secundus nomine *Aber* martyr efficitur, *ibid.* 2; 527, 2. tertius qui *Machir* dictus erat ad pœnam postulatus multa tyranno exprobavit, 528, 1, 2. quartus *Judas* appellatus, et quintus *Achæs* nomine, cur plus passi quam priores, *ibid.* 2. sextus *Areth* dictus magnitudine animi par, sed humilior cæteris, 529, 1, 2. septimus *Jacob* regem alloquitur eique insultat, 532, 2. prædixit salutem Israeli, *ibid.* ejus martyrium cur atrocius quam cæterorum, *ibid.*

Fridericus Bohemia rex a Boleslao II, triplici prælio vicit, quo pacto eumdem vicerit, 431, 2.

Fructus sex eleemosynæ, 284, 2.

Frugalitas primorum Christianorum in conviviis, 328, 2. item primorum Persarum, Cyri et Augusti, 362, 2.

Frumentariæ rei præfecti sunt Romæ et alibi, 332, 1.

Frumentum et pabula antequam inchoetur bellum congreganda, 323, 2.

Fugere sæpe idem est quod celeriter abire, 338, 2. fugere turpe est generoso duci, 455, 2. fugere dum non potest miles, acer ei stimulus ad pugnandum, 459, 1.

Fumus cordis piscis callionymi quomodo expulerit dæmonem, 292, 2. aliquid physice efficiebat quo fugebatur dæmon, 298, 1. mystice est oratio nostra valori meritorum Christi subnixa, 303, 2.

Funes quibus ligandus est diabolus, 299, 1.

Furtum idolorum olim Judæis vetitum, 553, 2. illud committentes milites Judæ an fuerit peccatum mortale, an veniale, 554, 1.

G.

Gabaa Hebraice significat terram clivosam et montosam, 323, 2.

Gabriel (S.) Archangelus hominum præliis præfector est, 282, 1, 2. Hebraice idem est quod fortitudo Dei, 289, 2. fuit Incarnationis Verbi nuntius et custodiæ B. Virginis deputatus, 347, 2.

Gaddis, id est acervus vel cumulus frugum, 418, 2.

Galatia sub quod tempus a Romanis subacta, 450, 1.

Galilæa superior quæ, et cur dicatur etiam Galilæa gentium, 269, 1.

Galli olim sapientes suos vocabant Druidas, 220, 1. Galli cum Attalo pugnantes per iter aurum et argentum sparserunt, 431, 2.

Garizitanum templum Jovi hospitali dedicatum, 522, 1.

Gaudentibus de Deo, novam gratiam, vires ac robur suggerit Deus, 249, 1.

Gaudium Domini accipitur et active et passive, 248, 2. gaudium spiritus vitales et animales multiplicat, excitat et acuit, 249, 1. gaudiis sæpe vicina sunt tristia, 344, 1, 2; 365, 2. gaudium beatorum in coelo repræsentatum per festum Phurim, 388, 1. gaudium impiorum breve est, 460, 2.

Gazabar dicitur agaza, idemque est quod thesaurarius, 207, 2.

Gazara urbs ubi sita, 482, 2. per eam non intelligitur Gazer, 490, 2.

Gedor quæ, et Gador civitas, ubi sita, 491, 1, 2.

Genealogia Tobiæ senioris, 269, 1, 2.

Generosi est insidias et pericula præcavere, 560, 2.

Gentiles olim per Judæos bello capti an recte jussi sint circumciditi, 421, 1. solebant libris sacris Judæorum abuti ad superstitiones suas et ritus gentilitios, 427, 2. profanant sacras historias traducendo eas ad deorum suorum fabulas, *ibid.* variae eorum transformationes, *ibid.* multorum pro gloria dimicantium exempla, 456, 2; 457, 1. etiam pretiosa sua in templo deponebant, 510, 1. fingegebant reges post mortem in deorum numerum referri, 548, 2. gentilium regum pietas, 221, 2. in ædificatione urbis sacrificabant gentiles Libero patri, cur, 236, 2. apud eosdem portæ et muri sacri erant, *ibid.* gentiles quomodo manibus suis parentarent, 287, 2. Gentilium matronarum castitatis exempla, 332, 2. Gentiles thyrso dicabant Baccho, 352, 2. sorte quasi divinatione utebantur ad scrutanda occulta et periculosa, 374, 1.

Germani (S.) miræ confidentiæ in Deum exemplum, 328, 1.

Germani, cum multa Turcarum millia cecidissent, præproperæ ad spolia dilapsi ab iisdem cæsi, 431, 2.

Germania superior et inferior unde ita nominata, 269, 1.

Giesi non suscitavit mortuum, quia inobediens, honoriscipidus et irrisor, 21, 1, 2. non fuit proprie simoniacus munera petens a Naaman, 28, 2. peccavit simonia mentali, *ibid.* dat ei Eliseus quæ suo nomine a Naaman acceperat, 29, 4, 2. lepra punitur et ab Eliseo dimittitur, *ibid.*

Gigas symbolum rari roboris et fortitudinis, 425, 1. Gigantes olim fuere vastissimi et robustissimi, *ibid.* Gigantes a gentilibus transformati in Titanes, 427, 2.

Gladius quem Jeremias Propheta Judæ Machabæo præsentavit, qualis, 239, 1. datur regibus cum inauguratur, cur, *ibid.* per gladium aureum intelligitur S. Scriptura, *ibid.* gladium suum Capaneus numen fecit, *ibid.* gladius mortificationis adhibendus dum orationi aliisque piis virtutum actibus insistimus, cur, *ibid.*

Gloria hujus mundi exilis est et brevis, cœlestis, immensa et æterna, 421, 2. gloriam Dei veram captavit Judas Machabæus, 455, 2. vanam et stolidam primi gentilium duces, 456, 2.

Gloriatio superba multis exstitit causa belli, 317, 1. ob quam punitur Arphaxad, 318, 1, 2.

Gnidus est Asia extrema prope Halicarnassum, 467, 1.

Gnomæ Philosophorum ad funus Alexandri Magni accurritum, 413, 1. et Græciæ sapientium de breviloquentia, 507, 1.

Godefridus Bullonius fuit vasto validoque corpore, æque ac animo, 425, 1.

Gorgias unus ex tribus ducibus Antiochi et Lysiae noctu invadit castra Judæ, 430, 1. sed ipsemet a Juda oppressus est, *ibid.* 2.

Græci suis pergræcationibus colebant Bacchum, quem a femore Jovis natum fingebant, 522, 1. Græci olim vocabant suos sapientes Philosophos, 220, 1. Græcorum anni dupliciter computantur, 548, 1, 2.

Græciæ sapientium de breviloquentia dicta, 507, 1.

Grammatici olim nuncupabantur, qui litteras versabant et obscuras poetarum sententias explicabant, 220, 2.

Gravissimum in Scriptura aliquando ponitur pro plurimo, 414, 1.

Gregis porta urbis Jerusalem cur ita dicta, 236, 1. hæc erat versus Orientem, *ibid.* 2.

Gregorii II Pontificis Maximi ad S. Germanum Patriarcham Constantinopolitanum epistola, 356, 1.

Gregorius (S.) Turonensis in somnis accepit quomodo patrem suum ægrum curaret, 303, 2.

Gregorius de Valentia male sentit Naaman idolatriam ab Elisco recessisse, 26, 2; 27, 1.
 Gregorius (S.) aras et templa idolorum a Christianis dirui solita, expianda decernit, 433, 1. suo tempore acies in celo visae belli Longobardici prognosticæ, 518, 1, 2.
 Gula destruit virtutes animæ, 90, 2. Gula quam sit im provida, 346, 1, 2. et insana, 363, 1, 2. ordinarie est libidini unita, *ibid.*
 Gyges per annum magicum faciens se invisibilem, occidit Candaulem regem Sardorum, 364, 2.
 Gymnasium quid, quale olim Judæi a vera religione apostalantes Jerosolymis ædificari int, 414, 2; 513, 2.
 Gypsum vocat Josephus murum interiacentem inter atrium sacerdotum et laicorum, 460, 1.

H.

Hadass, sive Esther, idem est quod myrtus, 358, 2; 368, 1. videtur esse Atossa mater Xerxis, *ibid.*
 Hæredes quatuor primarii inter duodecim Alexandri Magnoi, 413, 1.
 Hæresis comes est impuritas et libido, 413, 2.
 Hæreticis (cum) communicatio fugienda, 213, 1, 2. hæretici sunt hirundines, cur, 274, 1.
 Hamda magna urbs primaria Medorum, 390, 1.
 Hanani cognatus Nehemias tustos urbis Jerusalem constitutus, 246, 1.
 Hananias præfetus palatii regis in monte Sion, *ibid.*
 Hannibal quo stratagema ceciderit Romanos, 430, 1. hic in Asia copiosos elephantes eduxit, 442, 1, 2. eum Capuanæ enervarunt et perdidérant deliciæ, 472, 2.
 Harbona eunuchus Assueri, 382, 1.
 Hasdrubal cæsus a Romanis quo stratagema, 430, 1.
 Hebe uxor Herculis unde dicta, 514, 1.
 Hebræi in Babylone linguam hebraicam corruerunt, 202, 2; 214, 1; 248, 1, 2. eorum reditus in Jerusalem fuit lætissimus, 214, 1; 433, 2. utebantur mensibus lunibus, 212, 1; 228, 1. Hebræi omnes regiones transmarinas vocant insulas, 412, 1. erant polyonomi, 443, 2. eorum error dicentium ignem sacrum defuisse in secundo templo, 501, 1. nepotes quoslibet vocant filios, 217, 1. tecta domuum eorum erant plana, 249, 2. cur instituerint festum dati Ignis, 258, 2. quot annis habitarint in Ægypto, 326, 1; 355, 2. accepto aliquo insigni beneficio solebant canere psalmum *Confitemini*, etc., 348, 1. jejunium vocant humiliationem, 396, 2.
 Hebraicas litteras quibus etiamnum utimur invenit Esdras, 202, 2. an etiam puncta que Hebræis sunt loco vocalium, *ibid.*
 Hedera cur dicata Baccho, 522, 1.
 Helenus Priami filius Troja eversa novam urbem condens vocavit eam Trojam, 210, 1.
 Heliocollide perungebantur magi et Persarum reges; unde confecta, 369, 1, 2.
 Heliodoro e Seleuco ad expilandum templum misso apparuerunt Angeli, 510, 2; 511, 1. eumque flagellarunt, 511, 1. fit supplex Oniæ, *ibid.* 2. regem se fecit, *ibid.*
 Heliopolis Ægypti urbs sic dicta a cultu solis, 251, 1.
 Heliopolitanum templum a quo constructum, 496, 1, 2.
 Heraclius Imperator, victo Cosroa Persarum rege, Ignis ædem combussit, 400, 2. Heraclius, quia procero valido que corpore æque ac animo, eximius fuit bellator, 425, 1.
 Hercules Syrorum ac proprius Tyriorum Deus: unde dictus Tyrius, 515, 1. in ejus honorem celebrabatur agon quinquennialis, *ibid.*
 Herodes Ascalonita et nepos ejus Agrippa morbo pediculari afflicti, 540, 2.
 Herodotus depravat historiam de cœsis Assyriis sub Sennacherib, 189, 1. item de Pharaone Necho, 193, 1.
 Heroïnae aliquot que Judithæ nomen, et cum nomine virtutis imitationem ambiere,

Hieronymi Prado sententia de Cherubinis arcæ refutata, 137, 2.
 Hilaria (S.), mater S. Afræ martyris, martyr efficitur, 369, 1.
 Hilaria (S.), Claudi tribuni et martyris uxor, capta a paganis hilaris emisit spiritum, *ibid.*
 Hilario (S.) recusat acceptare munera in pauperes distribuenda, 26, 1.
 Hirundines (per) denotantur garruli et susurrones, 273, 2. cur dicantur aves liberae, *ibid.* earum sterlus, quia siccum, calidum et urens, naturaliter excœcat, *ibid.* pulli earum excœcati oculantur chelidonia, *ibid.* mira de iisdem, *ibid.*; 274, 1. mystice sunt adulatores, hæretici ac dæmones, *ibid.*
 Hispani in Peru et Mexico urbibus suis indunt nomina urbium Hispaniæ, 210, 1. olim cum orarent, gladium ad manus habebant ut hostes propellerent; et nunc etiam rustici gladiati incedunt, 239, 1. apud Hispanos Mauri non admittuntur ad magistratus, 260, 1.
 Hispania (in) olim fuere auri et argenti fodinæ feracissimæ, 450, 1, 2. et etiamnum ibi esse testantur multi, *ibid.* hanc quomodo subegerint Romani, *ibid.* in ea præclaræ gessere Scipio Africanus et alii, *ibid.*
 Historia Antiochi et Demetrii, 446, 1, 2 et seq. historia septem fratrum Machabæorum quando contigerit, 405, 2. historia Esdræ et Nehemias quando contigerit, 202, 1; 2. item historia Judith, 313, 1. et Estheris, 357, 2, 368, 1, 2. historia Estheris etiamnum legitur a Judæis decima tertia die mensis Adar, 387, 1.
 Historici, cujus est historiæ fabricam construere, cum architecto comparatio, 507, 2. quod sit ejus officium, *ibid.*
Hora idem est quod confiteri, laudare, celebrare, 331, 1.
 Hollandi urbes vastas obsidentes quo pacto eas ita vallo cingant ut illis succurri nequeat, 244, 2.
 Holocaustum proprie sacrificium quo tota victima cremabatur; latius sumitur pro qualibet hostia, 223, 2.
 Holofernes, quis, qualis ac quantus, 320, 1. ejus etymon, *ibid.* captus est amore Judith, 339, 2. amoribus ebrios ac vino immersus obtruncatur, 344, 1, 2. fuit natione Persa, 345, 2. Holofernes noster est gula, superbia, avaritia, etc., 346, 2. est typus diaboli cuius caput B. Virgo contrivit, *ibid.*
 Homerus Græcorum Salomon Salomoni coævus, 91, 1. Homeri Ilias ita minutis litteris scripta fuit, ut tota cortici nucis includeretur, 507, 1.
 Homicidium sui ipsius quando licitum, 560, 2; 561, 1.
 Homines Christiani in angustiis et periculis constituti Dei opem implorent, 458, 1. —*Vide* Christiani. Hominis proprium est mente cœlum contemplari, quæ infra se posita sunt despicere, 292, 1. cum hominibus perversis non conversandum, 286, 2. homini inter peccata undique consticto, ita ut nullus omnino sine peccato evadendi aditus pateat, quid agendum, 293, 1. hominis fastus quo aliquando assurgat, 322, 2. homo sibi ipsi apparet justus et candidus per Tobiam cæcum adumbratus, 303, 2.
 Honestas in Scriptura sæpe significat divitias, 351, 1.
 Honor parentibus debitus commendatur, 284, 1. honor hujus mundi papilioni comparatur, 378, 1. nunquam certam tenet viam, *ibid.*
 Honores mutant mores, 38, 1, 2.
 Honorius Imperator cur sustulerit ritum Judæorum, cruce ligarem in contumeliam Amani circumferentium, 389, 1, 2.
 Hortus in quo Assuerus convivium suum instituit, re præsentat Ecclesiam, 364, 1.
 Hospitalis Jupiter unde sic dictus, 522, 1. eidem templum dedicatum in monte Garizim, *ibid.*
 Hostes meticulosi facile vincuntur, 438, 1. hosti danda est fugæ potestas ne clausus ex desperatione pugnet; probatur exemplis, 477, 2. hostium animos blasphemando

irritare quam stultum, 545, 2. hostes captos vel capiendos dimittens civium salutem prodit, 544, 2.
Humatio cæsorum militum. — *Vide Sepelire, Sepultura.*
 Humiliatio superborum ac exaltatio humilium est argumentum libri Esther, 356, 1. exaltatur humiliis Mardochæus, humiliatur superbis Aman, 380, 1, 2.
 Humilitas et resignatio Moysis, 129, 2.
 Hamores melancholicos quæ minuant, infringunt actionem et vexationem dæmonis, 293, 1.
Henricus Wandalorum rex morbo pediculari fuit punitus, 540, 2.
 Hungari ab aratro prosiliunt ad arma, 239, 1.
 Hymnum, *Regina cœli, lætare*, accinuerunt Angeli B. Virginis Rome, 377, 1.
Hipericon infringit actionem et vexationem dæmonis, 540, 2.

I.

Idolum Jovis Olympii collocarunt Antiochistæ in altari holocaustorum, 433, 1. idolorum furtum olim Judæis vetitum, 533, 2; 534, 1.
Idololatris (cum) fœdus inire quando licitum, quando non, 452, 1, 2.
Idumæi primi habuere duces, mox reges, deinde iterum duces, 95, 2. regnum Idumææ non fuit hereditarium, *ibid.* Job secundus rex Idumææ, *ibid.* Idumæi transfigurati in Ammonitas oppugnant Judam, 167, 1. Idumæi perpetui Judæorum hostes a Juda Machabæo cæduntur, 544, 2. Idumæi invadere volentes fratres suos Judæos, vocabant se Ammonitas, cur, 826, 1.
Ignatius (S.) Episcopus Antiochenus, sepultus secus Daphnem, 515, 2.
Ignatius (S.) cum novem sociis secedens Societatem Jesu instituit, 520, 2.
Ignes in castris excitantur ad fallendum hostes, 477, 1, 2.
 ignem Persæ celebrant ut deum, 502, 1. ignis sacer a sacerdotibus in puto absconditus, primitus a Deo fuit datus Aaroni, 509, 1. quando missus Nehemiæ fuerit de celo, *ibid.* 2. et cur Nehemiæ præ aliis suis coævis, *ibid.* Non defuit in secundo templo, 501, 1. mystice representat. Spiritum Sanctum, *ibid.* et 2. templum igni fecit rex Persarum, 502, 1. ignis est symbolum Dei et divinitatis, *ibid.* ignis per flamمام sese agitans videtur vivere, 297, 2. præferri solebat regibus et principibus Assyriorum, 322, 1.
Ilias Homeri cortici unius nucis inclusa, 507, 1.
Illuminationes de cœlo quænam hic dicantur, 506, 2.
Immortalitas animæ cum resurrectione corporis necessario connectitur, 554, 2.
Immunitas a tributis aliisque oneribus publicis, a rege Persarum sacerdotibus aliisque templi ministris concessa, 221, 2.
Imperator sedulus et non cessator quid efficiat, 206, 2.
 Imperatores Romani olim sibi arrogabant et nominabant Romanum Pontificem, 463, 1.
Impiorum gaudium breve est, 460, 2. impiorum miracula Dei ascribunt magiæ, 513, 1. impiorum conversatio fui-
gienda, 286, 2.
Impleri ab ore ad os quid significat, 224, 2.
Impuritas comes heresis et false religionis, 414, 1.
Incarnatio Verbi fuit opus maximum divinæ potentiae et fortitudinis, 347, 2.
Incestus a Deo punitus, 488, 2.
Incubi dæmones, qui, et an tales dentur, 294, 1, 2.
Indi Brachmanes olim vocabant suos sapientes gymnosopha-
sthas, 220, 1, 2. Indorum reges etiamnum multas uxores habent, 370, 2. Indi etiamnum in præliis utun-
tur elephantis, cur, 442, 2.
India Orientalis, quando et cuonodo aperta sit Vasco Gamæ, 288, 2.

Indignatio indignantem non sinit quiescere, 879, 2.
Inferno (in) probabile est esse vermes corporeos, 355, 2.
Infidelibus (cum) perversisque hominibus non conversandum, 286, 2.
Insfirmitas humana etiam strenuissimos et peritissimos artis suæ aberrare facit, 457, 1, 2.
Injustitiae justus judex et vindicta est Deus, 379, 2.
Insignia illius quem rex honorare voluisset, quæ, *ibid.*
Insulæ ab Hebræis vocantur omnes transmarinæ regiones, 412, 1.
Interpretes qui scripserunt in librum Esther, 359, 2.
Interregna fugienda in libris Regum, ut chronologia servetur, 61, 1. ponendum in Israele, *ibid.* 2.
Intricare prærium est dæmonum, ut extricare sanctorum Angelerum, 293, 2.
Ira non sinit iratum quiescere, donec vindictam sumat, 379, 2.
Irrisio uxoris turbavit Tobiam seniorem, 277, 2.
Irrisor Alexandri Magni punitus, 545, 2.
Israel ponitur pro Juda et Benjamin; alias pro decem tribubus quæ a Juda et Benjamin schisma fecerunt, 209, 1. his dispersis, Israelis nomen remansit in Juda, *ibid.* Israel Hebraice idem est quod dominabitur Deus, vel dominans Deus, 288, 2.
Israelitæ reliquis a captivitate junixerunt se Judæ, 86, 2.
Itali multas voces accipiunt a Græcis, 394, 2.
Italicus quo pacto in Circensi certamine adversarium suum vicerit, *ibid.*
Itaque qualis particula, et quid significet, 316, 1.
Itinerantium præses et patronus S. Raphael Archangelus, 282, 2.

J.

Jacob, nomen septimi Machabæorum fratrum, 526, 1.
Vide in voc. Fratrum Machabæorum.
Jaddo pontificalibus induitus occurrit Alexandro Magno, 257, 1. fuit Pontifex sub Dario Codomano et Alexandro, *ibid.* 2.
Jafœ eadem est quæ Joppe, 485, 1.
Jamnia a Juda Machabæo exusta quantum distet a Jerusalem, 552, 1. hic milites Judæ delubra idolorum expilarunt, *ibid.*
Janitorum templi magna dignitas, 134, 1.
Januarius (S.) qua ratione coronam martyri adeptus sit, 271, 1.
Jason filius Eleazari, quem Judas Romam misit, quis, 452, 1.
Jason Cyrenensis fuse scripsit historias libri secundi Machabæorum, 402, 2.
Jason pseudopontifex frater Oniæ sancti. — *Vide Jesus sive Jason.*
Jatar quid significat, 206, 1.
Jecur piscis callionymus an vere sugarit dæmonem ex domo Raguelis, 292, 2. in jecore est sedes amoris et concupiscentiæ, 294, 2; 419, 1.
Jeddoa. — *Vide Jaddo.*
Jehova transformarunt gentiles in Jovem; a qua radice deductum, 354, 1; 427, 2.
Jehu bis unctus in regem Israel, 41, 2. dissimulat se unctum ne periculum vitæ incurrat, 41, 1. est vindicta Dei, 42, 2. jubens occidi 70 filios Achab non peccavit, 45, 1. fuit probus ante regnum, 46, 1. excusat a peccato, ejus mendacium de colendo Baal, 46, 1, 2; 47, 1. ejus mira cæcitas, 48, 1, 2. præmium occisionis Baalitarum a Deo ei datur per Eliseum, non per Jonam, *ibid.* 2. punitur propter idololatriam vitulorum, *ibid.*
Jejunio armata oratio quam potens apud Deum, 223, 1, 2. jejuniū in Dominica vetat lex Christiana, cur, 248, 2. publicum et solemne est symbolum pœnitentis, 251, 1. est funis quo ligatur dæmon, ne nobis noceat,

- 299, 1. solvit debitum sibi, 303, 1, 2. melius quam murus tuerit, 324, 2. etiam a Judæis et Turcis observatum, 332, 2. jejunium unius feminæ innumerous stravit exercitus Assyriorum, 343, 1. jejunio Esther sibi decorum, populo liberationem, Amano crucem comparavit, 376, 1. quantæ fuerit efficacia, 382, 2. jejunium vocant Hebræi humiliationem, 396, 2.
- Jeremiæ Prophetæ descriptiones quænam dicantur, 503, 1, 2. multi ejus libri periere, 504, 1. an ipse tulerit arcam in montem Nebo, *ibid.* ejus vaticinium de arca non revelanda quando impletum, 505, 1. cur ipse præ aliis Prophetis apparuerit Judæ Machabæo, 565, 1. non vere et realiter tradidit Judæ gladium, *ibid.*
- Soreniel nomen Angeli interpretatur magnitudo Dei, 263, 4.
- Jerusalem cur Sesac invaserit, 155, 1.
- Jerusalem olim vocabatur et erat urbs sancta, cur, 236, 1. duodecim habebat portas, ad singulas mundi plagas quatuor, et quænam illæ, *ibid.* 2; 237, 1. erat in suos vicos distributa, *ibid.* ad eam incolendam decima pars plebis delecta, 255, 1. de Jerusalem terrestri et cœlesti vaticinatur Tobias, 308, 1, 2. Jerusalem frustra obsideretur a Bacchide et Alcimo, 455, 1. quomodo Demetrius velit eam esse sanctam, 465, 2. et Antiochus Sedetes, 489, 1. quomodo sancta, 509, 1.
- Jesabel vana animositas in morte, 43, 1. ejus etymon a stercore, *ibid.*
- Jesu Christi typus Eliseus, 12, 1, 2. et Isaías, 78, 2. et Jōsias, 85, 1.
- Jesus Christus dedicavit ecclesiam S. Dionysii Parisiis, 434, 1. Christus moriens vicit ipsam mortem, diabolum, etc., 456, 2. est vera arca novi Testamenti, 505, 1. est consummatio legis et Prophetarum, 567, 2. a Patre missus in carnem ut ecclesiam veterem labantem restauraret, et in novam transformaret, etc., 230, 1. fuit sanctus sanctorum, et sapiens sapientum, *ibid.* nullum labore, aut periculum pro Ecclesiæ et animarum salute detrectavit, *ibid.* 2. spe futuræ resurrectionis et ascensionis gloriosæ sustinuit crucem, 275, 2. post fel, favos et mella gustavit, 284, 1. ipse est Azarias, id est adjutor Dei, 290, 1. ipsius figura fuit pisces qui ad Tobiam de flumine ascendit, 294, 1; 303, 2. item Tobias ipse Patrem illuminans, 294, 1. qualiter Christus ligaverit diabolum, 298, 1. ei omnes gentes et reges servierunt, 310, 2. instituens Eucharistiam representatus fuit per Assuerum instituentem magnum illud convivium, 363, 2; 364, 1. nil negare potest B. Virginis quasi matris suæ, 377, 1, 2. passionis ejus dies fuere dies phurim, 388, 1. Jesus mel in ore, melos in aure, jubilus in corde, 398, 2.
- Jesus sive Jason, Onia sancto fratre ejus ejecto, Pontificatum invasit, 413, 2. fuit dux Judæorum ad gentilismum apostataantium, *ibid.* similiter Pontificatu extrusus fuit a Menelao, 509, 1. misit trecentas didrachmas pro sacrificio Herculis, 515, 1. extrusus est Pontificatu per Menelaum, *ibid.* 2. sed mortuo Epiphane rediens ex Ammonitide, Jerosolymam invadit, sed expellitur, 519, 1. apud Spartanos tandem miser in exilio vitam finiit sepultus sepultura asini, *ibid.* 2.
- Jesus filius Josedec populi e Babylone in Jerusalem reducis dux in ecclesiasticis, 212, 1.
- Joachaz rex Israel orans impetrat salutem Israeli dandam non suo sed filii tempore, ejus fortitudo, 55, 1.
- Joakim, licet major natu, postponitur a populo fratri Joachaz in regno Judæ, 86, 1, 2. et Pharaone tamen rex constituitur amoto Joachaz, 87, 1. ejus sclera, *ibid.* 2. differentia inter Joachim et Joachin, 88, 2. Joakim a Chaldaïs capitur, solvitur, rursumque rebellans occiditur, 197, 1. stigmata in honorem idolorum inventa in ejus cadavere, *ibid.*
- Joannes (S.) Apostolus volumen oraculorum ab Angelo ac-
- cipiens, creatus est Propheta, 566, 1. in Apocalypsi sæpe alludit ad librum quartum Esdræ, 264, 1, 2. fuit custos B. Virginis, 847, 2. quomodo in ultima cena Christi in ejus pectore recubuerit, 362, 1.
- Joannes Calvinus quomodo a Deo punitus, 540, 2.
- Joannes Hyrcanus auctor libri primi Machabæorum, 403, 1, 2; 486, 2. fuit Propheta, 403, 2. præfuit Israeli annis triginta et uno, pacemque cum vicinis coluit, 486, 2; 492, 2. fuit filius Simonis Machabæi, quem proinde miris elogiis exornat, 486, 2. dux et Pontifex Israelis constituitur; Cendebam cædit, 492, 1. quam feliciter auspicatus sit suum principatum, *ibid.* cur cognominatus sit Hyrcanus, *ibid.* 2. ejus gesta præclara, *ibid.* 569, 1, 2.
- Joannes Machiadus Lusitanus quo fine duos suos filiolos occiderit, 561, 2.
- Joannes (S.) Eleemosynarius quo plura erogabat, eo plura a Deo recipiebat, 285, 1. ei in somnis apparet eleemosyna habitu virginis, *ibid.*
- Joanni (S.) Chrysostomo apparuit S. Paulus tradens ei librum Evangelii, 506, 1.
- Joas rex Juda in inauguratione accipit Deuteronomium, 51, 1, 2. juste privat sacerdotes receptura pecuniæ propter negligentiam et injustitiam, 52, 2. ob idolatriam a Zacharia arguitur, quem ideo occidit, 53, 1, 2. ejus tempore Carthago conditur, Lycurgus fert leges, et olympiades incipiunt, 54, 1, 2.
- Joas regi Israel promittit Eliseus auxilium post mortem, 55, 1. ter tantum percussit terram propter peccata, *ibid.* 2. coluit Deum et simul vitulos, 56, 1.
- Job secundus rex Idumææ, 95, 2. Job adhuc vivens cur vocetur beatus, 275, 1, 2. amici ejus Eliphaz, Baldad et Sophar fuere reges, *ibid.* in quibus fuerit similis Tobiae, 276, 2. erat rex, et corona regia coronobatur, 399, 1.
- Joel primus præfectus urbis Jerusalem reædificatæ, 255, 1.
- Joiada Pontifex juste amovit Abraham, regnumque dedit Joas suo nepoti, 51, 1. fuit summus sacerdos, *ibid.* ejus elegium.
- Jonas Propheta prædictus Jeroboamo regi Israel victoriæ de urbibus quas Syri abstulerant Israeli, 59, 1. sub quibus et cum quibus prophetaverit, *ibid.* 2.
- Jonathan pater Jeddœ, 287, 1.
- Jonathas filius Mathathias cur dictus sit Apphus, sive ira consilii, 418, 2. mortuo Juda Machabæo principatum suscepit, 458, 2. cæso hoste Jordanem transnatat, 459, 2. tota Judæa cum suis exclusis Bethbessem munit; obsidetur, et hoste cæso ab obsidione eam liberat, 460, 2; 461, 1. pacem cum Bacchide init, *ibid.* 2. cur sedem sibi elegerit in Machmas, *ibid.* recepta Jerusalem, pontificalia vestimenta induit et munia pontificis exercet, 465, 1. licite adjuvit Alexandrum contra Demetrium, 466, 2. magnis donis gratiam Demetrii init, 472, 1. instructus copiis Syriacis varias urbes expugnat, 473, 2. solus aciem inclinatam restituit et victoriæ deperditam recuperavit 474, 1. occiditur cum filiis ad Bascaman a Tryphone, cur, 480, 2. quo anno, *ibid.*
- Joppe hodie vocatur Japha; Turcis, Zapha, 321, 1.
- Joppen totius Judææ portum commodissimum capit Simon Machabæus, 485, 1. nunc Jafo dicitur, *ibid.* pro ea solvit centum talenta, 490, 2.
- Joram rex Israel licet infidelis, cilicio vult placare Deum, 34, 2. jurat se occisurum Eliseum. *ibid.* statim pœnitit eum mandati de Elisei cæde, *ibid.*
- Jordanis ordinis S. Dominici secundus generalis cur a Deo in navi submergi p̄missus, 458, 4.
- Josaphat zelus, reformatio Judicum, et victoria precibus obtenta, 462, 1, 2. unicum ejus peccatum, 465, 1.
- Josedec fuit frater senior Esdræ, 202, 2. huic pontifici in Babylone mortuo successit filius Jesus, *ibid.*
- Josephus a Constantino Magno comes creatus quod Sey-

topoli inter Arianos solus orthodoxus esset, 270, 1. Josephus ridicula narrat de fonte aquarum ab Eliseo sannatarum, si non impia, 9, 2. multa falsa suis historiis interserit, 492, 1. ejus error dicentis, voluisse tantum, ac non etiam persecisse sacrilegium, non videtur res digna suppicio, 542, 2.

Josiae nomen prædictum 327 annis ante nativitatem, 81, 1. sacerdotes qui idolis sacrificabant prohibet Deo sacrificare, 84, 1. similis ei in extirpandis idolis nullus, 86, 1. ejus temeritas in bello contra Pharaonem punita, *ibid.* et 2. pia nomina dat filiis, sed frustra, 89, 2. occisus a Pharaone tempore pacis publicæ 193, 2. idque propter inobedientiam 195, 2. perierunt threni de ejus morte compositi, *ibid.*

Juda regnum potius regno Israelis, 57, 2.

Judæa Asie et Ægypti regibus fuit pomum discordiæ, 407, 2. Judææ regiones transmarinas vocant Judæi Cethim, 412, 1. Judæa est montosa et prærupta, adeoque equitibus impervia, 431, 1. quomodo fuerit a Romanis subacta, 452, 2. est Syriæ pars vel appendix, 232, 2. ejus clima est calidum et siccum, ita ut incolæ noctu in tectis frigidum aerem captent, 249, 2.

Judæi a Deo abjecti irrevocabiliter, 70, 1. malunt se morti offerre quam cultum et quietem sabbati violare, 420, 1. multi apostatae cur impietati Antiochi Epiphanis se conformarint, 413, 2. a quo potestatem acceperint idolatriam sequendi, et in Judæam inducendi, *ibid.* quot millia in excidio Jerusalem per Titum occisa, quot capti sint, 427, 1. quid per expansionem librorum legis vellent, *ibid.* 2; 428, 1. contra præceptum Judæ cum hoste confligentes cæduntur, 437, 1; 439, 2. eorum pacta cum Romanis inita, 452, 1, 2. Judaci apostatae mortuo Juda erexerunt cornua, 458, 2. quanta beneficia contulerit Judæis Demetrius rex, 465, 1, 2. Judæorum origo falso a Justino descripta, 478, 1, 2. equites non leguntur habuisse nisi tempore Joannis filii Simonis, 492, 1. pro cavendo schismate monent se mutuo, 496, 1, 2. sparsi sunt per totum orbem, 506, 2. quomodo in eos savierit Antiochus Epiphanes, 519, 2. quam vilipendantur a Nicanore, 537, 1. iis prohibitum erat pugnare in sabbato, 538, 1. Jwdæos remanentes in Babylone constituit Cyrus vectigales Judæis redeuntibus in Jerusalem, 207, 1. quo anni tempore discesserint e Babylone, 212, 1. cur jactis templi fundamentis fleverint, *ibid.* 2. nolunt cum Samaritis fabricare, cur, 213, 1, 2. cur non accusarint Samaritas apud Cyrum sibi faventem, quod fabricam templi impedirent, 214, 1. licet e Babylone liberi, manse tamen Cyro et Persis vectigales, 215, 1; 221, 2. cur vocarent suos doctores sopherim, 220, 1. vetantur cum gentilibus amicitiam inire et conjugia, 225, 1. jurant se abiecturos uxores alienigenas, et ex iis natas proles, ut Deo et legi obsequantur, 227, 1. eorum matrimonia cum alienigenis an sint irrita, *ibid.* 2. una manu operantur; altera gladium tenent, 239, 1. crebro totum corpus abluebant, imo vestes et lectos, *ibid.* 2. apud eos frequens fuit usura centesima, 241, 1. prohibentur lugere et flere in festo Neomeniæ, 248, 2. decimas solverunt non solum agrorum, sed et laborum et operum suorum, 253, 2. scribebant olim exacte suos annales et diaria, 258, 1. quomodo recenter e captivitate reversi ausi fuerint resistere Holoferni, 323, 1. numerus redeuntium e captivitate Babylonica, *ibid.* 2. in singulis urbibus majoribus loco templi habebant synagogam, 328, 2. quomodo solerent jejunare, 332, 2. in quantum abhorrent a consortio gentilium, 338, 1. quam essent puritatis corporalis amantes, 343, 1. utebantur mensibus lunaribus, non solaribus, 387, 1. etiamnum decima tertia die mensis Adar legunt historiam Esther, *ibid.* pridie festorum suorum solebant jejunare, 388, 2. et clamores precibus miscere, *ibid.* et solaria descendere, 397, 1.

Judas, quartus septem fratrum Machabæorum. — Vide in verbo Fratrum Machabæorum.

Judas Essenus auctor libri secundi Machabæorum, 403, 2. qualis vir fuerit, 497, 1, 2. est auctor canonicus, adeoque citans dicta a Jasone facit ea canonica, 506, 2. humiliiter de se sentit, 507, 1, 2. quod fuerit ejus propositum, 567, 1, 2. petit sibi ignosci, cur, *ibid.*

Judas Machabæus unde sic dictus, 404, 2; 431, 1. fuit o tribu Levi, non Juda, 404, 2. ipse et posteri ejus a populo electi sunt duces et principes, non reges, *ibid.* quando ei inditum fuerit hoc cognomen Machabæus, 418, 2. et cur, 422, 2; 425, 1. fuit primogenitus patri suo, 422, 2. belli dux a patre morituro statuitur, *ibid.* an oleo unctus in ducem, idque Jerosolymæ, 425, 1. fuit procero et vasto corpore, adeoque illo ævo fortissimus, *ibid.* fuit leo, Judaque Jacob patriarchæ filio victoriis, viribus ac robore superior, *ibid.* 2. ejus manus directa ad salutem Israelis, *ibid.* gladio, quem Apollonio duci Antiochi extorserat, cur eo usus sit, 426, 1. cum paucis jejunio maceratis percussit et occidit Seron secundum Antiochi ducem, *ibid.* et 2. aciem instruens, eam dividit in quatuor ordines, ac cuiilibet unum e fratribus præficit, 428, 2. ejus fortitudo, ac resignatio in Dei voluntatem, *ibid.* invasit castra Gorgiæ et oppressit, 430, 1. cur pugnans nullos haberet equites, 431, 1. quo pacto semper victoriam obtinuerit excepto ultimo prælio, *ibid.* ejus prudentia militaris in cohibendo milite a spoliis, *ibid.* 2. ejus pietas æque ac solertia, 432, 2. quando cuperit arcem Sion, 433, 1. cur non consuluerit Deum per oraculum Ephod, 433, 1. purgat ac dedicat templum ab idololatria pollutum, *ibid.* 2. festum Encæniorum celebrat, *ibid.* 2. ejus providentia et charitas, 438, 1. instar fulminis circumbat, debellando Judæorum hostes, 438, 1. pugnat cum Nicanore et vincit, 448, 1. an occiderit eum duellando, *ibid.* in memoriam illius victoriaræ anniversarium festum instituit, *ibid.* 2. non omnia quæ de Romanis audiebat erant vera, 450, 1. prudenter cum Romanis foedns initit, 452, 1, 2. et liceit, *ibid.* fuit typus Christi, 455, 1; 456, 2. licet longe impar hoste, non tamen fugit, 455, 2. vel vincere vult, vel generose mori, *ibid.* sed pro Dei religione, 456, 1. instar leonis cum paucis plurimos invasit, *ibid.* causæ cædis Judæ et sociorum fugæ, *ibid.* 2. cecidit non tam ex vulnere, quam expugnandi cædendique labore, *ibid.* mors ejus fuit ei gloriosa, 457, 2. sed duntaxat annis præfuit dux Israeli, 458, 1, 2. quo anno occubuerit, *ibid.* vocatur ab aliquibus sanctus, eumque catalogo adscribunt mense octobri, *ibid.* quomodo decimus fuerit, 520, 2. cur secesserit in desertum, *ibid.* Judæ et militum suorum in egenos charitas, 538, 2. pro ipso pugnarunt Angeli, 545, 1, 2. Jamniam incendit, cur, 552, 1. purgatorium creditit, hinc sacrificari jubet pro peccatis mortuorum, 554, 1. Timotheum vincit et capit, 552, 2. et multis civitatis, 553, 1. ejus celeritas in pervadendo civitates, *ibid.* subinde habuit etiam equites, *ibid.* 2. armatus armis spiritualibus invadit castra Antiochi Eupatoris et cædit, 556, 2; 557, 1. contra Antiochum Eupatorem pugnaturus se suosque Dei beneplacito committit, 556, 1. fuit religione et pietate Assidæus, 560, 1, 2. an uxorem duxerit, *ibid.* nil habebat proprium, *ibid.* utrum ei vere apparuerint Onias et Jeremias, 564, 1.

Judices monentur juste judicare, 465, 2. judices pecunia corrupti, 516, 2. judicibus olim, uti etiamnum, adjungebatur assessor juris legumque peritus, 255, 2.

Judicaria porta urbis Jerusalem, quæ, et quare ita vocatur, 237, 1, 2. eadem vocabatur Vetus, cur, *ibid.*

Judicia Dei abyssus multa, 86, 2.

Judicium Deus cupit inesse omnibus actionibus nostris, 278, 1. judicii extremi dies erit dies sortium, 388, 1.

Judith quid significet mystice, 199, 1, 2. ipsa vincens Holofernem repräsentat divam Virginem vincentem diabolum, 313, 1. quando contigerit ejus historia, *ibid.* 314, 1, 2; 315, 1. qualis fuerit femina, quantisque elo-
giis celebrata a SS. Patribus, 315, 2. vocis Judith etymo-
mon, 334, 1, 2. ejus genealogia, 332, 1. ex qua tribu
oriunda, *ibid.* silentium amat et solitudinem, *ibid.* 2.
carnem jejuniis et cilicio domat, *ibid.* fuit typus B. Vir-
ginis, 333, 2. prudenter suum secretum celat, 334, 1.
arma ejus spiritualia quibus obtruncavit Holofernem,
ibid. 2. fuit e tribu Simeon, 335, 1, 2. laudat zelum Si-
meonis in vindicando Dinae stupro, non modum, *ibid.*
2. an licite potuerit Holofernem illicere ad suum amo-
rem, 336, 1. non est in facto suo libidinis accusanda,
ibid. novo et insolito more castitatem suam et vitam
civium suorum defendit se ornando, 337, 1. cur secum
annonam detulerit, 338, 1. an fuerit mentita imponendo
Holoferni, *ibid.* et 2. ambiguitate verborum illudit Ho-
loferni, 341, 1, 2. quomodo excusatetur a mendacio,
ibid. quam potens fuerit ejus peroratio coram Holo-
ferne, 342, 2. quo fine petierit copiam egrediendi ad
orationem quandocumque vellet, 343, 1. Holofernem
obtruncat, 346, 1, 2. ejus elogia, *ibid.* fuit directa ab
Angelo ad tantum facinus perpetrandum, 347, 2. decus
fortitudinis suæ et victoriæ ascribit Deo, 348, 1. fuit
umbra ac typus B. Virginis, *ibid.* et 356, 1. ejus pru-
dentia et solertia bellica, 349, 1, 2. ejus castitas quam
eximia, 351, 2. fuit prophætica et scriptrix sacræ Scrip-
turæ, 353, 1, 2. quanto tempore in viduitate perman-
serit, 355, 2. a Patribus habetur sancta, cuius festum
Æthiopica Ecclesia celebrat quarta die mensis Elul, 356,
1. Judithæ nomen et cum nomine virtutis imitationem
ambivere multæ heroinæ et reginæ, *ibid.* et 2. quomodo
adorarit Holofernem, 373, 2.
Judith Augusta Ludovici Pii Imperatoris uxor, monasti-
ticum ipsa sibi velum imposuit, 356, 2.
Judith filia Caroli Calvi Francorum regis nupsit Anglo-
rum regi, *ibid.*
Judith regina Poloniæ, conjux Boleslai regis, *ibid.*
Judith regina Hungariæ, Henrici Imperatoris filia, inique
regno pulsa, *ibid.*
Judith uxor Hermanni Comitis, *ibid.*
Juditha Saxoniæ Ducis filia, *ibid.*
Juditha famula S. Elisabethæ miraculis clara, *ibid.*
Juditha Parthena quando et quomodo diem extremum
obierit, *ibid.*
Julius Cæsar fuit vasto validoque corpore æque ac animo,
425, 1. multos validosque hostes ambiebat, 455, 2. ejus
tessera belli, 538, 1.
Jupiter Hospitalis unde ita dictus, 522, 1. Jovis Olympii
idolum collocatum fuit in altari holocaustorum, 433, 1.
eique dedicatum fuit templum, 522, 1. et Jovi Hospitali
in Garizim. *ibid.*
Jupiter Stator, unde, 101, 2.
Juramentum Judæorum valde arduum de abdicandis uxo-
ribus et prolibus alienigenis, 227, 1.
Jus alternis diebus imperandi habebant Strategi in Græ-
cia, Epistatæ Athenis, Decemviri Romæ, 451, 2. jus no-
minandi Romanum Pontificem Imperatoribus ade-
mptum, in Episcopos et Cardinales translatum, 465, 1.
Justi in adversis Deo gratias agunt: necessitate probantur,
274, 1, 2. eorum oratio clavis est cœli, 278, 1. agunt
dies phurim sive sortium; quando, 388, 1. justo nil
mali obvenit nisi ex certa Dei præscientia et voluntate
ad eum vel a vitiis purgandum, vel in virtute perfici-
endum, 278, 1. justus quacunque morte præoccupa-
tus fuerit, in refrigerio erit, 458, 1.
Justina (S.) quomodo Asmodæum se ad amorem allicien-
tem superarit, 279, 2.
Justinus (S.) prophetiam Jeremiæ citat quæ non exstat,
86, 2.

Justinus (S.) sepeliendo corpus S. Laurentii martyrium
adeptus est, 273, 1.
Justitia locum cedendo clementiæ, eam in se commutat,
225, 2.
Jutta. — *Vide* Juditha.

K.

Kadesim vocantur pueri spurci et scelerati, 513, 1.
Kephirim nomen loci ita dicti a copia villarum, 243, 1.
Ki particula apud Hebræos diversimode sumitur, 225, 1.
Kinnor et cinyram et citharam significat, 434, 1.
Ku Persice idem est quod princeps, 206, 1.

L.

Labor a Cyro rege Persarum commendatus, 206, 2.
Lacedæmones licet jussi noluerunt adorare Xerxem, cur,
372, 2. Lacedæmonii quid juventutem docerent, 456, 2.
etiamnum cum Turca certant, arcemque suam a Turcis
liberam servant, 476, 1. pro libertate omni ævo certa-
runt, *ibid.*
Lacæna clypeum filio imponendo quid intenderit, 457, 1.
Lacones. — *Vide* Lacedæmonii.
Laconismus, sive breviloquentia, signum est animi silentis
et meditabundi, 507, 1.
Lætitia facit hilares, magnanimos et celeres, 249, 1.
Lampades accensæ sive ignes præserebantur regi, 322,
1, 2.
Lapides (per) ignitos quid intelligatur, 543, 2.
Lasthenes tutor Demetrii junioris Syriæ præfetus, 472, 1.
Latina lingua a Gothis cum Gothicâ commixta peperit His-
panicam, Italicam, Francicam, 214, 1.
Lectio sacræ Scripturæ est funis ad ligandum dæmonem
ne nobis noceat, 299, 1. lectio fieri solebat post convi-
vium, 328, 2.
Lector styli varietate delectatur, 567, 2.
Leges Dei vocantur justitiae et justificationes, 415, 2. lex de
observando sabbato quo casu non obligaret, 420, 1, 2.
legum patriarcharum eversio concitat populos ad seditionem,
427, 1.
Legio Thebæorum martyrum, duce S. Mauritio, cur non
restiterit Maximiano Imperatori, 420, 1.
Leones quia impavidi, clausis oculis in venabula et enses
irruunt, 547, 2. leoni comparatur Judas Machabæus,
cur, 425, 2. leonum catuli latrante stomacho rugiunt,
ibid. per leones thronum Salomonis stipantes quinam
mystice intelligentur, 347, 2. ad leones potius quam ad
lenones damnari optaverunt virgines, 356, 1, 2.
Leonidas cum trecentis innumeris Xerxis copias cecidit,
426, 1. vincendo occumbere maluit quam fugiendo vi-
tam servare, 457, 2. interrogatus a variis quid respon-
derit, *ibid.*
Levitæ bis numerati a diversa ætate incipiendo, 129, 1.
ex dispensatione Dei sacrificans, 185, 1, 2. celebrant
magnificentiam et beneficentiam Dei recensendo omnia
quæ Deus pro Hebreis gessit in Ægypto et Chanaan,
251, 1. terram possidere non poterant, sed tantum ex
ea fructuum decimas accipere, 253, 2. dabant decimam
decimarum sacerdotibus, *ibid.*
Lex Christiana vetat jejunare die Dominica, cur, 248, 2.
lex dicitur a ligando, et quomodo liget hominem, 298,
2. legis Persarum ne quis non vocatus interius atrium
regis ingrediatur, causa, 375, 1, 2.
Liber legis inventus tempore Josiæ, quis, 81, 1, 2. exem-
plaria legis exstabant multa apud Judæos, *ibid.*
Liber primus Esdræ et Nehemias sunt protocanonici, cur,
199, 2. Tobiæ vero, Esther, Judith et Machabæorum deu-
terocanonici, *ibid.* tertius et quartus Esdræ sunt apocry-
phi, 200, 1; 261, 1, 2. liber Nehemias cur dicatur se-
cundus Esdræ, 200, 1. primi Esdræ auctor est Esdras,

secundi Nehemias, *ibid.* liber quartus Esdræ a multis SS. Patribus subinde citatur quasi canonicus, 201, 1. nihilominus est apocryphus, *ibid.* 2. liber primus Esdræ continet liberationem Judæorum e Babylone per Cyrum; Nehemias reædificationem Jerusalem, *ibid.* 1. liber tertius Esdræ majoris est auctoritatis quam historiæ Livii, Sallustii, etc., 262, 1. cur aliqui eum asserant canonicum tertii ordinis, *ibid.* 2. de quarto plus est difficultatis, variaque contra ejus auctoritatem objiciuntur, *ibid.* et 2. non est Thalmudicus, 263, 2. cur ei etiam sua videatur concedenda auctoritas, *ibid.* fuit scriptus ante Apocalypsim S. Joannis, qui ad eum alludit, 264, 1. quis ejus sit auctor incertum, *ibid.* 2. fuit scriptus in captivitate Babylonica, 263, 2.

Liber Tobiae licet olim habitus sit ab aliquibus Patribus pro non canonico, jam tamen est canonicus, 265, 1. ejus argumentum, *ibid.* 2. est historia, non comœdia, Chaldaice scripta, *ibid.* 266, 1. idque in Assyria, *ibid.* quis sit ejus auctor, *ibid.* 2. quinam in hunc scripserint, *ibid.*

Liber Judith est canonicus, Chaldaice scriptus, 312, 1. ejus argumentum et partes, *ibid.* et 2.

Liber primus et secundus Machabæorum apud Hebræos non sunt canonici, cur, 402, 1. neque tertius et quartus ut canonicos admittit Ecclesia, *ibid.* libri primi quis sit auctor, *ibid.* et 2. item secundi, *ibid.* 486, 2; 506, 2; 556, 1. utriusque idem est argumentum, 403, 1; 506, 2. liber primus complectitur gesta annorum circiter sexaginta, 403, 1. uterque exstitit Hebraice, *ibid.* 2. librorum Machabæorum ordo et connexio, 409, 1, 2. per librorum legis expansionem quid intenderent Judæi, 427, 2. liber Deuteronomii militibus ad bellum euntibus legi solitus, 538, 1. liber tertius non est canonicus, habet tamen suam auctoritatem, 568, 1. ordine chronologico ponendus foret ante primum, *ibid.* ejus argumentum, *ibid.* quo sensu S. Clemens eum canonicum nominet, *ibid.* libri quarti argumentum, 569, 1, 2. est incerti auctoris, *ibid.*

Liberalitas Nehemias in cives suos, 242, 1. et Tobiae senioris, 269, 2.

Liberatione (in) Judæorum facta per Cyrum significata fuit liberatio humani generis per Christum, 203, 2. et liberatio Christianorum ab ethniciis oppressorum; item animæ fidelis, *ibid.*

Libertas arguendi regem in sacerdotibus, 179, 1, 2.

Libidinosi sponsi Saræ puniti, 280, 1. idque propter effrenam libidinem, 294, 1, 2. libidinosum designabant veteres pingendo mulum vel mulam, *ibid.* libidinosus miles fulgere sideratus, 296, 2.

Libido ubi ardet, abundant peccata, 296, 2. quantum grassetur apud Persas et Assyrios, 334, 2. monstrum haberetur sine gula, 365, 1. est insatiabilis æque ac fastidiosa et curiosa, 370, 2. libido comes falsæ religionis et heresis, 414, 1.

Libra auri valet centum aureos, 485, 2.

Librarii apud Persas qui, 384, 2.

Libri Esther argumentum et auctor, 357, 1, 2. ultima libri septem capita sunt Scriptura canonica, 390, 1.

Lignum olei varie a variis interpretatum, 249, 2.

Lilium puritatis et virginitatis symbolum, 363, 2.

Linguæ (ex) Hebrææ cum Chaldæa commixtione orta est lingua Syro-Hebræa, vel Chaldaeo-Hebræa, 214, 1. lingua Latina cum Gothicæ commixta peperit Hispanicam, Italicam, Francicam, *ibid.*

Lipsana SS. Abundii et Abundantii ad domum professam Societatis Jesu Romæ translata, 418, 2. SS. septem fratrum Machabæorum requiescent in templo S. Petri ad Vincula Romæ, 529, 2; 535, 2. et Coloniæ Agrippinæ, *ibid.*

Litaniæ antiquitas, 168, 1. litaniæ in libro Judith as-truuntur, 334, 2.

Litteræ et decreta regum Persarum erant olim irrevocabilia, 384, 1.

Litteræ Hebraicæ *beth* et *mem* sunt labiales, adeoque sæpe una pro alia substituitur, 218, 1.

Lobna rebellat regi suo Joram, 169, 1.

Locus quartus Esdræ, cap. iv, vers. 35, de animabus sanc-torum in promptuariis detinendis donec impletatur nu-merus electorum explicatur, 262, 1, 2. item capit. vi, vers. 49, ubi dicitur Deus die quinto geneseos mundi conservasse duas animas, etc., *ibid.* item cap. vii, etc. *ibid.* et seq.

Longanimitas Romanorum in domanda Hispania, 450, 2 ea superantur omnes hostes tam corporis quam animæ *ibid.*

Loqui voce patria in his libris quid sit, 553, 2.

Lucius consul Romanus quis hic intelligatur, 489, 2.

Lucius piscis quis, 292, 1.

Ludovici (S.) morientis pietas, 86, 2.

Ludovicus (S.) bis movit in Terram sanctam, ibique moriens filii ac posteris quale dederit monitum, 230, 2.

S. Ludovicus castra ducturus in Terram sanctam ve-xillum ab Episcopo Parisiensi benedictum accepit, 565, 1.

Ludovicus (S.) Pius Imperatoris Caroli Magni filius et suc-cessor, 357, 2.

Ludus diaboli est saltatio et chorea, 281, 1.

Lunatio una, sive unus per zodiacum cursus, unum consti-tuebat mensem apud Hebræos, 228, 1.

Lupo (S.) Trecensi Episcopo roganti Attilam Hunnorum regem Italiam et Galliam vastantem quis esset? respon-sum est esse flagellum Dei, 421, 2. S. Lupus quid respon-diderit Attilæ dicenti se esse flagellum Dei, 341, 2.

Lutheri solemnes habuit exsequias ab omnibus diabolis, 47, 2. Lutheri dogma, quod si uxor difficilior sit ad opus conjugale, vocetur ancilla, 365, 2.

Lux lætitiae symbolum est et causa, 224, 2.

Luxui dediti regno privati, 472, 2.

Luxuria spiritus nobilissimos, ideoque robur et vires ef-fundit et exhaustit, 353, 2. — *Vide Libido.*

Luxuriosum veteres designabant pingendo mulum vel mu-lam, 294, 2.

Lycurgus suis legibus ad miram politiam evexit Spartiatas, 476, 1. docuit eos peritiam contracte ac presse loquendi, 507, 1.

Lysias tutor Antiochi Eupatoris vocatur frater a rege, cur, 548, 2. quantum exercitum paret contra Judam, 547, 1. Ptolemenses indignantes fœdus cum Judæis mi-rum sedat, 557, 2.

Lysias Eupatoris rector cur pacem cum Judæis bellumque contra Philippum suadeat, 444, 2.

Lysimachus amoto fratre Menelao Pontifex creatus, 516, 1. a populo occiditur, *ibid.* 2.

Lysimachus rex Macedoniae ob sitim se hostibus tradidit, haustaque aqua quid exclamarit, 330, 2.

M.

Macario (S.) Romano Raphael angelus specie viatoris sed ducem obtulit, 288, 2.

Maccabi idem est quod percussor, occisor, 404, 1.

Macedonia quando et per quem a Romanis subacta, 450, 2.

Macha quid significat, 288, 2.

Machabæi unde sic dicti, 404, 1. Machabæus est *ibid.* quod extinxitor et occisor hostium, *ibid.* varia vocis etyma, *ibid.* alio nomine vocati sunt Assamonxi, et unde, *ibid.* 2. prognati sunt ex tribu Levi et Phinees Pontificis, 422. 1. pugnabant pedestes, nec habebant equites, quare, 431, 1. tempore Machabæorum nullus fuit Propheta in Israel, 433, 1. Machabæorum martyrum acta. — *Vide in verbo Fratrum.* Machabæus vocabatur primus ex septem fra-

- tribus Machabæis. — *Vide in verbo Fratrum Machabæorum.*
- Machiavelli error, 27, 1.
- Machir* tertius fratum Machabæorum, 526, 1. — *Vide in verbo Fratrum Machabæorum.*
- Machmas oppidum in confinio tribuum Benjamin et Ephraim, 461, 2.
- Madaba urbs ubi sita, et quid significet, 459, 1. hujus cives occiderunt Joannem Machabæum, sed non inulte, *ibid.*
- Magi qua ratione per certas herbas et signa maleficii noceant pueris et bestiis, 293, 1.
- Magnanimitas Nehemias, 243, 2. et Estheris in accusando Amanum præsentem, 381, 2. ducum in bellis rebusque arduis quantum valeat, 474, 2. magnanimitas Eleazari senis, 524, 1, 2.
- Maharbal præfectus equitum quid Hannibali Romam pergere tardanti, impropperaret, 349, 1.
- Majestas regia mire percillit accedentes ad eum, 399, 2.
- Majorum exempla animant in rebus arduis, 422, 2.
- Mæxeviç*, id est Macedonia, sic dicta a Cethim, 412, 1.
- Malachia (S.) Hibernæ Episcopi memorabile exemplum, 269, 2. in quo fuerit æmulator Tobiae senioris, 271, 2.
- Maledicta et maleficia etiam ab intimis amicis patienter ferenda, 276, 1. multum cruciant dominas ab ancillis objecta, 280, 1, 2.
- Mallus et Tharsus Ciliciæ civitates cur tumultuentur, 516, 1.
- Malum diversimode sumitur, 233, 1. malum in auctorem recidit; probatur exemplis, 379, 2; 382, 2. mala hujus vitæ contemnenda fiducia futurorum bonorum, 422, 2.
- Manasses idolum cum luco ponit in templo 78, 1. occidit saiam, *ibid.* occidit arguentes suam impietatem, 79, 2. ejus etymon factis quadrat, *ibid.* abducitur in Babylonem a Merodach Baladam, *ibid.* ejus tempore neglectus Dei multus, 81, 1, 2. Manasses idem est quod oblivio, 353, 2. Manasses quidam, de quo in libro Tobiae Græca narrant quod ab impio Aman fuerit in discrimen vitæ conjectus, quis, 311, 1. sub Manasse rege Juda an contingit historia Judith, 312, 1. Manasses maritus Judith, quis, 332, 1.
- Mandata Nabuchodonosoris Holoferni data, 320, 1, 2.
- Manducatio est actio vitalis qua cibus ex ore in stomachum trahicitur, 307, 1, 2.
- Manoth* vocantur fercula quæ unicuique apponuntur sigillatim, 369, 1.
- Manotrepitus quis vocetur, 531, 2.
- Manus aliquando significat favorem et operationem, 221, 1. manu juncta manui solet dari fides mutua, 224, 1. symbolum est opis et auxilii, item directionis et protectionis, 234, 2. manus multæ junctæ illico opus ingens perficiunt, 244, 1. in manibus periculum esse, quid sit, 397, 1.
- Marcianus quomodo ad imperium et thorum S. Pulcheriæ sororis Theodosii pervenerit, 273, 1.
- Mardochæi etymon, 367, 1. ex qua tribu et stirpe oriundus, *ibid.* 2. ejus ætas et ævum, *ibid.* quibus de causis noluerit adorare Aman, 372, 1. an potuisset hic dissimulare, 373, 1. magna ejus constantia et fiducia in Deum, 377, 2. prius vilis et abjectus, post factus est regi familiaris et palatinus, 380, 1; 385, 1, 2. cur Deus eum voluerit evehi ad tantam dignitatem, *ibid.* est auctor libri Esther, 388, 1. fuit vicarius regis, 389, 1, 2. somnium quod somniauit fuit ipsi a Deo immissum, 390, 1. ejus explicationem ex rerum eventu Dei instinctu cognovit, 393, 2.
- Margarite in Lotharingia purificantur per columbas, 34, 1.
- Maria (S.) mater Dei monuit Musam virginem ut a ludis et jocis abstineret, 281, 1. Maria vincens diabolum figurata per Judith vincentem Holofernem, 313, 1; 333, 2; 346, 2. innumeræ dæmonum phalanges prostravit et in dies prosternit: est virgo et mater Dei, atque una trino cognomine gaudet, *ibid.* ejus forma intuentes excitavit ad castitatem, *ibid.* Mariæ vocabulum, patrocinium et exemplum timent dæmones, 347, 1. clausa in cubiculo jejunis obsecrans Deum pro mundi reconciliatione meruit Angelum pacis paronymphum excipere, *ibid.* figura fuit per thronum Salomonis, *ibid.* 2. quale sit nomen Mariæ, 348, 1, 2. Maria est decus, gloria et exultatio non tantum Jerusalam, sed totius orbis, 351, 2. Constantinopolim a triennali Saracenorum obsidione liberavit, 356, 1. sed maxime quasi vera Judith defendit Bethuliam, *ibid.* et omnes virgines, cum ipsa sit Virgo virginum, quasi clientes suos protegit, *ibid.* est vera Esther quæ sub alis suis protegit peccatores et afflictos ad se confugientes, 368, 2. est hilaritas Sanctorum, *ibid.* fuit Esther in Assumptione sua et corona-tione, 376, 1. item in pulchritudine, modestia, verecun-dia, etc., *ibid.* est virga aurea per quam Deus toti humano generi offensus reconciliatus est, 377, 1. illi quasi matri sue Christus nil negare potest, *ibid.* est quasi stella Jacob radiis suis universum mundum illuminans, 385, 1. est fons solis, 391, 2. est vera Esther quæ Assuerum, id est Deum iratum, cum duabus ancillis adiit, 400, 1.
- Maria (S.) in templo præsentata inter virgines conclusas angelice vixit, 510, 2. ejus ædes ab Angelis ex Palæstina Lauretum translata, 504, 1.
- Maria (S.) Magdalena quomodo Christi ad mensam accum-bentis pedes retro stans lavare potuerit, 362, 1.
- Marius (S.) et Martha quo pacto martyrii coronam adepti sint, 271, 1, 2.
- Marius (C.) quomodo Syllæ rempublicam Romanam invadenti se opponens copias collegerit, 419, 2.
- Marnas Deus gentilium, 565, 1.
- Martyres obtinent cœlum patientia, 450, 2. martyres quid excitari ad tormenta omnia sustinenda et contemnenda, 275, 2. martyrium sine sanguine est triplex, 271, 2. martyrium est actus nobilissimus, adeoque nobilior pugna et vita, 420, 1. martyrium Eleazari senis, 524, 1, 2. et septem fratrum Machabæorum, 526 et seq. ad martyrium variis excitati, 531, 2; 532, 1.
- Maspha una in confinio tribus Benjamin et Juda, alia in tribu Gad, alia in tribu Ruben, 427, 1, 2.
- Mater septem fratrum Machabæorum a variis diversimode nominatur, 526, 1; 530, 1. miris elogiis celebratur a SS. Patribus, 530, 1, 2. exhortatur filium natu mi-nimum, 531, 1, 2. quo genere mortis consumpta sit, 533, 1, 2. matrum filios ad martyrium excitantium exempla, 531, 2; 532, 1. nonnullæ præ ingenti gaudio exanimatae, *ibid.*
- Maternus (S.) resuscitatur baculo S. Petri, 21, 1.
- Matthaniae nomen mutatur in Sedeciam, 197, 2.
- Mathathias fuit ex tribu Levi sacerdos primæ classis ex stirpe Joarib, 418, 1.; 422, 1, factus est pontifex et dux a Deo eum eligente, 418, 1. ad eum spectabat capessere Pontificatum et ducatum populi, *ibid.* tam ex designatione Dei, electione populi, quam jure successionis et propinquitatis, *ibid.* successorem sibi designavit filium suum Judam Machabæum, *ibid.* planctus ejus de vastatione templi et Jerosolymæ processit ex zelo religionis, *ibid.* 2. quo jure virum qui immolare cogebat occiderit, 419, 2. mira ejus in hac cæde animositas et fortitudo, *ibid.* ipse heros inclytus quinque filios suos heroes effecit, *ibid.* interpretatus est legem sabbati certo casu non obligare, 420, 2. moriturus filios animat ad acria certamina, quæ eis cum Antioche imminebant, 422, 2. quando mortuus sit, *ibid.* et 423, 1. an ex vulnere in bello accepto, *ibid.* eum fuisse sacerdotem consentiunt omnes; sed pontificem fuisse negant aliqui, affirmant alii, *ibid.* 2. ei in pontificatu æque a ducatu successit Judas, deinde Jonathas, inde Simon, *ibid.* cur dictus sit Abaran, id est fortis eorum, 443, 1. deficientibus legitimis hæredibus ad eum devolvitur Pon-tificatus, 617, 1, 2.

- Matrimonia Iudeorum cum alienigenis an sint irrita, 227,
 2. ea dissolvit Esdras, cur, *ibid.* cur non sint differenda
 usque ad etatem virilem, 270, 1. matrimonii bona sunt
 tria, et quis finis, 295, 1, 2. matrimonium Estheris cum
 Assuero an licitum, 369, 2.
 Mauri apud Hispanos non admittuntur ad magistratus, 260, 1.
 Media, sive regnum Medorum, Hebraice est *Madal*, 218, 1.
 Meditatio crucis et passionis Christi est funis quo ligetur
 dæmon ne nobis noceat, 299, 1.
 Melito (S.) quomodo a matre ad martyrium incitatus, 531, 2.
Mem littera Hebraica sæpe substituitur pro *beth*, et contra, 218, 1.
 Memnon conditor urbis Susan, 361, 1.
 Mendum in libro *Paralipom.*, correctum, 171, 2.
 Menelaus callide Jasonem herum suum exclusit sacerdotio, 315, 2. emit pontificatum, licet ad eumdem inhabilis, *ibid.* amotus est a sacerdotio per fratrem suum Lysimachum, 416, 1. juridice contra eum proceditur; sed judices pecunia corrupit, *ibid.* 2. jussus est ex alta turri in cineres præcipitari, 556, 4, 2. idque justa talionis pena, *ibid.*
 Mensa (iu) veteres serios et sapientes miscebant sermones, ac sobrietati studebant, 362, 2. mensæ panum propositionis effigies cernitur Romæ in arcu triumphali Titi, 505, 1.
 Mensium Hebræorum ordo et nomina, 228, 1.
 Mensuræ rerum omnium in templo a sacerdotibus asservandæ ad vitandam fraudem, 129, 2.
 Mentium bonarum est timere culpam ubi non est, 276, 1. mens quæ inter peccata ita constringitur, ut sine peccato evadere nequeat, quid facere debeat, 293, 2.
 Merces operaris statim danda, 286, 1.
 Merlinum aiunt per dæmonem incubum esse progenitum, 294, 1.
 Mesopotamia sic dicta, quia in medio duorum fluminum sita, 447, 2.
 Mesoromasdes Persis est sol, 379, 1.
 Metamorphoses variae a gentibus factæ, 427, 2.
 Metellus Macedonicus quam fuerit secreti sui tenax, 305, 1.
 Metus justus Tobiae senioris de hædo furtivo; et S. Sanctuli de pane sibi divinitus oblato, 276, 1. metus subitus parit in militibus inconstantiam, infidelitatem, etc., 455, 1.
 Mezentius atheus arma sua numina fecit, 564, 1.
 Michael (S.) Archangelus dedicavit ecclesiam suam in monte Gargano, 484, 1. fuit Israelis protector, 547, 1. precibus oblationibusque fidelium præest, 282, 1, 2. nomen Michael sonat idem quod *quis ut Deus*, 289, 1. olim erat protector Synagogæ, uti nunc Ecclesiæ, 347, 2.
 Milites pauci Dei robore instructi facile prosternunt multos tanto robore destitutos, 426, 1. milites Chaldæi et Persæ utebantur purpura ad tegendum vulnera, 432, 1. resolutio et desperatio facit milites imperterritos, *ibid.* 2. eorum fiducia multum valet ad victoriam, 438, 1. in acie primum locum ambiant, cur, 433, 2. multi de castris se subtrahunt et Judam deserunt, 455, 1. impossibile est ut semper vincant et nunquam vincantur, 457, 1, 2. miles generosus optat mori in prælio, *ibid.* 2. militum Judæ charitas, 538, 1. milites parta Victoria arma sua vestiebant thyrsis, 544, 1. militum animi ante certamen explorandi, et ad ardorem excitandi, 547, 2. a rapinis et criminibus abstineant, 553, 2. pacem non amant, cur, 551, 1, 2. quomodo exercitandi sunt, *ibid.* de milite generoso axioma, 455, 2. milites præpropere ad spolia dilapsi cæduntur, 431, 2. Militum templi origo, 434, 1. videntur fuisse Levitæ, *ibid.* 2. ad horum similitudinem instituti sunt Jerosolymitani equites, et quando, *ibid.*
 Minæ Dei certæ et efficaces sunt, hominum superbæ et vanæ, 333, 2.
 Misericordia tam spiritualis quam corporalis opera, 271, 1, 2. hanc cupit Deus inesse omnibus actionibus nostris, 278, 1. quam sit homini necessaria 305, 1, 2. Missio ignis sacri de cœlo facta Nehemiæ quando contigerit, 500, 2.
 Mithra vox Persica solem significat, 337, 1, 2. Mithram ut Deum colebant Persæ, 402, 2. est fascia byssina gemmis et bracteolis aureis tremulisque collucens, 337, 1. Mithri dicitur a Mither, id est major, 207, 2. Mithridatis etymon significatio, *ibid.* Mithridates victim a Romanis aurum sparsit, objectaque gaza regia in sequentes effugit, 431, 2.
 Mna est quasi libra auri, 485, 2.
 Moabite sicuti non poterant introire in Ecclesiam Dei, 260, 1. ita neque in cœtum populi Israel, nisi cum dispensatione, 350, 1.
 Modestia Judith devicto Holoferne, 348, 1.
 Modin vicus iuxta Diospolim unde fuerunt Machabæi, 481, 1.
 Modus quo pauci multos vincere possint, 456, 1, 2.
 Monachus quem sæpe nigellus puer ab oratione abducebat, virga S. Benedicti percussus, deinceps in oratione man sit immobilis, 298, 2.
 Monetam cudere summæ est potestatis, 489, 1.
 Monica (S.) ab ancilla vocata meribula valde fuit afflita, 280, 2. Monebat uxores ut se maritorum ancillas existimarent, 301, 2.
 Monita duodecim Tobiae patris ad filium, 283, 1, 2 et seq. et aliorum Sanctorum moriturorum ad filios et posteros, *ibid.* item Basilii Imperatoris ad Leonem filium, 300, 1. et Raguelis ad Saram filiam, 301, 1, 2. monita D. Hieronymi, ad viduam, 332, 2. monitis ducis exercitui virtus crescit et animus, 547, 2.
 Montibus (in) præruptis unus valet decem hostibus resistere, 323, 1, 2.
 Morbo pediculari punitorum exempla, 540, 2.
 Mori vel vincere militibus est acer stimulus ad pugnandum, 459, 1. mori in senectute bona, prospera ac pacifica extremum hujus vitæ bonum, 311, 1.
 Morituri subinde divinant, 310, 1.
 Mors omni loco exspectanda, 296, 2. mors gloria est, pugnando pro fide, lege et Deo occumbere, 428, 2; 456, 1. mors dicit ad veram vitam, 458, 1. mors est quasi longus somnus, 54, 2. ita vocatur maxime ob spem resurrectionis, *ibid.*
 Mortificatio est quasi viva quædam mors, 562, 1, 2. est gladius sanctus, *ibid.* mortificationis gladius adhibendus dum orationi, prædicationi, aliisque piis operibus insistitur, 239, 1.
 Mortui ob scelera possunt puniri, 86, 1.
 Mosen transformarunt gentiles in Minoen, 427, 2. per virgam accepit potestatem faciendi miracula, 566, 1.
 Mulcasses rex Tunetanus coram Carolo V, humili sedens prandebat, 344, 1.
 Mulier Holda consultur in reprehensione virorum, 81, 2. mulieris cuiusdam a petulante dæmons, incredibili libido vexata, per S. Bernardum liberata exemplum, 294, 2. mulierum aspectus quam sit periculosus et perniciösus, 339, 1. mulieres Persicæ sunt cæteris pulchriores, 364, 2. — *Vide Femina.*
 Multa paucis complecti magni viri est, et ingenii, 507, 1.
 Mulus, licet sterilis, tamen ardet libidine, 294, 2. mulorum aliud genus in Cappadocia et Syria quod parit et procreat, *ibid.*
 Mundo (in) vivant Sancti ut in exilio, 309, 1. mundana quam sint instabilia et vana, 382, 2. mundi fallacia, *ibid.* in mundo nulla re lætandum, 398, 2. in mundo plausus sæpe vertitur in planctum, 459, 1.
 Murus domus sanctæ interioris qui, 460, 1. muri civitatis olim Gentilibus erant sacri, 236, 1, 2. muri urbis Jerusalem quanto temporis spatio fuerint reædificati, 244, 1. quando et quo ritu dedicati, 258, 4.

Musach sabbati est conopeum regium cui rex insidebat,
dum sacris intererat, 66, 1.
Musam virginem quid monuerit B. Virgo, 281, 1.
Musica instrumenta mentes Sanctorum in Deum elevant,
15, 1, 2.
Myrmecoleon quale animal, 547, 2.
Myrtus est myrtus etiamsi sit inter urtices, 269, 2; 328,
1. est herbarum pulcherrima, 328, 1. est symbolum lætitiae et hilaritatis, *ibid.* 2.

N.

Naaman leprosus a Deo humiliatur, 25, 2. famulorum suorum pater, *ibid.* convertitur ad Deum per sanctitatem Elisei, 26, 2. excusatur ab idolatria, 27, 1, 2. et a scandalo, *ibid.* fit fidelis non Judæus, 28, 1.
Nabo erat nomen idoli Chaldaeorum, 318, 1. Nabo urbs nobilis sita in tribu Ruben, unde Nabuthæi, 459, 1.
Nabuchodonosor nomen est Babylonium sive Chaldaeum, 314, 2. et commune fuit regibus Chaldaeorum, 317, 2. quid significat Hebraice, 318, 1. Nabuchodonosor qui misit Holofernem, quis, 314, 2; 317, 1, 2. videtur gente et origine fuisse Babylonius, 318, 1. vocatur Assyrius ut distinguatur ab altero, *ibid.* vincit Arphaxad et victoria tumet, *ibid.* non fuit Xerxes, *ibid.* 2. ejus mandata Holoferni data, 328, 1, 2. quantus fuit ejus terror, 322, 1. Deo ac divinitati bellum indicit, ipseque vult haberi et coli ut deus, 372, 2. sed falso, 326, 2. voluit solus ut deus coli, 392, 2.
Nabuchodonosor Magnus ille Chaldaeorum quando se fecerit monarcham, 311, 2. non est hic qui misit Holofernem cum exercitu, 313, 1. quo sensu dicatur Babylonem condidisse, 317, 1. voluit adorari in statua ut deus, 372, 2.

Nævius Poeta coævus Judæ, Jonathæ et Simoni Machabæis, 405, 1.
Nanea dea Gentilium quæ, 499, 1.
Naphat est regio, provincia, 502, 1, 3.
Naphta est genus bituminis liquidi, 502, 1, 2.
Nathinæi, templi servi, qui et quales fuerint, 210, 1.
Natura hominum varietate gaudet, 567, 2.
Nazarei sui ævi religiosi comam alebant, ac vino et sicera abstinebant, 428, 1.
Nebo mons, ex quo Moyses moriturus vidit Terram sanctam, 504, 1. in eodem fuit deposita arca Testamenti, *ibid.*
Necessitas probat justum, 274, 2.

Nehemias ter missus fuit in Judeam a rege Persidis, 500, 1, 2. quando ei missus fuerit ignis de cœlo, *ibid.* 2. cur ei præ aliis coævis suis missio illa contigeret, *ibid.* bibliothecam extruxit, 505, 2. Nehemias quinam synchroni et coævi fuerint tam ex Prophetis quam Philosophis, etc., 202, 1, 2; 228, 1, 2. cur multi putarint Nehemiam Esdræ socium esse alium ab eo qui est auctor libri secundi Esdræ, 210, 2. verius est fuisse eundem, *ibid.* quis hic et qualis fuerit, *ibid.* fuit pincerna Artaxerxis, *ibid.* 1. typus Christi, *ibid.*; 230, 1. ter Babylonem vel Persidem adiit; ter in Jerusalem rediit, licet grandævus et senex, eamque ingenti labore et zelo reædificavit, *ibid.* 2. est auctor libri secundi Esdræ, 229, 2. fuit e tribu Levi, *ibid.* 1. cur Artaxerxi fuerit tam charus, 232, 1. Deum orat ut regem sibi benevolum et postulationi sua annuentem reddat, 233, 2. item ne poenam impœnitentibus et in culpa persistentibus condonet, 238, 1. ejus in patiendo lenitas, et in animando constantia, *ibid.* 2. cur notuerit accipere annam a civibus Jerosolymitanis quibus prærat, 241, 2. ab Artaxerxe fuit constitutus dux Jerusalem per annos duodecim, *ibid.* ejus continentia, charitas ac liberalitas in cives suos, *ibid.*; 215, 1. non mansit duodecim annis in Jerusalem, *ibid.* magnus et magnificus fuit dux, *ibid.*

2. criminantur eum quod se velit regem facere, 243, 1. ejus magnanimitas, *ibid.* 2. quo pacto Deum oret ut inimicos suos castiget, *ibid.* an potuerit videre Jaddo Pontificem, 257, 2. vidit eum puerum, sed non Pontificem, *ibid.* non vidit Darium Codomanum, 258, 1. Neomagenses cives catholici deprehendentes heterodoxorum metum haereticos urbe expulerunt, 438, 1. Neomenia erat solemnitas primæ diei mensis apud Judæos, 415, 2.

Nephali (ex) urbe prognati fuere plures Christi discipuli et Apostoli, 269, 1. in Graeco vocatur Thesbe, estque patria Tobiæ et Eliæ, *ibid.*

Nephtar interpretatur purificatio, unde, 502, 1, 2.

Nicanor contra Judam cum copiis missus pacem cum eo init; sed monitus a rege ut Judam caperet, cæsus et capite truncatus est, 447, 2. blasphemat templum, legem et Deum, 448, 1. ejus lingua blasphema minutum concisa, *ibid.* sui et suorum strages per Judam facta quanta, 448, 2. quam vilipendat Judæos, 537, 1. quo animo erga Judam Machabæum esset, 560, 1, 2. cur suaserit Judæus ut uxorem daceret, *ibid.* se Deo æquat, 559, 1, 2.

Nicomedes (S.) sepeliendo corpus S. Feliculæ Martyris coronam martyrii adeptus est, 273, 1. Nicopolis quænam sit, et quantum distet a Jerusalem, 427, 1.

Ninive metropolis Assyriorum, 309, 1. ejus excidium prædictitur a Tobia, 310, 1, 2. sæpius fuit vastata, *ibid.* quando contigerit excidium ejus de quo Tobias, *ibid.*

Ninivitæ licet penitentes, tamen excidium non evaserunt, cur, 310, 2.

Nisan mensis Hebræus respondet nostro martio, 548, 2. Noadia pseudoprophetissa subornata a Sanaballat contra Nehemiam, 244, 1.

Nocere olim regebat accusativum, 354, 1.

Nomades, qui et Arabes, unde sic dicti, 552, 1.

Nomina propria in *Paralip.* differunt a nominibus quæ in aliis libris ponuntur, 95, 1. vertuntur etiam in significata latina, 101, 1.

Nomina septem fratrum Machabæorum ex Josephi editione Graeca, 526, 1. nomina sunt quasi omnia rei naturam, virtutem aut proprietatem aliquam præsentem aut futuram significantia, 208, 1, 2. nomina mensium Hebreworum, 228, 1.

Nóπονς quid proprie significet, 472, 1.

Novantibus libros Machabæorum e canone expungentibus, quid respondendum, 450, 1.

Noxa caput sequitur, quam verum sit, liquet in Amano, 379, 2.

Nubes in Scriptura vocatur latibulum et quasi vestimentum Dei, 290, 1. per nubem Deus passim apparebat Moysi, et Raphael Angelus Tobiae, *ibid.*

Numa Egeriæ se maritum jactavit, 499, 2.

Numentini in Hispania per quatuordecim annos obsessi noluerunt Romanis reconciliari, 537, 2.

Numenius legatus a Simone Machabæo ad Romanos, 489, 1, 2.

Numerus omnium filiorum Israel qui cym Jesu et Zorobabel in Jerusalem redierunt, 209, 2.

Nuph quam multa significat, 502, 2.

Nuptiæ sic peragantur ut Deus non offendatur, 300, 2. nuptiarum die ac nocte conjuges sobrietati studeant, *ibid.*

O.

Obedientia rara Estheris reginæ et imperatricis, 370, 2. obedientia Abraham quanti a Deo estimata, 421, 2.

Objectiones variæ contra auctoritatem libri quarti Esdræ, 262, 2; 263, 1.

Observantia regularis potior est sanitate et vita, 420, 2.

Obsessis nil atrocius accidit quam sitis, 350, 2.

Obstetricas mentientes acceperunt a Deo domos, sed non propter mendacium, 835, 2.
Occidere seipsum quam ob causam liceat, ob quam non, 561, 1, 2. longe hoc est difficilior quam necem ab alio illatam sustinere, 561, 2.
Occisores sui ipsius aliquot laudantur, excusantur alii, 561, 1, 2.
Ochozias rex Israel cadit, 8, 1. ejus lapsus significat lapsus haereticorum, *ibid.* percutitur morte ob consultum dæmonem, 3, 2.
Oculus benignus gratiae et favoris signum est et symbolum, 217, 1. oculos quomodo Deo Scriptura sacra attribuat, *ibid.* 1, 2. ad oculorum caliginem dispellendam valet cinis cum melle; item fel et stercus frigidum, 274, 1.
Odares unus e ducibus Bacchidis a Jonatha Machabæo cassus, 461, 1.
OEconomia in aula regia prima dignitas, 270, 2.
Ogygis diluvium pro diluvio Noe, 427, 2.
Olea symbolum est pacis, 560, 1.
Oleum (per) benedictum sancti Anachoretæ olim expellent dæmones, 298, 1.
Olla in qua elixabantur carnes martyrum, qualis, 327, 1.
Olympiadum initium, 62, 1. omnes historiæ ante Olympiades incertæ, *ibid.*
Olympius Jupiter. — *Vide in verbo Jupiter.*
Onias tertius cognomento Sanctus interfectus est anno quinto Antiochi, 418, 1. immediate ante Mathathiam pontificatum gessit, 509, 1.
Onias junior profugiens Heliopolim ibi factus est pontifex novi templi, 418, 1; 509, 1.
Onion templum, unde sic dictum, 418, 1.
Ono campus in tribu Benjamin vulgo Vallis artificum dictus, 243, 1.
Opera Dei sunt misericordia, vera et justa, 278, 1. ea revelare honorificum est, celare periculosum, 305, 1. operum bonorum tria genera, *ibid.* opera Prophetarum destruxit ab Alcimo pseudopontifice, quæ, 460, 1.
Operariis merces statim tribuenda, 286, 1.
Ophel describitur, 180, 2.
Orantes qua de causa solerent solaria condescendere, 397, 1.
Orarre pro defunctis pium est et utile, 554, 2.
Oratio Joachaz regis Israel exauditur pro salute Israel danda, non sui, sed filii tempore, 55, 1. orationis communis utilitas, 168, 1.
Oratio armata jejuno quam potens apud Deum, 223, 1, 2. orationi aliisque piis operibus dum insistimus, altera manu gladius mortificationis tenendus, 239, 1. oratio justi clavis est cœli, 278, 1. orationis fructus, 280, 2. ab oratione dæmon abducit monachum, 298, 2. oratio est funis quo ligatur dæmon ne nobis noceat, 299, 1. oratio nostra aliquid potest apud Patrem, cur, 305, 1. solvit debitum Deo, *ibid.* debet armari duabus alis eleemosynæ et jejunii, *ibid.* et 2. orationis et pœnitentiæ publicæ vis ac usus, 324, 1. longius vulnerat quam sagitta, *ibid.* 2. oratio Judith Holofernem prostravit, 334, 2. oratio ut constantiam obtineat, debet armari pœnitentiæ, labore et mortificatione carnis, *ibid.* oratio Estheris et Mardochæi quantæ fuit efficacia, 385, 2.
Ordo in docendo servandus, 221, 1, 2. ordinum ductori olim pro stipendio dabuntur quatuor oboli, 426, 2.
Ornatus mulierum viris est periculosus et perniciosus, 339, 1. ornatus mulieres sunt studiosæ, 369, 2. ornatus illius quem rex honorare voluisse, qualis, 379, 2.
Oren mons quantum distet ab Ecbatana, 817, 1.
Orontes fluvius interfluit Antiochiam, 444, 2.
Orthosias urbs in quam fugit Tryphon quæ, et ubi sita, 490, 2. hanc Antiochus Sidetes ditione cepit ac in ea Tryphonem interfecit, 491, 1.
Os mensuram denotat, cur, 224, 2. ab ore usque ad os impleri quid sit, *ibid.*

Osee rex Israel permittit suos subditos ire ad templum Jerosolymitanum, 69, 1.
Ottio dedit regno privantur, 472, 2.
Ottomanni nunc sunt flagellum Dei, 421, 2.
Ovum significat spem et fiduciam, 303, 2.

P.

Pacem cum Nicanore fecit Judas Machabæus, 447, 2. et cum Romanis, 452, 1, 2. et Jonathas cum Bacchide, 461, 2. Simon cum Spartiatis, 485, 2. pacem plenam Judææ contulit Simon Machabæus, 486, 2. pacem fecit Lysias cum Judæis, 557, 2. et Nicanor cum Juda, 560, 1. pax Hebræis omne beneficium omneque bonum significat, 482, 1.
Pacta Judæorum cum Romanis inita, 452, 1, 2.
Palæstinam (in) pro recuperanda Terra sancta quinam expeditionem suscepint, 565, 2.
Palathæ sunt massæ caricarum seu ficuum aridarum, 338, 1.
Palma natura sua sursum nititur contra deprimentiæ manus, 481, 2.
Panæ sepulcris olim imponi solebant, cur, 286, 1. ii in Hispania etiamnum offèruntur in sepultura, *ibid.* 2. olim per panem benedictum Sancti dæmone liberabant energumenos, 298, 1.
Panetius Philosophus coævus Judæ aliisque Machabæis, 405, 1.
Panico tumultu Syri solvunt obsidionem Samariæ, 36, 1, 2. *Paralipomenon* libri continent acta regum Juda non Israel, 93, 1. auctor librorum Esdras, *ibid.* et 2. scopus præcipuus auctoris *Paralip.* *ibid.* not. mendum in iis correctum, 171, 2.
Parelius est quasi alter sol, 391, 1.
Parentandi ritus more veteri ferendo epulas ad sepulcræ martyrum sublati, cur, 286, 2.
Parentes qui filios Deum timere docuere, 270, 2. parentes sunt honorandi, 284, 1. quales filios educare debeant, 295, 2. parentum laus et honor, est filiorum, 300, 1. optant filios post se relinquere, quare, 301, 1.
Parius est marmor candidum ex insula Paro, 362, 2.
Parricidiorum aliquot exempla ob incestum Cleopatræ, 488, 2.
Parthenim quale nomen, 361, 2.
Parthopersæ feminis convivia et virorum aspectum interdicunt, 363, 1.
Passer subinde pro qualibet ave ponitur, 273, 2.
Passiones animi consilio et patientia debellandæ, 450, 2. passionis Christi seria meditatio est funis quo ligetur dæmon ne nobis noceat, 299, 1. passio animi per sympathiam redundat in corpus, 277, 1, 2.
Pastophoria erant cubicula sacerdotum annexa templo, 432, 2.
Pastores seduli current salutem Ecclesiæ et animarum exemplo Christi et Nehemiæ, 230, 2.
Pater familias erat sacerdos in ordine ad immolationem agni paschalisi, 185, 2.
Pathar Hebraice, Chaldaice, etc., quid significet, 502, 1, 2.
Patientiæ exempla duo sunt Tobias et Job, 273, 1. patientiæ actus heroicus est in adversis Deo gratias agere, *ibid.* ejus præmium est et coronis ut novam passionem provocet, 276, 1. patientiam probat tentatio et tribulatio, 305, 2.
Patria voce loqui quomodo intelligendum, 531, 1.
Paucis multa complecti magni viri et profundi ingenii, 307, 1.
Pauli Fagii Lutherani error, dicentis librum Tobie non esse veram historiam, 265, 2.
Paulus (S.) Apostolus fuit Azarias, 290, 1.
Pauperes quomodo juvandi, 284, 2. in pauperes quæ con-

- feruntur non pereunt danti, *ibid.* in pauperes olim ad agapen convocatos quid erogaretur, 286, 1, 2. pauperes in quo se solari queant, 287, 2.
- Pavimento (in) prandebant et coenabant Persae, 362, 2.
- Paxillum (per) intelligitur modica firmitas, symbolice principes et magistratus e gente Judaica, 224, 1, 2.
- Peccatum Ochozia morte punitum, 3, 2. peccatum duorum quinquageniorum igne de celo punitum, 4, 1, 2. peccatum puerorum exprobrantium Eliseo calvitem, 12, 2. idolatria regum Israel, 15, 2. peccatum Giesi lepra, 29, 1, 2. schisma Samariae fame, 34, 1. incredulitas ducis in Samaria morte, 36, 1, 2. peccata Benadad regis Syriae morte, 38, 1, 2. Achabi morte filiorum, 45, 1. idque congrue in cophinis ad exemplum aliorum, *ibid.* Jezabelis peccata 43, 2. Athaliae parricidia et ambitio, 50, 1. Joas regis Juda peccata, 53, 1, 2. Joas regis Israel, 55, 1. Amasis idolatria, 58, 1. confidentia in homine regis Achaz, 65, 1. idolatria tribus Juda, 73, 2. et perfidia Sennacherib, *ibid.* Amon praefidentia, 80, 1, 2. peccatum Joas regis Juda gravissime punitum, 175, 1, 2. blasphemia Sennacherib, 189, 1, 2. inobedientia Josiae, 195, 2.
- Peccata nostra Deus punit citra condignum, 278, 1. peccata abundant ubi ardet libido, 280, 1. nulla sunt, nec fuerunt, nec esse poterunt sine superbia, 285, 2. inter peccata ita constricto ut nullus omnino sine peccato evadendi aditus pateat, quid agendum, 293, 2. ob peccata urbes et regna pereunt, 326, 1. peccatum non est peccato superandum, sed virtute, 365, 2.
- Peccatorum preces parum valent apud Deum, 286, 2. cum iis non conversandum, *ibid.* peccatoribus Dei vindicta timenda, 326, 1. peccatores subinde castigat Deus per Angelos bonos, 511, 1.
- Pecuniae summa 2400 millionum a Davide Salomoni relicita ad templum aedificandum, 127, 1, 2. cui Salomon multa addidit, 128, 2.
- Pecunia aulici corrupti, 516, 2.
- Pedicularis morbus. — *Vide* Phtiriasis.
- Pediti pro stipendio olim dabantur duo oboli, 426, 2.
- Pelagiae (S.) se cum matre et sororibus in flumen injicentis elogium, 338, 1. S. Pelagiae virginis ne castitatis sua pateretur dispendium factum memorabile, *ibid.*
- Peleus jactavit se maritum Thetidis, 499, 1.
- Pelopidas iturus ad conflictum, quid uxori ut vita sua caveret obsecranti, responderit, 457, 1.
- Pentecoste (in) praecipue vacandum est operibus charitatis, cur, 272, 1.
- Penuria saepius quam pugna consumit exercitum, 323, 2.
- Peregrinis olim ab Hebraeis aliisque gentibus mutabatur nomen proprium in aliud gentis cui inserebantur, 208, 1, 2. peregrinus ab hostibus invasus per S. Raphaelem liberatus, 282, 2. peregrini antequam peregrinentur, et post adeant templum, Deumque invocent exemplo Tobie et aliorum, 303, 1.
- Perfectus est qui in adversis Deo gratias agit, 274, 2.
- Perillus in bovem aeneum quem Phalaridi suggesserat, primus injectus fuit, 382, 2.
- Persae solem ut numen suum colebant, 205, 2. terram et aquam a sibi subjugandis petebant in signum servitatis, 320, 2. foedum apud eos habebant feminam aliquam intactam relinqu, 343, 2. etiam matribus et filiabus permiscentur, *ibid.* prolixam comam alunt, 345, 2. Persarum principes quam essent gravitatis et majestatis amantes, 350, 1, 2. prandebant et coenabant in pavimento, 362, 2. priscorum Persarum frugalitas, *ibid.* apud eos lege cautum erat ne amphorae ad convivia importarentur, 363, 1. ipsorum leges permittebant regem semel in anno inebriari, 364, 2. Persae mulieres sunt ceteris pulchriores, *ibid.* Persae sorores suas ducebant in uxores, *ibid.* sunt in uxores feri, 365, 2. solebant alienigenis, cum in urbem vel aulam esciserentur, mu-
- tare nomina, 368, 2. ipsis ascribitur unguenti et ungendi usus, 369, 2. Persae mulieres plus aequo sunt ornatus studiosae, *ibid.* nefas est apud Persas regem in convivio quidquam abnuere, 377, 2. egregium eorum institutum de excitando rege ad negotiis regni invigilandum, 379, 1. exacte in annalibus et diariis consignabant beneficia in reges suos collata, *ibid.* Persarum regum series, 202, 203. habebant septem summos principes et consiliarios, 221, 2. eorum pietas, *ibid.* bibebant vinum e Syria adiectum, 232, 2. mira eorum superstitione de non bibenda alia aqua quam ex Chonspae fluvio, 233, 1. hyemem transigunt Babylone, ver Susis, aetatem Ecbatanis, 361, 1. ante cibum de modestia, ante potum de temperantia disputabant, 362, 2. sub specie majestatis regis persona occulitur, 363, 1, 2. reges Persarum voluerunt adorari ut dii, 372, 2; 379, 2. quidam ex ipsorum ministris appellabantur regis aures et oculi, *ibid.* regis litterae et decreta erant irrevocabilia, 384, 1. magnam imo divinam majestatem praesebant, 400, 2. annulo donari a rege signum erat amicitiae, 384, 1. Persarum reges aurum voluerunt sibi esse proprium, 473, 2. quomodo singulis suis uxoribus civitates attribuerunt, 516, 1. Persae milites utebantur purpura partim ad ornatum, partim ad tegendum vulnera, 432, 1. Persae ignem colebant ut deum, 502, 1. plura tempora igni extruxerunt, *ibid.*
- Persepolis eadem est civitas quae Elam sive Elymais, 540, 1.
- Perseus Macedonum rex a Romanis in triumphum ductus, 450, 2.
- Petasus diversa significat, 514, 1.
- Petroselinum unde sic dictum, 362, 1. melius nascitur inter petras, *ibid.*
- Petrus (S.) sibi ecclesiam dedicavit Londini in Anglia, 434, 1.
- Pharao fuit nomen commune Aegyptiorum, 214, 1.
- Phathahia jurisperitus constitutus ab Artaxerxe ut cum Nehemia causas litesque populi decideret, 255, 2.
- Philippi II Hispaniarum regis regia gravitas percellebat accedentes ad eum, 399, 2.
- Philippi patris Alexandri Magni, de duce belli sententia, 438, 1, 2.
- Philippus Pulcher rex Franciae unde sic cognominatus, 368, 1. Philippo Pulchro Franciae rege instigante, extincti sunt Templarii, 434, 2.
- Philonis error dicentis stirpem Salomonis defecisse in Ochozia, 50, 1.
- Philosophi coevi Judae et Simoni Machabaeis, 405, 2. plurimi; qui audita Alexandri Magni morte ad funus accurrerant, gnomae, 413, 1.
- Phtiriasis, sive morbi pedicularis causa et effectus, 540, 1. quinam ea puniti, *ibid.*
- Phul cum Arbace capit Niniven et dividit monarchiam Assyriorum, 62, 2. vocatur in auxilium a Manahem, *ibid.*
- Phur an sit vox Hebreæ, an Persica, 930, 2. idem est quod sors, a qua dictum est festum Phurim, *ibid.* et 2.
- Phurim dies Persis fuere Judæis dies phurim, 387, 2. mystice sunt dies passionis Christi, et dies judicii, 388, 1.
- Pietas Judæi Machabæi, 431, 1. pietas regum gentilium, 221, 2. et primorum Christianorum, 328, 2. item Judithæ, 348, 1. et Estheris, 375, 2.
- Pigmenius (S.) in cœcitate Deo gratias agit, 274, 2.
- Pii V Pontificis laus, 162, 2. pii aliquando principes frustrantur eventu, quia impiorum opera utuntur, 168, 2.
- Pii in adversis constituti excitantur et roborantr, si cogitent Deum delectari nostra fortitudine et gaudio in adversis, 248, 2.
- Piscium porta Jerusalem quare sic appellaretur, 237, 1. piscis Tobiae quis, 291, 2; 292, 1. pisces amant aquam dulcem, adeoque in fluviis sepe reperiuntur marini,

- 292, 2. *piscis* per Tobiam occisus diabolum significat ,
293, 1. et Christum, *ibid.*; 303, 2.
Plato quid censuerit de anima in morte corporis, 310, 1.
Plausus saepè vertitur in planetum in hoc mundo, 459, 1.
Plautus poeta coævus Judæ, Jonathæ et Simoni Machabæis,
405, 2.
Pœnitentia etiam non stabili placatur Deus, 155, 2.
Pœnitentiae definitio , 227 , 1. includit spem remissionis
peccati , *ibid.* seria Deum laudat et glorificat , 228, 1.
pœnitentiae publicæ vis et usus, 324, 1. pœnitentia Ju-
dith qualis, 332, 2.
Pœnitentes, quia facti, non exauditi , 541 , 1. 2. pœnitent-
tium qualis debeat esse sensus et oratio, pudor et con-
tritio, 223, 1. 2. non pœnit qui non habet spem ve-
niæ, 227, 1. pœnitentis tria symbola, 251, 1.
Poetarum de Titanibus fabulæ, 354 , 1. 2. item de sole ,
391, 1. poetæ coævi Judæ et Jonathæ Machabæis, 405, 2.
Polenta est farina hordeacea, 338, 1.
Pollex , digitus sic dictus quod cæteris virtute polleat ,
482, 1. eo elevato vel suppresso, solebant prisci victoriam
alicui annuere vel abnuere, *ibid.*
Polluto templo per necem Zachariæ , desinunt oracula ,
175, 2.
Polygamia olim apud reges usitata; etiamnum Turcis, Ara-
bibus, Indis familiaris est, 370, 2.
Pompeius quomodo Judeam Romanis subjicerit, 452, 2.
ejus tessera belli, quæ, 538, 1.
Pontificatus Judeorum deficientibus legitimis heredibus
devolutus est ad Mathathiam, 517, 1, 2.
Pontifices erant 24, sive Principes sacerdotum quibus
unus summus Pontifex præerat, 131, 1, 2.
Pontifices in lege veteri erant milites, 425, 1, 2.
Popilius (P.) legatus Romanus cur ad Antiochum Epipha-
nem missus, 414, 2.
Populus nil ita ad seditionem concitat ac legum patria-
rum et religionis avitæ eversio, 427, 1. populus fidelis
et pius vilipenditur ubi sacerdotes vilipenduntur, 428, 1.
Porcinam carnem edere recusantes excarnificantur , 523 ,
1, 2. eam edere in lege veteri fuisse peccatum mortale ,
ibid.
Porta vallis duplex fuit in Jerusalem, 234 , 1, 2. erant in
ea portæ duodecim, 236, 2. portæ gentibus erant sacrae ,
ibid. 1. portæ, quod per eam onera importentur et ex-
portentur, sic dictæ , 261, 1. aliud etymon, *ibid.*
Portenta in acre per angelos effecta tempore Antiochi Epi-
phanis, 518, 1, 2. item cum Titus ob sideret Jerosolymam ,
et Longobardi invaderent Italiam , *ibid.* item in
Belgio quid portenderint, 519, 1. an fiant naturaliter ,
ibid.
Possidonus Philosophus coævus Judæ aliquisque Machabæis ,
405, 2.
Potestates angelicæ imperium suum in dæmones exercent ,
282, 2.
Præceptum militare est configere cum hoste in terra hos-
tili, 477, 1.
Prædicationi dum insistitur, altera manu gladius mortifi-
cationis tenendus, cur, 239, 1.
Prælatis quid in Christo et Nehemia imitandum sit, 230, 2.
Prælium est res periculosissima, 457, 2.
Præputii reductio cuius rei symbolum, 414, 1.
Præsidia (post) divina, adhibenda quoque sunt humana ,
428, 2.
Præsumptio sui ipsius nociva, 328, 1.
Prævaricari in Scriptura est rebellare et rebellionem con-
citare, 474, 1.
Presbyter vocatur senior, sive sacerdos, sive laicus, 328, 1.
Pridie Mardonie, festum apud Judæos, 448, 2.
Primitiæ martyrum novi Testamenti fuit S. Stephanus ;
veteris Eleazarus, 524, 1, 2.
Principes patrum sunt principes familiarum, 207, 2. prin-
cipes salutem Ecclesiæ sedulo current, 230, 2. animum
- suum nemini, aut paucis aperiant, 305, 1. populos sibi
commissos circumveant et visitent , exemplo Eliachim ,
324, 2. principibus Assyriorum solebat præferri ignis ,
322, 1, 2. principes noctu vigilent , exemplo Assueri ,
379, 1. magnorum potentiam et insolentiam non me-
tuant, exemplo Estheris, 384, 2. accusatoribus non facile
credant, 401, 1. princeps bonus subditos amat quasi fi-
lios , 442 , 1. eis fidat potius quam externis , exemplo
Alexandri Magni, 473, 1.
Principum officia, 8, 1, 2.
Privilegia tria quæ Tobias senior accepit a Salmanasar
rege, 270, 2.
Probi cur affligantur, 305, 2; 306, 1.
Proci rivales sape se mutuo occidunt, 294, 2.
Proficiscentes in Terram sanctam cur cruce insigneantur ,
565, 2.
Prophetæ habentur insanii ab idololatriis, 42, 1.
Prophetarum ultimi fuerunt Zacharias et Malachias; nulli
fuerunt tempore Machabæorum, 433, 1.
Prophetæ donum majus est conscribere sacros libros ex
Beo quam futura prædicere, 201, 1.
Proœstus erat locus orationis et concionis apud Judæos ,
328, 2; 330, 2.
Prostratio signum est humilitatis, cur, 335, 1.
Providentia Dei quomodo Israeli consuluerit, 492, 1. pro-
videntia est prima dos regis ad rite gubernandum, 216,
1. providentia divina erga Judæos in templi restaura-
tione, 217, 1. item erga Tobiam et Saram , 278 , 2. et
erga Tobiam patrem fugientem excidium Ninives, 311,
1. providentia Dei erga Estherem, 390, 1, 2; 391, 1.
Provinciæ filii quinam dicerentur, 209, 1. per Provinciam
olim intelligebatur Babyloniam , sicut nunc per Urbem ,
Roma ,
Proximo non faciendum quod tibi fieri nolles, 286, 1.
Prudentiæ propriæ non innitendum, 287, 1. prudentia bel-
lica Judithæ, 349, 1, 2. prudentia est prima dos regis
ad rite gubernandum, 216, 1. prudentia militaris in co-
hibendo milite a spoliis, 431, 2.
Psalmus nonus et quadragesimus tertius quando compo-
siti, 418, 1. non omnes psalmos composuit David, sed
Asaph etiam aliquos, 184, 2.
Ptolemæo (a) Lagi rege Ægypti cæteri vocati sunt Ptole-
mæi, 393, 1.
Ptolemæorum qui post Alexandrum Magnum in Ægypto
regnarunt series, 407, 1, 2.
Ptolemæus Abobi dux in campo Jericho, occisor Simonis
Machabæi, 492, 1, 2.
Ptolemæus Macer, quis : cur dignitate sua et vita spolia-
tur, 544, 1, 2.
Ptolemæus Philometor rex Ægypti, Syriam Alexandro ge-
nero suo eripere satagit, 471, 1. sed justo Dei judicio
amisit Ægyptum, *ibid.* 2. ejus etymon, *ibid.*
Ptolemæus Philadelphus e Judæa septuaginta Interpretes
evocavit, 505, 2.
Ptolemæus Philopator quis , et unde ita cognominatus ,
ibid.
Ptolemæus Physcon vel Evergetes crudelis et incestus ,
489, 2. dicebatur frater et maritus, et gener Cleopatræ ,
ibid. corpus filii sui in membra divisum matri inter
epulas misit, *ibid.* fratri illiberi defuncto in regno suc-
cessit, 38, 2.
Ptolemenses indigne ferentes Antiochum Eupatoris cum
Juda pacem iniisse sedat Lysias, 557, 2. erant Judæo-
rum hostes, *ibid.*
Pudicitia a gentilibus matronis morti prælata, 322, 2. et
a virginibus Christianis , 337, 2. pudicitia cum libidine
duellans picta, 351, 2; 352, 1.
Puella pro castitate servanda quantum sobrietati studere
debeant, 332, 2.
Pueris papilioes insequentibus comparantur appetentes
honorem hujus mundi, 378, 1. pueri et puellæ quadam

tormentorum aceritate et varietate superarunt martyres viros, 533, 1, 2.
Pueritia sit senilis, senectus puerilis, 269, 2.
Pugna cum resolutis et desperatis periculosisima, 432, 1.
Pulchritudo Judithæ Holofernem excitavit ad luxuriam :
B. Virginis, eam intuentes ad castitatem, 346, 1.
Pudi birundinum versantes inter parentum stercora occultantur chelidonia, 273, 2.
Pulsus campanæ ab Ecclesia benedictæ quomodo fuget dæmonem procellas excitantem, 298, 1.
Purgatio templi per Judam Machabæum facta, 432, 433,
497, 1. contigit ante mortem Antiochi Epiphanis, 543,
1, 2.
Purgatorium credidit Judas Machabæus et Judæi tam prisci quam moderni, 554, 2. idem astruitur, *ibid.*; 287, 2.
ab ejus cruciatibus liberat sacrificium, 554, 2; 555, 1.
in purgatorio existentes animæ an invocandæ, 564, 2.
Purificatio apud veteres fiebat per sulphur et ignem, 502, 2.
Puritas est comes veræ religionis, 414, 1. puritas Saræ Raguelis filiæ, 281, 1. puritas corporis admonet puritatis animæ, 343, 1.
Purpura marina fit ex succo conchiliorum marinorum, 432, 1. ea quæ fit ex violis aliisque herbis pallet, *ibid.*
purpura Tyria est ardens et quasi ignea, *ibid.* purpura apud Romanos, alia erat consularis, alia regia, 451, 2.
Duplex versis dicebantur templa igni exstructa, 502, 1.
Pyrrhus rex, primus contra Romanos in Lucania elephantes eduxit, 442, 2.

Q.

Quadrati geometrici omnia latera sunt æqualia, 317, 1.
Quia aliquando sumitur ut sit particula redundantis ; aliquando pro tamen, 325, 1.

R.

Ra, id est malum, tam pravitatem et malitiam, quam tristitiam et afflictionem significat, 233, 1.
Rabbinorum de Vasthi obscena commenta, 364, 2. item de Aman, 372, 1; 378, 2; 380, 2.
Rages civitas metropolis ac regia Medorum, 278, 2. ubi sita, 289, 1. an fuerint duæ civitates appellatae eodem nomine, 300, 1. quid significet Græce et Hebraice, *ibid.*
Raguel pater Saræ laudatus quod vitia filiæ suæ eam penteñti non celarit, 296, 2.
Raphael Angelus, quis et qualis : ejus etymon, 281, 1, 2. est Dei medentis vicarius et minister curationis, *ibid.* de eo est Missa pro ægrotantibus et peregrinantibus in Romano Missali, *ibid.* mystice est Jesus Christus, 282, 1. ex qua hierarchia sit, *ibid.* est præses ægrorum et itinerantium, *ibid.* 2. non fuit custos Tobiae, *ibid.* est præses castitatis et castorum tutelaris, *ibid.* et 347, 2. item viarum et viatorum, 288, 1, 2. multis se viæ ducem obtulit, *ibid.* quo sensu sit Israelita, *ibid.* et 289, 1. mira ejus dignatio ac demissio, *ibid.* an dicendo se esse Azariam Ananiæ Magni filium verum dicat, *ibid.* 2. fuit typus Christi et Apostolorum, 290, 1. est rex Angelorum, et propheta, *ibid.* 2. cur vocarit se Azariam, ac cum Tobia comederit et biberit, 293, 1. ipse fugavit Iæmonem non solum ex domo Raguelis, sed ex tota Media, *ibid.* an recte potuisse se vocare Nephtalitam, 298, 1. quomodo religarit Asmodæum in deserto, 298, 2. ejus septem beneficia quæ præstítit Tobiae, 304, 1. est unus e primis angelis qui proxime assistunt Deo, 306, 1. quomodo dicat se astare Deo, *ibid.* 2. vere non comedit, 307, 1. ipsi ab aliquibus assignatnr decus victoriæ Judithæ, 347, 2.
Raphaim sunt gigantes vastissimi et robustissimi, 355, 2.
Razias qualis vir, 560, 2. trina morte se confecit, *ibid.* an occidendo se peccarit, *ibid.* et seq. excusatur a peccato

per ignorantiam, 561, 2. hac supposita, heroicus fuit ejus actus, *ibid.*
Reditus Hebræorum e Babylone in Jerusalem fuit letissimus, 211, 1.
Reges non invadant sacra 179, 2. reges qui multos habent æmulos omnia tuto timent, 233, 1. secretum suum et animum nullis aut paucis pandant, 305, 1. eorum consilia, præsertim de subjugandis aliis regibus, sint secreta, 320, 4. eis olim lampades accensæ sive ignes præferebantur, 322, 1. reges Persarum aliasrumque gentium per cortinas loquuntur et dant responsa, 350, 2. neque se conspicí sinunt, 365, 1, 2. reges multi ut dii adorari voluere, 372, 2. reges noctu vigilent, maximisque reipublicæ negotiis invigilent, 379, 1. acta sua recognoscant et relegant, *ibid.* non metuant magnorum potentiam, sed premant et calcent, 381, 2. regum majestas percellit accedentes ad eam, 399, 2. regum cor est in manu Domini, *ibid.* reges prisci nonnulli volebant haberi quasi dii terrestres ac proinde cum deabus conjugia inire, 499, 1, 2. regibus, cum inaugurantur, datur gladius, cur, 565, 1, 2. a gentilibus referebantur in numerum deorum, 548, 2. rex ille contra quem dimicarunt Judæi quis intelligendus, 498, 1. Reginæ aliquot quæ Judithæ nomen et cum nomine virtutis imitationem ambivere, 356, 1, 2.
Regiones Judæorum hic vocantur provinciæ ultra Taurum montem sitæ, quas Antiochus coactus fuit cedere Romanis, 451, 1.
Regna terrena parvipendenda, 179, 2. regnum Assyriorum deficit in Assaraddon, 195, 1, 2. in Merodach incipit regnum Chaldæorum, *ibid.*
Regnandi libido nihil non molitur, 370, 2.
Reis qui olim ad mortem duecabantur, velabantur oculi, cur, 382, 1. ac hodie capite multitudinis, *ibid.*
Relatio inter deos fiebat olim in funere Regum et Imperatorum, 548, 2.
Religio observata, felicia regna, neglecta facit infelicia, 177, 2. religionis veræ comes est puritas et castitas; falsæ, impuritas et libido, 414, 1. religio si vera et orthodoxa, expedit ut sit una in regno aliquo; si falsa, expedit esse plures, 415, 1. religio potior est sanitate et vita, 420, 1. religionis avitæ eversio concitat populum ad seditionem, 427, 1. religio sepulcri quanta, 233, 2.
Religiosus magnæ virtutis potest versari in aula, 14, 1. religiosi mali et se et aulas perdunt, *ibid.* 2. religiosus debet se omnibus accommodare, 22, 2. religiosi pro salute animarum sint solliciti exemplo Christi et Nehemias, 230, 1, 2. antequam peregrinentur templum adeunt, 303, 1.
Reliquiæ. — *Vide Lipsana.*
Remedia efficacissima victoriam obtinendi, 545, 1.
Remissius agere hic quid significet, 552, 1.
Renes sunt sedes concupiscentiæ, 419, 1.
Resolutio facit milites imperterritos, animosos, etc., 432, 2.
Resolutis (cum) hostibus pugnare periculosum, *ibid.*
Resurrectio corporis cum immortalitate animæ necessario connexa, 554, 2. plenissima est omnis elegantia, pulchritudinis et gloriæ, *ibid.*
Rhodocus quidam hostibus arcana prodit, 557, 1.
Ritus consecrandi et benedicendi vexilla et arma Ducum, 565, 1, 2. et consecrandi militem, *ibid.* ritus parentalis ferendo epulas ad sepulcra defunctorum sublati, cur, 286, 2. ritus adorationis Persicæ, 373, 1. ritus Judæorum crucem ligneam in contumeliam Amani circumferentium, cur sublati, 389, 1, 2.
Roma quando condita, 63, 1. Roma ab olim et nunc est in suos vicos distributa, 237, 2.
Romani negarunt Judæis potestatem necis in prævaricatores, 221, 2. eorum disciplina vetus de annona ad usum totius anni in plerisque oppidis condenda, 323, 2. Romanorum Judicum in reum feralis sententia, 33, 1, 2.

Romani quo stratagemate victi in Annibale, 430, 1. cur Galatas bello appetivere, 450, 1. quomodo subegerint Hispaniam, *ibid.* 2. et Carthaginem, *ibid.* 2. et Macedoniam cum rege Perseo, *ibid.* item Antiochum Magnum, 451, 1. et Græcos, *ibid.* in periculis creabant unum dictatorem, alias duos consules, et quæ tunc essent illorum munia, 451, 2. eorum clavis Cannensis quæ causa, *ibid.* apud primos Romanos nulla erat invidia, sed in posteris, *ibid.* quibus mediis rem publicam magnam fecerint, 452, 1. cur gentium jura et numina non mutarent, 452, 1, 2. leges suas et foedera scribebant in tabulis æreis, cur, *ibid.* eos perdidere græcanicæ deliciae, 472, 2. scribunt Ptolemæo Physconi ne crudelitatem suam in Judæos exerat, 489, 2. et alii, 490, 1. eorum nomen erat formidabile apud omnes, *ibid.* supplicibus facile aderant; quæ fuit causa eorum potentiae, 549, 2.

Romulo (a) fundatore dicta est Roma, 549, 2. hic primo statuit centum Senatores, 451, 2.

Roph, id est medicus, etc., 281, 2.

Ros Hebraice et Chaldaice est caput, 206, 1.

Rupertus visione celesti ad sacerdotium invitatus, 22, 1.

Rustici Hispani non arant nisi gladio accincti, 239, 1.

S.

Sabbati violatio punita per captivitatem Babylonicam, 197, 1. sabbati summa veneratio, 261, 1. sabbati summa apud Judæos religio, 420, 1. eo die pugnare Judeis illictum, *ibid.*

Sacerdotes in lege veteri erant milites, 425, 1. cur eis additus fuerit et pontificatus, *ibid.* erant quasi laniones in mactandis ovibus et boibus Deo immolandis, *ibid.* sacerdotes, avidi gloriæ et Judææ æmuli, cœduntur, 439, 2. cur exciso per Chaldaeos altari ignem sacrum abscondent, 502, 1, 2. sacerdotum erant viginti quatuor classes, 522, 2. sacerdotes novæ legis versantur circa corpus Christi in Eucharistia consecrandum, 425, 2. decet eos esse mansuetos et piis, *ibid.* sacerdos Urim et Tummim indutus mystice repræsentabat Christum, 210, 2. sacerdotes in cura Ecclesiæ et animarum imitentur Christum et Nehemiam, 230, 2.

Sacerdotium in lege veteri erat rude et carnale, 425, 1. novæ legis est longe sublimius et sanctius, *ibid.* 2.

Sachan idem sonat quod habitare, 281, 2.

Sacra vasa quando liceat distrahere, 53, 2.

Sacrificium pro defunctis sanctum est ac pium quadrupliciter, 554, 2.

Sagæ quomodo per certas herbas et signa maleficii pueros et bestias occidunt, 293, 1.

Sal notat convivium, cur, 215, 1. sal olim seminabant cum locum aliquem desolare vellent, *ibid.*

Salaria via Romæ a sale nomen accepit, 472, 2.

Salarium dictum est a sale, 215, 1. salarium et stipendium militare dictum a sale, 472, 2.

Salisburgi princeps opes suas ex sale colligit, 465, 1.

Salmanasar quando decem tribus duxerit in Assyriam, 266, 2; 269, 1, 2.

Salomon quando potuerit instituere piam aliquam formulam ejiciendi dæmones, quando non, 298, 1. an ei vere ascribantur exorcismi dæmonum per radicem *baraas*, *ibid.* ejus thronus duobus leonibus stipatus mystice explicatur, 347, 2. de solio ejus fabula, 361, 2. Salomon sapientissime imitatus est Moysen, 503, 2.

Salomonis libri de plantis etc., sublati per Ezechiam, secundum Anastasium Nicænum, 72, 1, 2. secunda Salomonis unctio fuit publica, 140, 1.

Salus metonymice capititur pro victoria, 425, 2. Hebreis significat omne beneficium et bonum, 432, 1. salus Israeli prædicta, 533, 1. salutem civium prodit, qui hostes captos vel capiendo dimittit, 544, 2.

Salvum conductum petit Nehemias ab Artaxerxe et impetrat, cur, 234, 1.

Samaritanorum stolida et stulta idolatria, 70, 2. eorum inconstantia, *ibid.*

Samaritas perpetuos Judæorum hostes cur Judæi noluerint habere socios in reædificatione templi, 213, 1. corruerunt consiliarios Cambysis ut templi fabricam impedirent, *ibid.*; 214, 1.

Samsonem transformarunt gentiles in Herculem, 427, 2. concussis columnis cur domum everterit, 443, 2. per suam Dalilam effeminatus fuit et spoliatus fortitudine, 560, 1.

Sanaballat Horonites aliis a Sanaballat socero Manassis primi Pontificis Samaritanorum, 234, 2; 261, 2.

Sancti refutant munera, 26, 1, 2. vident absentia, 29, 2. etiam mortui nos juvant, 55, 1.

Sancti cur permittantur a Deo affligi, 275, 1, 2; 305, 2. hi in adversis Deo gratios agunt, 274, 2. spes gloriæ futuræ eis est stimulus ad virtutem, 275, 2. pro beneficiis maleficia accipiunt ab amicis, 276, 1. olim per panem aut oleum a se benedictum ab energumenis expellebant dæmones, 298, 1. in mundo tanquam in exsilio vivant et moriantur, 309, 1. sanctis quibusdam eximiis Deus lucem et fulgorem afflavit, 337, 2. eorum gaudium in celo est festum Phurim, 388, 1. in die judicii inimicos suos gladiis punient, *ibid.* 2. sancti pro piis pugnant, 426, 1. possident cœlum consilio, terram patientia, 450, 2. eos invocare tutius est quam animas in purgatorio, 564, 2.

Sanctificare, pro rem sanctam offerre sumitur, vel etiam pro rem sanctam ostendere, 259, 1.

Sanctimonialis quædam oculos sibi erutos misit ad adolescentem specie oculorum suorum captum, 275, 1.

Sanctiones et leges Dei vocantur justitiæ et justificationes, cur, 415, 2.

Sancto (in) et Sancto sanctorum quænam collocata fuerint, 433, 1, 2. Sanctum sanctorum vocatur ædes, *ibid.*

Sanguis cur ostenderetur elephantis in prælio hominum, 442, 1. sanguinis esus et potus Judæis sub poena mortis vetitus, 340, 2.

Sanitatem (ad) bibere et ad id cogere tyrannicum est, 363, 2. et insania, *ibid.*

Sapiens qui cupit esse, paret se ut videatur, 270, 1. sapientes etiam in propriis cœcutiunt, 274, 1, 2. sapientia dant consilia, 275, 1.

Sara Hebraice idem est quod dominans et domina, 279, 2. quam ægre tulerit convicia ei ab ancilla objecta, 280, 1, 2. oratione triduana quid impetrarit a Deo, *ibid.* 2. ejus continentia et puritas, *ibid.* 281, 1. an habuerit Asmodæum incubum, 294, 1. cur eam tot sponsi ambierint, nec posteriores sapuerint exemplo priorum, 296, 1, 2.

Saraias pater Esdræ, occisus in excidio Jerusalem, 200, 2; 202, 2.

Sardanapalus ab Arbace Mediæ præfecto obsessus, cur, 314, 2. filios suos misit in Paphlagoniam ut hostem effugerent, 317, 2.

Sartago in qua olim martyrum corpora frigebantur, qualis, 526, 2.

Sassabasar idem est qui Zorobabel, 207, 2.

Satar est recipere, etc., 368, 2.

Saturus (S.) procurator Hunnerici regis Ariani, ab uxore sollicitatus ad Arianismum quid responderit, 276, 2.

Scaligeri sententia fabricam templi intermissam fuisse usque ad secundum annum Darii Nothi refutatur, 215, 1, 2.

Scenopegiae festum quomodo dictum festum Encæniorum, 497, 1. proprie erat festum Tabernaculorum, *ibid.* — Vide Festum.

Sceptrum (per) Assueri mystice repræsentata B. Virgo, 377, 1.

- Schismate (pro) tollendo et cavendo scribunt Judei epistolam,** 496, 1, 2.
Scipio Romæ cur ita appellatus, 301, 1.
Scipio Africanus ejusque pater et patruus præclara gessere in Hispania, 450, 2.
Scipionis Asiatici contra Antiochum Magnum victoria quanta, 451, 1.
Scribæ quinam olim dicerentur, et quod eorum officium, 220, 1, 2; 384, 2.
Scriptura sacra a mendo defenditur contra aliquos doctores Catholicos, 160, 1, 2. **Scriptura sacra quomodo Deo det oculos, aures, etc.,** 217, 1. subinde se conformat sensui vulgi, 231, 2; 239, 1. quid ei sufficiat in recensendo alicujus genealogiam, 332, 1. sepe lumen et flumen combinat, 390, 1. ejus lectio est funis quo dæmon ligetur ne nobis noceat, 299, 1. **Scriptura sacra per gladium aureum denotata,** 566, 1. **cur in his libris narret casum Ptolemai Macri,** 544, 2.
Scytopolis, quæ et Bethan, ubi sita, 477, 2.
Seabbiرون sonat idem quod cui est fortitudo, 443, 2.
Sebastianus (S.) quo dilemmate S. Marcum et Marcellianum vacillantes in fide corroboravit, 530, 1.
Secreto (a) pendet felix rei executio, 305, 1.
Sedecias nomen suum accepit a Nabuchodonosor, qui ante vocabatur Matthania, 89, 2. **juste ab eodem damnatur,** 90, 1.
Seditionem (ad) nihil ita concitat populos ac legum patriarum et religionis avitæ eversio, 437, 1.
Seleucidarum post Alexandrum Magnum in Syria regnantium series, 405, 1, 2.
Seleucus anno duodecimo a morte Alexandri regem Asiæ se fecit, ibid. et 413, 2. condidit Antiochiam, 444, 2.
Seleucus Philopator dolo Heliodori occisus, 413, 2; 509, 2. fuit filius Antiochi Magni et frater senior Epiphanis, ibid. beneficus in templum Jerosolymitanum, ibid.
Sella est quasi sedile sedentis in equo, 379, 2.
Semaia sacerdos de vico Dalaiae, 243, 1. pretjo subornatus a Sanaballat ut Nehemiam populo exosum redderet, ibid. 2.
Senatores Romani purpura toga ornabantur, 451, 2. **Senaturum numerus varius,** ibid.
Senatus olim erat consilium senum, 521, 1.
Senectus portus, non naufragium vitæ superioris esse debet, 523, 2. **senectus debet esse puerilis, et pueritia senilis,** 269, 2. in senectute plena, pia ac honorata mori exterrum hujus vitæ bonum, 311, 1, 2.
Sennacherib perfidia punita, 73, 2. cum exercitu non periit, quia servatus ad maiores plagas, 189, 1. **cur a filiis interfectus,** 190, 1.
Senum est sapientia et prudentia, 523, 1, 2.
Sepeliri debent cæsorum corpora, 553, 2. sepeliendo corpora mortuorum protestamur fidem et spem resurrectionis, virtutique Sanctorum et Martyrum magnus defertur honos, 273, 1.
Sepher idem est quod liber, 415, 1.
Septuaginta interpretes nequeunt esse auctores Græcæ editionis libri Machabæorum, 404, 1.
Sepulcrum a Simone Machabæo in Modin ædificatum quale, 481, 1. duravit usque ad tempora S. Hieronymi, ibid. sepulcrorum religio et cura quanta, 233, 2. eorum violatio apud omnes gentes gravis injuria et infamia habita fuit, ibid. ea etiam tueruntur Arabes, licet feri et barbari, ibid. sepulcro in eodem sepulti conjuges, 284, 1. sepulcra duorum conjugum ab invicem separata divinitus conjuncta, ibid. sepulcris veteres panes imponebant, cur, 286, 1, 2.
Sepultura est ultimum misericordiæ officium naturæ debitum, 272, 2. per eam protestamur fidem et spem resurrectionis, ac virtuti Sanctorum et Martyrum magnus defertur honos, 273, 1. et insistendo aliqui martyres effecti, ibid. sepultura humana caruit Jason Onie sancti frater, 519, 2. eam negligere vel negare etiam hosti apud gentiles erat ignominia, 553, 2.
Seraphini proxime assistunt Deo, 282, 1.
Series priscorum regum Persarum, 202, 2; 203, 1. et Pontificum Judæorum a captivitate Babylonica ad Alexandrum Magnum, 203, 1, 2. et aliquot regum Medorum, 316, 1.
Series Seleucidarum in Syria, 405, 1, 2. Ptolemæorum in Agypto, 407, 1, 2. item Machabæorum qui populo præfuerunt Pontifices et ut Principes, ibid. item Pontificum ab Alexandre Magno usque ad Christum, 408, 1, 2. et Cleopatrarum, 466, 2.
Sermo ex gravi et exili moderatus, lectoribus gratus est, 567, 2.
Servi sive mancipia cur dicantur corpora, 301, 1.
Servientes Deo sunt inexpugnabiles, 326, 1.
Servitutis (in) signum petebant Persæ aquam et terram, 320, 2.
Severi Sulpitii error historiam Judith ad tempora Artaxerxis Ochi referens, 343, 2.
Sicli quadraginta faciunt quadraginta florenos Brabanticos sive francos Gallicos, 242, 1. siclus valet quatuor julios vel quatuor regales Hispanicos, 466, 1.
Signa in aere belli imminentis prognostica, 518, 1, 2. — *Vide Portenta. Signorum tubæ cur ita dictæ,* 432, 2.
Silentii vis et exempla, 305, 1. silentium a S. Hieronymo viduis commendatum, 332, 2.
Simeonem quomodo laudet Judith quod vindicari stuprum Dinæ sororis, 335, 1, 2.
Similitudo inter adulatores et hirundines, 274, 1. item inter papilionem et honorem hujus mundi, 378, 1.
Simitarræ vocantur gladii breves et recurvi Turcarum, 345, 2.
Simonis Mathathiae filii elogium, 422, 2. fuit ei quarto genitus, ibid. ejus nepotum Hyrcani et Aristobuli contentio de principatu causa fuit subactionis Judææ, 452, 2. dux creatur et pontifex, fuitque per septem annos, 480, 1. redimit Jonatham fratrem captum a Tryphone, ibid. in Modin ædificavit sepulcrum patri et fratribus, 481, 1. arcem montis Sion cepit et communivit, 482, 2. Joppen portum commodissimum constituit, 485, 1. sub eo fuere aurea Israelis sæcula, ibid. 2. ejus progenies præfuit Israeli usque ad Herodem sub quo natus est Christus, 486, 2. summa ejus potestas in Israelem, ibid. cur tam magnifice laudetur in his libris præ Juda et Jonatha, ibid. 2. filios suos loco suo constituit, 492, 1. occisus est a Ptolemæo Abobi, ibid. 2. quo anno, et quot præfuerit Israeli, ibid.
Sinarum reges etiamnum per cortinas loquuntur et responsa dant, 350, 2. neque se conspicere sinunt, 365, 1, 2.
Sion arx quando a Juda Machabæo obsideri coepit, quando capta, 432, 2; 433, 1.
Sitis acrius cruciat quam famæ, 330, 2. siti ubi laboratur, laboratur et fame, 340, 2.
Sobrietas convivis ac conjugibus maxime nuptiarum die ac alias, dum generationi vacant, commendata, 300, 1, 2. per hanc Judith obturcavit caput Holoferni, 343, 1; 349, 2.
Sol bis miraculose steti non ter, 101, 1, 2. Solis equi qui et quale, 84, 1, 2. ablati a Josia, ibid. sol, ita dictus eo quod solus luceat, 270, 1. solem ut numen colebant Persæ, 205, 2. sol radiis suis quasi mitra coronatur, 337, 1, 2. cur vocetur cœli et terræ filius, 354, 1. solis et fontis analogiæ, 390, 2. est quasi oculus cœli, ibid. de eodem Poetarum figura, 391, 1. est signum gaudii et prosperitatis, ibid. ad solem orientem respiciunt aulici, 467, 2.
Solaria descendere olim solebant orantes, cur, 397, 1.
Solio (de) Salomonis fabula, 361, 2.
Solitudo viduarum dos, eisque commendatur, 332, 2.
Sollicitudine Dei et Angelorum pro homine, 282, 2.

Somnium Cyri regis Persarum de sole sibi in somnis astante, 205, 2. aliud quo invitabatur ut ad deos ascenderet, 207, 1. aliud de Dario, 216, 1. somnium Mardochæi fuit ei a Deo immissum, quale illud sit, 390, 1. somnium Olympiadis matris Alexandri Magni de dracone, 392, 1. somnii Mardochæi explicatio, 393, 1, 2. somnium Juda Machabæo de Onia et Jeremia sibi apparentibus, 564, 1. Somnus est quasi brevis mors, 554, 2. Sopher idem est quod Rabbi, 221, 1. Sopherim vocabant Judæi suos doctores, etc., 220, 1, 2. Sors quid sit, 373, 2; 374, 1. sortium festum sive Phurim mystice et ad litteram, 387, 2; 388, 1. per sortes duas Marjochæi et Aman accipitur populus fidelis et infidelis, 392, 1, 2. Spaca Medis est canis, 205, 1. Spartani quomodo legatos Darii Hystaspis terram et aquam petentes excepint, 320, 2. Spartiatæ, qui et quales, 476, 1. an sint prognati ex Abraham per Ceturam, 477, 1. — *Vide Lacedæmonii.* Spei Abbatis per quatuor annos cæci morientis anima specie columbae evolavit in cœlum, 275, 1. Sperare subinde pro timere accipitur, 347, 1. Spes glorie futuræ est stimulus ad virtutem, 275, 2. spes venie est necessaria in pœnitentibus, 227, 1. Spiritus oris, hoc est, dictum et justum, 355, 1. Spiritus S. in die Pentecostes super Apostolos sedens, per ignem sacrum Nehemias missum repræsentatus, 501, 1. 2. quomodo assisteret scriptoribus Hagiographis, 567, 1. Spoliis devicti hostis inhibare multis damnosum fuit, 431, 2. spolia terrena relinquere debent Christiani, *ibid.* Stadium continet centum viginti quinque passus, 434, 2. est octava pars milliaris Italici, 552, 1. continet centum viginti quinque passus, *ibid.* Stercus hirundinis an habeat vim excæandi, 273, 2. sterlus frigidum valet ad caliginem oculorum dispellendum; secus calidum, 274, 1. Sterquiliniæ porta urbis Jerusalem cur sic nominata, 234, 2; 237, 1. Stigmata inusta in honorem idolorum inventa in cadavere Joakim, 197, 1. Stipendium unde dictum, 426, 2. pro stipendio olim dabantur pediti duo oboli, equiti drachma, ordinum ducotori quatuor oboli, *ibid.* Stirps Antiochi Epiphanis funditus excisa, 481, 2. Stratagema natura sua indifferens et ex fine ad quem refertur, malitiam accipit aut bonitatem, 338, 2. Strategi in Græcia habebant jus imperandi alternis diebus, 451, 2. Stratodes adulator Athenis quid promulgarit, 515, 1. Strepitus solebant Judæi precibus miscere, et etiamnum Christiani in triduo passionis Christi, 388, 2. Suffitus ab exorcista adhibendi energumeno, 292, 2. suffitu jecoris callionymi fugavit Raphael dæmonem, 293, 1. Suillæ non comedendæ præceptum exacte servatum, 270, 2. — *Vide Porcina caro.* Superbi humiliantur a Deo, 346, 1. sternuntur et fulminantur, 380, 1, 2. declaratur exemplo Amani, *ibid.* Superbia nascitur ex nimia potentia, 179, 1. superbia est initium omnis peccati, 285, 2. hominem in decorum reddit et ignobilem, *ibid.* multis fuit causa belli, 317, 1, 2. punta fuit in Arphaxad, 318, 1, 2. est mera insania quæ hominem facit quasi titanem, 322, 2. superbium quiescere non sinit, 379, 2. superbia Chosroæ regis Persarum, 400, 2. superbia punita, 542, 1, 2. Superbiens de culpa quam superat, quasi sub hoste quem prosternit, moritur, 444, 1. Supplicibus injuste vexatis facile aderant Romani, 549, 2. supplices olim tenebant genua ejus cui supplicabant, 381, 2. Susa urbs regia regum Persarum ita dicta a liliorum

copia, cur vocetur Castrum, 231, 1; 361, 1. ubi sita, et quis eam condiderit et auxerit, *ibid.* Susan Hebraice est lilium, 361, 1. Symphorianus (S.) audiens matrem clamantem martyr efficitur, 532, 1. Symphorosa (S.) e capillis suspensa filios ad sui imitationem et martyrii æmulationem incitat, 531, 2. fuit similis matri Machabæorum fratribus, *ibid.* Synagogam habebant Judæi loco templi in urbibus majoribus, 328, 2. haec habitantibus extra Jerusalem erat instar templi, 355, 2. Syria pars vel appendix est Judæa, 232, 2. Syria stricte sumptæ caput est Damascus; quas provincias complectatur, 322, 1. Syrorum dea Astarte sive Venus, 513, 2. deus eorum erat Hercules Tyrius, 515, 1. illorum reges singulis uxori bus suis quomodo civitates attribuerent, 516, 1. Syri piscibus abstinent, cur, 553, 1. quomodo solerent proditores sacrilegos et scelestos plectere 556, 1.

T.

Taam idem est quod sapor, etc., 214, 2. Tabernaculi depositio in monte Nebo per Jeremiam facta, 504, 2. an fuerit repertum cum igne sacro sub Nehemia, *ibid.* 2; 505, 1. Talenta centum auri, si Attica, faciunt sexcenta millia aureorum; si Hebræa, duplo amplius, 480, 1. talentorum decem millium valor, 374, 1, 2. Talionis pœna punitus Jason Oniæ frater, 516, 1. et Menelaus pseudopontifex, 556, 1, 2. item Tryphon rex Syriae, 491, 1. Tamerlanes fuit flagellum Dei, 421, 2. Tannum dracones, etc., significat, 334, 2. Tarquinius rex Romanorum quo astu Gabinos sibi subegerit, 330, 2. Tecta apud Hebræos erant plana, ut in iis sub dio ambulare possent, 249, 2. Temperantia convivis, atque conjugibus præsertim, dum generationi vacant, commendatur, 300, 2. est virtus seminarum, 343, 1. de ebrietate triumphavit in Judith, 352, 1. temperantia priscorum Persarum, item Cyri et Augusti, 362, 2. bodie apud nonnullos in plusquam porcinam ingluviem abiit, 363, 1, 2. temperantiae observatæ exempla, 523, 1, 2. Templa varia a Christo et Sanctis dedicata, 434, 1. tempora idolorum olim usque ad tempora S. Gregorii diruebantur; post expiabantur, 433, 1. templi militum origo, 434, 2. templum Heliopolitanum in Ægypto constructum, 496, 1. templum ignis a rege Persiæ ædificatum, 502, 1. templorum expilatores puniti, 511, 2. templum Jerosolymitanum Jovi Olympio, Garizitanum Jovi Hospitali dicatum, 521, 2; 522, 1. a templi reædificatione Judæi arcent Samaritas, cur, 213, 1, 2. ab ea supercedetur, 214, 1. prius templum erat hoc secundo duplo altius, 218, 1. Templarii erant milites sacri, 163, 1. templi idea a Deo Davidi data et explicata, 138, 2. Templariorum institutio, munus et extinctio, 434, 2. Tenebræ tristitia sunt causa et symbolum, 224, 1, 2. Tentatio patientiam probat et virtutem, 305, 2. tentationem carnis dum sentis, invoca B. Virginem, 356, 1, 2. tentatione ingruente quid agendum Christiano, 534, 2; 538, 2. Terram (in) Sanctam proficiscentes olim cruce signabantur, 365, 2. terram et aquam præbere, est servire, 320, 2. terra varia habet nomina, 354, 2. Tesseræ belli variorum ducum, 538, 1. Testamenti veteris spiritus vindictam, non veniam precatur occisoribus, 175, 1. Thais est hircus, etc., 418, 2.

- Thales preceptor Anaximandri floruit sub Cyro rege Persarum, 206, 1.
 Thallus est ramus ex olea arbore, 360, 1.
 Thalmudicorum fabulae de piscibus, mare et femina, et bove mactandis in adventu Messiae, 262, 2.
 Tharsis nepos Japhet: unde quodvis mare vocatum est Tharsis, 321, 2.
 Tharsus et Mallus Cilicie civitates rebellant Antiocho, 516, 1.
 Thebæ martyres duce S. Mauritio cur Maximiano Imperatori non restiterint, 420, 1.
 Thebais regio superioris Ægypti, quæ, 298, 2.
 Thecla nuper in Japone heroina, quomodo filios ad martyrium excitarit, 532, 1.
 Themagoras ab Atheniensibus capite multatus, cur, 373, 1.
 Theodoreetus pene exanimis sanatus per baculum S. Macedonii, 21, 1.
 Theodosii Imperatoris exercitus ab Angelo Raphaele Ravennam ductus, 288, 2. cur sustulerit ritum Judæorum crucem ligneam in contumeliam Amani circumferentium, 389, 1, 2. cum Theodosio Imperatore palam contra hostes pugnarunt SS. Joannes et Philippus Apostoli, 426, 2.
 Theodosio (pro) Juniori pugnarunt Angeli contra Saracenos, *ibid.* et contra Eugenium, 545, 1.
 Theopolis metropolis Syriæ eadem est quæ Antiochia, 444, 2. — *Vide* Antiochia.
 Téþor: quinam dicti fuerint, 514, 2.
 Thomas (S.) calvus et cassus, 11, 2.
 Thomas (B.) Morus cum per plures annos Cancellarium Angliæ egisset, rem tamen suam et annum censem non auxit ad aureos ducentos, 242, 1.
 Thesbe sive Nephtali patria Tobie et Eliæ, 269, 1.
 Thrasones gloriosi multa mentiuntur, 394, 2.
 Thrasus suggerens Busiridi ut hospites suos immolaret Jovi, primus immolatus fuit, 382, 2.
 Threni Jeremiæ de morte Josie perierunt, 195, 2.
 Thronus Salomonis duobus leonibus stipatus, mystice explicatus, 347, 2.
 Thus vino immixtum sensus hebetat, 442, 2.
 Thyrsis vestiebant milites arma sua parta victoria, 544, 1. thyrsus est ramus palmarum, vel hasta ex frondibus, præsertim ex vite vestita, quam gentiles in sacris Bacchi quatiebant, 352, 2.
 Tiberius Cæsar rogatus cur sua consilia cum amicis non communicaret, quid responderit, 305, 1.
 Tigris fluvius e quo prodiit piscis Tobiam invadens, 291, 1, 2.
 Timothei et suorum 20 millium cædes, 545, 2. in potestatem Judæ venit, 553, 1.
 Tisri mensis Hebræorum respondet nostro septembri, 548, 1, 2. Tisri mensis Hebræorum respondet nostro partim septembri, partim octobri, 212, 1.
 Titanis et filiorum ejus fabulae, 354, 1, 2. titanæ unde dicti, *ibid.* Titan est epithetum solis, cur, *ibid.* multi derivant a Tit, id est lutum, vel a titræ *ibid.* Titanes erant gigantes robustissimi, *ibid.*
 Titia est terra ex qua prodisse solem et lunam fabulantur Poetæ, 354, 2.
 Tob, id est bonus, 552, 1, 2.
 Tobias quid significet mystice, 199, 1. hebraice significat bonitatem Dei, 266, 2. vel, *bonum meum Deus*, *ibid.*
 Tobias senior quo anno ætatis captivus ductus sit in Assyriam, quando exæcatus, et quot annis vixerit, 266, 2. natus est anno quinquagesimo Oziæ, mortuus quadragesimo Manassis, 267, 2. ejus genealogia, 268, 1, 2; 269, 1. est auctor libri Tobie, eumque bis scripsit, 269, 1. ejus patria, *ibid.* quando captus, *ibid.* ejus constantia et virtus inter idololatras, *ibid.* 2. virtutes ejus septem ante conjugium, *ibid.* ac totidem post illud, 270, 1. fuit quasi sol Israelis, 264, 1. tria ejus privilegia a Salmanasar rege accepta, *ibid.* 2. ejus opulencia et liberalitas, *ibid.* 271, 1. fuit confessor et voto martyr, *ibid.* 2. quinque ejus honores, *ibid.* 1, 2. an fuerit vere exæcatus, 273, 2. est patientiæ exemplum, 274, 1, 2. in adversis non murmurat, sed Deo gratias agit, *ibid.* 2. metus ejus de hædo furtivo justus, 275, 1. in quibus fuerit similis Jobo, *ibid.* 2. turbatur irrisione, non cæcitate, 277, 1, 2. monita duodecim ad filium, 283, 1, 2. ejus æquanimitas, 284, 1. illius œvo credidere fideles singulis hominibus esse angelos custodes deputatos, 290, 2. an fuerit exæcatus planeque cæcus, 294, 1. Tobias cæcus quid mystice significet, 302, 2. prophetat de excidio Jerusalem per Nabuchodonosor faciendo, et de Ecclesia Christiana per Christum erigenda, 307, 1. item de conversione gentium ad Christum, *ibid.* et 2. an naturaliter futura prædicterit, 310, 1. de qua Ninives perditione loquatur, incertum, *ibid.* 2.
 Tobias junior quo anno natus, quo mortuus, 267, 1, 2. quomodo uxorem suam vocet sororem, 299, 2. quantum temporis insumpserit eundo in Rages et redeundo, 302, 2. fugit ex Ninive in Mediam, 311, 1. quando mortuus ubique sepultus, *ibid.* 2. an viderit excidium Ninives, *ibid.* 312, 1.
 Tobias gener Secheniæ hostis Nehemias, 244, 2.
 Tobias servus Ammonites quis, 234, 2. fuit gazophylacio præfector, sed præfectura expulsus, cur, 260, 2.
 Tomyris, regina Scytharum, quo stratagemate Cyrum cederit, 431, 2.
 Tonsura religiosorum a Nazareis, 11, 2.
 Tormenta enumerantur summatim a septem fratribus Machabæis tolerata, 529, 2; 530, 1.
 Trabeum auream e templo sustulit Marcus Crassus, 510, 1.
 Tranquille aspicere est quiescere, 503, 2.
 Transformationes variae Gentilium, 427, 2.
 Transfagarum suspecta est fides, adeoque non sunt consiliis adhibendi, 328, 2.
 Transmontanos Itali vocant qui trans Alpes habitant, 412, 1.
 Transylvani cum prius Turcas cecidissent, spoliis onusti ab iisdem cæsi, 431, 2.
 Tribulationis amarities per amaritiem fellis denotata quid præstet, 294, 1. tribulatio patientiam et virtutem probat, conservat, auget et perficit, 305, 2.
 Tribus Juda fuit omnium nobilissima, inno regia, 209, 2. quo jure sibi vindicaret multas urbes aliarum tribuum, 328, 1.
 Triclinium quid significet, 362, 1.
 Tripudii et choreæ definitio, 281, 1.
 Tristitia facit homines moestos, pusillanimes et tardos 249, 1. attenuat spiritus vitales, arctat et gravat, *ibid.* saepè vicina est gaudiis, 344, 1, 2.
 Troglodytae sunt Æthiopes vicini Ægypto, 155, 1, 2. de illis scribens Aristoteles fallitur, *ibid.*
 Tryphon rex Syriæ victus ab Antiocho fugiens, aurum et argentum dispersit, 431, 2. hic existens tutor Antiochi filii Alexandri Velis, factus est ejus tortor, 473, 1. ejus perfidia, dolus et insidia, 477, 2; 480, 1. cur et quo anno occiderit Jonathan cum filiis, 480, 2. solus hic exstitit qui intrusit se in seriem Seleucidarum Asiæ regum, 481, 1. occiditur ab Alexandro Sedete, *ibid.* in urbe Orthosiade, 490, 2.
 Tsara est tribulata ac misera, 280, 1, 2.
 Tubæ signorum quare sic dictæ, 432, 2. tubæ et armorum sonitus e celo auditus, 318, 2.
 Tubianæ populi, qui et unde dicti, 552, 2.
 Tummi Hebraice significat perfectiones; quid mystice, 210, 2.
 Turca, Constantinopoli capta, ibi sedem regni sui fixit, 317, 2. Turcæ quomodo etiamnum jejunent, 332, 2. magnam habent turbam uxorum, 370, 2. Turca, obtenta insigni de hostibus victoria, in pauperes liberalis, 538, 2.

cum Christianis facile init pacem, et facile rumpit, 549, 1.
Turris centum cubitorum, sive Meah, quæ, 236, 2.
Tympanum quod genus tormenti, 522, 2.
Typus Christi fuit Judas Machabæus, 455, 1; 456, 2.
 et Eleazar in tympano distentus, 523, 1. et septem
 fratres Machabæi, 533, 1. typus Christi in quo fuerit
 Esdras, 227, 1. et Nehemias, 230, 1. et Tobias junior
 illuminans patrem, 294, 1. typus B. Virginis fuit Ju-
 dith, 313, 1; 333, 2; 346, 2; 351, 1. typus Christi fuit
 Assuerus instituens magnum illud convivium in Susan, 368, 2. typus B. Virginis fuit Esther, 368, 2; 370, 1;
 385, 1. item typus B. Virginis est virga seu sceptrum
 Assueri, 377, 1.
Typus Antichristi fuit Antiochus Epiphanes, 414, 2; 542, 2.
Tyrus Hebraice dicitur *sor*, 432, 1. in Tyro sit purpura ex
 succo conchyliorum marinorum, *ibid.* in Tyro celebra-
 batur Hercules : unde dictus Tyrius, 515, 1.

U.

Ungendi et unguenti usus Persis ascribitur, 369, 1.
Ungulæ priores equis sunt loco manuum armatarum, 510, 2.
Ur sive Ura potest capi ut nomen proprium urbis, velut
 appellativum, 251, 1, 2.
Urbes fundandæ ubi aer bonus et aquæ salubres, 9, 2.
 earumque portæ et muri, a priscis benedici solitæ, 236, 1, 2. unde mos profluxerit eos dedicandi, 258, 2.
 urbibus propter peccata infertur excidium, 326, 1, 2.
Uriel nomen Angeli idem sonat quod ignis, aut lux Dei, 263, 1.
Urim Hebraice significat illuminationes, aliaque mystice, 210, 2.

Uusra centesima, quæ, 241, 1. fuit illa frequens apud Ju-
 dæos, *ibid.* usuræ semisses, trientariae et unciales, *ibid.*
Uusra est contra justitiam commutativam, ideoque res-
 tituenda eamdem pro mutuo danti, *ibid.*
Uxor infidelis quantum malum, 40, 2.
Uxores et proles abdicandæ ut Deo ejusque legi obsequa-
 ris, 227, 1, 2. uxor prudens datur a Deo, 278, 2. cum
 viro suo est una caro, 285, 1, 2. uxor quomodo sit mar-
 iti sui soror, 299, 2. ad uxorem monita, 304, 1, 2. quo-
 modo in conjugio se gerere debeat, *ibid.*

V.

Vanitatis speculum Alexander Magnus, 413, 1.
Varietas in scribendo delectat, 567, 2.
Vasa quæ Nabuchodonosor abstulerat e templo, quæque
 restituit Cyrus, fuere quinque millia quadringenta, 207, 2.
Vasco Gamæ qua ratione aperta sit India orientalis, 288, 1.
Vasthi regina, quæ : ejus etymon, 364, 1, 2. an teneretur
 obedire jussioni regis Assueri, *ibid.* honeste et pudice
 detractavit mariti temulentî imhonestam sui coram prin-
 cipibus ostentationem, *ibid.* et 365, 1.
Vaticinium Tobiæ de Jerusalem terrestri et cœlesti, 308,
 1. vaticinium Jeremiæ de arca foederis et aliis non reve-
 landis quando impletum, 504, 1, 2.
Veneno vitam finivit Cleopatra Demetrii Soteris uxor,
 488, 2. et Ptolemaeus Macer, 544, 2.
Venus in Syria tam deus quam dea, 28, 1.
Veritas insit omnibus nostris actionibus, 278, 1, 2. in ve-
 ritate Domino servire quid sit, 310, 2.
Vermes corporeos qui carnes damnatorum rodant esse in
 inferno probabiliter astruitur, 355, 2.
Versiones variae loci cuiusdam obscuri ex Nehemiac cap.
 v, vers. 18, 242, 2.
Veteres olim existimabant numina adversus hostes arma
 tulisse, 426, 1, 2.

Vexilla et arma ducum benedici solita, cur, 565, 1, 2.
Vexilliferi in bello olim vocabantur Draconarii, 392, 1.
Vice Dei sunt Dei ordinationes, consilia, decreta, etc., 278,
 1. viarum præses est S. Raphael Archangelus, 288, 1.
Viatorum præses et dux est S. Raphael, *ibid.*
Victi spargunt aurum ut effugiant, et hostem insequen-
 tem morentur, 431, 2.
Victoria non est nisi præcesserit pugna, 422, 1. victoriæ
 sæpe obtinent pauci de multis, 426, 1. est donum Dei,
 432, 1. ea parta, Christiani canunt : *Te Deum laudamus*,
ibid. ad victoriæ multum valet militum fiducia et hos-
 tium diffidentia, 438, 1. non a numero militum, sed a
 favore Dei pendet, 544, 2. victoriae Judæ Machabæi
 admirandæ et cœlestes, 553, 1, 2. victoriæ subinde au-
 fert unius vel paucorum scelus, 554, 1. victoria Judith
 de Holoferne allegorice repræsentat victoriæ B. Ma-
 riæ de diabolo, 313, 1. victoria a Deo postulanda, 324,
 1, 2.
Viduæ silentii et solitudinis sint amantes, 332, 2. carnem
 cilicio obarment, *ibid.* pudicitiam suam quomodo ser-
 vare debeant, *ibid.* et 333, 1.
Vigilantia in bello duce requisita, 239, 1, 2; 391, 2. apud
 Persas et alios in pretio habita, 379, 1, 2.
Vigiliarum nocturnarum antiquitas, 328, 2.
Vincere semper in bello ut nunquam vincaris est impossi-
 bile, 457, 1, 2.
Vindicta Numinis celer in perfidos, exemplo Ptolemæi
 Philometoris, 471, 1, 2. et impiissimæ stirpis Antiochi
 Epiphanis, 481, 1. et in incestos, 448, 1, 2. item in
 Tryphonem homicidam, 491, 1. et Jasonem pseudo-
 pontificem, 516, 1. vindicta in auctorem suum retorta,
 379, 2.
Vinum datur elephantis ad potandum, cur, 442, 2. epo-
 tum a tauris aliisque animalibus facit eos ferores et fu-
 riosos, *ibid.* vinum meracum semper bibere molestum
 est et male sanum, 567, 2. miscendum est aqua, *ibid.*
Violatio sepulcrorum apud omnes gentes fuit gravis inju-
 ræ et infamia, 233, 2.
Vir et uxor sunt una caro, 284, 1. virum bonum et pro-
 bum cur sinat Deus affligi, 305, 2. viri fortes cur glo-
 riosam mortem ingloria vita anteponant, 456, 2.
Virga S. Benedicti formidabilis dæmoni, 298, 2. virga au-
 rea Assueri repræsentat B. Virginem, 377, 1.
Virgines utriusque sexus votam Deo castitatem servantes
 non nisi in orthodoxa fide reperies, 414, 1. virgines con-
 clusæ ad Oniam sanctum concurrentes, quales, 510, 2.
 virgines sunt quasi soles quidam mithrati, 337, 2. suam
 pudicitiam tueri solent sese deturpando, *ibid.* virgines
 quasi clientes suos protegit B. Virgo, 356, 1, 2.
Virginitas exacte servata ac præ morte electa, 523, 2.
Viridis color mire recreat oculos, 362, 1.
Virili ætati congruit conjugium, cur, 270, 1.
Virtutes septem Tobiae senioris ante conjugium, 269, 2.
 totidemque post illud, 270, 1. virtutes antistrophæ Job
 et Tobiae, 276, 2. virtus pluris æstimanda quam divitiae,
 287, 2. virtutes septem quibus tanquam funibus ligandus
 dæmon, 299, 1. virtus sine adversario marcat, 305,
 2. virtus omnis est a Deo petenda, 336, 2. virtus extu-
 lit præseos Judæos, alias gentilibus invisos, 367, 1. vir-
 tus in adversis resplendet, 421, 2; 422, 1. per virtutem
 in lib. *Machabæorum* intelligitur validus exercitus, 444,
 1. virtus propria efficacissimum remedium victoriæ
 obtinendi, 545, 1.
Vita longa in ærumnis potius mors est quam vita, 278,
 2; 418, 2.
Vitiis (de) superatis superbientes, sub hoste prostrato suc-
 cumbunt, 444, 1.
Vocatio Dei expectanda et sequenda, 439, 1.
Volso (M.) missus a Romanis Galatas vicit, 450, 1.
Voluptas omnis, etiam conjugi, quam sit anceps et in-
 stabilis, 296, 2. cupidos efficit mancipia diaboli, 330, 2.

- voluptates hujus mundi spernendæ, exemplo Estheris, 898, 1, 2.
Vox patriæ quæ, 527, 2.
 Vulgus censem astra per diem suis oculis abscondi, e quibus per noctem prodeant, 239, 1.
Vultus. — *Vide Facies.*
 Wenceslao (pro S.) cum Ladislao duellante pugnavit Angelus, 545, 1, 2.
 Wittakeri blasphemia dicentis Angelum Raphaelem fuisse mentitum, 289, 1, 2.

X.

Xanticus mensis Hebræorum respondet nostro aprili, 549, 1.

Xerxes contra Græcos duxit in aciem undecies centena milia militum, a quibus victus pene solus fugere coactus est, 219, 1. optime fuit affectus in Judæos, *ibid.* ut vitæ suæ consulat aquam putridam bibit, 233, 1. sub eo probabilius videtur contigisse historia Judith, 313, 1. cur tantopere benevolus fuerit Judæis, 314, 1. etiam suis contemptui fuit, *ibid.* quantum intumuerit copiis suis,

- 317, 2. admonetur superbiam ab Artabano rege, 318, 2. tantas copias in Græciam induxit, ut vix ad potum flumina satis fuisse dicantur, 354, 1. ejus etymon, 361, 1. ipse contemplans suas copias cur lacrymatus sit, 368, 1, 2. ejus crudelitas, 399, 2.

Z.

- Zabdiel Arabs obtruncat Alexandrum Veles, 471, 1. Zelotypia est suspicax mali et rivalium, 381, 2. Zelus Josaphat pro religione et aliorum regum Christianorum, 163, 1. Zelus indiscretus in Ecdicia reprehensus, 397, 2. zelus quam sit efficax, ut instar ignis omnia superet et consumat, 419, 1. zelus purgat facinus, illudque sanctificat et sacrificat, *ibid.* 2. Zorobabel, cur ita vocatus; ac postea appellatus Sassazar: horum etyma, 206, 2. fuit dux populi in Jerusalem reducis e Babylone in Politicis, 209, 1. exstitit Dario causa reædificationis templi, 215, 2. ad quæstionem: *Quid esset omnium fortissimum?* respondet esse veritatem, 363, 2.

INDEX

MATERIARUM MORALIUM

QUE IN HIS COMMENTARIIS CONTINENTUR,

ET QUE AD EVANGELIORUM DOMINICARUM, AC FESTORUM ET FERIARUM NONNULLARUM PER ANNUM ACCOMMODATARUM,
VERBA IN USUM ET GRATIAM CONCIONATORUM ADAPTANTUR.

DOMINICA I ADVENTUS.

ERUNT SIGNA IN SOLE ET LUNA. Signa tempore Judæ Machabæi et Antiochi Epiphanis, II *Machab.* cap. v, 1 et 4.

VIDEBUNT FILIUM HOMINIS VENIENTEM. Christus in secundo adventu sortes impiorum in hac vita exultantium comutabit, *Esth.* cap. ix, 26.

Judicij extremi dies erit dies Phurim, id est sortium, *ibid.*

COELUM ET TERRA TRANSIBUNT. Mundana quam sint instabilitia, vana et fallacia, *Esth.* cap. vii, vers. 10; I *Mach.* cap. i, vers. 8; cap. ix, 15. itaque in nulla re mundi lætandum, *Esth.* cap. xiv, vers. 18.

DOMINICA II ADVENTUS.

JOANNES IN VINCULIS. In ea conjectus erat, quod Herodem incestus arguisset. Incestus Cleopatræ et Antiochi Sedetis multorum parricidiorum causa, I *Machab.* cap. xv, vers. 1.

Porro potentia et insolentia magnorum non est metuenda, sed premenda et calcanda. *Esth.* cap. vii, vers. 6.

PAUPERES EVANGELIZANTUR. Pauperes quomodo juvandi, et in quo se solari queant, *Tob.* cap. iv, vers. 7 et 23. paupertas præstat divitiis, *ibid.* vers. 23.

ECCE, QUI MOLLIBUS VESTIUNTUR IN DOMIBUS REGUM SUNT. Patet in aula Assueri Persarum regis, in cuius conspectum antequam mulieres admitterentur, integro anno ornari, excoli, oleo myrrhino ungi, variisque pigmentis et aromatibus uti debebant, *Esth.* cap. xi, vers. 9 et 12.

Porro aulici tempestive ante casum se ab aula abducant, *ibid.* cap. vii, vers. 10. mollis educatio et remissa facit contumaces, II *Machab.* cap. xii, vers. 14.

DOMINICA III ADVENTUS.

Ego vox. Quam potens sit vox piorum, I *Paral.* cap. xxv, vers. 5.

IN NATIVITATE DOMINI.

ET ECCE ANGELUS DOMINI STETIT JUXTA ILLOS. Angelorum mira dignatio erga genus humanum, *Tob.* cap. iii, vers. 25. sunt creaturæ et quasi filii Dei, *ibid.* cap. v, vers. 3. sunt nobis concives et contribules, *ibid.* cap. vii, vers. 3. adstant Deo septupliciter, et distinguuntur in assistentes et ministrantes, *ibid.* cap. xii, vers. 15.

NOLITE TIMERE : ECCE ENIM EVANGELIZO VOBIS GAUDIUM MAGNUM. Angeli boni apparentis signum est si primo horror incutiatur, deinde consolatio et lætitia ingeratur; mali, si contrarium eveniat, *Tob.* cap. xii, vers. 17. — *Vide v. Angelus.*

ERAT LUX VERA. Christus per quem lux et veritas facta

est, adumbratus per Pontificem pontificalibus; in quibus erat Urim et Tummim, indutum, *Esdræ*, cap. ii, vers. 63.

VERBUM CARO FACTUM EST. Christus a Patre fuit missus in carnem, ut consolaretur lugentes in Sion. II *Esdræ*. Argum. Incarnatio Verbi fuit opus maximum divinæ potentiae et fortitudinis, *Judith*, cap. xiii, vers. 20.

IN FESTO CIRCUMCISIONIS DOMINI.

VOCATUM EST NOMEN EJUS. Pia nomina filiis danda ut admoneantur pietatis, IV *Reg.* cap. xxv, vers. 17. nomina sunt quasi omnia rei naturam, virtutem aut proprietatem aliquam præsentem aut futuram significantia, *Esdræ*, cap. i, vers. 8. Deus dans alicui nomen, simul dat rem eodem nomine significatam, ut in nominibus Angelorum patet, *Tob.* cap. v, vers. 18.

Jesus. Jesus est mel in ore, melos in aure, jubilus in corde, *Esth.* cap. v, vers. 14. *Vide notata in Indice, Rerum verb.* Jesus Christus.

IN FESTO S. STEPHANI.

ECCE RELINQUETUR VOBIS DOMUS VESTRA DESERTA. De exilio Jerusalèm per Nabuchodonosor faciendo vaticinatus est Tobias senior. *Tob.* cap. xiii, vers. 14.

IN FESTO S. JOANNIS APOSTOLI.

QUI ET RECUBUIT IN COENA SUPER PECTUS EJUS. Quomodo S. Joannes in ultima cena Christi in ejus pectore quasi in sinu recubuerit, patet ex accubitus forma, qua olim convivæ mensæ accumbebant, *Esth.* cap. i, vers. 6.

Porro S. Joannes fuit custos B. Virginis Deiparæ, *Judith*, cap. xiii, vers. 20.

DOMINICA INFRA OCTAVAM NATIVITATIS.

ET HÆC VIDUA ERAT. Viduarnm monita præclara et doles, *Judith*, cap. viii, vers. 3.

Porro viduarum typus et exemplum fuit Judith, Proœm. et cap. viii, vers. 3.

REVERSI SUNT IN GALILEAM. Galilæa alia inferior, alia superior; hæc quoque dicitur Galilæa gentium, et Samaria, *Tob.* cap. i, vers. 1.

IN EPIPHANIA DOMINI.

ECCE MAGI AB ORIENTE VENERUNT. Christo servierunt omnes reges et gentes terræ, *Tob.* cap. xiv, vers. 9. magi quo modo per certas herbas et signa maleficii noceant bestiis et infantibus, *Tob.* cap. vi, vers. 8.

AUDIENS AUTEM HERODES REX TURBATUS EST. Reges qui sibi suoque apici formidant multisque habent æmulos, omnia tuta timent, *Nehem.* cap. ii, vers. 2. ac præsertim

peccatores urgente mala furtorum, libidinum aliorumque scelerum conscientia, I Mach. cap. vi, vers. 4; et cap. iv, vers. 6.

Porro Herodes hic et nepos ejus Ascalonita morbo pediculari afflicti fuere. II Mach. cap. ix, vers. 9.

SCISCITABATUR AB EIS. Sapiens consilia, a sapiente perquirat, neque sine consilio aliquid temere audendum, Tob. cap. iv, vers. 19.

CLAM VOCATIS. A secreto pendet felix rei executio, Tob. cap. xii, vers. 7; Judith, cap. viii, vers. 33.

Porro Principis animus nemini aut paucis cognitus esse debet, Tob. cap. xii, vers. 8; Judith, cap. ii, vers. 2.

DIDICIT AB EIS. Reges et principes non nimis uni consiliario confidant, sed plures audiunt si veritatem scire velint, nec faciles sint in credendo, quod multis damnosum fuit, Esth. cap. xvi, vers. 6.

UT ET EGO VENIENS. Fraudulenter mentitur Herodes amico factio non credendum, exemplo Holofernis et Judith, aliorumque, Judith, cap. xi, vers. 1 et seqq.

Porro dolosi saepe cadunt in laqueos quos aliis pararunt, malumque recedit in auctorem, uti contigit Amano et aliis, Esth. cap. vii, vers. 6.

OBTULERUNT EI MUNERA. Sancti refutant munera hominum et ambient divina, IV Reg. cap. v, vers. 16.

AURUM, THUS. Aurum reges Persarum voluerunt sibi esse proprium, I Mach. cap. xi, vers. 58. aurum pretiosissimum et splendidissimum representat nobis Deum, eiusque dona augustissima, II Machab. cap. xv, vers. 16. Vide notata in Indice rerum, verb. Aurum.

Thus vino immixtum cur olim daretur elephantis ad bibendum, I Machab. cap. vi, vers. 34.

NE REDIRENT. Cor regum est in manu Dei, Esdr. cap. i, vers. 2, et Esth. cap. xv, vers. 11.

PER ALIAM VIAM. Viae Dei sunt Dei ordinationes, consilia, decreta, actiones et opera, Tob. cap. iii, vers. 2. viarum praeses est S. Raphael Archangelus, ibid. cap. v, vers. 5.

DOMINICA INFRA OCTAVAM EPIPHANIAE.

CUM FACTUS ESSET JESUS ANNORUM DUODECIM. Pueritia sit senilis, et senectus puerilis, Tob. cap. i, vers. 4. qualiter pueri a parentibus educandi, et ab infantia instituendi, ibid. et Tob. cap. vi, vers. 22. filiorum laus et honor est honor et laus parentum, ibid. cap. ix, vers. 10. adolescentes sobrietati studeant, Judith, cap. viii, vers. 6.

IN MEDIO DOCTORUM. Doctores Ecclesiae exprimit canis Tobiae juniori ex Media domum redeundi præcurrrens, Tob. cap. i, vers. 9. doctoris perfecti munia implevit Esdras, Esdræ, cap. vii, vers. 9.

PATER TUUS ET EGO DOLENTE. Parentes solliciti pro salute filiorum, Tob. cap. i, vers. 10. et cap. ix, vers. 10, et cap. iv et seqq. filii sunt baculus senectutis parentum, Tob. cap. x, vers. 4.

IN HIS QUÆ PATRIS MEI SUNT OPORTET ME ESSE. Dei votatio exspectanda, ac deinde sequenda est, I Mach. cap. v, vers. 62.

SUBBITUS. Qui Deo obediens est, obedientes habet subditos, IV Reg. cap. ii, vers. 12. obedientia quam sit Deo grata, I Mach. cap. ii, vers. 52, et Esther, cap. ii, vers. 20.

Inobedientia a Deo punita, I Mach. cap. v, vers. 56.

CONSERVABAT OMNIA IN CORDE SUO. Secretum, utpote a quo pendet felix rei executio, celandum, Tob. cap. xi, vers. 7; Judith, cap. viii, vers. 33.

DOMINICA II POST EPIPHANIAM.

NUPTIÆ FACTÆ SUNT. Nuptiæ Estheris, utpote fidelis cum Assuero infideli, an fuerint licita, Esther, cap. ii, vers. 16. nuptiæ sic peragantur, ut Deus non offendatur, Tob. cap. ix, vers. 12. nuptiæ conversæ in luctum, I Mach. cap. ix, vers. 4. uxor prudens datur a Deo, Tob. cap. iii, vers. 7. quomodo sit mariti sui soror, ibid. cap. viii, vers. 4, et Esther, cap. xv, vers. 12. conjuges quem finem intendere

debeant in copula, Tob. cap. vi, vers. 22. sobrii sint, maxime dum generationi vacant, ibid. cap. ix, vers. 22. Vide notata in Indice Rerum, verb. Conjuges, Uxor.

VINUM NON HABENT. Ut hic Deipara e benignitate est sponsorum miserta, sic et ipsa erga nos est mire clemens at misericors, protegitque et recipit peccatores ac justos afflictos ad se confugientes, Esth. cap. ii, vers. 7. est virga aurea per quam Deus toti generi humano offensus reconciliatus est, ibid. cap. v, vers. 2. illi quasi matri suæ Christus nil negare potest, ibid. Vide Indicem Rerum, verb. S. Maria mater Dei.

AQUAM VINUM FACTAM. Ex aqua olim tempore Nehemias factus est ignis, II Mach. cap. ii, vers. 22. et 34. porro aqua est tribulationis, adversitatis et macroris signum, Esth., cap. x, vers. 6.

VINUM PONIT. Vinum meracum semper bibere, quia nimis calefacit et inflammat corpus, male sanum est, ideoque miscendum aqua, II Mach. cap. xv, vers. 40. olim illud ad potandum dabatur elephantis, I Mach. cap. vi, vers. 34.

ET CUM INEBRIATI. Ebrietas a mensis arcenda, Tob. cap. ix, vers. 12. est mater malitiae, virtutisque inimica, fortis virum reddit ignavum, Judith, cap. xiii, vers. 18. ebrii sunt quasi, imo plus quam porci, Esth. cap. i, vers. 8.

DOMINICA III POST EPIPHANIAM.

VIDE, NE MINI DIXERIS. Dona Dei quæ pertinent ad excellentiam personæ occultanda sunt, IV Reg. cap. ii, vers. 2.

DOMINE, PUER MEUS. Herus paterno affectu sit erga famulos, exemplo Naaman Syri, IV Reg. cap. v, vers. 13. servi cur dicantur corpora, Tob. cap. x, vers. 10. in servitutis signum petebant Persæ aquam et terram, Judith, cap. ii, vers. 5.

IN TENEBRAS EXTERIORES. Tenebrae sunt tristitiae causa et symbolum, Esdræ, cap. ix, vers. 8. in inferno probabile est esse vermes corporeos qui carnes damnatorum rodant, Judith, cap. xiv, vers. 21.

DOMINICA IV POST EPIPHANIAM.

IPSE VERO DORMIEBAT. Quasi de tempestate nihil sciret. Sic justus in tribulationibus et adversis manet immobilis et constans; imo Deo gratias agit et laudat, Tob. cap. ii, vers. 12 et seq. nihil ei accidit mali, nisi disponente Domino, ibid. porro aduersa non movent virum fortis, Tob. cap. xii, vers. 13. sed ostendunt in collectatione virtutem, I Mach. cap. ii, vers. 53. itaque in arctis et periculis constituti illico Dei gratiam et opem imploremus, I Mach. cap. ix, vers. 7. et 18.

DOMINE, SALVA NOS, PERIMUS. Deus cur immittat hominibus etiam justis et sanctis tribulationes et afflictiones, Tob. cap. ii, vers. 12, et cap. xii, vers. 13; I Mach. ix, 18.

QUID TIMIDI ESTIS? Bonarum mentium est timere culpam, ubi non est culpa, Tob. cap. ii, vers. 30. at conscientia mala scelestos timidos facit, castigat et pulsat, I Mach. cap. vi, vers. 12, et cap. ix, vers. 6.

FACTA EST TRANQUILLITAS. Nempe post tempestatem, post nubila phœbus, Tob. cap. iii, vers. 22.

DOMINICA V POST EPIPHANIAM.

VENIT INIMICUS EJUS. Satan quomodo per magos et sagas medianibus certis herbis et maleficis signis noceat bestiis et infantibus, Tob. cap. vi, vers. 8. ejus proprium est intricare corpus et animam variis scrupulis, concupiscentiis et peccatis, ut fiat ejus et gehennæ præda, ibid.

DOMINICA IN SEPTUAGESIMA.

QUID HIC STATIS OTIOSI? Otio dediti regno privantur, I Mach. cap. xi, vers. 38. Deus non juvat desides, sed conantes et collaborantes, Judith, cap. iv, vers. 13, et I Machab. cap. iii, vers. 55.

VOCA OPERARIOS. Operariis statim sua merces danda, Tob. cap. iv, vers. 18.

AN OCULUS TUUS. Oculi seminarum quam sint illecebrosi, *Judith*, cap. x, vers. 14. oculus benignus, gratiae et favoris est symbolum, *Esdr.* cap. v, vers. 5. ad oculorum caliginem dispellendam valet cinis cum felle, *Tob.* cap. ii, vers. 11.

MULTI SUNT VOCATI. Vocatio Dei est exspectanda et sequenda, *I Mach.* cap. v, vers. 62.

PAUCI VERO ELECTI. Judæos quasi fideles Deus elegit ad gratiam et gloriam, a quibus infideles excludit, ita tamen ut communem prævidentiae suæ cursum et gratiam eis non denegarit, *Esth.* cap. x, vers. 12.

DOMINICA IN SEXAGESIMA.

ET A VOLUPTATIBUS VITÆ. Voluptas omnis hujus mundi quam sit ancesps et instabilis, *Tob.* cap. viii, vers. 14. ejus damna, *Judith*, cap. viii, vers. 12. sunt sfernendæ exemplo Estheris, *Esth.* cap. xiv, vers. 18. cupiditatis quanta vis, *II Mach.* cap. iv, vers. 29. deliciarum postridianus dies, est dies doloris, *Esth.* cap. i, vers. 19, et *I Mach.* cap. ix, vers. 41.

IN TEMPORE TENTATIONIS RECEDUNT. Tentatio patientiam et virtutem probat, *Tob.* cap. xii, vers. 13.

DOMINICA IN QUINQUAGESIMA.

CÆCUS QUIDAM SEDEBAT. Cæcorum cæcitatem amantium et expetentium, Deumque laudantium exempla, *Tob.* cap. ii, vers. 14. cæcitas curata, *ibid.* cap. xi, vers. 14. cæcitatem mentis sustinent Judæi sub spe stultissima nascituri Christi, quorum typus est Tobias excæcatus, *ibid.*

CLAMABAT. Clamandi mos in calamitatibus apud Persas, *Esth.* cap. iv, vers. 1. item apud Judæos tempore precum, *ibid.* cap. ix, vers. 31.

FERIA IV CINERUM.

Cinere caput aspergere symbolum pœnitentis, *Nehem.* cap. iv, vers. 1. est signum mortis, *Judith*, cap. ix, vers. 14. in cineres præcipitatio certum genus supplicii, *II Mach.* cap. xiii, vers. 5.

CUM JEJUNATIS. Jejunio armata oratio quam potens apud Deum, *Esdr.* cap. viii, vers. 21. illud vetat lex christiana in Dominica, *Nehem.* cap. viii, vers. 10. est funis quo ligatur dæmon, *Tob.* cap. viii, vers. 3. melius quam murus tuetur, *Judith*, cap. iv, vers. 11. *Vide Indicem rerum, verb.* Jejunium.

NOLITE THESAURIZARE VOBIS THESAUROS IN TERRA. A terrenis cupiditatibus cor evacuandum ut gratia impleatur, *IV Reg.* cap. iv, vers. 3.

THESAURIZATE VOBIS THESAUROS IN COELO. Quæ divitiae nobis sint consecrandæ, *Tob.* cap. iv, vers. 10 et 20.

FERIA V POST CINERES.

Vide notata Dominica III post Epiphaniam.

FERIA VI POST CINERES.

BENEFACITE HIS QUI ODERUNT VOS. Exemplum Tobiae patris, *Tob.* cap. ii, vers. 22, et cap. iv, vers. 3.

ESTOTE ERGO PERFECTI. Perfectus est qui in adversis Deo gratias agit, *Tob.* cap. ii, vers. 14.

CUM ERGO FACIS ELEEMOSYNAM. Eleemosyna ob amorem Dei facienda, *IV Reg.* cap. iv, vers. 4. eleemosyna liberat a morte æterna et sæpe a præsenti; oppilat quasi os gehennæ; est quasi baptismus, *Tob.* cap. iv, vers. 7 et seqq. habitu reginæ apparuit S. Joanni Eleemosynario, *ibid.* vers. 12. est funis quo ligatur dæmon, *ibid.* cap. viii, vers. 3. solvit debitum proximo, *ibid.* cap. xii, vers. 8.

Eleemosynarius quæ in pauperes confert, in sinum Dei custodienda deponit, *Tob.* cap. iv, vers. 8. eleemosynarii impii raro a Deo in hac vita castigantur, *ibid.* vers. 11. *Vide Indicem Rerum, verb.* Eleemosyna.

DOMINICA I IN QUADRAGESIMA.

DUCTUS EST JESUS IN DESERTUM. Solitudinis laus et commendatio, *Judith*, cap. viii, vers. 9. silentii vis et exempla, *Tob.* cap. xii, vers. 7,

UT TENTARETUR. Tentatio virtutem probat et patientiam, *Tob.* cap. xii, vers. 13. tentationes carnis cum sentis, invoca B. Virginem, *Judith*, cap. xvi, vers. 31. tentatione ingruente quid agendum Christiano, *II Machab.* cap. vii, vers. 41, et cap. viii, vers. 36.

POSTEA ESURIT. Sobrietatis commendatio, *Tob.* cap. ix, vers. 12. per hanc Judith obtruncavit Holofernem, *Judith*, cap. xii, vers. 9. sobrietas priscorum tam Persarum quam Romanorum, *Esth.* cap. i, vers. 7. Lodie in plusquam porcinam ingluviem abiit, *ibid.* est funis quo ligatur dæmon ne nobis noceat, *Tob.* cap. viii, vers. 3. ebrietas quam damnosa et insana, *Tob.* cap. xix, vers. 12; *Judith*, cap. xv, vers. 14; *Esther*, cap. i, vers. 8.

TENTATOR. Diabolus per pisces a Tobia occisum representatur, *Tob.* cap. vi, vers. 8. ejus proprium est intricare corpus et animam variis scrupulis, *ibid.* per Christum quomodo ligatus sit, *Tob.* cap. viii, vers. 3. coram animosis est pavidus ut formica; timidus vero terribilis est ut leo, *II Mach.* cap. xi, vers. 11. *Vide notata in Indice Rerum, verb.* Dæmon.

ANGELI MINISTRABANT EI. Angeli distinguuntur in ministrantes et assistentes, *Tob.* cap. xii, vers. 15. sunt celerim, et instar fulgoris et cœlo in terram dilabuntur, *Tob.* cap. iii, vers. 25. nil illis impenetrabile aut impossibile, *II Mach.* cap. xi, vers. 9. post temptationem consolatio, *Tob.* cap. iii, vers. 22.

FERIA II.

ESURIVI ENIM. etc. In operibus misericordiæ tam corporalis quam spiritualis vires et opes suas exhausit Tobias senior, aliisque, *Tob.* cap. i, vers. 19 et 20. in misericordiam Deus vult inesse omnibus actionibus nostris, *ibid.* cap. iii vers. 2. quam sit homini necessaria, *ibid.* cap. xii, vers. 8.

UNI EX FRATRIBUS MEIS MINIMIS. *Vide notata Feria IV post Cineres, et Indicem Rerum, verb.* Eleemosyna, Pauper. In pauperes quæ conferuntur non pereunt danti, *Tob.* cap. iv, vers. 10. pauperum curator est Deus, *ibid.* vers. 7.

FERIA VI.

SABBATUM EST. Sabbati apud Judæos summa veneratio, *Nehem.* cap. xiii, vers. 19; *I Mach.* cap. ii, vers. 37, et *II Mach.* cap. viii, vers. 26.

DOMINICA II IN QUADRAGESIMA.

ET ECCE VOX DE NUBE. Nubes est quasi vestimentum Dei, quod in nube se absconderet et loqueretur, responsa dans ex propitiatorio, *Tob.* cap. v, vers. 18.

FERIA III.

QUI SE EXALTAVERIT HUMILIABITUR, ET QUI SE HUMILIAVERIT EXALTABITUR. Exempla sunt Mardochæus vilis et abjectus exaltatus, et Aman superbus humiliatus, *Esth.* cap. vi, et vii.

FERIA V.

DIC UT SEDRANT. Honores hujus mundi appetentes comparantur pueris papilioes insequentibus, *Esth.* cap. v, vers. 13.

IN REGNO TEO. Ambitio regnandi nihil non molitur, *Esth.* cap. ii, 21. est ambientium crux, *ibid.* cap. v, 13. ejus vis, *II Machab.* cap. iv, 29. *Vide Indicem Rerum, verb.* Ambitio.

INDUEBATUS PURPURA. Purpura apud Romanos, alia erat consularis, alia regia, *I Machab.* cap. viii, 14.

FERIA V.

EPULABATUR QUOTIDIE SPLENDIDE. Mors in olla gulæ, IV Reg. cap. v, vers. 40. convivæ arceant a mensa ebrietatem, Tob. cap. ix, 12. sint frugales more veterum, Esth. cap. I, 7. non sunt cogendi bibere ad sanitatem, quod est tyrannicum, ibid. vers. 8. *Vide Indicem Rerum verbo Convivæ.*

Epulandi mos ad sepulcra et memorias martyrum; item in sepultura defunctorum, quorum dubia erat salus per SS. Ambrosium et Augustinum sublatum, Tob. cap. iv, 18.

ET NEMO ILLI DADAT. A paupere qui faciem suam avertit, ab eo etiam faciem suam avertet Deus, Tob. cap. iv, vers. 7.

SABBATO.

VIVENDO LUXURIOSÆ. Luxuriosus per mulum designatur, Tob. cap. vi, vers. 17. libido ubi ardet, abundant peccata, Tob. cap. iii, vers. 8. est insatiabilis, fastidiosa ac curiosa, Esth. cap. n, vers. 19. quantum sit unita cum gula, ibid. cap. i, vers. 11. comes est falsæ religionis, I Mach. cap. i, vers. 15. *Vide Indicem Rerum, verbo Libido, Luxuria.*

DOMINICA III IN QUADRAGESIMA.

ERAT JESUS EXCIENS DÆMONIUM. Dæmon quomodo fugandus ab energumenis, Tob. cap. vi, vers. 8. dæmonis etyma, ibid. cap. iii, vers. 8. ligatur virtutibus septem, ibid. cap. viii, vers. 3.

IN BEELZEBUB EXJICIT DÆMONIA. Consulere diabolum crimen est gravissimum. Impii miracula Dei adscribunt magiae, II Machab. cap. iv, vers. 1.

REGNUM DIVISUM DESOLABITUR. Ad seditionem populos concitat legum patriarcharum et religionis avitæ eversio, I Machab. cap. iii, vers. 29. regna et urbes ob peccata pereunt, Judith, cap. v, vers. 17. in regno expedit esse unam religionem, I Machab. cap. i, vers. 34.

FERIA IV.

HONORA PATREM TUUM ET MATREM TUAM. Honor parentibus debitus commendatur, Tob. cap. iv, vers. 3. parentum laus et honor, est laus filiorum, ibid. cap. ix, vers. 10.

FORNICATIONES. Fornicatio ab Apostolis nominatum fuit vetita gentibus ad Christum conversis, Tob. cap. iv, vers. 13. fornicarii in ipso amplexu concubinæ a Deo fulgure siderati exemplum, ibid. cap. vii, vers. 11.

BLASPHEMIA. Blasphemia punita in Nicanore, I Mach. cap. vii, vers. 34 et 46. porro convicia et contumelie etiam turbant justos et sanctos, Tob. cap. iii, vers. 1 et 9.

FERIA V.

QUIA ET ALIIS CIVITATIBUS OPORTET ME EVANGELIZARE. Christus nullum laborem pro animarum salute detrectavit, ut olim Nehemias et Esdras pro Israelis bono, Nehem. Argument. Item, Eliachim sacerdos circuivit omnem Israël: quod imitentur Episcopi, Prælati, Principes et alii fideles zelosi, Judith, cap. iv, vers. 11, et Nehem. Argument.

FERIA VI.

ERAT AUTEM IBI FONS. Fontis et solis analogiæ, Esther, cap. x, vers. 6. fons est quasi oculus terræ, ibid.

DA MIHI BIBERE. Ab bibendum aliquem cogere est contra naturam et tyrannicum, Esth. cap. i, vers. 8.

ADORABUNT PATREM IN VERITATE. Deo serviendum est in veritate, Tob. cap. xiv, vers. 10. hanc Deus cupit inesse omnibus nostris actionibus, ibid. cap. iii, vers. 2.

SPIRITUS EST DEUS. Deus est spiritus purissimus, Judith, cap. xv, vers. 11.

SABBATO.

MULIEREM DEPREHENSAM IN ADULTERIO. Mulierum aspectus quam sit periculosus et perniciosus, Judith, cap. x, vers. 14. muliere formosa illicique nihil illecebrosius, Esther, cap. i, vers. 11. feminæ sunt philocosmæ, ibid. cap. ii, vers. 12. *Vide Indicem Rerum, verb. Mulier, Femina.*

DOMINICA IV IN QUADRAGESIMA.

QUINQUE PANES HORDEACEOS. De frugalitate primorum Christianorum, Judith, cap. vi, vers. 21. item primorum Persarum, ac Cyri et Augusti, Esth. cap. i, vers. 7.

FUGIT ITERUM IN MONTEM IPSE SOLUS. De solitudine, Judith, cap. viii, vers. 8. Christus cur montes consenseret, Esther, cap. xiv, vers. 5.

FERIA II.

ZELUS DOMUS TUA. Zelus quam sit efficax, ut instar ignis omnia consumat, I Machab. cap. ii, vers. 24.

FERIA III.

JUSTUM JUDICIUM JUDICATE. Judicium capit Deus inesse omnibus actionibus nostris, Tob. cap. iii, vers. 2. judices pecunia corrupti, II Machab. cap. iv, vers. 50.

FERIA IV.

ET LINIVIT LUTUM SUPER OCULOS EJUS. Christus saliva sua et luto liniens oculos cæci nati, figuratus per Tobiam filium illuminantem Tobiam patrem per fel, Tob. cap. vi, vers. 9.

FERIA VI.

LAZARUS AMICUS NOSTER DORMIT. Mors in Scriptura vocatur somnus ob spem resurrectionis, II Machab. cap. xii, vers. 44.

RESURGET. De resurrectione corporis, ibid.

DOMINICA PASSIONIS.

QUIS ARGUET ME DE PECCATO? Inter peccata ita constricto ut nullus omnino absque peccato evadendi aditus pateat quid agendum, Tob. cap. vi, vers. 8. in fine. *Vide Indicem Rerum, verbo Peccatum.*

NONNE BENEDICIMUS NOS QUAIA SAMARITANUS ES TU? Contumelie patienter ferendæ exemplo Job et Tobiae, Tob. cap. ii, vers. 15 et seqq.

FERIA II.

FACTA SUNT ENCÆNIA. Festum Encænorum quando et quomodo celebrarent Judæi: illud mystice agunt Sancti in cœlo, I Machab. cap. iv, vers. 52, et II Machab. cap. i, vers. 9, et cap. x, vers. 6.

UT MANIFESTENTUR OPERA DEI. Opera Dei revelare honorificum est; celare periculosum, Tob. cap. xii, vers. 7.

PECCATORES DEUS NON AUDIT. Peccatorum preces parum valent apud Deum, Tob. cap. iv, vers. 18.

FERIA III.

FESTUS JUDÆORUM SCENOPEGIA. Festum Scenopegiae apud Judæos quale, II Machab. cap. i, vers. 9.

DOMINICA PALMARUM.

Passionis Christi dies fuerunt dies phurim et phurim, Esth. cap. ix, vers. 26.

Passionis Christi seria meditatio est funis quo ligetur dæmon, Tob. cap. viii, vers. 3.

Christus patiens per pisces Tobiae adumbratur, ibid. cap. vi, vers. 8, et cap. ix, vers. 14. Spe futuræ resurrectionis et ascensionis gloriose sustinuit crucem, ibid. cap. ii, vers. 18. Christus moriens vicit ipsam mortem, cuius typus Judas Machabæus, I Mach. cap. ix, vers. 18.

ET SUPER VESTIMENTA MEA MISERUNT SORTEM. Sors quid sit, Esth. cap. iii, vers. 7. Per sortes duas Mardochæi et

Aman accipitur populus fidelis et infidelis, *Esth.* cap. x,
Vide Indicem Rerum, verbo Sors.

CRUCIFIXERUNT EUM. Christi in cruce distenti typus fuit Eleazarus, *II Machab.* cap. vi, vers. 18. et septem fratres Machabæi, *ibid.* cap. vii, vers. 40.

CONSUMMATUM EST. Christus est consummatio legis et Prophetarum, *II Mach.* cap. xv, vers. 40.

VINUM CUM FELLE MIXTUM. Per fel quid denotetur, et ad quid valeat, *Tob.* cap. vi, vers. 9. Christus post fel gustavit mella et favos, *ibid.* cap. iii, vers. 22.

ET VELAVERUNT EUM. De velanda facie cui rex offensus erat, reisque ad mortem damnatis olim, ac etiamnum capite mulctatis, *Esth.* cap. vii, vers. 8.

FERIA VI IN PASSIONE CHRISTI.

JESUS AUTEM TACEBAT. Ad blasphemias tacendum, *IV Reg.* cap. xix, vers. 36.

PATER, IGNOSCE ILLIS. Spiritus novi Testamenti orare pro inimicis, *II Paralip.* cap. xxiv, vers. 22.

IN DIE SANCTO PASCHÆ.

RESURREXIT, Resurrectionem corporis exigit anima immortalis, *II Machab.* cap. xii, vers. 44.

FERIA II.

CASTELLUM NOMINE EMMAUS. Hoc postea a victoria Titi obcaptam Jerusalem dictum est Nicopolis, *I Machab.* cap. iii, vers. 40.

TU SOLUS PEREGRINUS. Itinerantium præses et patronus est S. Raphael Archangelus, *Tob.* cap. iii, vers. 25. antequam peregrinentur, Deum invocent ut iter ipsorum prospere, *ibid.* cap. xii, vers. 7.

NOS AUTEM SPERABAMUS. Spes gloriæ futuræ est stimulus ad virtutem, *Tob.* cap. ii, vers. 18,

APERIRET NOBIS SCRIPTURAS. Lectio S. Scripturæ est funis quo ligetur dæmon ne nobis noceat, *Tob.* cap. viii, vers. 3. olim etiam fiebat post convivium, *Judith.* cap. vi, vers. 21.

DOMINICA II POST PASCHA.

EGO SUM PASTOR BONUS. Vigilantia in belli duce requisita exemplo Nehemiæ et aliorum, *Nehem.* cap. iv, vers. 22. hujus symbolum sunt dracones, *Esth.* cap. x, vers. 7. porro Princeps bonus subditos amat ut filios, *I Machab.* cap. vi, vers. 17. et noctu vigilat, ac publicis negotiis invigilat, *Esth.* cap. v, vers. 1.

PONIT ANIMAM PRO OVIBUS. Christus pro Ecclesiæ et animalium salute nullum laborem aut periculum, nec ipsam mortem detrectavit, quod notent Episcopi, Prælati. Principes, etc. Argumento in *Nehem.* *Vide Indicem Rerum, verbo.* Dux, Princeps. Pro castitate tuenda morti se oppauerunt etiam matronæ gentiles, *Judith.* cap. viii, vers. 6. et aliæ virgines Christianæ, *ibid.* cap. x, vers. 4. item Religioni et voto licet postponere vitam, *II Mach.* cap. vi, vers. 23.

DOMINICA III POST PASCHA.

MUNDUS AUTEM GAUDEBIT. Mundi gaudia quam sint instabilia et vana, *Esth.* cap. vii, vers. 10. gaudium impiorum breve, *I Machab.* cap. ix, vers. 56. extrema gaudii luctus occupat, *Judith.* cap. xii, vers. 18, et *Esth.* cap. i, vers. 19.

TRISTITIA VESTRA VERTETUR IN GAUDIUM. Id contigit Mardochæo, Estheri totique populo Judæorum, *Esth.* cap. viii, porro lætandum in solo Deo, *Nehem.* cap. ix, vers. 10; *Esther.* cap. xiv, vers. 18. gaudium Domini duplex, *Nehem.* cap. ix, vers. 10. tristitia facit homines moestos, pusillanimes et tardos, *ibid.*

IN LITANIIS.

PROPTER IMPROBITATEM. Deus non semper prima vice dat quod petitur, sed vultuspius rogari, *IV Reg.* cap. ii, vers. 13.

IN FESTO PENTECOSTES.

Spiritus Sanctus non statim post resurrectionem datus Apostolis, sed eum expectarunt, hujusque mysterii figura, *IV Reg.* cap. ii, vers. 10.

In Pentecoste vacandum operibus charitatis, *Tob.* cap. ii, vers. 1. S. Spiritus in specie ignis super Apostolos sedens, representatus per ignem sacrum Nehemiæ missum, *II Mach.* cap. i, vers. 22. quomodo astiterit scriptoribus hagiographis, ita ut nusquam a veritate aberrarent, *ibid.* cap. xv, vers. 58.

DOMINICA SS. TRINITATIS.

DATA EST MIHI OMNIS POTESTAS. Deus dominatur ~~tam~~ cœlo quam terra, *Judith.* cap. v, vers. 23.

ECCE EGO VOBISCUM SUM. Dei mira erga homines dignatio, *Tob.* cap. iii, vers. 25. Deo duce facile est concludi multos in manu paucorum, *I Mach.* cap. iii, vers. 18. Judæ Machabæo præsto adfuit, *II Mach.* cap. x, vers. 28, et cap. xiii, vers. 10 et seqq.

DOMINICA I POST PENTECOSTEN.

ESTOTE MISERICORDES. Misericordia tam spiritualis quam corporalis opera, *Tob.* cap. i, vers. 19. quam sit homini necessaria, *ibid.* cap. xii, vers. 8. *Vide Indicem Rerum, verbo Misericordia, Eleemosyna.*

IN FESTO CORPORIS CHRISTI.

Eucharistiae typus fuit convivium ab Assuero institutum, *Esther.* cap. i, vers. 8. in ea Christus ut cibus apponitur, *ibid.* est funis quo ligatur diabolus, minuitque iracundia, luxuria, etc., motus, *Tob.* cap. viii, vers. 3. *Consule Indicem Rerum, verbo Eucharistia.*

IN ME MANET, ET EGO IN ILLO. Hujus commixtionis Elisæus dedit symbolum, *IV Reg.* cap. iv, vers. 34.

DOMINICA II POST PENTECOSTEN.

UXOREM DUXI. Uxores et filii sunt abdicandi, ut Deo obsequamur, *Esdrae.* cap. x, vers. 5.

DOMINICA III POST PENTECOSTEN.

GAUDIUM ERIT IN COELO SUPER UNO PECCATORE POENITENTIAM AGENTE. Angeli et Sancti in cœlo festum agunt Encœniorum de peccatore poenitente, *I Mach.* cap. iv, vers. 52.

DOMINICA V POST PENTECOSTEN.

NON OCCIDES. Occisio sui ipsius quando licita, quando non, *II Machab.* cap. xiv, vers. 44. exempla aliquot eorum qui seipso occiderunt, quorum aliqui laudantur, excusatunt alii, *ibid.*

OMNIS QUI IRASCITUR FRATRI SUO. Ira non sinit iratum quiescere donec vindictam sumat, *Esther.* cap. vi, vers. 4. frater fratem odit et supplarat dum agitur de honore et ambitu, *II Machab.* cap. iv, vers. 29.

DOMINICA VII POST PENTECOSTEN.

ATTENDITE A FALSIS PROPHETIS. Hæreticorum communicatio fugienda, *Esdrae.* cap. xiv, vers. 3. sunt hirundines, *Tob.* cap. ii, vers. 11.

QUID HOC AUDIO DE TE? Fama sæpe major est veritate, ac rem plus justo adauget vel detorquet, *I Mach.* cap. viii, vers. 1.

DOMINICA VIII POST PENTECOSTEN.

FILI HUJUS SÆCULI PRUDENTIORES FILII LUCIS. Prudentia hujus sæculi excæcat, *IV Reg.* cap. v, vers. 29.

DOMINICA IX POST PENTECOSTEN.

NON RELINQUENT LAPIDEM SUPER LAPIDEM. Similiter de excidio Jerusalem per Nabuchodonosor valicinatus est Tobias, *Tob.* cap. xiii, vers. 11.

DOMINICA X POST PENTECOSTEN.

QUI IN SE CONFIDEBANT. Qui sibi ipsi magnus, candidus et justus apparet, habet albuginem in oculis suis, *Tob.* cap. xi, vers. 14.

PROPITIUS ESTO MIHI PECCATORI. Confessio ac pœnitentia que ex amore servili procedit, non exauditur a Deo, *II Mach.* cap. ix, vers. 13. oratio justi clavis est coeli, *Tob.* cap. iii, vers. 1. orationis fructus, *ibid.* cap. iii, vers. 10, et cap. xii, vers. 8.

QUI SE EXALTAT HUMILIABITUR. Idque exemplo Amani, *Esth.* cap. vi, vers. 7 et seqq. et Antiochi Epiphanis, *II Mach.* cap. ix. et Arphaxad, *Judith*, cap. i, vers. 5.

QUI SE HUMILIAT EXALTABITUR. Exaltatur humilis Mardonius, *Esth.* cap. vi, vers. 7, et cap. viii, vers. 15.

DOMINICA XII POST PENTECOSTEN.

INFUNDENS OLEUM ET VINUM. Oleum charitatis erogando non minuitur, *IV Reg.* cap. iv, vers. 5.

DOMINICA XIV POST PENTECOSTEN.

NONNE ANIMA PLUS EST QUAM ESCA? Animæ quanta sit dignitas, *Tob.* cap. iii, vers. 25. quid de ea censuerit Plato, *ibid.* cap. xiv, vers. 5. est immortalis, *II Machab.* cap. xii, vers. 44. *Vide Indicem Rerum, verbo Animæ.*

REGNUM DEI, etc. Regna terræ parvipendenda, *IV Reg.* cap. xxiii, vers. 29.

DOMINICA XVI POST PENTECOSTEN.

PRIMOS ACCUBITUS. Accubitus veterum forma, *Esther*, cap. i, vers. 6.

OMNIS QUI SE EXALTAT, HUMILIABITUR. *Vide notata Dominica X post Pentecosten.*

FERIA IV QUATUOR TEMP. SEPT.

HOC GENUS NON EIICITUR NISI IN ORATIONE ET JEJUNIO. His mediis Tobias et Sara liberati sunt ab Asmodæo, *Tob.* cap. viii, vers. 3.

DOMINICA XVII POST PENTECOSTEN.

DILIGES DOMINUM DROM TUUM. Deus est amandus super omne amabile, *Esdræ*, cap. x, vers. 5. semper in memoria, intellectu et voluntate habendus, *Tob.* cap. iv, vers. 6. et benedicendus, *ibid.* vers. 20.

DOMINICA XIX POST PENTECOSTEN.

ECCE PRANDIUM MEUM PARAVI. Convivium Assueri mystice fuit S. Eucharistie simulacrum, *Esth.* cap. i, vers. 8.

DOMINICA XXI POST PENTECOSTEN.

MISERTUS AUTEM DOMINUS. Clementia Dei in Judæos legis prævaricatores, *Esdræ*, cap. ix, vers. 13, et 15.

OPORTUIT MISERERI CONSERVI TUI. Commiseratio levat misero miseriam, *Tob.* cap. iv, vers. 7.

DOMINICA XXII POST PENTECOSTEN.

NON EST TIBI CURA DE ALIQUO. Pietas facit humana non curare, *II Paralip.* cap. xviii, vers. 6. sacerdotes opponentes se Oziae regi volenti sacrificare, laudati, *II Paralip.* cap. xxvi, vers. 18.

DOMINICA XXIII POST PENTECOSTEN.

IN MEDICOS ERGAVERAT OMNEM SUBSTANTIAM SUAM. Deus juvat in desperatis, *Reg.* cap. vi, vers. 29. potest quis peccare confidendo medicis, *II Paralip.* cap. xvi, vers. 12.

DOMINICA XXIV POST PENTECOSTEN.

VIDEBUNT FILIUM HOMINIS. Judicij extremi dies, erit dies Sortium *Esther*, cap. ix, vers. 6.

IN CONCEPTIONE B. MARIE.

GENUIT MANASSEN. Manasses occidit arguentes suam impietatem, *IV Reg.* cap. xxi, vers. 10.

IN FESTO CATHEDRÆ S. PETRI.

TU ES PETRUS. Deus dans alicui nomen, simul dat rem eodem nomine significatam, ut patet in nominibus Angelorum, *Tob.* cap. v, vers. 18.

ÆDIFICABO ECCLESIAM MEAM. Ecclesiam tam militantem quam triumphantem ædificavit Christus, *Arg. in Nehem.* Ecclesia Catholica an nulla agnoscat nomina Angelorum præter tria, *III Esdræ*, 263, 1. coepit in Jerusalem in Sion, de qua vaticinum Tobie, *Tob.* cap. xiii, vers. 11. ejus typus fuit horlus in quo habitum fuit convivium Assueri, *Esther*, cap. i, vers. 8. et ipsa Esther, *Esther*, cap. iv, vers. 16. cur præ Sanctis veteris Testamenti celebret festum septem fratrum Machabæorum, *II Mach.* cap. vii, vers. 18. *Vide Indicem Rerum, verbo Ecclesia.*

CONVERSIO S. PAULI.

JUDICANTES DUODECIM TRIBUS ISRAEL. Monentur judices ut juste judicent, *I Paralip.* cap. xix, vers. 6.

CENTUPLUM ACCIPIET. Sic Valentinianus imperium accepit propter confessionem Christi. *IV Reg.* cap. v, vers. 19.

IN FESTO S. MATTHIEI.

VENITE AD ME, OMNES QUI LABORATIS. Christus est Azarias, id est adjutor Dei ad illuminandum et salvandum homines cæcos, cuius typus fuit Raphael Archangelus ad Tobiam cæcum illuminandum missus, *Tob.* cap. v, vers. 18.

DISCITE A ME. Exempla animant in rebus arduis, *I Mach.* cap. ii, vers. 64, et *II Mach.* cap. vii, vers. 28.

SORS CECIDIT SUPER MATTHIAM. De sorte ejusque significatione et definitione, *Esth.* cap. iii, vers. 7.

IN FESTO ANNUNTIATIONIS B. VIRGINIS.

MISSUS EST ANGELUS GABRIEL. Fuit hic nuntius Incarnationis Verbi et custodiæ B. Virginis deputatus, habetque nomen a fortitudine, *Judith*, cap. xiii, vers. 20. hominum præliis præfector est, *Tob.* cap. iii, vers. 25.

ET NOMEN VIRGINIS MARIA. Quale sit nomen Maria, *Judith*, cap. xiii, vers. 25. illud timent dæmones, *ibid.* vers. 10.

AVE, GRATIA PLENA. Quanta fuerit gratia et pulchritudo B. Virginis, *Judith*, cap. xiii, vers. 10. hujus typus fuit Esther ob pulchritudinem adamata super omnes mulieres, *Esther*, cap. ii, vers. 17. porro clausa in cubiculo, orationibus, jejuniis ac gemitibus pro reconciliatione mundi obsecrans Deum, meruit Angelum pacis paranymphum excipere, *Judith*, cap. xiii, vers. 10.

ECCB CONCIPIES. B. Virgo est virga aurea per quam Deus offensus humano generi reconciliatus est, *Esther*, cap. v, vers. 2. est stola Jacob, *ibid.* cap. viii, vers. 15. et fons solis, *ibid.* cap. x, vers. 6. *Vide Indicem Rerum, verbo S. Maria.*

IN FESTO S. MARCI.

NOLITE PORTARE, etc. Elisæus solis necessariis contentus, *IV Reg.* cap. iv, vers. 10.

NEMINEM PER VIAM SALUTAVERITIS. Sic Giezi jussus nullum salutare, *IV Reg.* cap. iv, 29.

IN FESTO S. MARIE MAGDALENÆ.

MULIER IN CIVITATE PECCATRIX. Libido ubi ardet, abundant peccata, *Tob.* cap. iii, vers. 8. quantum grassaretur apud Assyrios et Persas, *Judith*, cap. xii, vers. 10. est insatiabilis, *Esther*, cap. ii, vers. 19. muliere formosa illicique nihil illecebrosius, *ibid.* cap. i, vers. 11. vanitas mulierum stibio se pingentium, *ibid.* vers. 11.

OLBO CAPUT MEUM NON UNXISTI. Ungendi et unguenti usus
Persis adscribitur, *Esth. cap. ii, vers. 12.*

IN FESTO ASSUMPTIONIS B. VIRGINIS.

Assumptio B. Virginis in cœlum, ejusdemque coronatio
figurata per ductionem Estheris ad cubiculum regis Assueri,
Esth. cap. ii, vers. 16.

IN FESTO EXALTATIONIS S. CRUCIS.

Christi in cruce extensi typus fuit Eleazarus in tympano
distentus, *II Machab. cap. vi, vers. 18.* et septem fratres
Machabei, *ibid. cap. viii, vers. 40.* crucis Christi hamo
aduncatus est diabolus, *Tob. cap. viii, vers. 9.* mos cruce
signandi proficiscentes in Terram sanctam, *II Machab. cap. xv, vers. 16.*

IN FESTO S. MICHAELIS.

S. Michaeli precibus fidelium præest, *Tob. cap. iii,*
vers. 23. pugnans pro fidelibus cum dracone assumit
nomen humilitatis, nempe : *Quis ut Deus?* *ibid. cap. v,*
vers. 18. dedicavit ecclesiam suam in monte Gargano,
I Machab. cap. iv, vers. 59. fuit Israelis protector, *II Mach. cap. xi, vers. 8,* et *cap. xii, vers. 22.*

ANGELI EORUM SEMPER VIDENT FACIEM PATRIS. *Vide notata*
in Navitatem Domini et Indicem Rerum, verbo Angelus.

IN FESTO OMNIUM SANCTORUM.

Sancti in cœlo agunt festum Enceniorum de peccatore
penitentiam agente, *I Machab. cap. iv, vers. 52.* pro piis
pugnant, *ibid. cap. iii, vers. 19.* eos invocare tutius est et
utilius quam animas in Purgatorio existentes, *II Mach. cap. xv, vers. 12.* quando agant festum Phurim, *Esth. cap. ix, vers. 26.* *Vide Indicem Rerum, verbo Sancti.*

BEATI PAUPERES SPIRITU. Sancti possident cœlum consilio,
terram patientia, *I Machab. cap. viii, vers. 3.* societas inter
homines angelicam vitam ducentes, et inter angelos,
IV Reg. cap. vi, vers. 17.

BEATI QUI PERSECUTIONEM PATIUNTUR. Sancti cur permit-
tantur a Deo affligi, *Tob. cap. ii, vers. 12.* et *cap. xii,*

vers. 13, et *I Machab. cap. ix, vers. 18.* in adversis Deo gra-
tias agunt, *ibid. cap. ii, vers. 14.*

BEATI MISERICORDIÆ. Eleemosynarum merces, *IV Reg. cap. iv, vers. 5.* *Vide Indicem Rerum, verbo Misericordiæ,*
Eleemosyna.

BRATI CUM MALEDIXERINT VOBIS. Sancti pro beneficis
maleficia recipiunt, etiam ab amicis, *Tob. cap. ii, vers. 22.*
maledicta patienter ferenda, *ibid. et cap. iii, vers. 9.* pa-
tientia exempla duo Job et Tobias, *Tob. cap. ii, vers. 12.*
patientia passiones animi debellandæ, *I Machab. cap. viii,*
vers. 3. justus quacumque morte præoccupatus fuerit, in
refrigerio erit, *ibid. cap. ix, vers. 18.*

IN COMMUNI APOSTOLORUM.

Apostoli habiti insani, uti olim Prophetæ Dei habebantur
stulti, *IV Reg. cap. x, vers. 5.*

IN COMMUNI MARTYRUM.

Vide Indicem Rerum, verbo Martyrium, Martyres.

IN COMMUNI DOCTORUM.

Doctor est currus et auriga, *IV Reg. cap. ii, vers. 12.*
VOS ESTIS SAL TERRÆ. Sale sapientiæ conditur et secun-
datur orbis terrarum, *IV Reg. cap. ii, vers. 21.*

IN DEDICATIONE ECCLESÆ.

De solemnitate et dignitate Dedicationis Ecclesiæ,
I Machab. cap. iv, vers. 59. Christus ipse, aliisque Sancti
varias ecclesias dedicarunt, *ibid. ritus dedicandi muros*
et portas urbium, *Nehem. cap. xii, vers. 27.*

IN TEMPORE BELLI.

Angeli milites Dei fortissimi et innumeri, *IV Reg. cap. vi,*
vers. 16. Syri ab Elisseo cæcitate percussi, *IV Reg. cap. vi,*
vers. 8.

Potest Deus mille modis hostes perdere, *IV Reg. cap. vii,*
vers. 6. Deus auxiliatur in re desperata, *II Paralip.*
cap. xx, vers. 42.

Les 20 premières pages de ce PDF donnent un aperçu de la qualité, *bonne ou mauvaise*, de l'édition papier. La qualité dépend du livre original dont nous nous sommes servi pour produire le fac-similé (*texte numérisé*).

Il est possible de commander l'édition papier à prix abordable en visitant le site :

canadienfrancais.org

Plusieurs autres livres sont également disponibles sur le même site, toujours à prix abordable.

***Ô Marie conçue sans péché,
priez pour nous qui avons recours à vous!***

Cet ouvrage est dans le domaine public.

Année 2020
canadienfrancais.org